


ସତ୍ସ ବଚନ



The New Testament in the Pengo language of India: ସତ୍ସ ବଚନ

**ସତ୍ ବଚନ**

**The New Testament in the Pengo language of India: ସତ୍ ବଚନ**

copyright © 2020 The Word for the World International

Language: Pengu (Pengo)

Contributor: The Word for the World International

**ସତ୍ ବଚନ**

**ପୁନି ନିୟମ , 2020**

The New Testament in Pengu Language.

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

---

PDF generated using Haiola and XeLaTeX on 5 Apr 2025 from source files dated 14 Apr 2023

347138c8-2363-58d9-a1b0-0259691b7d43

## Contents

ମାତିତ	1
ମାକ	53
ଲୁକ	86
ଜହନ	141
ପକ୍ଷାତାକାନ୍	181
ରମିୟ	229
୧ କରନ୍ତ୍ରିୟ	250
୨ କରନ୍ତ୍ରିୟ	270
ଗାଲାତିୟ	283
ଏପିସିୟ	291
ପିଲିପିୟ	299
କଲସିୟ	305
୧ ଡେସଲନିକି	311
୨ ଡେସଲନିକି	316
୧ ଡିମତି	319
ପଲିମନ୍	325
ଏକି	327
ଜାକିବ	343
୧ ପିତର	349
୨ ପିତର	356
୧ କହନ	360
୨ କହନ	366
୩ କହନ	368
ଜିହୁଦା	370
ହଡ଼ି	372

## ମାତିତ ଲିଖିତ ସୁସମାଚାର ମାତିତ ଲେକିକିତି ଜିସୁ କ୍ରିସ୍ତୁ ନେକ୍ରିକାବୁର୍ ମାତିତ ପତି ବିସ୍ତେ ପାଦେକ୍

ମାତିତ ଲେକିକିତି ନେକ୍ରିକାବୁର୍ ପୁନି ନିୟମ୍ ଜିସୁ କ୍ରିସ୍ତୁ ଜିରୁନତିଂ ଇନାକା ଚାରିଗଟା ପତି ପା ରଞ୍ଜାଙ୍ଗ୍ । ଇ ଓକ୍ତୁ ତାଙ୍ଗ୍ ପତିତିଂ ଜିସୁ କ୍ରିସ୍ତୁ ନେକ୍ରିକାବୁର୍ ଇନାର୍ । ଇ ଓକ୍ତାର୍ ଜିସୁ ହାତି ପାଚେ ମାତିତ, ମାର୍କ, ଲୁକ, ଆରି ଜହନ୍ ଲେକି କିଜି ମାଚାନ୍ । ମାତିତ ଲେକିକିତି ନେକ୍ରିକାବୁର୍ ଲେକାଆଜି ମାଚାକା ସମାନ୍ ତାରିକ୍ ପୁନ୍‌ଖାଦାଂ ମାଚାର୍ ପା ପଣ୍ଡିତାର୍ ଇନାର୍ ଇଦାଂ କ୍ରିସ୍ତୁ ଜିଲମ୍ ୬୦ ବାହୁଁ ଲେକା ଆଜି ମାଚାତ୍ । ଇଦାଂ ପା ପାତର୍ କିୟାନାତ୍ ଜେ ଇ ପତି ପାଲାସ୍ତାନ୍ ଦେସ୍‌ନି ଜିରୁସାଲାମ୍ ଗାଡ଼ଦାଂ ଲେକା ଆଜି ମାଚାତ୍ ।

ମାତିତ ଇ ନେକ୍ରିକାବୁର୍ ଲେକିକିତାକାନ୍ ଜିସୁ ତାଙ୍ଗ୍ ଚେଲା ଲାକେ କୁକ୍ତି ଆଗେ ହେଖାନ୍ ଇନାକାନ୍ ମାଚାନ୍ । ତା ବିନ୍ ତର ଲେବି ମାଚାତ୍, ହେଖାନ୍ ବାରଜାଣ୍ ବିତ୍ରେ ପା ରକାନ୍ ମାଚାନ୍, ହେଖାନ୍ ଜିହୁଦିର୍ କାଜିଂ ଇ ନେକ୍ରିକାବୁର୍ ଲେକିକିତି ମାଚାନ୍, ଇମ୍‌ଶାକା ଜିସୁ ତା ଲେକିକିତି ଲାମା ନିୟମ୍‌ତ ୬୦ ଗଟା ପାଦ୍‌ତିଙ୍ଗ୍ ଲେକାମାନି ସତ୍ ଆନାତ୍ । କ୍ରିସ୍ତୁ ଇତିସ୍ ମସିୟା ଇସ୍‌ତର୍ ବିଦି ଦରମ୍ ସାସ୍ତୁରତ ବେଶ୍‌ବାକ୍‌ଶାୟକିୟା ଆଜି ମାଚାତ୍ ଇଦାଂ ମାତିତ ସମାନ୍ ଲାକେ ହାୟାୟ କିଜି ମାଚାର୍, ମାତିତ ପା ଜପିନି ରାଜି ବିସ୍ତେ ବେସି ଲେକା ମାନାତ୍ ଜିହୁଦିର୍ କ୍ରିସ୍ତୁ ଇତିସ୍ ମସିୟାତି ରାଜିନି ସବୁ ଦିନି ରାଜା ଆନାନ୍ ଇଞ୍ଜି ଆସା କିଜି ମାଚାର୍ । ମାତିତ ହେ ପାତର୍ ତିଂ ବୁଲାଈକିଜି ଇସ୍‌ତର୍ ରାଜି ଜେ ରାଜି ପୁତର୍ ରାଜି ଆକାୟ । ଇ ବିସ୍ତେତିଂ ଇଞ୍ଜେଙ୍ଗ୍ ବେସି ପସୁ ପୁଜା ବେସି ହିତାରନା ।

ମାତିତ ଲେକିକିତି ନେକ୍ରିକାବୁର୍ ପୁନି ନିୟମ୍‌ତ ପର୍ତୁମ୍ ପତି ଲାକେ ଲଡ଼ା, ଇନାକିଦେଂକି ଲାମା ନିୟମ୍ ବଚନିଂ ଆଦିକ୍ ବିସ୍ତେ ଲେକାଆତାଦନା, ଇ ପତି ଲାମା ନିୟମ୍ ହାଙ୍ଗ୍ ଆରି ପୁନିନିୟମ୍‌ତିଂ ମେହାଆତାଦନା । ପଣ୍ଡିତାର୍ ପା ଇନାର୍ ମାତିତ ତା ଲେକିକିତାକା, ମସାତି ବିଦି ପତିଙ୍ଗ୍ ଦାସ୍‌ତେଂ ସେସ୍ତୁ କିତାଣ୍ଟା । ଜିସୁତି ମାତି ଜପି ହିଜି ମାତି ହିକ୍ୟା ମାତିତ ୫:୭ ଇସ୍‌ତର୍ ମସାଂ ବିଦି ହିନି ବିସ୍ତେ ଲାହାଙ୍ଗ୍ ପା ତୁଲାୟ କିୟାନାର୍, ୨ ବିବରଣି ୧୯:୩; ୨୩:୩୩

### ପତି ବିସ୍ତେନି ରାହାଣ୍

- ୧. ଜିସୁ କ୍ରିସ୍ତୁ ଜିଲମ୍ ଆରି ହେବାକାମାୟ ଆରମ୍ ମାତିତ ୧:୧-୪
- ୨. ଜିସୁ କ୍ରିସ୍ତୁ ହେବାକାମାୟ ଆରି ହିକ୍ୟା ମାତିତ ୫:୧-୨୫
- ୩. ଜିସୁ କ୍ରିସ୍ତୁ ହାନାକା ଆରେ ନିଂନାକା ମାତିତ ୨୭:୧-୨୮

### ଜିସୁ କ୍ରିସ୍ତୁ ଲାତ୍ରା ଜାଣାତିନା (ଲୁକ ୩:୨୩-୩୮)

- ୧ ଅବ୍ରାହାମ୍ ଆରି ଦାଉଦ୍‌ତି ଲାତ୍ରା ଜିସୁ କ୍ରିସ୍ତୁ ଲାତ୍ରାତ୍‌ତି ତାରେନ୍ ପତିତ ଲେକା ଆତାତନ୍ନା ।
- ୨ ଅବ୍ରାହାମ୍ ମେହି ଇସାହାକ୍; ଇସାହାକ୍ ମେହି ଜାକୁବ୍; ଜାକୁବ୍ ମେହି ଜିହୁଦା ଆରି ତା ଟଣ୍ଡାହିରିଂ ଜଲମ୍ କିତାନ୍,
- ୩ ଜିହୁଦା ତାମର୍ ଖାସ୍ତିତାଂ ପେରସ୍ ଆରି ସେରହଙ୍ଗ୍ ଜଲମ୍ କିତାନ୍, ପେରସ୍ ହେସ୍‌ଶା ଜଲମ୍ କିତାନ୍; ହେସ୍‌ଶା ଆରାମ୍ ଜଲମ୍ କିତାନ୍ ।
- ୪ ହିସ୍‌ଶା ମେହି ଆରାମ୍; ଆରାମ୍ ମେହି ଅମିନାଦାବ୍; ଅମିନାଦାବ୍ ମେହି ନହସନ୍; ନହସନ୍ ମେହି ସଲମନ୍;
- ୫ ସଲମନ୍‌ତି ମାଜି ବୟଜ ମାଚାନ୍, ବୟଜତି ତେହି ତର୍ ରାହାବ୍, ବୟଜତି ମାଜି ଓବେଦ ତା ତର୍ ରୁଡ୍; ଓବେଦତି ମେହି ଜିସିୟ ।
- ୬ ଜିସିୟ ମେହି ଦାଉଦ୍ ରାଜା । ଦାଉଦ୍ ମେହି ସଲମନ୍ ତେହି ଆଗେ ଉରିୟମ୍ ତକ୍ତି ମାଚାତ୍;
- ୭ ସଲମନ୍ ମେହି ରହବୟାମ୍; ରହବୟାମ୍ ମେହି ଅବିୟ;
- ୮ ଅବିୟ ମେହି ଆସା; ଆସା ମେହି ଜିହସାପର୍; ଜିହସାପର୍ ମେହି ଜରାମ୍; ଜରାମ୍ ମେହି ଉଜିୟ;
- ୯ ଉଜିୟ ମେହି ଜତାମ୍; ଜତାମ୍ ମେହି ଆହାଜ୍; ଆହାଜ୍ ମେହି ହିଜକିୟ;
- ୧୦ ହିଜକିୟ ମେହି ମନସେହଙ୍ଗ୍ ଜଲମ୍ କିତାନ୍; ମନସେହ ମାଜେଙ୍ଗ୍ ଜଲମ୍ କିତାନ୍, ଆମନ୍ ଜସିୟଙ୍ଗ୍ ଜଲମ୍ କିତାନ୍,
- ୧୧ ଆମନ୍ ମେହି ଜସିୟ; ଜସିୟ ମେହି ଜିକନିୟ ଆରି ତା ଟଣ୍ଡାହିରିଂ, ବାବିଲନ୍‌ତିଂ ଦେସ୍‌ତ ଗେହ୍‌ନାକା ଆତି ସମୁତ ଜିକନିୟ ଜଲମ୍ ଆଜି ମାଚାନ୍ ।
- ୧୨ ବାବିଲନ୍‌ତ ଗେହ୍‌ନାକା ଆତି ପାଚେ ଜିକନିୟତି ମେହି ସଲ୍‌ତିୟେଲ୍ ବାବିଲନ୍‌ତ ଜଲମ୍ କିତାନ୍ । ସଲ୍‌ତିୟେଲ୍ ମେହି ଜିରୁବାବେଲ୍;

୧୩ ଜିରୁବାବେଲ୍ ମେହି ଅବିହୁଦଂ; ଅବିହୁଦ ମେହି ଏଲିୟାକିମ୍; ଏଲିୟାକିମ୍ ମେହି ଆସର୍;

୧୪ ଆସର୍ ମେହି ସାଦକ୍; ସାଦକ୍ ମେହି ଆକିମ୍; ଆକିମ୍ ମେହି ଏଲିହୁଦ୍; ଏଲିହୁଦ୍ ମେହି ଏଲାଇଜାର୍; ଏଲାଇଜାର୍ ମେହି ମତାନ୍;

୧୫ ଏଲିହୁଦ୍ ଏଲିୟାଜତିଂ ଜଲମ୍ କିନାନ୍, ଏଲିୟାଜର୍ ମତାନତିଂ ଜଲମ୍ କିନାନ୍ ।

୧୬ ମତାନ୍ ଜାକୁବ୍ତିଂ ଜଲମ୍ କିନାନ୍, ଜାକୁବ୍ ମରିୟମ୍ ଡକ୍ରାହି ଜସେପ୍ତିଂ ଜଲମ୍ କିନାନ୍ । ଇ ମରିୟମ୍ ପତତାଂ ଜିସୁ ଜଲମ୍ ଆତାନ୍ । ତାଙ୍ଗେଙ୍ଗ୍ କ୍ରିସ୍ଟୁ ଇନ୍ୟାନାତ୍ ।

୧୭ ଇ ଲାକେ ଅବ୍ରାହାମ୍ତାଂ ଦାଉଦ୍ ପାତେକ୍ ଚଉଦ ଟିକ୍; ଦାଉଦ୍ ଚତାଂ ବାବିଲନ୍ ଗେହ୍ନାକା ପାତେକ୍ ଚଉଦ ଟିକ୍ ଆରେ ବାବିଲନ୍ ଗେହ୍ନାକା ତାଙ୍ଗ୍ କ୍ରିସ୍ଟୁ ଜଲମ୍ ପାତେକ୍ ଚଉଦ ଟିକ୍ ।

**ଜିସୁ କ୍ରିସ୍ଟୁ ଜଲମ୍**

(ଲୁକ ୨:୧-୭)

୧୮ ଇଦାଂ ଆନାତା ଜିସୁ କ୍ରିସ୍ଟୁ ଜଲମ୍ ବିସ୍ତେ । ତା ତେହି ମରିୟମ୍ ଜସେପ୍ ଲାହାଙ୍ଗ୍ ମାଲାକିୟା ଆଜି ମାଚାତ୍ । ମାତର୍ ହେଝାର୍ ବିବା ଝିନ୍ତୁ ଝିନ୍ତୁ ଆଗେ ମରିୟମ୍ ପୁଚାତ୍ ଜେ ପୁଇପୁୟା ଜିବୁନ୍ ହୁକେ ମାଝେଙ୍ଗ୍ ଆସ୍ତାଙ୍ଗ୍ନା ଇଞ୍ଜି ପୁଚାତ୍ ।

୧୯ ଜସେପ୍ ସବୁ ନାଞ୍ଜିଙ୍ଗ୍ ନ୍ୟାୟ କାମାୟ କିଜି ମାଚାନ୍ । ଲାଗିଂ ମରିୟମ୍ତିଂ ମାନାୟାର୍ ଲାଜୁତାଂ ରାକ୍ୟା କିଦେଙ୍ଗ୍ ଇଞ୍ଜି ଡଗୁଜି ମାଲାକିତାକାଦିଂ ବାଙ୍ଗାୟ କିଦେଙ୍ଗ୍ ଇଞ୍ଜି ଉପାୟ ପାଟି କିତାନ୍ ।

୨୦ “ହେଝାନ୍ ଇଦାଂ ଏଡକିନିହିଙ୍ଗ୍ ରଝାନ୍ ମାପୁତି ଦୁଡ୍ ତାଙ୍ଗେଙ୍ଗ୍ କେଡକଣ୍ଡ ଚଞ୍ଜୟା ଆଜି ଇଚାନ୍, ଏ ଦାଉଦ୍ ଲାତ୍ରାନି ଜସେପ୍ ! ମରିୟମ୍ତିଂ ଡକ୍ରି ଲାକେ ଇଡ୍ଦେଂ ପାଣ୍ଡା ଆମା, ଇନାକିଦେଂକି ପୁଇପୁୟା ଜିବୁନ୍ ହୁକେ ମାଝେଙ୍ଗ୍ ଆସ୍ତାଙ୍ଗ୍ନା ।

୨୧ \*ତାଙ୍ଗ୍ ର ମାଜି ଜଲମ୍ ଆନାନ୍ । ଏନ୍ ତା ତର୍ ଜିସୁ ଇନ୍ନାୟ, ଇନାକିଦେଂକି ହେଝାନ୍ ତା ଲଗାଂ ପାପ୍ତାଂ ରାକ୍ୟା କିନାନ୍ ।”

୨୨ ମାପୁତି ରଝାନ୍ ବେଶ୍ବାକ୍ଶାୟକିନାକାନ୍ ହୁକେ ଇମ୍ଣି ବେରଣ୍ ଝେଡ୍ଡି ମାଚାନ୍, ହେଦାଂ ପୁରା ଆଦେଂ ଇଞ୍ଜି ଇ ସବୁ ଗିଟା ଆଜି ମାଚାତ୍ ।

୨୩ “ହେ ଆଗେନିବେଶ୍ ଆନାତା, ରଞ୍ଜେଲ୍ ଜିପଲି ମାଝେଙ୍ଗ୍ଆସ୍ତି ମାଜି ଜଲମ୍ କିନାତ୍ । ହେ ମାଜି ‘ଇମାନୁୟେଲ୍’ ତର୍ଦ ତର୍ ଆନାତ୍ । ଇମାନୁୟେଲ୍ ଅର୍ଡ୍ ଇସ୍ବର୍ ମାହୁଦାଂ ମାନାନ୍ ।”

୨୪ ଜସେପ୍ ହୁଡକାଣ୍ଡୁ ରିଙ୍ଗ୍ତି ପାଚେ ହେଝାନ୍ ମାପୁତି ଦୁଡ୍ ବଲ୍ ଲାହାଙ୍ଗ୍ କାମାୟ କିତାନ୍ । ହେଝାନ୍ ମରିୟମ୍ତିଂ ବିବା କିତାନ୍ ।

୨୫ \*ମାତର୍ ତା ହେ ମାଜି ଜଲମ୍ ଆନି ପାତେକ୍ ତା ଲାହାଙ୍ଗ୍ ରଚେ ହୁଞ୍ଜାତାର୍ । ଜସେପ୍ ହେ ମାଜି ଜିସୁ ତର୍ ହିତାର୍ ।

**୨**

**ଝେଡାହନି ଦେସ୍ନି ପଣ୍ଡିତାର୍**

୧ ହେରଦ୍ ରାଜା ସମୁତ ଜିହୁଦା ରାଜିନି ବେଡଲିହିମ୍ ଗାଡ୍ଦ୍ ଜିସୁ ଜଲମ୍ କିନାନ୍ । ଇଦାଂ ଅଲପ୍ ସମୁ ପାଚେ ଝେଡାହନି ଦେସ୍ନି କେତେଜାଣ୍ ପଣ୍ଡିତାର୍ ଜିରୁସାଲମ୍ତ ଝାଜି ଝେନ୍ବାତାର୍,

୨ “ଇମ୍ଣି କାଡ୍ଦେ ଜିହୁଦର୍ ରାଜା ଆନି କାଜିଂ ଜଲମ୍ ଆତାନ୍ନା, ହେଝାନ୍ ଇମେନ୍ ? ଝେଡାହନି ଦେସ୍ତାଂ ତା ହୁକାଙ୍ଗ୍ ହୁଡ୍ଡି ତାଙ୍ଗ୍ ପୁଜାକିନି କାଜିଂ ଆପେଂ ଝାତାପ୍ନା ।”

୩ ହେଝାର୍ ଇ କାତା ଝେନ୍ଞି ରାଜା ହେରଦ୍ ଆରି ଜିରୁସାଲମ୍ନି ଝିଜାର୍ ବେସି ପାଣ୍ଡା ଆତାର୍ ।

୪ ହେରଦ୍ ଝିଜାର୍ ମୁଡ୍ ମାପୁହେବାକିନାକାନ୍ ଆରି ଦରମ୍ ଗୁରୁରିଂ କୁକ୍ତି ହେଝାରିଂ ଝେନ୍ବାତାନ୍, “ଇନେନ୍କି ମସିୟା ଇତିସ୍ କ୍ରିସ୍ଟୁ ଇମେତାକେ ଜଲମ୍ ଆନାନ୍ ?”

୫ ହେଝାର୍ ଉତର୍ ହିତାର୍, “ଜିହୁଦା ଦେସ୍ନି ବେଡଲିହିମ୍ତ ।” ଇ ବିସ୍ତେ ରଝାନ୍ ବେଶ୍ବାକ୍ଶାୟକିନାକାନ୍ ଲେକିକିନାନା,

୬ “ଜିହୁଦା ଦେସ୍ନି ବେଡଲିହିମ୍ !

ଜିହୁଦାନି ମୁଡ୍ ବସ୍ତିକାଙ୍ଗ୍ ବିଡ୍ଡେ ଏପେଙ୍ଗ୍ ହାରୁକାଦେର୍ ଆକାୟ,

ଇନାକିଦେଂକି ନା ଇସ୍ରାଏଲ୍ୟର୍ ମାନାୟାରିଂ ଚାଲାୟକିଦେଂ ଇଞ୍ଜି ମିଙ୍ଗ୍ତାଂ ରଝାନ୍ ନେତା ହଡ୍ନାନ୍ ।”

୭ ଇଦାଂ ଝେନ୍ଞି ହେରଦ୍ ଝେଡାହନି ଦେସ୍ନି ହେ ପଣ୍ଡିତାରିଙ୍ଗ୍ ଡଗୁଜି ବେଶ୍କିନି ସବାତ କୁକ୍ତି ସମାନ୍ ଇମ୍ଣି ସମୁତ ହେ ହୁକା ହସି ମାଚାତ୍, ହେଝାର୍ତାଂ ବୁଜାଆତାର୍ ।

୮ ତା ପାଚେ ହେଝାରିଂ ବେଡଲିହିମ୍ ଗାଡ୍ଦ୍ ପକ୍ତି ଇଚାନ୍, “ହାଲାର୍ ହେ କାଡ୍ଦେଂ ହାର୍ କିଜି ଦାହାର୍ ଆରେ ତାଙ୍ଗେଙ୍ଗ୍ ହୁଡ୍ଡିସ୍ ନାଙ୍ଗ୍ ଝେଡ୍ଡାଟ୍ ଆନ୍ ପା ହାଲ୍ଲି ତାଙ୍ଗେଙ୍ଗ୍ ପୁଜା କିନାଙ୍ଗ୍ ।”

☆ ୧:୨୧ ଲୁକ ୧:୩୧. ☆ ୧:୨୫ ଲୁକ ୨:୨୧.

୯ ହେବେ ହେୱାର ରାଜା ବେଶ୍ ଖେନୁଁ ହାତାର୍; ଆରେ ହୁଡ଼ା, ହେୱାର ଖେଡ଼ାହତନି ଦେସ୍ତ ଇମ୍ଣି ହୁକା ହୁଡ଼ତାର୍, ହେଦାଂ ହେୱାର ଆଗ୍ଦ ଆଗ୍ଦ ହାଲ୍ଲି, ଇମେତାକେ କାଡ଼ଦେ ମାଚାନ୍, ପାଚେ ହେ ବାହା ଜପି ଟେବାତାଡ଼ ।

୧୦ ହେୱାର ହେଦେଲିଂ ହୁଡ଼ଜି ବେସି ଖାରିତାଂ ଏଚେକ୍ ଉଲ୍ଲକା ଆଜି ନିଙ୍ଗତାର୍ ହେୱାର ହେୱାରିଂ ଆଗେ ଆଗେ ହାଲ୍ଲି ହୁକା ଆରେ କାଡ଼ଦେ ମାନି ଇଲ୍ଲ ଜପି ସମାନ୍ ଟେବା ଆତାର୍ ।

୧୧ ହେୱାର ହେ ଇଲ୍ଲ ବିତ୍ତେ ହଟାର୍ ଆରି କାଡ଼ଦେଂ ତେହି ମରିୟମ୍ ଲାହାଙ୍ଗ୍ ହୁଡ଼ଜି ମେଣ୍ଡାଙ୍ଗ୍ କୁନ୍ଦିକିଜି ତାଙ୍ଗ୍ ପାର୍ତାନା କିତାର୍ ଆରି ରଚେ ଅଜି ମାଟି ହନା, କୁନ୍ଦୁର୍ ଆରି ବାସନା ଚିକାଣ୍ ହପ୍ଚି ଦାନ୍ ହିତାର୍ ।

୧୨ ଇଦାଂ ପାଚେ ହେୱାର ବିନ୍ ର ହାଜି ହିଜି ଜାର୍ ଦେସ୍ତ ହାତାର୍ । ଇନାକିଦେଂକି ହେରଦ୍ ଲାଗାଂ ହାଞ୍ଜେଙ୍ଗ୍ କାଞ୍ଚି କାଜିଂ ଇସ୍ପର୍ ହେୱାରିଂ କେଚ୍କଣ୍ଡ ବଲ୍ଲ ହିଜି ମାଚାନ୍ ।

**ମିସର୍ତ ହତ୍ତାର୍**

୧୩ ହେୱାର ହାଟି ପାଚେ ମାପୁତି ଦୁଡ଼ ଜସେପ୍ତିଂ କେଚ୍କଣ୍ଡ ଚଞ୍ଜୟା ଆଜି ଇଚାନ୍, “ହେରଦ୍ କାଡ଼ଦେଂ ଟୁଣି କାଜିଂ ଦାହନାନ୍ । ଲାଗିଂ ନିଙ୍ଗାଟ୍, କାଡ଼ଦେଂ ଆରି ତେହିଙ୍ଗ୍ ଅଜି ମିସର୍ ଦେସ୍ତ ହାଲ୍ଲାଟ୍ । ହେ ବାହା ପିସ୍ତେଙ୍ଗ୍ ଇଞ୍ଜି ପାଚେକ୍ ହେବେ ମାନାଟ୍ ।”

୧୪ ଜସେପ୍ ନିଙ୍ଗାଜି କାଡ଼ଦେଂ ଆରି ତା ତେହିଙ୍ଗ୍ ଅଜି ହେ ନାଶା ମିସର୍ ଦେସ୍ତ ହାତାର୍ ।

୧୫ ହେରଦ୍ ହାନି ପାଚେକ୍ ହେବେ ହେୱାର ମାଚାର୍ । ଇ ଓଜୁ ଗିଟାଆତି କାଜିଂ ବେଶ୍ବାକ୍ଷାୟକିନାକାନ୍ ବେରଣ୍ ପୁରା ଆତାଡ଼ । ମାପୁ ଇଞ୍ଜି ମାଚାନ୍, “ନା ମାଜିଂ ଆନ୍ ମିସର୍ ଦେସ୍ତାଂ କୁକ୍ଚି ତାସି ଖାତାଂ ।”

**କାଡ଼ଦେରିଂ ଟୁଣାକା**

୧୬ ଖେଡ଼ାହନି ଦେସ୍ତାଂ ଖାଜି ମାନି ହେରଦ୍ ପଣ୍ଡିତାର୍ କାଜିଂ ତାଙ୍ଗେଙ୍ଗ୍ ଟକାୟ୍ କିଜି ହାତାର୍ ଇଞ୍ଜି ପୁଞ୍ଜି, ହେରଦ୍ ରିସା ଆଜି ହାଚାନ୍ ଆରେ ବେଡ଼ଲିହିମ୍ ଆରି ତା ଲାଗେ ଲାଗେନି ନାସକ୍ କାଂ ମାନି ଦୁଇ ବାହୁଁ ଆରି ହେବେ ଉଣା ବାହୁଁନି ଓଜାର୍ କାଡ଼ଦେରିଂ ଟୁଣି କାଜିଂ ବଲ୍ଲ ହିନାନ୍ । ହୁକାଂ ହସି ମାନି ସମୁ ବିସ୍ତେ ହୁକାଂ ଗାଣାକିନାକାରିଂ ହେୱାନ୍ ଇମ୍ଣାକା ଖେନୁଁ ମାଚାନ୍, ହେ ଲାକେ ହେୱାନ୍ କାଡ଼ଦେର ବାହୁଁନି ଇଚ୍ଚକାଡ଼ ହପ୍ଚି ମାଚାନ୍ ।

୧୭ ଇଦାଂ କାଜିଂ ବେଶ୍ବାକ୍ଷାୟକିନାକାନ୍ ଜିରିମିୟତି ର ବେରଣ୍ ପୁରା ଆତାଡ଼ । ଇଦାଂ ହେୱାନ୍ ଲେକିକିଜି ମାଚାନ୍,

୧୮ “ରାମା ବସ୍ତିତ ଚେରା ଆନାକା ଖେନାପା  
ହେଦାଂ କାକୁଲ୍ଲତି ଆଡ଼ବାନାକା କାଟ୍  
ରାହେଲ୍ ତା ହିମ୍ଣାଂ କାଜିଂ ଆଡ଼ବାନାତା;  
ହେଦେଲିଂ ଇମ୍ଣି ଦୁକ୍ସାରାୟ୍ ଆଉତା,  
ଇନାକିଦେଂକି ହେୱାର ଓଜାର୍ ହାତାର୍ ।”

**ମିସର୍ତାଂ ମାସ୍ତି ହାତାର୍**

୧୯ ହେରଦ୍ ହାଟି ପାଚେ ମାପୁତି ଦୁଡ଼ ମିସର୍ତ ଜସେପ୍ତିଂ ଚଞ୍ଜୟାଆଜି ଇଚାନ୍,

୨୦ “ନିଙ୍ଗାଟ୍, କାଡ଼ଦେଂ ଆରି ତା ତେହିଙ୍ଗ୍ ଅଜି ଇସ୍ତାଏଲ୍ ଦେସ୍ତ ମାସ୍ତି ହାଲ୍ଲାଟ୍ । ଇନାକିଦେଂକି ଇମ୍ଣାକାର୍ କାଡ଼ଦେତି ଜିବୁନ୍ ନାସ୍ କିଦେଙ୍ଗ୍ କାଜିଂ ସେସ୍ତୁ କିଜି ମାଚାର୍, ହେୱାର ହାତାର୍ ।”

୨୧ ଲାଗିଂ ଜସେପ୍ ନିଙ୍ଗାଜି କାଡ଼ଦେଂ ଆରି ମରିୟମ୍ତିଂ ଅଜି ଇସ୍ତାଏଲ୍ ଦେସ୍ତ ମାସ୍ତି ହାତାର୍ ।

୨୨ ମାଚର୍ ହେରଦ୍ ପାଚେ ତା ମାଜି ଆକ୍ ଲାୟ୍, ଜିହୁଦାନି ରାଜା ଆତାକା ଖେନୁଁ ହେୱାନ୍ ହେବେ ହାଞ୍ଜେଙ୍ଗ୍ ପାଣ୍ଡା ଆନାନ୍ । ମାଚର୍ କେଚ୍କଣ୍ଡ ବିନ୍ ଦେସ୍ ପାୟାଜି ହେୱାନ୍ ଗାଲିଲି ରାଜିନିପ ହାଚାନ୍ ।

୨୩ ଆରେ ରଗ ବିନ୍ବାନି କେଚ୍କଣ୍ ପାୟା ଆଜି ହେୱାନ୍ ଗାଲିଲି ରାଜିତ ନାଜରିଡ଼ ବସ୍ତିତ ଇଲ୍ଲ କିଜି ମାଚାନ୍ । ଓସ୍ତି ବିତ୍ତେ ବେଶ୍ବାକ୍ଷାୟକିନାକାନ୍ତ ହାରିହାରା ଲେକାଆତାକା ରଞ୍ଜାଙ୍ଗ୍ ବଚନ୍ ପୁରା ଆତାଡ଼ । “ହେୱାନ୍ ନାଜରିତିୟ ଇଞ୍ଜି ପୁଟାଆନାନ୍ ।”

**୩**

**ବାପ୍ତିସିମ୍ ହିନି ଜହନ୍ତି ପରଚାର୍**

(ମାର୍କ ୧:୧-୮; ଲୁକ ୩:୧-୧୮; ଜହନ୍ ୧:୧୯-୨୮)

୧ ହେ ଖେଡ଼ାଲିଂ ବାପ୍ତିସିମ୍ ହିନି ଜହନ୍ ଜିହୁଦା ରାଜିନି ବାଟାରାଜିତ ଖାଜି ସୁଶାୟକିଦେଂ ଆରମ୍ କିତାନ୍ ।

୨ \* ହେୱାନ୍ ଇଞ୍ଜି ମାଚାନ୍, “ପାପ୍ ହାଜିତାଂ ମାନ୍ବାଦ୍ ଲାୟ୍ କିୟାଟ୍, ଇନାକିଦେଂକି ସାଗେ ରାଜି ଲାଗାଂ ।”

୩ ଜିସାୟ୍ ବେଶ୍ବାକ୍ଷାୟକିନାକାନ୍ ଇମ୍ଣି ମୁଣିକାନ୍ତ ବିସ୍ତେ ଇଞ୍ଜି ମାଚାନ୍, ଜହନ୍ ନେ ହେ ମାନାୟ୍,  
“ବାଲିବାଟାତ ଇନେର୍ ରକାନ୍ କିକିରାତିଂ କିଜି ଇନାୟ୍,

☆ ୩:୨ ମାତ୍ରିକ ୪:୧୭; ମାର୍କ ୧:୧୫.

ମାପୁ କାଜି ହାଜି ଜାଲଦି କିୟାଟ୍;  
ହେଖାନ୍ ଖାନି କାଜି ରଞ୍ଜାଙ୍ଗ ଆଡ଼ୁଆ ହାଜି ରଚାଟ୍ ।”

୪ ହେ ଜହନ୍ ଉଟ୍ ତଲ୍ଲିନ୍ ହେୟା ଉସ୍ତୁସ୍ ମାଚାନ୍ । ହେଖାନ୍ ତା ମେଞ୍ଜାତ ତଲ୍ଲିନ୍ ନୁଣ୍ଟୁ ଡରି ଗାଟ୍ଟି ମାଚାନ୍ । ପାନି ଆରି ରାକ୍ତିପୁକି ହେଖାକ୍ତି କାଦି ମାଚାଟ୍ ।

୫ ଜିରୁସାଲମ୍ ବସ୍ତିତାଂ, ଜିହୁଦା ଦେସ୍ତ ଆରି ଜର୍ଦ୍ଦନ୍ ନାଗୁଡ଼୍ ଲାଗାଂ ଖିଜାର୍ ନିପ୍ତାକାର୍ ମାନାୟାର୍ ତା ଲାଗେ ଖାଜି ମାଚାଟ୍ ।

୬ ହେଖାନ୍ ଜାର୍ ଜାର୍ତି ପାପ୍ ମାନି କିଜି ଜହନ୍ତାଂ ଜର୍ଦ୍ଦନ୍ ନାଗୁଡ଼୍ତ ବାପ୍ତିସିମ୍ ଅଜି ମାଚାଟ୍ ।

୭ \*ଏଚେକାଡ଼୍ଦ ଜହନ୍ ହୁଡ଼ତାନ୍ ଆଦେକ୍ ପାରୁସିର୍ ଆରେ ସାଦୁକିର୍ ବାପ୍ତିସିମ୍ ଅଜି କାଜିଂ ଖାନାରା; ହେଖାନ୍ ଇଚାନ୍, “କାଲାଟିରାଟ୍ଟି ଲାତ୍ରା,” ଖାନିଦିନ୍ ମାପୁତି ଟାକ୍ତିତାଂ ହଡ଼େକ୍ କାଜିଂ ଇନେର୍ ମିଜେକ୍ ଚେଡ଼ନା ହିଡ଼ତାନ୍ ?

୮ ଲାଗିଂ ମାନ୍ବାଦଲ୍ଲୟ୍ କିନି ହାଦ୍ ପାଡ଼୍ ଉଦ୍ଜାଣ୍ କିୟାଟ୍; ଆରେ, ଇଦାଂ ମି ହାଦ୍ କାମାୟ୍ କାବାଡ଼୍ତ ଚଚାଟ୍ ।

୯ \*ବାବି କିମାଟ୍ ଜେ ଅଦ୍ରାହାମ୍ ମା ଆବା, ଇଞ୍ଜି ମାନେ ମାନେ ଏପେକ୍ ଇନ୍ମାଟ୍, ଇନାକିଦେଂକି ଆନ୍ ମିଙ୍ଗ୍ ଇଞ୍ଜି ଇଟ୍ନାଙ୍ଗା ଜେ ଇସ୍ବର ଇ କାଲ୍କୁକାଂ ଅଜି ଅଦ୍ରାହାମ୍ ଲାତ୍ରା ଉଦ୍ଜାଣ୍ କିଦେକ୍ ଆଡ଼ନାନ୍ ।

୧୦ \* ଆରେ, ନଙ୍ଗ୍ ପା ମାର୍କୁକାଂ ଦଲ୍ଲଦ କୁଡ଼େଲ୍ ଲାଗାତାଡ଼ନ୍ନା; ଇମ୍ଣି ମାର୍କୁ ହାର୍ ପାଡ଼୍ ଆହୁଡ଼ିସ୍, ହେଦାଂ କାଦ୍ଦି ନାଣିତ ତୁହିୟା ଆନାଟ୍ ।

୧୧ ଜହନ୍ ଖିଜାକାରିଂ ଉତର୍ ହିନାନ୍, “ଆନ୍ ହିନା ମିଜେକ୍ ମାନ୍ବାଦଲ୍ଲୟ୍ କିଦେଂ ଏଜୁଂତାଂ ବାପ୍ତିସିମ୍ ହିଡ଼ତାଂନା, ମାତର୍ ନା ପାଚେ ଇନେନ୍ ଖାନାନା, ହେଖାନ୍ ନାଙ୍ଗ୍ତାଂ ସାକ୍ତିକାଟାକାନ୍, ତା ପାନାନି ପାଣ୍ଡୁଇକ୍ ରିକ୍ତେଂ ଇଞ୍ଜି ଆନ୍ ସମାନ୍ ଆକାୟ୍; ହେଖାନ୍ ମିଜେକ୍ ପୁଇପୁୟା ଜିରୁଡ଼ାଂ ଆରି ନାଣିତ ବାପ୍ତିସିମ୍ ହିଡ଼ନାନ୍ ।

୧୨ ତା କେଇଦ ହେଟି ମାନାଟ୍, ଲାଗିଂ ବାରବାନି ତାସ୍ ନିର୍ମଲ୍ କିଜି ଟୁଣ୍ଡିତ ଗମ୍ ରୁଣ୍ଡାୟ୍ କିଜି ଇଡ଼ଦେଂ ଇଞ୍ଜି ହେଖାନ୍ କେଇଦ ହେଟି ମାନାଟ୍, ମାତର୍ ପୁଟା ଖିଜୁ ହେଖାନ୍ ହାଖିନାଣିତ ଦେସ୍ସି ତୁହିନାନ୍ ।”

**ଜିସୁ ବାପ୍ତିସିମ୍ ଅତାନ୍**

(ମାର୍କ ୧:୯-୧୧; ଲୁକ ୩:୨୧-୨୨)

୧୩ ହେ ପାଦନା ଜିସୁ ଗାଲିଲିତାଂ ଖାଜି ବାପ୍ତିସିମ୍ ମାନି କିଦେକ୍ ଇଞ୍ଜି ଜର୍ଦ୍ଦନ୍ ନାଗୁଡ଼୍ ଗୁଚିତ ଜହନ୍ତାଂ ବାପ୍ତିସିମ୍ ଅତାନ୍ ।

୧୪ ମାତର୍ ଜହନ୍ ଜିସୁକ୍ ବୁଲ୍ଲୟ୍କିଜି ଇଚାନ୍, “ଆନ୍ ହିନା ନି ତାଙ୍ଗ୍ ବାପ୍ତିସିମ୍ ଆନି କାତା-ଏନ୍ ଆଡ଼ିସ୍ପା ନା ଲାଗାଂ ଖାତାୟନା ?”

୧୫ ମାତର୍ ଜିସୁ ଉତର୍ ହିତାନ୍, ନଙ୍ଗ୍ “ନା କାତାତ ରାଜିଆ । ଇନାକିଦେଂକି ଇଦାଂ କାଜିଂ ଆସେକ୍ ଇସ୍ବର୍ ଇଚା କାମାୟ୍ କିଦେକ୍ ଆଡ଼ନାସ୍ ।” ଲାଗିଂ ଜହନ୍ ତାଙ୍ଗେକ୍ ବାପ୍ତିସିମ୍ ହିଦେଂ ରାଜି ଆତାନ୍ ।

୧୬ ଜିସୁ ବାପ୍ତିସିମ୍ ଅଜି ଏଜୁଂତାଂ ନିଙ୍ଗ୍ ଖାନିହିଂ ହେଖାନ୍ ହୁଡ଼ତାନ୍ ବାଦାଡ଼୍ ଜେୟାଆତାଡ଼ନା ଆରେ ଇସ୍ବରତି ଜିରୁନ୍ ପାଣ୍ଡୁକା ଲାକେ ତା ଜପି କୁଟ୍ଟାଟ୍ ।

୧୭ \*ତା ପାଚେ ସାଗେତାଂ ଇ ଗାର୍ଜାନ୍ ଆତାଡ଼୍, “ଇଖାନ୍ ନା ଖାରିନି ମାଜି, ତାତାକେ ଆନ୍ ବେସି ଖାରି ।”

**୪**

**ସୟତାନ୍ ତାଙ୍ଗ୍ ଜିସୁ ପରିକ୍ୟା କିୟାତାନ୍**

(ମାର୍କ ୧:୧୨-୧୩; ଲୁକ ୪:୧-୧୩)

୧ \*ଇଦାଂ ପାଚେ ପୁଇପୁୟା ଜିରୁନ୍ ଜିସୁକ୍ ବାଲି ବାଗାନିପ ଅଜି ହାତାଡ଼୍ । ହେବେ ହେଖାନ୍ ସୟତାନ୍ ହୁଦାଂ ପରିକ୍ୟା କିୟାତାନ୍ ।

୨ ଆରେ, ଚାଲିସ୍ ଖେଡ଼ା ଆରି ଚାଲିସ୍ ନାଶା ଉପାସ୍ କିଜି ହାରିହାରା ଜିସୁ ନାସ୍ ଆତାନ୍ ।

୩ ହେଖାଡ଼ାଂ ସୟତାନ୍ ଜିସୁ ଲାଗାଂ ଖାଜି ଇଚାଟ୍, “ଏନ୍ ଜଦି ଇସ୍ବର ମାଜି, ଇ କାଲ୍କୁକାଂ ରୁଟି ଆଦେଂ ଇଞ୍ଜି ବଲ୍ ହିୟା ।”

୪ ମାତର୍ ଜିସୁ ଉତର୍ ହିନାନ୍, “ଦରମ୍ ସାସ୍ବରତ ଲେକା ମାନାଟ୍, ମାନାୟ୍ କେବଲ୍ ରୁଟିଂ ତିନ୍ଞି ଜିଉନ୍ । ମାତର୍ ଇସ୍ବର ଖେଇଦିଂ ହଡ଼ିନି ଖିଜୁ ବଚନ୍ ହୁକେ ଜିରୁନ୍ କାଜିଂ ଲଡ଼ା ।”

୫ ଇଦାଂ ପାଚେ ସୟତାନ୍ ଜିସୁକ୍ ପୁଇପୁୟା ଗାଡ଼୍ଦ ଜିରୁସାଲମ୍ତ ଅଜି ହାତାଡ଼୍ । ହେବେ ତାଙ୍ଗେକ୍ ମନ୍ଦିରନି ବେସି ଜପି କୁଟି କିଜି ଇଚାଟ୍,

୬ “ଏନ୍ ଜଦି ଇସ୍ବର ମାଜି, ତା ଆଡ଼ିସ୍ ଇବେତାଂ ତାରେନ୍ ଗୁମା । ଇନାକିଦେଂକି ଦରମ୍ ସାସ୍ବରତ ଲେକା ମାନାଟ୍, ନିଜେକ୍ ରାକ୍ୟା କିଦ୍ନି କାଜିଂ ହେଖାନ୍ ଜାର୍ ଦୁଡ଼ରିଂ ନି ବିସ୍ତେ ବଲ୍ ହିନାନ୍ ।

\* ୩:୨ ମାତୃତ ୧୨:୩୪; ୨୩:୩୩. \* ୩:୯ ଜହନ୍ ୮:୩୩. \* ୩:୧୦ ମାତୃତ ୭:୧୯. \* ୩:୧୨ ମାତୃତ ୧୨:୧୮; ୧୭:୫; ମାର୍କ ୧:୧୧; ଲୁକ ୯:୩୫. \* ୪:୧ ଏକ୍ତି ୨:୧୮; ୪:୧୫.

ଏତେକାଡ଼ଦ ନି ପାନା କାଲ୍ଦ ଆଡ଼ଦାନାଡ଼ ।  
ଇଦାଂ କାଜିଂ ହେଞ୍ଜାର ନି କେଇଦ ଆସ୍ତାନାର ।”

୧୬ ଜିସୁ ସୟତାନତିଂ ଉତର ହିତାନ, “ଦରମ୍ ସାସ୍ତରତ ଲେକାମାନାଡ଼, ଏନ୍ ମାପୁ ଜାର ଇସ୍ତରତିଂ ପରିକ୍ୟା କିତୟ ।”

୧୭ ତା ପାଚେ ସୟତାନ ଜିସୁଜ୍ ଜପି ଅଜି ଆରି ଜିସୁଜ୍ ପୁତ୍ ନି ସବୁ ରାଜି ଆରେ ହେ ସବୁ ହଲ୍ନାକା ଚଟ୍ଟି ଇଚାଡ଼,

୧୮ “ଜଦି ଏନ୍ ଏତେକାଡ଼ଦ ମେଣ୍ଡାଜ୍ କୁନ୍ଦିକିଜି ନାଜେଜ୍ ପୁଜା କିଦନାୟ, ଇ ଓଜୁ ନିଜେଜ୍ ଆନ୍ ହିଦନାଂ ।”

୧୯ ଜିସୁ ଉତର ହିତାନ, “ଦେହା ଆ ସୟତାନ ! ଦରମ୍ ସାସ୍ତରତ ଲେକାମାନାଡ଼, କେବଲ୍ ନି ମାପୁ ଇସ୍ତରତିଂ ପାର୍ତାନା କିୟା ଆରି ହେଞ୍ଜାନ୍ତି ହେବା କିୟା ।”

୨୦ ତା ପାଚେ ସୟତାନ ତାଜ୍ ପିସ୍ତ୍ର ହାଚାଡ଼, ଆରେ ହୁଡ଼ାଟ୍, ଦୁଡ଼କୁ ଖାଜି ହେଞ୍ଜାନ୍ତି ହେବା କିଦେଜ୍ ଲାଗିତିକ୍ ।

**ଜିସୁ ଗାଲିଲିତ ତା କାମାୟ ଆରମ୍ କିତାନ**

(ମାର୍କ ୧:୧୪-୧୫; ଲୁକ ୪:୧୪-୧୫)

୨୧ \*ଜହନ୍ତିଂ ଗେହ୍ତାର୍ଣ୍ଣା ଇଞ୍ଜି ଖେଟି ପାଚେ ଜିସୁ ଗାଲିଲିତ ହାଚାନ ।

୨୨ \*ମାତର ନାଜରିତୟତ ମାନ୍‌ଖାଦାଂ ଜବୁଲୁନ୍ ଆରି ନପ୍ତାଲି ନାସ୍‌କୁକାଂ ମାନି ଗାଲିଲି ହାମ୍‌ଦୁର୍ ଗୁଟିନି କପର୍ନାହୁମ୍ ତାକେ ବାହା କିତାନ

୨୩ ଇଦାଂ ହୁକେ ବେଣ୍ଡାକ୍‌ଶାୟକିନାକାନ ଜିସାୟତି ବେଣ୍ଡ ପୁରା ଆତାଡ଼ । ହେଞ୍ଜାନ୍ ଇଞ୍ଜି ମାଚାନ ।

୨୪ ଜର୍ଦନ୍ ନାଗୁଡ଼ ଆଣ୍ଟି ପାଡ଼କା ହାମ୍‌ଦୁର୍ତତିଂ ଆଜିଂ ମାନି ହାଜି ଜପି ମାନାଡ଼ ଜବୁଲୁନ୍ ଆରି ନପ୍ତାଲି ଦେସ୍ ରିଣ୍ଟି ପାଡ଼ି କିଞ୍ଜି ଜିହୁଦିରତି ଗାଲିଲି !

୨୫ ମାଜ୍‌ଗାତ ବାହା କିଜିମାନି ମାନାୟାର୍

ର ଅଜଡ଼ନି ଦିବାସ୍ ହୁଡ଼ନାର୍

ହାକିନି ନାଶା ନାସ୍‌କୁକାଂ ମାନି ମାନାୟାର୍

ଜପି ହେ ଅଜଡ଼ ଚଞ୍ଜୟା ଆତାଡ଼ ।

୨୬ \*ହେ ସମୁତାଂ ଜିସୁ ସୁଣାୟ କିଜି ଇଚାନ, “ପାପ୍ ହାଜିତାଂ ମାନ୍‌ବାଦ୍‌ଲାୟ କିୟାଟ୍, ଇନାକିଦେଂକି ସାଗେ ରାଜି ଲାଗାୟ !”

**ଜିସୁ ଚାରିଜାଣ୍ ଚେଲାରିଂ କୁକ୍‌ତାନ**

(ମାର୍କ ୧:୧୬-୨୦; ଲୁକ ୫:୧-୧୧)

୨୭ ଜିସୁ ଗାଲିଲି ହାମ୍‌ଦୁର୍ ପାଡ଼ିତ ବୁଲାନି ସମୁତ ସିମନ୍, ଇନେରିଂକି ପିତର ଇଞ୍ଜି ଇନାର୍, ଆରେ ତା ଟଣ୍ଡାହିଜ୍ ଆହିୟ, ଇ ଟଣ୍ଡରିୟାରି ହାମ୍‌ଦୁର୍ତ ଜାଲ୍ ତୁହିନାକା ହୁଡ଼ତାନ, ଇନେକିଦେଂକି ହେଞ୍ଜାର୍ ମିନ୍‌କୁ ଆହ୍‌ନାକାର୍ ମାଚାର୍ ।

୨୮ ଜିସୁ ହେଞ୍ଜାରିଂ କୁକ୍‌ତି ଇଚାନ, “ନା ପାଚେ ପାଚେ ଖାଡ଼ । ଆନ୍ ମିଜେଜ୍ ମାନାୟ ଆହ୍‌ନାକା ହିକାଇ କିଦନାଜ୍ ।”

୨୯ ହେଞ୍ଜାର୍ ହେ ଦାପ୍ରେ ହେ ଜାଲ୍ ପିସ୍ତ୍ର ତା ଲାହାଜ୍ ହାଚାର୍ ।

୩୦ ଜିସୁ ଅଲପ୍ ଦେହା ହାଲ୍‌ଜି ଜାକୁବ୍ ଆରି ଜହନ୍ ତରଦାକାନ ଜେବ୍‌ଦିତି ରିୟାର୍ ମାଜିରିଂ ବେଟା ଆତାନ । ଇ ରି ଟଣ୍ଡରିୟାର୍ ଆରି ହେଞ୍ଜାର୍ ଲାଡ଼ାହି ତଜାତ କୁଟ୍ଟି ହେଞ୍ଜାର୍ତ ଜାଲ୍ ଗାଡ଼ି କିଜି ମାନାକା ହୁଡ଼ଜି ହେଞ୍ଜାରିଂ କୁକ୍‌ତାନ ।

୩୧ ଜିସୁ ହେଞ୍ଜାରିଂ ପା କୁକ୍‌ତାନ ଆରି ହେଞ୍ଜାର୍ ସାଜେ ସାଜେ ତଜା ଆରି ଲାଡ଼ାହି ପିସ୍ତ୍ର ଜିସୁତି ପାଚେ ପାଚେ ହାଚାର୍ ।

**ଜିସୁତି ହିକ୍ୟା, ପରଚାର୍ ଆରି ଉଜ୍ କିନାକା**

(ଲୁକ ୬:୧୭-୧୯)

୩୨ \*ପାଚେ ଜିସୁ ହେଞ୍ଜାର୍ତ କୁଟ୍ଟମ୍ ଇଞ୍ଜି ହିକ୍ୟା ହିଜି ଇସ୍ତର୍ ରାଜିନି ନେକ୍ରିକାରୁର୍ ସୁଣାୟ କିଜି ଆରି ଲକାର୍ ଓଜୁ ବାନି ରଗ୍ ଆରି ଓଜୁ ବାନି ବେମାର୍ ଉଜ୍ କିଜି ସବୁ ଗାଲିଲିତ ବୁଲାଦେଂ ଲାଗାତାନ,

୩୩ ଆରେ ହେଞ୍ଜାନ୍ତି ବିସ୍ତେ ମାନାୟାର୍ ଓଜାକାର୍ ସିରିୟା ପାଚେକ୍ ଓଜିଜି ହାଚାଡ଼ ଆରି ଲକୁ ପୁଦା ତୁୟାତାକାର୍, ଆପ୍ରାଂ ଆରି ହିରକଲ୍ ଇଡ଼ୟାତି ରଗିରିଂ ସବୁ ବାର୍‌ବାନି ରଗ୍ତ ବେମାର୍ ଆରି ନନାକାରିଂ ହେଞ୍ଜାନ୍ ତାକେ ତାହିଞ୍ଜାତାର୍, ଆରେ ହେଞ୍ଜାନ୍ ହେଞ୍ଜାରିଂ ଉଜ୍ କିତାନ ।

୩୪ ଆରେ ଗାଲିଲି, ଦେକାପଲି, ଜିରୁସାଲମ୍, ଜିହୁଦା ରାଜି ଆରି ଜର୍ଦନ୍‌ନି ଆଣ୍ଟିପାଡ଼କାତାଂ ବେସି ହେନି ଲକୁ ଖାଜି ହେଞ୍ଜାନ୍ ପାଚେ ପାଚେ ହାଚାର୍ ।



**ମାଡ଼ି ଜପିତାଂ ଜିସୁତି ଉପ୍‌ଦେସ୍**

\* ୪:୧୬ ମାତୃତ ୧୪:୩; ମାର୍କ ୬:୧୭; ଲୁକ ୩:୧୯,୨୦. \* ୪:୧୩ ଜହନ୍ ୨:୧୨. \* ୪:୧୭ ମାତୃତ ୩:୨. \* ୪:୨୩ ମାତୃତ ୯:୩୫; ମାର୍କ ୧:୩୯.



୧ ଜିସୁ ମାନାୟ ଗହଳି ହୁଡ଼ି ମାଡ଼ି ଜପି ଦୁମ୍ଭାନ, ଆରେ କୁଚି ପାଚେ ହେଖାନ୍ତି ତେଲାର୍ ହେଖାନ ଚାରବେଣ୍ଡାଂ  
ବେଡ଼ି କିଜି ଲାଗେ ଖାତାର ।

୨ ହେବେ ଜିସୁ ଖେଇ କିଜି, ହେଖାରିଂ ହିକ୍ୟା ହିଜି ଇଞ୍ଜେଙ୍ଗ୍ ଲାଗାତାନ ।

**ଇମ୍ପାକାର୍ ଦନ୍ୟ  
(ଲୁକ ୬:୨୦-୨୩)**

୩ ଜିବୁନ୍ତ କାକୁଲତି ଲକୁ ଦନ୍ୟ,  
ଇନାକିଦେଂକି ସାଗେ ରାଜି ହେଖାର୍ତି ।

୪ ଆଡ଼ବିନି ଲକୁ ଦନ୍ୟ,  
ଇନାକିଦେଂକି ଇସ୍ବର ହେଖାରିଂ ଦୁକ୍ସାରାୟ କିନାନ ।

୫ ସାଦୁ ଲକୁ ଦନ୍ୟ,  
ଇନାକିଦେଂକି ହେଖାର୍ ପୁତର୍ ନି ଆଦିକାରି ଆନାର ।

୬ ଇସ୍ବର୍ତ୍ତ ଇଚାତାଂ ଇମ୍ପାକାର୍ କାମାୟ କିନି ମାନାୟ ହେଖାର୍ ଦନ୍ୟ,  
ଇନାକିଦେଂକି ଇସ୍ବର ହେଖାରିଂ ସାରି ଆନାର ।

୭ ଇମ୍ପାକାର୍ ବିନ୍ଲକାରିଂ କାର୍ମା ଆନାନ, ହେଖାର୍ ଦନ୍ୟ,  
ଇନାକିଦେଂକି ଇସ୍ବର ହେଖାରିଂ ଦୟା କିନାନ ।

୮ ଇନେରତି ମାନ ସକର୍ ହେଖାନ ଦନ୍ୟ,  
ଇନାକିଦେଂକି ହେଖାର୍ ଇସ୍ବରତିଂ ହୁଡ଼ନାର ।

୯ ଇମ୍ପାକାର୍ ସୁସ୍ତା ହୁଗ୍ଲଡ଼ଦେଂ ସେସ୍ତା କିତାର ହେଖାର୍ ଦନ୍ୟ,  
ଇନାକିଦେଂକି ହେଖାର୍ ଇସ୍ବର୍ତ୍ତ ହିମ୍ପାଂ ଇଞ୍ଜି ତାକ୍ପୁଟାନାର ।

୧୦ ✨ ଇସ୍ବର୍ତ୍ତ ଇଚାତ କାମାୟ କିଜି ଇମ୍ପାକାର୍ ନିନ୍ଦାପାୟାନାର ହେଖାର୍ ଦନ୍ୟ,  
ଇନାକିଦେଂକି ସାଗେ ରାଜି ହେଖାର୍ତି ।

୧୧ ✨ ମାନାୟାର୍ ଏଚେକାଡ଼ଦ ମିଙ୍ଗେଙ୍ଗ୍ ନା କାଜିଂ ନିନ୍ଦା ଆରି ଲାଜକୁଇ କିଦ୍ନାର୍, ଆରେ ମିଚ୍ଚ ମି ବିରୁଦ୍ଧ ସବୁ  
ବାନ୍ୟା କାତା ଇଞ୍ଜିସ୍, ତେବେ ଏପେଙ୍ଗ୍ ଦନ୍ୟ ।

୧୨ ✨ ଖାରି କିଜି ଖାରୟା ଆଡୁ, ଇନାକିଦେଂକି ସାଗେତ ମିଦାଂ ଇନାମ୍ ଜବର୍ । ହେ ଲାକେ ତ ହେଖାର୍ ମି ପୁର୍ବେନିକାର୍  
ବେଣ୍ଡାକ୍ଷାୟକିନାକାରିଂ ନିନ୍ଦା କିଜି ମାଚାର୍ ।

**ହର୍ ଆରି ଦିବାସ୍  
(ମାର୍କ ୯:୫୦; ଲୁକ ୪:୩୪-୩୫)**

୧୩ ✨ ଏପେଙ୍ଗ୍ ପୁତର୍ ନି ହର୍ ଲାକେ, ମାତର୍ ହର୍ ଜଦି ହ୍ୱାଦ୍ ଆଡ଼ିତିସ୍, ବାଟିଙ୍ଗ୍ ହେଦାଂ ଇମେ କାରୟା ଆନାଡ଼ ?  
ହେଦାଂ ଆରେ ଇମେତାକେ କାମାୟତ ଖାଡ଼, କେବଲ୍ ବାର୍ତ୍ତ ଦୁହିଜି ମାନାୟାର୍ ପାନା ତାରେନ୍ କୁସ୍ପାୟ ଆନି ଜଗ୍ ।

୧୪ ✨ ଏପେଙ୍ଗ୍ ପୁତର୍ ନି ଅଜଡ଼୍ । ମାଡ଼ି ଜପି ରଚି ଗାଡ଼୍ ଡ଼ଗୁଜି ମାଞ୍ଜେଙ୍ଗ୍ ଆଡୁଡ଼୍;

୧୫ ✨ କି ମାନାୟାର୍ ବଇଟା କାତାୟ କିଜି ମାଣ୍ ତାରେନ୍ ଇଚୁର୍, ମତର୍ ବଇଟା ଇଚ୍ଚି ଜପି ଇଚ୍ଚନାର୍, ହେବେ ହେଦାଂ  
ଇଞ୍ଜି ମାନି ଖିଜାରିଂ ଅଜଡ଼୍ ହିନାଡ଼ ।

୧୬ ✨ ହେ ଲାକେ ମି ଦିବାସ୍ ଲକୁର୍ ମୁମ୍ପଦ ଦିବାସ୍ ଆୟେଡ଼୍, ଇନେସ୍କି ହେଖାର୍ ମି ହାଡ଼ପା କାମାୟତ ହୁଡ଼ି ମି ସାଗେ  
ମାନି ବାଞ୍ଚାତି ପାଣ୍ଡିଂ କେଚ୍ଚନାର୍ ।

**ବିଦି**

୧୭ ଆନ୍ ଜେ ମସାତି ବିଦି କି ବେଣ୍ଡାକ୍ଷାୟକିନାକାତର୍ ଦରମ୍ ସାସ୍ବର ରୁଡାୟ କିଦେଙ୍ଗ୍ ଖାତାଂନା, ଇଦାଂ  
ବାବିକିମାଟ୍; ରୁଡାୟ କିଦେଙ୍ଗ୍ ଖାଖାତାଂନା ମାତର୍ ପୁରା କିଦେଙ୍ଗ୍ ଖାତାଂନା ।

୧୮ ✨ ଇନେକିଦେଂକି ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା, ସାଗେ ଆରି ପୁତର୍ ରୁଡା ଆଡ଼ି ପାତେକ୍ ମସାତି ବିଦି ର ଟପା,  
ଇନେସ୍ ପା ରୁଡା ଆଡ଼ । ଖିଜୁ ବିସ୍ତେନି ଖିଜୁ ରୁଡାଆଡ଼ି ପାତେକ୍ ଗିଟା ଆଡ଼ ।

୧୯ ଲାଗିଂ ଇନେରକି ବିଦିନି ଖିଜେଡ଼ାଂ ଗାଜା ବଲକୁ ମାନିକିଖାତାନ୍ତି ଆରି ହେ ଲାକେ କିତିଲେ ବିନ୍ ଲକାଂ ହିକ୍ୟା  
ହିନାନ, ହେଖାନ ସାଗେ ରାଜିତ ଖିଜେ ତାଙ୍ଗ୍ ହାରୁ ଇଞ୍ଜି ଇନ୍ୟା ଆନାନ ।

✨ ୫:୧୦ e ପିତର୍ ୩:୧୪. ✨ ୫:୧୧ e ପିତର୍ ୪:୧୪. ✨ ୫:୧୨ ପକ୍ୟାତାକା ୭:୫୨. ✨ ୫:୧୩ ମାର୍କ ୯:୫୦; ଲୁକ ୧୪:୩୪,୩୫. ✨ ୫:୧୪ ଜହନ୍  
୮:୧୨; ୯:୫. ✨ ୫:୧୫ ମାର୍କ ୪:୨୧; ଲୁକ ୮:୧୭; ୧୧:୩୩. ✨ ୫:୧୬ e ପିତର୍ ୨:୧୨. ✨ ୫:୧୮ ଲୁକ ୧୭:୧୭.

୨୦ ଲାଗିଂ ଆନ୍ ଇଞ୍ଜନାଙ୍ଗା ଦରମ୍ ଗୁରୁର ଆରି ପାରୁସିରତାଂ ଆଦିକ୍ ପାତର୍ କିଜି ଇସ୍ପୁରତି ଇଚା ଲାକେ କାମାୟ କିତିସ୍ ହାଲ୍ଲଜି ଏପେଙ୍ଗ୍ ସାଗେ ରାଜିତ ହଣ୍ଡେଙ୍ଗ୍ ଆଡୁନାଦେର୍ ।

**ଚାକ୍ରି ବିସ୍ତେ ହିକ୍ୟା**

୨୧ ଏପେଙ୍ଗ୍ ଖେଚାଦେଣ୍ଡା ଜେ; ଆଗେ କାଡୁଦ ଲକାରିଂ ଖେଚ୍ଚାଣ୍ଡା, ନାର୍ ଅହ୍ମାଟ୍ । ଇନେର୍ ହେଦାଂ କିନାନ୍, ହେଞ୍ଜାନ୍ ବିଚାଣ୍ଡା କିୟାନାନ୍

୨୨ ମାତର୍ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଇନେର୍ ଇମ୍ଣି ଟଣ୍ଡେନ୍ ଜପି ଚାକ୍ରି ଆନାନ୍,\* ହେଞ୍ଜାନ୍ ବିଚାଣ୍ଡା ବାହାତ ଦାଣ୍ଡ ପାୟାନାନ୍ । ଆରେ, ଇନେର୍ ଜାର୍ ଟଣ୍ଡେନ୍ଂ ବକ୍ଝା ଇଞ୍ଜି ଇନାନ୍, ହେଞ୍ଜାନ୍ ଗାଜା ବିଚାଣ୍ଡାତ ତାଣ୍ଡପାୟାନାନ୍, ଆରେ ଇନେର୍ ନାର୍ବକ୍ଝା ମୁକର୍ଂ ଇଞ୍ଜି ଇନାନ୍, ହେଞ୍ଜାନ୍ ନାଣିଡ଼ିଞ୍ଜିନିତ ନରକ୍ତ ତାଣ୍ଡ ପାୟାନାନ୍ ।

୨୩ ଲାଗିଂ, ଇସ୍ପୁତର୍ଂ ବେଦି ଜପି ଗାର୍ଣି ଲାଗେ ଏପେଙ୍ଗ୍ ଜାର୍ ଆକାଡ୍ ତାସି ମାନି ଖେଡାଲିଂ ମି ବିରୁଦ୍ତ ମି ଟଣ୍ଡେନ୍ ଇମ୍ଣି କାତା ମାନାଡ୍ ଇଞ୍ଜି ହେବେ ମାତ୍ର ଏତୁ ଖାତିସ୍,

୨୪ ତା ଆତିସ୍ ହେ ବାହାତ ଗାର୍ଣି ମୁମ୍ଦ ମି ଆକାଡ୍ ଇଡ଼ଜି ହାଲ୍ଲାଟ୍, ଆଗେ ଜାର୍ ଟଣ୍ଡେନ୍ ହୁକେ ମେହାଆଡୁ, ଆରେ ତା ପାଚେ ଖାଜି ମି ଆକାଡ୍ ହିୟାଟ୍ ।

୨୫ “ମି କୁରଲିୟା ହୁକେ ହାଜିତ ମାନି ଖେଡାଲିଂ ବେଗି ତା ହୁକେ ମେହାଦେଂ ବାବ୍ନା ଚଞ୍ଜିୟାଡୁ, ଏଚେକାଡୁଦ୍ କୁରଲିୟା ନିଂ ବିଚାରକାରୟା ମିଂ ମେଲ୍ୟାର୍ କେଇଦ୍ ହେଲ୍ଲାୟ କିଦ୍ନାନ୍, ଆରେ ବିଚାର କାରୟା ନିଂ ଜାମାନିର୍ କେଇଦ୍ ହେଲ୍ଲାୟ କିଦ୍ନାନ୍, ଆରେ ଏନ୍ ଜେଲ୍ଲତ ଗେହ୍ୟାନାୟ ।

୨୬ ଆନ୍ ମିଙ୍ଗେଙ୍ଗ୍ ହାଡପା ଇଞ୍ଜନାଙ୍ଗା, ନି ଜପି ମାନି ଜରିମନାନ୍ ତାରୁଙ୍ଗ୍ ପା ହୁଜାଞ୍ଜି ପାଚେକ୍ ଏପେଙ୍ଗ୍ ହେ ବାହାତାଂ ଇନେସ୍ ହସିଞ୍ଜାଦେଙ୍ଗ୍ ଆଡୁଦେର୍ ।”

**ଦାରି ବିସ୍ତେ ହିକ୍ୟା**

୨୭ ଏପେଙ୍ଗ୍ ଖେଚାଦେଣ୍ଡା, ଲେକା ଆତାଡୁନ୍ନା, ଦାରି କିମାଟ୍ ନାର୍ ଅହ୍ମାଟ୍ ।

୨୮ ମାତର୍ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଇନେର୍ ଇମ୍ଣି କଗ୍ଲେତିଂ କାମାୟ କାଜିଂ ହୁଡୁଡିସ୍, ହେଞ୍ଜାନ୍ ତା ହୁକେ ମାନତ୍ ମାନତ୍ ଦାରି କିତାନେ ।

୨୯ \*ଆରେ, ଜଦି ମିଙ୍ଗେଙ୍ଗ୍ ବାଦା ହିଦ୍ନାତା, ଏଚେକାଡୁଦ୍ ମି ବାଦା ଆତିସ୍, ଇତିସ୍ ହେ କାଣାଙ୍ଗାତିଂ ଉନ୍ଦି ତୁହି ହିୟାଟ୍, ଇନାକିଦେଂକି ମି ଖିଜୁ ଗାଗାଡୁ ନରକ୍ତ ତୁହିୟାନି ବାଟା ର ପାଡୁକା ନସ୍ ଆନାକା ନି ପାକ୍ୟାତ ହାର୍ ।

୩୦ \*ଆରେ ମି ବୁଜି କେଇ ମିଦାଙ୍ଗ୍ ବାଦା ଆନାଡ୍, ହେଦେଲିଂ ପା କାଦ୍ଦି ତୁହିୟାଟ୍ । ମିଦାଙ୍ଗ୍ ଖିଜୁ ଗାଗାଡୁ ନରକ୍ତ ତୁହିୟାନି ବାଟା ର କେଇଗାଲ୍ ବାଦା ଆନାକା ମି ପାକ୍ୟା ହାର୍ ।

**ହେଲ ନାଟ୍ନାକା ବିସ୍ତେ ହିକ୍ୟା**

(ମାତ୍ରିକ ୧୯:୯; ମାର୍କ ୧୦:୧୧-୧୨; ଲୁକ ୧୨:୧୮)

୩୧ \* “ଜଦି ଇନେର୍ ଜାର୍ କଗ୍ଲେଂ ପିସ୍ତେଙ୍ଗ୍ ମାନ୍କିନାନ୍, ହେଞ୍ଜାନ୍ ତାଙ୍ଗ୍ ଲେକା ହୁଦାଂ ର ହେଲ୍ଲ ହିଏନ୍ ଇ ସିକ୍ୟା ଏପେଙ୍ଗ୍ ଆଗେତାଂ ପାୟାତାଦେଣ୍ଡା ।

୩୨ \*ମାତର୍ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା ଜେ, ଜଦି ଇନେର୍କି ଜାର୍ ତକ୍ତିଂ ହେଲ ନାଟ୍ନାନ୍ ହେଞ୍ଜାନ୍ ହେଦେଲିଂ ଦାରି କିନି ପାପ୍ତ ଦସି ଆନାନ୍ । ଜଦି ତା ତକ୍ତିସ୍ ବିନ୍ ଲକୁ ଲାହାଙ୍ଗ୍ ମେହାତିସ୍, ତେବେ କେବଲ୍ ହେଞ୍ଜାନ୍ ହେଦେଲିଂ ହେଲ ନାଟ୍ନାନ୍ । ଜଦି ଇମ୍ଣି ମାନାୟ ହେଲ ନାଟ୍ନାତି ହେ କଗ୍ଲେଂ ବିବା କିତିସ୍ ତେବେ ହେଞ୍ଜାନ୍ ପା ଦାରି କାମାୟତ ପାପ୍ତ ଦସି ଆନାନ୍ ।”

**ପାର୍ମାଣ୍ ବିସ୍ତେ ହିକ୍ୟା**

୩୩ “ଆରେ ରଗ, ଏପେଙ୍ଗ୍ ଖେଚାଦେଣ୍ଡା ଜେ, ଆଗେନିକାରିଂ ଖେଚ୍ଚି ମାଚାର୍, ଏପେଙ୍ଗ୍ ମିଚ୍ ପାର୍ମାଣ୍ କିମାଟ୍, ମତର୍ ଜାର୍ ପାର୍ମାଣ୍ ସବୁ ମାପୁତି ତର୍ଦ୍ଦ କାମାୟ କିନାଦେର୍ ।”

୩୪ \*ମାତର୍ ଆନ୍ ମିଙ୍ଗ୍ ଖେଚ୍ଚାଚାଙ୍ଗା, ମୁଡକେ ପାର୍ମାଣ୍ କିମାଟ୍; ସାଗେନି ଜିଦ୍ କିମାଟ୍, ଇନାକିଦେଂକି ହେଦାଂ ଇସ୍ପୁତର୍ଂ ଗାଦି,

୩୫ କି ପୁତର୍ଂ ନି ପାର୍ମାଣ୍ କିମାଟ୍, ଇନାକିଦେଂକି ହେଦାଂ ହେଞ୍ଜାନ୍ତି ତଗ୍ନିବାହା; ଜିରୁସାଲମ୍ନି ପାର୍ମାଣ୍ କିମାଟ୍, ଇନାକିଦେଂକି ହେଦାଂ ଗାଜା ରାଜାତି ଗାଡ୍;

\* ୫:୨୨ ଇନେର୍ ଚାକ୍ରି ଆନାନ୍; କେତେକ୍ ପତିତ ଲେକାମାନାଡ୍ ଜେ ଇନେର୍ ବେକାର୍ ଚାକ୍ରି ଆନାନ୍ \* ୫:୨୯ ମାତ୍ରିକ ୧୮:୯; ମାର୍କ ୯:୪୭. \* ୫:୩୦ ମାତ୍ରିକ ୧୮:୮; ମାର୍କ ୯:୪୩. \* ୫:୩୧ ମାତ୍ରିକ ୧୯:୭; ମାର୍କ ୧୦:୪. \* ୫:୩୨ ମାତ୍ରିକ ୧୯:୯; ମାର୍କ ୧୦:୧୧,୧୨; ଲୁକ ୧୨:୧୮; ୧ କରନ୍ତିସ୍ ୭:୧୦,୧୧. \* ୫:୩୪ ଜାକ୍ବ ୫:୧୨; ମାତ୍ରିକ ୨୩:୨୨.

୩୬ କି ଜାର କାପଡାନି ପାର୍ମାଣ୍ କିମାଟ୍, ଇନାକିଦେଂକି ହେଦାଂ ନି ର ତେମୁଲ୍ ଡିଚେଂ କି କାର୍ହାୟ୍ କିଦେଙ୍ଗ୍ ମି ସାକ୍ତି ହିଲୁଡ୍ ।

୩୭ ମାତରୁ ମିଦାଙ୍ଗ୍ ଆଁ କାତା ଆଁ ଆୟେଡ୍, ଆକାୟ୍ କାତା ଆକାୟ୍ ଆୟେଡ୍; ଇବେଣ୍ଡାଂ ଇନାକା ଆଦିକ୍, ହେଦାଂ ବାନ୍ୟାତାଂ ହିନାଡ୍ ।

**ଡାରା ବିସ୍ତେ ହିକ୍ୟା**  
(ଲୁକ ୬:୨୯-୩୦)

୩୮ “ଏପେଙ୍ଗ୍ ଝେଚାଦେଣ୍ଡା, ଲେକା ମାନାଡ୍, କାଣ୍ଡା ବାଦୁଲ୍ଡତ କାଣ୍ଡା ଆରି ଚାତାଙ୍ଗ୍ ବାଦୁଲ୍ଡତ ଚାତାଙ୍ଗ୍;

୩୯ ମାତରୁ ଆନ୍ ଇଞ୍ଜନାଙ୍ଗା, ଇନେର୍ ନିଙ୍ଗେଙ୍ଗ୍ ବାନ୍ୟା କିଦ୍ନାର୍ ତାଙ୍ଗେଙ୍ଗ୍ ବାନ୍ୟା କିମାଟ୍ । ଜଦି ନି ବିନ୍ ତିନି କୁର୍ଝାତ ଇନେର୍ ଚାପଡା ଇଡ୍ଦାତାର୍, ଆରେ ରଞ୍ଜାଙ୍ଗ୍ ଚାପଡା ଇଡ୍ଦିନି କାଜିଂ ନି ତେବ୍ରି କୁର୍ଝା ପା ଚଚାଟ୍ ।

୪୦ ଜଦି ଇନେର୍ ନି ଆଙ୍ଗି ଅନି କାଜିଂ ମି ବିରୁଦ୍ତ ନାଡାଈ କିଜି ମିଙ୍ଗେଙ୍ଗ୍ ବିଚାରକିନି ତାକେ ଅଜି ହାଞ୍ଜନାନ୍, ତାଙ୍ଗେଙ୍ଗ୍ ନି ଆଙ୍ଗି ପା ଦାନ୍ କିୟା ।”

୪୧ “ଜଦି ଇମ୍ପଣି ମେଲ୍ୟା ବିତ୍ରେ ଇନେର୍ ନିଙ୍ଗେଙ୍ଗ୍ ତା ବଜ୍ ପିଣ୍ଡି ର କିଲମିଟର୍ ହାନି କାଜିଂ ରୁଟ୍ତାନାନ୍, ହେଝାନ୍ ହୁଦାଂ ରି କିଲମିଟର୍ ହାଲା ।

୪୨ ଇନେର୍ ନିଙ୍ଗେଙ୍ଗ୍ ଏନ୍ତାନାର୍, ତାଙ୍ଗେଙ୍ଗ୍ ହିୟାଟ୍, ମୁନା କିଝାଦାଂ ତାଙ୍ଗ୍ ହିୟା । ଇନେର୍ ଇନାକା ମୁକ୍ତାୟ୍ ଏନ୍ତାନାର୍ ତାଙ୍ଗ୍ ହେଦାଂ ହିୟାଟ୍ ।”

**ସାତୁରିଂ ଜିଉନଝାଟ୍**  
(ଲୁକ ୬:୨୭-୨୮, ୩୨-୩୬)

୪୩ “ହାଙ୍ଗ୍ଦାକାରିଂ ଜିଉନଝାଟ୍, ସାତୁରିଂ ଗିଣ୍ କିୟାଟ୍ । ଇ ହିକ୍ୟା ଆଗେତାଂ ଝେଚାଦେଣ୍ଡା ।

୪୪ ମାତରୁ ଆନ୍ ମିଙ୍ଗ୍ ଇଞ୍ଜନାଙ୍ଗା, ସାତୁରିଂ ଜିଉନଝାଟ୍ । ଇମ୍ପଣାକାର୍ ନିଙ୍ଗେଙ୍ଗ୍ ନିୟା କିଦ୍ନାର୍, ହେଝାର୍ କାଜିଂ ପାର୍ତାନା କିୟାଟ୍ ।

୪୫ ଇଦାଂ କିତିସ୍ ସାଗେନି ଆବା ମାଜି ଇଞ୍ଜି ଚିନା ଆନାନ୍ । ଇନାକିଦେଂକି ଇସ୍ପୁର୍ ଗାଜା ଆରି ଦାମ୍ ଆରେ ଅଦାମ୍ ମାନାୟାରିଂ ଝେଡା ଅଜଡ୍ ହିନାନ୍ ଆରି ହାର୍ କାମାୟ୍ ଆରି ବାନ୍ୟା କାମାୟ୍ କିନାକାରିଂ ଝିଜାରିଂ ବାର୍ହା ହିନାନ୍ ।

୪୬ ଆରେ ଇମ୍ପଣାକାର୍ ମିଙ୍ଗେଙ୍ଗ୍ ଜିଉନଝାଟ୍, ହେଝାରିଂ ଜିଉନଝାଟ୍, ଇସ୍ପୁର୍ ଇନେକିଦେଂ ନିଙ୍ଗେଙ୍ଗ୍ ଇନାମ୍ ହିଦ୍ନାନ୍ ? ସିସ୍ପୁନ୍ନାକାର୍ ପା ହେଦାଂ କିତାର୍ ।”

୪୭ “ଆରେ ଏପେଙ୍ଗ୍ କେବଲ୍ ଜାର୍ ଜାର୍ ଚଣ୍ଡାରିଂ ଜଝାର୍ କିୟାଟ୍, ଲାଗିଂ ଏପେଙ୍ଗ୍ କି କାବାନି କାମାୟ୍ କିନାଦେରା ? ପାତ୍ କିଝି ଜିହୁଦିର୍ ପା ହେଦାଂ କିଝାତାଣ୍ଡା ?

୪୮ ମି ସାଗେନି ଆବା ଇନେସ୍ ଦାମ୍, ଏପେଙ୍ଗ୍ ହେ ଲାକେ ଦାମ୍ ଆନାକା ମାନାଡ୍ ।”



**ଦାନ୍ ଦରମ୍ ବିସ୍ତେ ହିକ୍ୟା**

୧ \*ଲକାରିଂ ଚଚ୍ଚି କାଜିଂ ହେଝାର୍ ମୁମ୍ଦ ହାଦ୍ କାମାୟ୍ କିମାଟ୍ । ହେଦାଂ କିତିସ୍ ସାଗେନି ଆବା ତାଙ୍ଗ୍ ଏପେଙ୍ଗ୍ ଇନାମ୍ ଗାଟା ଆଉଦେର୍ ।

୨ “ରକାନ୍ ଅକ୍ ଲକାଂ ଅଲପ୍ ଦାନ୍ ହିନିହିଂ କାପ୍ଟିୟାର୍ ଲାକେ ଜାର୍ ମୁମ୍ଦ ମରି ତୁବ୍ମାଟ୍ । ହେଝାର୍ ପାର୍ତାନା ଇଲ୍ଲକୁକାଂ ଆରି ମାଦ୍‌ଣି ପାଟିତ ଜାର୍ କାପ୍ଟିୟାର୍ ଚଚ୍ଚିନାର୍ । ମାନାୟାଟାଂ ଜାଜ୍‌ମାଲ୍ ପାୟା ଆନି କାଜିଂ ହେଝାର୍ ଇଦାଂ କିତାର୍ । ଆନ୍ ହାଡ୍‌ପା ଇଞ୍ଜନାଙ୍ଗା ଜେ ହେଝାର୍ ଇଦାଂ ତାଙ୍ଗ୍ ହେଝାଟ୍ ଗାଟାନାକା ପୁରା ପାୟାଆତାରେ ।

୩ ମାତରୁ ଏପେଙ୍ଗ୍ ଦାନ୍ କିନି ଝେଡାଲିଂ ମି ବୁଦ୍‌ଣି କେଇ ଇନାକା କିନାତା, ହେଦାଂ ମି ତେବ୍ରି କେଇ ପୁନ୍‌ମେଡ୍,

୪ ଇନେସ୍ ମି ଦାନ୍ ଡକ୍ଚି ଆନାଡ୍, ଆରେ ମି ବାଝା ଜେ ଡ୍‌ଗୁଜି ହୁଡ୍‌ଦାନାନ୍, ହେଝାନ୍ ଇ ଲାକେ ଇ ଦାନ୍ ଡ୍‌ଗୁଜି ହିଦ୍ନାନ୍ ।”

**ପାର୍ତାନା ବିସ୍ତେ ହିକ୍ୟା**  
(ଲୁକ ୧୧:୨-୪)

୫ “ପାର୍ତାନା କିନି ଝେଡାଲିଂ କାପ୍ଟିୟାର୍ ଲାକେ ଆମାଟ୍, ଇନାକିଦେଂକି ହେଝାର୍ ଲକୁ ଚଚ୍ଚି କାଜିଂ ପାର୍ତାନା ଇଲ୍ ଆରି ହାଡାକ୍ ତେଡା ବାହାତ ନିଲ୍ଚି ପାର୍ତାନା କିଦେଙ୍ଗ୍ ଝାରିୟାନାର୍; ଆନ୍ ମିଙ୍ଗ୍ ହାଡ୍‌ପା ଇଞ୍ଜନାଙ୍ଗା, ହେଝାର୍ ଜାର୍ ଜାର୍ ନିଜାର୍ତି ଇନାମ୍ ଗାଟାତାଣ୍ଡା ।

☆ ୬:୧ ମାତୃତ ୨୩:୫.

୬ ମାତର ଏପେକ୍ଷା ପାର୍ଥନା କିମ୍ପା ଖେଡ଼ାଲିଂ ଜାର ବାକ୍ରା ବିତ୍ତେ ହାଲାର୍, କାପାର୍ ଗେହାର୍ ଆରି ମି ସାଗେନି ବାଞ୍ଜା ଇସ୍ପରତିଂ ପାର୍ଥନା କିୟାର୍ । ଏପେକ୍ଷା ଡ଼ଗୁଜି ଇନାକା କିନାଦେର୍, ଓଁଜୁ ହୁଡ଼ନି ବାଞ୍ଜା ଇସ୍ପର ହେଦାଂ ହୁଡ଼ନି ମିକ୍ଷେକ୍ ଇନାମ୍ ହିଦ୍ନାନ୍ ।”

୭ “ଆରେ, ପାର୍ଥନା କିମ୍ପା ଖେଡ଼ାଲିଂ ପାତ୍ କିଞ୍ଜି ଜିହୁଦିର୍ ଲାକେ ପଲ୍ୟା ଅରଡ଼ ହିଲ୍ଓି ବେଶ୍ କିମାର୍, ଇନାକିଦେଂକି ହେଞ୍ଜାର୍ ବେସି କାତା ଇତିଲେ ହେଞ୍ଜାରତି ପାର୍ଥନା ଖେନ୍ୟାନାଡ଼ ଇଞ୍ଜି ବାବି କିତାର୍ ।

୮ ହେଞ୍ଜାର ଲାକେ ଆମାର୍ । ଏପେକ୍ଷା ଏନ୍ନି ଆଗେ ମିଦାକ୍ ଇନାକା ଲଡ଼ା, ମି ସାଗେନି ବାଞ୍ଜା ହେଦାଂ ଓଁଜୁ ପୁନାନ୍ ।

୯ ଲାଗିଂ ଏପେକ୍ଷା ଇବାନି ପାର୍ଥନା କିନାଦେର୍;

ଏ ମା ସାଗେନି ଆବା,  
ନି ତର ପୁଇପୁୟା ଇଞ୍ଜି ମାନି ଆୟେଡ଼ ।

୧୦ ନି ରାଜି ଖାୟେଡ଼ ।  
ଇନେସ୍ ସାଗେତ, ହେ ଲାକେ ପୁତ୍ ତ ନି ଇତା ପୁରାୟେଡ଼ ।

୧୧ ନେଞ୍ଜେକ୍ ମାକ୍ଷେକ୍ ଲଡ଼ାନି କାଦି ହିଦା ।\*

୧୨ ଆପେଂ ଇନେସ୍ ଜାର୍ ଜାର୍ ପାପିରିଂ କେମା କିନାପା,  
ହେ ଲାକେ ମା ପାପ୍ ସବୁ କେମା କିଦା ।

୧୩ ପରିକ୍ୟାତ ମାକ୍ଷେକ୍ ତାହି ଖାଦ୍ମା,  
ବାନ୍ୟାତାଂ ରାକ୍ୟା କିଦା । ଲାଗିଂ ରାଜି, ସାକ୍ତି ଆରି ଜୁଞ୍ଜାର୍ ଜୁଗ୍ ଜୁଗ୍ ନିୟାଂ । ଆମେନ୍ ।”

୧୪ “ଏଚେକାଡ଼ଦ୍ ମାନାୟାରତି ପାପ୍ ସବୁ କେମା କିନାଦେର୍, ତେବେ ମିଦାକ୍ ସାଗେନି ବାଞ୍ଜା ମିକ୍ଷେକ୍ ପା କେମା କିଦ୍ନାନ୍;

୧୫ ମାତର ଏଚେକାଡ଼ଦ୍ ଲକାରିଂ କେମା କିଞ୍ଜିତିସ୍, ତେବେ ମି ସାଗେନି ଆବା ପା ମିକ୍ଷେକ୍ ପାପ୍ ସବୁ କେମା କିଦ୍ନାନ୍ ।”

**ଉପାସ୍ ବିସ୍ତେ ହିକ୍ୟା**

୧୬ “ଉପାସ୍ କିମ୍ପା ଖେଡ଼ାଲିଂ କାପ୍ଟିୟାର୍ ଲାକେ ମୁମ୍ପରାଡ଼ମାର୍, ଇନାକିଦେଂକି ହେଞ୍ଜାର୍ ଉପାସ୍ କିନାରା ଇଞ୍ଜି ଲକାର୍ ମୁମ୍ପଦ ହୁଡ଼ୟାନି କାଜିଂ ଜାର୍ ଜାର୍ ମୁମ୍ପିଂ ରାଡ଼ନାର୍; ଆନ୍ ମିକ୍ ହାଡ଼ପା ଇଞ୍ଜନାକ୍ପା, ହେଞ୍ଜାର୍ ଜାର୍ ଜାର୍ ଇନାମ୍ ଗାଗାତାଣ୍ଡା ।

୧୭ ମାତର ଏପେକ୍ଷା ଉପାସ୍ କିମ୍ପା ଖେଡ଼ାଲିଂ ଏପେକ୍ଷା ମୁମ୍ପ ଉରାଟ୍ ଆରି ମି କାପ୍ଟାତ ଚିକାଶ୍ ଉଚାଟ୍,  
୧୮ ଇନେସ୍ ଏପେକ୍ଷା ଉପାସ୍ କିନାଦେରା ଇଞ୍ଜି ଲକାର୍ ମୁମ୍ପଦ ହୁଡ଼ୟାଞ୍ଜାଦାଂ ଡ଼ଗୁଜି ମାନି ବାଞ୍ଜାତି ମୁମ୍ପଦ ହୁଡ଼ୟାନାଦେର୍; ଆରେ, ମି ବାଞ୍ଜା ଜେ ଡ଼ଗୁଜି ହୁଡ଼ଦାନାନ୍, ହେଞ୍ଜାନ୍ ମିକ୍ ପାଡ଼ ହିଦ୍ନାନ୍ ।”

**ସାଗେତ ଆର୍ଜାତି ଦାନ୍  
(ଲୁକ ୧୨:୩୩-୩୪)**

୧୯ “ଇମେତାକେ ପ୍ଟି ଆରି ଲିମ୍ ତିନାଡ଼ ପ୍ରାଲ୍ ଜିରାୟ୍ କିନାଡ଼, ଆରେ ଚର୍କୁ ଇଲ୍ ଚରି କିତାର୍, ଏଲେକ୍ସବାତ୍ ପୁତ୍ ଜାର୍ ଜାର୍ କାଜିଂ ଦାନ୍ ରୁଣ୍ଡାୟ୍ କିମାର୍ ।

୨୦ ମାତର ଇମେତାକେ ପ୍ଟିକୁ ଆରି ପ୍ରାଲ୍ ନସ୍ କିଡ଼ଡ଼ ଆରି ଚର୍କୁ ହଶ୍ଜି ଦାନ୍ ଚର୍ ଅଦେଂ ଆଡୁର୍ । ଏଲେକ୍ ସାଗେତ ଜାର୍ ଜାର୍ କାଜିଂ ଦାନ୍ ଆର୍ଜା ଆଡ଼,

୨୧ ଇନାକିଦେଂକି ଇମେତାକେ ମିଦାକ୍ ଦାନ୍ ହେବେ ପା ମିକ୍ଷେକ୍ ମାନ୍ ।”

**ଗାଗାଡ଼ନି ଅଜଡ଼୍  
(ଲୁକ ୧୧:୩୪-୩୬)**

୨୨ “କାଶ୍କୁ ଗାଗାଡ଼ନି ଅଜଡ଼୍ ଲାକେ । ଏଚେକାଡ଼ଦ୍ ମି କାଶ୍କୁ ଅଣ୍ଡାକ୍ ମାଟିସ୍, ହେ ପାଦ୍ନା ମି ଓଁଜୁ ଗାଗାଡ଼୍ ପା ଅଜଡ଼୍ ଲାକେ ଆନାଡ଼ ।

୨୩ ମାତର କାଶ୍କୁ ଜଦି ବାନ୍ୟା ଆନିକ୍, ଗାଗାଡ଼ନି ମାଜ୍ଗା ଆନାଡ଼ । ମି ଖାସ୍କିନି ଅଜଡ଼୍ ଜଦି ମାଜ୍ଗା ଆନାଡ଼, ତେବେ ଏଚେକ୍ ମାଜ୍ଗା ବଇକାର୍ ମାଜ୍ଗା ଆନାଡ଼ !”

**ଇସ୍ପର ଆରି ଦନ୍ ସଂପତି  
(ଲୁକ ୧୬:୧୩; ୧୬:୨୨-୩୧)**

\* ୬:୧୧ ମା ଲଡ଼ା; ନେଜେକ୍, ନଲେ ଓଁଗା କାଜିଂ ☆ ୬:୧୪ ମାର୍ଜ ୧୧:୨୫,୨୬. ☆ ୬:୧୯ ଜାକ୍ବ ୫:୨,୩.

୨୪ “ରକାନ୍ ମାନାୟ ରି ମାପୁତି ଆଡ଼ିଏନ୍ ଆଦେଂ ଆଡୁନ୍; ଇନାକିଦେଂକି ହେଝାନ୍ ରକାନିଂ ଗିଣ୍ କିନାନ୍ ଆରି ବିନ୍ ଲଗାଂ ଜିଉନନାନ୍, ଆଡ଼ିତିସ୍ ରକାନ୍ ପାଚେ ହାନାନ୍ ଆରି ବିନ୍ ନିକାନିଂ ମାନକିଉନ୍ । ଏପେଙ୍ଗ୍ ଇସ୍ୱର୍ ଆରି ଦାନ୍, ରିୟାର୍ତି ଆଡ଼ିଏନ୍ ଆଦେଂ ଆଡୁନ୍ ।”

୨୫ “ଇଦାଂ କାଜିଂ ଆନ୍ ମିଙ୍ଗ୍ ଇଞ୍ଜନାଙ୍ଗା, ଇନାକା ତିନାଦେର୍ କି ଇନାକା ଉଣାଦେର୍, ଏପେଙ୍ଗ୍ ଏଡୁ କିଜି ମି ଜିରୁନ୍ କାଜିଂ, କି ଇନାକା ଉସ୍ପାନାଙ୍ଗ୍, ଏପେଙ୍ଗ୍ ଏଡୁ କିଜି ମି ଗାଗାଡ଼୍ କାଜିଂ ପା ଚିନ୍ତା କିମାଟ୍ । ତିନାଉଣାତାଂ ଜିରୁନ୍ ଆରି ହେୟାଙ୍ଗ୍ ତାଂ ଗାଗାଡ଼୍ କି ଗାଜା ଆକାୟ ?

୨୬ ପଟିକାଂ ହୁଡ଼ାଟ୍, ହେଝେକ୍ ଝିଡୁକ୍ କି ତ୍ରେସୁକ୍ପା । ତାସ୍ ତ୍ରେଜି ଚୁଣ୍ଡିତ ଚୁଣ୍ଡାୟ କିଜି ଇରୁକ୍ । ମି ସାଗେନି ଆବା ଇସ୍ୱର୍ ହେଝାକାଂ ଜତନ୍ କିଜି କାଦି ହିନାନ୍ । ଏପେଙ୍ଗ୍ ଇନାକା ପଟିଂତାଂ ଗାଜା ଆକାୟ ?

୨୭ ଆରେ, ମି ବିତ୍ରେ ଇନେର୍ ଚିନ୍ତା କିଜି ଜାର୍ ଆଁଇସ୍ ଦାପ୍ରେ ବାତାୟ କିଦେଙ୍ଗ୍ ଆଡୁନାନ୍ ?”

୨୮ “ଆରେ ହେୟାଙ୍ଗ୍ କାଜିଂ ଇନେକିଦେଂ ଚିନ୍ତା କିନାଦେରା ? ବାଗାନି ପୁଇକ୍ତୁ ବିସ୍ତେ ଏଡ଼ କିଜି ହିକ୍ୟା ମାନି କିୟାଟ୍, ହେଝାଙ୍ଗ୍ ଇନେସ୍ ଗାଜାନିଂ; ହେଝାଙ୍ଗ୍ ସବୁ କସ୍ତୁ କିଉକ୍, କି ନୁଲ୍ ଡ଼ରୁକ୍,

୨୯ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ସଲମନ୍ ପା ଜାର୍ତି ଝିଡୁ ହଲ୍ଲନାକାତ ଇଝାଙ୍ଗ୍ ବିତ୍ରେ ରଞ୍ଜାଙ୍ଗ୍ ଲାକେ ଉସ୍ପାଝାଦାଂ ମାଚାନ୍ ।

୩୦ ମାତର୍ ଇମ୍ଣି କାତ୍ରା ନେଜେଙ୍ଗ୍ ବାଡ଼୍ଦ ମାନାଡ଼, ଆରି ଝିଗାଲିଙ୍ଗ୍ ହଲ୍ଲଦ ଦେହିୟା ଆନାଡ଼, ତାଙ୍ଗେଙ୍ଗ୍ ଇନାଝାଡ଼ାଂ ଇସ୍ୱର୍ ଇ ଲାକେ ବେସ୍ କିଦ୍ନାନ୍, ଲାଗିଂ, ହେ ଅଲପ୍ ପାତର୍ କିନାଦେର୍, ହେଝାନ୍ ମିଙ୍ଗେଙ୍ଗ୍ କି ଆଦିକ୍ ହାଡ଼ପା ହେୟାପାଟା ହିଡୁନ୍ !”

୩୧ “ଲାଗିଂ ଇନାକା ତିନାକା ଇନାକା ଉଣାକା କି ଇନାକା ଉସ୍ପାନାକା ଇଦାଂ ଇଞ୍ଜି ମାନ୍ ଦୁକ୍ କିମାଟ୍ ?

୩୨ ଇନେକିଦେଂକି ପାତର୍ କିଝି ଜିହୁଦିର୍ ଇ ସବୁ ବିସ୍ତେ ଦାସ୍ତ୍ରି ବୁଲାନାନ୍ । ଆରେ ଇ ସବୁ ବିସ୍ତେ ଇନେନ୍ ମିଙ୍ଗେଙ୍ଗ୍ ଲଡ଼ା, ହେଦାଂ ମିଦାଂ ସାଗେନି ଆବା ପୁଞ୍ଜନାନ୍ ।

୩୩ ମାତର୍ ଏପେଙ୍ଗ୍ ପର୍ଡୁମ୍ ଇସ୍ୱର୍ ରାଜି ଆରି ଦାମ୍ ତେକାଟ୍, ଆରେ ଇ ଝିଡୁ ବିସ୍ତେ ପା ମିଙ୍ଗେଙ୍ଗ୍ ହିଦ୍ନାନ୍ ।

୩୪ ସବୁ ନାଜିଂ ନି ହାବଡ଼୍ ନିତ୍ରେ କାଜିଂ ଇଞ୍ଜି ଲଡ଼ା ଆଏଡ଼ ଏଚେକ୍ ସାରି । ବିପ୍ତ୍ରି ଆମାଟ୍ । ଝିଗାନି ଚିନ୍ତା ଝିଗା କିନାଦେର୍ । ଝିଗାମାହିଙ୍ଗ୍ ବିସ୍ତେ ଚିନ୍ତା କିଜି ନେଜେଙ୍ଗ୍ନି ବିପ୍ତ୍ରିଂ ଲାମାୟ କିମାଟ୍ ।”



**ବିନ୍ନିକାରିଂ ଦସ୍ ଆହ୍ନାକା**  
(ଲୁକ ୭:୩୭,୩୮,୪୧,୪୨)

୧ “ଏପେଙ୍ଗ୍ ଇନେସ୍ ବିଚାରକିୟା ଆଉଦେର୍, ଇଦାଂ କାଜିଂ ବିଚାର କିମାଟ୍ ।

୨\* ଇନେକିଦେଂକି ଇମ୍ଣି ବିଚାରତ ବିଚାର କିନାଦେର୍, ହେ ବିଚାରତ ଏପେଙ୍ଗ୍ ବିଚାର କିୟାନାଦେର୍; ଆରେ ଇମ୍ଣି ମାଣଦ ଲାଚ୍ନାସ୍, ହେ ମାଣତାଂ ମିଙ୍ଗେଙ୍ଗ୍ ମାଣଦାଂ ହିଦ୍ନା ଆନାଡ଼ ।

୩ ନି କାଣ୍ଡାତ ଝେଜ୍ଗୁ ଗାତ୍ରା ମାନିହିଂ ନି ଟଣ୍ଡେନ୍ କାଣ୍ଡାତ ହାରୁ ଗାତ୍ରା ଇନେକିଦେଂ ଦିୟାନ୍ କିନାୟା ?

୪ ଜାର୍ କାଣ୍ଡାତ ଝେଜ୍ଗୁ ଗାତ୍ରା ମାନୁ ମାନୁ ଏନ୍ ଇମ୍ଣି ସାସ୍ୱର୍ତାଂ ନି ଟଣ୍ଡେନ୍ କାଣ୍ଡାତାଂ ଦୁଡ଼ି ହପ୍ତି ହିଦ୍ନାଂ ଇଞ୍ଜି ଇନାୟା ?

୫ କାପ୍ଟିୟାର୍ ! ନି କାଣ୍ଡାଗାନି ଝେଜ୍ଗୁ ଗାତ୍ରା ପର୍ଡୁମ୍ ହପ୍ତୟା । ତା ଆତିସ୍ ନି ଟଣ୍ଡେନ୍ କାଣ୍ଡାତ ଆଜର୍ ମାନି ଦୁଡ଼ି ଏନ୍ ଆଡ଼ଝା ହୁଡ଼େଂ ଆଡ଼ନାୟ । ଆରି ହୁଡ଼େଂ ଆଡ଼ନାଦେର୍ ।”

୬ “ନିକୁଡ଼ିକାଂ ପୁଇପୁୟା ଜିନିସ୍ ହିମାଟ୍ । ଇନାକିଦେଂକି ହେଦାଂ ମାସ୍ଦି ନିଙ୍ଗେଙ୍ଗ୍ କାପ୍ତେଦେଂ ଆଡ଼ଦାନାଡ଼ । ପାଞ୍ଜି ମୁମ୍ଦ ମୁକ୍ତା ତୁହି ହିମାଟ୍ । ତା ଦାମ୍ ବୁଜାଝାଦାଂ ହେଦେଲିଂ ହେଦାଂ କେବଲ୍ ପାନାତ କୁହ୍ନାଡ଼ ।

**ଏନା, ଦାହା ଆରି ଦୁଝେର୍ତ ଇଡ଼ା**  
(ଲୁକ ୧୧:୯-୧୩)

୭ ଏନା, ତା ଆତିସ୍ ନିଙ୍ଗେଙ୍ଗ୍ ହିଦ୍ନାଡ଼; ଦାହା, ପାୟା ଆନାୟ; ଦୁଝେର୍ତ ଇଡ଼ା, ଦୁଝେର୍ ଜେୟାନାଡ଼ ।

୮ ଇମ୍ଣାକାନ୍ ଏନ୍ନାନ୍, ତାଙ୍ଗେଙ୍ଗ୍ ହିୟାନାଡ଼; ଇନେନ୍ ଦାହ୍ନାନ୍, ହେଝାନ୍ ଗାଗାନାନ୍; ଇନେନ୍ ଦୁଝେର୍ତ ଇଡ଼ନାନ୍, ତା କାଜିଂ ଦୁଝେର୍ ଜେସି ହିୟା ଆନାଡ଼ ।

୯ ମି ବିତ୍ରେ ଏପେଙ୍ଗ୍ ଆବା ଇନେନ୍ ମାନାନ୍, ଇନେରିଂ ଜାର୍ ମାଜି ମିନ୍ ଏଡ଼ିସ୍ ହେଝାନ୍ ତାଙ୍ଗେଙ୍ଗ୍ ମିନ୍ ବାଦୁଲ୍ ରାଟ୍ ହିନାନ୍, ତାଙ୍ଗେଙ୍ଗ୍ ଇନାକା କାଲ୍କୁ ହିନାୟ

୧୦ କି ହେଝାନ୍ ମିନ୍କୁ ଏଡ଼ିତିସ୍ ତାଙ୍ଗ୍ ଇନାକା ଏନ୍ ରାଟ୍ ହିନାୟ ?

\* ୭:୨ ମାର୍କ ୪:୨୪.

୧୧ ଲାଗିଂ ଏପେଙ୍ଗ୍ ଚୁଲ୍‌ଚୁଲିୟା ଆତିସ୍ ପା ଏଚେକାଡ଼୍‌ଦ ଜାର୍ ଜାର୍ କାଡ଼୍‌ଦେରିଂ ହାଦ୍ ହାଦ୍ ଦାନ୍ ହିଦେଂ ପୁନାଦେର୍, ତେବେ ମି ସାଗେନି ଆବା ତା ମୁମ୍‌ଦ ଏନ୍‌ନାକା ମାନାୟାରିଂ କେତେକ୍ ଆଦିକ୍ ହାଦ୍ ହାଦ୍ ଜିନିସ୍ ହିଉନ୍ ?”

୧୨ ଲାଗିଂ ମାନାୟାର୍ “ମି କାଜିଂ ଇନାକା ସବୁ କିନାର୍ ଇଞ୍ଜି ଇଚା କିନାଦେର୍, ଏପେଙ୍ଗ୍ ପା ହେଞ୍ଜାର୍ କାଜିଂ ହେ ଲାକେ କିୟାଟ୍, ଇନେକିଦେଂକି ଇଦାଂ ନେ ମସାତି ବିଦି ଆରି ବେଶ୍‌ବାକ୍‌ଶାୟ କିନାକାର୍‌ତି ଦରମ୍ ସାସ୍‌ସ୍‌ର ହିକ୍ୟାନି ହାଡ଼୍‌ପା ଅରଡ଼ ।”

**ଚିପା ଦୁଞ୍ଜେର୍**  
(ଲୁକ ୧୩:୨୪)

୧୩ “ହିରୁ ଦୁଞ୍ଜେର୍‌ତିଂ ହଣ୍ଡେଙ୍ଗ୍ କସ୍‌କିୟାଟ୍ । ଇନେକିଦେଂକି ନାସ୍ କିଦେଙ୍ଗ୍ ଅସି ହାନି ହୁକେ ଓହାର୍ ଆରି ହାଜି ଓହାର୍, ଆରେ ହେଦାଂ ହିଜି ହଣ୍ଡାଗାନାକାର୍ ହେନି ।

୧୪ ମାତର୍ ଓଞ୍ଜି ଜିବୁନ୍‌ତିଂ ଅନି ହାଜି ବାନ୍‌ସା ଆରି ତା ଦୁଞ୍ଜେର୍ ଚିପା ଆରେ ଅଲପ୍ ମାନାୟ୍ ଇ ହାଜି ଦାସ୍‌ତେଂ ଆଡ଼ନାର୍ ।”

**ମାର୍ ଆରି ତା ପାଡ଼୍**  
(ଲୁକ ୭:୪୩-୪୪)

୧୫ “ତାକ୍ରାୟ୍ ବେଶ୍‌ବାକ୍‌ଶାୟକିନାକାର୍ ତାଙ୍ଗ୍ ଜାଗ୍ରଡ଼ ! ହେଞ୍ଜାର୍ ବାଟ୍ ମେଣ୍ଡା ଲାକେ ଚଞ୍ଜାନାର୍, ମାତର୍ ହାଡ଼୍‌ପା ହେଞ୍ଜାର୍ ରଞ୍ଜାଙ୍ଗ୍ ରଞ୍ଜାଙ୍ଗ୍ ହୁଣ୍ଡାର୍ ବୁର୍କା ।

୧୬ ହେଞ୍ଜାର୍‌ତି ପାଡ଼୍ ହୁକେ ଏପେଙ୍ଗ୍ ହେଞ୍ଜାରିଂ ଚିନ୍ କିନାଦେର୍ । ଓଡ଼ି ମାର୍‌ତ ଅଙ୍ଗୁର୍‌ପାଡ଼୍ ଆହୁଡ଼୍ କି ଲେକାଜାମୁ ମାର୍‌ତ ତଗା ପାଡ଼୍ ଆହୁଡ଼୍ ।

୧୭ ହାଦ୍ ମାର୍‌ତ ହାଦ୍ ପାଡ଼୍ ଆହୁନାଡ଼୍ । ବାନିୟାଁ ମାର୍‌ତିନି ପାଡ଼୍ ବାନିୟାଁ ।

୧୮ ହାଦ୍ ମାର୍‌ତ ବାନିୟାଁ ପାଡ଼୍ ଆହୁଡ଼୍ କି ବାନିୟାଁ ମାର୍‌ତିନି ପାଡ଼୍ ହାର୍ ଆଦେଂ ଆହୁଡ଼୍ ।

୧୯ ହାଦ୍ ପାଡ଼୍ ଆହୁଞ୍ଜିତିସ୍ ମାର୍‌ତିଂ କାଦ୍‌ଦି ନାଣିତାକେ ଦେହ୍‌ନାର୍ ।

୨୦ ଲାଗିଂ ହେଞ୍ଜାର୍‌ତି ପାଡ଼୍ ହୁକେ ଏପେଙ୍ଗ୍ ହେଞ୍ଜାରିଂ ଚିନ୍ କିନାଦେର୍ ।”

**ଆନ୍ ମିଙ୍ଗେଙ୍ଗ୍ ପୁଞ୍ଜୁଞ୍ଜାତାଂନା**  
(ଲୁକ ୧୩:୨୫-୨୭)

୨୧ “ଇମ୍‌ଶାକାର୍ ନାଙ୍ଗେଙ୍ଗ୍ ମାପୁ ମାପୁ ଇଞ୍ଜି କୁଞ୍ଜାନାର୍, ହେଞ୍ଜାର୍ ବିତ୍ରେ ଓଞ୍ଜାର୍ ସାଗେ ରାଜିତ ହଣ୍ଡେଙ୍ଗ୍ ଆଡୁର୍ । ଇମ୍‌ଶାକାର୍ ସାଗେନି ଆବା ଇସ୍‌ତ ଇଚା ହୁକେ କାମାୟ୍ କିତାର୍, କେବଲ୍ ହେଞ୍ଜାର୍ ସାଗେ ରାଜିତ ହଣ୍ଡେଙ୍ଗ୍ ଆଡ଼ନାର୍ ।

୨୨ ଗାଜା ବିଚାର୍ ଦିନ୍ ଏକାଞ୍ଜାତିସ୍ ହେନି ନାଙ୍ଗେଙ୍ଗ୍ ଇଞ୍ଜନାର୍, ମାପୁ ନି ତରଦାଂ ଆପେଂ ଇନାକା ଇସ୍‌ତ ନେକ୍ରି କାରୁର୍ ସୁଶାୟ୍ କିନାପା, ମାପୁ, ନି ତରନି ସାକ୍ରିତାଂ ରୁଡ଼୍ ପିହିକିତାପ୍‌ନା ଆରେ ବେସି କାବାଆନି କାମାୟ୍ କିତାପ୍‌ନା ।

୨୩ ହେ ପାଦ୍‌ନା ହେଞ୍ଜାରିଂ ଆନ୍ ଇନାଙ୍ଗ୍, ମିଙ୍ଗେଙ୍ଗ୍ ଆନ୍ ପୁଞ୍ଜୁଙ୍ଗ୍ । ବାନ୍‌ସାକାଦେର୍, ନା ଲାଗାଂତାଂ ଗୁଚା ଆଡ଼ !”

**ରିୟାର୍ ଇଲ୍ ରଡ଼ନାକାର୍**  
(ଲୁକ ୭:୪୭-୪୯)

୨୪ “ଇନେନ୍ ନା କାତା ଖେନ୍‌ଞ୍ଜି ପାଲି କିନାନ୍, ହେଞ୍ଜାନ୍ ତେଚ୍‌ରା କାଲ୍ ଜପି ଇଲ୍ ରଡ଼ନି ବୁଦିକାର୍‌ୟା ମାନାୟ୍ ଲାକେ ।

୨୫ ଅପ୍ରବଲ୍ ବାରହା ଆତାଡ଼୍, ନାଗୁଡ଼୍ ଏଜୁଂ ବାନ୍‌ ଜପି ଡିତାଡ଼୍ ଆରି ହେ ଇଲ୍ ଜପି ଅପ୍ରବଲ୍ ଡ଼ଲୁ ଆତାଡ଼୍, ମାତର୍ ହେ ଇଲ୍ ବାହଡ଼ା ଖାତାଡ଼୍ ଇନାକିଦେଂକି ହେଦାଂ ତେଚ୍‌ରା ଜପି ମୁଡ଼୍ କୁନାଦି ମାତାଡ଼୍ ।

୨୬ ମାତର୍ ଇମ୍‌ଶାକାର୍ ନା କାତା ଖେନ୍‌ଞ୍ଜି ପାଲି କିତର୍, ହେଞ୍ଜାର୍ ବାଲି ଜପି ଇଲ୍ ରଡ଼ତି ମାତି ଟେପ୍‌ରିୟା ଲାକେ ।

୨୭ ବେସି ବାରହା ଆତାଡ଼୍, ନାଗୁଡ଼୍ ଏଜୁଂ ଏକିତିକ୍ । ଅପ୍ରବଲ୍ ଡ଼ଲୁ ଆତାଡ଼୍ ଆରି ଇଲ୍ ମେଦ୍‌ନିତ ମେହାଆତାଡ଼୍ । ହେଦାଂ କେତେକ୍ ବଇଁକାର୍ ଆତାଡ଼୍ ।”

**ଜିସୁତି କେମ୍‌ତା ହିକ୍ୟା**

୨୮ ଓଞ୍ଜିନି ପାତେକ୍ ଜିସୁତି ଇ ଓଞ୍ଜୁ କାତା ଖେନ୍‌ଞ୍ଜି ମାନାୟାର୍ ତା ହିକ୍ୟାତ କାବା ଆତାଡ଼୍ ।

୨୯ ହେଞ୍ଜାନ୍ ବିନ୍‌ବିନ୍‌ନିକାର୍ ଦରମ୍ ଗୁରୁରିଂ ଲାକେ ହିକ୍ୟା ହିଞ୍ଜାଦାଂ ଆଦିକାର୍ ପାୟାତି ମାନାୟ୍ ଲାକେ ହିକ୍ୟା ହିଜି ମାତାନ୍ ।

☆ ୭:୧୯ ମାତୃତ ୩:୧୦; ଲୁକ ୩:୯. ☆ ୭:୨୦ ମାତୃତ ୧୨:୩୩. ☆ ୭:୨୮ ମାର୍ଚ୍ଚ ୧:୨୨; ଲୁକ ୪:୩୨.

୮

ଜିସୁ ର ଗାଜା ରଗିଂ ଉଦ୍ କିତାକା  
(ମାର୍କ ୧:୪୦-୪୫; ଲୁକ ୫:୧୨-୧୬)

୧ ଜିସୁ ମାଡ଼ି ଜପିତାଂ ହୁଡ଼ି ପାଚେ ବେସି ମାନାୟ୍ ତା ପାଚେ ପାଚେ ଖାତାର ।

୨ ତା ପାଚେ ଆରେ ହୁଡ଼ା, ରଖାନ୍ ଗାଜା ରଗ୍ୟାଙ୍ଗ୍ ତା ତାକେ ଖାଜି ଜଖାର କିଜି ଇଚାନ୍, “ଏ ମାପୁ, ଏନ୍ ଜଦି ଇଚା କିତାୟ୍ଚି, ତା ଆତିସ୍ ନାଙ୍ଗେଙ୍ଗ୍ ସକଟ୍ କିଦ୍ଦେଂ ଆଡ଼ଦାନାୟ୍ ।”

୩ ହେବେ ଜିସୁ କେଇ ଇଡ଼ଜି ତାଙ୍ଗେଙ୍ଗ୍ ହୁଜି ଇଚାନ୍, “ଆନ୍ ଇଚା କିନାଙ୍ଗା, ସକଟ୍ ଆ ।” ହେ ଦାପ୍ରେ ହେ ଗାଜାରଗ୍ “ସକଟ୍ ଆତାଡ଼ ।”

୪ ଆରେ, ଜିସୁ ତାଙ୍ଗେଙ୍ଗ୍ ଇଚାନ୍, “ଖେନା, ଏନ୍ ଇନେସ୍ ଆଜି ଉଦ୍ ଆତାୟ୍, ଇନେରିଂ ଖେଚ୍ମା, ମାତର୍ ହାଲା, ମାପୁହେବାକିନାକାନିଂ ଚଞ୍ଚୟା, ଆରେ ମସା ଇମ୍ବି ଆକାଡ଼ଗାରଣି ବିସ୍ତେ ବଲ୍ ହିଡ଼ନ୍ନା, ହେଦାଂ ହେଖାର ଲାଗାଂ ଏନ୍ ଉଦ୍ ଆତାଙ୍ଗା ଇଞ୍ଜି ସାକି ହିୟା ।”

ଜିସୁ ର ରମିୟ୍ ମେଲ୍ୟାର୍ଚି ଚାକର୍ଚିଂ ଉଦ୍ କିତାନ୍  
(ଲୁକ ୭:୧-୧୦)

୫ ଜିସୁ କପର୍ନାହୁମ୍ ବସ୍ତିତ ହଣ୍ଡିଗିଲେ, ର ମୁଡ଼ମେଲ୍ୟା ତା କଚଣ୍ଡ ଖାଜି ଗଞ୍ଜାରି କିଜି ଇଚାନ୍,

୬ “ଏ ମାପୁ ନା ଆଡ଼ିଏନ୍ ହିଚକଲ୍ ଇଡ଼ୟାତି ରଗି ବେସି ନନାକାଦିଂ ଇଞ୍ଜି ମାକ୍ତାନ୍ନା ।”

୭ ଜିସୁ ତାଙ୍ଗେଙ୍ଗ୍ ଇଚାନ୍, “ଆନ୍ ହାଲ୍ଜି ତାଙ୍ଗେଙ୍ଗ୍ ଉଦ୍ କିନାଙ୍ଗ୍ ।”

୮ “ମୁଡ଼ମେଲ୍ୟା” ଉତର୍ ହିଚାନ୍, ମାପୁ, “ଏନ୍ ଜେ ନା ଇଞ୍ଜି କାଲ୍ ତଗ୍ନାୟ୍, ଆନ୍ ଏଲେଙ୍ଗ୍ ଆକାୟ୍; ମାତର୍ କେବଲ୍ ପାଦେକ୍ ବଲ୍ ହିଦା, ନା ଆଡ଼ିଏନ୍ ଉଦ୍ ଆନାନ୍ ।

୯ ଇନାକିଦେଂକି ଆନ୍ ରଖାନ୍ ତାରେନ୍ ମାନାଙ୍ଗ୍ ଆତିସ୍ ପାନା ତାରେନ୍ ମେଲ୍ୟାର୍ ମାନାର୍; ଆନ୍ ରଖାନିଂ ଆଦିକାର୍ ହିତିସ୍ ହେଖାନ୍ ହାନାନ୍; ଆରେ ରଖାନିଂ ଖା ଇଚିସ୍ ହେଖାନ୍ ଖାନାନ୍; ଆରେ ନା ହଲ୍ୟାଙ୍ଗ୍ ଇଦାଂ କିୟା ଇଚିସ୍ ହେଖାନ୍ ହେଦାଂ କିନାନ୍ ।”

୧୦ ଜିସୁ ଇଦାଂ ଖେନଞ୍ଜି କାବା ଆଜି ପାଚେ ଖାନି ମାନାୟାରିଂ ଇଚାନ୍, “ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜିନାଙ୍ଗା, ଇସ୍ତାଏଲ୍ ବିତ୍ରେ ଇନେର୍ ତାକେ ଏଚେକ୍ ଗାଜା ପାଚି ପାୟାଖାତାଂନା ।

୧୧ ✨ମାତର୍ ଆନ୍ ମିଙ୍ଗେଙ୍ଗ୍ ଇଞ୍ଜିନାଙ୍ଗା, ବେସି ଖେଡ଼ାହଡ଼ନି ବାଗାଙ୍ଗ୍ ଆରି ଖେଡ଼ାହାନି ବାଗାଙ୍ଗ୍ ଖାଜି ଅରାହାମ୍, ଇସ୍ତାକ୍ ଆରି ଜାକ୍ବ୍ ଲାହାଙ୍ଗ୍ ସାଗେ ରାଜିତ ବଜି ଚିଞ୍ଜେଙ୍ଗ୍ କୁଚ୍ନାର୍ ।

୧୨ ✨ମାତର୍ ଇମ୍ବାକାର୍ ଇ ରାଜିତ ମାନି କାତା ହେଖାରିଂ ବାର୍ଡ଼ ମାଜ୍ଗାତ ହୁହିୟା ଆନାର୍; ହେବେ ଆଡ଼ବିସ୍ ଆରି ଚାତାଙ୍ଗ୍ କାଚ୍ନାର୍ ।”

୧୩ ଆରେ ଜିସୁ ପାଞ୍ଚକଡ଼ି ମେଲ୍ୟାଙ୍ଗ୍ ଇଚାନ୍, “ହାଲା ଏନ୍ ଇନେସ୍ କିଜି ପାଚି କିନାୟା, ନି କାଜିଂ ହେ ଲାକେ ଗିଗାଆୟେଡ଼ ।” ହେ ତାଣ୍ଡିଆଡ଼ିଏନ୍ ଉଦ୍ ଆତାଡ଼ ।

ଜିସୁ ହେନିତିଂ ଉଦ୍ କିନାନ୍  
(ମାର୍କ ୧:୨୯-୩୪; ଲୁକ ୪:୩୮-୪୧)

୧୪ ପାଚେ ଜିସୁ ପିତର୍ ଇଞ୍ଜି ଖାଜି ତା ପଦାହିଙ୍ଗ୍ ନମେର୍ ଆଜି ମାଗଜି ମାନାକା ହୁଡ଼ତାନ୍ ।

୧୫ ହେବେ ହେଖାନ୍ ତା କେଇଦ ହୁଡ଼ାନ୍, ଆରେ ତାଙ୍ଗେଙ୍ଗ୍ ନମେର୍ ପିସ୍ତାଡ଼, ପାଚେ ହେଦେଲ୍ ନିଙ୍ଗ୍ଜି ହେଖାରିଂ ହେବା କିଦେଙ୍ଗ୍ ଲାଗାତାଡ଼ ।

୧୬ ମ୍ରିକାହାରେସ୍, ମାନାୟାର୍ ହେନି ପୁଦା ହୁୟାଆତି ଲଗାଂ ଜିସୁ କଚଣ୍ଡ ତାହିଖାତାର୍, ହେବେ ଜିସୁ ଖେଇକିତି ମାତର୍ ପୁଦାଂ ପିହିକିତାନ୍ ଆରି ଖିଜାର୍ ବେମାରିଂ ଉଦ୍ କିତାନ୍,

୧୭ ଇ ଲାକେ ହେଖାନ୍ ଜିସାୟ୍ ବେଣ୍ଡାକ୍ଣାୟ୍ କାଜିଂ ଇ ବଚନ୍ ପୁରାଆତାଡ଼, “ହେଖାନ୍ ନିଜେ ମା ନାଦାର୍ ଖିଜୁ ଇଡ଼ତାନ୍ ଆରେ ରଗ୍ ସବୁ ପିଣ୍ଡିତାନ୍ ।”

ଜିସୁତି ଚେଲା ଆନାକା ମାନ୍କିନି ମାନାୟାର୍  
(ଲୁକ ୯:୫୭-୬୨)

୧୮ ଜିସୁ ତା ଚାରିବେଣ୍ଡି ତା ଚେଲାରିଂ ହୁଡ଼ଜି ହାମ୍ବୁର୍ ଆନ୍ଚି ପାଡ଼କା ହାନି କାଜିଂ ବଲ୍ ହିଚାନ୍ ।

୧୯ ଆରେ, ରଖାନ୍ ସାସ୍ତି ତା ଲାଗାଂ ଖାଜି ଇଚାନ୍, “ଏ ଗୁରୁ,” ଏନ୍ ଇମ୍ବି ବାହାତ ହାନାୟ୍, “ଆନ୍ ନି ଲାହାଙ୍ଗ୍ ଖାନାଙ୍ଗ୍ ।”

☆ ୮:୧୧ ଲୁକ ୧୩:୨୯. ☆ ୮:୧୨ ମାତ୍ରିକ ୨୨:୧୩; ୨୫:୩୦; ଲୁକ ୧୩:୨୮.

୨୦ ହେବେ ଜିସୁ ହେଦେଲିଂ ଇଚାନ୍, “କଲ୍ୟାଣିଂ ପାରା ମାନାଡ଼, ଆକାସ୍ନି ପଚିତିଂ ଗୁଡା ମାନାଡ଼, ମତର୍ ମାନାୟ ମାଜି କାପଡା ଇଡ଼ଦେଂ ବାହା ହିଲୁଡ଼ ।”

୨୧ ଜିସୁଙ୍କ ଆରେ ର ଚେଲାହି ଇଚାନ୍, “ମାପୁ, ପର୍ତୁମ୍ ହାଲଜି ମାଞ୍ଜି ଆବାଂ ମୁଚେଙ୍କ ଇଞ୍ଜି ନାଙ୍ଗେଙ୍କ ବଲ୍ ହିଦା ।”

୨୨ ଜିସୁ ତାଙ୍କ ଇଚାନ୍, “ନା ପାଚେ ପାଚେ ଖାଡୁ, ହାତି ମାନାୟ ହାତି ଲଗାଂ ମୁଚି ହିୟାଟ୍ ।”

**ଜିସୁ ହୁଜାଝାଣିତିଂ ତିର୍ କିତାନ୍**

(ମାର୍କ ୪:୩୫-୪୧; ଲୁକ ୮:୨୨-୨୫)

୨୩ ଦିନେକ୍ ଜିସୁ ଚେଲାହିର୍ ଲାହାଙ୍କ୍ ତଙ୍ଗାତ ହାଲଜି ମାଚାର୍ ।

୨୪ ହାଚାଗ୍ରେ ହାମ୍ଦୁର୍ତ ର ବେସି ଗାଜା ତ୍ରିପକୁ ହୁଜାଝାଣି ନିକ୍ତାଡ଼ ଆରି ତଙ୍ଗା ଏଜୁକାଂ ମୁଞ୍ଜି ଲାକେ ଆତାଡ଼ । ମାତର୍ ହେ ପାଦନା ଜିସୁ ହୁନଞ୍ଜି ମାଚାନ୍ ।

୨୫ ଚେଲାହିର୍ ତାଙ୍କ୍ ନିକ୍ତି ଇଚାର୍, ଏ “ମାପୁ, ମାଙ୍ଗେଙ୍କ ରାକ୍ୟା କିଦା । ଆଞ୍ଜିତିସ୍ ଆପେଂ ମୁନଞ୍ଜି ହାନାପ୍ ।”

୨୬ ଜିସୁ ଦାକା କିଜି ଇଚାନ୍, “ଇନାକିଦେଂ ଏଚେକ୍ ପାତ୍ରା ଆନାଦେରା ?” ଏପେଙ୍କ୍ “ଇନାକା ଏଚେକ୍ ଅଲପ୍ ପାତ୍ କିନାକାଦେର୍ ? ତା ପାଚେ ହେଝାନ୍ ନିଙ୍ଗଜି ଦୁକା ଆରି ଲଡ଼ିତିଂ ତିର୍ ଆଦେଂ କାଜିଂ ବଲ୍ ହିଚାନ୍ । ସାଙ୍ଗେ ସାଙ୍ଗେ ଖିଜୁ ତିର୍ ଆତାଡ଼ ।”

୨୭ ହେବେ ଖିଜାର୍ କାବା ଆତାର୍ । ହେଝାର୍ ଚକାନ୍ ଆରେ ଚକାନ୍ଂ ବେଶ୍‌ବାଟ୍ କିତାର୍ “ଇଝାନ୍ ଇନେସ୍ ବାତ୍ ମାନାୟ ? ଦୁକା ଆରି ଲଡ଼ି ପା ତା ବଲ୍ ମାନିକିନିକା ।”

**ରିୟାରିଂ ପୁଦାଡୁୟାଆତି ଲଗାଂ ଜିସୁ ଉଜ୍ କିତାନ୍**

(ମାର୍କ ୫:୧-୨୦; ଲୁକ ୮:୨୬-୩୯)

୨୮ ଜିସୁ ହାମ୍ଦୁର୍ ଆନଟି ପାଡ଼କା ଗଦରିୟର୍ ନିପ ଏକିତି ଦାପ୍ରେ ରିୟାରିଂ ବେଟାଆତାନ୍ । ହେଝାର୍ ହେବେ ମାନି ଦୁଗେର୍ନି କୁକିତ ମାଚାର୍ । ହେଝାର୍ ପୁଦାଆହ୍ୟାତାକାର୍ ଆରି ଏଚେକ୍ ବଇଁଙ୍କାର୍ ଜେ ହେ ରାସ୍ତା ହିଜି ହାଞ୍ଜେଙ୍କ୍ ଖାଦେଙ୍କ୍ ଇନେର୍ ସାସ୍ କିଝାଦାଂ ମାଚାର୍ ।

୨୯ ହେଝାର୍ ଜିସୁଙ୍କ୍ ହୁଡ଼ି ଦାପ୍ରେ କିକିରାତିଂ କିଜି ଇଚାର୍, “ଏ ଇସ୍ତର୍ ମେହି ! ନି ଲାହାଙ୍କ୍ ମାତି ଇନାକା ମାନାଡ଼ ? ସମ୍ ଆଞ୍ଜିହିଙ୍କ୍‌ନେ ଏନ୍ ମାଙ୍ଗେଙ୍କ୍ ଇନାକା ତାଣ୍ ହିଦେଂ ଇବେ ଖାତାଇନା ?”

୩୦ ହେବେତାଂ ଅଲପ୍ ଦେହା ର ମାନ୍ଦା ପାଞ୍ଜିଙ୍କ୍ ହାରାଆଜି ମାତିକ୍ ।

୩୧ ହେ ମାନାୟାର୍ ବିତ୍ରେ ମାନି ପୁଦାଂ ଜିସୁଙ୍କ୍ ଗଝାରି କିଜି ଇଚିକ୍, “ମାଙ୍କ୍ ଜଦି ପେସ୍‌ପେଦେଂ ଇଚା କିନାୟା, ହେ ପାଞ୍ଜିଙ୍କ୍ ବିତ୍ରେ ମାଙ୍କ୍ ପକଡା ।”

୩୨ ଜିସୁ ଇଚାନ୍, “ହାଲାଟ୍ ।” ପୁଦାଂ ସାଙ୍ଗେ ସାଙ୍ଗେ ମାନାୟତିଂ ପିସ୍ତି ପାଞ୍ଜିଙ୍କ୍ ବିତ୍ରେ ହଟିକ୍ । ପାଞ୍ଜିଙ୍କ୍ ମାନ୍ଦା ହଞ୍ଜି ହାଲଜି ମାଡ଼ି ଗବାତାଂ ହନ୍ତି ହାଲଜି ହାମ୍ଦୁର୍ତ ମୁନଞ୍ଜି ହାତିକ୍ ।

୩୩ ପାଞ୍ଜିଙ୍କ୍ ହାରାଇ କିଜି ମାତି ମାନାୟ ଲାଗେନି ବସ୍ତିକାଙ୍କ୍ ହାଲଜି ପୁଦା ଆହ୍ୟାତାକାର୍ କାଜିଂ ଇନାକା ଗିଟା ଆଜି ମାଚାଡ଼ ହେବେ ଖିଜୁ ବେଶ୍ ଖେଚ୍‌ଚି ବୁଲାଆତାର୍ ।

୩୪ ଲାଗିଂ ହେ ବସ୍ତିନି ଖିଜାକାର୍ ଜିସୁଙ୍କ୍ ବେଟା ଆଦେଂ ହସି ଖାତାର୍ ଆରେ ତାଙ୍କ୍ ବେଟାଆଜି ହେ ନିପ ପିସ୍ତି ହାନ୍ଦିତାଂ ହାଞ୍ଜେଙ୍କ୍ ଜିସୁଙ୍କ୍ ଗଝାରି କିତାର୍ ।



**ଜିସୁ ର ହିର୍‌କଲ୍‌ଇଡ଼ୟାତି ରଗିଂ ଉଜ୍ କିତାନ୍**

(ମାର୍କ ୨:୧-୧୨; ଲୁକ ୫:୧୭-୨୬)

୧ ଜିସୁ ତଙ୍ଗାତ ଦୁମଜି ହାମ୍ଦୁର୍ ଆନଟି ପାଡ଼କା ମାନି ଜାର୍ ବସ୍ତିତ ମାସ୍‌ଦି ହାଚାନ୍ ।\*

୨ ହେବେ ର ହିର୍‌କଲ୍ ରଗିଂ ମାନାୟାର୍ ତା ତାକେ ତାହିଝାତାର୍ । ରଗ୍ୟା ତା ଟାଟିତ ମାଗ୍‌ଜି ମାଚାନ୍ । ହେଝାର୍‌ତି ଏଚେକ୍ ପାତ୍ ହୁଡ଼ି ଜିସୁ ହିର୍‌କଲ୍ ଇଡ଼ୟାତାକାନ୍ଂ ଇଚାନ୍, “ବପା ସାସ୍ ଆହା । ନି ପାପ୍ କେମା ଆତାଡ଼ ।”

୩ କେତେକ୍ ଦରମ୍ ଗୁରୁର୍ ଇକାତା ଖେନଞ୍ଜି ମାନେ ମାନେ ବାବି କିତାର୍, “ଇ ମାନାୟ ଇସ୍‌ବର୍‌ତିଂ ନିନ୍ଦା କିନାନା ।”

୪ ହେଝାର୍‌ତି ମାନ୍ତି କାତା ପୁଞ୍ଜି ଜିସୁ ଇଚାନ୍, “ଏପେଙ୍କ୍ ଇନାକିଦେଂ ଏଲେଙ୍କ୍ ବାନ୍‌ଧା ଚିନ୍ତା କିନାଦେରା ?

୫ ‘ନି ପାପ୍ କେମା ଆତାଡ଼ ?’ ଇ କାତା ଇନାକା ଆଡ଼ଝା କି ‘ନିଙ୍ଗଜି ହାଲା’ ଇନାକା ଆଦିକ୍ ଆଡ଼ଝା ?

୬ ମାତର୍ ପାପ୍ କେମା କିଦେଙ୍କ୍ ପୁତ୍ ମାନାୟ ମାଜି ଜେ ଆଦିକାର୍ ମାନାଡ଼, ଇ କାତା ନି ଆଗେ ପାର୍ମାଣ୍ କିନାଙ୍କ୍ ।” ତା ପାଚେ ଜିସୁ ହିର୍‌କଲ୍ ରଗିଂ ଇଚାନ୍, “ନିଙ୍ଗା, ନି କାଚେଲ୍ ଆସ୍ତି ମିଞ୍ଜି ତାଙ୍କ୍‌ଜି ହାଲା ।”

୭ ହେବେତାଂ ହେଝାନ୍ ନିଙ୍ଗଜି ଇଞ୍ଜି ତାଙ୍କ୍‌ଜି ହାଚାନ୍ ।

\* ୯:୧ ନିଜାର୍ ବସ୍ତି କପର୍‌ନାହୁମ୍



୮ ହେଦା ହୁଡ଼ଜି ମାନାୟାର ପାଣ୍ଡା ଆତାର, ଆରେ, ଇମ୍ଣି ଇସ୍ବର ମାନାୟାରି ଏଲେଙ୍ଗ ଆଦିକାର ହିତାଣ୍ଣା, ହେଖାନ୍ତି ଜାଜମାଲ୍ କିତାର ।

ଜିସୁ ମାତିତଙ୍ଗ କୁକତାନ

(ମାର୍କ ୨:୧୩-୧୭; ଲୁକ ୫:୨୭-୩୨)

୯ ଜିସୁ ହେବେତା ତାଙ୍ଗଜି ହାତି ପାଚେ ମାତିତ ତରଦି ରଖାନ ସିସୁଧୁନ୍ନାକାନି ତା ଏନ୍ନି ବାହାତ କୁଚଟାକା ହୁଡ଼ଜାନ ଆରି ତାଙ୍ଗେଙ୍ଗ କୁକଟି ଇଚାନ, “ନା ପାଚେପାଚେ ଖା ।”

ମାତିତ ନିଙ୍ଗଜି ତା ଲାହାଙ୍ଗ ହାଚାନ ।

୧୦ ଜିସୁ ମାତିତ ଇଞ୍ଜି ତିଞ୍ଜେଙ୍ଗ କୁଚଟିହିଁ ହେନି ସିସୁଧୁନ୍ନାକାର ଆରି ପାପି ଲକୁ ତା ଲାହାଙ୍ଗ ଆରି ତା ଚେଲାହିର ଲାହାଙ୍ଗ ତିଞ୍ଜେଙ୍ଗ କୁଚଟାର ।

୧୧ କେତେକ ଜାଣି ପାରୁସିର ଇଦା ହୁଡ଼ଜି ତା ଚେଲାହିରି ଇଞ୍ଜେଙ୍ଗ ଲାଗାତାର, “ମି ଗୁରୁ ଇନାକିଦେଁ ସିସୁଧୁନ୍ନାକାର ଆରି ପାପିର ଲାହାଙ୍ଗ ତିନାନା ?”

୧୨ ମାତର ଜିସୁ ହେଦା ଖେନ୍ଞି ଇଚାନ, “ଉଜ୍ ମାନାୟତି ତାକ୍ତର ଲଡ଼ା ଆକାୟ, ମାତର ବେମାର ଲଗା ଲଡ଼ା ମାନାଡ଼ ।

୧୩ \*ସାସ୍ବରତ ଲେକା ଆତାଡ଼ନା ଆନ୍ ପୁନାଙ୍ଗ ପୁଜା ମାନ୍ କିଞ୍ଜାଦା ଦୟା ମାନ୍ କିନାଙ୍ଗ, ଇ ବଚନ୍ନି ଅରଡ଼ ଏପେଙ୍ଗ ହାଲ୍ଜି ହିକ୍ୟା କିୟାର, ଇନାକିଦେଁକି ଆନ୍ ଦରମ୍ ଲଗା କୁକତେଁ ଖାଖାତାଁନା, ମତର ପାପିରି କୁକତେଁ ଖାତାଁନା ।”

ଉପାସ୍ କିନି ବିସ୍ବେ ପରସନ୍

(ମାର୍କ ୨:୧୮-୨୨; ଲୁକ ୫:୩୩-୩୯)

୧୪ ହେଖାଡ଼ା ଜହନ୍ତି ଚେଲାହିର ତା ତାକେ ଖାଜି ଇଚାର, “ଆପେଁ ଆରି ପାରୁସିର ଉପାସ୍ କିନାପ, ମାତର ନି ଚେଲାର ଉପାସ୍ କିଉର ଇନାକିଦେଁ ?”

୧୫ ଜିସୁ ହେଖାରି ଇଚାନ, “ବିବାଦାଁଣେନ୍ ଏଚେକାଡ଼ଦ ପାତେକ୍ ବିବାକିନାକାର ହୁକେ ମାନାନ୍, ହେ ପାତେକ୍ ହେଖାର କି ଦୁକ୍ କିଦେଙ୍ଗ ଆଡ଼ନାର ? ମାତର ସମ୍ବୁ ଖାନାଡ଼, ଏଚେକାଡ଼ଦ ହେଖାରତାଁ ବିବା ଦାଙ୍ଗଣେନିଁ ନିକ୍ତି ଅୟା ଆନାଡ଼, ଆରେ ହେଖାଡ଼ା ହେଖାର ଉପାସ୍ କିନାର ।

୧୬ ଇନେର ପୁନି ହେନ୍ଦା ନି ଗନ୍ଦା ପୁନି ହେନ୍ଦାତ ମେହାୟ୍ କିଉର, ଇନାକିଦେଁକି ହେ ହେନ୍ଦା ଗନ୍ଦା ହେନ୍ଦାତିଁ ବେସି କେଚଟି ଅନାଡ଼ ଆରେ ଆଦେକ୍ ଗାଜା କାଣା ଆନାଡ଼ ।

୧୭ ଆରେ, ମାନାୟ ପୁନି ଅଙ୍ଗୁର ରାସ୍ ପୁନି ତଲ୍ ମଣାତ ଇଚୁର; ଇଚଟିସ୍ ତଲ୍ ମଣା କେଞ୍ଜନାଡ଼ ଆରେ ଅଙ୍ଗୁର ରାସ୍ ବନାଡ଼, ଆରେ ମଣା ଖିଜୁ କାରାପ୍ ଆନାଡ଼; ମାତର ମାନାୟ ପୁନି ଅଙ୍ଗୁର ରାସ୍ ପୁନି ମଣାତ ଇଚନାର, ଆରେ ରିଣ୍ଡିପା ରାକ୍ୟା ପାୟନାଡ଼ ।”

ଜାଇରସ୍ତି ଗାହଡ଼ି ଆରି ଜିସୁଙ୍ଗ ହେନ୍ଦାନି ଚେଲିଁ ତୁଡ଼ି କଗ୍ଲେ

(ମାର୍କ ୫:୨୧-୪୩; ଲୁକ ୮:୪୦-୫୬)

୧୮ ଜିସୁ ହେଖାରିଁ ଇ ଖିଜୁ କାତା ଇନିଞ୍ଜାଡ଼ାଲିଁ, ହୁଡ଼ା, ର ମୁଣିକା ତାତାକେ ଖାଜି ଜିଞ୍ଜାର କିଜି ଇଚାନ, “ନା ଗାଡ଼ଚେ ହାଚାଚେ ହାତାଡ଼, ମାତର ଏନ୍ ଖାଜି ତାଙ୍ଗେଙ୍ଗ କେଇ ଇଡ଼ା, ଆରେ ହେଦେଲ୍ ଜିନାଡ଼ ।”

୧୯ ହେବେ ଜିସୁ ନିଙ୍ଗଜି ତା ଚେଲାହିର ଲାହାଙ୍ଗ ତା ପାଚେ ପାଚେ ହାଚାର ।

୨୦ ଜିସୁ ହାଜିଡ଼ ହାନିହିଁ ର କଗ୍ଲେ ତା ପାର ବାଗାଙ୍ଗ ଖାଜି ତା ହେନ୍ଦାନି ଚେଲିଁ ତୁଡ଼ାଡ଼ । ହେଦେଲ୍ ବାର ବାହୁଁ ପାତେକ୍ ଗାଗାଡ଼ନାଡ଼ି ରଗ୍ତ ଡଣ୍ଡ ଆଜି ମାଚାଡ଼ ।

୨୧ ଇନାକିଦେଁକି ହେଦେଲ୍ ମାନ୍ତ ମାନ୍ତ ଇଞ୍ଜି ମାଚାଡ଼, “କେବଲ୍ ତା ହେନ୍ଦା ତୁଡ଼ିସ୍ ଆନ୍ ଉଜ୍ ଆନାଙ୍ଗ ।”

୨୨ ମାତର ଜିସୁ ମାସ୍ତି ତାଙ୍ଗ ହୁଡ଼ଜି ଇଚାନ, “ଗାଡ଼, ସାସ୍ ଆହା, ନି ପାଚି ନିଙ୍ଗେଙ୍ଗ ଉଜ୍ କିତାନନା ।” ହେ ଦାପ୍ରେ କଗ୍ଲେ ଉଜ୍ ଆତାଡ଼ ।

୨୩ ପାଚେ ଜିସୁ ହେ ଜିହୁଦି ମୁଣିକା ଇଞ୍ଜି ଖାଜି ହୁଚଡ଼ି ତୁବନାକାରିଁ ଆରି କିର କିଜି ମାନି ଲକ୍ତିଁ ହୁଡ଼ଜି,

୨୪ ଜିସୁ ଇଚାନ, “ଝିଜାଦେର ଇବେଣ୍ଡାଁ ହସି ହାଲାଟ୍ । ଗାଡ଼ଚେ ହାଖାତାଡ଼ନା । କେବଲ୍ ହୁଞ୍ଜନାତା ।” ତା କାତା ଖେନ୍ଞି ହେଖାର ଗୁଇତାର ।

୨୫ ମାତର ମାନାୟାରିଁ ବାଡ଼ି ହପ୍ତି ପାଚେ, ହେଖାନ ବିଡ୍ରେ ହାଲ୍ଜି ଗାଡ଼ଚେଁ କେଇ ଆସ୍ତାନ୍, ଆରେ ହେଦେଲ୍ ନିଙ୍ଗଜି ନିଲ୍ଡାଡ଼ ।

୨୬ ଆରେ, ଇ କାତା ହେ ଦେସ୍ ସବୁନିପ ଖିଣ୍ଡାଡ଼ ।

ଜିସୁ ରି କାଣାରିଁ ହୁଡ଼ଜି ସାକ୍ତି ହିତାନ

† ୯:୧୦ ହେଦା ଜିସୁତି ଇଞ୍ଜି \* ୯:୧୩ ମାତିତ ୧୨:୭.

୨୭ ଜିସୁ ହେବେତା ହାନିହିଂ ରିୟାର କାଣାର ପାଚେ ପାଚେ ହାଲ୍‌ଜି ଗାଜାକାଟ୍ କିଜି ଇଞ୍ଜେଙ୍ଗ୍ ଲାଗାତାର୍, “ଏ ଦାଉଦ୍ ମାଜି, ମାଜେଙ୍ଗ୍ ଦୟା କିଦା ।”

୨୮ ଜିସୁ ପର୍ତ୍ତୁମ୍ ଇଞ୍ଜ ହେଗାତାନ କାଣାର ପା ହେଗାତାର୍ । ହେବେ ଜିସୁ ହେଝାରିଂ ଖେନ୍‌ବାତାନ, “ଆନ୍ ମିଜେଙ୍ଗ୍ ଉଜ୍ କିଦେଙ୍ଗ୍ ଆଡ଼ଦାନାଂ ଇଞ୍ଜି ଏପେଙ୍ଗ୍ ପାଚି କିନାଦେରା କି ?”

ହେଝାରିଂ ଉତର ହିତାର୍ “ଆଁ ମାପୁ ।”

୨୯ ହେ ପାଦନା ଜିସୁ ହେଝାରିଂ କାଣଜାତ ତୁଜି ଇଚାନ, “ମି ପାଚି କାଜି ହେଦାଂ ଆୟେଡ୍ ।”

୩୦ ହେ ଦାପ୍ତେ ହେଝାରିଂ କାଣକୁ ସାକ୍ତି ପାୟା ଆତାର୍ । ପାଚେ ଜିସୁ ହେଝାରିଂ ତାଟ୍‌କିଜି ବଲ୍ ହିଜି ଇଚାନ, “ହୁଡ଼ାଟ୍, ଇ ବିସ୍ତେ ଇନେସ୍ ଇନେର୍ ପୁନ୍‌ଝାକା ମାନାଟ୍ ।”

୩୧ ମାତର ହେଝାରିଂ ହେବେତା ହାଲ୍‌ଜି ଜିସୁତି କାତା ଖିଜୁ ଦେସ୍ ନିପ ସୁଶାୟ କିତାର୍ ।

**ଜିସୁ ର ଗୁଲାଂ କାତା ଇନି ସାକ୍ତି ହିତାନ**

୩୨ ହେଝାରିଂ ହସି ହାନିହିଂ, ହୁଡ଼ା, ମାନାୟାର ରଝାନ ଗୁଲା ପୁଦା ତୁୟାଆତାକାନିଂ ତା ତାକେ ତାହିଝାତାର୍ ।

୩୩ ଆରେ, ବୁଡ଼ ପିସ୍ତିଲେ, ହେ ଗୁଲା କାତା ଇଚାନ । ହେବେ ମାନାୟାର କାବା ଆଜି ଇଚାର୍, “ଇସ୍ରାଏଲ୍ ବିତ୍ରେପା ଏଲେଙ୍ଗ୍ ଇନାଝାତାଂ ପା ହୁଡ଼ଝାତାପିନା ।”

୩୪ ମାତର ପାରୁସିର୍ ଇଚାର୍, “ହେ ମୁଣିକା ଗାଜା ବୁଡ଼ ଉପକାର୍‌ତାଂ ପୁଦାଂ ପିହିକିନାନା ।”

୩୫ ଇଦାଂ ପାଚେ ଜିସୁ ହେଝାରିଂ କୁଟୁମ୍ ଇଞ୍ଜ ହିକ୍ୟା ହିଜି ରାଜିନି ନେକ୍ରିକାରୁର୍ ସୁଶାୟ କିଜି ଆରି ବାରବିନି ରଗ୍ ଆରି ସବୁ ବାନି ବେମାର୍ ଉଜ୍ କିଜି ଖିଜୁ ଗାଡ଼, ଆରେ ନାସକୁକାଂ ପ୍ଲାଞ୍ଜେଙ୍ଗ୍ ଲାଗାତାର୍ ।

୩୬ ଆରେ, ମାନାୟାର ହୁଡ଼ଜି ହେଝାରିଂ କାଜି ହେଝାନ କାର୍ମାତିଂ ରାସ୍ ଇଚାନ, ଇନାକିଦେଂକି ହେଝାରିଂ ରାକ୍ୟାହିଲ୍‌ଝି ମେଣ୍ଡାଂ ଲାକେ ଉପାୟ ହିଲ୍‌ଝି ଆରି ଜେତେକେତେ ମାଚାର୍ ।

୩୭ ହେଝାତାଂ ଜିସୁ ଜାର୍ ଚେଲାରିଂ ଇଚାନ, ତାସ୍ ହିନା ବେସି ମତର କାମାୟ କିନାକାର୍ ଉଶା,

୩୮ ଲାଗିଂ ତା କାମାୟ ବାହାତ କାମାୟ କିନାକାରିଂ ପକ୍‌ନି କାଜିଂ କାମାୟ ବାହିନି ହାଉକାର୍ ତାକେ ପାର୍ତାନା କିୟାଟ୍ ।

**୧୦**

**ବାରଜାଣ୍ ଚେଲାର୍**

(ମାର୍କ ୩:୧୩-୧୯; ଲୁକ ୬:୧୨-୧୬)

୧ ଜିସୁ ତା ବାରଜାଣ୍ ଚେଲାରିଂ କୁକ୍‌ଟି ପୁଦାଂ ପିହିକିନି କାଜିଂ ଆରି ସବୁ ବାନି ରଗ୍ ବେମାର୍ ଉଜ୍ କିନି କାଜିଂ ହେଝାରିଂ ଆଦିକାର୍ ସାକ୍ତି ହିତାନ ।

୨ ହେ ବାରଜାଣ୍ ପକ୍ୟାତାକାର୍ ତର ଆତାଡ଼, ସିମନ୍, ପିତର ତରଦ ପା ଜାଣାଟିନା ଆରି ତା ଟଣ୍ଡାହି ଆନ୍ଦ୍ରିୟ; ଜେବ୍‌ଦିତି ରି ମେହିର୍ ଜାକୁବ୍ ଆରି ତା ଟଣ୍ଡାହି ଜହନ୍;

୩ ପିଲିପ୍ ଆରି ବାର୍ତ୍ତଲମି, ତମା ଆରି ସିସୁପୁନ୍‌ନାକାର୍ ମାତିଉ, ଆଲପିୟ ମେହି ଜାକୁବ୍, ଆରି ତଦିୟ,

୪ କିଶାନିୟ ସିମନ୍ ଆରି ଇସ୍ପାରିୟତିୟ ଜିହୁଦା, ଇନେନ୍ ଜିସୁଙ୍ଗ୍ ସାତୁ କେଇଦ ହେଲାୟ କିତାକାନ ।

**ବାରଜାଣ୍ ଚେଲାରିଂ ପକ୍‌ତାନ**

(ମାର୍କ ୬:୭-୧୩; ଲୁକ ୯:୧-୬)

୫ ଜିସୁ ଇ ବାରଜାଣ୍ ଚେଲାରିଂ ପକ୍‌ଟି ହେଝାନ ହେଝାରିଂ ବଲ୍ ହିଜି ଇଚାନ, “ପାଚି କିଝି ଜିହୁଦିର୍ ନିପ ହାଲ୍‌ମାଟ୍ ଆରି ସମିରଣିୟାନି ଇମ୍‌ଣି ଗାଡ଼ଦ ହେଗାମାଟ୍,

୬ ମାତର ଜାଙ୍ଗ୍‌ଜି ମାଟି ମେଣ୍ଡା ଲାକେ ଇସ୍ରାଏଲ୍ ଲାଗାଂ ହାଲ୍‌ମାଟ୍ ।

୭ ହେଝାରିଂ ବିତ୍ରେ ସୁଶାୟ କିଜି ଇନାଟ୍, ସାର୍ଗେ ରାଜି ଲାଗେ ଝାତାତେ !

୮ ବେମାର୍ ଲଗାଂ ଉଜ୍ କିୟାଟ୍, ହାତି ଲଗାଂ ଆରେ ନିକକାଟ୍, ଗାଜା ରଗ୍ୟାରିଂ ସକଟ୍ କିୟାଟ୍, ପୁଦାଂ ପିହିକିୟାଟ୍ । ଇନାକା ଉପକା ଗାଟା ଆତାଦେଣ୍ଡା, ହେଦାଂ ବିନ୍‌ନିକାରିଂ ଉପକା ଦାନ ହିୟାଟ୍ ।”

୯ ମି ଜାଙ୍ଗ୍‌ୟାତ “ହନା, କି ରୁପା କି ତାମା, ଆରେ ଜାତ୍ରା କାଜିଂ ମଶା,

୧୦ କି ବିକ୍ୟା ଏନ୍‌ନି ମଶା ଆସ୍ତି ବୁଲା ଆମାଟ୍ ଅଲପ୍ ରିଣ୍ଡା ଆଙ୍ଗିଙ୍ଗ୍ ନଲେ ପାଣ୍ଡାଈଙ୍ଗ୍ କି ବାଡ଼ଗା ପା ଅମାଟ୍ । ଇନେକିଦେଂକି କାମାୟ କିନାକାଦେର୍ ଜାର୍ ତାରୁଙ୍ଗ୍ ପାୟାନି ଜଗ୍ ।”

୧୧ “ଆରେ, ଏପେଙ୍ଗ୍ ଇମ୍‌ଣି ଗାଡ଼ଦ କି ନାସ୍ତ ହେଗାନାଦେର୍, ହେବେ ଇମ୍‌ଣି ଲକ୍ ହେବା କିଦ୍‌ଦେଂ ଆଡ଼ଦାନାନ୍, ହେଦାଂ ଆନ୍‌ମାନ୍ କିୟାଟ୍, ଆରେ ଝାଝି ପାଚେକ୍ ହେବେ ମାନାଟ୍ ।”

☆ ୯:୩୪ ମାତ୍ରିକ ୧୦:୨୫; ୧୨:୨୪; ମାର୍କ ୩:୨୨; ଲୁକ ୧୧:୧୫. ☆ ୯:୩୭ ଲୁକ ୧୦:୨. ☆ ୧୦:୧୦ ୧ କରନ୍ତିୟ ୯:୧୪; ୧ ତିମତି ୫:୧୮.

୧୨ ର ଇଞ୍ଜ ହେଉଛି ଶ୍ରେଣୀରେ ହେବେ ମାନି ମାନାୟତିଂ ଇନାଟ୍, “ମିଦାଙ୍ଗ ସୁସ୍ତା ଆୟେଡ୍ ।”

୧୩ ହେ ଇଲ୍ଲ ଏଚେକାଡ଼ଦ ଆନାଟ୍, ଲାଗିଂ ତା କାଜିଂ ମି ସୁସ୍ତା ଆଏଡ୍, ମାତର ହେଦାଂ ଜଦି ଆଡଡ୍, ତା ଆତିସ୍ ମି ସୁସ୍ତା ମି ଲାଗାଂ ମାସଦି ଖାଏଡ୍ ।

୧୪ \*ଜଦି ଇମ୍ବି ଇଞ୍ଜ କି ଗାଡ଼ଦ ମିଙ୍ଗେଙ୍ଗ ଲକୁ ଇଡ଼ଦୁର, ପାନାନି ଦୁଡ଼ି ଡାଡ଼ତି ହେ ବାହା ପିହାଟ୍ ।

୧୫ \*\*ଆନ୍ ମିଙ୍ଗେଙ୍ଗ ହାଡ଼ପା ଇଞ୍ଜନାଙ୍ଗା, ବିଚାର ନାଜିଂ ଇଞ୍ଜାର ତାଙ୍ଗ ସଦମ୍ ଆରି ଗମରା ଦେସ୍ନି ମାନାୟାର କାଜିଂ ଇସ୍ପର ଆଦିକ୍ ଦସା ଆନାଟ୍ ।

**ଖାନିଦିନି ନିନ୍ଦା**

(ମାର୍କ ୧୩:୯-୧୩; ଲୁକ ୨୧:୧୨-୧୭)

୧୬ \*ହୁଡ଼ାଟ୍, ହୁଣ୍ଡାର ବୁର୍କାକାଂ ତାକେ ପା ମେଣ୍ଡାଂ ଲାକେ ଆନ୍ ମିଙ୍ଗେଙ୍ଗ ପକ୍ତାନାଙ୍ଗା, ଇତିସ୍ ରାଟ୍ ଲାକେ ରୁଦ୍ୟା ଆରି ପାର୍ଖା ଲାକେ ହୁଦାର ଆଡୁ ।

୧୭ \*ମତର ମାନାୟାରତାଂ ଜାଗ୍ରତ୍ ଆଜି ମାନାଟ୍, ଇନାକିଦେଂକି ହେଞ୍ଜାର ମିଙ୍ଗେଙ୍ଗ ବିଚାର ବାହାତ ହେଲାଇ କିଦନାର ଆରି ହେଞ୍ଜାର କୁଟୁମ୍ ଇଞ୍ଜ କରଡା ଲାହାଂ ଗ୍ରାକ୍ତାନାର ।”

୧୮ “ଆରେ ଏପେଙ୍ଗ ନା କାଜିଂ ରାଜକାରିୟା ଆରି ରାଜାର କତଶ୍ଚ ତାହିଞ୍ଜାୟାନାଦେର୍; ହେଦାଂ ହେଞ୍ଜାରିଂ ଆରି ପାତ୍ କିଞ୍ଜି ଜିହୁଦିର୍ କାଜିଂ ସାକି ଲାକେ ଆନାଦେର୍ ।

୧୯ ମାତର ଏଚେକାଡ଼ଦ ହେଞ୍ଜାର ମିଙ୍ଗେଙ୍ଗ ହେଲାଇ କିଦନାର, ହେଞ୍ଜାଡ଼ାଂ ଏପେଙ୍ଗ ଇନେସକି ଇନା କାତା ଇନାଦେର୍, ହେ ବିସ୍ତେନି ଚିନ୍ତା କିମାଟ୍, ଇନାକିଦେଂକି ଇନାକା ଇନାଦେର୍, ହେଦାଂ ହେ ଦାପ୍ତେ ମିଙ୍ଗେଙ୍ଗ ହିଦ୍ୟାନାଟ୍ ।

୨୦ ଲାଗିଂ ଏପେଙ୍ଗ ଇନ୍ଦ୍ଞାକାଦେର୍, ମାତର ମିଞ୍ଜି ଆବାତି ଜିବୁନ୍, ଇନେରକି ମି ଖାସ୍ତିତ କାତା ଇନାନ୍, ହେଞ୍ଜାନ୍ ବେଶକାରୟା ଆନାନ୍ ।”

୨୧ \*ଚଣ୍ଡେନ୍ ଚଣ୍ଡେନିଙ୍ଗ ଆରି ଆବା ମାଜି ହାକି ବାହାତ ହେଲାଇ କିତାର ଆରେ ହିମ୍ପାଙ୍ଗ ଆବା ଆୟାକାଂ ବିରୁଡ଼ତ ନିଙ୍ଗି ଅହନାର, ଆରି, ଏପେଙ୍ଗ ନା ପାଚେଞ୍ଜାତି କାଜିଂ ଏପେଙ୍ଗ ଝିଜାକାରତାଂ ଗିଶ୍ଚିୟା ଆନାଦେର୍, ମତର ଇନେର୍ ହାରିହାରା ପାତେକ୍ ସାସ୍ ଆଜି ମାନାନ୍ ହେଞ୍ଜାନ୍ ସାଗେତ ମୁକ୍ତି ପାୟା ଆନାନ୍ ।”

୨୨ \*ଆରେ ନା ତର କାଜିଂ ଏପେଙ୍ଗ ଝିଜାର ହୁକେ ଗିଶ୍ ଆନାଟ୍, “ମାତର ଇନେରକି ଝିଜନ୍ତି ପାତେକ୍ ତିର୍ ଆଜି ମାନାନ୍, ହେଞ୍ଜାନ୍ ମୁକ୍ତି ପାୟାଆନାନ୍ ।

୨୩ ର ବସ୍ତିତ ଏପେଙ୍ଗ କସ୍ ପାୟାତିସ୍ ଅଲଗା ବସ୍ତିତ ହାଲାର୍, ଆନ୍ ମିଙ୍ଗେଙ୍ଗ ହାଡ଼ପା ଇଞ୍ଜନାଙ୍ଗା, ଏପେଙ୍ଗ ଇସ୍ତାଏଲ୍ଲି ଗାଡ଼ଦ କାମାୟ ଝିହ୍ନି ଆଗେ ମାନାୟ ମାଜି ମାସଦି ଖାନାନ୍ ।”

୨୪ \*ଇମ୍ବି ଚେଲାଇ ତା ଗୁରୁତାଂ ଗାଜା ଆକାୟ । ହାଉକାର ତାଙ୍ଗ ଆଡ଼ିଏନ୍ ଗାଜାକାନ୍ ଆକାୟ ।

୨୫ \*ଚେଲାଇ ଜାର ଗୁରୁ ଆରି ଆଡ଼ିଏନ୍ ଜାର ହାଉକାର ଲାକେ ଆତିସ୍ ହେଞ୍ଜାର ପାକ୍ୟାତ ସାରି । ହେଞ୍ଜାର ଏଚେକାଡ଼ଦ ଇଲ୍ଲ ମୁଣିକାଂ ବାଲ୍ଲଜିବୁଲ୍ ଇଞ୍ଜି ଇଚାଣ୍ଡା, ତେବେ ହେଞ୍ଜାରତି ଲକ୍ବକ୍ତିଂ ତ ଆରି ଆଦିକ୍ ଇନାଟ୍ !”

**ଇନେରିଂ ପାତ୍ରା ଆନାଦେର୍**

(ଲୁକ ୧୨:୨-୭)

୨୬ \*ଲାଗିଂ, ହେଞ୍ଜାରିଂ ପାଣ୍ଡା ଆଡ଼; ଇନାକିଦେଂକି ଇନାକା ହଡ଼ଞ୍ଜାକା, ଏଲେଙ୍ଗ ହାଦ୍ଵାକା ଇନାକା ହିଲୁଡ଼; ଆରେ ଇନାକା ପୁନ୍ଞାତାକା, ଏଲେଙ୍ଗ ଡ଼ଲୁନାକା ଇନାକା ହିଲୁଡ଼ ।

୨୭ ଆନ୍ ମିଙ୍ଗେଙ୍ଗ ଇନାକା ମାଜ୍ଗାତାଂ ଇଞ୍ଜନାଙ୍ଗ; ହେଦାଂ ଅଜଡ଼ତ ଇନାଙ୍ଗ, ଆରେ ଇନାକା ଏପେଙ୍ଗ ଡ଼ଗୁଜି ଖେନାଦେର୍, ହେଦାଂ ଇଲ୍ଲ ଜେଗନ୍ ଜପି ସୁଣାୟ କିୟାଟ୍ ।

୨୮ ଆରେ ଇମ୍ପାକାର ଗାଗାଡ଼ତିଂ ଅହନାର, ମାତର ଖାସ୍ତିତିଂ ଅସ୍ତେଙ୍ଗ ଆଡୁର୍, ହେଞ୍ଜାରିଂ ପାଣ୍ଡା ଆମାଟ୍; ଇତିସ୍ ଜେ ଗାଗାଡ଼ ଆରି ଜିବୁନ୍ ରିୟାରିଂ ନରକ୍ତ ନସ୍ କିତାର, ତାଙ୍ଗେଙ୍ଗ ପାଣ୍ଡା ଆଡୁ ।

୨୯ ରିଣ୍ଡାଂ କଡ଼ିହାଡ଼ା ପଟିଂ ଇନାକା ଆଶେକ୍ତିଂ ପ୍ରୟା ଆଡଡ୍ ? ଆରେ, ମି ଆବା ପିସ୍ତି ହେଞ୍ଜାର ବିତ୍ରେତାଂ ପା ରଞ୍ଜାଙ୍ଗ ମେଦ୍ନିତ ଆରୁଡ଼;

୩୦ ମାତର ଇସ୍ପର ମି କାପ୍ତାନି ଝିଲୁ ତେମୁଲ୍ ପା ଗାଶାକିୟା ଆତାଡ଼ନ୍ନା ।

୩୧ ଲାଗିଂ ପାଣ୍ଡା ଆମାଟ୍, ବେସି କଡ଼ିହାଡ଼ା ପଟିଂ ତାଙ୍ଗ ଗାଜା !”

**କ୍ରିଷ୍ଟ ତାକେ ପାତ୍ କି ପାତ୍ କିଞ୍ଜାକା**

(ଲୁକ ୧୨:୮-୯)

\* ୧୦:୧୪ ପକ୍ୟାତାକା ୧୩:୫୧. \* ୧୦:୧୫ ମାତ୍ରିକ ୧୧:୨୪. \* ୧୦:୧୫ ଲୁକ ୧୦:୪-୧୨. \* ୧୦:୧୬ ଲୁକ ୧୦:୩. \* ୧୦:୧୭ ମାର୍କ ୧୩:୯-୧୧; ଲୁକ ୧୨:୧୧,୧୨; ୨୧:୧୨-୧୫. \* ୧୦:୨୧ ମାର୍କ ୧୩:୧୨; ଲୁକ ୨୧:୧୭. \* ୧୦:୨୨ ମାତ୍ରିକ ୨୪:୯; ମାର୍କ ୧୩:୧୩; ଲୁକ ୨୧:୧୭; ମାତ୍ରିକ ୨୪:୧୩; ମାର୍କ ୧୩:୧୩. \* ୧୦:୨୪ ଲୁକ ୬:୪୦; ଜହନ୍ ୧୩:୧୬; ୧୫:୨୦. \* ୧୦:୨୫ ମାତ୍ରିକ ୯:୩୪; ୧୨:୨୪; ମାର୍କ ୩:୨୨; ଲୁକ ୧୧:୧୫. \* ୧୦:୨୬ ମାର୍କ ୪:୨୨; ଲୁକ ୮:୧୭.

୩୨ “ଜେ ଇନେର୍ ଚଞ୍ଚ୍ୟାନାକା ନାଢେଢ଼ ମାପୁ ଇଞ୍ଜି ମାନିକିଦ୍ନାର୍, ଆନ୍ ପା ସାଗେନି ଆବା ମୁମ୍ଦ ତାଢେଢ଼ ଏତୁ କିନାଢ଼ ।

୩୩ ☆ମାତର୍ ଜେ ଇନେର୍ ମାନାୟାର୍ ମୁମ୍ଦ ନାଢେଢ଼ ଏତୁ କିଦୁଦେର୍, ଆନ୍ ପା ସାଗେନି ଆବା ମୁମ୍ଦ ତାଢେଢ଼ ମାନି କିଢ଼ଢ଼ ।”

ସୁସ୍ତା ବାଦୁଲ୍ କାଣ୍ଡା  
(ଲୁକ ୧୨:୫୧-୫୩; ୧୪:୨୬-୨୭)

୩୪ ଆନ୍ ଜେ ପୁତର୍ ତ ସୁସ୍ତା ହିଦେଂ ଖାତାଂନା, ଇଦାଂ ବାବି କିମାଟ୍; ସୁସ୍ତା ହିଦେଂ ଖାଖାଦାଢ଼ ଇତିସ୍ କାଣ୍ଡା ହିଦେଂ ଖାତାଂନା ।

୩୫ ଇନାକିଦେଂକି ଆନ୍ ଆବା ଲାହାଢ଼ ମାଜି ଆରି ଆୟା ଲାହାଢ଼ ଗାଡ଼ତେ ଆରେ ପଦା ହୁକେ କଡ଼ୟା ବେରୁ ଗିଟାଢ଼କିଦେଂ ଖାତାଂନା ।

୩୬ ଆରେ ନିଜଲକ୍ ଜାର୍ ଲାତ୍ରାର୍ ନେ ଜାର୍ ସାତୁର୍ ଆନାର୍ ।

୩୭ ଇନେର୍ ଆବାଂ କି ଆୟାଂ ନା ତାଢ଼ ଆଦିକ୍ ଜିଉନନାର୍, ହେଞ୍ଜାନ୍ ନା ଚେଲା ଆଦେଂ ଆତୁନ୍ । ଆରେ ଇନେର୍ କାଡ଼ଦେଢ଼ କି ଗାଡ଼ତେଂ ନାତାଢ଼ ଆଦିକ୍ ଖାରି କିଞ୍ଜିତିସ୍, ହେଞ୍ଜାନ୍ ନା ଚେଲା ଆଦେଂ ଜଗ୍ୟ ଆକାୟ୍ ।

୩୮ ☆ଆରେ, ଇନେର୍ ଜାର୍ କୁସ୍ ଆସ୍ତି ନା ପାଚେ ଖାଉନ୍, ହେଞ୍ଜାନ୍ ନା ଚେଲା ଆଦେଂ ଜଗ୍ୟ ଆକାୟ୍ ।

୩୯ ☆ଇନେନ୍ ଜାର୍ ଜିବୁନ୍ ବାଚାୟ୍ କିନାନ୍, ହେଞ୍ଜାନ୍ ହେଦାଂ ଆରାୟ୍ କିନାନ୍, ଆରେ ଇନେନ୍ ନା କାଜିଂ ଜାର୍ ଜିବୁନ୍ ଆରାୟ୍ କିନାନ୍, ହେଞ୍ଜାନ୍ ହେଦାଂ ବାଚାୟ୍ କିନାନ୍ ।

ଇନାମ୍  
(ମାର୍କ ୯:୪୧)

୪୦ ☆“ଇନେନ୍ ମିଢେଢ଼ ଇଡ଼ଦାନାନ୍, ହେଞ୍ଜାନ୍ ନାଢେଢ଼ ଇଡ଼ଦାନାନ୍, ଆରେ ଇନେର୍ ନାଢେଢ଼ ଇଡ଼ଦାନାନ୍, ହେଞ୍ଜାନ୍ ନା ପକ୍ତାକାନିଂ ଇଡ଼ତାନ୍ ।

୪୧ ଇନେନ୍ ବେଶ୍‌ବାକ୍‌ଶାୟ୍‌କିନାକାନିଂ ଇସ୍‌ବୁର୍ କାବୁର୍ ଅନାକାନ୍ ଇଞ୍ଜି ଇଡ଼ନାନ୍, ହେଞ୍ଜାନ୍ ବେଶ୍‌ବାକ୍‌ଶାୟ୍‌କିନାକାଡ଼ି ଇନାମ୍ ପାୟା ଆନାନ୍ । ଆରେ ଇନେନ୍ ଦାମ୍ ଇଞ୍ଜି ଇଡ଼ନାନ୍, ହେଞ୍ଜାନ୍ ଦାମ୍ ଲକାତ୍ ଇନାମ୍ ପାୟାନାନ୍ ।

୪୨ ଆରେ, ଇନେନ୍ ଇ ହିରୁକାର୍ ବିତ୍ରେ ରଞ୍ଜାନିଂ ନା ଚେଲା ଇଞ୍ଜି କେବଲ୍ ର ଗିନା କାକାର୍ ଏତୁଂ ଉଣ୍ଡେଢ଼ ହିନାନ୍, ଆନ୍ ମିଢେଢ଼ ହାଡ଼ପା ଇଞ୍ଜନାଢ଼ା ଇନେସ୍‌କି ହେଞ୍ଜାନ୍ ନା ଚେଲା ହାଡ଼ପା ଇନାମ୍ ପାୟାନାନ୍ ।”

### ୧୧

ଜିସୁ ଆରି ବାପ୍ତିସ୍‌ମ୍ ଜହନ୍  
(ଲୁକ ୭:୧୮-୩୫)

୧ ଜିସୁ ତା ବାରଜାଣ୍ ଚେଲାରିଂ ବଲ୍ ହିଜି ଖିସ୍ତି ପାଚେ ହେ ବାହା ପିସ୍‌ସି ଲାଗାଂନି ଗାଡ଼କାଂ ହାଲ୍‌ଜି ସୁଶାୟ୍ କିଦେଢ଼ ଲାଗାତାନ୍ ।

୨ ଇବେଶ୍‌ୟାଂ ଜହନ୍ କ୍ରିସ୍‌ତି କାମାୟ୍‌ନି ବିସ୍ତେ ଜଲ୍‌ଲତ ଖେନ୍‌ଞ୍ଜି ଜାର୍ ଚେଲାହିରିଂ କ୍ରିସ୍‌ ଲାଗାଂ ପକ୍ତାନ୍,

୩ ହେଞ୍ଜାର୍ ହାଲ୍‌ଜି ଜିସୁଢ଼ ଖେନ୍‌ବାତାର୍, “ଇନେର୍ ଖାନାକା ମାନାଟ୍, ହେଞ୍ଜାନ୍ କି ଏନ୍, ଆକାୟ୍‌ଚି ଆପେଂ ଆଲ୍‌ଗା ନିକାନିଂ କାଜିଂ ମାନାପ୍ ?”

୪ ଜିସୁ ହେଞ୍ଜାରିଂ ଉତର୍ ହିତାନ୍, “ଏପେଢ଼ ହାଲ୍‌ଜି, ଇନା ଇନାକା ଖେଚାଦେଶ୍‌ୟା ଆରି ହୁଡ଼ନାଦେରା, ହେ ଜହନ୍‌ତିଂ ଖେଚାଟ୍ ।

୫ କାଶାର୍ କାଶ୍‌କୁ ହୁଡ଼ନାର୍, ମେଟାର୍ ତାଂନାର୍, ଗାଜା ରଗ୍ୟାର୍ ସକଟ୍ ଆନାର୍,\* ବଇରାର୍ ଖେନାର୍, ହାତାକାର୍ ନିଢ଼ନାର୍, ଆରେ ହିଲ୍‌ଖାକାର୍ ତାକେ ନେକ୍ତିକାବୁର୍ ସୁଶାୟ୍ କିୟାଆନାଟ୍;

୬ ଆରେ, ଆରେ ଇମ୍‌ଶି ମାନାୟ୍ ନାତାକେଶ୍‌ୟାଂ ବାଦା ପାୟା ଆଉନ୍, ହେଞ୍ଜାନ୍ ଦନ୍‌ୟ ।”

୭ ହେଞ୍ଜାର୍ ତାଢ଼ି ହାନିହିଂ ଜିସୁ ଜହନ୍ ବିସ୍ତେ ମାନାୟାରିଂ ଇଞ୍ଜେଢ଼ ଲାଗାତାନ୍, ହୁଡ଼ଦେଂ ଇଞ୍ଜି ଏଚେକାଡ଼୍‌ଦ ବାଗାତ ହାଲ୍‌ଜି ମାଚାଦେର୍ ? ଇନାକା ହୁଡ଼ଦେଂ ହାଲ୍‌ଜି ମାଚାଦେର୍ ? ଇନାକା ଦୁକାଡ଼ିଢ଼ ଜଲାଆନି ନାଡ଼ା ?

୮ ହେଦାଂ ଆଞ୍ଜିତିସ୍ ଏପେଢ଼ ଇନାକା ହୁଡ଼ଦେଂ ହସି ହାଲ୍‌ଜି ମାଚାଦେର୍ ? ଇନାକା ଦାମ୍‌ନି ହେନ୍ଦ୍ରା ଉସ୍ତିଚି ର ମାନାୟ୍‌ତି ? ହୁଡ଼ାଟ୍, ଇନେର୍ ଦାଜ୍‌ହେନ୍ଦ୍ରା ଉସ୍ତିସ୍ ମାନାର୍, ହେଞ୍ଜାର୍ ରାଜା ଇଞ୍ଜି ମାନଗାନାର୍ ।

୯ ହେଦାଂ ଆଞ୍ଜିତିସ୍ ଇନାକିଦେଂ ହସି ହାଲ୍‌ଜି ମାଚାଦେର୍ ? ଇନାକା ରଞ୍ଜାନ୍ ବେଶ୍‌ବାକ୍‌ଶାୟ୍‌କିନାକାନିଂ ହୁଡ଼ଦେଂ ? ଆନ୍ ମିଢେଢ଼ ହାଡ଼ପା ଇଞ୍ଜନାଢ଼ା, ବେଶ୍‌ବାକ୍‌ଶାୟ୍‌କିନାକାନ୍‌ତାଂ ଆଦିକ୍ ଗାଜା ମାନାୟ୍‌ତିଂ ହୁଡ଼ତାଦେଶ୍‌ୟା ।

☆ ୧୦:୩୩ ୨ ତିମତି ୨:୧୨. ☆ ୧୦:୩୮ ମାତ୍ରିକ ୧୨:୨୪; ମାର୍କ ୮:୩୪; ଲୁକ ୯:୨୩. ☆ ୧୦:୩୯ ମାତ୍ରିକ ୧୬:୨୫; ମାର୍କ ୮:୩୫; ଲୁକ ୯:୨୪; ୧୭:୩୩; ଜହନ୍ ୧୨:୨୫. ☆ ୧୦:୪୦ ଲୁକ ୧୦:୧୬; ଜହନ୍ ୧୩:୨୦; ମାର୍କ ୯:୩୭; ଲୁକ ୯:୪୮. \* ୧୧:୫ ଉକ୍ତିକିତାନ୍

୧୦ ଇନାବିସ୍ତେ ଇଦାଂ ଲେକା ମାନାଡ଼, ହୁଡ଼ାଟ୍ ଆପେଂ ଦୁଡ଼ତିଂ ମି ତାକେ ପକ୍ତା ନାପା, ହେୱାନ ମି କାଜିଂ ମେହାଜି. ରଚ୍ଚି ହିଦ୍‌ନାନ୍ ଇୱାନ ହେ ମାନାୟ ।

୧୧ ଆନ୍ ମିଜେଙ୍ଗ୍ ହାଡ଼ପା ଇଞ୍ଜନାଙ୍ଗା, ପୁର୍ବେତାଂ ନଙ୍ଗ୍ ପାଡେକ୍ ଇ ପୁଡ଼ିଂ ଏଚେ ଜାଣ୍ ଚଞ୍ଚାରନା, ଜହନ୍ ତାଙ୍ଗ୍ ଗାଜାକାନ୍ ଇନେର୍ ହିଲୁର୍ । ମାଡ଼ର୍ ସାଗେ ରାଜିତ ଇନେନ୍ ଝିଜାର୍ତାଂ ହିରୁକାନ୍, ହେୱାନ୍ ବାପ୍ରିସିମ୍ ଜହନ୍ତାଂ ଗାଜାକାନ୍ ।

୧୨ ଆରେ, ବାପ୍ରିସିମ୍ ଜହନ୍ ସମୁତାଂ ନଙ୍ଗ୍ ପାଡେକ୍ ସାଗେ ରାଜି ସାକ୍ତିତାଂ କାଗ୍ରା ଆନାରା; ଆରେ, ସାକ୍ତିତାଂ କାଗ୍ରାନାକାର୍; ବାଡ଼କାସ୍ତାଂ ହେଦାଂ ଆଦିକ୍ କିନାରା ।

୧୩ ଇନାକିଦେଂକି ଝିଜାର୍ ବେଣ୍‌ବାକ୍‌ଶାୟକିନାକାର୍ ଆରି ବିଦିନି ସାସ୍ତର୍ ଜହନ୍ ଝାନି ଦିନ୍ ପାଡେକ୍ ମସାତି ବିଦି ବେଣ୍‌ବାକ୍‌ଶାୟକିନାକାନ୍ ବିସ୍ତେ ଇଞ୍ଜି ମାଚାନ୍ ।

୧୪ \*ଆରେ, ଏପେଙ୍ଗ୍ ଏଚେକାଡ଼ଦ ଇଡ଼ଦେଂ ମାନ୍ କିନାଦେର୍, ଲାଗିଂ ଇ ଜହନ୍ ଆନାନା, ହେୱାନ୍ ଏଲିୟ ।

୧୫ ଇନେରିଂ କିଡୁଲିଂ ମାନିକ୍, ହେୱାନ୍ ଝେନେନ୍ !

୧୬ “ମାଡ଼ର୍ ଆନ୍ ଇନେର୍ ଲାହାଙ୍ଗ୍ ନଙ୍ଗିନି ମାନାୟାରିଂ ତୁଲାଇ କିନାଙ୍ଗ୍ ? ଇମ୍‌ଣି କାଡ଼ଦେର୍ ଆର୍ ପାଦାତ କୁଚ୍ଚି ବିନେନିକାରିଂ କୁକ୍ଚି ଇନାର୍,

୧୭ ଆପେଂ ମି ତାକେ ହୁରୁଡ଼ି ତୁବ୍‌ତାପ, ଏପେଙ୍ଗ୍ ଏନ୍‌ୱାତାଦେର୍; ଆପେଂ ଦୁକ୍‌କିତାପ, ଏପେଙ୍ଗ୍ ନେଞ୍ଜେତାକିତ ଇଡ଼ିୟା ଆୱାତାଦେର୍, ନଙ୍ଗିନି ନାର୍ ହେୱାର୍ ଲାକେ ।

୧୮ ଇନାକିଦେଂକି ଜହନ୍ ଝାଜି ତିନ୍‌ୱାତାନ୍ କି ଉଣ୍‌ୱାତାନ୍, ଆରେ ଲକୁ ଇନାରା, ହେୱାନ୍ ପୁଦା ଆସ୍ତାତନା ।

୧୯ ମାନାୟ ମାଜି ଝାଜି ତିନାଉଣା କିନାନ୍, ଲକୁ ଝିଜାର୍ ଇନାର୍, ହୁଡ଼ାଟ୍, ଇୱାନ୍ ରକାନ୍ ବାଡ଼ୱା ଆରି ମାଡ଼ଲି, ସିସ୍ତୁନ୍‌ନାକାର୍ ଆରେ ପାପିର୍ ହାଙ୍ଗ୍‌ଦାକାନ୍; ମଡ଼ର୍ ଇସ୍‌ର୍ ଗିଆନି ଜାର୍ କାମାୟ ତାଙ୍ଗ୍ ସମାନ୍ ଇଞ୍ଜି ପାର୍ମାଣ୍ ଆତାଡ଼ ।”

**ପାଡ଼ି କିଞ୍ଚାତାର୍ ଗାଡ଼ଦାକାର୍**  
(ଲୁକ ୧୦:୧୩-୧୫)

୨୦ ଏଚେକାଡ଼ଦ ଇମ୍‌ଣି ଇମ୍‌ଣି ଗାଡ଼ଦ ତା ଆଦିକାର୍ ସାକ୍ତିନି କାମାୟ କିୟାଆଜି ମାଚାଡ଼, ହେୱାନ୍ ହେ ଗାଡ଼ତିଙ୍ଗ୍ ହେୱାନ୍ ନିୟା କିଦେଙ୍ଗ୍ ଲାଗାତାନ୍, ଇନାକିଦେଂକି ହେୱାର୍ ମାନ୍‌ବାଦ୍‌ଲାଇ କିଞ୍ଚାଦାଂ ମାଚାର୍ ।

୨୧ “ଏ ଡାଣ୍ଡିନି କରାଜିନ୍, ଏ ଡାଣ୍ଡିନି ବେଡ଼ସାଈଦା, ଇନାକିଦେଂକି ମି ବିତ୍ତେ ଇମ୍‌ଣି ଇମ୍‌ଣି ସାକ୍ତିନି କାମାୟ କିୟାତାତନା, ହେଦାଂ ଝିଜୁ ଇନାଞ୍ଚାଡ଼ାଂ ସର ଆରି ସିଦନ୍ ତାକେ କିଆତାତମା, ଲାଗିଂ ହେୱାର୍ ବେସିଦିନ୍ ପୁର୍ବେତାଂ ବାସ୍ତା ଉଣ୍‌ସିସ୍ ନିସ୍‌ତାକେ କୁଚ୍ଚି ମାନ୍‌ବାଦ୍‌ଲାଇ କିତାର୍ମା ।

୨୨ ଆତିସ୍‌ପା ଆନ୍ ମିଜେଙ୍ଗ୍ ଇଞ୍ଜନାଙ୍ଗା, ଇସ୍‌ତ୍ ବିଚାର୍ ନାଜିଂ ମି ବାଟା ସର ଆରି ସିଦନ୍‌ନି ମାନାୟାରିଂ ଆଦିକ୍ ଦୟା ଚଚ୍ଚାନାଡ଼ ।

୨୩ ଆରେ, ଆଡ଼େ କପର୍ନାହୁମ୍, ନିକାଦେର୍ ଏପେଙ୍ଗ୍ ଜାର୍ତିଂ ସାଗେ ପାଡେକ୍ ଲାମା ଆଦେଂ ଆଡ଼ନାୟ ? କଞ୍ଚାଣ ପାତାଲ୍‌ନି ଆଦାହାନାକା ଆନାଡ଼, ଇନାକିଦେଂକି ନି ବିତ୍ତେ ଇମ୍‌ଣି ଇମ୍‌ଣି ସାକ୍ତିନି କାମାୟ କିୟାତାତନା, ହେଦାଂ ଝିଜୁ ଏଚେକାଡ଼ଦ ସଦମ୍ ତାକେ କିଆତାତମା, ଲାଗିଂ ହେଦାଂ ନେଞ୍ଜେଙ୍ଗ୍ ପାଡେକ୍ ମାନ୍‌ଗାତାତମା ।

୨୪ \*ଆନ୍ ମିଜେଙ୍ଗ୍ ହାଡ଼ପା ଇଞ୍ଜନାଙ୍ଗା, ଇସ୍‌ର୍ ବିଚାର୍ କିନାନ୍ ନିଙ୍ଗ୍ ତାଙ୍ଗ୍ ନି ଦସ୍ ବାଟା ସଦମ୍ ଦେସ୍‌ନି ଦସ୍ ବେସି ଆନାଡ଼ ।”

**ନା ତାକେ ଝାଜି ଜମାଟ୍**  
(ଲୁକ ୧୦:୨୧-୨୨)

୨୫ ହେୱାଡ଼ାଂ ଜିସୁ ପାର୍ତ୍ତାନା କିଜି ଇଚାନ୍, ଏ ଆବା, ସାଗେ ଆରି ପୁଡ଼ିଂ ତ ମାପୁ, ଏପେଙ୍ଗ୍ ଗିଆନି ଆରି ବୁଦିୟା ମାନାୟାର୍ ତାଙ୍ଗ୍ ଇ ଝିଜୁ ବିସ୍ତେ ଡକ୍ଚି ଇଡ଼ଜି ହିମ୍‌ଶାଙ୍ଗ୍‌ତାକେ ଝେଚ୍‌ଚାୟନା, ଇଦାଂ କାଜିଂ ନି ଜୁଞ୍ଚାର୍ କିଦ୍‌ନାଙ୍ଗା;

୨୬ ଆଁ ଆବା, ଇନାକିଦେଂକି ଇଦାଂ ନି କାଣ୍‌କୁତାଂ ଏଚେକ୍‌ସାରି ଆତାଡ଼ନ୍ନା ।

୨୭ \*ନା ଆବା ନାଜେଙ୍ଗ୍ ଝିଜୁ ବିସ୍ତେ ନାବେ ସର୍ପି ଆତାଡ଼ନ୍ନା । ଆବାଂ ପିସ୍ତି ମାଜି ଆରେ ଇନେର୍ ପୁନୁର୍ ଆରି ମାଜି ପିସ୍ତି ଆବା ଆରେ ଇନେର୍ ପୁନୁର୍ । ମାଜି ଇମ୍‌ଶାକାର୍ ତାକେ ଆବାଂ ହପ୍‌ନାନ୍, କେବଲ୍ ହେୱାର୍ ଆବାଂ ପୁଞ୍ଜେଙ୍ଗ୍ ଆଡ଼ନାର୍ ।

୨୮ “ଏ ଝାହ୍‌ନାକାଦେର୍ ଆରି ବଜ୍‌ପିଣ୍ଡି ମାନାୟ ନା ତାକେ ଝାଡୁ, ଆନ୍ ମିଙ୍ଗ୍ ଜମ୍‌ଦେଂ ହିଦ୍‌ନାଂ ।

୨୯ ନା ଜୁଞ୍ଚାଣ୍ ଜାର୍ ଜାର୍ ଜପି ପିଣ୍ଡି, ଆରେ, ନା ତାକେ ହିକ୍ୟା କିୟାଟ୍, ଇନାକିଦେଂକି, ଆନ୍ ହୁଦାର୍ ଆରି ଦାମ୍, ଆରେ ଏପେଙ୍ଗ୍ ଜାର୍ ଜାର୍ ଝାସ୍ତିତ ଜମ୍‌ନାଦେର୍;

\* ୧୧:୧୪ ମାଡ଼ିତ ୧୭:୧୦-୧୩; ମାର୍କ ୯:୧୧-୧୩. \* ୧୧:୨୪ ମାଡ଼ିତ ୧୦:୧୫; ଲୁକ ୧୦:୧୨. \* ୧୧:୨୭ ଜହନ୍ ୩:୩୫; ଜହନ୍ ୧:୧୮; ୧୦:୧୫.

୩୦ ଆନ୍ ମି ଜପି ଇମ୍ଫଣି ଜୁଝାଣ୍ଠ ଇଚ୍ଚନାଂ, ହେଦାଂ ପିଣ୍ଡଦେଂ ଆଡ଼ଝା । ଆରେ ମିଙ୍ଗ ଇମ୍ଫଣି ବଜ୍ ହିଦ୍‌ନାଂ, ହେଦାଂ ବେସି ଉସାସ୍ ।”

### ୧୨

#### ଜମ୍ଫନିବାର ବିସ୍ତେ ପରସନ୍

(ମାର୍କ ୨:୨୩-୨୮; ଲୁକ ୬:୧-୫)

୧ ହେଝାଡ଼ାଂ ଜିସୁ ଜମ୍ଫନିବାର ନାଜିଂ ତାସ୍ ଜମିତିଂ ହିଜି ତାଙ୍ଗଜି ହାଲ୍‌ଜି ମାଚାନ୍, ଆରେ ତା ଚେଲାହିର୍ ନାସ୍‌କି ଆଜି ତାସନ୍ ଜିକି ନାଡ଼ଚି ଚିଞ୍ଜେଙ୍ଗ୍ ଲାଗାତାର ।

୨ ମାତର୍ ପାରୁସିର୍ ହେଦାଂ ହୁଡ଼ଜି ଜିସୁଙ୍ଗ୍ ଇଚାର୍, “ହୁଡ଼ାଟ୍, ଜମ୍ଫନିବାର ନାଜିଂ ଇନାକା କିନି ବିଦି ଆକାୟ୍, ହେଦାଂ ନି ଚେଲାର୍ କିନାରା ।”

୩ ମତର୍ ହେଝାନ୍ ହେଝାରିଂ ଇଚାନ୍, “ଦାଉଦ୍ ଆରି ତା ହାଙ୍ଗଦାକାର ନାସ୍‌କି ଆନିହିଙ୍ଗ୍ ହେଝାନ୍ ଇନାକା କିଜି ମାଚାନ୍, ହେଦାଂକି ଏପେଙ୍ଗ୍ ପଡ଼ି କିଝାତାଦେଣ୍ଟା ?

୪ ହେଝାନ୍ ଇନେସ୍ କିଜି ଇସ୍‌ବର୍ ଇଞ୍ଜ ହଣ୍‌ଜି, ଇମ୍ଫଣି ଦର୍ସନ୍ ରୁଚି କେବଲ୍ ମାପୁହେବାକିନାକାର ତିନି ବିଦି ମାଚାଡ଼, ମାଚାଡ଼ ତା ଆରି ସାଙ୍ଗହିର୍ ତିକାନା ବିଦି ହିଲ୍‌ଝାତାଡ଼, ହେଦାଂ ହେଝାର୍ ଚିଞ୍ଜି ମାଚାଡ଼ ।

୫ ମାତର୍ ଜମ୍ଫନିବାର ନାଜିଂ ମାପୁହେବାକିନାକାର ମନ୍ଦିର୍ ବିତ୍ରେ ଜମ୍ଫନିବାରତିଂ ବିଚାଡ଼୍ କିଝିତିସ୍ ପା ହେଝାର୍ ଦସ୍ ଆଉର୍, ବିଦିତାଂ ଏପେଙ୍ଗ୍ ଇନାକା ଇଦାଂ ପଡ଼ି କିଝାତାଦେଣ୍ଟା ?

୬ ମତର୍ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ମନ୍ଦିର୍ ତାଙ୍ଗ୍ ଗାଜା ବିସ୍ତେ ଇବେ ମାନାଡ଼ ।

୭ ✽ସାସ୍‌ବର୍ ଇନାଡ଼୍ ଆନ୍ ପୁନାଙ୍ଗ୍ ପୁଜା ମାନ୍ କିଝାଦାଂ ଦୟା ମାନ୍ କିନାଙ୍ଗ୍, ଇ କାତାନି ଅରଡ଼୍ ଜଦି ସଡ଼୍ ବୁଜାନାଦେର୍ ଦସିଲଗାରିଂ ଏପେଙ୍ଗ୍ ଦସ୍ କିଝାତାଦେର୍‌ମା ।

୮ ଇନାକିଦେଂକି ମାନାୟ୍ ମାଜି ଜମ୍ଫନିବାର ନାଜିଂ ପା ମାପୁ ଆନାନ୍ ।”

#### ଝାଡ଼ଚି କେଇ ହାର ଆତାଡ଼

(ମାର୍କ ୩:୧-୬; ଲୁକ ୬:୬-୧୧)

୯ ଜିସୁ ହେ ବାହାତାଂ ହାଲ୍‌ଜି ହେଝାର୍ କୁରୁମ୍ ଇଞ୍ଜ ହଣ୍‌ଗାତାନ୍ ।

୧୦ ଆରେ ହୁଡ଼ାଟ୍, ହେବେ ରଝାନ୍ ଲକ୍ ମାଚାନ୍, ତା ର କେଇ ଝାଜ୍‌ଜି ମାଚାଡ଼ । ଆରେ, ହେଝାର୍ “ତା ବେରଣ୍‌ତାଂ ଦାବା କିନି ହେଦାଂ କାଜିଂ ଜିସୁଙ୍ଗ୍ ଝେନ୍‌ବାତାର୍, ଜମ୍ଫନିବାର ନାଜିଂ ଉଜ୍ କିନାକା ଇନାକା ବିଦି ମାନାଡ଼ ?”

୧୧ ✽ମାତର୍ ଜିସୁ ହେଝାରିଂ ଇଚାନ୍, ଜଦି “ଇନେରତି ରଞ୍ଜାଙ୍ଗ୍ ମେଣ୍ଟା ମାନାଡ଼୍ ଆରି ହେଦାଂ ଜମ୍ଫନିବାର ନାଜିଂ କୁଇତାକେ ଆତଂ ସ୍ ଇନାକା ହେଦେଲିଂ ଜେ ତାଙ୍ଗେଙ୍ଗ୍ ଆସ୍ତି ନିକୁନ୍, ଏଲେଙ୍ଗ୍ ମାନାୟ୍ ମି ବିତ୍ରେ ଇନେନ୍ ମାନାନ୍ ?

୧୨ ଲାଗିଂ, ମେଣ୍ଟା ତାଙ୍ଗ୍ ମାନାୟ୍ ଆରେ ଏଚେକ୍ ଆଦେକ୍ ଗାଜା । ବିଦି ଲାକେ ଜମ୍ଫନିବାର ନାଜିଂ ହାର୍ କିନାକା ବିଦି ମାନାଡ଼ ।”

୧୩ ହେଝାଡ଼ାଂ ହେଝାନ୍ ହେ ମାନାୟ୍‌ତିଂ ଇଚାନ୍, ନି କେଇ ଲାମାୟ୍ କିଦା । ହେବେ ହେଝାନ୍ କେଇ ଲାମାୟ୍ କିତାନ୍, “ଆରେ ହେଦାଂ ଅଲ୍‌ଗା କେଇ ଲାକେ ଆରେ ହାରା ଆତାଡ଼ ।”

୧୪ ମାତର୍ ପାରୁସିର୍ ବାଟ୍ ହାଲ୍‌ଜି ହେଝାନ୍ ରୁଡ଼ାୟ୍ କିନି କାଜିଂ ତା ବେରଣ୍‌ତାଂ ମାନ୍‌ପାଟି କିତାର୍ ।

#### ଇସ୍‌ବର୍ ବାଚିକିତି ହେବାକାରୟା ଜିସୁ

୧୫ ଜିସୁ ହେଦାଂ ପୁଞ୍ଜି ହେବେତାଂ ହେ ବାହା ପିସ୍ତି ହସି ହାଚାନ୍, ହେନି ତା ପାଚେ ପାଚେ ହାଚାର୍, ଆରେ ହେଝାନ୍ ଝିଜାର୍ ରଗ୍ୟାରିଂ ଉଜ୍ କିତାନ୍ ।

୧୬ ଆରେ, ତାଙ୍ଗେଙ୍ଗ୍ ଝେଡ଼୍‌ଝି କାଜିଂ ହେଝାନ୍ ହେ ବାନ୍‌ପା ପୁଦାକାଂ ବେସି ତାଟ୍ କିଜି ବଲ୍ ହିତାନ୍,

୧୭ ଇନେସ୍‌କି ଜିସାୟ୍ ବେଣ୍‌ବାକ୍‌ଶାୟ୍ କାଜିଂ ଏକାତାର୍ ପୁରା ଆନାଡ଼,

୧୮ “ହୁଡ଼ାଟ୍, ମା ଆଡ଼ିଏନ୍, ଇନେରିଂକି ଆପେଙ୍ଗ୍ ବାଚି କିତାପ୍‌ନ୍ନା; ମା ଝାରିନି ମାଜି ଇନେର୍ ତାକେ କି ଆପେଂ ଜିବୁନ୍‌ନି ବେସି ଝାରି

ଆସେଙ୍ଗ୍ ତା ଜପି ନା ଜିବୁନ୍ ଜୁଦ୍‌ନାଡ଼,

ଆରେ ହେଝାନ୍ ପାଚଂ କିଝି ଜିହୁଦିର୍ ଲାଗାଂ ନ୍ୟାୟ୍ ବିଚାର୍ କିଜି ସୁଶାୟ୍ କିନାନ୍ ।

୧୯ ହେଝାନ୍ କୁଲ୍ କିଉନ୍ କି ଗାଜା କାଟ୍ ସୁଶାୟ୍ କିଉନ୍,

କି ହାକ୍‌ଡ଼ିତ ହେଝାନ୍ତି କାଟ୍ ଇନେର୍ ଝେନ୍‌ବୁର୍

୨୦ ନାଦାର୍ କାଟାକାରିଂ କାଜିଂ ହେଝାନ୍ ହୁଦାର୍ ବେବାର୍ କିନାନ୍ ନାଡ଼ା

ଆରି ସାଇଜ ହିଲ୍‌ଝାକାରିଂ ଉପକାର୍ କିନାନ୍ ।

✽ ୧୨:୬ ମାତୃତ୍ୱ ୯:୧୩. ✽ ୧୨:୧୧ ଲୁକ ୧୪:୫.

ନ୍ୟାୟ ବିଚାର ଆଣି ପାତେକ ହେବୁନି କି ସଦୁମ୍ ନୁଲକଦାନି ବଇଟାତିଂ ପାଗୁନ୍ ।

୨୧ ଆରେ ତା ତରଦ ପାତ କିଞ୍ଚି ଜିହୁଦିର୍ ଆହା କିତାର ।”

**ଜିସୁ ଆରି ବାଲଜିବୁଲ୍**

(ମାର୍କ ୩:୨୦-୩୦; ଲୁକ ୧୧:୧୪-୨୩)

୨୨ ହେବୁତାଂ ରଖାନ୍ ପୁଦା ଆହୁୟାତି କାଣାଂ ଆରି କନ୍ୟାଲଗାଂ ତା ତାକେ ତାହିଞ୍ଜାତାର, ଆରେ ଜିସୁ ତାଙ୍ଗେଙ୍ଗ୍ ଉଦ୍ କିତାନ; ହେବେ ହେ କନ୍ୟା ବେଣ୍ ଇଞ୍ଜେଙ୍ଗ୍ ଆଡ଼ତାନ ଆରି ହୁଡ଼ଦେଂ ଆଡ଼ତାନ ।

୨୩ ଆରେ, ମାନାୟାର କାବା ଆଜି ଇଞ୍ଜେଙ୍ଗ୍ ଲାଗାତାର, “ଇଞ୍ଜାନ୍ ଇନାକା ଦାଉଦ୍ ମାଜି ଆକାୟ୍ ?”

୨୪ \*ମତର୍ ପାରୁସିର୍ ହେଦାଂ ଖେନ୍ଞି ଇଚାର, “ଇ ମୁଣିକା ଗାଜାପୁଦା ବାଲଜିବୁଲ୍ ଉପକାରତାଂ ପୁଦାଂ ପିହିକିଉନା ।”

୨୫ ମାତର୍ ଜିସୁ ହେବୁର ମାଜି ଏଡ଼ ପୁଞ୍ଜି ହେବୁରିଂ ଇଚାନ, “ଇମଣି ରାଜି ରିବାଗ୍ ଆଜି ଜାର୍ ବେରୁତାଂ ନିଙ୍ଗନାଡ଼, ହେଦାଂ ଦୁଡ଼ି ଆଜି ହାନାଡ଼; ଆରେ, ଇମଣି ଗାଡ଼ କି ଇଲ୍ ରିବାଗ୍ ଆଜି ଜାର୍ ବେରୁତାଂ ନିଙ୍ଗନାଡ଼ ହେଦାଂ ତିର୍ ଆଜି ମାଞ୍ଜେଙ୍ଗ୍ ଆଡ଼ତ ।

୨୬ ଆରେ, ସୟତାନ ଜଦି ସୟତାନତିଂ ପିହିକିତିସ୍, ତା ଆତିସ୍ ହେଦାଂ ରିବାଗ୍ ଆଜି ଜାର୍ ବିରୁଡ଼ତାଂ ନିଙ୍ଗତାତେ; ଲାଗିଂ ତା ରାଜି ଇନେସ୍ ତିର୍ ଆଜି ମାନାଡ଼ ?

୨୭ ଆନ୍ ଏଚେକାଡ଼ଦ୍ ବାଲଜିବୁଲ୍ ଉପକାରତାଂ ପୁଦାକାଂ ପିହିକିନାଙ୍ଗ୍, ଲାଗିଂ ମି ମାଜିର୍ ଇନେର୍ ଉପକାରତାଂ ହେବୁକାଂ ପିହିକିନାର । ଲାଗିଂ ହେବୁର ନେ ମିଙ୍ଗେଙ୍ଗ୍ ବିଚାରକାରୟାର୍ ଆଦନାର !

୨୮ ମାତର୍ ଆନ୍ ଜଦି ଇସ୍ବର୍ ଖାସ୍ଟି ସାଇଜତାଂ ପୁଦାକାଂ ପିହିକିନାଙ୍ଗ୍, ଇଦାଂ କାଜିଂ ପାର୍ମାଣ୍ ଆନାଡ଼ ସାଗେ ରାଜି ମି କାଜିଂ ଏକା ଖାତାତେ ।”

୨୯ “କି ଇନେର୍ ପର୍ଡ଼ମ୍ ସାକ୍ତି ଲଗାଂ ଗାଡ଼ଞ୍ଜିତିସ୍ ଇନେସ୍ କିଜି ତାଞ୍ଜ ହାଣ୍ଟିସ୍ ତା ଦାନ୍ ସବୁ ଚର୍ କିଦେଙ୍ଗ୍ ଆଡ଼ନାନ୍ ? ତାଙ୍ଗେଙ୍ଗ୍ ଆଗେ ଗାଡ଼ିସ୍ ହିନା ତା ଇଲ୍ ଚର୍ କିଦେଙ୍ଗ୍ ଆଡ଼ନାନ୍ ।”

୩୦ \* “ଇନେନ୍ ନା ପାକ୍ୟା ଆକାୟ୍, ହେବୁନ୍ ନା ବେରିୟା, ଆରେ ଇନେନ୍ ନାଲାହାଂ ରୁଣ୍ଡାୟ୍ କିଉନ୍, ହେବୁନ୍ ଜେଡେ କେଡେ କିନାନ୍ ।

୩୧ ଆତିସ୍ପା, ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା ମାନାୟାର୍ ଖିଜୁ ପାପ୍ ଆରି ନିନ୍ୟା କାତା କେମା କିୟା ଆନାଡ଼,\* ମାତର୍ ଖାସ୍ଟି ବେରୁ ନିନ୍ୟା କେମା କିୟା ଆଉଡ଼ ।

୩୨ ଆରେ, ଇନେର୍ ଆୟେଡ଼ ମାନାୟା ମାଜି ବେରୁତାଂ କାତା ଇନାନ୍, ତାଙ୍ଗେଙ୍ଗ୍ କେମା ହିୟା ଆନାଡ଼, ମାତର୍ ଇନେର୍ ଆୟେଡ଼ ପୁଇପୁୟା ଜିବୁନ୍ ବେରୁତାଂ କାତା ଇନାନ୍, ଇ ଜୁଗ୍ତ କି ପାଚେନି ଜୁଗ୍ତ ତାଙ୍ଗେଙ୍ଗ୍ କେମା ହିୟା ଆଉଡ଼ ।”

**ମାର୍ ଆରି ତା ପାଡ଼**

(ଲୁକ ୬:୪୩-୪୫)

୩୩ “ହାଦ୍ ପାଡ଼ ଆହୁନି କାଜିଂ ମାର୍ ବାଡ଼କାସ୍ ଆନାକା ମାନାଡ଼ । ମିଦାଙ୍ଗ୍ ବାନ୍ୟା ମାର୍ ମାତିସ୍ ହେବେତାଂ ଏପେଙ୍ଗ୍ ବାନ୍ୟା ପାଡ଼ ପାୟା ଆନାଦେର୍ । ଇନାକିଦେଂକି ପାଡ଼ କାଜିଂ ମାର୍ତିଂ ପୁନ୍ୟା ଆନାଡ଼ ।

୩୪ \*ଆଡେ କାଲାଟିରାଡ଼ନି ଲାଡ୍ରା, ଏପେଙ୍ଗ୍ ବାନ୍ୟା ଆଜି ଇନେସ୍ ବାଡ଼ ହାର୍ଦି କାତା ଇଞ୍ଜେଙ୍ଗ୍ ଆଡ଼ନାଦେର୍ ? ଇନାକିଦେଂକି ମାନନି ବାଡ଼ତାଂ ଖେଇଦି କାତା ଇନାନ୍ ।

୩୫ ହାଦ୍ ଲଗୁ ହାର୍ଦି ଖାସ୍ଟିତାଂ ହାଦ୍ ଆଡ଼ମାଡ଼ ହପ୍ନାନ୍ । ଆରେ ବାନ୍ୟା ଲଗୁ ବାନ୍ୟା ଖାସ୍ଟିତାଂ ବାନ୍ୟା ଆଡ଼ମାଡ଼ ହପ୍ନାନ୍ ।”

୩୬ “ମାତର୍ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ମାନାୟାର୍ ଇନେସ୍ ବାଡ଼ ପଲ୍ୟା କାତା ଇନାର୍, ବିଚାଣ୍ଟା-ନାଜିଂ ହେବୁର ହେବେନି ଉତର୍ ହିନାର୍;

୩୭ ମି କାତା କାଜିଂ ଏପେଙ୍ଗ୍ ବିଚାର କିୟା ଆଜି ଦସିଆକାଇ ଦସି ଇଞ୍ଜି ପାର୍ମାଣ୍ ଆନାଡ଼ ।”

**ଜୁନୁସ୍ତି ଚିନ୍**

(ମାର୍କ ୮:୧୧-୧୨; ଲୁକ ୧୧:୨୯-୩୨)

୩୮ \*ହେ ପାଦନା ସାସ୍ତ୍ରୀ ଆରି ପାରୁସିର୍ ବିଡ୍ରେ କେଡ଼ ଜାଣ୍ ତାଙ୍ଗେଙ୍ଗ୍ ଉତର୍ ହିତାର୍, “ଏ ଗୁରୁ, ଆପେଂ ନିତାକେନ୍‌ଣ୍ଟାଙ୍ଗ୍ ର ଚିନ୍ ହୁଡ଼ଦେଂ ମାନକିନାପା ।”

୩୯ ଜିସୁ ହେବୁରିଂ ଉତର୍ ହିତାନ୍, “କେଡେକ୍ ଦାରି ଆରି ଇସ୍ବର୍ତିଂ ପାତ କିଞ୍ଚାକାନ୍ ତେକ୍ନାର୍, ମତର୍ ବେଣ୍‌ବାକ୍‌ଶାୟ୍‌କିନାକାନ୍ ଜୁନସ୍ ଚିନ୍ ପିସ୍ସି ଅଲ୍‌ଗା ଇନା ଚିନ୍ ହେବୁରିଂ ହିୟା ଆଉଡ଼ ।

\* ୧୨:୨୪ ମାତ୍ରିକ ୯:୩୪; ୧୦:୨୫. \* ୧୨:୩୦ ମାର୍କ ୯:୪୦. \* ୧୨:୩୧ ଇସ୍ବର୍ତି ବିରୁଡ଼ତ ବାନ୍ୟା କାତା ଇଚାର୍. \* ୧୨:୩୪ ମାତ୍ରିକ ୩:୭; ୨୩:୩୩; ଲୁକ ୩:୭; ମାତ୍ରିକ ୧୫:୧୮; ଲୁକ ୬:୪୫. \* ୧୨:୩୮ ମାତ୍ରିକ ୧୨:୧; ମାର୍କ ୮:୧୧; ଲୁକ ୧୧:୧୭.

୪୦ ଜୁନସ୍ ଇନେସ୍ ତିନ୍ ଦିନ୍ ଆରି ତିନ୍ ରାତି ଗାଜା ମିନ୍ ପଟ ବିତ୍ରେ ମାଚାନ୍, ମାନାୟ୍ ମାଜି ହେ ଲାକେ ତିନ୍ ଦିନ୍ ଆରି ତିନ୍ ରାତି ମେଦ୍ନି ପୁତ୍ ନି ଗରବ୍ ବିତ୍ରେ ମାନଗାନାନ୍ ।

୪୧ ବିଚାର୍ଣ୍ଣାତ ଦିନ୍ତ ନିନିବିନି ମାନାୟାର୍ ମି ବିରୁଦ୍ତ ଦାବା କିଦେଙ୍ଗ୍ ନିଲ୍ଲନାର୍, ଇନାକିଦେଂକି ହେଝାର୍ ଜୁନସ୍ତି ସୁଣାୟ୍ କିନାକା ଝେନ୍ଝି ହେଝାର୍ ପାପ୍ ହାଜିତାଂ ମାନ୍ବାଦ୍ଲୟ୍ କିତାର୍ ଆନ୍ ମିଙ୍ଗେଙ୍ଗ୍ ଇଞ୍ଜନାକା, ଜୁନସ୍ ତାଙ୍ଗ୍ ଗାଜାକାନ୍ ରଞ୍ଜାନ୍ ଇବେ ମାନାନ୍ ।

୪୨ ଆରେ, ଜେନ୍ବାଗାଙ୍ଗ୍ ଦେସ୍ନି ରାଣି ବିଚାର୍ଣ୍ଣାତ ଇ ନଙ୍ଗ୍ନି ଆଣ୍ଟାଙ୍ଗ୍ ଲାହାଙ୍ଗ୍ ନିଙ୍ଗ୍ନି ଇଝାରିଂ ଦସି କିନାତ୍, ଇନାକିଦେଂକି ହେଦେଲ୍ ସଲମନ୍ତି ବୁଦିନି କାତା ଝେଞ୍ଜେଙ୍ଗ୍ ପୁତ୍ ନି ବାଟାତାଂ ଝାଜି ମାଚାତ୍, ଆରେ ହୁଡା, ସଲମନ୍ତାଂ ଗାଜା ବିସ୍ତେ ଇ ବାହାତ ମାନାତ୍ ।”

**ବାନ୍ୟା ଝାସ୍ନି ସାଲ୍ଲି ମାନାତ୍**  
(ଲୁକ ୧୧:୨୪-୨୬)

୪୩ “ବାନ୍ୟା ଜିବୁନିଂ ରକାନ୍ ମାନାୟାତିଂ ହସି ହାତି ପାଚେ ଏଜୁଂ ହିଲ୍ଝି ବାହା ସବୁ ବୁଲ୍ଲା ଆଜି ଜମ୍ବେଂ ତେକ୍ନାତ୍ ଆରି ହେଦାଂ ଗାଟା ଆଉଡ୍ ।

୪୪ ହେବେ ହେଦାଂ ଇନାତ୍, ଆନ୍ ଇମଣି ଇଞ୍ଜାଙ୍ଗ୍ ହସି ଝାତାଂନା, ଆନ୍ ହେ ଇଞ୍ଜ ମାସ୍ଦି ହାନାଙ୍ଗ୍; ଆରେ, ହେଦାଂ ଝାଜି ହେ ବାହା ଝାରାକା, ଆରି ନିର୍ମଲ୍ ହୁଡ଼ତାତ୍ ।

୪୫ ହେପାଦ୍ନା ହେଦାଂ ହାଲ୍ଲି ଜାର୍ତାଂ ଆଦିକ୍ ବାନ୍ୟା ଆରେ ସାତ୍ଗଟା ପୁଦାଂ ରଚେ ତାସି ଝାନାତ୍, ଆରେ, ହେଝାଙ୍ଗ୍ ହଣ୍ଡି ହେବେ ବାହାକିନିକ୍, ଆରେ ହେ ଲକ୍ତି ପର୍ତ୍ତୁମ୍ ଦସା ତାଙ୍ଗ୍ ହାରିହାରା ଦସା ଆଦେକ୍ ବାନ୍ୟା ଆନାନ୍ । ଇ ବାନ୍ୟା ଆଣ୍ଟେନ୍ ଇ ଜୁଗ୍ନି ମାନାୟାର୍ ହାର୍ ଗିଟା ଆନାତ୍ ।”

**ଜିସୁତି ତେହି ଆରି ଟଣ୍ଡାହିର୍**  
(ମାର୍କ ୩:୩୧-୩୫; ଲୁକ ୮:୧୯-୨୧)

୪୬ ଜିସୁ ମାନାୟାର୍ ଲାହାଙ୍ଗ୍ କାତା ଆନିଝେଡାଂ, ତାଞ୍ଜି ଆୟା ଆରି ଟଣ୍ଡାହିର୍ ବାର୍ତ ନିଲ୍ଲି ତା ଲାହାଙ୍ଗ୍ ବେଣ୍ କିଦେଙ୍ଗ୍ ଇଟା କିଜି ମାଚାର୍ ।

୪୭ ହେବେ ରକାନ୍ ତାଙ୍ଗେଙ୍ଗ୍ ଇଚାନ୍, “ହୁଡା, ମିଞ୍ଜି ଆୟା ଆରି ଟଣ୍ଡାର୍ ବାର୍ତ ନିଲ୍ଲି ନି ଲାହାଙ୍ଗ୍ ବେଣ୍ କିଦେଙ୍ଗ୍ ମାନ୍ କିନାରା ।”†

୪୮ ମାତର୍ ଜେ ତାଙ୍ଗେଙ୍ଗ୍ ଇ କାତା ଇଚାନ୍, ତାଙ୍ଗେଙ୍ଗ୍ ଜିସୁ ଉତର୍ ହିତାନ୍, “ମାଞ୍ଜି ଆୟା ଇଦେଲ୍ ? ଆରେ, ନା ଟଣ୍ଡାର୍ ଇନେର୍ ?”

୪୯ ଆରେ, ଜିସୁ ତା ଚେଲାହିର୍ ନିପ କେଇ ଚର୍ଚି ଇଚାନ୍, “ହୁଡା, ମାଞ୍ଜି ଆୟା ଆରି ମାଞ୍ଜି ଟଣ୍ଡାର୍,

୫୦ ଇନେର୍କି ସାଗେନି ଆବାତି ଇଟା କିନାନ୍, ହେଝାନ୍ ନା ଟଣ୍ଡାର୍, ତଣ୍ଡେକ୍ ଆରି ଆୟା ।”

**୧୩**

**ବିୟାନ୍ ଝିଡ୍ନି ଉତର୍ମୁଡ୍ କାତା**  
(ମାର୍କ ୪:୧-୯; ଲୁକ ୮:୪-୮)

୧ ହେ ନାଜିଂ ଜିସୁ ଇଞ୍ଜାଙ୍ଗ୍ ହସି ହାଲ୍ଲି ହାମ୍ଦୁର୍ ଗୁଚିତ ହେବେ ହିକ୍ୟା ହିଦେଂ କୁଚାନ୍ ।

୨ \*ହେବେ ତା କଚଣତ ବେସି ମାନାୟ୍ ରୁଣ୍ଡା ଆତିଲେ ହେଝାନ୍ ହାଲ୍ଲି ର ତଙ୍ଗାତ କୁଚାନ୍, ଆରେ ମାନାୟାର୍ ଗୁଚିତ ମାଚାର୍ ତା କାତା ଝେନ୍ଝି ମାଚାର୍ ।

୩ ଆରେ, ଜିସୁ ଉତର୍ମୁଡ୍ ହୁକେ ହେଝାରିଂ ବେସି କାତା ଇଚାନ୍, ହୁଡାଟ୍,  
“ରକାନ୍ ଝିଡ୍ନାକାନ୍ ଝିଡ୍ଦେଂ ହୁଡ଼ତାନ୍ ।

୪ ହେଝାନ୍ ଝିଡ୍ଡୁ ଝିଡ୍ଡୁ କେତେକ୍ ବିୟାନ୍ ହାଜି କଚଣତ ଆର୍ତାତ୍, ଆରେ ପଟିଂ ଝାଜି ହେଝାକାଂ ତିନ୍ଞି ହାଚିକ୍ ।

୫ ଆରେ କେତେକ୍ ଅଲପ୍ ଚିକ୍ଲା ମାନି ଚେର୍ଚା ବୁଇଁତ ଆର୍ତାତ୍ ଆରି ବାଜେକ୍ ଚିକ୍ଲା ହିଲ୍ଝିତିଲେ ଚାଣ୍ଡେକ୍ ନେସ୍ତାତ୍,

୬ ମାତର୍ ଝେଡା ହୁଡ୍ତିଲେ, କାଡ୍ତାତ୍ ଆରେ ଚିରା ହିଲ୍ଝିତିଲେ ଝାଜ୍ଜି ହାଚାତ୍ ।

୭ ଆରେ କେତେକ୍ ଝାଡ୍ଡି ମାର୍କୁକାଂ ପା ଆର୍ତାତ୍, ଆରେ ଝାଡ୍ଡିବୁଟାଙ୍ଗ୍ ପାନ୍ତି ହେଝାଙ୍ଗ୍ ଚାପି କିତିକ୍ ।

୮ ମତର୍ ବିନେ କେତେକ୍ ହାଦ୍ ମେଦ୍ନିତ ଆର୍ତାତ୍ ଆରି ପାଡ୍ ଆସ୍ତାତ୍, କେତେକ୍ ପାଞ୍ଚକଡ୍ ଗାଡ୍ହା, ଆଦିକ୍ କେତେକ୍ ତିନ୍କଡ୍ ଗାଡ୍ହା, ଆଦିକ୍ ଆରେ କେତେକ୍ ରିକଡ୍ଡିଦସ୍ ଗାଡ୍ହା ଆଦିକ୍ ।”

୯ ଜିସୁ ଇଚାନ୍ “ଇନେରିଂ କିଡ୍ଲିଂ ମାନିକ୍, ହେଝାନ୍ ଝେନେନ୍ ।”

† ୧୨:୪୭ କେତେକ୍ ପତିତ ୪୭ ପଦ୍ ହିଲ୍ଲୁଡ୍    \* ୧୩:୨ ଲୁକ ୫:୧-୩.



**ଉତ୍ତରମୁତ୍ ଉଦେସ୍**

(ମାର୍କ ୪:୧୦-୧୨; ଲୁକ ୮:୯-୧୦)

୧୦ ଇଦାଂ ପାତେ ଚେଲାର୍ ତା କଚଣ୍ ଖାଜି ଖେନ୍ଦାତାର୍, “ଏନ୍ ଇନାକିଦେଂ ହେଝାରିଂ ଉତ୍ତରମୁତ୍ ହୁକେ କାତା ଇନାୟା ?”

୧୧ ଜିସୁ ଉତ୍ତର ହିତାନ୍, “ଇନାକିଦେଂକି ସାଗେ ରାଜି ବିତ୍ରେନି ବେରଣ୍ ସବୁ ପୁନି କାଜିଂ ମିଜେଙ୍ଗ୍ ସାକ୍ତି ହିଦ୍‌ୟା ଆତାଡ୍‌ନା, ମାତର୍ ହେଝାରିଂ ହିୟାଝାତାଡ୍‌ନା ।

୧୨ ଲାଗିଂ ଇନେରତି ବେସି ମାନାଡ୍, ତାଙ୍ଗେଙ୍ଗ୍ ହିୟାନାଡ୍, ଆରେ ତାଦାଙ୍ଗ୍ ବାଜେକ୍ ଆନାଡ୍; ମାତର୍ ଇନେରିଂ ହିଲୁଡ୍, ତାତାକେ ଇନାକା ମାନାଡ୍, ହେଦାଂ ନେ ତା ତାକେଣ୍ଟାଂ ଅୟାନାଡ୍ ।

୧୩ ହେଝାରିଂ ଆନ୍ ଉତ୍ତରମୁତ୍ ଲାହାଙ୍ଗ୍ ଇନାଙ୍ଗା, ହେଝାର୍ ହୁଡ୍‌ଜି ହୁଡ୍‌ଜି ହୁଡ୍‌ଦେଂ ଆତୁର୍ ଆରି ଖେନ୍ତୁ ଖେନ୍ତୁ ଖେଞ୍ଜେଙ୍ଗ୍ ଆତୁର୍ କି ବୁଜାଆଦେଂ ଆତୁର୍ ।

୧୪ ଆରେ, ଜିସାୟତି ଇ ବେଶ୍‌ବାକ୍‌ଶାୟକିନାକା ହେଝାର୍ ବିସ୍ତେ ପୁରା ଆନାତା,

ଏପେଙ୍ଗ୍ ଖେନ୍ତୁ ଖେନ୍ତୁ ଖେନାଦେର୍, ମାତର୍ ଇନେସ୍ ବାନି ବୁଜାଉଦେର୍,

ଆରେ ହୁଡ୍‌ଜି ହୁଡ୍‌ଜି ହୁଡ୍‌ନାଦେର୍, ମାତର୍ ଇନେସ୍ ବୁଜାଉଦେର୍;

୧୫ ଇନାକିଦେଂକି ଇ ମାନାୟାର୍‌ତି ଜିବୁନ୍ ବଝାଡ୍ ଆତାଡ୍,

ହେଝାର୍ କିତୁଲ୍‌ତ କସ୍ତାଂ ଖେଚାର୍ ଆରି ଜାର୍ ଜାର୍ କାଣ୍‌କୁ ଜୁବଚାର୍,

ଇନେସ୍ ହେଝାର୍ କାଣ୍‌କାତାଂ ହୁଡ୍‌ର୍

ହେଦାଂ ଆଞ୍ଜିତିସ୍ ହେଝାର୍ କିତୁଲ୍‌ତ ଖେଞ୍ଜେଙ୍ଗ୍ ଆଡ୍‌ଡାଟାମା,

ଆରେ ମାନ୍ତ ବୁଜାଆଦେଂ ଆତୁର୍, ଆରେ ମାସଦି ଖାଉର୍,

ଆରେ ଆପେଂ ହେଝାରିଂ ଉଜ୍ କିଦେଙ୍ଗ୍ କପ୍ ।”

୧୬ “ମାତର୍ ଦନ୍‌ୟ ମି କାଣ୍‌କୁ, ଲାଗିଂ ହେଦାଂ ହୁଡ୍‌ନାଡ୍; ଦନ୍‌ୟ ମି କିତୁଲିଂ, ଲାଗିଂ ହେଦାଂ ଖେନାନ୍ ।

୧୭ ଇନାକିଦେଂକି ଆନ୍ ମିଜେଙ୍ଗ୍ ହାଡ୍‌ପା ଇଞ୍ଜନାଙ୍ଗା, ଏପେଙ୍ଗ୍ ଇନା ଇନାକା ହୁଡ୍‌ନାଦେର୍, ହେ ଖିଜୁ ବେସି ବେଶ୍‌ବାକ୍‌ଶାୟ ଆରି ଦାମ୍ ମାନାୟାର୍ ହୁଡ୍‌ଦେଂ ମାନ୍ କିତାର୍, ମାତର୍ ହୁଡ୍‌ଝାତାର୍; ଆରେ, ଏପେଙ୍ଗ୍ ଇନା ଇନାକା ଖେଚାଦେଣ୍ଟା, ହେ ସବୁ ହେଝାର୍ ଖେଞ୍ଜେଙ୍ଗ୍ ମାନ୍ କିତାର୍, ମାତର୍ ଖେଞ୍ଜେଙ୍ଗ୍ ଆଡ୍‌ଝାତାର୍ ।”

**ଓଡ୍‌ନାକାକ୍ତି ବିସ୍ତେ ଉତ୍ତରମୁତ୍**

(ମାର୍କ ୪:୧୩-୨୦; ଲୁକ ୮:୧୧-୧୫)

୧୮ “ଲାଗିଂ ଖେନାଟ୍, ବିୟାନ୍ ଓଡ୍‌ନାକାନ୍ ଉତ୍ତରମୁତ୍‌ନି ଅରଡ୍ ଇନାନ୍ନା । ବୁଜାଆଦେଂ ସେସୁ କିୟାଟ୍ ।

୧୯ ଇନେରକି ରାଜିନି ବଚନ୍ ଖେନ୍‌ଞ୍ଜି ବୁଜା ଆଉର୍, ସୟତାନ୍ ଖାଜି ତା ମାନ୍‌ତ ଇନାକା ଓଡ୍‌ୟାଜି ମାଚାଡ୍, ହେଦାଂ ଉନ୍‌ଦି ଅନାଡ୍, ହେଝାନ୍ ରଝାନ୍ ଓଡ୍‌ତି ହାଜି ଗୁଚିତ ଆଜ୍ ମାନି ବିୟାନ୍ ଲାକେ ।

୨୦ ଇନେର୍ ଇସ୍‌ତ ବଚନ୍ ଆଏଡ୍ ବେରଣ୍ ଖେଚି ଦାପ୍ରେ ଖାୟା ଆଜି ହେଦାଂ ମାନି କିତାର୍, ହେଝାର୍ କାଲ୍‌କୁକୁଡ୍‌ ବୁଇଁତ ଆଜ୍ ମାନି ବିୟାନ୍ ଲାକେ,

୨୧ ହେଝାର୍‌ତି ଚିରାଂ ଦେହା ହାଲ୍‌ଝାଦାଂ ମାଚିଲେ ହେଝାର୍ ହେଦେଲିଂ ବେସି ସମୁ ଆସ୍ତି ଇଡ୍‌ଦେଂ ଆତୁର୍ । ଇ କାବୁର୍ କାଜିଂ ଏଚେକାଡ୍‌ଦ କସ୍ତୁ କି ନିୟା ଖାତିସ୍ ହେଝାର୍ ଦାପ୍ରେ ହେଦେଲିଂ ପିହ୍‌ନାର୍ ।

୨୨ ଇନେନ୍ ଇସ୍‌ତ ବେରଣ୍ ଖେନାନ୍, ଆରେ ସଂସାର୍‌ନି ଚିନ୍ତା ଆରି ଦାନ୍‌ନି ବାୟା ବେଶ୍‌ତିଙ୍ଗ୍ ଚାପି କିନାଡ୍, ଆରେ ହେଝାନ୍ ପାଡ୍ ଆହେନ୍, ହେ ରଝାନ୍ ଓଡ୍‌ୟାତି ଖାଡ୍ ମାର୍‌କୁ ତାରେନ୍ ଲାକେ ।

୨୩ ମାତର୍ ଇନେର୍ ବଚନ୍ ଖେନ୍‌ଞ୍ଜି ବୁଜାଆନାନ୍, ହାଦ୍ ଜମିତ ଆଜ୍ ମାଚି ବିୟାନ୍ ଲାକେ ହେଝାର୍ ହାଦ୍ ପାଡ୍ ଆହ୍‌ନାଡ୍, ଇନେନ୍ ପାଞ୍ଜକଡ୍‌ ଗାଡ୍‌ହା ଆଦିକ୍, ଇନେନ୍ ତିନ୍‌କଡ୍‌ ଗାଡ୍‌ହା ଆଦିକ୍, ଇନେନ୍ ରିକଡ୍‌ଦସ୍ ଗାଡ୍‌ହା ଆଦିକ୍ ପାୟାନାନ୍, ହେଝାନ୍ ଓଡ୍‌ୟାତି ହାଦ୍ ମେଦ୍‌ନି ଲାକେ ।”

**କାତ୍ରା ଉତ୍ତରମୁତ୍**

୨୪ “ଜିସୁ ହେଝାରିଂ ଆରେ ର ଉତ୍ତରମୁତ୍ ହିଜି ଇଚାନ୍, ସାଗେ ରାଜି ଜାର୍ ଜମିତ ହାଦ୍ ବିୟାନ୍ ଓଡ୍‌ଦିମାଚି ର ମୁଣିକା ଲାକେ;

୨୫ ମତର୍ ଲକୁ ହୁଚ୍‌କାଣ୍‌କୁ ହନିହିଙ୍ଗ୍ ତା ସାତୁ ଖାଜି ହେ ଗାଁମ୍ ବିୟାନ୍ ବିତ୍ରେ କାତ୍ରା ଓଡ୍‌ଦି ତାଙ୍ଗି ହାଚାନ୍ ।

୨୬ ଏଚେକାଡ୍‌ଦ ଆକିଂ ହସି ପାଡ୍ ଆସ୍ତେଙ୍ଗ୍ ଲାଗାତାଡ୍, ହେ ପାଦ୍‌ନା କାତ୍ରା ପା ଚଞ୍ଜିୟାଆତାଡ୍ ।

୨୭ ହେବେ ଇଞ୍ଜିମୁଣିକାଂ ହଲ୍‌ସାହିର୍ ତା କଚଣ୍ ଖାଜି ଇଚାର୍, ହାଉକାର୍, ଏନ୍ ଇନାକା ଜାର୍ ଜମିତାକେ ହାଦ୍ ବିୟାନ୍ ଓଡ୍‌ଝାଦାଂ ମାଚାୟ୍ ? ଲାଗିଂ କାତ୍ରାଂ ଇମେଣ୍ଟାଂ ଆତାଡ୍ ?

☆ ୧୩:୧୨ ମାତୃତ ୨୫:୨୯; ମାର୍କ ୪:୨୫; ଲୁକ ୮:୧୮; ୧୯:୨୭. ☆ ୧୩:୧୭ ଲୁକ ୧୦:୨୩,୨୪.

୨୮ ହେୱାନ ହେୱାରିଂ ଇଚାନ, ରକାନ ସାତୁ ଇଦାଂ କିତାନନ୍ନା । ଆରେ, ହଲ୍ୟାହିର୍ ତାଙ୍ଗେଙ୍ଗ୍ ଇଚାର୍, ଲାଗିଂ ଆପେଂ ହାଲ୍ଲଜି ହେ ଓଁଜୁ ଜେଲ୍ଲଜି ରବେ କିନାପ, ଇଦାଂ ଇନାକା ନିମାନ ?

୨୯ ମାତର୍ ହେୱାନ ଇଚାନ, ଆକାୟ, କାତେ ଏପେଙ୍ଗ୍ କାରା ରୁଣ୍ଡାୟ କିଉ କିଉ ହେ ଓଁଜୁ ରଚେ ଗାଁମ୍ ଜେଲ୍ଲଜି ତୁହିହିନାଦେର୍ ।

୩୦ ତାସ୍ ତ୍ରେସ୍ତ୍ରି ପାତେକ୍ ରିଣ୍ଡାକାଂ ରଚେ ଗାଜାଆଦେଂ ପିହାଟ୍, ଆରେ କାରା ତ୍ରେସ୍ତ୍ରିହିଙ୍ଗ୍ ଆନ୍ ତ୍ରେସ୍ତ୍ରିନା କାରିଂ ଇନାଙ୍ଗ୍, କାଚାୟକିଦେଂ ହିଗ୍ଦ କାରା ରବେ କିଜି ମୁଟା ଗାଚାଟ୍, ମାତର୍ ଗାଁମ୍ ନା ରୁଣ୍ଡିତ ରୁଣ୍ଡାୟ କିଜି ଇଚାଟ୍ ।”

**ଜିସୁ ହାରୁହୁ ମାଞ୍ଜିନି ଉତର୍ମୁଡ୍**  
(ମାର୍କ ୪:୩୦-୩୨; ଲୁକ ୧୩:୧୮-୧୯)

୩୧ ଜିସୁ ହେୱାରିଂ ଆରେ ର ଉତର୍ମୁଡ୍ ହିଜି ଇଚାନ, “ସାଗେଁ ରାଜି ଇ ଲାକେ ର ହାରୁହୁ ମାଞ୍ଜି ଲାକେ, ଇନାକା ଅଜି ର ମାନାୟ ଜାର ଜମିତ ଓଁତ୍ତାନ ।

୩୨ ହେଦାଂ ତ ଓଁଜୁ ବିୟାନ୍ ତାଙ୍ଗ୍ ହିରୁ, ମତର୍ ହେଦାଂ ଗାଜାଆତିସ୍ ସବୁ କୁଚାତାଂ ଗାଜା ଆଜି ଇ ଲାକେ ମାର୍ ଆନାଡ୍ ଜେ, ବାଦାଡ୍ନି ପଟିଂ ଖାଜି ତା କେୟାତ ବାହା କିନିକ୍ ।”

**ହଇନି ଉତର୍ମୁଡ୍**  
(ଲୁକ ୧୩:୨୦-୨୧)

୩୩ ଜିସୁ ହେୱାରିଂ ଆରେ ର ଉତର୍ମୁଡ୍ ଇଚାନ, “ସାଗେଁ ରାଜି ହଇନି ଲାକେ; ରଞ୍ଜେଲ୍ କଗ୍ଲେ ହେଦାଂ ଅଜି ଆଦାବାସ୍ତା ମଇଦା ବିତ୍ରେ ତାବାୟ କିଜି ଇଚଟାଟ୍, ଆରେ ହାରିହାରା ଓଁଜୁ ହଇତାଟ୍ ।”

**ଉତର୍ମୁଡ୍ ଉପକାର୍ତାଂ ହିକ୍ୟା**  
(ମାର୍କ ୪:୩୩-୩୪)

୩୪ ଇ ଓଁଜୁ କାତା ଜିସୁ ଉତର୍ମୁଡ୍ କାଜିଂ ମାନାୟାରିଂ ଇଚାନ, ଆରେ ଉତର୍ମୁଡ୍ ପିସ୍ତ୍ରି ହେୱାନ ହେୱାରିଂ ଇନାକା ଇନ୍-ଖାଦାଂ ମାଚାନ,

୩୫ ଇନେସ୍କି ବେଶ୍-ବାକ୍ଷାୟ କିନାକାର୍ କାଜିଂ ଇ ବେରଶ୍ ପୁରା ଆନାଡ୍, “ଆପେଂ ଜାର୍ ଖେଇ କିଜି ଉତର୍ମୁଡ୍ ହୁକେ କାତା ଇନାକା, ପୁତ୍ ଉଦ୍-ଜାଶ୍ ବୁତାଆତି ତ୍ତୁକ୍ତି ବିସ୍ତେ ସବୁ ଇନାସ୍ ।”

**ଜିସୁ କାରାନି ଉତର୍ ମୁଡ୍ନି ଅରଡ୍ ବୁଜାୟ କିତାନ**

୩୬ ପାଚେ ହେୱାନ ମାନାୟାରିଂ ପିସ୍ତ୍ରି ଇଞ୍ଜ ହଶ୍-ଗାତାନ, ଆରେ ତା ଚେଲ୍ୟାହିର୍ ତା ଲାଗେ ଖାଜି ଇଚାର୍, “ଜମିନି କାରାନି ଉତର୍ମୁଡ୍ ମାଙ୍ଗେଙ୍ଗ୍ ହାର୍ କିଜି ବୁଜାୟକିଦା ।”

୩୭ ଜିସୁ ଉତର୍ ହିଚାନ, “ହାଦ୍ ବିୟାନ୍ ଇନେନ୍ ଓଁତ୍ତାନ, ହେୱାନ ମାନାୟ ମାଜି;

୩୮ ଜମି ପୁତ୍; ହାଦ୍ ବିୟାନ୍ ରାଜିନି ହିମ୍-ଶାଂ, କାରା ସୟତାନ ଜିବୁନ୍ ହିମ୍-ଶାଂ;

୩୯ ଇମ୍-ଶି ସାତୁ ହେଦାଂ ଓଁତ୍ତାନ, ହେୱାନ ସୟତାନ; ତାସ୍ ତ୍ରେସ୍ତ୍ରି ଖେଡାଙ୍ଗ୍ ଜୁଗ୍-ସେସ୍, ଆରେ ତ୍ରେସ୍ତ୍ରିନାକାର୍ ଓଁଜାର୍ ସାଗେଁ ଦୁଡ୍-ତର୍ ।

୪୦ ତା ଆତିସ୍, କାରା ଇନେସ୍କି ରବେ କିଜି ନାଶିତ କାଡିକିୟାଆନାଡ୍, ଜୁଗ୍-ସେସ୍ ଖେଡାଲିଂ ହେ ଲାକେ ଗିଟା ଆନାଡ୍ ।

୪୧ ମାନାୟ ମାଜି ଜାର ଦୁଡ୍-ତରିଂ ପନ୍ଥାନାନ୍, ଆରେ ହେୱାର୍ ତା ରାଜିତାଂ ସବୁ ବାଦାନିକା ବିସ୍ତେ ଆରି ବାନ୍ୟାରିଂ ରୁଣ୍ଡାୟ କିନାନ୍,

୪୨ ଆରେ ହେୱାରିଂ ନାଶି ହଲିତ ତୁହିହିନାର୍, ହେବେ ଆଡ୍-ବାନାର୍ ଆରି ଚାତାଙ୍ଗ୍ କଡ୍-ମଡ୍ ଆନାଡ୍ ।

୪୩ ହେୱାଡାଂ ଦାମ୍-ର୍ ହେୱାର୍ତି ଲାତ୍ରାହି ସାଗେଁନି ଆବା ରାଜିତ ଖେଡା ଲାକେ ତ୍ରିନ୍-ଞ୍ଜି ଚଞ୍ଜୟା ଆନାର୍ । ଇନେରିଂ କିତୁଲ୍ ମାନାଡ୍, ହେୱାନ ଖେନେନ୍ ।”

**ମୁନ୍ତି ଦାନି ଉତର୍ମୁଡ୍**

୪୪ “ସାଗେଁ ରାଜି ଜମିତ ତ୍ତୁକ୍ତି ଦାନ୍ ଲାକେ । ର ମାନାୟ ହେଦାଂ ହୁଡ୍-ଜି ତ୍ତୁକ୍ତି ଇଡ୍-ତାନ ଆରି ଖାରିତାଂ ହାଲ୍ଲଜି ଜାର୍ତି ସବୁ ପ୍ରସି ହେ ଜମିତିଂ କଡ୍-ତାନ ।”

**ମୁନ୍ଥାନି ଉତର୍ମୁଡ୍**

୪୫ “ଆରେ, ସାଗେଁ ରାଜି ହାଦ୍ ହାଦ୍ ମୁନ୍ଥା ତେକ୍ତି ମାନି ର ବେପ୍ରିୟା ଲାକେ ।

୪୬ ର ବେସି ଦାମ୍-ନି ମୁନ୍ଥା ହୁଡ୍-ଜି ହେୱାନ ହାଲ୍ଲଜି ଜାର୍ତି ସବୁ ପ୍ରସି ହେ ମୁନ୍ଥାତିଙ୍ଗ୍ କଡ୍-ତାନ ।”

**ମିନ୍-କୁ ଆହ୍-ନି ଜାଲ୍-ନି ଉତର୍ମୁଡ୍**

୪୭ “ସାଗେଁ ରାଜି ର ମିନକୁ ଆହୁନି ଜାଲ୍ ଲାକେ । କେଉଟାର୍ ହାମଦୁରତ ଜାଲ୍ ଇଡ଼୍ଜି ବାରବିନି ମିନକୁ ଆହୁନାର୍ ।  
 ୪୮ ଜାଲ୍ ବର୍ତ୍ ଆଡ଼ିସ୍ ଗୁଟିତ ଜେଲ୍ଜି ତାସି ହାଦର୍ ହାଦର୍ ମିନକୁ ସବୁ ଆଜି ଚପାତ ଇଟ୍ନାର୍ ଆରି ବାନ୍ୟା ମିନକୁ  
 ତୁହି ହିନାର୍ ।

୪୯ ଜୁଗସେସ୍ ସମୁତ ଇ ଲାକେ ଗିଟା ଆନାଡ଼ । ସାଗେଁନି ଦୁଡ଼ତର୍ ଦାମର୍ ତାକେଣ୍ଡା ପାପିୟାରି ଆଲ୍ଗା କିଜି ।

୫୦ ହେଝାରି ଆହୁନି ନାଣିତ ତୁହି ହିନାର୍ । ଆରେ ହେଝାରି ନାଣି ହଲିତ ତୁଇହିନାର୍; ହେବେ ଆଡ଼ବାନାର୍ ଆରି  
 ଗାଡ଼ାଙ୍ କାଟ୍ନାର୍ ।”

**ପୁନାକା ଆରି ପୁନି ହିକ୍ୟା**

୫୧ ଜିସୁ ଚେଲ୍ଲାର୍ ଝେନ୍ବାତାନ, “ଇ ସବୁ ବିସ୍ତେ ରୁଜାଆଦେ ଆଡ଼ନାଦେରା ?”

ହେଝାର ଉତର ହିତାର୍, “ଆଁ ମାପୁ ।”

୫୨ ଜିସୁ ଗୁରୁରି ଇଚାନ, “ଇନେସ୍ ରଝାନ ଇଲ୍ ମୁଣିକା ଜାର୍ କଟିତା ଆତି ନେଚେକ୍ ପୁନାକା ଆରି ପୁନାକା ଆଡ଼ମାଡ଼  
 ହପ୍ନାନ, ସାଗେଁ ରାଜିତ ଚେଲ୍ ଆଜି ମାଟି ରକାର୍ ରକାର୍ ସାସ୍ତର ତା ଲାକେ ।”

**ଜିସୁ ନାଜରିତତ ପେଜ୍ଯାତାନ**

(ମାର୍କ ୭:୧-୬; ଲୁକ ୪:୧୭-୩୦)

୫୩ ଜିସୁ ଇ ସବୁ ଉତରମୁଡ଼୍ ଝିସ୍ତି ପାଚେ ହେ ବାହା ପିସ୍ସି ହାଚାନ ।

୫୪ ଆରେ, ହେଝାନ ଜାର୍ତ ଆବା ଲାଡ଼ା ଗାଡ଼୍ ଝାଜି ମାନାୟାରି ହେଝାର୍ତି କୁଟୁମ୍ ଇଞ୍ଜ ଇ ଲାକେ ହିକ୍ୟା ହିତାନ  
 ଜେ, ହେଝାର୍ ଚାନ୍ୟା ଆଜି ଇଚାର୍, “ଇ ମାନାୟାତି ଇ ଲାକେ ବୁଦି ଆରି ସାକ୍ତିନି କାମାୟ୍ ଇମେତା ଆତାଡ଼ ?”

୫୫ ଇଝାନ କି ହେ ବାତାୟ୍ ମେହି ଆକାୟ୍ ? ଇଝାନ୍ତି ତେହି ତର୍ ମରିୟ୍ମା ଆକାୟ୍ ? ଆରେ ଇଝାନ ଚଣ୍ଡାହିର୍ତି ତର୍  
 ଇନାକା ଜାକୁର୍, ଜସେପ୍, ସିମନ୍ ଆରି ଜିହୁଦା ଆକାୟ୍ ?

୫୬ ଆରେ, ଇଝାନ୍ତି ତଣ୍ଡେହିକ୍ ଇନାକା ଝିଜେକ୍ ମାଲାହା ହିଲୁକ୍ ? ଲାଗି “ହେଝାନ ଇ ବୁଦି ସବୁ ସାକ୍ତି ଇମେଣ୍ଡା  
 ଗାଟାତାନ ?”

୫୭ ଆରେ, ହେଝାର୍ ତା ତାକେଣ୍ଡା ବାଦା ପାୟା ଆତାର୍ ।

ମାତର୍ ଜିସୁ ହେଝାରି ଇଚାନ, “ବେଶ୍ବାକ୍ଶାୟ୍ କିନାକାନ ଜାର୍ ଆବା ଲାଡ଼ା ଗାଡ଼, ଇଲ୍ ଆରି ଜାର୍ କୁଟୁମ୍ ପିସ୍ତି  
 ଅଲ୍ଗା ଇମେତାକେ ହିନସ୍ତା କିୟାଉନ୍ ।”

୫୮ ଆରେ, ହେଝାନ ହେଝାର୍ତି ପାତର୍ କିଝାକା କାଜି ହେବେ ବେସି ସାକ୍ତିନି କାମାୟ୍ କିଝାତାନ ।

**୧୪**

**ବାପ୍ତିସ୍ମି ହିନି ଜହନ୍ତି ହାକି**

(ମାର୍କ ୭:୧୪-୨୯; ଲୁକ ୯:୭-୯)

୧ ହେ ସମୁତ ଗାଲିଲିନି ରାଜା ହେରଦ୍ ଜିସୁତି ବିସ୍ତେନି କାତା ଝେଚାନ, ତା ହଲ୍ୟାହିରି ଇଚାନ,

୨ “ଇଝାନ ବାପ୍ତିସ୍ମିହିନି ଜହନ୍, ହେଝାନ ହାତି ତାକେଣ୍ଡା ପା ନିଙ୍ଗ୍ତାନନା, ହେଦା କାଜି ଇ ଝିଜୁ ସାକ୍ତି ତା ତାକେଣ୍ଡା  
 କାମାୟ୍ କିନାତା ।”

୩ ହେରଦ୍ ଜାର୍ ଚଣ୍ଡାହି ପିଲିପ୍ ଝାଣି ହେରଦିୟା କାଜି ଜହନ୍ତି ଆସ୍ତି ଆରି ଗାଟ୍ଟି ବନ୍ଦିହାଡ଼ାତ ପ୍ରଦ୍ଦି ମାଚାର୍ ।

୪ ଇନାକିଦେକି ଜହନ୍ ହେରଦିୟାକ୍ ଇଞ୍ଜି ମାଚାନ, “ଇଦେଲି ରାକିକିନାକା ନି ବିଦି ହିଲୁଡ଼ ।”

୫ ଆରେ, ହେଝାନ ଜହନ୍ତି ଅସ୍ତେକ୍ ମାନ କିତାନ ହିନା, ମାନାୟାର୍ତି ପାଣ୍ଡା ଆତାର୍, ଇନାକିଦେକି ହେଝାର୍  
 ତାକେକ୍ ବେଶ୍ବାକ୍ଶାୟ୍ କିନାକାନ ଇଞ୍ଜି ମାନିକିଜି ମାଚାର୍ ।

୬ ମାତର୍ ହେରଦ୍ତି ଜଲମ୍ ଦିନ୍ ଏକାଝାତିଲେ, ହେରଦିୟା ଗାହ୍ଡି ମାନାୟାର୍ ମୁମ୍ଦ ଏନ୍ଦି ହେରଦ୍ତି ଝାରି କି  
 କିତାଡ଼ ।

୭ ହେବେ “ହେରଦ୍ ପାର୍ମାଣ୍ କିଜି ରାଣ୍ କିତାନ ଜେ, ହେଦେଲ୍ ଇନାକାପା ଏନ୍ତାନାଡ଼, ହେଝାନ ହେଦେଲି ହେଦା  
 ହିନାନ ।”

୮ ଆରେ, ହେଦେଲ୍ ତା ତେହି ହିକ୍ୟାତ ଆଜର୍ ଇଚାଡ଼, “ବାପ୍ତିସ୍ମି ହିନି ଜହନ୍ତି କାପ୍ଡା ଇ ଦାପ୍ତେ ଇବେ ର ତାଡ଼ିୟାତ  
 ନାଙ୍ ହିଦା ।”

୯ ଇବେ ରାଜା ଦୁକ୍ ଆଡ଼ିସ୍ ପା ଜାର୍ ପାର୍ମାଣ୍ ଆରି ଜାର୍ ଲାହାକ୍ ବଜିତ କୁଟି ମାନି ମାନାୟାର୍ କାଜି ହେଦା ହିଦେ  
 ବଲ୍ ହିତାନ,

୧୦ ଆରେ ମାନାୟ୍ ପକ୍ତି ଜେଲ୍ତ ଜହନ୍ତି କାପ୍ଡା କାତି କିୟକିତାନ,

୧୧ ଆରେ ତା କାପ୍ଡା ର ତାଡ଼ିୟାତ ତାସି ହେ ଗାଡ଼୍ଚେ ହିତାର୍, ପାଚେ ହେଦେଲ୍ ତା ତେହି ତାକେ ହେଦା ଅତାଡ଼ ।

☆ ୧୪:୩ ଲୁକ ୩:୧୯,୨୦.

୧୨ ହେବେ ଜହନ୍ ଚେଲାହିର୍ ଖାଜି ମାଡ଼ା ଅଜି ତାଙ୍ଗେଙ୍ଗ ମୁର୍ଚାର ଆରି ହାଲ୍ଲଜି ଜିସୁଙ୍ଗ ଖେଚରାର ।

ଜିସୁ ପାଞ୍ଚ ହାଜାର ମାନାୟତିଂ ଚିଞ୍ଜେଙ୍ଗ ହିତାନ

(ମାର୍କ ୬:୩୦-୪୪; ଲୁକ ୯:୧୦-୧୭; ଜହନ୍ ୬:୧-୧୪)

୧୩ ଜହନ୍ କାରୁର୍ ଖେଚି ଦାପ୍ରେ ଜିସୁ ବିନେ ଆଜି ତଙ୍ଗାତ ଦୁମ୍ବଜି ର ଚିମରା ବାହାତ ହାଚାନ । ଜିସୁ ହେବେ ହାନାକା ପୁଞ୍ଜି ଲାଗେନି ଗାଡ଼ନିକାରତା ହେନି ମାନାୟ ଗୁଟି ଗୁଟି ତାଙ୍ଗଜି ଜିସୁତି ପାଚେ ପାଚେ ହାଚାର;

୧୪ ଆରେ, ଜିସୁ ହେଖାନ ତଙ୍ଗାତା ହସି ବେସି ହେନି ମାନାୟାରିଂ ହୁଡ଼ଜି ହେଖାର କାଜି କାର୍ମାତିଂ ତାଙ୍ଗ ମାତ୍ର ରାସ୍ ଇଚାଡ଼ । ଆରି ହେଖାର ରଗିରିଂ ଉଜ୍ କିତାନ ।

୧୫ ଖେଡ଼ା ହାଚିଲେ ଚେଲାହିର୍ ତା କଚଣ୍ଡ ଖାଜି ଇଚାର, ଇ ବାହାତ ଚିମରା, ଆରେ ଖେଡ଼ା ତ ହାଚାଚେ, “ଲାଗିଂ ମାନାୟାର ଇନେସ୍ ନାସ୍ କୁକା ହାଲ୍ଲଜି ଜାର ଜାର କାଜି କାଦି କଡ଼ନାର, ହେଦାଂ କାଜି ହେଖାରିଂ ହେଲ ହିୟାର୍ ।”

୧୬ ମାତର ଜିସୁ ହେଖାରିଂ ଇଚାନ, “ହେଖାର ହାନି ଲଡ଼ା ଆକାୟ, ଏପେଙ୍ଗ ହେଖାରିଂ ଚିଚ୍ପାଟ୍ ।”

୧୭ ଚେଲାୟ ହେଖାନିଙ୍ଗ ଇଚାର, “ମା ଇବେ କେବଲ୍ ପାଞ୍ଚଗଟା ରୁଟି ଆରି ରିଣ୍ଡାଂ ମିନ୍ କୁ ମାନିକ୍ ।”

୧୮ ଜିସୁ ଇଚାନ, “ହେଖାଙ୍ଗ ଇବେ ନା କଚଣ୍ଡ ତାଡ଼ୁ ।”

୧୯ ଆରେ, ହେଖାନ ମାନାୟାରିଂ କାଚ୍ଚା ଜପି କୁଚ୍ଚି କାଜିଂ ବଲ୍ଲ ହିତାନ, ଆରେ ଜିସୁ ହେ ପାଞ୍ଚଗଟା ରୁଟି ଆରି ରିଣ୍ଡାଂ ମିନ୍ କୁ ଅଜି ସାଗେ ନିପ ଜପି ହୁଡ଼ଜି ଆସିର୍ବାଦ୍ କିତାନ ଆରି ରୁଟିଂ ତ୍ରିକ୍ଚି ଚେଲାରିଂ ହିତାନ, ଆରେ ଚେଲାହିର୍ ମାନାୟାରିଂ ହିଚାର ।

୨୦ ଆରେ, ଖିଜାକାର ତିନିଞ୍ଜି ପାଞ୍ଚାର ଆରି ତ୍ରିକ୍ଚି ରୁଟିତାଂ ଏଚେକ୍ ହାରତାଡ଼, ହେଦାଂ ଚେଲାୟ ନିକ୍ଚି ବାର ଟପା ବାଡ଼ି କିଚାର ।

୨୧ ତିନି ମାନାୟାର, କଗ୍ଲେକାଂ ଆରି ହିମ୍ଣାକାଂ ପିସ୍ତି, ଆନ୍ମାନତାଂ ପାଞ୍ଚ ହାଜାର ଆଣ୍ଡାହିମ୍ଣାଂ ମାଚାର ।

ଜିସୁ ଏଜୁଂ ଜପି ତାଂତାନ

(ମାର୍କ ୬:୪୫-୫୨; ଜହନ୍ ୬:୧୫-୨୧)

୨୨ ହେ ଦାପ୍ରେ ଜିସୁ ଚେଲାରିଂ ତଙ୍ଗାତ ଦୁମ୍ବଜି ତା ମାଡ଼ି ଆନ୍ତି ପାଡ଼କା ଆଗେ ହାନ୍ଦେଙ୍ଗ ଇଚାନ, ଆରେ ହେଖାନ ଇବେଣ୍ଡାଂ ମାନାୟାରିଂ ଖିଜାରିଂ ହେଲ ହିତାନ ।

୨୩ ମାନାୟାରିଂ ହେଲ ହିତି ପାଚେ ଜିସୁ ପାର୍ତନା କିନି କାଜିଂ ହସି ହାଲ୍ଲଜି ମାଡ଼ି ଜପି ହାଚାନ, ଆରେ ମିକା ଆଡିଲେ ହେଖାନ ହେବେ ରକାନ ମାଚାନ ।

୨୪ ମାତର ତଙ୍ଗା ହେ ପାଦନା ଗୁଟିତାଂ ବେସି ଦେହା ମାଚାଡ଼ ଆରି ଲଡ଼ି ଦୁକା କାଜିଂ ହେଦାଂ ତୁଙ୍ଗଜି ମାଚାଡ଼ ।

୨୫ ମାତର କୁଜୁ କେପା ହେଖାନ ହାମ୍ବୁର୍ ଜପି ତାଙ୍ଗଜି ଚେଲାୟ ତାକେ ଖାତାନ,

୨୬ ଆରେ ଚେଲାହିର୍ ତାଙ୍ଗେଙ୍ଗ ହାମ୍ବୁର୍ ଜପି ତାଂନାକା ହୁଡ଼ଜି ପାଣ୍ଡା ଆଜି ଇଚାର, “ଇଦାଂ ତ ବାନ୍ୟା ପୁଦା” ଆରେ ହେଖାର ପାଣ୍ଡୁତିଂ କିକିରାତିଂ କିଚାର ।

୨୭ ମାତର ଜିସୁ ହେ ଦାପ୍ରେ ହେଖାର ଲାହାଙ୍ଗ ବେଣ୍ କିଜି ଇଚାନ, ସାସ୍ ଆହାଟ୍, “ଇଖାଙ୍ଗ ତ ଆନ୍, ପାଣ୍ଡା ଆମାଟ୍ ।”

୨୮ ହେବେ ପିତର ଉତର ହିତାନ, “ଏ ମାପୁ, ଇନାଖାଡ଼ାଂ ଏନ୍, ଲାଗିଂ ଏଜୁଂ ଜପି ନି ତାକେ ହାନି କାଜିଂ ନାଙ୍ଗ ବଲ୍ଲ ହିଦା ।”

୨୯ ଜିସୁ ଇଚାନ, “ଖା” ହେବେ ପିତର ତଙ୍ଗାତାଂ ଜୁଜି ଏଜୁଂ ଜପି ତାଙ୍ଗଜି ଜିସୁ ତାକେ ହାଚାନ ।

୩୦ ମତର ହେଖାନ ଦୁକା ହୁଡ଼ଜି ପାଣ୍ଡା ଆତାନ, ଆରେ ମୁଞ୍ଜିନିହିଂ କିକିରାତିଂ କିଜି ଇଚାନ “ଏ ମାପୁ, ନାଙ୍ଗେଙ୍ଗ ରାକ୍ୟା କିଦା ।”

୩୧ ଜିସୁ ହେ ଦାପ୍ରେ କେଇ ଲାମାୟ କିଜି ତାଙ୍ଗେଙ୍ଗ ଆସ୍ତି ଇଚାନ, “ଏ ଅଲପ୍ ପାଡ଼ି କିନାକାୟ, ଇନାକିଦେଂ ପାଡ଼ି କିଉୟା ?”

୩୨ ଆରେ, ହେଖାର ହେଖାର ଲାଗାଂ ହାଲ୍ଲଜି ତଙ୍ଗାତ ଦୁମ୍ବଜାନ, ଆରେ ଦୁକା ତିର୍ ଆଚାଡ଼ ।

୩୩ ହେବେ ତଙ୍ଗାତ ମାନି ଚେଲାୟ ଜିସୁଙ୍ଗ ପାର୍ତନା କିଜି ଇଚାର, “ଏନ୍ ହାଡ଼ପା ଇସ୍ବର୍ ମେହିତି ।”

ଗିନେଗାୟର୍ତ୍ତ ଜିସୁ ରଗିରିଂ ଉଜ୍ କିତାନ

(ମାର୍କ ୬:୫୩-୫୬)

୩୪ ହେଖାର ନାସି ଗିନେସ୍ବର୍ ନାସ୍ତ ଏକାତାର ।

୩୫ ଆରେ, ହେ ବାହାନି ମାନାୟାର ତାଙ୍ଗ ତିନି କିଚାର ହେବେନି ଚାରିବେଣ୍ଡାଂ ଖିଜୁ ନିପ କାରୁର୍ ପକ୍ତାର ଆରି ମାନାୟାର ସବୁ ରଗିରିଂ ତା ଲାଗାଂ ତାଇଖାତାର;

୩୬ ଆରେ, ହେଖାର ଇନେସ୍କି ଜିସୁ ହେହାନି ଚେଲିଂ ତୁନାର, ଇଦାଂ ଜିସୁଙ୍ଗ ଗଖାରି କିଦେଙ୍ଗ ଲାଗାତାର, ଆରେ ଏଚେକ୍ ଜାଣ୍ ତାଙ୍ଗେଙ୍ଗ ତୁଚାର, ଖିଜାର ଉଜ୍ ଆଚାର ।

# ୧୫

## ପୁର୍ବେ ନିକାରତି ହିକ୍ୟା

(ମାର୍କ ୭:୧-୧୩)

୧ ଦିନେକ୍ କେତେ ଜାଣ୍ ପାରୁସିର୍ ଆରି ଦରମ୍ ଗୁରୁର୍ ଜିରୁସାଲମତାଂ ଖାଜି ଜିସୁଙ୍ ଖେନ୍ବାତାର,

୨ “ମା ଆଗେ ପ୍ରାଚିନାର୍ ରିତି ନିତି ହିଜି ହାଚାର୍ଣ୍ଣା, ମି ଚେଲାର୍ ଇନେକିଦେଂ ହେ ଖିଜୁ ଉଡ଼ା ଆନାରା ? ତିନି ଆଗେ ହେଖାର୍ ରିତିତ ଇନେକିଦେଂ ହାର୍ କିଜି କେଇ ନୁଜୁରା ।”

୩ ଜିସୁ ହେଖାରିଂ ଉତର ହିତାନ୍, “ଏପେଙ୍ ପା ମି ରିତି ନିତି କାଜିଂ ଇନେକିଦେଂ ଇସ୍ବରତି ବଲ୍ ଉଡ଼ା ଆନାଦେରା ?

୪ ଇସ୍ବତ ବଲ୍ କିତାନ୍ନା, ଆବାଂ ଆୟାଙ୍ ଖାରି କିୟାଟ୍ । ଆରେ ଇନେର୍ ତା ଆବା କି ଆୟାଂ ସାକପ୍ ହିନାନ୍, ହେଖାନ୍ ହାକି ତାଣ୍ ପାୟା ଆନାନ୍ ।”

୫ “ମାତର ଏପେଙ୍ ଇନାଦେରା ହିକ୍ୟା ହିନାଦେରା ଜେ ରଖାନ୍ ମାନାୟ୍ ଇମ୍ଣି ଅରଡ୍ ଲାହାଙ୍ ଜାର୍ ଆବାଂ କି ଆୟାଙ୍ ସାକଜ କିଦେଙ୍ ଆଡ଼ତାନ୍ମା ହେଦାଂ ଇସ୍ବରତିଂ ଦାନ୍ କିତାନ୍ନା ଇଞ୍ଜି ଖେଟ୍ଟାର୍,

୬ ହେଖାନ୍ ଆରେ ତା ଆବା ଆୟାଂ\* ହାତେନେ ଜତନ୍ କିତନ୍ । ଇ ଲାକେ ଏପେଙ୍ ମିଦାଂ ବଲ୍ମାନ୍ ରିତିନିତି କାଜିଂ ଇସ୍ବରତି ବଚନ୍ ବେକାର୍ କିନାଦେରା ।

୭ ଆଡେ କାପ୍ଟିୟାର୍, ଜିସାୟ୍ ମି ବିସ୍ତେ ସମାନ୍ ବାବ୍ରେ ବେରଣ୍ ଖେଟ୍ଟାତାନ୍ନା !”

୮ “ଇସ୍ବର୍ ଇଞ୍ଜନାନା, ଇ ଜାତି ମୁମ୍ଦ ମାଙ୍ଗେଙ୍ ଖାରି କିଦନାର୍, ମାତର ହେଖାର୍ ମାନ୍ ମା ତାଙ୍ ଦେହା ମାନାଟ୍ ।

୯ ନାଙ୍ ହେଖାର୍ ପାର୍ତାନା କିଦେଙ୍ ପଲ୍ୟା,

ଇନାକିଦେଂକି ହେଖାର୍ ମାନାୟ୍ ରତି ବିଦିଙ୍ ଦରମ୍ ବେରଣ୍ ଇଞ୍ଜି ହିକ୍ୟା ହିନାନ୍ ପଲ୍ୟା ମା ପାର୍ତାନା କିନାର୍ ।”

(ମାର୍କ ୭:୧୪-୨୩)

୧୦ ତା ପାଚେ ଜିସୁ ମାନାୟ୍ତିଂ କଟଣ୍ଡ କୁକ୍ତି ଇଚାନ୍, “ମାନ୍ ହିଜି ଖେନାଟ୍ ଆରି ବୁଜାଆଦେଂ ସେସ୍ କିୟାଟ୍;

୧୧ ମାନାୟ୍ ତାଙ୍ ଖେୟ୍ ବିତ୍ରେ ହାନାଟ୍, ହେଦାଂ ତାଙ୍ ବିଟାଡ୍ କିତଡ୍; ମାତର ଇନାକା ବିତ୍ରେତାଂ ଇନାକା ବାର୍ତ୍ ଖାନାଟ୍, ହେଦାଂ ତାଙ୍ଗେଙ୍ ବିଟାଡ୍ କିନାଟ୍ ।”

୧୨ ଚେଲାର୍ ଜିସୁ ଲାଗେ ଖାଜି ଇଚାର୍, “ନି କାତା ଖେନ୍ଞ୍ଜି ପାରୁସିର୍ ରିସା ଆତାର୍ଣ୍ଣା, ଇଦାଂ ଇନାକା ଏନ୍ ପୁନୁୟା ?”

୧୩ ଜିସୁ ଉତର ହିତାନ୍, “ଇମ୍ଣି ମାର୍କୁ ନା ସାଗେନି ଆବା ବୁଜାଖାତାନ୍ନା, ହେ ଖିଜୁ ଉଟ୍ଟା ଆଜି ହାନାଟ୍ ।

୧୪ \*ହେଖାର୍ ବିସ୍ତେ ତାୟା ଆମାଟ୍ । ହେଖାର୍ କାଣା ବିନ୍ କାଣାରିଂ ହାଜି ଚଟ୍ଟନାକାର୍ । ର କାଣା ଆରେ ର କାଣା ହାଜି ଚଟ୍ଟିସ୍ ରିୟାର୍ ପା କୁଇଦ ଆର୍ଣ୍ଣାର୍ ।”

୧୫ ହେବେଣ୍ ପିତର ତାଙ୍ ଉତର ହିତାନ୍, “ଉତରମୁଡ୍ ମାଙ୍ଗେଙ୍ ବୁଜାୟ୍ କିଦା ।”

୧୬ ଜିସୁ ଇଚାନ୍, ଏପେଙ୍ ପା ଇନାକା “ଇ ପାଚେକ୍ ବୁଜାଆଦେରା ?

୧୭ ଇନାକା ଖେଇଦ ହଣାଟ୍, ହେଦାଂ ପଟତ ହାଲ୍ଜି ବାର୍ତ୍ତବାହାତ ହାନାଟ୍, ଇଦାଂ ଇନାକା ବୁଜା ଆଉଦେରା ?

୧୮ \*ମାତର ଖେଇଦାଂ ଇନାକା ସବୁ ହନାଟ୍, ହେଦାଂ ଖାୟ୍ତିତାଂ ହନାଟ୍ ଆରି ହେଦାଂ ନେ ମାନାୟ୍ତିଂ ବିଟାଡ୍ କିନାଟ୍ ।

୧୯ ଇନାକିଦେଂକି ମାନ୍ତାଂ କାରାପ୍ ବିସ୍ତେ, ବେକାର୍ ଚିତ୍ରା ମାନାୟ୍ ଟୁଣାକା, ଦାରି, ମ୍ପୁନାକା, ମିର୍ ସାକି, ଆରି ନିନ୍ଦା କିନାକା ହନାଟ୍ ।

୨୦ ଇଦାଂ ଖିଜୁ କାମାୟ୍ ମାନାୟ୍ତିଂ ବିଟାଡ୍ କିନାଟ୍, ମାତର ହେଖାର୍ କିନି କାଜିଂ ମାତର ରିତିନିତି ଲାକେ କେଇ ନୁସ୍ଖାଦାଂ ଚିଟିସ୍ ମାନାୟ୍ରିଂ ବିଟାଡ୍ କିତଡ୍ ।”

## ର କଗ୍ଲେ ପାତ କିନାକା

(ମାର୍କ ୭:୨୪-୩୦)

୨୧ ଜିସୁ ହେ ବାହା ପିସ୍ତି ସର ଆରି ସିଦନ୍ ନିପ ଲାଗେ ଗାଡ୍ ଦ ହାଚାନ୍ ।

୨୨ ଆରେ ହୁଡ଼ା, ହେ ହାନ୍ଦିତାଂ ରଞ୍ଜେଲ୍ କିଶାନିୟ୍ କଗ୍ଲେ ଗାଜା କାଟ୍ତାଂ ଇଞ୍ଜେଙ୍ ଲାଗାତାଟ୍, “ଏ ମାପୁ ଦାଉଡ୍ତି ହିମ୍ଣା ନାଙ୍ ଦୟା କିଦା । ମାଞ୍ଜି ଗାଡ୍ଟେଂ ପୁଦା ଆସ୍ତାତାନ୍ନା ଆରି ହେଦେଲ୍ ବେସି କସ୍ ଆନାତା ।”

୨୩ ମାତର ଜିସୁ ତାଙ୍ଗେଙ୍ ପାଦେକ୍ ପା ଉତର ହିଖାତାନ୍ । ଆରି ତା ଚେଲାହିର୍ ଖାଜି ତାଙ୍ ଗଞ୍ଜାରି କିଜି ଇଞ୍ଜେଙ୍ ଲାଗାତାର୍, “ଇଦେଲିଂ ହାଜି ଲଖାଡ୍ ହିୟା, ଇନାକିଦେଂକି ଇଦେଲ୍ ମା ପାଚେ ପାଚେ ଆଲା ଆନାତା ।”

୨୪ ଜିସୁ ଉତର ହିତାନ୍, “ଜାଙ୍ଗ୍ତି ମେଣ୍ଟା ଲାକେ ହାଜିଟାଣାତି ଇସ୍ବାଏଲ୍ ନି ଲକ୍ ତାକେ ଆନ୍ ଖାତାଙ୍ଗ୍ନା ।”

୨୫ ମାତର କଗ୍ଲେ ଖାଜି ଜିସୁଙ୍ ଜଞ୍ଜାର୍ କିଜି ଇଞ୍ଜେଙ୍ ଲାଗାତାଟ୍, “ମାପୁ, ନାଙ୍ଗେଙ୍ ଦୟା କିଦା ।”

\* ୧୫:୨ କେତେକ୍ ପଢିତ ଜାର୍ ଆବା ନେଲେ ଆୟା ମାନାଟ୍ । ☆ ୧୫:୧୪ ଲୁକ ୭:୩୯. ☆ ୧୫:୧୮ ମାତ୍ରିକ ୧୨:୩୪.

୨୬ ଜିସୁ ଇଚ୍ଛାନ୍, “ହିମ୍ମଣାଙ୍ଗତି ଆରାଣ୍ ଅଜି ନିକୁଡ଼ିଙ୍ଗ କଚଣ୍ଡତ ତୁହିନାକା ହାର୍ ଆକାୟ୍ ।”

୨୭ ମାତର୍ ହେଦେଲ୍ ଇଚାଡ଼, “ଆଁ, ମାପୁ, ମାତର୍ ନିକୁଡ଼ିଙ୍ଗ ତ ଜାର୍ ଜାର୍ ମାପୁତି ପାଟା ତାରେନ୍ ଆରତି ସୁକ୍ତି ତିନିକ୍ ।”

୨୮ ଜିସୁ ତା କାତାନି ଉତର୍ ହିଜି ଇଚାନ୍, “ଏ କଇ, ନିନ୍ୟା ଗାଜା ପାଟ୍, ନି ଇଚା ହୁକେ ନି ଗିଟାଏଡ଼ ।” ହେ ସମୁତ ହେଦେଲ୍ତି ଗାଡ଼୍ରେ ଉଜ୍ ଆତାଡ଼ ।

**ଜିସୁ ହେନି ମାନାୟାରିଂ ଉଜ୍ କିତାନ୍**

୨୯ ଜିସୁ ହେବେତାଂ ହସି ଗାଲିଲି ଗୁଟି ଗୁଟି ହାଲ୍ଲଜି ର ମାଡ଼ି, ଜପି କୁଚାନ୍ ।

୩୦ ଆରେ, ବେସିହେନି ମାନାୟା ଚୁଟା, କାଣା, ଚଟା, ଗୁଲା, ଆରି ବେସି ବେମାର୍ ମାନାୟାରିଂ ତାସି ଜିସୁ ପାନା ତାରେନ୍ ଇଡ଼ତାର୍ ଆରେ ଜିସୁ ଝିଜାରିଂ ଉଜ୍ କିତାନ୍ ।

୩୧ ଇ ଲାକେ କନ୍ୟା ବେଣ୍ କିତାନ୍, ଚଟାର୍ ଉଜ୍ ଆତାର୍, ଚଟାର୍ ତାଙ୍ଗତାର୍, କାଣାର୍ ହୁଡ଼ନାରା, ଇଦାଂ ହୁଡ଼ତାର୍, ଆରି ଇସ୍ରାଏଲ୍ନି ଇସ୍ପତ୍ ପାର୍ତାନା କିତାର୍ ।

**ଜିସୁ ଚାରି ହାଜାର୍ ମାନାୟାରିଂ ଚିଟ୍ପାତାନ୍**

(ମାର୍କ ୮:୧-୧୦)

୩୨ ଜିସୁ ଚେଲାହିର୍ ହିର୍ବିସ୍ ଇଚାନ୍, “ଇ ମାନାୟାର୍ କାଜିଂ ନାଙ୍ଗ୍ ଦୁକ୍ ହଡ଼ନାତା, ଇନାକିଦେଂକି ଇଝାର୍ ନା ଲାହାଙ୍ଗ୍ ତିନ୍ ଦିନ୍ ଆତାତେ ଆରି ନଙ୍ଗ୍ ହେଝାର୍ କଚଣ୍ଡତ ଇନାକା ତିନାକା ହିଲୁଡ଼ । ହେଝାର୍ ତିନ୍ଝାଦାଂ ଇବେତାଂ ପକ୍ତେଂ, ଇ କାତା ଆନ୍ ମାନକିଉଙ୍ଗ୍; ଇନାକିଦେଂକି ହାନିହିଂ ହାସ୍ଦ ହେଝାର୍ ନାସ୍ସି ବାଉଡ଼ା ଆସି ଗୁରନାର୍ ।”

୩୩ ଚେଲାହିର୍ ତାଙ୍ଗ୍ ଝେନ୍ବାତାର୍, “ଏଚେକ୍ ମାନାୟାରିଂ ଚିଟ୍ପେଦେଂ ଆସେଙ୍ଗ୍ ଚିମ୍ପରା ବାହାତ ଇମେଣ୍ଟାଂ ଏଚେକ୍ ରୁଟିଂ ଗାଟାନାସ୍ ।”

୩୪ ଜିସୁ ହେଝାରିଂ ଝେନ୍ବାତାନ୍, ମି ତାକେ ଏଚଙ୍ଗ୍ ରୁଟିଂ ମାନିକ୍ ? ହେଝାର୍ ଇଚାର୍, “ସାଡ଼ଗଟା, ଆରେ, ଅଲପ୍ କେଡ଼ଗଟା ହିରୁ ମିନ୍କୁ ।”

୩୫ ଜିସୁ ମାନାୟାରିଂ ମେଦନିତ ଜପି କୁଚ୍ଚେଂ ଝେଚ୍ଚାନ୍ ।

୩୬ ଆରେ ଜିସୁ ହେ ସାଡ଼ଗଟା ରୁଟିଂ ଆରି ମିନ୍କୁ ଅଜି ଦନ୍ୟବାଦ୍ ହିଜି ହେ ସବୁ ଚେଲାହିରିଂ ହିତାନ୍, ହେଝାର୍ ମାନାୟାରିଂ ହିତାର୍ ।

୩୭ ଆରେ, ଝିଜାର୍ ତିନ୍ଝି ପଟ ପାନ୍ଚାର୍ ଆରି ତ୍ରିକ୍ତି ରୁଟିଂ ଏଚେକ୍ ହାର୍ତାଡ଼, ହେଦାଂ ହେଝାର୍ ପେସ୍ଦି ସାଡ଼ ଟପା ବାଡ଼ କିତାର୍ ।

୩୮ କଗଲେ ଆରି ହିମ୍ମଣାକାଂ ପିସ୍ତି ଚାରି ହାଜାର୍ ଆଣ୍ଟାହିମଣାଂ ମାଚାର୍ ।

୩୯ ଇଦାଂ ପାଚେ ଜିସୁ ମାନାୟାରିଂ ହେଲ୍ ହିଜି ତଙ୍ଗାତ ଦୁମ୍ପଜି ମୁଗ୍ଦାନ୍ ନିପ ହାଚାନ୍ ।

**୧୭**

**କାବାନି କାମାୟା ଚଚ୍ଚି କାଜିଂ ଦାବା**

(ମାର୍କ ୮:୧୧-୧୩; ଲୁକ ୧୨:୫୪-୫୬)

୧ ✨ଦିନେକ୍ କେତେଜାଣ୍ ପାରୁସି ଆରି ସାଦୁକିର୍ ଜିସୁ ତାକେ ଝାଜି ତାଙ୍ଗେଙ୍ଗ୍ ପରିକ୍ୟା କିଦେଂ ଝେନ୍ବାତାର୍ ହେଝାରିଂ ଆକାସ୍ତାଂ ର ତିନ୍ ଚଚ୍ଚି କାଜିଂ ତାଙ୍ଗେଙ୍ଗ୍ ଗଝାରି କିତାର୍ ।

୨ ମାତର୍ ଜିସୁ ହେଝାରିଂ ଉତର୍ ହିତାନ୍, “ମିକାହାରେସ୍ ଏପେଙ୍ଗ୍ ଇଞ୍ଜିମାନାଦେର୍, ହାର୍ ପାଗ୍ ଆନାଡ଼, ଇନାକିଦେଂକି ଆକାସ୍ ଗେରୁ ମାନ୍ଗାନାଡ଼ ।

୩ ଆରେ, ଉଚ୍ଚଲା ହାକାଡ଼େ ଇଞ୍ଜିମାନାଦେର୍, ନେଞ୍ଜେଙ୍ଗ୍ ଦୁକାବାହାଁ ଝାନାଡ଼, ଇନାକିଦେଂକି ଆକାସ୍ ଗେରୁ ଆରି ବାଦାଡ଼ ଆତାଡ଼ନ୍ନା । ଏପେଙ୍ଗ୍ ବାଦାଡ଼ତାଂ ଇଚ୍ଚକାଡ଼ ଆନାକା ଆଝାକା ବୁଜାନାଦେରା, ମାତର୍ କାଡ଼ି ଇଚ୍ଚକାଡ଼ ସବୁ ବୁଜାଉଦେରା ?\*

୪ ✨ଉଡ଼ପାତ୍ୟା ଆରି ଦାରୁଲାର୍ ଲାତ୍ରା ତିନ୍ ତେକ୍ନାର୍, ମତର୍ ଜୁନସ୍ତି ତିନ୍ ପିସ୍ତି ବିନେନି ଇନାକା ପା ତିନା ହେଝାରିଂ ହିୟାଉଡ଼ ।

ଆରେ ଜିସୁ ହେଝାରିଂ ପିସ୍ତି ହାଚାନ୍ ।”

**ପାରୁସି ଆରି ସାଦୁକିତ୍ ହିକ୍ୟା**

(ମାର୍କ ୮:୧୪-୨୧)

\* ଚେଲାର୍ ହାମ୍ପଦୁର୍ ଆଣ୍ଟିପାଡ଼କା ହାନିଝାଡ଼ାଲିଂ ରୁଟି ଅଦେଂ ବାଣା ଆତାର୍ ।

☆ ୧୭:୧ ମାତ୍ରିକ ୧୨:୩୮; ଲୁକ ୧୧:୧୭.      ☆ ୧୭:୩ କେତେକ୍ ପଡ଼ିତ ୨-୩ ପାଦ୍ତ ଜିସୁ ହିଲୁଡ଼ ।      ☆ ୧୭:୪ ମାତ୍ରିକ ୧୨:୩୯; ଲୁକ ୧୧:୨୯.

୭ ଧିସୁ ହେୱାରିଂ ଇଚାନ, “ଜାଗ୍ରତ୍ ଆଡୁ, ପାରୁସି ଆରି ସାଦୁକିତ୍ ହଇନିତାଂ ଜାଗ୍ରତ୍ ଆଜି ମାନାଟ୍ ।”

୭ ହେବେ ହେୱାର ନିଜେ ନିଜେ ବେଣ୍ଟିକିବା ଆଜି ଇଞ୍ଜେକ୍ଟ ଲାଗାତାର, “ଆପେ ରୁଟି ତାୟିୱାୱାତାପ୍ନା ଇଞ୍ଜି ହେୱାନ ଇ କାତା ଇଞ୍ଜନାନା ।”

୮ ମାତର ଜିସୁ ହେଦାଂ ପୁଞ୍ଜି ଇଚାନ, ଏ ଅଲପ୍ ପାତ୍ କିନାକାଦେର୍, “ମି କଟଣ୍ ରୁଟିଂ ହିଲୁକ୍ ଇଞ୍ଜି ଇନେକିଦେଂ ରକାନ ଆରେ ରକାନ ବେଣ୍ଟି କିନାଦେରା ?

୯ ଏପେକ୍ ଇନାକା ନକ୍ ପାତେକ୍ ବୁଜା ଆଉଦେରା ? ପାଞ୍ଚ ହାଜାର ମାନାୟାରିଂ ପାଞ୍ଚଗଟା ରୁଟିଂ, ଆରି ଏତେ ଟପା ନିକ୍ତାଦେର୍ ?

୧୦ ଆରେ ଚାରି ହାଜାର ମାନାୟାର କାଜିଂ ସାଡ଼ଗଟା ରୁଟିଂ କାତା ମାନେ ଆକାୟ୍ ? ହେ ପାଦ୍ନା ଏତେଗଟା ଟପାକ୍ ବାତ୍ କିଜି ମାଗାଦେର୍ ?

୧୧ ଆନ୍ ରୁଟିଂ ବିସ୍ତେ ଇନ୍ୱାଦାଂ ମାନଟାକ୍, ଏପେକ୍ ଇନେସ୍ ବୁଜା ଆଉଦେରା ? ଆନ୍ ଇଞ୍ଜନାକ୍, ପାରୁସି ଆରି ସାଦୁକିତ୍ ହୟନାକା କାଜିଂ ଜାଗ୍ରତ୍ ମାନାଟ୍ ।”

୧୨ ହେ ପାଦ୍ନା ଚେଲାହିର୍ ବୁଜାତାର ଜେ ଜିସୁ ରୁଟିନି ହଇନି କାତା ଇନ୍ୱାଦାଂ ମାଗାନ୍, ମାତର ପାରୁସି ଆରି ସାଦୁକିତ୍ ହିକ୍ୟା କାଜିଂ ଜାଗ୍ରତ୍ କିଜି ହିଜି ମାଗାନ୍ ।

ଜିସୁ କ୍ରିଷ୍ଟ ମସିୟା ଆତାନ୍ନା

(ମାର୍କ ୮:୨୭-୩୦; ଲୁକ ୯:୧୮-୨୧)

୧୩ ଜିସୁ କାଈସରିୟା ପିଲିପି ଗାଡ଼ ଲାଗାଂ ନିପ ଖାଜି ଜାର୍ ଚେଲାରିଂ ୱେନ୍ବେଦେଂ ଲାଗାତାନ୍, “ମାନାୟ୍ ମାଜି ଇନେର୍ ଇଞ୍ଜି ମାନାୟାର ଇନାକା ଇଞ୍ଜନାର ?”

୧୪ ଇବେତାଂ ହେୱାର ଇଚାର୍, “ଇନେର୍ ଇନେର୍ ଇନାର୍, ବାପ୍ରିସିମ୍ ଜହନ୍, ଇନେର୍ ଇନେର୍ ଇନାର୍ ଏଲିୟ, ଆରେ ଇନେର୍ ଇନେର୍ ଜିରିମିୟ ଆରେ ବେଣ୍ଟିବାକ୍ଣାୟ୍ କିନାକାର ବିତ୍ତେ ରକାନ ।”

୧୫ ଜିସୁ ୱେନ୍ବାତାନ୍, “ଆନ୍ ଇନେର୍ ଇ ବିସ୍ତେ ଏପେକ୍ ଇନାକା ଇନାଦେରା ?”

୧୬ ସିମନ୍ ପିତର ଉତର ହିତାନ୍, “ଏନ୍ କ୍ରିଷ୍ଟ ମସିୟା, ଜିବୁକ୍ତି ଇସ୍ତାଂ ମାଜି ।”

୧୭ ଜିସୁ ଇଚାନ, “ଦନ୍ୟ ଏନ୍ ଜୁନସ୍ତି ମାଜି, ସିମନ୍ !” ଇ ହାଡ଼ପା ଏନ୍ ଇମ୍ଣି ମାନାୟତାଂ ଗାଟାଆଖାତାୟନା । “ନା ସାଗେନି ଆବା ଜାର ଇଦାଂ ମି ତାକେ ଇଚାନ୍ନା ।”

୧୮ “ଆରେ, ଆନ୍ ପା ମିକ୍ଟେକ୍ ଇଞ୍ଜନାକା, ଏନ୍ ପିତର, ଆରେ ଇ କାଲ୍ ଜପି ଆନ୍ ଜାର ମଣ୍ଡଲି ରଟ୍ନାକ୍, ଆରେ ପାତାଲ୍ନି ସାକ୍ତି ହେୱାନିଂ ଆରାୟ୍ କିଉଡ଼ ।”

୧୯ “ଆନ୍ ମିକ୍ଟେକ୍ ସାଗେ ରାଜିନି କୁଟିକାତିକ୍ ହିଦ୍ନାଂ । ଆରେ ଏପେକ୍ ପୁତ୍ ଇନାକା ବନ୍ କିନାଦେର୍, ସାଗେତପା ହେଦାଂ ବନ୍ ମାନଗାନାଡ଼ । ଆରି ପୁତ୍ ତାକେ ଇନାକାପା ଜେନାଦେର୍, ସାଗେତ ପା ଜେନାଦେର୍ ।”

୨୦ ଜିସୁକ୍ କ୍ରିଷ୍ଟ ମସିୟା ଇଞ୍ଜି ଇନେର୍ ଆଗେ ୱେଟ୍ମାଟ୍ ଇଞ୍ଜି ଜିସୁ ଚେଲାହିରିଂ ବଲ୍ ହିତାନ୍ ।

ଜିସୁ ନିଜେ ହାନି ଆରି ନିକ୍ତା ବିସ୍ତେ ସୁଣାୟ୍ କିତାନ୍

(ମାର୍କ ୮:୩୧-୯:୧; ଲୁକ ୯:୨୨-୨୬)

୨୧ ହେ ସମୁତ ଜିସୁ କ୍ରିଷ୍ଟ ଚେଲାହିରିଂ ହାର କିଜି ଇଞ୍ଜେକ୍ଟ ଲାଗାତାନ୍, “ଆନ୍ ଜିରୁସାଲମ୍ତ ହାଲ୍ଜି ପ୍ରାତିନ୍ ମୁଡ଼ ମାପୁହେବାକିନାକାନ୍, ଦରମ୍ ଗୁରୁ ଦରମ୍ ନେତାର୍ କାଜିଂ ରୁପ୍ତୟାଆଜି ବେସି କସ୍ ବଗି କିନାକ୍ । ହାରିହାରା ହାନାକ୍, ମାତର ତିନ୍ଦିନ୍ତାଂ ନିକ୍ତାକା ମାନାଟ୍ ।”

୨୨ ହେବେତାଂ ପିତର ତାକ୍ଟେକ୍ ର ବାହାତ ଅଜି ହାଲ୍ଜି ଉଲ୍ଟା ପାଲ୍ଟା କିଜି ଗଡ଼କିଦେଂ ଲାଗାତାନ୍, “ଏ ମାପୁ, ଇସ୍ତର ନିକ୍ତେକ୍ ଦୟା କିଦେନ୍, ଇଦାଂ ନି କାଜିଂ ଇନାଞ୍ଜାଡ଼ାଂ ପା ଗିଟାଆମେଡ଼ ।”

୨୩ ମାତର ଜିସୁ ମାସ୍ତି ପିତରତିଂ ଇଚାନ, “ନା ଲାଗେତାଂ ଦେହା ଆ, ସୟତାନ୍, ଏନ୍ ନା ବାଦା ଲାକେ, ଇନାକିଦେଂକି ଏନ୍ ଇସ୍ତର ବିସ୍ତେ ବାବି କିଞ୍ଜାଦାଂ ମାନାୟ୍ ବିସ୍ତେ ବାବିକିନାୟା ।”

୨୪ ତା ପାଚେ ଜିସୁ ଚେଲାରିଂ ଇଚାନ, “ଜେ ଇନେର୍ ନା ଲାହାକ୍ ଖାନାନ୍, ହେୱାନ୍ ମାନ୍ବାଦ୍ଲାୟ୍ କିଜି ଜାର କୁସ୍ ଆସ୍ତି ନା ପାଚେ ପାଚେ ଖାନାକା ମାନାଟ୍ ।

୨୫ ଇନାକିଦେଂକି ଇନେର୍କି ଜାରତିଂ ଜିବୁନ୍ ରାକ୍ୟା କିଦେକ୍ ଇଚା କିନାନ୍, ହେୱେନ୍ ହେଦାଂ ଆରାୟ୍ କିନାନ୍; ମାତର ଇନେର୍କି ନା କାଜିଂ ଜାର ଜିବୁନ୍ ଆରାୟ୍ କିନାନ୍, ହେୱେନ୍ ହେଦାଂ ପାୟାଆନାନ୍ ।

☆ ୧୭:୭ ଲୁକ ୧୨:୧. ☆ ୧୭:୯ ମାତ୍ରିକ ୧୪:୧୭-୨୧. ☆ ୧୭:୧୦ ମାତ୍ରିକ ୧୫:୩୪-୩୮. ☆ ୧୭:୧୪ ମାତ୍ରିକ ୧୪:୧,୨; ମାର୍କ ୬:୧୪,୧୫; ଲୁକ ୯:୭,୮. ☆ ୧୭:୧୭ ଜହନ୍ ୬:୬୮,୬୯. ☆ ୧୭:୧୯ ମାତ୍ରିକ ୧୮:୧୮; ଜହନ୍ ୨୦:୨୩. ☆ ୧୭:୨୪ ମାତ୍ରିକ ୧୦:୩୮; ଲୁକ ୧୪:୨୭. ☆ ୧୭:୨୫ ମାତ୍ରିକ ୧୦:୩୯; ଲୁକ ୧୭:୩୩; ଜହନ୍ ୧୨:୨୫.

୨୬ ଆରେ, ମାନାୟ ଏଚେକାଡ଼୍ ଦ ଖିଜୁ ପୁତ ିଁ ଲାବ କିଜି ଜାର ଜିବୁନ୍ ଆରାୟ କିନାନ୍, ଲାଗିଁ ତାଦି ଇନା ଲାବ ଆନାଡ଼ ? ମତର୍ ମାନାୟ ଜାର ଜିବୁନ୍ ବାଦୁଲ୍ ଇନାକା ହିନାୟ ?

୨୭ \*ଆରି, ମାନାୟ ମାଜି ଜାର ଆବାତି ପାଣଦାଙ୍ ଜାର ଦୁଡ଼ର୍ ଲାହାଙ୍ ଆରେ ରଗ ଜୁଦନାନ୍ ଆରି ହେ ପାଦନା ହେଝେନ୍ ଖିଜାର ମାନାୟାରିଁ ହେ କାମାୟ ହୁଡ଼ଜି ପାଡ଼ ହିଦନାନ୍ ।

୨୮ ଆନ୍ ମିଙ୍ଗେଙ୍ ହାଡ଼ପା ଇଞ୍ଜନାଙ୍ ମାନାୟ ମାଜିଡ଼ି ଜାର ରାଜିତ ଜୁଦେଁ ହୁଡ଼ଞ୍ଜି ପାଡେକ୍ ଇବେ ନିଲ୍ଡିମାନି ମାନାୟାର ବିଡ୍ରେତାଁ କେଡେକ୍ ଇନେସ୍ ବାନି ହାକିତାଣ୍ ପାୟା ଆଉନ୍ ।”



**ଜିସୁତି ପାରମାସ୍ବାନାକା**

(ମାର୍କ ୯:୨-୧୩; ଲୁକ ୯:୨୮-୩୭)

୧ ଜିସୁ ଇ ଚଅ ଦିନ୍ ପାଚେ ପିତର୍ ଆରି ଜାକୁର୍, ଜହନ୍ ଟଣ୍ଡରିୟାରିଁ ଅଜି ର ପାନ୍ତି ମାଡ଼ିଜପି ହାଚାର୍ । ହେବେ ବିନେନିକାର୍ ଇନେର୍ ହିଲ୍ଡାତାର୍ ।

୨ ଚେଲାହିର୍ ହୁଡ଼ ହୁଡ଼ ଜିସୁତି ର ତ୍ରିପକୁ ପାରମାସ୍ବାତାନ୍ । ହେଝାନ୍ ଝେଇ ଝେଡ଼ାଲାକେ ଅଜଡ଼୍ ଆତାଡ଼୍ ଆରେ ହେଝାନ୍ତି ହେନ୍ଦା ଅଜଡ଼୍ ଲାକେ ଡ଼ିଆଡ଼୍ ।

୩ ମସା ଆରି ଏଲିୟ ଜିସୁ ଲାହାଙ୍ କାତାର୍ବୀତା ଆନାକା ଚେଲାର୍ ହୁଡ଼ତାର୍ ।

୪ ହେବେ ପିତର୍ ଜିସୁଙ୍ ଇଚାନ୍, “ଏ ମାପୁ, ଆସେଙ୍ ଜେ ଇ ବାହାତ ମାନାସ୍, ଇଦାଁ ହାଡ଼ଦାକା; ନି ଇଚା ଆଡ଼ିସ୍ ଆନ୍ ଇବେ ତିନିଗଟା ପୁଟକୁ ରଚନାଙ୍ ନି କାଜିଁ ରଞ୍ଜାଙ୍, ମସା କାଜିଁ ରଞ୍ଜାଙ୍ ଆରି ଏଲିୟ କାଜିଁ ରଞ୍ଜାଙ୍ ।”

୫ ହେଝାନ୍ ଇ କାତା ଇନ୍ଦୁ ଇନ୍ଦୁ, ହୁଡ଼ାଟ୍, ଇଚୁକ୍ ବାଦାଡ଼୍ ହେଝାରିଁ ତାବାୟ କିତାଡ଼୍, ଆରି ହୁଡ଼ାଟ୍, ଇ ସବଦ୍ ଆତାଡ଼୍, “ଇ ମା ଝାରିନି ମାଜି ଇଝାନ୍ ତାକେ ମା ଅପ୍ରବଲ୍ ଝାରି, ଇଝାନ୍ତି ବଚନ୍ ମାନ୍ତ ଇଚାଟ୍ ।”

୬ ଇଦାଁ ଝେନ୍ଞି ଚେଲାହିର୍ ମୁମ୍ ତାରେନ୍ କିତାର୍ ଆରି ବେସି ପାଣ୍ଡା ଆତାର୍ ।

୭ ଜିସୁ ହେଝାର୍ ଲାଗେ ଝାଜି ହେଝାରିଁ ଡୁବିସ୍ ଇଚାନ୍, “ନିଙ୍ଗା, ପାଣ୍ଡା ଆମାଟ୍ ।”

୮ ଲାଗିଁ ହେଝାର୍ ଜପି ହୁଡ଼ଜି ଜିସୁଙ୍ ପିସ୍ତ୍ର ହେବେ ଆରେ ଇନେରିଁ ହୁଡ଼ଞ୍ଜାତାର୍ ।

୯ ହେଝାର୍ ମାଡ଼ିତାଁ ଜୁଜି ଝାନିହିଁ ଜିସୁ ହେଝାରିଁ ବଲ୍ ହିଜି ଇଚାନ୍, “ମାନାୟ ମାଜି ହାକିତାଁ ନିଙ୍ଗିନି ପାଡେକ୍, ଇନାକା ହୁଡ଼ତାଦେଣ୍ଡା ହେଦାଁ ନିଙ୍ଗିଞ୍ଜି ପାଡେକ୍ ଇନେରିଁ ପା ଝେଟ୍ମାଟ୍ ।”

୧୦ ଚେଲାହିର୍ ଜିସୁଙ୍ ଝେନ୍ଦାତାର୍, “ଏଲିୟ ପର୍ଡୁମ୍ ଝାନାନ୍ ଇଞ୍ଜି ମା ଦରମ୍ ଗୁରୁର୍ ଇନେକିଦେଁ ଇଞ୍ଜାଣ୍ଡା ?”

୧୧ ଜିସୁ ଉତର୍ ହିତାନ୍, “ଆଁ, ହାଡ଼ପା ଏଲିୟ ପର୍ଡୁମ୍ ଝାଜି ସବୁ ବିସ୍ତେ ଜାଲ୍ଦି କିନାନ୍;

୧୨ \*ମାତର୍ ଆନ୍ ମିଙ୍ଗେଙ୍ ଇଞ୍ଜନାଙ୍, ଏଲିୟ ଝାତାନେ ମତର୍ ତାଙ୍ଗେଙ୍ ତିନିକିଝାଦାଁ ମାନାୟାର୍ ତା କାଜିଁ ଇନାକା ଇଚା, ହେଦାଁ କିତାନନ୍ନା । ମାନାୟ ମାଜି କାଜିଁ ପା ହେଝାର୍ ହେ ଲାକେ କାରାପ୍ ଚିନ୍ତା କିତାର୍ ।”

୧୩ ହେଝେଡ଼ାଁ ଚେଲାର୍ ବୁଜାତାର୍ ଜେ, ଜିସୁ ବାପ୍ତିସିମ୍ ହିନି ଜହନ୍ତି ବିସ୍ତେ ଇନାନ୍ନା ।

**ଜିସୁ ପୁଦାଆହାତି କାଡ଼ଦେଁ ଉଜ୍ କିତାନ୍**

(ମାର୍କ ୯:୧୪-୨୯; ଲୁକ ୯:୩୭-୪୩)

୧୪ ପାଚେ ଚେଲାର୍ ମାନାୟାର୍ ଲାଗେ ଝାଜି, ରକାନ୍ ମାନାୟ ଜିସୁ ଲାଗେ ଝାଜି ମେଣ୍ଡାଁ କୁନ୍ଦିକିଜି ଇଚାନ୍,

୧୫ “ଏ ମାପୁ, ନା ମାଜି ଦୟା କିୟା, ଇନାକିଦେଁକି ହେଝାନ୍ ଆପ୍ରାଁତ ବେସି କସ୍ ପାୟାନାନା, ହେଝାନ୍ ରଗତିଁ ରଗ ନାଣିତ ଆରି ରଗତିଁ ରଗ ଏଜୁକାଁ ଆଣ୍ଡାନା ।

୧୬ ଆନ୍ ନି ଚେଲାରିଁ କଚଣ୍ଡତ ହେଝାନିଁ ତାଜି ମାଚାଙ୍, ମତର୍ ହେଝାର୍ ହେଝାନିଁ ଉଜ୍ କିଦେଙ୍ ହେଝାର୍ ଆଡ଼ଞ୍ଜାତାର୍ ।”

୧୭ ଜିସୁ ଉତର୍ ହିତାନ୍, “ଆଡ଼େ ପାଡ଼ିଁ କିଝାକାର୍ ଆରି ଉଚ୍ଚା ଆନି ମାନାୟ, ଏଚେକ୍ କାଡ଼୍ ଆନ୍ ମି ଲାହାଙ୍ ମାନ୍ଗାନାଁ ? ଏଚେକ୍ କାଡ଼୍ ମି ଚିନ୍ତା ହୁଡ଼ଦାନାଙ୍ ? ତାଙ୍ଗେଙ୍ ନାତାକେ ତାଲିଝାଡ଼୍ ।”

୧୮ କାଡ଼ଦେ ବିଡ୍ରେ ବୁଡ଼ ମାଚାଡ଼୍, ଜିସୁ ବୁଡ଼ଡ଼ଙ୍ ଦାକା କିତିଲେ ବୁଡ଼ କାଡ଼ଦେତାଁ ହସି ହାଚାଡ଼୍ ଆରି କାଡ଼ଦେ ହେ ଦାପ୍ରେ ଉଜ୍ ଆତାନ୍ ।

୧୯ ଇଦାଁ ପାଚେ ଚେଲାର୍ ଡ଼ଗୁଜି ଜିସୁଙ୍ ଲାଗେ ଝାଜି ଇଚାଟ୍, ଆପେଙ୍ “ଇନେକିଦେଁ ତାଙ୍ଗେଙ୍ ପିହିକିଦେଁ ଆଡ଼ଞ୍ଜାତାପ୍ ?”

\* ୧୭:୨୭ ମାତୃକା ୨୫:୩୧; ରମିୟ ୨:୬.    \* ୧୭:୧୨ ମାତୃକା ୧୧:୧୪.



୨୦ ଜିସୁ ହେୱାରିଂ ଇଚାନ୍, “ଏପେଙ୍ଗ୍ ଅଲପ୍ ପାତର୍ କାଜିଂ, ଇନାକିଦେଂକି ଆନ୍ ମିଙ୍ଗ୍ ହାତ୍‌ପା ଇଞ୍ଜନାଙ୍ଗା, ଜଦି ର ହାର୍‌ହୁ ମାଞ୍ଜି ଲାକେ ମି ପାତର୍ କିନାକା ମାନ୍‌ଗାନାଡ୍, ତା ଆତିସ୍ ଇ ମାଡ଼ିତିଂ ଇବେତାଂ ହେବେ ଗୁଟା ଇଞ୍ଜି ଇତିସ୍ ହେଦାଂ ଗୁଟାଆନାଡ୍, ପାତର୍ ହୁକେ ଇନାକା ଆବ୍‌ଡ୍ ଥୁଆକାୟ୍ ।”\*

୨୧ ମାତର୍ “ପାର୍ତାନା ଆରି ଉପାସ୍ ପିସ୍ତ୍ର ବିନ୍ ଇନାକାପା ଉପାୟ୍ ଇ ବାନି ବୁଡ୍ ହସି ହାଲୁଡ୍ ।”

**ଜିସୁ ଜାର୍ ହାକି ବିସ୍ତେ ଆରେ ରଗ ଝେଟ୍‌ଚାନ୍**

(ମାର୍କ ୯:୩୦-୩୨; ଲୁକ ୯:୪୩-୪୫)

୨୨ ଚେଲାହିର୍ ଝିଜାର୍ ଗାଲିଲିତ ରୁଣ୍ଡାଆତି ପାଚେ ଜିସୁ ହେୱାରିଂ ଇଚାନ୍, “ମାନାୟ୍ ମାଜି ମାନାୟାର୍ କେଇଦ ଆହ୍‌ୟାଦେଂ ହାନାନା,

୨୩ ହେ ମାନାୟାର୍ ମାନାୟ୍ ମାଜି ଚୁଣାର୍, ମାତର୍ ତିନି ଦିନ୍ ପାଚେ ହେଝେନ୍ ଆରେ ନିଙ୍ଗ୍‌ନାନ୍,” ହେବେ ଚେଲାର୍ ବେସି ଦୁକ୍ ଆତାର ।

**ଜିସୁ ମନ୍ଦିରତ ସିସ୍ତ୍ର ହିତାନ୍**

୨୪ ଜିସୁ ଆରି ତା ଚେଲାହିର୍ କପର୍ନାହୁମ୍ ଖାତି ପାଚେ ଦେଉଡ଼ିନି ସିସ୍ତ୍ରୁନ୍‌ନାକାର୍ ପିତର୍‌ତିଂ ଝେନ୍‌ବାତାର, “ମି ଗୁରୁ ଦେଉଡ଼ିନି ସିସ୍ତ୍ର ହିନାନ୍ କି ?”

୨୫ ହେଝେନ୍ ଇଚାନ୍ “ଆଁ ହିନାନ୍ ।”

ଆରେ ହେଝେନ୍ ଇଞ୍ଜି ଖାତିପାଚେ ଜିସୁ ଆଗେ ତାଙ୍ଗ୍ ଇଚାନ୍, “ସିମନ୍ ନି ବଲ୍ ଇନାକା ? ପୁତର୍ ନି ରାଜାର୍ ଇନେର୍ କଚଣତାଂ ସିସ୍ତ୍ର କି ରାଜା ପାଦ୍ ଅନାର୍ ? ହେଝାର୍ ପାର୍‌ଜାତାଂ କି ବିଦେସ୍‌ନିକାର୍‌ତାଂ ?”

୨୬ ପିତର୍ “ବିଦେସ୍‌ନିକାର୍‌ତାଂ ଇଞ୍ଜି ଇତିଲେ,” ଜିସୁ ତାଙ୍ଗ୍ ଇଚାନ୍, “ଲାଗିଂ ତ ହିମ୍‌ଶାଂ ମୁକ୍‌ଡା ଆତାର୍ଣ୍ଣା ?

୨୭ ମାତର୍ ଆସେଙ୍ଗ୍ ଇନେସ୍ ହେଝାର୍‌ତି ବାଦାନି କାରଣ୍ ଆମେଡ୍, ଇଦାଂ କାଜିଂ ହାମ୍‌ଦୁର୍‌ତ ହାଲ୍‌ଜି ବାଣ୍‌ହି ଇଜାର୍ ଆରେ ପର୍ତ୍ତୁମ୍ ଇମ୍‌ଶି ମିନ୍ କାପ୍‌ନାଡ୍, ହେଦେଲିଂ ଅଜି ତା ଝେଇ ଏସ୍‌ତିସ୍ ର ରୁପା ତାରୁଙ୍ଗ୍ ଗାଟାଆନାଦେର୍; ହେଦାଂ ଅଜି ନା କାଜିଂ ଆରି ମି କାଜିଂ ହେୱାରିଂ ହିୟାର୍ ।”

# ୧୮

**ସାଗେ ରାଜିତ ଝିଜାର୍‌ତାଂ ଗାଜାକାନ୍ ଇନେର୍ ?**

(ମାର୍କ ୯:୩୩-୩୭; ଲୁକ ୯:୪୬-୪୮)

୧ \*ହେ ପାଦ୍‌ନା ଚେଲାହିର୍ ଜିସୁ କଚଣ୍ ଖାଜି ଝେନ୍‌ବାତାର, ତେବେ “ସାଗେ ରାଜିତ ଇନେର୍ ଗାଜା ?”

୨ ଜିସୁ ର ହିରୁ ହିମ୍‌ଶାଂ ଲାଗେ କୁକ୍‌ଟି ହେଝାର୍ ବିତ୍ରେ ନିଲି କିଜି ଇଚାନ୍,

୩ “ଆନ୍ ମିଙ୍ଗେଙ୍ଗ୍ ହାତ୍‌ପା ଇଞ୍ଜନାଙ୍ଗା, ଏପେଙ୍ଗ୍ ବାଦ୍‌ଲାଝିତିସ୍ ହିରୁ ହିମ୍‌ଶା ଲାକେ ଆଝିତିସ୍ ଇନେସ୍ କିତିସ୍‌ପା ସାଗେ ରାଜିତ ହଣ୍ଡେଙ୍ଗ୍ ଆଡୁଦେର୍ ।

୪ ଲାଗିଂ, ଇନେର୍‌କି ଇ ହିରୁ ହିମ୍‌ଶା ଲାକେ ଜାର୍‌ତିଂ ହାଦ୍‌ଦାମ୍ କିନାନ୍, ହେଝେନ୍ ସାଗେ ରାଜିତ ଗାଜାକାନ୍ ।

୫ ଆରେ, ଇନେର୍ ନା ତର୍‌ଦାଂ ଇ ଲାକେ ର ହିରୁ ହିମ୍‌ଶାଂ ମାନ୍‌କିନାନ୍, ହେଝେନ୍ ନାଙ୍ଗେଙ୍ଗ୍ ମାନ୍‌କିଦ୍‌ନାନ୍ ।”

**ପାତର୍‌ତ ବାଦା ଗିଟାୟ୍‌କିନାକା**

(ମାର୍କ ୯:୪୨-୪୮; ଲୁକ ୧୭:୧-୨)

୬ ମାତର୍ ଇନେର୍‌କି “ନା ତାକେ ପାତର୍ କିନାକାର୍ ଇ ହିରୁହିମ୍‌ଶାଙ୍ଗ୍ ବିତ୍ରେ ରକାନ୍ତି ବାଦା ଇନାକିଦେଂକି ଆନାଡ୍, ହେଦାଂ ଗାତେଲ୍‌ତ ର ଗାଜା ଜାତାକାଲ୍ ଗାଟି ତାଙ୍ଗେଙ୍ଗ୍ ହାମ୍‌ଦୁର୍‌ତ ତୁସି ହିନାକା ହାର୍ ଆନାଡ୍ ।

୭ ମାନାୟାର୍‌ତି ପାତର୍‌ତ ବାଦା ଗିଟାୟ୍‌କିଦେଂ ଇଞ୍ଜି, ବେସି ବିସ୍ତେ ମାନାଡ୍ । ହେଦାଂ କାଜିଂ ଇ ପୁତର୍‌ତ ଅବସ୍ତା ଏଚେକ୍ ବଇଁକାର୍ ସବୁ ଦିନ୍ ଇ ଲାକେ ବାଦା ଝାନାଡ୍, ମାତର୍ ଇନେନ୍ ବାଦା ଗିଟାୟ୍‌କିନାନ୍, ତା ଝିଜେ କେତେକ୍ ହାର୍‌ଦାକା !”

୮ “ଜଦି ମି କେଇ କି ପାନା କାଜିଂ ଏପେଙ୍ଗ୍ ପାତର୍ ବାଦା କିନାଦେର୍, ଲାଗିଂ ତାଙ୍ଗ୍ କାଦ୍‌ଦି ତୁସିହିୟାର୍ । ରି କେଇ ଆରି ରି ପାନା ମାନ୍‌ଞ୍ଜି ଝିଜ୍‌ଝିନାଣିତ ତୁସ୍‌ୟାନି ପାଚେକ୍ ରକେଇ ଆରେ ର ପାନା ବିନେ ଆଜି ଝିଜ୍‌ଝି ଜିରୁନ୍‌ତ ହଣାକା ମି ପାକ୍‌ପାତ ହାର୍ ।

୯ ଆରେ ମି କାଣ୍‌ଜା ଜଦି ନି ବାଦା ଆନାଡ୍, ଲାଗିଂ ତାଙ୍ଗ୍ ଉନ୍‌ଦି ତୁଇ ହିୟାର୍; ରିଣ୍ଡାଂ କାଣ୍‌କୁ ଅଜି ନାଣି ବିତ୍ରେ ନରକ୍ ତାକେ କାଡ଼ିନି ବାଟା ଇତିସ୍ ର କାଣ୍‌ଜା ଅଜି ଜିରୁନ୍‌ତ ହଣାକା ମି ପାକ୍‌ପାତ ହାର୍ ।”

\* ୧୭:୨୦ କେତେକ୍ ପତିତ୨୧ପାଦ୍‌ତିଂ ମେହାୟ୍ କିତାର୍ଣ୍ଣା; ମାତର୍ ଉପାସ୍ ଆରି ପାର୍ତାନା ପିସ୍ତ୍ର ଆରେ ଇନାକାତ ଇବାନି ବୁଡ୍ ପିହିକିଦେଂ ଆଡୁର୍ । (ମାତୃକା ୯:୨୯) ☆ ୧୮:୧ ଲୁକ ୨୨:୨୪.

ଜାଙ୍ଗତି ମେଣ୍ଟାତି ଉତ୍ତରମୁତ୍  
(ଲୁକ ୧୫:୩-୭)

୧୦ ଜାଗ୍ରତ୍, ଇ ହିରୁକାର୍ ବିତ୍ରେ ରକାନିଂ ନେ ଇଣ୍ କିମାଟ୍, ଇନାକିଦେଂକି ଆନ୍ ମିଜେଙ୍ଗ୍ ହାତ୍ପା ଇଞ୍ଜନାଙ୍ଗା ସାଗେତ୍ ହେଞ୍ଜାରିତି ଦୁତ୍ତତ୍ତର୍ ସବୁ ଦିନ୍ ନା ସାଗ୍ରେନି ଆବା ଲାଗାଂ ମାନାର୍ ।\*

୧୧ ଇନାକିଦେଂକି ଇନାକା ଜାଙ୍ଗତାତ୍ନା, ହେଦାଂ ରାକ୍ୟା କିଦେଙ୍ଗ୍ ଇଞ୍ଜି ମାନାୟ୍ ମାଜି ଖାତାନନା ।

୧୨ “ଏପେଙ୍ଗ୍ ଇନାକା ଏତୁ କିନାଦେରା ? ଇମ୍ମଣି ଲକ୍ତି ଜଦି ପାଞ୍ଚକଡ଼ି ମେଣ୍ଟାଂ ମାତିସ୍, ଆରେ ହେଞ୍ଜାଙ୍ଗ୍ ବିତ୍ରେ ରଞ୍ଜାଙ୍ଗ୍ ଜାଙ୍ଗତିସ୍, ଲାଗିଂ ଇନାକା ନବେନଗଟାକାଂ ମାଡ଼ିତ୍ ପିସ୍ସି ହେଞ୍ଜାନ୍ ହାଲ୍ଲଜି ହେ ବାଣାତି ମେଣ୍ଟାତିଂ ତେକ୍କୁନ୍ ?

୧୩ ଆରେ ହେଞ୍ଜେନ୍ ମେଣ୍ଟା ଗାଟାଆନାନ୍ ତା ଆତିସ୍ ଆନ୍ ମିଜେଙ୍ଗ୍ ହାତ୍ପା ଇଞ୍ଜନାଙ୍ଗା, ନବେନଗଟା ବାଣା ଆଞ୍ଜାଦାଂ ମାତିକ୍, ହେଞ୍ଜାଙ୍ଗ୍ ବିତ୍ରେ ଇ ରଞ୍ଜାଙ୍ଗ୍ କାଜିଂ ହେଞ୍ଜେନ୍ ଆଦିକ୍ ଖାରି କିନାନ୍ ।

୧୪ ହେ ଲାକେ ଇ ହିରୁକାରିଂ ବିତ୍ରେ ଜେ ରଞ୍ଜାଙ୍ଗ୍ କାରାପ୍ ଆନାତ୍, ଇଦାଂ ଏପେଙ୍ଗ୍ ସାଗେନି ଆବାତି ମାନ୍ ଆକାୟ୍ ।”

ମି ବିରୁଦ୍ଧତ ଇନେର୍ ଦସ୍ କିଦ୍ନାନ୍

୧୫ \*ଲାଗିଂ “ନି ଟଣ୍ଡେନ୍ନି ବିରୁଦ୍ଧତ ପାପ୍ କିନାନ୍, ଲାଗିଂ ହାଲ୍ଲଜି କେବଲ୍ ମି ରିୟାରିଂ ବିତ୍ରେ ହେଞ୍ଜାନିଂ ତା ଦସ୍ ଚଟାଟ୍; ଜଦି ହେଞ୍ଜାନ୍ ମି କାତା ଖେନାନ୍, ଲାଗିଂ ଏପେଙ୍ଗ୍ ଜାର୍ ଟଣ୍ଡେନିଂ ପାୟା ଆତାୟ୍ ।

୧୬ ମାତର୍ ଜଦି ହେଞ୍ଜାନ୍ ଖେନୁର୍, ରକାନ୍ କି ରିୟାରିଂ ଅଜି ହାଲ୍ଲାଟ୍ । ଇନେସ୍ ରିୟାରିଂ କି ତିନ୍ ଜାଣ୍ ସାକିରିଙ୍ଗ୍ ମୁମ୍ପଦ୍ ଖିଜୁ ଦାବା କାତା ତିର୍ କିୟାନାତ୍ ।”

୧୭ ଜଦି ହେଞ୍ଜାନ୍ ହେଞ୍ଜାଟ୍ କାତା ମାନିକିଉନ୍, ଲାଗିଂ ମଣ୍ଡଲିତିଂ ଇନାଟ୍, ଆରେ ଜଦି ହେଞ୍ଜାନ୍ ମଣ୍ଡଲି କାତା ପା ମାନିକିଞ୍ଜିତିସ୍, ଲାଗିଂ ହେଞ୍ଜାନ୍ ମି କାଣ୍ଗାତ ପାତ୍ କିଞ୍ଜି ଜିହୁଦିର୍ ଆରି ସିସ୍ସୁନ୍ନାକାର୍ ଲାକେ ଆଏନ୍ ।

ମୁନା କିନାକା ଆରେ ବଲ୍ ହିନାକା

୧୮ \*ଆନ୍ “ମିଜେଙ୍ଗ୍ ହାତ୍ପା ଇଞ୍ଜନାଙ୍ଗା, ଏପେଙ୍ଗ୍ ପୁତ୍ ଇନାକାପା ବନ୍ଦ୍ କିନାଦେର୍, ସାଗେତ୍ ହେଞ୍ଜିଜୁ ବନ୍ଦ୍ ମାନ୍ଗାନାତ୍, ଆରି ପୁତ୍ ଇନାକା ଖିଜୁ ଜେନାଦେର୍, ସାଗେତ୍ ହେଞ୍ଜିଜୁ ଜେନାଦେର୍ ।”

୧୯ ଆରି, ଆନ୍ ମିଜେଙ୍ଗ୍ ହାତ୍ପା ଇଞ୍ଜନାଙ୍ଗା, ପୁତ୍ ମି ବିତ୍ରେପା ରିୟାରିଂ ଇନେସ୍ ବାତ୍ ବିସ୍ତେ ର ମାନ୍ତାଂ ଆଜି ଇନାକା ଏନ୍ନାଦେର୍, ହେଦାଂ ନା ସାଗେନି ଆବାତି ଇଟା ହେଞ୍ଜାଟ୍ କାଜିଂ ଗିଟା ଆନାତ୍ ।

୨୦ “ଇନାକିଦେଂକି ଇମ୍ମଣି ବାହାତ ରିୟାରିଂ କି ତିନ୍ ଜାଣ୍ ନା ତର୍ଦାଂ ରୁଣ୍ଡା ଆନାଟ୍, ହେ ବାହାତ ଆନ୍ ହେଞ୍ଜାଟ୍ ବିତ୍ରେ ମାନ୍ଗାନାଂ ।”

କେମା ହିଞ୍ଜାଦାଂ ମାନି ଚାକ୍ରିୟା କାତା

୨୧ \*ହେ ପାଦ୍ନା ପିତର୍ ଜିସୁ କଟଣ୍ ଖାଜି ଖେନ୍ନବାତାନ୍, “ଏ ମାପୁ, ଏଚେକ୍ ହଟ୍ ନା ଟଣ୍ଡେନ୍ ନା ବିରୁଦ୍ଧତାଂ ପାପ୍ କିତିସ୍ ଆନ୍ ଏଚେକାତ୍ତଦ୍ କେମା କିନାଙ୍ଗ୍ ? ଇନାକା ସାତ୍ ହଟ୍ ?”

୨୨ ଜିସୁ ତାଜେଙ୍ଗ୍ ଇଚାନ୍, “ନିଜେଙ୍ଗ୍ କେବଲ୍ ସାତ୍ ହଟ୍ ପାତେକ୍ ଇଞ୍ଜୁଙ୍ଗା, ମତର୍ ସତୁରି ଗୁଣ୍ ସାତ୍ ହଟ୍ ପାତେକ୍ ।

୨୩ ଇତିସ୍ ସାଗେ ରାଜି ଜାର୍ ଆଡ଼ିୟାଟ୍ ଲାହାଙ୍ଗ୍ ଇସାବ୍ କିଦେଙ୍ଗ୍ ଇଚାକିନି ରଞ୍ଜାନ୍ ରାଜା ଲାକେ ।

୨୪ ହେଞ୍ଜେନ୍ ଇସାବ୍ ଆରମ୍ କିତିଲେ, ଲାକେ ଟାକାଂ ରୁଣ୍ କିଜି ମାତି ର ହେବକାରି ରାଜା ଲାଗାଂ ତାହିଞ୍ଜାତାର୍ ।

୨୫ ମାତର୍ ତା ହୁଜାଆଦେଂ ଇନାକା ହିଲ୍ଡିତିଲେ ତା ମାପୁ ତାଙ୍ଗ୍ ଆରି ତା ତକ୍ତିଙ୍ଗ୍, ହିମ୍ମଣାଞ୍ଜାକ୍ତା ଆରି ଖିଜୁ ପ୍ରସି କର୍ ଅଦେଂ ରାଜା ବଲ୍ ହିତାନ୍ ।

୨୬ ଲାଗିଂ ହେ ହଲ୍ୟା ତାଜେଙ୍ଗ୍ ପାନା ତାରେନ୍ ଜୁଞ୍ଜାଟ୍ କିଜି ଇଞ୍ଜେଙ୍ଗ୍ ଲାଗାତାନ୍, ଏନ୍ ନା ବିସ୍ତେ ବାଡ଼କାସ୍ଆ, ଆନ୍ ନିଗେଙ୍ଗ୍ ଖିଜୁ ହୁଜା ଆଜି ହିଦ୍ନାଂ ।”

୨୭ ହେବେତାଂ ହେ ହଲ୍ୟାତିଂ ମାପୁ କାର୍ମା ଆଜି ତାଜେଙ୍ଗ୍ ପିସ୍ସି ହିତାନ୍ ଆରି ରାଜା ରୁଣ୍ କେମା କିତାନ୍ ।

୨୮ ମାତର୍ “ହେ ହଲ୍ୟା ହସି ହାଲ୍ଲଜି ତାବେଣ୍ଡାଂ ପରାସ୍ ଟାକା ରୁଣ୍ କିଜି ମାନି ର ହାଙ୍ଗ୍ଦାକାନ୍ ଚଞ୍ଜୟା ଆଜି ହେଞ୍ଜାନିଂ ଆଜି ତା ଗାତେଲ୍ ମିଞ୍ଜି ଇଞ୍ଜେଙ୍ଗ୍ ଲାଗାତାନ୍, ଏନ୍ ଇନାକା ଆସ୍ତାୟ୍ନା ହୁଜାଆଦା ।”

୨୯ ଲାଗିଂ “ତା ହାଙ୍ଗ୍ଦାକାନ୍ କାଲ୍ ତାରେନ୍ ଆଜି ହେଞ୍ଜାନିଂ ଗଞ୍ଜାରି କିଜି ଇଞ୍ଜେଙ୍ଗ୍ ଲାଗାତାନ୍, ଏନ୍ ନା ବିସ୍ତେ ବାଡ଼କାସ୍ଆ, ଆନ୍ ନିଜେଙ୍ଗ୍ ହୁଜା ଆଜି ହିଦ୍ନାଂ ।”

୩୦ “ମତର୍ ହେଞ୍ଜେନ୍ ରାଜି ଆଞ୍ଜାତାନ୍, ମାତର୍ ହାଲ୍ଲଜି ରୁଣ୍ ହୁଜାଆଡ଼ି ପାତେକ୍ ତାଙ୍ଗ୍ ଜଇଲ୍ଡତ୍ ପ୍ରତ୍ତାର୍ ।

୩୧ ଲାଗିଂ ତା ହାଙ୍ଗ୍ଦାକାର୍ ଇ ଗଟ୍ନା ହୁଡ଼ଜି ବେସି ଦୁକ୍ ଆତାର୍ ଆରି ହାଲ୍ଲଜି ହେଞ୍ଜାଟ୍ ମାପୁ ଲାଗାଂ ଖିଜୁ ଗଟ୍ଟାଗିଟା ଆଜି ମାତାତ୍ ଖେଟ୍ଟାର୍ ।”

\* ୧୮:୧୦ ୧୮:୧୦ କେତେକ୍ ପଢିତ ୧୧ପାଦ୍ତିଂ ମେହାୟ୍ କିନାର୍, ଇନେକିଦେଂକି ଇନାକା ଜାଙ୍ଗତାତ୍ନା, ହେଦାଂ ଦାସ୍ତି ରାକ୍ୟା କିଦେଂ ମାନାୟ୍ ମାଜି ଖାତାନ୍ନା (ଲୁକ ୧୫:୧୦) ☆ ୧୮:୧୫ ଲୁକ ୧୭:୩. ☆ ୧୮:୧୮ ମାତ୍ରିକ ୧୭:୧୯; ଜହନ୍ ୨୦:୨୩. ☆ ୧୮:୨୧ ଲୁକ ୧୭:୩,୪.

୩୨ ହେବେତା ତା ମାପୁ ତାଙ୍କ ଲାଗେ କୁକି କିଜି ଇଚାନ୍, “ଏଡ଼େ ଉତ୍ପାତ୍ୟା ହଲ୍ୟା, ଏନ୍ ନାଜେଙ୍ଗ୍ ଗଞ୍ଜାରି କିଡ଼ତିଲେ ଆନ୍ ନି ହେ ଓଁଜୁ ରୁଣ୍ କେମା କିତାଙ୍ଗ୍;

୩୩ ଆନ୍ ଇନେସ୍ ଲାକେ ନିଜେଙ୍ଗ୍ ଦୟା କିଡ଼ତାଙ୍ଗ୍, ହେ ଲାକେ ପା ଜାର୍ ହାଙ୍ଗ୍ଦାକାର୍ ଦୟା କିନାକା କି ନି କାମାୟ୍ ହିଲ୍ଝାତାଡ଼ ?”

୩୪ ଆରେ, ତା “ମାପୁ ରିସା ଆଜି ଓଁଜୁ ରୁଣ୍ ହୁଜାଆଓି ତାଙ୍ଗ୍ ପାତେକ୍ ବାଦା ହିନି ମାନାୟାର୍ କେଇଦ ସର୍ପି କିତାର୍ ।”

୩୫ ଜିସୁ ଇନାକା ଓଁସ୍ତି “ହେଞ୍ଜାରିଂ ଇଚାନ୍ ଜଦି ଖାୟ୍ତାଂ ଜାର୍ ଜାର୍ ଚଣ୍ଡାରିଂ କେମା କିଓଁତିସ୍, ତାଆତିସ୍ ନା ସାଗେନି ଆବା ପା ମି କାଜିଂ ହେ ଲାକେ କିଦନାନ୍ ।”

### ୧୯

#### ହେଲ ନାଟ୍ନି ବିସ୍ତେ ଜିସୁତି ହିକ୍ୟା

(ମାର୍କ ୧୦:୧-୧୨)

୧ ଜିସୁ ଇ ଓଁଜୁ କାତା ଇଞ୍ଜି ଓଁସ୍ତି ପାତେ ଗାଲିଲି ପିସ୍ତି ଜର୍ଦନ୍ ନାଗୁଡ଼୍ ଆନ୍ତି ପାଡ଼କା ମାନି ଜିହୁଦା ନିପ ହାଚାନ୍ ।

୨ ବେସିହେନି ମାନାୟାର୍ ତାଜେଙ୍ଗ୍ ଦାସ୍ତାର୍ ଆରି ହେଞ୍ଜାନ୍ ହେନି ରଗ୍ୟାରିଂ ଉଜ୍ କିତାନ୍ ।

୩ କେତେଜାଣ୍ ପାରୁସିର୍ ତା ଲାଗାଂ ଖାଜି ତାଙ୍ଗ୍ ଡକ୍ତାତ ପ୍ରଦ୍ଦେଂ ପାଟି କିତାର୍ । ହେଞ୍ଜାର୍ ତାଙ୍ଗ୍ ଷ୍ଟେନ୍ବାତାର୍, “ମା ଦର୍ମନି ମସାତି ବିଦି ଇସାବ୍ରେ ରକାନ୍ ଜେ ଇନା ବିସ୍ତେ ତା, କଗ୍ଲେଂ ହେଲ ହିଦେଂ ଆଡ଼ନାନ୍ କି ?”

୪ ହେଞ୍ଜେନ୍ ଉତର୍ ହିତାନ୍, ଏପେଙ୍ଗ୍ ଇନାକା ପଡ଼ି କିଞ୍ଜାତାଦେଣ୍ଡା ଜେ ଉବ୍ଜାଣ୍ କିନାକାନ୍ ଆରମ୍ତାଂ ହେଞ୍ଜାରିଂ ଆଣ୍ଡେନ୍ ଆରି କଗ୍ଲେ କିଜି ଉବ୍ଜାଣ୍ କିତାନ୍,

୫ ଆରେ ଇଚାନ୍, “ଇଦାଂ କାଜିଂ ମାନାୟ୍ ଆବାଆୟାକାଂ ପିସ୍ତି ଜାର୍ କଗ୍ଲେ ତାକେ ମେହା ଆନାନ୍, ଆରେ ହେଞ୍ଜାର୍ ଦୁଲ୍ମାତାର୍ ଏକ୍ ଆନାର୍ ?

୬ ଲାଗିଂ ହେଞ୍ଜାର୍ ଆରେ ରିକାର୍ ଆକାୟ୍, ମାତର୍ ଏକ୍ ଆନାର୍ । ଲାଗିଂ, ଇସ୍ବର ଇନାକା ମେହାୟ୍ କିଡ଼ତାନ୍ନା, ମାନାୟାର୍ ହେଦାଂ ଏଡ଼ାୟ୍ କିମେନ୍ ।”

୭ ହେଞ୍ଜାର୍ ହେଞ୍ଜାନିଂ “ଷ୍ଟେନ୍ବାତାର୍, ଲାଗିଂ ମସା ଇନେକିଦେଂ ହେଲ ଆକି ହିଜି କଗ୍ଲେଙ୍ଗ୍ ହେଲ ହିନି କାଜିଂ ବଲ୍ ହିତାନ୍ ?”

୮ ଜିସୁ ଉତର୍ ହିତାନ୍, “ମି ମାନ୍ ଆଟ୍ଝା କାଜିଂ ମସା ହେ ଲାକେ କିଜି ମାଚାନ୍ । ମାତର୍ ଆଗେ ଉବ୍ଜାଣ୍ ଷ୍ଟେଡାଲିଂ ଏଲେଙ୍ଗ୍ ବିଦି ହିଲ୍ଝାତାଡ଼ ।”

୯ \* “ମତର୍ ଆନ୍ ମିଙ୍ଗ୍ ଇଞ୍ଜନାଙ୍ଗା, ଇନେରକି ଜାର୍ ଡକ୍ତିଂ ଦାରି ଦସ୍ତ ପିସ୍ତି ବିନ୍ ବିସ୍ତେତାଂ ପିହ୍ନିଆକି ହିଜି ବିନ୍ କଗ୍ଲେଂ ବିବା କିତିସ୍, ହେଞ୍ଜାନ୍ ଦାରି ଆନାନ୍ ।”

୧୦ ଚେଲାର୍ ହେଞ୍ଜାନିଂ ଇଚାର୍, “କଗ୍ଲେ ହୁକେ ମାନାୟତିଂ ଜଦି ଇ ମାସ୍ତରୁ ମେହାବିଡ଼ା, ଲାଗିଂ ବିବା କିଞ୍ଜାକା ହାର୍ ।”

୧୧ ଜିସୁ ଉତର୍ ହିତାନ୍, “ଇ ହିକ୍ୟା ଓଁଜାକାର୍ କାଜିଂ ସମାନ୍ ଆକାୟ୍ । ଇସ୍ବତ୍ ତାଙ୍ଗ୍ ଇମ୍ଘାକାରିଂ ଇଦାଂ ହିୟାତାଡ଼ନ୍ନା, କେବଲ୍ ହେଞ୍ଜାର୍ ନେ ଇଦାଂ ଇଡ଼ଦେଂ ଆଡ଼ନାର୍ ।

୧୨ ଇନାକିଦେଂକି ଇନେର ଇନେର ଆୟା ଗରବ୍ତାଂ ବେଜୁ ଆଜି ଜଲମ୍ ଆତାଣ୍ଡା, ଆରେ ଇନେର ଇନେର ମାନାୟତାଂ ବେଜୁ କିୟାତାଣ୍ଡା, ଆରି ଆରେ ଇନେର ଇନେର ସାଗେ ରାଜି କାଜିଂ ଜାର୍ ଜାର୍ତିଂ ବେଜୁ କିତାଣ୍ଡା । ଇମ୍ଘାକାର୍ ଇଡ଼ଦେଂ ଆଡ଼ନାର୍, ହେଞ୍ଜାନ୍ ଇଚେନ୍ ।”

#### ଜିସୁ ହାରୁ ହିମ୍ଘାକାଂ ଆସିର୍ବାଦ୍ କିତାନ୍

(ମାର୍କ ୧୦:୧୩-୧୬; ଲୁକ ୧୮:୧୫-୧୭)

୧୩ ହିମ୍ଘାଂ ଜପି କେଇ ଇଡ଼ଜି ପାର୍ତନା କିଦେଙ୍ଗ୍ କାଜିଂ କେତେକ୍ ଲକ୍ଷୁ ହେଞ୍ଜାରିଂ ଜିସୁ ଲାଗେ ତାହିଞ୍ଜାତାର୍ । ହେ ଲକ୍ଷୁରିଂ ଚେଲାର୍ ଦାକା ହିତାର୍ ।

୧୪ ମାତର୍ ଜିସୁ ଇଚାନ୍, “ହିମ୍ଘାକାଂ ନା ଲାଗେ ଖାଦେଙ୍ଗ୍ ହିଆଟ୍ । ହେଞ୍ଜାରିଂ ବାଦା ହିମାଟ୍ । ଇନାକିଦେଂକି ସାଗେ ରାଜି ଇମ୍ଘାକାର୍ ଇଞ୍ଜାର୍ ଲାକେ ହେଞ୍ଜାର୍ତି ।”

୧୫ ଆରେ ହେଞ୍ଜାର୍ ଜପି କେଇ ଇଡ଼ଜି ଆସିର୍ବାଦ୍ କିତି ପାତେ ଜିସୁ ହେବେତାଂ ହାଚାନ୍ ।

#### ରକାନ୍ ମାଜାନ୍ ଦାଙ୍ଗ୍‌ଶେନ୍

(ମାର୍କ ୧୦:୧୭-୩୧; ଲୁକ ୧୮:୧୮-୩୦)

୧୬ ଦିନେକ୍ ରକାନ୍ ମାଜାନ୍ ଦାଙ୍ଗ୍‌ଶେନ୍ ଜିସୁ ଲାଗେ ଖାଜି ଷ୍ଟେନ୍ବାତାନ୍, “ଗୁରୁ ! ଓଁଜ୍ଝି ଜିବୁନ୍ ପାୟାଦେଂ କାଜିଂ ଆନ୍ ଇମ୍ଘା ହାର୍ଦି କାମାୟ୍ କିନାଙ୍ଗ୍ ?”

☆ ୧୯:୯ ମାତୃତ୍ୱ ୫:୩୨; ୧ କରନ୍ତିୟ ୭:୧୦,୧୧.

- ୧୭ ଜିସୁ ତାଙ୍କେଇଁ ଇଚାନ୍, “ହାଦି କାମାୟ ବିସ୍ତେ ନାକ୍ ଇନେକିଦେଂ ଖେନ୍‌ବା ଆଦନାଦେରା ? କେବଲ୍ ଇସ୍‌ବର ନେ ହାରଦାକାନ୍ । ହେଖାନ୍ତି ବଲ୍ ଓଜୁ ମାନି କିତିସ୍, ଓଜୁ ଜିରୁନ୍ ଲାବ୍ କିଦେଇଁ ଆଡନାସ୍ ।”
- ୧୮ ହେଖାନ୍ ଖେନ୍‌ବାତାନ୍, “ଇମଣି ଓଜୁ ବଲ୍ ?”
- ଜିସୁ ଇଚାନ୍, “ନାର୍ ଅହ୍‌ମାଟ୍, ଦାରି କିମାଟ୍ । ଚରି କିମାଟ୍, ଇନେର୍ ବିରୁଦ୍‌ତ ମିଟ୍ ଦାବା କିମାଟ୍ ।
- ୧୯ ଆବାଂ ଆୟାକ୍ ଖାରି କିୟାଟ୍ ଆରି ମି ପାଡ଼ହାନିକାରିଂ ଜାର୍ ଲାକେ ଜିଉ ନଖାଟ୍ ।”
- ୨୦ ହେ ଦାକ୍‌ଶେନ୍ ତାଙ୍କେଇଁ ଇଚାନ୍, “ଇ ସବୁ ବଲ୍ ଆନ୍ ମାନି କିତାଂନା । ନାଦାଂ ଆରେ ଇନାକା କିନି ଲଡ଼ା ?”
- ୨୧ ସୁଣାୟ କିଜି ଜିସୁ ହେଖାନ୍ ଉତର୍ ହିତାନ୍, “ଜଦି ଏନ୍ ହାର୍ ଆଦେଂ ମାନକିନାୟ, ହାଲା, ନିୟାଂ ସବୁ ଦନ୍ ପ୍ରସି ହେ ଟାକାକ୍ ଅକି ତାରିଂ ଦାନ୍ କିୟା । ତା ଆତିସ୍ ଏନ୍ ସାଗେତ ଦନ୍ ଲାବ୍ କିନାୟ । ଇ ଓଜୁ କିତିପାଚେ ନା ପାଚେ ପାଚେ ଖା ।”
- ୨୨ ମାତର୍ ଇ କାତା ଖେନ୍‌ଜି ଦାକ୍‌ଶେନ୍ ଦୁକ୍ ଆଜି ହାଚାନ୍, ଇନାକିଦେଂକି ହେଖାନ୍ ବେସି ମାଜାନ୍ ମାଚାନ୍ ।
- ୨୩ ଜିସୁ ଚେଲାରିଂ ଇଚାନ୍, “ଆନ୍ ମିକ୍ ହାଡ଼ପା ଇଞ୍ଜନାକା, ମାଜାନିଂ ସାଗେ ରାଜିତ ହଣାକା ବେସି କସ୍ ।
- ୨୪ ଆରେ ଆନ୍ ମିକ୍ ଇଞ୍ଜନାକା, ଇସ୍‌ବର୍ ରାଜିତ ମାଜାନ୍ ଲକୁ ହଣି ବାଟା ଇତିସ୍ ହୁଜାନି କାଣାତିଂ ଉର୍ ହଣାକା ଆଡ଼ଖା ।”
- ୨୫ ଚେଲାର୍ ଇଦାଂ ଖେନ୍‌ଜି କାବା ଆଜି ଇଚାର୍, “ତେବେ ଇନେର୍ ମୁକ୍ତି ଆଦେଂ ଆଡନାର୍ ?”
- ୨୬ ଜିସୁ ହେଖାରିଂ ସିଦା ହୁଡ଼ଜି ଇଚାନ୍, ଇଦାଂ “ମାନାୟତିଂ ପାକ୍ୟାତ ଆଡ଼ଖାକା, ମାତର୍ ଇସ୍‌ବର୍ ପାକ୍ୟାତ ଓଜୁ ଆଡ଼ଖା ।”
- ୨୭ ଇଦାଂ ଖେନ୍‌ଜି ପିତର୍ ଇଚାନ୍, “ହୁଡ଼ା, ଆପେଂ ଓଜୁ ପିସ୍ତ୍ରି ନି ପାଚେ ପାଚେ ଖାତାପନା । ଆପେକ୍ ଇନାକା ଗାଟାନାପ୍ ।”
- ୨୮ ଜିସୁ ହେଖାରିଂ ଇଚାନ୍, “ଆନ୍ ମିକ୍ ହାଡ଼ପା ଇଞ୍ଜନାକା, ପୁନି ଜୁଗତ ଏଚେକାଡ଼ଦ ମାନାୟ ମାଜି ଜାର୍ ଜାକ୍‌ମାଲ୍‌ନି ଗାଦିତ କୁଚିଚାନ୍, ହେ ଏଚେକାଡ଼ଦ, ନା ପାଚେ ଖାତାଦେର୍ ଜେ ଏପେକ୍, ଏପେକ୍ ପା ବାର ଚେଲାର୍ ଗାଦିତ କୁଚି ଇସ୍‌ବଲ୍‌ନି ବାର କୁଚୁମ୍ ଜପି ରାଜ୍ କିନାଦେର୍ ।
- ୨୯ ଆରି ଇନେର୍‌କି ନା ତର୍ କାଜିଂ ଇଲ୍, କି ଟଣ୍ଡେନ୍ କି ତଣ୍ଡେଲ୍, କି ଆବା କି ଆୟା, ହିମ୍‌ଣା ଖାକ୍‌ଡ଼ା କି ତାରେନ୍ ପିହିନାନ୍, ହେଖାନ୍ ସହେ ଗୁଣ୍ ଆଦିକ୍ ପାୟାନାନ୍; ଆରି ଓଜୁ ଜିରୁନ୍ ଆଦିକାର୍ ଆନାନ୍ ।”
- ୩୦ ☆“ମାତର୍ ପର୍ତୁମ୍‌ତ ମାନି ଆଦେକ୍ ଲକୁ ପାଚେ ଆନାର୍ ଆରି ପାଚେ ମାନି ହେନି ଲକୁ ପର୍ତୁମ୍ ଆନାର୍ ।”

### ୨୦

#### ଅଜୁର୍ ବାଡ଼ନି କୁଲିୟା

- ୧ “ସାଗେ ରାଜି ଇନେସ୍, ଇଦାଂ ଆରେ ର ଉତର୍‌ମୁଡ଼ ଖେନାଟ୍ । ର ମାନାୟ ଦିନେକ୍ ନାଣାକେ ତା ଅଜୁର୍ ବାଡ଼ନ୍ କାମାୟ କିଦେଇଁ କୁଲିୟାରିଂ ତେକ୍‌ତେଂ ହତାନ୍ ।
- ୨ ଆରେ ହେଖାନ୍ କୁଲିୟାର୍ ହୁକେ ଦିନେକ୍‌ତିଂ ର ଦିନି ରୁଣ୍ ନାଟ୍‌ତି ହେଖାରିଂ ଜାର୍ ଅଜୁର୍ ବାଡ଼ନ୍ ପକ୍‌ତାନ୍ ।
- ୩ ତା ପାଚେ ଦିନ୍ ନଅ ଗଣ୍ଟା ଖେଡ଼ାଲିଂ ବାଜାର୍‌ତ ହାଲ୍‌ଜି ହୁଡ଼ତାନ୍, ର କୁଦା ଲକୁ ପଲ୍ୟା ଆଜି ନିଲ୍‌ତାଣ୍ଟା ।”
- ୪ ହେଖାରିଂ ହେଖାନ୍ ଇଚାନ୍, ଏପେକ୍ ପା ନା ଅଜୁର୍ ବାଡ଼ନ୍ ହାଲ୍‌ଜି କାମାୟ କିୟାଟ୍, ମିକ୍ ସମାନ୍ କୁଲି ହିଦ୍‌ନାଂ ।
- ୫ ହେଖାର୍ ହାଲ୍‌ଜି କାମାୟତ ଲାଗାତାର୍ । ଦିନ୍ ବାଟା ଆରି ତିନ୍‌ଟା ଖେଡ଼ାଲିଂ ସମାନ୍ ହେ ଲାକେ ଆରେ କେତେକ୍ କୁଲିୟାରିଂ ତାହିଖାଜି କାମାୟତ ଲାଗାୟ କିତାନ୍ ।
- ୬ ମିଡ଼କାହାରେସ୍ ପାଞ୍ଚଟା ଖେଡ଼ାଲିଂ ଆରେ ରଗ ବାଜାର୍‌ତ ହାଲ୍‌ଜି ହୁଡ଼ତାନ୍, ଆରେ କେତେକ୍ ଜାଣ୍ ନିଲ୍‌ତାଣ୍ଟା । ହେଖାରିଂ ଖେନ୍‌ବାତାନ୍, “ଖେଡ଼ାବୁଡ଼ି କାମାୟ କିଖାଦାଂ ଇନେକିଦେଂ ପଲ୍ୟା ସମ୍ ନସ୍ କିନାଦେରା ?”
- ୭ ହେଖାର୍ ଉତର୍ ହିତାର୍, ଇନେର୍ ତ ମାଂ କାମାୟତ କିୟକିଦ୍‌ଖାତାଣ୍ଟା । ହେଖାନ୍ ହେଖାରିଂ ଇଚାନ୍, ଆୟେଟ୍, ବାଟିକ୍ ଏପେକ୍ ଓଜାକାଦେର୍ ନା ଅଜୁର୍ ବାଡ଼ନ୍ ହାଲ୍‌ଜି କାମାୟ କିୟାଟ୍ ।
- ୮ “ହେ ଦିନ୍ ମିଡ଼କାହାରେସ୍ ଅଜୁର୍ ବାଡ଼ନି ହାଉକାର୍ ଗୁମ୍‌ସାକ୍ ଇଚାନ୍, କୁଲିୟାରିଂ କୁକା । ଇମ୍‌ଣାକାର୍ ଓଜାର୍‌ତାଂ ପାଚେ କାମାୟ ହାକ୍‌ତାଣ୍ଟା, ଆଗେ ହେଖାରିଂ ହାଜ୍‌ରି ହିଆ ।
- ୯ ହେବେଣ୍ଟାଂ ଇମ୍‌ଣାକାର୍ ପାଞ୍ଚଟା ଖେଡ଼ାଲିଂ କୁଲି କିଜି ମାଟାର୍, ହେଖାର୍ ଖାଜି ରଞ୍ଜାକ୍ ରଞ୍ଜାକ୍ ରୁପା ଟାକାଂ ଗାଟାତାର୍ ।”
- ୧୦ ଆରେ, ପର୍ତୁମ୍ ଖାଜି କିଜିମାଟି କୁଲିୟାର୍ ଖାଜି ଆଦିକ୍ ଗାଟାନାପ୍ ଇଞ୍ଜି ବାବିକିତାର୍, “ମାତର୍ ହେଖାର୍ ପା ରଞ୍ଜାକ୍ ରଞ୍ଜାକ୍ ରୁପା ଟାକାଂ ଗାଟାତାର୍ ।
- ୧୧ ହେଖାର୍ ହେଖାକ୍ ଅଜି ହାଉକାର୍ ବିରୁଦ୍‌ତ ମାନ୍‌ଦୁକ୍ କିଜି ଇଚାର୍,

☆ ୧୯:୩୦ ମାତୃତ ୨୦:୧୭; ଲୁକ ୧୩:୩୦.

୧୨ ମୁକାହାରେସ୍ ପାଞ୍ଚଗାତ କାମାୟ ହାଙ୍ଗି ମାନି କୁଲିୟାର୍ ମତର ରଗଣ୍ଡା କାମାୟ କିତାଣ୍ଡା । ଆସେଙ୍ଗ୍ ଇ କାରାତ ଖେଡ଼ାବୁଡ଼ି କିତାପ୍, ଇ ହାଜ୍ରି ହିନି ଖେଡ଼ାଂ ହେଝାରିଂ ମାହୁଦାଂ ସମାନ୍ କିଡ଼ତାନ୍ ।”

୧୩ ହାଉକାର୍ ହେଝାର୍ ବିତ୍ରେ ରକାନିଂ ଉତର ହିଜି ଇଚାନ୍, “ଚଣ୍ଡେନ୍ ! ଆନ୍ ନିଂ ଅନ୍ୟାୟ୍ କିଦ୍ଝାତାଂନା; ଏନ୍ ଇନାକା ନା ହୁଦାଂ ର ଟାକାଂ କାଜିଂ ରାଜି ଆଝାଦାଂ ମାଚାୟ୍ ?

୧୪ ନିନ୍ଦାଂ ଇମ୍ନାକା, ହେଦାଂ ଅଜି ହାଲା, ମାତର ଇ ହାରିହାରା ଲକାଂ ପାନି ଲାକେ ହିଦେଂ କାଜିଂ ନା ମାନ୍ ।

୧୫ ନା ଜାର୍ ଦନ୍ ଇନେସ୍ ହାର୍ ହେ ଏଲେଙ୍ଗ୍ କର୍ତ୍ତ କିଦେଙ୍ଗ୍ ଇନାକା ନା ଆଦିକାର୍ ହିଲୁଡ଼ ? କି ଆନ୍ ଅଲପ୍ ଉଦାର୍ ଆତିଲେ ଏପେଙ୍ଗ୍ ଝିଜାଦେର୍ ନାଙ୍ଗ୍ ଆକର୍ ଆଦ୍ନାଦେର୍ ?”

୧୬ “ହେ ଲାକେ ପାଚେ ମାନି ମାନାୟ୍ ପର୍ତ୍ତୁମ୍ ଆନାର୍ ଆରି ପର୍ତ୍ତୁମ୍ ମାନି ମାନାୟ୍ ପାଚେ ଆନାର୍ ।”

**ଜିସୁ ତା ହାକି ବିସ୍ତେ ତିନି ହର୍ କାଜିଂ ଖେଡ଼ଚାନ୍**

(ମାର୍କ ୧୦:୩୨-୩୪; ଲୁକ ୧୮:୩୧-୩୪)

୧୭ ଜିସୁ ଜିରୁସାଲମ୍ତ ହାନି ହାସ୍ତ ବାର ଚେଲାରିଂ ର ଲାଗେ କୁକ୍ତି ଅଜି ବିନେ କିଜି ହେଝାରିଂ ଇଚାନ୍,

୧୮ “ହୁଡ଼ାଟ୍ ଆସେଙ୍ଗ୍ ଜିରୁସାଲମ୍ତ ହାନାସା । ହେବେ ମାନାୟ୍ ମାଜି ମୁଡ଼୍ ମାପୁହେବାକିନାକାନ୍ ଆରି ଦରମ୍ ଗୁରୁର୍ କେଇଦ ହେଲାୟ୍ ଆନାନ୍ ହେଝାର୍ ହେଝାନିଂ ହାକି ତାଣ୍ଡ ହିନାର୍ ।

୧୯ ତା ପାଚେ ପାଚି କିଝି ଜିହୁଦିର୍ କେଇଦ ପିସ୍ତି ହିନାର୍ । ପାଚି କିଝି ଜିହୁଦି ତାଙ୍ଗ୍ ଗୁଇନାର୍, କରତା ଇଡ଼ନାର୍ ଆରି କୁସ୍ତ ଦୁପନାର୍ । ମାତର ତିନି ଦିନ୍ ପାଚେ ହେଝାନ୍ ଆରେ ନିଙ୍ଗନାନ୍ ।”

**ର ଆୟାତି ଗଝାରି**

(ମାର୍କ ୧୦:୩୫-୪୫)

୨୦ ଇ ଖେଡ଼ାଲିଂ ଜେବ୍ଦିତି ତକୁହି ତା ରି ମେହିର୍ ହୁକେ ଜିସୁ ତାକେ ଝାଜି । ଜିସୁଙ୍ଗ୍ ଜଝାର୍ କିଜି ତାଙ୍ଗ୍ ଅଲପ୍ ଏଡ଼ାଡ଼ ।

୨୧ ଜିସୁ ହେଦେଲିଂ ଝେନ୍ବାତାନ୍, “ଇନାକା ମାନ୍ କିନାୟା ?” ହେଦେଲ୍ ଇଚାଡ଼, “ଏନ୍ ଏଚେକାଡ଼୍ ମି ରାଜିତ ରାଜା ଆନାୟ୍, ନା ଇ ରି ହିମ୍ନାକାଂ ନି ବୁଜ୍ଜି ଆରି ତେବୁ ପାଡ଼କା କୁଚିକିନାୟ୍ ଇଞ୍ଜି ବଲ୍ ହିଦା ।”

୨୨ ଜିସୁ ଜେବ୍ଦି ରିୟାର୍ ମାଜିରିଂ ଉତର ହିଚାନ୍, “ଏପେଙ୍ଗ୍ ଇନାକା ଏନ୍ନାଦେରା, ହେଦାଂ ପୁନୁଦେରା । ଆନ୍ ଦୁକ୍ ବଗ୍ନି ବାହାତ ଉଣ୍ଡେଙ୍ଗ୍ ହାନାଙ୍ଗା ? ହେବେ କି ଏପେଙ୍ଗ୍ ଉଣ୍ଡେଙ୍ଗ୍ ଆଡ଼ନାଦେର୍ ?”

ହେଝାର୍ ତାଙ୍ଗ୍ ଇଚାର୍, “ଆଡ଼ନାପ୍ ।”

୨୩ ଜିସୁ ହେଝାରିଂ ଇଚାନ୍, “ଏପେଙ୍ଗ୍ ନା ଦୁକ୍ ବଗ୍ନି ବାହାତ ଉଣାକା ସଡ଼, ମାତର ନା ତିନାବାଗାଙ୍ଗ୍ ଆରି ତେବୁ ବାଗାଙ୍ଗ୍ କୁଚ୍ଚେଂ ହିନାକା ନା ଆଦିକାର୍ ବିସ୍ତେ ଆକାୟ୍, ଇଚିସ୍ ଇମ୍ନାକାର୍ କାଜିଂ ନା ଆବା କାଜିଂ ବାହା ଜାଲ୍ଦି କିୟା ଆତାଡ଼ନା, ହେଝାର୍ କୁଚ୍ଚନାର୍ ।”

୨୪ ବିନ୍ ଦାସ୍ ଜାଣ୍ ଇଦାଂ ଝେନ୍ଞି ହେ ଚଣ୍ଡିୟାର୍ ଜପି ରିସା ଆତାର୍ ।

୨୫ \*ମାତର ଜିସୁ ଚେଲାରିଂ ଲାଗେ କୁକ୍ତି ଇଚାନ୍, “ପାଚି କିଝି ଜିହୁଦିର୍ ସାସନ୍ କାରିୟାର୍ ହେଝାର୍ ଜପି ରାଜକିନାର୍ ଆରି ଗାଜା ମୁଣିକାର୍ ହେଝାର୍ ଜପି ଝିଜୁ ରାଜକିନାର୍, ଇଦାଂ ଏପେଙ୍ଗ୍ ପୁନାଟ୍ ।”

୨୬ \*“ମି ବିତ୍ରେ ହେ ଲାକେ ଆକାୟ୍, ମାତର ମି ବିତ୍ରେ ଜେ ଇନେର୍ ଗାଜା ଆଦେଂ ମାନ୍ କିନାନ୍, ହେଝେନ୍ ମି ହେବା କିନାକାନ୍ ଆୟେନ୍,

୨୭ ଆରେ ଇନେର୍କି ମୁଡ଼୍ ଆଦେଂ ଇଚା କିନାନ୍, ହେଝେନ୍ ମି ହଲ୍ୟା ଆୟେନ୍,

୨୮ ଇନେସ୍ ମାନାୟ୍ ମାଜି ହେବା ପାୟା ଆଦେଂ ଝାଝାତାନ୍ନା, ମାତର ହେବା କିଦେଙ୍ଗ୍ ଆରି ହେନି କାଜିଂ ମୁକ୍ତାୟ୍ କିନି ମୁଲ୍ଲାକେ ଜିରୁନ୍ ହିଦେଂ ଝାତାନ୍ନା ।”

**ଜିସୁ ରିୟାର୍ କାଣାରିଂ ଉଜ୍ କିତାନ୍**

(ମାର୍କ ୧୦:୪୬-୫୨; ଲୁକ ୧୮:୩୫-୪୩)

୨୯ ହେଝାର୍ ଜିରିହ୍ ବସ୍ତିତ ହସି ହାନି ଖେଡ଼ାଲିଂ ବେସିହେନି ମାନାୟାର୍ ତା ପାଚେ ପାଚେ ହାଚାର୍ ।

୩୦ ଆରେ ହୁଡ଼ାଟ୍, ହାଜି କଚଣ୍ ରିୟାର୍ କାଣାର୍ ଜିସୁ ହେ ହାଜି ହାନାନା ଇଞ୍ଜି ଝେନ୍ଞି ଗାଜା କାଟ୍ କିଜି ଇଚାର୍, “ଏ ମାପୁ, ଦାଉଦ୍ ମେହି, ମାଙ୍ଗେଙ୍ଗ୍ ଦୟା କିଦା ।”

୩୧ ଲକୁ ମୁମ୍ଦ ହେଝାରିଂ ଦାକା କିଜି ଚିମ୍ପରା ଆଦେଂ ଇଚାର୍ । ମାତର ହେଝାର୍ ଆରି ଚେରା ଆଜି ଇଚାର୍, “ଏ ମାପୁ ଦାଉଦ୍ ମେହି, ମାଙ୍ଗ୍ ଦୟା କିଦା ।”

୩୨ ହେବେତାଂ ଜିସୁ ନିଲ୍ଲିଚି ହେଝାରିଂ ହିର୍ବିସ୍ ଝେନ୍ବାତାନ୍, “ଆନ୍ ମି କାଜିଂ ଇନାକା କିନାଙ୍ଗ୍ ଇଞ୍ଜି ଏପେଙ୍ଗ୍ ଇଚା କିନାଦେରା ?”

☆ ୨୦:୨୫ ଲୁକ ୨୨:୨୫, ୨୬. ☆ ୨୦:୨୬ ମାତୃତ ୨୩:୧୧; ମାର୍କ ୯:୩୫; ଲୁକ ୨୨:୨୬.

୩୩ ହେୱାର୍ ତାଙ୍କ ଇଚ୍ଚା, “ଏ ମାପୁ, ଇନେସ୍ ମା କାଣ୍ଡା ଜେୟା ଆନାତ୍ ।”  
 ୩୪ ଆରେ, ଜିସୁ ଦୟା କିଜି ହେୱାର୍ କାଣ୍ଡା ତୁତାନ୍ ଆରି ହେ ଦାପ୍ରେ ହେୱାର୍ କାଣ୍ଡା ହୁଡ୍‌ଜି ଜିସୁ ପାଚେ ପାଚେ ତାଙ୍କଦେଂ ଲାଗାତାର୍ ।

### ୨୧

ଜିରୁସାଲମ୍‌ତ ଜିସୁ ରାଜା ଲାକେ ହଣ୍ଡାଗାତାନ୍  
 (ମାର୍କ ୧୧:୧-୧୧; ଲୁକ ୧୯:୨୮-୪୦; ଜହନ୍ ୧୨:୧୨-୧୯)

୧ ହେ ପାଦନା ଜିସୁ ଆରି ଚେଲାର୍ ଜିରୁସାଲମ୍ କଚଣ୍ ବେଡ୍‌ପାଗି ନାସ୍‌ତାଂ ଏକାତାର୍ ହେ ପାଦନା ରିୟାର୍ ଚେଲାର୍ ଜିଡ୍‌ମାଡି ଏକାତାର୍ ।

୨ ମି “ଲାଗେ ହେ ନାସ୍ତ ହାଲାର୍, ଆରେ ହାନିଲାଡେ ଗାଚ୍ୟା ଆଜି ମାନି ର ଗଦ ହିମ୍‌ଣା ଆରି ତା ଲାହାଙ୍କ୍ ର ହିମ୍‌ଣା ହୁଡ୍‌ନାଦେର୍; ହେୱେକିୟାଙ୍କ୍ ରିକ୍‌ଟି ନା କଚଣ୍ ତାହିୱାଡୁ ।”

୩ ଆରେ, ଇନାୱାଡାଂ ଇନେର୍ ମିଜେଙ୍କ୍ ଇନାକା ଇନାର୍, “ଲାଗିଂ ଇନାଦେର୍, ଇୱାଙ୍କ୍ ତାକେ ମାପୁ\* ଲଡ଼ା ମାନାତ୍ । ହେ ଦାପ୍ରେ ହେୱେନ୍ ହେୱେକିୟାଙ୍କ୍ ପଲ୍ଲାନାନ୍ ।”

୪ ବେଣ୍‌ବାକ୍‌ଶାୟକିନାକାର୍ କାଜିଂ ଇଦାଂ ଇ ବଚନ୍ ଇନେସ୍ ପୁରା ଆନାତ୍, ହେଦାଂ କାଜିଂ ଇଦାଂ ଗିଟା ଆତାଡ୍,  
 ୫ “ସିୟନ୍‌ନି ଗାଡ୍‌ଚେଂ ୱେଚାଟ୍,

ହୁଡ଼ା, ମି ରାଜା ନି କଚଣ୍ ୱାନାନା;  
 ହେୱାନ୍ ହୁଦାର୍ ଆରି ଗଦ ହିମ୍‌ଣା ଜପି କୁଚ୍‌ଚାନ୍ନା ଗଦ ଜପି କୁଚ୍‌ଚାକାନ୍ ।”

୬ ହେବେ ଚେଲାହିର୍ ହାଲ୍‌ଜି ଜିସୁଙ୍କ୍ ବଲ୍ ତାଙ୍କ୍ କାମାୟ କିତାର୍,  
 ୭ ଆରେ ଗଦ ହିମ୍‌ଣା ତାସି ହେୱାଙ୍କ୍ ଜପି ହେୟା ପାସ୍‌ସି ହିତାର୍, ଆରେ ଜିସୁ ତା ଜପି କୁଚ୍‌ଚାନ୍ ।

୮ ଆରେ, ମାନାୟାର୍ ବିତ୍ରେ କେତେଜାଣ୍ ଜାର୍ ଜାର୍ ହେୟା ହାସ୍‌ଦ ପାସ୍‌ସାର୍ ଆରି କେତେଜାଣ୍ ମାର୍‌ଦାଂ ତାଡ୍ କାଦ୍‌ଦି ତାସି ହାସ୍‌ଦ ପାସ୍‌ସି ହିଦେଂ ଲାଗାତାର୍ ।

୯ ଆରେ ତା ଆଗେ ଆରି ପାଚେ ହାଲ୍‌ଜି ମାନି ମାନାୟାର୍ ଗାଜା କାଟ୍‌ତାଂ ଇଞ୍ଜେଙ୍କ୍ ଲାଗାତାର୍, ହସାନ୍ନା “ଦାଉଦ୍‌ତି ହିମ୍‌ଣା ଦନ୍‌ସ୍‌ବାଦ୍ କିୟାଟ୍ ! ମାପୁ ତର୍‌ଦାଂ ଇନେର୍ ୱାନାରା, ହେୱେନ୍ ଦନ୍‌ସ୍ ମାପୁ କେଚ୍‌କଣ୍ ଆୟେଡ୍ ।”

୧୦ ଆରେ, ହେୱେନ୍ ଜିରୁସାଲମ୍‌ତ ହଣ୍ଡାଗାତାନ୍, ଗାଡ୍‌ନିକାର୍ ଇୱାନ୍ ଇନେନ୍ ଇଞ୍ଜି ବିକ୍‌ବିକ୍ ଆତାଡ୍ ।  
 ୧୧ ହେବେତାଂ ମାନାୟାର୍ ଇଚାର୍, “ଇଞ୍ଜେନ୍ ଗାଲିଲିନି ନାଜରିତ୍‌ତ ର ବେଣ୍‌ବାକ୍‌ଶାୟକିନାକାନ୍ ଜିସୁ ।”

ଜିସୁ ମନ୍ଦିରତ ହାଚାନ୍  
 (ମାର୍କ ୧୧:୧୫-୧୯; ଲୁକ ୧୯:୪୫-୪୮; ଜହନ୍ ୧:୧୩-୨୨)

୧୨ ପାଚେ ଜିସୁ ମନ୍ଦିରତ ହଣ୍ଡାଗାତା ହେ ବାହାତ କଡ୍‌ନାକା ପ୍ରନାକାରିଂ ୱିଜାର୍ ମାନାୟାରିଂ ହପ୍‌ତାନ୍, ଆରେ ତାବୁଙ୍କ୍ ବେପ୍ରିୟାର୍‌ତି ପାଟା ଆରି ପାଣ୍ଡକା ବେପ୍ରିୟାର୍‌ତି କୁଚ୍‌ନି ବାହା ଉଲ୍‌ଗାୟ କିତାନ୍,

୧୩ ଆରେ ଜିସୁ ହେୱାରିଂ ଇଚାନ୍, ଦର୍‌ମ ସାସ୍‌ସୁର୍‌ତ ଲେକା ମାନାତ୍, “ମା ଇଲ୍ ପାର୍‌ତାନା ଇଲ୍ ଇଞ୍ଜି ପୁଟା ଆନାତ୍ ମାତର୍ ଏପେଙ୍କ୍ ତାଜେଙ୍କ୍ ଚକ୍ ଇଲ୍ କିତାଦେଣ୍ଡା ।”

୧୪ ଆରେ, ମନ୍ଦିରତ କାଶା ଆରି ହିଚ୍‌କଲ୍ ରଗି ମାନାୟା ତା କଚଣ୍ ୱାଡିଲେ, ହେୱେନ୍ ହେୱାରିଂ ଉଜ୍ କିତାନ୍ ।  
 ୧୫ ମାତର୍ ମୁଡ୍ ମାପୁହେବାକିନାକାନ୍ ଆରି ଗୁରୁର୍ ତା କିତି କାବା ଆନି କାମାୟ ସବୁ ଆରି ମନ୍ଦିର୍ ବିତ୍ରେ ହସାନ୍ନା “ଦାଉଦ୍‌ନି ହିମ୍‌ଣା” ଇଞ୍ଜି ଗାଜା କାଟ୍ କିଜି ମାନି କାଡ୍‌ଦେରିଂ ହୁଡ୍‌ଜି ରିସା ଆତାନ୍ ।

୧୬ ହେୱାର୍ ଜିସୁଙ୍କ୍ ୱେନ୍‌ବାତାର୍, “ଇୱାର୍ ଇନାକା ଇଞ୍ଜିନାରା, ଏପେଙ୍କ୍ ୱେନାଦେରା ?”  
 ଜିସୁ ହେୱାରିଂ ଇଚାନ୍, “ଆଁ, ଏନେଙ୍କ୍ ହିମ୍‌ଣା ଆରି ଉଶାକାର୍ ୱେଇ କାଜିଂ ମିଦାଙ୍କ୍ ଇନାକା ଦର୍‌ମ୍ ସାସ୍‌ସୁର୍‌ତ ଲେକାତାଡ୍‌ନା ପଡି କିୱାତାଈନା କି, ଏନ୍ ହିମ୍‌ଣାଂ ଆରି କଡ୍‌ଗେ ହିମ୍‌ଣାକାଂ ଆଦିକ୍ ୱାରି କିଦେଙ୍କ୍ ହିକ୍ୟା ହିତାୟନା ?”

୧୭ ଇଦାଂ ଇଞ୍ଜି ଜିସୁ ହେୱାରିଂ ପିସ୍ତି ଜିରୁସାଲମ୍‌ତାଂ ହସି ବେଡ୍‌ନିୟା ହାଚାର୍ । ହେବେ ଜିସୁ ନାଶା ମାଚାନ୍ ।

ଜିସୁ ତଗା ମାର୍‌ତିଂ ରାଣ୍ ହିତାନ୍  
 (ମାର୍କ ୧୧:୧୨-୧୪, ୨୦-୨୪)

୧୮ ହେ ଆକାଡ୍ ନାଜିଂ ଜିସୁ ଜିରୁସାଲମ୍‌ତାଂ ୱାନିହିଂ ନାସ୍‌କି ଆତାନ୍ ।  
 ୧୯ ହାଜି କଚଣ୍ ର ତଗା ମାର୍ ମାଚାଡ୍ । ଜିସୁ ତା ଲାଗାଂ ହାଲ୍‌ଜି ହେବେ ଆକିଂ ପିସ୍ତି ଆରି ଇନାକା ହୁଡ୍‌ୱାତାନ୍ । ଲାଗିଂ ଜିସୁ ମାର୍‌ତିଂ ଇଚାନ୍, “ଏନ୍ ଆରେ ମୁଡ୍‌କେ ପାଡ୍ ଆହ୍‌ମା ।” ହେ ଦାପ୍ରେ ତଗା ମାର୍ ୱାଜ୍‌ଜି ହାଚାଡ୍ ।

୨୦ ଚେଲାହିର୍ ଇଦାଂ ହୁଡ୍‌ଜି କାବା ଆଜି ୱେନ୍‌ବାତାର୍, “ତଗା ମାର୍ ଏଚେଚାଣ୍ ୱାଚ୍‌ଚାଡ୍ ଇନେସ୍ ?”

\* ୨୧:୩ ମାପୁ; ନଲେ ହାଉକାର୍ ।

୨୧ \*ଜିସୁ ଉତର ହିତାନ, “ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା, ଜଦି ମି ପାତ୍ ମାନାଡ଼, ଆରେ ଏପେଙ୍ଗ୍ ପାତ୍ କିଉଦେର୍, ଲାଗିଂ ଇ ତଗା ମାର କାଜିଂ ଇନେସ୍ କିୟାଆତାଡ଼ନା, କେବଲ୍ ଇନେର୍ ହେ ଲାକେ କିନାଦେର୍, ହେଦାଂ ଆକାୟ୍, ମତର୍ ଜଦି ଇ ମାଡ଼ିତିଂ ପା ଏନ୍ ନିଙ୍ଗ୍ଜି ହାମ୍ଦୁର୍ତ୍ତ ହାଲ୍ଜି ଆରା ଇଞ୍ଜି ଇନାଦେର୍, ତା ଆଡ଼ିସ୍ ହେଦାଂ ଗିଟା ଆନାଡ଼ ।

୨୨ ଆରେ, ପାତ୍ କିଜି ପାତ୍ନାତାଂ ଇନାକା ପା ଏନ୍ନାଦେର୍ ହେ ସବୁ ପାୟାନାଦେର୍ ।”

**ଜିସୁତି ଆଦିକାର ବିସ୍ତେ ପର୍ସନ୍**

(ମାର୍କ ୧୧:୨୭-୩୩; ଲୁକ ୨୦:୧-୮)

୨୩ ପାଚେ ଜିସୁ ମନ୍ଦିର୍ତ୍ତ ହଣ୍ଡି ହିକ୍ୟା ହିନି ଖେଡ଼ାଲିଂ ମୁଡ଼୍ ମାପୁହେବା କିନାକାର ଆରି ମାନାୟାର୍ତ୍ତି ବୁଡ଼ାଲୁର୍ ତା କଚଣ୍ ଖାଜି ଖେନ୍ଦାତାର୍, ଏନ୍ “ଇମ୍ଣି ଆଦିକାର୍ତାଂ ଇ ଓଡ଼ୁ କିନାୟା ? ଆରେ, ନିଙ୍ଗେଙ୍ଗ୍ ଇନେର୍ ଇ ଆଦିକାର୍ ହିଡ଼ତାର୍ ?”

୨୪ ଜିସୁ ହେଝାରିଂ ଉତର ହିତାନ, “ଆନ୍ ମିଙ୍ଗେଙ୍ଗ୍ କେବଲ୍ ର ପର୍ସନ୍ ଗଝାରି କିଦନାଙ୍ଗ୍ ହେ ଉତର ହିଦେଂ ଆଡ଼ିସ୍, ଆନ୍ ଇମ୍ଣି ଆଦିକାର୍ ଇ ଓଡ଼ୁ କାମାୟ୍ କିନାଙ୍ଗା, ମିଙ୍ଗେଙ୍ଗ୍ ଖେନ୍ଦନାଙ୍ଗ୍ ।

୨୫ ବାପ୍ତିସ୍ମି ହିନାକା ଆଦିକାର୍ ଜହନ୍ ଇନେର୍ତାଂ ଗାଟା ଆଜି ମାଚାନ୍ ? ସାର୍ଗେତାଂ କି ମାନାୟତିଂ ?”

ହେବେ ହେଝାର୍ ହେଝାର୍ ବିତ୍ରେ ବେଶକିତାର୍ “ଇ ବିସ୍ତେ ଇନାକା ଇନାସ୍ ? ଜଦି ଇନାସ୍ ଇସ୍ପର୍ତାଂ, ଲାଗିଂ ଜହନ୍ତିଂ ଇନାକିଦେଂ ପାତ୍ କିଉଦେରା ଇଞ୍ଜି ହେଝାନ୍ ମାଙ୍ଗେଙ୍ଗ୍ ଖେନ୍ଦାଦାନାନ୍ ।

୨୬ ମାନାୟତିଂ ଇଞ୍ଜି ଜଦି ଇନାସ୍, ଲାଗିଂ ମାନାୟାରିଂ ମାଙ୍ଗ୍ ପାଣ୍ଡୁ ହୁଡ଼ନାତା, ଇନାକିଦେଂକି ଓଡ଼ିଜାର୍ ମାନାୟାର୍ ଜହନ୍ ରକାନ୍ ବେଶ୍ବାକ୍ଣାୟ୍ କିନାକାନ୍ ଇଞ୍ଜି ହେଝାର୍ ପାତ୍ କିନାରା ।”

୨୭ ହେଦାଂ କାଜିଂ ହେଝାର୍ ଜିସୁ ଉତର ହିଜି ଇଚାର୍, “ଆପେଂ ପୁନୁପ୍ ।”

ଜିସୁ ହେଝାରିଂ ଇଚାନ୍, “ଇନେର୍ ଆଦିକାର୍ତାଂ ଇ ସବୁ କିନାଙ୍ଗା, ଆନ୍ ପା ମିଙ୍ଗେଙ୍ଗ୍ ଖେର୍ଚୁଙ୍ଗ୍ ।”

**ରିୟାର୍ ମାଜିର୍ ଉତର୍ମୁଡ଼୍**

୨୮ “ମତର୍ ଏପେଙ୍ଗ୍ ଇନାକା ମାନେ କିୟା ? ରଝାନ୍ ମାନାୟତିଂ ରିୟାର୍ ମାଜି ମାଚାର୍ । ହେଝେନ୍ ପର୍ତୁମ୍ କଚଣ୍ ଖାଜି ଗାଜା ମାଜି ଇଚାନ୍, ମାଜି, ହାଲା, ନେଞ୍ଜେଙ୍ଗ୍ ଅଙ୍ଗୁର୍ ବାଡ଼୍ଦ କାମାୟ୍ କିୟା ।

୨୯ ହେଝେନ୍ ଉତର ହିତାନ, ନା ଇଚା ଆକାୟ୍, ମାତର୍ ପାଚେ ମାନ୍ବାଦ୍ଲାୟ୍ କିଜି ହାଚାନ୍ ।

୩୦ ଆରେ, ଆବା ଆରେ ରକାନ୍ କଚଣ୍ ଖାଜି ହେ ଲାକେ ଇଚାନ୍ । ହେଝାନ୍ ଉତର ହିତାନ, ଗୁରୁ, ଆନ୍ ହାନାଙ୍ଗା, ମାତର୍ ହାଲ୍ଖାତାନ୍ ।

୩୧ ଇନା, ଇ ରିୟାର୍ ମେହିର୍ ବିତ୍ରେ ଇନେର୍ ତା ଆବାତି ବଲ୍ ମାନି କିଜି ମାଚାନ୍ ?” ହେଝାର୍ ଇଚାର୍, “ଗାଜା ମେହି ।”

ଜିସୁ ହେଝାରିଂ ଇଚାନ୍, “ଆନ୍ ହାଡ଼ପା ଇଞ୍ଜନାଙ୍ଗା ସିସୁଧ୍ନନାକାର୍ ଆରି ଦାରୁଲାର୍ ମିଙ୍ଗେଙ୍ଗ୍ ତାଙ୍ଗ୍ ଆଗେ ଇସ୍ପର୍ ରାଜିତ ହଣାର୍ ।

୩୨ ଇନାକିଦେଂକି ଜହନ୍ ମି କଚଣ୍ ଦାମ୍ନି ହାଜି ହିଜି ଖାତାନ୍, ଆରେ ଏପେଙ୍ଗ୍ ତାଙ୍ଗେଙ୍ଗ୍ ପାତ୍ କିଝାତାଦେର୍, ମତର୍ ସିସୁଧ୍ନନାକାର୍ ଆରି ଦାରୁଲାର୍ ତାଙ୍ଗେଙ୍ଗ୍ ପାତ୍ କିତାର୍, ମାତର୍ ଏପେଙ୍ଗ୍ ଇନେସ୍ ତାଙ୍ଗେଙ୍ଗ୍ ପାତ୍ କିଦେଙ୍ଗ୍ ଆଡ଼ନାଦେର୍, ଇଦାଂ କାଜିଂ ହେଦାଂ ହୁଡ଼ଜି ପା ମାନ୍ବାଦ୍ଲାୟ୍ କିଝାତାଦେର୍ ।”

**କାମ୍ଲିୟା ଅଙ୍ଗୁର୍ ବାଡ଼ି ବାଗ୍ ଉତର୍ମୁଡ଼୍**

(ମାର୍କ ୧୨:୧-୧୨; ଲୁକ ୨୦:୯-୧୯)

୩୩ “ଆରେ ର ଉତର୍ମୁଡ଼୍ ଖେନାଟ୍ । ରଝାନ୍ ଇଲ୍ ହାଉକାର୍ ମାଚାନ୍, ହେଝାନ୍ ର ଅଙ୍ଗୁର୍ ବାଡ଼୍ କିଜି ଚାରିବେଶ୍ତାଂ ବାଡ଼୍ ଡ଼ଚାନ୍ ଆରି ହେ ବିତ୍ରେ ଅଙ୍ଗୁର୍କୁଣ୍ଡି କାଚିଂ ମାଚା ରଚାନ୍, ଆରେ କାମ୍ଲିୟାରିଂ ହେ ବାଡ଼୍ ବାଗ୍ ହିଜି ବିଦେସ୍ ହାଚାନ୍ ।

୩୪ ପାଚେ ପାଡ଼ି ସମୁ ଲାଗେ ଖାତିଲେ, ହେଝାନ୍ ଜାର୍ ପାଡ଼୍ ଗାଟାଆଦେଂ କାଜିଂ କାମ୍ଲିୟାର୍ ଲାଗାଂ ଜାର୍ ଆଡ଼ିୟାରିଂ ପକ୍ତାନ୍ ।

୩୫ ମାତର୍ କାମ୍ଲିୟାର୍ ହେଝାଡ଼ି ଆଡ଼ିୟାରିଂ ଆସି ରକାନିଂ ଗ୍ରାକ୍ତାର୍, ଆରେ ରକାନିଂ ଅସ୍ତାର୍, ଆରେ ରକାନିଂ କାଲ୍କୁ ଇଡ଼ଜି ଅସ୍ତାର୍ ।

୩୬ ଆରେ ରଗ ବାଡ଼୍ ମାଲିକ୍ ହିଗ୍ଦତାଂ ବେସିହେନି ଆଡ଼ିୟାରିଂ ପକ୍ତାନ୍, ଆରେ ବାଗ୍ କାମ୍ଲିୟାର୍ ହେଝାର୍ ହେଝାର୍ କାଜିଂ ହେ ଲାକେ କିତାର୍ ।

୩୭ ମାତର୍ ନା ମେହିଙ୍ଗ୍ ହେଝାର୍ ମାନି କିନାର୍, ଇଦାଂ ଇଞ୍ଜି ଓଡ଼ିସିହିଙ୍ଗ୍ ହେଝାନ୍ ପାଚେ ଜାର୍ ମାଜି ହେଝାର୍ ତାକେ ପକ୍ତାନ୍ ।”

☆ ୨୧:୨୧ ମାଡ଼ିତ ୧୭:୨୦; ୧ କରନ୍ତିୟ ୧୩:୨.

୩୮ “ମତର ହେ କାମଲିୟାର ମେହିଙ୍କ ହୁଡ଼ି ରଖାନ ଆରେ ରଖାନିଂ ଇଚାର, ‘ଇଖାନ ହୁଡ଼ାଟ୍ ହାଉକାର ମେହି; ଖାଡୁ, ଇଖାନିଂ ଅଜି ଆସେଙ୍କ ଇଖାନିଂ ଆଦିକାର କେଇଦ ଅନାସ୍ ।”

୩୯ ହେବେ ହେଖାର ହେଖାନିଂ ଅଜି ଅଙ୍ଗୁର ବାଡ଼ନି ବାଟି ତୁଇଜି ଅସାର ।

୪୦ ଜିସୁ ଖେନ୍‌ବାତାନ, ଏଚେକାଡ଼ଦ ହେ ଅଙ୍ଗୁର ବାଡ଼ନି ହାଉକାର ଖାନାନ, ହେଖାଡ଼ା ହେ କାମଲିୟାର କାଜିଂ ହେଖାନ ଇନାକା କିନାନ ?”

୪୧ ହେଖାର ହେଖାନିଂ ଇଚାର “ହେଖାନ ହେ ବାନିୟାରିଂ ହେଖାନ ହାତେନେ ଅହନାର ଆରି ଇମ୍‌ଣି ବିନ୍ ବାଗ୍ କାମଲିୟାର ହେଖାନିଂ ସମାନ ସମୁତ ବାଗ୍‌ନି ପାଡ଼ ହିନାର, ହେଖାରିଂ ଅଙ୍ଗୁର ବାଡ଼ ବାଗ୍ ହିନାନାନ ।”

୪୨ ଜିସୁ ହେଖାରିଂ ଇଚାନ, “ଏପେଙ୍କ କି ଇନାଖାଡ଼ାପା ଦରମ୍ ସାସ୍‌ରତ ଇ କାତା ପଡ଼ି କିଖାତାଦେଣ୍ଟା, ‘ଇଲ୍ ରଚନାକାର ଇମ୍‌ଣି କାଲ୍‌ଦିଂ ମୁନାକିତାନ,

ହେଦାଂ କନାନି ମୁଡ଼କାଲ୍ ଆତାଡ଼;

ମାପୁତାଂ ଇଦାଂ ଆତାଡ଼,

ଆରେ ହେଦାଂ ମା କାଣ୍‌କୁତ କାବାଆନାକା ?”

୪୩ ଇଦାଂ କାଜିଂ ଆନ୍ ମିଙ୍ଗେଙ୍କ ଇଞ୍ଜନାଙ୍ଗା, ଇସ୍‌ତ ରାଜି ମିତାଙ୍କ ଉନ୍‌ଦିୟାନାଡ଼, ଆରେ ଇମ୍‌ଣି ଜାତି ହେବେନି ପାଡ଼ ଆହନାଡ଼, ହେଖାନିଂ ହିୟାନାଡ଼ ।

୪୪ ଆରେ, ଇନେର୍ ଇ କାଲ୍ ଜପି ଆନାର, ହେଖାନ ବିରାଆନାନ, ଆରେ ଇ କାଲ୍ ଇନେର୍ ଜପି ଆନାଡ଼, ହେଖାନିଂ ହେଦାଂ ବିରାୟ କିନାଡ଼ ।”

୪୫ ମୁଡ଼ମାପୁହେବାକିନାକାର ଆରି ପାରୁସିର୍ ଜିସୁତି ଇ ସବୁ ଉତ୍‌ରମୁଡ଼ ଖେନ୍‌ଞ୍ଜି, ଜିସୁ ଜେ ହେଖାର ବିସ୍ତେ ଇଚ୍‌କାଡ଼ କିତାଣ୍ଟା ଇଞ୍ଜି, ବୁଜାଆତାର ।

୪୬ ଆରେ, ହେଖାର ହେଖାନିଂ ଆସ୍ତେଙ୍କ ସେସ୍ତୁ କିତାର, ମାତର ମାନାୟାରିଂ ପାଣ୍ଡାତାର, ଇନାକିଦେଂକି ହେଖାର ହେଖାନିଂ ବେଣ୍‌ବାକ୍‌ଣାୟ କିନାକାନ ଇଞ୍ଜି ମାନି କିଜି ମାଚାର ।

### ୨୨

ବିବା ବଜିନି ଉତ୍‌ରମୁଡ଼.

(ଲୁକ ୧୪:୧୫-୨୪)

୧ ଜିସୁ ଆରେ ରଗ ଉତ୍‌ରମୁଡ଼ ହୁକେ ଲକୁରିଂ ହିକ୍ୟା ହିତାନ,

୨ “ସାଗେ ରାଜି ଏଲେଙ୍କ, ରକାନ ରାଜା ମାଚାନ, ଇନେର୍‌କି ଜାର ମାଜିତି ବିବା ବଜି ଜାଲ୍‌ଦି କିତାନ,

୩ ଆରେ ହେ ବଜିତ କୁକ୍ୟାତି ଲକାରିଂ କୁକ୍‌ତି ତାତେଙ୍କ ଇଞ୍ଜି ହେଖାନ ହେ ଆଡ଼ିୟାରିଂ ପକ୍‌ତାନ, ମାତର ହେଖାର ଖାଦେଙ୍କ ମାନ କିଖାତାର ।

୪ ଆରେ ରଗ ହେଖାନ ବିନ୍ ଆଡ଼ିୟାରିଂ ପକ୍‌ତି ବଲ୍ ହିତାନ, କୁକ୍‌ତି ଲଗାଂ ଇନାଟ୍, ହୁଡ଼ାଟ୍, ‘ଆପେ ମା’ ବଜି ଜାଲ୍‌ଦି କିତାପୁନା, ମା ସଣ୍ଟୁ ଆରି ଦୁମାଂ ଅହ୍‌ରିଙ୍କ ପାଗ୍‌ତାପୁନା, ଖିଜୁ ଜାଲ୍‌ଦି ଆତାଡ଼ନା, ଏପେଙ୍କ ବିବା ବଜିତ ଖାଡୁ ।”

୫ “ମାତର କୁକ୍ୟାତି ମୁଣିକାର ଇ କାତାତିଂ ମାନିକିଖାଦାଂ ଜାର ଜାର କାମାୟ କିଦେଙ୍କ ଲାଗାତାର ରଖାନ ତା ବୁମିତ ହାଚାନ, ଆରେ ରଖାନ ଦୁକାଣ୍ଡତ ହାଚାନ ଆରି,

୬ ଆରେ କେତେକ ଜାଣ୍ ରାଜାତି ଆଡ଼ିୟାରିଂ ଆସ୍ତି ଅସପାତାର ।

୭ ରାଜା ରିସା ଆଜି ମେଲ୍ୟାରିଂ ପକ୍‌ତାନ । ହେଖାର ହେ ନାର ମାରୁରିଂ ଅଜି ହେଖାରତି ବସ୍ତିତିଙ୍କ ନିସ୍‌ତ ମେହାୟ କିତାର ।”

୮ ତା ପାଚେ ରାଜା ଆଡ଼ିୟାରିଂ କୁକ୍‌ତି ଇଚାନ, “ବିବା ବଜି ଜାଲ୍‌ଦି, ମାତର ଆନ୍ କୁକ୍‌କାର ଖାଦେଙ୍କ କାଖାତାର ।”

୯ “ଲାଗିଂ ରାଜ୍‌ତାଣ୍‌ନି ତେଡ଼ା ତେଡ଼ା ହାଲ୍‌ଜି ଏଚେକ୍ ଲକାଂ ହୁଡ଼ନାଦେର୍, ଖିଜାକାରିଂ ମା ବଜିତ କୁକ୍‌ତି ତାହିଖାଡୁ ।”

୧୦ ଲାଗିଂ ଆଡ଼ିୟାର ପାଟି ପାଟିତଂ ବୁଲାଆଜି ହାର ଆଏଡ଼ କି, ବାନ୍ୟା; ଏଚେକ୍ ଲଗାଂ ହୁଡ଼ତାର, ଖିଜାକାରିଂ କୁକ୍‌ତି ତାହିଖାତାର ଆରି ବିବା ଇଞ୍ଜି ବାଟି କିତାର ।

୧୧ “ରାଜା ଗତାକାଂ ହୁଡ଼ଦେଂ ଖାତାନ । ହେଖାନ ହୁଡ଼ତାନ, ହେଖାର ବିତ୍ରେ ରଖାନ ବିବା ହେହା ଉସ୍‌ପା ଖାଦାଂ ମାନି ରଖାନିଙ୍କ ହୁଡ଼ଜି ହେଖାନିଙ୍କ ଇଚାନ ।

୧୨ ରାଜା ହେଖାନିଂ ଖେନ୍‌ବାତାନ, ‘ବୟ, ବିବା ଇଲ୍ ହେହା ଉସ୍‌ପାଖାଦାଂ ଇବେ ଖାତାୟ ଇନେସ୍ ?’ ମାନାୟ ଉତ୍‌ର ହିଖାଦାଂ ଚିମ୍‌ରା ଆତାନ ।

୧୩ ✨ରାଜା ଆଡ଼ିୟା ଖେର୍‌ଚାନ, ତା କେଇକାଲ୍ ଗାଟି ବାଟି ମାଜ୍‌ଗାତ ତୁହିୟାଟ୍ । ହେବେ ଆଡ଼୍‌ବିସ୍ ଗାତାଙ୍କ ରେତିକିନାନ ।”

☆ ୨୨:୧୩ ମାତୃତ ୮:୧୨; ୨୫:୩୦; ଲୁକ ୧୩:୨୮.



୧୪ ଜିସୁ ଓସ୍ତ୍ରୁହିଙ୍ଗ ଇଚାନ୍, ଆଦିକ୍ କୁକ୍ୟାତାର୍, “ମାତର୍ ଅଲପ୍ ବାଟିକିୟାତାକାର୍ ।”

ହିନି ବିସ୍ତେ

(ମାର୍କ ୧୨:୧୩-୧୭; ଲୁକ ୨୦:୨୦-୨୬)

୧୫ କେଡ଼ଜାଣ୍ ପାରୁସିର୍ ହାଲ୍ଜି ଜିସୁଙ୍ ପରସନ୍ ଝେନ୍ବିସ୍ ହେଝାନିଂ ଡକ୍ତାତ ରାଡ଼ତେଂ ଇଞ୍ଜି ଉପାୟ୍ ପାଟି କିତାର୍ ।

୧୬ ହେଝାର୍ ନିଜାର୍ କେଡେକ୍ ଜାଣ୍ ଚେଲାରିଂ ଆରି ହେରଦିୟା ଦଲ୍ଲନି କେଡେକ୍ ଜାଣ୍ ମାନାୟ୍ତିଂ ଜିସୁ ଲାଗେ ପଲ୍ଲାର୍, ହେଝାର୍ ଝେନ୍ବାତାର୍ “ଏ ଗୁରୁ ଆପେଂ ପୁଟାପନ୍ନା, ଏନ୍ ସଡ଼ କାତା ଇନାୟ୍ ଇସ୍ବର୍ ହାଡ଼ପା ବିସ୍ତେନି ହାଜି ସିକ୍ୟା ହିତାୟ୍ନା । ଆରେ ଇନେରିଂ ପାଣ୍ଡା ଆଉୟ୍, ଇନାକିଦେଂକି ଏନ୍ ମାନାୟ୍ତିଂ ମୁକ୍ତମେଟ୍ ହୁଡ଼ୟ୍ ।

୧୭ ଲାଗିଂ ମାଙ୍ଗ୍ ଝେରଚା, ନି ଇନାକା ଇନାକା ? କାଈସର୍ତିଂ ସିସ୍ତୁ ହିନାକା ବିଦି ମାନାଡ଼ କି ଆକାୟ୍ ?”

୧୮ ମାତର୍ ଜିସୁ ହେଝାର୍ତି କୁଟ୍ ପୁଞ୍ଜି ମାଚାନ୍ । ଲାଗିଂ ହେଝାନ୍ ଇଚାନ୍, “ଆଡେ କାପ୍ଟିୟାର୍, ନାଙ୍ଗ୍ ଡକ୍ତାତ ରାଡ଼ତେଦେଂ ଇନେକିଦେଂ ସେସ୍ତା କିନାଦେରା ?

୧୯ ଇମ୍ଫଣି ଟାକାଂ ହିନାଦେରା, ହେବେଣ୍ଡାଂ ରଞ୍ଜୁ ତାସି ଚର୍ଚାଟ୍ ।

ହେଝାର୍ ରଞ୍ଜୁ ଅଦନି ତାସି ତାଙ୍ଗେଙ୍ଗ୍ ହିତାର୍ ।”

୨୦ ଜିସୁ ହେଝାରିଂ ଝେନ୍ବାତାନ୍, “ଇ ଅଦନି ଜପି ଇନେରଡ଼ି ତର୍ ଆରି ପୁଡ଼ତା ରଚ୍ୟା ଆତାଡ଼ନ୍ନା ।”

୨୧ ହେଝାର୍ ଉତର୍ ହିତାର୍, “କାଈସର୍ତିଂ ।”

ଜିସୁ ହେଝାରିଂ ଇଚାନ୍, “ଡେବେ ଇମ୍ଫଣାକା ରମ୍ଫି, ହେଦାଂ ରମ୍ଫିଂ ହିୟାଟ୍, ଆରି ଇମ୍ଫଣାକା ଇସ୍ବର୍ତିଂ, ହେଦାଂ ଇସ୍ବର୍ତିଂ ହିୟାଟ୍ ।”

୨୨ ଇଦାଂ ଝେନ୍ଞି ହେଝାର୍, କାବା ଆଜି ହାଚାର୍ ।

ଆରେ ନିଙ୍ଗନି ବିସ୍ତେ ପରସନ୍

(ମାର୍କ ୧୨:୧୮-୨୬; ଲୁକ ୨୦:୨୭-୪୦)

୨୩ ହେ ଦିନ୍ ସାଦୁକି କୁଦାନି କେଡେକ୍ ଜାଣ୍ ଜିସୁ ତାକେ ଝାତାର୍ । ସାଦୁକିର୍ ପାଟିଂ କିଜି ମାଚାର୍ ଜେ, ଆରେ ନିଂନାକା ଆକାୟ୍ ।

୨୪ ହେଝାର୍ ଜିସୁଙ୍ ଝେନ୍ବାତାର୍, “ଗୁରୁ, ମସା ଇଞ୍ଚାନ୍ନା ଜେ, ଜଦି ରଝାନ୍ ମାନାୟ୍ ହିମ୍ଫଣାଝାକ୍ତା ଆଝାଦାଂ ହାତିସ୍, ବାଟିଙ୍ଗ୍ ତା ଟଣ୍ଡେନ୍ ହେ ରାଣ୍ଡିଙ୍ଗ୍ ବିବା କିନାନ୍ ଆରି ହେଝାର୍ତି ହିମ୍ଫଣାଂ ହେ ହାତି ଲକ୍ତୁତ ମାଜିର୍ ଇଞ୍ଜି ଇନ୍ୟା ଆନାର୍ ।

୨୫ ଝେନାଟ୍, ମା ବିଡ୍ରେ ସାଡ଼ ବାୟ୍ ଟଣ୍ଡାର୍ ମାଚାର୍, ଗାଜା ଟଣ୍ଡେନ୍ ବିବା କିଜି ହାତାନ୍, ହିମ୍ଫଣାଝାକ୍ତା ହିଲ୍ଝିତିଲେ ଜାର୍ ଟଣ୍ଡେନ୍ କାଜିଂ ଜାର୍ କଗ୍ଲେଂ ପିସ୍ତାନ୍ ।

୨୬ ମାତର୍ ରିୟାର୍, ତିନ୍ ଜାଣ୍ ଆରି ହାରିହାରା ସାଡ଼ ଟଣ୍ଡାର୍ ପା ହେ ଲାକେ ବିବା କିତାର୍ ।

୨୭ ହାରିହାରା ହେ କଗ୍ଲେ ପା ହାତାଡ଼ ।

୨୮ ଇମ୍ଫଣି ଦିନ୍ ହାତି ମୁଣିକାର୍ ଆରେ ନିଂନାର୍, ଇ କଗ୍ଲେ ଇନେର୍ ଡକ୍ତି ଇଞ୍ଜି ଇନ୍ୟା ଆନାଡ଼ ? ଝିଜାକାର୍ ତ ତାଙ୍ଗ୍ ବିବା କିଜି ମାଚାର୍ ।”

୨୯ ଜିସୁ ହେଝାରିଂ ଉତର୍ ହିତାନ୍, “ଏପେଙ୍ଗ୍ ବାୟା କାଦେର୍ । ସାସ୍ବର୍ କି ଇସ୍ବର୍ତିଂ ସାକ୍ତି ବିସ୍ତେ ମିଦାଙ୍ଗ୍ ଇଟ୍କାଡ଼୍ ହିଲ୍ଝି କାଜିଂ ଇ କାତା ପୁନ୍ଝା ତାଦେଣ୍ଡା ।

୩୦ ଆରେ ନିଂନିତ ପାଟେ ହାତି ଲକ୍ତୁ ହେଝାର୍ ସାଗେନି ଦୁଡ଼ ଲାକେ ଆନାର୍ । ହେଝାର୍ ବିବା ଆଉର୍ କି ବିବା କିଉର୍ ।

୩୧ ହାତି ମୁଣିକାର୍ ଆରେ ନିଂନି ବିସ୍ତେ ଇସ୍ବର୍ ସାସ୍ବର୍ ଝେର୍ଚାତାନ୍ନା, ଏପେଙ୍ଗ୍ ଇନାକା ବାଈବଲ୍ଡ ଇନାଝାଡ଼ାଂ ପଡ଼ି କିଝାତାଦେଣ୍ଡା ?”

୩୨ ଇସ୍ବର୍ ଇଞ୍ଚାନ୍ନା, ଆସେଙ୍ଗ୍ ଅବ୍ରାହାମ୍, ଇସ୍ହାକ୍, ଆରି ଜାକ୍ବତି ଇସ୍ବର୍ । ଇସ୍ବର୍ ତ ଜିତାକାତର୍ ଇସ୍ବର୍ ହାତାକାତର୍ ଆଦେଂ ଆଡୁନ୍ ।

୩୩ ଲକ୍ତୁ ଜିସୁତି ହିକ୍ୟା ଝେନ୍ଞି କାବା ଆତାର୍ ।

ମୁଡ଼୍ ବଲ୍

(ମାର୍କ ୧୨:୨୮-୩୪; ଲୁକ ୧୦:୨୫-୨୮)

୩୪ ଏଚେକାଡ଼୍ ପାରୁସିର୍ ଝେଚାର୍ ଜେ ଜିସୁ ସାଦୁକିରିଂ ଉତର୍ କିୟ୍ କିଝାତାନ୍ଦେ, ହେଝାର୍ ରୁଣ୍ଡା ଆଜି ଜିସୁ ଲାଗେ ଝାତାର୍

୩୫ ଆରି ହେଝାର୍ ବିଡ୍ରେ ରକାନ୍ ଦରମ୍ ସାସ୍ବର୍ ଜିସୁଙ୍ ଡକ୍ତାତ ରାଡ଼ତେଂ ଇଞ୍ଜି ର ପରସନ୍ କିତାନ୍,

୩୬ “ଏ ଗୁରୁ,” ମସାତି ବିଦିତ “ଇମ୍ଫଣି ବଲ୍ ଝିଜେଡ଼ିଂ ମୁଡ଼୍ଦାକା ।”

୩୭ ଜିସୁ ହେଝାନିଂ ଇଚାନ୍, “ନି ମାପୁ ଇସ୍ବର୍ତିଂ ଝିଜୁ ଝାସ୍ତା, ଝିଜୁ ପାରାଣ୍ ଆରି ଝିଜୁ ମାନ୍ ହିଜି ଜିତନଝାଟ୍ ।

୩୮ ଇଦାଂ ନେ ପର୍ଡ଼ମ୍ ଆରି ମୁଡ଼୍ ବଲ୍ ।”

୩୯ “ରିଶ୍ଟାଙ୍ଗ ମୁଡ଼ ବଲ୍ ଆନାତା, ମି ପାଡ଼ହା ଇଞ୍ଜାକାରିଂ ଜିବୁନ୍ ଲାକେ ଜିଉନଝାଟ୍ ।  
 ୪୦ ଇ ରିଶ୍ଟି ବଲ୍ ମସାତି ଝିଜୁ ବିଦି ଆରି ବେଣ୍ଟବାକ୍‌ଶାୟକିନାକାତ୍ ସିକ୍ୟାତ ବାସ୍ କିନାଡ଼ ।”

**କ୍ରିଷ୍ଟ ମସିୟା ଆନାନ୍**

(ମାର୍କ ୧୨:୩୫-୩୭; ଲୁକ ୨୦:୪୧-୪୪)

୪୧ ଏଚେକାଡ଼ଦ ପାରୁସିର୍ ରୁଶ୍ଟାଆତି ଝେଡ଼ାଲିଂ ଜିସୁ ହେଝାରିଂ ଝେନ୍‌ବାତାନ୍,

୪୨ “କ୍ରିଷ୍ଟ ଇଚିସ୍ ମସିୟା ତା ବିସ୍ତେ ଏପେଙ୍ଗ୍ ଇନାକା ବାବି କିନାଦେରା ? ହେଝାନ୍ ଇନେର୍ କୁଟୁମ୍ ?”

ହେଝାର୍ ଉତର୍ ହିତାର୍, “ହେଝାନ୍ ଦାଉଦ୍‌ତି ।”

୪୩ ଜିସୁ ଝେନ୍‌ବାତାନ୍, “ତା ଆତିସ୍ ଦାଉଦ୍ ମସିୟାଙ୍ଗ୍ ନା ମାପୁ” ଇଞ୍ଜି ଇନେକିଦେଂ ଲେକି କିତାନ୍‌ନ୍ନା ? ଇନାକିଦେଂକି ଜିବୁନ୍ ପକ୍ତିଲେ ହେଝାନ୍ ଲେକି କିତାନ୍‌ନ୍ନା,

୪୪ “ମାପୁ ନା ମାପୁଙ୍ଗ୍ ଇଚାନ୍,

ଆପେଂ ମି ସାତୁରିଂ ମି ପାନା ତାରେନ୍ ଇର୍‌ଝି,

ହେ ପାତେକ୍ ମା ବୁଜ୍‌ଣି ବାଗାଙ୍ଗ୍ କୁଟି ମାନା ।”

୪୫ “ଲାଗିଂ ଦାଉଦ୍ ଜଦି ତାଙ୍ଗ୍ ମାପୁ ଇଞ୍ଜି କିତାର୍, ବାଟିଙ୍ଗ୍ ମସିୟା ଇନେସ୍ ତା ମାଜି ଇଞ୍ଜି ଇନାନ୍ ?”

୪୬ ହେବେ ଇନେର୍ ପା ହେଝାନ୍‌ି ପାଦେକ୍ ଉତର୍ ହିଦେଂ ଆଡ଼ଝାତାର୍, ଆରେ ହେ ଦିନ୍‌ତାଂ ଇନେର୍ ଆରେ ହେଝାନ୍‌ି ପରସନ୍ ଝେନ୍‌ବେଦେଂ ସାସ୍ କିଞ୍ଜାତାର୍ ।

**୨୩**

**ଦରମ୍‌ଗୁରୁ ଆରି ପାରୁସିର୍ ବିରୁଦ୍‌ତ ଜିସୁତି ଚେତାହିନି କାତା**

(ମାର୍କ ୧୨:୩୮-୩୯; ଲୁକ ୧୧:୪୩-୪୬; ୨୦:୪୫-୪୬)

୧ ହେଝେଡ଼ାଲିଂ ଜିସୁ ମାନାୟାରିଂ ଆରି ଚେଲାରିଂ ଇଚାନ୍,

୨ “ଦରମ୍‌ ଗୁରୁର୍ ଆରି ପାରୁସିର୍ ମସାତି ଗାଦିତ କୁଟିଚାଣ୍ଟା ।

୩ ଲାଗିଂ ହେଝାର୍ ଇନାକା କିଦେଙ୍ଗ୍ ଇନାରା, ହେଦାଂ କିୟାଟ୍ । ମାତର୍ ହେଝାଟି କାମାୟ କାବାଡ଼ତାକେ ପାତେ ହାଲ୍‌ମାଟ୍ । ଇନାକିଦେଂକି ହେଝାର୍ ନିଜେ ହିତି ହିକ୍ୟା ସମାନ୍ କାମାୟ କିତର୍ ।

୪ ହେଝାର୍ ହିକ୍ୟା ସବୁ ଲକାତ୍ ଗାଗାଡ଼୍‌ଜପି ଜବର୍ ବଜ୍ ଲାଦିକିନାର୍, ମାତର୍ ହେଝିଜୁ ବଜ୍ ପିଣ୍ଡଦେଂ କାଜିଂ ଜାର୍‌ତିଂ ଝାଟକା ହୁକେ ପା ଅଲପ୍ ହାଂ କିତର୍ ।

୫ ହେଝାର୍ ଲକାଂ ଚଟ୍‌ଚେଙ୍ଗ୍ ଇଞ୍ଜି ଜାର୍‌ ଜାର୍‌ତି ସବୁ କାମାୟ କିବାନାର୍, ଇନାକିଦେଂକି ହେଝାର୍ ଜାର୍‌ ସାସ୍ତର୍ ବଚନ୍ ଲେକାଆତି ନିଦାଣ୍ଡ ପତାତ ତରି ଗାଚ୍ୟାତାନ୍‌ନା ଆରି ହେଝାର୍ ହେୟା କେତେକ୍ ଲାମା କିତାର୍ ଆରି ଆଜିନି ଚେଲିଂ ଗାଜା କିତାର୍,

୬ ଆରେ ବଜିତ ମୁଡ଼ ବାହା ଆରି କୁଟୁମ୍ ଇଞ୍ଜି ମୁଡ଼ ବାହାତ କୁଟେଂ ଝାୟା ଆନାଟ୍ ।”

୭ ଆରେ ଆଟ୍ ବାଜାର୍‌ତ ଜଞ୍ଜାର୍ ପାୟାଦେଂ ଆରି ମାନାୟାତିଂ “ଏ ଗୁରୁ” ଇଞ୍ଜି ଇନ୍‌ୟା ଆଦେଂ ଝାୟା ଆନାଟ୍ ।

୮ ମାତର୍ ଏପେଙ୍ଗ୍ ଗୁରୁ ଇଞ୍ଜି କୁକ୍ୟାମାଟ୍, ଇନାକିଦେଂକି ମିଞ୍ଜାତ୍ ରକାନ୍ ଗୁରୁ ଆରି ଏପେଙ୍ଗ୍ ଝିଜାକାଦେର୍ ଟଣ୍ଡାଟ୍ ।

୯ ଆରେ, ପୁତ୍‌ତ ଇନେରିଂ ଏ ଆବା ଇନ୍‌ମାଟ୍, ଇନାକିଦେଂକି ମିଞ୍ଜାତ୍ ରଞ୍ଜାନ୍ ଆବା, ହେଝାନ୍ ସାଗେତ ମାନାନ୍ ।

୧୦ ଆରେ, ମାଲିକ୍ ଇଞ୍ଜି ପା ଇନେର୍ କୁକ୍‌ତେମେର୍, ଇନାକିଦେଂକି ରକାନ୍ ମତର୍ ମି ମାଲିକ୍ ଆନାନ୍ କ୍ରିଷ୍ଟ ।

୧୧ ମାତର୍ ମି ବିତ୍ରେ ଇମ୍‌ଶାକାନ୍ ଗାଜାକାନ୍, ହେଝାନ୍ ମି ହେବା କିନାକାନ୍ ଆନାନ୍ ।

୧୨ ଇନେର୍ ଜାର୍‌ତିଂ ଉର୍ କିନାନ୍, ତାଙ୍ଗ୍ ନିଟ୍‌କିୟା ଆନାଟ୍ ଆରି ଇନେର୍ ଜାର୍‌ତିଂ ନିଟ୍ କିନାନ୍, ହେଝାନ୍‌ି ଉର୍ କିୟା ଆନାଟ୍ ।

**କାପ୍‌ଟିୟାର୍ ଦାମ୍‌ରିଂ ଜିସୁ କେଡ଼ତାନ୍**

(ମାର୍କ ୧୨:୪୦; ଲୁକ ୧୧:୩୯-୪୨, ୪୩; ୨୦:୪୭)

୧୩ “ହାୟ୍, ଦରମ୍‌ ଗୁରୁର୍ ଆରେ ପାରୁସିକାଦେର୍, ମି ସେସ୍ ଦସା ଏଚେକ୍ ବଇଁକାର୍ ! ଆଡ଼େ କାପ୍‌ଟିୟାର୍ ଦାମ୍‌ କୁଦା, ସାଗେ ରାଜିନି ହଣି ଦୁଝେର୍ ଗେସ୍‌ତି ଇଡ଼ତାଦେଣ୍ଟା । ନିଜେ ହେବେ ହଣ୍ଡଦେରା ଆରି ଇମ୍‌ଶାକାର୍ ହଣ୍ଡେଙ୍ଗ୍ ସେସ୍ କିନାରା, ହେଝାରିଂ ହାଜି ପିସ୍ତି ହିଉଦେରା ।

୧୪ ଏ କାପ୍‌ଟିୟାର୍ ଦରମ୍‌ ଗୁରୁର୍ ଆରି ପାରୁସିର୍, ମି ଦସା ବେସି ଆବ୍‌ଡ଼୍‌ ଆନାଟ୍ ।”

☆ ୨୩:୫ ମାତ୍ରିକ ୬:୧. ☆ ୨୩:୧୧ ମାତ୍ରିକ ୨୦:୨୬,୨୭; ମାର୍କ ୯:୩୫; ୧୦:୪୩,୪୪; ଲୁକ ୨୨:୨୬. ☆ ୨୩:୧୨ ଲୁକ ୧୪:୧୧; ୧୮:୧୪.

୧୫ ଏ କାପଟିୟାର ଆରେ “ସାସ୍ତ୍ରୀ ଆରି ପାରୁସିର୍, ଦସା ବେସି ଆବଡ୍ । ଏପେଙ୍ଗ ହାମ୍ବୁର୍ ନାସି ଦେସ୍ତ ହାଲ୍ଜି ରକାନିଂ ମି ଦରମ୍ତ ମୁର୍ତେଂ କାଜିଂ ତେକ୍ତି ବୁଲାନାଦେରା । ମାତର୍ ହେ ଲାକେ ରଞ୍ଜାନିଂ ଗାଟା ଆତିସ୍, ତାଙ୍ଗ୍ ନରକ୍ ହାନି କାଜିଂ ମିତାଂ ରି ଗୁଣ୍ ଆଦିକ୍ କିୟକିତାଦେଣ୍ଟା !”

୧୬ “ଆଡେ କାଣା ହାଜି ଚର୍ନାକାଦେର, ମି ଦସା ଏଚେକ୍ କସ୍ମାନାଡ୍ । ଏପେଙ୍ଗ ସିକ୍ୟା ହିଜି ମାନାଦେର, ଇନେର୍ ମନ୍ଦିର୍ ତରଦ ପାର୍ମାଣ୍ କିତିସ୍, ହେଦାଂ ହେଞ୍ଜାନ୍ ମାନିକିଦେଂ ବଲକ୍ଟାର୍ ଆକାୟ୍, ମାତର୍ ମନ୍ଦିର୍ତ ମାନି ହନା ତରଦ ଇନେର୍ ପାର୍ମାଣ୍ କିତାର୍, ହେଞ୍ଜାନିଂ ହେଦାଂ ମାନିକିଦେଂ ପଡାନାଡ୍ ।

୧୭ ତେ କାଣା ନିରବୁଦିୟାର୍, ହନା ଗାଜା କି ହନାତିଂ ପୁଇପୁୟା କିଜି ମାନି ମନ୍ଦିର୍ ଗାଜା ?”

୧୮ ଆରେ ଏପେଙ୍ଗ ଇଞ୍ଜିମାନାଦେର, ଇନେର୍ ଗାର୍ଣିତ ପାର୍ମାଣ୍ କିତିସ୍ ହେଦାଂ ଇନାକା ଆକାୟ୍, ମତର୍ ଇମ୍ମାକାର୍ ତା ଜପି ମାନି ଆକାଡ୍ ପାର୍ମାଣ୍ କିନାନ୍, ହେଞ୍ଜାନ୍ ତାକେ ମାନାଦେରା ।

୧୯ ତେ କାଣାର୍, ଇମ୍ମାକା ମୁଡ୍ଦାକା-ଗାର୍ଣି କି ଆକାଡ୍ତିଂ ପୁଇପୁୟା କିଜି ମାନି ଗାର୍ଣି ?

୨୦ ଲାଗିଂ, ଇନେର୍ ଗାର୍ଣି ତରଦ ପାର୍ମାଣ୍ କିନାନ୍, ହେଞ୍ଜାନ୍ ଗାର୍ଣି ଆରି ତା ଜପି ମାନି ଖିଜୁ ଆକାଡ୍ ଆଡ୍ମାଡ୍ଡିଂ ତରଦ ପାର୍ମାଣ୍ କିନାନ୍ ।

୨୧ ଆରେ, ଇନେର୍ ମନ୍ଦିର୍ ତରଦ ପାର୍ମାଣ୍ କିନାନ୍, ହେଞ୍ଜାନ୍ ମନ୍ଦିର୍ ଆରି ହେବେ ବାହାକିତିକାଂ ଇସ୍ପର୍ ତରଦାଂ ପାର୍ମାଣ୍ କିନାନ୍;

୨୨ ଆରେ, “ଇନେର୍ ସାଗେତିଂ ପାର୍ମାଣ୍ କିନାନ୍, ହେଞ୍ଜାନ୍ ଇସ୍ପର୍ ଗାଦି ହେବେ କୁଚ୍ଚି ମାଟି ଇସ୍ପର୍ ତରଦାଂ ପାର୍ମାଣ୍ କିନାନ୍ ।”

୨୩ “ଡେ କାପଟିୟାର୍ ଦରମ୍ ଗୁରୁ ଆରି ପାରୁସିର୍ ଇନାକିଦେଂକି ଏପେଙ୍ଗ ପଦିନା, ସଁପ୍, ଆରି ଜିରାତିଂ ଦସ୍ବାଗ୍ ର ବାଗ୍ ଇସ୍ପର୍ତିଂ ଦାନ୍ ହିନାଦେରା । ଆରେ ବିଦିନି ଆଗେ ବିସ୍ତେକାଂ ହୁଡ୍ଡାଙ୍ଗ୍ ଆତିସ୍ପା ଅବ୍ୟାସ୍ କିନାକା ଲଡା, ନ୍ୟାୟ୍ ବିଚାର୍, ଦୟା, ଆରେ ପାତ୍ତିଂ ଇ ସବୁ ପିସ୍ତାଣ୍ଟା; ମାତର୍ ଇ ଖିଜୁ ମାନି କିନାକା ଆରି ବିନ୍ ସବୁ ପିହ୍ନାକା ମାନାଡ୍ ।”

୨୪ “ଡେ କାଣା ହାଜି ଚର୍ନାକାଦେର, ଏପେଙ୍ଗ ପ୍ରାଡ୍ତିଂ ପୁରାଦେଣ୍ଟା, ମାତର୍ ଉଚ୍ଚିଂ ଗୁସ୍ସି ମାନାଦେର ।”

୨୫ “ଏ କାପଟିୟାର୍ ଦରମ୍ ଗୁରୁ କେତେକ୍ ବଇଁକାର୍ ମି ସେସ୍ ହାଜି, ତେ ଦରମ୍ ଗୁରୁ ଆରି ପାରୁସିର୍ । ଏପେଙ୍ଗ ଗିନା ଆରି ତାଡିଆନି ବାର୍ ବାଗାଙ୍ଗ୍ ସକର୍ କିଜି ମାନାଦେର, ମାତର୍ ହେଞ୍ଜାକାଂ ବିତ୍ରେ ଆକର୍ ଆରି ଦାରିକାମ୍ତ ବାଡ୍ଡିଂ ।”

୨୬ “କାଣା ପାରୁସିର୍ ! ଆଗେ ଗିନାନି ବିତ୍ରେ ସକର୍ କିୟାଡ୍, ଇନେସ୍ ହେବେନିକା ବାଡ୍ ପା ନିର୍ମଲ୍ ଆନାଡ୍ ।”

୨୭ ☆“ହାୟ୍, ଦରମ୍ ଗୁରୁ କାପଟିୟାର୍ ସାସ୍ତ୍ରୀ ଆରି ପାରୁସିର୍, ଇନେକିଦେଂକି ଏପେଙ୍ଗ ଡିଞ୍ଜିନି ରଙ୍ଗିନି ଦୁଗେର୍ ଲାକେ । ହେଦାଂ ବାଡ୍ ହଲ୍ନାକା ଚଞ୍ଚାନାଡ୍, ମାତର୍ ବିତ୍ରେ ହାତାକାର୍ତି ମେର୍ଗାଣା ପ୍ରେକ୍ସୁ ଆରି ସବୁ ବାନି ବିଚାଡ୍ଡିଂ ବାଡ୍ଡିଂ ;

୨୮ ହେ ଲାକେ ଏପେଙ୍ଗ ପା ବାଡ୍ ମାନାୟାର୍ କାଣ୍ଟୁକାଂ ଦାମ୍ ଚନ୍ଦ୍ଞାନାଦେର, ମାତର୍ ମି ବିତ୍ରେ କୁଚ୍ ଆରି ପାପ୍ତ ବାଡ୍ଡିଂ ।”

**ଜିସୁ ହେଞ୍ଜାଡ୍ଡି ତାଣ୍ଟ ବଗ୍କିନାକା ଖେଚ୍ଚାନ**  
(ଲୁକ ୧୧:୪୫-୫୧)

୨୯ “ଏ କାପଟିୟାର୍ ଦରମ୍ ଗୁରୁ ଆରି ପାରୁସିର୍ ମି ଦସା କେତେକ୍ ବଇଁକାର୍ ଆନାଡ୍ ! ଇନାକିଦେଂକି ଏପେଙ୍ଗ ବେଣ୍ଟବାକ୍ଣାୟ୍ କିନାକାର୍ତି ଦୁଗେର୍ ହଲ୍ନାକା ରଚ୍ଚି ଆରି ଦାମ୍ ତ୍ ଦୁଗେର୍କାମ୍ ହଲ୍କିଜି ମାନାଦେର,

୩୦ ଆସେଙ୍ଗ୍ ଏଚେକାଡ୍ଦ ମା ଆବା ଲାତ୍ରା ସମୁତ ମାତିସ୍, ତେବେ ବେଣ୍ଟବାକ୍ଣାୟ୍ କିନାକାର୍ତାଂ ନେତେଚ୍ଚ ହେଞ୍ଜାଡ୍ଡି ମେହାଣ୍ ଆମାଡ୍ ।

୩୧ ଲାଗିଂ ଏପେଙ୍ଗ ଜେ ବେଣ୍ଟବାକ୍ଣାୟ୍ କିନାକାର୍ ପାଗ୍ନାକାର୍ ଲାତ୍ରାକାଦେର, ହେ ବିସ୍ତେ ଏପେଙ୍ଗ ଆଁ ଜାର୍ ଜାର୍ କାଜିଂ ସାକ୍ସି ହିନାଦେରା ।”

୩୨ “ବାଟିଙ୍ଗ୍ ଏପେଙ୍ଗ୍ ଆଗେ ତାଙ୍ଗାଡ୍, ମି ଆବାଲାତ୍ରାତି ବାକି କାମାୟ୍ତିଂ ପୁରା କିୟାଡ୍ ।”

୩୩ “ଡେ ରାଡ୍କୁ ! କାଲାଟିରାଡ୍ନି ବସ୍ୟାଡ୍ ! ନରକ୍ ତାଣ୍ଟାଂ ରାକ୍ୟା ପାୟା ଆନାପ୍ ଇଞ୍ଜି ଇନେସ୍ ଆହା କିନାଦେରା ?

୩୪ ଲାଗିଂ ଆନ୍ ଇଞ୍ଜନାଙ୍ଗା; ମି ତାକେ ବେଣ୍ଟବାକ୍ଣାୟ୍ କିନାକାର୍, ହିକାୟ୍କିନି ଗୁରୁ ଆରି ଗିଆନିରିଂ ପଲ୍ଲାନାଂ । ହେଞ୍ଜାଡ୍ ବିତ୍ରେ କେତେକାଣ୍ଡିଂ ଏପେଙ୍ଗ୍ ଟୁଣାଦେର, କେତେକ୍ ଜାଣ୍ଡିଂ କୁସ୍ତ ଦୁପ୍ନାଦେର, ଆରି ବିନ୍ଲୁଗାଂ କୁଚ୍ଚୁମ୍ ଇଞ୍ଜି କର୍ତ୍ତା ହୁକେ ଇଡ୍ଡି ର ଗାଡ୍ଦାଂ ଆରେ ର ଗାଡ୍ଦ ପେସ୍ନାଦେର ।

☆ ୨୩:୨୭ ପକ୍ୟାତାକା ୨୩:୩୧.

୩୫ ଇନେସକି ଦର୍ମ ହେବଲ୍ତାଂ ନେତେରତାଂ, ଇମ୍ଣି ବେରିକିୟତି ମେହି ଜିକରିୟ ଏପେଙ୍ଗ ମନ୍ଦିରନି ପୁଇପୁୟା ବାହାତ ଆରି ଗାରଣି ମାଦନି ବାହାତ ଅସ୍ତାଦେର, ତା ଅସ୍ତି ପାତେକ୍ ପୁତ୍ ତ ଜେତେକ୍ ଦାମ୍ ଲଗାରିଂ ଅସ୍ତାଣ୍ଣା, ହେ ଓଜାକାରତି ହାନି ଦାଣ୍ଟ ମି ଜପି ଆର୍ଦାନାତ୍ ।

୩୬ ଆନ୍ ମିଙ୍ଗ୍ ହାତପା ଇଞ୍ଜନାଙ୍ଗା, ଇ ଓଜାର୍ ମାନାୟାରିଂ ଅସ୍ତିଲେ ନଂନି ମାନାୟ୍ ଜପି ଇ ସବୁ ପଡାନାତ୍ ।”

**ଜିରୁସାଲମ୍ କାଜିଂ ଜିସୁତି ଦୁକ୍**  
(ଲୁକ ୧୧:୩୪-୩୫)

୩୭ “ଏ ଜିରୁସାଲମ୍, ଏ ଜିରୁସାଲମ୍ । ଏନ୍ ବେଶ୍‌ବାକ୍‌ଶାୟକିନାକାରିଂ ଚୁଟାୟନା ଆରି ଇସ୍ତର୍ ପକ୍ତି କାବୁର୍ ହିନାକାରିଂ କାଲ୍‌କୁ ଇଡନାର୍ । କୁଡୁ ତା ମାରା ତାରେନ୍ ହିମ୍‌ଶାକାଂ ଆସ୍ତି ଇଡତି ଲାକେ, ନି ଲକ୍ତିଂ ନା କାକା ତାରେନ୍ ରାକ୍ୟାକିଦେଂ କାଜିଂ ଆନ୍ କେତେହର୍ ସେସ୍ତା କିତାଂନା । ମାତର୍ ଏନ୍‌ନାଙ୍ଗ୍ ହେଦାଂ କିଦେଙ୍ଗ୍ ହିଦ୍‌ଞ୍ଜାତାୟନା ।

୩୮ ହୁଡା, ମି ମନ୍ଦିର ମି କେଇଦ ପିସ୍ତୁ ହିଦ୍ୟାଆନାତା ।

୩୯ ଆନ୍ ମିଙ୍ଗେଙ୍ଗ୍ ହାତପା ଇଞ୍ଜି ଇଡନାଙ୍ଗା, ‘ମାପୁ ତରଦ ଇନେର୍ ଖାନାରା, ହେଖାନ୍ ଦନ୍ୟ’ ଇଦାଂ ଏତେକାଡ୍‌ଦ ପାତେକ୍ ଇନ୍‌ଞ୍ଜାତାଂନା, ନଙ୍ଗ୍ ତାଙ୍ଗ୍ ଏନ୍‌ନାଙ୍ଗ୍ ଆରେ ହୁଡ୍‌ଦେଂ ଆଡୁୟ୍ ।”

**୨୪**

**ଜିସୁ ମନ୍ଦିର ଦୁଡ଼ିମାସନି ବିସ୍ତେ ଇଚାନ୍**  
(ମାର୍କ ୧୩:୧-୨; ଲୁକ ୨୧:୫-୬)

୧ ଜିସୁ ମନ୍ଦିରତାଂ ହସି ହାନି ଖେଡାଲିଂ ହେଖାନ୍ତି ତେଲାର୍ ହେଖାନ୍ତି ମନ୍ଦିରନି ଇଲ୍‌କୁ ଚଡ୍‌ଚେଙ୍ଗ୍ କାଜିଂ ହେଖାନ୍ ଲାଗେ ଖାତାର୍,

୨ ମାତର୍ ହେଖାନ୍ ହେଖାରିଂ ଉତର୍ ହିତାନ୍, “ଏପେଙ୍ଗ ଇନାକା ଇ ଓଜୁ ହୁଡ୍‌ଚୁଦରା ? ଆନ୍ ମିଙ୍ଗ୍ ହାତପା ଇଞ୍ଜନାଙ୍ଗା, ଇ ବାହାତ ର କାଲ୍ ବିନ୍ କାଲ୍ ଜପି ମାନୁଡ୍, ଓଜୁ ଦୁଡ଼ି ମାସନାତ୍ ।”

**ଦୁକ୍ ଆରି କସ୍ତୁ**  
(ମାର୍କ ୧୩:୩-୧୩; ଲୁକ ୨୧:୭-୧୯)

୩ ପାଚେ ହେଖାନ୍ ଜିଡ଼ମାଡି ଜପି କୁଚାନ୍, ତେଲାର୍ ହେଖାନ୍ ଲାଗେ ଡଗୁଜି ଖାଜି ଖେନ୍‌ବାତାର୍, “ଇ ସବୁ ଇନାଖାଡ଼ାଂ ଗିଟା ଆନାତ୍, ଆରେ ନି ଖାନାକା ଆରି ଜୁଗସେସନି ଇଡ୍‌କାଡ୍ ଇନାକା, ହେଦାଂ ମାଂ ଖେଚ୍‌ଚା ।”

୪ ହେବେ ଜିସୁ ହେଖାରିଂ ଉତର୍ ହିତାନ୍, “ଜାଗ୍ରତ୍, ଇନେରକି ଇନେସ୍ ମିଙ୍ଗେଙ୍ଗ୍ ଚାକ୍ରାୟ୍ କିଦ୍‌ମେର୍ ।”

୫ ଇନାକିଦେଂକି ବେସିହେନି ନା ତରଦ ଖାଜି “ଆନ୍ ଜିସୁ ଇତିସ୍ ମସିୟା ଇଞ୍ଜି ଇଞ୍ଜି ଆଦେକ୍ତିଂ ଚାକ୍ରାୟ୍ କିଦ୍‌ନାର୍ ।

୬ ଆରେ, ଏପେଙ୍ଗ ଜୁଜ୍ ବିସ୍ତେ ଆରି ଜୁଜ୍‌ନି ମାନାୟ୍ ଆଲି ଖେନାଦେର୍; ଜାଗ୍ରତ୍, ବାଇକାରିତାଡ୍ ଆମାଟ୍ । ଇନାକିଦେଂକି ଇ ଓଜୁ ଗିଟାନାତ୍, ମାତର୍ ହେ ସମୁ ଓଜ୍‌ନାକା ଆକାୟ୍ ।

୭ ଇନାକିଦେଂକି ଜାତି ବିରୁଦ୍‌ତ ଜାତି ଆରି ରାଜି ବିରୁଦ୍‌ତ ରାଜି ନିଂଗ୍‌ନାତ୍, ଆରେ ସବୁ ବାହାତ କାତାର୍ ଆରି ମେଦ୍‌ନିଦାଲ୍‌କାତାତ୍ ।

୮ ମାତର୍ ଇ ଓଜୁ କଗ୍‌ଲେ ହିମ୍‌ଶାଗାଟାନି କସ୍ତୁ ଏକାଖାନାତ୍ ଦୁକ୍ ଆରମ୍ ମତର୍ ।”

୯ “ହେ ଖେଡାଲିଂ ଲକୁ ମିଙ୍ଗେଙ୍ଗ୍ ଦୁକ୍‌ବଗି କିଦେଙ୍ଗ୍ କାଜିଂ ହେଲାୟ୍ କିଦ୍‌ନାର୍ ଆରି ମିଙ୍ଗ୍ ଅସ୍ତାନାର୍, ଆରେ ନା ତର୍ ପାତ୍ କିନି କାଜିଂ ଏପେଙ୍ଗ୍ ଓଜୁ ଜାତିତାଂ ଗିଣ୍ କିୟାନାଦେର୍ ।

୧୦ ହେଖାଡ଼ାଂ ବେସି ହେଖାରିତି ପାତ୍ ଆରାୟ୍ କିତାର୍, ଆରେ ରକାନ୍ ଆରେ ରକାନିଂ ଆହିକିନାନ୍ ଆରି ରକାନ୍ ଆରେ ରକାନିଂ ଗିଣ୍ କିନାନ୍,

୧୧ ଆରେ ବେସି ଚାକ୍ରାୟ୍ ବେଶ୍‌ବାକ୍‌ଶାୟକିନାକାର୍ ଖାଜି ବେସିହେନିତିଂ ଚାକ୍ରାୟ୍ କିନାର୍,

୧୨ ଆରେ ବାନ୍ୟା ବାତାନି କାଜିଂ ଆଦେକ୍ ମାନାୟାରିତି ଜିଉନନାକା କାଜିଂ ହିଡ୍‌ଡି ଆନାତ୍ ।

୧୩ ମତର୍ ଇନେର୍ ସେସ୍ ପାତେକ୍ ସାସ୍ ଆଜି ମାନାର୍, ହେଖାନ୍ ମୁକ୍ତି ଆନାନ୍ ।

୧୪ ଆରେ, ସବୁ ଜାତି ଲାଗାଂ ସାକି ହିଦେଂ କାଜିଂ ରାଜିନି ଇ ନେକ୍ତିକାବୁର୍ ସବୁ ପୁତ୍ ସୁଶାୟ୍ କିୟାଆନାତ୍, ତା ପାଚେ ଜୁଗ୍ ଓଜ୍‌ନାତ୍ ।”

**ନାସକିନି ଗିଣ୍ ଜିନିସ୍**  
(ମାର୍କ ୧୩:୧୪-୨୩; ଲୁକ ୨୧:୨୦-୨୪)

୧୫ ଲାଗିଂ ଏପେଙ୍ଗ୍ ଏତେକାଡ୍‌ଦ “ଦାନିଏଲ୍ ବେଶ୍‌ବାକ୍‌ଶାୟକିନାକାନ୍ କାଜିଂ ଲେକାତି ନାସ୍ କିନି ଗିଣ୍ ଜିନିସ୍ତିଂ ମନ୍ଦିର ପୁଇପୁୟା ବାହାତ ମାନାକା ହୁଡ୍‌ନାଦେର୍, ପଡ଼ିକିନାକାଦେର୍ ବୁଜାଆଡୁ,”

☆ ୨୪:୯ ମାତ୍ରିକ ୧୦:୨୨. ☆ ୨୪:୧୩ ମାତ୍ରିକ ୧୦:୨୨.

- ୧୭ “ହେ ଏଚେକାଡ଼ଦ ଇମ୍ମୋକାର୍ ଜିହୁଦା ରାଜି ମାନଗାନାର୍, ହେୱାର୍ ମାଡ଼ିତ ହନ୍ତି ହାଲେର୍;
- ୧୭ \*ଇନେର୍ ଜେଗନ୍ ଜପି ମାନାନ୍, ହେୱାନ୍ ଇଲ୍ ବିତ୍ରେ ଆଡ଼ମାଡ଼ ଅଦେଂ କାଜିଂ ଡୁଜି ୱାମେନ୍ ।
- ୧୮ ଆରେ, ଇନେର୍ ବୁମିତ ମାନଗାନାର୍, ହେୱାନ୍ ଜାର୍ ହେନ୍ଦା ତାକେଦେଂ ଉଲ୍ଟି ହାଲମେନ୍ ।
- ୧୯ ହେୱେଡ଼ାଲିଂ ଇମ୍ମୋକାର୍ ଏସ୍ ପିସ୍ତାକାଦେଲ୍ କଗ୍ଲେ ଆରି ମାୟ୍ଡର୍ଗ୍ନି ଆୟା, ଆ, ହେୱେକ୍ ଦୁକ୍ନିକିକ୍,
- ୨୦ ମାତର୍ ମିଦାଙ୍ଗ୍ ହନ୍ନାକା ଇନେସ୍ ପିନି ମାସ୍ତ କି ଜମ୍ନିବାର୍ ନାଜିଂ ଆମେଡ଼, ଇଦାଂ କାଜିଂ ପାର୍ତାନା କିୟାର୍ ।
- ୨୧ \*ଇନାକିଦେଂକି ହେୱେଡ଼ାଂ ଏପେଙ୍ଗ୍ ବେଜେକ୍ ଦୁକ୍ ଗିଗାନାଡ଼ ଜେ, ପୁଡ଼ି ନି ଆରମ୍ତାଂ ନେଞ୍ଜେଙ୍ଗ୍ ପାତେକ୍ ଗିଗାଡ଼ାତାଡ଼ନା, ଆରେ ଇନାଡ଼ାତାଂ ପା ଗିଗାଆଦୁଡ଼ ।
- ୨୨ ଆରେ, ହେ ସମୁ ବାଟିଙ୍ଗ୍ ଉଣା କିୱାଦାଂ ମାଟିସ୍, ତେବେ ଇମ୍ମୋକା ପା ପାତାଡ଼ ମୁକ୍ତି ଆୱାତାମ୍ବା, ମତର୍ ବାଟିକିତି ଲକୁ କାଜିଂ ହେ ସମୁ ଉଣା କିୟା ଆନାଡ଼ ।”
- ୨୩ “ହେ ଏଚେକାଡ଼ଦ ହୁଡ଼ାଟ୍, କ୍ରିସ୍ଟ ଇବେ କି ହେବେ ଇନେର୍ ଏଚେକାଡ଼ଦ ମିଙ୍ଗ୍ ଏଲେଙ୍ଗ୍ ଇଞ୍ଜନାର୍, ତେବେ ହେଦାଂ ପାତର୍ କିମାଟ୍ ।
- ୨୪ ଇନାକିଦେଂକି ଚାକ୍ରାୟ୍ କ୍ରିସ୍ଟର୍ ଆରି ଚାକ୍ରାୟ୍ ବେଣ୍ଟବାକ୍ଶାୟ୍ କିନାକାର୍ ନିଙ୍ଗ୍ଜି ଏପେଙ୍ଗ୍ ଗାଜା ଗାଜା ଚିନ୍ ଆରି କାବାନି କାମାୟ୍ ଚର୍ଚାନାର୍ ଜେ, ଜଦି ଆଡ଼ନାର୍, ତେବେ ବାଟିକିତି ଲଗାଂ ପା ବାମ୍ବୁୟାୟ୍ କିତାର୍ ।
- ୨୫ ହୁଡ଼ାଟ୍, ଆନ୍ ଆଗେତାଂ ମିଙ୍ଗେଙ୍ଗ୍ ୱେଡ଼ଚାନାଙ୍ଗା ।”
- ୨୬ \*ଲାଗିଂ, “ହୁଡ଼ାଟ୍, ହେୱାନ୍ ବାଟାତ ମାନାନ୍” ଲକୁ ଜଦି ମିଙ୍ଗ୍ ଇ କାତା ଇଞ୍ଜନାର୍, ତେବେ ହସି ହାଲମାଟ୍, “ହୁଡ଼ାଟ୍, ହେୱାନ୍ ବିତ୍ରେ ବାକ୍ରାତ ଡ଼କୁତାନନା ମାନାୟ୍ ଜଦି ଇଦାଂ ଇଞ୍ଜନାର୍, ତେବେ ହେଦାଂ ପାତର୍ କିମାଟ୍ ।
- ୨୭ ଇନାକିଦେଂକି ବିଜ୍ଜିଲି ଇନେସ୍ ୱେଡ଼ାହନିତାଂ ଇଡ଼ଜି ୱେଡ଼ାହାନି ପାତେକ୍ ବାଦାଡ଼ ଅଜଡ଼ ଆନାଡ଼, ହେ ଲାକେ ମାନାୟ୍ ମାଜିଡ଼ି ୱାନାକା ହେ ଲାକେ ଆନାଡ଼ ।”
- ୨୮ \*ଇମେତାକେ ମଡ଼ ମାଟିସ୍, ହେବେ ରାମାଣିଙ୍ଗ୍ ରୁଣ୍ଡା ଆନିକ୍ ।

**ମାନାୟ୍ ମାଜିଡ଼ି ୱାନାକା**

(ମାର୍କ ୧୩:୨୪-୨୭; ଲୁକ ୨୧:୨୫-୨୮)

- ୨୯ \*ମତର୍ ହେ ସମୁନି ଦୁକ୍ ପାଚେ ହାଚାଗ୍ରେ ମାଜ୍ଗା ଆନାଡ଼ ଆରି ଲେଞ୍ଜ୍ ଅଜଡ଼ ହିଡ଼, ଆରେ ହୁକାଂ ଆକାସ୍ତାଂ ଆରୁନିଂ ଆରି ଆକାସ୍ନି ସାକ୍ତି ସବୁ ଦାଲ୍ଲକାନାଡ଼ ।
- ୩୦ \*ହେ ଏଚେକାଡ଼ଦ ଆକାସ୍ତ ମାନାୟ୍ ମାଜିଡ଼ି ଇଟ୍କାଡ଼ ଚନ୍ଦ୍ଝାନାଡ଼, ଆରେ ହେୱେଡ଼ାଲିଂ ପୁଡ଼ି ତ ଓଁଜୁ ଜାତିନି ମାନାୟ୍ ଆଡ଼ବାନାର୍ ଆରି ମାନାୟ୍ ମାଜିଂ ଗାଜା ସାକ୍ତିତାଂ ଆରି ଗାଜା ପାଣ୍ ହୁକେ ବାଦାଡ଼ତ ୱାନାକା ହୁଡ଼ନାଦେର୍ ।
- ୩୧ ଆରେ, ହେୱାନ୍ ଗାଜା ମରି ବାଜା ହୁକେ ଜାର୍ ଦୁଡ଼ରିଂ ପକ୍ତାନ ଆରି ହେୱାର୍ ଆକାସ୍ନି ର ହାନ୍ଦିତାଂ ବିନ୍ ହାନ୍ଦି ପାତେକ୍ ଚାରି ଦିଗ୍ତାଂ ଇସ୍ତର୍ ବାଟିକିତି ଲଗାଂ ରୁଣ୍ଡାୟ୍ କିନାନ୍ ।

**ତଗା ମାର୍ନି ହିକ୍ୟା**

(ମାର୍କ ୧୩:୨୮-୩୧; ଲୁକ ୨୧:୨୯-୩୩)

- ୩୨ ତଗା ମାର୍ନି ଉଡ଼ରମୁଡ଼ ହିକ୍ୟା କିୟାଟ୍, ଏଚେକାଡ଼ଦ ହେ କେନ୍ଦାଂ ହାରା ଆଜି ଆକିଂ ଗିଲ୍ନିଂ, ହେ ଏଚେକାଡ଼ଦ ଜେଟ୍ ମାସ୍ ଏକା ୱାତାତେ ଇଞ୍ଜି ଏପେଙ୍ଗ୍ ପୁଞ୍ଜି ମାନାଟ୍;
- ୩୩ ହେ ଲାକେ ଏପେଙ୍ଗ୍ ପା ଇ ଓଁଜୁ ହୁଡ଼ତିସ୍ ମାନାୟ୍ ମାଜି ଦୁ଱େଡ଼ତ ଏକାୱାତାନେ ଇଞ୍ଜି ଇଦାଂ ପୁନାଟ୍ ।
- ୩୪ ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା, ଇ ଓଁଜୁ ଗିଗାଓଁ ପାତେକ୍ ନେଞ୍ଜେଓଁଗାନି ନାର୍ ଇନେସ୍ ବାଟର୍ ବୁଡ଼ା ଆଉର୍ ।
- ୩୫ ଆକାସ୍ ଆରି ପୁଡ଼ି ବୁଡ଼ାନାଡ଼, ମତର୍ ନା ବଚନ୍ ସବୁ ମଡ଼କେ ବୁଡ଼ା ଆଉଡ଼ ।

**ତା ୱାନାକା ସମାନ୍ ସମୁ ଇନେର୍ ପୁନୁର୍**

(ମାର୍କ ୧୩:୩୨-୩୬; ଲୁକ ୧୭:୨୭-୩୦, ୩୪-୩୬)

- ୩୬ ମାତର୍ ଇନାଡ଼ାତାଂ ୱାନାନ୍ “ହେ ଦିନ୍ ଆରି ସମୁ ବିସ୍ତେ ଇନେର୍ ପୁନୁର୍, ସାର୍ଗିନି ଦୁଡ଼ତର୍ କି ମାଜି\* ପା ପୁନୁନ୍, କେବଲ୍ ମତର୍ ବାଞ୍ଚା ପୁନାନ୍ ।
- ୩୭ ଆରେ, ନହତି ସମୁତ ଇନେସ୍ ଗିଗା ଆଜି ମାଚାଡ଼, ମାନାୟ୍ ମାଜି ୱାନି ସମୁତ ହେ ଲାକେ ଗିଗାଆନାଡ଼ ।
- ୩୮ ଇନାକିଦେଂକି କୁପ୍କିନି ଆଗେନି ସମୁତ ଜାଜ୍ତ ନହ ହଣି ଦିନ୍ ପାତେକ୍ ଲକୁ ଇନେସ୍ ତିନାଉଣା ଆରି ବିବା କିନାକା ଆରି ବିବା ହିଦେଂ ବିପ୍ରି ମାଚାଟ୍,
- ୩୯ ଆରେ ପୁର୍ ୱାଜି ଓଁଜାରିଂ ବଡ଼ାୟ୍ କିଜି ଅଓଁ ପାତେକ୍ ଇନେସ୍ ପୁନ୍ୱାଦାଂ ମାଚାଟ୍, ମାନାୟ୍ ମାଜିଡ଼ି ୱାନାକା ପା ହେ ଲାକେ ଆନାଡ଼ ।”

---

\* ୨୪:୧୭ ଲୁକ ୧୭:୩୧.    \* ୨୪:୨୧ ହଡ଼ତି ୭:୧୪.    \* ୨୪:୨୭ ଲୁକ ୧୭:୨୩, ୨୪.    \* ୨୪:୨୮ ଲୁକ ୧୭:୩୭.    \* ୨୪:୨୯ ହଡ଼ତି ୭:୧୨; ହଡ଼ତି ୭:୧୩.    \* ୨୪:୩୦ ହଡ଼ତି ୧:୭.    \* ୨୪:୩୬ କେତେକ୍ ପଡ଼ିତ ମାଜି ପା ହିଲୁନ୍

- ୪୦ ହେ ଏତେକାଡ଼୍‌ସ ରିୟାର ବୁମିତ ମାନଗାନାର, ରଖାନିଂ ଇଟ୍ୟା ଆନାଡ଼ ଆରି ବିନ୍ ଲଗାଂ ପିହ୍‌ୟା ଆନାଡ଼;
- ୪୧ ରିଣ୍ଡେକ୍ ଜାତା ନୁଜ୍‌ଜି ମାନିକ୍, ରଞ୍ଜିଲିଂ ଇଟ୍ୟାନାଡ଼ ଆରି ଆରେ ରଞ୍ଜିଲିଂ ପିହ୍‌ୟାନାଡ଼ ।
- ୪୨ “ଲାଗିଂ, ଜାଗ୍ରତ୍ ମାନାଟ୍, ଇନାକିଦେଂକି ମି ମାପୁ ଇମ୍‌ଣି ଦିନ୍ ଖାନାନ୍, ହେଦାଂ ଏପେଙ୍ଗ୍ ପୁନୁଦେର୍ ।
- ୪୩ \*ମତର୍ ଇଦାଂ ପୁଞ୍ଜି ମାନାଟ୍, ଇମ୍‌ଣି ଗାଡ଼ିତ ଚର୍ ଖାନାନ୍, ଇଦାଂ ଇଲ୍ ମୁଣିକା ଏତେକାଡ଼୍‌ସ ପୁତାନତି, ତା ଆତିସ୍ ହେଖାନ୍ ଜାଗ୍ରତ୍ ମାନଞ୍ଜି ଜାର ଇଞ୍ଜ ଚର୍ କିଦେଙ୍ଗ୍ ହିଞ୍ଜାତାନ୍ ।
- ୪୪ ଲାଗିଂ ଏପେଙ୍ଗ୍ ପା ଜାଲ୍‌ଦି ଆଜି ମାନାଟ୍, ଇନାକିଦେଂକି ଇମ୍‌ଣି ସମୁତ ଏପେଙ୍ଗ୍ ଏଡ଼ କିଞ୍ଜାଦାଂ ମାନଗାନାଦେର୍, ହେ ସମୁଦ ମାନାୟ୍ ମାଜି ଖାନାନ୍ ।”

**ପାତର୍ କିନାକାନ୍ ଆରି ପାତର୍ କିଞ୍ଜି ଆଡ଼ିଏନ୍**  
(ଲୁକ ୧୨:୪୧-୪୮)

- ୪୫ “ତେବେ ମାପୁ ଜାର ଲକ୍‌ବାକ୍ତିଂ ସମାନ୍ ଖେଡ଼ାଲିଂ ବାତ୍ୟା ହିଦେଂ କାଜିଂ ଇନେରିଂ ହେଖାର୍ ଜପି ବାଟି କିତାନନ୍ନା, ଏଲେଙ୍ଗ୍‌ବାତର୍ ପାତର୍ ନି ଆରି ବୁଦିକାରୟା ଆଡ଼ିଏନ୍ ଇନେର୍ ।
- ୪୬ ମାପୁ ଖାଜି ଜାରତି ଇମ୍‌ଣି ଆଡ଼ିଏନିଂ ହେ ଲାକେ କିଜି ମାନାକା ହୁଡ଼ନାନ୍, ହେଖାନ୍ ଦନ୍ୟ ।
- ୪୭ ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗ୍, ହେଖାନ୍ ହେଖାନିଂ ଜାରତି ଖିଜୁ ଦାନତିଙ୍ଗ୍ ଜପି ବାଟି କିଦନାନ୍ ।
- ୪୮ ମାତର୍ ଜଦି ହେ ବାନ୍ୟା ଆଡ଼ିଏନ୍ ନା ମାପୁ ଖାନାକା ମାଲାଆନାଡ଼ ଇଞ୍ଜି ମାନତ ମାନତ ଇଞ୍ଜି,
- ୪୯ ଜାର ହାଂ ହାଙ୍ଗ୍‌ଦାକାର୍ ଗ୍ରାକ୍‌ତେଂ ଲାଗାନାନ୍, ଆରେ ମଦୁଞ୍ଜାର୍ ହୁକେ ତିନାଉଣା କିତିସ୍,
- ୫୦ ତା ଆତିସ୍ ଇମ୍‌ଣି ଦିନ୍ ହଲ୍ୟା କାଜିଂ କାସି ମାନଗୁନ୍ ଆରି ଇମ୍‌ଣି ସମୁତ ହେଖାନ୍ ପୁନ୍‌ଖାଦାଂ ମାନାନ୍, ହେ ଦିନ୍ ଆରି ହେ ସମୁତ ହେଖାଜି ମାପୁ ଖାନାନ୍,
- ୫୧ ଆରେ ହେଖାନ୍ ହେଖାନିଂ ଗାଣ୍ଡା ଗାଣ୍ଡା କିଜି ହର୍‌କାନାର୍ କାପ୍‌ଟିୟାର୍ ହୁକେ ତାଦାଙ୍ଗ୍ ବାଗ୍ ରଡ଼ନାନ୍; ହେବେ ଆଡ଼୍‌ବେଦେଂ ଆରି ଟାଡାଙ୍ଗ୍ ରେଡିକିନାନ୍ ।”

**୨୫**

**ଦସ୍ କଇକ୍ ଉତର୍‌ମୁଡ଼୍**

- ୧ \* “ହେଖେଡ଼ାଲିଂ ସାଗେ ରାଜି ଖାନାକା ଏଲେଙ୍ଗ୍ ଆନାଡ଼ ।
- ଦସ୍ ଜାଣ୍ ଜିପଲିକ୍ ଖିଜେକିକ୍ ର ର ବଇଟା ଅଜି ବିବାଦାଂଶେନିଂ ତାତେଙ୍ଗ୍ ହାଲ୍‌ଜି ମାଟିକ୍ ।
- ୨ ହେଖେକ୍ ବିତ୍ରେ ପାଞ୍ଚ ଜାଣ୍ ବୁଦିକାରୟାକ୍ ଆରି ପାଞ୍ଚ ଜାଣ୍ ନିର୍‌ବୁଦିୟାକ୍ ମାଟିକ୍ ।
- ୩ ନିର୍‌ବୁଦିୟାକ୍ ବଇଟା ଅତିକ୍ ମାତର୍ ଜାର ଜାର କାଜିଂ ପା ଆଦିକ୍ ଚିକାଣ୍ ଅଞ୍ଜାଦାଂ ମାଟିକ୍ ।
- ୪ ବୁଦ୍‌ୟାର୍ ଜାର ଜାର ବଇଟା ଲାହାଙ୍ଗ୍ କାଟ୍‌ତ ଚିକାଣ୍ ଅଜି ମାଟାର୍ ।”
- ୫ ବିବାଦାଂଶେନ୍ ଖାନାକା ମାଲା ଆତିଲେ କଇକ୍ ତରୁଜି ତରୁଜି ହୁଞ୍ଜିକ୍ ।
- ୬ “ମାଦିମାଦା ନାଣା କିର ଇନାକା ଖେନ୍ୟା ଆତାଡ଼, ଇଞ୍ଜାନ୍ ହୁଡ଼ା ବିବାଦାଂଶେନ୍ ଖାତାନେ, ଖାଡୁ ହେଖାରିଂ ହାସ୍‌ଦାଂ ତାନାସ୍ ।”
- ୭ ହେଖାଡ଼ାଲିଂ ଜିପଲିକ୍ ନିଙ୍ଗ୍‌ଜି ଜାର ଜାର ବଇଟାଙ୍ଗ୍ ଜାଲ୍‌ଦି କିତିକ୍ ।
- ୮ ହେଖେଡ଼ାଂ ନିର୍‌ବୁଦିୟାଂ କଇକ୍ ବୁଦ୍ୟାକାଂ ଇଟିକ୍, “ମାଙ୍ଗେଙ୍ଗ୍ ଇଚୁକ୍ ଚିକାଣ୍ ହିଦାଟ୍ । ମା ବଇଟା ହାଜି ହାନାତା ।”
- ୯ “ବୁଦ୍ୟାକ୍ ଇଟିକ୍, ମି କାଜିଂ ଆରି ମା କାଜିଂ ଚିକାଣ୍ ସାରି ଆଡ଼୍ । ଏପେଙ୍ଗ୍ ଦୁକାଣ୍‌ତ ହାଲ୍‌ଜି ଜାର ଜାର କାଜିଂ ଇଚୁଟିଂ ଚିକାଣ୍ କଡ଼୍‌ଜି ତାହିଞ୍ଜାଡୁ ।”
- ୧୦ ଲାଗିଂ ନିର୍‌ବୁଦିୟାଂ କଇକ୍ ଚିକାଣ୍ କଡ଼୍‌ଦେଂ ହସି ହାଟିକ୍ । ହେଖେକ୍ ତାଙ୍ଗ୍‌ଜି ହାଟି ପାତେ ବିବାଦାଂଶେନ୍ ଖାଜି ଏକାଞ୍ଜାତାନ୍ । ଜାଲ୍‌ଦି ମାନି ପାଞ୍ଚଜାଣ୍ କଇକ୍ ତା ହୁକେ ବିବା ବଜିତ ହାଟି ପାତେ କାପାଟ୍ ଗେସ୍‌ତାର୍ ।
- ୧୧ \* “ପାତେ ବିନ୍ ଜିପଲିକ୍ ପା ଖାଜି ଇଟିକ୍, ଏ ମାପୁ, ଏ ମାପୁ, ମା କାଜିଂ କାପାଟ୍ ଜେସି ହିଦା ।
- ୧୨ ମାତର୍ ବିବାଦାଂଶେନ୍ ଉତର୍ ହିତାନ୍, ଆନ୍ ମିଙ୍ଗ୍ ହାଡ଼ପା ଇଞ୍ଜନାଙ୍ଗ୍, ଆନ୍ ମିଙ୍ଗ୍ ପୁଞ୍ଜୁଙ୍ଗ୍ ।”
- ୧୩ କାତା ଖିସ୍ତି ଜିସ୍ ଇଚାନ୍, ଜାଗ୍ରତ୍ ମାନାଟ୍, ଇନାକିଦେଂକି ଏପେଙ୍ଗ୍ ହେ ଦିନ୍ କି ହେ ସମୁ ପୁନୁଦେର୍ ।

**ଡିନ୍ ଚାକର୍ କାତା**  
(ଲୁକ ୧୯:୧୧-୨୭)

୧୪ “ସାଗେ ରାଜି ଇ ଲାକେ, ତାଦାଙ୍ଗ୍ ଆରେ ରଞ୍ଜୁ ଉତର୍‌ମୁଡ଼୍ ଖେନାଟ୍ । ଦିନେକ୍ ଆଡ଼ିୟା ମାନାୟ୍ କେଇଦ ତାଦାଙ୍ଗ୍ ଦାନ୍ ପିସ୍ତି ହିଜି ବିଦେସ୍ ହାଞ୍ଜେଙ୍ଗ୍ ହତାନ୍ ।

☆ ୨୪:୪୩ ଲୁକ ୧୨:୩୯,୪୦. ☆ ୨୫:୧ ଲୁକ ୧୨:୩୫. ☆ ୨୫:୧୧ ଲୁକ ୧୩:୨୫.

୧୫ ହେୱାନ ରକାନିଂ ହେବାକାରି ପାଞ୍ଚ ହାଜାର ରୁପା ଟାକାଂ, ଆରେ ରକାନିଂ ରି ହାଜାର ରୁପା ଟାକାଂ, ଆରେ ରକାନିଂ ଏକ୍ ହାଜାର ରୁପା ଟାକାଂ, ଏପେଙ୍ଗ୍ ଓଜାରିଂ ହେୱାର୍ ସାକ୍ତି ହୁଡ଼ଜି ହିଜି ବିଦେସ୍ତ ହାଚାନ ।

୧୬ ପାଞ୍ଚ ହାଜାର ରୁପା ଟାକାଂ ପାୟା ଆଜି ମାଚାନ, ହେୱାନ ଦାପ୍ତେ ହେଦାଂ ଅଜି ବେପାର୍ କିଜି ଆରେ ପାଞ୍ଚ ହାଜାର ରୁପା ଟାକାଂ ଲାବ୍ କିତାନ ।

୧୭ ହେ ଲାକେ ଇନେର୍ ରି ହାଜାର ରୁପା ଟାକାଂ ପାୟା ଆଜି ମାଚାନ, ହେୱାନ ଆରେ ରି ହାଜାର ରୁପା ଟାକାଂ ଲାବ୍ କିତାନ ।

୧୮ ମତର୍ ଇମ୍ଫଣି ଚାକର୍ ହାଜାର ରୁପା ଟାକାଂ ପାୟା ଆଜି ମାଚାନ, ହେୱାନ ର ଚିକ୍ଲା କାଚ୍ ହାଉକାଚ୍ ହେ ରୁପା ଟାକାଂ ଡକ୍ଟି ଇଡ଼ତାନ ।”

୧୯ “ବେସି ଦିନ୍ ପାଚେ ଆଡ଼ିୟା ହାଉକାର୍ ମାସ୍‌ଦାତାନ ଆରି ଚାକର୍ ରିଂ ହୁକେ ହିସାବ୍ କିତାନ ।

୨୦ ପାଞ୍ଚ ହାଜାର ଟାକାଂ ଅଜି ମାଚି ଚାକର୍ ହାଉକାର୍ ତିଂ ଆରେ ପାଞ୍ଚ ହାଜାର ହିଜି ଇଚାନ, ମାପୁ ଏନ୍‌ନାଙ୍ଗ୍ ପାଞ୍ଚ ହାଜାର ରୁପା ଟାକାଂ ହିଜି ମାଞ୍ଚାୟ, ହୁଡ଼ା, ଆନ୍ ପାଞ୍ଚ ହାଜାର ଲାବ୍ କିତାନ୍ନା

୨୧ ହାଉକାର୍ ଖାୟା ଆଜି ଇଚାନ, ହାର୍ କିତାୟନା, ଏନ୍ ନା ସାବାସ୍ ହାର୍‌ଦାକାୟ ଆରି ପାଚ୍ ନି ଆଡ଼ିୟା । ଏନ୍ ପାଚ୍ ବାବ୍ତେ ଅଲପ୍ ଦନ୍ଦିଂ କାର୍‌ବାର୍ କିଦେଙ୍ଗ୍ ଆଡ଼ିଲେ ନି କେଇଦ ବେସି ଦାନ୍ ପିସ୍ତ୍ର ହିଦ୍‌ନାଂ । ଖା, ନା ମାପୁ ଖାରିତ ମେହାଆଦା !”

୨୨ “ରି ହାଜାର ରୁପା ଟାକାଂ ଅଜି ମାଚି ହେବାକାରି ଖାଜି ଇଚାନ, ଏ ମାପୁ, ଏନ୍‌ନାଙ୍ଗ୍ ରି ହାଜାର ହିଜି ମାଞ୍ଚାୟ, ଆନ୍ ଆରେ ରି ହାଜାର ରୁପା ଲାବ୍ କିତାନ୍ନା ।”

୨୩ ହାଉକାର୍ ଇଚାନ, “ସାବାସ୍ କିତାୟନା । ଏନ୍ ପା ନା ହାର୍‌ଦି ଆଡ଼ିୟା । ଅଲପ୍ ଦାନ୍ତ ପାଚ୍ ତାଂ ଚତ୍‌ଚାତାୟନା । ବେସି ଦାନ୍ ଆନ୍ ନିଂ ବାଚି କିଦ୍‌ନାଂ । ଖା ନା ଖାରିତ ମିହାଆଦା ।”

୨୪ “ସେସ୍ତ ଏକ୍ ହାଜାର ରୁପା ଟାକାଂ ଅଜି ମାଚି ଲକୁ ଖାଜି ଇଚାନ, ହାଉକାର୍, ଏନ୍ ରକାୟ କଟି ଲକୁ ଇଦାଂ ଆନ୍ ପୁନାଙ୍ଗ୍ । ଓଡ଼ିଡ଼ି ବାଡ଼୍ ଏନ୍ ତ୍ରେସ୍‌ନାୟ । ବିୟାନ୍ ଓଡ଼ିଞ୍ଚାଦାଂ ତାସ୍ ରୁଣ୍ଡାୟ କିନାୟ ।

୨୫ ହେଦାଂ କାଜିଂ ଆନ୍ ପାଣ୍ଡା ଆଜି ନି ରୁପା ଟାକାଂ ଅଜି ହାଉକାର୍ ମେଦ୍‌ନିତ ମୁଚ୍ଚି ଇଡ଼ଜି ମାଚାଙ୍ଗ୍ । ହୁଡ଼ା, ନି ହେ ତାବୁଙ୍ଗ୍ ।”

୨୬ “ହାଉକାର୍ ଇଚାନ, ତେ ଆଡ଼ି, ଆଡ଼ିୟାୟ ଆଡ଼ିୟା ! ଏନ୍ କିଦା ପୁଞ୍ଜିମାଚାୟ, ଆନ୍ ଇମେତାକେ ଓଡ଼ିଞ୍ଚାଦାଂ ମାନାଂ, ହେବେ ତ୍ରେସ୍‌ନାଂ ଇମେତାକେ ଓଡ଼ିଞ୍ଚାଦାଂ ମାନ୍‌ଗାନାଂ ହେବେ ତାସ୍ ତ୍ରେସ୍‌ନାଂ ।

୨୭ ତେବେ ନା ଟାକାଂ ଅଜି ଏନ୍ କଲ୍‌ଚ୍ଚର୍ କାଜିଂ ଇଡ଼ଜି ମାଚାଂମା । ତା ଆଡିସ୍ ତାଙ୍ଗ୍ ଆନ୍ କଲ୍‌ଚ୍ଚର୍ ହୁକେ ଉଲ୍‌ଚି ଗାଟା ଆତାଂମା ।”

୨୮ ଇଦାଂ ଇଞ୍ଜି ହାଉକାର୍ ବଲ୍ ହିତାନ, “ଇ ରୁପା ତାବୁଙ୍ଗ୍ ଅଜି, ଇନେର୍ ତାକେ ଦସ୍ ହାଜାର ରୁପା ଟାକାଂ ମାନିଙ୍ଗ୍, ହେୱାନିଂ ହିଆର୍ ।

୨୯ ☆ଇନାକିଦେଂକି ଇମ୍ଫଣି ଲକୁତ ମାନିଂ, ହେୱାନିଂ ହିୟାଆନାଡ଼, ଆରେ ହେୱାକ୍ତି ବେସି ଆନାଡ଼; ମାତର୍ ଇନେରିଂ ହିଲୁଡ଼, ହେୱାନ ଲାଗେ ଇନାକା ମାନାଡ଼, ହେଦାଂ ନେ ତା ତାକେଣ୍ଡାଂ ଅୟାନାଡ଼ ।

୩୦ ଇ କାମାୟ ଆଡ଼ି ଆଡ଼ିୟାତିଂ ବାର୍ତ୍ ମାଜ୍‌ଗାତ ତୁହିୟାଟ୍ । ହେବେ ହେୱାନ ଆଡ଼ିସ୍ ଟାତାଙ୍ଗ୍ କଡ଼ଫଡ଼୍ କିଜି ମାନେନ୍ ।”

**ସେସ୍ ବିଚାଣ୍ଡା**

୩୧ “ଏଚେକାଡ଼୍‌ଦ ମାନାୟ ମାଜି ରାଜା ଆଜି ହେୱାକ୍ତି ସାଗେ ଦୁଡ଼ତର୍ ଲାହାଙ୍ଗ୍ ଖାନାନ୍, ରାଜା ଜାଜ୍‌ମାଲ୍ ହୁକେ ଗାଦିତ କୁଚ୍‌ଚାନ,

୩୨ ସବୁ ଜାତିନି ଲକୁ ତା ଲାଗାଂ ରୁଣ୍ଡା ଆନାର୍ । ହେ ଏଚେକାଡ଼୍‌ଦ ମେଣ୍ଡାଗଡ଼ିୟା ଇନେସ୍ ଅତାଙ୍ଗ୍ ଆରି ମେଣ୍ଡାକାଂ ବିନେ କିନାନ୍, ମାନାୟ ମାଜି ହେ ଲାକେ ମାନାୟତିଂ ରି କୁଦା କିଜି ବାଗ୍ କିନାନ୍ ।

୩୩ ମେଣ୍ଡାକାଂ ଜାର୍ ବୁଜ୍‌ଣି ବାଗାଙ୍ଗ୍ ଆରି ଅତାକାଂ ତେବୁ ବାଗାଙ୍ଗ୍ ଇଚ୍‌ନାନ୍ ।”

୩୪ ତା ପାଚେ ହେୱାକ୍ତି ବୁଜ୍‌ଣିତ ମାନି ଲକାରିଂ ରାଜା ଇନାନ୍, “ଖାଡୁ, ମିଙ୍ଗେଙ୍ଗ୍ ନା ବାଞ୍ଚା ଆସିର୍‌ବାଦ୍ କିଡ଼ନ୍ନା । ପୁଚ୍ ଉଦ୍‌ଜାଣିନି ଆରମ୍‌ତାଂ ଇମ୍ଫଣି ରାଜି ମି କାଜିଂ ଜାଲ୍‌ଦି ଆଜି ମାନାଡ଼, ଖାତ ହେବେ ହଣାଟ୍ ।

୩୫ ଆନ୍ ନାସ୍‌କି ମାଚାଙ୍ଗ୍, ଏପେଙ୍ଗ୍ ଚିଚ୍‌ପାତାଦେଣ୍ଡା; ଆନ୍ ଏସ୍‌କି ଆଜି ମାଚାଙ୍ଗ୍, ଏପେଙ୍ଗ୍ ନାଙ୍ଗ୍ ଉଣ୍ଡେଙ୍ଗ୍ ହିଡ଼ତାଦେଣ୍ଡା । ଆନ୍ ଚିନାହିଲ୍‌ଖାଦାଂ ମାଚାଙ୍ଗ୍, ଏପେଙ୍ଗ୍ ନାଙ୍ଗ୍ ଇଞ୍ଜି ମାଞ୍ଜେଙ୍ଗ୍ ବାହା ହିଡ଼ତାୟ ।

୩୬ ନାଗଡ଼ା ମାଚାଙ୍ଗ୍, ନାଙ୍ଗ୍ ହେୟା ଉସ୍ତି କିଡ଼ତାଦେଣ୍ଡା । ଆନ୍ ବେମାର୍ ମାଚାଙ୍ଗ୍, ନାଙ୍ଗ୍ ଜତନ୍ କିନାଦେର୍ ।” ଆନ୍ ଜେଲ୍ ଇଞ୍ଜି ମାଚାଙ୍ଗ୍, ନାଙ୍ଗ୍ ହୁଡ଼୍‌ଦେଂ ଖାତାଦେର୍ ।

☆ ୨୫:୨୯ ମାତୃତ ୧୩:୧୨; ମାର୍କ ୪:୨୫; ଲୁକ ୮:୧୮.

୩୭ “ହେବେ ଦାମ୍ଭିକ ତାଙ୍କ ଉତ୍ତର ହିନ୍ଦନାର, ଏ ମାପୁ, ଇନାଖାଡ଼ା ଆପେ ନି ନାସକି ହୁଡ଼ଜି କାଦି ହିଡ଼ତାପ୍ କି ଏସକି ହୁଡ଼ଜି ଉପି କିଡ଼ତାପ୍ ?

୩୮ ଆରେ ଇନାଖାଡ଼ା ରଖାନ ନି ଚିନାହିଲୁଝି ଲକୁ ହୁଡ଼ଜି ଆହା ହିଡ଼ତାପ୍ ? କି ନାଗଡ଼ା ହୁଡ଼ଜି ହେନ୍ଦା ଉସ୍ତି କିଡ଼ତାପ୍ ?

୩୯ ଇନାଖାଡ଼ା ନି ବେମାର୍ କି ଜେଲ୍ ଇଞ୍ଜ ହୁଡ଼ଜି ହେବା କିଡ଼ତାପ୍ ?

୪୦ ଆରେ ରାଜା ହେଖାରି ଉତ୍ତର ହିନ୍ଦାନ, ଆନ୍ ମିଲେଙ୍ଗ ହାଡ଼ପା ଇଞ୍ଜନାଙ୍ଗା, ଏପେଙ୍ଗ ନା ଇ ହାରୁ ଟଣ୍ଡାର ବିଡ୍ରେଡ଼ା ରଖାନ କାଜି ଇଦା କିଜି ମାଚିଲେ ନା କାଜି ନେ ହେଦା କିନାଦେରା ।”

୪୧ “ତା ପାଚେ ଡେବ୍ରାଗାଙ୍ଗା ମାନି ଲକାରି ହେଖାନ ଇନାନ, ଡେ ସାଇପ୍ ପାୟାତି ମାନାୟାର ! ନା ମୁମ୍ଦା ଦେହା ଆ ! ସୟତାନ ଆରି ତା ଦୁଡ଼ତର କାଜି ଇମ୍ଫଣି ଝିଜ୍ଝିନାଣି ଜାଲ୍ଦି ଆଜି ମାନାଡ଼, ହେବେ ହାଲାଡ଼ ।

୪୨ ଆନ୍ ନାସକି ମାଚାଙ୍ଗ, ଏପେଙ୍ଗ ନାଙ୍ଗ ଚିଞ୍ଜେଙ୍ଗ ହିଡ଼ଖାତାଦେର୍ । ଆନ୍ ଏସକି ମାନିଖେଡ଼ାଲି ନାଙ୍ଗ ଏଜୁ ଉଣ୍ଡେଙ୍ଗ ହିଡ଼ଖାତାଦେର୍ ।

୪୩ ଆନ୍ ଚିନ୍ଦୁନ୍ଝି ଝେଡ଼ାଲି ନା ଇଞ୍ଜ ବାହା ହିଡ଼ଖାତାଦେର୍ । ଆନ୍ ନାଗଡ଼ା ମାନିହି ହେନ୍ଦା ଉସ୍ତି କିଡ଼ଖାତାଦେର୍ । ବେମାର୍ ଆରି ଜଇଲ୍ଡ ମାନିଖେଡ଼ାଲି ନା ଜତନ୍ ଅଖାତାଦେର୍ଣ୍ଣା ।”

୪୪ “ହେଖାଡ଼ା ହେଖାର ଉତ୍ତର ହିନ୍ଦାନ, ଏ ମାପୁ, ଇନାଖାଡ଼ା ଆପେ ନି ନାସକି, ଏସକି, ବିଦେସି କି ନାଗଡ଼ା, ବେମାର୍ କି ଜଇଲ୍ଡ ମାନାକା ହୁଡ଼ଜି ଆପେ ନି ହେବା କିଡ଼ଖାତାନା ?”

୪୫ “ରାଜା ଉତ୍ତର ହିନ୍ଦାନ, ଆନ୍ ହାଡ଼ପା ଇଞ୍ଜନାଙ୍ଗା, ଇ ହାରୁକାର ବିଡ୍ରେ ରକାନି ଉପକାର କିଦେଙ୍ଗ ମୁନା କିନିହିଙ୍ଗ, ଏପେଙ୍ଗ ନାଙ୍ଗ ଉପକାର କିଦେଙ୍ଗ କାଖାତାଦେର୍ଣ୍ଣା ।

୪୬ ଇ ଲକୁ ସବୁ ଦିନ୍ କାଜି ତାଣ୍ଡ ପାୟାନାର ଆରି ଦାମ୍ଭିକ ଝିଜ୍ଝି ଜିବୁନ୍ ପାୟାନାର ।”

### ୨୨

#### ଜିସୁ ବିରୁଦ୍ଧ କୁଟ୍

(ମାର୍କ ୧୪:୧-୨; ଲୁକ ୨୨:୧-୨; ଜହନ୍ ୧୧:୪୫-୫୩)

୧ ଇ ସବୁ ହିକ୍ୟା ହିଜି ଝିସ୍ତି ପାଚେ ଜିସୁ ଚେଲାରି ଇଚାନ,

୨ “ରି ଦିନ୍ ପାଚେ ଜେ, ନିସ୍ତାର ପାରୁ ଆନାଡ଼, ଇଦା ଏପେଙ୍ଗ ପୁଚାଦେର୍ଣ୍ଣା । ଆରେ ମାନାୟ ମାଜି ଜେ କୁସ୍ତ ଦୁପ୍ପୟା ଆଦେ କାଜି ହେଲାୟ କିୟାଆନାନ ।”

୩ ହେ ଝେଡ଼ାଲି ମୁଡ଼ ମାପୁହେବାକିନାକାନ ଆରି ଲକୁଡ଼ ବୁଡ଼ାଲୁର କୟାପା ତରନି ମୁଡ଼ ମାପୁହେବାକିନାକାଡ଼ି ହାକଡ଼ିତ ରୁଣ୍ଡା ଆଡାର,

୪ ହେଖାର ଡ଼ଗୁଜି ଜିସୁଙ୍ଗ ଅସ୍ତେଙ୍ଗ ମାନପାଚି କିଡାର ।

୫ ମାତର ହେଖାର ଇଚାର, “ପାରୁ ଝେଡ଼ାଲି ଇଦା କିନାକା ହାର ଆକାୟ, ଇନାକିଦେକି ମାନାୟାର ଗଣ୍ଡଗଲ୍ କିଦନାର ।”

#### ବେଡ଼ନ୍ୟାତ ଜିସୁ ସିଗ୍ ଆତାନ

(ମାର୍କ ୧୪:୩-୯; ଜହନ୍ ୧୨:୧-୮)

୬ ଦିନେକ୍ ଜିସୁ ବେଡ଼ନିୟାତ ଗାଜା ରଗ୍ୟା ବଗ୍ କିଜି ସିମନ୍ ଇଞ୍ଜ ମାନି ଝେଡ଼ାଲି,

୭ ଚିଞ୍ଜେଲ୍ କଗଲେ ର କଣ୍ଡିତ ଦାମ୍ଭିକ ବାସ୍ନା ଚିକାଣ୍ ଅସି ତା ତାକେ ଝାତାଡ଼ ଆରି ହେଦେଲ୍ ଚିଞ୍ଜେଙ୍ଗ କୁଟ୍ଟି ସମୁତ ତାଙ୍ଗେଙ୍ଗ କାପଡ଼ାତ ଝାକଡେ ଲାଗାତାଡ଼ ।

୮ ହେଦା ହୁଡ଼ଜି ଚେଲାର ରିସା ଆଜି ଇଚାର, “ଏଚେକ୍ ନସ୍ କିନାତା ଇନାକିଦେ ?

୯ ଇ ବାସ୍ନା ଚିକାଣ୍ ବେସି ଟାକାତା ପ୍ରୟା ଆତାମ୍ ଆରି ହେ ଦାନ୍ ଅକ୍ ତାରି ଦାନ୍ ହିୟାତାମ୍ ।”

୧୦ ଜିସୁ ହେଦା ପୁଞ୍ଜି ହେଖାରି ଇଚାନ, ଇନେକିଦେ କଗଲେ କସ୍ ହିନାଦେରା ? ହେଦେଲ୍ ନା କାଜି ହାର କାମାୟ କିନାତା ।

୧୧ “ଅକ୍ ଲକୁଡ଼ ନିଡ୍ରେ ମି ହୁଦା ମାନାର, ମତର ଆନ୍ ନିଡ୍ରେ ମି ହୁଦା ମାନୁଙ୍ଗ ।

୧୨ ଆରେ, ନା ଦୁଗେରଡ଼ ମୁଟ୍ଟି କାମାୟ ଲାକେ ନା ଗାଗାଡ଼ ଇ ବାସ୍ନା ଚିକାଣ୍ ଝାକଡାନାତା ।

୧୩ ଆନ୍ ନି ହାଡ଼ପା ଇଞ୍ଜନାଙ୍ଗା, ଝିଜ୍ଝି ପୁଡ଼ ଇମ୍ଫଣି ବାହାତ ପା ନେକ୍ଟିକାବୁର୍ ଝେଡ଼୍ୟାନାଡ଼, ହେ ବାହାତ ଇ କଗଲେତି ଏଡୁତି ତାଦାଙ୍ଗ ଇ କାମାୟନି କାତା ପା ଇନ୍ୟା ଆନାଡ଼ ।”

☆ ୨୨:୨ ଲୁକ ୭:୩୭,୩୮.



ଜିସୁଙ୍କ ଆହିକିଦେଂ କାଜିଂ ଜିହୁଦାତି ରାଜି  
(ମାର୍କ ୧୪:୧୦-୧୧; ଲୁକ ୨୨:୩-୬)

୧୪ ଜିସୁତି ବାରଜାଣ୍ ଚେଲାର ବିତ୍ରେ ଇସ୍ପାରିୟତିୟ ଜିହୁଦା ତରନି ରକାନ ଚେଲା ମୁଡ଼୍ ମାପୁହେବାକିନାକାର ତାକେ ହାଲୁଜି ଝେନ୍‌ବାତାନ,

୧୫ “ଜିସୁଙ୍କ ଆହି କିଜି ହିଡ଼ତିସ୍ ନାଙ୍କ ଇନାକା ହିଦନାଦେର୍ ?” ହେଝାର ତାଙ୍କ କଡେଦସ୍ ଗଟା ରୁପା ଟାକାଂ ଏଜା କିଜି ହିତାର ।

୧୬ ହେ ଦିନତାଂ ଜିସୁଙ୍କ ହେଝାର କେଇଦ ଆହିକିଦେଂ କାଜିଂ ସୁବିଦା ତେକ୍‌ତାନ ।

ଚେଲାର ହୁଦାଂ ଜିସୁତି ନିସ୍ପାର ପାର୍ବୁ ବଜିତିନାକା  
(ମାର୍କ ୧୪:୧୨-୨୧; ଲୁକ ୨୨:୭-୧୪; ୨୧-୨୩; ଜହନ୍ ୧୩:୨୧-୩୦)

୧୭ ପାଚେ ହଇଝି ରୁଟି “ପାର୍ବୁନି ପର୍ତ୍ତମ୍ ଦିନ୍ତ ଚେଲାର ଜିସୁ ଲାହାଙ୍କ ଝାଜି ଝେନ୍‌ବାତାର, ଆପେଂ ଇମ୍‌ଣି ବାହାତ ନି କାଜିଂ ନିସ୍ପାର ପାର୍ବୁ ବଜି ଜାଲୁଦି କିନାପ୍ ଇଞ୍ଜି ନି ଇଚା ?”

୧୮ ଜିସୁ ଉତର୍ ହିତାନ, ଗାଡ଼ଦ ହାଲୁଜି ହେ ଆମ୍‌କ ଲଗାଂ ତାଲୋଙ୍କ ଇନାଟ୍, “ଗୁରୁ ଇଞ୍ଜାନ୍ନା, ହେଝାଜି ସମ୍‌ ଲାଗେ ଆଜି ଝାତାତେ । ହେଝାଜି ଚେଲାର ଲାହାଙ୍କ ମି ଇଞ୍ଜ ହେଝାନ୍ ନିସ୍ପାର ପାର୍ବୁ ମାନିକିନାନ୍ ।”

୧୯ ଜିସୁ ଇନି ହିସ୍‌ବରେ ଚେଲାର ନିସ୍ପାର ପାର୍ବୁ ବଜି ଜାଲୁଦି କିତାର ।

୨୦ ପାଚେ ମୁତିଲେ ହେଝାନ୍ ବାରଜାଣ୍ ଚେଲାର ଲାହାଙ୍କ ଚିଞ୍ଜେଙ୍କ କୁଟାର ।

୨୧ ତିନି ଝେଡାଲିଂ ଜିସୁ ଇଚାନ, “ଆନ୍ ମିଙ୍କ୍ ହାଡ଼ପା ଇଞ୍ଜନାକା, ମି ବିତ୍ରେ ରକାନ ନାଲୋଙ୍କ୍ ସତୁ କେଇଦ ହେଲାୟ୍ କିଦନାନ୍ ।”

୨୨ ଚେଲାର ବେସି ଦୁକ୍ ଆଜି ରକାନ ପାଚେ ରକାନ ଜିସୁଙ୍କ ଝେନ୍‌ବାତାର, “ମାପୁ ହେଝାଙ୍କ୍ ଇନାକା ଆନ୍ ?”

୨୩ ଜିସୁ ଇଚାନ, “ଇନେର୍ ନା ଲାହାଙ୍କ୍ ରଚେ ତାଡ଼ିୟାତ ରୁଟି ଛୁକ୍‌ନାନ୍, ହେଝାନ୍ ନାଙ୍କ୍ ସତୁ କେଇଦ ହେଲାୟ୍ କିଦନାନ୍ ।

୨୪ ସାସ୍‌ରୁର୍ ଇନେସ୍ ଲେକା ଆତାଡ଼ନ୍ନା ମାନାୟ୍ ମାଜି ହାକିତାଣ୍ ଆନାନ୍, ମାତର୍ ଇନେର୍ ଆହିକିନାନ୍, ତା ଦସା କେଡେକ୍ କସ୍ ! ହେ ମାନାୟ୍ ଜଲମ୍ ଆଝାଦାଂ ମାତିସ୍ ତା ପାକ୍ୟାତ ହାରା ଆତାମ୍ ।”

୨୫ ସାତୁ କେଇଦ ହେଲାୟ୍ କିତି ଜିହୁଦା ନିଙ୍କ୍‌ଜି ଝେନ୍‌ବାତାନ, “ଏ ଗୁରୁ, ହେଝାଙ୍କ୍ ଇନାକା ଆନ୍ ?”

ଜିସୁ ହେଝାନିଂ ଇଚାନ, “ଏନ୍ ଇଞ୍ଜାୟ୍‌ନ୍ନା ।”

ମାପୁ ବଜି  
(ମାର୍କ ୧୩:୨୨-୨୬; ଲୁକ ୨୨:୧୪-୨୦; ୧ କରନ୍ତିୟ ୧୧:୨୩-୨୫)

୨୬ ହେଝାର ତିନି ଝେଡାଲିଂ ଜିସୁ ର ରୁଟି ଅଜି ଇସ୍‌ରତିଂ ଦନ୍‌ସବାଦ୍ ହିତାନ ଆରି ହେଦାଂ ତ୍ରିକ୍‌ତି ଚେଲାରିଂ ହିଜି ଇଚାନ, “ଇଦାଂ ନା ଗାଗାଡ଼୍ ।”

୨୭ ତା ପାଚେ ହେଝାନ୍ ଉଣି ବାହା ଅଜି ଇସ୍‌ରତିଂ ଜୁଝାର କିତାନ ଆରି ହେଦାଂ ଚେଲାରିଂ ହିଜି ଇଚାନ, “ଏପେଙ୍କ୍ ଝିଜାକାଦେର୍ ଇବେଣ୍ଡାଂ ଉଣାଟ୍ ।”

୨୮ “ଇଦାଂ ନା ନେଡେର୍ । ମାନାୟ୍‌ତିଂ ପାପ୍ କେମା କାଜିଂ ଆନ୍ ଇମ୍‌ଣି ନେଡେର୍ ଝାକ୍‌ତି ହିଦେଂ ହାନାକା, ଇମ୍‌ଣାକା ଇସ୍‌ତର୍ ପୁନି ନିୟମ୍ ରଚ୍ୟା ଆତାଡ଼ନ୍ନା ।

୨୯ ମାତର୍ ଆନ୍ ମିଙ୍କ୍ ଇଞ୍ଜନାକା, ଇମ୍‌ଣି ଦିନ୍ ଆନ୍ ନା ବାଝାତି ରାଜିତ ମି ହୁଦାଂ ପୁନି କିଜି ଅଲୁର୍ ପାଡ଼ନି ରାସ୍ ଉଣାକ୍, ହେ ଦିନ୍ ପାଡେକ୍ ନେଞ୍ଜତାଂ ଆନ୍ ଇଦାଂ ଇନାଝାଡ଼ାଂ ପା ଉଣୁଙ୍କ୍ ।”

୩୦ ଆରେ, ହେଝାର ଜୁଝାର କେରକଣ୍ କେରତି ପାଚେ ଜିଡ଼ମାଡ଼ିତ ହସି ହାଚାର ।

ପିତର୍‌ତି ପାତର୍ କିଝି ବିସ୍ତେ ଜିସୁ ଇଚାନ  
(ମାର୍କ ୧୪:୨୭-୩୧; ଲୁକ ୨୨:୩୧-୩୪; ଜହନ୍ ୧୩:୩୬-୩୮)

୩୧ ଇ ଝେଡାଲିଂ ଜିସୁ ହେଝାରିଂ ଇଚାନ, “ନେଞ୍ଜେଙ୍କ୍ ନାଣା ଏପେଙ୍କ୍ ଝିଜାକାଦେର୍ ନାଙ୍କ୍ ପିସ୍ତ୍ର ହାନାଦେର୍ । ଇନାକିଦେଂକି ସାସ୍‌ରୁତ ଲେକାତାଡ଼ନା, ଆସେଙ୍କ୍ ମେଣ୍ଡା ଗଡ଼ିୟାଙ୍କ୍ ଅସ୍‌ତିସ୍, ଆରେ ମାନ୍ଦା ନି ମେଣ୍ଡାଂ ଜେଡେକେଡେ ଆଜି ହାନିକ୍ ।”

୩୨ “ମାତର୍ ଆନ୍ ନିଙ୍କ୍‌ନି ପାଚେ ମି ଆଗେ ଗାଲିଲି ରାଜି ହାନାଂ ।”

୩୩ ପିତର୍ ଜିସୁଙ୍କ ଇଚାନ, “ବିନ୍ ଲଗୁ ଝିଜାକାର ନିଂ ପିସ୍ତ୍ର ହାଚିସ୍ ପା ଆନ୍ ମୁଡ଼କେ ପିସ୍ତ୍ର ହାଲୁଙ୍କ୍ ।”

☆ ୨୨:୩୨ ମାତ୍ରିକ ୨୮:୧୭.

୩୪ ଜିସୁ ପିତରଂ ଇଚାନ, “ଆନ୍ ହାତ୍‌ପା ଇଞ୍ଜନାକା, ନେଞ୍ଜେକ୍ ନାଣା କୁଦୁ କେଡ୍‌ନି ଆଗେ ଏନ୍‌ନାକ୍ ପୁନୁକ୍ ଇଞ୍ଜି ତିନିହର୍ ପାତ କିଦୁୟ୍ ।”

୩୫ ପିତର ଉତର ହିତାନ, “ନି ହୁକେ ହାଦେଂ ଲାଗ୍‌ଦିତିସ୍‌ପା ଆନ୍ ଇନାଞ୍ଜାଡ଼ାଂ ପା ଉଡ଼ା ଆଦୁକ୍ ।”  
ବିନ୍ ଚେଲାର୍ ପା ଝିଜାକାର୍ ହେ ଲାକେ ଇଚାର୍ ।

ଗେଡ୍‌ସିମନିତ ବାଡ୍‌ଦ ଜିସୁତି ପାର୍ତ୍ତାନା  
(ମାର୍କ ୧୪:୩୨-୪୨; ଲୁକ ୨୨:୩୯-୪୭)

୩୬ ତା ପାଚେ ଜିସୁ ଜାର୍ ଚେଲାର୍ ହୁକେ ଗେଡ୍‌ସିମନି ତରନି ର ବାହାତ ହେଞ୍ଜାରିଂ ଇଚାନ, “ଆନ୍ ହେବେ ହାଲ୍‌ଜି ପାର୍ତ୍ତାନା କିନି ପାଚେକ୍ ଏପେକ୍ ଇବେ କୁଚ୍‌ଚି ମାନାଟ୍ ।”

୩୭ ଆରେ, ଜିସୁ ପିତର ଆରି ଜେବ୍‌ଦି ରିକାର୍ ମେହିରିଂ ଅଚାନ । ହେ ଏଚେକାଡ୍‌ଦ ଜିସୁ ବେସି ଦୁକ୍ ବାଦାତ ବିପ୍ରି ଆଜି ମାଚାନ ।

୩୮ ଜିସୁ ହେଞ୍ଜାରିଂ ଇଚାନ, “ଦୁକ୍‌ତ ନା ଝାସ୍ତି ବିପ୍ରି ଆନାତା । ଇବେ ଏପେକ୍ ନା ଲାହାକ୍ କାଜିଂ ମାନାଟ୍ ।”

୩୯ ଜିସୁ ଅଲପ୍ ଦେହା ହାଲ୍‌ଜି ମେଦ୍‌ନିତ ମୁମ୍ କୁସି କିଜି ପାର୍ତ୍ତାନା କିଚାନ, “ବାଞ୍ଜା ! ଜଦି ଆଦେଂ ଆନାଡ୍, ଇ ଦୁକ୍‌ବଗନି ଉଣି ବାହା ନା ତାକ୍ ଦେହା ଅଞ୍ଜା, ମାତର ନା ଇଚା ଆକାୟ୍, ନି ଇଚା ପୁରା ଆଏଡ୍ ।”

୪୦ ତା ପାଚେ ହେଞ୍ଜାନ୍ ଚେଲାର୍ ଲାଗାକ୍ ଝାଜି ହୁଡ୍‌ତାନ, ହେଞ୍ଜାର୍ ହୁଞ୍ଜାଣ୍ଟା । ଜିସୁ ପିତରତିଂ ଇଚାନ, “ଏପେକ୍ ନା ହୁଦାଂ ରଗଣ୍ଟା କାଜିଂ ମାଞ୍ଜେକ୍ ଆଡୁଦେରା ?

୪୧ ପରିକ୍ପାତ ଇନେସ୍ ଆର୍‌ମାଟ୍, ହେଦାଂ କାଜିଂ ମାନ୍‌ଞ୍ଜି ପାର୍ତ୍ତାନା କିୟାଟ୍ । ଇନାକିଦେଂକି ମିଦାକ୍ ଜିଚୁନ୍ ଇଚା, ମାତର ଗାଗାଡ୍ ନାଦାର୍ ।”

୪୨ ଜିସୁ ଆରେ ରଗ ହାଲ୍‌ଜି ପାର୍ତ୍ତାନା କିଚାନ, ନା “ବାଞ୍ଜା ! ଜଦି ଦୁକ୍‌ବଗନି ଉଣି ବାହା ନାତାକ୍ ଗୁଚା ଆଦେଂ ଆଡୁୟ୍ ଆରି ନାକ୍ ହେଦାଂ ଉଣ୍ଟେକ୍ ନେ ଆନାଡ୍, ନି ଇଚା ପୁରା ଆୟେଡ୍ ।”

୪୩ ହେଞ୍ଜାନ୍ ଆରେ ରଗ ମାସ୍‌ଦି ଚେଲାରିଂ ହୁଞ୍ଜନାକା ହୁଡ୍‌ତାନ । ହେଞ୍ଜାର୍ କାଣ୍‌କୁ ଜେତେକ୍ ଆଡ୍‌ଞ୍ଜାଦାଂ ମାଚାର୍ ।

୪୪ ଜିସୁ ହେଞ୍ଜାରିଂ ପିସ୍ତି ଅଲପ୍ ଦେହା ହାଲ୍‌ଜି ତିନିହର୍ କାଜିଂ ହେ ଲାକେ ପାର୍ତ୍ତାନା କିଚାନ ।

୪୫ ତା ପାଚେ ଚେଲାର୍ ତାକେ ଝାଜି ଇଚାନ, “ଏପେକ୍ ଇ ପାଚେକ୍ ହୁଞ୍ଜିମାଞ୍ଜି ଜମ୍‌ନାଦେରା ? ହୁଡ଼ାଟ୍, ମାନାୟ୍ ମାଜି ପାପିର କେଇଦ ହେଲାୟ୍ ଆନି ସମ୍ପୁ ଝାତାଡ୍ ।

୪୬ ନିଂଗାଟ୍ ଆସେକ୍ ହାନାସ୍ । ଇଦି ହୁଡ଼ାଟ୍, ନାକ୍ ଆହିକିଦ୍‌ନି ମାନାୟ୍ ମାଜି ଏକାଞ୍ଜାତାନେ ।”

ଜିସୁ ଗାଚ୍ୟା ଆଚାନ

(ମାର୍କ ୧୪:୪୩-୫୦; ଲୁକ ୨୨:୪୭-୫୩; ଜହନ୍ ୧୮:୩-୧୨)

୪୭ ହେଞ୍ଜାନ୍ କାତା ଇନିଞ୍ଜାଡ଼ାଲିଂ, ହୁଡ଼ାଟ୍, ବାରଜାଣ୍ ବିତ୍ରେ ଜିହୁଦା ତରନି ରକାନ୍ ଆରି ହେ ଲାହାକ୍ ମୁଡ୍ ମାପୁହେବା କିନାକାର୍ ଆରି ମାନାୟାର୍‌ତି ବୁଡ଼ାଲୁର ତାକ୍ ପକ୍ପାତି ହେନି ଲକୁ କାଣ୍ଟା ଆରି ଚେକ୍‌କାକ୍ ଆସ୍ତି ଝାତାର୍ ।

୪୮ ଆରେ, ହେଞ୍ଜାନିଂ ସତ୍ତୁ କେଇଦ ହେଲାୟ୍ କିନାକାନ୍ ହେଞ୍ଜାରିଂ ଚଚ୍‌ଚି ଇଞ୍ଜି ମାଚାନ, “ଆନ୍ ଇନେରିଂ ତଞ୍ଜନାଂ, ହେଞ୍ଜାନିଂ ନେ ଏପେକ୍ ଇଚ୍‌କାଡ୍ କିନାଦେରା । ହେଞ୍ଜାନିଂ ଆହାଟ୍ ।”

୪୯ ଆରେ, ହେଦାପ୍ରେ ଜିସୁତି ଲାଗାଂ ହାଲ୍‌ଜି ଝାଜି, ଏ ଗୁରୁ ଜୁଞ୍ଜାର୍, ଇଦାଂ ଇଞ୍ଜି ହେଞ୍ଜାନିଂ ବେସି ତଞ୍ଜାନ ।

୫୦ ଜିସୁ ହେଞ୍ଜାନିଂ ଇଚାନ, “ବୟ୍, ଏନ୍ କାମାୟ୍ ବେଗି ଝିହା ।”

ଇଦାଂ ପାଚେ ହେଞ୍ଜାର୍ ଜିସୁକ୍ ଆସ୍ତାର୍ ଆରି ଗାଚ୍‌ଚି ଅଚାର୍ ।

୫୧ ଆରେ ହୁଡ଼ାଟ୍, ଜିସୁ ଲାହାକ୍ ମାନି ମାନାୟାର୍ ବିତ୍ରେ ରକାନ୍ କାଣ୍ଟା ଉନ୍‌ଦି ମୁଡ୍ ମାପୁହେବାକିନାକାନ୍ ଆଡ଼ିୟାତିଂ କାଡ୍‌ତାନ । ହେଞ୍ଜାକ୍ କିତୁଲ୍ ରାସ୍ତିଲେ ନାଡ଼ଜି ହାଚାଡ୍ ।

୫୨ ଜିସୁ ତାକ୍ ଇଚାନ, “ନି କାଣ୍ଟାତିଂ ହେ କାପୁତାକେ ଇଚା । ଇନେର୍ କାଣ୍ଟା ହପ୍‌ନାର୍, ହେଞ୍ଜାର୍ କାଣ୍ଟାତ ହାନାର୍ ।

୫୩ ଏପେକ୍ ଇନାକା ପୁନ୍‌ଞ୍ଜାତାଦେଣ୍ଟା, ଆନ୍ ନା ବାଞ୍ଜାକ୍ ଗଞ୍ଜାରି କିଦେକ୍ ଏକ୍ତିସ୍, ହେଞ୍ଜାନ୍ ନା କାଜିଂ ଦାପ୍ରେ ବାରଜାଣ୍ ଟଣ୍ଟାର୍ ବାଟା ଆଦିକ୍ ସାଗେ ଦୁଡ୍‌ଚିଂ ପକ୍ଳେତେଂ ଆଡ୍‌ନାନ୍ ?

୫୪ ମାତର ତା ଆଡିସ୍ ଇ ସବୁ ଗିଟାନାଡ୍ ଇଞ୍ଜି ସାସ୍ତରତ ଇନାକା ଲେକାମାନାଡ୍, ହେଦାଂ ପୁରା ଆନାଡ୍ ଇନେସ୍ ?”

୫୫ ହେଞ୍ଜେଡ଼ାଂ ଜିସୁ ମାନାୟାରିଂ ଇଚାନ, ଚକ୍‌ ବିରୁଦ୍‌ତ ହତି ଲାକେ କାଣ୍ଟା ଆରି ଚେକ୍‌କାକ୍ ତାସି ଏପେକ୍ ଇନାକା “ନାକ୍ ଆସ୍ତେକ୍ ଝାତାଦେର୍ ? ଆନ୍ ନିତ୍ରେ ମଦିରତ କୁଚ୍‌ଚି ହିକ୍ୟା ହିଜି ମାଚାକ୍, ମାତର ଏପେକ୍ ନାକ୍ ଆସ୍ତାଞ୍ଜାତାଦେର୍;

୫୬ ହେଞ୍ଜାନ୍ ଇନାକା ଆୟେଡ୍, ବେଣ୍‌ବାକ୍‌ଶାୟ୍‌କିନାକାର୍ ସାସ୍ତରତ ଇନାକା ଇନାକା ଲେକିକିତାଣ୍ଟା, ହେ ସବୁ ପୁରା ଆଦେଂ କାଜିଂ ଇଦାଂ ଗିଟାତାଡ୍‌ନା ।”

☆ ୨୨:୫୫ ଲୁକ ୧୯:୪୭; ୨୧:୩୭.

ଏତେକାଡ଼ ଦ ଚେଲାର ଝିଜାକାର ଜିସୁଙ୍ଗ ପସି ହଡ଼ାର ।

**ଜିହୁଦିତ ଗାଜା ବିଚାର୍ଣ୍ଣା**

(ମାର୍କ ୧୪:୫୩-୬୫; ଲୁକ ୨୨:୫୪-୫୫, ୬୩-୬୯; ଜହନ୍ ୧୮:୧୩-୧୪; ୧୯:୨୪)

୫୭ ଜିସୁଙ୍ଗ ଗାଡ଼ଚାକାର ହେଖାନିଂ ମୁଡ଼୍ ମାପୁହେବା କିନାକାନ କୟାପା ଇଞ୍ଜ ଅତାର । ହେବେ ଦରମ୍ ଗୁରୁ ଆରି ପ୍ରାଚିନାର ରୁଣ୍ଡା ଆଜି ମାଚାର ।

୫୮ ପିତର ଅଲପ୍ ଦେହା ମାନୁଞ୍ଜି ଜିସୁଙ୍ଗ ତେଇଁ ଡକ୍ଟି ହାଚାନ, ଆରେ ହେଖାନ ମୁଡ଼୍ ମାପୁହେବା କିନାକାନ ଇଞ୍ଜ ହାକଡ଼ି ପାତେକ୍ ହାଚାନ । ଇ ସବୁନି ଗଟନା ଇନାକା ଆନାଡ଼, ହୁଡ଼ଦେଂ କାଜିଂ ପିତର ହେବେ ହେବା କାରୟାର ହୁକେ କୁଚଚାନ ।

୫୯ ଝିସୁ ବିତ୍ରେ ମୁଡ଼୍ ମାପୁହେବା କିନାକାର ଆରି ଗାଜା ସବାନି ମେମରାର ଜିସୁଙ୍ଗ ହାକି ତାଣ୍ଡ ହିଦେଂ କାଜିଂ ହେ ବିରୁଦ୍ତ ମିର୍ ପାର୍ମାଣ୍ କିଦେଙ୍ଗ୍ ସେସୁ କିତାର ।

୬୦ ଝିଜାର ଲକୁ ଜିସୁ ବିରୁଦ୍ତ ମିର୍ କାତା ଇଚାର । ମାତର ହେ ଲାକେ ଇନାକାପା ପାର୍ମାଣ୍ ଗାଟାଞ୍ଜାତାର । ହାରିହାରା ରିକାର ନିଂତାର,

୬୧ “ହେଖାର ଇଚାର ଇଞ୍ଜାନ ଇଞ୍ଜି ମାଚାନ, ଆନ୍ ଇସ୍ପତ୍ ମନ୍ଦିରତିଂ ତ୍ରିକ୍ଟି ତିନି ଦିନ୍ ପାଚେ ହେଦେଲିଂ ଆରେ ରଚ୍ଚେଂ ଆଡ଼ନାଂ ।”

୬୨ ମୁଡ଼୍ ମାପୁହେବାକିନାକାନ ନିଙ୍ଗି ଜିସୁଙ୍ଗ ଝେନ୍ବାତାନ, “ଏନ୍ ଇନାକାପା ଉତର ହିଉୟା ? ନି ବିରୁଦ୍ତ ଇଞ୍ଜାର ଇ ସାକି ହିନାରା, ଇଦାଂ ଇନାକା ?”

୬୩ ମାତର ଜିସୁ ପୁକ୍ ମାଚାନ । ମୁଡ଼୍ ମାପୁହେବାକିନାକାନ ଇଚାନ, “ଜିବୁନିଂ ଇସ୍ପର ତରଦ ଆନ୍ ଜିସୁ ପାର୍ମାଣ୍ ହିଜି ଝେନ୍ବାଦନାଙ୍ଗା, ହାଡ଼ପା ଇନା, ଏନ୍ ଇନାକା ଇସ୍ପତ୍ ମାଜି କ୍ରିସ୍ଟ ଇଚିସ୍ ମସିୟା ?”

୬୪ ଜିସୁ ଉତର ହିତାନ, “ଏନ୍ ଇଚାୟନା । ମାତର ଆନ୍ ମିଙ୍ଗ୍ ଝିଜାରିଂ ଇଞ୍ଜନାଙ୍ଗା, ବେଗି ମାନାୟ୍ ମାଜି ସାଗେ ସାଲିକାଟାକାନ ଇସ୍ପର ବୁଜ୍ଣି ବାଗାଙ୍ଗ୍ କୁଚ୍ଚେଂ ହାନାନା, ଆରେ ତାଙ୍ଗ୍ ସାଗେତ ବାଦାଡ଼ ଲାହାଂ ଜୁଜି ଝାନାକା ଏପେଙ୍ଗ୍ ହୁଡ଼ନାଦେର ।”

୬୫ ହେବେଣ୍ଡାଂ ମୁଡ଼୍ ମାପୁହେବାକିନାକାନ ଜାର ହେୟା କେଚ୍ଚି ଇଚାନ, “ଇଞ୍ଜାନ ଇସ୍ପର ନିୟା କିତାନ, ସାକିତ ମାଦାଂ ଆରେ ଇନାକା ଲଡ଼ା ? ହୁଡ଼ାଟ୍ ଦାପ୍ରେ ଇଞ୍ଜାନ ଇସ୍ପର ନିୟା ତ ଏପେଙ୍ଗ୍ ଝେଚାଦେର ।

୬୬ ଇ ବିସ୍ତେ ମିଦାଙ୍ଗ୍ ମାନ୍ ଇନାକା ?”

ହେଖାର ଉତର ହିତାର, “ହେଖାନ ପାରାଣ୍ ତାଣ୍ଡ ପାୟାନି ବିଦି ।”

୬୭ ତା ପାଚେ ହେଖାର ଜିସୁଙ୍ଗ ମୁମ୍ଦ ଏଝିଡ଼ିଂ ରୁବ୍ଜି ତାଙ୍ଗ୍ ମୁଚ୍ଚକାକୁନ୍ତାର । କେତେକ୍ ଜାଣ୍ ତାଙ୍ଗ୍ ତାପଡ଼ା ଇଡ଼ଜି ଇଚାର,

୬୮ “ଏ କ୍ରିସ୍ଟ ଇଚିସ୍ ମସିୟା ! ଏନ୍ ବେଣ୍ଡାକଣାୟ୍ କିୟା । ଇନେର ନିଂ ଇଡ଼ଦାତାର, ଝେଚ୍ଚା ତ !”

**ପିତର ଜିସୁଙ୍ଗ ପାତ୍ କିଞ୍ଜାତାନ**

(ମାର୍କ ୧୪:୬୬-୭୨; ଲୁକ ୨୨:୫୬-୬୨; ଜହନ୍ ୧୮:୧୫-୧୮, ୨୫)

୬୯ ମୁଡ଼୍ ମାପୁହେବାକିନାକାନ ବାର୍ଡ ଅହଣାତ ପିତର ହାକଡ଼ିତ କୁଚ୍ଚି ମାନି ଝେଡ଼ାଲିଂ ରଞ୍ଜେଲ୍ ଆଡ଼ିଏଣି ଲାଗେ ଝାଜି ଇଚାଡ଼, “ଏନ୍ ପା ଗାଲିଲିୟ ଜିସୁ ଲାହାଙ୍ଗ୍ ମାଚାୟ ।”

୭୦ ମାତର ପିତର ଝିଜାକାର ମୁମ୍ଦ ଇ କାତା ମୁନାକିଜି ଇଚାନ, “ଏନ୍ ଇନାକା ଇନାୟା, ଆନ୍ ପୁନୁଙ୍ଗ୍ ।”

୭୧ ଇଦାଂ ଇଞ୍ଜି ହେଖାନ ହେ ଅହଣାନି ଦୁଝେର କଚଣତ ହାଚାନ । ଆରେ ରଞ୍ଜେଲ୍ ଚାକରଣି ତାଙ୍ଗ୍ ହୁଡ଼ଜି ହେବେ ମାନି ଲକାଂ ଇଚାଡ଼, “ଇଞ୍ଜାନ ନାଜରିତିୟ ଜିସୁ ଲାହାଙ୍ଗ୍ ମାଚାନ ।”

୭୨ ପିତର ଆରେ ରଗ ମୁନାକିଜି ଇଚାନ, “ପାର୍ମାଣ୍ କିଜି ଇନାଙ୍ଗା, ହେଖାନିଂ ଆନ୍ ପୁନୁଙ୍ଗ୍ ।”

୭୩ ଅଲପ୍ ସମୁ ପାଚେ ଲାଗେ ନିଲ୍ଚି ମାନି ମାନାୟାର ପିତରତି ଲାଗାଂ ଝାଜି ହେଖାନିଂ ଇଚାର, “ଏନ୍ ପା ହାଡ଼ପା ହେଖାର ବିତ୍ରେ ରକାୟ । ଇନେକିଦେଂକି ନି କାତାତାଂ ତ ପୁନ୍ୟାନାତା ।”

୭୪ ପିତର ଇଚାନ, “ପାର୍ମାଣ୍ କିଜି ଇନାଙ୍ଗା, ନା କାତା ହାଡ଼ପା । ଆଝିତିସ୍ ଇସ୍ପର ନାଙ୍ଗ୍ ତାଣ୍ଡ ହିଦେନ୍ ।

ହେ ମାନାୟତିଂ ଆନ୍ ପୁନୁଙ୍ଗ୍ । ଦାପ୍ରେ କୁଜୁ କ୍ଳେତାଡ଼ ।”

୭୫ ଆରେ ଜିସୁ ଇନାକା ଇଞ୍ଜି ମାଚାନ, ପିତର ମାତ୍ର ଏଡ଼ୁଞ୍ଜାତାଡ଼; “କୁଜୁ କେନି ଆଗେ ନାଙ୍ଗ୍ ପୁନ୍ଝାତାଂନା ଇଞ୍ଜି ଏନ୍ ତିନି ହର୍ କାତା ଇଞ୍ଜନାୟ ।” ହେଖାନ ବାର୍ଡ ହାଲ୍ଜି ବିପ୍ତି ଆଜି ଆଡ଼ବାତାନ ।

# ୨୭

## ପିଲାତ ମୁମ୍ବ ଜିସୁ

(ମାର୍କ ୧୫:୧; ଲୁକ ୨୩:୧-୨; ଜହନ୍ ୧୮:୨୮-୩୨)

୧ ଆର୍କାଡ଼ ନାଜିଂ ଉଚ୍ଚଲା ହାକାଡେ ପ୍ରାଚିନାର ଜିସୁଙ୍ଗ ଅସ୍ତେଙ୍ଗ ମୁଡ଼୍, ମାପୁହେବାକିନାକାର ଆରି ଦରମ୍ ଗୁରୁର୍ ତିର୍ କିତାର ।

୨ ଆରେ ହେଖାର ତାଙ୍ଗ ହାକଡ଼ିତ ଗାଚ୍ଚି ରମିୟ ସାସ୍ନି ମୁଡ଼୍, ନେତା ପିଲାତ ମୁଣିକା କେଇଦ ହେଲାୟ କିତାର ।

## ଜିହୁଦାତି ହାକି

(ପକ୍ୟାତାକା ୧:୧୮-୧୯)

୩ ହେ ଏଚେକାଡ଼୍ଦ ହେଖାନିଂ ସତୁ କେଇଦ ହେଲାୟ କିତି ଜିହୁଦା ଖେଚାନ ଜେ, ଜିସୁଙ୍ଗ ହାକି ତାଣ୍ଟ ବଲ୍ ଆତାଡ଼୍ନା, ହେଖାନ ମାନବାଦଲାୟ କିତାନ ଆରି ମୁଡ଼୍, ମାପୁହେବାକିନାକାର ଆରି ବୁଡ଼ାଲୁରିଂ ତିରିସଗଟା ରୁପା ଟାକାଂ ମାସ୍ଦି ହିଜି ଇଚାନ,

୪ “ରକାନ୍ତି ଦସ୍ ହିଲ୍ଡି ନେତେର୍ ହେଲାୟ କିଜି ପାପ କିତାଂନା ।”

ମାତର୍ ହେଖାର ଇଚାର୍, “ହେବେ ମାଦାଂ ଇନାକା ମାନାଡ଼୍ ? ଏନ୍ ହେଦାଂ ବୁଜାଆ ।”

୫ ଜିହୁଦା ହେଖାର ହିଡ଼ିତ ରୁପା ଟାକାଂ ମନ୍ଦିରତ ବିତ୍ରେ ତୁହିଜି ହାଚାନ । ପାଚେ ହେଖାନ ହାଲ୍ଜି ଗାଡେଲ୍ଡତ ଡରି ଗାଚ୍ୟାଜି ଉଚ୍ଚକା ଆଜି ହାଚାନ ।

୬ ମୁଡ଼୍, ମାପୁହେବାକିନାକାର ଟାକାଂ ରୁଣ୍ଡାୟ କିଜି ଇଚାର୍, ଇଦାଂ ନେତେର୍ନି ଦାମ୍ । “ଇଦାଂ ମନ୍ଦିରନି କଟିତ ଇଚ୍ଚି ବିଦି ହିଲୁଡ଼୍ ।”

୭ ହେ ଦାନଦିଂ ଇନେସ୍ କର୍ଚ କିଦେଙ୍ଗ୍ ଆଡ଼ନାର୍, ଇ ବିସ୍ତେ ତିର୍ କିଜି “କୁମ୍ବରାଂ ବୁମି ତର୍ନି ଇଚୁଟିଂ ଜମି କଡ଼୍ତାର୍ । ଇଦାଂ ବିଦେସ୍ତିର୍ ବୁଗେର୍ ବାହା ଲାକେ ଚିନ୍ତା ଆତାଡ଼୍ ।”

୮ ନଙ୍ଗ୍ ପାଚେକ୍ “ହେ ବୁମିତିଂ ନେତେର୍ ବୁମି” ଇଞ୍ଜି ଇନାରା ।

୯ ଇ ଲାକେ ବେଶ୍‌ବାକ୍‌ଶାୟକିନାକାନ ଜିରିମିୟ ଇଞ୍ଜି ମାଚାନ, ଇମ୍‌ଶାକା “ତିରିସ୍ ରୁପା ଟାକାଂ ବେପାର୍ କିଦେଙ୍ଗ୍ ଇସ୍ତାଏଲ୍ କାଡ଼ଦେର୍ ସମାନ କିଜି ମାଚାର୍ ହେଦାଂ ଅଚାର୍ ।

୧୦ କଡ଼େଦସ୍ ଗଟା ଟାକାଂତାଂ ହେଖାର କୁମ୍ବରାଂ ବୁମି କଡ଼୍ତାର୍, ହେଖାର ହେ କୁମ୍ବରେନ୍ ତାବୁଙ୍ଗ୍‌ତାଂ କଡ଼୍ଜି ଅଚାର୍ ଇଦାଂ କିନି କାଜିଂ ନାଙ୍ଗେଙ୍ଗ୍ ମାପୁ ବଲ୍ ହିଜି ମାନଚାନ ।”

## ପିଲାତ ଜିସୁଙ୍ଗ ପର୍ସନ୍ କିତାନ

(ମାର୍କ ୧୫:୨-୫; ଲୁକ ୨୩:୩-୫; ଜହନ୍ ୧୮:୩୩-୩୮)

୧୧ ଜିସୁଙ୍ଗ ମୁମ୍ବ ହୁଡ଼ି ରମିୟ ରାଜି ପାଲି କିନି ପିଲାତ ଖେନ୍‌ବାତାନ; “ଏନ୍ ଇନାକା ଜିହୁଦିର୍ ରାଜା ?”

ଜିସୁ ତାଙ୍ଗ୍ ଉତର୍ ହିଚାନ, ଆଁ “ଏନ୍ ହେଦାଂ ଇଚାୟନା ।”

୧୨ ଆରେ, ମୁଡ଼୍, ମାପୁହେବାକିନାକାର ଆରି ପ୍ରାଚିନାର୍ ତା ବିରୁଦ୍ଧତ ତାଜିମାଟି ଦାବାତ ଉତର୍ ହେଖାନ ଇନାକା ଇନ୍‌ଖାତାନ ।

୧୩ ଲାଗିଂ ପିଲାତ ତାଙ୍ଗ୍ ଇଚାନ, “ନି ବିରୁଦ୍ଧତ ହେଖାର୍‌ତି ଦାବା ଖିଜୁ ଏନ୍ ଇନାକା ଖେଞ୍ଜେଙ୍ଗ୍ ଆଡୁୟା ?”

୧୪ ମାତର୍ ଜିସୁ ତାଙ୍ଗ୍ ର କାତାନି ପାଦେକ୍ ପା ଉତର୍ ହିଖାତାନ, ହେବେ ସାସନ୍‌କାରିୟା ବେସି କାବା ଆଚାନ ।

## ଜିସୁଙ୍ଗ୍ ହାକି ତାଣ୍ଟ ଆତାଡ଼୍

(ମାର୍କ ୧୫:୬-୧୫; ଲୁକ ୨୩:୧୩-୨୫; ଜହନ୍ ୧୮:୩୯-୧୯:୧୭)

୧୫ ନିସ୍ତାର୍ ପାର୍ବୁ ଖେଡ଼ାଲିଂ ମାନାୟାର୍‌ତି ଇଚା ହୁକେ ରମିୟ ରାଜ୍ କିନାକାନ ଜେ ରଖାନିଂ ବନ୍ଦି ମାନାକାନିଂ କୁଲ୍ୟାସ୍ କିନି ନିତି ମାଚାଡ଼୍ ।

୧୬ ହେପାଦନା ଜିସୁ ହେଖାର ବାରବା ତର୍ନି ରଖାନ୍ ତାକ୍‌ପୁଟା ବନ୍ଦି ମାଚାନ ।

୧୭ ରୁଣ୍ଡାତି ମାନାୟାରିଂ ପିଲାତ ଖେନ୍‌ବାତାନ, “ଆନ୍ ଇନେରିଂ କୁଲ୍ୟାସ୍ କିନାଂ ଇଞ୍ଜି ମି ଇଚା ?” ବାରବାଙ୍ଗ୍ କି ଜିସୁ ଇନେରିଂ କ୍ରିସ୍ଟ ଇନାର୍ ।

୧୮ ପିଲାତ ହାର୍ କିଜି ପୁଞ୍ଜି ମାଚାନ ଜେ ଜିହୁଦିର୍ ଆକାର୍ ଆଜି ଜିସୁଙ୍ଗ୍ ହେଖାନ କେଇଦ ହେଲାୟ କିତାଣ୍ଟା ।

୧୯ ପିଲାତ ବିଚାର୍ ବାହାତ କୁଚ୍‌ଚିମାଟି ଖେଡ଼ାଲିଂ ତା ଡକ୍‌ହି ର କାବୁର୍ ପଲ୍ଲାଡ଼୍, “ହେ ଦାମ୍ ମାନାୟାତିଂ ଇନାକା ପା କିମା । ଖିଗା ନାଶାଲିଂ ର କେଚ୍‌କଣ୍ଡତ ତା କାଜିଂ ଆନ୍ ବେସି ଦୁକ୍ ପାୟା ଆତାଙ୍ଗ୍‌ନା ।”

୨୦ ମାତର୍ ମୁଡ଼୍, ମାପୁହେବାକିନାକାର ଆରି ବୁଡ଼ାଲୁର୍ ବାରବାଙ୍ଗ୍ ଏଡେଙ୍ଗ୍ କାଜିଂ ଆରି ଜିସୁଙ୍ଗ୍ ହାକି ତାଣ୍ଟ ହିଦେଂ କାଜିଂ ଲକୁରିଂ ବୁଜାୟକିତାର ।

୨୧ ପିଲାତ ଆରେ ରଗ ମାନାୟାର୍ ଖେନ୍‌ବାତାନ୍, “ଇ ରିକାର୍ ବିତ୍ରେ ଆନ୍ ଇନେରିଂ କୁଲ୍ୟାସ୍ କିନାଂ ଇଞ୍ଜି ମି ଇଚା ହେଞ୍ଜାର୍ ଉତର୍ ହିତାର୍,”  
“ବାରବାଙ୍ଗ୍ ।”

୨୨ ପିଲାତ ହେଞ୍ଜାରିଂ ଖେନ୍‌ବାତାନ୍, “ତେବେ ଇନେରିଂ କ୍ରିଷ୍ଟ ଇନାର୍, ହେ ଜିସୁ କାଜିଂ ଇନାକା କିନାଂ ?”  
“ତାଙ୍ଗେଙ୍ଗ୍ କୁସ୍ତ ଦୁପାର୍” ଇଞ୍ଜି ହେଞ୍ଜାର୍ କିର କିତାର୍ ।

୨୩ ପିଲାତ ଖେନ୍‌ବାତାନ୍, “ମାତର୍ ହେଞ୍ଜାନ୍ ଇନା ଦସ୍ କିତାନ୍‌ନା ?”

ହେଞ୍ଜାର୍ ଆରେ କିର କିଜି ଇଞ୍ଜେଙ୍ଗ୍ ଲାଗାତାର୍, “ତାଙ୍ଗେଙ୍ଗ୍ କୁସ୍ତ ଦୁପାର୍ ।”

୨୪ ଲାଗିଂ ପିଲାତ ଏଚେକାଡ୍‌ଦ ହୁଡ୍‌ତାନ୍ ଜେ, ହେଞ୍ଜାନ୍ ଇନାକା କିଦେଙ୍ଗ୍ ଆଡୁନା, ଆଞ୍ଜିତିସ୍ ଆରେ ଗଣ୍ଡଗଲ୍ ଆନାତା, ହେ ଏଚେକାଡ୍‌ଦ ହେଞ୍ଜାନ୍ ଏଙ୍ଗୁଂ ଅଜି ଲକ୍ତୁର ମୁମ୍‌ଦ କେଇ ନୁଜ୍‌ଜି ଇଚାନ୍, “ଇ ନେତେରତ୍ ଆନ୍ ଦସି ଆକାୟ୍, ଏପେଙ୍ଗ୍ ହେଦାଂ ବୁଜାଡୁ ।”

୨୫ ଇବେ ଖିଜାର୍ ଉତର୍ ହିତାର୍, “ଜିସୁତି ନେତେର ମାଙ୍ଗେଙ୍ଗ୍ ଆରି ମା ହିମ୍‌ଣାଙ୍ଗ୍ ଜପି ଆରେଡ୍ ।”

୨୬ ହାରିହାରା ପିଲାତ ବାରବାଙ୍ଗ୍ ମୁକ୍‌ଡାୟ୍ କିଜି ଜିସୁଙ୍ଗ୍ କର୍ତା ଇଡି କିଦେଙ୍ଗ୍ ବଲ୍ ହିତାନ୍, ତା ପାଚେ କୁସ୍ ହାକି କିଦେଙ୍ଗ୍ ମେଲ୍ୟାର୍ କେଇଦ ପିସ୍ତ୍ର ହିତାନ୍ ।

**ମେଲ୍ୟାର୍ ଜିସୁଙ୍ଗ୍ ଗୁଇତାର୍**

(ମାର୍କ ୧୫:୧୭-୨୦; ଜହନ୍ ୧୯:୨-୩)

୨୭ ଇଦାଂ ପାଚେ ସାସନ୍‌କିନାକାନିଂ ମେଲ୍ୟାର୍ ଜିସୁଙ୍ଗ୍ କୁଞ୍ଜାଡ୍ ବିତ୍ରେ ଅଜି ହାଲ୍‌ଜି ସବୁ ମେଲ୍ୟାରିଂ ହେଞ୍ଜାନ୍ତି ଲାଗେ ରୁଣ୍ଡାୟ୍ କିତାର୍ ।

୨୮ ଆରେ, ହେଞ୍ଜାର୍ ଜିସୁତି ଆଜି ଉନ୍‌ଦି ଅଜି ହେଞ୍ଜାନିଂ କାହ୍‌ରାତି କାଲାର୍ ବାନି ଆଜି ଉସ୍ତି କିତାର୍,

୨୯ ଆରେ ଖାଡି ମୁକ୍‌ର୍ ରର୍ଚି ହେଞ୍ଜାନ୍ତି କାପ୍‌ଡାତ ତୁଜି କିତାର୍ ଆରି ହେଞ୍ଜାନ୍ତି ବୁଜ୍‌ଣି କେଇଦ ର ନାଡା ହିତାର୍, ଆରେ ହେଞ୍ଜାନ୍ତି ମୁମ୍‌ଦ ମେଣ୍ଡାଂ କୁଦିକିଜି ଇଚାର୍, “ଏ ଜିହୁଦିତ୍ ରାଜା ଜଞ୍ଜାର୍, ଇଦାଂ ଇଞ୍ଜି ହେଞ୍ଜାନିଂ ଗୁଇତାର୍ ।”

୩୦ ଆରେ, ହେଞ୍ଜାର୍ “ହେଞ୍ଜାନ୍ ଜପି ଏଞ୍ଜିଡିଂ ତୁପ୍‌ତାର୍ ଆରି ହେ ନାଡା ଅଜି ହେଞ୍ଜାନ୍ତି କାପ୍‌ଡାତ ଚାପ୍‌ଡା ଇଡ୍‌ଦେଂ ଲାଗାତାର୍ ।”

୩୧ ଆରେ, ହେଞ୍ଜାର୍ ହେଞ୍ଜାନିଂ ଗୁଇତି ପାଚେ ରାଜାର୍ ଆଜି ଉନ୍‌ଦି ଅଜି ହେଞ୍ଜାନ୍ତି ନିଜାତ୍ ହେନ୍ଦା ଉସ୍ତି କିତାର୍ ଆରି ତାଙ୍ଗେଙ୍ଗ୍ କୁସ୍ତ ଦୁପ୍‌ତେଂ ଅଜି ହାଚାର୍ ।

**ଜିସୁ କୁସ୍ତ ଦୁପ୍‌ତାର୍**

(ମାର୍କ ୧୫:୨୧-୩୨; ଲୁକ ୨୩:୨୭-୪୩; ଜହନ୍ ୧୯:୧୭-୨୭)

୩୨ ହେଞ୍ଜାର୍ ହନି ଖେଡାଲିଂ ସିମନ୍ ତର୍‌ଦି ରକାନ୍ କୁରିଣିୟ୍ ବସ୍ତ୍ରିନିକାନ୍ ମାନାୟ୍‌ତିଂ ହୁଡ୍‌ଜି ମେଲ୍ୟାର୍ ଜିସୁତି କୁସ୍ ପିଣ୍ଡଦେଂ କାଜିଂ ଚାଚାୟ୍ କିତାର୍ ।

୩୩ ଆରେ, ହେଞ୍ଜାର୍ ଗଲ୍‌ଗତା ଇନି ତର୍ ବାହାତ, ଇତିସ୍, “ଇନେରିଂ ନିନ୍‌ୟାଣ୍ ବାତ୍ ବାହା ଇଞ୍ଜି ଇନାର୍,” ହେବେ ଏକିସ୍,

୩୪ ହେଞ୍ଜାନିଂ କେନିମେହାତି ଅଙ୍ଗୁର୍ ରାସ୍ ଉଣ୍ଡେଙ୍ଗ୍ ହିତାର୍, ମତର୍ ହେଞ୍ଜାନ୍ ହେଦାଂ ଖେଣ୍ଡି ଉଣ୍ଡେଙ୍ଗ୍ ମାନ୍ କିଞ୍ଜାତାନ୍ ।

୩୫ ପାଚେ ହେଞ୍ଜାର୍ ହେଞ୍ଜାନିଂ କୁସ୍ତ ଦୁପ୍‌ତି ହେଞ୍ଜାନ୍ତି ହେନ୍ଦାଙ୍ଗ୍ ସବୁ ଦରମ୍‌ଗୁଲି ହୁକେ ଜାର୍ ଜାର୍ ବିତ୍ରେ ବାଟା କିଜି ଅତାର୍,

୩୬ ଆରେ ହେବେ କୁର୍ଚି ଜିସୁଙ୍ଗ୍ କାସି ମାଚାର୍ ।

୩୭ ଆରେ, ହେଞ୍ଜାର୍ ହେଞ୍ଜାନ୍ତି କାପ୍‌ଡାନି ଜପି ଇ ଦାବା ଆକି ଲେକିକିଜି ତାର୍‌ଚାର୍, “ଇଞ୍ଜାନ୍ ଆନାନା ଜିହୁଦିତ୍ ରାଜା ଜିସୁ ।”

୩୮ ହେ ଏଚେଞ୍ଜାଡାଂ ହେଞ୍ଜାନ୍ତି ବୁଜ୍‌ଣି ବାଗାଙ୍ଗ୍ ରକାନ୍ ଆରି ତେବ୍ରି ବାଗାଙ୍ଗ୍ ରକାନିଂ, ଏପେଙ୍ଗ୍ ରିକାର୍ ଚର୍କୁକାଂ ତା ହୁକେ କୁସ୍ତ ଦୁପ୍‌ପାତାର୍ ।

୩୯ ଆରେ, ହେ ହାଜି ହିଜି ହାଲ୍‌ଜିମାନି ମାନାୟାର୍ ଜାର୍ ଜାର୍ କାପ୍‌ଡା ତୁକ୍‌ଚି ହେଞ୍ଜାନିଂ ନିନ୍‌ୟା କିଜି ଇଞ୍ଜେଙ୍ଗ୍ ଲାଗାତାର୍,  
୪୦ ☆“ଡେ ମନ୍ଦିର୍ ତ୍ରିକ୍‌ନିଲଗୁ ଆରି ତିନି ଦିନତାଂ ହେଦାଂ ରର୍‌ନିଲଗୁ, ଏନ୍ ଏଚେକାଡ୍‌ଦ ଇସ୍ତାଂ ମାଜି, ତେବେ ଜାର୍‌ତିଂ ରାକ୍ୟା କିଜି କୁସ୍‌ତାଂ ଜୁଜି ଖା ।”

୪୧ ମୁଡ୍ ମାପୁହେବାକିନାକାର୍ ପା ହେ ଲାକେ ଦରମ୍ ଗୁରୁର୍ ଆରି ବୁଡାଲୁର୍ ହୁକେ ନିନ୍‌ୟା କିଦେଙ୍ଗ୍ ଲାଗାତାର୍,

୪୨ “ହେଞ୍ଜାନ୍ ବିନଲଗାଂ ରାକ୍ୟା କିତାନ୍, ଜାର୍‌ତିଂ ରାକ୍ୟା କିଦେଙ୍ଗ୍ ଆଡୁନା । ହେଞ୍ଜାନ୍ ହିନା ଇସ୍ତାଏଲ୍‌ନି ରାଜା, ହେଞ୍ଜାନ୍ ଇ ଦାପ୍ରେ କୁସ୍‌ତାଂ ଜୁଜି ଖାୟେନ୍, ତେବେ ଆସେଙ୍ଗ୍ ହେଞ୍ଜାନ୍ ତାକେ ପାତ୍ କିନାସ୍ ।

☆ ୨୨:୪୦ ମାତ୍ରିକ ୨୨:୨୧; ଜହନ୍ ୨:୧୯.

୪୩ ହେୱାନ ଜାରତିଂ ଇସ୍ୱତଂ ମାଜି ଇଞ୍ଜି ଇସ୍ୱର ଜପି ବାସଂ କିନାନ, ତା ଆତିସ୍ ହୁଡ଼ନାସ୍, ଇସ୍ୱର ହେୱାନିଂ ନଞ୍ଜ ରାକ୍ୟା କିଦେଞ୍ଜ ଇଚା କିନାନ କି ଆକାୟ୍ ।

୪୪ ଆରେ, ଇମ୍ବି ଚର୍ଜୁର ହେୱାନ୍ତି ହୁକେ କୁସ୍ତ ଦୁପ୍ୟା ଆଜି ମାଚାର୍, ହେୱାର୍ ପା ହେୱାନିଂ ହେ ଲାକେ ନିନ୍ଦା କିଦେଞ୍ଜ ଲାଗାତାର୍ ।”

**ଜିସୁତି ହାକି**

(ମାର୍କ ୧୫:୩୩-୪୧; ଲୁକ ୨୩:୪୪-୪୯; ଜହନ୍ ୧୯:୨୮-୩୦)

୪୫ ହେ ଦିନ୍ ମୁଣ୍ଡାମେଦାନ୍ ସମୁତ ବାର ଗଣ୍ଡା ତାଞ୍ଜ ତିନି ଗଣ୍ଡା ପାତେକ୍ ଦେସ୍ ଜାକ୍ ମାଜଗା ଆତାଡ଼,

୪୬ ମୁକାହାରେସ୍ ତିନି ଗଣ୍ଡା ଝେଡ଼ାଲିଂ ଜିସୁ ଗାଜା କାଚ୍ତାଂ ଇଚାନ୍, “ଏଲି, ଏଲି, ଲାମା ସବକ୍ତାନି ।” ଇତିସ୍ “ଏ ଇସ୍ୱର, ଏ ଇସ୍ୱର, ନାଞେଞ୍ଜ ଇନେକିଦେଂ ପିସ୍ତାତାୟ୍ ?”

୪୭ ଲାଗେ ନିଲ୍ଚିମାନି କେତେକ୍ ଜାଣ୍ ଇଦାଂ ଝେନ୍ଞି ଇଚାର୍, “ହେୱାନ୍ ଏଲିୟତିଂ କୁକ୍ନାନା ।”

୪୮ ହେ ଦାପ୍ତେ ହେୱାର୍ ବିତ୍ତେ ରକାନ୍ ମାନାୟ୍ ହୁଞ୍ଚି ହାଲ୍ଲଜି କେନିମେହା ଅଞ୍ଜୁର୍ ରାସ୍ତ ର ରୁଆ କୁକ୍ଚି ହେ ନାଡ଼ା ଚିପ୍ତ ଗାଚ୍ଚି ଉଣ୍ଡେଞ୍ଜ ଜିସୁ ନିପ ଲାମାୟ୍ କିତାନ୍ ।

୪୯ ମାତର୍ ଆଦେକ୍ ମାନାୟାର୍ ଇଚାର୍, “ମାନାଚ୍, ଏଲିୟ ଇୱାନିଂ ରାକ୍ୟା କିଦେଞ୍ଜ ଝାନାନା କି ଆକାୟ୍, ହୁଡ଼ନାସ୍ ।”

୫୦ ଜିସୁ ଆରେ ରଗ ଗାଜା କାଚ୍ତାଂ ହିରବାତାନ୍, ଆରେ ରଗ କିକିରାତିଂ ହିରବିସ୍ ଜିବୁନ୍ ପିସ୍ତାନ୍ ।

୫୧ ହେଝେଡ଼ାଲିଂ ମନ୍ଦିରତ ଜଲାଆନି ହେନ୍ଦା ଜପିତାଂ ତାରେନ୍ ପାତେକ୍ ରି ପାଡ଼ା ଆଜି କେନ୍ଚାଡ଼ । ମେଦ୍ନି ଦାଲ୍ଲକାତାଡ଼, ଚେଚ୍ଚରାଂ ପାକାଆତିକ୍ ।

୫୨ ଆରି ଦୁଗେର୍ ଜେୟା ଆଜି କେତେକ୍ ସାଦୁରତି ଗାଗାଡ଼ ଆରେରଗ ନିଞ୍ଚାଡ଼ ।

୫୩ ଇୱାର୍ ଦୁଗେର୍ତାଂ ନିଞ୍ଜି ଝାତାର୍ ଆରି ଜିସୁତି ଆରେ ନିନାକା ପାଚେ ହେୱାର୍ ପୁଞ୍ଜପୁୟା ଗାଡ଼ ଜିରୁସାଲମ୍ତ ହାନାକାର୍ ଆଦେକ୍ ହୁଡ଼ତାର୍ ।

୫୪ ଜିସୁଞ୍ଜ କାସି ମାନି ମୁଡ଼ମେଲ୍ୟା ଆରି ମେଲ୍ୟାର୍ ମେଦ୍ନି ଦାଲ୍ଲକାନାକା ଆରି ବିନ୍ବିନ୍ନି ଗିଚାନାକା ହୁଡ଼ଜି ପାଣ୍ଡାତାର୍ । ହେୱାର୍ ଇଚାର୍, “ଇଝେନ୍ ହାଡ଼ପାନେ ଇସ୍ୱର ମାଜି ମାଚାନ୍ ।”

୫୫ ଗାଲିଲିତାଂ ଜିସୁଞ୍ଜ ତେକ୍ଚି ଝାଜି, ତାଞେଞ୍ଜ ହେବା କିଜି ମାନି ହେନି କଗ୍ଲେକ୍ ଦେହା ମାନ୍ଞି ଇ ଝିଜୁ ହୁଡ଼ଜି ମାଚିକ୍ ।

୫୬ ଇଝେକ୍ ବିତ୍ତେ ମାଚିକ୍ ମଗ୍ଦଲିନି ମରିୟମ୍, ଜାକୁବ୍ ଆରି ଜସେପ୍ତି ତେହି ମରିୟମ୍ ଆରି ଜେବ୍ଦିତି ଡକ୍ତି ।

**ଜିସୁଞ୍ଜ ମୁଚ୍ଚାଚ୍**

(ମାର୍କ ୧୫:୪୨-୪୬; ଲୁକ ୨୩:୫୦-୫୬; ଜହନ୍ ୧୯:୩୮-୪୨)

୫୭ ମିଡ଼କାହାରେସ୍ ହାରାମାତିୟାନି ବସ୍ତ୍ରିନି ଜସେପ୍ ଇନି ରକାନ୍ ମାଜାନ୍ ଲଗୁ ଝାଜି ଏକାଝାତାନ୍ । ହେୱାନ୍ ଜିସୁତି ଚେଲା ଆଜି ମାଚାନ୍ ।

୫୮ ହେୱାନ୍ ପିଲାତଂ ବେଟା ଆଜି ଜିସୁତି ହାତି ଗାଗାଡ଼ତିଂ ଅଦେଂ କାଜିଂ ଲଝାଡ଼ ଏନ୍ତାନ୍ ଲାଗିଂ ପିଲାତ ଜିସୁତି ହାତି ଗାଗାଡ଼ ହିଦେଂ ।

୫୯ ପିଲାତ ଲଝାଡ଼ ହିତିଲେ ଜସେପ୍ ଜିସୁତି ଗାଗାଡ଼ତିଂ ଅଜି ହାଲ୍ଲଜି ର ସକଟ୍ କଝାଣ ହେନ୍ଦା କାଦ୍ୟାତ ହୁର୍ପାତାନ୍ ଆରି

୬୦ ତା ଜାର୍ କାଜିଂ କାଲ୍ଦ କାଚ୍ ମାଚି ର ପୁନି ଦୁଗେର୍ତ ହେୱାନିଂ ଇଡ଼ତାର୍ ଆରି ଦୁଗେର୍ ଦୁଝେର୍ ର ଗାଜା କାଲ୍ ପାଡ଼କ୍ଚି ହାଚାର୍ ।

୬୧ ମଗ୍ଦଲିନି ମରିୟମ୍ ଆରି ବିନ୍ ମରିୟମ୍ ହେବେ ଦୁଗେର୍ତ ମୁମ୍ କିଜି କୁଚ୍ଚି ମାଚିକ୍ ।

**ଦୁଗେର୍ଚି ଜାଗ୍ଝାଡ଼ାର୍**

୬୨ ହେ ଆକାଡ଼ ନାଜିଂ ଇତିସ୍ ଜମ୍ନି ନାଜିଂ ମୁଡ଼ ମାପୁହେବାକିନାକାର୍ ଆରି ପାରୁସିର୍ ପିଲାତଂ ଲାଗେ ବେଟାଆଜି ଇଚାର୍,

୬୩ “ମାପୁ ମାଦାଂ ଏଡୁ ମାନାଡ଼, ହେ ମିଚ୍ଝା ଜିଜି ମାନିହିଂ ଇଞ୍ଜି ମାଚାନ୍ ‘ତିନି ଦିନ୍ ପାଚେ ଆନ୍ ଆରେ ନିଞ୍ଜନାଞ୍ ।”

୬୪ ଲାଗିଂ ତିନି ଦିନ୍ ପାତେକ୍ ହେ ଦୁଗେର୍ କାଜିଂ ମାଞେଞ୍ଜ ଜାଗ୍ଝାଡ଼ାରିଂ ବାଚିକିଜି ବଲ୍ଲ ହିଆ, ଆଝିତିସ୍ ତା ଚେଲାର୍ ତା ଗାଗାଡ଼ତିଂ ଚରି କିଜି ଅଜି, ହେୱାନ୍ ଜିଜି ନିଞ୍ଚାନ୍ନା ଇଞ୍ଜି ଇଞେଞ୍ଜ ଆଡୁର୍ । ହେୱାର୍ତି ଇ ମିଚ୍ କାତା ଆଗେତାଂ ଆଦିକ୍ ସବୁତାଂ ବାନ୍ୟା ଆନାଡ଼ ।”

୬୫ ପିଲାତ ଉତର୍ ହିତାନ୍, “ର କୁଦା ଜାଗ୍ଝାଡ଼ାରିଂ ଅହାଚ୍ ଆରି ହେ ଦୁଗେର୍ତିଂ ଇନେସ୍ କିଜି ପା ହାର୍ ଇଚ୍ଚନାଦେର୍ ।”

☆ ୨୭:୫୫ ଲୁକ ୮:୨୩. ☆ ୨୭:୬୩ ମାତ୍ରିକ ୧୭:୨୧; ୧୭:୨୩; ୨୦:୧୯; ମାର୍କ ୮:୩୧; ୯:୩୧; ୧୦:୩୩,୩୪; ଲୁକ ୯:୨୨; ୧୮:୩୧-୩୩.

୨୬ ହେୱାର ହାଲୁକି ଦୁଗେରତିଂ ଜାଗ୍ରତ୍ କିଦେଈ ଇଞ୍ଜି ଜାଲ୍ଦି କିତାର୍ । ହେ ମୁମ୍ଦିଂ ଗେସ୍ତି ଇଡ଼୍ଜି ମାତି କାଲ୍ ଜପି ଚିନ୍ ଇଡ଼୍ଜି କାନି କାଜିଂ ଜାଗ୍‌ଝାଡ଼ାରିଂ ଇଡ଼୍ତାର୍ ।

# ୨୮

ଜିସୁ ଆରେ ନିଂନାକା

(ମାର୍କ ୧୬:୧-୧୦; ଲୁକ ୨୪:୧-୧୨; ଜହନ୍ ୨୦:୧-୧୦)

୧ ଜମ୍‌ନିବାର୍ ଝିସ୍ତି ପାଚେ ସାଡ଼ଦିନ୍‌ନି ପରତୁମ୍ ନାଜିଂ ଉର୍ଲା ହାକାଡ଼େ ମଗ୍‌ଦଲିନି ମରିୟମ୍ ଆରି ବିନ୍ ମରିୟମ୍ ଦୁଗେର୍ ହୁଡ଼ଦେଂ ହାଚିକ୍ ।

୨ ହେ ସମୁତ୍ ବେସି ମେଦ୍‌ନିଦାଲ୍‌କାତାଡ଼, ଇନାକିଦେଂକି ମାପୁତି ରଝାନ୍ ଦୁଡ଼ ସାଗେତାଂ ଜୁଜି ଝାଜି ହେ ଦୁଗେର୍ ରଚ୍‌ତିମାତି କାଲ୍ ଗୁଡ଼ତି ତା ଜପି କୁଡ଼ଚାନ୍ ।

୩ ହେଝାଡ଼ି ମୁମ୍ ବିଜଲି ଲାକେ ଅଜଡ଼ ମାଚାଡ଼ ଆରି ହେଝାଡ଼ି ହେନ୍ଦା ଆଞ୍ଜଗା ଲାକେ ଡିନ୍‌ଜି ମାଚାଡ଼ ।

୪ ଆରେ ଦୁଡ଼ତିଂ ହୁଡ଼ଜି ଜାଗ୍‌ଝାଡ଼ାର୍ ପାଣ୍ଡୁତିଂ ତ୍ରିଗ୍‌ତାର୍ ଆରି ହାତି ଲାକେ ଆତାର୍ ।

୫ ସାଗେ ଦୁଡ଼ ହେ କଗ୍‌ଲେକାଂ ଇଚାନ୍, “ପାଣ୍ଡାମାଟ୍ ।” ଆନ୍ ପୁନାଙ୍, ଏପେଙ୍ କୁସ୍‌ତ ହାତି ଜିସୁଙ୍ ହୁଡ଼ଦେଂ ଝାତାଦେଣ୍ ।

୬ ହେଝାନ୍ ଇବେ ହିଲୁନ୍ । ହେଝାନ୍ ଇନେସ୍ ଇଞ୍ଜି ମାଚାନ୍, ହେ ଲାକେ ନିଂତାନ୍ନା । ଝାଡ଼, ତା ହାତି ମାଡ଼ା ଇମେତାକେ ଇଡ଼୍ଜି ମାଚାର୍, ହେ ବାହା ହୁଡ଼ାଟ୍ ।

୭ “ବେଗି ହାଲୁକି ତା ଚେଲାହିରିଂ ଝେଚାଟ୍, ‘ହେଝାନ୍ ଆରେ ନିଙ୍ଗ୍‌ତାନ୍ନା ଆରି ମି ଆଗେ ହେଝାନ୍ ଗାଲିଲିତ ହାଚାନ୍‌ନା । ହେବେ ଏପେଙ୍ ତାଙ୍ ହୁଡ଼ନାଦେର୍ ।’ ଆନ୍ ଇନାକା ଇଞ୍ଜାଙ୍ ହେଦାଂ ମାନ୍ତ ଇଚାଟ୍ ।”

୮ ଇଦାଂ ଝେନ୍‌ଞ୍ଜି ହେଝେକ୍ ବେଗି ଦୁଗେର୍ ପିସ୍ତି ଚେଲାର୍ ତାକେ କାବୁର୍ ହିଦେଂ ହଡ଼ିକ୍ । ପାଣ୍ଡା ଆଜି ପା, ହେଝେକ୍ ମାନ୍ତ ବେସି ଝାଚ୍‌ୟା ଆଜି ମାଚିକ୍ ।

୯ ଆରେ ହୁଡ଼ାଟ୍, ଜିସୁ ହେଝାରିଂ ତ୍ରିପ୍‌କୁ ବେଟାଆଜି ଇଚାନ୍, “ମିଦାଙ୍ ସୁସ୍ତା ଆୟେଡ଼ । ହେଝାଚ୍ ତା ଲାଗେ ଝାଜି ତା ପାନା ଆସ୍ତି ଜଝାଚ୍ କିତାର୍ ।”

୧୦ ଜିସୁ ହେଝାରିଂ ଇଚାନ୍, “ପାଣ୍ଡାମାଟ୍ ନା ଟଣ୍ଡାରିଂ ଝେଚାଟ୍, ହେଝାଚ୍ ଗାଲିଲିତ ହାଲେର୍ । ହେବେ ନାଙ୍ଗେଙ୍ ହୁଡ଼ଦାନାରି ।”

ଜାଗ୍‌ଝାଡ଼ାର୍ ଝେଚ୍‌ନାକା ବିସ୍ତେ

୧୧ କଗ୍‌ଲେକ୍ ହାଲୁକି ମାନି ଝେଡ଼ାଲିଂ, ହୁଡ଼ାଟ୍, ଜାଗ୍‌ଝାଡ଼ାର୍ କୁଦା ବିତ୍ରେତାଂ କେତେକ୍ ଜାଣ୍ ଗାଡ଼ଦ୍ ହାଲୁକି ହେ ଝିଜୁ ଗଟ୍‌ଶାନି କାତା ମୁଡ଼ ମାପୁହେବାକିନାକାରିଂ ଝେଚ୍‌ପାତାର୍ ।

୧୨ ମୁଡ଼ ମାପୁହେବାକିନାକାର୍ ବୁଡ଼ାଲୁର୍ ହୁକେ ରୁଣ୍ଡା ଆଜି ଗାଣ୍‌ଜୁ କିତି ପାଚେ ହେ ମେଲ୍ୟାରିଂ ବେସି ଟାକାଂ ହିଜି ଇଚାର୍,

୧୩ “ଏପେଙ୍ ଇନାଟ୍, ଆପେଂ ହୁଞ୍ଜିମାତି ଝେଡ଼ାଲିଂ ତା ଚେଲାହିର୍ ନାଣା ଝାଜି ହେଝାନ୍‌ ଚରି କିଜି ଅତାର୍ ।

୧୪ ଆରେ ଜଦି ସାସନ୍ କାଚ୍‌ୟା ଇ କାତା ଝେନାନ୍ ଆପେଂ ତାଙ୍ ବୁଜାୟ୍ କିନାପ୍ ଜେ ନି ଦସ୍ ବିଚ୍‌କୁଲ୍ ଆକାୟ୍ । ଇ ବିସ୍ତେ ବିପ୍ତି ଆମା ।”

୧୫ ମେଲ୍ୟାଚ୍ ଟାକାଂ ଅଜି ହେଝାରିଂ ଇଞ୍ଜିମାତି ସମାନ୍ କାମାୟ୍ କିତାର୍ । ହେଝାଚ୍ ହେ ଝେଡ଼ାଲିଂ ଇନାକା ଇଚାର୍, ଜିହୁଦିର୍ ନେଞ୍ଜେଙ୍ ପାଚେକ୍ ହେ କାତା ସୁଶାୟ୍ କିନାଚା ।

ଚେଲାରିଂ ଜିସୁ ଚଞ୍ଜା ଆଚାନ୍

(ମାର୍କ ୧୬:୧୪-୧୮; ଲୁକ ୨୪:୩୬-୪୯; ଜହନ୍ ୨୦:୧୯-୨୩; ପକ୍ୟାତାକା ୧:୬-୮)

୧୬ ଶ୍‌ମାତର୍ ଏଗାର୍ ଜାଣ୍ ଚେଲାଚ୍ ଆଗେ ଗାଲିଲିତ ହାଲୁକି, ଜିସୁ ଇମ୍‌ଣି ମାଡ଼ି ବିସ୍ତେ ହାଲୁକି ହେଝାରିଂ ଇଞ୍ଜି ମାଚାନ୍, ହେ ମାଡ଼ିତ ହାଚାର୍ ।

୧୭ ଆରେ, ହେଝାଚ୍ ତାଙ୍ ହୁଡ଼ଜି ଜଝାଚ୍ କିତାର୍, ମତର୍ ଇନେର୍ ଇନେର୍ ପାଚ୍ କିଝାତାର୍ ।

୧୮ ଆରେ, ଜିସୁ ହେଝାଚ୍ ଲାଗେ ଝାଜି ବେଣ୍ କିଜି ଇଚାନ୍, “ସାଗେ ଆରି ପୁଚ୍‌ନି ଝିଜୁ ଆଦିକାର୍ ନାଙ୍ ହିଦ୍ୟାତାଡ଼ନ୍ନା ।

୧୯ ଶ୍‌ଲାଗିଂ, ଏପେଙ୍ ହାଲୁକି ସବୁ ଜାତିନି ମାନାୟାରିଂ ବାଝା, ମାଜି, ଆରି ପୁଇପୁୟା ଜିବୁନ୍ ତରଦାଂ ବାପ୍ରିସିମ୍ ହିୟାଟ୍,

୨୦ ଆନ୍ ମିଙ୍ ଇମ୍‌ଣି ଇମ୍‌ଣି ବଲ୍ ହିଡ଼ନ୍ନା, ହେ ସବୁ ମାନି କିଦେଙ୍ ହିକ୍ୟା ହିଜି ଆରି ମାନ୍ତ ଇଚାଟ୍, ଜୁଗ୍‌ସେସ୍ ପାଚେକ୍ ନିତ୍ରେ ତାଇନାଡ଼ ଆନ୍ ମିଙ୍ଗେଙ୍ ହାଙ୍ ହାଙ୍ ମାନାଂ ।”

☆ ୨୮:୧୭ ମାତ୍ରିକ ୨୭:୩୨; ମାର୍କ ୧୪:୨୮. ☆ ୨୮:୧୯ ପକ୍ୟାତାକା ୧:୮.

## ମାର୍କ ଲିଖିତ ସୁସମାଚାର ମାର୍କ ଲେକିକିତି ନେକ୍ରି କାବୁର୍ ମାର୍କ ପତି ବିସ୍ତେ ପାଦେକ୍

ଆନମାନତାଂ ତାରିକ୍ । ୨୭ AD ୭୦ AD ଲେକିକିତାକାନ୍ତି ତର୍ ମାର୍କ ଲେକିକିତି ବାହା ତର୍ ରମ୍ । ଜିସୁ କ୍ରିସ୍ତୁତି ଜିବୁନ୍ ବିସ୍ତେ ଇଞ୍ଜି ମାନି ପୁନିନିୟମ୍ନି ଚାରିଗଟା ପତିଂ ବିତ୍ରେତାଂ ମାର୍କ ଲେକିକିତି ନେକ୍ରି କାବୁର୍ ରଞ୍ଜାଙ୍ । ହେ ଓଡ଼ୁଡ଼ିଙ୍ ନେକ୍ରି କାବୁର୍ ଇନ୍ୟା ଆନାତ୍, ଇମ୍ଣି ଅରଡ୍ ଆତାତ୍ “ନେକ୍ରିକାବୁର୍ ।”

ହେଞ୍ଜାଙ୍ ଜିସୁତି ହାତି ପାଚେ ମାତିଉ, ମାର୍କ, ଲୁକ ଆରି ଜହନ୍ ତାଙ୍ ଲେକା ଆତାତ୍ନା । ଚାରିଗଟା ନେକ୍ରିକାବୁର୍ ବିତ୍ରେ ମାର୍କ ଲେକିକିତି ନେକ୍ରିକାବୁର୍ ଆନାତା ଓଡ଼େଡ଼ିଂ ହାରୁଟି । ଇଦାଂ ପା ପାତର୍ କିୟା ଆନାତ୍ ଜେ, ଇ ନେକ୍ରିକାବୁର୍ ବିତ୍ରେ ଓଡ଼େଡ଼ିଂ ଆଗେ, କ୍ରିସ୍ତୁଦିନ୍ ୨୫-୭୦ ବିତ୍ରେ ଲେକା ଆତାତ୍ନା । ବାଇବଲ୍ ପଣ୍ଡିତ୍କୁର୍ ପାତର୍ କିନାର୍ ଜେ, ରମ୍ତ ମାନି କ୍ରିସ୍ତୁୟାନ୍ରିଂ ଖାରି କିଦେଙ୍ ଇଞ୍ଜି ରମ୍ତ ଇଦାଂ ଲେକା ଆତାତ୍ନା, ମାର୍କ, ଇନେର୍କି ଜହନ୍ ମାର୍କ ତର୍ଦ୍ଦ ଜାଣାଟିନା, ହେଞ୍ଜାନ୍ ପାଉଲ୍ ଆରି ବର୍ଣ୍ଣବାତି ହାଙ୍ଗଦାକାନ୍ ମାଚାନ୍, ମାତର୍ ଏଚେକାଡ୍ଦ ହେଞ୍ଜାନ୍ ହେଞ୍ଜାରିଂ ମିସ୍ନାରି ହାନିହାସ୍ଦ ପିସ୍ତି ଖାତାନ୍, ହେ ପାଦନା ହେ ତାକ୍ପୁଟା ଆନିତାକେ ମାତ୍ ଖାତାତ୍ ପକ୍ୟାତାକା । ପାଚେନି ଖେଡାଲିଂ ମାର୍କ ଆରେ ରଗ ବର୍ଣ୍ଣବା ହୁକେ ହାଚାନ୍ ପକ୍ୟାତାକା ୧୫:୩୭-୩୯ ମାର୍କ ପା ପିତର୍ ରକାନ୍ ହାଦର୍ ହାଙ୍ଗଦାକାନ୍ ଲାକେ ଜାଣାଟିନା ମାଚାନ୍ ୧ ପିତର୍ ୫:୧୩ ଆତିସ୍ପା ମାର୍କ ରକାନ୍ ଜିସୁ ଜିବୁକ୍ତି ସିଦାସାକି ହିଲ୍ଖାତାନ୍, ଆତିସ୍ପା ପାଣ୍ଡିତ୍କୁର୍ ପାତର୍ କିତାର୍ ଜେ, ହେଞ୍ଜାନ୍ ପିତର୍ତ୍ତ ସାକିହିଦେଂ ଇଞ୍ଜି ଜାର୍ ନେକ୍ରିକାବୁର୍ତ୍ତ ଲେକିକିତାନ୍ନା । ନେକ୍ରିକାବୁର୍ତ୍ତ ମାର୍କ ଚେଲେନ୍ ଆରି ଓଡ଼ି ଖେଡାଂ ଜିସୁତି ହିକ୍ୟା ଜପି ଇଟ୍କାଡ୍ କିତାନ୍ନା । ମାର୍କ ଇ ପୁସ୍ତକ୍ତ ଜିସୁ କ୍ରିସ୍ତୁଙ୍ ରକାନ୍ ସାଦୁ ଆଡ଼ିୟେନ୍ ଆରି ଇସ୍ତର୍ ଇଚା ପୁରା କିଦେଙ୍ ଇଞ୍ଜି ସବୁ ଖେଡାଙ୍ଗ ଜାଲ୍ଦି ମାନି ଖାରିକିନିତ ମାଜି ଲାକେ ଚିନ୍ତା କିତାନ୍ନା, ହେଦାଂ କାଜିଂ ହେଞ୍ଜାନ୍ ପୁଞ୍ଜି ଜିସୁତି କାବାଆନି କାମାୟ ବିସ୍ତେ ଲେକିକିତାନ୍ନା । ହାରିହାରା ହେଞ୍ଜାନ୍ ଓଡ଼ୁ ପୁତର୍ ତ ନେକ୍ରି କାବୁର୍ ସୁଣାୟ କିଦେଙ୍ ର ଗାଜା ବଲ୍ ହୁକେ ଇ ନେକ୍ରି କାବୁର୍ ଲେକାତିଂ ଓସ୍ତାନ୍ନା ।

### ପତି ବିସ୍ତେନି ରାହାଣ

- ୧. ମୁଞ୍ଜିନି ଜହନ୍ ଆରି ଜିସୁତି ବାପ୍ତିସମ୍ ୧:୧-୧୩
- ୨. ଗାଲିଲିତ ଜିସୁତି ହେବାକାମାୟ ୧:୧୪; ୯:୫୦
- ୩. ଜିରୁସାଲମ୍ତ ଜିସୁତି ହାନାକା ଆରି ମନ୍ଦିରତ ହଣାକା ୧୦:୧; ୧୨:୪୪
- ୪. ଖାନି ବିସ୍ତେ ବେରଣ୍ ବାକ୍ଶାୟ କିନି କାତା ୧୩:୧-୩୭
- ୫. ଜିସୁତି ହାକି, ନିଙ୍ଗନାକା ଆରି ଗାଜା ବଲ୍ ୧୪:୧; ୧୬:୨୦

ବାପ୍ତିସମ୍ ହିନି ଜହନ୍ତି ସୁଣାୟ କିନାକା  
(ମାତିଉ ୩:୧-୧୨; ଲୁକ ୩:୧୧-୧୮; ଜହନ୍ ୧:୧୯-୨୮)

୧ ଇସ୍ତର୍ ମାଜି ଜିସୁ କ୍ରିସ୍ତୁତି ନେକ୍ରିକାବୁର୍ ଆରମ୍ ।\*

୨ ଜିସାୟ ବେଶ୍‌ବାକ୍ଶାୟକିନାକାନ୍ତି ସାସ୍ତୁର୍ତାକେ ଇନେସ୍ ଲେକା ଆତାତ୍ନା,  
“ହୁଡାଟ୍, ଆନ୍ ନା ଦୁଡ୍ତିଂ ମି ଆଗେ ପଲ୍ଲାନାଙ୍ଗା,”

“ହେଞ୍ଜାନ୍ ମିଙ୍ଗେଙ୍ ହାଜି ରଚ୍ଚି ହିଦ୍ନାନ୍ ।”

୩ ବାଚାତ ବେସି ଗାଜାକାଟ୍ କିଜି ହିର୍ବାନାକାନ୍ତି କାଟ୍,  
“ମାପୁତି ହାଜି ରଚାଟ୍,  
ହେଞ୍ଜାନ୍ତି ରାଜା ହାକ୍ତି ହାଣ୍ଡୁ କିୟାଟ୍ ।”

୪ ପାଚେ ବାପ୍ତିସମ୍ ହିନି ଜହନ୍ ବାଲି ବାଚାତ ହାଲ୍ଜି ପାପ୍ କେମା କାଜିଂ ପାପ୍ତାଂ ମାନ୍‌ବାଦ୍‌ଲାୟ କିନିଂ “ବାପ୍ତିସମ୍ ସୁଣାୟ କିଦେଙ୍ ଲାଗାତାନ୍ ।”

\* ହେବେ ସବୁ ରାଜିନି ଜିହୁଦା ଦେସ୍ ଆରି ସବୁ ଜିରୁସାଲମ୍ନି ମାନାୟାର୍ ହସି ହେଞ୍ଜାନ୍ ଲାଗାୟ ଖାଦେଙ୍ ଲାଗାତାର୍ ଆରି ଜାର୍ ଜାର୍ ପାପ୍ କିତାକା ମାନିକିଜି ହେଞ୍ଜାନ୍ତାଂ ଜର୍ଦ୍ଦନ୍ ନାଗୁଡ୍ ତାକେ ବାପ୍ତିସମ୍ ଅତାର୍ ।

\* ୧:୧ କେତେକ୍ ପତିତ ଇସ୍ତର୍ତ୍ତ ମାଜି ହିଲ୍ଡ୍ । † ୧:୫ ଜହନ୍ ପାଚାତ ଚଞ୍ଜୟାତାନ୍, ବାପ୍ତିସମ୍ ହିକି ମାଚାନ୍ ଆରି ପର୍ଚାର୍ କିଜି ମାଚାନ୍; କେତେକ୍ ପତିତ ବାପ୍ତିସମ୍ ହିନି ଜହନ୍ ବାଚାତ ଚଞ୍ଜୟାତାନ୍, ପର୍ଚାର୍ କିଜି ମାଚାନ୍ ।



୭ ହେ ଜହନ୍ ଉର୍ ତଲ୍ଲିନି ହେୟା ଉସ୍ତସ୍ ମାଚାନ୍ ଆରି ତା ମେଞ୍ଜାଙ୍ଗ୍ ତଲ୍ଲିନି ନୁଣ୍ଟକୁ ଡରି ଗାଟି ମାଚାନ୍, ପାଚେ ପାମି ଆରେ ରାନ୍ତିପୁକି ହେଝାନ୍ତି କାଦି ମାଚାତ୍ ।

୮ ଜହନ୍ ସୁଣାୟ୍ କିଜି ଝିଜାକାରିଂ ଉତର୍ ହିନାନ୍, “ନାଙ୍ଗ୍ ତାଙ୍ଗ୍; ଇନେର୍ ବେସି ସାକ୍ତିକାଟାକାନ୍, ହେଝାନ୍ ନା ପାଚେ ଝାନାନ୍; ଆନ୍ ତା ସମାନ୍ ଆକାୟ୍ ହେଝାନ୍ତି ପାନାନ୍ ଡରି ପାଣ୍ଡାକ୍ଟା ରିକ୍ତେ ସମାନ୍ ଆକାୟ୍ ।”

୯ ଆନ୍ ମିଙ୍ଗେଙ୍ଗ୍ ଏଜୁଂତାଂ ବାପ୍ତିସିମ୍ ହିଡ଼ତାଂ, ମାତର୍ ହେଝାନ୍ ମିଙ୍ଗେଙ୍ଗ୍ ପୁଇପୁୟା ଜିରୁନ୍ତାଂ ବାପ୍ତିସିମ୍ ହିଦନାନ୍ ।

**ଜିସୁତି ବାପ୍ତିସିମ୍ ଆରି ପରିକ୍ୟା**

(ମାତିଉ ୩:୧୩-୪:୧୧; ଲୁକ ୩:୨୧-୨୨; ୪:୧-୧୩)

୧୦ ହେ ସମୁତ ଜିସୁ ଗାଲିଲିନି ନାଜରିତୟତାଂ ଝାଜି ଜର୍ଦନ୍ ନାଗୁଡ଼ତାକେ ଜହନ୍ତାଂ ବାପ୍ତିସିମ୍ ଅନାନ୍ ।

୧୧ ଆରେ ହେ ଦାପ୍ତେ ହେଝାନ୍ ଏଜୁଂତାଂ ନିଙ୍ଗ୍ କି ଝାନି ଝେଡ଼ାଲିଂ ବାଦାଡ଼୍ ଜେୟା ଆତାଡ଼୍ ଆରେ ପୁଇପୁୟା ଜିରୁନ୍ତାଂ ପାର୍ଝା ଲାକେ ତା ଜପି ଜୁଦନାକା ହୁଡ଼ତାନ୍,

୧୨ \*ଆରେ, ବାଦାଡ଼୍ ତାଙ୍ଗ୍ ଇ କାତା ଆତାଡ଼୍, “ଏନେଙ୍ଗ୍ ନା ଝାରିନି ମାଜି, ନି ତାକେ ନାତାଂ ବେସି ଝାରି ମାନାଡ଼୍ ।”

୧୩ ହେ ଦାପ୍ତେ ପୁଇପୁୟା ଜିରୁନ୍ ହେଝାନିଂ ବାଟାତ ଅଜି ହାଚାଡ଼୍ ।

୧୪ ଜିସୁ ହେ ବାଟାତ ଚାଲିସ୍ ଦିନ୍ ମାନ୍ଝି ହେବେ ହେଝାନ୍ ସୟତାନ୍ ହୁଦାଂ ପରିକ୍ୟା ଆନାନ୍ । ହେଝାନ୍ ରାନ୍ ଜାଡ଼୍ ଲାହାଙ୍ଗ୍ ମାଚାନ୍, ଦୁଡ଼କୁ ହେଝାନିଂ ହେବା କିଜି ମାଟିକ୍ ।

**ଜିସୁ ଚାରିଜାଣ୍ ମିନ୍କୁ ଆହ୍ନାକାରିଂ କୁକ୍ନାନ୍**

(ମାତିଉ ୪:୧୨-୨୨; ଲୁକ ୪:୧୪-୧୫; ୫:୧-୧୧)

୧୫ ଜହନ୍ ଜେଲ୍ତ ହାଟି ପାଚେ, ଜିସୁ ଗାଲିଲିତ ଝାଜି ଇସ୍ତରତି ନେକ୍ରିକାବୁର୍ ଗାଜା କାଟ୍ତାଂ ଇଞ୍ଜେଙ୍ଗ୍ ଲାଗାତାନ୍ ।

୧୬ “ଜିସୁ ସୁଣାୟ୍ କିଦେଙ୍ଗ୍ ଲାଗାତାନ୍, ଦିନ୍ ଝିଜେ ଝାତାତେ, ଇସ୍ତରତି ରାଜି ଲାଗାୟ୍ ଆତାତେ; ପାପ୍ତାଂ ମାନ୍ବାଦ୍ଲାୟ୍ କିୟାଟ୍ ଆରି ନେକ୍ରିକାବୁର୍ ତାକେ ପାଟ୍ କିୟାଟ୍ ।”

୧୭ ଜିସୁ ଗାଲିଲି ହାମ୍ବୁର୍ ପାଡ଼ିତିଂ ହାଲ୍ଲି ମାନି ସମୁତ ସିମନ୍ ଆରେ ତା ଟଣ୍ଡାହି ଆୟ୍ରିୟଙ୍ଗ୍ ହାମ୍ବୁର୍ତ ଜାଲ୍ ତୁହିନାକା ହୁଡ଼ତାନ୍, ଇଟିସ୍ ହେଝାର୍ ମିନ୍କୁ ଆସ୍ତି ଜିନାକାର୍ ମାଚାର୍ ।

୧୮ ଜିସୁ ହେଝାରିଂ ଇଚାନ୍, “ନା ପାଚେ ପାଚେ ଝାଡୁ, ଆନ୍ ମିଙ୍ଗେଙ୍ଗ୍ ମାନାୟ୍ ଆହ୍ନାକା ହିକାଲ୍ କିଦନାଙ୍ଗ୍ ।”

୧୯ ହେବେ ହେଝାର୍ ହେ ଦାପ୍ତେ ଜାଲ୍ ପିସ୍ତି ହେଝାନ୍ ପାଚେ ହାଚାର୍ ।

୨୦ ପାଚେ, ହେଝାନ୍ ଅଲପ୍ ଆଗେ ହାଲ୍ଲି ଜାକୁର୍ ଆରି ଜହନ୍ ତର୍ଦାକାନ୍ ଜେବ୍ଦିତି ମାଜି ଜାକୁର୍ ଆରି ହେଝାନ୍ ଟଣ୍ଡାହି ଜହନ୍ତିଂ ତଙ୍ଗାତ କୁର୍ତି ହେଝାର୍ତି ଜାଲ୍ ଗାଡ଼ି କିଜି ମାଚାନ୍ ।

୨୧ ହେ ଦାପ୍ତେ ହେଝାନ୍ ହେଝାରିଂ କୁକ୍ତାନ୍, ପାଚେ ହେଝେର୍ ହେଝାର୍ ଲାତ୍ରାହି ଜେବ୍ଦିତି କାମ୍ଲିୟାର୍ ହୁକେ ତଙ୍ଗାତାକେ ପିସ୍ତି ହେଝାନ୍ ପାଚେ ହାଚାର୍ ।

**ଜିସୁ ପୁଦା ଆହ୍ନାତାକାନିଂ ଉଜ୍ କିତାନ୍**

(ଲୁକ ୪:୩୧-୩୭)

୨୨ ପାଚେ ଜିସୁ ଆରି ଚେଲାର୍ କପର୍ନାହୁମ୍ ତାକେ ହାଚାର୍, ଆରେ ହେ ଦାପ୍ତେ ଜିହୁଦିର୍ ଜମ୍ନିବାର୍ ନାଜିଂ କୁଚୁମ୍ ଇଞ୍ଜ ହାଲ୍ଲିପା ହିକାୟ୍ କିଦେଙ୍ଗ୍ ଲାଗାତାନ୍ ।

୨୩ ମାନାୟାର୍ ହେଝାନ୍ ହିକ୍ୟାତ କାବା ଆତାର୍, ଇନାକିଦେଂକି ହେଝାନ୍ ଦରମ୍ ଗୁରୁର୍ ଲାକେ ହିକାଲ୍ କିଝାଦାଂ ଆଦିକାର୍ ପାୟା ଆତି ମାନାୟାର୍ ଲାକେ ହେଝାରିଂ ହିକ୍ୟା ହିଜି ମାଚାନ୍ ।

୨୪ ହେ ସମୁତ ହେଝାର୍ ଜିହୁଦିର୍ କୁଚୁମ୍ ଇଞ୍ଜ ମାନି ରକାନ୍ ପୁଦା ଆହ୍ନା ଆତାକାନ୍ କିକିରାତିଂ କିଜି ଗାଜା କାଟ୍ତାଂ ଇଚାନ୍ ।

୨୫ “ଏ ନାଜରିତୟ ଜିସୁ, ନି ଲାହାଙ୍ଗ୍ ମାଦାଂ ଇନାକା ମାଚାଡ଼୍ ? ଏନେଙ୍ଗ୍ ମାଙ୍ଗେଙ୍ଗ୍ ଝିସ୍ତେଦେଂ ଝାତାଲନା ? ଏନେଙ୍ଗ୍ ଇମ୍ପାକାୟ୍ ? ହେଦାଂ ଆନ୍ ପୁନାଙ୍ଗ୍, ଏନେଙ୍ଗ୍ ଇସ୍ତରତି ହେ ପୁଇପୁୟା ମାନାୟ୍ତି ।”

୨୬ ଜିସୁ ହେଝାନିଂ ଦାକା ହିଜି ଇଚାନ୍, “ଟିମ୍ବରା ଆ ଇବେଣ୍ଡାଂ ହସି ହାଲା ।”

୨୭ ହେବେଣ୍ଡାଂ ହେ ବାନ୍ୟା ଜିରୁନ୍ ହେଝାନିଂ କିୟାୟ୍ କିଜି ଗାଜାକାଟ୍ ତାଙ୍ଗ୍ ଆଲା ଆଜି ହେଝାନ୍ତାଂ ହସି ହାଚାଡ଼୍ ।

୨୮ ଇବେଣ୍ଡାଂ ଝିଜାର୍ ଏଚେକ୍ କାବା ଆତାର୍ ଜେ, ହେଝାର୍ ହେଝାର୍ନେ ଇନ୍ବା ଆତାର୍, “ଇଦାଂ ଇନାକା ? ଇଦାଂ ତ ଆଦିକାର୍ ପୁନ୍ ହିକିୟା, ହେଝାନ୍ ବାନ୍ୟା ଜିରୁନ୍ତିଂ ପା ବଲ୍ ହିନାନା, ଆରେ ହେଝାର୍ ହେଝାନ୍ତି ବଲ୍ବଚନ୍ ମାନି କିନିକ୍ ।”

୨୯ ହେବେ ହେଝାନ୍ ବିସ୍ତେ ବେରଣ୍ ହେ ଦାପ୍ତେ ଗାଲିଲିନିପ ଚାର୍ବେଣ୍ଡିଂ ସବୁ ନାସ୍କୁକାଂ ଝିଶ୍ତି ହାଚାଡ଼୍ ।

\* ୧:୧୧ ମାତିଉ ୩:୧୭; ୧୨:୧୮; ମାର୍କ ୯:୭; ଲୁକ ୩:୨୨.

ଜିସୁ ହେନି ମାନାୟାର୍ ଉଜ୍ କିନାକା  
(ମାତିଉ ୮:୧୪-୧୭; ଲୁକ ୪:୩୮-୪୧)

୨୯ ତା ପାଚେ ଚେଲାର୍ କୁଟୁମ୍ ଇଞ୍ ହସି ଜାକୁବ୍ ଆରି ଜହନ୍ ଲାହାଙ୍ ହେ ଦାପ୍ରେ ସିମନ୍ ଆରି ଆହିୟର୍ ଇଞ୍ ହାଚାର୍ ।

୩୦ ସିମନ୍ ପଦାହି ନମେର୍ ଆଜି କାଚେଲ୍ତ ହୁନ୍ଞି ମାଚାଡ୍, ଆରେ ହେଝାର୍ ହେ ଦାପ୍ରେ ହେଦେଲ୍ ବେରଣ୍ ଜିସୁଙ୍ ଖେଟ୍ଟାର୍ ।

୩୧ ହେବେଣ୍ଡା ହେଝାନ୍ ଲାଗାୟ୍ ହାଲ୍ଲଜି ହେଦେଲ୍ତ କେଇ ଆଜି ତାଙ୍ଗେଙ୍ ନିକ୍ତାନ୍, ଆରେ ହେଦେଲିଂ ନମେର୍ ପିସ୍ତାଡ୍, ଆରେ ହେଦେଲ୍ ହେଝାରିଂ ହେବା କିଦେଙ୍ ଲାଗାତାଡ୍ ।

୩୨ ମ୍ଳିକାହାରେସ୍ ଖେଡ଼ା ହାଚିପାଚେ ମାନାୟାର୍ ହେଝାନ୍ ତାକେ ନଚ୍ନାକାରିଂ ଆରେ ପୁଦା ଆହ୍ମା ଆତାକାରିଂ ତାହିଝାଦେଂ ଲାଗାତାଡ୍ ।

୩୩ ପାଚେ ସବୁ ଗାଡ଼ନିକାର୍ ଇଲ୍ଲନି ଦୁଝେର୍ ଲାଗାୟ୍ ରୁଣ୍ଡା ଆତାର୍ ।

୩୪ ହେବେ ଜିସୁ ବାରବିନି ରଗ୍ ଆହ୍ମା ଆତାକାରିଂ ବେସି ରଗିରିଂ ଉଜ୍ କିତାନ୍, ଆରି ବେସି ପୁଦାଂ ପିହିକିତାନ୍, ପାଚେ ପୁଦାକାଂ ବେରଣ୍ କିଦେଙ୍ ହିଝାତାନ୍, ହେଦାଂ କାଜିଂ ହେଝାନିଂ ଚିନ୍ କିଜି ମାଚିକ୍ ।

ଗାଲିଲିତ ଜିସୁତି ସୁଣାୟ୍ କିନାକା  
(ଲୁକ ୪:୪୨-୪୪)

୩୫ ଆର୍କାଡ୍ ନାଜିଂ ପ୍ରାଙ୍ଗନି ଖେଡ଼ାଲିଂ ମାଜ୍ଗା ମାନୁ ମାନୁ ହେଝାନ୍ ନିଙ୍ଗି ହସି ହାଚାନ୍ ଆରି ର ସିଣିୟା ବାହାତ ହାଲ୍ଲଜି ହେବେ ପାତାନା କିଦେଙ୍ ଲାଗାତାନ୍ ।

୩୬ ଆରେ, ସିମନ୍ ଆରି ହେଝାନ୍ ହାଙ୍ଗଦାକାର୍ ହେଝାନିଂ ଇଚ୍ଚାଡ୍ କିଜି,

୩୭ ବେଟ୍ଟଗାଟ୍ ଆଜି ହେଝାନିଂ ଇଚାର୍, “ଝିଜାକାର୍ ନିଙ୍ଗେଙ୍ ଦାସ୍ତାନାରା ।”

୩୮ ହେବେଣ୍ଡା ହେଝାନ୍ ହେଝାରିଂ ଇଚାନ, ଝାତ ଆସେଙ୍ “ବିନେନି ବାହାତ, ମାତର୍ ହାଲ୍ଲଜି ଲାଗେନି ନାସ୍ତୁକାଂ ହାନାସ୍; ହେବେ ପା ଆନ୍ ସୁଣାୟ୍ କିନାଙ୍, ଇନେକିଦେଂକି ଆନ୍ ହେ ବେରଣ୍ କାଜିଂ ହଡ୍ତାନ୍ନା ।”

୩୯ ପାଚେ ହେଝାନ୍ ସବୁ ଗାଲିଲିନିପ ପ୍ଲଞ୍ଜି ବୁଲା ଆଜି ହାଲ୍ଲଜି ହେଝାର୍ ହେ କୁଟୁମ୍ ଇଞ୍ ସୁଣାୟ୍ କିତାର୍ ଆରି ପୁଦାକାଂ ପିହିକିତାର୍ ।

ଜିସୁ ର ଗାଜା ରଗିଂ ଉଜ୍ କିତାନ୍  
(ମାତିଉ ୮:୧-୪; ଲୁକ ୫:୧୨-୧୬)

୪୦ ଇବେତାଂ ର ଗାଜାରଗ୍ କାଟାକାନ୍ ଜିସୁ ତାକେ ହେଝାନ୍ ଝାଜି ମେଣ୍ଡାଂ କୁଦିକିଜି ହେଝାନିଂ ଗଝାରି କିଜି ଇଚାନ, “ଏନେଙ୍ ଜଦି ଇଚା କିତାୟ୍ତି, ତା ଆତିସ୍ ନାଙ୍ଗେଙ୍ ସକଟ୍ କିଦ୍ନାୟ୍ ।”‡

୪୧ ହେବେଣ୍ଡା ହେଝାନ୍, କାର୍ନାସି ଆଜି କେଇ ପେସ୍ଦି ହେଝାନିଂ ତୁତାନ୍ ଆରି ଇଚାନ, “ଆନ୍ ଇଚା କିନାଙ୍ ସକଟ୍ ଆ ।”

୪୨ ହେ ଦାପ୍ରେ ଗାଜାରଗ୍ ହେଝାନ୍ତି ହାଚାଡ୍ ଆରି ହେଝାନ୍ ସକଟ୍ ଆତାନ୍ ।

୪୩ ଆରେ, ଜିସୁ ହେଝାନିଂ ବେସି ଆଟ୍ଝା କିଜି ବଲ୍ଲହିଜି ହେ ଦାପ୍ରେ ପକ୍ଟି ଇଚାନ ।

୪୪ ଜାଗ୍ରଡ୍ “ଇନାକା, ଇନେରିଂ ଇନ୍ମା, ମାତର୍ ହାଲା ମାପୁହେବାକିନାକାନ୍ ତାକେ ଜାର୍ତିଂ ଚଞ୍ଜୟା; ଆରେ ମସା ଇନା ଇନାକା ବଲ୍ଲ ହିଡ୍ତାନ୍ନା ହେ ସବୁ ନିଜେ ନିର୍ମଲ୍ ଲାକେ ହେଝାର୍ ଲାଗାଂ ସାକି ହିନି କାଜିଂ ସର୍ପି ଆ ।”

୪୫ ମାତର୍ ହେଝାନ୍ ହସି ହାଲ୍ଲଜି ହେ ବିସ୍ତେ ବେସି ସୁଣାୟ୍ କିଦେଂ ଲାଗାତାନ୍ ଜେ, ଜିସୁ ଆରି ଚଞ୍ଜୟା ଆଜି ମାଞ୍ଜେଙ୍ ଆଡ଼ଝାତାନ୍, ମାତର୍ ବାଡ଼ ସିଣିୟା ବାହାତାକେ ମାଚାନ୍; ଆରେ ମାନାୟାର୍ ଚାର୍ବେଣ୍ଡାଂ ହେଝାନ୍ ତାକେ ଝାଦେଙ୍ ଲାଗାତାଡ୍ ।

9

ଜିସୁ ହିରକଲ୍ ରଗିଂ ଉଜ୍ କିତାନ୍  
(ମାତିଉ ୯:୧-୮; ଲୁକ ୫:୧୭-୨୬)

୧ ଏଚେକ୍ ଦିନ୍ ପାଚେ, ଜିସୁ ଆରେ ରଗ କପର୍ନାହୁମ୍ ମାସ୍ଦି ଝାତାନ୍, ହେଝାନ୍ ଇଞ୍ ମାନାନ୍ ଇଞ୍ ଝିଜାର୍ ପୁଚାର୍ ।

୨ ହେବେ ଏଚେକ୍ ମାନାୟାର୍ ରୁଣ୍ଡା ଆତାର୍, ଜେ, ଦୁଝେର୍ତ ପା ବାହା ହିଲ୍ଝାତାଡ୍, ପାଚେ ହେଝାନ୍ ହେଝାର୍ ତାକେ ବେରଣ୍ ସୁଣାୟ୍ କିଦେଙ୍ ଲାଗାତାନ୍ ।

୩ ଇବେ ପା ମାନାୟାର୍ ର ହିରକଲ୍ ରଗିଂ ଚାରିଜାଣ୍ଡାଂ ପିଣ୍ଡି ଜିସୁ ଲାଗାଏ ତାସି ଝାତାର୍,

‡ ୧:୪୦ ନାଙ୍ ସକଟ୍ କିଦା, ଇ ରଗ୍ ରଝାନ୍ ମାନାୟାଡ଼ି ବିଦି ଇସାପ୍ରେ ବିଚାଡ଼୍ କିଦ୍ନାନ୍ ଇଞ୍ ଇନ୍ୟାଜି ମାଚାଡ୍ । § ୧:୪୧ କାର୍ନା; କେଚେକ୍ ପଡିତ ରିସା ମାନାଡ୍ ।

୪ ମାତର ବିଡ଼ ଲାଗି ଜିସୁତାକେ ତାସ୍ ଖାଦେଂ ଆଡ଼଼ିଲେ, ହେଖାନ ଇମ୍ଣି ବାହାତ ମାତାନ, ହେବେନି ଚାଉଣି ଜେତାର ଆରି ହେଦାଂ ଡ୍ରିକ୍ଟି ହେ କାଟେଲ୍ତ ହିରକଲ୍ ଇଡ଼ିୟାତି ରଗି ହୁନ୍ଝି ମାତାନ ହେଦାଂ କୁଡ଼ତାତାର ।

୫ ଜିସୁ ହେଖାର ପାତ କିନାକା ହୁଡ଼ଜି ହେ ହିରକଲ୍ ରଗିଂ ଇଚାନ, “ଏ ବପା, ନି ପାପ୍ ସବୁ କେମା କିୟା ଆତାଡ଼ ।”

୬ ମାତର ଦରମ୍ ଗୁରୁର ତାଙ୍ କେତେଜାଣ୍ ହେ ବାହାତ କୁଚ୍ଟି ନିଜେ ନିଜେତି ମାତ୍ର ପୁସୁର ପାସାର ଆଜି ଖେଚ୍ପା ଆଜି ମାତାର ।

୭ “ଇ ମାନାୟ୍ ଇନେକିଦେଂ ଏଲେଙ୍ ଇନାନ୍ନା ? ହେଖାନ ଇସୁର ନିୟା କିନାକା ! ହେଦାଂ ରଖାନିଂ ପିସ୍ତି ଇଚିସ୍ ଇସୁରତିଂ ପିସ୍ତି ଆରେ ଇନେନ୍ ପାପ୍ କେମା କିଦେଙ୍ ଆଡ଼ନାନ୍ !”

୮ ହେଖାର ଜେ, ମାତ୍ର ମାତ୍ର ଏଲେଙ୍ ଖେଚ୍ପା ଆନାରା, ହେଦାଂ ଜିସୁ ନିଜେ “ହେ ଦାପ୍ରେ ପୁଞ୍ଜି ହେଖାରିଂ ଇଚାନ, ଏପେଙ୍ ଜାର ଜାର ମାତ୍ର ଇନେକିଦେଂ ଇ ସବୁ ଖେଚ୍ପା ଆନାଦେରା ?”

୯ “ଇନାକା ଆଡ଼଼ା ? ହିରକଲ୍ ରଗିଂ ନି ପାପ୍ ସବୁ କେମା କିୟା ଆଡ଼ତାଡ଼ ଇଞ୍ଜି ଇନାକା, କି ନିଙ୍ଗା, ନି କାଟେଲ୍ ଆସ୍ତି ତାଙ୍ଗା ଇଞ୍ଜି ଇନାକା ?”

୧୦ ମାତର ପୁତ ତ ପାପ୍ କେମା କିଦେଙ୍ ମାନାୟ୍ ମାଜି ଜେ ଆନ୍, ନା ଆଦିକାର୍ ମାନାଡ଼, ଇଦାଂ ଏପେଙ୍ ପୁନାଦେର୍ ଇଦାଂ କାଜିଂ ହେ ହିରକଲ୍ ରଗିଂ ଇଚାନ,

୧୧ “ଆନ୍ ନିଙ୍ଗେଙ୍ ଇଞ୍ଜିନାଙ୍ଗା, ନିଙ୍ଗା, ନି କାଟେଲ୍ ଆସ୍ତି, ମିଞ୍ଜି ହାଲା !”

୧୨ ହେବେତାଂ ହେଖାନ ନିଙ୍ଗେଙ୍ ହେ ଦାପ୍ରେ କାଟେଲ୍ ଆଜି ଖିଜାକାର୍ ମୁମ୍ଦାଂ ହସି ହାଚାନ; ହେବେ ଖିଜାର୍ କାବା ଆଜି ଇସୁରତିଂ ଗୁଣ୍ କେଚ୍ଟି କେଚ୍ଟି ଇଚାର, “ଆପେଂ ଏଲେଙ୍ ବାଡ଼ାକା ଇନାଖାଡ଼ାପା ହୁଡ଼଼ାଦାଂ ମାତାପ୍ !”

**ଜିସୁ ଲେବିଙ୍ କୁକ୍ତାନ**  
(ମାତିଉ ୯:୯-୧୩; ଲୁକ ୫:୨୭-୩୨)

୧୩ ହେଖାନ ଆରେ ରଗ ଗାଲିଲି ହାମ୍ଡୁର୍ ଗୁଚିତ ହସି ହାଚାନ, ଆରେ ମାନାୟ୍ ତା ତାକେ ଖାତିଲେ, ହେଖାନ ହେଖାରିଂ ହିକାୟ୍ କିଦେଙ୍ ଲାଗାତାନ ।

୧୪ ଆରେ, ହାଲୁ ହାଲୁ ହେଖାନ ଆଲପିତି ମାଜି ଲେବିଙ୍ ନିଜ ସିସୁଧ୍ନନାକାନ ବାହାତ କୁଚ୍ଟି ମାନାକା ହୁଡ଼ଜି ହେଖାନିଂ ଇଚାନ, “ନା ପାଟେ ଖା” ହେବେଣ୍ଡାଂ ହେଖାନ ତା ପାଟେ ହାଚାନ ।

୧୫ ଇଦାଂ ପାଟେ, ଜିସୁ ଲେବିର୍ ଇଞ୍ଜି\* ଚିଞ୍ଜେଙ୍ କୁଚ୍ଟି ଖେଡ଼ାଲିଂ ହେନି ସିସୁଧ୍ନନାକାର୍ ଆରି ପାପିର୍ ହେଖାନ ଆରି ଜିସୁ ଚେଲାହିର୍ ହୁକେ କୁଚ୍ଟାନ; ଇନାକିଦେଂକି ହେଖାର୍ ହେନି ମାଚାର, ଆରି ହେଖାନ ପାଟେ ହାଲି ମାଚାର ।

୧୬ ହେଖାନ ପାପିର୍ ଆରେ ସିସୁଧ୍ନନାକାର୍ ହୁକେ ତିନ୍ଝି ମାଚାନ, ଇଦାଂ ହୁଡ଼ଜି ହେଖାନ ପାରୁସି ଦଲ୍ଲିନି ସାସିର୍ ହେଖାନ ଚେଲାରିଂ ଇଞ୍ଜେଙ୍ ଲାଗାତାର, ଇଦାଂ ଇନାକା ? “ହେଖାନ ଗାଚ୍ନାକାର୍ ହୁକେ ଆରି ପାପିର୍ ହୁକେ ରଚେ ତିନାନା ।”

୧୭ ଜିସୁ ହେଦାଂ ଖେନ୍ଝି ହେଖାରିଂ ଇଚାନ, “ଉଦ୍ ଆତାକାରିଂ ତାକ୍ତର ଲଡ଼ାଆକାୟ୍, ମାତର ଇନେର୍ ନଚ୍ଚି ମାନାୟ୍ତିଂ ହେଖାରିଂ ତାକ୍ତର ଲଡ଼ା ମାନାଡ଼; ଆନ୍ ଦାମ୍ ଲଗାଂ କୁକ୍ତେଂ ଇଞ୍ଜି ଖାଖାତାଂନା, ମାତର ପାପିରିଙ୍ କୁକ୍ତେଂ ଖାତାଂନା ।”

**ଜିସୁ ଉପାସ୍ ବିସ୍ତେନି ପରସନ୍**  
(ମାତିଉ ୯:୧୪-୧୭; ଲୁକ ୫:୩୩-୩୯)

୧୮ ଜହନ୍ ଚେଲାହିର୍ ଆରେ ପାରୁସିର୍ ଉପାସ୍ କିଜି ମାଚାର । “ଏଚେକ୍ଜାଣ୍ ଖାଜି ଜିସୁଙ୍ ଇଚାର, ଜହନ୍ ଚେଲାହିର୍ ଆରେ ପାରୁସିର୍ ଚେଲାହିର୍ ଉପାସ୍ କିତାର, ମାତର ନି ଚେଲାର୍ ଉପାସ୍ କିତରୁ ଇନେକିଦେଂ ?”

୧୯ “ଜିସୁ ହେଖାରିଂ ଇଚାନ, ବିବାକିନାକାର୍ ହୁକେ ବିବା ଦାଂଣେନ୍ ମାନି ସମୁତ ହେଖାର୍ ଇନାକା ଉପାସ୍ କିଦେଙ୍ ଆଡ଼ନାର ? ବିବାଦାଂଣେନ୍ ଏଚେକ୍ ଖେଡ଼ାପାଡେକ୍ ହେଖାର୍ ହୁକେ ମାନାନ୍, ହେ ପାଡ଼ଡେକ୍ ହେଖାର୍ ଉପାସ୍ କିଦେଙ୍ ଆଡ଼ୁର୍ ।

୨୦ ମାତର ସମ୍ ଖାନାଡ଼, ଏଚେକାଡ଼ ହେଖାର୍ତାଂ ବିବା ଦାଂଣେନିଂ ନିକ୍ଟି ଅୟା ଆନାଡ଼, ଆରି ହେବେଣ୍ଡାଂ ହେ ଦିକ୍ତ ହେଖାର୍ ଉପାସ୍ କିତାର ।

୨୧ ଇନେନ୍ ପୁନି ହେୟାତ ପ୍ଲାନି ହେୟା ନୁଲ୍ ତରୁନ୍; ତ୍ଟଚିସ୍ ପୁନି ହେୟା ମେହାୟ୍ କିତିସ୍ ପ୍ଲାନି ହେୟାତାଂ ବେସି କେଚ୍ଟି ଅନାଡ଼ ଆରି ଆଦିକ୍ ଗାଜା ଆଜି କେନ୍ଝି ହାନାଡ଼ ।

୨୨ ଆରି, ଇନେର୍ ପୁନି ଅଙ୍ଗୁର୍ ରାସ୍ ପ୍ଲାନି ତଲ୍ ମଣାତ ଇଚୁର୍; ଇଚ୍ଟିସ୍ ହେଦାଂ ତଲ୍ ମଣା ପାଚ୍ଟି ତୁହିନାଡ଼, ଆରେ ଅଙ୍ଗୁର୍ ରାସ୍ ଆରି ତଲ୍ ମଣା ରିଣ୍ଡାଂ ନସ୍ ଆନିକ୍ । ମାତର ପୁନି ଅଙ୍ଗୁର୍ ରାସ୍ ପୁନି ତଲ୍ ମଣାତ ଇଚ୍ଚନାକା ମାନାଡ଼ ।”

**ଜମନି ଦିନ୍ ନାଜିଂ ପରସନ୍**  
(ମାତିଉ ୧୨:୧-୮; ଲୁକ ୬:୧-୫)

\* ୨:୧୫ ଲେବିର୍ ଇଞ୍ଜି; ନଲେ ତା (ତା, ଜିସୁତି) ଇଞ୍ଜି ।

୨୩ ଦିନେକ୍ ଜିସୁ ଜମ୍ବିବାବ୍ ନାଜିଂ ଜମ୍ବିପାଟି ନିପ ହାଲ୍‌ଜି ମାଚାନ୍, ଆରେ ତା ଚେଲ୍‌ହିର୍, ହାଲ୍‌ ହାଲ୍‌ ତାସ୍‌ନି ଜିକି ନାଟ୍‌ତେଙ୍ଗ୍ ଲାଗାତାର୍ ।

୨୪ ଇବେଣ୍ଡାଂ ପାରୁସିର୍ ହେଝାନିଂ ଇଚାର୍, “ହୁଡ଼ା, ଜମ୍ବିବାବ୍ ନାଜିଂ ଇନାକା କିନାକା ବିଦି ହିଲ୍‌କ୍, ଚେଲ୍‌ଚ୍ ଇନେକ୍‌ଦେଂ ଆନ୍‌ କିନାରା !”

୨୫ ଜିସୁ ହେଝାରିଂ ଇଚାନ୍, ଦାଉଦ୍ ନାସ୍‌କି ଖେଡ଼ାଙ୍ଗ୍ ଏଚେକାଡ଼୍‌ ହେଝାନ୍ ଆରି ତା ହାଙ୍ଗ୍‌ଦାକାର୍ ନାସ୍‌କି ଆଜି ମାଚାର୍, ହେ ପାଦ୍‌ନା ହେଝାନ୍ ଇନାକା କିଜି ମାଚାନ୍, ହେଦାଂ ଏପେଙ୍ଗ୍ ଇନାଝାଡ଼ାଂ ପା ପଡ଼ି କିଝାତାଣ୍ଟା ?

୨୬ ଅବିୟାତର୍ ମୁଡ଼୍ ମାପୁହେବାକିନାକାର୍ ସମୁତ “ହେଝାନ୍ ଇନେସ୍ ଇସ୍‌ରତି ଇଞ୍ଜି ହାଲ୍‌ଜି ମାଚାନ୍, ଇମ୍‌ଣି ଦର୍ସନି ରୁଟି ଇସ୍‌ରତିଂ ହେବାକିନି ମୁଣିକା ପିସ୍ତି ଆରି ଇନେର୍ ତିନି ଆଦିକାର୍ ବିଦି ଆକାୟ୍, ହେଦାଂ ତିନିଞ୍ଜି ମାଚାର୍, ପାଚେ ଜାର୍ ହାଙ୍ଗ୍‌ଦାକାରିଂ ପା ହିଜି ମାଚାନ୍ ।”

୨୭ ଆରି, ହେଝାନ୍ ହେଝାରିଂ ଇଚାନ୍, ଜମ୍ବିବାବ୍ ଦିନ୍ ମାନାୟାର୍ କାଜିଂ ଆତାଡ଼୍‌ନା, “ମାନାୟାର୍ ଜମ୍ବିବାବ୍ କାଜିଂ ଆଝାତାଣ୍ଟା ।

୨୮ ଲାଗିଂ ମାନାୟ୍ ମାଜି ଜମ୍ବିବାବ୍ ନାଜିଂ ପା ମାପୁ ଆନାନ୍ ।”

### ୩

ଜିସୁ ରକାନ୍ କଲା ମାନାୟତିଂ ଉଜ୍ କିତାନ୍

(ମାତିଉ ୧୨:୯-୧୪; ଲୁକ ୬:୬-୧୧)

୧ ପାଚେ ହେଝାନ୍ ଆରେ ରଗ କୁଚୁମ୍ ଇଞ୍ଜି ହାଚାନ୍, ହେବେ ରକାନ୍ ମାଚାନ୍, ହେଝାନ୍ତି ର କେଇ ଝାଜ୍‌ଜି ମାଚାଡ଼୍ ।

୨ ଆରେ, ହେଝାନ୍ ତାଙ୍ଗେଙ୍ଗ୍ ଇନେସ୍‌କି ଜମ୍ବିବାବ୍‌ତ ଉଜ୍ କିନାନ୍, ହେଦାଂ ହୁଡ଼ି କାଜିଂ ଇଞ୍ଜି ହେଝାର୍ ହେଝେନିଂ ହୁଡ଼ି ମାଚାର୍, ଇନେସ୍ ହେଝାର୍ ହେଝାନ୍ ବିରୁଦ୍‌ତ ଦାବା କିନାର୍ ।

୩ ହେବେ ଇନେନ୍ କେଇ ଝାଜ୍‌ଜି ମାଚାଡ଼୍ ହେଝାନିଂ ଜିସୁ ଇଚାନ୍, “ଝା ମାଦି ନିଲା ।”

୪ ପାଚେ, ହେଝାନ୍ ହେଝାରିଂ ଇଚାନ୍, “ଜମ୍ବିବାବ୍‌ତ ଇନାକା କିନାକା ବିଦି ମାନାଡ଼୍ ? ହାର୍, କିନାକା କି ବାନ୍ୟା କିନାକା ? ଜିରୁନ୍ ରାକ୍ୟା କିନାକା କି ନସ୍ କିନାକା ? ମାଚର୍ ହେଝାର୍ ଉତର୍ ହିଝାଦାଂ ଚିମ୍‌ରା ଆଜି ମାଚାର୍ ।”

୫ ହେବେ ହେଝାନ୍ ହେଝାରିଂ ମାନ୍ତ କୁଚ୍ ଲାଗିଂ ଦୁକ୍ ଆଜି ରିସାତାଂ ଚାର୍‌ବେଶ୍‌ତାଂ ହେଝାରିଂ ହୁଡ଼ି ହେ ମାନାୟତିଂ ଇଚାନ୍, “କେଇ ଲାମାୟ୍ କିୟା ।” ହେଝାନ୍ କେଇ ଲାମାୟ୍ କିତାନ୍ ଆରି ହେଦାଂ ଆରେ ହାରା ଆତାଡ଼୍ ।

୬ ହେବେ ପାରୁସିର୍ ବାଡ଼୍ ହାଲ୍‌ଜି ହେଝାନିଂ ବୁତାୟ୍ କିଦେଙ୍ଗ୍ ଇଞ୍ଜି ହେଝାନ୍ ବିରୁଡ଼୍‌ତାଂ ହେରଦିୟାର୍ ରାଜା ଲାହାଙ୍ଗ୍ କୁଚ୍ କିଦେଙ୍ଗ୍ ଲାଗାଆତାର୍ ।

ହେନି ମାନାୟ୍ ଜିସୁ ପାଚେ ପାଚେ ହାଚାର୍

୭ ଇ ଝାଡ଼ାଂ ଜିସୁ ତା ଚେଲ୍‌ହିର୍ ଲାହାଙ୍ଗ୍ ବିନେ ଆଜି ଗାଲିଲି ହାମ୍‌ଦୁର୍‌ତ ହାଚାର୍, ପାଚେ ଗାଲିଲିତାଂ ହେନି ମାନାୟାର୍ ତା ପାଚେ ପାଚେ ହାଚାର୍; ଆରେ ଜିହୁଦା ରାଜି,

୮ ଜିରୁସାଲମ୍, ଇଦମ୍, ଜର୍ଦ୍‌ନି ଆଣ୍ଟି ପାଡ଼୍‌କା, ଆରେ ସୋର ଆରି ସିଦନ୍‌ନି ଚାରବେଶ୍‌ତି ବେସି ମାନାୟାର୍ ହେଝାନ୍ତି ଝିଜୁ କାମାୟ୍‌ନି ବେରଶ୍ ଝେନ୍‌ଞ୍ଜି ତା ତାକେ ଝାତାର୍ ।

୯ ହେ ପାଦ୍‌ନା ବିଡ଼୍ କାଜିଂ, ମାନାୟାର୍ ଇନେସ୍ ହେଝାନ୍ ଜପି କୁସ୍‌ପିସ୍ ହାଲ୍‌ଚ୍, ଇଦାଂ କାଜିଂ ହେଝାନ୍ ନିଜ୍ ଚେଲ୍‌ଚିଂ ତା କାଜିଂ ର ହାରୁ ତଙ୍ଗା ଲାଗେ ଇଡ଼୍‌ଦେଂ ଇଚାନ୍;

୧୦ ଇନାକିଦେଂକି ହେଝାନ୍ ହେନି ମାନାୟତିଂ ଉଜ୍ କିତିଲେ-ରଗିୟାର୍ ଝିଜାକାର୍ ହେଝାନିଂ ତୁଦେଂ ଇଞ୍ଜି ହେଝାନ୍ ଜପି କୁସ୍‌ସିସ୍ ମାଚାର୍ ।

୧୧ ଆରେ, ବାନ୍ୟା ଜିରୁନିଙ୍ଗ୍ ଆସ୍ତି ମାନି ଲାଗାଙ୍ଗ୍ ହେଝାନିଂ ହୁଡ଼ି ମାଚିକ୍, ହେଝାଙ୍ଗ୍ ହେଝାନ୍ ତାରେନ୍ ଗୁର୍‌ଜି କିକିରାତିଂ କିଜି ଇଞ୍ଜି ମାଚିକ୍, “ଏନେଙ୍ଗ୍ ଇସ୍‌ର ମାଜିଡ଼ି ।”

୧୨ ହେବେତାଂ ତାଙ୍ଗେଙ୍ଗ୍ ଝେର୍‌ଝି କାଜିଂ ହେଝାନ୍ ହେ ବାନ୍ୟା ପୁଦାକାଂ ବେସି ତାଟ୍ କିଜି ବଲ୍ ହିତାନ୍ ।

ଜିସୁ ବାରଜାଣ୍ ଚେଲ୍‌ଚିଂ ବାଚିକିତାନ୍

(ମାତିଉ ୧୦:୧-୪; ଲୁକ ୬:୧୨-୧୬)

୧୩ ଜିସୁ ମାଡ଼ି ଜପି ହାଲ୍‌ଜି, ଇମ୍‌ଣାକାରିଂ ମାନ୍ କିତାନ୍, ହେଝାରିଂ ଲାଗେ କୁକ୍‌ତାନ୍ ଆରେ ହେଝାର୍ ତା ଲାଗେ ଝାତାର୍ ।

୧୪ ପାଚେ, ହେଝାନ୍ ବାର ଜାଣ୍‌ତିଂ ବାଚିକିତାନ୍, ଇନେସ୍ ହେଝାର୍ ତା ହୁକେ ରଚେ ମାନାର୍ ଆରେ ହେଝାନ୍, “ହେଝାରିଂ ସୁଣାୟ୍ କିନି କାଜିଂ ପକ୍ୟାତାକାନ୍ ।

୧୫ ଆରି ହେଝାନ୍ ହେଝାରିଂ ପୁଦାଂ ପିହି କିନାକା ଆଦିକାର୍ ହିତାନ୍ ।”

☆ ୩:୯ ମାର୍କ ୪:୧; ଲୁକ ୫:୧-୩.

୧୬ ଜିସୁ ଇ ବାର ଜାଣିତଂ ବାଚିକିତାନ୍ ଇଚିସ୍, ସିମନ୍ତିଂ, ହେୱାନ୍ ପିତରଂ ଇଞ୍ଜି, ଆରେ ର ତର ହିତାନ୍ ।

୧୭ ଜେବଦି ମାଜି ଜାକୁର୍ ଆରି ତା ଟଣ୍ଡେନ୍ ଜହନ୍, ଇନେରିଂ ହେୱାନ୍ ବିନେରିଗସ୍, ଇଚିସ୍ “ବାଦାଡ୍ ଗାର୍ଜାନି ମାଜି” ଇଞ୍ଜି ଆରେ ର ତର ହିତାନ୍;

୧୮ ଆହିୟ୍, ପିଲିପ୍, ବାର୍ତଲମି, ମାତିଉ, ତମା, ଆଲପିତି ମେହି ଜାକୁର୍, ତଦିୟ୍, କିଶାନିୟ୍ ସିମନ୍,

୧୯ ପାଚେ ଇସ୍ପାରିୟ୍ତିୟ୍ ଜିହୁଦା, ଇନେନ୍ ଜିସୁଙ୍ଗ୍ ସାତୁ କେଇଦ ଆହି କିତାନ୍ ।

**ଜିସୁ ଆରି ବାଲ୍‌ଜିରୁଲ୍**

(ମାତିଉ ୧୨:୨୨-୩୨; ଲୁକ ୧୧:୧୪-୨୩; ୧୨:୧୦)

୨୦ ପାଚେ ହେୱାନ୍ ଇଞ୍ଜି ୱାତାନ୍; ଆରେ ରଗ ହେନି ମାନାୟାର୍ ରୁଣ୍ଡା ଆଦେଂ ଲାଗାତାର୍ ଜେ, ହେୱାର୍ ଚିଞ୍ଜେଙ୍ଗ୍ ପା ଆଡ୍‌଱ାତାର୍ ।

୨୧ ଏଚେକାଡ୍‌ଦ ଜିସୁ ଲାତ୍ରା ଇଦାଂ ୱେଟାର୍ ହେୱାଡାଂ ତାହିୱାଦେଂ ହାଚାର୍, ଇଚିସ୍ ତାଙ୍ଗେଙ୍ଗ୍ “ବାୟା ଆତାନ୍ନା !” ଇଞ୍ଜି ମାନାୟାର୍ କାତାବାର୍ତା ଆଜି ମାଚାର୍,

୨୨ ☆ଆରେ, ଜିରୁସାଲମ୍‌ତାଂ ୱାଜି ମାନି ଦରମ୍ ଗୁରୁର୍ ଇଚାର୍, “ଇୱାନିଂ ବାଲ୍‌ଜିରୁଲ୍ ଲାଗା ଆତାଡ୍‌ନା, ଆରେ ମୁଡ୍ ପୁଦାଂତାଂ ଗାଜା ସାକ୍ତି ହେୱାନ୍ ପୁଦାଂ ପିହିକିନାନ୍ ।”

୨୩ ଇବେଣ୍ଡାଂ ହେୱାନ୍ ହେୱାରିଂ ଲାଗେ କୁକ୍‌ଚି ଉତର୍‌ମୁଡ୍ କାତା ହେୱାରିଂ ଇଚାନ୍, “ସୟ୍‌ତାନ୍ ଇନେସ୍ କିଜି ସୟ୍‌ତାନ୍‌ତିଂ ପିହିକିନାଡ୍ ?”

୨୪ ଜଦି ଇମ୍‌ଣି ରାଜି ବିନେ ଆଜି ନିଜ୍‌ତି ବିରୁଦ୍‌ତ ନିଙ୍ଗ୍‌ନାଡ୍, ହେ ରାଜି ତିର୍ ଆଜି ମାଞ୍ଜେଙ୍ଗ୍ ଆଡୁଡ୍ ।

୨୫ ଆରେ, ଜଦି ଇମ୍‌ଣି ଇଲ୍ ବିନେ ଆଜି ନିଜ୍‌ତି ବିରୁଦ୍‌ତ ନିଙ୍ଗ୍‌ନାଡ୍, ବାଟିଙ୍ଗ୍ ହେ ଇଲ୍ ତିର୍ ଆଜି ମାଞ୍ଜେଙ୍ଗ୍ ଆଡୁଡ୍ ।

୨୬ ହେ ଲାକେ, ସୟ୍‌ତାନ୍‌ନି ରାଜି ଜଦି ବିନେ ଆଜି ନିଜ୍ ବିରୁଦ୍‌ତ ନିଙ୍ଗ୍‌ତାଡେ, ଲାଗିଂ ହେଦାଂ ତିର୍ ଆଜି ମାଞ୍ଜେଙ୍ଗ୍ ଆଡୁଡ୍, ମାତର୍ ହେଦାଂ ୱିଜୁ ହାକି ଗିଗା ଆତାଡେ ।

୨୭ “ମାତର୍ ଇନେର୍ ପର୍ଡମ୍ ସାକ୍ତି କାଟାକାନିଂ ଗାଟ୍‌଱ିସ୍ ହେୱାନ୍ ଇଞ୍ଜି ହେୱାନ୍ ହେୱାନ୍ତି ଆଡ୍ ଆତିୟାର୍ କ୍ଳିସ୍ତେଙ୍ଗ୍ ଆଡୁନ୍; ହେୱାନିଂ ଆଗେ ଗାଟ୍‌ଚିସ୍ ହିନା ହେୱାନ୍ ତା ଇଞ୍ଜି ଚର୍ କିନାନ୍ ।”

୨୮ “ଆନ୍ ମିଙ୍ଗେଙ୍ଗ୍ ହାଡ୍‌ପା ୱେଟାଚାନାଙ୍ଗା, ମାନାୟ୍ ମାଜିର୍ ୱିଜୁ ପାପ୍ ଆରି ହେୱାର୍ ୱିଜୁ କୁର୍ କାତା ଇଞ୍ଜି ଇସ୍‌ରତିଂ ନିୟା କିତାର୍, ହେ ୱିଜୁ କେମା କିୟାନାଡ୍;”

୨୯ ମାତର୍ ଜେ ଇନେର୍ ପୁଇପୁୟା ଜିରୁନ୍‌ତିଂ ବିରୁଡ୍‌ତାଂ ନିୟା କାତା ଇନାନ୍, ହେୱାନିଂ ଇମ୍‌ଣି ଜୁଗ୍‌ତପା କେମା ହିଲୁଡ୍, ମାତର୍ ହେୱାନ୍ ୱିଜୁ ପାପ୍‌ତ ଦସିଆନାନ୍ ।”

୩୦ ଦର୍ମ ସାସ୍ତର୍ “ହେୱାନିଂ ବାନ୍‌ଧାପୁଦା ଆସ୍ତାଡନା, ଇଦାଂ ହେୱାର୍ ଇଚିଲେ ହେୱାନ୍ ଇ କାତା ଇଚାନ୍ ।”

**ଜିସୁ ତେହି ଆରେ ଟଣ୍ଡାହିର୍**

(ମାତିଉ ୧୨:୪୭-୫୦; ଲୁକ ୮:୧୯-୨୧)

୩୧ ହେପାଦନା ଜିସୁ ତେହି ଆରି ଟଣ୍ଡାହିର୍ ୱାଜି ବାର୍‌ତ ନିଲ୍‌ଚି ହେୱାନିଂ କୁକ୍‌ତେଂ ପକ୍ତାର୍ ।

୩୨ ହେବେ ତା ଚାରିବେଣ୍ଡାଂ କୁଚ୍‌ଚି ମାତି ମାନାୟାର୍ ହେୱାନିଂ ଇଚାର୍, “ହୁଡା, ମିଞ୍ଜିୟା, ଟଣ୍ଡେନ୍ ଆରି ତଣ୍ଡେକ୍ ବାର୍‌ତ ମାନ୍‌ଞ୍ଜି ନିଙ୍ଗେଙ୍ଗ୍ ଦାସ୍ତାନାରା ।”

୩୩ ହେୱାନ୍ ହେୱାରିଂ ଉତର୍ ହିତାନ୍; ମାଞ୍ଜିୟା ଆରେ ଟଣ୍ଡାର୍ ଇନେର୍ ?

୩୪ ଆରି, ହେୱାନ୍ ଚାରିବେଣ୍ଡାଂ କୁଚ୍‌ଚି ମାତି ମାନାୟାରିଂ ହୁଡ୍‌ଜି ଇଚାନ୍, “ହୁଡାଟ୍, ଇୱାର୍ ନା ଆୟା ଆରେ ନା ଟଣ୍ଡାର୍ ।

୩୫ ଇନେର୍‌ପା ଇସ୍‌ରନି ଇଚାତିଂ ମାନିକିନାର୍, ହେୱାନ୍ ନା ଟଣ୍ଡେନ୍, ତଣ୍ଡେକ୍ ଆରେ ଆୟା ।”

**୪**

**ବିୟାନ୍ ୱିଡ୍‌ନି ବିସ୍ତେ କାତା**

(ମାତିଉ ୧୩:୧-୯; ଲୁକ ୮:୪-୮)

୧ ☆ଜିସୁ ଗାଲିଲି ହାମ୍‌ଦୁର୍ ଗୁଚିତ ଆରେ ରଗ ହିକାୟ୍ ହିଦେଙ୍ଗ୍ ଲାଗାତାନ୍, ଆରେ ହେନି ମାନାୟାର୍ ତା ଲାଗାଂ ରୁଣ୍ଡାଆତାର୍ ଜେ ହେୱାନ୍ ହାମ୍‌ଦୁର୍‌ତ ମାନି ର ତଙ୍ଗାତ ହାଲ୍‌ଜି କୁଚ୍‌ଚାନ୍ ଆରି ମାନାୟାର୍ ହାମ୍‌ଦୁର୍ ଲାଗାଂ ର ବୁଇଡ୍ ମାଚାର୍ ।

୨ ହେବେଣ୍ଡାଂ ହେୱାନ୍ ଉତର୍‌ମୁଡ୍ ହିଜି ହେୱାରିଂ ବେସି କାତା ବିସ୍ତେ ହିକ୍ୟା ହିଦେଂ ଲାଗାତାନ୍, ପାଚେ ନିଜ୍ ହିକ୍ୟା ବିସ୍ତେ ହେୱାରିଂ ଇଚାନ୍ ୱେନାଟ୍ ।

☆ ୩:୨୨ ମାତିଉ ୯:୩୪; ୧୦:୨୫.      \* ୩:୨୮ ହେୱାର୍ ବାନ୍‌ଧା କାତା ଇଞ୍ଜେଙ୍ଗ୍ ଆଡ୍‌ନାର୍; ନଲେ ହେୱାର୍ ଇସ୍‌ର ବିରୁଦ୍‌ତ ବାନ୍‌ଧା କାତା ଇଞ୍ଜେଙ୍ଗ୍ ଆଡ୍‌ନାର୍ ।  
☆ ୪:୧ ଲୁକ ୫:୧-୩.

୩ “ହୁଡ଼ାଟ୍, ରଖାନ ଓଡ଼ନାକାନ ଓଡ଼େ ହଡ଼ତାନ ।  
 ୪ ହେଖାନ ଓଡ଼ୁ ଓଡ଼ୁ କେତେକ ବିୟାନ ହାଜି କଟଣତ ଆରନାଡ଼, ପାଟେ ପଟିଂ ଖାଜି ହେଦାଂ ତିନିକ୍ ।  
 ୫ ଆରେ କେତେକ ଅଲପ୍ ଚିକ୍ଲା ମାନି କାଲକୁ କୁଡ଼ିତ ଆରନାଡ଼ ଆରି ବେସି ଚିକ୍ଲା ହିଲ୍ଓି କାଜିଂ ହାଣ୍ଡେଲ୍ ନେସ୍ନାଡ଼ ।  
 ୬ ମାତର ଖେଡ଼ା ହଡ଼ତିସ୍ ମୁରଜା ଆନାଡ଼ ଆରେ ଚିରା ହାର୍ କିଜି ହାଲ୍ଓିତି କାଜିଂ ଖାଜ୍ଜି ହାଟାଡ଼ ।  
 ୭ ଆରେ କେତେକ ଖାଡ଼ି କୁଡ଼ିକାଜ୍ ଆରନାଡ଼, ଆରେ ଖାଡ଼ିକୁଡ଼ି ନିଜ୍ଜି ଗାଜା ଆଜି, ହେଖାକାଂ ତାବାୟ୍ କିନିକ୍ ଆରି ଇନାକାପା ପାଡ଼ ଖାଡ଼ ।  
 ୮ ପାଟେ, ହାର୍ଦି ମେଦ୍ନିତ ଆରନାଡ଼, ଆରି ନେସ୍ଦି ପାନ୍ତି ନିଜ୍ଜି ରିକଡ଼ି ଦସ୍ ଗାଡ଼ହା, ତିନିକଡ଼ି ଗାଡ଼ହା ଆରେ ପାଞ୍ଚକଡ଼ି ଗାଡ଼ହା ପାଟେକ୍ ପାଡ଼ ଆସ୍ତାଡ଼ ।”  
 ୯ ପାଟେ ହେଖାନ ଇଚାନ, “ଇନେରିଂ ଖେଞ୍ଜେଜ୍ କିତୁଲ୍ ମାନାଡ଼, ହେଖାନ ଖେନେନ୍ ।”

ଜିସୁ କାତା ଖେଚ୍ଚି ବୁଜାୟ୍ କିତାନ  
 (ମାଡ଼ିଉ ୧୩:୧୦-୧୭; ଲୁକ ୮:୯-୧୦)

୧୦ ହେଖାନ ରକାନ ମାନିଖେଡ଼ାଲିଂ ତା ହାଜ୍ଦାକାର୍ ବାରଜାଣ୍ ତେଲାର୍ ଲାହାଜ୍ ହେଖାନିଂ ହେ ଉତର୍ମୁଡ଼କୁ ବିସ୍ତେ ଖେନ୍ବେଦେଂ ଲାଗାତାର୍ ।  
 ୧୧ “ହେବେଣ୍ଡାଂ ହେଖାନ ହେଖାରିଂ ଇଚାନ,” ଇସ୍ପୁଚି ରାଜିନି ତୁକୁଡ଼ି କାତା, ପୁଞ୍ଜେଜ୍ କାଜିଂ ମିଞ୍ଜେଜ୍ ସାକ୍ତି ହିଦ୍‌ୟା ଆତାଡ଼ନ୍ନା, “ମାତର ହେ ବାର୍ଡି ମାନାୟାରିଂ ସବୁ ବିସ୍ତେ ଉତର୍ମୁଡ଼ ଇନ୍‌ପାନାତା,  
 ୧୨ ଇନେସ୍  
 ହେଖାର୍ ହୁଡ଼ି ହୁଡ଼ି ବୁଜାଆଦେଂ ଆଡୁର୍,  
 ଆରି ଖେନ୍ ଖେନ୍ ପୁଞ୍ଜେଜ୍ ଆଡୁର୍,  
 କାତେହିନା ହେଖାର୍ ଇସ୍ପୁଚାକେ ଖାନାର୍  
 ଆରି କେମା ପାୟା ଆନାର୍ ।”

ଜିସୁ ବିୟାନ ଓଡ଼ନି କାତା ଖେଚ୍ଚାନ  
 (ମାଡ଼ିଉ ୧୩:୧୮-୨୩; ଲୁକ ୮:୧୧-୧୫)

୧୩ ହେଖାନ ଆରେ ହେଖାରିଂ ଇଚାନ, “ଏପେଜ୍ ଇ କାତା ବୁଜା ଆତଦେରା କି ? ଲାଗିଂ ଇନେସ୍ ବିନେନି ଓଡ଼ୁ ଉତର୍ମୁଡ଼ ବୁଜା ଆଦେଂ ଆଡ଼ନାଦେର୍ ?  
 ୧୪ ଓଡ଼ନାକାନ ଇସ୍ପୁଚି ବେରଣ୍ ଓଡ଼ନାନ ।  
 ୧୫ ଇନେର୍ ଖେନାର୍, ଆରେ ଖେଚ୍ଚି ଦାପ୍ରେ ସୟ୍ତାନ ଖାଜି ହେଖାର୍ ତାକେ ଓଡ଼ତାକା ବେରଣ୍ କିସ୍ତି ଅନାଡ଼ । ହେଖାର୍ ବେରଣ୍ ଓଡ଼ତାଆଡ଼ି ହାଜିନି ମେଦ୍ନି ଲାକେ ।  
 ୧୬ ହେ ଲାକେ, ଇନେର୍ ଆଏଡ଼ ବେରଣ୍ ଖେଚ୍ଚି ଦାପ୍ରେ ଖାରୟା ଆଜି ହେଦାଂ ମାନି କିତାର୍,  
 ୧୭ ମାତର ହେଖାର୍ ତାକେ ଚିରାବିତ୍ରେ ହାଲ୍ଓି କାଜିଂ ଅଲପ୍ ଦିନ୍ ତିର୍ ମାନଗାନାର୍, ପାଟେ ବେରଣ୍ କାଜିଂ ଦୁକ୍ କି ନିନ୍ଦା ଖାଡ଼ିସ୍ ହେ ଦାପ୍ରେ ବାଦାପାୟା ଆନାର୍, ହେଖାର୍ ଓଡ଼ିୟାଡ଼ି କାଲକୁଡ଼ିନି ମେଦ୍ନି ଲାକେ ।  
 ୧୮ ଖାଡ଼ି କୁଡ଼ିତ ଆରତି ବିୟାନ ଲାକେ ହେ ନେକ୍ତିକାର୍ ଆରେ କେତେଜାଣ୍ ଖେନାର୍,  
 ୧୯ ମାତର ସଂସାର୍ନି ଚିନ୍ତା, ଦାନ ଲବ୍‌ରା ଆରି ବାରବିନି ଲାବ୍ଡି ହେଖାର୍ ମାନତିଂ ଗୁରାୟ୍ କିନି କାଜିଂ ହେ କାତା ପାଡ଼ ପାୟା ଆଡ଼ ।  
 ୨୦ ଆରେ, ଇନେର୍ ବେରଣ୍ ଖେନ୍‌ଞ୍ଜି ହେଦାଂ ମାନିକିନାର୍ ଆରି ରିକଡ଼ିଦସ୍ ଗାଡ଼ହା, ତିନିକଡ଼ି ଗାଡ଼ହା, ଆରେ ପାଞ୍ଚକଡ଼ି ଗାଡ଼ହା ପାଡ଼ ଖାନାଡ଼, ହେଖାର୍ ଓଡ଼ିୟା ଆଜି ମାଟି ହାଦ୍ ମେଦ୍ନି ଲାକେ ।”

ମାଣ୍ଡ ତାରେନ୍ ବଇଟା  
 (ଲୁକ ୮:୧୬-୧୮)

୨୧ ଆରେ ରଗ ହେଖାନ ହେଖାରିଂ ଇଚାନ, “ଇନେର୍ ଇନାଖାଡ଼ାଂ ବଇଟା ଆହି କିଜି ମାଣ୍ଡ ତାରେନ୍ କି କାଟେଲ୍ ତାରେନ୍ ଇନାକା ଇଟ୍ୟା ଆନାଡ଼ ? ବଇଟା ଇଚ୍ଚି ବାହା ଜପି ଇଚ୍ଚିଦେଂ ଇଞ୍ଜି ତାହି ଖାଖାକା ?  
 ୨୨ \*ଇନାକିଦେଂକି ଚଞ୍ଜିୟା ଆଖାକା ଇନାକା ଆକାୟ୍, ଆରେ ଜଦି ତୁକୁଡ଼ାଡ଼ନ୍ନା, ହେଦାଂ ବାର୍ଡି ହଡ଼ତେଂ ତୁକୁଡ଼ାଡ଼ନ୍ନା ।  
 ୨୩ ଜଦି ଇନେରିଂ ଖେଞ୍ଜେଜ୍ କିତୁଲ୍ ମାନାଡ଼, ହେଖେନ୍ ଖେନେନ୍ !”  
 ୨୪ ହେଖାନ ପାଟେ ହେଖାରିଂ ଇଚାନ, “ଇନାକା ଖେନାଦେରା, ହେ ବିସ୍ତେ ଜାଗ୍ରଡ଼ । ଇମ୍‌ଣି ମାଣ୍ଡତାଂ ଲାଚ୍‌ନାସ୍, ହେ ମାଣ୍ଡତାଂ ମିଞ୍ଜେଜ୍ ଲାଜ୍ଜି ହିଦ୍‌ନାଡ଼, ଆରି ମିଞ୍ଜେଜ୍ ଆଦିକ୍ ହିଦ୍ୟା ଆନାଡ଼ ।  
 ୨୫ ଇନାକିଦେଂକି ଇନେରିଂ ମାନାଡ଼, ତାଜ୍ ହିୟାଆନାଡ଼; ଆରି ଇନେରିଂ ହିଲୁଡ଼, ତା ତାକେ ଇନାକା ମାନାଡ଼, ହେଦାଂ ଇସ୍ପୁଚ୍ ତାକେଣ୍ଡାଂ ଅନାନ୍ ।”

\* ୪:୨୨ ମାଡ଼ିଉ ୧୦:୨୬; ଲୁକ ୧୨:୨.

ଗାଜାଆନି ବିୟାନ୍ ନି କାତା

୨୬ ଆରେ ରଗ ହେୱାନ୍ ଇଚାନ୍, ଇସ୍ବରତି ରାଜି ଇ ଲାକେ, ରୱାନ୍ ଜାର୍ ମେଦ୍ନିତ ବିୟାନ୍ ଓଡ୍ନାନ୍ ।

୨୭ ପାଚେ, ରୱାନ୍ ମାନାୟ୍ ନାଣା ହୁନ୍ଝିନାନ୍ ଆରି ଅଜଡ୍ ଆତିସ୍ ଜାଗଡ୍ ଆନାନ୍, ଆରି ବିୟାନ୍ ଇନେସ୍ କିଜି ନେସ୍ ଇ ପାତ୍ରାଡ୍, ହେଦାଂ ହେୱାନ୍ ପୁନୁନ୍ ।

୨୮ ମେଦ୍ନି ନିଜେ ପାଡ୍ ଆହିକିନାଡ୍, ପର୍ତ୍ତୁମ୍ ଆକି, ପାଚେ କେନ୍ଦା, ତା ପାଚେ ଜିକିତ ଗମ୍ ବାତ ।

୨୯ ମାତର୍ ତାସ୍ ହେନ୍ତାତେ ତାସ୍ ସମୁ ଖାତିସ୍ ହେୱାନ୍ କଖେସ୍ ଲାହାଙ୍ଗ୍ ତ୍ରେସ୍ନାନ୍ ।

ହାର୍ ହୁ ବିୟାନ୍ ନି ଉତର୍ମୁଡ୍

(ମାଡିଉ ୧୩:୩୧-୩୨, ୩୪; ଲୁକ ୧୩:୧୮-୧୯)

୩୦ ଜିସୁ ଆରେ ଇଚାନ୍, “ଆସେଙ୍ଗ୍ ଇନେର୍ ଲାହାଙ୍ଗ୍ ଇସ୍ବର ରାଜିତି ତାଡାୟ୍ କିନାସ୍ ? କି ଆରେ ଇମ୍ଣି ଉତର୍ମୁଡ୍ ତ ହେଦାଂ ବୁଜାୟ୍ କିନାସ୍ ?

୩୧ ହେଦାଂ ରଞ୍ଜାଙ୍ଗ୍ ହାର୍ ହୁ ମାଞ୍ଜି ଲାକେ; ମେଦ୍ନିତ ଓଡିନି ଖାଡାଙ୍ଗ୍ ହେଦାଂ ପୁତ୍ ତ ସବୁ ପାଡ୍ତାଂ ହାରୁ ।

୩୨ ମାତର୍ ଓଡିସ୍ ହେଦାଂ ପାନ୍ତି ସବୁ କୁଚାତାଂ ଗାଜା ଆନାଡ୍, ପାଚେ ତାଡ୍ ଏଲେଙ୍ଗ୍ ଆଜି ଗାଜା ଗାଜା ଆନିଂ ଜେ, ଆକାସ୍ ନି ପଟିଂ ହେ ହିଡଡିତ ବାହା କିଦେଙ୍ଗ୍ ଆଡ୍ନିକ୍ ।”

୩୩ ହେୱାନ୍ ଇ ଲାକେ ବେସି ଉତର୍ମୁଡ୍ ହୁଦାଂ ହେୱାରିଂ ଖେନ୍ଝେଙ୍ଗ୍ ବୁଜାଆନି ସାକ୍ତି ସମାନ୍ ହେଖେର୍ ଲାଗେ ବେରଣ୍ ପରଚାର୍ କିଜି ମାଚାନ୍,

୩୪ ଆରେ ଉତର୍ମୁଡ୍ ଖେଚ୍ଝାଦାଂ ହେୱାନ୍ ହେୱାର୍ ତାକେ ଇମ୍ଣି ବେରଣ୍ପା ଇନ୍ଝାଦାଂ ମାଚାନ୍ । ମାତର୍ ହେୱାନ୍ ବିନେନିକାର୍ ହିଲ୍ଝି ଖେଡାଲିଂ କାତା ତାଙ୍ଗ୍ ହେ ଚେଲାରିଂ ସବୁ ବିସ୍ତେ ବୁଜାୟ୍ କିଜି ମାଚାନ୍ ।

ଜିସୁ ଗାଜା ଦୁକାଡିଙ୍ଗ୍ ତିର୍ କିନାକା

(ମାଡିଉ ୮:୨୩-୨୭; ଲୁକ ୮:୨୨-୨୫)

୩୫ ହେଦାଂ କାଜିଂ ମୁକାହାରେସ୍ ଆତିଲେ ଜିସୁ ହେୱାରିଂ ଇଚାନ୍, “ଖାଡୁ, ହାମ୍ବୁର୍ ଆନ୍ତି ପାଡ୍କା ହାନାସ୍ ।”

୩୬ ହେବେତାଂ ହେୱାର୍ ମାନାୟାରିଂ ପିସି, ଜିସୁ ଇମ୍ଣି ତଙ୍ଗାତ ମାଚାନ୍, ହେ ଲାକେ ହେୱାନ୍ ତଙ୍ଗା ଲାହାଙ୍ଗ୍ ଅଜି ହାଚାର୍, ପାଚେ ବିନ୍ ବିନ୍ ତଙ୍ଗାଙ୍ଗ୍ପା ହେୱାନ୍ ହୁକେ ମାଚିକ୍ ।

୩୭ ଆରି, ତ୍ରିପ୍ଲୁ ହୁଜାଖାଣି ଆତାଡ୍, ପାଚେ ଲଡି ପଡ୍ନି କାଜିଂ ତଙ୍ଗାତ ଏଜୁଂ ବାତ୍ ଆଦେଂ ଲାଗିତିକ୍ ।

୩୮ ହେ ଏଚେକାଡ୍ ହେୱାନ୍ ତଙ୍ଗାନି ପାଚ୍ବାଗାଂ ଆକ୍ସା କାପ୍ଡା ପାଚାତ ତୁପ୍ତି ହୁନ୍ଜି ମାଚାନ୍; ଆରେ ହେୱାର୍ ହେୱାନିଂ ନିକ୍ତି ଇଚାର୍, “ଏ ଗୁରୁ, ଆପେଂ ହାତାପ୍, ନିଙ୍ଗ୍ ଇନାକା ଚିନ୍ତା ହିଲୁଡ୍ ?”

୩୯ ଇବେଣ୍ଟାଂ ହେୱାନ୍ ନିଙ୍ଗ୍ଜି ଦୁକାଡିଙ୍ଗ୍ ଦାକା ହିଜି ଲଡିତିଂ ଇଚାନ୍, “ପୁକ୍ ଇନା, ଚିମ୍ବା !” ହେବେଣ୍ଟାଂ ଦୁକା ମଦା ଆତାଡ୍ ଆରେ ସବୁ ତିର୍ ଆତାଡ୍ ।

୪୦ ଆରେ, ହେୱାନ୍ ହେୱାରିଂ ଇଚାନ୍, ଏପେଙ୍ଗ୍ “ଇନେକିଦେଂ ଏଚେକ୍ ତ୍ରିକ୍ଷା କାଦେର୍ ? ଇଦାଂ ! ଇନାକା ମିଙ୍ଗେଙ୍ଗ୍ ପାତ୍ ହିଲୁଡ୍ ?”

୪୧ ହେବେ ହେୱାର୍ ବେସି ପାଣ୍ଟା ଆଜି ହେଖେର୍ ହେୱାର୍ ଖେଚ୍ପା ଆଦେଂ ଲାଗାତାର୍, “ଇୱାନ୍ ଜେ ଇନେନ୍ ? ଦୁକା ଆରେ ହାମ୍ବୁର୍ ରିଣ୍ଟାଂପା ଇୱାନ୍ ବଲ୍ ମାନି କିନିକା !”



ଜିସୁ ରୱାନ୍ ପୁଦା ତୁୟାଆତା କାନିଂ ଉଜ୍ କିଚାନ୍

(ମାଡିଉ ୮:୨୮-୩୪; ଲୁକ ୮:୨୬-୩୯)

୧ ପାଚେ ଜିସୁ ଚେଲାହିର୍ ଗାଲିଲି ହାମ୍ବୁର୍ ଆନ୍ତି ପାଡାକା ଗରାସିୟର୍ ମାନି ନାସ୍ ଏକାତାର୍ ।

୨ ଜିସୁ ତଙ୍ଗାତାଂ ଜୁତି ଦାପ୍ରେ ର ବାନ୍ୟା ଜିରୁନ୍ ଆତାକାନ୍ ଦୁଗେର୍ ତାଙ୍ଗ୍ ହଡ୍ତାନ୍ ଆରେ ହେୱାନିଂ ଗିଚା ଆତାନ୍ ।

୩ ହେୱାନ୍ ଦୁଗେର୍ତ ବାହା କିଜି ମାଚାନ୍, ହେୱାନିଂ ଆରେ ଇନେର୍ ହିକ୍ତିଂ ଗାଚ୍ଚେଙ୍ଗ୍ ଆଡ୍ଝାଦାଂ ମାଚାର୍,

୪ ହେୱାନ୍ ବେସିହର୍ ହିକ୍ତିଂ ଆରେ କାଗଡା ଗାଚ୍ପିସ୍ ମାଚାର୍, ହେୱାନ୍ ହିକ୍ତିଂ ନାଚ୍ଚି ଗନ୍ଦା ଗନ୍ଦା କିଜି ତ୍ରିପ୍ଲିସ୍ ମାଚାନ୍, ଆରେ ହେୱାନିଂ ଇନେର୍ ଗାଚ୍ଚେଙ୍ଗ୍ ସାକ୍ତି ହିଲ୍ଝାତାଡ୍

୫ ହେୱାନ୍ ନାଣା ଖେଡା ସବୁ ଖେଡାଙ୍ଗ୍ ଦୁଗେର୍ ତାକେ ଆରେ ମାଡିଜପି ମାନ୍ଝି କିଚ୍ଡିପାଡି କିଜି ମାଚାନ୍, ପାଚେ କାଲ୍ ହୁକେ ଜାର୍ ଗାଗାଡ୍ଡିଂ ଗାଝାଦାଝ୍ କିଜି ମାଚାନ୍ ।

୬ ହେୱାନ୍ ଜିସୁଙ୍ଗ୍ ଦେହାତାଂ ହୁଡ୍ଜି ହନ୍ତି ଖାଜି ତାଙ୍ଗେଙ୍ଗ୍ ଜଝାର୍ କିଚାନ୍,

୭ ଆରେ ଗାଜା କାଚ୍ତାଂ କିକିରାଡିଂ ଆଜି ଇଚାନ୍, “ଏ ସଡ୍ଡି ଗାଜା ଇସ୍ବର ମେହି ଜିସୁ ! ନି ହୁଦାଂ ନାଦି ଇନାକା ମାନାଡ୍ ? ନିଙ୍ଗେଙ୍ଗ୍ ଇସ୍ବର ତର୍ଦାଂ ରାଣ୍ ହିଦ୍ନାଙ୍ଗା, ନାଙ୍ଗେଙ୍ଗ୍ କସ୍ ହିଦ୍ନା !”

୮ ଲାଗି ଜିସୁ ହେୱାନିଂ ଇଞ୍ଜେଙ୍ଗ୍ ହାଲ୍‌ଜି ମାଚାନ୍, “ଆଡ଼େ ବାନ୍ୟା ପୁଦା, ଇ ମାନାୟ୍ ତାକେଣ୍ଡାଂ ହସି ହାଲା !”

୯ ଆରେ, ଜିସୁ ହେୱାନିଂ ୱେନ୍‌ବାତାନ୍, “ନି ତର ଇନା ତର ? ହେୱାନ୍ ତାଙ୍ଗେଙ୍ଗ୍ ଇଚାନ୍, ନା ତର ‘ବାହିନି’ ଲାଗି ଆପେଂ ହେନି !”

୧୦ ପାଚେ, ହେୱାନ୍ ହେଦାଂ କାଜିଂ ହେୱାରିଂ ହେ ବାଚ୍‌ତ ଅଲ୍‌ଗା ନାୟ୍ ପକ୍‌ୱାଦାଂ ମାଚାନ୍, ହେଦାଂ କାଜିଂ ହେୱାନ୍ ତାଙ୍ଗେଙ୍ଗ୍ ବେସି ଗଞ୍ଜାରି କିତାନ୍ ।

୧୧ ହେବେ ମାଡ଼ି କନାତ ପାଞ୍ଜିଙ୍ଗ୍ ର ମାୟା ହାରା ଆଜି ମାଚିକ୍ ।

୧୨ ଆରେ, ହେୱାଙ୍ଗ୍ ଜିସୁଙ୍ଗ୍ ଗଞ୍ଜାରି କିଜି ଇଚିକ୍, “ହେ ପାଞ୍ଜିଙ୍ଗ୍ ବିତ୍ରେ ହଣିକାଜିଙ୍ଗ୍ ମାଙ୍ଗେଙ୍ଗ୍ ତା ତାକେ ପକ୍‌ତା ।”

୧୩ ହେୱାନ୍ ହେୱାରିଂ ହେଲ ହିତିଲେ, ବାନ୍ୟା ଜିବୁନିଙ୍ଗ୍ ହସି ପାଞ୍ଜିଙ୍ଗ୍ ବିତ୍ରେ ହଟିକ୍; ହେବେ ହେବେଣ୍ଡାଂ ହେ ମାୟା ବେସି ତାୟାତାଙ୍ଗ୍ ହନତିହାଲ୍‌ଜି ହାମ୍‌ଦୁର୍ ଗୁଚିତାଂ ଆଜି ମୁନ୍‌ଞ୍ଜି ହାତିଙ୍ଗ୍ । ଖିଜୁ ପାଞ୍ଜିଙ୍ଗ୍ ଆନ୍‌ମାନ୍‌ତାଂ ରି ହାଜାର୍ ମାଚିକ୍ ।

୧୪ ହେୱାକାଂ ହାରାଇ କିଜି ମାଚି ମାନାୟ୍ ହସ୍ତି ହାଲ୍‌ଜି ଗାଡ଼୍‌ଦ ଆରେ ନାୟ୍‌କୁକାଂ ୱେଚ୍‌ଚାର୍; ହେବେ ଲକୁ ଇନାକା ଗିଟା ଆତାଡ଼୍‌ନା ଇଞ୍ଜି ହୁଡ଼୍‌ଗୁା ଖାତାର୍ ।

୧୫ ଆରେ, ହେୱାର୍ ଜିସୁ ତାକେ ୱାଜି ହେ ପୁଦା ତୁୟାଆତାକାନ୍, ଇଚିସ୍, ଇନେରିଂ ହିଗ୍‌ଦ ବାହିନି ପୁଦା ତୁଜି ମାଚାଡ଼୍, ହେୱାନ୍ ହେୟା ଉସ୍‌ସି ହାଦ୍ ମାନ୍ତ କୁଚି ମାନାକା ହୁଡ଼୍‌ଜି ପାଣ୍ଡା ଆତାର୍ ।

୧୬ ଆରେ, ଇନେର୍ ହୁଡ଼୍‌ଜି ମାଚାର୍, ହେୱାର୍ ହେ ପୁଦା ଆହ୍‌ୟା ଆତାକାନ୍ କାଜିଂ ଇନାକା ଗିଟା ଆଜି ମାଚାଡ଼୍, ହେଦାଂ ଆରି ପାଞ୍ଜିଙ୍ଗ୍ ବିସ୍ତେ ହେୱାର୍ ତାକେ ହାଲ୍‌ଜି ବେରଣ୍ ଖେଚ୍‌ଚେଙ୍ଗ୍ ଲାଗାତାର୍ ।

୧୭ ହେବେଣ୍ଡାଂ ହେଞ୍ଜେର୍ ହେୱାର୍ ହାହିତାଂ ହାଞ୍ଜେଙ୍ଗ୍ ଜିସୁଙ୍ଗ୍ ଗଞ୍ଜାରି କିଦେଙ୍ଗ୍ ଲାଗାତାର୍ ।

୧୮ ପାଚେ ହେୱାନ୍ ତଙ୍ଗାତ ଦୁମ୍‌ନି ୱେଡ଼ାଲିଂ, ଇମ୍‌ଣି ମାନାୟ୍‌ତିଂ ଆଗେ ପୁଦା ଆସ୍ତି ମାଚାଡ଼୍, “ଜିସୁ ତା ଲାହାଂ ମାନି କାଜିଂ ଚାନେକ୍ ଚାନେକ୍ ଗଞ୍ଜାରି କିତାନ୍ !”

୧୯ ମାଚର୍ ଜିସୁ ହେଲ ହିଞ୍ଜାଦାଂ ତାଙ୍ଗେଙ୍ଗ୍ ଇଚାନ୍, “ମି ଇଞ୍ଜ, ମି ୱାସ୍‌ନିକାର୍ ତାକେ ହାଲା, ପାଚେ ମାପୁ ନି କାଜିଂ ଇନା ଇନାକା କାମାୟ୍ କିତାଡ଼୍‌ନା ଆରି ନି କାଜିଂ ଇମ୍‌ଣି ଦୟା ଚତାତାଡ଼୍‌ନା, ହେ ସବୁ ହେୱାରିଂ ୱେଚା ।”

୨୦ ତା ପାଚେ ହେୱାନ୍ ହାଲ୍‌ଜି, ଜିସୁ ହେୱାନ୍ କାଜିଂ ଇମ୍‌ଣି ଇମ୍‌ଣି କାମାୟ୍ କିଜି ମାଚାନ୍, ହେ କାମାୟ୍ ଦେକାପଲି, ଇଚିସ୍ ଦସ୍‌ଗଟା ଗାଡ଼୍‌ତ ସୁଣାୟ୍ କିଦେଙ୍ଗ୍ ଲାଗାତାନ୍, ହେବେ ଖିଜାକାର୍ ୱେନ୍‌ଞ୍ଜି କାବା ଆତାର୍ ।

**ଜିସୁ ହାତି ଗାଡ଼୍‌ଚେଂ ଜିପ୍‌ତାନ୍, ଆରେ ର କଗ୍‌ଲେଂ ଉଜ୍ କିତାନ୍  
(ମାତିଉ ୯:୧୮-୨୬; ଲୁକା ୮:୪୦-୫୬)**

୨୧ ଜିସୁ ତଙ୍ଗାତାଂ ନାସି ଆରେ ରଗ ଉଲ୍‌ଚି ଖାତାନ୍, ତା ପାଚେ ହାମ୍‌ଦୁର୍ ଗୁଚିତ ମାନି ସମୁତ ବେସି ହେନି ଲକୁ ତା ଲାଗେ ରୁଣ୍ଡା ଆତାର୍ ।

୨୨ ହେ ପାଦ୍‌ନା ନାଚି କୁଚୁମ୍ ଇଲ୍ ମୁଣିକା ବିତ୍ରେ ଜାଈରସ୍ ତର୍‌ଦାକାନ୍ ରକାନ୍ ୱାଜି ହେୱାନିଂ ହୁଡ଼୍‌ଜି କାଲ୍‌କୁ ତାରେନ୍ ତାଣ୍ଡାହାଣ୍ ମାକ୍‌ତାନ୍,

୨୩ “ଆରେ ବେସି ଗଞ୍ଜାରି କିଜି ଇଚାନ୍, ନା ଗାଡ଼୍ ହାତିଲାକେ, ହେଦେଲ୍ ଇନେସ୍ ରାକ୍ୟା ପାୟାଜି ଜିନାଡ଼୍, ହେଦାଂ କାଜିଂ ଏନେଙ୍ଗ୍ ୱାଜି ତାଙ୍ଗେଙ୍ଗ୍ କେଲ ତୁଞ୍ଜା ।”

୨୪ ଇବେଣ୍ଡାଂ ହେୱାନ୍ ତା ହୁଦାଂ ହାଚାନ୍, ଆରି ବେସିହେନି ମାନାୟ୍ ହେୱାନ୍ ପାଚେ ପାଚେ ହାଞ୍ଜେଙ୍ଗ୍ ଲାଗାତାର୍, ଆରେ ହେୱାର୍ ତା ଜପି କୁସ୍‌ପିସ୍ ମାଚାର୍ ।

୨୫ ହେ ପାଦ୍‌ନା ବାର ବାହୁଁ ପାଚେକ୍ ଗାଗାଡ଼୍ ନାଡ଼୍‌ଞ୍ଜି ରଗ୍‌ନି ର କଗ୍‌ଲେ,

୨୬ ଇନେସ୍‌କି ବେସି ତାଲ୍‌ଚ୍‌ଚ୍‌ତାଂ ବେସି ଦୁକ୍‌ପାୟା ଆଜି ଦାନ୍ ଖିସ୍ତିଲେପା ଅଲ୍‌ପ୍ ପା ହାରା ଆଞ୍ଜାଦାଂ ତାଦେଲ୍ ଆଦିକ୍ ବେମାର୍ ଆଜି ମାଚାଡ଼୍ ।

୨୭ ହେଦେଲ୍ ଜିସୁ ବେରଣ୍ ଖେନ୍‌ଞ୍ଜି ମାନାୟ୍ ବିତ୍ରେ ପାଚ୍ ବାଗାଙ୍ଗ୍ ୱାଜି ହେୱାନ୍ ହେୟାନି ଚେଲିଂ ତୁଡାଡ଼୍, ଇନାକିଦେଂକି ହେଦେଲ୍ ଇଞ୍ଜି ମାଚାଡ଼୍,

୨୮ “ମାଚର୍‌ଜେ ହେ ହେୟା ତୁଡୁଂଚି ଆନ୍ ଉଜ୍ ଆନାଙ୍ଗ୍ ।”

୨୯ ହେ ଦାପ୍‌ଚେ ତା ନେତେର୍ ହନାକା ଚେବା ଆତାଡ଼୍, ଆରେ ହେଦେଲ୍ ଜେ ରଗ୍‌ତାଂ ଉଜ୍ ଆତାଡ଼୍‌ନା, ଇଦାଂ ହେଦେଲ୍ ତା ଗାଗାଡ଼୍‌ତ ପୁଚାଡ଼୍ ।

୩୦ ହେ ଦାପ୍‌ଚେ ଜିସୁ ତାଙ୍ଗ୍ ସାକ୍ତି ହଜି ହାନାକା ମାନ୍ତ ପୁଞ୍ଜି, ମାନାୟ୍ ବିତ୍ରେ ଜେଣ୍‌ପାଡ଼୍‌କା ମାସ୍‌ଦି ଇଚାନ୍, “ଇନେର୍ ନା ହେୟା ତୁଡ଼୍‌ତାର୍ ?”

୩୧ ତା ଚେଲାହିର୍ ହେୱାନିଂ ଇଚାର୍, “ଏନେଙ୍ଗ୍‌ତ ହୁଡୁନାୟା, ମାନାୟାର୍ ନି ଜପି କୁସ୍‌ପା ଆଦ୍‌ନାରା, ଆରି ଏନ୍ ଇନାୟା, ଇନେର୍ ନାଙ୍ଗ୍ ତୁଡ଼୍‌ତାର୍ ?”

୩୨ ମାଚର୍ ଜେ ଇଦାଂ କିଜି ମାଚାଡ଼୍, ହେଦାଂ ହୁଡ଼୍‌ଦେଂ ହେୱାନ୍ ଚାରିବେଣ୍ଡାଂ କାଣ୍‌କୁ କିଦେଙ୍ଗ୍ ଲାଗାତାନ୍ ।



୩୩ ହେବେଶ୍ଵାଂ ହେ କଗ୍ଲେ ତାଙ୍ଗେଙ୍ଗ୍ ସବୁ ଗିଗା ଆତାକା, ଆରେ ହେଦାଂ ପୁଞ୍ଜି ପାଣ୍ଡୁତୁଂ ତ୍ରିଗ୍ଲି ତ୍ରିଗ୍ଲି ଖାଜି ହେଖାନିଂ ତାଣ୍ଡାହାଡ଼୍ ମାଗ୍ଲି ଖିଜୁ ହାଡ଼ପା କାତା ହେଖାନିଂ ଖେଚ୍ଚାଡ଼ ।

୩୪ ତା ପାଚେ ଜିସୁ ହେଦେଲିଂ ଇଚାନ, “ଏ କଇ, ନି ପାଚି ତାଂ ନିଙ୍ଗେଙ୍ଗ୍ ଉଜ୍ କିଜି ମାଞ୍ଜନାଡ଼ । ଏନ୍ ସୁସ୍ତାତାଂ ହାଲା, ଆରେ ନି ରଗ୍ତାଂ ଉଜ୍ ଆଜି ମାନା ।”

୩୫ ହେଖାନ ଇ ବେରଣ୍ ଇନିହିଙ୍ଗ୍, ତା ନାଟି ମୁଣିକା ଇଞ୍ଜି ଲକୁ ଖାଜି ଇଚାର, “ନି ଗାଡ଼୍ ହାତାତେ । ଗୁରୁଙ୍ଗ୍ ଇନାକିଦେଂ ଆରେ କସୁ ହିନାୟା ?”

୩୬ ମାତର ଜିସୁ ହେ ବେରଣ୍ ଖେନ୍ଞ୍ଜି ଖେନ୍ଞ୍ଜିତି ଲାକେ\* ଆଜି ନାଟି ମୁଣିକାଂ ଇଚାନ, “ପାଣ୍ଡା ଆମା, ଜେ ମାତର ପାଚି କିୟା ।”

୩୭ ପାଚେ, ଜିସୁ ପିତର ଜାକୁର୍ ଆରେ ତା ଟଣ୍ଡାହି ଜହନ୍ ପିସି ଆରେ ଇନେରିଂ ପା ତା ଲାହାଙ୍ଗ୍ ହାଞ୍ଜେଙ୍ଗ୍ ହିଖାତାନ ।

୩୮ ହେଖାର କୁରୁମ୍ ନି ମୁଡ଼ଦାକାନ ଇଞ୍ଜି ଖାଜି, ହେଖାନ ଇଞ୍ଜି ଆଡ଼ାକୁକା ଆନାକା ଆରେ ବିଲ୍ଲକି ଆଜି ଆଡ଼ବାନାକା ହୁଡ଼ତାର,

୩୯ ଆରି ବିତେ ହାଲ୍ଲଜି ହେଖାରିଂ ଇଚାନ, “ଇନାକିଦେଂ ଆଡ଼ାକୁକା ଆନାଦେରା ? କଇହିମ୍ଣା ହାଞ୍ଜାତାତନା, ମାତର ହୁଞ୍ଜନାତା ହେବେ ହେଖାର ହେଖାନିଂ କିଜାୟ୍ କିଦେଙ୍ଗ୍ ଲାଗାତାର !”

୪୦ ମାତର ହେଖାନ ଖିଜାକାରିଂ ବାର୍ଡ଼ ହପ୍ତି କଇହିମ୍ଣା ତେହିଙ୍ଗ୍ ଲାଡ଼ାହିଙ୍ଗ୍ ଆରେ ତା ହାଙ୍ଗ୍ଦା କାରିଂ ଅଜି ହାଲ୍ଲଜି, କଇହିମ୍ଣା ଇମେତାକେ ମାଚାଡ଼, ହେ ବାହାତ ହଣ୍ଗାତାର,

୪୧ ଆରେ ହିମ୍ଣାତି କେଇ ଆସ୍ତି ହେଦେଲିଂ ଇଚାନ, “ଟଲିତାକୁମ୍,” ଇଚିସ୍ “ଏ କଇ ହିମ୍ଣା, ଆନ୍ ନିଙ୍ଗେଙ୍ଗ୍ ଇଞ୍ଜନାଙ୍ଗା, ନିଙ୍ଗା !”

୪୨ ହେ ଦାପ୍ରେ କଇହିମ୍ଣା ନିଙ୍ଗିଜି ବୁଲାଆଦେଂ ଲାଗାତାଡ଼; ହେ କଇହିମ୍ଣା ବୟସ୍ ବାର ବାହୁଁ ଆଜି ମାଚାଡ଼ । ହେବେ ହେଖାର ଖିଜାକାର କାବା ଆଜି ହାଚାର ।

୪୩ ଆରେ, ଇନେରପା ଜେ ଇ ବିସ୍ତେ ପୁନୁର୍, ଇଦାଂ କାଜିଂ ହେଖାନ ହେଖାରିଂ ତାଟକିଜି ବଲ୍ଲ ହିତାନ, ଆରେ “ହେ କଇହିମ୍ଣାଂ ଇଚୁଟିଂ ତିନାକା ହିଦେଂ ଖେଚ୍ଚାନ ।”



ନାଜରିତ୍ତନି ଲକୁ ଜିସୁଙ୍ଗ୍ ମାନି କିଖାତାର  
(ମାତିଉ ୧୩:୫୩-୫୮; ଲୁକ ୪:୧୭-୩୦)

୧ ହେ ବାହାତାଂ ଜିସୁ ଇମେତାକେ ଗାଜା ଆଜି ମାଚାନ ଜାର ଗାଡ଼୍ଦ ଖାତାନ ଆରେ ତା ଚେଲାହିର୍ ତା ପାଚେ ପାଚେ ଖାତାର ।

୨ ଜମନିବାର, ହେଖାନ କୁରୁମ୍ ଇଞ୍ଜି ହିକାଇ କିଦେଙ୍ଗ୍ ଲାଗାତାନ । ଆରେ, ବେସି ଲକୁ ହେଖାନ କାତା ଖେନ୍ଞ୍ଜି କାବା ଆଜି ଇଚାର, “ଇଖାନ ଇ ସବୁ ଇମେତାଂ ପୁଚାନନା ?” ପାଚେ, ଇଖାନ ଇମ୍ଣି ବୁଦିହିୟା ଆତାଡ଼ନା ? “ଆରେ ଇମ୍ଣି ସାକ୍ତିନି କାମାୟ୍ ଇଖାଡ଼ି ତା କେଇ କାଜିଂ କାମାୟ୍ ଆନାତା, ଇ ସବୁ ଇନାକା ?”

୩ ଇଖାନ ଜେ ହେ ବାତାୟ୍ ଆକାୟ୍ । ଇଖାନ ହେ ମରିୟମ୍ ମେହି, ଆରି ଜାକୁର୍, ଜସି, ଜିହୁଦା ଆରେ ସିମନ୍ ଟଣ୍ଡେନ୍ ଆକାୟ୍ ପାଚେ, “ଇଖାର ତଣ୍ଡେହିକ୍ ଇବେ ମା ଲାହାଙ୍ଗ୍ ରଚେ ହିଲ୍ଲିଞ୍ଜିତିକ୍” ଆରେ ଇଦାଂ ଇଞ୍ଜି ତାଙ୍ଗେଙ୍ଗ୍ ପାଚି କିଖାତାର ।

୪ ହେବେତାଂ ଜିସୁ ହେଖାରିଂ ଇଚାନ, “ବିନେନିକାର ରଖାନ ବେଶବାକଣାୟ୍ କିନାକାନିଂ ଗଞ୍ଜାରି କିତାର, ମାତର ହେ ନିଜେ ଗାଡ଼ନି ମାନାୟାର, ହେ ଲକ୍ବକ୍ ଆରି ନିଜେ ଇଞ୍ଜି ଲକ୍ବକ୍ ପିସି ତାଙ୍ଗେଙ୍ଗ୍ ଗଞ୍ଜାରି କିତାର ।”

୫ ପାଚେ, ଅଲପ୍ କେତେକ୍ ରଗିୟାରିଂ ଜପି କେଇ ଇଡ଼ିଜି ହେଖାରିଂ ଉଜ୍ କିନାକା ପିସି ଅଲ୍ଗା ଇମ୍ଣି ସାକ୍ତିତାଂ କାମାୟ୍ କିଦେଙ୍ଗ୍ ଆଡ଼ଞ୍ଜା ତାନମେ ।

୬ ଆରେ, ହେଖାର୍ତି ପାଚି କିଖାକା କାଜିଂ କାବା ଆତାର ।

ଜିସୁ ବାରଜାଣ୍ ଚେଲାରିଂ ପକ୍ତାନ  
(ମାତିଉ ୧୦:୫-୧୫; ଲୁକ ୯:୧-୬)

୭ ପାଚେ ହେଖାନ ବାରଜାଣ୍ ଲାଗେ କୁକ୍ଚି ହେଖାରିଂ ରିୟାର ରିୟାରିଂ କିଜି ପକ୍ତେତେଂ ଆରାମ୍ କିତାନ ଆରି ପୁଦାଂ ତୁୟାଆତି ମାନାୟତଂ ପିହିକିଦେଂ ଇଞ୍ଜି ହେଖାରିଂ ଆଦିକାର ହିତାନ;

୮ ଆରେ, “ଏପେଙ୍ଗ୍ ହାନିହିଂ ମାତର ଜେ ବାଡ଼ଗା ପିସି ରୁଟି କି ତରି ମଣାତ ତାବୁଙ୍ଗ୍ ଆମାଟ୍ ଇଞ୍ଜି ହେଖାରିଂ ବଲ୍ଲ ହିତାନ;

୯ ମାତର ହେଖାରିଂ କାଲ୍ଦ ପାଣ୍ଡାୟ୍ ତୁଜାର୍ ଇଚାନ, ରିଶ୍ଵାଂ ଆଜିଙ୍ଗ୍ ଆର୍ପେଦେଂ ମୁନା କିତାନ ।”

\* ୫:୩୬ ଖେନ୍ଞ୍ଜି ଖେନ୍ଞ୍ଜିତି ଲାକେ; ନଲେ ପାଣ୍ଡା ଆଖାଦାଂ । ☆ ୬:୪ ଜହନ୍ ୪:୪୪.

୧୦ ଆରେ, ଜିସୁ ହେୱାରିଂ ଇଚାନ, “ଏପେଙ୍ଗ ଇମ୍ଫଣି ଇଞ୍ଜ ହେଗ୍‌ଗାନାଦେର, ହେ ବାହାତାଂ ପକ୍ତିଞ୍ଜି ପାତେକ୍ ହେବେ ମାନାଟ୍ ।

୧୧ ✱ମାତର ଇମ୍ଫଣି ନାସ୍‌ନି ମାନାୟ୍ ମିଙ୍ଗେଙ୍ଗ୍ ମାନକିଦୁର, ଆରେ ମି ବେରଣ୍ ଝେନ୍‌ଞ୍ଜୁର, ହେ ବାହାତାଂ ହାନି ଝେଡ଼ାଙ୍ଗ୍ ହେୱାର୍ ତାକେ ସାକି ହିଦେଂ ମି କାଲ୍ ପାନାନି ଦୁଡ଼ି ଡ଼ାତାଟ୍ ।

୧୨ ହେବେ ହେୱାର୍ ବାର୍ତ୍ ହାଲ୍‌ଜି ମାନବାଦଲ୍‌ଲାଇ କିନାକା ଜେ ମାନାଟ୍, ଇଦାଂ ସୁଣାୟ୍ କିତାର୍,

୧୩ ✱ଆରେ ଆଦେକ୍ ପୁଦାଂ ପିହିକିତାର୍ ଆରେ ବେସି ହେନି ରଗି ଲଗାଙ୍ଗ୍ ଚିକାଣ୍ କାଜିଂ ଉଜ୍ କିତାର୍ ।”

**ବାପ୍ତିସ୍ମିମ୍ ହିନି ଜହନ୍ତି ହାକି**

(ମାତିଉ ୧୪:୧-୧୨; ଲୁକ ୯:୭-୯)

୧୪ ଜିସୁ ତର୍ ଝିଣ୍ଡିଲେ ହେରଦ୍ ରାଜା\* । ହେୱାନ୍ ବିସ୍ତେ ଝେଚାନ, ଆରେ ଲକୁ ଇଞ୍ଜି ମାଚାର୍, “ବାପ୍ତିସ୍ମିମ୍ ଜହନ୍ ହାତି ତାକେଣ୍ଟାଂ ନିଙ୍ଗ୍‌ତାନା ! ହେ ଇ ଝିଜୁ ସାକ୍ତି ହେୱାନ୍ ତାକେ କାମାୟ୍ କିନାତା ।”

୧୫ ମାତର ବିନେନିକାର୍ ଇଞ୍ଜି ମାଚାର୍, “ଆଗେଦିନି ରଞ୍ଜାନ୍ ଏଲିୟ୍,” ପାଚେ ଆରେ ଇନେ ଇନେର୍ ଇଞ୍ଜି ମାଚାର୍, “ବେଣ୍‌ବାକ୍‌ଶାୟ୍‌କିନାକାନ୍ ତାଙ୍ଗ୍ ଇନାକାନ୍ ଲାକେପା ଇଞ୍ଜାନ୍ ରକାନ୍ ବେରଣ୍ ବାକ୍‌ଶାୟ୍ କିନାକାନ୍ ।”

୧୬ ମାତର ହେରଦ୍ ଇଦାଂ ଝେନ୍‌ଞ୍ଜି ଇଚାନ, “ଇମ୍ଫଣି ଜହନ୍‌ତିଂ ଆପେଂ କାପ୍‌ଡ଼ା ରାସ୍‌ତାପ୍‌ନା, ହେୱାନ୍ ନିଙ୍ଗ୍‌ତାନା ।”

୧୭ ଲାଗିଂ ହେରଦ୍ ତା ଟଣ୍ଡାହି ପିଲିପ୍ ଝାଣିଙ୍ଗ୍ ହେରଦିଆଙ୍ଗ୍ ବିବା କିତିଲେ ହେଦାଂ କାଜିଂ ନିଜେ ମାନାୟ୍ ପକ୍ତି ଜହନ୍‌ତିଂ ଆସ୍ତି ଆରେ ଗାଟ୍‌ଚି ଜେଲ୍ ଇଞ୍ଜି ତୁଇଜି ମାଚାର୍ ।

୧୮ ହେଦାଂ କାଜିଂ ଜହନ୍ ହେରଦ୍‌ତିଂ ଇଞ୍ଜି ମାଚାନ, “ନି ଟଣ୍ଡେନ୍ ଝାଣିଙ୍ଗ୍ ଡକ୍ତି କିନାକା ନି ବିଦି ହିଲୁଡ୍ !”

୧୯ ହେବେତାଂ ହେରଦିୟା ଆକାର୍ ଆଜି ଜହନ୍‌ତିଂ ଅସ୍ତେଙ୍ଗ୍ ଇଞ୍ଜି ମାନ୍ କିଜି ମାଚାନ, ମାତର ଆଡ଼ଝାଦାଂ ମାଚାନ;

୨୦ ଇନାକିଦେଂକି ହେରଦ୍ ଜହନ୍‌ତିଂ ରଞ୍ଜାନ୍ ଦାମ୍ ନିକାନ୍ ଆରି ପୁଇପୁୟା ପୁଞ୍ଜି ପାଣ୍ଡା ଆଜି ମାଚାନ, ଆରେ ତାଙ୍ଗେଙ୍ଗ୍ ରାକ୍ୟା କିଦେଙ୍ଗ୍ ସେଷ୍ଟା କିଜି ମାଚାନ, ଆରେ ହେ କାତା ଝେନ୍‌ଞ୍ଜି ବେସି ରିସା ଆତିସ୍‌ପା ଝାରିତାଂ ହେଦାଂ ଝେନ୍‌ଞ୍ଜି ମାଚାନ ।

୨୧ ପାଚେ ହେରଦିୟାତି ପାଗ୍ ଦିନ୍ ଏକା ଝାତାଟ୍ । ହେରଦ୍‌ତି ଜଲମ୍ ଦିନ୍ ନାଜିଂ ପାଟ୍ ମଡ଼ି, ମୁଡ଼ମେଲ୍ୟା ଆରି ଗାଲିଲିନି ମୁଣିକାର୍ କାଜିଂ ମିକାଲିଂ ବଜି ଜାଲ୍‌ଦି କିତାନ୍ ।

୨୨ ଆରେ, ହେରଦିୟା† ତା ଗାଡ଼ହି ବିଡ୍ରେ ଝାଜି ଏନ୍‌ଦିପା, ହେରଦ୍ ଆରି ହେୱାନ୍ ହୁକେ ବଜିତ କୁଟ୍‌ଚି ଲଗାଙ୍ଗ୍ ଗଞ୍ଜାରି କିତାଟ୍ । ହେବେ ହେରଦ୍ ରାଜା ଗାଡ଼ଚେଂ ଇଚାନ, “ଇନାକା ମାନ୍ କିନାୟା, ଏନ୍‌ତା, ଆନ୍ ନିଙ୍ଗେଙ୍ଗ୍ ହେଦାଂ ହିଦ୍‌ନାଂ ।”

୨୩ ଆରେ, ହେୱାନ୍ ତା ତାକେ ପାର୍ମାଣ୍ କିତାନ୍, “ଏନ୍ ନାଙ୍ଗେଙ୍ଗ୍ ଇନାକା ଏନ୍ତାନାୟ୍, ହେଦାଂ ନିଙ୍ଗେଙ୍ଗ୍ ରାଜିନି ବାଗେ ପାତେକ୍ ଏକ୍ତିତିସ୍ ପା ଆନ୍ ହିଦିନାଂ !”

୨୪ ତା ପାଚେ ହେଦେଲ୍ ହସି ହାଲ୍‌ଜି ତା ତେହିଙ୍ଗ୍ ଝେନ୍‌ବାତାଟ୍, “ଆନ୍ ଇନାକା ଏନ୍‌ନାଙ୍ଗ୍ ? ହେଦେଲ୍ ଇଚାଟ୍, ବାପ୍ତିସ୍ମିମ୍ ଜହନ୍‌ତି କାପ୍‌ଡ଼ା” ଏନା ।

୨୫ ହେ ଦାପ୍ରେ ହେଦେଲ୍ ରାଜା ଲାଗେ ଝାଜି ଇଦାଂ ଇଞ୍ଜି ଏନ୍ତାଟ୍, ତା ପାଚେ ତେହି ଇଚାଟ୍ ଜେ, “ଏନ୍ ବାପ୍ତିସ୍ମିମ୍ ହିନି ଜହନ୍‌ତି କାପ୍‌ଡ଼ା ର ତାଡ଼ିୟାତ ହେ ଦାପ୍ରେ ହିଦା !”

୨୬ ଇବେ ରାଜା ଦୁକ୍ ଆତିସ୍ ପା ଜାର୍ ପାର୍ମାଣ୍ ଆରି ବଜିତ କୁଟ୍‌ଚି ମାନାୟାର୍ ତାକେ ଆକାୟ୍ ଇଞ୍ଜେଙ୍ଗ୍ ମାନ୍ କିଞ୍ଜାତାନ୍ ।

୨୭ ଲାଗିଂ ରାଜା ହେ ଦାପ୍ରେ ର ଜାମାନ୍‌ତିଂ ପକ୍ତି ହେୱାନ୍ତି କାପ୍‌ଡ଼ା ତାସି ଝାଦେଙ୍ଗ୍ ଇଞ୍ଜି ବଲ୍ ହିତାନ୍ । ହେବେଣ୍ଟାଂ ହେୱାନ୍ ହାଲ୍‌ଜି ଜେଲ୍‌ତାଂ ଜହନ୍ତି କାପ୍‌ଡ଼ା ରାସ୍‌ଦି ତାହିଞ୍ଜାତାନ୍,

୨୮ ଆରେ ହେଦାଂ ର ତାଡ଼ିୟାତ ତାକେ ତାସି ଗାଡ଼ଚେଂ ହିତାନ୍, ଆରେ ଗାଡ଼ଚେ ହେଦାଂ ଅଜି ତା ତେହିଙ୍ଗ୍ ହିତାଟ୍ ।

୨୯ ଜହନ୍ ଚେଲାହିର୍ ହେବେନି କାବୁର୍ ଝେନ୍‌ଞ୍ଜି ଝାତାର୍ ଆରି ହେୱାନ୍ ମାଡ଼ା ଅଜି ଦୁଗେରତ ଇଟ୍‌ତାର୍ ।

**ଜିସୁ ପାଞ୍ଚ ହାଜାର୍ ମାନାୟାରିଂ ଚିଟ୍‌ପାନାକା**

(ମାତିଉ ୧୪:୧୩-୨୧; ଲୁକ ୯:୧୦-୧୭; ଜହନ୍ ୬:୧-୧୪)

୩୦ ପାଚେ ପକ୍ୟାତାକାର୍ ଜିସୁ ତାକେ ରୁଣ୍ଡା ଆଚାର୍, ଆରି ହେୱାର୍ ଇନା ଇନାକା କିଜି ମାଚାର୍ ଆରେ ଇନା ଇନାକା ହିକିୟା ହିଜି ମାଚାନ, ହେ ଝିଜୁ ହେୱାନ୍‌ି ଝେଟ୍‌ପାତାର୍ ।

୩୧ ହେବେତାଂ ହେୱାନ୍ ହେୱାରିଂ ଇଚାନ, “ଜାଡୁ ଆସେଙ୍ଗ୍ ର ଚିମ୍‌ରା ବାହାତ ଜମ୍‌ନାସ୍ । ଇନାକିଦେଂକି ହେନି ମାନାୟ୍ ହାନାକା ଝାନାକା ଆଜି ମାନି କାଜିଂ ହେୱାର୍ ଚିଞ୍ଜେଙ୍ଗ୍ ପା ପାଟ୍ ଆଞ୍ଜାଦାଂ ମାଚାର୍ ।”

୩୨ ତା ପାଚେ ହେୱାର୍ ବିନେ ଆଜି ର ଡକ୍‌କାତ ଚିମ୍‌ରା ବାହାତାକେ ହସି ହାଚାର୍ ।

୩୩ ମାତର ହେନି ହେୱାରିଂ ହସି ହାନାକା ହୁଡ଼ତାର୍ ଆରି ଚିନ୍ କିତାର୍, ଆରେ ମାନାୟାର୍ ଝିଜାକାର୍ ଗାଡ଼ଦାଂ ତାଙ୍ଗ୍‌ଜି ହାଲ୍‌ଜି ହେବେ ରଚେ ହଞ୍ଚି ହାଲ୍‌ଜି ହେୱାର୍ ଆଗେ ଏକାତାର୍ ।

☆ ୭:୧୧ ପକ୍ୟାତାକା ୧୩:୫୧. ☆ ୭:୧୧ ଲୁକ ୧୦:୪-୧୧. ☆ ୭:୧୩ ଜାକ୍‌ବ ୫:୧୪. \* ୭:୧୪ ରାଜା ହେରଦ୍; ହେରଦ୍ ଆଣ୍ଡିପସ୍, ଗାଲିଲିନି ସାସନ୍ କାରୟା । † ୭:୨୨ ହରଦିଆତି ଗାଡ଼ହି; କେତେକ୍ ପତିତ ତା ଗାଡ଼ହି ହେରଦିୟା ।

୩୪ ହେୱାନ ଡଙ୍ଗାତା° ହସି ବେସି ହେନି ମାନାୟାରି° ହୁଡ଼ଜି ହେୱାର କାଜି° କାର୍ମାତି° ତାଙ୍ଗ ମାନ୍ତ ରାସ୍ ଇଚାନ, ଇନାକିଦେ°କି ହେୱାର ଗଡ଼ିୟା ହିଲ୍ଲୁଝି ମେଣ୍ଟା° ଲାକେ ମାଚାର, ପାଚେ, ହେୱାନ ହେୱାରି° ଆଦିକ୍ ବିସ୍ତେ ହିକାଈ ହିଦେ° ଲାଗାତାନ ।

୩୫ ୱେଡ଼ା ଆଦିକ୍ ଆତିଲେ ତା ଚେଲାର୍ ତା କଚଟ୍ ଖାଜି ଇଚାର, ଇ ବାହାତ ଚିମରା, ଆରେ “ବେସି ୱେଡ଼ା ଆତାତେ ।

୩୬ ମାନାୟାର୍ ଇନେସ୍ ଚାରିବେଣ୍ଡି ନାସ୍କୁ ନିକାର୍ ଆରେ ନାଟ ହାଲ୍ଲି ଜାର୍ ଜାର୍ କାଜି° ତିନ୍ଝେଙ୍ଗ୍ ଇଞ୍ଜି ଇନାକା କଡ଼ନାର, ଇଦା° କାଜି° ହେୱାରି° ପକା ।”

୩୭ ମାତର୍ ହେୱାନ ହେୱାରି° ଉତର୍ ହିତାନ, “ଏପେଙ୍ଗ୍ ହେୱାରି° ଚିଟ୍ପାଟ୍ । ହେୱାର ହେୱାନି° ଇଚାର, ଆସେଙ୍ଗ୍ ଇନାକା ସହେ ଟାକାନି° ରୁଟି° କଡ଼ଜି ଇୱାରି° ହିନାସ୍ ?”

୩୮ “ହେୱାନ ହେୱାରି° ଇଚାନ, ମି ତାକେ ଏଚେଗଟା ରୁଟି° ମାନିକ୍ ? ହାଲ୍ଲି ହୁଡ଼ାଟ୍ ।” ହେୱାର ବୁଜା ଆଜି ୱାଜି ହେୱାନି° ଇଚାର, “ପାଞ୍ଚ ଗଟା, ଆରେ ରିଣ୍ଟା° ମିନ୍କୁ ।”

୩୯ ଜିସୁ ବଲ୍ଲ ହିତାନ, ମାନାୟାରି° ବାଟାତ କଞ୍ଜାଣ୍ କାଗ୍ରା ଜପି କୁଦା କୁଦା କିଜି କୁଚି କିୟାଟ୍ ।

୪୦ ହେବେ ହେୱାର ସଏ ସଏ ଜାଣ୍ ଆରେ ପରାସ୍ ପରାସ୍ ଜାଣ୍ ଆଜି କୁଦା କୁଦା ଆଜି କୁଚିଚାର ।

୪୧ ପାଚେ ଜିସୁ ହେ ପାଞ୍ଚଗଟା ରୁଟି° ଆରେ ରିଣ୍ଟା° ମିନ୍କୁ ଆସି ସାଗେଟ ହୁଡ଼ଜି ଆସିବାଦ୍ କିଜି ଇଚାନ ଆରି ରୁଟି° ତ୍ରିପୁକିସ୍ ମାନାୟାରି° ପାସ୍ପେଦେ° ଚେଲାର୍ ହିତାନ । ପାଚେ, ହେ ଲାକେ ରିଣ୍ଟା° ମିନ୍କୁ ହେୱାରି° ବାଟା କିଜି ହିତାର ।

୪୨ ହେବେଣ୍ଟା° ୱିଜାକାର୍ ତିନ୍ଝି ପଟ ପାନଚାର,

୪୩ ଆରେ ହେୱେର୍ ତ୍ରିଙ୍ଗିଟି ରୁଟି° ପେସ୍ଜିପା ବାର ଟପା ବାଟ୍ କିତାର ଆରି ମିନ୍କୁପା ଏଲେଙ୍ଗ୍ନେ ପେସ୍କାତାର ।

୪୪ ରୁଟି ତିନି ମାନାୟ ପାଞ୍ଚ ହାଜାର୍ ଆଣ୍ଟାହିମ୍ପଣା° ମାଚାର ।

**ଜିସୁ ଏକ୍ତୁ° ଜପି ତା°ତାନ**  
(ମାତିଉ ୧୪:୨୨-୩୩; ଜହନ୍ ୬:୧୫-୨୧)

୪୫ ହେ ଦାପ୍ରେ ହେୱାନ ତା ଚେଲାର୍ ତା ଡଙ୍ଗାତ ଦୁମ୍ପଜି ବେଡ଼ସାଈଦା ନିପ ଆନ୍ତି ପାଡ଼କା ଆଗେ ହାନ୍ଝେଙ୍ଗ୍ ଇଚାନ, ଆରେ ହେୱାନ ଇବେଣ୍ଟା° ମାନାୟାରି° ୱିଜାରି° ହେଲ ହିତାନ ।

୪୬ ଜିସୁ ହେୱାର ତାକେଣ୍ଟା° ହେଲ ଅତି ପାଚେ ଜିସୁ ପାର୍ତାନା କିନି କାଜି° ମାଡ଼ିଜପି ହାଚାନ ।

୪୭ ମିକାହାରେସ୍ ଆତିଲେ ଡଙ୍ଗା ହାମ୍ପୁର୍ ମାଦି ମାଚାଟ୍ ଆରେ ହେୱାନ ମେଦ୍ନିତ ରକାନ ମାଚାନ ।

୪୮ ଲଡ଼ି ଦୁକା କାଜି° ହେୱାରି° ଡଙ୍ଗା ଗାଟି କିଦେଙ୍ଗ୍ କସ୍ ପାୟା ଆନାକା ହୁଡ଼ଜି ହେୱାନ ପୁରା ନାଣା କୁଡୁ କେପା ୱେଡ଼ାଙ୍ଗ୍ ହାମ୍ପୁର୍ ଜପି ତାଙ୍ଗି ଚେଲାର୍ ତାକେ ୱାତାନ, ଆରେ ହେୱାର କଚଟା° ଆଗେ ତା°ଦେଙ୍ଗ୍ ପା ସାସ୍ ମାଚାନ ।

୪୯ ମାତର୍ ହେୱାର ତାଙ୍ଗେଙ୍ଗ୍ ହାମ୍ପୁର୍ ଜପି ତା°ନାକା ହୁଡ଼ଜି “ପୁଦା ଇଞ୍ଜି !” କିକିରାତି° କିତାର ।

୫୦ ଇନାକିଦେ°କି ହେୱାର ତାଙ୍ଗେଙ୍ଗ୍ ହୁଡ଼ଜି ପାଣ୍ଟା ଆଜି ମାଚାର । ମାତର୍ ଜିସୁ ହେ ଦାପ୍ରେ ହେୱାରି° ବେରଣ୍ କିଜି ହେୱାରି° ଇଚାନ, ପାତ୍ରା ଆମାଟ୍ “ସାସ୍ ଆଡୁ ଇଞ୍ଜାଙ୍ଗ୍ ତ ଆନ୍ ପାଣ୍ଟା ଆମାଟ୍ !”

୫୧ ଆରେ, ହେୱାନ ହେୱାର ଲାଗା° ହାଲ୍ଲି ଡଙ୍ଗାତ ଦୁମ୍ପତାନ, ଆରେ ଦୁକା ତିର୍ ଆତାଡ । ହେବେ ହେୱାର ମାନ୍ତ ମାନ୍ତ କାବା ଆଜି ହାଚାର ।

୫୨ ହେୱାର ପାଞ୍ଚ ହାଜାର୍ ମାନାୟାରି° ରୁଟି ଚିଟ୍ପିନି ବିସ୍ତେ ଅରଡ୍ ପୁନ୍ଝାଦା° ହିକାଞ୍ଜାଦାଙ୍ଗ୍ ମାଚାର ଇନାକିଦେ°କି ରୁଟି ନି ଗଟଣା ୱେଡ଼ାଙ୍ଗ୍ ହେୱାରତି ବୁଦି ଆର୍ଝାଦା° ମାଚାଟ୍, ଲାଗି° ହେୱାରି° ମାନ୍ ଆର୍ଝା ଆଜି ମାଚାଟ୍ ।

**ଗିନେସର୍ ତାକେ ଜିସୁ ରଗି ଲଗା° ଉଜ୍ କିତାନ**  
(ମାତିଉ ୧୪:୩୪-୩୬)

୫୩ ହେୱାର ନାସି ଗିନେସର୍ଡ ନିପ ଏକିସ୍ ଗୁଟିତ ଡଙ୍ଗା ଗାଟ୍ଚାର ।

୫୪ ଆରେ, ହେୱାର ଡଙ୍ଗାତାଙ୍ଗ୍ ଜୁତିଲେ, ମାନାୟାର୍ ହେ ଦାପ୍ରେ ତାଙ୍ଗ୍ ଚିନ୍ କିତାର,

୫୫ ହେ ୱିଜୁ ରାଜି ନିକାର୍ ଚାରିବେଣ୍ଡା° ହନ୍ତି ହାଚାର, ଆରେ ଜିସୁ ଇମେ ଇମ୍ପଣି ବାହାତ ମାନାନ୍ ଇଞ୍ଜି ୱେଚାର, ହେ ବାହାତ ରଗି ମାନାୟାରି° କାଚେଲ୍ଡ ପିଣ୍ଡି ତାସି ୱାଦେଙ୍ଗ୍ ଲାଗାତାର ।

୫୬ ଆରେ, ହେୱାନ ଇମେ ଇମ୍ପଣି ନାସ୍, ଗାଡ଼ଦ କି ହାରୁନାସ୍ତ ହଚାର, ମାନାୟ ହେ ବାହାତ ଆଟ୍ ପାଦାଲାକେ ରଗି ଲଗାଙ୍ଗ୍ ଇଡ଼ଜି, ହେୱାର ଇନେସ୍କି ଜିସୁ ହେୟାନି ଚେଲି° ତୁନାର, ଇଦା° ଜିସୁଙ୍ଗ୍ ଗଞ୍ଜାରି କିଦେଙ୍ଗ୍ ଲାଗାତାର; ଆରି, ଏଚେକ୍ ଜାଣ୍ ତାଙ୍ଗେଙ୍ଗ୍ ତୁତାର, ୱିଜାର୍ ଉଜ୍ ଆତାର ।

‡ ୭:୩୭ ରୁପା ଟାକା°; ର ରୁପା ଟାକା° ରଞ୍ଜନ୍ ଦେସି ନାଟାକାନ୍ ତିନ୍ଦିନିଜି କୁଲି ମାଚାଟ୍ ।



ପାରୁସିର୍ତ୍ତି ରିତିନିତି

(ମାତ୍ରିକ ୧୫:୧-୯)

୧ ପାଚେ ପାରୁସିର୍ ଆରି ଜିରୁସାଲମ୍ ତାଙ୍ଗ୍ ଖାଜି ମାତି କେତେକ୍ ଦରମ୍ ଗୁରୁର୍ ତା ତାକେ ରୁଣ୍ଡା ଆତାର୍ ।

୨ ହେଖାର୍ ହେଖାନ୍ତି ତେଲାର୍ ବିତ୍ରେ କେତେଜାଣ୍ ରାଡ଼ା, ଇତିସ୍ କେଇ ନୁସ୍‌ଖାଦାଂ ତିନାକା ହୁଡ଼ତାର୍ ।

୩ ପାରୁସିର୍ ଆରେ ଖିଜାର୍ ଜିହୁଦି ଲକ୍ ପ୍ରାଚିନାର୍ ରିତି ନିତି ନିୟମ୍ କିଜି ହାର୍ କିଜି କେଇ ନୁଜ୍‌ଖାତାର୍ତି ତିନୁର୍,

୪ ପାଚେ ଆର୍ ବାଜାର୍ ତାଙ୍ଗ୍ ଖାଜି ଜାର୍ ଜାର୍ ଜପି ଏଜୁଂ ଡ଼ଞ୍ଜୟା ଆଖିତିସ୍ କୁଲେର୍ ଉଣୁର୍; \* ଆରି ଗିନା, ମତା ଆରେ ପିତାଡ଼ ତାଡ଼ିଆ ତ ଏଜୁଂ କ୍ଷୁପକିସ୍ ନୁଜ୍‌ନାକା, କାଟେଲ୍ ଜପି ଏଜୁଂ ତିରନାକା ଇଖାଙ୍ଗ୍ ବିନ୍ ବିନ୍ ବେସି ରିତି ନିତି ମାନି କିଦେଙ୍ଗ୍ ଇଞ୍ଜି ହେଖାର୍ ବଲ୍ ପାୟା ଆତାର୍ଣ୍ଣା ।

୫ ଲାଗିଂ ପାରୁସିର୍ ଆରେ ଦରମ୍ ଗୁରୁର୍ ହେଖାନିଂ ଖେନ୍‌ବାତାର୍, ମି ତେଲାର୍ ପ୍ରାଚିନାର୍ ରିତି ନିତି ନିୟମ୍ ତାଙ୍ଗ୍ “ଇନାକିଦେଂ ବେବାର୍ କିଖାଦାଂ ରାଡ଼ା କେଇଦ ତିନାରା ?”

୬ ହେଖାନ୍ ହେଖାରିଂ ଇଚାନ୍, ଆଡେ କାପ୍‌ଟିୟାର୍, ଜିସାୟ ମି ବିସ୍ତେ ସମାନ୍ ବାବ୍ରେ ବେରଣ୍ ଖେଡ଼ତାତାନାନ୍, ଇନେସ୍ ଲେକାମାନାଡ଼, ଇ ଜାତି ମୁମ୍‌ଦ ମାଜେଙ୍ଗ୍ ଖାରି କିଦନାର୍, ମାତର ହେଖାର୍ ମାନ୍ ମା ତାଙ୍ଗ୍ ଦେହା ମାନାଡ଼ ।

୭ “ହେଖାର୍ ମାନାୟାର୍ତି ବିଦିଙ୍ଗ୍ ଦରମ୍ ବେରଣ୍ ଇଞ୍ଜି ହିକ୍ୟା ହିନାନ୍ ପଲ୍ୟା ମା ପାର୍ତାନା କିନାର୍ ।”

୮ “ଏପେଙ୍ଗ୍ ଇସ୍‌ବୁର୍ତି ବଲ୍ ପିସ୍ତ୍ର ମାନାୟାର୍ତି ରିତି ନିତି ଆସ୍ତି କୁର୍ତା ଦେରନା ।”

୯ ଆରେ, ଜିସୁ ହେଖାରିଂ “ଏପେଙ୍ଗ୍ ଜାର୍ ଜାର୍ ରିତି ନିତି ମାନି କିନି କାଜିଂ ଇସ୍‌ବୁର୍ତି ବଲ୍ ମାନି କିଡ଼ ଦେରା ।”

୧୦ ଇନାକିଦେଂକି ମସା ରିତି ନିୟମ୍ ହିଡ଼ତାନା, “ଜାର୍ ଆବା ଆୟାକାଂ ଖାରି କିୟାଟ୍, ଆରେ ଇନେର୍ ତା ଆବା କି ଆୟାଂ ସାଇପ୍ ହିନାନ୍, ହେଖାନ୍ ହାକି ତାଣ୍ ପାୟା ଆନାନ୍ ।

୧୧ ମାତର ଏପେଙ୍ଗ୍ ଇନାଟ୍, ଇନେର୍ ଏଚେକାଡ଼୍‌ଦ ଆବା କି ଆୟାଂ ଇନାର୍, ନା ତାଙ୍ଗ୍ ଇନାକାପା ମି ଉପକାର୍ ଆତାମ୍ବା, ହେଦାଂ କର୍ବାନ୍, ଇତିସ୍ ଅଡ଼ଗା ଆତାଡ଼ନ୍ନା,

୧୨ ଲାଗିଂ ଏପେଙ୍ଗ୍ ତାଜେଙ୍ଗ୍ ତାଞ୍ଜି ଆବା କି ଆୟାଂ ଅଲପ୍‌ପା ଉପକାର୍ କିଦେଙ୍ଗ୍ ହିଖାଦାଂ ମାତିସ୍;

୧୩ ଇ ଲାକେ ଏପେଙ୍ଗ୍ ଚାଲାଆତି ବେରଣ୍ ରିତି ନିତି କାଜିଂ ଇସ୍‌ବୁର୍ତି ବଚନ୍ ପଲ୍ୟା କିନାଦେରା ଆରି ହେ ଲାକେ ବେସି ବିସ୍ତେ କିନାଦେରା ।”

ଇମ୍‌ଣାକା ମାନାୟାର୍ତି ବାନ୍‌ପା କିନାଡ଼

(ମାତ୍ରିକ ୧୫:୧୦-୨୦)

୧୪ ଜିସୁ ଆରେ ରଗ ମାନାୟାଗଲି କଟଣ୍ଡ କୁକ୍ତି ହେଖାରିଂ ଇଡ଼ତି, “ଏପେଙ୍ଗ୍ ଖିଜାକାଦେର୍ ନା କାତା ଖେନାଟ୍ ଆରି ବୁଜାଆଡ଼ୁ ।

୧୫ ମାନାୟାର୍ତି ବାର୍ଡ୍ ଏପେଙ୍ଗ୍ ଇମ୍‌ଣି ବିସ୍ତେ ହିଲୁଡ଼, ଇନାକା କି ତା ବିତ୍ରେ ହଣ୍ଡି ତାଜେଙ୍ଗ୍ ବିଟାଡ଼୍ କିଦେଙ୍ଗ୍ ଆଡ଼୍‌ଦାତାଡ଼, ମାତର ଇନା ଇନାକା ମାନାୟ ତାଙ୍ଗ୍ ବାର୍ଡ୍ ହନାଡ଼, ହେ ସବୁ ତାଜେଙ୍ଗ୍ ବିଟାଡ଼୍ କିନାଡ଼ ।”†

୧୬ “ଜଦି ଇନେରିଂ ଖେଞ୍ଜେଙ୍ଗ୍ କିଡୁଲିଂ ମାନିଙ୍ଗ୍, ହେଖାନ୍ ଖେନେନ୍ !”

୧୭ ଆରେ, ହେଖାନ୍ ମାନାୟ ତାକେଣ୍ଡାଂ ଇଲ୍ ବିତ୍ରେ ଖାତି ପାଚେ ତା ତେଲାହିର୍ ତାଜେଙ୍ଗ୍ ଉତର୍‌ମୁଡ଼ନ୍ ଅରଡ଼ ଖେନେବେଦେଂ ଲାଗାତାର୍ ।

୧୮ ହେବେ ଜିସୁ ହେଖାରିଂ ଉତର୍ ହିତାନ୍, “ଏପେଙ୍ଗ୍ ପା ଇନାକା ହେ ଲାକେ ବୁଜାଆଡ଼ଦେରା ?” ଇନାକା ଆୟେଡ଼ ହେଡ଼େ ମାନାୟ ବାର୍ତାଂ ବିତ୍ରେ ହଟିସ୍, ହେଦାଂ ତାଙ୍ଗ୍ ବିଟାଡ଼୍ କିଦେଙ୍ଗ୍ ଆଡୁଡ଼,

୧୯ “ଇନାକିଦେଂକି ତାଜେଙ୍ଗ୍ ହେ ମାନ୍ତ୍ର ହଣ୍ଡେଙ୍ଗ୍ ଆଡୁଡ଼, ମାତର ପଟତ ହାଲ୍‌ଜି ବାର୍ଡ୍ ହନାଡ଼ ଆରେ ଏଲେଙ୍ଗ୍ ଆଜି ଓଜୁ ତିନି କାଦି ସକଟ୍ ଆନାକା, ଇଦାଂ ଜିସୁ ଇଚାନ୍ ।”

୨୦ ଆରି, ଜିସୁ ଇଚାନ୍, “ଇନାକା ମାନାୟ ତାକେଣ୍ଡାଂ ବାର୍ଡ୍ ହନାଡ଼, ହେଦାଂ ନେ ତାଜେଙ୍ଗ୍ ବିଟାଡ଼୍ କିନାଡ଼ ।

୨୧ ଇନାକିଦେଂକି ବିତ୍ରେତାଂ, ମାନାୟ ମାନ୍‌ତାଂ, ବାନ୍‌ପା ଚିନ୍ତା ବାର୍ଡ୍ ହଡ଼ନାଡ଼ ।

୨୨ ଦାରି, ଚରି, ନାର୍ ଅହ୍‌ନାକା, ଦାରିହାନାକା, ଲାବ୍‌ଡ଼ି, ତୁଲ୍‌ତୁଲା ବଡ଼୍‌ପାଣିୟା, ନାଙ୍ଗ୍‌ରା, ବେରୁହୁଡ଼ନାକା, ନିନ୍ଦା, ଆକର୍, ଟେପର୍,

୨୩ ଇଦାଂ ଓଜୁ ବାନ୍‌ପା ବିସ୍ତେ ବିତ୍ରେତାଂ ହସି ମାନାୟାର୍ତି ବିଟାଡ଼୍ କିନାଡ଼ ।”

\* ୭:୪ ଇନାକାପା ଅଲ୍‌ପ୍ ଆର୍‌ବାଜାର୍‌ତାଂ ଖାନାଡ଼ ପର୍ତୁମ୍ ହେଖାର୍ ନୁଜ୍‌ୟାଖାଦାଂ ପାଚେକ୍; ନଲେ ହେଖାର୍ ଆର୍ ବାଜାର୍‌ତ ଖାଜି ପର୍ତୁମ୍ ନିଜେ ନୁଜ୍‌ୟାଖାଦାଂ ପାଚେକ୍ । † ୭:୧୫ କେତେକ୍ ପତିତ ୧୭ ପାଦ୍ ମେହାୟ କିନାର୍; ଇନେର୍ତି ଖେନି କିଡୁଲିଂ ମାନିକ୍, ହେଖେନ୍ ଖେନେନ୍ । (୪:୨୩ ହୁଡ଼ାଟ୍) ।

**ର ସୁରପୈନିକିୟା କଗଲେତି ପାତ କିତାଡ଼  
(ମାତିଉ ୧୫:୨୧-୨୮)**

୨୪ ଇଦାଂ ପାଚେ ହେଝେନ୍ ହେବେଣ୍ଟା ନିଙ୍ଗି ସର୍ ଗାଡ଼ଦ ନାସ୍‌କ୍‌କା ହାଚାନ୍, ଆରି ର ଇଞ୍ଜ ହଟାନ୍, ଇନେର୍ ଇନେସ୍ ତାଙ୍ଗେଙ୍ଗ୍ ପୁନ୍ନୁର୍, ଇଦାଂ ମାନ୍ କିଜି ମାଚାନ୍, ମାତର୍ ହେଝାନ୍ ଡଗୁଜି ମାଞ୍ଜେଙ୍ଗ୍ ଆଡ଼ଝାତାନ୍ ।

୨୫ ହେ ଦାପ୍ରେ ର କଗଲେ, ଇନେର୍ ଗାଡ଼ହିଙ୍ଗ୍ ବାନ୍‌ଧା ପୁଦା ତୁଜି ମାଚାଡ଼, ହେଦେଲ୍ ହେଝେନ୍ ବିସ୍ତେ ନି ବେରଣ୍ ଝେନ୍‌ଞ୍ଜି ତା କାଲ୍‌କୁ ତାରେନ୍ ଝାଜି ଡାଣ୍ଡାହାଡ଼ ମାଗ୍‌ତାଡ଼ ।

୨୬ ହେଦେଲ୍ ସୁରପୈନିକିୟା ନିପ ରଞ୍ଜେଲ୍ ଗ୍ରିକ୍ ଗାଡ଼ଚେ ମାଚାଡ଼ । ତା ଗାଡ଼ହି ତାକେଣ୍ଟା ପୁଦା ପିହି କିନି କାଜିଂ ହେଦେଲ୍ ତାଙ୍ଗେଙ୍ଗ୍ ଗଝାରି କିଦେଙ୍ଗ୍ ଲାଗାତାଡ଼ ।

୨୭ ହେବେଣ୍ଟା ଜିସୁ ହେଦେଲିଂ ଇଚାନ୍, “ପର୍ତ୍ତୁମ୍ ହିମ୍‌ଣାକାଂ ପଟ ପାଞ୍ଜି କିୟାଟ୍, ଇନାକିଦେଂକି ହିମ୍‌ଣାଙ୍ଗ୍‌ତି ଆରାଣ୍ ଅଜି ନିକୁଡ଼ିଙ୍ଗ୍ କଚଣ୍ଡତ ତୁହିନାକା ହାଟ୍ ଆକାୟ୍ ।”

୨୮ ମାତର୍ ହେଦେଲ୍ ହେଝେନିଂ ଉତର୍ ହିତାଡ଼, ଆଁ, “ମାପୁ, ନିକୁଡ଼ିଙ୍ଗ୍ ପା ପାଟା ତାରେନ୍ ଆର୍ତ୍ତାକା ହିମ୍‌ଣାଂତି ଆରାଣ୍ ଲିତାଂ ତିନିକ୍ !”

୨୯ “ହେବେ ଜିସୁ ତାଙ୍ଗେଙ୍ଗ୍ ଇଚାନ୍, ଇ କାତା ଇଚିଲେ ଏନ୍ ହାଲା, ନି ଗାଡ଼ ତାଙ୍ଗ୍ ପୁଦା ହସି ହାଚାତେ !”

୩୦ ଆରେ, ହେଦେଲ୍ ଇଞ୍ଜ ହାଲ୍‌ଜି କଇ ହିମ୍‌ଣା କାଚେଲ୍‌ତ ମାଗ୍‌ଜି ମାନାକା ଆରି ପୁଦା ହସି ହାଲ୍‌ଜି ମାନାକା ହୁଡ଼ତାଡ଼ ।

**ଜିସୁ ବୈରାଙ୍ଗ୍ ଆରି ଗୁଲାଂ ଉଜ୍ କିତାନ୍**

୩୧ ଆରେ ରଗ ହେଝାନ୍ ସର ହାନ୍‌ଡାଂ ହାଲ୍‌ଜି ସିଦନ୍ ଆରେ ଦେକାପଲି ନି ହାନ୍‌ଡାଦିତିଂ ହାଲ୍‌ଜି ଗାଲିଲି ହାମ୍‌ଦୁର୍ ଲାଗେ ଝାତାନ୍ ।

୩୨ ଆରେ, ମାନାୟାର୍ ରଝାନ୍ ବୈରା ଆରି ଗୁଲାଂ ତା ଲାଗେ ତାଈଝାତାର୍ ତା ଜପି କେଇ ଇଡ଼ଦେଂ ଇଞ୍ଜି ତାଙ୍ଗେଙ୍ଗ୍ ଗଝାରି କିତାଡ଼ ।

୩୩ ଜିସୁ ତାଙ୍ଗେଙ୍ଗ୍ ମାନାୟ୍ ତାକେଣ୍ଟା ବିନେ କିଜି ରଝାନିଂ ଅଜି ହାଲ୍‌ଜି ହେଝାନିଂ ରି କିତୁଲିକାଂ ତା ଝାଟ୍‌କାଙ୍ଗ୍ ଇଟ୍‌ତାନ୍ ଆରି ଏଞ୍ଜିତିଂ ତୁପ୍‌ଜି ତା ଝେନ୍‌ଲ୍‌ତ ତୁତାନ୍,

୩୪ ଆରି ସାଗେଁ ହୁଡ଼ଜି ରାଗ୍‌ଦାଙ୍ଗ୍ ନେନ୍‌ଞ୍ଜି ହେଝାନିଂ ଇଚାନ୍, “ଇପ୍‌ପତ, ଇଚିସ୍ ଜେୟା ଆୟେଡ଼ !”

୩୫ ହେବେଣ୍ଟା ହେଝାନ୍‌ତି କିତୁଲିଂ ଜେୟା ଆତିକ୍ ଆରି ଝେନ୍‌ଲ୍ ଗାଟ୍‌ୟାତାକା ହେ ଦାପ୍ରେ ଜେୟା ଆତାଡ଼, ଆରେ ହେଝାନ୍ ହାଟ୍ କିଜି ବେରଣ୍ ଇଞ୍ଜେଙ୍ଗ୍ ଲାଗାତାନ୍ ।

୩୬ ଆରେ, ଇ ବିସ୍ତେ ଇନେରିଂ ଝେଟ୍‌ମାଟ୍ ଇଞ୍ଜି ହେଝାନ୍ ହେଝାରିଂ ଆଟ୍‌ଝା କିଜି ବଲ୍ ହିତାନ୍; ମାତର୍ ହେଝାନ୍ ହେଝାରିଂ ଏଚେକ୍ ମୁନାକିତାନ୍, ହେଝାର୍ ବେସି ହେଦାଂ ସୁଣାୟ୍ କିଦେଂ ଲାଗାତାଡ଼ ।

୩୭ ଆରେ, ମାନାୟାର୍ ବେସି କାବା ଆଜି ଇଚାର୍, “ହେଝାନ୍ ଝିଜୁ କାମାୟ୍ ହାଟ୍ କିଜି କିତାନ୍‌ନ୍ନା ! ହେଝାନ୍ ବଇରାରିଂ ଝେନି ସାଲ୍ଲି ଆରି ଗୁଲାରିଂ ବେଣ୍ କିନି ସାଲ୍ଲି ହିନାନ୍ନା !”



**ଚାରି ହାଜାର୍ ମାନାୟାତିଂ ଚିଟ୍‌ପାତାନ୍  
(ମାତିଉ ୧୫:୩୨-୩୯)**

୧ ହେଝାଡ଼ାଂ ହେନି ମାନାୟାର୍ ଆରେ ରଗ ରୁଣ୍ଡାଆତାର୍, ଆରେ ହେଝାର୍ ତାକେ ତିନାକା ଉଣାକା ଇନାକା ହିଲ୍‌ଝିତିଲେ ଜିସୁ ଚେଲାହିରିଂ ଲାଗେ କୁକ୍‌ଚି ହେଝାରିଂ ଝେଟ୍‌ଚାନ୍,

୨ “ହେନି ମାନାୟାର୍ କାଜିଂ ନାଙ୍ଗ୍ କାର୍ମା ହଟ୍‌ନାତା, ଇନାକିଦେଂକି ଇଝାର୍ ତିନି ଦିନ୍ ଆତାରେ ନା ହୁଦାଂ ମାନ୍‌ଞ୍ଜି ଝାନାରା ଆରେ ହେଝାର୍ ତାକେ ଇନାକାପା ତିନାକା ହିଲ୍‌ତ୍,”

୩ ଜଦି ଆନ୍ ହେଝାରିଂ ନାସ୍‌କିତାଂ ଇଞ୍ଜ ପକ୍‌ତାଂଚି, ତା ଆତିସ୍ ହାସ୍‌ଦ ହେଝାର୍ ନାସ୍‌କି ବାଉଡ଼ା ଆନାର୍; ହେଝାର୍ ବିତ୍ରେ କେତେକ୍ ଦେହାତାଂ ଝାତାଣ୍ଡା ।

୪ ଚେଲାହିର୍ ତାଙ୍ଗ୍ ଝେନ୍‌ବାତାର୍, “ଇବେ ଇ ଚିମ୍‌ରା ବାହାତାକେ ଇନେର୍ ଇମେଣ୍ଟାଂ ରୁଟି ତାସି ଇଝାରିଂ ପଟ୍‌ପାଞ୍ଜି କିଦେଙ୍ଗ୍ ଆଡ଼ନାସ୍ ?”

୫ “ଜିସୁ ହେଝାରିଂ ଝେନ୍‌ବାତାନ୍, ମି ତାକେ ଏଚଙ୍ଗ୍ ରୁଟିଂ ମାନିକ୍ ?” ହେଝାର୍ ଇଚାର୍, “ସାଡ଼ଗଟା ।”

୬ ହେବେତାଂ ଜିସୁ ମାନାୟାରିଂ ମେଦ୍‌ନିତ କୁଟ୍‌ଚେଂ ବଲ୍ ହିତାନ୍; ଆରି, ହେଝାନ୍ ହେଝାରିଂ ସାଡ଼ଗଟା ରୁଟିଂ ଅଜି ଇସ୍‌ପୁଟିଂ କୁଝାର୍ କିଜି ହେ ଝିଜୁ ତ୍ରିପ୍‌କିସ୍ ବାଟାକିଜି ହିଦେଙ୍ଗ୍ ଇଞ୍ଜି ହେ ଚେଲାହିରିଂ ହିତାନ୍ ଆରେ ହେଝାର୍ ମାନାୟାରିଂ ହେଦାଂ ପାସ୍‌ପିସ୍ ହିତାର୍ ।

୭ ପାଚେ, ହେୱାର ତାକେ ଅଲପ୍ ପାରାନ୍ନେ କେଡ଼ ଗଟା ହିରୁ ମିନକୁ ମାଟିକ; ହେୱାଙ୍କୁ ଓଁଜୁ ହେୱାନ ଇସ୍ପରତିଂ ଦନ୍ୟବାଦ୍ କିଜି ହେୱାରିଂ ବାଟା କିଦେଙ୍ଗ୍ ଇଞ୍ଜି ଇଚାନ ।

୮ ହେବେ ହେୱାର୍ ତିନଞ୍ଜି ପଟ ପାନଚାର୍ ଆରେ ସାଡ଼ ଟପା ହାରତି ତ୍ରିକ୍ତି ରୁଟିଂ ନିକ୍ତି ଅତାର୍ ।

୯ ହେୱାର୍ ଆନମାନ୍ ତାଙ୍ଗ୍ ଚାରି ହାଜାର୍ ଲକୁ ମାଚାର୍ ।

୧୦ ତା ପାଚେ ହେୱାନ ହେୱାରିଂ ପକ୍ତାନ୍ ଆରି ହେ ଦାପ୍ରେ ହେୱାନ୍ ତା ଚେଲାର୍ ହୁଦାଂ ତଙ୍ଗାତ ଦୁମ୍ଭି ଦଲ୍ଲମନ୍ତୁତା ନିପ ଖାତାର୍ ।

**ପାରୁସିରତି ତିନ୍ ଦାବା କିନାକା  
(ମାତିଉ ୧୭:୧-୪)**

୧୧ ପାଚେ ପାରୁସିର ବାର୍ତ୍ତ ଖାଜି ତା ଲାହାଂ ବେଶ୍‌କିବାଦେଂ ଲାଗାତାର୍ ଆରି ତାଙ୍ଗେଙ୍ଗ୍ ପରିକ୍ୟା କିନି ବାବ୍‌ନାତ ଆକାସ୍‌ନି ର ତିନ୍ ଏନ୍ତାର୍ ।

୧୨ ହେବେତାଂ ହେୱାନ ଜିରୁନ୍‌ତ ଗାଜା ପୁଣ୍ଡା ହିଜି ନେନ୍‌ଚାନ, “ନେଞ୍ଜେଓଗାନି ନାର୍ ଇନାକିଦେଂକି ତିନ୍ ତେକ୍‌ନାରା ? ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା, ନେଞ୍ଜେଓଗାନି ନାର୍‌ଦିଂ ଇନାକାପା ତିନ୍ ହିୟା ଆଉଡ଼ !”

୧୩ ଆରେ, ହେୱାନ ହେୱାରିଂ ପିସ୍‌ସି ଆରି ରଗ ତଙ୍ଗାତ ଦୁମ୍ଭି ଆନ୍‌ଟି ପାଡ଼ାକା ହାଚାନ ।

**ହେରଦ୍ ଆରେ ପାରୁସିରତି ପାପ୍  
(ମାତିଉ ୧୭:୫-୧୨)**

୧୪ ଜିସୁତି ଚେଲାର୍ ରୁଟି ଅଦେଂ ବାଣା ଆତାର୍; ତଙ୍ଗାତ ହେୱାର୍ ତାକେ ମାତର୍ ରଞ୍ଜାଙ୍ଗ୍‌ନେ ରୁଟି ମାଚାଡ଼ ।

୧୫ \*ପାଚେ ଜିସୁ ହେୱାରିଂ ଇଚାନ, “ଜାଗ୍ରଡ଼ ଆଡୁ,” ହେରଦ୍‌ତି ଆରି “ପାରୁସିରତାଂ ଆରି ହେରଦ୍‌ତି ସାଦୁକିତ୍ ହଇନିତାଂ ଜାଗ୍ରଡ଼ ଆଜି ମାନାଟ୍ ।”

୧୬ ହେବେଣ୍ଡାଂ ହେଓ୍ବେର୍ ନିଜେ ନିଜେ ବେଶ୍‌କିବା ଆଜି ଇଞ୍ଜେଙ୍ଗ୍ ଲାଗାତାର୍, “ମା ତାକେ ରୁଟି ହିଲୁଡ଼ ଇଞ୍ଜି ହେୱାର୍ ଇଦାଂ ଇଚାର୍ ।”

୧୭ ଜିସୁ ହେଦାଂ ପୁଞ୍ଜି ହେୱାରିଂ ଇଚାନ, “ମି ତାକେ ରୁଟି ହିଲୁଡ଼ ଇଞ୍ଜି ଇନାକିଦେଂ ହାରି ବେଶ୍‌କିବା ଆନାଦେରା ? ଏପେଙ୍ଗ୍ ଇନାକା ଇ ପାତେକ୍ ପୁନ୍‌ଦେରା କି ବୁଜା ଆଉଦେରା ? ଇନାକା ମି ମାନ୍ ଆଟ୍‌ଞ୍ଜା ଆତାଡ଼ନ୍ନା

୧୮ \*ମି ମାନ୍ ଇନାକା କାଲ୍‌ଲାକେ ଆତାଡ଼ନ୍ନା ? କାଣ୍‌କୁ ମାନ୍‌ଞ୍ଜି ମାନ୍‌ଞ୍ଜି ହୁଡ଼ୁଦେରା ? ଆରେ, କିଡୁଲିଂ ମାନ୍‌ଞ୍ଜି ମାନ୍‌ଞ୍ଜି ଓ୍ବେନ୍‌ଦେରା ?

୧୯ ହେ ପାଞ୍ଚ ହାଜାର୍ ମାନାୟାର୍ ବିତ୍ରେ ଆନ୍ ଏଚେକାଡ଼ଦ୍ ପାଞ୍ଚଗଟା ରୁଟିଂ ତ୍ରିକ୍ତି ମାଚାଙ୍ଗ୍ ହେ ପାଦ୍‌ନା ଏପେଙ୍ଗ୍ ବାଡ଼ ଏଚେ ଟପା କୁଡ଼ି ଆତି ରୁଟିଂ ଅଜି ମାଚାଦେର୍ ହେଦାଂ ମିଙ୍ଗେଙ୍ଗ୍ ଏଡ଼ ହିଲୁଡ଼ ?” ହେୱାର୍ ହେୱାନିଂ ଇଚାର୍, “ବାର ଦାଉଡ଼ା ।”

୨୦ ଆରେ, “ହେ ଚାରି ହାଜାର୍ ମାନାୟାର୍ ବିତ୍ରେ ଆନ୍ ଏଚେକାଡ଼ଦ୍ ସାଡ଼ଗଟା ରୁଟିଂ ତ୍ରିକ୍ତି ମାଚାଙ୍ଗ୍, ହେ ପାଦ୍‌ନା ଏପେଙ୍ଗ୍ ପୁରା ଏଚେ ଟପା ତ୍ରିକ୍ତି କୁଡ଼ି ନିକ୍ତି ଅଜି ମାଚାଦେର୍ ?” ହେୱାର୍ ଇଚାର୍, “ସାଡ଼ ଟପା ।”

୨୧ ହେବେ ଜିସୁ ହେୱାରିଂ ଇଚାନ, “ଏପେଙ୍ଗ୍ ଇନାକା ନଙ୍ଗ୍ ପାତେକ୍ ବୁଜା ଆଉଦେରା ।”

**ବେଡ଼ସାଇଦା ତାକେ ର କାଣା ଲଗାଙ୍ଗ୍ ଉଜ୍ କିଚାନ୍**

୨୨ ପାଚେ ହେୱାର୍ ବେଡ଼ସାଇଦାତ ଖାତାର୍ । ଆରି, ଲକୁ ର କାଣାଙ୍ଗ୍ ତା ଲାଗେ ତାଜି ତାଙ୍ଗେଙ୍ଗ୍ ତୁଦେଂ ହେୱାନିଂ ଗଞ୍ଜାରି କିଚାର୍ ।

୨୩ ଲାଗିଂ ହେୱାନ କାଣାଙ୍ଗ୍ କେଇ ଆଜି ତାଙ୍ଗେଙ୍ଗ୍ ନାସ୍ ବାର୍ତ୍ତ ଅସି ହାଚାନ, ଆରେ ହେ କାଣ୍‌କୁକାଂ ଏଓଁଡ଼ିଂ ଆରେ ତା ଜପି କେଇ ଇଡ଼ିଜି ତାଙ୍ଗେଙ୍ଗ୍ ଓ୍ବେନ୍‌ବାଚାନ, “ଏନ୍ କି ଅଲପ୍ ହୁଡ଼ନାୟା ?”

୨୪ ହେୱାନ ଜପି ହୁଡ଼ଜି ଇଚାନ, ଆନ୍ ମାନାୟତିଂ ତାଂନାକା ହୁଡ଼ନାଙ୍ଗା, ମାତର୍ “ଆନ୍ ମାର୍ ଲାକେ ଇନାକା ତାଂନାକା ହୁଡ଼ନାଙ୍ଗା ।”

୨୫ ତାପାଚେ ହେୱାନ ଆରେ ରଗ ତା କାଣାଙ୍ଗାତ କେଇ ତୁପ୍‌ତାନ; ହେବେ ହେୱାନ ହାର୍ କିଜି ହୁଡ଼ତାନ ଆରି ଉଜ୍ ଆଜି କାଣାଙ୍ଗାମିଟ୍ ଇଡ଼ଞ୍ଜାଦାଂ ଓଁଜୁ ହୁଡ଼ଦେଂ ଲାଗାତାନ ।

୨୬ ପାଚେ ଜିସୁ ହେୱାନିଂ ଇଞ୍ଜ ପକ୍ତି ଇଚାନ, “ଇ ନାସ୍ ହାଲ୍‌ମା ମାତର୍ ଜାର୍ ଇଞ୍ଜ ହାଲା ।”

**ପିତର୍ ଜିସୁଙ୍ଗ୍ କ୍ରିସ୍ଟ ଇଞ୍ଜି ମାନି କିଚାନ୍  
(ମାତିଉ ୧୭:୧୩-୨୦; ଲୁକ ୯:୧୮-୨୧)**

୨୭ ଇଦାଂ ପାଚେ ଜିସୁ ଆରି ତା ଚେଲାହିର୍ କାଈସରିୟା ପିଲିପ୍‌ପି ନିପ ନାସ୍‌କୁକାଂ ହାଚାର୍, ଆରି ହାନି ହାସ୍‌ଦ୍ ହେ ଚେଲାହିରିଂ ଜିସୁ ଓ୍ବେନ୍‌ବେଦେଂ ଲାଗାତାନ, “ଆନ୍ ଇନେର୍ ଇଞ୍ଜି ଲକୁ ଇନାକା ଇଞ୍ଜି ବାବି କିମ୍ପାରା ?”

\* ୮:୧୫ ଲୁକ ୧୨:୧. \* ୮:୧୮ ମାର୍କ ୪:୧୨.

୨୮ ଇବେ ହେୱାର୍ ତାଙ୍ଗେଙ୍ଗ୍ ଇଚାର୍, “ବାପ୍ରିସିମହିନି ଜହନ୍,” ଆରେ ଇନେର୍ ଇନେର୍ ଏଲିୟ, ମାତର୍ ଇନେର୍ ଇନେର୍ ଇନାର୍, ବେଶ୍‌ବାକ୍‌ଶାୟକିନାକାନ୍ ବିତ୍ତେ ରକାନ୍ ।

୨୯ ହେୱାନ୍ ହେୱାରିଂ ଖେନ୍‌ବାତାନ୍, ମାତର୍ “ନାଙ୍ଗେଙ୍ଗ୍ ଇନେନ୍ ଇଞ୍ଜି ଏପେଙ୍ଗ୍ ଇନାକା ଇଞ୍ଜନାଦେରା ?” ପିତର୍ ହେୱାନ୍ ଉତର୍ ହିତାନ୍, “ଏନ୍ ଆନାୟା ଇସ୍‌ବର୍ ବାଟିକିତି କ୍ରିସ୍ତୁତି ।”

୩୦ ମାତର୍ ଜିସୁ ହେୱାରିଂ “ହେ ବିସ୍ତେ ଇନେରିଂକି ଇନାକା ଖେର୍‌ଖେଦେଂ ବଲ୍ ହିତାନ୍ ।”

**ଜିସୁ ହାନାକା ଆରି ନିଙ୍ଗି ବିସ୍ତେ ଖେର୍‌ଚାନ୍**  
(ମାତିଉ ୧୭:୨୧-୨୮; ଲୁକ ୯:୨୨-୨୭)

୩୧ ଆରେ, ଜିସୁ ହେୱାରିଂ ହିକାଇ କିଦେଙ୍ଗ୍ ଲାଗାତାନ୍ ଜେ, “ମାନାୟ ମାଜି ଆତିସ୍‌ପା ବେସି ଦୁକ୍‌ପାୟା ଆଦେଂ ଆନାଡ୍ ଆରେ ପ୍ରାଚିନାର୍, ମୁଡ୍ ମାପୁହେବାକିନାକାନ୍ ଆରେ ସାସ୍ତିର୍‌ତି ହୁକେ ମୁନା କିୟାଜି ହାଦେଂ ଆନାଡ୍, ଆରେ ତିନ୍‌ଦିନ୍‌ତାଂ ନିଙ୍ଗିନାକା ମାନାଡ୍ ।”

୩୨ ଇ ବେରଶ୍ ହେୱାନ୍ ପୁର୍‌ତେ ଇଚାନ୍ । ହେବେଶ୍‌ୟା ପିତର୍ ହେୱାନ୍ ର ବାହାତ ଅଜି ଗଡ୍‌କିଦେଂ ଲାଗାତାନ୍ ।

୩୩ ମାତର୍ ହେୱାନ୍ ମାସ୍‌ଦି ହୁଡ୍‌ଜି ତା ଚେଲାହିରିଂ ପିତର୍‌ତିଂ ଗଡ୍‌କିଜି ଇଚାନ୍, “ନା ମୁମ୍‌ଦାଂ ଗୁଟା, ସୟତାନ୍,” ଲାଗିଂ “ଏନ୍ ଇସ୍‌ବର୍ ବିସ୍ତେ ବାବି କିଝାଦାଂ ଏନ୍ ମାନାୟ ବିସ୍ତେ ବାବି କିନାୟା ।”

୩୪ \*ତା ପାଚେ ଜିସୁ ତା ଚେଲାରିଂ ଆରି ରୁଣ୍ଡାତି ମାନାୟାରିଂ କୁକ୍‌ଚି ଇଚାନ୍, “ଇନେର୍‌କି ନା ହୁଦାଂ ଖାଦେଙ୍ଗ୍ ଇଚା କିନାନ୍, ହେୱାନ୍ ଜାର୍‌ତିଂ ପିହେନ୍ ଆରି ଜାର୍‌ତି କୁସ୍ ଆସ୍ତି ନା ପାଚେ ପାଚେ ଖାୟେନ୍ ।”

୩୫ \*ଇନାକିଦେଂକି “ଇନେର୍ ଜାର୍ ଜିବୁନ୍ ବାଚାୟ କିଦେଙ୍ଗ୍ ଇଚା କିନାନ୍, ହେୱାନ୍ ହେଦାଂ ଆରାଇ କିନାନ୍; ମାତର୍ ଇନେନ୍ ଜଦି ନା ନେକ୍ତିକାରୁର୍ କାଜିଂ ତା ଜିବୁନ୍ ଆରାଇ କିନାନ୍, ହେୱାନ୍ ତା ଜିବୁନ୍ ରାକ୍ୟା କିନାନ୍ ।

୩୬ ଆରେ, ମାନାୟ ଖିଜୁ ପୁର୍‌ତିଂ ଲାବ୍‌କିଜି ଜାର୍ ଜିବୁନ୍ ହାଚ୍‌ନାନ୍, ହେଦାଂ ତାଙ୍ଗେଙ୍ଗ୍ ଇନା ଲାବ୍ ?

୩୭ ଆରେ, ମାନାୟ ଜାର୍ ଜିବୁନ୍ ବାଦୁଲ୍ ଇନାକା ହିଦେଂ ଆଡ୍‌ନାନ୍ ?

୩୮ ଲାଗିଂ ଇନେର୍ ଇ କାଡ୍‌ନି ଦାରିୟାର୍ ଆରି ପାପିର୍ ମାନାୟ ବିତ୍ତେ ନାଦାଂ ଆରି ନା ବଚନ୍ ବିସ୍ତେ ଲାଜା ଆନାନ୍, ମାନାୟ ମାଜି ଏଚେକାଡ୍‌ଦ ପୁଇପୁୟା ଦୁଡ୍‌ର୍ ଲାହାଙ୍ଗ୍ ନିଜେନି ଆବାତି ଜାଜ୍‌ମାଲ୍‌ତ ଆଜି ଖାନାନ୍, ହେବେତାଂ ହେୱାନ୍‌ପା ହେ ବିସ୍ତେ ଲାଜା ଆନାନ୍ ।”



୧ ଆରେ ରଗ ଜିସୁ ହେୱାରିଂ ଇଚାନ୍, “ଆନ୍ ମିଙ୍ଗେଙ୍ଗ୍ ହାଡ୍‌ପା ଇଞ୍ଜନାଙ୍ଗା, ଇସ୍‌ବର୍ ରାଜିତିଂ ସାକ୍ତି ହୁକେ ଏକା ଖାନାକା ହୁଡ୍‌ଝି ପାଚେକ୍ ଇବେ ନିଲ୍‌ଚି ମାନି ମାନାୟ ବିତ୍ତେ କେତେ ଜାଶ୍ ଇନେସ୍ କିତିସ୍ ପା ହାକି ଦିନ୍ ହୁଡ୍‌ରୁ ।”

**ଜିସୁ ପାଗ୍‌ମାସ୍‌ନାକା**  
(ମାତିଉ ୧୭:୧-୧୩; ଲୁକ ୯:୨୮-୩୭)

୨ \*ଅ ଦିନ୍ ପାଚେ ଜିସୁ ପିତର୍, ଜାକୁବ୍ ଆରି ଜହନ୍‌ତିଂ ହାଙ୍ଗ୍ ଅଜି ଅଲ୍‌ଗା ଆଜି ହେୱାରିଂ ର ପାକ୍ତି ମାଡ୍‌ଜପି ଅଜି ହାଚାନ୍ ।

୩ ଆରେ, ହେୱାର୍ ମୁମ୍‌ଦ ପାଗ୍‌ମାସ୍‌ବାତାନ୍, ତା ହେନ୍ଦା ଏଲେଙ୍ଗ୍ ଅଜଡ୍ ଆରି ବେସି ଡିଞ୍ଜବାତାନ୍, ଜେ, ପୁର୍‌ତିଂ ନି ଇମ୍‌ଣି ଲଗୁପା ହେ ଲାକେ ଡିଞ୍ଜବେଦେଂ ଆଡ୍‌ର ।

୪ ଆରି, ମସା ଆରି ଏଲିୟ ଜିସୁ ଲାହାଙ୍ଗ୍ ବେରଶ୍ କିନାକାର୍ ହେୱାରିଂ ଚଞ୍ଜୟା ଆଚାର୍ ।

୫ ହେବେ ପିତର୍ ଜିସୁଙ୍ଗ୍ ଉତର୍ ହିତାନ୍, “ଏ ଗୁରୁ, ଆପେଂ ଜେ ଇ ବାହାତ ମାନାୟ !” ଇଦାଂ ହାରା ଆତାଡ୍; “ଆସେଙ୍ଗ୍ ଇବେ ତିନ୍‌ଗଟା ପୁର୍‌କୁ ରଚ୍‌ନାସ୍, ନି କାଜିଂ ରଞ୍ଜାଙ୍ଗ୍, ମସା କାଜିଂ ରଞ୍ଜାଙ୍ଗ୍ ଆରେ ଏଲିୟ କାଜିଂ ରଞ୍ଜାଙ୍ଗ୍ ।”

୬ ପିତର୍ ଇନା ଉତର୍ ହିଦ୍‌ନାନ୍ ଇଞ୍ଜି ପୁନ୍‌ଖାଦାଂ ମାଚାର୍, ହେୱାଡାଂ ହେୱାର୍ ପାଶ୍ଟା ଆଜି ମାଚାର୍ ।

୭ \*ଆରେ, ଇଚୁଟିଂ ବାଦାଡ୍ ଖାଜି ହେୱାରିଂ ପାଡାକ୍‌ତାଡ୍, ଆରି ହେ ବାଦାଡ୍‌ତାଂ ଇ କାତା ଆତାଡ୍, “ଇଝାନ୍ ନା ଖାରିନି ମାଜି, ଇଝାକ୍ତି କାତା ଖେନାଚ୍ !”

୮ ଆରେ, ହାଚାଚ୍ରେ ହେୱାର୍ ଚାରିବେଶ୍‌ତାଂ ହୁଡ୍‌ଜି ହେୱାର୍ ହୁଦାଂ ଜିସୁଙ୍ଗ୍ ପିସ୍ତି ଆରେ ଇନେରିଂ ପା ହୁଡ୍‌ଖାଚାର୍ ।

୯ ହେୱାର୍ ମାଡ୍‌ତାଂ ଜୁନି ଖେଡାଲିଂ ଜିସୁ ହେୱାରିଂ ଆର୍‌ଝା ବଲ୍ ହିଜି ଇଚାନ୍, “ଏପେଙ୍ଗ୍ ଇନା ଇନାକା ହୁଡ୍‌ନାଦେରା, ହେଦାଂ ଖିଜୁ ହାତି ମାନାୟ ବିତ୍ତେତାଂ ମାନାୟ ମାଜି ତାଙ୍ଗ୍ ନିଙ୍ଗି ପାଚେକ୍ ଇନେରିଂ ପା ଖେର୍‌ମାଚ୍ ।”

୧୦ ହେବେଶ୍‌ୟା ହେୱାର୍ ହେ କାତା ଆଜି “ହାତାକାର୍ ବିତ୍ତେ ଆରେ ନିଙ୍ଗିନାକା ଜେ ଇନାକା ? ଜିସୁ ବିସ୍ତେ ଜାର୍ ଜାର୍ ବିତ୍ତେ କାତାବାର୍ତା କିଦେଙ୍ଗ୍ ଲାଗାତାର୍ ।”

☆ ୮:୩୪ ମାତିଉ ୧୦:୩୮; ଲୁକ ୧୪:୨୭. ☆ ୮:୩୫ ମାତିଉ ୧୦:୩୯; ଲୁକ ୧୭:୩୩; ଜହନ୍ ୧୨:୨୫. ☆ ୯:୨ ପିତର୍ ୧:୧୭,୧୮. ☆ ୯:୭ ମାତିଉ ୩:୧୭; ମାର୍କ ୧:୧୧; ଲୁକ ୩:୨୨.

୧୧ \*ହେୱାର ଜିସୁଙ୍କୁ ଖେନ୍ଦବାତାର, “ତେବେ ଏଲିୟ ପର୍ତୁମ୍ ଖାନାନ୍, ଇଞ୍ଜି ଦରମ୍ ଗୁରୁର ଇ କାତା ଇନେସ୍ ଇନାର ?”

୧୨ ହେବେଣ୍ଡା ଜିସୁ ହେୱାରିଂ ଇଚାନ, “ଏଲିୟ ପର୍ତୁମ୍ ଖାଜି ସବୁ ବିସ୍ତେ ରଚ୍ଚି କାତା ସତ୍, ମାତର୍ ମାନାୟ୍ ମାଜି ବେସି ଗିଣ୍ଡକିୟା ଆନାନ୍, ଇଦାଂ ଇନେସ୍ ହେୱାନ୍ ବିସ୍ତେ ଲେକା ଆତାଡ଼ନ୍ନା ?

୧୩ ମାତର୍ ଆନ୍ ମିଜେଙ୍ଗ୍ ଇଞ୍ଜନାଙ୍ଗା, ଏଲିୟ ଖାତାନେ, ଆରେ ହେୱାନ୍ ବିସ୍ତେ ଇନେସ୍ ଲେକା ଆତାଡ଼ନ୍ନା, ହେ ଲାକେ ପା ହେୱାର୍ ତା-କାଜିଂ ଇନାକା ଇଚା ହେଦାଂ କିତାନ୍ନା ।”

**ପୁଦାଆସ୍ତି କାଡ଼ଦେ ହାରା ଆତାନ୍**  
(ମାତିଉ ୧୭:୧୪-୨୧; ଲୁକ ୯:୩୭-୪୩)

୧୪ ପାଚେ ହେୱାର୍ ଚେଲାର୍ ତାକେ ଖାଜି ହୁଡ଼ତାନ୍ ହେୱାର୍ ଚାରିବେଣ୍ଡାଂ ବେସିହେନି ମାନାୟ୍ ଆରେ ଦରମ୍ ଗୁରୁର ହେୱାର୍ ହୁକେ କାତାବାର୍ତ୍ତା କିନାରା ।

୧୫ ମାନାୟ୍ ହେୱାନ୍ ହୁଡ଼ତି ଦାପ୍ରେ ବେସି କାବା ଆତାର୍ ଆରି ହନ୍ତି ଖାଜି ହେୱାନ୍ ଜୱାର୍ କିଦେଙ୍ଗ୍ ଲାଗାତାର ।

୧୬ ହେବେତାଂ ଜିସୁ ଚେଲାର୍ ଖେନ୍ଦବାତାନ୍, “ଏପେଙ୍ଗ୍ ହେୱାର୍ ହୁକେ ଇନାକା ବେରଣ୍ଡାବାର୍ କିନାଦେରା ?”

୧୭ ମାନାୟ୍ ବିଡ୍ରେ ରଖାନ୍ ହେୱାନ୍ ଉତର୍ ହିତାନ୍, “ଏ ଗୁରୁ ଆନ୍ ନା ମାଜିଙ୍ଗ୍ ନି ତାକେ ତାସି ମାଚାଙ୍ଗ୍; ତାଙ୍ଗେଙ୍ଗ୍ ର ଗୁଲ୍ଲା ପୁଦା ଆସ୍ତାଡ଼ନା,

୧୮ ଇମ୍ଫଣି ବାହାତପା ହେଦାଂ ତାଙ୍ଗେଙ୍ଗ୍ ଆହ୍ନାଡ଼, ତାଙ୍ଗେଙ୍ଗ୍ ତାରେନ୍ ଗୁଡ଼ତାନ୍ନା, ହେୱାନ୍ ଖେଇଦାଂ ପୁମେଲ୍ ହନାଡ଼ ଆରେ ଚାତାଙ୍ଗ୍ କାଚନାନ୍ ଆରି ହେୱାନ୍ ଖାଜି ହାନାନ୍; ତାଙ୍ଗେଙ୍ଗ୍ ପିହି କିନି କାଜିଂ ଆନ୍ ମି ଚେଲାର୍ ଇଞ୍ଜି ମାଚାଙ୍ଗ୍, ମାତର୍ ହେୱାର୍ ଆଡ଼ଖାତାର ।”

୧୯ ଜିସୁ ହେୱାରିଂ ଉତର୍ ହିତାନ୍, “ଆଡ଼େ ପାତର୍ କିଞ୍ଜି ଲାତ୍ରା ଏଚେକ୍ ଦିନ୍ ମି ହୁକେ ମାନାଙ୍ଗ୍ ? ଏଚେକ୍ ଦିନ୍ ମି ଚିନ୍ତା ଆଡ଼ନାଂ ? କାଡ଼ଦେଂ ନାତାକେ ତାଇଖାଡ଼ୁ !”

୨୦ ହେବେଣ୍ଡାଂ ହେୱାର୍ ତାଙ୍ଗେଙ୍ଗ୍ ହେୱାନ୍ ତାକେ ତାହି ଖାତାର୍ । ଆରି ହେୱାନ୍ ହୁଡ଼ତି ଦାପ୍ରେ ହେ ପୁଦା ତାଙ୍ଗେଙ୍ଗ୍ ବେସି ମଡ଼ି କିତାଡ଼ ଆରି ହେ ମେଦନିତ ଗୁରୁଜି ପୁମେଲ୍ ଉଚ୍ଚି ତଣ୍ଡଗୁରୁଦେଂ ଲାଗାତାନ୍ ।

୨୧ ହେ କାଡ଼ଦ ହେୱାନ୍ ତା ଲାତ୍ରାହିଙ୍ଗ୍ ଖେନ୍ଦବାତାନ୍, “ଏଚେକ୍ ଦିନ୍ ଆତାଡ଼ ଇଖାନ୍ ଖଲେଙ୍ଗ୍ ଆନାତା ?” ହେୱାନ୍ ଇଚାନ୍, “ହିରୁଖେଡ଼ାଙ୍ଗ୍ ତାଙ୍ଗ୍,”

୨୨ “ହେୱାନ୍ ତାଙ୍ଗେଙ୍ଗ୍ ଅସ୍ତେଙ୍ଗ୍ ଇଞ୍ଜି ବାର୍ ବାର୍ ନାଣିତ ଆରି ଏଜୁକାଂ ତୁହିହିତାଡ଼ନା; ମାତର୍ ଏନ୍ ଜଦି ଇନାକା କିଦେଙ୍ଗ୍ ଆଡ଼ନାୟ୍, ତା ଆତିସ୍ ମା କାଜିଂ କାର୍ମା ଆଜି ଉପକାର୍ କିଦା ।”

୨୩ ହେବେ ଜିସୁ ତାଙ୍ଗେଙ୍ଗ୍ ଇଚାନ୍, “ଇନାକା ଇଚାୟ୍ ? ଜଦି କିଦେଙ୍ଗ୍ ଆଡ଼ନାୟ୍ ! ପାତର୍ କିନାକାନ୍ ତାକେ ଖିଜୁ ଆନାଡ଼ ।”

୨୪ “ହେ ସାଙ୍ଗେ କାଡ଼ଦେ ଲାତ୍ରାହି ଗାଜା କାଚ୍ତାଂ ଇଚାନ୍, ଆନ୍ ପାତର୍ କିନାଙ୍ଗା, ନା ପାତର୍ କିଖାକା ବାତାୟ୍ କିଦା ।”

୨୫ ପାଚେ ଲକୁ ରବେ ହନ୍ତି ଖାନାକା ହୁଡ଼ଜି ଜିସୁ ହେ ବାନ୍ୟା ପୁଦା ଜିରୁନ୍ତିଂ ଦାମ୍‌କାୟ୍ କିଜି ଇଚାନ୍, “ଏ ଗୁଲ୍ଲା ଆରି ବୟିରା ଜିରୁନ୍ ଆନ୍ ନିଜେଙ୍ଗ୍ ବଲ୍ ହିଦ୍‌ନାଙ୍ଗା, ଇବେଣ୍ଡାଂ ହସି ହାଲା, ଆରେ ରଗ ଇନାଖାଡ଼ାଂପା ଇଖାନ୍ ତାକେ ହଣ୍ଡୁୟ୍ ।”

୨୬ ହେବେ ହେଦାଂ କିରିଡ଼ି ପାଡ଼ି କିଜି ତାଙ୍ଗେଙ୍ଗ୍ ମଡ଼ିକିଜି ହସି ହାଚାଡ଼, ଆରେ କାଡ଼ଦେ ହାତିଲାକେ ଆତାନ୍, ଏଲେଙ୍ଗ୍ ଆତି କାଜିଂ ଆଦେକ୍ ହେନି ଇଚାର୍, “ହେୱାନ୍ ହାତାନ୍ ।”

୨୭ ମାତର୍ ଜିସୁ ତା କେଇ ଆସ୍ତି ତାଙ୍ଗେଙ୍ଗ୍ ନିକ୍ତାନ୍, ଆରେ ହେୱାନ୍ ନିଙ୍ଗ୍ତାନ୍ ।

୨୮ ଆରେ, ହେୱାନ୍ ଇଞ୍ଜି ଖାତିଲେ, ହେୱାନ୍ “ଚେଲାହିର୍ ହେୱାନ୍ କାଲେତାଂ ଖେନ୍ଦବେଦେଂ ଲାଗାତାର୍, ଆପେଂ ପୁଦାତିଙ୍ଗ୍ ଇନେକିଦେଂ ପିହିକିଦେଂ ଆଡ଼ଖାତାପ୍ ?”

୨୯ ଜିସୁ ହେୱାରିଂ ଇଚାନ୍, “ପାର୍ତାନା ଆଖିତିସ୍ ଆରି ଇମ୍ଫଣି ବାନ୍ୟା ପୁଦା ପିହିକିୟା ଆଉଡ଼ ।”

**ଜିସୁ ଆରେ ରଗ ନିଜେ ହାନି ବିସ୍ତେ ଇଚାନ୍**  
(ମାତିଉ ୧୭:୨୨-୨୩; ଲୁକ ୯:୪୩-୪୫)

୩୦ ଜିସୁ ଆରି ଚେଲାର୍ ହେ ବାହାତ ପିସ୍ତି ଗାଲିଲି ନିପତିଂ ଆଜି ହାଚାର୍, ଆରି ଇନେର୍ ହେଦାଂ ପୁନ୍‌ମେର୍ ଇଞ୍ଜି ମାନ୍ ହିଲ୍‌ଖାତାଡ଼,

୩୧ ଇନାକିଦେଂକି ହେୱାନ୍ ତା ଚେଲାର୍ ଇ କାତା ଇଞ୍ଜି ହିକ୍ୟା ହିଜି ମାଚାନ୍, ହେୱାନ୍ ହେୱେରିଂ ଇଚାନ୍ । “ମାନାୟ୍ ମାଜି ମାନାୟ୍ କେଇଦ ହେଲାୟ୍ କିୟା ଆନାନ୍, ଆରେ ହେୱାର୍ ହେୱାନ୍ ଟ୍ରାକ୍‌ନାର୍ ଆରେ ହେୱାନ୍ ହାତି ପାଚେ ତିନ୍‌ଦିନ୍ ତାଙ୍ଗ୍ ପାଚେ ଆରେ ନିଙ୍ଗ୍ନାନ୍ ।”

୩୨ ମାତର୍ ଚେଲାର୍ ହେ କାତା ବୁଜା ଆଖାତାର୍ ଆରେ ହେୱାନ୍ ଖେନ୍ଦବେଦେଂ ପାଣ୍ଡା ଆଜି ମାଚାର୍ ।

\* ୯:୧୧ ମାତିଉ ୧୧:୧୪.



ଜିସୁ ଇଚ୍ଚାନ୍ ଇନେର୍ ଗାଜାକାନ୍  
(ମାତିଉ ୧୮:୧୫; ଲୁକ ୯:୪୭-୪୮)

୩୩ ପାଚେ ହେଞ୍ଜାର କପର୍ନାହୁମ୍ ଖାତାର । ଜିସୁ ଇଞ୍ଜ ଏକିସ୍ ହେଞ୍ଜାରିଂ ଖେନ୍‌ବାତାନ୍, “ଏପେଙ୍ଗ୍ ହାସ୍‌ଦ ଇନାକା କାତା ବାତ୍‌ କିଜି ମାଚାଦେର୍ ?”

୩୪ ✨ମାତର୍ ହେଞ୍ଜାର ଚିମ୍‌ରା ଆଜି ମାଚାର, ଇନାକିଦେଂକି ସାଗେ ରାଜିତ ଇନେର୍ ଗାଜା, ଇ କାତା ଆସ୍ତି ହାସ୍‌ଦ ଗାଣ୍‌ଜୁ କିଜି ମାଚାର ।

୩୫ ✨ହେବେ ହେଞ୍ଜାନ୍ କୁର୍ଚି ବାରଜାଣି ଚେଲାରିଂ କୁକ୍‌ତାନ୍ ଆରି ହେଞ୍ଜାରିଂ ଇଚ୍ଚାନ୍, “ଜଦି ଇନେର୍ ମୁଡ୍‌ ଆଦେଂ ଇଚ୍ଚା କିନାନ୍ ତାଆତିସ୍ ହେଞ୍ଜାନ୍ ଖିଜାକାର ତାଙ୍ଗ୍ ହାରୁକାନ୍ ଆରି ଖିଜାକାରିଂ ହେବା କିନାକାନ୍ ଆୟେନ୍ ।”

୩୬ ଆରେ, ହେଞ୍ଜାନ୍ ର ହାରୁ କାଡ୍‌ଦେଂ ଆସ୍ତି ହେଞ୍ଜାର ମାଦି ନିଲି କିତାନ୍ ଆରେ ତାଙ୍ଗେଙ୍ଗ୍ ତନ୍‌ଞ୍ଜି ହେଞ୍ଜାରିଂ ଇଚ୍ଚାନ୍,

୩୭ ✨“ଇନେର୍ ନା ତର୍‌ଦ ଏଲେଙ୍ଗ୍ ହାରୁ ହିମ୍‌ଣା ବିତ୍ରେ ରକାନିଂ ଇଚ୍ଚନାର, ହେଞ୍ଜାନ୍ ନାଙ୍ଗେଙ୍ଗ୍ ଇଚ୍ଚନାନ୍, ଇନେର୍ ନାଙ୍ଗେଙ୍ଗ୍ ଇଚ୍ଚନାନ୍, ମାତର୍ ନା ପଲ୍ଲିତି ଆବାଙ୍ଗ୍ ମାନି କିନାନ୍ ।”

ମାଙ୍ଗେଙ୍ଗ୍ ବିରଦ୍ କିଞ୍ଚି ଲଗୁ ମା ନିଜ୍ ଲକୁ  
(ଲୁକ ୯:୪୯-୫୦)

୩୮ ଜହନ୍ ଜିସୁଙ୍ଗ୍ ଇଚ୍ଚାନ୍, “ଏ ଗୁରୁ, ମା କୁଦା ତାକେ ରଞ୍ଜାନ୍ ହିଲ୍‌ଞ୍ଚିତି ଲଗାଙ୍ଗ୍ ନି ତର୍‌ଦାଂ ପୁଦା ପିହ୍‌ନାକା ହୁଡ୍‌ତାପ୍, ଆରେ ହେଞ୍ଜାନ୍ ମା କୁଦା ତ ହିଲ୍‌ଞ୍ଚିତିଲେ ମୁନାକିତାପ୍ ।”

୩୯ ମାତର୍ ଜିସୁ ଇଚ୍ଚାନ୍, “ତାଙ୍ଗେଙ୍ଗ୍ ମୁନା କିମାଟ୍; ଇନେକିଦେଂକି ନା ତର୍‌ଦ ସାଲ୍ଲିନି କାମାୟ୍ କିଜି ହାଚାଗ୍ରେ ନାଦାଂ ବାନ୍‌ଧା କିଦେଙ୍ଗ୍ ଆଡ୍‌ନାନ୍, ଏପେଙ୍ଗ୍ ଲଗୁ ଇନେର୍ ହିଲ୍‌ଚ୍ଚାନ୍;

୪୦ ✨ଇନେକିଦେଂକି ଇନେର୍ ମା ବିରୁଡ୍ ଆକାୟ୍, ହେଞ୍ଜାନ୍ ମାପାକ୍ୟା ।

୪୧ ✨ଆନ୍ ମିଙ୍ଗେଙ୍ଗ୍ ହାଡ୍‌ପା ଇଞ୍ଜନାଙ୍ଗା, ଏପେଙ୍ଗ୍ କ୍ରିସ୍‌ତି ଲକୁ ଇଞ୍ଜି ଇନେର୍‌କି ମିଙ୍ଗେଙ୍ଗ୍ ର ଗିନା ଏଜୁଂ ଉଣ୍ଡେଙ୍ଗ୍ ହିଡ୍‌ତିସ୍, ହେଞ୍ଜାନ୍ ଇନେସ୍ କିଜିପା ଜାର୍ ମୁକୁଟ୍ ଆରାୟ୍ କିଉନ୍ ।”

ପାତର୍ ତାକେ ପାପ୍ କିତାକା  
(ମାତିଉ ୧୮:୨-୯; ଲୁକ ୧୭:୧-୨)

୪୨ “ଜିସୁ ଆରେ ଇଞ୍ଜେଙ୍ଗ୍ ଲାଗାତାନ୍, ଇନେର୍ ପାତର୍ କିଜି ମାନି ଇ ହାରୁକାର ବିସ୍ତେ ରକାନିଂ ବାଦା ଆତିସ୍, ହେଞ୍ଜାନ୍ ହାକ୍‌ତ ର ଗାଜା ଜାତାକାଲ୍ ତୁଇ କିଜି ହେଞ୍ଜାନ୍ ହାମ୍‌ଦୁର୍ ତାକେ ତୁଇ ହିରିତିସ୍ ହେଦାଂ କାଜିଂ ହାରା ଆତାମ୍ ।

୪୩ ✨ଆରେ, ମି କେଇ ଜଦି ମିଦାଙ୍ଗ୍ ବାଦା ଆନାଡ୍, ତାଙ୍ଗେଙ୍ଗ୍ କାଦ୍‌ଦି ତୁସି ହିୟାଟ୍, ଆରି ରି କେଇ ଅଜି ନରକ୍, ଇତିସ୍ ହାଞ୍ଜିନାଣି ବିତ୍ରେ ହାନି ବାଗା ଚୁଗାଆଜି ଜିବୁନ୍‌ତ ହଣଗାନାକା ମି ପାକ୍ୟାତ ହାର୍ ।

୪୪ ଇନାକିଦେଂକି ନାଣିତ ହେଞ୍ଜାର୍‌ତି ପ୍ଲୁକୁ ଜିରା ଆଉକ୍, ଆରି ନାଣି ହାହୁଡ୍ ।

୪୫ ଆରେ, ମି ପାନା ଜଦି ମିଙ୍ଗେଙ୍ଗ୍ ବାଦା ହିଦ୍‌ନାତା ହେଦେଲିଂ କାଦ୍‌ଦି ତୁସି ହିୟାଟ୍, ରି ପାନାଙ୍ଗ୍ ତାସି ନରକ୍‌ତ ଦେହେନି ବାଗା ଚଗା ଆଜି ଜିବୁନ୍‌ତ ହାନାକା ମି ପାକ୍ୟାତ ହାର୍ ।

୪୬ ଇନାକିଦେଂକି ନାଣିତ ହେଞ୍ଜାର୍‌ତି ପ୍ଲୁକୁ ଜିରା ଆଉକ୍, ଆରି ନାଣି ମୁଡ୍‌କେ ହାଉଡ୍ ।

୪୭ ✨ଆରେ ମି କାଣ୍‌ଙ୍ଗା ଜଦି ମିଙ୍ଗେଙ୍ଗ୍ ବାଦା ହିଦ୍‌ନାତା, ଇତିସ୍ ହେ କାଣାଙ୍ଗାତିଂ ଉନ୍‌ଦି ତୁହି ହିୟାଟ୍, ରି କାଣ୍‌କୁ ଅଜି ନରକ୍‌ତ ତୁହିହିନି ବାଗା ର କାଣାଙ୍ଗା ଅଜି ମାପୁ ରାଜିତ ହଣାକା ମି ପାକ୍ୟାତ ହାର୍ ।

୪୮ ଇନାକିଦେଂକି ନାଣିତ ହେଞ୍ଜାର୍‌ତି ପ୍ଲୁ ଖିଜୁଡ୍ ଆରି ନାଣି ହାଉଡ୍ ।”

୪୯ “ଲାଗିଂ ଖିଜାର୍ ନାଣିତ ହର୍ ଲାକେ ହଞ୍ଜାଦ୍ । ହର୍ ହାଦ୍‌କା, ମାତର୍ ହର୍ ଜଦି କାର୍‌ୟା ଆନାଡ୍, ତା ଆତିସ୍ ହେଦେଲିଂ ଇନାକାତ ହଞ୍ଜାଦ୍ କିୟାନ୍‌ଡ୍ ? ଏପେଙ୍ଗ୍ ଜାର୍ ବିତ୍ରେ ହର୍ ହଞ୍ଜାଦ୍ ସମାନ୍ ମାନାଟ୍ ଆରି ହାରି ଲାହାଂ ସୁସ୍ତାତ ମାନାଟ୍ ।”

୫୦ ✨“ହର୍ ହାର୍‌ଦାକା, ଏଲେଙ୍ଗ୍ ହର୍ ଲାକେ ଆଞ୍ଜାତାଡ୍‌ତି, ତା ଆତିସ୍ ଇନାକାତ ହଞ୍ଜାଦ୍ କିନାକା ? ଏପେଙ୍ଗ୍ ଜାର୍ ଜାର୍ ତାକେ ହାର୍ ଗୁଣ୍ ଇଚାଟ୍ ଆରେ ଖିଜାକାଦେର୍ ସୁସ୍ତାତ ମାନାଟ୍ ।”

୧୦

ଡକ୍ରିଂ ପିହ୍‌ନି ବିସ୍ତେ ଜିସୁ ହିକାଇ କିତାକା  
(ମାତିଉ ୧୯:୧-୧୨; ଲୁକ ୧୭:୧୮)

୧ ଜିସୁ ହେ ବାହାତାଂ ହାଲ୍‌ଜି ପା ଜିହୁଦାନିପ ଆରି ଜର୍‌ଦନ୍ ନାଗୁଡ୍ ନାସି ଖାତାନ୍, ଆରେ ମାନାୟ୍ ତାକେ ଆରେ ରଗ ହେଦାଂ ମେହା ଆତାନ୍, ହେଞ୍ଜାନ୍ ନିଜେ ନି ନିତି ତାଙ୍ଗ୍ ହେଞ୍ଜାରିଂ ହିକାଇ କିଦେଙ୍ଗ୍ ଲାଗାତାନ୍ ।

✨ ୯:୩୪ ଲୁକ ୨୨:୨୪. ✨ ୯:୩୫ ମାତିଉ ୨୦:୨୭,୨୭; ୨୩:୧୧; ମାର୍କ ୧୦:୪୩,୪୪; ଲୁକ ୨୨:୨୭. ✨ ୯:୩୬ ମାତିଉ ୧୦:୪୦; ଲୁକ ୧୦:୧୭; ଜହନ୍ ୧୩:୨୦.  
✨ ୯:୪୦ ମାତିଉ ୧୨:୩୦; ଲୁକ ୧୧:୨୩. ✨ ୯:୪୧ ମାତିଉ ୧୦:୪୨. ✨ ୯:୪୩ ମାତିଉ ୫:୩୦. ✨ ୯:୪୬ ମାତିଉ ୫:୨୯. ✨ ୯:୫୦ ମାତିଉ ୫:୧୩; ଲୁକ ୧୪:୩୪,୩୫.

୨ ଇବେଣ୍ଡାଂ ପାରୁସିର୍ ତା ତାକେ ୱାଜି ତାଙ୍ଗେଙ୍ଗ୍ ପରିକ୍ୟା କିଜି ୱେନ୍‌ବାତାର୍, ମା “ବିଦି ହିଦ୍‌ନାତା କି ରଞ୍ଜାନ୍ ତା ତକ୍‌ହୁଁ ପିସ୍‌ସି ହେଦାଂ ଇନାକା ଆଣ୍ଡେନ୍ ତାକେ ନ୍ୟାୟ୍ ମାନାଡ଼କି ?”

୩ ଜିସୁ ହେଞ୍ଜାରିଂ ଉତର୍ ହିତାନ୍, “ମସା ମିଙ୍ଗେଙ୍ଗ୍ ଇନା ବଲ୍ ହିଡ଼ତାନ୍ନା ?”

୪ \*ହେଞ୍ଜାର୍ ଇଚାର୍, “ହେଲ ଆକି ଲେକି କିଜି କଗ୍‌ଲେଂ ପିହିନି କାଜିଂ ମସା, ହେଲ ହିତାନ୍ନା ।”

୫ ହେବେ ଜିସୁ ହେଞ୍ଜାରିଂ ଇଚାନ୍, “ମି ମାନ୍ ଆଡ଼ଞ୍ଜା ହୁଡ଼ଜି ମସା ମି କାଜିଂ ଇ ବଲ୍ ଲେକି କିତାନ୍ନା ।

୬ ମାତର୍ ଉବ୍‌ଜାଣ୍ ଆଡି ଆରମ୍‌ତାଂ ଇସ୍‌ବର୍ ହେ ଲାକେ ହେଞ୍ଜାରିଂ ଆଣ୍ଡେନ୍ ଆରେ କଗ୍‌ଲେ କିଜି ଉବ୍‌ଜାଣ୍ କିତାନ୍ ।”

୭ “ଇଦାଂ କାଜିଂ ଆଣ୍ଡେନ୍ ଜାର୍ ଆବା ଆୟାଂ ପିହିନାନ୍, ଆରି ହେଞ୍ଜାର୍ ଏକ୍ ଆନାର୍,\*

୮ ଆରେ ହେଞ୍ଜାର୍ ରିକାର୍ ଆକାୟ୍, ମାତର୍ ର ଗାଗାଡ଼୍ ଆନାର୍ ।

୯ ଲାଗିଂ ଇସ୍‌ବର୍ ଇମ୍‌ଣାକାରିଂ ମେହାୟ୍ କିତାନ୍ନା, ମାନାୟ୍ ହେଦାଂ ଏଡ଼ାୟ୍ କିମେର୍ ।”

୧୦ ପାଚେ ଚେଲାର୍ ଇଞ୍ଜ ହେଞ୍ଜାରିଂ ଇ ବିସ୍ତେ ଆରେ ରଗ ୱେନ୍‌ବେଦେଂ ଲାଗାତାର୍ ।

୧୧ \*ହେବେଣ୍ଡାଂ ହେଞ୍ଜାନ୍ ହେଞ୍ଜାରିଂ ଇଚାନ୍, “ଇନେର୍ ଜାର୍ ତକ୍ତିଂ ପିସ୍ତି ବିନ୍‌ନିକାତିଂ ବିବାଆତିସ୍, ହେଞ୍ଜାନ୍ ତା ବିରୁଦ୍‌ତ ଦାରି ଆନାନ୍ ।

୧୨ ଆରେ, ଜଦି କଗ୍‌ଲେ ଜାର୍ ତକ୍ତାଙ୍ଗ୍ ପିସ୍ତି ବିନ୍‌ଲୁଗାଂ ବିବା ଆତିସ୍, ଲାଗିଂ ହେଦେଲ୍ ଦାରି ।”

**ଜିସୁ ହିମ୍‌ଣାକାଂ ୱାରି କିନାନ୍**

(ମାଡିଉ ୧୯:୧୩-୧୫; ଲୁକ ୧୮:୧୫-୧୭)

୧୩ ହେଞ୍ଜାନ୍ ଇନେସ୍ ହିମ୍‌ଣାକାଂ ତୁଜି ଆସିର୍ବାଦ୍ କିନାନ୍, ଇଦାଂ କାଜିଂ ହେଞ୍ଜାରିଂ ହେଞ୍ଜାନ୍ ତାକେ ତାତେଙ୍ଗ୍ ଲାଗାତାର୍, ମାତର୍ ଚେଲାର୍ ହେଞ୍ଜାରିଂ ଦାକା କିତାର୍ ।

୧୪ ଜିସୁ ହେଦାଂ ହୁଡ଼ଜି ରିସା ଆଜି ହେଞ୍ଜାରିଂ ଇଚାନ୍, “ହିମ୍‌ଣାକାଂ ନା ତାକେ ୱାଦେଙ୍ଗ୍ ହିଆର୍, ହେଞ୍ଜାରିଂ ମୁନାକିମାଟ୍, ଇଦାଂ କାଜିଂ ଇସ୍‌ବର୍‌ତି ରାଜି ଇ ଲାକେ ମାନାୟାଡ଼ତି ।

୧୫ ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା, ଇନେର୍ ହିମ୍‌ଣାଂ ଲାକେ ଇସ୍‌ବର୍ ରାଜିତ ଆଞ୍ଜିତିସ୍, ହେଞ୍ଜାନ୍ ଇନେସ୍ କିଜି ପା ସାଗେ ରାଜିନିପ ହେବେ ହଣ୍ଡେଙ୍ଗ୍ ଆଡୁନ୍ ।”

୧୬ ଆରେ, ହେଞ୍ଜାନ୍ ହେଞ୍ଜାରିଂ ତୁକ୍‌ତି କେଇ ଇଡ଼ଜି ଆସିର୍ବାଦ୍ କିତାନ୍ ।

**ର ହାଞ୍ଜାକାର୍ ମାନାୟ୍ ବିସ୍ତେ**

(ମାଡିଉ ୧୯:୧୭-୩୦; ଲୁକ ୧୮:୧୮-୩୦)

୧୭ ଜିସୁ ହାନିହିଂ ହାଞ୍ଜେଙ୍ଗ୍ ଆରାମ୍ କିନି ୱେଡ଼ାଲିଂ ରକାନ୍ ହନଟି ୱାଜି ହେଞ୍ଜାନ୍ ଲାଗାଂ ମେଣ୍ଡାକୁୟି କିଜି ହେଞ୍ଜାରିଂ ୱେନ୍‌ବାତାନ୍, “ଏ ସଡ଼ ଗୁରୁ, ୱିଜ୍‌ଜି ଜିରୁନ୍ ପାୟା ଆଦେଂ ଆନ୍ ଇନାକା କିନାଙ୍ଗ୍ ?”

୧୮ ହେବେଣ୍ଡାଂ ଜିସୁ ହେଞ୍ଜାରିଂ ଇଚାନ୍, “ନାଙ୍ଗେଙ୍ଗ୍ ହାର୍ ଇଞ୍ଜ ଇନେକିଦେଂ ଇଞ୍ଜନାୟା ?” ରଞ୍ଜାନ୍ ପିସ୍ତି, ଇତିସ୍ “ଇସ୍‌ବର୍ ତାଙ୍ଗ୍ ଇନେର୍ ହାଡ଼ାକାର୍ ହିଲୁର୍ ।”

୧୯ ବଲ୍‌କୁ ତ ଏନ୍ ପୁଚାୟନା, ନାର୍‌ତି ଅହ୍‌ମାଟ୍, ଦାରି କିମାଟ୍, କୁଟ୍ କିମାଟ୍, ଜାର୍ ଆବା ଆୟାକାଂ ୱାରି କିୟାଟ୍ ।

୨୦ ହେଞ୍ଜାନ୍ ତାଙ୍ଗେଙ୍ଗ୍ ଇଚାନ୍, “ଏ ଗୁରୁ, ଇଦାଂ ୱିଜ୍‌ଜି ନିୟମ୍ ହାରୁଞ୍ଜେଡ଼ାଙ୍ଗ୍‌ତାଂ ଆନ୍ ବେଣ୍ଡିୟା ୱେଡ଼ାତାଙ୍ଗ୍ ମାନି କିଜି ୱାଜାଙ୍ଗା ।”

୨୧ ଜିସୁ ହେଞ୍ଜାନ୍ କାଜିଂ ରବେ ହୁଡ଼ଜି ହେଞ୍ଜାରିଂ ଜିଉନଜି ଆରେ ଇଚାନ୍, “ନିୟାଂ ର ବିସ୍ତେ ଉଣା ମାନାଡ଼, ଏନ୍ ହାଲ୍‌ଜି ନିଜେତି ସବୁ ପ୍ରସି ଅକ୍‌ଡ଼ ତାରିଙ୍ଗ୍ ଦାନ୍ ହିୟା, ଆରେ ଏନ୍ ସାଗେନି ଦାନ୍ ପାୟା ଆନାୟ୍; ଆରେ ୱାଜି ନା ପାଚେ ପାଚେ ୱା ।”

୨୨ ମାତର୍ ଇ କାତାତ ତା ମୁମ୍ ରାଡ଼ତାନ୍ ଆରେ ହେଞ୍ଜାନ୍ ତୁକ୍ ଆଜି ହାଚାନ୍, ଇତିସ୍ ହେଞ୍ଜାନ୍ତି ବେସି ଦାନ୍ ମାଚାଡ଼ ।

୨୩ ପାଚେ ଜିସୁ ଚାରିବେଣ୍ଡାଂ ହୁଡ଼ଜି ନିଜେତି ଚେଲାର୍ ଇଚାନ୍, “ଇନେର୍‌ତି ଦାନ୍ ମାନାଡ଼, ହେଞ୍ଜାର୍ କେତେକ୍ କସ୍‌ତାଂ ଇସ୍‌ବର୍ ରାଜିତ ହାନାର୍ ।”

୨୪ ଜିସୁତି କାତା ୱେନ୍‌ଜି ଚେଲାର୍ କାବା ଆତାର୍, ମାତର୍ ଜିସୁ ଆରେ ରଗ ହେଞ୍ଜେରିଂ ଇଚାନ୍, “ବପାର୍ ଇସ୍‌ବର୍ ରାଜିତ ହାନାକା କେତେକ୍ କସ୍‌!”

୨୫ ଇସ୍‌ବର୍ ରାଜିତ ମାଜାନିଂ ହାଣାକା ଇତିସ୍ ହୁଜା କାଣାତ ଉର୍ ହାଣାକା ଆଡ଼ଞ୍ଜା, ର ମାଜାନ୍ ସାଗେ ରାଜିତ ହାଣାକା ବେସି କସ୍ ।

୨୬ ଇଦାଂ ହେଞ୍ଜାର୍ ବେସି କାବା ଆଜି ହେଞ୍ଜାର୍ ହେଞ୍ଜାରିନେ ଇନ୍‌ବା ଆତାର୍, “ଇତିସ୍ ଇନେର୍ ମୁକ୍ତି ପାୟା ଆନାନ୍ ?”

୨୭ ଜିସୁ ହେଞ୍ଜାରିଂ ସିଦା ହୁଡ଼ଜି ଇଚାନ୍, “ଇଦାଂ ମାନାୟାଡ଼ିଂ କିୟା ଆଞ୍ଜାକା, ମାତର୍ ଇସ୍‌ବର୍‌ତି ଆକାୟ୍; ଇତିସ୍ ଇସ୍‌ବର୍‌ତି ୱିଜ୍‌ଜି ଆନାଡ଼ ।”

☆ ୧୦:୪ ମାଡିଉ ୫:୩୧. \* ୧୦:୭ କେତେକ୍ ପତିତ ଆରି ତା ତକ୍‌ହୁଁକ୍ ଲାହାଂ ମେହାନାର୍ । ☆ ୧୦:୧୧ ମାଡିଉ ୫:୩୨; ୧ କରନ୍ତିୟ ୭:୧୦,୧୧.

୨୮ ପିତର ହେୱାନିଂ ଇଚାନ୍, “ହୁଡ଼ାଟ୍, ଆପେଂ ଓଁଜେ ପିସ୍ସି ନି ପାଚେ ପାଚେ ୱାନାପା ।”

୨୯ ଜିସୁ ଇଚାନ୍, “ଆନ୍ ମିଜେଙ୍ଗ୍ ହାଡ଼ପା ୱେଟ୍ଟାଚାନାଙ୍ଗା, ଇମ୍ପାଣାକାନ୍ ନା ନେକ୍ରିକାରୁର୍ କାଜିଂ ଇଲ୍ କି ଟଣ୍ଡେନ୍ କି ତଣ୍ଡେଲ୍ କି ଆୟା କି ଆବା କି ହିମ୍ପାଣାଞ୍ଜାକ୍ତା କି ବୁମି ପିସ୍ସାନ୍ନା ।

୩୦ ଆରେ ଅଙ୍ଗୟ୍ ଇ କାଡ଼ଦ ଦୁକ୍ ସାଙ୍ଗେ ସାଙ୍ଗେ ପାଞ୍ଚକଡ଼ି ଗୁଣ୍ଡ ଇଲ୍, ଟଣ୍ଡେନ୍, ତଣ୍ଡେଲ୍, ଆୟା, ହିମ୍ପାଣାଞ୍ଜାକ୍ତା ଆରେ ବୁମି, ଆରେ ପାଚେନି ଜୁଗ୍ତ ଓଁଜି ଜିବୁନ୍ ପାୟା ଆଉନ୍, ଏଲେଙ୍ଗ୍ ବାଟିଂ ମାନାୟ୍ ଇନେର୍ ହିଲୁର୍ ।

୩୧ ☆ମାତର୍ ଆଗେ ମାନି ହେନି ମାନାୟାର୍ ପାଚେ ଆନାର୍ ଆରି ପାଚେ ମାନି ହେନି ମାନାୟାର୍ ହିଗ୍ଦ ଆନାର୍ ।”

**ଜିସୁ ତା ହାନାକା ବିସ୍ତେ ତିନ୍ହଟ୍ ୱେଟ୍ଟାଚାନ୍**  
(ମାତିଉ ୨୦:୧୭-୧୯; ଲୁକ ୧୮:୩୧-୩୪)

୩୨ ହେୱାର୍ ଜିରୁସାଲମ୍ ତାକେ ହାନିଞ୍ଜାଡ଼ାଂ ହାସ୍ଦ ମାଚାର୍ ଆରି ଜିସୁ ହେୱାର୍ ଆଗେ ଆଗେ ହାଲ୍ଜି ମାଚାନ୍, ଆରି, ଚେଲାର୍ କାବା ଆରି ପାଚେ ମାତି ଲଗାଂ ପାଣ୍ଡୁ ଆଜି ମାଚାର୍ । ଇଦାଂ କାଜିଂ ହେୱାନ୍ ଆରେ ବାରଜାଣାତିଂ ବିନେ କିଜି, ହେୱାନ୍ ବିସ୍ତେ ଇନା ଇନାକା ଜିରୁସାଲମ୍ ଗିଟା ଆଦେଂ ହାନାତା, ହେ ଓଁଜେ ହେୱେରିଂ ଜାଣାଇ କିଦେଙ୍ଗ୍ ଲାଗାଆତାନ୍ ।

୩୩ ହେୱେନ୍ ଇଚାନ୍, “ହୁଡ଼ାଟ୍, ଆପେଂ ଜିରୁସାଲମ୍ତ ହାନାପା; ମାନାୟ୍ ମାଜି ମୁଡ୍ ମାପୁ ହେବା କିନାକାନ୍ ଆରେ ଦରମ୍ ଗୁରୁର୍ କେଇଦ ହେଲାୟ୍ ଆନାନ୍, ଆରେ ହେୱାର୍ ହେୱେନିଂ ହାକିଦଣ୍ଡ ହିଜି ପାଟିଂ କିଓ୍ ଜିହୁଦିର୍ କେଇଦ ହିନାର୍ ।

୩୪ ଆରେ ହେୱାର୍ ହେୱେନିଂ କିଜାୟ୍ କିନାର୍, ହେୱାନ୍ ଜପି ଏଓଁଡିଂ ରୁପ୍ନାର୍, ହେୱେନିଂ କରତା ଇଡିନାର୍ ଆରି ପାଗନାର୍, ଆରେ ତିନି ଦିନ୍ ପାଚେ ହେୱାନ୍ ଆରେ ଜିବୁନ୍ ଆଜି ନିଙ୍ଗନାନ୍ ।”

**ଜାକୁର୍ ଆରି ଜହନ୍ ଗଞ୍ଜାରି କିନାକା**  
(ମାତିଉ ୨୦:୨୦-୨୮)

୩୫ ପାଚେ ଜେବ୍ଦିତି ମାଜି ଜାକୁର୍ ଆରି ଜହନ୍ ଜିସୁ ତାକେ ୱାଜି ଇଚାର୍, “ଏ ଗୁରୁ, ମା ଇଚା ଜେ, ଆପେଂ ନିବେଣ୍ଡାଂ ଇନାକାପା ଏନ୍ନାପା, ହେଦାଂ ମା କାଜିଂ ଏନ୍ କିୟା ।”

୩୬ ହେବେଣ୍ଡାଂ ହେୱାନ୍ ହେୱେରିଂ ୱେନ୍ଦାତାନ୍, “ଆନ୍ ମି କାଜିଂ ଇନାକା କିନାଙ୍ଗ୍ ଇଞ୍ଜି ଏପେଙ୍ଗ୍ ମାନ୍ କିନାଦେରା ?”

୩୭ ହେୱେର୍ ହେୱେନିଂ ଇଚାର୍, “ଜାର୍ ଜାଜ୍ମାଲ୍ ପାୟା ଆତିସ୍ ଇନେସ୍ ମା ତାଙ୍ଗ୍ ରକାନ୍ ନିଙ୍ଗ୍ ତିନି କଚଣ୍ଡ ରକାନ୍ ତେବା କଚଣ୍ଡ କୁଚ୍ଚାନ୍ ମାଙ୍ଗେଙ୍ଗ୍ ଇ ବର୍ ହିଦା ।”

୩୮ ☆ମାତର୍ ଜିସୁ ହେୱେରିଂ ଇଚାନ୍, “ଏପେଙ୍ଗ୍ ଇନାକା ଏନ୍ନାଦେରା, ହେଦାଂ ପୁନ୍ନୁଦେରା । ଆନ୍ ଇମ୍ପାଣି ଗିଲାସ୍ତ ଉଣାଜି ମାନାଙ୍ଗ୍, ହେବେ କି ଏପେଙ୍ଗ୍ ଉଣ୍ଡେଙ୍ଗ୍ ଆଡ଼ନାଦେର୍ କି ? ଇତିସ୍ ଆନ୍ ଇମ୍ପାଣି ବାପ୍ତିସିମ୍ତ ବାପ୍ତିସିମ୍ ଆନାଙ୍ଗା, ହେବେ କି ଏପେଙ୍ଗ୍ ବାପ୍ତିସିମ୍ ଆଦେଂ ଆଡ଼ନାଦେର୍ କି ?”

୩୯ ହେୱାର୍ ହେୱେନିଂ ଇଚାର୍, “ଆଡ଼ନାପ୍ ।” ଜିସୁ ହେୱେରିଂ ଇଚାନ୍, ଆନ୍ ଇମ୍ପାଣି ଗିଲାସ୍ତ ଉଣାଙ୍ଗା, ଏପେଙ୍ଗ୍ ହେ ଗିଲାସ୍ତ ଉଣାଦେର୍, ଆରେ ଆନ୍ ଇମ୍ପାଣି ବାପ୍ତିସିମ୍ତ ବାପ୍ତିସିମ୍ ଅନାଙ୍ଗ୍, ଏପେଙ୍ଗ୍ ହେବେ ବାପ୍ତିସିମ୍ ଆନାଦେର୍;

୪୦ ମାତର୍ ବୁଜାଣି ବାଗାଙ୍ଗ୍ କି ତେବାବାଗାଙ୍ଗ୍ କୁଚ୍ଚେଂ ହିନାକା ନା ଆଦିକାର୍ ବିସ୍ତେ ହିଲୁଡ୍, ଇସ୍ପର୍ ଆବା ଇମ୍ପାଣାକାର୍ କାଜିଂ ବାହା ରତି କିତାନ୍ନା, ହେୱାର୍ କୁଚ୍ଚନାର୍ ।

୪୧ ବିନ୍ ଦାସ୍ ଜାଣ୍ ଇଦାଂ ୱେନ୍ଦିଞ୍ଜି ଜାକୁର୍ ଆରେ ଜହନ୍ ଜପି ରିସା ଆଦେଂ ଲାଗାତାର୍ ।

୪୨ ହେବେତାଂ ଜିସୁ ହେୱେରିଂ ରବେ କୁକ୍ଚି ଇଚାନ୍, “ଇମ୍ପାଣାକାର୍ ପାଟିଂ କିଓ୍ ଜିହୁଦିରିଂ ରାଜ୍ କିନାକାର୍ ଲାକେ, ହେୱେର୍ ହେୱାର୍ ଜପି ରାଜି କିନାନ୍ ଆରି ପାଟିଂ କିଓ୍ ଜିହୁଦିରିଂ ଗାଜାଲଗୁ ହେୱାର୍ ଜପି କାମାୟ୍ କିଚାର୍, ଇଦାଂ ଏପେଙ୍ଗ୍ ପୁନାର୍ ।

୪୩ ☆ମାତର୍ ମି ବିତ୍ତେ ହେ ଲାକେ ଆକାୟ୍, ମାତର୍ ମି ବିତ୍ତେ ଇନେର୍ ଗାଜାକାର୍ ଆଦେଂ ଇଚା କିଚାର୍, ହେୱାନ୍ ମି କାଜିଂ ହେବା କିନାକାନ୍ ଆୟେନ୍;

୪୪ ଆରେ ମି ବିତ୍ତେ ଇନେର୍ ଗାଜାକାନ୍ ଆଦେଂ ଇଚା କିନାନ୍, ହେୱାନ୍ ଓଁଜାରିଂ ହଲ୍ୟା ଆୟେନ୍ ।

୪୫ ଇନେକିଦେଂକି ମାନାୟ୍ ମାଜି ପା ହେବା ପାୟା ଆଦେଂ ୱାଞ୍ଜାତାଂନା, ମତର୍ ହେବା କିଦେଙ୍ଗ୍ ଆରି ହେନି କାଜିଂ ମୁକ୍ତାୟ୍ କିନି ମୁଲ୍ଲାକେ ଜିବୁନ୍ ହିଦେଂ ୱାତାନ୍ନା ।”

**ଜିସୁ ବାର୍ଚିମୟ କାଣାଙ୍ଗ୍ ଉଜ୍ କିତାନ୍**  
(ମାତିଉ ୨୦:୨୯-୩୪; ଲୁକ ୧୮:୩୫-୪୩)

୪୬ ପାଚେ ହେୱାର୍ ଜିରିହ୍ ତାକେ ଏକାତାର୍, ଆରେ ଜିସୁ ଚେଲାହିର୍ ଲାହାଙ୍ଗ୍ ଆରି ବେସି ମାନାୟ୍ ଲାହାଙ୍ଗ୍ ଜିରିହ୍ତ ପିସ୍ସି ହାନିଞ୍ଜାଡ଼ାଂ ଚିମାୟର୍ ମେହି ବାର୍ଚିଂ ମୟ୍ ତର୍ ରକାନ୍ କାଣା ବିକାରି ହାଜି ଗୁଚିତ କୁଚ୍ଚି ମାଚାନ୍ ।

☆ ୧୦:୩୧ ମାତିଉ ୨୦:୧୭; ଲୁକ ୧୩:୩୦. ☆ ୧୦:୩୮ ଲୁକ ୧୨:୫୦. ☆ ୧୦:୪୩ ମାତିଉ ୨୩:୧୧; ମାର୍ଚ୍ଚ ୯:୩୫; ଲୁକ ୨୨:୨୭.

୪୭ ହେୱାନ ଜେ ନାଜରିତ୍ସିୟନି ଜିସୁ, ଇଦାଂ ୱେନ୍‌ଞ୍ଜି ହେୱାନ ଗାଜା ୱେଇଦାଂ ଇଞ୍ଜେଙ୍ଗ୍ ଲାଗାତାନ୍, “ଏ ଦାଉଦ୍ ମାଜି ଜିସୁ, ନାଙ୍ଗେଙ୍ଗ୍ ଦୟା କିଦା ।”

୪୮ ଇବେତାଂ ବେସି ତାଙ୍ଗେଙ୍ଗ୍ ଆଲା ଆମା ଇଞ୍ଜି ଗଡ଼କିଦେଂ ଲାଗାତାର୍, “ମାତର୍ ହେୱାନ ଆରି ଆଦିକ୍ ଗାଜା ୱେଇଦାଂ ଇଞ୍ଜେଙ୍ଗ୍ ଲାଗାତାନ୍, ଏ ଦାଉଦ୍ ମେହି, ନାଙ୍ଗେଙ୍ଗ୍ ଦୟା କିଦା ।”

୪୯ ହେବେତାଂ ଜିସୁ ନିଲ୍ଲତି ୱେଟ୍‌ଚାନ୍, “ହେୱାନିଂ ହିର୍‌ବାଟ୍ ।” ହେୱାର୍ ହେ କାଣ୍‌କୁ ହୁଡ଼୍‌ଞ୍ଜି ମାନାୟାତିଂ ହିର୍‌ବିସ୍ ଇଚାନ୍, “ସାସ୍ ଆ, ନିଲା, ନିଙ୍ଗେଙ୍ଗ୍ କୁଲ୍‌ନାନା ।”

୫୦ ହେବେତାଂ ହେୱାନ ନିଲ୍ଲତି ପା ହେୟା ତୁହିଜି ଜିସୁ ତାକେ ୱାତାନ୍ ।

୫୧ ଜିସୁ ତାଙ୍ଗେଙ୍ଗ୍ ଉତର୍ ହିତାନ୍, “ଆନ୍ ନି କାଜିଂ ଇନାକା କିନାଙ୍ଗ୍ ଇଞ୍ଜି ଏନ୍ ଇନାକା ଇଚା କିନାୟା ?” ହେ କାଣା ମାନାୟା ହେୱାନିଂ ଇଚାନ୍, “ଏ ଗୁରୁ, ଆନ୍ ଇନେସ୍ ହୁଡ଼୍‌ଦେଂ ଆଡ଼ନାଂ ।”

୫୨ ଜିସୁ ତାଙ୍ଗେଙ୍ଗ୍ ଇଚାନ୍, “ହାଲା,” ନି ପାତ୍ କିନାକା ନିଙ୍ଗେଙ୍ଗ୍ ଉଜ୍ କିଡ଼ତାଡ଼ନ୍ନା । ହେ ଦାପ୍ରେ ହେୱାନ ହୁଡ଼୍‌ତାନ୍ ଆରେ ହାଜିଡ଼ିଂ ହେୱାନ ପାଚେ ପାଚେ ହାଚାନ୍ ।

### ୧୧

#### ଜିସୁ ଜିତା ଆଜି ହାନାକା

(ମାଡ଼ିଉ ୨୧:୧-୧୧; ଲୁକ ୧୯:୨୮-୪୦; ଜହନ୍ ୧୨:୧୨-୧୯)

୧ ଏଚେକାଡ଼୍‌ଦ ହେୱାର୍ ଜିରୁସାଲମ୍ ଲାଗାୟା ୱାଜି ଜିଡ଼୍‌ମାଡ଼ି ଲାଗେ ବେଡ଼୍‌ପାଗି ଆରି ବେଡ଼୍‌ନିୟା କଚଣ୍ଡ ୱାତାର୍, ହେ ପାଦ୍‌ନା ଜିସୁ ନିଜ୍ ଚେଲାରିଂ ତାଙ୍ଗ୍ ରିୟାରିଂ ଇ କାତା ୱେଟ୍‌ଚି ପକ୍‌ତାନ୍,

୨ ମି ମୁମ୍ ହାଣ୍‌କୁ ହେ ନାସ୍‌ତ ହାଲାଟ୍ । “ହେବେ ହଣି ସାଙ୍ଗେ ସାଙ୍ଗେ, ଇମଣାକା ଜପି ଇନେର୍ ଇନା଱୍‌ତାଂ କୁଡ଼୍‌ଞ୍ଜାତାର୍‌ନା, ଏଲେଙ୍ଗ୍ ବାଟାକା ର ଗଦ ହିମ୍‌ଣାତିଂ ଗାଟାକା ହୁଡ଼୍‌ନାଦେର୍, ହେଦେଲିଂ ରିକ୍‌ଚି ତାଇ଱ାଡ଼ୁ ।

୩ ଆରେ, ଏଚେକାଡ଼୍‌ଦ ଇନେନ୍ ମିଙ୍ଗେଙ୍ଗ୍ ଇନାକିଦେଂ ଏଲେଙ୍ଗ୍ କିନାଦେର୍ ଇଞ୍ଜି ଇନ୍‌ଚିସ୍, ହେଦାଂ ଇନାଦେର୍, ଇଦାଂ ତାକେ ମାପୁଡ଼ି\* ଲଡ଼ା ମାନାଡ଼୍, ଆରେ ହେୱାନ ଆରେରଗ ବେଗି ପଲ୍‌ନାନା ।”

୪ ହେୱାର୍ ହାଲ୍‌ଜି ଦୁ଱େର୍ ଲାଗାୟା ବାଟ୍ ହାକିଡ଼ିତ ର ଗଦ ହିମ୍‌ଣା ଗାଟାକା ହୁଡ଼୍‌ଜି ହେଦେଲିଂ ରିଙ୍ଗାର୍ ।

୫ ହେବେ ନିଲ୍ଲତିମାନି ମାନାୟାର୍ ବିତ୍ରେ ଇନେର୍ ଇନେର୍ ହେୱାରିଂ ୱେନ୍‌ବାତାର୍, “ଗଦ ହିମ୍‌ଣାତିଂ ରିକ୍‌ଚି ଇନାକିନାଦେରା ?”

୬ ଜିସୁ ଇନେସ୍ ୱେଟ୍‌ଚି ମାଚାନ୍, ହେୱାର୍ ହେ ଲାକେ ହେୱାରିଂ ଉତର୍ ହିତାର୍, ପାଚେ ହେୱାର୍ ହେୱାରିଂ ପିସ୍ତି ହିତାର୍ ।

୭ ଜିସୁ ଲାଗାୟା ଗଦ ହିମ୍‌ଣାତିଂ ତାସି ହେୱାର୍ ତା ଜପି ନିଜ୍ ନିଜ୍‌ନି ହେୟା ପାସ୍ତାର୍, ଆରି ଜିସୁ ତା ଜପି କୁଟ୍‌ଚାନ୍ ।

୮ ଆରେ ହେନି ହାସ୍‌ଦ ଜାର୍ ଜାର୍ ହେୟା ପାସ୍ତାର୍ ଆରେ କେତେଜାଣ୍ ଜମିତାଂ ତାଡ଼୍‌କାଦ୍‌ଦି ତାସି ପାସ୍ତାର୍ ।

୯ ଆରେ, ଆଗେ ଆରି ପାଚେ ହାଲ୍‌ଜିମାନି ମାନାୟାର୍ ଗାଜାକାଟାଂ ଇଞ୍ଜେଙ୍ଗ୍ ଲାଗାତାର୍, “ହସାନ୍ନା ! ମାପୁଡ଼ି ତର୍‌ଦ ଇନେନ୍ ୱାନାନା ଇସ୍‌ର୍ ଆସିର୍‌ବାଦ୍ ହିଦ୍‌ନାନ୍ !

୧୦ ମା ଆବା ଲାତ୍ରା ଦାଉଦ୍‌ତି ଇମ୍‌ଣି ରାଜି ୱାନାତା, ହେଦାଂ ଇସ୍‌ର୍ ଆସିର୍‌ବାଦ୍ କିଦେନ୍ ! ଜପ୍‌ଣି ଲକାର୍‌ତି ହସାନ୍ନା !”

୧୧ ପାଚେ ଜିସୁ ଜିରୁସାଲମ୍‌ତ ୱାଜି ମନ୍ଦିରତ ହଚାନ୍, ଆରେ ଚାର୍‌ବେଣ୍ଡି ସବୁ ବିସ୍ତେ ହୁଡ଼୍‌ଜି ମାଜ୍‌ଗା ଆଡିଲେ ବାରଜାଣ୍ ହୁକେ ବେଡ଼୍‌ନିୟାତ ହସିହାଚାର୍ ।

#### ଜିସୁ ଇଚିଲେ ତଗାମାର୍ ହାନାଡ଼୍

(ମାଡ଼ିଉ ୨୧:୧୮-୧୯)

୧୨ ହେ ଆକାଡ଼୍ ନାଜିଂ ହେୱାର୍ ବେଡ଼୍‌ନିୟାତାଂ ୱାଜି ମାଡ଼ି ୱେଡ଼ାଲିଂ ଜିସୁ ନାସ୍‌କି ଆତାନ୍;

୧୩ ଆରେ, ହେୱାନ ଦେହାତାଂ ଆକିଂ ମାନି ର ତଗା ମାର୍ ହୁଡ଼୍‌ଜି, ଇନେସ୍ ଆତିସ୍ ହେବେ ପାଡ଼୍ ଗାଟାଆଦ୍‌ନାଡ଼୍, ଇ ଆହା କିଜି ଲାଗେ ହାଚାନ୍ । ମାତର୍ ଲାଗେ ୱାଜି ଆକିଂ ପିସ୍ତି ଆରି ଇନାକା ହୁଡ଼୍‌ଦେଂ ଆଡ଼୍‌ଞ୍ଜାତାନ୍, ଇନାକିଦେଂକି ହେ କାଡ଼୍‌ଦ ତଗାପାଡ଼୍‌ନି ସମୁ ହିଲ୍‌ଞ୍ଜାତାଡ଼୍ ।

୧୪ ହେବେଣ୍ଡାଂ ଜିସୁ ମାର୍‌ଦିଙ୍ଗ୍ ଇଚାନ୍, “ଆରେ ମୁଡ଼୍‌କେ ନି ତାଂ ପାଡ଼୍ ଇନେର୍ ତିନ୍‌ମେର୍ !” ହେୱାଡ଼ି ଚେଲାର୍ ଇ କାତା ୱେଟ୍‌ଚାର୍ ।

#### ଜିସୁ ମନ୍ଦିର ତାକେ ହଚାନ୍

(ମାଡ଼ିଉ ୨୧:୧୨-୧୭; ଲୁକ ୧୯:୪୫-୪୮; ଜହନ୍ ୨:୧୩-୨୨)

\* ୧୧:୩ ମାପୁ: ନଲେ ଇଞ୍ଜାଡ଼ି ହାଉକାର୍ ।

୧୫ ତାପାଚେ ହେୱାର୍ ଜିରୁସାଲମ୍ ତ ଖାତାର୍, ଆରି ଜିସୁ ମନ୍ଦିର୍ ବିତ୍ରେ ହଣ୍ଡି ହେୱାର୍ ପୁଜାକିଦେଂ କଡ଼ନାକାରିଂ ପନାକାରିଂ ହପ୍ତେଂ ଲାଗାତାନ୍, ଆରି ଟାକାଂ ବେପ୍ରିୟାରିଂ ପାଟାଙ୍ଗ୍ ଆରି ପାଣ୍ଡକା ବେପ୍ରିୟାରିଂ କୁଡ଼ନି ବାହା ଉଲ୍ଟାୟ୍ କିତାନ୍,

୧୬ ଆରେ ମନ୍ଦିର୍ ବିତ୍ରେ ଇନେରିଂ ପା ତାଡ଼ିଆ ଇନାକା ଅଦେଂ ହିୱାତାନ୍ ।

୧୭ ଆରେ ଜିସୁ ହେୱାରିଂ ହିକ୍ୟା ହିଉ ହିଉ ଇଚାନ୍, ଇଦାଂ ଲେକା ଆତାଡ଼ନ୍ନା, “ମା ଇଲ୍ ଝିଜୁ ଜାତି କାଜିଂ ପାର୍ତାନା ଇଲ୍ ଇଞ୍ଜି ତାକ୍ପୁଟା ଆନାଡ଼, ମାତର୍ ଏପେଙ୍ଗ୍ ତାଙ୍ଗେଙ୍ଗ୍ ଚକ୍ସୁ ଇଲ୍ କିତାଦେଣ୍ଟା !”

୧୮ ମୁଡ଼ ମାପୁହେବାକିନାକାନ୍ ଆରି ଦରମ୍ ଗୁରୁର୍ ଇଦାଂ ୱେନ୍ ଇଜି ଜିସୁ ଇନେସ୍ କିଜି ନାସ୍ କିନାର୍ ହେଦାଂ ଉପାୟ୍ କିଦେଙ୍ଗ୍ ଲାଗାତାର୍; ଇନେକିଦେଂକି ଲକ୍ସୁ ହେୱାନ୍ ହିକ୍ୟାତ କାବା ଆତିଲେ ହେୱାର୍ ହେୱାନିଂ ପାଣ୍ଡା ଆଜି ମାଚାର୍ ।

୧୯ ହେ ଦିକ୍ତ ମିକା ଆତିଲେ ଜିସୁ ଆରି ଚେଲାର୍ ଗାଡ଼ଦାଂ ହସି ହାଲ୍ଜି ମାଚାର୍ ।

**ଜିସୁ ତଗାମାତର୍ ବିସ୍ତେ ନି ସାକ୍ତି ଚର୍ଚ୍ଚାନ୍**

(ମାତିଉ ୨୧:୨୦-୨୨)

୨୦ ନାଡ଼ିହିଙ୍ଗ୍ ହେ ହାଜି ହିଜି ହାନି ୱେଡ଼ାଲିଂ ହେୱାର୍ ତଗା ମାର୍ ଚିରାତାଂ ୱାଜ୍ଜି ହାଲ୍ଜି ମାଚାକା ହୁଡ଼ତାର୍ ।

୨୧ ହେବେ ପିତର୍ ଆଗେନି କାତା ଏଡୁ କିଜି ହେୱାନିଂ ଇଚାନ୍, “ଏ ଗୁରୁ, ହୁଡ଼ା, ଏନ୍ ଇମ୍ଫଣି ତଗା ମାର୍ଦିଂ ସାକ୍ତ୍ ହିଜି ମାଚାୟ୍ ହେଦାଂ ୱାଜ୍ଜି ହାଚାତେ ।”

୨୨ ଜିସୁ ଚେଲାରିଂ ଉତର୍ ହିଚାନ୍, “ଇସ୍ପର୍ ତାକେ ପାତର୍ କିୟାଟ୍ ।”

୨୩ \*ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା, ଇନେରପା ଇ ମାଡ଼ିତିଂ ନିଙ୍ଗା ଆରି ହାମ୍ପୁରତ ଆରଗା ଇଚିସ୍ ଆରି ଜାର୍ ମାନ୍ ପାତର୍ କିଚିସ୍ ଇନାକା ଇଚିସ୍, ହେଦାଂ ଗିଟା ଆନାଡ଼ ଇଞ୍ଜି ପାତର୍ କିଜି, ହେୱାନ୍ କାଜିଂ ହେଦାଂ ଗିଟା ଆନାଡ଼ ।

୨୪ ଲାଗିଂ, ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା ଏପେଙ୍ଗ୍ ଇନା ଇନାକା ପାର୍ତାନା କିନାଦେର୍ ଆରି ଏନ୍ନାଦେରା, ହେ ସବୁ ଗାଟା ଆତାପ୍ନା ଇଞ୍ଜି ପାତର୍ କିୟାଟ୍ ହେବେନି ହେ ସବୁ ପାୟାନାଦେର୍ ।

୨୫ ଆରେ, ଏପେଙ୍ଗ୍ ଏଚେୱାଡ଼ାପା ପାର୍ତାନା କିଦେଙ୍ଗ୍ ନିଙ୍ଗାଟ୍ ଜଦି ଇନେର୍ ବେରୁତ ମି ଇନାକା କାତା ମାଚିସ୍, ତା ଆତିସ୍ କେମା କିୟାଟ୍, ଇନେସ୍ କି ମି ସାଗେନି ଆବାପା ମିଞ୍ଜାଙ୍ଗ୍ ପାପ୍ ସବୁ କେମା କିଦନାନ୍ ।

୨୬ ମାତର୍ ଏପେଙ୍ଗ୍ କେମା ହିଞ୍ଜିଚିସ୍, ମି ସାଗେନି ଆବାପା ମିଦାଙ୍ଗ୍ ବାନିୟାତାକା କେମା କିଦୁନ୍ ।

**ଜିସୁ ଆଦିକାର୍ ବିସ୍ତେ ପର୍ସନ୍**

(ମାତିଉ ୨୧:୨୩-୨୭; ଲୁକ ୨୦:୧-୮)

୨୭ ଆରେ ରଗ ହେୱାର୍ ଆରି ଜିରୁସାଲମ୍ ତ ଖାତାର୍, ଆରି, ଜିସୁ ମନ୍ଦିର୍ ବିତ୍ରେ ବୁଲାଆନି ୱେଡ଼ାଲିଂ ମୁଡ଼ ମାପୁ ହେବା କିନାକାର୍, ଦରମ୍ ଗୁରୁର୍ ଆରି ପ୍ରାଚିନାର୍ ତାକେ ୱାଜି ୱେନ୍ ବାତାର୍,

୨୮ “ଏନ୍ ଇମ୍ଫଣି ଆଦିକାର୍ ଉତ ଇ ସବୁ କିନାୟା ? କି ଇ ସବୁ କିଦେଙ୍ଗ୍ ନିଙ୍ଗେଙ୍ଗ୍ ଇନେର୍ ଆଦିକାର୍ ହିଡ଼ତାର୍ ?”

୨୯ ମାତର୍ ଜିସୁ ହେୱାରିଂ ଇଚାନ୍, “ଆନ୍ ମିଙ୍ଗେଙ୍ଗ୍ ର କାତା ୱେନ୍ ବା ଆଦନାଂ, ନାଙ୍ଗେଙ୍ଗ୍ ଉତର୍ ହିଦାଟ୍, ତାଆତିସ୍ ଆନ୍ ଇମ୍ଫଣି ଆଦିକାର୍ତାଂ ଇ ସବୁ କିନାୟା, ହେଦାଂ ମିଙ୍ଗେଙ୍ଗ୍ ୱେଚାନାଙ୍ଗ୍ ।

୩୦ ଜହନ୍ତି ବାପ୍ରିସିମ୍ ସାଗେତାଂ କି ମାନାୟାର୍ତାଂ ୱାତାଡ଼ ?” ନାଙ୍ଗେଙ୍ଗ୍ ଉତର୍ ହିଦାଟ୍ ।

୩୧ ହେବେ ହେୱାର୍ ହାରି ବେଣ୍ ବାଟ୍ କିଦେଂ ଲାଗାତାର୍, ଜଦି ସାଗେତାଂ ଇଚିସ୍, ତା ଆତିସ୍ ହେୱାନ୍ ଇଞ୍ଜନାନ୍, ତେବେ “ଏପେଙ୍ଗ୍ ଇନାକିଦେଂ ଜହନ୍ତି ପାତର୍ କିୟାଦେରା ?

୩୨ ଆରେ ମାନାୟାର୍ତାଂ ଇଞ୍ଜି ଇନାକା ଇନାସ୍ ?” ହେୱାର୍ ମାନାୟାତିଂ ପାଣ୍ଡା ଆଜି ମାଚାର୍; ଇନାକିଦେଂକି ୱିଜାକାର୍ ଜହନ୍ତିଂ ରକାନ୍, ବେଣ୍ ବାକ୍ଣାୟ୍ କିନାକାନ୍ ଇଞ୍ଜି ମାନି କିଜି ମାଚାର୍ ।

୩୩ ଲାଗିଂ ହେୱାର୍ ଜିସୁ ଉତର୍ ହିଚାଟ୍, “ଆପେ ପୁନୁପ୍ ।” ଜିସୁ ହେୱାରିଂ ଇଚାନ୍ ତେବେ ଆନ୍ ଇମ୍ଫଣି ଆଦିକାର୍ତ ଇ ସବୁ କିନାୟା, ହେଦାଂ ଆନ୍ ମିଙ୍ଗେଙ୍ଗ୍ ୱେଚୁଙ୍ଗ୍ ।

**୧୨**

**ଅଙ୍ଗୁର୍ ବାଡ଼୍ ଆରି ବାଗ୍ଜିନି କାମ୍ଲିୟାର୍ନି କାତା**

(ମାତିଉ ୨୧:୩୩-୪୭; ଲୁକ ୨୦:୯-୧୯)

୧ ଇଦାଂ ପାଚେ ହେୱାନ୍ ହେୱାରିଂ ଉତର୍ମୁଡ଼ ଇଞ୍ଜେଙ୍ଗ୍ ଲାଗାତାନ୍ । “ରକାନ୍ ର ଅଙ୍ଗୁର୍ ବାଡ଼୍ କିଜି ତା ଚାରିବେଣ୍ଡାଂ ବାଡ଼୍ ଡ଼ର୍ଚାନ୍ ଆରି ଅଙ୍ଗୁର୍କୁଣ୍ଡି କାଚର୍ କାନାକାର୍ ମାଚା ରଚାନ୍, ଆରେ କାମାୟ୍ କିନାକାରିଂ ହେ ବାଡ଼୍ ବାଗ୍ରେ ହିଜି ରାଜି ହତାନ୍ ।

☆ ୧୧:୨୩ ମାତିଉ ୧୭:୨୦; ୧ କରନ୍ତିୟ ୧୩:୨

୨ ପାଚେ କାମାୟ କିନାକାରତା ଅଙ୍ଗୁର ବାଡ଼ନ୍ତି ପାଡ଼ ପାୟା ଆଦେଂ ଇଞ୍ଜି ହେୱାନ ର ଆଡ଼ିଏନ୍ତିଂ ସମାନ ଖେଡ଼ାଲିଂ ହେୱାର ତାକେ ପକ୍ତାନ ।

୩ ମାତର ହେୱାର ହେୱାନିଂ ଆଜି ଗ୍ରାକ୍ତାର ଆରି ୱାରା କେଇଦାଂ ପକ୍ତାର ।

୪ ହେୱାନ ଆରି ରକାନିଂ ଆଡ଼ିୟାଂ ପକ୍ତାନ; ହେୱାର ହେୱାନ୍ତି ପା କାପଡ଼ା ପାଟ୍ତାର ଆରି ହେୱାନିଂ ହିନସ୍ତା କିତାର ।

୫ ହେୱାନ ଆରେ ରକାନିଂ ପକ୍ତାନ; ହେୱାର ତାଙ୍ଗେଙ୍ଗ୍ ପା ଚୁଟାର । ହେବେ ହେୱାନ ଆରେ ହେନିତିଂ ପକ୍ତାନ; ହେୱାର ତାଙ୍ଗ୍ ପା କେତେକ୍ ଜାଣ୍ଡିଂ ହେୱାର ଗ୍ରାକ୍ତାର ଆରେ କେତେକ୍ ଜାଣ୍ଡିଂ ଚୁଟାର ।

୬ ତା କଚଣ୍ଡ ରକାନ ମାତର ମାତାନ, ହେୱାନ ତା ୱାରିନି ମାଜି । ନା ମାଜିଂ ହେୱାର ମାନିକିନାର, ଇଦାଂ ଇଞ୍ଜି ହେୱାନ ହାରିହାରା ହେୱାନିଂ ହେୱାର ତାକେ ପକ୍ତାନ ।”

୭ ମାତର ହେ କୁଲିୟାର ହେୱାର ହେୱାର ବେଣ୍ଡକିବା ଆତାର ଇଞ୍ଜାନ୍ତ ମୁଣିକା କାଡ଼ଦେ, ୱାଡୁ, ଇଞ୍ଜାନିଂ ଅହ୍ନାସ୍ତ; ତା ଆଡ଼ିସ୍ତ ମାଦାଂ ଆଦିକାର୍ ଆନାଡ଼ ।

୮ ହେବେଣ୍ଡାଂ ହେୱାର ତାଙ୍ଗେଙ୍ଗ୍ ଆସ୍ତି ଅସ୍ତାର ଆରି ଅଙ୍ଗୁର ବାଡ଼ ବାଡ଼ତ ତୁହିତାର ।

୯ “ହେବେ ଅଙ୍ଗୁର ବାଡ଼ନ୍ତି ହାତକାର ଇନାକା ଇନାନ ?” ହେୱାନ ୱାଜି କୁଲିୟାରିଂ ଟାଣ୍ଡେ ଅହ୍ନାନ ଆରି ବିନ୍ ଲଗାଂ ଅଙ୍ଗୁର ବାଡ଼ ହିନାନ ।

୧୦ ଏପେଙ୍ଗକି ଦରମ୍ ସାସ୍ତର

“ଇ ବଚନ୍ ପା ପଡ଼ି କିଞ୍ଜାତାଦେଣ୍ଡା, ଇଲ୍ ରଚ୍ନାକାର ଇମ୍ଫଣି କାଲ୍ଦିଂ ମୁନା କିତାର, ହେଦାଂ କନାନି ମୁଡ଼କାଲ୍ ଆତାଡ଼ ।

୧୧ ମାପୁତାଂ ଇଦାଂ ଆତାଡ଼, ଆରି ହେଦାଂ ମା କାଣ୍ଡକ୍ତାଂ କାବା ଆନାକା ?”

୧୨ ଇବେଣ୍ଡାଂ ଜିହୁଦିର ଜିସୁଙ୍ଗ୍ ଆସ୍ତେଙ୍ଗ୍ ହାତୁର କିତାର, ମାତର ହେୱାର ମାନାୟତିଂ ପାଣ୍ଡା ଆତାର; ଇନାକିଦେଂକି ହେୱାନ ହେ ଉତରମୁଡ଼ ହେୱାରିଂ ଇଟକାଡ଼ କିଜି ଇଞ୍ଜି ମାତାନ ଇଞ୍ଜି ହେୱାର ବୁଜାଆତାର, ଆରେ ହେୱାର ହେୱାନିଂ ପିସ୍ସି ହାଗାର ।

ଜିହୁଦିର ଜିସୁଙ୍ଗ୍ ଡ଼କ୍ତାତ ହେଜି କିଦେଙ୍ଗ୍ ଚାଲାକି

(ମାଡ଼ିଉ ୨୨:୧୫-୨୨; ଲୁକ ୨୦:୨୦-୨୬)

୧୩ ପାଚେ ହେୱାନ କାତାନି ଗାଣ୍ଡୁ ଖେନ୍ଞି ଆସ୍ତେଙ୍ଗ୍ ଇଞ୍ଜି ହେୱାର ପାରୁସିର ଆରେ ହେରଦିୟା ଦାଡ଼ନ୍ତି ମାନାୟାର ବିତ୍ତେ କେତେକ୍ ଜାଣ୍ଡିଂ ହେୱାନ ଲାଗାଂ ପକ୍ତାର ।

୧୪ ହେୱାର ୱାଜି ହେୱାନିଂ ଇଚାର, “ଏ ଗୁରୁ ଆପେଂ ପୁନାପ, ଏନ୍ ହାଡ଼ପା ସଡ଼ ଆରି ଇନେରିଂ ପାଣ୍ଡା ଆଉୟ, ଇନାକିଦେଂକି ଏନ୍ ମାନାୟତି ମୁକ୍ତେଟ୍ ହୁଡ଼ୟ ମାତର ହାଡ଼ପା ରଚେ ଇସ୍ପରତିଂ ହାଜି ହିକ୍ୟାହିନାୟ । ମାଙ୍ଗେଙ୍ଗ୍ ଖେଟ୍ଟା କାଈସ୍ପର ରାଜାଙ୍ଗ୍ ସିସ୍ତ ହିନି ବିଦି କି ଆକାୟ ?”

୧୫ ଆସେଙ୍ଗ୍ ହିନାସ୍ କି ଆକାୟ ? “ମାତର ହେୱାନ ହେୱାରତି କୁଟ୍ ପୁଞ୍ଜି ହେୱାରିଂ ଇଚାନ, ଇନେକିଦେଂ ନାଙ୍ଗେଙ୍ଗ୍ ପରିକ୍ୟା କିଦନାଦେରା ? ର ଟାକା ନା ଲାଗାୟ ତାଡୁ, ଆନ୍ ହେଦାଂ ହୁଡ଼ନାଂ ।”

୧୬ ହେବେ ହେୱାର ଅଦନି ତାହିଞ୍ଜାତାର । ଜିସୁ ହେୱାରିଂ ଖେନ୍ବାତାନ, “ଇ ପୁଡ଼ା ଆରି ତର ଇନେରତି ?” ହେୱାର ହେୱାନିଂ ଇଚାର, “କାଈସ୍ପରତି ।”

୧୭ ହେବେ ଜିସୁ ହେୱାରିଂ ଇଚାନ, “କାଈସ୍ପରତି ଇନାକା, ହେଦାଂ ରମିୟ ରାଜାଙ୍ଗ୍ ହିୟାଟ୍ ଆରେ ଇସ୍ପରତିଂ ଇନାକା ହେଦାଂ ଇସ୍ପରତିଂ ହିୟାଟ୍ ।” ହେବେ ହେୱାର ହେୱାନ କାତାତ କାବା ଆତାର ।

ହାଡ଼ିପାଚେ ନିଙ୍ଗନି ବିସ୍ତେ ପରସନ୍

(ମାଡ଼ିଉ ୨୨:୨୩-୩୩; ଲୁକ ୨୦:୨୭-୪୦)

୧୮ ଇଦାଂ ପାଚେ ଆରେ ନିଙ୍ଗନାକା ମୁନା କିତାର ସାଦୁକିର ହେୱାନ ଲାଗାଂ ୱାଜି ଖେନ୍ବେଦେଂ ଲାଗାତାର,

୧୯ “ଏ ଗୁରୁ, ମସା ମାକାଜିଂ ଲେକିକିତାନ୍ନା ଜେ, ଜଦି ଇନେର ଲକୁ ନି ଟଣ୍ଡେନ୍ ହାଡ଼ିସ୍, ଆରି ତା ଡକ୍ତୁହି ଜିବୁନ୍ତ ମାଡ଼ିସ୍, ଆରେ ତାଦାଙ୍ଗ୍ ଇନାକାପା ହିମ୍ଫାଞ୍ଜାକ୍ତା ହିଲ୍ଡିସ୍, ତା ଆଡ଼ିସ୍ ତା ଟଣ୍ଡେନ୍ ତା ଡକ୍ତୁହିଙ୍ଗ୍ ଇଡ଼ଜି ତା ଟଣ୍ଡେନ୍ କାଜିଂ ହିମ୍ଫାଞ୍ଜାକ୍ତା ଉବ୍ଜାଣ୍ଡ କିନାନ ।”

୨୦ ହୁଡ଼ାଟ୍, ସାଡ଼ ବାୟ ଟଣ୍ଡାର ମାଚାର; ଗାଜାକାନ ର ଡକ୍ତୁ ଇଟକାନ ଆରି ହିମ୍ଫାଞ୍ଜାକ୍ତା ଆଞ୍ଜାଦାଂ ହାତାନ;

୨୧ ପାଚେ ଆରେ ରକାନ ତାଙ୍ଗେଙ୍ଗ୍ ଇଡ଼ଜିପା ହିମ୍ଫାଞ୍ଜାକ୍ତା ଆଞ୍ଜାଦାଂ ହାତାନ । ଆରେ ରକାନପା ହେ ଲାକେନେ ଆଜି ହାତାନ,

୨୨ ଆରେ, ସାଡ଼ଜାଣ ଜାକ ହିମ୍ଫାଞ୍ଜାକ୍ତା ଆଞ୍ଜାଦାଂ ହାତାର; ହାରିହାରା ହେ କଗ୍ଲେ ପା ହାତାଡ଼ ।

୨୩ ହାଜି ଆରେ ନିଂନି ଖେଡ଼ାଲିଂ ଏଚେକାଡ଼ଦ ହେୱାର ନିଙ୍ଗନାର, ହେ ଏଚେକାଡ଼ଦ ହେୱାର ବିତ୍ତେ ହେଦେଲ୍ ଇନେର ଡକ୍ତୁ ଆନାଡ଼ ? ସାଡ଼ ଜାଣ୍ଡ ଜାକ୍ ହେଦେଲିଂ ବିବା କିଜି ମାଚାର ।

୨୪ ଜିସୁ ହେୱାରିଂ ଇଚାନ, “ଏପେଙ୍ଗ ଦରମ୍ ସାସ୍ତର, ଆରେ ଇସ୍ପର ସାକ୍ତି ପୁନ୍ଞାଦାଂ କି ବାନ୍ୟା ହାଜିଦିଂ ହାନାଦେରା ।

୨୫ ଜିସୁ ହାତାକାର ବିତ୍ତେ ଆରେ ନିଙ୍ଗତି ପାଚେ ମାନାୟ ବିବା କିଉର କି ଇନେରିଂ ବିବାଆଦେଂ ହିଉର । ମାତର ସାଗେନି ଦୁଡ଼ ଲାକେ ମାନଗାନାର ।

୨୬ ମାତର ହାତାକାର ଜେ ନିଙ୍ଗନାର, ହେ ବିସ୍ତେ ଏପେଙ୍ଗ କି ମସାତି ସାସ୍ତରତ ବୁଗାନି ବୁଜାଆନି କାତା ପଡ଼ି କିଞ୍ଜାତାଦେଣ୍ଡା ଜେ, ଇସ୍ତର ଇନେସ୍ ହେଞ୍ଜାନିଂ ଇଚାନ ଆପେଂ ଅଗ୍ରାହାମ୍ତି ଇସ୍ତର, ଇସ୍ତହାକ୍ତି ଇସ୍ତର ଆରି ଜାକୁବ୍ତି ଇସ୍ତର ?

୨୭ ହେଞ୍ଜାନ ହାତି ଲଗାର୍ତି ଇସ୍ତର ଆକାୟ ମାତର, ଜିତାକାତ । ଏପେଙ୍ଗ ବେସିବୁଜା ଆଉଦେରା !”

**ମୁଡ଼ ବଲ୍**

(ମାତିଉ ୨୨:୩୪-୪୦; ଲୁକ ୧୦:୨୫-୨୮)

୨୮ ହେ ଏଚେକାଡ଼ଦ ଦରମ୍ ଗୁରୁର ବିତ୍ତେ ରକାନ ଲାଗେ ଖାଜି ହେଞ୍ଜାର କାତାବାର୍ତା ଖେନ୍ଞି ଜିସୁ ଆରି ସାଦୁକିରିଂ ହାଦ ଉତର ହିତାନ୍ନା, ଇଦାଂ ପୁଞ୍ଜି ହେଞ୍ଜାନିଂ ଖେନ୍ବାତାନ, “ଝିକୁ ବଲ୍ ବିତ୍ତେ ଇନାବାନି ବଲ୍ ମୁଡ଼ ?”

୨୯ ଜିସୁ ଉତର ହିତାନ, ମୁଡ଼ବଲ୍ ଇଦାଂ, “ଏ ଇସ୍ରାଏଲ୍, ଖେନା, ମାପୁ ମାଙ୍ଗେଙ୍ଗ ଇସ୍ତର ରକାନ ମାତର ଇସ୍ତର ଆନାନ;\*

୩୦ ଆରେ, ଏପେଙ୍ଗ ମି ଝିକୁ ଖାସ୍ତି, ଝିକୁ ପାରାଣ, ଝିକୁ ମାନ, ଆରି ମାନ ଝିକୁ ସାକ୍ତି ହିଜି ମାପୁ ଜାର ଇସ୍ତରତିଂ ଜିଉ ନଞ୍ଜାଟ ।

୩୧ ଆରେ ରଞ୍ଜାଙ୍ଗ ଇଦାଂ, ଏନ୍ ନି ପାଡ଼ହା ଇଞ୍ଜି ଲଗାଂ ନି ଖାସ୍ତିଲାକେ ଜିଉ ନଞ୍ଜାଟ । ଇ ବଲ୍ତି ଆଦିକ୍ ଆରି ଇନାକାପା ସିଗ୍ ବଲ୍ ହିଲୁଡ଼ ।”

୩୨ ହେବେ ହେ ଦରମ୍ ଗୁରୁର ହେଞ୍ଜାନିଂ ଇଚାନ, “ଏ ଗୁରୁ, ହେଦାଂ ହାଡ଼ପା, ହେଞ୍ଜାନ ଜେ ରଞ୍ଜାଙ୍ଗ ଆରି ହେଞ୍ଜାନ ଖାତିସ୍ ଆରି ଇନେର୍ ଆକାୟ, ଇଦାଂ ଏନ୍ ହାଡ଼ପା ରଚେ ଇଚାଇନା ।

୩୩ ଆରେ, ଝିକୁ ଖାସ୍ତି, ଝିକୁ ବୁଦି ଆରି ଝିକୁ ସାକ୍ତି ହିଜି ହେଞ୍ଜାନିଂ ଜିଉ ନଞ୍ଜାଟ, ଆରି ପାଡ଼ହା ଇଞ୍ଜି ଲଗାଂ ଜାର ଜିବୁନ୍ ଲାକେ ଜିଉନନାକା ଝିକୁ ଗାର୍ଣି ଆରି ପୁଜାତିଙ୍ଗ ଗାଜାଟି ।”

୩୪ ହେଞ୍ଜାନ ବୁଦି ଲାହାଙ୍ଗ ଉତର ହିଜି ମାନାକା ପୁଞ୍ଜି ଜିସୁ ହେଞ୍ଜାନିଂ ଇଚାନ, “ଇସ୍ତର ରାଜିତାଂ ଏନ୍ ଦେହା ଆକାୟ । ଇଦାଂ ପାଚେ ଇନେନ୍ ହେଞ୍ଜାନିଂ ଆରେ ଇମ୍ଣି ପରସନ୍ ଖେନ୍ବେଦେଂ ସାସ୍ କିଞ୍ଜାତାର ।”

**କ୍ରିଷ୍ଟ ଦାଉଦ୍‌ତି ମାଜି**

(ମାତିଉ ୨୨:୪୧-୪୬; ଲୁକ ୨୦:୪୧-୪୪)

୩୫ ମାତର ଜିସୁ ମନ୍ଦିରତ ହିକ୍‌ୟା କିଜି ମାନି ସମୁତ ଖେନ୍ବାତାର, “କ୍ରିଷ୍ଟ ଜେ, ଦାଉଦ୍ ମାଜି, ଇଦାଂ ଦରମ୍ ଗୁରୁର ଇନେସ୍ ଇନାର ?

୩୬ ନିଜେ ନେ ଦାଉଦ୍ ପୁଇପୁୟା ଜିବୁନ୍ନାଂ ବାର୍ତି ଆଜି ଇଞ୍ଜି ମାଗାନ, ମାପୁ ନା ମାପୁତିଂ ଇଚାନ,

ଆପେଂ ଜେ ନି ସାଦୁରିଂ ନି ପାନା ତାରେନ୍ ଇଡ଼ଞ୍ଜାତାପ୍ନା,

ହେ ପାଚେକ୍ ନା ବୁଜ୍‌ଣିପାଡ଼କା କୁର୍ତି ମାନାର ।”

୩୭ ନିଜେନେ ଦାଉଦ୍ କ୍ରିଷ୍ଟଙ୍ଗ ମାପୁ ଇଞ୍ଜି ଇନାନ; “ଲାଗିଂ ଇସ୍ତର ବାଚିକିତି ରାକ୍ୟାକାରିୟା କ୍ରିଷ୍ଟ ଇନେସ୍ ବାର୍ତି ମାଜି ଆନାନ ?”

**ଦର୍ମ ଗୁରୁର ବିସ୍ତେ ଜିସୁତି ଖେର୍ନାକା**

(ମାତିଉ ୨୩:୧-୩୬; ଲୁକ ୨୦:୪୫-୪୬)

୩୮ ଝିଜାକାର ମାନାୟାର୍ ଖାରିତାଂ ହେଞ୍ଜାନ ବେରଣ୍ ଖେନ୍ଞି ମାତାର । ଆରେ, ହେଞ୍ଜାନ ଜାର୍ତି ହିକ୍ୟା ବିତ୍ତେ ଇଚାନ, “ଦରମ୍ ସାସ୍ତରତାଂ ଜାଗ୍ରଡ଼ !” ହେଞ୍ଜାର ତେଙ୍ଗା ଆଜି ଆପର୍ ସ୍ ବୁଲା ଆନି କାଜିଂ, ଆରେ ଆର୍ ବାଜାର୍ତ, ଜଞ୍ଜାର ପାୟା ଆଦେଂ ।

୩୯ “କୁଟୁମ୍ ଇଞ୍ଜି ଗାଜା ବାହା ଆରି ବଜିତ ଗାଜା ବାହା ପାୟା ଆଦେଂ ଖାରୟା ଆନାର;

୪୦ ହେଞ୍ଜାର ରାଣ୍ଡିକାଂ ଇଲ୍ ଝିଜେ ନସ୍ କିତାର ଆରି ଟକାୟ କିଜି ଲାମା ପାର୍ତାନା କିନାର; ହେଞ୍ଜାର ତାଣ୍ଡ ପାୟା ଆନାର !”

**ର ରାଣ୍ଡି ଆୟାତି ଦାନ**

(ଲୁକ ୨୧:୧-୪)

୪୧ ପାଚେ ହେ ଗାଦ୍ୟା ଇଲ୍ ମୁମ୍ଦ କୁର୍ତି ଲକାର ଇନେସ୍ ଟାକାଂ ରୁଣ୍ଡାକିତାର, ହେଦାଂ ହୁଡ଼୍‌ଜି ମାଗାନ । ଏଚେକାଡ଼ଦ ହେନି ମାନାୟାର୍ ମାଜାନିଂ ହେବେ ବେସି ଇଡ଼ତାର;

୪୨ ଆରି, ରଞ୍ଜେଲ୍ ଅକ୍ ଡ଼ ରାଣ୍ଡି ରି ଟାକା ତାବୁଙ୍ଗ ହେବେ ରାଡ଼ତାଡ଼ ।

\* ୧୨:୨୯ ମା ମାପୁ ଇସ୍ତର କେବଲ୍ ମାପୁ ଆନାନ; ନଲେ ମାପୁ ମା ଇସ୍ତର, ମାପୁ କେବଲ୍ ।

୪୩ ହେବେଣ୍ଡା ଜିସୁ ନିଜ୍ଜତି ଚେଲାରିଂ ଲାଗେ କୁକ୍ତି ଇଚାନ, “ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା, ଚାକାଂ ପେଡ଼ି ଇଡ଼ଜିମାନି ଝିଜାକାର୍ ତାକେଣ୍ଡାଂ, ଇ ଅକ୍ ଡ଼ ରାଣ୍ଡି ବେସି ଇଡ଼ିତାଡ଼ ନା ।

୪୪ ଇନାକିଦେଂକି ଝିଜାକାର୍ ନିଜେ ନିଜେଡ଼ି ବେସି ଦାନତ ଅଲପ୍ ଅଲପ୍ ଦାନ ଇଡ଼ିତାର୍, ମାତର୍ ଇଦେଲ୍ ନିଜେଡ଼ି ଇନାକା ହିଲ୍‌ଝାଦାଂ ନିଜେଡ଼ି ଜିବୁନ୍ ବାଚାୟ୍ କିଦେଙ୍ଗ୍ ହେଦେଲ୍‌ଡ଼ି ଇନାକା ମାଚାଡ଼, ହେ ଝିଜେ ରାଡ଼ତାଡ଼ ।”

### ୧୩

#### ମନ୍ଦିର ବାଡ଼ହାଆନି ବିସ୍ତେ

(ମାଡ଼ିଉ ୨୪:୧-୨; ଲୁକ ୨୧:୫-୬)

୧ ଜିସୁ ମନ୍ଦିର ତାଙ୍ଗ୍ ହସି ହାନି ଝେଡ଼ାଲିଂ ତା ଚେଲାର୍ ତାଙ୍ଗେଙ୍ଗ୍ ରକାନ୍ ହେଝାନିଂ ଇଚାନ, “ଏ ଗୁରୁ, ହୁଡ଼ା; ଇନେସ୍ ଗାଜା ଗାଜା କାଲ୍‌କୁ ଆରି ଏଚେକ୍ ହଲ୍‌ନି ଇଲ୍ !”

୨ ହେବେ ଜିସୁ ହେଝାନିଂ ଇଚାନ, “ଏନ୍ ଇନାକା ଇ ଝିଜୁ ଇଲ୍ ହୁଡ଼ନାୟା ? ର କାଲ୍ ବିନ୍ କାଲ୍ ଜପି ମାନୁଡ଼, ଝିଜୁ ଦୁଡ଼ି ମାସନାଡ଼ ।”

#### ଜିସୁ ଜୁଗ୍‌ସେସ୍ ବିସ୍ତେ ଝେଡ଼ଚାନ

(ମାଡ଼ିଉ ୨୪:୩-୧୪; ଲୁକ ୨୧:୭-୧୯)

୩ ପାଚେ ଜିସୁ ଜିଡ଼ମାଡ଼ି ଜପି ମନ୍ଦିର ହାଣ୍ଡକୁ କୁଡ଼ିଲେ ପିତର୍, ଜାକୁବ୍, ଜହନ୍ ଆରି ଆହିୟ୍ ହେଝାନିଂ କାଲେତାଂ ଝେନ୍‌ବେଦେଂ ଲାଗାତାର୍, ଇ ସବୁ ଇନାଝାଡ଼ାଂ ଗିଟା ଆନାଡ଼,

୪ “ଇମଣି ସମୁଦ ଇ ସବୁ ଗିଟା ଆନାଡ଼, ହେ ସମୁନି ଦିନ୍ ଚିନ୍ ଇନାକା, ହେଦାଂ ମାଙ୍ଗେଙ୍ଗ୍ ଝେଡ଼ଚା ।”

୫ ହେବେତାଂ ଜିସୁ ହେଝାରିଂ ଝେଡ଼ଚେଙ୍ଗ୍ ଲାଗାତାନ, “ଜାଗ୍ରତ୍, ଇନେସ୍ ଇନେର୍ ମିଙ୍ଗେଙ୍ଗ୍ ବାମ୍‌ଣ୍ଡାୟ୍ କିଦ୍‌ମେର୍ ।”

୬ ଆଦିକ୍ ମାନାୟାର୍ ନା ତର୍ଦ ଝାଜି, “ଆନ୍ କ୍ରିସ୍ଟ୍ ! ଇଞ୍ଜି ହେଝାନ୍ ଇଞ୍ଜି ଚାକ୍‌ୟା କିଦ୍‌ନାର୍ ।

୭ ଲାଗାୟ୍ ଜୁଜନି ସବଦ୍ କି ଦେହାନି ଜୁଜନି କାରୁର୍ ଝେନ୍‌ଞ୍ଜି ଏପେଙ୍ଗ୍ ପାଣ୍ଡାଆମାଟ୍ । ଏଲେଙ୍ଗ୍ କେତେକ୍ ଗର୍‌ଣା ହାଡ଼ପା ଗିଟାନାଡ଼ । ମାତର୍ ଇଦାଂନି ଅରଡ଼ ଆକାୟ୍ ଜେ ଝିଜୁନ୍ ଦିନ୍ ଇକାଝାତାଡ଼ ।

୮ ମାତର୍ ଜାତି ବିରୁଡ଼ତ ଜାତି ଆରି ରାଜି ବିରୁଡ଼ତ ରାଜି ନିଙ୍ଗନାଡ଼, ଆରେ ବାହା ବାହାତ ମେଦ୍‌ନି ଦାଲ୍‌କା ଆନାଡ଼ ଆରି କାତାର୍ ଆନାଡ଼, ଇ ସବୁ ଆରମ୍‌ନି ମୁଡ଼ଦାକା ।”

୯ \*ମାତର୍ “ଏପେଙ୍ଗ୍ ଜାର୍ ଜାର୍ ବିସ୍ତେ ଜାଗ୍ରତ୍ ଆଜି ମାନାଟ୍, ମାନାୟାର୍ ମିଙ୍ଗେଙ୍ଗ୍ ବିଚାଣ୍ଡା ବାହାତ ହେଲ୍‌ୟା କିଦ୍‌ନାର୍, ଆରି ଏପେଙ୍ଗ୍ କୁଚୁମ୍ ଇଞ୍ଜି ଗ୍ରାକ୍‌ୟା ଆନାଦେର୍, ଆରି ନା କାଜିଂ ରାଜି ଚାଲ୍‌ୟା କିନାକାନ୍ ଆରି ରାଜାର୍ ଲାଗେ ହେଝାର୍ କାଜିଂ ସାକି ହିଦେଂ କାଜିଂ ନିଲି କିଦ୍‌ନାର୍ ।

୧୦ ଆରେ, ପର୍ତ୍ତୁମ୍ ସବୁ ଜାତି ତାକେ ଇସ୍‌ରତି ନେକ୍ରିକାରୁର୍ ସୁଣାୟ୍ କିୟା ଆନାଡ଼ ।

୧୧ ଇଦାଂ କାଜିଂ ଏଚେକାଡ଼୍‌ଦ ମିଙ୍ଗେଙ୍ଗ୍ ଲକୁ ଆସ୍ତି ହେଲ୍‌ୟା କିଦ୍‌ନାର୍, ହେ କାଡ଼୍‌ଦ ଏପେଙ୍ଗ୍ ଇନାକା ଇନାଦେର୍, ହେ ବିସ୍ତେ ଆଗେନେ ଚିକ୍ତାକିମାଟ୍, ମାତର୍ ହେ ଝେଡ଼ାଲିଂ ମିଙ୍ଗେଙ୍ଗ୍ ଇନାକା ହିଦ୍ୟାଆନାଡ଼ ହେଦାଂ ଇନାଟ୍, ଇନାକିଦେଂକି ଏପେଙ୍ଗ୍ ଇନାକାଦେର୍ ଆକାୟ୍ ମାତର୍ ପୁଇପୁୟା ଜିବୁନ୍ ଇନାକାନ୍ ମାନାନ୍ ।

୧୨ ଟଣ୍ଡେନ୍ ଟଣ୍ଡେନ୍‌ଡ଼ିଙ୍ଗ୍ ଆରି ଆବା ମାଜି ହାକି ବାହାତ ହେଲ୍‌ୟା କିତାର୍ ଆରେ ହିମ୍‌ଣାଙ୍ଗ୍ ଆବା ଆୟାକାଂ ବିରୁଡ଼ତ ନିଙ୍ଗଜି ଅହ୍‌ନାର୍ ।

୧୩ \*ଆରେ, ଏପେଙ୍ଗ୍ ନା ପାଚେଝାଡ଼ି କାଜିଂ ଏପେଙ୍ଗ୍ ଝିଜାକାର୍‌ତାଂ ଗିଣ୍‌କିୟା ଆନାଦେର୍, ମାତର୍ ଇନେର୍ ହାରିହାରା ପାଚେକ୍ ସାସ୍ ଆଜି ମାନାନ୍ ହେଝାନ୍ ସାର୍ଗେ ମୁକ୍ତି ପାୟା ଆନାନ୍ ।”

#### ଜିସୁ ନାସ୍‌କିନି ବାନ୍‌ଧା ଗାଡ଼ା ବିସ୍ତେ ଇଚାନ

(ମାଡ଼ିଉ ୨୪:୧୫-୨୮; ଲୁକ ୨୧:୨୦-୨୪)

୧୪ ମାତର୍ “ଏପେଙ୍ଗ୍ ହେ ନାସ୍‌କିନି ଗିଣ୍ ଜିନିସ୍‌ଡ଼ିଂ, ଇମେ ତାକେ ମାନ୍‌ଝି କାତା ଲଡ଼ା,” ହେବେ ମାନାକା ହୁଡ଼ନାଦେର୍ ପଡ଼ିକିନାକାର୍ ବୁଜାଆଏର୍, ଏଚେକାଡ଼୍‌ଦ ଇମ୍‌ଣାକାର୍ ଜିହୁଦା ରାଜିତ ମାନାର୍, ହେଝାର୍ ମାଡ଼ିତ ହନ୍‌ଡ଼ି ହାଲେର୍;

୧୫ \*ଇନେର୍ ଜେଗନ୍ ଜପି ମାଟିସ୍, ତାରେନ୍ ଝାମେନ୍ ଆରି ଇଲ୍ ବିଡ଼େ ଇନାକାପା ତାକେଦେଂ ହାଲ୍‌ମେନ୍;

୧୬ ଆରେ ଇନେର୍ କାମାୟ୍ ବାହାତ ମାଟିସ୍, ହେଝାନ୍ ତା ହେହା ଅଦେଂ ଉଲ୍‌ଚି ଝାମେନ୍ ।

୧୭ ହେଝାଡ଼ାଂ ଇନେର୍ ଏସ୍ ପିସ୍ତାକା ଆରି ମାୟ୍ ଉର୍‌ନି ଆୟା, ଅୟ୍ ହେଝେକ୍ କସ୍‌ନିକିକ୍ !

୧୮ ମାତର୍ ଇଦାଂ ଇନେସ୍ ପିନି ମାସ୍‌ତ ଆମେଡ଼, ହେଦାଂ କାଜିଂ ଇସ୍‌ରତାକେ ପାର୍ତାନା କିୟାଟ୍ ।

୧୯ \*ଇନାକିଦେଂକି ହେଝାଡ଼ାଂ ଇ ଲାକେ କସ୍‌ଗିଟା ଆଦ୍‌ନାଡ଼ ଜେ, ମାପୁ କିତି ଉର୍‌ଜାଣ୍ ଆରାମ୍ ତାଙ୍ଗ୍ ନେଜେଙ୍ଗ୍ ପାଚେକ୍ ହେ ଲାକେ ଗିଟା ଆଝାତାଡ଼ନା, ଆରି ଇନାଝାଡ଼ାଂପା ଗିଟାଆଦୁଡ଼ ।

\* ୧୩:୯ ମାଡ଼ିଉ ୧୦:୧୭-୨୦; ଲୁକ ୧୨:୧୧,୧୨. \* ୧୩:୧୩ ମାଡ଼ିଉ ୧୦:୨୨. \* ୧୩:୧୫ ଲୁକ ୧୭:୩୧. \* ୧୩:୧୯ ହଡ଼ତି ୭:୧୪.



୨୦ ଆରେ, ମାପୁ ହେ ସମୁଦିଙ୍କ ଉଣା କିଞ୍ଚାଦାଂ ମାଟିସ୍, ତେବେ ଇମ୍ଫଣି ପୁତଂ ପା ମୁକ୍ତି ପାୟା ଆଞ୍ଚାତାମ୍; ମାତର୍ ହେଞ୍ଚାନ୍ ଇନେରିଂ ବାଟି କିନାନା, ହେ ବାଟିକିତି ଲଗାଂ ସମୁଦଣା କିତାନ୍ନା ।

୨୧ ହେ ଏଚେକାଡ଼ଦ ହୁଡ଼ାଟ୍, କ୍ରିସ୍ଟ ଇବେ ! ଆଞ୍ଜିତିସ୍ “ହୁଡ଼ାଟ୍, ହେବେ ! ଇନେର୍ ଜଦି ମିଙ୍ଗେଙ୍ଗ୍ ଏଲେଙ୍ଗ୍ ଇନ୍ତିସ୍ ତେବେ ହେଦାଂ ପାତଂ କିମାଟ୍ ।

୨୨ ଚାକ୍ରାୟ୍ କ୍ରିସ୍ଟର୍ ଆରି ଚାକ୍ରାୟ୍ ବେଣ୍ଟବାକ୍ଷାୟ୍ କିନାକାର୍ ଏଲେଙ୍ଗ୍ ଚିନ୍ ଆରି କାବାନି କାମାୟ୍ ଚର୍ଚାନାର୍, ଇନେର୍ ଜଦି ଆତିସ୍, ଲାଗିଂ ବାଟିକିତି ଲଗାଂ ବାମ୍ଝାୟ୍ କିତାଟ୍ ।

୨୩ ମାତର୍ ଏପେଙ୍ଗ୍ ଜାଲ୍ଦି ଆଜି ମାନାଟ୍; ଆନ୍ ପୁର୍ବେତାଂ ଇ ବିସ୍ତେ ମିଙ୍ଗେଙ୍ଗ୍ ଖେଚ୍ଚାତାଂ ।”

ମାନାୟ୍ ମାଜି ଆରେ ରଗ ଖାନାକା  
(ମାତିଉ ୨୪:୨୯-୩୧; ଲୁକ ୨୧:୧୫-୨୮)

୨୪ \* “ମାତର୍ ହେଞ୍ଚାତାଂ ହେ ଦୁକ୍ ପାଚେ

ଖେଡ଼ା ମାଜଗା ଆନାଟ୍ ଆରି  
ଲେଞ୍ଜ୍ ଅଜଡ଼୍ ହିଉଡ଼୍ ।

୨୫ \* ପାଚେ ହୁକାଙ୍ଗ୍ ବାଦାଡ଼ତାଂ ଆର୍ଦେଂ ଲାଗିନିକ୍ ଆରି ବାଦାଡ଼ନି ସାକ୍ତି ଖିଜୁ ତ୍ରିଗ୍ଜି ହାନିକ୍ ।

୨୬ \* ହେଞ୍ଚାତାଂ ମାନାୟ୍ ମାଜି ବାଦାଡ଼ତ ଜବର୍ ସାକ୍ତି ଆରି ପାଣ୍ଟୁକେ ବାଦାଡ଼ତ ଖାନାକା ହୁଡ଼ନାର୍ ।

୨୭ ତା ବାଟିକିତି ମାନାୟାରିଂ ପୁତଂ ନି ର ହାନ୍ଦିତାଂ ବିନ୍ ହାନ୍ଦି ପାତେକ୍ ଦାସସ୍ ରୁଣ୍ଡାୟ୍ କିନି କାଜିଂ ହେଞ୍ଚାନ୍ ତା ସାଗେନି ଦୁଡ଼କୁକାଂ ଚାର୍ବେଣ୍ଟାଂ ପକ୍ତାନି ।”

ତଗାମାର୍ନି ହିକ୍ୟା  
(ମାତିଉ ୨୪:୩୨-୩୫; ଲୁକ ୨୧:୨୯-୩୩)

୨୮ “ତଗା ମାର୍ଦିଂ ଉତର୍ମୁଡ଼୍ ହିକ୍ୟା କିୟାଟ୍, ଏଚେକାଡ଼ଦ ହେ କେନ୍ଦାଂ ଆକିଂ ଗିଲ୍ନିଂ, ହେ ଏଚେକାଡ଼ଦ ଜେଟ୍ କାଡ଼୍, ଲାଗାଂ ଏକା ଖାତାତେ ଇଞ୍ଜି ଏପେଙ୍ଗ୍ ପୁଞ୍ଜି ମାନାଟ୍;

୨୯ ହେ ଲାକେ ଏପେଙ୍ଗ୍ପା ଇ ସବୁ ଗଟ୍ଟା ହୁଡ଼ତିସ୍ ହେଞ୍ଚାନ୍ ଦୁଖେର୍ ଲାଗେ ଆତାତେ ଇଞ୍ଜି ପୁନାଟ୍ ।\*  
୩୦ ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜିନାଙ୍ଗା, ଇ ସବୁ ଗିଟାଞ୍ଜି ପାତେକ୍ ନେଞ୍ଜେଞ୍ଜିଗାନି ନାର୍ ଇନେସ୍ କିତିସ୍ ପା ବୁଡ଼ା ଆଉର୍ ।

୩୧ ଆକାସ୍ ଆରି ପୁତଂ ବୁଡ଼ା ଆନାଟ୍, ମାତର୍ ନା ବଚନ୍ ଖିଜେ ବୁଡ଼ା ଆଉଡ଼୍ ।

ଜିସୁତି ଖାନିଦିନ୍ ଇନେର୍ ପୁନୁର୍  
(ମାତିଉ ୨୪:୩୬-୪୪)

୩୨ \* ମାତର୍ ହେ ଦିନ୍ କି ସମୁ ବିସ୍ତେ ଇନେର୍ ପୁନୁର୍,” ସାଗେପୁର୍ନି ଦୁଡ଼ର୍ କି ମାଜିପା ପୁନୁନ୍; ମାତର୍ ନା ସାଗେନି ଆବା ପୁନାନ୍ ।

୩୩ ଏପେଙ୍ଗ୍ ଜାଲ୍ଦି ଆଜି ମାନାଟ୍, କାସି ମାନାଟ୍, ମାତର୍ ହେ ସମୁ ଇନାଞ୍ଚାତାଂ ଆନାଟ୍ ହେଦାଂ ଏପେଙ୍ଗ୍ ପୁନୁଦେର୍ ।

୩୪ \* ହେଦାଂ ଏଲେଙ୍ଗ୍ ଇନେସ୍ ରକାନ୍ ମାନାୟ୍ ଇଲ୍ ପିସ୍ତ୍ର ବିଦେସତ ହାଲ୍ଜି ବାହା କିନାକାନ୍, ଆରି ହେ ଆଡ଼ିୟାରିଂ ଆଦିକାର୍ ହିଜି ଖିଜୁ କାମାୟ୍ ରଚ୍ଚିପା ଦୁଖେର୍ଚ୍ଚ ଜାଗ୍ଞାତାରିଂ କାତେଙ୍ଗ୍ ବଲ୍ ହିତାନ୍ ।

୩୫ ଇତିସ୍ ଏଚେକାଡ଼ଦ ଇଲ୍ ହାଉକାର୍ ମିଙ୍ଗେଙ୍ଗ୍ ଜାଗ୍ରଡ଼ ମାଞ୍ଜେଙ୍ଗ୍ ଇଞ୍ଜିନାନ୍, ମାତର୍ ହେଞ୍ଚାନ୍ ମିୂକା ହାରେସ୍ କୁଜୁ କ୍ଲେନି ସମୁଦ କି ନାଣାଙ୍ଗେ ହେ ପାଦନା ହେଞ୍ଚାନ୍ ଖାନାନ୍ ହେଦାଂ ଏପେଙ୍ଗ୍ ପୁନୁଦେର୍ ।

୩୬ ହେଞ୍ଚାନ୍ ବେଗି ଖାଜିପା ହାଞ୍ଜେଙ୍ଗ୍ ଆଡ଼ନାନ୍ ଏପେଙ୍ଗ୍ ଜଦି ସବୁଖେଡ଼ାଙ୍ଗ୍ ଜାଗ୍ରଡ଼ ଆଜି ମାନାଦେର୍ ଲାଗିଂ ହେଞ୍ଚାନ୍ ମିଙ୍ଗେଙ୍ଗ୍ ହୁଞ୍ଜନାକା ହୁଡ଼ଦେଂ ଆଡ଼ଦୁନ୍ ।

୩୭ ଆନ୍ ମିଙ୍ଗେଙ୍ଗ୍ ଇନାକା ଇଞ୍ଜିନାଙ୍ଗା, ହେଦାଂ ଖିଜାକାରିଂ ଇଞ୍ଜିନାଙ୍ଗା, ଜାଗ୍ରଡ଼ ମାନାଟ୍ ।

## ୧୪

ଜିସୁଙ୍ଗ୍ ଅସ୍ତେଙ୍ଗ୍ ଇଞ୍ଜି ଜିହୁଦିର୍ଚ୍ଚି ଉପାୟ୍  
(ମାତିଉ ୨୬:୧-୫; ଲୁକ ୨୨:୧-୨; ଜହନ୍ ୧୧:୪୫-୫୩)

୧ ହେ ନିସ୍ତାର୍ ପାର୍ବୁ ଆରି ହକ୍ଝି ରୁଚି ପାର୍ବୁ ଆଦେଂ ରି ଦିନ୍ ମାଗାଟ୍ । ହେ ଖେଡ଼ାଲିଂ ମୁଡ଼୍ ମାପୁ ହେବା କିନାକାର୍ ଆରି ସାସ୍ତ୍ର ଇନେସ୍ ଜିସୁଙ୍ଗ୍ ଚାଲାକି କିଜି ଆସ୍ତେଙ୍ଗ୍ ଆଡ଼ନାର୍, ହେବେ ନି ଉପାୟ୍ ତେକ୍ଚି ମାଗାଟ୍ ।

୨ “ଇନେକିଦେଂକି ହେଞ୍ଚାର୍ ଇଚାର୍,” ପାର୍ବୁ ଖେଡ଼ାଲିଂ ଆକାୟ୍, “ଏଚେକାଡ଼ଦ ମାନାୟ୍ ବିତ୍ରେ ଗଣ୍ଡଗଲ୍ ଆନାଟ୍ ।”

\* ୧୩:୨୪ ହଡ଼ତି ୬:୧୨. \* ୧୩:୨୫ ହଡ଼ତି ୬:୧୩. \* ୧୩:୨୬ ହଡ଼ତି ୧:୭. \* ୧୩:୨୯ ସମୁ ଲାଗାଂ, ଆରମ୍ ଆଦେଂ ହାନାତା; ନଲେ ହେଞ୍ଚାନ୍ ଲାଗାଂ, ଖାଦେଂ ଜାଗ୍ରଡ଼ ଆତାନ୍ନା । \* ୧୩:୩୨ ମାତିଉ ୨୪:୩୬. \* ୧୩:୩୪ ଲୁକ ୧୨:୩୬-୩୮.

ଜିସୁ ବେତ୍ତନିଆତ ଚିକାଣ୍ କାସ୍ନାଡ୍  
(ମାତିଉ ୨୬:୬-୧୩; ଜହନ୍ ୧୨:୧-୮)

୩ ଜିସୁ ବେତ୍ତନିୟାତ ଗାଜାରଗ୍ନି ସିମନ୍ ଇଞ୍ଜି ତିଞ୍ଜେଙ୍ଗ୍ କୁଚ୍ଚି ଖେଡ଼ାଲିଂ ର କଗ୍ଲେ ର କଣ୍ଡିତ ବେସି ହାଦ୍ନାକା ଜଟାମାଂସି ବାସ୍ନା ଚିକାଣ୍ ତାସି ଜିସୁ କାପ୍ଡାତ ଚିକାଣ୍ କଣ୍ଡି ତ୍ରିକ୍ଚି ଖାକ୍ତେଙ୍ଗ୍ ଲାଗାତାଡ୍ ।

୪ ଆରେ କେତେକ୍ ହେବେ ମାତି ମାନାୟ୍ ରିସା ଆଜି ହେଝାର୍ ଖେଚ୍ପା ଆତାର୍, “ବାସ୍ନା ଚିକାଣ୍ ଇଦେଲ୍ ଇନେକିଦେଂ ଆଲ୍ଲା କିନାତା ?

୫ ଇ ବାସ୍ନା ଚିକାଣ୍ଡି ତିନ୍ସ ଦିନ୍ତି ଟାକାଂ\* ଆଦିକ୍ ମଲ୍ଡି ପ୍ରସି ହିଲ୍ଖାକାରିଂ ହିୟାତାଡ଼ମା । ଲାଗିଂ ହେଝାର୍ ହେ କଗ୍ଲେ ହିମ୍ପାତି କେଡ୍ତେଙ୍ଗ୍ ଲାଗାତାର୍ ।”

୬ ମାତର୍ ଜିସୁ ଇଚାନ୍, “ଆନ୍ଦେଂଲିଂ ପିହାଟ୍, ଇନେକିଦେଂ ତାଙ୍ଗେଙ୍ଗ୍ କସ୍ ହିନାଦେରା ? ହେଦେଲ୍ଡି ନା କାଜିଂ ହାଦ୍ କାମାୟ୍ କିନାତା ।”

୭ ଇନେକିଦେଂକି ଅକ୍ ଡ୍ ଲଗୁ ସବୁଖେଡ଼ାଙ୍ଗ୍ ମି “ଲାଗାଂ ମାନାର୍, ଆରି ମିଦାଙ୍ଗ୍ ଏତେକାଡ୍ ଇଚା ହେ ଏତେକାଡ୍ ପା ହେଝାରିଂ ଉପକାର୍ କିଦେଙ୍ଗ୍ ଆଡ଼ନାଦେର୍, ମତର୍ ଆନ୍ ସବୁଖେଡ଼ାଙ୍ଗ୍ ମି ତାକେ ମାନୁଙ୍ଗ୍ ।

୮ ହେଦେଲ୍ ଏତେକ୍ ଆଡ଼ଦାତାଡ୍, ହେଦାଂ ହେଦେଲ୍ କିତାଡ଼ନା; ହେଦେଲ୍ ଦୁଗେର୍ କାଜିଂ ନା ଗାଗାଡ଼ିଂ ଆଗେନେ ଚିକାଣ୍ କାସ୍ନାତାଡ୍ ।

୯ ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜିନାଙ୍ଗା, ଝିଜେ ପୁଟ୍ ତାକେ ଇମଣି ବାହାତ ପା ନେକ୍ରିକାରୁର୍ ଖେଚ୍ଚିୟା ଆନାଡ୍, ହେ ବାହାତ ଇ କଗ୍ଲେଂ ଏଡୁ କିଦେଙ୍ଗ୍ ତାଦେଲ୍ଡି ଇ କାମାୟ୍ନି କାତା ପା ଇନିୟା ଆନାଡ୍ ।”

ଜିହୁଦା ଜିସୁଙ୍ଗ୍ ସଡୁ କେଇଦ ଆହିକିନାନ୍  
(ମାତିଉ ୨୬:୧୪-୧୬; ଲୁକ ୨୨:୩-୬)

୧୦ ହେବେ ବାର ଚେଲାର୍ ବିତ୍ରେ ଇସ୍ପାରିୟ୍ଡିୟ୍ ଜିହୁଦା ଇଞ୍ଜି ରକାନ୍ ହେଝାନ୍ ମୁଡ୍ ମାପୁହେବାକିନାକାର୍ କେଇଦ ହେଲାୟ୍ କିଦେଙ୍ଗ୍ କାଜିଂ ହେଝାର୍ ତାକେ ହାଚାନ୍ ।

୧୧ ହେଦାଂ ଖେନ୍ଞି ଖାରିୟା ଆତାର୍ ଆରି ହେଝାନିଂ ଟାକାଂ ହିଦେଂ ଇଞ୍ଜି ପାର୍ମାଣ୍ କିତାର୍ । ହେବେତାଂ ହେଝାନ୍ ଜିସୁଙ୍ଗ୍ ସୁବିଦା ହୁଡ଼ି ଇନେସ୍ ଆହିକିଦେଂ ଆଡ଼ନାନ୍, ଇଦାଂ ଉପାୟ୍ ତେକ୍ତେଂ ଲଗାତାନ୍ ।

ନିସ୍ପାର୍ ପାର୍ବୁନି ବଜି  
(ମାତିଉ ୨୬:୧୭-୨୫; ଲୁକ ୨୨:୭-୧୪; ୨୧:୩; ଜହନ୍ ୧୩:୨୧-୩୦)

୧୨ ପାଚେ ହେ ହଇଞ୍ଜି ରୁଚି ପାର୍ବୁନି ପର୍ଡ଼ମ୍ ଦିନ୍ତି, ଇମଣି ଦିନ୍ ନିସ୍ପାର୍ ପାର୍ବୁନି ମେଣ୍ଡାହିମଣା ପୁଜାକିନାର୍, ହେ ଦିନ୍ ଜିସୁତି ଚେଲାର୍ ହେଝାନିଂ ଖେନ୍ବାତାର୍, “ଆସେଙ୍ଗ୍ ହାଲ୍ଡି ନି କାଜିଂ ନିସ୍ପାର୍ ପାର୍ବୁ ତିଞ୍ଜେଙ୍ଗ୍ ଜାଡ଼ନାୟ୍ କିନାପ୍ ଇଞ୍ଜି ନି ଇଚା କିନାୟା ?”

୧୩ ହେବେତାଂ ହେ ଚେଲାର୍ ବିତ୍ରେ ରିୟାରିଂ ଏଲେଙ୍ଗ୍ ଖେଚ୍ଚି ପକ୍ତାନ୍ । “ଏପେଙ୍ଗ୍ ଗାଡ଼ଦ୍ ହାଲ୍ଡାଟ୍, ଆରି ରକାନ୍ ଗାଗ୍ରି ଆସ୍ତି ହାନି ମାନାୟ୍ ମିଙ୍ଗେଙ୍ଗ୍ ବେଟା ଆଦ୍ନାନ୍, ତା ପାଚେ ପାଚେ ହାଲ୍ଡାଟ୍;

୧୪ ଇମଣି ଇଞ୍ଜି ହେଝାନ୍ ହଣାନ୍ । ହେ ଇଞ୍ଜି ନି ମୁଣିକାଙ୍ଗ୍ ଇନାଟ୍, ଗୁରୁ ଖେନ୍ବା ଆଦ୍ନାନା, ଆନ୍ ନା ଚେଲାର୍ ହୁକେ ଇମେତାକେ ନିସ୍ପାର୍ ପାର୍ବୁ ବଜି କିନାଙ୍ଗ୍, ଇମେଡ୍ ନା ହେ ଗତାଙ୍ଗ୍ବାହା ।”

୧୫ ହେଝାନ୍ ମିଙ୍ଗେଙ୍ଗ୍ ହେବେ ଜାଡ଼ନାୟ୍ ଆରି ଜାଲ୍ଡି କିତି ଜପ୍ଣି ଗାଜା ବାକ୍ରା ଚଚାନାନ୍, ହେ ବାହାତ ମାକାଜିଂ ଜାଲ୍ଡି କିୟାଟ୍ ।

୧୬ ହେବେତାଂ ଚେଲାର୍ ହସି ଗାଡ଼ ବିତ୍ରେ ହଟାର୍, ଆରେ ଜିସୁ ହେଝାରିଂ ଇନେସ୍ ଇଞ୍ଜି ମାଚାନ୍, ହେ ଲାକେ ହୁଡ଼ି ନିସ୍ପାର୍ ପାର୍ବୁ ଦିନ୍ତି ବଜି ଜାଲ୍ଡି କିତାର୍ ।

୧୭ ମୁଡିଲେ ହେଝାନ୍ ବାରଜାଣ୍ ଚେଲାର୍ ହୁକେ ଝାତାନ୍ ।

୧୮ ହେଝାର୍ କୁଚ୍ଚି ତିନି ସମୁଦ୍ ଜିସୁ ଇଚାନ୍, “ଆନ୍ ହାଡ଼ପା ଇଞ୍ଜିନାଙ୍ଗା, ମି ବିତ୍ରେ ରକାନ୍, ଇନେଚ୍ଚି ନା ହୁକେ ତିନାନା, ହେଝାନ୍ ନାଙ୍ଗେଙ୍ଗ୍ ସାଡୁ କେଇଦ ହେଲାୟ୍ କିଦ୍ନାନ୍ ।”

୧୯ ହେବେ ହେଝାର୍ ଦୁକ୍ ଆଜି ରକାର୍ ରକାର୍ କିଜି ହେଝାନିଂ ଖେନ୍ବାତାର୍, “ହେଝାନ୍ ଇନାକା ଆନ୍ ?”

୨୦ ଜିସୁ ହେଝାରିଂ ଇଚାନ୍, “ବାରଜାଣ୍ ବିତ୍ରେ ରକାନ୍, ଇନେଚ୍ଚି ନା ହୁକେ ତାଡ଼ିୟାତ ରୁଚି କୁକ୍ନାନ୍ ହେଝାନ୍ ।

୨୧ ମାନାୟ୍ ମାଜି ବିସ୍ତେ ସାସ୍ତର୍ ତାକେ ଇନେସ୍ ଲେକା ଆତାଡ଼ନା, ହେ ଲାକେ ହାକି ତାଣ୍ ପାୟାଦେଂ ହାନାନା, ମାତର୍ ମାନାୟ୍ ମାଜି ସଡୁ କେଇଦ ହେଲାୟ୍ କିୟା ଆନାନ୍, ଆ ହେଝାନ୍ ଦାଣ୍ ପାୟା ଆନାନ୍ ! ହେଝାନ୍ ମାନାୟ୍ ଜଲମ୍ ଆଝାଦାଂ ମାତିସ୍ ହେଝାନ୍ ତା ପାକ୍ୟାତ ହାର୍ ଆତାମ୍ !”

\* ୧୪:୫ ରୁପା ଟାକାଂ ୬:୩୭ ହୁଡ଼ାଟ୍ ।

**ଇସ୍ଵରତି ବଳି**

(ମାତିଉ ୨୬:୨୬-୩୦; ଲୁକ ୨୨:୧୪-୨୦; ୧ କରନ୍ତିୟ ୧୧:୨୩-୨୫)

୨୨ ହେୱାର ତିନି ଝେଡ଼ାଲିଂ ହେ ରୁଟି ଅସି ଆସିବାଦ୍ କିଜି ହେୱାରିଂ ହିତାନ୍ ଆରି ହେଦାଂ ତ୍ରିକ୍ତି ହେୱାରିଂ ହିଜି ଇଚାନ୍, “ଇନ୍ଦାଟ୍, ଇଦାଂ ନା ଗାଗାଡ଼ ।”

୨୩ ଆରେ, ହେୱାନ୍ କଲସି ଆସ୍ତି ଜୁଝାର୍ କିସି ହେୱାରିଂ ହିତାନ୍ “ଆରି ଝିଜାକାର୍ ହେବେଣ୍ଡାଂ ଉଟାର୍ ।”

୨୪ ଆରି, ଜିସୁ ହେୱାରିଂ ଇଚାନ୍, ଇମଣି ନିୟମ୍ନି ନେତେର୍ ବେସି ଲଗାଂ କାଜିଂ ରାକ୍ୟା ଆନାତା, ଇଦାଂ ନା “ହେ ନେତେର୍ ।

୨୫ ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗ୍, ଆନ୍ ଏଚେକାଡ଼ଦ ପୁନି କିଜି ଇସ୍ଵର ରାଜିତ ଅଙ୍ଗୁର୍ ପାଡ଼ନି ରାସ୍ ଉଣାଙ୍ଗ୍, ହେ ଦିନ୍ ପାତେକ୍ ଇଦାଂ ଆରି ଇନାଝାଡ଼ାପା ଉଣ୍ଡେଙ୍ଗ୍ କଙ୍ଗ୍ ।”

୨୬ ଆରେ, ହେୱାର୍ କେରତି ପାଚେ ଜିଡ଼ମାଡ଼ିତ ହସି ହାଚାର୍ ।

**ଜିସୁ ପାଚେ ହାନାକାର୍ ଝିଜାକାର୍ ପିହନାର୍**

(ମାତିଉ ୨୬:୩୧-୩୫; ଲୁକ ୨୨:୩୧-୩୪; ଜହନ୍ ୧୩:୩୬-୩୮)

୨୭ ହେ ଏଚେକାଡ଼ଦ ଜିସୁ ହେୱାରିଂ ଇଚାନ୍, ଏପେଙ୍ଗ୍ ଝିଜାକାଦେର୍ ବାଦାପାୟା ଆନାଦେର୍, ଇନେକିଦେଂକି ଲେକା ଆତାଡ଼ନା,

“ଆସେଙ୍ଗ୍ ମେଣ୍ଡା ଗଡ଼ିୟାଙ୍ଗ୍ ଅସ୍ତିସ୍, ଆରି ମେଣ୍ଡାଂ ଜେଡ଼ କେଡ଼ ଆଜି ହାନିକ୍ ।”

୨୮ \*ମାତର୍ ଆନ୍ ନିଙ୍ଗତି ପାଚେ ମି ଆଗେ ଗାଲିଲିତ ହାନାଙ୍ଗ୍ ।

୨୯ ମତର୍ ପିତର୍ ହେୱାନିଂ ଇଚାନ୍, “ଝିଜାକାର୍ ନିଙ୍ଗେଙ୍ଗ୍ ପିସ୍ତି ହାନତିସ୍ତା, ଆନ୍ ପିସ୍ତି ହାଞ୍ଜୁଙ୍ଗ୍ ।”

୩୦ ଜିସୁ ହେୱାନିଂ ଇଚାନ୍, “ଆନ୍ ନିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା, ନେଞ୍ଜେଙ୍ଗ୍ ଇ ନାଣା ରିହା କୁଡୁ କ୍ଳେନି ଆଗେ ଏନ୍ ନାଙ୍ଗେଙ୍ଗ୍ ତିନିହଟ୍ ପାଚି କିପୁୟ ।”

୩୧ ମାତର୍ ହେୱାନ୍ ଆଟ୍ଝା କିଜି ଇଞ୍ଜେଙ୍ଗ୍ ଲାଗାତାନ୍, “ଜଦି ଆନ୍ ନି ହୁକେ ହାଦେଂ ଲାଗ୍ଦାନାଡ଼ ଆତିସ୍ ପା ଆନ୍ ନିଙ୍ଗେଙ୍ଗ୍ ମୁଡ଼କେ ଉଡ଼ା ଆଦୁଙ୍ଗ୍ । ଆରି ଝିଜାକାର୍ପା ହେ ଲାକେ ଇଚାର୍ !”

**ଜିସୁ ଗେଡ଼ସିମିନି ବାଡ଼ଦ ପାର୍ତନା କିତାନ୍**

(ମାତିଉ ୨୬:୩୬-୪୬; ଲୁକ ୨୨:୩୯-୪୬)

୩୨ ପାଚେ ହେୱାର୍ ଗେଡ଼ସିମିନି ଇନି ତର୍ ର ବାହାତ ଝାଡ଼ାର୍, ଆରି ହେୱାନ୍ ହେ ଚେଲାରିଂ ଇଚାନ୍, “ଆନ୍ ପାର୍ତନା କିଜି ପାତେକ୍ ଏପେଙ୍ଗ୍ ଇବେ କୁଟି ମାନାଟ୍ ।”

୩୩ ଆରେ, ହେୱାନ୍ ପିତର୍, ଜାକୁର୍ ଆରି ଜହନ୍ତିଂ ହାଙ୍ଗ୍ ଅଜି ଆଦିକ୍ କାବା ଆଜି ଆରି ବିପ୍ତି ଆଦେଂ ଲାଗାତାନ୍ ।

୩୪ ହେବେ ଜିସୁ ହେୱାରିଂ ଇଚାନ୍, “ନା ଝାସ୍ତି ହାକି ଲାକେ ବେସି ଦୁକ୍ ଆନାତା; ଏପେଙ୍ଗ୍ ଇବେ ମାନ୍ଝି କାସି ମାନାଟ୍ ।”

୩୫ ଜଦି ଆନାଡ଼ ହେ ଦୁକ୍ ଇନେସ୍ ଦେହା ଆନାଡ଼ ହେବେତାଂ ହେୱାନ୍ ଅଲପ୍ ଦେହା ହାଲ୍ଜି ମେଦ୍ନିତ ଗୁରଜି, ପାର୍ତନା କିଦେଙ୍ଗ୍ ଲାଗାତାନ୍ ।

୩୬ ଆରି ଜିସୁ ଇଚାନ୍, “ଆବା, ଝିଜୁ ନି ପୁରା, ଇ ଉଣି ଗିନା ନା ତାଙ୍ଗ୍ ଦେହା ଇଚା, ଆତିସ୍ପା ନା ଇଚା ଆକାୟ୍, ମାତର୍ ନି ଇଚା ।”

୩୭ ଆରେ, ହେୱାନ୍ ଝାଜି ହେୱାରିଂ ହୁଞ୍ଜନାକା ହୁଡ଼ତାନ୍ ଆରି ପିତର୍ତିଂ ଇଚାନ୍, “ସିମନ୍, ଏପେଙ୍ଗ୍ ଇନାକା ହୁଞ୍ଜନାଦେରା ? ର ଗଣ୍ଡା କାତେଙ୍ଗ୍ ଆଡ଼ଝାତାଦେର୍ ?”

୩୮ “ପରିକ୍ୟାତ ଇନେସ୍ ଆର୍ମାଟ୍, ଇଦାଂ କାଜିଂ କାସିମାଞ୍ଜି ପାର୍ତନା କିୟାଟ୍, ଜିବୁନ୍ ଇଚା, ମାତର୍ ଗାଗାଡ଼ ନାଦାର୍ ।”

୩୯ ହେୱାନ୍ ଆରି ଆଗେ ଲାକେ ହାଲ୍ଜି କାତା ଇଞ୍ଜି ପାର୍ତନା କିତାନ୍ ।

୪୦ ଆରେ ରଗ ଝାଜି ଜିସୁ ହେୱାରିଂ ହୁଞ୍ଜନାକା ହୁଡ଼ତାନ୍, ଇନେକିଦେଂକି ହେୱାର୍ ହୁଞ୍ଜକାଣ୍ଡୁଙ୍ଗ୍ ଜୁଡ଼ପିୟା ଆଜି ମାତିକ୍, ଆରି ହେୱାନିଂ ଇନା ଉତର୍ ହିନାର୍, ହେଦାଂ ପୁନ୍ଝାଦାଂ ମାଚାର୍ ।

୪୧ ହେୱାନ୍ ତିନିହଟ୍ ଝାଜି ହେୱାରିଂ ଇଚାନ୍, “ଏପେଙ୍ଗ୍ ଇନାକା ଆରି ହୁନ୍ଝାଦେଣ୍ଡା ? ଜବର୍ ଆତାତେ ! ହୁଡ଼ାଟ୍, ମାନାୟ୍ ମାଜି ପାପିର୍ କେଇତାକେ ହେଲାୟ୍ ଆନାନା ।

୪୨ ନିଙ୍ଗାଟ୍, ଆସେଙ୍ଗ୍ ହାନାସ୍; ହୁଡ଼ାଟ୍, ଇନେର୍ ନାଙ୍ଗେଙ୍ଗ୍ ସତୁ କେଇଦ ହେଲାୟ୍ କିଦ୍ନାନ୍ ହେୱାନ୍ ଲାଗାଂ ଝାତାନେ !”

**ଜିସୁ ଗାଚ୍ୟା ଆତାନ୍**

(ମାତିଉ ୨୬:୪୭-୫୨; ଲୁକ ୨୨:୫୭-୫୩; ଜହନ୍ ୧୮:୩-୧୨)

\* ୧୪:୨୮ ମାତିଉ ୨୮:୧୭.

୪୩ ଆରେ ସାଙ୍ଗେ ସାଙ୍ଗେ, ହେୱାନ କାତା ଇନି ୱାଡାଲିଂ ବାରଜାଣ୍ ବିତ୍ରେ ଜିହୁଦା ଇନି ରକାନ ଆରି ହେନି ଲକୁ ହେୱାନ ହୁକେ ମୁଡ଼୍ ମାପୁ ହେବା କିନାକାର, ସାସ୍ତ୍ର ଆରି ପ୍ରାଚିନାର ତାଙ୍ଗ୍ ଲକୁ କାଣ୍ଡାଂ ଆରି ଟେଙ୍ଗାଙ୍ଗ୍ ଆଜି ୱାଡାତାର ।

୪୪ ଜିସୁଙ୍ଗ୍ ସତୁ କେଇଦ ହେଲାୟ୍ କିନାକାନ ଏଲେଙ୍ଗ୍ ଚର୍ଚ୍ଚି ହିଜି ଇଞ୍ଜି ମାଚାନ । “ଆନ୍ ଇନେରିଂ ଡଞ୍ଜିଗାନାଂ, ହେୱାନ ହେୱେନ୍, ହେୱାନିଂ ଆସ୍ତି ଜାଗ୍ରତ୍ ତ ଅନାଦେର୍ ।”

୪୫ ଲାଗିଂ ହେୱାନ ହେପାଦନା ହେୱାନ ଲାଗେ ହାଲ୍ଜି, “ଏ ଗୁରୁ !” ଇଞ୍ଜି ହେୱାନିଂ ବେସି ତନ୍ତାନ ।

୪୬ ହେବେତାଂ ହେୱାର୍ ତା ଜପି କେଇ କିସି ଆସ୍ତାର ।

୪୭ ମାତର୍ ଲାଗେ ନିଲ୍ଚିମାନି ମାନାୟାର୍ ତାଙ୍ଗ୍ ରକାନ କାଣ୍ଡା ହପ୍ତାନ ଆରି ମୁଡ଼୍ ମାପୁ ହେବା କିନାକାନ ଆଡ଼ିଏନିଂ କେଇ କିଜି ତା କିତୁଲ୍ ହଣ୍ଡି ତୁହିତାନ ।

୪୮ ଜିସୁ ହେୱାର୍ ଉତର୍ ହିତାନ, “ଚର୍କୁ ବିରୁଦ୍ଦତ୍ ହତି ଲାକେ କାଣ୍ଡା ଆରି ଟେଙ୍ଗା ଆଜି ଇନାକା ନାଙ୍ଗେଙ୍ଗ୍ ଆସ୍ତେଙ୍ଗ୍ ୱାଡାଦେଣ୍ଡା ?

୪୯ \*ସବୁ ଦିନ୍ ଆନ୍ ମି ହୁକେ ମନ୍ଦିରତ ମାନଞ୍ଜି ସିକ୍ୟା ହିଜି ମାଚାଙ୍ଗ୍, ମାତର୍ ନାଙ୍ଗେଙ୍ଗ୍ ଏପେଙ୍ଗ୍ ଆସ୍ତାୱାଡାଦେର୍, ମାତର୍ ଦରମ୍ ସାସ୍ତ୍ର କାତା ଗିଟାଆନି କାଦଲିଂ ଇଞ୍ଜି ଇ ସବୁ ଗିଟା ଆନାତା ।”

୫୦ ହେବେ ଝିଜାର୍ ଟେଲାର୍ ହେୱାନିଂ ହେ ଏଟେକାଡ୍ଦ ପିସ୍ତି ହନ୍ତାର ।

୫୧ ମାତର୍ ରକାନ ଦାଙ୍ଗଣା ହିମ୍ପେନେନ୍ ତୁମ୍ପଣ୍ଡା କୱାଣ୍ଡା ହେୟା ପର୍ଚ୍ଚି ହେୱାନ ପାଟେ ପାଟେ ହାଲ୍ଜି ମାଚାନ, ହେୱାର୍ ହେୱାନିଂ ଆସ୍ତାର ।

୫୨ ମାତର୍ ହେୱାନ ହେ କୱାଣ୍ଡା ହେୟା ପିସ୍ତି ତୁମ୍ପଣ୍ଡା ଗାଗାଡ୍ଡତ୍ ହନ୍ତାନ ।

ଜିହୁଦି ସବାତ ଜିସୁତି ବିଚାର

(ମାତିଜ ୨୬:୫୭-୬୮; ଲୁକ ୨୨:୫୪-୫୫, ୬୩-୬୧; ଜହନ୍ ୧୮:୧୩-୧୪; ୧୯:୨୪)

୫୩ ପାଟେ ହେୱାର୍ ଜିସୁଙ୍ଗ୍ ମୁଡ଼୍ ମାପୁହେବା କିନାକାର ତାକେ ଅତାର, ଆରେ ମୁଡ଼୍ ମାପୁ ହେବା କିନାକାର, ପ୍ରାଚିନାର ଆରି ସାସ୍ତ୍ର ଝିଜାକାର ୱାଜି ରୁଣ୍ଡାଆତାର ।

୫୪ ପିତର୍ ଦେହା ମାନଞ୍ଜି ହେୱାର୍ ପାଟେ ପାଟେ ମୁଡ଼୍ ମାପୁ ହେବା କିନାକାର ହାକ୍ଡି ବିତ୍ରେ ହାଚାନ ଆରି ପାଦ୍ ଆଦିକାରି ହୁକେ କୁର୍ଚି ନାଣି କାଇଜି ମାଚାର ।

୫୫ ଇଦାଂ ପାଟେ ମୁଡ଼୍ ମାପୁହେବା କିନାକାନ ଆରି ଜିହୁଦି ସବାନିକାର ଜିସୁଙ୍ଗ୍ ବିରୁଦ୍ଦତ୍ ସାକି ଡେକ୍ଡେଂ ଲାଗାତାର, ମାତର୍ ଗାଟା ଆୱାଡାତାର;

୫୬ ଇଦାଂ କାଜିଂ ବେସି ମିର୍ ସାକି ହିତାର୍ ମାତର୍ ହେୱାର୍ ସାକି ଗାଟାୱାଡାତାର ।

୫୭ ପାଟେ କେଡେକ୍ ଲଗୁ ନିଙ୍ଗି ହେୱାନ ବେରୁତ ଇ ମିର୍ ସାକି ହିଜି ଇଞ୍ଜେଙ୍ଗ୍ ଲାଗାତାର ।

୫୮ “ଆପେଂ ଇୱାନ ତାଙ୍ଗ୍ ଇ କାତା ଇନାକା ୱେଟାପ୍ନା, ‘ଆନ୍ ଇ କେଇଦାଂ ରର୍ଚି ମନ୍ଦିରତିଂ ତ୍ରିକ୍ଚି ତିନ୍ଦିନ୍ ବିତ୍ରେ’ ଆରି ରଞ୍ଜାଙ୍ଗ୍ କେଇଦାଂ ରର୍ଚିତି ମନ୍ଦିର ରନ୍ନାଙ୍ଗ୍ ।”

୫୯ ମାତର୍ ଇବେପା ହେୱାର୍ ସାକି ଗାଟାୱାଡାତାର ।

୬୦ ହେବେ ମୁଡ଼୍ ମାପୁ ହେବା କିନାକାନ ମାଦି ନିଲ୍ଚି ଜିସୁଙ୍ଗ୍ ୱେନ୍ବାତାନ, ନି ବିରୁଦ୍ଦତ୍ ଇୱାର୍ ସାକି ହିନାରା, “ଏନ୍ ଇନାକାପା ଉତର୍ ହିଉୟା ?”

୬୧ ମାତର୍ ହେୱାନ ଦୟା ଆତାନ ଆରି ଇନାକାପା ଉତର୍ ହିୱାତାନ । ମୁଡ଼୍ ମାପୁ ହେବା କିନାକାନ ଆରେ ରଗ ୱେନ୍ବାତାନ ହେୱାନ “ଏନ୍ ଇନାକା ମଙ୍ଗ୍ଲ ପାୟାନି ଇସ୍ପର୍ଚି ମାଜି କ୍ରିସୁ ?”

୬୨ ଜିସୁ ଇଚାନ, “ଆନ୍ ହେୱାନ,” ଆରି ଏପେଙ୍ଗ୍ “ଆନ୍ ଜେ ମାନାୟ୍ ମାଜିଙ୍ଗ୍ ସାକ୍ତିତାଂ ବୁଜ୍ଣି ବାଗାଙ୍ଗ୍ କୁର୍ନାକା ଆରି ଆକାସ୍ନି ବାଦାଡ୍ଡତ୍ ୱାନାକା ହୁଡ୍ନାଦେର୍ !”

୬୩ ହେବେ ତାଙ୍ଗ୍ ମୁଡ଼୍ ମାପୁ ହେବା କିନାକାନ ତା ହେୟା କେର୍ଚି ଇଚାନ, “ସାକିତାଂ ମାଦାଂ ଆରି ଇନାକା ଲଡା !

୬୪ ଏପେଙ୍ଗ୍ ତ ଇସ୍ପର୍ଚି ନିୟା ୱେଟାଦେର୍, ମି ବିଚାର କିନାକା ଇନାକା ?” ଇବେ ହେୱାର୍ ୱାଜି ଦାଣ୍ଡ ପାୟା ଆନି ବିଦି ମାନାଡ଼ ଇଞ୍ଜି ୱାଜାକାର ଇଚାର ।

୬୫ ଆରେ ଇନେର୍ ଇନେର୍ ହେୱାନ ଜପି ରୁବ୍ଦେଂ ଲାଗାତାର ଆରି ହେୱାନ ମୁମ୍ଦ ଗୁଗୁର୍ ମୁଗି କିଜି ବିଦା ଇଡ୍ଜି ଇଞ୍ଜେଙ୍ଗ୍ ଲାଗାତାର, “ଏନ୍ କିୟା ବେରଣ୍ ବାକ୍ଣାୟ୍ କିନାକାୟ୍ !” ପାର୍ମାଣ୍ ହିଦା । ଆରି ପାଦ୍ ଆଦିକାରିର୍ ଚାପ୍ଡା ଇଡ୍ ଇଡ୍ ହେୱାନିଂ ଆସ୍ତି ଅତାର ।

ପିତର୍ ଜିସୁଙ୍ଗ୍ ପାଟିଂ କିୱାତାନ

(ମାତିଜ ୨୬:୬୯-୭୫; ଲୁକ ୨୨:୫୬-୬୨; ଜହନ୍ ୧୮:୧୫-୧୮; ୨୧:୨୫)

☆ ୧୪:୪୯ ଲୁକ ୧୯:୪୭; ୨୧:୩୭.

୭୭ ଆରି ପିତର ତାରେନ୍ ହାକଡ଼ିତ ମାନିଖେଡାଲିଂ ମୁଡ଼୍ ମାପୁ ହେବା କିନାକାତ୍ ର ଆଡ଼ିଏଣି ଖାଜି ପିତର ନାଣି କାକନାକା ହୁଡୁଡାଡ଼,

୭୭ ଆରି ପିତରତିଂ ଇଟକାଡ଼ କିଜି ଇଟାଡ଼, “ଏନ୍ ପା ନାଜରିତିୟନି ଜିସୁ ହୁକେ ମାଟାୟ୍ ।”

୭୮ ମାତର ହେଖାନ ଉଡ଼ା ଆଜି ଇଟାନ, “ଆନ୍ ହେଖାନିଂ ପୁନୁଙ୍ଗ, ଆରି ଏନ୍ ଇନାକା ଇନାୟା, ଆନ୍ ବୁଜା ଆଉଙ୍ଗା ।” ପାଟେ ହାକଡ଼ି ଦୁଖେରତାଂ ହସି ହାଟାନ; କୁନୁ କ୍ଳେଡାଡ଼ ।†

୭୯ ଆରେ, ହେ ଆଡ଼ିଏଣି ହେଖାନିଂ ହୁଡ଼ଜି ଲାଗେ ନିଲ୍ଡି ମାନିଲୁଗାଂ ଆରି ରଗ ଇଞ୍ଜେଙ୍ଗ ଲାଗାତାଡ଼, “ଇଖାନ ହେଖାର୍ ବିଡ୍ରେ ରକାନ !”

୮୦ ମାତର ଆରେ ପାତ୍ କିଖାଦାଂ ଇଞ୍ଜେଙ୍ଗ ଲାଗାତାନ । ଆରେ ଅଲପ୍ ସମୁ ପାଟେ ଲାଗାଂ ନିଲ୍ଡି ମାନି ଲଗୁ ପିତରତିଂ ଇଟାର, “ଏନ୍ ହାଡ଼ପାନେ ହେଖାର୍ ବିଡ୍ରେ ରକାୟ୍, ଇତିସ୍ ଏନ୍ ତ ଗାଲିଲିୟ୍ ଲଗୁ ।”

୮୧ “ମାତର ପିତର ନିଜେତିଙ୍ଗ ରାଣ୍ କିଜି ଆରେ ପାର୍ମାଣ୍ କିଜି ଇଞ୍ଜେଙ୍ଗ ଲାଗାତାନ, ଏପେଙ୍ଗ ଇମ୍ଣି ମାନାୟ୍ କାତା ଇନାଦେରା, ଆନ୍ ହେଖାନିଂ ପୁନୁଙ୍ଗ !”

୮୨ ହେ ପାଦନା କୁନୁ ରିହା କ୍ଳେଡାଡ଼, ଇବେତାଂ କୁନୁ ରିହା କ୍ଳେନିହିଂ ଆଗେ ଏନ୍ “ନାଙ୍ଗେଙ୍ଗ୍ ତିନିହର୍ ପାତ୍ କିଦୁୟ୍,” ଇ ଇମ୍ଣି କାତା ଜିସୁ ପିତରତିଂ ଇଞ୍ଜି ମାଟାନ, ହେଦାଂ ପିତରତିଂ ଏଡୁ ଖାତାଡ଼, ଆରି ହେଖାନ ହେ କାତା ବାବିକିଜି ଆଡ଼ବେଦେଂ ଲାଗାତାନ ।

### ୧୫

#### ପିଲାତ ଆଗେ ଜିସୁ

(ମାଡ଼ିଉ ୨୭:୧-୨; ୧୧:୧୪; ଲୁକ ୨୩:୧-୫; ଜହନ୍ ୧୮:୨୮-୩୮)

୧ ଅଜଡ଼୍ ଆଡ଼ି ଦାପ୍ରେ ସବୁ ଗାଜା ମିଟିଂ, ଇତିସ୍ ପ୍ରାତିନି ଆରି ସାସ୍ପିରତି ହୁକେ ମୁଡ଼୍ ମାପୁହେବାକିନାକାର୍ ସବା କିଜି ଜିସୁଙ୍ଗ୍ ଗାଟ୍ଟି ଅଜି ପିଲାତ ତାକେ ହେଲାୟ୍ କିଟାର ।

୨ ପିଲାତ ହେଖାନିଂ ଖେନ୍ଦାତାନ, “ଏନ୍ କି ଜିହୁଦିର୍ ରାଜା ?” ଜିସୁ ହେଖାନିଂ ଉତର୍ ହିତାନ, “ଏନ୍ ଇନାୟା ।”

୩ ଆରେ, ମୁଡ଼୍ ମାପୁହେବାକିନାକାର୍ ଜିସୁ ବିରୁଦ୍ଦତ ବେଜେକ୍ ଲାଗେଦେଂ ହାଙ୍ଗ୍ଟାର ।

୪ ହେବେ ପିଲାତ ଆରେରଗ ହେଖାନିଂ ଖେନ୍ଦାତାନ “ଏନେଙ୍ଗ୍ ଇନାକା ଉତର୍ ହିତୟା ? ହୁଡ଼ା, ଇଖାର୍ ନି ବିରଡ଼ତ ଦସ୍ ବାଜେକ୍ କିସି ଲାଗ୍ଦାନାରା !”

୫ ମାତର ଜିସୁ ଇନାକା ପା ଉତର୍ ହିଖାତାନ, ହେଦାଂ କାଜିଂ ପିଲାତ କାବା ଆତାନ ।

#### ଜିସୁଡ଼ି ହାକି ଡାଣ୍ଡ

(ମାଡ଼ିଉ ୨୭:୧୫-୩୧; ଲୁକ ୨୩:୧୩-୨୫; ଜହନ୍ ୧୮:୩୯; ୧୯:୧୭)

୬ ମତର ନିସ୍ପାର୍ ପାର୍ବୁଖେଡାଙ୍ଗ୍ ମାନାୟାର୍ ଇମ୍ଣି ତରେଡ଼ିଙ୍ଗ୍ ଏନ୍ତି ମାଟାର୍, ହେଖାନିଂ ହେଖାନ ହେଖାର୍ କାଜିଂ ମୁକଡ଼ାୟ୍ କିଜି ମାଟାର୍ ।

୭ ଇମ୍ଣି କୁଟୁମ୍ ବିରୁଦ୍ଦତ ଗଡ଼୍ମେଲି ଖେଡାଲିଂ ମାନାୟତିଂ ଅଜି ମାଟାନ, ହେଖାର୍ ହୁକେ ବାରବା ତରନି ରଖାନ ବନ୍ଦି ମାଟାନ ।

୮ ଲାଗିଂ ଲକୁ ଜପି ହାଲ୍ଲଜି ଜାର୍ ରିତି ହୁଦାଂ କିନି କାଜିଂ ଗଞ୍ଜାରି କିଦେଙ୍ଗ୍ ଲାଗାତାର୍ ।

୯ ହେବେତାଂ ପିଲାତ ହେଖାରିଂ ଉତର୍ ହିତାନ, “ଏପେଙ୍ଗ୍ ଇନାକା ଇଟା କିନାଦେରା ? ଆନ୍ ଇନାକା ମି କାଜିଂ ଜିହୁଦିର୍ ରାଜାଙ୍ଗ୍ ମୁକୁଡ଼ାୟ୍ କିନାଙ୍ଗ୍ ?”

୧୦ ଇତିସ୍ ମୁଡ଼୍ ମାପୁହେବାକିନାକାର୍ ଜେ କୁଟ୍ତ ହେଖାନିଂ ହେଲାୟ୍ କିଜି ମାଟାର୍, ହେଦାଂ ହେଖାନ ବୁଜା ଆତାନ ।

୧୧ ମାତର ହେଖାନ ଇନେସ୍ ହେଖାର୍ କାଜିଂ ବାରବାଙ୍ଗ୍ ମୁକଡ଼ାୟ୍ କିନାନ, ହେଦାଂ କାଜିଂ ମୁଡ଼୍ ମାପୁହେବାକିନାକାର୍ ଲକାଂ ମାତାୟ୍ କିଟାର ।

୧୨ ମାତର ପିଲାତ ଆରେ ରଗ ହେଖାରିଂ ଉତର୍ ହିତାନ, “ବାଟିଙ୍ଗ୍ ଏପେଙ୍ଗ୍ ଇନେରିଂ ଜିହୁଦିର୍ ରାଜା ଇଞ୍ଜି ଇନାଦେରା, ହେଖାନ କାଜିଂ ଆନ୍ ଇନାକା କିନାଙ୍ଗ୍ ?”

୧୩ ହେଖାର୍ ପାଟେ କିର କିଜି ଇଟାର୍, “ହେଖାନିଂ କୁସ୍ତ ଦୁପାଟ୍ !”

୧୪ ହେବେତାଂ ପିଲାତ ହେଖାରିଂ ଖେନ୍ଦାତାନ, ଇନେକିଦେଂ, “ହେଖାନ ଇନା ଦସ୍ କିତାନନ୍ନା ?” ମାତର ହେଖାର୍ ଆଦିକ୍ କିର କିଟାର୍, “ହେଖାନିଂ କୁସ୍ତ ଦୁପାଟ୍ !”

୧୫ ଲାଗିଂ ପିଲାତ ମାନାୟତିଂ ସାରି କିଦେଙ୍ଗ୍ ଇଟା କିଜି ହେଖାର୍ କାଜିଂ ବାରବାତିଂ ମୁକଡ଼ାୟ୍ କିତାନ, ପାଟେ ଜିସୁଙ୍ଗ୍ କର୍ଡା ଗ୍ରାକି କିସି କୁସ୍ତ ଦୁପଦେଂ ଇଞ୍ଜି ହେଲାୟ୍ କିତାନ ।

† ୧୪:୨୮ କେଡେକ୍ ପତିତ ଦାପ୍ରେ କୁନୁ କ୍ଳେଖାତାଡ଼ ।

ମେଲ୍ୟାର ଜିସୁଙ୍ଗ କିଜାୟ କିତାର  
(ମାତିଉ ୨୭:୨୭-୩୧; ଜହନ୍ ୧୯:୨-୩)

- ୧୭ ହେବେତା° ମେଲ୍ୟାର ହେୱାନି° ହାକଡ଼ି, ଇତିସ୍ ବାଙ୍ଗଲା ବିତ୍ରେ ଆସସି ପା ସବୁ ମେଲ୍ୟାରି° କୁକଟି ରୁଣ୍ଡାୟ କିତାର ।
- ୧୮ ହେୱାର ହେୱାନି° କିଜାୟ କିଦେଙ୍ଗ ଇଞ୍ଜି କାହରାତି ବାନି ହେୟା ଉସ୍ପି କିତାର ଆରି ୱାଡ଼ି ମୁକୁଟ ରଚ୍ଚି କାପଡ଼ାତ ତୁଜି କିତାର;
- ୧୯ ଆରେ, “ଏ ଜିହୁଦିର୍ ରାଜା !” ଜୱାର, ଇଦା° ଇଞ୍ଜି କିଜାୟ କିଦେଙ୍ଗ ଲାଗାତାର ।
- ୨୦ ପାରେ, ହେୱାର ର ପଲକା ନାଡ଼ା ଅସି କାପଡ଼ାତ ମାଟ୍ କିତାର ଆରି ହେୱାନ ଜପି ତୁପତାର, କିଜାୟ କିଜି ଆରି ମେଣ୍ଡା° କୁନ୍ଦିକିଜି ଜୱାର କିଦେଙ୍ଗ ଲାଗାତାର ।
- ୨୧ ହେୱାର ହେୱାନି° କିଜାୟକିତି ପାରେ ହେ କାହାତି ବାନି ହେୟା କୁଡ଼ତି ଅଜି ହେୱାନ୍ତି ଜାର ହେୟା ଉସ୍ପି କିତାର । ପାରେ, ହେୱାର ହେୱାନି° କୁସ୍ ଜପି ତୁପତେ° ବାଟି ଅତାର ।

ଜିସୁଙ୍ଗ କୁସ୍ ଜପି ତୁପତାର  
(ମାତିଉ ୨୭:୩୨-୪୪; ଲୁକ ୨୩:୨୪-୪୩; ଜହନ୍ ୧୯:୧୭-୨୭)

- ୨୧ \*ହେ ଏଚେକାଡ଼ଦ ଆଲେକଜାଣ୍ଡର ଆରି ରୁପତି ଲାତ୍ରାହି ସିମନ୍ ତରନି ରକାନ କୁରିଣିୟ ମାନାୟ ଦେସିନାସତା° ୱାଜି ହେ ହାଜିହିଜି ହାଲଜି ମାଚାନ, ହେୱାର ହେୱାନି° ହେୱାନ୍ତି କୁସ୍ ପିଣ୍ଡଦେ° ବଲକାର କିତାର ।
- ୨୨ ଆରେ, ହେୱାର ହେୱାନି° ଗଲଗତା ଇତିସ୍ “କାପଡ଼ାବାହା ତର୍ ବାହାତ ଅତାର ।”
- ୨୩ ଆରେ, ହେୱାର ହେୱାନି° ଗାନ୍ଦାରାସ୍ ମିହାଆତାକା ଅଙ୍ଗୁର୍ ରାସ୍ ହିତାର, ମାତର୍ ହେୱାନ ହେଦା° ଅଦେ° କାୱାତାନ ।
- ୨୪ ପାରେ ହେୱାର ହେୱାନି° କୁସ୍ତ ତୁପତାର, ଆରେ ଇନେର୍ ଇନାକା ଗାଟାଆନାନ, ହେଦା° ଦରମଗୁଲି ହୁକେ ତିର୍ କିଜି ହେୱାନ୍ତି ହେୟା ସବୁ ଜାର ଜାରତାକେ ପାସପିସ୍ ଅତାର ।
- ୨୫ ଦିନ୍ ନଅଟା ୱେଡ଼ାଲି° ହେୱାର ହେୱାନି° କୁସ୍ତ ତୁପତାର ।
- ୨୬ ଆରେ ହେୱାନ୍ତି ତା ବିରୁଦ୍ଦତ ଇଦା° ଲେକା ଆଜି ମାଚାଡ଼, “ଜିହୁଦିର୍ ରାଜା ।”
- ୨୭ ଆରେ, ହେୱାନ୍ତି ବୁଜଣି ପାଡ଼କା ରକାନ ଆରି ତେବି ପାଡ଼କା ରକାନି°, ଏଲେଙ୍ଗ ରିକାର ଚର୍କୁକା° ହେୱାର ଜିସୁ ହୁକେ କୁସ୍ ତାକେ ତୁପତାର ।
- ୨୮ ହେବେ ଦରମ ସାସ୍ତର୍ ଇ କାତା ପୁରାଆତାଡ଼, ହେୱାନ ଚର୍କୁ ହୁକେ ସମାନ ଆତାନ ।
- ୨୯ \*ହେ ହାଜି ହିଜି ହାଲଜିମାନି ଲକୁ ଜାର ଜାର କାପଡ଼ା ଜଲ୍ଲାୟ କିଜି ହେୱାନି° ନିନ୍ଦା କିଦେଙ୍ଗ ଲାଗାତାର, ଆରେ ର ମନ୍ଦିର୍ ତ୍ରିକ୍ତି ଲଗୁ ଆରି ତିନି ଦିନ୍ତା° ଆରେ ରଚ୍ଚନାକାୟ !”
- ୩୦ କୁସ୍ତା° ଜୁଦା ଜାରତି° ରାକ୍ୟା କିୟା ।
- ୩୧ ମୁଡ଼ ମାପୁହେବାକିନାକାର ପା ହେ ଲାକେ ସାସ୍ତର୍ ହୁକେ ହେୱାର ହେୱାର ବିତ୍ରେ ହେୱାନି° ଗୁଲଜି ଇଞ୍ଜେଙ୍ଗ ଲାଗାତାର, “ହେୱାନ ବିନ୍ଲୁଗା° ରାକ୍ୟାକିତାନ ଜାରତି° ରାକ୍ୟା କିଦେଙ୍ଗ ଆତୁନା !
- ୩୨ ଏନ୍ ଜଦି ହାଡ଼ପା ଇସ୍ରାଏଲ୍ ନି ରାଜା କ୍ରିସ୍ଟ ବେଗି କୁସ୍ ତାଙ୍ଗ ଜୁଜି ୱାୟେନ୍, ଇନେସ୍କି ହେଦା° ହୁଡ଼ଜି ଆପେ° ପାଡ଼ କିନାପ । ଆରେ ଇନେର୍ ତା ହୁକେ କୁସ୍ତ ତୁପୟା ଆଜି ମାଚାର, ହେୱାର ପା ତାଙ୍ଗେଙ୍ଗ ନିନ୍ଦାକିଦେ° ଲାଗାତାର !”

ଜିସୁତି ହାକି  
(ମାତିଉ ୨୭:୪୫-୫୭; ଲୁକ ୨୩:୪୪-୪୯; ଜହନ୍ ୧୯:୨୮-୩୦)

- ୩୩ ବାର ଗଣ୍ଡା ୱେଡ଼ାଲି° ଦେସ୍ ଜାକ୍ ମାଜଗା ଆଜି ତିନି ଗଣ୍ଡା ପାତେକ୍ ମାଚାଡ଼ ।
- ୩୪ ତିନି ଗଣ୍ଡା ୱେଡ଼ାଲି° ଜିସୁ ଗାଜାକାଟ୍ତା° କୁକଟି ଇଚାନ, “ଏଲି, ଏଲି, ଲାମା ସାବାକ୍ତାନି ?” ଇତିସ୍ “ଏ ନା ଇସ୍ବର୍, ଏ ନା ଇସ୍ବର୍, ଏନ୍ ନାଙ୍ଗେଙ୍ଗ ଇନାକିଦେ° ପିସ୍ତାତାୟ ?”
- ୩୫ ଇଦା° ୱେନ୍ତୁଞ୍ଜି ଲାଗା° ନିଲ୍ଡି ମାନାୟାର ବିତ୍ରେ ଇନେର୍ ଇନେର୍ ଇଚାର, ହୁଡ଼ାଟ୍, “ହେୱାନ ଏଲିୟଙ୍ଗ୍ କୁକ୍ନାନା !”
- ୩୬ ଆରେ, ରକାନ ହନ୍ତିହାଲଜି ର ରୁଆ ତ କେନିରାସ୍ ବାଟି କିଜି ହେଦା° ର ନାଡ଼ାତ କିଜି ହେୱାନି° ଉଣ୍ଡେଙ୍ଗ୍ ହିଜି ଇଚାନ, “ମାନାଟ୍, ଏଲିୟ ଇୱାନି° ଜୁଡ଼ତେ° ୱାନାନା କି ଆକାୟ, ହୁଡ଼ନାସ୍ !”
- ୩୭ ମାତର୍ ଜିସୁ ଗାଜାକାଟ୍ କିଜି ପାରାଣ୍ ପିସ୍ତାନ ।
- ୩୮ ଆରେ, ମନ୍ଦିର୍ନି ପୁଇପୁୟା ବାହାତ ଟଣ୍ଡି ହେୟା ଜପିତା° ତାରେନ୍ ପାତେକ୍ ରି ପାଡ଼ା ଆଜି କେନ୍ତାଡ଼ ।

☆ ୧୫:୨୧ ରମିୟ ୧୭:୧୩. ☆ ୧୫:୨୯ ମାର୍କ ୧୪:୫୮; ଜହନ୍ ୨:୧୯.

୩୯ ହେୱାର୍ ମୁମ୍ବ ନିଲ୍‌ଚିମାତି ପାଞ୍ଚକଡ଼ି ମେଲ୍ୟାର୍ ଆଦିକାରି ହେୱାନ୍ତି ପାରାଣ୍ ପିହ୍ନାକା ହୁଡ଼୍‌ଜି ଇଚାର୍,\*  
“ହାଡ଼ପାନେ, ଇଞ୍ଜାନ୍ ରକାନ୍ ଇସ୍‌ବର୍ ମାଜି !” ମାଚାନ୍ ।

୪୦ ☆କେତେକ ଜାଣ କଗଲେହିମ୍‌ଣାଂ ପା ଦେହାତାଂ ହୁଡ଼୍‌ଜି ମାଚିକ୍; ହେୱେକ୍ ବିତ୍ରେ ମଗ୍‌ଦଲିନି ମରିୟମ୍, ହାରୁ  
ଜାକୁବ୍ ଆରି ଜସି ତେହି ମରିୟମ୍, ଆରେ ସଲମି ମାଚିକ୍;

୪୧ ହେୱାନ୍ ଗାଲିଲିତ ମାନି ୱେଡ଼ାଲିଂ ହେୱେକ୍ ତା ପାଚେ ପାଚେ ହାଲ୍‌ଜି ହେୱାନିଂ ହେବା କିଜି ମାଚିକ୍, ହେୱେକ୍  
ହୁକେ ଜିରୁସାଲମ୍‌ତ ୱାଜିମାନି କଗଲେକ୍ ପା ହୁଡ଼୍‌ଜି ମାଚିକ୍ ।

**ଜିସୁତି ଦୁଗେର୍**

(ମାତିଉ ୨୭:୫୭-୬୧; ଲୁକ ୨୩:୫୦-୫୬; ଜହନ୍ ୧୯:୩୮-୪୨)

୪୨ ୱେଡ଼ା ଆତିଲେ, ହେ ଦିନ୍ ଜୁତିପାତି କିନି ଦିନ୍, ଇଚିସ୍ ଜମ୍‌ନିବାର୍ ଆଗେନି ଦିନ୍ ମାଚିଲେ,

୪୩ ହାରାମାତିୟାର୍‌ନି ଜସେପ୍ ତରୁନି ଜିହୁଦି ଗାଜା ସବାନି ରକାନ୍ ମାଜାନ୍ ମେମର୍, ଇନେନ୍ ନିଜେପା ଇସ୍‌ବର୍‌ତି  
ରାଜିତିଂ କାସି ମାଚାନ୍, ହେୱାନ୍ ସାସତାଙ୍ଗ୍ ପିଲାତ ତାକେ ହାଲ୍‌ଜି ଜିସୁତି ଗାଗାଡ଼୍‌ଏନ୍ତାନ୍ ।

୪୪ ମାତର୍ ଜେ ହାତାନେ ଇଦାଂ ୱେନ୍‌ଞ୍ଜି ପିଲାତ କାବା ଆତାନ୍, ଆରି ପାଞ୍ଚ କଡ଼ିନି ମେଲ୍ୟାର୍ ଆଦିକାରିଂ ଲାଗେ କୁକି  
କିଜି ହେୱାନିଂ ୱେନ୍‌ବାତାନ୍, ହେୱାନ୍ ଇନାକା ବେସିଗାଡ଼ି ହାଜି ଆତାତେ ?

୪୫ ପାଞ୍ଚ କଡ଼ିନି ମେଲ୍ୟାର୍ ଆଦିକାର୍ ତାଙ୍ଗ୍ ପୁନ୍‌ଞ୍ଜି ଜିସୁ ଗାଗାଡ଼ିଂ ଜସେପ୍‌ତିଂ ହିତାନ୍ ।

୪୬ ହେୱାନ୍ ରଞ୍ଜାଙ୍ଗ୍ କଞ୍ଜାଣ୍ ହେୟା କଡ଼ି ତାଙ୍ଗେଙ୍ଗ୍ ଜୁଡ଼ି ତାସି ହେବେ ହେୱାନିଂ ହୁର୍ପାତାନ୍ ଆରି କାଲ୍ ରେଟି  
ମାଡ଼ିତ କାର୍‌ତି ର ଦୁଗେର୍‌ତ ହେୱାନିଂ ଇଡ଼୍‌ଜି ଦୁଗେର୍‌ନି ଦୁ଱େର୍‌ତ ଗାଜା କାଲ୍ ଗୁଡ଼ତାର୍ ।

୪୭ ହେୱାନିଂ ଇମ୍‌ଣି ବାହାତ ଇଡ଼ିତାର୍‌ନା, ହେଦାଂ ମଗ୍‌ଦଲିନି ମରିୟମ୍ ଆରି ଜସି ତେହି ମରିୟମ୍ ହୁଡ଼୍‌ଜି ମାଚିକ୍ ।



**ଜିସୁତି ଆରେ ନିଙ୍ଗ୍‌ନାକା**

(ମାତିଉ ୨୮:୧-୮; ଲୁକ ୨୪:୧-୧୨; ଜହନ୍ ୨୦:୧-୧୦)

୧ ଜମ୍‌ନିବାର୍ ହାତିପାଚେ ମଗ୍‌ଦଲିନି ମରିୟମ୍ ଜାକୁବ୍ ତେହି ମରିୟମ୍ ଆରି ସଲମି ବାସନା ଚିକାଣ୍ କଡ଼ିକ୍,  
ଇନେସ୍‌କି ହେୱାନିଂ ହାଲ୍‌ଜି ଉଚି କିଦେଙ୍ଗ୍ ଆଡ଼ନିକ୍ ।

୨ ଆରେ, ରଇବାର୍ ନାଜିଂ ଉଟ୍‌ଲା ହାକାଡ଼େ ହେୱେକ୍ ଦୁଗେର୍‌ତ ହାଚିକ୍, ହେପାଦ୍‌ନା ୱେଡ଼ା ହସି ମାଚାଡ଼ ।

୩ ହେୱେକ୍ ହେୱେକ୍ ବିତ୍ରେ ବେଣ୍ ବେଣ୍ କିବିସ୍ ମାଚିକ୍, ଇନେର୍ ମା କାଜିଂ ଦୁଗେର୍‌ନି ଦୁ଱େର୍ କାଲ୍ ଗୁଡ଼ତି ହିଦ୍‌ନାର୍ ?  
ଇନାକିଦେଂକି ହେଦାଂ ବେସି ଗାଜା କାଲ୍ ମାଚାଡ଼ ।

୪ ଇ ଲାକେ ୱେଡ଼ାଲିଂ ହେୱେକ୍ ଏରି କିଜି ହୁଡ଼ିକ୍ ଜେ, କାଲ୍ ଗୁଡ଼ତାକା ।

୫ ହେୱେକ୍ ଦୁଗେର୍ ବିତ୍ରେ ହଣ୍‌ଜି ଡ଼ିଞ୍ଜିନି ଆଙ୍ଗି ଉସ୍‌ପାତାକାନିଂ ର ଦାଙ୍ଗ୍‌ଶାହିମ୍‌ଣା ବୁଜ୍‌ଣିବାଗାଂ କୁର୍‌ଚାକା ହୁଡ଼୍‌ଜି  
ବେସିକାବା ଆତିକ୍ ।

୬ “ହେବେ ହେୱାନ୍ ହେୱାକାଂ ଇଚାନ୍,” କାବା ଆମାଟ୍, ଏପେଙ୍ଗ୍ କୁସ୍‌ତ ହାତି ନାଜରିତୟନି ଜିସୁଙ୍ଗ୍ ତେକ୍‌ନାଦେରା;  
ହେୱାନ୍ ନିଙ୍ଗ୍‌ତାନ୍ନା, ହେୱାନ୍ ଇବେ ହିଲୁନ୍, ହୁଡ଼ାଟ୍, ଇ ବାହାତ ହେୱାର୍ ହେୱାନିଂ ଇଡ଼୍‌ଜି ମାଚାଡ଼ ।

୭ ମାତର୍ ଏପେଙ୍ଗ୍ ହାଲ୍‌ଜି ହେୱାନ୍ ଚେଲାରିଂ ଆରି ପିତର୍‌ତିଂ ବଲ୍ ହିତାନ୍, ଜିସୁ ମି ଆଗେ ଗାଲିଲିତ ହାଚାନ୍‌ନା;  
ହେୱାନ୍ ମିଙ୍ଗେଙ୍ଗ୍ ଇନେସ୍ ଇଞ୍ଜି ମାନ୍‌ସାନ୍, ହେ ଲାକେ ଏପେଙ୍ଗ୍ ହେବେ ହେୱାନିଂ ହୁଡ଼୍‌ନାଦେର୍ ।

୮ ହେବେଣ୍ଡାଂ ହେୱେକ୍ ହାଡ଼ପା ହୁଡ଼୍‌ଜି ଦୁଗେର୍ ତାଙ୍ଗ୍ ହସି ହକ୍‌ଜିକ୍, ଇନେସ୍ ଲାକେ କି ହେୱେକ୍ ପାଡୁତିଙ୍ଗ୍ ତ୍ରିଗ୍‌ଜି  
ମାଚିକ୍ ଆରି କାବା ଆଜି ମାଚିକ୍, ଆରେ ଇନେରିଂ ଇନାକା ଇନ୍‌ଞ୍ଜିକ୍, ଇନେକିଦେଂକି ହେୱେକ୍ ପାଣ୍ଡା ଆଜି ମାଚିକ୍ ।

**ଜିସୁ ବେସି ଲଗାଂ ଚଞ୍ଜିଆ ଆତାନ୍**

(ମାତିଉ ୨୮:୯-୧୦; ଜହନ୍ ୨୦:୧୧-୧୮)

୯ ସାଡ଼ ଦିନ୍‌ନି ପର୍ତୁମ୍ ରଇବାର୍ ନାଜିଂ ଉଟ୍‌ଲା ହାକାଡ଼େ ଜିସୁ ନିଙ୍ଗ୍‌ଜି, ଇନେର୍‌ତାଂ ସାଡ଼ ପୁଦାଂ ପିହି କିଜି ମାଚାନ୍, ହେ  
ମଗ୍‌ଦଲିନି ମରିୟମ୍‌ତିଂ ପର୍ତୁମ୍ ଚଞ୍ଜିୟା ଆତାନ୍ ।

୧୦ ହେଦେଲ୍ ହାଲ୍‌ଜି, ଇନେର୍‌କି ତା ହାଙ୍ଗ୍ ଆସି ମାଚିକ୍, ହେୱେକାଂ କାରୁର୍ ହିତାଡ଼, ହେୱେକ୍ ଦୁକ୍ ଆରି ଆଡ଼୍‌ବିସ୍  
ମାଚିକ୍ ।

୧୧ ହେୱାନ୍ ଜିରୁନ୍ ମାନାନ୍ ଆରି ହେଦେଲିଂ ଚଞ୍ଜିୟାଆତାନ୍ନା, ଇଦାଂ ୱେନ୍‌ଞ୍ଜି ହେୱାର୍ ପାଚିଂ କିଞ୍ଜାତାର୍ ।

\* ୧୫:୩୯ ହାଜି ମାଚାନ୍ କେତେକ ପତିତ ଗାଜା କାଟାଂ ଚେରା ଆଜି ମାଚାନ୍ ଆରି ହାଜି ମାଚାନ୍ ମାନାଡ଼ । ☆ ୧୫:୪୦ ଲୁକ ୮:୨୩.

ଜିସୁ ରିୟାର ଚେଲାରିଂ ଚଞ୍ଚୟାତାନ୍  
(ଲୁକ ୨୪:୧୩-୩୫)

୧୨ ଇ ସବୁ ଗଟଣା ପାଚେ ହେୱାର ବିତ୍ରେ ରିକାର ର ନାସତ ହାଲ୍‌ଜିମାନି ୱେଡାଲିଂ ହେୱାନ୍ ଆରି ବିନ୍‌ମୁତ୍ ତ ହେୱାରିଂ ଚଞ୍ଚୟା ଆତାନ୍,

୧୩ ଆରେ ହେୱେକ୍ ହାଲ୍‌ଜି ବିନ୍‌ଲୁଗାଂ କାରୁର୍ ହିତିକ୍, ମାତର୍ ହେୱେକ୍ କାତା ପା ପାତ୍ କିୱାତାର୍ ।

ଏଗାର ଜାଣ୍ ହୁକେ ଜିସୁତି କାତାବାର୍ତ୍ତା  
(ମାତିଉ ୨୮:୧୭-୨୦; ଲୁକ ୨୪:୩୬-୪୯; ଜହନ୍ ୨୦:୧୯-୨୩; ପକ୍ୟାତାକା ୧:୬-୮)

୧୪ ଇଦାଂ ପାଚେ ଏଗାର ଜାଣ୍ ଚେଲାର୍ ଚିଞ୍ଚେକ୍ କୁର୍ଚି ୱେଡାଲିଂ ଜିସୁ ହେୱାରିଂ ଚଞ୍ଚୟା ଆତାନ୍ ଆରି ହେୱାର୍ତି ପାତ୍ କିୱାକା ଆରି ମାନ୍ ଆର୍‌ୱା କାଜିଂ ହେୱାରିଂ ଲେଡତାନ୍, ମାତର୍ ଇନେର୍ ହେୱାନିଂ ଆରି ନିଙ୍ଗନାକା ହୁଡ୍‌ଜି ମାଚାର୍, ହେୱାର୍ କାତା ୱିଜାକାର୍ ପାତ୍ କିୱାଦାଂ ମାଚାର୍ ।

୧୫ ଆରେ, “ଜିସୁ ହେୱାରିଂ ଇଚାନ୍, ଏପେକ୍ ୱିଜୁ ପୁତ୍ ହାଲ୍‌ଜି ସବୁ ନାର୍ ଜାତି ତାକେ ନେକ୍ରିକାରୁର୍ ସୁଣାୟ୍ କିୟାର୍ ।

୧୬ ଇନେର୍ ପାତ୍ କିଜି ବାପ୍ତିସିମ୍ ଅତିସ୍ ହେୱାନ୍ ରାକ୍ୟା ପାୟା ଆନାନ୍; ଆରେ ଇନେର୍ ପାତ୍ କିଉର୍, ହେୱାର୍ ଦାଣ୍ ପାୟା ଆନାର୍ ।

୧୭ ଆରେ, ପାତ୍ କିନାକାର୍ତି ଇ ସବୁ ଚିନ୍ ପାୟା ଆନାନ୍, ହେୱାର୍ ନା ତର୍ଦ ପୁଦାଂ ପିହିକିନାର୍, ପୁନି ପୁନି ବେରଣ୍ଡତ କାତା ଇନାର୍,

୧୮ କେଇଦ ରାର୍ ଆହ୍‌ନାର୍, ଆରେ ପାରାଣ୍‌ନାସ୍ ଅହ୍ ଉଚିସ୍ ହେୱାର୍ତି ଇନାକା ନସ୍ ଆଉଡ୍, ହେୱାର୍ ବେମାରିର୍ ଜପି କେଇ ଇଚ୍ତିସ୍ ହେୱାର୍ ଉଜ୍ ଆନାର୍ ।”

ଜିସୁତି ସାଗେଁ ହାଚାନ୍  
(ଲୁକ ୨୪:୫୦-୫୩; ପକ୍ୟାତାକା ୧:୯-୧୧)

୧୯ ଇ ଲାକେ ମାପୁ ଜିସୁ ହେୱାରିଂ କାତା ଇତି ପାଚେ ସାଗେଁ ତାକେ ଅୟା ଆଜି ଇସ୍ପରତି ବୁଜ୍‌ଣି କଚଣ୍ଡତ କୁର୍ଚାନ୍ ।

୨୦ ମାତର୍ ହେୱାର୍ ହାଲ୍‌ଜି ୱିଜୁ ତାକେ ପରଚାର୍ କିତାର୍, ଆରି ମାପୁ ହେୱାରିଂ ହାଙ୍ଗଦାଂ ଅସି ଚିନ୍‌କୁତାଂ ହେ କାତା ପାର୍ମାଣ୍ ସିଗ୍ କିତାନ୍ ।



## ଲୁକ ଲିଖିତ ସୁସମାଚାର ଲୁକ ଲେକିକିତି ନେକ୍ରିକାବୁର୍ ଲୁକ ପତି ବିସ୍ତେ ପାଦେକ୍

ଲୁକ ଲେକିକିତି ନେକ୍ରିକାବୁର୍ ଆତାଡ, ଜିସୁ କ୍ରିସ୍ତ ଜିବୁନ୍ ବିସ୍ତେ ଇଞ୍ଜି ମାନି ପୁନି ମେରା ଚାରିଗଟା ପତିଙ୍ଗ ବିତ୍ତେ ରଞ୍ଜାଙ୍ଗ । ହେଝାଙ୍ଗ ବିତ୍ତେ ଓକ୍ରିକାଙ୍ଗ “ନେକ୍ରିକାବୁର୍” ଇନାର, ଇମ୍‌ଣାକା ଅରଡ “ନେକ୍ରିକାବୁର୍” ହେଝାଙ୍ଗ ଜିସୁ ହାତି ପାଚେ, ମାତିଉ, ମାର୍କ, ଲୁକ ଆରି ଜହନ୍ ତାଙ୍ଗ ଲେକାଆତାଡନା । ଲୁକ ଜିସୁତି ଜିବୁନ୍ ଗଟ୍‌ଣା ଲେକା ଲାହାଙ୍ଗ, ଜିସୁତି ହାକି ଆରି ଜିତି ପାଚେ ଜିସୁ ଚେଲାହିର୍ ଇମ୍‌ଣି ବିସ୍ତେ ସବୁ କିତାର, ହେଦା° ପା ଲେକି କିତାଣ୍ଟା ହେ ପତିତି° ପକ୍ୟା ଆତାକାର କାମାୟନି ବିସ୍ତେ ଇଞ୍ଜି ଇନ୍‌ୟା ଆନାଡ । ଲୁକ ପତି ଏଚେକାଡ୍‌ଦ ଆରି ଇମେତାକେ ଲେକା ଆତାଡନା, ହେ ବିସ୍ତେ ହାଡ୍‌ପା ଇନେର୍ ପା ପୁନ୍‌ର ମତର୍ ବେସି ଜାଣ୍ ପଣ୍ଡିତାର ରାଜି ଆନାର ଜେ, ଇଦା° ହାଡ୍‌ପା ଆତିସ୍ ଜିସୁ କ୍ରିସ୍ତ ଜିଲମ୍ ସବୁରି ବାହୁଁ ପାଚେ ଲେକା ଆତାଡନା ।

ଲେକିକିତାକାନ୍ ଆତାନ୍ ଲୁକ, ଇନେନ୍‌କି ରଞ୍ଜାନ୍ ଡାକ୍ତର୍ ମାଚାନ୍ । ତା ଲେକା ବାନି ଆରି ବାସା ଚିନ୍ତା ଚଟ୍‌ଚାନାଡ୍ ଜେ, ହିକାଆତି ମାନାୟ ମାଚାନ୍ । ଜିସୁତି ଜିବୁନ୍‌ନି ଗଟ୍‌ଣା° ଗିଟା ଆତାକା କାରୁମ୍ ଲାକେ, ଲେକି କିଜି ସଡ୍, ବାନି କିଦେଙ୍ଗ ବାବିକିନାନ୍, ଇନେନ୍‌କି ବିନେନିକାର ହେଦା° ପତି କିଜି ଉପକାର ପାୟା ଆନାର ୧:୧-୩ । ହେଝାନ୍ ରଞ୍ଜାନ୍ ଜିହୁଦି ହିଲ୍‌ଝାତାନ୍ କଲ୍‌ସି ୪:୧୦-୧୪ ଆରି ହେଝାନ୍ ଇ ଲାକେ ବାବ୍ତେ ଲେକିକିତାନ୍ । ବିନ୍‌ଜାତି ଜିହୁଦିର୍ ବୁଜାଆଦେ° ଆଡ୍‌ନାର । ହେ ଜିହୁଦି ରିତି ଓକ୍ରି ବାନି କିନିହିଙ୍ଗ ଇଦା° ଆସେଙ୍ଗ ସାଡ୍ ହୁଡ୍‌ଦେ° ଆଡ୍‌ନାସ୍ୱ:୮ ।

ଲୁକ ଲେକିକିତି ନେକ୍ରିକାବୁର୍, ମାତିଉ ଆରି ମାର୍କ ପତି ଲାହାଙ୍ଗ ସମାନ୍ ଆନାଡ, ଇନାକିଦେ°କି ହେଝାର୍ ସମାନ୍ ବିସ୍ତେ ଆରି ସମାନ୍ ବାବ୍ତେ ହପ୍‌ନାର । ତିନିଗଟା ପତି ବିତ୍ତେତା° ଲୁକ ବାପ୍ରିସିମ୍ ହିନି ଜହନ୍ତି ଜଲମ୍ ବିସ୍ତେ ଆଦିକ୍ ବିସ୍ତେ ବାବି କିତାର । ଆରି ଲୁକ ପାର୍ତାନା ଜପି ଆଦିକ୍ କିତାର ୩:୨୧, ୫:୧୭, ୬:୧୨, ୧୧:୧-୧୨; ୨୨:୩୨ ଆରି ହେଝାନ୍ କେମା ଜପି ପା ଆଦିକ୍ କିତାର ୩:୩, ୧୧:୪, ୧୭:୩-୪, ୨୩:୩୪; ୨୪:୪୭ ।

### ପତି ବିସ୍ତେନି ରାହାଣ

- ୧. ଲୁକ ଲେକିକିତି ନେକ୍ରିକାବୁର୍ ବିସ୍ତେ ଆରି ଲେକାନି ବାନି କିତାର ୧:୧-୪
- ୨. ଜିସୁତି ଜଲମ୍ ଆରି ହେଝାନ୍ ଇନେନ୍‌ସ୍ ହେବାକାମାୟ କାଜି° ଜାଲ୍‌ଦି ଆତାର ୧:୫-୨:୫୨
- ୩. ଜିସୁତି କାମାୟ ହାଣ୍‌କୁ, ଆଦିକ୍ ବାବ୍ତେ ହେଝାନ୍ ଏଚାକା କାବାଆନି କାମାୟ ଆରି ତା ହିକ୍ୟା ବିସ୍ତେ ଇନାର ୩:୧-୨୦ ଇଦା° ଆନାତା ନେକ୍ରି କାବୁର୍‌ନି ଗାଜା ବାଗ୍ ।
- ୪. ହାରିହାରା ରିଣ୍ଡି ବିତ୍ତେ, ଜିସୁ ଇନେନ୍‌ସ୍ ହାତାନ୍ ମୁଚ୍ୟାଆତାନ୍ ଆରି ହାତାକାର ବିତ୍ତେ ଜିତାନ୍ । ପତି ବିତ୍ତେ ଲେକାମାନାଡ୍ ୨୨:୨୪

### ଜିସୁତି ଜିବୁନ୍ ବିସ୍ତେ ଲୁକ ଲେକିକିତାକା

- ୧ ଏ ତିଓପିଲସ୍, ଇମ୍‌ଣାକାର ମା ବିତ୍ତେ କିଜି ମାତି ଗଟ୍‌ଣା° ଓକ୍ରି ବେସି ବିସ୍ତେ ରିତି ହୁକେ ଲେକିକିଦେ° ମାନ୍ କିତାର,
- ୨ ଆରମ୍‌ତା° ଇ ସବୁ ଗଟ୍‌ନା ହୁଡ୍‌ଜି ମାନି ମାନାୟାର ଇନେନ୍‌ସ୍ ହାଦ୍ ନେକ୍ରିକାବୁର୍ ସୁଣାୟକିନି ହେବାକାରୟା ଆଡ,
- ହେ ଇସାବ୍ତେ ବାକି ବିସ୍ତେନିକି° ଲେକାତାଡ୍‌ନା ।
- ୩ ଲାଗି°, ହେ ମାନିନି ତିୟପିଲ୍, ଆରମ୍‌ତା° ଓକ୍ରି ବିସ୍ତେ ସମାନ୍ ବାବ୍ତେ ଦାସ୍ତି ହେବେନି ଆରମ୍‌ତା° ହାରିହାରାନି କାତା ମି କାଜି° ଲେକିକିଦେ° ଆନ୍ ପା ମାନେ କିତା°,
- ୪ ଇନେନ୍‌ସ୍‌କି ଏନ୍ ଇମ୍‌ଣି ଓକ୍ରି ହିକ୍ୟା ପାୟା ଆତାୟନା, ହେ ସବୁ ବିସ୍ତେ ବୁଦି ଆର୍ଜା ଆନାୟ,

### ବାପ୍ରିସିମ୍ ହିନି ଜହନ୍ତି ଜଲମ୍

- ୫ ଜିହୁଦା ଦେସ୍‌ନି ରାଜା ହେରଦ୍‌ତି ଖାଡାଙ୍ଗ “ଅବିୟତି ମାପୁହେବାକିନାକାନ୍ ଦଲ୍‌ନି ଜିକରିୟ ଇନି ରକାନ୍ ମାପୁହେବାକିନାକାନ୍ ମାଚାନ୍; ହେ କଗ୍‌ଲେ ହାରଣ୍ ଲାତ୍ରାନିକା ମାଚାଡ, ହେଦେଲ୍‌ତି ତର୍ ଏଲିସାବେଡ୍ ।
- ୬ ହେଝାର୍ ରିକାର ମାପୁଡି ଓକ୍ରି ବଲ୍ ଆରି ବିଦି ହୁକେ କାମାୟ କିଜି ଦସି ଆଝାଦା° ବେବାର କିଜି ଇସ୍‌ବର୍ ମୁମ୍‌ଦ ଦାମ୍ ମାଚାର ।
- ୭ ମାତର୍ ହେଝାର୍‌ତି ହିମ୍‌ଣାଝାକ୍‌ଡା ହିଲ୍‌ଝାତାର, ଇନାକିଦେ°କି ଏଲିସାବେଡ୍ ବାଞ୍ଜିଣି ମାଚାଡ, ହେଝାର୍ ଦସି ମାଚାର ତାତାକେ ହିମ୍‌ଣା ଝାକ୍‌ଡା ହିଲ୍‌ଝାତାର ହେଝାର୍ ବୟସ୍ ଆଦିକ୍ ଆଜି ମାଚାଡ ।
- ୮ ହେଝାନ୍ ହେ କୁଦାନି ପାଲିହୁକେ ଇସ୍‌ବର୍ ଲାଗା° ମନ୍‌ରଡ୍ ମାପୁଡି ମାପୁହେବାକିନାକାନ୍ କାମାୟ କିନି ଝେଡାଲି°,

୯ ମାପୁହେବାକିନାକାନ୍ କାମାୟନି ରିତି ହୁକେ ଦରମଗୁଲି ହୁଦାଂ ତା ମାପୁ ମନ୍ଦିରତ ହଣ୍ଡିପା ଦୁପ୍ପନି ହିଦେଂ ପଡ଼ାତାଡ଼,  
 ୧୦ ଆରେ ଦୁପ୍ପନି ହିନି ଖେଡ଼ାଲିଂ ଓଜାକାର ବାଡ଼ ମାନଞ୍ଜି ପାର୍ତନା କିଜି ମାଚାର ।  
 ୧୧ ହେ ଖେଡ଼ାଲିଂ ମାପୁତି ର ଦୁଡ଼ ଦୁପ୍ପନି ଗାରଣିନି ତିନି ପାଡ଼କାତ ନିଲ୍ଲିଟି ହେଖାନିଂ ଚଞ୍ଜ୍ୟା ଆତାଡ଼ ।  
 ୧୨ ଜିକରିୟ ହେଖାନିଂ ହୁଡ଼ଜି କାବା ଆତାନ୍ ଆରି ପାଣ୍ଡା ଆତାନ୍ ।”  
 ୧୩ ମାତର ଦୁଡ଼ ହେଖାନିଂ ଇଚାଡ଼, “ଜିକରିୟ, ପାଣ୍ଡା ଆମା, ଇନାକିଦେଂକି ନି ପାର୍ତନା କିନାକା ଖେଚାପ୍ପା, ଆରି ନି କଗ୍ଲେ ଏଲିସାବେଡ଼ ମି କାଜିଂ ର କାଡ଼ଦେ ଗାଟାଆନାଡ଼, ଆରେ ଏପେଙ୍ଗ ହେ ତର ଜହନ୍ ହିନାଦେର ।  
 ୧୪ ହେଖାନ୍ ମି ଖାରି ଆରି ଉପାସ୍ ଆନାନ୍, ଆରେ ଆଦିକ୍ ମାନାୟ୍ ତା ଜଲମତ କିତିତାକେ ଖାରି କିଚାର ।  
 ୧୫ ଲାଗିଂ ହେଖାନ୍ ମାପୁତି ଲାଗେ ଗାଜା ଆନାନ୍; ହେଖାନ୍ ଅଙ୍ଗୁର ରାସ୍ କି କାଲିଂ ଇନାଖାଡ଼ାଂପା ଉଣୁନ୍, ଆରେ ଆୟା ପଟତାଂ ପୁଇପୁୟା ଜିବୁନ୍ତ ପୁରା ଆନାନ୍,  
 ୧୬ ଆରେ ହେଖାନ୍ ଇସ୍ରାଏଲ୍ ହିମ୍ପାଖାକ୍ତାକାଂ ପା ଆଦେକ୍ତିଂ ମାପୁ ହେଖାରିଂ ଇସ୍ପର ନିପ ଲେଉଟାୟ୍ କିନାନ୍ ।  
 ୧୭ ଆବାରତି ମାନ୍ ହିମ୍ପାଂ କାଜିଂ ଆରି ଅରୁଜା ଲାଗାଂ ଦାମ୍ ଲାଗାଂ ଗିଆନ୍ତାଂ ବେବାର କିନି କାଜିଂ ତାହିଖାଦେଂ ଆରି ମାପୁ କାଜିଂ ଜାଲ୍ଦିନି ର ଲକୁ ମଣ୍ଡଲି ଜାଲ୍ଦିନି କିଦେଙ୍ଗ ହେଖାନ୍ ଏଲିୟଙ୍ଗ ଜିବୁନ୍ ଆରି ସାକ୍ତିତାଂ ହେଖାନ୍ ଆଗେ ହାନାନ୍ ।”  
 ୧୮ ଇବେଣ୍ଡାଂ ଜିକରିୟ ଦୁଡ଼ତିଂ ଇଚାନ୍, “ଆନ୍ ଇମ୍ପାଣି ତିନ୍ ଲାହାଙ୍ଗ୍ ଇଦାଂ ପୁନାଙ୍ଗ୍ ? ଇନାକିଦେଂକି ଆନ୍ତ ରୁଡ଼ହି, ଆରେ ନା ଖାଣିପା ଜବର୍ ବାହୁଁ ଆତାତେ ।”  
 ୧୯ “ଦୁଡ଼ ହେଖାନିଂ ଉତର ହିତାନ୍, ଆନ୍ ଗାବ୍ରିଏଲ୍, ଇମ୍ପାଣି ଇସ୍ପର ମିଙ୍ଗେଙ୍ଗ୍ ଇ ନେକ୍ରିକାରୁର୍ ଖେଚ୍ଚିନି କାଜିଂ ନାଙ୍ଗ୍ ପକ୍ୟାତାଂନା, ଆନ୍ ତା ମୁମ୍ପଦ ନିଲ୍ଲିଟି ମାନାଙ୍ଗ୍ ।  
 ୨୦ ହୁଡ଼ାଟ୍, ଇ ଓଜୁ ଗିଟାଓଡିନ୍ ପାତେକ୍ ଏପେଙ୍ଗ୍ ଗୁଲା ଲାକେ ବେଣ୍ଡକିଦେଂ ଆଡୁଦେର, ଇନାକିଦେଂକି ନାଦାଂ ସବୁ ବଚନ୍ ସମାନ୍ ସମୁତ ପୁରା ଆନାଡ଼, ହେ ଓଜୁ ଏପେଙ୍ଗ୍ ପାତିଂ କିଖାତାଦେର ।”  
 ୨୧ ଇବେତାଂ ମାନାୟାର ଜିକରିୟଙ୍ଗ୍ କାସି ମାଚାର, ଆରେ ମନ୍ଦିରତ ହେଖାନ୍ତି ମାଲା ଆତିଲେ ହେଖାର କାବା ଆଜି ମାଚାର ।  
 ୨୨ ମାତର ହେଖାନ୍ ହସି ଖାଜି ହେଖାରିଂ ବେଣ୍ଡ ଇଞ୍ଜେଙ୍ଗ୍ ଆଡ଼ଖାତାନ୍; ଇବେଣ୍ଡାଂ ହେଖାନ୍ ମନ୍ଦିରତ ଚଞ୍ଜୟା ଆତାନ୍ନା ଇଞ୍ଜି ହେଖାର ବୁଜାଆତାର, ଆରେ ହେଖାନ୍ ହେଖାରିଂ କେଇଚ୍ଚି ଇଞ୍ଜେଙ୍ଗ୍ ଲାଗାତାନ୍ ଆରି କନ୍ଦା ଆଜି ମାଚାନ୍ ।  
 ୨୩ ପାଚେ ହେ ହେବା ପାଲିନି ଦିନ୍ ସବୁ ଓସ୍ତିଲେ, ହେଖାନ୍ ନିଜାର ଇଞ୍ଜ ହାଚାନ୍ ।  
 ୨୪ ହେ ପାଚେ ହେ ଡକ୍ତୁହି ଏଲିସାବେଡ଼ ମାଞ୍ଜେଙ୍ଗ୍ ଆସ୍ତାଡ଼, ଆରେ ହେଦେଲ୍ ପାଞ୍ଜ ମାସ୍ ପାତେକ୍ ଇନେରିଂ ଖେଚ୍ଚାଦାଙ୍ଗ୍ ମାଚାଡ଼,  
 ୨୫ ତା ପାଚେ ହେଖାନ୍ ଇଚାନ୍, “ମାନାୟାର ତାକେ ନା ଲାଜ୍ ହାଚ୍ଚେଦେଂ ଇଞ୍ଜି ମାପୁ ଦୟା କିଜି ନା କାଜିଂ ଏଲେଙ୍ଗ୍ କିଡ଼ତାନ୍ନା ।”

**ଜିସୁ କ୍ରିଷ୍ଟି ଜଲମ୍ ବିସ୍ତେ ସୁଣାୟକିନାକା**

୨୬ ଚଅ ମାସ୍ ପାଚେ ଗାବ୍ରିଏଲ୍ ଦୁଡ଼ ଇସ୍ପର ମାପୁ ଲାଗାଂ ଗାଲିଲିନି ନାଜରିତ୍ତୟ୍ ତରଦି ଗାଡ଼ଦ ର ଗାଡ଼ଚେ ତାକେ ପକ୍ୟା ଆତାନ୍;  
 ୨୭ ଦାଉଦ୍ ଲାତ୍ରାନି ଜସେପ୍ ତରଦାକାନ୍ ରଖାନ୍ ଆଣ୍ଡେନ୍ ଲାହାଙ୍ଗ୍ ହେଦେଲ୍ ମାଲାକିୟା ଆଜି ମାଚାଡ଼; ହେ ଜିପଲି ତର ମରିୟମ୍;  
 ୨୮ ହେଖାନ୍ ଇଞ୍ଜ ହଣ୍ଡି ହେ ଲାଗେ ଖାଜି ଇଚାନ୍, “ଆଗ ଦୟା ପାୟାଆତାକାୟ୍, ନିନ୍ଦାଂ ହାର୍ ଆଏଡ଼, ମାପୁ ନି ହୁଦାଂ ମାନାନ୍ ।”  
 ୨୯ ମାତର ହେଦେଲ୍ ଇ ବଚନ୍ତ କାବା ଆଜି ଇଦାଂ ଇନେସ୍ ବେରଣ୍ ଇଞ୍ଜି ମାନ୍ତ ବାବିକିଦେଂ ଲାଗାତାଡ଼ ।  
 ୩୦ ହେବେଣ୍ଡାଂ ଦୁଡ଼ ହେଦେଲିଂ ଇଚାଡ଼, “ଏ ମରିୟମ୍, ପାଣ୍ଡା ଆମା, ଇନାକିଦେଂକି ଏନ୍ ଇସ୍ପର ଲାଗେ ଦୟା ପାୟା ଆତାୟନା ।  
 ୩୧ ଆରି ହୁଡ଼ାଟ୍ ଏନ୍ ଏସ୍ ପିସ୍ତିପା ର କାଡ଼ଦେଂ ଗାଟାଆନାଡ଼ ଆରି ହେଖାନ୍ ତର ଜିସୁ ତର ହିନାଦେର ।  
 ୩୨ ହେଖାନ୍ ସିଗ୍ଦାକାନ୍ ଆନାନ୍ ଆରି ଇସ୍ପର ମାଜି ଇଞ୍ଜି ଡାକ୍ପୁଟା ଆନାନ୍; ମାପୁ ଇସ୍ପର ହେଖାନିଂ ତାଞ୍ଜି ଆବା ଦାଉଦ୍ତି ଗାଦି ଦାନ୍ କିଚାର,  
 ୩୩ ହେଖାନ୍ ଜାକୁବ୍ ଲାତ୍ରା ଜପି ଜୁଗ୍ ଜୁଗ୍ ରାଜି କିନାନ୍ ଆରି ହେଖାନ୍ ରାଜିତ ଓଜୁଡ଼ ।”  
 ୩୪ ମାତର ମରିୟମ୍ ଦୁଡ଼ଙ୍ଗ୍ ଇଚାଡ଼, “ଇଦାଂ ଇନେସ୍ ଆନାଡ଼ ? ଆନ୍ତ ଆଣ୍ଡେନ୍ତିଂ ପୁନୁଙ୍ଗ୍ ।”  
 ୩୫ ଦୁଡ଼ ତାଙ୍ଗେଙ୍ଗ୍ ଉତର ହିତାଡ଼, “ନେକ୍ରି ଜିବୁନ୍ ନି ଜପି ଜୁଦ୍ନାଡ଼ ଆରି ସିଗ୍ଦାକାନ୍ ଇସ୍ପତିଂ ସାକ୍ତି ନିଙ୍ଗେଙ୍ଗ୍ ଆସ୍ତାନାଡ଼, ଲାଗିଂ ଇନେର ଜଲମ୍ ଆନାନ୍, ହେଖାନ୍ ପୁଇପୁୟା ଜିବୁନ୍ ଆରି ଇସ୍ପର ମେହି ଇଞ୍ଜି ଡାକ୍ପୁଟାଆନାନ୍ ।

☆ ୧:୩୧ ମାଡିଉ ୧:୨୧.

୩୬ ଆରେ ହୁଡ଼ାଟ୍, ମି ଇଞ୍ଜି ଏଲିସାବେତ୍ ପା ବୁଡ଼ା ଝେଡ଼ାଲିଂ ର ମାଜିଂ ଗରବ୍ତ ଆସ୍ତାନନା । ଇନେର୍ ବାଞ୍ଜି ଇଞ୍ଜି ତାକ୍ପୁଟା, ନଙ୍ଗ୍ ତାଙ୍ଗେଙ୍ଗ୍ ରଥ ମାସ୍ ଆତାଡ଼ନ୍ନା;

୩୭ ଇନାକିଦେଂକି ଇସ୍ବର୍ ମାପୁ ବଚନ୍ ତାକେ ସବୁ ବିସ୍ତେ ଆଞ୍ଜାକା ଆନାଡ଼ ।”

୩୮ “ଇବେଣ୍ଟାଂ ମରିୟମ୍ ଇଚାଡ଼,” ହୁଡ଼ାଟ୍, “ଆନ୍ ମାପୁତି ଆଡ଼ିୟାଣି; ମି କାତାହୁକେ ନାଙ୍ଗେଙ୍ଗ୍ ଗିଟାଆଏଡ଼ ।” ହେଦାଂ ପାଚେ ଦୁଡ଼ତ ତା ତାକେଣ୍ଟାଂ ହାଚାଡ଼ ।

**ମରିୟମ୍ ଜିକିରିୟ ଆରି ଏଲିସାବେତ୍ ତାକେ ହାଚାନ୍**

୩୯ ଇଞ୍ଜାଡ଼ାଲିଂ ମରିୟମ୍ ନିଙ୍ଗ୍ଜି ମାଡ଼ି ରାଜି ଜିହୁଦା ଦେସ୍ନି ର ଗାଡ଼ଦ ଦାପ୍ରେ ହାଚାଡ଼,

୪୦ ଆରେ ଜିକିରିୟ ଇଞ୍ଜ ହଣ୍ଡିପା ଏଲିସାବେତ୍ତିଂ ଜୁଞ୍ଜାର୍ କିତାଡ଼ ।

୪୧ ଆରେ, ଏଲିସାବେତ୍ ମରିୟମ୍ତିଂ ଜୁଞ୍ଜାର୍ ଝେଟି ଦାପ୍ରେ ହିମ୍ଣା ତା ପଟତ ଏନ୍ୟି ନିଙ୍ଗ୍ତାନ୍, ପାଚେ ଏଲିସାବେତ୍ ପୁଇପୁୟା ଜିବୁଡ଼ ବାତ୍ ଆଜି ଇଚାଡ଼

୪୨ ବେସି ଗାଜା କାଟ୍ ଆଜି ଇଚାଡ଼, “କଗ୍ଲେ ବିତ୍ରେ ଏନ୍ ଦନ୍ୟବାଦ୍ ନି ଗରବ୍ନି ପାଡ଼୍ ।

୪୩ ଆରେ, ନା ମାପୁ ତେହି ଜେ ନା ଲାଗେ ଖାନାଡ଼, ନାଦାଂ ଇ କାରୁମ୍ ଇମେଣ୍ଟାଂ ଆତାଡ଼ ?

୪୪ ଇନାକିଦେଂକି ହୁଡ଼ାଟ୍, ନି ଇଚି ବେରଣ୍ ଝେଟିଦାପ୍ରେ ହିମ୍ଣା ନା ପଟତ ମାନି କାଡ଼ଦେ ଖାରୟା ଆଜି ଏନ୍ତାନ୍ ।

୪୫ ଇନେର୍ ପାତ୍ କିତାର୍, ହେଞ୍ଜାନ୍ ଦନ୍ୟ, ଇନାକିଦେଂକି ମାପୁତାଂ ତାଙ୍ଗେଙ୍ଗ୍ ଇନା ଇନାକା ଝେଟ୍ଚାନନା, ହେ ସବୁ କାମ୍ ଆନାଡ଼ ।”

**ମରିୟମ୍ ଇସ୍ବର୍ତିଂ ନାୟ୍ କିତାଡ଼**

୪୬ ଇବେଣ୍ଟାଂ ମରିୟମ୍ ଇଚାଡ଼,

“ନା ଖାସ୍ତି ମାପୁଙ୍ଗ୍ କେରକଣ୍ କେରନାତା,”

୪୭ ଆରେ, “ନା ଜିବୁନ୍ ନାଙ୍ଗ୍ ବାଚାୟକିଡ଼ତି ଇସ୍ବର୍ ମାପୁତାକେ ଖାରି ହଟ୍ନାତା;

୪୮ ଇନାକିଦେଂକି ହେଞ୍ଜାନ୍ ନିଜ୍ ଆଡ଼ିୟାଣି ପାତିଦିନିଦୁକ୍ କାଜିଂ ହୁଡ଼ନାର୍ ।

ଆରେ ହୁଡ଼ାଟ୍, ମୁଡ଼ଦାଂ ଝିଜ୍ନି ପାତେକ୍ ଲାତ୍ରା ଝିଜାର୍ ନାଙ୍ଗେଙ୍ଗ୍ ଦନ୍ୟ ଇଞ୍ଜି ଇଞ୍ଜନାର୍;

୪୯ ଇନାକିଦେଂକି ଗାଜା ସାକ୍ତିକାଟାକାନ୍, ହେଞ୍ଜାନ୍ ନା କାଜିଂ ଗାଜା କାମାୟ୍ କିତାନ୍ନା; ହେଞ୍ଜାନ୍ ତର୍ ପୁଇପୁୟା ।

୫୦ ଆରେ ତାଙ୍ଗେଙ୍ଗ୍ ପାଣ୍ଡା ଆନାକାର୍ କାଜିଂ ହେଞ୍ଜାନ୍ତି ଦୟା ଜୁଗ୍ ଜୁଗ୍ ମାନ୍ଗାନାଡ଼ ।

୫୧ ହେଞ୍ଜାନ୍ ନିଜ୍ କେଇନି ବାପୁତାଂ ଚଟ୍ଟାନା;

ଆକ୍ରିୟାରିଂ ହେଞ୍ଜାର୍ ମାନ୍ନି ମେହାଆନାକାରିଂ ଚିନ୍ଦିନ୍ କିତାନ୍ନା;

୫୨ ହେଞ୍ଜାନ୍ ସାସନ୍ କାରୟାରିଂ ରାଜା ଗାଦିତାଂ ପିହିକିତାନ୍ନା, ଅକ୍ତିଂ ଲଗାଙ୍ଗ୍ ନିକ୍ତାଣ୍ଟା,

୫୩ ହେଞ୍ଜାନ୍ ନାସ୍ତି ଲଗାଂ ହାଦ୍ କାଦି ହିଜି ମାଚାନ୍,

ହାଉକାର୍ରିକାଂ ଖାରା କେଇଦାଂ ପଞ୍ଚାନନ୍ନା ।

୫୪ ମା ଦାଦି ଆକର୍ କାଜିଂ ତା ପାର୍ମାଣ୍ ହେଞ୍ଜାନ୍ ରାକ୍ୟା କିତାନ୍ନା ଆରି ତା ଆଡ଼ିଏନ୍ ଇସ୍ତାଏଲ୍ତିଂ ଦୟା କିତାନ୍ନା ।

୫୫ ହେଞ୍ଜାନ୍ ଜୁଗ୍ ଜୁଗ୍ କାଜିଂ ଅବ୍ରାହାମ୍ ଆରି ତା ଝିଜାର୍ ଲାତ୍ରାନିକାରିଂ ଦୟା ଚଟ୍ଟି କିଦେଙ୍ଗ୍ ବାଣାଞ୍ଜାତାଣ୍ଟା ।”

୫୬ ଆରେ, ମରିୟମ୍ ତିନିମାସ୍ ପାତେକ୍ ଏଲିସାବେତ୍ ଲାହାଙ୍ଗ୍ ମାନ୍ଞି ନିଜାର୍ ଇଞ୍ଜି ହାଚାଡ଼ ।

**ବାପ୍ତିସ୍ମା ହିନି ଜହନ୍ତି ଜଲମ୍**

୫୭ ପାଚେ ଏଲିସାବେତ୍ ପାର୍ହାଡ଼ ଆନି ଦିନ୍ ଏକାଞ୍ଜାତିଲେ, ହେଦେଲ୍ ର ମାଜି ଗାଟାଆତାଡ଼,

୫୮ ଆରେ ମାପୁ ଜେ ହେ କାଜିଂ ବେସି ଦୟା କିତାନ୍ନା, ଇଦାଂ ଝେନ୍ଞି ତା ପାଡ଼ହା ଲଗୁ ଆରି ଖାସ୍ତିନିକାର୍ ତା ଲାହାଙ୍ଗ୍ ଖାରି କିଦେଙ୍ଗ୍ ଲାଗାତାର୍ ।

୫୯ ଆଟ୍ ଦିନ୍ତାଂ ହେଞ୍ଜାର୍ ହିମ୍ଣାତିଂ ସୁନ୍ନଡ଼ କିଦେଙ୍ଗ୍ ଖାତାର୍ ଆରି ତା ଲାତ୍ରାହି ତର୍ ଲାକେ ହେ ତର୍ ଜିକିରିୟ ଇଡ଼ଦେଂ ମାନ୍କିତାର୍ ।

୬୦ ମାତର୍ ତା ତେହି ଇଚାଡ଼, “ଆକାୟ୍, ତା ତର୍ ଜହନ୍ ଆନାଡ଼ ।”

୬୧ ହେଞ୍ଜାର୍ ତାଙ୍ଗେଙ୍ଗ୍ ଇଚାର୍, “ନି ଖାସ୍ତିନିକାରିଂ ବିତ୍ରେ ତ ଇନେରିଂ ଇ ତର୍ ହିଲୁଡ଼ ।”

୬୨ ଇବେଣ୍ଟାଂ “ତାଙ୍ଗେଙ୍ଗ୍ ଇମ୍ଣି ତର୍ ହିନାସ୍ ଇଞ୍ଜି ତାଞ୍ଜିଆବା ମାନ୍ କିନାନା, ହେଦାଂ ହେଞ୍ଜାର୍ ତାଙ୍ଗେଙ୍ଗ୍ ଚାନ୍ୟା ଆଜି ଝେନ୍ବେଦେଂ ଲାଗାତାର୍ ।”

୬୩ ହେ ପାଚେ ହେଞ୍ଜାନ୍ ର ଲେକିକିନି ପାଟା ଏନ୍ତି ଲେକିକିତାନ୍; “ତା ତର୍ ଜହନ୍ ।” ଇବେ ଝିଜାର୍ କାବା ଆତାର୍ ।

୬୪ ଆରେ, ହେ ଦାପ୍ରେ ତା ଝେଇ ଆରି ଝେନ୍ୟୁଲ୍ ଜେୟାଆତାଡ଼ ଆରି ହେଞ୍ଜାନ୍ ବେଣ୍ ଇଞ୍ଜି ଇସ୍ବର୍ ମାପୁ ଦନ୍ୟବାଦ୍ କିଦେଙ୍ଗ୍ ଲାଗାତାନ୍ ।

୨୫ ଇବେଣ୍ଟା ହେୱାନ ତା ଲାଗେ ଲାଗେ ନିକାର ଓଜାର ପାଣ୍ଡା ଆଜି ହାଚାର, ଆରେ ଇ ଓଜୁ କାତା ଜିହୁଦା ଦେସ୍‌ନି ମାଡ଼ିରାଜିନି ସବୁନିପ ଲକୁ ଖେଟ୍‌ପାଖେଟ୍‌ପି ଆତାର,

୨୬ ଆରେ ଖେନାକାର ଓଜାର ହେ ଓଜୁ ନିଜ୍; ନିଜାର ମାନ୍ତ ଇଡ଼୍‌ଜି ଇଚାର, “ଇ କାଡ଼୍‌ଦେ ଇନାକା ଆନାଡ଼ ?” ଇନାକିଦେଂକି ହାଡ଼୍‌ପାନେ ମାପୁ କେଇ ତା ହୁଦାଂ ମାନାଡ଼ ।

ଜିକରିୟ ଇସ୍‌ବରତିଂ ନାୟ କିତାନ

୨୭ ଆରେ, ତା ଲାତ୍ରାହି ଜିକରିୟ ପୁଇପୁୟା ଜିବୁନ୍ତ ବାରତି ଆଜି ଇ ବେଶ୍‌ବାକ୍‌ଶାୟକିନାକାନ ଇଚାନ,

୨୮ ଦନ୍ୟ ମାପୁ, “ଇସ୍ରାଏଲ୍‌ନି ଇସ୍‌ବର ମାପୁଙ୍ଗ୍,”

ଇନାକିଦେଂକି ନିଜାର ଲଗାଂ ଦୟା ହୁଡ଼୍‌ଜି ହେୱାନ ମୁକ୍ତି କିତାନନ୍ନା;

୨୯ ହେୱାନ ନିଜାର ଆଡ଼ିଏନ୍ ଦାଉଦ୍‌ନି ଲାତ୍ରାନି

ରକାନ ସାକ୍ତିନିକାନ ମା କାଜିଂ ମୁକ୍ତି କିଦ୍‌ଦେଂ ମାଙ୍ଗେଙ୍ଗ୍ ହିଡ଼୍‌ନ୍ନା,

୩୦ ଆଗେନି ସମୁତାଂ ନିଜ୍ ପୁଇପୁୟା ବେଶ୍‌ବାକ୍‌ଶାୟକିନାକାର ଖେଇ ତାଙ୍ଗ୍ ଇନେସ୍ ଇଞ୍ଜି ମାଚାର

୩୧ ହେ ଲାକେ ମା ବିଡ୍ରେ ସାତୁରତାଂ ଆରି

ମା ଓଜାକାର ଗିଶ୍‌କାରିୟାର କେଇଦାଂ ମୁକ୍ତି ପାୟାତାୟନା,

୩୨ ହେୱାନ ଇଚାନ, ମା ଆକର୍ କାଜିଂ ଦୟା ଚର୍‌ୟାତାନନା,

ଆରି ତାଂ ପୁଇପୁୟା ନିୟମ୍ ହେୱାନ ନିଡ୍ରେ ଏଡୁ କିଜି ମାନେନ୍ ।

୩୩ ମା ଆବା ଅବ୍ରାହାମ୍ ଲାଗେ ଇମ୍‌ଣି ପାର୍ମାଣ୍ କିଜି ମାଚାନ,

୩୪ ପାଚେ ଇନେସ୍ ସାତୁ କେଇଦାଂ ମୁକ୍ତା ଆଜି

ପାଣ୍ଡା ଆୱାଦାଂ ଜିବୁନ୍ ମାନି ପାଚେକ୍ ହେୱାନ ଲାଗେ,

୩୫ ଇନେସ୍‌କି ଆସେଙ୍ଗ୍ ପୁଇପୁୟା ଆରି

ଦାମ୍ ଆଜି ତାତି ପାର୍ତାନା କିଦେଙ୍ଗ୍ ଇଞ୍ଜି ମାଙ୍ଗେଙ୍ଗ୍ ଆସିର୍ବାଦ୍ କିଦ୍‌ନାନ ।

୩୬ “ଏ ନା ମାଜି ଏନ୍ ସିଗ୍‌ଦାକାନ ଇସ୍‌ବତ

ର ବେଶ୍‌ବାକ୍‌ଶାୟକିନାକାନ ଲାକେ ତାକ୍‌ପୁଟା ଆନାୟ ।

ଏନ୍ ମାପୁତି ରଖାୟ ଚାଣ୍ଟ ଦୁଡ଼ ଲାକେ ତା କାଜିଂ ତା ହାଜି ରଚ୍‌ନାୟ ।

୩୭ ପାପ୍ କେମା ପାୟା ଆନି କାଜିଂ ହେୱାର ଜେ ମୁକ୍ତି ଆନାକା ଲାବ୍ ପାୟା ଆନାର

ତା ମାନାୟାରିଂ ଇ କାତା ଇଞ୍ଜେଙ୍ଗ୍ ହାନାନ,

୩୮ ମା ଇସ୍‌ବର ଦୟାନିକାନ ଆରି ହୁଦାର ଜିବୁନ୍,

ହେୱାନ ମା କାଜିଂ ମୁକ୍ତି ଆନାକା ମା କାଜିଂ ଖେଡ଼ା ହନାଡ଼,

୩୯ ଇମ୍‌ଣାକାର ହାତିଲାକେ ମାଜ୍‌ଗା ହିଡ଼୍‌ଡ଼ିତ ବାହାକିନାର,

ସୁସ୍ତା ହାଜିଡ଼ ହେୱାରିଂ ଅଜି ହାଞ୍ଜେଙ୍ଗ୍ ଇଞ୍ଜି

ହେୱାନ ଓଜାର ଜପି ସାଗେତାଂ ଅଜଡ଼୍ ହିଦେଙ୍ଗ୍ ଆଡ଼ନାନ ।”

୮୦ ପାଚେ, କାଡ଼୍‌ଦେ ଗାଜା ଆଜି ଜିବୁନ୍‌ତ ସାକ୍ତି ଆଦେଂ ଲାଗାତାନ ଆରେ ଇସ୍ରାଏଲ୍ ଲାଗାଂ ପୁଟାଆଡ଼ି ପାଚେକ୍ ବାଚାତ ମାଚାନ ।

୨

ଜିସୁତି ଜଲମ୍  
(ମାତିଉ ୧:୧୮-୨୫)

୧ ହେ ସମୁତ ରମିୟ ପୁତ୍‌ନି ଓଜୁ ରାଜ୍‌କିନାକାନ ମାନାୟାରିଂ ତର୍ ଲେକିକିନାକା ଇଞ୍ଜି କାଈସର୍ ଅଗସ୍‌ତାଂ ବଲ୍ ସୁଶାୟ କିଚାର ।

୨ ସିରିୟାନି ରାଜ୍‌କିନାକାନ କିରଣିୟତି ସମୁତ ପର୍ଡୁମ୍ ଇ ଲକୁ ଗାଣାକିନାକା ତର୍ ଲେକା ଆଜି ମାଚାଡ଼ ।

୩ ହେଦାଂ କାଜିଂ ଓଜାର ତର୍ ଲେକିକିନାକା କିଦେଙ୍ଗ୍ ଜାର ଜାର ଗାଡ଼୍‌ଦ ହାଲ୍‌ଜି ମାଚାର ।

୪ ଆରେ, ଜସେପ୍ ପା ତର୍ ଲେକିକିଦେଂ ଇଞ୍ଜି ମରିୟମ୍ ଲାହାଙ୍ଗ୍ ଗାଲିଲିନି ନାଜରିତ୍‌ୟ ଗାଡ଼୍‌ତାଂ ଜିହୁଦା ରାଜିନି ବେଡ଼୍‌ଲିହିମ୍ ତର୍‌ଦି ଦାଉଦ୍‌ନି ଗାଡ଼୍‌ଦ ହାଚାର, ଇନାକିଦେଂକି ହେୱାନ ଦାଉଦ୍ ଲାତ୍ରା ଆରି ଜାତିନି ଲକ୍ ମାଚାନ;

୫ ହେୱାନ ତା ମାଲାକିୟା ଆଜି ମରିୟମ୍ ଲାହାଂ ତର୍ ଲେକିକିନି କାଜିଂ ହାଚାର । ମରିୟମ୍ ଏସ୍‌ପିସ୍ତ୍ରୀ ମାଚାଡ଼ ।

୬ ହେୱାର ହେ ବାହାତ ମାନି ଖେଡ଼ାଲିଂ ହେଦେଲ୍‌ତି ଜଲମ୍ କିନି ସମୁ ଏକାୱାତାଡ଼

୭ ପାଚେ ହେଦେଲ୍ ଜାର ପାଣ୍ଡା ମାଜି ଚଞ୍ଚାନ ଆରି ହେୱାନିଂ ହେଦ୍ରାତ ହୁରୁପିସ୍ କଡ଼ି ହାଡ଼ାନି ତଙ୍ଗାତ ତ୍ରେପ୍‌ତାର୍, ଇନାକିଦେଂକି ମାନି ଇଲ୍ ହେୱାରିଂ ହିଲ୍‌ୱାତାଡ଼ ।

ମେଣ୍ଡାଗଢ଼ିୟାର ଜିସୁତି ଜଲମ୍ କାରୁର୍ ପାୟା ଆତାର୍

୮ ହେ ଖେଡ଼ାଙ୍ଗ କେତେକ ମେଣ୍ଡାଗଢ଼ିୟାର ବାଟାତ ମାନଞ୍ଜି ନାଣା ହେଞ୍ଜାର୍ତି ମେଣ୍ଡାଂ ମାନ୍ଦାତିଂ କାସି ମାଟାର୍ ।

୯ ମାପୁନି ରଞ୍ଜାନ୍ ଦୁଡ଼ ହେଞ୍ଜାର୍ ଲାଗେ ନିଲ୍ତାନ୍, ଆରେ ମାପୁତି, ଜାଜ୍ମାଲ୍ନି ଅଜଡ଼୍ ହେଞ୍ଜାର୍ ଚାରିବେଣ୍ଡାଂ ଆର୍ତାଡ଼ । ଆରି ହେଞ୍ଜାର୍ ବେସି ପାଣ୍ଡା ଆତାର୍

୧୦ ହେବେଣ୍ଡାଂ ଦୁଡ଼ ହେଞ୍ଜାରିଂ ଇଚାନ୍, “ପାଣ୍ଡା ଆମାଟ୍; ହୁଡ଼ାଟ୍, ଆନ୍ ସବୁ ମାନାୟାରିଂ ବେସି ଖାରିନି ନେକ୍ରିକାରୁର୍ ମିଙ୍ଗେଙ୍ଗ୍ ଖେଚାନାଙ୍ଗା,

୧୧ ଇନାକିଦେଂକି ନେଞ୍ଜେଙ୍ଗ୍ ଦାଉଦ୍ନି ଗାଡ଼ଦ୍ ମି କାଜିଂ ମୁକ୍ତି କାରିୟା ହେଞ୍ଜାନ୍ କ୍ରିସ୍ଟୁ ମାପୁ ।”

୧୨ ଆରେ, ମି କାଜିଂ ଇଦାଂ ଚିନ୍ ଲାକେ ଆନାଟ୍, “ଏପେଙ୍ଗ୍ ର କାଡ଼ଦେଂ ହେନ୍ଦା ହୁର୍ପିୟା ଆଜି କଡ଼ି ହାଡ଼ାନି ତଙ୍ଗାତ ହୁନ୍ଜି ମାନାକା ହୁଡ଼ନାଦେର୍ ।”

୧୩ ପାଚେ, ହାଚାଗ୍ରେ ହେ ଦୁଡ଼ ହୁଦାଂ ସାଗେନି ଦଲ୍ ର ଗାଜାଦାଡ଼୍ ଖାତାର୍ ଇସ୍ପର୍ ମାପୁଙ୍ଗ୍ ପାର୍ତାନା କିଜି କିଜି କେର୍ତାର୍,

୧୪ “ଜପ୍ଣି ନିକାରିଂ ଇସ୍ପର୍ ମାପୁଙ୍ଗ୍ ଜାଜ୍ମାଲ୍,

ଆରେ ପୁର୍ତ୍ତ ହେଞ୍ଜାନ୍ତି ଏଚେକ୍ସାରି ବିଞ୍ଜାହିଂ ମାନାୟ୍ ବିତ୍ରେ ସୁସ୍ତା ଆଏଡ଼ ।”

୧୫ ଦୁଡ଼କ୍ ହେଞ୍ଜାର୍ ତାଙ୍ଗ୍ ସାଗେତ ହାଚିପାଚେ ମେଣ୍ଡାଗଢ଼ିୟାର୍ ହେଞ୍ଜେର୍ ହେଞ୍ଜାର୍ ଇନ୍ବା ଆତାର୍ “ଖାତ ଆସେଙ୍ଗ୍ ବେଡ଼ଲିହିମ୍ ପାତେକ୍ ହାଲ୍ଜି, ମାପୁ ମାଙ୍ଗେଙ୍ଗ୍ ଇମ୍ଣି ବଚନ୍ନି ଗଟ୍ଣା ଖେଚ୍ଚାତାନ୍ନା, ହେଦାଂ ହୁଡ଼ନାସ୍ ।”

୧୬ ଇବେଣ୍ଡାଂ ହେଞ୍ଜାର୍ ବେଗିହାଲ୍ଜି ତେକ୍ଚି ମରିୟମ୍ ଆରି ଜସେପ୍ତିଂ, ଆରି କଡ଼ିହାଡ଼ା ତଙ୍ଗାତ କାଡ଼ଦେଂ ତ୍ରେପ୍ତି ମାଟାକା ହୁଡ଼ତାର୍ ।

୧୭ ହେଞ୍ଜାର୍ ତାଙ୍ଗେଙ୍ଗ୍ ହୁଡ଼ଜି ହେ କାଡ଼ଦେ ବିସ୍ତେ ହେଞ୍ଜେରିଂ ଦୁଡ଼ ଇମ୍ଣି କାତା ଇଞ୍ଜି ମାଟାଡ଼, ହେଦାଂ ଖେଚ୍ଚାର୍,

୧୮ ପାଚେ ଏଚେକ୍ ମାନାୟ୍ ମେଣ୍ଡାଗଢ଼ିୟାର୍ତାଂ ହେ ସବୁ ବେରଣ୍ ଖେଚାର୍, ହେଞ୍ଜାର୍ ଖିଜାର୍ ହେବେ କାବା ଆତାର୍ ।

୧୯ ମାତର୍ ମରିୟମ୍ ଇ ଖିଜୁ କାତା ମାତ୍ର ଇଡ଼ଜି ଗାଜା ଏଡ଼ କିଦେଙ୍ଗ୍ ଲାଗାତାଡ଼ ।

୨୦ ଆରେ, ମେଣ୍ଡା ଗଢ଼ିୟାରିଂ ଇନେସ୍ ଖେଚ୍ଚି ମାଟାର୍, ହେ ଲାକେ ହେଞ୍ଜାର୍ ଇନା ଇନାକା ଖେଚାର୍ ଆରି ହୁଡ଼ତାର୍, ହେ ଖିଜୁଡ଼ିଙ୍ଗ୍ ଇସ୍ପର୍ ମାପୁ ନାସ୍ ଆରି କେଚ୍ଚକଣ୍ କେଚ୍ଚଜି ଲେଉଟା ଆତାର୍ ।

ଜିସୁଙ୍ଗ୍ ମନ୍ଦିରତ ଏକିକିତାର୍

୨୧ \*ଆର୍ ଦିନ୍ତାଂ ପାଚେ ସୁନ୍ନଡ଼ କିଦେଙ୍ଗ୍ ଜିସୁଙ୍ଗ୍ ମନ୍ଦିରତ ଅଜି ହାଚାର୍ ତା ତର୍ ଜିସୁ ଇଡ଼ତାର୍; ଇ ତର୍ ତାଙ୍ଗେଙ୍ଗ୍ ଏସ୍ ପିହ୍ଡ଼ି ଆଗେ ଦୁଡ଼ ଇଞ୍ଜି ମାଟାଡ଼ ।

୨୨ ପାଚେ ଏଚେକାଡ଼ଦ୍ ମସାତି ବିଦି ଇସାବ୍ରେ ଜସେପ୍ ଆରି ମରିୟମ୍ତି ସକର୍ ଆନି ସମ୍ ଏକା ଖାତାଡ଼, ହେଞ୍ଜାର୍ ମାପୁତି ଉଦେସ୍ତ କାଡ଼ଦେଂ ପୁଜା କିନି କାଜିଂ ଜିରୁସାଲମ୍ତ ଅତାର୍,

୨୩ ଇନେସ୍କି ମାପୁତି ବିଦି ଲେକା ଆତି ଲାକେ “ଖିଜାର୍ ପର୍ତ୍ତମ୍ ଜନମ୍ଆତି ଆଣ୍ଡା ହିମ୍ଣାଂ ମାପୁ କାଜିଂ ପୁଇପୁୟା ଇଞ୍ଜି ହିସାବ ଆନାଟ୍,”

୨୪ ମାପୁତି ବିଦି ସାସ୍ପର୍ ତାକେ ଲେକାଆତି ଇ ବଲ୍ ହୁଦାଂ ହେଞ୍ଜାର୍ ହେଞ୍ଜେନିଂ ମାପୁଙ୍ଗ୍ କାଜିଂ ପୁଜାହିନାକା ଇଞ୍ଜି ଆରି ମାପୁନି ସାସ୍ପର୍ତ ଲେକାଆତାଡ଼ନା “ରିଣ୍ଡାଂ ପାର୍ଞାଙ୍ଗ୍ ଆଡ଼ିତିସ୍ ରିଣ୍ଡାଂ ପାଣ୍ଡକା ହିମ୍ଣାଂ ପୁଜାକିଦେଙ୍ଗ୍ ଇଞ୍ଜି ତାଙ୍ଗେଙ୍ଗ୍ ଜିରୁସାଲମ୍ତ ଅତାର୍ ।”

ସିମିୟନ୍ ହାନା ଜିସୁଙ୍ଗ୍ ଚଞ୍ଜା ଆତାନ୍

୨୫ ଆରେ ହୁଡ଼ାଟ୍, ଜିରୁସାଲମ୍ତ ସିମିୟନ୍ ତର୍ଦାକାନ୍ ରଞ୍ଜାନ୍ ଦାମ୍ ଆରି ହାଚ୍ଚିମାନାୟ୍ ମାଟାନ୍; ହେଞ୍ଜାନ୍ ଇସ୍ରାଏଲ୍ନି ଦୁକ୍ସାରାୟ୍ କିଦେଙ୍ଗ୍ କାସି ମାଟାନ୍, ଆରେ ପୁଇପୁୟା ଜିବୁନ୍ ତା ତାକେ ଜୁଜି ମାଟାଡ଼ ।

୨୬ ମାପୁ କ୍ରିସ୍ଟୁଙ୍ଗ୍ ହୁଡ଼ଡ଼ିତିସ୍ ତାଙ୍ଗେଙ୍ଗ୍ ହେଞ୍ଜାନ୍ତି ହାକିଆଡ଼ଡ଼, ପୁଇପୁୟା ଜିବୁନ୍ ହୁକେ ତାଙ୍ଗ୍ ଇ ବାସ୍ ହିୟାଆଜି ମାଟାନ୍ ।

୨୭ ହେଞ୍ଜାନ୍ ଜିବୁନ୍ତାଂ ବାତ୍ ଆଜି ମନ୍ଦିରତ ଖାତାନ୍, ଆରେ ହିମ୍ଣା ଜିସୁତି ଆବା ଆୟା ଏଚେକାଡ଼ଦ୍ ହେ ବିସ୍ତେ ନି ବିଦିନି ହୁକେ କାମାୟ୍ କିଦେଙ୍ଗ୍ ଇଞ୍ଜି ତାଙ୍ଗେଙ୍ଗ୍ ବିତ୍ରେ ତାଲ୍ଖାତାର୍,

୨୮ ହେଞ୍ଜାଡ଼ାଂ ସିମିୟନ୍ ହିମ୍ଣାତିଂ ତ୍ରକ୍ଚି ଆଜି ଇସ୍ପର୍ତିଂ ଦନ୍ୟବାଦ୍ କିଜି ଇଚାନ୍,

୨୯ “ଏ ମାପୁ, ଅଙ୍ଗୟ୍ ଏନ୍ ନି କାତା ଲାକେ

ନିଜ୍ ଆଡ଼ିୟାଙ୍ଗ୍ ସୁସ୍ତାତାଂ ତାଙ୍ଗ୍ଜି ହାଞ୍ଜେଙ୍ଗ୍ ହିନାୟ୍;

୩୦ ଇନାକିଦେଂକି ନା କାଣ୍ଟା ନି ମୁକ୍ତି ଆନାକା ହୁଡ଼ନାଙ୍ଗା,

୩୧ ଇମ୍ଣାକା ଏନ୍ ଖିଜାର୍ ମାନାୟାର୍ ମୁମ୍ଦ ଜାଲ୍ଦି କିତାୟନା,

୩୨ ପାତ୍ କିଞ୍ଜି ଜିହୁଦିର୍ କାଜିଂ ସଡ଼ ହନି ଅଜଡ଼,

☆ ୨:୨୧ ଲୁକ ୧:୩୧.

ଆରେ ମି ଲକ୍ ଇସ୍ରାଏଲ୍‌ନି ଜାଜ୍‌ମାଲ୍ ଲାକେ କିତାୟନା ।”

୩୩ ହେୱାନ କାଜିଂ ଇତି ଝିଜୁ ବିସ୍ତେ ହେ ଆବା ଆୟା ୱେନ୍‌ଝି କାବା ଆଜି ମାଟାର୍ ।

୩୪ ଆରେ, ସିମିୟନ୍ ହେୱାରିଂ ଆସିର୍ବାଦ୍ କିଜି ହେୱାନ୍ ତେହି ମରିୟମ୍‌ତିଂ ଇଚାନ୍, ଇ କାଡ୍‌ଦେ ଇସ୍ରାଏଲ୍ ବିତ୍ତେ “ହେନିର୍‌ତି ଆରେ ନିଜ୍‌ଜି ରୁଡାଆନି କାଜିଂ ଇସ୍‌ସ୍‌ର ହୁକେ ବାଟିକିୟା ଆତାନ୍, ଇମ୍‌ଶାକାର୍ ବିରୁଦ୍‌ତ ବେସି ମାନାୟ୍ କାତା ଇନାର୍ ର ଚିନ୍ ଲାକେ ଆନାଡ୍ ।

୩୫ ହେନି ତାଜେକ୍‌କ୍ ବେରୁଆନାର୍ ନିଜେ ମାନନି ଡକ୍‌କ୍‌ତି ବିଚାର୍ ସବୁ ହପ୍‌ନାନ୍ । ଦୁକ୍ ଲାକେ ର ଦାରାକାଣ୍ଡା ଜାର୍ ୱାସ୍‌ସିତିଂ ଚିରବିର୍ କିନାୟ୍ ।”

୩୬ ଆରେ, ହାନ୍ନା ଇନି ରଞ୍ଜେଲ୍ ବେଶ୍‌ବାକ୍‌ଶାୟ୍‌କିନାକାଦେଲ୍ ମାଟାଡ୍; ହେଦେଲ୍ ଆସେର୍ ଜାତିନି ପେନୁଏଲ୍ ଗାଡ୍‌ହି । ତାଦାକ୍ ବୟସ୍ ବେସି ଆଜି ମାଟାଡ୍, ହେଦେଲ୍ ଜିପଲି ମାନି ପାଚେ ସାଡ୍‌ବାହୁଁ ଆଣ୍ଡେନ୍ ହୁକେ ବାହା କିଜି ମାଟାଡ୍ ଆରି ଚାରିକଡି ଚାରିବାହୁଁ ପାଚେକ୍ ରାଣ୍ଡି ଆଜି ମାଟାଡ୍ ।

୩୭ ହେଦେଲ୍ ବିରକ୍‌କୁଲ୍ ମନ୍ଦିର୍ ପିହ୍‌ୱାଦାକ୍ ଉପାସ୍ ଆରି ଗୱାରି ହୁକେ ୱେଡ୍‌ନାଶା ମାପୁକ୍ ପାର୍ତାନା କିଜି ମାଟାଡ୍ ।

୩୮ କାଡ୍‌ଦେ ଜିସୁ ମନ୍ଦିର୍‌ତ ୱାୟା ଆନିଝେଡାଂ ହାନ୍ନା ହେବେ ଏକିସ୍ ଇସ୍‌ସ୍‌ରତିଂ ଜୁଝାର୍ କିତାଡ୍ ଆରି ଇସ୍‌ସ୍‌ର ଜିରୁସାଲମ୍‌ତିଂ ମୁକ୍ତି କିନାନ୍ ଇଞ୍ଜି ଇମ୍‌ଶାକାର୍ ପାଡ୍ କିଜି କାସି ମାଟାର୍, ହେୱାନ୍ ଝିଜାରିଂ କାଡ୍‌ଦେ ବିସ୍ତେ ଇଚାଡ୍ ।

**ଜସେସ୍ ଆରି ମରିୟମ୍ ଇଞ୍ଜି ମାସଦି ହାଚାର୍**

୩୯ ଧାଚେ ହେୱାର୍ ମାପୁତି ମସାତି ବିଦି ଇସାବ୍ରେ ଝିଜୁ କାମାୟ୍ ଝିସ୍ତି ଗାଲିଲିତ, ଜାର୍ ଗାଡ୍‌ନାଜରିଡ୍‌ତ ଲେଉଟାତାର୍ ।

୪୦ ଆରେ, କାଡ୍‌ଦେ ଗାଜା ଆଦେଂ ଲାଗାତାନ୍ ଆରି ଗିଆନ୍‌ତ ପୁରା ଆଉ ଆଉ ସାକ୍ତି ମାନାୟ୍ ଆତାନ୍, ଆରେ ଇସ୍‌ସ୍‌ତ୍ ଦୟା ହେ ଜପି ମାଟାଡ୍ ।

**କାଡ୍‌ଦେ ଜିସୁ ମନ୍ଦିର୍‌ତ**

୪୧ ତା ତେହି ଲାତ୍ରାହି ପାତି ବାହୁଁ ନିସ୍ତାର୍ ପାରୁଁ ୱେଡାଲିଂ ଜିରୁସାଲମ୍‌ତ ହାଲ୍‌ଜି ମାଟାର୍ ।

୪୨ ହେୱାନ୍ତି ବାର ବାହୁଁ ୱେଡାଲିଂ ହେୱାର୍ ପାରୁଁ ରିତି ଇସାବ୍‌ରେ ହେବେ ହାଟିକ୍ ।

୪୩ ପାରୁଁନି ସମୁ ଝିସ୍ତି ଏଚେକାଡ୍‌ଦ ହେୱାର୍ ମାଜି ୱାଜି ମାଟାର୍, ହେ ଏଚେକାଡ୍‌ଦ କାଡ୍‌ଦେ ଜିସୁ ଜିରୁସାଲମ୍‌ତ ଚେବା ଆତାନ୍, ଆରେ ତା ତେହି ଲାତ୍ରାହି ହେଦାଂ ପୁନ୍‌ୱାଦାଂ ମାଟାର୍ ।

୪୪ ମାଟର୍ ହେୱାନ୍ ହାକ୍‌ଡାଂ ହାଚାକାର୍ ହୁକେ ମାନାନ୍ ଇଞ୍ଜି ହେୱାର୍ ଦିନେକ୍‌ନି ହାଜି ତାକ୍‌ଜି ହାଚାର୍, ଆରେ ୱାସ୍‌ସିନିକାର୍ ଆରି ଜାଣାଟିନା ଲକାର୍ ତାକେ ହେୱାର୍ ତେକ୍‌ତେଂ ଲାଗାତାର୍,

୪୫ ଆରେ ହେୱାନିଂ ତେକୁ ତେକୁ ଗାଟାଆଝିତିଲେ ଜିରୁସାଲମ୍‌ତ ଲେଉଟା ଆଜି ହାଚାର୍ ।

୪୬ ତିନି ଦିନ୍ ପାଚେ ହେୱାର୍ ହେୱାନିଂ ମନ୍ଦିର୍‌ତ ଗାଟାଆତାର୍; ହେୱାନ୍ ପଣ୍ଡିଡ୍‌କ୍‌କ୍‌ର ବିତ୍ତେ କୁର୍‌ଚି ହେୱାର୍ କାତା ୱେନ୍‌ଝି ମାଟାନ୍ ଆରି ହେୱାରିଂ ପର୍‌ସନ୍ କିଜି ମାଟାନ୍,

୪୭ ଆରେ ଏଚେକ୍ ମାନାୟ୍ ହେୱାନ୍ କାତା ୱେନ୍‌ଝି ମାଟାର୍, ଝିଜାକାର୍ ହେୱାନ୍ତି ବୁଦି ଆରି ଉଡ୍‌ରତ କାବା ଆବିସ୍ ମାଟାର୍ ।

୪୮ ହେୱାର୍ ହେୱାନିଂ ହୁଡ୍‌ଜି କାବା ଆତାର୍, ଆରି ତା ତେହି ତାକ୍ ଇଚାଡ୍, “ବପା, ମାଜେକ୍ ଇନେକିଦେଂ ଏଲେକ୍ ଚିନ୍ତା କିଡ୍‌ତାୟ୍ ? ହୁଡା, ମିଞ୍ଜ୍‌ବା ଆରି ଆନ୍ ବେସି ବିପ୍ତି ଆଜି ନିଜେକ୍ ତେକ୍‌ନାପା ।”

୪୯ ଇବେତାଂ ହେୱାନ୍ ହେୱାରିଂ ଇଚାନ୍, ଇନେକିଦେଂ “ଏପେକ୍ ନାଜେକ୍‌କ୍ ତେକ୍‌ଚି ମାଞ୍ଜାଦେର୍ ? ମାଞ୍ଜି ଆବାର୍ ଇଞ୍ଜି ମାନାକା ଜେ ନା କାମାୟ୍, ଇଦାଂ ଇନାକା ପୁନ୍‌ୱାଦାଂ ମାଟାଦେର୍ ?”

୫୦ ମାଟର୍ ହେୱାନ୍ ହେୱାରିଂ ଇମ୍‌ଶି କାତା ଇଚାନ୍, ହେଦାଂ ହେୱାର୍ ବୁଜାଞ୍ଜାତାର୍ ।

୫୧ ପାଚେ ହେୱାନ୍ ହେୱାର୍ ହୁକେ ଲେଉଟା ଆଜି ନାଜରିଡିୟତ ୱାତାନ୍ ଆରି ହେୱାର୍‌ତି କାତା ମାନିକିଜି ମାଟାନ୍; ଆରେ, ହେ ତେହି ଇ ସବୁ କାତା ଜାଗ୍ରତ୍‌ତାଂ ହେ ମାନ୍ତ ଇଚ୍‌ତାଡ୍ ।

୫୨ ଆରେ, ଜିସୁ ଗିଆନ୍‌ତ ଆରି ଗାଗାଡ୍‌ଡ୍, ଆରେ ଇସ୍‌ସ୍‌ତ୍ ଆରି ମାନାୟାଡ୍‌ତି ଦୟାତ ଗାଜା ଆତାନ୍ ।

**୩**

ବାପ୍ତିସ୍‌ମ୍ ହିନି ଜହନ୍ ସୁଣାୟ୍ କିନାକା  
(ମାଡିଉ ୩:୧-୧୨; ମାର୍କ ୧:୧-୮; ଜହନ୍ ୧:୧୯-୨୮)

☆ ୨:୩୯ ମାଡିଉ ୨:୨୩.

୧୯ ଡିବିରିୟା କାଇସରତି ରାଜ କିନାକା ପନ୍ଦର ବାହୁତ, ଏତେକାଡ଼ଦ ପକ୍ତିୟ ପିଲାତ, ଜିହୁଦା ରାଜିତ ରାଜ କାମାୟ ଆରି ହେରଦ୍ ଗାଲିଲିନି ହାନ୍ଦିରାଜା ମାଗାନ୍, ଆରେ ତା ଟଣ୍ଡାହି ପିଲିପ୍ ଇତୁରିୟା, ଆରି ଭ୍ରାକନିତି ରାଜିନି, ଆରେ ଲୁସାନିୟା ଅବିଲିନି ନି ହାନ୍ଦି ରାଜା ମାଗାନ୍,

୨୦ ଆରି ହାନାନ ଆରି କୟାପା ମୁଡ଼୍ ମାପୁହେବାକିନାକାର ମାଗାର, ହେ ଏତେକାଡ଼ଦ ଇସ୍ବତ୍ ବଚନ୍ ବାଟାତ ଜିକରିୟତି ମେହି ଜହନ୍ ତାକେ ଏକାଞ୍ଜାତାତ୍ ।

୨୧ ହେବେତାଂ ବାପ୍ତିସିମ୍ ହିନି ଜହନ୍ ଜର୍ଦନନି ଲାଗାୟ ଝିଜୁ ନାସକୁ ହାଲ୍ଜି ପାପ୍ କେମା କାଜିଂ “ମାନ୍ବାଦ୍ଲାୟ କିନି ବାପ୍ତିସିମ୍ ସୁଣାୟ କିଦେଙ୍ଗ୍ ଲାଗାତାନ୍ ।”

୨୨ “ଇନେସ୍କି ଜିସାୟ ବେଶ୍ବାକ୍ଶାୟକିନାକାନ୍ ସାସ୍ବରତାକେ ଲେକାଆତାତ୍ନା,  
ବାଟାତ ଗାଜା କାଟ୍ କିଜି ମାନି ରକାନ୍ତି କାଟ୍,  
‘ମାପୁତି ହାଜି ଜାଲ୍ଦି କିୟାଟ୍,  
ହେଞ୍ଜାନ୍ତି ରାଜାହାଜି ହାଶ୍କୁ କିୟାଟ୍;

୨୩ ସବୁ ବାଟା ବାଟ୍ କିୟା ଆନାଟ୍, ଆରେ ସବୁ,  
ମାଡ଼ିଙ୍ଗ୍ ଆରି କୁପ୍ଲିଙ୍ଗ୍ ହାରୁ କିୟା ଆନାଟ୍,  
ବାଙ୍ଗା ହାଜି ସଲକ୍ କିୟାଟ୍ ସବୁ ହାଶ୍କୁ ଆନାଟ୍,  
ଆରେ ଉଚ୍ଚନିଟ୍ ବୁମି ସାରିଆ ହାଜିତ୍ ରତିଆ ଆନାଟ୍;

୨୪ ଆରେ, ଝିଜୁ ପୁତ୍ ଇସ୍ବତ୍ ମୁକ୍ତି ଆନାକା ହୁଡ଼ନାର ।”

୨୫ \*ଲୀଗିଂ, ହେଞ୍ଜାନ୍ ତା ତାକେଣ୍ଡାଂ ବାପ୍ତିସିମ୍ ଆଦେଂ କାଜିଂ ହସି ଝାନି ମାନାୟାରିଂ ଇଚାନ୍, “କାଲାଟିରାଟ୍ନି ଲାତ୍ରା,” ଝାନିଦିନ୍ ମାପୁତି ଟାକ୍ତିତାଂ ହଡ୍ଡେଙ୍ଗ୍ କାଜିଂ ଇନେର୍ ମିଙ୍ଗେଙ୍ଗ୍ ଚେଡ଼ନା ହିଡ଼ତାନ୍ ?

୨୬ ଲୀଗିଂ ମାନ୍ବାଦ୍ଲାୟ କିନି ହାଦ୍ ପାଡ଼୍ ଉବ୍ଜାଣ୍ କିୟାଟ୍; ଆରେ, “ଅବ୍ରାହାମ୍ ତ ମା ଆବା, ଇଞ୍ଜି ମାନେ ମାନେ ଏପେଙ୍ଗ୍ ଇନ୍ମାଟ୍, ଇନାକିଦେଂକି ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଇସ୍ବର୍ ଇ କାଲ୍କୁକାଂ ପା ଅବ୍ରାହାମ୍ କାଜିଂ ମାଜି ଉବ୍ଜାଣ୍ କିଦେଙ୍ଗ୍ ଆଡ଼ନାନ୍ ।

୨୭ \*ଆରେ, ନଙ୍ଗ୍ ପା ମାରକୁକାଂ ଦଲ୍ଦ ଦ କୁଡେଲ୍ ଲାଗାତାତ୍ନା; ଇମ୍ଣି ମାରକୁ ହାର୍ ପାଡ଼୍ ଆହ୍ଝିତିସ୍, ହେଦାଂ କାଦ୍ଦି ନାଣିତ ତୁହିୟା ଆନାଟ୍ ।”

୨୮ ଇବେଣ୍ଡାଂ ମାନାୟାର୍ ଜହନ୍ତିଂ ଝେନ୍ବେଦେଂ ଲାଗାତାନ୍, “ତା ଆତିସ୍ ଆସେଙ୍ଗ୍ ଇନାକା କିନାସ୍ ?”

୨୯ ଜହନ୍ ହେଞ୍ଜାରିଂ ଉତର୍ ହିତାନ୍, “ଇନେର୍ଡି ରିଣ୍ଡାଂ ଆଙ୍ଗିଙ୍ଗ୍ ମାନିଙ୍ଗ୍, ହେଞ୍ଜାନ୍ ଇନେର୍ଡି ହିଲୁଡ୍, ହେଦାଂ ରଞ୍ଜାଙ୍ଗ୍ ହିଏନ୍; ଆରେ, ଇନେର୍ଡି କାଦି ମାନାଟ୍, ହେଞ୍ଜାନ୍ ହେ ଲାକେ କିଏନ୍ ।”

୩୦ ସିସ୍ବୁନନାକାର ପା ବାପ୍ତିସିମ୍ ଅଦେଂ ଝାଜି ତାଙ୍ଗ୍ ଝେନ୍ବାତାର୍, “ଏ ଗୁରୁ, ଆପେଂ ଇନାକା କିନାପ୍ ?”

୩୧ ପାଚେ ଜହନ୍ ହେଞ୍ଜାରିଂ ଇଚାନ୍, “ମି କାଜିଂ ଏତେକ୍ ଲଡ଼ା ଆତାତ୍ନା, ତା ତାଙ୍ଗ୍ ଆଦିକ୍ ଏନ୍ମାଟ୍ ।”

୩୨ ମେଲ୍ୟାର୍ ପା ହେଞ୍ଜାନିଂ ଝେନ୍ବେଦେଂ ଲାଗାତାର୍, ଆରେ, “ଆପେଂ ଇନାକା କିନାପ୍ ?”

ହେଞ୍ଜାନ୍ ହେଞ୍ଜାରିଂ ଇଚାନ୍, “ବାଡ଼କାସ୍ତାଂ କି ଟକାୟ କିଜି ଇନେର୍ଡି ପାଣ୍ଡୁକିମାଟ୍, ଆରେ ମି ଦାମ୍ନାତାକେ ସାରିମାନାଟ୍ ।”

୩୩ ମାନାୟାର୍ କାସି ମାନି କାଜିଂ ଆରି ଜହନ୍ ଇନେସ୍କି କ୍ରିସ୍ଟୁ ଆନାନ୍, ଇଞ୍ଜି ଇଦାଂ ହେଞ୍ଜାନ୍ କାଜିଂ ଝିଜାକାର୍ ଜାର୍ ଜାର୍ ମାଡ଼ ଗାଣ୍ଡୁ କିଜି ମାନ୍ବିତିଲେ,

୩୪ ଲୀଗିଂ ଜହନ୍ ଝିଜାକାରିଂ ଉତର୍ ହିତାନ୍, “ଆନ୍ ହିନା ମିଙ୍ଗେଙ୍ଗ୍ ଏଜୁଂତାଂ ବାପ୍ତିସିମ୍ ହିଦ୍ନାଙ୍ଗା, ମାତର୍ ନା ତାଙ୍ଗ୍ ଇନେର୍ ଆଦିକ୍ ସାକ୍ତିକାଟାକାନ୍, ଝାନାନା ହେଞ୍ଜାନ୍ ତା ପାଣ୍ଡାଲ୍ ଡରି ରିକ୍ତେଂ ସମାନ୍ ଆନ୍ ଆକାୟ୍, ହେଞ୍ଜାନ୍ ମିଙ୍ଗେଙ୍ଗ୍ ପୁଇପୁୟା ଜିବୁଡ଼ ଆରି ନାଣିତ ବାପ୍ତିସିମ୍ ହିନାନ୍ ।

୩୫ ତା କେଇଦ ହେଟି ମାନାଟ୍, ଲୀଗିଂ ବାରବାନି ତାସ୍ ନିର୍ମଲ୍ କିଜି ଚୁଣ୍ଡିତ ଗମ୍ ରୁଣ୍ଡାୟ କିଜି ଇଡ଼ଦେଂ ଇଞ୍ଜି ହେଞ୍ଜାନ୍ କେଇଦ ହେଟି ମାନାଟ୍, ମାତର୍ ପୁଟା ଝିଜୁ ହେଞ୍ଜାନ୍ ହାଝିନାଣିତ ଦେସ୍ଲ ତୁହିନାନ୍ ।”

୩୬ ହେଞ୍ଜାନ୍ ଇ ଲାକେ ବେସି ଉପଦେସ୍ ହିଜି, ଆରେ ବାରବିନି ଝାରି ବେରଣ୍ ଝେଡ଼ି ମାନାୟ୍ ଲୀଗାଂ ନେକ୍ରିକାରୁର୍ ପରଚାର୍ କିଜି ମାଗାନ୍; ଆରି ମାନ୍ବାଦ୍ଲାୟ କିନି କାଜିଂ ମାନାୟାରିଂ ବୁଜାୟ କିତାନ୍

୩୭ ମାତର୍ ଜହନ୍ ହାନ୍ଦି ରାଜା ହେରଦ୍ତିଂ ଆଦିକ୍ ଆଟ୍ଝା ଆଜି ଇଚାନ୍ ଇନାକିଦେଂକି ଜାର୍ ଟଣ୍ଡେନ୍ ଡକ୍ତିଂ ହେରଦିଆତିଂ ବିବା କିଜି ମାଗାନ୍, ଆରି ବେସି ବିସ୍ରେ ବାନ୍ୟା କାମାୟ କିଜି ମାଗାନ୍,

୩୮ ହେ ଲାକେ ଆରେ ରଞ୍ଜାଙ୍ଗ୍ ହେରଦ୍ କାରାପ୍ କାମାୟ କିତାନ୍, ଜହନ୍ତିଂ ବନ୍ଦିତ ଇଡ଼ତାର୍ ।

☆ ୩:୨ ମାତିଉ ୧୨:୩୪; ୨୩:୩୩. ☆ ୩:୯ ମାତିଉ ୭:୧୯.

ଜହନ୍ ଜିସୁଙ୍କ ବାପ୍ତିସ୍ମି ହିତାନ୍  
(ମାତିଉ ୩:୧୩-୧୭; ମାର୍କ ୧:୯-୧୧)

୨୧ ଓଜାର୍ ମାନାୟାର ବାପ୍ତିସ୍ମି ଆତି ପାଚେ ଜିସୁ ପା ବାପ୍ତିସ୍ମି ଅତାନ୍ । ଆରେ ପାର୍ତାନା କିନି ଝେଡାଲିଙ୍ଗ ବାଦାଡ୍, ଜେୟା ଆତାଡ୍,

୨୨ \*ଆରି ପୁଇପୁୟା ଜିବୁନ୍ ଗାଗାଡ୍ତ ପାଣ୍ଡକା ଲାକେ ଜିସୁ ଜପି ଜୁଜି ଝାଜି ଜିସୁଙ୍ଗ କୁଟ୍ତାଡ୍; ଆରେ, ବାଦାଡ୍ତାଂ ଇ ବେରଣ୍ ଆତାଡ୍, “ଏନ୍ ମା ଝାରିନି ମାଜିତି, ମି ତାକେ ମା ବେସି ଝାରି ।”

ଜିସୁତି ଲାତ୍ରାନି ପୁରାଣ୍  
(ମାତିଉ ୧:୧-୧୭)

୨୩ ଜିସୁ କାମାୟ ହାଙ୍ଗନି ଝେଡାଲିଂ ତାଙ୍ଗେଙ୍ଗ୍ ତିରିସ୍ ବାହୁଁ ବୟସ୍ ଆଜି ମାତାଡ୍; ଲକାର୍ ମାନ୍ତାଙ୍ଗ୍ ହେଝାନ୍ ଜସେପ୍ ମେହି ମାତାନ୍; ଜସେପ୍ ଏଲିତି ମେହି,

୨୪ ଏଲି ମତାତି ମେହି, ମତ୍ତାତ ଲେବି ମେହି, ଲେବି ମଲ୍କିତି ମେହି, ମଲ୍କି ଜନ୍ମୟତି ମେହି, ଜନ୍ମୟ ଜସେପ୍ତି ମେହି,

୨୫ ଜସେପ୍ ମତିତ୍ୟାତି ମେହି, ମତିତ୍ୟା ଆମସ୍ତି ମେହି, ଆମସ୍ ନାହୁମ୍ତି ମେହି, ନାହୁମ୍ ହେଲସିତି ମେହି, ହେଲସି ନଗୟତି ମେହି,

୨୬ ନଙ୍ଗୟ ମହତତି ମେହି, ମହତ ମତିତ୍ୟାତି ମେହି, ମତିତ୍ୟା ସିମୟତି ମେହି, ସିମୟ ଜସେକ୍ତି ମେହି, ଜସେକ୍ ଜଦାତି ମେହି,

୨୭ ଜଦା ଜହନ୍ତି ମେହି, ଜହନ୍ ରେସା ଜିରୁବ୍ବାବେଲ୍ତି ମେହି, ଜିରୁବ୍ବାବେଲ୍ ସଲ୍ଟିୟେଲ୍ ମେହି, ସଲ୍ଟିୟେଲ୍ ନେରିତି ମେହି,

୨୮ ନେରି ମଲ୍କିତି ମେହି, ମଲ୍କି ଅଦିତି ମେହି, ଅଦି କସାମ୍ତି ମେହି, କସାମ୍ ଏଲ୍ଦାନ୍ତି ମେହି, ଏଲ୍ଦାନ୍ ଏରତି ମେହି,

୨୯ ଏର ଜିହସ୍ତୟତି ମେହି, ଜିହସ୍ତୟ ଏଲିୟାଜର୍ତି ମେହି, ଏଲିୟେଜର୍ ଜରିମତି ମେହି, ଜରିମ୍ ମତାତି ମେହି, ମତାତ ଲେବିତି ମେହି,

୩୦ ଲେବି ସିମିୟନ୍ତି ମେହି, ସିମିୟନ୍ ଜିହୁଦାତି ମେହି, ଜିହୁଦା ଜସେପ୍ତି ମେହି, ଜସେପ୍ ଜନାମ୍ତି ମେହି, ଜନାମ୍ ଏଲିୟାକିମ୍ତି ମେହି,

୩୧ ଏଲିୟାକିମ୍ ମଲାହତି ମେହି, ମଲାହ ମନ୍ନାତି ମେହି, ମନ୍ନା ମତତାତି ମେହି, ମତତା ନାତନ୍ତି ମେହି, ନାତନ୍ ଦାଉଦ୍ତି ମେହି,

୩୨ ଦାଉଦ୍ ଜିସିୟତି ମେହି, ଜିସି ଓବେଦତି ମେହି, ଓବେଦ ବୟଜତି ମେହି, ବୟଜ ସେଲହତି ମେହି, ସେଲହ ନହସନ୍ତି ମେହି,

୩୩ ନହସନ ଅମିନାଦବ୍ତି ମେହି, ଅମିନାଦାବ୍ ଅଦ୍ନି ମେହି, ଅଦ୍ନି ଅଣ୍ଟି ମେହି, ଅଣ୍ଟି ହେସ୍ତାତି ମେହି, ହେସ୍ତା ପେରସ୍ତି ମେହି, ପେରସ୍ ଜିହୁଦାତି ମେହି,

୩୪ ଜିହୁଦା ଜାକୁବ୍ତି ମେହି, ଜାକୁବ୍ ଇସ୍ହାକ୍ତି ମେହି, ଇସାହାକ୍ ଅବ୍ରାହାମ୍ତି ମେହି, ଅବ୍ରାହାମ୍ ତେରହତି ମେହି, ତେରହ ନାହରତି ମେହି,

୩୫ ନାହର ସରୁଗତି ମେହି, ସରୁଗ ରଗୁତି ମେହି, ରଗୁ ପେଲଗତି ମେହି, ପେଲଗ ଏବର୍ତି ମେହି, ଏବର୍ ସେଲହତି ମେହି,

୩୬ ସେଲହ କେନାନ୍ତି ମେହି, କେନାନ୍ ଅର୍ପକ୍ୟଦତି ମେହି, ଅର୍ପକ୍ୟଦ ସେମ୍ତି ମେହି, ସେମ ନହତି ମେହି, ନହ ଲେମକତି ମେହି,

୩୭ ଲେମକ ମିତୁସିଲହତି ମେହି, ମିତୁସିଲାହ ହନକତି ମେହି, ହନକ ଜେରଦତି ମେହି, ଜେରଦ ମହଲଲେଲତି ମେହି, ମହଲଲେଲ କେନାନ୍ତି ମେହି,

୩୮ କେନାନ୍ ଏନସତି ମେହି, ଏନସ୍ ସେତତି ମେହି, ସେତ ଆଦମ୍ତି ମେହି, ଆରମ୍ ଇସ୍ତର୍ ମେହି ।

୪

ଜିସୁଙ୍କ୍ ସୟତାନ୍ ପରିକ୍ୟା କିତାଡ୍  
(ମାର୍କ ୧:୧୨-୧୩; ଲୁକ ୪:୧-୧୨)

୧ ଜିସୁ ପୁଇପୁୟା ଜିବୁନ୍ ବାତ୍ ଆଜି ଜର୍ଦ୍ଦନ୍ ନାଗୁଡ୍ତାଂ ମାଜି ଝାତାନ୍, ଆରି ରିକଡ୍ତି ଦିନ୍ ପାତେକ୍ ଜିବୁନ୍ ହୁଦାଂ ବାଗାତ ଚାଲାଆଜି ସୟତାନ୍ ତାଙ୍ଗେଙ୍ଗ୍ ପରିକ୍ୟା କିତାଡ୍ ।

\* ୩:୨୨ ମାତିଉ ୩:୧୭; ମାର୍କ ୧:୧୧; ଲୁକ ୯:୩୫.



୨ ହେବେ ହେୱାନ ସୟତାନ ହୁକେ ଚାଲିସ ଦିନ ପାତେକ ପରିକ୍ୟା ଆତାନ । ହେ ସମ୍ଭୁ ବିତ୍ରେ ହେୱାନ ଇନାକା ତିନ୍‌ୱାଦାଂ ମାଚାନ, ଲାଗିଂ ଚାଲିସ ଦିନ ଓସ୍ତିଲେ, ହେୱାନ ନାସକି ଆତାନ ।

୩ ହେବେ ସୟତାନ ତାଙ୍ଗେଙ୍ଗ୍ ଇଚାଡ଼, “ଏନ୍ ଜଦି ଇସ୍‌ସ୍‌ର ମାଜି, ବାଟିଙ୍ଗ୍ ଇ କାଲ୍‌ଦିଂ ରୁଟି ଆଦେଂ ଇଞ୍ଜି ବଲ୍ ହିୟା ।”

୪ ଜିସୁ ହେଦେଲିଂ ଉତର ହିତାନ, “ଦରମ୍ ସାସ୍‌ସ୍‌ରତ ଲେକା ମାନାଡ଼, ମାନାୟ୍ କେବଲ୍ ରୁଟିଂ ତିନ୍‌ଞ୍ଜି ବାଚା ଆଉନ୍ ।”

୫ ଆରେ, ସୟତାନ ଜିସୁଙ୍ଗ୍ ଜପି ଅଜି ଅଲପ୍ ସମ୍ଭୁ ବିତ୍ରେ ପୁତ୍‌ନି ସବୁ ରାଜି ହେୱାନିଂ ଚଟ୍‌ଚାଡ଼ ।

୬ ଆରେ, ସୟତାନ ତାଙ୍ଗ୍ ଇଚାଡ଼, “ଆନ୍ ନିଙ୍ଗେଙ୍ଗ୍ ଇ ଓଜୁ ଆଦିକାର୍ ଆରି ଇ ହଲ୍‌ନାକା ହିଦ୍‌ନାଂ, ଇନାକିଦେଂକି ନାଙ୍ଗେଙ୍ଗ୍ ଇଦାଂ ଓଜୁ ଆଦିକାର୍ ହିଡ଼ତାର୍‌ନା, ଆରେ ଆନ୍ ଇନେରିଂ ଇଚା, ତାଙ୍ଗ୍ ହେଦାଂ ହିଦ୍‌ନାଂ ।”

୭ ଲାଗିଂ, “ଏନ୍ ଏଚେକାଡ଼ଦ୍ ମା ମୁମ୍‌ଦ ପୁଜା କିଦ୍‌ନାୟ୍, ଲାଗିଂ ଓଜୁ ନିଦାଂ ଆନାଡ଼ ।”

୮ ଜିସୁ ଉତର ହିତାନ, ସାସ୍‌ସ୍‌ର ଲେକା ମାନାଡ଼, “ଏନ୍ କେବଲ୍ ମାପୁ ଇସ୍‌ସ୍‌ରତିଂ ଜୁଞ୍ଜାର୍ କିନାୟ୍, ଆରେ ହେୱାନ୍ତି ପାର୍ତାନା କିନାୟ୍ ।”

୯ ଆରେ, ସୟତାନ ହେୱାନିଂ ଜିରୁସାଲମ୍‌ତ ଅଜି ମନ୍ଦିରନ୍ ଜେଗନ୍ ଜପି ନିଲି କିଜି ତାଙ୍ଗ୍ ଇଚାଡ଼, “ଏନ୍ ଜଦି ଇସ୍‌ସ୍‌ର ମାଜି, ତା ଆତିସ୍ ଇବେତାଂ ତାରେନ୍ ଗୁମା ।”

୧୦ ଇନାକିଦେଂକି ଦରମ୍ ସାସ୍‌ସ୍‌ରତ ଲେକା ମାନାଡ଼, “ନିଙ୍ଗେଙ୍ଗ୍ ରାକ୍ୟା କିଦ୍‌ନି କାଜିଂ ହେୱାନ ଜାର ଦୁଡ଼ରିଂ ନି ବିସ୍ତେ ବଲ୍ ହିନାନ୍ ।

୧୧ ଦରମ୍ ସାସ୍‌ସ୍‌ରତ ଲେକା ମାନାଡ଼, ଏଚେକାଡ଼ଦ୍ ନି ପାନା କାଲ୍‌ଦ୍ ଆଡ଼୍‌ଦାନାଡ଼, ଇଦାଂ କାଜିଂ ହେୱାର୍ ନି କେଇଦ୍ ଆସ୍ତାନାର୍ ।”

୧୨ ଆରେ, ଜିସୁ ସୟତାନତିଂ ଉତର ହିତାନ, ଦରମ୍ ସାସ୍‌ସ୍‌ରତ ଲେକାମାନାଡ଼, “ଏନ୍ ମାପୁ ଜାର ଇସ୍‌ସ୍‌ରତିଂ ପରିକ୍ୟା କିଉୟ୍ ।

୧୩ ଜିସୁଙ୍ଗ୍ ସୟତାନ ସବୁ ବାନି ପରିକ୍ୟା ଓସ୍ତି ପାଚେ କେତେଦିନ୍ ପାତେକ୍ ତାଙ୍ଗ୍ ପିସ୍ତି ହାଚାଡ଼ ।”

**ଗାଲିଲିତ ଜିସୁତି କାମାୟ୍ ଆରମ୍**  
(ମାତିଉ ୪:୧୨-୧୭; ମାର୍କ ୧:୧୪-୧୫)

୧୪ ଇଦାଂ ପାଚେ ଜିସୁ ପୁଇପୁୟା ଜିରୁନ୍‌ନି ସାକ୍ତିତାଂ ଗାଲିଲିତ ଲେଉଚା ଆତାନ, ଆରେ ଚାରିବେଣ୍ଟାଂ ସବୁ ରାଜିତ ଇଞ୍ଜେଙ୍ଗ୍ ଲାଗାତାନ ।

୧୫ ଆରି, ହେୱାନ ହେୱାର୍‌ତି କୁଚୁମ୍ ଇଲ୍ ଲାଗେ ହିକ୍ୟା ହିଜି ଓଜାର୍‌ତାଂ ଜାଜ୍‌ମାଲ୍ ପାୟା ଆଦେଂ ଲାଗାତାନ ।

**ଜିସୁଙ୍ଗ୍ ନାଜରିତ୍ ମାନିକିଞ୍ଜାତାର୍**  
(ମାତିଉ ୧୩:୫୩-୫୮; ମାର୍କ ୬:୧-୬)

୧୬ ଜିସୁ ଇମଣି ନାଜରିତିୟ୍ ପାଲିକିୟା ଆଜି ମାଚାନ, ହେ ବାହାତ ହାରିହାରା ହାଚାନ ଆରି ନିଜାର୍ ବିଦିତାଂ ଜମ୍‌ନିବାର୍‌ତ କୁଚୁମ୍ ଇଞ୍ଜ ହଚାନ, ଆରେ ସାସ୍‌ସ୍‌ର ପଡ଼ି କିଦେଙ୍ଗ୍ ଇଞ୍ଜି ନିଲ୍‌ତାନ ।

୧୭ ହେବେଣ୍ଟାଂ ଜିସାୟ୍ ବେଣ୍ଟାକ୍‌ଶାୟ୍‌କିନାକାନ୍ତି ପତି ତାଙ୍ଗେଙ୍ଗ୍ ହିତାର୍, ଆରେ ଜିସୁ ହେଦାଂ ଉନ୍‌ଦି, ଇମେତାକେ ଇ ବଚନ୍ ଲେକାଆତାଡ଼ନା ହେଦାଂ ହୁଡ଼ତାନ,

୧୮ ମାପୁତି ଜିରୁନ୍ ନା ତାକେ ଜୁଡ଼ତାନ୍ନା,

“ଲାଗିଂ ଇନାକା ହିଲାକାର୍ ଲାଗେ ନେକ୍ତିକାରୁର୍ ସୁଣାୟ୍ କିଦେଙ୍ଗ୍ ଇଞ୍ଜି ହେୱାନ ନାଙ୍ଗେଙ୍ଗ୍ ସିଗ୍‌କିଡ଼ନ୍ନା, ଜଇଲ୍ ମାନାକାରିଂ ମୁକ୍ତି କିନାକା ଆରି

କାଶାର୍‌ତାକେ ଲାଗେ ହୁଡ଼ିକିଦେଂ ବିସ୍ତେ ସୁଣାୟ୍ କିଦେଙ୍ଗ୍,

ଆରେ କସ୍‌ପାୟାଆନି ଲଗାଂ ମୁକ୍ତି କିଦେଙ୍ଗ୍,

୧୯ ଆରେ ମାପୁତି ଦୟାନିବାର୍‌ହୁ ସୁଣାୟ୍ କିଦେଙ୍ଗ୍

ହେୱାନ ନାଙ୍ଗେଙ୍ଗ୍ ପକ୍‌ତାତାନ୍ନା ।”

୨୦ ପାଚେ ହେୱାନ ପତି ତାବାୟ୍ କିଜି ହେବା କିନାକାରିଂ ହେଦାଂ ହିଜି କୁଚ୍‌ଚାନ, ଆରେ କୁଚୁମ୍ ଇଞ୍ଜି ଓଜାର୍‌ତି କାଣ୍‌କୁ ହେୱାନ ଜପି ହୁଡ଼ଜି ମାଚାର୍ ।

୨୧ ପାଚେ, “ହେୱାନ ହେୱେରିଂ ଇଞ୍ଜେଙ୍ଗ୍ ଲାଗାତାନ, ନେଜେଙ୍ଗ୍ ଦରମ୍ ସାସ୍‌ସ୍‌ର ଇ ବଚନ୍ ଏପେଙ୍ଗ୍ ଷ୍ଟେଟିଲେ ହେଦାଂ ପୁରାଆତାଡ଼ ।”

୨୨ ଆରେ, ଓଜାର୍ ହେୱାନ ବିସ୍ତେ ସାକି ହିଦେଂ ଲାଗାତାର୍ ଆରେ ହେ ଷ୍ଟେଇତାଂ ଇମଣି ଦୟାନି ବଚନ୍‌ତ ହିଜି ଖାଜି ମାଚାଡ଼; ଆରି ହେୱାର୍ ଇଞ୍ଜେଙ୍ଗ୍ ଲାଗାତାର୍, “ଇଞ୍ଜାନ ଇନାକା ଜସେପ୍ ମେହି ଆକାୟ୍ ?”

୨୩ ହେବେଣ୍ଟାଂ ହେୱାନ ଉତରମୁଡ଼୍ ହେୱେରିଂ ଇଚାନ, “ଏପେଙ୍ଗ୍ ଇନେସ୍ କିତିସ୍‌ପା ନାଙ୍ଗେଙ୍ଗ୍ ଇ ଟିକଲ୍ ବେରଣ୍ ଷ୍ଟେଚ୍‌ଚାନାଦେର୍, ହେ ତାକ୍‌ର ନିଜେ ନିଜତିଂ ଉଜ୍ ଆ; ଆରେ ଇନାନ୍ କପର୍‌ନାହୁମ୍ ଇନା ଇନାକା ଗିଗା ଆତାଡ଼ନ୍ନା ଇଞ୍ଜି ଆପେଂ ଷ୍ଟେଚ୍‌ଚାପ୍‌ନା, ହେ ସବୁ ଇ ବାହାତ ନିଜ୍ ଦେସ୍ ଗାଡ଼୍‌ପା କିୟା ।”

୨୪ \*ଆରେ, ହେୱାନ ଇଚାନ, “ଆନ୍ ମିଙ୍ଗେଙ୍ଗ ହାଡ଼ପା ଇଞ୍ଜେନାଙ୍ଗ, ଇମ୍ଫଣି ବେଣ୍ଟବାକ୍‌ଣାୟ୍ କିନାକାନ୍ ନିଜ୍ ଗାଡ଼୍‌ଦ ମାନ୍ କିୟାଆଉନ୍ ।”

୨୫ “ମାତର୍ ଆନ୍ ମିଙ୍ଗେଙ୍ଗ ହାଡ଼ପା ଇଞ୍ଜେନାଙ୍ଗ, ଏଲିୟତି ସମୁଦ ଏଚେକାଡ଼୍‌ଦ ତିନିବାର୍‌ହୁ ଚଅମାସ୍ ପାତେକ୍ ଆକାସ୍‌ତା° ବାର୍‌ହା ଆଞ୍ଜିତିଲେ ସବୁ ଦେସ୍‌ତ କାତାର୍ ଆରତାଡ଼, ହେ ପାଦ୍‌ନା ଇସ୍ରାଏଲ୍ ବିତ୍ରେ ହେନି ରାଣ୍ଡିକ୍ ମାଟିକ୍;

୨୬ ଆତିସ୍‌ପା ଏଲିୟ ହେଞ୍ଜାର୍‌ତି ଇନେର୍ ତାକେପା ପକ୍ୟା ଆଞ୍ଜାଦା° କେବଲ୍ ସିଦନ୍ ଦେସ୍‌ନି ସାରିପଡ଼ିତ° ର ରାଣ୍ଡି କଗ୍‌ଲେ ଲାଗେ ପକ୍ୟା ଆତାନ୍ ।

୨୭ ପାଚେ, ବେଣ୍ଟବାକ୍‌ଣାୟ୍‌କିନାକାନ୍ ଇଲିସାୟ୍‌ନି ସମୁତ ଇସ୍ରାଏଲ୍ ବିତ୍ରେ ବେସି ଗାଜା ରଗ୍ୟାର୍ ମାଚାର୍; ଆତିସ୍‌ପା ହେଞ୍ଜାର୍ ବିତ୍ରେ ଇନେର୍‌ପା ଉଜ୍ ଆଞ୍ଜାଦା° ମାଚାର୍, କେବଲ୍ ସିରିୟା ଦେସ୍‌ନି ନାମାନ୍ ସକଟ୍ କିୟା ଆଜି ମାଚାର୍ ।”

୨୮ କୁରୁମ୍ ଇଞ୍ଜ ଇ ସବୁ ବେରଣ୍ ଖେନ୍ତୁ ଖେନ୍ତୁ ଓଜାର୍ ରିସା ଆତାର୍,

୨୯ ଆରେ ହେଞ୍ଜାର୍ ନିଙ୍ଗ୍‌ଜି ତାଙ୍ଗେଙ୍ଗ ଗାଡ଼ତା° ହପତାତାର୍ ଆରି ହେଞ୍ଜାର୍‌ତି ଗାଡ଼ ଇମ୍ଫଣି ମାଡ଼ି ଜପି ରଡ଼ିମାଚାର୍, ହେ ଖେଡ଼ାଙ୍ଗ ଦାରିଆ ବାହାତ ତାରେନ୍ ତୁଇଦେଙ୍ଗ ଇଞ୍ଜି ହେଞ୍ଜାନି° ହେବେ ଅଜି ହାଚାର୍;

୩୦ ମାତର୍ ଜିସୁ ହେଞ୍ଜାର୍ ବିତ୍ରେ ହିଜି ବୁଲାଆଜି ହାଚାନ୍ ।

**ଜିସୁ ପୁଦାଆହ୍‌ୟାତି ମାନାୟ୍‌ତି° ଉଜ୍ କିତାନ୍**

(ମାର୍କ ୧:୨୧-୨୮)

୩୧ ହେୱାନ କପର୍ନାହୁମ୍ ତର୍‌ଦି ଗାଲିଲିତ ର ଗାଡ଼୍‌ଦ ଖାତାନ୍, ଜମ୍‌ନିବାର୍ ଖେଡ଼ାଙ୍ଗ ମାନାୟ୍‌ରି° ହିକ୍ୟା ହିକାୟ୍ କିଦେଙ୍ଗ ଲାଗାତାନ୍,

୩୨ ଆରେ ହେଞ୍ଜାର୍ ହେଞ୍ଜାନତି ହିକ୍ୟାତ କାବା ଆତାର୍, ଇନାକିଦେ°କି ହେଞ୍ଜାନ୍ତି ବଚନ୍ ଆଦିକାର୍ ମେହା ମାଚାଡ଼ ।

୩୩ ଦିନେକ୍ କୁରୁମ୍ ଇଞ୍ଜ ରଖାନ୍ ରାଡ଼ା ପୁଦା ଆହିୟା ଆତାକାନ୍ ମାଚାନ୍; ହେୱାନ ଗାଜାକାଟ୍‌ତା° ହିର୍‌ବାତାନ୍,

୩୪ “ଆ, ନାଜରିତ୍‌ୟ୍ ଜିସୁ, ମା ଲାହାଙ୍ଗ୍ ମିଦାଙ୍ଗ୍ ଇନାକା ମାନାଡ଼ ? ଏନ୍ କି ମାଙ୍ଗେଙ୍ଗ୍ ନସ୍ କିଦେଙ୍ଗ୍ ଖାତାଇନା ? ଏନ୍ ଇନେର୍ ହେଦା° ଆନ୍ ପୁନାଙ୍ଗ୍; ଏନ୍ ଇସ୍‌ବର୍ ମାପୁଡ଼ି ହେ ପୁଇପୁୟା ମାନାୟ୍ ।”

୩୫ ଜିସୁ ହେଦେଲି° ଦାକା ହିଜି ଇଚାନ୍, “ଟିମ୍‌ରା ଆ, ଇବେଣ୍ଟା° ହସି ହାଲା ।” ହେବେଣ୍ଟା° ହେ ବୁଡ଼ ହେଞ୍ଜେନି° ଓଜାର୍ ମୁମ୍‌ଦ ତୁହିଜି ହେଞ୍ଜାନ୍ତି ଇନାକା କସ୍ ହିଞ୍ଜାଦା° ହେଞ୍ଜାନତା° ହସି ହାଚାଡ଼ ।

୩୬ ଇବେଣ୍ଟା° ଓଜାର୍ କାବା ଆଜି ହେଞ୍ଜେର୍ ହେଞ୍ଜାର୍ ଖେଟ୍‌ପା ଆତାର୍, “ଇଦା° ଇନା ବେରଣ୍ ? ହେୱାନ ଆଦିକାର୍ ସାକ୍ତିତା° ହେୱାନ ବାନ୍ୟା ଜିରୁନ୍‌ତି° ପା ବଲ୍ ହିନାନା, ଆରେ ହେଞ୍ଜାଙ୍ଗ୍ ହିଜି ହାନିକ୍ ।”

୩୭ ହେବେଣ୍ଟା° ହେଞ୍ଜାନ ବିସ୍ତେ ବେରଣ୍ ଚାରବେଣ୍ଟା° ନାସ୍‌କୁକା° ଓଞ୍ଜି ହାଚାଡ଼ ।

**ଜିସୁ ବେସି ହେନିତି° ଉଜ୍ କିତାନ୍**

(ମାତିଉ ୮:୧୪-୧୭; ମାର୍କ ୧:୨୯-୩୪)

୩୮ ପାଚେ ଜିସୁ କୁରୁମ୍ ଇଞ୍ଜ ନିଙ୍ଗ୍‌ଜି ସିମନାର୍ ଇଞ୍ଜ ହାଚାନ୍ । ସିମନ୍ ପଦାହିଙ୍ଗ୍ ବେସି ନମେର୍ ଆଜି ମାଚାଡ଼, ଆରେ ହେଞ୍ଜାର୍ ତା ବିସ୍ତେ ହେଞ୍ଜାନି° ଗଞ୍ଜାରି କିତାର୍ ।

୩୯ ହେବେଣ୍ଟା° ହେୱାନ ହେ ଲାଗାୟ୍ ନିଲ୍‌ଜି ନମେର୍‌ତି° ଦାକା ହିତାନ୍, ଆରି ହେଦେଲି° ନମେର୍ ପିସ୍ତାଡ଼, ପାଚେ ହେଦେଲ୍ ହେ ସାଙ୍ଗେ ସାଙ୍ଗେ ନିଙ୍ଗ୍‌ଜି ହେଞ୍ଜାର୍‌ତି ହେବା କିଦେଙ୍ଗ୍ ଲାଗାତାଡ଼ ।

୪୦ ଖେଡ଼ାହାନି ସମୁତ, ଇନେର୍ ଲାଗା° ବାର୍‌ବିନ୍ ରଗ୍ ଆତି ମାନାୟ୍‌ର ମାଚାର୍, ହେଞ୍ଜାର୍ ଓଜାର୍ ହେଞ୍ଜାରି° ଜିସୁ ଲାଗେ ତାଇଞ୍ଜାତାର୍ ଆରି ହେଞ୍ଜାନ ଓଜାର୍ ମାନାୟ୍‌ଜପି କେଇ ଇଡ଼୍‌ଜି ହେଞ୍ଜାରି° ଉଜ୍ କିତାନ୍ ।

୪୧ ପାଚେ, ବୁଡ଼କୁପା କିକିରାତି° କିଜି କିଜି “ଏନ୍ ଇସ୍‌ବର୍ ମାଜି” ଇଞ୍ଜି ଖେନ୍‌ଞ୍ଜି ବେସି ଲାଗାର୍‌ତା° ହସି ହାଟିକ୍ ଆରେ, ଜିସୁ ହେଞ୍ଜେରି° ଦାକା ହିଜି ବେରଣ୍ ଇଞ୍ଜେଙ୍ଗ୍ ହିଞ୍ଜାତାନ୍, ଇନାକିଦେ°କି ହେଞ୍ଜାନ ଜେ କ୍ରସ୍, ଇଦା° ହେଞ୍ଜାଙ୍ଗ୍ ପୁଞ୍ଜି ମାଟିକ୍ ।

**ଗୁଡ଼ି ଇଞ୍ଜ ଜିସୁତି ସୁଣାୟ୍ କିନାକା**

(ମାର୍କ ୧:୩୫-୩୯)

୪୨ ନାଣାଙ୍ଗେ ଆନିହିଙ୍ଗ୍, ହେୱାନ ଗାଡ଼୍‌ଦା° ହସି ର ଟିମ୍‌ରା ବାହାତ ହାଚାନ୍; ଆରି, ମାନାୟ୍‌ର ତାକେ ହେଞ୍ଜାନି° ଦାସ୍‌ତେ° ହେ ଲାଗେ ଖାଚାର୍, ଆରେ ହେଞ୍ଜାନ ଇନେସ୍ ହେଞ୍ଜାର୍‌ତା° ହାଜେଙ୍ଗ୍ ଆଡୁନ୍, ହେଦା° କାଜି° ହେଞ୍ଜାନି° ଚେବାୟ୍ କିଦେଙ୍ଗ୍ ସେସ୍ତା କିତାର୍ ।

୪୩ ମାତର୍ ହେଞ୍ଜାନ ହେଞ୍ଜାରି° ଇଚାନ୍, “ବିନ୍ ବିନ୍ ଗାଡ଼୍‌ଦ ପା ନାଙ୍ଗେଙ୍ଗ୍ ଲଡ଼ା ମାପୁ ରାଜିନି ନେକ୍‌କାବୁର୍ ସୁଣାୟ୍ କିଦେଙ୍ଗ୍ ଆନାଡ଼, ଇନାକିଦେ°କି ହେଦା° କାଜି° ଇସ୍‌ବର୍ ନାଙ୍ଗେଙ୍ଗ୍ ପକ୍‌ତାତାନ୍ନା ।”

୪୪ ପାଚେ, ହେଞ୍ଜାନ ଜିହୁଦା ଦେସ୍‌ନି କୁରୁମ୍ ଇଞ୍ଜ ସୁଣାୟ୍ କିଦେଙ୍ଗ୍ ଲାଗାତାନ୍ ।

☆ ୪:୨୪ ଜହନ୍ ୪:୪୪.



ଜିସୁ ପର୍ତ୍ତୁମ୍ ତେଲାରିଂ କୁକ୍ତାନ  
(ମାତିଉ ୪:୧୮-୨୨; ମାର୍କ ୧:୧୭-୨୦)

୧୧ ଦିନେକ୍ ଜିସୁ ଗିନେସରତ୍ ହମ୍‌ତୁର ଗୁଟିତ ନିଲ୍‌ଟି ମାତାନ; ଆରି ମାନାୟାର୍ ଗହଲିତ ହେଝାନ ଜପି ତବ୍‌ଗା ଆଜି, ଇସ୍‌ବର୍ ମାପୁ ବଚନ୍ ଝେନ୍‌ଞ୍ଜି ମାତାର୍,

୧୨ ଆରି, ହେଝାନ ହାମ୍‌ତୁର ଗୁଟିତ ରିଶ୍ଟା ତଙ୍ଗାଙ୍ ମାନାକା ହୁଡ୍‌ତାର୍; ମିନ୍‌କୁ ଆହ୍‌ନାକାର୍ ହେବେଶ୍ଟା ଜୁଜି ଜାଲ୍ ନୁସ୍‌ଦି ମାତାର୍ ।

୧୩ ହେ ତଙ୍ଗାଙ୍ ବିତ୍ରେତାଂ ଇମ୍‌ଶାକା ସିମନ୍‌ତି ମାତାଡ୍, ହେବେ ହେଝାନ ଦୁମ୍‌ଜି ମେଦ୍‌ନିତାଂ ଅଲପ୍ ଦେହା ହାଜେଙ୍ ଇଞ୍ଜି ହେଝାନିଂ ଗଞ୍ଜାରି କିତାନ; ଆରେ, ହେଝାନ କୁଚ୍‌ତି ତଙ୍ଗାତାଂ ହେନି ମାନାୟାର୍‌ତ ହିକ୍ୟା ହିଦେଂ ଲାଗାତାନ ।

୪ ଜିସୁ ବେରଣ୍ ଝିସ୍ତି ସିମନ୍‌ତିଂ ଇଚାନ, “ଏଜୁଂ ବିତ୍ରେ ହାଲ୍‌ଜି ମିନ୍‌କୁ ଆସ୍ତେଙ୍ ଇଞ୍ଜି ମିଝାଙ୍ ଜାଲ୍ ଇଡାଟ୍ ।”

୫ ଇବେଶ୍ଟାଂ ସିମନ୍ ଉତର ହିତାନ, “ଏ ଗୁରୁ, ଆପେଂ ହାର୍‌ତାନାଶା କାମାୟ୍ କିଜି ଇନାକା ଆହ୍‌ଝାତାମ୍; ମାତର ନି କାତାତାଂ ଆନ୍ ଜାଲ୍ ଇଡ୍‌ନାଙ୍ ।”

୬ ଆରି, ହେଝାର୍ ହେଦାଂ ଇଡ୍‌ଜି ବେସି ମିନ୍‌କୁ ଆସ୍ତାର୍, ପାଚେ ହେଝାର୍‌ତି ଜାଲ୍ ନାଡ୍‌ବେଦେଂ ଲାଗାତାଡ୍ ।

୭ ହେବେଶ୍ଟାଂ ହେଝାର୍ ଇମ୍‌ଶି ତା ହାଙ୍ଗ୍‌ଦାକାର୍ ମାତାର୍ ଅଲ୍‌ଗା ତଙ୍ଗାତାକେ ମାତାର୍, ହେଝାର୍ ଇନେସ୍ ଝାଜି ହାଙ୍ଗ୍ କିତାର୍, ଇଦାଂ କାଜିଂ ହେଝାର୍ ହେଝାରିଂ କୁକ୍ତାର୍ । ଇବେଶ୍ଟାଂ ହେଝାର୍ ଝାଜି ରିଶ୍ଟା ତଙ୍ଗାକାଂ ଏଲେଙ୍ ବାତ୍ କିତାର୍ ଜେ, ହେଝାଙ୍ ମୁଞ୍ଜିନି ଲାକେ ଆତାଡ୍ ।

୮ ମାତର ସିମନ୍ ପିତର ଇଦାଂ ହୁଡ୍‌ଜି ଜିସୁଙ୍ କାଲ୍‌କୁ ତାରେନ୍ ଦାଶ୍‌ହାଶ୍ ମାଗ୍‌ଜି ଇଚାନ, “ଏ ମାପୁ ନା ଲାଗେତାଂ ହାଲା, ଲାଗିଂ ଆନ୍ ରଝାଙ୍ ପାପି ମାନାୟ୍ ।”

୯ ଇନାକିଦେଂକି ହେଝାର୍ ହେ ବାହାତ ଏତେକ୍ ମିନ୍‌କୁ ଆସ୍ତାର୍ ଜେ ହେଦାଂ ହୁଡ୍‌ଜି ହେଝାନ ଆରେ ତା ହାଙ୍ଗ୍‌ଦାକାର୍ କାବା ଆତାର୍ ।

୧୦ ଆରି, ଜେବ୍‌ଦିରନ୍ ରିୟାର୍ ମାଜି ମାତାର୍ ଜାକୁବ୍ ଆରି ଜହନ୍, ଇମ୍‌ଶାକାର୍ କି ସିମନ୍‌ତିଂ ମେହାୟ୍‌କିଜି ମାତାର୍, ହେଝାର୍ ବିତ୍ରେ ହେ ଲାକେ କାବା ଆତାର୍ । ଆରେ, ଜିସୁ ସିମନ୍‌ତିଂ ଇଚାନ, “ପାଶ୍ଟା ଆମା, ଆନ୍ ମିଙ୍ଗେଙ୍ ମାନାୟ୍ ଆହ୍‌ନାକା ହିକାଇ କିଦ୍‌ନାଙ୍ ।”

୧୧ ହେବେଶ୍ଟାଂ ହେଝାର୍ ତଙ୍ଗାଙ୍ ଗୁଟିତ ତାସି ଝିଜୁ ପିସ୍ତି ଜିସୁ ପାଚେ ପାଚେ ହାଚାର୍ ।

ଜିସୁ ର ଗାଜା ରଗିଙ୍ ଉଜ୍ କିତାନ  
(ମାତିଉ ୮:୧-୪; ମାର୍କ ୧:୪୦-୪୫)

୧୨ ରଗ ଜିସୁ ଗାଡ୍‌ଦ ମାନି ସମୁତ, ହୁଡା, ଗାଜାରଗ୍ କାଟାକାନ ହେ ବାହାତ ମାତାନ; ହେଝାନ ଜିସୁଙ୍ ହୁଡ୍‌ଜି ମୁମ୍ ତାରେନ୍ କିଜି ତାଙ୍ଗେଙ୍ ଗଞ୍ଜାରି କିଜି ଇଚାନ, “ଏ ମାପୁ ଏନ୍ ଜଦି ଇଚା କିନାୟ୍, ତା ଆତିସ୍ ନାଙ୍ଗେଙ୍ ସକଟ୍ କିଦେଙ୍ ଆଡ୍‌ଦାନାୟ୍ ।”

୧୩ ହେବେଶ୍ଟାଂ ହେଝାନ କେଇ ଲାମାୟ୍ କିଜି ହେଝାନିଂ ତୁବିସ୍ ଇଚାନ, “ଆନ୍ ଇଚା କିନାଙ୍, ସକଟ୍ ଆ ।” ହେ ଦାପ୍ରେ ଗାଜାରଗ୍ ତା ତାକେଶ୍ଟାଂ ଦେହା ଆତାଡ୍ ।

୧୪ ଆରେ, ଜିସୁ ତାଙ୍ଗେଙ୍ ବଲ୍ ହିଜି ଇଚାନ ଇନେରିଂପା ଝେର୍‌ମା, ମାତର “ହାଲ୍‌ଜି ମାପୁହେବାକିନାକାନିଂ ତାକେ ହାଲା ନିଜେ ଚର୍‌ୟା, ଆରି ମସାତି ବଲ୍ ଇସାବ୍‌ରେ ଜାର୍‌ତି ନିର୍ମଲ୍ ଲାକେ ହେଝାର୍ ଲାଗାଂ ସାକି ହିନି କାଜିଂ ପୁଜା କିୟା ।”

୧୫ ମାତର ହେଝାନ୍ତି ବେଶ୍‌ନି କାତା ଆରି ବେସି ଝିଣିତାଡ୍, ଆରି ବେସି ମାନାୟାର୍ ଝେଞ୍ଜେଙ୍ ଇଞ୍ଜି ଆରେ ଜାର୍ ଜାର୍ ରଗ୍‌ତାଂ ଉଜ୍ ଆଦେଂ ଇଞ୍ଜି ରୁଶ୍ଟା ଆଦେଂ ଲାଗାତାର୍;

୧୬ ମାତର ହେଝାନ୍ ଚିମ୍‌ରା ବାହାକାଂ ମାନ୍‌ଞ୍ଜି ପାର୍ତାନା କିଜି ମାତାନ ।

ଜିସୁ ର ହିର୍‌କଲ୍‌ରଗିଂ ଉଜ୍ କିତାନ  
(ମାତିଉ ୯:୧-୧୮; ମାର୍କ ୨:୧-୧୨)

୧୭ ଦିନେକ୍ ଜିସୁ ହିକାୟ୍ କିଜି ମାତାନ, ଆରି ଗାଲିଲିନି ସବୁ ନାସକୁ, ଆରେ ଜିହୁଦା ଦେସ୍ ଆରେ ଜିରୁସାଲମ୍‌ତାଂ ଝାନାକାରିଂ ପାରୁସି ଆରେ ମସାତି ବିଦି ଗୁରୁର୍ ଲାଗେନେ କୁଚ୍‌ତି ମାତାର୍ । ଆରି, ହେଝାନ ଇନେସ୍ ରଗିଂ ଉଜ୍ କିନାନ୍, ଇଦାଂ କାଜିଂ ମାପୁତି ସାକ୍ତି ହେବେ ମାତାଡ୍ ।

୧୮ ଆରେ ହୁଡାଟ୍, କେତେକ୍ ଲଗୁ ର ପାକା ଝାବ୍‌ୟାତି ରଗି ମାନାୟ୍‌ତିଂ କାଚେଲ୍‌ତ ପିଶ୍ଟି ତାସି ବିତ୍ରେ ଅଦେଂ କାଜିଂ ଆରି ଜିସୁଙ୍ ମୁମ୍‌ଦ ଇଡ୍‌ଦେଂ କାଜିଂ ସେସ୍ କିଜି ମାତାର୍ ।

☆ ୫:୧ ମାତିଉ ୧୩:୧,୨; ମାର୍କ ୩:୯,୧୦; ୪:୧. ☆ ୫:୫ ଜହନ୍ ୨୧:୩. ☆ ୫:୬ ଜହନ୍ ୨୧:୬.

୧୯ ମାତର ବିଡ଼ ଲାଗି ତାଙ୍କେଇଁ ବିଦ୍ରେ ଅଦେଂ କାଜିଂ ହାଜି ଗାଟାଖାତିଲେ ହେଖାର ଇଲ୍ ଚାଉଣି ହାଲ୍ଜି ଜେଗନ୍ ଜେସ୍ସି କାଟେଲ୍ ହୁକେ ତାଙ୍ଗ୍ ମାଦ୍ଣି ବାହାତ ଜିସୁ ମୁମ୍ଦ ଜୁଡ଼ତାର ।

୨୦ ହେଖାନ୍ ହେଖାର ପାତ କିନାକା ହୁଡ଼ଜି ଇଚାନ୍, “ଏ ମାନାୟ୍, ନି ଓଜୁ ପାପ୍ କେମା କିୟା ଆତାଡ଼ନ୍ନା ।”

୨୧ ହେବେ ସାସ୍ତିର୍ ଆରି ପାରୁସିର୍ ଜାର୍ ଜାର୍ ବିଦ୍ରେ ଏଲେଙ୍ଗ୍ ଇଞ୍ଜେଙ୍ଗ୍ ଲାଗାତାର୍, ଇଖାନ୍ ଜେ ଇସ୍ପର୍ ନିୟା କିନାନା, “ଇଖାନ୍ ଇନାକାନ୍ ? କେବଲ୍ ଇସ୍ପର୍ ପିସ୍ତି ଆରେ ଇନେର୍ ପାପ୍ କେମା କିଦେଙ୍ଗ୍ ଆଡ଼ଦାନାନ୍ ?”

୨୨ ମାତର ଜିସୁ ହେଖାରିଂ କାତାବାର୍ତ୍ତା ପୁଞ୍ଜି ହେଖାରିଂ ଉତର୍ ହିତାନ୍, “ଏପେଙ୍ଗ୍ ଜାର୍ ଜାର୍ ମାନ୍ତ ଇନାକା କାତାବାର୍ତ୍ତା କିନାଦେରା ?

୨୩ ଇନାକା ଆଡ଼ଞ୍ଜା ? ନି ଓଜୁ ପାପ୍ ସବୁ କେମା କିୟା ଆତାଡ଼ ଇଞ୍ଜି ଇନାକା, କି ନିଙ୍ଗା, ତାଙ୍ଗା ଇଞ୍ଜି ଇନାକା ?”

୨୪ ମାତର ପୁଡ଼ ତ ପାପ୍ କେମା କିଦେଙ୍ଗ୍ ମାନାୟ୍ ମାଜିଡ଼ି ଆଦିକାର୍ ମାନାଡ଼, ଇଦାଂ ଇନେସ୍ ଏପେଙ୍ଗ୍ ପୁନାଦେର୍ ଇଦାଂ କାଜିଂ ହେଖାନ୍ ହିରକଲ୍ ଇଡ଼ୟାତି ରଗିଂ ଇଚାନ୍, “ଆନ୍ ନିଙ୍ଗ୍ ଇଞ୍ଜିନାଙ୍ଗା, ନିଙ୍ଗା, ନି କାଟେଲ୍ ଆସ୍ତି ଜାର୍ ଇଞ୍ଜି ହାଲ୍ଲା ।”

୨୫ ହେବେତାଂ ହେଖାନ୍ ଦାପ୍ରେ ହେଖାର ମୁମ୍ଦ ନିଙ୍ଗ୍ଜି, ଇମ୍ଣି କାଟେଲ୍ ଜପି ହେଖାନ୍ ହୁନ୍ଜି ମାଚାନ୍, ହେଦାଂ ଅଜି ଗାଜା ଇସ୍ପର୍ କେରଜି କିଜି କିଜି ଜାର୍ ଇଞ୍ଜି ହାଚାନ୍ ।

୨୬ ହେବେ ଓଜାକାର୍ କାବା ଆଜି ଇସ୍ପର୍ କେରଦେଙ୍ଗ୍ ଲାଗାତାର୍ ଆରି ବେସି ପାଣ୍ଡା ଆଜି ଇଚାର୍, “ନେଞ୍ଜେଙ୍ଗ୍ ଆପେଙ୍ଗ୍ କି କାବାଆନି ଗର୍ଣା ହୁଡ଼ତାପ୍ !”

**ଜିସୁ ଲେବିଙ୍ଗ୍ କୁକ୍ତାନ୍**

(ମାତିଉ ୯:୯-୧୩; ମାର୍କ ୨:୧୩-୧୭)

୨୭ ଇବେଣ୍ଡାଂ ଜିସୁ ହସି ହାଲ୍ଜି ଲେବି ତରଦାକାନ୍ ରଞ୍ଜାନ୍ ସିସ୍ତୁନ୍ନାକାନ୍ ଏନ୍ନି ବାହାତ କୁଚ୍ଚି ମାନାକା ହୁଡ଼ଜି ତାଙ୍ଗ୍ ଇଚାନ୍, “ନା ପାଟେ ଖା ।”

୨୮ ହେବେଣ୍ଡାଂ ଲେବି ଓଜୁ ପିସ୍ତି ନିଙ୍ଗ୍ଜି ତା ପାଟେ ହାଞ୍ଜେଙ୍ଗ୍ ଲାଗାତାନ୍ ।

୨୯ ଆରେ, ଲେବି ଜାର୍ ଇଞ୍ଜି ହେଦାଂ କାଜିଂ ର ଗାଜାବଜି କିତାନ୍, ଆରେ ବେସି ହେନି ସିସ୍ତୁନ୍ନାକାର୍ ଆରି ବିନ୍ ବିନ୍ ଲକୁ ହେଖାର ହୁକେ ଚିଞ୍ଜେଙ୍ଗ୍ କୁଚ୍ଚାର୍ ।

୩୦ ହେବେଣ୍ଡାଂ ପାରୁସିର୍ ଆରି ହେଖାର କୁଦାନି ସାସ୍ତିର୍ ତା ଚେଲାର୍ ବିରୁଡ଼ତାଂ ଇଞ୍ଜେଙ୍ଗ୍ ଲାଗାତାର୍, “ଏପେଙ୍ଗ୍ ଇନେକିଦେଂ ସିସ୍ତୁନ୍ନାକାର୍ ଆରି ପାପିୟାର୍ ହୁକେ ତିନାଉଣା କିନାଦେରା ?”

୩୧ ଜିସୁ ହେଖାରିଂ ଉତର୍ ହିତାନ୍, “ଉଜ୍ ଆତାକାର୍ ତାକେ ତାଙ୍ଗ୍ ରତିଂ ଲଡ଼ା ଆକାୟ୍, ମାତର ଉଜ୍ ଆଖାତାକାରିଂ ଲଡ଼ା ମାନାଡ଼ ।

୩୨ ଆନ୍ ଦାମ୍ ଲଗାଙ୍ଗ୍ କୁକ୍ତେଂ ଇଞ୍ଜି ଖାଖାତାନ୍ନା, ମାତର ମାନ୍ଦାଦ୍ଲାଇୟ୍ କିନି କାଜିଂ ପାପିୟାରିଂ କୁକ୍ତେଂ ଖାତାନ୍ନା ।”

**ଉପାସ୍ କିନି ବିସ୍ତେ ପରସନ୍**

(ମାତିଉ ୯:୧୪-୧୭; ମାର୍କ ୨:୧୮-୨୨)

୩୩ କେତେଜାଣ୍ ଜିସୁଙ୍ଗ୍ ଇଚାର୍, “ଜହନ୍ତି ଚେଲାର୍ ଚାଣେକ୍ତିଂ ଚାଣେକ୍ ଉପାସ୍ ଆରି ପାର୍ତାନା କିତାର୍, ପାରୁସିର୍ ଚେଲାର୍ ପା ହେ ଲାକେ କିତାର୍, ମାତର ନି ଚେଲାର୍ ତିନାଉଣା କିତାର୍ ।”

୩୪ ହେବେଣ୍ଡାଂ ଜିସୁ ହେଖେରିଂ ଇଚାନ୍, “ବିବା ଇଞ୍ଜି ଖାତାକାର୍ ବିବାଦାଂଣେନ୍ ମାନି ଖେଡ଼ାଲିଂ ଏପେଙ୍ଗ୍ କି ହେଖାରିଂ ଉପାସ୍ କିକିଦେଂ ଆଡ଼ନାଦେର୍ ? ମୁଡ଼କେ ଆକାୟ୍

୩୫ ମାତର ସମ୍ପୁ ଖାନାଡ଼; ଏଚେକାଡ଼୍ଦ ହେଖେର୍ତାଂ ବିବାଦାଂଣେନିଂ ନିକ୍ତି ଅନାର୍, ହେ ପାଦନା ହେଖାଡ଼ାଂ ହେଖାର୍ ଉପାସ୍ କିତାର୍ ।”

୩୬ ଆରେ, ହେଖାନ୍ ହେଖେରିଂ ର ଉତର୍ମୁଡ଼ ଇଚାନ୍, “ଇନେର୍ ପୁନି ହେନ୍ଦାତାଂ ପ୍ଲାନି ହେନ୍ଦାତ ଇଚୁନ୍; ଇଚ୍ତିସ୍ ହେ ପୁନି ହେନ୍ଦାତଂ କେଚ୍ଚି ଅନାଡ଼, ଆରେ ପୁନିହେନ୍ଦା ପ୍ଲାନି ହେନ୍ଦା ହୁକେ ମିହାଆଉଡ଼ ।

୩୭ ଆରେ, ଇନେର୍ ପୁନି ଅଙ୍ଗୁର୍ ରାସ୍ ପ୍ଲାନି ତଲ୍ ମଶାତ ଇଚୁନ୍; ଇଚ୍ତିସ୍ ପୁନି ଅଙ୍ଗୁର୍ ରାସ୍ ମଶାତିଙ୍ଗ୍ ପାର୍ଚନାଡ଼, ଆରେ ମଶା ନସ୍ତୁ ଆନାଡ଼ ।

୩୮ ମାତର ପୁନି ଅଙ୍ଗୁର୍ ରାସ୍ ପୁନି ମଶାତ ଇଚ୍ଚନାକା ମାନାଡ଼ ।

୩୯ ଆରେ, ଇନେର୍ ପୁନି ଅଙ୍ଗୁର୍ ରାସ୍ ଉଣ୍ଡି ପୁନି ଅଙ୍ଗୁର୍ ରାସ୍ ଉଣ୍ଡେଙ୍ଗ୍ ମାନ୍ କିଉର୍, ଇନାକିଦେଂକି ହେଖାନ୍ ଇନାନ୍, ପ୍ଲାନାକା ନେ ହାର୍ ।”



**ଜିସୁ ବିଚାର୍ ନାଞ୍ଜିଙ୍ଗି ପରସନ୍**

(ମାତିଉ ୧୨:୧-୮; ମାର୍କ ୨:୨୩-୨୮)

୧ ରଗ ଜମ୍ବିବାର ନାଜିଂ ଜିସୁ ତାସ୍‌ରୁମି ହିଜି ହାଲ୍‌ଜି ମାନି ଖେଡ଼ାଲିଂ ତା ଚେଲାହିର୍ ତାସ୍‌ନି ଜିକି ନାଡ଼ିଂ ନାଡ଼ିଂ କେଇଦ ରାମ୍‌ଦାୟ୍ କିଜି ତିଞ୍ଜି ମାଚାର୍ ।

୨ ମାତର୍ ପାରୁସିର୍ ବିତ୍ରେ କେତେକ୍ ଇଚାର୍, “ଜମ୍ବିବାର୍ତ ଇନାକା କିନାକା ବିଦି ହିଲ୍‌ଡ଼, ହେଦାଂ ଏପେଙ୍ଗ୍ ଇନେକିଦେଂ କିନାଦେରା ?”

୩ ଜିସୁ ହେଝାରିଂ ଉତର୍ ହିତାନ୍, “ଦାଉଦ୍ ଆରି ତା ମାନାୟ୍ ନାସ୍‌କି ମାନି ଖେଡ଼ାଲିଂ ଇନାକା କିଜି ମାଚାନ୍, ହେଦାଂକି ଏପେଙ୍ଗ୍ ପଡ଼ି କିଝାତାଦେଣ୍ଟା ?

୪ ଦାଉଦ୍ ଇନେସ୍ ଇସ୍‌ବର୍ ଇଞ୍ଜ ହଣ୍‌ଜି, ଇମ୍‌ଣି ଦର୍ସନି ରୁଟି କେବଲ୍ ମାପୁହେବାକିନାକାର୍ ପିସ୍ତ୍ର ଆରେ ଇନେର୍ ଚିଞ୍ଜେଙ୍ଗ୍ ବିଦି ହିଲ୍‌ଡ଼, ହେଦାଂ ଅଜି ତିଞ୍ଜି ମାଚାର୍, ଆରେ ଜାର୍ ହାଙ୍ଗ୍‌ଦାକାରିଂ ପା ହିଜି ମାଚାନ୍ ।”

୫ ଆରେ, ହେଝାନ୍ ହେଝାରିଂ ଇଚାନ୍, “ମାନାୟ୍ ମାଜି ଜମ୍ବିବାର୍ ନାଜିଂ ପା ମାପୁ ଆନାନ୍ ।”

**ଜିସୁ ଜମ୍ବିବାର୍ ର ରଗିଂ ଉଜ୍ କିତାନ୍**

(ମାଡ଼ିଉ ୧୨:୯-୧୪; ମାର୍କ ୩:୧-୬)

୬ ତାଝାନ୍ ଆରେ ର ଜମ୍ବିବାର୍ ନାଜିଂ କୁଟୁମ୍ ଇଞ୍ଜ ହଣ୍‌ଜି ହିକାୟ୍‌କିଜି ମାଚାନ୍; ହେବେ ରକାନ୍ ମାନାୟ୍ ମାଚାନ୍, ହେ ବୁଜ୍‌ଣି କେଇ ଝାଜ୍‌ଜି ହାଲ୍‌ଜି ମାଚାଡ଼ ।

୭ ଆରେ, ହେଝାନ୍ ଇନେସ୍‌କି ଜମ୍ବିବାର୍ତ ଉଜ୍ କିନାନ୍, ଇଦାଂ ହୁଡ଼ଦେଂ କାଜିଂ ସାସ୍ତ୍ରିର୍ ଆରି ପାରୁସିର୍ ତାଙ୍ଗ୍ ଇଟ୍‌କାଡ଼ କିଜି ଟେବା ଆତାର୍, ଇନେସ୍ ହେଝାର୍ ହେଝାନ୍ ବିରୁଦ୍‌ତ ଦାବା କିଦେଙ୍ଗ୍ ଆଡ଼ନାର୍ ।

୮ ମାତର୍ ହେଝାନ୍ ହେଝାର୍ ମାନିଂ ଏଡ଼ ପୁଞ୍ଜି, ଇମ୍‌ଣି ମାନାୟ୍‌ତିଂ କେଇ ଝାଜ୍‌ଜି ମାଚାଡ଼, ତାଙ୍ଗେଙ୍ଗ୍ ଇଚାନ୍, “ନିଙ୍ଗା, ମାଦି ନିଲା । ଆରେ, ହେଝାନ୍ ନିଙ୍ଗେଜି ନିଲ୍‌ତାନ୍ ।”

୯ ହେବେ ଜିସୁ ହେଝାରିଂ ଇଚାନ୍, “ଆନ୍ ମିଙ୍ଗେଙ୍ଗ୍ ଝେନ୍‌ବାଦ୍‌ନାଙ୍ଗା, ଜମ୍ବିବାର୍ ଇନାକା କିନାକା ବିଦି ହାର୍ କିନାକା କି ବାନ୍‌ଧା କିନାକା ? ଜିବୁନ୍ ରାକ୍ୟା କିନାକା କି ନସ୍ କିନାକା ?”

୧୦ ଆରେ, ହେଝାନ୍ ଚାରିବେଣ୍‌ତାଂ ଝିଜାକାରିଂ ହୁଡ଼ଜି ତାଙ୍ଗ୍ ଇଚାନ୍, “ନି କେଇ ଲାମାୟ୍‌କିଦା ।” ହେବେ ହେଝାନ୍ ହେଦାଂ କିତାନ୍, ଆରେ ତା କେଇ ହାରା ଆତାଡ଼ ।

୧୧ ମାତର୍ ହେଝାର୍ ରିସା ଆଜି ବାଡ଼ ହାଲ୍‌ଜି, ଆରେ ଜିସୁଙ୍ଗ୍ ବେରୁତାଂ ଇନେସ୍ କିଡିସ୍ ଆଡ଼ନାର୍,\* ହେ ବିସ୍ତେ ହେଝାର୍ ହେଝେର୍ କାତାବାଡ଼ା କିଦେଙ୍ଗ୍ ଲାଗାତାର୍ ।

**ଜିସୁ ବାର ଚେଲାରିଂ ବାଟିକିତାନ୍**

(ମାଡ଼ିଉ ୧୦:୧-୪; ମାର୍କ ୩:୧୩-୧୯)

୧୨ ହେଝାଡ଼ାଂ ହେଝାନ୍ ଦିନେକ୍ ପ୍ରାଡ଼ନା କିଦେଙ୍ଗ୍ ଇଞ୍ଜି ମାଡ଼ିତ ହାଚାନ୍, ଇସ୍‌ବର୍ ତାକେ ପାଡ଼ନା କିଜି କିଜି ହାଡ଼ନାଣା ମାଚାନ୍ ।

୧୩ ଅଜଡ଼ ଆତିଲେ, ହେଝାନ୍ ହେ ଚେଲାରିଂ ଲାଗେ କୁକ୍‌ଟି ହେଝାର୍ ବିତ୍ରେ ବାର ଜାଣ୍‌ତିଂ ବାଟି କିତାନ୍; ହେଝାନ୍ ପକ୍ୟାତାକାର୍ ତର୍ ଇଡ଼ତାନ୍;

୧୪ ହେଝାର୍ ଆତାର୍ ସିମନ୍, ଇନେରିଂ ହେଝାନ୍ ପା ପିତର୍ ତର୍ ଇଡ଼ତାନ୍, ଆରି ହେ ଟଣ୍ଡାହି ଆହିୟ୍, ଜାକୁବ୍ ଆରି ଜହନ୍, ପିଲିପ୍ ଆରି ବାଡ଼ଲମି,

୧୫ ମାଡ଼ିଉ ଆରି ତମା, ଆଲପିତି ମାଜି ଜାକୁବ୍ ଆରି ସିମନ୍, ଇନେରିଂ ମୁମ୍‌ଅଜଡ଼ ଇନାର୍,

୧୬ ଜାକୁବ୍‌ତି ମାଜି ଜିହୁଦା ଆରି ଇସ୍‌ସାରିୟ୍‌ତିୟ୍ ଜିହୁଦା, ଇନେର୍ ଜିସୁଙ୍ଗ୍ ସାଡୁ କେଇଦ ହେଲାୟ୍ କିତାନ୍ ।

**ଜିସୁ ହିକ୍ୟା ହିତାନ୍ ଆରି ଉଜ୍ କିତାନ୍**

(ମାଡ଼ିଉ ୪:୨୩-୨୫)

୧୭ ଆରେ, ହେଝାନ୍ ହେଝାର୍ ହୁକେ ମାଡ଼ିତାଂ ଜୁଜି ଝାତାର୍ ସାରିୟା ବାଟାତ ନିଲ୍‌ତାର୍, ଆରେ ତା ବେସିହେନି ଚେଲାର୍ ଆରି ଝିଜାର୍ ଜିହୁଦା ରାଜି ଜିରୁସାଲମ୍ ଆରେ ହାମ୍‌ବୁର୍ ଗୁଟିତମାନି ସର ଆରି ସିଦନ୍ ଗାଡ଼ତାଂ ବେସିହେନି ତା ଲାଗେ ଏକାଝାତାର୍;

୧୮ ହେଝାର୍ ହେ ବେରଣ୍ ଝେଞ୍ଜେଙ୍ଗ୍ ଆରି ଜାର୍ ଜାର୍ ରଗତାଂ ଉଜ୍ ଆଦେଂ ଝାତାର୍, ଆରେ ଇମ୍‌ଣାକାର୍ ବାନ୍‌ଧା ଜିବୁନ୍‌କାଂ ତାଙ୍ଗ୍ କସ୍ ପାୟା ଆଜି ମାଚାର୍, ହେଝାର୍ ଉଜ୍ କିୟାଆତାର୍;

୧୯ ଆରେ ଲକୁ ତାଙ୍ଗ୍ ହୁଦେଂ ଇଞ୍ଜି ସେସ୍ତା କିଜି ମାଚାର୍, ଇନାକିଦେଂକି ତା ତାକେଣ୍ଟାଂ ସାକ୍ତି ହସି ଝିଜାକାରିଂ ଉଜ୍ କିଜି ମାଚାଡ଼ ।

**ଆସିର୍ବାଦ୍ ଆରି ଦୁକ୍**

(ମାଡ଼ିଉ ୫:୧-୧୨)

\* ୬:୧୧ ଇଚାର୍; କେତେକ୍ ପଡିତ ରିସାତାଂ ଇଚାକା ମାନାଡ଼

୨୦ ହେ ଷ୍ଟେଡ଼ାଙ୍ଗ ହେୱାନ ଜାର୍ ଚେଲାର୍ କାଜିଂ ହୁଡ଼୍ଜି ଇଚାନ,  
“ହିଲ୍ଡ଼ି କାକୁଲ୍ଡି ଲଗୁ ଜେ ଏପେଙ୍ଗ, ଏପେଙ୍ଗ ଦନ୍ୟ,  
ଇନାକିଦେଂକି ଇସ୍ବତ ରାଜି ମିଦାଙ୍ଗ ।”

୨୧ “ନଙ୍ଗ ନାସ୍ବକି ଜେ ଏପେଙ୍ଗ, ଏପେଙ୍ଗ ଦନ୍ୟ,  
ଇନାକିଦେଂକି ଏପେଙ୍ଗ ପାଞ୍ଚାନ୍ନାଦେର୍ ।”  
“ନଙ୍ଗ ଆଡ଼ବାନାଦେର୍ ଜେ ଏପେଙ୍ଗ, ଏପେଙ୍ଗ ଦନ୍ୟ,  
ଇନାକିଦେଂକି ଏପେଙ୍ଗ ଗୁଇନାଦେର୍ ।”

୨୨ ☆ “ମାନାୟାର୍ ଏଚେକାଡ଼ଦ ମିଙ୍ଗେଙ୍ଗ ଗିଣ୍ଡକିଦ୍ନାର୍ ଆରି ମାନାୟ୍ ମାଜି କାଜିଂ ବିନେ କିଦ୍ନାର୍, ଆରେ ନିନ୍ଦାକିଦ୍ନାର୍ ଆରି ମି ତର୍ଦିଂ ବାନ୍ୟା ଇଞ୍ଜି ମୁନାକିନାର୍, ତେବେ ଏପେଙ୍ଗ ଦନ୍ୟ ।

୨୩ ☆ ହେ ଦିନ୍ ଝାରି କିଜି ଏନ୍ଦାଟ୍, ଇନାକିଦେଂକି ହୁଡ଼ାଟ୍, ସାଗେତ ମିଦାଂ ଇନାମ୍ ଜବର୍; ଆରେ, ହେ ଲାକେ ତ ହେୱାର୍ ଆବାନି ଲାତ୍ରାର୍ ବେଶ୍ବକିନାକାର୍ କାଜିଂ କିଜି ମାଚାର୍ ।”

୨୪ “ମାତର୍ ହାୟ୍, ଡାଣ୍ଡ ପାୟା ଆନି ମାଜାନ୍ ଜେ ଏପେଙ୍ଗ,  
ଇନାକିଦେଂକି ଏପେଙ୍ଗ ଜାର୍ ଜାର୍ ସୁକ୍ ପାଇ କିନାଦେରା ।”

୨୫ “ହାୟ୍, ଡାଣ୍ଡି କାଜିଂ ନେଜେଞ୍ଜିଗା ପାଞ୍ଚାଦେର୍ଣ୍ଣା ଜେ ଏପେଙ୍ଗ,  
ଇନାକିଦେଂକି ଏପେଙ୍ଗ ନାସ୍ବକି ଆନାଦେର୍ ।”

“ହାୟ୍, ଡାଣ୍ଡ ପାୟା ଆନାଦେର୍ ନେଜେଞ୍ଜିଗା ଗୁଇନାଦେର୍ ଜେ ଏପେଙ୍ଗ,  
ଇନାକିଦେଂକି ଏପେଙ୍ଗ ଦୁକ୍ ଆରି ଆଡ଼ବାନାଦେର୍ ।”

୨୬ “ଏଚେକାଡ଼ଦ ଝିଜାର୍ ଲକୁ ମି ତର୍ ଉପ୍ନାର୍, ହେ ଏଚେକାଡ଼ଦ ହାୟ୍, ଏପେଙ୍ଗ ଡାଣ୍ଡ ପାୟାନ୍ ଲଗୁ; ହେ ଲାକେ ତ ହେୱାର୍ଡି ଆବା ଲାତ୍ରାର୍ ଚାକ୍ରାୟ୍ ବେଶ୍ବକିନାକାର୍ କାଜିଂ କିଜି ମାଚାର୍ ।”

ବେରିୟାରିଂ ଜିଉନଝାଟ୍  
(ମାତିଉ ୫:୩୮-୪୮; ୭:୧୨)

୨୭ “ମାତର୍ ଝେନାଦେରା ଜେ ଏପେଙ୍ଗ, ମିଙ୍ଗେଙ୍ଗ୍ ଆନ୍ ଇଞ୍ଜନାଙ୍ଗା, ମି ସାତୁରିଂ ଝାରି କିୟାଟ୍; ଇମ୍ଘାକାର୍ ମିଙ୍ଗେଙ୍ଗ୍ ନିନ୍ଦା କିଦ୍ନାର୍, ହେୱେରିଂ ଜିଉନଝାଟ୍;

୨୮ ଇମ୍ଘାକାର୍ ମିଙ୍ଗେଙ୍ଗ୍ ରାଣ୍ ହିଦ୍ନାର୍, ହେୱେରିଂ ଆସିର୍ବାଦ୍ କିୟାଟ୍; ଇମ୍ଘାକାର୍ ମିଙ୍ଗେଙ୍ଗ୍ ହିନ୍ସା କିଦ୍ନାର୍, ହେୱାର୍ କାଜିଂ ପାର୍ତାନା କିୟାଟ୍ ।

୨୯ ଇନେର୍ ନିଙ୍ଗେଙ୍ଗ୍ ର କୁର୍ଝାତ ଚାପ୍ଡା ଇଡ଼ିଦାନାର୍, ହେଦାଂ କାଜିଂ ଅଲ୍ଗା କୁର୍ଝା ଚଟା; ଆରେ, ଇନେର୍ ନି ହେୟା ଅନାର୍, ହେଦାଂ ନି ଉସ୍ପାନାକା ପା ଅଦେଂ ମୁନା କିମାଟ୍ ।

୩୦ ଇନେର୍ ନିଙ୍ଗେଙ୍ଗ୍ ଏଞ୍ଜାନାର୍, ତାଙ୍ଗେଙ୍ଗ୍ ହିୟାଟ୍; ଆରେ ଇନେର୍ ନି ଦାନ୍ ଅନାର୍, ତାତାକେଣ୍ଡାଙ୍ଗ୍ ହେଦାଂ ଆରେ ରଗ ଏନ୍ମାଟ୍ ।

୩୧ ☆ ମାନାୟାର୍ ମି କାଜିଂ ଇନେସ୍ ବାନି ବେବାର୍ କିଦ୍ନାର୍ ଇଞ୍ଜି ଇଚା କିନାଦେର୍, ଏପେଙ୍ଗ ହେୱାର୍ କାଜିଂ ହେ ଲାକେ କିୟାଟ୍ ।”

୩୨ ଆରେ, ଇମ୍ଘାକାର୍ ମିଙ୍ଗେଙ୍ଗ୍ ଜିଉନଦ୍ନାର୍, ହେୱାରିଂ ଜିଉନତିସ୍ ଏପେଙ୍ଗ ଇନା ଆସିର୍ବାଦ୍ ପାୟା ଆନାଦେର୍ ? ଇନାକିଦେଂକି ପାପିର୍ ପା ଜାର୍ ଜାର୍ ଜିଉନନାକାରିଂ ଜିଉନନାର୍ ।

୩୩ ଆରେ, ଇମ୍ଘାକାର୍ ମିଦାଙ୍ଗ୍ ହାର୍ କିନାର୍, ଜଦି ଏପେଙ୍ଗ କେବଲ୍ ହେୱାରିଂ ହାର୍ କିନାଦେର୍, ତେବେ ଏପେଙ୍ଗ ଇନାକା ଆସିର୍ବାଦ୍ ପାୟା ଆନାଦେର୍ ? ଇନାକିଦେଂକି ପାପିୟାର୍ପା ହେଦାଂ କିନାରା ।

୩୪ ପାରେ, ଇମ୍ଘାକାର୍ତାଂ ମିଦାଙ୍ଗ୍ ପାୟା ଆନି ଆହା ମାନାଡ଼, କେବଲ୍ ହେୱେରିଂ ରୁଣ୍ ହିତିସ୍ ଏପେଙ୍ଗ ଇନା ଆସିର୍ବାଦ୍ ପାୟା ଆନାଦେର୍ ? ପାପିର୍ ପା ସମାନେ ପାୟାଦେଂ ଇଞ୍ଜି ପାପିରିଙ୍ଗ୍ ରୁଣ୍ ହିନାର୍

୩୫ ମାତର୍ ମି ସାତୁକାଂ ଜିଉନଝାଟ୍ ଆରି ହେୱାରିଂ ହାର୍ କିୟାଟ୍, ଆରେ ଉଲ୍ଡି ରୁଣ୍ ଆହା କିଝାଦାଂ ରୁଣ୍ ହିଆଟ୍; ତା ଆତିସ୍ ମିଦାଙ୍ଗ୍ ଇନାମ୍ ବେସି ଆନାଡ଼ ଆରି ଏପେଙ୍ଗ ସିଗ୍ଦାକାନ୍ ମାପୁ ମେହି ଆନାଦେର୍, ଇନାକିଦେଂକି ହେୱାନ ଲଡ଼ାଆଞ୍ଜି ଆରି ବାନ୍ୟାଙ୍ଗ୍ ପା ଦୟା କିନାନ୍ ।

୩୬ ମିଞ୍ଜି ଆବା ଇନେସ୍ ଦାମ୍, ଏପେଙ୍ଗ ହେ ଲାକେ ଦାମ୍ ଆଡ଼ ।

ଅଲ୍ଗା ବିନେନିକାର୍ କାଜିଂ ବିଚାର୍ କିମାଟ୍  
(ମାତିଉ ୭:୧-୫)

☆ ୨:୨୨ ୧ ପିତର୍ ୪:୧୪. ☆ ୨:୨୩ ପକ୍ୟାତାକା ୭:୫୨. ☆ ୨:୩୧ ମାତିଉ ୭:୧୨.

୩୭ “ଆରେ, ବିଚାର କିମାଟ୍, ତା ଆତିସ୍ ଏପେଙ୍ଗ ବିଚାରକିୟା ଆଉଦେର୍; ଦସ୍ କିମାଟ୍, ତା ଆତିସ୍ ଏପେଙ୍ଗ ଦସି କିୟାଆଉଦେର୍ । କେମା କିୟାଟ୍, ତା ଆତିସ୍ ଏପେଙ୍ଗ କେମା କିୟା ଆନାଦେର୍;

୩୮ ଦାନ କିୟାଟ୍, ହେଦାଂ ମିଙ୍ଗେଙ୍ଗ ଦାନ ହିଦିୟା ଆନାଟ୍; ଇସ୍ପର୍ ମାଣଦ ବାତ୍ କିଜି ହେଦେଲିଂ ଲେପ୍ତି ଡିଉଡିଉ ମିଙ୍ଗେଙ୍ଗ ମାଣଦ ହିଦିନାର୍; ଇନାକିଦେଂକି ଇମ୍ଫାଣି ମାଣଦ ଲାଟ୍ନାସ୍, ହେ ମାଣ୍ଡାଂ ମିଙ୍ଗେଙ୍ଗ ଆରେ ମାଣ୍ଡାଂ ହିଦିଆ ଆନାଟ୍ ।”

୩୯ ଜିସୁ ହେଝେରିଂ ର ଉତ୍ତର୍ମୁଡ୍ ପା ଇଚାନ, “କାଣା ଇନାକା କାଣା ହାଜି ଚଟ୍ଟେଙ୍ଗ ଆଡ୍ନାନ ? ଜଦି ହେଝାନ ହେ ଲାକେ କିନାନ, ଲାଗିଂ, ହେଝାର ଇନାକା ରିୟାର୍ କ୍ଲୁଇଦ ଆରୁର୍ ?

୪୦ ☆ଗୁରୁତାଂ ଚେଲା ଗାଜା ଆକାୟ୍; ମାତର୍ ଝିଜାର୍ ଚେଲା ହିକ୍ୟା ଝିସ୍ପାର୍ଟି ହାର୍ ଆଜି ନିଜାର୍ ଗୁରୁ ସମାନ ଆନାର୍ ।”

୪୧ ଆରେ, ଇନେକିଦେଂ ନି ଟଣ୍ଡେନ୍ କାଣ୍ଠାତ ମାନି ଗାତ୍ରା ହୁଡ୍ନାୟା, ମାତର୍ ନି ନିଜ୍ କାଣ୍ଠାତ ଇମ୍ଫାଣି ଝେଜ୍ଗୁ ଗାତ୍ରା ମାନାଟ୍, ହେଦାଂ ବାବିକିଦେଂ ଆଡୁୟା ?

୪୨ ଏପେଙ୍ଗ ଜାର୍ କାଣ୍ଠାତ ମାନି ଦୁଲୁମ୍ ଗାତ୍ରା ହୁଡ୍ଝାଦାଂ ଇନେସ୍ ଜାର୍ ଟଣ୍ଡେନିଂ ଇଞ୍ଜେଙ୍ଗ ଆଡ୍ନାୟ୍, ଟଣ୍ଡେନ୍, ଝା, ନି କାଣ୍ଠାତ ମାନି ଗାତ୍ରାତିଙ୍ଗ୍ ଉନ୍ଦି ହିଦିନାଙ୍ଗ୍ ? ଆଡେ କାପ୍ଟିୟାର୍ ଆଗେ ଜାର୍ କାଣ୍ଠାତାଂ ଦୁଲୁମ୍ ଗାତ୍ରା ଉନ୍ଦିୟା ତା ପାଚେ ନିଜ୍ ଟଣ୍ଡେନ୍ କାଣ୍ଠାତ ମାନି ଝେଜ୍ଗୁ ଗାତ୍ରା ଉନ୍ଦିନି କାଜିଂ ହାର୍ଦାଂ ହୁଡ୍ଦେଂ ଆଡ୍ନାନ ।

**ମାର୍ ଆରି ତା ପାଡ୍  
(ମାଡିଉ ୭:୧୭-୨୦; ୧୨:୩୩-୩୫)**

- ୪୩ “ହାଦିଂ ମାର୍ ବାନ୍ୟା ପାଡ୍ ଝାଉଡ୍, ବାନ୍ୟା ମାର୍ତ ହାଦିଂ ପାଡ୍ ଆହୁଡ୍, ଇନେସ୍କି ହାର୍ ପାଡ୍ ଆହୁନାଟ୍ ।
- ୪୪ ଇନାକିଦେଂକି ଝିଜୁ ମାର୍କୁ ଜାର୍ ପାଡ୍ଦାଂ ପୁନିୟା ଆନାଟ୍; ଝାଡିଙ୍ଗ୍ ବୁଟାତାଂତ ମାନାୟାର୍ ତଗା ଏରୁର୍, କି ଝାଡିକ୍ଠିଙ୍ଗ୍ତାଂ ଅଙ୍ଗୁରପାଡ୍ ଏରୁର୍ ।
- ୪୫ ☆ହାଦିଂ ଲଗୁ ହାର୍ଦି ଝାସ୍ପିତାଂ ହାଦିଂ ଆଡ୍ମାଡ୍ ହପ୍ନାନ । ଆରେ ବାନ୍ୟା ଲଗୁ ବାନ୍ୟା ଝାସ୍ପିତାଂ ବାନ୍ୟା ଆଡ୍ମାଡ୍ ହପ୍ନାନ; ଇନାକିଦେଂକି ମାନ୍ତ ବାତ୍ ଆତାଡ୍ନା ଝେଇ କାତା ଇନାଟ୍ ।”

**ରିବାନି ଇଲ୍ ରଚ୍ନାକା  
(ମାଡିଉ ୭:୨୪-୨୭)**

- ୪୬ “ଆରେ, ଏପେଙ୍ଗ ଇନେକିଦେଂ ନାଙ୍ଗେଙ୍ଗ ମାପୁ, ମାପୁ ଇଞ୍ଜି କୁଞ୍ଚାନାଦେରା ମତର୍ ନା ବଚନ୍ ପାଲି କିଉଦେରା ?
- ୪୭ ଇମ୍ଫାକାର୍ ନା ଲାଗେ ଝାଜି ନା ବେରଣ୍ ଝେନ୍ଞି ହେ ସବୁ ପାଲି କିନାନ, ହେଝାନ ଇନେର୍ ସମାନ ଆନାନ, ହେଦାଂ ଆନ୍ ମିଙ୍ଗେଙ୍ଗ ଝେଚାନାଙ୍ଗ୍ ।
- ୪୮ ହେଝାନ ଇ ଲାକେ ରକାନ ଇଲ୍ ତ୍ରିକ୍ନି ମାନାୟ୍ ଲାକେ ଜେ ଡେଙ୍ଗାକିଜି କାଟିଂ କୁନାଦି କାଲ୍ ଜପି ଇଡ୍ଡି କୁଚିକିତାର୍; ଆରେ ପୁରଆତିଲେ ହୁଞ୍ଜାଟ୍ ହେ ଇଞ୍ଜି ବେସି ଦକା ଇଡିତାଡ୍ ମାତର୍ ହେଦାଂ ଲେପ୍ପେଦେଂ ଆଡ୍ଝାତାଡ୍, ଇନାକିଦେଂକି ହେଦାଂ ହାର୍ କିଜି ରଚ୍ଚାକାମାଟାଟ୍ ।
- ୪୯ ମାତର୍ ଜେ ଝେନ୍ଞି ପାଲି କିଉନ୍, ହେଝାନ କୁନାଦି କୁଚିକିଝାଦାଂ ମେଦ୍ନି ଜପି ଇଲ୍ ରଚ୍ଚି ମାନାୟ୍ ଲାକେ; ଏଚେକାଡ୍ ଇଲ୍ଡିଂ ବେସି ଦକା ଇଡିତିସ୍, ଉଲ୍କା ହେ ମଲ୍ଦିଂ ବେସି ଦକା ଇଡ୍ଡିଲେ, ହେ ଦାପ୍ରେ ହେଦାଂ ବାଡ୍ହା ଆତାଡ୍ ଆରେ ହେଦାଂ ନାସ୍ ବଇଙ୍ଗାର୍ ଆତାଡ୍ ।”



**ଜିସୁ ରଝାନ ରମିୟ ମାନାୟ୍ଡିଂ ଉଜ୍ କିତାନ  
(ମାଡିଉ ୮:୧୨)**

- ୧ ଜିସୁ ମାନାୟ୍ଡିଂ ଝେଚ୍ଚେଙ୍ଗ୍ ମାନକିଜି ମାଚାନ ହେଝାନ ଝିଜାର୍ କାତା ଝିସ୍ତି କପର୍ନାହୁମ୍ ହଣଗାତାନ ।
- ୨ ହେଝାଡାଂ ରଝାନ ପାଞ୍ଚକଡି ମେଲ୍ୟାର୍ ମୁଡ୍ଦାକାନ ହଲ୍ୟାହି ବେମାର୍ ଆଜି ମାଚାନ, ହେଝାନ ତାଙ୍ଗେଙ୍ଗ୍ ବେସି ଜିଉନଜି ମାଚାନ ।
- ୩ ହେଝାନ ଜିସୁ ବିସ୍ତେ କାରୁର୍ ପୁଞ୍ଜି, ହେଝାନ ଇନେସ୍ ଝାଜି ହେ ହଲ୍ୟାହିଡି ଜିବୁନ୍ ରାକ୍ୟା କିନାନ, ଇଦାଂ କାଜିଂ ତା ତାକେ ଜିହୁଦିତ୍ କେଡେଜାଣ୍ ବୁଡାଲୁରିଂ ପକ୍ତି ତାଙ୍ଗେଙ୍ଗ୍ ଗଝାରି କିତାନ ।
- ୪ ହେଝାର୍ ଜିସୁ କଚଣତ ଝାଜି ତାଙ୍ଗେଙ୍ଗ୍ ବେସି ଗଝାରି କିଦେଙ୍ଗ୍ ଲାଗାତାର୍, ଏନ୍ ଜେ ହେଝାନ କାଜିଂ ଇଦାଂ କିନାୟ୍, “ହେଝାନ ହେବେନି ଦାୟିଡ୍ ଆନାନ;
  - ୫ ଇନାକିଦେଂକି ଜିସୁ ମାଙ୍ଗେଙ୍ଗ୍ ଜାତିତିଂ ଜିଉନନାନ ଆରି ହେଝାନ ମା କାଜିଂ କୁରୁମ୍ ଇଞ୍ଜି ରଚ୍ଚି ହିଡ୍ନା ।”

☆ ୭:୪୦ ମାଡିଉ ୧୦:୨୪,୨୫; ଜହନ୍ ୧୩:୧୭; ୧୫:୨୦. ☆ ୭:୪୫ ମାଡିଉ ୧୨:୩୪.

୭ ହେବେ ଜିସୁ ହେୱାର ଲାହାଙ୍ଗ ରଚେ ହାଚାନ । ହେୱାନ ଇଞ୍ଜାଙ୍ଗ ଅଲପ୍ ଦେହା ଆତିଲେ, ପାଞ୍ଚକଡ଼ି ମେଲ୍ୟାର ହାଙ୍ଗଦାକାରିଂ ପକ୍ତି ତାଙ୍ଗେଙ୍ଗ୍ ଇଚାର, “ମାପୁ କସ୍ କିଦମା; ଇନାକିଦେଂକି ଏନ୍ ଜେ ମା ଇଞ୍ଜ କାଲ୍ ତଗ୍ନାୟ୍, ଆନ୍ ଏଲେଙ୍ଗ୍ ବାରତି ଇନାକା ହିଲୁଡ଼;

୮ ଲାଗିଂ ଆନ୍ ନି କଚଣ୍ଡ ହାଞ୍ଜେଙ୍ଗ୍ ନିଜ୍ତିଂ ଖାରୟା ଆଖାଦାଂ ମାଚାଙ୍ଗ୍; ମାତର୍ ପାଦେକ୍ ବଲ୍ କିଦା, ନା ଆଡ଼ିଏନ୍ ଉଜ୍ ଆନାନ୍ ।

୯ ଇନାକିଦେଂକି ଆନ୍ ରଖାନ୍ ବାନ୍ୟା ମାନାଙ୍ଗ୍ ଆତିସ୍ ପା ନା ତାରେନ୍ ମେଲ୍ୟାର୍ ମାନାର୍; ଆରେ, ଆନ୍ ରଖାନ୍ ଆଦିକାର୍ ହିତିସ୍ ହେୱାନ୍ ହାନାନ୍; ଆରେ ରଖାନ୍ ଖା ଇତିସ୍ ହେୱାନ୍ ଖାନାନ୍; ମାତର୍ ନା ହଲ୍ୟା ଇଦାଂ କିୟା ଇତିସ୍ ହେଦାଂ କିନାନ୍ ।”

୧୦ ଜିସୁ ଇ ଖିଲୁ କାତା ଖେନ୍ଞି ହେ ବିସ୍ତେ କାବା ଆତାର୍, ଆରେ ମାସ୍ଦି ହେ ପାଚେ ଖାଜିମାନି ମାନାୟାରିଂ ଇଚାନ୍, “ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଇସ୍ତାଏଲ୍ ବିତ୍ତେ ପା ଏଚେକ୍ ଗାଜା ପାଚ୍ ପାୟାଆଖାତାଂନା ।”

୧୦ ଆରେ ପକ୍ୟାତାକାର୍ ମାନାୟ୍ ଇଞ୍ଜ ଲେଉଟା ଆଜି ହଲ୍ୟାହିଙ୍ଗ୍ ଉଜ୍ ଆତାକା ହୁଡ଼ତାର୍ ।

**ଜିସୁ ର ରାଣ୍ଡିନି ହାତି ହିମଣାତିଂ ଜିପ୍ତାନ**

୧୧ ଇଦାଂ ପାଚେ ହେୱାନ୍ ନାଇନ୍ ତର୍ଦି ଗାଡ଼୍ଦ ହାଚାନ୍, ଆରି ହେୱାନ୍ ଚେଲାହିର୍ ଆରି ବେସିହେନି ମାନାୟ୍ ହେୱାର୍ ହୁଦାଂ ହାଲ୍ଜି ମାଚାର୍ ।

୧୨ ହେୱାନ୍ ଗାଡ଼୍ନି ଦୁଖେର୍ ଲାଗେ ଏକାଖାତିଲେ, ହୁଡ଼ାଟ୍, ମାନାୟ୍ ରଖାନ୍ ହାତି ମାନାୟ୍ତିଂ ବାଡ଼ି ପିଣ୍ଡି ତାସି ମାଚାର୍, ହେୱାନ୍ ଜାର୍ ଆୟାନି ରଖାନ୍ ମତର୍ କାଡ଼୍ଦେ, ମାତର୍ ହେ କଗଲେ ରାଣ୍ଡି; ଆରେ ଗାଡ଼୍ନି ବେସିହେନିମାନାୟ୍ ତା ଲାହାଙ୍ଗ୍ ମାଚାର୍ ।

୧୩ ହେଦେଲିଂ ହୁଡ଼ଜି ମାପୁ ତା କାଜିଂ କାମା ଆଜି ଦୁକ୍ ହୁଡ଼ଜି ତାଙ୍ଗେଙ୍ଗ୍ ଇଚାନ୍, “ଆଡ଼ବାମା ।”

୧୪ ଆରେ, ହେୱାନ୍ କଚଣ୍ଡ ହାଲ୍ଜି ମାରାତ ହୁଡ଼ାନ୍, ପାଚେ ପିଣ୍ଡିତାକାର୍ ନିଲ୍ଡିଲେ ହେୱାନ୍ ଇଚାନ୍, ନିଲାଟ୍, ହେୱାନ୍ ଇଚାନ୍, “ଦାଙ୍ଗେଣ୍, ଆନ୍ ନିଙ୍ଗେଙ୍ଗ୍ ଇଞ୍ଜନାଙ୍ଗା ନିଙ୍ଗା ।”

୧୫ ହେବେତାଂ ହାତି ଲଗୁ ନିଙ୍ଗି କୁଚଚାନ୍, ଆରେ ବେଣ୍ କିଦେଙ୍ଗ୍ ଲାଗାତାନ୍, ଆରେ ହେୱାନ୍ ତା ତେହି କେଇଦ ହେଲାୟ୍ କିତାର୍ ।

୧୬ ଇବେତାଂ ଖିଜାକାର୍ ପାଣ୍ଡା ଆତାର୍, “ଆରେ ଇସ୍ତର୍ ଗୁଣ୍ କେରଜି କିଉ କିଉ ଇଞ୍ଜେଙ୍ଗ୍ ଲାଗାତାର୍,” ମା ବିତ୍ତେ ରଖାନ୍ ଗାଜା ବେଣ୍ବାକ୍‌ଶାୟ୍‌କିନାକାନ୍ ହନ୍ତାନ୍ନା “ଆରି ଇସ୍ତର୍ ଜାର୍ ଲଗାଂ କାଜିଂ ମୁକ୍ତି କିଦେଙ୍ଗ୍ ଖାତାନ୍ନା ।”

୧୭ ପାଚେ, ଜିସୁ ବିସ୍ତେ ଇ ବେରଣ୍ ଖିଜାର୍ ଜିହୁଦା ଦେସ୍ ଆରି ଚାରିବେଣ୍ଡାଂ ଖିଲୁ ନାସ୍‌କୁକାଂ ଖିଣ୍ଡାତାଡ଼ ।

**ବାପ୍ରିସିମ୍ ଜହନ୍ତି ପରସନ୍**

(ମାତିଉ ୧୧:୨-୧୯)

୧୮ ପାଚେ ଜହନ୍ ଚେଲାହିର୍ ଇ ଖିଲୁ ବିସ୍ତେ ଖେଚ୍ଚାର୍ ।

୧୯ ହେବେ ଜହନ୍ ଜାର୍ ଚେଲାର୍ ବିତ୍ତେ ରିୟାରିଂ କଚଣ୍ଡ କୁକ୍ତି ମାପୁ ତାକେ ଇଦାଂ ଇଞ୍ଜି ପକ୍ତାନ୍, “ଇନେନ୍ତି ଖାନାକା ମାଚାଡ଼, ହେ ମାନାୟ୍ ଏନ୍, କି ନଲେ ଆପେଂ ଆରେ ରଖାନ୍ କାସିମାନାପ୍ ?”

୨୦ ହେ ମାନାୟାର୍ ଜିସୁଙ୍ଗ୍ ଲାଗେ ହାଲ୍ଜି ଇଚାର୍, “ବାପ୍ରିସିମ୍ ହିନି ଜହନ୍ ମାଙ୍ଗେଙ୍ଗ୍ ନି ତାକେ ଏଲେଙ୍ଗ୍ ଇଞ୍ଜି ପକ୍ତାତାନ୍ନା, ଇନେରତି ଖାନାକା ଆନାଡ଼, ହେ ମାନାୟ୍ କି ଏନ୍, କି ଆପେଂ ଆରକାନିଂ କାଜିଂ ମାନାପ୍ ?”

୨୧ ହେୱାଡ଼ାଂ ହେୱାନ୍ ବେସିଲଗାଂ ରଗ, ବେମାର୍ ଆରି ବାନ୍ୟାପୁଦା ଉଜ୍ କିତାନ୍, ଆରି ହେନି କାଶାରିଂ କାଶକୁ ହୁଡ଼ିକିତାନ୍ ।

୨୨ ଜିସୁ ହେୱାରିଂ ଉତର୍ ହିତାନ୍, ଏପେଙ୍ଗ୍ ହାଲ୍ଜି ଇନା ଇନାକା ହୁଡ଼ତାଦେର୍ ଆରି ଖେଚାଦେର୍, ହେଦାଂ ଖିଲୁ ଜହନ୍ତିଂ ଖେଚାଟ୍; “କାଶାର୍ କାଶକୁ ହୁଡ଼ନାର୍, ଚଚାର୍ ତାଂଦେଙ୍ଗ୍ ଆଡ଼ତାର୍, ଗାଜା ରଗ୍ୟାର୍ ସକଟ୍ ଆଦେଂ ଆଡ଼ତାର୍, ବଇରାର୍ ଖେଞ୍ଜେଙ୍ଗ୍ ଆଡ଼ତାର୍, ହାତାକାର୍ ନିଙ୍ଗ୍‌ନାର୍, ହିଲ୍‌ଖାକାର୍ ତାକେ ନେକ୍ତିକାବୁର୍ ସୁଶାୟ୍ କିତାର୍;

୨୩ ଆରେ ଇମ୍‌ଣି ମାନାୟ୍ ନାତାକେଣ୍ଡାଂ ବାଦା ପାୟା ଆଉନ୍, ହେୱାନ୍ ଦନ୍ୟ ।”

୨୪ ଜହନ୍‌ନି ଦୁତର୍ ହାତିପାଚେ ଜିସୁ ଜହନ୍ ବିସ୍ତେ ବେରଣ୍ ଇଞ୍ଜେଙ୍ଗ୍ ଲାଗାତାନ୍, ଏପେଙ୍ଗ୍ ଇନାକା ହୁଡ଼ଦେଂ ଇଞ୍ଜି ହାଲ୍ଜି ମାନାଦେର୍ ? “ଇନାକା ଦୁକାତିଙ୍ଗ୍ ଜଲାଆନି ନାଡ଼ା ?

୨୫ ହେଦାଂ ଆଡ଼ିତିସ୍ ଏପେଙ୍ଗ୍ ଇନାକା ହୁଡ଼ଦେଂ ଇଞ୍ଜି ହସି ହାଲ୍ଜି ମାଚାଦେର୍ ? ଇନାକା ଦାମ୍‌ନି ହେୟା ଉସ୍ତିତି ର ମାନାୟ୍ତିଂ ? ହୁଡ଼ାଟ୍, ଇମ୍‌ଣାକାର୍ ଦାମ୍‌ନି ହେୟା ଉସ୍‌ପାତାନ୍ ବିସ୍ତେ ସୁକ୍ତାଙ୍ଗ୍ ଜିନାନ୍, ହେୱାର୍ ରାଜା ଗାଦିତ ମାନ୍‌ଗାନାର୍ ।

୨୬ ନାଙ୍ଗେଙ୍ଗ୍ ଇଞ୍ଜା, ହେଦାଂ ଆଡ଼ିତିସ୍ ଇନାକା ହୁଡ଼ଦେଂ ଇଞ୍ଜି ହସି ହାଲ୍ଜି ମାଚାଦେର୍ ? ଇନାକା ରଖାନ୍ ବେଣ୍ବାକ୍‌ଶାୟ୍‌କିନାକାନିଂ ? ଆନ୍ ମିଙ୍ଗେଙ୍ଗ୍ ହାଡ଼ପା ଖେଚାନାଙ୍ଗା, ବେଣ୍ବାକ୍‌ଶାୟ୍ କିନାକାତାଙ୍ଗ୍ ଆଦିକ୍ ଗାଜା ମାନାୟ୍ତିଂ ।



୨୭ ଇନେର ବିସ୍ତେ ଇଦାଂ ଦରମ୍ ସାସ୍ତୁର ଲେକା ମାନାଡ଼, ଇସ୍ବର ଇଚାନ ହୁଡ଼ାଟ୍, ଆପେଂ ମା ଦୁଡ଼ତିଂ ମି ଆଗେ ପଲ୍ଲାନାପା, ହେଝାନ ମି ଲାଗେ ମିଦାଙ୍ଗ ହାଜି ରଚ୍ଚି ହିଦନାନ, ଇଝାନ ହେ ମାନାୟ ।

୨୮ ଆନ୍ ମିଙ୍ଗେଙ୍ଗ ଇଞ୍ଜନାଙ୍ଗା,” କଗ୍ଲେ ପଚତ ଜଲମ୍ ଝିଜାରତାଂ ବିତ୍ରେ ଜହନ୍ ତାଙ୍ଗ ଗାଜାକାନ୍ ଇନେର ହିଲ୍ଲୁର୍; ଆତିସ୍ପା ସାଗେ ରାଜିତ ଇନେନ୍ ହିରୁକାନ୍, “ହେଝାନ ଜହନ୍ ତାଙ୍ଗ ପା ଗାଜାକାନ୍ ।”

୨୯ ଇମଣି ଇ ଝିଜୁ ବେରଣ୍ ଝେନ୍ଝି ମାଚାର୍, ହେଝାର୍, ହାଡ଼ପାକିଜି ସିସ୍ତୁନ୍ନାକାର୍, ଇସ୍ବର ମାପୁଙ୍ଗ ହାଦ୍ ଦାବି ଝିଜୁ ପାତ୍ କିଜି ଜହନ୍ ତାଙ୍ଗ ବାପ୍ତିସିମ୍ ଅଜି ମାଚାନ୍;

୩୦ ମାତର୍ ପାରୁସିର୍ ଆରେ ଦରମ୍ ଗୁରୁର୍ ହେଝାର୍ ଜିରୁନ୍ କାଜିଂ ଇସ୍ବର ମାପୁ କାଜିଂ ଇଟ୍ୟା ଆଝାଦାଂ ତାତାଂ ବାପ୍ତିସିମ୍ ଆଝାଦାଂ ମାଚାନ୍ ।

୩୧ ଜିସୁ ଆରେ ରଗ ଇଚାନ ଇନେର ଇ ଜୁଗ୍ଦି ମାନାୟାରିଂ ଆନ୍ ଇନେର ହୁଦାଂ ତୁଲ୍ଲାୟ୍ କିନାଙ୍ଗ, “ଆରେ ହେଝାର୍ ଇନେର ଲାକେ ?

୩୨ ଇମଣି କାଡ଼ଦେର୍ ଆର୍ ବାଜାର୍ତ କୁଚ୍ଚି ହେଝେର୍ ହେଝାର୍ କୁକ୍ଚି ଇନାର୍, ଆପେଂ ମି ଲାଗାଂ ହୁରୁଡ଼ି ତୁବ୍ତାପ୍, ଏପେଙ୍ଗ୍ ଏନ୍ଝାତାଦେର୍; ଆପେଂ ହାତି କେରକଣ୍ କେରତାପ୍, ଏପେଙ୍ଗ୍ ଆଡ଼ବାଝାତାଦେର୍, ହେଝାର୍ ହେଝେର୍ ଲାକେ ।

୩୩ ଇନାକିଦେଂକି ବାପ୍ତିସିମ୍ ହିଜି ଜହନ୍ ଝାଜି ରୁଚି ତିନ୍ଝାତାନ୍ କି ଆରେ ଅଙ୍ଗୁର୍ ରାସ୍ ଉଣୁଝାତାନ୍, ଆରେ ଏପେଙ୍ଗ୍ ଇନାଦେରା, ହେଝାନ ବୁଡ଼ ଆସ୍ତାଡ଼ନା ।

୩୪ ମାନାୟ୍ ମାଜି ଝାଜି ତିନାଉଣା କିନାନ୍, ଆରେ ଏପେଙ୍ଗ୍ ଇନାଦେରା, ହୁଡ଼ାଟ୍, ଇଝାନ ରକାନ୍ ବାଡ଼ଝା ଆରି ମଦ୍ଝା, ସିସ୍ତୁନ୍ନାକାର୍ ଆରି ପାପିୟାର୍ ହାଙ୍ଗଦାକାନ୍ ।

୩୫ ମତର୍ ବୁଦି ନିଜାର୍ ଝିଜାର୍ ହିମ୍ଣାଂ ତାଙ୍ଗ ସମାନ୍ ଇଞ୍ଜି ପାର୍ମାଣ୍ ଆତାଡ଼ ।”

**ପାରୁସି ସିମନ୍ ଇଞ୍ଜି ଜିସୁ**

୩୬ ଆରି, ପାରୁସିର୍ ବିତ୍ରେ ରଝାନ୍ ଜିସୁ ନିଜାର୍ ଲାହାଙ୍ଗ୍ ଚିଞ୍ଜେଙ୍ଗ୍ ତାଙ୍ଗେଙ୍ଗ୍ ଗଝାରି କିଜି କୁକ୍ଚାନ୍ । ହେବେଣ୍ଡାଂ ହେଝାନ ପାରୁସି ଇଞ୍ଜି ହଣ୍ଡି ଚିଞ୍ଜେଙ୍ଗ୍ କୁଚ୍ଚାର୍ ।

୩୭ \*ଆରେ ହୁଡ଼ାଟ୍, ହେ ଗାଡ଼୍ଦ ରଞ୍ଜେଲ୍ ପାପିୟାଣି କଗ୍ଲେ ମାଚାଡ଼; ଜିସୁ ହେ ପାରୁସି ଇଞ୍ଜି ତିନି କାଜିଂ କୁଚ୍ଚାନ୍ନା, ଇଦାଂ ପୁଞ୍ଜି ହେଦେଲ୍ ର କଣ୍ଡିତ ବାସ୍ନା ଚିକାଣ୍ ତାସି ଝାତାଡ଼,

୩୮ ପାଚ୍ବାଗାଂ ତା ପାନା ତାରେନ୍ ନିଲ୍ଚି ଆଡ଼ଜି ଆଡ଼ଜି କାଣେଲ୍ତାଂ ହେଝାନ ପାନାତିଂ ଉଦିକିଜି ଜାର୍ କାପ୍ଡାନି ତେମ୍ଲୁଲ୍ତାଂ ହେଦାଂ ନେନ୍ଦେଂ ଲାଗାତାଡ଼ । ଆରେ ଜିସୁ ପାନାତିଂ ତନ୍ଝି ତନ୍ଝି ବାସ୍ନା ଚିକାଣ୍ କାସ୍ତାଡ଼ ।

୩୯ ହେଦାଂ ହୁଡ଼ାଟ୍, ଇମଣି ପାରୁସି ତାଙ୍ଗେଙ୍ଗ୍ କୁକ୍ଚି ମାଚାନ୍, “ହେଝାନ ମାନେ ମାନେ ଇଚାନ, ଇଝାନ ଜଦି ବେଣ୍ବାକ୍ଣାୟ୍ କିନାକାନ୍ ଆଜି ମାଚାନ୍ଚି, ତା ଆତିସ୍ ଇଝାନିଂ ଜେ ତୁନାତା, ହେଦେଲ୍ ଇଦେଲ୍ ଆରି ଇନେସ୍ ବାତ୍ ନି କଗ୍ଲେ, ଇଚିସ୍, ହେଦେଲ୍ ଜେ ପାପିୟାଣି, ଇଦାଂ ପୁଚାନ୍ମା ।”

୪୦ ଜିସୁ ତାଙ୍ଗେଙ୍ଗ୍ ଉତର୍ ହିତାନ୍, “ସିମନ୍, ନିଙ୍ଗେଙ୍ଗ୍ ଆନ୍ ଇନାକାପା ଇଞ୍ଜନାକା ମାନାଡ଼ ।” ହେଝାନ ଇଚାନ୍, “ଗୁରୁ ଇଞ୍ଜା ।”

୪୧ “ର ମାଜାନ୍ତାଂ ରିୟାର୍ ରିଣ୍ ଆଜି ମାଚାର୍; ରଝାନ୍ ପାଞ୍ଚସହ ଟାକାଂ ଆରି ଆରେ ରଝାନ୍ ରିକଡ଼ିଦସ୍ ଟାକାଂ ରିଣ୍ ଆଜି ମାଚାନ୍ ।

୪୨ ହୁଜାଆପେଂ ହେଝାର୍ଚି ଇନାକା ହିଲ୍ଝିତିଲେ ହେଝାନ୍ ରିଆର୍ଚି କେମା କିତାନ୍ । ଲାଗିଂ ହେଝାର୍ ବିତ୍ରେ ଇନେର ତାଙ୍ଗେଙ୍ଗ୍ ଆଦିକ୍ ଜିଉନନାନ୍ ?”

୪୩ ସିମନ୍ ଉତର୍ ହିତାନ୍, “ଆନ୍ ବାବିକିନାଙ୍ଗା, ହେଝାନ୍ ଇନେକିଦେଂ ଆଦିକ୍ ରୁଣ୍ ପିସ୍ତାନ୍, ହେଝାନ୍ । ହେଝାନ୍ ହେଝାରିଂ ଇଚାନ୍, ଏନ୍ ହାଡ଼ପା ବିଚାର୍ କିତାୟ୍ ।”

୪୪ ଆରେ, ହେଝାନ୍ ହେ କଗ୍ଲେ କାଜିଂ ଝେଇ ମାସ୍ତି ସିମନ୍ତିଂ ଇଚାନ୍, “ଇ କଗ୍ଲେଂ ହୁଡ଼ନାୟା ? ଆନ୍ ମି ଇଞ୍ଜି ଝାତାଂ, ଏନ୍ ନା ପାନା କାଜିଂ ଏଜୁଂ ହିଦ୍ଝାତାୟ୍, ମାତର୍ ଇଦେଲ୍ କାଣେଲିଂ ଲାହାଙ୍ଗ୍ ନା ପାନା ଉଦିକିଜି ନିଜ୍ଜି ତେମ୍ଲୁଲ୍ତାଂ ହେଦାଂ ନେଣ୍ଡାଡ଼ ।

୪୫ ଏନ୍ ନାଙ୍ଗେଙ୍ଗ୍ ତଞ୍ଜି, ହିର୍ବା ଆଦ୍ଝାତାୟ୍ ମାତର୍ ଆନ୍ ବିତ୍ରେ ଝାତି ସମ୍ପୁତାଂ ଇଦେଲ୍ ନା ପାନା ତଞ୍ଜାନାକା ପିସ୍ତୁତ୍ ।

୪୬ ଏନ୍ ନା କାପ୍ଡାତ ଚିକାଣ୍ କାସ୍ଦାଝାତାୟ୍, ମାତର୍ ଇଦେଲ୍ ନା ପାନାତ ବାସ୍ନା ଚିକାଣ୍ କାସ୍ଦାତାଡ଼ ।

୪୭ ଲାଗିଂ ଆନ୍ ନିଙ୍ଗେଙ୍ଗ୍ ଇଞ୍ଜନାଙ୍ଗା, ଇଦେଲ୍ଚି ଆଦିକ୍ ପାପ୍ କେମା ଆତାଡ଼ନ୍ନା, ଇନାକିଦେଂକି ହେଦେଲ୍ ବେସି ଜିଉନନାନ୍; ମାତର୍ ଇନେରିଂ ଅଲପ୍ କେମା ହିୟାଆନାଡ଼, ହେଝାନ୍ ଅଲପ୍ ଲାଡ଼ କିନାନ୍ ।”

୪୮ ଆରି, ଜିସୁ ହେ କଗ୍ଲେଂ ଇଚାନ୍, “ନି ପାପ୍ ଝିଜୁ କେମା ଆତାଡ଼ନ୍ନା ।”

୪୯ ହେବେଣ୍ଡାଂ ତା ଲାହାଙ୍ଗ୍ ତିନି କୁଚ୍ଚି ମାନି ମାନାୟାର୍ ମାନେ ମାନେ ଇଞ୍ଜେଙ୍ଗ୍ ଲାଗାତାର୍, “ପାପ୍ ପା କେମା କିନାନା ଜେ, ଇଝାନ୍ ଇନେନ୍ ?”

\* ୭:୩୭ ମାତିଉ ୨୬:୭; ମାର୍କ ୧୪:୩; ଜହନ୍ ୧୨:୩.

୫୦ ମାତର ଜିସୁ ହେ କଗ୍ଲେଂ ଇଚାନ, “ନି ପାତର୍ ନିଈଈଈ ରାକ୍ୟା କିତ୍ତାତ୍ତନ୍ନା; ସୁସ୍ତାତାଂ ହାଲା ।”



ଚେଲାର ହୁଦାଂ ଜିସୁ ପାଚେ ପାଚେ ହାନିକିଈ କଗ୍ଲେହିମ୍ଣାଂ

୧ ଇବେଣ୍ଣାଂ ଅଲପ୍ ସମୁ ପାଚେ ଜିସୁ ଗାଡ୍ ଗାଡ୍ ଆରେ ନାସ୍ କୁ ନାସ୍ କୁକାଂ ସୁଣାୟ୍ କିଜି ମାପୁ ରାଜିନି ନେକ୍ରିକାରୁର୍ ସୁଣାୟ୍ କିଜି ପ୍ଲାଞ୍ଜେଈ ଲାଗାତାର୍, ଆରେ ବାରଜାଣ୍ ଚେଲାହିର୍ ତା ଲାହାଈ ମାଚାର୍,

୨ ଆରେ କେତେ ଜାଣ୍ କଗ୍ଲେହିମ୍ଣା ପା ତା ଲାହାଈ ହାଲ୍ଲି ମାଚିକ୍, ଇମ୍ଣା କଗ୍ଲେ ହିମ୍ଣାକାଂ ବାନ୍ୟାପୁଦାତାଂ ଉକ୍ ଆଜି ମାଚିକ୍ ହେଞ୍ଜେକ୍ପା ତା ଲାହାଈ ମାଚିକ୍, ମରିୟମ୍ ଇମ୍ଣାକା କି ତର୍ ମଗ୍ଦଲିନି ଇନାର୍ ତା ତାକେଣ୍ଣାଂ ସାଡ୍ଗଗା ପୁଦାଂ ହପ୍ତି ମାଚାର୍ ।

୩ ହେରଦତି ଗୁମୁସ୍ତା କୁଜାତି ଖାଣି ଜହନା, ସସ୍ନା, ଆରେ ଆଦିକ୍ ହେନି କଗ୍ଲେକ୍ ତା ଲାହାଈ ମାନ୍ଞି ଜାର୍ ଜାର୍ ଦାନ୍ ହିଜି ହେଞ୍ଜାଡ୍ତି ହେବା କିଜି ମାଚିକ୍ ।

ବିୟାନ୍ ଓଡ୍ନାକାନ୍ତି କାତା

(ମାଡିଉ ୧୩:୧-୯; ମାର୍କ ୪:୧-୯)

୪ ବେସିହେନି ମାନାୟ୍ ରୁଣ୍ଣା ଆନିହିଈ ଆରି ଗାଡ୍ ଗାଡ୍ଦାଂ ମାନାୟ୍ ତା ଲାଗେ ଖାତିହିଈ, ଜିସୁ ଇ ଉତର୍ମୁଡ୍ ହିଜି ଖେଡ୍ଚାନ,

୫ “ରଞ୍ଜାନ୍ ଓଡ୍ନାକାନ୍ ନିଜାର୍ ବିୟାନ୍ ଓଡ୍ନାକାନ୍ ହଡ୍ତାନ । ହେଞ୍ଜାନ୍ ଓଡ୍ନା ଓଡ୍ନା କେତେକ୍ ହାଜି କଚଣ୍ଡ ଆର୍ତାଡ୍ ଆରେ କାଲ୍ ତାରେନ୍ ଦୁଡ୍ ଆଜି ହାତାଡ୍, ଆରେ ଆକାସ୍ନି ପଟିଂ ହେଦାଂ ଚିଚିକ୍ ।

୬ ଆରେ କେତେକ୍ କାଲ୍କୁକୁଡ୍ ଜପି ଆର୍ତାଡ୍, ପାଚେ ନେସ୍ ଚିକ୍ଲା ଅଦା ହିଲ୍ଲିଓଡିଲେ ଖାଡ୍ଚାଡ୍ ।

୭ ଆରେ କେତେକ୍ ଖାଡ୍ ମାର୍ ବିଡ୍ରେ ଆର୍ତାଡ୍, ଆରେ ଖାଡ୍ ମାର୍କୁ ହେଦାଂ ହାଈ ହାଈ ଗାଜା ଆଜି ହେଞ୍ଜାକାଂ ତାବାୟ୍ କିଚିକ୍ ।

୮ ଆଦେକ୍ କେତେକ୍ ହାଦର୍ ମେଦ୍ନିତ ଆର୍ତାଡ୍, ଆରେ ପାନ୍ତି ପାଞ୍ଚକଡି ଗୁଣ୍ ପାଡ୍ ଆସ୍ତାଡ୍ ।”

ଜିସୁ ଏଲେଈ ଇଞ୍ଜି ଇଞ୍ଜି ଗାଜା କାଟ୍ତାଂ ଇଚାନ, “ଇନେରିଂ ଖେଞ୍ଜେଈ କିତୁଲିଂ ମାନିକ୍, ହେଞ୍ଜାନ୍ ଖେନେନ୍ ।”

ଜିସୁ ଉତର୍ମୁଡ୍

(ମାଡିଉ ୧୩:୧୦-୧୭; ମାର୍କ ୪:୧୦-୧୭)

୯ ଜିସୁ ଚେଲାହିର୍ ଇ ଉତର୍ମୁଡ୍ ଅରଡ୍ ଇନାକା ଇଞ୍ଜି ଖେନ୍ବେଦେଂ ଲାଗାତାର୍ ।

୧୦ ହେବେତାଂ ହେଞ୍ଜାନ୍ ଇଚାନ, “ଇସ୍ତର୍ ରାଜି ବିଡ୍ରେନି ବିସ୍ତେ ପୁଞ୍ଜେଈ ଇଞ୍ଜି ମିଈଈଈ ସାକ୍ତି ହିଦ୍ମା ଆତାଡ୍ନା, ମାତର ବିନେ ନିକାରିଂ ଉତର୍ମୁଡ୍ଦାଂ ଖେଡ୍ମାନାଡ୍, ଇନେସ୍କି ହେଞ୍ଜାର୍ ହୁଡ୍ଜି ହୁଡ୍ଜି ହୁଡ୍ଦେଂ ଆଡ୍ଡୁର୍ ଆରି ଖେନ୍ ଖେନ୍ ବୁଜାଆଡ୍ ।”

ଜିସୁ ଓଡ୍ନାକାନ୍ତି ଅରଡ୍ ବୁଜାୟ୍ କିତାନ୍

(ମାଡିଉ ୧୩:୧୮-୨୩; ମାର୍କ ୪:୧୩-୨୦)

୧୧ “ଉତର୍ମୁଡ୍ନି ଅରଡ୍ ଇଦାଂ । ବିୟାନ୍ ଇସ୍ତର୍ ମାପୁଡି ବଚନ୍,

୧୨ ଆରେ ହାଜି କଚଣ୍ଡ ମାନି ବିୟାନ୍ ଲାକେ ବୁଜାଆନାର୍, କଚଣ୍ଡ ମାନି ବିୟାନ୍ ବୁଜାଆନାର୍, ହେଞ୍ଜାର୍ ବଚନ୍ ଖେନାର୍; ତା ପାଚେ ସୟ୍ତାନ୍ ଖାଜି, ଇନେସ୍କି ହେଞ୍ଜାର୍ ପାତର୍ କିଜି ମୁକ୍ତି ଆଡ୍ ଇଦାଂ କାଜିଂ ହେଞ୍ଜାର୍ ମାନ୍ତିନି ବଚନ୍ ଉନ୍ଦି ଅନାଡ୍ ।

୧୩ ଆରେ କାଲ୍କୁକୁଡ୍ ବୁଈନି ବିୟାନ୍ ଆର୍ଡି ଲାଗ୍ଦି ମାନାୟାରିଂ ବୁଜାଆନାଡ୍, ହେଞ୍ଜାର୍ ବଚନ୍ ଖେନ୍ଞି ଖାରିତାଂ ଇଚ୍ଚନାର୍; ମାତର ହେଞ୍ଜାଡ୍ତି ଚିରାହିଲ୍ଲିଓଡିଲେ ହେଞ୍ଜାର୍ ଅଲପ୍ ସମୁ ପାତର୍ କିତାର୍ ଆରି ପରିକ୍ୟା ସମୁତ ଦରମ୍ ପିହ୍ନାର୍ ।

୧୪ ଆରି ଖାଡ୍ ମାର୍କୁ ବିଡ୍ରେ ଆର୍ଡାକା ବିୟାନ୍, ଏଲେଈ ବୁଜାଆନାଡ୍, ଇମ୍ଣାକାର୍ ବଚନ୍ ଖେନ୍ଞି ରାଜିନି ଚିନ୍ତା, ଦାନ୍ ଆରି ସୁକ୍ବଗ୍ତାଈ ମାନ୍ଞି ଜିବୁନ୍ ବିତାୟ୍ କିଜି କିଜି ତାବାୟ୍ କିୟା ଆନାର୍, ପାଚେ ହାଦର୍ ପାଡ୍ ଆହୁର୍ ।

୧୫ ଆରି, ହାଦର୍ ମେଦ୍ନିତ ଆଜର୍ ମାଚି ବିୟାନ୍ ଏଲେଈ ବୁଜାଆନାଡ୍, ଇମ୍ଣାକାର୍ ହାର୍ ଆରି ଦାମ୍ ମାଡ୍ ବଚନ୍ ଖେନ୍ଞି ହେଦାଂ ଆସ୍ତି ଇଚ୍ଚନାର୍ ଆରି ବାଡ୍କାସ୍ତାଂ ପାଡ୍ ଆନାର୍ ।”

ମାଣ୍ ତାରେନ୍ ବଇଟା

(ମାର୍କ ୪:୨୧-୨୫)

୧୬ “ଇନେର୍ ବଇଟା କାଚାୟ୍ କିଜି ମାଣ୍ ପୁକ୍ତି ଇଚ୍ଚନ୍, କି କାଚେଲ୍ ତାରେନ୍ ଇଚ୍ଚନ୍, ମାତର ବଇଟା ଇଚ୍ଚି ଜପି ଇଚ୍ଚନାନ୍, ଇନେସ୍କି ହେଗା ଖାନି ମାନାୟ୍ ର ଅଜଡ୍ ହୁଡ୍ଦେଂ ଆଡ୍ନାର୍ ।”

୧୭ ✨“ଇନାକିଦେଂକି ଇନାକା ହଡ଼ଝାକା, ଇ ଲାକେ ଡ଼ଗୁତି ବିସ୍ତେ ଇନାକା ହିଲୁଡ଼, ଆଞ୍ଜିତିସ୍ ଇନାକା ପୁନ୍‌ଝାଦାଂ ହଝାକାହିଲୁଡ଼, ଇ ଲାକେ ଡ଼ଗୁତି ବିସ୍ତେ ଇନାକା ହିଲୁଡ଼ ।”

୧୮ ✨“ଏପେଙ୍ଗ୍, ଇନେସ୍ ଝେନାଦେରା ହେ ବିସ୍ତେ ଜାଗ୍ରତ୍; ଇନାକିଦେଂକି ଇନେରିଂ ମାନାଡ଼, ହେଝାନିଂ ହିୟାନାଡ଼, ଆରେ ଇନେରିଂ ହିଲୁଡ଼, ହେଝାନ ଇନାକା ଜାଡ଼ତି ମାନାଡ଼ ଇଞ୍ଜି ବାବି କିନାନ୍, ହେଦାଂ ପା ହେଝାନ ତାଂ ଅୟାନାଡ଼ ।”

**ଜିସୁ ତେହି ଆରେ ତଣ୍ଡାହିର୍**

(ମାତିଉ ୧୨:୪୭-୫୦; ମାର୍କ ୩:୩୧-୩୫)

୧୯ ଜିସୁ ତେହି ଆରି ଟଣ୍ଡାହିର୍ ତା ଲାଗେ ଝାତାର୍, ମାତର୍ ମାନାୟାର୍ ଗହଲି ଲାଗିଂ ତା ଲାହାଙ୍ଗ୍ ମେହାଆଦେଂ ଆଡ଼ଝାଦାଂ ମାଚାର୍ ।

୨୦ ଇନେର୍ ରଝାନ୍ ତାଙ୍ଗେଙ୍ଗ୍ ଇ କାରୁର୍ ହିତାର୍, “ମିଞ୍ଜିୟା ଆରି ଟଣ୍ଡାର୍ ନି ହୁକେ ବେଟାଆଦେଂ ଇଚା କିଜି ବାର୍ତ ନିଲ୍‌ତାଣ୍ଟା ।”

୨୧ ମାତର୍ ହେଝାନ ହେଝାରିଂ ଉତର୍ ହିତାନ୍, “ଇମ୍‌ଣାକାର୍ ଇସ୍‌ବର୍ତି ବଚନ୍ ଝେନାର୍ ଆରି ମାନିକିନାର୍, ହେଝାର୍ ନା ଆୟା ଆରି ଟଣ୍ଡାର୍ ।”

**ଜିସୁ ହାମ୍‌ଦୁର୍ତିଂ ଚିମ୍‌ରା କିତାନ୍**

(ମାତିଉ ୮:୨୩-୨୭; ମାର୍କ ୪:୩୫-୪୧)

୨୨ ଦିନେକ୍ ଜିସୁ ତା ଚେଲାହିର୍ ର ତଙ୍ଗାତ ଦୁମ୍‌ତାର୍, “ଆରେ ହେଝାନ ହେଝାରିଂ ଇଚାନ୍, ଝାଡୁ, ହାମ୍‌ଦୁର୍ତି ଆନ୍‌ଟି ପାଡ଼କା ହାନାସ୍ ।” ହେବେତାଂ ହେଝାର୍ ତଙ୍ଗା ରିଙ୍ଗାର୍ ।

୨୩ ମାତର୍ ହେଝାର୍ ତଙ୍ଗା ଗାଟିକିଜି ହାନି ସମୁତ ଜିସୁ ହୁନ୍‌ଚାନ୍ । ହେଝାଡ଼ାଂ ହାମ୍‌ଦୁର୍ତି ତ୍ରିପକୁ ହୁଜାଝାଣି ଆତାଡ଼, ଆରେ ହେଝାର୍‌ତି ତଙ୍ଗା ଏଜୁକାଂ ବାଡ଼ି ଆଦେଂ ଲାଗାତାଡ଼ ଆରି ହେଝାର୍ ସନିତ ପଡ଼ାତାର୍ ।

୨୪ ହେବେତାଂ ଚେଲାର୍ ଲାଗେ ଝାଜି ହେଝାନିଂ ନିକ୍‌ଟି ଇଚାର୍, “ଏ ଗୁରୁ, ଏ ଗୁରୁ, ଆପେଂ ହାତାପ୍ ।”

ଇବେତାଂ ଜିସୁ ନିଙ୍ଗି ଦୁକା ଆରି ଜବର୍ ଲଡ଼ିତିଂ ଦାକା ହିତାନ୍, ଆରି ହେ ସବୁ ଚିମ୍‌ରା ଆଜି ତିର୍ ଆତାଡ଼ ।

୨୫ ଆରେ, ହେଝାନ ହେଝାରିଂ ଇଚାନ୍, “ମିଦାଙ୍ଗ୍ ପାଡ଼ି ଇମେଡ଼ ?”

ମାତର୍ ହେଝାର୍ ପାଣ୍ଡା ଆତାର୍ ଆରି କାବା ଆଜି ହେଝାର୍ ହେଝେର୍ ଇଞ୍ଜେଙ୍ଗ୍ ଲାଗାତାର୍, ଇଝାନ୍ ଇନେନ୍ ଜେ, ହେଝାନ ଦୁକା ଆରି ଏଜୁକାଂ ପା ବଲ୍ ହିତିସ୍, ହେଝାଙ୍ଗ୍ ହେ ବଲ୍ ମାନିକିନିଙ୍ଗ୍ ।

**ଜିସୁ ରଝାନ୍ ପୁଦାଆୟା ଆତାକାନିଂ ଉଜ୍ କିତାନ୍**

(ମାତିଉ ୮:୨୮-୩୪; ମାର୍କ ୫:୧-୨୦)

୨୬ ପାଚେ ଜିସୁ ଆରି ତା ଚେଲାହିର୍ ଗାଲିଲିନି ଲାଗେ ହେ ପାଡ଼ାକାନି ଗରାସିୟର୍ ରାଜି ନିପ ଏକାତାର୍ ।

୨୭ ହେଝାନ ତଙ୍ଗାତାଙ୍ଗ୍ ହସି ଗୁଟିତ ଜୁଜି, ହେ ଗାଡ଼ନି ରକାନ୍ ପୁଦାଂ ଆହ୍‌ୟାତାକାନ୍ ହେଝାନିଂ ଗିଚାତାନ୍; ହେଝାନ ବେସି ବାହୁଁ ପାଚେକ୍ ହେହା ଉସ୍‌ପାଝାଦାଂ ଆରି ଇଞ୍ଜି ମାନ୍‌ଝାଦାଂ ଦୁଗେର୍‌ତ ମାଚାନ୍ ।

୨୮ ହେଝାନ ଜିସୁଙ୍ଗ୍ ହୁଡ଼ଜି କିକିରାତିଂ କିଜି ହେଝାନ ସାରାଣ୍ ତାରେନ୍ ଆଜି ଗାଜା କାଟ୍‌ତାଂ ଇଚାନ୍, “ଏ ଗାଜା ଇସ୍‌ବର୍ ମାପୁ ମାଜି ଜିସୁ, ନି ହୁକେ ନାଦାଂ ଇନାକା ମାନାଡ଼ ? ଆନ୍ ନିଙ୍ଗେଙ୍ଗ୍ ଗଝାରି କିଦ୍‌ନାଙ୍ଗା, ନାଙ୍ଗେଙ୍ଗ୍ କସ୍‌ହିଦ୍‌ମା ।”

୨୯ ଇନାକିଦେଂକି ଜିସୁ ବାନ୍ୟା ଜିବୁନ୍‌ତିଂ ହେ ମାନାୟାତିଂ ହସି ହାଞ୍ଜେଙ୍ଗ୍ ଇଞ୍ଜି ବଲ୍ ହିଜି ମାଚାନ୍ । ହେ ଜିବୁନ୍ ବେସିହର୍ ତାଙ୍ଗେଙ୍ଗ୍ ଆସି ମାଚାଡ଼, ଆରେ ମାନାୟାର୍ ତାଙ୍ଗେଙ୍ଗ୍ ହିକ୍‌ତିଂ ଆରି କାଲ୍‌ଦ କାଗଡ଼ା ଲାହାଙ୍ଗ୍ ଗାଟି ଇଡ଼ଜି ମାଚାର୍, ମାତର୍ ହେଝାନ ଗାଟି କାଦ୍‌ଲିଂ ନାଡ଼ତି ପୁଦା ହୁଦାଂ ତାଙ୍ଗେଙ୍ଗ୍ ବାଟାତ ଅଜି ମାଚାଡ଼ ।

୩୦ ଜିସୁ ହେଝାନିଂ ଝେନ୍‌ବାତାନ୍ “ନି ତର୍ ଇନାକା ?” ହେଝାନ ଇଚାନ୍, ବାହିନି; ଇନାକିଦେଂକି ଆଦିକ୍ ପୁଦାଂ ହେଝାନ ତାକେ ହଣ୍‌ଜି ମାଟିକ୍ ।

୩୧ ଆରେ, ହେଝାନ ଇନେସ୍ ହେଝାକାଂ ଜମ୍‌ପୁର୍ ହାଞ୍ଜେଙ୍ଗ୍ ବଲ୍ ହିଉନ୍, ଇଦାଂ କାଜିଂ ହେଝାଙ୍ଗ୍ ତାଙ୍ଗେଙ୍ଗ୍ ଗଝାରି କିଦେଙ୍ଗ୍ ଲାଗିତିକ୍ ।

୩୨ ହେବେ ମାଡ଼ି ଲାଗେ ର ଗାଜା ପାଞ୍ଜିଙ୍ଗ୍ ମାୟା ହାରାଆଜି ମାଟିକ୍, ଆରେ ହେଝାନ ଇନେସ୍ ହେଝାକାଂ ହେ ପାଞ୍ଜିଙ୍ଗ୍ ବିଡ୍ରେ ହଣ୍‌ଜେଙ୍ଗ୍ ବଲ୍ ହିନାନ୍, ଇଦାଂ କାଜିଂ ହେଝାଙ୍ଗ୍ ତାଙ୍ଗେଙ୍ଗ୍ ଗଝାରି କିଡିକ୍ ।

୩୩ ଜିସୁ ହେଝାରିଂ ବଲ୍ ହିତିଲେ, ପୁଦାଂ ହେ ମାନାୟା ତାକେଣ୍ଟାଂ ହସି ପାଞ୍ଜିଙ୍ଗ୍ ବିଡ୍ରେ ହଟିକ୍; ହେବେ ହେ ମାଦାଂ ବେସିତାଦ୍‌ତାଂ ହଞ୍ଜି ହାଲ୍‌ଜି ହାମ୍‌ଦୁର୍ ଗୁଟିତାଂ ଆଜି ମୁନ୍‌ଞ୍ଜି ହାଡିକ୍ ।

୩୪ ହାରାଇ କିଜି ମାଟି ମାନାୟାର୍ ହେ ଗଟ୍‌ଣା ହୁଡ଼ଜି ହଞ୍ଜି ହାଲ୍‌ଜି ଗାଡ଼୍‌ଦ ଆରେ ନାସ୍‌କୁକାଂ ହେଦାଂ ଝେଟ୍‌ଚାର୍ ।

☆ ୮:୧୭ ମାତିଉ ୧୦:୨୭; ଲୁକ ୧୨:୨. ☆ ୮:୧୮ ମାତିଉ ୨୫:୨୯; ଲୁକ ୧୯:୨୭.

୩୫ ହେବେ ମାନାୟାର ହେ ଗର୍ଣା ହୁଡ଼ଦେଂ ହସି ଖାତାର; ଆରେ ହେଞ୍ଜାର ଜିସୁ କଚଣ୍ଡ ଖାଜି, ଇମ୍ଣି ମାନାୟ ତାକେଣ୍ଡାଂ ପୁଦାଂ ହସି ମାଟିକ, ତାକେଙ୍ଗ୍ ହେନ୍ଦା ଉସ୍ପିସ୍ ହାର ମାନ୍ତାଙ୍ଗ୍ ଜିସୁ କାଲ୍‌କୁ ତାରେନ୍ କୁଚ୍ଚି ମାନାକା ହୁଡ଼ଜି ପାଣ୍ଡା ଆତାର ।

୩୬ ଆରି ଇନେର୍ ହୁଡ଼ଜି ମାଗାର, ହେଞ୍ଜାର ହେ ପୁଦାଆହୟା ଆଜି ମାଟି ମାନାୟ ଇନେସ୍ ଆଜି ଉଜ୍ ଆତାନ୍, ହେଦାଂ ହେଞ୍ଜାରିଂ ଖେଚ୍‌ପାତାର ।

୩୭ ହେବେ ଗରାସିୟାର ଦେସ୍‌ନି ଚାରିବେଣ୍ଡି ମାନାୟ ଖିଜାର ହେଞ୍ଜାର ହାନ୍ଦିତାଂ ହାଞ୍ଜେଙ୍ଗ୍ ଜିସୁଙ୍ଗ୍ ଗଞ୍ଜାରି କିତାର, ହେଞ୍ଜାର ବେସି ପାଣ୍ଡା ଆଜି ମାଗାର; ଆରେ, ହେଞ୍ଜାନ୍ ର ତଙ୍ଗାତ ଦୁମ୍‌ଜି ମାସ୍‌ଦି ଖାତାର ।

୩୮ ମାତର୍ ଇମ୍ଣି ମାନାୟ ତାକେଣ୍ଡାଂ ପୁଦାଂ ହସି ହାଲ୍‌ଜି ମାଟିକ,

“ହେଞ୍ଜାନ୍ ଜିସୁ ଲାଗାଂ ମାଞ୍ଜେଙ୍ଗ୍ ଗଞ୍ଜାରି କିତାନ୍ ।”

୩୯ “ମାତର୍ ହେଞ୍ଜାନ୍ ତାକେଙ୍ଗ୍ ପକ୍ଚି ଇଚାନ୍, ମିଞ୍ଜ ମାସ୍‌ଦି ହାଲା, ଆରେ ଇସ୍‌ଚ୍ଚି କାଜିଂ ଇମ୍ଣି କାମାୟ କିତାନ୍‌ନା, ହେଦାଂ ଖିଜୁ ମାନାୟତିଂ ଖେଚା ।”

ହେବେ ହେଞ୍ଜାନ୍ ତାଙ୍ଗ୍‌ଜି ହାଲ୍‌ଜି, ଜିସୁ ହେଞ୍ଜାନ୍ କାଜିଂ ଇମ୍ଣି କାମାୟ କିଜି ମାଗାନ୍, ହେଦାଂ ଖିଜୁ ଗାଡ଼ଦ ସୁଣାୟ କିଦେଙ୍ଗ୍ ଲାଗାତାନ୍ ।

ଜାଇରସ୍ ଗାହ୍‌ଡ଼ିଙ୍ଗ୍ ଆରେ ର ରଗ୍ କଗ୍‌ଲେଂ ଉଜ୍ କିତାନ୍

(ମାଟିଉ ୯:୧୮-୨୬; ମାର୍କ ୫:୨୧-୪୩)

୪୦ ଆରେ ଜିସୁ ମାସ୍‌ଦି ଖାଡ଼ିଲେ ମାନାୟାର ଗହଲିତାଂ ତାକେଙ୍ଗ୍, ଖାରିତାଂ ଇଚ୍‌ତାର, ଇନାକିଦେଂକି ଖିଜାର ତାକେଙ୍ଗ୍ କାସି ମାଗାର ।

୪୧ ଆରେ, ହୁଡ଼ାଟ୍; ଜାଇରସ୍ ତର୍‌ଦାକାନ୍ ରଞ୍ଜାନ୍ ଖାତାନ୍; ହେଞ୍ଜାନ୍ ରଞ୍ଜାନ୍ କୁଚ୍‌ମ୍ ଇଞ୍ଜ ମୁଡ଼ଦାକାନ୍ ମାଗାନ୍ । ହେଞ୍ଜାନ୍ ଜିସୁତି କାଲ୍‌ତାରେନ୍ ଗୁରୁଜି ଜାର ଇଞ୍ଜ ଖାନି କାଜିଂ ଗଞ୍ଜାରି କିତାନ୍ ।

୪୨ ଇନାକିଦେଂକି ତାତି ବାର ବାହୁଁ ବୟସ୍‌ନି ରଞ୍ଜେଲ୍ ମତର୍ ଗାଡ଼ଚେ ମାଗାଡ଼, ଆରେ ହେଦେଲ୍ ହାନି ଲାକେ ଆଜି ମାଗାଡ଼ ।

ମାତର୍ ହେଞ୍ଜାନ୍ ହାନି ସମୁତ ମାନାୟାର ତା ଜପି କୁସ୍‌ପିସ୍ ମାଗାର ।

୪୩ ହେ ପାଦନା ବାର ବାହୁଁ ପାତେକ୍ ନେତେର୍ ନାଡ଼ଞ୍ଜାକା ରଗ୍ୟାଣି ର କଗ୍‌ଲେ, ମାଗାଡ଼ ଇନେସ୍‌କି ତା ଜିବୁନ୍‌ତ ସବୁ ଦାନ୍ ଖିସ୍ତି ମାଗାଡ଼ ପା ଉଜ୍ ଆଡ଼ଞ୍ଜାଦାଂ ମାଗାଡ଼,

୪୪ ହେଦେଲ୍ ପାଟ୍ ବାଗାଙ୍ଗ୍ ଖାଜି ହେଞ୍ଜାନ୍‌ତି ହେନ୍ଦାନି ଚେଲିଂ ତୁଡାଡ଼, ଆରେ ହେ ସାଙ୍ଗେ ତାକେଙ୍ଗ୍ ଗାଗାଡ଼ ଟେବା ଆତାଡ଼ ।

୪୫ ହେବେଣ୍ଡାଂ ଜିସୁ ଇଚାନ୍, “ଇନେର୍ ନାକେଙ୍ଗ୍ ତୁଡ଼ତାର ?”

ମାତର୍ ଖିଜାର ପାଟ୍ କିଞ୍ଚିଙ୍ଗ୍, ପିତର୍ ଇଚାନ୍, “ଏ ଗୁରୁ, ମାନାୟାର ମେଲ୍ ମେଲ୍ ଆଜି ନି ଜପି କୁସ୍‌ପା ଆଦନାରା ।”

୪୬ ମାତର୍ ଜିସୁ ଇଚାନ୍, “ଇନେର୍ ରଞ୍ଜାନ୍ ନାକେଙ୍ଗ୍ ତୁଡ଼ତାନ୍, ଇନାକିଦେଂକି ନାଙ୍ଗ୍‌ତାଂ ସାକ୍ତି ହସି ହାଟି ଲାକେ ଆନ୍ ପୁଗାଙ୍ଗ୍ ।”

୪୭ ଏଚେକାଡ଼ଦ କଗ୍‌ଲେ ହୁଡ଼ତାଡ଼ ଜେ, ହେଦେଲ୍ ତୁଗୁଜି ମାଞ୍ଜେଙ୍ଗ୍ ଆଡ଼ଞ୍ଜାତାଡ଼, ହେ ଏଚେକାଡ଼ଦ ହେଦେଲ୍ ତ୍ରିଗ୍‌ଜି ତ୍ରିଗ୍‌ଜି ଖାଜି ହେଞ୍ଜାନିଂ ତାଣ୍ଡାହାଡ଼ ମାଗ୍‌ଜି, ଇନାକିଦେଂ ତାକେଙ୍ଗ୍ ତୁଡାଡ଼ ଆରି ଇନେସ୍ ସାଙ୍ଗେ ସାଙ୍ଗେ ଉଜ୍ ଆତାଡ଼ ହେଦାଂ ଖିଜାର ମାନାୟ ମୁମ୍‌ଦ ଖେଚ୍‌ଚାଡ଼ ।

୪୮ ହେବେଣ୍ଡାଂ ହେଦେଲିଂ ଇଚାନ୍, “ଏ ଗାଡ଼ଚେ ନି ପାଟ୍ ନିକେଙ୍ଗ୍ ଉଜ୍ କିଡ଼ତାଡ଼ନା, ସୁସ୍ତାତାଂ ତାଙ୍ଗ୍‌ଜି ହାଲା ।”

୪୯ ହେଞ୍ଜାନ୍ ଇ ବେରଣ୍ ଇଞ୍ଜିମାନିହିଂ କୁଚ୍‌ମ୍ ଇଞ୍ଜିନି ମୁଡ଼ଦାକାନ୍ ରଞ୍ଜାନ୍ ଖାଜି ଇଚାନ୍, “ନି ଗାଡ଼ ହାତାତେ, ଗୁରୁଙ୍ଗ୍ ଆରେ କସ୍ ହିମାଟ୍ ।”

୫୦ ମାତର୍ ଜିସୁ ଇଦାଂ ଖେନ୍‌ଞ୍ଜି ଜାଇରସ୍‌ତିଂ ଉତର୍ ହିତାନ୍, “ପାଣ୍ଡା ଆମା, କେବଲ୍ ପାଟ୍ କିୟା, ଆରେ ହେଦେଲ୍ ଉଜ୍ ଆନାଡ଼ ।”

୫୧ ଆରେ, ହେଞ୍ଜାନ୍ ଇଞ୍ଜ ଖାଜି ପିତର୍, ଜହନ୍ ଆରି ଜାକୁବ୍, ଆରେ ଗାଡ଼ଚେ ଲାତ୍ରାହି ଡେହିଙ୍ଗ୍ ପିସ୍ତି ଆରେ ଇନେରିଂ ତା ଲାହାଙ୍ଗ୍ ବିଡେ ହଣ୍ଡେଙ୍ଗ୍ କାଜିଂ ହିଞ୍ଜାତାର ।

୫୨ ମାତର୍ ଖିଜାକାର ହେ କାଜିଂ ଆଡ଼ଜି ଆଡ଼ଜି ନେଞ୍ଜେଡାକିତ ଇଡ଼ିୟା ଆଜି ମାଗାର । ହେବେଣ୍ଡାଂ ହେଞ୍ଜାନ୍ ଇଚାନ୍, “ଆଡ଼ବାମାଡ଼; ହେଦେଲ୍ ହାଞ୍ଜାତାଡ଼ନା, ମାତର୍ ହୁଞ୍ଜୁନାତା ।”

୫୩ ମାତର୍ ହେଦେଲ୍ ହାତାତେ ଇଞ୍ଜି ପୁନ୍‌ଞ୍ଜି ମାଟିଲେ ହେଞ୍ଜାର ଜିସୁଙ୍ଗ୍ ଗ୍ରେଚ୍‌ଚେଂ ଲାଗାତାର ।

୫୪ ମାତର୍ ଜିସୁ ତା କେଇ ଆସ୍ତି ହିର୍‌ବିସ୍ ଇଚାନ୍, “ଏ ଗାଡ଼ଚେ ନିଙ୍ଗା ।”

୫୫ ହେବେ ତା ଜିବୁନ୍ ଖାତାଡ଼, ଆରେ ହେଦେଲ୍ ହେ ଦାପ୍ରେ ନିଙ୍ଗ୍‌ତାଡ଼, ଆରେ ଜିସୁ ତାକେଙ୍ଗ୍ ଇଚୁଚିଂ ଡିଞ୍ଜେଙ୍ଗ୍ ହିଦେଙ୍ଗ୍ ଇଞ୍ଜି ବଲ୍ ହିତାନ୍ ।

୫୬ ଇବେ ହେ ଲାତ୍ରାହି ତେହି ଗର୍ବକା ଆତାର୍; ମାତର୍ ହେ ଗର୍ବଣାନି କାତା ଇନେରିଂ ଝେର୍ପାମାତୁ ଇଞ୍ଜି ବଲ୍ ହିତାନ୍ ।



ଜିସୁ ବାରଜାଣ୍ ଚେଲାରିଂ ପକ୍ତାନ୍  
(ମାତିଉ ୧୦:୫-୧୫; ମାର୍କ ୬:୭-୧୩)

୧ ଇବେତାଂ ହେଝାନ୍ ବାରଜାଣ୍ ଚେଲାରିଂ କୁକ୍ତି ରବେ କିଜି ହେଝାରିଂ ସବୁ ପୁଦାଂ ପିହିକିଦେଂ, ଆରେ ରଗ୍ ଉଜ୍ କିଦେଙ୍ଗ୍ କାଜିଂ ସାକ୍ତି ଆରି ଆଦିକାର୍ ହିତାନ୍ ।

୨ ଆରେ, ହେଝାନ୍ ହେଝାରିଂ ଇସ୍ତର୍ ରାଜିନି ନେକ୍ରିକାରୁର୍ ସୁଣାୟ୍ କିଦେଙ୍ଗ୍ ଆରି ରଗ୍ୟାରିଂ ଉଜ୍ କିନି କାଜିଂ ପକ୍ତାନ୍,

୩ ଆରି, ହେଝାରିଂ ଇଚାନ୍, “ମି ହାନି କାଜିଂ ବାଡ଼ଗା କି ମଣା କି ରୁଟି କି ତାରୁଙ୍ଗ୍ ପା ଅମାଟ୍, ନଲେ ରିଣ୍ଡାଂ ଆଙ୍ଗିଙ୍ଗ୍ ରଚେ ଇଟ୍ମାଟ୍ ।

୪ ଆରେ, ଏପେଙ୍ଗ୍ ଇମ୍ଣି ଇଞ୍ଜି ମାନିକିଦ୍ନାର୍, ହେ ବାହାତାଂ ହାଲ୍ଡି ପାତେକ୍ ହେବେ ମାନାଟ୍ ।

୫ ଆରେ, ଏଚେକ୍ ଜାଣ୍ ମିଙ୍ଗେଙ୍ଗ୍ ମାନିକିଦୁର୍, ହେ ନାସ୍ତାଂ ଖାନିହିଂ ହେଝାର୍ ବିରୁଦ୍ଦ ସାକ୍ତି ହିନି କାଜିଂ ମି ପାନାନି ଦୁଡ଼ି ଡାଡ଼ତି ତୁହିୟାଟ୍ ।

୬ ହେବେଣ୍ଡାଂ ହେଝାର୍ ହାଲ୍ଡି ଝିଜୁ ବାହାତ ନେକ୍ରିକାରୁର୍ ସୁଣାୟ୍ କିତାର୍ ଆରି ଉଜ୍ କିଜି କିଜି ନାସ୍ତୁ ନାସ୍ତୁକାଂ ବୁଲାଆଦେଂ ଲାଗାତାର୍ ।”

ହେରଦ୍ ରାଜା ଗୁପା ଆତାନ୍  
(ମାତିଉ ୧୪:୧-୧୨; ମାର୍କ ୬:୧୪-୨୯)

୭ ଇବେଣ୍ଡାଂ ଗାଲିଲିନି ସାମନ୍ତ ରାଜା ହେରଦ୍ ଇ ଝିଜୁ ଗର୍ଣା ବିସ୍ତେ ଝେନ୍ଞି ବୁଦିଆନ୍ଦାର୍ ଆତାନ୍, ଇନାକିଦେଂକି ବାପ୍ତିସ୍ମିହିନି ଜହନ୍ ହାତି ତାକେଣ୍ଡାଂ ନିଂତାନ୍ନା ଇଞ୍ଜି ଇନେ ଇନେର୍ ଇଞ୍ଜି ମାଚାର୍ ।

୮ ଆରେ, ଇନେ ଇନେର୍ ଏଲିୟ୍ ଚଞ୍ଜ୍ୟା ଆତାନ୍ନା ଇଞ୍ଜି ଇଞ୍ଜି ମାଚାର୍ ଆରି ବିନ୍ନିକାର୍ ଆଗେଦିକ୍ତି ବେଶ୍ବାକ୍ଣାୟ୍ କିନାକାକ୍ତି ବିତ୍ତେ ରଝାନ୍ ଆରେ ନିଂତାନ୍ନା ଇଞ୍ଜି ଇଞ୍ଜି ମାଚାର୍ ।

୯ ମାତର୍ ହେରଦ୍ ଇଚାନ୍, “ଜହନ୍ତି କାପ୍ତାତ ଆନ୍ ଚୁଟାଙ୍ଗ୍ନା, ମାତର୍ ଇନେର୍ ବିସ୍ତେ ଏଲେଙ୍ଗ୍ ବାନି କାତା ଝେନାପା, ଇଝାନ୍ ଇନେନ୍ ? ଆରେ, ହେଝାନ୍ ତାଙ୍ଗେଙ୍ଗ୍ ହୁଡ଼ଦେଂ ଇଞ୍ଜି ସେସ୍ତୁ କିଜି ମାଚାନ୍ ।”

ଜିସୁ ପାଞ୍ଚ ହାଜାର୍ ମାନାୟ୍ତିଂ ଚିଟ୍ପାତାନ୍  
(ମାତିଉ ୧୪:୧୩-୨୧; ମାର୍କ ୬:୩୦-୪୪; ଜହନ୍ ୬:୧-୧୪)

୧୦ ପାଚେ ପକ୍ୟାତାକାର୍ ମାସ୍ତି ଝାଜି, ଇନା ଇନାକା କିଜି ମାଚାର୍, ହେ ଝିଜୁ ତା ତାକେ ଝେର୍ପାତାର୍ । ଆରେ ହେଝାନ୍ ହେଝାରିଂ ରଚେ ଅଜି ହାଲ୍ଡି ବିନେ ଆଜି ବେଡ଼ସାଈଦା ଇନି ଗାଡ଼ଦ ହାଚାର୍ ।

୧୧ ମାତର୍ ମାନାୟ୍ଦାର୍ ହେଦାଂ ପୁଞ୍ଜି ହେଝାନ୍ ପାଚେ ହାଚାର୍; ଆରେ, ହେଝାନ୍ କାର୍ମା ଆଜି ହେଝାରିଂ ଅଜି ହାଲ୍ଡି ଇସ୍ତର୍ ରାଜି ବିସ୍ତେ ହେଝାରିଂ ଝେର୍ଚେଙ୍ଗ୍ ଲାଗାତାନ୍, ଆରେ ଇନେର୍ଡି ଉଜ୍ ଆଦେଂ ଇଚା ମାଚାଟ୍, ହେଝାରିଂ ଉଜ୍ କିତାନ୍ ।

୧୨ ଇଦାଂ ପାଚେ ଝେଡ଼ା ହାନିହିଂ; ହେବେ ବାରଜାଣ୍ ହେଝାନ୍ କଚଣ୍ଡ ଝାଜି ଇଚାର୍, “ମାନାୟ୍ଦାର୍ ଇନେସ୍ ଚାରିବେଣ୍ଡି ନାସ୍ତୁ ଆରି ଗୁଡାନିକାର୍ ହାଲ୍ଡି ମାଞ୍ଜେଙ୍ଗ୍ ଆରି କାଦି ପାୟା ଆନାର୍, ହେଦାଂ କାଜିଂ ହେଝାରିଂ ପକାମ୍ଦେ, ଇନାକିଦେଂକି ଆସେଙ୍ଗ୍ ଇବେ ଚିମ୍ପରା ବାହାତ ମାନାସ୍ ।”

୧୩ ମାତର୍ ହେଝାନ୍ ହେଝାରିଂ ଇଚାନ୍, “ଏପେଙ୍ଗ୍ ହେଝାରିଂ ଚିଟ୍ପାଟ୍ ।”

ହେଝାର୍ ଇଚାର୍, “ମା ତାକେ ପାଞ୍ଚଗଟା ରୁଟିଂ ଆରେ ରିଣ୍ଡାଂ ମିନ୍କୁ ତାଙ୍ଗ୍ ଆଗ୍ଡା ହିଲୁକ୍; ତାଆତିସ୍ ଆସେଙ୍ଗ୍ ଇନାକା ହାଲ୍ଡି ଇ ଝିଜାକାର୍ ମାନାୟ୍ କାଜିଂ କାଦି କଡ଼ନାସ୍ ?”

୧୪ ଇନାକିଦେଂକି ହେଝାର୍ ଆନ୍ମାନ୍ ପାଞ୍ଚ ହାଜାର୍ ଆଣ୍ଡାହିମଣାଂ ମାଚାର୍ ।

“ଆରି, ଜିସୁ ଜାର୍ ଚେଲାହିରିଂ ଇଚାନ୍, ଇସାବ୍ କିଜି ରିକଡିଦସ୍ ରିକଡ଼ି ଦସ୍ଜାଣ୍ କିଜି ହେଝାରିଂ ମାନ୍ଦା ମାନ୍ଦା କିଜି କୁଟିକିୟାଟ୍ ।”

୧୫ ହେବେଣ୍ଡାଂ ହେଝାର୍ ହେ ଲାକେ କିଜି ଝିଜାରିଂ କୁଟିକିତାର୍ ।

୧୬ ଆରେ, ଜିସୁ ହେ ପାଞ୍ଚଗଟା ରୁଟିଂ ଆରେ ରିଣ୍ଡାଂ ମିନ୍କୁ ଅଜି ବାଦାଡ଼ତି ହୁଡ଼ଜି ହେ ଝିଜୁକାଙ୍ଗ୍ ଆସିର୍ବାଦ୍ କିତାନ୍, ଆରେ ତ୍ରିପକିସ୍ ଝିଜୁ ଲଗାଂ ଚିଟ୍ପି କିଦେଙ୍ଗ୍ କାଜିଂ ଚେଲାରିଂ ହିଦେଂ ଲାଗାତାନ୍ ।

☆ ୯:୫ ପକ୍ୟାତାକା ୧୩:୫୧. ☆ ୯:୫ ଲୁକ ୧୦:୪-୧୧. ☆ ୯:୭ ମାତିଉ ୧୭:୧୪; ମାର୍କ ୮:୨୮; ଲୁକ ୯:୧୯.

୧୭ ହେବେ ଓଜାକାର ତିନିଞ୍ଜି ପଟ ପାଞ୍ଚାର, ଆରେ ହେଝେର ହେଝାର କଟଣ୍ ହାରତିକିଙ୍ଗ ବାର ଟପା ତ୍ରିଙ୍ଗତି କୁଦ୍ରି ପେସ୍ଜି ଅତାର ।

**ଜିସୁଙ୍ଗ ପିତର ମାନିକିତାନ**  
(ମାତିଉ ୧୭:୧୩-୧୯; ମାର୍କ ୮:୨୭-୨୯)

୧୮ ରଗ ଜିସୁ ଚିମ୍ବରାତା ପାର୍ଥାନା କିଜି ମାନିହିଁ ଚେଲାହିର ତା ଲାହାଙ୍ଗ ମାଚାର, ଆରେ ଜିସୁ ହେଝାରିଂ ଝେନ୍‌ବାତାନ,  
“ଆନ୍ ଇନେନ୍ ଇଞ୍ଜି ମାନାୟାର ଇନାକା ଇଞ୍ଜନାରା ?”

୧୯ \* “ଇବେ ହେଝାର ଉତର ହିତାର, ବାପ୍ରିସିମ୍ ହିନି ଜହନ୍,” ମାତର ଇନେର ଇନେର ଇନାର, “ଏଲିୟ, ଆରେ ଇନେର ଇନେର ଇନାରା, ଆଗେନି ଦିନ୍ତ ବେଣ୍‌ବାକ୍‌ଶାୟ କିନାକାନ୍ ବିତ୍ରେ ରଝାନ୍ ଆରେ ନିଂତାକାନ୍ ଆତାନ୍ନା ।”

୨୦ \*ଜିସୁ ହେଝାରିଂ ଝେନ୍‌ବାତାନ, “ମାତର ଆନ୍ ଇନେନ୍ ଇଞ୍ଜି ଏପେଙ୍ଗ ଇନାକା ଇଞ୍ଜନାଦେରା ?”

ପିତର ଉତର ହିତାନ, “ଇସ୍‌ବର୍ କ୍ରିସ୍ଟ ।”

**ଜିସୁ ନିଜେ ହାଜି ଆରେ ଜିରୁନ୍ ଝାନି ବିସ୍ତେ ନି ବେରଣ୍**  
(ମାତିଉ ୧୭:୨୦-୨୮; ମାର୍କ ୮:୩୦-୯:୧)

୨୧ ଆରେ ଜିସୁ ହେଝେରିଂ ଇଚାନ୍ ଇଦାଂ ଇନେରିଂ ଝେର୍‌ମାଟ୍ ଇଞ୍ଜି ହେଝାରିଂ ତାଟ୍ କିଜି ବଲ୍ ହିଜି ଇଚାନ୍,

୨୨ ଆରେ ହେଝାନ୍ ହେଝାରିଂ ଇଚାନ୍, “ମାନାୟ ମାଜିଂ ଆଦିକ୍ ଦୁକ୍‌ପାୟା ଆନାକା ମାନାତ୍ ଆରେ ବୁଡାଲୁର, ମୁଡ୍ ମାପୁହେବାକିନାକାନ୍ ଆରି ସାସ୍ତିର ହୁକେ ମୁନା କିୟା ଆଜି ହାନାକା ଆନାତ୍, ଆରେ ତିନିଦିନିତାଂ ନିଙ୍ଗନାକା ମାନାତ୍ ।”

୨୩ \*ହେ ପାଦନା ଜିସୁ ଓଜାରିଂ ଝେର୍‌ଚାନ୍, “ଇନେନ୍ ଏଚେକାଡ୍‌ଦ ନା ଲାହାଙ୍ଗ ଝାଦେଙ୍ଗ ଇଚା କିନାନ୍, ଓଜୁ ପିସ୍ତି ସବୁଦିନା ହେଝାନ୍ କୁସ୍ ଆସ୍ତି ନା ଲାହାଙ୍ଗ ଝାୟେନ୍ ।

୨୪ \*ଇନାକିଦେଂକି ଇନେନ୍ ଜାର୍ ଜିରୁନ୍ ରାକ୍ୟା କିଦେଙ୍ଗ ଇଚା କିନାନ୍, ହେଝାନ୍ ତା ଜିରୁନ୍ ଆରାୟ କିନାନ୍; ମାତର ଇନେର ଜଦି ନା କାଜିଂ ହେଝାନ୍ ଜିରୁନ୍ ଆରାୟ କିନାନ୍, ହେଝାନ୍ ହେଦାଂ ରାକ୍ୟା କିନାନ୍ ।

୨୫ ଆରି, ମାନାୟ ଏଚେକାଡ୍‌ଦ ଓଜୁ ପୁତ୍‌ତିଂ ଲାବ୍ କିଜି ଜାର୍ ଜିରୁନ୍ ଆରାୟ କିନାନ୍, ତେବେ ତାଦାଙ୍ଗ ଇନା ଲାବ୍ ?

୨୬ ଲାଗିଂ ଇନେରକି ଜଦି ନା ଆରେ ନାଦାଂ ବେରଣ୍ ବିସ୍ତେ ଲାଜକୁଡା ଆନାନ୍, ମାନାୟ ମାଜି ଏଚେକାଡ୍‌ଦ ଜାର୍‌ତି ଆରି ଆବାତି, ମତର ପୁଇପୁୟା ଦୁଡ୍‌ର ଜାଜ୍‌ମାଲ୍ ଝାନାନ୍, ହେଝେଡାଂ ହେଝାନ୍ ହେଦାଂ ବିସ୍ତେ ଲାଜା ଆନାନ୍ ।

୨୭ ମାତର ଆନ୍ ମିଙ୍ଗେଙ୍ଗ ହାଡ୍‌ପା ଇଞ୍ଜନାଙ୍ଗା, ଇସ୍‌ବର୍ ରାଜି ହୁଡ୍‌ଝି ପାତେକ୍ ଇବେ ନିଲ୍‌ତିମାନି ଲକୁ ବିତ୍ରେ ଏଚେକ୍‌ଜାଣ୍ ଇନେସ୍ କିଜିପା ହାକି ହୁଡ୍‌ରୁ ।”

**ଜିସୁତି ପାଗମାସ୍‌ନାକା**  
(ମାତିଉ ୧୭:୧-୮; ମାର୍କ ୯:୨-୮)

୨୮ ଇ ଓଜୁ ଗଟ୍‌ଶାନି ଆଟ୍ ଦିନ୍ ପାଚେ ହେଝାନ୍ ପିତର, ଜହନ୍ ଆରି ଜାକୁବ୍‌ତିଂ ରଚେ ଅଜି ହାଲ୍‌ଜି ପାର୍ଥାନା କିନି କାଜିଂ ମାଡି ଜପି ହାଚାର ।

୨୯ ଆରେ, ଜିସୁ ପାର୍ଥାନା କିନି ଝେଡାଲିଂ ତା ମୁମ୍ ବାଦଲି ଆତାଡ୍ ଆରି ତା ହେନ୍ଦା ତିନିଞ୍ଜାଡ୍ ଆରି ଜବର ଅଜଡ୍‌ଆତାଡ୍ ।

୩୦ ଆରେ ହୁଡାଟ୍ ତ୍ରିପକୁ, ମସା ଆରି ଏଲିୟ, ଇ ରିୟାର ହେଝାନ୍ ଲାହାଙ୍ଗ ବେରଣ୍ କିଦେଙ୍ଗ ଲାଗାତାର୍;

୩୧ ହେଝାର୍ ସାଗେ ପାଗ୍‌ତାଂ ଚଞ୍ଜୟା ଆଜି ମାଚାର, ହେଝାନ୍ ଜିରୁସାଲମ୍‌ତ ଇନାଝାଡାଙ୍ଗ୍ ହାଞ୍ଜେଙ୍ଗ୍ ଜାଲ୍‌ଦି ଆଜି ମାନାର୍, ହେ ବିସ୍ତେ ଇଞ୍ଜି ମାଚାର ।

୩୨ ହେ ଝାଡାଙ୍ଗ ପିତର ଆରି ତା ହାଙ୍ଗଦାକାର୍ ହୁର୍‌କାଣକୁ ହତିଲେ ହୁନ୍‌ଞ୍ଜି ମାଚାର୍; ମାତର ହେଝାର୍ ହୁନ୍‌ଜି ନିଙ୍ଗନିହିଁ ହେଝାନ୍ତି ଜାଜ୍‌ମାଲ୍ ଆରି ତା ଲାହାଂ ନିଲ୍‌ତି ମାନି ହେ ରିୟାରିଂ ହୁଡ୍‌ତାର୍ ।

୩୩ ପାଚେ ହେଝାର୍ ତା ତାକେଣ୍ଡାଂ ହାନିହିଁ ପିତର ଜିସୁଙ୍ଗ ଇଞ୍ଜେଙ୍ଗ୍ ଲାଗାତାନ, “ଏ ଗୁରୁ, ଆପେଂ ଜେ ଇ ବାହାତ ମାନାପ୍, ଇଦାଂ ହାରଦାକା; ଆସେଙ୍ଗ୍ ତିନିଗଟା ପୁଟ୍‌କୁ ରଚ୍‌ନାସ୍, ନି କାଜିଂ ରଞ୍ଜାଙ୍ଗ୍, ମସା କାଜିଂ ରଞ୍ଜାଙ୍ଗ୍ ଆରେ ଏଲିୟ କାଜିଂ ରଞ୍ଜାଙ୍ଗ୍ ।” ମାତର ହେଝାନ୍ ଇନାକା ଇନାନ୍ନା, ହେଦାଂ ପୁନ୍‌ଝାଦାଂ ମାଚାର୍ ।

୩୪ ପିତର ଇଦାଂ ଇନ୍ତୁ ଇନ୍ତୁ ବାଦାଡ୍ ଝାଜି ହେଝାରିଂ ତାବାୟ କିତାଡ୍, ଆରେ ହେଝାର୍ ବାଦାଡ୍‌ତାକେ ହଣ୍‌ଗିନିହିଙ୍ଗ୍ ପାଣ୍ଡା ଆତାର୍ ।

୩୫ \*\*ପାଚେ ହେ ବାଦାଡ୍‌ତାଂ ଇ କାତା ଆତାଡ୍, “ଇଝାନ୍ ନା ମାଜି, ମା ବାତି କିତି ଇଝାନ୍ତି ବଚନ୍ ଝେନାଟ୍ ।”

\* ୯:୧୯ ମାତିଉ ୧୪:୧,୨; ମାର୍କ ୭:୧୪,୧୫; ଲୁକ ୯:୭,୮. \* ୯:୨୦ ଜହନ୍ ୭:୨୮,୨୯. \* ୯:୨୩ ମାତିଉ ୧୦:୩୮; ଲୁକ ୧୪:୨୭. \* ୯:୨୪ ମାତିଉ ୧୦:୩୯; ଲୁକ ୧୭:୩୩; ଜହନ୍ ୧୨:୨୫. \* ୯:୩୫ ମାତିଉ ୩:୧୭; ୧୨:୧୮; ମାର୍କ ୧:୧୧; ଲୁକ ୩:୨୨. \* ୯:୩୫ ୨ ପିତର ୧:୧୭,୧୮.

୩୬ ଆରେ, ହେ କାତା ଆତି ପାଚେ ଜିସୁ ରଖାନନେ ଚନ୍ଦ୍ରାତାନ । ପାଚେ, ହେଝାର ଚିମ୍ବରା ଆଜି ମାଚାର, ଆରେ ଇନା ଇନାକା ହୁଡ଼ଜି ମାଚାର, ହେବେଣ୍ଡା ଇନା ବେରଣ୍ଡା ହେଝାଡ଼ା ଇନେରିଂ ଝେଡ଼ଝାତାର ।

ପୁଦା ଆୟାତି କାଡ଼ଦେଂ ଜିସୁ ଉଜ୍ କିତାକା  
(ମାତିଉ ୧୭:୧୪-୧୮; ମାର୍କ ୯:୧୪-୨୭)

୩୭ ମାହିଙ୍ଗନି ଦିନ୍ ଜିସୁ ଆରେ ତିନ୍ଦାଣ୍ଡା ଚେଲାର ମାଡ଼ିତାଂ ଜୁଜି ଝାତିଲେ, ବେସିହେନି ମାନାୟ୍ ତା ଲାହାଙ୍ଗ୍ ବେଟା ଆତାର ।

୩୮ ଆରେ ହୁଡ଼ାଟ୍, ମାନାୟ୍ ଗହଲି ବିଡ୍ରେତାଂ ରଝାନ ଗାଜା ଝେଇ କିଜି ଇଚାନ, “ଏ ଗୁରୁ, ଆନ୍ ନିଙ୍ଗେଙ୍ଗ୍ ଗଝାରି କିଦନାଙ୍ଗା, ନା ମାଜି କାଜିଂ କାର୍ମା ହୁଡ଼ା, ଇନାକିଦେଂକି ହେଝାନ ନା ରଝାନ ଇଞ୍ଜି ମାଜି;

୩୯ ହୁଡ଼ାଟ୍, ତାଙ୍ଗେଙ୍ଗ୍ ର ପୁଦା ଆହନାଡ଼, ଆରେ ହେଝାନ ତ୍ରିପ୍କୁ କିରଡ଼ି କିଜି ନିଙ୍ଗନାନ୍, ପାଚେ ହେଝାନିଂ ଏଲେଙ୍ଗ୍ ମଡ଼ିକିନାଡ଼ ଜେ, ତା ଝେଇଦିଂ ପେପ୍ଲା ହଡ଼ନାଡ଼, ପାଚେ ହେଦାଂ ତାଙ୍ଗେଙ୍ଗ୍ ଚିରବିର କିଜି ତା ତାକେଣ୍ଡାଂ କେତେ କସ୍ତାଂ ହସି ହାନାଡ଼ ।

୪୦ ତାଙ୍ଗେଙ୍ଗ୍ ପିହିକିଦେଂ ଇଞ୍ଜି ଆନ୍ ନି ଚେଲାରିଂ କୁକ୍ଟି ମାଚାଙ୍ଗ୍, ମାତର୍ ହେଝାର ଆଡ଼ଝାତାର ।”

୪୧ ଜିସୁ ଉତର୍ ହିତାନ, “ଆଡେ ପାଚି କିଝାକାଦେର୍ ଆରି ବାନ୍ୟା ଲାତ୍ରାର, ଏଚେକ୍ ଦିନ୍ ଆନ୍ ମି ଲାହାଙ୍ଗ୍ ରଚେ ମାନ୍ଞି ମି ଚିନ୍ତା ଏଚେକ୍ ହୁଞ୍ଜନାଙ୍ଗ୍ ? ମି ମାଜିଙ୍ଗ୍ ନା ତାକେ ତାଈଝାଡୁ ।”

୪୨ କାଡ଼ଦେ ଝାଉ ଝାଉ ପୁଦା ତାଙ୍ଗେଙ୍ଗ୍ ତାରେନ୍ ଗୁଡ଼ତି ବେସି ରାଗ୍ଦାଂ ମଡ଼ିକିତାଡ଼, ମାତର୍ ଜିସୁ ବାନ୍ୟା ଜିରୁନ୍ତିଂ ଦାକା କିତାନ୍ ଆରି କାଡ଼ଦେଂ ଉଜ୍ କିଜି ତାଞ୍ଜିଆବା କେଇଦ ହିତାନ ।

୪୩ ହେବେ ଝିଜାକାର ଇସ୍ତର୍ ଗାଜା ସାକ୍ତି କାଜିଂ କାବା ଆଜି ହାଚାର । ମାତର୍ ହେଝାନ କିତି ଝିଜୁ କାମାୟ୍ କାଜିଂ ଝିଜାକାର ଚାନ୍ୟା ଆଜି ମାନି ଝେତାଙ୍ଗ୍ ଜିସୁ ତା ଚେଲାରିଂ ଇଚାନ ।

ଜିସୁ ନିଜେ ହାନାକା ଝେଡ଼ଚାନ  
(ମାତିଉ ୧୭:୨୨-୨୩; ମାର୍କ ୯:୩୦-୩୨)

୪୪ “ଇ ଝିଜୁ ବେରଣ୍ଡା ମି କିଡୁଲିକାଂ ନେଡ଼ଚାଟ୍; ଇନାକିଦେଂକି ମାନାୟ୍ ମାଜି ମାନାୟ୍ କେଇଦ ହେଲାୟ୍ କିୟା ଆଦେଂ ହାନାନା ।”

୪୫ ମାତର୍ ଚେଲାହିର୍ ହେ ଇ ବେରଣ୍ଡା ବୁଜା ଆଝାତାର, ଆରେ ହେଦାଂ ହେଝାରତାକେଣ୍ଡାଂ ତ୍ତୁଜି ମାଚାଡ଼, ଇନେସ୍ ହେଦାଂ ହେଝାରତି ଅବୁଜା ଆଉଡ଼, ଆରେ ହେଝାର ହେ କାତା ବିସ୍ତେ ତାଙ୍ଗେଙ୍ଗ୍ ଝେନ୍ବେଦେଂ ପାଣ୍ଡା ଆଜି ମାଚାର ।

ଝିଜୁ ତାଙ୍ଗ୍ ଗାଜା ଝିଜୁ ତାଙ୍ଗ୍ ହିରୁ  
(ମାତିଉ ୧୮:୧-୫; ମାର୍କ ୯:୩୩-୩୭)

୪୬ \*ହେଝାର ବିଡ୍ରେ ଇନେନ୍ ଗାଜାକାନ୍, ହେ ବିସ୍ତେ ହେଝାର ବିଡ୍ରେ ଇନ୍ବା ଆତାର ।

୪୭ ମାତର୍ ଜିସୁ ହେଝାରତି ମାତ୍ର ବେଣ୍ଡାଟ୍ କିନାକା ପୁନ୍ଞି ର ହିରୁକାନ୍ କାଡ଼ଦେଂ ଅଜି ଜାର କଚଣ୍ଡତି ନିଲି କିଜି ହେଝାରିଂ ଇଚାନ,

୪୮ \*ଇନେର୍ ନା ତର୍ଦାଂ ଇ ହିରୁ ହିମ୍ଣାତିଂ ମାନିକିନାର୍, “ହେଝାର ନାଙ୍ଗେଙ୍ଗ୍ ମାନିକିଦନାର୍, ଆରେ ଇନେର୍ ନାଙ୍ଗେଙ୍ଗ୍ ଇଟ୍ଦାନାର୍, ହେଝାର ନା ପକ୍ତାତାକିନିଂ ମାନ୍କିନାର୍; ଇନାକିଦେଂକି ମି ଝିଜାଦେର୍ ବିଡ୍ରେ ଇନେନ୍ ହିରୁକାନ୍; ହେଝାନ ଗାଜାକାନ୍ ।”

ଇନେର୍ ବେରିୟାର୍ ଆକାୟ୍ ହେଝାର୍ ସାଇଜ କାରିୟାର୍

୪୯ ହେବେ ଜହନ୍ ଉତର୍ ହିତାନ, “ଏ ଗୁରୁ, ଆପେଂ ରଝାନିଂ ନି ତର୍ଦାଂ ପୁଦା ପିହି କିନାକା ହୁଡ଼ତାପ୍, ଆରେ ହେଝାନ ମା ଦଲ୍ଦ ଝାଞ୍ଜିକାଜିଂ ତାଙ୍ଗେଙ୍ଗ୍ ମୁନା କିତାପ୍ ।”

୫୦ ମାତର୍ ଜିସୁ ତାଙ୍ଗେଙ୍ଗ୍ ଇଚାନ, “ମୁନା କିମାଟ୍,” ଇନାକିଦେଂକି ମିଦାଙ୍ଗ୍ ଆଣ୍ଟିପାକ୍ୟା ଆକାୟ୍, “ହେଝାନ ମି ପାକ୍ୟା ।”

ସମିରଣିନି ନାସ୍ତ ଜିସୁଙ୍ଗ୍ ମାନିକିଝାତାର୍

୫୧ ପାଚେ ଏଚେକାଡ଼ଦ ଜିସୁ ପୁତର୍ ପିସ୍ତ୍ର ସାଗେଁ ହାନି ଦିନ୍ ଲାଗେ ଝାଜି ମାଚାଡ଼, ହେଝାଡ଼ା ହେଝାନ ଜିରୁସାଲମ୍ତ ହାଞ୍ଜେଙ୍ଗ୍ ତିୟାର୍ ଆତାନ,

୫୨ ହେଝାନ ଆଗେ ଦୁଡ଼ତିଂ ପକ୍ତାନ । ହେଝାର୍ ହାଲ୍ଜି ଜିସୁ କାଜିଂ ଜାଲ୍ଦି କିଦେଙ୍ଗ୍ ସମିରଣିୟନି ତର୍ଦି ର ନାସ୍ତ ହଣ୍ଡାତାର୍;

୫୩ ମାତର୍ ହେଝାନ ଜିରୁସାଲମ୍ତ ହାଞ୍ଜେଙ୍ଗ୍ ମାନ୍ କିତାନ୍ନା ଇଞ୍ଜି ପୁଞ୍ଜି ହେଝାର୍ ତାଙ୍ଗେଙ୍ଗ୍ ଇଟ୍ଝାତାର୍ ।

☆ ୯:୪୬ ଲୁକ ୨୨:୨୪. ☆ ୯:୪୮ ମାତିଉ ୧୦:୪୦; ଲୁକ ୧୦:୧୭; ଜହନ୍ ୧୩:୨୦.

୫୪ ଇଦାଂ ହୁଡ଼ଜି ଜାକୁବ୍ ଆରେ ଜହନ୍, ଇ ରିୟାର୍ ଚେଲାହିର୍ ଜିସୁଙ୍ଗ୍ ଇଚାର୍, ମାପୁ “ଏଲିୟ ପା ଇନେସ୍ କିଜି କିଜି ମାଚାନ୍, ହେ ଲାକେ ସାଗେତାଂ ନାଣି ଆଜି ହେଝାରିଂ ବୁଡ଼ାଇ କିନାଟ୍, ଇଦାଂ ଆପେଂ ଇଞ୍ଜନାପ୍ ଇଞ୍ଜି ଇନାକା ନି ଇଚା ?”

୫୫ ମାତର୍ ହେଝାନ୍ ମାସ୍ଦି ହେଝାରିଂ ଗଡ଼୍ କିତାନ୍ ଆରି ଇଚାନ୍, ଏପେଙ୍ଗ୍ ଇନେସ୍ ବାଡ଼ି ଜିବୁନ୍ନି ମାନାୟ୍, ଇଦାଂ ପୁନୁଦେରା । ମାନାୟ୍ ମାସ୍ଦି ମାନାୟ୍ତିଂ ଜିବୁନ୍ ନସ୍ କିଦେଙ୍ଗ୍ ଝାଝାଦାଙ୍ଗ୍ ରାକ୍ୟା କିଦେଙ୍ଗ୍ ଝାତାଂନା ।

୫୬ ତା ପାଚେ ହେଝାର୍ ଆରେ ର ନାସ୍ତ ତାଙ୍ଗ୍ଜି ହାଚାର୍ ।

ଜିସୁ ଚେଲାହି ଆନାକା ମାନାଟ୍  
(ମାତିଉ ୮:୧୯-୨୨)

୫୭ ହେଝାର୍ ହାସ୍ଦିଙ୍ଗ୍ ହାନିହିଂ ରଝାନ୍ ମାନାୟ୍ ଜିସୁଙ୍ଗ୍ ଇଚାନ୍, ଏନ୍ ଇମ୍ଣି ବାହାତ ହାନାୟ୍, “ଆନ୍ ନି ପାଚେ ପାଚେ ଝାନାଙ୍ଗ୍ ।”

୫୮ ଜିସୁ ତାଙ୍ଗେଙ୍ଗ୍ ଇଚାନ୍, କଲ୍ୟାତିଂ ପାରା ମାନାଟ୍, ଆକାସ୍ନି ଉମ୍ନି ପଚିତିଂ ଗୁଡ଼ା ମାନାଟ୍, ମାତର୍ ମାନାୟ୍ ମାଜି କାପଡ଼ା ଇଡ଼ଦେଂ ବାହା ହିଲୁଡ଼ ।

୫୯ ଆରି, ହେଝାନ୍ ଆରେ ରଝାନ୍ ଇଚାନ୍, “ନା ପାଚେପାଚେ ଝା ।”

ମାତର୍ ମାପୁ ଇଚାନ୍, “ପର୍ତ୍ତୁମ୍ ହାଲ୍ଜି ମାଞ୍ଜି ଆବାଂ ମୁଚେଙ୍ଗ୍ ଇଞ୍ଜି ନାଙ୍ଗେଙ୍ଗ୍ ବଲ୍ ହିଦା ।”

୬୦ ମାତର୍ ଜିସୁ ତାଙ୍ଗେଙ୍ଗ୍ ଇଚାନ୍, “ହାତାକାରିଂ ଜାର୍ ଜାର୍ ହାତି ଲଗାଂ ମୁଚେଙ୍ଗ୍ ପିସ୍ତି ହିୟାଟ୍, ମାତର୍ ଏପେଙ୍ଗ୍ ହାଲ୍ଜି ଇସ୍ବର୍ ରାଜିତ ସୁଶାୟ୍ କିୟାଟ୍ ।”

୬୧ ଆରେ ରଝାନ୍ ପା ଇଚାନ୍, ମାପୁ, “ଆନ୍ ନି ପାଚେ ପାଚେ ଝାନାଙ୍ଗ୍, ମାତର୍ ପର୍ତ୍ତୁମ୍ ମା ଇଞ୍ଜି ମାନି ମାନାୟ୍ଚାତାଂ ଜଝାର୍ ଇଞ୍ଜି ନାଙ୍ଗେଙ୍ଗ୍ ବଲ୍ ହିଦା ।”

୬୨ ମାତର୍ ଜିସୁ ତାଙ୍ଗେଙ୍ଗ୍ ଇଚାନ୍, “ଇନେନ୍ ନାଙ୍ଗେଲ୍ତ କେଇଆଜି ଜେନ୍ପାଡ଼କା ହୁଡ଼ନାନ୍, ହେଝାନ୍ ଇସ୍ବର୍ ରାଜିତ ହାଞ୍ଜେଙ୍ଗ୍ ଆଡୁନ୍ ।”

୧୦

ଜିସୁ ସତୁରି ଜାଣ୍ଡିଂ ବାଚିକିତାନ୍

୧ ଇଦାଂ ପାଚେ ମାପୁ ଆରେ ତିନ୍କଡ଼ି ଦସ୍ଜାଣ୍ଡିଂ ବାଚି କିତାନ୍ ଆରି ତା ଇମ୍ଣି ଗାଡ଼୍ ଆରି ବାହାକାଂ ହାନାକା ମାଚାଟ୍, ହେଝାନ୍ ହାନି ଆଗେତାଂ ହେଝାରିଂ ରିୟାର୍ ରିୟାରିଂ କିଜି ହେବେ ପକ୍ତାନ୍ ।

୨ ଆରେ, ଜିସୁ ହେଝାରିଂ ଇଚାନ୍, “ତାସ୍ ହିନା ବେସି, ମାତର୍ କାମାୟ୍ କିନାକାର୍ ଉଶା; ଲାଗିଂ ନି କାମାୟ୍ ବାହାତ କାମାୟ୍ କିନାକାରିଂ ପକ୍ନି କାଜିଂ ତାସି ଜମିନି ହାଉକାର୍ ତାକେ ପାର୍ତାନା କିୟାଟ୍ ।

୩ ଏପେଙ୍ଗ୍ ହାଲ୍ଗାଟ୍; ହୁଡ଼ାଟ୍, ହୁଶ୍ଟାର୍ ବୁର୍କାକାଂ ବିତ୍ରେ ମେଣ୍ଡା ହିମ୍ଣାକାଂ ଲାକେ ଆନ୍ ମିଙ୍ଗେଙ୍ଗ୍ ପକ୍ତାନାଙ୍ଗା ।

୪ ଜାଲିୟା ମଶା ଆରି ପାଣ୍ଡାକ୍ ଆମାଟ୍, ଆରେ ହାସ୍ଦ ଇନେରିଂ ଜଝାଟ୍ କିମାଟ୍ ।

୫ ଆରେ ଇମ୍ଣି ଇଞ୍ଜି ଏପେଙ୍ଗ୍ ହଶ୍ଗାନାଦେର୍, ହିଗ୍ଦ ଇନାଟ୍, ଇ ଇଲ୍ କାଜିଂ ସୁସ୍ତା ଆୟେଟ୍ ।

୬ ଆରେ, ହେ ବାହାତ ଇନେନ୍ ଜଦି ରଝାନ୍ ସୁସ୍ତାନିକାନ୍ ମାଚିସ୍, ତା ଆଚିସ୍ ମି ତାକ୍ଣି ସୁସ୍ତା ହେ ଜପି ଦୁମ୍ନାଟ୍; ମାତର୍ ଜଦି ହିଲ୍ଡିସ୍, ତେବେ ହେଦାଂ ମିତାକେଣ୍ଡାଂ ମାଜି ଝାନାଟ୍ ।

୭ ଆରେ, ହେଝାଟ୍ ତାକେ ଇନାକା ମାନାଟ୍, ତିନ୍ଞି ଉଣ୍ଡି ହେ ଇଞ୍ଜି ମାନାଟ୍, ଇନେକିଦେଂକି କାମାୟ୍ କିନାକାଦେର୍ ତାବୁଙ୍ଗ୍ ପାୟାନି ଜର୍ । ଇଲ୍କୁକାଂ ଇଲ୍କୁ ହାଲ୍ମାଟ୍ ।

୮ ଆରେ, ଇମ୍ଣି ଗାଡ଼୍ଦ ଏପେଙ୍ଗ୍ ହଶାଦେର୍ ଆରି ଲକୁ ମିଙ୍ଗେଙ୍ଗ୍ ଇଡ଼ଦାନାର୍, ହେବେ ମିଙ୍ଗେଙ୍ଗ୍ ଇନାକା ଚିଡ଼ପା ଆଦ୍ନାର୍, ହେଦାଂ ତିନାଟ୍,

୯ ହେ ବାହାତ ମାନି ରଗ୍ୟାରିଂ ଉଜ୍ କିୟାଟ୍, ଆରେ ହେଝାରିଂ ଇନାଟ୍, ଇସ୍ବର୍ତି ରାଜି ମି ତାକେ ଝାତାତେ ।

୧୦ \*ମାତର୍ ଇମ୍ଣି ଗାଡ଼୍ଦ ଏପେଙ୍ଗ୍ ହଶାଦେର୍ ଆରି ମାନାୟ୍ଚା ମିଙ୍ଗେଙ୍ଗ୍ ଇଡ଼ଦୁର୍, ହେବେ ହୁଗିତାକେ ହସି ହାଲ୍ଜି ଇନାଟ୍,

୧୧ ମି ଗାଡ଼୍ନି ଇମ୍ଣି ଦୁଡ଼ି ମା ପାନାତ ଆଣ୍ଡାଦ୍ନା, ହେଦାଂ ପା ମି କାଜିଂ ଡ଼ାଡ଼ନାପା; ମାତର୍ ଇସ୍ବର୍ତି ରାଜି ଜେ ଲାଗେ ଝାତାତେ, ଇଦାଂ ପୁନାଟ୍ ।

୧୨ \*ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ତା ବିଚାର୍ ନାଞ୍ଜିଙ୍ଗ୍ ହେ ଗାଡ଼୍ନି ଦାଣ୍ ବାଟା ସଦମ୍ନି ଦାଣ୍ ପାୟାନାର୍ ।”

ପାଚିଂ କିଝାକାର୍ ନାସ୍କୁନି ବିଚାର୍  
(ମାତିଉ ୧୧:୨୦-୨୪)

☆ ୧୦:୧୦ ପକ୍ୟାତାକା ୧୩:୫୧. ☆ ୧୦:୧୨ ମାତିଉ ୧୧:୨୪; ମାତିଉ ୧୦:୧୫.



୧୩ ହାୟ, ଡାଣ୍ଡି କଣ୍ଠି କରାଜିନ୍, ହାୟ, ଡାଣ୍ଡି କଣ୍ଠି ବେତ୍‌ସାଇଦା, ଇନାକିଦେଂକି ମି ବିତ୍ରେ ଇମ୍‌ଣି ଇମ୍‌ଣି ସାଲ୍‌ଜିନି କାମାୟ କିୟା ଆତାଡ଼ନ୍, ହେଦାଂ ଓଁଜୁ ଇନାଞ୍ଜାଡ଼ାଂ ସର ଆରେ ସିଦନ୍ ତାକେ କିୟାଆତାଡ଼ମା, ଲାଗିଂ ହେଞ୍ଜାର ବେସିଦନ୍ ପୁର୍ବେତାଂ ବାସ୍ତା ଉସ୍‌ସିସ୍ ନିସ୍‌ତାକେ କୁର୍ଚି ମାନ୍‌ବାଦ୍‌ଲାଇୟ କିତାମା ।

୧୪ ଆତିସ୍‌ପା ବିଚାଣ୍ଣାତ ମି ଦାଣ୍ଡ ବାଟା ସର ଆରି ସିଦନ୍‌ନି ଦାଣ୍ଡ ପାୟା ଆନାଡ଼ ।

୧୫ ଆରେ, ଆଡେ କପର୍ନାହୁମ୍, ଏନ୍ ଇନାକା ସାଗେ ପାତେକ୍ ଲାମା ଆଦେଂ ଆଡ଼ନାୟ ? ପାତାଲ୍ ପାତେକ୍ ନିଙ୍ ଥାଦା ହାଞ୍ଜେଙ୍ ଆଦନାଡ଼ ।

୧୬ \*ଜିସୁ ଜାର୍ ତେଲାରିଂ ଇଚାନ୍ ଇନେର୍ ମି ବେରଣ୍ ଖେନାର୍, “ହେଞ୍ଜାର୍ ନା କାତା ଖେନାନ୍, ଆରେ ଇନେର୍ ମିଙ୍ଗେଙ୍ ଇଡ଼ଦୁର୍, ହେଞ୍ଜାର୍ ନାଙ୍ଗେଙ୍ ଇଡ଼ଦୁର୍, ଆରେ ଇନେର୍ ନାଙ୍ଗେଙ୍ ଇଡ଼ଦୁର୍, ହେଞ୍ଜାର୍ ନା ପକ୍‌ତାତାକାନିଂ ଇଚୁର୍ ।”

**ବାସ୍ତୁରିଜାଣ୍ଡିଂ ପିହ୍‌ୟାତାକାର୍**

୧୭ ଇଦାଂ ପାଚେ ହେ ବାସ୍ତୁରି ଜାଣ୍ ଖାରିତାଂ ମାସ୍‌ଦି ଖାଜି ଇଚାନ୍, “ମାପୁ, ପୁଦାଂପା ନି ତରଦାଂ ମାଙ୍ଗେଙ୍ ମାନି କିଦନିକା ।”

୧୮ ମାତର୍ ଜିସୁ ହେଞ୍ଜାରିଂ ଇଚାନ୍, “ବିଜ୍‌ଲି ଲାକେ ସାଗେତାଂ ସୟ୍‌ତାନ୍‌ତିଂ ଆର୍ଦାନାକା ଆନ୍ ହୁଡ଼ଜି ମାଚାଙ୍ ।”

୧୯ “ହୁଡ଼ାଟ୍, ଆନ୍ ମିଙ୍ଗେଙ୍ ରାଟ୍ ଆରି କାଚାକୁପି ଜପି ତାଙ୍‌ଦେଂ ଆଦିକାର୍ ହିଡ଼ତାଙ୍‌ନା, ଆରେ, ସାତୁର୍ ଓଁଜୁ ସାଲ୍‌ଜି ଜପି ଆଦିକାର୍ ହିଡ଼ତାଂନା, ଆରେ ଇନାକା ପା ଇମ୍‌ଣି ବାନି ମିଙ୍ଗେଙ୍ ନସୁ କିଦୁଙ୍ ।

୨୦ ଆତିସ୍‌ପା ବାନ୍‌ୟା ଜିବୁନିଂ ଜେ ମି ତାରେନ୍ ମାନିଙ୍, ଇବେ ଖାରି କିମାଟ୍, ମାତର୍ ମି ତର୍ ଜେ ସାଗେତ ଲେକାମାନାଡ଼, ଇବେ ଖାରି କିୟାଟ୍ ।”

**ଜିସୁତି ଖାରି**

(ମାତିଉ ୧୧:୨୫-୨୭; ୧୩:୧୭-୧୭)

୨୧ ହେ ଖେଡ଼ାଙ୍ ଜିସୁ ପୁଇପୁୟା ଜିବୁନ୍ତାଂ ଖାରିୟା ଆଜି ଇଚାନ୍, “ଆବା, ସାଗେ ଆରି ପୁର୍ତ୍ ନି ମାପୁ, ଏନ୍ ଗିଆନି ଆରି ବୁଦ୍‌ୟାତି ଲକ୍‌ତାଙ୍ ଇ ଓଁଜୁ ବିସ୍ତେ ଡ଼କ୍‌କ୍ ଇଡ଼ଜି ହିମ୍‌ଣାଙ୍‌ତାକେ ଖେର୍‌ଚାୟ୍‌ନା, ଇଦାଂ କାଜିଂ ନି ନାୟ୍ କିନାଙ୍; ଆଁ ଆବା, ଇନାକିଦେଂକି ଇଦାଂ ନି କାଣ୍‌କୁତାଂ ଏତେକ୍‌ସାରି ଆତାଡ଼ନ୍ ।”

୨୨ \* “ନା ଆବାତି ଓଁଜୁ ବିସ୍ତେ ନାବେ ସର୍‌ପି ଆତାଡ଼ନ୍; ଆରେ ମାଜି ଇନେର୍, ଇଦାଂ ଆବାଂ ପିସ୍ତ୍ର ଇନେର୍ ପୁନୁର୍, ଆରେ ଆବା ଇନେର୍ ଇଦାଂ ମାଜି ପିସ୍ତ୍ର ଇନେର୍ ପୁନୁର୍, ଆରେ ମାଜି ଇନେର୍ ତାକେ ହେଞ୍ଜାନିଂ ଖେର୍‌ଚେଙ୍ ମାନ୍ କିନାନ୍, ହେଞ୍ଜାନ୍ ପୁନାନ୍ ।”

୨୩ ଆରେ, ଜିସୁ ଜାର୍ ତେଲାରିଂ ମାସ୍‌ଦିହୁଡ଼ଜି ଇଚାନ୍, “ଏପେଙ୍ ଇନା ଇନାକା ହୁଡ଼ନାଦେରା, ହେ ଓଁଜୁ ଇମ୍‌ଣି କାଣ୍‌କୁ ହୁଡ଼ନାଡ଼, ହେଦାଂ ଦନ୍‌ୟ ।

୨୪ ଇନାକିଦେଂକି ଆନ୍ ମିଙ୍ଗେଙ୍ ଇଞ୍ଜନାଙ୍, ଏପେଙ୍ ଇନା ଇନାକା ହୁଡ଼ନାଦେରା, ହେଦାଂ ଓଁଜୁ ହେନି ବେଣ୍‌ବାକ୍‌ଶାୟ୍‌କିନାର୍ ଆରି ରାଜା ହୁଡ଼ଦେଂ ମାନ୍ କିତାନ୍, ମାତର୍ ହୁଡ଼ଦେଂ ଆଡ଼ଞ୍ଜାତାନ୍; ଆରେ, ଏପେଙ୍ ଇନା ଇନାକା ଖେନାଦେରା, ହେ ଓଁଜୁ ହେଞ୍ଜାର୍ ଖେଞ୍ଜେଙ୍ ମାନ୍ କିତାର୍, ମାତର୍ ଖେନ୍‌ଞ୍ଜାତାର୍ ।”

**ହାଦ୍‌ ସମିରଣିୟ ଉତର୍‌ମୁଡ଼**

୨୫ ଆରେ ହୁଡ଼ାଟ୍, ରଞ୍ଜାନ୍ ଦରମ୍ ସାସ୍ତର୍ ନିକାନ୍ ନିଙ୍‌ଜି ତାଙ୍ଗେଙ୍ ପରିକ୍ୟା କିଜି ଖେନ୍‌ବାତାନ୍, “ଏ ଗୁରୁ, ଓଁଜୁ ଜିବୁନି ଆଦିକାର୍ ଆଦେଂ ଇଞ୍ଜି ଆନ୍ ଇନା କିନାଙ୍ ?”

୨୬ ହେବେଣ୍ ଜିସୁ ତାଙ୍ଗେଙ୍ ଇଚାନ୍, “ମସାତି ବିଦିତ ଇନାକା ଲେକା ମାନାଡ଼ ? ଏପେଙ୍ ଇନେସ୍ ପଡ଼ିକିନାଦେରା ?”

୨୭ ହେଞ୍ଜାନ୍ ଉତର୍ ହିତାନ୍, “ଏପେଙ୍ ଓଁଜୁ ଖାସ୍‌ତାଂ, ଓଁଜୁ ପାରାଣ୍, ଓଁଜୁ ସାଲ୍‌ଜି ଆରି ଓଁଜୁ ମାନ୍ ହିଜି ମାପୁ ଜାର୍ ଇସ୍‌ର୍ ମାପୁ ଜିଉନ‌ଞ୍ଜାଟ୍; ଆରେ, ଜାର୍ ପାଡ଼ହା ଇଞ୍ଜିନି ଲଗାଂ ଖାସ୍‌ଲାଇକେ ଜିଉନ‌ଞ୍ଜାଟ୍ ।”

୨୮ ହେବେ ଜିସୁ ତାଙ୍ଗେଙ୍ ଇଚାନ୍, ଏନ୍ ହାଡ଼ପାରଚେ ଉତର୍ ହିତାୟ୍‌ନା, “ଏପେଙ୍ କିୟାଟ୍, ତା ଆତିସ୍ ଏପେଙ୍ ଜିବୁନ୍ ପାୟା ଆନାଦେର୍ ।”

୨୯ ମାତର୍ ବିଦିବିଦାଣି ସାସ୍ତର୍ ଜାର୍‌ତିଂ ଦାମ୍ ଇଞ୍ଜି ଚର୍‌ଚେଙ୍ ଇଚା କିଜି ଜିସୁଙ୍ ଖେନ୍‌ବାତାର୍, “ଲାଗିଂ ନା ପାଡ଼ହାନିକାର୍ ଇନେର୍ ?”

୩୦ ଜିସୁ ହେ ବେରଣ୍ ଆସ୍ତ୍ର ଇଚାନ୍, ରଞ୍ଜାନ୍ ମାନାୟ୍ ଜିରୁସାଲମ୍‌ତାଂ ଜିରିହତ ହାଲୁ ହାଲୁ ଚର୍‌କ୍‌କାଂ ହାବଡ଼ତାକେ ପଡ଼ାତାନ୍ । ହେଞ୍ଜାର୍ ତା ହେନ୍‌ପାପାଟା ତୁସ୍‌ଦି ଅଜି ଆରି ଟ୍ରାକ୍‌ଚି ତାଙ୍ଗେଙ୍ ଦାରାମାସ୍ତା କାକୁଲ୍‌ତି କିଜି ପିସ୍ତ୍ର ହାଚାର୍ ।

୩୧ ଗର୍‌ଶା ପାଚେ ରଞ୍ଜାନ୍ ମାପୁହେବାକିନାକାନ୍ ହେ ହାସ୍‌ଦିଙ୍ ହାଲ୍‌ଜି ମାଚାନ୍, ଆରେ ହେଞ୍ଜାନ୍ ତାଙ୍ଗେଙ୍ ହୁଡ଼ଜି ହେଞ୍ଜାନ୍ ଆରେ ର ହାସ୍‌ଦିଙ୍ ନାସି ହାଚାନ୍ ।

\* ୧୦:୧୭ ମାତିଉ ୧୦:୪୦; ମାର୍କ ୯:୩୭; ଲୁକ ୯:୪୮; ଜହନ୍ ୧୩:୨୦. \* ୧୦:୨୨ ଜହନ୍ ୩:୩୫; ଜହନ୍ ୧୦:୧୫.

୩୨ ଏଲେଙ୍ଗ ଆଜି ରଖାନ ଲେବିୟ ପା ହେ ବାହାତ ଖାଜି ହେଖାନିଂ ହୁଡ଼ଜି ହେଖାନପା ଆରେ ର ହାସ୍‌ଦିଙ୍ଗ ନାସି ହାଚାନ ।

୩୩ ମାତର ରଖାନ ସମିରଣିୟ ତା କଚଣ୍ଡତ ଖାଜି ତାଙ୍ଗେଙ୍ଗ ହୁଡ଼ଜି କାର୍ମାତିଂ ଲବାୟ କିତାନ,

୩୪ ଆରି ଲାଗେ ହାଲ୍‌ଜି ତାଙ୍ଗେଙ୍ଗ ନନିତାକେ ଚିକାଣ୍ ଆରେ ଅଙ୍ଗୁର ରାସ୍ ଖାକ୍‌ଚି ହେ ସବୁ ଗାଟ୍‌ଚାନ, ଆରେ ତାଙ୍ଗେଙ୍ଗ ଜାର୍ ପସୁ ଜପି ଦୁପ୍‌ଚି ଅଜି ର ତିନାକା ଉଣାକା ମାନି ବାହାତ ଅଜି ହାଲ୍‌ଜି ତାଙ୍ଗେଙ୍ଗ ଜତନ୍ କିତାନ ।

୩୫ ତା ପାଟେ ଆରେ ର ଦିନ୍ ହେଖାନ ରିଣ୍ଡାଂ ଟାକାଂ ହପ୍‌ଚି ହେବା ମାଲିକାରିଂ ହିଜି ଇଚାନ, ଇଖାନିଂ ଏନ୍ ହେବା କିୟା, ଆରେ ଇନାକା ଆଦିକ୍ କର୍ଚ କିନାୟ, ହେଦାଂ ଆନ୍ ମାସ୍‌ଦି ଖାନିହିଂ ମିଙ୍ଗେଙ୍ଗ ହିଦ୍‌ନାଂ ।

୩୬ “ଇ ତିନ୍ ଜାଣ୍ ବିତ୍ରେ ଇନେନ୍ ଚର୍କୁକାଂ ତାକେ ଦାରାପଡ଼ା ଆତି ଲକ୍‌ତିଙ୍ଗ ପାଡ଼ହାନିକାନ ଇଞ୍ଜି ମାନ୍ତ କିନାଦେରା ?”

୩୭ ବିଦିବିଦାଣି ସାସ୍‌ର ଇଚାନ ଜେ ଏଲେଙ୍ଗ କିଜି ଦୟା କିତାନ ହେଖାନ, ଜିସୁ ତାଙ୍ଗେଙ୍ଗ ଇଚାନ, “ହାଲାର୍, ଏପେଙ୍ଗ ପା ହେ ଲାକେ କିୟାଟ୍ ।”

**ଜିସୁ ମାର୍ତ୍ତା ଆରେ ମରିୟମ୍ ଇଞ୍ଜି**

୩୮ ଜିସୁ ତା ଚେଲାହିର୍ ହେଖାର୍ ହାନିହିଂ ହେଖାନ ର ନାସ୍ ହଣଗାତାନ ଆରି ମାର୍ତ୍ତା ତରନି ରଞ୍ଜେଲ୍ କଗ୍‌ଲେ ଜିସୁଙ୍ଗ ନିଜାର୍ ଇଞ୍ଜି ଅଜି ହାତାଡ଼ ।

୩୯ ମରିୟମ୍ ଇନି ତାଙ୍ଗେଙ୍ଗ ରଞ୍ଜେଲ୍ ତଣ୍‌ଦେହି ମାଚାଡ଼, ହେଦେଲ୍ ମାପୁଡ଼ି କାଲ୍‌କୁ ତାରେନ୍ କୁଚ୍‌ଚି ତା ବଚନ୍ ଖେନ୍‌ଞ୍ଜି ମାଚାଡ଼ ।

୪୦ ମାତର ମାର୍ତ୍ତା ହେବା କିନି ବିସ୍ତେତିଂ ବେସି ତାନ୍ଦ୍ରା ଆଜି ମାଚାଡ଼; ଲାଗିଂ ହେଦେଲ୍ ତା ଲାଗାଂ ଖାଜି ଇଚାଡ଼, “ଏ ମାପୁ, ନା ତଣ୍‌ଦେଲ୍ ଜେ ରଞ୍ଜେଲ୍‌ନେ ନା ଜପି ଖିଜୁ କାମାୟ ହେଲାୟ କିଡ଼ତାନ, ହେ ନିପ ଇନାକା ନିଙ୍ଗେଙ୍ଗ ମାନ୍‌ହିଲୁଡ଼ ? ଲାଗିଂ ନାଙ୍ଗେଙ୍ଗ ଉପକାର କିଦ୍‌ନି କାଜିଂ ତାଙ୍ଗେଙ୍ଗ ଇନା ।”

୪୧ ମାତର ମାପୁ ତାଙ୍ଗେଙ୍ଗ ଇଚାନ, “ମାର୍ତ୍ତା, ମାର୍ତ୍ତା, ଏନ୍ ବେସି ବିସ୍ତେ ଚିନ୍ତା କିଜି ଆରେ ବେସି ତାନ୍ଦ୍ରା ଆନାୟା,

୪୨ ମାତର ଅଲପ୍ କେଡ଼ଗଟା, ଆତିସ୍ ରଞ୍ଜାଙ୍ଗ ମାତର ଲଡ଼ା; ମରିୟମ୍‌ତ ହାର୍‌ଦି ବାଗ୍ ବାଚି କିତାଡ଼ନା, ଆରେ ତା ତାକେଣ୍ଡାଂ ହେଦାଂ ଚାକ୍‌ରାଇ କିୟାଆଉଡ଼ ।”

**୧୧**

**ପାର୍ତ୍ତାନା ବିସ୍ତେନି ଜିସୁତି ହିକ୍ୟା  
(ମାତିଉ ୨:୯-୧୩; ୭:୭-୧୧)**

୧ ରଗ ହେଖାନ ଇମ୍‌ଣି ର ବାହାତ ପାର୍ତ୍ତାନା କିଜି ମାଚାନ; ହେଖାନ ପାର୍ତ୍ତାନା ଖିସ୍‌ଲେ, ତା ଚେଲାହିର୍ ବିତ୍ରେ ରଖାନ ତାଙ୍ଗେଙ୍ଗ ଇଚାନ, “ଏ ମାପୁ, ବାପ୍‌ସିମ୍‌ହିନି ଜହନ୍ ଇନେସ୍ ଜାର୍ ଚେଲାରିଂ ପାର୍ତ୍ତାନା କିଦେଙ୍ଗ ହିକାଇକିତାନ, ଏନ୍ ପା ହେ ଲାକେ ମାଙ୍ଗେଙ୍ଗ ପାର୍ତ୍ତାନା କିଦେଙ୍ଗ ହିକାଇକିଦା ।”

୨ ଇବେ ଜିସୁ ହେଖାରିଂ ଇଚାନ, “ଏଚେକାଡ଼୍‌ ଏପେଙ୍ଗ ପାର୍ତ୍ତାନା କିନାଦେର୍, ହେଖାଡ଼ାଂ ଇନାଟ୍,

    ଆବା, ନି ତର୍ ପୁଇପୁୟା ଇଞ୍ଜି ମାନି ଆୟେଡ଼ ।

    ନି ରାଜି ଖାୟେଡ଼ ।

୩ ନିତ୍ରେଦିନା ମାଙ୍ଗେଙ୍ଗ ଲଡ଼ାନି କାଦି ହିଦା ।

୪ ମା ପାପ୍ ଖିଜୁ କେମା କିଦା,

    ଇନାକିଦେଂକି ଆପେଂ ପା ଜାର୍ ଜାର୍‌ତି ବେରୁତାଂ ପାପ୍ କେମା କିନାପ୍ ।”

“ପରିକ୍ୟାତ ମାଙ୍ଗେଙ୍ଗ ତାହି ଖାଦ୍‌ମା ।”

୫ ଆରେ, ଜିସୁ ତା ଚେଲାରିଂ ଇଚାନ, “ମିଙ୍ଗେଙ୍ଗ ଇନେରିଂ ଏଲେଙ୍ଗ ବାଡ଼ିନି ସାଙ୍ଗ ମାନାନ କି, ଇନେର୍ ଲାଗେ ମାଦିମାଦାନାଣା ହେଖାନ ହାଲ୍‌ଜି ଇନାନ, ଏ ହାଇ, ନାଙ୍ଗେଙ୍ଗ ତିନିଗଟା ରୁଟିଂ ଉଦାର୍ ହିଦା,

୬ ଇନାକିଦେଂକି ନା ରଖାନ ସାଙ୍ଗ ନା ତାକେ ଖାତାନ୍ନା, ତାଙ୍ଗେଙ୍ଗ ବାଟା କିଜି ହିଦେଂ ନା ତାକେ ଇନାକା ହିଲୁଡ଼,

୭ ଆରେ ହେ ବିତ୍ରେତାଂ ଏଲେଙ୍ଗ ଉତର୍ ହିନାନ, ନାଙ୍ଗେଙ୍ଗ କସୁ ହିଦ୍‌ମା; ଦୁଖେର୍ ଗେହ୍‌ୟା ଆତାତେ ଆରେ ନା ହିମ୍‌ଣାଂ ନା ଲାହାଙ୍ଗ ହୁଞ୍ଜିନାରା; ଆନ୍ ନିଙ୍ଗି ନିଙ୍ଗେଙ୍ଗ ହିଦ୍‌ଦେଂ ଆଡ଼ଦୁଙ୍ଗ ।

୮ ଆନ୍ ମିଙ୍ଗେଙ୍ଗ ଇଞ୍ଜିନାଙ୍ଗା, ହେଖାନ ଆତିସ୍‌ପା ତା ସାଙ୍ଗ ଆତିଲେ ତାଙ୍ଗେଙ୍ଗ ନିଙ୍ଗି ହିଉନ୍, ଆତିସ୍‌ପା ହେଖାନ ଲାଜାଆଖାଦାଂ ଚାନେକ୍ ଚାନେକ୍ ଏନ୍ତଲେ ହେଖାନ ନିଙ୍ଗି, ହେଖାନ୍ତି ଏଚେକ୍ ଲଡ଼ା ହେଖାନିଂ ହେ ଏଚେକ୍ ହିନାନ ।

୯ ଆନ୍ ପା ମିଙ୍ଗେଙ୍ଗ ଇଞ୍ଜିନାଙ୍ଗା, ଏନାଟ୍, ହେବେ ମିଙ୍ଗେଙ୍ଗ ହିଦ୍‌ନାନ; ତେକାଟ୍, ହେବେ ଏପେଙ୍ଗ ଗାଟା ଆନାଦେର୍; ଦୁଖେର୍‌ରିଂ ଇଡ଼ାଟ୍, ହେବେ ମି କାଜିଂ ଜେସ୍‌ସି ହିଦ୍‌ନାର୍ ।

୧୦ ଇନାକିଦେଂକି ଇନେର୍ ଏନନାନ୍, ହେଝାନ୍ ପାୟା ଆନାନ୍; ଇନେର୍ ତେକ୍ନାନ୍, ହେଝାନ୍ ଗାଟାଆନାନ୍; ଆରେ, ଇନେର୍ ଦୁଝେର୍ତ୍ତ ଇଡ଼ନାନ୍, ହେଝାନ୍ କାଜିଂ ଜେୟାନାଡ଼ ।

୧୧ ଆରେ, ମି ବିତ୍ରେ ଏଲେଙ୍ଗ ଆବା ଇନେନ୍ ମାନାନ୍, ଇନେରିଂ ଜାର୍ ମାଜି ମିନ୍ ଏକ୍ତିସ୍ ହେଝାନ୍ ତାଙ୍ଗେଙ୍ଗ ମିନ୍ ବାଦୁଲ୍ ରାର୍ ହିନାନ୍ ?

୧୨ ଆତିସ୍ପା ରଣ୍ଡା ଏକ୍ତିସ୍ ହେଝାନ୍ ତାଙ୍ଗେଙ୍ଗ କାଟାକୁପି ହିନାନ୍ ?

୧୩ ଲାଗିଂ ଏପେଙ୍ଗ କୁଲ୍‌କୁଲିଆ ଆତିସ୍ପା ଏଚେକାଡ଼ଦ୍ ଜାର୍ ଜାର୍ ହିମ୍‌ଶାକାଂ ହାଦ୍ ହାଦ୍ ଦାନ୍ ହିଦେଂ ପୁନାଟ୍, ଲାଗିଂ ଇମ୍‌ଣି ଆବା ସାଗେତାଂ ଦାନ୍ ହିଦ୍‌ନାନ୍, ହେଝାନ୍ ତା ମୁମ୍‌ଦ୍ ଏନନାସ୍ ମାନାୟାରିଂ କେତେକ୍ ଆଦିକ୍ ଲାକେ ପୁଇପୁୟା ଜିବୁନ୍ ହିଦ୍‌ନାନ୍ !”

**ଜିସୁ ଆରେ ବାନ୍ୟା ଜିବୁନ୍**

(ମାତିଉ ୧୨:୨୨-୩୦; ମାର୍କ ୩:୨୦-୨୭)

୧୪ ରଗ ଜିସୁ ର ପୁଦା ପିହି କିଜି ମାଟାନ୍, ହେ ପୁଦା ଗୁଲି । ପୁଦା ହସି ହାଟିପାଟେ ଗୁଲ୍ଲା ମାନାୟ୍ ବେଣ୍ ଇଚାନ୍, ହେବେ ମାନାୟାର୍ କାବା ଆଜି ହାଟାର୍ ।

୧୫ ମାତର୍ ହେଝାର୍ ବିତ୍ରେତାଂ ଇନେର୍ ଇନେର୍ ଇଚାର୍, “ଜିସୁ ମୁଣିକା ବାଲ୍‌ଜିବୁଲ୍ ସାକ୍ୟାତାଂ ପୁଦାଂ ପିହିକିନାନ୍ ।”

୧୬ ବିନ୍‌ଲଗୁ ତାଙ୍ଗେଙ୍ଗ ଡ଼କ୍କାତ ହେଜି କିଦେଙ୍ଗ ଇଞ୍ଜି ମାନ୍‌କିଜି ମାଟାର୍ । ଲାଗିଂ ଇସ୍‌ବ୍ ଜେ ତା ସାଇଜ କାର୍‌ୟା ଇଚାକାଂ ପରିକ୍ୟା କିଦେଙ୍ଗ ଆକାସ୍‌ତାଂ ର ଚିନ୍ ଏନ୍ତାର୍ ।

୧୭ ମାତର୍ ଜିସୁ ହେଝାରିଂ ମାଡ଼ିନି ବାଦ୍‌ନା ପୁଞ୍ଜି ହେଝାରିଂ ଇଚାନ୍, “ଇମ୍‌ଣି ରାଜି ବାଗ୍ ଆଜି ଜାର୍ ବିରୁଦ୍‌ତ ନିଙ୍ଗତିସ୍, ହେଦାଂ ନସ୍ ଆଜି ହାନାଡ଼, ଆରେ ଇମ୍‌ଣି ଇଲ୍ ରିବାଗ୍ ଆନାଡ଼ ହେ ଇଲ୍ ଜପି ଲେଦି ଆଜି ନସ୍ ଆନାଡ଼ ।

୧୮ ଆରେ, ସୟ୍‌ତାନ୍ ପା ଜଦି ବାଗ୍ ଆଜି ଜାର୍ ବିରୁଦ୍‌ତ ନିଙ୍ଗନାଡ଼, ତା ଆତିସ୍ ତା ରାଜି ଇନେସ୍ ତିର୍ ଆଜି ମାନାଡ଼ ? ଆନ୍ ବାଲ୍‌ଜିବୁଲ୍ ସାଇଜତାଂ ପୁଦାକାଂ ପିହିକିନାନା ଇଞ୍ଜି ଏପେଙ୍ଗ ତ ଇଞ୍ଜନାଦେରା ।”

୧୯ ମାତର୍ ଆନ୍ ଇନାଝାଡ଼ାଂ ବାଲ୍‌ଜିବୁଲ୍ ସାଇଜତାଂ ପୁଦାକାଂ ପିହିକିନାଙ୍ଗ୍, ଲାଗିଂ ମି ହିମ୍‌ଶାଙ୍ଗ୍ ଇନେର୍ ସାଇଜତାଂ ହେଝାକାଂ ପିହିକିନାର୍ ? ଲାଗିଂ ହେଝାର୍ ନେ ମିଙ୍ଗେଙ୍ଗ ବିଚାର୍‌କାର୍‌ୟାର୍ ଆଦ୍‌ନାର୍ ।

୨୦ ଆନ୍ ଆରି ଇସ୍‌ବ୍ ସାକ୍ତି ସାଇଜତାଂ ଆନ୍ ପୁଦାକାଂ ପିହିକିନାଙ୍ଗ୍, ଆରି ଇଦାଂ ପାର୍ମାଣ୍ କିନାଡ଼ ଜେ, ଇସ୍‌ବ୍ ରାଜି ମିଦାଙ୍ଗ୍ ଲାଗେ ଆତାଡେ ।

୨୧ “ସାକ୍ତି ଲଗୁ ଏଚେକାଡ଼ଦ୍ ପାଡେକ୍ ଆଡ଼ ଆତିୟାର୍ ତା ହାକ୍‌ଡିତ ଜାଲ୍‌ଦି ଆଜି ତା କାଲ୍ ରାକ୍ୟା କିନାନ୍, ହେ ପାଡେକ୍ ତା ଦାନ୍ ଜାଗ୍ରତାଂ ମାନ୍‌ଗାନାଡ଼;

୨୨ ମାତର୍ ଏଚେକାଡ଼ଦ୍ ତା ତାକେଣ୍ଡାଂ ଆଦିକ୍ ସାକ୍ତି ମାନାୟ୍ ତାଙ୍ଗେଙ୍ଗ ପାଣ୍ଡୁ କ୍ରିଜି ଆବାର୍ ଆହ୍‌ନାନ୍, ହେଝାଡ଼ାଂ ଇମ୍‌ଣି ଆତିୟାର୍ ଜପି ତା ବାସ୍ ମାଟାଡ଼, ହେଝାକ୍ତି ଝିଜୁ କିସ୍ତି ଅନାନ୍ ଆରେ ତାଦାଙ୍ଗ୍ ଚର୍ କିଜିମାନି ଦନ୍‌ସମ୍‌ତି ବାଟାକିଜି ଅନାନ୍ ।

୨୩\* ଇନେର୍ ନା ପାକ୍ୟା ଆକାୟ୍, ହେଝାନ୍ ନା ବେରିୟା; ଆରେ, ଇନେର୍ ନା ଲାହାଙ୍ଗ୍ ରୁଣ୍ଡାୟ୍ କିଉନ୍, ହେଝାନ୍ ଜେଡ଼େ କେତେ କିନାନ୍ ।”

**ବାନ୍ୟାପୁଦା ହସି ଝାଡାଡ଼**

(ମାତିଉ ୧୨:୪୩-୪୫)

୨୪ “ବାନ୍ୟା ଜିବୁନ୍ ରକାନ୍ ମାନାୟ୍‌ତିଂ ହସିହାଟି ପାଟେ ଚିମ୍‌ରା ବାହା ଝିଜୁ ବୁଲ୍‌ଆଜି ଜମ୍‌ନାକା ତେକ୍‌ନାଡ଼ ଆରେ ହେଦାଂ ଗାଟାଆଝିତିସ୍ ଇନାନ୍, ଆନ୍ ଇମ୍‌ଣି ଇଞ୍ଜାଙ୍ଗ୍ ହସିଝାଜି ମାଟାଙ୍ଗ୍, ଆନ୍ ହେ ଇଞ୍ଜ ଲେଉଟା ଆଜି ହାନାଂ;

୨୫ ଆରି, ହେଦାଂ ଝାଜି ହେଦାଂ ନିର୍ମାଲ୍ ଆରି ହାର୍‌ଦାକା ହୁଡ଼ନାଡ଼ ।

୨୬ ହେପାଦ୍‌ନା ହେଦାଂ ହାଲ୍‌ଜି ଜାର୍‌ତାଂ ଆଦିକ୍ ବାନ୍ୟା ଆରେ ସାଡ଼ଗଟା ପୁଦାଂ ରଚେ ତାସି ଝାନାଡ଼, ଆରି ହେଝାଙ୍ଗ୍ ହଣ୍‌ଜି ହେବେ ବାହାକିନିକ୍, ଆରେ ହେ ମାନାୟ୍‌ତିଂ ପର୍ତ୍ତୁମ୍ ଦସା ବାଟା ହାରିହାନି ଦସା ଆଦିକ୍ ବାନ୍ୟା ଆନାଡ଼ ।”

**ବଚନ୍ ପାଲି କିନାକାନ୍ ଦନ୍ୟ**

୨୭ ହେଦେଲ୍ ଇ ଝିଜୁ ବେରଣ୍ ଇନି ଝାଡାଙ୍ଗ୍ ମାନାୟାର୍ ବିତ୍ରେ ରଞ୍ଜେଲ୍ କଗ୍‌ଲେହିମ୍‌ଶା ଗାଜା କାଟ୍‌ତାଂ ଇଚାଡ଼, ଦନ୍ୟ ହେ ଗରବ୍, “ଇନାକା ନିଙ୍ଗେଙ୍ଗ ଜଲମ୍ କିଡ଼ତାଡ଼ ଆରି ମାୟ୍ ହେବେତାଂ ଉଟାୟ୍ ।”

୨୮ ମାତର୍ ଜିସୁ ଇଚାନ୍, “ଆନ୍ ଆକାୟ୍, ଇମ୍‌ଣାକାର୍ ଇସ୍‌ବ୍ ବେରଣ୍ ଝେନାର୍ ଆରି ମାନିକିନାର୍ ଇତିସ୍, ହେଝାର୍ ଦନ୍ୟ ।”

**କାବା କାମାୟ୍ ବିସ୍ତେ ଦାବା**

(ମାତିଉ ୧୨:୩୮-୪୨; ମାର୍କ ୮:୧୨)

\* ୧୧:୨୩ ମାର୍କ ୯:୪୦.

୨୯ \*ବେସିହେନି ମାନାୟ ମାୟା ମାୟା ଆଜି ଜିସୁ ତାକେ ରୁଣ୍ଡାଆନି ଖେଡ଼ାଙ୍ଗ ଜିସୁ ଇଞ୍ଜେଙ୍ଗ ଲାଗାତାନ, ଇ ନଙ୍ଗନି ଆଣ୍ଡାହିମ୍‌ଣାଂ ବାନ୍‌ଧାନିକାର; ଇଞ୍ଜାର ତିନ୍ ଡେକ୍‌ନାର, ମତର ଜୁନସ୍‌ତି ତିନ୍ ପିସ୍ତି ଅଲ୍‌ଗା ଇମ୍‌ଣି ତିନ୍ ହେଞ୍ଜାରିଂ ହିୟାଆଡ଼ ।

୩୦ ଇନାକିଦେଂକି ଜୁନସ୍ ଇନେସ୍ ନିନିବିୟତ କାଜିଂ ତିନ୍‌ଲାକେ ଆତାର, ମାନାୟ ମାଜି ପା ହେ ଲାକେ ଇ ନଙ୍ଗନି ଆଣ୍ଡାହିମ୍‌ଣାଂ କାଜିଂ ଆନାଡ଼ ।

୩୧ ତିନିବାଗାଙ୍ଗନି ଦେସ୍‌ନି ରାଣି ବିଚାଣ୍ଡାତ ଇ ନଙ୍ଗନି ଆଣ୍ଡାହିମ୍‌ଣାଂ ମାନାୟାର ଲାହାଙ୍ଗ ନିଙ୍ଗଜି ନିୟା କିନାଡ଼, ଇନାକିଦେଂକି ହେଞ୍ଜାନ ସଲମନ୍‌ତି ବୁଦିନି କାତା ଖେଞ୍ଜେଙ୍ଗ ପୁତ୍‌ନି ବାହାତାଂ ଖାଜି ମାତାଡ଼; ଆରେ ହୁଡ଼ାଟ୍, ସଲମନ୍‌ତାଂ ଗାଜା ବିସ୍ତେ ଇ ବାହାତ ମାନାଡ଼ ।

୩୨ ନିନିବିନି ମାନାୟାର ବିଚାଣ୍ଡାତ ଇ ନଙ୍ଗନି ଆଣ୍ଡାହିମ୍‌ଣାଂ ଲାହାଙ୍ଗ ନିଙ୍ଗଜି ଇ ଜୁଗ୍‌ନି ମାନାୟାର ଲାହାଙ୍ଗ ନିଙ୍ଗଜି ହେଞ୍ଜାରିଂ ନିୟା କିତାର, ଇନାକିଦେଂକି ହେଞ୍ଜାର ଜୁନସ୍‌ତି ସୁଣାୟ କିନାକା ମାନ୍‌ବାଦ୍‌ଲାୟ କିଜି ମାତାର; ଆରେ ହୁଡ଼ାଟ୍, ଜୁନସ୍‌ତି ଗାଜା ବିସ୍ତେ ଇ ବାହାତ ମାନାଡ଼ ।

**ଗାଗାଡ଼ନି ଅଜଡ଼୍  
(ମାତିଉ ୫:୧୫; ୬:୨୨-୨୩)**

୩୩ “ଇନେର୍ ବଇଟା ଆହି କିଜି ଡ଼କୁତି ବାହା ଇଲ୍ କି ମାଣ୍ ତାରେନ୍ ଇଚୁର୍, ମାତର ବଇଟା ଇଟ୍‌ନି ଜପି ଇଟ୍‌ନାର, ଇନେସ୍‌କି ବିତ୍ରେ ହଣାକାର ମାନାୟାର ଅଜଡ଼୍ ହୁଡ଼େଂ ଆଡ଼ନାର ।

୩୪ ମି କାଣ୍‌କୁ ଗାଗାଡ଼ନି ଅଜଡ଼୍ । ଏଚେକାଡ଼୍‌ଦ ମି କାଣ୍‌କୁ ଅଣ୍ଡାଙ୍ଗ ମାଟିସ୍, ହେପାଦ୍‌ନା ମି ଝିଜୁ ଗାଗାଡ଼୍‌ପା ଅଜଡ଼୍ ଲାକେ ଆନାଡ଼; ମାତର ଏଚେକାଡ଼୍‌ଦ ହେଦାଂ ବାନ୍‌ଧା ମାନାଡ଼, ହେପାଦ୍‌ନା ମି ଗାଗାଡ଼୍‌ପା ମାଜ୍‌ଗା ଆନାଡ଼ ।

୩୫ ଲାଗିଂ ଜାଗ୍ରଡ଼, ଇନେସ୍‌କି ମି ଝାସ୍‌ତିନି ଅଜଡ଼୍ ମାଜ୍‌ଗା ଆଡ଼ ।

୩୬ ଲାଗିଂ ଜଦି ମି ଝିଜୁ ଗାଗାଡ଼୍ ଅଜଡ଼୍ ଆଦ୍‌ନାଡ଼ ଆରେ ହେବେ ଇମ୍‌ଣି ଆଦା ମାଜ୍‌ଗା ମାନ୍‌ଗୁଡ଼, ତା ଆତିସ୍ ଅଜଡ଼୍ ଇନେସ୍ ବଇଟା ମିଙ୍ଗେଙ୍ଗ ଅଜଡ଼୍ ହିଦ୍‌ନାଡ଼, ହେ ଲାକେ ମି ଝିଜୁ ଗାଗାଡ଼୍ ଅଜଡ଼୍ ଆନାଡ଼ ।”

**ଜିସୁ ପାରୁସିନି ଆରି ଦାମ୍‌ନିକାରିଂ ନିୟା କିତାର  
(ମାତିଉ ୨୩:୧-୩୬; ମାର୍କ ୧୨:୩୮-୪୦)**

୩୭ ଜିସୁ କାତା ଇନିଞ୍ଜାଡ଼ାଲିଂ ରଞ୍ଜାନ୍ ପାରୁସି ତାଙ୍ଗେଙ୍ଗ ଜାର ଇଞ୍ଜ ତିନି କାଜିଂ ଗଞ୍ଜାରି କିଜି କୁକ୍‌ତାନ୍, ଆରେ ହେଞ୍ଜାନ୍ ଇଞ୍ଜ ହଣ୍‌ଜିପା ଚିଞ୍ଜେଙ୍ଗ କୁଟ୍‌ଗାନ୍ ।

୩୮ ମତର ତିନିହିଙ୍ଗ ଆଗେ ହେଞ୍ଜାନ୍ ଜେ ପର୍ଡୁମ୍ ନୁସ୍‌ଞ୍ଜାଦାଂ ମାଚାନ୍, ଇଦାଂ ହୁଡ଼ଜି ହେ ପାରୁସି କାବା ଆତାନ୍ ।

୩୯ ହେବେ ମାପୁ ତାଙ୍ଗେଙ୍ଗ ଇଚାନ୍, “ଏପେଙ୍ଗ ପାରୁସିକାଦେର୍ ହିନା ଗିନା ଆରେ ତାଡ଼ିୟାନ୍ ବାର ବାଗାଙ୍ଗ ସକଟ୍ କିଜି ମାନାଟ୍, ମତର ମି ବିତ୍ରେ ନାଡ଼ାଇ କାମାୟ ଆରି ପାଟ୍‌କାର ବିତ୍ରେ ବାଟ୍ ।

୪୦ ଏ ନିର୍‌ବୁଦିୟାର, ଇନେର୍ ବାଟ୍ ରଟ୍‌ଗାନ୍, ହେଞ୍ଜାନ୍ ଜେ ବିତ୍ରେ ପା ରଟ୍‌ଞ୍ଜାତାନ୍ ?

୪୧ ଏପେଙ୍ଗ ଲବ୍‌ତାଂ ଇନାକା ରୁଣ୍ଡାୟ କିନାଦେରା ହେଦାଂ ଅକ୍‌ଡ଼ତାରିଂ ଦାନ୍ କିୟାଟ୍ ଲାଗିଂ ପୁରାପୁରି ସକଟ୍ ଆନାଦେର୍ ।”

୪୨ “ହାୟ୍ ଦାଣ୍ଡୁନି ବାହା ପାରୁସିର୍, ଇନାକିଦେଂକି ଏପେଙ୍ଗ ପଦିନା, ଆରୁଦ୍ ଆରି ଝିଜୁ ଲାକେ କୁଟାନ୍ ଦାନ୍ ହିଜି ମାନାଟ୍, ଆରେ ନ୍ୟାୟ ବିଚାର ଆରି ଇସ୍‌ବର୍ ଜିଉନନିତ ଏଲା କିନାଦେରା; ମତର ଇ ଝିଜୁ ମାନିକିନାସ୍ ଆରି ବିନେ ଝିଜୁ ଏଲା ଆଞ୍ଜାକା ମାନାଡ଼ ।”

୪୩ “ହାୟ୍ ଦାଣ୍ଡୁନି ବାହା ପାରୁସିର୍, ଇନାକିଦେଂକି ଏପେଙ୍ଗ କୁଟୁମ୍ ଇଞ୍ଜ ମୁଡ଼ି ବାହା ଆରେ ଆଟ୍ ବାଜାର୍‌ତାକେ ଜୁଞ୍ଜାର ପାୟା ଆଦେଂ ଜିଉନନାଦେର୍ ।

୪୪ ହାୟ୍, ତାଣ୍ଡୁନି, ଇନାକିଦେଂକି ଏପେଙ୍ଗ ହୁଡ଼ିଡ଼ି ବୁଗେର୍ ଲାକେ; ତା ଜପି ହାନାକାଦେରେ ମାନାୟ ହେଦାଂ ବୁଗେର୍ ଇଞ୍ଜ ପୁନୁର୍ ।”

୪୫ ଇବେ ମସାତି ବିଦି ସାସ୍‌ତ୍ର ବିତ୍ରେ ରକାନ୍ ଜିସୁଙ୍ଗ ଉତର୍ ହିତାନ୍, “ଏ ଗୁରୁ, ଇଦାଂ ଇଞ୍ଜ ଏନ୍ ମାଙ୍ଗେଙ୍ଗ ପା ଲାଜୁ କିଦ୍‌ନାୟା ।”

୪୬ ଜିସୁ ଇଚାନ୍, ହାୟ୍, “ଦରମ୍ ସାସ୍‌ତ୍ର ଜେ ଏପେଙ୍ଗ ଏପେଙ୍ଗ ପା ଦାଣ୍ଡୁନି ବାହା, ଇନାକିଦେଂକି ଏପେଙ୍ଗ ମାନାୟାର ଜପି ବଜ୍ ଲାଦିକିନାଦେରା ଆରି ଜାର ର ଝାଟ୍‌କାତାଂ ହିଜି ହେଦାଂ ତୁଜି ହାଙ୍ଗକିଦୁୟା ।

୪୭ ହାୟ୍, ଏପେଙ୍ଗ ତାଣ୍ଡୁନି ବାହା ଇନାକିଦେଂକି ଏପେଙ୍ଗ ବେଶ୍‌ବାକ୍‌ଶାୟ କିନାକାନ୍ତି ବୁଗେର୍ ରଟ୍‌ଚି ମାନାଟ୍, ଇମ୍‌ଣାକାରିଂ ଦାଦିର୍‌ଆକର୍ ହେଞ୍ଜାରିଂ ଅଜି ମାତାର ।

\* ୧୧:୨୯ ମାତିଉ ୧୭:୪; ମାର୍କ ୮:୧୨.

୪୮ ଲାଗି, ମି ଦାଦିର ଆକରତି କାମାୟ ବିସ୍ତେ ଏପେଙ୍ଗ ସାକି ଆନାଦେରା ଆରି ବାଟି କିନାଦେରା; ଇନାକିଦେଂକି ହେଝାର ହିନା ହେଝେରିଂ ଅସ୍ତି ମାଗାର, ମତର ଏପେଙ୍ଗ ହେଝାରତି ଦୁଗେରବାହା ରଚ୍ଚି କିଜି ମାନାଟ୍ ।”

୪୯ ଲାଗିଂ ଇସ୍ତର ପା ଜାର ବୁଦିତାଙ୍ଗ ଝେଚ୍ଚତାନନା, ଆସେଙ୍ଗ ହେଝାର ତାକେ ବେଶବାକ୍‌ଶାୟକିନାକାନ୍ ଆରି ପକ୍ୟାତାକାର୍‌ରିଂ; ପକ୍‌ନାପ୍ ହେଝାର ବିତ୍ରେ ଇନେ ଇନେରିଂ ହେଝାର ଟ୍ରାକ୍‌ନାର ଆରି ଇନେ ଇନେରିଂ ନିନ୍ଦା କିନାର,

୫୦ ଇନେସ୍ ହେ ବଲ୍‌ନି ନେତେଚ୍ଚତାଂ, ଇମ୍‌ଣି ଜିକିରିୟ ଗାର୍‌ଣି ଆରି ମନ୍ଦିରନ୍ତି ପୁଇପୁୟା ବାହାନ୍ତି ମାଦି ହାତାନ୍, ହେଝାନ୍ତି ନେତେଚ୍ଚ ପାତେକ୍ ପୁତ୍‌ନି ଆରମ୍‌ତାଂ ଏଚେକ୍ ବେଶବାକ୍‌ଶାୟକିନାକାର୍‌ତି ନେତେଚ୍ଚ ହାତାଦ୍‌ନା,

୫୧ ହେବଲ୍‌ ଚୁଟିତାଂ ଆରମ୍‌ କିଜି ଜିକିରିୟ ପାତେକ୍, ଇମ୍‌ଣାକାନିଂ ଗାର୍‌ଣି ଆରି ପୁଇପୁୟା ବାହା ବିତ୍ରେ ଚୁଟ୍‌ତି ମାଗାର । ଆଁ ଆନ୍ ମିଙ୍ଗେଙ୍ଗ ଇଞ୍ଜନାଙ୍ଗା, ଇ ଜୁଗ୍‌ନି ମାନାୟାର୍ ହେଝାନ୍ ଝିଜାର୍‌ତି କାଜିଂ ନେତେଚ୍ଚନ୍ତି ଦାଣ୍ଟ ବଗି କିନାନ୍ ।

୫୨ “ହାୟ, ତାଣ୍ଟି ବାହା ଦରମ୍‌ ସାସ୍ତର, ଇନାକିଦେଂକି ଏପେଙ୍ଗ ବୁଦିନି କୁଟିକାତି ଆରାୟ କିନାଦେର୍; ଏପେଙ୍ଗ ନିଜେ ନିଜେ ହଶାଝାତାଦେର୍, ଆରି ହଣି କାଜିଂ ମାନକିତି ମାନାୟାରିଂ କସ୍ ହିତାଦେର୍ ।”

୫୩ ଆରି, ଜିସୁ ହେବେତାଂ ହସି ହାଟି ପାଚେ ସାସ୍ତର ଆରି ପାରୁସିର ବେସି ବେରୁଆଜି.

୫୪ ତା ଝେଇଦାଂ ଇନା ବେଶ ଆସେଙ୍ଗ ଇଞ୍ଜି ଡକ୍‌କା ଉଚ୍ଚି ତାଙ୍ଗେଙ୍ଗ ଆଦିକ୍ ବିସ୍ତେ ପର୍‌ସନ୍ ଝେନ୍‌ବେଦେଂ ଲଗାତାନ୍ ।

### ୧୨

#### କପଟିର ତାଙ୍ଗ ଜାଗ୍ରତ୍ ଆଡୁ (ମାତିଉ ୧୦:୨୭-୨୭)

୧ \*ଇବେତାଂ ହେନି ମାନାୟ ରୁଣ୍ଡା ଆଜି ହାରି ଜପି କୁସ୍‌ସ୍‌ ଆତାର; ହେ ପାଦ୍‌ନା ହେଝାନ୍ ପର୍ତ୍ତୁମ୍ ଜାର ଚେଲାରିଂ ଇଞ୍ଜେଙ୍ଗ ଲାଗାତାନ୍, “ପାରୁସିରତି ହଇନି ଲାଗନ୍ତି କୁଟ୍ ବିସ୍ତେ ଜାଗ୍ରତ୍ ଆଜି ମାନାଟ୍ ।

୨ \*ଇନାକା ଡକ୍‌କାତ୍‌ନା ହେଦାଂ ଚନ୍‌ଞ୍ଜାନାଟ୍ ଆରି ଝିଜୁ ଡକ୍‌କାକା ବିସ୍ତେ ହପ୍‌ୟାନାଟ୍ ।

୩ ଇଚିସ୍ ଏପେଙ୍ଗ ଇନା ଇନାକା ମାଜ୍‌ଗାତାଂ ଇନାଦେରା, ହେଦାଂ ଝିଜୁ ଅଜଡ୍‌ ତାକେ ଝେନ୍‌ୟାଆନାଟ୍, ଆରି ଇନାକା ଡକ୍‌କା ବିତ୍ରେ କାଲେତାଂ ଇଚାଦେଣ୍ଡା, ହେଦାଂ ବାକ୍ରାତ ଜେଗନ୍ ଜପି ସୁଶାୟ କିୟା ଆନାଟ୍ ।”

#### ଇନେରିଂ ପାଣ୍ଡା ଆନାଦେର୍ (ମାତିଉ ୧୦:୨୮-୩୧)

୪ “ମାତର ନା ସାଙ୍ଗ ଜେ ଏପେଙ୍ଗ, ମିଙ୍ଗେଙ୍ଗ ଆନ୍ ଇଞ୍ଜନାଙ୍ଗା, ଇମ୍‌ଣାକାରକି ଗାଗାଡ୍‌ତିଂ ଅହ୍‌ନାର, ମତର ତା ପାଚେ ଆରେ ବେସି ନସ୍ କିଦେଙ୍ଗ ଆଡୁର, ହେଝାରିଂ ପାଣ୍ଡା ଆମାଟ୍ ।

୫ ମାତର ଇନେରିଂ ପାଣ୍ଡା ଆନାଦେର୍, ହେଦାଂ ଆନ୍ ମିଙ୍ଗେଙ୍ଗ ଝେଚ୍ଚଚାନାଂ; ଅସ୍ତି ପାଚେ ନରକ୍‌ତ ତୁସିହିନି କାସି ଇନେରତି ଆଦିକାର୍ ମାନାଟ୍, ତାଙ୍ଗେଙ୍ଗ ପାଣ୍ଡା ଆଡୁ; ଆଁ ଆନ୍ ମିଙ୍ଗେଙ୍ଗ ହାଡ୍‌ପା ଇଞ୍ଜନାଙ୍ଗା, ତାଙ୍ଗେଙ୍ଗ ପାଣ୍ଡା ଆଡୁ ।”

୬ “ପାଞ୍ଚଗଟା କତିହାଡା ପଟିଂ ଇନାକା ଦୁଇ ଟାକା ତାରୁକାଂ ପ୍ରୟାଆଉଡ୍ ? ଆରି, ହେଝାଙ୍ଗ ବିତ୍ରେତାଂ ରଞ୍ଜାଙ୍ଗ ପା ଇସ୍ତର ବାଣାଆଉନ୍ ।

୭ ମାତର ମି କାପ୍‌ଡାନ୍ତି ଝିଜୁ ଡେମୁଲ୍ ଗାଣା କିଡ୍‌ତାନନା ପାଣ୍ଡା ଆମାଟ୍; ଏପେଙ୍ଗ ବେସି କତିହାଡା ପଟିଂତାଂ ଆଦିକ୍ ଗାଜା ।”

#### କ୍ରିସ୍ଟଙ୍ଗ ମାନିକିନାକା ଆରି ପିହ୍‌ନାକା (ମାତିଉ ୧୦:୩୨-୩୩; ୧୨:୩୨; ୧୯-୨୦)

୮ “ଆରେ, ଆନ୍ ମିଙ୍ଗେଙ୍ଗ ଇଞ୍ଜନାଙ୍ଗା, ଇମ୍‌ଣି ମାନାୟାରିଂ ମୁମ୍‌ଦ ନାଙ୍ଗେଙ୍ଗ ଏଡୁ କିଦ୍‌ନାଦେର୍, ମାନାୟ ମାଜି ପା ଇସ୍ତର ଦୁଡ୍‌ର ମୁମ୍‌ଦ ତାଙ୍ଗେଙ୍ଗ ଏଡୁ କିତାର;

୯ ମାତର ଜେ ଲକୁ ମୁମ୍‌ଦ ନାଙ୍ଗେଙ୍ଗ ଏଡୁ କିଦ୍‌ଦେର୍, ହେଝାନ୍ ଇସ୍ତରତି ଦୁଡ୍‌ର ମୁମ୍‌ଦ ମାନି କିୟା ଆଉଦେର୍ ।”

୧୦ “ଆରେ, ଇନେର ମାନାୟ ମାଜି ବିରଡ୍‌ତାଂ କାତା ଇନାଦେର୍, ତାଙ୍ଗେଙ୍ଗ କେମା ହିୟାନାଟ୍; ମତର ଜେ ପୁଇପୁୟା ଜିବୁନ୍ ବିରୁଡ୍‌ତାଂ ନିନ୍ଦା କାତା ଇନାର, ତାଙ୍ଗେଙ୍ଗ କେମା ହିୟା ଆଉଡ୍ ।”

୧୧ “ଆରେ, ଏଚେକାଡ୍‌ଦ ହେଝାର୍ ମିଙ୍ଗେଙ୍ଗ କୁଟୁମ୍ ଇଞ୍ଜି, ସାସନ୍ କିନାକାର୍ ଆରି ଆଦିକାର୍ ପାୟା ଆତି ମାନାୟାରିଂ ଲାଗେ ତାହିଝାନାର ହେ ପାଦ୍‌ନା, ଏପେଙ୍ଗ ଜାର୍ ପାକ୍ୟାତ ଇନେସ୍ କିଜି ଇନା କାତା ଉଚ୍ଚର ହିନାନ୍ ଇଞ୍ଜି ଇନାକା ଇନାଦେର୍, ହେଝାନ୍ ବିସ୍ତେ ଚିନ୍ତା କିମାଟ୍;

୧୨ ଇନାକିଦେଂକି ଇନାକା ଇନ୍‌ୟା ଆନାଟ୍, ହେଦାଂ ପୁଇପୁୟା ଜିବୁନ୍ ହେପାଦ୍‌ନା ମିଙ୍ଗେଙ୍ଗ ହିକାଈକିଦ୍‌ନାନ୍ ।”

#### ମାଜାନ୍ ଆରେ ଅକ୍‌ତି ଝେଚ୍ଚନ୍ତି କାରୁର

☆ ୧୨:୧ ମାତିଉ ୧୨:୬; ମାର୍କ ୮:୧୫. ☆ ୧୨:୨ ମାର୍କ ୪:୨୨; ଲୁକ ୮:୧୭.

୧୩ ମାନାୟାର ବିଦ୍ରେତାଂ ରଖାନ ତାଙ୍ଗେଙ୍ଗ୍ ଇଚାନ, “ଏ ଗୁରୁ, ନା ଟଣ୍ଡେନିଂ ନା ଲାହାଙ୍ଗ୍ ଆବାତି ଦାନ ବାଗ୍ କିଦେଙ୍ଗ୍ ଇଞ୍ଜି ବଲ୍ଲ ଇନା ।”

୧୪ ମାତର ହେଝାନ ତାଙ୍ଗେଙ୍ଗ୍ ଇଚାନ, “ଏ ଟଣ୍ଡେନ, ଇନେନ୍ ନାଙ୍ଗେଙ୍ଗ୍ ମି ଜପି ବିଚାରକିନାକାନ ଆରି ବାଟା କିନାକାନ ମାଦି କିଜି ବାଟିକିତାନ ?”

୧୫ ଆରେ, ହେଝାନ ହେଝାରିଂ ଇଚାନ, “ଜାଗ୍ରତ୍, ଝିଜୁ ବାନି କଟିତାଂ ଜାର୍ ଜାର୍ତିଂ ଦେହା ଇଟାଟ୍, ଇନାକିଦେଂକି ରଝାନ ମାନାୟତିଂ ଜିବୁନ୍ ତା ଦାନ ଆଦିକ୍ ଜପି ମାନକିଉନ୍ ।”

୧୬ ଆରେ, ଜିସୁ ହେଝେରିଂ ଇ ଉତ୍ତରମୁଡ୍ ଇଚାନ, “ରକାନ ମାଜାନ ମାନାୟତି ଜମିତାକେ ଆଦିକ୍ ପାଟି ଆତାଡ୍ ।

୧୭ ହେବେ ହେଝାନ ମାତ୍ର ମାତ୍ର ଏଡ୍ କିଜି ଇଚାନ, ଇନାକା କିନାଙ୍ଗ୍ ? ଇନାକିଦେଂକି ନା ପାଟି ମଦାୟ୍ କିଜି ଇଟ୍ଟଦେଂ ଇଞ୍ଜି ବାହା ହିଲୁଡ୍ ।

୧୮ ଆରି, ହେଝାନ ଇଚାନ, ଇଦାଂ କିନାଙ୍ଗ୍; ନା ଟୁଣ୍ଡିଙ୍ଗ୍ ତ୍ରିକ୍ଟି ଗାଜାଙ୍ଗ୍ ଗାଜାଙ୍ଗ୍ କିଜି ରଚ୍ଚନାଙ୍ଗ୍ ଆରି ହେ ଝିଜୁ ତାକେ ନା ତାସ୍ ଆରି ଜିନ୍ସୁପାତି ଝିଜୁ ମଦାୟ୍ କିଜି ଇଟ୍ଟନାଙ୍ଗ୍,

୧୯ ଆରି, ଆନ୍ ନା ଝାସ୍ତିତଂ ଇନାଙ୍ଗ୍ ଏ, ଜିବୁନ୍, ଆଦିକ୍ ବାହୁଁ କାଜିଂ ନିୟାଂ ଆଦିକ୍ ଜିନ୍ସୁ ରୁଣ୍ଡା ଆତାଡ୍ନା, ଜମା, ତିନ୍ଞ୍ଜି ଉଣଜି, ଝାରି କିୟା;

୨୦ ମତର ଇସ୍ବର ହେଝାନିଂ ଇଚାନ, ଆଡେ ନିରବୁଦୟା, ନେଞ୍ଜେଙ୍ଗ୍ ନାଣା ନି ଝାସ୍ତି ନିବେ ତାଙ୍ଗ୍ ଅୟାନାଡ୍; ହେବେତାଂ ଏନେଙ୍ଗ୍ ଇନା ଇନାକା ଜାର୍ କାଜିଂ ଜତନ୍ କିତାୟନା, ହେଦାଂ ଝିଜୁ ଇନେରତି ଆନାଡ୍ ?”

୨୧ ଇନେନ୍ ଜାର୍ କାଜିଂ ଦାନ ରୁଣ୍ଡାୟ୍ କିନାନ୍, “ମାତର ଇସ୍ବର ଆଗେ ହାଉକାର୍ ଆକାୟ୍, ହେଦାଂ କାଜିଂ ଇ ଲାକେ ଗିଟା ଆନାଡ୍ ।”

**ମାପୁତାକେ ପାତର୍ କିନାକା**  
(ମାତିଉ ୬:୨୫-୩୪)

୨୨ ଜିସୁ ଜାର୍ ଚେଲାରିଂ ଇଚାନ, “ଇଦାଂ କାଜିଂ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଇନାକା ତିନାଦେର୍, ଇ ଲାକେ ମି ଜିବୁନ୍ କାଜିଂ ଆତିସ୍ ଇନାକା ଉସ୍ପାନାଦେର୍, ଇ ଲାକେ ମି ଗାଗାଡ୍ କାଜିଂ ପା ଚିନ୍ତା କିମାଟ୍ ।

୨୩ ଇନାକିଦେଂକି କାଦିତାଂ ଜିବୁନ୍ ଆରି ହେହାତାଂ ଗାଗାଡ୍ ଗାଜା ।

୨୪ ପଟିଂ ବିସ୍ତେ ହୁଡାଟ୍, ହେଝେକ୍ ଝିଡୁକ୍ କି ତ୍ରେସ୍ବୁକ୍ପା, ଆରି ହେଝେକ୍ତି ଇଲ୍ କି ଟୁଣ୍ଡି ହିଲୁଡ୍, ଆରେ ଇସ୍ବର ହେଝାକାଂ କାଦି ହିନାନ୍; ଏପେଙ୍ଗ୍ ପଟିଂତାଂ ଆଦିକ୍ ଗାଜା ।

୨୫ ଆରେ, ମି ବିଦ୍ରେପା ଇନେର ଚିନ୍ତା କିଜି କିଜି ଜାର୍ ଆଁଇସ୍ ଲାମା କିଦେଙ୍ଗ୍ ଆଡ୍ନାନ୍ ?

୨୬ ଆତିସ୍, ଏପେଙ୍ଗ୍ ଜପି ଝିଜୁଡାଙ୍ଗ୍ ହିରୁ କାମାୟ୍ କିଦେଙ୍ଗ୍ ପା ଆଡୁୟ୍, ଲାଗିଂ ବିନେ ଝିଜୁ ବିସ୍ତେ ହେଦାଂ ଇନେକିଦେଂ ଚିନ୍ତା କିନାଦେରା ?

୨୭ ପୁଇକ୍ସୁ ବିସ୍ତେ ବାବି କିଜି ହୁଡାଟ୍, ହେଝାଙ୍ଗ୍ ଇନେସ୍ ନୁଲ୍ ନାଟୁକ୍ କି ଡ୍ବୁକ୍; ଆତିସ୍ପା ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗ୍, ସଲମନ୍ ପା ଜାର୍ ଝିଜୁ ହଲ୍ଲନାକାତ ଇଝାଙ୍ଗ୍ ବିଦ୍ରେ ରଞ୍ଜାଙ୍ଗ୍ ଲାକେ ଉସ୍ପାଝାଦାଂ ମାଚାନ୍ ।

୨୮ ମାତର ଇମ୍ବି କାତ୍ତା ନେଜେଙ୍ଗ୍ ବାଡ୍ଦ୍ ମାନାଡ୍, ଆରି ଝିଗାଲିଙ୍ଗ୍ ହଲ୍ଲଦ୍ ଦେହିୟା ଆନାଡ୍, ତାଙ୍ଗେଙ୍ଗ୍ ଇନାଝାଡାଂ ଇସ୍ବର ଇ ଲାକେ ବେସ୍ ହିଦ୍ନାନ, ଲାଗିଂ, ହେ ଅଲପ୍ ପାତର୍ କିନାଦେର୍, ହେଝାନ ମିଙ୍ଗେଙ୍ଗ୍ ଏଚେକ୍ ଆଦିକ୍ ଲାକେ ହିବୁନ୍ ।”

୨୯ ଆରେ, ଇନାକା ତିନାକା ଆରି ଇନାକା ଉଣାକା, ହେଦାଂ ଏପେଙ୍ଗ୍ ଡେକ୍ଟି ବୁଲ୍ଲାଆମାଟ୍ କି ମାନ୍ ଦୁକ୍ କିମାଟ୍,

୩୦ ଇନାକିଦେଂକି ପୁତର୍ ନି ପାତର୍ କିଞ୍ଜି ଜିହୁଦିର୍ ଇ ଝିଜୁ ବିସ୍ତେ ଡେକ୍ଟି ବୁଲ୍ଲା ଆନାଡ୍; ମାତର ଇ ଝିଜୁ ବିସ୍ତେ ଜେ ମିଦାଙ୍ଗ୍ ଲଡା, ହେଦାଂ ମି ସାଗେନି ଆବା ପୁଞ୍ଜନାନ୍ ।

୩୧ ଆତିସ୍ ଏପେଙ୍ଗ୍ ଇସ୍ବର ରାଜି ଡେକାଟ୍, ଆରି ଇ ଝିଜୁ ବିସ୍ତେ ପା ମିଙ୍ଗେଙ୍ଗ୍ ହିଦ୍ନାନ୍ ।

**ସାଗେନି ଦାନ**  
(ମାତିଉ ୬:୧୯-୨୧)

୩୨ “ଏ ହିରୁ ମାନ୍, ପାଣ୍ଡା ଆମାଟ୍, ଇନେକିଦେଂ ମିଙ୍ଗେଙ୍ଗ୍ ତା ରାଜି ହିଦ୍ନି କାଜିଂ ମି ଆବାତି ବେସି ଝାରି ଆନାତା ।

୩୩ ମିଙ୍ଗେଙ୍ଗ୍ ଇନାକା ମାନାଡ୍, ହେଦାଂ ପ୍ରସି ହିଲ୍ଝାକାରିଂ ଦାନ୍ ହିୟାଟ୍; ଇନାକା ନସ୍ ଆଉଡ୍ ଇ ଲାକେ ମଣା ଜାର୍ ଜାର୍ କାଜିଂ ଜାଲ୍ଦି କିୟାଟ୍, ଇମେତାକେ ଚର୍ ଲାଗେ ଝାଉନ୍ କି ପୁକୁ ନସ୍ କିଉକ୍, ଇ ଲାକେ ସାଗେନି ନସ୍ ଆଞ୍ଜି ଦାନ୍ ଆଜା ଆଡ୍ ।

୩୪ ଇନାକିଦେଂକି ଇମେତାକେ ମିଦାଙ୍ଗ୍ ଦାନ୍, ହେବେ ପା ମିଙ୍ଗେଙ୍ଗ୍ ମାନ୍ ।”

**ଜାଗ୍ରତ୍ ମାନି ଚେଲାର୍**

୩୫ ☆“ମି ମେଙ୍ଗାଙ୍କ ଗାତ୍ୟା ଆଜି ମାନେତ୍ ଆରି ଅଜତ୍ ଆଜି ମାନେତ୍;

୩୬ ଆରି, ମାପୁ ବିବା ଝେଡ଼ାଙ୍କ ଲେଉଟା ଆଜି ଦୁଝେତ୍ ଇଡ଼ିତିପାତେ ଇମ୍ଫଣି ମାନାୟାର୍ ହେଦାଂ କାଜିଂ ସାଙ୍ଗେ ସାଙ୍ଗେ ଦୁଝେତ୍ ଜେତ୍ତେଂ କାଜିଂ ମାନାର୍, ଏପେଙ୍ଗପା ହେଝାର୍ ଲାକେ ଆଜି ମାନାର୍ ।”

୩୭ ମାପୁ ଖାଜି ଇମ୍ଫଣି ଆଡ଼ିୟାରିଂ ଜାଗ୍ରତ୍ ହୁଡ଼ନାନ୍, ହେଝାର୍ ଦନ୍ୟ, “ଆନ୍ ମିଙ୍ଗେଙ୍ଗ୍ ହାତ୍ପା ଇଞ୍ଜନାଙ୍ଗା, ହେଝାନ୍ ନିଜେ ମେଙ୍ଗାଙ୍କ ଗାତ୍ତ ହେଝାରିଂ ତିନି ବାହାତ କୁଚି କିଜି ଲାଗେ ହାଲୁଜି ହେବା କିତାର୍ ।

୩୮ ଆରି, ହେଝାନ୍ ମାଦିମାଦାନାଣା ଅଜତ୍ ଆନିହିଙ୍ଗ୍ ପା ଖାଜି ହେଝେରିଂ ହେ ଲାକେ ହୁଡ଼ନାନ୍, ତା ଆଡିସ୍ ହେ ହଲ୍ୟାର୍ ଦନ୍ୟ ।

୩୯ ☆ମାତର୍ ଇଦାଂ ପୁଞ୍ଜି ମାନାର୍, ଇମ୍ଫଣି ସମୁତ ଚରେନ୍ ଖାନାନ୍ ଇଲ୍ ମୁଣିକା ଏଚେକାଡ଼ଦ ପୁନାନ୍, ତାଆଡିସ୍ ହେଝାନ୍ ଜାର୍ ଇଞ୍ଜ ଚର୍ କିଦେଂ ହିଉନ୍ ।

୪୦ ଏପେଙ୍ଗ ପା ଜାଗ୍ରତ୍ ଆଜି ମାନାର୍, ଇନାକିଦେଂକି ଇମ୍ଫଣି ସମୁତ ଏପେଙ୍ଗ ବାବି କିଜି ମାନଗୁଦେର୍, ହେ ସମୁତ ମାନାୟ ମାଜି ଖାନାନ୍ ।”

**ପାତର୍ କିନାକାର୍ ଆରେ ପାତର୍ କିଝାକାର୍  
(ମାଡିଉ ୨୪:୪୫-୫୧)**

୪୧ ହେବେତାଂ ପିତର୍ ଇଚାନ୍, “ଏ ମାପୁ, ଏନ୍ କେବଲ୍ ମାଙ୍ଗେଙ୍ଗ୍ କି ଝିଜାରିଂ ଇ ଉତର୍ମୁତ୍ ଇଞ୍ଜନାନା ?”

୪୨ ମାପୁ ଉତର୍ ହିତାନ୍, “ଲାଗିଂ ଜାର୍ ଲକ୍‌ବାକ୍ତିଂ ସମାନ୍ ହିଦେଂ ଇଞ୍ଜି ମୁଣିକା ଇଲ୍ ଚାଲାୟକିନା କାନିଂ ଦାଉଡ଼ ହିଜି ମାଚାନ୍ ହେଝାନ୍ ସମାନ୍ ସମୁତ ବିନ୍ ହଲିୟାରିଙ୍ଗ୍ ପା ଚିଞ୍ଜେଙ୍ଗ୍ ହିଜି ମାନ୍‌ଖାତାନ୍ ?

୪୩ ମାପୁ ଖାଜି ଜାର୍ତ ଇମ୍ଫଣି ଆଡ଼ିୟାଙ୍ଗ୍ ହେ ଲାକେ କିନାକା ହୁଡ଼ନାନ୍, ହେଝାନ୍ ଦନ୍ୟ ।

୪୪ ଆନ୍ ମିଙ୍ଗେଙ୍ଗ୍ ହାତ୍ପା ଇଞ୍ଜନାଙ୍ଗା, ହେଝାନ୍ ତାଙ୍ଗେଙ୍ଗ୍ ଜାର୍ତ ଝିଜୁ ଦାନ୍‌ଡିଙ୍ଗ୍ ଜପି ବାଚି କିଦନାନ୍ ।

୪୫ ମାତର୍ ଜଦି ହେ ଆଡିଏନ୍ ନା ମାପୁ ଖାନାକା ବିଲମ୍ ମାନାତ୍ ଇଞ୍ଜି ମାନ୍ତ ମାନ୍ତ ଇଞ୍ଜି ହଲିୟା ଆଡିଏନ୍‌ଣିକାଂ ଅସ୍ତେଙ୍ଗ୍ ଆରି ତିନ୍‌ଞ୍ଜିଉଣି ଏକ୍ ଆଦେଂ ଆରାମ୍ କିତାର୍,

୪୬ ତା ଆଡିସ୍ ଇମ୍ଫଣି ଦିନ୍ ଆଡିୟା କାଜିଂ ମାଞ୍ଜେଙ୍ଗ୍ ଆଡୁନ୍ ଆରି ଇମ୍ଫଣି ସମୁତ ହେଝାନ୍ ପୁଞ୍ଜି ମାନୁନ୍, ହେ ଦିନ୍ ଆରି ହେ ତାଣ୍ଡତ ତା ମାପୁ ଖାନାନ୍, ଆରେ ହେଝାନ୍ ତାଙ୍ଗେଙ୍ଗ୍ ରିବାଗ୍ କିଜି ପାତର୍ କିଝାକାର୍ ଲାହାଙ୍ଗ୍ ତା ବାଗ୍‌ତାକା ବାଚିକିନାର୍ ।”

୪୭ “ଆରେ, ଇମ୍ଫଣି ଆଡିୟା ଜାର୍ ମାପୁ ମାନ୍ ପୁଞ୍ଜି ଜାଗ୍ରତ୍ ଆଜି ମାନୁନ୍ ଆଡିଡିସ୍ ତା ଇଚାତାଂ କାମାୟ କିଜି ମାନୁନ୍, ହେଝାନ୍ ବେସି ମାଡ଼ତାଙ୍ଗ୍ ମାଡ଼କିୟାଆନାନ୍;

୪୮ ମାତର୍ ଇନେନ୍ ପୁନ୍‌ଖାଦାଂ ମାଡ଼ତିନି କାମାୟ କିଜି ମାନାନ୍, ହେଝାନ୍ ଅଲପ୍ ମାଡ଼ତାଙ୍ଗ୍ ମାଡ଼କିୟାଆନାନ୍ । ଇନେରିଂ ବେସି ହିୟାଆତାଡ଼ନା, ତା ତାକେଣ୍ଡାଂ ବେସି ଦାବା କିୟାନାତ୍ ଆରେ, ଲକୁ ଇନେନ୍ ତାକେ ବେସି ହେଲାୟ କିୟାତାନ୍‌ନା, ତା ଲାଗାଂ ବେସି ଦାବା କିନାର୍ ।”

**ଜିସୁ କାଜିଂ ରିବାଗ୍ ଆନାକା**

୪୯ “ଆନ୍ ପୁତର୍ ତ ନାଣି ଆହି କିଦେଙ୍ଗ୍ ଖାତାଂନା, ଆରେ ହେଦାଂ ଜଦି ଆସ୍ତାତେ ତାଆଡିସ୍ ନା ଆରେ ଇନାକା ମାନ୍,

୫୦ ମାତର୍ ନାଙ୍ଗ୍ ର ବାପ୍ତିସିମ୍‌ତ ବାପ୍ତିସିମ୍ ଆନାକା ମାନାତ୍, ଆରି ହେଦାଂ ଝିଜ୍ଝି ପାତେକ୍ ଆନ୍ ଇନେସ୍ ଦୁକ୍ ମାନ୍ତ ବାଚିକିନାଙ୍ଗା ।

୫୧ ଆନ୍ ପୁତର୍ ତିଂ ସୁସ୍ତା ହିଦେଂ ଖାତାଂନା ଇଞ୍ଜି ଇନାକା ଏପେଙ୍ଗ୍ ଏଡ଼ କିନାଦେରା ? ଆକାୟ୍ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, କୁଦାକୁଦା କିଦେଙ୍ଗ୍ ଖାତାଂନା ।

୫୨ ଇନାକିଦେଂକି ର ଇଞ୍ଜ ପାଞ୍ଜାଣ୍ ମାଚିସ୍ ରିୟାର୍ ବିରୁଡ଼ତାଂ ତିନ୍‌ଜାଣ୍ ଆରି ତିନ୍‌ଜାଣ୍ତିଂ ବିରୁଡ଼ତ ରିୟାର୍ ବିନେ ବିନେ ଆନାର୍ ।

୫୩ ମାଜି ବିରୁଡ଼ତ ଆବା, ଆବା ବିରୁଡ଼ତ ମାଜି, ଗାଡ଼ଚେ ବିରୁଡ଼ତ ଆୟା, ଆୟା ବିରୁଡ଼ତ ଗାଡ଼ଚେ, କଡ଼ିୟା ବିରୁଡ଼ତ ପଦାହି ଆରି ପଦାହି ବିରୁଡ଼ତ କଡ଼ିୟାଣିହି ବିନେ ଆନାତ୍ ।”

**ସମୁ ବୁଜାଆନାସ୍  
(ମାଡିଉ ୧୭:୨-୩)**

୫୪ ଆରେ, ହେଝାନ୍ ମାନାୟାରିଂ ପା ଇଚାନ୍, ତେବା ପାଡ଼କାନି ବାଦାଡ଼ନିଙ୍ଗ୍‌ନାକା ହୁଡ଼ତିସ୍ ହେ ଦାପ୍ତେ ଏପେଙ୍ଗ୍ ଇନାର୍, ବାର୍‌ହା ଖାନାତ୍, ଆରେ ଏଲେଙ୍ଗ୍ ଲାକେ ଗିଟା ଆଦନାତ୍;

୫୫ ଆରେ, ତିନିପାଡ଼କାନି ଦୁକା ଖାନାକା ହୁଡ଼ତିସ୍ ଏପେଙ୍ଗ୍ ଇନାର୍, ଗାଜା କାରା ଖାନାତ୍, ଆରେ ହେଦାଂ ଗିଟା ଆଦନାତ୍ ।

☆ ୧୨:୩୫ ମାଡିଉ ୨୫:୧-୧୩. ☆ ୧୨:୩୯ ମାଡିଉ ୨୪:୪୩,୪୪.

୫୬ ଆଡ଼େ କାପଟିୟାର କାଦେର, ଏପେଙ୍ଗ ପୁତ ିତ ଆରେ ବାଦାଡ଼ତା ହୁଡ଼ଜି ଓଜୁ ରୁଜା ଆନାଦେରା, ମାତର ଇ ଦିନ୍ତ ଚିନ୍ ହୁଡ଼ଜି ଓଜୁ ଇନେସ୍ ରୁଜା ଆଉଦେରା ?

ସାତୁର ହୁକେ ମେହାଆନାକା  
(ମାତିଉ ୫:୨୫-୨୬)

୫୭ “ଆରେ, ଜାର ଜାର ଇନେକିଦେଂ ନ୍ୟାୟ ବିଚାର କିଉଦେରା ?

୫୮ ମି କୁରଲିୟା ହୁକେ ସାସନକିନାକାନ କଚଣ୍ଡ ହାନିହିଂ ହାସ୍ଦ ପା ତା ଲାହାଙ୍ଗ ମୁକଡ଼ା ଆଦେଂ ଜାତୁନ୍ କିୟାଟ୍, ଏଚେକାଡ଼ଦ ହେଖାନ୍ ନିଂ ବିଚାରକାରୟା କଚଣ୍ଡ ଜେଲଜି ଅଦନାର୍, ଆରେ ବିଚାର କିନାକାନ ମିଙ୍ଗେଙ୍ଗ ମେଲ୍ୟାର୍ କେଇଦ ସର୍ପି କିଦନାର୍, ଆରେ ମେଲ୍ୟାର୍ ମିଙ୍ଗେଙ୍ଗ ତାନାଈଞ୍ଜ ବାଟ କିଦନାର୍ ।

୫୯ ଆନ୍ ମିଙ୍ଗେଙ୍ଗ ଈଞ୍ଜନାଙ୍ଗା, ଏପେଙ୍ଗ ହାରିହାରା ତାରୁଙ୍ଗ ହୁଜା ଆଓି ପାତେକ୍ ହେ ବାହାତାଂ ଇନେସ୍ ଆଜି ହସିଞ୍ଜାଦେଙ୍ଗ ଆତୁଦେର୍ ।”

### ୧୩

ପାପତାଂ ଖାତୁ ନଲେ ହାନାଦେର୍

୧ ହେ ସମୁତ କେଡ଼ଜାଣ୍ ମାନି କେଡେକ୍ ଲକ୍ ଜିସୁଙ୍ଗ ଇଚାର୍ ଜେ ଲକ୍ ଖାଜି, ପିଲାତ ଇମ୍ଣି ଗାଲିଲିୟରତି ନେଡେର୍ ହେଖାରତି ପୁଜା ଲାହାଙ୍ଗ ମେହାୟକିଜି ମାଚାର୍, ହେଖାର୍ ବିସ୍ତେ ହେଖାନିଂ ଜାଣାଇ କିତାର୍ ।

୨ ହେବେତାଂ ଜିସୁ ହେଖାରିଂ ଉତର୍ ହିତାନ୍, “ଇଦାଂ ଓଜୁ ବର୍ କିଦେଙ୍ଗ ଇ ଗାଲିଲିୟର ଜେକନି ଓଜାର୍ ଗାଲିଲିୟର ତାଙ୍ଗ୍ ଆଦିକ୍ ପାପିର୍ ଇଞ୍ଜି କି ଏପେଙ୍ଗ ମାନେକିନାଦେରା ?

୩ କି ଆନ୍ ମିଙ୍ଗେଙ୍ଗ ଖେଚନାଙ୍ଗା, ମାତର ପାପ୍ ମାନ୍ବାଦଲ୍ୟାୟ କିଓିତିସ୍ ଏପେଙ୍ଗ ଓଜାକାଦେର୍ ହେ ଲାକେ ନସ୍ ଅନାଦେର୍ ।

୪ ଇଚିସ୍ ସିଲହତ ହେ ଅଚର ଜାଣ୍ ଜପି ମାଚା କାଡ଼ଜି ହେଖାରତି ଜିରୁନ୍ ହାଚାଡ଼, ହେଖାର୍ ବିସ୍ତେ ଇନାକା ବାବି କିନାଦେର୍ ? ହେଖାର୍ ଓଜାର୍ ଜିରୁସାଲମ୍ ତାଙ୍ଗ୍ ଆଦିକ୍ ପାପିର୍ ଇଞ୍ଜି କି ଏପେଙ୍ଗ ମାନେ କିନାଦେରା ?

୫ ଆନ୍ ମିଙ୍ଗେଙ୍ଗ ଖେଚନାଙ୍ଗା, ମାତର ପାପତାଂ ମାନ୍ବାଦଲ୍ୟାୟ କିଓିତିସ୍ ଏପେଙ୍ଗ ଓଜାକାଦେର୍ ହେ ଲାକେ ନସ୍ ଆନାଦେର୍ ।”

ପାଡ଼୍ ଖାଓି ତଗାମାର୍ କାତା

୬ ଆରେ, ଜିସୁ ଇ ଉତର୍ମୁଡ଼ ଇଚାନ୍, “ରକାନ୍ତି ଅଙ୍ଗୁର୍ ବାଡ଼ଦ ର ତଗା ମାର୍ ରୁଜଦି ମାଚାନ୍ । ମାଲିକ୍ ଖାଜି ହେବେନି ପାଡ଼୍ ତେକ୍ତାନ୍, ମାତର ଗାଟା ଆଞ୍ଜାତାନ୍ ।

୭ ଲାଗିଂ ହେଖାନ୍ କାନାକାନ୍ ଇଚାନ୍, ହୁଡ଼ା, ଇ ତିନି ବାହୁଁ ଆତାଡ଼ ଆନ୍ ଖାଜି ଇ ତଗା ମାର୍ତି ପାଡ଼୍ ତେକ୍ନାଙ୍ଗା, ମାତର ଗାଟା ଆଉଙ୍ଗା, ଇଦେଲିଂ କାଦିତୁସିୟା, ଇଦାଂ ଇନେକିଦେଂ ମେଦ୍ନିତିଂ ଆବାର୍ ଆହନାତା ?

୮ ମାତର ମାଲିକ୍ତିଂ ଉତର୍ ହିତାନ୍, ମାପୁ, ଇଦେଲିଂ ଇ ବାହୁଁ ପା ପିସ୍ତ୍ରୁହିଦା, ଆନ୍ ଇବେତାଂ ଇଦାଂ ଚାରିବେଣ୍ଡାଂ କାଚିଂ ଗାଡ଼୍ ହିନାଙ୍ଗ୍,

୯ ଆରେ ପାଚେ ପାଡ଼୍ ଖାତିସ୍ ହାର୍, ଆଓିତିସ୍ ହେଦେଲିଂ କାଦ୍ଦି ତୁସିହିନାଙ୍ଗ୍ ।”

ଜିସୁ ଜମ୍ନିବାର୍ ନାଜିଂ ର କଗ୍ଲେଂ ଉଜ୍ କିତାନ୍

୧୦ ରଗ ଜିସୁ ଜମ୍ନିବାର୍ତ ର କୁଚୁମ୍ ଇଞ୍ଜି ହିକ୍ୟା ହିଜିମାଚାନ୍ ।

୧୧ ଆରେ ହୁଡ଼ାଟ୍, ଅଚର ବାହୁଁ ପାତେକ୍ ବାନ୍ୟା ଜିରୁନ୍ କାଜିଂ ପାପିୟା ର କଗ୍ଲେ ହେବେ ମାଚାଡ଼, ହେଦେଲ୍ କୁବ୍ଡି ଆଜି ଇନେସ୍ ଆଜି ପା ଜାରତିଂ ହାଣ୍ଡକୁ କିଦେଙ୍ଗ୍ ଆଡ଼ଞ୍ଜାଦାଂ ମାଚାଡ଼ ।

୧୨ ଜିସୁ ହେଦେଲିଂ ହୁଡ଼ଜି ଲାଗାୟ କୁକ୍ଚି ଇଚାନ୍, “ଏ କଗ୍ଲେ ନି ବେମାର୍ତାଂ ଉଜ୍ ଆତାୟ୍ ।”

୧୩ ଆରେ, ଜିସୁ ହେ ଜପି କେଇ ଇଡ଼ତାନ୍, ହେବେତାଂ ହେଦେଲ୍ ହେ ଦାପ୍ରେ ହାଣ୍ଡକୁ ଆଜି ଇସ୍ବରତିଂ ପାଡ଼ାନା କିଦେଙ୍ଗ୍ ଲାଗାତାଡ଼ ।

୧୪ ମାତର ଜିସୁ ଜମ୍ନିବାର୍ତ ଉଜ୍ କିଦେଙ୍ଗ୍ କୁଚୁମ୍ ଇଲ୍ଲିନି ମୁଡ଼ଦାକାନ୍ ରିସା ଆଜି ମାନାୟାର୍ ତାକେ ଉତର୍ ହିତାନ୍, “କାମାୟ୍ କିନି କାଜିଂ ଚଅ ଦିନ୍ ମାନାଡ଼, ଲାଗିଂ ହେ ଓଜୁନାଞ୍ଜିଙ୍ଗ୍ ଖାଜି ଉଜ୍ ଆତୁ, ଜମ୍ନିବାର୍ ଖାମାଟ୍ ।”

୧୫ ମାତର ମାପୁ ହେଖାରିଂ ଉତର୍ ହିତାନ୍, “ଏ କାପଟିୟାର୍, ଏପେଙ୍ଗ ଓଜୁ ଇନାକା ଜମ୍ନିବାର୍ତ ଜାର୍ ଜାର୍ ବାଡ଼ଦୁ କି ଗଦ ହାଡ଼ାତାଂ ରିକ୍ଚି ତାସି ଏଜୁଂ ଉଚ୍ପାମାତୁ ?

୧୬ ଲାଗିଂ ହୁଡ଼ାଟ୍, ଅଚର ବାହୁଁ ପାତେକ୍ ସୟତାନ୍ ଲାହାଙ୍ଗ ଇଚିସ୍ ଅଗ୍ରାହାମ୍ ଗାଡ଼ହି ଇ କଗ୍ଲେ ଇନାକା ଜମ୍ନିବାର୍ ଜାର୍ ଗାଟି ତାଙ୍ଗ୍ ଉଜ୍ ଆନାକା ଇନାକା ହିଲ୍ଖାତାଡ଼ ?”

୧୭ ଆରେ, ଜିସୁ ଇ କାତା ଇଚିଲେ, ତାଙ୍ଗେଙ୍ଗ୍ ବେରିୟାର୍ ଓଜାର୍ ଲାଜୁ କିଦେଙ୍ଗ୍ ଲାଗାତାର୍, ମାତର ମାନାୟାର୍ ଜିସୁ ଇଞ୍ଜି ମାନି ଓଜୁ ଜାଜ୍ମାଲ୍ ଗାଜା କାମାୟ୍ ସାକାତାଂ ଖାରି କିଦେଙ୍ଗ୍ ଲାଗାତାର୍ ।



ହାର୍‌ହୁ ମାଞ୍ଜିନି କାତା

(ମାତିଉ ୧୩:୩୧-୩୩; ମାର୍କ ୪:୩୦-୩୨)

୧୮ ହେବେତା ଜିସୁ ଇଚାନ, “ଇସ୍‌ସୁଟ ରାଜି ଇନେର୍ ଲାକେ ? ଆରି ଇନେର୍ ହାଙ୍ଗ୍‌ତା ଆନ୍ ହେଦା ତୁଲାଇ କିନାଙ୍ଗ୍ ?

୧୯ ହେଦା ଇ ଲାକେ ରଞ୍ଜାଙ୍ଗ୍ ହାର୍‌ହୁ ମାଞ୍ଜି ଲାକେ, ହେଦା ଅଜି ରକାନ୍ ମାନାୟ୍ ଜାର୍ ବାଡ୍‌ଦ ଓଡ୍‌ତାନ୍, ଆରେ ହେଦା ପାନ୍‌ଚି ମାର୍ ଆତାଡ୍, ଆରି ବାଦାଡ୍‌ତା ପଟିଂ ଖାଜି ହେ ତାଡ୍‌ଦ ବାହା କିତିଂ ।”

ହଇନିରୁଟି କାତା

(ମାତିଉ ୧୩:୩୩)

୨୦ ଜିସୁ ଆରେ ଇଚାନ, “ଆନ୍ ଇନେର୍ ଲାହାଙ୍ଗ୍ ଇସ୍‌ସୁଟ ରାଜିତିଂ ତୁଲାଇ କିନାଙ୍ଗ୍ ?

୨୧ ହେଦା ହଇନିରୁଟି ଲାକେ, ର କଗ୍‌ଲେ ହେଦା ତାସି ମଣାତ ମଇଦା ବିତ୍ରେ ପ୍ଲାକ୍‌ଚି ଇଟ୍‌ତାଡ୍, ଆରେ ହାରିହାରା ଓଡ୍‌ଜୁ ହଇନି ଲାକେ ଆତାଡ୍ ।”

ହାକାଡ୍‌ ଦୁଝେର୍

(ମାତିଉ ୭:୧୩-୧୪; ୨୧-୨୩)

୨୨ ଇବେତା ହେଖାନ୍ ଗାଡ୍‌ ଗାଡ୍‌ଦ ଆରି ନାସ୍‌କୁ ନାସ୍‌କୁ ବୁଲାଇ ଆଜି ହିକ୍ୟା ହିଉ ହିଉ ଜିରୁସାଲମ୍ ନିପ ହାଲ୍‌ଜି ମାଚାନ୍ ।

୨୩ ଆରେ, ରକାନ୍ ତାଙ୍ଗେଙ୍ଗ୍ ଇଚାନ, “ମାପୁଙ୍ଗ୍, ମୁକ୍ତି ଆନାକା ପାୟା ଆନି ମାନାୟାର୍ ହିସାବ୍ ଇନାକା ଅଲପ୍ ? ହେବେତା ହେଖାନ୍ ହେଖାରିଂ ଇଚାନ;”

୨୪ ହିରୁ ଦୁଝେର୍‌ତିଂ ହଣ୍ଡେଙ୍ଗ୍ କସ୍‌କିୟାଟ୍, ଇନେକିଦେଂକି ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, “ବେସି ହେନି ହଣ୍ଡିନି କାଜିଂ ସେସ୍‌ କିନାର୍, ମାତର୍ ଆଡୁର୍ ।

୨୫ ଇଲ୍ ମୁଣିକା ନିଞ୍ଜି କାପାଟ୍ ବନ୍ କିତି ପାଚେ ଏଚେକାଡ୍‌ଦ ଏପେଙ୍ଗ୍ ବାର୍ତ୍ ନିଲ୍‌ଚି ମାନାଦେର୍ ଆରି ଏ ମାପୁ, ମା କାଜିଂ ଦୁଝେର୍ ଜେତା, ଇଦାଂ ଇଞ୍ଜି କାପାଟ୍‌ତ ଇଡ୍‌ଦେଂ ଲାଗାନାଦେର୍, ହେ ପାଦ୍‌ନା ହେଖାନ୍ ମିଙ୍ଗେଙ୍ଗ୍ ଉତର୍ ହିଦ୍‌ନାନ୍, ଏପେଙ୍ଗ୍ ଇମ୍‌ଣି ବାହାନି ମାନାୟ୍ ହେଦା ଆନ୍ ପୁନୁଙ୍ଗ୍ ।”

୨୬ ହେ ସମୁତ ଏପେଙ୍ଗ୍ ଇଞ୍ଜେଙ୍ଗ୍ ଲାଗାନାଦେର୍, “ଆପେଂ ନି ମୁମ୍‌ଦ ଉଟାପ୍ ଚିଟାପ୍, ଆରି ଏନ୍ ମାଙ୍ଗେଙ୍ଗ୍ ହାକ୍ତିତ ହିକ୍ୟା ହିତାୟ୍ ।”

୨୭ ଆରେ, ହେଖାନ୍ ମିଙ୍ଗେଙ୍ଗ୍ ଇଞ୍ଜନାନ୍, ଏପେଙ୍ଗ୍ ଇମ୍‌ଣି ବାହାନି ମାନାୟ୍, ହେଦା “ଆନ୍ ପୁନୁଙ୍ଗ୍; ଏ ଅଦାମ୍ ଓଡ୍‌ଜାକାଦେର୍ ନା କଚଣ୍‌ତାଂ ଦେହାଆଡୁ ।

୨୮ ☆ଏଚେକାଡ୍‌ଦ ଏପେଙ୍ଗ୍ ଅରାହାମ୍, ଇସ୍‌ହାକ୍, ଜାକୁବ୍, ଆରି ଓଡ୍‌ଜାର୍ ବେଣ୍‌ବାକ୍‌ଶାୟ୍‌କିନାକାରିଂ ଇସ୍‌ସୁଟ ରାଜିତ ମାନି ଆରି ଜାର୍ ଜାର୍‌ତିଂ ବାର୍‌ତ୍ ତୁସିହିତାକା ହୁଡ୍‌ନାଦେର୍, ହେପାଦ୍‌ନା ହେବେ ଆଡ୍‌ବିସ୍ ଆରି ଟାଡାଙ୍ଗ୍ କାଟ୍‌ନାଦେର୍ ।

୨୯ ଆରେ, ଷ୍ଟେଡାହ୍‌ଡ୍‌ନି ଆରି ଷ୍ଟେଡାହାନ୍ ନିପ, ତିନିପାଡ୍‌କା ଆରି ତେବାପାଡ୍‌କାନି ଲକୁ ଖାଜି ଇସ୍‌ସୁଟ ରାଜିତିଂ ତିଞ୍ଜେଙ୍ଗ୍ କୁର୍‌ନାର୍ ।

୩୦ ☆ଆରେ ହୁଡାଟ୍, ଇମ୍‌ଣାକାର୍ ନଙ୍ଗୟ୍ ପାଚେ ମାନି କେତେକ୍ ପର୍ତ୍ତୁମ୍ ଆନାର୍ ଆରି ପର୍ତ୍ତୁମ୍ ମାନି କେତେକ୍ ପାଚେ ଆର୍ନାର୍ ।”

ଜିରୁସାଲମ୍ କାଜିଂ ଜିସୁତି ଦୁକ୍

(ମାତିଉ ୨୩:୩୭-୩୯)

୩୧ ହେ ପାଦ୍‌ନା କେତେକ୍ ପାରୁସିର୍ ଜିସୁ ଲାଗେ ଖାଜି ଇଚାର୍, “ଇ ବାହା ପିସ୍ତି ହସି ହାଲାଟ୍, ଇନାକିଦେଂକି ହେରଦ୍ ନିଙ୍ଗେଙ୍ଗ୍ ଅସ୍ତେଦେଂ ମାନ୍ କିନାନା ।”

୩୨ ହେବେତା ଜିସୁ ହେଖାରିଂ ଇଚାନ, “ଏପେଙ୍ଗ୍ ହାଲ୍‌ଜି ହେ କଲ୍ୟାତିଂ ଷ୍ଟେଟାଟ୍, ହୁଡାଟ୍, ଆନ୍ ନେଞ୍ଜେଙ୍ଗ୍ ଆରି ଓଡ୍‌ଗା ପୁଦା ପିହିକିନାଙ୍ଗା ଆରି ଉଜ୍ କିନାଙ୍ଗା, ଆରେ ତିନି ଦିନ୍‌ତାଂ ଆନ୍ ପଡ୍‌କ୍ ଇନାଙ୍ଗ୍ ।

୩୩ ଇନାକା ଆୟେଡ୍, ନେଞ୍ଜେଙ୍ଗ୍, ଓଡ୍‌ଗା ଆରି ମାହିଙ୍ଗ୍ ନାଙ୍ଗେଙ୍ଗ୍ ହାଞ୍ଜେଙ୍ଗ୍ ଆନାଡ୍, ଇନାକିଦେଂକି ଜିରୁସାଲମ୍‌ନି ବାର୍ତ୍ ବେଣ୍‌ବାକ୍‌ଶାୟ୍‌କିନାକାର୍ ନାସ୍ ଆନାକା ହାର୍ ଆକାୟ୍ ।”

୩୪ “ଏ ଜିରୁସାଲମ୍, ଏ ଜିରୁସାଲମ୍, ବେଣ୍‌ବାକ୍‌ଶାୟ୍ କିନାକାର୍‌ତି ଚୁଣାକାୟ୍ ଆରି ଜାର୍ ତାକେ ପକ୍ୟାତାକାରିଂ କାଲ୍‌ଅହିୟାନି । କୁଜୁ ଇନେସ୍ ମାରା ତାରେନ୍ ଜାର୍ ହିମ୍‌ଣାକାଂ ରବେ କିନାଡ୍, ହେ ଲାକେ ଆନ୍ ଏଚେହ୍‌ଟ୍ ନି ହିମ୍‌ଣାକାଂ ରବେ କିଦେଙ୍ଗ୍ ମାନ୍ କିତାଙ୍ଗ୍, ମାତର୍ ଏପେଙ୍ଗ୍ ମାନ୍ କିଞ୍ଜାତାଦେର୍ ।

☆ ୧୩:୨୮ ମାତିଉ ୨୨:୧୩; ୨୫:୩୦. ☆ ୧୩:୨୮ ମାତିଉ ୮:୧୧,୧୨. ☆ ୧୩:୩୦ ମାତିଉ ୧୯:୩୦; ୨୦:୧୭; ମାର୍କ ୧୦:୩୧.

୩୫ ହୁଡ଼ାଟ୍, ମି ଇଲ୍ଲ ମି କେଇଦ ପିସ୍ତାତାଣ୍ଟା; ଆରେ ଆନ୍ ମିଲୋଙ୍ଗ୍ ଇଞ୍ଜନାଙ୍ଗା, ମାପୁ ତରଦ ଇନେନ୍ ଖାନାନା, ହେଖାନ୍ ଦନ୍ୟ, ଏପେଙ୍ଗ୍ ଇମ୍ଫାଣି ନାଜିଂ ଇ କାତା ଇନାଦେର୍, ହେ ଦିନ୍-ଖାଞ୍ଜି ପାତେକ୍ ନାଙ୍ଗ୍ ହାତେନେ ଆରେ ହୁଡ଼ୁଦେର୍ ।”

### ୧୪

#### ଜିସୁ ର ରଗ୍ୟାଂ ଉଜ୍ କିତାନ୍

୧ ରଗ ଜିସୁ ଜମ୍ନିବାର୍ ନାଜିଂ ତିନି କାଜିଂ ର ପାରୁସିର୍ ମୁଣିକା ଇଞ୍ଜ ହଟିଲେ, ହେଖାନ୍ ତାଙ୍ଗ୍ ଇଟ୍-କାଡ଼୍ କିଜି ମାଚାର୍ ।

୨ ଆରେ ହୁଡ଼ାଟ୍, ହେଖାନ୍ ମୁମ୍ଦ ରକାନ୍ କାଲ୍ଲକୁ କେଇକୁ ପୁଲ୍ଲାଆତି ରଗ୍ୟା ନଟ୍ନି ମାନାୟ୍ ମାଚାନ୍ ।

୩ ହେବେ ଜିସୁ ମସାତି ବିଦିନି ଗୁରୁର୍ ଆରି ପାରୁସିର୍ ଉତର୍ ହିତାନ୍, “ଜମ୍ନିବାର୍ ନାଜିଂ ଉଜ୍ କିନାକା ବିଦି କି ଆକାୟ୍ ?” ମାତର୍ ହେଖାନ୍ ଚିମ୍ବରା ଆଜି ମାଚାର୍ ।

୪ ଆରେ, ହେଖାନ୍ ତାଙ୍ଗେଙ୍ଗ୍ ଆସ୍ତି ଉଜ୍ କିତାନ୍ ଆରି ପକ୍ତାନ୍ ।

୫ \*ଆରେ, ହେଖାନ୍ ହେଖାରିଂ ଇଚାନ୍, “ମି ବିତ୍ରେତାଂ ଇନେର୍ ଜାର୍ ହିମ୍ଗାଂ କି ବାଡ଼ୁ କୁଇତାକେ ଆତ୍-ସ୍ ଇନାକା ହେଦେଲିଂ ଜମ୍ନିବାର୍ ନାଜିଂ ହେ ଦାପ୍ରେ ନିକୁନ୍ ?”

୬ ଆରେ, ହେଖାନ୍ ଇ ଝିଜୁ ବେରଣ୍ଡତ ଇନାକା ଉତର୍ ହିଦେଂ ଆଡ଼୍-ଖାତାର୍ ।

#### ଦାମ୍-ଆନାକା ଆରେ ହେବା କିନାକା

୭ ଆରେ, କୁପ୍-କାୟାତି ମାନାୟାର୍ ଇନେସ୍ ମୁଡ଼୍-ମୁଡ଼୍ ବାହା ବାଚି କିଜି ମାଚାର୍, ଇଦାଂ ଇଟ୍-କାଡ଼୍ କିଜି ହେଖାନ୍ ହେଖାରିଂ ଇ ଉତର୍-ମୁଡ଼୍ ହିଜି ଇଚାନ୍,

୮ “ଏତେକାଡ଼୍-ଏପେଙ୍ଗ୍ ଇମ୍ଫାଣି ଲକୁତାଙ୍ଗ୍ ବିବାନି ବଜିତ କୁକ୍ୟାନାଦେର୍, ହେଖେଡ଼ାଂ ମୁଡ଼୍ ବାହାତ କୁଚ୍-ମାଟ୍, କାତେହିନା ମିତାଙ୍ଗ୍ ଆଦିକ୍ ଗାଜାଲକୁ ହେଖାନ୍-ତାଂ କୁକ୍ୟା ଆଜି ମାନ୍-ଗାନାନ୍,

୯ ଆରେ ଇନେର୍ ମିଙ୍ଗ୍ ଆରି ତାଙ୍ଗ୍ କୁକ୍-ତାନ୍ତି, ହେଖାନ୍ ଖାଜି ମିଙ୍ଗ୍ ଇଞ୍ଜାନାନ୍, ଇଖାନିଂ ବାହା ହିଆ; ଆରେ, ହେଖାଡ଼ାଂ ଏପେଙ୍ଗ୍ ଲାଜୁତାଂ ତାରେନ୍ ବାହାତ କୁଚ୍-ଚେଂ ହାନାଦେର୍ ।

୧୦ ମାତର୍ ଏତେକାଡ଼୍-ଏପେଙ୍ଗ୍ କୁକ୍ୟା ଆନାଦେର୍, ହେଖେଡ଼ାଂ ହାଲ୍ଲଜି ତାରେନ୍ନି ବାହାତ କୁଚାଟ୍, ଇନେସ୍ ମି କୁକ୍ୟାତି ଲକୁ ଖାଜି ମିଲୋଙ୍ଗ୍ ଇଞ୍ଜାନାନ୍, ଏ ବୟ୍, ଜପ୍-ଣି ବାହାତ ଖା ଇଞ୍ଜନାନ୍, ହେଖାଡ଼ାଂ ମି ହୁକେ କୁଚ୍-ଚି ମାନି ଝିଜାକାର୍ ମାନାୟାର୍ ମୁମ୍ଦ ମି ଜାଜ୍-ମାଲ୍ ଆନାଡ଼୍ ।

୧୧ \*ଇନାକିଦେଂକି ଇନେର୍ ଜାର୍-ତିଂ ଗାଜା ଇଞ୍ଜି ଚଞ୍ଜିୟାଆନାନ୍, ତାଙ୍ଗେଙ୍ଗ୍ ହାରୁ ଆନାନ୍, ଆରେ ଇନେର୍ ଜାର୍-ତିଂ ହାରୁ ଆନାନ୍, ହେଖାନିଂ ଉଚ୍ କିୟାନାଡ଼୍ ।”

୧୨ ଆରି, ଜିସୁ ନିଜେ କୁକ୍ୟାତି ଲଗାଂ ପା ଇଚାନ୍, “ଖେଡ଼ା କି ନାଣା ବଜି ହିଜି ଜାର୍ ବୟ୍ କି ଚଣ୍ଡେନ୍ କି ଖାସ୍ନିକାର୍ କି ମାଜାନ୍ ପାଡ଼୍-ହାନିକାରିଂ କୁକ୍-କି କିମାଟ୍, କାତେହିନା ହେଖାନ୍ ପା ଖାଜି ମିଙ୍ଗ୍ କୁକ୍-କି କିଦ୍-ନାର୍ ଆରି ଏପେଙ୍ଗ୍ ପ୍ରାତିପାଦ୍ ପାୟା ଆତାଦେର୍ ।

୧୩ ମାତର୍ ବଜି ଜାଲ୍ଲଦି କିତିସ୍ ଅକ୍-ଡ଼୍, ଚୁଟା, ଚଟା ଆରି କାଣାରିଂ କୁପ୍-କାଟ୍;

୧୪ ତା ଆତିସ୍ ଏପେଙ୍ଗ୍ ଦନ୍ୟ ଆନାଦେର୍, ଇନେକିଦେଂକି ମିଲୋଙ୍ଗ୍ ଆରେ ହିଦ୍-ନି କାଜିଂ ହେଖାନ୍-ତି ଇନାକା ହିଲୁଡ଼୍; ଆରେ, ଦାମ୍-ଆରେ ନିଂନି ଖେଡ଼ାଲିଂ ମିଲୋଙ୍ଗ୍ ଆରେ ହିଦ୍ୟାନାଡ଼୍ ।”

#### ର ଗାଜା ବଜିନି ଉତର୍-ମୁଡ଼୍

(ମାତିଉ ୨୨:୧-୧୦)

୧୫ ହେଦାଂ ଖେନ୍-ଞ୍ଜି ଜିସୁହୁକେ ଚିଞ୍ଜେଙ୍ଗ୍ କୁଚ୍-ଚି ମାନି ଲଗାଂ ବିତ୍ରେ ରକାନ୍ ହେଖାନିଂ ଇଚାନ୍, ଇମ୍ଫାଣି ଲଗୁ “ଇସ୍-ତ୍ ରାଜିତ ତିନାନ୍, ହେଖାନ୍ ଦନ୍ୟ ।”

୧୬ ମାତର୍ ଜିସୁ ତାଙ୍ଗେଙ୍ଗ୍ ଇଚାନ୍, “ରକାନ୍ ମାନାୟ୍ ମୁକା ସମୁତ ଗାଜାବଜି ହିଦେଂ ଇଚା କିଜି ବେସି ଜାଣ୍ଡିଂ କୁକ୍-ତାନ୍;

୧୭ ଆରେ, ତିନି ସମୁ ଏକାଖାତିଲେ, ହେଖାନ୍ କୁକ୍-ତି ଲଗାଂ ଜାର୍ ଆଡ଼ିୟାତିଂ ପକ୍ତି ଇଚାନ୍, “ଏପେଙ୍ଗ୍ ଖାଡ଼ୁ, ଇନାକିଦେଂ ଝିଜୁ ଜାଲ୍ଲଦି ଆତାତେ ।”

୧୮ ମାତର୍ ଝିଜାକାର୍ ର ମାନ୍ କିଜି କେମା ପାର୍ତ୍ତାନା କିଦେଙ୍ଗ୍ ଲାଗାତାର୍ । ପର୍ତ୍ତୁମ୍ ରକାନ୍ ତାଙ୍ଗ୍ ଇଚାନ୍, ଆନ୍ ଇଚୁଚିଂ ରୁମି କଡ଼୍-ତାଂନ୍ନା, ନାଙ୍ଗ୍ ହେଦାଂ ହୁଡ଼୍-ଦେଂ ଲାଗ୍-ଦାନାଡ଼୍; ଗଖାରି କିଦ୍-ନାଙ୍ଗା, ଆନ୍ କେମା ପାୟା ଆତାଙ୍ଗ୍-ନା ଇଞ୍ଜି ବାବି କିୟା ।”

୧୯ ଆରେ ରକାନ୍ ଇଚାନ୍, “ଆନ୍ ପାଞ୍ଚ ଆଡ଼୍-ବାଡ଼ୁଙ୍ଗ୍ କଡ଼୍-ତାଂନ୍ନା, ଆରେ ଆନ୍ ହେଖାକାଂ ପରିକ୍ୟା କିଦେଙ୍ଗ୍ ହାନାଙ୍ଗା; ଗଖାରି କିଦ୍-ନାଙ୍ଗା, ଆନ୍ କେମା ପାୟାଆତାଂନ୍ନା ଇଞ୍ଜି ବାବି କିୟା ।”

୨୦ ବିନ୍ ଲଗୁ ଇଚାନ୍, “ଆନ୍ ପୁନ୍ ବିବା ଆତାଙ୍ଗ୍-ନା, ଲାଗିଂ ହାଞ୍ଜେଙ୍ଗ୍ ଆଡ଼ୁଙ୍ଗା ।”

☆ ୧୪:୫ ମାତିଉ ୧୨:୧୧. ☆ ୧୪:୧୧ ମାତିଉ ୨୩:୧୨; ଲୁକ ୧୮:୧୪.

୨୧ ଆରେ, ହେ ଆଡ଼ିଏନ୍ ଖାଜି ହେ ମାପୁଙ୍ଗ ହେ ସବୁ ଖେର୍ଚ୍ଚାନ୍ । ହେବେଣ୍ଟା ଇଲ୍ ମୁଣିକା ରିସା ଆଜି ଜାର୍ ଆଡ଼ିଏନ୍ ଇଚାନ୍, “ବେଗି ଗାଡ଼ନ୍ ହାକଡ଼ି ଆରି ଗଲିଗନ୍ଦିତ ହାଲ୍ଲଜି ଅକର୍ଡ଼, ଚୁଟା, କାଣା ଆରି ଚଟାରି ଇବେ ତାହିଝାଡୁ ।”

୨୨ ପାଚେ ହେ, ଆଡ଼ିଏନ୍ ଇଚାନ୍, “ଏ ମାପୁ, ନି ବଲ୍ତା କିୟାଆତାଙ୍ଗନା, ଆତିସ୍ପା ଆରେ ବାହା ମାନାଡ଼ ।”

୨୩ ହେବେତା ମାପୁ ହେ ଆଡ଼ିଏନ୍ ଇଚାନ୍, “ରାଜାର ହାଜି ଆରି ଅଙ୍ଗୁର୍ ବାଡ଼୍ ମାର୍ତ ହାଲ୍ଲଜି, ନା ଇଲ୍ ଇନେସ୍ କି ପୁରା ଆନାଡ଼, ହେଦା କାଜି ମାନାୟାରି ଖାନିକାଜି ହିୟାଟ୍ ।

୨୪ ଲାଗି ଆନ୍ ମିଙ୍ଗେଙ୍ଗ ଇଞ୍ଜନାଙ୍ଗା, ହେ କୁକ୍ୟା ଆଜି ମାନି ମାନାୟାରି ପା ଇନେର୍ ନା ବଜିନି ଗୁଣ୍ ମଦୁର୍ ପାୟା ଆଉର୍ ।”

**ଚେଲା ଆଦେ ମାନାଡ଼**

(ମାଡ଼ିଉ ୧୦:୩୭-୩୮)

୨୫ ଦିନେକ୍ ବେସିହେନି ମାନାୟାର୍ ଜିସୁ ଲାହାଙ୍ଗ ହାଲ୍ଲଜି ମାଚାର୍, ଆରେ ହେଖାନ୍ ଲେଉଟା ଆଜି ହେଖାରି ଇଚାନ୍,

୨୬ “ଇନେର୍ ଜଦି ନା କଚଣ୍ ଖାଜି ଜାର୍ ଆବା, ଆୟା, ତକ୍ତି, ହିମ୍ଣା, ଟଣ୍ଡେନ୍ ଆରି ତଣ୍ଡେକା, ଇ ଲାକେ ଜାର୍ ଜିଚୁନ୍ତି ପା ଆଦିକ୍ ଖାରି କିଝିତିସ୍, ଲାଗି ହେଖାନ୍ ନା ଚେଲା ଆଦେ ଆଡୁନ୍ ।

୨୭ ଇନେର୍ ଜାର୍ତ କୁସ୍ ପିଣ୍ଡି ନା ତେଙ୍ଗ୍ ଖାଖାତାନ୍ତି, ହେଖାନ୍ ନା ଚେଲା ଆଦେ ଆଡୁନ୍ ।

୨୮ ଇନାକିଦେକି ମିଙ୍ଗେଙ୍ଗ ବିତ୍ରେ ଇନେର୍ ମାଚା ରସ୍ତେ ଇଚା କିଜି ହେଦା ଝିସ୍ପିସ୍ କିନାକା ତାରୁଙ୍ଗ୍ ସାକ୍ତି ମାନାଡ଼ କି ଆକାୟ୍, ଇଦା ପର୍ତ୍ତମ୍ କୁଚି କର୍ ଇସାବ୍ ହୁଡ଼ୁଦେର୍ ?

୨୯ ହେ ଦିନ୍ତ ହେଖାନ୍ କୁନାଦି କୁଚି କିଜି ଝିସ୍ପେଙ୍ଗ୍ ଆଡ଼ିଝିତିସ୍, ଏଚେଜାଣ୍ ହେଦା ହୁଡ଼ୁନାର୍ ଝିଜାର୍ ତାଙ୍ଗେଙ୍ଗ୍ ଗୁଇଦେ ଲାଗାନାର୍,

୩୦ ଇ ମାନାୟ୍ ରଚ୍ଚେ ଆରାମ୍ କିଜି ଝିସ୍ପେଙ୍ଗ୍ ଆଡ଼ିଝାତାନ୍ ।”

୩୧ “ମାତର୍ ଇମ୍ଣି ରାଜା ଦସହାଜାର୍ ମେଲ୍ୟାରି ଅଜି ବିନେ ରକାନ୍ ରାଜା ଲାହାଙ୍ଗ୍ ଜୁନ୍ କିଦେଙ୍ଗ୍ ହାନି ଝେଡାଲି, କଡ଼େ ହାଜାର୍ ମେଲ୍ୟାର୍ ଆସ୍ତି ବିରୁଦ୍ତ ଖାଜିମାନି ରାଜା ଲାହାଙ୍ଗ୍ ଦସ୍ ହାଜାର୍ ମେଲ୍ୟାର୍ ଅଜି ଜୁନ୍ କିଦେଙ୍ଗ୍ ଆଡ଼ିନାଦେରା କି ଆକାୟ୍, ହେଦା ପର୍ତ୍ତମ୍ କୁଚି ବିଚାର୍ କିଉର୍ ?

୩୨ ଜଦି ଆଡୁନ୍, ଲାଗି ବିନେନି ରାଜା ଦେହା ମାନୁ ମାନୁ ହେଖାନ୍ ଦୁଡ଼ ପକ୍ତି ହାସି ପାର୍ତାନା କିନାନ୍ ।

୩୩ ହେ ଲାକେ ମିଙ୍ଗେଙ୍ଗ ବିତ୍ରେ ଇନେର୍ ଜାର୍ତ ଝିଜୁ ପିହ୍ଝିତିସ୍, ହେଖାନ୍ ନା ଚେଲା ଆଦେ ଆଡୁନ୍ ।”

**ଚିନ୍ତା କିଝି ହର୍**

(ମାଡ଼ିଉ ୫:୧୩; ମାର୍କ ୯:୫୦)

୩୪ “ହର୍ତ ହାର୍; ମାତର୍ ହର୍ ପା ଜଦି ହୁଝାଦ୍ ଆଉଡ଼, ବାଟିଙ୍ଗ୍ ହେଦା ଇମେ କାର୍ଯା ଆନାଡ଼ ?

୩୫ ହେଦା ମେଦନିତ କି ଗାଡ଼ଗାଦା କାଜି ସମାନ୍ ଆକାୟ୍; ଲକୁ ହେଦା ବାର୍ତ୍ତ ତୁସି ହିନାର୍ । ଇନେର୍ ଝେଞ୍ଜେଙ୍ଗ୍ କିତୁଲ୍ ମାନାଡ଼, ହେଖାନ୍ ଝେନେନ୍ ।”

**୧୫**

**ଜାଙ୍ଗତି ମେଣ୍ଟା**

(ମାଡ଼ିଉ ୧୮:୧୨-୧୪)

୧ ଆରେ, ଦିନେକ୍ ସିସ୍ତୁନ୍ନାକାର୍ ଆରି ପାପିୟାର୍ ଝିଜାକାର୍ ହେଖାନ୍ ବଚନ୍ ଝେଞ୍ଜେଙ୍ଗ୍ କାଜି ହେଖାନ୍ ତାକେ ଖାଜି ମାଚାର୍ ।

୨ ହେବେ ପାରୁସିର୍ ଆରି ସାସ୍ତିର୍ ଗାଣ୍ଡୁ କିଜି କିଜି ଇଚାର୍, “ଇଝାନ୍ ରକାନ୍ ପାପିୟାରି ଇଚ୍ଚନାନ୍ ଆରି ହେଝାର୍ ହୁକେ ତିନାନ୍ !”

୩ ହେବେ ହେଖାନ୍ ହେଖାରି ଇ ଉତର୍ମୁଡ଼୍ ଝେର୍ଚ୍ଚାନ୍,

୪ “ମି ବିତ୍ରେ ଏପେଙ୍ଗ୍ ଇମ୍ଣି ମାନାୟ୍ ମାନାନ୍ ଜେ ହେଝାନ୍ତି ପାଞ୍ଚକଡ଼ି ମେଣ୍ଟା ମାଟିସ୍, ଆରେ ହେଝାଙ୍ଗ୍ ବିତ୍ରେ ରଞ୍ଜାଙ୍ଗ୍ ଜାଙ୍ଗତିସ୍, ଲାଗି ହେ ଏକ୍ ଉଣା ପାଞ୍ଚକଡ଼ିକାଙ୍ଗ୍ ବାଟାତ ପିସ୍ତି ହେ ଜାଙ୍ଗତି ମେଣ୍ଟା ଗାଟାଝି ପାତେକ୍ ହେଦେଲି ତେକୁନ୍ ?

୫ ଆରେ, ଗାଟାଆତିସ୍ ହେଝାନ୍ ହେଦେଲି ଖାରିତା ପିଣ୍ଡି ଇଞ୍ଜ ତାହିଝାନାନ୍,

୬ ଆରେ ଜାର୍ ସାଙ୍ଗ୍ ପାଡ଼୍ଝା ଇଞ୍ଜାକାରି ରବେରୁଣ୍ଡାୟ୍ କିଜି ହେଝାରି ଇନାନ୍, ନା ହୁକେ ଖାରି କିୟାଟ୍, ଲାଗି ନା ଜାଙ୍ଗତି ମେଣ୍ଟା ଗାଟାତାଙ୍ଗ୍ ।

☆ ୧୪:୨୭ ମାଡ଼ିଉ ୧୦:୩୮; ୧୨:୨୪; ମାର୍କ ୮:୩୪; ଲୁକ ୯:୨୩.

୭ ଆନ୍ ମିଙ୍ଗ ଇଞ୍ଜନାଙ୍ଗା, ହେ ଲାକେ ଇନେରତି ମାନ୍‌ବାଦ୍‌ଲାୟ୍ କିନି ଲଡ଼ା ଆକାୟ୍, ଏଲେଙ୍ଗ୍ ଏକଉଣା ପାଞ୍ଚକଡ଼ି ଦାମ୍ ମାନାୟାରି ପିସ୍ତି, ଇନେନ୍ ମାନ୍ ବାଦ୍‌ଲାୟ୍ କିନାନ୍, ଏଲେଙ୍ଗ୍ ରକାନ୍ ପାପ୍‌ନି କାଜିଂ ସାଗେତ ବେସି ଖାରି ଆନାଡ଼ି ।”

**ଜାଙ୍ଗତି ରୁପା ତାବୁ**

୮ “ଆଞ୍ଜିତିସ୍ ଏଲେଙ୍ଗ୍ ଇମ୍‌ଣି କଗ୍‌ଲେଲଗ୍ ମାନାଡ଼ି ଜେ, ତାଞ୍ଜି ଜଦି ଦସ୍ ରୁପା ତାବୁଙ୍ଗ୍ ମାଟିସ୍, ଆରେ ହେବେଣ୍ଟାଂ ରଞ୍ଜୁ ଜାଙ୍ଗତିସ୍, ଲାଗିଂ ହେଦେଲ୍ ବଇଟା ଆହି କିଜି ଇଲ୍ ପାପ୍‌ଡ଼ି କିଜି ଗାଟାଞ୍ଜି ପାତେକ୍ ଜତନ୍‌ତାଂ ତେକ୍‌କୂଡ଼ ?

୯ ଆରେ, ହେଦାଂ ଗାଟାଆତିସ୍ ହେଦେଲ୍ ହେ ହାଙ୍ଗ୍‌ଦାକାରିଂ ଆରି ପାଡ଼ହା ଇଞ୍ଜି ଲଗାଂ କୁକ୍‌ତି ରୁଣ୍ଡାୟ୍ କିଜି ଇନାଡ଼ି, ନା ହୁକେ ଖାରି କିୟାଟ୍, ଲାଗିଂ ଇମ୍‌ଣି ଟାକା ଜାକ୍‌ତି ମାଟାଙ୍ଗ୍, ହେଦାଂ ଗାଟାଆତାଙ୍ଗ୍ ।

୧୦ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ହେ ଲାକେ ଇନେର ମାନ୍‌ବାଦ୍‌ଲାୟ୍ କିତାର୍, ଏଲେଙ୍ଗ୍‌ବାତ୍ ପାପି କାଜିଂ ଇସ୍‌ତ୍ ଦୁଡ଼ର୍ ମୁମ୍‌ଦ ଖାୟା ଆଡୁ ।”

**ଜାଙ୍ଗତି କାଡ଼ଦେ**

୧୧ ଜିସୁ ଆରେ ଇଚାନ୍, “ରଞ୍ଜାନିଂ ରିକାର୍ ମାଜି ମାଟାର୍ ।

୧୨ ହେଞ୍ଜାର୍ ବିତ୍ତେ ହାରୁ ମାଜି ଇଚାନ୍, ଆବା, ଦାନ୍ ଇମ୍‌ଣି ବାଗ୍ ନାଦାଂ ଆନାତା, ହେଦାଂ ନାଙ୍ଗ୍ ହିଦା ।” ହେବେଣ୍ଟାଂ ହେଞ୍ଜାନ୍ ଓଜୁ ପାସ୍‌ପିସ୍ ହିତାନ୍ ।

୧୩ ଅଲପ୍ ଦିନ୍ ପାଟେ ହାରୁ କାଡ଼ଦେ ସବୁ ରବେ ରୁଣ୍ଡାୟ୍ କିଜି ରାଜି ହତାନ୍, ଆରେ ହେବେ ପାଟ୍‌କାର୍ ଆଜି ହେ ଦାନ୍ ଉପ୍‌ତାନ୍ ।

୧୪ ମାତର୍ ଓଜୁ ଉପ୍‌ତି ପାଟେ ଦେସ୍‌ତାକେ କାତାର୍ ଆତ୍ ଲେ ତା ଅବାବ୍ ଆଦେଂ ଲାଗାତାଡ଼ି ।

୧୫ ହେବେଣ୍ଟାଂ ହେଞ୍ଜାନ୍ ହାଲ୍‌ଜି ହେ ଦେସ୍‌ନି ରକାନ୍ ଲକୁତାକେ ଆହ୍‌ର ଅତାନ୍, ଆରେ ହେଞ୍ଜାନ୍ ତାଙ୍ଗ୍ ପାଞ୍ଜିଙ୍ଗ୍ ହାୟାୟ୍ କିଦେଂ ଜମିତ ପକ୍‌ତାନ୍;

୧୬ ଆରେ ପାଞ୍ଜିଙ୍ଗ୍ କାଦି ତିନ୍‌ଞ୍ଜି ମାଟିକ୍, ହେବେ ହେଞ୍ଜାନ୍ ତା ପଟ୍‌ପାଞ୍ଜି ଜିଜି ମାଟାନ୍, ମାତର୍ ଇନେର ହେଞ୍ଜାନିଂ ଇନାକା ହିଞ୍ଜାଦାଂ ମାଟାର୍ ।

୧୭ ମତର୍ ହେଞ୍ଜାନ୍ ଚେତନା ଆଜି ଇଚାନ୍, “ମାଞ୍ଜି ଆବା ତାକେ କେତେକ୍ କାମ୍‌ଲିୟାତ୍ କାଦି ହାଜ୍ ହାନାତା, ମାତର୍ ଆନ୍ ଇବେ ନାସ୍‌କି ହାନାଙ୍ଗା ।

୧୮ ଆନ୍ ନିଙ୍ଗ୍‌ଜି ନା ସାଗେନି ଆବା ଲାଗେ ହାନାଙ୍ଗ୍” ଆରି ତାଙ୍ଗ୍ ଇନାଙ୍ଗ୍, “ଆବା, ଇସ୍‌ତ୍ ବିରୁଦ୍‌ତ ଆରି ନି ନଞ୍ଜରତ ପାପ୍ କିତାଙ୍ଗ୍‌ନା;

୧୯ ନି ମାଜି ଇଞ୍ଜି କୁକ୍ୟା ଆଦେଂ ଆନ୍ ଆରେ ତର୍ ହିଲେଡ଼; ନାଙ୍ଗ୍ ମି କାମ୍‌ଲିୟାର୍ ଲାକେ ଇଡ଼ଦା ।”

୨୦ ହେବେଣ୍ଟାଂ ହେଞ୍ଜାନ୍ ନିଙ୍ଗ୍‌ଜି ନିଜେ ଲାତ୍ରାହି ତାକେ ହାଚାନ୍ ।

“ମାତର୍ ହେଞ୍ଜାନ୍ ଦେହା ମାନୁ ମାନୁ ହେ ଲାତ୍ରାହି ତାଙ୍ଗ୍ ହୁଡ଼୍‌ଜି ଦୟାତ କାର୍ମା ଆତାନ୍ ଆରି ହନ୍‌ତିହାଲ୍‌ଜି ହେଞ୍ଜାନିଂ ପମ୍‌ଜି ତନ୍‌ଚାନ୍ ।”

୨୧ କାଡ଼ଦେ ତାଙ୍ଗେଙ୍ଗ୍ ଇଚାନ୍, “ଆବା, ସାଗେନି ବିରୁଦ୍‌ତ ଆରି ନି ନଞ୍ଜରତ ଆନ୍ ପାପ୍ କିତାଙ୍ଗ୍, ନି ମାଜି ଇଞ୍ଜି କୁକ୍ୟାନି ଆନ୍ ତର୍ ଆକାୟ୍ ।”

୨୨ ମାତର୍ ଲାତ୍ରାହି ହେ ଆଡ଼ିୟାରିଂ ଇଚାନ୍, “ଓଜୁଡ଼ିଂ ହାଦ୍ ଆଙ୍ଗି ବେଗି ତାହିଞ୍ଜାଜି ଇଞ୍ଜାନିଂ ଆର୍‌ପି କିୟାଟ୍, ଇଞ୍ଜାନ୍ କେଇଦ ଖାତୁସ୍ ଆରି ପାନାତ ପାଣ୍ଡାକ୍ ହିୟାଟ୍,

୨୩ ଆରେ ଦୁମାଟି ଅହ୍‌ରି ତାସି ଅହାଟ୍; ଖାତୁ ଆସେଙ୍ଗ୍ ତିନ୍‌ଞ୍ଜି ଖାରି କିନାସ୍,

୨୪ ଇନାକିଦେଂକି ନା ଇ ହିମ୍‌ଣା ହାଜି ମାଟାନ୍, ଆରେ ଜିତାନ୍ନା, ଜାଙ୍ଗ୍‌ଜି ମାଟାନ୍, ଆରେ ଗାଟାଆତାନ୍ ।” ହେବେଣ୍ଟାଂ ହେଞ୍ଜାର୍ ଖାରି କିଦେଙ୍ଗ୍ ଲାଗାତାର୍ ।

୨୫ “ଏଚେକାଡ଼ଦ ତା ଗାଜାକାନ୍ ମେହି ତାସ୍ ବାହାତ ମାଟାନ୍ । ହେଞ୍ଜାନ୍ ଏଚେକାଡ଼ଦ ଖାଜି ଇଲ୍ ଲାଗେ ଏକାଞ୍ଜାତାନ୍, ହେଞ୍ଜାଡ଼ାଂ ବାଜା ଆରି ଏଦିନି ଗାଜାନାକା ଖେନ୍‌ଞ୍ଜି,

୨୬ ଆଡ଼ିୟାରିଂ ବିତ୍ତେ ରଞ୍ଜାନିଂ ଲାଗେ କୁକ୍‌ତି ହେ ସବୁ ଇନାକା ଇଞ୍ଜି ଖେନ୍‌ବେଦେଂ ଲାଗାତାନ୍ ।”

୨୭ ହେଞ୍ଜାନ୍ ତାଙ୍ଗେଙ୍ଗ୍ ଇଚାନ୍, “ନି ଟଣ୍ଡେନ୍ ଖାତାନ୍ନା, ଆରେ ମି ଆବା ହେଞ୍ଜାନିଂ ହାଡ଼ି ଗାଗାଡ଼୍‌ତ ଗାଟା ଆଡିଲେ ଦୁମାଟି ଅହ୍‌ରି ଅସ୍ତାନ୍ନା ।”

୨୮ ହେବେତାଂ ହେଞ୍ଜାନ୍ ରିସା ଆଜି ବିତ୍ତେ ହାଞ୍ଜେଙ୍ଗ୍ ମାନ୍ କିଞ୍ଜାତାନ୍, ମାତର୍ ହେ ଲାତ୍ରାହି ବାଡ଼ିଞ୍ଜାଜି ତାଙ୍ଗେଙ୍ଗ୍ ବେସି ଗଞ୍ଜାରି କିଦେଙ୍ଗ୍ ଲାଗାତାନ୍ ।

୨୯ ମତର୍ ହେଞ୍ଜାନ୍ ଆବାଂ ଉତର୍ ହିତାନ୍, ହୁଡ଼ା ଏଚେକ୍ ବାହୁଁ ଆତାଡ଼ ଆନ୍ ନିଙ୍ଗେଙ୍ଗ୍ ଆଡ଼ିଏନ୍ ଲାକେ କାମାୟ୍ କିଜି ଖାନାଙ୍ଗା, ଆରେ ଇନାଞ୍ଜାଡ଼ାଂ ପାନି ବଲ୍ ଉଡ଼ା ଆଞ୍ଜାତାଂନା, ଆଡିସ୍‌ପା ନା ହାଙ୍ଗ୍‌ଦାକାର୍ ହୁକେ ଖାରି କିଦେଙ୍ଗ୍ ଏନ୍ ନାଙ୍ଗେଙ୍ଗ୍ ଇନାଞ୍ଜାଡ଼ାଂପା ଅତା ହିମ୍‌ଣା ରଞ୍ଜାଙ୍ଗ୍ ହିଦ୍‌ଞ୍ଜାତାୟ୍‌ନା;

୩୦ ମାତର ନି ଇ ଇମ୍ବି କାଡ଼ଦେ ଦାରିୟାର ହୁକେ ନିନ୍ଦାଂ ଓଁଦୁ ଦାନ ତିନଞ୍ଜି ଉପ୍ରାନ୍ନା, ଏତେକାଡ଼ଦ ହେଞ୍ଜାନ ଖାତାନ, ହେ ଏତେକାଡ଼ଦ ଏନ୍ ହେଦାଂ କାଜିଂ ଦୁମା ଅହରି ଅସ୍ତାୟ ।

୩୧ ହେବେଣ୍ଡାଂ ହେଞ୍ଜାନ ତାଙ୍ଗେଙ୍ଗ୍ ଇଚାନ, “ବପାହୟ, ଏନେଙ୍ଗ୍ତ ସବୁଞ୍ଜେଡ଼ାଙ୍ଗ୍ ନା ହୁକେ ମାନାୟା, ଆରେ ଇନାକା ସବୁ ନାଦାଂ, ହେ ସବୁ ନିନ୍ଦାଂ;

୩୨ ମାତର ଇଞ୍ଜାନ ଜେ ନି ଟଣ୍ଡେନ୍ ହାଜି ମାଚାନ, ଆରେ ରଗ ଜିତାନ, ଜାଙ୍ଗ୍ଜି ମାଚାନ, ଆରେ ଗାଟାଆଡ଼ତାନ, ହେଦାଂ କାଜିଂ ବଜି ଆରି ଖାରି କିନାକା ମାଚାଡ଼ ।”

### ୧୭

#### ଚାତୁର ହଲିୟାହି

୧ ଜିସୁ ଚେଲାରିଂ ପା ଇଚାନ, “ର ମାଜାନ ମାନାୟ ମାଚାନ, ତାଙ୍ଗେଙ୍ଗ୍ ରକାନ ଗୁମୁସ୍ତା ମାଚାନ, ଆରେ ହେଞ୍ଜାନ ହେ ଦାନ କାରାପ କିନାନା ଇଞ୍ଜି ହେଦାଂ ବିସ୍ତେ ଖେନଞ୍ଜି ହେଞ୍ଜାନ ହେଞ୍ଜେନିଂ ହିରବିସ୍ ଇଚାନ,

୨ ଆନ୍ ମି ବିସ୍ତେ ଇଦାଂ କି କାତା ଖେନାଙ୍ଗା ?” ନି ଗୁମୁସ୍ତା କାମାୟ ନି ଇସାବ୍ ହିଦା ଇନେକିଦେଂ ଏନ୍ ଆରି ଗୁମୁସ୍ତା ଆଜି ମାଞ୍ଜେଙ୍ଗ୍ ଆଡୁୟ ।

୩ ହେବେତାଂ ହେ ଗୁମୁସ୍ତା ମାନେ ମାନେ ଇଚାନ, ଇନାକା କିନାଙ୍ଗ୍ ? ନା ମାପୁ ତ ନା ତାକେଣ୍ଡାଂ ଗୁମୁସ୍ତା ପାଦ୍ ପିହି କିଜି ଅନାନା । ଚିକ୍ଲା କାଦ୍ଦେଂ ନା ସାକ୍ତି ହିଲୁଡ଼, ଇସ୍ପିସ୍ ଚିଞ୍ଜେଙ୍ଗ୍ ନାଙ୍ଗେଙ୍ଗ୍ ଲାଜୁ ହଡ଼ନାତା ।

୪ ଆନ୍ ଗୁମୁସ୍ତା ପାଦ୍ତାଙ୍ଗ୍ ପିସ୍ତ୍ର ପାଚେ ଲକୁ ଇନେସ୍କି ନାଙ୍ଗେଙ୍ଗ୍ ଜାର୍ ଜାର୍ ଇଞ୍ଜି ମାନ୍କିଦ୍ନାର୍, ଇଦାଂ କାଜିଂ ଇନାକା କିନାଙ୍ଗ୍, ହେଦାଂ ବୁଜା ଆନାଙ୍ଗା ।

୫ ଆରି, ହେଞ୍ଜାନ ଜାର୍ ମାପୁତି ଓଁଜାକାରିଂ କାତକ୍ତିଂ ଲାଗେ ହିରବିସ୍ ପର୍ଡୁମ୍ ରକାନିଂ ଇଚାନ, “ମି ଜପି ନାମାପୁତି ରୁଣ୍ ଅତାୟନା ? ଏତେକ୍ ଚିକାଣ୍ ? ହେଞ୍ଜାନ ଇଚାନ, ପାଞ୍ଜକଡ଼ି ମାଣ୍ ଚିକାଣ୍ ।”

୬ ହେଞ୍ଜାନ ଇଚାନ, “ସହେ ସିପା ଚିକାଣ୍ । ବେବାର୍ କିନାକାନ ଇଚାନ, ଇଦାଂ ନି କାଗଜ୍, ଇବେ ପଚାସ୍ ଇଞ୍ଜି ଲେକିକିୟା ।

୭ ତା ପାଚେ ହେଞ୍ଜାନ ଆରେ ରକାନିଂ ଇଚାନ, ଏନ୍ ଏତେକ୍ ରୁଣ୍ ଅତାୟନା ?” ହେଞ୍ଜାନ ଇଚାନ, “ପାଞ୍ଜକଡ଼ି ମାଣ୍ ଗିଁମ୍ । ହେଞ୍ଜାନ ତାଙ୍ଗେଙ୍ଗ୍ ଇଚାନ, ମି ଲେକିକିତି କାଗଜ୍ ଆସ୍ତ୍ର ଚାରକଡ଼ି ଇଞ୍ଜି ଲେକି କିୟା ।”

୮ ହେ ଅଦାମ୍ ଗୁମୁସ୍ତା ବୁଦି ଲାହାଙ୍ଗ୍ କାମାୟ କିଜିମାନି କାଜିଂ ମାପୁ ତାଙ୍ଗେଙ୍ଗ୍ ପାର୍ତାନା କିତାନ, ଲାଗିଂ ଇ ଜୁଗ୍ନି ହିମ୍ଣାଂ ହେଞ୍ଜାର୍ ନିଜାର୍ ଜାତି ପାକ୍ୟାତ ଅଜଡ଼ନି ହିମ୍ଣାଙ୍ଗ୍ ବାଟା ଆଦିକ୍ ବୁଦିତି ।

୯ ଆନ୍ ପା ମିଙ୍ଗେଙ୍ଗ୍ ଖେଚାନାଙ୍ଗା, “ଅଦାମ୍ ଦାନ ଜାର୍ ଜାର୍ କାଜିଂ ସାଙ୍ଗ୍ ଲାବ୍ କିୟା, ଇନେସ୍ ହେଦାଂ ଓଁସ୍ତ୍ରସ୍ ହେଞ୍ଜାର୍ ମିଙ୍ଗେଙ୍ଗ୍ ଓଁଜୁଓଁ ଇଞ୍ଜି ମାନ୍ କିୟାଆନାଦେର୍ ।

୧୦ ଇନେନ୍ ଅଲପ୍ ବିସ୍ତେ ପାତ୍ କିନାକାନ, ହେଞ୍ଜାନ ଆଦିକ୍ ବିସ୍ତେ ପା ପାତ୍ ଆନାନ, ଆରେ ଇନେର୍ ଆଦିକ୍ ବିସ୍ତେ ପାତ୍ କିଞ୍ଜାକାନ ହେଞ୍ଜାନ ଆଦିକ୍ ବିସ୍ତେ ପା ପାତ୍ କିଜନ୍ ।

୧୧ ଜଦି ଏପେଙ୍ଗ୍ ଅଦାମ୍ ଦାନତ ପାତ୍ ଆଖାତାଦେର୍, ଲାଗିଂ ଇନେର୍ ମିଙ୍ଗେଙ୍ଗ୍ ପାତ୍ କିଜି ହାଡ଼ପା ଦାନ ମି କେଇଦ ସର୍ପି କିଦ୍ନାନ ?

୧୨ ଆରେ, ଜଦି ଏପେଙ୍ଗ୍ ପାଚେନି ଦାନ ବିସ୍ତେ ପାତ୍ ଆଖାତାୟନା, ଲାଗିଂ ଇନେର୍ ମିଙ୍ଗେଙ୍ଗ୍ ମି ଜାର୍ ବିସ୍ତେ ହିଦ୍ନାର୍ ?”

୧୩ “ଇମ୍ବି ଆଡ଼ିୟା ରି ମାପୁଙ୍ଗ୍ ହଲ୍ୟା ଆଦେଂ ଆଡୁନ୍; ଇନାକିଦେଂକି ହେଞ୍ଜାନ ରକାନିଂ ଗିଣ୍ କିନାନ ଆରି ବିନ୍ ଲଗାଂ ଜିଉନନାନ୍, ଲାଗିଂ ରକାନ କାଜିଂ କାର୍ମା ଆନାନ ଆରି ବିନ୍ ରକାନିଂ ଆଲ୍ଗା କିନାନ । ଏପେଙ୍ଗ୍ ଇସ୍ବର୍ ଦାନ ରିୟାର୍ଡି ଆଡ଼ିଏନ୍ ଆଦେଂ ଆଡୁନ୍ ।”

#### ଜିସୁତି କେତେକ୍ କାତା

(ମାଡ଼ିଉ ୧୧:୧୨-୧୩; ୫:୩୧-୩୨; ମାର୍କ ୧୦:୧୧-୧୨)

୧୪ ଇ କାତା ଖେନଞ୍ଜି ଦାନଲବ୍ ପାରୁସିର୍ ପା ଜିସୁଙ୍ଗ୍ ନିନ୍ଦାକିଦେଂ ଲାଗାତାର୍ ।

୧୫ ହେବେତାଂ ହେଞ୍ଜାନ ହେଞ୍ଜାରିଂ ଇଚାନ, “ଇମ୍ଣାକାର୍ ଜାର୍ ଜାର୍ଡିଂ ମାନାୟାର୍ କାଣ୍କୁକାଂ ଦାମ୍ ଇଞ୍ଜି ଚଡ଼ନାର୍, ଏପେଙ୍ଗ୍ ହେ ଲାଗ୍ଦି ମାନାୟ, ମାତର ଇସ୍ବର୍ ମିଦାଙ୍ଗ୍ ମାନ୍ ପୁନାନ୍; ଇନେକିଦେଂକି ଇନାକା ମାନାୟାର୍ ବିତ୍ରେ ଗାଜାଟି, ହେଦାଂ ମାପୁ କାଣ୍ଙାତ ଗିଣ୍ ।

୧୬ ✨ମସାତି ବିଦି ଆରେ ବେଣ୍ବାକ୍ଣାୟକିନାକାର୍ ଦରମ୍ ସାସ୍ବର୍ ଜହନ୍ ପାତେକ୍ ହସିମାଚାଡ଼ ହେ ସମୁତାଂ ସାର୍ଗେ ରାଜିନି ନେକ୍ତିକାରୁର୍ ସୁଣାୟକିଦେଂ ଆନାତା, ଆରେ ଓଁଜାର୍ ଲକ୍ ସାକ୍ତିତାଂ ହେବେ ହଣାରା ।

୧୭ ✨ ମାତର ମସାତି ବିଦିନି ର ଟପା ବୁଡ଼ାଆନି ବାଟା ମତର ବାଦାଡ଼ ଆରି ପୁତ ବୁଡ଼ାନାକା ଆଡ଼୍ଝା ।”

୧୮ ✨ “ଇନେରକି ଜାର ଡକ୍ରିଂ ପିସ୍ତି ଆରେ ରଞ୍ଜେଲିଂ ବିବା ଆନାନ୍, ହେଝାନ୍ ଦାରି କିନାନ୍; ଆରି, ଇନେର ଆଣ୍ଡେନ୍ କାଜିଂ ପିସ୍ତି ଡକ୍ରିଂ ବିବା ଆନାନ୍, ହେଝାନ୍ ଦାରି କିନାନ୍ ।”

**ରଝାନ୍ ମାଜାନ୍ ଆରି ଲାଜାର**

୧୯ “ର ମାଜାନ୍ ମାନାୟ ମାଚାନ୍, ହେଝାନ୍ ମଲ୍ଲି ହେୟା ଆପିସ୍ ବେସି ବିଝାହିଂ ଓଜୁଦିନ୍ ତିନ୍ଝି ଉଣ୍ଡି ମାଚାନ୍;

୨୦ ମାଚର ତା ଦୁଝେର କଚଣ୍ ଲାଜାର ଇଞ୍ଜି ରଝାନ୍ ବିକାରି ମାନାୟ ଗୁରଜି ମାଚାନ୍, ତା ଗାଗାଡ଼ତ ଗାଅ ବାତ ଆଜି ମାଚାଡ଼;

୨୧ ଲାଜାର ହେ ମାଜାନ୍ ମାନାୟ ଚେରୁଲ୍ତାଂ ଆରନି ଜୁଟା ତିନ୍ଝି ପଟ ପାଞ୍ଜିକିଦେଂ ଆହା କିଜି ମାଚାନ୍; ଆରେ ନିକୁଡ଼ିଂ ପା ଖାଜି ହେ ଗାଅ ଓଜୁ ନାଞ୍ଝି ମାଚିଙ୍ ।

୨୨ ଦିନେକ୍ ହେ ବିକାରି ହାତାନ୍ ଆରି ଦୁଡ଼ର କାଜିଂ ଅବ୍ରାହାମ୍ ତାକେ ତ୍ରକ୍ୟାଆତାନ୍; ପାଚେ ହେ ମାଜାନ୍ ମାନାୟ ପା ହାତାନ୍ ଆରେ ଦୁଗେରତ ମୁଟ୍ୟା ଆତାନ୍ ।

୨୩ ଆରେ, ହେଝାନ୍ ନକର୍ତ କଲ୍ ବଲ୍ ଆସ୍ତି ଜପି ହୁଡ଼ଜି ଦେହା ଅବ୍ରାହାମ୍ ଆରି ତା ତ୍ରକ୍ୟାଆତାକା ଲାଜାରତିଂ ହୁଡ଼ତାନ୍ ।

୨୪ ହେବେତାଂ ହେଝାନ୍ ହିରିବିସ୍ ଇଚାନ୍, ଏ ଆବା ଅବ୍ରାହାମ୍, ନାଞ୍ଝେକ୍ ଦୟା କିଜି ଲାଜାରତିଂ ପକ୍ତା, ଇନେସ୍ କି ହେଝାନ୍ ଏହୁଂ ତା ଖାଚକାତାଂ ଟିପ୍ କୁଡ଼କ୍ତି ନା ଖେଦୁଲ୍ତ ହିଡ଼ଡ଼ି କିଦେନ୍, ଇତିସ୍ ଆନ୍ ଇ ନାଣିତ କଲ୍ ବଲ୍ ଆନାଞ୍ଝା ।”

୨୫ ମାଚର ଅବ୍ରାହାମ୍ ଇଚାନ୍, “କାଡ଼ଦେ, ଏନ୍ ଜେ ଜିବୁନ୍ ମାନି ସମୁତ ନି ହାର ବିସ୍ତେ ଓଜୁ ପାୟା ଆତାୟ, ଆରେ ଲାଜାର ହେ ଲାକେ କାରାପ୍ ବିସ୍ତେ ଓଜୁ ଗାଟାଆତାନ୍, ଇଦାଂ ମାନେ କିୟା; ମାଚର ନଞ୍ ହେଝାନ୍ ଇ ବାହାତ ଦୁକ୍ସାରାୟ ପାୟାତାନ୍ନା, ଆରେ ଏନ୍ ନଞ୍ କଲ୍ ବଲ୍ ଆନାୟା ।

୨୬ ହେଦାଂ ପିସ୍ତି ମି ଆରି ମା ବିତ୍ତେ ବେସିଗାଜା ଦେହା ମାନାଡ଼, ଇନେସ୍ ଇମ୍ଣାକାର ଇ ବାହାତାଂ ମି ତାକେ ହାନି କାଜିଂ ମାନ୍ କିନାନ୍, ହେଝାର ହାଞ୍ଜେକ୍ ଆଡୁର, କି ଆରି ହେ ବାହାତାଂ ଇନେର ମା କଚଣ୍ ନାସି ଖାଦେକ୍ ଆଡୁର ।”

୨୭ ହେବେତାଂ ହେଝାନ୍ ଇଚାନ୍, “ଏ ଆବା ତା ଆତିସ୍ ଆନ୍ ନିଞ୍ଝେକ୍ ଗଝାରି କିଦନାଞ୍ଝା, ହେଝାନିଂ ନା ଆବା ଇଲ୍ତ ପଲ୍ଲାନାୟ,

୨୮ ଇନାକିଦେଂକି ନା ପାଞ୍ଝାଣ୍ ଟଣ୍ଡାର ମାନାଡ଼; ହେଝାର ପା ଇନେସ୍ କି ଇ ବାଦା ବାହାତ ଖାଉର, ହେଦାଂ କାଜିଂ ହେଝାନ୍ ହେଝାର କଚଣ୍ ସାକି ହିନାଦେର୍ ।”

୨୯ ମାଚର ଅବ୍ରାହାମ୍ ଇଚାନ୍, “ହେଝାର କଚଣ୍ତ ମସା ଆରି ବେଶ୍ ବାକ୍ଣାୟ କିନାକାର ଦରମ୍ ସାସ୍ତର ମାନାଡ଼, ହେଝାଦେର୍ ହେଝାର କାତା ଖେନାଡ଼ ।”

୩୦ ହେବେତାଂ ହେଝାନ୍ ଇଚାନ୍, “ଏ ଆବା ଅବ୍ରାହାମ୍, ହେଦାଂ ସାରି ଆକାୟ, ମଚର୍ ଜଦି ହାତିମାନାୟ କଚଣ୍ତାଂ ରକାନ୍ ହେଝାର କଚଣ୍ତ ହାନାନ୍, ଏଲେକ୍ତି ହେଝାର ମାନ୍ ବାଦ୍ ଲାୟ କିନାଡ଼ ।”

୩୧ ମାଚର ହେଝାନ୍ ତାଞ୍ଝେକ୍ ଇଚାନ୍, “ଜଦି ହେଝାର ମସା ଆରି ବେଶ୍ ବାକ୍ଣାୟ କିନାକାର କାତା ଖେନ୍ ଖାତାର୍ତି, ଏଲେକ୍ତି ହାତିମାନାୟତାଂ ପା ରଝାନ୍ ମୁକ୍ତା ଆଜି ହାତିସ୍ ପା ହେଝାର ପାତ କିଉର୍ ।”



**ପାପ**

(ମାତିଉ ୧୮:୭-୭; ୨୧-୨୨; ମାର୍କ ୯:୪୨)

୧ ଜିସୁ ତା ଚେଲାହିରିଙ୍ ଇଚାନ୍, ଇମ୍ଣା ସବୁ ବାଦା ହୁକେ ମାନାୟ ପାପ୍ତ ଆରନାନ୍ ହେ ଓଜୁ “ହାଡ଼ପା ଖାନାନ୍; ଜେ ଇ ସବୁନି କାରଣ୍ ଆନାଡ଼, ତା ହାରିହାରା ଦସା ବେସି ବୟଞ୍ଜାର ।

୨ ଇ ହାରୁକାର ବିତ୍ତେତାଂ ରକାନ୍ ନିଙ୍ ବାଦା ଆନି ବାଟା ଇତିସ୍ ତା ଗାଡେଲ୍ତ ର ଜାତା କାଲ୍ ଡ଼କ୍ କିଜି ହେଝାନିଂ ହାମଦୁର୍ତ୍ତ ତୁସି ହିନାକା ଇତିସ୍ ତା କାଜିଂ ହାର୍ ଆତାମ୍ ।

୩ ✨ ଲାଗିଂ, ଏପେକ୍ ଜାର ଜାର କାମାୟତ ବିସ୍ତେ ଜାଗ୍ରତ୍ ଆଜି ମାନାଡ଼ ।”

“ଜଦି ମି ଟଣ୍ଡେନ୍ ପାପ୍ କିତିସ୍, ଲାଗିଂ ହେଝାନିଂ ଗଡ଼୍ କିୟାଡ଼, ଆରେ ହେଝାନ୍ ଜଦି ମାନ୍ ବାଦ୍ ଲାୟ କିତିସ୍, ଲାଗିଂ ହେଝାନିଂ କେମା ହିୟାଡ଼ ।

୪ ପାଚେ, ଜଦି ହେଝାନ୍ ଦିନେକ୍ ବିତ୍ତେ ସାଡ଼ ହର୍ ମି ବିରୁଡ଼ତ ପାପ୍ କିତିସ୍ ଆରି ସାଡ଼ ହର୍ ମି ତାକେ ଖାଜି ଆନ୍ ମାନ୍ ବାଦ୍ ଲାୟ କିନାଞ୍ଝା ଇଞ୍ଜି ଇନାନ୍, ଲାଗିଂ ହେଝାନିଂ ଏପେକ୍ କେମା ହିୟାଡ଼ ।”

**ନି ପାତ କିନାକା ବେସି ଆଟ୍ ଖା**

୫ ହେବେଶ୍ଟାଂ ପକ୍ୟାତାକାର ମାପୁଙ୍ ଇଚାର, “ମା ପାତ ବାତାୟ କିୟା ।”

✨ ୧୭:୧୮ ମାତିଉ ୫:୩୨; ୧ କରନ୍ତିୟ ୭:୧୦,୧୧. ✨ ୧୭:୩ ମାତିଉ ୧୮:୧୫.

୭ ମାପୁ ଇଚ୍ଚାନ୍, “ଜଦି ର ହାର୍‌ହୁ ମାଞ୍ଜି ଲାକେ ମିଦାଙ୍ଗ ପାତ୍ ମାଟିସ୍, ତା ଆଡିସ୍ ଇ ତୁଡ଼ା ମାର୍‌ଦିଙ୍ଗ୍ ଏନ୍ ଦଲ୍‌ଦାଂ ଉଚ୍ଚା ଆଜି ହାମ୍‌ତୁରତ ରୁନ୍‌ୟା ଆଡ ଇଞ୍ଜି ଇଚିସ୍ ହେଦାଂ ମି ବଲ୍ ମାନିକିନାଡ଼ ।”

**ରଞ୍ଜାନ୍ ହାର୍‌ଦିହଲ୍ୟା କାମାୟ**

୭ “ମାତର୍ ମି ବିତ୍ରେ ଏଲେଙ୍ଗ୍ ମାନାୟ୍ ଇନେନ୍ ମାନାନ୍, ଇନେର୍ ଆଡିୟାଏନ୍ ଆଡ଼୍ ବୁଲାଇ କିଜି କି ମେଣ୍ଡାଂ ହାରାୟ୍ କିଜି ଖାଡିସ୍ ହେଞ୍ଜାନ୍ ତାଙ୍ଗ୍ ଇନାନ୍, ଇ ଦାପ୍ରେ ଖାଜି କୁଚ୍‌ଚି ତିନା ?”

୮ ହେଞ୍ଜାନ୍ ଇନାକା ହେଞ୍ଜାନ୍ ଇନୁନ୍, “ନା ତିନାକା ଜାଲ୍‌ଦି କିୟା, ଆରେ ଆନ୍ ତିଞ୍ଜି ଉଣ୍‌ଜି ଓହ୍‌ଓ ପାତେକ୍ ନା ହେବା କିୟା, ତା ପାଚେ ଏନ୍ ତିନାୟ୍ ଉଣାୟ୍ ?”

୯ ଆଡିୟା ବଲ୍ କାମାୟ ଇନାକା ହେଞ୍ଜାନ୍ ଜୁଞ୍ଜାର୍ କିନାନ୍ ?

୧୦ ହେ ଲାକେ ଏପେଙ୍ଗ୍‌ପା ବଚନ୍‌ତାଂ ଓହ୍‌ଜୁ କାମାୟ କିତିପାଚେ ଇନାଟ୍, “ଆପେଂ ପୁନ୍‌ଓ ଆଡିୟାକାପ୍, ଇନା କାମାୟ କିନାକା ହେଦାଂ କେବଲ୍ କିତାପନ୍ନା ।”

**ଜିସୁ ଦସଜାଣ୍ଡିଂ ଗାଜା ରଗ୍ୟାରିଂ ଉଜ୍ କିତାନ୍**

୧୧ ଜିସୁ ଜିରୁସାଲମତ ହାନିଞ୍ଜାଡାଲିଂ ସମିରଣ୍ ଆରି ଗାଲିଲି ମାଦିତିଂ ହାଲ୍‌ଜି ମାଚାନ୍ ।

୧୨ ଆରେ, ହେଞ୍ଜାନ୍ ଇମ୍‌ଣି ର ନାସ୍‌ତ ହଚାନ୍, ଦସଜାଣ୍ ଗାଜା ରଗ୍ୟାର୍ ହେଞ୍ଜାନ୍ ହୁକେ ବେଟା ଆତାର୍;

୧୩ ହେଞ୍ଜାର୍ ଦେହା ନିଲ୍‌ଚିପା ଗାଜାକାଟ୍‌ତାଂ ଇଚାଟ୍, “ଏ ଜିସୁ, ଗୁରୁ, ମା ଦୟା ହୁଡ଼ଦା ।”

୧୪ ପାଚେ ଜିସୁ ହେଞ୍ଜାରିଂ ହୁଡ଼ଜି ଇଚାନ୍, “ଏପେଙ୍ଗ୍ ହାଲ୍‌ଜି ଜାର୍ ଜାଟ୍‌ତିଂ ମାପୁହେବାକିନାକାରିଂ ଚଚାଟ୍ ।”

ଆରେ ହେଞ୍ଜାରି ହାଲ୍‌ଜୁ ହାଲ୍‌ଜୁ ସକଟ୍ ଆତାର୍ ।

୧୫ ମାତର୍ ହେଞ୍ଜାର୍ ବିତ୍ରେ ରକାନ୍ ଜାଟ୍‌ତି ଉଜ୍ ଆନାକା ହୁଡ଼ଜି ଗାଜା କାଟ୍‌ତାଂ ଇସ୍‌ବ୍ ଗୁଣ୍ କେର୍‌ଜି କେର୍‌ଜି ଲେଉଟା ଆଜି ଖାଜି.

୧୬ ଜିସୁତି କାଲ୍‌କୁ ତାରେନ୍ ଗୁରୁଜି ହେଞ୍ଜାନ୍ ଜୁଞ୍ଜାର୍ କିଦେଙ୍ଗ୍ ଲାଗାତାନ୍; ହେଞ୍ଜାନ୍ ରକାନ୍ ସମିରଣିୟନ୍ ମାନାୟ୍ ।

୧୭ ହେବେ ଜିସୁ ଉଚ୍ଚର୍ ହିତାନ୍, “ଦସଜାଣ୍ ଇନାକା ସକଟ୍ ଆଖାତାଣ୍ଡା ? ଲାଗିଂ ଆରେ ନଅଜାଣ୍ ଇମେର୍ ?

୧୮ ଲାଗିଂ ଆରେ ନଅ ଜାଣ୍ ଇମେର୍ ? ଇସ୍‌ବ୍‌ତିଂ ଜାଜ୍‌ମାଲ୍ କିନି କାଜିଂ ଇ ପାତ୍ କିଓ୍ ଜିହୁଦି ଲକ୍‌ତିଂ ପିସ୍ତି ଆରେ ଇନେର୍ ମାସ୍‌ଦି ଖାତାର୍ ?”

୧୯ ଆରେ, ଜିସୁ ହେଞ୍ଜାନ୍ ଇଚାନ୍, “ନିଙ୍ଗ୍‌ଜି ହାଲା, ନି ପାତ୍ ନିଙ୍ଗେଙ୍ଗ୍ ଉଜ୍ କିଡ଼ତାଡ଼ନ୍ନା ।”

**ଇସ୍‌ବ୍ ରାଜି ଖାନାତା**

(ମାଡିଉ ୨୪:୨୩-୨୮; ୨୮:୨୦)

୨୦ ଇସ୍‌ବ୍ ମାପୁତି ରାଜି ଇନାଖାଡାଂ ଖାନାତା, ଇ ବିସ୍ତେ ପାରୁସିର୍ ହେଞ୍ଜାନ୍ ଖେନ୍‌ବିତିଲେ ହେଞ୍ଜାନ୍ ହେଞ୍ଜାରିଂ ଉଚ୍ଚର୍ ହିତାନ୍, “ଇସ୍‌ବ୍ ରାଜି ହୁଡ଼ନାକା ଲାକେ ଖାଉଡ଼;

୨୧ ମାତର୍ ହୁଡ଼ାଟ୍, ଇବେ କି ହାବେ ଇଞ୍ଜି ମାନାୟାର୍ ଇଞ୍ଜୁର୍ ଇନାକିଦେଂକି ହୁଡ଼ାଟ୍, ଇସ୍‌ବ୍ ରାଜି ମି ବିତ୍ରେ ମାନାଡ଼ ।”

୨୨ ମାତର୍ ଜିସୁ ହେଞ୍ଜାନ୍ ଚେଲାହିରିଂ ଇଚାନ୍, “ଏଲେଙ୍ଗ୍‌ବାତ୍ ସମ୍‌ପୁ ଖାନାଡ଼, ଏଚେକାଡ଼୍‌ଦ ଏପେଙ୍ଗ୍ ମାନାୟ୍ ମାଜି ଦିନ୍‌କୁ ବିତ୍ରେ ର ଦିନ୍ ହୁଡ଼ଦେଂ ଇଚା କିନାଦେର୍, ମାତର୍ ହୁଡ଼ଦେର୍ ।”

୨୩ ହୁଡ଼ା, “ହେବେ, ହୁଡ଼ାଟ୍” ଇବେ ଇଞ୍ଜି ମାନାୟାର୍ ମିଙ୍ଗେଙ୍ଗ୍ ଇଞ୍ଜନାଟ୍, ମାତର୍ ଏପେଙ୍ଗ୍ ହାଲ୍‌ମାଟ୍ ।

୨୪ ଇନାକିଦେଂକି ବିଜ୍‌ଲି ଇଡ଼ଜି ଇନେସ୍ ବାଦାଡ଼୍‌ତ ର ପାଡ଼କାତାଂ ଆର ପାଡ଼କା ପାତେକ୍ ଅଜଡ଼୍ ହିନାଡ଼, “ମାନାୟ୍ ମାଜି ହେ ଦିନ୍ତ ହେ ଲାକେ ଚଞ୍ଜାୟାନ୍ନାନ୍ ।

୨୫ ମାତର୍ ପର୍ତୁମ୍ ହେଞ୍ଜାନ୍ ବେସି ଦୁକ୍‌ବଗି କିନାନ୍ ଆରି ଇ ଜୁଗ୍‌ତ ଲକୁ ତାଙ୍ଗ୍ ମୁନାକିନାଟ୍ ।

୨୬ ଆରେ, ନହ୍ ଖେଡାଲିଂ ଇନେସ୍ ଗିଟା ଆଜି ମାଚାଡ଼, ମାନାୟ୍ ମାଜି ଖେଡାଲିଂ ପା ହେ ଲାକେ ଗିଟା ଆନାଡ଼;

୨୭ ଜାଜ୍‌ତ ନହ୍‌ତି ହଣି ଖେଡାଲିଙ୍ଗ୍ ଦିନ୍ ପାତେକ୍ ମାନାୟାର୍ ଚିନ୍‌ଜିଉଣ୍‌ଜି ଆରି ବିବା ଆନାକା ଆରି ବିବା ଆଦେଂ ଲୟା ମାଚାଟ୍ କେ, କୁକ୍‌ନାକା ଖାଜି ଓହ୍‌ଜାକାରିଂ ନାସ୍ କିତାଡ଼ ।”

୨୮ ଲଟ ଖେଡାଲିଂ ପା ହେ ଲାକେ ଗିଟା ଆଜି ମାଚାଡ଼, ଲକୁ ତିନାଉଣାକା, କଡ଼ନାକା ପ୍ରନାକା, ମାର୍‌କୁ ରୁଜ୍‌ନାକା, ଆରି ଇଲ୍ ରଚ୍‌ଚେଂ ଲୟା ଆଜି ମାଚାଟ୍,

୨୯ ମାତର୍ ଲଟ ସଦମ୍‌ତାଂ ହସି ହାନି ଦିନ୍ ସାଚେତାଂ ନାଣି ଆରି ଗନ୍‌କ୍ ବାହା ଆଜି ଓହ୍‌ଜାକାରିଂ ନାସ୍‌କିତାଡ଼ ।

୩୦ ମାନାୟ୍ ମାଜି ଚଞ୍ଜାୟାଆନି ଦିନ୍ ହେ ଲାକେ ଗିଟା ଆନାଡ଼ ।

୩୧ ☆“ହେ ଦିନ୍ ଜେ ଇନେର୍ ଜେଗନ୍ ଜପି ମାଟିସ୍, ହେଞ୍ଜାନ୍ ଇଲ୍ ବିତ୍ରେ ମାନି ଜାଟ୍ ଆଡ଼୍‌ମାଡ଼୍‌ଅନି କାଜିଂ ଜୁଜି ଖାମେନ୍; ହେ ଲାକେ ଜେ ବୁଇଁତାକେ ମାଟିସ୍, ହେଞ୍ଜାନ୍ ଲେଉଟି ଆଜି ହାଲ୍‌ମେନ୍ ।

☆ ୧୭:୩୧ ମାଡିଉ ୨୪:୧୭,୧୮; ମାର୍କ ୧୩:୧୫,୧୬.

୩୨ ଲଟତି ଡକ୍ରି କାତା ଏତୁ କିୟାଟ୍ ।  
 ୩୩ \*ଇନେର୍ ଜାର୍ ଜିବୁନ୍ ବାଟାୟ୍ କିଦେଙ୍ଗ୍ ସେସ୍ତୁ କିନାନ୍, ହେଝାନ୍ ହେଦାଂ ଆରାୟ୍ କିନାନ୍, ଆରେ ଇନେର୍ ଜାର୍ ଜିବୁନ୍ ଆରାୟ୍ କିନାନ୍, ହେଝାନ୍ ହେଦାଂ ବାଟାୟ୍ କିନାନ୍ ।  
 ୩୪ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ହେ ନାଣା ରିକାର୍ ର ଚାଟିତ ମାନ୍ଙ୍ଗାନାର୍, ରକାନିଂ ଇଟିୟା ଆନାତ୍ ଆରି ବିନ୍ ଲଗାଂ ପିହ୍‌ୟା ଆନାତ୍ ।  
 ୩୫ ରିଣ୍ଡେକ୍ କଗଲେକ୍ ର ଜାତାତ ନୁସ୍‌ଦି ମାନିକ୍, ରଞ୍ଜିଲିଂ ଇଟିୟା ଆନାତ୍ ଆରି ରଞ୍ଜିଲିଂ ପିହ୍‌ୟାନାତ୍ ।  
 ୩୬ ରିକାର୍ ଜମିତାକେ ମାଟିସ୍, ରକାନିଂ ଇଟିୟା ଆନାତ୍ ଆରି ରକାନିଂ ପିହ୍‌ୟାନାତ୍ ।”  
 ୩୭ ହେବେଣ୍ଡାଂ ଚେଲାର୍ ହେଝାନିଂ ଉତର୍ ହିତାର୍, “ଏ ମାପୁ, ଇମେତାକେ ?”  
 ଜିସୁ ହେଝାରିଂ ଇଚାନ୍, “ଇମେତାକେ ମାଡା, ହେବେ ରାମାଣିଙ୍ଗ୍ ପା ରୁଣ୍ଡା ଆନିକ୍ ।”

### ୧୮

#### ରାଣ୍ଡି ଆରି ବିଚାର୍ କିନାକାନ୍ତି କାତା

୧ ଝାହ୍‌ଝାଦାଂ ତାୟ୍‌ନାତ୍ ପାର୍ତାନା କିନାକା ଜେ ମାନାତ୍, ଇ ବିସ୍ତେ ହେଝାନ୍ ହେଝାରିଂ ଉତର୍‌ମୁଡ୍ ହିଜି ଇଚାନ୍,  
 ୨ “ର ଗାଡ୍‌ଦ ରଝାନ୍ ବିଚାର୍‌କିନାକାନ୍ ମାଚାନ୍, ହେଝାନ୍ ଇସ୍‌ବୁଟିଂ ପାଣ୍ଡା ଆଝାଦାଂ ମାଚାନ୍ କି ମାନାୟ୍‌ତିଂ ମାନିକିଝାଦାଂ ମାଚାନ୍ ।  
 ୩ ହେ ଗାଡ୍‌ଦ ରଞ୍ଜେଲ୍ ରାଣ୍ଡି ମାଚାତ୍, ହେଦେଲ୍ ଚାନେକ୍ ଚାନେକ୍ ହେଝାନ୍ ତାକେ ହାଲ୍‌ଜି ଇଞ୍ଜି ମାଚାତ୍, ନା ଅନ୍ୟାୟ୍‌ରିଂ ବିଚାର୍ କିୟା ।”  
 ୪ ଆରେ, ହେଝାନ୍ ଏଚେକ୍ ଝେଡାପାତେକ୍ ରାଜି ଆଝାଦାଂ ମାଚାନ୍, ମାତର୍ ପାଚେ ହେଝାନ୍ ମାନେ ମାନେ ଇଚାନ୍, ଆତିସ୍‌ପା “ଆନ୍ ଇସ୍‌ବୁଟିଂ ପାଣ୍ଡା ଆଉଙ୍ଗ୍ କି ମାନ୍‌ୟାରିଂ ମାନି କିଉଙ୍ଗ୍,  
 ୫ ଆତିସ୍‌ପା ଇ ରାଣ୍ଡି କଗଲେ ନାଙ୍ଗେଙ୍ଗ୍ କସ୍ ହିଦ୍‌ନି କାଜିଂ ଆନ୍ ହେଦାଂ କାଜିଂ କିତି ଅନ୍ୟାୟ୍ ସବୁ ବିଚାର୍ କିନାଙ୍ଗ୍, ନଲେ ହେଦେଲ୍ ସବୁଝେଡାଙ୍ଗ୍ ଝାଜି ନାଙ୍ଗ୍ ତାୟା କିଦ୍‌ନାତ୍ ।”  
 ୬ ହେବେଣ୍ଡାଂ ମାପୁ ଇଚାନ୍, “ଇ ଅଦାମ୍ ବିଚାର୍‌କିନାକାନ୍ ଇନାକା ଇନାନ୍ନା, ହେଦାଂ ଝେନା ।  
 ୭ ଲାଗିଂ ଇସ୍‌ବୁଟିଂ ଇମ୍‌ଣି ବାଟିକିତି ଲକାର୍ ଝେଡା ନାଣା ହେଝାନିଂ କୁକ୍‌ତି ମାନାର୍, ହେଝାନ୍ କି ହେଝାର୍ କିତି କାମାୟ୍ ଅନ୍ୟାୟ୍ ବିଚାର୍ କିଉନ୍ ଆତିସ୍‌ପା ହେଝାନ୍ ହେଝାର୍ ସତୁରୁର୍ କାଜିଂ ବେସି ଦାମ୍ ଆନାନ୍ ?  
 ୮ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ହେଝାନ୍ ବେଗି ହେଝାର୍ କିତି କାମାୟ୍ ଅନ୍ୟାୟ୍ ବିଚାର୍ କିନାନ୍ । ମାତର୍ ମାନାୟ୍ ମାଜି ଝାଜି ପୁତ୍ ତ ଇନାକା ପାତ୍ ହୁଡ୍‌ନାନ୍ ?”

#### ପାରୁସିର୍ ଆରି ଏନ୍‌ନାକାର୍ ଉତର୍‌ମୁଡ୍

୯ ଜାର୍ ଜାର୍‌ତିଂ ଦାମ୍ ମାନେ କିଜି ଆଲ୍‌ଗା ଝିଜାକାରିଂ ଲାଜ୍‌କୁଇ କିନାକାର୍ କେତେକ୍ ଜିବୁନ୍‌ତ ପାତ୍ ଲଗାଂ ଜିସୁ ଇ ଉତର୍‌ମୁଡ୍ ପା ଝେଚାନ୍,  
 ୧୦ “ରିକାର୍ ମାନାୟ୍ ପାର୍ତାନା କିନି କାଜିଂ ମନ୍‌ରତ୍ ହାଚାର୍, ରକାନ୍ ପାରୁସି ଆରି ଆରେ ରକାନ୍ ସିସ୍ତୁ ଏନ୍‌ନାକାନ୍ ।  
 ୧୧ ପାରୁସି ନିଲ୍‌ଟିପା ଜାର୍ ଲାଗେ ଇ ଲାକେ ପାର୍ତାନା କିଦେଙ୍ଗ୍ ଲାଗାତାନ୍, ଏ ଇସ୍‌ବୁ, ଆନ୍ ନିଙ୍ଗେଙ୍ଗ୍ ଜୁଝାର୍ ହିଦ୍‌ନାଙ୍ଗା ଜେ ଆନ୍ ବିନ୍ ଲକୁଲାକେ ପାଣ୍ଡୁକିନାକାଙ୍ଗ୍, ଅଦାମ୍, ନାଙ୍ଗ୍‌ରା କି ଇ ସିସ୍ତୁ ଏନ୍‌ନାକାନ୍ ଲାକେ ପା ଆକାୟ୍;  
 ୧୨ ଆନ୍ ରଇବାର୍ ଦିନ୍‌ତିଂ ରିହା ଉପାସ୍ କିନାଙ୍ଗା ଆରି ନା ଝିଜୁ କମାୟ୍‌କିତି ଦାନ୍ ଦସ୍ ବାଗ୍ ଦାନ୍ ହିନାଙ୍ଗା”  
 ୧୩ ମାତର୍ ସିସ୍ତୁ ଏନ୍‌ନାକାନ୍ ଦେହା ନିଲ୍‌ଟି ସାଗେସ୍ତୁ ହୁଡ୍‌ଦେଂ ପା ସାସ୍ କିଝାତାନ୍, ମାତର୍ ତା ନେଞ୍ଜେଡାକିତ ଇଡ୍‌ୟା ଆଜି ଇଞ୍ଜେଙ୍ଗ୍ ଲାଗାତାନ୍, “ଏ ଇସ୍‌ବୁ, ଆନ୍ ପାପି, ନାଙ୍ଗେଙ୍ଗ୍ ଦୟା କିଦା ।”  
 ୧୪ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ହେଝାନ୍ ପାରୁସି ଆକାୟ୍ ମାତର୍ ହେ ସିସ୍ତୁ ଏନ୍‌ନାକାନ୍ ଦାମ୍ ଆଜି ଜାର୍ ଇଞ୍ଜ ହାଚାନ୍; ଇନାକିଦେଂକି ଇନେର୍ ଜାର୍‌ତିଂ ଜପି ଇଞ୍ଜି ଚଞ୍ଜା ଆନାନ୍, ହେଝାନିଂ ତାରେନ୍ କିୟା ଆନାତ୍, ମାତର୍ ଜେ ଜାର୍‌ତିଂ ତାରେନ୍ କିନାନ୍, ହେଝାନିଂ ଉଚ୍ କିୟା ଆନାତ୍ ।

#### ଜିସୁ ହିମ୍‌ଣାକାଂ ଆସିର୍ବାଦ୍ କିତାନ୍

(ମାତିଉ ୧୯:୧୩-୧୫; ମାର୍କ ୧୦:୧୩-୧୬)

୧୫ ଜିସୁ ଇନେସ୍ ହିମ୍‌ଣାକାଂ ତୁନାନ୍, ଇଦାଂ କାଜିଂ ଲକୁ ହେଝାରିଂ ପା ହେଝାନ୍ ତାକେ ତାଡେଙ୍ଗ୍ ଲାଗାତାର୍, ମାତର୍ ଚେଲାର୍ ହେଦାଂ ହୁଡ୍‌ଜି ହେଝାରିଂ ଦାକା ହିଦେଂ ଲାଗାତାର୍ ।  
 ୧୬ ମାତର୍ ଜିସୁ ହେଝାରିଂ ଜାର୍ ଲାଗାଂ କୁକ୍‌ତି ଇଚାନ୍, ହିମ୍‌ଣାକାଂ ନା କଚଣ୍ଡତ ଝାଦେଙ୍ଗ୍ ହିଆଟ୍, ଆରେ ହେଝାରିଂ ମୁନା କିମାଟ୍, ଇନାକିଦେଂକି ମାପୁତି ରାଜି ଏଲେଙ୍ଗ୍‌ବାତ୍ ହିମ୍‌ଣାଂ ।

\* ୧୭:୩୩ ମାତିଉ ୧୦:୩୯; ୧୭:୨୫; ମାର୍କ ୮:୩୫; ଲୁକ ୯:୨୪; ଜହନ୍ ୧୨:୨୫.



୧୭ ଆନ୍ ମିଙ୍ଗେଇଁ ହାତ୍‌ପା ଇଞ୍ଜନାଙ୍ଗା, “ଇନେର୍ ହିମ୍‌ଣା ଲାକେ ଇସ୍‌ତର୍ ରାଜି ଇଟ୍‌ଓତିସ୍, ହେଞ୍ଜାନ୍ ଇନେସ୍ କିଜିପା ହେବେ ହଣ୍ଡେଇଁ ଆଡୁନ୍ ।”

**ରକାନ୍ ମାଜାନ୍ ମାନାୟ**

(ମାତିଉ ୧୯:୧୭-୩୦; ମାର୍କ ୧୦:୧୭-୩୧)

୧୮ ରଞ୍ଜାନ୍ ଜିହୁଦି ନେତା ଜିସୁଇଁ ଖେନ୍‌ବାତାନ୍, “ଏ ସତ୍ ଗୁରୁ, ଓଁଜ୍‌ଓଁ ଜିବୁନ୍ ପାୟାନ୍ କାଜି ଆନ୍ ଇନାକା କିନାଙ୍ଗ୍ ?”

୧୯ “ହେବେଣ୍ଡାଁ ଜିସୁ ତାଙ୍ଗେଇଁ ଇଚାନ୍, ନାଙ୍ଗେଇଁ ସତ୍ ଇଞ୍ଜି ଇନେକିଦେଁ ଇଞ୍ଜନାୟା ? ରକାନ୍ ପିସ୍ତି, ଇଚିସ୍, ଇସ୍‌ସ୍‌ରତିଁ ପିସ୍ତି ଅଲ୍‌ଗା ଇନେର୍ ପା ହାର୍ ଆକାୟ ।

୨୦ ବଲ୍‌କୁତ ଏପେଇଁ ପୁଚାଦେଣ୍ଡା, ଦାରି କିମାଟ୍, ନାର୍ ଅହ୍‌ମାଟ୍, ଚର୍ କିମାଟ୍, ମିଟ୍‌ସାକି ହିମାଟ୍, ଜାର୍ ଆବା ଆୟାକାଁ ଜିଉନଞ୍ଜାଟ୍ ।”

୨୧ ହେଞ୍ଜାନ୍ ଇଚାନ୍, “ଇଦାଁ ଓଁଜୁ ଆନ୍ ବେଣ୍ଡିୟା ଖେଡାତାଁ ମାନିକିଜି ଖାନାଙ୍ଗା ।”

୨୨ ଜିସୁ ଇଦାଁ ଖେନ୍‌ଞ୍ଜି ତାଙ୍ଗେଇଁ ଇଚାନ୍, “ନିନ୍ଦାଁ ଆରେ ରଞ୍ଜାଙ୍ଗ୍ ବିସ୍ତେ ଅଲପ୍ ମାନାଟ୍; ଏନ୍ ଜାଟି ଓଁଜୁ ପ୍ରସି ହିଲ୍‌ଖାକାରିଁ ଦାନ୍ ବାଟାକିଜି ହିଆ, ଆରେ ଏନ୍ ସାଗେତାଁ ଦାନ୍ ପାୟା ଆନାୟ; ପାଚେ, ଖାଜି ନା ପାଚେ ପାଚେ ଖା ।”

୨୩ ମାତର୍ ହେଞ୍ଜାନ୍ ଇ ଓଁଜୁ କାତା ଖେନ୍‌ଞ୍ଜି ବେସି ଦୁକ୍‌କିତାନ୍, ଇନାକିଦେଁକି ହେଞ୍ଜାନ୍ ବେସି ମାଜାନ୍ ମାଚାନ୍ ।

୨୪ ହେବେତାଁ ହେଦେଲ୍ ଦୁକ୍‌ଆନାକା ହୁଡ୍‌ଜି ଜିସୁ ତାଙ୍ଗେଇଁ ଇଚାନ୍, “ଇନେର୍ତି ଦାନ୍ ମାନାଟ୍, ହେଞ୍ଜାର୍ କେଡେ କସ୍‌ତାଁ ମାପୁ ରାଜିତ ହଣାଟ୍ ।

୨୫ ଇନାକିଦେଁକି ଇସ୍‌ସ୍ ରାଜିତ ଦନିଲଗୁ ହଣିବାଟା ହୁଜାନି କାଣାତିଁ ଉଟ୍ ହଣାକା ଆଡ୍‌ଞ୍ଜା ।”

୨୬ ଇନେର୍ ଇ କାତା ଖେଚାଟ୍, ହେଞ୍ଜାର୍ ଇଚାଟ୍, “ଲାଗିଁ ଇନେର୍ ମୁଲ୍ଟି ପାୟା ଆଦେଁ ଆଡ୍‌ନାଟ୍ ?”

୨୭ ମାତର୍ ହେଞ୍ଜାନ୍ ହୁଡ୍‌ଜି ଇଚାନ୍, “ଇନାକା ମାନାୟତାକେ ଆଉଟ୍, ହେଦାଁ ଇସ୍‌ସ୍ ତାକେ ଆନାଟ୍ ।”

୨୮ ହେବେଣ୍ଡାଁ ପିଚର୍ ଇଚାନ୍, “ହୁଡ୍‌ଆପେଇଁ ଜାଟ୍ ଜାଟି ଓଁଜୁ ପିସ୍ତିପା ନି ପାଚେ ପାଚେ ଖାନାପା ।”

୨୯ ଜିସୁ ହେଞ୍ଜେରିଁ ଇଚାନ୍, “ଆନ୍ ମିଙ୍ଗେଇଁ ହାତ୍‌ପା ଖେନ୍‌ନାଙ୍ଗା, ଇମ୍‌ଣି ମାନାୟ ମାପୁ ରାଜି କାଜିଁ ଇଲ୍ କି ଡକ୍ତି ଗଣ୍ଡେନ୍ ଆବା ଆୟା ! ହିମ୍‌ଣାଞ୍ଜାକ୍‌ଡା ପିସ୍ତାଣ୍ଡା,

୩୦ ହେଞ୍ଜାର୍ ଇ କାଡ୍‌ଦ ବେସିଗୁଣ୍ ଆରି ପାଚେନି କାଡ୍‌ଦ ଓଁଜ୍‌ଓଁ ଜିବୁନ୍ ପାୟା ଆଉନ୍, ଏଲେଇଁବାତର୍ ମାନାୟ ଇନେର୍ ହିଲୁଟ୍ ।”

**ଜିସୁ ତିନିହଟ୍ ହାନିକାତା ଇଚାନ୍**

(ମାତିଉ ୨୦:୧୭-୧୯; ମାର୍କ ୧୦:୩୨-୩୪)

୩୧ ପାଚେ ହେଞ୍ଜାନ୍ ବାରଜାଣ୍ଡିଁ ବିନେ କିଜି ହେଞ୍ଜାରିଁ ଇଚାନ୍, “ହୁଡ୍‌ଆର୍ ଆସେଇଁ ଜିରୁସାଲମ୍‌ତ ହାନାସା, ଆରେ ବେଣ୍‌ବାକ୍‌ଶାୟକିନାଟ୍ ମାନାୟ ମାଜି ବିଡ୍‌ତେ ଇମ୍‌ଣି ଓଁଜୁ ବିସ୍ତେ ଲେକା ମାନାଟ୍, ହେ ଓଁଜୁ ଜିତାଆନାନ୍;

୩୨ ଇନାକିଦେଁକି ଜିସୁ ପାଚର୍ କିଞ୍ଜି ଜିହୁଦିର୍ କେଇଦ୍ ହିୟାଆନାନ୍, ଆରେ ହେଞ୍ଜାର୍ ତାଙ୍ଗେଇଁ ଲାଜକୁଇ କିନାଟ୍, ହେଞ୍ଜାନ୍ ଗ୍ରେଟ୍‌ନାଟ୍ ହେଞ୍ଜାନ୍ ଜପି ତୁପ୍‌ନାଟ୍ ।

୩୩ ହେଞ୍ଜେନିଁ କର୍ତା ଡିଜି ଅହ୍‌ନାଟ୍, ଆରେ ତିନ୍‌ଦିନ୍ ପାଚେ ଆରେ ନିଁନାନ୍ ।”

୩୪ ମାତର୍ ହେଞ୍ଜାର୍ ଇ ଓଁଜୁ ବିସ୍ତେ ଅଲପ୍‌ପା ବୁଜାଆଞ୍ଜାଟାଟ୍, ଇ କାତା ହେଞ୍ଜାଟାଁ ଡଗୁଜି ମାଚାଟ୍, ଆରି ଇନା ଇନାକା ଇଞ୍ଜି ମାଚାନ୍, ହେ ଓଁଜୁ ହେଞ୍ଜାଟ୍ ବୁଜାଆଞ୍ଜାଦାଁ ମାଚାଟ୍ ।

**ଜିସୁ ର କାଣାଙ୍ଗ୍ ଉଜ୍ କିତାନ୍**

(ମାତିଉ ୨୦:୨୯-୩୪; ମାର୍କ ୧୦:୪୬-୫୨)

୩୫ ଜିସୁ ଜିରିହନି ଲାଗେ ଆନି ସମୁତ ର କାଣା ହାଜି ଗୁଟିତ କୁଟି ବିକ୍ୟା ଏନ୍‌ତି ମାଚାନ୍ ।

୩୬ ହେଞ୍ଜାନ୍ ମାନାୟ ହାନିହିଁ ଆଲି ଖେନ୍‌ଞ୍ଜି କାତା “ଇନାକା ଇଞ୍ଜି ଖେନ୍‌ବେଦେଁ ଲାଗାତାନ୍ ?”

୩୭ ହେଞ୍ଜାଟ୍ ତାଙ୍ଗେଇଁ ଇଚାଟ୍, “ନାଜରିତିୟ ଜିସୁ ଇ ହାଜି ହିଜି ହାନାନ୍ନା ।”

୩୮ ହେବେଣ୍ଡାଁ କାଣା ଗାଜା କାଟ୍‌ତାଁ ଇଚାନ୍, “ଏ ଜିସୁ ଦାଉଦ୍ ମାଜି, ନାଙ୍ଗେଇଁ ଦୟା କିଦା ।”

୩୯ ମତର୍ ଆଗେ ହାଲ୍‌ଜି ମାଚି ମାନାୟାଟ୍ ହେଞ୍ଜାନ୍ ଚିମ୍‌ରା ଆଦେଁ ଦାକା କିଦେଇଁ ଲାଗାତାଟ୍, ମତର୍ ହେଞ୍ଜାନ୍ ଆଦିକ୍ ଗାଜା କାଟ୍‌ତାଁ ଇଞ୍ଜେଇଁ ଲାଗାତାନ୍, “ଏ ଦାଉଦ୍‌ତି ମାଜି, ନାଙ୍ଗେଇଁ ଦୟା କିଦା ।”

୪୦ ହେବେତାଁ ଜିସୁ ନିଲ୍‌ଚି ହେଞ୍ଜାନ୍ ତା ଲାଗେ ତାଡେଇଁ ବଲ୍ ହିତାନ୍; ଆରେ, ହେଞ୍ଜାନ୍ ଲାଗାଁ ଏକିତିଲେ, “ହେଞ୍ଜାନ୍ ତାଙ୍ଗେଇଁ ଖେନ୍‌ବାତାନ୍,”

୪୧ “ଆନ୍ ନି କାଜିଁ ଇନାକା କିନାଙ୍ଗ୍ ଇଞ୍ଜି ଏନ୍ ଇଚା କିନାୟା ?”

ହେଞ୍ଜାନ୍ ଇଚାନ୍, “ଏ ମାପୁ ଆନ୍ ଇନେସ୍‌କି ଆରେ କାଣ୍‌କୁ ହୁଡ୍‌ନାଁ ।”

୪୨ ଜିସୁ ତାଙ୍ଗେଇଁ ଇଚାନ୍, “କାଣ୍‌କୁ ହୁଡ୍‌ନା; ନି ପାଚର୍ କିନାକା ନିଙ୍ଗେଇଁ ଉଜ୍ କିଡ୍‌ତାଡ୍‌ନା ।”

୪୩ ହେ ଦାସ୍ତେ ହେୱାନ ହୁଡ଼ଜି ଇସ୍ତର୍ କେରକଣ୍ କିଉ କିଉ ଜିସୁ ପାଚେ ପାଚେ ହାଞ୍ଜେଇଁ ଲାଗାତାନ ଆରି ଲକୁ ଝିଜାକାର ହେଦା ହୁଡ଼ଜି ଇସ୍ତର୍ତି ପାର୍ତାନା କିତାର ।

### ୧୯

#### ଜିସୁ ଆରି ଜକିୟ

୧ ପାଚେ ଜିସୁ ଜିରିହତ ହଣ୍ଡିପା ହେଦେଲିଂ ଆଜି ହାଲଜି ମାଚାର ।

୨ ଆରି ହୁଡ଼ାଟ୍, ଜକିୟ ତରନି ରକାନ ମାନାୟ ମାଚାନ, ହେୱାନ ରକାନ ମୁଡ଼ଦାକାନ ସିସୁଧୁନାକାନ ଆରି ମାଜାନ ମାନାୟ ।

୩ ଜିସୁ ଇନେନ୍, ହେଦା ହୁଡ଼ଦେ ହେୱାନ ସେସ୍ତା କିଜି ମାଚାନ, ମାତର୍ ଲକୁ ଗହଲି କାଜି ହୁଡ଼ଦେ ଆଡ଼ୱାଦା ମାଚାନ, ଇନାକିଦେକି ହେୱାନ କୁଜା ମାଚାନ ।

୪ ଲାଗି ହେୱାନ ମାନାୟ ଆଗେ ହସ୍ତି ହାଲଜି ହେୱାନି ହୁଡ଼ନି କାଜି ର ତଗାମାରତ ଦୁମ୍ତାନ, ଇନାକିଦେକି ହେ ହାଜି ହିଜି ଜିସୁ ହାନାକା ମାଚାତ ।

୫ ଜିସୁ ହେ ବାହାତ ୱାଜି ଜପି ହୁଡ଼ଜି ହେୱାନି ଇଚାନ, “ଜକିୟ ବେଗି ଜୁଜି ୱା, ଇନାକିଦେକି ନେଞ୍ଜେଇଁ ନାଞ୍ଜେଇଁ ମିଞ୍ଜ ହାତପା ମାଞ୍ଜେଇଁ ଲାଗଦାନାତ ।”

୬ ହେବେତା ହେୱାନ ବେଗି ଜୁଜି ୱାଜି ୱାରିତା ଜିସୁଇଁ ହେବା କିତାନ ।

୭ ହେଦା ହୁଡ଼ଜି ଝିଜାକାର ଗାଣ୍ଡୁ କିଜି ଇଞ୍ଜେଇଁ ଲାଗାତାର, “ହେୱାନ ପାପିୟାର ଇଞ୍ଜ ମାଞ୍ଜେଇଁ ହାନାନା ।”

୮ ମାତର୍ ଜକିୟ ନିଲ୍ଡିପା ମାପୁଇଁ ଇଚାନ, ଏ ମାପୁ, ହୁଡ଼ା, “ନା ଦାନତା ଆନ୍ ଆଦା ହିଲ୍ଡାକାରି ଦାନ୍ ହିନାଜା, ଆରି ଜପି ଅନାୟତା ଇନେରତା ଅଲପ୍ ଅଜି ମାଚିସ୍, ଲାଗି ଚାରିଗୁଣ୍ଡାତା ହେଦା ଲେଉଟାୟ କିନାଜା ।”

୯ ହେବେଣ୍ଡା ଜିସୁ ହେୱାନ ବିସ୍ତେ ଇଚାନ, “ନେଞ୍ଜେଇଁ ଇ ଇଞ୍ଜ ମୁଲ୍ଡିକିନାକା ଏକାଞ୍ଜାତାଦନା, ଲାଗି ଇଞ୍ଜାଦପା ଅବ୍ରାହାମ୍ତି ରକାନ ମାଜି;

୧୦ \*ଇନାକିଦେକି ଇନାକା ଜାଞ୍ଜାତାଦନା ହେଦା ତେକ୍ତେ ରାକ୍ୟା କିଦେଇଁ ମାନାୟ ମାଜି ୱାତାନ୍ନା ।”

#### ହନା ଟାକାନ୍ କାତା (ମାତିଉ ୨୫:୧୪-୩୦)

୧୧ ଲକୁ ଇ ଉତ୍ତରମୁଡ଼ ଝିଜୁ ୱେନି ୱେଡାଲିଂ ହେୱାନ ଆରି ରଞ୍ଜାଞ୍ଜ କାତା ଇଚାନ, ଇନାକିଦେକି ହେୱାନ ଜିରୁସାଲମ୍ନି ଲାଗେ ଆଜି ମାଚାନ ଆରି ଇସ୍ତର୍ତି ରାଜି ବେଗି ମେଜିୟା ଆନାତ୍ ଇଞ୍ଜ ହେୱାର ବାବିକିଜି ମାଚାର ।

୧୨ ଲାଗି ହେୱାନ ଇଚାନ, “ରକାନ ଗାଜାକାନ ମାନାୟ ଜାର ରାଜି କାଜି ରାଜା ପାଦ୍ ପାୟା ଆଜି ଲେଉଟା ଆଦେ କାଜି ଦେହା ଦେସ୍ତ ହାଚାନ ।

୧୩ ହେୱାନ ତା ଦସ୍ ଜାଣ୍ ଆଡ଼ିୟାରି କୁକ୍ତି ହେୱାରି ଦସ୍ଗଟା ଡାରୁଇଁ ହିଜି ଇଚାନ, ଆନ୍ ୱାନି ପାଚେକ୍ ବେପାର୍ କିୟାଟ୍ ।”

୧୪ ମାତର୍ ହେୱାକ୍ତି ଦେସ୍ନିକାର ହେୱାନି ଗିଣ୍ କିଜି ମାଚାର, ଆରି ହେୱାର ହେୱାନ ପାଚେ ଦୁଡ଼ ପକ୍ତି ଇଚାନ, ଇଞ୍ଜାନ୍ ଜେ ମା ଜପି ରାଜ୍ କିନାନ୍, “ଇଦା ମା ଇଚା ଆକାୟ ।”

୧୫ “ପାଚେ ହେୱାନ ରାଜା ପାଦ୍ ପାୟା ଆଜି ଲେଉଟା ଆଜି ଇମ୍ଫଣି ଆଡ଼ିୟାରି ଡାରୁଇଁ ହିଜି ମାଚାନ, ହେୱାର ବିଡ୍ରେ ବେପାର୍ କିଜି ଇନେର୍ ଏଚେକ୍ ଲାବ୍ କିତାଣ୍ଟା, ହେଦା ପୁନିକାଜି ହେୱାରି ଜାର ରାଜି ଲାଗେ କୁକ୍ତି ତାହିଞ୍ଜାଦେ ବଲ୍ ହିଚାନ ।”

୧୬ ହେବେଣ୍ଡା ପର୍ଡୁମ୍ ମାନାୟ ୱାଜି ଇଚାନ, “ମାପୁ, ନି ହିଡ଼ତି ହନା ଟାକା ଆରି ଦସ୍ଗଟା ଡାରୁଇଁ ଆନ୍ ଲାବ୍ କିତାଞ୍ଜନା ।”

୧୭ ହେୱାନ ତାଞ୍ଜେଇଁ ଇଚାନ, “ଏନ୍ ରକାୟ ହାର୍ଦି ଆଡ଼ିୟା, ଏନ୍ ବେସି ଅଲପ୍ ବିସ୍ତେ ପାଚ୍ ଲାହା କିଡିଲେ ଏନ୍ ଦାସ୍ଗଟା ଗାଡ଼୍ ଜପି ଆଦିକାର ପାୟା ଆ ।”

୧୮ ଆରେ ଆରେ ରକାନ ୱାଜି ଇଚାନ, “ମାପୁ, ନି ଡାରୁଇଁ ପାଞ୍ଚଗଟା ନାଦା ଲାବ୍ କିତାନ୍ନା ।”

୧୯ ହେୱାନ ତାଞ୍ଜେଇଁ ପା ଇଚାନ, “ଏନ୍ ପା ପାଞ୍ଚଗଟା ଗାଡ଼୍ ଜପି ଆଦିକାର ପାୟା ଆ ।”

୨୦ ଆରେ ରକାନ ୱାଜି ଇଚାନ, “ମାପୁ, ହୁଡ଼ା, ଇଦା ନି ଡାରୁଇଁ, ଆନ୍ ଇଦା ନା ତୁଞ୍ଜାଲ୍ଡ ଗାଡ଼ି ଇଡ଼ଜି ମାଚାଞ୍ଜ;

୨୧ ଇନାକିଦେକି ଆନ୍ ନିଞ୍ଜେଇଁ ପାଣ୍ଡା ଆଡ଼ତା, ଲାଗି ଏନ୍ ରକାୟ କଟିମାନାୟତି, ଇନାକା ଇଡ଼ଞ୍ଜାତାମା, ହେଦା ନିକ୍ତି ଅନାୟ, ଆରେ ଇନାକା ଝିଡ଼ଞ୍ଜାଦା ମାନାୟ ହେଦା ତ୍ରେଜ୍ନାୟ ।

୨୨ ହେୱାନ ତାଞ୍ଜେଇଁ ଇଚାନ, ଏଡ୍ରେ ବାନ୍ୟା ଆଡ଼ିୟା, ନି ମୁମ୍ନି କାତାତି ନି ବିଚାର କିନାଞ୍ଜ । ଆନ୍ ରକା କଟି ଲଗ୍, ଇନାକା ଇଡ଼ଞ୍ଜାଦା ମାନା, ହେଦା ନିକ୍ତି ଅନାଞ୍ଜ, ଆରେ ଇନାକା ଝିଡ଼ଞ୍ଜାଦା ମାନା, ହେଦା ତ୍ରେଜ୍ନା, ଇଦା ଇନାକା ପୁରାୟନା ?”

\* ୧୯:୧୦ ମାତିଉ ୧୮:୧୧.

୨୩ ଲାଗିଂ, ବେଙ୍କତ ଇନେକିଦେଂ ନା ହନା ଟାକାଂ ଇର୍ଝାତାୟ ? ତାଆତିସ୍ ଆନ୍ ଖାଜି କଲତ୍ତର୍ ଲାହାଙ୍ଗ ପାୟାଆତାଂମା ।  
 ୨୪ ଆରେ, ହେ କରଣ୍ଡ ନିଲ୍ରିମାନି ମାନାୟତିଂ ଇଚାନ୍, “ଇବେଣ୍ଡାଂ ଇ ତାରୁଙ୍ଗ ଅଜି, ଇନେରିଂ ଦାସ୍ ଟାକା ମାନିଙ୍ଗ, ହେଝାନିଂ ହିଆର୍ ।”  
 ୨୫ ହେବେତାଂ ହେଝାର୍ ହେଝାନିଂ ଇଚାର୍, “ମାପୁ, ତାଦାଙ୍ଗ ତ ଦାସ୍ ଗଟା ତାରୁଙ୍ଗ ମାନିଙ୍ଗ ।”  
 ୨୬ ଶୁଆନ୍ ମିଙ୍ଗେଙ୍ଗ୍ ଝେଟାନାଙ୍ଗା, “ଇମ୍ମଣି ମାନାୟତିଂ ମାନାଡ୍, ହେଝାନିଂ ହିୟାଆନଡ୍; ମାତର୍ ଇନେରତି ହିଲୁଡ୍, ହେ କରଣ୍ଡ ଇନାକା ମାନାଡ୍, ହେଦାଂ ନେ ହେଝାନତାଂ ଅୟାନାଡ୍ ।  
 ୨୭ ଶୁମାତର୍ ନା ଇମ୍ମଣି ସାତୁର୍ ଆନ୍ ହେଝାର୍ ଜପି ସାସନ୍ କିନାଙ୍ଗ୍ ଇଞ୍ଜି ଇଚା କିଝାଦାଂ ମାଚାଙ୍ଗ୍, ହେଝାରିଂ ଇବେ ତାସି ନା ମୁମ୍ଦ ଟୁଣାର୍ ।”

**ଜିସୁ ଜିରୁସାଲମ୍ ତ ହଣାକା**

(ମାତିଉ ୨୧:୧-୧୧; ମାର୍କ ୧୧:୧-୧୧; ଜହନ୍ ୧୨:୧୨-୧୯)

୨୮ ଇ ସବୁ କାତା ଇଞ୍ଜି ଜିସୁ ଆଗେ ହାଲ୍ଜି ଜିରୁସାଲମ୍ ନିପ ହାଞ୍ଜେଙ୍ଗ୍ ଲାଗାତାନ୍ ।  
 ୨୯ ଆରେ, ଏଚେକାଡ୍ ଦ ହେଝାନ୍ ଜିତ୍ମାଡି କରଣ୍ଡ ବେଡ୍ ପାଗି ଆରି ବେଡ୍ ନିୟା ଲାଗାଂ ଏକାତାନ୍, ହେ ଏଚେକାଡ୍ ଦ ହେଝାନ୍ ହେ ଚେଲାର୍ ବିତ୍ରେତାଂ ରିକାରିଙ୍ଗ୍ ଇ କାତା ଇଞ୍ଜି ପକ୍ତାନ୍,  
 ୩୦ “ମି ହାଣ୍ଡକୁ ହେ ନାସ୍ତ ହାଲାର୍, ହେବେ ହଣି ଝେଡାଲିଙ୍ଗ୍, ଇନାକା ଜପି ଇନେର୍ ଇନାଝାଡାଂ ଇନେର୍ କୁର୍ଝାତାନ୍ନା, ଏଲେଙ୍ଗ୍ ବାତ୍ ର ଗଦ ହିମ୍ମଣା ଗାଟାକା ହୁଡ୍ ନାଦେର୍, ହେଦେଲିଂ ରିକ୍ତି ତାହିଝାଡୁ ।  
 ୩୧ ଆରେ, ବାଟିଙ୍ଗ୍ ଇନେର୍ ମିଙ୍ଗେଙ୍ଗ୍ ଇନେକିଦେଂ ରିକ୍ନାଦେରା ଇଞ୍ଜି ଝେନ୍ ବାଡିସ୍, ଏପେଙ୍ଗ୍ ଇନାଦେର୍, ଇନାକିଦେଂକି ଇଦାଂ ତାକେ ମାପୁତି ଲଡା ମାନାଡ୍ ।”  
 ୩୨ ହେବେ ପକ୍ୟାତି ମାନାୟାର୍ ହାଲ୍ଜିପା, ଜିସୁ ହେଝାରିଂ ଇନେସ୍ ଇଞ୍ଜି ମାଚାନ୍, ହେ ଲାକେ ହୁଡ୍ ତାର୍ ।  
 ୩୩ ଆରେ, ହେଝାର୍ ଗଦ ହିମ୍ମଣାତିଂ ରିକ୍ନିଝେଡାଲିଂ ହେ ହାଉକାର୍ ହେଝାରିଂ ଝେନ୍ ବାଡାର୍, “ଇନେକିଦେଂ ଗଦ ହିମ୍ମଣାତିଂ ରିକ୍ନାଦେରା ?”  
 ୩୪ ହେଝାର୍ ଇଚାର୍, “ଇନାକିଦେଂକି ଇଦାଂ ତାକେ ମାପୁତି ଲଡା ମାନାଡ୍ ।”  
 ୩୫ ଆରେ, ହେଝାର୍ ଗଦ ହିମ୍ମଣାତିଂ ଜିସୁତାକେ ତାସି ତା ଜପି ଜାର୍ ଜାର୍ ହେୟା ପାସ୍ ସି ଜିସୁଙ୍ଗ୍ କୁଟିକିତାର୍ ।  
 ୩୬ ଆରେ, ଜିସୁ ହାନି ଝେଡାଲିଂ ମାନାୟାର୍ ହାସ୍ ଦ ଜାର୍ ଜାର୍ ହେୟା ପାସ୍ ସି ହିଦେଙ୍ଗ୍ ଲାଗାତାର୍ ।  
 ୩୭ ଆରେ, ଜିସୁ ଏଚେକାଡ୍ ଦ ଜିତ୍ମାଡିନି ଗାଡ୍ ଗାଡା ବାହାତ ଲାଗାୟ ଆତାନ୍, ହେଝେଡାଲିଂ ସବୁ ଚେଲାର୍ ମାୟା ହୁଡ୍ ଜି ମାତି ଝିଲୁ ସାଲିନି କାମାୟ କାଜିଂ ଝାରିତାଂ ଗାଜା କାଟ୍ କିଜି ଇସ୍ ସର୍ ମାପୁତି ପାର୍ତାନା କିଜି ଇଚାର୍,  
 ୩୮ “ମାପୁତି ତର୍ଦ ଇମ୍ମଣି ରାଜା ଝାନାନା, ଇସ୍ ସର୍ ହେଝାନିଂ ଦନ୍ୟବାଦ୍ କିଏନ୍ ।  
 ସାଗେତ ସୁସ୍ତା ଆରି ଜପ୍ ଲକାତ୍ ଜାଜ୍ ମାଲ୍ ଆୟେଡ୍ ।”  
 ୩୯ ହେବେଣ୍ଡାଂ ମାନାୟାର୍ ଗହଲି ବିତ୍ରେ କେତେକ୍ ପାରୁସିର୍ ତାଙ୍ଗେଙ୍ଗ୍ ଦାକା କିଜି ଇଚାର୍, “ଏ ଗୁରୁ, ନି ଚେଲାରିଂ ଚିମ୍ମରା ଆଦେଂ ଇନା ।”  
 ୪୦ ଜିସୁ ଉତର୍ ହିତାନ୍, “ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଇଝାର୍ ଚିମ୍ମରା ଆତିସ୍, କାଲ୍ କୁଙ୍ଗ୍ ଆଲାଆନିକ୍ ।”

**ଜିସୁ ଜିରୁସାଲମ୍ କାଜିଂ ଆଡ୍ ବାତାନ୍**

୪୧ ଆରେ, ଏଚେକାଡ୍ ଦ ଜିସୁ ଜିରୁସାଲମ୍ ଲାଗାୟ ଝାତାନ୍, ହେ ଏଚେକାଡ୍ ଦ ଗାଡ୍ ଦିଂ ହୁଡ୍ ଜି ହେଦାଂ କାଜିଂ ଆଡ୍ ବିସ୍ ଇଚାନ୍,  
 ୪୨ “ଏନ୍, ଆଁ, ଏନ୍ ଜପି ନେଞ୍ଜେଙ୍ଗ୍ ସୁସ୍ତାନି ବିସ୍ତେ ପୁନ୍ ଝିମାଚାୟତି ! ମାତର୍ ନଙ୍ଗିନି କାଣକୁକାଂ ତୁରୁଜି ମାଚାଡ୍ ନା ।  
 ୪୩ ସମ୍ମୁ ଝାନାତା ଏଚେକାଡ୍ ଦ ମି ସାତୁର୍ ନି ଚାରିବେଣ୍ଡାତାଂ କାଲ୍ ଦ ଗାଟି ନିଙ୍ଗେଙ୍ଗ୍ ଟେବାୟ କିଦ୍ ନାର୍, ଆରେ ମିଦାଙ୍ଗ୍ ଝିଲୁ ହାଜି ଗେସ୍ତାନାର୍ ।  
 ୪୪ ହେଝାର୍ ନିଙ୍ଗେଙ୍ଗ୍ ଆରି ନି ଲାହାଙ୍ଗ ନି ବିତ୍ରେ ମାନି ଝିଜାର୍ ମାନାୟାରିଂ ବୁତାଇ କିଦ୍ ନାର୍, ର କାଲ୍ ଜପି ଆରେ ର କାଲ୍ ଜପି ମାନୁଡ୍, ଇନାକିଦେଂକି ଏଚେକାଡ୍ ଦ ନିଙ୍ଗେଙ୍ଗ୍ ମୁକ୍ତି କିଦ୍ ଦେଂ ଇଞ୍ଜି ଇସ୍ ସର୍ ମାପୁ ଝାତାନ୍, ଏପେଙ୍ଗ୍ ତାଙ୍ଗେଙ୍ଗ୍ ପୁନ୍ ଝାତାଦେର୍ ।”

**ଜିସୁ ମନ୍ଦିରତ ହାଚାନ୍**

(ମାତିଉ ୨୧:୧୨-୧୭; ମାର୍କ ୧୧:୧୫-୧୯; ଜହନ୍ ୨:୧୩-୨୨)

୪୫ ଆରେ, ଜିସୁ ମନ୍ଦିରତ ହାଜିପା ବେପାର୍ କିନି ଲାଗାଂ ଇଦାଂ ଇଞ୍ଜି ହପ୍ତେଂ ଲାଗାତାନ୍,

☆ ୧୯:୨୭ ମାତିଉ ୧୩:୧୨; ମାର୍କ ୪:୨୫; ଲୁକ ୮:୧୮. ☆ ୧୯:୨୭ ମାତିଉ ୨୫:୧୪-୩୦.

୪୬ ଦରମ୍ ସାସ୍ତ୍ରରତ ଲେକାଆତାତ୍ତନା, ଇସ୍ବର ଇଚାନ୍ “ମା ଇଲ୍ ପାତ୍ତାନା ଇଲ୍ ଆନାତ୍, ମାତର୍ ଏପେଙ୍ଗ୍ ଚର୍ଜ୍ ଇଲ୍ନି ପାରା କିତାଦେଣ୍ଟା ।”

୪୭ \*ଆରେ, ହେୱାନ୍ ନିତ୍ରେ ମନ୍ଦିରତ ହିକ୍ୟା ହିଜି ମାଚାନ୍, ମାତର୍ ମୁଡ୍ ମାପୁହେବାକିନାକାନ୍, ସାସ୍ତ୍ର ମାନାୟାର୍ତି ନେତାର୍ ଲାହାଁ ହେୱାନ୍ ଓସ୍ପେଦେଂ ସେସ୍ କିଜି ମାଚାର୍,

୪୮ ମାତର୍ ଓଡ୍ ଲଗୁ ର ମାତ୍ର ହେୱାନ୍ ହିକ୍ୟା ୱେନ୍ଝି ମାଚିଲେ ହେୱାର୍ ଇନାକା କିନାପ୍ ଇଞ୍ଜି ତିର୍ କିଦେଙ୍ଗ୍ ଆଡ୍ଝାଦାଁ ମାଚାର୍ ।

### ୨୦

#### ଜିସୁଙ୍ଗ୍ ଆଦିକ୍ ବିସ୍ତେ ପରସନ୍

(ମାତିଉ ୨୧:୨୩-୨୭; ମାର୍କ ୧୧:୨୭-୩୩)

୧ ଇବେତାଁ ହେୱାନ୍ ଦିନେକ୍ ଏଚେକାଡ୍ ମନ୍ଦିରତ ମାନାୟାରିଁ ହିକ୍ୟା ହିଜି ମାଚାନ୍ ଆରି ନେକ୍ରିକାବୁର୍ ପରଚାର୍ କିଜି ମାଚାନ୍, ଏଚେକାଡ୍ ମୁଡ୍ ମାପୁହେବା କିନାକାର୍ ଆରି ସାସ୍ତ୍ର ରୁଡ୍ଲୁର ହୁକେ ୱାଜି ତାଙ୍ଗ୍ ଇଚାର୍,

୨ “ଏନ୍ ଇମ୍ଣି ଆଦିକାର୍ତ ଇ ଓଡ୍ କିନାୟା, କି, ଇନେର୍ ନିଙ୍ଗ୍ ଇ ଆଦିକାର୍ ହିଡ୍ତାନ୍, ହେୱାନ୍ ଇନେନ୍, ମାଙ୍ଗେଙ୍ଗ୍ ୱେଚ୍ଚା ।”

୩ ମାତର୍ ଜିସୁ ହେୱାରିଁ ଉତର୍ ହିଚାନ୍, “ଆନ୍ ପା ମିଙ୍ଗେଙ୍ଗ୍ ର ବେରଣ୍ ୱେନ୍ବା ଆଦ୍ନାଁ, ନାଙ୍ଗ୍ ୱେଚ୍ଚାଟ୍,

୪ ବାପ୍ତିସିମ୍ ହିନି ଜହନ୍ତି ବାପ୍ତିସିମ୍ ସାଚେତାଁ କି ମାନାୟାତିଁ ଆତାଟ୍ ?”

୫ ହେବେ ହେୱାର୍ ହେୱାର୍ ବିତ୍ରେ କାତାବାର୍ତା କିଜି ଇଚାର୍, “ଜଦି ସାଚେତାଁ ଇଞ୍ଜି ଇନାସ୍, ତା ଆତିସ୍ ହେୱାନ୍ ଇଞ୍ଜନାନ୍, ଏପେଙ୍ଗ୍ ଇନେକିଦେଂ ତାଙ୍ଗ୍ ପାତ୍ କିଞ୍ଜାତାଦେର୍ ?”

୬ ମାତର୍ ଜଦି ମାନାୟାତିଁ ଇଞ୍ଜି ଇନାସ୍, ବାଟିଙ୍ଗ୍ ଓଜାକାର୍ ଲକୁ ମାଙ୍ଗ୍ କାଲକୁ ଇଡ୍ଜି ମାଟ୍କିଦ୍ନାର୍, ଇନାକିଦେଂକି “ଜହନ୍ ରକାନ୍ ଜେ ବେଣ୍ବାକ୍ଣାୟା କିନାକାନ୍, ଇଦାଁ ହେୱାର୍ ପାତ୍ କିଜି ମାଚାର୍ ।”

୭ ଲାଗିଁ ହେଦାଁ ଇମେତାଁ ଆତାଟ୍, “ଇଦାଁ ପୁନୁପ୍ ଇଞ୍ଜି ହେୱାର୍ ଉତର୍ ହିଚାର୍ ।”

୮ ଜିସୁ ହେୱାରିଁ ଇଚାନ୍, “ଆନ୍ ଇମ୍ଣି ଆଦିକାର୍ତ ଇ ଓଡ୍ କିନାୟା, ହେଦାଁ ଆନ୍ ପା ମିଙ୍ଗେଙ୍ଗ୍ ୱେଚ୍ଚାଟ୍ ।”

#### ଅଙ୍ଗୁର୍ ବାଡ୍ ବାଗ୍ କିଜି ତିନାକାନ୍ କାତା

(ମାତିଉ ୨୧:୩୩-୪୬; ମାର୍କ ୧୨:୧-୧୨)

୯ ଇଦାଁ ପାଚେ ହେୱାନ୍ ମାନାୟାରିଁ ଇ ଉତର୍ମୁଡ୍ ଇଞ୍ଜେଙ୍ଗ୍ ଲାଗାତାନ୍ । “ରକାନ୍ ମାନାୟା ର ଅଙ୍ଗୁର୍ ବାଡ୍ କିଜି ହେଦାଁ କାମ୍ଲିୟାରିଁ ଆଦି ହିଜି ବେସି ବାହୁଁ କାଜିଁ ବିଦେସ୍ତ ହାଚାନ୍ ।

୧୦ ଆରେ, କାମ୍ଲିୟାରିଁ ଇନେସ୍ ତାଙ୍ଗ୍ ଅଙ୍ଗୁର୍ ବାଡ୍ଜି ପାଡ୍ ତାଙ୍ଗ୍ ବାଗ୍ ହିନାର୍, ଇଦାଁ କାଜିଁ ହେୱାନ୍ ରକାନ୍ ଆଡ୍ଝିଏନିଁ ହାଦ୍ ୱେଡାଲିଁ ହେୱାର୍ ତାକେ ପକ୍ତାନ୍, ମାତର୍ ହେ ଆଡ୍ଝିୟାର୍ ତାଙ୍ଗେଙ୍ଗ୍ ମାଟ୍କିଜି ୱାଚା କେଇଦାଁ ପକ୍ତାର୍ ।

୧୧ ହେୱାନ୍ ପାଚେ ଆରେ ରକାନ୍ ଆଡ୍ଝିୟାନ୍ ପକ୍ତାନ୍; ହେୱାର୍ ତାଙ୍ଗ୍ ପା ଗ୍ରାକ୍ତାର୍ ଆରି ଲାଜୁ କିଜି ୱାଚା କେଇଦାଁ ପକ୍ତାର୍ ।

୧୨ ପାଚେ ହେୱାନ୍ ଆରେ ରକାନ୍ ପା ପକ୍ତାନ୍; ମାତର୍ ହେୱାର୍ ତାଙ୍ଗ୍ ପା ଗାଅଦାଅ କିଜି ବାଟ୍ ତୁହିଚାର୍ ।

୧୩ ହେବେଣ୍ଟାଁ ଅଙ୍ଗୁର୍ ବାଡ୍ଜି ହାଉକାର୍ ଇଚାନ୍, ଆନ୍ ଇନାକା କିନାଙ୍ଗ୍ ? ନା ୱାରିନି ହିମ୍ଣାତିଁ ପକ୍ନାଁ, ଇନେସ୍ ଆତିସ୍ ହେୱାର୍ ତାଙ୍ଗ୍ ମାନି କିନାର୍ ।

୧୪ ମତର୍ ଆଡ୍ଝିୟାର୍ ତାଙ୍ଗ୍ ହୁଡ୍ଜି ହେୱାର୍ ହେୱେର୍ କାତାବାର୍ତା କିଜି ଇଞ୍ଜେଙ୍ଗ୍ ଲାଗାତାର୍, ‘ଇଞ୍ଜାନ୍ ମୁଣିକା, ଇଞ୍ଜାନ୍ ଅହ୍ନାସ୍, ଇନେସ୍ ମାଦାଁ ଆଦିକାର୍ ଆନାଟ୍ ।’

୧୫ ଆରେ, ହେୱାର୍ ତାଙ୍ଗ୍ ଅଙ୍ଗୁର୍ ବାଡ୍ ଅସ୍ତି ବାଟ୍ ତୁହି ହିଚାର୍ ।”

“ବାଟିଙ୍ଗ୍, ଅଙ୍ଗୁର୍ ବାଡ୍ଜି ହାଉକାର୍ ହେୱାର୍ କାଜିଁ ଇନାକା କିନାନ୍ ?

୧୬ ହେୱାନ୍ ୱାଜି ଇ କାମ୍ଲିୟାରିଁ ନାସ୍ କିନାନ୍ ଆରି ବିନ୍ ଲଗାଁ ଅଙ୍ଗୁର୍ ବାଡ୍ ହିନାନ୍ ।”

ଇଦାଁ ୱେନ୍ଝି ହେୱାର୍ ଇଚାର୍, “ହେଦାଁ ଆମେଟ୍ ।”

୧୭ ମାତର୍ ହେୱାନ୍ ହେୱାରିଁ ଗାଗାଗା ହୁଡ୍ଜି ଇଚାନ୍,

“ବାଟିଙ୍ଗ୍ ଇ ଇମ୍ଣି ବଚନ୍ ଲେକା ଆତାଡ୍ନା, ତା ଅରଡ୍ ଇନାକା, ଇଲ୍ ରଚ୍ନାକାର୍ ଇମ୍ଣି କାଲ୍ଦିଁ ମୁନା କିତାର୍,

ହେଦାଁ କନାନି ମୁଡ୍କାଲ୍ ଆତାଟ୍ ।

୧୮ ଇନେର୍ ହେ କାଲ୍ ଇନେର୍ ଜପି ଆର୍ନାର୍, ହେୱାନ୍ କୁଡ୍ଝିକ୍ତା ଆନାର୍, ଆରେ ହେ କାଲ୍ ଇନେର୍ ଜପି ଆର୍ନାନ୍, ହେଦେଲିଁ ହେଦାଁ ବିରାୟା କିନାଟ୍ ।”

☆ ୧୯:୪୭ ଲୁକ ୨୧:୩୭.

**ହିନି ବିସ୍ତେ ପରସନ୍**

(ମାତିଉ ୨୨:୧୫-୨୨; ମାର୍କ ୧୨:୧୩-୧୭)

୧୯ ଇବେ ସାସ୍ତ୍ରୀ ଆରି ମୁଡ଼୍ ମାପୁହେବାକିନାକାର ହେ ଦାପ୍ତେ ଆସ୍ତେଙ୍ଗ ସେଷ୍ଟୁ କିତାର, ମାତର ହେଝାର ମାନାୟାରିଂ ପାଣ୍ଡା ଆତାର, ଇନାକିଦେଂକି ହେଝାନ ହେ ଉତରମୁଡ଼୍ ହେଝାରିଂ ଇଟକାଡ଼୍ କିଜି ଇଞ୍ଜି ମାଚାନ ଇଞ୍ଜି ହେଝାର ବୁଜାତାର ।

୨୦ ହେବେଣ୍ଡା ହେଝାର ଜିସୁଙ୍ଗ ରାଜି ପାଲି କିନି କେଇଦ ଆରି ସାସନ୍କିନାକାନ ସାସନ୍ନି ଆଦିକାର ହେଲାଇ କିଦେଙ୍ଗ କାଜିଂ ଉପାୟ ତେକ୍ତି ଜିସୁତି କାତାନି ବୁଲ୍ ଆହ୍ନି ଉଦେସ୍ତ ଇମ୍ନାକାର କପଟାଂ ଜାର ଜାରତିଂ ଦାମିଂ ଇଞ୍ଜି ଚଞ୍ଜିୟାଆନି ଚର୍କୁକାଂ ପଲ୍ଲାର ।

୨୧ ହେଝାର ତାଙ୍ଗ୍ ଝେନ୍ଦବାତାର, “ଏ ଗୁରୁ, ଆପେଂ ପୁନାପ, ଏନ୍ ହାଡ଼ପା ରଚେ କାତା ଇନାୟ ଆରି ହିକ୍ୟା ହିନାୟ, ଆରେ ଇନେର୍ତି ମୁକ୍ତେଟ୍ ହୁଡ଼ଜି କିଉୟ, ମାତର ହାଡ଼ପା ଲାକେ ଇସ୍ତରତି ହାଜି ବିସ୍ତେ ହିକ୍ୟା ହିନାୟ ।

୨୨ ମାଙ୍ଗେଙ୍ଗ୍ ଇଞ୍ଜା, କାଇସ୍ତରତିଂ ସିସ୍ତୁ ହିନାକା ମା ବିଦି ମାନାଡ଼୍ କି ଆକାୟ ?”

୨୩ ମାତର ଜିସୁ ହେଝାରତି କାପ୍ତି ପୁଞ୍ଜି ହେଝାରିଂ ଇଚାନ, ନାଙ୍ଗ୍ ର ଅଦ୍ନି ଚଟଟାଟ୍ ।

୨୪ “ଇବେ ଇନେର୍ ଟାକାଂ ପୁଡ଼ଡ଼ା ଆରି ତର ମାନାଡ଼୍ ?”

“ହେଝାର ଇଚାର କାଇସ୍ତରତି ।”

୨୫ ହେବେ ଜିସୁ ହେଝାରିଂ ଇଚାନ, “ବାଟିଙ୍ଗ୍ କାଇସ୍ତରତି ଇମ୍ନାକା, ହେଦାଂ କାଇସ୍ତରତିଂ ହିଆଟ୍, ଆରେ, ଇସ୍ତରତିଂ ଇମ୍ନାକା, ହେଦାଂ ଇସ୍ତରତିଂ ହିଆଟ୍ ।”

୨୬ ଇବେଣ୍ଡା ହେଝାର ମାନାୟ ମୁମ୍ଦ ହେଝାନ କାତାତ କୁନି ଆସ୍ତେଙ୍ଗ ଆଡ଼ଝାତାର, ଆରେ ହେଝାର ହେଝାନ ଉତରତ କାବା ଆଜି ଚିମ୍ପରା ଆଜି ମାଚାର ।

**ଆରେ ନିଙ୍ଗିନି ବିସ୍ତେ ପରସନ୍**

(ମାତିଉ ୨୨:୨୩-୩୩; ମାର୍କ ୧୨:୧୮-୨୭)

୨୭ ଇଦାଂ ପାଚେ ଆରେ ନିଂନି ବିସ୍ତେ ଉଡ଼ାନାକାର କେତେକ୍ ସାଦୁକିର୍ ଜିସୁ ଲାଗେ ଝାଜି ଝେନ୍ଦବାତାର,

୨୮ “ଏ ଗୁରୁ, ମସା ମା କାଜିଂ ଲେକିକିତାନ୍ନା ଇନେନ୍, ଜଦି ଇମ୍ନା ଲକୁତ ଟଣ୍ଡେନ୍, ତକ୍ତି ମାଞ୍ଜି ହିମ୍ନାଝାକ୍ତା ଆଝାଦାଂ ହାଡ଼ିସ୍, ତା ଆଡ଼ିସ୍ ତା ଟଣ୍ଡେନ୍ ତା ତକ୍ତୁହିଂ ଇଡ଼ଜି ଜାର ଟଣ୍ଡେନ୍ କାଜିଂ ଲାତ୍ରା ଉବ୍ଜାଣ୍ କିନାନ ।

୨୯ ଦିନେକ୍, ସାଡ଼ ବାୟ ଟଣ୍ଡାର ମାଚାର; ପର୍ତ୍ତୁମ୍ ର କଗ୍ଲେଂ ବିବା ଆତାନ ଆରି ହିମ୍ନାଝାକ୍ତା ଆଝାଦାଂ ହାତାନ;

୩୦ ପାଚେ ଆରେ ମାଜିୟା ବିବା ଆତାନ ତାଙ୍ଗ୍ ଇଡ଼ତାନ;

୩୧ ହେ ଲାକେ ସାଡ଼ ଜାଣ୍ ଜାକ୍ ହିମ୍ନାଝାକ୍ତା ଆଝାଦାଂ ହାତାର ।

୩୨ ହାରିହାରା କଗ୍ଲେ ପା ହାତାଡ଼ ।

୩୩ ବାଟିଙ୍ଗ୍, ଆରେ ନିଂନିହିଂ ହେଝାର ବିତ୍ତେ ହେଦେଲ୍ ଇନେର୍ ତକ୍ତି ଆନାଡ଼୍ ? ସାଡ଼ ଜାଣ୍ ଜାକ୍ ତାଙ୍ଗ୍ ବିବା ଆଜି ମାଚାର ।”

୩୪ ଜିସୁ ହେଝାରିଂ ଇଚାନ, “ଇ ଜୁଗ୍ନି ମାନାୟାର ବିବା କିତାର ଆରି ବିବା ଆନିକ୍,

୩୫ ମାତର ଇମ୍ନା ମାନାୟାର ହେ ସଂସାର ଆରି ହାତାକାର ବିତ୍ତେ ଆରେ ନିଂନାକା ପାୟନି କାଜିଂ ନିଜେ ଗାଣା କିୟାନାର, ହେଝାର ବିବା କିଉର୍ କି ବିବା ଆଉର୍;

୩୬ ଆରେ, ହେଝାର ଆରେ ହାଦେଂ ଆଡୁର୍, ଇନାକିଦେଂକି ହେଝାର ଦୁଡ଼କୁ ଲାକେ ମାନଙ୍ଗାନାର ଆରେ ନିଙ୍ଗି ଇସ୍ତରତିଂ ମାଜି ଗାଡ଼୍ ଆନାର ।

୩୭ ମତର ହାତାକାର ଜେ ନିଙ୍ଗନାର, ଇଦାଂ ମସା ପା ବୁଟାନି କାତା ମାପୁତି ଅବ୍ରାହାମ୍ତି ଇସ୍ତର, ଇସ୍ତହାକ୍ତି ଇସ୍ତର ଆରି ଜାକୁବ୍ତି ଇସ୍ତର ଇଞ୍ଜି ଚଟ୍ତି ହିନାର ।”

୩୮ ହେଝାନ ତ ହାତାକାର ଇସ୍ତର ଆକାୟ, ମତର ଜିତାକାରିଂ; ଇନାକିଦେଂକି ଝିଜାର ହେ ମୁମ୍ଦ ଜିବୁନ୍ ପାୟା ଆନାର ।

୩୯ ହେବେଣ୍ଡା ସାସ୍ତ୍ରୀ ବିତ୍ତେ କେତେକ୍ ଜାଣ୍ ଉତର ହିତାର, “ଏ ଗୁରୁ, ଏନ୍ ସଡ଼ ଇଚାୟ ।”

୪୦ ଇନାକିଦେଂକି ହେଝାର ତାଙ୍ଗ୍ ଇମ୍ନା ପରସନ୍ ଝେନ୍ଦବେଦେଂ ସାସ୍ କିଝାତାର ।

**ଜିସୁ ଇନେର୍ ମାଜି ?**

(ମାତିଉ ୨୨:୪୧-୪୬; ମାର୍କ ୧୨:୩୫-୩୭)

୪୧ ମାତର ହେଝାନ ହେଝାରିଂ ଝେନ୍ଦବାତାନ, “କ୍ରିସ୍ଟୁ ଜେ ଦାଉଦ୍ ମାଜି, ଇଦାଂ ଲକୁ ଇନାକା ଇନାର ?

୪୨ ଇନାକିଦେଂକି ନିଜେ ଦାଉଦ୍ ନାୟ ସାସ୍ତ୍ରୀ କିଜି ଇନାନ,

ମାପୁ ନା ମାପୁଙ୍ଗ୍ ଇଚାନ,

୪୩ ଆପେଂ ଏଚେକ୍ ପାଚେକ୍ ମି ସାଡୁରିଂ ମି ତଗ୍ନିବାହା କିଝାତାପ୍ନା,

ହେ ପାତେକ ମା ବୁଢ଼ଣି ବାଗାଙ୍ଗ କୁଟ୍ଟି ମାନାଟ୍ ।

୪୪ ଲାଗି, ଦାଉଦ ତାଙ୍ଗ 'ମାପୁ' ଇଞ୍ଜି ଇନାନ; ବାଟିଙ୍ଗ, ହେଝାନ ଇନେସ୍ ତା ମାଜି ?”

ଜିସୁ ଦରମ୍ ଗୁରୁର ବିରୁଦ୍ଧତ ଚେତନା କିତାନ

(ମାତିଉ ୨୩:୧-୩୬; ମାର୍କ ୧୨:୩୮-୪୦; ଲୁକ ୧୧:୩୭-୫୪)

୪୫ ପାଚେ ହେଝାନ ସବୁଲଗାଂ ଓଜାର ମୁମ୍ଦ ଚେଲାର ତାକେ ଇଚାନ,

୪୬ “ସାସ୍ତିରତାଂ ଜାଗ୍ରତ୍ ! ହେଝାର ଲାମା ଆଙ୍ଗି ଉସ୍ତିସ୍ ବୁଲ୍ଲାଆଦେଂ, ଆରେ ଆଟ୍ ବାଜାରତ ଜଝାର, କୁଟ୍ଟମ୍ ଇଞ୍ଜି ମୁଡ୍ ବାହା ଆରି ବଜିତ ଆଗେନି ବାହା ଝାରିୟା ଆନାର;

୪୭ ହେଝାର ରାଣ୍ଡିକ୍ ଇଲକୁ ସବୁ ଚରି କିନାର ଆରି ଲାମା ପାତୀନା କିନାର; ହେଝାର ବେସି ତାଣ୍ ପାୟା ଆନାର ।”

### ୨୧

ର ରାଣ୍ଡିତି ଦାନ

(ମାର୍କ ୧୨:୪୧-୪୪)

୧ ଇଦାଂ ପାଚେ ଜିସୁ ଚାରିବେଣତାଂ ହୁଡ୍ଜି ପା ମାଜାନିଂ ଗାଦ୍ୟାତାକେ ଜାର୍ ଜାର୍ ଦାନ ଝାକ୍ନାକା ହୁଡ୍ଜାନ ।

୨ ଆରେ, ହେଝାନ ର ହିଲ୍ଡି ରାଣ୍ଡିକାଂ ହେବେ ରି ଟାକା ତାରୁଙ୍ଗ ଇଟ୍ନାକା ହୁଡ୍ଜି ଇଚାନ,

୩ “ଆନ୍ ମିଙ୍ଗେଙ୍ଗ୍ ହାତ୍ପା ଇଞ୍ଜନାଙ୍ଗା, ଇ ହିଲ୍ଡି ରାଣ୍ଡି ଓଜାକାରତାଂ ଆଦିକ୍ ଇଟ୍ତାଡ୍ନା,

୪ ଇନାକିଦେଂକି ଇଝାର ଓଜାକାର ଗାଦ୍ୟାତାଂ ଜାର୍ ଜାର୍ ଦାନ୍ତାଙ୍ଗ୍ ଅଲପ୍ ଅଲପ୍ ଇଟ୍ତାର୍, ମାତର୍ ଇଦେଲ୍ ତା କସ୍ତକିତାକା ଦାନ ଜାର୍ ଜିବୁନ୍ ବାଚାୟକିଦେଂ କାଜିଂ ଇଦେଲ୍ତି ଇନାକା ମାଚାଟ୍, ହେ ସବୁ ଇଟ୍ତାଟ୍ ।”

ଜିସୁ ମନ୍ଦିରତିଂ ଦୁଡ୍ଡିମାସ୍ନି ବିସ୍ତେ ଝେଟ୍ଚାନ

(ମାତିଉ ୨୪:୧-୨; ମାର୍କ ୧୩:୧-୨)

୫ କେତେଜାଣ୍ ଚେଲାର୍ “ମନ୍ଦିର ବିତ୍ରେ ବେଣକିଜି ମାଚାର୍ । ହେଝାର ଇଞ୍ଜି ମାଚାର୍ ହେବେ ମେହାୟକିଜି ମାଚି ହଲ୍ଲିନି କାଲ୍ ଆରି ଇସ୍ପର୍ ମାପୁ କାଜିଂ ରଟ୍ଟି ମାଚି ଇନାମିଙ୍ଗ୍ ଲାହାଙ୍ଗ୍ ମନ୍ଦିର ଅପ୍ରବଲ୍ ହଲ୍ଲନାତା ।”

୬ “ଏପେଙ୍ଗ୍ ଇ ଇନାକା ସବୁ ହୁଡ୍ଡିନାଦେରା, ସମ୍ପୁ ଝାନାଟ୍, ଏଚେକାଡ୍ଡ ଚ କାଲ୍ ଆରେ ର କାଲ୍ ଜପି ମାନୁଡ୍, ମାଚିସ୍ ଓଜୁ ମେଦ୍ନି ଦୁଡ୍ଡି ମାସ୍ନାଟ୍ ।”

ଦୁକ୍ ଆରି ନିନ୍ଦା

(ମାତିଉ ୨୪:୩-୧୪; ମାର୍କ ୧୩:୩-୧୩)

୭ ହେବେଣ୍ଡାଂ ହେଝାର ତାଙ୍ଗେଙ୍ଗ୍ ଝେନ୍ବାତାର୍, “ଏ ଗୁରୁ, ବାଟିଙ୍ଗ୍ ଇ ସବୁ ଇନାଝାଡାଂ ଗିଟା ଆନାଟ୍ ? ଆରେ, ଇନାଝାଡାଲିଂ ଇ ସବୁ ଗଟ୍ଟା ଲାଗେ ଆନାଟ୍, ହେ ସମ୍ପୁନି ଇଟ୍କାଡ୍ ଇନାକା ?”

୮ ହେବେଣ୍ଡାଂ ଜିସୁ ଇଚାନ, “ଜାଗ୍ରତ୍, ଏପେଙ୍ଗ୍ ଚାକ୍ରାୟ କିୟାଆମାଟ୍; ଇନାକିଦେଂକି ହେନି ନା ତର୍ଦ୍ଦ ଝାଜି, ଆନ୍ ହେଝାଙ୍ଗ୍ ଆରି ସମ୍ପୁ ଲାଗାଂ ଇଞ୍ଜି ଇଞ୍ଜନାର୍, ହେଝାର ପାଚେ ହାଲ୍ମାଟ୍ ।

୯ ମାତର୍ ଏପେଙ୍ଗ୍ ଏଚେକାଡ୍ଡ ମେଲି ଆରି ଗଣ୍ଡଗଲ୍ ବିସ୍ତେ ଝେନାଦେର୍, ହେ କାଡ୍ଡ ପାଣ୍ଡା ଆମାଟ୍; ଇନାକିଦେଂକି ଇ ସବୁ ଆଡିସ୍ପା ପର୍ଡୁମ୍ ଗିଟା ଆନାଟ୍, ମାତର୍ ଦାପ୍ରେ ରାଜି ବୁଡାଆଡ୍ ।”

୧୦ ତା ପାଚେ ଜିସୁ ହେଝାରିଂ ଇଚାନ, “ଜାତି ବିରୁଦ୍ଧତ ଜାତି ଆରି ରାଜି ବିରୁଦ୍ଧତ ରାଜି ନିଙ୍ଗନାଟ୍,

୧୧ ଆରେ ବେସିଗାଜା ମେଦ୍ନି ଦାଲ୍ଲକା ଆନାଟ୍ ଆରେ ବାହା ବାହାତ ମାଡ୍ ଆରି କାତାର୍ ଆର୍ନାଟ୍, ଆରେ ବାଦାଡ୍କାଂ ବେସି ଗାଜା ବାନା ଆରି ଗାଜା ଗାଜା ଚିନ୍କୁ ଚଞ୍ଜିୟାନିଂ ।”

୧୨ “ମାତର୍ ଇ ଓଜୁ ଗଟ୍ଟା ଆଗେ ଲକୁ ମିଙ୍ଗେଙ୍ଗ୍ ଆସ୍ତାନାର୍ ଆରି କୁଟ୍ଟମ୍ ଇଞ୍ଜି ଆରି ବନ୍ଦି ଇଞ୍ଜି ମିଙ୍ଗେଙ୍ଗ୍ ହେଲ୍ଲୟ କିଜି ଗିଣ୍ କିଦନାର୍, ଆରେ ନା ତର୍ କାଜିଂ ଏପେଙ୍ଗ୍ ରାଜା ଆରି ରାଜ୍ କିନାକାର୍ ତାକେ ଅୟା ଅନାଦେର୍,

୧୩ ଇଦାଂ ମି ପାକ୍ୟା ସାକି ଆନାଟ୍ ।

୧୪ ☆ଆଓଡିସ୍, ନିଜେ ପାକ୍ୟାତାଂ ଇନାକା ଉତର୍ ହିନାଦେର୍, ହେ ବିସ୍ତେ ପୁର୍ବେତାଂ ଚିତା କିଓ୍ କାଜିଂ ଜାର୍ ଜାର୍ ମାଡ୍ଡ ଡିର୍ କିୟାଟ୍ !

୧୫ ଇନାକିଦେଂକି ଆନ୍ ମିଙ୍ଗେଙ୍ଗ୍ ଇ ଲାକେ କାତା ଆରି ଗିଆନ୍ ହିଦନାଂ ଆଓଡିସ୍ ମି ଓଜୁ ବେୟାର୍ ଝେଇ ମାସ୍ତେଦେଂ ଆଡ୍ଡୁର୍ ।

୧୬ ଆରେ ଏପେଙ୍ଗ୍ ଆବା ଆୟା, ଟଣ୍ଡେନ୍, ଝାସ୍ତିନିକାର୍ ଆରି ବନ୍ଦୁ କୁଟ୍ଟମ୍ନିକାର୍ କାଜିଂ ପା ହେଲ୍ଲୟ ଅନାଦେର୍, ଆରେ ମିତାଙ୍ଗ୍ ଲକୁ ଇନେ ଇନେରିଂ ଅହ୍ନାର୍,

୧୭ ଆରେ ନା ତର୍ କାଜିଂ ଏପେଙ୍ଗ୍ ଓଜାକାର୍ ତାକେ ଗିଣ୍ଡକିୟା ଅନାଦେର୍ ।

☆ ୨୧:୧୪ ଲୁକ ୧୨:୧୧,୧୨.

୧୮ ମାତର ମି କାପଡ଼ାନି ତେମୁଲ୍ ପା ନସ୍ତୁ ଆଉଡ଼ !  
୧୯ ମାତର ଏପେଙ୍ଗ୍ ସାସ୍ ମାଟିସ୍ ଜାର୍ ଜାର୍ ଖାସ୍ତି ଲାବ୍ କିନାଦେର୍ ।”

ଜିସୁ ଜିରୁସାଲମ୍ ବାଡ଼ହା ଆନି ବିସ୍ତେ ଖେର୍ଚ୍ଚାନ  
(ମାତିଉ ୨୪:୧୫-୨୧; ମାର୍କ ୧୩:୧୪-୧୯)

୨୦ ମାତର “ଏପେଙ୍ଗ୍ ଏଚେକାଡ଼ଦ୍ ଜିରୁସାଲମ୍ ତାକେ ମେଲ୍ୟାର୍ତା ବେଡ଼ିକିନାକା ହୁଡ଼ନାଦେର୍, ହେପାଦନା ହେଦାଂ ବାଡ଼ହାଆନାକା ଜେ ଲାଗେ, ଇଦାଂ ପୁନାଟ୍ ।

୨୧ ଏଚେକାଡ଼ଦ୍ ଇନେର୍ ଜିହୁଦା ରାଜିତ ମାଟିସ୍, ହେଖାର୍ ଆତିସ୍ପା ମାଡ଼ିତ ହନ୍ତି ହାଲେର୍, ଆରେ, ଇନେର୍ ଗାଡ଼ଦ୍ ବିତ୍ରେ ମାଟିସ୍, ହେଖାର୍ ଆତିସ୍ପା ହାଲେର୍; ଆରେ, ଇନେର୍ ନାସ୍କୁକାଂ ମାଟିସ୍, ହେଖାର୍ ଆତିସ୍ପା ଗାଡ଼ଦ୍ ହର୍ଶମେର୍;

୨୨ ଇନାକିଦେଂକି ଲେକାଆତି ବିସ୍ତେ ଖିଜୁ ଗିଟାଆନି କାଜିଂ ହେଦାଂ ତାଣ୍ ସମୁ ।

୨୩ ହେ ଖେଡ଼ାଲିଂ ଇନେର୍ ଏସ୍ ପିସ୍ତାକା ଆରି ମାୟ୍ତରନ୍ନି ଆୟା, ଆ, ହେଖେକ୍ ଦୁକ୍ନିକିକ୍ ! ଇନାକିଦେଂକି ପୁତ୍ ଗାଜା ବିପତି ଆରି ଇ ଇସ୍ପର୍ ଜାତି କାଜିଂ ରିସା ଗିଟା ଆନାଡ଼,

୨୪ ଆରେ ହେଖାର୍ କାଣ୍ଟା ଦାରାତ ହାନାର୍ ଆରି ବନ୍ଦିଆଜି ଖିଜୁ ବିନ୍ଦାଜି ତାକେ ମେହା ଆନାର୍, ଆରେ ପାତ୍ କିଖି ଜିହୁଦିର୍ତି ଦିନ୍ପୁରାଆଖି ପାତେକ୍ ଜିରୁସାଲମ୍ ହେଖାର୍ତି ପାନା ତାରେନ୍ ଆଜି ମାନାଡ଼ ।”

ମାନାୟ୍ ମାଜି ଖାନାକା  
(ମାତିଉ ୨୪:୨୯-୩୧; ମାର୍କ ୧୩:୨୪-୨୭)

୨୫ \*ଆରେ “ଖେଡ଼ା, ଲେଞ୍ଜି ଆରି ହୁକାଙ୍ଗ୍ ତ ଚିନ୍ ଚନ୍ଦ୍ଜାନାଡ଼, ଆରି ପୁତ୍ ଜାତି ବିତ୍ରେ ଗଡ଼ମେଲି ଆନାଡ଼, ହାମ୍ଦୁର୍ ଆରି ଲଡ଼ି ଗାର୍ଜାନ୍ କାଜିଂ ହେଖାର୍ ବୁଦିବାଣା ଆନାର୍,

୨୬ ଆରେ ପୁତ୍ ଜପି ଖାନି ଗର୍ଶା ଖିଜୁ କାସିପା ଲକୁ ଆପ୍ତାଂ ଆନାର୍, ଇନାକିଦେଂକି ଆକାସ୍ନି ସାକ୍ତି ସବୁ ପାଣ୍ଟା ଆନିଂ ।

୨୭ \*ହେ କାଡ଼ଦ୍ ଲକୁ ମାନାୟ୍ ମାଜି ଗାଜା ସାକ୍ତିତାଂ ଆରି ଗାଜା ପାଣ୍ଟାଙ୍ଗ୍ ଖାନାକା ହୁଡ଼ନାଦେର୍ ।

୨୮ ମାତର ଇ ସବୁ ଗର୍ଶା ହାଙ୍ଗ୍ତିସ୍ ଏପେଙ୍ଗ୍ କାପଡ଼ା ଜପି ହୁଡ଼ାଟ୍ ଆରି କାପଡ଼ା ତାରେନ୍ କିୟାଟ୍, ଲାଗିଂ ମିଦାଙ୍ଗ୍ ମୁକ୍ତାନାକା ଲାଗେ ।”

ତଗା ମାର୍ନି ହିକ୍ୟା  
(ମାତିଉ ୨୪:୩୨-୩୫; ମାର୍କ ୧୩:୨୮-୩୧)

୨୯ ଆରି, ହେଖାନ୍ ହେଖାରିଂ ର ଉତରମୁଡ଼ ଖେର୍ଚ୍ଚାନ, ତଗା ମାର୍, ଆରେ “ଖିଜୁ ମାରକୁ ବିସ୍ତେ ଚିନ୍ତା କିୟାଟ୍ ହୁଡ଼ାଟ୍;

୩୦ ଏଚେକାଡ଼ଦ୍ ହେଖାଙ୍ଗ୍ ଆକିଂ ଗିଲ୍ନିକ୍, ହେ ଏଚେକାଡ଼ଦ୍ ଏପେଙ୍ଗ୍ ହେଦାଂ ହୁଡ଼ି ଜେଟ୍ କାଡ଼ ଏକାଖାତାଡ଼ ଇଞ୍ଜି ଜାର୍ ଜାର୍ ପୁଞ୍ଜି ମାନାଟ୍,

୩୧ ହେ ଲାକେ ଏଲେଙ୍ଗ୍ ପା ଇ ସବୁ ଗର୍ଶା ହୁଡ଼ତିସ୍ ଇସ୍ପତ୍ ରାଜି ଏକାଖାତାଡ଼, ଇଦାଂ ପୁନାଟ୍ ।”

୩୨ “ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜିନାଙ୍ଗା, ଇ ଖିଜୁଗିଟାଆଖି ପାତେକ୍ ଇ ନେଞ୍ଜେ ଖିଗାନି ନାର୍ ଇନେସ୍ ବାନି ବୁତା ଆଉର୍ ।

୩୩ ଆକାସ୍ ଆରି ପୁତ୍ ଖିଜୁନାଡ଼, ମାତର ନା ବଚନ୍ ସବୁ ମୁଡ଼କେ ଖିଜୁଡ଼ ।”

ସବୁ ଖେଡ଼ାଙ୍ଗ୍ ଜାଲ୍ଦି ଆଜି ମାନାଟ୍

୩୪ ମାତର ଏପେଙ୍ଗ୍ ଜାର୍ ଜାର୍ ବିସ୍ତେ “ଜାଗ୍ରତ୍ ଆଜି ମାନାଟ୍, ଏଚେକାଡ଼ଦ୍ ନି ମାନ୍ମୁଞ୍ଜନାକା ଆରି କାଲିଂ ଗହନାକାତ, ଆରେ ଜିଦେଂ କାଜିଂ ଚିନ୍ତାତ ତେରେ ପେତେ ଆନାଡ଼, ଆରି ହେ ଦିନ୍ ହାଚାଗ୍ରେ ମି ଜପି ଆର୍ନାଟ୍;

୩୫ ଇନାକିଦେଂକି ହାଦାଙ୍ଗ୍ ଡକ୍ଟା ଲାକେ ସବୁ ପୁତ୍ ନି ଲକୁ ଖିଜାକାର୍ ଜପି ଖାନାଟ୍ ।

୩୬ ମାତର ଏପେଙ୍ଗ୍ ଇନେସ୍ ଇ ସବୁ ଖାନି ଦିନ୍ ଗର୍ଶାତାଂ ରାକ୍ୟା ପାୟା ଆଦେଂ ଆରି ମାନାୟ୍ ମାଜି ଲାଗେ ନିଲ୍ତେଂ ବାଟିକିୟା ଆଡୁ, ଇଦାଂ କାଜିଂ ନିତ୍ରେ ପାର୍ତାନା କିଜି କାସି ମାନାଟ୍ ।”

୩୭ \*ହେଖାନ୍ ନିତ୍ରେ ମନ୍ଦିର୍ତ୍ତ ହିକାକ୍ କିଜି ମାଚାନ୍, ଆରେ ନିତ୍ରେ ନାଣା ହସି ହାଲ୍ଲି ଜିଡ଼ମାଡ଼ିତ ମାନ୍ଞି ମାଚାନ୍ ।

୩୮ ଆରି, ଖିଜୁଲଗୁ ମନ୍ଦିର୍ତ୍ତ ହେଖାକ୍ତି ହିକ୍ୟା ଖେନ୍ଞେଙ୍ଗ୍ ଉର୍ଲ୍ଲା ହାକାଡ଼େ ହେଖାନ୍ତାକେ ଖାଜି ମାଚାର୍ ।

# ୨୨

ଜିସୁ ବିରୁଦ୍ଧତ କ୍ଳଟ୍  
(ମାତିଉ ୨୬:୧-୫; ୧୪:୧୬; ମାର୍କ ୧୪:୧-୨; ୧୦:୧୧; ଜହନ୍ ୧୧:୪୫-୫୩)

୧ ନିସ୍ତାର୍ ପାର୍ବୁ ତର୍ ହଇଖିରୁଟି ନି ପାର୍ବୁ ଲାଗାଂ ଆଜି ଖାଜି ମାଚାଡ଼ ।

☆ ୨୧:୨୫ ହଡ଼ତି ୬:୧୨, ୧୩. ☆ ୨୧:୨୬ ହଡ଼ତି ୧:୭. ☆ ୨୧:୩୨ ଲୁକ ୧୯:୪୭.

୨ ଆରି, ମୁତ୍ ମାପୁହେବାକିନାକାର ଆରି ସାସ୍ତିର, ଇନେସ୍ ଜିସୁଙ୍କ ଡଗୁଜି ଅସେଙ୍ଗ୍ ଆଡନାର୍, ହେବେଣ୍ଡା ଉପାୟ୍ ତେକ୍ତି ମାଚାର୍, ଇନାକିଦେଂକି ହେଖାର୍ ମାନାୟ୍ତିଂ ପାଣ୍ଡା ଆଜି ମାଚାର୍ ।

ଜିସୁଙ୍କ୍ ଅହି କିଦେଙ୍ଗ୍ ଇଞ୍ଜି ଜିହୁଦିତ୍ ରାଜି

(ମାତିଉ ୨୬:୧୪-୧୬; ମାର୍କ ୧୪:୧୦-୧୧)

୩ ହେଖାଡ଼ାଂ ବାରଜାଣ୍ ଚେଲାର୍ ବିତ୍ରେ ଇସ୍ପାରିୟ୍ତିୟ୍ ଇନି ଜିହୁଦା ତାକେ ସୟ୍ତାନ ହଟାଡ଼;

୪ ଆରି, ହେଖାନ୍ ହାଲ୍ଜି, ଇନେସ୍ ଉପାୟ୍ତ ହେଖାନ୍ ମୁତ୍ ମାପୁହେବାକିନାକାର ତାକେ ଆରି ମେଲ୍ୟାର୍ କେଇଦ ହେଲ୍ଲୟ୍ କିଦେଙ୍ଗ୍ ଆଡନାନ୍, ହେଦାଂ ହେଖାର୍ ହୁକେ ବେଣ୍ କିତାନ୍ ।

୫ ହେବେ ତାଙ୍ଗ୍ ହେଖାର୍ ଖାରିୟା ଆତାର୍ ଆରି ହେଖାନ୍ ଟାକାଂ ହିଦେଂ ଗଜା କିତାର୍ ।

୬ ଆରି ହେଖାନ୍ ରାଜି ଆଜି ଜିସୁଙ୍କ୍ ଆସ୍ତାର୍ ହେଖାନ୍ ହେଖାର୍ କେଇଦ ହେଲ୍ଲୟ୍ କିଦେଙ୍ଗ୍ କାଜିଂ ତେକ୍ତି ମାଚାନ୍ ।

ନିସ୍ତାର୍ ପାର୍ବୁନି କାଦି ରଚନାକା ଜିସୁ ଜାଗ୍ରତ୍

(ମାତିଉ ୨୬:୧୭-୨୫; ମାର୍କ ୧୪:୧୨-୨୧; ଜହନ୍ ୧୩:୨୧-୩୦)

୭ ପାଚେ ଇମ୍ବଣି ଦିନ୍ ନିସ୍ତାର୍ ପାର୍ବୁନି ମେଣ୍ଡା ପୁଜାକିଦେଙ୍ଗ୍ ଲାଗଦାନାଡ଼, ହଇଞ୍ଜି ରୁଚିନି ପାର୍ବୁ ହେ ଦିନ୍ ଏକାଞ୍ଜାତାଡ଼;

୮ ଆରେ, ହେଖାନ୍ ପିତର୍ ଆରି ଜହନ୍ତିଂ ଇଦାଂ ଇଞ୍ଜି ପକ୍ତାନ୍, ଆସେଙ୍ଗ୍ ଇନେସ୍ କି ତିନ୍ଞେଙ୍ଗ୍ ଆଡନାସ୍, ଇଦାଂ କାଜିଂ “ଏପେଙ୍ଗ୍ ହାଲ୍ଜି ମା କାଜିଂ ନିସ୍ତାର୍ ପାର୍ବୁ ବଜି ଜାଲ୍ଦି କିୟାଟ୍ ।”

୯ ହେବେତାଂ ହେଖାର୍ ହେଖାନ୍ ଖେନ୍ବାତାର୍, “ଆସେଙ୍ଗ୍ ଇଦାଂ ଇମ୍ବଣି ବାହାତ ଜାଲ୍ଦି କିନାପ୍ ଇଞ୍ଜି ଏନ୍ ଇଚା କିନାୟ୍ ?”

୧୦ ଜିସୁ ହେଖାରିଂ ଇଚାନ୍, “ହୁଡ଼ାଟ୍ ଏପେଙ୍ଗ୍ ଗାଡ଼ଦ ହଟିସ୍, ଏସ୍ ଗାଗ୍ରି ଅଜି ହାନ୍ ରକାନ୍ ମାନାୟ୍ ମିଙ୍ଗେଙ୍ଗ୍ ବେଟାଆଦନାନ୍; ହେଖାନ୍ ଇମ୍ବଣି ଇଞ୍ଜି ହଣାନ୍, ହେଖାନ୍ ପାଚେ ପାଚେ ହେ ଇଞ୍ଜି ହାଲ୍ଜି ଇଲ୍ଲନି ମୁଣିକାଙ୍ଗ୍ ଇନାଦେର୍,

୧୧ ‘ଗୁରୁ ନିଙ୍ଗେଙ୍ଗ୍ ଖେନ୍ବାଆଦନା, ଆନ୍ ନା ଚେଲାର୍ ଲାହାଙ୍ଗ୍ ଇମେତାକେ ନିସ୍ତାର୍ ପାର୍ବୁ ତିଙ୍ଗେଙ୍ଗ୍ ମାନି କିନାପ୍, ହେ ଗତାଙ୍ଗ୍ ଇଲ୍ଲ ଇମେଟ୍ ?’

୧୨ ହେବେତାଂ ହେଖାନ୍ ମିଦାଙ୍ଗ୍ ହାରିକିଜି ଜାଲ୍ଦି କିତି ଜପ୍ଣି ଗାଜା ବାକ୍ତା ଚଟ୍ଟାନାନ୍, ହେ ବାହାତ ଜାଲ୍ଦି କିୟାଟ୍ ।”

୧୩ ଆରେ, ହେଖାର୍ ହାଲ୍ଜି, ଜିସୁ ହେଖାରିଂ ଇନେସ୍ ଇଞ୍ଜି ମାଚାନ୍, ହେ ଲାକେ ହୁଡ଼ଜି ନିସ୍ତାର୍ ପାର୍ବୁନି ବଜି ଜାଲ୍ଦି କିତାର୍ ।

ମାପୁ ବଜ

(ମାତିଉ ୨୬:୨୬-୩୦; ମାର୍କ ୧୪:୨୨-୨୬; ୧ କରନ୍ତିୟ୍ ୧୧:୨୩-୨୫)

୧୪ ଆରେ, ସମୁ ଏକାଞ୍ଜାତିଲେ, ହେଖାନ୍ ବାରଜାଣ୍ ପକ୍ୟାତାକାର ହୁକେ ତିଙ୍ଗେଙ୍ଗ୍ କୁଟ୍ଟାର୍ ।

୧୫ ଆରେ, ଜିସୁ ହେଖାରିଂ ଇଚାନ୍, “ନା ଦୁକ୍ ଆଗେ ଆନ୍ ମି ହୁକେ ଇ ନିସ୍ତାର୍ ବଜି ମାନି କିଦେଙ୍ଗ୍ ମାତ୍ର ଇଚା କିତାଙ୍ଗ୍;

୧୬ ଇନାକିଦେଂକି ମିଙ୍ଗେଙ୍ଗ୍ ଇଞ୍ଜିନାଙ୍ଗା, ମାପୁତି ରାଜିତ ଇଦାଂ ଅରଡ଼ ହାଡ଼ପା ପୁରା ଆଞ୍ଜି ପାତେକ୍ ଆନ୍ ଆରେ ଇନାଞ୍ଜାଡ଼ାଂ ପା ମାନି କିତାଙ୍ଗ୍ ।”

୧୭ ଆରେ, ହେଖାନ୍ ଗିଲାସ୍ ଅଜି ଜୁଞ୍ଜାର୍ କିଜି ହିଜି ଇଚାନ୍, “ଇଦାଂ ଅଜି ଜାର୍ ଜାର୍ ବିତ୍ରେ ବାଗ୍ କିୟାଟ୍,”

୧୮ ଇନାକିଦେଂକି ଆନ୍ ମିଙ୍ଗେଙ୍ଗ୍ ଇଞ୍ଜିନାଙ୍ଗା, ମାପୁ ରାଜି ଖାଞ୍ଜି ପାତେକ୍ ଆନ୍ ଅଙ୍ଗୁର୍ ରାସ୍ ନେଞ୍ଜେଙ୍ଗ୍ ତାଙ୍ଗ୍ ଇଦାଂ ଆରେ ଉଣ୍ଡୁଙ୍ଗ୍ ।

୧୯ ଆରେ, ହେଖାନ୍ ରୁଚି ଅଜି ଜୁଞ୍ଜାର୍ କିଜି ଆରି ହେଦାଂ ତ୍ରିକ୍ତି ହେଖାରିଂ ହିଜି ଇଚାନ୍, “ମି କାଜିଂ ହିତି ନା ଗାଗାଡ଼ ଇଦାଂ, ନାଙ୍ଗେଙ୍ଗ୍ ଏତୁ କିଦେଙ୍ଗ୍ ଇଦାଂ କିୟାଟ୍ ।”

୨୦ ଚିତି ପାଚେ ହେ ଲାକେ ହେଖାନ୍ ଗିଲାସ୍ ଅଜି ଇଚାନ୍, “ଇ ଗିଲାସ୍ ମି କାଜିଂ ରଚ୍ଚି ମାନି ନା ନେତେର୍ତାଂ ରଚ୍ଚି ପୁନି ନିୟ୍ମ ।”

୨୧ ମାତର୍ ହୁଡ଼ାଟ୍, “ଇନେର୍ ନାଙ୍ଗେଙ୍ଗ୍ ସତୁ କେଇଦ ହେଲ୍ଲୟ୍ କିଦ୍ନା, ତା କେଇ ନା ଲାହାଙ୍ଗ୍ ଚେବୁଲ୍ ଜପି ମାନାଡ଼ ।”

୨୨ ଇନାକିଦେଂକି ଇନେସ୍ ତିର୍ ଆତାଡ଼ନା, ମାନାୟ୍ ମାଜି ହେ ଲାକେ ହାକି ପାୟା ଆନାନ୍, ମାତର୍ ଇମ୍ବଣି ମାନାୟ୍ତିଂ ହେଖାନ୍ ସତୁ କେଇଦ ହେଲ୍ଲୟ୍ କିୟା ଆନାନ୍, ହାୟ୍ ତାଣ୍ ପାୟା ଆନାନ୍ ।”

୨୩ ଲାଗିଂ “ହେଖାର୍ ବିତ୍ରେ ଇନେର୍ ଇଦାଂ କିଦେଙ୍ଗ୍ ହାନାରା, ହେ ବିସ୍ତେ ହେଖାର୍ ହେଖାର୍ ଖେଟ୍ପା ଆଦେଂ ଲାଗାତାର୍ ।”

ରକାନ୍ ଚାକର୍ ଲାକେ ଆତୁ

୨୪ ✨ଆରେ, ହେଖାର୍ ବିତ୍ରେ ଇନେର୍ ଗାଜା, ହେ ବିସ୍ତେ କେଟ୍ପା ଆତାର୍ ।

✨ ୨୨:୨୪ ମାତିଉ ୧୮:୧; ମାର୍କ ୯:୩୪; ଲୁକ ୯:୪୭.



୨୫ ହେବେତାଁ ହେୱାନ ହେୱାରିଁ ଇଚାନ, “ପାତର୍ କିଞ୍ଚି ଜିହୁଦିର୍ ରାଜାର ହେୱାର ଜପି ଆଦିକାର କିତାର, ହେୱାର ଲକୁ ହେବାନିକାର ଇଞ୍ଚି ପୁଟାଆନାର ।

୨୬ ✠ମାତର୍ ଏପେଙ୍ଗ୍ ହେ ଲାକେ ଆମାଟ୍, ମତର୍ ମି ବିତ୍ରେ ଇନେର୍ ଗାଜାକାନ, ହେୱାନ ହାରୁକାନ ଲାକେ ଆୟେନ୍, ଆରି ଇନେର୍ ନେତା, ହେୱାନ ହେବାକାରୟା ଲାକେ ଆୟେନ୍ ।

୨୭ ✠ଇନାକିଦେକି ଇନେର୍ ଗାଜାକାନ ? ଇନେର୍ ଚିଞ୍ଚେଙ୍ଗ୍ କୁଟ୍ଟାନ୍ନା, କି ଜେ ହେବାକାରୟା ? ଇନେର୍ ଚିଞ୍ଚେଙ୍ଗ୍ କୁଟ୍ଟାକାନ ହେୱାନ କି ଗାଜାକାନ ଆକାୟ ? ମାତର୍ ଆନ୍ ମି ବିତ୍ରେ ରକାଁ ହେବାକାରୟା ଲାକେ ମାନାଁ ।”

୨୮ ମାତର୍ “ଏପେଙ୍ଗ୍ ନା ଝିଜୁ ପରିକ୍ୟାତ ନା ଲାହାଙ୍ଗ୍ ମାନ୍ଞି ଝାନାଦେରା;

୨୯ ଲାଗିଁ ନା ଆବା ରାଜି ରଟ୍ଟାନ୍ନା, ଆନ୍ ପା ହେ ଲାକେ ମି କାଜିଁ ରଟ୍ଟାନ୍ନା,

୩୦ ଇନେସକି ଏପେଙ୍ଗ୍ ନା ରାଜିତ ନା ଟେବୁଲତ ତିନ୍ଞି ଉଣ୍ଡି କିନାଦେର୍, ଆରେ ଗାଦିତ କୁଟ୍ଟି ଇସ୍ରାଏଲ୍ନି ବାର କୁଟ୍ଟମ୍ତିଁ ରାଜ୍ କିନାନ ।”

**ପିତରୁଟି ଜିସୁଙ୍ଗ୍ ପାତର୍ କିଞ୍ଚି ଆଗେ ୱେଟ୍ଟନାକା**

(ମାତିଉ ୨୬:୩୧-୩୫; ମାର୍କ ୧୪:୨୭-୩୧; ଜହନ୍ ୧୩:୩୬-୩୮)

୩୧ “ସିମନ୍, ସିମନ୍, ହୁଡ଼ା କାମ୍ଲିୟା, ଗମ୍ତିଁ ପୁଟା ଆଲ୍ଗା କିଦେଙ୍ଗ୍ ଇଞ୍ଚି ହାଣେଲ୍ତ ଚାଲ୍ଲାୟକିନି ଲାକେ ସୟତାନ୍ ପା ହାର୍ଦିମାନାୟାଟାଁ ବାନିୟାରିଙ୍ଗ୍ ଆଲ୍ଗା କିଦେଙ୍ଗ୍ ଇଞ୍ଚି ମିଙ୍ଗେଙ୍ଗ୍ ପରିକ୍ୟା କିଦେଙ୍ଗ୍ ଆଦିକାର ପାୟାଆତାଁନ୍ନା;

୩୨ ମାତର୍ ନି ପାତର୍ କିନାକା ଇନେସ୍ ଡଗ୍ଟୁଟ୍, ଇଦାଁ କାଜିଁ ଆନ୍ ନି ହୁଦାଁ ପାର୍ତାନା କିତାଙ୍ଗ୍; ଆରେ, ଏନ୍ ଲେଉଟା ଆଜି ଝାନିହିଁ ଜାର ଟଣ୍ଡାରିଁ ସୁସ୍ତା କିୟା ।”

୩୩ ମାତର୍ ହେୱାନ ତାଙ୍ଗେଙ୍ଗ୍ ଇଚାନ, “ଏ ମାପୁ, ଆନ୍ ନି ଲାହାଙ୍ଗ୍ ବନ୍ଦି ଇଞ୍ଚି ହାଞ୍ଚେଙ୍ଗ୍ ଆରି ହାଦେଁ ଜାଲ୍ଦି ଆତାଙ୍ଗ୍ନା ।”

୩୪ ମାତର୍ ହେୱାନ ଇଚାନ, “ଏ ପିତର୍, ଆନ୍ ନିଙ୍ଗେଙ୍ଗ୍ ୱେଟ୍ଟନାକା, ନେଞ୍ଚେଙ୍ଗ୍ କୁଜୁ କ୍ଳେନିହିଁ ଆଗେ ଏନ୍ ଜେ ପୁଞ୍ଜନାୟ, ଇଦାଁ ତିନିହଟ୍ ପାତର୍ କିଦୁୟ ।”

**ହାବଡ୍ କାଜିଁ ଜାଲ୍ଦି ଆଜି ମାନାଟ୍**

୩୫ ✠ଆରେ, ହେୱାନ ହେୱାରିଁ ଇଚାନ, “ଏଚେକାଡ୍ଦ ଆନ୍ ମିଙ୍ଗେଙ୍ଗ୍ ବାଡି, ମଣା ଆରି କାଣ୍ଡା ପାଣ୍ଡାଈଙ୍ଗ୍ ତୁସ୍ଝାଦାଙ୍ଗ୍ ପକ୍ଟି ମାନ୍ଞାଙ୍ଗ୍, ହେୱାତାଁ ମିଦାଙ୍ଗ୍ ଇନାକା ଅବାବ୍ ଆଜି ମାନାଟ୍ ?” ହେୱାର ଇଚାର, ଇନାକା “ଆକାୟ ।”

୩୬ ହେବେତାଁ ହେୱାନ ହେୱାରିଁ ଇଚାନ, “ମାତର୍ ନଙ୍ଗ୍, ଇନେରୁଟି ବାଡି ମାନାଟ୍, ହେୱାନ ହେଦାଁ ଅଞ୍ଚେନ୍, ହେ ଲାକେ ମଣା ପା ଅଞ୍ଚେନ୍, ଆରି ଇନେରୁଟି ହିଲୁଟ୍, ହେୱାନ ହେ ହେୟା ରଞ୍ଜାଙ୍ଗ୍ ପ୍ରସି କାଣ୍ଡା କଡେନ୍ ।”

୩୭ ଇନାକିଦେକି ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା,

“ହେୱାନ ଅଦାମର୍ ଲାହାଁ ଗାଣାକିୟା ଆତାନ୍,” ଇ କାତା ଲେକା ଆତାଡ୍ନା, “ହେଦାଁ ନା ତାକେ ପୁରାଆନାକା ମାନାଟ୍; ଲାଗିଁ ନା ବିସ୍ତେ ପୁରା ଆତାଡ୍ନା ।”

୩୮ ହେବେତାଁ ହେୱାର ଇଚାର, ମାପୁ, ହୁଡ଼ା, “ଇବେ ରିଣ୍ଡାଁ କାଣ୍ଡାଙ୍ଗ୍ ମାନିକ୍ । ଆରେ, ହେୱାନ ହେୱାରିଁ ଇଚାନ, ଏଚେକ୍ନେ ସାରି ।”

**ଜିସୁ ଜିଡ୍ ମାଡିତ ମାପୁଟି ପାର୍ତାନା**

(ମାତିଉ ୨୬:୩୬-୪୬; ମାର୍କ ୧୪:୩୨-୪୨)

୩୯ ଜିସୁ ଗାଡ୍ଦାଁ ହସି ଜାର ରିତି ହୁକେ ଜିଡ୍ମାଡିତ ହାଚାର, ଆରି ଚେଲାର ପା ତା ପାଚେ ପାଚେ ହାଚାର ।

୪୦ ହେ ବାହାତ ଏକିସ୍ ଜିସୁ ହେୱାରିଁ ଇଚାନ, “ପରିକ୍ୟାତ ଇନେସ୍ ଆର୍ମାଟ୍, ଇଦାଁ କାଜିଁ ପାର୍ତାନା କିୟାଟ୍ ।”

୪୧ ଆରେ, ହେୱାନ ହେୱାର ଆନ୍ମାନତାଁ ପାଞ୍ଚକଡି ଆଡ୍ତାଁ ଦେହା ହାଲ୍ଜି ମେଣ୍ଡାଙ୍ଗ୍ କୁସିକିଜି ଇ ପାର୍ତାନା କିଦେଙ୍ଗ୍ ଲାଗାତାର,

୪୨ “ଏ ଆବା,” ଜଦି ନି ଇଚା ମାନାଟ୍ ଲାଗିଁ “ଇ ଦୁକ୍ ନା ତାଙ୍ଗ୍ ଦେହା କିୟା, ଆଡିସ୍ ପା ନା ଇଚା ଆକାୟ, ମାତର୍ ନି ଇଚା ପୁରା ଆୟେଟ୍ ।”

୪୩ ଆରେ, ସାଗେତାଁ ର ଦୁଡ୍ ଚଞ୍ଚୟା ଆଜି ତାଙ୍ଗେଙ୍ଗ୍ ସାକ୍ତି ହିତାନ୍ ।

୪୪ ଆରେ, ଜିସୁ ମାନ୍ ବିତ୍ରେ ଦୁକ୍ତାଁ ତ୍ରିଙ୍ଗ୍ଜି ପାର୍ତାନା କିଦେଙ୍ଗ୍ ଲାଗାତାନ୍ ଆରି ତା ରୁମିଙ୍ଗ୍ ନେତେର୍ ଲାକେ ମେଦ୍ନିତ ଆର୍ଡିକ୍ ।

୪୫ ଆରେ, ହେୱାନ ପାର୍ତାନାତାଙ୍ଗ୍ ନିଙ୍ଗ୍ଜି ଚେଲାର ଲାଗାଁ ଝାଜି ହେୱାରିଁ ଦୁକ୍ କାଜିଁ ହୁନ୍ଞାକାରିଁ ହୁଡ୍ତାନ୍;

✠ ୨୨:୨୬ ମାତିଉ ୨୩:୧୧; ମାର୍କ ୯:୩୫. ✠ ୨୨:୨୭ ମାତିଉ ୨୦:୨୫-୨୭; ମାର୍କ ୧୦:୪୨-୪୪. ✠ ୨୨:୨୭ ଜହନ୍ ୧୩:୧୨-୧୫. ✠ ୨୨:୩୫ ମାତିଉ ୧୦:୯,୧୦; ମାର୍କ ୬:୮,୯; ଲୁକ ୯:୩; ୧୦:୪.

୪୬ ଆରେ, ହେୱାନ ହେୱାରିଂ ଇଚାନ, “ଇନେକିଦେଂ ହୁଞ୍ଜନାଦେରା ? ପରିକ୍ୟାତ ଇନେସ୍ ଆର୍ମାଟ୍, ଇଦାଂ କାଜିଂ ନିଙ୍ଗି ପାତୀନା କିୟାଟ୍ ।”

ଜିସୁ ସତୁ କେଇଦ ହେଲାଇ କିୟାତାନ

(ମାତିଉ ୨୬:୪୭-୫୨; ମାର୍କ ୧୪:୪୩-୫୦; ଜହନ୍ ୧୮:୩-୧୧)

୪୭ ଜିସୁ କାତା ଇନିୱାଡାଂ, ହୁଡାଟ୍ ଲକୁ ୱାଜି ଏକାୱାଡାଟ୍, ଆରି ବାରଜାଣ୍ ବିତ୍ରେ ଜିହୁଦା ଇନି ରକାନ ହେୱାଟ୍ ଆଗେ ଆଗେ ୱାଜି ଜିସୁଙ୍ଗ୍ ତନଞ୍ଜେଙ୍ଗ୍ ହେ କଟଣ୍ଡିତ ହାଚାନ ।

୪୮ ମାତର୍ ଜିସୁ ହେୱାନିଂ ଇଚାନ, “ଏ ଜିହୁଦା ତନଞ୍ଜି ପା ମାନାୟ୍ ମାଜି ସତୁ କେଇଦ ହେଲାଇ କିଦନାୟା ?”

୪୯ ଇବେଣ୍ଟାଂ ଇନାକା ଗିଟା ଆନାଟ୍, ହେଦାଂ ହୁଡ଼ଜି ହାଙ୍ଗଦାକାର୍ ଇଚାଟ୍, “ମାପୁ, ଆପେଂ ଇନାକା କାଣ୍ଡାତ କାଡନାପ୍ ?”

୫୦ ଆରେ, ହେୱାଟ୍ ବିତ୍ରେ ରକାନ ମୁଡ଼୍ ମାପୁହେବାକିନାକାନ ଆଡ଼ିୟାଙ୍ଗ୍ ମାଟ୍କିଜି ହେ ତିନି କିଡୁଲ୍ ରାସ୍ଦି ତୁହିତାନ ।

୫୧ ମାତର୍ ଜିସୁ ଉତର୍ ହିତାନ, “ଏଚେକ୍ ହୁନଜି ମାନାଟ୍,” ଆରେ, ହେୱାନ ହେ କିଡୁଲ୍ ତୁଜି ତାଙ୍ଗେଙ୍ଗ୍ ଉଜ୍ କିତାନ ।

୫୨ ଆରେ, ଜିସୁ ହେୱାନ୍ତି ବିରୁଦ୍ତ ୱାଜି ମାତି ମୁଡ଼୍ ମାପୁହେବାକିନାକାର୍, ମନ୍ଦିରନି ମୁଡ଼ଜାମାନ ଆରି ବୁଡାଲୁରିଂ ଇଚାଟ୍, “ଚର୍କୁ ବିରୁଦ୍ତ ହତି ଲାକେ କାଣ୍ଡା ଆରି ଟେଙ୍ଗା ଆଜି ଏପେଙ୍ଗ୍ ଇନାକା ହସି ୱାତାଦେଣ୍ଡା ?

୫୩ ଆନ୍ ନିତ୍ରେ ମି ହୁକେ ମନ୍ଦିରତ ମାନିୱେଡାଲିଂ ଏପେଙ୍ଗ୍ ନା ବିରୁଦ୍ତ କେଇ କିଦ୍ୱାତାଦେଟ୍, ମାତର୍ ଇଦାଂ ମି ସମୁ ଆରି ମାଜଗାନି ଆଦିକାର୍ ।”

ପିତର୍ ଜିସୁଙ୍ଗ୍ ପାତର୍ କିୱାତାନ

(ମାତିଉ ୨୬:୫୭-୫୮; ୨୬:୬୯-୭୫; ମାର୍କ ୧୪:୫୩-୫୪; ୧୪:୬୬-୭୨; ଜହନ୍ ୧୮:୧୨-୧୮; ୧୮:୨୫-୨୭)

୫୪ ପାଚେ ହେୱାଟ୍ ହେୱାନିଂ ଆସି ଅଜି ମୁଡ଼୍ ମାପୁହେବା କିନାକାର୍ ଇଞ୍ଜି ତାହିୱାତାଟ୍; ମାତର୍ ପିତର୍ ଦେହା ମାନ୍ଞି ପାଚେ ପାଚେ ହାଚାନ ।

୫୫ ଆରେ, ହେୱାଟ୍ ହାକଡ଼ିନି ମାଦି ବାହାତ ନାଣି ତୁବ୍ଜି ରଚେ କୁଚ୍ଚିଲେ, ପିତର୍ ହେୱାଟ୍ ମାଦି କୁଚ୍ଚି ମାଚାନ ।

୫୬ ରଞ୍ଜେଲ୍ ଆଡ଼ିଏଣି ହେୱାନ ନାଣି ଲାଗାଂ କୁଚ୍ଚି ମାନାକା ହୁଡ଼ଜି ହେୱାନିଂ ଇଚ୍ଚକାଡ଼୍ କିଜି ହୁଡ଼ଜି ଇଚାଟ୍, “ଇୱାନ ପା ହେୱାନ ହୁକେ ମାଚାନ ।”

୫୭ ମାତର୍ ପିତର୍ ପାତର୍ କିୱାଦାଂ ଇଚାନ, “ଏ ଆୟାତାଡ଼ି, ଆନ୍ ହେୱାନିଂ ପୁନୁଙ୍ଗ୍ ।”

୫୮ ଅଲପ୍ ସମୁ ପାଚେ ଆରି ରଞ୍ଜେଲ୍ ହେୱାନିଂ ହୁଡ଼ଜି ଇଚାଟ୍, “ଏନେଙ୍ଗ୍ ପା ହେୱାଟ୍ ବିତ୍ରେ ରକାୟ୍ ।”

ମାତର୍ ପିତର୍ ଇଚାନ, “ଆକାୟ୍, ଟଣ୍ଡେନ୍, ଆନ୍ ଆକାୟ୍ ।”

୫୯ ର ଗଣ୍ଡା ପାଚେ ରକାନ ଆଟ୍ୱା କିଜି ଇଞ୍ଜେଙ୍ଗ୍ ଲାଗାତାନ, “ଇ ମାନାୟ୍ ପା ହାଡ଼ପାନେ ତା ହୁକେ ମାଚାନ, ଇନାକିଦେଂକି ହେୱାନ ରକାନ ଗାଲିଲିୟ ମାନାୟ୍ ।”

୬୦ ମାତର୍ ପିତର୍ ଇଚାନ, “ଟଣ୍ଡେନ୍, ଏନ୍ ଇନାକା ଇନାୟା, ଆନ୍ ହେଦାଂ ପୁନୁଙ୍ଗ୍ ।”

ହେ ଦାପ୍ରେ ହେୱାନ କାତା ଇନ୍ନୁ ଇନ୍ନୁ କୁଜୁ କ୍ଳେତାଟ୍,

୬୧ ଆରେ ମାପୁ ପିତର୍ତିଂ ର କାଣ୍ଡକୃତ ହୁଡ଼ତାନ; ହେବେ “ନେଞ୍ଜେଙ୍ଗ୍ କୁଜୁ କ୍ଳେନି ଆଗେ ଏନ୍ ନାଙ୍ଗେଙ୍ଗ୍ ତିନି ହର୍ ପାତର୍ କିଦୁୟ୍,” ଇଦାଂ ଇମ୍ଣି କାତା ମାପୁ ପିତର୍ତିଂ ଇଞ୍ଜି ମାଚାନ,

୬୨ ହେଦାଙ୍ଗ୍ ତା ମାନ୍ତ ୱାତାଟ୍, ଆରି ହେୱାନ ବାଟ୍ ହାଲ୍ଜି ବେସି ତାୟା ଆଜି ଆଡ଼ବାତାନ ।

ଜିସୁଙ୍ଗ୍ ଗୁଇତାର୍

(ମାତିଉ ୨୬:୬୭-୬୮; ମାର୍କ ୧୪:୬୫)

୬୩ ଆରେ, ଇମ୍ଣି ମାନାୟାର୍ ଜିସୁଙ୍ଗ୍ ଆସି ଇଡ଼ଜି ମାଚାର୍, ହେୱାଟ୍ ହେୱାନିଂ ମାଡ଼ଜି କିଉ କିଉ ଲାଜୁ କିଚାର୍,

୬୪ ଆରେ ହେ ମୁମ୍ଦ ପାଡ଼ାକ୍ତି ହେୱାନିଂ ୱେନ୍ବେଦେଂ ଲାଗାତାର୍, “ଏନ୍ କିୟା ବେଣ୍ବାକ୍ଣାୟ୍ କିନାକାୟ୍ ! ଇନାତ, ଇନେଟ୍ ନିଙ୍ଗେଙ୍ଗ୍ ମାଟ୍କିଡ଼ତାର୍ ?”

୬୫ ଆରେ, ହେୱାଟ୍ ଆଦିକ୍ ବେସି କାତା ହେୱାନ ବିରୁଦ୍ତ ଇଞ୍ଜି ହେୱାନିଂ ନିୟା କିଦେଙ୍ଗ୍ ଲାଗାତାର୍ ।

ଜିସୁଙ୍ଗ୍ ଗାଜା ସବାତାକେ ତାହିୱାତାର୍

(ମାତିଉ ୨୬:୫୯-୬୬; ମାର୍କ ୧୪:୫୫-୬୪; ଜହନ୍ ୧୮:୧୯-୨୪)

୬୬ ଅଜଡ଼୍ ଆଡି ଦାପ୍ରେ ମାନାୟାର୍ତ୍ ପ୍ରାଚିନାର୍, ଆରେ ମୁଡ଼୍ ମାପୁହେବାକିନାକାର୍ ଆରି ସାସ୍ତ୍ରର୍ ରୁଣ୍ଡା ଆଜି ଜାର୍ତ୍ତିଂ ଗାଜା ମିଟିଙ୍ଗ୍ତାଂ ଅଜି ଇଚାର୍, “ଏନେଙ୍ଗ୍ ଜଦି କ୍ରିଷ୍ଟୁ, ତେବେ ମାଙ୍ଗେଙ୍ଗ୍ ୱେଚ୍ଚା ।”

୬୭ ମାତର୍ ଜିସୁ ହେୱାରିଂ ଇଚାନ,

“ଆନ୍ ଜଦି କ୍ରିଷ୍ଟୁ ମିଙ୍ଗେଙ୍ଗ୍ ଇଞ୍ଜନାଙ୍ଗ୍, ଏପେଙ୍ଗ୍ ତ ପାତର୍ କିଉଦେଟ୍ ।”

୬୮ ଆରେ, ଆନ୍ ଖେନ୍‌ବା ଆତିସ୍, “ଏପେଙ୍ଗ୍ ଉତର୍ ହିଉଦେର୍ ।”

୬୯ ମାତର୍ ନଙ୍ଗତାଂ ମାନାୟ୍ ମାଜି ଇସ୍ତ ସାକ୍ରିତାଂ ବୁଜ୍‌ଣି ବାଗାଙ୍ଗ୍ କୁର୍ନାନ୍ ।

୭୦ ହେବେଣ୍ଟାଂ ଖିଜାକାର୍ ଖେନ୍‌ବାତାର୍, “ବାଟିଙ୍ଗ୍ ଏନ୍ ଇନାକା ଇସ୍ତ ମାଜି ?”

ହେଖାନ୍ ହେଖାରିଂ ଇଚାନ୍, “ଆନ୍ ହେଖାନ୍ ଇଞ୍ଜି ଏପେଙ୍ଗ୍ ଇନାଦେରା ।”

୭୧ ଲାଗିଂ ହେଖାର୍ ଇଚାର୍, “ମାଦାଂ ଆରେ ସାକିନି ଲଡ଼ା ଆକାୟ୍ । ହେଖାନ୍ ଇନାକା ଇନାନା, ଆପେଂ ନିଜ୍ ହେଦାଂ ଖେଚାପ୍ନା ।”

### ୨୩

#### ଜିସୁଙ୍ଗ୍ ପିଲାତ ତାକେ ତାହିଝାତାର୍

(ମାତିଉ ୨୭:୧୨; ୧୧:୧୪; ମାର୍କ ୧୫:୧-୫; ଜହନ୍ ୧୮:୨୮-୩୮)

୧ ପାଚେ ସବାନି ଖିଜାକାର୍ ନିଙ୍ଗ୍ ଜିସୁଙ୍ଗ୍ ପିଲାତ ତାକେ ଅତାର୍ ।

୨ ଆରେ, ହେଖାର୍ ଜିସୁ ବିରୁଦ୍‌ତ ଦାବା କିଦେଙ୍ଗ୍ ଲାଗାତାର୍, ଆପେଂ ହୁଡ଼ତାପ୍, ଇ ମାନାୟ୍ “ମା ଜାତିତିଂ ରାଜା ବିଦ୍‌ଡ଼ କିଦ୍‌ନାନା ଆରି କାଈସର୍‌ତିଂ ସିସ୍ତ୍ ହିଦେଂ ମୁନାକିନାନ୍ନା ଆରି ଜାର୍‌ତିଂ କ୍ରିସ୍ତ୍ ରାଜା ଇଞ୍ଜି ଇନାନ୍ନା ।”

୩ ଇବେଣ୍ଟାଂ ପିଲାତ ଜିସୁଙ୍ଗ୍ ଖେନ୍‌ବାତାନ୍, “ଏନ୍ କି ଜିହୁଦିର୍ ରାଜାତି ?”

ଜିସୁ ଉତର୍ ହିତାନ୍, “ଏନ୍ ଇଞ୍ଜିନାୟା ।”

୪ ହେବେଣ୍ଟାଂ ପିଲାତ ମୁଡ଼୍ ମାପୁହେବାକିନାକାନ୍ ଆରି ମାନାୟାରିଂ ଇଚାନ୍, ଆନ୍ “ଇ ମାନାୟାତିଂ ଇନାକାପା ଦସ୍ ପାୟାଆଝାତାଂ ।”

୫ ମାତର୍ ହେଖାର୍ ଆରେ ଜବର୍ କିଜି ଇଞ୍ଜେଙ୍ଗ୍ ଲାଗାତାର୍, “ଇଝାନ୍ ଖିଜୁ ଜିହୁଦା ଦେସ୍‌ତ ହିକ୍ୟା ହିଜି ଗାଲିଲିତାଂ ଆରମ୍ କିଜି ଇ ବାହା ପାତେକ୍ ପା ଲକାଂ ମାତାୟ୍ କିନାନା ।”

#### ଜିସୁଙ୍ଗ୍ ହେରଦ୍ ଲାଗେ ପକ୍‌ତାନ୍

୬ ମାତର୍ ପିଲାତ ଇଦାଂ ଖେନ୍‌ଞ୍ଜି ଖେନ୍‌ବାତାନ୍, “ଇ ମାନାୟ୍ ଇନାକା ରକାନ୍ ଗାଲିଲିୟ୍ ମାନାୟ୍ କି ?”

୭ ଆରେ, ହେଖାନ୍ ଜେ ହେରଦ୍‌ତି ଆଦିକାର୍ ତାରେନ୍ ମାନାର୍, ଇଦାଂ ପୁଞ୍ଜି ହେଖାନ୍‌ତାଂ ହେରଦ୍ ଲାଗାଂ ପକ୍‌ତାନ୍, ଲାଗିଂ ହେଖାନ୍ ପା ଇ ସମୁତ୍ ଜିରୁସାଲମ୍‌ତ ମାଚାନ୍ ।

୮ ହେରଦ୍ ଜିସୁଙ୍ଗ୍ ହୁଡ଼ଜି ବେସି ଖାର୍‌ୟା ଆତାନ୍, ଇନାକିଦେଂକି ହେଖାନ୍ ହେ ବିସ୍ତେ ଖେନ୍‌ଞ୍ଜି ମାଟିଲେ ତାଙ୍ଗେଙ୍ଗ୍ ବେସି ଦିନ୍‌ତାଂ ହୁଡ଼ଦେଂ ମାନ୍ କିଜି ମାଚାନ୍, ଆରେ ହେଖାନ୍ କାଜିଂ ଇମ୍‌ଣାକା ପା କାବାଆନି କାମାୟ୍ ଆନାକା ହୁଡ଼ଦେଂ ଆହା କିଜି ମାଚାନ୍ ।

୯ ଲାଗିଂ ହେଖାନ୍‌ତାଂ ବେସି କାତା ଖେନ୍‌ବେଦେଂ ଲାଗାତାନ୍, ମାତର୍ ଜିସୁ ତାଙ୍ଗ୍ ଇନାକା ଇନ୍‌ଝାତାନ୍ ।

୧୦ ଆରେ, ମୁଡ଼୍ ମାପୁହେବାକିନାକାର୍ ଆରି ସାସ୍ତ୍ରିର୍ ନିଲ୍‌ତି ହେ ବିରୁଦ୍‌ତ ବେସି ଇଞ୍ଜେଙ୍ଗ୍ ଲାଗିସ୍ ମାଚାର୍ ।

୧୧ ଆରେ, ହେରଦ୍ ଜାର୍ ମେଲ୍ୟାର୍ ହୁକେ ତାଙ୍ଗ୍ ଲାଜ୍ କିଜି ନିୟା କିଜି ଜିଲିମିଲି ହେୟା ଉସ୍ତ୍ କିଜି ପିଲାତ ଲାଗେ ପକ୍‌ତି ତୁହିତାନ୍ ।

୧୨ ହେ ଦିନ୍ ହେରଦ୍ ଆରି ପିଲାତ ହାରି ହାଙ୍ଗ୍‌ଦାକାର୍ ଆତାର୍; ଇଦାଂ ଆଗେ ହେଖାର୍ ହାରି ହାଙ୍ଗ୍‌ଦାକାର୍ ବିତ୍ରେ ସତୁର୍ ମାଚାଡ଼ ।

#### ଜିସୁତି ହାକି ତାଣ୍ଡିହିତାର୍

(ମାତିଉ ୨୭:୧୫-୨୬; ମାର୍କ ୧୫:୬-୧୫; ଜହନ୍ ୧୮:୩୯-୧୯:୧୭)

୧୩ ଇଦାଂ ପାଚେ ପିଲାତ ମୁଡ଼୍ ମାପୁହେବାକିନାକାର୍, ଗାଜାକାର୍ ଆରି ମାନାୟାରିଂ କୁକ୍‌ତି ରୁଣ୍ଡାୟ୍ କିଜି ହେଖାରିଂ ଇଚାନ୍,

୧୪ ଇଝାନ୍ ମାନାୟ୍ ବିଦ୍‌ବାଦା କିନାନା ଇଞ୍ଜି “ଏପେଙ୍ଗ୍ ଇଝାନିଂ ନା ଲାଗାଂ ତାସି ମାଚାଦେର୍; ଆରି ହୁଡ଼ାଟ୍, ଆନ୍ ମି ମୁମ୍‌ଦ ଇଝାନିଂ ପର୍‌ସନ୍ କିଜି ହେ ବିରୁଦ୍‌ତ ଏପେଙ୍ଗ୍ ଜେ ଖିଜାକାଦେର୍ ଇଝାନ୍ କାତା କିନାଦେରା, ହେ ଲାକେ ଇମ୍‌ଣାକା ପା ଦସ୍ ଇଝାନ୍‌ଗାଙ୍ଗ୍ ଗାଟାଆଝାତାପ୍ ।

୧୫ ହେରଦ୍ ପା ଗାଟାଆଝାତାନ୍, ଇନାକିଦେଂକି ହେଖାନ୍‌ତାଂ ମା ତାକେ ଆରେ ପକ୍‌ତାନ୍; ଆରି ହୁଡ଼ାଟ୍, ଇଝାନ୍ ହାକିତାଣ୍ଡି ପାୟା ଆନି ଇନାକାପା କାମାୟ୍ କିଝାତାନ୍‌ନା;

୧୬ ଲାଗିଂ ଆପ୍ ଇଝାନିଂ ଟ୍ରାକି କିଜି ମୁକ୍ତି କିନାପ୍ ।”

୧୭ ପାର୍‌ସୁ ଖେଡ଼ାଲିଂ ହେଖାର୍ କାଜିଂ ରକାନିଂ ମୁକ୍ତି କିଦେଙ୍ଗ୍ ଝାଜି ମାଚାଡ଼ ।

୧୮ ମାତର୍ ହେଖାର୍ ଖିଜାକାର୍ ରବେ କିକିରାତିଂ କିଜି ଇଚାର୍, “ଇଝାନିଂ ଅହାଟ୍, ମା କାଜିଂ ବାରବାଙ୍ଗ୍ ମୁକ୍‌ତାୟ୍ କିୟାଟ୍ ।”

୧୯ ଇ ବାରବା ଗାଡ଼୍‌ଦ ଗିଟା ଆଜି ଇମ୍‌ଣି ଗଡ଼ମେଲି କାଜିଂ ଆରି ନାର୍ ଅହ୍‌ନି କାଜିଂ ବନ୍ଦି ଇଞ୍ଜି ଇଡ଼୍‌ଜି ମାଚାର୍ ।

୨୦ ମାତର୍ ପିଲାତ ଜିସୁଙ୍ଗ୍ ମୁକ୍ତି କିଦେଙ୍ଗ୍ ମାନ୍‌କିଜି ହେଖାରିଂ ଆରେ ରଗ ବୁଜାୟ୍ କିତାନ୍ ।

୨୧ ମାତର ହେୱାର ଜବର କିଜି ଇଞ୍ଜେଙ୍ଗ ଲାଗାତାର, “ତାଙ୍ଗ କୁସ୍ତ ଦୁପାଟ୍, କୁସ୍ତ ଦୁପାଟ୍ ।”

୨୨ ଆରେ, ଜିସୁ ହେୱାରି ତିନି ହଟ୍ ଇଚାନ୍, “ଇନେକିଦେ, ହେୱାନ୍ ଇନା ଦସ୍ କିତାନ୍ନା ? ଆପେ ତା ତାକେ ଇନାକାପା ହାକି ତାଣ୍ଟ ଗାଟା ଆଉପା; ଲାଗି, ଆପେ ତାଙ୍ଗେଙ୍ଗ୍ ତାଣ୍ଟ ହିଜି ପିସ୍ତ୍ର ହିନାପ୍ ।”

୨୩ ମତର ହେୱାନ୍ କୁସ୍ତ ଦୁପୟା ଆୟେନ୍ ଇଞ୍ଜି ଦାବା କିଜି ହେୱାର ଗାଜା ଖେଇଦ ଜିଦ୍ କିଦେଙ୍ଗ୍ ଲାଗାତାର, ଆରେ ହେୱାର୍ତି ଆଲି ଜିଣା ଆତାଟ୍ ।

୨୪ ଆରେ, ହେୱାର୍ତି ଦାବା ହୁଦା କିୟାଆୟେଟ୍ ଇଞ୍ଜି ପିଲାତ ବଲ୍ ହିତାନ୍;

୨୫ ମାତର ମାନାୟ କାଜି ନିଲ୍ଲଟି ଆରି ମାନାୟ ଅସ୍ତି କାଜି ଜଇଲ୍ଲତ ଇଟ୍ୟାଜି ମାଟି ଇମ୍ଣି ମାନାୟ କାଜି ହେୱାର୍ ଦାବା କିଜି ମାଚାର, ତାଙ୍ଗ୍ ହେୱାନ୍ ମୁକ୍ତି କିତାନ୍, ଆରେ ଜିସୁଙ୍ଗ୍ ହେୱାନ୍ ହେୱାର୍ ମାନ୍ତାରେନ୍ ହେଲାୟ କିତାନ୍ ।

**ଜିସୁଙ୍ଗ୍ କୁସ୍ତ ହାସ୍ତାର୍**

(ମାତିଉ ୨୭:୩୨-୪୪; ମାର୍କ ୧୫:୨୧-୩୨; ଜହନ୍ ୧୯:୧୭-୨୭)

୨୬ ହେୱାର୍ ଜିସୁଙ୍ଗ୍ ଅନିଖେଡାଲି ବିତ୍ରେ ନାସ୍ତା ଖାଜି ମାନି ସିମନ୍ ଇନି ରକାନ୍ କୁରିଣିୟ ଲଗା ଆସ୍ତି ଜିସୁତି ପାଟେ ପାଟେ କୁସ୍ ପିଣ୍ଡଦେ କାଜି ହେୱାନ୍ ନିପିତ ହେଦା ଇଡ୍ତାର୍ ।

୨୭ ଆରେ, ମାନାୟାର୍ତି ଆରି ହେୱାନ୍ କାଜି ନେଞ୍ଜେଡାକିତ ଇଡ୍ତୟାଆନି ଆଡ୍ବିନି ଲଗା ବେସି କଗ୍ଲେହିମ୍ଣା ହେୱାନ୍ତି ପାଟେ ପାଟେ ହାଲ୍ଲଜି ମାଟିକ୍ ।

୨୮ ମାତର ଜିସୁ ହେୱେକ୍ ନିପ ମାସ୍ତି ପା ଇଚାନ୍, “ଗ ଜିରୁସାଲମ୍ନି ଗାଡ୍ଡେକ୍, ନା କାଜି ଆଡ୍ବାମାଟ୍, ମତର ଜାର୍ ଜାର୍ କାଜି ଆରି ଜାର୍ ଜାର୍ ହିମ୍ଣା କାଜି ଆଡ୍ବାଟ୍;

୨୯ ଇନାକିଦେକି ହୁଡାଟ୍, ଇନେର୍ ବାଞ୍ଜିଣି, ଆରେ ଇନେର୍ ଇନାଖାଡାପା ଏସ୍ ପିହ୍ୱାତାଡ୍ନା ଆରି ମାୟ୍ତରଖା ତାଡ୍ନା, ହେୱାକା ଲକୁ ଏଚେକାଡ୍ଦ ଦନ୍ୟ ଦନ୍ୟ ଇଞ୍ଜି ଇନାର୍, ଏଲେଙ୍ଗ୍ବାତ୍ ସମ୍ପୁ ଖାନାତା ।

୩୦ ☆ହେ ଏଚେକାଡ୍ଦ ଲକୁ ମାଡ୍ଡିକା ଇଞ୍ଜେଙ୍ଗ୍ ଲାଗାନାର୍, ମା ଜପି ଆର୍ଦା, ଆରେ କୁପ୍ଲିକା ଇଞ୍ଜେଙ୍ଗ୍ ଲାଗାନାର୍, ମାଙ୍ଗେଙ୍ଗ୍ ପ୍ଲୁକ୍ତା ।

୩୧ ଇନାକିଦେକି ଲକୁ ଜଦି ଜିଦ୍ ମାର୍ କାଜି ଏଲେଙ୍ଗ୍ କିତାର୍, ଖାଟ୍ଟି ମାର୍ କାଜି ବାଟିଙ୍ଗ୍ ଇନାକା କିଡ୍ ?”

୩୨ ଆରେ, ହାକି ତାଣ୍ଟ ପାୟା ଆଦେ କାଜି ରିକାରିଙ୍ଗ୍ କାରାପ୍ କାମାୟ ପା ହେୱାନ୍ ହୁକେ ଅୟା ଆଜି ମାଚାର୍ ।

୩୩ ଆରେ, ହେୱାର୍ “ନିୟାଣ୍” ଇନି ବାହାତ ଏକିସ୍ ହେବେ ହେୱାନ୍ କୁସ୍ତ ଦୁପ୍ତାର୍ ଆରି କାରାପ୍ କାମାୟ କିନାକାର୍ ବିତ୍ରେତା ରକାନି ତିନାବାଗାଙ୍ଗ୍ ଆରେ ରକାନି ତେବା ବାଗାଙ୍ଗ୍ କୁସ୍ତ ଦୁପ୍ତାର୍ ।

୩୪ ହେ ଏଚେକାଡ୍ଦ ଜିସୁ ଇଚାନ୍, “ଆବା, ଇଞ୍ଜାରି କେମା କିୟା, ଇନାକିଦେକି ଇଞ୍ଜାର ଇନାକା କିନାରା, ହେଦା ପୁନୁରା ।”

ଆରେ, ହେୱାର୍ ତା ହେୟା ସବୁ ବାଟା କିନି କାଜି ଦରମ୍ଗୁଲି କିତାର୍ ।

୩୫ ଆରେ, ମାନାୟାର୍ ନିଲ୍ଲଟିପା ହୁଡ୍ଡିମାଚାର୍ । ଆରି, ମୁଡ୍ଦାକାର୍ ପା ତାଙ୍ଗ୍ ବିଦ୍ବାଦ୍ କିଜି ଇଞ୍ଜେଙ୍ଗ୍ ଲାଗାତାର, ହେୱାନ୍ ବିନ୍ ଲଗା ରାକ୍ୟା କିତାନ୍; “ହେୱାନ୍ ଜଦି ଇସ୍ତ ବାଟିକିୟାତି କ୍ରିସ୍ଟୁ, ବାଟିଙ୍ଗ୍ ନିଜ୍ଡିଙ୍ଗ୍ ରାକ୍ୟା କିଏନ୍ ।”

୩୬ ଆରେ, ମେଲ୍ଲାର୍ ପା ହେ ଲାଗା ଖାଜି କେନିରାସ୍ ହିଜି ତାଙ୍ଗ୍ ଗ୍ଲୁଜି କିଜି ଇଚାର୍,

୩୭ “ଏନ୍ ଜଦି ଜିହୁଦିତ ରାଜା, ତା ଆତିସ୍ ନିଜ୍ଡିଙ୍ଗ୍ ରାକ୍ୟା କିୟା ।”

୩୮ ଆରେ, ହେୱାନ୍ ଜପି ଲେକା ପା ଲେକା ଆଜି ମାଚାଟ୍, “ଇଞ୍ଜାନ୍ ଜିହୁଦିତ ରାଜା ।”

୩୯ ଆରେ, କୁସ୍ତ ଦୁପୟା ଆଜି ମାନି ଚର୍ଜୁକା ତାଙ୍ଗ୍ ବିତ୍ରେ ରକାନ୍ ହେୱାନ୍ ନିୟା କିଜି ଇଞ୍ଜେଙ୍ଗ୍ ଲାଗାତାନ୍, “ଏନ୍ ଇନାକା କ୍ରିସ୍ଟୁ ଆକାୟ୍ ? ନିଜ୍ଡିଙ୍ଗ୍ ଆରି ମାଙ୍ଗେଙ୍ଗ୍ ରାକ୍ୟା କିଦା ।”

୪୦ ମାତର ଆରି ରକାନ୍ ହେୱାନ୍ ଦାକା କିଜି ଉତ୍ତର ହିତାନ୍, ଏନ୍ ସମାନ୍ ତାଣ୍ଟ ପାୟାଆନାୟା, “ଏନ୍ ଇସ୍ତ ଇନାକା ପାଣ୍ଡା ପା ଆଉୟା ?

୪୧ ଆରେ, ଆପେ ହିନା ନ୍ୟାୟତା ତାଣ୍ଟ ପାୟାଆନାପା, ଇନାକିଦେକି ନିଜ୍ ନିଜ୍ ବାନ୍ୟାକାମାୟ ପାଡ୍ ପାୟାଆନାପା, ମାତର ଇ ମୁଣିକା ଇନାକାପା ଦସ୍ କିଖାତାନ୍ନା ।”

୪୨ ଆରେ, ହେୱାନ୍ ଇଚାନ୍, “ଏ ଜିସୁ, ଏନ୍ ଜାର୍ ରାଜିତ ହଟିସ୍ ନାଙ୍ଗେଙ୍ଗ୍ ଏତୁ କିଦ୍ନାୟ ।”

୪୩ ହେବେଣ୍ଡା ଜିସୁ ତାଙ୍ଗ୍ ଇଚାନ୍, “ଆନ୍ ନିଙ୍ଗେଙ୍ଗ୍ ହାଡ୍ପା ଇଞ୍ଜନାଙ୍ଗା, ନେଞ୍ଜେଙ୍ଗ୍ ଏନ୍ ନା ହୁକେ ସାଗେ ରାଜିତ ଏକାଖାନାୟ ।”

**ଜିସୁତି ହାକି**

(ମାତିଉ ୨୭:୪୫-୫୨; ମାର୍କ ୧୫:୩୩-୪୧; ଜହନ୍ ୧୯:୨୮-୩୦)

☆ ୨୩:୩୦ ହଡ୍ଡି ୨:୧୭.

୪୪ ହେ ଏଚେକାଡ଼ଦ ହେ ପାଦନା ବାର ଗଣ୍ଠା ଖେଡ଼ାଲିଂ ଆଜି ମାଗାଡ଼, ଆରି, ଖେଡ଼ା ମାଜଗା ଆତିଲେ ତିନି ଗଣ୍ଠା ପାତେକ୍ ଦେସ୍ ଜାକ୍ ମାଜଗା ଆତାଡ଼,

୪୫ ଆରେ ମନ୍ଦିରୁନି ପାରଦା ହେନ୍ଦା ମାଦିତାଂ କେନ୍ଝି ହାଚାଡ଼ ।

୪୬ ଆରେ, ଜିସୁ ଆର୍ଝା କିଜି କୁକ୍ତି ଇଚାନ୍, “ଏ ଆବା, ନି କେଇଦ ନା ପାରାଣ୍ଠି ଜିରୁନ୍ ହେଲ୍ୟାୟ୍ କିଦ୍ନାଙ୍ଗା ।” ଇଦାଂ ଇଞ୍ଜି ହେଝାନ୍ ପାରାଣ୍ଠି ପିସ୍ତାନ୍ ।

୪୭ ପାଞ୍ଜି କଡ଼ି ମୁଡ଼ଦାକାନ୍ ମେଲ୍ୟାୟ୍ ଜପି ଗାଜାକାନ୍ ଇ ଗର୍ଝା ହୁଡ଼ଜି ଇସ୍ପୁର୍ତିଂ ଜାଜ୍ମାଲ୍ କିଜି ଇଚାନ୍, “ହାତେନେ ଇଝାନ୍ ଦାମ୍ ଲଗୁ ମାଚାନ୍ ।”

୪୮ ଆରେ, ଇମଣି ମାନାୟାୟ୍ ହୁଡ଼ଦେଂ ରୁଣ୍ଡାଆଜି ମାଗାର୍, ଝିଜାକାର୍ ହେଝାର୍ ହେ ସବୁ ହୁଡ଼ଜି ନେଞ୍ଜେଡାକିତ ଇଡ଼ିଆ ଆଜି ମାସ୍ଦି ହାଞ୍ଜେଙ୍ଗ୍ ଲାଗାତାର୍ ।

୪୯ \*ମାତର୍ ହେଝାନ୍ତି ଚିନାଜାଣା ଝିଜାକାର୍ ଆରି ଗାଲିଲିତାଂ ରଚେ ମିହାଆଜି ଜିସୁଙ୍ଗ୍ ପାଚେ ପାଚେ ଝାଜି ମାନି କଗ୍ଲେକ୍ ଦେହା ନିଲ୍ଚି ଇ ସବୁ ହୁଡ଼ଜି ମାଚିକ୍ ।

**ଜିସୁଙ୍ଗ୍ ମୁଚ୍ଚାର୍**

(ମାତିଉ ୨୭:୫୭-୬୧; ମାର୍କ ୧୫:୪୨-୪୬; ଜହନ୍ ୧୯:୩୮-୪୨)

୫୦ ଆରେ ହୁଡ଼ାଟ୍, ଜିହୁଦିତ୍ ହାରାମାତିୟା ଗାଡ଼ନି ଜସେପ୍ ଇନି ରକାନ୍ ମାନାୟା ଗାଜା ସବାନି ମେମର୍ ମାଚାନ୍; ହେଝାନ୍ ରକାନ୍ ହାର୍ ଆରି ଦାମ୍ ଲକୁ,

୫୧ ଜିହୁଦାନି ହାରାମାତିୟା ତରୁନି ନାସ୍ତ ଜସେପ୍ ଇଞ୍ଜି ରଝାନ୍ ମାଚାନ୍ । ଜିହୁଦି ରକାନ୍ ଦାମ୍ ଆରି ମାନିନି ଲକ୍ ମାଚାନ୍ ଆରେ ଇସ୍ପୁର୍ତି ରାଜିନି ଝାନାକାଦିଂ କାସି ମାଚାନ୍ । ଗାଜା ସବାନି ରଝାନ୍ ମୁଣିକା ମାଚିସ୍ ପା, ହେଝାନ୍ ହେଝାନ୍ତି ଦାୟିଡ଼ ଆରି କାମାୟା ଲାହାଂ ଏକ୍ଜୁର୍ ହିଲାତାର୍ ।

୫୨ ହେଝାନ୍ ପିଲାତ ତାକେ ହାଲ୍ଜି ଜିସୁତି ଗାଗାଡ଼ ଏନ୍ତାନ୍,

୫୩ ଆରେ ହେଦାଂ ଜୁଡ଼ତି ତାସି କଝାଣ୍ ହେନ୍ଦାତ ହୁର୍ପିସ୍, ଇମେତାକେ ଇନେର୍ ଇନାଝାଡ଼ାଂ ଇଚ୍ୟାଝାଦାଂ ମାଚାନ୍, ମାଡ଼ିତ କାଚ୍ ମାଚି ଏଲେଙ୍ଗ୍ ର ଦୁଗେର୍ତ ତାଙ୍ଗେଙ୍ଗ୍ ଇଡ଼ତାର୍ ।

୫୪ ହେ ଦିନ୍ ଜାଲ୍ଦି କିନି ଦିନ୍ ମାଗାଡ଼, ଆରେ ଜମ୍ନିବାର୍ ଲାଗେ ଆଜି ଝାଜି ମାଗାଡ଼ ।

୫୫ ଆରେ ଗାଲିଲିତାଂ ହେଝାନ୍ ହୁକେ ଝାଜିମାନି କଗ୍ଲେହିମ୍ଣାଂ ପାଚେ ପାଚେ ହାଲ୍ଜି ଦୁଗେର୍ ଆରି ହେଝାନ୍ତି ଗାଗାଡ଼ ଇନେସ୍ ଇଡ଼ତାର୍ନା, ହେଦାଂ ହୁଡ଼ତିକ୍,

୫୬ ଆରେ ହେଝେକ୍ ମାସ୍ଦି ହାଲ୍ଜି ଆରି ବାସ୍ନା ଚିକାଣ୍ ଜାଲ୍ଦି କିଡିକ୍ ।

ମାତର୍ ବିଦି ଇସାବ୍ରେ ହେ ନାଜିଂ ଜମ୍ନିବାର୍ ମାଚିଲେ ହେଝାର୍ ଜମ୍ତାର୍ ।

**୨୪**

**ଜିସୁ ହାତିତାକେଣ୍ଡାଂ ନିଙ୍ଗନାକା**

(ମାତିଉ ୨୮:୧-୧୦; ମାର୍କ ୧୬:୧-୮; ଜହନ୍ ୨୦:୧-୧୦)

୧ ମାତର୍ ସାଡ଼ ଦିନ୍ନି ରଇବାର୍ ଉର୍ଲ୍ଲା ହାକାଡ଼େ ହେଝେକ୍ ଜାଲ୍ଦି କିଡି ହାର୍ଦି ବାସ୍ନା ସାମାନ୍ ଅଜି ଦୁଗେର୍ ତାକେ ହାଚିକ୍ ।

୨ ଆରେ, ହେଝାର୍ ଦୁଗେର୍ତାଂ କାଲ୍ ଗୁଡ଼ତାକା ହୁଡ଼ତିକ୍,

୩ ମାତର୍ ବିତ୍ରେ ହାଲ୍ଜି ମାପୁ ଜିସୁତି ଗାଗାଡ଼ ଗାଗାଝିଡିକ୍ ।

୪ ଆରେ, ହେଝେକ୍ ହେଦାଂ କାଜିଂ ବୁଦିବାଣା ଆନିକା, ଏଲେଙ୍ଗ୍ ଝେଡ଼ାଙ୍ଗ୍ ହୁଡ଼ାଟ୍, ଅଜଡ଼ ହେନ୍ଦା ଉସ୍ପିସ୍ ରିକାର୍ ଲକୁ ହେଝେକ୍ ତାକେ ଏକାତାର୍;

୫ ହେବେ ହେଝେକ୍ ପାଣ୍ଡା ଆଜି ମେଦ୍ନିତ ମୁମ୍ ଆତିଲେ, ହେଝାର୍ ହେଝେକାଂ ଇଚାର୍, “ହାଡିଲକାର୍ ବିତ୍ରେ ଏପେଙ୍ଗ୍ ଇନେକିଦେଂ ଜିତାକାନିଂ ତେକ୍ନାଦେରା ?

୬ \*ହେଝାନ୍ ଇବେ ହିଲୁନ୍, ମାତର୍ ନିଂତାନ୍ନା । ହେଝାନ୍ ଗାଲିଲିତ ମାନି ଝେଡ଼ାଲିଂ ମିଙ୍ଗେଙ୍ଗ୍ ଝେଡ଼ତି ମାନ୍ଝାନ୍, ହେଦାଂ ଏଡୁ କିୟାଟ୍ ।”

୭ ମାନାୟା ମାଜି ପାପିୟାୟ୍ କେଇଦ କୁସ୍ତ ହାଦେଂ ଆରି ତିନି ଦିନ୍ତ ଆରି ନିଙ୍ଗଦେଙ୍ଗ୍ ଆନାଡ଼ ।

୮ ହେବେଣ୍ଡାଂ ହେଝାର୍ ହେଝାନ୍ କାତା ଏଡୁ କିତାର୍,

୯ ଆରେ ଦୁଗେର୍ତାଂ ମାସ୍ଦିହାଲ୍ଜି ଏଗାର୍ ଜାଣ୍ ତେଲାର୍ ଆରି ବିନ୍ ଲଗାଂ ଇ ସବୁ କାବୁର୍ ଝେଡ଼ତାର୍ ।

☆ ୨୩:୪୯ ଲୁକ ୮:୨,୩. ☆ ୨୪:୭ ମାତିଉ ୧୭:୨୧; ୧୭:୨୨,୨୩; ୨୦:୧୮,୧୯; ମାର୍କ ୮:୩୧; ୯:୩୧; ୧୦:୩୩,୩୪; ଲୁକ ୯:୨୨; ୧୮:୩୧-୩୩.

୧୦ ଇଝେକ୍ ମଗ୍ଦଲିନି ମରିୟମ୍ ଜହନା ଜାକୁବ୍ ତେହି ମରିୟମ୍ ଆରି ଇଝେକ୍ ହାଙ୍ଗଦାଂ ମାନି ବିନ୍ କଗ୍ଲେକ୍, ଇଝେକ୍ ପକ୍ୟାତାକାର୍ରିଂ ଇ ବିତ୍ରେ କାତା ଝେଡ୍ଡିକ୍ ।

୧୧ ମାତର୍ ଇ ସବୁ କାତା ହେଝାର୍ ତାକେ କ୍ଲେଞ୍ଜକଣ୍ ଲାକେ ଲାଗାତାଡ୍, ଆରେ ହେଝାର୍ ହେଝେକାଂ ପାତର୍ କିଝାତାର୍ ।

୧୨ ମାତର୍ ପିତର୍ ନିଙ୍ଗ୍ଜି ଦୁଗେର୍ ତାକେ ହନ୍ତି ହାଚାନ୍, ଆରେ ଟଡ୍ଜି ହୁଡ୍ଡାନ୍ ମତର୍ ହାରୁ ହେୟା ସବୁ ହୁଡ୍ଡାନ୍, ଆରେ ହେଝାନ୍ ହେ ଗଟ୍ଟା ବିସ୍ତେ କାବା ଆଜି ତା ଇଞ୍ଜ ହାଚାନ୍ ।

ରି ଚେଲାର୍ ଇମାନୁୟେଲ୍ ନାସ୍ତ ହାଚାର୍  
(ମାର୍କ ୧୬:୧୨-୧୩)

୧୩ ଆରେ ହୁଡ୍ଡାଟ୍, ହେ ଦିନ୍ ହେଝାର୍ ବିତ୍ରେ ରିକାର୍ ଜିରୁସାଲମ୍ତାଂ ବେସିଆଞ୍ଜିତିସ୍ ଏଗାର୍ କିଲମିଟର୍ ଦେହାତାଂ ଇମାନୁୟେଲ୍ ନାସ୍ତ ହାଲ୍ଜି ମାଚାର୍

୧୪ ଆରି ଇ ଝିଲ୍ ଗଟ୍ଟା ବିସ୍ତେ ହେଝାର୍ ହାଝେର୍ କାତାବାର୍ତା କିଜି ମାଚାର୍ ।

୧୫ ହେଝାର୍ କାତାବାର୍ତା ଆରି ବେରଣ୍ଡେଡ୍ପା ଆରି ଝେଡ୍ଡାଲିଂ ଜିସୁ ଆପେ ହେଝାର୍ ତାକେ ଝାଜି ହେଝାର୍ ହୁକେ ତାଙ୍ଗଦେଂ ଲାଗାତାନ୍;

୧୬ ମାତର୍ ହେଝାର୍ କାଣ୍କୁ ଏଲେଙ୍ଗ୍ ଗେହ୍ଯା ଆଜି ମାଚାଡ୍ ଜେ, ହେଝାର୍ ଜିସୁଙ୍ଗ୍ ଚିନ୍କିଦେଂ ଆଡ୍ଝାତାର୍ ।

୧୭ ଜିସୁ ହେଝାରିଂ ଝେନ୍ବାତାନ୍, “ଏପେଙ୍ଗ୍ ତାଙ୍ଗ୍ ତାଙ୍ଗ୍ ଇମାଣି ଝିଲ୍ ବିସ୍ତେ କାତାବାର୍ତା କିନାଦେରା, ହେ ଝିଲ୍ ଇନାକା ?” ହେବେଣ୍ଡାଂ ହେଝାର୍ ବାଡ୍ଡିୟା ଆଜି ନିଲ୍ଜି ମାଚାର୍ ।

୧୮ ଆରେ ହେଝାର୍ ବିତ୍ରେ କେଲୟପା ଇନି ରକାନ୍ ହେଝାନ୍ ଉତର୍ ହିତାନ୍, “ଜିରୁସାଲମ୍ତ ବାହାକିନି ମାନାୟ୍ ବିତ୍ରେ ଏନ୍ ଇନାକା ରକାୟ୍ ହେ ବାହାନ୍ ଏତେକ୍ ଦିନ୍ନି ଗଟ୍ଟା ପୁନ୍ୟ ?”

୧୯ ଜିସୁ ହେଝାରିଂ ଝେନ୍ବାତାନ୍, “ଇନେସ୍ ଇନେସ୍ ବାନ୍ ଗଟ୍ଟା ?” ହେଝାର୍ ତାଙ୍ଗେଙ୍ଗ୍ ଇଚାର୍, “ନାଜରିତ୍ତୟାନ୍ ଜିସୁତି ବିସ୍ତେ; ହେଝାନ୍ ଇସ୍ବର୍ ଆରି ଝିଲ୍ ଲକାର୍ କାଣ୍କୁତ କାମାୟ୍ତ ଆରି ବଚନ୍ତ ସାଲ୍ଜିକାଚାକାନ୍ ବେଣ୍ଡାକ୍ଣାୟ୍କିନାକାନ୍ ମାଚାନ୍,

୨୦ ଆରେ ମୁଡ୍ ମାପୁହେବାକିନାକାନ୍ ଆରି ମୁଡ୍ଦାକାର୍ ଇନେସ୍ ତାଙ୍ଗ୍ ହାକି ତାଣ୍ ଆଦେଂ ହେଲାୟ୍ କିଜି ତାଙ୍ଗ୍ କୁସ୍ତ ଅସ୍ତାର୍, ଇ ଝିଲ୍ ବିସ୍ତେ ।

୨୧ ମାତର୍ ଇନେର୍ ଇସ୍ତାଏଲ୍ତିଂ ମୁଲ୍ଜି କିନାନ୍, ହେଝାନ୍ ଜେ ଇଝାନ୍, ହେଦାଂ ଆପେଂ ଆହା କିଜି ମାଚାପ୍; ମାତର୍ ଇଦାଂ ପିସ୍ତି ଇ ଝିଲ୍ ଗଟ୍ଟାନ୍ ନେଞ୍ଜେଙ୍ଗ୍ ତାଙ୍ଗ୍ ତିନି ଦିନ୍ ଆତାଡ୍ ।

୨୨ ଆରେ ପା, ମା ବିତ୍ରେତାଂ କେତେକ୍ ଜାଣ୍ କଗ୍ଲେକ୍ ମାଙ୍ଗେଙ୍ଗ୍ କାବା କିଡ୍କନା; ହେଝେକ୍ ଉଟ୍ଲା ହାକାଡ୍ଡେ ଦୁଗେର୍ ତାକେ ହାଲ୍ଜି ମାଚିକ୍,

୨୩ ଆରେ ହେଝାନ୍ ଗାଗାଡ୍ ଗାଟାଝାଦାଙ୍ଗ୍ ଝାଜି ଇଚିକ୍ ଜେ, ହେଝେକ୍ ଦୁତରିଂ ପା ହୁଡ୍ଡିକ୍ନା ଆରି ହେ ଦୁଡ୍ଡୁ ଇଚିକ୍ ଜେ, ହେଝାନ୍ ଜିତାକାନ୍ ମାନାନ୍ ।

୨୪ ଆରେ, ମା ହାଙ୍ଗଦାକାର୍ ବିତ୍ରେ ଇନେର୍ ଇନେର୍ ଦୁଗେର୍ ଲାଗେ ହାଲ୍ଜି, କଗ୍ଲେହିମ୍ଣାଂ ଇନେସ୍ ଇଞ୍ଜି ମାଚିକ୍, ହେ ଲାକେ ହୁଡ୍ଡିକ୍, ମାତର୍ ତାଙ୍ଗେଙ୍ଗ୍ ହୁଡ୍ଡିକ୍ ।”

୨୫ ହେବେଣ୍ଡାଂ ହେଝେକାଂ ଇଚାନ୍, “ଏ ନିର୍ବୁଦିୟା କାଦେର୍ ଆରି ବେଣ୍ଡାକ୍ଣାୟ୍କିନାକାର୍ ହୁକେ ଇଚି ଝିଲ୍ ବେରଣ୍ଡତ ପାତର୍ କିଦେଙ୍ଗ୍ ହିଡ୍ଡି ମାନ୍ କାଦେର୍,

୨୬ ଇ ଝିଲ୍ ଦୁକ୍ କିଜି ଜାର୍ ପାଣ୍ ହଣ୍ଡେଙ୍ଗ୍ ଇନାକା କ୍ରିସ୍ତି ଲଡା ହିଲ୍ଝାତାଡ୍ ?”

୨୭ ଆରେ, ମସା ଆରି ଝିଜାର୍ ବେଣ୍ଡାକ୍ଣାୟ୍କିନାକାନ୍ତାଂ ହାଙ୍ଗ୍ଜି ଝିଲ୍ ଦରମ୍ ସାସ୍ବର୍ତ୍ତ ଜାର୍ କାଜିଂ ବେରଣ୍ଡ ହେଝାନ୍ ହେଝାରିଂ ବୁଜାୟ୍ କିତାନ୍ ।

୨୮ ଆରେ, ହେଝାର୍ ଇମାଣି ନାସ୍ତ ହାଲ୍ଜି ମାଚାର୍, ହେବେଣ୍ଡାଂ ଲାଗେ ଏକିନିହିଙ୍ଗ୍, ହେଝାନ୍ ଆରେ ଆଗେ ହାଞ୍ଜେଙ୍ଗ୍ ଚାଟାୟ୍ କିତାନ୍ ।

୨୯ ମାତର୍ ହେଝାର୍ ତାଙ୍ଗ୍ ଟେବାୟ୍ କିଜି ଇଚାର୍, “ମାହୁଦାଂ ମାନା, ଇନାକିଦେଂକି ମିସି ଝାନାତା” ଆରି ଝେଡ୍ଡା ହାଚାତେ । ହେବେଣ୍ଡାଂ ହେଝାନ୍ ହେଝେର୍ ହୁଦାଂ ମାଞ୍ଜେଙ୍ଗ୍ ଇଞ୍ଜ ହାଚାନ୍ ।

୩୦ ଆରେ, ହେଝାର୍ ହୁକେ ଚିଞ୍ଜେଙ୍ଗ୍ କୁଚ୍ଚି ପାଚେ ହେଝାନ୍ ରୁଚି ଅଜି ଆସିର୍ବାଦ୍ କିତାନ୍, ଆରି ହେଦାଂ ତ୍ରିକ୍ଚି ହେଝାରିଂ ହିଦେଂ ଲାଗାତାନ୍ ।

୩୧ ହେବେ ହେଝାର୍ କାଣ୍କୁ ଜେୟାଆତିକ୍ ଆରି ହେଝାର୍ ତାଙ୍ଗ୍ ଚିନ୍ କିତାର୍; ଆରେ, ହେଝାନ୍ ହେଝାର୍ ନଞ୍ଜର୍ତାଂ ମାୟା ଆତାନ୍ ।

୩୨ ହେବେଣ୍ଡାଂ ହେଝାର୍ ହେଝେର୍ ଇଚାର୍, “ଏଚେକାଡ୍ଡ ହାସ୍ଦ ହେଝାନ୍ ମା ହୁକେ କାତାବାର୍ତା କିଜି ମାଚାନ୍ ଆରି ମାଙ୍ଗେଙ୍ଗ୍ ଦରମ୍ ସାସ୍ବର୍ତ୍ତ ବୁଜାୟ୍ କିଜି ମାଞ୍ଜାନ୍, ହେଝେଡାଂ ଇନାକା ମା ମାନ୍ କେଡ୍ଝାଦାଂ ମାଚାଡ୍ ?”

୩୩ ଆରେ, ହେୱାର୍ ହେପାଦନା ନିଙ୍କି ଜିରୁସାଲମ୍ ତ ଲେଉଟା ଆଜି ରବେ ରୁଣ୍ଡା ଆଜି ମାନି ଏଗାରଜାଣ୍ଡି ଆରି ହେୱାର୍ ହଲ୍ୟାରି ହୁଡ଼ତାନ;

୩୪ ହେୱେର୍ ଇଞ୍ଜି ମାଗାର୍, “ମାପୁ ହାଡ଼ପା ନିତାନ୍ନା ଆରି ସିମନ୍ତିଂ ଚଞ୍ଜୟା ଆତାନ ।”

୩୫ ଆରେ, ହେୱାର୍ପା ହାଜିନି ସବୁ ଗଟଣା ଆରି ରୁଟି ତ୍ରିକ୍ତିନି ସମୁତ ହେୱାନ ଇନେସ୍ ହେୱାର୍ ହୁକେ ତିନା ଆତାନ, ହେ ସବୁ ପୁଞ୍ଜେଙ୍ଗ୍ ଲାଗାତାର୍ ।

ଜିସୁ ଜାର୍ ତେଲାରିଂ ଚଞ୍ଜୟାଆତାନ

(ମାତିଉ ୨୮:୧୭-୨୦; ମାର୍କ ୧୬:୧୪-୧୮; ଜହନ୍ ୨୦:୧୯-୨୩; ପକ୍ୟାତାକା ୧:୭-୮)

୩୬ ମାତର୍ ହେୱାର୍ ଇ ସବୁ ବେରଣ୍ ଇନିୱାଡ଼ାଲିଂ ମାପୁ ଜିସୁ ନିଜେ ହେୱାର୍ ତାକେ ଏକାତାନ ଆରେ ଇଚାନ, “ମି କାଜିଂ ସୁସ୍ତା ଆୟେଡ଼ ।”

୩୭ ମତର୍ ମାନାୟୟାର୍ କାବା ଆଜି ବେସି ପାଣ୍ଡା ଆଜି ର ପୁଦା ହୁଡ଼ନାରା ଇଞ୍ଜି ବାବି କିତାର୍ ।

୩୮ ହେବେଣ୍ଡାଂ ଜିସୁ ହେୱାରିଂ ଇଚାନ, “ଇନେକିଦେଂ ପାଣ୍ଡା ଆନାଦେରା, ଆରେ, ମି ମାଗ୍ ଇନେକିଦେଂ ଗାଣ୍ଡୁ ନିଙ୍କନାତା ?

୩୯ ଇଞ୍ଜାଙ୍ଗ୍ ଜେ ଆନ୍, ନା କେଇ ଆରି ପାନା ହୁଡ଼ାଟ୍, ନାଙ୍ଗ୍ ତୁଜି ହୁଡ଼ଦାଟ୍, ଇନାକିଦେଂକି ନାଦାଂ ଇନେସ୍ ଜେଇ ଆରି ପ୍ରେନ୍ ମାନାକା ଏପେଙ୍ଗ୍ ହୁଡ଼ନାଦେରା, ପୁଦାତିଙ୍ଗ୍ ହେ ଲାକେ ଆକାୟ୍ ।”

୪୦ ଆରେ ହେୱାନ ଇଦାଂ ଇଞ୍ଜି ହେୱେରିଂ ଜାର୍ କେଇ ଆରି ପାନା ଚଟଚାନ ।

୪୧ ଲାଗିଂ ପା ହେୱାର୍ ୱାରି କାଜିଂ ପାତର୍ କିଞ୍ଜାଦାଂ କାବା ଆତିଲେ ହେୱାନ ହେୱାରିଂ ୱେନ୍‌ବାତାନ, “ଇବେ ମିବେ ଇନାକାତ ଇଚୁକ୍ କାଦି ମାନାଡ଼ ?”

୪୨ ହେବେଣ୍ଡାଂ ହେୱାର୍ ତାଙ୍ଗେଙ୍ଗ୍ ରଞ୍ଜାଙ୍ଗ୍ ୱାସ୍ତି ମିନ୍ ହିତାର୍ ।

୪୩ ଆରେ, ଜିସୁ ଅଜି ହେୱାର୍ ମୁମ୍ଦ ଚିଚାନ ।

୪୪ ଆରି, ହେୱାନ ହେୱାରିଂ ଇଚାନ ମସାତି ବିଦି ଆରି ବେଣ୍‌ବାକ୍‌ଶାୟ୍‌କିନାକାର୍ ଆରି ନାୟ୍‌କେର୍‌ନି ସାସ୍ତୁରତାକେ ନା ବିସ୍ତେ ଇନା ଇନାକା ଲେକା ଆତାଡ଼ନ୍ନା, ହେ ସବୁ ପୁରା ଆନାକା ଲଡ଼ା, “ଆନ୍ ମି ହୁଦାଂ ରଚେ ମାନିହିଂ ମିଙ୍ଗେଙ୍ଗ୍ ଇ ସବୁ ବେରଣ୍ ଇଞ୍ଜିମାନଟାଙ୍ଗ୍ ।”

୪୫ ହେ ପାଦନା ହେୱାର୍ ଇନେସ୍ ଦର୍ମ ସାସ୍ତୁର ବୁଜା ଆନାର୍, ହେଦାଂ କାଜିଂ ହେୱାନ ହେୱାରିଂ ବୁଦିନି ହାଜି ଜେତାନ;

୪୬ ଆରେ, ହେୱାନ ହେୱାରିଂ ଇଚାନ, ଇ ଲାକେ ଲେକା ମାନାଡ଼, “କ୍ରିଷ୍ଟ ତୁକ୍‌ବଗି କିନାନ୍ ଆରି ତିନି ଦିନ୍ତାଂ ହାକିତାକେତାଂ ନିଙ୍କନାନ୍,

୪୭ ଆରେ ଜିରୁସାଲମ୍‌ତାଂ ହାଙ୍ଗ୍‌ଜି ଖିନ୍ତୁ ଜାତି ତାକେ ହେୱାନ ତର୍ଦ ପାପ୍ କେମା କାଜିଂ ମାନ୍‌ବାଦ୍‌ଲାୟ୍ ବେରଣ୍ ସୁଣାୟ୍ କିତାର୍ ।

୪୮ ଏପେଙ୍ଗ୍ ଇ ଖିନ୍ତୁ ବିସ୍ତେ ସାକି ଆନାଦେର୍ ।

୪୯ ☆ ଆରେ ହୁଡ଼ାଟ୍, ନା ଆବା ଇନାକା ରାଣ୍ ହିଡ଼ତାନ୍ନା, ହେଦାଂ ଆନ୍ ମି ତାକେ ପଲ୍ଲାନାଙ୍ଗା, ମାତର୍ ଜପିତାଂ ସାକ୍ତି ପାୟାଞ୍ଜି ପାତେକ୍ ଏପେଙ୍ଗ୍ ଇ ଗାଡ଼ଦ ମାନାଟ୍ ।”

ଜିସୁତି ସାଗେଁ ହାନାକା

(ମାର୍କ ୧୬:୧୯-୨୦; ପକ୍ୟାତାକା ୧:୯-୧୧)

୫୦ ☆ତା ପାଚେ ଜିସୁ ହେୱାରିଂ ବେଡ଼ନିୟା ହାନି ହାଜି ପାତେକ୍ ଅଜି ହାଚାର୍ ଆରି ଜାର୍ କେଇ ପେସ୍‌ଜି ହେୱେରିଂ ଆସିର୍ବାଦ୍ କିଚାନ ।

୫୧ ଆରେ, ହେୱାରିଂ ଆସିର୍ବାଦ୍ କିଉ କିଉ ଜିସୁ ହେୱାର୍ ତାଙ୍ଗ୍ ଏଡ଼ା ଆଜି ସାଗେଁଜପି ହାଚାନ ।

୫୨ ଆରେ, ହେୱାର୍ ତାଙ୍ଗେଙ୍ଗ୍ ଜଞ୍ଜାର୍ କିଜି ବେସି ୱାରିତାଂ ଜିରୁସାଲମ୍ ତ ଲେଉଟା ଆତାର୍,

୫୩ ଆରେ ହେୱାର୍ ନିତ୍ରେ ମନ୍ଦିର୍‌ତ ମାନ୍‌ଞ୍ଜି ଇସ୍‌ସ୍‌ତର୍ ଦନ୍‌ସବାଦ୍ କିଜି ମାଗାର୍ ।

☆ ୨୪:୪୯ ପକ୍ୟାତାକା ୧:୪. ☆ ୨୪:୫୦ ପକ୍ୟାତାକା ୧:୯-୧୧.

## ଯହନ ଲିଖିତ ସୁସମାଚାର ଜହନ୍ ଲେକିକିତି ନେକ୍ରିକାବୁର୍ ଜହନ୍ ଲେକିକିତି ବିସ୍ତେ ପାଦେକ୍

ଜିସୁ କ୍ରିସ୍ତୁ ଜିରୁନ୍ ବାଚି କିଜି ମାନି ପୁନି ନିୟମନି ଚାରିଗଟା ପଡିଙ୍ଗ୍ ବିତ୍ରେ ଜହନ୍ ଲେକିକିତି ନେକ୍ରି କାବୁର୍ ରଞ୍ଜାଙ୍ଗ୍ । ହେ ବିସ୍ତେକାଂ ନେକ୍ରି କାବୁର୍ ଇନାର, ଇମ୍ଫଣାକା ଅରଡ୍ “ନେକ୍ରି କାବୁର୍ ।” ହେଞ୍ଜାଙ୍ଗ୍ ଇସ୍ବର ହାତି ପାଚେ ମାତିଉ, ମାର୍କ, ଲୁକ, ଆରି ଜହନ୍ତାଂ ଲେକା ଆତାଡନ୍ନା । ଜହନ୍ ଲେକିକିତି ନେକ୍ରି କାବୁର୍ କ୍ରିସ୍ତୁ ଜିଲମ୍ ଚାରିକଡି ଦସ୍ ବାହୁଁ ପାଚେ ପକ୍ୟା ଆତି ଜହନ୍ ତାଙ୍ଗ୍ ଲେକାଆତାଡନା । ଆତିସ୍ପା ଇ ନେକ୍ରି କାବୁର୍ତ ଇଦାଂ ଲେକି କିତାକାନ୍ ଜହନ୍ ଇଞ୍ଜି ହାରଦାଂ ଲେକା ଆଞ୍ଜାତାଡନା ମାତର୍ ଇ ନେକ୍ରି କାବୁର୍ ମେରା । ପର୍ତୁମ୍ ଜହନ୍ ଦୁଇ ଜହନ୍ ଆରି ତିନ୍ ଜହନ୍ ଲାହାଙ୍ଗ୍ ଆନ୍ ମାତ୍ର ସମାନ୍ । କେତେକ୍ ପାନିପତି ଲେକିକିତାର୍ ପାଚ୍ କିତାର୍ ଇ ନେକ୍ରି କାବୁର୍ ଏପିସିୟତାଂ ଲେକା ଆତାଡନ୍ନା, ଇନାକିଦେଂକି ଇ ସମୁ ଖେଡାଙ୍ଗ୍ ଜହନ୍ ଏପିସିୟତ ବାହା କିଜି ମାଚାନ୍ ।

ଜହନ୍ ସଡ୍ ବାବ୍ରେ ଇନାନ୍ “ଇସ୍ବର ନେ କ୍ରିସ୍ତୁ ଜିରୁନ୍ ଇସ୍ବର ମାଜି ।” ଜହନ୍ ୨୦:୩୧, ଇଦାଂ ପାଚ୍ କିଦେଙ୍ଗ୍ ଇଞ୍ଜି ମାନାୟାରିଂ ହାଙ୍ଗ୍ କିନାକା ଆନାତା ଇ ନେକ୍ରି କାବୁର୍ନି ମୁଡ୍ଦାକା । ଇଦାଂ ପାଚ୍ କିନି କାଜିଂ ଆସେଙ୍ଗ୍ ଇନେସ୍ ଜିରୁନ୍ ପାୟା ଆନାସ୍ । ଇ ନେକ୍ରି କାବୁର୍ ଜିହୁଦି ଆରି ପାଚ୍ କିଞ୍ଜି ଜିହୁଦି ରିୟାର୍ କାଜିଂ ଲେକା ଆଜି ମାଚାଡ୍ । ଇ ନେକ୍ରି କାବୁର୍ତ ଜିସୁତି ଉତର୍ମୁଡ୍ ତାଙ୍ଗ୍ ତା କାବାଆନି କାମାୟିଙ୍ଗ୍ ଆଦିକ୍ ଜର୍ ହିତାର୍ନା । ଜିସୁତି ବାପ୍ତିସମ୍ ଆରି ବାଟାତ ତା ପରିକ୍ୟା ଲାକେ କେତେକ୍ ଗର୍ଣାଂ ବିସ୍ତେ ଜହନ୍ ଇ ନେକ୍ରିବାର୍ତ ଇନାକା ଲେକିକିତନ୍ । ଇ ନେକ୍ରିବାର୍ ବିନ୍ ତିନିଗଟା ନେକ୍ରିକାବୁରିଂ ତାଙ୍ଗ୍ ବିନ୍ ।

### ପତି ବିସ୍ତେନି ରାହାଣ

- ୧. ନେକ୍ରି କାବୁର୍ ଆରମ୍ ଜହନ୍ ୧:୧-୧୮
- ୨. ଜିସୁତି କେତେକ୍ କାବାଆନି କାମାୟିଙ୍ଗ୍ ଓଜୁ ଜହନ୍ ୧:୧୯; ୧୨:୫୦
- ୩. ଜିସୁତି ଜିରୁନ୍, ହାତାକା ଆରି ଆରେ ରଗ ନିଂନାକା ଜହନ୍ ୧୩:୧; ୨୦:୩୧
- ୪. ଜିସୁତି ନିଙ୍ଗି ଚଞ୍ଜିୟାନାନ୍ ଜହନ୍ ୨୧:୧-୨୫

### ଜିରୁନ୍ନି ବଚନ୍

- ୧ ହିଗ୍ଡ ବଚନ୍ ମାଚାନ୍, ବଚନ୍ ଇସ୍ବର ଲାହାଙ୍ଗ୍ ମାଚାନ୍, ହେଞ୍ଜାନ୍ ଆରି ଇସ୍ବର ଏକ୍ ମାଚାନ୍ ।
- ୨ ହେଞ୍ଜାନ୍ ହିଗ୍ଡ ଇସ୍ବର ଲାହାଙ୍ଗ୍ ମାଚାନ୍ ।
- ୩ ତା ଲାହାଙ୍ଗ୍ ଇସ୍ବର ଓଜୁ ବିସ୍ତେ ଉବ୍ଜାଣ୍ କିତାନ୍; ଆରେ ଜେ ଓଜୁ ଉବ୍ଜା ଆତାଡନ୍ନା, ହେବେତାଂ ପା ରଞ୍ଜାଙ୍ଗ୍ ପା ହେଞ୍ଜାନିଂ ପିସ୍ତୁ ଉବ୍ଜା ଆଞ୍ଜାତାଡନା ।
- ୪ ହେଞ୍ଜାନ୍ ତାକେ ଜିରୁନ୍ ମାଚାଡ୍ ଆରି ହେ ଜିରୁନ୍ ମାନାୟାର୍ତ ଅଜଡ୍ ।
- ୫ ହେ ଅଜଡ୍ ମାଜଗାତ ଅଜଡ୍ ଆଜି ଖାନାତା, ଆରେ ମାଜଗା ହେଦାଂ ମାନ୍ କିଞ୍ଜାତାଡ୍ ।
- ୬ \*ଇସ୍ବର କଚଣ୍ଡ କାବୁର୍ ଖେଡ୍ନି ରଞ୍ଜାନ୍ ମାନାୟ୍ ଏକାତାନ୍; ହେଞ୍ଜାନ୍ ତର୍ ଜହନ୍ ।
- ୭ ହେଞ୍ଜାନ୍ ଇନେସ୍ ଅଜଡ୍ ବିସ୍ତେ ସାକି ହିନାନ୍, ଆରେ ହେଞ୍ଜାନ୍ ଖେନ୍ଞି ଓଜାର୍ ପାଚ୍ କିତାର୍, ଇଦାଂ କାଜିଂ ହେଞ୍ଜାନ୍ ହିଦେଂ ଇଞ୍ଜି ଖାତାନ୍ ।
- ୮ ହେଞ୍ଜାନ୍ ନିଜେ ହେ ଅଜଡ୍ ହିଲ୍ଖାତାନ୍, ମାତର୍ ଅଜଡ୍ ବିସ୍ତେ ସାକି ହିଦେଂ ଇଞ୍ଜି ଖାତାନ୍ ।
- ୯ ଇମ୍ଫଣି ହାଡ୍ପା ଅଜଡ୍ ପୁଚ୍ ଖାଜି ଓଜୁ ରାଜିନି ମାନାୟାରିଂ ଅଜଡ୍ କିନାଡ୍, ହେଦାଂ ନେ ହାଡ୍ପା ଅଜଡ୍ ।
- ୧୦ ହେଞ୍ଜାନ୍ ପୁଚ୍ ମାଚାନ୍ ଆରି ପୁଚ୍ ହେଞ୍ଜାନ୍ ହୁକେ ଉବ୍ଜାଣ୍ ଆତାଡ୍, ଆତିସ୍ପା ପୁଚ୍ ତାଙ୍ଗେଙ୍ଗ୍ ତିନକିଦେଂ ଆଡ୍ଞାତାଡ୍ ।
- ୧୧ ହେଞ୍ଜାନ୍ ଜାର୍ ରାଜିତ ଖାତାନ୍, ଆତିସ୍ପା ହେଞ୍ଜାନ୍ ଜାର୍ ଲକୁ ତାଙ୍ଗେଙ୍ଗ୍ ମାନ୍ କିଞ୍ଜାତାର୍ ।
- ୧୨ ମତର୍ ଏଚେକ୍ ମାନାୟ୍ ତାଙ୍ଗେଙ୍ଗ୍ ମାନ୍ କିତାର୍, ଇତିସ୍ ଇମ୍ଫଣାକାର୍ ହେଞ୍ଜାନ୍ ତର୍ଦାଂ ପାଚ୍ କିତାର୍, ହେଞ୍ଜାନ୍ ଓଜାରିଂ ହେଞ୍ଜାନ୍ ଇସ୍ବର୍ କାଡ୍ଦେ ଆଦେଂ ଇଞ୍ଜି ଆଦିକାର୍ ହିତାନ୍;
- ୧୩ ହେଞ୍ଜାର୍ ନେତେଡ୍ତାଂ, ଗାଗାଡ୍ନି ଇଚାତାଂ ନଲେ ମାନାୟ୍ ଇଚାତାଂ ଉବ୍ଜା ଆଞ୍ଜାତାର୍, ଇତିସ୍ ଇସ୍ବରତାଂ ଉବ୍ଜା ଆତାର୍ ।

\* ୧:୨ ମାତିଉ ୩:୧; ମାର୍କ ୧:୪; ଲୁକ ୩:୧,୨.



୧୪ ଆରେ, ହେ ବଚନ ମାନାୟ ଆତାନ୍, ଆରେ ଦୟା ଆରି ହାତ୍‌ପାତ ବାତ୍ ଆଜି ମା ବିତ୍ତେ ବାହାକିତାନ୍, ଆରେ ଆବାତାଂ ଖାତି ଦୁଆଁ ମାଜିକ୍ ପାଣ୍ ଲାକେ ଆପେଂ ହେଖାନ୍ତି ପାଣ୍ ହୁଡ଼ତାପ୍ ।

୧୫ ଜହନ ହେଖାନ୍ ବିସ୍ତେ ସାକି ହିଜି ଗାଜାକାଟ୍‌ତାଂ ଇଚାନ୍, “ଇନେନ୍ ନା ପାଚେ ଖାନାନା, ହେଖାନ୍ ନାକ୍ ତାଂ ଗାଜାକାନ୍ ଆତାନ୍ନା, ଇନାକିଦେଂକି ହେଖାନ୍ ନା ଆଗେ ମାଚାନ୍, ଇମ୍‌ଶାକାନ୍ ବିସ୍ତେ ଆନ୍ ଇଦାଂ ଖେଚ୍‌ତି ମାନ୍‌ଚାକ୍, ହେଖାନ୍ ଇଖାନ୍ ।”

୧୬ ତା ଦୟାତାଂ ବାତ୍ ହୁକେ ମାଜେକ୍ ଖିଜାନ୍ ଆସିର୍ବାଦ୍ ପାୟା ଆତାସ୍‌ନା । ଆଁ, ଆସିର୍ବାଦ୍ ଜପି ଆସିର୍ବାଦ୍ ପାୟା ଆତାସ୍‌ନା ।

୧୭ ଇସ୍‌ବର୍ ବିଦି ମସା ହୁକେ ଆତାଡ଼ନ୍ନା, ମାତର୍ ଦୟା ଆରି ହାତ୍‌ପା ଜିସୁ କ୍ରିସ୍ଟି ହୁକେ ଖାତାଡ଼ ।

୧୮ ଇନେର୍ ଇନାଖାଡ଼ାଲିଂ ଇସ୍‌ବର୍‌ତିଂ ହୁଡ଼ଞ୍ଜାତାଣ୍ଟା, ଆବା ଖାକ୍‌ତ ମାନି କେବଲ୍ ତାଜେକ୍ ପାଣ୍‌ଖା ମାଜି ତାଜେକ୍ ହପ୍‌ତାନ୍ ।

**ବାପ୍ତିସ୍ମି ହିନି ଜହନ୍ତି ସାକି**

(ମାତିଉ ୩:୧-୧୨; ମାର୍କ ୧:୧-୮; ଲୁକ ୩:୧-୧୮)

୧୯ ଏନେକ୍ ଇନେର୍, ଇଦାଂ ଜହନ୍‌ତିଂ ଖେନ୍‌ବିନି କାଜିଂ ଜିହୁଦିର୍ ଏଚେକାଡ଼୍‌ଦ୍ ଜିରୁସାଲମ୍‌ତାଂ ମାପୁହେବାକିନାକାନ୍ ଆରି ଲେବିୟର୍ ତା ଲାଗାଂ ପଲ୍ଲୀତାନ୍, “ହେପାଦ୍‌ନା ହେଖାନ୍ ଇ ସାକି ହିତାନ୍ ।”

୨୦ ହେଖାନ୍ ମାନି କିଖାଦାଂ, ହାର୍ କିଜି ଖେଚ୍‌ଚାନ୍, “ଆନ୍ କ୍ରିସ୍ଟ୍ ଆକାୟ୍ ।”

୨୧ ହେବେତାଂ ହେଖାନ୍ ତାଜେକ୍ ଖେନ୍‌ବାତାନ୍, “ବାଟିକ୍, ଏନ୍ ଇନାକା ଏଲିୟ୍ ?”

ହେଖାନ୍ ଇଚାନ୍, ଆନ୍ ଆକାୟ୍ ।

“ଏନ୍ ଇନାକା ହେ ବେଶ୍‌ବାକ୍‌ଶାୟ୍‌କିନାକାନ୍ ?

ହେଖାନ୍ ଉତର୍ ହିତାନ୍, ଆକାୟ୍ ।”

୨୨ ହେବେତାଂ ହେଖାନ୍ ତାଜେକ୍ ଇଚାନ୍, ମାଜେକ୍ ପକ୍ତିତି ମାନାୟାରିଂ ଇନେସ୍ ଉତର୍ ହିଦେଂ ଆଡ଼ନାପ୍, ଇଦାଂ କାଜିଂ “ଏନ୍ ଇନେର୍ ? ଜାଚ୍‌ତି ବିସ୍ତେ ଇନାକା ଇନାୟା ?”

୨୩ ଜିସାୟ୍ ବେଶ୍‌ବାକ୍‌ଶାୟ୍‌କିନାକାନ୍ ଇନେସ୍ ଇଞ୍ଜି ମାଚାନ୍, ହେ ଲାକେ ଜହନ୍ ଇଚାନ୍ ।

ଆନ୍ ହେ ଲାକେ ବାଲିବାଟାତ ଗାଜାକାଟ୍ କିଜି ମାନି ରଖାନ୍ତି କାଟ୍ ।

ମାପୁତି ହାଜି ହାଣ୍‌କୁ କିୟାଟ୍ ।

୨୪ ଆରେ, ପାରୁସିର୍ ପକ୍ତିତି ମାଟି କାବୁର୍ ହିନାକାନ୍ ତାଜେକ୍ ଇଚାନ୍ ।

୨୫ ହେଖାନ୍ ତାଜେକ୍ ଖେନ୍‌ବାତାନ୍, “ଏନ୍ ଜପି କ୍ରିସ୍ଟ୍ କି ଏଲିୟ୍ ହେ ବେଶ୍‌ବାକ୍‌ଶାୟ୍‌କିନାକାୟ୍ ଆକାୟ୍, ହେଦାଂ ଆତିସ୍ ଇନେକିଦେଂ ବାପ୍ତିସ୍ମି ହିନାୟାୟା ?”

୨୬ ଜହନ୍ ହେଖେରିଂ ଉତର୍ ହିତାନ୍, “ଆନ୍ ଏଜୁଂତାଂ ବାପ୍ତିସ୍ମି ହିନାକା; ଇମ୍‌ଶାକାନିଂ ଏପେକ୍ ପୁନ୍‌ଦେର୍, ହେଖାନ୍ ମି ବିତ୍ତେ ମାନାନ୍;

୨୭ ହେଖାନ୍ ନା ପାଚେ ଖାନାନା, ତାକ୍ ପାନାନି ପାଣ୍ଡାକ୍ ତରି ରିକ୍‌ତେଂ ଆନ୍ ସମାନ୍ ଆକାୟ୍ ।”

୨୮ ଜର୍ଦ୍‌ନ୍ ନାଗୁଡ଼୍ ଆଣ୍ଟିପାଡ଼କା ଇମ୍‌ଶି ବେଡ଼ିନିୟାତ ଜହନ୍ ବାପ୍ତିସ୍ମି ହିଜି ମାଚାନ୍, ହେ ବାହାତ ଇ ଖିଜୁ ଗିଟା ଆତାଡ଼ ।

**ଇସ୍‌ବର୍ ମେଣ୍ଡାହିମ୍‌ଶା**

୨୯ ଆକାଡ଼ ନାଜିଂ ହେଖାନ୍ ଜିସୁକ୍ ଜାନ୍ ଲାଗେ ଖାନାକା ହୁଡ଼୍‌ଜି ଇଚାନ୍, “ଏହେଁ ହୁଡ଼ା, ଇସ୍‌ବର୍ ମେଣ୍ଡାହିମ୍‌ଶା, ଜେ ପୁତ୍‌ନି ପାପ୍ ପିଣ୍‌ଜି ଅନାନ୍ ।

୩୦ ନା ପାଚେ ଇନେନ୍ ଖାନାନା, ହେଖାନ୍ ନା ଗାଜାକାନ୍ ଆତାନ୍ନା, ଇନାକିଦେଂକି ହେଖାନ୍ ନା ଜଲମ୍ ଆଗେ ମାଚାନ୍, ଇମ୍‌ଶାକାନ୍ ବିସ୍ତେ ଆନ୍ ଇଦାଂ ଇଞ୍ଜି ମାଚାକ୍, ହେଖାନ୍ ଇ ମାନାୟ୍ ।

୩୧ ଆନ୍ ପା ତାଜେକ୍ ଚିନ୍ କିଖାଦାଂ ମାଚାକ୍, ମାତର୍ ହେଖାନ୍ ଇନେସ୍ ଇସ୍ରାଏଲ୍ ମାନାୟାନ୍ ଲାଗେ ଚଞ୍ଜିୟା ଆନାନ୍, ଇ କାଜିଂ ଆନ୍ ଏଜୁଂତାଂ ବାପ୍ତିସ୍ମି ହିଦେଂ ଖାତାକ୍‌ନା ।”

୩୨ ଆରେ, ଜହନ୍ ସାକି ହିଜି ଇଚାନ୍, “ଆନ୍ ଜିରୁନ୍‌ତିଂ ପାଣ୍ଡକା ଲାକେ ବାଦାଡ଼୍‌ତାଂ ତା ଜପି ଜୁଦ୍‌ନାକା ହୁଡ଼୍‌ତାକ୍‌ନ୍ନା, ଆରେ ହେଦାଂ ତା ଜପି କୁଚ୍‌ତାଡ଼, ଏନେକ୍ ନା ଖାରିନି ମାଜି, ନି ତାକେ ନାତାଂ ବେସି ଖାରି ମାନାଡ଼ ।”

୩୩ “ଆନ୍ ପା ତାଜେକ୍ ଚିନ୍ କିଖାଦାଂ ମାଚାକ୍, ମାତର୍ ଜେ ନାଜେକ୍ ଏଜୁଂତାଂ ବାପ୍ତିସ୍ମି ହିଦେଂ ପକ୍‌ତାନ୍, ହେଖାନ୍ ନାଜେକ୍ ଇଚାନ୍, ଇମ୍‌ଶାକାନ୍ ଜପି ଜିରୁନ୍‌ତିଂ ଜୁଦ୍‌ନାକା ହୁଡ଼୍‌ନାଦେର୍, ହେଖାନ୍ ହେ ମାନାୟ୍, ଜେ ପୁଇପୁୟା ଜିରୁଡ଼ାଂ ବାପ୍ତିସ୍ମି ହିନାନ୍ ।

୩୪ ଆରେ, ଆନ୍ ହେଦାଂ ହୁଡ଼୍‌ତାକ୍‌ନ୍ନା, ଆରି ହେଖାନ୍ ଇସ୍‌ବର୍ ମାଜି ଇଞ୍ଜି ସାକି ହିନାନା ।”

**ଜିସୁତି ପର୍ତ୍ତମ୍ ତେଲାର୍**

୩୫ ପାଚେନି ନାଜିଂ ଆରେ ରଗ ଜହନ୍ ଆରି ହେ ଚେଲାର ବିତ୍ତେ ରିକାର ଲାହାଙ୍ଗ ନିଲ୍ତି ମାଚାର୍;

୩୬ ଆରେ, ହେୱାନ ଜିସୁଙ୍ଗ ହେ ହାଜି ହିଜି ହାନାକା ହୁଡ଼ଜି ତାଙ୍ଗେଙ୍ଗ ଇଚାନ୍, “ଇୱାନ ହୁଡ଼ାଟ୍, ଇସ୍ତର୍ ମେଣ୍ଡାହିମଣା ।”

୩୭ ହେ ରିକାର ଚେଲାର ହେ ବେରଣ୍ ଝେନ୍‌ଞ୍ଜି ଜିସୁତି ପାଚେ ପାଚେ ହାଚାର୍ ।

୩୮ ଜିସୁ ପାର୍‌ବାଗାଂ ମାସ୍‌ଦି ହେୱେରିଂ ପାଚେ ପାଚେ ୱାନାକା ହୁଡ଼ଜି ଝେନ୍‌ବାତାନ୍, “ଏପେଙ୍ଗ ଇନାକା ଦାହ୍‌ନାଦେରା ?”

ହେୱାର୍ ତାଙ୍ଗେଙ୍ଗ ଉତର୍ ହିତାର୍, “ରାବ୍‌ବି ଇନାକା ଅରଡ଼ ଗୁରୁ, ଏନ୍ ଇମେତାକେ ମାନାୟା ?”

୩୯ ହେୱାନ ହେୱେରିଂ ଇଚାନ୍, “ୱାଡ, ହୁଡ଼ନାଦେର ।” ହେବେଣ୍ଡା ହେୱାର୍ ହାଲ୍‌ଜି ହେୱାନ୍ତି ବାହା ହୁଡ଼ତାର୍, ଆରେ ହେ ନାଜିଂ ତା ହୁଦାଂ ମାଚାର୍; ଇନେକିଦେଂକି ହେପାଦନା ମ୍ବିକାହାରେସ୍ କମ୍‌ସେକମ୍ ଚାର୍‌ଗା ଆଜି ମାଚାଡ଼ ।

୪୦ ଇମଣି ରିକାର ଜହନ୍‌ତି ବେରଣ୍ ଝେନ୍‌ଞ୍ଜି ଜିସୁତି ପାଚେ ପାଚେ ହାଲ୍‌ଜି ମାଚାର୍, ହେୱାର୍ ବିତ୍ତେ ରକାନ୍ ସିମନ୍ ପିତର୍ ଚଣ୍ଡାହି ଆହିୟ ମାଚାନ୍ ।

୪୧ ହେୱାନ ପର୍ତ୍ତମ୍ ଜାର୍ ଚଣ୍ଡେନ୍ ସିମନ୍‌ତିଂ ଚଞ୍ଜା ଆଜି ତାଙ୍ଗେଙ୍ଗ ଇଚାନ୍, ଆପେଂ ମସିୟାତି ହୁଡ଼ତାପନା, “ଇମଣାକା ଅରଡ଼ କ୍ରିସ୍ଟ ।”

୪୨ ହେୱାନ ତାଙ୍ଗେଙ୍ଗ ଜିସୁ ଲାଗାୟ୍ ତାହିୱାତାନ୍ । ଜିସୁ ହେୱାନିଂ ହୁଡ଼ଜି ଇଚାନ୍, “ଏନ୍ ଜହନ୍ ମେହି ସିମନ୍ ।” ଏନ୍ କୈପା ସବଦ୍ ଅରଡ଼ ପିତର୍ ନଲେ କାଲ୍ ।

**ଇସ୍ତର୍ ପିଲିପି ଆରି ନିତନିୟେଲ୍‌ତିଂ କୁକ୍‌ନାନ୍**

୪୩ ଆକାଡ଼ ନାଜିଂ ଜିସୁ ଗାଲିଲିତ ହସି ହାଜେଙ୍ଗ ଇଞ୍ଜି ମାନ୍ କିତାନ୍, ଆରେ ହେୱାନ ପିଲିପ୍‌ୟଙ୍ଗ ଚଞ୍ଜା ଆଜି ତାଙ୍ଗେଙ୍ଗ ଇଚାନ୍, “ନା ପାଚେପାଚେ ୱା ।”

୪୪ ପିଲିପ୍ ବେଡ଼ସାଈଦାନି ଲକ୍ ମାଚାନ୍, ହେଦାଂ ଆହିୟ ଆରି ପିତର୍‌ତି ଗାଡ଼୍ ମାଚାଡ଼ ।

୪୫ ପିଲିପ୍ ନିତନିୟେଲ୍‌ତିଂ ଚଞ୍ଜା ଆଜି ତାଙ୍ଗେଙ୍ଗ ଇଚାନ୍, “ଇମଣାକାନ୍ ବିସ୍ତେ ମସା ବିଦିନି ପଡିତ ଲେକିକିତାନ୍‌ନା, ଆରେ ବେଣ୍‌ବାକ୍‌ଶାୟ୍‌କିନାକାର୍ ପା ଲେକିକିତାଣ୍ଡା, ଆସେଙ୍ଗ ହେୱାନିଂ ଚଞ୍ଜା ଆତାସ୍‌ନା; ହେୱାନ ଜସେପ୍ ମାଜି ନାଜରିତୟ୍ ଜିସୁ ।”

୪୬ ନିତନିୟେଲ୍ ତାଙ୍ଗେଙ୍ଗ ଝେନ୍‌ବାତାନ୍, “ନାଜରିତୟ୍‌ତାଂ କି ଇନାକାପା ହାର୍‌ଦି ବିସ୍ତେ ୱାଦେଙ୍ଗ ଆଡ଼୍‌ଦାନାଡ଼ କି ?”

ପିଲିପ୍ ତାଙ୍ଗେଙ୍ଗ ଇଚାନ୍, “ୱାଜି ହୁଡ଼ାଟ୍ ।”

୪୭ ଜିସୁ ନିତନିୟେଲ୍‌ତିଂ ଜାର୍ ଲାଗେ ୱାନାକା ହୁଡ଼ଜି ହେ ବିସ୍ତେ ଇଚାନ୍, “ଇଦାଂ ହୁଡ଼ା ହାଡ଼ପାନେ ଇ ରକାନ୍ ଇସ୍ରାଏଲିୟ ମାନାୟ୍, ଇୱାନ ତାକେ ଚିଉଲି ହିଲୁଡ଼ ।”

୪୮ ନିତନିୟେଲ୍ ତାଙ୍ଗେଙ୍ଗ ଝେନ୍‌ବାତାନ୍, “ଏନ୍ ନାଙ୍ଗେଙ୍ଗ ଇନେସ୍ ଚିନ୍‌କିଡ଼ତାୟ୍ ?”

ଜିସୁ ତାଙ୍ଗେଙ୍ଗ ଉତର୍ ହିତାନ୍, “ପିଲିପ୍ ନିଙ୍ଗେଙ୍ଗ କୁକ୍‌ତିନି ଆଗେ ଏନ୍ ଏଚେକାଡ଼୍‌ଦ ତଗା ମାର୍ ତାରେନ୍ ମାଚାୟ୍, ହେପାଦନା ଆନ୍ ନିଙ୍ଗେଙ୍ଗ ହୁଡ଼ଜି ମାନ୍‌ଞ୍ଜାଙ୍ଗ ।”

୪୯ ନିତନିୟେଲ୍ ତାଙ୍ଗେଙ୍ଗ ଉତର୍ ହିତାନ୍, “ଏ ଗୁରୁ, ଏନ୍ ଇସ୍ତର୍ ମାଜି, ଏନ୍ ଇସ୍ରାଏଲ୍‌ନି ରାଜା ।”

୫୦ ଜିସୁ ତାଙ୍ଗେଙ୍ଗ ଉତର୍ ହିତାନ୍, “ଆନ୍ ନିଙ୍ଗେଙ୍ଗ ତଗା ମାର୍ ତାରେନ୍ ହୁଡ଼ଜି ମାନ୍‌ଞ୍ଜାଙ୍ଗ ଇଞ୍ଜି ଇଚିଲେ କି ଏନ୍ ପାଡ଼ କିନାୟା ? ଏନ୍ ଇବେତାଂ ଆରେ ଗାଜା ଗାଜା ବିସ୍ତେ ହୁଡ଼ନାୟ୍ ।”

୫୧ ଆରେ, ହେୱାନ ତାଙ୍ଗେଙ୍ଗ ଇଚାନ୍, “ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ ଇଞ୍ଜିନାଙ୍ଗା, ଏପେଙ୍ଗ ସାଗେତ ଜେୟାନାଡ଼ ଆରି ଇସ୍ତର୍ ଦୁଡ଼ର୍ ମାନାୟ୍ ମାଜିଡ଼ି ଜପି ଦୁମ୍‌ନାକା ଆରି ଜୁଦ୍‌ନାକା ହୁଡ଼ନାଦେର୍ ।”

**୨**

**କାନ୍ନା ନାସ୍ତ୍ର ବିବା**

୧ ତିନ୍ ଦିନ୍ତ ଗାଲିଲିନି କାନାତ ର ବିବା ମାଚାଡ଼, ଆରେ ଜିସୁ ତେହି ହେବେ ମାଚାଡ଼;

୨ ଜିସୁ ପା ଜାର୍ ଚେଲାର ଲାହାଙ୍ଗ ହେ ବିବାତ କୁକ୍ୟା ଆଚାନ୍ ।

୩ ବଜି ଝିଜ୍‌ଝିହିଙ୍ଗ ହେୱାର୍‌ତି ଅଙ୍ଗୁର୍ ରାସ୍ ଝିସ୍‌ଲେ ଜିସୁ ତେହି ଜିସୁଙ୍ଗ ଇଚାଡ଼, “ହେୱାର୍‌ତି ଅଙ୍ଗୁର୍ ରାସ୍ ହିଲୁଡ଼ ।”

୪ ହେବେଣ୍ଡାଂ ଜିସୁ ତାଙ୍ଗେଙ୍ଗ ଇଚାନ୍, ନି ଲାହାଙ୍ଗ ନାଦି ଇନାକା ମାନାଡ଼ “ନାଙ୍ଗ ଇନେକିଦେଂ ଇବେ ମିହାୟ୍ କିଦ୍‌ନାୟା ? ନା ସମ୍ ଅଙ୍ଗାୟ୍ ପାଚେକ୍ ଏକା ଆୱାତାଡ଼ନା ।”

୫ ହେ ତେହି ହେବା କିନାକାରିଂ ପାସ୍‌ପାନାକାରିଂ ଇଚାଡ଼, “ହେୱାନ ମିଙ୍ଗେଙ୍ଗ ଇନାକା ଇଞ୍ଜିନାନ୍, ହେଦାଂ କିୟାଟ୍ ।”

୬ ଆରେ, ହେବେ ଜିହୁଦିତିଂ ନିର୍ମାଲ୍ ଆନି ରିଡି ଲାକେ ସହେ ଲିଚର୍ ଏଜୁଂ ଇଡ଼ଜି ଚଅଗଟା କାଲ୍‌କୁ କୁଣ୍ ଇଡ଼ଜି ମାଚାର୍ ।

୭ ଜିସୁ ଆଡ଼ିୟାରିଂ ଇଚାନ, “କୁଣ୍ଡକୁକାଂ ଏଜୁଂ ବାତ କିୟାଟ୍ ।” ହେବେଣ୍ଟା ହେଝାର୍ ହେ ଝିଜୁ ଅଟି ପାତେକ୍ ବାତ କିତାର୍ ।

୮ ଆରେ, ହେଝାନ ହେଝାରିଂ ଇଚାନ, “ନଙ୍ଗୟ୍ ଉନ୍ଦି ଅଜି ବଜିନି ମୁଣିକାଂ ଲାଗେ ଅହାଟ୍ ।” ହେବେଣ୍ଟା ହେଝାର୍ ଅଜି ହାଚାର୍ ।

୯ ବଜିନି ମୁଣିକା ଅଜୁର୍ ରାସ୍ ଆଜି ମାଟି ହେ ଏଜୁଂ ଝେଣ୍ଡି ହେଦାଂ ଇମେତାଂ ଝାତିକ୍, ଇଦାଂ ପୁନ୍ଝାଦାଂ ମାଟିଲେ ମାତର୍ ଇମଣି ହେବା କିନାକାର୍ ଏଜୁଂ ଉନ୍ଦି ମାଚାର୍, ହେଝାର୍ ପୁନ୍ଝି ମାଚାର୍ ବିବାଆନାକାନିଂ କୁକ୍ଟି ଇଚାର୍,

୧୦ “ଝିଜାକାର୍ ପର୍ତ୍ତମତ ହାଦ୍ ଅଜୁର୍ ରାସ୍ ହିନାର୍, ଆରେ ମାନାୟାର୍ ଉଣ୍ଡି ହର୍ଟି ପାଚେ ଜବାକାଲିଂ ହିନାର୍; ଏପେକ୍ ଅଙ୍ଗୟ୍ ପାତେକ୍ ହାଦ୍ ଅଜୁର୍ ରାସ୍ ଇଡ଼ତାଦେଣ୍ଟା ।”

୧୧ ଜିସୁ ଇ ଲାକେ ଗାଲିଲିନି କାନାତ ପର୍ତ୍ତମ୍ କାବାକିନି କାମାୟ୍ ହାଂଜି ଜାର୍ ପାଣ୍ଟ୍ ଚଟ୍ଟାନ, ଆରେ ତା ଚେଲାର୍ ତା ତାକେ ପାତ କିତାର୍ ।

୧୨ ଇଦାଂ ପାଚେ ହେଝାନ ଜାର୍ ଆୟାଂ, ଟଣ୍ଡାର୍ବାଇ ଆରି ଚେଲାର୍ ଲାହାଙ୍ଗ୍ କପର୍ନାହୁମ୍ ତାକେ ହାଚାର୍; ପାଚେ, ହେଝାର୍ ହେବେ ବେସି ଦିନ୍ ମାନ୍ଝାଚାର୍ ।

**ଇସ୍ବର ଜିରୁସାଲମତ ମନ୍ଦିରତ ହାଚାନ**

(ମାତିଉ ୨୧:୧୨-୧୩; ମାର୍କ ୧୧:୧୫-୧୭; ଲୁକ ୧୯:୪୫-୪୬)

୧୩ ହେ ପାଦ୍ନା ଜିହୁଦିତ ନିସ୍ତାର୍ ପାର୍ତୁ ଲାଗେ ଆଜି ମାଚାଟ୍, ଆରେ ଜିସୁ ଜିରୁସାଲମତ ହାଚାନ ।

୧୪ ହେବେ ହେଝାନ ହୁଡ଼ତାନ, ମନ୍ଦିର୍ ବିତ୍ରେ ମାନାୟ୍ କଡିଙ୍ଗ୍, ମେଣ୍ଟା ଆରି ପାଣ୍ଟକା ବେପ୍ରିୟାରିଂ ଆରେ ତାରୁଙ୍ଗ୍ ବେପ୍ରିୟାରିଂ କୁଟ୍ ଜପି ଗାଡ଼ି କିଜି ମାନାକା ହୁଡ଼ତାନ ।

୧୫ ହେବେ ହେଝାନ ଡରିତାଂ ର କରତା ରଟ୍ଟି କଡି ଆରି ମେଣ୍ଟାକାଂ ଝିଜାରିଂ ମନ୍ଦିରତାଙ୍ଗ୍ ବାରତ ହପ୍ତାନ; ଆରେ, ତାରୁଙ୍ଗ୍ ବେପ୍ରିୟାରିତ ତାରୁଙ୍ଗ୍ ସବୁ ଡିଝିଜି ହେଝାର୍ଟି ଟେବୁଲିଂ ଉଲଟାୟ୍ କିଜି ତାରୁଙ୍ଗ୍ ତାରେନ୍ ଡିଝିତାର୍;

୧୬ ଆରେ, ହେଝାନ ପାଣ୍ଟକା ବେପ୍ରିୟାରିଂ ଇଚାନ, “ଇଝାକାଂ ଇବେଣ୍ଟା ଅହାଟ୍, ମାଞ୍ଜି ଆବା ଇଲ୍ଦିଂ ବେପ୍ପାଚ୍ ଇଲ୍ କିମାଟ୍ ।”

୧୭ “ମି ଇଲ୍ କାଜିଂ ଇଚା ନାଙ୍ଗେଙ୍ଗ୍ ଝିସ୍ତାନାଟ୍ ଇଦାଂ ଲେକା ମାନାଟ୍ ଇଞ୍ଜି ତା ଚେଲାର୍ ମାତ୍ଟ ଏଡୁ କିତାର୍ ।”

୧୮ ହେବେ ଜିହୁଦିରତାଂ ଉତର୍ ହିତାର୍, “ଏନ୍ ଇ ସବୁ କାମାୟ୍ କିନି କାଜିଂ ଆଦିକାର୍ ପାୟ୍ଆତାଂନା ଇଞ୍ଜି ଆପେଂ ଇନେସ୍ ପୁନାପ୍ ?” ଆରେ ଇମଣି ଚିନ୍ ହୁକେ ମାଙ୍ଗେଙ୍ଗ୍ ହେଦାଂ ଚଟ୍ଟାନାୟା ।

୧୯ ଜିସୁ ହେଝେରିଂ ଉତର୍ ହିତାନ, “ଏପେକ୍ ଇ ମନ୍ଦିରତିଂ ବାଡ଼ହାୟ୍ କିୟାଟ୍, ଆରେ ତିନି ଦିନ୍ ବିତ୍ରେ ଆନ୍ ହେଦାଂ ରଚନାଙ୍ଗ୍ ।”

୨୦ ହେବେ ଜିହୁଦିର୍ ଇଚାର୍, “ଇ ମନ୍ଦିର୍ ରଟ୍ଟେଂ ଇଞ୍ଜି ରିକଡ଼ିତ ବାହୁଁ ଲାଗାଆଡ଼ନା; ଆରେ ଏନ୍ ଇନାକା ହେଦେଲିଂ ତିନ୍ଦିନ୍ତାଂ ରଟ୍ଟେଂ ଆଡ଼ନାୟ୍ ?”

୨୧ ମାତର୍ ହେଝାନ ନିଜାର୍ ଗାଗାଡ଼୍ ବାର୍ତାକା ମନ୍ଦିରତିଂ ହୁଡ଼ଜି ଇଦାଂ ଇଞ୍ଜି ମାଚାନ ।

୨୨ ଲାଗିଂ ହେଝାନ ହାତାକାର୍ ବିତ୍ରେତାଂ ନିଙ୍ଗ୍ଟି ପାଚେ ତା ଚେଲାର୍ ହେଝାନ ଇଦାଂ ଇଞ୍ଜି ମାଚାନ ଇଞ୍ଜି ଏଡ୍ କିତାର୍; ପାଚେ, ହେଝାର୍ ଦରମ୍ ସାସ୍ବର୍ ଆରି ଜିସୁ ଇଞ୍ଜିମାଟି ବଚନ୍ ପାତ କିତାର୍ ।

**ଜିସୁ ମାନାୟ୍ ହାଡ଼ପା ପୁନାନ**

୨୩ ନିସ୍ତାର୍ ପାର୍ତୁ ସମୁତ ହେଝାନ ଜିରୁସାଲମତ ମାନିଝାଡ଼ାଙ୍ଗ୍ ହେନି ତାଙ୍ଗେଙ୍ଗ୍ କିତାକା କାବାଆନି କାମାୟ୍ ହୁଡ଼ଜି ତା ତର୍ଦାଂ ପାତ କିତାର୍,

୨୪ ମାତର୍ ଜିସୁ ହେଝାର୍ ଜପି ପାତ କିଝାଦାଂ ମାଚାନ ଇନାକିଦେଂକି ହେଝାର୍ ମାତ୍ଟ ପୁନ୍ଝି ମାଚାନ,

୨୫ ଆରେ, ଇମଣାକାନ୍ ଜେ ମାନାୟ୍ ବିସ୍ତେ ସାକି ହିନାନ, ଇଦାଂ ତାଦାଙ୍ଗ୍ ଲଡ଼ା ହିଲ୍ଝାତାଡ଼, ଲାଗିଂ ମାନାୟ୍ ଝାସ୍ତିତ ଇନାକା ମାନାଟ୍, ହେଦାଂ ହେଝାନ ନିଜେ ପୁଞ୍ଜିମାଚାନ ।

**୩**

**ଇସ୍ବର ଆରି ନିକଦିମ୍**

୧ ପାରୁସିର୍ ବିତ୍ରେ ନିକଦିମ୍ ତର୍ଦାକାନ୍ ରଝାନ ମାନାୟ୍ ମାଚାନ, ହେଝାନ ଜିହୁଦିର୍ ରଝାନ ମୁଡ଼ଦାକାନ ।

୨ ହେଝାନ ନାଣା ସମୁତ ଜିସୁତି ଲାଗେ ଝାଜି ତାଙ୍ଗେଙ୍ଗ୍ ଇଚାନ, “ଏ ଗୁରୁ, ଏନ୍ ଜେ ଇସ୍ବରତାଂ ଝାଜି ମାଟି ଗୁରୁ, ଇଦାଂ ଆପେଂ ପୁନାପ୍, ଇନାକିଦେଂକି ଏନ୍ ଇ ଇମଣି ଝିଜୁ କାବାଆନି କାମାୟ୍ କିତାୟ୍ନା, ଇସ୍ବର ଲାହାଂ ହିଲ୍ଝିତିସ୍ ହେ ସବୁ ଇନେର୍ କିଦେଙ୍ଗ୍ ଆଡୁର୍ ।”

☆ ୨:୧୯ ମାତିଉ ୨୭:୨୧; ୨୭:୪୦; ମାର୍କ ୧୪:୫୮; ୧୫:୨୯.

୩ ଜିସୁ ତାଙ୍କେଇଁ ଉତର ହିତାନ, “ହାତ୍‌ପା ହାତ୍‌ପା ଆନ୍ ନିକ୍‌କେଇଁ ଇଞ୍ଜନାକ୍, ଆରେ ରଗ ଜଲମ୍ ଆଞ୍ଜିତିସ୍ ଇନେର୍ ଇସ୍‌ବର ରାଜି ହୁଡ୍‌ଦେଂ ଆଡୁନ୍ ।”

୪ ନିକଦିମ୍ ତାଙ୍କେଇଁ ଖେନ୍‌ବାତାନ୍, “ବୁଡ୍‌ହି ଆତିସ୍ ମାନାୟ୍ ଇନେସ୍ କିଜି ଜଲମ୍ ଆନାନ୍ ? ହେଞ୍ଜାନ୍ ଇନାକା ରି ହାଜାର୍ ଆୟା ପଟ୍‌ତ ହଣ୍ଡି ଜଲମ୍ ଆଦେଂ ଆଡୁନାଂ ?”

୫ ଜିସୁ ଉତର ହିତାନ, ହାତ୍‌ପା ହାତ୍‌ପା “ଆନ୍ ନିକ୍‌କେଇଁ ଇଞ୍ଜନାକ୍,” ଏଜୁଂ ଆରି ଜିବୁନ୍‌ତାଂ ଜଲମ୍ ଆଞ୍ଜିତିସ୍ ଇନେର୍ ଇସ୍‌ବର୍ ରାଜିତ ହଣ୍ଡେଇଁ ଆଡୁନ୍ ।

୬ ଗାଗାଡ୍‌ତାଂ ଇନାକା ଆତାଡ୍‌ନ୍ନା, ହେଦାଂ ଗାଗାଡ୍; ଆରେ, ଜିବୁନ୍‌ତାଂ ଇନାକା ଆତାଡ୍‌ନ୍ନା, ହେଦାଂ ଜିବୁନ୍ ।

୭ ନିକ୍‌କେଇଁ ଆରେ ରଗ ଜଲମ୍ ଆନାକା ମାନାଡ୍ ଇଞ୍ଜି ଆନ୍ ଜେ ନିକ୍‌କେଇଁ ଇନ୍‌ଚାକ୍, ଇଦାଂ କାବା ଆମାଟ୍ ।

୮ ଡୁଲୁ ଇମ୍‌ଣି ବାଗାକ୍ ମାନ୍ କିନାଡ୍, ହେ ବାଗାକ୍ ହାନାଡ୍ ଆରେ ଏପେକ୍ ତାଦାକ୍ ଗାଜାର୍ ଖେନ୍‌ଞ୍ଜି ମାନାଦେର୍, ମାତର୍ ହେଦାଂ ଇମେତାଂ ଖାନାଡ୍ ଆରେ ଇମେ ନିପ ହାନାଡ୍, ହେଦାଂ ପୁନୁଦେର୍; ଜିବୁନ୍‌ତାଂ ଉବ୍‌କାଣ୍ ଖିଜାର୍ ମାନାୟ୍ ବିସ୍ତେ ହେ ଲାକେ ।

୯ ନିକଦିମ୍ ତାଙ୍କେଇଁ ଉତର ହିତାନ, “ଇ ଖିଜୁ ଇନେସ୍ ଆନାଡ୍ ?”

୧୦ ଜିସୁ ତାଙ୍କେଇଁ ଉତର ହିତାନ, “ଏନ୍ ଇସ୍ରାଏଲ୍‌ନି ରକାୟ୍ ଗୁରୁ ଆଜି ପା ଇନାକା ଇ ସବୁ ବୁଜାଆଉୟା ?

୧୧ ଆନ୍ ନିକ୍‌କେଇଁ ହାତ୍‌ପା ଇଞ୍ଜନାକା, ଆପେଂ ଇମ୍‌ଣାକା ପୁନାପ, ହେଦାଂ ଇନାପ, ଆରେ ଇନାକା ହୁଡ୍‌ତାପୁନା, ତା ବିସ୍ତେ ସାକି ହିନାପ, ଆରେ ଏପେକ୍ ମାଦାଂ ସାକି ଇଚୁଦେରା ।

୧୨ ଆନ୍ ମିକ୍‌କେଇଁ ପୁତ୍ ବିସ୍ତେ ଇଞ୍ଜିସ୍ ଜଦି ଏପେକ୍ ପାତ୍ କିଞ୍ଜିତିସ୍, ତେବେ ମିକ୍‌କେଇଁ ସାଗେ ବିସ୍ତେ ଇଞ୍ଜିସ୍ ଇନେସ୍ ପାତ୍ କିନାଦେର୍ ?

୧୩ ଇମ୍‌ଣି ମାନାୟ୍ ମାଜି ସାଗେତାଂ ଜୁଡ୍‌ତାନ୍, ହେଞ୍ଜାନ୍ ପିସ୍ତ୍ର ଆରେ ଇନେର୍ ସାଗେ ହାଲ୍‌ଖାତାରନା ।”

୧୪ ଆରେ, ମସା ଇନେସ୍‌କି ବାଟାତ ପିତାଡ୍ ରାଡ୍‌ତିଂ ଜପି ପେସ୍‌ଜି ମାତାନ୍, ମାନାୟ୍ ମାଜି ପା ହେ ଲାକେ ଜପି ପେଜ୍‌ୟା ଆନାନ୍,

୧୫ ଇନେସ୍ ଇନେର୍‌କି ତା ତାକେ ପାତ୍ କିତାର୍, ହେଞ୍ଜାନ୍ ଖିଜୁ ଜିବୁନ୍ ପାୟା ଆନାନ୍ ।

୧୬ ଇନାକିଦେଂକି ଇସ୍‌ବର୍ ପୁତ୍ ଏତେକ୍ ଜିଉନତାନ୍ ଜେ, ହେଞ୍ଜାନ୍ ଜାର୍ ପାଣ୍‌ଆଁ ମାଜିକ୍ ଦାନ୍ କିତାନ୍, ଇନେସ୍ ଇନେର୍‌କି ତା ତାକେ ପାତ୍ କିତାର୍, ହେଞ୍ଜାନ୍ ନସ୍ ଆଞ୍ଜାଦାଂ ଖିଜୁ ଜିବୁନ୍ ପାୟା ଆନାନ୍ ।

୧୭ ଇସ୍‌ବର୍ ତା ମେହିକ୍ ପୁତ୍ ବିଚାର୍ କିନି କାଜିଂ ଆକାୟ୍, ମାତର୍ ପୁତ୍ ଇନେସ୍ ତା ଲାହାକ୍ ମୁକ୍ତି ଆନାନ୍ ହେଦାଂ କାଜିଂ ପକ୍‌ତାନ୍ନା ।

୧୮ ଇନେନ୍ ମାଜିତାକେ ପାତ୍ କିତାର୍, ହେଞ୍ଜାନ୍ ବିଚାର୍ କିୟାଆଉନ୍; ଇନେନ୍ ପାତ୍ କିଉନ୍, ହେଞ୍ଜାନ୍ ବିଚାର୍ କିୟାଆତାନେ, ଇନାକିଦେଂକି ହେଞ୍ଜାନ୍ ଇସ୍‌ବର୍ ପାଣ୍‌ଆଁ ମାଜି ତର୍‌ଦ ପାତ୍ କିଞ୍ଜାତାନ୍ନା ।

୧୯ ଆରେ, ହେ ବିଚାର୍ ଇ, ପୁତ୍ ଅଜଡ୍ ଖାତାଡ୍, ମାତର୍ ମାନାୟାର୍ ଅଜଡ୍ ପିସ୍ତ୍ର ମାଜ୍‌ଗାତିଂ ଜିଉନତାର୍, ଇନାକିଦେଂକି ହେଞ୍ଜାର୍‌ତି କାମାୟ୍ ସବୁ ବାନ୍‌ସା ।

୨୦ ଇନାକିଦେଂକି ଇନେର୍‌କି ବାନ୍‌ସା କାମାୟ୍ କିନାନ୍, ହେଞ୍ଜାନ୍ ଅଜଡ୍‌ତିଂ ଗିଣ୍ କିନାନ୍, ଆରେ କାତେହିନା ସଡ୍ କାମାୟ୍‌ନି ଦସ୍ ହନାଡ୍, ଇଦାଂ କାଜିଂ ହେଞ୍ଜାନ୍ ଅଜଡ୍ ଲାଗାଂ ଖାଉନ୍ ।

୨୧ ମାତର୍ ଇନେନ୍‌କି ହାତ୍‌ପା ବେବାର୍ କିନାନ୍, ହେଞ୍ଜାନ୍ ଅଜଡ୍ ଲାଗାଂ ଖାନାନ୍, ଇନେସ୍ ହେଦାଂ ଖିଜୁ କାମାୟ୍ ସବୁ ଇସ୍‌ବର୍ ତାକେ କିତାକା ଇଞ୍ଜି ହନାଡ୍ ।

**ଜିସୁ ଆରି ଜହନ୍**

୨୨ ଇଦାଂ ପାଚେ ଜିସୁ ଆରି ତା ଚେଲାର୍ ଜିହୁଦା ଦେସ୍‌ତ ହାଚାର୍, ଆରେ ହେଞ୍ଜାନ୍ ହେ ବାହାତ ହେଞ୍ଜେର୍ ଲାହାକ୍ ମାନଞ୍ଜି ବାପ୍‌ସିମ୍ ହିଦେଂ ଲାଗାତାନ୍ ।

୨୩ ଜହନ୍ ପା ସାଲମ୍ ଲାଗେ ଏନନ୍‌ତ ଜହନ୍ ବାପ୍‌ସିମ୍ ହିଜି ମାଚାନ୍, ଇନାକିଦେଂକି ହେ ବାହାତ ବେସି ଏଜୁଂ ମାଟିକ୍, ଆରେ ମାନାୟାର୍ ଖାଜି ବାପ୍‌ସିମ୍ ଅଜି ମାଚାର୍;

୨୪ ଜହନ୍ ହେ ପାତେକ୍ ଜଇଲ୍ ଇଞ୍ଜି ଗେହ୍‌ନାକା ଆଞ୍ଜାଦାଂ ମାଚାନ୍ ।

୨୫ ହେ ବିତ୍ରେ ନିର୍ମାଲ୍ କାମ୍ ବିସ୍ତେ ଜହନ୍ କେତେକ୍ ଚେଲାର୍ ରଞ୍ଜାନ୍ ଜିହୁଦି ଲାହାକ୍ ଉର୍‌ଜି କିବାଆତାର୍

୨୬ ଆରେ, ହେଞ୍ଜାର୍ ଜହନ୍ ଲାଗେ ହାଲ୍‌ଜି ତାଙ୍କେଇଁ ଇଚାର୍, “ଏ ଗୁରୁ, ଜେ ଜର୍‌ଦନ୍‌ନି ଆଣ୍ଟିପାଡ୍‌କା ନି ଲାହାକ୍ ମାଚାର୍, ଇନେନ୍ ବିସ୍ତେ ଏନ୍ ସାକି ହିତାୟ୍‌ନା, ହୁଡ୍‌ଡାଟ୍, ହେଞ୍ଜାନ୍ ବାପ୍‌ସିମ୍ ହିନାନ୍ ଆରି ଖିଜାକାର୍ ତା ଲାଗେ ହାନାରା ।”

୨୭ ଜହନ୍ ଉତର ହିତାନ, “ସାଗେତାଂ ହିଦ୍ୟାଆଞ୍ଜିତିସ୍ ମାନାୟ୍ ବିର୍କୁଲ୍ ପାୟା ଆଉନ୍ ।

☆ ୩:୨୪ ମାତିଉ ୧୪:୩; ମାର୍କ ୬:୧୭; ଲୁକ ୩:୧୯,୨୦.

୨୮ ଆନ୍ ଜେ କ୍ରିଷ୍ଟୁ ଆକାୟ, ମାତର ତା ଆଗେ ପକ୍ୟା ଆତାଙ୍ଗନା, ଇଦା° ଆନ୍ ଇଞ୍ଜି ମାତାଙ୍ଗ ଇଞ୍ଜି ଏପେଙ୍ଗ ନିଜ ନିଜ ନା ସାକି ।

୨୯ ଇନେନ୍ ଗାଡ଼୍ ଇଡ଼ନାନ୍, ହେୱାନ୍ ବିବାଦା°ଣେନ୍, ମାତର ବିବାଦା°ଣେନ୍ତି ଇମ୍ଣି ସାଙ୍ଗ ଲାଗେ ନିଲ୍ଲତି ତା କାତା ୱେନାନ୍, ହେୱାନ୍ ବିବାଦା°ଣେନ୍ତି କାଟ୍ କାଜି° ବେସି ୱାର୍ଯ୍ୟା ଆନାନ୍, ଇ ଲାକେ, ନା ଇ ୱାରି ବାତ୍ ଆତାଡ଼ନ୍ନା ।

୩୦ ହେୱାନ୍ ଆତିସ୍ପା ବାତାନାକା ମାନାଡ଼, ମାତର ନାଙ୍ଗେଙ୍ଗ ଉଣାଆଦେ° ମାନାଡ଼ ।”

**ସାର୍ଗେତା° ୱାନାକା ର ମାନାୟ**

୩୧ ଇନେନ୍ ସାର୍ଗେତା° ୱାନାନ୍, ହେୱାନ୍ ୱିଜାରତା° ଗାଜା; ଇନେନ୍ ପୁତ୍ ତା° ଉବ୍ଜାଣ, ହେୱାନ୍ ପୁତ୍ ନିକାନ୍, ଆରେ ହେୱାନ୍ ପୁତ୍ ନି କାତା ଇନାନ୍; ଇନେନ୍ ସାର୍ଗେତା° ୱାନାନ୍, ହେୱାନ୍ ୱିଜାରତା° ଗାଜାକାନ୍ ।

୩୨ ହେୱାନ୍ ଇନାକା ହୁଡ଼ତାନ୍ନା ଆରି ୱେଚାନ୍ନା, ହେଦା° ବିସ୍ତେ ହେୱାନ୍ ସାକି ହିନାନ୍, ମାତର ତା ସାକି ଇନେର୍ ମାନ୍କିଉର୍ ।

୩୩ ଇନେନ୍ ତା ସାକି ଇଡ଼ତାନ୍ନା, ଇସ୍ପର ଜେ ହାଡ଼ପା, ଇଦା° ହେୱାନ୍ ଚିନ୍ ଇଡ଼ତାନ୍ନା ।

୩୪ ଇନାକିଦେ°କି ଇସ୍ପର ଇନେରି° ପକ୍ତି ମାତାନ୍, ହେୱାନ୍ ଇସ୍ପରତି ବଚନ୍ ଇନାନ୍, ଇନେକିଦେ°କି ହେୱାନ୍ ଇସ୍ପରତି ଜିବୁନ୍ତ ବାତ୍ ।

୩୫ ✨ଆବା ମାଜିଙ୍ଗ୍ ଜିଉନନାନ୍, ଆରେ ସବୁ ବିସ୍ତେ ତା କେଇଦ ହିତାନ୍ନା ।

୩୬ ଇନେନ୍ ମାଜିତାକେ ପାତ୍ କିନାନ୍, ହେୱାନ୍ ୱିଜ୍ଞି ଜିବୁନ୍ ପାୟା ଆତାନ୍ନା, ମାତର ଇନେନ୍ ମାଜିଙ୍ଗ୍ ମାନିକିଉନ୍, ହେୱାନ୍ ଜିବୁନ୍ ହୁଡ଼ନ୍, ମାତର ହେୱାନ୍ ଇସ୍ପତ୍ କାକ୍ରିନି ଲକୁ ଆଜି ମାନାନ୍ ।

**୪**

**ଜିସୁ ଆରି ସମିରଣିନି କଗ୍ଲେ**

୧ ଜିସୁ ଜେ ଜହନତା° ଆଦିକ୍ ଚେଲା କିନାନା ଆରି ବାପ୍ତିସମ୍ ହିନାନା ଇଞ୍ଜି ପାରୁସିର୍ ୱେଚାର୍ ।

୨ ହାଡ଼ପା ଜିସୁ ନିଜେ ବାପ୍ତିସମ୍ ହିଞ୍ଜାଦା° ମାଚାନ୍, ତା ଚେଲାର୍ ହିଜି ମାଚାର୍ ।

୩ ଇଦା° ପାରୁସିର୍ ଇଞ୍ଜନାର୍ ଇଞ୍ଜି ଏଚେକାଡ଼ଦ୍ ଜିସୁ ୱେଚାନ୍ । ହେଏଚେକାଡ଼ଦ୍ ହେୱାନ୍ ଜିହୁଦା ଦେସ୍ ପିସ୍ତି ଆରେ ରଗ ଗାଲିଲିତ ହାଚାନ୍ ।

୪ ହେୱାନ୍ ସମିରଣିନି ହାଜି ହିଜି ତାଙ୍ଗେଙ୍ଗ୍ ହାଞ୍ଜେଙ୍ଗ୍ ଲାଗାତାଡ଼ ।

୫ ଲାଗି° ହେୱାନ୍ ହାଲ୍ଲଜି ଜାକୁବ୍ ଜାର୍ ମାଜି ଜସେପ୍ତି° ଇମ୍ଣି ତାରେନ୍ ଇଚୁକ୍ ଦାନ୍ କିଜି ମାଚାନ୍, ହେବେତା° ଲାଗାୟନି ସମିରଣିନି ସୁକାର୍ ତରଦିନି ର ଗାଡ଼ଦ୍ ଏକାତାର୍;

୬ ହେ ବାହାତ ଜାକୁବ୍ତି କୁଇ ମାଚାଡ଼ । ଇଚିସ୍, ଜିସୁ ହାସ୍ପଦ ତାଙ୍ଗିଜି ୱାସ୍ତି ମାଚିଲେ ହେ, କୁଇ ଲାଗେ କୁଚ୍ଚାନ୍ । ହେଏଚେକାଡ଼ଦ୍ ମୁଣ୍ଡାବେଲା ଆଜି ମାଚାଡ଼ ।

୭ ଆରେ, ର ସମିରଣିନି କଗ୍ଲେ ଏଜୁ° ଅଦେ° ୱାତାଡ଼ । ଜିସୁ ତାଙ୍ଗେଙ୍ଗ୍ ଇଚାନ୍, “ନାଙ୍ଗେଙ୍ଗ୍ ଏଜୁ° ଉଣ୍ଡେଙ୍ଗ୍ ହିଦା ।”

୮ ହେ ପାଦନା ତା ଚେଲାର୍ କାଦି କଡ଼ଦେ° କାଜି° ବସ୍ତିତ ହାଲ୍ଲଜି ମାଚାର୍ ।

୯ ହେବେ ସମିରଣିୟା କଗ୍ଲେ ଜିସୁଙ୍ଗ୍ ଇଚାଡ଼, “ଏନ୍ ରଞ୍ଜାୟ ଜିହୁଦି ଆରେ ଆନ୍ ରଞ୍ଜାଙ୍ଗ୍ ସମିରଣି କଗ୍ଲେ ଇନେସ୍ ନା କେଇଦି ଏଜୁ° ଉଣ୍ଡେଙ୍ଗ୍ ଏନ୍ତାନାୟା?” ଇନାକିଦେ°କି ସମିରଣିରତି ଲାହାଙ୍ଗ୍ ଜିହୁଦିର୍ ତୁବା ଆଉର୍ ।

୧୦ ଜିସୁ ତାଙ୍ଗେଙ୍ଗ୍ ଉତର୍ ହିତାନ୍, “ଇସ୍ପରତି ଦାନ୍ ଆରି ନା° ଉଣ୍ଡେଙ୍ଗ୍ ହିଦା ଇଞ୍ଜି ଇନେନ୍ ନି° ଇଞ୍ଜନାରା, ହେୱାର୍ ଇନେର୍, ଏଲେଙ୍ଗ୍ ଜଦି ଏନେ° ପୁରାୟମା, ତାଆତିସ୍ ଏନେ° ତା° ଏନ୍ତାୟମା, ଆରେ ହେୱାନ୍ ନିଙ୍ଗେଙ୍ଗ୍ ଜିବୁନ୍ନି ଏଜୁ° ହିଡ଼ତାନ୍ମା ।”

୧୧ ହେ କଗ୍ଲେହିମ୍ଣା ତାଙ୍ଗେଙ୍ଗ୍ ଇଚାଡ଼, “ଏ ମାପୁ,” ଏଜୁ° ମୁକ୍ତେ° ଇଞ୍ଜି ନି ତାକେ ଇମ୍ଣି ବାହା ହିଲୁଡ଼, ଆରେ କୁଇ ତ ତେଙ୍ଗା, “ବାଟିଙ୍ଗ୍ ଏନ୍ ଇମେତା° ହେ ଜିବୁନ୍ନି ଏଜୁ° ପାୟା ଆତାୟନା ।

୧୨ ମା ଇମ୍ଣି ଆକାର୍ ଦାଦିର୍ ଜାକୁବ୍ ମାଙ୍ଗେଙ୍ଗ୍ ଇ କୁଇ ହିଜି ମାନ୍ଚାନ୍, ଆରେ ନିଜେ, ଆରେ ତା ମାଜିର୍ ଆରି ପସୁରାହି ଇବେଣ୍ଡା° ଉଣିଜି ମାଚିକ୍, ତା ତାକେଣ୍ଡା° କି ଏନ୍ ଗାଜା?”

୧୩ ଜିସୁ ତାଙ୍ଗେଙ୍ଗ୍ ଉତର୍ ହିତାନ୍, “ଇନେରକି ଇ ଏଜୁ° ଉଣାନ୍, ହେୱାନ୍ ଆରେ ରଗ ଏସ୍କି ଆନାନ୍;

୧୪ ମାତର ଆନ୍ ଇମ୍ଣି ଏଜୁ° ହିଦନା°, ହେଦା° ଇନେନ୍କି ଉଣାନ୍, ହେୱାନ୍ ଇନାଞ୍ଜାଡ଼ା° ପା ଏସ୍କି ଆଉନ୍, ଆତିସ୍ ଆନ୍ ତା° ଇମ୍ଣି ଏଜୁ° ହିନା°, ହେଦା° ୱିଜ୍ଞି ଜିବୁନ୍ ଏଜୁଙ୍ଗ୍ନି ୱିଜ୍ଞି ଲାକେ ତାତାକେ ତ୍ରିଜି ହାନି° ।”

୧୫ କଗ୍ଲେହିମ୍ଣା ତାଙ୍ଗେଙ୍ଗ୍ ଇଚାଡ଼, “ଏ ମାପୁ,” ହିଗ୍ଦ ଏଜୁ° ହିଦା ଇନେସ୍ ଏସ୍କି ଆନ୍ ଇନାଞ୍ଜାଡ଼ା° ଏସ୍କି ଆଉଙ୍ଗ୍, “ଆରେ ଏଜୁ° ମୁକ୍ତେ° ଇଞ୍ଜି ଏଚେକ୍ ହାଜି ଇବେ ୱାଦେଙ୍ଗ୍ ଲାଗଦେମେଡ଼, ଇଦା° କାଜି° ନାଙ୍ଗେଙ୍ଗ୍ ହେ ଏଜୁ° ହିଦା ।”

୧୬ “ଜିସୁ ତାଙ୍ଗେଙ୍ଗ୍ ଇଚାନ୍, ହାଲା, ନି ଆଣ୍ଡେନି° କୁକ୍ତି ଇବେ ୱା ।”

✨ ୩:୩୫ ମାଡ଼ିଉ ୧୧:୨୭; ଲୁକ ୧୦:୨୨.

୧୭ କଗ୍ଲେହିମ୍ଣା ତାଙ୍ଗେଙ୍ଗ ଉତର ହିତାଡ଼, “ନା ଆଣ୍ଡେନ୍ ହିଲୁନ୍ ।”

ଜିସୁ ତାଙ୍ଗେଙ୍ଗ ଇଚାନ୍, ଏନ୍ ନା ଆଣ୍ଡେନ୍ ହିଲୁନ୍ ଇଞ୍ଜି, ଇଦାଂ ସଡ଼ ଇଚାୟ;

୧୮ ମି ପାଞ୍ଜିକାଣ୍ଡ ଡକ୍ତାଦିର ମାଚାର, ମାତର ନଙ୍ଗୟ ଇନେର ଲାହାଂ ମାନାୟା, ହେଞ୍ଜାନ୍ ନି ଆଣ୍ଡେନ୍ ଆକାୟ । ଇଦାଂ ଆନେଙ୍ଗ ହାଡ଼ପା ଇଞ୍ଜିନାଙ୍ଗା ।

୧୯ କଗ୍ଲେହିମ୍ଣା ତାଙ୍ଗେଙ୍ଗ ଇଚାଡ଼, “ଏ ମାପୁ,” ଏନ୍ ଜେ ରକାୟ ବେଣ୍ଡାକ୍‌ଶାୟକିନାକାୟ, ଇଦାଂ ଆନ୍ ପୁଞ୍ଜିନାଙ୍ଗା ।

୨୦ “ମା ଆବା ଲାତ୍ରା ଇ ମାଡ଼ିତ ପାର୍ତାନା କିତାର; ଆରେ, ଏପେଙ୍ଗ ଜିହୁଦି କାଦେର ଇଞ୍ଜିନାଦେରା, ଇମ୍ଣି ବାହାତ ପାର୍ତାନା କିନାକା ଲଡ଼ା, ହେଦାଂ ଜିରୁସାଲମ୍‌ତ ମାନାଡ଼ ।”

୨୧ ଜିସୁ ତାଙ୍ଗେଙ୍ଗ ଇଚାନ୍ ଏ କଗ୍ଲେ, “ନା ବେରଣ୍ ପାତର୍ କିୟା, ଇ ସମୁ ଖାନାତା ଇମ୍ଣି ସମୁତ ଏପେଙ୍ଗ ଇ ମାଡ଼ିତ କି ଜିରୁସାଲମ୍‌ତ ପା ଆବାତି ପାର୍ତାନା କିତାଦେର ।

୨୨ ଏପେଙ୍ଗ ସମିରଣି ନିକାଦେର ହାଡ଼ପା ଇନେକିଦେଂ ପୁନୁଦେରା, ତାଙ୍ଗେଙ୍ଗ ପାର୍ତାନା କିଜି ମାନାଟ୍ ମାତର ଆପେଂ ଜିହୁଦିର ଇନେରିଂ ପୁନାପ୍ ତା ପାର୍ତାନା କିନାପ୍, ଇନାକିଦେଂକି ମୁକ୍ତି ଆନାକା ଜିହୁଦିର ବିତ୍ରେତାଂ ଖାନାଡ଼ ।

୨୩ ମାତର ଇମ୍ଣି ସମୁତ ହାଡ଼ପା ପାର୍ତାନା କିନାକାର୍ ଜିରୁନ୍ ଆରି ହାଡ଼ପାତ ଆବାତି ପାର୍ତାନା କିତାର, ହେ ଲାଗ୍‌ଦି ସମୁ ଖାନାତା; ଆରି, ନଙ୍ଗୟ ପା ଏକାଞ୍ଜାତାଡ଼; ଇନାକିଦେଂକି ଆବା ଏପେଙ୍ଗ ବାନି ପାର୍ତାନା ମାନ୍‌କିନାନ୍ ।

୨୪ ଇସ୍‌ତର୍ ଜିରୁନ୍ ଆନାନ୍, ଆରେ କେବଲ୍ ଜିରୁନ୍‌ନି ସାକ୍ତି ଆରି ହାଡ଼ପା ହୁକେ ହେଞ୍ଜାନ୍ତି ପାର୍ତାନା କିତାର, ହେଞ୍ଜାର୍ ଜିରୁନ୍ ଆରି ହାଡ଼ପାତ ପାର୍ତାନା କିନାକା ହେଞ୍ଜାର୍‌ତି ଲଡ଼ା ।”

୨୫ କଗ୍ଲେହିମ୍ଣା ତାଙ୍ଗେଙ୍ଗ ଇଚାଡ଼, ମସିୟା ଇମ୍ଣାକାନିଂ କ୍ରିସ୍ଟ ଇନାର୍, “ହେଞ୍ଜାନ୍ ଖାନାନା ଇଞ୍ଜି ଆନ୍ ପୁନାଙ୍ଗ; ଏଚେକାଡ଼୍‌ଦ ହେଞ୍ଜେନ୍ ଖାନାନ୍, ହେଞ୍ଜାନ୍ ମାଙ୍ଗେଙ୍ଗ ସବୁ ବିସ୍ତେ ଜାଣାୟ କିଦ୍‌ନାନ୍ ।”

୨୬ ଜିସୁ ତାଙ୍ଗେଙ୍ଗ ଇଚାନ୍, “ମି ହୁଦାଂ ବେଣ୍ଡକିଦ୍‌ନାଙ୍ଗା ଜେ ଆନ୍, ଆନ୍ ହେଞ୍ଜାଙ୍ଗ ।”

୨୭ ଏଲେଙ୍ଗ୍‌ବାତର୍ ସମୁତ ତା ଚେଲାର୍ ଖାଜି ତାଙ୍ଗେଙ୍ଗ ର କଗ୍ଲେହିମ୍ଣା ଲାହାଙ୍ଗ୍ ବେଣ୍ଡକିବାଆନାକା ହୁଡ଼୍‌ଜି କାବା ଆତାର, “ଇନାକା ଇଚା କିନାୟ,” ନଲେ ଇନେକିଦେଂ ହେଦାଂ ରଚେ ବେଣ୍ଡକିନାନା, “ଇଦାଂ ଇନେର ତାଙ୍ଗେଙ୍ଗ ଖେନ୍‌ବେଦେଂ ସାସ୍ କିଞ୍ଜାତାର ।”

୨୮ ହେବେତାଂ ହେ କଗ୍ଲେହିମ୍ଣା ଜାର୍ ଗାଗ୍ରି ଇଡ଼୍‌ଜି ବସ୍ତିତ ହାଲ୍‌ଜି ମାନାୟାରିଂ ଇଚାଡ଼,

୨୯ “ଞ୍ଜାଡ଼୍ ରଞ୍ଜାନିଂ ହୁଡ଼୍‌ନାଦେର, ଆନ୍ ଇନା ଇନାକା କିତାଙ୍ଗ୍‌ନା, ହେ ଖିଜୁ ହେଞ୍ଜାନ୍ ନାଙ୍ଗେଙ୍ଗ ଇନ୍‌ଚାନ୍; ହେଞ୍ଜାନ୍ ଇନେସ୍ ଆଡ଼ିସ୍ କ୍ରିସ୍ଟ କାତେ ?”

୩୦ ଇବେଣ୍ଡାଂ ଲକୁ ବସ୍ତିତ ହସି ତା ଲାଗେ ହାଞ୍ଜେଙ୍ଗ ଲାଗାତାର ।

୩୧ ହେବେ ଚେଲାର୍ ତାଙ୍ଗେଙ୍ଗ ଗଞ୍ଜାରି କିଜି ଇଚାର୍, “ଏ ଗୁରୁ, ଇଚୁକ୍ ଚିନ୍‌ଞ୍ଜେଙ୍ଗ୍ ଖା !”

୩୨ ମାତର ଜିସୁ ହେଞ୍ଜେରିଂ ଉତର ହିତାନ୍, “ତିନି କାଜିଂ କାଦି ନାତାକେ ମାନାଡ଼ ତା ବିସ୍ତେ ଏପେଙ୍ଗ ଇଚୁକ୍ ପୁନୁଦେର ।”

୩୩ ଲାଗିଂ ଚେଲାର୍ ହେଞ୍ଜେର ହେଞ୍ଜାର୍ ଇଞ୍ଜେଙ୍ଗ ଲାଗାତାର୍, “ଇନେନ୍ ତାଙ୍ଗେଙ୍ଗ କାଦି ତାହିହିତାନ୍‌ନା କି ?”

୩୪ ଜିସୁ ହେଞ୍ଜାରିଂ ଇଚାନ୍, ନା ପକ୍‌ତାତାକାନ୍ ମାନ୍ ପୁରାକିନାକା ଆରି ତା ହିତି କାମାୟ ଖିହ୍‌ନାକା, “ଇଦାଂ ନେ ନା କାଦି ।”

୩୫ ଏପେଙ୍ଗ ଇଞ୍ଜିନାଦେରା ପାତି ତ୍ରେସ୍‌ଦେଙ୍ଗ ଇଞ୍ଜି ଆରେ ଚାରି ମାସ୍ ମାନାଡ଼, ମାତର ଆନ୍ ମିଙ୍ଗେଙ୍ଗ ଇଞ୍ଜିନାଙ୍ଗା ପାତିଙ୍ଗ୍ ନିପହୁଡ଼ାଟ୍ ହେ ଖିଜୁ ତ୍ରେସ୍‌ଦେଙ୍ଗ ଇଞ୍ଜି ହେନ୍‌ତାତେ ।

୩୬ ନଙ୍ଗୟ ପାତେକ୍ ତ୍ରେସ୍‌ନାକାନ୍ କୁଲି ପାୟାଆନାନା ମୁଡ଼୍ ପାୟାଆନାନା ଆରି ଖିଜ୍‌ଖି ଜିରୁନ୍ କାଜିଂ ପାଡ଼୍ ରୁଣ୍ଡାୟ କିନାନା, ଇନେସ୍ ଖିଡ଼୍‌ନାକାନ୍ ଆରି ତ୍ରେସ୍‌ନାକାନ୍ ରିକାର୍ ମେହାଆଜି ଖାରି କିତାର ।

୩୭ ଇନାକିଦେଂକି ରକାନ୍ ଖିଡ଼୍‌ନାନ୍ ଆରି ଆରେ ରକାନ୍ ତ୍ରେସ୍‌ନାନ୍, ଇ ବେରଣ୍ ହାଡ଼ପା ।

୩୮ ଏପେଙ୍ଗ ଇମ୍ଣାକାନ୍ କାଜିଂ କାମାୟ କିଞ୍ଜାତାଦେଣ୍ଡା, ହେଦାଂ ତ୍ରେସ୍‌ଦେଙ୍ଗ ଇଞ୍ଜି ଆନ୍ ମିଙ୍ଗେଙ୍ଗ ପକ୍‌ତାତାଂ; ବିନ୍‌ଲଗୁ କାମାୟ କିନାରା, ଆରେ ଏପେଙ୍ଗ ହେଞ୍ଜାର୍‌ତି କାମାୟ କିତି ଲାବ୍ ପାୟାଆନାଦେରା ।

୩୯ ଆନ୍ ଇନା ଇନାକା କିତାଙ୍ଗ୍‌ନା, ହେ ଖିଜୁ ହେଞ୍ଜାନ୍ ନାଙ୍ଗେଙ୍ଗ ଇନ୍‌ଚାନ୍ ଇ କାତା ଇମ୍ଣି କଗ୍ଲେହିମ୍ଣା ସାକି ହିଜି ମାଚାଡ଼, “ତା ବେରଣ୍ କାଜିଂ ହେ ବସ୍ତିତ ସମିରଣିୟର୍ ବିତ୍ରେ ହେନି ତାତାକେ ପାତର୍ କିତାର୍ ।”

୪୦ ଆରେ, ହେ ସମିରଣିୟର୍ ତାଂ ଲାଗେ ଖାଜି ହେଞ୍ଜାର୍ ଲାହାଙ୍ଗ୍ ମାଞ୍ଜେଙ୍ଗ ଇଞ୍ଜି ତାଙ୍ଗେଙ୍ଗ ଗଞ୍ଜାରି କିତାର, ଆରେ ହେଞ୍ଜାନ୍ ରି ଦିନ୍ ହେ ବାହାତ ମାଚାନ୍ ।

୪୧ ଆରେ, ଜିସୁତି ବଚନ୍ କାଜିଂ ଆରେ ହେନି ମାନାୟ ପାତର୍ କିତାର୍;

୪୨ ଆରେ, ହେଞ୍ଜାର୍ ହେ କଗ୍ଲେହିମ୍ଣାତିଂ ଇଚାର୍, “ନଙ୍ଗୟ ମି ବେରଣ୍ କାଜିଂ ଆପେଂ ପାତର୍ କିତାପା, ମାତର ଆପେଂ ଜାର୍ ଜାର୍ ଖେନାପା, ଆରେ ଇଞ୍ଜାନ୍ ଜେ ହାଡ଼ପାନେ ପୁତର୍ ନି ମୁକ୍ତି କିଦ୍‌ନାକାନ୍, ଇଦାଂ ଆସେଙ୍ଗ୍ ପୁରାସ୍‌ନା ।”

ରାଜ କାମାୟକିନି ମାଜି ଉଜ୍ କିତାନ୍

୪୩ ରି ଦିନ୍ ପାଚେ ହେଝାନ୍ ହେବେତାଁ ହସି ଗାଲିଲିତ ହାଚାନ୍ ।

୪୪ “ଇନାକିଦେଂକି ବେଶ୍‌ବାକ୍‌ଶାୟ୍ କିନାକାନ୍ ଜାର୍ ଦେସ୍‌ତ ମାନି ପାୟା ଆଉନ୍ ଇଞ୍ଜି ଜିସୁ ନିଜେ ସାକି ହିତାନ୍ ।”

୪୫ \*ପାଚେ, ହେଝାନ୍ ଗାଲିଲିତ ଖାତିଲେ, ପାର୍ତୁ ସମୁତ ହେଝାନ୍ ଜିରୁସାଲମ୍‌ତ ଇନା ଇନାକା କିଜି ମାଚାନ୍, ହେ ଝିଜୁ ହୁଡ୍‌ଜିମାଚିଲେ ଗାଲିଲିର୍ ତାଙ୍ଗେଙ୍ଗ୍ ମାନି କିତାର୍, ଲାଗିଂ ହେଝାର୍ ପା ପାର୍ତୁତ ହାଲ୍‌ଜି ମାଚାର୍ ।

୪୬ ଇଦାଂ ପାଚେ ଗାଲିଲିନି ଇମ୍‌ଣି କାନା ଗାଡ୍‌ଦ ହେଝାନ୍ ଏଜୁକାଂ ଅଜୁର୍ ରାସ୍ କିଜି ମାଚାନ୍, ହେ ବାହାତ ହେଝାନ୍ ଆରେ ରଗ ହାଚାନ୍ । ଆରେ ହେବେ ରକାନ୍ ଗୁମୁସ୍ତା ମାଚାନ୍, ତା ମାଜି କପର୍ନାହୁମ୍ ବିଡ୍ ଆଜି ମାଚାନ୍ ।

୪୭ ଜିସୁ ଜିହୁଦା ଦେସ୍‌ତାଁ ଗାଲିଲିତ ହସି ଖାତାନ୍‌ନା, ଇଦାଂ ଝେନ୍‌ଞ୍ଜି ହେଝାନ୍ ତା ଲାଗେ ହାଲ୍‌ଜି ହେଝାନ୍ ଇନେସ୍ ଖାଜି ତା ମାଜିଙ୍ଗ୍ ଉଜ୍ କିନାନ୍, ଇଦାଂ କାଜିଂ ତାଙ୍ଗେଙ୍ଗ୍ ଗଝାରି କିଦେଙ୍ଗ୍ ଲାଗାତାର୍, ଇନାକିଦେଂକି ହେଝାନ୍ ହାନି ଲାକେ ଆଜି ମାଚାନ୍ ।

୪୮ ହେବେତାଁ ଜିସୁ ତାଙ୍ଗେଙ୍ଗ୍ ଇଚାନ୍, “ଚିନ୍ ଆରେ କାବାନି କାମାୟ୍ ହୁଡ୍‌ଝିତିସ୍ ଏପେଙ୍ଗ୍ ଇନେସ୍ କିତିସ୍‌ପା ପାଚ୍ କିଉଦେର୍ ।”

୪୯ ଗୁମୁସ୍ତା ତାଙ୍ଗେଙ୍ଗ୍ ଇଚାନ୍, “ଏ ମାପୁ, ନା କାଡ୍‌ଦେ ହାନି ଆଗେ ଖା ।”

୫୦ ଜିସୁ ତାଙ୍ଗେଙ୍ଗ୍ ଇଚାନ୍, ହାଲା, ମି ମାଜି ଜିତାନେ । “ଜିସୁ ହେ ମାନାୟ୍‌ତିଂ ଇମ୍‌ଣି ବଚନ୍ ଇଚାନ୍,

ହେଝାନ୍ ହେଦାଂ ପାଚ୍ କିଜି ମାସ୍‌ଦି ହାଚାନ୍ ।”

୫୧ ପାଚେ, ହେଝାନ୍ ହାଲୁ ହାଲୁ ତା ଆଡ଼ିୟାର୍ ତାଙ୍ଗେଙ୍ଗ୍ ବେର୍ ଆଜି ନି କାଡ୍‌ଦେ ଜିତାନେ ଇଞ୍ଜି ଇଚାର୍ ।

୫୨ ଇମ୍‌ଣି ସମୁତ ଉପକାର୍ ଆଚାନ୍, ହେଦାଂ ହେଝାନ୍ ହେଝେରିଂ ଝେନ୍‌ବାଚାନ୍ । “ହେବେତାଁ ହେଝାର୍ ତାଙ୍ଗେଙ୍ଗ୍ ଇଚାର୍, ନିହିଙ୍ଗ୍ ଗନ୍‌ଚେଝେଡାଙ୍ଗ୍ ତାଙ୍ଗେଙ୍ଗ୍ ନମେର୍ ପିସ୍‌ତାଡ୍ ।”

୫୩ ଇବେତାଂ ଆବା ବୁଜାଆତାନ୍ ଜେ, ଜିସୁ ଇମ୍‌ଣି ସମୁତ ନି ମାଜି ଜିତାନେ ଇଞ୍ଜି ତାଙ୍ଗେଙ୍ଗ୍ ଝେର୍‌ଚି ମାଚାର୍, “ହାଡ୍‌ପା ହେ ସମୁତ ଇଦାଂ ଗିଗାଆଜି ମାଚାଡ୍ ।” ହେଝାନ୍ ଆରି ତା ଝିଜାକାର୍ କୁରୁମ୍ ପାଚ୍ କିତାର୍ ।

୫୪ ଜିହୁଦାତାଂ ଆରେ ରଗ ଗାଲିଲିତ ଖାତି ପାଚେ ଇଦାଂ ଜିସୁତି ରିହା କାବାଆନି କାମାୟ୍ କିତାନ୍ ।

୫

ଜିସୁ ବାୟ୍ ଲାଗାୟ୍ ରଗ୍ୟାଙ୍ଗ୍ ଉଜ୍ କିତାନ୍

୧ ଇଦାଂ ପାଚେ ଜିହୁଦିତ୍ ର ପାର୍ତୁ ଏକାଝାତାଡ୍, ଆରେ ଜିସୁ ଜିରୁସାଲମ୍‌ତ ହାଚାନ୍ ।

୨ ଜିରୁସାଲମ୍‌ନି ମେଣ୍ଡା ଦୁଝେର୍ କଚଣ୍ ର ବାୟ୍ ମାନାଡ୍; ଏରି ବାସାତାଂ ତାଙ୍ଗେଙ୍ଗ୍ ବେଡ୍‌ସାଇଦା ଇଞ୍ଜି ଇନାର୍, ହେ ବାନ୍ତ ପାଞ୍ଚଗଟା ମାଣ୍ଟୁ ମାନାଡ୍ ।

୩ ହେ ମାଣ୍ଟୁମ୍‌ତ ହେନି ହେନି ସୁକ୍ ହିଲ୍‌ଖାକାର୍, କାଶା, ଚଟା, ଆରି ହିରକଲ୍‌ରଗି ମାଚାର୍ । ହେଝାର୍ ନାଗୁଡ୍ ଉଲ୍‌କା ଆନାକା କାଜିଂ ମାଚାର୍;

୪ ଇନାକିଦେଂକି ଇନା ଇନା ଝେଡାଙ୍ଗ୍ ମାପୁତି ରଝାନ୍ ଦୁଡ୍ ବାନ୍ତ ଜୁଜି ନାଗୁଡ୍ ଉଲ୍‌କାୟ୍ କିଜି ମାଚାନ୍, ଆରେ ନାଗୁଡ୍ ଉଲ୍‌କା ଆତି ସମୁତ ଇନେର୍‌କି ପର୍ତୁମ୍ ହେବେ ହଶ୍‌ଜି ମାଚାନ୍, ହେଝାନ୍ ଇନେସ୍ ବାଚ୍ ରଗ୍ ବେମାର୍ ମାଚାନ୍ ପା ଉଜ୍ ଆଜି ମାଚାର୍ ।

୫ ହେବେ ତିରିସ୍‌ଆର୍ ବାହୁଁ ପାଚେକ୍ ରଗ୍ୟା ରକାନ୍ ମାନାୟ୍ ମାଚାନ୍ ।

୬ ଜିସୁ ତାଙ୍ଗେଙ୍ଗ୍ ମାଗ୍‌ଜିମାନାକା ହୁଡ୍‌ଜି ବେସିଦିନ୍‌ଡ୍‌ତି ରଗ୍ୟା ଇଞ୍ଜି ପୁଞ୍ଜି ତାଙ୍ଗେଙ୍ଗ୍ ଝେନ୍‌ବାଚାନ୍, “ଏନ୍ ଇନାକା ଉଜ୍ ଆଦେଂ ଇଚା କିନାୟା ?”

୭ ରଗ୍ୟା ମାନାୟ୍ ଜିସୁଙ୍ଗ୍ ଉତର୍ ହିତାନ୍, “ଏ ମାପୁ, ଏଜୁଂ ଉଲ୍‌କା ଆନି ସମୁତ ନାଙ୍ଗେଙ୍ଗ୍ ବାୟ୍ ବିତ୍ରେ ଅଜି ହାଞ୍ଜେଙ୍ଗ୍ ଇଞ୍ଜି ନାଙ୍ଗ୍ ଇନେର୍ ହିଲୁର୍; ଆରେ, ଆନ୍ ହାଲୁ ହାଲୁ ବିନେ ନିକାନ୍ ନା ଆଗେ ହଶ୍‌ଗାନାନା ।”

୮ ଜିସୁ ତାଙ୍ଗେଙ୍ଗ୍ ଇଚାନ୍, “ନିଙ୍ଗା, ନି କାଚେଲ୍ ଆସ୍ତି ତାଙ୍ଗା ।”

୯ ହେ ଦାପ୍ରେ ହେ ମାନାୟ୍ ଉଜ୍ ଆଚାନ୍ ଆରି ଜାର୍ କାଚେଲ୍ ଆସ୍ତି ତାଙ୍ଗେଦେଂ ଲାଗାତାନ୍ ।

ହେ ଦିନା ଜମ୍‌ନିବାର୍ ମାଚାଡ୍ ।

୧୦ ହେବେତାଂ, ଜିହୁଦିର୍ ଉଜ୍ ଆତି ଲଗାଂ ଇଞ୍ଜେଙ୍ଗ୍ ଲାଗାତାର୍, “ନେଞ୍ଜେଙ୍ଗ୍ ଜମ୍‌ନିବାର୍, କାଚେଲ୍ ପିଶ୍‌ଜି ଅନାକା ନି ବିଦି ହିଲୁଡ୍ ।”

୧୧ ମାଚର୍, ହେଝାନ୍ ହେଝାରିଂ ଉତର୍ ହିତାନ୍, “ଜେ ନାଙ୍ଗେଙ୍ଗ୍ ଉଜ୍ କିଡ୍‌ତାନ୍, ହେଝାନ୍ ନାଙ୍ଗେଙ୍ଗ୍ ଇନ୍‌ଚାନ୍, ନି କାଚେଲ୍ ଆସ୍ତି ତାଙ୍ଗା ।”

୧୨ ହେଝାର୍ ତାଙ୍ଗେଙ୍ଗ୍ ଝେନ୍‌ବାଚାର୍, “ନି କାଚେଲ୍ ଆସ୍ତି ତାଙ୍ଗା ଇଞ୍ଜି ଜେ ନିଙ୍ଗେଙ୍ଗ୍ ଇନ୍‌ଚାନ୍, ହେ ଲକ୍ ଇନେନ୍ ?”

☆ ୪:୪୫ ଜହନ୍ ୨:୨୩।

୧୩ ମାତର ହେୱାନ ଇନେନ୍, ହେଦା° ହେ ଉଜ୍ ଆତି ଲକ୍ ପୁନ୍‌ୱାଦା° ମାଚାନ୍, ଇନାକିଦେ°କି ହେ ବାହାତ ହେନି ମାନାୟାର ମାନିକାଜି° ଜିସୁ ଏଡା ଆଜି ହାଲ୍‌ଜି ମାଚାନ୍ ।

୧୪ ଇଦା° ପାଚେ ଜିସୁ ମନ୍ଦିରତ ଚଞ୍ଚା ଆଜି ତାଙ୍ଗେଙ୍ଗ୍ ଇଚାନ୍, “ହୁଡାଟ୍, ଏପେଙ୍ଗ୍ ଉଜ୍ ଆତାଦେଣ୍ଟା, ଆରେ ପାପ୍ କିମାଟ୍, ଇନେସକି ମି କାଜି° ଆଦେକ୍ କସୁ ଗିଟା ଆଦ୍‌ନାଟ୍ ।”

୧୫ ହେ ମାନାୟ୍ ତାଙ୍ଗ୍‌ଜି ହାଲ୍‌ଜି, ଇନେର୍ ତାଙ୍ଗେଙ୍ଗ୍ ଉଜ୍ କିଜି ମାଚାର୍, ହେୱାନ ଜିସୁ ଇଞ୍ଜି ଜିହୁଦି ନେତାରି° ଇଚାନ୍ ।

୧୬ ଲାଗି° ଜିସୁ ଜମ୍‌ନିବାର୍ ନାଜି° ଇଦା° କିଜି ମାଚିଲେ ଜିହୁଦିର୍ ତାଙ୍ଗେଙ୍ଗ୍ ଗାଣାଜୁ କିଦେଙ୍ଗ୍ ଲାଗାତାର୍ ।

୧୭ ମତର ଜିସୁ ହେୱାରି° ଉତର ହିତାନ୍, “ମାଞ୍ଜି ଆବା ସବୁ ନାଞ୍ଜିଙ୍ଗ୍ କାମାୟ୍ କିନାନା, ଆରେ ଆନ୍ ପା କିନାଙ୍ଗା ।”

୧୮ ଇ ନିୟମତା° ଜିହୁଦିର୍ ତାଙ୍ଗେଙ୍ଗ୍ ଆସ୍ତେଙ୍ଗ୍ ଇଞ୍ଜି ଆରେ ଆଦେକ୍ ସେସୁ କିଦେଙ୍ଗ୍ ଲାଗାତାର୍, ଇନାକିଦେ°କି ହେୱାନ ଜମ୍‌ନିବାର୍ ନାଜି° ମାନିକିୱାତାନ୍ କେବଲ୍ ଆକାୟ୍, ମତର ଇସ୍‌ବର୍ ଲାହାଙ୍ଗ୍ ଜାର୍ ଆବା ଇଞ୍ଜି ଇଞ୍ଜି ଜାର୍‌ତି° ଇସ୍‌ବର୍ ଲାହାଙ୍ଗ୍ ସମାନ୍ କିଜି ମାଚାନ୍ ।

**ମାଜିତି ଆଦିକାର୍**

୧୯ ଲାଗି° ଜିସୁ ହେୱାରି° ଉତର ହିତାନ୍, “ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ୍ ଇଞ୍ଜିନାଙ୍ଗା, ମାଜି ହେୱାନ ନିଜେ କିଦେଙ୍ଗ୍ ଆଡୁନ୍ ତା ଆବା ଇନାକା କିନାନ୍ ହେଦା° ନେ ହୁଡ଼ତିସ୍, ମାଜିପା ହେଦା° କିନାନ୍ । ଇନାକିଦେ°କି ହେୱାନ ଇନା ଇନାକା କିନାନ୍, ମାଜିପା ହେଦା° ଝିଜୁ ହେ ଲାକେ କିନାନ୍ ।

୨୦ ଇନାକିଦେ°କି ଆବା ମାଜିଙ୍ଗ୍ ଜିଉନନାର୍, ଆରେ ନିଜେ ଇନାକା କିନାନ୍ ହେ ଝିଜୁ ତାଙ୍ଗେଙ୍ଗ୍ ଚର୍‌ନାନ୍ ଆରେ ଇବେତା° ଗାଜା କାମାୟ୍‌କ୍ କିନି କାଜି° ହେୱାନ ତାଙ୍ଗେଙ୍ଗ୍ ଚର୍‌ନାନ୍ ଆରେ ଏପେଙ୍ଗ୍ ଝିଜାଦେର୍ କାବା ଆନାଦେର୍ ।

୨୧ ଲାଗି° ଆବା ଇନେସ୍ କିଜି ହାତି ଲାଗା° ନିକ୍‌ତି ଆରେ ଜିବୁନ୍ ହିନାନ୍, ହେ ଲାକେ ମାଜି ପା ଇନେରି° ମାନ୍ କିନାନ୍, ହେୱାରି° ଜିବୁନ୍ ହିନାନ୍ ।

୨୨ ଆରେ, ଆବା ପା ଇନାକାନି° ବିଚାର୍ କିଉନ୍, ବିଚାର୍ କିନି କାଜି° ହେୱାନ ଜାର୍ ମାଜି ଆଦିକାର୍ ହିତାନ୍‌ନା ।

୨୩ ହେବେତା° ଆବା° ମାନି କିତାର୍ ମାଜିଙ୍ଗ୍ ପା ହେ ଲାକେ ଝିଜାର୍ ମାନି କିତାର୍, ଇନେନ୍ ମାଜିଙ୍ଗ୍ ମାନିକିଉନ୍ ତା ପକ୍ତିତି ଆବା° ପା ହେୱାନ ମାନିକିଉନ୍ ।”

୨୪ “ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ୍ ଇଞ୍ଜିନାଙ୍ଗା, ଇନେର୍ ବଚନ୍ ଝେନ୍‌ଞ୍ଜି ନା ପକ୍‌ତାକାନି° ପାତ୍ କିନାନ୍, ହେୱାନ ଝିଜୁ ଜିବୁନ୍ ପାୟା ଆତାନ୍ନା, ଆରେ ହେୱାନ ବିଚାର୍ କିୟାଆଉନ୍ ହାକିତି° ନାସି ହାଲ୍‌ଜି ଜିବୁନ୍ ତାକେ ହଚାନ୍‌ନା ।

୨୫ ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ୍ ଇଞ୍ଜିନାଙ୍ଗା, ଏପେଙ୍ଗ୍ ସମୁ ଝାନାତା, ଏଚେକାଡ଼୍‌ଦ ହାତାକାର୍ ଇସ୍‌ବର୍ ମାଜି ଝେଇ ଝେନାର୍ ଆରି ଇନେର୍ ଝେନାର୍, ହେୱାର୍ ଜିବୁନ୍ ପାୟା ଆନାର୍ ଆରେ ଇ ଦିକ୍ତ ପା ଝାତାତେ ।

୨୬ ଇନାକିଦେ°କି ଆବା° ଇନେସକି ନିଜେ ଜିବୁନ୍, ହେ ଲାକେ ହେୱାନ ମାଜିଙ୍ଗ୍ ପା ନିଜେ ଜିବୁନ୍ ଆଦେ° ହିତାନ୍ନା;

୨୭ ଆରେ, ହେୱାନ ମାନାୟ୍ ମାଜି ଆନି କାଜି° ହେୱାନ ତାଙ୍ଗେଙ୍ଗ୍ ବିଚାର୍ କିନାକା ଆଦିକାର୍ ହିତାନ୍ ।

୨୮ ଇବେ କାବା ଆମାଟ୍, ଇ ସମୁ ଝାନାତା ସମୁତ ଦୁଗେର୍‌ତ ଝିଜାକାର୍ ତା କାଟ୍ ଝେନାର୍,

୨୯ ହେୱାର୍ ଦୁଗେର୍‌ତା° ନିଙ୍ଗ୍‌ଜି ଝାନାର୍, ଆରେ ଇମ୍‌ଣାକାର୍ ହାର୍‌ଦି କାମାୟ୍ କିତାଣ୍ଟା ହେୱାର୍ ଆରେ ନି°ଜି ଜିବୁନ୍ ଆନାର୍, ବାନ୍‌ପା କାମାୟ୍ କିନାକାର୍ ଆରେନି°ନାର୍ ଆରି ହେୱାର୍ ତାଣ୍ଟ ପାୟା ଆନାର୍ ।”

**ଜିସୁ ପାକ୍ୟାତା° ସାକି**

୩୦ “ଆନ୍ ରଝାଙ୍ଗ୍ ଇନାକା କିଦେଙ୍ଗ୍ ଆଡୁଙ୍ଗ୍; କେବଲ୍ ଇସ୍‌ବର୍ ବଲ୍‌ତା° ଆନ୍ ବିଚାର୍ କିନାଙ୍ଗ୍ ଇନେସକି ଝେନାଙ୍ଗ୍, ହେ ଲାକେ ବିଚାର୍ କିନାଙ୍ଗ୍, ଆରେ ନା ବିଚାର୍ ସମାନ୍, ଇନାକିଦେ°କି ଆନ୍ ଜାର୍ ମାନ୍ ହୁଦାର୍ କିଦ୍‌ଦେ° ସେସୁ କିୱାଦା° ନା ପକ୍‌ତାତାକାନି° ଇଚା କିଦେଙ୍ଗ୍ ସେସୁ କିନାଙ୍ଗ୍ ।”

୩୧ “ଜଦି ଆନ୍ ନିଜେ ବିସ୍ତେ ନିଜେ ସାକି ହିନାଙ୍ଗ୍, ତା ଆତିସ୍ ନା ସାକ୍ୟା ହାଡ଼ପା ଆକାୟ୍ ।

୩୨ ନା ବିସ୍ତେ ଇନେନ୍ ରକାନ୍ ସାକି ହିନାନ୍, ହେୱାନ ଆରେ ପୁନାନ୍; ଆରି, ନା ବିସ୍ତେ ତା ସାକି ଜେ ହାଡ଼ପା, ହେଦା° ଆନ୍ ପୁନାଙ୍ଗ୍ ।

୩୩ ଏପେଙ୍ଗ୍ ଜହନ୍ ଲାଗା° ମାନାୟ୍ ପକ୍‌ତାଦେଣ୍ଟା ଆରି ହେୱାନ ହାଡ଼ପା ଲକାର୍ ସାକି ହିନାନା;

୩୪ ମାତର ଆନ୍ ମାନାୟ୍‌ତି° ସାକି ମାନି କିଉଙ୍ଗ୍, ଇଚିସ୍ ଏପେଙ୍ଗ୍ ଇନେସକି ମୁକ୍ତି ଆନାଦେର୍, ହେଦା° କାଜି° ଇ ସବୁ ଇଞ୍ଜିନାଙ୍ଗା ।

୩୫ ଜହନ୍ ଆହ୍‌ନି ଅଜଡ଼୍‌ ବଇଟା ଲାକେ ମାଚାନ୍, ଆରେ ଏପେଙ୍ଗ୍ ଅଲ୍‌ପ୍ ଦିନ୍ ତା ଅଜଡ଼୍‌ତ ଝାରି କିନି କାଜି° ଝାରିୟା ଆତାଦେର୍ ।

୩୬ ମାତର ଜହନ୍‌ତି ସାକି ତାଙ୍ଗ୍ ନାତାଙ୍ଗ୍ ସଲ୍‌କେ ସାକି ମାଚାଟ୍, ଇନାକିଦେ°କି ଆବା ନାଙ୍ଗେଙ୍ଗ୍ ଇମ୍‌ଣି ଇମ୍‌ଣି କାମାୟ୍ ଝିସ୍ତେଙ୍ଗ୍ ହିଡ଼ନ୍ନା, ଜେ ଝିଜୁ କାମାୟ୍ ଆନ୍ କିନାଙ୍ଗା, ଆବା ନାଙ୍ଗେଙ୍ଗ୍ ପକ୍‌ତାତାନ୍ନା ଇଞ୍ଜି ହେ ଝିଜୁ ନା ବିସ୍ତେ ସାକି ହିନାଙ୍ଗା ।



୩୭ ☆ଆରେ, ଇମ୍ନି ଆବା ନାଙ୍ଗେଙ୍ଗ ପକ୍ତାତାନ୍ନା, ହେଞ୍ଜାନ୍ ନା ବିସ୍ତେ ସାକି ହିଡ଼ତାନ୍ନା । ଏପେଙ୍ଗ ଇନାଞ୍ଜାଡ଼ା ତା କାଟ୍ ଖେନୁଙ୍ଗେ କି ତା ମୁମ୍ ହୁଡ଼ୁଙ୍ଗେ,

୩୮ ଆରେ ତା ବଚନ୍ ମି ଖାସ୍ତିତ ବାହା କିଞ୍ଜାତାନ୍ନା, ଇନାକିଦେଂକି ହେଞ୍ଜାନ୍ ଇନେରିଂ ପକ୍ତାତାନ୍ନା, ତାଙ୍ଗେଙ୍ଗ ଏପେଙ୍ଗ ପାତ୍ କିଡ଼ଦେରା ।

୩୯ ଏପେଙ୍ଗ ଦରମ୍ ସାସ୍ତର ମାନିକିନାଦେରା, ଇନାକିଦେଂକି ହେବେ ଖିଜ୍ଝି ଜିବୁନ୍ ପାୟା ଆନାନ୍ ଇଞ୍ଜି ମାତ୍ର କିନାଦେରା; ଆରେ, ହେ ଦରମ୍ ସାସ୍ତର ନା ବିସ୍ତେ ସାକି ହିନାଙ୍ଗା ।

୪୦ ମାତର୍ ଏପେଙ୍ଗ ଜିବୁନ୍ ପାୟା ଆଦେଂ ଇଞ୍ଜି ନା କଚଣ୍ ଖାଦେଙ୍ଗ ମାନ୍ କିଡ଼ଦେରା ।”

୪୧ “ଆନ୍ ମାନାୟାତ୍ତାଂ ଜାଜ୍ମାଲ୍ ଇଚା କିଡ଼ଙ୍ଗା,

୪୨ ମାତର୍ ଆନ୍ ମିଙ୍ଗେଙ୍ଗ ପୁଞ୍ଜାଙ୍ଗନା, ଏପେଙ୍ଗ ଇନେସ୍ ବାତ୍ ମାନାୟା ଆରେ ମି ଖାସ୍ତିତ ଇସ୍ତୁରିତି ଜିଡ଼ନନାକା ଆକାୟ୍ ।

୪୩ ଆନ୍ ମାଞ୍ଜିଆବା ତରଦାଂ ଖାତାଙ୍ଗନା, ଆରେ ଏପେଙ୍ଗ ନାଙ୍ଗେଙ୍ଗ ମାନ୍ କିଦୁଦେରା; ବିନ୍ ନିକାନ୍ ଜଦି ନିଜେ ତରଦାଂ ଖାନାନ୍, ଲାଗିଂ ଏପେଙ୍ଗ ତାଙ୍ଗେଙ୍ଗ ମାନି କିନାଦେର ।

୪୪ ଏପେଙ୍ଗ ନାଙ୍ଗେଙ୍ଗ ଇନେସ୍ ପାତ୍ କିଦନାଦେର ? ଏପେଙ୍ଗ ତ ରକାନ୍ ଆରେ ରକାନ୍ ତାଙ୍ଗେଙ୍ଗ ଜାଜ୍ମାଲ୍ ପାୟା ଆଦେଂ ମାନ୍ କିନାଦେରା, ଆରି ରଞ୍ଜାଙ୍ଗ ମାତର୍ ଇସ୍ତୁରିତାଂ ଇମ୍ନି ଜାଜ୍ମାଲ୍, ହେଦାଂ ଗାଟାଆନି କାଜିଂ ସେସ୍ତୁ କିଡ଼ଦେରା ।

୪୫ ଆନ୍ ଜେ ଆବା ମୁମ୍ଦ ମି ବେରୁଡ଼ତାଂ ଖେନ୍ଦବା ଆଦନାଂ, ଇଦାଂ ମାତ୍ର କିମାଟ୍; ଇମ୍ନି ମସାତାକେ ଏପେଙ୍ଗ ଆହା କିତାଦେଶ୍ଟା, ହେଞ୍ଜାନ୍ ମି ବିରୁଡ଼ତାଂ ଖେନ୍ଦବା ଆଦନାରା ।

୪୬ ଇନାକିଦେଂକି ଏପେଙ୍ଗ ଜଦି ମସାଙ୍ଗ ପାତ୍ କିନାଦେର, ଲାଗିଂ ନାଙ୍ଗେଙ୍ଗ ପାତ୍ କିଦନାଦେର, ଲାଗିଂ ହେଞ୍ଜାନ୍ ନା ବିସ୍ତେ ଲେକି କିତାନ୍ନା ।

୪୭ ମାତର୍ ଏପେଙ୍ଗ ଜଦି ମସା ଲେକିକିତି ବଚନ୍ ପାତ୍ କିଡ଼ଦେର, ଲାଗିଂ ଇନେସ୍ ନା ବଚନ୍ ପାତ୍ କିନାଦେର ?”



ପାଞ୍ଚଗଟା ରୁଟିଂ ରିଶ୍ଟାଂ ମିନ୍କୁ

୧ ଇବେଶ୍ଟାଂ ଜିସୁ ଗାଲିଲି ହାମ୍ଦୁର୍, ଇଚିସ୍, ତିବିରିୟା ହାମ୍ଦୁର୍ ଆନ୍ତି ପାଡ଼କା ହାତାନ୍ ।

୨ ଆରେ, ହେଞ୍ଜାନ୍ ରଗ୍ୟାର୍ କାଜିଂ ଇନା ଇନା କାବାଆନି କାମାୟ୍ କିଜି ମାତାନ୍, ହେଦାଂ ଖିଜୁ ହୁଡ଼ଜି ହେନି ମାନାୟ୍ ତାପାଚେ ଖାଦେଙ୍ଗ ଲାଗାତାଟ୍ ।

୩ ହେବେ ଜିସୁ ମାଡ଼ିଜପି ହାଲ୍ଜି ଜାର୍ ଚେଲାହିର୍ ଲାହାଙ୍ଗ ହେବେ କୁଚ୍ଚାଟ୍ ।

୪ ହେ ପାଦନା ଜିହୁଦିତ୍ ନିସ୍ତାର୍ ପାର୍ଟୁ ଏକା ଖାଜି ମାତାଟ୍ ।

୫ ଆରେ, ଜିସୁ ଇଚ୍ଚକାଡ଼ କିଜି ବେସି ହେନି ମାନାୟାରିଂ ଜାର୍ କଚଣ୍ ଖାନାକା ହୁଡ଼ଜି ପିଲିପ୍ତିଂ ଇଚାନ୍, “ଇଞ୍ଜାର୍ ତିନି କାଜିଂ ଆସେଙ୍ଗ ଇମେତାକେ ଜବର୍ ରୁଟିଂ କଡ଼ନାସ୍ ?”

୬ ମାତର୍ ହେଞ୍ଜାନ୍ ପିଲିପ୍ତିଂ ପରିକ୍ୟା କିନି ଉପାୟାତାଂ ଏଲେଙ୍ଗ ଇଚାନ୍, ଇନାକିଦେଂକି ହେଞ୍ଜାନ୍ ଇନାକା କିଦେଙ୍ଗ ହାନାନା, ହେଦାଂ ହେଞ୍ଜାନ୍ ନିଜେ ପୁଞ୍ଜି ମାତାନ୍ ।

୭ ପିଲିପ୍ ତାଙ୍ଗେଙ୍ଗ ଉତର୍ ହିତାନ୍, “ଝିଜାରିଂ ଅଲପ୍ ଚିଚ୍ପେଦେଂ ଇଞ୍ଜାର୍ କାଜିଂ ଦୁଇସ ଟାକାଂ ରୁଟିଂ, ଜବର୍ ଆକାୟ୍ ।”

୮ ସିମନ୍ ପିତର୍ ଟଣ୍ଡାହି ଆହିୟ୍ ତରଦାକାନ୍ ତା ଚେଲାର୍ ବିତ୍ରେତାଂ ରଞ୍ଜାନ୍ ତାଙ୍ଗେଙ୍ଗ ଇଚାନ୍, “ଇବେ ରଞ୍ଜାନ୍ କାଡ଼ଦେ ମାନାନ୍,

୯ ତା ତାକେ କୁଜା ପାଞ୍ଚଗଟା ରୁଟିଂ ଆରି ରିଶ୍ଟାଂ ଖାସ୍ତି ମିନ୍କୁ ମାନିକ୍, ମାତର୍ ଏଚେକ୍ ହେନି କାଜିଂ ହେଦାଂ ଜବର୍ ଆକାୟ୍ ।”

୧୦ “ଜିସୁ ଚେଲାରିଂ ଇଚାନ୍, ମାନାୟାରିଂ କୁଚିକିୟାଟ୍ ।” ହେ ବାହାତ ବେସି କାତ୍ରା ମାତାଟ୍ । ଲାଗିଂ ଆନ୍ମାନତାଂ ପାଞ୍ଚ ହାଜାର୍ ଆଣ୍ଡାହିମଣାଂ ମାତାଟ୍ ।

୧୧ ହେବେ ଜିସୁ ହେ ରୁଟି ଆସ୍ତି ଜୁଞ୍ଜାର୍ କିଜି କୁଚ୍ଚି ମାନି ମାନାୟାରିଂ ହେଦାଂ ବାଟାକିଜି ହିତାନ୍, ହେ ଲାକେ ମିନ୍କୁ ପା ହାସ୍ତିହିତାନ୍, ହେଞ୍ଜାର୍ ଏଚେକ୍ ଏକ୍ତିସ୍, ହେ ଏଚେକ୍ ହିତାନ୍ ।

୧୨ ଆରେ ହେଞ୍ଜେର୍ ପଟପାଞ୍ଜିଲେ, ହେଞ୍ଜାନ୍ ତା ଚେଲାରିଂ ଇଚାନ୍, “ଇନେସ୍କି ଅଲପ୍ କ୍ଳାଞ୍ଜାସ୍ ଆମେଡ୍, ଇଦାଂ କାଜିଂ ହାର୍ଜିମାନି ତ୍ରିକ୍ତି କୁଦ୍ରିଙ୍ଗ୍ ରବେ କିୟାଟ୍ ।”

୧୩ ହେବେ ହେଞ୍ଜାଙ୍ଗ ହେଞ୍ଜାର୍ ଖିଜୁ ରବେ କିତାଟ୍, ଆରେ ମାନାୟାଟ୍ ଚିଚ୍ଚି ପାଚେ ହେ ପାଞ୍ଚ ଗଟା କୁଜା ରୁଟିଂ ଇମ୍ନି ତ୍ରିକ୍ତି କୁଦ୍ରିଙ୍ଗ୍ ହାର୍ଜି ମାଟିକ୍, ହେବେ ହେଞ୍ଜାର୍ ବାର ଟପା ବାତ୍ କିତାଟ୍ ।

☆ ୫:୩୭ ମାଡ଼ିଉ ୩:୧୭; ମାର୍କ ୧:୧୧; ଲୁକ ୩:୨୨.

୧୪ ଲାଗି, ମାନାୟାର ତା କିତି କାବାଆନି କାମାୟ ହୁଡ଼୍ଜି ହେବେ ମାନି ମାନାୟାରିଂ ଇଞ୍ଜେଙ୍ଗ ଲାଗାତାର, “ପୁତ୍ ଇମ୍ଣି ବେଣ୍‌ବାକ୍‌ଣାୟକିନାକାର୍ ଖାନାକା ମାତାତ୍, ଇଞ୍ଜାନ୍ ହାତ୍‌ପା ହେଞ୍ଜାନ୍ ।”

୧୫ ଲାଗି, ହେଞ୍ଜାର୍ ଖାଜି ରାଜା କିନି କାଜିଂ ଜେ ତାଙ୍ଗେଙ୍ଗ୍ ସାକ୍ତିକାଟାକାନ୍ ଆସ୍ତେଙ୍ଗ୍ ସାସ୍‌ମାନାତ୍, ଇଦାଂ ପୁଞ୍ଜି ଜିସୁ ଆରେ ରଗ ଏଡ଼ା ଆଜି ରଞ୍ଜାନ୍‌ନେ ମାଡ଼ିତ ହସି ହାଚାନ୍ ।

**ଜିସୁ ନାଗୁଡ଼୍ ଜପି ତାଙ୍ଗନାକା**  
(ମାଡ଼ିଉ ୧୪:୨୨-୨୩; ମାର୍କ ୨:୪୫-୫୨)

୧୬ ହେ ନାଜିଂ ମିଡ଼ିଲେ ତା ଚେଲାହିର୍ ହାମ୍‌ଦୁର୍ ଗୁଚିତ ହାଚାର୍

୧୭ ଆରେ ତଙ୍ଗାତ ଦୁମ୍‌ଜି ହାମ୍‌ଦୁର୍ ଆନ୍‌ଟି ପାଡ଼୍‌କା କପର୍‌ନାହୁମ୍ ନିପ ହାଞ୍ଜେଙ୍ଗ ଲାଗାତାର । ମାଜ୍‌ଗା ଆଜି ହାତାତ୍, ଆରେ ଜିସୁ ହେ ପାଦ୍‌ନା ପାତେକ୍ ହେଞ୍ଜାର୍ କଚଣ୍‌ତ ଖାଞ୍ଜାଦାଙ୍ଗ୍ ମାଚାନ୍,

୧୮ ଆରେ ବେସି ଦୁକା କିତିଲେ ଏଜୁକାଂ ଲଡ଼ି ନିଙ୍ଗ୍‌ଜି ମାଚାତ୍ ।

୧୯ ଇବେପା ଚେଲାର୍ ପୁରା ପାଞ୍ଚ୍ ଚଅ କିଲମିଟର୍ ତଙ୍ଗା କେଡ଼ା ଆଜି ହାଚିପାଚେ ଜିସୁଙ୍ଗ୍ ଏଜୁଂ ଜପି ତାଙ୍ଗ୍‌ଜି ତଙ୍ଗାତାକେ ଖାନାକା ହୁଡ଼୍‌ଜି ପାଣ୍ଡା ଆତାର ।

୨୦ “ମାତର୍ ଜିସୁ ହେଞ୍ଜାରିଂ ଇଚାନ୍,” ଇଞ୍ଜାଙ୍ଗ୍ ତ ଆନ୍, “ପାଣ୍ଡା ଆମାଟ୍ ।”

୨୧ ଲାଗି ହେଞ୍ଜାର୍ ତାଙ୍ଗେଙ୍ଗ୍ ତଙ୍ଗାତ ଅଦେଂ ମାନ୍ କିତାର୍, ଆରେ ହେଞ୍ଜାର୍ ଇମ୍ଣି ବାହାତ ହାଲ୍‌ଜି ମାଚାର୍, ତଙ୍ଗା ହେ ଦାପ୍ରେ ଗୁଚିତ ଏକାତାତ୍ ।

**ମାନାୟାର ଜିସୁଙ୍ଗ୍ ତେକ୍ତାର**

୨୨ ହେ ବାହାତ କେବଲ୍ ର ତଙ୍ଗା ମାଚାତ୍, ଅଲ୍‌ଗା ଇମ୍ଣି ତଙ୍ଗା ହିଲ୍‌ଖାତାତ୍, ଆରେ ହେବେ ଜେ ଜିସୁ ତା ଚେଲାହିର୍ ଲାହାଙ୍ଗ୍ ହାଲ୍‌ଖାଦାଂ ମାଚାନ୍, ମତର୍ କେବଲ୍ ତା ଚେଲାହିର୍ ହାଲ୍‌ଜି ମାଚାର୍, ଇଞ୍ଜାର୍ ଇମ୍ଣି ମାନାୟାର୍ ତା ଆକାଡ଼ ନାଜିଂ ହାମ୍‌ଦୁର୍ ଆନ୍‌ଟି ପାଡ଼୍‌କା ନିଲ୍‌ଟି ମାଚାର୍, ହେଞ୍ଜାର୍ ହୁଡ଼୍‌ଜି ମାଚାର୍ ।

୨୩ ମାପୁଙ୍ଗ୍ ଜୁଞ୍ଜାର୍ କିତି ପାଚେ ହେଞ୍ଜାର୍ ଇମ୍ଣି ବାହାତ ରୁଚି ତିଞ୍ଜି ମାଚାର୍, ହେ ବାହାତ ତିବିରିୟାତାଂ ଆରେ କେଡ଼ଗଟା ତଙ୍ଗାଙ୍ଗ୍ ଖାତିକ୍;

୨୪ ଲାଗି ଜିସୁ କି ତା ଚେଲାହିର୍ ଜେ ହେବେ ହିଲାତାର୍, ଇବେ ଏଚେକାଡ଼୍‌ଦ୍ ମାନାୟାରିଂ ହୁଡ଼୍‌ତାର୍, ହେ ପାଦ୍‌ନା ହେଞ୍ଜାର୍ ଖିଜାର୍ ତଙ୍ଗାତ ଦୁମ୍‌ଜି ଜିସୁଙ୍ଗ୍ ତେକ୍ ତେକ୍ କପର୍‌ନାହୁମ୍ ଖାତାର୍ ।

**ଇସ୍‌ବର୍ ଜିବୁନିଂ କାଦି**

୨୫ ଆରେ, ହେଞ୍ଜାର୍ ହାମ୍‌ଦୁର୍ ଆଣ୍ଟିପାଡ଼୍‌କା ତାଙ୍ଗେଙ୍ଗ୍ ହୁଡ଼୍‌ଜି ଖେନ୍‌ବାତାର୍, “ଏ ଗୁରୁ, ଏନ୍ ଏଚେକାଡ଼୍‌ଦ୍ ଇବେ ଖାତାୟ୍ ?”

୨୬ ଜିସୁ ହେଞ୍ଜାରିଂ ଉତର୍ ହିତାନ୍, ହାତ୍‌ପା “ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, କାବାଆନି କାମାୟ ହୁଡ଼୍‌ଦେଂ ଜେ ଏପେଙ୍ଗ୍ ନାଙ୍ଗ୍ ତେକ୍ତାନାଦେରା, ହେଦାଂ ଆକାୟ୍, ମତର୍ ରୁଚି ତିନିଞ୍ଜି ପଟ ପାଞ୍ଜ୍ୟାଖାଦାଂ ନାଙ୍ଗେଙ୍ଗ୍ ତେକ୍ତାନାଦେରା ।

୨୭ ଇମ୍ଣି କାଦି ନସ୍‌ ଆନାତ୍, ହେଦାଂ କାଜିଂ ବେସି କସ୍‌କିମାଟ୍ । ମାତର୍ ଇମ୍ଣି କାଦି ଖିଜ୍‌ଜି ଜିବୁନ୍ ହିନାତ୍, ହେଦାଂ କାଜିଂ କାମାୟ୍ କିୟାଟ୍ । ଇ କାଦି ମାନାୟ୍ ମାଜି ହିଦ୍‌ନାନ୍, ଇନାକିଦେଂକି ଆବା ଇସ୍‌ବର୍ ହେଦାଂ କାଜିଂ ତାଙ୍ଗେଙ୍ଗ୍ ଇଡ଼‌ତାନ୍ନା ।”

୨୮ ହେବେ ହେଞ୍ଜାର୍ ତାଙ୍ଗେଙ୍ଗ୍ ଖେନ୍‌ବାତାର୍, “ଇସ୍‌ବର୍‌ତି କାମାୟ୍ ସବୁ କିନି କାଜିଂ ଆପେଂ ଇନାକା କିୟାଆନାତ୍ ?”

୨୯ ଜିସୁ ହେଞ୍ଜାରିଂ ଉତର୍ ହିତାନ୍, “ଇନେକିଦେଂ ଇସ୍‌ବର୍ ପକ୍‌ତାତାନ୍ନା, ତା ତାକେ ପାତ୍ କିନାକା ନେ ଇସ୍‌ବର୍ କାମାୟ୍ ଆନାତ୍ ।”

୩୦ ହେବେ ହେଞ୍ଜାର୍ ଜିସୁଙ୍ଗ୍ ଖେନ୍‌ବାତାର୍, ହେଦାଂ ଆଡିସ୍ ଏନ୍ ତିନ୍‌ଲାକେ ଇନାକା କିଡ଼୍‌ୟନା ଜେ, “ହେଦାଂ ହୁଡ଼୍‌ଜି ଆପେଂ ନିଙ୍ଗେଙ୍ଗ୍ ପାତ୍ କିଦ୍‌ନାପ୍ ? ଖେଡ଼‌ଚା ଇନା କିଦେଙ୍ଗ୍ ଆଡ଼‌ନାୟ୍ ?

୩୧ ମା ଆକର୍ ବାଗାତ ମାନ୍ନା ତିଞ୍ଜି ମାଚାର୍, ଇନେସ୍ ସାସ୍‌ବର୍ ଲେକା ମାନାତ୍, ତିନି କାଜିଂ ହେଞ୍ଜାନ୍ ହେଞ୍ଜାରିଂ ସାଗେତାଂ କାଦି ହିତାନ୍ ।”

୩୨ “ହେବେ ଜିସୁ ହେଞ୍ଜାରିଂ ଇଚାନ୍, ହାତ୍‌ପା ହାତ୍‌ପା ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ମସା ମିଙ୍ଗେଙ୍ଗ୍ ସାଗେତାଂ କାଦି ହିଦ୍‌ଖାତାନ୍‌ନା, ମାତର୍ ମାଞ୍ଜି ଆବା ମିଙ୍ଗେଙ୍ଗ୍ ସାଗେତାଂ ହାତ୍‌ପା କାଦି ହିନାନ୍ ।

୩୩ ଇନାକିଦେଂକି ଇମ୍ଣି କାଦି ସାଗେତାଂ ଜୁଡ଼୍‌ତି ପୁତ୍ ତିଂ ଜିବୁନ୍ ହିନାନ୍, ହେଦାଂ ଇସ୍‌ବର୍ କାଦି ।”

୩୪ ହେଞ୍ଜାର୍ ଜିସୁଙ୍ଗ୍ ଇଚାର୍, “ଏ ମାପୁ, ସବୁ ଖେଡ଼ାଙ୍ଗ୍ ମାଙ୍ଗେଙ୍ଗ୍ ଇ କାଦି ହିଦା ।”

୩୫ “ହେବେ ଜିସୁ ହେଞ୍ଜାରିଂ ଇଚାନ୍,” ଆନ୍ ହେ ଜିବୁନ୍ କାଦି, “ଇନେନ୍ ନା ଲାଗାଂ ଖାନାନ୍, ହେଞ୍ଜାନ୍ ଇନାଖାଡ଼ାଂପା ନାସ୍‌କି ଆଉନ୍, ଆରେ ଇନେନ୍ ନା ତାକେ ପାତ୍ କିନାକା, ହେଞ୍ଜାନ୍ ଇନାଖାଡ଼ାଂ ଏସ୍‌କି ଆଉନ୍ ।

୩୬ ମାତର୍ ଏପେଙ୍ଗ୍ ନାଙ୍ଗେଙ୍ଗ୍ ହୁଡ଼୍‌ଜିପା ପାତ୍ କିଦୁଦେରା, ଇଦାଂ ଆନ୍ ମିଙ୍ଗେଙ୍ଗ୍ ଇନ୍‌ଆଙ୍ଗ୍‌ନ୍ନା ।

୩୭ ଆବା ଜେ ଓଜାରିଂ ନାଜେକ୍ ଦାନ କିଦନାନ୍, ହେଝାର୍ ନା କଚଣ୍ଡ ଖାନାର୍; ଆରେ, ଇନେର୍ ନା ତାକେ ଖାନାନ୍, ତାଜେକ୍ ଇନେସ୍ କିତିସ୍ପା ବାର୍ଡ ହପୁକ୍;

୩୮ ଇନାକିଦେଂକି ଆନ୍ ନିଜେ ମାନ୍ ମାନି କିଦେକ୍ ଜୁଦ୍‌ଖାଦାଂ, ଇଚିସ୍ ନା ପକ୍ତାତାକାନିଂ ମାନ୍ ମାନି କିଦେକ୍ ସାଗେତାଂ ଜୁଡ୍‌ତାକ୍‌ନା ।

୩୯ ଆରେ, ନା ପକ୍ତାତାକାନ ଜେ ଓଜାରିଂ ନାଜ୍ ଦାନ କିଦନାନ୍, ହେଝାର୍ ବିତ୍ରେ ଇନେରିଂ ନେ ଇନେସ୍‌କି ଆନ୍ ଆରାୟ୍ କିଝାଦାଂ, ମାତର୍ ହାରିହାରା ଦିନ୍ତ ତାଜେକ୍ ଆରେ ରଗ ଜିପ୍‌ନାକ୍, ଇଦାଂ ତାଦାକ୍ ମାନ୍ ।

୪୦ ଇନାକିଦେଂକି ଇନେର୍‌କି ମାଜିକ୍ ହୁଡ୍‌ଜି ତା ତାକେ ପାତ୍ କିତାର୍, ହେଝାନ୍ ଇନେସ୍ ଓଜ୍‌ଓଜି ଜିବୁନ୍ ପାୟା ଆନାନ୍, ଇଦାଂ ନେ ମାଞ୍ଜି ଆବାତି ମାନ୍; ଆରେ, ଆନ୍ ତାଜେକ୍ ହାରିହାରା ନାଜିଂ ଆରେ ରଗ ଜିପ୍‌ନାକ୍ ।”

୪୧ “ଆନ୍ ସାଗେତାଂ ଜୁଜି ମାନ୍‌ଚି କାଦି ଆନାକ୍, ହେଝାନ୍ ଇଦାଂ ଇଚିଲେ ଜିହୁଦିର୍ ତା ବେରୁତାଂ ନିଦା କିଦେକ୍ ଲାଗାତାର୍,”

୪୨ ଆରେ ଇଚାର୍ ଇଝାନ୍ ଜସେପ୍ ମେହି ଜିସୁ ଆକାୟ୍, “ଆରେ ଆପେଂ ଇନାକା ଇଝାନ୍ ଲାତ୍ରାହି ତେହିକ୍ ପୁନୁପ୍ ? ଲାଗିଂ ଆନ୍ ସାଗେତାଂ ଜୁଡ୍‌ତାକ୍‌ନା ଇଞ୍ଜି ହେଝାନ୍ ନକ୍ ଇନେସ୍ ଇନାନ୍ନା ?”

୪୩ ଜିସୁ ହେଝାରିଂ ଉତର୍ ହିତାନ୍, ଜାର୍ ଜାର୍ ବିତ୍ରେ ନିଦା କିମାର୍ ?

୪୪ ଇମ୍‌ଣି ଆବା ନାକ୍ ପକ୍ତାତାନ୍ନା ହେଝାନ୍ ନାତାକେ ଚଞ୍ଚୟା ଆଦ୍‌ଓଡିସ୍ ଇନେର୍ ନା ଲାଗେ ଖାଦେକ୍ ଆତୁର୍ । ଇମ୍‌ଣାକାର୍ ଖାନାର୍ ହେଝାରିଂ ଆନ୍, ହାରିହାରା ନାଜିଂ ଆରେ ରଗ ଜିପ୍‌ନାକ୍ ।

୪୫ ବେଣ୍‌ବାକ୍‌ଣାୟ୍‌କିନାକାର୍ ଦରମ୍ ସାସ୍ତର୍ ତାକେ ଲେକିକିତାଣ୍ଟା, ଓଜାର୍ କେବଲ୍ ଇସ୍ତର୍ ହିକ୍ୟା ପାୟା ଆନାର୍ । ଇନେର୍‌କି ଆବା ତାକେଣ୍ଟା ହିକ୍ୟା ଲାବ୍ କିତାନ୍ନା, ହେଝାନ୍ ନାତାକେ ଖାନାନ୍ ।

୪୬ ଇନେନ୍ ଜେ ଆବାଂ ହୁଡ୍‌ତାନ୍ନା, ହେଦାଂ ଆକାୟ୍; ଇନେର୍ ଇସ୍ତର୍ ତାକେଣ୍ଟା ଖାତାନ୍ନା, ହେଝାନ୍ ଆବାଂ ହୁଡ୍‌ତାନ୍ନା ।

୪୭ ହାଡ୍‌ପା ହାଡ୍‌ପା ଆନ୍ ମିଜେକ୍ ଇଞ୍ଜନାକ୍‌ନା, ଇନେନ୍ ପାତ୍ କିନାନ୍, ହେଝାନ୍ ଓଜ୍‌ଓଜି ଜିବୁନ୍ ପାୟା ଆନାନ୍ ।

୪୮ ଆନ୍ ଜିବୁନ୍ ହିନି କାଦି ।

୪୯ ମି ଆକର୍ ବାଟାତ ମାନ୍ନା ଚିଚାର୍, ଆଡିସ୍‌ପା ହେଝାର୍ ହାତାର୍ ।

୫୦ ମାତର୍ ଇମ୍‌ଣି କାଦି ସାଗେତାଂ ଖାନାର୍, ତାଜେକ୍ ଇନେର୍ ତିନାନ୍ ହେଝାନ୍ ଓଜ୍‌ଓଜି ଜିବୁନ୍ ପାୟା ଆନାନ୍ ।

୫୧ ଆନ୍ ସାଗେତାଂ ଜୁଡ୍‌ତାକ୍ ହେ ଜିବୁନ୍ କାଦି; ଇନେର୍ ଜଦି ଇ କାଦି ତିନାର୍, ହେଝାନ୍ ଜୁଗ୍ ଜୁଗ୍ ପାତେକ୍ ଜିଜି ମାନାର୍; ଆଁ, ଆନ୍ ଇମ୍‌ଣି କାଦି ହିଦନାଂ, ହେଦାଂ ନା ଜେଇ, ଆନ୍ ତା ପୁତ୍ ତିଂ ବାଚାୟ୍‌କିଦେଂ ଇଞ୍ଜି ଜିବୁନ୍ ହିଦନାଂ ।

୫୨ ଇବେ ଜିହୁଦିର୍ ହେଝେର୍ ହେଝାର୍ ରିସା ଆଜି ଇଞ୍ଜେକ୍ ଲାଗାତାର୍, ଇଝାନ୍ ଇନେସ୍ ମାଜେକ୍ ଜାର୍ ଜେଇ ତିଞ୍ଜେକ୍ ହିଦେଂ ଆଡ୍‌ନାନ୍ ?

୫୩ ହେବେ ଜିସୁ ହେଝାରିଂ ଇଚାନ୍, “ହାଡ୍‌ପା ହାଡ୍‌ପା ଆନ୍ ମିଜେକ୍ ଇଞ୍ଜନାକ୍‌ନା, ମାନାୟ୍ ମାଜିତି ଜେଇ ତିନ୍‌ଓଡିସ୍ ଆରି ତା ନେତେର୍ ଉଣ୍‌ଓଡିସ୍, ମି ତାକେ ଜିବୁନ୍ ହିଲୁଡ୍ ।

୫୪ ଇନେର୍ ନା ଜେଇ ତିନାର୍ ଆରି ନା ନେତେର୍ ଉଣାର୍, ହେଝାନ୍ ଓଜ୍‌ଓଜି ଜିବୁନ୍ ପାୟା ଆନାନ୍, ଆରେ ଆନ୍ ହାରିହାରା ନାଜିଂ ତାଜେକ୍ ଜିପିକିନାକ୍ ।

୫୫ ଇନାକିଦେଂକି ନା ଜେଇ ହାଡ୍‌ପା କାଦି ଆରି ନା ନେତେର୍ ହାଡ୍‌ପା ଏଜୁଂ ।

୫୬ ଇନେର୍‌କି ନା ଜେଇ ତିନାର୍ ଆରି ନା ନେତେର୍ ଉଣାର୍, ହେଝାନ୍ ନା ତାକେ ମାନେନ୍ ଆରି ଆନ୍ ତା ତାକେ ମାନାକ୍ ।

୫୭ ଜିବୁନ୍‌ନି ଆବା ନାଜେକ୍ ପକ୍ତାତାନ୍ନା ଆରି ଆନ୍ ଆବା କାଜିଂ ଜିଜି ମାନାଂ, ହେ ଲାକେ ଜେ ନାଜେକ୍ ତିଞ୍ଜିନାର୍, ହେଝାନ୍ ପାନା କାଜିଂ ଜିଜି ମାନାନ୍ ।

୫୮ ଇମ୍‌ଣି କାଦି ସାଗେତାଂ ଜୁଡ୍‌ତାନ୍ନା, ହେଦାଂ ଇ; ଆକର୍ ଇନେସ୍ ତିନ୍‌ଞ୍ଜି ହାତାର୍, ହେ ଲାକେ ଆକାୟ୍; ଜେ ଇ କାଦି ତିନାର୍, ହେଝାନ୍ ଜୁଗ୍ ଜୁଗ୍ ପାତେକ୍ ଜିଜି ମାନାନ୍ ।”

୫୯ ହେଝାନ୍ କପର୍‌ନାହୁମ୍ ଚ କୁଚୁମ୍ ଇଞ୍ଜି ହିକ୍ୟା ହିନି ସମୁତ ଇ ଓଜୁ କାତା ଇଚାର୍ ।

**ଓଜ୍‌ଓଜି ଜିବୁନ୍‌ନି ବଚନ୍**

୬୦ ଲାଗିଂ, ତା ଚେଲାହିର୍ ବିତ୍ରେ ହେନି ଇଦାଂ ଷେନ୍‌ଞ୍ଜି ଇଚାର୍, “ଇ ହିକ୍ୟା ଷେଞ୍ଜେକ୍ ବେସି କସ୍, ଇନେର୍ ଇଦାଂ ଷେଞ୍ଜେକ୍ ଆଡ୍‌ନାର୍ ?”

୬୧ ମାତର୍ ଜିସୁ, ତା ଚେଲାର୍ ଇନେର୍ ହେ ବିସ୍ତେ ନିଦା କିନାରା ଇଞ୍ଜି, ତା ମାତ୍ର ପୁଞ୍ଜି ହେଝାରିଂ ଇଚାନ୍, ବାଦାନି କାରଣ୍ ଆନାତା ?

୬୨ ମାନାୟ୍ ମାଜି ଇମେତାଂ ଖାତାନ୍ନା, ହେବେ ତାଜେକ୍ ହାନାକା ହୁଡ୍‌ତାନ୍ ଇନା କିନାନ୍ ।

୨୩ କେବଳ ଇସ୍‌ତ ହାସ୍ତି ଜିରୁନ୍ ହିଦେଂ ଆଡ଼ନାନ୍; ମାନାୟ୍ ଜେଇ ଇନାକା କିଦେଙ୍ଗ୍ ଆଡୁଡ଼ ଇସ୍‌ତ ହେ ଜିରୁନ୍ ହିନି ଖାସ୍ତିତି ଏପେଙ୍ଗ୍ ଇନେସ୍ ପୁନାଦେର୍ ହେଦାଂ କାଜିଂ ଆନ୍ ଇ ଓଜୁ କାତା ଇଞ୍ଜନାଙ୍ଗା ।

୨୪ ମାତର୍ ମି ବିତ୍ରେ ଇନେ ଇନେର୍ ପାତ୍ କିଉରା । ଇନାକିଦେଂକି ଇମ୍‌ଶାକାର୍ ଜିସୁଙ୍ଗ୍ ପାତ୍ କିଝାଦାଂ ମାତାର୍ ଆରି ଇନେନ୍ ଜିସୁଙ୍ଗ୍ ସାତୁର୍ କେଇଦ ଇନେନ୍ ହେଲାୟ୍ କିନାନ୍, ହେଦାଂ ଇସ୍‌ତ ଆଗେତାଂ ପୁଞ୍ଜି ମାତାନ୍ ।

୨୫ ଜିସୁ ଆରେ ଇଚାନ୍, “ଇଦାଂ କାଜିଂ ଆନ୍ ମିଙ୍ଗେଙ୍ଗ୍ ଇନ୍‌ଆଙ୍ଗ୍‌ନା, ଆବା ତାକେଣ୍ଟାଂ ପକ୍ୟା ଆଓଡିସ୍ ଇନେର୍ ନା କଚଣ୍ ଖାଦେଙ୍ଗ୍ ଆଡୁର୍ ।”

୨୬ ହେ ସମୁତାଂ ତା ଚେଲାହିର୍ ବିତ୍ରେ ହେନି ବେଣ୍‌କିଝାଦାଂ ହସି ହାଚାର୍, ଆରେ ତା ଲାହାଙ୍ଗ୍ ଚାଲା ବୁଲା କିଝାତାର୍ ।

୨୭ ହେବେ ଜିସୁ ବାରଜାଣ୍ତିଂ ଖେନ୍‌ବାତାନ୍, “ଏପେଙ୍ଗ୍‌ପା ନାଙ୍ଗ୍ ପିସ୍ତି ହାଞ୍ଜେଙ୍ଗ୍ ଇଚା କିନାଦେରା ?”

୨୮ ସିମନ୍ ପିତର୍ ଜିସୁଙ୍ଗ୍ ଉତର୍ ହିତାର୍, ମାପୁ, ଇନେର୍ ତାକେ ହାନାପ୍ ? ନି ତାକେ ଓଜୁଓଜି ଜିରୁନ୍‌ନି ବଚନ୍ ମାନାଡ଼;

୨୯ ଆରେ, ଏନ୍ ଜେ ଇସ୍‌ତ ହେ ପୁଇପୁୟା ମାନାୟ୍, “ଇଦାଂ ଆପେଂ ପାତ୍ କିତାପ୍‌ନା ଆରି ପୁଚାପ୍‌ନା ।”

୩୦ ଜିସୁ ହେଝାରିଂ ଉତର୍ ହିତାନ୍, “ଆନ୍ ଇନାକା ମି ବାରଜାଣ୍ତିଂ ବାଟି କିଝାତାଂନା କି ? ଆରେ, ମି ବିତ୍ରେ ର ସୟ୍‌ତାନ୍ ।”

୩୧ ହେଝାନ୍ ଇସ୍‌ତାରିୟ୍‌ତିୟ୍ ସିମନ୍ ମେହି ଜିହୁଦାଙ୍ଗ୍ ହୁଡ଼ଜି ଏପେଙ୍ଗ୍ ଇଚାନ୍, ଇନାକିଦେଂକି ହେଝାନ୍ ବାରଜାଣ୍ତି ବିତ୍ରେ ରଝାନ୍, ଆରେ ହେଝାନ୍ ତାଙ୍ଗେଙ୍ଗ୍ ସାତୁର୍ କେଇଦ ହେଲାୟ୍ କିଦେଙ୍ଗ୍ ହାଲ୍‌ଜି ମାତାନ୍ ।



ଜିସୁ ଆରି ତା ଟଣ୍ଡାହିର୍

୧ ଇଦାଂ ପାଚେ ଜିସୁ ଗାଲିଲିତ ବୁଲାଆଦେଂ ଲାଗାତାନ୍, ଇନାକିଦେଂକି ଜିହୁଦିର୍ ତାଙ୍ଗେଙ୍ଗ୍ ଟାଣ୍ଡେ ଅହ୍‌ନି କାଜିଂ ସେସ୍ତା କିଜି ମାଚିଲେ, ହେଝାନ୍ ଜିହୁଦା ଦେସ୍‌ତ ବୁଲାଆଦେଂ ମାନ୍ କିଝାଦାଂ ମାତାନ୍ ।

୨ ଜିହୁଦିର୍ କୁଡ଼ିୟା ବାହା ପାର୍ବୁନି ସମୁ ଲାଗେ ଖାଜି ମାତାଡ଼,

୩ ତା ଟଣ୍ଡାହିର୍ ତାଙ୍ଗେଙ୍ଗ୍ ଇଚାର୍, “ଏନ୍ ଜେ ଇନା କାମାୟ୍ କିତାୟ୍‌ନା, ହେ ଓଜୁ ଇନେସ୍‌କି ନି ଚେଲାର୍ ପା ହୁଡ଼ନାର୍, ଇଦାଂ କାଜିଂ ଇବେଣ୍ଟାଂ ହସି ହାଲ୍‌ଜି ଜିହୁଦା ଦେସ୍‌ତ ହାଲ୍‌ଚ୍,

୪ ଇନାକିଦେଂକି ଇନେର୍ ଚଞ୍ଜିୟାଦେଂ ମାନ୍ କିତାନ୍ ଡ଼ଗୁଜି ଇନାକା କିଉନ୍ । ଏପେଙ୍ଗ୍ ଜଦି ଓଜାଦେର୍, କିନାଦେରା, ଲାଗିଂ ଜାର୍‌ତିଂ ପୁତ୍ ତାକେ ଚଚାଟ୍ ।”

୫ ଇନାକିଦେଂକି ତା ଟଣ୍ଡାହିର୍ ପା ତା ତାକେ ପାତ୍ କିଝାଦାଂ ମାତାର୍ ।

୬ ହେବେ ଜିସୁ ହେଝାରିଂ ଇଚାନ୍, “ନା ସମୁ ନଙ୍ଗ୍ ପାଚେକ୍ ଏକା ଖାଉତେ, ମାତର୍ ମି ସମୁ ଏକା ଖାତାତେ ।

୭ ପୁତ୍ ମିଙ୍ଗେଙ୍ଗ୍ ଗିଣ୍ କିଦୁଡ଼, ମାତର୍ ନାଙ୍ଗେଙ୍ଗ୍ ଗିଣ୍ କିଦ୍‌ନାଡ଼, ଇନାକିଦେଂକି ତା କାମାୟ୍ ଜେ କାରାପ୍, ଆନ୍ ଇ ସାକି ହିତାଙ୍ଗ୍‌ନା ।

୮ ଏପେଙ୍ଗ୍ ଇ ପାର୍ବୁତ ହାଲ୍‌ଚ୍, ଆନ୍ ନଙ୍ଗ୍ ଇ ପାର୍ବୁତ ହାଲ୍‌ଜା, ଇନାକିଦେଂକି ନା ସମୁ ଇ ପାଚେକ୍ ଏକା ଖାଉତେ ।”

୯ ଜିସୁ ହେଝାରିଂ ଇ ଓଜୁ କାତା ଇଞ୍ଜି, ଗାଲିଲିତ ମାତାନ୍ ।

କୁଡ଼ିୟା ବାହା ପାର୍ବୁତ ଜିସୁ

୧୦ ମାତର୍ ତାଂ ଟଣ୍ଡାହିର୍ ପାର୍ବୁତ ହାଟି ପାଚେ ହେଝାନ୍ ପା ହାଚାନ୍, ଚଞ୍ଜିୟାଆଝାଦାଂ ଆକାୟ୍, ମତର୍ ର ବାନି ଡ଼ଗୁଜି ।

୧୧ ଲାଗିଂ ଜିହୁଦି ନେତାର୍ ପାର୍ବୁତ ତାଙ୍ଗେଙ୍ଗ୍ ତେକ୍‌ଚି ତେକ୍‌ଚି ଖେନ୍‌ବାତାର୍, “ହେଝାନ୍ ଜେ ?”

୧୨ ଆରେ, ତା ବିସ୍ତେ ମାନାୟାର୍ ବିତ୍ରେ ବେସି ହେଝାର୍ ହେଝେର୍ କାଲେ କାଲେ ବେଣ୍ କିଦେଙ୍ଗ୍ ଲାଗାତାର୍; “ଇନେ ଇନେର୍ ଇଚାର୍, ହେଝାନ୍ ରକାନ୍ ହାର୍ ଲଗୁ, ଆରେ ଇନେ ଇନେର୍ ଇଚାର୍, ଆକାୟ୍, ହେଝାନ୍ ମାନାୟାରିଂ ବୁଲ୍‌କାୟ୍‌କିନାନ୍ ।”

୧୩ ଆଡିସ୍‌ପା ଜିହୁଦି ନେତାର୍ ପାଣ୍ଡୁତିଂ ତା ବିସ୍ତେ ଖେଚେଙ୍ଗ୍ ଇନେର୍ ଇନାକା ଇନ୍‌ଝାଦାଂ ମାତାର୍ ।

୧୪ ମାତର୍ ପାର୍ବୁନି ଆଦା ସମୁ ହାଟି ପାଚେ, ଜିସୁ ମନ୍ଦିର୍‌ତ ହାଲ୍‌ଜି ହିକ୍ୟା ହିଦେଂ ଲାଗାତାନ୍ ।

୧୫ ଇବେ ଜିହୁଦି ନେତାର୍ କାବା ଆଜି ଇଚାର୍, “ଇଝାନ୍ ପାଟ୍ ପଡ଼ିକିଝାଦାଂ ଇନେସ୍ ପୁଚାନ୍ ?”

୧୬ ଲାଗିଂ ଜିସୁ ହେଝାରିଂ ଉତର୍ ହିତାନ୍, “ନା ହିକ୍ୟା ନା ଜାର୍‌ତି ଆକାୟ୍, ମାତର୍ ନାଙ୍ଗ୍ ପକ୍‌ତାତାକାନ୍ତି ଇସ୍‌ତାଂ ଖାନି ହିକ୍ୟା ହିନାଙ୍ଗା ।

୧୭ ଇନେର୍ ଜଦି ଇସ୍‌ତ ଇଚା ମାନି କିଦେଙ୍ଗ୍ ମାନ୍‌କିନାନ୍, ତା ଆଡିସ୍ ଇ ହିକ୍ୟା ଇସ୍‌ତାଂ ଆତାଡ଼୍‌ନା, କି ଆନ୍ ନି ତାକେଣ୍ଟାଂ ଇଞ୍ଜନାଙ୍ଗା, ହେଦାଂ ହେଝାନ୍ ପୁନାନ୍ ।

୧୮ ଇନେନ୍ ଜାର୍ତାଂ ଇନାନ୍, ହେୱାନ୍ ନିଜେ ଜାଜ୍‌ମାଲ୍ ପାୟା ଆଦେଂ ଦାହ୍‌ନାନ୍, ମାତର୍ ଇନେନ୍ ଜାର୍ ପକ୍‌ତାତାକାନିଂ ପାଦ୍ ପାୟା ଆଦେଂ ଦାହ୍‌ନାନ୍, ହେୱାନ୍ ହାଡ୍‌ପା ଇନାନ୍, ଆରେ ତାତାକେ ଇନାକାପା ଅଦାମ୍ ମିର୍ ହିଲୁଡ୍ ।

୧୯ ମସା ଇନାକା ମିଜେଙ୍ଗ୍ ବିଦି ହିଦ୍‌ୱାତାନ୍‌ନା ? ଆତିସ୍‌ପା ମି ବିତ୍ରେ ରୱାନ୍ ପା ବିଦି ମାନି କିଉଦେରା । ଏପେଙ୍ଗ୍ ଇନାକିଦେଂ ନାଜେଙ୍ଗ୍ ଅସ୍ତେଦେଂ ସେସ୍‌ସ୍ କିଦ୍‌ନାଦେରା ?”

୨୦ “ମାନାୟାର୍ ଉତର୍ ହିତାର୍,” ନିଜେଙ୍ଗ୍ ପୁଦା ଆସ୍ତାତାନ୍ନା, “ଇନେର୍ ନିଜେଙ୍ଗ୍ ଅସ୍ତେଦେଂ ସେସ୍‌ସ୍ କିନ୍ନାରା ?”

୨୧ ଜିସୁ ହେୱାରିଂ ଉତର୍ ହିତାନ୍, “ଆନ୍ କାବାଆନି କାମାୟ୍ କିତାଙ୍ଗ୍, ଆରେ ଏପେଙ୍ଗ୍ ଓଜାଦେର୍ କାବା ଆତାଦେଣ୍ଟା ।

୨୨ ଇ କାଜିଂ ମସା ମିଜେଙ୍ଗ୍ ସୁନ୍ନଡ୍ ବିଦି ହିଡ୍‌ତାନ୍ନା ଇଦାଂ ଜେ ମସାତାକେଣ୍ଟାଂ ଆତାଡ୍‌ନା, ହେଦାଂ ଆକାୟ୍, ମାତର୍ ଆକର୍ତା, ଆରେ ଏପେଙ୍ଗ୍ ଜମ୍‌ନିବାର୍ ନାଜିଂ କାଡ୍‌ଦେରିଂ ସୁନ୍ନଡ୍ କିନାଦେରା ।

୨୩ ମସାତି ବିଦି ଓଜାଡ୍ କାଜିଂ ଜଦି ଜମ୍‌ନିବାର୍ ନାଜିଂ କାଡ୍‌ଦେଂ ସୁନ୍ନଡ୍ ପାୟା ଆନାନ୍, ତା ଆତିସ୍ ଆନ୍ ଜମ୍‌ନିବାର୍ ନାଜିଂ ରୱାନ୍ କାଡ୍‌ଦେଂ ଓଜା ଉଜ୍ କିତିଲେ ଏପେଙ୍ଗ୍ ଇନାକିଦେଂ ନା ଜପି ରିସା କିଦ୍‌ନାଦେରା ?

୨୪ ବାଡ୍ ବିସ୍ତେ ହୁଡ୍‌ଜି ବିଚାର୍ କିୱାଦାଂ ନ୍ୟାୟ୍ ବିଚାର୍ କିୟାଟ୍ ।”

**ଇୱାନ୍ ଇନାକା ମସିୟା**

୨୫ ଇବେ ଜିରୁସାଲମ୍ ନିକାର୍ ବିତ୍ରେ ଇନେର୍ ଇନେର୍ ଇଜେଙ୍ଗ୍ ଲାଗାତାର୍, “ଜିହୁଦି ନେତାର୍ ହେୱାର୍ ଇନେକିଦେଂ ଅହ୍‌ନି କାଜିଂ ସେସ୍‌ସ୍ କିଜି ମାଚାର୍, ଇୱାନ୍ ଇନାକା ହେୱାନ୍ ଆକାୟ୍ ?

୨୬ ଆରେ ହୁଡାଟ୍, ହେୱାନ୍ ହପ୍‌ଟି କାତା ଇଜ୍‌ନାନା, ଆରେ ହେୱାର୍ ତାଜେଙ୍ଗ୍ ଇନାକା କିଉରା । ଇୱାନ୍ ଜେ କ୍ରିସ୍, ଇୱାନ୍ ଇନାକା ନେତାର୍ ହାଡ୍‌ପା ପୁଚାରେ ?

୨୭ ଇନାକା ଆୟେଡ୍, ଇୱାନ୍ ଆରମ୍ ଆସେଙ୍ଗ୍ ପୁନାସ୍, ମାତର୍ ମସିୟା ଏଚେକାଡ୍‌ଡ୍ ୱାନାନ୍, ହେ ପାଦ୍‌ନା ତା ଆରମ୍ ଇନେର୍ ପୁନୁର୍ ।”

୨୮ ହେବେ ଜିସୁ ମନ୍ଦିର୍ତ ହିକ୍ୟା ହିଉ ହିଉ ଗାଜା କାର୍ତାଂ ଇଚାନ୍, ଏପେଙ୍ଗ୍ ନାଜେଙ୍ଗ୍ ଆରି ନା ଉର୍‌ଜାଣ୍ ରିୟାଦେର୍ ପୁନାଦେର୍ ? ଆନ୍ ନିଜେତାଂ ୱାୱାତାଙ୍ଗ୍‌ନା, “ମାତର୍ ନା ପକ୍‌ତାତାକାନ୍ ହାଡ୍‌ପା, ତାଜେଙ୍ଗ୍ ଏପେଙ୍ଗ୍ ପୁନୁଦେରା ।

୨୯ ଆନ୍ ତାଜେଙ୍ଗ୍ ପୁନାଙ୍ଗ୍, ଇନାକିଦେଂକି ଆନ୍ ତା ତାକେଣ୍ଟାଂ ୱାତାଙ୍ଗ୍‌ନା, ଆରେ ହେୱାନ୍ ନାଜେଙ୍ଗ୍ ପକ୍‌ତାତାନ୍ନା ।

୩୦ ହେବେ ହେୱାର୍ ତାଜେଙ୍ଗ୍ ଆସ୍ତେଙ୍ଗ୍ ସେସ୍‌ସ୍ କିତାର୍; ମାତର୍ ଇନେର୍ ତା ଜପି କେଇ କିୱାତାର୍, ଇନାକିଦେଂକି ତା ସମ୍ ହେ ପାତେକ୍ ଏକା ୱାୱାଦାଙ୍ଗ୍ ମାଚାଡ୍ ।

୩୧ ମାତର୍ ମାନାୟାର୍ ବିତ୍ରେ ହେନି ତାତାକେ ପାଡ୍ କିଜି ଇଜେଙ୍ଗ୍ ଲାଗାତାର୍, ଇୱାନ୍ ଜେ ଓଜାର୍ କାବାଆନି କାମାୟ୍ କିତାନ୍‌ନା, କ୍ରିସ୍ ୱାଜି ତା ତାକେଣ୍ଟାଂ ଇନାକା ଆଦିକ୍ କିନାନ୍ ?”

**ଜିସୁଙ୍ଗ୍ ବନ୍ଦି କିଦେଙ୍ଗ୍ କାନାକାରିଂ ପକ୍ତାର୍**

୩୨ ପାରୁସିର୍ ମାନାୟାର୍ ତା ବିସ୍ତେ ବେଣ୍‌କିବାଆନାକା ୱେନ୍‌ଞ୍ଜି ଆରେ ମୁଡ୍ ମାପୁହେବାକିନାକାନ୍ ଆରି ପାରୁସିର୍ ତାଜେଙ୍ଗ୍ ଆହ୍‌ନି କାଜିଂ କାନାକାରିଂ ପକ୍ତାର୍ ।

୩୩ ହେବେ ଜିସୁ ଇଚାନ୍, “ଆନ୍ ଆରେ ଅଲପ୍ ସମ୍ ମି ଲାହାଙ୍ଗ୍ ମାନ୍‌ଗାନାଙ୍ଗ୍ ଆରେ ପକ୍‌ତାତାକାନ୍ ତାକେ ହାନାଙ୍ଗା ।

୩୪ ଏପେଙ୍ଗ୍ ନାଜେଙ୍ଗ୍ ତେକ୍‌ନାଦେର୍, ମତର୍ ଗାଟାଆଦୁଦେର୍; ଆରେ, ଆନ୍ ଇମେତାକେ ମାନାଙ୍ଗ୍, ଏପେଙ୍ଗ୍ ହେବେ ହାଜେଙ୍ଗ୍ ଆଡୁଦେର୍ ।”

୩୫ ହେବେ ଜିହୁଦିର୍ ହେୱେର୍ ହେୱାର୍ ଇଚାର୍, “ଇୱାନ୍ ଇମେତାକେ ହାଜେଙ୍ଗ୍ ହଡ୍‌ତାନ୍‌ନା ଜେ, ଆସେଙ୍ଗ୍ ତାଜେଙ୍ଗ୍ ଗାଟାଆଉସ୍ ? ଇୱାନ୍ ଇନାକା ଗ୍ରିକ୍‌ନିକାର୍ ବିତ୍ରେ ଜେଡ୍ କେଡ୍ ଜିହୁଦିର୍ ତାକେ ହାଲ୍‌ଜି ଗ୍ରିକ୍‌ନିକାରିଂ ହିକ୍ୟା ହିଦେଂ ହଡ୍‌ତାନ୍‌ନା ?

୩୬ ଏପେଙ୍ଗ୍ ନାଜେଙ୍ଗ୍ ତେକ୍‌ନାଦେର୍, ମତର୍ ଗାଟା ଆଦୁଦେର୍, ଆରେ ଆନ୍ ଇମେତାକେ ମାନାଙ୍ଗ୍, ଏପେଙ୍ଗ୍ ହେବେ ହାଜେଙ୍ଗ୍ ଆଡୁଦେର୍, ହେୱାନ୍ ଇ ଇମ୍‌ଣି କାତା ଇଚାନ୍, ହେ ଅରଡ୍ ଇନାକା ?”

**ଜିରୁନ୍ ହିନି ଜଡି**

୩୭ ଓସ୍ତ୍ରୁ ନାଜିଂ, ଇତିସ୍, ପାରୁନି ଗାଜା ଦିକ୍ତ, ଜିସୁ ନିଲ୍‌ଟି ଗାଜା କାର୍ତାଂ ଇଚାନ୍, ଇନେର୍ ଜଦି ଏସ୍‌କି ଆନାନ୍, “ଲାଗିଂ ହେୱାନ୍ ନା ତାକେ ୱାୟେନ୍ ।

୩୮ ଦରମ୍ ସାସ୍‌ସ୍ ଲେକାଆତାଡ୍‌ନା, ଇନେନ୍ ନା ତାକେ ପାଡ୍ କିଜି ହେୱାନ୍ ଉଣେନ୍, ତା ୱାସ୍‌ତିତାଂ ଜିରୁନ୍‌ନି ଏଜୁଂ ଡିଜି ହାନିକ୍ ।”

୩୯ ତା ତାକେ ପାଡ୍ କିୱାକାର୍ ଇମ୍‌ଣି ଜିରୁନ୍ ପାୟାନି କାଜିଂ ହାଲ୍‌ଜି ମାଚାର୍, ଜିସୁ ବିସ୍ତେ ହେୱାନ୍ ଏପେଙ୍ଗ୍ ଇଚାନ୍, ଇନାକିଦେଂକି ଜିସୁ ହେପାତେକ୍ ଜାଜ୍‌ମାଲ୍ ପାୟାଆଞ୍ଜି କାଜିଂ ହେୱାର୍ ପୁଇପୁୟା ଜିରୁନ୍ ପାୟା ଆୱାଦାଂ ମାଚାର୍ ।

**ମାନାୟାର୍ ବିତ୍ରେ ବାଗ୍‌ଆନାକା**

୪୦ ଲାଗିଂ ମାନାୟାର ବିତ୍ରେ ଇନେ ଇନେର୍ ଇ କାତା ୱେନ୍‌ଝି ଇଝେଙ୍ଗ୍ ଲାଗାତାର୍, “ଇଝାନ୍ ହାତ୍‌ପା ହେ ବେଣ୍‌ବାକ୍‌ଶାୟକିନାକାନ୍ ।”

୪୧ ବିନେନିକାର ଇଝେଙ୍ଗ୍ ଲାଗାତାର୍, “ଇଝାନ୍ କ୍ରିସ୍ଟ୍ ।”

ମାତର୍ ଇନେ ଇନେର୍ ଇଝେଙ୍ଗ୍ ଲାଗାତାର୍, “ଇନାକା ମସିୟା ଗାଲିଲିତାଂ ୱାଉନ୍ !

୪୨ କ୍ରିସ୍ଟ୍ ଜେ ଦାଉଦ୍ ଲାତ୍ରାତାଂ ଆରି ଦାଉଦ୍ ନିକାର୍ ଇମେତାକେ ମାତାର୍, ହେ ବେଡ୍‌ଲିହିମ୍ ନାସ୍‌ତାଂ ୱାନାନ୍, ଇଦାଂ ଇନାକା ଦରମ୍ ସାସ୍ତର୍ ବଚନ୍ ଇନୁତା ?”

୪୩ ଲାଗିଂ ମାନାୟାର ବିତ୍ରେ ତା କାଜିଂ ବାଗ୍‌ଆନାକା ଗିଟା ଆତାଡ୍ ।

୪୪ ଆରେ, ହେଝାର୍ ବିତ୍ରେତାଂ କେତେ ଜାଣ୍ ଆସ୍ତେଙ୍ଗ୍ ଇଟା କିଜି ମାତାର୍, ମାତର୍ ଇନେର୍ ତା ଜପି କେଇ କିଝାତାର୍ ।

ଜିହୁଦି ନେତାର୍ ପାତ୍ କିଝାଦାଂ ମାତାର୍

୪୫ ୱିସ୍ତ୍ରି ବିତ୍ରେ କାନାକାର୍ ମାସ୍‌ଦି ୱାତିଲେ ମୁଡ୍ ମାପୁହେବାକିନାକାନ୍ ଆରି ପାରୁସିର୍ ତାକେ ମାସ୍‌ଦି ୱାତାର୍, ଆରେ ହେଝାର୍ ହେଝାରିଂ ୱେନ୍‌ବାତାର୍, “ଏପେଙ୍ଗ୍ ଇନାକିଦେଂ ତାଙ୍ଗେଙ୍ଗ୍ ତାସ୍ ୱାଝାତାଦେର୍ ?”

୪୬ କାନାକାର୍ ଉତର୍ ହିତାର୍, “ଇ ମାନାୟ୍ ଇନେସ୍‌କି କାତା ଇନାନ୍, ଇମ୍‌ଣି ମାନାୟ୍ ଇନାଝାତାଂ ହେ ଲାକେ ଇନ୍‌ଝାତାଂନ୍ନା ।”

୪୭ “ହେବେ ପାରୁସିର୍ ହେଝାରିଂ ଉତର୍ ହିତାର୍,” ଏପେଙ୍ଗ୍ ପା ଇନାକା ବୁଲ୍‌କାଇ କିୟାତାଦେର୍ ?

୪୮ “ନେତାର୍ ବିତ୍ରେ କି ପାରୁସିର୍ ବିତ୍ରେ ଇନାକା ଇନେର୍ ତା ତାକେ ପାତ୍ କିନାରା, ଇଦାଂ ଏନ୍ ପୁନାୟ୍ ?

୪୯ ମାତର୍ ଇ ଇମ୍‌ଣି ଲଗୁ ମସାତି ବିଦି ପୁନୁର୍, ହେଦାଂ କାଜିଂ ଇଝାର୍ ୱିଜାର୍ ବାଗ୍‌ଇଟ୍‌ୟାଆତି ମାନାୟାର୍ ।”

୫୦ ଇମ୍‌ଣି ନିକଦିମ୍ ଇଦାଂ ପାଚେ ତା ତାକେ ୱାଜି ମାତାର୍ ଆରି ଜେ ହେଝାର୍ ବିତ୍ରେ ରଝାନ୍, ହେଝାନ୍ ହେଝାରିଂ ୱେନ୍‌ବାତାନ୍,

୫୧ “ର ମାନାୟ୍ ତାଙ୍ଗ୍ ପର୍ତୁମ୍ ୱେନ୍‌ଝାଦାଂ ଆରି ତା ମାନି ବିସ୍ତେ ପୁନ୍‌ଝାଦାଂ ମା ବିଦି ଇନାକା ତାଙ୍ଗେଙ୍ଗ୍ ଦସ୍ କିତାର୍ ?”

୫୨ “ହେଝାର୍ ତାଙ୍ଗେଙ୍ଗ୍ ଉତର୍ ହିତାର୍,” ଏପେଙ୍ଗ୍‌ପା ଇନାକା ର ଗାଲିଲି ମାନାୟ୍ ? ଗାଲିଲିତାଂ ଇମ୍‌ଣି ବେଣ୍‌ବାକ୍‌ଶାୟକିନାକାନ୍ ହତୁର୍, “ଇଦାଂ ଇଟ୍‌କାଡ୍ କିଜି ହୁଡାଟ୍ ।”

୫୩ ଆରେ ହେଝାର୍ ୱିଜାର୍ ଜାର୍ ଜାର୍ ଇଝି ହାତାର୍ ।



ଦାରି କିନି କଗଲେ

୧ ମାତର୍ ଜିସୁ ଜିଡ୍‌ମାଡିତ ହାଚାନ୍ ।

୨ ଆର୍କାଡ୍ ନାଜିଂ ହେଝାନ୍ ଆରେ ରଗ ମନ୍ଦିର୍ତ ୱାତାନ୍, ଆରେ ୱିଜାର୍ ମାନାୟ୍ ତା କଚଣ୍ଡ ୱାତିଲେ, ହେଝାନ୍ କୁର୍ଚି ହେଝାରିଂ ହିକ୍ୟା ହିଦେଂ ଲାଗାତାନ୍ ।

୩ ଆରେ, ସାସ୍ତର୍ ଆରି ପାରୁସିର୍ ଦାରି କାମାୟ୍ ଦାରାପଡା ଆତି ର କଗଲେହିମ୍‌ଣାଂ ତାସ୍ ୱାଜି ହେଦେଲିଂ ମାଦି ବାହାତ ନିଲି କିଜି ଜିସୁଙ୍ଗ୍ ଇଚାର୍,

୪ “ଏ ଗୁରୁ, ଇ କଗଲେହିମ୍‌ଣା ଦାରି କାମାୟ୍ କିନି ସମୁତ ଦାରାପଡା ଆତାଡ୍ ।

୫ ଇ ଲାକେ କଗଲେକାଂ କାଲ୍‌କୁ ଇଡ୍‌ଜି ଅସ୍ତେଙ୍ଗ୍ ମସା ମାଙ୍ଗେଙ୍ଗ୍ ବିଦିତ ବଲ୍ ହିଡ୍‌ନ୍ନା; ଲାଗିଂ ଏନ୍ ଇନାକା ଇଞ୍ଜ୍‌ନାୟା ?”

୬ ହେଝାର୍ ଇନେସ୍ ତାଙ୍ଗେଙ୍ଗ୍ ବେରୁତାଂ ଇନାର୍ ଇନାକିଦେଂକି ଗାଟା ଆନାର୍, ଇଦାଂ କାଜିଂ ହେଝାର୍ ତାଙ୍ଗେଙ୍ଗ୍ ପରିକ୍ୟା କିନି ବିସ୍ତେ ଇଦାଂ ଇଚାର୍ । ମାତର୍ ଜିସୁ ଟଡ୍‌ଜି ୱାଡ୍‌କାଙ୍ଗ୍ ହୁକେ ମେଦ୍‌ନିତ ଲେକିକିଦେଂ ଲାଗାତାନ୍ ।

୭ ହେଝାର୍ ହେବେ ନିଲ୍‌ଚି ଆରେ ୱେନ୍‌ବିତିଲେ, ହେଝାନ୍ କାପ୍‌ଡା ନିକ୍ଚି ହେଝାରିଂ ଇଚାନ୍, ମି ବିତ୍ରେତାଂ ଇନେର୍ ଇନାଝାତାଂ ପା ଇନା ପାପ୍‌କିଝାତାନ୍‌ନା, “ହେଝାନ୍ ପର୍ତୁମ୍ ୱାଜି କାଲ୍ ଇଡେନ୍ ।”

୮ ଆରେ ରଗ ହେଝାନ୍ ଟଡ୍‌ଜି ମେଦ୍‌ନିତ ଲେକିକିଦେଂ ଲାଗାତାନ୍ ।

୯ ହେଦାଂ ୱେନ୍‌ଝି ହେଝାର୍ ପ୍ରାଚିନାର୍ ତାଂ ଆରମ୍ କିଜି ରଝାନ୍ ରଝାନ୍ ଆଜି ୱିଜାର୍ ହସି ହାଝେଙ୍ଗ୍ ଲାଗାତାର୍, ଆରେ କେବଲ୍ ଜିସୁ ଆରି ମାଦି ହେ କଗଲେହିମ୍‌ଣାଂ ମାଚିକ୍ ।

୧୦ “ଆରେ ଜିସୁ କାପ୍‌ଡା ନିକ୍ଚି ତାଙ୍ଗେଙ୍ଗ୍ ଇଚାନ୍,” ଏ କଇ, ହେଝାର୍ ଇମେର୍ ? ଇନେର୍ ଇନାକା ନିଙ୍ଗେଙ୍ଗ୍ ଦାଣ୍ଡ ଇଝି ବିଚାର୍ କିଝାତାର୍ କି ?

୧୧ “ହେଦେଲ୍ ଇଚାଡ୍, ଇନେର୍ ହିଲୁର୍ ମାପୁ ।”

ହେବେ ଜିସୁ ଇଚାନ୍, “ଆନ୍ ପା ନିଙ୍ଗେଙ୍ଗ୍ ଦାଣ୍ଡ ହିଦ୍‌ନାଂ ଇଝି ବିଚାର୍ କିଦୁଙ୍ଗା; ହାଲା, ନେଝେଙ୍ଗ୍ ତାଙ୍ଗ୍ ଆରେ ପାପ୍ କିମା ।”

☆ ୭:୫୦ ଜହନ ୩:୧,୨.

**ଜିସୁ ପୁତ୍ର ନି ଅଜଡ଼**

୧୬ ଜିସୁ ଆରେ ରଗ ପାରୁସିରିଂ ଇଚାନ, “ଆନ୍ ପୁତ୍ର ନି ଅଜଡ଼” ଇନେର୍ ନା ପାଚେ ଖାନାର୍, “ହେଝାନ୍ ଇନାଝାଡ଼ାଂ ପା ମାଜଗାତ ବୁଲା ଆଉନ୍, ଇଚିସ୍ ଜିବୁନ୍ନି ଅଜଡ଼ ପାୟା ଆନାନ୍ ।”

୧୭ \*ହେବେ ପାରୁସିର୍ ତାଙ୍ଗେଙ୍ଗ୍ ଇଚାର୍, “ଏପେଙ୍ଗ୍ ଜାର୍ ଜାର୍ତିଂ ବିସ୍ତେ ସାକି ହିନାଦେରା, ମି ସାକି ହାଡ଼ପା ଆକାୟ୍ ।”

୧୪ ଜିସୁ ହେଝାରିଂ ଉତର୍ ହିତାନ୍, ଆନ୍ ଜଦି ନିଜେ ବିସ୍ତେ ସାକି ହିଜିମାନାଂ, ଲାଗିଂ ପାନା ସାକି ହାଡ଼ପା, ଇନାକିଦେଂକି ଆନ୍ ଇମ୍ଣି ବାହାତାଂ ଖାତାଙ୍ଗ୍ନା ଆରି ଇମ୍ଣି ବାହାତାକେ ହାନାଙ୍ଗା, ହେଦାଂ ପୁନାଙ୍ଗ୍, “ମାତର୍ ଆନ୍ ଇମ୍ଣି ବାହାତାଂ ଖାନାଙ୍ଗ୍ କି ଇମ୍ଣି ବାହାତ ହାନାଙ୍ଗ୍, ହେଦାଂ ଏପେଙ୍ଗ୍ ପୁନୁଦେର୍ ।

୧୫ ଏପେଙ୍ଗ୍ ମାନାୟାର୍ ବାବ୍ରେ ବିଚାର୍ କିଜି ମାନାର୍, ଆନ୍ ଇନେରିଂ ବିଚାର୍ କିଉଙ୍ଗ୍ ।

୧୬ ମାତର୍ ଆନ୍ ଜଦି ବିଚାର୍ କିନାଙ୍ଗ୍, ଲାଗିଂ ପାନା ବିଚାର୍ ହାଡ଼ପା; ଇନାକିଦେଂକି ଆନ୍ ରଝାଙ୍ଗ୍ ଆକାୟ୍, ମତର୍ ନାଙ୍ଗ୍ ପକ୍ତାତାକାନ୍ ଆବା ନା ଲାହାଙ୍ଗ୍ ମାନାନ୍ ।

୧୭ ଆରେ, ରିୟାର୍ତି ସାକି କାତା ସମାନ୍ ଆତିସ୍ ହେଝାର୍ ଇନାକା ଇନାରା ହେଦାଂ ହାଡ଼ପା, ଇଦାଂ ମି ବିଦିତ ପା ଲେକା ମାନାଡ଼ ।

୧୮ ନା ନିଜେ କାଜିଂ ଆନ୍ ସାକି ହିନାଙ୍ଗା, ଆରେ ନାଙ୍ଗ୍ ପକ୍ତି ଆବା ନା ବିସ୍ତେ ସାକି ହିନାନା ।”

୧୯ ହେବେ ହେଝାର୍ ତାଙ୍ଗେଙ୍ଗ୍ ଝେନ୍ବେଦେଂ ଲାଗାତାର୍, “ମି ଆବା ଇମେନ୍ ?” ଜିସୁ ଉତର୍ ହିତାନ୍,

“ଏପେଙ୍ଗ୍ ନାଙ୍ଗେଙ୍ଗ୍ ପୁଞ୍ଜୁଦେର୍ କି ମାଞ୍ଜି ଆବାଂ ପା ପୁନୁଦେର୍ ଜଦି ନାଙ୍ଗ୍ ପୁନ୍ତିସ୍, ଲାଗିଂ ମାଞ୍ଜି ଆବାଂ ପା ପୁଚାଦେର୍ମା ।”

୨୦ ମନ୍ଦିର୍ନି ଦାନ୍ ଇଚ୍ଚିଂ ପେଡ଼ିଙ୍ଗ୍ ଇଡ଼ଜି ମାଚି ଇଞ୍ଜି ଜିସୁ ଇ ଝିଜୁ କାତା ବିସ୍ତେ ହିକ୍ୟା ହିଜି ମାଚାନ୍, ଆରେ ଇନେର୍ପା ତାଙ୍ଗେଙ୍ଗ୍ ଗେହ୍ନାକା କିଝାତାର୍ ଇନାକିଦେଂକି, ତା ସମ୍ପୁ ଏକାଝାଝାଦାଂ ମାଚାଡ଼ ।

**ଜିସୁ ହାନି ବିସ୍ତେ ବେଶ୍ବାକ୍ଷାୟ୍ କିନାକା**

୨୧ ଜିସୁ ଆରେ ରଗ ହେଝାରିଂ ଇଚାନ, “ଆନ୍ ହାନାଙ୍ଗା, ଆରେ ଏପେଙ୍ଗ୍ ନାଙ୍ଗ୍ ତେକ୍ତାନାଦେର୍ ମାତର୍ ଏପେଙ୍ଗ୍ ଜାର୍ ଜାର୍ ପାପ୍ତ ହାନାଦେର୍, ଆନ୍ ଇମେତାକେ ହାନାଙ୍ଗା, ଏପେଙ୍ଗ୍ ହେବେ ହାଞ୍ଜେଙ୍ଗ୍ ଆଡୁଦେର୍ ।”

୨୨ ଜିହୁଦି ନେତାର୍ ଇଞ୍ଜେଙ୍ଗ୍ ଲାଗାତାର୍, “ଆନ୍ ଇମେତାକେ ହାନାଙ୍ଗା, ଏପେଙ୍ଗ୍ ହେବେ ହାଞ୍ଜେଙ୍ଗ୍ ଆଡୁର୍, ଇଝାନ୍ ଇନାକା କକ୍ଲାପାଟିୟା ଆଦେଂ ବାବି କିନାନା କି ।”

୨୩ ହେବେ ଜିସୁ ହେଝାରିଂ ଇଚାର୍, “ଏପେଙ୍ଗ୍ ଇ ପୁତ୍ର ତ ଜଲମ୍ ମାତର୍ ଆନ୍ ସାଗେତାଂ ଖାତାଙ୍ଗ୍ନା ଏପେଙ୍ଗ୍ ଇ ପୁତ୍ର ନିକାଦେର୍ ମାତର୍, ଆନ୍ ଇ ପୁତ୍ର ନିକାଂ ଆକାୟ୍ ।

୨୪ ଲାଗିଂ ଏପେଙ୍ଗ୍ ଜେ ଜାର୍ ଜାର୍ ପାପ୍ତ ହାନାଦେର୍, ଆନ୍ ମିଙ୍ଗେଙ୍ଗ୍ ଇଦାଂ ଇନ୍ତାଙ୍ଗ୍; ଇନାକିଦେଂକି ଆନ୍ ହେଝାଙ୍ଗ୍ ମାନାୟ୍, ଇଦାଂ ଏପେଙ୍ଗ୍ ପାତ୍ର କିଦ୍ଝା ତାଦେର୍ ।”

୨୫ ହେବେ ହେଝାର୍ ତାଙ୍ଗେଙ୍ଗ୍ ଝେନ୍ବାତାର୍, “ଏନ୍ ଇନେନ୍ ?”

ଜିସୁ ହେଝାରିଂ ଇଚାନ, “ହେ କାତା ଆରମ୍ ତାଙ୍ଗ୍ ଇଞ୍ଜି ଖାନାଙ୍ଗା ?

୨୬ ମି ବିସ୍ତେ ଇଞ୍ଜେଙ୍ଗ୍ ଆରି ବିଚାର୍ କିଦେଙ୍ଗ୍ ଆନ୍ ମି ବିସ୍ତେ ବେସି ଇଞ୍ଜନାକା ମାନାଡ଼; ଇନେସ୍ ଆୟେଡ଼, ନାଙ୍ଗ୍ ପକ୍ତାତାକାନ୍ ହାଡ଼ପା, ଆରେ ଆନ୍ ତା ତାକେଣ୍ଡାଂ ଇନା ଇନାକା ଝେଚାଙ୍ଗ୍ନା, ହେଦାଂ ଝିଜୁ ପୁତ୍ର ତିଂ ଝେଚ୍ନାଙ୍ଗା ।”

୨୭ ଜିସୁ ଜେ ଆବା ବିସ୍ତେ ହେଝାରିଂ ଇଞ୍ଜି ମାଚାନ୍, ଇଦାଂ ହେଝାର୍ ବୁଜାଆଝାତାର୍ ।

୨୮ ଜିସୁ ଇଚାନ, “ଏଚେକାଡ଼ଏ ଏପେଙ୍ଗ୍ ମାନାୟ୍ ମାଜି ଜପି ପେସ୍ନାଦେର୍, ହେ ପାଦ୍ନା ଆନ୍ ଜେ ହେ ମାନାୟ୍ ଆରି ଆନ୍ ନିଜେ ଆଦିକାର୍ ଇନାକା କିଝାଦାଂ ଇଚିସ୍ ଆବା ନାଙ୍ଗେଙ୍ଗ୍ ଇନେସ୍ ହିକ୍ୟା ହିଡ଼ତାନ୍, ହେ ଲାକେ ଇ ଝିଜୁ କାତା ଜେ ଇଞ୍ଜନାଙ୍ଗା, ଇଦାଂ ଏପେଙ୍ଗ୍ ବୁଜାଆନାଦେର୍ ।

୨୯ ନା ପକ୍ତାତାକାନ୍ ହେଝାନ୍ ନା ଲାହାଙ୍ଗ୍ ମାନାନ୍; ହେଝାନ୍ ନାଙ୍ଗେଙ୍ଗ୍ ରଝାନିଂ ପିସ୍ତ୍ର ହାଞ୍ଜାଝାତାନ୍, ଇନାକିଦେଂକି ତାଦାଙ୍ଗ୍ ଇନାକା ମାନ୍ ହେଦାଂ ଆନ୍ କିନାଙ୍ଗ୍ ।”

୩୦ ଜିସୁତି ଇ ଝିଜୁ କାତା ଝେନ୍ଞି, ତା ତାକେ ପାତ୍ର କିତାର୍ ।

**ହାଡ଼ପା ମିଙ୍ଗେଙ୍ଗ୍ ମୁକ୍ତାୟ୍ କିଦ୍ନାଡ଼**

୩୧ ଲାଗିଂ, ଜିସୁ ତାଙ୍ଗେଙ୍ଗ୍ ପାତ୍ର କିଜି ମାନି ଜିହୁଦିରିଂ ଇଚାନ, “ଜଦି ଏପେଙ୍ଗ୍ ନା ହିକ୍ୟାତ ପାତ୍ର କିଦ୍ନାଦେର୍ ତା ଆତିସ୍, ଲାଗିଂ ଏପେଙ୍ଗ୍ ହାଡ଼ପା ନା ଚେଲା କାଦେର୍,

୩୨ ଆରେ ଏପେଙ୍ଗ୍ ହାଡ଼ପା ପୁନାଦେର୍ ଆରି ହେ ହାଡ଼ପା ମିଙ୍ଗେଙ୍ଗ୍ ମୁକ୍ତାୟ୍ କିଦ୍ନାଡ଼ ।”

୩୩ “ହେଝାର୍ ତାଙ୍ଗେଙ୍ଗ୍ ଉତର୍ ହିତାର୍,” ଆପେଂ ଅବ୍ରାହାମ୍ନି ଲାଡ୍ରା, ଇନାଝାଡ଼ାଂ ଇନେର୍ ଆଡ଼ିଏନ୍ ଆଝାତାଇନା, “ଲାଗିଂ ଏପେଙ୍ଗ୍ ମୁକ୍ତା ଆନାଦେର୍ ଇଞ୍ଜି ଏପେଙ୍ଗ୍ ଇନେସ୍ ଇନାଦେରା ? ଇ ଅରଡ଼ ଇନାକା ?”

\* ୮:୧୩ ଜହନ୍ ୫:୩୧.

୩୪ ଜିସୁ ହେୱାରିଂ ଉତର ହିତାନ, “ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଇନେରକି ପାପ୍ କିତାର, ହେୱାନ୍ ପାପ୍ନି ହଲ୍ୟା ।

୩୫ ହଲ୍ୟା ଜାକ୍‌ଜୁଗ୍ ଇଞ୍ଜ ମାନ୍‌ଗୁନ୍, ମାତର୍ ମାଜି ଜୁଗ୍ ଜୁଗ୍ ମାନ୍‌ଗାନାନ୍ ।

୩୬ ଲାଗିଂ, ମାଜି ଜଦି ମିଙ୍ଗେଙ୍ଗ୍ ମୁକ୍‌ଡାୟ୍ କିଦନାନ୍, ତା ଆତିସ୍ ଏପେଙ୍ଗ୍ ହାଡ଼ପାରତେ ମୁକ୍‌ଡା ଆନାଦେର୍ ।

୩୭ ଏପେଙ୍ଗ୍ ଜେ ଅବ୍ରାହାମ୍‌ନି ଲାତ୍ରା, ହେଦାଂ ଆନ୍ ପୁନାଙ୍ଗ୍; ମାତର୍ ନା ବଚନ୍ ମି ଖାସ୍ତିତ ହିଲ୍‌ଖିତିଲେ ଏପେଙ୍ଗ୍ ନାଙ୍ଗେଙ୍ଗ୍ ଅସ୍ତେଦେଂ ସେସ୍ତୁ କିଦନାଦେରା ।

୩୮ ମାଞ୍ଜି ଆବା ତାକେ ଇନା ଇନାକା ହୁଡ଼ତାଙ୍ଗ୍‌ନା, ହେଦାଂ ଆନ୍ ଇଞ୍ଜନାଙ୍ଗା, ମାତର୍ ମି ଆବା ଇଞ୍ଜିନି ଲାକେ ଏନ୍ କାମାୟ୍ କିନାୟା ।”

**ସୟତାନ୍ ମେହି**

୩୯ ହେୱାର୍ ତାଙ୍ଗେଙ୍ଗ୍ ଉତର ହିତାର, “ଅବ୍ରାହାମ୍ ମା ଆବା ଆଦନାନ୍ ।” ଜିସୁ ହେୱାରିଂ ଇଚାନ୍,

“ଜଦି ଏପେଙ୍ଗ୍ ଅବ୍ରାହାମ୍ ମେହି, ତା ଆତିସ୍ ଲାଗିଂ ଅବ୍ରାହାମ୍‌ତି କାମାୟ୍ କିତା ଦେର୍‌ମା;

୪୦ ମାତର୍ ଇନେର୍ ଇସ୍ତର୍ ତାକେଣ୍ଡାଂ ଖେନ୍‌ଞ୍ଜି ମାନି ହାଡ଼ପା ପିସ୍ତ୍ର ମିଙ୍ଗେଙ୍ଗ୍ ଇଞ୍ଜୁଙ୍ଗା, ଏଲେଙ୍ଗ୍‌ବାତ୍ ମାନାୟ୍ ଜେ ଆନ୍, ନାଙ୍ଗେଙ୍ଗ୍ ଏପେଙ୍ଗ୍ ନଙ୍ଗ୍ ଅସ୍ତେଙ୍ଗ୍ ସେସ୍ତୁ କିଦନାଦେରା; ଅବ୍ରାହାମ୍ ଏଲେଙ୍ଗ୍ କାମାୟ୍ କିଞ୍ଜାଦାଂ ମାଚାନ୍ ।

୪୧ ଏପେଙ୍ଗ୍ ମି ଆବାତି କାମାୟ୍ ସବୁ କିନାଦେରା ।”

“ହେୱାର୍ ତାଙ୍ଗେଙ୍ଗ୍ ଇଚାର, ଆପେଂ ଦାରିତାଂ ଜଲମ୍ ଆଖାତାପ୍‌ନା; ମା ରଖାନ୍ ମତର୍ ଆବା, ହେୱାନ୍ ଇସ୍ତର୍ ।”

୪୨ ଜିସୁ ହେୱାରିଂ ଇଚାନ୍, “ଇସ୍ତର୍ ଜଦି ହାଡ଼ପା ମି ଆବା, ତାଆତିସ୍ ଏପେଙ୍ଗ୍ ନାଙ୍ଗେଙ୍ଗ୍ ଜିତ ନଡ଼ତାଦେର୍‌ମା; ଇନାକିଦେଂକି ଆନ୍ ଇସ୍ତର୍ ତାକେଣ୍ଡାଂ ଖାତାଙ୍ଗ୍‌ନା; ଆନ୍ ନିଜେ ତାଙ୍ଗ୍ ଖାଖାତାଙ୍ଗ୍‌ନା, ମାତର୍ ହେୱାନ୍ ନାଙ୍ଗେଙ୍ଗ୍ ପକ୍‌ତାତାନ୍ ।

୪୩ ଆନ୍ ଇନାକା ଇଞ୍ଜନାଙ୍ଗ୍ ଏପେଙ୍ଗ୍ ଇନାକିଦେଂ ବୁଜା ଆଉଦେରା ? ଇନେକିଦେଂକି ଏପେଙ୍ଗ୍ ନା ହିକ୍ୟା ଖେନ୍‌ଞ୍ଜି ଇଚ୍‌ଦେଂ ଆଡୁଦେରା ।

୪୪ ଏପେଙ୍ଗ୍ ମି ଆବା ସୟତାନ୍ ତାଙ୍ଗ୍ ହଡ଼ତାନ୍‌ନା, ଆରେ ମି ଆବାତି କାମାୟ୍ ମାନି କିଦେଙ୍ଗ୍ ମିଙ୍ଗେଙ୍ଗ୍ ମାନ୍ । ହେୱାନ୍ ଆଗେତାଂ ନାର୍‌ଅହ୍‌ନାକାନ୍, ଆରେ ହେୱାନ୍ ହାଡ଼ପା ମାନ୍‌ନ୍, ଇନାକିଦେଂକି ତା ତାକେ ସଡ଼ ହିଲ୍‌ଡୁ । ହେ ପାଦନା ହେୱାନ୍ ମିଚ୍ ଇନାନ୍, ହେ ପାଦନା ହେୱାନ୍ ଜାର୍‌ତାଂ ଇନାନ୍; ଇନାକିଦେଂକି ହେୱାନ୍ ମିଚ୍‌ଖା ଆରି ମିଚ୍ ଇନି ଆବା ।

୪୫ ମାତର୍ ଆନ୍ ହାଡ଼ପା ଇଞ୍ଜିଲେ ଏପେଙ୍ଗ୍ ନାଙ୍ଗେଙ୍ଗ୍ ପାତ୍ କିଦୁଦେରା ।

୪୬ ନା ତାକେ ପାପ୍ ମାନାଡ଼ ଇଞ୍ଜି ମି ବିତ୍ରେତାଂ ଇନେର୍ ସାକି ହିନାନ୍ ? ଆନ୍ ଏଚେକାଡ଼୍‌ଦ ହାଡ଼ପା ଇନାଙ୍ଗ୍, ଲାଗିଂ ଏପେଙ୍ଗ୍ ଇନାକିଦେଂ ନାଙ୍ଗେଙ୍ଗ୍ ପାତ୍ କିଦୁଦେରା ?

୪୭ ଇନେର୍ ଇସ୍ତର୍ ତାକେଣ୍ଡାଂ ଜଲମ୍ ଆତାନ୍‌ନା, ହେୱାନ୍ ଇସ୍ତର୍ ବଚନ୍ ଖେନାନ୍; ଇଦାଂ କାଜିଂ ଏପେଙ୍ଗ୍ ଖେନ୍‌ଦେରା, ଇନାକିଦେଂକି ଏପେଙ୍ଗ୍ ଇସ୍ତର୍‌ତାଂ ଜଲମ୍ ଆଖାତାଦେଣ୍ଡା ।”

**ଜିସୁ ଆରେ ଅବ୍ରାହାମ୍**

୪୮ ଜିହୁଦିର୍ ତାଙ୍ଗେଙ୍ଗ୍ ଖେନ୍‌ବାତାର, “ଏନ୍ ଜେ ରଖାୟ୍ ସମିରଣିୟ୍‌ତି ଆରି ନିଙ୍ଗେଙ୍ଗ୍ ଜେ ପୁଦା ତୁଡ଼ତାଡ଼ନା, ଇଦାଂ ଇନାକା ଆପେଂ ସମାନ୍ ଇଞ୍ଜାଦାଂ ମାନ୍‌ଚାପ୍ କି ?”

୪୯ ଜିସୁ ଉତର ହିତାନ, “ନାଙ୍ଗେଙ୍ଗ୍ ପୁଦା ତୁଡ଼ଖାତାଡ଼ନା,” ମାତର୍ ଆନ୍ ମାଞ୍ଜି ଆବାଂ ମାନି କିନାଙ୍ଗା, ଆରେ ଏପେଙ୍ଗ୍ ନାଙ୍ଗେଙ୍ଗ୍ ମାନିକିଦୁଦେରା ।

୫୦ ମାତର୍ ଆନ୍ ନିଜେ ଜାର୍‌ତିଂ ଜାଜ୍‌ମାଲ୍ ଦାସ୍‌ତେଂ କଙ୍ଗ୍; ମାତର୍ ଇ କାତା ଆନେଂ ଦାହ୍‌ନାଙ୍ଗା ଆରି ବିଚାର୍ କିତଙ୍ଗା, ଏପେଙ୍ଗ୍ ଆରେ ରଖାନ୍ ମାନ୍‌କିନାନ୍ ହେୱାନ୍ ଇଞ୍ଜି ମାନାନ୍ ।

୫୧ ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଜଦି ଇନେର୍ ନା ବଚନ୍ ପାଲି କିନାନ୍, ତା ଆତିସ୍ ହେୱାନ୍ ମୁଡ଼କେ ହାଉନ୍ ।

୫୨ ଜିହୁଦିର୍ ତାଙ୍ଗେଙ୍ଗ୍ ଇଚାର, “ନଙ୍ଗ୍ ଆପେଂ ପୁନ୍‌ଚାପ୍ ଜେ, ହାଡ଼ପା ନିଙ୍ଗେଙ୍ଗ୍ ପୁଦା ତୁଡ଼ତାଡ଼ନା, ଅବ୍ରାହାମ୍ ଆରି ବେଣ୍‌ବାକ୍‌ଶାୟ୍‌କିନାକାର୍ ହାତାରେ, ଆରେ ଏନ୍ ମୁଡ଼କେ ହାଉୟି ।

୫୩ ଏନ୍ ଇନାକା ମା ଆବା ଅବ୍ରାହାମ୍ ତାଙ୍ଗ୍ ଗାଜା ? ହେୱାନ୍ ତ ହାତାନେ, ବେଣ୍‌ବାକ୍‌ଶାୟ୍‌କିନାକାନ୍ ପା ହାତାନେ, ଏନ୍ ଜାର୍‌ତିଂ ଇନେର୍ ଇଞ୍ଜି ଇନାୟା ?”

୫୪ ଜିସୁ ଉତର ହିତାନ, “ଆନ୍ ଜଦି ଜାର୍‌ତିଂ ପାଦ୍ କିତାଙ୍ଗ୍‌ମା, ଲାଗିଂ ନା ଜାଜ୍‌ମାଲ୍ ଇନାକା ଆକାୟ୍; ଇନେର୍ ନାଙ୍ଗ୍ ପାଦ୍ ପାୟା ଆନି କାଜିଂ ନା ଆବା ଇନେରିଂ ଏପେଙ୍ଗ୍ ମି ଇସ୍ତର୍ ଇଞ୍ଜି ଇନାଦେରା;

୫୫ ଏପେଙ୍ଗ୍ ଇନାଖାଡ଼ାଂ ତାଙ୍ଗେଙ୍ଗ୍ ପୁନ୍‌ଦେରା, ଆନ୍ ତାଙ୍ଗେଙ୍ଗ୍ ପୁନାଙ୍ଗ୍ । ଆନ୍ ତାଙ୍ଗେଙ୍ଗ୍ ପୁନ୍‌ଙ୍ଗ୍ ଇଞ୍ଜି ଜଦି ଇନାଙ୍ଗ୍, ମି ଲାକେ ଆନ୍ ପା ମିଚ୍‌ଖା ଆନାଙ୍ଗ୍, ମାତର୍ ହାଡ଼ପା ଆନ୍ ତାଙ୍ଗେଙ୍ଗ୍ ପୁନାଙ୍ଗ୍ ଆରି ତା ବଚନ୍ ପାଲି କିନାଙ୍ଗ୍ ।



୫୬ ମିଦାଙ୍କୁ ଆବା ଅବ୍ରାହାମ୍ ନା ଖାନାକା ହୁଡ଼ଦେଂ ଆଡ଼ଦାନାଂ ଇଞ୍ଜି ଆହା କିଜି ଅବ୍ରାହାମ୍ ଖାରୟା ଆତାନ, ଆରେ ହେଖାନ ହେଦାଂ ହୁଡ଼ଜି ଖାରି କିତାନ ।”

୫୭ ହେବେ ଜିହୁଦିର ତାଙ୍ଗେଙ୍କୁ ଇଚାର, “ନିଙ୍ଗ ତ ନଙ୍ଗ ପାତେକ୍ ପଚାସ୍ ବାହୁଁ ବୟସ୍ ଆଖାତାତନା, ଏନ୍ ଇନାକା ଅବ୍ରାହାମ୍‌ତି ହୁଡ଼ତାୟନା ?”

୫୮ “ଜିସୁ ହେଖାରିଂ ଇଚାନ,” ହାଡ଼ପା ହାଡ଼ପା ଆନ୍ ମିଙ୍ଗେଙ୍କୁ ଇଞ୍ଜନାଙ୍ଗା, “ଅବ୍ରାହାମ୍ ଜଲମ୍ ପୁର୍ବେତାଂ ଆନ୍ ମାନାଙ୍କୁ ।”

୫୯ ହେବେ ହେଖାର ତା ଜପି ଇଡ଼ଦେଂ କାଲକୁ ପେସ୍ତାର, ମାତର ଜିସୁ କାଲେ ମନ୍ଦିରତାଙ୍କୁ ହସି ହାଚାନ ।



**ଜଲମ୍ କାଣାଂ ଉଜ୍ କିତାନ**

୧ ଜିସୁ ହାନି ସମୁତ ର ଜଲମ୍ କାଣାଂ ହୁଡ଼ତାନ ।

୨ ଆରେ, ତା ତେଲହିର ତାଙ୍ଗେଙ୍କୁ ଖେନ୍‌ବାତାର, “ଏ ଗୁରୁ ଇନେର୍ ପାପ୍ କିତିଲେ ଇଖାନ କାଣା ଆଜି ଜଲମ୍ ଆତାନ ? ନିଜେ କି ଇଖାନ ଆବା ଆୟା ପାପ୍ କାଜି ?”

୩ ଜିସୁ ଉତର ହିତାନ, “ଇଖାନ କି ଇଖାନ ଆବା ଆୟା ପାପ୍ କିଖାତାର, ମାତର ଇସ୍‌ବର ସାକ୍ତି କାମାୟ୍ ଇନେସ୍‌କି ଇଖାନ ତାକେ ହପ୍‌ନାଡ଼, ଇଦାଂ କାଜିଂ କାଣା ଆଜି ଜଲମ୍ ଆତାନା ।

୪ ଦିନ୍ ମାନୁ ମାନୁ ନା ପକ୍‌ତାତାକାନ କାମାୟ୍ କିନାକା ଦାଈଡ଼; ଇମ୍‌ଣି ସମୁତ ଏପେଙ୍କୁ ନାଣା ଖାନାତା ଇନେର୍ କାମାୟ୍ କିଦେଙ୍କୁ ଆଡୁର ।

୫ \*ଇ ପୁତ୍‌ତ ମାନି ପାତେକ୍, ଆନ୍ ପୁତ୍‌ନି ଅଜଡ଼୍ ।”

୬ ଇଦାଂ ଇଞ୍ଜି ହେଖାନ ଚିକ୍‌ଲାତ ରୁପ୍‌ତାନ ହେ ଏଞ୍ଜିଂତାଂ ଚିକ୍‌ଲା କିତାନ, ଆରେ ତା ରି କାଣ୍‌କୁକାଂ ଚିକ୍‌ଲା କାସ୍‌ତାନ ଆରି ତାଙ୍ଗେଙ୍କୁ ଇଚାନ ହାଲା,

୭ “ସିଲହ ଅନୁବାଦ୍ କିତାନ, ଇଦାଂ ଅରଡ଼ ପକ୍ୟାତାକା ବାନ୍‌ଡ଼ ନୁସ୍ୟାୟା ଆ । ହେବେ ହେଖାନ ହସି ହାଲ୍‌ଜି ନୁସ୍ୟାୟା ଆତାନ । ଆରି କାଣ୍‌କୁ ହୁଡ଼ଜି ହାଚାନ ।”

୮ ଲାଗିଂ ହାଙ୍ଗ୍‌ଦାକାର, ଆରେ ଇମ୍‌ଣାକାର ତାଙ୍ଗେଙ୍କୁ ଆଗେତାଂ ରଖାନ ବିକାରି ଇଞ୍ଜି ହୁଡ଼ଜି ମାଚାର, ହେଖାର ଖେନ୍‌ବାତାର, “ଇନେନ୍ କୁଚ୍‌ଚି ବିକ୍ୟା ଏନ୍‌ଚି ମାଚାନ, ଇଖାନ ଇନାକା ହେଖାନ ଆକାୟ୍ ?”

୯ ଇନେ ଇନେର୍ ଇଚାର, “ଇଖାନ ହେଖାନ, ଆରେ ଇନେ ଇନେର୍ ଇଚାର, ଆକାୟ୍, ଇଖାନ ତା ଲାକେ ।”

ମାତର ହେଖାନ ଇଚାନ, “ଆନ୍ ହେ ମାନାୟ୍ ।”

୧୦ “ହେବେ ହେଖାର ତାଙ୍ଗେଙ୍କୁ ଇଚାର, ତା ଆତିସ୍ ନି କାଣ୍‌କୁ ଇନେସ୍ ହୁଡ଼ତାୟ୍ ?”

୧୧ ହେଖାନ ଉତର ହିତାନ, “ଇନେରିଂ ଜିସୁ ଇଞ୍ଜି ଇନାର, ହେ ମାନାୟ୍ ଚାଟ୍‌କାୟ୍ କିଜି ନା ରି କାଣ୍‌କୁକାଂ କାସ୍‌ଦାତାନ, ଆରେ ନାଙ୍ଗେଙ୍କୁ ଇଚାନ, ସିଲହତ ହାଲ୍‌ଜି ନୁସ୍ୟାୟା; ଲାଗିଂ ଆନ୍ ହସି ହାଲ୍‌ଜି ନୁସ୍ୟାୟା ଆତାଙ୍କୁ ଆରି କାଣ୍‌କୁ ହୁଡ଼ତାଙ୍କୁ ।”

୧୨ “ହେଖାର ତାଙ୍ଗେଙ୍କୁ ଖେନ୍‌ବାତାର,” ହେଖାନ ଜେ ?

ହେଖାନ ଇଚାନ, “ଆନ୍ ପୁନୁଙ୍କୁ ।”

**ପାରୁସିର୍ ଇ କାମାୟ୍ ଦାସ୍ତାର**

୧୩ ଇନେନ୍ ଜଲମ୍ କାଣା ମାଚାନ, ହେଖାର ତାଙ୍ଗେଙ୍କୁ ପାରୁସିର୍ ତାକେ ତାହିଖାତାର ।

୧୪ ଜିସୁ ଇମ୍‌ଣି ଦିନା ଚାଟ୍‌କାୟ୍ କିଜି ତା କାଣ୍‌କୁ ଉଜ୍ କିଜି ମାଚାନ, ହେ ଦିନା ଜମ୍‌ନିବାର ।

୧୫ ଲାଗିଂ, ହେଖାନ ଇନେସ୍ କାଣ୍‌କୁ ହୁଡ଼ତାନ, ଇଦାଂ ପାରୁସିର୍ ପା ତାଙ୍ଗେଙ୍କୁ ଆରେ ରଗ ଖେନ୍‌ବେଦେଂ ଲାଗାତାର । ହେବେ ହେଖାନ ହେଖାରିଂ ଇଚାନ, “ହେଖାନ ନା କାଣ୍‌କୁକାଂ ଚିକ୍‌ଲା କାସ୍‌ଦାତାନ, ପାଚେ ଆନ୍ ନୁସ୍ୟାୟା ଆତାଙ୍କୁ ଆରି ହୁଡ଼ଦେଂ ଆଡ଼ନାଂ ।”

୧୬ ତା ପାଚେ ପାରୁସିର୍ ପା ଇନେ ଇନେର୍ ଇଚାର, “ହେ ମାନାୟ୍ ଇସ୍‌ବର ତାକେ ଖାଖାତାନା, ଇନାକିଦେଂକି ହେଖାନ ଜମ୍‌ନିବାର ପାଲି କିଖାତାନନା ।”

ଆରେ, ଇନେ ଇନେର୍ ଇଚାର, “ପାପି ଲଗୁ ଇନେସ୍ ଇ ଲାକେ କାବାଆନି କାମାୟ୍ ସବୁ କିଦେଙ୍କୁ ଆଡ଼ନାନ ?” ଏଲେଙ୍କୁ ବାବ୍ରେ ହେଖାର ବିଡ୍ରେ ଇନ୍‌ବା ଆତାର ।

୧୭ ଲାଗିଂ ହେଖାର ଆରେ ରଗ ହେ କାଣା ଲଗାଂ ଖେନ୍‌ବାତାର, “ହେଖାନ ଜେ ନି କାଣ୍‌କୁ ଉଜ୍ କିଡ଼ତାନ, ଇବେ ଏନ୍ ତା ବିସ୍ତେ ଇନାକା ଇନାୟା ?”

“ହେଖାନ ଇଚାନ,” ହେଖାନ ରଖାନ ବେଶ୍‌ବାକ୍‌ଶାୟ୍‌କିନାକାନ ।

☆ ୯:୫ ମାତିଉ ୫:୧୪; ଜହନ୍ ୮:୧୭.

୧୮ ହେୱାନ ଜେ କାଣା ମାଚାନ୍ ଆରେ କାଣକୁ ହୁଡ଼ତାନନା, ହେ କାଣକୁ ପାୟା ଆତି ଲକ୍ ଆବା ଆୟା କୁକ୍ତି ଖେନ୍ବିଝି ପାତେକ୍ ଜିହୁଦି ନେତାର୍ ତା ବିସ୍ତେ ଇଦା ପାତ କିଝାତାର୍ ।

୧୯ ହେୱାର୍ ହେୱାରିଂ ଖେନ୍ବାତାର୍, “ମି ଇମଣି କାଡ଼ଦେ କାଣା ଆଜି ଜଲମ୍ ଆଜି ମାଚାନ୍ ଇଞ୍ଜି ଇନାଦେରା, ଇୱାନ ଇନାକା ମି ହେ କାଡ଼ଦେ ? ତା ଆତିସ୍ ହେୱାନ ଇନେସ୍ ନକ୍ ହୁଡ଼ଦେଂ ଆଡ଼ନାନା ?”

୨୦ ହେବେ ତା ଆବା ଆୟା ଉତର୍ ହିତାର୍, “ଇୱାନ ଜେ ମା ମାଜି ଆରି ଇୱାନ ଜେ କାଣା ଆଜି ଜଲମ୍ ଆଜି ମାଚାନ୍, ଇଦା ଆପେଂ ପୁନାପ୍;

୨୧ ମାତର୍ ହେୱାନ ଇନେସ୍ ନକ୍ ହୁଡ଼ନାନା, ହେଦାଂ ପୁନୁଦେରା, କି ଇନେର୍ ତା କାଣକୁ ଉଦ୍ କିତାନ୍, ହେଦାଂ ପା ଆପେଂ ପୁନୁପା; ତାକେକ୍ ଖେନ୍ବାଟ୍, ହେୱାନ ତ ବେଣ୍ଟିୟା, ହେୱାନ ଜାର୍ କାତା ନିଜେ ଇନାନ୍ ।”

୨୨ ତା ଆବା ଆୟା ଜିହୁଦିରିଂ ପାଣ୍ଟା ଆନି କାଜିଂ ଇ ଖିଜୁ କାତା ଇଚାର୍, ଇନାକିଦେଂକି ଜଦି ଇନେର୍ ତାକେକ୍ କ୍ରିସ୍ଟ ଇଞ୍ଜି ପାତ କିନାନ୍, ତା ଆତିସ୍ ହେୱାନ କୁଚୁମ୍ ପାଗ୍ରି କିୟାଆନାଡ଼ ଇଞ୍ଜି ଇବେଣ୍ଟିଂ ଜିହୁଦିର୍ ର କାତା କିଜି ମାଚାର୍ ।

୨୩ ହେଦାଂ କାଜିଂ, ତା ଆବା ଆୟା ଇଚାର୍, “ହେୱାନ ବେଣ୍ଟିୟା, ତାକେକ୍ ଖେନ୍ବାଟ୍ ।”

୨୪ ହେବେ ଆଗ୍ଦ କାଣା ମାଚି ମାନାୟତିଂ ହେୱାର୍ ରିହା କୁକ୍ତି ଇଚାର୍, ଇସ୍ପର୍ତିଂ ପାଦ୍ ହିୟାଟ୍, “ହେ ମାନାୟ ଜେ ପାପି, ଇଦା ଆପେଂ ପୁନାପ୍ ।”

୨୫ “ହେବେ ହେୱାନ ଉତର୍ ହିତାନ୍,” ହେୱାନ ପାପି କି ଆକାୟ୍, “ଆନ୍ ହେଦାଂ ପୁନୁକ୍; ଆନ୍ ର ବିସ୍ତେ ପୁନାକ୍, ଆନ୍ କାଣା ମାଚାକ୍, ନକ୍ ହୁଡ଼ଦେଂ ଆଡ଼ନାଂ ।”

୨୬ “ଲାଗିଂ ହେୱାର୍ ତାକେକ୍ ଇଚାର୍, ହେୱାନ ନିକେକ୍ ଇନାକା କିଡ଼ତାନ୍ ? ହେୱାନ ଇନେସ୍ କିଜି ନି କାଣକୁ ଉଦ୍ କିଡ଼ତାନ୍ ?”

୨୭ “ହେୱାନ ହେୱାରିଂ ଉତର୍ ହିତାର୍,” ଆନ୍ ଖେଚ୍ଚାତାଂ, “ଆରେ ଏପେକ୍ ଖେନ୍ବାତାଦେର୍; ଇନାକିଦେଂ ଆରେ ରଗ ଖେଞ୍ଜେକ୍ ମାନକିନାଦେରା ? ଏପେକ୍ ପା ଇନାକା ତା ଚେଲାହିର୍ ଆଦେଂ ମାନ୍ କିନାଦେରା ?”

୨୮ ହେବେ ହେୱାର୍ ତାକେକ୍ ବାଗଇଡ଼ିଜି ଇଚାର୍, “ଏନ୍ ହେୱାକ୍ତି ଚେଲା, ମାତର୍ ଆପେଂ ମସା ଚେଲାକାପ୍ ।

୨୯ ଆପେଂ ପୁନାପ୍ ଜେ ଇସ୍ପର୍ ମସାକ୍ କାତା ଇଚାନ୍ନା, ମାତର୍ ଇ ମାନାୟ ଇମେଣ୍ଟିଂ ଖାତାନ୍ନା, ହେଦାଂ ପା ଆପେଂ ପୁନୁପ୍ ।”

୩୦ ହେ ମାନାୟ ହେୱାରିଂ ଉତର୍ ହିତାନ୍, “ହେୱାନ ନା କାଣକୁ ଉଦ୍ କିଡ଼ତାନ୍, ଆରେ ହେୱାନ ଇମେଣ୍ଟିଂ ଖାତାନ୍ନା, ହେଦାଂ ଏପେକ୍ ପୁନୁଦେର୍, ଇଦାଂ ତ କାବାଆନି କାତା ।

୩୧ ଇସ୍ପର୍ ଜେ ପାପିର୍ କାତା ଖେନୁନ୍, ଇଦାଂ ଆପେଂ ପୁନାପ୍, ମାତର୍ ଜଦି ଇନେର୍ ଇସ୍ପର୍ ହେବା କିନାକାନ୍ ଆଜି ତା ଇଚା ମାନି କିନାନ୍, ତା ଆତିସ୍ ହେୱାନ ତା କାତା ଖେନାର୍ ।

୩୨ ଆରମ୍ ସମୁତାଂ ଇନେନ୍ ଜଲମ୍ କାଣା କାଣକୁ ଉଦ୍ କିଜି ମାଚାନ୍, ଇଦାଂ ତ ଇନାଖାତାଂ ପା ଖେନ୍ୟା ଆଖାଦାଂ ମାଚାଡ଼ ।

୩୩ ଇୱାନ ମାନାୟ ଇସ୍ପର୍ ତାକେଣ୍ଟିଂ ଖାଖାଦାକ୍ ମାତିସ୍ ଲାଗିଂ ଇ କାମାୟ କିଦେକ୍ ଆଡ଼ଖାତାନ୍ମା ।”

୩୪ ହେୱାର୍ ତାକେକ୍ ଉତର୍ ହିତାର୍, “ଏନ୍ ତ ନିଜେ ପାପ୍ତ ଜଲମ୍ ଆତାୟ୍, ଆରେ ପାପ୍ତ ଗାଜା ଆତାୟ୍ ଏନ୍ ମାକେକ୍ ହିକ୍ୟା ହିଦନାୟା ?” ହେବେ ହେୱାର୍ ତାକେକ୍ ବାରି କିତାର୍ ।

**ଜିବୁନ୍ କାଣକୁ ହୁଡ଼ଖାକା**

୩୫ ହେୱାର୍ ଜେ ତାକେକ୍ ଗୁଡ଼ି ଇଞ୍ଜାକ୍ ବାରି କିତାର୍ ଇଞ୍ଜି, ଜିସୁ ଇଦାଂ ଖେନ୍ଞି ତାକେକ୍ ବେଟା ଆଜି ଇଚାନ୍, “ଏନ୍ ଇନାକା ମାନାୟ ମାଜିତାକେଣ୍ଟାକ୍ ପାତ କିନାୟା ?”

୩୬ ହେୱାନ ଉତର୍ ହିତାନ୍, “ଏ ମାପୁ, ହେୱାନ ଇନେନ୍ ଖେଚ୍ଚା, ଇନେସ୍ ଆନ୍ ତା ତାକେ ପାତ କିନାକ୍ ?”

୩୭ ଜିସୁ ତାକେକ୍ ଇଚାନ୍, “ଏନ୍ ତାକେକ୍ ହୁଡ଼ନାୟା, ଆରେ ଇନେନ୍ ନି ଲାହାକ୍ ବେଣ୍ଟି ଇନାନ୍ନା, ଇୱାନ ହେୱାନ ।”

୩୮ “ହେବେ ହେୱାନ ଇଚାନ୍,” ମାପୁ ଆନ୍ ପାତ କିନାକା; ଆରେ, ହେୱାନ ତାକେକ୍ ଜଖାର୍ କିତାନ୍ ।

୩୯ ଆରେ ଜିସୁ ଇଚାନ୍, ହୁଡ଼ଖି “ମାନାୟାର୍ ଇନେସ୍ ହୁଡ଼ନାର୍ ଆରି ହୁଡ଼ନି ମାନାୟାର୍ ଇନେସ୍କି ହୁଡ଼ରୁ, ଇ ବିଚାର୍ କାଜିଂ ଆନ୍ ପୁତ ତ ଜଗଡ଼ତ ଖାତାକ୍ନା ।”

୪୦ ପାରୁସିର୍ ବିତ୍ରେ ଇମଣାକାର୍ ତା ଲାହାକ୍ ମାଚାର୍, “ହେୱାର୍ ଇଦାଂ ଖେନ୍ଞି ତାକେକ୍ ଇଚାର୍, ଆପେଂ ପା ଇନାକା କାଣା ?”

୪୧ ଜିସୁ ହେୱାରିଂ ଇଚାନ୍, ଜଦି “କାଣା ଆଜି ମାଚିସ୍, ତା ଆତିସ୍ ଏପେକ୍ ପାପ୍ ଆତାମ୍ । ମାତର୍ ଆପେଂ ହୁଡ଼ନାପା, ଇଦାଂ ନକ୍ ଇନାଦେରା; ଏପେକ୍ ପାପ୍ତ ମାନାଦେର୍ ।”

୧ ହାତ୍‌ପା ହାତ୍‌ପା, “ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଇନେର୍ ଦୁଝେର୍ତିଂ ମେଣ୍ଡାହାଡ଼ା ତାକେ ହଣ୍ଡିଞ୍ଜିତିସ୍, ମତର୍ ବିନେ ଇମ୍‌ଣି ହାଜି ଦୁମ୍‌ଜି ହଣାନ୍, ହେଝାନ୍ ଚର୍ ଆରି ତାକୁ;

୨ ଇନେନ୍ ଦୁଝେର୍ତିଂ ହଣାନ୍, ହେଝାନ୍ ମେଣ୍ଡାଙ୍ଗନି ଗଡ଼ିୟା ।

୩ ହଲ୍ୟାହି ତା କାଜିଂ ଦୁଝେର୍ ଜେସି ହିନାନ୍, ପାଚେ ମେଣ୍ଡାଂ ତା କାଟ୍ ଝେନ୍‌ଞ୍ଜି, ଆରେ ହେଝାନ୍ ତା ମେଣ୍ଡାକାଂ ତର୍ ଆଜି କୁକ୍‌ଚି ବାଟ୍ ହପ୍‌ଚି ତାଇ ଝାନାନ୍ ।

୪ ହେଝାନ୍ ତା ମେଣ୍ଡାଂ ଝିଜୁ ହପ୍‌ଚି ହେଝାକାଂ ଆଗେ ଆଗେ ମେଣ୍ଡା ଗଡ଼ିୟା ତାଙ୍ଗନାନ୍ ଆରି ମେଣ୍ଡାଂ ତା ପାଚେ ପାଚେ ତାଙ୍ଗନିକ୍, ଇନାକିଦେଂକି ହେଝାଙ୍ଗ୍ ତା କାଟ୍ ପୁନିକ୍;

୫ ମାତର୍ ହେଝାଙ୍ଗ୍ ଚିନ୍‌ହିଲ୍‌ଝାକାର୍ ପାଚେ ପାଚେ ଇନାଝାଡ଼ାଂ ପା ହାଲୁକ୍, ମତର୍ ତା ଲାଗାଂତିଂ ହନ୍‌ଚି ହାନିକ୍, ଇନାକିଦେଂକି ହେଝାଙ୍ଗ୍ ଚିନ୍‌ହିଲ୍‌ଝାକାର୍ କାଟ୍ ଆଣ୍‌ଗା ଆଉକ୍ ।”

୬ ଜିସୁ ହେଝାରିଂ ଇ ଉତ୍‌ର୍ମୁଡ଼୍ ଇଚାନ୍, ମାତର୍ ହେଝାନ୍ ହେଝାରିଂ ଇନା ଇନାକା ଇଞ୍ଜି ମାଚାଟ୍, ହେ ସବୁ ଇନାକା ଇଞ୍ଜି ହେଝାଟ୍ ବୁଜା ଆଝାତାଟ୍ ।

**ହାଦ୍ ମେଣ୍ଡା ଗଡ଼ିୟା ଇସ୍‌ବର୍**

୭ ଲାଗିଂ ଜିସୁ ଆରେ ରଗ ଇଚାନ୍, “ହାତ୍‌ପା ହାତ୍‌ପା ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଆନ୍ ମେଣ୍ଡାଂ ଦୁଝେର୍ ।

୮ ଇମ୍‌ଣାକାର୍ ନା ଆଗେ ଝାନାରା, ହେଝାଟ୍ ଝିଜାଟ୍ ଚର୍କୁ ଆରି ତାକୁଟ୍, ମାତର୍ ମେଣ୍ଡାଂ ଝିଜୁ ହେଝାଟ୍ କାତା ଝେନୁକ୍ ।

୯ ନା ଦୁଝେର୍, ଜଦି ଇନେର୍ ନାଙ୍ଗ୍ ହିଜି ହଣାଟ୍, ତା ଆତିସ୍ ହେଝାନ୍ ରାକ୍ୟା ପାୟା ଆନାନ୍ ଆରି ବିତ୍ରେ ଝାଜି ଆରି ବାଟ୍ ହାଲୁଜି ଚାରା ଗାଟା ଆନାନ୍ ।

୧୦ ଚର୍ କେବଲ୍ ଝାନାନ୍ ଚର୍ କିଦେଙ୍ଗ୍, ଅସ୍ତେଙ୍ଗ୍ ଆରି ନସ୍ କିନି କାଜିଂ; ହେଝାଟ୍ ଇନେସ୍‌କି ଜିବୁନ୍ ପାୟା ଆନାଟ୍ ଆରି ବେସି ପାୟା ଆନାଟ୍, ଇଦାଂ କାଜିଂ ଆନ୍ ଝାତାଙ୍ଗନା ।”

୧୧ “ଆନ୍ ହାଦ୍ ମେଣ୍ଡା ଗଡ଼ିୟା ଆନାଙ୍ଗ୍; ମେଣ୍ଡାଂ କାଜିଂ ଆନ୍ ଜିବୁନ୍ ହିନାଙ୍ଗ୍ ।

୧୨ ଇନେନ୍ ମେଣ୍ଡା ଗଡ଼ିୟା ଆକାୟ୍, ମତର୍ କାମ୍‌ଲିୟା, ମେଣ୍ଡାଂ ଇମ୍‌ଣିକିଙ୍ଗ୍ ନିଜାଟ୍‌ଚି ଆକାୟ୍, ହେଝାନ୍ ହୁଣ୍ଡେର୍‌ବୁର୍‌କା ଝାନାକା ହୁଡ଼ଜି ମେଣ୍ଡାକାଂ ପିସି ହନ୍‌ନାନ୍, ଆରେ ହୁଣ୍ଡାଟ୍ ବୁର୍‌କା ହେଝାକାଂ ଆସି ଚିର୍‌ବିର୍ କିନିକ୍ ।

୧୩ ଆଦି ଅଜି ମେଣ୍ଡାଂ କାଜିଂ ମାନାନ୍ ହେଝାନ୍ ହାନାନ୍, ଇନାକିଦେଂକି ହେଝାନ୍ ରଝାନ୍ କାମ୍‌ଲିୟା ମତର୍ ମେଣ୍ଡାଂ କାଜିଂ ଚିନ୍ତା କିଉନ୍ ।

୧୪ ଆନ୍ ହାଦ୍ ମେଣ୍ଡା ଗଡ଼ିୟା । ଆବା ଇନେସ୍‌କି ନାଙ୍ଗେଙ୍ଗ୍ ପୁଞ୍ଜନାନ୍ ଆରି ଆନ୍ ଆବାଂ ପୁନାଙ୍ଗ୍,

୧୫ ଆନ୍ ହେ ଲାକେ ପୁନାଙ୍ଗ୍ ଆନ୍ ନା ଜାଟ୍ ମେଣ୍ଡାକାଂ ପୁନାଙ୍ଗ୍, ଆରେ ହେଝାନ୍ ନା ଜାଟ୍‌ଚି ମେଣ୍ଡାଂ ନାଙ୍ଗେଙ୍ଗ୍ ପୁଞ୍ଜନିକ୍, ଆରେ ମେଣ୍ଡାଂ କାଜିଂ ଆନ୍ ନା ଜିବୁନ୍ ହିଦେଂ ରେଡି ।

୧୬ ଇମ୍‌ଣି ମେଣ୍ଡାଂ ଇ ମେଣ୍ଡାହାଡ଼ାତ ଆକାୟ୍, ନା ଏଲେଙ୍ଗ୍ ଆଲୁଗା ମେଣ୍ଡାଂ ମାନିକ୍, ହେଝାକାଂ ପା ନାଙ୍ଗ୍ ତାହିଝାଦେଂ ଆନାଟ୍, ଆରେ ହେଝାଙ୍ଗ୍ ନା କାଟ୍ ଝେଞ୍ଜନିକ୍; ହେବେ ର ଦାଡ୍ ଆରି ର ମାୟା ଆନିକ୍ ।”

୧୭ “ଆନ୍ ନା ଜିବୁନ୍ ଦାନ୍ କିନାଙ୍ଗ୍ ମାନ୍ କିନାଙ୍ଗା ଆବା ନାଙ୍ଗେଙ୍ଗ୍ ଜିଉନନାନ୍, ଆରେ ଆନ୍ ନା ଜିବୁନ୍ ଆରେ ରଗ ମାନିକିନି କାଜିଂ ହେଦାଂ ଦାନ୍ କିଡ଼ତାନ୍ ।

୧୮ ଇନେର୍ ନା ତାକେଣ୍ଡାଂ ହେଦାଂ ଅଦେଂ ଆଡୁଟ୍, ମତର୍ ଆନ୍ ନିଜେ ହେଦାଂ ଦାନ୍ କିନାଙ୍ଗ୍ । ହେଦାଂ ଦାନ୍ କିଦେଙ୍ଗ୍ ନା ଆଦିକାର୍ ମାନାଟ୍ ଆରି ହେଦାଂ ଆରେ ରଗ ମାନି କିଦେଙ୍ଗ୍ ନା ଆଦିକାର୍ ମାନାଟ୍ । ଆନ୍ ମାଞ୍ଜି ଆବାତାଂ ଇ ବଲ୍ ପାୟା ଆତାଙ୍ଗନା ।”

୧୯ ଇ ଝିଜୁ ବେଣ୍ କାଜିଂ ଜିହୁଦିର୍ ବିତ୍ରେ ଆରେ ରଗ ପାଗ୍ରି କିତାଟ୍ ।

୨୦ ହେଝାଟ୍ ବିତ୍ରେ ହେନି ଇଞ୍ଜେଙ୍ଗ୍ ଲାଗାତାଟ୍, “ତାଙ୍ଗେଙ୍ଗ୍ ପୁଦା ତୁଡାତନା, ହେଝାନ୍ ପାଗ୍‌ଲା, ଇନାକିଦେଂ ତା କାତା ଝେନାଦେରା ?”

୨୧ ବିନେନିକାର୍ ଇଚାଟ୍, “ଇ ଝିଜୁ କାତା ତ ପୁଦା ତୁୟାଆତି ମାନାୟ୍‌ତିଂ ଆକାୟ୍; ପୁଦା ଇନାକା କାଶାଂ କାଶ୍‌ଙ୍ଗା ଉଜ୍ କିଦେଙ୍ଗ୍ ଆଡ଼ନାନ୍ ?”

**ଜିସୁଙ୍ଗ୍ ମାନି କିଝାତାଟ୍**

୨୨ ହେ ସମ୍ ପିନିମାସ୍ ମାଚାଟ୍, ହେଝାଡ଼ାଂ ଜିରୁସାଲମ୍‌ତ ମନ୍ଦିର୍ ରଚ୍‌ନି ପାର୍ବୁ ଆତାଟ୍;

୨୩ ଆରେ ଜିସୁ ମନ୍ଦିର୍‌ତ ସଲମନ୍ ମଣ୍ଡମ୍‌ତ ବୁଲାଆଜି ମାଚାଟ୍ ।

୨୪ ହେବେ ଜିହୁଦିର୍ ତାଙ୍ଗେଙ୍ଗ୍ ଚାରିବେଣ୍‌ତାଂ ବେଡ଼ିକିଜି ଝାସ୍‌ନି କାତା ଝେନ୍‌ବେଦେଂ ଲାଗାତାଟ୍, “ଆରେ ଏଚେକାଡ଼୍‌ଦ ଦିନ୍ ମାଙ୍ଗେଙ୍ଗ୍ ହାବଡ଼୍ ଇଡ଼୍‌ଦାନାୟ୍ ? ଜଦି ଏନ୍ କ୍ରିସ୍ଟୁ, ତା ଆତିସ୍ ମାଙ୍ଗେଙ୍ଗ୍ ହାଟ୍ କିଜି ଝେଚ୍‌ଚା ।”

୨୫ ଜିସୁ ହେଝାରିଂ ଉତ୍‌ର୍ ହିତାନ୍, ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ମାତର୍ ଏପେଙ୍ଗ୍ ପାଟ୍ କିଉଦେରା; ମା ଆବା ତର୍‌ଦାଂ ଆଦିକାର୍ ପାୟା ଆତାଙ୍ଗନା ଆନ୍ ଇମ୍‌ଣି ଇମ୍‌ଣି କାମାୟ୍ କିନାଙ୍ଗା, ହେ ସବୁ ନା ବିସ୍ତେ ସାକି ହିନାଙ୍ଗା;

୨୬ ମାତର ଏପେକ୍ ପାତର୍ କିଉଦେରା, ଇନାକିଦେଂକି ଏପେକ୍ ନା ମେଣ୍ଡା ଆକାୟ ।  
 ୨୭ ନା ମେଣ୍ଡା ଓଁଜୁ ନା କାଟ୍ ଝେନିକ୍ ଆରି ଆନ୍ ହେଝାକା ପୁନାକ୍, ଆରେ ହେଝାକ୍ ନା ପାଚେ ପାଚେ ଖାନିକ୍,  
 ୨୮ ଆରେ ଆନ୍ ହେଝାକା ଓଁଜୁ ଜିବୁନ୍ ହିନାକ୍, ଆରେ ହେଝାକ୍ ଇନାଝାଡ଼ା ପା ବୁଡ଼ାଆଉକ୍, ଆରେ ଇନେର୍ ନା  
 କେଇତା ହେଝାକା କ୍ଳିସ୍ତି ଅଦେଂ ଆଡୁର୍ ।  
 ୨୯ ମା ଆବା ନାଜେକ୍ ଇନାକା ହିଡ଼ନ୍ନା, ହେଦାଂ ସବୁ ତାକେଣ୍ଡାଂ ବେସି ଦାମ୍, ଆରେ ଆବା କେଇଦାଂ ଇନେର୍ ହେଦାଂ  
 କ୍ଳିସ୍ତି ଅଦେଂ ଆଡୁର୍ ।  
 ୩୦ ଆବା ଆରି ଆନ୍ ଏକ୍ ।  
 ୩୧ ଇ କାତା ଝେନିକ୍ ଆରେ ଜିହୁଦିର୍ ତାଜେକ୍ ଇଡ଼ଦେଂ କାଜିଂ ଆରେ ରଗ କାଲ୍ କୁ ପେସ୍ତାର୍ ।  
 ୩୨ ଜିସୁ ହେଝାରିଂ ଉତର୍ ହିତାନ୍, “ଆନ୍ ଆବା ତାକେଣ୍ଡାଂ ବେସି ହାଦର୍ କାମାୟ ନିଜେକ୍ ଚଟ୍ଟାତାଂନା; ହେ ସବୁ  
 କାମାୟ ବିତ୍ରେ ଇମାଣି କାମାୟ କାଜିଂ ନାକ୍ ଅସ୍ତେଦେଂ କାଲ୍ କୁ ତେକନାଦେରା ?”  
 ୩୩ ଜିହୁଦିର୍ ତାଜେକ୍ ଉତର୍ ହିତାନ୍, “ହାଦର୍ କାମାୟ କାଜିଂ ଆପେଂ ନିଜେକ୍ କାଲ୍ ଇଡ଼ଦୁପା, ମାତର୍ ଇସ୍ପର୍ତିଂ  
 ନିନ୍ଦା କାଜିଂ, ଆରେ ଏନ୍ ମାନାୟ ଆଜି ଜାର୍ତିଂ ଇସ୍ପର୍ ବଲାଇୟାଆନାୟା ।”  
 ୩୪ ଜିସୁ ହେଝାରିଂ ଉତର୍ ହିତାନ୍, “ମି ମସାତି ବିଦିତ ଇଦାଂ ଇନାକା ଲେକା ହିଲୁଡ଼, ଇସ୍ପର୍ ଇଚାନ୍, ଏପେକ୍ ଇସ୍ପର୍ ?  
 ୩୫ ଆପେଂ ପୁନାପ୍ ସାସ୍ତର୍ ବଚନ୍ ଜୁଗ୍ ଜୁଗ୍ ହାଡ଼ପା । ଇସ୍ପର୍ତିଂ ବେରଣ୍ ଇମାଣାକାର୍ ତାକେ ହତାଡ଼ନା, ହେଝାରିଂ  
 ଇବେ ଇସ୍ପର୍ ଇଚାନ୍ନା ।  
 ୩୬ ତା ଆତିସ୍ ଇନେରିଂ ଇସ୍ପର୍ ପୁଇପୁୟା କିଜି ପୁତର୍ ତ ପକ୍ତାନ୍, ତାଜେକ୍ ଇନାକା ଏପେକ୍, ଆନ୍ ଇସ୍ପର୍ତିଂ ମାଜି,  
 ଇଦାଂ ଆନ୍ ଇଞ୍ଚିଲେ, ଏନ୍ ଇସ୍ପର୍ତିଂ ନିନ୍ଦା କିନାୟା ଇଞ୍ଚି ଇନାଦେରା ?  
 ୩୭ ଜଦି ଆନ୍ ମାଞ୍ଚି ଆବାତି କାମାୟ ସବୁ କିଞ୍ଚିସ୍, ତାଆତିସ୍ ନାଜେକ୍ ପାତର୍ କିଦ୍ମାଟ୍;  
 ୩୮ ମାତର୍ ଜଦି ଆନ୍ ତା ଇଚା ମାନି କିନାକ୍, ତା ଆତିସ୍ ପାତର୍ କିଞ୍ଚିସ୍ ପା, ନା କାମାୟ ହୁଡ଼ଜି ପାତର୍ କିୟାଟ୍  
 ଲାଗିଂ ଏପେକ୍ ହାଡ଼ପା ବାବ୍ରେ ପୁଞ୍ଜେକ୍ ଆଡ଼ନାଦେର୍, ନା ଆବା ଇସ୍ପର୍ ନା ତାକେ ମାନାନ୍ ।”  
 ୩୯ ହେବେଣ୍ଡାଂ ହେଝାର୍ ତାକ୍ ଆସ୍ତେକ୍ ଇଞ୍ଚି ଆରେ ରଗ ସେସ୍ତା କିଦେକ୍ ଲାଗାତାର୍, ମାତର୍ ହେଝାନ୍ ହେଝାର୍  
 କେଇଦ ଆହ୍ମା ଆଝାଦାଂ ହସି ହାଚାନ୍ ।  
 ୪୦ ✨ଇଦାଂ ପାଚେ ଇସ୍ପର୍ ଆରେ ରଗ ଜର୍ଦନି ଆନ୍ତି ପାଡ଼କା ହାଲ୍ଜି, ଜହନ୍ ଇମାଣି ବାହାତ ହିଗ୍ଦ ବାପ୍ତିସିମ୍ ହିଜି,  
 ମାଚାନ୍, ହେ ବାହାତ ହାଲ୍ଜି ହେବେ ମାନ୍ଗାତାନ୍ ।  
 ୪୧ ଆରେ, ହେନି ତା ତାକେ ଖାଜି ଇଚାନ୍, “ଜହନ୍ ହିନା ଇନାକାପା କାବାଆନି କାମାୟ କିଝାତାନ୍,” ମାତର୍ ଇ ମୁଣିକା  
 ବିସ୍ତେ ଜହନ୍ ଜେ ଓଁଜୁ କାତା ଇଚାନ୍, “ହେଦାଂ ସବୁ ହାଡ଼ପା ।”  
 ୪୨ ଆରେ, ହେ ବାହାତ ହେନି ମାନାୟାର୍ ତା ତାକେ ପାତର୍ କିତାନ୍ ।

୧୧

ଲାଜାର୍ତି ହାକି

୧ ✨ବେଡ଼ନିୟା ନିକାନ୍ ଲାଜାର୍ ତର୍ଦାକାନ୍ ରଝାନ୍ ମାନାୟ ବେମାର୍ ମାଚାନ୍; ମରିୟମ୍ ଆରି ତା ତଣ୍ଡେହି ମାର୍ତା  
 ହେ ନାସ୍ତ ମାଚିକ୍ ।  
 ୨ ✨ଇ ମରିୟମ୍ ମାପୁକ୍ କାଲ୍ ଜପି ବାସନା ଚିକାଣ୍ଡାଂ ନେନ୍ଦି ତା ତେମୁଲ୍ଡାଂ ତା ପାନା ନୁଜ୍ଜି ମାଚାଡ଼ ତା ଟଣ୍ଡାହି  
 ଲାଜାର୍ ବେମାର୍ ମାଚାନ୍,  
 ୩ ଲାଗିଂ ହେ ତଣ୍ଡେକ୍ ତା ତାକେ କାବୁର୍ ପକ୍ତିକ୍, “ମାପୁ, ହୁଡ଼ା, ଇନେରିଂ ଏନ୍ ଝାରି କିନାୟା, ହେଝାନ୍ ବେମାର୍ଡ  
 ମାନାନ୍ ।”  
 ୪ ଇ କାବୁର୍ ଜିସୁ ଝେନିକ୍ ଇଚାନ୍, “ଇ ରଗ୍ଡ ଲାଜାର୍ ହାଉନ୍, ମାତର୍ ମାପୁତି ଜାଜ୍ମାଲ୍ କାଜିଂ, ଇନେସ୍କି ଇ ଲାକେ  
 ଇସ୍ପର୍ତିଂ ମାଜି ଜାଜ୍ମାଲ୍ ପାୟା ଆନାନ୍ ।”  
 ୫ ଜିସୁ ମାର୍ତା, ମରିୟମ୍ ତା ତଣ୍ଡେହି ଆରେ ଲାଜାର୍ତିଂ ଜିଉ ନଜି ମାଚାନ୍ ।  
 ୬ ଆତିସ୍ପା, ଲାଜାର୍ ବେମାର୍ଡ ମାନାନ୍ ଇଞ୍ଚି ଏଚେକାଡ଼୍ଦ ହେଝାନ୍ ଝେଚାନ୍, ହେ ପାଦ୍ନା ହେଝାନ୍ ଇମାଣି ବାହାତ  
 ମାଚାନ୍, ହେ ବାହାତ ଆରେ ରି ଦିନ୍ ମାଚାନ୍ ।  
 ୭ ତା ପାଚେ ଜିସୁ ଚେଲାରିଂ ଇଚାନ୍, “ଜାତ ଆସେକ୍ ଆରେ ରଗ ଜିହୁଦା ଦେସ୍ତ ମାସ୍ଦି ହାନାସ୍ ।”  
 ୮ ଚେଲାର୍ ଜିସୁକ୍ ଇଚାନ୍, “ଏ ଗୁରୁ,” ଜିହୁଦିର୍ ନିଜେକ୍ କେଡ଼ଦିନ୍ ଆଗେ ଇଡ଼କାଦେଂ ସେସ୍ତା କିଜି ମାନ୍ଚାର୍, “ଆରେ  
 ଏନ୍ ଆରି ରଗ ହେବେ ହାନାୟା ?”

✨ ୧୦:୪୦ ଜହନ୍ ୧:୨୮. ✨ ୧୧:୧ ଲୁକ ୧୦:୩୮,୩୯. ✨ ୧୧:୨ ଜହନ୍ ୧୨:୩.

୯ ଜିସୁ ଉତର ହିତାନ, “ଖେଡ଼ାଲିଂ ଇନାକା ବାର ଗଣ୍ଟା ଆକାୟ ? ଇନେର୍ ଖେଡ଼ାଲିଂ ତାଙ୍ଗତିସ୍ ଉନ୍ର, ଇନାକିଦେଂକି ହେଝାନ ଇ ପୁତ୍ରି ଅଜଡ୍ ହୁଡ଼ନାନ;

୧୦ ମାତର୍ ନାଣା ତାଙ୍ଗତିସ୍ ହେଝାନ ଉନ୍ନାନ, ଇନାକିଦେଂକି ଖାସ୍ତିତ ଅଜଡ୍ ହିଲୁଡ୍ ।”

୧୧ ଜିସୁ ଇ ଖିଜୁ କାତା ଇତି ପାଚେ ହେଝାରିଂ ଆରେ ଇଚାନ, “ମା ବନ୍ଦୁ ଲାଜାର ହୁଞ୍ଜନାନା, ମାତର୍ ତାଙ୍ଗ ହୁନ୍ଚାକାନିଂ ନିକ୍ନି କାଜିଂ ଆନ୍ ହାନାଙ୍ଗା ।”

୧୨ ହେବେତାଂ ଚେଲାହିର୍ ତାଙ୍ଗ ଇଞ୍ଜି ମାଚାର, ମାପୁ, “ଜଦି ହେଝାନ ହୁନ୍ଚାନନା ତା ଆତିସ୍ ହେଝାନ ଉନ୍ ଆନାନ ।”

୧୩ ଜିସୁ ଲାଜାର ହାତି ବିସ୍ତେ ଇଚାନ, ମାତର୍ ହେଝାନ ହୁନ୍ଞି ବିସ୍ତେ ଇଚାନ ଇଞ୍ଜି ହେଝାର ବାବିକିତାର ।

୧୪ ହେଦାଂ କାଜିଂ ଜିସୁ ହେ ପାଦନା ହେଝାରିଂ ହାରଦାଂ ଇଚାନ, “ଲାଜାର ହାତାନନା;

୧୫ ଆରେ, ଆନ୍ ଜେ ହେବାତ ହିଲୁଖିତିସ୍, ଇଦାଂ ଲାଗିଂ ମି କାଜିଂ ଖାରି କିନାଙ୍ଗା, ଇନେସ୍କି ଏପେଙ୍ଗ୍ ପାତ୍ରି କିନାଦେର; ମାତର୍ ଜାତୁ, ଆସେଙ୍ଗ୍ ତା କଚଣ୍ ହାନାସ୍ ।”

୧୬ ହେବେତାଂ ତମା, ଇନେରିଂ ଦିଦୁମ୍ ଇଞ୍ଜି ଇନାର, ହେଝାନ ଜାର ହାଙ୍ଗ୍ ଚେଲାହିରିଂ ଇଚାନ, “ଜାତୁ ଆସେଙ୍ଗ୍ ପା ଗୁରୁ ଲାହାଙ୍ଗ୍ ହାଲ୍ଜି ତା ଲାହାଂ ହାନାସ୍ ।”

**ଜିସୁ ଆରେ ରଗ ନିଙ୍ଗି ଜିନାନ**

୧୭ ଜିସୁ ବେଡନାପାତ ଏକିସ୍ ଖେଚାନ ଜେ, ହେଝାନ ଦୁଗେରତ ଇଡ଼ଜି ଚାରି ଦିନ୍ ଆତାଡ୍ ଦୁଗେରତ ଇଟ୍ୟା ଆତାନେ ।

୧୮ ବେଡନିୟା ଜିରୁସାଲମ୍ କଚଣ୍ତ ମାଚାଡ୍, ଆନ୍ମାନତାଂ ତିନି କିଲମିଟର୍ ଦେହା;

୧୯ ଆରେ, ଜିହୁଦି ଦେସ୍ନି ହେନି ମାନାୟ ବିତ୍ରେ ମାର୍ତୀ ଆରି ମରିୟମ୍ତିଂ ହେଝାରିତି ଟଣ୍ଡେନ୍ ବିସ୍ତେ ଦୁକଜାଣାଇ କିଦେଙ୍ଗ୍ କାଜିଂ ହେଝାର କଚଣ୍ ଖାଜି ମାଚାର ।

୨୦ ହେବେତାଂ ଜିସୁ ଖାନାନା ଇଞ୍ଜି ଏଚେକାଡ୍ ମାର୍ତୀ ଖେଚାଡ୍, ହେ ପାଦନା ହେଦେଲ୍ ବେଟାଆଦେଂ ହାତାଡ୍, ମାତର୍ ମରିୟମ୍ ଇଞ୍ଜି ମାଚାନ

୨୧ ମାର୍ତୀ ଜିସୁଙ୍ଗ୍ ଇଚାଡ୍, “ମାପୁ ଜଦି ଏନ୍ ଇବେ ଖାଜି ମାଚିସ୍, ତା ଆତିସ୍ ନା ଟଣ୍ଡେନ୍ ହାଝାତାନମା,

୨୨ ମାତର୍ ନଙ୍ଗ୍ ପା ଆନ୍ ପୁନାଙ୍ଗ୍, ମାତର୍ ଏନ୍ ଇସ୍ବରତିଂ ଇନାକାପା ଏନ୍ନାୟ, ଇସ୍ବର୍ ଜେ ହେଦାଂ ନିଙ୍ଗେଙ୍ଗ୍ ହିଦନାନ ।”

୨୩ ଜିସୁ ତାଙ୍ଗେଙ୍ଗ୍ ଇଚାନ, “ମି ଟଣ୍ଡେନ୍ ଆରେ ଜିବୁନ୍ ପାୟା ଆଜି ନିଙ୍ଗନାନ ।”

୨୪ ମାର୍ତୀ ଜିସୁଙ୍ଗ୍ ଇଚାଡ୍, “ହେଝାନ ଜେ ହାରିହାରା ଦିନ୍ତ ଆରେ ନିଂନି ସମୁତ ନିଙ୍ଗନାନ ଇଦାଂ ଆନ୍ ପୁନାଙ୍ଗ୍ ।”

୨୫ ଜିସୁ ତାଙ୍ଗେଙ୍ଗ୍ ଇଚାନ, “ଆନ୍ ଆରେ ନିଂନାକାଂ ଆରି ଜିବୁନ୍, ଇନେର୍ ନା କଚଣ୍ ପାତ୍ରି କିଦନାନ, ହେଝାନ ଜଦି ହାନାନ, ଆତିସ୍ପା ହେଝାନ ଜିନାନ,

୨୬ ଆରେ ଇନେରକି ଜିନାନ ଆରି ନାବେ ପାତ୍ରି କିନାନ, ହେଝାନ ମୁଡ୍ଡକେ ହାଉନ୍; ଇଦାଂ ଇନାକା ପାତ୍ରି କିନାଦେରା ?”

୨୭ ମାର୍ତୀ ହେଝାନିଂ ଇଚାଡ୍, “ଆଁ, ମାପୁ, ଇନେରକି ପୁତ୍ରିଂ ଖାନାକା ମାଚାଡ୍, ଏନ୍ ଜେ ଇସ୍ବର୍ ମାଜି ହେ କ୍ରିସ୍ଟ, ଇଦାଂ ନା ପାତ୍ରି ।”

**ଜିସୁ ଆଡ଼ବାତାନ**

୨୮ ଇଦାଂ ଇତି ପାଚେ ମାର୍ତୀ ହାଲ୍ଜି ଜାର ତଣ୍ଡେଲ୍ ମରିୟମ୍ତିଂ ଡଗୁଜି କୁକ୍ତି ଇଚାଡ୍, “ଗୁରୁ ଖାତାନେ ଆରେ ନିଙ୍ଗେଙ୍ଗ୍ କୁଞ୍ଚାନାନା ।”

୨୯ ହେଝାନ ଇଦାଂ ଖେନ୍ଞି ବେଗି ନିଙ୍ଗି ତା କଚଣ୍ ହାଚାର ।

୩୦ ଜିସୁ ହେ ପାଦନା ନାସ୍କୁ ବିତ୍ରେ ଖାଝାଦାଙ୍ଗ୍ ମାଚାନ, ମାତର୍ ମାର୍ତୀ ହେଝେନିଂ ଇମ୍ଣି ବାହାତ ବେଟା ଆଜି ମାଚାଡ୍, ହେପାଚେକ୍ ହେଝାନ ହେ ବାହାତ ମାଚାଡ୍ ।

୩୧ ବାଟିଙ୍ଗ୍ ଇମ୍ଣି ଜିହୁଦିର୍ ତା ଲାହାଙ୍ଗ୍ ଇଞ୍ଜି ମାନ୍ଞି ତାଙ୍ଗ୍ କ୍ଷୁପ୍କିସ୍ ମାଚାର, ହେଝାର ମରିୟମ୍ତିଂ ବେଗି ନିଙ୍ଗି ହସିହାନାକା ହୁଡ଼ଜି, ହେଦେଲ୍ ଦୁଗେର କଚଣ୍ତ ଆଡ଼ବିନି କାଜିଂ ହାନାରା, ଇଦାଂ ମାନେ କିଜି ହେ ପାଚେ ପାଚେ ହାଚାର ।

୩୨ ହେବେତାଂ ଜିସୁ ଇମ୍ଣି ବାହାତ ମାଚାନ, ମରିୟମ୍ ହେ ବାହାତ ଏକିସ୍ ତାଙ୍ଗେଙ୍ଗ୍ ହୁଡ଼ଜି ହେ କାଲ୍କୁ ତାରେନ୍ ଗୁରୁଜି ଇଚାଡ୍, “ଏ ମାପୁ, ଜଦି ଏନ୍ ଇବେ ଏକାଝାତାୟ୍, ତା ଆତିସ୍ ନା ଟଣ୍ଡେନ୍ ହାଝାତାନମା ।”

୩୩ ଲାଗିଂ, ଜିସୁ ତାଙ୍ଗ୍ ଆରି ତା ଲାହାଙ୍ଗ୍ ଖାଜି ମାଚି ଜିହୁଦିରିଂ ଆଡ଼ବାନାକା ହୁଡ଼ଜି ଜିବୁନ୍ତାଂ ରାସ୍ ଇଚାନ, ଆରେ କାମାୟ ପୁରା କିନି କାଜିଂ ହିଜାଆଜି ଖେନ୍ବାତାନ,

୩୪ “ତାଙ୍ଗେଙ୍ଗ୍ ଇମେତାକେ ଇଡ଼ତାଦେଣ୍ଟା ?”

ହେଝାର ତାଙ୍ଗେଙ୍ଗ୍ ଇଚାଡ୍, “ମାପୁ ଖାଜି ହୁଡ଼ା ।”

୩୫ ଜିସୁ ଆଡ଼ବାତାନ ।

୩୬ ହେବେତା ଜିହୁଦିର ଇଚାର୍, “ହୁଡ଼ାଟ୍ ହେଖାନ ତାଙ୍ଗେଙ୍ଗ୍ ଇନେସ୍ ଜିଉନଜି ମାଚାନ ।”

୩୭ ମାତର ହେଖାର ବିତ୍ରେ ଇନେର ଇନେର ଇଚାର୍, “ଇ ଇମଣି ମାନାୟ୍ ହେ କାଣା କାଣ୍କୁ ସାକ୍ତି ହିଝାଦା ମାଚାନ କି ? ହେଖାନ ଇନାକା ଇଝାନ୍ତି ହାକି ପା ଜିପ୍ତେଙ୍ଗ୍ ଆଡ଼ଝାତାନମା ?”

**ଜିସୁ ଲାଜାରତି ହାକିତା ନିକ୍ତାନ**

୩୮ ହେବେତା ଜିସୁ ଆରେ ରଗ ଝାସ୍ତିତା ରିସା ଆଜି ଦୁଗେର କଚଣ୍ଡ ଝାତାନ, ହେଦା ରଞ୍ଜାଙ୍ଗ୍ ପାରା, ଆରେ ତା ମୁମ୍ଦ ରଞ୍ଜାଙ୍ଗ୍ କାଲ୍ ମାଚାଟ୍ ।

୩୯ ଜିସୁ ବଲ୍ ହିତାନ ଇ କାଲ୍ ଗୁଚାୟ୍ କିୟାଟ୍ । ହାତି ମାନାୟ୍ତି ତଣ୍ଡେହି,

ମାର୍ତୀ ତାଙ୍ଗେଙ୍ଗ୍ ଇଚାଟ୍, “ମାପୁ, ହେଖେନ୍ ଗାନ୍ଧାଆତାନେ, ଇନାକିଦେକି ହେଖେନ୍ ଚାରି ଦିନ୍ ଆତାଟ୍ ହାତାନେ ।”

୪୦ ଜିସୁ ତାଙ୍ଗେଙ୍ଗ୍ ଇଚାନ, “ଜଦି ଏନ୍ ପାତ କିନାୟା, ତା ଆତିସ୍ ଇସ୍ତ ଜାଜ୍ମାଲ୍ ହୁଡ଼ନାଦେର, ଇଦା ଇନାକା ଆନ୍ ମିଙ୍ଗେଙ୍ଗ୍ ଝେର୍ଝାତାଙ୍ଗ୍ ।”

୪୧ ହେବେତା ହେଖାର କାଲ୍ ନେକ୍ତାର୍ ଆରେ, ଜିସୁ ଜପି ହୁଡ଼ଜି ଇଚାନ, “ଆବା, ଏନ୍ ନା ପାର୍ତାନା ଝେଚାୟ୍ ଇଞ୍ଜି ଆନ୍ ନିଙ୍ଗେଙ୍ଗ୍ ଜୁଝାର୍ ହିଦ୍ନାଙ୍ଗା ।

୪୨ ଏନ୍ ଜେ ନିତ୍ରେ ନା ପାର୍ତାନା ଝେନ୍ଞି ମାନାୟା, ଇଦା ଆନ୍ ପୁଚାଙ୍ଗ୍ନା; ମାତର ଇମଣି ମାନାୟାର୍ ଚାରିବେଣ୍ଡା ନିଲ୍ତାଣ୍ଡା, ଏନ୍ ନାଙ୍ଗେଙ୍ଗ୍ ପକ୍ତାତାୟନା ଇଞ୍ଜି ହେଖାର ଇନେସ୍କି ପାତ କିଦ୍ନାର୍, ଇଦା ଲାଗି ହେଖାର କାଜି ଆନ୍ ଇଦା ଇନଚାଙ୍ଗ୍ ।”

୪୩ ଇଦା ଇତି ପାଚେ ହେଖାନ ଇଦା ଇଞ୍ଜି ଗାଜା କାଟ୍ତା ହିର୍ବାତାନ, “ଲାଜାର୍, ହସି ଝା ।”

୪୪ ହେଖାନ ହସି ଝାତାନ; ତା କେଇ ଆରି ପାନା ଦୁଗେର ହେନ୍ଧାତା ଗାଚ୍ୟା ଆଜି ମାଚାଟ୍, ଆରେ, ତା ମୁମ୍ଦ ଇଚୁକ୍ ତୁଝାଲ୍ ହୁର୍ପିସ୍ ମାଚାର୍ । ଜିସୁ ହେଖାରି ଇଚାନ, “ଇଝାନ୍ତି ଗାଚାକା ରିକ୍ତି ତାଙ୍ଗ୍ଜି ହାଞ୍ଜେଙ୍ଗ୍ ହିୟାଟ୍ ।”

**ଜିସୁତି ବିରୁଦ୍ତ କୁଟ୍**

(ମାତିଉ ୨୭:୧-୫; ମାର୍କ ୧୪:୧-୨; ଲୁକ ୨୨:୧-୨)

୪୫ ଆରେ, ଜିହୁଦିର ବିତ୍ରେ ଆଦେକ୍, ଇତିସ୍ ଇମ୍ଫାକାର୍ ମରିୟମ୍ କଚଣ୍ ଝାଜି ମାଚାର୍, ହେଖାର ଜିସୁତି କାରୁମ୍ ହୁଡ଼ଜି ମାଚାର୍, ଆରି ହେଖାର୍ ତାତାକେ ପାତ କିଚାର୍;

୪୬ ମାତର, ହେଖାର ବିତ୍ରେ ଇନେର ଇନେର ପାରୁସିର୍ କଚଣ୍ ହାଲ୍ଜି, ଜିସୁ ଇନାକା ଇନାକା କିଜି ମାଚାନ, ହେଞ୍ଜି ହେଖାରି ଜାଣାୟ୍ କିଚାର୍ ।

୪୭ ହେବେତା ମୁଡ୍ ମାପୁହେବାକିନାକାନ ଆରି ପାରୁସିର୍ ଗାଜା କୁଚୁମ୍ କୁକ୍ତି ଇଚାର୍, “ଆସେଙ୍ଗ୍ ଇନାକା କିତାସ୍ନା ? ଇ ମାନାୟ୍ ତ ଆଦିକ୍ କାବା କାମାୟ୍ କିନାନା ।

୪୮ ଜଦି ଆସେଙ୍ଗ୍ ହେଖାନି ଇ ଲାକେ ପିସ୍ତିହିନାସ୍, ତା ଆତିସ୍ ଝିଜାର୍ ତା ତାକେ ପାତ କିଚାର୍, ଆରେ ରମିୟର୍ ଝାଜି ମାଦା ଇ ମନ୍ଦିର୍ ଆରି ଜାତିତି ରି କୁଦାତି ନସ୍ କିଚାର୍ ।”

୪୯ ମାତର ହେଖାର ବିତ୍ରେ ହେ ବାହୁଁ କାଜି, ବାଚିକିୟା ଆଜି ମାଚି ମୁଡ୍ ମାପୁହେବାକିନାକାନ କୟାପା ଇଚାନ, “ଏପେଙ୍ଗ୍ ଏତେକ୍ ବକ୍ଝା ! ଏପେଙ୍ଗ୍ ଇଦା ବୁଜା ଆଉଦେରା;

୫୦ ଝିଜୁ ଜାତି ଝିଜୁଝାଦା ମାନାୟାର୍ ବିତ୍ରେ ରକାନ୍ ଜେ ହାନାକା ମି ପାକ୍ୟାତା ହାର୍, ଇଦା ପା ଏପେଙ୍ଗ୍ ବୁଜା ଆଉଦେରା ।”

୫୧ କୟାପା ଇଦା ନିଜେ ମାନ୍ତ ଇନ୍ଝାଦା ମାଚାନ ମାତର ହେଖାନ ହେ ବାହୁଁନି ମୁଡ୍ ମାପୁହେବାକିନାକାନ ଆଜି ମାଚିଲେ ଇ ବେଣ୍ଡାକ୍ଷାୟକିନାକାନ ତା ଝେଇଦା ଇଞ୍ଜି ମାଚାନ, ଜିସୁ ଝେର୍ଚି ମାଚାନ ଜେ ରାଜିନି ଜିହୁଦି ଜାତିନି ଇତିସ୍,

୫୨ ଆରେ କେବଲ୍ ହେ ଜାତି କାଜି ଆକାୟ୍, ମତର ଇସ୍ତ ଚିନ୍ଦିନ୍ ହିମ୍ଫାକା ପା ରୁଣ୍ଡାୟ୍ କିଜି ରବେ କିନି କାଜି ହାଦେ ହାନାନା, ଇଦା କାଜି ଇ ବେଣ୍ଡାକ୍ଷାୟକିନାକା ଇଚାନ ।

୫୩ ଲାଗି ହେ ନାଜିତା ଜିହୁଦି ନେତାର୍ ତାଙ୍ଗେଙ୍ଗ୍ ଅସ୍ତେଙ୍ଗ୍ ଇଞ୍ଜି କୁଟ୍ କିଚାର୍ ।

୫୪ ଲାଗି, ଜିସୁ ଜିହୁଦିର ବିତ୍ରେ ଆରେ ତିହାଆଝାଦା ବୁଲାଚାଲା ଆଝାତାନ, ମାତର ହେଖାନ ହେ ବାହାତା ହସିହାଲ୍ଜି ବାଗାନି କଚଣ୍ ମାନି ନିପ ଏପ୍ରିୟମ୍ ତର୍ଦି ର ବସ୍ତିତ ହାଚାନ, ଆରେ ହେଖେନ୍ ଚେଲାଟ୍ ଲାହାଙ୍ଗ୍ ହେବେ ମାନଗାତାନ ।

୫୫ ଜିହୁଦିତ “ନିସ୍ତାର୍” ପାରୁଁ ଲାଗେ ମାଚାଟ୍, ଆରେ ରାଜିତ ମାନି ମାନାୟ୍ ଆଦିକ୍ ଜାର୍ ଜାର୍ତି ସକଟ୍ କିନି କାଜି ନିସ୍ତାର୍ ପାରୁଁ ଆଗେ ଜିରୁସାଲମ୍ତ ହାଚାର୍ ।

୫୬ ହେବେତା ହେଖାର ଜିସୁଙ୍ଗ୍ ତେକୁ ତେକୁ ମନ୍ଦିରତ ନିଲ୍ଚି ମାନି ସମୁତ ରକାନ ଆରେ ରକାନି ଇଞ୍ଜେଙ୍ଗ୍ ଲାଗାତାର୍, “ଏପେଙ୍ଗ୍ ଇନାକା ମାନେ କିନାଦେରା ? ହେଖେନ୍ ପାରୁଁତି ଝାନାନ୍ କି ଆକାୟ୍ ?”

୫୭ ମୁତ୍ ମାପୁହେବାକିନାକାନ ଆରି ପାରୁସିର୍ ତାଙ୍ଗେଙ୍ ଆହ୍ନି କାଜିଂ ହେଖେନ୍ ଇମେତାକେ ମାନାନ୍, ଇଦାଂ ଜଦି ଇନେର୍ ପୁନାର୍, ହେଦାଂ ହପ୍ତେଂ ବଲ୍ ହିଜିମାଚାନ୍ ।

### ୧୨

#### ମରିୟମ୍ ଜିସୁଙ୍କ ଆସିର୍ବାଦ୍ (ମାତିଉ ୨୬:୬-୧୩; ମାର୍କ ୧୪:୩-୯)

୧ ଓସ୍ତ୍ରୀ ବିତ୍ରେ ନିସ୍ତାର୍ ପାରୁନି ରଥ ଦିନ୍ ଆଗେ ଜିସୁ ବେଦନିୟା ହାଚାନ୍; ଇମ୍ଣି ଲାଜାର୍ତିଂ ଜିସୁ ହାତାକାର୍ ବିତ୍ରେ ନିକ୍ତି ମାଚାନ୍, ହେଖେନ୍ ହେ ବାହାତ ମାଚାନ୍ ।

୨ ଲାଗିଂ ହେଖେର୍ ହେ କାଜିଂ ହେ ବାହାତ ର ନାଣାବଜି ଜାଲ୍ଦି କିତାର୍; ମାର୍ତା ହେବା ହିନାକା ଦାଇଡ୍ ମାଚାଡ୍, ଆରେ ଇମ୍ଣାକାର୍ ହେଖାର୍ ଲାହାଂ ତିନିହିଙ୍ କୁଚ୍ଚି ମାଚାର୍, ଲାଜାର୍ ହେଖାର୍ ବିତ୍ରେତାଂ ରକାନ୍ ମାଚାନ୍ ।

୩ ହେ ପାଦନା ମରିୟମ୍ ଆଦା ଲିଟର୍ ଆଦିକ୍ ଦାମ୍ନି ହାର୍ଦାକା ଜଟାମାଂସି ଚିକାଣ୍ ତାସ୍ ଜିସୁ ପାନାତ ହେଦାଂ ଖାକ୍ତାଡ୍ ଜାର୍ ତେମୁଲ୍ତାଂ ହେ ପାନା ନୁସ୍ତାଡ୍, ଆରେ ଚିକାଣ୍ ବାସ୍ନାତିଂ ଇଲ୍ ବାସ୍ନା ଆତାଡ୍ ।

୪ ମାତର୍ ଜିସୁ ଚେଲାହିର୍ ବିତ୍ରେ ଇସ୍ପାରିୟତିୟ ଜିହୁଦା ତର୍ଦାକାନ୍ ଇମ୍ଣି ଚେଲା, ଇନେନ୍ ତାଙ୍ଗେଙ୍ ସାତୁ କେଇଦ ସର୍ପି କିଦେଙ୍ ହାଲ୍ଜି ମାଚାନ୍, ହେଖାନ୍ ଇଚାନ୍,

୫ “ଇ ବାସ୍ନା ଚିକାଣ୍ ତିନ୍ସ ରୁପା ଟାକାଂ ପ୍ରସି ଇନେକିଦେଂ ହିଲାଖାକାରିଂ ହିୟାଆଖାତାଡ୍ ?”

୬ ହେଖାନ୍ ଜେ ହିଲ୍ଖାକାରିଂ କାଜିଂ ଚିନ୍ତା କିଜି ମାଚାନ୍ ଇଞ୍ଜି ଇଦାଂ ଇଚାନ୍, ହେଦାଂ ଆକାୟ୍, ମାତର୍ ହେଖାନ୍ ରକାନ୍ ଚର୍, ଆରେ ହେ କଚଣ୍ ତାରୁଙ୍ମଣା ମାଚିଲେ, ହେବେ ଇନା ଇନାକା ଇଡ୍ଜି ମାଚାକା, ହେଦାଂ ହେଖାନ୍ ଚର୍ କିଜି ଆଜି ମାଚାନ୍ ।

୭ ମାତର୍ ଜିସୁ ଇଚାନ୍, “ଇଦେଲିଂ ପିସ୍ତ୍ର ହିୟାଟ୍, ଇନେସ୍କି ନା ହାକି ଦିନ୍ କାଜିଂ ହେଦେଲ୍ ଇଦାଂ ଇଡ୍ଦେଂ ଆଡ୍ନାଡ୍ ।  
୮ କାକୁଲ୍ତିୟାର୍ ତ ସବୁ ନାଞ୍ଜିଙ୍ ମି କଚଣ୍ ମାନାର୍, ମତର୍ ଆନ୍ ସବୁ ନାଞ୍ଜିଙ୍ ମି କଚଣ୍ ମାନ୍‌କୁଙ୍ ।”

#### ଲାଜାର୍ ବିରୁଦ୍ଧ କୁଚ୍

୯ ଇବେତାଂ ବେସିହେନି ଜିହୁଦିର୍ ମାନାୟ୍ ହେଖାନ୍ ବେଦନ୍ୟାତ ମାନାନ୍ ଇଞ୍ଜି ପୁଞ୍ଜି କେବଲ୍ ଜିସୁ କାଜିଂ ଆକାୟ୍, ମତର୍ ଇମ୍ଣି ଲାଜାର୍ତିଂ ହେଖାନ୍ ହାତାକାର୍ ବିତ୍ରେ ନିକ୍ତି ମାଚାନ୍, ତାଙ୍ଗେଙ୍ ହୁଡ୍ନି କାଜିଂ ପା ଖାତାର୍ ।

୧୦ ହେବେ ଲାଜାର୍ତିଂ ପା ଅହ୍ନାସ୍ ଇଞ୍ଜି ମୁତ୍ ମାପୁହେବାକିନାକାନ ଖେଚ୍ପା ଆତାର୍,

୧୧ ଇନାକିଦେଂକି ହେଦାଂ କାଜିଂ ଜିହୁଦିର୍ ବିତ୍ରେତାଂ ଆଦିକ୍ ହେଖାରିଂ ମାନିକିଖାଦାଂ ମାଚାର୍ ଜିସୁ ତାକେ ପାତ୍ କିଜି ମାଚାର୍ ।

#### ଜିସୁ ଜିରୁସାଲମତ ହଣାକା

(ମାତିଉ ୨୧:୧-୧୧; ମାର୍କ ୧୧:୧-୧୧; ଲୁକ ୧୯:୨୮-୪୦)

୧୨ ତା ଆର୍କାଡ୍ ନାଜିଂ ନିସ୍ତାର୍ ପାରୁତିଂ ଖାଜି ମାତି ହେନି ମାନାୟାର୍ ଜିସୁ ଜିରୁସାଲମତ ଖାନାନା ଇଞ୍ଜି ଖେଚାର୍ ।

୧୩ ହେଦାଂ କାଜିଂ କାଜ୍ରି ତାଡ୍ ଆସ୍ତି ତାଙ୍ଗେଙ୍ ବେଟାଆନି କାଜିଂ ହସି ହାଚାର୍ “ଆରି ଗାଜା କାଟ୍ତାଂ ଇଞ୍ଜେଙ୍ ଲାଗାତାର୍, ହସାନ୍ନା ଇସ୍ପୁଚ୍ଚି ଦନ୍ୟବାଦ୍ କିୟାଟ୍ । ମାପୁ ତର୍ଦାଂ ଇନେର୍ ଖାନାରା, ହେଖାନ୍ ଦନ୍ୟ; ଦନ୍ୟ ଇସ୍ପାଏଲ୍‌ନି ରାଜା ।”

୧୪ ଆରେ, ଜିସୁ ର ଗଦହିମ୍ଣା ଜପି କୁଚ୍ଚି ଖାଜି ମାଚାନ୍, ଇଦାଂ ଦରମ୍ ସାସ୍ପୁଚ୍ଚି ଇନେସ୍ ଲେକା ଆତାଡ୍ନା,

୧୫ “ଏ ସିୟନ୍‌ନି ଗାଡ୍ ! ପାଣ୍ଡା ଆମା,

ହୁଡ୍ଡାଟ୍, ମି ରାଜା ଖାନାନା,

ହେଖାନ୍ ଗଦ ହିମ୍ଣା ଜପି କୁଚ୍ଚି ଖାନାନା ।”

୧୬ ହେ ଚେଲାହିର୍ ପର୍ତ୍ତମ୍ ଇ ଓଞ୍ଜୁ ବିସ୍ତେ ରୁଜା ଆଖାତାର୍, ମାତର୍ ଜିସୁ ଜାଜ୍‌ମାଲ୍ ପାୟା ଆତି ପାଚେ ଇ ଓଞ୍ଜୁ ବିସ୍ତେ ଜେ ହେ ବିସ୍ତେ ଲେକା ଆଜି ମାଚାଡ୍, ଆରେ ହେଦାଂ କାଜିଂ ହେଖାର୍ ଜେ ଇ ଓଞ୍ଜୁ କିଜି ମାଚାର୍, ହେଦାଂ ହେଖାର୍ ମାତ୍ର ଏତୁଖାତାଡ୍ ।

୧୭ ଆରେ, ହେଖାନ୍ ଲାଜାର୍ତିଂ ଦୁଗେଚ୍ଚାଂ ହିର୍ବିସ୍ ହାତାକାର୍ ବିତ୍ରେ ନିଙ୍ଗି ଖେଡାଲିଂ ଇମ୍ଣି ମାନାୟାର୍ ହେ ଲାହାଙ୍ ମାଚାର୍, ହେଖାର୍ ସାକି ହିଦେଂ ଲାଗାତାର୍ ।

୧୮ ଇଦାଂ କାଜିଂ ମାନାୟାର୍ ତାଙ୍ଗେଙ୍ ମିହାଆଦେଂ ହାଲ୍ଜି ମାଚାର୍, ଇନାକିଦେଂକି ହେଖାନ୍ ଇ କାବାଆନି କାମାୟ୍ କିତାନ୍ନା ଇଞ୍ଜି ହେଖାର୍ ଖେନ୍‌ଞ୍ଜି ମାଚାର୍ ।

୧୯ ହେବେତାଂ ପାରୁସିର୍ ହେଖେର୍ ହେଖାର୍ ଇନ୍‌ବା ଆତାର୍, “ହୁଡ୍ନାଦେରା ତ, ଆପେଂ ଇନା କିଦେଙ୍ ଆତୁପା ମା ଓଞ୍ଜାର୍ ସେସ୍ତା କାମାୟ୍ ଆଉତା; ହୁଡ୍ଡାଟ୍, ପୁତ୍ ଜାକ୍ ତା ପାଚେ ହାଚାତେ ।”

ଜିସୁଙ୍କ ଦାସତ୍ୱେ କେତେଜାଣି ଗ୍ରିକ୍ ମାନାୟ

୨୦ ପାର୍ଶୁ ସମୁତ ପ୍ରାର୍ଥନା କିନି କାଜିଂ ଖାଜି ମାନି ମାନାୟାର ବିତ୍ରେ କେତେକ୍ ଗ୍ରିକ୍ ମାନାୟାର ମାଚାର ।

୨୧ ହେଖାର ଗାଲିଲିନି ବେତ୍‌ସାଇଦାନିକାନ ପିଲିପ୍ ତାକେ ଖାଜି ତାଙ୍କ୍ ଗଞ୍ଜାରି କିଜି ଇଚାର, “ମାପୁ, ଜିସୁଙ୍କ୍ ହୁଡ୍‌ଦେଂ କାଜିଂ ମା ଇଚା ।”

୨୨ ପିଲିପିପ ହାଲୁଜି ଆହିୟଙ୍କ୍ ଇଚାନ, ଆରେ ଆହିୟ ଆରି ପିଲିପ୍ ହାଲୁଜି ଜିସୁଙ୍କ୍ ଖେଚ୍‌ଚାର ।

୨୩ ଜିସୁ ହେଖାରିଂ ଉତ୍‌ର ହିତାନ, “ମାନାୟ ମାଜି ଜାଜ୍‌ମାଲ୍ ପାୟା ଆନି କାଜିଂ ସମୁ ଏକାଞ୍ଚାତାତ୍ ।

୨୪ ହାଡ୍‌ପା ହାଡ୍‌ପା ମିଙ୍ଗେଙ୍କ୍ ଇଞ୍ଜନାଙ୍ଗା, ଗମ୍ ମାଞ୍ଜି ଜଦି ଚିକ୍‌ଲା ଆଜିଂ ହାଞ୍ଜିତିସ୍, ତା ଆତିସ୍ ହେଦାଂ ରଞ୍ଜି ମତ୍‌ର ମାନଗାନାତ୍ ମାତ୍‌ର ଜଦି ହାନାତ୍ ତା ଆତିସ୍ ଆଦିକ୍ ପାଡ୍ ଆହ୍‌ନାତ୍ ।

୨୫ ଇନେର୍ ଜାର୍ ଜିରୁନ୍‌ତିଂ ଜିଉ ଗିଆନ୍ କିନାନ୍ । ହେଖେନ୍ ହେଦାଂ ଆରାୟ କିନାନ୍, ଆରେ ଇନେର୍ ଜାର୍ ଜିରୁନ୍‌ତିଂ ଇ ପୁତ୍‌ ଚିଶ୍ କିନାନ୍, ହେଖାନ୍ ହେଦାଂ ଖିଜ୍‌ଖି ଜିରୁନ୍ କାଜିଂ ରାକ୍ୟା କିନାନ୍ ।

୨୬ ଇନେର୍ ଏଚେକାଡ୍‌ଦ ହେବା କାରିୟା, ଲାଗିଂ ହେଖାନ୍ ନା ଲାହାଙ୍କ୍ ଖାୟେନ୍; ଆରେ ଆନେଙ୍କ୍ ଇମେତାକେ ମାନଗାନାଙ୍କ୍, ନା ହେବା କାରିୟା ପା ହେବେ ମାନଗାନାନ୍; ଇନେର୍ ଏଚେକାଡ୍‌ଦ ନାଙ୍କ୍ ହେବା କିଦ୍‌ନାନ୍, ଲାଗିଂ ଆବା ହେଖାନିଂ ସସ୍ କିନାନ୍ ।”

ଜିସୁତି ସତ୍‌ ବେରଣ

୨୭ “ନଙ୍କ୍ ନା ଖାସ୍ତି ଦକ୍‌ଦକ୍ ଆଦ୍‌ନାତା, ଆରେ ଆନ୍ ଇନାକା କିନାଂ ? ବାଞ୍ଚା ନାଙ୍କ୍ ଇ ସମୁତାଂ ରାକ୍ୟା କିଦା ? ମାତ୍‌ର ଇଦାଂ କାଜିଂ ତ ଆନ୍ ଇ ସମୁ ବିତ୍ରେ ଖାତାଂନା ।

୨୮ ବାଞ୍ଚା, ଜାର୍ ତ୍‌ର ଜାଜ୍‌ମାଲ୍ କିୟା ।”

ହେବେଣ୍ଡାଂ ବାଦାଡ୍‌ତାଂ ଇ ବେରଣ୍ ଆତାଡ୍, “ଆନ୍ ହେଦାଂ ପାଶ୍ କିତାଂନା, ଆରେ ରଗ ପାଶ୍ କିନାପ୍ ।”

୨୯ ଲାଗିଂ ଲାଗେ ନିଲ୍‌ଚି ମାନି ଲକୁ ଇଦାଂ ଖେନ୍‌ଞ୍ଜି, ବାଦାଡ୍ ଗାର୍ଜା ଆତାଡ୍ ଇଞ୍ଜି ଇଚାର ବିନ୍ ଲଗୁ ଇଚାର, “ରଞ୍ଜାନ୍ ଦୁଡ୍ ଇଞ୍ଜାନିଂ ବେଶ୍ ଇଚାଙ୍କ୍‌ନା ।”

୩୦ ଜିସୁ ଉତ୍‌ର ହିତାନ, “ନା କାଜିଂ ଇ ବେରଣ୍ ଆଞ୍ଚାତାଡ୍‌ନା, ମତ୍‌ର ମି କାଜିଂ ଆତାଡ୍‌ନା ।

୩୧ ନଙ୍କ୍ ଇ ପୁତ୍‌ ଚି ବିଚାର୍ଣ୍ଣା ଏକାଞ୍ଚାତାତ୍; ନଙ୍କ୍ ଇ ପୁତ୍‌ ନି ମୁଡ୍‌ଦାକାର୍ ବାଡ୍ ତୁହିୟା ଆନାନ୍ ।

୩୨ ଆରେ, ଆନ୍ ଜଦି ପୁତ୍‌ ଚାଂ ଜପି ନିଙ୍‌ନାଂ, ତା ଆତିସ୍ ଖିଜାକାରିଂ ନିଜାର୍ ତାକେ ଜେଲ୍‌ନାଙ୍କ୍ ।”

୩୩ ହେଖାନ୍ ଇମଣି ବାନି ହାକି କିଦେଙ୍କ୍ ହାନାନା, ହେବେନି କାବୁଲ୍ ହିଜି ଇଦାଂ ଖେଚ୍‌ଚାନ ।

୩୪ ହେବେଣ୍ଡାଂ ମାନାୟାର ତାଙ୍କ୍ ଉତ୍‌ର ହିତାର, “କ୍ରିଷ୍ଟ୍ ସବୁ ଦିନ୍ କାଜିଂ ମାନାନ୍ ଇଞ୍ଜି ଆପେଂ ମସାତି ବିଦିତାଂ ଖେଚ୍‌ଚାପ୍‌ନା, ବାଟିଙ୍କ୍ ମାନାୟ ମାଜି ଆଞ୍ଜିତିସ୍ତା ଜପି ନିଂନାନ୍ ଇଞ୍ଜି ଏନ୍ ଇନେସ୍ ଇନାୟା ? ଇ ମାନାୟ ମାଜି ଇନେର୍ ?”

୩୫ ହେବେଣ୍ଡାଂ ଜିସୁ ହେଖାରିଂ ଇଚାନ, “ଆରେ ଅଲପ୍ ସମୁ ମତ୍‌ର ଅଜଡ୍‌ ମି ବିତ୍ରେ ମାନାଡ୍ । ମାଜ୍‌ଗା ଇନେସ୍ ମିଙ୍କ୍ ଚିଞ୍ଜିମେଡ୍, ଇଦାଂ କାଜିଂ ମି ତାକେ ଅଜଡ୍‌ ମାନୁ ମାନୁ ବୁଲ୍‌ବୁଲି କିୟାଟ୍; ଜେ ମାଜ୍‌ଗାତ ବୁଲ୍‌ବୁଲି କିନାନ୍, ହେଖାନ୍ ଇମେତାକେ ହାନାନା, ହେଦାଂ ହେଖାନ୍ ପୁନ୍‌ନୁନ୍ ।

୩୬ ଏପେଙ୍କ୍ ଇନେସ୍ ଅଜଡ୍‌ନି ହିମ୍‌ଣାଂ ଆଡ୍, ହେଦାଂ କାଜିଂ ଅଜଡ୍‌ ମି ତାକେ ମାନୁ ମାନୁ ଅଜଡ୍‌ତ ପାତ୍‌ କିୟାଟ୍ । ଜିସୁ ଇ ସବୁ କାତା ଇଞ୍ଜି ହାଚାନ ଆରି ହେଖାଚାଂ ଡ୍‌ଗୁଜି ମାଚାନ ।”

ମାନାୟାର ଜିସୁଙ୍କ୍ ପାତ୍‌ କିଞ୍ଚାକା

୩୭ ମାତ୍‌ର ହେଖାର ମୁମ୍‌ଦ ଇସ୍‌ବ୍ ଏଚେକ୍ କାବା କାମାୟ କିଜି ମାଚାନ, ଆତିସ୍‌ପା ହେଖାର୍ ହେଖାନ୍ ତାକେ ପାତ୍‌ କିଞ୍ଚାଦାଂ ମାଚାର,

୩୮ ଇନେସ୍‌କି ବେଶ୍‌ବାକ୍‌ଶାୟ କିନାକାନ୍ ଜିସାୟତି କାଜିଂ ଲେକାଆତି ଇ ବଚନ୍ ପୁରାଆନାଡ୍,

“ଏ ମାପୁ, ମା କାବୁର୍ ଖେନ୍‌ଞ୍ଜି ଇନେର୍ ପାତ୍‌ କିଚାର୍‌ନା ?

ଆରେ ଇନେର୍ ମାପୁତି ମାରା ତାକେ ହତାଡ୍‌ନା ?”

୩୯ ଇଦାଂ କାଜିଂ ଜିସାୟ ଆରେ ଇନାନ୍ନା,

ହେଖାର୍ ପାତ୍‌ କିଦେଙ୍କ୍ ଆଡ୍‌ଞ୍ଚାଦାଂ ମାଚାର, ଲାଗିଂ ଜିସାୟ ଆରେ ଇଚାଙ୍କ୍‌ନା,

୪୦ “ଜିସୁ ହେଖାଚ୍‌ଚି କାଶକୁ କାଶା କିତାନ୍‌ନା,

ଆରେ ହେଖାଚ୍‌ଚି ମାନ୍ ଆଟ୍‌ଞ୍ଚା କିତାନ୍‌ନା, ଇନେସ୍ ହେଖାର୍ କାଶକୁତାଂ ହୁଡ୍‌ଦେଂ ଆଡୁର୍

ଆରି ମାଡ୍‌ ବୁଜା ଆଦେଂ ଆଡୁର୍, ଆରେ ମାସ୍‌ଦି ଖାଉର୍,

ଆରେ ଆପେଂ ହେଖାରିଂ ଉଜ୍ କିଉପ୍ ।”

୪୧ ଜିସାୟ ଇ ସବୁ ଇଚାନ, ଇନାକିଦେଂକି ହେଖାନ୍ ହେ ଗାଜା ପାଶ୍ ହୁଡ୍‌ତାନ୍ ଆରେ ହେ ବିସ୍ତେ ଇଚାନ ।



୪୨ ଆତିସ୍ୟା ମୁତ୍ତଦାକାର ବିତ୍ତେ ପା ଆଦେକ୍ ତାତାକେ ପାତ୍ କିତାର୍, ମାତର୍ ଏଚେକାତ୍ତ୍ କୁରୁମ୍ ପାଗ୍ରି ଆନାର୍, ପାଶ୍ଚୁତ୍ ଇଦାଂ କାଜିଂ ପାରୁସିର୍ କାଜିଂ ହେଦାଂ ମାନିକିଞ୍ଜାଦାଂ ମାତାର୍,  
 ୪୩ ଇନାକିଦେଂକି ହେଞ୍ଜାର୍ ଇସ୍ୱରତାଂ ପାଶ୍ ବାଟା ଇଚିସ୍ ମାନାୟାରତାଂ ଜାଜ୍ମାଲ୍ ଜିଉ ନତାନ୍ ।

**ଜିସୁତି କାତାତାଂ ମାନାୟାରିଞ୍ଜ ବିଚାରକିନାତ୍**

୪୪ ଜିସୁ ଗାଜା କାଟ୍ତାଂ ଇଚାନ, “ଇନେର୍ ନା ତାକେ ପାତ୍ କିତାର୍, ହେଞ୍ଜାନ୍ କେବଲ୍ ନା ତାକେ ପାତ୍ କିଉନ୍, ମାତର୍ ନା ପଚ୍ଛିତି ହାଉକାରତାକେ ପାତ୍ କିତାର୍;

୪୫ ଆରେ, ଜେ ନାଞ୍ ହୁତ୍ତଦାତାନ୍ନା, ହେଞ୍ଜାନ୍ ନା ପଚ୍ଛିତି ହାଉକାରତିଂ ପା ହୁତ୍ତଦାନ୍ନା ।

୪୬ ଆନ୍ ପୁତ୍ ତାକେ ଅଜତ୍ ଆଜି ଖାତାଂନା, ଇନେର୍ ନା ତାକେ ପାତ୍ କିତାର୍, ହେଞ୍ଜାନ୍ ଇନେସ୍ ମାଜ୍ଗାତ ବାହା କିଉନ୍ ।

୪୭ ଇନେର୍ ଜଦି ନା ବଚନ୍ ଖେନ୍ଞି ମାନିକିଉନ୍, ତା ଆତିସ୍ ଆନ୍ ତାଦାଞ୍ ବିଚାର୍ କିଉଞ୍; ଇନାକିଦେଂକି ଆନ୍ ଜଗତ୍ତାକେ ବିଚାର୍ କିଦେଞ୍ ଖାଞ୍ଜାଦାଂ ଇଚିସ୍ ପୁତ୍ ଚିଂ ମୁଚ୍ଛି କିଦେଞ୍ ଖାତାଂନା ।

୪୮ ଜେ ନାଞ୍ ମୁନା କିଦନାର୍ ଆରି ନା ବଚନ୍ତିଂ ମାନିକିଉର୍, ନା ମୁମ୍ଦ ତା ବିଚାର୍ ଆନାତ୍; ଆନ୍ ଇମ୍ଣି ବଚନ୍ ଇଚାଞ୍ନା, ହେଦାଂ ହାରିହାରା ଦିତ୍ତ ହେଞ୍ଜାନ୍ତି ବିଚାର୍ଣ୍ଣା କିନାନ୍ ।

୪୯ ଇନାକିଦେଂକି ଆନ୍ ନା ତାକେଣ୍ଡାଂ ଜାର୍ ଆଦିକାର୍ ତାଞ୍ ଇନ୍ଞାତାଂନା, ମତର୍ ଆନ୍ ଇନାକା ଇନାଂ ଆରି ଇନାକା ହପ୍ନାଂ, ହେଦାଂ ନା ପଚ୍ଛିତି ହାଉକାର୍ ବାଞ୍ଜା ନାଞେଞ୍ ବଲ୍ ହିତ୍ତାନ୍ନା;

୫୦ ଇଚିସ୍ ଆନ୍ ପୁନାଞ୍ ହେ ବଲ୍ ଖିଜ୍ଞି ଜିବୁନ୍ ହିଦନାନ୍ ମାଞ୍ଜିଆବା ନାଞେଞ୍ ଇନାକା ଇଞେଞ୍ ବଲ୍ ହିତ୍ତାନ୍ନା କେବଲ୍ ଏଚେକ୍ ଆନ୍ ଇନାଞା ।”

**୧୩**

**ଜିସୁ ଚେଲାର୍ ପାନା ନୁଜ୍ଜି ହିତାନ୍**

୧ ନିସ୍ୱାର୍ ପାର୍ଣ୍ଣୁ ଆନି ଆଗେ ଜିସୁ ଇ ପୁତ୍ ତାଂ ଆବା ତାକେ ଜାର୍ ହାନି ସମ୍ପୁ ଏକାଞ୍ଜାତାକା ପୁଞ୍ଜି, ପୁତ୍ ମାନି ଜାର୍ନି ଇମ୍ଣି ମାନାୟାରିଂ ହେଞ୍ଜାନ୍ ଜିଉ ନଜି ଖାଜି ମାତାନ୍, ହେଞ୍ଜାର୍ କାଜିଂ ବେସି ଜିଉନତାନ୍ ।

୨ ଆରେ, ନାଣାବଜି ସମୁତ୍, ଏଚେକାତ୍ତ୍ ସୟତାନ୍ ସିମନ୍ତି ଇସ୍ପାରିୟତିୟ ମେହି ଜିହୁଦା ମାନ୍ତ ଜିସୁଞ୍ ସତ୍ତୁ କେଇଦ ହେଲ୍ଲୟ କିଦେଞ୍ କାଜିଂ କାବୁର୍ କିଜି ମାତାନ୍,

୩ ହେ ଏଚେକାତ୍ତ୍, ଆବା ଜେ ଖିଜ୍ କେଇଦ ଖିଜ୍ ବିସ୍ତେ ହେଲ୍ଲୟ କିତାନ୍ନା ଆରି ହେଞ୍ଜାନ୍ ଜେ ଇସ୍ୱରତାଂ ଖାତାନ୍ନା, ଆରେ ଇସ୍ୱର୍ ତାକେ ହାନାନା ଇଦାଂ ପୁଞ୍ଜି ମାତାନ୍,

୪ ଇଦାଂ ପୁଞ୍ଜି ହେଞ୍ଜାନ୍ ଚିଞେଞ୍ କୁଚ୍ଚି ତାକେଣ୍ଡାଂ ନିଞ୍ଜି ଜାର୍ ହେୟା ଉନ୍ଦି ର ତୁଆଲ୍ ଅଜି ଜାର୍ ମ୍ପେଞ୍ଜାତ ଗାତ୍ୟା ଆତାନ୍ ।

୫ ହେ ପାଚେ ହେଞ୍ଜାନ୍ ବାହାତ ଏଜ୍ ଖାକ୍ତାନ୍, ଆରେ ଚେଲାର୍ତି ପାନାଞ୍ ନୁସ୍ଜି ଜାର୍ ମ୍ପେଞ୍ଜାତ ଗାତ୍ୟା ଆଜି ମାତି ତୁଆଲ୍ ହୁଦାଂ ନେନ୍ଦେଂ ଲାଗାତାନ୍ ।

୬ ଜିସୁ ସିମନ୍ ପିତର୍ ତାକେ ଖାତାନ୍; ଇନେନ୍ ତାଞେଞ୍ ଇଚାନ୍, “ମାପୁ, ଏନ୍ ଇନାକା ନା ପାନା ନୁଜ୍ଜିତାଞନା ?”

୭ ଜିସୁ ତାଞେଞ୍ ଉତର୍ ହିତାନ୍, “ଆନ୍ ଇନାକା କିନାଞା, ହେଦାଂ ନଞ୍ ପୁନୁଦେର୍, ମାତର୍ ପାଚେ ବୁଜାନାଦେର୍ ।”

୮ ପିତର୍ ହେଞ୍ଜାନ୍ ଇଚାନ୍, “ଏନ୍ ମୁତ୍ତକେ ଇନାଞାତାଂ ପା ନା ପାନା ନୁଜ୍ଜି ହିଦୁୟ ।” ଜିସୁ ତାଞେଞ୍ ଉତର୍ ହିତାନ୍, “ଜଦି ଆନ୍ ମିଞ୍ ନୁସ୍ଦିଞ୍ଚିସ୍, ତା ଆତିସ୍ ନା ହୁକେ ମିଦାଞ୍ ଇନାକା ବାଗ୍ ହିଲୁତ୍ ।”

୯ ସିମନ୍ ପିତର୍ ତାଞେଞ୍ ଇଚାନ୍, “ମାପୁ, କେବଲ୍ ନା ପାନା ଆକାୟ୍, ମତର୍ ନାଦାଂ କେଇ ଆରି କାପ୍ତା ପା ।”

୧୦ ଜିସୁ ତାଞ୍ ଇଚାନ୍, “ଇନେନ୍ ଇବାତାନ୍ନା, ହେଞ୍ଜାନ୍ତି ପାନା ନୁସ୍ଦି ପିସ୍ତି ଆରେ ଇନାକା ଲଡା ଆକାୟ୍, ହେଞ୍ଜାନ୍ ହାତେ ସକଟ୍; ଏପେଞ୍ ସକଟ୍ କାଦେର୍, ମାତର୍ କେବଲ୍ ରକାନ୍ ଆକାୟ୍ ।”

୧୧ ଇନାକିଦେଂକି ଇନେର୍ ତାଞ୍ ସତ୍ତୁ କେଇଦ ହେଲ୍ଲୟ କିନାନ୍, ଜିସୁ ହେଞ୍ଜାନ୍ ପୁଞ୍ଜି ମାତାନ୍; ପାଚେ ହେଞ୍ଜାନ୍ ଇଚାନ୍, “ଏପେଞ୍ ରଞ୍ଜାନ୍ ପିସ୍ତି ଖିଜାକାଦେର୍ ସକଟ୍ ।”

୧୨ ହେ ପାଚେ ଜିସୁ ହେଞ୍ଜାର୍ତି ପାନା ନୁଜ୍ଜି ହିଜି ଜାର୍ ହେୟା ଉସ୍ପିସ୍ ଆରେ ରଗ ଜାର୍ ଗାଦିତ କୁଚ୍ଚି ପାଚେ ହେଞ୍ଜାରିଂ ଖେନ୍ଦାତାନ୍, “ଆନ୍ ମି କାଜିଂ ଇନାକା କିତାଂନା, ହେଦାଂକି ଏପେଞ୍ ବୁଜା ଆତାଦେଣ୍ଣା ?”

୧୩ “ଏପେଞ୍ ନାଞେଞ୍ ଗୁରୁ ଆରି ମାପୁ ଇଞ୍ଜି କୁଞ୍ଜାନାଦେରା, ଆରେ ହାତ୍ପା ଇନାଦେରା; ଇନାକିଦେଂକି ଆନ୍ତ ହେଞ୍ଜାଞ୍ ।”

୧୪ ଆରେ, ମାପୁ ଆରି ଗୁରୁ ଜେ ମିଞ୍ଜାଞ୍ ଆନ୍, ଆନ୍ ଜଦି ମିଞ୍ଜାଞ୍ ପାନା ନୁଜ୍ଜି ହିତ୍ତାଂନା, ତେବେ ମିଦାଞ୍ ପା ରକାନ୍ ଆରେ ରକାନ୍ତି ପାନା ନୁସ୍ନାକା ଲଡା ।

୧୫ ଇନାକିଦେଂକି ମି କାଜିଂ ଆନ୍ ଇନେସ୍ କିତାଂନା, ଏପେଞ୍ ପା ହେ ଲାକେ କିୟାଟ୍, ଇଦାଂ କାଜିଂ ଆନ୍ ମିଞେଞ୍ ର ଉତର୍ମୁତ୍ ଚଚ୍ଚାତାଂନା ।

୧୬ ହାତ୍ତପା ହାତ୍ତପା ଆନ୍ ମିଙ୍ଗେଙ୍ଗ ଇଞ୍ଜନାଙ୍ଗା, ଆଡିଏନ୍ ଜାର୍ ହାଉକାର୍ତା ଆଦେକ୍ ମୁଡ଼ଦାକାନ୍ ଆକାୟ୍, ଆଞ୍ଜିତିସ୍ ପକ୍ୟାତାକାର୍ ଜାର୍ ପକ୍ତାକାନ୍ତା ମୁଡ଼ଦାକାନ୍ ଆକାୟ୍ ।

୧୭ ନଙ୍ଗ୍ ଏପେଙ୍ଗ୍ ଇ ସଡ଼ ପୁଟାଦେରୁତି, ତେବେ ହେ ଲାକେ କିତିସ୍ ଏପେଙ୍ଗ୍ ଦନ୍ୟ ।

୧୮ “ଆନ୍ ମିଙ୍ଗ୍ ଝିଜାକାର୍ ବିସ୍ତେ ଆନ୍ ଇ କାତା ଇଞ୍ଜୁଙ୍ଗା; ଆନ୍ ଇମଣାକାରିଂ ବାଟି କିତାଙ୍ଗନା, ହେଝାରିଂ ଆନ୍ ପୁନାଙ୍ଗ୍ ମାତର ସାସ୍ତୁରନ୍ ଇ ବଚନ୍ ହାତ୍ତପା ସଡ଼ ଆନାଡ଼ । ହେବେ ଏଲେଙ୍ଗ୍ ଗିଟାନାତା, ଇନେନ୍ ନା ଆରାଣ୍ ତିନାନ୍, ହେଝାନ୍ ନା ବିରୁଦ୍ଦତ ଲାଡ଼ ତଗ୍ନାନ୍ ।

୧୯ ହେଦାଂ ଗିଟାନି ସମୁତ, ଆନ୍ ହେଝାନ୍ନେ ଇଞ୍ଜି ଏପେଙ୍ଗ୍ ଇନେସ୍ ପାତ୍ କିନାଦେର, ଇଦାଂ କାଜିଂ ହେଦାଂ ଗିଟାଆନି ଆଗେ ଆନ୍ ନଙ୍ଗ୍ ମିଙ୍ଗ୍ ଝେଡ଼ଚାନାଙ୍ଗା ଆନ୍ ଜେ ହେଝାଙ୍ଗ୍ ।

୨୦ ହାତ୍ତପା ହାତ୍ତପା ଆନ୍ ମିଙ୍ଗ୍ ଝେଡ଼ଚାନାଙ୍ଗା, ଇନେର ନା ପକ୍ତି ଲଗାଂ ଇଚ୍ଚନାର୍, ହେଝାର୍ ନାଙ୍ଗ୍ ଇଡ଼ଦାନାର୍ ଆରି ଇନେର ନାଙ୍ଗ୍ ଇଡ଼ଦାନାର୍, ହେଝାନ୍ ନାଙ୍ଗ୍ ପକ୍ତି ହାଉକାର୍ତିଂ ଇଚ୍ଚନାର୍ ।”

**ବିସାସ୍ତାକେ ବିସ୍ତହିନାକା ବିସ୍ତେ ଜିସୁ ପୁଚାନ୍**

(ମାତିଉ ୨୭:୨୦-୨୫; ମାର୍କ ୧୪:୧୭-୨୧; ଲୁକ ୨୨:୨୧-୨୩)

୨୧ ଜିସୁ ଇ ଝିଜୁ କାତା ଝେଡ଼ଚି ପାଚେ ଜିବୁଡ଼ ଦୁକ୍ କିତାନ୍ ଆରି ଚଞ୍ଜିୟାଆଜି ସାକି ହିଜି ଇଚାନ୍, “ହାତ୍ତପା ହାତ୍ତପା ଆନ୍ ମିଙ୍ଗ୍ ଇଞ୍ଜନାଙ୍ଗା, ମି ବିତ୍ରେ ରକାନ୍ ନାଙ୍ଗ୍ ସଡ଼ କେଇଦ ହେଲାୟ୍ କିଦନାନ୍ ।”

୨୨ ଜିସୁ ହେ ବିସ୍ତେ ଝେଡ଼ଚାନ୍, ହେ ବିସ୍ତେ ବୁଦି ବାମ୍ବଣ୍ଡା ଆଜି ଚେଲାର୍ ହାରି ହୁଡ଼କାଆଦେଂ ଲାଗାତାର୍ ।

୨୩ ଜିସୁ ଚେଲାର୍ ବିତ୍ରେ ରଝାନ୍ ଇନେରିଂ ଜିସୁ ଜିଉନଜି ମାଚାନ୍ ହେଝାନ୍ ଜିସୁ ତିନାବାଗାଂ କୁଚ୍ଚି ତିନଜି ମାଚାନ୍ ।

୨୪ ଇଚିସ୍ ସିମନ୍ ପିତର ହେଝାନିଂ ଚଚ୍ଚି କିଜି ଇଚାନ୍, “ହେଝାନ୍ ଇନେର କାତା ଇନାନ୍ନା, ହେଦାଂ ଝେନ୍ଦବାଚ୍ ।”

୨୫ ହେଝାନ୍ ହେ ଲାକେ କୁଚ୍ଚି ମାନ୍ଞି ଜିସୁ ନେଞ୍ଜେତାକିତ ଇଡ଼ିୟା ଆଜି ତାଙ୍ଗ୍ ଝେନ୍ଦବାତାନ୍, “ମାପୁ, ହେଝାନ୍ ଇନେର ?”

୨୬ ଲାଗିଂ ଜିସୁ ଉତର ହିତାନ୍, “ଇନେର କାଜିଂ ଆନ୍ ଇ ରୁଚି ରଞ୍ଜି କୁକନାଂ ଆରି ଇନେରିଂ ହେଦାଂ ହିନାଂ, ହେଝାନ୍ ।” ହେବେ ହେଝାନ୍ ହେ ରୁଚିଂ କୁକଚି ହେଦାଂ ଅଜି ସିମନ୍ ଇସ୍ତାରିୟତିୟ ମେହି ଜିହୁଦାଙ୍ଗ୍ ହିତାନ୍ ।

୨୭ ହେଝାନ୍ ରୁଚି ପାୟା ଆତି ପାଚେ ସୟତାନ୍ ତାଙ୍ଗ୍ ବିତ୍ରେ ହଟାଡ଼ । ହେବେ ଜିସୁ ତାଙ୍ଗ୍ ଇଚାନ୍, “ଇନାକା କିନାକା ମାନାଡ଼, ହେଦାଂ ବେଗି କିୟା ।”

୨୮ ମାତର ହେଝାନ୍ ତା ଇଦାଂ ଇନାକିଦେଂ ଇଚାନ୍ ତାଙ୍ଗ୍ ଇ କାତା ଇଞ୍ଜି ମାଚାନ୍, ହେଦାଂ ତିଞ୍ଜେଙ୍ଗ୍ କୁଚ୍ଚି ମାଚି ଲକୁ ବିତ୍ରେ ଇନେର ପୁନ୍ଝାତାର୍ ।

୨୯ ଇନାକିଦେଂକି ଜିହୁଦା ତାକେ ତାରୁଙ୍ଗମଣା ମାଚିଲେ, ପାରୁଂ କାଜିଂ ଇନା ଇନାକା ଲଡ଼ା, ହେଦାଂ କଡ଼ଦେଂ ଆଞ୍ଜିତିସ୍ ଅକ୍ ତାରିଂ ଅଲପ୍ ଦାନ୍ ହିଦେଂ ଜିସୁ ତାଙ୍ଗ୍ ଇଚାନ୍ ଇଞ୍ଜି ଇନେ ଇନେର ବାବି କିତାର୍ ।

୩୦ ତା ପାଚେ ଇସ୍ତାରିୟତିୟ ହେଝାନ୍ ରୁଚି ତିନଞ୍ଜି ହେଝାନ୍ ହେ ସାଙ୍ଗେ ହସି ହାଚାନ୍, ହେ ଏଚେକାଡ଼ଦ ନାଶା ସମୁ ।

**ଜିସୁଚି ପୁନି ବଲ୍**

୩୧ ହେଝାନ୍ ହସି ହାଚି ପାଚେ ଜିସୁ ଇଚାନ୍, “ନଙ୍ଗ୍ ମାନାୟ୍ ମାଜି ଜାଜ୍ମାଲ୍ ପାୟା ଆତାନ୍ ଆରି ତା ତାକେ ଇସ୍ତର ପା ପାଦ୍ପାୟାଆତାନ୍ ।

୩୨ ଜଦି ଇସ୍ତର ତା ତାକେ ପାଦ୍ପାୟାଆତିସ୍, ତେବେ ଇସ୍ତର ପା ତାଙ୍ଗେଙ୍ଗ୍ ଜାର୍ତାକେ ପାଦ୍ ପାୟାନାକା କିନାନ୍, ଆରେ ବେଗି ହେଝାନିଂ ଜାଜ୍ମାଲ୍ କିନାନ୍ ।”

୩୩ ଝିଜୁ ଇଚାନ୍ “ଏ ବପାର୍,” ଆନ୍ ଆରେ ଅଲପ୍ ସମୁ ମି ହୁକେ ମାନାଂ । ଏପେଙ୍ଗ୍ ନାଙ୍ଗ୍ ଡେଲ୍ଲାନାଦେର; ଆରେ, ଆନ୍ ଇମଣି ବାହାତ ହାନାଙ୍ଗା, ଏପେଙ୍ଗ୍ ହେ ବାହାତ ହାଞ୍ଜେଙ୍ଗ୍ ଆଡୁଦେର, ଇଦାଂ ଆନ୍ ଇନେସ୍ ଜିହୁଦି ନେତାର୍ ଇଚାର୍, ହେ ଲାକେ ନଙ୍ଗ୍ ଏପେଙ୍ଗ୍ ପା ଇନାଦେରା ।

୩୪ “ଏପେଙ୍ଗ୍ ରକାନ୍ ଆରେ ରକାନିଂ ଜିଉନଝାଚ୍, ଇ ପୁନି ବଲ୍ ଆନ୍ ମିଙ୍ଗ୍ ହିଦନାଙ୍ଗା; ଆନ୍ ଇନେସ୍ ମିଙ୍ଗ୍ ଜିଉ ନଡ଼ତାଂନା, ଏପେଙ୍ଗ୍ ପା ହେ ଲାକେ ରକାନ୍ ଆରେ ରକାନିଂ ଜିଉନନାକା ମାନାଡ଼ ।

୩୫ ଜଦି ମିଦାଙ୍ଗ୍ ରକାନ୍ ଆରେ ରକାନ୍ ତାକେ ଜିଉନବାନାକା ମାଚିସ୍, ତା ଆତିସ୍ ଏପେଙ୍ଗ୍ ଜେ ନା ଚେଲା, ଇଦାଂ ଝିଜାକାର୍ ହେଦାଂ ପୁଞ୍ଜେଙ୍ଗ୍ ଆଡ଼ନାର୍ ।”

**ପିତର ପାତ୍ କିଞ୍ଜି ବିସ୍ତେ**

(ମାତିଉ ୨୭:୩୧-୩୫; ମାର୍କ ୧୪:୨୭-୩୧; ଲୁକ ୨୨:୩୧-୩୪)

୩୬ ସିମନ୍ ପିତର ତାଂ ଝେନ୍ଦବାତାନ୍, “ମାପୁ, ଏନ୍ ଇମେତାକେ ହାନାୟା ?” ଜିସୁ ଉତର ହିତାନ୍, “ଆନ୍ ଇମେତାକେ ହାନାଙ୍ଗା, ଏପେଙ୍ଗ୍ ନଙ୍ଗ୍ ନା ପାଚେ ପାଚେ ହାଞ୍ଜେଙ୍ଗ୍ ଆଡୁଦେର ? ଆନ୍ ନି କାଜିଂ ଜାର୍ ଜିବୁନ୍ ହିନାଙ୍ଗ୍ ।”

☆ ୧୩:୧୭ ମାତିଉ ୧୦:୨୪; ଲୁକ ୬:୪୦; ଜହନ୍ ୧୫:୨୦. ☆ ୧୩:୨୦ ମାତିଉ ୧୦:୪୦; ମାର୍କ ୯:୩୭; ଲୁକ ୯:୪୮; ୧୦:୧୭. ☆ ୧୩:୩୩ ଜହନ୍ ୭:୩୪.

୩୭ ପିତର ହେୱାନିଂ ଖେନ୍‌ବାତାନ୍, “ମାପୁ, ଆନ୍ ନଙ୍ଗ୍ ଇନେକିଦେଂ ନି ପାଚେ ପାଚେ ହାଞ୍ଜେଙ୍ଗ୍ ଆଡୁଙ୍ଗ୍ ? ଆନ୍ ନି କାଜିଂ ଜାର୍ ଜିରୁନ୍ ହିଦେଂ ଆଡୁନାଂ ।”

୩୮ ଜିସୁ ଉତର ହିତାନ୍, “ଏନ୍ ଇନାକା ନା କାଜିଂ ଜାର୍ ଜିରୁନ୍ ହିନାୟ୍ ? ହାଡ଼ପା ହାଡ଼ପା ଆନ୍ ନିଙ୍ଗେଙ୍ଗ୍ ଖେଚ୍‌ଚାନାଙ୍ଗା, ଗାଞ୍ଜା କୁକୁ କ୍ଲେନିହିଂ ଏନ୍ ନାଙ୍ଗ୍ ତିନିହର୍ ପାଚି କିଦୁୟ୍ ।”

### ୧୪

#### ଇସ୍ତର ନେ ହାଜି .

୧ “ମି ମାନ୍ ବିଲକି ଆମେଡ଼, ଏପେଙ୍ଗ୍ ଇସ୍ତର ତାକେ ପାଚି କିୟାଟ୍, ନା ତାକେ ପା ପାଚି କିୟାଟ୍ ।”

୨ ନା ଆବାର୍ ଇଞ୍ଜ ଜବର୍ ବାହାଂ ମାନିଂ; ଜଦି ହଲ୍‌ଝିତିସ୍, ତା ଆତିସ୍ ଆନ୍ ମିଙ୍ଗେଙ୍ଗ୍ ଖେଚ୍‌ଚାତାଂମା, ଆନ୍ ମି କାଜିଂ ବାହା ଜାଲ୍‌ଦି କିଦେଙ୍ଗ୍ ହାନାଙ୍ଗା;

୩ ଆରେ, ଆନ୍ ହାଲ୍‌ଜି ମି କାଜିଂ ବାହା ଜାଲ୍‌ଦି କିତିସ୍ ଆରେ ରଗ ଖାନାଙ୍ଗ୍, ଆରେ ଆନ୍ ଇମ୍‌ଣି ବାହାତ ମାନାଂ, ଏପେଙ୍ଗ୍ ପା ଇନେସ୍ ହେ ବାହାତ ମାନାଦେର୍, ହେଦାଂ କାଜିଂ ମିଙ୍ଗ୍ ଜାର୍‌ତାକେ ଅଜି ହାଞ୍ଜିନାଂ ।

୪ ଆରେ, ଆନ୍ ଇମ୍‌ଣି ବାହାତ ହାନାଙ୍ଗା, ହେ ହାଜି ଏପେଙ୍ଗ୍ ପୁନାଦେର୍ ।

୫ ତମା ଜିସୁଙ୍ଗ୍ ଖେନ୍‌ବାତାନ୍, “ମାପୁ, ଏନ୍ ଇମ୍‌ଣି ବାହାତ ହାନାୟା, ହେଦାଂ ଆପେଂ ପୁନୁପ; ହାଜି ଇନେସ୍ ପୁଞ୍ଜେଙ୍ଗ୍ ଆଡୁନାପ୍ ?”

୬ ଜିସୁ ତାଙ୍ଗ୍ ଇଚାନ୍, “ଆନ୍ ହାଜି, ହାଡ଼ପା ଆରି ଜିରୁନ୍; ନା ହିଜି ହାଲ୍‌ଝିତିସ୍ ଇନେର୍ ଆବା ତାକେ ହାଲ୍‌ଜି ।

୭ ଜଦି ଏପେଙ୍ଗ୍ ନାଙ୍ଗ୍ ପୁଞ୍ଜିମାଞ୍ଜିସ୍, ତା ଆତିସ୍ ନା ଆବାଂ ପା ପୁଚାଦେର୍ମା; ନଙ୍ଗ୍ ତାଙ୍ଗ୍ ତାଙ୍ଗେଙ୍ଗ୍ ପୁନାଦେରା ଆରି ତାଙ୍ଗ୍ ହୁଡ଼ତାଦେର୍ଣ୍ଣା ।”

୮ ପିଲିପ୍ ଜିସୁଙ୍ଗ୍ ଇଚାନ୍, “ମାପୁ, ମାଙ୍ଗେଙ୍ଗ୍ ଆବାଂ ଚଞ୍ଜିୟା ଆୟିକିଦା, ହେଦାଂ ମା କାଜିଂ ସାରି ।”

୯ ଜିସୁ ହେୱାନିଂ ଇଚାନ୍, “ପିଲିପ୍, ଏଚେକ୍ ଦିନ୍ ଆନ୍ ମି ହୁଦାଂ ମାନାଙ୍ଗା, ଆରେ ଏନ୍ ଇନାକା ନାଙ୍ଗ୍ ପୁଞ୍ଜିତାଦେର୍ ? ଇନେର୍ ନାଙ୍ଗ୍ ହୁଡ଼ତାତାର୍‌ନା, ହେୱାନ୍ ଆବାଂ ହୁଡ଼ତାନ୍‌ନା; ମାଙ୍ଗେଙ୍ଗ୍ ଆବାଂ ଚତିକିଦା ଇଞ୍ଜି ଏପେଙ୍ଗ୍ ଇନେସ୍ ଇନାଦେରା ?

୧୦ ଆନ୍ ଜେ ଆବା ତାକେ ମାନାଂ ଆରି ଆବା ନା ତାକେ ମାନାନ୍, ଇ କାତା ଇନାକା ପାଚି କିଉଦେରା ? ଆନ୍ ମିଙ୍ଗ୍ ଜେ ଝିକୁ ବଚନ୍ ଇନାଟ୍,” ହେ ସବୁ ନା ଜାର୍‌ତାଂ ଇନୁଙ୍ଗ୍, “ମାତର୍ ଆବା ନା ତାକେ ମାନ୍‌ଞ୍ଜି ଜାର୍ କାମାୟ୍ କିନାନା ।

୧୧ ଆନ୍ ଜେ ଆବା ତାକେ ମାନାଂ ଆରି ଆବା ଜେ ନା ତାକେ ମାନାନ୍, ନା ଇ କାତା ପାଚି କିୟାଟ୍, ଆଞ୍ଜିତିସ୍ ନା କାମାୟ୍ ହୁଡ଼ଜି ପାଚି କିୟାଟ୍ ।

୧୨ ହାଡ଼ପା ହାଡ଼ପା ଆନ୍ ମିଙ୍ଗ୍ ଇଞ୍ଜିନାଙ୍ଗା, ନା ତାକେ ଇନେର୍ ପାଚି କିତାର୍, ଆନ୍ ଇମ୍‌ଣି ଇମ୍‌ଣି କାମାୟ୍ କିନାଙ୍ଗା, ହେୱାନ୍ ପା ହେ ସବୁ କିନାନ୍, ଆରେ ହେ ସବୁ ବାଟା ଆଦିକ୍ ଗାଜା କାମାୟ୍ କିନାନ୍, ଇନାକିଦେଂକି ଆନ୍ ଆବା ତାକେ ହାନାଙ୍ଗା ।

୧୩ ଆରେ, ଆବା ଇନେସ୍ ମାଜି ତାଙ୍ଗ୍ ଜାଜ୍‌ମାଲ୍ ପାୟା ଆନାନ୍, ଇଦାଂ କାଜିଂ ଏପେଙ୍ଗ୍ ନା ତର୍‌ଦ ଇନାକା ପା ଏଞ୍ଜିତିସ୍, ହେଦାଂ ଆନ୍ ହିଦ୍‌ନାଂ ।

୧୪ ଜଦି ଏପେଙ୍ଗ୍ ନା ତର୍‌ଦ ଇନାକାପା ବିସ୍ତେ ନାଙ୍ଗ୍ ଏତ୍ରାନାଦେର୍, ଆନ୍ ହେଦାଂ କିନାଙ୍ଗା ।”

#### ପୁଇପୁୟା ଜିରୁନ୍ ଦାନି ବେଣିହିନାକା

୧୫ “ଜଦି ଏପେଙ୍ଗ୍ ନାଙ୍ଗ୍ ଜିଉନଦ୍‌ନାଦେର୍, ତା ଆତିସ୍ ନା ବଲ୍ ସବୁ ମାନିକିନାଦେର୍ ।

୧୬ ଆରେ, ଆନ୍ ଆବାଂ ଗଞ୍ଜାରି କିନାଂ, ଆରେ ମି ହୁଦାଂ ସବୁ ଦାନ୍ ମାନି କାଜିଂ ହେୱାନ୍ ମିଙ୍ଗ୍ ଆରେ ରକାନ୍ ଉପକାର୍ କିଦ୍‌ନାକାନିଂ ହିଦ୍‌ନାନ୍,

୧୭ ହେୱାନ୍ ଆନାନା ହାଡ଼ପାନି ଜିରୁନ୍‌ହିଦ୍‌ନାନ୍ । ପୁତ୍ ତାଙ୍ଗ୍ ଇଡ଼ଦେଂ ଆଡୁଡ଼, ଇନାକିଦେଂକି ପୁତ୍ ତାଙ୍ଗ୍ ହୁଡ଼ତୁ କି ପୁନୁଡ଼; ମାତର୍ ଏପେଙ୍ଗ୍ ତାଙ୍ଗ୍ ପୁନାଟ୍, ଇନାକିଦେଂକି ହେୱାନ୍ ମି ହୁକେ ମାନ୍‌ଗାନାନ୍, ଆରେ ହେୱାନ୍ ମି ଖାସ୍ତିତ ମାନ୍‌ଗାନାନ୍ ।”

୧୮ “ଆନ୍ ହାତି ପାଚେ ମିଙ୍ଗ୍ ଚୁରା ହିମ୍‌ଣା କିଜି ପିସ୍ତି ହାଞ୍ଜୁଙ୍ଗ୍, ଆନ୍ ମି ତାକେ ମାସ୍‌ଦି ଖାନାଙ୍ଗ୍ ।

୧୯ ଅଲପ୍ ମାତର୍ ସମୁ ମାନାଟ୍, ପୁତ୍ ନାଙ୍ଗ୍ ଆରେ ହୁଡ଼ଦୁଡ଼; ମତର୍ ଏପେଙ୍ଗ୍ ନାଙ୍ଗ୍ ହୁଡ଼ଦାନାଦେର୍, ଇନାକିଦେଂକି ଆନ୍ ଜିତାକାଂ, ଏପେଙ୍ଗ୍ ପା ଜିତାକାଦେର୍ ମାନାଦେର୍ ।

୨୦ ଆନ୍ ଜେ ନା ଆବା ତାକେ ଆରେ ଏପେଙ୍ଗ୍ ଜେ ନା ତାକେ ଆରି ଆନ୍ ମି ତାକେ ମାନାଂ, ଇଦାଂ ହେ ଦିନ୍ ଖାତିସ୍ ଏପେଙ୍ଗ୍ ପୁନାଦେର୍ ।”

୨୧ “ଇନେର୍ ନା ବଲ୍ ସବୁ ଖେନ୍‌ଞ୍ଜି ମାନିକିନାର୍, ହେୱାନ୍ ନାଙ୍ଗ୍ ଜିଉ ନଦ୍‌ନାନ୍, ଆରେ ଇନେର୍ ନାଙ୍ଗେଙ୍ଗ୍ ଜିଉ ନଦ୍‌ନାନ୍, ନା ବାଞ୍ଜା ତାଙ୍ଗ୍ ଜିଉ ନନାନ୍, ଆରେ ଆନ୍ ହେୱାନିଂ ଜିଉ ନନାଂ ଆରି ତା ଲାଗାଂ ଜାର୍‌ତିଂ ହପ୍‌ନାଙ୍ଗା ।”

୨୨ ଜିହୁଦା, ଇସ୍ତାରିୟତିୟ ଜିହୁଦା ହିଲ୍‌ଖାତାନ୍ ହେୱାନିଂ ଖେନ୍‌ବାତାନ୍, “ଏ ମାପୁ, ଇଦାଂ ଇନେସ୍ ଆନାଡ୍ ? ଜାର୍‌ତିଂ ପୁତ୍ ତାକେ ଖେର୍‌ୟାଖାଦାଂ ମା ତାକେ ଇନେସ୍ ହପ୍‌ନାଦେର୍ ?”

୨୩ ଜିସୁ ହେୱାନିଂ ଉତର୍ ହିତାନ୍, “ଜଦି ଇନେର୍ ନାଙ୍ ଜିଉନଦ୍‌ନାନ୍, ତା ଆତିସ୍ ହେୱାନ ନା ବଚନ୍ ମାନିକିନାନ୍, ଆରେ ନା ଆବା ହେୱାନିଂ ଜିଉ ନନାନ୍, ଆରେ ଆପେଂ ହେ କରଣ୍ ଖାଜି ଆବା ଆରି ଆନ୍ ବାହା କିନାପ୍ ।

୨୪ ଇନେର୍ ନାଙ୍ ଜିଉ ନଦୁନ୍, ହେୱାନ ନା ବଚନ୍ ମାନିକିଉନ୍, ଆରେ ଇମ୍‌ଣି ବଚନ୍ ଏପେଙ୍ ଖେନାଦେରା, ହେଦାଂ ନାଦାଂ ଆକାୟ୍, ମତର୍ ନା ପଲ୍‌ତି ମୁଣିକା ଆବାତି ।”

୨୫ “ଆନ୍ ମି ଲାହାଙ୍ ମାନଞ୍ଜି ମାନଞ୍ଜି ମିଙ୍ ଇ ଓଁ କାତା ଇନ୍‌ଆଙ୍‌ନା ।

୨୬ ହେ ଉପକାର୍ କିଦ୍‌ନାକାନ୍, ଇତିସ୍ ଇମ୍‌ଣି ପୁଇପୁୟା ଜିରୁନ୍‌ତିଂ ବାଖା ନା ତର୍‌ଦ ପଲ୍‌ନାନ୍, ହେୱାନ ମିଙ୍ ଓଁ ବିସ୍ତେ ହିକ୍ୟା ହିଦ୍‌ନାନ୍, ଆରେ ଆନ୍ ମିଙ୍ ଇନା ଇନାକା ଇଆଙ୍‌ନା, ହେ ସବୁ ମିଙ୍‌ଙ୍ ଏତୁକିୟ୍ କିଦ୍‌ନାନ୍ ।”

୨୭ “ଆନ୍ ମିଙ୍ ନା ସୁସ୍ତା ହିଜି ହାନାଙ୍‌, ନା ଜାର୍‌ତି ସୁସ୍ତା ମିଙ୍ ଦାନ୍ କିଦ୍‌ନାଙ୍‌; ପୁତ୍ ଇନେସ୍‌କି ଦାନ୍ କିଦ୍‌ନାଡ୍, ଆନ୍ ମିଙ୍ ହେ ଲାକେ ଦାନ୍ ହିଦୁଙ୍‌ । ମି ମାନ୍ ଦୁକ୍ କି ପାଣ୍ଡା ଆମେଡ୍ ।”

୨୮ “ଆନ୍ ଜେ ହାନାଙ୍‌ ଆରି ମି ତାକେ ମାସ୍‌ଦି ଖାନାଙ୍‌, ନା ଇ କାତା ତ ଖେଟାଦେଣ୍ଡା । ଜଦି ଏପେଙ୍ ନାଙ୍ ଜିଉନଜି ମାନ୍‌ସ୍ତିସ୍, ତା ଆତିସ୍ ଆନ୍ ନା ଆବା କରଣ୍ ହାନାଙ୍‌ ଇଞ୍ଜି ଖାରି କିତାଦେର୍‌ମା, ଇନାକିଦେଂକି ବାଖା ନା ତାଙ୍ ଗାଜାକାନ୍ ।

୨୯ ଆରେ, ହେଦାଂ ଗିଟାଆନି ସମୁତ ଏପେଙ୍ ଇନେସ୍ ପାତ୍ କିନାଦେର୍, ଇଦାଂ କାଜିଂ ହେଦାଂ ଗିଟାଆନି ଆଗେ ଆନ୍ ନଙ୍ ମିଙ୍ ଖେର୍‌ଟାତାଂନା ।

୩୦ ଆନ୍ ମି ଲାହାଙ୍ ଆରେ ଆଦିକ୍ ସମୁ କାତାବାର୍ତ୍ତା କିଦୁଙ୍, ଇନାକିଦେଂକି ପୁତ୍ ନି ମୁଡ୍‌ଦାକାନ୍ ଖାନାନା; ଆରେ, ନା ତାକେ ତାଦାଙ୍ ଇନାକା ହିଲୁଡ୍;

୩୧ ମାତର୍ ଆନ୍ ଜେ ବାଖାଙ୍ ଜିଉ ନନାଂ ଆରି ବାଖାତି ବଲ୍ ଲାହାଂ କାମାୟ୍ କିନାଙ୍, ଇଦାଂ ଇନେସ୍ ପୁତ୍ ପୁଞ୍ଜେଙ୍ ଆଡ୍‌ଦାତାଡ୍, ଇଦାଂ କାଜିଂ ଇ ଲାକେ ପୁଞ୍ଜନାଡ୍ ।”

“ଖାଡୁ, ଆସେଙ୍ ଇ ବାହାତାଂ ହାନାସ୍ ।”

### ୧୫

#### ହାଡ୍‌ପା ଅଙ୍ଗୁର୍ କୁଡ୍ ଜିସୁ

୧ “ଆନ୍ ହାଡ୍‌ପା ଅଙ୍ଗୁର୍ କୁଡ୍, ଆରେ ନା ଆବା କାମ୍‌ଲିୟା ।

୨ ନା ତାକେ ମାନି ଇମ୍‌ଣି କେନ୍‌ଂ ପାଡ୍ ଆହ୍‌ଓତିସ୍, ହେଦାଂ ହେୱାନ କାଦ୍‌ଦି ତୁହିନାନ୍; ଆରେ ଇମ୍‌ଣି କେନ୍‌ଂ ପାଡ୍ ଆହ୍‌ନାଡ୍, ଆଦିକ୍ ପାଡ୍ ଆହ୍‌ନି କାଜିଂ ହେୱାନ ହେଦାଂ ନିର୍ମଲ୍ କିନାନ୍ ।

୩ ଆନ୍ ମିଙ୍‌ଙ୍ ଇମ୍‌ଣି ବେରଣ୍ ଇନ୍‌ଆଙ୍‌ନା, ହେଦାଂ କାଜିଂ ଏପେଙ୍ ସକର୍ ଆତାଦେଣ୍ଡା ।

୪ ନା ତାକେ ମାନାଟ୍, ହେବେ ଆନ୍ ମି ତାକେ ମାନାଂ । କେନ୍‌ଂ ଇନେସ୍ ଅଙ୍ଗୁର୍ କୁଡ୍‌ତି ମାନ୍‌ଓତିସ୍ ଜାର୍‌ତାଂ ପାଡ୍ ଆସ୍ତେଙ୍ ଆଡୁଡ୍, ହେ ଲାକେ ଏପେଙ୍ ପା ନା ତାକେ ମାନ୍‌ଓତିସ୍ ପାଡ୍ ଆସ୍ତେଙ୍ ଆଡୁଦେର୍ ।”

୫ “ଆନ୍ ଅଙ୍ଗୁର୍ କୁଡ୍, ଏପେଙ୍ କେନ୍‌ଂ, ଇନେର୍ ନା ତାକେ ମାନ୍‌ଙ୍‌ନାନ୍ ଆରି ଆନ୍ ଇନେର୍ ତାକେ ମାନାଂ, ହେୱାନ ବେସି ପାଡ୍ ଆହ୍‌ନାନ୍; ଇନାକିଦେଂକି ନା ପିସ୍ତି ଏପେଙ୍ ଇନାକା କିଦେଙ୍ ଆଡୁଦେର୍ ।

୬ ଇନେର୍ ଏଟେକାଡ୍‌ଦ ନା ତାକେ ମାନ୍‌ଓତିସ୍, ତା ଆତିସ୍ ହେଦାଂ କାଡ୍‌ଦି କେନ୍‌ଂ ଲାକେ ବାର୍ତ୍ତ ତୁହିୟା ଆନାଡ୍ ଆରି ଖାଜ୍‌ଜି ହାନାଡ୍, ଆରେ ଲକୁ ହେୱାକାଂ ରୁଣ୍ଡାୟ୍ କିଜି ନାଣିତ ତୁହିନାର୍ ଆରି ହେୱାଙ୍ କାଡ୍‌ଜିହାନିକ୍ ।”

୭ “ଏପେଙ୍ ଜଦି ନା ତାକେ ମାନାଦେର୍, ଆରେ ନା ବଚନ୍ ମି ତାକେ ମାଟିସ୍, ତା ଆତିସ୍ ଇମ୍‌ଣି ବିସ୍ତେ ଇଟା କିନାଦେର୍, ହେଦାଂ ଏନାଟ୍, ଆରେ ମି କାଜିଂ ହେଦାଂ ହିଦ୍‌ନାନ୍ ।

୮ ଏପେଙ୍ ବେସି ପାଡ୍ ଆସ୍ତିସ୍ ନା ଆବା ଜାଜ୍‌ମାଲ୍ ପାୟା ଆନାନ୍, ଆରେ ଏନେଙ୍ ନା ହାଡ୍‌ପା ଚେଲା ଆନାୟ୍ ।

୯ ଆବା ଇନେସ୍ ନାଙ୍ ଜିଉନତାନ୍‌ନା, ଆନ୍ ପା ହେ ଲାକେ ମିଙ୍‌ଙ୍ ଜିଉନତାଙ୍‌ନା; ନା ଜିଉନଦ୍‌ନିତ ତିର୍ ଆଜି ମାନାଟ୍ ।

୧୦ ଆନ୍ ଇନେସ୍ ନା ଆବାତି ବଲ୍ ମାନି କିଜି ତାଦାଙ୍ ଜିଉନନିତାକେ ତିର୍ ଆଜି ମାନାଙ୍‌, ହେ ଲାକେ ଏପେଙ୍‌ପା ଏଟେକାଡ୍‌ଦ ନା ବଲ୍ ମାନିକିନାଦେର୍, ତା ଆତିସ୍ ନା ଜିଉନନିତାକେ ତିର୍ ଆଜି ମାନାଦେର୍ ।”

୧୧ “ନା ଖାରି ଇନେସ୍ ମି ତାକେ ମାନାଡ୍, ଆରେ ମି ଖାରି ଇନେସ୍ ବାତ୍ ଆନାଡ୍, ଇଦାଂ କାଜିଂ ଆନ୍ ଇ ଓଁ ମିଙ୍‌ଙ୍ ଖେର୍‌ଟାତାଙ୍ ।

୧୨ ଆନ୍ ଇନେସ୍ ମିଙ୍‌ଙ୍ ଜିଉନତାଂନା, ଏପେଙ୍ ରକାନ୍ ଆରେ ରକାନିଂ ବିତ୍ତେ ଜିଉନବାଆଡୁ, ଇଦାଂ ନା ବଲ୍ ।

୧୩ ଜାର୍ ହାଙ୍‌ଦାକାରିଂ କାଜିଂ ଜାର୍ ଜିରୁନ୍ ହିନି ବାଟା ଇନେର୍‌ତି ଆରେ ଆଦିକ୍ ଗାଜା ଜିଉନନାକା ହିଲୁଡ୍ ।

୧୪ ଆନ୍ ମିଙ୍‌ଙ୍ ଇମ୍‌ଣି ବଲ୍ ହିଦ୍‌ନାଙ୍‌, ହେଦାଂ ଜଦି ମାନିକିନାଦେର୍, ତେବେ ଏପେଙ୍ ନା ହାଙ୍‌ଦାକାଦେର୍ ।

୧୫ ଆନ୍ ମିଙ୍ଗେଙ୍ଗ୍ ଆରେ ଆଡ଼ିଏନ୍ ଇଞ୍ଜି ଇଞ୍ଜୁଙ୍ଗା, ଇନାକିଦେଂକି ହାଉକାର୍ ଇନାକା କିନାନ୍, ଆଡ଼ିଏନ୍ ହେଦାଂ ପୁନୁନ୍, ମାତର୍ ଆନ୍ ମିଙ୍ଗେଙ୍ଗ୍ ହାଙ୍ଗ୍ଦାକାର୍ ଇଞ୍ଜି ଇଞ୍ଜାଙ୍ଗ୍ନା, ଇନାକିଦେଂକି ଆନ୍ ନା ଆବାତାଂ ଇନା ଇନାକା ଖେଚାଙ୍ଗ୍ନା, ହେ ସବୁ ମିଙ୍ଗେଙ୍ଗ୍ ଖେଚାଚାଙ୍ଗ୍ ।

୧୬ ଏପେଙ୍ଗ୍ ନାଙ୍ଗ୍ ବାଚି କିଦ୍‌ଖାତାଦେଣ୍ଟା, ମାତର୍ ଆନ୍ ମିଙ୍ଗେଙ୍ଗ୍ ବାଚି କିଡ଼ତାଙ୍ଗ୍ନା, ଆରେ ଏପେଙ୍ଗ୍ ଇନେସ୍ ହାଲ୍‌ଜି ପାଡ଼୍ ଉବ୍‌ଜାଣ୍ କିନାଦେର୍ ଆରି ମିଞ୍ଜାଙ୍ଗ୍ ପାଡ଼୍ ତିର୍‌ମାନ୍‌ଜାମାଡ଼୍, ଇଦାଂ କାଜିଂ ମିଙ୍ଗେଙ୍ଗ୍ ବାଚି କିଡ଼ତାଙ୍ଗ୍ନା । ହେବେ ଏପେଙ୍ଗ୍ ନା ତର୍‌ଦ ଆବାଂ ଇନାକା ଏନ୍‌ନାଦେର୍, ହେଞ୍ଜାନ୍ ହେଦାଂ ମିଙ୍ଗେଙ୍ଗ୍ ହିଦ୍‌ନାନ୍;

୧୭ ଏପେଙ୍ଗ୍ ଇନେସ୍ ରକାନ୍ ଆରେ ରକାନ୍ ଜିଉନ‌ଞ୍ଜାଟ୍, ଇଦାଂ କାଜିଂ ଆନ୍ ମିଙ୍ଗେଙ୍ଗ୍ ଇ ଖିଜୁ ବଲ୍ ହିଦ୍‌ନାଙ୍ଗା ।”

**ପୁତ୍‌ତିଂ ଗିଣ୍**

୧୮ “ଜଦି ମିଙ୍ଗେଙ୍ଗ୍ ପୁତ୍‌ତିଂ ଗିଣ୍ କିଡ଼ତିସ୍, ତେବେ ମିଙ୍ଗେଙ୍ଗ୍ ଗିଣ୍ କିଦ୍‌ନି ଆଗେ ହେଦାଂ ଜେ ନାଙ୍ଗ୍ ଗିଣ୍ କିଡ଼ତାଙ୍ଗ୍ନା, ଇଦାଂ ପୁନାଟ୍ ।

୧୯ ଏପେଙ୍ଗ୍ ଜଦି ପୁତ୍‌ତିଂ ଉବ୍‌ଜାଣ୍ ଆତାଦେମା, ତେବେ ପୁତ୍‌ତିଂ ମିଙ୍ଗେଙ୍ଗ୍ ଜାର୍ ଲକ୍‌କୂର୍ ପୁଞ୍ଜି ଜିଉ ନତାମ୍; ମାତର୍ ଏପେଙ୍ଗ୍ ପୁତ୍‌ତିଂ ଉବ୍‌ଜାଣ୍ ଆଖାତାୟନା, ନଲେ ଆନ୍ ମିଙ୍ଗେଙ୍ଗ୍ ପୁତ୍‌ତିଂ ବାଚି କିଡ଼ତାଙ୍ଗ୍ନା, ଇଦାଂ କାଜିଂ ପୁତ୍‌ତିଂ ମିଙ୍ଗ୍ ଗିଣ୍ କିଦ୍‌ନାଟ୍ ।”

୨୦ \*ଆଡ଼ିଏନ୍ ଜାର୍ ହାଉକାର୍‌ତାଙ୍ଗ୍ ଗାଜା ଆକାୟ୍, ଆନ୍ ମିଙ୍ଗ୍ ଇ ଇମ୍‌ଣି ବଚନ୍ ଖେଚାଚାଙ୍ଗ୍ନା, ହେଦାଂ ଏତୁ କିୟାଟ୍ । ହେଞ୍ଜାର୍ ଜଦି ନାଙ୍ଗ୍ ଇଣ୍ କିଡ଼ତାର୍‌ନା, ତା ଆତିସ୍ ମିଙ୍ଗ୍ ପା ଇଣ୍ କିଦ୍‌ନାର୍, ହେଞ୍ଜାର୍ ଜଦି ନା ବଚନ୍ ମାନିକିତାଣ୍ଟା, ତା ଆତିସ୍ ମି ବଚନ୍ ପା ମାନିକିନାର୍ ।

୨୧ ମାତର୍ ହେଞ୍ଜାର୍ ନା ପକ୍ତି ହାଉକାର୍‌ତିଂ ପୁନ୍‌ଞ୍ଜାଦାଂ ମାଚିଲେ ନା ତର୍ କାଜିଂ ମିଙ୍ଗ୍ ପା ଇ ସବୁ କିଦ୍‌ନାର୍ ।

୨୨ ଜଦି ଆନ୍ ଖାଜି ହେଞ୍ଜାରିଂ ଇନ୍‌ଞ୍ଜାଦାଂ ମାଚିସ୍, ତା ଆତିସ୍ ହେଞ୍ଜାର୍‌ତି ପାପ୍ ଆଖାତାମ୍; ମାତର୍ ନଙ୍ଗ୍ ହେଞ୍ଜାର୍‌ତି ପାପ୍ ବିସ୍ତେ ହେଞ୍ଜାର୍ ଇନେର୍ ପା ଚଚା କିଦେଙ୍ଗ୍ ଆତୁର୍ ।

୨୩ ଇନେର୍ ନାଙ୍ଗ୍ ଗିଣ୍ କିଦ୍‌ନାର୍, ହେଞ୍ଜାନ୍ ନା ଆବାଂ ପା ଗିଣ୍ କିନାନ୍ ।

୨୪ ଇମ୍‌ଣି କାମାୟ୍ ଖିଜୁ ଆରେ ଇନେର୍ କିତାତାଣ୍ଟା, ଆନ୍ ଜଦି ହେ ଖିଜୁ ହେଞ୍ଜାର୍ ବିତ୍ରେ କିଞ୍ଜାଦାଂ ମାଚିସ୍, ତା ଆତିସ୍ ହେଞ୍ଜାର୍‌ତି ପାପ୍ ଆଖାତାମ୍; ମାତର୍ ନଙ୍ଗ୍ ହେଞ୍ଜାର୍ ହୁଡ଼୍‌ତାର୍‌ନା, ଆରେ ନାଙ୍ଗ୍ ଆରି ନା ଆବା ରିୟାରିଂ ଗିଣ୍ କିଡ଼ତାର୍‌ନା ।

୨୫ ମାତର୍ ହେଞ୍ଜାର୍ ବିନାସୁନ୍‌ରେ ନାଙ୍ଗ୍ ଗିଣ୍ କିଡ଼ତାର୍, ହେଞ୍ଜାର୍‌ତି ମସାତି ବିଦିତ ଲେକାଆତି ଇ ବଚନ୍ ଇନେସ୍ ପୁରା ଆନାଟ୍, ଇଦାଂ କାଜିଂ ଏଲେଙ୍ଗ୍ ଗିଟା ଆନାତା ।

୨୬ “ଆବାତି ତାକେଣ୍ଟାଂ ଆନ୍ ମି ଲାଗାଂ ଇମ୍‌ଣି ଉପ୍‌କାର୍ କିଦ୍‌ନାକାନ୍ ପକ୍ତାନାଂ, ଆବା ତାକେଣ୍ଟାଂ ହତି ହେ ହାଡ଼୍‌ପାନି ଜିରୁନ୍ ଖାତିସ୍ ନା ବିସ୍ତେ ସାକି ହିଦ୍‌ନାନ୍;

୨୭ ଆରେ, ଏପେଙ୍ଗ୍ ପା ସାକି, ଇନାକିଦେଂକି ଏପେଙ୍ଗ୍ ଆରମ୍‌ତାଂ ନା ହୁକେ ମାନାଦେରା ।”

**୧୭**

୧ “ଏପେଙ୍ଗ୍ ଇନେସ୍ ପାତ୍‌ତି କିଉଦେର୍, ଇଦାଂ କାଜିଂ ଆନ୍ ମିଙ୍ଗେଙ୍ଗ୍ ଇ କାତା ଇଞ୍ଜ୍‌ନାଙ୍ଗା ।

୨ ମିଙ୍ଗେଙ୍ଗ୍ ଲକ୍‌କୂ ହେଞ୍ଜାର୍ କୁଟୁମ୍ ଇଞ୍ଜାଙ୍ଗ୍ ପାଗ୍ରି କିଦ୍‌ନାର୍ । ଏଲେଙ୍ଗ୍‌ବାତ୍‌ତି ସମ୍‌ଜାମାତା ଏଚେକାଡ଼୍‌ଦ ବାବିକିଦ୍‌ନାର୍ ଜେ ମିଙ୍ଗେଙ୍ଗ୍ ଅସ୍ତିନି କାଜିଂ ହେଞ୍ଜାର୍ ଇସ୍‌ରତିଂ ହେବା କିନାରା ।

୩ ଆରେ, ହେଞ୍ଜାର୍ ଇଦାଂ ଖିଜୁ କିନାର୍, ଇନାକିଦେଂକି ହେଞ୍ଜାର୍ ଆବାଂ କି ନାଙ୍ଗ୍ ପୁଞ୍ଜାଖାତାଣ୍ଟା ।

୪ ମାତର୍ ଇ ସବୁ ଗିଟାଆନି ସମ୍‌ଜାଖାତିସ୍, ଆନ୍ ଜେ ମିଙ୍ଗେଙ୍ଗ୍ ଖେଚ୍‌ଚି ମାନ୍‌ଞ୍ଜାଙ୍ଗ୍, ଇଦାଂ ଇନେସ୍ ଏପେଙ୍ଗ୍ ଏତୁ କିନାଦେର୍, ଇଦାଂ କାଜିଂ ଆନ୍ ଇ ଖିଜୁ କାତା ମିଙ୍ଗେଙ୍ଗ୍ ଖେଚ୍‌ଚାଚାଙ୍ଗ୍ ।”

**ପୁଇପୁୟା ଜିରୁନ୍‌ନି କାମାୟ୍**

୫ ମାତର୍ ନଙ୍ଗ୍ ଆନ୍ ନା ପକ୍ତି ହାଉକାର୍‌ତାକେ ହାନାଙ୍ଗା, ଆରେ ଏପେଙ୍ଗ୍ “ଇମ୍‌ଣି ବାହାତ ହାନାୟା” ଇଞ୍ଜି ମି ବିତ୍ରେ ଇନେର୍ ନାଙ୍ଗ୍ ଖେନ୍‌ବା ଆପୁଦେରା ।

୬ ମାତର୍ ଆନ୍ ମିଙ୍ଗେଙ୍ଗ୍ ଇ ଖିଜୁ କାତା ଇଞ୍ଜି ମାଚିଲେ ମି ମାନ୍ ଦୁକ୍‌ତ ବାତ୍‌ତି ଆତାଙ୍ଗ୍ନା ।

୭ ମାତର୍ ଆନ୍ ମିଙ୍ଗେଙ୍ଗ୍ ହାଡ଼୍‌ପା ଇଞ୍ଜ୍‌ନାଙ୍ଗା, ନା ହାନାକା ମି କାଜିଂ ହାର୍, ଇନାକିଦେଂକି ଆନ୍ ହାଲ୍‌ଖିତିସ୍ ହେ ଉପ୍‌କାର୍ କିନାକାନ୍ ମି ତାକେ ଖାଉନ୍, ମାତର୍ ଆନ୍ ହାଚିସ୍ ହେଞ୍ଜାନ୍ ମି ତାକେ ପକ୍ତାନାଂ ।

୮ “ହେଞ୍ଜାନ୍ ଖାଜି ପାପ୍, ଦାମ୍‌ତି ଆରି ବିଚାର୍ ବିସ୍ତେ ପୁତ୍‌ତିଂ ହାଡ଼୍‌ପା ପାର୍‌ମାଣ୍ ହିନାନ୍;

୯ ହେଞ୍ଜାନ୍ ଖେଚ୍‌ଚାନାନ୍ ଜେ ନା ତାକେ ପାତ୍‌ତି କିଞ୍ଜାକାର୍ ନେ ପାପ୍;

୧୦ ଦାମ୍‌ତି ବିସ୍ତେ ହେଞ୍ଜାର୍ ବୁଲ୍ ଇନାକିଦେଂକି ଆନ୍ ଆବା ତାକେ ହାନାଙ୍ଗା ଆରି ଏପେଙ୍ଗ୍ ନାଙ୍ଗ୍ ଆରେ ହୁଡ଼୍‌ଦୁଦେର୍;

\* ୧୫:୨୦ ମାଡ଼ିଉ ୧୦:୨୪; ଲୁକ ୬:୪୦; ଜହନ୍ ୧୩:୧୭.

୧୧ ବିଚାର୍ଣ୍ଣା ବିସ୍ତେ ହେୱାର ବୁଲ୍ ଇନାକିଦେଂକି ଇ ଜଗତ୍ତ ମୁଡ଼ଦାକାନ୍ ବିଚାର୍ଣ୍ଣା ଆତାତେ ।”

୧୨ “ଆନ୍ ମିଙ୍ଗେଙ୍ଗ୍ ଆଦିକ୍ କାତା ଇଞ୍ଜନାକା ମାନାଡ଼, ମତର୍ ଏପେଙ୍ଗ୍ ନଙ୍ଗ୍ ହେ ସବୁ ହୁନ୍‌ଞ୍ଜେଙ୍ଗ୍ ଆତୁଦେର୍ ।

୧୩ ମାତର୍ ହେୱାନ୍, ହାଡ଼ପା ଜିବୁନ୍ ଖାତିସ୍ ହେୱାନ୍ ଖିଜୁ ହାଡ଼ପା ବୁଜାଆଦେଂ ସାଲ୍ଲି ହିଦ୍‌ନାନ୍, ହେୱାନ୍ ଜାର୍ ଆଦିକାର୍ ସାଲ୍ଲିତାଂ ଇନାକା ଇଞ୍ଜୁନ୍ ଇସ୍‌ର୍ ତାକେ ଇନାକା ୱେଟାର୍‌ନା ଏଚେକ୍ ହେୱାନ୍ ଚର୍‌ନାନ୍ ଇନାକା ଗିଟା ଆଦେଂ ହାନାତା, ହେଦାଂ ମିଙ୍ଗେଙ୍ଗ୍ ୱେଟ୍‌ଚାନାନ୍ ।

୧୪ ହେୱାନ୍ ନାଙ୍ଗ୍ ଜାଜ୍‌ମାଲ୍ ହିଦ୍‌ନାନ୍, ଇନାକିଦେଂକି ହେୱାନ୍ ନା ବିସ୍ତେ ସବୁ କାତା ଅଜି ମିଙ୍ଗେଙ୍ଗ୍ ଜାଣାୟ୍ କିଦ୍‌ନାନ୍ ।  
୧୫ ଇନା ଇନାକା ଆବାତି, ହେ ସବୁ ନାଦାଂ; ଇଦାଂ କାଜିଂ ଆନ୍ ଇଚାଂ, ପୁଇପୁୟା ଜିବୁନ୍ ହେୱାନ୍ ନା ବିସ୍ତେ ଅଜି ମିଙ୍ଗେଙ୍ଗ୍ ଜାଣାୟ୍ କିଦ୍‌ନାନ୍ ।”

**ଦୁକ୍ ଆରି ୱାରି**

୧୬ “ମତର୍ ଅଲପ୍ ସମ୍ ମାନାଡ଼, ଏପେଙ୍ଗ୍ ଆରେ ନାଙ୍ଗ୍ ହୁଡ଼ଦୁଦେର୍, କେଡ଼ଦିନ୍ ପାଚେ ଏପେଙ୍ଗ୍ ନାଙ୍ଗେଙ୍ଗ୍ ହୁଡ଼ଦାନାଦେର୍ ।”

୧୭ ହେବେଣ୍ଡାଂ ତା ଚେଲାହିର୍ ବିତ୍ରେତାଂ ଇନେ ଇନେର୍ ରକାନ୍ ଆରେ ରକାନ୍ ଇଚାର୍, “ଅଲପ୍ ମତର୍ ସମ୍ ମାନାଡ଼, ଏପେଙ୍ଗ୍ ନାଙ୍ଗେଙ୍ଗ୍ ହୁଡ଼ଦୁଦେର୍, କେଡ଼ଦିନ୍ ପାଚେ ଏପେଙ୍ଗ୍ ନାଙ୍ଗେଙ୍ଗ୍ ହୁଡ଼ଦାନାଦେର୍ ଆରି ଆନ୍ ଆବାତି ଲାଗେ ହାନାଙ୍ଗା, ଇ ଇମ୍‌ଣି କାତା ହେୱାନ୍ ମାଙ୍ଗେଙ୍ଗ୍ ଇଞ୍ଜନାକା, ଇଦାଂ ଇନାକା ?”

୧୮ “ଅଲପ୍ ସମ୍ ଇଞ୍ଜି ହେୱାନ୍ ଇନାକା ଇନାନ୍ନା ? ହେୱାନ୍ ଇନାକା ଇନାନ୍ନା, ଆପେଂ ବୁଜାଆଦେଂ ଆତୁପା ।”

୧୯ ହେୱାର୍ ତାଙ୍ଗ୍ ୱେନ୍‌ବେଦେଂ ଇଚା କିନାରା ଇଞ୍ଜି ପୁଞ୍ଜି ଜିସୁ ହେୱାରିଂ ଇଚାନ୍, “ଅଲପ୍ ମତର୍ ସମ୍ ମାନାଡ଼, ଏପେଙ୍ଗ୍ ନାଙ୍ଗ୍ ହୁଡ଼ଦୁଦେର୍, ଆରେ ରଗ ଅଲପ୍ ସମ୍ ପାଚେ ଏପେଙ୍ଗ୍ ନାଙ୍ଗ୍ ହୁଡ଼ଦାନାଦେର୍, ଆନ୍ ଇ ଇମ୍‌ଣି କାତା ଇନ୍‌ସାଙ୍ଗ୍, ହେ ବିସ୍ତେ ଅଜି ଏପେଙ୍ଗ୍ ଇନାକା ରକାନ୍ ରିକାର୍ ବେଣ୍‌ବାଟ୍ କିନାଦେରା ?

୨୦ ଆନ୍ ହାଡ଼ପା ମିଙ୍ଗେଙ୍ଗ୍ ଇଞ୍ଜନାଙ୍ଗା, ଏପେଙ୍ଗ୍ ଆଡ଼ବାନାଦେର୍ ଆରି ଦୁକ୍ କିନାଦେର୍, ମାତର୍ ପୁତ୍ ଖାରି କିନାଡ଼; ଏପେଙ୍ଗ୍ ଦୁକ୍ ଆନାଦେର୍, ମାତର୍ ମିଦାଙ୍ଗ୍ ଦୁକ୍ ୱାରିତାଂ ବାତ୍ ଆନାଡ଼ ।

୨୧ କନାତ କୁଚ୍‌ଚେଂ ସମ୍ ଏକାଞ୍ଜାତିସ୍ କଗଲେ ପାୟା ଆନାଡ଼; ମାତର୍ ହେଦେଲ୍ ହିମ୍‌ଣା ଗାଗାଆତି ପାଚେ ପୁତ୍ ରକାନ୍ ମାନାୟ୍ ଜଲମ୍ ଆତାନ୍ନା, ଇ ୱାରି କାଜିଂ ଆରେ କସ୍‌ତିଂ ଏତୁ କିଡ଼ ।

୨୨ ହେ ଲାକେ ଏପେଙ୍ଗ୍ ନଙ୍ଗ୍ ଦୁକ୍ ପାୟାଆନାଦେରା, ମାତର୍ ଆନ୍ ଆରେ ରଗ ମିଙ୍ଗେଙ୍ଗ୍ ଚଞ୍ଜିୟାଆଦ୍‌ନାଂ, ଆରେ ମିଦାଙ୍ଗ୍ ୱାସ୍‌ତିତାଂ ୱାୟା ଆନାଡ଼ ଆରି ଇନେର୍ ମିଦାଙ୍ଗ୍ ମିଙ୍ଗେଙ୍ଗ୍ ୱାରି ଜେଲ୍‌ଜି ଅଦୁର୍ ।”

୨୩ “ହେ ଦିନ୍ ନାଙ୍ଗ୍ ଇନାକା ୱେନ୍‌ବା ଆଦୁଦେର୍ । ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଜଦି ଏପେଙ୍ଗ୍ ଆବାଂ ଇନାକାପା ଏନ୍‌ନାଦେର୍, ବାଟିଙ୍ଗ୍ ନା ତର୍‌ଦ ହେୱାନ୍ ମିଙ୍ଗେଙ୍ଗ୍ ହେଦାଂ ହିଦ୍‌ନାନ୍ ।

୨୪ ଇ ପାଚେକ୍ ଏପେଙ୍ଗ୍ ନା ତର୍‌ଦ ଇନାକା ଏନ୍ତାଞ୍ଜାତାଦେଣ୍ଡା, ନଙ୍ଗ୍ ଏନାଟ୍ ଏପେଙ୍ଗ୍ ହେଦାଂ ପାୟାନାଦେର୍ ମିଦାଙ୍ଗ୍ ୱାରି ଇନେସ୍ ବାତ୍ ଆନାଡ଼ ।”

**ପୁତ୍ ଜପି ଜିଣାନାକା**

୨୫ “ଆନ୍ ମିଙ୍ଗେଙ୍ଗ୍ ୱାଚ୍‌କା ଚର୍‌ଚି ଇ ସବୁ କାତା ଇଞ୍ଜାଙ୍ଗ୍‌ନା; ସମ୍ ଖାନାତା, ଏଚେକାଡ଼ଦ୍ ଆନ୍ ଆରେ ୱାଚ୍‌କାଙ୍ଗ୍ ଚର୍‌ଚି ମିଙ୍ଗେଙ୍ଗ୍ ୱେଟ୍‌ଚୁଙ୍ଗ୍, ମାତର୍ ଆବାତି ବିସ୍ତେ ପୁଟ୍‌ଚେରଚେ ମିଙ୍ଗେଙ୍ଗ୍ ଜାଣାୟ୍ କିଦ୍‌ନାଂ ।

୨୬ ହେ ଦିନ୍ ଏପେଙ୍ଗ୍ ନା ତର୍‌ଦ ତାଙ୍ଗେଙ୍ଗ୍ ଏନ୍ତାନାଦେର୍, ଆରେ, ଆନ୍ ଜେ ମିଦାଙ୍ଗ୍ ପାକ୍ୟାତ ଆବାଂ ଗଞ୍ଜାରି କିନାଙ୍ଗ୍, ଇଦାଂ ଆନ୍ ମିଙ୍ଗେଙ୍ଗ୍ ଇଞ୍ଜୁଙ୍ଗା;

୨୭ ଇନାକିଦେଂକି ଆବା ନିଜେ ମିଙ୍ଗେଙ୍ଗ୍ ଜିଉନ୍‌ଦ୍‌ନାନ୍, ଲାଗିଂ ଏପେଙ୍ଗ୍ ନାଙ୍ଗେଙ୍ଗ୍ ଜିଉନ୍‌ଦ୍‌ନାଦେରା ଆରି ଆନ୍ ଜେ ଇସ୍‌ର୍ ତାକେଣ୍ଡାଂ ୱାତାଙ୍ଗ୍‌ନା, ହେଦାଂ ଏପେଙ୍ଗ୍ ପାତ୍ କିତାଦେଣ୍ଡା ।

୨୮ ଆନ୍ ଆବାତାଂ ଜଗତ୍‌ତାକେ ୱାତାଙ୍ଗ୍‌ନା; ଆରେ ରଗ ଆନ୍ ପୁତ୍ ପିସ୍ତି ଆବା ତାକେ ହାନାଙ୍ଗା ।”

୨୯ ଇ କାତା ୱେନ୍‌ଞ୍ଜି ଚେଲାହିର୍ ଇଚାର୍, “ହୁଡ଼ା, ନଂ ଏନ୍ ରାକୁକିଜି ୱେଟ୍‌ଚାନାୟା ଆରି ୱାଚ୍‌କା ଚର୍‌ଚି କାତା ଆରେ ଇନ୍‌ୟା ।

୩୦ ନଙ୍ଗ୍ ଆପେଂ ଇଦାଂ ପୁନାପ୍ ଜେ ଏନ୍ ଜେ ସବୁ ବିସ୍ତେ ପୁନାୟ୍ ଆରେ ଇନେରିଂ ୱେନ୍‌ବେଦେଂ ଲଡ଼ା ଆକାୟ୍, ହେଦାଂ ନଙ୍ଗ୍ ଆପେଂ ପୁଚାପ୍; ଇସ୍‌ର୍ ତାକେଣ୍ଡାଂ ଏନ୍ ୱାତାୟ୍‌ନା ଇଞ୍ଜି ଆପେଂ ଇଦାଂ ହୁକେ ପାତ୍ କିନାପା ।”

୩୧ ଜିସୁ ହେୱାରିଂ ଉତର୍ ହିତାନ୍, “ଏପେଙ୍ଗ୍ ଇନାକା ନଙ୍ଗ୍ ପାତ୍ କିନାଦେରା କି ?

୩୨ ହୁଡ଼ାଟ୍, ସମ୍ ଖାନାତା, ଆଁ, ୱାତାତେ, ଏଚେକାଡ଼ଦ୍ ଏପେଙ୍ଗ୍ ଚିନ୍‌ବିନ୍ ଆଜି ୱିଜାକାଦେର୍ ଜାର୍ ଜାର୍ ଇଞ୍ଜି ହନ୍‌ଚି ହାନାଦେର୍, ଆରେ ନାଙ୍ଗେଙ୍ଗ୍ ରଞ୍ଜାନ୍ ପିସ୍ତି ହାନାଦେର୍; ଆତିସ୍‌ପା ରକାଂ ଆକାୟ୍, ଇନାକିଦେଂକି ଆବା ନା ହୁକେ ମାନାନ୍ ।

୩୩ ଏପେଙ୍ଗ ଇନେସ୍ ନା ତାକେ ମାନଞ୍ଜି ସୁସ୍ତା ପାୟା ଆଡୁ, ଇଦାଂ କାଜିଂ ଆନ୍ ମିଙ୍ଗେଙ୍ଗ୍ ଇ ସବୁ ବିସ୍ତେ ଇନ୍‌ସାଙ୍ଗ୍‌ନା । ପୁତ୍ ତ ମି କାଜିଂ ଦୁକ୍ ମାନାଡ଼, ମାତର୍ ସାସ୍ ଆହାଟ୍; ଆନ୍ ପୁତ୍ ତିଂ ଜିଣା ଆତାଙ୍ଗ୍‌ନା ।”

### ୧୭

#### ଜିସୁଙ୍ଗ୍ ମାପୁହେବାକିନାକାନ୍ ପାର୍ତନା

୧ ଜିସୁ ଇ ଝିନ୍ତୁ ବେରଣ୍ ଇଞ୍ଜି ସାଗେନିପ ଜପି ହୁଡ଼ଜି ଇଚାନ୍, “ଆବା, ସମୁ ଏକା ଖାତାତେ; ନି ମାଜିଙ୍ଗ୍ ଜାଙ୍‌ମାଲ୍ କିୟା, ଇନେସ୍ ମାଜି ନିଙ୍ଗେଙ୍ଗ୍ ପାଣ୍ କିଦନା,ନା,

୨ ଏପେଙ୍ଗ୍ ତାଙ୍ଗେଙ୍ଗ୍ ଝିଜାର୍ ମାନାୟାରିଂ ଆଦିକାର୍ ହିତାୟନା, ହେଝେରିଂ ଝିଜିଜି ଜିବୁନ୍ ହିଦେଂ ଇଞ୍ଜି ତାଙ୍ଗେଙ୍ଗ୍ କେଇଦ ଝିଜୁ ବଜ୍ ଜପି ଆଦିକାର୍ ହିତାଦେର୍ ।

୩ ଆରେ, ରକାନ୍ ମତର୍ ହାଡ଼ପା ଇସ୍‌ର୍ ଜେ, ଏନ୍ ମିଙ୍ଗେଙ୍ଗ୍ ଆରି ମି ପକ୍ୟାତାକାନ୍ ଜିସୁ କ୍ରିସ୍ଟୁଙ୍ଗ୍ ପୁନାକା ନେ ଝିଜିଜି ଜିବୁନ୍ ଆନାନ୍,

୪ ଏପେଙ୍ଗ୍ ନାଙ୍ଗେଙ୍ଗ୍ ଇମ୍‌ଣି କାମାୟ୍ କିଦେଙ୍ଗ୍ ହିଡ଼ତାଦେଣ୍ଟା, ହେଦାଂ ଆନ୍ ଝିସ୍ତି ପୁତ୍ ତିଂ ମିଙ୍ଗେଙ୍ଗ୍ ଜାଙ୍‌ମାଲ୍ କିଦନାଙ୍ଗା ।

୫ ଆରେ ନଙ୍ଗୟ୍ ଏ ଆବା, ପୁତ୍ ନି ଉର୍‌ଜାଣ୍ ଆଗେ ମି ହୁଦାଂ ନା ଇମ୍‌ଣି ପାଣ୍ ମାତାଡ଼, ତା ପାତେ ଏପେଙ୍ଗ୍ ନାଙ୍ଗେଙ୍ଗ୍ ନି ଜାଙ୍‌ମାଲ୍ ନାଙ୍ଗ୍ ହିଦା ।”

୬ “ଏପେଙ୍ଗ୍ ନାଙ୍ଗେଙ୍ଗ୍ ପୁତ୍ ବିତ୍ରେ ଇମ୍‌ଣି ମାନାୟାରିଂ ଦାନ୍ କିନାଦେର୍, ଆନ୍ ହେଝାର୍ ଲାଗେ ନି ତର୍ ଝେଟ୍ୟାତାନ୍; ହେଝାର୍ ମିଝାର୍ ମାତାର୍ ଆରି ଏପେଙ୍ଗ୍ ହେଝାରିଂ ନାଙ୍ଗେଙ୍ଗ୍ ଦାନ୍ କିଡ଼ତାୟ୍, ଆରେ ହେଝାର୍ ନି ବଲ୍ ପାଲି କିନାରା ।

୭ ଏପେଙ୍ଗ୍ ନାଙ୍ଗେଙ୍ଗ୍ ଇନା ଇନାକା ଦାନ୍ କିଡ଼ତାଦେଣ୍ଟା, ହେ ଝିଜୁ ଜେ ନିଙ୍ଗ୍ ତାଙ୍ଗ୍ ଆତାଡ଼୍‌ନା, ଇଦାଂ ହେଝାର୍ ନଙ୍ଗୟ୍ ବୁଜାଆତାଣ୍ଟା;

୮ ଇନାକିଦେଂକି ଏପେଙ୍ଗ୍ ନାଙ୍ଗେଙ୍ଗ୍ ଜେ ଝିଜୁ ବଚନ୍ ଦାନ୍ କିନାଦେର୍, ଆନ୍ ହେଝେରିଂ ହେ ସବୁ ଦାନ୍ କିତାଙ୍ଗ୍‌ନା, ଆରେ ହେଝାର୍ ଇଡ଼ତାଡ଼୍‌ନା, ଆରେ ଆନ୍ ଜେ ମିତାଙ୍ଗ୍ ଖାନାଙ୍ଗା, ହେଦାଂ ହାଡ଼ପାରତେ ପୁଚାଣ୍ଟା ଆରି ଏପେଙ୍ଗ୍ ନାଙ୍ଗେଙ୍ଗ୍ ପକ୍‌ତାତାୟନା ଇଞ୍ଜି ପାତ୍ କିନାୟା ।”

୯ “ଆନ୍ ହେଝାର୍ କାଜିଂ ଗଝାରି କିନାଙ୍ଗା; ପୁତ୍ ତିଂ ଇଞ୍ଜି ପାର୍ତନା କିଉଙ୍ଗା, ମାତର୍ ଏପେଙ୍ଗ୍ ନାଙ୍ଗେଙ୍ଗ୍ ଇମ୍‌ଣାକାରିଂ ହିତାଦେର୍‌ନା, ହେଝାର୍ କାଜିଂ ପାର୍ତନା କିନାଙ୍ଗା, ଇନାକିଦେଂକି ହେଝାର୍ ମିଝାର୍;

୧୦ ଇନା ଇନାକା ନାଦାଂ, ହେ ଝିଜୁ ମିଦାଙ୍ଗ୍, ଆରେ ଇନା ଇନାକା ମିଦାଙ୍ଗ୍, ହେ ଝିଜୁ ନାଦାଂ; ଆରେ, ଆନ୍ ହେଝାର୍ ତାକେ ଜାଙ୍‌ମାଲ୍ ପାୟା ଆତାଙ୍ଗ୍‌ନା ।

୧୧ ଆନ୍ ଆରେ ଇ ପୁତ୍ ତିଂ ମାନୁଙ୍ଗା, ମାତର୍ ଇଝାର୍ ପୁତ୍ ତିଂ ମାନାର୍; ଆରେ, ଆନ୍ ସାକ୍ତି କାଜିଂ ମି ଲାଗେ ହାନାଙ୍ଗା । ପୁଇପୁୟା ଆବା, ମି ତର୍‌ଦ ହେଝାରିଂ ରାକ୍ୟା କିୟା ଇମ୍‌ଣି ତର୍ ଏନ୍ ନାଙ୍ଗେଙ୍ଗ୍ ହିଡ଼ତାୟନା, ହେ ଲାକେ ଆପେଂ ଇନେସ୍‌କି ଏକ୍, ହେଝାର୍ ହେ ଲାକେ ଏକ୍ ଆନାର୍ ।”

୧୨ “ହେଝାର୍ ଲାହାଙ୍ଗ୍ ମାନି ସମୁତ୍ ଆନ୍ ହେଝାରିଂ ମି ତର୍‌ଦାଂ ରାକ୍ୟା କିଜି ଖାତାଙ୍ଗ୍‌ନା ଇମ୍‌ଣି ତର୍ ଏନ୍ ନାଙ୍ଗେଙ୍ଗ୍ ହିଡ଼ତାଦେଣ୍ଟା, ଆରେ ଆନ୍ ହେଝାରିଂ ଜାଗ୍ରତାଂ ରାକ୍ୟା କିତାଙ୍ଗ୍‌ନା ଆରି ସାସ୍‌ରତ ଇନେସ୍ ଜିତା ଆନାଡ଼, ଇଦାଂ କାଜିଂ ନାସ୍ ଆନି କାଡ଼ଦେ ପିସ୍ତି ହେଝାର୍ ବିତ୍ରେ ରଝାନ୍ ଇନେନ୍ ନସ୍ ଆଝାତାଣ୍ଟା ।

୧୩ ମାତର୍ ଅଙ୍ଗୟ୍ ଆନ୍ ମି ଲାଗେ ହାନାଙ୍ଗା, ଆରେ ହେଝାର୍ ଝାସ୍ତିତ ନା ଝାରି ଇନେସ୍ ବାତ୍ ଆନାଡ଼, ହେଦାଂ କାଜିଂ ପୁତ୍ ତିଂ ମାନୁ ମାନୁ ଆନ୍ ଇ ସବୁ ଇଞ୍ଜିନାଙ୍ଗା ।

୧୪ ଆନ୍ ହେଝାରିଂ ନି ବଚନ୍ ହିଡ଼ତାଙ୍ଗ୍‌ନା, ଆରେ ପୁତ୍ ହେଝାରିଂ ଗିଣ୍ କିନାତା, ଇନାକିଦେଂକି ଆନ୍ ଇନେସ୍ ଇ ପୁତ୍ ତିଂ ଆକାୟ୍, ହେଝାର୍ ହେ ଲାକେ ଇ ପୁତ୍ ତିଂ ଝାଝାତାଙ୍ଗ୍‌ନା ।

୧୫ ଏପେଙ୍ଗ୍ ହେଝାରିଂ ପୁତ୍ ତାଙ୍ଗ୍ ଅଝାଟ୍ ଇଞ୍ଜି ଆନ୍ ପାର୍ତନା କିନାଙ୍ଗା, ମାତର୍ ହେଝାରିଂ ସୟତାନ୍ ତାଙ୍ଗ୍ ରାକ୍ୟା କିୟା ଇଞ୍ଜି ଗଝାରି କିନାଙ୍ଗା ।

୧୬ ଆନ୍ ଇନେସ୍ ପୁତ୍ ତିଂ ଆଝାତାଂନା, ହେଝାର୍ ହେ ଲାକେ ପୁତ୍ ତିଂ ଆକାୟ୍ ।

୧୭ ହାଡ଼ପା କାଜିଂ ହେଝାରିଂ ପୁଇପୁୟା କିୟାଟ୍, ମିଦାଙ୍ଗ୍ ବଚନ୍ ନେ ସଡ଼ ।

୧୮ ଏନ୍ ନାଙ୍ଗେଙ୍ଗ୍ ଇନେସ୍ ପୁତ୍ ତିଂ ପକ୍‌ତାତାୟନା, ଆନ୍ ପା ହେଝେରିଂ ହେ ଲାକେ ପୁତ୍ ତିଂ ପକ୍‌ତାଙ୍ଗ୍‌ନା ।

୧୯ ଆରେ, ହେଝାର୍ ପା ଇନେସ୍ ହାଡ଼ପା ହୁକେ ପୁଇପୁୟା ଆନାର୍, ଇଦାଂ କାଜିଂ ଆନ୍ ହେଝାରିଂ କାଜିଂ ନିଙ୍ଗେଙ୍ଗ୍ ପୁଇପୁୟା କିଦନାଙ୍ଗା ।”

☆ ୧୭:୧୭ ଜହନ୍ ୧୩:୧୮.

୨୦ “ଆନ୍ କେବଲ୍ ଇଝାର କାଜିଂ ଗଝାରି କିଜି ପାର୍ତାନା କିଉଜା, ମତର୍ ଇଝାର ବଚନ୍ ହୁକେ ଇମ୍ଣାକାର ନା ତାକେ ପାତର୍ କିତାର, ହେଝାର କାଜିଂ ପା ପାର୍ତାନା କିନାଜା,

୨୧ ହେଝାନ୍ ଝିଜାର କାଜିଂ ପା ପାର୍ତାନା କିଜି ମାଚାନ୍ । ହେଝାର ଝିଜାକାର ଏକ୍ ଆନାର୍; ଇଦାଂ ନା ପାର୍ତାନା । ଆବା, ଏନ୍ ଇନେସ୍ କି ନା ତାକେ ଆରି ଆନ୍ ନି ତାକେ ମାନାଜ୍, ହେଝାର ପା ହେ ଲାକେ ଇନେସ୍ କି ଏନ୍ ନାଜ୍ ପକ୍ତାତାନ୍ ଇଞ୍ଜି ପୁତର୍ ପାତର୍ କିଦ୍ ନାତ୍ ।

୨୨ ଆରେ, ଏନ୍ ନାଜେଜ୍ ଇମ୍ଣା ପାଣ୍ ହିତ୍ତାୟନା, ଆନ୍ ହେଝାରିଂ ହେଦାଂ ହିତାଜ୍ ନା, ଇନେସ୍ ଆପେଂ ଇନେସ୍ କି ଏକ୍, ହେଝାର ହେ ଲାକେ ଏକ୍ ଆନାର୍;

୨୩ ଆନ୍ ହେଝାର ତାକେ, ଆରେ ଏନ୍ ନା ତାକେ, ଇନେସ୍ ହେଝାର ହାର୍ ଆଜି ଏକ୍ ଆନାର୍, ଇନେସ୍ ପୁତର୍ ବୁଜାଆନାତ୍ ଜେ, ଏନ୍ ନାଜେଜ୍ ପକ୍ତାତାୟ, ଆରେ ନାଜେଜ୍ ଇନେସ୍ କି ଜିଉନତାୟ, ହେଝାରିଂ ପା ହେ ଲାକେ ଜିଉନତାୟ ।”

୨୪ “ଏ ଆବା, ଏନ୍ ନାଜେଜ୍ ଇମ୍ଣାକାରିଂ ହିତ୍ତାୟନା, ଆନ୍ ଇମେତାକେ ମାନେଜ୍, ହେଝେର୍ ପା ଇନେସ୍ ହେବେ ନା ଲାହାଜ୍ ମାନେର୍ ଆରି ପୁତର୍ ଝିଜି ଆଗେ ଏନ୍ ନାଜେଜ୍ ଜିଉନଜି କିଦ୍ ନି କାଜିଂ ନାଜେଜ୍ ଇମ୍ଣା ପାଣ୍ ହିତ୍ତାୟନା, ନା ହେ ପାଣ୍ ହେଝାର ଇନେସ୍ ହୁଡ୍ ନାର୍, ଇଦାଂ ନା ମାନ୍ ।

୨୫ ଏ ଦାମ୍ ଆବା, ପୁତର୍ ନିଜେଜ୍ ପୁଞ୍ଜାତାତ୍ ନା, ମାତର୍ ଆନ୍ ନିଜେଜ୍ ପୁଞ୍ଜାଜ୍ ନା; ଆରେ, ଇଦାଂ ଜେ ନାଜେଜ୍ ପକ୍ତାତାୟ, ହେଦାଂ ଇଝାର ପୁରାଣ୍;

୨୬ ଆରେ ଏନ୍ ନାଜେଜ୍ ଇମ୍ଣା ଜିଉତ୍ ଜିଉନତାୟନା, ହେଦାଂ ଇନେସ୍ ହେଝାର ତାକେ ମାନାତ୍ ଆରି ଆନ୍ ହେଝାର ତାକେ ମାନ୍ ଗାନାଜ୍, ଇ କାଜିଂ ଆନ୍ ହେଝାରିଂ ନି ତର୍ ଝେଚ୍ଚାତାଂ ନା ଆରି ଝେଚ୍ଚନାଜ୍ ।”

### ୧୮

#### ଜିସୁ ସାତୁର୍ କେଇଦ ଆହ୍ମା ଆତାନ୍

(ମାତିଉ ୨୭:୪୭-୫୭; ମାର୍କ ୧୪:୪୩-୫୦; ଲୁକ ୨୨:୪୭-୫୩)

୧ ଜିସୁ ଇ ପାର୍ତାନା ଝିଜୁ କାତା ଇଞ୍ଜି ଜାର୍ ଚେଲାର ଲାହାଜ୍ କିଦ୍ ନା ନାଗୁଡ୍ କନାନି ଆଣ୍ଟିପାଡ୍ କାତ ହସି ହାଚାର୍ । ହେବେ ରଞ୍ଜାଜ୍ ବାଡ୍ ମାଚାତ୍, ଆରେ ହଝାନ୍ ଆରେ ତା ଚେଲାହିର୍ ହେବେ ହଚାର୍ ।

୨ ଇମ୍ଣା ଜିହୁଦା ତାଜେଜ୍ ସତୁ କେଇଦ ହେଲାୟ କିତାନ୍, ହେଝାନ୍ ପା ହେ ବାହା ପୁଞ୍ଜି ମାଚାନ୍, ଇନାକିଦେଂ କି ଜିସୁ ବେସିହର୍ ଜାର୍ ଚେଲାହିର୍ ଲାହାଜ୍ ହେ ବାହାତ ହାଲ୍ ବିସ୍ ମାଚାର୍ ।

୩ ଲାଗିଂ, ଜିହୁଦା ମେଲ୍ୟାର୍ ଆରେ ମୁଡ୍ ମାପୁହେବା କିନାକାର୍ ଆରି ପାରୁସିର୍ତାଂ ପାୟାତାକାର୍ ମନ୍ଦିର୍ କାନାକାର୍ ବଇଚା, ଜୁଜର ଆରି ଆତିୟାର୍ ଆସ୍ତି ହେବେ ଝାତାନ୍ ।

୪ ହେବେତାଂ ଜିସୁ, ହେ କାଜିଂ ଇନା ଇନାକା ଗିଚା ଆଦେଂ ହାନାତା, ହେ ଝିଜୁ ପୁଞ୍ଜି ଆଗେ ଝାଜି ହେଝାରିଂ ଝେନ୍ ବାତାନ୍, “ଏପେଜ୍ ଇନେରିଂ ତେକ୍ ନାଦେରା ?”

୫ ହେଝାର୍ ଜିସୁଜ୍ ଉତର୍ ହିତାର୍, “ନାଜରିତିୟ ଜିସୁଜ୍ ।”

ହେଝାନ୍ ହେଝାରିଂ ଇଚାନ୍, “ଆନ୍ ହେଝାନ୍ ।”

ଇମ୍ଣା ଜିହୁଦା ତାଜ୍ ସାତୁ କେଇଦ ସର୍ପି କିତାନ୍, ହେଝାନ୍ ପା ହେଝାର ଲାହାଜ୍ ନିଲ୍ କି ମାଚାନ୍ ।

୬ ଜିସୁ ଏଚେକାତ୍ ଦ ହେଝାରିଂ ଝେଚ୍ଚଚାନ୍, “ଆନ୍ ହେଝାନ୍,” ହେ ପାଦ୍ ନା ହେଝାର୍ ପାଚ୍ ଗୁଚା ଆଜି ମେଦ୍ ନିତ୍ ଗୁଚାର୍ ।

୭ ହେବେଣ୍ଡାଂ ହେଝାନ୍ ହେଝାରିଂ ଆରେ ରଗ ଝେନ୍ ବାତାନ୍, “ଏପେଜ୍ ଇନେରିଂ ତେକ୍ ନାଦେରା ?” ହେଝାର୍ ଇଚାର୍, “ନାଜରିତିୟ ଜିସୁଜ୍ ।”

୮ ଜିସୁ ଉତର୍ ହିତାନ୍, “ଆନ୍ ଜେ ହେଝାନ୍, ଇଝାନ୍ ଆନ୍ ମିଜେଜ୍ ଝେଚ୍ଚାତାଂ । ଲାଗିଂ ଏପେଜ୍ ଜଦି ନାଜ୍ ତେକ୍ ନାଦେରା, ତା ଆତିସ୍ ଇଝାରିଂ ହାଞ୍ଜେଜ୍ ପିସ୍ତି ହିୟାଚ୍ ।”

୯ ଜିସୁ ଇଦାଂ ଇଚାନ୍, ଇନେସ୍ ତା ଲେକାଆତି ବଚନ୍ ପୁରା ଆନାତ୍, “ଏନ୍ ନାଜ୍ ଇନେରିଂ ହିତ୍ତାୟନା, ହେଝାର୍ ବିତ୍ତେ ଆନ୍ ରକାନିଂ ପା ଆରାୟ୍ କିଝାତାଂ ନା ।”

୧୦ ସିମନ୍ ପିତର୍ ଲାଗାଂ କାଣ୍ଟା ମାତିଲେ ହେଝାନ୍ ହେଦାଂ ହପ୍ ଚି ମୁଡ୍ ମାପୁହେବାକିନାକାନ୍ ଆଡ୍ ଏନିଂ ତତାନ୍ ଆରି ତା ତିନି କିତୁଲ୍ ନାଚ୍ ଚି ହୁଡ୍ ତାନ୍; ହେ ଆଡ୍ ଏକ୍ତି ତର୍ ମାଲ୍ କ ।

୧୧ ☆ହେବେଣ୍ଡାଂ ଜିସୁ ପିତର୍ ତିଂ ଇଚାନ୍, “କାଣ୍ଟା ଇଚ୍ଚିତାକେ ଇଚା; ଆବା ନାଜ୍ ଇମ୍ଣା ବାହା ହିତ୍ତାୟ, ଆନ୍ ଇନାକା ହେବେ ଗସ୍ ତେଜ୍ ଆଡ୍ ଜ୍ ?”

☆ ୧୮:୧୧ ମାତିଉ ୨୭:୩୯; ମାର୍କ ୧୪:୩୭; ଲୁକ ୨୨:୪୭.



ହାନାନ ମୁମ୍ବ ଇସ୍ବର

(ମାତିଉ ୨୬:୨୯-୩୦; ମାର୍କ ୧୪:୨୬-୨୮; ଲୁକ ୨୨:୫୫-୫୭)

୧୨ ଇଦାଂ ପାତେ ରମିୟ ନେତାର୍‌ନି ମେଲ୍ୟାର୍, ମୁଡ଼ମେଲ୍ୟା, ଆରେ ଜିହୁଦିର୍ ମେଲ୍ୟାର୍ ଜିସୁଙ୍ଗ୍ ଆସ୍ତି ଗାର୍‌ଗାର୍ ।

୧୩ ଆରେ ତାଙ୍ଗେଙ୍ଗ୍ ଗାର୍‌ତି ପର୍ତ୍ତୁମ୍ ହାନାନ ତାକେ ଅତାର୍, କୟାପା ପଡ଼ଲେହି ମାତାନ୍ ଇନାକିଦେଂକି ହେଝାନ୍ ହେ ବାର୍ତ୍ତୁନି ମୁଡ଼ ମାପୁହେବା କିନାକାର୍ ମାତାନ୍ ।

୧୪ \*ମାନାୟାର୍ ବିତ୍ରେ ରକାନ୍ ହାନାକା ହାର୍ ଇଞ୍ଜି ଜିହୁଦିରିଂ ଜେ ଖେଚ୍‌ଚି ମାତାନ୍, ଇଝାନ୍ ହେ କୟାପା ।

ପିତର୍ ଜିସୁଙ୍ଗ୍ ପାତର୍ କିଝାତାନ୍

(ମାତିଉ ୨୬:୨୯-୩୦; ମାର୍କ ୧୪:୨୬-୨୮; ଲୁକ ୨୨:୫୫-୫୭)

୧୫ ସିମନ୍ ପିତର୍ ଆରି ଆରେ ରକାନ୍ ତେଲାହି ଜିସୁ ପାତେ ପାତେ ହାଲ୍‌ଜି ମାତାର୍ । ହେ ତେଲା ମୁଡ଼ ମାପୁହେବାକିନାକାନିଂ ଚିନା ଜାଣା ମାତାନ୍ ଆରି ଜିସୁତି ହୁକେ ମୁଡ଼ ମାପୁହେବାକିନାକାନ୍ ହାକଡ଼ିତ ହଟାର୍;

୧୬ ମାତର୍ ପିତର୍ ବାର୍ତ୍ତ ଦୁଝେରତ ଲାଗେ ନିଲ୍‌ଚି ମାତାନ୍ । ଲାଗିଂ, ହେ ଇମଣି ବିନ୍ ତେଲା ମୁଡ଼ ମାପୁହେବାକିନାକାନ୍ ମେହାଣ୍ ମାତାନ୍, ହେଝାନ୍ ବାର୍ତ୍ତ ହାଲ୍‌ଜି ଦୁଝେର କାନାକାନିଂ ଖେଚ୍‌ଚି ପିତର୍‌ତିଂ ବିତ୍ରେ ତାହିଝାତାନ୍ ।

୧୭ ହେବେ ହେ ଦୁଝେରତ କାନାକାଦେଲ୍ ଆଡ଼ିଏଣି ପିତର୍‌ତିଂ ଇଚାଡ଼, “ଏନ୍ ପା ଇନାକା ଇ ମାନାୟତିଂ ତେଲାର୍ ବିତ୍ରେ ରକାୟ୍ ଆକାୟ୍ ?”

ପିତର୍ ଇଚାନ୍, “ଆନ୍ ଆକାୟ୍ ।”

୧୮ ପିନି କାଜିଂ ଆଡ଼ିୟା ଆରି କାନାକାର୍ ନାଣିଆହି କିଜି ହେବେ ନିଲ୍‌ଚି କାଈଜି ମାତାର୍; ପିତର୍ ପା ହେଝାର୍ ଲାହାଙ୍ଗ୍ ନିଲ୍‌ଚି ନାଣି କାଈଜି ମାତାନ୍ ।

ମୁଡ଼ ମାପୁହେବାକିନାକାର୍ ଜିସୁଙ୍ଗ୍ ପର୍‌ସନ୍ କିତାନ୍

(ମାତିଉ ୨୬:୫୯-୬୨; ମାର୍କ ୧୪:୫୫-୬୪; ଲୁକ ୨୨:୬୬-୬୯)

୧୯ ମୁଡ଼ ମାପୁହେବାକିନାକାନ୍ ଜିସୁଙ୍ଗ୍ ତା ତେଲାହିର୍ ବିସ୍ତେ ଆରି ହେ ହିକ୍ୟା ବିସ୍ତେ ଖେନ୍‌ବାତାର୍ ।

୨୦ ଜିସୁ ତାଙ୍ଗେଙ୍ଗ୍ ଉତର୍ ହିତାନ୍, “ଆନ୍ ପୁତର୍ ତାକେ ହପ୍‌ଚି କାତା ଇଚାଙ୍ଗ୍‌ନା; ଇମେତାକେ ଝିଜାର୍ ଜିହୁଦିର୍ ରୁଣ୍ଡା ଆନାର୍, ଇ ଲାକେ କୁଚୁମ୍ ଇଞ୍ଜି ଆରି ମନ୍ଦିରତ ଆନ୍ ନିତ୍ରେ ହିକ୍ୟା ହିନାଙ୍ଗା; ଆନ୍ ଲୁକାମ୍‌ରେ ଇନାକା ହିଝାତାଂନ୍ନା

୨୧ ନାଙ୍ଗ୍ ଇନେକିଦେଂ ଖେନ୍‌ବା ଆଦ୍‌ନାଦେରା ? ଆନ୍ ହେଝାରିଂ ଇନାକା ଇଚାଙ୍ଗ୍‌ନା, ଇନେର୍ ଖେଚାର୍‌ନା, ହେଝାରିଂ ଖେନ୍‌ବାଟ୍; ହୁଡ଼ାଟ୍, ଆନ୍ ଇନା ଇନାକା ଇଚାଙ୍ଗ୍‌ନା ହେଝାର୍ ହେଝିଜୁ ପୁନାର୍ ।”

୨୨ ଜିସୁ ଇଦାଂ ଇଚିଲେ ମେଲ୍ୟାର୍ ବିତ୍ରେ ରକାନ୍ ଜିସୁଙ୍ଗ୍ ଚାପ୍‌ଡା ଇଡ଼ିଜି ଇଚାନ୍, “ଏନ୍ ମୁଡ଼ ମାପୁହେବାକିନାକାନିଂ ଏନେଙ୍ଗ୍ ଉତର୍ ହିନାୟା ?”

୨୩ ଜିସୁ ତାଙ୍ଗେଙ୍ଗ୍ ଉତର୍ ହିତାନ୍, “ଜଦି ଆନ୍ ବାନ୍‌ୟା ଇଚାଂ, ତା ଆତିସ୍ ଝିଜାରିଂ ମୁମ୍ବ ବାନ୍‌ୟା ପାର୍‌ମାଣ୍ ହିୟା; ମାତର୍ ଜଦି ହାର୍ ଇନ୍‌ଚାଙ୍ଗ୍, ତା ଆତିସ୍ ଇନେକିଦେଂ ନାଙ୍ଗେଙ୍ଗ୍ ମାଡ଼ିଜି କିଦ୍‌ନାୟା ?”

୨୪ ହେବେ ହାନାନ ତାଙ୍ଗେଙ୍ଗ୍ ଗାଚ୍ୟା ଆତାକାନିଂ ମୁଡ଼ ମାପୁହେବାକିନାକାର୍ କୟାପା ଲାଗେ ପକ୍‌ତାନ୍ ।

ପିତର୍ ଜିସୁଙ୍ଗ୍ ଆରେ ରଗ ପାତର୍ କିଝାତାନ୍

(ମାତିଉ ୨୬:୬୧-୬୫; ମାର୍କ ୧୪:୨୯-୩୨; ଲୁକ ୨୨:୫୮-୬୨)

୨୫ ଝିସ୍ତି ବିତ୍ରେ ସିମନ୍ ପିତର୍ ନିଲ୍‌ଚି ନାଣି କାଈଜି ମାତାନ୍ । ହେବେଣ୍ଡାଂ ହେଝାର୍ ତାଙ୍ଗେଙ୍ଗ୍ ଖେନ୍‌ବାତାର୍, “ଏନ୍ ପା ଇନାକା ହେ ତେଲାର୍ ବିତ୍ରେ ରଝାୟ୍ ଆକାୟ୍ ?”

ମାତର୍ ପାତର୍ କିଝାଦାଂ ଇଚାନ୍, “ଆକାୟ୍ ଆନ୍ ଆକାୟ୍ ।”

୨୬ ମୁଡ଼ ମାପୁହେବା କିନାକାନ୍ ଆଡ଼ିୟାର୍ ବିତ୍ରେ ରଝାନ୍, ଇଚିସ୍ ପିତର୍ ଇନେର୍‌ତି କିତୁଲ୍ ରାସ୍‌ଦି ମାତାନ୍, ତା ହାଙ୍ଗ୍‌ଦାକାନ୍ ରକାନ୍ ଇଚାନ୍, “ଆନ୍ ଇନାକା ନିଙ୍ଗ୍ ତା ଲାହାଙ୍ଗ୍ ବାଡ଼୍‌ଦ ହୁଡ଼ିଜି ମାଞ୍ଜିଝାତାଂ ?”

୨୭ ହେବେଣ୍ଡାଂ ପିତର୍ ଆରେ ରଗ ପାତର୍ କିଝାତାନ୍; ଆରେ ହେ ଦାପ୍ରେ କୁଜୁ କ୍ଳେତାଡ଼ ।

ପିଲାତ ମୁମ୍ବ ଜିସୁ

(ମାତିଉ ୨୬:୧-୨; ୧୧:୧୪; ମାର୍କ ୧୫:୧-୫; ଲୁକ ୨୩:୧-୫)

୨୮ ପାତେ ହେଝାର୍ ଜିସୁଙ୍ଗ୍ କୟାପାଙ୍ଗ୍ ଲାଗାଂ ବାଙ୍ଗ୍‌ଲୀତ ଅତାର୍ ନାଡ଼ିସ୍ ଆଜି ମାତାଡ଼; ଆରେ, ହେଝାର୍ ଇନେସ୍ ବିଚାଡ଼ ଆଝାଦାଂ ନିସ୍ତାର୍ ପାର୍‌ବୁନି ବଜି ମାନିକିଦେଂ ଆଡ଼୍‌ନାର୍, ଇଦାଂ କାଜିଂ ନିଜେ ବାଙ୍ଗ୍‌ଲା ବିତ୍ରେ ହଣ୍‌ଝାତାର୍ ।

୨୯ ଲାଗିଂ, ପିଲାତ ହେଝାର୍‌ତାଂ ହସି ଝାଜି ଖେନ୍‌ବାତାନ୍, “ଇ ମାନାୟ୍ ବିରୁଦ୍‌ତ ଏପେଙ୍ଗ୍ ଇମ୍‌ଣି କାତା ତାହିଝାନାଦେରା ?”

\* ୧୮:୧୪ ଜହନ୍ ୧୧:୪୯,୫୦.

୩୦ ହେୱାର୍ ତାଙ୍କ ଉତ୍ତର ହିତାର୍, “ଇ ମାନାୟ୍ ଜଦି ପାପ୍ୟା ଆୱାଦାଂ ମାଚିସ୍, ତା ଆତିସ୍ ଆପେଂ ତାଙ୍ଗେଙ୍ଗ୍ ନି କେଇଦ ହେଲ୍ଲାୟ୍ କିଦ୍‌ୱାତାପ୍‌ମା ।”

୩୧ ହେବେଣ୍ଡାଂ ପିଲାତ ହେୱାରିଂ ଇଚାନ୍, “ଏପେଙ୍ଗ୍ ଇୱାନିଂ ଅଜି ହାଲ୍‌ଜି ମି ବିଦି ଲାହାଙ୍ଗ୍ ଇୱାନ୍ତି ବିଚାର୍ କିୟାଟ୍ ।” ଜିହୁଦିର୍ ହେୱାନିଂ ଇଚାର୍, “ଇନେରିଂ ପାରାଣ୍ ତାଣ୍ ହିଦେଂ ମା ଆଦିକାର୍ ହିଲୁଡ୍ ।”

୩୨ ✧ଜିସୁ ଇମ୍‌ଣି ବାନି ହାକି କିଦେଙ୍ଗ୍ ହାନାନା, ହେବେତାଂ ୱେଟ୍‌ଟି ହେୱାନ୍ ଇମ୍‌ଣି ବଚନ୍ ଇଚାନ୍ ହେଦାଂ ଇନେସ୍ ପୁରା ଆନାଡ୍, ଇଦାଂ କାଜିଂ ହେୱାର୍ ଇଦାଂ ଇଚାର୍ ।

୩୩ ପିଲାତ ବାଙ୍ଗାଲା ବିତ୍ରେ ହର୍‌ଜି ଜିସୁଙ୍ଗ୍ କୁକ୍‌ଟି ତାଙ୍ଗ୍ ୱେନ୍‌ବାତାନ୍, “ଏନ୍ ଇନାକା ଜିହୁଦିର୍ ରାଜା ?”

୩୪ ଜିସୁ ଉତ୍ତର ହିତାନ୍, “ଏନ୍ ଇନାକା ନିଜ୍‌ତାଙ୍ଗ୍ ଇଦାଂ ଇଚାୟ୍‌ନା, କି ବିନ୍‌ଲଗୁ ନା ବିସ୍ତେ ନିଙ୍ଗ୍ ଇଦାଂ ଇସ୍ତାର୍‌ନା ?”

୩୫ ପିଲାତ ଉତ୍ତର ହିତାନ୍, “ଆନ୍ ଇନାକା ରକାଂ ଜିହୁଦି ? ନି ଜାତିନିକାର୍ ଆରି ମୁଡ୍ ମାପୁହେବାକିନାର୍ ନିଙ୍ଗେଙ୍ଗ୍ ମା କେଇଦ ହେଲ୍ଲାୟ୍ କିଦ୍‌ତାଣ୍ଡା; ଏନ୍ ଇନାକା କିତାୟ୍‌ନା ?”

୩୬ ଜିସୁ ଉତ୍ତର ହିତାନ୍, “ନା ରାଜି ଇ ପୁତ୍ ବିସ୍ତେ ଆକାୟ୍; ଜଦି ନା ରାଜି ଇ ପୁତ୍ ବିସ୍ତେ ଆତାମ୍‌, ତା ଆତିସ୍ ଆନ୍ ଇନେସ୍ ଜିହୁଦି ନେତାର୍ କେଇଦ ହେଲ୍ଲାୟ୍ ଆୱାତାଂମା, ହେଦାଂ କାଜିଂ ନା ହେବା କିନାକାର୍ ଜୁଜ୍ କିତାମ୍‌; ମାତର୍ ନା ରାଜି ହାଡ୍‌ପା ବିସ୍ତେ ଆକାୟ୍ ।”

୩୭ ହେବେଣ୍ଡାଂ ପିଲାତ ହେୱାନିଂ ୱେନ୍‌ବାତାନ୍, “ତା ଆତିସ୍ ଏନ୍ ରୱାୟ୍ ରାଜା କି ?” ଜିସୁ ଉତ୍ତର ହିତାନ୍, “ଏନ୍ ତ ଇଞ୍ଜିନାୟା, ଆନ୍ ରକାଂ ରାଜା । ଆନ୍ ଇନେସ୍ ହାଡ୍‌ପା ପାକ୍ୟାତ ସାକି ହିନାଙ୍ଗ୍, ଇଦାଂ କାଜିଂ ଆନ୍ ଜଲମ୍ ଆତାଙ୍ଗ୍‌ନା ଆରି ପୁତ୍ ୱାତାଙ୍ଗ୍‌ନା । ଇନେନକି ହାଡ୍‌ପାନି ମାଜି, ହେୱାନ୍ ନା କାତା ୱେନାନ୍ ।”

୩୮ ପିଲାତ ଜିସୁଙ୍ଗ୍ ଇଚାନ୍, “ହାଡ୍‌ପା ଇନାକା ?”

ଇଦାଂ ଇଞ୍ଜି ପିଲାତ ଆରେ ଜିହୁଦି ତାକେ ବାର୍ତ୍ତ ହାଲ୍‌ଜି ହେୱାରିଂ ଇଚାନ୍, “ଆପେଂ ଇବେ ଇନାକାପା ଦସ୍ ପାୟା ଆଉପା ।”

ଜିସୁ କାଜିଂ ହାକି ରାଜି

(ମାତିଉ ୨୭:୧୫-୩୧; ମାର୍କ ୧୫:୭-୨୦; ଲୁକ ୨୩:୧୩-୨୫)

୩୯ ମାତର୍ ନିସ୍ତାର୍ ପାର୍‌ବୁ ୱେଡାଲିଂ ମି କାଜିଂ ରୱାନିଂ ମୁକ୍‌ତାୟ୍ କିନାପ୍, ଇଦାଂ ମି ରିତି ନିତି ମାନାଡ୍; ଲାଗିଂ, “ଜିହୁଦିର୍ ରାଜାଙ୍ଗ୍ ଆପେଂ ମି କାଜିଂ ମୁକ୍‌ତାୟ୍ କିଜି ହିଦ୍‌ନାପ୍ ଇଞ୍ଜି ଇନାକା ମି ମାନ୍ କିନାଦେରା କି ?”

୪୦ ହେବେ ହେୱାର୍ ଆରେ ରଗ କିକିରାତିଂ କିଜି ଇଚାର୍, “ଇ ମାନାୟ୍ ଆକାୟ୍, ମାତର୍ ବାରବାଙ୍ଗ୍ ।” ଇ ବାରବା ରକାନ୍ ଚରେନ୍ ମାଚାନ୍ ।

୧୯

୧ ତା ପାଚେ ପିଲାତ ଜିସୁଙ୍ଗ୍ ଅଜି ହାଲ୍‌ଜି କର୍‌ତା ଟ୍ରାକି କିତାନ୍ ।

୨ ଆରେ, ମେଲ୍ୟାର୍ ୱାଡ୍ ମୁକୁଟ୍ ରଚ୍‌ଟି ତା କାପ୍‌ଡାତ ତୁଜି କିତାର୍ ଆରି ହେୱାନିଂ କାହରାତି କାଲାର୍ ବାନି ଆଙ୍ଗି ଉସ୍ତି କିତାର୍;

୩ ହେୱାର୍ ତା ତାକେ ୱାଜି ଇଚାର୍, “ଏ ଜିହୁଦିର୍ ରାଜା, ଜୁଗ୍ ଜୁଗ୍ ମାନା” ଆରେ, ହେୱାର୍ ହେୱାନିଂ ଚାପ୍‌ଡା ଇଡ୍‌ଦେଂ ଲାଗାତାର୍ ।

୪ ପିଲାତ ଆରେ ରଗ ବାର୍ତ୍ତ ହାଲ୍‌ଜି ହେୱାରିଂ ଇଚାନ୍, ହୁଡାଟ୍, “ଆପେଂ ଜେ ତା ତାକେ ଇନାକାପା ଦସ୍ ପାୟା ଆଉପା,” ଇଦାଂ ଇନେସ୍ ଏପେଙ୍ଗ୍ ପୁନାଦେର୍, “ଇଦାଂ କାଜିଂ ଆପେଂ ତାଙ୍ଗେଙ୍ଗ୍ ମି ତାକେ ହପ୍‌ଟି ତାଡ୍‌ପ୍‌ନା ।”

୫ ହେବେଣ୍ଡାଂ ଜିସୁ ହେ ୱାଡ୍ ମୁକୁଟ୍ ଆରି କାହରାତି କାଲାର୍ ବାନାନି ଆଙ୍ଗି ଉସ୍ତିସ୍ ବାର୍ତ୍ତ ୱାତାନ୍ । ପିଲାତ ହେୱାରିଂ ଇଚାନ୍, ହୁଡାଟ୍, ଇୱାନ୍ “ହେ ମାନାୟ୍ !”

୬ ହେବେଣ୍ଡାଂ ମୁଡ୍ ମାପୁହେବାକିନାକାନ୍ ଆରି ମନ୍ଦିର୍ କାନାକାର୍ ତାଙ୍ଗେଙ୍ଗ୍ ହୁଡ୍‌ଜି କିକିରାତିଂ କିଜି ଇଚାର୍, “କୁସ୍‌ତ ଦୁପାଟ୍, କୁସ୍‌ତ ଦୁପାଟ୍ ।” ପିଲାତ ହେୱାରିଂ ଇଚାନ୍, “ଏପେଙ୍ଗ୍ ହେୱାନିଂ ଅଜି କୁସ୍‌ତ ଦୁପାଟ୍, ଇନାକିଦେଂକି ଆପେଂ ତା ତାକେ ଇନାକାପା ଦସ୍ ପାୟା ଆଉପା ।”

୭ ଜିହୁଦିର୍ ତାଙ୍ଗେଙ୍ଗ୍ ଉତ୍ତର ହିତାର୍, “ମାଦାଂ ରଞ୍ଜାଙ୍ଗ୍ ବିଦି ମାନାନ୍ ଆରି ହେ ରିତି ହୁକେ ହେୱାନ୍ ହାନି ଲଡା, ଇନାକିଦେଂକି ହେୱାନ୍ ଜାର୍‌ତିଂ ଇସ୍‌ବର୍ ମାଜି ଇଞ୍ଜି ଇନାନ୍ନା ।”

୮ ହେବେଣ୍ଡାଂ ପିଲାତ ଇ କାତା ୱେନ୍‌ଜି ଆଦିକ୍ ପାଣ୍ଡା ଆତାନ୍;

୯ ଆରେ, ହେୱାନ୍ ଆରେ ରଗ ବାଙ୍ଗାଲାତ ହର୍‌ଗିସ୍ ଜିସୁଙ୍ଗ୍ ୱେନ୍‌ବାତାନ୍, “ଏନ୍ ଇମେଣ୍ଡାଂ ୱାତାୟ୍‌ନା ?”

ମାତର୍ ଜିସୁ ତାଙ୍ଗେଙ୍ଗ୍ ଉତ୍ତର ହିତାନ୍ ।

୧୦ ହେବେଣ୍ଡାଂ ପିଲାତ ତାଙ୍ଗେଙ୍ଗ୍ ଇଚାନ୍, “ନାଙ୍ଗେଙ୍ଗ୍ କାତା ଇଞ୍ଜିୟା ? ନିଙ୍ଗେଙ୍ଗ୍ ମୁକ୍‌ତାୟ୍ କିଦେଙ୍ଗ୍ ମା ଆଦିକାର୍ ମାନାଡ୍ ଆରି ନିଙ୍ଗେଙ୍ଗ୍ କୁସ୍‌ତ ଦୁପ୍‌ଡେଦେଂ ମା ଆଦିକାର୍ ମାନାଡ୍, ଇଦାଂ କି ଏନ୍ ପୁନୁୟା ?”

✧ ୧୮:୩୨ ଜହନ ୩:୧୪; ୧୨:୩୨.

୧୧ ଜିସୁ ଉତର ହିତାନ୍, “ଜଦି ଇସ୍ତର ତାଙ୍ଗ୍ ହତ୍‌ଖାଦାଙ୍ଗ୍ ମାଟିସ୍, ତା ଆତିସ୍ ନା ବିରୁଦ୍‌ତ ନିନ୍ଦାଂ ଇନାକାପା ଆଦିକାର୍ ମାନ୍‌ଖାତାତ୍‌ମା, ଲାଗିଂ ଜେ ନାଙ୍ଗେଙ୍ଗ୍ ନି କେଇଦ ହେଲାୟ୍ କିତାଙ୍ଗ୍‌ନା, ତା ପାପ୍ ଅଲପ୍ ।”

୧୨ ହେବେଣ୍ଡାଂ ପିଲାତ ଜିସୁଙ୍ଗ୍ ମୁକ୍‌ତାୟ୍ କିଦେଙ୍ଗ୍ ସେସ୍ତା କିତାନ୍, ମାତର ଜିହୁଦିର୍ କିକିରାତିଂ କିଜି ଇଚାର୍, “ଜଦି ଏନ୍ ଇ ମାନାୟ୍‌ତିଂ ମୁକ୍‌ତାୟ୍ କିନାୟ୍, ତା ଆତିସ୍ ଏନ୍ ସମ୍‌ରାଟ୍‌ତିଂ ସାଙ୍ଗ୍ ଆକାୟ୍; ଇନେର୍‌କି ଜାର୍‌ତିଂ ରାଜା ଇଞ୍ଜି ଇନାନ୍, ହେଖାନ୍ କାଇସର୍‌ତିଂ ବିରୁଦ୍‌ତାଂ କାତା ଇନାନ୍ ।”

୧୩ ପିଲାତ ଇ ଓଁଜୁ କାତା ଖେନ୍‌ଞ୍ଜି ଜିସୁଙ୍ଗ୍ ହପ୍‌ତି ତାସି “କାଲକୁମ୍‌ଗ୍‌ସ୍ତମ୍,” ଇନେରିଂ ଏବ୍ରି ବାସାତ “ଗର୍‌ବତା,” ଇଞ୍ଜି ଇଚାନ୍, ହେ ବିଚାର୍ କିନି ବାହାତ କୁଚ୍‌ଚାନ୍ ।

୧୪ ହେ ଦିନ୍ ନିସ୍ତାର ପାର୍‌ଗୁନି ଜାଲ୍‌ଦି କିନି ଦିନ୍, ଆରେ ହେଖାତାଂ ବେସିଆଉତିସ୍ ଖେଡାଲିଂ ସମୁ ଆଜି ମାଚାତ୍ । ଆରେ, ପିଲାତ ଜିହୁଦିରିଂ ଇଚାନ୍, “ହୁଡାଟ୍, ମି ରାଜା !”

୧୫ ହେବେଣ୍ଡାଂ ହେଖାର୍ କିର କିତାର୍, “ତାଙ୍ଗେଙ୍ଗ୍ ଅହାଟ୍, ଅହାଟ୍, କୁସ୍‌ତ ଦୁପାଟ୍ ।” ପିଲାତ ହେଖାରିଂ ଇଚାନ୍, ଆପ୍ ଇନାକା ମି ରାଜାଙ୍ଗ୍ କୁସ୍‌ତ ଦୁପ୍‌ନାପ୍ କି ? ମୁଡ୍ ମାପୁହେବାକିନାକାର୍ ଉତର ହିତାର୍, “କାଇସର୍‌ତିଂ ପିସ୍ତା ମାଙ୍ଗେଙ୍ଗ୍ ଆରେ ରାଜା ଇନେର୍ ହିଲୁନ୍ ।”

୧୬ ହେବେଣ୍ଡାଂ ହେଖାନ୍ ଇନେସ୍ କୁସ୍‌ତ ଦୁପ୍‌ୟା ଆତାନ୍‌ମା, ଇଦାଂ କାଜିଂ, ହେଖାନ୍ ହେଖାନ୍ ହେଖାର୍ ଇଚାତାଂ ହେଲାୟ୍ କିତାନ୍, ତା ପାଚେ ଜିସୁଙ୍ଗ୍ ଅଜି ହାଚାର୍ ।

**ଜିସୁଙ୍ଗ୍ କୁସ୍‌ତ ଦୁପ୍‌ତାର୍**

(ମାତିଉ ୨୭:୩୨-୪୪; ମାର୍କ ୧୫:୨୧-୩୨; ଲୁକ ୨୩:୨୭-୪୩)

୧୭ ଆରେ, ଜିସୁ ନିଜେ କୁସ୍ ପିଣ୍ଡି ନିନ୍ଦାଶ୍ ତରନି ବାହାତ ହାଚାନ୍, “ଇମ୍‌ଶାକା ଏବ୍ରି ବାସାତାଂ ଗଲ୍‌ଗତା ଇଞ୍ଜି ଇନାର୍, ହେବେ ହସି ହାଚାର୍ ।”

୧୮ ହେବେ ହେଖାର୍ ଜିସୁଙ୍ଗ୍ କୁସ୍‌ତ ଦୁପ୍‌ତାର୍ ଆରି ତା ଲାହାଙ୍ଗ୍ ଆରେ ରିୟାରିଂ ଦୁପ୍‌ତାର୍, ରିକଣ୍ଡାଂ ରିକାରିଙ୍ଗ୍ ଆରି ମାଦି ଜିସୁଙ୍ଗ୍ ।

୧୯ ଆରେ, ପିଲାତ ର ଦାବା କାଗଜ୍ ପା ଲେକିକିଜି କୁସ୍ ଜପି ତାଚ୍‌ଚାନ୍ । “ହେବେ ଲେକା ମାଚାତ୍, ନାଜରିତିୟ୍ ଜିସୁ, ଜିହୁଦିର୍ ରାଜା ।

୨୦ ଜିହୁଦିର୍ ବିତ୍ରେ ହେନି ଇ ଦାବା କାଗଜ୍ ପଡି କିତାର୍, ଇନାକିଦେଂକି ଇମ୍‌ଶି ବାହାତ ଜିସୁଙ୍ଗ୍ କୁସ୍‌ତ ଦୁପ୍‌ତି ମାଚାର୍, ହେଦାଂ ଗାଡୁନି ଲାଗେ ମାଚାତ୍; ଆରେ, ହେ କାଗଜ୍ ଏବ୍ରି, ଲାଟିନ୍, ଆରି ଗ୍ରିକ୍ ବାସାତ ଲେକା ଆଜି ମାଚାତ୍ ।

୨୧ ଲାଗିଂ ଜିହୁଦିର୍ ମୁଡ୍ ମାପୁହେବାକିନାକାର୍ ପିଲାତଂ ଇଚାର୍, ଜିହୁଦିର୍ ରାଜା ଇଞ୍ଜି ଲେକିକିଖାଦାଂ ଇତିସ୍ ଆନ୍ ଜିହୁଦିର୍ ରାଜା ଇଞ୍ଜି ହେଖାନ୍ ଇଚାନ୍, ଇଦାଂ ଲେକିକିୟାଟ୍ ।”

୨୨ ପିଲାତ ଉତର ହିତାନ୍, “ଆପେଂ ଇମ୍‌ଶାକା ଲେକିକିତାପ୍‌ନା, ଲେକିକିତାପ୍‌ନା ।”

୨୩ ମେଲ୍ୟାର୍ ଜିସୁଙ୍ଗ୍ କୁସ୍‌ତ ଦୁପ୍‌ତି ପାଚେ ହେଖାନ୍ତି ଆଙ୍ଗି ଅଜି ଚାରି ବାଟା କିତାର୍, ଓଁଜାକାର୍ ମେଲ୍ୟାର୍ କାଜିଂ ର ର ବାଟା, ଆରେ ହେଖାର୍ ହେଖାନ୍ତି ଆଙ୍ଗି ପା ଅତାର୍ । ହେ ଆଙ୍ଗି ତ୍ଵତିଆ ଆଖାଦାଂ ଜପିତାଂ ତାରେନ୍ ପାଚେକ୍ ଓଁଜୁ ତ୍ଵୟା ଆଜି ମାଚାତ୍ ।

୨୪ ଲାଗିଂ ମେଲ୍ୟାର୍ ରକାନ୍ ଆରେ ରକାନିଂ ଇଚାର୍, “ଇଦାଂ ହେୟା କେରୁସ୍, ମାତର ଇଦାଂ ଇନେର୍‌ତି ଆନାତ୍, ହେଦାଂ କାଜିଂ ଦରମ୍‌ଗୁଲି କିନାସ୍,” ଇନେସ୍‌କି ଦରମ୍ ସାସ୍ତରତାକେ ଇ ବଚନ୍ ପୁରା ଆନାତ୍, ହେଖାର୍ ଜାର୍ ଜାର୍ ବିତ୍ରେ ନା ଆଙ୍ଗି ବାଟା କିତାର୍, “ଆରେ ନା ଆଙ୍ଗି କାଜିଂ ଦରମ୍‌ଗୁଲି କିତାର୍ । ଲାଗିଂ ମେଲ୍ୟାର୍ ଇ ସବୁ କିତାର୍ ।”

୨୫ ମାତର ଜିସୁତି କୁସ୍ ଲାଗେ ହେ ତେହି ମରିୟ୍‌ମ୍, ହେଖାନ୍ ତେହି ତଶ୍‌ଦେହି, କଲପାତି ତକୁହି ମରିୟ୍‌ମ୍, ଆରି ମଗ୍‌ଦଲିନି ମରିୟ୍‌ମ୍ ନିଲ୍‌ତି ମାଚିକ୍ ।

୨୬ ଜିସୁ ଜାର୍ ଆୟା ଆରି ଇମ୍‌ଶି ଚେଲାଂ ଜିଉନଜି ମାଚାନ୍, ହେ ଲାଗାଂ ନିଲ୍‌ତି ମାନାକା ହୁଡୁଜି ତାଡ଼ିଙ୍ଗ୍ ଇଚାନ୍, “ହୁଡା ନି ମାଜି !”

୨୭ ତା ପାଚେ ହେଖାନ୍ ହେ ଚେଲାଂ ଇଚାନ୍, ହୁଡାଟ୍, “ଇଦେଲ୍ ମିଞ୍ଜି ଆୟା !” ଆରେ, ହେ ସମୁତାଂ ହେ ଚେଲା ତାଙ୍ଗେଙ୍ଗ୍ ଜାର୍ ଇଞ୍ଜି ଅଜି ହାଚାନ୍ ।

**ଜିସୁତି ହାକି**

(ମାତିଉ ୨୭:୪୫-୫୬; ମାର୍କ ୧୫:୩୩-୪୧; ଲୁକ ୨୩:୪୪-୪୯)

୨୮ ଇଦାଂ ପାଚେ ଜିସୁ ଦରମ୍ ସାସ୍ତର ବଚନ୍ ଇନେସ୍ ପୁରା ଆନାତ୍, ଇଦାଂ କାଜିଂ ଓଁଜୁ ବିସ୍ତେ ନଂଗୟ୍ ଓଁସ୍ତାତ୍‌ନା ଇଞ୍ଜି ପୁଞ୍ଜି ଇଚାନ୍, “ନାଙ୍ଗେଙ୍ଗ୍ ଏସ୍‌କି କିଦ୍‌ନାତା ।”

୨୯ ହେବେ କେନିରାସ୍ ବାଟ୍ ର ବାହା ମାଚାତ୍; ଲାଗିଂ ହେଖାର୍ କେନିରାସ୍ ବାଟ୍ ର ରୁଆ ଉଚୁତିଂ ଏଜପନାଲତ ତେଙ୍ଗା ବେଡ଼ଗା ଆହି କିଜି ତାଙ୍ଗ୍ ମୁମ୍ ଲାଗାଂ ହିତାର୍ ।

୩୦ ହେବେଣ୍ଡା ଜିସୁ ହେ କେନିରାସ୍ ଉଣଜି ଇଚାନ୍, ଖିସ୍ତାଡ୍; ଆରେ, ହେଖାନ୍ କାପଡ଼ା ତାରେନ୍ କିଜି ଜିରୁନ୍ ପିସ୍ତାନ୍ ।

**ଜିସୁଙ୍କ କଚଣତ ବାଲାକୁନ୍ଦନାକା**

୩୧ ହେ ଦିନ୍ ଜାଲ୍ଦି କିନି ଦିନ୍ ମାଚିଲେ, ଗାଗାଡ୍ ଇନେସ୍ ଜମ୍ନିବାର ନାଜିଂ କୁସ୍ ଜପି ମାନ୍‌ଗୁଡ୍ ଇନାକିଦେଂକି ହେ ଜମ୍ନିବାର ଗାଜା ଦିନ୍ ମାଚାଡ୍, ହେଦାଂ କାଜିଂ ହେଖାରିତି କାଲ୍‌କୁ ଡ୍ରିକ୍‌କାଟ୍ ଆରି ହେଖାରିଂ କୁସ୍‌ତ ତାଙ୍କ୍ ତାରେନ୍ ଜୁଡ୍‌ତାଟ୍ ବିନ୍ ବାହାତ ଅୟାଆୟେର୍ ଇଞ୍ଜି ଜିହୁଦି ନେତାର୍ ପିଲାତଂ ଗଞ୍ଜାରି କିତାର୍ ।

୩୨ ଲାଗିଂ ମେଲ୍ୟାର୍ ଖାଜି ପର୍ତ୍ତୁମ୍ ନିକାନିଂ କାଲ୍ ଆରି ତା ହୁଦାଂ ଇମ୍‌ଣି ରକାନ୍ କୁସ୍‌ତ ଦୁପ୍‌ୟା ଆଜି ମାଚାନ୍, ତା କାଲ୍ ପା ଡ୍ରିକ୍‌ତାର୍ ।

୩୩ ମତର୍ ହେଖାରି ଜିସୁତି ଲାଗେ ଖାଜି ହେଖାନ୍ ହାତାନେ ଇଞ୍ଜି ହୁଡ୍‌ଜି ହେଖାନ୍ତି କାଲ୍ ଡ୍ରିକ୍‌ଖାତାର୍,

୩୪ ମେଲ୍ୟାର୍ ବିତ୍ରେ ରକାନ୍ ବାଲାତାଂ ହେଖାନିଂ କଚଣତ କୁନ୍‌ତାନ୍, ଆରେ ଦାପ୍ରେ ନେତେର୍ ଆରି ଏଜୁଂ ହଡ୍‌ତିକ୍ ।

୩୫ ଇନେର୍ ହୁଡ୍‌ତାର୍‌ନା, ହେଖାନ୍ ସାକି ହିନାନା, ଇନେସ୍‌କି ଏପେଙ୍ଗ୍ ପା ପାତ୍ କିୟାଟ୍; ଆରେ, ହେଖାନ୍ତି ସାକି ହାଡ୍‌ପା, ଆରେ ହେଖାନ୍ ଜେ ହାଡ୍‌ପା ଇନାନ୍ନା, ଇଦାଂ ହେଖାନ୍ ପୁନାନ୍ ।

୩୬ ଇନାକିଦେଂକି ଦରମ୍ ସାସ୍ତର୍ ଇ ବଚନ୍ ପୁରା ଆଦେଂ କାଜିଂ ଇ ଖିଜୁ ବିସ୍ତେ ଗିଟା ଆତାଡ୍, “ହେଖାନ୍ତି ଉରୁକ୍ ପା ପ୍ରେନ୍ ଡ୍ରିକ୍‌ତାର୍ ।”

୩୭ ଆରେ ରଗ ଦରମ୍ ସାସ୍ତର୍ ଆରେ ର ବଚନ୍ ଇଦାଂ ଲେକାଆତାଡ୍‌ନା, ହେଖାରି ଇନେରିଂ ଅସ୍ତାର୍, ହେଖାନ୍ କାଜିଂ ହୁଡ୍‌ନାନ୍ ।

**ଜିସୁତି କବର୍**

(ମାତିଜ ୨୭:୫୭-୬୧; ମାର୍କ ୧୫:୪୨-୪୭; ଲୁକ ୨୩:୫୦-୫୬)

୩୮ ଇ ସବୁ ଗଟ୍‌ଣା ପାଚେ, ଇମ୍‌ଣି ହାରାମାତିୟାତି ଜସେପ୍ ଜିସୁତି ରକାନ୍ ଚେଲା ମାଚାନ୍, ମାତର୍ ଜିହୁଦି ନେତାର୍ ପାଣ୍ଡୁଡ୍ ଡ୍ରିଗୁଜି ମାଚାନ୍, ହେଖାନ୍ ଜିସୁତି ଗାଗାଡ୍ ଅଦେଂ କାଜିଂ ପିଲାତଂ ଗଞ୍ଜାରି କିତାନ୍ । ହେବେ ପିଲାତ ପିସ୍ତ୍ର ହିତାନ୍ । ଲାଗିଂ ହେଖାନ୍ ଖାଜି ହେଖାନ୍ତି ଗାଗାଡ୍ ଅତାର୍ ।

୩୯ ଇମ୍‌ଣି ନିକଦିମ୍ ପର୍ତ୍ତୁମ୍ ନାଣା ସମ୍ଭୂତ ହେ ଲାଗାୟ୍ ଖାଜି ମାଚାନ୍, ହେଖାନ୍ ପା କମ୍‌ସେକମ୍ ତିରିସ୍ କେଜି ବାସ୍‌ନା ଚିକାଣ୍ ମିହାଆତି ଅଜୁର୍ ତାହିଖାତାନ୍ ।

୪୦ ହେଖାରି ଜିସୁତି ଗାଗାଡ୍ ଅଜି ଜିହୁଦିତ୍ ମାଡ଼ା ମୁଚ୍‌ନି ବିଦି ଲାକେ ହେଦାଂ ହାର୍‌ଦି ବାସ୍‌ନା ଜିନିସ୍ ହୁକେ କଖାଣ୍ ହେନ୍ଦାତ ହୁପାତାର୍ ।

୪୧ ହେଖାନ୍ ଇମ୍‌ଣି ବାହାତ କୁସ୍ ଦୁପ୍‌ୟା ଆଜି ମାଚାନ୍, ହେ ବାହାତ ର ବାଡ୍ ମାଚାଡ୍, ଆରେ ହେ ବାଡ୍‌ଦ ର ପୁନି ଦୁଗେର୍ ମାଚାଡ୍, ହେବେ ଇନେର୍ ଇନାଖାଡ଼ାଂ ଇଟ୍ୟା ଆଖାଦାଂ ମାଚାଡ୍ ।

୪୨ ଆରେ, ଜିହୁଦିତ୍ ଜାଲ୍ଦି କିନି ଦିନ୍ କାଜିଂ ହେ ବାହାତ ହେଖାରି ଜିସୁଙ୍କ୍ ଇଟ୍‌ତାର୍, ଇନାକିଦେଂକି ହେ ଦୁଗେର୍ ଲାଗାୟ୍ ମାଚାଡ୍ ।

**୨୦**

**ଝାରକା ଦୁଗେର୍**

(ମାତିଜ ୨୮:୧-୧୦; ମାର୍କ ୧୬:୧-୮; ଲୁକ ୨୪:୧-୧୨)

୧ ସାଡ୍ ଦିନ୍‌ନି ପର୍ତ୍ତୁମ୍ ରଇବାର୍ ନାଜିଂ ନାଣାଜେ ମାଜ୍‌ଗା ମାନ୍ ମାନ୍ ମଗ୍‌ଦଲିନି ମରିୟ୍‌ମ୍ ଦୁଗେର୍ ଲାଗେ ହାଲ୍‌ଜି ହେବେତାଂ କାଲ୍ ଗୁଡ୍‌ଆତାକା ହୁଡ୍‌ତିକ୍ ।

୨ ଲାଗିଂ ହେଦେଲ୍ ହଞ୍ଜି ହାଲ୍‌ଜି ସିମନ୍ ପିତର୍ ଆରି ଜିସୁ ଇନେରିଂ ଜିଉନଜି ମାଚାନ୍, ହେ ବିନ୍ ଚେଲା ଲାଗେ ଖାତାଡ୍, ଆରେ ହେଖାରିଂ ଇଚାଡ୍, “ହେଖାରି ଦୁଗେର୍‌ତାଂ ମାପୁଙ୍ଗ୍ ଅଜି ହାଚାଣ୍ଟା, ଆରେ ତାଜେଙ୍ଗ୍ ଇମେତାକେ ଇଡ୍‌ତାର୍‌ନ୍ନା, ହେଦାଂ ଆପେଂ ପୁନ୍‌ଖାତାପ୍‌ନା ।”

୩ ହେବେତାଂ ପିତର୍ ଆରି ହେ ବିନ୍ ଚେଲା ଦୁଗେର୍ ଲାଗେ ହାଚାଡ୍ ।

୪ ହେଖାରି ରିୟାର୍ ରସମାନ୍ ହଞ୍ଜେଙ୍ଗ୍ ଲାଗାତାର୍, ଆରେ ହେ ବିନ୍ ଚେଲା ପିତର୍‌ତିଂ ପାଚେ କିଜି ଆଗେ ଦୁଗେର୍ ତାକେ ଏକାତାନ୍,

୫ ଆରେ, ଟଡ୍‌ଜି ବିତ୍ରେ ହୁଡ୍‌ତାନ୍ ହାରୁ କଖାଣ୍ ହେନ୍ଦା ଖିଜୁ ଆର୍ତାକା ହୁଡ୍‌ତାନ୍, ଆତିସ୍‌ପା ହେଖାନ୍ ବିତ୍ରେ ହଣ୍‌ଖାତାନ୍ ।

୬ ପାଚେ ସିମନ୍ ପିତର୍ ପା ତାପାଚେ ପାଚେ ଖାଜି ଏକାଖାତାର୍ ଆରି ଦୁଗେର୍ ବିତ୍ରେ ହଣ୍‌ଜି ହୁଡ୍‌ତାର୍ ଜେ, ହାରୁ କଖାଣ୍ ହେନ୍ଦାଙ୍ଗ୍ ଆର୍‌ତିକ୍‌ନା,

☆ ୧୯:୩୭ ହଡ୍‌ତି ୧:୭. ☆ ୧୯:୩୯ ଜହନ୍ ୩:୧,୨.

୭ ଆରି ତା କାପଡ଼ାତ ଇମ୍ମଣି ତୁଝାଲ ଗାଚ୍ୟା ଆଜି ମାଚାନ୍ ହେଦା ହାରୁ କଞ୍ଜାଣ୍ ହେୟା ଲାହାଙ୍ ମାନ୍‌ଝାଦା ବିନ୍ ର ବାହାତ ଡାବା ଆଜି ମାଚାତ ।

୮ ହେପାଦନା ଇମ୍ମଣି ବିନ୍ ଚେଲା, ଇମ୍ମଣାକାନ୍ ଆଗେ ଦୁଗେର୍ ଲାଗେ ଖାଜି ମାଚାନ୍ ହେଝାନ୍ ପା ବିତ୍ରେ ହଣ୍ଡି ହୁଡ଼ତାନ୍ ଆରି ପାତ କିତାନ୍;

୯ ଇନାକିଦେଂକି ହାତାକାର ବିତ୍ରେ ହେଝାରିଂ ଜେ ନିଜି କିୟାଆନାତ୍, ସାସ୍ତର ଇ ବଚନ୍ ହେଝାର୍ ହେପାତେକ୍ ବୁଲାଆଝାଦାଂ ମାଚାର୍ ।

୧୦ ପାଚେ ଚେଲାର୍ ହେଝାର୍ ଇଞ୍ଜ ହାଚାର୍ ।

**ଜିସୁ ମୁଗ୍‌ଦଲିନି ମରିୟମ୍‌ତିଂ ଚଞ୍ଜିୟାଆତାନ୍**

(ମାତିଉ ୨୮:୯-୧୦; ମାର୍କ ୧୬:୯-୧୧)

୧୧ ମାତର ମରିୟମ୍ ଆଡ଼ଜି ଆଡ଼ଜି ବାରତ ଦୁଗେର୍ ଲାଗେ ନିଲ୍‌ଚି ମାଚାତ୍; ପାଚେ, ଆଡ଼ଜି ଆଡ଼ଜି ହେଦେଲ୍ ଗଡ଼ଜି ଦୁଗେର୍ ବିତ୍ରେ ହୁଡ଼ତାତ୍,

୧୨ ଆରେ ଜିସୁତି ଗାଗାଡ଼ ଇମ୍ମଣି ବାହାତ ଇଡ଼ଜି ମାଚାର୍, ହେବେନି କାପଡ଼ା ଲାଗାଂ ରଝାନ୍ ଆରି ପାନା ଲାଗାଂ ଇ ଲାକେ ରିୟାର ଡ଼ିଞ୍ଜିନି ହେୟା ଉସ୍ତିତି ଦୁଡ଼ତିଂ କୁଚି ମାନାକା ହୁଡ଼ତାର୍ ।

୧୩ ହେଝାର୍ ତାଙ୍ଗେଙ୍ଗ୍ ଇଚାର୍, “ଏ ଆୟା, ଇନେକିଦେଂ ଆଡ଼ବାନାୟା ?”

ହେଦେଲ୍ ହେଝାରିଂ ଇଚାତ୍, “ଇମ୍ମଣାକାର ନା ମାପୁଙ୍ଗ୍ ଅଜି ହାଚାଣ୍ଟା, ଆରେ ତାଙ୍ଗେଙ୍ଗ୍ ଇମ୍ମଣି ବାହାତ ଇଡ଼ତାରନ୍ନା, ହେଦାଂ ଆନ୍ ପୁନୁଙ୍ଗ୍ ।”

୧୪ ହେଦେଲ୍ ଇଦାଂ ଇଞ୍ଜ ପାଚ୍‌ବାଗାଂ ବୁଲାଆଜି ଜିସୁଙ୍ଗ୍ ନିଲ୍‌ତାକା ହୁଡ଼ତିକ୍, ମାତର ହେଝାନ୍ ଜେ ଜିସୁ, ହେଦାଂ ପୁନୁଡ଼ିକ୍ ।

୧୫ ଜିସୁ ତାଙ୍ଗେଙ୍ଗ୍ ଇଚାନ୍, “ଏ ଆୟା, ଇନେକିଦେଂ ଆଡ଼ବାନାୟା ? ଇନେରିଂ ଦାହ୍‌ନାୟା ?”

ହେଦେଲ୍ ତାଙ୍ଗେଙ୍ଗ୍ ବାଡ଼ନି ହାଉକାର ଇଞ୍ଜ ବାବି କିଜି ମାଚାତ୍, ମାନିନି, “ଏନ୍ ଜଦି ତାଙ୍ଗେଙ୍ଗ୍ ଅଜି ହାଚାୟନା, ତା ଆତିସ୍ ତାଙ୍ଗେଙ୍ଗ୍ ଇମ୍ମଣି ବାହାତ ଇଡ଼ତାଦେଣ୍ଟା, ନାଙ୍ଗେଙ୍ଗ୍ ଝେଚ୍‌ଚାଚ୍, ଆରେ ଆନ୍ ତାଙ୍ଗେଙ୍ଗ୍ ଅଜି ହାନାଂ ।”

୧୬ ଜିସୁ ତାଙ୍ଗେଙ୍ଗ୍ ଇଚାନ୍, “ମରିୟମ୍ ।”

ହେଦେଲ୍ ବୁଲାଆଜି ଏବ୍ରି ବେରଣ୍‌ତାଂ ତାଙ୍ଗେଙ୍ଗ୍ ଇଚାତ୍, “ରାବ୍‌ବୁନି” ଇଚିସ୍ ଏ ଗୁରୁ ।

୧୭ ଜିସୁ ତାଙ୍ଗେଙ୍ଗ୍ ଇଚାନ୍, “ନାଙ୍ଗେଙ୍ଗ୍ ଆସ୍ତି ମାଞ୍ଜମାଚ୍,” ଇନାକିଦେଂକି ଆନ୍ ଇ ପାତେକ୍ ଆବା ଲାଗାଂ ହାଲୁଙ୍ଗେ, “ମାତର ନା ଟଣ୍ଡାର ଲାଗେ ହାଲ୍‌ଜି ଇନାଚ୍, ଆନ୍ ନା ଆବାଂ ଆରି ମିଞ୍ଜି ଆବାଂ, ନା ଇସ୍‌ବର ଆରି ମି ଇସ୍‌ବର ଲାଗାଂ ଦୁମ୍‌ନାଙ୍ଗା ।”

୧୮ ମଗ୍‌ଦଲିନି ମରିୟମ୍ ହାଲ୍‌ଜି, ଆନ୍ ମାପୁଙ୍ଗ୍ ହୁଡ଼ତାଙ୍ଗ୍‌ନା, ଆରେ ହେଝାନ୍ ନାଙ୍ଗେଙ୍ଗ୍ ଇ ସବୁ ଝେଚ୍‌ଚାତାନ୍ନା ଇଞ୍ଜ ଚେଲାରିଂ କାରୁର୍ ଝେଚ୍‌ଚାତ୍ ।

**ଜିସୁ ହେ ଚେଲାରିଂ ଚଞ୍ଜିୟାଆତାନ୍**

(ମାତିଉ ୨୫:୧୭-୨୦; ମାର୍କ ୧୬:୧୪-୧୮; ଲୁକ ୨୪:୩୭-୪୯)

୧୯ ହେ ନାଜିଂ, ଇଚିସ୍ ସାତ୍ ଦିନ୍‌ନି ପର୍ଡ଼ମ୍ ରଇବାର ନାଜିଂ ମ୍ରିକା ସମୁତ ଏଚେକାଡ଼୍‌ଦ ଚେଲାର୍ ଇମ୍ମଣି ଇଞ୍ଜ ମାଚାର୍, ହେବେ ଦୁଝେରଙ୍ଗ୍ ଜିହୁଦିର୍ ପାଣ୍ଡୁଡ଼ିଂ ବନ୍ଦ୍ ମାଚାତ୍, ହେ ପାଦନା ଜିସୁ ଖାଜି ମାଦି ନିଲ୍‌ଚି ହେଝେରିଂ ଇଚାର୍, “ମିଦାଙ୍ଗ୍ ସୁସ୍ତା ଆଏଡ଼ ।”

୨୦ ଆରେ, ଇଦାଂ ଇଞ୍ଜ ହେଝାନ୍ ହେଝେରିଂ ଜାର୍ କଚଣ୍ ଆରି ପାନା ଚଚ୍‌ଚାନ୍ । ହେବେତାଂ ଚେଲାର୍ ମାପୁଙ୍ଗ୍ ହୁଡ଼ଜି ଖାରୟା ଆଚାର୍ ।

୨୧ ଜିସୁ ହେଝେରିଂ ଆରେ ରଗ ଇଚାନ୍, “ମିଦାଙ୍ଗ୍ ସୁସ୍ତା ଆଏଡ଼; ଆବା ଇନେସ୍‌କି ନାଙ୍ଗେଙ୍ଗ୍ ପକ୍‌ତାତାନ୍ନା, ଆନ୍ ପା ହେ ଲାକେ ମିଙ୍ଗେଙ୍ଗ୍ ପକ୍‌ନାଙ୍ଗା ।”

୨୨ ହେଝାନ୍ ଇଦାଂ ଇଞ୍ଜ ହେଝାର୍ ଜପି ନେନ୍‌ଜି ହେଝେରିଂ ଇଚାନ୍, “ପୁଇପୁୟା ଜିବୁନ୍‌ତିଂ ଇଚ୍ୟା ।”

୨୩ ଏପେଙ୍ଗ୍ ଜଦି ଇନେରିଂ ପାପ୍ କେମା କିନାଦେର୍, “ତାଦାଂ ପାପ୍ କେମା ଆନାତ୍; ଆରି, ଜଦି ଇନେରୁତି ପାପ୍ କେମା କିଉଦେର୍, ତାଦାଂ ପାପ୍ କେମା ଆଉଡ଼ ।”

**ଜିସୁ ଆରି ତମା**

୨୪ ମାତର ଜିସୁ ଏଚେକାଡ଼୍‌ଦ ଖାଜି ମାଚାନ୍, ହେପାଦନା ବାରଜାଣ୍ ବିତ୍ରେ ତମା ତର୍‌ଦାକାନ୍ ରକାନ୍, ଇମ୍ମଣାକାନିଂ “ଦିଦୁମ୍” ଇନାର୍ ହେଝାନ୍ ହେଝାର୍ ଲାହାଙ୍ ହିଲ୍‌ଝାତାନ୍ ।

୨୫ ଲାଗିଂ, ବିନ୍ ଚେଲାର୍ ତାଙ୍ଗେଙ୍ଗ୍ ଇଚାର୍, “ଆପେଂ ମାପୁଙ୍ଗ୍ ହୁଡ଼ତାପ୍‌ନା ।”

☆ ୨୦:୨୩ ମାତିଉ ୧୭:୧୯; ୧୮:୧୮.

ତମା ହେୱାନ ହେୱେରିଂ ଇଚାନ, “ତା କେଇଦ ୱାଡ଼ିଙ୍ଗ୍ ଚିନ୍ସବୁ ହୁଡ଼୍ଫିତିସ୍ ଆରି ହେ ସବୁ ବାହାତ ନା ୱାଚ୍‌କାଙ୍ଗ୍ ହୁଡ଼୍ଫିତିସ୍ ଆରି ହେ କାଲ୍‌କୁ ନା କେଇ ହୁଡ଼୍ଫିତିସ୍ ଆନ୍ ଇନାୱାଡ଼ାଂପା ପାତର୍ କିଉଙ୍ଗ୍ ।”

୨୬ ଆର୍ ଦିନ୍ ପାଚେ ତା ଚେଲାର୍ ଆରେ ରଗ ବିତ୍ରେ ମାଚାର୍ ଆରି ତମା ହେୱାର୍ ଲାହାଙ୍ଗ୍ ମାଚାନ । କାପାର୍ ସବୁ ବନ୍ଦ ମାନି ସମୁତ ଜିସୁ ୱାଜି ମାଦି ନିଲ୍‌ଚି ଇଚାନ, “ମିଦାଙ୍ଗ୍ ସୁସ୍ତା ଆଏଡ୍ ।”

୨୭ ପାଚେ ହେୱାନ ତମାଙ୍ଗ୍ ଇଚାନ, “ଇନ୍‌ଚାଙ୍ଗ୍ କେଇ ଲାମାୟ୍‌କିଦା ନା କେଇ ହୁଡ଼ା, ନା କାଲ୍‌କୁ ହୁଡ଼ା; ପାତର୍ କିୱାକାର୍ ଆଜି ପାତର୍ କିୟାର୍ ।”

୨୮ ତମା ତାଙ୍ଗେଙ୍ଗ୍ ଉତର୍ ହିତାନ, “ନା ମାପୁ, ନା ଇସ୍‌ର୍ ।”

୨୯ ଜିସୁ ତାଙ୍ଗେଙ୍ଗ୍ ଇଚାନ, “ଏନ୍ ଇନାକା ନାଙ୍ଗ୍ ହୁଡ଼୍‌ଜି ପାତର୍ କିଦ୍‌ନାୟା ? ଇମ୍‌ଣାକାର୍ ହୁଡ଼୍‌ୱାଦାଂ ପାତର୍ କିତାର୍, ହେୱାର୍ ଦନ୍‌ୟ ।”

**ଇ ପତିନି ଉଦେସ୍**

୩୦ ଜିସୁ ଚେଲାର୍ ମୁମ୍‌ଦ ଇ ଲାକେ ବେସି ଆରି ବିନ୍‌ବିନ୍ ବାନି କାବାଆନି କାମାୟ୍ କିତାନନ୍ନା, ହେ ୱିଜୁ ଇ ପତିତ ଲେକା ଆୱାତାଡ଼ନା ।

୩୧ ମାତର୍ ଏପେଙ୍ଗ୍ ଇନେସ୍ ପାତର୍ କିନାଦେର୍ ଜେ ଜିସୁ ଇସ୍‌ର୍ ମାଜି କ୍ରିସ୍ଟ ଆତାନ୍ନା, ଆରେ ପାତର୍ କିଜି ଇନେସ୍‌କି ଏପେଙ୍ଗ୍ ହେ ତର୍‌ଦାଂ ଜିବୁନ୍ ପାୟା ଆନାଦେର୍, ଇଦାଂ କାଜିଂ ଇ ୱିଜୁ ଲେକାଆତାଡ଼ନା ।

**୨୧**

**ସାଡ଼ ଜାଣି ଚେଲାର୍‌ ଜିସୁ ଚଞ୍ଚିୟା ଆତାନ**

୧ ଇଦାଂ ପାଚେ ଜିସୁ ତିବିରିୟା ହାମ୍‌ଦୁର୍ ଗୁଚିତ ବାରଜାଣ୍ ଚେଲାର୍‌ ଆରେ ରଗ ଚଞ୍ଚିୟାଆତାନ । ହେୱାନ ଇ ଲାକେ ଚଞ୍ଚିୟାଆତାନ;

୨ ସିମନ୍ ପିତର୍, ତମା, ଇମ୍‌ଣାକାନିଂ ଦିଦୁମ୍ ଇନାର୍, ଗାଲିଲିନି କାନାନିକାନ୍ ନିତନିୟେଲ୍, ଜେବ୍‌ଦି ମାଜିର୍ ଆରି ତା ଚେଲାର୍ ବିତ୍ରେତାଂ ଆରେ ରିକାର୍ ରବେ ମାଚାର୍ ।

୩ ସିମନ୍ ପିତର୍ ହେୱାର୍ ଇଚାର୍, “ଆନ୍ ମିନ୍‌କୁ ଆସ୍ତେଙ୍ଗ୍ ହାନାଙ୍ଗା ।”

ହେୱାର୍ ତାଙ୍ଗେଙ୍ଗ୍ ଇଚାର୍, “ଆପେଂ ପା ମି ଲାହାଙ୍ଗ୍ ହାନାପ୍ ।” ହେୱାର୍ ହସି ହାଲ୍‌ଜି ତଙ୍ଗାତ କୁର୍‌ଚାର୍, ଆରେ ହେ ମ୍ରିକା ବିର୍‌କୁଲ୍ ଆସ୍ତେଙ୍ଗ୍ ଆଡ଼୍‌ୱାତାର୍ ।

୪ ମାତର୍ ଅଜଡ଼ ଆତି ପାଚେ ଜିସୁ ଗୁଚିତ ନିଲ୍‌ତାନ; ଆତିସ୍‌ପା ହେୱାନ ଜିସୁ ଇଞ୍ଜି ଚେଲାର୍ ପୁନ୍‌ୱାତାର୍ ।

୫ ଜିସୁ ହେୱେରିଂ ଇଚାନ, “ହିମ୍‌ଣାଂ, ମି ତାକେ ଇନାକା ଇରୁକ୍ ତିନାକା ମାନାଡ଼ ?”

ହେୱାର୍ ତାଙ୍ଗେଙ୍ଗ୍ ଉତର୍ ହିତାର୍, “ହିଲୁଡ଼ ।”

୬ ଜିସୁ ହେୱେରିଂ ଇଚାନ, “ତଙ୍ଗାନି ତିନିପାଡ଼କା ଲାଗାୟ୍ ଜାଲ୍ ଇଡ଼ାଟ୍, ଆରେ ଏପେଙ୍ଗ୍ ପାୟା ଆନାଦେର୍ ।” ହେବେଣ୍ଡାଂ ହେୱାର୍ ଜାଲ୍ ଇଡ଼ିତାର୍, ଆରେ ଏଚେକ୍ ମିନ୍‌କୁ ହେସ୍‌ତିକ୍ ଜେ, ହେୱାର୍ ହେଦାଂ ଜେଲ୍‌ଦେଂ ସାଲ୍‌ଜି ହିଲ୍‌ମାତାଡ଼ ।

୭ ହେବେତାଂ ଜିସୁ ଇମ୍‌ଣି ଚେଲାହିଂ ଜିଉନଜି ମାଚାନ, ହେୱାନ ପିତର୍‌ତିଂ ଇଚାନ, “ଇୱାନ୍ତ ମାପୁ ।” ସିମନ୍ ପିତର୍ ଇୱାନ୍ତ ମାପୁ ଇଞ୍ଜି ୱେନ୍‌ଞ୍ଜି ତୁମ୍‌ଣ୍ଡା ଗାଗାଡ଼୍ ଆଜି ମାଚିଲେ ଜାର୍ ହେୟା ପର୍‌ଚି ହାମ୍‌ଦୁର୍‌ତ ଗୁମ୍‌ତାନ;

୮ ମାତର୍ ବିନ୍ ଚେଲାର୍ ମିନ୍‌କୁ ବାତର୍ ଆଜି ମାଚି ଜାଲ୍ ଜେଲ୍‌ଜି ଜେଲ୍‌ଜି ହାରୁ ତଙ୍ଗାତ ୱାତାର୍, ଇନାକିଦେଂକି ହେୱାର୍ ଗୁଚିତାଂ ଆଦିକ୍ ଦେହା ହିଲ୍‌ୱାତାର୍, କେବଲ୍ ଆଦେକ୍ ଦୁଇସ୍ ଆଡ଼ ଦେହା ମାଚାର୍ ।

୯ ହେୱାର୍ ଗୁଚିତ ଜୁଜି ହେବେ ରିକାଙ୍ଗ୍ ନାଣି, ଆରେ ହେ ଜପି ୱାସ୍ତି ମିନ୍ ଆରି ରୁଚି ଇଡ଼୍‌ଜି ମାଚାକା ହୁଡ଼୍‌ତାର୍ ।

୧୦ ଜିସୁ ହେୱେରିଂ ଇଚାନ, “ଏପେଙ୍ଗ୍ ନଙ୍ଗାୟ୍ ଇମ୍‌ଣି ମିନ୍ ଆସ୍ତାଦେଣ୍ଡା, ହେବେଣ୍ଡାଂ ଉଚୁଙ୍ଗ୍ ତାଡୁ ।”

୧୧ ସିମନ୍ ପିତର୍ ହାଲ୍‌ଜି ସହେ ପଚାସ୍‌ତିନ୍ ଗାଜା ଗାଜା ମିନ୍‌କୁତ ବାତର୍ ଆଜି ମାଚି ଜାଲ୍ ଗୁଚିତ ଜେଲ୍‌ଜି ତାତାର୍; ଆରେ ଏଚେକ୍ ମିନ୍‌କୁକାଂ ପା ଜାଲ୍ ନାଡ଼୍‌ୱାତାଡ଼ ।

୧୨ ଜିସୁ ହେୱେରିଂ ଇଚାନ, “ୱାଜି ତିନାଟ୍ ।” ଚେଲାର୍ ବିତ୍ରେ ଇନେନ୍ “ଏନ୍ ଇନାକାୟ୍” ଇଞ୍ଜି ତାଙ୍ଗେଙ୍ଗ୍ ୱେନ୍‌ବେଦେଂ ସାସ୍ କିୱାଦାଂ ମାଚାର୍, ଇନାକିଦେଂକି ହେୱାନ ଜେ, ମାପୁ, ଇଦାଂ ହେୱାର୍ ପୁଞ୍ଜିମାଚାର୍ ।

୧୩ ଜିସୁ ୱାଜି ରୁଚି ଆସ୍ତି ହେୱେରିଂ ହିତାନ, ଆରେ ହେ ଲାକେ ମିନ୍‌କୁ ପା ହିତାନ ।

୧୪ ହାତାକାର୍ ବିତ୍ରେ ନିଙ୍ଗ୍‌ତି ପାଚେ ଜିସୁ ଚେଲାର୍‌ ଇୱାନ ତିନି ହର୍ ଚଞ୍ଚିୟାଆତାନ ।

**ଜିସୁ ଆରି ପିତର୍**

୧୫ ହେୱାର୍ ଚିଚିପାଚେ ଜିସୁ ସିମନ୍ ପିତର୍‌ତିଂ ୱେନ୍‌ବାତାନ, “ଏ ଜହନ୍‌ତି ମାଜି ସିମନ୍, ଏନ୍ ଇନାକା ନାଙ୍ଗେଙ୍ଗ୍ ଇୱାର୍‌ତାଂ ବେସି ଜିଉନଦ୍‌ନାୟା ?”

ସିମନ୍ ତାଙ୍ଗେଙ୍ଗ୍ ଇଚାନ, “ଆଁ, ମାପୁ, ଆନ୍ ଜେ ନିଙ୍ଗେଙ୍ଗ୍ ୱାରି କିଦ୍‌ନାଙ୍ଗା ।”

ହେଦାଂ ଏନ୍ ପୁନାୟ । “ହେୱାନ୍ ତାଙ୍ଗେଙ୍ଗ୍ ଇଚାନ୍, ନା ମେଣ୍ଡାକାଂ ହାରାୟକିୟା ।”

୧୭ ହେୱାନ୍ ଆରେ ରଗ ରିହା ତାଙ୍ଗେଙ୍ଗ୍ ୱେନ୍‌ବାତାନ୍, “ଏ ଜହନ୍ ମେହି ସିମନ୍, ଏନ୍ ଇନାକା ନାଙ୍ଗ୍ ଜିଉନଦ୍‌ନାୟା ?”

ହେୱାନ୍ ତାଙ୍ଗେଙ୍ଗ୍ ଇଚାନ୍, “ଆଁ, ମାପୁ, ଆନ୍ ଜେ ନିଙ୍ଗେଙ୍ଗ୍ ୱାରି କିଦ୍‌ନାଙ୍ଗା ।”

ହେଦାଂ ଏନ୍ ପୁନାୟ । ହେୱାନ୍ ତାଙ୍ଗେଙ୍ଗ୍ ଇଚାନ୍, “ନା ମେଣ୍ଡାକାଂ ହାରାୟ କିୟାଟ୍ ।”

୧୮ ଜିସୁ ତିନ୍‌ତର୍ ତାଙ୍ଗେଙ୍ଗ୍ ୱେନ୍‌ବାତାନ୍, “ଏ ଜହନ୍ ମେହି ସିମନ୍, ଏନ୍ ଇନାକା ନାଙ୍ଗେଙ୍ଗ୍ ୱାରି କିଦ୍‌ନାୟା ?”

ଏନ୍ ଇନାକା ନାଙ୍ଗେଙ୍ଗ୍ ୱାରି କିଦ୍‌ନାୟା, ଇଦାଂ ଇଞ୍ଜି ହେୱାନ୍ ତିନ୍‌ତର୍ ପିତର୍‌ତିଂ ୱେନ୍‌ବିତିଲେ ହେୱାନ୍ ଦୁକ୍ ଆଜି ତାଙ୍ଗେଙ୍ଗ୍ ଇଚାନ୍, “ମାପୁ, ଏନ୍ ୱିଜୁ ବିସ୍ତେ ପୁନାୟ; ଆନ୍ ଜେ ନିଙ୍ଗେଙ୍ଗ୍ ୱାରି କିଦ୍‌ନାଙ୍ଗା, ହେଦାଂ ଏନ୍ ପୁନାୟ ।”

ଜିସୁ ତାଙ୍ଗେଙ୍ଗ୍ ଇଚାନ୍, “ନା ମେଣ୍ଡାକାଂ ହାରାୟକିୟା ।”

୧୯ ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ୍ ଇଞ୍ଜିନାଙ୍ଗା, ବେଣ୍ଡିୟା ମାନି ସମୁତ ଏନ୍ ଜାର୍ ଗାଚ୍ୟା ଆଜି ଇମେନିପ ମାନ୍, ହେ ନିପ ବୁଲାଆଜି ମାଚାୟ, ମାତର୍ ବୁଡାଆତିସ୍ ଏନ୍ ଜାର୍ କେଇ ଲାମାୟ କିନାୟ ଆରି ବିନ୍ ନିକାନ୍ ନିଙ୍ଗ୍, ଗାଚ୍‌ତି, ଇମେନିପ ନି ମାନ୍ ମାନ୍‌ଗୁଡ଼, ହେନ୍‌ଚାଂ ନିଙ୍ଗେଙ୍ଗ୍ ଅଜି ହାଞ୍ଜିନାର୍ ।

୨୦ ହେୱାନ୍ ଇନେସ୍ ବାନି ହାକିଦାଣ୍ଟ ହୁକେ ଇସ୍‌ବର୍‌ତିଂ ଜାଜ୍‌ମାଲ୍ କିନାନ୍, ହେବେ ଚର୍‌ଚି ହିଜି ହେୱାନ୍ ଇଦାଂ ଇଚାନ୍ । ଇଦାଂ ୱେଚ୍‌ଚି ପାଚେ ହେୱାନ୍ ତାଙ୍ଗେଙ୍ଗ୍ ଇଚାନ୍, “ନା ପାଚେ ପାଚେ ୱାଡ଼ ।”

**ଜିସୁ ଆରି ତା ୱାରିନି ଚେଲା**

୨୦ \*ଜିସୁ ଇମ୍‌ଣି ଚେଲାହିଂ ଜିଉନଜି ମାଚାନ୍ ଆରି ଜେ ମ୍ରିକା କୁଲେରୁଉଣି ସମୁତ ତାଙ୍ଗେଙ୍ଗ୍ ନେଞ୍ଜେଡାକିତ ଇଡ଼ିୟା ଆଜି, “ମାପୁ, ନିଙ୍ଗେଙ୍ଗ୍ ଇନେନ୍ ବେରିୟାର୍ କେଇଦ ହେଲାୟ କିଦ୍‌ନାନ୍ ଇଞ୍ଜି ୱେନ୍‌ବିସ୍ ମାଚାନ୍, ହେ ଚେଲାଙ୍ଗ୍ ପିତର୍ ମାସ୍‌ଡି ପାଚେ ୱାଜି ମାନାକା ହୁଡ଼ତାନ୍ ।”

୨୧ ପିତର୍ ତାଙ୍ଗେଙ୍ଗ୍ ହୁଡ଼ଜି ଜିସୁଙ୍ଗ୍ ୱେନ୍‌ବାତାନ୍, “ମାପୁ, ଇୱାନ୍ ବିସ୍ତେ ଇନାକା ଇଞ୍ଜିନାୟା ?”

୨୨ ଜିସୁ ତାଙ୍ଗେଙ୍ଗ୍ ଇଚାନ୍, ନା, ୱାନି ପାଚେକ୍ ହେୱାନ୍ ମାନେନ୍ ଇଞ୍ଜି “ଜଦି ଆନ୍‌ମାନ୍ କିନାଙ୍ଗ୍, ତା ଆତିସ୍ ହେବେ ମିଦାଙ୍ଗ୍ ଇନାକା ମାନାଟ୍ ? ଏପେଙ୍ଗ୍ ନା ପାଚେ ୱାଡ଼ ।”

୨୩ ହେବେଣ୍ଡାଂ ହେ ଚେଲା ଜେ ହାଉନ୍ ଇଞ୍ଜି, ଟଣ୍ଡାର୍ ବିତ୍ରେ ଇ ବେରଣ୍ ୱିଣ୍ଡି ହାତାଡ଼, ମାତର୍ ହେୱାନ୍ ହାଉନ୍ ଇଞ୍ଜି ଜିସୁ ତାଙ୍ଗେଙ୍ଗ୍ ୱେଚ୍‌ୱାଦାଙ୍ଗ୍, ମାତର୍ “ନା ୱାନି ପାଚେକ୍ ହେୱାନ୍ ମାନେନ୍ ଇଞ୍ଜି ଜଦି ଆନ୍‌ମାନ୍ କିନାଙ୍ଗ୍, ତା ଆତିସ୍ ହେବେ ମିଦାଙ୍ଗ୍ ଇନାକା ମାନାଟ୍ ଇଞ୍ଜି ଇଞ୍ଜି ମାଚାନ୍ ।”

୨୪ ଜେ ଇ ୱିଜୁ ବିସ୍ତେ ସାକି ହିନାନା ଆରି ଇ ୱିଜୁ ଲେକିକିତାନ୍‌ନା, ହେୱାନ୍ ହେ ଚେଲା; ଆରେ, ହେ ସାକି ଜେ, ହାଡ଼ପା, ହେଦାଂ ଆପେଂ ପୁନାୟ ।

**ୱିସ୍ତି କାଚା**

୨୫ ଆରେ, ଜିସୁ ଆରି ବେସି ବେସି କାମାୟ ପା କିଜି ମାଚାନ୍; ହେୱାଙ୍ଗ୍ ୱିଜୁ ଜଦି ରଞ୍ଜାଙ୍ଗ୍ ରଞ୍ଜାଙ୍ଗ୍ କିଜି ଲେକା ଆତାମ୍ବା, ତା ଆତିସ୍ ଏଚେକ୍ ପତିଙ୍ଗ୍ ଲେକା ଆତିକ୍‌ମା ଜେ, ନା ବାବ୍‌ନାତ ୱିଜୁ ପୁତର୍ ଚ ପା ହେ ୱିଜୁ ଇଚ୍‌ନି କାଜିଂ ବାହା ଆୱାତାମ୍ବା ।

## ପ୍ରେରିତ ଶିଷ୍ୟମାନଙ୍କର କାର୍ଯ୍ୟଗୁଡ଼ିକ ପକ୍ୟାତାକାତ କାମାୟ ପକ୍ୟାତାକାନ୍ ପତି ବିଷ୍ଣେ ପାଦେକ୍

ପକ୍ୟାତି ପତି ଆନାତା ମଣ୍ଡଲିନି ଆରମ୍ଭ ଆରି ଇନେସ୍ ଇଦାଂ ଜିରୁସାଲମ୍ତାଂ, ଜିହୁଦା, ସମରିଆ ଆରି ବାରତ ଇନେସ୍ ମେଙ୍ଗତାତ୍ ଇଦାଂ ଜିସୁତି ସାଗେ ଦୁମ୍ନି ଆଗେତାଂ ତା ଚେଲାର୍ତ୍ତ୍ରିଂ ଇଞ୍ଜି ମାଚାନ୍ । ୧:୮ ପକ୍ୟାତି ପତି ଲୁକ ତାଂ ଲେକାତାତ୍ତନ୍ନା ଇନେରକି ଲୁକ ଲେକିକିତି ନେକ୍ରିକାବୁର୍ ପା ଲେକିକିଜି ମାଚାନ୍ । ହେଞ୍ଜାନ୍ ରଞ୍ଜାନ୍ ତାଲ୍ତ୍ତ୍ରି ମାଚାନ୍ ଆରି ବୁଲ୍ କିଞ୍ଜାଦାଂ ଲେକିକିନାକାନ୍ ୧:୧ଲେକିକିନିତ ବେସି ତ୍ରିକାତ୍ ମାଚାନ୍ । ହେଞ୍ଜାନ୍ ରିଣ୍ଡି ନେକ୍ରିକାବୁର୍ ଆରି ପକ୍ୟାତି ପତିତ ତିଅପିଲତିଂ ଲେକିକିନାନା ଇନେରକି ହେଞ୍ଜାନ୍ ରଞ୍ଜାନ୍ ଗ୍ରିକ୍ ମାଚାନ୍, ପତିତଂ ରିଣ୍ଡି ଗ୍ରିକ୍ ଆରି ଜିହୁଦି କୁଟୁମ୍ କାଜିଂ ମାଚାତ୍ । ଇତିସ୍ ପକ୍ୟାତି ପତି ଜିସୁ କ୍ରିସ୍ତୁତି ଜଲମ୍ ପାଚେ ୬୦ ତାଂ ୬୪ ବିତ୍ରେ ଲେକା ଆଜି ମାଚାତ୍, ଇନେକିଦେଂକି ପାଉଲ୍ତି ବନ୍ଦିମୁକ୍ତି ଆଗେତାଂ ପତି ଲେକିକିନି କାମାୟ ସେସ୍ ଆଜି ମାଚାତ୍ । ଲୁକ ପା ପକ୍ୟାତି ପାଉଲ୍ ଲାହାଂ ବୁଲାନାର୍ ଆରି ପକ୍ୟାତି ପତି ଆନ୍ତକିଆତାଂ ଲେକା ଆଜି ମାଚାଗାନାତ୍ । ପକ୍ୟାତି ପତି ଲୁକ ନେକ୍ରିକାବୁର୍ ଚାଲାନି କାମାୟ ଆନାତ୍ ଆରି ଜିସୁତି ସାଗେ ଦୁମ୍ନାନା ଆରମ୍ଭ ଆନାତ୍ । ଲୁକ ଲେକିକିତି ନେକ୍ରିକାବୁର୍ ଉଦେସ୍ତ ପକ୍ୟାତି ଲେକାନି ଉଦେସ୍ ଲାହାଂ ସମାନ୍ ଆନାତ୍ । ହେଞ୍ଜାନ୍ ତିଅପିଲତିଂ ଆରି ବୁଦିପାୟାନି କ୍ରିସ୍ତୁୟାନିଂ ହାତ୍ପା ଆଦେଂ ଇଚାକିନାର୍ ଇନାକା ହେଞ୍ଜାରିଂ ହିକ୍ୟା ହିଜିମାତି ବିଷ୍ଣେ ଜିସୁ କ୍ରିସ୍ତୁତି ଜିବୁନ୍ ଆରି ମେଙ୍ଗଜି ଲାବ୍ କିଜି ମାଚିଲେ କ୍ରିସ୍ତୁୟାନିଂ ନେକ୍ରିକାବୁର୍ ବୁଲ୍ କିଞ୍ଜାଦାଂ ଇସାବ୍ କିଜି ଇଚ୍ଚନାର୍ । ପକ୍ୟାତି ପତିତ ଆଗେନି ମଣ୍ଡଲି କ୍ରିସ୍ତୁତାକେ ପାତ୍ ଇଚ୍ଚନି କାଜିଂ ମା କାଜିଂ ଉତର୍ମୁଡ୍, ଜାଣାୟକିନାତ୍ । ପକ୍ୟାତାକାର୍ତ୍ତି ଉତର୍ମୁଡ୍ତାଂ ମାଙ୍ଗେଙ୍ଗ୍ ପୁନ୍ୟାନାତ୍ ଜେ, ଇନେସ୍ ପୁଲ୍ପୁୟା ଜିବୁନ୍ତିଂ ମାନି କିତାର୍ ବିନଲକାର୍ ତାକେ ନେକ୍ରିକାବୁର୍ ବେରଣ୍ ହପ୍ପୟାନାତ୍ ।

### ପତି ବିତ୍ରେନି ରାହାଣ୍

- ୧. ପୁଲ୍ପୁୟା ଜିବୁନ୍ ଜୁଦ୍ନାକା ଆରି ମଣ୍ଡଲି ବାତାନାକା । ୧:୧-୮:୧
- ୨. ମଣ୍ଡଲିନି ଇଣ୍ଡି ଆରି ନେକ୍ରିକାବୁର୍ ମେଙ୍ଗଜି ଲାବ୍ କିନାତ୍ । ୮:୨-୧୨:୨୩
- ୩. ପାଉଲ୍ତି ପର୍ତ୍ତୁମ୍ ମିସିନାରି ଜାତ୍ରା । ୧୨:୨୪-୧୪:୨୮
- ୪. ପୁନ୍ ପାତ୍ କିନାକାରିଂ ଲତ୍ତା ଆରି ଜିରୁସାଲମ୍ତ ସବା । ୧୫:୧-୩୫
- ୫. ପାଉଲ୍ ରିଣ୍ଡି ମିସିନାରି ଜାତ୍ରା କିନାନ୍ । ୧୫:୩୬-୧୮:୨୨
- ୬. ପାଉଲ୍ତି ତିନି ମିସିନାରି ଜାତ୍ରା କିନାନ୍ । ୧୮:୨୩-୨୦:୩୮
- ୭. ପାଉଲ୍ ଜିରୁସାଲମ୍ତ ବନ୍ଦି ଆନାନ୍ । ୨୧:୨୭
- ୮. ପାଉଲ୍ତିଂ ରମ୍ତ ଜାତ୍ରା । ୨୨:୨୮

### ପୁଲ୍ପୁୟା ଜିବୁନ୍ତିଂ ପାର୍ମାଣ୍

୧\*ଏ ଖାରିନି ତିୟପିଲ୍,

ଇମ୍ମଣି ଦିନ୍ ଜିସୁ ଜାର୍ ବାଚିକିତି ପକ୍ୟାତାକାରିଂ ପୁଲ୍ପୁୟା ଜିବନ୍ ଲାହାଙ୍ଗ୍ ବଲ୍ ହିଜି ଜପି ଅୟାତାନ୍,

୨ ବାଦାତ୍ତ ଦୁମ୍ନି ପାତେକ୍ ଇମ୍ମଣି ସବୁ କାମାୟ କିଜି ମାଚାର୍ ଆରି ବଲ୍ ହିଜି ମାଚାର୍, ହେ ଖିଜୁ ବିଷ୍ଣେ ଲେକିକିଜି ମାଚାଙ୍ଗ୍ । ବାଦାତ୍ତ ଦୁମ୍ନି ଆଗେ ଇମ୍ମଣାକାରିଂ ହେଞ୍ଜାନ୍ ଜାର୍ ପକ୍ୟାତାକାର୍ ଲାକେ ବାଚି କିଜି ମାଚାନ୍, ହେଞ୍ଜାରିଂ ହେଞ୍ଜାନ୍ ପୁଲ୍ପୁୟା ଜିବୁନ୍ ସାଲ୍ତାଂ ବଲ୍ ହିଜି ମାଚାନ୍ ।

୩ ଜିସୁ ପା ଜାର୍ ଦୁକ୍ବଗ୍ ପାଚେ ଆଦେକ୍ ପାର୍ମାଣ୍ ହୁକେ ହେଞ୍ଜାର୍ ତାକେ ଜାର୍ତିଂ ଜିଜି ମାନାକା ଚର୍ଚାନ୍, ଆରେ ରିକଡ୍ ଦିନ୍ ପାତେକ୍ ତାଜନାତ୍ ହେଞ୍ଜାରିଂ ଚଞ୍ଜାଆ ଆଜି ଇସ୍ପୁର୍ତି ରାଜିନି ବିଷ୍ଣେ ଇଚାନ୍ ।

୪ ରଗ ହେଞ୍ଜାର୍ ହୁକେ ଚିଞ୍ଜେଙ୍ଗ୍ କୁଚ୍ଚି ଖେଡାଲିଂ ଜିସୁ ହେଞ୍ଜାରିଂ ଇ ବଲ୍ ହିଜି, “ଏପେଙ୍ଗ୍ ଜିରୁସାଲମ୍ତାଂ ହାଲ୍ମାଚ୍, ମାତର୍ ଆବାତି ଇମ୍ମଣି ପାର୍ମାଣ୍ ବିଷ୍ଣେ ନା ତାଙ୍ଗ୍ ଖେଚାଦେଣ୍ଡା, ହେବେ କାସିମାନାଚ୍;

୫\* ଇନେକିଦେଂକି ଜହନ୍ ଏସ୍ତ ବାପ୍ରିସିମ୍ ହିତାନ୍ ସଡ୍, ମାତର୍ ଅଲପ୍ ଦିନ୍ ବିଷ୍ଣେ ପୁଲ୍ପୁୟା ଜିବୁନ୍ତ ବାପ୍ରିସିମ୍ ଆନାଦେର୍ ।”

ଜିସୁତି ବାଦାତ୍ତ ଦୁମ୍ନାନା

(ମାର୍କ ୧୬:୧୯-୨୦; ଲୁକ ୨୪:୫୦-୫୩)

\* ୧:୧ ଲୁକ ୧:୧-୪.    \* ୧:୫ ମାତିଉ ୩:୧୧; ମାର୍କ ୧:୮; ଲୁକ ୩:୧୬; ଜହନ୍ ୧:୩୩.



୭ ଲାଗି ହେଖାର ରବେ ରୁଣ୍ଡା ଆଜି ହେଖାନି ଗଞ୍ଜାରି କିଦେଇଁ ଲାଗାତାର; “ଏ ମାପୁ, ଏନ୍ ଇନାକା ଇ ସମୁତ ଇସ୍ରାଏଲ୍ କେଇଦ ଆରେରଗ ରାଜିନି ବଜ୍ ହେଲାଇଁ କିନାୟା ?”

୮ ହେଖାନ ହେଖାରି ଇଚାନ, “ଇମଣି ଝିକୁ କାଡ଼୍ କି ସମୁ ଆବା ଜାର ଆଦିକାର ତାରେନ୍ ଇଡ଼ତାନ୍ନା ହେଦା ମିଦାଙ୍ଗ ପୁନି ବିସ୍ତେ ଆକାୟ ।

୯ ମାତର ପୁଇପୁୟା ଜିରୁନ୍ ମି ଜପି ଜୁଜି ଝାତିସ୍, ଏପେଙ୍ଗ ସାକ୍ତି ପାୟାନାଦେର୍, ଆରେ ଜିରୁସାଲମ୍ ଝିକୁ ଜିହୁଦା ରାଜି ଆରି ସମିରଣ ଆରେ ପୁତ ନି ହାରିହାରା ହାନ୍ଦି ପାତେକ୍ ପା ନା ସାକି ଆନାଦେର୍ ।”

୧୦ ହେଖାନ ଇ ଝିକୁ କାତା ଇତି ପାତେ ହେଖାର ହୁଡ଼ ହୁଡ଼ ହେଖାନ ଜପି ଅୟାତାନ, ଆରେ ଅଲପ୍ ବାଦାଡ଼ତ ହେଖାନି ହେଖାର ନଞ୍ଜରତା ଦେହା ଆତାନ ।

୧୧ ଜିସୁ ହାଲୁ ହାଲୁ ହେଖାର ବାଦାଡ଼ ନିପ ମିଟ୍ଟିଝାଦା ହୁଡ଼ନାରା, ଇ ଲାକେ ସମୁତ, ହୁଡ଼ାଟ୍, ଡ଼ିଞ୍ଜିନି ହେହା ଉସ୍ତାତାକାର ରିକାର ଆଣ୍ଡାଙ୍ଗ ହେଖାର ଲାଗା ଇକାଝାତାର,

୧୨ ଆରେ ହେଖାର ଇଚାର, “ଏ ଗାଲିଲିୟର ଲକୁ, ଇନାକିଦେ ଏପେଙ୍ଗ ବାଦାଡ଼ ନିପ ହୁଡ଼ଜି ନିଲତାଦେଣ୍ଡା ? ଇ ଇମଣି ଜିସୁ ମିତାଙ୍ଗ ବାଦାଡ଼ତ ଅୟାତାନ, ହେଖାନି ଏପେଙ୍ଗ ଇନେସ୍ ବାନି ବାଦାଡ଼ତ ହାନାକା ହୁଡ଼ତାଦେର୍, ହେଖାନ ହେ ଲାକେ ମାଜ୍ଡି ଝାନାନ ।”

ଜିହୁଦାତି ବାହାତ ମାତିଆତି ପୁରାକିନାକା  
(ମାତିଉ ୨୭.୩-୧୦)

୧୨ ଇଦା ପାତେ ପଦ୍ୟାତ୍ମକାର ଜିଡ଼ ଇନି ମାଡ଼ିତା ଜିରୁସାଲମ୍ତ ମାସ୍ଦି ଝାତାର । ହେ ଜିରୁସାଲମ୍ ଲାଗେ, ର ଜମ୍ନିବାରୁନି ହାଜି ର କିଲମିଟର ଦେହା ମାଚାଡ଼ ।

୧୩ ହେଖାର, ଇଚିସ୍ ପିତର, ଜହନ୍, ଜାକୁବ୍, ଆନ୍ଦ୍ରିୟ, ପିଲିପ୍, ତମା, ବାର୍ତ୍ତଲମି, ମାଡ଼ିଉ, ଆଲପିତି ମେହି ଜାକୁବ୍, ତିରକାଡ଼ ସିମନ୍ ଆରି ଜାକୁବ୍ତି ମେହି ଜିହୁଦା, ଜିରୁସାଲମ୍ ଗାଡ଼୍ ବିତ୍ରେ ହଣ୍ଡି, ଇମଣି ଜପଣି ବାକ୍ରାତ ହେଖାର ବାହା କିଜି ମାଚାର, ହେବେ ହାଚାର ।

୧୪ ଇଝାର ଝିଜାର କଗଲେରାହିଁ ହୁକେ ଆରି ଜିସୁତି ତେହି ମରିୟମ୍ ଆରି ହେଖାରତି ଟଣ୍ଡାର ଲାହାଙ୍ଗ ର ମାଡ଼ ପାର୍ତାନାତ ଲାଗା ଆଜି ମାଚାର ।

୧୫ ହେ ପାର୍ତାନା ଝେଡାଲି ପିତର ତରଦି ଟଣ୍ଡାର ବିତ୍ରେ ମାଦି ଇଞ୍ଜ ଇଚାନ ହେବେ ଜିସୁ ଆନମାନତା ଚକଡ଼ି ଜାଣ୍ ରବେ ମାଚାର,

୧୬ “ଟଣ୍ଡାର, ଆରେ ତଣ୍ଡେକ୍ ଇମଣି ଇସ୍ତାରିଡ଼ ଜିହୁଦା ଜିସୁଙ୍ଗ ଆନ୍ଦ୍ରି ମାନାୟାରି ହାଜି ଚଟ୍ଟି ମାଚାନ, ହେ ବିସ୍ତେ ପୁଇପୁୟା ଜିରୁନ୍ ପୁର୍ବେତା ଦାଉଦ୍ତି ଝେଇଦା ଇନାକା ଇଞ୍ଜି ମାଚାର, ହେ ସାସ୍ତର ବଚନ୍ ପୁରାଦେ ଲଡ଼ା ମାଚାଡ଼;

୧୭ ଇନାକିଦେକି ହେଖାନ ମା ଦଲ୍ଦ ରଝାନ ଇଞ୍ଜି ଗାଣାକିୟାଜି ମାଚାନ ଆରି ହେବା ପାଦ୍ତ ମେହାଆଜି ମାଚାନ ।”

୧୮ ଇ ମାନାୟ ଜିହୁଦା ଅଦାମ୍ ମଲ୍ ହୁକେ ର ବୁମି କଡ଼ଜି ମାଚାନ, ଆରେ, ହେଖାନ କାପଡ଼ା ଇଡ଼ୟାଜି ଆତ୍ ଲେ ହେଝାକ୍ତି ପଟ ପାଡ଼ତାଡ଼ ଆରି ଝାହିଁ ହସି ହାଚିକ୍;

୧୯ ଆରେ, ଇଦା ଜିରୁସାଲମ୍ ଗାଡ଼ଦ ବାହାକିତି ଝିଜାକାର ପୁଟିଲେ ହେ ବୁମି ହେଝାରତି ଜାର ବେରଣ୍ଡତ “ହକଲ୍ଦମା” ଇଚିସ୍ “ନେତେର ବୁମି” ଇଞ୍ଜି ପୁଟାତାଡ଼ ।

୨୦ “ଆରେ ପତିତ ଲେକାମାନାଡ଼,  
ହେଝାକ୍ତି ବାହା ମେଲାଇୟେଡ଼,  
ହେବେ ଇନେର୍ ବାହା କିମେନ୍ ।”

ଆରି ହେଖାନ କାମାୟତ ଆରେ ବିନ୍ନିକାନ ପାୟାୟେନ୍ ।”

୨୧ “ଲାଗି, ମାପୁ ଜିସୁ ଜହନ୍ ହୁକେ ବାପ୍ତିସିମ୍ ଅନି ସମୁତା ଆରମ୍ କିଜି, ମା ଲାଗା ଜପିତା ଅୟାନ ଦିନ୍ ପାତେକ୍ ଏତେକ୍ ସମୁ ମା ବିତ୍ରେ ବୁଲ୍ମା ଚାଲ୍ମା ଆଜି ମାଚାର ।

୨୨ ହେ ସମୁ ଇମଣି ମାନାୟାର ମା ହାଙ୍ଗଦାକାର ଆତାଣ୍ଡା, ହେଝାର ବିତ୍ରେତା ଜହନ୍ ବାପ୍ତିସିମ୍ ଅଜି ମା ଲାହା ହେଝାକ୍ତି ଆରେ ନିନାକା ସାକି ଆଦେ ଲଡ଼ା ।”

୨୩ ହେବେ ହେଝାର ରିୟାରି, ଇଚିସ୍ ଜସେପ୍ତି, ଇନେରି ବର୍ସବା ଇଞ୍ଜି ଇନାର ଆରି ଇନେର୍ଡ଼ କୁକ୍ନି ତର ଜୁସ୍, ଆରି ମତିୟ ବିନେ ତର ହିତାର,

୨୪ ଇ ପାର୍ତାନା କିଚାର, “ମାପୁ ସବୁ ଲକାରତି ଚିନ୍ତା ପୁନି ମାପୁ ଇ ରିୟାର ବିତ୍ରେତା ମି ହୁକେ ଇନେର୍ ବାଚି କିୟାତାନ ମାଙ୍ଗେଙ୍ଗ ଝେଡ଼ଚାଟ୍,

୨୫ ଇ ମାନାୟ, ଜିହୁଦାତି ବାହାତ ପଦ୍ୟାତି ହେବା ପାଦ୍ କାମାୟ କିନାନ ।”

☆ ୧:୯ ମାର୍କ ୧୭:୧୯; ଲୁକ ୨୪:୫୦,୫୧. ☆ ୧:୧୩ ମାତିଉ ୧୦:୨-୪; ମାର୍କ ୩:୧୭-୧୯; ଲୁକ ୬:୧୪-୧୬. ☆ ୧:୨୧ ମାତିଉ ୩:୧୭; ମାର୍କ ୧:୯; ଲୁକ ୩:୨୧; ମାର୍କ ୧୭:୧୯; ଲୁକ ୨୪:୫୧.

୨୬ ଆରେ, ହେୱାର ହେ ରିୟାର କାଜିଂ ଦରମଗୁଲି କିତାର, ଆରେ ମତିୟ ତରଦ ଦରମଗୁଲି ନିଂତାଡ଼; ହେବେ ହେୱାନ ଏଗାର ଜାଣ୍ ପଦ୍ୟାତାକାର ଲାହାଂ ମିହାତାନ ।

### ୨

#### ପୁଇପୁୟା ଜିରୁନ୍ତି ଜୁଦନାକା

୧ ଜିହୁଦିରତି ପେଣ୍ଟିକସ୍ ପାର୍ସୁ ଦିନ୍ ଏକାୱାତିଲେ, ଓଜାର ର ବାହାତ ରୁଣ୍ଡାଜି ମାଚାର ।

୨ ଆରେ, ହାଚାଗ୍ରେ ବେସି ଦୁକାନି ଗାର୍ଜାନ ଲାକେ ର ଗାର୍ଜାନ ହାଚାଗ୍ରେ ବାଦାଡ଼ତାଂ ଖାଜି, ଇମ୍ଣି ଇଞ୍ଜ ହେୱାର କୁଚ୍ଚି ମାଚାର, ହେ ଇଲ୍ଲାନି ଓଜେନ୍ଦିପ ମେଙ୍ଗତାଡ଼,

୩ ଆରେ ନାଣି ଲାକେ ଖେୟୁଲିଂ ହେୱାରତି ନଞ୍ଜର ଆଜି ରଞ୍ଜାଙ୍ଗ ରଞ୍ଜାଙ୍ଗ କିଜି ହେୱାରତି ଓଜାରିଂ ଜପିତାଂ ତୁତାଡ଼ ।

୪ ହେବେ ଓଜାକାର ପୁଇପୁୟା ଜିରୁନ୍ତି ବାତ ଆତାର, ଆରେ ଜିରୁନ୍ ହେୱାରିଂ ଇନେସ୍ ଇଞ୍ଜେଙ୍ଗ୍ ସାକ୍ତି ହିତାଡ଼, ହେ ଲାକେ ହେୱାର ବିନ୍ ବିନ୍ ବେରଣ୍ଡତ କାତା ଇଞ୍ଜେଙ୍ଗ୍ ଲାଗାତାର ।

୫ ଇ ସମୁତ ପେଣ୍ଟିକସ୍ ପାର୍ସୁ ପାଲି କିନି ଉଦେସ୍ତ ବାଦାଡ଼ ତାରେନ୍ ମାନି ସବୁ ଜାତିତାଂ ପୁଜାରିର୍ ଜିହୁଦିର୍ ଖାଜି ଜିରୁସାଲମତ ବାହା କିଜି ମାଚାର;

୬ ଆରେ, ହେ ଗାର୍ଜାନ ଖେଚିଲେ, ହେନି ଲକୁ ରୁଣ୍ଡା ଆଜି କ୍ରିସ୍ତୁଙ୍ଗ୍ ପାତ କିନାକାର ଜାଣ୍ଡକେ ଜାର୍ ଜାର୍ ବେରଣ୍ଡତ ହେୱାରିଂ କାତା ଇନାକା ଖେନ୍ଞ୍ଜି କାବା ଆତାର ।

୭ ଆରେ, “ହେୱାର କାବା ଆରି ବକ୍ଝା ଆଜି ଇଞ୍ଜେଙ୍ଗ୍ ଲାଗାତାର, ହୁଡ଼ାଟ୍, ଇ ଇମ୍ଣି ମାନାୟାର କାତା ଇନାରା, ହେୱାର ଓଜାର ଇନାକା ଗାଲିଲିୟର୍ ଆକାୟ ?

୮ ଖାଚିଙ୍ଗ୍, ଆସେଙ୍ଗ୍ ଇନେସ୍ ଜାଣ୍ଡକେ ଇନାକା ଜାର୍ ଜାର୍ ବାସା ବେରଣ୍ଡ କାତା ଖେନାସା ?

୯ ପାତ ଯା, ମାଦିୟା ଆରି ଏଲାନି, ଆରେ ମେସପଟାମିଆ, ଜିହୁଦା ଦେସ୍ ଆରି କାସ୍ତାଦକିଆ, ପତ୍ତ ଆରି ଆସିଆ,

୧୦ ପୁଗିଆ ଆରି ପଂପୁଲିଆ, ମିସର୍ ଆରି କୁରିଣି ଲାଗେନି ଲିବିଆ ନିପନି ଲକୁ, ଆରି ରମତାଂ ଖାଜି ମାନି ଜିହୁଦି ଆରି ଜିହୁଦି ଦରମକିନାକାର,

୧୧ ଆରେ କ୍ରିତିୟ ଆରି ଆରବିୟ ଲକୁ ଜେ ଆସେଙ୍ଗ୍, ଆସେଙ୍ଗ୍ ଜାର୍ ଜାର୍ ବାସାତ ଜିହୁଦିରିଂ ଇସ୍ପୁଚ୍ଚି ଗାଜା ଗାଜା ସାକ୍ତି କାମାୟନି କାତା ଇନାକା ଖେନାସା ।”

୧୨ ଆରେ, ଓଜାକାର କାବା ଆରି ବୁଦିବାଣା ଆଜି ହାରି ଇଞ୍ଜେଙ୍ଗ୍ ଲାଗାତାର, “ଇଦାଂ ଅରଡ଼ ଇଚିସ୍ ଇନାକା ?”

୧୩ ମାତର୍ ବିନ୍ଲଗୁ ପାତ କିନାକାରିଂ ଗୁଜି ଇଚାର, “ଇଞ୍ଜେର୍ ପୁନି ଅଙ୍ଗୁର୍ ରାସ୍ତ ହର୍ଚାଣ୍ଡା ।”

#### ପିତରତି ପର୍ଚାର

୧୪ ମାତର୍ ପିତର୍ ଏଗାର ଜାଣ୍ ହୁକେ ଇଞ୍ଜ ଗାଜା କାଚ୍ତାଂ ହେୱାର ତାକେ ଇଞ୍ଜ ଇଚାନ, ଏ ଜିହୁଦିର୍ ଲଗୁ ଆରି ଜିରୁସାଲମିନି ଓଜାକାଦେର୍, ଏପେଙ୍ଗ୍ ଇଦାଂ ପୁନାଟ୍ ଆରି ନା ବଚନ୍ ଖେନାଟ୍ । ଆନ୍ ଇ ବିସ୍ତେ ବୁଜାୟ କିଦନାଙ୍ଗ୍ ।

୧୫ ଇନାକିଦେଂକି ଏପେଙ୍ଗ୍ ଇନେସ୍ ବାବି କିନାଦେରା, ଇୱାର ହେ ଲାକେ ହର୍ଝାତାଣ୍ଡା, ଲାଗିଂ ନଙ୍ଗ୍ ସମୁ ନାଡ଼ିହିଂ ନଅ ଗଣ୍ଡା ମତର୍ ।

୧୬ ମାତର୍ ଜୟେଲ୍ ଇଞ୍ଜି ମାଚାନ, ବେଶ୍‌ବାକ୍‌ଶାୟକିନାକାର ତାଙ୍ଗ୍ ଇନାକା ଲେକାମାନାଡ଼, ଇଦାଂ ହେ ବିସ୍ତେ ।

୧୭ “ଇସ୍ପୁର୍ ଇନାନ,

ସେସ୍ କାଡ଼୍ ଏଲେଙ୍ଗ୍ କିନାଙ୍ଗ୍,

ଆନ୍ ଓଜାର ଜପି ନା ଜିରୁନ୍ ବେସି ବାଗ୍ରେ ହିନାଙ୍ଗ୍,

ହେବେ ମି ହିମଣା ଖାକ୍ତାର ବେଶ୍‌ବାକ୍‌ଶାୟକିନାକାନ,

ଆରେ ମି ଦାଙ୍ଗ୍‌ଶାର ହୁଡ଼ନାର,

ଆରେ ମି ପ୍ରାଚିନାର କ୍ଲେଞ୍ଜନାର,

୧୮ ଆଁ, ହେ କାଡ଼୍ ଆସେଙ୍ଗ୍ ଆଡ଼ିୟାଣି,

ଆଣ୍ଡାଙ୍ଗ୍ ଆରି କଗ୍‌ଲେହିମ୍‌ଶାଂ,

ଜପି ଜାର୍ ଜିରୁନ୍ ହିନାଙ୍ଗ୍, ହେବେ ହେୱାର ବେଶ୍‌ବାକ୍‌ଶାୟକିନାକାର ।

୧୯ ଆସେଙ୍ଗ୍ ଜପିନି ବାଦାଡ଼ତ ବାର୍‌ବିନ୍ କାବାନି କାମାୟ,

ଆରେ ତାରେନ୍‌ନି ପୁତ ବାର୍‌ବିନ୍ ଚିନ୍‌କୁ, ନେତେର୍,

ନାଣି ଆରି ବେସି କଦା ଚର୍ଚାନାୟ ।

୨୦ ମାପୁତି ସିଗ୍ ଆରି ଜାଜ୍‌ମାଲ୍‌ନି ଦିନ୍

ଖାନି ଆଗେ, ଖେଡ଼ା ମାଜ୍‌ଗା ଆନାଡ଼,

ଆରି ଲେଞ୍ଜ ନେତେର୍ ଆନାଡ଼ ।

୨୧ ଆରେ, ଏଲେଙ୍ଗ୍ ଗିଟାନାଡ଼ ଜେ,

ଇନେର୍ ମାପୁତି ତରଦ ପାର୍ତାନା କିନାନ୍, ହେଞ୍ଜାର ରାକ୍ୟା ପାୟା ଆନାନ୍ ।”

୨୪ “ଏ ଇସ୍ରାଏଲିୟନି ଲକୁ, ଇ ଝିନ୍ଦୁ କାତା ଝେନାଟ୍ । ନାଜରିତିୟ ଜିସୁ ବାରବିନ୍ ସାକ୍ରିନି କାମାୟ, କାବାନି କାମାୟ ଆରି ତିନକୁ ହୁକେ ମି ଲାହାଁ ଇସ୍ବରତି ପକ୍ୟାତି ମୁଣିକା ଇଞ୍ଜି ପାର୍ମାଣ୍ ଆତାନ୍ନା, ହେଞ୍ଜାନତାଁ ଇସ୍ବର ଜେ ମିଙ୍ଗେଙ୍ଗ୍ ପା ଇ ଝିନ୍ଦୁ କାମାୟ କିତାନନ୍ନା, ଇଦାଁ ଏପେଙ୍ଗ୍ ଇଦାଁ ପୁନାଟ୍ ଇନାକିଦେଂକି ମି ବିତ୍ରେ ଇ ଝିନ୍ଦୁ ଗଟ୍ଟା ବାତ୍ ଆତାଡ଼ନ୍ନା”

୨୩ ✨ ଇସ୍ବର ତା ଉପାୟ ଇସାବ୍ରେ ଜିସୁଁ ମି କେଇଦ ହେଲାୟ କିନି କାଜିଁ ତିର୍ କିଜି ମାଚାନ୍ ଆରେ ଏପେଙ୍ଗ୍ ତାଙ୍ଗେଙ୍ଗ୍ ଅଦାମ୍ ହୁକେ କୁରୁସ୍ତ ଦୁପ୍ତି ଅସ୍ତି ମାଚାଦେର୍;

୨୪ ✨ ମାତର୍ ଇସ୍ବର ହାକିତାଁ ମୁକ୍ତାୟ କିଜି ଇସ୍ବର ହେଞ୍ଜାନିଁ ନିକ୍ତାନ୍ନା, ଇନାକିଦେଂକି ହେଞ୍ଜାନ୍ ଜେ ହାକିତାଁ ଗାଟ୍ଟାନ୍ନାନ୍ ହେଦାଁ ମୁଡ଼େଆକାୟ ।

୨୫ ଦାଉଦ୍ ତ ହେଞ୍ଜାନ୍ତି ବିସ୍ତେ ଇଚାନ୍ନା,

“ନା ମୁମ୍ଦ ନିତ୍ରେ ମାପୁଙ୍ଗ୍ ହୁଡ଼ତାଁ, ଇନାକିଦେଂକି ଆନ୍ ଇନେସ୍ ବିପ୍ତି ଆମେଙ୍ଗ୍, ହେଦାଁ କାଜିଁ ହେଞ୍ଜାନ୍ ନା ବୁଜ୍ଜି ପାଡ଼କାତ ମାନାନ୍ ।”

୨୬ ଲାଗିଁ ନା ମାନ୍ତୁ ଝାରି,

ଆରି ନା ଝେନ୍ଦୁଲ୍ ସାଦାଁ ଆତାଡ଼,

“ଆରେ ନା ଗାଗାଡ଼୍ ପା ବାସ୍ତିତ ବାହା କିନାଡ଼,

ନା ବାସ୍ତିତ ବାହା କିନାଡ଼ ।

୨୭ ଇନାକିଦେଂକି ଏନ୍ ନା ଝାସ୍ତିତ୍ ପାତାଲ୍ତ ପିସ୍ତୁୟ,

କି ଜାର୍ ପୁଇପୁୟା ହେବାକାରିୟାଁ ଜିରା ଆଦେଁ ହିଉୟ ।

୨୮ ଏନ୍ନାଙ୍ଗ୍ ଜିବୁନ୍ନି ହାଜି ଚଟ୍ଟାତାୟନା, ଏନ୍ ଲାଗେ ମାନାକା

ଏନ୍ ଜାର୍ ଲାଗେ ନାଁ ଝାରିତ ବାତ୍ କିଦ୍ନାୟ ।”

୨୯ “ଏ ଇସ୍ରାଏଲ୍ ଟଣ୍ଡାର୍ ଆରି ତଣ୍ଡେକ୍, ଆବା ଲାତ୍ରା ମୁଣିକା ଦାଉଦ୍ତି ବିସ୍ତେ ଆନ୍ ମିଙ୍ଗେଙ୍ଗ୍ ପୁଟ୍ତେ ଇଞ୍ଜେଙ୍ଗ୍ ଆଡ଼ନାଁ ଜେ, ହେଞ୍ଜାନ୍ ହାତାନ୍, ଆରେ ଦୁଗେର୍ ପାୟାତାନ୍, ଆରେ ହେଞ୍ଜାନ୍ତି ଦୁଗେର୍ ନେଞ୍ଜେଙ୍ଗ୍ ପାତେକ୍ ମା ବିତ୍ରେ ମାନାଡ଼ ।”

୩୦ ରାଜା ଦାଉଦ୍ ରଞ୍ଜାନ୍ ବେଶ୍ବାକ୍ଷାୟକିନାକାର୍ ବାବ୍ରେ ହେଞ୍ଜାନ୍ତି ନେତେର୍ତାଁ ଗାଟାତି ରଞ୍ଜାନିଁ ହେଞ୍ଜାନ୍ତି ଗାଦିତ ରାଜା କିଜି କୁଚି କିନି କାଜିଁ ଇସ୍ବର ହେଞ୍ଜାନିଁ ପାର୍ମାଣ୍ କିଜି ମାଚାନ୍ ଇଞ୍ଜି ପୁନ୍ଞି ମାଚାନ୍,

୩୧ ଇଦାଁ ପୁଚିଲେ ହେଞ୍ଜାନ୍

ଆଗେନିକା କେଞ୍ଜନାକା ହୁକେ କ୍ରିସ୍ତି ଆରେ ନିଁନାକା ବିସ୍ତେ ଇଚାନ୍,

ଇନାକିଦେଂକି ହେଞ୍ଜାନ୍ ପାତାଲ୍ତ ବୁହିକିୟା ଆଞ୍ଜାତାନ୍, କି ହେଞ୍ଜାନ୍ତି ଗାଗାଡ଼୍ କି ଗାଗାଡ଼୍ ଜିରା ଆଞ୍ଜାତାନ୍ ।

୩୨ ଇ ଜିସୁତି ଇସ୍ବର ନିକ୍ତାନ୍ନା, ହେ ବିସ୍ତେ ଆସେଙ୍ଗ୍ ଝିଜାକାସ୍ ସାକି ।

୩୩ ଜିସୁ ତା ଆବା ଇସ୍ବରତି ବୁଜ୍ଜି ବାଗାଙ୍ଗ୍ ଆରେ ନିଙ୍ଗ୍ତାନ୍ନା, ଆରି ଆବାତି ପାର୍ମାଣ୍ ଇସାବ୍ରେ ହେଞ୍ଜାନତାଁ ପୁଇପୁୟା ଜିବୁନ୍ ପାୟାତାନ୍ନା, ଏପେଙ୍ଗ୍ ନଙ୍ଗ୍ୟ ହୁଡ଼ନାଦେରା ଆରି ଝେନାଦେରା ହେଦାଁ ତା ଦାନ୍ ।

୩୪ ଇନାକିଦେଂକି ଦାଉଦ୍ ନିଜେ ବାଦାଡ଼୍ତ ଦୁମ୍ଝାଦାଁ ମାଚାନ୍,

ମତର୍ ହେଞ୍ଜାନ୍ ନିଜେ ଇଚାନ୍ନା,

ମାପୁ ନା “ମାପୁଙ୍ଗ୍ ଇଚାନ୍,

୩୫ ଆନ୍ ଇମ୍ଝି ପାତେକ୍ ମି ସାତୁରିଁ ମି ପାନା ତାରେନ୍ ଇଟ୍ଝାତାପନା,

ହେ ପାତେକ୍ ମା ବୁଜ୍ଜିତ କୁଚି ମାନାଟ୍ ।”

୩୬ “ଲାଗିଁ, ଝିନ୍ଦୁ ଇସ୍ରାଏଲ୍ ପୁନେର୍ ଜେ, ଇମ୍ଝି ଜିସୁଙ୍ଗ୍ ଏପେଙ୍ଗ୍ କୁସ୍ତ ଅସ୍ତାଦେର୍, ହେଞ୍ଜାନିଁ ଇସ୍ବର, ମାପୁ ଆରି କ୍ରିସ୍ତି ରି ପାଦ୍ତ ବାଚିକିତାନ୍ନା ।”

୩୭ ଇ କାତା ଝେନ୍ଦୁଞ୍ଜି ହେଞ୍ଜାରତି ମାନ୍ତୁ ରାସ୍ ଆଜି ହାଚାଡ଼, ଆରେ ହେଞ୍ଜାର୍ ପିତର୍ ଆରି ବାକି ପକ୍ୟାତାକାର୍ରିଁ ଇଚାର୍, “ଟଣ୍ଡାର୍, ଆସେଙ୍ଗ୍ ଇନାକା କିନାସ୍ ?”

୩୮ ହେବେ ପିତର୍ ହେଞ୍ଜାରିଁ ଇଚାନ୍, “ଏପେଙ୍ଗ୍ ମାନ୍ବାଦ୍ଲାୟ କିୟାଟ୍, ଆରେ ଜାର୍ ଜାର୍ ପାପ୍ କେମା କାଜିଁ ସବୁଜାଣ୍ ଜିସୁ କ୍ରିସ୍ତି ତରଦ ବାପ୍ତିସିମ୍ ଆଡ଼; ତା ଆତିସ୍ ଏପେଙ୍ଗ୍ ପୁଇପୁୟା ଜିବୁନ୍ତି ଦାନ୍ ପାୟାନାଦେର୍ ।

୩୯ ଇନାକିଦେଂକି ଇ ଇସ୍ବରତି ପାର୍ମାଣ୍ ମି କାଜିଁ, ମି ହିମ୍ଝାଞ୍ଜାକ୍ତା କାଜିଁ, ଆରେ ଇସ୍ବରତି କୁକ୍ୟାତି ଦେହା ଦେହାତାଁ ମାନି ଏଚେକ୍ ମାନାୟାରିଁ ମାପୁ ମା ଇସ୍ବର ତା ତାକେ କୁକ୍ତାନାନ୍, ହେ ଝିଜାକାର୍ କାଜିଁ ଆନାଡ଼ ।”

☆ ୨:୨୩ ମାତିଉ ୨୭:୩୫; ମାର୍କ ୧୫:୨୪; ଲୁକ ୨୩:୩୩; ଇହନ୍ ୧୯:୧୮. ☆ ୨:୨୪ ମାତିଉ ୨୮:୫,୬; ମାର୍କ ୧୬:୬; ଲୁକ ୨୪:୫.

୪୦ ଆରି ବିନ୍ଦବିନ୍ଦ ବେସି କାତା ହୁକେ ସାକି ହିଦେଂ ଲାଗାତାନ୍ ଆରି ହେୱାରିଂ ଉପଦେସ୍ ହିଜି ଇଚାନ୍, “ଇ ଇଲ୍ ଲାତ୍ରାତାଂ ଏପେଙ୍ଗ୍ ରାକ୍ୟା ପାୟା ଆତୁ ।”

୪୧ ହେବେ ଇମ୍ଣାକାର୍ ହେୱାନ୍ତି ବଚନ୍ ଖାସ୍ତିତ ଇଡ଼ତାର୍, ହେୱାର୍ ବାପ୍ତିସିମ୍ ଅତାର୍, ଆରେ ହେ ଦିନ୍ ଆନାର୍ କିନ୍ଦା ତିନ୍ହାଜାର୍ ଲକୁ ଦଲ୍ ହୁକେ ମେହା ଆତାର୍ ।

୪୨ ହେୱାର୍ ପଦ୍ୟାତାକାର୍ ହିକ୍ୟା ମେହାବିଡ଼ାତ, ରୁଟି ତ୍ରିକ୍ତିନିତ ଆରି ପାର୍ତାନାତ ର ମାନ୍ ଆଜି ମାଚାର୍ ।

**ପାତର୍ କିନାକାତର୍ ନିତ୍ରେନି ଜିବୁନ୍**

୪୩ ଆରେ, ଲକୁ କାବାନି କାମାୟ୍ ପାଣ୍ଡାଦେଂ ଲାଗାତାର୍, ପଦ୍ୟାତାକାର୍ ହୁଦାଂ ପା ଆଦେକ୍ କାବା କାମାୟ୍ ଆରି ତିନ୍କୁ ଆଦେଂ ଲାଗାତାତ୍ ।

୪୪ \*ମତର୍ ଇମ୍ଣାକାର୍ ପାତର୍ କିତାର୍, ହେୱାର୍ ହାରିତିଂ ଓଜାକାର୍ ରବେ ମାନ୍ଞି ସବୁ ଜିନିସ୍ ସିଦାସାଦା ସମ୍ପତି ଇଞ୍ଜି ଗିୟାଣ୍ କିଜି ମାଚାର୍ ।

୪୫ ଆରେ ହେୱାର୍ ଜାର୍ ଜାର୍ ସମ୍ପତି ପ୍ରହି, ଇନେରତର୍ ଇନେସ୍ ଲଡ଼ା, ହେ ଲାକେ ଓଜାକାରିଂ ପାସ୍ପିସ୍ ହିଦେଂ ଲାଗାତାର୍ ।

୪୬ ଆରେ, ହେୱାର୍ ର ମାନ୍ ଆଜି ନିତ୍ରେ ମନ୍ଦିରତ ମେହାଜି ମାଚାର୍ ଇଲ୍କୁ ଇଲ୍କୁ ରୁଟି ତ୍ରିକ୍ତି ଖାରିତାଂ ଆରି ହୁଦାର୍ ମାନ୍ତ ତିନାଉଣା କିଜି ।

୪୭ ଇସ୍ପୁରତିଂ ଦନ୍ୟବାଦ୍ କିଜି ମାଚାର୍ ଆରି ଓଜାକାର୍ ମାନାୟ୍ମାତ୍ରି ଲାଡ଼ ଆଜି ମାଚାର୍ । ଆରେ, ମାପୁ ରାକ୍ୟା ଗାଟାତି ଲକାଂ ନିତ୍ରେ ମଣ୍ଡଲି ଦଲ୍ ହୁକେ ପାତର୍ ମେହାୟ୍ କିଦେଙ୍ଗ୍ ଲାଗାତାର୍ ।

**୩**

**ପିତର୍ ରଖାନିଂ ତଟା ବିକାରିଂ ଉଜ୍ କିତାନ୍**

୧ ଦିନେକ୍ ପାର୍ତାନାନି ସମାନ୍ ସମୁତ, ଇତିସ୍ ମିକାହାରେସ୍ ତିନ୍ ଗଣ୍ଡା ଖେଡ଼ାଲିଂ, ପିତର୍ ଆରି ଜହନ୍ ମନ୍ଦିରତ ହାଲ୍ଜି ମାଚାର୍ ।

୨ ଏଲେଙ୍ଗ୍ ଖେଡ଼ାଲିଂ ଜଲମତାଂ ତଟା ରଖାନ୍ ମାନାୟ୍ ପିଣ୍ଡିୟା ଆଜି ହାଲ୍ଜି ମାଚାନ୍, ମନ୍ଦିରତ ହଶାକାର୍ ମାନାୟ୍ମାତ୍ରିତାଂ ବିକ୍ୟା ଏନ୍ନି କାଜିଂ ଲକୁ ହେୱାନିଂ ନିତ୍ରେ ହେବେ ହଲ୍ଜି ତର୍ ନି ଦୁଖେରତ ଇଡ଼ବିସ୍ ମାଚାର୍ ।

୩ ହେୱାନ୍ ପିତର୍ ଆରି ଜହନ୍ତିଂ ମନ୍ଦିରତ ହଣ୍ଡେଙ୍ଗ୍ ହାନିହିଂ ହୁଡ଼ଜି ଗଞ୍ଜାରି କିଜି ବିକ୍ ଏଡ୍ରେଙ୍ଗ୍ ଲାଗାତାନ୍ ।

୪ ପିତର୍ ଆରି ଜହନ୍ତାଙ୍ଗ୍ ର ଲୟାତ ହୁଡ଼ତାର୍, ଆରେ ପିତର୍ ଇଚାନ୍, “ମା ନିପ ହୁଡ଼ଦା ।”

୫ ହେବେ ହେୱାନ୍ ହେୱାର୍ ତାଙ୍ଗ୍ ଅଲପ୍ ଗାଟାନି ଆହାତ ହେୱାର୍ ନିପ ହୁଡ଼ଜି ମାଚାନ୍ ।

୬ ମତର୍ ପିତର୍ ଇଚାନ୍, “ରୁପା କି ହନା ନାଦାଂ ହିଲୁଡ଼, ମତର୍ ନାଦାଂ ଇନାକା ମାନାଡ଼, ହେଦାଂ ଆନ୍ ନିଂ ହିଦ୍ନାଙ୍ଗା, ନାଜରିତିୟ୍ ଜିସୁ କ୍ରିସ୍ଟି ତରଦ ତାଙ୍ଗା ।”

୭ ଆରେ, ହେୱାନ୍ ତା ତିନା କେଇ ଆସ୍ତି ହେୱାନିଂ ନିକ୍ତାନ୍, ହେବେଣ୍ଡାଂ ଦାପ୍ରେ ହେୱାନ୍ତି ପାନା ଆରି କାଲ୍ଜି ଗାଟିଂ ସବୁ ବାଡ଼କାସ୍ ଆତାନ୍,

୮ ହେୱାନ୍ ତଗ୍ଜି ନିଲ୍ତାନ୍, ଆରେ, ତାଙ୍ଗ୍ଦେଂ ଲାଗାତାନ୍, ଆରେ ହେୱାନ୍ ତାଙ୍ଗୁ ତାଙ୍ଗୁ ଆରି ତଗ୍ଜି ତଗ୍ଜି, ଆରେ ଇସ୍ପୁରତିଂ ପାର୍ତାନା କିଉ କିଉ ହେୱାର୍ ହୁକେ ମନ୍ଦିରତ ହଚାନ୍ ।

୯ ହେବେ ମାନି ମାନାୟ୍ମାର୍ ଓଜାକାର୍ ହେୱାନିଂ ତାଂନାକା ଆରି ଇସ୍ପୁରତିଂ ଜୁଖାର୍ କିନାକା ହୁଡ଼ତାର୍;

୧୦ ଆରେ ଇମ୍ଣା ରଖାନ୍ ମନ୍ଦିରନି ହଲ୍ଜି ଦୁଖେର ଲାଗେ କୁଚ୍ଚି ବିକ୍ ଏନ୍ତି ମାଚାନ୍, ଇଖାନ୍ ହେ ଲକୁ ଇଞ୍ଜି ହେୱାର୍ ତିନ୍କିତାର୍, ଆରେ ତାଙ୍ଗ୍ ଇନାକା ଗିଟାତାଡ଼ନ୍ନା, ହେଦାଂ ହୁଡ଼ଜି ହେୱାର୍ ବେସି ବକ୍ଝା ଆରି କାବା ଆଜି ହାଚାର୍ ।

**ଉପାସ୍ ମନ୍ଦିରତ ପିତର୍ତି ପର୍ଚାର୍**

୧୧ ହେୱାନ୍ ପିତର୍ ଆରି ଜହନ୍ତିଂ ଆସ୍ତି ମାନି ଖେଡ଼ାଲିଂ ଲକୁ ଓଜାକାର୍ ବେସି କାବା ଆଜି ସଲମନ୍ତି ମଣ୍ଡମ୍ତ ହୁଡ଼ଜି ହେୱାର୍ତି ଲାଗେ ରଚେ ହନ୍ତି ଖାତାର୍ ।

୧୨ ପିତର୍ ହେଦାଂ ହୁଡ଼ଜି ମାନାୟ୍ମାରିଂ ଉତର୍ ହିତାନ୍, “ଏ ଇସ୍ରାଏଲିୟର୍ ଲକୁ, ଏପେଙ୍ଗ୍ ଇନେକିଦେଂ ଇ ମାନାୟ୍ ବିସ୍ତେ କାବା ଆନାଦେରା ? କି ଆସେଙ୍ଗ୍ ଇନେସ୍ ଜାର୍ ସାଲ୍ଜି କି ଲବାୟ୍ ବାଡ଼କାସ୍ତାଂ ଇଖାନିଂ ତାଂଦେଂ ସାଲ୍ଜି ହିତାପ୍ନା, ହେଦାଂ ବାବି କିଜି ମା କାଜିଂ ଇନେକିଦେଂ ମାପ ହୁଡ଼ଦାନାଦେରା ?

୧୩ ଅବ୍ରାହାମ୍, ଇସ୍ହାକ୍ ଆରି ଜାକୁବ୍ତି ଇସ୍ପର୍, ମା” ବୁତାତର୍ ଇସ୍ପର୍, ଜାର୍ ଆଡ଼ିଏନ୍ ଜିସୁଙ୍ଗ୍ ଓଜ୍ଝି ଜାଜମାଲ୍ କିତାନ୍ନା; ମାତର୍ ଏପେଙ୍ଗ୍ ହେୱାନିଂ ମୁଡ଼ ତାକେ ହେଲାୟ୍ କିନାଦେର୍ । ଏଲେଙ୍ଗ୍ କି ବିଚାର୍ କାର୍ଯ୍ୟା ହେୱାନିଂ ମୁଲ୍ଜି କିଦେଙ୍ଗ୍ ତିର୍ କିଜି ମାଚାନ୍ ପା ହେୱାନିଂ ପିଲାତ ମୁମ୍ଦ ପାତର୍ କିଖାତାଦେର୍ ।

☆ ୨:୪୪ ପଦ୍ୟାତାକା ୪:୩୨-୩୫.

୧୪ ଏପେଙ୍ଗ ହେ ପୁଇପୁୟା ଆରି ଦାମ୍ ଲଗାଂ ପାତ୍ କିନାଦେର୍, ଆରେ ରଞ୍ଜାନ୍ ନାର୍ମାରୁଙ୍ଗ୍ ଇନେସ୍ ମି କାଜିଂ କେମା କିୟାନାଡ୍, ଇଦାଂ ପାର୍ତ୍ତାନା କିତାଦେର୍,

୧୫ ମାତର୍ ଜିବୁନ୍ନି ହାଜି ଚର୍ଚ୍ଚନାକାନିଂ ଅସ୍ତାର୍, ହେଞ୍ଜାନିଂ ଇସ୍ବର ହାତାକାର୍ ବିତ୍ରେ ନିକ୍ତାନ୍ନା, ଆପେଂ ହେବେନି ସାକି ।

୧୬ ଆରେ, ହେଞ୍ଜାନ୍ତି ତର୍ଦ ପାତ୍ କିତିଲେ ଇ ଇମ୍ଣି ମାନାୟ୍ତିଂ ଏପେଙ୍ଗ୍ ହୁଡ୍ନାଦେରା ଆରି ପୁରାଦେର୍ଣ୍ଣା, ଇଞ୍ଜାନିଂ ଜିସୁ ତର୍ଦ ବାଡ଼କାସ୍ କିତାଂନା; ଆଁ, ହେଞ୍ଜାନ୍ତି ହୁଦାଂ ହିଡ୍ତି ପାତ୍ ମି ଝିଜାକାର୍ ମୁମ୍ଦ ଇଞ୍ଜାନିଂ ପୁରା ଉଜ୍ କିତାଂନା ।

୧୭ “ଆରେ ନଙ୍ଗ୍, ଏ ଇସ୍ରାଏଲ୍ ଟଣ୍ଡାର୍ ଆରି ତଣ୍ଡେକ୍, ମି ମୁଣିକାର୍ ଇନେସ୍, ଏପେଙ୍ଗ୍ ପା ହେ ଲାକେ ଗିୟାନ୍ହିଲ୍ଝି କାଜିଂ ଇଦାଂ କିତାଦେର୍ଣ୍ଣା ଇଞ୍ଜି ଆନ୍ ପୁନାଙ୍ଗ୍ ।

୧୮ ମାତର୍ ଇସ୍ବର ଜାର୍ କ୍ରିସ୍ଟୁ ଦୁକ୍ବଗ୍ ବିସ୍ତେ ଝିଜାକାର୍ ବେଶ୍ବାକ୍ଣାୟ୍କିନାକାର୍ ଝେଇଦାଂ ଇନା ଇନାକା ପୁର୍ବେତାଂ ସୁଣାୟ୍ କିଜି ମାତାର୍, ହେ ସବୁ ହେଞ୍ଜାନ୍ ଇ ବାନି ପୁରା କିତାନ୍ନା ।

୧୯ ଲାଗିଂ, ଇନେସ୍ ମିଦାଂ ପାପ୍ କେମା ଆନାଡ୍, ଇଦାଂ କାଜିଂ ମାନ୍ବାଦ୍ଲାୟ୍ କିଜି ଇସ୍ବର ନିପ ମାଜ୍ଡି ଝାଡୁ,

୨୦ ତା ଆତିସ୍ ମାପୁତି ଲାଗାଂ ସୁସ୍ତାନି ସମୁ ଇକାଞ୍ଜାନାଡ୍; ଆରେ, ମି କାଜିଂ ଆରେନିଂତି କ୍ରିସ୍ଟୁଙ୍ଗ୍, ଇତିସ୍ ଜିସୁଙ୍ଗ୍ ହେଞ୍ଜାନ୍ ପକ୍ତାନାନ୍ ।

୨୧ ଝିଜୁ ବିସ୍ତେ ଆରେ କିଦେଙ୍ଗ୍ ଇମ୍ଣି ସମୁନି କାତା ବେସି ପ୍ଲାଡ୍ନିକାଡ୍ଦାଂ ଇସ୍ବର ଜାର୍ ପୁଇପୁୟା ବେଶ୍ବାକ୍ଣାୟ୍କିନାକାର୍ ଝେଇ ହୁଦାଂ ଝେଚ୍ଚାନା, ହେ ସମୁ ଏକାଞ୍ଜାଝି ପାତେକ୍ ହେଞ୍ଜାନିଂ ହାତେ ବାଦାଡ୍ଡ ଇଟ୍ୟା ଆଦେଂ ଆନାଡ୍ ।

୨୨ ଇ ବିସ୍ତେ ମସା ଇଞ୍ଜି ମାଗାନ୍, ମି ମାପୁ ଇସ୍ବର ମିଙ୍ଗେଙ୍ଗ୍ ଟଣ୍ଡାର୍ ବିତ୍ରେ ନା ଲାକେ ରଞ୍ଜାନ୍ ବେଶ୍ବାକ୍ଣାୟ୍କିନାକାର୍ ପକ୍ତାନାନ୍ । ହେଞ୍ଜାନ୍ ଜାର୍ ମାନାୟ୍ରିଂ ବିତ୍ରେତାଂ ରଞ୍ଜାନ୍ ଆନାନ୍ ହେଞ୍ଜାନ୍ ମିଙ୍ଗ୍ ଇନାକା ଝେଚ୍ଚାନାନ୍, ହେ ସବୁ ବିସ୍ତେ ଏପେଙ୍ଗ୍ ପାଲି କିନି ଲଡା ।

୨୩ ମାତର୍ ଏଲେଙ୍ଗ୍ ଗିଚାନାଡ୍ ଜେ, ଇମ୍ଣି ଝାସ୍ତି ହେ ବେଶ୍ବାକ୍ଣାୟ୍କିନାକାର୍ ବଚନ୍ ଝେନ୍ନୁନ୍, ଇସ୍ବରତି ମାନାୟ୍ରିଂ ବିତ୍ରେ ନସ୍ ଆନାନ୍ ।

୨୪ ଆଁ, ସାମୁୟେଲ୍ ଆରି ହେଞ୍ଜାନ୍ତି ପାରେନି ସମୁତାଂ ଏଚେକ୍ ବେଶ୍ବାକ୍ଣାୟ୍କିନାକାର୍ କାତା ଇଚାଣ୍ଣା, ହେଞ୍ଜାର୍, ଝିଜାକାର୍ ପା ଇ କାଡ୍ ବିସ୍ତେ ବେଶ୍ କିତାଣ୍ଣା ।

୨୫ ଏପେଙ୍ଗ୍ ହେ ବେଶ୍ବାକ୍ଣାୟ୍କିନାକାର୍ ହିମ୍ଣାଂ, ଆରେ ମି ଲାଡ୍ଡା ହୁକେ ପୁତ୍ ନି ଝିଜୁ କ୍ଲୁଟ୍ମ ଆସିର୍ବାଦ୍ ପାୟାନାର୍, ଇ ବଚନ୍ ଇସ୍ବର ଅବାହାମ୍ତି ଇଞ୍ଜି ମି ବୁଡାଲୁର୍ ହୁକେ ଇମ୍ଣି ନିୟ୍ମ୍ ରଚ୍ଚି ମାଗାନ୍, ଏପେଙ୍ଗ୍ ହେ ନିୟ୍ମ୍ନି ହିମ୍ଣାକାଦେର୍ ।

୨୬ ଇସ୍ବର ପର୍ଡୁମ୍ ମି କାଜିଂ ଜାର୍ ହେ ଆଡ୍ଡିଏନ୍ନିଂ ବାଚି କିତାନ୍, ଝିଜାରିଂ ବାନ୍ୟା ହାଜିତାଂ ମାସ୍ନି ଆସିର୍ବାଦ୍ ହିନାନ୍ ଇଞ୍ଜି ପକ୍ତାନାନ୍ ।”

### ୪

#### ଜିହୁଦି ଗାଜା ସବାତ ପିତର୍ ଆରି ଜହନ୍

୧ ହେଞ୍ଜାର୍ ମାନାୟ୍ରିଂ ଲାଗେ କାତା ଇ ଝାଡାଲିଂ ମାପୁହେବାକିନାକାନ୍ ମାନ୍ଦିର୍ନି ମୁଡ୍ମେଲ୍ୟା ଆରି ସାଦୁକିର୍ ହେଞ୍ଜାର୍ ଲାଗେ ଏକାଞ୍ଜାତାର୍;

୨ ହେଞ୍ଜାର୍ ରିସା ଆଜି ମାଗାର୍, ଇନାଦେଂକି ଜିସୁ ଇଚାନ୍ ପକ୍ୟାତାକାର୍ ଲକୁରିଂ ହିକ୍ୟା ହିଜି ହାତାକାର୍ ଆରେ ନିନାକା ଇଞ୍ଜି ପାର୍ମାଣ୍ କିଜି ମାଗାର୍ ।

୩ ଆରେ, ହେଞ୍ଜାର୍ ହେଞ୍ଜାରିଂ ଆସ୍ତି ଆର୍କାଡ୍ ଦିନ୍ ପାତେକ୍ ଜଇଲ୍ ଇଞ୍ଜି ଇଚ୍ଚାର୍, ଇନାକିଦେଂକି ହେ ଝେଡାଙ୍ଗ୍ ମ୍ପିକାହାରେସ୍ ଆଜି ମାଗାର୍ ।

୪ ମାତର୍ ହେଞ୍ଜାର୍ତି ହିକ୍ୟା ଝେନ୍ଞି ମାନି ବେସି ହେନି ମାନାୟ୍ରିଂ ହେବେ ପାତ୍ କିତାର୍, ହେଞ୍ଜାର୍ତି ବାଡାନାକା ଲମର୍ ପାଞ୍ଚ ହାଜାର୍ ଆଗାର୍ ।

୫ ତା ଆର୍କାଡ୍ ନାଜିଂ ଜିହୁଦି ମୁଣିକାର୍, ପ୍ରାଚିନ୍ ଆରି ସାସ୍ବର ଗୁରୁ ଜିରୁସାଲମ୍ତ ରୁଣ୍ଡାତାର୍;

୬ ହେଞ୍ଜାର୍ ମୁଡ୍ ମାପୁହେବାକିନାକାନ୍ ହାନାନ୍, କୟାପା, ଜହନ୍, ଆଲେକ୍ଜାଣ୍ଡର୍, ଆରେ ମାପୁହେବାକିନାକାନ୍ ନି ବସ୍ନି ଝିଜାର୍ ଲକୁ ମାଗାର୍ ।

୭ ହେଞ୍ଜାର୍ ପକ୍ୟାତାକାରିଂ ମାଦ୍ଣି ବାହାତ ନିଲି କିଜି ଝେନ୍ବେଦେଂ ଲାଗାତାର୍, ଇନେସ୍ ସାକ୍ତିତ କି ଇମ୍ଣି ତର୍ଦ “ଏପେଙ୍ଗ୍ ଇଦାଂ କିତାଦେର୍ଣ୍ଣା ?”

୮ ହେବେ ପିତର୍ ପୁଇପୁୟା ଜିବୁନ୍ନି ବାତ୍ ଆଜି ହେଞ୍ଜାରିଂ ଇଚାନ୍, “ଏ ମାନାୟ୍ତିଂ ମୁଣିକା ଆରି ପ୍ରାଚିନାର୍,”

୯ ନେଞ୍ଜେଙ୍ଗ ଜଦି ରଞ୍ଜାନ ରଗ୍ୟା କାଜି କିଜି ମାଟି ହାଦି କାମାୟ ବିସ୍ତେ ମାଂ ପରସନ୍ ଖେନ୍ଦବିତିସ୍ ଜେ, ଇ ମାନାୟ ଇନା ଉପାୟତ ଉଜ୍ ଆତାନ୍ନା,

୧୦ ତା ଆତିସ୍ ଏପେଙ୍ଗ ଝିଜାକାଦେର୍ ଆରି ଝିଜୁ ଇସ୍ତାଏଲ୍ ଲକୁ ପୁନାଟ୍, ଇମ୍‌ଣି ନାଜରିତିୟ ଜିସୁ କ୍ରିଷ୍ଟଙ୍ ଏପେଙ୍ଗ କୁସ୍ତ ଅସ୍ତାଦେର୍, ଇନେରିଂ ଇସ୍ତର୍ ହାକିତାଂ ବିତ୍ରେ ନିକ୍‌ତାନ୍ନା, ହେଞ୍ଜାନ୍ତି ତରଦାଂ ଆଁ ହେଞ୍ଜାନ୍ତି ହୁକେ ଇ ମାନାୟ ଉଜ୍ ଆଜି ମି ମୁମ୍‌ଦ ନିଲ୍‌ତାନ୍ନା ।

୧୧ ଇଲ୍ ରଚନାକାଦେର୍,  
ଇମ୍‌ଣି କାଲ୍ ଇଟ୍‌ଞ୍ଜାତାର୍ ହେ କାଲ୍‌ନେ,  
ଇଲ୍‌ନି ମୁଡ୍‌କାଲ୍ ଆତାଡ୍ ।

୧୨ ହେଞ୍ଜାନିଂ ପିସ୍ତି ଆରେ ଇନେର୍ ତାକେ ମୁକ୍ତି ହିଲୁଡ୍, ଇନାକିଦେଂକି ଇମେତାଂ ମାଂ ମୁକ୍ତି ଗାଟାଦେଂ ଆନାଡ୍, ବାଦାଡ୍‌ତ ତାରେନ୍ ମାନାୟ ବିତ୍ରେ ଆରେ ଇନାକାପା ତର୍ ହିୟାଞ୍ଜାତାଡ୍‌ନା ।

୧୩ ହେଞ୍ଜାର୍ ପିତର୍ ଆରି ଜହନ୍ ସାସ୍ ହୁଡ୍‌ଜି ଆରି ହେଞ୍ଜାର୍ ଜେ ଅସିକ୍‌ତି ଆରି ଗିୟାନ୍ ହିଲ୍‌ଝି ଲଗୁ, ଇଦାଂ ବୁଜାଜି କାବା ଆତାର୍, ଆରେ ହେଞ୍ଜାର୍ ଜିସୁତି ହୁଦାଂ ମାଟାର୍ ଇଞ୍ଜି ହେଞ୍ଜାରିଂ ଚିନିକିତାର୍,

୧୪ ଆରେ ହେ ଉଜ୍ ଆଜି ମାଟି ମାନାୟତିଂ ହେଞ୍ଜାର୍ ହୁକେ ଇଞ୍ଜି ମାନାକା ହୁଡ୍‌ଜି, ବିରୁଦ୍‌ତ ମୁଡ୍‌ତେ ଇଞ୍ଜେଙ୍ଗ୍ ଆଡ୍‌ଞ୍ଜାତାର୍ ।

୧୫ ପାଚେ ହେଞ୍ଜାରିଂ ସବାତାଂ ହସି ହାଞ୍ଜେଙ୍ଗ୍ ବଲ୍ ହିଜି ହେଞ୍ଜାର୍ ରକାନ୍ ଆରେ ରକାନ୍ ବିତ୍ରେ ବୁଜାବୁଜି କିଜି ଇଞ୍ଜେଙ୍ଗ୍ ଲାଗାତାର୍,

୧୬ ଇ ମାନୟାରିଂ ଇନାକା କିନାସ୍ “ଇନାକିଦେଂକି ଇଞ୍ଜାର୍‌ତାଂ ଜେ, ର ଗାଜା କାବା କାମାୟ ଆତାଡ୍‌ନା, ଇଦାଂ ଜିରୁସାଲମ୍ ନିକାରିଂ ତାକେ ଝିଣ୍ଡାତାଡ୍‌ନା, ଆରେ ଆସେଙ୍ଗ୍ ହେଦାଂ ପାଡ୍ କିଞ୍ଜାଦାଂ ଆଡୁସ୍;

୧୭ ମାତର୍ କାତା ଇନେସ୍ ମାନାୟ ବିତ୍ରେ ଆରେ ବେସି ମେଙ୍ଗ୍‌ମେଡ୍, ଇଦାଂ କାଜିଂ ଜିସୁ ତରଦ ଇମ୍‌ଣି ମାନାୟତିଂ ଆରେ ମୁଡ୍‌କେ ଇନ୍‌ଝି କାଜିଂ ହେଞ୍ଜାରିଂ ଚିମ୍‌ରା କିନାନ୍ ।”

୧୮ ପାଚେ ପିତର୍ ଜହନ୍‌ତିଂ କୁକ୍‌ତି ଜିସୁତି ତର୍ ମୁଡ୍‌କେ କାତା ଇନ୍‌ଝି କାଜିଂ ଆରି ହିକ୍ୟା ହିଝି କାଜିଂ ତାଟ୍ ବଲ୍ ହିତାନ୍ ।

୧୯ ମାତର୍ ପିତର୍ ଆରି ଜହନ୍ ହେଞ୍ଜାରିଂ ଉତର୍ ହିତାର୍, “ଇସ୍ତର୍‌ତି କାତା ଖେନି ବାଟା ମି କାତା ଖେନାକା ଇସ୍ତର୍‌ତି କାଣ୍‌କୁଡ୍ ଦାମ୍ କି ମିଟ୍, ହେଦାଂ ଏପେଙ୍ଗ୍ ବିଚାର୍ କିୟାଟ୍ ।

୨୦ ଇନାକିଦେଂକି ଆପେଂ ଇନାକା ଇନାକା ହୁଡ୍‌ତାପୁନ୍ନା ଆରି ଖେଚାପୁନ୍ନା, ହେ ସବୁ ଇନ୍‌ଞ୍ଜାଦାଂ ମାଞ୍ଜେଙ୍ଗ୍ ଆଡୁପ୍ ।”

୨୧ ହେବେ ହେଞ୍ଜାର୍ ଲକୁ କାଜିଂ ହେଞ୍ଜାରିଂ ତାଣ୍ଡ୍ ହିଦେଂ ଇମ୍‌ଣାକା ପା ହାଜି ଗାଟାଞ୍ଜାତିଲେ ହେଞ୍ଜାରିଂ ଆଦିକ୍ ପାଣ୍ଡୁ ଚଟ୍‌ତି ପିସ୍ତି ହିତାର୍, ଝାଟିଙ୍ଗ୍ ଇନାକା ଗିଟାଜି ମାଟାଡ୍, ହେଦାଂ କାଜିଂ ଲକୁ ଝିଜାର୍ ଇସ୍ତର୍‌ତି ଜାଜ୍‌ମାଲ୍ କିଦେଙ୍ଗ୍ ଲାଗାତାର୍,

୨୨ ଇମ୍‌ଣି ମାନାୟ ତାକେ ହେ ଉଜ୍ ଆନାକା କାବା କାମାୟ କିୟାଜି ମାଟାଡ୍, ହେଞ୍ଜାନ୍ତି ରିକ୍‌ଡ୍‌ତି ବାହୁଁତାଂ ଆଦିକ୍ ଆଜି ମାଟାଡ୍ ।

ପାଡ୍ କିନାକାର୍‌ତି ସାସ୍ କାଜିଂ ପାର୍ତ୍ତାନା

୨୩ ହେଞ୍ଜାର୍ ମୁକ୍‌ଡା ଆଜି ଜାର୍ ହାଙ୍ଗ୍‌ଦାକାର୍ ଲାଗେ ହାଟାର୍ ଆରି ମୁଡ୍‌ମାପୁହେବାକିନାକାନ୍ ଆରି ପ୍ରାଚିନାର୍ ହେଞ୍ଜାରିଂ ଇନାକା ଇନାକା ଇଞ୍ଜି ମାଟାର୍, ହେ ସବୁ ଖେଚ୍‌ଗାର୍ ।

୨୪ ପାଡ୍ କିନାକାର୍ ହେଦାଂ ଖେନ୍‌ଞ୍ଜି ରମାନ୍ତ ଇସ୍ତର୍‌ତି ଲାଗେ ଗାଜାକାଟ୍‌ତାଂ ପାର୍ତ୍ତାନା କିଜି ଇଟାର୍, “ଏ ମାପୁ ଏନ୍ ବାଦାଡ୍‌ତ, ପୁଡ୍, ହାମ୍‌ଦୁର୍ ଆରି ହେ ସବୁ ବିତ୍ରେ ଝିଜୁ ବିସ୍ତେ ଉବ୍‌ଜାଣ୍ କିତାୟନା

୨୫ ଏନ୍ ଜାର୍ ଆଡ୍‌ଏନ୍ ମା ଆବା ଦାଉଦ୍‌ତି ଖେଇ ହିଜି ପୁଇପୁୟା ଜିବୁନ୍ ହୁଦାଂ ଇ କାତା ଇଟାୟନା, ପାଡ୍ କିଝି ଜିହୁଦି ଇନେକିଦେଂ ରିସା କିତାର୍,

ଆରେ ମାନାୟାର୍ ଇନେକିଦେଂ ଝାରାକା ବିସ୍ତେ ହାନ୍‌ୟା କିତାର୍ ?

୨୬ ମାପୁତି ବିରୁଦ୍‌ତ ଆରି ହେଞ୍ଜାନ୍ତି ସିଗ୍‌ଆତାକାର୍ ବିରୁଦ୍‌ତ,

ପୁଡ୍ ନି ରାଜାର୍ ଜାଲ୍‌ଦି ଆତାର୍,

ଆରେ ମୁଣିକାର୍ ରବେ ରୁଣ୍ଡାତାର୍ ।

୨୭ ଇନାକିଦେଂକି ମି ଇମ୍‌ଣି ପୁଇପୁୟା ଆଡ୍‌ଏନ୍ ଜିସୁଙ୍ଗ୍ ଏନ୍ ସିଗ୍ କିତାୟ, ହାଡ୍‌ପାନେ ହେଞ୍ଜାନ୍ତି ବିରୁଦ୍‌ତ ହେରଦ୍ ଆରି ପକ୍ତିୟ ପିଲାତ ରିକାର୍ ପାଡ୍ କିଝି ଜିହୁଦି ଆରି ଇସ୍ତାଏଲ୍ ଲକୁ ହୁଦାଂ ଇ ଗାଡ୍‌ଡ୍,

୨୮ ନି ଜଜନା ହୁଦାଂ ଜେ ଝିଜୁ ଗିଟାନାଡ୍ ଇଞ୍ଜି ପୁର୍ବେତାଂ ବାଟି ଆଜି ମାଟାଡ୍, ହେଦାଂ କିଦେଙ୍ଗ୍ ରବେରୁଣ୍ଡା ଆତାର୍ ।

୨୯ ଆରେ ନଙ୍ଗ୍, ଏ ମାପୁ, ହେଞ୍ଜାର୍‌ତି ପାଣ୍ଡୁନିକାରିଂ ମେହା; ଆରେ, ନି ଆଡ୍‌ୟାରିଂ ପୁରା ସାସ୍ ହୁକେ ନି ବଚନ୍ ଇଞ୍ଜେଙ୍ଗ୍ ସାକ୍ତି ହିଦା,

☆ ୪:୨୭ ଲୁକ ୨୩:୭-୧୧; ମାଟିଉ ୨୭:୧,୨; ମାର୍କ ୧୫:୧; ଲୁକ ୨୩:୧; ଜହନ୍ ୧୮:୨୮,୨୯.

୩୦ ଆରେ ହେ ସାଙ୍ଗେ ସାଙ୍ଗେ ନି ପୁଇପୁୟା ଆଡ଼ିଏନ୍ ଜିସୁତି ତରଦ ଉଜ୍ କିଦେଙ୍ କାଜିଂ ଆରି ଚିନ୍କୁ ଆରି କାବାନି କାମାୟ୍ କିଦେଙ୍ କାଜିଂ ନି କେଇ ଲାମାୟ୍ କିଦା ।”

୩୧ ହେୱାର୍ ପାର୍ତାନା କିତି ପାଚେ, ଇମ୍ଫଣି ବାହାତ ରବେ ରୁଣ୍ଡାଜି ମାଚାର୍, ଇମ୍ଫଣି ବାହାତ ରବେ ମାଚାର୍, ହେଦାଂ କମ୍ପାତାଡ଼, ଆରେ ଝିଜାକାର୍ ପୁଇପୁୟା ଜିବୁନ୍ତ ପୁରା ଆଜି ସାସ୍ତ ଇସ୍ପୁର୍ତି କାବୁର୍ ଇଞ୍ଜେଙ୍ ଲାଗାତାର୍ ।

**ପାତର୍ କିନାକାର୍ ଦାନ୍ ବାଟାକିତାର୍**

୩୨ \*ପାତର୍ କିନାକାରିଂ ଲକୁ ର ଖାସ୍ମି ଆରି ର ପାରାଣତ ମାଚାର୍; ହେୱାର୍ତି ବିତ୍ରେ ଇନେର୍ପା ଜାର୍ ସଂପତିତାଂ ଇରୁକ୍ ଜାତର୍ ଇଞ୍ଜି ଇନ୍ଝାଦାଂ ମାଚାର୍, ମତର୍ ହେୱାର୍ତି ଝିଜୁ ବିସ୍ତେ ସିଦାସାଦା ମାଚାଡ଼ ।

୩୩ ପକ୍ୟାତାକାର୍ ଗାଜା ସାକ୍ତି ହୁକେ ମାପୁ ଜିସୁତି ଆରେ ନିଂନାକା ବିସ୍ତେ ସାକି ହିଦେଂ ଲାଗାତାର୍, ଆରେ ଇସ୍ପୁର୍ ଝିଜାକାର୍ ଜପି ବେସି ଦୟା କିଜି ମାଚାନ୍ ।

୩୪ ଲାଗିଂ ହେୱାର୍ ବିତ୍ରେ ଇନେରିଂ ଇନାକାପା ଅବାବ୍ ହିଲ୍ଝାତାଡ଼, ଇନାକିଦେଂକି ଏଚେକ୍ ଲକାତର୍ ରୁମି କି ଇଲ୍ ମାଚାଡ଼, ହେୱାର୍ ହେଦାଂ ପ୍ରସି ଦନ୍ନି ମଲ୍ ତାସି,

୩୫ ଆରେ ଜାଣ୍ଟକେ ରଝାନିଂ ତାଦି ଅବାବ୍ ହୁଡ଼ଜି ପକ୍ୟାତାକାର୍ ଚେଲାରିଂ ପାସ୍ପିସ୍ ମାଚାର୍ ।

୩୬ ଆରେ, ଜସେପ୍ ତରନି ବାହାତ ଜଲମ୍ ଆଜି ମାନି ଲେବି ଲାତ୍ରାନି ରଝାନ୍ ସାଈପ୍ରସ୍ ଜାତିନି ଲକୁ, ଇନେରିଂକି ପକ୍ୟାତାକାର୍ ବର୍ଣ୍ଣବା ଇଞ୍ଜି କୁକ୍ନି ତର ହିଜି ମାଚାର୍ ଅନୁବାଦ୍ କିତିସ୍ “ଇଦାଂ ନି ଅରଡ଼ ଦୁକ୍ସାରାୟ୍ନି ମାଜି,”

୩୭ ହେୱାନ୍ତି ରଞ୍ଜି ରୁମି ମାଚାଡ଼; ହେୱାନ୍ ହେଦାଂ ପ୍ରସି ହେବେନି ଟାକାଂ ତାସି ପକ୍ୟାତାକାର୍ତି ପାନା ତାରେନ୍ ଇଡ଼ତାନ୍ ।



**ହନନିୟ୍ ଆରି ସପିରା**

୧ ହନନିୟ୍ ତରଦାକାନ୍ ରଝାନ୍ ମୁଣିକା ଜାର୍ ତକ୍ତି ସପିରା ଲାହାଂ ଅଲପ୍ ଜମି ପ୍ରତାର୍,

୨ ମାତର୍ ତକ୍ତିହି ର ମାନ୍ କିଜି ହେବେନି ମଲ୍ତାଂ ଅଲପ୍ ତକ୍ତି ଇଡ଼ଜି ବାଗ୍ ମତର୍ ତାହି ପକ୍ୟାତାକାର୍ତି ମୁମ୍ଦ ଇଡ଼ତାନ୍ ।

୩ ହେବେ ପିତର୍ ଇଚାନ୍, ଏ “ହନନିୟ୍, ପୁଇପୁୟା ଜିବୁନ୍ ଲାଗେ ମିର୍ ଇଞ୍ଜେଙ୍ ଆରି ରୁମିନି ମଲ୍ଦାଂ ଅଲପ୍ ତକ୍ତି ଇଡ଼ଦେଂ ଇନାକିଦେଂ ସୟ୍ତାନ୍ ନି ମାନ୍ତ ପୁରା ଆଦିକାର୍ କିତାଡ଼ନ୍ନା ?

୪ ପ୍ରଝି ଆଗେ ହେଦାଂ ଇନାକା ଆଝାଦାଂ ମାଚାଡ଼ ? ଆରେ, ପ୍ରତି ପାଚେ ହେବେନି ମଲ୍ କି ନି ନିଜ୍ନି ଆଦିକାର୍ ହିଲ୍ଝାତାଡ଼ ? ଝାଟିଙ୍ ଏନ୍ ଇନେସ୍ ଜାର୍ ମାନ୍ତ ଇନାକିଦେଂ ଇ ବିସ୍ତେ ବାବି କିତାୟ୍ ? ଏନ୍ ଜେ ମାନାୟ୍ ଲାଗେ ମିର୍ ଇଚାୟ୍, ହେଦାଂ ଆକାୟ୍, ମତର୍ ଇସ୍ପୁର୍ତି ଲାଗେ ମିର୍ ଇଚାୟ୍ ।”

୫ ଇ କାତା ଝେନ୍ଝି ସାଙ୍ଗେ ସାଙ୍ଗେ ହନନିୟ୍ ତୁହିୟାଜି ପାରାଣ୍ ପିସ୍ତାନ୍ । ହେବେ ଏଚେକ୍ ଲକୁ ଇଦାଂ ଝେଚାର୍, ଝିଜାକାର୍ ବେସି ପାଣ୍ଡା ଆତାର୍ ।

୬ ଆରେ, ଦାଂଶାର୍ ନିଂଜି ହେୱାନିଂ ହେୟାତ ହୁର୍ପାତାର୍ ଆରି ବାର୍ଡ ଅଜି ହାଲ୍ଜି ମୁଚ୍ଚାର୍ ।

୭ ତିନି ଗଣ୍ଡା ପାଚେ ହେୱାନ୍ତି ତକ୍ତିହି ଝାତାଡ଼, ମତର୍ ଇନାକା ଗିଟାତାଡ଼ନ୍ନା, ହେଦାଂ ହେଦେଲ୍ ପୁନ୍ଝାଦାଂ ମାଚାଡ଼ ।

୮ ଆରେ, ପିତର୍ ହେଦେଲିଂ ଝେନ୍ବତାନ୍, ଝେଚ୍ଚା ତ, “ଏପେଙ୍ ଇନାକା ଏଚେକ୍ ଟାକାକାଂ ରୁମି ପ୍ରତାଦେର୍ ?”

ହେଦେଲ୍ ଇଚାଡ଼, “ଆଁ, ଏଚେକ୍ନେ ।”

୯ ହେବେ ପିତର୍ ହେଦେଲିଂ ଇଚାନ୍, ମାପୁତି “ଜିବୁନ୍ତିଙ୍ ପରିକ୍ୟା କିଦେଙ୍ କାଜିଂ ଏପେଙ୍ ଇନାକିଦେଂ ର ମାନ୍ତ ବେଣ୍ କିତାଦେର୍, ହୁଡ଼ାଟ୍, ଇନେର୍ ନି ତକ୍ରାଂ ମୁଚ୍ଚାଣ୍ଡା, ହେୱାର୍ ଦୁଝେର୍ ଲାଗେ ଇକାଝାତାରେ, ଆରେ ହେୱାର୍ ନିଂ ବାର୍ଡ ପିଣ୍ଡି ଅଜି ହାଞ୍ଜନାର୍ ।”

୧୦ ହେଦାପ୍ରେ ହେଦେଲ୍ ହେୱାନ୍ତି ପାନା ତାରେନ୍ ତୁହିଆ ଆଜି ପାରାଣ୍ ପିସ୍ତାଡ଼, ଆରେ, ଦାଂଶାର୍ ବିତ୍ରେ ଝାଜି ହେଦେଲିଂ ହାତାକା ହୁଡ଼ଜି ବାର୍ଡ ଅତାର୍ ଆରି ହେଦେଲ୍ ତକ୍ରାହି ଲାଗେ ହେଦେଲିଂ ମୁଚ୍ଚାର୍ ।

୧୧ ହେବେ ଝିଜୁ ମଣ୍ଡଲି ଆରି ଏଚେକ୍ ଲକୁ ଇ ସବୁ ବିସ୍ତେ ଝେଚାର୍, ହେୱାର୍ ଝିଜାକାର୍ ବେସି ପାଣ୍ଡା ଆତାର୍ ।

**ଚିନ୍ କାମାୟ୍ ଆରି କାବାନି କାମାୟ୍**

୧୨ ପକ୍ୟାତାକାର୍ତି ହୁଦାଂ ମାନାୟାର୍ ବିତ୍ରେ ବେସି ଆଡ଼ଝି ଆରି କାବାନି କାମାୟ୍ ଆଦେଂ ଲାଗାତାଡ଼, ଆରେ ଝିଜୁ ମଣ୍ଡଲି ରମାନ୍ ସଲମନ୍ତି ମଣ୍ଡମ୍ତ ରୁଣ୍ଡାଜି ମାଚାର୍,

୧୩ ମାତର୍ ମାନାୟ୍ ବିତ୍ରେତାଂ ଇନେର୍ ହେୱାର୍ ହୁଦାଂ ମେହାଆଦେଂ ସାସ୍ କିଝାଦାଂ ମାଚାର୍; ଆତିସ୍ ପା ବିନ୍ ଲକୁ ହେୱାରିଂ ଝାରି କିଜି ମାଚାର୍,

\* ୪:୩୨ ପକ୍ୟାତାକା ୨:୪୪,୪୫.

୧୪ ମାତର, ଆରେ ଆଦିକତା ଆଣ୍ଠା ଆରି କଗ୍ଲେକ୍ ମାପୁ ତାକେ ପାତ କିଜି ଇ ଦଲ୍ଦ ମେହାଆଦେ ଲାଗାତାର, ୧୫ ଏଲେକ୍ ପିତର ଖାନି ଖେଡାଲି କେବଲ୍ ହେଖାନ୍ତି ତିଗା ଇନେସ୍ ରଗ୍ୟାର୍ ତାକେ ଇନେର୍ ଇନେର୍ ଜପି ଆରନାତ୍, ଇଦା କାଜି ଲକୁ ହେଖାରି ହାକଡିତ ପିଣ୍ଡୁଜି ଆଜି, ଗାଟି ଆରି କାଟେଲ୍ଡ ଇଡବିସ୍ ମାଗାର ।

୧୬ ଜିରୁସାଲମ୍ ତ ଚାରିବେଶ୍ତି ବସ୍ତିତା ମାନାୟାର ପା ରଗ୍ୟାରି ଆରି ବାନ୍ୟା ଜିରୁନ୍ ହୁଦା ଆହ୍ୟାତି ଲୁଗାରି ତାହି ରୁଣ୍ଡା ଆଜି ମାଗାର, ଆରେ ହେଖାର୍ ଖିଜାକାର୍ ଉଜ୍ ଆତାର ।

**ପକ୍ୟାତାକାର୍ କାଜି ଇଣ୍**

୧୭ ପାଚେ ମୁଡ୍ ମାପୁହେବାକିନାକାନ୍ ଆରି ହେଖାର୍ତି ହାଙ୍ଗଦି ଖିଜାକାର୍, ଇଚିସ୍ ସାଦୁକିର୍ କୁଦା, ପକ୍ୟାତାକାର୍ ଜପି ଆକାର୍ତ ରିସା ଆଜି ନିତାର୍

୧୮ ଆରି ପକ୍ୟାତାକାର୍ ଆସ୍ତି ଗାଟି ସାଦା ଜଇଲ୍ଡ ଇଟ୍ତାର ।

୧୯ ମାତର ରଖାନ୍ ମାପୁତି ଦୁଡ୍, ନାଣାଖେଡାଲି ଜଇଲ୍ଡି ଦୁଖେରୁରି ରିକ୍ତାତ୍ ଆରି ହେଖାରି ହପ୍ତି ତାସି ଇଗାଡ୍,

୨୦ “ହାଲାର୍, ମନ୍ଦିର ବିତ୍ରେ ଇଞ୍ଜ ମାନାୟାରି ଇ ପୁନି ଜିରୁନ୍ନି ବିସ୍ତେ ଖିଜୁ ବଚନ୍ ଇନାଟ୍ ।”

୨୧ ଇଦା ଖେନ୍ଞି ହେଖାର୍ ନାଡିହି ମନ୍ଦିରତ ହଣ୍ଡି ହିକ୍ୟା ହିଦେ ଲାଗାତାର ।

ଓସ୍ତି ବିତ୍ରେ ମୁଡ୍ ମାପୁହେବାକିନାକାନ୍ ଆରି ପକ୍ୟାତାକାରି ତା ଚେଲାର୍ ଖାଜି ଗାଜା ସବା ଆରି ଇସ୍ରାଏଲ୍ ହିମ୍ଣାତି ପ୍ରାଚିନାର କୁକ୍ତି ରବେ କିତାର୍, ଆରେ, ହେଖାରି ତାଈଖାନି କାଜି ଜଇଲ୍ଡ ଲକା ପଞ୍ଚାର ।

୨୨ ମାତର ହେବା କିନାକାର୍ ହାଲ୍ଡି ଜଇଲ୍ ଇଞ୍ଜ ହେଖାରି ଗାଟାଖାଦା ମାସ୍ତି ଖାଜି ଇଗାର୍,

୨୩ “ଆପେ ହୁଡ୍ତାପ, ଜଇଲ୍ ଇଞ୍ଜ ଆଟ୍ଝା କିଜି ଗେସ୍ତାକା ମାନାଟ୍ ଆରି ଦୁଖାରିକା ଜାଗ୍ଝାଡାର୍ ନିଲ୍ଡାଣ୍ଡା, ମତର ଦୁଖେର୍ ଜେତିଲେ, ଜଇଲ୍ ଇଲ୍ ଆପେ ଇନେରି ଗାଟାଖାତାପ୍ ।”

୨୪ ଇ ସବୁ କାତା ଖେନ୍ଞି ମନ୍ଦିରନି ଜାଗ୍ଝାଡାର୍ ଆରି ମୁଡ୍ ମାପୁହେବାକିନାକାନ୍ ଇବେନି ଦସା ଇନାକା ଏଡ୍ କିଜି ପକ୍ୟାତାକାର୍ ବିସ୍ତେ କାବା ଆଦେ ଲାଗାତାର ।

୨୫ ଏଲେକ୍ ଖେଡାଲି ରଖାନ୍ ମାନାୟା ଖାଜି ହେଖାରି କାରୁର୍ ହିତାନ୍, “ହୁଡାଟ୍, ଏପେକ୍ ଇମ୍ଣି ଲୁଗା ଜଇଲ୍ ଇଞ୍ଜ ଇଡ୍ଡି ମାଗାଦେର୍, ହେଖାର୍ ମନ୍ଦିର ଇଞ୍ଜ ମାନାୟାର୍ତି ହିକ୍ୟା ହିନାରା ।”

୨୬ ମନ୍ଦିରନି ମେଲ୍ୟାର୍ କାମ୍ଲିୟାର୍ ଲାହାଙ୍ଗ୍ ହାଲ୍ଡି ପକ୍ୟାତି ଚେଲାରି ଆରେରଗ୍ ତେୟ୍ ଖାତାର । ହେଖାର୍ ଇନେସ୍ବାନି ପା ପାଣ୍ଡା ଆଖାତାର, ଇନାକିଦେକି ହେଖାରି ପାଣ୍ଡା ମାଗାତ୍ ଜେ ମାନାୟାର୍ ହେଖାର୍ ଜପି କାଲ୍କୁ ଇଡ୍ନାର୍ ।

୨୭ ହେଖାର୍ ହେଖାରି ତାହି ଗାଜା ସବା ମୁମ୍ଦ ନିଲି କିୟକିତାର୍ । ହେବେଣ୍ଡା ମୁଡ୍ ମାପୁହେବାକିନାକାନ୍ ହେଖାରି ଖେନ୍ଝାତାନ୍,

୨୮ “ଆପେ ମିଙ୍ଗେକ୍ ଇ ତରଦ୍ ହିକ୍ୟା ହିଦେ ବେସି ଆଟ୍ଝା ଲାକେ ମୁନାକିଜି ମାନ୍ଝାପ୍, ମାତର ହୁଡାଟ୍, ଏପେକ୍ ଇନାକିନାଦେରା ମି ହିକ୍ୟାତ ଜିରୁସାଲମ୍ ପୁରା କିଜି ହେ ମାନାୟାତି ନେତେରନି ଦସ୍ ମା ଜପି ଲାଦି କିଦେ ମାନ୍କିନାଦେରା ।”

୨୯ ମାତର ପିତର ଆରି ଆଦେକ୍ ପକ୍ୟାତାକାର୍ ଉତର ହିତାର୍, “ଆପେ ଇସ୍ପରତି ମାନିକିନାପ୍ ମାନାୟାରି ମାନି କିଡପ୍ ।

୩୦ ଇମ୍ଣି ଜିସୁକ୍ ଏପେକ୍ କୁସ୍ତ ଡ଼ଇ କିଜି ଅସ୍ତି ମାଗାଦେର୍, ମା ବୁଡାତ ଇସ୍ପର ହେଖାନି ହାକିତା ନିକ୍ତାନ୍ନା ।

୩୧ ଆରେ, ହେଖାନ୍ ଇନେସ୍ ଇସ୍ରାଏଲ୍ଡି ମାନ୍ବାଦ୍ଲୟ୍ ଆରି ପାପ୍ କେମା ଦାନ୍ କିନାନ୍, ଇଦା କାଜି ଇସ୍ପର ଜାର୍ ବୁଜ୍ଝି କେଇ ହୁଦା ହେଖାନି ଗାଜାକାନ୍ ଆରି ମୁକ୍ତିକିନାକାନ୍ ଲାକେ ଗାଜା କିତାନ୍ନା ।

୩୨ ଆରେ, ଆପେ ଇ ଖିଜୁ କାତା ବିସ୍ତେ ସାକି, ଆରେ ଇମ୍ଣି ପୁଇପୁୟା ଜିରୁନ୍ ଇସ୍ପର ହେଖାନ୍ତି ବଲ୍ ମାନିକିନାକାରି ହିଡ୍ତାନ୍ନା, ହେଖାନ୍ ପା ସାକି ।”

୩୩ ଇ କାତା ଖେନ୍ଞି ଗାଜା ସବାନି ମାନାୟାର୍ ବେସି ରିସା ଆତାର୍ ଆରି ପକ୍ୟାତାକାରି ଅହ୍ନି କାଜି ରୁହାୟ୍ କିଦେକ୍ ଲାଗାତାର ।

୩୪ ମାତର ଗମଲିୟେଲ୍ ତରନି ରକାନ୍ ପାରୁସି, ଇନେନ୍କି ସାସ୍ପର ଗୁରୁ ଆରି ଖିଜାକାର୍ ଲାଗେ ସନ୍ମାନ୍ ପାୟାଜି ମାଗାନ୍, ହେଖାନ୍ ଗାଜା ସବାତ ନିଲ୍ଡି ପକ୍ୟାତାକାରି ଅଲପ୍ ସମୁ କାଜି ହପ୍ତେ ବଲ୍ ହିତାନ୍,

୩୫ ଆରେ ହେଖାନ୍ ହେଖାରି ଇଗାନ୍, “ଏ ଇସ୍ରାଏଲ୍ଡିନି ଲକୁ, ଇଖାର୍ କାଜି ଏପେକ୍ ଇନାକା କିଦେକ୍ ଜାଲ୍ଦି ଆନାଦେରା, ହେ ବିସ୍ତେ ଜାଗ୍ଡ୍ ଆଡୁ ।

୩୬ ଇନାକିଦେକି ଇଦା ଆଗେ ତିଉଦା ନିଜି ଜାର୍ତି ରଖାନ୍ ଗାଜା ମାନାୟା ଇଞ୍ଜ ଇଗାନ୍, ଆରେ ଚାର୍ସ ଲକୁ ତା ହୁଦା ମେହା ଆତାର୍, ଆସା କିତାର୍ ହେଖାନ୍ ହାତାନ୍, ଆରେ ଏଚେକ୍ ଲକୁ ତାଙ୍ ବାସ୍ କିତାର୍, ହେଖାର୍ ଖିଜାର୍ ଜେଡ୍ଡେକେଡ୍ ଆତାର୍ ଆରି କାମାୟ୍ କିଦେକ୍ ଆଡ୍ଝାତାର ।

☆ ୫:୨୮ ମାଡିଉ ୨୭:୨୫.



୩୭ ହେ ମାନାୟ ପାଚେ ଲକୁ ଗାଣାକିନାକା ଖେଡାଲିଂ ଗାଲିଲିୟ ଜିହୁଦା ନିଂଜି ମାନାୟାରିଂ ତା ପାଚେ ଜେଲ୍ଜି ଅଜି ଗଣ୍ଡଗଲ୍ କିୟକିତାନ; ହେଖାନିଂ ଅସ୍ତାର୍, ଆରେ ଏଚେକ୍ ଲକୁ ତାଙ୍ ବାସ୍ କିଜି ମାଚାର୍, ହେଖାର୍ ଖିଜାକାର୍ ଜେଡେକେଡ୍ ଆଜି ହାଚାର୍ ।

୩୮ ନଙ୍ ଆନ୍ ମିଜେଙ୍ ଇଞ୍ଜନାଙ୍, ଏପେଙ୍ ଇ ଲକୁ କାଜିଂ ଇନାକା କିଞ୍ଜାଦାଂ ହେଖାରିଂ ପିସ୍ତ୍ର ହିଆର୍, ଇନାକିଦେଂକି ଇ ରୁହାୟ୍ କି ଇ କାମାୟ୍ ଜଦି ମାନାୟତାଂ ଆଜି ମାଚିସ୍, ତା ଆତିସ୍ ହେଦାଂ କ୍ତାଞ୍ଜାସ୍ ଆଜି ହାନାଡ୍;

୩୯ ମାତର୍ ଜଦି ହେଦାଂ ଇସ୍ପରତାଂ ଆଜି ମାଚିସ୍, ତା ଆତିସ୍ ଏପେଙ୍ ହେଖାରିଂ ନସ୍ କିଦେଙ୍ ବାସ୍ ଆଦେଂ ଆଡୁଦେର୍, ଏଚେକାଡ୍ ଏପେଙ୍ ଇସ୍ପରତି ବିରୁଦ୍ତ ଜୁଜ୍ କିନାଦେରା ଇଞ୍ଜି ଚଞ୍ଜାନାଦେର୍ ।”

ଗାଜା ସବାନି ମାନାୟାର୍ ଗମଲିୟାତି କାତା ମାନି କିତାର୍

୪୦ ହେଖାର୍ ହେଖାଜି କାତାତ ବାସ୍ ଆଚାର୍, ଆରେ ପଦ୍ୟାତାକାର୍ରିଂ ଲାଗାଂ କୁକ୍ତି ହେଖାରିଂ କରତା ତାଂ ଟ୍ରାକ୍ତାର୍ ଆରି ଜିସ୍ତୁତି ତରଦ କାତା ଇନ୍ଦ୍ କାଜିଂ ବଲ୍ ହିଜି ପିସ୍ତାର୍ ।

୪୧ ହେବେ ହେଖାର୍ ଜେ ଜିସ୍ତୁ ତର କାଜିଂ ଅପ୍ମାନ୍ ବଗ୍ କିଦେଙ୍ ଲଡା ଇଞ୍ଜି ଇନ୍ୟାଜି ମାଚାର୍, ହେଦାଂ କାଜିଂ ହେଖାର୍ ଖାରି କିଉ କିଉ ଗାଜା ସବାତାଂ ହସି ହାଚାର୍;

୪୨ ଆରେ ହେଖାର୍ ନିତ୍ରେ ମନ୍ଦିରତ ଆରି ହିକ୍ୟା ହିଦେଂ ଆରି ଜିସ୍ତୁ ଜେ କ୍ରିସ୍, ଇ ନେକ୍ତିକାରୁର୍ ସୁଣାୟ୍ କିଦେଙ୍ ଚେବା ଆଞ୍ଜାତାର୍ ।



**ସାଡ୍ ଜାଣି ହାଂଖାର୍**

୧ ଇ ଖେଡାଲିଂ, ଏଚେକାଡ୍ ଚେଲାର୍ ବାତା ଆଜି ମାଚାର୍, ହେଖାଡାଂ ଗ୍ରିକ୍ ବାସାନିକାର୍ ଜିହୁଦିର୍ ଏବିୟ୍ ବାସାନି ଜିହୁଦି ବିରୁଦ୍ତ ନିୟା କିଦେଙ୍ ଲାଗାତାର୍, ଇନାକିଦେଂକି ନିତ୍ରେ ହେବା କିଦେଙ୍ ହେଖାର୍ତି ରାଣ୍ଡିକାଂ ପାଚାରି କିଞ୍ଜାଦାଂ ମାଚାର୍ ।

୨ ହେବେ ବାର୍ ଜାଣି ଚେଲାର୍ ପାଚ୍ କିନାକାର୍ ଲାଗାୟ୍ କୁକ୍ତି ଇଚାର୍, “ଇସ୍ପରତି ବଚନ୍ ପରଚାର୍ ପିସ୍ତ୍ର କାଦି ପାସ୍ପେଦେଂ ମା ହେବାତ ମାନାକା ହାର୍ ଆକାୟ୍ ।

୩ ଲାଗିଂ ଏ ଚଣ୍ଡାର୍ ଆରି ତଣ୍ଡେକ୍, ଇମ୍ଣାକାରିଂ ଆସେଙ୍ ଇ କାମାୟ୍ତ ବାଚି କିଦେଙ୍ ଆଡ୍ନାସ୍, ଏପେଙ୍ ତାକ୍ପୁଗାତାକାର୍ ଆରି ଜିରୁନ୍ ଆରି ଗିୟାନ୍ତ ପୁରା ସାଡ୍ ଜାଣିଂ ମି ବିତ୍ରେ ସାକି ହିନାକାରିଂ ବାଚି କିଜି ତିର୍ କିୟାଟ୍;

୪ ମାତର୍ ଆସେଙ୍ ପାର୍ତାନାତ ଆରି ବଚନ୍ ପରଚାର୍ ହେବା କାମାୟ୍ତ ରଲ୍ଲାକେ ଲାଗା ଆଜି ମାନାସ୍ ।”

୫ ଇ କାତା ଖିଜୁ ମାନାୟାର୍ ନଞ୍ଜରତ ହାର୍ ଚଞ୍ଜାନାଡ୍, ଆରେ ହେଖାର୍ ପାଚ୍ ଆରି ପୁଇପୁୟା ଜିରୁନ୍ତ ବାଚ୍ ସ୍ତ୍ରପାନ୍ ତରନି ରଞ୍ଜାନ୍ ମୁଣିକାଂ, ଆରେ ପିଲିପ୍, ପ୍ରକର, ନିକାନର୍, ତିମନ, ପାର୍ମନା ଆରି ପର୍ତୁମ୍ ଆନ୍ତ୍ରିୟକିଆନି ପାଚ୍ କିଞ୍ଜି ଜିହୁଦି ନିକଲ୍ଲାୟତିଂ ବାଚି କିଜି,

୬ ପଦ୍ୟାତାକାର୍ତି ମୁମ୍ଦ ଏକାତାର୍, ଆରେ ହେଖାର୍ ହେଖାର୍ତି କାପ୍ଡା ଜପି କେଇ ଇଡ୍ଜି ପାର୍ତାନା କିତାର୍ ।

୭ ଇଦାଂ ପାଚେ ଇସ୍ପରତି ବଚନ୍ ଆଦିକ୍ ମେଙ୍ଡାଡ୍ ଆରେ ଜିରୁସାଲମ୍ତ ଚେଲାର୍ ଲମର୍ ବାତାଦେଂ ଲାଗାତାଡ୍; ଆରେ, ମାପୁହେବାକିନାକାନ୍ ବିତ୍ରେତାଂ ବେସି ହେନି କ୍ରିସ୍ଟ୍ ପାଚ୍ କିନାକାର୍ ଆଚାର୍ ।

**ସ୍ତ୍ରପାନ୍ ବନ୍ଦି କିତାର୍**

୮ ସ୍ତ୍ରପାନ୍ ଦୟା ଆରି ସାକ୍ତିତ ବାଚ୍ ଆଜି ଲକୁ ବିତ୍ରେ ଗାଜା ଗାଜା କାବାନି କାମାୟ୍ ଆରି କାମାୟ୍ କିଦେଙ୍ ଲାଗାତାନ୍ ।

୯ ମାତର୍ ଲିବର୍ତ୍ତନ, କୁରିଣିୟ ଆରି ଆଲେକ୍ଜାଣ୍ଡ୍ରିୟ ଗାଡ୍ଜୁକାଂ ବାହା କିନାକାର୍ ତରଦ ତାକ୍ପୁଗା ଜିହୁଦିର୍ତି ପାର୍ତାନା ଇଲ୍ଲିନି କେତେ ଜାଣି, ଆରେ କିଲିକିୟା ଆରି ଆସିଆ ନିକାର୍ କେତେକ୍ ଲକୁ ନିଙ୍ଗି ସ୍ତ୍ରପାନ୍ ହୁଦାଂ କାତା ବାର୍ତା କିଦେଙ୍ ଲାଗାତାର୍ ।

୧୦ ମାତର୍ ହେଖାନ୍ ଇମ୍ଣି ଗିୟାନ୍ ଆରି ଜିରୁନ୍ତିଂ ସାକ୍ତିତ କାତା ଇଞ୍ଜି ମାଚାନ୍, ହେଖାର୍ ହେଦାଂ ବିରଦ୍ କିଦେଙ୍ ଆଡ୍ଞାତାର୍ ।

୧୧ ହେବେ ହେଖାର୍ ମାନାୟାର୍ରିଂ ଲାଞ୍ ହିଜି ପୁସ୍ପରାୟ୍ କିତାର୍, ଆରେ ହେଖାର୍ ଇଚାର୍, “ଆପେଂ ଇଦାଂ ମସା ଆରି ଇସ୍ପରତି ବିରୁଦ୍ତ ନିୟା ବଚନ୍ ଇନାକା ଖେନାପା ।”

୧୨ ଆରେ, ହେଖାର୍ ମାନାୟାରିଂ, ଆରେ ପ୍ରାଚିନ୍ ଆରି ସାସ୍ପର୍ ଗୁରୁରିଂ ରିସା କିଜି ହେଖାନିଂ ମାଡିବହାତାର୍ ଆରି ହେଖାନିଂ ବାଡ୍କାସ୍ତାଂ ଆଜି ଗାଜା ପଞ୍ଚାଦିତ ତାହିଞ୍ଜାତାର୍,

୧୩ ଆରେ ମିର୍ ସାକିରିଂ ନିଲି କିତାର୍; ହେଖାର୍ ଇଚାର୍, “ଇ ମାନାୟ୍” ଇ ପୁଇପୁୟା ବାହା ଆରି ମସାତି ବିଦି ବିରୁଦ୍ତ ବଚନ୍ ଇଞ୍ଜେଙ୍ ଲାଗାତାନ୍,

୧୪ ଇନାକିଦେଂକି ନାଜରିତିୟ ହେ ଜିସୁ ଇ ମନ୍ଦିର ସେସ୍ କିନାନ, ଆରେ ମସା ମାଂ ଇନା ଇନା ରିତିନିତି ହିଡ଼ତାନା, ହେ ସବୁ ବାଦ୍‌ଲାଇୟ କିନାନ ଇଞ୍ଜି ହେଝାନ ଇନାକା ଆପେଂ ଝେଟାପ୍ଲା ।

୧୫ ହେ ଏଚେକାଡ଼ଦ ଗାଜା ପଞ୍ଚାଦିତ କୁଡ଼ି ମାନି ଝିଜାର୍ ତାଙ୍ଗ୍ ହୁଡ଼ଜି ସ୍ତ୍ରୀପାନ୍ ମୁମ୍ ବାଦାଡ଼ତ ଦୁଡ଼ତି ମୁମ୍ ଲାକେ ହୁଡ଼ତାର୍ ।



ସ୍ତ୍ରୀପାନ୍ତି ପରଚାର୍

୧ ହେବେ ମୁଡ଼୍ ମାପୁହେବାକିନାକାନ୍ ଝେନ୍‌ବାତାନ୍, “ଇଦାଂ ଝିଜୁ ଦାବା ହାଡ଼ପା କି ?”

୨ ସ୍ତ୍ରୀପାନ୍ ଇଚାନ୍, “ଏ ଟଣ୍ଡାର୍ ଆରି ଆବାର୍, ଝେନାଟ୍ । ମା ଆବା ଅବ୍ରାହାମ୍ ହାରଣ୍ ଗାଡ଼ଦ ବାହା କିନି ଆଗେ ଏଚେକାଡ଼ଦ ହେଝାନ ମେସପଟାମିଆତ ଦେସ୍ତ ମାଚାନ୍, ହେ ଏଚେକାଡ଼ଦ ହେଝାନ ଜାଜ୍‌ମାଲ୍‌ନି ଇସ୍‌ବର ହେଝାନିଂ ଚଞ୍ଜ୍ୟା ଆଜି ଇଚାନ୍,

୩ ଏନ୍ ପାର୍ତାନା ଜାର୍ ଦେସ୍ତାଂ ଆରି ଜାର୍ ଝାସ୍‌ନିକାରିଂ ବିତ୍ରେ ହସି ଝା, ଆରେ ଆପେଂ ନିଂ ଇମ୍‌ଣି ଦେସ୍ ଚଟ୍‌ଚାନାପ୍, ହେ ଦେସ୍ତ ହାଲା ।”

୪ ହେବେ କଲ୍‌ଦିୟର୍ ଦେସ୍ତାଂ ହସି ହେଝାନ ହାରଣ୍‌ତ ବାହା କିତାନ୍, ଆରେ ତା ଆବାତି ହାତି ପାଚେ, ହେବେତାଂ ଏପେଙ୍ଗ୍ ନଙ୍ଗ୍ ଇମ୍‌ଣି ଦେସ୍ତ ବାହା କିତାଦେରନା, ଇ ଦେସ୍ତିଂ ଇସ୍‌ବର ହେଝାନିଂ ତାସି ଝାତାନ୍,

୫ ଆରେ, ହେଝାନ ହେଝାନିଂ ହେବେ ଇମ୍‌ଣାକା ପା ଆଦିକାର୍ ହିଝାତାନ୍, କି, ର ପାନା ଇଡ଼ଦେଂ ଅଲପ୍ ବୁମି ହିଝାତାନ୍, ଆରେ ହେ ଏଚେକାଡ଼ଦ ଅବ୍ରାହାମ୍‌ତି ହିମ୍‌ଣାଂ ହିଲ୍‌ଝିତିସ୍ ପା ହେଝାନ ହେଝାନିଂ ଆରି ହେଝାନ୍ତି ଝାନିବାହୁନି ଲାତ୍ରାତିଂ ହେଦାଂ ଆଦିକାର୍ କିଦେଙ୍ଗ୍ କାଜିଂ ହିନାଂ ଇଞ୍ଜି ପାର୍ମାଣ୍ କିତାନ୍ ।

୬ ଇସ୍‌ବର ଇ ଲାକେ ଇଚାନ୍, “ହେଝାନ୍ତି ଲାତ୍ରା ବିଦେସ୍ତ ବାହା କିତାର୍ ଆରି ହେ ବାହାତ ଲକୁ ହେଝାରିଂ ଚାଲିସ୍ ବାହୁଁ ପାତେକ୍ ଆଡ଼ୟାତ ଇଡ଼ଜି ହେଝାର୍ କାଜିଂ ଉଡ଼ପାଡ଼ କିତାର୍ ।

୭ ଆରେ, ଇସ୍‌ବର ଇଚାନ୍, ହେଝାର୍ ଇମ୍‌ଣି ଜାତିତ ହେବା କିନାକାନ୍ ଆନାନ୍, ଆନ୍ ତାତି ବିଚାର୍ କିନାଂ; ତା ପାଚେ ହେଝାର୍ ହେ ଦେସ୍ତାଂ ହସି ଝାଜି ଇ ବାହାତ ମା ପାର୍ତାନା କିତାର୍ ।”

୮ ଆରେ, ହେଝାନ ହେଝାରିଂ ସୁନ୍ନଡ଼ ନିୟମ୍ ହିତାନ୍, ଆରେ ତାହୁଦାଂ ଅବ୍ରାହାମ୍ ଇସ୍‌ହାକ୍‌ତିଂ ଜଲମ୍ ହିଜି ଆଟ୍ ଦିନ୍‌ତାଂ ହେଝାନିଂ ସୁନ୍ନଡ଼ କିତାନ୍; ଇସାହାକ୍ ଜାକୁବ୍‌ଙ୍ଗ୍, ଆରେ ଜାକୁବ୍‌ତି ବାର ଆବାଲାତ୍ରାରିଂ ଜଲମ୍ ହିଜି ହେ ଲାକେ ସୁନ୍ନଡ଼ କିତାନ୍ ।

୯ “ଜାକୁବ୍‌ତି ହିମ୍‌ଣାଂ ହେଝାର୍ ଟଣ୍ଡାର୍ ଜସେପ୍‌ତିଂ ତାରା ଆଜି ମିସ୍‌ରତ ଅନି କାଜିଂ ହେଝାନିଂ ପ୍ରତାର୍, ମତର୍ ଇସ୍‌ବର ହେଝାନ ହୁଦାଂ ମାଚାନ୍,

୧୦ ଆରେ, ହେଝାନ୍ତି ସବୁ ଦୁକ୍‌ତାଂ ହେଝାନିଂ ଉଦାର୍ କିଜି ମିସ୍‌ରନି ରାଜା ପାର ମୁମ୍‌ଦ ହେଝାନିଂ ଦୟା ଆରି ଗିୟାନ୍ ହିତାନ୍; ହେବେ ପାର ହେଝାନିଂ ମିସ୍‌ର ଆରି ଜାର୍‌ତି ଝିଜୁ ଇଲ୍‌କୁନି ସାସନ୍‌କାରୟା ବାବ୍ରେ ବାତି କିତାନ୍ ।

୧୧ ପାଚେ ସବୁ ମିସ୍‌ର ଆରି କିଶାନ୍‌ତ କାତାର୍ ଆରତାଡ଼, ଆରେ ବେସି ଦୁକ୍ ଗିଟାତାଡ଼, ଆରେ ମା ଆଗେନି ବୁଡ଼ାଲୁର୍ କାଦି ପାୟା ଆଝାତାର୍ ।

୧୨ ମାତର୍ ମିସ୍‌ରତ କାଦି ମାନାଡ଼ ଇଞ୍ଜି ଝେନ୍‌ଞ୍ଜି, ଜାକୁବ୍ ତା ମେହିରିଂ ପର୍ତୁମ୍ ପକ୍‌ତାନ୍ ।

୧୩ ହେବେ ହେଝାର୍ ଆରେ, ରିହା ହାନି ଝାଡ଼ାଲିଂ ଜସେପ୍ ତା ଟଣ୍ଡାର୍ ଲାଗାଂ ଜାଣାତିନା ଆତାନ୍, ଆରେ ପାର ଜସେପ୍‌ତି ପାର୍ତାନାନି ଜାଣାତିନା ଆତାର୍ ।

୧୪ ତା ପାଚେ ଜସେପ୍ ତା ଲାତ୍ରାହି ଜାକୁବ୍ ଆରି ତିନିକଡ଼ି ପନ୍‌ର ଜାଣ୍ ଝାସ୍‌ମି ପାର୍ତାନା ଝିଜାକାରିଂ କୁକିକିଦେଂ ମାନ୍ କିତାନ୍ ।

୧୫ ହେବେ ଜାକୁବ୍ ଆରେ ମିସ୍‌ରତ ହାତି ପାଚେ, ହେଝାନ ନିଜେ ଆରି ମା ଆବା ଲାତ୍ରାର୍ ହାତାର୍,

୧୬ ଆରେ, ହେଝାର୍ ହାତି ମଡ଼୍ ସିକିମ୍‌ତ ଅୟାଜି, ଅବ୍ରାହାମ୍ ହେବେ ହମ୍‌ର ହିମ୍‌ଣାଝାକ୍‌ଡ଼ା ତାଙ୍ଗ୍ ଇମ୍‌ଣି ଦୁଗେର୍ ରୁପା ମଲ୍ ହିଜି କଡ଼ଜି ମାଚାନ୍, ହେବେ ମୁର୍‌ୟାତାନ୍ ।”

୧୭ “ମାତର୍ ଇସ୍‌ବର ଅବ୍ରାହାମ୍ ଲାଗେ ଇମ୍‌ଣି ପାର୍ମାଣ୍ କିଜି ମାଚାନ୍, ହେ ପାର୍ମାଣ୍ ପୁରା ଆନି ଝେଡ଼ାଲିଂ ଲାଗେ ଆତିଲେ, ମା ଲକୁ ମିସ୍‌ର ଦେସ୍ତ ବାତାଜି ବେସି ଆଜି ନିଂତାର୍ ।

୧୮ ଝିସ୍ତ୍ରୀ ପାଚେ ମିସ୍‌ରତ ଆରେ ରଝାନ୍ ରାଜା ଆତାନ୍, ହେଝାନ ଜସେପ୍‌ତିଂ ପୁନ୍‌ଝାଦାଂ ମାଚାନ୍ ।

୧୯ ହେଝାନ ମା ଜାତି କାଜିଂ ଚକ୍‌ଲିଆ ଚିନ୍ତା କିତାନ୍, ଆରେ, ମା ଆବା ଲାତ୍ରାର୍ ଇନେସ୍ ଜାର୍ ଜାର୍ ହିମ୍‌ଣାଂ ଜିଜି ମାନ୍‌ଝି କାଜିଂ ବାର୍ତ୍ ତୁହିନାନ୍ ।

୨୦ ହେ ସମୁତ ମସା ଜଲମ୍ ଆତାନ୍, ହେଝାନ ଇସ୍‌ବରତି କାଣ୍‌କୁକାଂ ବେସି ହଲ୍‌ଜି ମାଚାନ୍ ଆରି ତିନି ମାସ୍ ପାତେକ୍ ତା ଲାତ୍ରାହି ଇଞ୍ଜି ପହାକିୟା ଆଜି ମାଚାନ୍ ।

୨୧ ପାଚେ ହେୱାନୁ ଏତେକାଡ଼୍‌ ବାରତ ତୁହିୟା ଆତାନ, ହେ ଏତେକାଡ଼୍‌ ପାରତି ଗାଡ଼୍‌ହି ହେୱାନିଂ ନିକ୍ତି ଅଜି ତା ହିମ୍‌ଣା ଲାକେ ପହା କିତାଡ଼୍ ।

୨୨ ଆରେ, ମସା ମିସରିୟରତି ସବୁ ବିଦ୍ୟାତ ସିକିଡ଼୍ ଆଜି ବଚନ୍ ଆରି କାମାୟତ ଜାଣାତିନା ଆତାନ ।

୨୩ ମସାତି ରିକଡ଼ି ବାହୁଁ ପୁରାନି ଝେଡ଼ାଲିଂ ତା ଟଣ୍ଡାର, ଇତିସ୍ ଇସ୍ତାଏଲ୍ ହିମ୍‌ଣାକାଂ ହେବା କିନି କାଜିଂ ହେୱାନ୍ତି ମାନ୍ତ ଉବ୍‌ଜା ଆତାଡ଼୍ ।

୨୪ ହେୱାର୍ ବିତ୍ରେ ରକାନ କାଜିଂ ରଞ୍ଜାନ ମିସରିୟର୍ ଅନ୍ୟାୟ୍ କିଜି ମାନାକା ହୁଡ଼୍‌ଜି, ମସା ତା ରାକ୍ୟାକିଦେଂ ମିସରିୟ୍ ରଞ୍ଜାନ କାଜିଂ ପାର୍ମାଣ୍ ଅଜି ହେୱାନିଂ ଅସ୍ତାର ।”

୨୫ ହେୱାନ୍ତି କେଇ ହୁଦାଂ ଇସ୍ତର୍ ଜେ ହେୱାନୁଡ଼ି ଟଣ୍ଡାର୍‌ରିଂ ମୁକ୍ତି କିନାନା, ଇଦାଂ ହେୱାର୍ ବୁଜାନାର୍ ଇଞ୍ଜି ହେୱାନୁ ବାବି କିଜି ମାଚାନ, ମତର୍ ହେୱାର୍ ବୁଜାଖାତାର୍ ।

୨୬ ଆକାଡ଼୍ ନାଜିଂ ହେୱାନୁ ରିୟାର୍ ଇସ୍ତାଏଲିୟର୍ ଗଣ୍ଡଗଲ୍ କିଜି ମାନାକା ହୁଡ଼୍‌ତାନ ଆରି ହେୱାର୍ ବିତ୍ରେ ସୁସ୍ତା ମେହାୟ୍ କିଦେଙ୍ଗ୍ ସେସ୍ତା କିତାନ । ହେୱାନୁ ଇଚାନ, “ଝେନାଟ୍, ଏପେଙ୍ଗ୍ ରିୟାଦେରତ ଇସ୍ତାଏଲିୟ୍ ଟଣ୍ଡାର୍ । ଇନେକିଦେଂ ଏଲେଙ୍ଗ୍ ଅନ୍ୟାୟ୍ କିନାଦେରା ?”

୨୭ ମାତର୍ ଇମ୍‌ଣି ପାଡ଼୍‌ହା ଇଞ୍ଜି କାଜିଂ ଅନ୍ୟାୟ୍ କିଜି ମାଚାନ, ହେୱାନୁ ମସାଙ୍ଗ୍ ଡିଗ୍‌ଜି ଇଚାନ, “ଇନେର୍ ନିଂ ମା ଜପି ମୁଣିକା ଆରି ବିଚାରକାରୟା ଲାକେ ବାହି ହିଡ଼୍‌ତାନ ?”

୨୮ “ନିହିଂ ଇନେସ୍ ହେ ମିସରିୟରତିଂ ଅସ୍ତି ମାଚାୟ୍, ହେ ଲାକେ ନାଙ୍ଗ୍ ଅସ୍ତେଦେଂ ମାନୁ କିଦ୍‌ନାୟା ?”

୨୯ ଇ କାତା ଝେନଞ୍ଜି ମସା ମିଦିୟନ୍ ଦେସ୍‌ତ ବାହା କିତାନ; ହେବେ ହେୱାନ୍ତି ରିଆର୍ ହିମ୍‌ଣାଂ ଜଲମ୍ ଆତାର୍ ।

୩୦ ପାଚେ “ରିକଡ଼ି ବାହୁଁ ବାତ୍ ଆତିଲେ, ସିନୟ୍ ମାଡ଼ିନି ବାଟାତ ରଞ୍ଜାନ ଇସ୍ତର୍‌ତି ଦୁଡ଼ର୍ ବୁଟାତ ନାଣିଅଜଡ଼୍‌ତ ହେୱାନିଂ ଚଞ୍ଜାତାନ ।

୩୧ ମସା ହେଦାଂ ହୁଡ଼୍‌ଜି କାବା ଆତାନ, ଆରେ ହାର୍ ଲାକେ ହୁଡ଼୍‌ଦେଂ କାଜିଂ ଲାଗେ ହାନି ଝେଡ଼ାଲିଂ ମାପୁତି ଇ କାତା ଝେଚାନ ।”

୩୨ “ଆନ୍ ମି ବୁଡ଼ାଆକତ୍ ଇସ୍ତର୍, ଅଗ୍ରାହାମ୍, ଇସ୍‌ହାକ୍ ଆରି ଜାକୁବ୍‌ତି ଇସ୍ତର୍ । ହେବେ ମସା ତ୍ରିଗ୍‌ଜି ହାର୍ ହୁଡ଼୍‌ଦେଂ ସାସ୍ କିଞ୍ଜାତାନ ।”

୩୩ ତା ପାଚେ ମାପୁ ହେୱାନିଂ ଇଚାନ, “ନି ପାନାତାଂ ପାଣ୍ଡାଲ୍ ଉୟା, ଇନାକିଦେଂକି ଏନ୍ ଇମ୍‌ଣି ମେଦ୍‌ନିତ ନିଲ୍‌ତାୟନା, ହେଦାଂ ପୁଇପୁୟା ମେଦ୍‌ନି ।

୩୪ ମିସର୍‌ତ ମା ଇମ୍‌ଣି ଲକୁ ମାନାର୍, ଆପ୍ ହେୱାର୍‌ତି ଦୁକ୍ ହୁଡ଼୍‌ତାପନ୍ନା ଆରି ହେୱାର୍‌ତି ଆଡ଼ାକୁକା ଝେଚାପନ୍ନା, ଆରେ ହେୱାର୍‌ତି ଉଦାର୍ କିନି କାଜିଂ ଜୁଡ଼୍‌ତାପନ୍ନା; ଆରେ ନଂ ଖା, ଆନ୍ ନିଂ ମିସର୍‌ତ ପଲ୍ଲାନା ।”

୩୫ “ଇନେର୍ ନିଂ ମୁଡ଼୍‌ଦାକାନୁ ଆରି ବିଚାରକାରୟା ଲାକେ ବାତି କିଡ଼୍‌ତାନ ଇଞ୍ଜି ଇଞ୍ଜି ଇ ଇମ୍‌ଣି ମସାଙ୍ଗ୍ ହେୱାର୍ ମାନିକିଞ୍ଜାଦାଂ ମାଚାର୍, ହେୱାନିଂ ଇସ୍ତର୍ ବୁଟାତ ଚଞ୍ଜାଆ ଆଜି ଦୁଡ଼୍‌ତି ଉପ୍‌କାର୍‌ତାଂ ସାସନ୍ ଆରି ଉଦାର୍‌କାରୟା କିଜି ପକ୍‌ତାନ ।

୩୬ ଇ ମୁଣିକା ମିସର୍ ଦେସ୍, ନେତେର୍ ହାମ୍‌ଦୁର୍ ଆରି ରିକଡ଼ି ବାହୁଁ ପାଚେକ୍ ବାଟାତ ବାର୍‌ବିନି କାବାନି କାମାୟ୍ ଆରି ତିନ୍‌କୁ ସାଦନ୍ କିଜି ହେୱାର୍‌ତି ହପ୍‌ତି ତାହିଞ୍ଜାତାନ ।

୩୭ ମସା ନିଜେ ଇସ୍ତାଏଲ୍‌ନି ମାନାୟାର୍ ଇଞ୍ଜି ମାଚାନ, ଇସ୍ତର୍ ନାଂ ଇନେସ୍ ପଲ୍ଲାତାନ ହେ ଲାକେ ମି ଲାଗାଂ ରଞ୍ଜାନ ବେଶ୍‌ବାକ୍‌ଶାୟ୍‌କିନାକାର୍ ପଲ୍ଲାନାନ୍, ହେୱାନୁ ମି ଜାର୍ ଟଣ୍ଡାର୍ ବିତ୍ରେ ରଞ୍ଜାନ ଆନାନ୍ ।”

୩୮ ଇ ମୁଣିକା ମଣ୍ଡଲି ବିତ୍ରେ ମାନ୍‌ଞ୍ଜି ସିନୟ୍ ମାଡ଼ିତ ହେୱାନୁ ହୁକେ କାତା ଇଞ୍ଜିମାତି ଦୁଡ଼୍‌ତି ଆରି ମା ଆକର୍ ବିତ୍ରେ ମାଦ୍‌ଶାକାନୁ ମାଚାନ; ହେୱାନୁ ମିଙ୍ଗ୍ ଦାନ୍ କିଦ୍‌ଦେଂ କାଜିଂ ଜିଜି ମାନାକା ବଚନ୍ ପାୟାତାନ ।

୩୯ “ମାଦାଂ ଆବାରଲାତ୍ରା ହେୱାର୍ ହେୱାନ୍ତି କାତା ମାନିକିଞ୍ଜାଦାଂ ହେୱାନିଂ ମାନ୍ କିଞ୍ଜାତାର୍, ଆରେ ଜାର୍ ଜାର୍ ମାନ୍ତ ମିସର୍ ଦେସ୍‌ତ ମାସ୍‌ତି ହାଲ୍‌ଜି ହାର୍‌ଶଙ୍ଗ୍ ଇଚାର୍,

୪୦ ହେଦାଂ ହେୱାର୍ ହାର୍‌ଶଙ୍ଗ୍ ଇଚାର୍, ମା ଆଗେ ଆଗେ ହାନି କାଜିଂ ମା କାଜିଂ ପେନ୍‌କୁକାଂ ରଚା, ଇନାକିଦେଂକି ଇ ଇମ୍‌ଣି ମସା ମାଙ୍ଗେଙ୍ଗ୍ ମିସର୍ ଦେସ୍‌ତାଂ ହପ୍‌ତି ତାଈଞ୍ଜାଡ଼୍‌ତାନ, ତା କାଜିଂ ଇନାକା ଗିଟାତାଡ଼୍‌ନା, ହେଦାଂ ଆପେଂ ପୁନୁପ୍ ।”

୪୧ ଆରେ, ହେ ସମ୍‌ତ ହେୱାର୍ ର ବାତି ରଚ୍‌ଚାର୍ ଆରି ହେ ପୁଡ଼୍‌ଡ଼ା ଇସାବ୍‌ରେ ପୁଜାକିଦେଙ୍ଗ୍ ଜାର୍ ଜାର୍ କେଇ ରଚ୍‌ତି ଆଡ଼୍‌ମାଡ଼୍‌ତି ବଜି କିଜି ଖାରି କିଦେଙ୍ଗ୍ ଲାଗାତାର୍ ।

୪୨ ମାତର୍ ଇସ୍ତର୍ ମାସ୍‌ତି ହେୱାର୍‌ତି ବାଦାଡ଼୍‌ତ ହୁକାକାଂ ପାର୍ତ୍ତାନା କିଦେଙ୍ଗ୍ ପିସ୍ତି ହିଡ଼ାର୍, ଇନେସ୍ ବେଶ୍‌ବାକ୍‌ଶାୟ୍‌କିନାକାର୍ ପତିତ ଲେକା ମାନାଡ଼୍, “ଏ ଇସ୍ତାଏଲ୍ ଲାତ୍ରା !

ବାଟାତ ରିକଡ଼ି ବାହୁଁ ପାଚେକ୍,  
ଏପେଙ୍ଗ୍ ମା କାଜିଂ ପସୁ ପୁଜା ଆରି ଆକାଡ଼୍ କିଞ୍ଜାଦାଂ ମାଚାଦେର୍ ।

୪୩ ଲାଗି ଏପେଙ୍ଗ ପାର୍ତ୍ତନା କିନି କାଜିଂ ଇମ୍ଫଣି ପୁଡ଼଼ାଂ ରଚି ମାଚାର୍,  
 ମଲକର ତୁମ୍ ଆରି ରମ୍ଫା ପେନ୍କୁନି ହୁକାତିଂ ଏପେଙ୍ଗ ଅଜି ପୁଜା କିତାର୍ ।”  
 ଲାଗିଂ ଆପ୍ ବାବିଲନ୍ତ,  
 ଆନ୍ତି ବାଗାଙ୍ଗ ପକ୍ତନାଙ୍ଗ ।

୪୪ “ବାଗାତ ମା ଆଗେନି ଆବାରଲାତ୍ରା ଲାହାଂ ଇସ୍ଵରତି ମାନାକା ତାକେ ସାକି ତୁମ୍ ମାଚାତ୍ । ଇସ୍ଵର୍ ମସାଙ୍ଗ୍ ଇନେସ୍  
 ରଚି ଖେଚ୍ଚି ମାଚାନ୍ ଆରି ମସାଂ ଇମ୍ଫଣି ହାର୍ଦ୍ଦାକା ଚଚ୍ଚି ମାଚାନ୍, ଇଦାଂ ହେ ଲାକେ ରଚୟାଜି ମାଚାତ୍ ।

୪୫ ଆରେ, ମା ଆକର୍ ହେଦାଂ ଗାଟାଜି, ଇସ୍ଵର୍ ହେଝାର୍ ମୁମ୍ଫଦାଂ ଇମ୍ଫଣି ଜାତିରିଂ ହପ୍ଚି ତୁହିତାର୍, ହେ ଜାତିରିଂ  
 ଆଦିକାର୍ତ ହେଝାର୍ ଜିହସ୍ଵୟତି ଇଚି ହଶଜି ହେଦାଂ ଦାଉଦତି ଖେଡ଼ାଂ ପାତେକ୍ ଇଡ଼ତାନ୍ ।

୪୬ ହେଝାନ୍ ଇସ୍ଵର୍ କାଶ୍ଚୁତ ଦୟା ପାୟାଜି ଜାକୁଚ୍ଚି ଇସ୍ଵର୍ କାଜିଂ ର ଇଲ୍ ରଚିନି କାଜିଂ ପାର୍ତ୍ତନା କିତାନ୍ ।

୪୭ ମାତର୍ ସଲମନ୍ ହେଝାନ୍ତି କାଜିଂ ର ମନ୍ଦିର୍ ଇଲ୍ ରଚାନ୍ ।”

୪୮ “ଆତିସ୍ପା ଇନେର୍ ସିଗ୍ଦାକାନ୍ ଇସ୍ଵର୍, ହେଝାନ୍ କେଇଦ ରଚି ଇଲ୍ ବାହା କିଉନ୍ ! ଇନେସ୍ କି  
 ବେଶ୍‌ବାକ୍‌ଶାୟକିନାକାର୍ ଲେକିକିତାନ୍ ।”

୪୯ ମାପୁ ଇଚାନ୍ “ବାଦାଡ଼ତ ମା ଗାଦି,  
 ପୁଚ୍ ମା ପାନା ତାରେନ୍, ମାପୁ ଇଚାନ୍ନା,  
 ଏପେଙ୍ଗ୍ ମା କାଜିଂ ଇନେସ୍‌ବାନି ଇଲ୍ ରଚନାଦେର୍ ?  
 କି ମା ଜମିନି ବାହା ଇମେଡ଼ ?

୫୦ ମା କେଇ ଇନାକା ଇ ଓଜୁ ବିସ୍ତେ ଉଦ୍‌ଜାଶ୍ କିଝାତାଂନା ?”

୫୧ ସ୍ତ୍ରୀପାନ୍ ଆରେ ଇଚାନ୍ “ଏପେଙ୍ଗ୍ ଏଚେକ୍ ଅମାନ୍ୟା । ମି ମାନ୍ତ ଏଚେକ୍ ଅସୁନ୍ତ୍ । ଇସ୍ଵରତି ବଚନ୍ କାଜିଂ ଏପେଙ୍ଗ୍  
 ଖେନ୍‌ଝାକାଦେର୍ । ଏପେଙ୍ଗ୍ ସମାନ୍ ମି ଆଗେନି ଆବା ଲାତ୍ରା ଲାକେ; ଏପେଙ୍ଗ୍ ତାଇନାଡ଼ ପୁଇପୁୟା ଜିବୁନ୍ତିଂ ବିରଦ୍  
 କିନାଦେରା ।

୫୨ ବେଶ୍‌ବାକ୍‌ଶାୟକିନାକାର୍ ବିତ୍ତେ ଇନେରିଂ ମି ଆକର୍ କେତେଝାଦାଂ ମାଚାର୍ ? ଇନେର୍ ହେ ଦାମ୍ ମୁଣିକା ଝାନି  
 ବିସ୍ତେ ଆଗେତାଂ ଖେଚ୍ଚି ମାଚାର୍, ହେଝାରିଂ ହେଝାର୍ ଅସ୍ଵାର୍; ନଙ୍ ଏପେଙ୍ଗ୍ ହେଝାନିଂ ସାତୁ କେଇଦ ହେଲାୟ୍ କିଜି  
 ଅସ୍ଵାଦେର୍;

୫୩ ଏପେଙ୍ଗ୍ ଦୁଡ଼ର୍ ହୁଦାଂ ଆଗେନି ବିଦିତାଂ ଗାଟାଜି ମାଚାଦେର୍, ମତର୍ ବିଦି ପାଲି କିଝାତାଦେର୍ ।”

**ସ୍ତ୍ରୀପାନ୍ତି ହାକି**

୫୪ ଗାଜା ସବାନି ମାନାୟାର୍ ଓଜୁ କାତା ଖେନ୍‌ଝି ହେଝାର୍ ମୁମ୍‌ରାଡ଼ତାର୍, ଆରେ ହେଝାନ୍ କାଜିଂ ଗାତାଙ୍ଗ୍ ରେତି  
 କିଦେଙ୍ଗ୍ ଲାଗାତାର୍ ।

୫୫ ମାତର୍ ହେଝାନ୍ ପୁଇପୁୟା ଜିବୁନ୍ତ ବାଚ୍ ଆଜି ବାଦାଡ଼ତ ର କାଶ୍‌ଗାତ ହୁଡ଼ତାନ୍, ଆରି ଇସ୍ଵରତିଂ ଜାଜ୍‌ମାଲ୍  
 ଆରି ଜିସୁଙ୍ଗ୍ ଇସ୍ଵରତି ବୁଜଣି ପାଡ଼କା ନିଲ୍ଚି ମାନାକା ହୁଡ଼ଜି ଇଚାର୍,

୫୬ ହେଝାନ୍ ଇଚାନ୍ “ହୁଡ଼ାଟ୍, ଆନ୍ ବାଦାଡ଼ତ ଜେୟାତି ଆରି ମାନାୟ୍ ମାଜିଙ୍ଗ୍ ଇସ୍ଵରତି ବୁଜଣି ବାଗାଙ୍ଗ୍ ନିଲ୍ଚି ମାନାକା  
 ହୁଡ଼ନାଙ୍ଗା ।”

୫୭ ମତର୍ ହେଝାର୍ ଗାଜାକାଟ୍‌ତାଂ କିକିରାତିଂ କିଜି ଜାର୍ ଜାର୍ କିତୁଲ୍ଚିଂ ଗେସ୍‌ତାର୍, ଆରେ ପାଡ଼କାତାଙ୍ଗ୍ ଆଜି  
 ହେଝାନ୍ତି ଜପି ମାଡ଼ିବହା ଆତାର୍,

୫୮ ଆରେ, ହେଝାର୍ ହେଝାନିଂ ଗାଡ଼ଦାଂ ହପ୍ଚି କାଲ୍‌କୁ ଇଡ଼ଦେଂ ଲାଗାତାର୍; ଆରେ, ମିର୍ ସାକିର୍ ସାଉଲ୍ ଇନି ରଝାନ୍  
 ଦାଂଶେନ୍ତି ପାନା ଲାଗାୟ୍ ଜାର୍ ଜାର୍ ହେୟାଙ୍ଗ୍ ଇଡ଼ତାର୍ ।

୫୯ ହେଝାଡ଼ାଂ ହେଝାର୍ ସ୍ତ୍ରୀପାନ୍ତିଂ କାଲ୍‌କୁ ଇଡ଼ଜି ମାଚାର୍, ହେଝାଡ଼ାଂ ହେଝାନ୍ ପାର୍ତ୍ତନା କିଜି ଇଚାନ୍, “ଏ ମାପୁ ଜିସୁ,  
 ନା ଜିବୁନ୍ତିଂ ଇଚା ।”

୬୦ ଆରେ, ହେଝାନ୍ ମେଣ୍ଡାଙ୍ଗ୍ କୁଦିକିଜି ଗାଜାକାଟ୍‌ତାଂ କୁକ୍ଚି ଇଚାନ୍, “ଏ ମାପୁ, ଇ ପାପ୍ ଇଝାର୍ ବିରୁଦ୍‌ତ ଗାଣା କିମା  
 ।” ହେଝାନ୍ ଇଦାଂ କାଶ୍‌କୁ ଜୁଚ୍ଚି ହାତାନ୍ ।



**ପାଚ୍ କିନାର୍ ମଣ୍ଡଲି ଜପି ସାଉଲ୍‌ତି ନିନ୍ଦା**

୧ ସାଉଲ୍ ହେଝାନ୍ତି ପାରାଶ୍ ନାସ୍ତ ରାଜି ମାଚାନ୍ । ସାଉଲ୍ ମଣ୍ଡଲି ଜପି ନିନ୍ଦା କିନାକା ।  
 ହେ ଦିନ୍ ଜିରୁସାଲମ୍‌ତ ମାନି ମଣ୍ଡଲି କାଜିଂ ବେସି ନିନ୍ଦା ଆତାଡ଼, ହେବେ ପଦ୍ୟାତ୍ମକାର୍ତି ପିସ୍ତ୍ର ଆଦେକ୍ ଓଜାକାର୍  
 ଜିହୁଦା ରାଜି ଆରି ସମିରଶ୍ ନିପ ଚାରିବେଶ୍‌ତାଂ ଚିନ୍‌ବିନ୍ ଆଜି ହାଚାର୍ ।

୨ ଆତିସ୍ପା କେତେ ଜାଶ୍ ହୁଦାର୍ ଲଗୁ ସ୍ତ୍ରୀପାନ୍ତିଂ କବର୍ ହିଜି ହେଝାନ୍ କାଜିଂ ବେସି ଦୁକ୍ କିତାର୍ ।

୩୩ ମତର ସାଉଲ ଇଲକୁ ଇଲକୁ ହଣ୍ଡି ଆଣ୍ଡାରିଂ ଆରି କଗଲେକାଂ ଜେଲ୍‌ଜି ତାହି ଜଇଲ୍ ଇଞ୍ଜ ହେଲାୟ୍ କିଜି ମାଣ୍ଡୁଲିତିଂ ବୁଡାୟ୍ କିଦେଙ୍ଗ୍ ଲାଗାତାନ୍ ।

**ସମିରଣ୍ଡ ନେକ୍ରିକାବୁର୍ ପର୍ତାର୍**

୪ ହେବେ ପାତର୍ କିନାକାର୍ ଜେଡେକେଡେ ଆଜି ମାଚାର୍, ହେଞ୍ଜାର୍ ଚାରିବେଣ୍ଡାଂ ବୁଲା ଆଜି ନେକ୍ରିକାବୁର୍ନି ବଚନ୍ ସୁଣାୟ୍ କିଦେଙ୍ଗ୍ ଲାଗାତାର୍ ।

୫ ଆରେ, ପିଲିପ୍ ସମିରଣ୍ଡ ମୁଡ୍ ଗାଡ୍‌ଦ ହାଲ୍‌ଜି ମାନାୟାର୍ ଲାଗେ କ୍ରିସ୍ଟି ନେକ୍ରିକାବୁର୍ ସୁଣାୟ୍ କିଦେଙ୍ଗ୍ ଲାଗାତାର୍ ।

୬ ଆରେ, ମାନାୟାର୍ ପିଲିପ୍‌ତି କାତା ଝେନ୍‌ଞ୍ଜି ଆରି ହେଞ୍ଜାନ୍ତି କିତି କାବା କାମାୟ୍ ସବୁ ହୁଡ୍‌ଜି ରମାନ୍ତ ହେଞ୍ଜାନ୍ତି କାତା ମାନ୍ ହିଜି ମାଚାର୍ ।

୭ ଇନାକିଦେଂକି ବାନାମା ଜିବୁନ୍ ବେସି ଲକୁତାଂ ହେ ଜିବୁନିଂ ଗାଜାକାଟ୍ କିକିରାତିଂ କିଜି ହସି ଝାଦେଂ ଲାଗିତିକ୍; ଆରେ ବେସି ହିରକୁଲରଗ୍ୟାର୍ ଆରି ଚଟାର୍ ଉଜ୍ ଆତାର୍ ।

୮ ହେବେ ଗାଡ୍‌ଦ ବେସି ଝାରିୟା ଆତାଡ୍ ।

୯ ମାତର ସିମନ୍ ତରୁନି ରକାନ୍ ମାନାୟ୍ ଇଦାଂ ଆଗେ ହେ ଗାଡ୍‌ଦ ଜତର୍ କାମାୟ୍ କିଜି ଜାର୍‌ତିଂ ରକାନ୍ ଗାଜା ମାନାୟ୍ ଇଞ୍ଜ ଇଞ୍ଜ ସମିରଣ୍ଡିୟ୍ ଜାତିତିଂ କାବା କିଜି ମାଚାନ୍;

୧୦ ଇସ୍‌ବୁର୍ତି “ଇମଣି ସାକ୍ତିତିଂ ଗାଜା ଇଞ୍ଜ ଇନାମାଡ୍, ହାରୁକାର୍‌ତାଂ ଗାଜା ପାତେକ୍ ଝିଜାକାର୍ ଇଞ୍ଜାନ୍ ହେଞ୍ଜାନ୍ ଇଞ୍ଜ ହେଞ୍ଜାନ୍ ମାନି କିଜି ମାଚାର୍ ।”

୧୧ ହେଞ୍ଜାର୍ ହେଞ୍ଜାନ୍ ମାନି କିନାକା ଇଦାଂ ଜେ, ହେଞ୍ଜାନ୍ ବେସି ଦିନ୍ ଆତାଡ୍ ଜାର୍ ଜତର୍ କାମାୟ୍ ହୁଦାଂ ହେଞ୍ଜାରିଂ କାବା କିଜି ମାଚାନ୍ ।

୧୨ ମାତର ପିଲିପ୍ ଇସ୍‌ବୁର୍ତି ରାଜି ଆରି ଜିସୁ କ୍ରିସ୍ଟି ତର ବିସ୍ତେ ନେକ୍ରିକାବୁର୍ ସୁଣାୟ୍ କିତିଲେ ହେଞ୍ଜାର୍ ଏଚେକାଡ୍‌ଦ ହେଞ୍ଜାନ୍ତି କାତାତ ପାତର୍ କିତାର୍, ହେ ଏଚେକାଡ୍‌ଦ ଆଣ୍ଡାଙ୍ଗ୍ ଆରି କଗଲେକ୍ ଝିଜାର୍ ବାପ୍ରିସିମ୍ ଅଦେଂ ଲାଗାତାର୍ ।

୧୩ ଆରେ, ସିମନ୍ ନିଜେ ପା ପାତର୍ କିଜି ବାପ୍ରିସିମ୍ ଅତାନ୍ ଆରି ପିଲିପ୍‌ତି ହାଙ୍ଗ୍ ହାଙ୍ଗ୍ ମାଚାନ୍, ଆରେ ବାର୍‌ବିନ୍ ତିନ୍‌କୁ ଆରି ଗାଜା ଗାଜା ସାକ୍ତିନି କାମାୟ୍ ହୁଡ୍‌ଜି କାବା ଆଦେଂ ଲାଗାତାନ୍ ।

୧୪ ସମିରଣ୍ଡିୟ୍ ଲକୁ ଜେ ଇସ୍‌ବୁର୍ତି ତରଦାଂ ବଚନ୍ ମାନି କିତାଣ୍ଡା, ଇଦାଂ ଏଚେକାଡ୍‌ଦ ଜିରୁସାଲମ୍‌ତ ମାନି ପଦ୍ୟାତାକାର୍ ଝେଚାର୍, ହେ ଏଚେକାଡ୍‌ଦ ହେଞ୍ଜାର୍ ପିତର୍ ଆରି ଜହନ୍‌ତିଂ ହେଞ୍ଜାର୍ ଲାଗେ ପଲ୍‌ବାର୍ ।

୧୫ ହେଞ୍ଜାର୍ ହାଲ୍‌ଜି, ହେ ଲକୁ ଇନେସ୍ ପୁଇପୁୟା ଜିବୁନ୍ ପାୟାମାର୍, ଇଦାଂ କାଜିଂ ହେଞ୍ଜାର୍ କାଜିଂ ପାର୍ତାନା କିତାର୍,

୧୬ ଇନାକିଦେଂକି ଇ ପାତେକ୍ ହେଞ୍ଜାନ୍ ହେଞ୍ଜାର୍ ବିତ୍ରେ ଇନେନ୍ ଜପି ପା ପୁଇପୁୟା ଜିବୁନ୍ ଜୁଦ୍‌ଞ୍ଜାଦାଂ ମାଚାଡ୍, କେବଲ୍ ହେଞ୍ଜାର୍ ମାପୁ ଜିସୁତି ତରଦ ବାପ୍ରିସିମ୍ ଆଜି ମାଚାର୍ ।

୧୭ ହେ ଏଚେଝେଡାଲିଂ ପିତର୍ ଆରି ଜହନ୍ ହେଞ୍ଜାର୍ ହେଞ୍ଜାର୍‌ତି ଜପି କେଇ ହିତାନ୍, ଆରେ ହେଞ୍ଜାର୍ ପୁଇପୁୟା ଜିବୁନ୍ ଗାଟା ଆତାର୍ ।

୧୮ ପଦ୍ୟାତାକାର୍‌ତି କେଇ ହିତି ହୁଦାଂ ଜିବୁନ୍ ଝାନାକା ହୁଡ୍‌ଜି, ସିମନ୍ ହେଞ୍ଜାରିଂ ଟାକାଂ ହିଜି ଇଚାନ୍,

୧୯ “ନାଙ୍ଗ୍ ପା ଇ ସାକ୍ତି ହିଦାଟ୍, ଇନେସ୍ ଆନ୍ ଇମ୍‌ଣାକାନ୍ ମାନାୟ୍ ତାରେନ୍ କେଇ ହିନାଙ୍ଗ୍, ହେଞ୍ଜାନ୍ ପୁଇପୁୟା ଜିବୁନ୍ ଗାଟାନାନ୍ ।”

୨୦ ମାତର ପିତର୍ ହେଞ୍ଜାନ୍ ଇଚାନ୍, ନି ଟାକାଂ “ନି ହୁଦାଂ କର୍ଷ ଆୟେକ୍, ଇନାକିଦେଂକି ନି ଟାକାଂ ହୁଦାଂ ଇସ୍‌ବୁର୍ତି ଦାନ୍ କଡ୍‌ଦେଂ ବାବି କିତାୟ୍ ।

୨୧ ଇ ବିସ୍ତେ, ନି ବାଗ୍ ହିଲୁଡ୍ କି ଆଦିକାର୍ ହିଲୁଡ୍, ଇନାକିଦେଂକି ଇସ୍‌ବୁର୍ତି ମୁମ୍‌ଦ ନି ମାନ୍ତ ହୁଦାର୍ ଆକାୟ୍ ।

୨୨ ଲାଗିଂ, ନି ଇ ବାଡ୍‌ପାଣ୍ଡାତାଂ ମାନ୍‌ବାଦ୍‌ଲାୟ୍ କିଜି ମାପୁତି ତାକେ ପାର୍ତାନା କିୟା, ଇନେସ୍ ଆତିସ୍‌ତି ନି ମାନ୍ତ ହାନ୍‌ଦାୟ୍ କିନାକା କେମା ଆଦ୍‌ନାଡ୍ ।

୨୩ ଇନାକିଦେଂକି ନି ଅଦାମ୍ ବିସ୍ତେ ବାତର୍ ଆଜି ପାପ୍ ତାକେ ଗାଟା ଆତାଡ୍‌ନ୍ନା ଇଞ୍ଜି ଆନ୍ ହୁଡ୍‌ନାଙ୍ଗା ।”

୨୪ ହେବେ ସିମନ୍ ଜହନ୍ ଆରି ପିତର୍‌ତିଂ ଇଚାନ୍, ଏନ୍ ଇନାକା ଇନାକା ଇଞ୍ଜାୟ୍, ହେବେତାଂ ଇମ୍‌ଣାକା ପା ବିସ୍ତେ ଇନେସ୍ ନା କାଜିଂ ପଡାମେଡ୍, ଇଦାଂ କାଜିଂ “ଏପେଙ୍ଗ୍ ନା କାଜିଂ ମାପୁତି ଲାଗେ ପାର୍ତାନା କିୟା ।”

୨୫ ଇ ବାନି ହେଞ୍ଜାର୍ ସାକ୍ତି ହିଜି ଆରି ମାପୁତି ବଚନ୍ ଇଞ୍ଜି ସମିରଣ୍ଡିୟ୍‌ରତି ଆଦେକ୍ ନାସ୍‌କୁକାଂ ନେକ୍ରିକାବୁର୍ ସୁଣାୟ୍ କିଜ କିଜ ଜିରୁସାଲମ୍‌ତ ମାସ୍‌ଦି ହାଚାର୍ ।

**ପିଲିପି ଆରି ଇତିଓପିଆ ବେଜୁର୍**

୨୬ ପାଚେ ମାପୁତି ରଞ୍ଜାନ୍ ଦୁଡ୍ ପିଲିପ୍‌ତିଂ ଇଚାଡ୍, “ନିଙ୍ଗା, ବୁଜ୍‌ଣି ବାଗାଙ୍ଗ୍ ଇମ୍‌ଣି ହାଡାକ୍ ଜିରୁସାଲମ୍‌ତାଂ ଇଦାଂ ଗଜ୍ଜା ନିପ ହାଲ୍‌ଜି ମାନା,” ହେ ନିପ ହାଡାକ୍ ହାଲା । ହେଦାଂ ଚିମ୍‌ରା ବାହା ମାଚାଡ୍ । ନେଜେଝିଗା ଚିନ୍ତା କିୟାଆଉଡା ।

୨୭ ହେବେତାଁ ହେଝାନ୍ ନିଂଜି ହାଚାନ୍ । ଆରେ ହୁଡ଼ାଟ୍, ଇତିଓପିଆ ଦେସିୟାତ୍ କଣ୍ଡାକି ତରନି ରାଣିତି ତାରେନ୍ ରଞ୍ଜେଲ୍ ଗାଜା ପାଦ୍ ପାୟାତି ଇତିଓପିଆନି ବେଲୁ, ଇନେର୍ ତାଦେଲ୍ତି ଝିଲୁ ଡନ୍କଟିନି ସାସନ୍ କାର୍ଯ୍ୟା ମାଚାନ୍, ହେଝାନ୍ ପାର୍ତାନା କିନି କାଜିଂ ଜିରୁସାଲମ୍ତ ଝାଜି ମାଚାନ୍ ।

୨୮ ହେଝାନ୍ ମାସଦି ହାଲୁ ହାଲୁ ଜାର୍ ହାଗାଡ଼୍ କୁଚ୍ଟି ଜିସାୟ୍ ବେଶ୍ବାକ୍ଷାୟ୍କିନାକାର୍ ସାସ୍ତ୍ର ଗାଜାକାଟ୍ତାଂ ପଡ଼ି କିଜି ମାଚାନ୍ ।

୨୯ ହେଝେଡ଼ାଂ ପୁଇପୁୟା ଜିବୁନ୍ ପିଲିପ୍ତିଂ ଇଚାଡ଼୍, “ଲାଗେ ହାଲୁଜି ଇ ହାଗାଡ଼୍ ହୁଦାଂ ମାନା ।”

୩୦ ହେବେ ପିଲିପ୍ ହଞ୍ଜିହାଲୁଜି ହେଝାନ୍ ଜିସାୟ୍ ବେଶ୍ବାକ୍ଷାୟ୍କିନାକାର୍ ସାସ୍ତ୍ର ପଡ଼ି କିନାକା ଝେନ୍ଝି ଝେନ୍ବାତାନ୍, “ଏନ୍ ଇନାକା ପଡ଼ି କିନାୟା, ହେଦାଂ ଇନାକା ବୁଜାନାୟା ?”

୩୧ ହେଝାନ୍ ଇଚାନ୍, “ଇନେର୍ ନାଜ୍ ବୁଜାୟ୍ ହିଦ୍ଝିତିସ୍ ଆନ୍ ଇନେସ୍ ବୁଜାଦେଂ ଆଡ଼ନାଂ ?” ଆରେ, ହେଝାନ୍ ପିଲିପ୍ ଦୁମ୍ଜି ଝାଜି ତା କଚଣ୍ଡ କୁଚ୍ଟେଙ୍ଗ୍ ଗଝାରି କିତାନ୍ ।

୩୨ ସାସ୍ତ୍ରରନି ଇମ୍ଝି ବାଗ୍ ହେଝାନ୍ ପଡ଼ି କିଜି ମାଚାନ୍, ହେଦାଂ ଇଦାଂ, ହେଝାନ୍ ମେଣ୍ଡା ଲାକେ “ହାନି କାଜିଂ ଅୟାତାନ୍, ଆରେ ତଲ୍ ଉଦ୍ନି ମୁମ୍ଦ ମେଣ୍ଡାହିମ୍ଝା ଇନେସ୍ ପୁକ ମାନ୍ଝାନାଡ଼୍, ହେ ଲାକେ ହେଝାନ୍ ତା ମୁମ୍ ଜେୟା ଆଝାତାନ୍ ।”

୩୩ ହେଝାନ୍ତି ଅପ୍ମାନ ଆନିହିଙ୍ଗ୍ ହେଝାନ୍ତି ତାଣ୍ ମାସଦି ହାଚାଡ଼୍ ।

ହେଝାନ୍ତି ଲାଡ଼ା ଇନେର୍ ହାଦାୟ୍ କିଦେଙ୍ଗ୍ ଆଡ଼ନାର୍ ? ଇନେକିଦେଂକି ହେଝାନ୍ତି ଜିବୁନ୍ନି ପୁତ୍ତାଂ ମାସଦି ହାଚାଡ଼୍ ।

୩୪ ବେଲୁ ଉତର୍ ହିଜି ପିଲିପ୍ତିଂ ଇଚାନ୍, ଆନ୍ ନିଂ ପାର୍ତାନା କିଦ୍ନାଂ, “ବେଶ୍ବାକ୍ଷାୟ୍କିନାକାର୍ ଇନେର୍ ବିସ୍ତେ ଇ ବେରଣ୍ ଇଚାନ୍ନା ? ଜାର୍ ବିସ୍ତେ କି ଆରେ ଇନେର୍ ବିସ୍ତେ ?”

୩୫ ହେବେ ପିଲିପ୍ ଝେଇ ଜେସି ସାସ୍ତ୍ର ଇ ବଚନ୍ତାଂ ହାଂଜି ହେଝାନ୍ ତାକେ ଜିସୁତି ନେକ୍ଟିକାରୁର୍ ପରଚାର୍ କିତାର୍ ।

୩୬ ଆରେ, “ହେଝାର୍ ହାସଦ୍ ହାଲୁ ହାଲୁ ର ଏଲୁଂ ମାନି ଲାଗେ ଏକାତାର୍; ହେବେ ବେଲୁ ଇଚାନ୍,” ଇବେ ତ ଏଲୁଙ୍ଗ୍ ମାନିକ୍, ନା ବାପ୍ତିସିମ୍ ଆନି କାଜିଂ ଇନାକା ବାଦା ମାନାଡ଼୍ କି ?

୩୭ ପିଲିପିପ ଇଚାନ୍, ଏନ୍ ଝିଲୁ ଝାସ୍ତି ହୁଦାଂ ଜଦି ପାତ୍ କିନାୟା, ତା ଆତିସ୍ ହେବେ ହେଝାନ୍ ଉତର୍ ହିତାନ୍, ଜିସୁ କ୍ରିସ୍ତ୍ ଜେ ଇସ୍ପୁର୍ତି ମାଜି, ଇଦାଂ ଆନ୍ ପାତ୍ କିନାଙ୍ଗା । \*

୩୮ ଆରେ, ହେଝାନ୍ ହାଗାଡ଼୍ ନିଲି କିଦେଙ୍ଗ୍ ବଲ୍ ହିତାନ୍, ଆରେ ପିଲିପିପ ଆରି ବେଲୁ ରିୟାର୍ ଏଲୁଙ୍ଗ୍ ବିତ୍ତେ ଜୁଜି ହାଚାର୍, ଆରେ ପିଲିପ୍ ହେଝାନ୍ ବାପ୍ତିସିମ୍ ହିତାନ୍ ।

୩୯ ହେଝାର୍ ଏଲୁଙ୍ଗ୍ ବିତ୍ତେତାଂ ନିଂଜି ଝାଜି, ମାପୁତି ଜିବୁନ୍ ପିଲିପ୍ତିଂ ଅଜି ହାଚାଡ଼୍, ଆରେ ବେଲୁ ହେଝାନ୍ ଆରେ ହୁଡ଼ଝାତାନ୍; ଆତିସ୍ପା ହେଝାନ୍ ଝାରି କିଉ କିଉ ଜାର୍ ହାସଦିଂ ହାଚାନ୍ ।

୪୦ ମାତର୍ ପିଲିପ୍ ଅସଦ୍ ତରନି ଗାଡ଼୍ ଚଞ୍ଜା ଆତାନ୍, ଆରେ ହେଝାନ୍ ହାଲୁ ହାଲୁ ଗାଡ଼୍ ଗାଡ଼୍ ନେକ୍ଟିକାରୁର୍ ସୁଣାୟ୍ କିଜି କାଇସରିୟା ଦେସ୍ତ ହାଲୁଜି ଏକାତାର୍ ।



ସାଉଲ୍ତି ମାନ୍ବାଦ୍ଲୟ୍ କିନାକା  
(ପଦ୍ୟାତାକା ୨୨:୬-୧୬; ୨୬:୧୨-୧୮)

୧ ମାତର୍ ସାଉଲ୍ ଇ ପାତେକ୍ ପା ମାପୁତି ତେଲାର୍ ବିରୁଦ୍ତ ପାଣ୍ଡୁ ଆରି ପାରାଶ୍ନାସ୍ କାତା ଇଞ୍ଜି ମୁଡ଼୍ ମାପୁହେବାକିନାକାନ୍ ଲାଗେ ହାଚାନ୍,

୨ ଆରେ, ଇ ହାଜିନି ଇମ୍ଝି ଆଣ୍ଡେନ୍ କି କଗ୍ଲେକ୍ ଚଞ୍ଜା ଆତିସ୍, ହେଝାରିଂ ଇନେସ୍ ଗାଚ୍ଟି ଜିରୁସାଲମ୍ତ ତାତେଙ୍ଗ୍ ଆଡ଼ନାନ୍, ଇଦାଂ କାଜିଂ ଦମ୍ଝେସକ୍ନି ଝିଲୁ ପାର୍ତାନା ଇଲ୍ ଲାଗେ ହେଝାନ୍ତାଂ ଆକି ଏନ୍ତାର୍ ।

୩ ପାଚେ ହେଝାନ୍ ହାଲୁ ହାଲୁ ଦମ୍ଝେସକ୍ନି ଲାଗାୟ୍ ଆତିଲେ, ହାଚାଚ୍ଟେ ବାଦାଡ଼୍ତାଂ ଅଜଡ଼୍ ହେଝାନ୍ ଚାରିବେଣ୍ଡିଂ ତ୍ରିପ୍ଟିକି ନିଂତାଡ଼୍ ।

୪ ହେବେ ହେଝାନ୍ ମେଦ୍ନିତ ଗୁରଜି ହେଝାନ୍ କାଜିଂ ଇ କାର୍ ଝେଚାନ୍, “ଏ ସାଉଲ୍, ଏ ସାଉଲ୍, ଇନାକିଦେଂ ନାଜ୍ ନିୟା କିଦ୍ନାୟା ?”

୫ ହେଝାନ୍ ଇଚାନ୍, “ଏ ମାପୁ, ଏନ୍ ଇମ୍ଝାକାୟ୍ ?”

ଆରେ ହେଝାନ୍ ଇଚାନ୍, ଇନେରିଂ ଏନ୍ ନିୟା କିଦ୍ନାୟା ହେଝାନ୍ ଆନ୍ ହେ ଜିସୁ ?

୬ “ମାତର୍ ନିଙ୍ଗା, ଗାଡ଼୍ ହଶ୍ଗା, ଆରେ ନିଂ ଇନାକା କିଦେଙ୍ଗ୍ ଆନାଡ଼୍, ହେଦାଂ ଝେର୍ୟାନାଡ଼୍ ।”

\* ୮:୩୭ ଏପେଙ୍ଗ୍ ଜଦି ମାତ୍ ପାତ୍ କିନାଦେର୍ ତା ଆତିସ୍ ଏଲୁଙ୍ଗ୍ ବାପ୍ତିସିମ୍ ଅଦେଂ ଆଡ଼ନାଦେର୍ ।

୭ ଇମଣି ଲକୁ ହେଞ୍ଜାନ୍ ହୁକେ ହାଲ୍ଲି ମାଚାର୍, ହେଞ୍ଜାର୍ ହେ ଗାର୍ଜାନ୍ ଆନାକା ଖେନ୍ଞି ଇନେରିଂ ହୁଡ଼ଞିଲେ କାବା ଆଜି ନିଲ୍ଲି ମାଚାର୍ ।

୮ ଆରେ, ସାଉଲ୍ ମେଦନିତାଂ ନିଲ୍ଲି ଏଚେକାଡ଼ଦ ଜାର୍ କାଣ୍କୁ ମେସ୍ତାନ୍, ହେ ଏଚେକାଡ଼ଦ ହେଞ୍ଜାନ୍ ମୁଡ଼େ ହୁଡ଼ଦେଂ ଆଡ଼ଞାତାନ୍ । ଲାଗିଂ ହେଞ୍ଜାର୍ ସାଉଲ୍ଲି କେଇ ଆଜି ହେଞ୍ଜାନ୍ ଦମ୍ଲେସକ୍ତ ଅତାର୍ ।

୯ ଆରେ, ହେଞ୍ଜାନ୍ ତିନି ଦିନ୍ ପାତେକ୍ କାଣା ଆଜି ମାଚାନ୍, ଆରେ ହେ ସମୁତ ହେଞ୍ଜାନ୍ ମୁଡ଼େ ତିନ୍ଞାତାନ୍ କି ଉଣ୍ଞାତାନ୍ ।

୧୦ ଦମ୍ଲେସକ୍ତ ହନନିୟ୍ ତରୁନି କ୍ରିସ୍ତୁ ଚେଲା ମାଚାନ୍, ମାପୁ ହେଞ୍ଜାନ୍ ଚଞ୍ଜା ଆଜି ଇଚାନ୍, “ହନନିୟ୍ ।”  
“ହେଞ୍ଜାନ୍ ଇଚାନ୍, ଏ ମାପୁ, ଇଚାନ୍ ।”

୧୧ ହେବେଣ୍ଡାଂ ମାପୁ ହେଞ୍ଜାନ୍ ଇଚାନ୍, “ନିଙ୍ଗା, ହାଣ୍କୁ ତରୁନି ହାଜିଡ଼ ହାଲ୍ଲି ଜିହୁଦା ଇଞ୍ଜ ତାର୍ ଗାଡ଼ନି ସାଉଲ୍ ତରୁନି ରଞ୍ଜାନ୍ ମୁଣିକାତିଂ ଆନ୍ମାନ୍ କିୟା; ହେଞ୍ଜାନ୍ ପାର୍ତାନା କିନାନ୍;

୧୨ ଆରେ, ହେଞ୍ଜାନ୍ ଇନେସ୍ ନଂଜର ଗାଟାନାନ୍, ଇଦାଂ କାଜିଂ ହନନିୟ୍ ତରୁନି ରଞ୍ଜାନ୍ ମାନାୟ୍ ଖାଜି ହେଞ୍ଜାନ୍ ଜପି କେଇ ହିଡ଼ତାନ୍ ଇଞ୍ଜ କେଚକଣ୍ ହୁଡ଼ତାନ୍ନା ।”

୧୩ ମାତର ହନନିୟ୍ ଉତର ହିଡାନ୍, “ମାପୁ ଜିରୁସାଲମ୍ତ ମି ପୁଇପୁୟାର୍ କାଜିଂ ଇ ମାନାୟ୍ ଜେ ଏଚେକ୍ ବିଦବାଦ୍ କିତାନ୍ନା, ହେଦାଂ ଆନ୍ ଆଦେକ୍ତାଂ ଇ ମାନାୟ୍ ବିସ୍ତେ ଖେଚାଙ୍ଗା ।

୧୪ ଆରେ, ଇ ବାହାତ ଏଚେକ୍ ଲଗୁ ନି ତରଦ ପାର୍ତାନା କିନାରା, ହେଞ୍ଜାରିଂ ଗାଡ଼ନି କାଜିଂ ହେଞ୍ଜାନ୍ ମୁଡ଼ ମାପୁହେବାକିନାକାନ୍ ତାରେନ୍ତାଂ ଆଦିକାର୍ ଗାଟାତାନ୍ନା ।”

୧୫ ମାତର ମାପୁ ହେଞ୍ଜାନ୍ ଇଚାନ୍, “ହାଲା, ଇନାକିଦେଂକି ହେଞ୍ଜାନ୍ ପାତ କିଞ୍ଜି ଜିହୁଦି, ରାଜା ଆରି ଖିଜାର୍ ଇସ୍ରାଏଲ୍ଲି ହିମ୍ଣାଂ ମୁମ୍ଦ ମା ତର ପିଣ୍ଡିନି କାଜିଂ ମା ରଞ୍ଜାନ୍ ବାଚିକିତି ଲଗୁ;

୧୬ ଲାଗିଂ ନା ତର କାଜିଂ ହେଞ୍ଜାନ୍ ଜେ ବେସି ଦୁକ୍ ବର କିଦେଙ୍ଗ୍ ଆନାଡ଼, ହେଦାଂ ଆନ୍ ନିଜେ ତାଙ୍ଗ୍ ଖେଚନାଙ୍ଗ୍ ।”

୧୭ ହେବେଣ୍ଡାଂ ହନନିୟ୍ ହାଲ୍ଲି ହେ ଇଞ୍ଜ ହଣ୍ଗାତାନ୍, ଆରେ ହେଞ୍ଜାନ୍ ଜପି କେଇ ହିଜି ଇଚାନ୍, “ସାଉଲ୍ ଟଣ୍ଡେନ୍,” ମାପୁ, ଇଚିସ୍ ଇମଣି ଜିସୁ ନି ଖାଜି ହାସ୍ତ ନିଂ ଚଞ୍ଜାତାନ୍, ଏନ୍ ଇନେସ୍ ହୁଡ଼ଦେଂ ଆଡ଼ନାୟ୍ ଆରି ପୁଇପୁୟା ଜିବୁନ୍ତ ପୁରା ଆ, ଇଦାଂ କାଜିଂ ହେଞ୍ଜାନ୍ ନାଙ୍ଗ୍ ପନ୍ଥାତାନ୍ନା ।

୧୮ ହେ ଦାପ୍ରେ ସାଉଲ୍ଲି କାଣ୍ଗାତାଂ ମିନ୍ ପାଡ଼ିଂ ଲାକେ ଇନାକା ହଡ଼ତାଡ଼ ଆରି ହେଞ୍ଜାନ୍ ହୁଡ଼ତାନ୍; ଆରେ, ହେଞ୍ଜାନ୍ ନିଲ୍ଲି ବାପ୍ରିସିମ୍ ଅତାନ୍,

୧୯ ଆରେ ହେଞ୍ଜାନ୍ ତିନ୍ଞି ବାଡ଼କାସ୍ ଆତାନ୍ । ଇଦାଂ ପାଚେ ହେଞ୍ଜାନ୍ ଦମ୍ଲେସକ୍ତ ମାନି ଚେଲାର୍ ହୁକେ କେଚେକ୍ ଦିନ୍ ମାଚାନ୍ ।

**ଦାମେସକସ୍ତ ସାଉଲ୍ଲି ପରଚାର୍**

୨୦ ଆରେ, ଜିସୁ ଜେ ଇସ୍ପରତି ମାଜି, ଇଦାଂ ହେଞ୍ଜାନ୍ ମାଲାଞ୍ଜାଦାଂ କୁଚୁମ୍ ଇଞ୍ଜ ଲାଗାଂ ସୁଣାୟ୍ କିଦେଙ୍ଗ୍ ଲାଗାତାନ୍ ।

୨୧ ଆରେ, ଇମ୍ଣାକାର୍ ହେଞ୍ଜାନ୍ କାତା ଖେଚାର୍, ହେଞ୍ଜାର୍ ଖିଜାକାର୍ କାବା ଆଜି ଇଞ୍ଜେଙ୍ଗ୍ ଲାଗାତାର୍, ଇ ତର ଆଜି ପାର୍ତାନା କିନି ମାନାୟାର୍ତିଂ ଜେ “ଜିରୁସାଲମ୍ତ ଦାଣ୍ଡି ହିଜି ମାଚାନ୍, ଆରେ ଇନେସ୍ ହେଞ୍ଜାରିଂ ଗାଡ଼ନି ମୁଡ଼ ମାପୁହେବାକିନାକାନ୍ ଲାଗେ ଅଦେଂ ଆଡ଼ନାନ୍, ହେ କାମାୟ୍ତିଂ ଇ ବାହାତ ଖାଜି ମାଚାନ୍, ଇଞ୍ଜାନ୍ କି ହେଞ୍ଜାନ୍ ଆକାୟ୍ ?”

୨୨ ମାତର ସାଉଲ୍ ବେସି ହର୍ ସାନ୍ତିତାଂ ନିଙ୍ଗାତାନ୍, ଆରେ ଇଞ୍ଜାନ୍ ଜେ କ୍ରିସ୍ତୁ, ଇଦାଂ ପାର୍ମାଣ୍ କିଜି ଦମ୍ଲେସକ୍ ନିକାରିଂ ଜିହୁଦିରିଂ ଉତର ହିଦେଂ ଆଡ଼ଞାତାର୍ ।

୨୩ \*ବେସି ଦିନ୍ ହାଚି ପାଚେ ଜିହୁଦିର ସାଉଲ୍ଲି ଅହ୍ନି କାଜିଂ ହୁଡୁର କିତାର୍;

୨୪ ଆତାର୍ ହେଞ୍ଜାର୍ ଗାଣ୍ଡୁ ସାଉଲ୍ଲି କିଡୁଲ୍ଲି ଖାତାଡ଼ । ଆରେ, ହେଞ୍ଜାର୍ ଇନେସ୍ ତାଙ୍ଗ୍ ଅସ୍ତେଙ୍ଗ୍ ଆଡ଼ନାର୍, ଇଦାଂ କାଜିଂ ଖେଡାନାଣା ପା ଗାଡ଼ନି ଦୁଖେରତ ସବୁ କାସି ମାନ୍ବାତାର୍,

୨୫ ମାତର ହେଞ୍ଜାନ୍ ଚେଲାର୍ ନାଣାଲିଂ ତାଙ୍ଗ୍ ଅଜି ର ଟପାତ କୁଞ୍ଜାଡ଼ ହିଜି ତାରେନ୍ ଜୁଡ଼ତାର୍ ।

**ଜିରୁସାଲମ୍ତ ସାଉଲ୍**

୨୬ ପାଚେ ହେଞ୍ଜାନ୍ ଜିରୁସାଲମ୍ତ ହାଲ୍ଲି ଚେଲାର୍ ହୁକେ ମିହାଦେଂ ସେସୁ କିଜି ମାଚାନ୍; ମତର ହେଞ୍ଜାନ୍ ଜେ ରଞ୍ଜାନ୍ ଚେଲା, ଇଦାଂ ପାତ କିଞ୍ଜାଦାଂ ଖିଜାକାର୍ ତାଙ୍ଗ୍ ପାଣ୍ଡୁଜି ମାଚାର୍ ।

୨୭ ମାତର ବର୍ଣ୍ଣବା ତାଙ୍ଗ୍ ରଚେ ଅଜି ପଦ୍ୟାତାକାର୍ତି ଲାଗେ ତାହିଞ୍ଜାତାନ୍, ଆରେ ହାସ୍ତ ହେଞ୍ଜାନ୍ ଇନେସ୍ ମାପୁତି ଚଞ୍ଜାତାକା ଆରି ହେଞ୍ଜାନ୍ ଜେ ହେଞ୍ଜାନ୍ ହୁକେ କାତାବାର୍ତା କିଜି ମାଚାନ୍, ଆରେ ଇନେସ୍ବାନି ହେଞ୍ଜାନ୍ ଦମ୍ଲେସକ୍ତ ଜିସୁତି ତରଦ ସାସ୍ତାଂ ପରଚାର୍ କିଜି ମାଚାନ୍, ଇ ସବୁ ହେଞ୍ଜାନ୍ ହେଞ୍ଜାର୍ତି ଲାଗେ ବାକ୍ଣାୟ୍ କିତାନ୍ ।

☆ ୯:୨୩ ୨କରନ୍ତିୟ୍ ୧୧:୩୨, ୩୩.

୨୮ ଆରେ, ସାଉଲ୍ ପଦ୍ୟାତ୍ମକାର ଲାହାଁ ମାତାନ୍ ଆରି ଓଁଜୁ ଜିରୁସାଲମ୍ ତ ଚାରବେଶତାଁ ହାଲ୍ଲଜି ସାସ୍ ଲାହାଁ ମାପୁତି ତର ବିସ୍ତେ ପରଚାର କିତାର

୨୯ ମାପୁତି ତର ସାସ୍ ହୁକେ ପରଚାର କିଦେଙ୍ଗ ଲାଗାତାନ୍, ଆରେ ହେଖାନ୍ ଗ୍ରିକ୍ ବେଶ୍ନିକାର ଜିହୁଦିର୍ ହୁକେ କାତାବାର୍ତ୍ତା ଆରି ବେଶ୍ବାର୍ କିଜି ମାତାନ୍, ମତର୍ ହେଖାର ତାଙ୍ଗ୍ ଅସ୍ତେଙ୍ଗ୍ କାଜିଁ ସେସ୍ କିଦେଙ୍ଗ ଲାଗାତାର ।

୩୦ ହେଦାଁ ପୁଞ୍ଜେଙ୍ଗ୍ ଆଡ଼ତିଲେ ପାତର୍ କିନି ଗଣ୍ଡାର ତାଙ୍ଗ୍ କାଇସରିୟାତ ଅଜି ହାଲ୍ଲଜି ତାର୍ସତ ପକ୍ତିତୁହିତାର ।

୩୧ ଇ ବାନି ସାଡେ ଜିହୁଦା ରାଜିତ, ଗାଲିଲି ଆରି ସମିରଶ୍ବତ ମଣ୍ଡଲି ସାସ୍ନି ବାଲ୍ବଲୟ ପାୟାଜି ଆରି ମାପୁତି ପାଣ୍ଡୁ ବେବାର କିଜି ସୁସ୍ତା ବଗି କିତାର, ଆରେ ପୁଇପୁୟା ଜିବୁନ୍ ଉପକାରତାଁ ବାତାଦେଁ ଲାଗାତାର ।

**ଲୁଦ ଆରି ଜପପାତ ପିତର୍**

୩୨ ନଙ୍ଗ୍ ପିତର୍ ସବୁ ନିପ ବୁଲ୍ଲଆଜି ଲୁଦନିକାର ପୁଇପୁୟାର ଲାଗେ ପା ଖାତାର ।

୩୩ ହେ ବାହାତ ହେଖାନ୍ ଏନିୟ୍ ତରନି ରଖାନିଁ ହୁଡ଼ତାନ୍, ହେଖାନ୍ ଆର୍ ବାହୁଁ ପାତେକ୍ କାଟେଲ୍ଲତ ହୁଞ୍ଜି ମାତାନ୍; ତାଙ୍ଗ୍ ହିରକଲ୍ ଆଜି ମାତାତ୍ ।

୩୪ ପିତର୍ ହେଖାନିଁ ଇତାନ୍, “ଏନିୟ୍, ଜିସୁ କ୍ରିଷ୍ଟ୍ ନିଁ ଉଜ୍ କିଡ଼ତାନ୍ନା; ନିଙ୍ଗା, ନି ଗାଟି ଜାଲ୍ଲଦି କିୟା । ହେବେ ହେଖାନ୍ ଦାପ୍ତେ ନିଙ୍ଗତାନ୍ ।”

୩୫ ଆରେ, ଲୁଦ ଆରି ସାରଣନିକାର ଓଁଜାର ତାଙ୍ଗ୍ ହୁଡ଼ଜି ମାପୁନିପ ଲେଉଟାତାର ।

୩୬ ଜାପତ ଗାବିତା ତରନି ରଞ୍ଜେଲ୍ ଆଡ଼ୟାଣି ମାତାତ୍, ତାଦାଁ ଗ୍ରିକ୍ ତର ଅରଡ଼ ଦର୍କା । ଇତିସ୍ “ହରିଣି” ମାତାତ୍, ହେଦେଲ୍ ତା ସବୁ ସମୁ ହାରଦି କାମାୟତ ଆରି ହିଲ୍ଖାକାରିଁ ହେବା କିଜି ମାତାତ୍ ।

୩୭ ହେଖେଡାଲିଁ ହେଦେଲ୍ ବେମାର ଆଜି ପାରାଶ୍ ପିସ୍ତାତ୍, ହେବେ ହେଖାର ତାଙ୍ଗ୍ ଇଡ଼ପିସ୍ ଜପଣି ବାକ୍ରାତ ହୁଡ଼ପାତାର ।

୩୮ ଆରେ, ଲୁଦ ଜାପନି ଲାଗେ ମାଟିଲେ ଚେଲ୍ଲାର ପିତର୍ ଲୁଦତ ମାନାନ୍ ଇଞ୍ଜି ଖେନ୍ଞି, “ରିୟାର ମାନାୟତିଁ ହେଖାନ୍ ଲାଗେ ପକ୍ତି ଇଦାଁ ଗଞ୍ଜାରି କିତାର, ମା ଲାଗେ ବେଗି ଖା ।”

୩୯ ଲାଗିଁ ପିତର୍ ନିଙ୍ଗଜି ହେଖାର ହୁକେ ହାତାନ୍ । ହେଖାନ୍ ଖାତିଲେ, ହେଖାର ହେଦେଲିଁ ହେ ଜପଣି ବାକ୍ରାତ ଅଜି ହାତାର, ଆରେ ରାଣ୍ଡିକ୍ ଓଁଜେକିକ୍ ତାଙ୍ଗ୍ ହେଦେଲିଁ ବେଡ଼ି କିଜି ଆଡ଼ବିସ୍ ଆଡ଼ବିସ୍ ଦର୍କା ହେଖାର ହୁକେ ମାନି ଖେଡାଲିଁ ଇମଣି ସବୁ ଆଜି ଆରି ହେୟାଙ୍ଗ୍ ରଡ଼ଟି ମାତାତ୍, ହେ ସବୁ ଚଡ଼ଚେଁ ଲାଗିତିକ୍ ।

୪୦ ମାତର୍, ପିତର୍ ଓଁଜାରିଁ ହପତି ମେଣ୍ଡାଙ୍ଗ୍ କୁଦିକିଜି ପାର୍ତାନା କିତାନ୍, ଆରେ ହାତି ଗାଗାଡ଼ ନିପ ମାସ୍ଦି ଇତାନ୍, “ଗାବିତା, ନିଙ୍ଗା ।” ହେବେ ହେଦେଲ୍ କାଶ୍କୁ ମେଲ୍ଲା କିତାତ୍, ଆରେ ପିତର୍ତିଁ ହୁଡ଼ଜି ନିଁଜି କୁଡ଼ତାତ୍ ।

୪୧ ଆରେ, ହେଖାନ୍ କେଇ ଲାମାୟ କିଜି ହେଦେଲିଁ ନିକ୍ତାନ୍ ଆରି ସାଦୁରିଁ ଆରି ରାଣ୍ଡିକାଁ କୁକ୍ତି ହେଦେଲିଁ ଜିଜି ମାନାକା ଚଡ଼ଚାନ୍

୪୨ ଇ କାତା ଜାପତ ସବୁନିପ ଜାଣାତାତ୍ ଆରି ଆଦେକ୍ ମାପୁ ତାକେ ପାତର୍ କିତାର ।

୪୩ ଆରେ, ପିତର୍ ବେସି ଦିନ୍ ଜାପତ ସିମନ୍ ତରନି ରଖାନ୍ ତଲ୍ଲ ରଡ଼ନାକାନ୍ ଇଞ୍ଜି ବାହା କିତାନ୍ ।

**୧୦**

**ପିତର୍ ଆରି କର୍ଣ୍ଣଲିୟ**

୧ କାଇସରିୟା ଲକ୍ କର୍ଣ୍ଣଲିୟ ତରନି ରଖାନ୍ ମୁଣିକା ମାତାନ୍, ହେଖାନ୍ “ଇତାଲିକ ତରନି ମେଲ୍ୟାତର୍ ରଖାନ୍ ପାଞ୍ଚକଡ଼ି ମୁଡ଼ମେଲ୍ୟାର ମାତାନ୍ ।”

୨ ହେଖାନ୍ ରଖାନ୍ ହୁଦାର, ଆରେ ଇଞ୍ଜିବାହାୟ୍ ଇସ୍ବରତିଁ ପାଣ୍ଡାଜି ମାତାତ୍ । ହେଖାନ୍ ଜିହୁଦି ଗରିବରିଁ ବେସି ଦାନ୍ ହିଜି ମାତାନ୍, ଆରେ ତାଇନାଡ଼ ଇସ୍ବରତି ଲାଗେ ପାର୍ତାନା କିଜି ମାତାତ୍ ।

୩ ଦିନେକ୍ ମିକାହାରେସ୍ ତିନ୍ ଗଣ୍ଡା ଖେଡାଲିଁ ହେଖାନ୍ ହାଡ଼ପା ରତେ ର କେଡ଼କଣ୍ ହୁଡ଼ତାନ୍, ଇନେସ୍ ଇସ୍ବରତି ରଞ୍ଜେଲ୍ ଦୁଡ଼ ହେଖାନ୍ ଲାଗେ ଖାଜି ଇନାତା, “ଏ କର୍ଣ୍ଣଲିୟ ।”

୪ ହେଖାନ୍ ବାଦାଡ଼ତ୍ ଦୁଡ଼ ହୁଡ଼ଜି ପାଣ୍ଡାଜି ଇତାନ୍, “ଏ ମାପୁ, ଇନାକା ?”

ହେଖାନ୍ ହେଖାନିଁ ଇତାନ୍, ନି ପାର୍ତାନା ଆରି ଦାନ୍ ସବୁ ଏଡ଼ କିଜି ପୁଜା ଲାକେ ଜପି ଇସ୍ବରତି ଲାଗେ ନିଁତାତନା ।

୫ ନଙ୍ଗ୍ ଏନ୍ ଜାପତ ମାନାୟ ପକ୍ତି ସିମନ୍ ପିତର୍ତିଁ କୁକ୍ତି ତାହିଖା, ହେଖାନ୍ତି ବିନ୍ ତର ପିତର୍,

୬ ହେଖାନ୍ ସିମନ୍ ତରନି ରଖାନ୍ ତଲ୍ଲ ରଡ଼ନାକାନ୍ ଗଡେନ୍ ଲାକେ ବାହା କିନାନା, ହେଖାନ୍ତି ଇଲ୍ ହାମ୍ବୁର୍ ଗୁଟିତ ।

୭ ହେଖାନ୍ ହୁଦାଁ ବେଶ୍ ଇଞ୍ଜି ମାଟି ଦୁଡ଼ ହାଟି ପାତେ ହେଖାନ୍ ଜାର ଇଲ୍ଲନି ଆଡ଼ୟାର ବିଡ୍ରେ ରିୟାରିଁ, ଆରେ ହେଖାନ୍ତି ହେବା କିଜିମାନି ମେଲ୍ୟାର ବିଡ୍ରେ ରଖାନ୍ ଦାମ୍ ମେଲ୍ୟାଙ୍ଗ୍ କୁକ୍ତାନ୍,

୮ ଆରେ ହେଖାରିଁ ଓଁଜୁ କାତା ବୁଜାୟ କିଜି ଜାପତ ପକ୍ତାନ୍ ।



୯ ଆର୍କାଡ଼ ନାଜିଂ ହାଲୁ ହାଲୁ ଏଚେକାଡ଼ ଗାଡ଼ନି ଲାଗେ ଆତାର, ହେପାଦନା ପିତର ଖେଡ଼ା ବାର ଗଣ୍ଡା ଖେଡ଼ାଲିଂ ପାର୍ତୀନା କିନି କାଜିଂ ଜେଗନ୍ ଜପି ହାଚାନ,

୧୦ ଆରେ ହେଖାନ ନାସକି ଆଜି ଚିଞ୍ଚେଇଁ ମାନ କିତାନ, ମତର ହେଖାର କାଦି ଜାଲଦି କିନି ଖେଡ଼ାଲିଂ ହେଖାନ କେଚକଣ୍ଡ ହୁଡ଼ତାନ;

୧୧ ହେଖାନ ହୁଡ଼ତାନ ବାଦାଡ଼ ଜେୟାତାଡ଼ନା, ଆରେ ର ତାଡ଼ିୟା ତାରେନ୍ ଖାନାତା, ଇନେସ୍ ର ଗାଜା ହେୟା ଚାରି କନାତ ଆହୟା ଆଜି ପୁତ୍ ଜପି ଜୁଡ଼ୟାନ୍ନାତା;

୧୨ ହେବେ ପୁତ୍ ନି ସବୁବାନି ଚାର ଗଡ଼ିଆ ଜାଡ଼କୁ, ରାଜାନିକିଂ ଆରି ବାଦାଡ଼ନି ପଚିଙ୍ ମାନିଙ୍ ।

୧୩ ଆରେ, ହେଖାନ କାଜିଂ ଇ କାତା ଆତାଡ଼, “ଏ ପିତର, ନିଙ୍ଗା, ପାଗ୍ଜି ତିନା ।”

୧୪ ମାତର ପିତର ଇଚାନ, “ଆକାୟ, ମାପୁ, ଆନ୍ ଇନାଖାଡ଼ାଂ ପା ଇମଣି ପୁଇପୁୟା ହିଲ୍‌ଖାକା ଆରି ରାଡ଼ା ଆତାକା ଜିନିସ୍ତିଂ ତିନିଖାତାଂନା ।”

୧୫ ଆରେ ରିହା ହେଖାନ କାଜିଂ ଇ କାତା ଆତାଡ଼, “ଇସ୍‌ସ୍ ଇନାକା ସକଟ୍ କିତାନନା, ହେଦାଂ ଏନ୍ ବିଚାଡ଼ ଇଞ୍ଜି ଇନ୍‌ମା ।”

୧୬ ଇ ବାନି ତିନିହଟ୍ ଆତାଡ଼, ଆରେ ହେ ଦାପ୍ରେ ହେଦାଂ ଉଲ୍‌ଟି ବାଦାଡ଼ ନିକ୍ତି ଅୟାତାଡ଼ ।

୧୭ ପିତର ଇମଣି ଦର୍ସନ୍ ଗାଟାଜି ମାଚାନ, ହେବେନି ଅରଡ଼ ଇନାକା, ହେଦାଂ ବାବି କିଜି ରୁଦିବାମ୍‌ତା ଆନି ଖେଡ଼ାଲିଂ, ହୁଡ଼ାଟ୍, କର୍ଣ୍ଣଲିୟତି ପକ୍ୟାତି ଲକୁ ସିମନ୍‌ତି ଇଲ୍ ତେକ୍ତି ଦୁଖେର ଲାଗେ ନିଲ୍‌ଟି ମାଚାନ,

୧୮ ହେଦାଂ କୁକ୍ତି ହେଖାର ଖେନ୍‌ବାତାର ପିତର କୁକ୍ତି ତର “ସିମନ୍ ହେବେ ଗତେନ୍ ଲାକେ ବାହା କିନାନା କି ଆକାୟ ?”

୧୯ ପିତର ହେ କେଚକଣ୍ଡ ବିସ୍ତେ ବାବି କିନି ଖେଡ଼ାଲିଂ ପୁଇପୁୟା ଜିରୁନ୍ ତାଙ୍ ଇଚାଡ଼, “ହୁଡ଼ା, ତିନ୍ ଜାଣ୍ ଲକୁ ନିଂ ତେକ୍‌ତାନାରା ।

୨୦ ନିଙ୍ଗା ଜାଲଦି ଆଜି ତାରେନ୍ ହାଲା ଆରି ହେଖାର ଲାହାଂ ହାଜେଇଁ ଚିନ୍ତା କିମା, ଇନାକିଦେଂକି ଆନ୍ ହେଖାରିଂ ପକ୍ତାତାଂନା ।”

୨୧ ହେବେ ପିତର ହେ ମାନାୟାର ଲାଗେ ହାଲ୍‌ଜି ଇଚାନ, ହୁଡ଼ାଟ୍, ଏପେଙ୍ ଇନେରିଂ ତେକ୍‌ନାଦେରା, “ଆନ୍ ହେଖେନ୍ । ଏପେଙ୍ ଇନା ଲଡ଼ାତିଂ ଖାତାଦେଣ୍ଡା ?”

୨୨ ହେଖାର ଇଚାର, “କର୍ଣ୍ଣଲିୟ ତରନି ରଖାନ ପାଞ୍ଚକଡ଼ି ମେଲ୍ୟାର ମୁଡ଼ଦାକାନ, ହେଖାନ ଦାମିଂ ଲଗୁ ଆରି ଇସ୍‌ସ୍‌ତିଂ ପାଣ୍ଡା ଆନାକାନ, ଆରେ ଓଁକୁ ଜିହୁଦି ଜାତିର ଲାଗେ ତାକ୍‌ପୁଟାଲଗୁ ହେଖାନ ଜାର ଇଞ୍ଜି ନିଂ କୁକିକିଦେଂ ପକ୍ତି ନି ତାଙ୍ ସାକି କାତା କାଜିଂ ପୁଇପୁୟା ଦୁଡ଼ ହୁଦାଂ ସିଦାବଲ୍ ଗାଟାତାନ୍ନା ।”

୨୩ ହେବେ ହେଖାନ ହେଖାରିଂ ବିତ୍ରେ କୁକ୍ତି ଅଜି ହେଖାରିଂ ହେବା କିତାନ ।

ତା ଆର୍କାଡ଼ ନାଜିଂ ହେଖାନ ନିଂଜି ହେଖାର ହୁକେ ହାଚାନ, ଆରେ ଜାପତ ନି ପାତ୍ କିନି ଟଣ୍ଡାର ବିତ୍ରେ କେତେକ୍ ଜାଣ୍ ହେଖାନ ହୁଦାଂ ହାଚାର ।

୨୪ ଆର୍କାଡ଼ ନାଜିଂ ହେଖାର କାଈସରିୟାତ ହଟାର, ଆରେ, କର୍ଣ୍ଣଲିୟ ଜାର ଖାସ୍ତି ଆରି ଲାଗେନି ହାଙ୍‌ଦାକାରିଂ କୁକ୍ତି ରୁଣ୍ଡାୟ କିଜି ହେଖାରିଂ କାସି ମାଚାନ ।

୨୫ ପିତର ହଟିଲେ କର୍ଣ୍ଣଲିୟ ହେଖାନିଂ ଗିଟାଜି ସାରାଣ୍ ତାରେନ୍ ଆଜିଂ ହେଖାନିଂ ଜଖାର କିତାନ ।

୨୬ ମାତର ପିତର ହେଖାନିଂ ନିକ୍ତି ଇଚାନ, “ନିଲା ଆନ୍ ପା ରଖାଙ୍ ମାନାୟ ।”

୨୭ ହେବେ ହେଖାନ ହେଖାନ୍ତି ହୁଦାଂ କାତା କିଉ କିଉ ବିତ୍ରେ ହାଲ୍‌ଜି ହୁଡ଼ତାନ, ଜବର ଲକୁ ରୁଣ୍ଡା ଆତାଣ୍ଡା,

୨୮ ଆରେ ହେଖାନ ହେଖାରିଂ ଇଚାନ, ବିନ୍ ଜାତିନି ଇମଣି ଲକୁ ହାଙ୍ ମେହାନାକା ନଲେ ତା ଲାଗେ ବାନ୍ୟା ଜିହୁଦି ମାନାୟ ପାକ୍ୟାତ ଇନେସ୍ ବିଦି ହିଲୁଡ଼, ହେଦାଂ “ଏପେଙ୍ ପୁଟାଦେଣ୍ଡା; ଆତିସ୍‌ପା ଇମଣି ଲକୁରିଂ ରାଡ଼ା କି ସକଟ୍ ଆକାୟ ଇଞ୍ଜି ଇନ୍‌ଖି କାଜିଂ ଇସ୍‌ସ୍ ନାଙ୍ ଚଟ୍‌ଚାତାନ୍ନା ।

୨୯ ହେଦାଂ କାଜିଂ ନାଙ୍ କୁକ୍‌ତାତାନ୍ନା ଆନ୍ ପା ଆପତି କିଖାଦାଂ ଖାତାଂ । ଲାଗିଂ ଆନ୍ ଖେନ୍‌ବାଆଦନାଂ, ଇନାକିଦେଂ ଏପେଙ୍ ନାଙ୍‌କେଙ୍ କୁକିକିତାଦେଣ୍ଡା ?”

୩୦ କର୍ଣ୍ଣଲିୟ ଇଚାନ, “ତିନି ଦିନ୍ ଆଗେ ସମାନ୍ ଇ ଖେଡ଼ାଲିଂ ଆନ୍ ଜାର ଇଞ୍ଜି ମିକାହାରେସ୍ ତିନ୍ ଗଣ୍ଡା ଖେଡ଼ାଲିଂ ପାର୍ତୀନା କିଜି ମାଚାଙ୍; ତ୍ରିପ୍‌କୁ, ତ୍ରିଞ୍ଜିନି ହେୟା ଉସ୍ତାତାକାନ ରଖାନ ମୁଣିକା ନା ମୁମ୍‌ଦ ଇଞ୍ଜି ଇଚାନ,

୩୧ କର୍ଣ୍ଣଲିୟ, ନି ପାର୍ତୀନା ଖେନ୍‌୍ୟା ଆତାଡ଼ନା; ଆରେ, ନି ଦାନ୍ ସବୁ ଇସ୍‌ସ୍‌ତି ମୁମ୍‌ଦ ଏତାୟ କିୟାତାଡ଼ନା ।

୩୨ ଲାଗିଂ, ଜାପତ ଲକୁ ପକ୍ତି ପିତର ତରନି କୁକ୍ତି ସିମନ୍ ଲାଗାଂ କୁକ୍ତି ତାହିଖା, ହେଖାନ ହାମ୍‌ଦୁର୍ ଗୁଟିତ ସିମନ୍ ତଲ୍ ରଚନାକାନ ଇଞ୍ଜି ଗତେନ୍ ଲାକେ ବାହା କିତାନନା ।

୩୩ ଇଦାଂ କାଜିଂ ଆନ୍ ମାଲାୟ କିଖାଦାଂ ନି ତାକେ ଲକୁ ପକ୍ତାତାଂ, ଆରେ ଏନ୍ ଜେ ଖାତାୟନା, ହାର କିତାୟନା । ଲାଗିଂ, ମାପୁ ନିଂ ଇନାକା ସବୁ ବଲ୍ ହିଡ଼ତାନ୍ନା, ହେଦାଂ ଖେଞ୍ଚେଇଁ କାଜିଂ ଆପେଂ ଓଁଜାପ୍ ଇସ୍‌ସ୍‌ତି ମୁମ୍‌ଦ ଏକାଖାତାପ୍ ।”

୩୪ “ହେବେ ପିତର ମୁମ୍ ରିକ୍ତି ଇଚାନ୍, ହାତ୍‌ପାନେ ଇସ୍‌ବର ଜେ ମୁକ୍‌ମେଟ୍ କିଉନ୍ ।

**ପିତରୁତି ପରଚାର**

୩୫ ମତର ଓଜେ ଜାତିତ ଜେ ଇନେର ହେଖାନିଂ ପାଣ୍ଡାଜି ଦାରୁମ୍ କାମାୟ୍ କିତାର, ହେଖାନ ଜେ ହେଖାନ୍ତି ଲାଗେ ଇଟ୍ୟାନାର, ଇଦାଂ ଆନ୍ ସତ୍ କାମାୟ୍ ।

୩୬ ହେଖାନତ ଜିସୁ କ୍ରିସ୍ତୁତି ହୁକେ ସୁସ୍ତାନି ନେକ୍ରିକାରୁର୍ ପରଚାରକିଇ କିଜି ଇସ୍ତାଏଲ୍ ମାଜିର୍ ଲାଗାଂ ଇ ବଚନ୍ ପକ୍ତାନ୍; ହେ ଜିସୁ କ୍ରିସ୍ତୁ ଓଜାର ମାପୁ ।

୩୭ ଏପେଙ୍ଗ୍ ପୁନାଦେର୍ ଜେ ବାପ୍ରିସିମ୍ ଜହନ୍ତି ସମୁତାଂ ହେ ନେକ୍ରିକାରୁର୍ ଗାଲିଲିତାଂ ଆରମ୍ କିଜି ସବୁ ଜିହୁଦାତି ବଚନ୍ ପରଚାର ଆତାଡ଼ନ୍ନା,

୩୮ ନାଜରିତୟ୍ ଜିସୁତି କାତା, ଇନେସ୍ ଇସ୍‌ବର ହେଖାନିଂ ପୁଇପୁୟା ଜିରୁନ୍ ଆରି ସାକ୍ତିତ ସିଗ୍ କିତାର, ଆରେ ହେଖାନ ହାର୍ କିଉ କିଉ ଆରି ସୟତାନ୍ କିତି ବେମାର୍ ଓଜୁ ଲୁଗାଂ ଉଜ୍ କିଉ କିଉ ଓଜେ ବୁଲ୍ଲାତାନ୍, ଇନାକିଦେଂକି ଇସ୍‌ବର ହେଖାନିଂ ଆତାଜି ମାଚାନ୍ ।

୩୯ ଆରେ, ହେଖାନ ଜିହୁଦିର୍ତି ଦେସ୍ ଆରି ଜିରୁସାଲମ୍‌ତ ଇନାକା ଇନାକା କିତାନ୍, ଆସେଙ୍ଗ୍ ହେ ସବୁନି ସାକି; ହେଖାନିଂ ହେଖାର କୁସ୍‌ତ ଡସି ଅସ୍ତାର ।

୪୦ ହେଖାନିଂ ଇସ୍‌ବର ତିନି ଦିନ୍‌ତାଂ ଆରେ ନିକ୍‌ତାନ୍ନା; ଆରେ ହେଖାନ ମାନାୟାର୍ ତାକେ ଚଞ୍ଜୟାତାନ୍;

୪୧ ଓଜାର ଲକୁ ସିଦା ଆଦେଂ ହିଖାତାନ୍, ମତର ଇସ୍‌ବରୁତି ହୁଦାଂ ଆଗେ କିତି ସାକି ଜେ ଆସେଙ୍ଗ୍, ମା ସିଦା ଆଦେଂ ହିତାନ୍ । ହେଖାନ ହାକିତାକେଶ୍ଟାଂ ନିଂତି ପାଚେ ଆପେଂ ହେଖାନ୍ତି ଲାହାଙ୍ଗ୍ ତିନାଉଶା କିତାପ୍,

୪୨ ଆରେ ମାନାୟାର୍ ଲାଗେ ସୁଶାୟ୍ କିଦେଙ୍ଗ୍, ଆରେ ହାତି ଆରି ଜିଜି ମାନାୟାତ୍ ବିଚାରକାରୟା ଆଦେଂ କାଜିଂ ଇସ୍‌ବର ହେଖାନିଂ ବାଟି କିତାନ୍ନା ଇଞ୍ଜି ସାକିହିଦେଂ ହେଖାନ ମାଂ ବଲ୍ ହିତାନ୍ ।

୪୩ ଇନେରକି ହେଖାନ ତାକେ ପାତ୍ କିତାର, ହେଖାନ ଜେ ହେଖାନ୍ତି ତରୁନି ସାକ୍ତିତ ପାପ୍ କେମା ପାୟାନାନ୍, ଇଦାଂ ଓଜୁ ବେଶ୍‌ବାକ୍‌ଶାୟ୍‌କିନାକାର୍ ହେଖାନ୍ତି ବିସ୍ତେ ସାକି ହିନାର୍ ।”

**ପାତ୍ କିଓ୍ ଜିହୁଦିର୍ ପୁଇପୁୟା ଜିରୁନ୍ ଗାଟାତାର**

୪୪ ପିତର ଇ ସବୁ ହିକ୍ୟା ହିନି ଖେଡାଲିଂ ଏଚେକାଡ଼ଦ ଲଗୁ ବଚନ୍ ଖେନ୍‌ଞ୍ଜି ମାଚାର, ହେ ଓଜାର ଜପି ପୁଇପୁୟା ଜିରୁନ୍ ଜୁଡ଼ତାଡ଼ ।

୪୫ ହେବେ ପିତର ହୁଦାଂ ଖାତି ସୁନ୍ନତ୍ ପାତ୍ କିନାକାର୍ ଓଜାର୍ ପାତ୍ କିଓ୍ ଜିହୁଦିର୍ ଜପି ପା ପୁଇପୁୟା ଜିରୁନ୍ ହିନାକା ହୁଡ଼ଜି କାବା ଆତାର;

୪୬ ଇନାକିଦେଂକି ହେଖାର୍ ଜିହୁଦି ପାତ୍ କିନାକାର୍ ବାର୍‌ବିନ୍ ବେଶ୍‌ତ କାତା ଇନାକା ଆରି ଇସ୍‌ବରୁତି ଦନ୍‌ସବାଦ୍ କିଜି ମାନାକା ଖେନ୍‌ଞ୍ଜି ମାଚାର, ହେପାଦନା ପିତର ଉତର ହିତାନ୍ ।

୪୭ “ଇ ଇମ୍‌ଣି ଲକୁ ମା ଲାକେ ପୁଇପୁୟା ଜିରୁନ୍ ପାୟା ଆତାଶ୍ଟା, ଇଖାର ଇନେସ୍ ବାପ୍ରିସିମ୍ ଆଉର୍, ହେଦାଂ କାଜିଂ କି ଇନେର ଏଜୁଙ୍ଗ୍ ମୁନା କିଦେଙ୍ଗ୍ ଆତୁର୍ ?”

୪୮ ଆରେ, ହେଖାନ ହେଖାରିଂ ଜିସୁ କ୍ରିସ୍ତୁତି ତରଦ ବାପ୍ରିସିମ୍ ହିନି କାଜିଂ ବଲ୍ ହିତାନ୍ । ପାଚେ ହେଖାର୍ ଅଲପ୍ ଦିନ୍ ମାଞ୍ଜେଙ୍ଗ୍ କାଜିଂ ହେଖାନିଂ ଗଞ୍ଜାରି କିତାର ।



**ଜିରୁସାଲମ୍ ମଣ୍ଡଳିତ ପିତରୁତି କାରୁର୍ ଖେଚ୍‌ନାକା**

୧ ପାତ୍ କିଓ୍ ଜିହୁଦିର୍ ପା ଜେ ଇସ୍‌ବରୁତି ବଚନ୍ ଇଡ଼ତାରନା, ଇଦାଂ ପଦ୍ୟାତାକାର୍ ଆରି ଜିହୁଦା ରାଜିତ ମାନି ପାତ୍ କିନି ଟଣ୍ଡାର ଖେଚାର ।

୨ ଆରେ, ଏଚେକାଡ଼ଦ ପିତର ଜିରୁସାଲମ୍‌ତ ଖାତାନ୍, ହେ ଏଚେକାଡ଼ଦ ସୁନ୍ନତ୍ ଆତି ଚେଲାର୍ ହେଖାନ ହୁଦାଂ ବିଚାର କିଜି ଇଚାର,

୩ “ଏନ୍ ପାତ୍ କିଓ୍ ଜିହୁଦି ଲକାରିଂ ଇଞ୍ଜି ହର୍‌ପିସ୍ ହେଖାର୍ ହୁକେ ଚିଚାୟନା ।”

୪ ମାତର ପିତର ସବୁ କାତାତିଂ ବୁଜାୟ୍ କିଦେଙ୍ଗ୍ ଆରମ୍ କିଜି ଇଚାନ୍,

୫ “ଆନ୍ ଜାପ ଗାଡ଼ଦ ପାର୍ତାନା କିଜି ମାଚାଙ୍ଗ୍ ଆରି ଦର୍ସନ୍ ଗାଟାତାଂ, ର ପାଡ଼କାତାଙ୍ଗ୍ ଖାନାତା, ଇନେସ୍ ର ଗାଜା ହେନ୍ଦ୍ରା ଚାରି କନାତ ଆସ୍ତି ବାଦାଡ଼ତାଂ ହେଦାଂ ହୁଡ଼ତାଂ, ହେଦାଂ ନା” ଲାଗାଂ ଟେବାତାଡ଼,

୬ ଆରେ ବାଦାଡ଼ତାଂ ହେଦାଂ ନା ପାଚେକ୍ ଖାତାଡ଼; ଆନ୍ ହେଦାଂ ହୁଡ଼ଜି ଚିନ୍ତା କିଦେଙ୍ଗ୍ ଲାଗାତାଂ ଆରି ହେବେ ପୁତ୍ ନି ଚାରିଗଡ଼ିୟା ଜାଡ଼, ରାନ୍ତି ପସୁ, ରାବ୍‌କୁ ପାଶା ଆରି ପୁତିନି ପଟିଙ୍ଗ୍ ସବୁ ହୁଡ଼ତାଂ,

୭ ଆରେ, ନାଙ୍ଗ୍ ଇଞ୍ଜିମାଞ୍ଜି ର କାତା ପା ଆନ୍ ଖେଚାଙ୍ଗ୍, ଏ ପିତର, “ନିଙ୍ଗା, ପାଗ୍‌ଜି ତିନା ।”

୮ ମାତର ଆନ୍ ଇଚାଙ୍ଗ, ଆକାୟ, ମାପୁ, ରାଡ଼ା କି ସକଟ୍ ହିଲ୍ଡି ଜିନିସ୍ ନା ମୁମ୍ଦ ଇନାଖାଡ଼ା ହର୍ପି କିଖାତାଂନା ।

୯ ମାତର ରିହା ବାଦାଡ଼ତାଂ ର କାଟ୍ ଉତର୍ ହିଡ଼ତାଡ଼, “ଇସ୍ପର୍ ଇନାକା ସକଟ୍ କିତାନ୍ନା, ଏନ୍ ହେଦାଂ ବିଚାଡ଼୍ ଇଞ୍ଜି ଇନ୍ମା ।”

୧୦ ଇ ବାନି ତିନି ହର୍ ଆତାଡ଼, ପାଚେ ଓଡ଼ୁ ଆରେରଗ ବାଦାଡ଼ତ ଅୟାତାଡ଼ ।

୧୧ ଆରେ ହୁଡ଼ାଟ୍, ଦାପ୍ରେ ତିନ୍ ଜାଣ୍ ମାନାୟ, ଆପେଂ ଇମ୍ଣି ଇଞ୍ଜି ମାଚାପ୍, ହେବେନି ମୁମ୍ଦ ଖାଜି ନିଲ୍ଡାଟ୍, ହେଖାର୍ କାଈସରିୟାତାଂ ନା ତାକେ ପକ୍ୟାଜି ମାଚାଟ୍ ।

୧୨ ଆରେ, ମୁଡ଼େ ଆନ୍ମାନ୍ କିଖାଦାଂ ହେଖାର୍ ହୁଦାଂ ହାଞ୍ଜେଙ୍ଗ୍ କାଜିଂ ପୁଇପୁୟା ଜିବୁନ୍ ନାଙ୍ଗ୍ ଖେଟ୍ଚାତାଡ଼ । ଆରେ, ଇ ଚଅ ଜାଣ୍ ପାତର୍ କିନି ଟଣ୍ଡାଟ୍ ପାନା ହୁଦାଂ ତାରେନ୍ ହାଚାଟ୍, ଆରେ ଆପେଂ ହେ କର୍ଣ୍ଣଲିୟା ଇଲ୍ ହଟାପ୍ ।

୧୩ ହେଖାନ୍ ଇନେସ୍ ରଖାନ୍ ଦୁଡ଼ ତାକେ ଦର୍ସନ୍ ପାୟାଜି ମାଚାନ୍, ହେଦାଂ ମାଙ୍ଗେଙ୍ଗ୍ ଖେଟ୍ଚାତାନ୍, ହେ ଦୁଡ଼ ଇନେସ୍ ହେଖାନ୍ତି ଇଞ୍ଜି ଇଚାନ୍, ଜାପତ ଲକୁ ପକ୍ତି ପିତର୍ କୁକ୍ତି ତର୍ ସିମନ୍ତିଂ କୁକ୍ତି ତାହିଖାଡ଼ୁ;

୧୪ ଇନେର ଓଡ଼ାଟ୍ ବଚନ୍ ହୁଦାଂ ଏପେଙ୍ଗ୍ ଆରି ମି ଓଡ଼ାଟ୍ ଇଲ୍ନିକାଟ୍ ରାକ୍ୟା ଆନାଟ୍, ହେଖାନ୍ ମିଙ୍ଗେଙ୍ଗ୍ ହେ ସବୁ ଖେଟ୍ଚାତାନ୍ ।

୧୫ ପାଚେ ଆନ୍ କାତା ଇଞ୍ଜେଙ୍ଗ୍ ଆରମ୍ ଖେଡ଼ାଲିଂ ପୁଇପୁୟା ଜିବୁନ୍ ଆଗ୍ଦ ମା ଜପି ଜୁଡ଼ତି ଲାକେ ହେଖାଟ୍ ଜପି ପା ଜୁଡ଼ତାଡ଼ ।

୧୬ ☆ ହେପାଦନା ମାପୁତି ଇ ବଚନ୍ ନା ଏଡୁ ଖାତାଡ଼, ଜହନ୍ ଓଡ଼ାକାରିଂ ଉତର୍ ହିଚାନ୍, “ଜହନ୍ ହିନା ଏସ୍ଡଙ୍ଗ୍ତାଂ ବାପ୍ତିସିମ୍ ହିଚାନ୍ ହାଡ଼ପା ମତର୍ ଏପେଙ୍ଗ୍ ପୁଇପୁୟା ଜିବୁନ୍ତାଂ ବାପ୍ତିସିମ୍ ଆନାଦେଟ୍ ।”

୧୭ ଲାଗିଂ, ଆସେଙ୍ଗ୍ ମାପୁ ଜିସୁ କ୍ରିସ୍ଟି ତାକେ ପାତର୍ କିନି ଖେଡ଼ାଲିଂ ଇସ୍ପର୍ ଇନେସ୍ ଦାନ୍ ହିଜି ମାଞ୍ଜାନ୍, ହେ ଲାକେ ଏଚେକାଡ଼ଦ ହେଖାରିଂ ପା ହାରି ଦାନ୍ ହିଚାନ୍, ଆନ୍ ଇନେଟ୍ ଜେ ଇସ୍ପର୍ତିଂ ବାଦା ହିଦେଂ ଆଡ଼ତାଂମା ?

୧୮ ଇ ସବୁ କାତା ଖେଟିଲେ ହେଖାଟ୍ ଚିମ୍ବା ଆତାଟ୍ ଆରି ଇସ୍ପର୍ତିଂ ଜାଜମାଲ୍ କିଜି ଇଚାଟ୍, “ଖାଟିଙ୍ଗ୍” ଇସ୍ପର୍ ପାତର୍ କିଖି ଜିହୁଦିଟ୍ ପା ପୁଇପୁୟା ଜିବୁନ୍ ପାୟାଜି କାଜିଂ ମାନ୍ବାଦଲାୟ ଦାନ୍ କିତାନ୍ନା ।

**ଆନ୍ତିୟକିଆ ମଣ୍ଡଲି**

୧୯ ☆ ଓଡ଼ିସ୍ତ୍ରି ବିତ୍ରେ ସ୍ତ୍ରୀପାନ୍ କାଜିଂ ଗିଚାଜି ମାଟି ଦୁକ୍ କାଜିଂ ଇମ୍ଣାକାଟ୍ ଜେଡେକେଡ଼ ଆଜି ମାଚାଟ୍, ହେଖାଟ୍ ପୈନିକିଆ, କୁପ୍ ଆରି ଆନ୍ତିୟକିଆ ପାଚେକ୍ ବୁଲା ଆଜି ଆପକା ଜିହୁଦିଟିଂ ପିସ୍ତ୍ର ଆରେ ଇନେଟ୍ ତାକେ ବଚନ୍ ପରଚାଟ୍ କିଖାଦାଂ ମାଚାଟ୍ ।

୨୦ ମାତର ହେଖାଟ୍ ବିତ୍ରେ କେଡେକ୍ ସାଇପ୍ସ ଆରି କୁରିଣିୟ ଲକୁ ଆନ୍ତିୟକିଆତାଂ ଖାଜି ଗ୍ରିକ୍ ତାକେ ପା କାତା ଇଞ୍ଜି ମାପୁ ଜିସୁତି ନେକ୍ଟିକାଟୁଟ୍ ପରଚାଟ୍ କିଦେଙ୍ଗ୍ ଲାଗାତାଟ୍ ।

୨୧ ଆରେ, ହେଖାଟ୍ ଲାହାଂ ମାପୁତି କେଇ ମାଚାଟ୍, ଆରେ ବେସି ମାନାୟ ପାତର୍ କିଜି ମାପୁନିପ ମାସ୍ଦି ଖାତାଟ୍ ।

୨୨ ହେଖାଟ୍ ବିସ୍ତେତି କାଟୁଟ୍ ଜିରୁସାଲମ୍ ମଣ୍ଡଲିତ ଖେନ୍ୟାତାଡ଼, ହେବେ ହେଖାଟ୍ ଆନ୍ତିୟକିଆ ପାଚେକ୍ ବର୍ଣ୍ଣବାଙ୍ଗ୍ ପଲ୍ଲାଟ୍ ।

୨୩ ହେଖାନ୍ ଏକିସ୍ ଇସ୍ପର୍ତି ଦୟା ହୁଡ଼ଜି ଖାୟା ଆତାନ୍, ଆରେ ଇନେସ୍ ହେଖାଟ୍ ମାନ୍ନି ର ମାନ୍ତ୍ର ମାପୁତି କାଜିଂ ଜେଲ୍ୟା ଆଜି ମାନାଟ୍, ହେଦାଂ କାଜିଂ ଓଡ଼ାଟିଂ ଖାରିକିୟ କିଚାଟ୍;

୨୪ ଇନାକିଦେଂକି ବର୍ଣ୍ଣବା ରଖାନ୍ ହାଟ୍ଦି ମୁଣିକା, ଆରେ ପୁଇପୁୟା ଜିବୁନ୍ ଆରି ପାତର୍ ତ ବାତର୍ ମାଚାନ୍ । ଇ ବାନି ବେସି ବେସି ମାନାୟ ମାପୁ ତାକେ ମେହା ଆତାଟ୍ ।

୨୫ ପାଚେ ହେଖାନ୍ ସାଉଲ୍ଡିଂ ତେକ୍ନି କାଜିଂ ତାର୍ସତ ହସି ହାଚାନ୍,

୨୬ ଆରେ, ହେଖାନ୍ ହେଖାନ୍ ଗାଟାଜି ଆନ୍ତିୟକିଆତ ତାହିଖାତାନ୍ । ହେଖାଟ୍ ବାତର୍ ର ବାହୁଁ ପାଚେକ୍ ମଣ୍ଡଲି ହୁଦାଂ ମାନ୍ତ୍ର ବେସି ଲୁଗାଙ୍ଗ୍ ହିକ୍ୟା ହିଚାନ୍, ଆରେ ଆନ୍ତିୟକିଆତ ଚେଲାଟ୍ ପର୍ଡୁମ୍ କ୍ରିସ୍ଟିୟାନ୍ ଇଞ୍ଜି ଇନ୍ୟା ଆତାଟ୍ ।

୨୭ ହେ ଖେଡ଼ାଲିଂ କେଡେକ୍ ଜାଣ୍ ବେଣବାକ୍ଷାୟକିନାକାଟ୍ ଜିରୁସାଲମ୍ତାଂ ଆନ୍ତିୟକିଆତ ଖାତାଟ୍ ।

୨୮ ☆ ହେଖାଟ୍ ବିତ୍ରେ ଆଗାବ ତର୍ନି ରଖାନ୍ ମୁଣିକା ନିଂଜି ସବୁ ପୁତର୍ ତ ବେସି କାତାଟ୍ ଆର୍ଣ୍ଣାଡ଼ ଇଞ୍ଜି ଜିବୁନ୍ ହୁଦାଂ ଖେଟ୍ଚାଟ୍; ହେଦାଂ କ୍ଲାଉଦିଅତି ସମ୍ମୁ ମାନି ଖେଡ଼ାଲିଂ ଗିଚାତାଡ଼ ।

୨୯ ହେବେ ଚେଲାଟ୍ ସବୁ ଜାଣ୍ ଜାଟ୍ ସାକ୍ତି ହୁଦାଂ ଜିହୁଦା ରାଜି ନିକାଟ୍ ପାତର୍ କିନି ଟଣ୍ଡାଟ୍ କାଜିଂ ହେବା ପଲ୍ଲେଙ୍ଗ୍ ତିଟ୍ କିଚାଟ୍,

୩୦ ଆରେ ହେଖାଟ୍ ପା ହେଦାଂ କିଜି ବର୍ଣ୍ଣବା ଆରି ସାଉଲ୍ଡି କେଇଦ ପ୍ରାଟିନାଟ୍ ଲାଗେ ପଲ୍ଲାଟ୍ ।

☆ ୧୧:୧୭ ପଦ୍ୟାତାକା ୧:୫. ☆ ୧୧:୧୯ ପଦ୍ୟାତାକା ୮:୧-୪. ☆ ୧୧:୨୮ ପଦ୍ୟାତାକା ୨୧:୧୦.



**ଆଦିକ୍ କଷ୍ଟ ପାୟାନାକା**

୧ ଆନମାନରେ ହେ ଝେଡ଼ାଲି ହେରଦ ରାଜା ମଣ୍ଡଲିନି କେତେକ ଜାଣିତ ହରବର କିନି କାଜି କେୟ କିତାନ ।

୨ ହେଖାନ ଜହନ୍ତି ଚଣ୍ଡେନ୍ ଜାକୁବ୍ କାଣ୍ଡାତା ଅସ୍ତାନ ।

୩ ଆରେ ଜିହୁଦିର ହେବେ ସତକ୍ ଆନାକା ହୁଡ଼ି ହେଖାନ ପିତରତି ପା ଗେସ୍ତାର । ହେ ଝେଡ଼ାଲି ହଇଖି ରୁଟିନି ପାରୁ ମାଗାତ ।

୪ ପାରେ ହେରଦ ତାଙ୍କ ଆସ୍ତି ଜଇଲ୍ତ ଇଡ଼ତାନ, ଆରେ, ନିସ୍ତାର ପାରୁ ପାରେ ହେଖାନ ତାଙ୍କ ମାନାୟାର ଲାଗେ ହପ୍ତି ତାହିଖାଦେ କାଜି ମାନ କିଜି ଝିଜୁ କୁଦାନି ଚାରି ଜାଣି ଲାକେ ମାଞ୍ଜି ଚାଟଗଟା ମେଲ୍ୟା କୁଦା ଲାଗେ ତାଙ୍କ କାତେ ଇଞ୍ଜି ହେଲାଇ କିତାନ ।

୫ ଲାଗି, ପିତର ଜଇଲ୍ତ ଗେହ୍ୟା ଆଜି ମାଗାନ, ମତର ତା କାଜି ମଣ୍ଡଲି ହୁଦା ରମାନ୍ତ ଇସ୍ତରତି ଲାଗେ ପାର୍ତାନା କିଜି ମାଗାର ।

**ଜଇଲ୍ ଇଲ୍ତା ପିତରତି ମୁକ୍ତାନାକା**

୬ ପାରେ ହେରଦ ଇମ୍ଣି ଦିନ ପିତରତି ହପ୍ତି ତାତେକ୍ ହାଲ୍ଜି ମାଗାନ, ହେ ଆକାଡ଼ ନାଣାଲି ରିଣ୍ଡି ହିକ୍ତିତା ଗାଟ୍ୟା ଆଜି ରି ମେଲ୍ୟାତ ବିତ୍ରେ ହୁଞ୍ଜି ମାଗାନ, ଆରେ ଜାଗ୍ଝାଡ଼ାର ଦୁଖେର ମୁମ୍ଦ ଜଇଲ୍ ରାକ୍ୟା କିଜି ମାଗାର ।

୭ ଆରେ ହୁଡ଼ାଟ, ତ୍ରିପକୁ ମାପୁତି ରଖାନ ଦୁଡ଼ ଏକାତାଡ଼, ଆରେ ବାକ୍ତା ଅଜଡ଼ ଆତାଡ଼, ଆରେ ଦୁଡ଼ ପିତର ତିକ୍ ନେଞ୍ଜେତାକିତ ଇଡ଼ି ତାଙ୍କ ନିକ୍ତି ଇଚାନ, “ବେଗି ନିଜା ।” ହେବେ ତା କେଇଦା ହିକ୍ତି କୁସ୍ତି ହାଟିକ୍ ।

୮ ଆରେ, ଦୁଡ଼ ତାଙ୍କ ଇଚାଡ଼, “ମେଙ୍ଗାଙ୍ଗ ଗାଟ୍ୟା ଆରି ପାଣ୍ଡାୟ ତୁଜା ।” ପିତର ହେ ଲାକେ କିତାନ ! ଆରେ ଦୁଡ଼ ତାଙ୍କ ଇଚାନ, “ଗାଗାଡ଼ତ ହେୟା ତୁହିଜି ନା ପାରେ ପାରେ ଖା ।”

୯ ପିତର ହସି ହେଖାନ୍ତି ପାରେ ପାରେ ହାଚାନ, ମାତର ଦୁଡ଼ତା ଇନାକା କିୟାତାଡ଼, ହେଦା ଜେ ହାଡ଼ପା, ହେଖାନ ହେଦା ବୁଜାଖାଦା କେଟକଣ୍ଡ ହୁଡ଼ନାନା ଇଞ୍ଜି ବାବି କିଜି ମାଗାନ ।

୧୦ ଏଚେକାଡ଼ଦ ହେଖାର ପର୍ତୁମ୍ ଆରି ରିଣ୍ଡି ଜାଗ୍ଝାଡ଼ାର କୁଦା ନାସି, ଇମ୍ଣି ଲଖା ଦୁଖାର ହିଜି ଗାଡ଼ଦ ହାଞ୍ଜେକ୍ ଆନାଡ଼, ହେଦା ଲାଗେ ଖାତାର, ହେ କାଡ଼ଦ ହେ ଦୁଖେର ଜାର ମାକ୍ତିକ୍ ହେଖାର କାଜି ମେଲା ଆଜି ହାଚାଡ଼, ଆରେ ହେଖାର ହସିହାଲ୍ଜି ର ହାକ୍ତିତ ହାରିହାରା ପାତେକ୍ ହାଚାର, ଆରେ ଦାପ୍ତେ ହେ ଦୁଡ଼ ତା ତାକେଣ୍ଡା ମାୟା ଆଜି ହାଚାଡ଼ ।

୧୧ ହେଖାଡ଼ା ପିତର ଚେଡ଼ନା ଆଜି ଇଚାନ, ମାପୁ ଜେ ଜାର ଦୁଡ଼ତି ପକ୍ତି ହେରଦ କେଇଦା ଆରି ଜିହୁଦିର ଲକୁତା ଝିଜୁ ଆହାତା ନା ଉଦାର କିଡ଼ତାନନା, “ଇଦା ଆନ ନକ୍ ହାଡ଼ପା ପୁଚାଙ୍ଗ ।”

୧୨ ହେଖାନ ଇ କାତା ଜାଗ୍ଝା ଆଜି ମାର୍କ କୁକ୍ନି ଜହନ୍ତି ତେହି ମରିୟମ୍ ଇଞ୍ଜି ଖାତାନ; ହେ ବାହାତ ବେସି ରୁଣ୍ଡା ଆଜି ପାର୍ତାନା କିଜି ମାଗାର ।

୧୩ ପିତର ବାଟ ଦୁଖେରତ ଇଡ଼ିଲେ, ରଦା ତରୁନି ରଞ୍ଜେଲ୍ ଆଡ଼ିଏଣି ଇନେର ଇଞ୍ଜି ଝେନ୍ବେଦେ ହାଚାଡ଼ ।

୧୪ ହେଖାନ ପିତରତି କାଟ୍ ବେସି ଖାରି କାଜି ଦୁଖେର ଜେଖାଦା ବିତ୍ରେ ହସ୍ତି ହାଲ୍ଜି, ଦୁଖେର ଲାସେକ୍ ପିତର ନିଲ୍ତାନ୍ନା ଇଞ୍ଜି ଇଚାଡ଼ ।

୧୫ ହେଖେକ୍ ହେଦେଲି ଇଟିକ୍, “ଏନ୍ ବାଇରି । ମାତର ହେଖେକ୍ ହେଦା ସଡ଼ ଇଞ୍ଜି ଆଟ୍ଝା ଲାକେ ଇଞ୍ଜେକ୍ ଲାଗିଟିକ୍ । ହେଖେକ୍ ଇଟିକ୍ ଇଖାନ ହେଖାନ୍ତି ଦୁଡ଼ ।”

୧୬ ମାତର ପିତର ଦୁଖାରତ ତାୟନାଡ଼ ଇଡ଼ି ମାଗାନ, ଆରେ ହେଖେକ୍ ଜେସି ହେଖାନି ହୁଡ଼ି କାବା ଆଡିକ୍ ।

୧୭ ମାତର ହେଖାନ ହେଖାରି ଚିମ୍ପରା ଆଜି ମାଞ୍ଜେକ୍ କାଜି କେଇ ଜିଞ୍ଜି, ମାପୁ ଇନେସ୍ ତାଙ୍କ ଜଇଲ୍ ତା ହପ୍ତି ତାହିଖାତାନ୍ନା, ହେଦା ହେଖେକ୍ ଲାଗେ ହାୟାୟ କିତାନ । ଆରେ ହେଖାନ ଇଚାନ, “ଇ ଝିଜୁ କାତା ଜାକୁବ୍ ଆରି ପାଟ କିନି ଟଣ୍ଡାରରି ଝେଚାଟ୍ । ଆରେ, ହେଖାନ ହାଲ୍ଜି ବିନ୍ ବାହାତ ତାଜି ହାଚାନ ।”

୧୮ ନାଡ଼ିସ୍ ଆଡି ପାରେ ପିତର ଇମେ ହାଚାନ ଇଞ୍ଜି ମେଲ୍ୟାର ବିତ୍ରେ ବେସି ଝିଣ୍ଡାତାଡ଼ ।

୧୯ ଆରେ ହେରଦ ହେଖାନି ତେକ୍ତି ଗାଟାଝିଲେ ଜାଗ୍ଝାଡ଼ାରି ପରସନ୍ କିତି ପାରେ ହେଖାରି ଅସ୍ତେକ୍ କାଜି ବଲ୍ ହିତାନ ।

ପାରେ ହେଖାନ ଜିହୁଦା ରାଜିତା କାଇସରିୟାତ ହାଲ୍ଜି ହେବେ ମାନଗାତାନ ।

**ହେରଦ୍ତି ହାକି**

୨୦ ହେ ଏଚେକାଡ଼ଦ ହେରଦ ରାଜା ସର ଆରି ସିଦନ୍ ଲକୁ ଜପି ବୟକାର ରିସା ଆଜି ମାଗାନ, ଲାଗି ହେଖାର ବିତ୍ରେତା ର ଦଲ୍ ହେଖାନି ଚଞ୍ଜୟା ଆଦେ ହାଚାର । ପର୍ତୁମ୍ ହେଖାର ହୁଞ୍ଜି ଇଲ୍ତ ଦାୟିତ୍ତ ମାନି ଲାସ୍ତିତ ବୁଜାୟ କିଜି ତା

ଉପକାର ପାୟାତାର । ତା ପାଚେ ହେୱାର ହେରଦତି ଲାଗାଁ ହାଲୁଜି ସୁସ୍ତା ବିକ୍ୟା କିତାର, ଇନେକିଦେଂକି ହେରଦତି ରାଜିତାଁ ହେୱାରତି ଦେସତାଁ ଗାଦି ଗାଦି ଆଡ଼ମାଡ଼ ହାଲୁଜି ମାଚାଡ଼ ।

୨୧ ଲାଗିଂ ର ତିର କିତି ନାଜିଂ ହେରଦ ରାଜା ହେନ୍ଦା ଉସ୍ତୁସ୍ ଗାଦିତ କୁଚ୍ଚି ହେୱାରତି ଲାଗେ ସୁଣାୟ କିତାନ୍,

୨୨ ହେବେ ମାନାୟାର ଆଲା ଆଜି ଇଞ୍ଜେଙ୍ଗ ଲାଗାତାର, “ଇଦାଁ ତ ଇସ୍ପରତି କାଟ୍, ମାନାୟତି କାଟ୍ ଆକାୟ ।”

୨୩ ହେ ଦାପ୍ତେ ମାପୁତି ରଞ୍ଜେଲ ଦୁଡ଼ ହେରଦତିଂ ମାଡ଼ଜି କିତାଡ଼, ଇନାକିଦେଂକି ହେୱାନ୍ ଇସ୍ପରତିଂ ଜାଜମାଲ୍ ହିଞ୍ଜାତାନ୍, ଆରେ ହେୱାନ୍ ସ୍ତୁ ହୁଦାଁ ତିନ୍ୟା ଆଜି ପାରାଣ୍ ପିସ୍ତାନ୍ ।

୨୪ ମାତର ଇସ୍ପରତି ବଚନ୍ ଆଦିକ୍ ମେଙ୍ଗଦେଂ ଲାଗାତାଡ଼ ।

୨୫ ପାଚେ ବର୍ଣ୍ଣବା ଆରି ସାଉଲ୍ ଜାରତି ଲକାରିଂ ହେବାକାମାୟ୍ ଝିସ୍ତି ଜହନ୍ତିଂ କୁକ୍ନି ତର ମାର୍କ ହାଙ୍ଗ୍ ଅଜି ଜିରୁସାଲମତ୍ ଲେଉଟା ଆଜି ହାଚାର ।

### ୧୩

#### ବର୍ଣ୍ଣବା ଆରି ସାଉଲ୍ ପଦ୍ୟାତି ଚେଲା ଲାକେ ବାଟିକିୟା ଆତାନ୍

୧ ହେପାଦନା ଆନ୍ତ୍ରିୟକିଆନି ମଣ୍ଡଲିତ ବର୍ଣ୍ଣବା, ସିମିୟନ୍, ଇନେରିଂ ନିଗର ଇଞ୍ଜି ଇନାର, କୁରିଣିୟ ଲୁକିୟ, ସାମବ୍ରାଜା ହେରଦତି ରଚେ ପହାକିତି ମନହେମ ଆରି ସାଉଲ୍, ହେୱାର ବେଶ୍‌ବାକ୍‌ଶାୟକିନାକାର ଆରି ଗୁରୁର ମାଚାର ।

୨ ହେୱାର ମାପୁତି ହେବା ଆରି ଉପାସ୍ କିନି ଝେଡାଲିଂ ପୁଇପୁୟା ଜିରୁନ୍ ଇଚାଡ଼, “ଇମ୍‌ଣି କାମାୟ୍ କାଜିଂ ଆପ୍ ବର୍ଣ୍ଣବା ଆରି ସାଉଲ୍‌ତିଂ ବାଟି କିତାପ୍‌ନା, ହେଦାଁ କାଜିଂ ହେୱାରିଂ ବିନେ କିୟାଟ୍ ।”

୩ ହେବେ ହେୱାର ଉପାସ୍ ଆରି ପାର୍ତାନା କିତି ପାଚେ ହେୱାର ଜପି କେଇ ହିଜି ହେୱାରିଂ ହେଲ ହିତାର ।

#### ସାଇପ୍ରସତ ହେବାକାମାୟ୍

୪ ଇ ବାନି ବର୍ଣ୍ଣବା ଆରି ସାଉଲ୍ ପୁଇପୁୟା ଜିରୁନ୍ ହୁଦାଁ ପଦ୍ୟା ଆଜି ସେଲୁକିଆତ ହାଚାର; ହେବେତାଁ ହେୱାର ହାମଦୁର ଜାଜତ ଦୁମ୍‌ଜି କୁପ୍ରତ ହାଚାର ।

୫ କାମ୍‌ଲିୟାର ସାଲାମି ବସ୍ତିତ ଏକିତି ପାଚେ ଜିହୁଦିରତି ଝିଜୁ ପାର୍ତାନା ଇଲ୍‌ତ ଇସ୍ପରତି ବଚନ୍ ପୁଚାର କିଦେଙ୍ଗ୍ ଲାଗାତାର; ଆରେ, ଜହନ୍ ମାର୍କ ପା ହେବାକାରୟା ଲାକେ ହେୱାର ହୁକେ ମାଚାନ୍ ।

୬ ଆରେ, ହେୱାର ଝିଜୁ ଏସ୍‌କୁପଲି ବୁଲା ଆଜି ପାପତ ଝାଜି ରଞ୍ଜାନ୍ ରୁଚ୍‌କି ଚାକ୍ରାୟ ବେଶ୍‌ବାକ୍‌ଶାୟକିନାନ୍‌ନିଂ ହୁଡ଼ତାର; ହେୱାନ୍ ରଞ୍ଜାନ୍ ଜିହୁଦି, ଆରେ ତା ତର ବର୍ଣ୍ଣସୁ ।

୭ ହେୱାନ୍ ସାସନ୍ କାରୟା ସେର୍‌ୟ ପାଉଲ୍ ସାଙ୍ଗ୍ ମାଚାନ୍, ହେ ସାସନ୍‌କାରୟା ରଞ୍ଜାନ୍ ବୁଦିକାରୟା ମୁଣିକା । ହେୱାନ୍ ଇସ୍ପରତି ବଚନ୍ ଝେଞ୍ଜେଙ୍ଗ୍ ମାନ୍ କିଜି ବର୍ଣ୍ଣବା ଆରି ସାଉଲ୍‌ତିଂ ଲାଗାଁ କୁକ୍‌ତାନ୍ ।

୮ ମାତର ହେ ରୁଚ୍‌କି ଅଲିମା ଇଦାଁ ତା ଗ୍ରିକ୍ ତର । ହେୱାରିଂ ବାଦା ହିତାଡ଼ ଇନାକିଦେଂକି ହେୱାନ୍ ସାସନ୍‌କାରୟାଙ୍ଗ୍ କ୍ରିସ୍ଟ ପାତର୍ କିନାକାର କାଜିଂ ଅଲଗା କିଜି ଇଡ଼ଦେଂ ଚେସ୍ଟୁ କିଜି ମାଚାର ।

୯ ମତର ସାଉଲ୍, ଇନେରିଂ ପାଉଲ୍ ପା ଇନାର, ପୁଇପୁୟା ଜିରୁନ୍‌ତ ବାତର୍ ଆଜି ତାଙ୍ଗ୍ ମିଚ୍‌କିଞ୍ଜାଦାଁ ହୁଡ଼ଜି ଇଚାନ୍,

୧୦ ଏ “ସୟ୍‌ତାନ୍ ମାଜି, ଝିଜୁ ବାନି ଚକ୍‌ଞ୍ଜା ଆରି କାପଚିତ ମାନ୍‌ତ ବାତର୍, ଆରେ ଝିଜୁ ବାନି ଦାମ୍‌ତିଂ ନି ସାତୁରିଂ, ଏପେଙ୍ଗ୍ ମାପୁତି ସିଦା ହାଜିତିଂ ବାଟା କିଦେଙ୍ଗ୍ କାମାୟ୍ କିନାୟା ?

୧୧ ଆରେ ନଙ୍ଗ୍ ହୁଡ଼ାଟ୍, ମାପୁତି କେଇ ମି ଜପି ମାନାଡ଼, ଏପେଙ୍ଗ୍ କାଣା ଆଜି ଏଚେକ୍ ଗାଡ଼ି ପାତେକ୍ ଝେଡା ହୁଡ଼ଦୁଦର ।”

୧୨ ହେ ଦାପ୍ତେ ଗୁକ୍‌ଟା ଆରି ମାଜ୍‌ଗା ତାଙ୍ଗ୍ ଡାବାୟ୍ କିତାଡ଼, ଲାଗିଂ ତାଙ୍ଗ୍ କେଇ ଆସ୍ତି ହାଜି ଚଚେଂ କାଜିଂ ହେୱାନ୍ ଇନ୍‌ତିଂ ହାନ୍‌ତିଂ ବାଇବିକଲ୍ ଆଜି ମାନାୟତିଂ ତେକ୍‌ତେଂ ଲାଗାତାନ୍ ।

୧୩ ହେ ସାସନ୍‌କାରୟା ଇ ଗର୍‌ଶା ହୁଡ଼ଜି ପାତର୍ କିତାନ୍ ଇନାକିଦେଂକି ମାପୁତି ସିକ୍ୟା ଝେନ୍‌ଞ୍ଜି କାବା ଆଜି ପାତର୍ କିତାନ୍ ।

#### ଆନ୍ତ୍ରିୟକିଆତ ପିସିଦିଆନି ହେବାକାମାୟ୍

୧୩ ପାଚେ ପାଉଲ୍ ଆରି ତା ହାଙ୍ଗ୍‌ଦାକାର ପାପ୍ ତରୁନି ବାହା ଏଲୁକାଁ ହାଲୁଜି ପଂପୁଲିଆନି ପଗର୍‌ତ ଝାତାନ୍; ଜହନ୍ ତରୁନି ମାର୍କ ହେୱାରିଂ ଇବେତାଁ ପିସ୍ତି ଜିରୁସାଲମତ୍ ମାସ୍‌ଦି ହାଚାନ୍ ।

୧୪ ହେୱାର ପଗର୍‌ତାଁ ହସି ଝାଜି ପିସିଦିଆନି ଆନ୍ତ୍ରିୟକିଆତ ଇକାତାର, ଆରେ ଜମ୍‌ନିବାରତ କୁଚୁମ୍ ଇଞ୍ଜି ହାଲୁଜି କୁଚ୍‌ଚାର ।

୧୫ ଆରେ, ବିଦି ଆରି ବେଶ୍‌ବାକ୍‌ଶାୟକିନାକାର ସାସ୍‌ର ପଡ଼ିକିତି ପାଚେ ପାର୍ତାନା ଇଲ୍‌ନି ମୁଣିକାର ହେୱାରତି ତାକେ ସାସ୍ ହିଜି ଇଦାଁ ଝେଚ୍‌ଚି ପକ୍‌ତାନ୍, “ଚଣ୍ଡାର, ଦୁକ୍‌ସାରାୟ୍ କିନାକା ଲକାର କାଜିଂ ଜପି ଏପେଙ୍ଗ୍ ଇମ୍‌ଣି ବୁଜାନି କାତା ମାନାଡ଼, ଲାଗିଂ ଝେଚ୍‌ଚାର ।”

୧୬ ହେବେ ପାଉଲ୍ ନିଲ୍ଡି କେଇଦାଂ ଖାଚ୍‌କା ଚର୍ଚ୍ଚି ଇଞ୍ଜେଙ୍ଗ୍ ଲାଗାତାନ୍,  
 “ଏ ଇସ୍ରାଏଲିୟ୍ ଲକୁ ଆରି ଇସ୍ପରତିଂ ପାଣ୍ଡା ଆନାକାର୍, ପାତ୍ କିଞ୍ଚି ଜିହୁଦି ନା କାତା ଖେନାଟ୍ ।  
 ୧୭ ଇ ଇସ୍ରାଏଲ୍ ଜାତିନି ଇସ୍ପର ମା ଆବାଲାତ୍ତାରିଂ ବାଟି କିତାନ୍, ଆରେ ହେଝାର୍ ମିସ୍ପର୍ ଦେସ୍ତ ବାହା କିଜିମାନି  
 ଖେଡାଲିଂ ହେଝାରିଂ ନିକ୍ତାନ୍, ଆରେ ସାଲ୍ଲିନି ବାପାଙ୍ଗ୍ ହୁଦାଂ ମିସ୍ପର୍ତାଂ ହେଝାରିଂ କାତାୟ୍ କିଜି ତାହିଝାତାନ୍ ।  
 ୧୮ ପାରେ ରିକଡ଼ି ବାହୁଁ ପାତେକ୍ ବାଟାତ ହେଝାନ୍ ହେଝାରିଂ ଚିନ୍ତା ହୁଞ୍ଚାନ୍,  
 ୧୯ ଆରେ କିଣାନ୍ ଦେସ୍ତ ସାତ୍‌ଗଟା ଜାତିତିଂ ବୁତାୟ୍ କିଜି ତା ବାଟିକିତି ମାନାୟାରିଂ ହେ ଦେସ୍ ହିତାନ୍ ।”  
 ୨୦ ଇଦାଂ ପାରେ ବେଶ୍‌ବାକ୍‌ଶାୟ୍‌କିନାକାର୍ ସାମୁୟେଲ୍ ପାତେକ୍ ବିଚାରକାରୟାରିଂ ବାଟି କିତାନ୍ ।  
 “ଇଦାଂ ପାରେ ବେଶ୍‌ବାକ୍‌ଶାୟ୍‌କିନାକାନ୍ ସାମୁଏଲ୍‌ତି ପାତେକ୍ ବିଚାରକାରୟାରିଂ ବାଟି କିତାନ୍ ।  
 ୨୧ ତା ପାରେ ହେଝାର୍ ର ରାଜା ଗାଟାଦେଂ କାଜିଂ ପାର୍ତ୍ତାନା କିତାନ୍, ଆରେ ଇସ୍ପର ରିକଡ଼ି ବାହୁଁ ପାତେକ୍ ବିନ୍ୟାମିନ୍  
 କୁତୁମ୍‌ନି କିସ୍ତି ମେହି ସାଉଲ୍‌ତିଂ ହେଝାନ୍ ହିତାନ୍ ।  
 ୨୨ ପାରେ ଇସ୍ପର ହେଝାନିଂ ଗାଦିତାଂ ଜୁଡ଼ତି ହେଝାର୍‌ତି ରାଜା ଆଦେଂ କାଜିଂ ଦାଉଦ୍‌ତିଂ ନିକ୍ତାନ୍; ହେଝାନ୍ ପା ତା  
 ବିସ୍ତେ ସାକି ହିଜି ଇଚାନ୍, ଆନ୍ ଜିସ୍‌ୟତି ମେହି ଦାଉଦ୍‌ଂ ଗାଟାତାପ୍‌ନା, ହେଝାନ୍ ମା ମାନ୍ତ କାତା ଇନାନ୍, ହେଝାନ୍ ଓଁଜୁ  
 ବିସ୍ତେ ହାଂଜି ନା ଇଚା ମାନି କିନାନ୍ ।”  
 ୨୩ ତା ଲାତ୍ରାତାଂ ଇସ୍ପର ପାର୍ମାଣ୍ ହୁଦାଂ ଇସ୍ରାଏଲ୍ କାଜିଂ ରଝାନ୍ ମୁକ୍ତିକିନାକାନ୍ ଇଚିସ୍ ଜିସ୍ତୁତିଂ ଉଦ୍‌ଜାଣ୍ କିତାନ୍‌ନା ।  
 ୨୪ ☆ ଜିସ୍ତୁ ତା କାମାୟ୍ ଆରମ୍ କିନି ଆଗେ ଜହନ୍ ସବୁ ଇସ୍ରାଏଲ୍ ଲକୁତାକେ ଆକ୍‌ତୁ ମାନ୍‌ବାଦ୍‌ଲାୟ୍‌ନି ବାପ୍ତିସିମ୍ ସୁଣାୟ୍  
 କିଜି ମାତାନ୍;  
 ୨୫ ☆ଆରେ, ଜହନ୍ ଜାର୍ କିତି କାମାୟ୍ କିଉ କିଉ ଇଚାନ୍, “ଆନ୍ ଇନେନ୍ ଇଞ୍ଜି ଏପେଙ୍ଗ୍ ବାବି କିନାଦେରା, ଆନ୍  
 ହେଝାଙ୍ଗ୍ ଆକାୟ୍ । ମତର୍ ହୁଡାଟ୍, ନା ପାନାନି ପାଣ୍ଡାଈଙ୍ଗ୍ ତରି ରିକ୍‌ତେଂ ଆନ୍ ସମାନ୍ ଆକାୟ୍ ।”  
 ୨୬ “ଏ ଟଣ୍ଡାର୍, ଅବ୍ରାହାମ୍‌ତି ଲାତ୍ରାନି ହିମ୍‌ଶାଝାକ୍‌ଡା ଆରି ମି ବିତ୍ରେତାଂ ଇସ୍ପରତିଂ ପାଣ୍ଡା ଆନାକାର୍ ମା ଲାଗେ ଇ ମୁକ୍ତିନି  
 ବଚନ୍ ପକ୍ୟା ଆତାଡ଼୍‌ନା ।  
 ୨୭ ଇନାକିଦେଂକି ହେଝାନ୍ ଜେ ମୁକ୍‌ଡାତି ମୁଣିକା ଇଲ୍ ପୁନ୍‌ଝାଦାଂ ମାଟାର୍ ଜିରୁସାଲମ୍‌ତ ବାହା କିନାକାର୍ ଆରେ  
 ହେଝାର୍‌ତି ବିଚାର କାରୟା ହେଝାନିଂ, ଆରେ ନିତ୍ରେ ଜମ୍‌ନିବାର୍‌ତ ପାଟ୍ ପଡ଼ିକିନାକା ବେଶ୍‌ବାକ୍‌ଶାୟ୍‌କିନାକାର୍ ବଚନ୍  
 ସବୁ ପୁନ୍‌ଝିତିଲେ ହେଝାନିଂ ଦସି କିଜି ହେ ଓଁଜୁ ପୁରା କିତାନ୍,  
 ୨୮ ☆ଆରେ, ହେଝାନ୍ତି ପାରାଣ୍ ଡାଣ୍‌ନି ଇମ୍‌ଶାକା ପା ନିଂ ଗାଟାଓଁତିଲେ ହେଝାନିଂ ଅସ୍ତେଙ୍ଗ୍ କାଜିଂ ପିଲାତଙ୍ଗ୍ ଗଝାରି  
 କିତାନ୍ ।  
 ୨୯ ☆ଆରେ, ହେଝାନ୍ତି ବିସ୍ତେ ଦର୍ମ ସାସ୍ପର୍‌ତ ଇନାକା ସବୁ ଲେକା ଆତାଡ଼୍‌ନା, ହେ ଓଁଜୁ ହେଝାର୍ ପୁରା କିତି ପାରେ  
 ହେଝାନିଂ କୁସ୍‌ତାଂ ଜୁଡ଼ତି ତାହି ଦୁଗେର୍‌ତ ମୁର୍‌ଚାର୍ ।  
 ୩୦ ମାତର୍ ଇସ୍ପର ହେଝାନିଂ ହାତାକାର୍‌ତାଂ ନିକ୍‌ତାନ୍ନା,  
 ୩୧ ☆ଆରେ, ଇମ୍‌ଶାକାର୍ ହେଝାନ୍ତି ହୁଦାଂ ଗାଲିଲିତାଂ ଜିରୁସାଲମ୍‌ତ ଝାଜି ମାଟାର୍, ହେଝାର୍ ବେସି ଦିନ୍ ପାତେକ୍  
 ହେଝାନିଂ କେଟ୍‌କଣ୍ ପାୟାତାର୍; ହେଝାର୍ ନଙ୍ଗ୍ ଇସ୍ରାଏଲ୍ ମାନାୟାର୍ ଲାଗାଂ ହେଝାନ୍ତି ସାକି ଆନାପ୍ ।  
 ୩୨ ଆରେ, ଆବାଲାତ୍ରାତି ଲାଗେ କିତି ପାର୍ମାଣ୍ ବିସ୍ତେ ଆପେଂ ମିଙ୍ଗେଙ୍ଗ୍ ଇ ନେକ୍ରିକାବୁର୍ ଖେଟ୍‌ଚାନାପା,  
 ୩୩ ଇସ୍ପର ଜିସ୍ତୁଙ୍ଗ୍ ନିକ୍‌ଚି ହେଝାର୍‌ତି ହିମ୍‌ଶାଂ ଜେ ଆସେଙ୍ଗ୍, ମା କାଜିଂ ହେ ପାର୍ମାଣ୍ ପୁରା କିତାନ୍‌ନା, ଇନେସ୍ ଗିତ  
 ସଂଗିତା ଦୁଇ ବାଗ୍‌ତ ନାୟ୍‌ତ ପା ଲେକାମାନାଡ଼୍,  
 ଏନ୍ ନା ମାଜି,  
 ନେଞ୍ଜେଙ୍ଗ୍ ଆନ୍ ନିଂ ଆବା ଆତାଂନା ।”  
 ୩୪ ଆରେ ଦୁଗେର୍‌ତ ବୁଡାଦେଂ ପିସ୍‌ସି ହିଝାଦାଂ ହେଝେନିଂ ହାକିତାଂ ନିକ୍‌ତେଂ ଇସ୍ପର ଇ କାତା ଇଚାନ୍;  
 ଦାଉଦ୍ ହିଜି ମାନି ପାତ୍ ଇସାବ୍ତେ  
 ଆନ୍ ମିଙ୍ଗେଙ୍ଗ୍ ପୁଇପୁୟା ଆରି ହାଡ଼ପା ଦୟା ଦାନ୍ କିଦ୍‌ନାଙ୍ଗ୍ ।  
 ୩୫ ଆରେ, ହେଝାନ୍ ପା ଆରେ ରଞ୍ଜାଙ୍ଗ୍ ନାୟ୍‌ତ ଇଚାନ୍ନା,  
 “ଏନ୍ ଜାର୍ ପୁଇପୁୟା ହେବାକାର୍‌ରିଂ ନସ୍ ଆଦେଂ ହିଉୟ୍ ।”  
 ୩୬ ଦାଉଦ୍ ତ ଜାର୍ ହାରି ଖେଡାନି ମାନାୟାର୍ ବିତ୍ରେ ଇସ୍ପରତି କିତି ଆଗେ ହୁଦାଂ ହେବାକିନାକା କାମାୟ୍ କିତିପାରେ  
 କାଣ୍‌କୁଜୁଞ୍ଚାନ୍ ଆରି ଜାର୍ ଆବା ଲାତ୍ରାର୍ ଲାଗେ କବର୍ ପାୟା ଆଜି ଜିରା ଆତାନ୍;  
 ୩୭ ମାତର୍ ଇନେରିଂ ଇସ୍ପର ନିକ୍‌ତାନ୍ନା, ହେଝାନ୍ ନସ୍ ଆଝାତାନ୍ନା ।

☆ ୧୩:୨୪ ମାର୍କ ୧:୪; ଲୁକ ୩:୩. ☆ ୧୩:୨୫ ଜହନ୍ ୧:୨୦; ମାତିଉ ୩:୧୧; ମାର୍କ ୧:୭; ଲୁକ ୩:୧୭; ଜହନ୍ ୧:୨୭. ☆ ୧୩:୨୮ ମାତିଉ ୨୭:୨୨,୨୩; ମାର୍କ ୧୫:୧୩,୧୪; ଲୁକ ୨୩:୨୧-୨୩; ଜହନ୍ ୧୯:୧୫. ☆ ୧୩:୨୯ ମାତିଉ ୨୭:୫୭-୬୧; ମାର୍କ ୧୫:୪୨-୪୭; ଲୁକ ୨୩:୫୦-୫୬; ଜହନ୍ ୧୯:୩୮-୪୨. ☆ ୧୩:୩୧ ପଦ୍ୟାତାକା ୧:୩.

୩୮ ଲାଗିଂ, ଏ ଟଣ୍ଡାର ଏପେଙ୍ଗ ପୁନାଟ୍, ମସାତି ଲାହାଂ ମୁକ୍ତା ଆଦେଂ ଆଡ଼ଞ୍ଜାତାର୍, ମାପୁ ଜିସୁ ହୁକେ କେବଲ୍ ପାପ୍ କେମାନି ଆପେଂ ପରଚାର୍ କିୟା ଆନାତା ।

୩୯ ମସାତି ବିଦି ହୁଦାଂ ପାପ୍ କେମା ପାୟାଞ୍ଜିତି ଓଜାର୍ ହେ ଜିସୁ ହୁକେ ପାତ୍ କିନି କାଜିଂ ହେ ପାପ୍ କେମା ପାୟାନାର୍ ଇଦାଂ ଏପେଙ୍ଗ ବୁଜାନି ଲଡ଼ା ।

୪୦ ଲାଗିଂ ଜାଗ୍ରତ୍, ଏଚେକାଡ଼ଦ୍ ବେଶ୍‌ବାକ୍‌ଶାୟକିନାକାର୍ ସାସ୍ତ୍ରତ୍ ଇନାକା ଇନ୍ୟାତାଡ଼ନ୍ନା, ହେଦାଂ ଇନେସ୍ ମି କାଜିଂ ଗିଟାମେଡ଼୍,

୪୧ “ଏ ମାନକିଞ୍ଜି ଲଗୁ,

ଏପେଙ୍ଗ ହୁଡ଼ଜି, ଆରେ କାବା ଆଜି ନସ୍ ଆଡୁ;  
ଲାଗିଂ ଆନ୍ ମି ଖେଡ଼ାଲିଂ ର କାମାୟ ପୁରା କିତାଂନ୍ନା,  
ଜଦି ଇନେର୍ ହେ କାମାୟ ମି ତାକେ ହାୟାୟ କିଡିସ୍,  
ଞ୍ଜାଟିଙ୍ଗ୍ ଏପେଙ୍ଗ ମୁଡ଼କେ ହେଦେଲିଂ ପାତ୍ କିମାଟ୍ ।”

୪୨ ପାଉଲ୍ ଆରି ବର୍ଣ୍ଣବା ହସି ହାନି ଖେଡ଼ାଲିଂ, ଇନେସ୍ ଆକାଡ଼ ଜମ୍‌ନିବାର୍ତ ହେ ସବୁ ବଚନ୍ ହେଞ୍ଜାରିଂ ଇନ୍ୟାନାଡ଼ ? ଇଦାଂ କାଜିଂ ହେଞ୍ଜାର୍ ଗଞ୍ଜାରି କିଦେଙ୍ଗ ଲାଗାତାର୍ ।

୪୩ ମିଟିଂ ଇଲ୍ ଓଜୁଡ଼ି ପାଚେ ଜିହୁଦି ଆରି ଜିହୁଦି ମାଡ଼ଣିୟାର୍ ପାତ୍ କିଞ୍ଜି ଜିହୁଦିର୍ ବିତ୍ରେ ବେସି ପାଉଲ୍ ଆରି ବର୍ଣ୍ଣବାତି ପାଚେ ପାଚେ ହାଚାର୍, ହେଞ୍ଜାର୍ ପଦ୍ୟାତାକାରିଂ ହୁକେ କାତାବାଟା କିଜି ଇସ୍ତ୍ରତି ଦୟାତ ତିର୍ ଆଜି ମାଞ୍ଜେଙ୍ଗ୍ ହେଞ୍ଜାରିଂ ରାଜି କିକିତାର୍ ।

୪୪ ଆରେ, ଆକାଡ଼ ଜମ୍‌ନିବାର୍ତ ଓଜାକାର୍ ଗାଡ଼ନି ଲକୁ ମାପୁତି ବଚନ୍ ଖେଞ୍ଜେଙ୍ଗ୍ କାଜିଂ ରୁଣ୍ଡା ଆତାର୍ ।

୪୫ ମାତର୍ ଜିହୁଦିର୍ ମାନାୟାରିଂ ହୁଡ଼ଜି ରିସାତ ବାତ୍ ଆତାର୍, ଆରେ ନିୟା କିଡ କିଡ ପାଉଲ୍‌ତି କାତାତ ଆଡୁଙ୍ଗ୍ ଆଦେଂ ଲାଗାତାର୍ ।

୪୬ ହେବେଣ୍ଡାଂ ପାଉଲ୍ ଆରି ବର୍ଣ୍ଣବା ସାସ୍ତାଂ ଇଚାର୍, ଆଗେ ମି ଲାଗେ ଇସ୍ତ୍ରତି ବଚନ୍ ଇନାକା ମାଚାଡ଼୍; ଏପେଙ୍ଗ୍ ହେଦାଂ ମୁନାକିଜି ଜାର୍ ଜାର୍ତିଂ ଓଜୁଞ୍ଜି ଜିବୁନ୍‌ନି ଆଟ୍‌କାଡ଼ ଇଞ୍ଜି ବିଚାର୍ କିଜି ମାଟିଲେ, ହୁଡ଼ାଟ୍, ଆପେଂ ପାତ୍ କିଞ୍ଜି ଜିହୁଦି ତାକେ ହାନାପା,

୪୭ ଇନାକିଦେଂକି ମାପୁ ମାଂ ଇ ବାନି ବଲ୍ ହିଡ଼ତାଣ୍ଡା,  
“ଆପେଂ ପାତ୍ କିଞ୍ଜି ଜିହୁଦି ଅଜଡ଼ ଲାକେ ମିଙ୍ଗ୍ ରଚ୍‌ଚାତାପନ୍ନା,  
ଇନେସ୍ ଏପେଙ୍ଗ୍ ପୁଡ଼ି ହାନ୍ଦି ପାତେକ୍ ମୁକ୍ତିନି ଲାକେ ଆନାଦେର୍ ।”

୪୮ ପାତ୍ କିଞ୍ଜି ଜିହୁଦିର୍ ଇଦାଂ ଖେନ୍‌ଞ୍ଜି ଖାରୟା ଆତାର୍; ଆରେ, ମାପୁତି ବଚନ୍‌ନି ଜାଜ୍‌ମାଲ୍ କିଦେଙ୍ଗ୍ ଲାଗାତାର୍, ଆରେ ଏଚେକ୍ ମାନାୟା ଓଜୁଞ୍ଜି ଜିବୁନ୍‌ନି କାଜିଂ ବାଟିକିୟା ଆଜି ମାଚାଦେର୍, ହେଞ୍ଜାର୍ ପାତ୍ କିତାର୍,

୪୯ ଆରେ ଓଜୁ ନିପ ମାପୁତି ବଚନ୍ ମେଙ୍ଗ୍‌ଜି ହାତାଡ଼ ।

୫୦ ମାତର୍ ଜିହୁଦି ଦରମ୍ ପାତ୍ କିଞ୍ଜି ଜିହୁଦିର୍ ଗାଜା କଗ୍‌ଲେକାଂ ଆରି ଗାଡ଼ନି ମୁଡ଼ଦି ମୁଡ଼ଦି ମୁଣିକାରିଂ ଜିହୁଦିର୍ ଚେଗାୟ କିତାର୍, ଆରେ ପାଉଲ୍ ଆରି ବର୍ଣ୍ଣବାତି ଜପି ନିୟା ଗିଟାୟ କିଜି ଜାର୍ ହାନ୍ଦିତାଂ ହେଞ୍ଜାରିଂ ହପ୍‌ଟି ତୁହିତାର୍ ।

୫୧ \*ହେବେଣ୍ଡାଂ ପଦ୍ୟାତାକାର୍ ଜାର୍ ଜାର୍ ପାନାନି ଦୁଡ଼ି ହେଞ୍ଜାର୍ ବିରୁଦ୍‌ତ ଡାଡ଼ତି ଇକନିୟତ ହାଚାର୍,

୫୨ ଆରେ ଆଡ଼ିକିୟ ଚେଲାର୍ ଖାରିତ ଆରି ପୁଇପୁୟା ଜିବୁନ୍‌ତ ବାତ୍ ଆଦେଂ ଲାଗାତାର୍ ।

# ୧୪

## ଇକନିୟତ ହେବାକାମାୟ

୧ ଇକନିୟତ ପା ହେ ଲାକେ ଗିଟାତାଡ଼୍; ପାଉଲ୍ ଆରି ବର୍ଣ୍ଣବା ଜିହୁଦିର୍ ପାଡ଼ାନା ଇଞ୍ଜି ହଶ୍‌ଜି ଏଲେଙ୍ଗ୍ ପରଚାର୍ କିତାର୍ ଜେ, ଜିହୁଦି ଆରି ଗ୍ରିକ୍‌ତି ବିତ୍ରେ ବେସି ଲକୁ ପାତ୍ କିତାର୍ ।

୨ ମାତର୍ ଇମ୍‌ଣି ଜିହୁଦିର୍ ପାତ୍ କିଞ୍ଜାତାର୍, ପଦ୍ୟାତାକାର୍ ପାତ୍ କିଞ୍ଜି ଜିହୁଦି ଖାୟିତିଂ ଚିଉଲାଇୟ କିଜି ଟଣ୍ଡାର୍ ବିରୁଦ୍‌ତ ବାନ୍ୟା ବାବ୍‌ନା ହପ୍‌ଟି ହିତାର୍ ।

୩ ପାଉଲ୍ ଆରି ବର୍ଣ୍ଣବା ବେସି ଦିନ୍ ପାତେକ୍ ହେ ବାହାତ ମାନ୍‌ଞ୍ଜି ମାପୁତି ଜପି ବାସ୍ କିଜି ସାସ୍ତାଂ ପରଚାର୍ କିତାର୍; ଆରେ, ହେଞ୍ଜାରିତି କେଇ ହୁଦାଂ ବାର୍‌ବିନ୍ ଚିନ୍‌କୁ ଆରି କାବାନି କାମାୟ କିଜି ଜାର୍ ଦୟାନି ବଚନ୍ ପାକ୍ୟାତ ସାକି ହିତାର୍ ।

୪ ମତର୍ ଗାଡ଼ନି ଲକୁ ରିବାଗ୍ ଆତାର୍, ହେଞ୍ଜାର୍ ବିତ୍ରେତାଂ କେଡ଼‌ଜାଣ୍ ଜିହୁଦିରିଂ ଆରି କେଡେକ୍ ପଦ୍ୟାତାକାରିଂ ବାଟି କିତାର୍ ।

\* ୧୩:୫୧ ମାଡ଼ିଉ ୧୦:୧୪; ମାର୍କ ୬:୧୧; ଲୁକ ୯:୫; ୧୦:୧୧.

୫ ଏଚେକାଡ଼୍ ପାତ କିଞ୍ଚି ଜିହୁଦିର୍ ଆରି ଜିହୁଦିର୍ ହେଞ୍ଜାରତି ମୁଣିକା ହୁଦା ହେଞ୍ଜାତ ଉଡ଼ପାଡ଼ କିଦେଙ୍ଗ ଆରି କାଲକୁ ଇଡ଼ଦେ ତିର୍ କିତାର,

୬ ହେ ଏଚେକାଡ଼୍ ପକ୍ୟାତାକାର ହେଦା ପୁଞ୍ଜି ଲୁକାୟନିଆନି ଲୁସ୍ତା ଆରି ଦବ ଗାଡ଼, ଆରେ ଚାରିବେଣ୍ଡତି ନିପ ହନ୍ତି ହାଚାର,

୭ ଆରେ ହେଞ୍ଜାର ନେକ୍ରିକାରୁର୍ ସୁଣାୟ କିଦେଙ୍ଗ ଲାଗାତାର ।

**ଲୁସ୍ତା ଆରି ଦବ ତ ପାଉଲ ଆରି ବର୍ଣ୍ଣବା**

୮ ଲୁସ୍ତାତ ରଞ୍ଜାନ ମାନାୟ ମାଚାନ, ହେଞ୍ଜାନ୍ତି ପାନା ବେମାର, ହେଞ୍ଜାନ ଆୟା ପଟତା ଚଟା, ଆରେ ହେଞ୍ଜାନ ଇନାଞ୍ଜାଡ଼ା ତାଞ୍ଜାଦା ମାଚାନ ।

୯ ହେ ମାନାୟ ପାଉଲ୍ତି ପରଚାର ଝେନ୍ଞି ମାଚାନ । ପାଉଲ୍ ତାଙ୍ଗ ମିଟ୍‌କିଞ୍ଜାଦା ହୁଡ଼୍‌ଜି ଉଦ୍ ଆନି କାଜି ତା ପାତ ମାତିଲେ ହୁଡ଼୍‌ଜି ଗାଜା କାର୍ତା ଇଚାନ ।

୧୦ ପାଉଲ୍ ଗାଜାକାର୍ତା ଇଚାନ “ପାନାତ ବଜ୍ ହିଜି ହାଣ୍ଡକୁ ଆଜି ନିଲା ।” ହେବେ ହେଞ୍ଜାନ ଚାର୍‌ବେଣ୍ଡତା ତାଦେ ଲାଗାତାନ ।

୧୧ ପାଉଲ୍ ଇନାକା କିତାନନ୍ନା, ଲକୁର୍ ହେଦା ହୁଡ଼୍‌ଜି ଲୁକାୟନିଆ ବାସାତ ଗାଜାକାର୍ତ ଇଞ୍ଜେଙ୍ଗ ଲାଗାତାନ, “ପେନ୍‌କୁ ମାନାୟ ଲାକେ ମା ବିତ୍ରେତା ଜୁଜି ଞ୍ଜାତାନା ।”

୧୨ ହେଞ୍ଜାର ବର୍ଣ୍ଣବାତି ଜିଅସ୍ ନଲେ ପେନ୍‌କୁ ଆରି ପାଉଲ୍ ମୁଡ଼ଦାକାନ୍ ମାତିଲେ ହେଞ୍ଜାନି ହେରମିସ୍ ନଲେ ବାଗ୍ ପେନ୍ ଇଞ୍ଜି ଇଚାର ।

୧୩ ଗାଡ଼୍ ମୁମ୍‌ଦ ମାନି ଜିଅସ୍ ମନ୍ଦିରତ ମାପୁହେବାକିନାକାନ୍ କେତେକ୍ ସଣ୍ ଆରି ପୁଇମାଡ଼୍ ନି ଦୁଞ୍ଜେର୍ ଲାଗେ ତାହି ଞ୍ଜାଜି ପକ୍ୟାତାକାର ହୁଦା ପୁଜା ହିଦେ ମାନ୍ କିଜି ମାଚାର ।

୧୪ ମାତର୍ ପକ୍ୟାତାକାର, ଇତିସ୍ ବର୍ଣ୍ଣବା ଆରି ପାଉଲ୍ ଇଦା ଝେନ୍ଞି ଜାର୍ ଜାର୍ତି ହେୟା କେର୍ଚି ଲକୁ ବିତ୍ରେ ବେଗି ହଞ୍ଜିହାଲ୍‌ଜି ଗାଜାକାର୍ତା ଇଞ୍ଜେଙ୍ଗ ଲାଗାତାର;

୧୫ “ଏ ଗାଜାକାଦେର୍, ଇନାକିଦେ ଇ ଝିଜୁ କିନାଦେରା ? ଆପେ ପା ମି ଲାକେ ମାନାୟକାପ୍, ମି ଲାଗା ଇ ନେକ୍ରିକାରୁର୍ ପରଚାର କିତାପ୍, ଇନେସ୍ ଏପେଙ୍ଗ ଇ ସବୁ ଆହାର୍ ଆଡ଼ମାଡ଼ତା ମାସ୍‌ଦି ଜିଜି ମାନାକା ଇସ୍‌ବୁତି କାଜି ମାସ୍‌ଦାନାର । ହେଞ୍ଜାନ ବାଦାଡ଼୍‌ତ ସବୁ, ପୁଡ଼୍, ହାମଦୁର୍ ଆରି ହେ ସବୁତ ମାନି ଝିଜୁ ଉର୍‌ଜାଣ୍ କିତାନନ୍ନା;

୧୬ ହେଞ୍ଜାନ ଆଗେତା ଆଣ୍ଟା ଦାରାମେରା ଝିଜୁ ଜାତିନି ଲଗା ଜାର୍ ଜାର୍ ହାସ୍‌ଦ ତାଦେ ପିସ୍ତ୍ର ହିଜି ମାଚାନ ।

୧୭ ଆତିସ୍‌ପା ହେଞ୍ଜାନ ଜାର୍ତି ସାକି ହିଲ୍‌ଝି କାଜି ଇଟ୍‌ଞ୍ଜାତାନା, ଇନାକିଦେ ହେଞ୍ଜାନ ହାର୍ କିଡ଼ତାନନା, ଆରେ ଆକାସ୍‌ତା ବାହା ଆରି ପାଡ଼ହିନି କାଡ଼୍ ହିଜି ଇଟ୍‌କାଡ଼୍ ଆରି ଞ୍ଜାରିତା ମିଙ୍ଗେଙ୍ଗ୍ ମାନ୍ତ୍ର ସାରି କିଡ଼ତାନନା ।”

୧୮ ଇ ସବୁ କାତା ଇଞ୍ଜି ହେଞ୍ଜାର୍ ବେସି କସ୍‌ତ ହେଞ୍ଜାର୍ କାଜି ପୁଜା କିତିଲେ ଲକୁରି ଚିମରା କିତାନ ।

୧୯ ମାତର୍ ଆନ୍ତିୟକିଆ ଆରି ଇକନିୟତା ହେବେ ଜିହୁଦିର୍ ଞ୍ଜାଜି ଲକୁରି ରୁଜାୟ କିତାର, ଆରେ ପାଉଲ୍‌ତି କାଲକୁ ଇଡ଼୍‌ଜି ହେଞ୍ଜାନ ହାତାନା ଇଞ୍ଜି ବାବି କିଜି ବାର୍ତ୍ ଜେଲ୍‌ଜି ଅତାର ।

୨୦ ମତର୍ ଚେଲାର୍ ହେଞ୍ଜାନି ଚାର୍‌ବେଣ୍ଡତା ନିଲ୍‌ତିଲେ ହେଞ୍ଜାନ ନିଞ୍ଜି ଗାଡ଼୍‌ଦ ହଚାନ । ଆର୍କାଡ଼ ନାଜି ବର୍ଣ୍ଣବାତି ହୁଦା ଦବ ହସି ହାଚାର ।

**ସିରିଆନି ଆନ୍ତିୟକିଆତ ମାସ୍‌ଦି ଞ୍ଜାନାକା**

୨୧ ପାଉଲ୍ ଆରି ବର୍ଣ୍ଣବା ହେ ଦବ ନେକ୍ରିକାରୁର୍ ସୁଣାୟ କିଜି ଆରି ହେନିରି ଚେଲା ଆତାକା ପାଚେ ଲୁସ୍ତା, ଇକନିୟ ଆରି ଆନ୍ତିୟକିଆତ ମାସ୍‌ଦି ଞ୍ଜାତାର,

୨୨ ଆରେ, ହେ ବାହାକା ଚେଲାର୍‌ତି ଞ୍ଜାସ୍ତିତ ସୁସ୍ତା କିତାର ଆରି ପାତ ତାଟ୍ ମାନି କାଜି ହେଞ୍ଜାରି ଞ୍ଜାରିକିୟ କିଜି ଇଚାର, ବେସି ଦୁକ୍ କସ୍ ପା ହିଜି ମା “ଇସ୍‌ବୁତି ରାଜିତ ହଣ୍ଡେଙ୍ଗ୍ ଆନାଡ଼ ।”

୨୩ ଆରେ, ହେଞ୍ଜାର୍ ହେଞ୍ଜାର୍ କାଜି ଜାଣ୍‌କେ ମଣ୍ଡଲିତ ପ୍ରାଚିନାରି ବାଚି କିଜି ଉପାସ୍ ହୁଦା ପାର୍ତାନା କିତାର, ଆରେ ଇମ୍‌ଣି ମାପୁ ତାକେ ହେଞ୍ଜାର୍ ପାତ କିଜି ମାଚାର, ହେଞ୍ଜାନ୍ତି କେଇଦ ହେଞ୍ଜାରି ହେଲାୟ କିତାର ।

୨୪ ପାଚେ ହେଞ୍ଜାର୍ ପିସିଦିଆ ନିପ ହିଜି ପଂପୁଲିଆତ ଞ୍ଜାତାର,

୨୫ ଆରେ ପଟ ତ ବଚନ୍ ପରଚାର କିଜି ଆତାଲିଆତ ହାଚାର ।

୨୬ ହେବେତା ଜାଜ୍‌ତ ଦୁମ୍‌ଜି ହେଞ୍ଜାର୍ ଆନ୍ତିୟକିଆତ ମାସ୍‌ଦି ଞ୍ଜାତାର, ହେଞ୍ଜାର୍ ଇମ୍‌ଣି କାମାୟ କିଜି ମାଚାର, ହେଦା କିଜି କାଜି ଇସ୍‌ବୁତି ଦୟାତ ହେଲାୟ କିୟା ଆଜି ହେ ବାହାତା ହସି ମାଚାର ।

୨୭ ହେଞ୍ଜାର୍ ଆନ୍ତିୟକିଆତ ଏକିସ୍ ମଣ୍ଡଲିନି ମାନାୟାରି ରବେ କିତାର, ଇସ୍‌ବୁ ହେଞ୍ଜାର୍ କାଜି ଇନାକା ସବୁ କିଜି ମାଚାଡ଼ ଆରି ପାତ କିଞ୍ଚି ଜିହୁଦିର୍ କାଜି ପାତ ନି ଦୁଞ୍ଜେର୍ ଇନେସ୍ ଜେସି ମାଚାର ହେ ସବୁ ହେଞ୍ଜେକା ଝେର୍ଚାର ।

୨୮ ଆରେ, ହେଞ୍ଜାର୍ ଚେଲାର୍ ହୁଦା ବେସି ଦିନ୍ ପାଚେକ୍ ମାଚାର ।



# ୧୫

## ଜିରୁସାଲମ୍ ମଣ୍ଡଳିତ ସେବା

୧ ଇଦାଂ ବିତ୍ରେ ଏଚେକ୍ ଲକ୍ଷ୍ମ ଜିହୁଦା ରାଜିତାଂ ଖାଜି ପାତର୍ କିନି ଟଣ୍ଡାର୍ରିଂ ଇ ହିକ୍ୟା ହିଦେଂ ଲାଗାତାର୍, “ମସାତି ବିଦି ଇସାପ୍ରେ ଏପେକ୍ ସୁନ୍ନତ୍ ଆଞ୍ଜିତିସ୍ ରାକ୍ୟା ପାୟାଦେଂ ଆଡୁଦେର୍ ।”

୨ ଇବେ ପାଉଲ୍ ଆରି ବର୍ଣ୍ଣବାତି ହେଝାର୍ ହୁକେ ବେସି ଜିକାଟାଣା ଆରି କାତାତ ଜିକାଜିକି ଆତିଲେ ଟଣ୍ଡାର୍ ପାଉଲ୍ ବର୍ଣ୍ଣବବା ଆରି ଜାର୍ ବିତ୍ରେ ଆରେ ଏଚେଜାଣ୍ ଇ ପର୍ସନ୍ ଅଜି ଜିରୁସାଲମ୍ତ ପଦ୍ୟାତାକାର୍ ଆରି ପ୍ରାଚିନାର୍ ଲାଗେ ହାଲେର୍ ଇଞ୍ଜି ତିର୍ କିତାର୍ ।

୩ ଲାଗିଂ, ମଣ୍ଡଲି ହେଝାରିଂ ହାଜି ଚର୍ଚ୍ଚି ହେଲ ହିତି ପାଚେ ହେଝାର୍ ପୈନିକିଆ ଆରି ସମିରଣ୍ ହିଜି ହାଲୁ ହାଲୁ ପାତର୍ କିଞ୍ଜି ଜିହୁଦିର୍ ମାନ୍ବାଦ୍ଲାୟ୍ ବିସ୍ତେ ହାନ୍ଦାୟ୍ କିଜି ଖିଜାର୍ ଟଣ୍ଡାର୍ଟି ବେସି ଖାରିହପ୍ତାର୍ ।

୪ ପାଚେ ହେଝାର୍ ଜିରୁସାଲମ୍ତ ଇକିସ୍ ମଣ୍ଡଲି, ଆରେ ପଦ୍ୟାତାକାର୍ ଆରି ପ୍ରାଚିନାର୍ ହୁଦାଂ ବାନ୍ଦାୟ୍ ପାୟାତାର୍, ଆରେ ଇସ୍ବର ହେଝାର୍ ଲାହାଙ୍ ମାନ୍ଞି ଇନେସ୍ ଖିଜୁ କାମାୟ୍ କିଜି ମାଚାନ୍, ହେ ସବୁ ହାନ୍ଦାୟ୍ କିତାର୍ ।

୫ ମାତର୍ ପାରୁସି କୁଦାନି କେତେକ୍ ଜାଣ ପାତର୍ ନିକାର୍ ନିଂଜି ଇଚାର୍, “ପାତର୍ କିଞ୍ଜି ଜିହୁଦିର୍ ଚେଲାର୍ ସୁନ୍ନତ୍ କିନାସ୍ ଆରି ମସାତି ବିଦି ମାନି କିଦେକ୍ କାଜିଂ ହେଝାରିଂ ବଲ୍ ହିନାକା ଲଡା ।”

୬ ପାଚେ ଇ ବିସ୍ତେ କାତାବାର୍ତା କିନି କାଜିଂ ପଦ୍ୟାତାକାର୍ ଆରି ପ୍ରାଚିନାର୍ ରୁଣ୍ଡା ଆତାର୍ ।

୭ \*ବେସି କାତାବାର୍ତା ଆତି ପାଚେ ପିତର୍ ନିଂଜି ହେଝାରିଂ ଇଚାନ୍, “ଏ ଟଣ୍ଡାର୍, ତଣ୍ଡେକ୍ ଏପେକ୍ ପୁଚାଦେଣ୍ଡା ଜେ, ନା ଖେଇ ହୁଦାଂ ପାତର୍ କିଞ୍ଜି ଜିହୁଦିର୍ ଇନେସ୍ ନେକ୍ଟିକାରୁର୍ ଖେନ୍ଞି ପାତର୍ କିତାର୍, ଇଦାଂ କାଜିଂ ବେସି ଦିନ୍ ଆଗେ ଇସ୍ବର ବିତ୍ରେତାଂ ନାଙ୍ ବାଚି କିଡ଼ତାନ୍ନା ।

୮ \*ଖାସ୍ତି ପୁନି ଇସ୍ବର ମାଂ ଇନେସ୍ ପୁଇପୁୟା ଜିବୁନ୍ ହିଡ଼ତାନ୍ନା, ପାତର୍ କିଞ୍ଜି ଜିହୁଦିର୍ ପା ହେ ଲାକେ ହିଜି ହେଝାର୍ ପାକ୍ୟାତ ସାକି ହିନାନା ।

୯ ଆରେ, ହେଝାନ୍ ମାଂ ଆରି ହେଝାର୍ ବିତ୍ରେ ଇନାକାପା ବିନ୍ ତାରେନ୍ ଇଚ୍ଝାଦାଂ ପାତର୍ ହୁକେ ହେଝାର୍ ମାନ୍ତ ସକର୍ କିତାନ୍ନା ।

୧୦ ଲାଗିଂ ଇମ୍ଣି ଜୁଝାଣ୍ଡତ ମାଂ ଆବା ଲାଡା ଆରି ଆସେକ୍ ପିଣ୍ଡେଂ ସାକ୍ତି ହିଲୁଡ଼, ହେ ଜୁଝାଣ୍ଡ ଚେଲାର୍ ନିପିତ ହିଜି ଇନାକିଦେଂ ଏପେକ୍ ଇସ୍ବରତିଂ ପରିକ୍ୟା କିନାଦେରା ?

୧୧ ଆକାୟ୍ ଇଦାଂ ସମାନ୍ ଆକାୟ୍ ହେଝାର୍ ଇନେସ୍ ପାତର୍ କିଜି ରାକ୍ୟା ଆତାଣ୍ଡା, ଆପେଂ ପା ସମାନ୍ ହେ ଲାକେ ପାତର୍ କିଜି ମାପୁ ଜିସୁତି ଉପକାର୍ ଦୟା ପାୟାତାପୁନା ।”

୧୨ ଇବେ ସବାନିକାର୍ ଚିମ୍ପା ଆତାର୍, ଆରେ ବର୍ଣ୍ଣବବା ଆରି ପାଉଲ୍ ହୁଦାଂ ପାତର୍ କିଞ୍ଜି ଜିହୁଦିର୍ ବିତ୍ରେ ଇସ୍ବର ଇନେସ୍ ଖିଜୁ ଚିନ୍କୁ ଆରି କାବାନି କାମାୟ୍ କିଜି ମାଚାନ୍, ହେଝାର୍ ତାଙ୍ ହେବେନି ବିସ୍ତେ ଖେଞ୍ଜେକ୍ ଲାଗାତାର୍ ।

୧୩ ହେଝାର୍ କାତା ଖିସ୍ତି ପାଚେ ଜାକୁର୍ ଉତର୍ ହିଜି ଇଚାନ୍, “ଏ ଟଣ୍ଡାର୍, ଆରି ତଣ୍ଡେକ୍ ନା କାତା ଖେନାଟ୍ ।

୧୪ ଇସ୍ବର ଜାର୍ ତର୍ କାଜିଂ ପାତର୍ କିଞ୍ଜି ଜିହୁଦିର୍ ବିତ୍ରେତାଂ କୁଦା ମାନ୍ଦାୟ୍ ଇଚ୍ଝାଦେଂ ଇଞ୍ଜି ଇନେସ୍ ପର୍ତୁମ୍ ହେଝାର୍ କାଜିଂ ଦୟା ହୁଡ଼ଜି ମାଚାନ୍, ହେଦାଂ ସିମନ୍ ବୁଜାୟ୍ କିତାନ୍ନା ।

୧୫ ଆରେ, ବେଣ୍ଡବାକ୍ଷାୟ୍ କିନାକାର୍ ବଚନ୍ ଇଦାଂ ସବୁ ପୁରା ବାବ୍ରେ ମେହା ଆନାତା, ଇନେସ୍ ସାସ୍ବରତ ଲେକାମାନାଡ଼,

୧୬ ‘ମାପୁ ଇନାନ୍’

ଇଦାଂ ପାଚେ ଆନ୍ ମାସଦି ଖାନାଙ୍ ଆରି ଦାଉଦ୍ତି ମୁନ୍ତି ଇଲ୍ ଆରେ ରଚ୍ନାଙ୍,

ଆନ୍ ତାଦାଂ ଦୁଡ଼ି ମାସତାକା ସବୁ

ଆରେ ରଚ୍ଚି ହେଦାଂ ଆରେ ରଗ ସାକ୍ତି କିନାଙ୍ ।

୧୭ ସବୁ ମାନ୍ଦାୟ୍ ଜାତି ନା ଲାଗାୟ୍ ପାର୍ତାନା କିଦେକ୍ ଖାନାର୍, ଇମ୍ଣି ପାତର୍ କିଞ୍ଜି ଜିହୁଦି ମା ତର୍ଦ ତାକ୍ପୁଚା ହେଝାର୍ ମାପୁଙ୍ଗ୍ ଡେକ୍ନାର୍,

ସବୁ ସାଦନ୍ କାର୍ୟା ମାପୁ ଇଦାଂ ଇନାନ୍ ।

୧୮ ପୁନି ସମୁତାଂ ଇସ୍ବର ଜାର୍ ଖିଜୁ କାମାୟ୍ ଖେଚ୍ଚାତାନ୍ନା ।”

୧୯ ଲାଗିଂ, “ନା ବିଚାର୍ ଇଦାଂ,” ପାତର୍ କିଞ୍ଜି ଜିହୁଦିର୍ ବିତ୍ରେ ଇମ୍ଣାକାର୍ ଇସ୍ବର ନିପ ମାସଦାନାର୍, ହେଝାରିଂ ଆପ୍ କସ୍ ହିଉପ୍,

୨୦ ମତର୍ ପୁଡ଼ଡାକାଂ ପୁଜାକିନାକା ବିସ୍ତେ ବିଚାଡ଼, ଲକାର୍ ଦାରି, ଆତାକା ହୁଦାଂ ହାତି ପାରାଣିଙ୍ ଆରି ନେତେଚ୍ଚତାଂ ବିନେ ମାନି କାଜିଂ ଆପ୍ ହେଝାରିଂ ଲେକି କିନାପ୍ ।

☆ ୧୫:୨ ପଦ୍ୟାତାକା ୧୦:୧-୪୩. ☆ ୧୫:୮ ପଦ୍ୟାତାକା ୧୦:୪୪; ୨:୪.

୨୧ ଇନାକିଦେଂକି ପ୍ଲାନି କାଡ଼ଦାଂ ସବୁ ଗାଡ଼ଦ ମସାତି ବିଦି ସୁଣାୟ କିଦେଙ୍ଗ ମାନାର୍, ଲାଗିଂ ପାତି ଜମ୍ନିବାରତ ପାର୍ତାନା ଇଲ୍ଲୁ ଓଁଜୁ ହେଞ୍ଜାନ୍ତି ବିଦି ପାଟ୍ ସୁଣାୟ କିୟାନାତା ।

**ପାତର୍ କିନାତର୍ ଜିହୁଦିର୍ ଲାଗେ ଆକି**

୨୨ ହେପାଦନା ପଦ୍ୟାତାକାର୍ ଆରି ପ୍ରାଚିନାର୍ ଓଁଜାର୍ ମଣ୍ଡଲି ହୁଦାଂ ଜାର୍ତିଂ ବିତ୍ରେ ମାନାୟାର୍, ଇତିସ୍ ଟଣ୍ଡାର୍ ବିତ୍ରେ ଆଦିକ୍ ବର୍ସବା ତରଦ ତାକ୍ପୁଟ ଜିହୁଦା ଆରି ସିଲାତିଂ ବାଟି କିଜି ପାଉଲ୍ ଆରି ବର୍ଣ୍ଣବା ଲାହାଙ୍ଗ୍ ଆନ୍ତିୟକିଆତ ପକ୍ତେଂ ବାଟି କିତାର୍,

୨୩ ଆରେ, ପାତର୍ କିନାକାରିଂ ହେଞ୍ଜାର୍ତି କେଇଦ ଇଦାଂ ଲେକି କିଜି ପକ୍ତାର୍ ।

“ଆନ୍ତିୟକିଆ, ପାତର୍ କିନାର୍ ସିରିୟା ଆରି କିଲିକିୟାନ୍ ପାତର୍ କିଓଁ ଜିହୁଦି ଟଣ୍ଡାର୍ ପଦ୍ୟାତାକାର୍ ଆରି ପ୍ରାଚିନ୍ ଟଣ୍ଡାର୍ରିଂ ଜଞ୍ଜାର୍ ।

୨୪ ଆପେଂ ଖେରାପନ୍ନା ଜେ, ଆପେଂ ଇମ୍ଣି ମାନାୟାର୍ ଇମ୍ଣାକା ପା ବଲ୍ ହିଉପେ, ମା ବିତ୍ରେ ଇବାନି ଏତେକ୍ ଲଗୁ କାତା ହୁଦାଂ ମି ଖାୟ୍ତିଂ ତିର୍ କିଞ୍ଜାଦାଂ ମିଙ୍ଗ୍ କସ୍ କିଡ଼ତାଣ୍ଡା;

୨୫ ଲାଗିଂ ଆସେଙ୍ଗ୍ ଓଁଜାସ୍ ରବେ ଆଜି କେଡ଼ ଜାଣ୍ କାରୁର୍ ଅନାକାରିଂ ବାଟି କିଜି ମି ତାକେ ପକ୍ତିନି କାଜିଂ ତିର୍ କିନାପା । ହେଞ୍ଜାର୍ ମା ଖାରିନି ହାଙ୍ଗ୍ଞାରି ବର୍ଣ୍ଣବା ଆରି ପାଉଲ୍ତି ଲାହାଂ ହାନାର୍ ।

୨୬ ଇ ଟଣ୍ଡାର୍ ମାପୁ ଜିସୁ କ୍ରିସ୍ତୁତି ହେବାତ ଜାର୍ ଜିରୁନ୍ତିଂ ବିପଦ୍ କିତାଣ୍ଡା ।

୨୭ ଲାଗିଂ ଆପେଂ ଜିହୁଦା ଆରି ସିଲାତିଂ ମି ତାକେ ପକ୍ତାନାପା । ଆପେଂ ଇନାକା ଲେକିକିତାପ୍ନା ହେଦାଂ, ହେଞ୍ଜାର୍ ହାର୍ ବାବ୍ରେ ହେଦାଂ ମିଙ୍ଗେଙ୍ଗ୍ ଖେରତାନାର୍ ।

୨୮ ଇନାକିଦେଂକି ପୁଡ଼ଡା ଲାଗେ ପୁଜାକିତି ଆକାଡ଼, ନେତେର୍, ନେଞ୍ଜି ହୁଦାଂ ହାତି ପାରାଣିତି ଜେ ଆରି ଲକାର୍ ଦାରିତାଂ ବିନେ ମାନାକା, ଇ ଏତେକ୍ ଲଡାନି ବିସ୍ତେ ପିସ୍ତ୍ରୁ ମି ଜପି ଆରେ ଆଦିକ୍ ବଜ୍ ହିଦ୍ଞାଦାଂ ପୁଇପୁୟା ଜିରୁନ୍ ଆରି ମା ନଂଜର୍ତ ବେସି ଇଚା ଆତାଡ଼,

୨୯ ହେ ଏତେଗଟା ନିୟମ୍ ଆତାଡ଼ ପୁଡ଼ଡାକାଂ ଉଦେସ୍ ତାଂ ପୁଜାକିତି ଇମ୍ଣାକା କାଦି ତିନୁଦେର୍, ନେତେର୍ ଉଣ୍ଡୁଦେର୍, ଗାଡେଲ୍ ଡ୍ରିପ୍ତି ଇମ୍ଣି ଜିରୁନିକାଂ ଜେଇ ତିନୁଦେର୍ ଆରି ଦାରିତାଂ ଦେହା ମାନାର୍ । ଇ ସବୁ କାମାୟ୍ କିଞ୍ଜାଦାଙ୍ଗ୍ ଜାଗ୍ରତ୍ ମାଟିସ୍, ମିଦାଙ୍ଗ୍ ହାରା ଆନାଡ଼ । ମା ବାନ୍ଦାୟ୍ ଇଟାଟ୍ ।”

୩୦ ହେବେ କାରୁର୍ ହିନାକାର୍ ହେଲଖେୟ୍ ଅଜି ଆନ୍ତିୟକିଆତ ଖାତାର୍, ଆରେ ଚେଲାରିଂ ରୁଣ୍ଡାୟ୍ କିଜି ଚିତି ହିତାର୍ ।

୩୧ ହେଞ୍ଜାର୍ ହେଦାଂ ପଡ଼ି କିଜି ଦୁକ୍ସାରାୟ୍ ଗାଟାଜି ଖାରୟା ଆତାର୍ ।

୩୨ ଆରେ, ଜିହୁଦା ଆରି ସିଲା ନିଜ୍ ନିଜ୍ ପା ବେଶ୍ବାକ୍ଷାୟକିନାକାର୍ ମାଟିଲେ ଆଦେକ୍ କାତା ହୁଦାଂ ଟଣ୍ଡାର୍ରିଂ ଖାରିକିୟ୍ କିଜି ହେଞ୍ଜାରିଂ ସୁସ୍ତା କିତାର୍ ।

୩୩ ଆରେ, ହେଞ୍ଜାର୍ ହେବେ ଏତେକ୍ ଦିନ୍ ମାଟି ପାଚେ ହେଞ୍ଜାର୍ ପକ୍ତି ମାଟି ଲକୁ ଲାଗାୟ୍ ମାସ୍ଦି ହାଞ୍ଜେଙ୍ଗ୍ ପାତର୍ କିନି ଟଣ୍ଡାର୍ତାଂ ସୁସ୍ତାତ ହେଲ ଅତାର୍,

୩୪ ମାତର୍ ସିଲା ହେବେ ମାଞ୍ଜେଙ୍ଗ୍ ହାର୍ ବାବି କିତାନ୍ ।

୩୫ ପାଉଲ୍ ଆରି ବର୍ଣ୍ଣବା ଆନ୍ତିୟକିଆତ ମାନ୍ଞ୍ଜି ଆରେ ବିନ୍ ବିନ୍ ଆଦେକ୍ ଲକୁ ଲାହାଙ୍ଗ୍ ପା ମାପୁତି କାତା ହିକ୍ୟା ହିଜି ନେକ୍ରିକାରୁର୍ ସୁଣାୟ୍ କିଦେଙ୍ଗ୍ ଲାଗାତାର୍ ।

**ପାଉଲ୍ ଆରି ବର୍ଣ୍ଣବାଟି ବିତ୍ରେ ବିନେ**

୩୬ କେତେକ୍ ଦିନ୍ ପାଚେ ପାଉଲ୍ ବର୍ଣ୍ଣବାଙ୍ଗ୍ ଇଚାନ୍, ଆସେଙ୍ଗ୍ ଇମ୍ଣି ସବୁ ଗାଡ଼ଦ ମାପୁତି କାତା ପରଟାର୍ କିଜି ମାଟାସ୍, ହେ ଓଁଜୁ ଗାଡ଼ଦ “ନଙ୍ଗ୍ ମାସ୍ଦି ହାଲ୍ଜି ଟଣ୍ଡାରିଂ ବେଟାଜି, ହେଞ୍ଜାର୍ ଇନେସ୍ ମାନାର୍ ହୁଡ଼ନାସ୍ ।”

୩୭ ହେବେ ଜହନ୍ ମାର୍କ୍ ତରୁନି ତାକ୍ପୁଟା ଜହନ୍ତିଂ ପା ହାଙ୍ଗ୍ ଅଦେଂ କାଜିଂ ବର୍ଣ୍ଣବାଟି ମାନ୍ ମାଟାଟ୍;

୩୮ \*ମାତର୍ ହେଞ୍ଜାନ୍ ହେଞ୍ଜାରିଂ ପିସ୍ତ୍ରୁ ପଂପୁଲିଆତ ଖାଜି ମାଟାନ୍ ଆରି ହେଞ୍ଜାର୍ ଲାହାଙ୍ଗ୍ କାମାୟ୍ତ ହାଲ୍ଞାଦାଂ ମାଟାନ୍, ହେଞ୍ଜାନିଂ ହାଙ୍ଗ୍ଦ ଅଦେଂ ପାଉଲ୍ ହାର୍ ବାବି କିଞ୍ଜାତାନ୍ ।

୩୯ ହେବେ ବେସି ଗଣ୍ଡଗଲ୍ ଆତିଲେ ହେଞ୍ଜାର୍ ହାରି ବିନେ ଆତାର୍, ବର୍ଣ୍ଣବା ମାର୍କ୍ ହାଙ୍ଗ୍ ଅଜି ଜାଜ୍ତ କୁର୍ଚି କୁପ୍ତ ହାତାର୍,

୪୦ ମାତର୍ ପାଉଲ୍ ସିଲାଙ୍ଗ୍ ବାଟି କିଜି ଟଣ୍ଡାର୍ ହୁଦାଂ ମାପୁତି ଦୟାତ ହେଲାୟ୍ ଆଜି ହାତାର୍,

୪୧ ଆରେ ହେଞ୍ଜାନ୍ ସିରିୟା ଆରି କିଲିକିୟା ହିଜି ହାଲୁ ହାଲୁ ମଣ୍ଡଲିକାଂ ବାଡ଼କାସ୍ କିତାର୍ ।



**ପାଉଲ୍ ଆରି ସିଲାତି ହୁଦାଂ ତିମତିତି ହାନାକା**

୧ ପାଚେ ପାଉଳ ଦର୍ ଆରି ଲୁସ୍ତାତ ପା ଖାତାର, ଆରେ ହୁଡ଼ାଟ୍, ହେ ବାହାତ ତିମତି ତରଦ ରଖାନ ତେଲା ମାଚାନ, ହେଖାନ ରଖାନ ପାଚି ନି ଜିହୁଦି କଗଲେନି ମାଜି ମାତର ହେଖାନତି ଆବା ରଖାନ ଗ୍ରୀକ୍ ଲଗୁ ।

୨ ଲୁସ୍ତା ଆରି ଇକନିୟତ ମାନି ପାଚି କିନି ଟଣ୍ଡାର ହେଖାନ୍ତି ସାକି ତାକ୍ପୁଟାୟ କିଜି ମାଚାର ।

୩ ତାଜେଙ୍ଗ୍ ହାଙ୍ଗ୍ଦ ଅଦେଂ ପାଉଲ୍ ଇଚା କିତାନ, ଆରେ ହେ ସବୁ ନିପ ମାନି ଜିହୁଦିର କାଜିଂ ତାଙ୍ଗ୍ ଅଜି ସୁନ୍ଦ୍ର କିତାନ; ଇନାକିଦେଂକି ତିମତି ଲାତ୍ରାହି ରଖାନ ଗ୍ରୀକ୍ ଲଗୁ ଇଞ୍ଜି ଖିଜାକାର ପୁଞ୍ଜି ମାଚାର ।

୪ ଆରେ, ହେଖାର ବିନ୍ ବିନ୍ ବସ୍ତି ହିଜି ହାଲୁ ହାଲୁ ଜିରୁସାଲମିନି ପଦ୍ୟାବଳୀ ଆରି ପ୍ରାଚିନାର ହୁଦାଂ ରଚି ବଲ୍ ବିଚାର ସବୁ ମାନି କିଦେଙ୍ଗ୍ ପାଚି କିନାକାର ଲାଗେ ହେଲାୟ କିବିସ୍ ମାଚାର ।

୫ ଇ ବାନି ମଣ୍ଡଲି ନିକାର ପାଚି ତ ତାଟ୍ ଆଜି ଦିନତି ଦିନ ଇସାବରେ ବାତାଦେଂ ଲାଗାତାଡ୍ ।

**ତ୍ରୟାତ ପାଉଲ୍ତି କେଚକଣ୍**

୬ ପୁଇପୁୟା ଜିରୁନ୍ ହେଖାର ଆସିଆ ଦେସତ ପରଚାର କିଦେଙ୍ଗ୍ ମୁନା କିଡଲେ ହେଖାର ପୁଗିଆ ଆରି ଗାଲାତିୟ ନିପ ହାଚାର,

୭ ଆରେ, ହେଖାର ମୁସିଆ ଲାଗାୟତ ଏକିସ୍ ବିତୁନିଆତ ହାଞ୍ଜେଙ୍ଗ୍ କାଜିଂ ସେସ୍ କିଚାର, ମତର ଜିସୁତି ଜିରୁନ୍ ହେଖାରିଂ ହାଞ୍ଜେଙ୍ଗ୍ ହିଞ୍ଜାତାଡ୍ ।

୮ ଲାଗିଂ ହେଖାର ମୁସିଆ ଲାଗେ ହିଜି ତ୍ରୟାତ ଖାତାର ।

୯ ଆରେ, ନାଣାଲିଂ ପାଉଲ୍ ର କେଚକଣ୍ ଗାଚାତାନ, ମାକିଦନିଆନି ରଖାନ ମାନାୟ ଇଞ୍ଜି ତାଙ୍ଗ୍ ଗଞ୍ଜାରି କିଜି ଇନାନ୍ନା, ମାକିଦନିଆ ନାସି “ଖାଜି ମାଂ ଉପକାର କିଦା ।”

୧୦ ପାଉଲ୍ ଇ କେଚକଣ୍ ଗାଚାତି ପାଚେ ଆପେଂ ଦାପ୍ରେ ମାକିଦନିଆତ ହାଞ୍ଜେଙ୍ଗ୍ ଜାଲ୍ଦି କିତାପ୍, ଇନାକିଦେଂକି ହେଖାର ଲାଗାୟ ନେକ୍ରିକାରୁର୍ ପରଚାର କିଦେଙ୍ଗ୍ ଇସ୍ବର୍ ମାଂ କୁକ୍ତାନ୍ନା ଇଞ୍ଜି ଆପେଂ ବୁଜାତାପ୍ ।

**ପିଲିପିତ ଲୁଦିଆତି ମାନବାଦଲାୟ**

୧୧ ଲାଗିଂ ତ୍ରୟାତାଂ ଜାଜ୍ତ ଆପେଂ ହାଣ୍ଡକୁ ହାସଦ ସାମତ୍ରାକିତ ହାଚାପ୍ ଆରି ଆକାଡ୍ ନାଜିଂ ନିୟାପଲିତ ଏକାତାପ୍ ।

୧୨ ହେବେତାଂ ପିଲିପିତ ହାଚାପ୍, ଇଦାଂ ମାକିଦନିଆନି ହେ ରାଜି ର ମୁଡ୍ ଗାଡ୍, ଆରେ ର ରମିୟ କଲ୍ନି, ହେ ଗାଡ୍ଦ୍ ଆପେଂ କେତେକ୍ ଦିନ୍ ମାଚାପ୍ ।

୧୩ ଜମ୍ନିବାରତ ଆପେଂ ଗାଡ୍ ଦୁଞ୍ଜାରତାଂ ହସି ନାଗୁଡ୍ ଗୁଟିତ ହାଚାପ୍, ହେବେ ପାର୍ତାନାନି ବାହା ମାନାଡ୍ ଇଞ୍ଜି ଆପେଂ ବାବି କିଜି ମାଚାପ୍, ଆରେ ଆପେଂ କୁଚି ରୁଣ୍ଡାଜି ମାନି ଆୟାତାଡ୍ଟିକାଂ କାତା ଇଞ୍ଜେଙ୍ଗ୍ ଲାଗାତାପ୍ ।

୧୪ ଆରେ, ତ୍ରୟାତିରା ଗାଡ୍ଦ୍ ଖାଙ୍ଗାବାଚି ହେନ୍ଦା ପ୍ରନି ଲୁଦିଆ ତରନି ରଞ୍ଜେଲ୍ ତାଡ୍ଟି ମାଚାଡ୍, ହେଦେଲ୍ ଜେ ଇସ୍ବର୍ତିଂ ପାର୍ତାନା କିନାକାଦେଲ୍ ମାଚାଡ୍, ହେଦେଲ୍ ମା କାତା ଖେନ୍ଞ୍ଜି ମାଚାଡ୍ । ହେଦେଲ୍ ଇନେସ୍ ପାଉଲ୍ତି ଇଚି ବିସ୍ତେ କାଜିଂ ମାତ୍ର ଦିଆନ୍ କିତାଡ୍, ଇଦାଂ କାଜିଂ ମାପୁ ହେଦେଲିଂ ମାନ୍ ଜେସି ହିତାନ୍ ।

୧୫ ଆରେ, ହେଦେଲ୍ ଆରି ତାଦେଲ୍ତି ପାର୍ତାନା ବାପ୍ରିସିମ୍ ଆତି ପାଚେ ହେଦେଲ୍ ମାଂ ଗଞ୍ଜାରି କିଜି ଇନ୍ସାଡ୍, ଏପେଙ୍ଗ୍ ଜଦି ନାଙ୍ଗ୍ “ମାପୁତି ଲାଗେ ପାଚି ଇଞ୍ଜି ବିଚାର କିଜି ମାଞ୍ଜିସ୍, ଖାଟିଙ୍ଗ୍ ନା ଇଞ୍ଜି ଖାଜି ବାହା କିୟାଡ୍” ଆରେ, ହେଦେଲ୍ ମାଂ ଅସି ହାଞ୍ଜାଡ୍ ।

**ପିଲିପିନି ଜଇଲ୍ତ ପାଉଲ୍ ଆରି ସିଲା**

୧୬ ଦିନେକ୍ ଆପେଂ ପାର୍ତାନା ବାହାତ ହାଲ୍ଜି ମାନି ଖାଡାଙ୍ଗ୍ ର ବାନ୍ୟା ଜିରୁନ୍ କଡ୍ଡି ଆଡ୍ଟିଏଣି ଗାଡ୍ଡେଂ ବେଟା ଆତାପ୍ । ତା ବିତ୍ରେ ମାନି ପୁଦାନି ସାଲ୍ଜି ହୁକେ ହେଦେଲ୍ ଆଗେନି କାତା ଇଞ୍ଜି ମାଚାଡ୍ । ହେଦେଲ୍ ମାନାୟାର୍ତି କାରୁମ୍ ଗାଣାକିଜି, ହାଉକାରିଂ କାଜିଂ ବେସି ଟାକାଂ ଆଦାୟ କିଜି ମାଚାଡ୍ ।

୧୭ ହେଦେଲ୍ ପାଉଲ୍ ଆରି ମା ପାଚେ ପାଚେ ଖାଜି କିକିରାତିଂ କିଜି ଇଞ୍ଜେଙ୍ଗ୍ ଲାଗାତାଡ୍, “ଇ ମୁଣିକାର ର ଇସ୍ବର୍ତି ଆଡ୍ଟିୟାର୍, ହେଖାର ମିଙ୍ଗ୍ ମୁଲ୍ନି ହାଜି ଜାଣାୟକିଦନାରା ।”

୧୮ ହେଦେଲ୍ ବେସି ଦିନ୍ ପାଚେକ୍ ଇଦାଂ କିତାଡ୍ । ମତର ପାଉଲ୍ ରିସା ଆଜି ମାସଦି ହେ ଜିରୁନ୍ତିଙ୍ଗ୍ ଇଚାନ, ତା ତାଙ୍ଗ୍ ହସି ହାଞ୍ଜେଙ୍ଗ୍ ଆନ୍ ନିଂ “ଜିସୁ କ୍ରିସ୍ଟି ତରଦ ବଲ୍ ହିଦନାଙ୍ଗା ।” ଇବେଣ୍ଡାଂ ହେଦେଲ୍ ହେ ଦାପ୍ରେ ହସି ହାଚାଡ୍ ।

୧୯ ମତର ତା ମାପୁ ମୁଣିକାଚି ଜାର୍ତିଂ ଲାବ୍ ଆହା ହାଚାକା ହୁଡ୍ଡି ପାଉଲ୍ ଆରି ସିଲାତିଂ ଆଜି ହେଖାରିଂ ଚକ୍ ବାହାତ ସାସନ୍କାରୟାଚି ଲାଗେ ଜାଲ୍ଜି ଅତାର ।

୨୦ ଆରେ, ହେଖାର ହେଖାରିଂ ବିଚାରକାରୟାଚି ଲାଗେ ତାହି ଇଚାର, “ଇ ମାନାୟାର୍ ଜିହୁଦି, ଇଖାର ମା ଗାଡ୍ଦ୍ ଗଣ୍ଡଗଲ୍ କିନାରା ।

୨୧ ମା, ରମିୟ ଲକାର୍ତି ଇମ୍ଣି ସବୁ ରିତିନିତି ଇନାକା କି ମାନି କିନାକା ବିଦି ଆକାୟ, ହେଦାଂ ଇଖାର ପରଚାର କିନାରା ।”

୨୨ ହେବେ ଲକ୍ଷ୍ମୀ ପା ହେଖାରୁତି ବିରୁଦ୍ଧ ନିଂତାର,  
 ଆରେ ବିଚାରକାରୟାର ପାଉଲ୍ ଆରି ସିଲ୍ଲାତି ହେୟା ଉନ୍ୟ ହେଖାରିଂ ବାଡ଼ଗେମାଡ଼ କିଦେଙ୍ଗ କାଜିଂ ବଲ୍ଲ ହିତାର ।

୨୩ ହେଖାର ହେଖାରିଂ ବେସି ଗ୍ରାକି କିୟକିତି ପାଚେ ଜଇଲ୍ ଇଞ୍ଜ ଇଡ଼ଜି ହେଖାରିଂ ଜାଗ୍ରତାଂ ରାକ୍ୟା କିନି କାଜିଂ  
 ଜଇଲ୍ ଇଚ୍ଚନାକାନିଂ ଆଟ୍ଟା ବଲ୍ଲ ହିତାର ।

୨୪ ହେଖାନ ଇ ବାନି ଆଟ୍ଟା ବଲ୍ଲ ଗାଟା ଆଜି ହେଖାରିଂ ବିତ୍ତେ ଜଇଲ୍ ଇଞ୍ଜ ଇଡ଼ଜି ହେଖାରୁତି ପାନାତ ଗାଜା କୁଟ୍ଟା  
 ଗାଟ୍ଟାର ।

୨୫ ମାତର ମାଦିମାଦାନାଣା ପାଉଲ୍ ଆରି ସିଲ୍ଲା ଇସ୍ବରୁତି ଲାଗାୟ ପାର୍ତନା ଆରି ଗୁଣ୍ଡାଣି କିଜି ମାତାର, ଆରେ ବନ୍ଦିର  
 ଖେନ୍ଦି ମାତାର ।

୨୬ ହେ ଏଚେକାଡ଼ଦ ହାତାଗ୍ରେ ଏଲେଙ୍ଗ ଗାଜା ମେଦନି ଦାଲ୍ଲକା ଆତାଡ଼ ଜେ, ଜଇଲ୍ ଇଲ୍ଲନି କୁନାଦି ତ୍ରିଙ୍ଗଦେଂ  
 ଲାଗାତାଡ଼, ଆରେ ଦାପ୍ତେ ଖିଜୁ ଜଇଲ୍ ଦୁଖେର ଜେୟା ଆତାଡ଼, ଆରେ ସବୁ ଜାଣିତି ହିକ୍ତି ଗାଟି ରିଂଜି ହାଟିକ୍ ।

୨୭ “ଇବେ ଜଇଲ୍ ଇଲ୍ ଇଚ୍ଚନାକାନ ହୁଟ୍ଟକାଣକୁତାଂ ନିଂଜି ଜଇଲ୍ ଇଲ୍ଲନି ଦୁଖେର ମେଲା ଆତାକା ହୁଡ଼ଜି ବନ୍ଦିର  
 ହନ୍ତି ହାଟାଣ୍ଡା ଇଞ୍ଜ ବାବି କିଜି, କାଣ୍ଡା ହପ୍ତି ଜାରୁତି ଅହ୍ୟାଦେଂ ହାଲ୍ଲଜି ମାତାନ ।”

୨୮ ମାତର ପାଉଲ୍ ବେସି ଗାଜାକାଟ୍ଟାଂ କୁକ୍ତି ଇଚାନ, “ଜାରୁତିଂ ଇମ୍ପଣାକା ପା ନସ୍ କିମା, ଇନାକିଦେଂକି ଆପେଂ  
 ଖିଜାକାପ୍ ଇବେ ମାନାପ୍ ।”

୨୯ ହେବେ ହେଖାନ ବଇଟା ତାତେଙ୍ଗ ଇଞ୍ଜ ଗୁମ୍ପଜି ପାଣ୍ଡୁତ୍ତି ତ୍ରିଗ୍ଜି ତ୍ରିଗ୍ଜି ପାଉଲ୍ ଆରି ସିଲ୍ଲାତି ମୁମ୍ପଦ ଗୁର୍ତାନ,  
 ୩୦ ଆରେ ହେଖାରିଂ ବାଟ୍ ତାହି ଇଚାନ, “ମାପୁର, ରାକ୍ୟା ପାୟାଦେଂ କାଜିଂ ନାଙ୍ଗ ଇନାକା କିଦେଙ୍ଗ ଆନାଡ଼ ?”

୩୧ ହେଖାର ଇଚାର, “ମାପୁ ଜିସୁ ତାକେ ପାଟ୍ କିୟାଟ୍, ତା ଆତିସ୍ ଏପେଙ୍ଗ ଖିଜୁ କୁଟ୍ଟମ୍ ରାକ୍ୟା ପାୟାନାଦେର ।”

୩୨ ପାଚେ ହେଖାର ତାଙ୍ଗ୍ ଆରି ତା ଇଞ୍ଜ ମାନି ଖିଜାରିଂ ମାପୁତି ବଚନ୍ ଇଚାନ ।

୩୩ ଆରେ, ହେଖାନ ହେଖାରିଂ ନାଣା ହେ ସମୁତ ଅଜି ହେଖାରୁତି ଗ୍ରାକ୍ୟାତି ଗାଞ୍ ସବୁ ନୁସ୍ତାନ, ଆରେ, ହେଖାନ ଆରି  
 ହେଖାନ୍ତି ପାର୍ତନା ହେ ଦାପ୍ତେ ବାପ୍ତିସିମ୍ ଆତାର ।

୩୪ ହେବେ ହେଖାନ ହେଖାରିଂ ଜାର ଇଞ୍ଜ ଅସି ହାଲ୍ଲଜି କାଦି ଚିପ୍ପାତାନ, ଆରେ ଖିଜୁ ପାର୍ତନା ହୁକେ ଇସ୍ବର ତାକେ  
 ପାଟ୍ କିଜି ଜବର ଖାରୟା ଆତାର ।

୩୫ ନାଡ଼ିସ୍ ଆତିଲେ ବିଚାରକାରୟାର ଜାମାନିରିଂ ଇଦାଂ ଇଞ୍ଜ ପଲ୍ଲାର, “ହେ ଲକ୍ଷ୍ମିଂ ପିହାଟ୍ ।”

୩୬ ଇବେଣ୍ଡାଂ ଜଇଲ୍ ଇଲ୍ ପାଉଲ୍ତିଂ ଇ କାତା ଇଞ୍ଜ ଖେଚ୍ଚାନ, ମିଙ୍ଗେଙ୍ଗ୍ ପିସ୍ତି ହିଦେଂ କାଜିଂ “ବିଚାରକିନାକାର ଲକ୍ଷ୍ମି  
 ପଲ୍ଲାତାଣ୍ଡା । ଲାଗିଂ ନଙ୍ଗ୍ ହସି ଖାଜି ସୁସ୍ତାତ ତାଂଜି ହାଲ୍ଲାଟ୍ ।”

୩୭ ମାତର ପାଉଲ୍ ହେଖାରିଂ ଇଚାନ, “ରମିୟ ଲକ୍ଷ୍ମି ଜେ ଆପେଂ, ମା ବିଚାର କିଖାଦାଂ ହେଖାର ରିସାରେ ମାଂ ଗ୍ରାକ୍ତି  
 ପାଚେ ଜଇଲ୍ ତୁ ହିଦାତାଣ୍ଡା, ଆରେ ନଙ୍ଗ୍ କି ଲୁକାମ୍ରେ ମାଂ ପିସ୍ତି ହିଦ୍ଦାରା ? ହେଦାଂ ଆଡ଼, ମତର ହେଖାର ନିଜେ  
 ଖାଜି ମାଂ ବାଟ୍ ଅଦେର ।”

୩୮ ଇବେଣ୍ଡାଂ ଜାମାନିର ବିଚାରକାରୟାରିଂ ଇ ଖିଜୁ ବଚନ୍ ଜାଣାୟ କିତାର, ଆରେ ହେଖାର ଜେ ରମିୟ ଲକ୍ଷ୍ମି, ଇଦାଂ  
 ଖେନ୍ଦି ହେଖାର ପାଣ୍ଡା ଆତାର,

୩୯ ଆରେ, ହେଖାର ଖାଜି ହେଖାରିଂ ଗଞ୍ଜାରି କିତାର, ଆରେ ହେଖାରିଂ ଜଇଲ୍ ଇଞ୍ଜାଙ୍ଗ୍ ହପ୍ତି ତାସି ଗାଡ଼ଦାଂ  
 ହସିହାଞ୍ଜେଙ୍ଗ୍ କାଜିଂ ହେଖାରିଂ ଗଞ୍ଜାରି କିତାର ।

୪୦ ହେବେଣ୍ଡାଂ ପାଉଲ୍ ଆରି ସିଲ୍ଲା ଜଇଲ୍ ତାଂ ହସିହାଲ୍ଲଜି ଲୁଦିଆତି ଇଲ୍ଲଦ ହଟାର, ଆରେ ଟଣ୍ଡାର ଲାହାଙ୍ଗ୍ ବେଟା  
 ଆଜି ହେଖାରିଂ ଖାରିକିୟକିନି ପାଚେ ହାଟାର ।



ତେସ୍ଲନିକିତ ହେବାକାମାୟ

୧ ପାଚେ ହେଖାର ଆଂପିପଲି ଆରି ଆପଲନିଆ ହିଜି ହାଲ୍ଲଜି ତେସ୍ଲନିକିତ ଖାତାର; ହେବେ ଜିହୁଦିରୁତି ର ପାର୍ତନା  
 ଇଲ୍ ମାତାର ।

୨ ପାଉଲ୍ ତା ରିତି ଇସାବ୍ରେ ହେଖାର ଲାଗାଂ ହାଚାନ, ଆରେ ତିନି ଗଟା ଜମ୍ପିବାର ପାଚେକ୍ ସାସ୍ବର ବଚନ୍ ଅଜି  
 ହେଖାରିଂ ବୁଜାୟ କିତାନ,

୩ ଆରେ, କ୍ରିସ୍ତି ଜେ ଦୁକ୍ବଗ୍ ଆରି ହାତାକାର ବିତ୍ତେ ନିଂନାକା ଲଡ଼ା ମାତାର, ଆରେ ହେଖାନ ଇମ୍ପଣି ଜିସୁଙ୍ଗ୍ ହେଖାର  
 ଲାଗାଂ ସୁଣାୟ କିନାନା, ହେଖାନ କ୍ରିସ୍ତୁ, ଇବେନି ନିର୍ମଲ୍ ପାର୍ମାଣ୍ ହିତାନ ।

୪ ହେବେଣ୍ଡାଂ ହେଖାର ବିତ୍ତେ କେତେକ୍ ଜାଣ୍ ପାଟ୍ କିଜି ପାଉଲ୍ ଆରି ସିଲ୍ଲାତି ଲାହାଙ୍ଗ୍ ମେହା ଆତାନ; ଆରେ,  
 ଜିହୁଦି ପାର୍ତନା କିନାକାର ଗ୍ରାକ୍ତି ବିତ୍ତେ ହେନି ଲକ୍ଷ୍ମି ଆରି ଆଦେକ୍ କଗ୍ଲେକ୍ ହେଖାର ଲାହାଙ୍ଗ୍ ମେହାଟିକ୍ ।

୫ ମାତର ଜିହ୍ୱଦିର ଆକାରତ ରିସା ଆଜି ବାଜାଣ୍ଟି କେତେକ୍ ବାନ୍ୟା ମାନାୟାର ଲାହାଙ୍ଗ ଅଜି ଲକୁ ଗହଲି କିଜି ଗାଡ଼ଦ ଗଣ୍ଡଗଲ୍ କିୟକିତାର, ଆରେ ଜାସୋନତିଂ ଇଞ୍ଜ ମାତିବହା ଆଜି ହେଝାରିଂ ମାନାୟାର ଲାଗାୟ ହପ୍ତି ତାତେଙ୍ଗ୍ କାଜିଂ ସେସ୍ତୁ କିତାର ।

୬ ମାତର ହେଝାରିଂ ଗାଟାଞ୍ଜିଲେ ହେଝାର ଜାସୋନ ଆରି କେତେକ୍ ଟଣ୍ଡାର ଗାଡ଼ନି ସାସନ୍କାରୟାର ଲାଗାୟ ଜେଲ୍ଲଜି ତାହି ଗାଜାକାଟାଂ କୁକ୍ତି ଇଚାର, “ଇଝାର ଇମଣି ମାନାୟାର ପୁତଂତିଂ ଉଲ୍ଟାପଲ୍ଟା କିଜି ହୁହିତାରେ, ହେଝାର ଇବେ ପା ଝାତାଣ୍ଟା; ହେଝାରିଂ ଜେସନ୍ ଇଡ଼ତାନ୍ନା ।

୭ ଜାସୋନ ହେଝାର ଇଲ୍ ଇଡ଼ତାନ୍ନା । ଜିସୁ ତରଦ ଆରେ ରଝାନ୍ ରାଜା ମାନାନ୍ ଇଞ୍ଜ ଇଞ୍ଜ ଇଝାର ଝିଜାର କାଇସର୍ତି ବଲ୍ ମାନିକିନାରା ।”

୮ ହେଝାରିତି ଇ କାତା ଝେନ୍ଞି ଲକୁ ସବୁ ଆରି ସାସନ୍କାରୟାର ରିସା ଆଜି ଗଣ୍ଡଗଲ୍ କିତାର ।

୯ ପାଚେ ହେଝାର ଜାସୋନ ଆରି ହେଝାଜି ହାଂଙ୍ଝାଟାଂ ଜାମ୍ଲି ଅଜି ହେଝାରିଂ ପିସ୍ତି ହିତାର ।

**ବେରିଆତ ହେବାକାମାୟ**

୧୦ ଆରେ, ଟଣ୍ଡାର ଆରି ତଣ୍ଡେକ୍ ମାଲାଝାଦାଂ ପାଉଲ୍ ଆରି ସିଲାଙ୍ଗ୍ ନାଶାକାଡ଼ଦ ବେରିୟାତ ପକ୍ତିହିତାର; ହେଝାର ହେ ବାହାତ ଏକିସ୍ ଜିହ୍ୱଦିରତି ପାର୍ତାନା ଇଞ୍ଜ ହାଚାର ।

୧୧ ତେସଲନିକିତ ମାନି ଜିହ୍ୱଦିରତାଂ ଇଝାର ହାଦାକାର ମାଚାର । ଇଝାର ପୁରା ଝାରିତାଂ ବଚନ୍ ଇଡ଼ତାର, ଆରେ ଇ ଝିଜୁ ହାଡ଼ପା କି ଆକାୟ, ହେଦାଂ ପୁଞ୍ଜେଙ୍ଗ୍ କାଜିଂ ଦିନକେ ସାସ୍ତରନି ପରସନ୍ ତେକ୍ତି ମାଚାର ।

୧୨ ଲାଗିଂ ହେଝାରିତି ବିତ୍ରେ ଆଦେକ୍ ଆରି ଗ୍ରିକ୍ତି ବିତ୍ରେ ଆଦେକ୍ ମୁସ୍ତିଦାର ତାଡ଼ିକ୍ ଆରି ଆଣ୍ଟା ହିମ୍ଣାଂ ପା ପାତଂ କିତାର ।

୧୩ ମାତର ଏଚେକାଡ଼ଦ ତେସଲନିକିୟ ଜିହ୍ୱଦିର ପୁଚାର ଜେ, ଇସ୍ପରତି ବଚନ୍ ପାଉଲ୍ତି ହୁଦାଂ ବେରିୟାତ ପା ପରଚାର ଆନାତା, ହେ ଏଚେକାଡ଼ଦ ହେଝାର ହେ ବାହାତାଂ ପା ଝାଜି ଲକୁରିଂ ଟିଉଲାଇୟ ଆରି ରିସା କିତାର ।

୧୪ ହେବେଣ୍ଟାଂ ଟଣ୍ଡାର ମାଲାଝାଦାଂ ପାଉଲ୍ତିଂ ହାମ୍ଦୁର୍ ନିପ ହାନି କାଜିଂ ପଲ୍ଟାର, ଆରେ ସିଲା ଆରି ତିମତି ହେ ବେରିଆତ ମାଚାର ।

୧୫ ମାତର ଇମ୍ଣାକାର ପାଉଲ୍ତିଂ ଏଚେନ୍ସ ଅଜି ହାଚାର, ହେଝାର ତାଙ୍ଗ୍ ଏଚେନ୍ସ ପାତେକ୍ ତାଇଝାଚାର, ଆରେ ସିଲା ଆରି ତିମତି ଇନେସ୍ ବେଗି ତା ଲାଗାୟ ଝାନାର, ଇ ବଲ୍ ଗାଟାଜି ହେଝାର ହାଚାର ।

**ଆତିନିସ୍ତ ପାଉଲ୍ତି ହେବାକାମାୟ**

୧୬ ଏଚେନ୍ସତ ପାଉଲ୍ ହେଝାର କାଜିଂ ମାନି ଝେଡ଼ାଲିଂ ହେ ଗାଡ଼ଦ ପୁଡ଼ଡ଼ାତ ବାତଂ ହୁଡ଼ଜି ତା ଜିରୁନ୍ତ ରିସା ଆଜି ନିତାନ୍ ।

୧୭ ଲାଗିଂ ହେଝାନ୍ ପାର୍ତାନା ଇଞ୍ଜ ଜିହ୍ୱଦିର ଲାହାଂ ଇସ୍ପରତି ପାର୍ତାନା କିନାକାନ୍ ପାତଂ କିଞ୍ଜି ଜିହ୍ୱଦି ଲାହାଂ ଇ ବିସ୍ତେ ସବୁ ନାଞ୍ଜିଙ୍ଗ୍ କାତା ବାର୍ତା କିଦେଙ୍ଗ୍ ଲାଗାଚାର । ବସ୍ତି ବାଜାର ଚକ୍ତି ବାହାକାଂ ବୁଲାଚାଲା ଆଜି ମାନି ପାତିଦିନ୍ ଇମ୍ଣାକାର ହୁଦାଂ ହୁଡ଼କା ଆଜି ମାଚାର, ହେଝାରିଂ ଉପଦେସ୍ ହିଜି ମାଚାନ୍ ।

୧୮ ହେବେଣ୍ଟାଂ “ଏପିକୁରିୟ ଆରି ସ୍ତ୍ରିୟକ” କେତେକ୍ ହୁଡ଼ନାକାର ପା ତା ହୁଦାଂ କାତାବାର୍ତା କିଦେଙ୍ଗ୍ ଲାଗାଚାର, ଆରେ ଇନେର୍ ଇନେର୍ ଇଚାର, “ଇ କାଡ଼ଦେ ଇନାକା ଇଞ୍ଜେଙ୍ଗ୍ ଇଚା କିନାନା ?”

ଆରେ ଇନେର୍ ଇନେର୍ ଇଚାର, ହେଝାନ୍ ପୁଦାଙ୍ଗ୍ତି ବିସ୍ତେ ପରଚାର କିନାକାନ୍ ଲାକେ ପୁନ୍ୟାନାତା । ଇନାକିଦେଂକି ହେଝାନ୍ ଜିସୁ ଆରି ଆରେ ନିଂନାକା ବିସ୍ତେନି ନେକ୍ତିକାରୁର୍ ପରଚାର କିଜି ମାଚାନ୍ ହେଝାର ଇଦାଂ ଇଚାର

୧୯ ପାଚେ ହେଝାର ପାଉଲ୍ତିଂ ଆରିୟପାଗତ ଗାଜା ସବାତ ଅସି ହାଲ୍ଜି ଇଚାର, ଇଦାଂ ଜେ ପୁନି ହିକ୍ୟା “ଏନ୍ ହିନାୟା, ହେଦାଂ ଇନାକା ଇଞ୍ଜି ଆପେଂ ପୁଞ୍ଜେଙ୍ଗ୍ ଆଡ଼ନାପ୍ କି ?

୨୦ ଇନାକିଦେଂକି ଏନ୍ କେତେକ୍ କାବା ବିସ୍ତେ ମାଂ କିଡୁଲ୍ତ ପୁନି କିଡ଼ତାୟନା, ଲାଗିଂ, ଇ ଝିଜୁ କାତାନି ଅରଡ଼ ଇନାକା, ଆପେଂ ହେଦାଂ ପୁଞ୍ଜେଙ୍ଗ୍ ଇଚା କିନାପା !”

୨୧ ଆତିନିୟ ଲକୁ ଝିଜାର ଆରି ହେବେ ବାହାକିନି ବିଦେସିର୍ କେବଲ୍ ଇମ୍ଣାକା ପୁନି କାତା ଇନାକା ଆରି ଝେନାକା ପିସ୍ତି ଆରେ ଇନାକାତ ବେସି ସମ୍ପୁ ବିତାୟ କିଝାଦାଂ ମାଚାର ।

୨୨ ଇବେଣ୍ଟାଂ ପାଉଲ୍ ଆରିୟପାଗନି ମାଦଣି ବାହାତ ନିଲ୍ଟି ଇଚାନ୍, “ଆତିନିୟ ଲଗୁ, ଏପେଙ୍ଗ୍ ଜେ ଝିଜୁ ବିସ୍ତେ ଗାଜା ଦେବି ଲବାୟ କିନାଦେରା, ଇଦାଂ ଆନ୍ ହୁଡ଼ନାଙ୍ଗା ।”

୨୩ ଇନାକିଦେଂକି ଆନ୍ ବୁଲାନି ସମ୍ପୁତ ମି ପୁଜାକିତି ଝିଜୁ ଦିନିସ୍ ହୁଡ଼ ହୁଡ଼ ରୁ ଗାରଣି ପା ହୁଡ଼ତାଂ, ଇମ୍ଣା ଜପି ଇ କାତା ଲେକା ଆତାଡ଼ନା, “ପୁନ୍ଝିତି ଇସ୍ପରତି ଉଦେସ୍ତ ପେନ୍କୁତି କାଜିଂ ! ଲାଗିଂ, ଏପେଙ୍ଗ୍ ପୁନ୍ଝାଦାଂ ଇନେରିଙ୍ଗ୍ ପୁଜା କିନାଦେରା, ଆନ୍ ତାଙ୍ଗ୍ ମି ଲାଗାୟ ପରଚାର କିନାଙ୍ଗା ।”

୨୪ \*ଇମ୍ଫଣି ଇସ୍ଵର ପୁତ୍ର ଆରି ତାରେନ୍ନିକା ଝିଜୁ ଆଡ଼ମାଡ଼ ଉବ୍‌ଜାଣ୍ କିତାନ୍‌ନା, ହେୱାନ୍ ବାଦାଡ଼ତ ଆରି ପୁତ୍ର ନି ମାପୁ ଆତିଲେ କେଇରତ୍ତି ମନ୍ଦିରତ ବାହା କିତନ୍,

୨୫ କି ହେୱାର୍‌ତି ଇମ୍ଫଣାକା ଅବାବ୍ ମାତିଲେ ମାନାୟ୍ କେଇ ହୁଦାଂ ଉଦ୍ କିଜି ହେୱାନ୍ ହେବା କିୟା ଆଉନ୍, ଲାଗିଂ ହେୱାନ୍ ନିଜେ ଝିଜାରିଂ ଜିରୁନ୍‌ନି, ନେନ୍‌ଞ୍ଜେଇ ଆରି ଝିଜୁ ଆଡ଼ମାଡ଼ ଦାନ୍ କିଦ୍‌ନାନ୍ ।

୨୬ ରୱାନ୍ ମାନାୟ୍‌ତାଂ ହେୱାନ୍ ନାର୍ ଜାତିତିଂ ଉବ୍‌ଜାୟ୍ କିତାନ୍‌ନା ଆରି ତା କାତାଂ ହେୱାର୍ ପୁତ୍ର ନି ବିନ୍ ବିନ୍ ବାହାତ ବାହା କିନାରା ଆଗେ ଇସ୍ଵର ବାଟି କିତାନ୍‌ନା ।

୨୭ ହେୱାର୍‌ତି ଉଦେସ୍ ମାଚାଡ଼, ଝିଜାର୍ ଇନେସ୍ ହେୱାର୍‌ତି ଦାସ୍‌ଜି ପାୟାନ୍‌ନାର୍ । ମାତର୍ ହାଡ଼ପା ଇସ୍ଵର ଇନେରତାଂ ଦେହା ଆକାୟ୍ ।

୨୮ ଇନାକିଦେଂକି  
“ହେୱାନ୍ତି ତାକେ ମା ପ୍ରେନ୍, ହାନାକା ଆରି ଜିଜି ମାନାକା ।”

ଇନେସ୍ ମା ଜାର୍ କେଣ୍ଟାକାତ୍ ବିତ୍ରେ ପା କେତେକ୍ ଜାଣ୍ ଇଚାଣ୍ଟା,  
“ଇନାକିଦେଂକି ଆପେଂ ପା ହେୱାନ୍ତି ଲାତ୍ରା ।”

୨୯ ଝାଟିଙ୍ଗ୍, ଆପେଂ ଇସ୍ଵରତି ଲାତ୍ରା ଆତିଲେ ଇସ୍ଵରତି ଚିନ୍ ଲାକେ ମାନାୟ୍ ରତ୍ନାକାନ୍ ଆରି ହାୟାୟ୍ କିନାକାନ୍ ଇସାପ୍ରେ ବଲକ୍‌ବାର୍ କିଜି ହିନା କି ରୁପା କି କାଲ୍ ଲାକେ ବାବିକିନାକା ମା ଲତ୍ରା ଆକାୟ୍ ।

୩୦ ମାନାୟାର୍ ଇସ୍ଵରତିଂ ପୁନ୍‌ଝି ଝେଡାଲିଂ ହେୱାନ୍ ଦସ୍ ଆହ୍‌ଝାଦାଂ ମାଚାନ୍, ମାତର୍ ନଙ୍ଗ୍ ହେୱାନ୍ ସବୁତିଂ ଝିଜାକାରିଂ ହେୱାରିଂ ପାପ୍ ହାଜିତାଂ ମାନ୍‌ବାଦଲାୟ୍ କିଦେଙ୍ଗ୍ ବଲ୍ ହିନାଙ୍ଗା ।

୩୧ ଇନାକିଦେଂକି ଇମ୍ଫଣି ନାଜିଂ ହେୱାନ୍ ଜାର୍ କିତି ମୁଣିକାର୍ ହୁଦାଂ ଦାମ୍‌ନି ପୁତ୍ର ନି ବିଚାର୍ କାମାୟ୍ କିନାନ୍, ଏପେଙ୍ଗ୍ ର ନାଜିଂ ତିର୍ କିତାନ୍‌ନା, ଆରେ ହେଦେଲିଂ ହାକିତାକେଣ୍ଟାଙ୍ଗ୍ ବିତ୍ରେ ନିକ୍‌ତାନ୍ନା ଇ ବିସ୍ତେ ଝିଜାତ୍ ଲାଗେ ଜାଣାୟ୍ କିତାନ୍ନା ।

୩୨ ହାତାକାର୍ ଆରେ ନିଂନାକା କାତା ଝେନ୍‌ଞ୍ଜି ଇନେର୍ ଇନେର୍ ଗୁଇଦେଂ ଲାଗାତାର୍ ଆରେ ଇନେର୍ ଇନେର୍ ଇଚାର୍, ଆପେଂ ଆରେ ରଗ “ମିତାଙ୍ଗ୍ ଇ ବିସ୍ତେ ଝେନାସ୍ ।”

୩୩ ଇ ବାନି ପାଉଲ୍ ହେୱାର୍ ବିତ୍ରେତାଂ ହସି ହାଚାନ୍ ।

୩୪ ମାତର୍ ଇନେର୍ ଇନେର୍ ଲକୁ ତା ପାକ୍ୟା ଆଜି ପାତ୍ର କିତାର୍; ହେୱାର୍‌ତି ବିତ୍ରେ ଏରିୟପାଗିୟ୍ ଦିୟ୍‌ନୁସିୟ୍, ସବାନି ରୱାନ୍ ଦାମାରି ତର୍‌ନି ରଞ୍ଜେଲ୍ ତାଡ଼ି ଆରି ହେୱାର୍ ହୁଦାଂ ଆରେ କେତେକ୍ ଲକୁ ମାଚାର୍ ।

## ୧୮

### କରିନ୍ତିୟ୍ ବସ୍ତ୍ରତ ପାଉଲ୍‌ତି ହେବାକାମାୟ୍

୧ ଇ ଝିଜୁ ଗର୍‌ଶା ପାଚେ ହେୱାନ୍ ଏତେନ୍‌ସତାଂ ହାଲ୍‌ଜି କରନ୍ତିତ ଝାତାନ୍ ।

୨ ଆରେ, ହେୱାନ୍ ଆକ୍‌ଲିଆ ତର୍‌ନି ରୱାନ୍ ଜିହୁଦିଙ୍ଗ୍ ବେଟା ଆତାନ୍, ପତ୍ର ହେୱାନ୍ତି ଜଲମ୍ ବାହା; ହେୱାନ୍ ଅଲପ୍ ଦିନ୍ ଆତାଡ଼ ଜାର୍ କଗଲେ ପ୍ରିସ୍‌ଲି ଲାହାଙ୍ଗ୍ ଇତାଲିଆତାଂ ଝାଜି ମାଚାର୍, ଇନାକିଦେଂକି କ୍ଲାଉଦିଅ ଝିଜାର୍ ଜିହୁଦିରିଂ ରମ୍‌ତାଂ ହସି ହାଞ୍ଜେଙ୍ଗ୍ ବଲ୍ ହିଜି ମାଚାନ୍ । ହେୱାନ୍ ହେୱାର୍ ଲାହାଙ୍ଗ୍ ବେଟାୟ୍ କିଦେଙ୍ଗ୍ ହାଚାନ୍,

୩ ଆରେ, ହାରିବେପାରିର୍ ମାତିଲେ ହେୱାର୍ ହୁକେ ବାହା କିତାର୍, ଆରେ ହେୱାର୍ କାମାୟ୍ କିଦେଙ୍ଗ୍ ଲାଗାତାର୍, ଇନାକିଦେଂକି ବେପାର୍ତ୍ ହେୱାର୍ ତୁମ୍ ରତ୍ନାକାର୍ ମାଚାର୍ ।

୪ ଆରେ, ପାତି ଜମ୍‌ନିବାର୍‌ତ ହେୱାନ୍ ପାର୍ତାନା ଇଲ୍ ଆଲ୍‌ଚାନା ହିଜି ଜିହୁଦି ଆରି ଗ୍ରିକ୍‌ରିଂ ପାତ୍ର ବାତାୟ୍ କିଦେଙ୍ଗ୍ ସେସ୍ଟୁ କିତାନ୍ ।

୫ ଏତେକାଡ଼ଦ୍ ସିଲା ଆରି ତିମତି ମାକିଦନିଆତାଂ ଝାତାର୍, ହେ ଏତେକାଡ଼ଦ୍ ପାଉଲ୍ ବଚନ୍ ପର୍‌ଚାର୍‌ତ ବେସି ମାନ୍‌ଦିଆନ୍ ମାନ୍‌ଞ୍ଜି, ଜିସୁ ଜେ କ୍ରିସ୍ଟୁ ଆନାନ୍, ଇଦାଂ ଜିହୁଦିରତି ଲାଗାୟ୍ ସାକି ହିବିସ୍ ମାଚାନ୍ ।

୬ ମତର୍ ହେୱାର୍ ଆପତି ଆରି ନିୟା କିତିଲେ ହେୱାନ୍ ଜାର୍ ହେୟା ଡାଡ଼ତି ହେୱାରିଂ ଇଚାନ୍, “ମି ନେତେର୍ ମି କାପ୍‌ଡା ଜପି ଆରେଡ଼, ଆନ୍ ପାପି ଆକାୟ୍ ନଙ୍ଗ୍ ପାତ୍ର କିଝି ଜିହୁଦିର୍ ଲାହାଙ୍ଗ୍ ହାନାଂ ।”

୭ ହେବେଣ୍ଟାଂ ହେୱାନ୍ ହେ ବାହାତାଂ ହାଲ୍‌ଜି ତିତସ୍ ଜୁସ୍ ତର୍‌ନି ରୱାନ୍ ଇସ୍ଵରତି ପୁଜା କିନାକାନ୍ ଇଞ୍ଜ ହାଚାନ୍, ହେଦାଂ ପାର୍ତାନା ଇଲ୍‌ତିଙ୍ଗ୍ ଲାଗାଜି ମାଚାଡ଼ ।

୮ ମତର୍ ପାର୍ତାନା ଇଲ୍‌ନି ମୁଣିକା କ୍ରିସ୍ଟୁ ଆରି ଇଲ୍‌ନିକାର୍ ମାପୁ ତାକେ ପାତ୍ର କିତାର୍, କରନ୍ତିୟ୍ ବିତ୍ରେ ଆଦେକ୍ ଝେନ୍‌ଞ୍ଜି ପାତ୍ର କିଦେଙ୍ଗ୍ ଲାଗାତାର୍ ଆରି ବାପ୍ତିସିମ୍ ଆତାର୍ ।

୯ ଆରେ, ମାପୁ ନାଣା ହୁଡ଼ନାକା ହୁଦାଂ ପାଉଲ୍‌ତିଂ ଇଚାନ୍, “ପାଣ୍ଟା ଆମା, ଚିମ୍‌ରା ଆଝାଦାଂ ପର୍‌ଚାର୍ କିୟା,

୧୦ ଇନାକିଦେଂକି ଆପ୍ ମି ଲାହାଙ୍ଗ୍ ମାନାପ୍, ଇମ୍ଫଣି ଲଗୁ ପା ମି କେତି କିଦେଙ୍ଗ୍ ନିଂ ମାଡିବହା ଆଦୁନ୍, ଲାଗିଂ ମାଝାର୍ ଆଦେକ୍ ଲକୁ ଇ ଗାଡ଼ଦ୍ ମାନାର୍ ।”

\* ୧୭:୨୪ ପଦ୍ୟାବଳୀ ୭:୪୮.

୧୧ ଆରେ, ହେୱାନ ହେୱାର ଲାଗାୟ ଇସ୍ବରତି ବଚନ ହିକ୍ୟା ହିଜି ବାହେକ୍ ଆଦା ହେବେ ବାହା କିତାନ ।

୧୨ ମତର୍ ଗାଲ୍ଲିୟନ୍ ଆକାୟାନି ରମିୟ ସାସନକାରୟା ମାନି ଖେଡାଲିଂ ଜିହୁଦିର୍ ପାଉଲ୍ଲତି ବିରୁଦ୍ଧତ ର ମାନ ଆଜି ନିଂଜି ତାଙ୍ଗ୍ ଗାଦି ଲାଗାୟ ତାହି ଇଚାର୍,

୧୩ “ଇ ମାନାୟ” ବିଦିନି ଉଲ୍ଲଟା ବାବ୍ରେ ଇସ୍ବରତି ପାର୍ତାନା କିଦେଙ୍ଗ୍ ଲକାରିଂ ଚିଉଲ୍ଲାୟ କିନାକା ।

୧୪ ମତର୍ ପାଉଲ୍ଲ ମୁମ୍ ରିକ୍ତି କାତା ଇଞ୍ଜେଙ୍ଗ୍ ଜାଲ୍ଲଦି ଆତିହିଂ, ଗାଲ୍ଲିୟନ୍ ଜିହୁଦିର୍ ଇଚାନ, ଇନେସ୍ବକିତିସ୍ପା ଅନ୍ୟାୟ କି ବାନ୍ୟା କାମାୟ ଜଦି ଆଜି ମାତିସ୍ ଖାଟିଙ୍ଗ୍, ହେ ଜିହୁଦିର୍, କାଲେତାଂ ମି କାତା ଖେନାକା ହାରାଖାତାତ୍ମା;

୧୫ ମତର୍ ଜଦି ଇ ସବୁ ଆପକା ବଚନ, ତର୍ ଆରି ମି ବିଦି ବିସ୍ତେ କିର ଆନାତ୍, ଖାଟିଙ୍ଗ୍ ଏପେଙ୍ଗ୍ ନିଜେ ହେଦାଂ ବୁଜାନାଦେର୍; ଆନ୍ ଇ ସବୁ ବିସ୍ତେ ବିଚାରକାରୟା ଆଦେଂ ଇଚା କିଉଙ୍ଗା ।

୧୬ ଆରେ, ଇଦାଂ ଇଞ୍ଜି ହେୱାନ ଗାଦି ବାହାତାଂ ପେସ୍ବାର୍ ।

୧୭ ହେବେଶ୍ଟାଂ ଖିଜାର୍ ପାର୍ତାନା ଇଲ୍ଲନି ମୁଣିକା ସସ୍ଥନାତିଂ ଆସ୍ତି ଗାଦି ବାହାତ ଗ୍ରାକ୍ତେଂ ଲାଗାତାର୍; ମତର୍ ଗାଲ୍ଲିୟନ୍ ହେ ଖିଜୁ ବିସ୍ତେ ହୁଡ଼୍ଝାତାନ ।

**ସିରିନି ଆନ୍ତିୟକିଆତ ପାଉଲ୍ଲ ମାସ୍ବଦି ଖାତାନ**

୧୮ ପାଉଲ୍ଲ ବେସି ଦିନ୍ ପାତର୍ କିନି ଟଣ୍ଡାର୍ ଆରି ତଣ୍ଡେକ୍ ଲାହାଂ ଇଦାଂ ପାତେ ପାଉଲ୍ଲ ବେସି ଦିନ୍ ବାହା କିତାନ । ତା ପାତେ ହେୱାନ ପିସ୍ତି ପ୍ରିସ୍ତିଲ୍ଲା ଆରି ଆକ୍ଲିଲା ଲାହାଂ ସିରିୟାନି ଏସ୍ ଜାଜତ ହାଚାର୍ । କେକ୍ଲେୟାତାଂ ଏସ୍ ଜାଜ ଆରମ୍ କିନି ଆଗେ ତାଙ୍ଗେଙ୍ଗ୍ ର ମାନ୍ତ ଇସାବ୍ରେ ହେୱାନ୍ତି କାପ୍ତା କୁରାୟ କିୟକିତାର୍ ।

୧୯ ପାତେ ହେୱାର୍ ଏପିସତ ଖାତାର୍, ଆରେ ହେୱାନ ହେ ବାହାତ ହେୱାରିଂ ପିସ୍ତି ନିଜେ ପାର୍ତାନା ଇଞ୍ଜି ହଣ୍ଡି ଜିହୁଦିର୍ ଲାହାଙ୍ଗ୍ ଆଲ୍ଲଟାନା କିତାର୍ ।

୨୦ ଆରେ, ହେୱାର୍ ତାଙ୍ଗ୍ ଆଦିକ୍ ସମୁ ମାଞ୍ଜେଙ୍ଗ୍ ଗଞ୍ଜାରି କିତିଲେ, ହେୱାନ ରାଜି ଆଖାତାନ ।

୨୧ ମତର୍ ହେୱାନ ହେଲ ଅଜି ଇଚାନ, “ଇସ୍ବରତି ଇଚା ଆତିସ୍ ଆରେ ରଗ ମି ତାକେ ମାସ୍ବଦି ଖାନାଙ୍ଗ୍” ହେୱାନ ଜାଜତ ହାଲ୍ଲଜି ଏପିସତ ମାସ୍ବଦି ହାଚାନ ।

୨୨ କାଈସରିୟାତ ଏକିସ୍ ହେୱାନ ଜାଜ ତାଂ ଜୁତାନ, ଆରେ ହାଲ୍ଲଜି ମଣ୍ଡଲିତିଂ ମେହାଜି ଆନ୍ତିୟକିଆତ ତାଂଜି ହାଚାନ ।

୨୩ ହେ ବାହାତ କେତେକ୍ ସମୁ ମାତି ପାତେ ହେୱାନ ହାଚାନ, ଆରେ ଦାଡ଼ିତାଂ ଗାଲ୍ଲାତିୟ ନିପ ଆରି ପୁଗିଆ ହିଜି ହାଲ୍ଲୁ ହାଲ୍ଲୁ ଚେଲାର୍ ଖିଜାରିଂ ସୁସ୍ତା କିଜି ମାଚାନ ।

**ଏପିସସ୍ ଆରି କରନ୍ତିତ ଆପଲ୍ଲ**

୨୪ ଖିସ୍ତି ବିତ୍ରେ ଆପଲ୍ଲ ତରନି ରଞ୍ଜାନ ଜିହୁଦି ଏପିସତ ଖାତାନ, ହେୱାନ୍ତି ଜଲମ୍ ବାହା ଆଲେକ୍ଜାଣ୍ଡ୍ରିୟ; ହେୱାନ ହାର୍ ବେରଣ୍ କିନାକାନ ଆରି ଦରମ୍ ସାସ୍ବରତ ଆଡନାକାନ ମାଚାନ ।

୨୫ ଇ ମୁଣିକା ମାପୁତି ହାଜି ବିସ୍ତେ ସିକ୍ୟା ପାୟା ଆଜି ମାଚାନ, ଆରେ ଜିରୁନ୍ତ ରିସାଜି ଜିସୁତି ବିସ୍ତେ ହାର୍ଦି ହିକ୍ୟା ହିଜି ମାଚାନ, ମାତର୍ ହେୱାନ ଆପକା ଜହନ୍ତି ବାପ୍ରିସିମ୍ ବିସ୍ତେ ପୁଞ୍ଜି ମାଚାନ;

୨୬ ହେୱାନ ପାର୍ତାନା ଇଲ୍ଲ ସାସ୍ ଲାହାଙ୍ଗ୍ କାତା ଇଞ୍ଜେଙ୍ଗ୍ ଲାଗାତାନ । ମତର୍ ପ୍ରିସ୍ତିଲ୍ଲା ଆରି ଆକ୍ଲିଲା ତା କାତା ଖେନ୍ଞ୍ଜି ତାଙ୍ଗ୍ ଜାର୍ତି ଲାହାଙ୍ଗ୍ ଇଡ଼ଜି ଆଦିକ୍ ଟିକିନିକି ବାବ୍ରେ ଇସ୍ବରତି ହାଜି ବିସ୍ତେ ତାଙ୍ଗ୍ ହିକ୍ୟା ହିତାର୍ ।

୨୭ ହେୱାନ ଆକାୟା ଦେସ୍ତ ହାନି କାଜିଂ ଇଚା କିତିଲେ ଟଣ୍ଡାର୍ ତାଙ୍ଗ୍ ବାସ୍ ହିଜି ତାଙ୍ଗ୍ ଇଚ୍ଚିନି କାଜିଂ ଚେଲାରିଂ ଲେକିକିତାନ । ହେୱାନ ହେବେ ଏକିସ୍, ଇମ୍ଘାକାର୍ ପାତର୍ କିଜି ମାଚାର୍, ଇସ୍ବରତି ଦୟା ହୁଦାଂ ହେୱାର୍ତି ବେସି ଉପ୍କାର୍ କିତାନ,

୨୮ ଇନାକିଦେଂକି ଜିସୁ ଜେ କ୍ରିସ୍ଟ, ଇଦାଂ ଦରମ୍ ସାସ୍ବରତ ହୁଦାଂ ପାର୍ମାଣ୍ କିଜି ହେୱାନ ହପ୍ନି ସାକ୍ତି ଲାହାଙ୍ଗ୍ ଜିହୁଦିର୍ତି ଜିକାଟାଣା ସବୁ ଆରାୟ କିଦେଙ୍ଗ୍ ଲାଗାତାନ ।

**୧୯**

**ଏପିସତ ପାଉଲ୍ଲ**

୧ ଆପଲ୍ଲ କରନ୍ତିତ ମାନି ଖେଡାଲିଂ ପାଉଲ୍ଲ ଖେଡାହନି ବିତ୍ରେ ହିଜି ହାଲ୍ଲଜି ଏପିସ ଗାଡ୍ଦ ଏକାତାନ ହେବେ ହେୱାନ କେତେକ୍ ଚେଲାରିଂ ଚଞ୍ଜାତାନ ।

୨ ହେୱାନ ହେୱାରିଂ ଖେନ୍ବାତାନ, “ପାତର୍ କିନି ଖେଡାଲିଂ ଇନାକା ପୁଇପୁୟା ଜିରୁନ୍ତିଂ ଗାଗାଜି ମାଚାଦେର୍ କି ?” ହେୱାର୍ ତାଙ୍ଗ୍ ଉତର୍ ହିତାର୍, ଆକାୟ “ପୁଇପୁୟା ଜିରୁନ୍ ଜେ ମାନାତ୍, ଇଞ୍ଜି ଆପେଂ ଖେନ୍ଞାତାପ୍ଲା ।”

୩ ଲାଗିଂ ହେୱାନ ଖେନ୍ବାତାନ, “ଖାଟିଙ୍ଗ୍ ଏପେଙ୍ଗ୍ ଇନାକାତ ବାପ୍ରିସିମ୍ ଆଜି ମାଚାଦେର୍ ?” “ହେୱାର୍ ଇଚାର୍, ଜହନ୍ତି ବାପ୍ରିସିମ୍ତ ।”

୪\*ହେବେଣ୍ଡାଂ ପାଉଲ୍ ଇଚାନ୍, “ଜହନ୍ ମାନ୍ବାଦଲ୍ଲାୟ୍ କିନ୍ ବାପ୍ରିସିମ୍ତ ବାପ୍ରିସିମ୍ ହିଜି, ଜିସୁ ପାଚେ ଇନେର୍ ଖାନାନ୍, ହେଖାନ୍ ତାକେ, ଇତିସ୍ ଜିସୁତି ତାକେ ପାଚି କିଦେଙ୍ଗ୍ ଆନାଡ୍ ଇଞ୍ଜି ଜହନ୍ ଇସ୍ରାଏଲ୍ ଲକ୍ସୁରିଂ ଇଞ୍ଜି ମାଚାନ୍ ।”

୫ ହେଖାନ୍ ଇଦାଂ ଖେନ୍ଞି ମାପୁ ଜିସୁତି ତରଦ ବାପ୍ରିସିମ୍ ଆତାର୍,

୬ ଆରେ ପାଉଲ୍ ହେଖାନ୍ ଜପି କେଇ ଇଚ୍ଚିଲେ, ପୁଇପୁୟା ଜିବୁନ୍ ହେଖାନ୍ ଜପି ଜୁଡ୍ତାନ୍, ଆରେ ହେଖାନ୍ ବାଚ୍ଚିନ୍ ବାସାତ କାତା ଇଞ୍ଜେଙ୍ଗ୍ ଆରି ବେଶ୍ବାକ୍ଶାୟ୍ କିନାକାନ୍ ପା ଇଞ୍ଜେଙ୍ଗ୍ ଲାଗାତାନ୍ ।

୭ ହେଖାନ୍ ଖିଜାନ୍ ଆନ୍ ମାନ୍ତ ବାଚ୍ ଜାଣ୍ ଆଣ୍ଡାହିମଣାଂ ମାଚାନ୍ ।

୮ ପାଚେ ହେଖାନ୍ ପାର୍ତାନା ଇଞ୍ଜି ହଣ୍ଡି ତିନ୍ ମାସ୍ ପାଚେକ୍ ସାସ୍ ଲାହାଙ୍ଗ୍ ଇସ୍ପୁରିତି ରାଜି ବିସ୍ତେ ଉପ୍ଦେସ୍ ହିଜି ପାଚି ବାତାୟ୍ କିଦେଂ ସେସ୍ କିଦେଙ୍ଗ୍ ଲାଗାତାନ୍ ।

୯ ମତର୍ ହେ ଏଚେକାଡ୍ଦ୍ ଏଚେକ୍ ଲକ୍ସୁ ଆବ୍ଝା ଆରି ଅମାନ୍ୟା ଆଜି ଲକ୍ସୁର୍ ମୁମ୍ଦ ହେ ହାଜି ବିସ୍ତେ ନିନ୍ଦା କିଦେଙ୍ଗ୍ ଲାଗାତାନ୍, ହେ ଏଚେକାଡ୍ଦ୍ ହେଖାନ୍ ହେଖାରିଂ ପିସ୍ତ୍ରେ ଚେଲାର୍ ବିନେ କିତାନ୍, ଆରେ ନିତ୍ରେ ତୁରାନ୍ନି ଇଲ୍ ଆଲ୍ତାନା କିଦେଙ୍ଗ୍ ଲାଗାତାନ୍ ।

୧୦ ଇ ବାନି ରି ବାହ୍ ପାଚେକ୍ ଆତାଡ୍; ହେବେ ଆସିଆ ନିକାର୍ ଜିହୁଦି ଆରି ଗ୍ରିକ୍ ଖିଜାନ୍ ମାପୁତି ବଚନ୍ ଖେଚାନ୍ ।

**ସ୍ଲୋବାନି ହିମ୍ଣାଂ**

୧୧ ଆରେ, ଇସ୍ପୁର୍ ପାଉଲ୍ତିଂ କେଇ ହୁଦାଂ ଆବିଷ୍ଟି ସାକ୍ତିନି କାମାୟ୍ କିଜି ମାଚାନ୍,

୧୨ ଏଲେଂକି ପାଉଲ୍ ତା ଗାଗାଡ୍ତାଂ ରୁମାଲ୍ କି ତୁଖାଲ୍ ରଗ୍ୟାର୍ ଲାଗେ ତାହିଖାତିସ୍, ହେଖାନ୍ ତାଙ୍ଗ୍ ରଗ୍ ପିସ୍ତ୍ରେ ହାଲ୍ଜି ମାଚାଡ୍ ଆରି ବାନ୍ୟାପୁଦା ହସି ହାଲ୍ଜି ମାଚିକ୍ ।

୧୩ ମତର୍ ବୁଲାନି ଜିହୁଦିର୍ ତୁଚ୍ଚିଆର୍ ବିତ୍ରେ କେତେକ୍ ଜାଣ୍ତିଂ ବାନ୍ୟାପୁଦା ଲାଗାଜି ମାଚି ଲକ୍ସୁର୍ ଜପି ମାପୁ ଜିସୁତି ତର ଇତିଲେ କସ୍ ଆଜି ଇଚିକ୍, ଇମ୍ଣି ଜିସୁଙ୍ଗ୍ “ପାଉଲ୍ ସୁଣାୟ୍ କିଦେଙ୍ଗ୍ ଲାଗାନାନା, ଆନ୍ ମିଙ୍ଗ୍ ହେଖାନ୍ତି ବଲ୍ ହିଦ୍ନାଙ୍ଗା ।”

୧୪ ଆରେ, ସ୍ଲୋବା ତରନ୍ ରଖାନ୍ ଜିହୁଦି ମୁଡ୍ ମାପୁହେବା କିନାକାନ୍ତି ସାଡ୍ଜାଣ୍ ମାଜିର୍ ଇ ଲାକେ କିଜି ମାଚାନ୍ ।

୧୫ ହେବେ ବାନ୍ୟାପୁଦା ହେଖାରିଂ ଉତର୍ ହିତାନ୍, “ଆପ୍ ଜିସୁଙ୍ଗ୍ ପୁନାପ୍ ଆରି ପାଉଲ୍ତିଂ ଚିନିକିତାପନ୍ନା; ମତର୍ ଏପେଙ୍ଗ୍ ଇମ୍ଣାକାଦେର୍ ?”

୧୬ ହେ ଏଚେକାଡ୍ଦ୍ ବାନ୍ୟାପୁଦା ଆହ୍ୟାତି ଲଗୁ ହେଖାନ୍ତି ଜପି ଗୁମ୍ଜି ସାକ୍ତିତାଂ ହେଖାନ୍ ରିୟାରିଂ ଆରାୟ୍ କିଜି ହେଖାରିଂ ଦାକା କିତାଡ୍ ଜେ, ହେଖାନ୍ ନାଗ୍ଡା ଆରି ଗାଅଦାଆ ଆଜି ହେ ଇଲ୍ତାଙ୍ଗ୍ ହସି ହାଚାନ୍ ।

୧୭ ଇ କାତା ଏପିସ ନିକାର୍ ଜିହୁଦି ଆରି ଗ୍ରିକ୍ ଖିଜାନ୍ ପୁଚାନ୍ । ହେବେ ଖିଜାନ୍ ପାଣ୍ଡା ଆତାର୍, ଆରେ ମାପୁ ଜିସୁତି ତର ଜାଜ୍ମାଲ୍ ଆଦେଂ ଲାଗାତାଡ୍ ।

୧୮ ଆରେ, ପାଚି ନିକାର୍ ବିତ୍ରେ ଆଦେକ୍ ଖାଜି ଜାଚ୍ ଜାଚ୍ କାମାୟ୍ ମାନିକିତାଚ୍ ଆରି ଖେଚ୍ଚେଂ ଲାଗାତାଚ୍,

୧୯ ଆରେ ମତର୍ କାମାୟ୍ କିନାକାର୍ ଆଦେକ୍ ଜାଚ୍ ଜାଚ୍ ପତି ତାହିଖାଜି ରୁଣ୍ଡାୟ୍ କିଜି ଖିଜାକାର୍ ମୁମ୍ଦ ହୁଡ୍ଜି ତୁହିତାଚ୍; ହେଖାନ୍ ହେ ସବୁନି ମଲ୍ ହିସାବ୍ କିତିଲେ ହେଦାଂ ରିକଡ୍ ଦସ୍ ହାଜାଚ୍ ରୁପା ଟାକାଂ ଇଞ୍ଜି ହୁଡ୍ତାଚ୍ ।

୨୦ ଇ ଲାକେ ମାପୁତି ବଚନ୍ ସାକ୍ତିତାଂ ବାତାଦେଂ ଆରି ଆଦିକ୍ ସାକ୍ତି ଆଦେଂ ଲାଗାତାଡ୍ ।

**ଏପିସତ ଲାଗାଜଡ୍**

୨୧ ଇ ଖିଜୁ ବିସ୍ତେ ଖିସ୍ତ୍ରେ ପାଚେ ପାଉଲ୍ ମାକିଦନିଆ ଆରି ଆକାୟା ହିଜି ଜିରୁସାଲମ୍ତ ହାଞ୍ଜେଙ୍ଗ୍ ମାନ୍ତ ତିର୍ କିଜି ଇଚାନ୍, “ହେବେ ହାଚି ପାଚେ, ନାଙ୍ଗ୍ ରମ୍ତ ପା ହାଞ୍ଜେଙ୍ଗ୍ ଆନାଡ୍ ।”

୨୨ ଆରେ, ଇମ୍ଣାକାର୍ ହେଖାନ୍ତି ହେବା କିଜି ମାଚାଚ୍, ହେଖାନ୍ ବିତ୍ରେ ତିମତି ଆରି ଏରାସ୍, ଇ ରିୟାରିଂ ମାକିଦନିଆତ ପକ୍ତି ହେଖାନ୍ ନିଜେ ଅଲପ୍ କାଡ୍ ପାଚେକ୍ ଆସିଆ ଦେସ୍ତ ମାଚାନ୍ ।

୨୩ ହେ ଖେଡାଲିଂ ଇ ହାଜି ବିସ୍ତେ ବେସି ଅଜି ଏପିସତ ବେସି ଗଣ୍ଡଗଲ୍ ଆତାଡ୍ ।

୨୪ ଇନାକିଦେଂକି ଦିମିଡ୍ରିୟ୍ ତରନ୍ ରଖାନ୍ ହନାରି ଆର୍ଡେମିନି ରୁପା ମନ୍ଦିର୍ ରଚ୍ଚି ମାଚାନ୍, ଆରେ ବାନାରଚ୍ନାକନ୍ ବେସି ଲାବ୍ କିଜି ମାଚାଚ୍ ।

୨୫ ହେଖାନ୍ ହେଖାରିଂ ଆରି “ହେ ବେପ୍ରିୟାର୍ ବାନାରଚ୍ନାକାରିଂ କୁକ୍ତି ଇଚାନ୍, ମାପୁର୍, ଇ ବେପାର୍ ହୁଦାଂ ଆପେଂ ଦନ୍ ପାୟାନାପ୍ ଇଞ୍ଜି ଏପେଙ୍ଗ୍ ପୁନାଦେରା;

୨୬ ଆରେ, କେଇରଚ୍ଚି ପୁଡ୍ତାଂ ଇସ୍ପୁର୍ ଆକାୟ୍ ଇଞ୍ଜି ଇଞ୍ଜି ଇ ପାଉଲ୍ କେବଲ୍ ଏପିସତ ଆକାୟ୍, ମତର୍ ଖିଜୁ ଆସିଆତ ଦେସ୍ତ ଜବର୍ ମାନାୟ୍ତିଂ ବୁଜାୟ୍ କିୟ୍ କିଜି ଇନାନା, ଇଦାଂ ଏପେଙ୍ଗ୍ ହୁଡ୍ନାଦେରା ଆରି ଖେନାଦେରା ।

\* ୧୯:୪ ମାଡିଉ ୩:୧୧; ମାର୍କ ୧:୪,୭,୮; ଲୁକ ୩:୪,୧୭; ଜହନ୍ ୧:୨୭,୨୭.



୨୭ ଇବେ ଜେ କେବଲ୍ ମା ଇ ବେପାର୍‌ନି ବାନ୍ୟା ତର୍ ଆନାକା ପାଣ୍ଡୁ ମାନାଡ଼, ହେଦା° ଆକାୟ୍, ମତର୍ ଇମ୍‌ଣି ଗାଜା ପେନ୍ ଆର୍ଡେମିତି ଝିଲ୍ ଆସିଆ ଆରି ପୁର୍ ଜାକ୍ ପାର୍ତ୍ତନା କିତାର୍, ହେଝାନ୍ତି ମନ୍ଦିର୍ ପା ଉଣା ଆନାକା ଆରି ତାଦା° ସନ୍‌ମାନ୍ ନସ୍ ଆଦେ° ପା ଗିଟାନି ପାଣ୍ଡୁ ମାନାଡ଼ ।”

୨୮ ଇ କାତା ଝେନ୍‌ଝି ହେଝାର୍ ରିସାତ ବାତର୍ ଆଜି ରାଟୁ କିଜି ଇଞ୍ଜେଙ୍ଗ୍ ଲାଗାତାର୍, ଏପିସିୟର୍‌ତି “ଆର୍ଡେମି ଗାଜା ପୁର୍ତ୍ତା ଜୟ୍ ଆଏଡ଼ ।”

୨୯ ଇବେଣ୍ଡା° ଗାଡ଼୍ କିରତ ବାତର୍ ଆତାଡ଼, ଆରେ ହେଝାର୍ ର ମାନ୍‌ତା° ପାଉଲ୍‌ତି ରଚେ ହାଟାକାନ୍ ମାକିଦନିଆନି ଗାୟ୍ ଆରି ଆରିସ୍ତାକ୍‌ତି° ଆସ୍ତି ମେଲ୍ୟାର୍ ରୁମିତ ହନ୍‌ଞ୍ଚି ହାଟାର୍ ।

୩୦ ଇବେ ପାଉଲ୍ ଲକୁ ବିତ୍ରେ ହାଞ୍ଜେଙ୍ଗ୍ ଇଟା କିତାନ୍, ମତର୍ ତେଲାର୍ ତାଙ୍ଗ୍ ହାଞ୍ଜେଙ୍ଗ୍ ହିଝାତାର୍ ।

୩୧ ଆରେ, ଆସିଆନି ମୁଡ଼ କାମାୟ୍ କିନାକାର୍ ବିତ୍ରେତା° ପା ଏଚେକ୍ ଜାଣ୍ ହେଝାନ୍ତି ହାଙ୍ଗ୍‌ଦାକାର୍ ମାଟିଲେ ଲକୁ ପକ୍ତି ମେଲ୍ୟାର୍ ରୁମି ବିତ୍ରେ ସାସ୍ ହିଲ୍‌ଝାଦା° ହାଲ୍‌ଝି କାଜି° ତାଙ୍ଗ୍ ଗଝାରି କିତାନ୍ ।

୩୨ ହେ ଏଚେକାଡ଼୍‌ଦ ଇନେର୍ ଇନେର୍ ଇ କାତା, ଇନେର୍ ଇନେର୍‌କି ହେ କାତା ଇଞ୍ଜି କିକିରାତି° କିଜି ମାଟାର୍, ଇନାକିଦେ°କି ସବା ରାଟୁତ ବାତର୍ ଆଜି ମାଟାଡ଼, ଆରେ ହେଝାର୍ ଜେ ଇନାକିଦେ° ରବେରୁଣ୍ଡା ଆତାଣ୍ଡା, ହେଦା° ଆଦେକ୍ ପୁନ୍‌ଝାଦା° ମାଟାର୍ ।

୩୩ ଆରେ, ଜିହୁଦିର୍ ଆଲେକ୍‌ଜାଣ୍ଡରତି° ଆଗେ ହପ୍‌ତି ତାହିଝାତିଲେ ଲକୁ ବିତ୍ରେତା° ଇନେର୍ ଇନେର୍ ତାଙ୍ଗ୍ ଚିତଲାୟ୍ କିତାର୍; ହେବେ ଆଲେକ୍‌ଜାଣ୍ଡର୍ କେଇଦା° ଚର୍‌ଚି ଲକୁର୍ ଲାଗାୟ୍ ହେଝାର୍‌ତି ପାକ୍ୟାଜି ଇଞ୍ଜେଙ୍ଗ୍ ଇଟା କିତାନ୍ ।

୩୪ ମତର୍ ହେଝାନ୍ ରଝାନ୍ ଜିହୁଦି ଇଞ୍ଜି ହେଝାର୍ ପୁଟାର୍, ହେ ଏଚେକାଡ଼୍‌ଦ ଝିଜାର୍ କାଟ୍‌ତ ରି ଗଣ୍ଡା ପାତେକ୍ କିକିରାତି° କିଜି ଇଞ୍ଜେଙ୍ଗ୍ ଲାଗାତାର୍, ଏପିସିୟର୍‌ତି “ଆର୍ଡେମି ଗାଜା ପୁର୍ତ୍ତା ଜୟ୍ ଆଏଡ଼ ।”

୩୫ ପାଚେ ଗାଡ଼୍‌ନି ମୁସ୍ତିଦାର୍ ଲକୁ ଝିଜୁତି° ସୁସ୍ତା କିଜି ଇଟାର୍, “ଏ ଏପିସିୟନି ଲକୁର୍, ଏପିସ ଗାଡ଼୍‌ଜେ ଗାଜା ପୁର୍ତ୍ତା ଆର୍ଡେମି ମନ୍ଦିର୍ ଆରି ବାଦାଡ଼୍‌ତା° ଜୁଜି ଝାଜିମାନି ପୁର୍ତ୍ତା ମନ୍ଦିର୍‌ନି କାର୍‌ନିୟା, ଇଦା° ଇନେର୍ ପୁନ୍‌ଝାତାଣ୍ଡା ?

୩୬ ଇନେର୍ ମାନିକିଉର୍ ଇ ସବୁ କାତା ଡ୍ରିଙ୍ଗ୍‌ଝିଲେ ମିଦାଙ୍ଗ୍ ସୁସ୍ତା ଆନାକା ଆରି ବାବିକିଝି କାମାୟ୍ କିଝି କାତା ।

୩୭ ଇନାକିଦେ°କି ଇ ଇମ୍‌ଣି ଲକୁରି° ଏପେଙ୍ଗ୍ ତାହିଝାତାଦେଣ୍ଡା, ଇଝାର୍‌ତ ମନ୍ଦିର୍ ଚରି କିନାକାର୍ ଆକାୟ୍ କି ମା ଦେବିତି° ନିନ୍ଦା କିନାକାର୍ ଆକାୟ୍ ।

୩୮ ଲାଗି° ଜଦି ଇନେର୍‌ତର୍ ବିରୁଦ୍‌ତ ଦିମିଡ୍ରିୟ୍ ଆରି ତା ହା°ଙ୍ଗ୍‌ଦାକାନ୍ ବାନାର୍‌ଚ୍‌ନାକାତର୍ ଇନାକାପା କାତା ମାଟିସ୍, ତା ଆତିସ୍ ବିଚାଣ୍ଡା ଇଲ୍ ଜେତାକା ମାନାଡ଼ ଆରି ସାସନ୍‌କାର୍‌ୟାର୍ ମାନାଡ଼; ହେଝାର୍ ହାରି ବିରୁଦ୍‌ତ ଦାବା କିଏର୍ ।

୩୯ ମତର୍, ଜଦି ମିଦାଙ୍ଗ୍ ବିନ୍ ଇମ୍‌ଣି ଦାବା ମାଟିସ୍, ଝାଟିଙ୍ଗ୍ ନିୟ୍‌ମ କିତି ର ସବାତ ତା ରୁଜୁକ୍ ଆନାଡ଼ ।

୪୦ ଇନାକିଦେ°କି ହାଡ଼୍‌ପାନେ ନେଞ୍ଜେଙ୍ଗ୍‌ନି କିର ଅଜି ମା ବିରୁଦ୍‌ତ ଦାବା ଆନି ପାଣ୍ଡୁ ମାନାଡ଼; ଆପେ° ଇ କିର ଇମ୍‌ଣି କାରଣ୍ ଚର୍‌ଚେଙ୍ଗ୍ ଆଡୁପ୍ ।”

୪୧ ଇଦା° ଇଞ୍ଜି ହେଝାନ୍ ସବାନି ଝିଜାରି° ହେଲଝେୟ୍ ହିତାନ୍ ।

## ୨୦

### ମାକିଦନିଆ ଆରି ଆକାୟାତ ଜାତ୍ରା

୧ ହେ ଗଣ୍ଡଗଲ୍ ଚିମ୍‌ରା ଆତି ପାଚେ ପାଉଲ୍ ଚେଲାର୍ କୁକ୍ତି ହେଝାରି° ଝାରିକିୟ୍‌କିନି ପାଚେ, ଆରେ ହେଝାର୍ ତାଙ୍ଗ୍ ହେଲଝେୟ୍ ଅଜି ମାକିଦନିଆତ ହାଟାର୍ ।

୨ ହେଝାନ୍ ଇମ୍‌ଣି ନିପ ହିଜି ହାଲ୍‌ଜି ହେଝାନ୍ ମାନାୟାର୍ ବେସି ଝାରିକିୟ୍‌କିନି ପାଚେ ଗ୍ରିସତ ଝାତାନ୍ ।

୩ ହେଝାନ୍ ହେ ବାହାତ ତିନ୍ ମାସ୍ ମାଞ୍ଜି ଏଚେକାଡ଼୍‌ଦ ଜାଜ୍‌ତ ଦୁମ୍‌ଜି ସିରିୟାତ ହାଞ୍ଜେଙ୍ଗ୍ ସେସ୍ତା କିତାନ୍, ଏଚେଝାଡ଼ା° ଜିହୁଦିର୍ ପାଉଲ୍‌ତି° ବିରୁଦ୍‌ତ ହାଟୁର୍ କିତିଲେ ହେଝାନ୍ ମାକିଦନିଆ ହିଜି ମାସ୍‌ଦିହାଞ୍ଜେଙ୍ଗ୍ ବାବି କିତାନ୍ ।

୪ ଆରେ ବେରିୟାନିକାର୍ ପୁରତି ମାଜି ସପାଡୁ, ତେସ୍‌ଲନିକିୟ୍ ନିକାର୍ ବିତ୍ରେ ଆରିସ୍ତାକ୍ ଆରି ସେକ୍ସ୍‌ମ, ଦର୍‌ନି ଗାୟ୍, ତିମତି, ଆରେ ଆସିଆନି ଲକୁ ବିତ୍ରେ ତୁକକ ଆରି ତ୍ରପିମ ତା ହାଙ୍ଗ୍‌ଦା° ହାଟାର୍ ।

୫ ଇଝାର୍ ଝିଜାର୍ ଆଗେ ହାଲ୍‌ଜି ତ୍ରୟାତ ମାଙ୍ଗେଙ୍ଗ୍ କାସି ମାନ୍‌ଞ୍ଚାନ୍ ।

୬ ଆରେ, ହଇଝି ରୁଟିନି ପାର୍ବୁ ପାଚେ ଆପେ° ଜାଜ୍‌ତ ଦୁମ୍‌ଜି ପିଲିପିତା° ହାଜି ଆସ୍ତାପ୍, ଆରେ ପାଞ୍ଚ ଦିନ୍ତ ତ୍ରୟାତ ହେଝାର୍ ଲାଗାୟ୍ ଝାତାପ୍; ହେ ବାହାତ ଆପେ° ସାଡ଼୍ ଦିନ୍ ମାଟାପ୍ ।

### ତ୍ରୟାତ ପାଉଲ୍‌ତି ହାରିହାରା ହାନାକା

୭ ଆପେ° ସାଡ଼୍‌ନି ପର୍ତ୍ତୁମ୍ ରଇବାର୍ ନାଜି° ଏଚେକାଡ଼୍‌ଦ ତିଞ୍ଜେଙ୍ଗ୍ ରବେରୁଣ୍ଡା ଆଜି ମାଟାପ୍, ପାଉଲ୍ ହେ ଏଚେଝାଡ଼ା° ଆର୍କାଡ଼୍ ନାଜି° ହାନାନ୍ ଇଞ୍ଜି ଜାଲ୍‌ଦି ଆଜି ମାଟିଲେ ହେଝାରି° ଉପ୍‌ଦେସ୍ ହିଦେ° ଲାଗାତାନ୍ ଆରି ଆଦାନାଣା ପାତେକ୍ ଲାମା କାତା ହିତାନ୍ ।

୮ ଇମ୍ଫଣି ଜପଣି ବାକ୍ରାତ ଆପେଂ ରବେ ରୁଣ୍ଡାଜି ମାଚାସ୍, ହେ ବାକ୍ରାତ ବେସି ବଇଟାଂ କାଚା ଆଜି ମାଚିକ୍ ।

୯ ଆରେ, ଚିତ୍ତକି ଜପି ଇଉତୁକ ତରୁନି ରଞ୍ଜାନ୍ ଦାଂଶେନ୍ ଲଗୁ କୁଚ୍ଚି ମାଚାନ୍, ହେଞ୍ଜାନ୍ ବେସି ହୁଚ୍ଚକାଣ୍କୁ ହସି ମାଚିକ୍; ଆରେ ପାଉଲ୍ ଆରେ ତେଜା ଉପଦେସ୍ କିତିଲେ ହେଞ୍ଜାନ୍ ହୁଚ୍ଚକାଣ୍କୁ ମାୟାତାଂ ତିନି ପାଉଚ୍ଚାଂ ତାରେନ୍ ଆର୍ତ୍ତାନ୍, ଆରେ ତାଙ୍ଗ ନିକ୍ତି ଖେଡାଲିଂ ହେଞ୍ଜାନ୍ ହାତାନ୍ନା ଇଞ୍ଜି ପୁନ୍ୟାତାତ୍ ।

୧୦ ହେବେ ପାଉଲ୍ ତାରେନ୍ ଜୁଜି ଖାଜି ତାଙ୍ଗ ପମ୍ଜି ଇଚାନ୍, “ଚିତ୍ତା କିମା, ଇନାକିଦେଂକି ଇଞ୍ଜାନ୍ ତାକେ ଜିବୁନ୍ ମାନାତ୍ ।”

୧୧ ପାଚେ ହେଞ୍ଜାନ୍ ଜପି ହାଲ୍ଲଜି ରୁଚି ତ୍ରିକ୍ଚି ଚିଚାନ୍, ଆରେ ହେଞ୍ଜାନ୍ ଲାହାଙ୍ଗ ନାଡ଼ିହିଙ୍ଗ ଆନି ପାତେକ୍ ବେସି କାତାବାର୍ତ୍ତା କିଜି ହାଜି ଆସ୍ତାନ୍ ।

୧୨ ଆରେ, ହେଞ୍ଜାନ୍ ହେ କାଡ଼ଦେଙ୍ଗ ଜିଜି ମାନାକା ଗାଟାଜି ଆଦିକ୍ ଖାରିକିୟକିନି କାଜିଂ ହେଞ୍ଜାନ୍ ଆଦିକ୍ ହେଞ୍ଜାରିଂ ଆରି ଇଞ୍ଜ ଅସି ହାଚାନ୍ ।

**ତ୍ରାୟାତାଂ ମିଲିଚସ୍ତ ହାନାକା**

୧୩ ମତର୍, ଆପେଂ ଆକ୍ତୁ ଜାଜ୍ତ ଦୁମ୍ଜି ଆସସ୍ତ ହାଚାପ୍, ହେବେତାଂ ପାଉଲ୍ତିଂ ଅସି ହାନି କାଜିଂ ବାବି କିଜି ମାଚାପ୍, ଇନାକିଦେଂକି ହେଞ୍ଜାନ୍ ନିଜେ ହାଜିତ୍ ହାଞ୍ଜେଙ୍ଗ କାଜିଂ ଇଚା କିଜି ହେ ବାନି ତିର୍ କିଜି ମାଚାନ୍ ।

୧୪ ଏଚେକାଡ଼ଦ ହେଞ୍ଜାନ୍ ମାଂ ଆସସ୍ତ ବେଟା ଆଡ଼ତାନ୍, ଆପେଂ ତାଙ୍ଗ ଜାଜ୍ତ ଅଜି ମିତୁଲିନିତ ଏକାତାପ୍,

୧୫ ଆରେ ହେ ବାହାତାଂ ଜାଜ୍ ରିକ୍ଚି ଆପେଂ ଆକାଡ଼ ନାଜିଂ କିୟସ୍ ମୁମ୍ଦ ଏକାଞ୍ଜାତାପ୍, ରି ଦିନ୍ତାଙ୍ଗ ଜାଜ୍ ସାମତ ତୁକାୟକିତାପ୍ ଆରି ଆକାଡ଼ ଦିନା ମିଲିତତ ଏକାତାପ୍ ।

୧୬ ଇନାକିଦେଂକି ପାଉଲ୍ତି ଆସିଆତ ଇନେସ୍ ସମୁ ମାଞ୍ଜେଙ୍ଗ ଆମେଡ଼, ଇଦାଂ କାଜିଂ ହେଞ୍ଜାନ୍ ଏପିସ ପିସ୍ତ ହାଞ୍ଜେଙ୍ଗ ବିଚାର୍ କିଜି ମାଚାନ୍, ଲାଗିଂ ଆତିସ୍ କାତେ ପେଣ୍ଟିକ୍ସ ନାଜିଂ ଜିରୁସାଲମତ୍ ଏକିନି କାଜିଂ ହେଞ୍ଜାନ୍ ତିଚ୍ଚକାଡ଼ ଆବିସ୍ ମାଚାନ୍ ।

**ଏପିସିୟ ମଣ୍ଡଲିନି ପାଉଲ୍ତି ହାନି ପର୍ଚାନ୍**

୧୭ ମିଲିତତାଂ ପାଉଲ୍ ଏପିସତ ଲକୁ ପକ୍ଚି ମଣ୍ଡଲିନି ପ୍ରାଚିନାରିଂ ଜାର୍ ଲାଗେ କୁକ୍ଚି ତାହିଞ୍ଜାତାନ୍ ।

୧୮ ହେଞ୍ଜାନ୍ ତା ଲାଗାୟ୍ ଏକିତିଲେ ହେଞ୍ଜାନ୍ ହେଞ୍ଜାରିଂ ଇଚାନ୍, ରମିୟ ରାଜିନି “ଆସିଆତ ମାନି ପର୍ତୁମ୍ ଦିନ୍ତାଂ ଆନ୍ ଝିଜୁ ସମୁ ମି ବିତ୍ରେ ଇନେସ୍ ଚିତ୍ତା କିତାଂ,

୧୯ ପୁରାବାତ୍ ହୁଦାର୍ ମାନ୍ତ ମେଣ୍ଡାଙ୍ଗକୁନ୍ଦି ହୁଦାଂ ଜିହୁଦିଚ୍ଚି ବାରବିନ୍ କୁଚ୍ କାଜିଂ ନାଙ୍ଗ ଇମ୍ଫଣି ଇମ୍ଫଣି ପରିକ୍ୟା ଗିଟାଜି ମାଚାତ୍, ହେ ସବୁ ପା ଇନେସ୍ ମାପୁତି ହେବା କିଜି ମାଚାଙ୍ଗ୍,

୨୦ ଏପେଙ୍ଗ ପୁନାଟ୍ ଜେ, ଆନ୍ ମାନାୟାର୍ ଲାଗାଂ ପର୍ଚାନ୍ କିନି ସମୁତ ଆରି ମି ଇଲ୍ ଉପଦେସ୍ ହିନି ସମୁତ ମି ଉପକାର୍ ଆନି ଲାକେ ଇମ୍ଫଣାକା ପା ବିସ୍ତେ ଖେଚ୍ଚେଂ, ବନ୍ଦ୍ କିଞ୍ଜାଦାଂ ମାଚାଙ୍ଗ୍

୨୧ ହିକ୍ୟା ହିଦେଂ ମଦାଞ୍ଜାଦାଂ ଇସ୍ବର୍ ତାକେ ମାନ୍ଦବାଦଲାୟ୍ ଆରେ, ମା ମାପୁ ଜିସୁତି କାଜିଂ ପାତ୍ ନି ବିସ୍ତେ ଜିହୁଦି ଆରି ଗ୍ରିକ୍ଚି ଲାଗାୟ୍ ସାକି ହିଜି ମାଚାଙ୍ଗ୍ ହେଦାଂ ଏପେଙ୍ଗ ପୁନାଟ୍ ।

୨୨ ନଙ୍ଗ୍ ହୁଡାଟ୍, ଆନ୍ ପୁଇପୁୟା ଜିବୁନ୍ତ ଉଦେସ୍ ପାୟାଜି ଜିରୁସାଲମତ୍ ହାନାଙ୍ଗା, ହେ ବାହାତ ନା କାଜିଂ ଇନାକା ସବୁ ଗିଟାନାଡ଼, ହେଦାଂ ଆନ୍ ପୁନୁଙ୍ଗ୍,

୨୩ ନା କାଜିଂ ଜେ ହିକ୍ଚି ଗାଚ୍ନାକା ଆରି ଦୁକ୍ ମାନାଡ଼, କେବଲ୍ ଏଚେକ୍ ପୁନାଙ୍ଗ୍, ଇଦାଂ ପୁଇପୁୟା ଜିବୁନ୍ ଗାଡ଼ଦ୍ ବସ୍ତିତ ସାକି ହିଡ଼ତାନ୍ନା ।

୨୪ ମାତର୍ ଆନ୍ ଇନେସ୍ ନା ସମାନ୍ ହାଜିନି ହାରିହାଚା ପାତେକ୍ ହତ୍ତେଙ୍ଗ୍ ଆଡ଼ନାଙ୍ଗ୍, ଆରେ ଇସ୍ବର୍ଚି ଦୟାନି ନେକ୍ରିକାରୁର୍ ପାକ୍ୟାତ ସାକି ହିନି କାଜିଂ ମାପୁ ଜିସୁତାଂ ଇମ୍ଫଣି ହେବାନି କାମାୟ୍ ପାୟାତାନ୍ନା, ହେଦାଂ ଇନେସ୍ ପୁରାକିଦେଂ ଆଡ଼ନାୟ୍, ଇଦାଂ କାଜିଂ ଆନ୍ ଜାର୍ ଜିବୁନ୍ତିଂ ହାଦ୍ଦାକା କିଞ୍ଜାଦାଂ ହେଦାଂ ହାରୁ କିନାଙ୍ଗା ।”

୨୫ ଆରେ ନଙ୍ଗ୍ ହୁଡାଟ୍, ଇମ୍ଫଣାକାର୍ ବିତ୍ରେ ଆନ୍ “ଇସ୍ବର୍ଚି ରାଜି ସୁଣାୟ୍ କିଦେଙ୍ଗ୍ ଇଞ୍ଜି ରୁଲ୍ଲାଆତାଂ, ଏଲେଙ୍ଗ୍ ଜେ ଏପେଙ୍ଗ୍ ଝିଜାକାଦେର୍, ଆରେ ହୁଡାଟ୍ ନା ମୁମ୍ ହୁଡ଼ଦେର୍ ଇଞ୍ଜି ଆନ୍ ପୁନାଙ୍ଗ୍ ।

୨୬ ଲାଗିଂ ଆନ୍ ଜେ ଝିଜାକାତ୍ ନେତେଚ୍ଚି ପାପି ଆକାୟ୍, ଇଦାଂ ଆନ୍ ନେଞ୍ଜେଙ୍ଗ୍ ମିଙ୍ଗ୍ ସାକି ହିଦ୍ନାଙ୍ଗା ।

୨୭ ଆନ୍ ଇସ୍ବର୍ଚି ଇଚା ଝିଜୁ କିତାକା ମିଙ୍ଗେଙ୍ଗ୍ ଜାଣାୟକିଦେଂ ମଦାଞ୍ଜାଦାଂ ମାଚାଙ୍ଗ୍ ।

୨୮ ଏପେଙ୍ଗ୍ ଜାର୍ ଜାର୍ ବିସ୍ତେ, ଆରେ ଇମ୍ଫଣି ମଣ୍ଡଲିତିଂ ଇସ୍ବର୍ ଜାର୍ ଜାର୍ ନେତେଚ୍ଚି କଡ଼ତାଚ୍ଚାନ୍ନା, ତା ହେ ମଣ୍ଡଲିତିଂ ପାଲି କିଦେଙ୍ଗ୍ କାଜିଂ, ପୁଇପୁୟା ଜିବୁନ୍ ଜେ ମିଙ୍ଗେଙ୍ଗ୍ ଝିଜୁ ମାୟା ବିତ୍ରେ ମୁଣିକା ଲାକେ ବାଚି କିତାଣ୍ଡା, ହେଞ୍ଜାଚ୍ଚି ବିସ୍ତେ ଜାଗ୍ରତ୍ ମାନାଟ୍ ।

୨୯ ଆନ୍ ପୁନାଙ୍ଗ୍, ଆନ୍ ହାନି ପାଚେ ମି ବିତ୍ରେ ବଇକାର୍ ହୁଣ୍ଡାର୍ ବୁର୍କାଙ୍ଗ୍ ଖାନିକ୍ ଆରି ମାୟାତିଂ ଚିର୍ବିର୍ କିଞ୍ଜାଦାଂ ପିହୁକ୍ ।

☆ ୨୦:୨୪ ୨ ତିମତି ୪:୭.

୩୦ ଆରେ, ଲକ୍ ମି ବିଦ୍ରେତାଂ ପା ନିଂଜି ଚେଲାରିଂ ଜାର୍ତ୍ତିଂ ପାଚେ ଜାଲ୍ଲି ଅଦେଂ କାଜିଂ ଉଲ୍ଲଟା କାତାଂ ଇନାର୍, ଇଦାଂ ଆନ୍ ପୁନାଙ୍ଗ ।

୩୧ ଲାଗିଂ, ଏପେଙ୍ଗ କାସି ମାନାର୍, ଆରେ ଆନ୍ ତିନି ବାହୁଁ ପାତେକ୍ ଖେଡ଼ାନାଣା ମେଣ୍ଡାଙ୍ଗ୍ କୁନ୍ଦିକିଜି ଜାଣ୍ଟକେ ରଖାନିଂ ଚେଡ଼ନା ହିଦେଂ ଜେ ଜମ୍ଝାଦାଂ ମାଚାଙ୍ଗ୍, ଇଦାଂ ଏତୁ କିୟାର୍ ।”

୩୨ “ନଙ୍ଗ୍ ଆନ୍ ମିଙ୍ଗ୍ ମାପୁ ତାକେ ଆରି ହେଝାନ୍ତି ଦୟାନି ବଚନ୍ ଲାଗେ ହେଲାଇ କିଦ୍ନାଙ୍ଗା, ହେଝାନ୍ ମିଙ୍ଗ୍ ହାର୍ କିଦ୍ନି କାଜିଂ ଆରି ପୁଇପୁୟା କିଦ୍ଦେଂ ଝିଜାର୍ ବିଦ୍ରେ ଆର୍ଝା କିଦ୍ନି ଆରି ଇସ୍ଵର୍ତ୍ତି ମାନାୟାରିଂ ସବୁ ଦୟା ମିଙ୍ଗେଙ୍ଗ୍ ହିଦ୍ଦେଂ ରାଜି ।

୩୩ ଆନ୍ ଇନେରିଂ ରୁପା କି ହନା କି ହେୟା ଲବ୍ କିଝାଦାଂ ମାଚାଙ୍ଗ୍ ।

୩୪ ନା ଇ କେଇ ରିଣ୍ଡାଂ ଜେ ନାଝାଙ୍ଗ୍ ଆରି ନା ହାଙ୍ଗ୍ଦାକାର୍ତ୍ତି ଅବାବ୍ ବାତ୍ କାଜିଂ ହେବାକିନାକା କିଜି ଝାନାଙ୍ଗା, ଇଦାଂ ଏପେଙ୍ଗ୍ ନିଜେ ପୁନାର୍ ।

୩୫ ଗାଟାନି ତାଂ ଦାନ୍ ହିନାକା ଆଦିକ୍ ଝାରି ମାନ୍‌ଗାନାର୍, ନିଜେ ମାପୁ ଜିସୁତି ଇ ବଚନ୍ତିଂ ଏତୁ କିଜି ଇ ବାନି କସ୍ କାମାୟ୍ ହୁଦାଂ ଆସେଙ୍ଗ୍ ନାଦାର୍ ଲକୁରିଂ ଉପକାର୍ କିନି ଲଡା, ଇ ବିସ୍ଵେ ସବୁ ଖେଡ଼ାଂ ମିଂ ହାର୍ଦାକା ଚଚ୍ଚାତାଂନା ।”

୩୬ ଇ ସବୁ କାତା ଇତି ପାଚେ, ହେଝାନ୍ ମେଣ୍ଡାଙ୍ଗ୍ କୁନ୍ଦିକିଜି ଝିଜାର୍ ଲାହାଙ୍ଗ୍ ହେଝାର୍ ପାର୍ତାନା କିତାନ୍,

୩୭ ଆରେ, ହେଝାର୍ ବେସି ଆଡ଼ବିସ୍ ପାଉଲ୍ତିଂ ପମ୍‌ଜି ହେଝାନିଂ ତନ୍‌ଝେଙ୍ଗ୍ ଲାଗାତାର୍,

୩୮ ହେଝାର୍ ହେଝାନ୍ତି ମୁମ୍ ଆରେ, ଆରେ ରଗ ହୁଡ଼ରୁ ଇଞ୍ଜି ପାଉଲ୍ ଇମ୍‌ଣି କାତା ଇଞ୍ଜି ମାଚାନ୍, ହେଦାଂ କାଜିଂ ବେସି ଦୁକ୍ କିତାର୍ । ପାଚେ ହେଝାର୍ ତାଙ୍ଗ୍ ଜାଦ୍ ପାତେକ୍ ଅସି ହାଚାର୍ ।

### ୨୧

#### ପାଉଲ୍ ଜିରୁସାଲମ୍‌ତ ହାନାକା

୧ ହେଝାର୍ତାଂ ହେଲ ଅସି ଆପେଂ ଜାଜ୍‌ତ ଦୁମ୍‌ଜି ହାଣ୍ଟକୁ ହାଜିଡ଼ କସ୍ତ ଝାତାପ୍, ଆର୍କାଡ଼ ନାଜିଂ ରଦାତ, ଆରେ ହେ କାଟାକାଟା ହାଲ୍ଲି ପାତାର୍ତ ଝାତାପ୍ ।

୨ ହେବେତାଂ ଆପେଂ ପେନିକିଆତ ନାସି ହାଲ୍ଲି ମାନି ର ଜାଦ୍ ଗାଟାଜି ଆପେଂ ହେବେ ଦୁମ୍‌ଜି ଚାଲାତାପ୍ ।

୩ ପାଚେ କୁପ୍ ହୁଡ଼ଝିତିଲେ ଆପେଂ ତେବ୍ରି ବାଗାଙ୍ଗ୍ ପିସି ସିରିୟାତ ଚାଲାଜି ଚାୟର୍ ଇକାତାପ୍, ଇନାକିଦେଂକି ହେବେ ଜାଜ୍‌ତାଂ ଜିନିସ୍ ଜୁଡ଼ନାକା ମାଚାଡ଼ ।

୪ ହେବେତାଂ ଚେଲାରିଂ ତେକଟି ହେଝାରିଂ ବେଟା ଆଜି ସାଡ଼ ଦିନ୍ ହେବେ ମାଚାପ୍, ଆରେ, ପାଉଲ୍ ଇନେସ୍‌କି ଜିରୁସାଲମ୍‌ତ ହାଲ୍ଲୁନ୍, ଇଦାଂ କାଜିଂ ହେଝାର୍ ଜିରୁନ୍‌ତାଂ ହେଝାନିଂ ଇଚାର୍ ।

୫ ହେ ସାଡ଼ ଦିନ୍ ମାଟି ପାଚେ ହେ ବାହାତାଂ ହାଚାପ୍, ଆରେ ହେଝାର୍ ଝିଜାର୍ କଗଲେ ଆରି ହିମ୍‌ଣାଝାକ୍‌ଡ଼ା ହୁକେ ମାଙ୍ଗେଙ୍ଗ୍ ଗାଡ଼ନି ବାର୍ତ୍ ପାତେକ୍ ମାଙ୍ଗେଙ୍ଗ୍ ପିସ୍ଵେଙ୍ଗ୍ ଝାତାର୍, ଆରେ, ଆପେଂ ହାମ୍‌ଦୁର୍ ଗୁଚିତ ମେଣ୍ଡାଙ୍ଗ୍‌କୁନ୍ଦି କିଜି ପାର୍ତାନା କିତାପ୍,

୬ ପାଚେ ଆପେଂ ଜାଜ୍‌ତ ଦୁମ୍‌ତାପ୍, ଆରେ ହେଝାର୍ ଇଞ୍ଜି ମାସ୍‌ଦି ହାଚାର୍ ।

୭ ଆପେଂ ଚାୟର୍‌ତାଂ ଏସ୍‌ଜାଜ୍‌ତାଂ ହାନାକା ଝିସ୍ତି ପାତଲ୍‌ମାଇତ ଏକାତାପ୍ ଆରି ଟଣ୍ଡାର୍‌ରିଂ ଜଝାର୍ କିଜି ର ଦିନ୍ ହେଝାର୍ ହୁକେ ମାଚାପ୍ ।

୮ ☆ଆର୍କାଡ଼ ନାଜିଂ ଆପେଂ କାଈସରିୟାତ ହାଚାପ୍, ଆରେ ସାଡ଼ ଜାଣ୍ଟି ବିଦ୍ରେ ମାନି ନେକ୍ରିକାରୁର୍ ପର୍‌ଚାର୍ କିନାକାନ୍ ପିଲିପ୍‌ତି ଇଞ୍ଜି ହଣ୍ଡି ହେଝାନ୍ ହୁକେ ମାଚାପ୍ ।

୯ ହେଝେକ୍ ଚାରି ଜାଣ୍ ଜିପଲ୍‌କ୍ ଗାଡ଼ଚେକ୍, ବେଣ୍‌ବାକ୍‌ଶାୟ୍‌କିନିକିକ୍ ମାଟିକ୍ ।

୧୦ ☆ହେ ବାହାତ ଆପେଂ ବେସି ଦିନ୍ ମାଟି ପାଚେ ଆଗାବ୍ ତର୍‌ନି ରଝାନ୍ ବେଣ୍‌ବାକ୍‌ଶାୟ୍‌କିନାକାର୍ ଜିହୁଦା ରାଜିତାଂ ଝାତାନ୍ ।

୧୧ ହେଝାନ୍ ମା ଲାଗାୟ୍ ଝାଜି ପାଉଲ୍‌ତି ମ୍ପେଙ୍ଗାଙ୍ଗ୍ ଗାର୍‌ୟାନାକା ତରି ଅଜି ଜାର୍ କେଇଦ ଗାଚ୍‌ଟି ଇଚାନ୍, “ପୁଇପୁୟା ଜିରୁନ୍ ଇଦାଂ ଇନାନ୍, ଇ ମ୍ପେଙ୍ଗାଙ୍ଗ୍ ଗାର୍‌ୟାତି ବେଲ୍‌ଟ୍ ମୁଣିକାତିଂ ଜିରୁସାଲମ୍ ନିକାର୍ ଜିହୁଦିର୍ ଏପେଙ୍ଗ୍ ଗାଚ୍‌ଟି ପାତ୍ କିଝି ଜିହୁଦିର୍ କେଇଦ ହେଲାଇ କିତାର୍ ।”

୧୨ ଇ ଝିଜୁ କାତା ଝେନ୍‌ଞ୍ଜି ଜିରୁସାଲମ୍‌ତ ହାଲ୍‌ଝି କାଜିଂ ଆପେଂ ଆରି ହେ ବାହାନି ଲକୁ ତାଙ୍ଗ୍ ଗଝାରି କିତାପ୍ ।

୧୩ ହେବେ ପାଉଲ୍ ଉତର୍ ହିତାନ୍, “ଏପେଙ୍ଗ୍ ଆଡ଼ବିସ୍ ଆରି ମାନ୍ତ୍ର କସ୍ ହିଜି ଇନାକା କିନାଦେରା ? ଇନାକିଦେଂକି ଆନ୍ ମାପୁ ଜିସୁତି ତର୍ କାଜିଂ ଜିରୁସାଲମ୍‌ତ କେବଲ୍ ଗାଟାଆ ଆଦେଂ ଜାଲ୍‌ଦି, ହେଦାଂ ଆକାୟ୍, ମତର୍ ହାଦେଂ ପା ଜାଲ୍‌ଦି ମାନାଂ ।”

୧୪ ଆପେଂ ହେଝାରିଂ ରୁଜାୟ୍ କିକିୟ୍ କିଦେଙ୍ଗ୍ ଆଡ଼ଝାଦାଂ ହେବେ ରିସା ଆଜି ଇଚାପ୍, “ମାପୁତି ଇଚା ପୁରା ଆୟେଡ଼ ।”

☆ ୨୧:୮ ପଦ୍ୟାତକା ୨:୫; ୮:୫. ☆ ୨୧:୧୦ ପଦ୍ୟାତକା ୧୧:୨୮.

୧୫ ଆପେଂ ଇ କେତେକ୍ ଦିନ୍ ପାରେ ଆଡ଼ମାଡ଼ ଅଜି ଜିରୁସାଲମତ ଚାଲାତାପ୍ ।

୧୬ ଆରେ, ମା ହାଙ୍ଗଦାଂ କାଇସରିୟାତ ପା କେତେକ୍ ଜାଣ୍ ଚେଲାଟ୍ ହାଚାର୍, ହେଝାର୍ ସାଇପ୍ରସ୍ ମନାସୋନ ତରନ୍ ରଞ୍ଜାନ୍ ପୁନି ଚେଲାଂ ହାଙ୍ଗଦାଂ ତାହିଝାତାର୍, ହେଝାନ୍ତି ଇଞ୍ଜି ମାଦାଂ ମାନାକା ମାଚାଡ଼ ।

**ଜାକୁବ୍ ଲାହାଙ୍ଗ୍ ମେହାଣ୍**

୧୭ ଆପେଂ ଜିରୁସାଲମତ ଏକିତିଲେ, ପାତର୍ କିନି ଟଣ୍ଡାର୍ ମାଂ ଖାରିତାଂ ଇଡ଼ଦାତାର୍ ।

୧୮ ଆକାଡ଼ ନାଜିଂ ପାଉଲ୍ ମାହୁଦାଂ ଜାକୁବ୍ ଇଞ୍ଜି ହାଚାନ୍, ଆରେ ହେ ବାହାତ ଝିଜାର୍ ପ୍ରାତିନାର୍ ରୁଣ୍ଡାତାର୍ ।

୧୯ ହେଝାନ୍ ହେଝାରିଂ ଜଝାର୍ କିତି ପାରେ, ଇସ୍ପର୍ ପାତର୍ କିଝି ଜିହୁଦିର୍ ବିତ୍ରେ ଇମ୍ଣି ସବୁ କାମାୟ୍ ହେଝାନ୍ତି ହେବା କାଜିଂ ସାଦନ୍ କିଜି ମାଚାନ୍ ରଞ୍ଜାଙ୍ଗ୍ ରଞ୍ଜାଙ୍ଗ୍ କିଜି ହେ ସବୁ ହେଝାର୍ ଲାଗାଂ ଝେଟ୍ଟି ମାଚାନ୍ ।

୨୦ ହେଝାର୍ ହେଦାଂ ଝେନ୍ଝି ଇସ୍ପର୍ତିଂ ଜାଜମାଲ୍ କିଦେଙ୍ଗ୍ ଲାଗାତାର୍, ଆରେ ତାଙ୍ଗ୍ ଇଚାର୍, “ଏ ଟଣ୍ଡେନ୍, ଜିହୁଦିର୍ତି ବିତ୍ରେ ଜେ ଏଚେକ୍ ହାଜାର୍ ପାତର୍ କିନାର୍, ଇଦାଂ ଏପେଙ୍ଗ୍ ହୁଡ଼ନାଦେରା, ହେ ଝିଜୁ ମସାତି ବିଦି ପାକ୍ୟାତ ଆଗେ ।

୨୧ ଆରେ, ପାତର୍ କିଝି ଜିହୁଦିର୍ ବିତ୍ରେ ବାହା କିନାକାର୍ ଝିଜାର୍ ଜିହୁଦିର୍ ଜାର୍ ଜାର୍ ହିମ୍ଣାକାଂ ସୁନ୍ନତ୍ କିଝି ଆରି ବିଦିବିଦାଣି ଲାହାଙ୍ଗ୍ ଚାଲାଝାଦାଂ ଇଞ୍ଜି, ମସାତି ବିଦି ପିସ୍ତେଙ୍ଗ୍ କାଜିଂ ଏପେଙ୍ଗ୍ ଜେ ହେଝାରିଂ ହିକ୍ୟା ହିଜି ମାନାଟ୍, ମି ବିସ୍ତେ ଇ କାବୁର୍ ହେଝାର୍ ହିଡ଼ତାଣ୍ ।

୨୨ ଲାଗିଂ ଇନାକା କିୟନାଟ୍ ? ଏପେଙ୍ଗ୍ ଝାତାଦେଣ୍ଡା ଇଞ୍ଜି ହେଝାର୍ ହାତେ ଝେନାର୍ ।

୨୩ ଲାଗିଂ ଆପେଂ ମିଙ୍ଗ୍ ଇନାକା ଝେଟ୍ଟିଚାନାପା, ହେଦାଂ କିୟାଟ୍ । ମା ଲାଗେ ଚାରି ଜାଣ୍ ଲକ୍ ମାନାର୍, ହେଝାର୍ ରଞ୍ଜାଙ୍ଗ୍ ଅଡ଼ଗା ଆତାଣ୍ଡା;

୨୪ ହେଝାରିଂ ଅଜି ହେଝାର୍ ହୁକେ ଜାର୍ତିଂ ସକଟ୍ କିୟାଟ୍, ଆରେ ହେଝାର୍ତି କାପ୍ଡା ହେନ୍ନାକା ଲସ୍ କାଉଡ଼ି ପିଣ୍ଡାଟ୍, ତା ଆତିସ୍ ହେଝାର୍ ମି ବିସ୍ତେ ଇମ୍ଣି ସବୁ କାବୁର୍ ଗାଟାତାଣ୍ଡା, ହେବେତାଂ ଜେ ମୁଡ଼େ ହାଡ଼ପା ଆକାୟ୍, ଆଝିତିସ୍ ଏପେଙ୍ଗ୍ ଜେ ନିଜେ ପା ମସାତି ବିଦି ମାନି କିଜି ଚିନ୍ତା କିନାଦେରା, ଇଦାଂ ଝିଜାକାର୍ ପୁନାର୍ ।

୨୫ ମତର୍ ଇମ୍ଣି ପାତର୍ କିଝି ଜିହୁଦିର୍ ପାତର୍ କିତାଣ୍ଡା, ହେଝାର୍ ଲାଗାଂ ଆପେଂ ର ଆକି ଲେକିକିଜି ବଲ୍ ହିତାପ୍ନା ଜେ, ମା ରାଜି ଇସାବ୍ରେ ହେଝାର୍ ପୁଡ଼ତା ଲାଗାଂ ପୁଜାକିତି ଆତାଡ଼ ତିନୁର୍, ନେତେର୍ ଉଣ୍ଡୁର୍, ହାକମ୍ଡିକିତି ଜାଡ଼ ଜାଜ ତିନୁର୍ ଆରି ଦାରିତାଂ ଦେହା ମାନ୍‌ଗାନାର୍, ଆପେଂ ଇଦାଂ ବିଚାର୍ କିଜି ଲେକି କିତାପ୍ନା ।”

୨୬ ପାଉଲ୍ ହେବେଣ୍ଡାଂ ହେ ଲାଗାଂ ଅଜି ଆକାଡ଼ ନାଜିଂ ହେଝାର୍ ହୁକେ ଜାର୍ତିଂ ସକଟ୍ କିଜି ମନ୍ଦିର୍ ବିତ୍ରେ ହଚାନ୍, ଆରେ ହେଝାର୍ତି କେଡ଼ଜାଣ୍ଡିଂ କାଜିଂ ଆକାଡ଼ ପୁଜା ଆନି ପାତେକ୍ ସକଟ୍ କାମାୟ୍ତ କେତେକ୍ ଦିନ୍ ଲାଗାନାଟ୍, ହେଦାଂ ଝେଟ୍ଟିଚାନ୍ ।

**ପାଉଲ୍ ମନ୍ଦିର୍ ବିତ୍ରେ ଆହ୍‌ୟା ଆତାନ୍**

୨୭ ହେ ସାଡ଼ ଦିନ୍ ପୁରା ଆଜି ଝାତାନ୍, “ଆସିଆନି ଜିହୁଦିର୍ ମନ୍ଦିର୍ତ ପାଉଲ୍ତିଂ ହୁଡ଼ଜି ଲକୁରିଂ ଚିତଲାଇୟ୍ କିତାର୍, ଆରେ ହେଝାନ୍ ଆସ୍ତି କିକିରାତିଂ ଆଜି ଇଞ୍ଜେଙ୍ଗ୍ ଲାଗାତାର୍,

୨୮ ଏ ଇସ୍ରାଏଲିୟନି ଲକୁ, ସାଇଜ କିଦାଟ୍; ସବୁ ବାହାତ ଇମ୍ଣି ମାନାୟ୍ ମା ଜାତି, ମସାତି ବିଦି ଆରି ଇ ବାହା ବିରୁଡ଼ତ ଝିଜାରିଂ ହିକ୍ୟା ହିନାନ୍, ହେଝାନ୍ ଇଝାନ୍; ଆରେ ପା ଗ୍ରିକକାରିଂ ପା ମନ୍ଦିର୍ ବିତ୍ରେ ତାସି ପୁଇପୁୟା ବାହାତ ବିଚାଡ଼ କିତାନ୍ନା ।”

୨୯ ☆ଇନାକିଦେଂକି ହେଝାର୍ ଆଗେ ଗାଡ଼ ବିତ୍ରେ ପାଉଲ୍ ଲାହାଙ୍ଗ୍ ଏପିସିୟନି ତ୍ରପିମତିଂ ହୁଡ଼ଜି ମାଚାର୍, ଆରେ ପାଉଲ୍ ହେଝାନ୍ ମନ୍ଦିର୍ ବିତ୍ରେ ତାହିଝାନାର୍ ଇଞ୍ଜି ଇଟକାଡ଼ କିଜି ମାଚାର୍ ।

୩୦ ଇବେଣ୍ଡାଂ ଗାଡ଼୍ ସବୁ ଝିଣ୍ଡାଡ଼, ଲକୁ ରବେ ହନ୍ତାର୍, ଆରେ ହେଝାର୍ ପାଉଲ୍ତିଂ ଆସ୍ତି ମନ୍ଦିର୍ ବାଡ଼ ଜେଲ୍ଜି ତାହିଝାତାର୍; ଆରେ ହେ ଦାପ୍ରେ ଦୁଝେର୍ ସବୁ ଗେସ୍ତାର୍ ।

୩୧ ଆରେ, ହେଝାନ୍ ହେଝାର୍ ଟ୍ରାକ୍ତେଂ କାଜିଂ ସେସ୍ଟା କିତିଲେ, ଝିଜାର୍ ଜିରୁସାଲମ୍ ଗଣ୍ଡଗଲ୍ତ ବାତର୍ ଆତାଡ଼ନା ଇଞ୍ଜି ରମିୟ୍ ମେଲ୍ୟାର୍ ହାଜାର୍ ମୁସ୍ତିଦାର୍ ଲାଗେ କାବୁର୍ ଝାତାଡ଼ ।

୩୨ ହେବେଣ୍ଡାଂ ହେ ଦାପ୍ରେ ମେଲ୍ୟା ଆରି ପାଞ୍ଚକଡ଼ି ମେଲ୍ୟା ଅସି ହେଝାର୍ ଲାଗେ ହନ୍ତାର୍ । ହେଝାର୍ ହାଜାର୍ ମୁସ୍ତିଦାର୍ ଆରି ମେଲ୍ୟାରିଂ ହୁଡ଼ଜି ପାଉଲ୍ତିଂ ଟ୍ରାକ୍ତେଂ ବନ୍ଦ୍ କିତାର୍ ।

୩୩ ହେ ଏଚେକାଡ଼୍ ହାଜାର୍ ମୁସ୍ତିଦାର୍ ଲାଗେ ଝାଜି ହେଝାନ୍ ଆସ୍ତି ରିଣ୍ଡି ହିକ୍ଡିଂତାଂ ହେଝାନ୍ ଗାଟେଂ ବଲ୍ ହିତାନ୍, “ଆରେ ହେଝାନ୍ ଇନେନ୍ ଆରି ଇନାକା କିତାନ୍ନା ଇଞ୍ଜି ଝେନ୍‌ବାତାନ୍ ।”

୩୪ ହେବେ ଲକୁ ବିତ୍ରେ ଇନେର୍ ଇ କାତା, ଇନେର୍ ଇନେର୍ ହେ କାତା ଇଞ୍ଜି କିକିରାତିଂ କିଦେଙ୍ଗ୍ ଲାଗାତାର୍ । ଆରେ, ହେ ଗଣ୍ଡଗଲ୍ଜି ଇନାକିଦେଂକି ହାତେନେ ମୁଡ଼େ ପୁଞ୍ଜେଙ୍ଗ୍ ଆଡ଼ତିଲେ ହେଝାନ୍ ମେଲ୍ୟାର୍ ମାନି ବାହାତ ଅଦେଂ କାଜିଂ ବଲ୍ ହିତାନ୍ ।

☆ ୨୧:୨୯ ପଦ୍ୟାତ୍ମକା ୨୦:୪.

୩୫ ଆରେ, ଏଚେକାଡ଼୍‌ଦ ହେୱାନ ପାଉଜ ଜପି ଖାତାନ, ହେ ଏଚେକାଡ଼୍‌ଦ ଲକୁ ରିସା କାଜିଂ ମେଲ୍ୟାର ପାଉଲ୍‌ତିଂ ପିଣ୍ଡୁଜି ଅଦେଂ ଲାଗାତାର,

୩୬ ଇନାକିଦେଂକି ତାଙ୍ଗ୍ ଅହାଟ୍ ଇଞ୍ଜି ବେସି ଲକୁ ପାଚେ ହାଲୁ ହାଲୁ କିକିରାତିଂ କିଜି ଅହାଟ୍, “ଅହାଟ୍ ଇଞ୍ଜି ମାଚାର ।”

**ପାଉଲ୍ ଜାର୍ ଜିବୁନ୍ ପାକ୍ୟା ଇଚାନ**

୩୭ ହେୱାର ପାଉଲ୍‌ତିଂ ବାହା ବିତ୍ତେ ଅଦେଂ କାଜିଂ ଜାଲ୍‌ଦି କିନି ଖେଡ଼ାଲିଂ ହେୱାନ ହାଜାର ମେଲ୍ୟାରିଂ ଇଚାନ, “ଆନ୍ ମିଙ୍ଗ୍ ଇନାକା ଇଞ୍ଜେଙ୍ଗ୍ ଆଡ଼ନାଂ କି ?”

ହେବେଣ୍ଡାଂ ହେୱାନ ଇଚାନ, “ଏନ୍ କି ଗ୍ରିକ୍ ପୁନାୟ ?”

୩୮ ଲାଗିଂ, “ଇ ଆଗେ ଇମ୍‌ଣି ମିସରିୟର୍ ଲକୁ ରାଟୁ କିଜି ଚାରି ହାଜାର କାଙ୍ଗାରୁଙ୍ଗ୍ ବାଟାତ ଅଜି ମାଚାର, ଏନ୍ କି ହେୱାନ ଆକାୟ ?”

୩୯ ହେବେଣ୍ଡାଂ ପାଉଲ୍ ଇଚାନ, “ଆନ୍‌ତ ରୱାନ ଜିହୁଦି, ତାର୍ସ ଗାଡ଼ନି ଲକୁ, କିଲିକିୟାନି ର ଗାଜା ଗାଡ଼ନି ମାନାୟ; ଇ ଲକୁରିଂ କାତା ଇଞ୍ଜେଙ୍ଗ୍ କାଜିଂ ନାଙ୍ଗ୍ ଦାଇଡ୍ ହିଦେଂ କାଜିଂ ଆନ୍ ନିଂ ଗଞ୍ଜାରି କିଦନାଙ୍ଗା ।”

୪୦ ହେୱାନ ଦାଇଡ୍ ହିତିଲେ ପାଉଲ୍ ପାଉଜ ଇଞ୍ଜି ଲକୁରିଂ କେଇ ହୁଦାଂ ଚଟ୍‌ଚାନ; ଆରେ, ଓଜାର୍ ଚିମ୍ପା ଆତି ପାଚେ ହେୱାନ ଏବ୍ରି ବେରଣ୍ଡତ ହେୱାରିଂ ଇଞ୍ଜେଙ୍ଗ୍ ଲାଗାତାନ ।

**୨୨**

୧ ଟଣ୍ଡାର ଆରି ଆବାକାଦେର୍, “ଆନ୍ ନଙ୍ଗ୍ ମି ଲାଗେ ଇମ୍‌ଣି ନା ପାକ୍ୟାତାଂ ସାକି କାତା ଇଞ୍ଜନାଙ୍ଗା, ହେଦାଂ ଖେନାଟ୍ ।”

୨ ହେୱାନ ହେୱାର ଲାଗେ ଏବ୍ରି ବେରଣ୍ଡତ କାତା ଇନାକା ଖେନଞ୍ଜି ହେୱାର ଆଦିକ୍ ଚିମ୍ପା ଆଜି ମାଚାର । ହେବେଣ୍ଡାଂ ହେୱାନ ଇଚାନ,

୩ “ଆନ୍ ରକାଂ ଜିହୁଦି, କିଲିକିୟାନି ତାର୍ସତ ନାଦାଂ ଜଲମ୍, ମତର୍ ଆନ୍ ଇ ଗାଡ଼ଦ ପହାପାଲି ଆତାଙ୍ଗନା, ମା ଆବାଲାତ୍ରାତି ହାରୁ ବିଦି ଲାହାଙ୍ଗ୍ ଗମଲିୟେଲ୍‌ତି ମୁମ୍‌ଦ ତାରେନ୍ କୁଚ୍‌ଚି ହିକ୍ୟା ପାୟାତାଂନା, ଏପେଙ୍ଗ୍ ଓଜାକାଦେର୍ ନେଞ୍ଜେଙ୍ଗ୍ ଇନେସ୍ ଖାରି କାଦେର୍, ଇସ୍‌ସ୍‌ଚି ପାକ୍ୟାତ ଆନ୍ ପା ହେ ଲାକେ ଆଗେ ମାଚାଙ୍ଗ୍;

୪ ଆନ୍ ଇ ମାପୁତି ହାଜିଡ୍ । ଆଣ୍ଡେନ୍ ଆରି କଗ୍‌ଲେ ଓଜାରିଂ ଗାଟ୍‌ଚି ଜଇଲ୍‌ତ ତୁହିଜି ହାନି ପାତେକ୍ କସ୍ ହିଜି ମାଚାଙ୍ଗ୍ ।

୫ ନା ଇ କାତା ଜେ ହାଡ଼ପା, ମୁଡ୍ ମାପୁହେବାକିନାକାନ୍ ଆରି ଗାଜା ସବାନି ବୁଡ଼ାଲୁର୍ ଇଦାଂ ନି ସାକି । ଇ ମାନାୟାରିଂ ବନ୍ଦି କିଜି ଆରି ହିକ୍‌ଡିଂତାଂ ଗାଟ୍‌ଚି ଦାଣ୍ଡ କିନି କାଜିଂ ଜିରୁସାଲମ୍‌ତ ତାସି ଖାନି କାଜିଂ ଆନ୍ ମୁଡ୍ ମାପୁହେବାକିନାକାନ୍‌ତାଂ ଜିନାଜାଣା ଆକି ଅଜି ଦମ୍ବେସକ୍‌ତ ମାନି ଜିହୁଦି ଟଣ୍ଡାର ଲାଗାଂ ହାଚାଙ୍ଗ୍ ।”

**ପାଉଲ୍ ତା ମାନ୍ ବାଦ୍‌ଲାୟ ବିସ୍ତେ ହାନ୍ଦାୟ କିଚାନ**

(ପଦ୍ୟାବଳୀ ୯:୧-୧୯; ୨୬:୧୨-୧୮)

୬ ମତର୍ “ଆନ୍ ହାଲୁ ହାଲୁ ଦମ୍ବେସକ୍‌ନି ଲାଗେ ଆତିଲେ, ଆତିସ୍ ମୁଣ୍ଡାମେଦାନ୍‌ତ ହାଚାଗ୍ରେ ନା ଚାରିବେଣ୍ଡତାଂ ବାଦାଡ଼ତାଂ ଗାଜା ଅଜଡ୍‌ଆଡ଼ାଡ଼ ।

୭ ହେବେ ଆନ୍ ମେନ୍ନିତ ଗୁଡ଼ାଙ୍ଗ୍, ଆରେ ନା କାଜିଂ ଇ ବଚନ୍ ଖେଚାଙ୍ଗ୍, ସାଉଲ୍, ସାଉଲ୍, ଇନାକିଦେଂ ନାଙ୍ଗ୍ ଇଣ୍ଡ କିଦନାୟା ?”

୮ ଆନ୍ ଉତର୍ ହିତାଂ, “ମାପୁ, ଏନ୍ ଇମ୍‌ଣାକାୟ ?” ଲାଗିଂ ହେୱାନ ଇନ୍‌ସ୍ତାନ୍, “ଏନ୍ ଇମ୍‌ଣି ନାଜରିତିୟ ଜିସୁତିଂ ନିନ୍ଦା କିନାୟା, ଆନ୍ ହେୱାଙ୍ଗ୍ ।”

୯ ଇମ୍‌ଣାକାର୍ ନା ଲାହାଙ୍ଗ୍ ମାଚାର, ହେୱାର ହେ ଅଜଡ୍ ହୁଡ଼ତାର୍ ହାଡ଼ପା, ମତର୍ ଇନେର୍ ନାଙ୍ଗେଙ୍ଗ୍ କାତା ଇସ୍ତାର, ହେୱାନ୍ତି କାଟ୍ ଖେନ୍‌ଖାତାର ।

୧୦ ହେବେ ଆନ୍ ଇଚାଙ୍ଗ୍, “ମାପୁ ଇନାକା କିନାଙ୍ଗ୍ ?” ଲାଗିଂ ମାପୁ ନାଙ୍ଗ୍ ଇସ୍ତାନ୍, “ନିଙ୍ଗା, ଦମ୍ବେସକ୍‌ତ ହାଲା, ଇସ୍‌ସ୍ ଇମ୍‌ଣି ଓଜୁ କାମାୟ କିନି କାଜିଂ ନିଂ କିଆତାଡ଼ନା, ହେ ସବୁ ନିଂ ହେବେ ଇନ୍ୟାନାଡ଼ ।”

୧୧ ହେ ଅଜଡ଼ନି ଜାଜ୍‌ମାଲ୍ କାଜିଂ ଆନ୍ ହୁଡ଼ଦେଂ ଆଡ଼ଓଡିଲେ, ନା ଲାହାଙ୍ଗ୍ ମାନି ଲକୁ ହୁଦାଂ ତାଞ୍ଜି ଦମ୍ବେସକ୍‌ତ ତାଇଖାତାର ।

୧୨ “ହେ ଗାଡ଼ଦ ହନନିୟ ତର୍ ନି ସାକି ମାନାୟ ମାଚାନ । ହେୱାନ ମା ବିଦି ପାଲି କିଜି ମାଚାନ ଆରି ହେବେ ବାହା କିଜିମାନି ଜିହୁଦିର୍ ଓଜାକାର୍ ତାଙ୍ଗେଙ୍ଗ୍ ମାନି କିଜି ମାଚାର ।

୧୩ ନା ଲାଗେ ଖାଜି ଲାଗେ ନିଲ୍‌ଚି ନାଙ୍ଗ୍ ଇସ୍ତାନ୍, ସାଉଲ୍ ଟଣ୍ଡେନ୍, ହୁଡ଼ନି ସାଲି ଗାଟା ଆ ।” ହେ ପାଦନା ଆନ୍ ହେୱାନିଂ ହୁଡ଼ତାଂ ।”

୧୪ ଆରେ, ହେୱାନ ଇସ୍ତାନ୍, “ମା ଆବାଲାତ୍ରାତି ଇସ୍‌ସ୍ ହେୱାନ୍ତି ଇଚା ପୁଞ୍ଜେଙ୍ଗ୍ କାଜିଂ ଆରି ହେ ଦାମ୍ ଲାଗାଂ ହୁଡ଼ଦେଂ କାଜିଂ, ଆରେ ହେୱାନ୍ତି ଖେଇଦାଂ କାତା ଖେଞ୍ଜେଙ୍ଗ୍ କାଜିଂ ନିଂ ବାଟି କିଡ଼ତାନନା,

☆ ୨୨:୪ ପଦ୍ୟାବଳୀ ୮:୩; ୨୬:୯-୧୧.

୧୫ ଇନାକିଦେଂକି ଏନ୍ ଇନା ଇନାକା ହୁଡ଼ତାୟନା ଆରି ଖେଚାୟନା, ହେ ସବୁ ବିସ୍ତେ ଖିଜୁ ଲକୁ ଲାଗେ ହେଖାନ୍ତି ସାକି ଆତାୟ ।

୧୬ ଆରେ, ନଙ୍ଗ ଏନ୍ ଇନାକିଦେଂ ମାଲା ଆନାୟା ? ନିଙ୍ଗା, ବାପ୍ତିସିମ୍ ଆ, ଆରେ ହେଖାନ୍ତି ତରଦ ପାର୍ତୀନା କିଜି ଜାର ପାପ୍ ସବୁ ନୁଜିତୁହିୟା ।”

**ଇସ୍ପର୍ ପରଚାର କାଜିଂ ପାଉଲ୍‌ତିଂ କୁକ୍‌ନାକା**

୧୭ “ଇଦାଂ ପାଚେ ଆନ୍ ଜିରୁସାଲମ୍‌ତ ମାସଦି ଖାଜି ମନ୍ଦିରତ ପାର୍ତୀନା କିନି ଖେଡାଲିଂ କେଚକଣ୍ଡତ ହୁଡ଼ତାଂ ।

୧୮ ମାପୁଙ୍ଗ୍ କେଚକଣ୍ଡତ ହୁଡ଼ତାଂ, ହେଖାନ୍ ନାଙ୍ଗେଙ୍ଗ୍ ଇସ୍ତାନ୍, ମାଲା ଆଖାଦାଂ ବେଗି ଜିରୁସାଲମ୍‌ତାଂ ହସିହାଲା, ଇନାକିଦେଂକି ହେଖାର ନା ବିସ୍ତେନି ସାକି ଇଡ଼ତୁର୍ ।”

୧୯ ହେବେଣ୍ଡାଂ ଆନ୍ ଇଚାଙ୍ଗ୍, “ମାପୁ ଆନ୍ ଜେ ନି ତାକେ ପାଚି କିନାକାରିଂ ପାର୍ତୀନା ଇଲ୍ ଆସି ବନ୍ଦିତ ତୁହିଜି ମାଚାଙ୍ଗ୍ ଆରି ଗ୍ରାକ୍ତି ମାଚାଙ୍ଗ୍, ଇଦାଂ ହେଖାର ନିଜେ ପୁନାର୍,

୨୦ \*ଆରେ, ଏଚେକାଡ଼ଦ ନି ସାକି ସ୍ତିପାନତିଂ ନେତେର ହପ୍‌ୟା ଆଜି ମାଚାଡ଼, ହେ ପାଦନା ଆନ୍ ପା ଲାଗେ ନିଲ୍‌ତି ହେଦାଂ ରାଜି ମାଚାଙ୍ଗ୍, ଆରେ ଅସ୍ତାକାର ହେୟା ଇଡ଼ଜି କାସି ମାଚାଙ୍ଗ୍ ।”

୨୧ ହେବେଣ୍ଡାଂ ମାପୁ ନାଙ୍ଗେଙ୍ଗ୍ ଇସ୍ତାନ୍, “ହାଲା ଇନାକିଦେଂକି ଆପ୍ ନିଂ ଦେହା ପାଚି କିଖି ଜିହୁଦିର ଲାଗେ ପକ୍ତାନାପ୍ ।”

୨୨ ମାନାୟାର୍ ଇ ପାଚେକ୍ ହେଖାନ୍ତି କାତା ଖେନ୍‌ଞ୍ଜି ଗାଜା ଖେଇଦାଂ ଇଚାର୍, “ଏପେଙ୍ଗ୍ ତାଙ୍ଗେଙ୍ଗ୍ ପୁତାଂ ଦେହା କିୟାଟ୍, ଇନାକିଦେଂକି ତାଦାଂ ଜିଜି ମାନି ଲଡ଼ା ଆକାୟ ।”

୨୩ ଆରେ, ଏଚେକାଡ଼ଦ ହେଖାର କିକିରାତିଂ କିଜି ଜାର ଜାର ହେୟା ତୁହିଜି ବାଦାଡ଼ ନିପ ଦୁଡ଼ି ତୁହିଦେଂ ଲାଗାତାର୍,

୨୪ ହେ ଏଚେଖେଡାଲିଂ ହାଜାର୍ ମେଲ୍ୟାର୍ ହେଖାନିଂ ଗାଡ଼ ବିତ୍ରେ ଅଦେଂ ବଲ୍ ହିତାନ୍, ଆରେ, ଲକୁ ଇନାକିଦେଂ ତା ବିରୁଦ୍‌ତ ଏପେଙ୍ଗ୍ କିକିରାତିଂ କିନାରା, ଇଦାଂ ପୁଞ୍ଜେଙ୍ଗ୍ କାଜିଂ କରଡା ଇଡ଼ନି ହୁଦାଂ ତା ପରିକ୍ୟା କିନି କାଜିଂ ବଲ୍ ହିତାନ୍ ।

୨୫ ମାଚର୍ ହେଖାର ହେଖାନିଂ ତରି ଗାଡ଼ନି ସମୁତ ପାଉଲ୍ ହେବେ ମାନି ରଖାନ୍ ମୁସ୍ତିଦାର୍‌ତିଂ ଇଚାନ୍, “ଇମ୍‌ଣି ପାପ୍‌ତ ଇ ପାଚେକ୍ ବିଚାର୍ କିୟାଖାଦାଂ ମାନି ରଖାନ୍ ରମିୟ ଦାଙ୍ଗେଣ୍‌ତିଂ କରଡା ଇଡ଼ନାକା ଇନାକା ବିଦି ?”

୨୬ ହେ ପାଞ୍ଚକଡ଼ି ମୁସ୍ତିଦାର୍ ଇଦାଂ ଖେନ୍‌ଞ୍ଜି ହାଜାର୍ ମୁସ୍ତିଦାର୍‌ତ ଲାଗେ ହାଲ୍‌ଜି ତାଙ୍ଗ୍ ହେ କାତା ଖେଚଟି ଇଚାନ୍, “ଏନ୍ ଇନାକା କିଦେଙ୍ଗ୍ ହାନାୟା ? ଇଖାନ୍ତ ରଖାନ୍ ରମିୟ ।”

୨୭ ହେବେଣ୍ଡାଂ ହାଜାର୍ ମୁସ୍ତିଦାର୍ ଖାଜି ତାଙ୍ଗ୍ ଇଚାନ୍, ନାଙ୍ଗ୍ ଖେଚଟା, “ଏନ୍ କି ରକାୟ ରମିୟ ?

ପାଉଲ୍ ଇଚାନ୍ ଆଁ ।”

୨୮ ହେବେଣ୍ଡାଂ ହାଜାର୍ ମୁସ୍ତିଦାର୍ ଉତର ହିତାନ୍, “ବେସି ତାବୁଙ୍ଗ୍ ହିଜି ଇ ପାଦ୍ ପାୟାତାଂନା ।

ପାଉଲ୍ ଇଚାନ୍, ମତର୍ ଆନ୍ ଜଲମ୍‌ତାଂ ରମିୟ ଦାଂଣାର୍ ।”

୨୯ ଖାଟିଙ୍ଗ୍ ଇମ୍‌ଣାକାର୍ ତାଙ୍ଗ୍ ପରିକ୍ୟା କିଦେଙ୍ଗ୍ ସେସ୍ତୁ କିଜି ମାଚାର୍, ହେଖାର ହେ ଦାପ୍ରେ ହେବେତାଂ ଚିମ୍ପା ଆତାର୍, ଆରେ ହାଜାର୍ ମୁସ୍ତିଦାର୍ ପା ହେଖାନ୍ ଜେ ରଖାନ୍ ରମିୟ, ଇଦାଂ ବୁଜାତିଲେ ଆରି ତାଙ୍ଗ୍ ଗାର୍‌ଚେଂ ପାଣ୍ଡା ଆତାର୍ ।

**ଗାଜା ସବା ମୁମ୍‌ଦ ପାଉଲ୍**

୩୦ ମତର୍ ଇନାକିଦେଂ ହେଖାନ୍ ଜିହୁଦିରତି ହୁଦାଂ ଦାବା ଆତାନ୍ନା, ହେଦାଂ ହାଡ଼ପା ରଚେ ପୁଞ୍ଜେଙ୍ଗ୍ ଇଚାତ ହେଖାନ୍ ତା ଆର୍କାଡ଼ ନାଜିଂ ହେଖାନ୍ତି ଗାଟି ରିକ୍ତି ମୁଡ଼ ମାପୁହେବାକିନାକାନ୍ ଆରି ସବୁ ଗାଜା ସବାତିଂ ରବେ ଖାନି କାଜିଂ ବଲ୍ ହିତାନ୍, ଆରେ ପାଉଲ୍‌ତିଂ ଅସି ହେଖାର ମୁମ୍‌ଦ ନିଲି କିତାର୍ ।

**୨୩**

୧ ଆରେ, ପାଉଲ୍ ଗାଜା ସବା କାଜିଂ ସମାନ୍ ହୁଡ଼ଜି ଇଚାନ୍, “ଟଣ୍ଡାର୍, ଆନ୍ ଇ ଦିନ୍ ପାଚେକ୍ ପୁରା ହାର୍‌ଦି ଚିନ୍ତା ଇସ୍ପର୍‌ତି ସାକ୍ୟତ ଆଚାର୍ ବେବାର୍ କିଜି ଖାତାଂନ୍ନା ।”

୨ ହେବେଣ୍ଡାଂ ମୁଡ଼ ମାପୁହେବାକିନାକାନ୍ ହାନାନ ପାଉଲ୍ ଲାଗେ ନିଲ୍‌ତି ମାନି ଲୁଗାଂ ତା ମୁମ୍‌ଦ ଇଡ଼ଦେଂ କାଜିଂ ବଲ୍ ହିତାନ୍ ।

୩ \*ହେ ଏଚେକାଡ଼ଦ ପାଉଲ୍ ତାଙ୍ଗ୍ ଇଚାନ୍, “ଏ ତିଞ୍ଜିନି ବାଡ଼, ଇସ୍ପର୍ ନିଂ ଇଡ଼ଦାନାନ୍, ଏନ୍ ରଞ୍ଜେମାଡ଼ ମସାତି ବିଦି ଇସାପ୍‌ରେ ନା ବିଚାର୍ କିଦେଙ୍ଗ୍ କୁଚଟି ମସାତି ବିଦି ବିରୁଦ୍‌ତ ନାଙ୍ଗ୍ ଇଡ଼କିଦିନି କାଜିଂ କି ବଲ୍ ହିନାୟା ?”

୪ ହେବେ ଲାଗେ ନିଲ୍‌ତି ମାନି ଲକୁ ଇଚାର୍, “ଏନ୍ କି ଇସ୍ପର୍‌ତି ମୁଡ଼ ମାପୁହେବାକିନାକାନ୍‌ନିଂ ନିୟା କିନାୟା ?”

୫ ଆରେ ପାଉଲ୍ ଇଚାନ୍, “ଏ ଇସ୍ତାଏଲ୍‌ନି ଟଣ୍ଡାର୍, ହେଖାନ୍ ମୁଡ଼ ମାପୁହେବାକିନାକାନ୍ ଇଞ୍ଜି ଆନ୍ ପୁନ୍‌ଖାଦାଂ ମାଚାଙ୍ଗ୍; ଇନାକିଦେଂକି ଦରମ୍ ସାସ୍ପର୍‌ତ ଲେକା ମାନାଡ଼, ଏପେଙ୍ଗ୍ ଜାର୍ ଲକ୍‌ତି ମୁଣିକାତିଂ ସାଲପ୍ ହିଉଦେର୍ ।”

☆ ୨୨:୨୦ ପଦ୍ୟାତାକା ୭:୫୮. ☆ ୨୩:୩ ମାତିଉ ୨୩:୨୭,୨୮.

୭ ମତର ପାଉଲ ର ବାଗ୍ ସାଦୁକି ଆରେ ଆଣ୍ଠି ବାଗ୍ ପାରୁସି ଇଞ୍ଜି ପୁଞ୍ଜି ଗାଜା ସବାତ ଗାଜାକାଟାଂ ଇଚାନ, “ଏ ଇସ୍ରାଏଲ୍‌ନି ଟଣ୍ଡାର, ଆନ୍ ରଖାଙ୍ଗ୍ ପାରୁସି ଆରି ପାରୁସିତି ମେହି; ଆରେ ଇ ବାସ୍, ଇଚିସ୍ ହାତାକାଟାଂ ଆରେ ନିଂନାକା ବିସ୍ତେ ଆନ୍ ବିଚାର କିଆନାଙ୍ଗା ।”

୮ ହେଝାନ୍ ଇ କାତା ଇଚିଲେ ପାରୁସି ଆରି ସାଦୁକିର୍ ବିତ୍ତେ ଗଣ୍ଡଗଲ୍, ଆରି ସବାତ କୁଦାଗଡ଼୍ ଗିଟାତାଡ଼୍ ।

୯ ଇନାକିଦେଂକି ସାଦୁକିର୍ ଆରେ ନିଂନାକା, ବାଦାଡ଼୍‌ତ ଦୁଡ଼୍ କି ପୁଇପୁୟା ଜିବୁନ୍ ହିଲୁଡ଼୍ ଇଞ୍ଜି ଇନାର୍, ମତର ପାରୁସିର୍ ହାରି ମାନି କିତାର୍ ।

୧୦ ଇବେ ବେସି ଗଣ୍ଡଗଲ୍ ଗିଟାତାଡ଼୍, ଆରେ ପାରୁସିର୍‌ତି କୁଦାନି କେତେକ୍ ସାସ୍ତର୍ ଗୁରୁର୍ ନିଂଜି ଜିକାଟାଣା କିଜି ଇଚାର୍, “ଆପେଂ ଇ ମାନାୟାତାକେ ଇମ୍‌ଣାକା ପା ଦସ୍ ହୁଡ଼୍‌ପୁା, ପୁନ୍‌ଖାକା ଇମ୍‌ଣାକା ଜିବୁନ୍ କି ବାଦାଡ଼୍‌ତ ଦୁଡ଼୍ ହେଝାନ୍ ହୁଦାଂ କାତା ଇଚାନା ।”

୧୧ ଇ ବାନି ବେସି ଗଣ୍ଡଗଲ୍ ଆତିଲେ, ଏତେକାଡ଼୍‌ତ ପାଉଲ୍ ହେଝାର୍ ହୁଦାଂ ଗାଣ୍ଡା ଗାଣ୍ଡା ଆନାନ୍, ଇ ପାଣ୍ଡାଜି ହାଜାର୍ ହାଜାର୍ ମେଲ୍ୟାର୍ ହେଝାର୍ ବିତ୍ତେ ତାଙ୍ଗ୍ ବଲଡ଼୍‌କାର୍ କିଜି ଗାଡ଼୍ ବିତ୍ତେ ଅଜି ତାତେଙ୍ଗ୍ କାଜିଂ ମେଲ୍ୟାରିଂ ହାଞ୍ଜେଙ୍ଗ୍ ବଲ୍ ହିତାନ୍ ।

୧୨ ହେ ନାଣା ମାପୁ ତା ଲାଗେ ଇଞ୍ଜି ଇଚାନ, “ସାସ୍ ଆହା, ଇନାକିଦେଂକି ଏନ୍ ଇନେସ୍ ଜିରୁସାଲମ୍‌ତ ମା ବିସ୍ତେ ସାକି ହିତାୟନା, ହେ ଲାକେ ନିଂ ରମ୍‌ତ ପା ସାକିହିଦେଂ ଆନାଡ଼୍ ।”

**ପାଉଲ୍‌ତିଂ ଅହ୍‌ନି କାଜିଂ ଉପାୟ**

୧୩ ଦିନ୍ ଆତିଲେ, ଜିହୁଦିର୍ କୁଦା କୁଦା ଆଜି ପାଉଲ୍‌ତିଂ ଅହ୍‌ଝି ପାତେକ୍ କାଦିପିଦି ତୁଡ଼ିସ୍ ସାଇପ୍ ଆନାପ୍ ଇଞ୍ଜି ରାଣ୍ଡତ ଜାର୍ ଜାର୍‌ତିଂ ଇଡ଼୍‌ତାର୍ ।

୧୪ ଇ ହାତୁର୍ କିଜିମାନି ଲକୁ ରିକଡ଼ି ଜାଣତାଂ ଆଦିକ୍ ମାଚାର୍ ।

୧୫ ହେଝାର୍ ମୁଡ଼୍ ମାପୁହେବାକିନାକାନ୍ ଆରି ପ୍ରାଚିନାର୍ ଲାଗେ ଖାଜି ଇଚାର୍, “ଆପେଂ ପାଉଲ୍‌ତିଂ ଅହ୍‌ଝି ପାତେକ୍ ମୁଡ଼େ ତିଞ୍ଜେଙ୍ଗ୍ କପ୍ ଇଞ୍ଜି ଜାର୍ ଜାର୍‌ତିଂ ଆଡ଼୍‌ଖା ରାଣ୍ ଅତାପନ୍ନା ।

୧୬ ଇଚିସ୍, ଏପେଙ୍ଗ୍ ଆଦିକ୍ ହାର୍ କିଜି ହେଝାନ୍ତି ବିଚାର୍ କିଦେଙ୍ଗ୍ ମାନ୍ କିନାନା ଇଞ୍ଜି ହାତୁର୍ କିଜି ତାଙ୍ଗ୍ ମି ଲାଗେ ତାତେଙ୍ଗ୍ କାଜିଂ ନଙ୍ଗ୍ ଗାଜା ସବା ଲାହାଙ୍ଗ୍ ହାଜାର୍ ମୁସ୍ତିଦାର୍‌ତିଂ ଖାରି କିୟାଟ୍ । ହେଝାନ୍ ମି ଲାଗେ ତାନି ଆଗେ ଆପେଂ ହେଝାନିଂ ଅସ୍ତେଙ୍ଗ୍ ଜାଲ୍‌ଦି ମାନାପ୍ ।”

୧୭ ମତର ପାଉଲ୍ ବାଣ୍ଡା ମେଲ୍ୟାର୍ ତରୁଜି ମାନାକା କାତା ଝେନ୍‌ଞ୍ଜି ଖାଜି ବସ୍ତି ବିତ୍ତେ ହଣ୍ଡି ପାଉଲ୍‌ତିଂ ଝେର୍‌ଚାନ ।

୧୮ ହେବେଣ୍ଡାଂ ପାଉଲ୍ ରଝାନ୍ ହାଜାର୍ ମୁସ୍ତିଦାର୍‌ତିଂ କୁକ୍‌ଚି ଇଚାନ, “ଇ ଦାଂ‌ଣେନ୍ତିଙ୍ଗ୍ ହାଜାର୍ ମୁସ୍ତିଦାର୍ ଲାଗେ ଅହାଟ୍, ଇନାକିଦେଂକି ତାଙ୍ଗ୍ ଝେର୍‌ଚେଙ୍ଗ୍ କାଜିଂ ଇଝାନ୍ତି ଅଲପ୍ କାତା ମାନାଡ଼୍ ।”

୧୯ ଲାଗିଂ ହେଝାନ୍ ହେଝାନିଂ ହାଜାର୍ ମୁସ୍ତିଦାର୍ ଲାଗାୟ୍ ଅସି ହାଲ୍‌ଜି ଇଚାନ, “ବନ୍ଦି ପାଉଲ୍ ଜାର୍ ଲାଗେ ନାଙ୍ଗ୍ କୁକ୍‌ଚି ନି ଲାଗେ ଇ ଦାଂ‌ଣେନ୍ତିଙ୍ଗ୍ ତାହିଝାଦେଂ କାଜିଂ ଗଝାରି କିଡ଼୍‌ତାନ୍, ନିଂ ଇଞ୍ଜେଙ୍ଗ୍ କାଜିଂ ଇଝାନ୍ତି ଅଲପ୍ କାତା ମାନାଡ଼୍ ।”

୨୦ ହାଜାର୍ ମୁସ୍ତିଦାର୍ ହେଝାନିଂ କେଇ ଆସ୍ତି ତାଙ୍ଗ୍ ମାନାୟାର୍ ଲାଗାୟ୍ ଅଜି ଝେନ୍‌ବାତାନ୍, “ନାଙ୍ଗ୍ ଝେର୍‌ଚିନି କାଜିଂ ନିନ୍ଦାଂ ଇନାକା ମାନାଡ଼୍ ?”

୨୧ ହେଝାନ୍ ଇଚାନ, ପାଉଲ୍ ବିସ୍ତେ ଆଦିକ୍ ହାର୍ କିଜି ତେକ୍‌ନି କାଜିଂ କପଟାଂ “ଜିହୁଦିର୍ ତାଙ୍ଗ୍ ନିହିଂ ଗାଜା ସବା ଲାଗାୟ୍ ତାହିଝାଦେଂ କାଜିଂ ନିଂ ଗଝାରି କିଦ୍‌ନି କାଜିଂ ରମାନ୍ ଆତାଣ୍ଡା ।

୨୨ ମାତର ହେଝାର୍‌ତି କାତା ରାଜି ଆମାଟ୍; ଇନାକିଦେଂକି ରିକଡ଼ି ଜାଣତାଂ ଆଦିକ୍ ଲକୁ ହେଝାନିଂ ଅହ୍‌ଝି ପାତେକ୍ ତିନା ଉଣା କିଉପ୍ ଇଞ୍ଜି ପାର୍‌ମାଣ୍ କିଜି ତରୁଜି ମାଚାର୍ । ନଙ୍ଗ୍ ହେଝାର୍ ନି ବୁଜାୟ୍ କିନାକା କାସି ଜାଲ୍‌ଦି ଆଜି ମାଚାର୍ ।”

୨୩ ହେବେଣ୍ଡାଂ ହାଜାର୍ ମୁସ୍ତିଦାର୍ ହେ ଦାଂ‌ଣେନ୍ତିଙ୍ଗ୍ ହେଲ୍‌ଝେୟ୍ ହିଜି ତାଙ୍ଗ୍ ବଲ୍ ହିତାନ୍, “ଏନ୍ ଜେ ଇ ଝିଜୁ କାତା ନାଙ୍ଗ୍ ଝେର୍‌ଚାତାୟନା, ହେଦାଂ ଇନେରିଂ ଝେର୍‌ଚୁୟ୍ ।”

**ପାଉଲ୍‌ତିଂ କାଇସରିୟାତ ପଲ୍ଲାର୍**

୨୪ ପାତେ ହେଝାନ୍ ରିକାର୍ ପାଞ୍ଜକଡ଼ି ମୁସ୍ତିଦାର୍‌ତିଂ କୁକ୍‌ଚି ଇଚାନ, କାଇସରିୟା ପାତେକ୍ “ହାନି କାଜିଂ ନାଣା ନଅ ଗଣ୍ଡା ସମୁତ ଦସ୍ କଡ଼ି ମେଲ୍ୟାର୍, ତିନକଡ଼ି ଦସ୍ ଜାଣ୍ ଗଡ଼ା ଦୁମ୍‌ନାକାର୍ ଆରି ଦସକଡ଼ି ବାଲାସ୍ତାକାରିଂ ଜାଲ୍‌ଦି କିୟାଟ୍ ।

୨୫ ଆରେ, ହେଝାର୍ ଇନେସ୍ ପାଉଲ୍ ପସୁ ଜପି କୁଟି କିଜି ସାସନ୍‌କାର୍‌ୟା ପେଲିକସ୍‌ତି ଲାଗାୟ୍ ରାକ୍ୟା ହିଲ୍‌ଝାଦାଂ ଅସି ହାନାର୍, ଇଦାଂ କାଜିଂ ହେଦାଂ ଜାଲ୍‌ଦି କିନି କାଜିଂ ହେଝାନ୍ ବଲ୍ ହିତାନ୍ ।”

୨୬ ଆରେ, ହେଝାନ୍ ଇ ଲାକେ ର ଆକି ଲେକିକିତାନ୍ ।

୨୭ “ଗାଜା ସାଏବ୍ ସାସନ୍ କାର୍‌ହା ପେଲିକସ୍‌ତିଂ କ୍ଲାଉଦିଆ ଲୁସିୟାତି ଜଝାର୍ ।

୨୮ ଜିହୁଦିର୍ ଇ ଲକ୍‌ତିଂ ଆସ୍ତି ଅସ୍ତେଙ୍ଗ୍ ହାନି ସମୁତ ଆନ୍ ମେଲ୍ୟାତ୍ ହୁଦାଂ ହାଲ୍‌ଜି ହେଝାନ୍ ରଝାନ୍ ରମିୟ ଇଞ୍ଜି ପୁଞ୍ଜି ଇଝାନିଂ ଉଦାର୍ କିତାଂ ।

୨୮ ଇମ୍ପଣି କାରଣତାଁ ହେଝାର ଇଝାନ ବିରୁଦ୍ଧ ଦସି କିନାରା, ହେଦାଁ ପୁଞ୍ଜେଇଁ ମାନ କିଜି ଆନ୍ ଇଝାନିଁ ହେଝାରତି ଗାଜା ସବା ଲାଗାୟ ଅସି ହାଚାଙ୍ଗ ।

୨୯ ପାରାଣ୍ ତାଣ୍ କି ହିକଡ଼ି ଗାଚ୍ୟାନି ଜଗ୍ ଇମ୍ପଣାକା ପା ବିସ୍ତେ ଇଝାନିଁ ବିରୁଦ୍ଧ ଦାବା କିଝାଦାଁ ହେଝାରତି ବିଦି ବାବ୍ରେ ଗଣ୍ଡଗଲ୍ ବିସ୍ତେ ଦାବା କିୟାତାଡ଼ନ୍ନା ଇଞ୍ଜି ଆନ୍ ବୁଜାତାଁ ।

୩୦ ଇ ଲକ୍ ବିରୁଦ୍ଧ ମାନ ପାଟିକିତାର୍ ଇଞ୍ଜି ନାଙ୍ କାରୁର ହିଡ଼ିଲେ ଆନ୍ ଇଝାନିଁ ମାଲା ଆଝାଦାଁ ନି ଲାଗାୟ ପକ୍ଷାତାଁ, ଇଝାନ୍ତି ଦାବାକିନାକାରିଁ ପା ନି ମୁମ୍ଦ ଇଝାନ ବିରୁଦ୍ଧ ସାକି ହିଦେଁ ବଲ୍ ହିତାଁ ।”

୩୧ ହେବେଣ୍ଟାଁ ମେଲ୍ୟାର୍ ପାୟାତି ବଲ୍ତାଁ ପାଉଲ୍ତିଁ ଅଜି ମାଜ୍ଗାତ ତାଙ୍ ଆଡ଼ିପାଡ଼ିତ ତାହିଝାତାର୍ ।

୩୨ ଆକାଡ଼ ନାଜିଁ ମେଲ୍ୟାର୍ ଗଡ଼ା ଦୁମ୍ନାକାରିଁ ତା ହୁଦାଁ ହାନି କାଜିଁ ଗାଡ଼୍ ମାସଦି ହାଚାର୍ ।

୩୩ ପାଚେ ଗଡ଼ା ଦୁମ୍ନାକାର୍ କାଈସରିୟାତ ଝାଜି ସାସନ୍କାର୍ଯ୍ୟାଙ୍ ଆକି ହିତାର୍, ଆରେ ପାଉଲ୍ତିଁ ପା ହେଝାନ କେଇଦ ହେଲାଇଁ କିତାର୍ ।

୩୪ ହେ ଆକି ପଡ଼ି କିତି ପାଚେ, ହେଝାନ ଇମ୍ପଣି ରାଜିନି ଲଗୁ ଇଞ୍ଜି ଝେନ୍ଦାତାନ୍, ଆରେ, ହେଝାନ ଜେ କିଲିକିୟାନି ଲଗୁ, ଇଦାଁ ପୁଞ୍ଜି

୩୫ ଆରେ ହେଝାନ ଇଚାନ, ନି ଦାବାକାରିୟାର୍ ପା ଇକାଝାତାର୍, “ଆନ୍ ନି କାତା ଝେନାଙ୍ ।” ଆରେ ହେଝାନ ହେରଦ୍ତି ବାଙ୍ଗାଲୀତ ତାଙ୍ ଇଡ଼ଦେଁ କାଜିଁ ବଲ୍ ହିତାନ୍ ।

### ୨୪

#### ପାଉଲ୍ ଜିହୁଦିରତି ହୁଦାଁ ଦାବାକିୟାତାନ୍

୧ ପାଞ୍ଚ ଦିନ୍ ପାଚେ ହାନାନ ମୁଡ଼୍ ମାପୁହେବାକିନାକାନ୍ କେତେକ୍ ପ୍ରାଟିନାରିଁ ଆରି ତର୍ତ୍ତୁଲ୍ ତର୍ ନି ରଝାନ ଅକିଲ୍ ହୁଦାଁ କାଈସରିୟାତ ଝାତାନ୍, ଆରେ ହେଝାର୍ ପାଉଲ୍ତି ବିରୁଦ୍ଧ ସାସନ୍କାର୍ଯ୍ୟା ଲାଗେ ଦାବା କିତାର୍ ।

୨ ହେଝାନିଁ କୁକିକିତିଲେ ତର୍ତ୍ତୁଲ୍ ହେଝାନିଁ ଦାବା କିଜି ଇଞ୍ଜେଇଁ ଲାଗାତାନ୍,

“ଏ ଗାଜା ସାଏବ୍ ପେଲିକସ୍, ନି ହୁଦାଁ ଆପେଁ ଜେ ମି ରାଜି ବେସି ସୁସ୍ତା ପାୟାତାପ୍ନା, ଆରେ ନି ପ୍ରାଡ଼ିପାଡ଼୍ ଇ ଜାତି କାଜିଁ ବାରବିନ୍ କାମାୟ ଆତାଡ଼ନ୍ନା,

୩ ଇଦାଁ ଆପେଁ ସବୁ ବାବ୍ରେ ଆରି ସବୁ ବାହାତ ବାତ୍ ପେଲିକସ୍ତିଁ ଝାରି ଲାହାଙ୍ ମାନି କିତାପ୍ନା ।

୪ ମତର୍ ଆନ୍ ଇନେସ୍ ଆଦିକ୍ ଝାହି କିଦୁଙ୍ଗ୍, ଇଦାଁ କାଜିଁ ଏନ୍ ଜାର୍ ଦୟା ଗୁଣ୍ଡ ମାଦାଁ ଏତେଗଟା କାତା ଝେଞ୍ଜେଇଁ କାଜିଁ ଆନ୍ ନିଁ ଗଝାରି କିଦ୍ନାଙ୍ ।

୫ ଇନାକିଦେଁକି ଆସେଇଁ ଇ ଲକ୍ତିଁ ମାର୍ତି ଲାକେ ପୁତ୍ ନି ଝିଜୁ ଝିଜାର୍ ଜିହୁଦିରତି ବିଡ୍ରେ କୁଲ୍ କିବାନାକାନ୍ ଆରି ନାଜରିତିୟ କୁଦାନି ରଝାନ ମୁଡ଼୍ ନେତା ଇଞ୍ଜି ପୁଚାପ୍ନା;

୬ ଆରେ ପା ଇଝାନ ମନ୍ଦିର ବିଚାଡ଼୍ କିଦେଇଁ ସେସ୍ତୁ କିଜି ମାଚାନ୍, ମତର୍ ଆପେଁ ଇଝାନିଁ ଆସ୍ତାପ୍ ଆରେ ମି ବିଦି ଇସାପ୍ରେ ଇଝାନ୍ତି ବିଚାର୍ କିଦେଇଁ ଇଚା କିଜି ମାଚାପ୍ ।

୭ ମତର୍ ହାଜାର୍ ମୁସ୍ତାଦାର୍ ଲୁସିୟା ଝାଜି ଜବର୍ ବଲ୍ଡକାର୍ତାଁ ଇଝାନିଁ ମା କେୟଦାଁ କିସ୍ ଅତାନ୍,

୮ ଆରେ, ଇଝାନ୍ତି ଦାବାକାର୍ଯ୍ୟାରିଁ ନି ମୁମ୍ଦ ଇକାଝାନି କାଜିଁ ବଲ୍ ହିତାନ୍ । ଇ ଇମ୍ପଣି ଝିଜୁ ବିସ୍ତେ ଆପେଁ ତେକ୍ତି ଇଦାଁ ବିରୁଦ୍ଧ ଦାବା କିନାପା, ଏନ୍ ନିଜେ ଇଝାନିଁ ପର୍ସନ୍ କିତିସ୍ ହେ ସବୁ ପୁଞ୍ଜେଇଁ ଆଡ଼ନାୟ ।”

୯ ଜିହୁଦିର୍ ପା ଦାବାତ ମିହାଜି ଇ ଝିଜୁ କାତା ହାଡ଼ପା ଇଞ୍ଜି ଇଞ୍ଚାର୍ ।

#### ପେଲିକସ୍ତି ମୁମ୍ଦ ପାଉଲ୍ତି ଝାସ୍ତିହିତାନ୍

୧୦ ହେବେଣ୍ଟାଁ ସାସନ୍କାର୍ଯ୍ୟା କାତା ଇନି କାଜିଁ ପାଉଲ୍ତିଁ ଚର୍ତିଲେ, ହେଝାନ ଉତର୍ ହିତାନ୍,

“ଏନ୍ ଆଦିକ୍ ବାର୍ଡୁ ଆତାଡ଼ ଇ ଜାତିନି ବିଚାର୍କାର୍ଯ୍ୟା ମାନାନ୍ ଇଞ୍ଜି ପୁନିକାଜିଁ ଆନ୍ ସାସ୍ତ ନା ପାକ୍ୟା ବାଟି କିନାଙ୍ ।

୧୧ ବାର ଦିନ୍ତାଁ ଆଦିକ୍ ଆଉଡ଼୍ ଆନ୍ ପାର୍ତାନା କିନି କାଜିଁ ଜିରୁସାଲମ୍ତ ହାଲ୍ଜି ମାଚାଙ୍, ଇଦାଁ ଏନ୍ ପୁଞ୍ଜେଇଁ ଆଡ଼ନାୟ ।

୧୨ ଆରେ, ଇଝାର୍ ମନ୍ଦିରତି କି ପାର୍ତାନା ଇଞ୍ଜି କି ଗାଡ଼୍ ନାଙ୍ଗେଇଁ ଇନେର୍ ହୁଦାଁ ଗଣ୍ଡଗଲ୍ କିନାକା କି ଲକାଁ ଚିଢ଼ଲାଇଁ କିନାକା ହୁଡ଼ଦାଝାତାଣ୍ଟା,

୧୩ ଆରେ, ନଙ୍ ଇଝାର୍ ନା ବିରୁଦ୍ଧ ଇମ୍ପଣି ଝିଜୁ ବିସ୍ତେ ଅଜି ଦାବା କିନାରା, ହେ ସବୁ ନି ଲାଗେ ପାର୍ମାଣ୍ କିଦେଇଁ ଆଡ଼୍ ।

୧୪ ମତର୍ ଇଝାର୍ ଇନେରିଁ ର ବିନ୍ଦମ୍ କୁଦା ଇଞ୍ଜି ଇନାର୍, ଆନ୍ ହେ ହାଜି ଇସାପ୍ରେ ମା ଆବା ଲେଡ଼ାତି ଇସ୍ପର୍ତି ପାର୍ତାନା କିଜି ମାନାଁ; ଇନା ଇନାକା ମସାତି ବିଦି ଇସାପ୍ରେ ଆରି ଇନା ଇନାକା ବେଣ୍ଟାକ୍ଣାୟକିନାକାର୍ ସାସ୍ପର୍ତି ଲେକା ମାନାଡ଼୍, ହେ ସବୁ ଆନ୍ ପାତ୍ କିନାଙ୍;



୧୫ ଆରେ, ଦାମ୍ ଆରି ଅଦାମ୍ ରିୟାର ଆରେ ନିନାକା ଆନାତ୍ ଇଞ୍ଜି ଇନାକା ଇଞ୍ଜାର ନିଜେ କାସି ମାନାର୍, ଆନ୍ ପା ଇସ୍ପରତାଂ ହେ ଲାକେ ବାସ୍ ଇଡ଼ତାଂନା ଇଞ୍ଜି ନି ଲାଗେ ମାନି କିନାକା ।

୧୬ ଇ ଏଡ଼ ତାଂ ଆନ୍ ପା ନିଜେ ନିତ୍ରେ ଇସ୍ପରତି ଆରି ମାନାୟତି କାଜିଂ ଦସି ହିଲ୍ଲିଞ୍ଜି ଚିତ୍ରା ରାକ୍ୟା କିଦେଙ୍ଗ୍ ଜାତୁନ୍ କିଜି ମାନାକା ।”

୧୭ ☆“ବେସି ବାହୁଁ ପାଚେ ଆନ୍ ନା ଜାତି ଲାଗେ ଦାନ୍ ତାତେଙ୍ଗ୍ କାଜିଂ ଆରି ପୁଜା ହିନି କାଜିଂ ଜିରୁସାଲମ୍ତ ହାଲ୍ଲଜି ମାଚାଙ୍ଗ୍ ।

୧୮ ହେ ଖେଡ଼ାଲିଂ ଇଞ୍ଜାର ନାଙ୍ଗେଙ୍ଗ୍ ମନ୍ଦିରତ ସକର୍ ଆଜି ମାନାକା ହୁଡ଼ଜି ମାଞ୍ଜାର୍; ଆନ୍ ଇମ୍ଣାକା ପା ଲକ୍ୱିଂ ନଲେ ଗଣ୍ଡଗଲ୍ଲତ ମେହା ଆଞ୍ଜାଦାଂ ମାଚାଙ୍ଗ୍ ।

୧୯ ମାତର ଆସିଆନି କେତେକ୍ ଜିହୁଦିର ମାଚାର୍; ଜଦି ହେଞ୍ଜାରତି ନା ବିରୁଦ୍ତ ଇମ୍ଣାକା ପା କାତା ମାଚିସ୍, ତାଆତିସ୍ ନି ମୁମ୍ଦ ଏକିସ୍ ଦାବା କିନାକା ହେଞ୍ଜାରତି ହାର୍ ଆତାମ୍ ।

୨୦ ଆରେରଗ ଆନ୍ ଗାଜା ସବା ମୁମ୍ଦ ଇଞ୍ଜି ମାଚାଙ୍ଗ୍ ଆନ୍ ଇମ୍ଣା ପାପ୍ତ ବାନ୍ୟା ଆଜି ମାଚାଙ୍ଗ୍, ହେଦାଂ ଇବେ ମାନି ଇ ମାନାୟାର୍ ଇଞ୍ଜେର୍ ।

୨୧ ଆତିସ୍ପା ଆନେଙ୍ଗ୍ ର କାତା ଇଞ୍ଜି ମାଚାଙ୍ଗ୍, ହେଞ୍ଜାର ବାହାତ ଇଞ୍ଜି ମାନି ସମୁତ ଆନ୍ ଆର୍ଞ୍ଜା କିଜି ଇଞ୍ଜି ମାଚାଙ୍ଗ୍, ହାକିର୍ ଆରେ ନିନାକା ଇଞ୍ଜି ଆନ୍ ପାତ୍ କିଜି ମାଚିଲେ ନେଞ୍ଜେଙ୍ଗ୍ ନି ହୁଦାଂ ବିଚାର୍ କିୟାନାକା ।”

୨୨ ମତର “ପେଲିକସ୍ ହେ ହାଜି ବିସ୍ତେ ଏତେକ୍ ଆଦିକ୍ ହାତୁର୍ ପୁଞ୍ଜି ମାଚିଲେ ବିଚାର୍ ଟେବାୟ୍ କିଜି ଇଚାନ୍, ହାଜାର୍ ମୁସ୍ତିଦାର୍ ଲୁସିୟା ଖାତିସ୍ ଆପ୍ ମିଦାଙ୍ଗ୍ ବିସ୍ତେ ତିର୍ କିନାପ୍ ।”

୨୩ ଆରେ, ହେଞ୍ଜାନ୍ ପାଞ୍ଜକଡ଼ି ମୁସ୍ତିଦାର୍ତ ହେଞ୍ଜାନ୍ତ ଇମ୍ଣାକା ପା ଖାସ୍ତିନି ଜାର୍ ଲଗାଂ ହେଞ୍ଜାନ୍ତ ହେବାକିନାକା କାଜିଂ ମୁନା କିଞ୍ଜାଦାଂ, ଆରେ ତା ବନ୍ଦି ଲାକେ ରାକ୍ୟା କିଜି ତା କାଜିଂ କଞ୍ଜାଟ୍ ଚିତ୍ରା କିଦେଙ୍ଗ୍ ବଲ୍ଲ ହିତାନ୍ ।

**ପେଲିକସ୍ ଆରି ଦୁସିଲାତି ମୁମ୍ଦ ପାଉଲ୍**

୨୪ କେତେକ୍ ଦିନ୍ ପାଚେ ପେଲିକସ୍ ଦୁସିଲା ତରୁନି ଜାର୍ ଜିହୁଦିୟା ଡକ୍ତୁହି ଲାହାଙ୍ଗ୍ ଖାଜି ପାଉଲ୍ତିଂ କୁକ୍ତି କ୍ରିସ୍ତ୍ ଜିସ୍ତୁତିତାକେ ପାତ୍ ବିସ୍ତେ ହେଞ୍ଜାନ୍ ତାକେ ଖେଚାନ୍ ।

୨୫ ମତର ହେଞ୍ଜାନ୍ ଦାମ୍, ଖାସ୍ତିତିଂ ଆରି ଖାନିଦିନ୍ତ ବିଚାର୍ କାମାୟ୍ ବିସ୍ତେ କାତା ଇନି ସମୁତ ପେଲିକସ୍ ପାଣ୍ଡା ଆଜି ଉତର ହିତାନ୍, “ନଙ୍ଗ୍ ଏପେଙ୍ଗ୍ ହାଲ୍ଲାର୍, ସୁବିଦା ସମୁ ପାୟାତିସ୍ ଆପ୍ ମିଙ୍ଗ୍ କୁକିକିଦ୍ମାପ୍ ।”

୨୬ ଆରେ ପା ପାଉଲ୍ ତାଙ୍ଗ୍ ଟାକାଂ ହିଦ୍ନାଂ ଇଞ୍ଜି ହେଞ୍ଜାନ୍ ଆହା କିଜି ମାଚାନ୍; ହେଦାଂ କାଜିଂ ରଗତିଂ ରଗ ତାଙ୍ଗ୍ କୁକ୍ତି ତା ଲାହାଙ୍ଗ୍ କାତାବାର୍ତା କିବିସ୍ ମାଚାନ୍ ।

୨୭ ମାତର ଦୁଇ ବାହୁଁ ବାତ୍ ଆତି ପାଚେ ପକ୍ ଯେସୁ ପେଲିକସ୍ତି ପାଦ୍ତ ବାଚି କିୟାତାନ୍, ଆରେ ପେଲିକସ୍ ଜିହୁଦିରତି ବଲ୍ଲବଲ୍ଲାୟ୍ ଆଦେଂ ଇଚା କିଜି ପାଉଲ୍ତିଂ ବନ୍ଦି ଅବସ୍ତାତ ଇଡ଼ଜି ହାଚାନ୍ ।

**୨୫**

**କାଈସରିୟାତି ଲାଗେ ପାଉଲ୍ତି ଗଞ୍ଜାରି**

୧ ହେବେଣ୍ଡାଂ ପେସୁ ଆଦିକାର୍ ପାଦ୍ ଇତି କିଜି ତିନି ଦିନ୍ ପାଚେ କାଈସରିୟାତାଂ ଜିରୁସାଲମ୍ତ ହାଚାନ୍,

୨ ଆରେ, ମୁଡ଼୍ ମାପୁହେବାକିନାକାନ୍ ଆରି ଜିହୁଦିରତି ମୁଡ଼୍ ମୁଣିକାର୍ ପାଉଲ୍ତି ବିରୁଦ୍ତ ତା ଲାଗେ ଗଞ୍ଜାରି କିତାର୍,

୩ ଆରେ ହେଞ୍ଜାନ୍ ଇନେସ୍ ତାଙ୍ଗ୍ ଜିରୁସାଲମ୍ତ କୁକ୍ତି ପଲ୍ଲାନାନ୍, ଇଦାଂ କାଜିଂ ଗଞ୍ଜାରି ଆଗେ ତା ବିରୁଦ୍ତ ଇ ଦୟା ପାର୍ତାନା କିତାର୍, ଆରେ, ହେଞ୍ଜାର୍ ତାଙ୍ଗ୍ ହାସ୍ଦ ଅହି କିନି କାଜିଂ ଡଗୁଜି କୁଚ୍ଚାର୍ ।

୪ ହେବେ ପେସୁ ଉତର ହିତାନ୍, “ପାଉଲ୍ କାଈସରିୟାତ ଗେହ୍ୟାଜି ମାନାନା, ଆରେ ଆନ୍ ପା ବେଗି ହେବେ ହାନାଙ୍ଗ୍ ।

୫ ଲାଗିଂ, ମି ବିତ୍ରେ ଇମ୍ଣାକାର୍ ସାଲ୍ଲିକାଟାକାନ୍, ହେଞ୍ଜାର୍ ମା ଲାହାଙ୍ଗ୍ ହାଲ୍ଲଜି ହେ ଲକ୍ନି ଜଦି ଇମ୍ଣାକା ପା ଦସ୍ ମାଚିସ୍, ତେବେ ତା ବିରୁଦ୍ତ ଦାବା କିୟାର୍ ।”

୬ ପାଚେ ହେଞ୍ଜାନ୍ ହେଞ୍ଜାର୍ ବିତ୍ରେ ଆର୍ କି ଦସ୍ ଦିନ୍ତାଂ ଆଦିକ୍ ମାନ୍ଞାଦାଂ କାଈସରିୟାତ ମାସ୍ଦି ହାଚାର୍, ଆରେ ଆକାର୍ ନାଜିଂ ଗାଦିତ କୁଚ୍ଚି ପାଉଲ୍ତିଂ ତାନି କାଜିଂ ବଲ୍ଲ ହିତାନ୍ ।

୭ ପାଉଲ୍ ଖାତିଲେ ଜିରୁସାଲମ୍ତାଂ ଖାତାକାର୍ ଜିହୁଦିର ହେଞ୍ଜାନ୍ତ ଚାରିବେଣ୍ଡାଂ ବେଡ଼ି କିଜି ନିଲ୍ଲତାର୍ ଆରି ତା ବିରୁଦ୍ତ ବେସି ଗାଜା ଦାବା କିତାର୍ । ମତର ହେଞ୍ଜାର୍ ଇ ସବୁ ପାର୍ମାଣ୍ କିଦେଙ୍ଗ୍ ରାଜି ଆଞ୍ଜାତାର୍ ।

୮ ହେବେ ପାଉଲ୍ ଜାର୍ ପାକ୍ୟା ପାଡ଼କା କିଜି ଖେଚ୍ଚାନ୍, “ଜିହୁଦିରନି ମସାତି ବିଦି ବିରୁଦ୍ତ କି ମନ୍ଦିର୍ ବିରୁଦ୍ତ କି କାଈସରତି ବିରୁଦ୍ତ ଆନ୍ ଇନାକାପା ପାପ୍ କିଞ୍ଜାତାଂନା ।”

☆ ୨୪:୧୭ ପଦ୍ୟାବଳୀ ୨୧:୧୭-୨୮.

୯ ମତର ପେଷୁ ଜିହ୍ୱଦିରତି ଦୟା ଆଦେଂ ଇଚା କିଜି ପାଉଲ୍ତିଂ ଉତର ହିତାନ୍, “ଏନ୍ କି ଜିରୁସାଲମ୍ତ ହାଲ୍ଜି ହେ ବାହାତ ମା ମୁମ୍ଦ ଇ ସବୁ ବିସ୍ତେ ଅଜି ବିଚାର ଆଦେଂ ଇଚା କିନାୟା ?”

୧୦ ମତର ପାଉଲ୍ ଇଚାନ୍, “ଆନ୍ କାଇସର୍ତ୍ତି ଗାଦି ତାରେନ୍ ନିଲ୍ତାଂନା, ହେ ବାହାତ ବିଚାର ଆନାକା ମାନାତ୍ । ଆନ୍ ଜିହ୍ୱଦିରତି କାଜିଂ ଇନାକାପା ଅନୟାୟ୍ କିଝାତାଂନା, ଏନ୍ ପା ହେଦାଂ ଏଚେକ୍ ହାର୍ ଇଞ୍ଜି ପୁନାୟ୍ ।

୧୧ ଖାଟିଙ୍ଗ୍, ଜଦି ଆନ୍ ଅନୟାୟ୍ କିତାକାଂ ଆଜି ମାଟିସ୍ ଆରି ହାକି ଜଗ୍ ଇନାକାପା କାମାୟ୍ କିଜି ମାଟିସ୍, ତା ଆତିସ୍ ଆନ୍ ହାକି ବଗ୍ କିଦେଙ୍ଗ୍ ମୁନା କିଦୁଙ୍ଗା; ମତର ଇଝାର୍ ନା ବିରୁଦ୍ଧତ ଇନାକା ସବୁ ଦାବା କିନାରା, ହେ ସବୁ ବିତ୍ତେ ଜଦି ପାଦେକ୍ ପା ସତ୍ ଆକାୟ୍, ତା ଆତିସ୍ ଇମ୍ଫଣି ମାନାୟ୍ ପା ହେଝାର୍ କେଇଦ ନାଙ୍ଗ୍ ହେଲ୍ଲାୟ୍ କିଦେଙ୍ଗ୍ ଆଡୁର୍ । ଆନ୍ କାଇସର୍ତ୍ତି ସାରାଣ୍ଡତ ବିଚାର୍ଣ୍ଣା ଆଦେଂ କାଜିଂ ପାର୍ତାନା କିନାଙ୍ଗା ।”

୧୨ ହେବେ ପେଷୁ ମତ୍ରିମଣ୍ଡଲ୍ ଲାହାଙ୍ଗ୍ ବୁଜାସୁଜା କିଜି ଉତର ହିତାନ୍, ଏନ୍ “କାଇସରିୟାତି ସାରାଣ୍ଡତ ବିଚାର୍ଣ୍ଣା ଆଦେଂ କାଜିଂ ପାର୍ତାନା କିତାୟ୍ନା, ଏନ୍ କାଇସର୍ ଲାଗେ ହାନାୟ୍ ।”

**ଆଗ୍ରିପ୍ପା ଆରି ବଣ୍ଟି କିତି ମୁମ୍ଦ ପାଉଲ୍**

୧୩ କେତେକ୍ ଦିନ୍ ହାଟି ପାଚେ ରାଜା ଆଗ୍ରିପ୍ପା ଆରି ବଣ୍ଟି କି କାଇସରିୟାତ ଖାଜି ପେଷୁତିଂ ବେଟା ଆତାର୍ ।

୧୪ ହେଝାର୍ ବେସି ଦିନ୍ ହେ ବାହାତ ମାଟିଲେ, ରାଜା ଆଗେ ପେଷୁ ପାଉଲ୍ତି କାତା ଖେଚ୍ଚି ଇଚାନ୍, “ପେଲିକସ୍ ରଝାନ୍ ଲଗାଂ ବନ୍ଦି କିଜି ଇଡ୍ଡଜି ହାଚାନ୍ନା ।

୧୫ ଆନ୍ ଜିରୁସାଲମ୍ତ ମାନି ସମୁତ ଜିହ୍ୱଦିରତି ମୁଡ୍ ମାପୁହେବାକିନାକାନ୍ ଆରି ପ୍ରାଚିନାର୍ ତା ବିସ୍ତେ ନା ଲାଗେ ଗଝାରି କିଜି ତା ବିରୁଦ୍ଧତ ଦଣ୍ଡବଲ୍ ପାର୍ତାନା କିତାର୍ ।

୧୬ ଆନ୍ ହେଝାରିଂ ଉତର ହିତାଂ, ଇନାକାନ୍ ଆରି କାତା ନାହାୟ୍ ମୁକାମୁକି ଆଝି ପାଚେକ୍, ଆରେ କାତା ନାହାତି ବିରୁଦ୍ଧତ ବିଚାର୍ କିଜିମାନି ଦାବା ସମୁତ ଖାସ୍ତିପାକ୍ୟା ପାଡ୍କା କିନି ସୁବିଦା ପାୟାଝି ପାଚେକ୍ ହେଝାନିଂ ହେଲ୍ଲାୟ୍ କିନାକା ରମିୟର୍ତ୍ତି ବିଦି ଆକାୟ୍ ।

୧୭ ଲାଗିଂ ହେଝାର୍ ନା ହାଙ୍ଗ୍ଦାଂ ଇ ବାହାତ ଖାଟିଲେ, ଆନ୍ ମାଲାଝାଦାଂ ଆକାତ୍ ନାଜିଂ ଗାଦିତ କୁଚ୍ଚି ହେ ମାନାୟ୍ତିଂ ତାଚେଙ୍ଗ୍ କାଜିଂ ବଲ୍ ହିତାଂ ।

୧୮ ଦାବାକାରିର୍ ଇଞ୍ଜି, ଆନ୍ ଇନେସ୍ବାନି ଦସ୍ନି କାତା କାସି ମାଚାଙ୍ଗ୍, ହେ ଲାକେ ଇନାକାପା ଦାବା ହେଦାଂ ବିସ୍ତେ ତାଝାତାର୍ ।

୧୯ ମତର ହେଝାର୍ତ୍ତି ଜାର୍ ଦାରୁମ୍ ଆରେ ଜିସୁ ତର୍ ନି ରଝାନ୍ ହାଟି ମୁଣିକା, ଇନେରିଂ ପାଉଲ୍ ଜିଜି ମାଚାନ୍ ଇଞ୍ଜି ଇଞ୍ଜି ମାଚାନ୍, ହେ ସବୁ ବିସ୍ତେ ତା ବିରୁଦ୍ଧତ ହେଝାର୍ତ୍ତି ଏଚେକ୍ କୁଲ୍ ମାଚାତ୍ ।

୨୦ ଇ ଝିଜୁ ବିସ୍ତେ ଇନେସ୍ବାନି ଡେକ୍ନାଙ୍ଗ୍ ଇଞ୍ଜି ଆନ୍ ବୁଦିବାଣା ଆଜି, ହେଝାନ୍ ଜିରୁସାଲମ୍ତ ହାଲ୍ଜି ହେବେ ଇ ଝିଜୁ ବିସ୍ତେ ବିଚାର୍ ଆଦେଂ କାଜିଂ ଇଚା କିନାନ୍ କି ଆକାୟ୍, ଇଦାଂ ଝେନ୍ବାତାଂ ।

୨୧ ମତର ପାଉଲ୍ ରାଜାର୍ତାଂ ରାଜା ବିଚାର୍ କାଜିଂ ଇଟ୍ୟାନି କାଜିଂ ପାର୍ତାନା କିତିଲେ, ଆନ୍ ତାଙ୍ଗେଙ୍ଗ୍ କାଇସର୍ତ୍ତି ଲାଗେ ପକ୍ଝି ପାଚେକ୍ ବନ୍ଦି କିଜି ଇଡ୍ଡଦେଂ ବଲ୍ ହିତାଂ ।”

୨୨ ହେବେଣ୍ଡାଂ ଆଗ୍ରିପ୍ପା ପେଷୁତିଂ ଇଚାନ୍, “ଆପେଂ ପା ନିଜେ ହେ ଲକ୍ନି କାତା ଝେଞ୍ଜେଙ୍ଗ୍ ଇଚା କିନାପା ।”

ହେଝାନ୍ ଇଚାନ୍, “ଝିଗା ଏପେଙ୍ଗ୍ ତାଦି କାତା ଝେନାଦେର୍ ।”

୨୩ ଲାଗିଂ, ଆକାତ୍ ନାଜିଂ ଆଗ୍ରିପ୍ପା ଆରି ବଣ୍ଟି କି ଗାଜା ବିଡ୍ଡତ ଖାଜି ମୁଡ୍ ମୁଡ୍ ମେଲ୍ୟାର୍ ଆରି ଗାଡ୍ଡି ମୁଡ୍ ମୁଡ୍ ମୁଣିକାର୍ ହୁଦାଂ ବିଚାର୍ଣ୍ଣା ବାହାତ ହଟିଲେ ପେଷୁତି ବଲ୍ ଇସାବ୍ରେ ପାଉଲ୍ତି ତାହିଝାୟାତାନ୍ ।

୨୪ ହେବେ ପେଷୁ ଇଚାନ୍, “ଏ ରାଜା ଆଗ୍ରିପ୍ପା ଆରି ମାହୁଦାଂ ଇ ବାହାତ ମାଟି ଗାଜାଲଗୁ କାଦେର୍, ଏପେଙ୍ଗ୍ ଇ ଲକ୍ତିଂ ହୁଡ୍ନାଦେରା, ଇଝେନ୍ ବିରୁଦ୍ଧତ ଜିରୁସାଲମ୍ତ ଆରି ଇ ବାହାତ ପା ଜିହ୍ୱଦି ଲକୁ ମା ଲାଗେ ଗଝାରି କିଜି ତାଦାଂ ଆରେ ଜିଜି ମାନାକା ହାର୍ ଆକାୟ୍ ଇଞ୍ଜି ଚେରା ଆତାର୍ ।

୨୫ ମାତର ହେଝାନ୍ ହାକି ଜଗ୍ ଇନାକାପା କାମାୟ୍ କିଝାତାଂନା ଇଞ୍ଜି ଆନ୍ ବୁଜାତାଂ, ଆରେ ହେଝାନ୍ ନିଜେ ଜାରାର୍ତାଂ ରାଜା ଲାଗେ ବିଚାର୍ ଆନି କାଜିଂ ପାର୍ତାନା କିତିଲେ ଆନ୍ ତାଙ୍ଗ୍ ପକ୍ନି କାଜିଂ ତିର୍ କିତାଙ୍ଗ୍ ।

୨୬ ନା ମାପୁତି ଲାଗେ ତା ବିସ୍ତେ ଲେକିକିନି କାଜିଂ ନାଦାଂ ଇନାକାପା ସତ୍ ବିସ୍ତେ ଆକାୟ୍ । ଲାଗିଂ ବିଚାର୍ କିଜି ଇନେସ୍ ଆନ୍ ଲେକିକିନି କାଜିଂ ଇଚୁଟିଂ ପାୟାଦେଂ ଆଡ୍ନାଙ୍ଗ୍, ହେଦାଂ କାଜିଂ ତାଙ୍ଗ୍ ମିବେ, ବେସିନି, ଏ ରାଜା ଆଗ୍ରିପ୍ପା, ମି ମୁମ୍ଦ ତାତାଂନା;

୨୭ ଇନାକିଦେଂକି ବନ୍ଦିତିଂ ପକ୍ନି ସମୁତ ତା ବିରୁଦ୍ଧତ ଦାବାକାଂ ଇନ୍ଝି କାଜିଂ ନାଙ୍ଗେଙ୍ଗ୍ ମେହାଆଝି ଲାକେ ବୁଜା ଆଦ୍ନାତା ।”



**ଆଗ୍ରିପ୍ପାଟି ମୁମ୍ଦ ପାଉଲ୍ତି ଜାର୍ତ୍ତି ହେଲ୍ଲାୟ୍ କିନାକା**

୧ ହେବେଶ୍ୟା ଆଗ୍ରିପ୍ପା ପାଉଲ୍‌ତି ଇଚାନ୍, “ନିଜେଙ୍ଗ୍ ଜାର ପାକ୍ୟାତ କାତା ଇନି କାଜିଂ ହେଲ ହିଆତାତ୍ । ହେ ଏତେକାଡ଼୍ ପାଉଲ୍ କେଇ ମେଲାଇ କିଜି ଜାର ପାକ୍ୟାତ ଇଜେଙ୍ଗ୍ ଲାଗାତାନ୍,”

୨ “ଏ ରାଜା ଆଗ୍ରିପ୍ପା, ଜିହୁଦିର୍ ନା ବିରୁଦ୍‌ତ ଇମ୍‌ଣି ଓଜୁ ଦାବା କିନାରା, ହେ ବିସ୍ତେ ଆନ୍ ଜେ ନେଜେଙ୍ଗ୍ ନି ଲାଗେ ଜାତ୍ ଇଂ ଖେଚ୍‌ତେଙ୍ଗ୍ ପାବ୍ ପାୟାତାଂନା, ଇଦାଂ କାଜିଂ ଆନ୍ ଜାର୍‌ତିଂ ଖାରି ବାବି କିନାଙ୍ଗା,

୩ ବେସିଆତିସ୍ ଇ ଇନାକିଦେଂକି ଜେ, ଏନ୍ ଜିହୁଦିର୍ ବିତ୍ରେ ଚାଲାତି ସବୁ ରିତିନିତି ଆରି ମାନ୍ ବିସ୍ତେ ବେସି ପୁନାୟ୍; ଇଦାଂ କାଜିଂ ସାସ୍ ଆଜି ନା କାତା ଖେଜେଙ୍ଗ୍ କାଜିଂ ଆନ୍ ନିଂ ଗଞ୍ଜାରି କିଦନାଙ୍ଗା ।

୪ ବେଶ୍‌ଆ କାଡ଼୍‌ତାଂ ଆଗେତାଂ ଜାର୍ ଜାତି ବିତ୍ରେ ଆରି ଜିରୁସାଲମ୍‌ତ ନା ଆଚାର୍ ଚିନ୍ତା ଜିହୁଦିର୍ ଓଜାକାର୍ ପୁନାର୍;

୫ ହେଞ୍ଜାର ନାଜେଙ୍ଗ୍ ପର୍ତୁମ୍‌ତାଂ ପୁନଞ୍ଜି ମାଟିସ୍ ଜଦି ଇଚା କିନାନ୍, ଖାଟିଙ୍ଗ୍ ସାକି ହିଜି ଆଡ଼ନାର୍ ଜେ, ଆନ୍ ମା ଦରମ୍‌ନି ସବୁତାଂ ଆର୍‌ଖା ମାନ୍ ଇସାପ୍ରେ ପାରୁସି ଆଜି ଜିଜି ମାଚାଂ ।”

୬ ଆରେ, ମା ଆବା ଲାତ୍ରା ଲାଗାଙ୍ଗ୍ ଇସ୍‌ବର ଇମ୍‌ଣି ପାର୍ମାଣ୍ କିଜି ମାଚାନ୍, ହେ ପାର୍ମାଣ୍‌ନି ବାସ୍ କାଜିଂ ଆନ୍ ବିଚାର୍ ଆନି କାଜିଂ ନଙ୍ଗ୍ ନିଲ୍‌ତାଂନା ।

୭ ମା ବାର୍ ପାର୍ତାନା ହେ ପାର୍ମାଣ୍‌ନି ପାଡ଼୍ ଗାଟାନ୍ ଆହାତ ଖେଡ଼ାନାଣା ର ମାନ୍ତ ଇସ୍‌ବରତି ପାର୍ତାନା କିନାରା । ଏ ରାଜା, ବାସ୍ କାଜିଂ ଆନ୍ ଜିହୁଦିର୍‌ତି ହୁଦାଂ ଦାବା ଆନାଙ୍ଗା ।

୮ ଇସ୍‌ବର ଜେ ହାତାକାରିଙ୍ଗ୍ ନିକ୍‌ତାନ୍ନା, ହେଦାଂ ଇନାକିଦେଂ ଏପେଙ୍ଗ୍ ବିଚାର୍‌ତ ପାତ୍ କିଞ୍ଜାକାଦେର୍ ଇଞ୍ଜି ବୁଜା ଆନାତା ?

୯ “ନାଜରିତିୟ୍ ଜିସୁତି ତର୍ ବିରୁଦ୍‌ତ ନାଦାଂ ଆଦିକ୍ କାମାୟ୍ ଜେ ମାନାଡ଼୍, ଇଦାଂ ଆନ୍ ନିଜେ ବାବି କିଜି ମାଚାଙ୍ଗ୍ ।

୧୦ ଆରେ, ଜିରୁସାଲମ୍‌ତ ଆନ୍ ଇଦାଂ ପା କିଜି ମାଚାଙ୍ଗ୍, ମୁଡ଼୍ ମାପୁହେବାକିନାକାନ୍ ତାରେନ୍ ଆଦିକାର୍ ପାୟା ଆଜି ପୁଇପୁୟାର୍ ବିତ୍ରେ ଆଦେକ୍‌ତିଂ ଜଇଲ୍‌ତ ଗେସି କିଜି ମାଚାଙ୍ଗ୍, ଆରେ, ହେଞ୍ଜାର୍‌ତି ପାରାଣ୍ ଦାଣ୍ ସମୁତ ଆନ୍ ପା ହେଞ୍ଜାର୍‌ତି ବିରୁଦ୍‌ତ ନା ମାନ୍ ପାକ୍ୟାତାଂ ହିଜି ମାଚାଙ୍ଗ୍,

୧୧ ଆରେ ଓଜୁ କୁଟୁମ୍ ଇଞ୍ଜି ରଗତିଂ ରଗ ହେଞ୍ଜାରିଂ ତାଣ୍ ହିଜି ଜିସୁତିଂ ନିୟା କିନି କାଜିଂ ହେଞ୍ଜାରିଂ ବଲକାର୍ କିଜି ମାଚାଙ୍ଗ୍, ଆରେ ହେଞ୍ଜାର୍‌ତି ବିରୁଦ୍‌ତ ବେସି ବାତା ଆଜି ବିଦେସ୍‌ନି ଗାଡ଼୍‌କୁ ପାତେକ୍ ପା ହେଞ୍ଜାରିଂ ନିୟା କିଜି ମାଚାଙ୍ଗ୍ ।”

**ନିଜ୍‌ତିଂ ବାଦ୍‌ଲାଇଆନି ବିସ୍ତେ ପାଉଲ୍‌ତି ଇନାକା**

(ପଦ୍ୟାତାକା ୯:୧-୧୯; ୨୨:୭-୧୭)

୧୨ “ଇ ଇସାପ୍‌ରେ ମୁଡ଼୍ ମାପୁହେବାକିନାକାନ୍ ତାରେନ୍ ଆଦିକାର୍ ଆରି ବଲ୍ ଆକି ଅଜି ଦମ୍‌ନେସକ୍‌ତ ହାନି ସମୁତ,

୧୩ ଏ ଏଗ୍ରିପା ରାଜା, ମୁଣ୍ଡାମେଦାନ୍ କାଡ଼୍‌ଦ ହାଜି ବିତ୍ରେ ଆକାସ୍‌ତାଂ ଆଦିକ୍ ଡିଞ୍ଜନାକା ଅଜଡ଼୍ ଆରି ନା ଉପକାର୍ ନିକାରିରିଂ ଚାରିବେଶ୍‌ତାଂ ଚଞ୍ଜ୍ୟାନାକା ହୁଡ଼୍‌ତାଂ ।

୧୪ ଆପେଂ ଓଜାପ୍ ମେଦ୍‌ନିତ ଗୁତ୍ ଲେ, ଆନ୍ ଏବ୍ରି ବାସାତ ନା କାଜିଂ ଇ ବେଶ୍ ଖେଚାଙ୍ଗ୍, ସାଉଲ୍, ସାଉଲ୍, ଇନାକିଦେଂ ମାଂ ଇଶ୍ କିଦନାୟା ? ତିତ୍ରି ବେଡ଼ଗାତ ଲାଡ଼ ଇଡ଼ନାକା ନି ପାକ୍ୟାତ କସୁ ।”

୧୫ ହେବେଶ୍ୟାଂ ଆନ୍ ଇଚାଙ୍ଗ୍, “ମାପୁ, ଏନ୍ ଇମ୍‌ଣାକାୟ୍ ?” ଲାଗିଂ ମାପୁ ଇଞ୍ଜାନ୍, “ଇମ୍‌ଣି ଜିସୁଙ୍ଗ୍ ଏନ୍ ଇଶ୍ କିନାୟା, ଆପ୍ ହେଞ୍ଜାଙ୍ଗ୍ ।

୧୬ ମତର୍ ନିଙ୍ଗା, ପାନାତ ସାକ୍ତି ହିଜି ନିଲା, ଇନାକିଦେଂକି ଆପ୍ ନିଜେଙ୍ଗ୍ ମା ହେବା କିନାକାର୍, ଆରେ ଏନ୍ ମା ଇମ୍‌ଣି ଇମ୍‌ଣାକା ହୁଡ଼୍‌ତାୟାନା ପାୟା ଆତାଇନା ଆରି ଗାଟାନାୟ୍, ହେ ଓଜୁ ବିସ୍ତେ ସାକି ଲାକେ ବାଟି କିଦ୍‌ନି ଇସାପ୍‌ରେ ନିଂ ଚଞ୍ଜ୍ୟା ଆଡ଼ତାପ୍ ।

୧୭ ଇମ୍‌ଣି ଜିହୁଦି ଆରି ପାତ୍ କିଞ୍ଜି ଜିହୁଦିର୍ ମାନାୟାର୍ ତାକେ ଆନ୍ ମିଜେଙ୍ଗ୍ ପକ୍‌ତାନାଂ, ହେଞ୍ଜାର୍‌ତାକେଶ୍ୟାଂ ଆନ୍ ମିଜେଙ୍ଗ୍ ଉଦାର୍ କିଦନାଙ୍ଗ୍ ।

୧୮ ଇନେସ୍ ମାଜଗାତାଂ ଅଜଡ଼୍ କାଜିଂ ଆରି ସୟ୍‌ତାନ୍‌ନି ସାକ୍ତିତାଂ ଇସ୍‌ବରତି ନିପ ମାସ୍‌ଦାନାର୍, ଆରେ ପାପ୍ କେମା ଆରି ମା ତାକେ ପାତ୍ ହୁଦାଂ ପୁଇପୁୟା କିତି ଲକୁ ବିତ୍ରେ ଆଦିକାର୍ ପାୟା ଆନାର୍,” ହେଦାଂ କାଜିଂ ହେଞ୍ଜାର୍‌ତି କାଶ୍‌କୁ ହୁଡ଼ିକିନି କାଜିଂ ଆପ୍ ନିଂ ହେଞ୍ଜାର୍‌ତି ତାରେନ୍ ପକ୍ତାନାପା, ଆରେ ଆପ୍ ନିଂ ହେଞ୍ଜାର୍ ତାଙ୍ଗ୍ ରାକ୍ୟା କିଦନାପ୍ ।

**ଜାର୍‌ତିଂ କାମାୟ୍ ବିସ୍ତେ ପାଉଲ୍‌ତି ବାକ୍‌ଶାୟ୍**

୧୯ “ଲାଗିଂ, ଏ ରାଜା ଆଗ୍ରିପ୍ପା, ଆନ୍ ହେ ସାଗେନି ଚଞ୍ଜ୍ୟାନାକା ଉଡ଼ାଦେଂ ଆଡ଼ଞ୍ଜାଦାଂ,

୨୦ ଫତର୍ ପର୍ତୁମ୍‌ତ ଦମ୍‌ନେସକ୍‌ନି ଆରି ଜିରୁସାଲମ୍‌ନି ମାନାୟାର୍ ଲାଗାଂ, ପାଚେ ଜିହୁଦା ରାଜିନି ଓଜୁ ନିପ, ଆରେ ପାତ୍ କିଞ୍ଜି ଜିହୁଦିର୍ ଲାଗାଂ ପା ସୁଶାୟ୍ କିଦେଙ୍ଗ୍ ଲାଗାତାଂ, ଇନେସ୍ ହେଞ୍ଜାର୍ ମାନ୍‌ବାଦ୍‌ଲାଇୟ୍ କିଜି ଇସ୍‌ବରତି କାଜିଂ ମାସ୍‌ଦି ଖାନାର୍ ଆରି ମାନ୍‌ବାଦ୍‌ଲାଇୟ୍‌ନି ହାଦ୍ କାମାୟ୍ କିନାନ୍ ।

୨୧ ଇ କାରଣ୍‌ତାଂ ଜିହୁଦିର୍ ମାଦିର୍ ବିତ୍ରେ ନାଙ୍ଗ୍ ଆସି ଅସ୍ତେଦେଂ ସେସ୍ଟୁ କିଜି ମାଚାର୍ ।

☆ ୨୭:୫ ପଦ୍ୟାତାକା ୨୩:୭; ପିଲିପିୟ ୩:୫. ☆ ୨୭:୯ ପଦ୍ୟାତାକା ୮:୩; ୨୨:୪,୫. ☆ ୨୭:୨୦ ପଦ୍ୟାତାକା ୯:୨୦,୨୮,୨୯.

୨୨ ଲାଗି, ଇସ୍‌ରାଏଲ୍ ତାଙ୍କେ ସାୟନ ପାୟାଜି ଆନ ନେଞ୍ଜେଇଁ ପାତେକ୍ ହାରୁ ଆରି ଗାଜା ଓଜାର୍ ଲାଗାୟ ସାକି ହିଜି ଖାନାଜା, ଆରେ ବେଶ୍‌ବାକ୍‌ଶାୟକିନାକାର୍ ଆରି ମସାଂ ଇନାକା ଇନାକା ଗିଟାନାଡ୍ ଇଞ୍ଜି ଇଟାଣ୍ଟା, ହେ ସବୁ ପିସ୍ତ୍ର ଆରେ ଇନାକାପା ଇନୁଜା,

୨୩ ଇତିସ୍ କ୍ରିସ୍ଟ ନିଜେ ଦୁକ୍‌ବଗ୍ କିଜି ଆରେ, ପର୍ତ୍ତୁମ୍ ହାତାକାର୍ ବିତ୍ରେତାଂ ଆରେ ନିଂନାକା ଜିହୁଦି ଆରି ପାତର୍ କିଓ୍ ଜିହୁଦିର ଲାଗାୟ ମୁକ୍‌ଡାନି ଅଜଡ୍ ହପ୍‌ତାନ ।”

୨୪ ଇ ଲାକେ ହେଖାନ ଖାସ୍ତିପାକ୍ୟାନି କିଜିମାନି ସମୁତ ପେସ୍ଟ ଗାଜା କାଟ୍‌ତାଂ ଇଚାନ, “ପାଉଲ୍ ଏନ୍ ବାୟାତି; ବେସି ବିଦ୍ୟା ନିଜେଇଁ ବାୟା କିଦ୍‌ନାତା ।”

୨୫ ମତର୍ ପାଉଲ୍ ଇଚାନ, ଏ ଗାଜାଲଗୁ ପେସ୍ଟ, “ଆନ୍ ବାୟା ଆକାୟ, ମତର୍ ହାଡ୍‌ପାନେ ଆରି ତିର୍ ବୁଦିନି ବଚନ୍ ବାକ୍‌ଶାୟ କିନାଜା ।

୨୬ ରାଜା ତ ଇ ଓଜୁ ବିସ୍ତେ ପୁନାନ୍, ଆରେ ଆନ୍ ତା ଲାଗେ ପା ସାସ୍ତ କାତା ଇନାଜା, ଇନାକିଦେଂକି ଇ ଓଜୁ ବିସ୍ତେ ଇମ୍‌ଶାକା ପା କାତା ହେଖାନ୍ତି ପୁନ୍‌ଖାତାକା ଆକାୟ ଇଞ୍ଜି ନା ପାତର୍; ଇଦାଂ ତ ତ୍‌ଗୁଜି କିୟା ଆଖାତାତ୍‌ନା ।

୨୭ ଏ ରାଜା ଆଗ୍ରିପ୍‌ପା, ଏନ୍ ଇନାକା ବେଶ୍‌ବାକ୍‌ଶାୟକିନାକାର୍ ପାତର୍ କିନାୟା ? ଏନ୍ ପାତର୍ କିନାୟା ଇଞ୍ଜି ଆନ୍ ପୁନାଜ୍ ।”

୨୮ ହେବେଶ୍‌ୟା ଆଗ୍ରିପ୍‌ପା ପାଉଲ୍‌ତିଂ ଇଚାନ, “ଅଲପ୍ ସମୁତ ଏନ୍ ମାଜେଇଁ କ୍ରିସ୍ଟିୟାନ୍ କିଦେଇଁ ଆଡ୍‌ନାୟ ଇଞ୍ଜି ବାବି କିନାୟା ।”

୨୯ ପାଉଲ୍ ଇଚାନ, “ଅଲପ୍ ଆୟେଡ୍ କି ବେସି ଆୟେଡ୍, କେବଲ୍ ଏନ୍ ଆକାୟ, ମତର୍ ଏତେକ୍ ଲଗୁ ନେଞ୍ଜେଇଁ ନା କାତା ଖେନାରା, ଇନେସ୍ ହେଖାର୍ ଓଜାର୍ ପା ଇ ଗାଟି ପିସ୍ତ୍ର ନା ଲାକେ ଆନାର୍, ଆତିସ୍ ପା ହିକ୍‌ଡିଂତାଂ ଗାଟ୍‌ୟା ଆଏର୍ ଇଦାଂ ଆନ୍ ଇସ୍‌ରାଏଲ୍ ଲାଗାୟ ପାର୍ତାନା କିନାଜା ।”

୩୦ ହେବେଶ୍‌ୟା ରାଜା, ସାସନ୍‌କାର୍‌ୟା, ବଶ୍ କି ଆରି ହେଖାର୍ ହୁଦାଂ କୁଟି ମାନି ମୁଣିକାର୍ ନିଜ୍‌ଜି ହାଲ୍‌ଜି ମାଟାର୍

୩୧ ବିନେ ଆଜି ହାରି କାତାବାର୍ତା କିଡ କିଡ ଇଚାର୍, “ଇ ମାନାୟ ହାକି କି ହିକ୍‌ଡି ଗାଟ୍ୟାନି ଜଗ୍ ଇମ୍‌ଶାକା ପା କାମାୟ କିଖାତାନ୍ନା ।”

୩୨ ଆରେ, ଆଗ୍ରିପ୍‌ପା ପେସ୍ଟଇଁ ଇଚାନ, “ଇ ଲକ୍ ଜଦି କାଈସ୍‌ରତି ମୁମ୍‌ଦ ବିଚାଣ୍ଟା ଆନି କାଜିଂ ପାର୍ତାନା କିଖାଦାଂ ମାଟିସ୍, ତେବେ ମୁକ୍‌ଡାୟ କିଦେଇଁ ଆଡ୍ୟାତାତ୍‌ମା ।”

### ୨୭

#### ପାଉଲ୍‌ତିଂ ଏସ୍ ଜାଜ୍‌ତାଂ ରମ୍‌ତ ହାନାକା

୧ ଏଚେକାଡ୍‌ଦ ଆପେଂ ଜାଜ୍‌ତ ଦୁମ୍‌ଜି ଇତାଲିଆତ ହାନି କାଜିଂ ବିଚାର୍ ମାଟାଡ୍, ହେ ଏଚେକାଡ୍‌ଦ ପାଉଲ୍ ଆରି ବିନେ ଏଚେକ୍ ଗାଟ୍‌ୟାତି “ରାଜାଣ୍ଟିଂ ମେଲ୍ୟାର୍ କୁଦାନି ଜୁଲିଅ ତର୍‌ନି ରଖାନ୍ ପାଞ୍ଚକଡି ମୁସ୍ତିଦାର୍‌ତି କେଇଦ ହେଲାୟ ଆତାନ୍ ।”

୨ ହେବେଶ୍‌ୟା ଆସିଆ ହାରୁ ଗୁଟିତ ବାରବିନି ବାହାତ ହାନି କାଜିଂ ହଡ୍‌ତି ର ଆଦ୍ରାମୁତିୟ ଜାଜ୍‌ତ ଆପେଂ ଦୁମ୍‌ଜି ଜାଜ୍ ରିକ୍‌ତି ତୁହିତାପ୍; ଆରେ, ମାକିଦନିଆନି ଆରିସ୍‌ଆର୍କ୍ ତର୍‌ନି ରଖାନ୍ ତେସ୍‌ଲନିକିୟ ଲଗୁ ମା ଲାହାଜ୍ ମାଚାନ ।

୩ ଆର୍କାଡ୍ ନାଞ୍ଜିଜ୍ ଆପେଂ ସିଦନ୍‌ତ ଏକାତାପ୍, ଆରେ ଜୁଲିଅ ପାଉଲ୍‌ତି କାଜିଂ ଦୟା ଚିନ୍ତା କିଜି ଜାର୍ ହାଜ୍‌ଦାକାର୍ ଇସ୍‌ରାଏଲ୍ ଲାଗେ ହାଲ୍‌ଜି ହେବା ପାୟାଦେଂ କାଜିଂ ହେଲ୍ ହିତାନ୍ ।

୪ ହେ ବାହାତାଂ ଜାଜ୍ ରିକ୍‌ତି ଉଲ୍‌ତି ଦୁକା ଆତିଲେ ଆପେଂ କୁପ୍‌ନି ଗୁଟି ଗୁଟି ଚାଲାଜି ।

୫ କିଲିକିୟା ଆରି ପଂପୁଲିଆ ହାଣ୍‌କୁତ ହାମ୍‌ଦୁର୍ ନାସି ଲୁକିଆନି ମୁରାତ ଗାଡ୍‌ଦ ଖାତାପ୍ ।

୬ ହେବେ ପାଞ୍ଚକଡି ମୁସ୍ତିଦାର୍ ଇତାଲିଆତ ହାଲ୍‌ଜି ମାନି ର ଆଲେକ୍‌ଜାଣ୍ଡ୍ରିୟ ବାହାନି ତର୍ ଜାଜ୍ ଗାଟାଜି ହେବେତାଂ ମାଜେଇଁ ଦୁପ୍‌ତାତାର୍ ।

୭ ପାଚେ ଆଦେକ୍ ଦିନ୍ ପାତେକ୍ କାଲେ କାଲେ ହାଲ୍‌ଜି କସ୍‌ତ ଏସ୍‌କୁପଲି କ୍ରିଦର୍ ହାଣ୍‌କୁତ ଏକିସ୍ ଦୁକା ମାଜେଇଁ ଆଗେ ହାଞ୍ଜେଇଁ ପିସ୍ତ୍ର ହିଦ୍‌ଓଡିଲେ ସାକ୍ଲନିନି ହାଣ୍‌କୁ ହିଜି କ୍ରିତିନି ଗୁଟି ଗୁଟି ହାତାପ୍,

୮ ଆରେ କସ୍‌ତ ଗୁଟି ଗୁଟି ହାଲ୍‌ଜି “ହଲ୍‌ନି ବାନ୍‌ନି ତର୍‌ନି ର ବାହାତ ଖାତାପ୍, ଲାସାୟା ବସ୍ତି ହେବେଶ୍‌ୟାଂ ଲାଗେ ମାଟାଡ୍ ।”

୯ ଇ ଲାକେ ଆଦେକ୍ ସମୁ ଓସ୍ତାଡ୍, ଆରେ ଏସ୍‌ଚାଲା ଆଦେଂ ନଜ୍ ଦୁକ୍‌ନି ଦିନ୍ ପଡାତାଡ୍, ଇନାକିଦେଂକି ହେ ଏଚେକାଡ୍‌ଦ ଉପାସ୍ ପାର୍ତୁ ଓସ୍‌ସି ମାଟାଡ୍ । ଲାଗିଂ ପାଉଲ୍ ହେଖାରିଂ ଜାଗ୍ରଡ୍ କିଜି ଇଚାନ,

୧୦ “ଗାଜା ଲକୁର୍, ଇ ଏସୁକାଂ ହାନିହିଂ ଜେ କେବଲ୍ ମାଲ୍ ଆରି ଜାଜ୍‌ନି ନସ୍ ଆନାଡ୍, ହେଦାଂ ଆକାୟ, ମତର୍ ମା ଜିରୁନ୍‌ତ ପା ଜେ ନସ୍ ଆରି ପର୍ତ୍ତୁ ଆନାଡ୍, ଇଦାଂ ଆନ୍ ପୁନାଜା ।”

୧୧ ମାତର୍ ମେଲ୍ୟା ପାଉଲ୍‌ତି କାତାତ ପାତର୍ କିଖାଦାଂ ଜାଜ୍‌ନି ଗୁମ୍‌ସ୍ତା ଆରି ଜାଜ୍‌ନି ହାଉକାର୍ କାତାତ ରାଜି ଆତାର୍ ।

୧୨ ଆରେ, ହେ ଜାଜ ଟେବାନି ବାନ୍ଧ ପିନି କାଡ଼ ହାଟିକିଦେଂ କାଜିଂ ସୁବିଦା ହିଲ୍‌ଝିତିଲେ ଇନେସପା ବାନିତ ପୈନିକସତ ଏକିସ୍ ହେବେ ପିନି କାଡ଼ ହାଟିରେକ୍ କାଜିଂ ହେବେତାଂ ଜାଜ ପିସ୍ତେକ୍ ଆଦେକ୍ ଲଗୁ ବୁଜାମୁଣା କିତାର୍; ହେ ପୈନିକସ୍ କ୍ରିତିନି ର ଜାଜ ଟେବାନି ବାନ୍ଧ, ହେଦାଂ ଦିଗ୍-ଝେଡ଼ାହନି ଆରି ଝେଡ଼ାହନି ଝେଡ଼ାହନି ନିପ ।

**ହାମ୍‌ଦୁରତ ଦୁକା**

୧୩ ପାଚେ ଦିଗିନି ଦୁକା କାଲେ କାଲେ ଆତିଲେ ହେଝାର୍ ଜାର୍ ଜାର୍‌ତି ମାନ୍ତାକା ପୁରା ଆତାଡ଼ ଇଞ୍ଜି ମାନେ କିଜି ଗୁଲ୍‌ପେଟି ଗାଟ୍ୟାସି ମାନି ଗାଜା ତରିତାଂ ତଙ୍ଗାତିଂ ଜେଲ୍‌ନାକା ଗେକ୍‌ଜି କ୍ରିତିନି ଗୁଟିତ ବେସି ଲାଗେ ହିଜି ହାଞ୍ଜେକ୍ ଲାଗାତାର୍ ।

୧୪ ମତର୍ ଅଲପ୍ ସମୁ ପାଚେ, ଇନେରିଂ ଇଉରକ୍‌ଲ ଇଞ୍ଜି ଇନାର୍, ହେ ଜବର୍ ଦୁକା ଗୁଟିତ ହାଲ୍‌ଜି ବାଦା କିଦେକ୍ ଲାଗାତାଡ଼ ।

୧୫ ଜାଜ ଡ଼ରୁତ ଆଜିଂ ଦୁକାନି ମୁକାମୁକି ଆଦେଂ ଆଡ଼ଝିତିଲେ ଆପେଂ ତାଙ୍ଗେକ୍ ବଡ଼ାଜି ହାଞ୍ଜେକ୍ ପିସ୍‌ହିତାପ୍ ।

୧୬ ଆରେ, କ୍ଲାଉଦ ତରନି ର ହାରୁ ଏସ୍‌କୁପ୍‌ଲିନି ଜମ୍‌ନି ବାହାତ ହାଲ୍‌ଜି କସ୍‌ତାଂ ଜାଜିନି ତଙ୍ଗାମୁଣ୍ଡିତାଂ ଆସ୍ତି ରାକ୍ୟା କିଦେକ୍ ଆଡ଼ତାପ୍,

୧୭ ଆରେ ହେଝାର୍ ହେଦେଲିଂ ନିକ୍‌ଟି ଅତି ପାଚେ ବେସି ଉପାୟତ ଜାଜିତଂ ତାରେନ୍ ଅଜି ହାଲ୍‌ଜି ଗାଟିତାର୍, ଆରେ ଏଚେକାଡ଼୍‌ଦ ହେଝାର୍ ସୁତଂ ତରନି ବାଲିତ ଲାଗାନାଡ଼ ଇଞ୍ଜି ପାଣ୍ଡାଜି ପାଟାଂ ତୁହିଜି ବଡ଼ାଦେଂ ଲାଗାତାର୍ ।

୧୮ ଡ଼ରୁତ ମାଦାଂ ବେସି କସ୍ ଆତିଲେ ତା ଆକାଡ଼ ନାଜିଂ ଗାଟ଼ାଝାଡ଼ାର୍ ଜିନିସ୍ ତୁହିଦେଂ ଲାଗାତାର୍,

୧୯ ଆରେ ଆକାଡ଼ ନାଜିଂ ଜାର୍ କେଇଦ ଜାଜିନି ଜିନିସ୍‌ସିଂ ସବୁ ତୁହିତାର୍ ।

୨୦ ବେସି ଦିନ୍ ପାଚେକ୍ ଝେଡ଼ା କି ହୁକାଂ ଚଞ୍ଜିଝିତିଲେ, ଆରେ ଜବର୍ ହୁଜାଝାଣି ଲାଗାଜି ମାଟିଲେ ହାରିହାରା ମା ରାକ୍ୟା ପାୟାନାକା ଝିଜୁ ବାସିଂ ଗୁରାଆତାଡ଼ ।

୨୧ ଆରେ, ଝିଜାକାର୍ ବେସି ଦିନ୍ ପାଚେକ୍ ନାସ୍‌କି ମାନି ପାଚେ ପାଉଲ୍ ହେଝାର୍ ବିତ୍ତେ ଇଞ୍ଜି ଇଚାନ୍, “ଗାଜାଲକୁ, ନା କାତା ଆସ୍ତି କ୍ରିତିତାଂ ଜାଜ ରିକ୍‌ଝାଦାଂ, ଆରେ ଇ ନାହାତାକା ଆରି କର୍ତ୍ତ ପୁରାୟ୍ କିନାକା ମାଦାଂ ମାଚାଡ଼ ।

୨୨ ଇନାକା ଆୟେଡ଼, ନକ୍ ଆନ୍ ମିକ୍ ଇଞ୍ଜିନାକା, ସାସ୍ ଆହାଟ୍, ଇନାକିଦେଂକି ମି ବିତ୍ତେ ଇନେରତଂ ଜିବୁନ୍ ନାସ୍ ଆଉଡ଼, କେବଲ୍ ଜାଜ ନସ୍‌ଆନାଡ଼ ।

୨୩ ଲାଗିଂ ଆନ୍ ଇମ୍‌ଣି ଇସ୍‌ବରତି ଲଗୁ, ଆରେ ଇନେରତଂ ବିତ୍ତେ ଆନ୍ ପାର୍ତାନା କିନାକ୍, ହେଝାଞ୍ଜି ରଞ୍ଜେଲ୍ ଦୁଡ଼ ଇ ନାଣାତ ନା ଲାଗାୟ୍ ଇଞ୍ଜି ଇସ୍‌ଆନି,

୨୪ ‘ପାଉଲ୍ ପାଣ୍ଡା ଆମା; କାଇସରତି ମୁମ୍‌ଦ ନିଂ ନିଲ୍‌ତେଂ ଆନାଡ଼, ଆରେ ହୁଡ଼ା, ନି ହାଂହାନାକାର୍ ଝିଜାରିଂ ଇସ୍‌ବର ମିକ୍ କେମା କିଡ଼ତାନ୍‌ନା ।’

୨୫ ଲାଗିଂ, ଟଣ୍ଡାର୍, ସାସ୍ ଆହାଟ୍, ଇନାକିଦେଂକି ଇସ୍‌ବର ତାକେ ନା ପାଚିଂ ମାନାଡ଼ ଜେ, ନାଙ୍ଗେକ୍ ଇନେସ୍ ଇନ୍ୟା ଆତାଡ଼ନ୍ନା, ସମାନ୍ ହେ ଲାକେ ଗିଟାନାଡ଼ ।

୨୬ ମତର୍ ମାଂ ଇମ୍‌ଣାକା ପାର ଏସ୍‌କୁପ୍‌ଲିତ ହାଲ୍‌ଜି ଲାଗାୟ୍ କିତାର୍ ।”

୨୭ ଇ ଲାକେ ଆପେଂ ଆଦିଆ ହାମ୍‌ଦୁରତ ଇଣ୍ଡିକ୍ ହାଣ୍ଡିକ୍ ଚାଲା ଆଉ ଆଉ ଏଚେକାଡ଼୍‌ଦ ଚଉଦ ଦିନ୍ ନାଣା ଏକାଝାତାଡ଼, ହେ ଏଚେକାଡ଼୍‌ଦ ମାଦିମାଦା ନାଣା ସମୁତ ଗାଟ଼ାଝାଡ଼ାର୍ ଇମ୍‌ଣି ବାଟାତ ଲାଗେ ଆନାରା ଇଞ୍ଜି ଆନ୍‌ମାନ୍ କିତାର୍ ।

୨୮ ଲାଗିଂ ହେଝାର୍ ଲାଜିଜି ସହେ କୁଡ଼େ ପୁଟ୍ ଏଜୁକ୍ ଗାଟାତାର୍, ଆରେ ଅଲପ୍ ଆଗେ ହାଲ୍‌ଜି ଆରେ ରଗ ଲାଜିଜି ନବେ ପୁଟ୍ ଏଜୁକ୍ ଗାଟାତାର୍ ।

୨୯ ଏଚେକାଡ଼୍‌ଦ ଆସେକ୍ ଇମ୍‌ଣି କାଲ୍‌କୁକ୍‌ଡ଼ି ବୁମିତ ହାଲ୍‌ଜି ଆରନାସ୍, ଇ ପାଣ୍ଡାଜି ହେଝାର୍ ପାଟ୍‌ପାଡ଼କାତାଂ ଚାରଗଟା ଆକ୍‌ସା ତୁହିଜି ମେଦାନ୍ ପାର୍ତାନା କିଜି ମାଚାର୍ ।

୩୦ ଆରେ, ଗାଟ଼ାଝାଡ଼ାର୍ ଜାଜିନି ହାଣ୍ଡିକ୍‌ବାଗଟାଂ ଆକ୍‌ସା ତୁହିଜି ଚାଲାକିତ ତଙ୍ଗାମୁଣ୍ଡିତାଂ ହାମ୍‌ଦୁରତ ଜୁଡ଼ି ଜାଜତାଂ ହନ୍‌ଟି ହାଞ୍ଜେକ୍ କାଜିଂ ସେସ୍ କିତାର୍,

୩୧ ପାଉଲ୍ ମୁସ୍‌ପିଦାର୍ ଆରି ମେଲ୍ୟାରିଂ ଇଚାନ୍, “କେଉଟାର୍ ଜାଜତ ମାନ୍‌ଝିତିସ୍ ଏପେକ୍ ରାକ୍ୟା ପାୟାଦେଂ ଆଡୁଦେର୍ ।”

୩୨ ହେବେଣ୍ଡାଂ ମେଲ୍ୟାର୍ ତଙ୍ଗାନି ତରି ସବୁ ରାସ୍‌ଦି ହେଦେଲିଂ ଏଜୁକାଂ ତୁହିତାର୍ ।

୩୩ ଆରେ, ଝେଡ଼ା ଆଜି ଝାଜିମାନି ପାଚେକ୍ ପାଉଲ୍ ହେଝାରିଂ ଅଲପ୍ ଚିଞ୍ଜେକ୍ କାଜିଂ ଝାରିକିୟ୍ କିଜି ଇଚାନ୍, “ନେଞ୍ଜେକ୍‌ତାଂ ଚଉଦ ଦିନ୍ ଆତାଡ଼ ଏପେକ୍ କାସି ମାନ୍‌ଞ୍ଜି ମୁଡ଼େ ତିନ୍‌ଝାଦାଂ ନାସ୍‌କି ମାନାରା ।

୩୪ ଲାଗିଂ କାଦି କିନି କାଜିଂ ଆନ୍ ମିଙ୍ଗେକ୍ ଉପ୍‌ଦେସ୍ ହିଦ୍‌ନାକା, ଇନେକିଦେଂକି ହେଦାଂ ମି ମୁକ୍ତି କାଜିଂ ଲଡ଼ା; ଲାଗିଂ ମିଦାଂ ଇନେରତି କାପ୍‌ଡାନି ର ତେମୁଲ୍ ନସ୍‌ଆଉଡ଼ ।”

୩୫ ପାଉଲ୍ ଇ ସବୁ କାତା ଇଞ୍ଜି ରୁଟି ଅଜି ଝିଜାକାର୍ ମୁମ୍‌ଦ ଇସ୍‌ବରତିଂ ଦନ୍‌ସବାଦ୍ ହିଜି ହେଦାଂ ତ୍ରିକ୍‌ଟି ଚିଞ୍ଜେକ୍ ଲାଗାତାର୍ ।

୩୬ ହେବେ ହେୱାର୍ ଝିଜାର୍ ସାସ୍ ପାୟା ଆଜି ଜାର୍ ଜାର୍ ପା ଚିତାର୍ ।  
 ୩୭ ଆପେଂ ଜାଜ୍ତ ଝିଜାକାପ୍ ତେରକଡ଼ି ସତଲ ଜାଣ୍ ଲକୁ ମାତାପ୍ ।  
 ୩୮ ହେୱାର୍ ସାରି ଚିଚି ପାଚେ ହାମଦୁରତ ଗମ୍ ତୁହିଜି ଜାଜ୍ତିଂ ଉସାସ୍ କିଦେଙ୍ଗ୍ ଲାଗାତାର୍ ।

**ଜାଜ୍ ବିପଦ୍**

୩୯ ଖେଡ଼ା ଆତିଲେ, ହେ ଦେସ୍ ହେୱାର୍ ଚିନା ଆଡ଼ୱାତାର୍, ମତର୍ ହେୱାର୍ ବାଲିଗୁଟି ମାନି ରଞ୍ଜାଙ୍ଗ୍ କଡ଼ୟ୍ ହୁଡ଼ଜି ଇନେସ୍ପା ଲାକେ ହେବେ ଜାଜ୍ ଟେବାୟ୍ କିଦେଙ୍ଗ୍ ଇଞ୍ଜି ସେସ୍ପା କିତାର୍ ।

୪୦ ଲାଗିଂ ହେୱାର୍ ଆକସା ସବୁ ରାସ୍ଦି ହେୱାକାଂ ହାମଦୁରତ ପିସ୍ତାର୍, ଆରେ ହାଙ୍ଗେ ହାଙ୍ଗେ ମୁଣ୍ଡିନି ତରି ସବୁ ରିକ୍ଟି ଦୁକା ନିପ ହାଞ୍ଜେଙ୍ଗ୍ ସେସ୍ପା କିତାର୍ ।

୪୧ ମାତର୍ ହେୱାର୍ ରି ହାମଦୁର ମିହାଜି ମାନି ବାହାତ ହାଲ୍ଲଜି ଆତ୍ ଲେ, ଜାଜ୍ ଆକସା କୁଇଦ ଲାଗାତାଡ଼; ତା ହାଣ୍ଡକୁନି ବାଗ୍ ଲାଗାଜି ଚାଲାଞ୍ଜାତାଡ଼ଦେ, ମତର୍ ପାଟ୍ ବାଗ୍ନି ଲଡ଼ି ବେସି କାଜିଂ ଡ୍ରିଙ୍ଗ୍ଦେଂ ଲାଗାତାଡ଼ ।

୪୨ ହେ ଏଚେକାଡ଼ଦ ଗେହ୍ୟାତାକାର୍ ବିତ୍ରେତାଂ ଇନେର୍ ଉମ୍ଜି ହାନାର୍, ଇଦାଂ କାଜିଂ ହେୱାରିଂ ଅସ୍ତେଙ୍ଗ୍ କାଜିଂ ମେଲ୍ୟାର୍ ବିଚାର୍ କିତାର୍,

୪୩ ମତର୍ ପାଞ୍ଚକଡ଼ି ମୁସ୍ତିଦାର୍ ପାଉଲ୍ଲଙ୍ଗ୍ ରାକ୍ୟା କିଦେଙ୍ଗ୍ ଇଚା ହେୱାର୍ତି ବାବ୍ନାତ ହେୱାରିଂ ଟେବାଞ୍ଜାଦାଂ ବଲ୍ ହିତାନ୍ ଜେ, ଇମ୍ଘାକାର୍ ଉମ୍ଦେଂ ଆଡ଼ନାର୍, ହେୱାର୍ ହାମଦୁରତ ଗୁମ୍ଜି ପର୍ଡୁମ୍ ମେଦ୍ନିତ ହାଲେର୍,

୪୪ ଆରେ ବାକିନିକାର୍ ବିତ୍ରେ ଇନେ ଇନେର୍ ପାଟାଂ ଆରି ଆରେ ଇନେ ଇନେର୍ ଜାଜ୍ନି ଇନା ଇନାକା ଡ୍ରିଂତାକା ଆସ୍ତି ହାଲେର୍ । ଇ ବାନି ଝିଜାର୍ ରାକ୍ୟା ହିଲ୍ଲଞ୍ଜି ମେଦ୍ନିତ ଏକାତାର୍ ।

**୨୮**

**ମାଲ୍ଲତି ଏସ୍କୁପଲିତ ପାଉଲ୍**

୧ ଆପେଂ ରାକ୍ୟା ପାୟାତି ପାଚେ ହେ ଏସ୍କୁପଲି ମେଲିତି ଇଞ୍ଜି ପୁଟାପ୍ ।

୨ ଆରେ, ବିଦେସି ମା କାଜିଂ ବେସି ଦୟା ଚଟ୍ଟାତାନ୍, ଇନାକିଦେଂକି ବାହା ଆରି ପିନି ଆଜି ମାଟିଲେ ହେୱାର୍ ନାଣି ଆହି କିଜି ମା ଝିଜାରିଂ ଜିଉନଡ଼ତାର୍ ।

୩ ମତର୍ ପାଉଲ୍ ପେଣ୍ଡା ଖେଜ୍ଗୁ ରୁଣ୍ଡାୟ୍ କିଜି ନାଣି ଜପି ତୁହିତିଲେ, କେଦ୍ନି କାଜିଂ ର କାଲାଟିରାଟ୍ ହସି ହେୱାନିଂ କେଇଦ କାପ୍ତି ହୁର୍ପିସ୍ ମାଟାଡ଼ ।

୪ ବିଦେସି ହେୱାନ୍ କେଇଦ ହେ ଜାଡ଼ ଜଲ୍ଲଜି ମାନାକା ହୁଡ଼ଜି ହାରି ଇଞ୍ଜେଙ୍ଗ୍ ଲାଗାତାର୍, “ଇ ଲକ୍ ହାଡ଼ପା ନାର୍ ଅସ୍ତାକାନ୍, ହାମଦୁରତାଂ ରାକ୍ୟା ପାୟାତିସ୍ ପା ଦାରୁମ୍ ଇଞ୍ଜାନିଂ ଜିଜି ମାଞ୍ଜେଙ୍ଗ୍ ହିଞ୍ଜାତାଡ଼ ।”

୫ ମତର୍ ହେ ଜାଡ଼ତିଂ ଡ଼ାଡ଼ତି ନାଣିତ ତୁହିତାନ୍, ଆରେ ହେୱାଜ୍ତି ମୁଡ଼େ ନସ୍ ଆଞ୍ଜାତାଡ଼ ।

୬ ହେୱାନ୍ ଜେ ପୁଲାଆନାନ୍ କି ହାଚାଗ୍ରେ ହାନାନ୍, ଇଦାଂ ହେୱାର୍ କାସି ମାଟାଡ଼; ମତର୍ ବେସି ଖେଡ଼ା ପାତେକ୍ କାସି ମାଟାଡ଼ ପାଚେ ହେୱାଜ୍ତି ଇମ୍ଘାକା ପା ନସ୍ ଆଞ୍ଜାକା ହୁଡ଼ଜି ହେୱାର୍ ଜାର୍ ଜାର୍ ମାନ୍ ବାଦ୍ଲାଇୟ୍ କିଜି ଇଚାର୍, “ଇଞ୍ଜାନ୍ ରଞ୍ଜାନ୍ ମାପୁ ।”

୭ ହେ ବାହିନି ଲାଗେ ପୁଲ୍ଲିୟ୍ ତରନି ହେ ଏସ୍କୁପଲିନି ମୁଡ଼ ମୁଣିକାତ୍ ଇଲ୍ ଆରି ତାରେନ୍ ମାଟାଡ଼; ହେୱାନ୍ ମାଙ୍ଗେଙ୍ଗ୍ ଇଡ଼ିଜି ତିନି ଦିନ୍ ପାତେକ୍ ଝାରିତାଂ ଗୁଣ୍ କିଜି ମାଂ ବେବାର୍ କିଡ଼ତାର୍ ।

୮ ହେ ସମୁତ ପୁଲ୍ଲିୟ୍ତି ଲାତ୍ରାହି ନମେର୍ ଆରି ବାନ୍ଦାଣ୍ଡିଂ ନାଦାର୍ ଆଜି ହୁଞ୍ଜି ମାଟାନ୍, ଆରେ ପାଉଲ୍ ବିତ୍ରେତାଂ ତା ଲାଗେ ହାଲ୍ଲଜି ପାଡ଼ାନା କିତାନ୍ ଆରି ହେୱାଜ୍ତି ଜପି କେଇ ଇଡ଼ଜି ହେୱାନିଂ ଉଜ୍ କିତାନ୍ ।

୯ ଇ ଗଟ୍ଟନା ପାଚେ ହେ ଏସ୍କୁପଲିତ ମାନି ବାକି ବେମାରିର୍ ପା ଝାଜି ଉଜ୍ ଆତାର୍;

୧୦ ହେୱାର୍ ପା ମାଙ୍ଗେଙ୍ଗ୍ ବେସି ସନ୍ମାନ୍ ହୁଦାଂ ଝାରି କିଡ଼ତାର୍, ଆରେ, ମାଦାଂ ହାନି ଖେଡ଼ାଲିଂ ମା ଲଡ଼ାନି ଜିନିସିଂ ସବୁ ହିଡ଼ତାର୍ ।

**ମାଲ୍ଲତିତାଂ ରମ୍ତ**

୧୧ ତିନ୍ ମାସ୍ ପାଚେ ଆପେଂ ର ଆଲେକ୍ଜାଣ୍ଡ୍ରିୟ୍ ଜାଜ୍ତ ଦୁମ୍ଜି ହାଚାପ୍, ହେ ଜାଜ୍ ଇ ଏସ୍କୁପଲିତ ପିନି କାଡ଼ କାଟି କିଜି ମାଟାଡ଼, ତା ତର୍ “ମିଡୁନ୍ ।”

୧୨ ସୁରାକ୍ସାତ ଏକିସ୍ ଆପେଂ ହେବେ ତିନି ଦିନ୍ ମାଟାପ୍,

୧୩ ଆରେ ହେ ଏସ୍ ଜାଜ୍ତ ବୁଲାଜି ରେଗିୟ୍ତ ଏକାତାପ୍ । ର ଦିନ୍ ପାଚେ ତିନିବାଗାଙ୍ଗିନି ଦୁକା ଇଡ଼ତିଲେ ରି ଦିନ୍ତାଂ ପୁତେଅଲିତ ଏକାତାପ୍;

୧୪ ହେ ବାହାତ ଆପେଂ ଟଣ୍ଡାର୍ରିଂ ବେଟ୍ ଆତାପ୍, ଆରେ ହେୱାର୍ ଲାହାଂ ସାଡ଼ ଦିନ୍ ମାଞ୍ଜେଙ୍ଗ୍ କାଜିଂ ହେୱାର୍ ମାଂ ଗଞ୍ଜାରି କିଡ଼ତାର୍; ଇ ଲାକେ ଆପେଂ ରମ୍ତ ଏକାତାପ୍ ।

୧୫ ରମ୍ଭି ପାତ୍ର କିନ୍ତି ଟଣ୍ଡାରି ଆରି ତଣ୍ଡେକ୍ ମାଂ କାରୁର ଗାଟାଜି ହେ ବାହାତାଂ “ଆପ୍ପିୟତି ଆଟ୍ ଆରି ‘ତିନି ଦରମ୍ପାଲା ଇଲ୍’ ପାତେକ୍ ମାଂ ବେଟାଆଦେଂ କାଜିଂ ଖାତାର୍, ଆରେ ପାଉଲ୍ ହେଝାରିଂ ହୁଡ଼ଜି ଇସ୍ପୁରତିଂ ଦନ୍ୟବାଦ୍ କିଜି ସାସ୍ ପାୟାତାର୍ ।”

**ରମ୍ଭି ଗାଡ଼ଦ ପାଉଲ୍**

୧୬ ଆରେ, ଆପେଂ ରମ୍ଭି ଖକିତିଲେ, ପାଉଲ୍ ଜାର୍ କାନି ମେଲ୍ୟାର୍ ଲାହାଂ ବିନେ ବାହା କିଦେକ୍ କାଜିଂ ହେଲ୍ ପାୟାତାନ୍ ।

୧୭ ତିନି ଦିନ ପାତେ ହେଝାନ୍ ଜିହୁଦିରତି ମୁଡ଼୍ ମୁଡ଼୍ ମୁଣିକାରିଂ କୁକ୍ତି ରବେ କିତାନ୍, ଆରେ ହେଝାର୍ ରୁଣ୍ଡା ଆତିଲେ, ପାଉଲ୍ ହେଝାରିଂ ଇଚାନ୍, “ଏ ଇସ୍ରାଲ୍ ନି ଟଣ୍ଡାରି, ଜଦି ଆନ୍ ନିଜ୍ ଜାତି ବିରୁଦ୍ କି ମା ଆବା ଲେଡ୍ରାତି ରିତିନିତି ବିରୁଦ୍ ମୁଡ଼େ କିଝାଦାଂ ମାଚାକ୍, ଆତିସ୍ପା ଜିରୁସାଲମତାଂ ଗେହ୍ୟାତି ଲାକେ ରମ୍ଭିୟରତି କେଇଦ୍ ହେଲ୍ୟାୟ୍ ଆତାକ୍ ।

୧୮ ହେଝାର୍ ନା ବିଚାର କିଜି ନା ତାକେଣ୍ଡାଂ ପାରାଣ୍ ଦାଣ୍ଡି ଇନା କାରଣ୍ ଝେନ୍ ବିସ୍ ତେକ୍ତି ହିଲ୍ ଝିତିଲେ ନାଂ ମୁକ୍ତି କିଦେଂ ଇଚା କିଜି ମାଚାର୍;

୧୯ ମତର୍ ଜିହୁଦିର ହେବେନି ବିରୁଦ୍ ଇତିଲେ ଆନ୍ କାଇସ୍ପୁତି ଲାଗେ ବିଚାଣ୍ଡା ଆନି କାଜିଂ ପାର୍ତାନା କିଦେକ୍ ବାୟ୍ଦ୍ ଆତାଂ; ନାଦାଂ ଜେ ନିଜ୍ ଜାତି ବିରୁଦ୍ ଦାବା କିନାକା ଅଲପ୍ ମାଚାଡ଼, ହେଦାଂ ଆକାୟ୍ ।

୨୦ ଲାଗିଂ, ଇ କାରଣ୍ତାଂ ଆନ୍ ମିକ୍ଟେକ୍ ନା ଲାହାଂ ବେଟାଜି ଆରି କାତାବାର୍ତା କିଦେକ୍ ଗଝାରି କିତାକ୍, ଇନାକିଦେଂକି ଇସ୍ରାଏଲ୍ ନି ମାନାୟାର୍ ବାସ୍ କାଜିଂ ଆନ୍ ଇ ହିକ୍ତିଂତାଂ ଗାତ୍ୟାତାଂନା ।”

୨୧ ହେବେଣ୍ଡାଂ ହେଝାର୍ତାଂ ଇଚାର୍, “ନି ବିସ୍ତେ ଜିହୁଦା ଦେସ୍ତାଂ ଆପେଂ ଇମ୍ପାଣାକା ପା ଆକି ପାୟାଝାତାପ୍ନା, କି ଟଣ୍ଡାରି ବିତ୍ରେ ଇନେର୍ ଇବେ ଝାଜି ନି ବିସ୍ତେ ଇମ୍ପାଣାକାର୍ପା ବାନ୍ୟା କାରୁର ହିଦ୍ ଝାତାଣ୍ଡା କି ଇନ୍ ଝାତାଣ୍ଡା ।

୨୨ ମତର୍ ନି ବାବ୍ନା ଇନାକା, ହେଦାଂ ଆପେଂ ନିତାଂ ଝେଝେକ୍ ଇଚା କିନାପା; ଇନାକିଦେଂକି ଇ କୁଦା ବିସ୍ତେ ଆପେଂ ପୁନାପ୍ ଜେ, ଝିଜେ ହେଝାନ୍ ବିରୁଦ୍ କାତା ଇନ୍ୟାନାତା ।”

୨୩ ଇବେଣ୍ଡାଂ ହେଝାର୍ ତା ଲାହାଂ ର ଦିନ୍ ତିର୍ କିଜି ବେସି ଲଗୁ ହେଝାନ୍ ବାହାତ ଝାତାର୍, ଆରେ ହେଝାନ୍ ନାଡ଼ିସ୍ତାଂ ମ୍ପିକାହାରେସ୍ ପାତେକ୍ ହେଝାର୍ତେ ଲାଗେ ଗାଣ୍ଡା କିଜି ଇସ୍ପୁରତି ରାଜି ବିସ୍ତେ ସାକି ହିତାନ୍, ଆରେ ମସାତି ବିଦି ଆରି ବେଣ୍ଡାକ୍ ଶାୟ୍ କିନାକାର୍ ସାସ୍ପୁର୍ ଅଜି ଜିସ୍ପୁତି ବିସ୍ତେ ହେଝାର୍ତେ ପାତ୍ର ରୁତାୟ୍ କିଦେକ୍ ସେସ୍ପା କିତାନ୍ ।

୨୪ ହେବେଣ୍ଡାଂ ଇନେ ଇନେର୍ ଇତି ବିସ୍ତେ ପାତ୍ର କିଝାତାର୍, ମତର୍ ଇନେ ଇନେର୍ ପାତ୍ର କିଝାତାର୍ ।

୨୫ ଆରେ, ହେଝାର୍ ଜାର୍ ଜାର୍ ବିତ୍ରେ ରମାନ୍ ଆଝିତିଲେ ହେଲ୍ ଝେୟ୍ ଅତାର୍; ହେଝାର୍ ହାନି ଆଗେ ପାଉଲ୍ ଇ ର ବଚନ୍ ଇଚାନ୍, ମି ଆବାଲାଡ୍ରାତି ବେଣ୍ଡାକ୍ ଶାୟ୍ କିନାକାର୍ ଜିସାୟ୍ତି ହୁଦାଂ “ପୁଇପୁୟା ଜିରୁନ୍ ହାତେରଚେ ଇଝି ମାଚାର୍,

୨୬ ଇ ମାନାୟାର୍ ଲାଗେ ହାଲ୍ଜି ଇନାକା,  
ଏପେକ୍ ଝେନ୍ ଝେନ୍ ଝେନାଦେର୍,

ମତର୍ ଇମ୍ପାଣି ପ୍ରକାର୍ ବୁଜା ଆଉଦେର୍,

ଆରେ, ହୁଡ଼ଜି ହୁଡ଼ଜି ହୁଡ଼ନାଦେର୍, ମତର୍ ଇନେସ୍ କିତିସ୍ପା ପୁଝେକ୍ ଆଡୁଦେର୍;

୨୭ ଇନାକିଦେଂକି ଇ ଲକୁଡ଼ ନିରବୁଦିୟା,

ହେଝାର୍ କିଡୁଲ୍ତ କସ୍ତେ ଝେଚାର୍ ଆରି ଜାର୍ ଜାର୍ କାଣ୍କୁ ଜୁଚାର୍,

ଇନେସ୍ ହେଝାର୍ କାଣ୍କୁଡ଼ ହୁଡ଼ରୁ ଆରି କିଡୁଲ୍ତ ଝେନ୍ରୁ,

ଆରେ ମାନ୍ତ ବୁଜା ଆଉର୍,

ଆରେ ମାସ୍ଦି ଝାଉର୍,

ଆରେ ଆପ୍ ହେଝାରିଂ ଉଜ୍ କିଉପ୍ ।”

୨୮ “ହାରିହାରା ପାଉଲ୍ ଇଚାନ୍ ଏପେକ୍ ପୁନ୍ଝି ମାନାଟ୍, ମୁକ୍ତି ଇସ୍ପୁର୍ ପାତ୍ର କିଝି ଜିହୁଦିର ଲାଗାଂ ପକ୍ତାତାଂନା ହେଝାର୍ ହେଦାଂ ଝେନାର୍ ।”

୨୯ ଆରେ, ହେଝାନ୍ ଇ, ସବୁ କାତା ଇତିଲେ, ଜିହୁଦିର ଜାର୍ ଜାର୍ ବିତ୍ରେ କାତାବାର୍ତା କିଉ କିଉ ହେବେତାଂ ହାଚାର୍ ।

୩୦ ପାଉଲ୍ ର ଇଲ୍ ବାଡା ଅଜି ଦୁଇ ବାହ୍ନି ପାତେକ୍ ମାଚାନ୍ ଆରି ତାଂ ହୁଡ଼ନି କାଜିଂ ଝାଜିମାନି ଝିଜାରିଂ ହେବେ କୁକ୍ତି ମାଚାନ୍ ।

୩୧ ସାସ୍ତ ଆରି ବାଦାଝାଦାଂ ଇସ୍ପୁରତି ରାଜିନି କାତା ସୁଣାୟ୍ କିଦେକ୍ ଲାଗିସ୍ ମାଚାନ୍ ଆରି ମାପୁ ଜିସୁ କ୍ରିସ୍ତେ ବିସ୍ତେ ସବୁ ହିକ୍ୟା ହିଜି ମାଚାନ୍ ।

## ରମିୟ ମଣ୍ଡଳୀ ନିକଟରେ ପ୍ରେରିତ ପାଉଲଙ୍କ ପତ୍ର ରମିୟ ମଣ୍ଡଳୀ ତାଙ୍କେ କୁକ୍ୟାତି ପାଉଲ୍‌ତି ଆକି ରମିୟ ମଣ୍ଡଳୀ ବିଷ୍ଣେ ପାଦେକ୍

ରମିୟ ପତି ଆସ୍ତି ମାନଗାନାତ୍ ପକ୍ୟାତାକାନ୍ତି ପାଉଲ୍‌ତି ହୁଦାଂ ୫୪ ତାଂ ୫୮ ବିତ୍ରେ ଜିସୁକ୍ରିସ୍ତୁତି ଜଲମ୍ ପାତେ ଲେକା ଆଜି ମାତାତ୍ । ପାଉଲ୍ ରମ୍‌ତ ହାନି ଆଗେତାଂ ରି ଜିହୁଦି ଆରି ପାତ୍ ହିଲ୍‌ଝି ଜିହୁଦି କ୍ରିସ୍ତୁୟାନ୍‌ରିଂ ବଲ୍ ହିଦେଂ ଇ ଆକି ଲେକିକିଜି ମାତାନ୍ । ଝିଜୁ ଜାତି ଇନେସ୍ ଜିସୁ କ୍ରିସ୍ତୁତିଂ ପାତ୍ ଆରି ମାନି କିତାର୍ ୧୭:୨୬ ଇଦାଂ କାଜିଂ ହେଝାନ୍ କରନ୍ତି ଗାଡ୍‌ଦ ମାନି ଝେଡାଲିଂ ରମିୟ କ୍ରିସ୍ତୁୟାନ୍‌ରିଂ ବଲ୍ ହିନି କାଜିଂ ଇ ଆକି ଲେକିକିଜି ମାତାନ୍ ।

ଜାଣକେ ବାହାତ ଜାଣକେ ଝେଡାଲିଂ କ୍ରିସ୍ତୁୟାନ୍‌ତାଂ କାଜିଂ ରମିୟ ପତି ରଞ୍ଜାଙ୍ଗ୍ ବେସିଗାଜା ପତି, ଇନେକିଦେଂକି ଆସେଙ୍ଗ୍ ଇନେସ୍ ଜିସୁ କ୍ରିସ୍ତୁତି ହୁଦାଂ ମୁକ୍ତି ପାୟାଦେଂ ଆଡ୍‌ନାସ୍ ପାଉଲ୍ ବୁଲ୍‌କିଝାଦାଂ ଆରି ନିର୍ମଲ୍ ବାବ୍ରେ ବୁଜାୟ୍ ହିନାନା । ପାଉଲ୍ ପ୍ଲାନି ନିୟମ୍‌ତିଂ ପା ଜିସୁକ୍ରିସ୍ତୁତି ନେକ୍ରିକାବୁର୍ ଲାହାଂ ମିହାୟ୍ କିନାନ୍ । ପତିନି ୧:୧୭ ପାଦ୍ ଅଜି ବେସି ପଣ୍ଡିତ୍‌କୁର୍ ଜିକାଟାଣା କିଜି ଇନାର୍ ଜେ, ଇଦାଂ ବେସିଗାଜା କିଜି । ଇନାକା ଇବେ ଇନପାନାତ୍, “ଆନ୍ ନେକ୍ରିକାବୁର୍ କାଜିଂ ଲାଜା ଆଉଙ୍ଗ୍ ଇନେକିଦେଂକି ଇମ୍‌ଣାକାର୍ ପାତ୍ କିତାର୍ ଜାଣକେତି କାଜିଂ ଇଦାଂ ଇସ୍‌ବୁର୍ତି ସାକ୍ତିକାଟାକା । ପ୍ରତୁମ୍ ଜିହୁଦି ପାତେ ପାତ୍ କିଝି ଜିହୁଦିର୍ କାଜିଂ ପା ।” ପ୍ରତୁମ୍ ବାଗ୍‌ତ ୧:୧୨ ତେଙ୍ଗା ଇସ୍‌ବୁର୍ତି ବଚନ୍ ଆରି ରିବାଗ୍ ୧୩-୧୫ କ୍ରିସ୍ତୁୟାନ୍ ଜିବୁନ୍‌ନି ବେସି ବେବାର୍‌କିନି ବଲ୍ ଆନାତ୍ ।

### ପତି ବିସ୍ତେନି ରାହାଣ

- ୧. ପାଉଲ୍‌ଦିକ୍‌ୟା ଆତିସ୍ ଜାର୍‌ତିଂ ଜାଣା କିଜି, ଇନେରିଂ ଆକି ଲେକିକିନାନା ହେଦାଂ ଇଞ୍ଜି ଆକି ଆରମ୍ କିନାନ୍ । ୧:୧-୧୫
- ୨. ନାର୍ ଜାତିନି ରାଜି ଆରି ଜିସୁକ୍ରିସ୍ତୁତି ହୁକେ ମୁକ୍ତି ଆନାତ୍ । ୧:୧୭-୧୧:୩୭
- ୩. କ୍ରିସ୍ତୁୟାନ୍ ଜିବୁନ୍ ଜିପ୍‌କା କାଜିଂ ଆଦେକ୍ ବେବାର୍ ବଲ୍ । ୧୨:୧-୧୫; ୧୩
- ୪. ହେଝାନ୍ ରମିୟ ଲଗୁରିଂ ବେସି ବାନ୍ଦାୟ୍ ଜାଣାୟ୍ ଲେକା ଝିହ୍‌ନାନ୍ । ୧୭

### ପାଉଲ୍‌ତି ବନ୍ଦାଣି

<sup>୧</sup> ପାଉଲ୍, କ୍ରିସ୍ତୁ ଜିସୁତି ଆଡିଏନ୍ ଆରି କୁକ୍ୟାତି ରଝାନ୍ ପକ୍ୟାତାକାନ୍, ଆରେ ଇସ୍‌ବୁର୍ ଜାର୍ ମାଜି ମା ପାପୁ କ୍ରିସ୍ତୁତି ବିଷ୍ଣେ ଜାର୍ ଇମ୍‌ଣି ନେକ୍ରିକାବୁର୍ ଦରମ୍ ସାସ୍‌ବୁର୍ତ ଜାର୍ ବେଣ୍‌ବାକ୍‌ଣାୟ୍‌କିନାକାନ୍ ହୁକେ ଆଗେ ରାଣ୍ କିଜି ମାତାନ୍, ହେ ନେକ୍ରିକାବୁର୍ କାଜିଂ ବିନେ ଆଜି ମାନି ପାଉଲ୍‌ତି ଆକି ।

<sup>୨</sup> ପୁଇପୁୟା ଦରମ୍ ସାସ୍‌ବୁର୍ ଲେକାଜି ମାନି ଇସାବ୍ରେ ଇ ନେକ୍ରିକାବୁର୍ ବିଷ୍ଣେ ଇସ୍‌ବୁର୍ତି ବେସି ପାନି କାଡ୍‌ତାଂ ହେଝାନ୍ତି ବେଣ୍‌ବାକ୍‌ଣାୟ୍‌କିନାକାନ୍ତି ହୁକେ ପାର୍‌ମାଣ୍ କିଜି ମାତାନ୍ ।

<sup>୩</sup> ହେ ଜିସୁ କ୍ରିସ୍ତୁ ଗାଗାଡ୍ ବିଷ୍ଣେ ମାନାୟ୍ ଲାକେ ହେଝାନ୍ ଦାଉଦ୍‌ତି ଲାଡ୍ଡା,

<sup>୪</sup> ମାତର୍ ଦାରୁମିନି ପୁଇପୁୟା ଜିବୁନ୍ ବିଷ୍ଣେ ହାତାକାର୍ ବିତ୍ରେତାଂ ଆରେ ନିଂନାକା ହୁକେ ଇସ୍‌ବୁର୍ତି ମାଜି ମାପୁ ଜିସୁ ଇଞ୍ଜି ସାକ୍ତି ଲାହାଙ୍ଗ୍ ଚଞ୍ଜୟାତାନ୍;

<sup>୫</sup> କ୍ରିସ୍ତୁତି ଲାଗିଂ ଇସ୍‌ବୁର୍ ନାଙ୍ଗ୍ ପକ୍ୟାତି ତେଲା ଲାକେ ବାତି କିଜି ସବୁ ଜାତିନି ମାନାୟାର୍ ଲାଗାଂ ପର୍‌ତାର୍ କିଦେଙ୍ଗ୍ ପାଦ୍ ହିତାଣ୍ଟା-ଇନେସ୍ ହେଝାର୍ କ୍ରିସ୍ତୁ ଜିସୁତାକେ ପାତ୍ କିଜି ତା ବଲ୍ ମାନିକିଝାକାର୍ ଆନାତ୍ ।

<sup>୬</sup> ରମ୍‌ନି ଆଦିବାସି ! ଏପେଙ୍ଗ୍ ପା ଜିସୁ କ୍ରିସ୍ତୁ ପାତେ ହାଞ୍ଜେଙ୍ଗ୍ କାଜିଂ କୁକ୍ୟା ଆତାଣ୍ଟା ।

<sup>୭</sup> ଇତିସ୍ ରମ୍‌ନି ଇନେରିଂ ଇସ୍‌ବୁର୍ ଝାରିକିନାନ୍ ଆରି ହେଝାନ୍ତି ଜାର୍ ଲକୁ ହେବା କିନି କାଜିଂ କୁକ୍ୟା ଆତାନ୍ନା, ହେ ଝିଜାରିଂ ଚିଟି ଲେକି କିନାଙ୍ଗା । ମାପୁ ଜିସୁ କ୍ରିସ୍ତୁତାଂ ଦୟା ଆରି ସୁସ୍ତା ସାଦୁର୍ କାଜିଂ ଆଏଡ୍ ।

### ଦନ୍ୟବାଦ୍ ପାର୍ତାନା

<sup>୮</sup> ପର୍ତୁମ୍‌ତ, ମି ପାତ୍‌ନି ନେକ୍ରିକାବୁର୍ ଜେ ସବୁ ଜଗଡ୍‌ତ ଝେନ୍ୟାଆନାତା, ଇଦାଂ କାଜିଂ ଆନ୍ ମି ଝିଜାର୍ କାଜିଂ ଜିସୁ କ୍ରିସ୍ତୁତି ହୁଦାଂ ନା ଇସ୍‌ବୁର୍ତିଂ ଜଝାର୍ କିନାଙ୍ଗା ।

<sup>୯</sup> ଝିଜୁ ଝାସ୍ତିତ ଇମ୍‌ଣି ଇସ୍‌ବୁର୍ତିଂ ହେବା କିନାଙ୍ଗା ଆରି ଇମ୍‌ଣି ଇସ୍‌ବୁର୍ ମାଜିତି ନେକ୍ରିକାବୁର୍ ଝେନିକିନାକା ମାନାତ୍, ହେ ଇସ୍‌ବୁର୍ ନା ସାକି, ପାର୍ତାନା ଆନ୍ ଇନାକା ଇନାଙ୍ଗା ହେଦାଂ ହାଡ୍‌ପା,

<sup>୧୦</sup> ପାର୍ତାନା କିନି ଝେଡାଲିଂ ଆନ୍ ନିତ୍ରେ ମିଂ ଏଡ୍ କିଦ୍‌ନାଙ୍ଗ୍ ଆରି ମି ଲାଗାଂ ଝାନି କାଜିଂ ନାଂ ପାଦ୍ ଗାଟାଦେଂ ଇସ୍‌ବୁର୍ତିଂ ଗଝାରି କିଜି ଝାନାଙ୍ଗା ।



୧୧ ଲାଗି ଏପେକ୍ଷା ଇନେସ୍ ତିର ଆଜି ମାନାଦେର, ହେଦା କାଜି ଆନ୍ ମିଲେକ୍ ଇମ୍‌ଣି ଆମ୍‌କ ଦାନ୍ ହିଦ୍‌ନି କାଜି ମି ଲାହା ଚଞ୍ଚୟା ଆଦେ ବେସି ଇଚା କିନାଜା,

୧୨ ଆଞ୍ଜିତିସ୍ ଇନେସ୍ ମିଦା ଆରି ନାଦା, ରିୟାର ପାକ୍ୟାତ ପାତ ହୁକେ ଆନ୍ ମି ବିତ୍ରେତା ମି ଲାହା ଖାରି ପାୟାନାଜା ।

୧୩ ☆ଏ ଟଣ୍ଡାର ଆରେ ତଣ୍ଡେକ୍, ବାକି ପାତ କିଞ୍ଚି ଜିହୁଦିର ବିତ୍ରେ ଇନେସ୍, ମି ବିତ୍ରେ ପା ହେବାନି ଆନ୍ ଇନେସ୍ ଅଲପ୍ ପାତ୍ ପାୟାନାଜା, ହେଦା କାଜି ମି ଲାଗା ହାନି କାଜି ଆନ୍ ଜେ ଚାନେକ୍ ଚାନେକ୍ ମାନ୍ କିଜି ମାଚା ମାତର୍ ଇ ପାତେକ୍ ବାଦା ପାୟା ଆଜି ଖାନାଜା ହେ ବିସ୍ତେ ଜେ ଏପେକ୍ଷା ପୁଞ୍ଜି ମାନାଟ୍, ଇଦା ନା ଇଚା ଆକାୟ୍ ।

୧୪ ଗ୍ରିକ୍ କି ବୁଦି ହିଲ୍‌ଖାକାର୍, ପଡ଼ିକିତାକାର୍ କି ପଡ଼ିକିଖାତାକାର୍ ଝିଜାର୍ ଲାଗା ଆନ୍ ରିଶ ।

୧୫ ଲାଗି ରମ୍‌ନିକାର୍ ଜେ ଏପେକ୍ଷା, ମି ଲାଗା ପା ନେକ୍ରିକାରୁର୍ ସୁଣାୟ୍ କିଦେକ୍ ଆନ୍‌ମାନ୍ କିତାନ୍ ।

**ନେକ୍ରିକାରୁର୍ନି ସାକ୍ତି**

୧୬ ଇନେକିଦେକି ଆନ୍ ନେକ୍ରିକାରୁର୍ ବିସ୍ତେ ଲାଜୁ ଆଉକ୍, ଲାଗି ହେଦା ଝିଜାର୍ ପାତ କିନାକାର୍ ପାକ୍ୟାତ ମୁକ୍ତା ଆନି କାଜି ଇସ୍ତ ସାକ୍ତି ଆନାଟ୍, ପର୍ତ୍ତୁମ୍ ଜିହୁଦି ପା ଗ୍ରିକ୍ ପାକ୍ୟାତ ।

୧୭ ହେବେ ତ ଇସ୍ତରହିତି ଦାମ୍ ହନାତା, ହେଦା ପାତ ଆରି ପାତ ଲାକେ, ଇନେସ୍ ଲେକାମାନାଟ୍, “ଦାମ୍ ପାତ ହୁକେ ଜିନାନ୍ ।”

**ପାପ୍ କାଜି ଇସ୍ତରତି ରିସା**

୧୮ ଇନେକିଦେକି ଇମ୍‌ଣି ମାନାୟାର୍ ଅଦାମ୍ ତ ହାଡ଼ପାତି ମୁନା କିତାର୍, ହେଝାର୍ତି ଝିଜୁ ପୁଇପୁୟା ଆଝାଦା ଆରି ଅଦାମ୍ ବିରୁଡ଼ତ ସାଗେତା ଇସ୍ତ ରିସା ହନାତା,

୧୯ ଲାଗି ଇସ୍ତ ବିସ୍ତେ ଇନାକା ମାନାଟ୍, ହେଦା ହେଝାର୍ ଝାସ୍ତିତ ହନାତା; ଇସ୍ତ ହେଝାରି ତାଣ୍ ହିନାନ୍ ।

୨୦ ଇସ୍ତ ଜଗଡ଼ତ ଉବ୍‌ଜାଣ୍ କିନି ସମୁତା, ହେଝାକ୍ତି ତ୍ତୁକ୍ତି ଗୁଣ୍ ଇତିସ୍ ତା କାବା କିନି ଅବ୍ୟାସ୍ ଝିଜ୍‌ଝି ସାକ୍ତି ସମାନ୍ ବାବ୍ରେ ହସି ଝାନାଟ୍ ହେଦା ଉପ୍‌ଜାଣ୍ ବିସ୍ତେକା ହେଦା ପୁନ୍‌ମାନାଟ୍ । ଲାଗି ହେଝାର୍ ପୁନ୍‌ଝାତାଣ୍ ଇଞ୍ଜି ଆବ୍‌ଡ଼୍ ଚର୍ଚ୍ଚେକ୍ ଆଡୁର୍ ।

୨୧ ☆ଇନେକିଦେକି ହେଝାର୍ ଇସ୍ତରତି ପୁନ୍‌ଞ୍ଜି ତାଲେକ୍ ଇସ୍ତର ଇଞ୍ଜି ଜାଜ୍‌ମାଲ୍ କିଝାତାର୍ କି ଦନ୍‌ସବାଦ୍ କିଝାତାର୍, ମାତର୍ ଜାର୍ ଜାର୍ ବାନିୟା ଗାଣ୍‌ଜୁତ ମେହାତାର୍ ଆରି ହେଝାର୍ତି ବୁଜାଝି ମାନ୍ ମାଜ୍‌ଗା ଆତାଡ଼;

୨୨ ହେଝାର୍ ନିଜ୍‌ତି ଗିଆନି ଇଞ୍ଜି ମାନେ କିତାର୍, ମାତର୍ ହାଡ଼ପାନେ ହେଝାର୍ ମୁରୁକ୍ ।

୨୩ ଜିରାଝି ଇସ୍ତ ଜାଜ୍‌ମାଲ୍ ପୁଜା କିଝାଦା ହେଝାର୍ ହାତି ମାନାୟତି, ଜାଡ଼, ପଟି, କି ରାଚ୍‌କୁକା ପୁଡ଼ତା ରଚ୍‌ତି ହେଝାକା ପୁଜା କିନାରା ।

୨୪ ଲାଗି ଇସ୍ତ ହେଝାର୍ତି ମାନ୍‌ନି ଆରି ହେଝାର୍ ଜାର୍ ଜାଡ଼ ବାନ୍‌ମାକାମାୟ୍ ଇସାପ୍ରେ ବିଟାଡ଼୍ କାମାୟ୍‌ତ ମୁଞ୍ଚାଣ୍-ହେଝାର୍ ଗାଗାଡ଼୍ ହାରି ହୁଦା ଲାଜ୍‌ନିକା ଲାହାଜ୍ ଇଚ୍‌ନାର୍ ।

୨୫ ଇନେକିଦେକି ହେଝାର୍ ଇସ୍ତ ସଡ଼ ପିସ୍‌ସି ମିର୍ ମାନିକିତାର୍ ଆରି ମାପୁକ୍ ପିସ୍‌ସି ଉବ୍‌ଜାଣ୍ ଆତି ଜିନିସ୍‌ନି ପୁଜା ଆରି ଆସିର୍ବାଦ୍ ହେବା କିତାର୍; ହେଝାନ୍ ଜୁଗ୍ ଜୁଗ୍ ଦନ୍‌ସ । ଆମେନ୍ ।

୨୬ ଇ କାରଣ୍‌ତା ଇସ୍ତ ହେଝାରି ଲାଜୁ ପାପ୍ ଝିଜୁ ହେଲାୟ୍ କିତାନ୍, ଇନେକିଦେକି ହେଝାର୍ତି କଗ୍‌ଲେକ୍ ହାର୍ ବେବାର୍ ପିସ୍ତ ବାନ୍‌ମା ବେବାର୍ କିତିକ୍,

୨୭ ଆଣ୍ଡାହିମ୍‌ଣା ପା ମାକ୍ତିକ୍ କଗ୍‌ଲେ ଲାହା ସାରି ଆଝାଦା ପାତି ବାନ୍‌ମା କାମାୟ୍‌ତ ହଣାରା । ଆଣ୍ଡାକ୍ ହାରି ଗିଶ୍ ବେବାର୍ କିନାରା ଆରି ଇନାକାକି ବାନ୍‌ମା କାମାୟ୍ କାଜି ତାଣ୍ ପାୟାନାରା ।

୨୮ ଇ ମାନାୟାର୍ ଇସ୍ତ ବିସ୍ତେ ହାର୍ ଚିନ୍ତା କିଦେକ୍ ଇଚା କିଞ୍ଚିଲେ, ଇସ୍ତ ହେଝାରି ପିସ୍ତାନ୍ନା ଆରି ହେଝାର୍ ବିଟାଡ଼୍‌ମାନ୍ ଆଜି ମାନାୟ୍‌ମାନ୍ ବେବାର୍ କିତରା ।

୨୯ ହେଝାର୍ ସବୁ ବାନି ଅଦାମ୍, ରୁଲ୍‌ରୁଲିୟା, ବାନ୍‌ମା, ଲବ୍, ଆରି ବାନ୍‌ମାକାମାୟ୍‌ତ ବାଡ଼ । ହେଝାର୍ ତାରା, ନାର୍‌ମାରୁ, କୁଲ୍ ଆ, ବାଣାୟ୍‌କିନାକାନ୍ ଆରି ଜାଡ଼କୁ, ହେଝାର୍ ଲକାତ ଗାଣ୍‌ଜୁ କିନାର୍;

୩୦ ହେଝାର୍ ରୁଗ୍‌ଲିୟା, ନିନ୍‌ନିକାନ୍, ଇସ୍ତରତି ଗିଶ୍, ନାର୍‌ମାରୁ, କୁଲ୍‌ୟା, ଆକ୍ରିୟା, ବାନ୍‌ମାକାମାୟ୍ କିନାକାନ୍,

୩୧ ଆବା ଆୟା ବଲ୍ ମାନିକିଝାକା, ବୁଦିହିଲ୍‌କା, ନିୟ୍‌ମ୍ ଡ୍ରିକ୍‌ନାକାନ୍, ସମାନ୍ ଦୟା ଆରି ବୁଦିହିଲ୍‌କାନ୍ ମାନାର୍ ।

୩୨ ଇମ୍‌ଣାକାର୍ ଇ ଲାକେ ବେବାର୍ କିତାର୍, ହେଝାର୍ ଜେ ହାକିନି ଜଗାୟ୍, ଇସ୍ତରତି ଇ ବିଦି ହେଝାର୍ ପୁଟିସ୍‌ପା କେବଲ୍ ଇନେନ୍ ଇ ଲାକେ ବେବାର୍ କିତାର୍ ହେଦା ଆକାୟ୍, ମାତର୍ ଇ ଲାକେ ବେବାର୍ କିଜି ମାନି ମାନାୟାର୍ତି ପାକ୍ୟା ଝାରିତା ପାତି କିତାର୍ ।

☆ ୧:୧୩ ପକ୍ୟାତାକା ୧୯:୨୧. ☆ ୧:୨୧ ଏପିସିୟ ୪:୧୭,୧୮.

# ୨

## ଇସ୍ରାଏଲ ନିୟମାବଳୀ ବିଚାର

୧ ଚଣ୍ଡାଳ ଆରି ତଣ୍ଡେକ୍, ଏପ୍ ଇନାକା ଲକାତ ବିଚାର କିନାଦେରା ? ଏପ୍ ଇମ୍ମଣାକା ପା ମୁଣିକା ଆତିସପା, ଇଦାଂ ମି ପାକ୍ୟାତ କିନାକା ହାର୍ ଆକାୟ୍ । ଲକାର୍ତି ଦସ୍ ଆସ୍ତି ଏପ୍ ଜଦି ନିଜେ ହେଦାଂ କିଜି ମାଟିସ୍, ହେଦାଂ ହୁଦାଂ ଏପ୍ ଜାର୍ତି ଦସି କିନାଦେରା ।

୨ ଆପ୍ ପୁନାପ୍, ଇସ୍ରାଏଲ୍ ଏଲେଂ କିଜିମାନି ମାନାୟାର୍ତି ହାତ୍ପା ବିଚାର କିନାନ୍ ।

୩ ଇମ୍ମଣା ବାନ୍ୟାକାମାୟ୍ କାଜିଂ ଏପ୍ ଲକାରିଂ ଦସ୍ କିନାଦେରା, ହେଦାଂ ଜଦି ନିଜେ କିଜି ମାନାଦେର, ଏପ୍ ଇସ୍ରାଏଲ୍ ବିଚାର ମୁନାପ୍ ହାଲୁପ୍ ଇଞ୍ଜି ଇନାକା ବାବି କିନାଦେରା ?

୪ ଆଜି ମାନଗାନାତ୍, ଏପ୍ ଇସ୍ରାଏଲ୍ ବେସି ଦୟା ଆରି ହୁଦାର୍ତିଂ ଉଡ଼ା ଆନାଦେରା । ଏପ୍ ଆତିସପା ପୁରାଦେର୍ଣ୍ଣା ଜେ, ଏପ୍ ମାନବାଦଲାୟ୍ କିଦେଙ୍ଗ୍ ଇଞ୍ଜି ଇସ୍ରାଏଲ୍ ଏଚେକ୍ ଦୟା କିଡ଼ତାନନା ।

୫ ମାତର୍ ଏପେଙ୍ଗ୍ ଗର୍ବିୟା ଆରି ଆର୍ଖା ମାନ୍ । ଲାଗିଂ ହାରିହାରା ଦିନ୍ନି ନ୍ୟାୟବିଚାର୍ ଖେଡ଼ାଲିଂ ଏପ୍ ଇସ୍ରାଏଲ୍ ରିସାନି ଲକୁ ଆଜି ବେସି ତାଣ୍ ପାୟାନାଦେର ।

୬ ହେଖାନ୍ ଝିଜାର୍ ମାନାୟାରିଂ ନିଜ୍ ନିଜ୍ କାମାୟ୍ ଇସାବେ ପାଡ଼୍ ହିଦନାନ୍;

୭ ଇମ୍ମଣାକାର୍ ସାସ୍ ଲାହାଂ ହାର୍ଦି କାମାୟ୍ କିଜି ଜାଜ୍ମାଲ୍, ସନ୍ମାନ୍ ଆରି ହାଖାକା ଦାହ୍ନାର୍, ହେଖାରିଂ ଝିଜ୍ଝି ଜିବୁନ୍ ହିନାନ୍ ।

୮ ମାତର୍ ଇନେର୍ ଜାର୍ତିଂ ହୁଡ଼ନାକାର୍, ହାତ୍ପା ହାଜି ପିସ୍ତି, ମତର୍ ଅଦାମ୍ କାତାତ ଆହ୍ନାର୍ । ହେଖାର୍ତି କାଜିଂ କାକ୍ତି ଆରେ କପ୍ ଗିଗାନାତ୍ ।

୯ ପର୍ତ୍ତମତ୍ ଜିହୁଦି ଆରି ପା ଗ୍ରିକ୍, ଝିଜାରିଂ ବାନ୍ୟା କାମାୟ୍ କିନି ମାନାୟ୍ ଖାସ୍ତି ଜପି କସ୍ ଆରି ହାବଡ଼୍ ଗିଗାନାତ୍,

୧୦ ମାତର୍ ଇମ୍ମଣାକାର୍ ହାର୍ କାମାୟ୍ କିତାର୍, ହେଖାର୍ ଜିହୁଦି ଆଏର୍ କି ଗ୍ରିକ୍ ଆଏର୍, ଇସ୍ରାଏଲ୍ ହେଖାରିଂ ସନ୍ମାନ୍, ଜାଜ୍ମାଲ୍ ଆରି ସୁସ୍ତା ହିନାନ୍ ।

୧୧ ଇନେକିଦେଂକି ଇସ୍ରାଏଲ୍ ଲାଗାଂ ମୁକ୍ମେଟ୍ ହିଲୁଡ଼ ।

୧୨ ଲାଗିଂ ଏଚେକ୍ ବିଦି ହିଲୁଡ଼ି ଆଜି ପାପ୍ କିତାର୍ନା, ହେଖାର୍ ପା ବିଦି ପିସ୍ତି ନସ୍ ଆନାର୍; ଆରେ, ଏଚେକ୍ ବିଦି ପାୟା ଆଜି ପାପ୍ କିତାର୍ନା, ହେଖାର୍ ବିଦି ଇସାବେ ବିଚାର୍ କିୟାନାର୍,

୧୩ ଇନେକିଦେଂକି ବିଦିନି ଝେନାକାର୍ ଇସ୍ରାଏଲ୍ ମେହାଣ୍ଡ ଦାମ୍ ର୍ ଆକାୟ୍, ମାତର୍ ବିଦି ପାଲିକିନାକାର୍ ଦାମ୍ ଗାଣାକିୟାନାର୍ ।

୧୪ ଲାଗିଂ ପାତ୍ କିଝି ଜିହୁଦିର୍ତି ହେ ବିଦି ମାନ୍ଝିତିସ୍ ପା, ଏଚେକାଡ଼୍ଦ ହେଖାର୍ ହାର୍ ବାବ୍ରେ ବିଦି ଲାକେ କାମାୟ୍ କିତାର୍, ହେପାଦନା ହେଖାର୍ ବିଦି ପାୟା ଆଝିତିସ୍ତା ନିଜେ ଜାର୍ ଜାର୍ କାଜିଂ ବିଦି ପାଲି କିତାଣ୍ଣା;

୧୫ ହେଖାର୍ତି କାମାୟ୍ ହୁଦାଂ ଇଦାଂ ପୁନ୍ୟାନାତା ଜେ, ବିଦିନି ନିୟମକୁ ହେଖାର୍ତି ମାତ୍ ଲେକା ଅତାନ୍ନା । ଇ କାତାନି ହାତ୍ପା ହେଖାର୍ତି ବୁଦି ହୁଦାଂ ପାର୍ମାଣ୍ ସଡ଼୍ ଚିନ୍ତା କିନିଝେଡ଼ାଲିଂ ବୁଦି ହେଖାରିଂ ପକ୍ୟା ଆନାତ୍, ବିନ୍ତିନ୍ତା ଝେଡ଼ାଲିଂ ଦସି କିନାତ୍ ।

୧୬ ଇମ୍ମଣା ଦିନ୍ତ ଇସ୍ରାଏଲ୍ ନା ନେକ୍ତିକାର୍ ଇସାବେ ଜିସୁ କ୍ରିସ୍ତି ହୁକେ ମାନାୟାର୍ତି ଡ଼କୁତି ବିସ୍ତେ ବିଚାର୍ କିନାନ୍, ହେ ଦିନ୍ ଇଦାଂ ହନାତ୍ ।

## ଜିହୁଦି ଆରି ବିଦି

୧୭ ଏପେଙ୍ଗ୍ ଜାର୍ତିଂ ଜିହୁଦି ଇନ୍ୟାନାଦେରା, ବିଦି ଜପି ବାସ୍ କିଜି ଆରି ଇସ୍ରାଏଲ୍ ଲାହାଂ ନିଜେ ଜିଣା ଆଜି ଗରବ୍ କିନାଦେରା;

୧୮ ମି କାଜିଂ ଇସ୍ରାଏଲ୍ ଇଚା ପୁରାଦେର୍ଣ୍ଣା ଆରି, ବିଦିତାଂ ସଡ଼୍ ଆରି ବାନ୍ୟା ଗିଆନ୍ ପାୟା ତାଦେର୍ଣ୍ଣା;

୧୯ ହାତ୍ପା ରଚେ ପୁରାଦେର୍ଣ୍ଣା, ଜେ ଏପେଙ୍ଗ୍ ମାଜ୍ଗାନି ହାଜି ଚନ୍ଦନାକାଦେର, ମାଜ୍ଗାତ ମାନି ମାନାୟାର୍ କାଜିଂ ଅଜଡ଼୍ ଲାକେ,

୨୦ ବୁଦିହିଲୁଖାକାର୍ତି ବୁଜାୟକିନାକାର୍, ପୁନ୍ଝାକାତ୍ ଗୁରୁ । ମି ପାତ୍ ଜେ, ବିଦିତାଂ ଏପେଙ୍ଗ୍ ବାତ୍ ହାତ୍ପା ଆରି ଗିଆନ୍ ଲାବ୍ କିତାଦେର୍ଣ୍ଣା ।

୨୧ ତେବେ ଲକାଂ ହିକ୍ୟା ହିନାଦେରା ଜେ ଏପ୍, ଏପ୍ ଇନାକା ଜାର୍ତିଂ ହିକ୍ୟା ହିଉଦେରା ? ଚରି କିମାଟ୍ ଇଞ୍ଜି ପରଗାର୍ କିଜି ଏପ୍ କି ଚରି କିନାଦେରା ?

୨୨ ଦାରି କିମାଟ୍ ଇଞ୍ଜି ଝେଡ଼ି ଏପେଙ୍ଗ୍ କି ଦାରି କିନାଦେରା ? ପୁଡ଼ା ପୁଜାତିଂ ଗିଣ୍ କିନାଦେରା ଜେ ଏପେଙ୍ଗ୍, ଏପ୍ ଇନାକା ମାନ୍ ଚରି କିନାଦେରା ?

୨୩ ଏପେଙ୍ଗ ଇସ୍ବରତି ବିଦି ପାୟା ତାଦେଣ୍ଟା ଇଞ୍ଜି ଗରବ୍ କିନାଦେରା, ମାତର୍ ହେଦେଲିଂ ଉଡ଼ାଜି ଇସ୍ବରତିଂ ଅପ୍ମାନ କିନାଦେରା କି ?

୨୪ ଇନେକିଦେଂକି ଇନେସ୍ ଲେକା ମାନାଡ଼, “ମି କାଜିଙ୍ଗ୍ ପାତର୍ କିଞ୍ଜି ଜିହୁଦିର୍ ବିତ୍ରେ ଇସ୍ବତର୍ ତର୍ ନିୟାନାତା ।”

୨୫ ଜଦି ଏପେଙ୍ଗ ବିଦି ପାଲି କିନାଦେର, ତେବେ ହାଡ଼ପାତ ସୁନ୍ନତ୍ ଆନି ଲଡ଼ା, ମାତର୍ ବିଦି ମାନି କିଞ୍ଜିତିସ୍, ତେବେ ମି ସୁନ୍ନତ୍ ଅସୁନ୍ନତ୍ ମେହା ଆନାଡ଼ ।

୨୬ ଲାଗିଂ ଜଦି ସୁନ୍ନତ୍ ଆଞ୍ଜିତି ମାନାୟ୍ ବିଦିନି ବିଦିବିଦାଣି ପାଲି କିତାର୍, ବାଟିଙ୍ଗ୍ ହେଞ୍ଜାନ୍ତି ସୁନ୍ନତ୍ ଆଞ୍ଜାତାକା ଇନାକା ସୁନ୍ନତ୍ ଇଞ୍ଜି ଗାଣା କିୟାଉନ୍ ?

୨୭ ଆରେ, ତର୍ଦିଂ ସୁନ୍ନତ୍ ଆଞ୍ଜାତାକାର୍ ମାନାୟ୍ ଜଦି ବିଦି ପାଲି କିତାର୍, ବାଟିଙ୍ଗ୍ ଲେକିକିତି ବିଦି ଆରି ସୁନ୍ନତ୍ନି ବିଦି ପାୟା ଆଜି ପା ବିଦି ମାନିକିଉଦେରା ଜେ ଏପେଙ୍ଗ୍ ହେଞ୍ଜାନ୍ ମି ବିଚାର୍ କିଦ୍ନାନ୍ ।

୨୮ କେବଲ୍ ଗାଗାଡ଼୍ ବାବ୍ରେ ସୁନ୍ନତ୍ ଆଜି ଜପି ଜିହୁଦି ଇଞ୍ଜି ଜାଣା ଆଜି ମାନି ଲଗୁ ହାଡ଼ପାରତେ ଜିଉଦି ଆକାୟ୍;

୨୯ ମାତର୍ ଖାସ୍ତିତ ଇନେନ୍ ଜିହୁଦି, ହେଞ୍ଜାନ୍ ଜିହୁଦି, ଆରେ ସମାନ୍ ବାବ୍ରେ ଆକାୟ୍, ମତର୍ ଜିବୁନ୍ନିକା ବାବ୍ରେ ଗାଗାଡ଼ତ ଇନେନ୍ ସୁନ୍ନତ୍ ହେଦାଂ ହାଡ଼ପା ସୁନ୍ନତ୍ । ଇ ବାତର୍ ଲକ୍ ମାନାୟାତ୍ତାଂ ଖାରି ପାୟା ଆଉର୍, ମାତର୍ ଇସ୍ବରତାଂ ପାୟାନାର୍ ।

### ୩

୧ ବାଟିଙ୍ଗ୍ ଜିହୁଦି ଲକ୍ନି ଇନାକା ? ସୁନ୍ନତ୍ କି ଉପକାର ଇନାକା ? ସବୁ ବାନି ବେସି ।

୨ ପର୍ତୁମ୍, ଇସ୍ବର ବଚନ୍ ହେଞ୍ଜାର୍ ତାକେ ହେଲାୟ୍ ଆଜି ମାତାନ୍ ।

୩ ଆଞ୍ଜିତିସ୍ ଏଚେ ଜାଣ୍ ପାତର୍ କିଞ୍ଜାକାର୍ ଆଜି ମାନ୍ଗାନାର୍ । ମାତର୍ ହେଦାଂ ଇଞ୍ଜି ଇନାକା ଇସ୍ବରତି ପାତର୍ କିନାକା ଇନାକା ପଲ୍ୟା ଆନାଡ଼ ?

୪ ମୁଡ୍ରେ ଆକାୟ୍ । ମାନାୟାର୍ ଓଜାର୍ ମିଡ଼ଞ୍ଜାର୍ ଆତିସ୍ପା, ଇସ୍ବର ହାଡ଼ପା । ସାସ୍ବରତ ଲେକାମାନାଡ଼, “ନି ବଚନ୍ ହୁକେ ଏନ୍ ସମାନ୍ ଇଞ୍ଜି ପାର୍ମାଣ୍ ଆଡ଼, ଏପେଙ୍ଗ୍ ବିଚାଣ୍ଟା ଆତିହିଂ ଏନ୍ ଜିତା ଆ ।”

୫ ମାତର୍ ଜଦି ମା ଅଦାମର୍ ଇସ୍ବତର୍ ଦାମର୍ ସମାନ୍ ପାର୍ମାଣ୍ କିନାଡ଼, ବାଟିଙ୍ଗ୍ ଆପ୍ ଇନାକା ଇନାସ୍ ? ଇମ୍ଣି ଇସ୍ବର ତାଣ୍ଡତାଂ କିତି ପାଡ଼୍ ହିଦ୍ନାନ୍, ହେଞ୍ଜାନ୍ କି ଦାମର୍ ହିଲ୍ଲାନାନ୍ ? ଆନ୍ ମାନାୟ୍ ବାବ୍ରେ ଇଞ୍ଜିନାଙ୍ଗା ।

୬ ହେଦାଂ ଇନାଞ୍ଜାତାଂ ପା ଆମେଡ଼୍; ଇନେକିଦେଂକି ହେଦାଂ ଆତିସ୍ ବିଚାର୍ କାର୍ହା ଆଞ୍ଜିତିସ୍, ଇସ୍ବର ଇନେସ୍ ପୁତର୍ ନିଆୟ୍ ବିଚାର୍ କିନାନ୍ ।

୭ ମାତର୍ ଜଦି ନାଦାଂ ମିଡ଼୍ ହୁକେ ଇସ୍ବତର୍ ହାଡ଼ପା ହେଞ୍ଜାନ୍ତି ଜାଜ୍ମାଲ୍ କାଜିଂ ବେସି ବାବ୍ରେ ବାତା ଆତାଡ଼, ତାଆତିସ୍ ଆନ୍ ପା ଆରେ ଇନେକିଦେଂ ପାପି ଇଞ୍ଜି ବିଚାର୍ କିୟାନାନ୍ ?

୮ ଆସେଙ୍ଗ୍ ଇନେକିଦେଂ ଇନ୍ସ୍, “ଞ୍ଜାତ ବାନ୍ୟାକାମାୟ୍ କିନାସ୍, ଏବେଣ୍ଟାଂ ହାଡ଼ପାଡ଼୍ ଗାଟାଆଦ୍ନାଡ଼ ? ଆନ୍ ସମାନ୍ ଏଲେଂ କାତା ଇନାଙ୍ଗା ଇଞ୍ଜି ଦାବା କିଜି ଏଚେକ୍ ଜାଣ୍ ନାଂ ନିୟା କିଦ୍ନାରା । ହେଞ୍ଜାର୍ ଇଦାଂ କାଜିଂ ବିଚାର୍ ପାୟାନି କାତା, ନିଚୟ୍ ପାୟାନାର୍ ।”

### ଇନେର୍ ଦାମର୍ ଆକାୟ୍

୯ ବାଟିଙ୍ଗ୍ ଇନାକା ଜିହୁଦିତର୍ ଅବସ୍ତା ଗ୍ରିକ୍ତାଂ ଆଦିକ୍ ହାର୍ ? ମୁଡ୍ରେ ଆକାୟ୍ । ଆନ୍ ଆଗେତାଂ ଇଚାଂନା ଜେ ରି କୁଦା ପା ଜିହୁଦି ଆରି ଗ୍ରିକ୍ ପାପ୍ତ ତାରେନ୍ ମାନାର୍,

୧୦ ଇନେସ୍ ଲେକାମାନାଡ଼, “ଦାମର୍ ଇନେର୍ ହିଲ୍ଲୁର୍, ଆକାୟ୍, ରଞ୍ଜାନ୍ ପା ଆକାୟ୍ ।”

୧୧ ରଞ୍ଜାନ୍ ପା ଗିୟାନି କି ଇସ୍ବରତି ହାଡ଼ପା ହେବା କିନାକାନ୍ ହିଲ୍ଲୁନ୍ ।

୧୨ ହେଞ୍ଜାର୍ ଓଜାର୍ ହାଦେଂ ହାଚାଣ୍ଟା, ରତେ ବହା ଆଚାଣ୍ଟା; ଇନେର୍ ଦୟା କାମାୟ୍ କିତାର୍, ଇ ଲାକେ ଇନେର୍ ଆକାୟ୍, ଆକାୟ୍ ଇ ଲାକେ ଇନେର୍ ଆକାୟ୍ ।

୧୩ ହେଞ୍ଜାର୍ତ ବଚନ୍ତ୍ ଆବ୍ଡ଼ରୁଁ ଗାଣ୍ଡୁ, ଝେଇଦାଂ ମିଡ଼୍ ଜାରାଣ୍ ହାନାକା, ଅଟି ତାରେନ୍ କାଲାଟି ରାଡ଼୍ନି ବିସ୍ ମାନାଡ଼ ।

୧୪ ହେଞ୍ଜାର୍ତ କାଣ୍ଡୁତ ଇସ୍ବରତି ଅଲପ୍ ପା ପାଣ୍ଟୁ ହିଲ୍ଲୁଡ଼ ।

୧୫ ହେଞ୍ଜାର୍ତ ପାନା ନେତେର୍ କିଦେଙ୍ଗ୍ ତିକ୍ତିକା;

୧୬ ହେଞ୍ଜାର୍ ଇମେତାକେ ହାନାର୍, ହେବେ ନାସ୍ ଆରି ଦୁକ୍ ଉବ୍ଜାଣ୍ ଆନାଡ଼,

୧୭ ଆରେ ସୁସ୍ତାନି ହାଜି ହେଞ୍ଜାର୍ ପୁନ୍ନୁର୍

୧୮ ହେଞ୍ଜାର୍ତ ଇସ୍ବତର୍ ପାଣ୍ଟୁ ହେଞ୍ଜାର୍ କାଣ୍ଡୁ ଆଗେ ମାନ୍ଗୁଡ଼ ।

୧୯ ଆରେ, ଆପ୍ତ ପୁନାପ୍ ଜେ, ବିଦି ଇନା ଇନାକା ଇନାଡ଼, ହେ ସବୁ ବିଦିବିଦାନ୍ ତାରେନ୍ ମାନି ମାନାୟାରିଂ ଇନାଡ଼, ଇନେସ୍ ଓଜୁ ଝେଇ ବନ୍ଦ୍ ଆନାଡ଼ ଆରି ଓଜୁ ପୁତର୍ ଇସ୍ବତର୍ ବିଚାର୍ତ ତାଣ୍ଡ ଆନାଡ଼;

୨୦ ଇନେକିଦେଂକି ମସାତି ବିଦିନି କିତିକାମାୟ ହୁକେ ଇମ୍ଣି ମାନାୟ ତା ମୁମ୍ବ ଦାମ୍ ଗାଣ୍ଡି ଆଉର୍, ଇନେକିଦେଂକି ମସାତି ବିଦି ହୁକେ ପାପ୍ନି ଗିଆନ୍ ଜଲମ୍ ଆନାଡ୍ ।

ପାତର୍ ଦାମ୍ ଗାଣାକିଆନାଡ୍

୨୧ ଇସ୍ବର ମାଁ ଦାମ୍ କିଦେଙ୍ଗ ବିଦି ମାତର୍ ନଙ୍ଗ ବିଦି ପିସ୍ତି ଇସ୍ବତ୍ ଦାମ୍ ହତାଡ୍ନା, ଆରେ ହେଦାଁ ବିସ୍ତେ ବିଦି ଆରି ବେଶ୍‌ବାକ୍‌ଶାୟକିନାକାର୍ ଦରମ୍ ସାସ୍ବର୍ ସାକି ହିନାତା,

୨୨ ☆କେବଲ୍ ଜିସ୍ବୁ ଜିସ୍ବୁତି ତାକେ ପାତର୍ କିନି କାଜିଂ ଲକୁ ଇସ୍ବରତି କାଣ୍ଡକୁତ ଦାମ୍ ଗାଣା କିଆନାନ୍ । ଇସ୍ବର ଇନେରିଂ ମୁକ୍‌ମେଟ୍ କିଞ୍ଜାଦାଁ କ୍ରିସ୍ବୁତାକେ ପାତର୍ କିନାକାର୍ ଓଜାକାରିଂ ପାବ୍ ହିନାନ୍ ।

୨୩ ଓଜାକାରିଂ ପାପ୍ କିତାରନା, ଆରେ ଇସ୍ବତ୍ ଜାଜ୍‌ମାଲ୍‌ନି ବାତର୍ ତାଁ ଉଣା ଆତାଣ୍ଡା,

୨୪ ମାତର୍ ଇସ୍ବର କ୍ରିସ୍ବୁ ଜିସ୍ବୁତି ହୁଦାଁ ମଲ୍‌ଆଞ୍ଜାଦାଁ ଇମ୍ଣି ଦୟାନି ଦାନ୍ କିଡ୍‌ତାନ୍ନା, ହେଦାଁ ଇନେର୍ ଇଡ୍‌ନାର୍, ହେଞ୍ଜାର୍ ମାପୁ ଜିସ୍ବୁ ମୁକ୍‌ତାନାକା ହିନାନ୍ ଆରି ହେଞ୍ଜାର୍ ଇସ୍ବର କାଣ୍ଡକୁତ ଦାମ୍ ଆନାଡ୍ ।

୨୫ ଇସ୍ବର ଜିସ୍ବୁଙ୍ଗ୍ ଦାନ୍ ହିଡ୍‌ତାନ୍, ଇନେସ୍ ହେଞ୍ଜାକ୍ରି ହାକି, ହେଞ୍ଜାକ୍ରି ତାକେ ନେତେର୍ତ୍ତ ପାତର୍ କିଜି ମାନି ଲକୁ ପାପ୍ କେମାନି ଉପାୟ ଆନାଡ୍ । ଇସ୍ବର ଜାର୍ ଦାମ୍ ତିଁ ହପ୍‌ତେଁ ଇଦାଁ କିତାନ୍, ଇସ୍ବର ହୁଦାର୍ ଆଜି ଆଗେ କିତି ପାପ୍ ଆହ୍‌ଞ୍ଜାତନ୍ନା,

୨୬ ଆରେ ନଙ୍ଗିନି କାଡ୍‌ଦ୍ ଜାର୍ ଦାମ୍ ହପ୍‌ନି କାଜିଂ ହେଞ୍ଜାନ୍ ଇଦାଁ କିତାନ୍ନା, ଇନେସ୍ ହେଞ୍ଜାନ୍ ନିଜେ ଦାମ୍ ଆରି ଜିସ୍ବୁତି ତାକେ ପାତର୍ କିନାକାରିଂ ଦାମ୍ ଗାଣାକିଆନାକାର୍ ଇଞ୍ଜି ଚଞ୍ଜାନାଡ୍ ।

୨୭ ବାଟିଙ୍ଗ୍ ଗରବ୍ ଇମେ ତାକେ ? ହେଦାଁ ଦେହା ଆତାଡ୍ । ଇନେସ୍‌ବାତର୍ ବିଦି ହୁକେ ? ଇନାକା କିନି କାମାୟ ବିଦି ହୁକେ ? କି ପାତର୍ ନି ବିଦି ହୁକେ ।

୨୮ ବାଟିଙ୍ଗ୍ ମା ବୁଜାନାକା ଇଦାଁ, ମାନାୟ ବିଦିତ କିତି କାମାୟ ପିସ୍‌ସି ପାତର୍ ହୁକେ ଦାମ୍ ଗାଣାକିୟାନାନ୍ ।

୨୯ କି ଇସ୍ବର କି କେବଲ୍ ଜିହୁଦିର୍ତ୍ତି ଇସ୍ବର ? ହେଞ୍ଜାନ୍ କି ପାତର୍ କିଓ୍ଵି ଜିହୁଦିର୍ତ୍ତି ପା ଇସ୍ବର ଆକାୟ ? ଆଁ ପାତର୍ କିଓ୍ଵି ଜିହୁଦିର୍ତ୍ତି ପା ।

୩୦ ☆ଇନେକିଦେଂକି ଇସ୍ବର ତ ରଞ୍ଜାନ୍, ଆରେ ହେଞ୍ଜାନ୍ ପାତର୍ କାଜିଂ ସୁନ୍‌ଡ୍‌ତି ଆରି ପାତର୍ କାଜିଂ ଅସୁନ୍‌ଡ୍‌ତି ଦାମ୍ ଗାଣାକିନାନ୍ ।

୩୧ ବାଟିଙ୍ଗ୍ ଆପ୍ କି ପାତର୍ ହୁକେ ବିଦିତିଂ ଓ୍ଵିହ୍‌ନାପା ? ହେଦାଁ ଇନାଞ୍ଜେଡାଁ ପା ଆମେଡ୍ ଇତିସ୍ ଆପ୍ ପାତର୍ ହୁକେ ବିଦିନି କୁନାଦି ତାଟ୍ କିନାସା ।

୪

ଅବ୍ରାହାମ୍‌ତି ପାତର୍ ନି ଦାମ୍

୧ ଓ୍ଵାଟିଂ ଗାଗାଡ୍ ବାବ୍ରେ ମା ଆକର୍ ଅବ୍ରାହାମ୍ ଇନାକା ପାୟା ଆତାନ୍ ଇଞ୍ଜି ଇନାସ୍ ?

୨ ଇନାକିଦେଂକି ଅବ୍ରାହାମ୍ ଜଦି କିନି କାମାୟନି ଦାମ୍ ଇଞ୍ଜି ଗାଣା କିୟାତାନ୍, ଲାଗିଂ ତା ଗରବ୍ କିନାକା ମାନାଡ୍, ମାତର୍ ଇସ୍ବରତି ଲାଗାଁ ହିଲେଡ୍ ।

୩ ☆ଇନେକିଦେଂକି ସାସ୍ବର୍ ଇନାକା ଇନାଡ୍ ? “ଅବ୍ରାହାମ୍ ଇସ୍ବର ତାକେ ପାତର୍ କିତାନ୍, ଆରେ ଇ ପାତର୍ କାଜିଂ ଇସ୍ବର ହେଞ୍ଜାନିଂ ଦାମ୍ କିଜି ଇଡ୍‌ତାନ୍ ।

୪ ଇନେର୍ କାମାୟ କିନାନ୍, କୁଲି ତାବୁଁ ତା ପାୟାନାକା-ଇନେର୍ତାଁ ଦାନ୍ ଲାକେ ହେଞ୍ଜାନ୍ ପାୟା ଆଉନ୍ ।

୫ ମାତର୍ ଇନେର୍ କାମାୟ ଜପି ପାତର୍ କିଉନ୍, ମତର୍ ଦାମ୍ ହିଲାକାନିଂ ଦାମ୍ ଇଞ୍ଜି ଇନେର୍ ଗାଣାକିନାର୍, ହେଞ୍ଜାନ୍ ତାକେ ପାତର୍ କିନାନ୍, ହେଞ୍ଜାନ୍ ପାକ୍ୟାତ ହେଞ୍ଜାକ୍ରି ପାତର୍ ଦାମ୍ ଇଞ୍ଜି ଗାଣାନାଡ୍ ।

୬ ଇମ୍ଣି ମାନାୟତି କାମାୟ କାବାଡ୍ ନିପ ହୁଡ୍‌ଞ୍ଜାଦାଁ ଇସ୍ବର ହେଞ୍ଜାନିଂ ଦାମ୍ ଇଞ୍ଜି ଇଡ୍‌ନାନ୍, ହେଞ୍ଜାନିଂ ଓ୍ଵାରିକିୟ କିଜି ଦାଉଦ୍ ଇଚାନ୍ନା ।

୭ ଇମ୍ଣାକାର୍‌ତି ଅପ୍‌ରାଦ୍ ସବୁ କେମା ଆତାଡ୍‌ନା, ଆରେ ଇମ୍ଣାକାର୍‌ତି ପାପ୍ ସବୁ କେମା ପାୟାତାନ୍ନା, ହେଞ୍ଜାର୍ ଦନ୍ୟ ।

୮ ମାପୁ ଇମ୍ଣାକାରିଂ ଦନ୍ୟ ଇଞ୍ଜି ମାନାୟତି ପାପ୍ ଗାଣା କିଉନ୍, ହେଞ୍ଜାନ୍ ଦନ୍ୟ ।”

୯ ଇବେ ଦାଉଦ୍ ଇନେରିଂ ଦନ୍ୟ ଇଞ୍ଜି ଇଚାନ୍ନା, ହେଞ୍ଜାର୍ ଇନାକା କେବଲ୍ ସୁନ୍‌ଡ୍ ଲଗୁ ମାଚାର୍ ? କି, ଅସୁନ୍‌ଡ୍ ଲଗୁ ପା ଦନ୍ୟ ଆଦେଁ ଆଡ୍‌ନାଡ୍ । ଆସ୍ ଇନାସା-ଅବ୍ରାହାମ୍ ପାତର୍ ହୁକେ ଦାମ୍ ଇନ୍ୟା ଆତାନ୍ ।

☆ ୩:୨୨ ଗାଲାତିୟ ୨:୧୭. ☆ ୩:୩୦ ଗାଲାତିୟ ୩:୨୦. ☆ ୪:୩ ଗାଲାତିୟ ୩:୬.

୧୦ ବାଟିଙ୍ଗ, ହେଦାଂ ଇମ୍ଫଣି ସମୁ ଖେଡ଼ାଲିଂ ଗିଗାଜି ମାଗାଡ଼ ? ଅବ୍ରାହାମ୍ ସୁନ୍ନତ୍ ଆନି ପାଚେ ଆକାୟ, ତା, ଆଗେତାଂ ପାଚେ ଆକାୟ ।

୧୧ ଆରେ, ହେଖାନ୍ ସୁନ୍ନତ୍ ଆଖି ଅବସ୍ତାତ ପାଚିଂ ଇସାବତ ଦାମିଂ ଗାଣାକିୟାଜି ହେବେନି ତିନ୍ ଇଟ୍ଫୟାନି ଇସାବେ ସୁନ୍ନତ୍ ତିନ୍ ପାୟାତାନ୍, ଇନେସ୍ ସୁନ୍ନତ୍ ଆଖି ଅବସ୍ତାତ ମାନି ଖିଜାର୍ ପାଚିଂ କିନାକାର୍ ପାକ୍ୟାତ ଦାମିଂ ଗାଣାକିୟାନି କାଜିଂ ହେଖାନ୍ ହେଖାରିତି ଆବା ଆନାନ୍,

୧୨ ଆରେ, ଇନେସ୍ ହେଖାନ୍ ସୁନ୍ନତ୍ ଆତାକାରିଂ ଆବା ଆନାନ୍, ଇତିସ୍ ଇମ୍ଫଣାକାର୍ ସୁନ୍ନତ୍ ପାୟାତାର୍, କେବଲ୍ ହେଖାରିତି ଆକାୟ, ମତର୍ ସୁନ୍ନତ୍ ଆଖାତାକାର୍ତି ସମୁତ ମା ଆବା ଅବ୍ରାହାମ୍ ତି ଇମ୍ଫଣି ପାଚିଂ ମାଗାଡ଼, ହେବେନି ପାଦ୍ ତିନ୍ ହିଜି ଇମ୍ଫଣାକାର୍ ହାନାର୍ ହେଖାରିତି ଆବା ।

**ପାଚିଂ କିନାକାରିଂ ଇସ୍ପୁଚିଂ ପାର୍ମାଣ୍**

୧୩ ଇନେକିଦେଂକି ଅବ୍ରାହାମ୍ ବିଦି ପାଲି କିଜି ମାନି କାଜିଂ ଆକାୟ । କେବଲ୍ ହେଖାନ୍ତି ପାଚିଂ କାଜିଂ ଇସ୍ପୁଚି ହୁକେ ଦାମିଂ ଲାକେ ଆଦିକାର୍ ପାୟାତାନ୍ ଆରି ହେଦାଂ କାଜିଂ ହେଖାନ୍ ହେଖାନ୍ତି ଲାତ୍ରାର୍ ପୁଚିଂ ତ ଆଦିକାର୍ ଆନାର୍ ଇଞ୍ଜି ରାଣ୍ କିଜି ମାଗାନ୍

୧୪ ଲାଗିଂ ଜଦି ବିଦି ପାଲି କିତାର୍, କେବଲ୍ ହେଖାର୍ ଜଦି ଇସ୍ପୁଚି ଦାନ୍ ଗାଗାତିସ୍, ତେବେ ମାନାୟତି ପାଚିଂ ପଲ୍ୟା, ଇସ୍ପୁଚି ରାଣ୍ ପା

୧୫ ଇନାକିଦେଂକି ବିଦି ଉଡ଼ାନି ହୁଦାଂ ମାନାୟ ଇସ୍ପୁଚି ରିସାନି ଲଗୁ ଆନାନ୍ । ମାତର୍ ଇମେତାକେ ବିଦି ହିଲୁଡ଼, ହେବେ ବିଦି ଉଡ଼ାନାକା ପର୍ସନ୍ ନିଞ୍ଜୁତା ।

୧୬ ଲାଗିଂ ଇ ପାର୍ମାଣ୍ ପାଚିଂ କାଜିଂ ପାୟାତାନ୍, ଇନେସ୍ ହେଦାଂ ଦୟା ଇସାବେ ଆନାଡ଼, ଆରେ ତାପାଚେ ସବୁ ଲାତ୍ରା ପାକ୍ୟାତ, କେବଲ୍ ମସାତି ବିଦି ଲାତ୍ରା ପାକ୍ୟାତ ଆକାୟ, ମତର୍ ଅବ୍ରାହାମ୍ ତି ପାଚିଂ କିନି ଲାତ୍ରା ପାକ୍ୟାତ ପା ହେ ପାର୍ମାଣ୍ ତିର୍ ମାନାଡ଼ ।

୧୭ ଇ ବିସ୍ତେ ସାସ୍ପୁଚି ଲେକାମାନାଡ଼, “ନିଂ ଆପ୍ ବେସି ଜାତିନି ଆବା କିଦ୍ନାପ୍,” ଇସ୍ପୁଚି କାଣ୍ କୁତ ଇ ପାର୍ମାଣ୍ ହାଡ଼ପା ମାଗାଡ଼, ଇନେକିଦେଂକି ଇମ୍ଫଣି ଇସ୍ପୁଚିଂ ଅବ୍ରାହାମ୍ ପାଚିଂ କିଜି ମାଗାନ୍, ହେଖାନ୍ତି ବଚନ୍ ହାକିତିଂ ଜିବୁନ୍ କିନାଡ଼ ଆରି ଖାରାକାଦଲିଙ୍ଗ୍ ଖିଜୁ ବିସ୍ତେ ଉବ୍ଜାୟ କିନାଡ଼ ।

୧୮ “ଆହା କିନି କାଜିଂ ଇମ୍ଫଣାକା ପା କାରଣ୍ ହିଲ୍ଫିତିସ୍ ପା ଅବ୍ରାହାମ୍ ପାଚିଂ କିଜି ଆହାଲାର୍ଡ଼ି ଆତାନ୍ । ଲାଗିଂ ହେଖାନ୍ ବେସି ଜାତିନି ଆବା ଆତାନ୍, ଇନେକିଦେଂକି ସାସ୍ପୁଚି ଇସାପ୍ରେ ହେଖାନିଂ ପାର୍ମାଣ୍ ଗାଗାଜି ମାଗାଡ଼;

୧୯ ଅବ୍ରାହାମ୍ ବୟସ୍ ପାଞ୍ଚକଡ଼ି ବାହୁଁ ଆତିଲେ ହେଖାନ୍ ଜାର୍ ଗାଗାଡ଼ିତିଂ ଜିବୁନ୍ ପାଗ୍ନାକା ଆରି ସାରାତି ପଟତିଂ ହାକି ଇଞ୍ଜି ବାବି କିତାର୍ ପା ପାଚିଂ ତ ନାଦାର୍ ଆଖାତାର୍,

୨୦ ଇତିସ୍ ଇସ୍ପୁଚି ପାର୍ମାଣ୍ କାଜିଂ ହୁଡ଼ଜି ପାଚିଂ କିଞ୍ଜାକା ହୁକେ ପାଚିଂ କିଞ୍ଜାତାନ୍, ହେଖାନ୍ ଇସ୍ପୁଚିଂ ଜାଜ୍ମାଲ୍ କିତାର୍ ।

୨୧ ମାତର୍ ଇସ୍ପୁଚି ଇନାକା ପାର୍ମାଣ୍ କିତାନ୍ନା, ହେଦାଂ ମାନି କିଦେଙ୍ଗ୍ ପା ହେଖାନ୍ ଜେ ଆଡ଼ନାନ୍, ହେଖାନ୍ ପୁରା କିନାନ୍ ଇଞ୍ଜି ପାଚିଂ ତ ବାଡ଼କାସ୍ ଆତାନ୍ ।

୨୨ ଇଦାଂ କାଜିଂ ପା ଇଦାଂ ହେଖାନ୍ତି ପାକ୍ୟାତ ଦାମିଂ ଇଞ୍ଜି ଗାଣା କିୟାତାନ୍;

୨୩ ତା ପାକ୍ୟାତ ଜେ ଗାଣା କିୟାତାନ୍, ଇଦାଂ ଇନାକା ହେଖାନ୍ତି କାଜିଂ ଲେକା ଆଖାତାଡ଼ନା,

୨୪ ମତର୍ ମା କାଜିଂ ପା ଲେକା ଆତାଡ଼ନ୍ନା; ଇନେକିଦେଂକି ଜେ ମା ମାପୁ ଜିସୁ ହାତାକାର୍ ବିତ୍ରେ ନିଂତାନ୍ନା, ହେଖାନ୍ ତାକେ ପାଚିଂ କିନାପା ଜେ ଆପେଂ, ମା ପାକ୍ୟାତ ପା ହେଦାଂ ଗାଣା କିୟାତାନ୍;

୨୫ ହେ ଜିସୁ ମା ପାପ୍ କାଜିଂ ହେଲାୟ କିୟାତାନ୍, ଆରେ ଇସ୍ପୁଚି ଲାଗାୟ ମାଜେଙ୍ଗ୍ ଦାମିଂ କିଦେଙ୍ଗ୍ ଇଞ୍ଜି ଆରେ ନିଂତାନ୍ନା ।”



**ପାଚିଂ ହୁଦାଂ ଇସ୍ପୁଚି ଲାହାଂ ହାର୍ମେହାଣ୍**

୧ ନଂ ପାଚିଂ ହୁକେ ଆସେଙ୍ଗ୍ ଇସ୍ପୁଚି କାଣ୍ କୁତ ଦାମିଂ ଆତାପ୍ନା ଆରି ମାପୁ ଜିସୁ କ୍ରିସ୍ଟ କାଜିଂ ଇସ୍ପୁଚି ଲାହାଂ ସୁସ୍ତାତ ମାନାପ୍ ।

୨ ଇମ୍ଫଣି ଉପକାରନି ଅବସ୍ତା ବିତ୍ରେ ଆପ୍ ମାନାପ୍, ହେବେ ହେଖାନ୍ ହୁକେ ପାଚିଂ ତ ହଣ୍ଡେଙ୍ଗ୍ ପା ଆଡ଼ତାପ୍; ଆରେ, ଆପ୍ ଇସ୍ପୁଚିଂ ଜାଜ୍ମାଲ୍ ନି ବାସିଂ ତ ଗରବ୍ କିନାପା ।

୩ କେବଲ୍ ହେଦାଂ ଆକାୟ, ଖିଜୁ ବାନି ଦୁକ୍ତ, କସ୍ତ ପା ଗରବ୍ କିନାପା, ଲାଗିଂ ଦୁକ୍ତାଂ ସାସ୍, ସାସ୍ତାଂ ପୁନାକା,

୪ ଆରେ, ବାବନାତା ବାସ ଜେ ଜଲମ୍ ଆନାଡ଼, ଇଦା ଆସେଙ୍ଗ ପୁନାସ୍ ।

୫ ଆରେ, ବାସ ଲାଜ୍ କିଦୁଡ଼, ଇନେକିଦେକି ଇସ୍ବର ହିଡ଼ତି ପୁଇପୁୟା ଜିବୁନ୍ ହୁକେ ମା ଖାସ୍ତିତ ଇସ୍ବରତି ଜିଉନନାକା ମେଙ୍ଗୟା ଆତାନ୍ନା ।

୬ ଇନେକିଦେକି ଏଚେକାଡ଼ଦ ଆପ୍ ଉପାୟ୍ ହିଲ୍ଖାକା ମାଚାପ୍, ହେପାଦନା କ୍ରିସ୍ଟ ସମାନ୍ ସମୁତ ପାତ କିଖାକାର୍ କାଜି ହାତାନ୍ ।

୭ ଦାମ୍ ର ମାନାୟ୍ କାଜି ଆରେ ରଖାନ୍ ଜାରତି ପାରାଣ୍ ହିନାକା ବେସି ହୁଡ଼ୟା ଆଉଡ଼ । ଆତିସ୍ ଇମ୍ଣାକାନ୍ ପା ହାର୍ କାଜି ଇନେର୍ ହିଦେ ଜାଲ୍ଦି ଆଦେ ଆଡ଼ନାନ୍ ।

୮ ମାତର୍ ଆପ୍ ପାପି ମାନି ସମୁତ ପା କ୍ରିସ୍ଟ ଜେ ମା କାଜି ହାତାନ୍, ହେବେ ଇସ୍ବର ମା କାଜି ଜାର୍ ଜିଉନନାକା ହପ୍ତାନ୍ନା ।

୯ ଲାଗି, ଇଦା ଆରେ ହାଡ଼ପା ଜେ, ଆପ୍ ନଙ୍ଗୟ୍ ହେଖାନ୍ତି ନେତେର୍ ହୁକେ ଦାମ୍ ଗାଣାକିୟାନାକା ଆତିଲେ ହେଖାନ୍ ହୁକେ ଇସ୍ବରତି ରିସାତା ରାକ୍ୟା ପାୟାନାସ୍ ।

୧୦ ଇନେକିଦେକି ଆପ୍ ସାତୁ ମାନି ସମୁତ ଜଦି ଇସ୍ବର ଲାହାଙ୍ଗ୍ ହେଖାନ୍ତି ମାଜିତି ହାକି ହୁକେ ମେହା ଆତାପ୍, ତା ଆତିସ୍ ଇଦା ଆଦିକ୍ ହାତେନେ ଜେ, ଆପ୍ ମେହାଜି ହେଖାନ୍ତି ଜିବୁନ୍ ହୁକେ ମୁକ୍ତି ଆନାସ୍ ।

୧୧ ଆରେ, କେବଲ୍ ହେଦା ଆକାୟ୍, ମାତର୍ ମା ଇମ୍ଣା ମାପୁ ଜିସୁ କ୍ରିସ୍ଟି ହୁକେ ଆପ୍ ନଙ୍ଗ୍ ମେହାଜି ଲାବ୍ କିତାପ୍ନା; ହେଖାନ୍ତି ହୁକେ ଆପ୍ ଇସ୍ବର ତାକେ ଗରବ୍ ପା କିନାପା ।

**ଆରମ୍ ଆରି କ୍ରିସ୍ଟ**

୧୨ ଲାଗି, ଇନେସ୍ ରଖାନ୍ ମାନାୟ୍ ହୁକେ ପାପ୍ ଆରି ପାପ୍ ହୁକେ ହାକି ପୁତ୍ ହଟାଡ଼, ଆରେ ହେ ବାନି ହାକି ଝିଜାର୍ ମାନାୟ୍ କାଜି ଗିଟାତାଡ଼, ଲାଗି ଝିଜାର୍ତ ପାପ୍ କିତାର୍ ।

୧୩ ବିଦି ହିନି ପୁର୍ବେତା ଜଗଡ଼ତ ପାପ୍ ମାତାଡ଼, ମାତର୍ ବିଦି ହିଲ୍ଖି ଝେଡ଼ାଲି ପାପ୍ନି ଇସାବ୍ ଇଚ୍ୟାଖାଦା ମାତାଡ଼ ।

୧୪ ଆଦମ୍ ସମୁତା ମସାତି ସମୁ ପାତେକ୍ ଇନେର୍ ଆରମ୍ ଲାକେ ବଲ୍ ମାନିକିଖାଦା ପାପ୍ କିଖାଦା ମାତିସ୍ ପା, ଝିଜାର୍ ହାକିନି ତାରେନ୍ ଆତାର୍ ।

ଇନେରତି ଖାନାକା ଆଜି ମାତାଡ଼, ଆରମ୍ ହେଖାନ୍ତି ର ହାରି ମୁମ୍;

୧୫ ମାତର୍ ପାପ୍ ଇନେସ୍, ଉପକାର୍ ଦାନ୍ ପା ଜେ ହେ ଲାକେ, ହେଦା ଆକାୟ୍, ଇନେକିଦେକି ଜଦି ରଖାନ୍ତି ପାପ୍ ହୁକେ ହେନି ହାତାର୍, ତା ଆତିସ୍ ଇସ୍ବତ୍ ଉପକାର୍ ଆରି ରଖାନ୍ ମାନାୟ୍ତି, ଇତିସ୍ ଜିସୁ କ୍ରିସ୍ଟି ଉପକାର୍ ହିତି ଦାନ୍ ହେନି କାଜି ଆଦିକ୍ ବେସି ଆତାଡ଼ ।

୧୬ ଆରେ, ରଖାନ୍ ପାପ୍ କିତିଲେ ଇନେସ୍ ପାଡ଼ ଆତାଡ଼, ଇ ଦାନ୍ନି ପାଡ଼ ହେ ଲାକେ ଆକାୟ୍; ଇନେକିଦେକି ରଖାନ୍ କାଜି ଇମ୍ଣା ବିଚାର୍, ହେବେନି ପାଡ଼ ଦାଣ୍ ବଲ୍ ଆତାଡ଼, ମାତର୍ ହେନିରତି ପାପ୍ ତାରେନ୍ ଇମ୍ଣା ଉପକାର୍ ଦାନ୍, ହେବେନି ପାଡ଼ ଦାମ୍ ଗାଣାତାଡ଼;

୧୭ ଲାଗି ଜଦି ରଖାନ୍ ପାପ୍ତ ହେ ରଖାନ୍ ହୁକେ ହାକି ରାଜ୍ କିତାଡ଼, ବାଟିଙ୍ଗ୍ ଇମ୍ଣାକାର୍ ଉପକାର୍ ଆରି ଦାମ୍ ଦାନ୍ନି ବେସି ଅୟାନାର୍ ହେଖାର୍ ର ମାନାୟ୍, ଇତିସ୍ ଜିସୁ କ୍ରିସ୍ଟି ହୁକେ ଆରେ ଆଦିକ୍ ଜିବୁନ୍ତ ରାଜ୍ କିତାର୍ ।

୧୮ ଲାଗି, ରଖାନ୍ ପାପ୍ନି ପାଡ଼ ଲାକେ ଇନେସ୍ ଝିଜାର୍ ମାନାୟ୍ତ କାଜି ଦାଣ୍ ବଲ୍ ଗିଟାତାଡ଼, ହେ ଲାକେ ପା ରଖାନ୍ତି ଦାମ୍ କାତା କାରୁମ୍ନି ପାଡ଼ ଲାକେ ଝିଜାର୍ ମାନାୟ୍ତ କାଜି ଜିବୁନ୍ ହିଦ୍ନି ଦାମ୍ ଗାଣା କିୟାନାକା ଗିଟାତାଡ଼ ।

୧୯ ଇନେକିଦେକି ଇନେସ୍ ରଖାନ୍ତି ବଲ୍ ମାନିକିଖାଦା ହୁକେ ହେନି ପାପିର୍ ଆତାର୍, ହେ ଲାକେ ରଖାନ୍ତି ବଲ୍ ମାନିକିତିଲେ ଝିଜାର୍ ଇସ୍ବର୍ ମୁମ୍ଦ ଦାମ୍ ଆନାର୍ ।

୨୦ ଇଦା ପିସ୍ତି ବିଦି ପା ହଟାଡ଼, ଇନେସ୍ ପାପ୍ ଆଦିକ୍ ଆନାଡ଼; ମାତର୍ ଇମେତାକେ ପାପ୍ ଆଦିକ୍ ଆତାଡ଼, ହେବେ ଉପକାର୍ ଆରେ ବେସି ଆଦିକ୍ ଆତାଡ଼,

୨୧ ଇନେସ୍ ପାପ୍ ଇନେସ୍ବାନି ହାକିତ ରାଜ୍ କିଜି ମାତାଡ଼, ହେ ଲାକେ ଉପକାର୍ ପା ମା ମାପୁ ଜିସୁ କ୍ରିସ୍ଟି ହୁକେ ଝିଜାଝି ଜିବୁନ୍ ଲାକେ ଦାମ୍ ଦାନ୍ କିଜି ରାଜ୍ କିନାଡ଼ ।



**ପାପ୍ କାଜି ହାକି; ମାତର୍ କ୍ରିସ୍ଟି ଲାହାଙ୍ଗ୍ ମେହାନି ହୁକେ ଜିନାନ୍**

୧ ବାଟିଙ୍ଗ୍, ଆସେଙ୍ଗ ଇନାକା କିନାସ୍ ? ଉପକାର୍ ଇନେସ୍ ବେସି ଆନାଡ଼, ଇଦା କାଜି କି ପାପ୍ତ ମାନାସ୍ ?

୨ ହେଦା ଇନାଖାଡ଼ା ପା ଆମେଡ଼ । ପାପ୍ କାଜି ହାକି ଜେ ଆପ୍, ଆପ୍ ହେବେ ଇନେସ୍ ଆରେ ଜିବୁନ୍ କାଟି କିନାସ୍ ?

୩ ଆପ୍ ଏଚେକ୍ ମାନାୟ୍ ଜିସୁ କ୍ରିସ୍ଟି ତାକେ ବାପ୍ତିସିମ୍ ଆତାପ୍ନା, ଝିଜାର୍ ଜେ ହେଖାନ୍ତି ହାକିତ ବାପ୍ତିସିମ୍ ଆତାପ୍ନା, ଇଦା କି ଏପେଙ୍ଗ୍ ପୁନୁଦେର୍ ?

୪ ✠ ଲାଗି, ଆପ୍ ବାପ୍ରିସିମ୍ ହୁକେ ହାକିତ ହେଝାନ୍ ଲାହାଙ୍ଗ୍ ମୁର୍ଯ୍ୟା ଆତାସ୍ନା, ଇନେସ୍ କ୍ରିସ୍ଟୁ ଆବାତି ଜାଜ୍ମାଲ୍ ହୁକେ ହାତାକାର୍ ବିତ୍ରେ ଇନେସ୍ ନିଙ୍ଗ୍ତାନ୍, ଆସେଙ୍ଗ୍ ପା ହେ ବାନି ଜିବୁନ୍ନି ପୁନି ବାବ୍ରେ ବେବାର୍ କିନାସ୍ ।

୫ ଇନେକିଦେଂକି ଜଦି ଆପ୍ ହେଝାନ୍ତି ହାକିନି ଲାକେ ହାତିସ୍ ହେଝାନ୍ତି ଲାହାଙ୍ଗ୍ ଏକ୍ ଆତାପ୍ନା, ତା ଆତିସ୍ ହାତ୍ପା ହେଝାନ୍ତି ଆରେ ନିଂନାକା ଲାକେ ପା ନିଙ୍ଗ୍ତି ହେଝାନ୍ତି ଲାହାଙ୍ଗ୍ ଏକ୍ ଆନାସ୍ ।

୬ ଇନେସ୍ ଆସେଙ୍ଗ୍ ଆରେ ପାପ୍ନି ଆଡ଼ିଏନ୍ ମାନୁସ୍, ଇଦାଂ କାଜିଂ ପାପ୍ନି ଗାଗାଡ଼୍ ନସ୍ ଆନି କାଜିଂ ମା ପୁନି ଗୁଣ୍ ଜେ ହେଝାନ୍ତି ଲାହାଙ୍ଗ୍ କୁସ୍ତ ହାତାନ୍ନା,

୭ ଇଦାଂ ତ ଆପ୍ ପୁନାପ୍, ଇନେକିଦେଂକି ଇନେର୍ ହାତାନ୍ନା, ହେଝାନ୍ ପାପ୍ତାଂ ମୁକ୍ତା ଆତାନ୍ନା ।

୮ ମାତର୍ ଆପ୍ ଜଦି କ୍ରିସ୍ଟି ଲାହାଙ୍ଗ୍ ହାତାସ୍ନା, ତା ଆତିସ୍ ଆପ୍ ଜେ ହେଝାନ୍ତି ଲାହାଙ୍ଗ୍ ପା ଜିନାସ୍, ଇଦାଂ ଆପ୍ ପାତର୍ କିନାସ୍ ।

୯ କ୍ରିସ୍ଟୁ ହାତାକାର୍ ବିତ୍ରେତାଂ ନିଙ୍ଗ୍ତିଲେ ଜେ ଆରେ ଇନାଝାଡ଼ାଂ ହାଉର୍, ଇଦାଂ ତ ଆପ୍ ପୁନାପ୍; ହେଝାନ୍ତି ଜପି ହାକିନି ଆରେ ରାଜ୍ କିଉଡ଼ ।

୧୦ ଇନେକିଦେଂକି ହେଝାନ୍ ଇନେସ୍ ହାତାନ୍, ତା ପାତେ ହେଝାନ୍ ରଗ ପାପ୍ କାଜିଂ ହାତାନ୍; ମାତର୍ ହେଝାନ୍ ଇମ୍ଣି ଜିବୁନ୍ନି ଜିତାକାନ୍, ହେବେ ହେଝାନ୍ ଇସ୍ପର୍ କାଜିଂ ଜିତାକାନ୍ ମାନ୍‌ଗାନାନ୍ ।

୧୧ ହେ ବାନି ଏପେଙ୍ଗ୍ ପା ଜାର୍ ଜାର୍ତିଂ ପାପ୍ କାଜିଂ ହାକି, ଏପେଙ୍ଗ୍ ନଂ କ୍ରିସ୍ଟୁ ଜିସ୍ତୁ ହୁଦାଂ ଜିବୁନ୍ନି ଇସ୍ପର୍ତି ଲାହାଂ ମେହା ଆତାଦେଣ୍ଡା ।

୧୨ ଇଦାଂ କାଜିଂ ପାପ୍ ମି ହାକି ଗାଗାଡ଼୍ତ ରାଜ୍ କିମେଡ଼, ହେଦାଂ କିତିସ୍, ଏପେଙ୍ଗ୍ ହେବେନି ବାନ୍ୟା ଲାଲ୍‌ସାତ ମୁଞ୍ଜି ହାଲ୍‌ମାଟ୍;

୧୩ ଏପେଙ୍ଗ୍ ଜାର୍ତିଂ ଇମ୍ଣାକା ପା ପାପ୍ ଲାଗାଂ ହେଲ୍‌ୟ୍ ଆଜି ଅଦାମ୍‌ନି ଆତିୟାର୍ ଲାକେ ବେବାର୍ ଆମାଟ୍ । ନଲେ ହାକିତାଂ ରାକ୍ୟା ପାୟାଜି ଜିବୁନ୍ ଗାଟା ଆଜି ମାତିଲେ ଏପେଙ୍ଗ୍ ସଡ଼କାମାୟ୍ ପୁରାୟ୍ କିଦେଙ୍ଗ୍ ଜାର୍ ଜାର୍ତିଂ ପୁରା ଇସ୍ପର୍ତାକେ ହେଲ୍‌ୟ୍ କିୟାଟ୍ ।

୧୪ ଇନେକିଦେଂକି ପାପ୍ ମି ଜପି ରାଜ୍ କିଦ୍‌ମେଡ଼, ଲାଗିଂ ଏପେଙ୍ଗ୍ ବିଦିନି ତଲ୍ୟା ଆକାୟ୍, ମତର୍ ଇସ୍ପର୍ ଉପ୍‌କାର୍ତ ତାରେନ୍ ମାନାଟ୍ ।

**ଦାମ୍‌ର୍ ଆଡ଼ିଏନ୍**

୧୫ ବାଟିଙ୍ଗ୍ ଇନାକା ? ଆପ୍ ଜେ ବିଦି ତାରେନ୍‌ନିକାପ୍ ଆକାୟ୍, ମତର୍ ଉପ୍‌କାର୍‌ନି ତାରେନ୍‌ନିକାପ୍, ଇଦାଂ କାଜିଂ କି ପାପ୍ କିନାସ୍ ? ହେଦାଂ ଇନିଝାଡ଼ାଂ ପା ଆମେଡ଼ ।

୧୬ ହାକିନି ପାପ୍ କି ଦାମ୍‌ ନିକାର୍ ବଲ୍‌ତାଂ, ଇଦାଂ ବିତ୍ରେତାଂ ଇମ୍ଣାକା ଲାଗାଂ ଏପେଙ୍ଗ୍ ବଲ୍ ମାନି କିନି କାଜିଂ ଜାର୍ ଜାର୍ତିଂ ଆଡ଼ିଏନ୍ ଲାକେ ହେଲ୍‌ୟ୍ ଆନାସ୍, ଇତିସ୍ ଇମ୍ଣାକାର୍ ବଲ୍ ମାନିକିନାଦେର୍, ହେଝାନ୍ତି ଜେ ଏପେଙ୍ଗ୍ ଆଡ଼ିୟାକାଦେର୍, ଇନାକା ପୁନୁଦେର୍ ?

୧୭ ମାତର୍ ଇସ୍ତର୍ ଡୁଝାର୍ ଆଏଡ଼ ଜେ, ଏପେଙ୍ଗ୍, ଇମ୍ଣାକାର୍ କି ହିଗ୍‌ପ ପାପ୍ନି ଆଡ଼ିଏନ୍ ମାତାଦେର୍, ନଙ୍ଗ୍ ଇମ୍ଣି ହିକ୍ୟାନି ହାର୍‌ଦାକା ଲାଗାଂ ହେଲ୍‌ୟ୍ କିୟା ଆତାଦେଣ୍ଡା, ଝାସ୍ ଲାହାଙ୍ଗ୍ ହେବେନି ବଲ୍ ମାନି କିତାଦେଣ୍ଡା,

୧୮ ଆରେ ପାପ୍ତାଂ ମୁକ୍ତା ଆଜି ଦାମ୍‌ର୍ ଆଡ଼ିୟା ଆତାଦେଣ୍ଡା ।

୧୯ ମି ଗାଗାଡ଼୍ ନାଦାର୍ କାଜିଂ ଆନ୍ ମାନାୟ୍ ବାବ୍ରେ ଇଞ୍ଜିନାଙ୍ଗା; ଏପେଙ୍ଗ୍ ଇନେସ୍ ବାନ୍ୟା କାଜିଂ ଜାର୍ ଜାର୍ କେଇଗାଲ୍ ବିଟାଡ଼୍ ଆରି ଅଦାମ୍‌ ଲାଗାଂ ଆଡ଼ିଏନ୍ ଲାକେ ହେଲ୍‌ୟ୍ କିୟାଜି ମାତାଦେର୍, ହେ ଲାକେ ନଙ୍ଗ୍ ଜାର୍ ଜାର୍ କେଇଗାଲ୍ ପୁଇପୁୟା କାଜିଂ ଦାମ୍‌ର୍ ଲାଗାଂ ଆଡ଼ିଏନ୍ ଲାକେ ହାର୍‌କିଜି ହେଲ୍‌ୟ୍ ଆଡ଼ ।

୨୦ ଇନେକିଦେଂକି ଏପେଙ୍ଗ୍ ପାପ୍ନି ଆଡ଼ିଏନ୍ ମାନି ସମୁତ ଦାମ୍‌ର୍ ବିସ୍ତେ ତିଲା ମାତାଦେର୍ ।

୨୧ ବାଟିଙ୍ଗ୍, ହେ ସମୁତ ମିଦାଂ କି ପାଡ଼ ମାତାଡ଼ ? ଜେ ଝିଜୁ ବିସ୍ତେ ଏପେଙ୍ଗ୍ ନଙ୍ଗ୍ ଲାଜ୍ କୁଇ କିନାଦେରା, ହେବେଣ୍ଡାଂ ଇନାକା ଲାବ୍ ଗାଟାତାୟ୍; ହେ ଝିଜୁଜି ଇସାପ୍‌ତ ହାକି ।

୨୨ ମାତର୍ ନଙ୍ଗ୍ ପାପ୍ନି ତାରେନ୍‌ତାଂ ମୁକ୍ତା ଆଜି ଇସ୍ତର୍ ଆଡ଼ିୟା ଆତିଲେ ଏପେଙ୍ଗ୍ ପୁଇପୁୟା ଉଦେସ୍ତ ପାଡ଼୍ ପାୟାନାଦେରା, ଆରେ ଇବେନି ଇସାପ୍ ଝିଜୁଜି ଜିବୁନ୍ ।

୨୩ ଇନେକିଦେଂକି ପାପ୍ନି କୁଲି ତାରୁଙ୍ଗ୍ ହାକି, ମାତର୍ ଇସ୍ତର୍ ଉପ୍‌କାର୍ ଦାନ୍ ମା ମାପୁ କ୍ରିସ୍ଟୁ ଜିସ୍ତୁ ମେହାଣ୍ଡ ଝିଜୁଜି ଜିବୁନ୍ ଆନାଟ୍ ।



**ବିବା ଉତ୍ତରମୁଡ଼୍**

✠ ୨:୪ କଲସିୟ ୨:୧୨.

୧ ଏ ଟଣ୍ଡାର ଆରି ତଣ୍ଡେକ୍, ମାନାୟ ଏଚେକ୍ ଦିନ୍ ପାତେକ୍ ଜିବୁନ୍ ମାନାନ୍, ହେ ପାତେକ୍ ବିଦି ଜେ ତା ଜପି ରାଜ୍ କିନାଡ୍, ଇଦାଂ ଏପେକ୍ ଇନାକା ପୁନ୍ଦେର୍ ? ଆନ୍ତ ବିଦି ପୁନି ମାନାୟାର୍ ଇନାକା ।

୨ ଆଣ୍ଡେନ୍ ଏଚେକ୍ ଦିନ୍ ପାତେକ୍ ଜିବୁନ୍ ମାନାନ୍, ହେ ପାତେକ୍ କଗ୍ଲେ ଆଣ୍ଡେନ୍ ଲାହାକ୍ ବିଦି ହୁକେ ଗାଚାୟାତାଡ୍ନା, ମାତର୍ ଆଣ୍ଡେନ୍ ହାଡିସ୍ କଗ୍ଲେ ଆଣ୍ଡେନ୍ ବିଦିତାଂ ମୁକ୍ତା ଆନାଡ୍ ।

୩ ଲାଗିଂ, ଆଣ୍ଡେନ୍ ଜିଜି ମାନୁ ମାନୁ କଗ୍ଲେ ଜଦି ବିନ୍ ମାନାୟ ଲାହାକ୍ ମେହା ଆନାଡ୍, ତା ଆଡିସ୍ ତାକ୍ଲେକ୍ ଦାରିୟାଣି ଇଞ୍ଜି ଇନାୟାଡ୍; ମାତର୍ ଜଦି ଆଣ୍ଡେନ୍ ହାଡିସ୍, ତେବେ କଗ୍ଲେ ବିଦିତାଂ ମୁକ୍ତା ଆନାଡ୍, ଆରେ ଜଦି ବିନ୍ ମାନାୟ ଲାହାକ୍ ମେହାନାଡ୍, ତା ଆଡିସ୍ ହେଦେକ୍ ଦାରିୟାଣି ଆଉଡ୍ ।

୪ ଲାଗିଂ ଏ ନା ଟଣ୍ଡାର ଆରି ତଣ୍ଡେକ୍, କ୍ରିସ୍ଟି ଗାଗାଡ୍ ହୁକେ ଏପେକ୍ ପା ବିଦି କାଜିଂ ହାତାଦେଣ୍ଡା, ଇନେସ୍ ଏପେକ୍ ବିନ୍ନିକାନ୍ ଲାହାକ୍ ମେହାନାଦେର୍, ଇଡିସ୍ ଆପ୍ ଇସ୍ବର୍ କାଜିଂ ପାଡ୍ ଉବ୍ଜାୟ କିନି କାଜିଂ ଜେ ହାକିତାଂ ନିକ୍ତାଡ୍ନା, ହେଞ୍ଜାନ୍ତି ଲାହାକ୍ ମେହା ଆଡ୍ ।

୫ ଇନେକିଦେଂକି ଏଚେକାଡ୍ ଆପ୍ ଗାଗାଡ୍ ତାରେନ୍ ମାଚାସ୍, ହେପାଦନା ବିଦି ହୁକେ ପାପ୍ ଆହାନିକିଂ ମା କେଇଗାଲ୍ ବିତ୍ରେ ହାକି କାଜିଂ ପାଡ୍ ଉବ୍ଜାୟ କିଦେକ୍ କାମାୟ କିଜି ମାଚାପ୍,

୬ ମାତର୍ ଇମ୍ପାକା ହୁକେ ଆପ୍ ଗାଚାଜି ମାଚାପ୍, ହେଦାଂ କାଜିଂ ହାଜି ଆପ୍ ନକ୍ ବିଦିତାଂ ମୁକ୍ତା ଆତାପ୍ନା; ଲାଗିଂ ଆପ୍ ଲେକିକିତି ପୁନି ବାବ୍ରେ ଆଡିଏନ୍ କାମାୟ କିଞ୍ଜାଦାଂ ଜିବୁନିଂ ପୁନି ବାବ୍ରେ ଆଡିଏନ୍ କାମାୟ କିନାପା ।

**ବିଦି ଆରି ପାପ୍**

୭ ବାଟିକ୍ ଆପ୍ ଇନାକା ଇନାସ୍ ? ବିଦି ଇନାକା ପାପ୍ ? ହେଦାଂ ଇନାଞ୍ଜାଡାଂ ପା ଆମେଡ୍ । ଇଡିସ୍ ପାପ୍ ଇନାକା, ହେଦାଂ ବିଦି ପିସ୍ତ୍ର ଆନ୍ ପୁନ୍ଞାତାଂମା; ଇନେକିଦେଂକି ଲଗ୍ଟା ଆମାଟ୍, ବିଦି ଇଦାଂ ଇନ୍ଞାଦାଂ ମାଚିସ୍, ଲଗ୍ଟା ଇନାକା, ହେଦାଂ ଆନ୍ ପୁନ୍ଞାତାଂମା ।

୮ ମାତର୍ ପାପ୍ ଉପାୟ ପାୟାଜି ବଲ୍ ହୁକେ ନା ତାକେ ସବୁ ବାନି ଲବ୍ ଉବ୍ଜାତାଡ୍; ଇନେକିଦେଂକି ବିଦି ପିସ୍ତ୍ର ପାପ୍ ହାକି ।

୯ ଆରେ, ଆନ୍ ର ସମୁତ ବିଦି ପିସ୍ତ୍ର ଜିବୁନ୍ ମାଚାଂ, ମାତର୍ ବଲ୍ ଞ୍ଜାଡିଲେ ପାପ୍ ଜିତାଡ୍, ଆରେ ଆନ୍ ହାତାକ୍;

୧୦ ହେବେ ଜିବୁନ୍ନି ଇମ୍ପାଣି ବଲ୍, ହେଦାଂ ନା ପାକ୍ୟାତ ଜିବୁନ୍ନି ହାକି ଇଞ୍ଜି ଜାଣାତାଡ୍ ।

୧୧ ଇନେକିଦେଂକି ପାପ୍ ଉପାୟ ହୁଡ୍ଜି ବଲ୍ ହୁକେ ନାକ୍ ଜାଚାୟ କିଡ୍ତାଡ୍, ଆରେ ହେଦାଂ ହୁକେ ନାକ୍ ଅସ୍ତାତାଡ୍ ।

୧୨ ଲାଗିଂ, ବିଦି ପୁଇପୁୟା, ଆରେ ତାଦି ବଲ୍ ପୁଇପୁୟା, ସମାନ୍ ଆରି ହାଡ୍ଦାକା ।

୧୩ ତା ଆଡିସ୍, ଇନାକା ହାଡ୍ଦାକା ହେଦାଂ ଇନାକା ନା ହାକିନି କାରଣ୍ ଆଜି ମାଚାଡ୍ ? ମୁଡ୍ରେ ଆକାୟ । ପାପ୍ ନେ ହେଦାଂ କିତାଡ୍ । ହାଦ୍ ବିଦିତିଂ ବେବାର୍ କିଜି ପାପ୍ ନାଦାଂ ହାକି ଗିଟାୟ କିଡ୍ତାଡ୍ । ହେଦାଂ ଲାହାଂ ପାପ୍ନି ହାଡ୍ପା ଲାଗ୍ଦାକା ଚଞ୍ଜାନାଡ୍ । ଲାଗିଂ ବଲ୍ ହୁକେ ପାପ୍ନି ବେସି ବୟକାର୍ନି ଜାଣାନାଡ୍ ।

**ମାନାୟ ମାତ୍ର ଗାବୁ**

୧୪ ଲାଗିଂ, ବିଦି ଜେ ଆମ୍ବିକ୍, ଇଦାଂ ଆପ୍ ପୁନାପ୍; ମାତର୍ ଆନ୍ ଗାଗାଡ୍ନି, ପାପ୍ନି କଡ୍ଡି ଆଡିଏନ୍ ।

୧୫ ଇନେକିଦେଂକି ଆନ୍ ଇନାକା କିନାକ୍, ହେଦାଂ ପୁନ୍ଦେକ୍; ଲାଗିଂ ଆନ୍ ଇନାକା ଇଚା କିନାକ୍, ହେଦାଂ କିଉକ୍, ଇଡିସ୍ ଇନାକା ଆନ୍ ଗିଣ୍ କିନାକ୍ ହେଦାଂ ନେ କିନାକ୍ ।

୧୬ ମାତର୍ ଇନାକା ଆନ୍ ଇଚା କିଉକ୍, ହେଦାଂ ଜଦି କିନାକ୍, ବାଟିକ୍ ବିଦି ଜେ ହାଡ୍ଦାକା, ହେଦାଂ ଆନ୍ ମାନି କିନାକ୍ ।

୧୭ ଲାଗିଂ ଆନ୍ ଆରେ ହେଦାଂ କିଉକ୍, ମାତର୍ ନା ତାକେ ବାହାକିତି ପାପ୍ ହେଦାଂ କିନାକ୍ ।

୧୮ ଇନେକିଦେଂକି ନା ତାକେ ଇଡିସ୍, ନା ଗାଗାଡ୍ଡ୍ ଜେ ଇମ୍ପାଣି ହାଡ୍ଦି ବିସ୍ତେ ବାହା କିଞ୍ଜାତାଡ୍ନା, ଇଦାଂ ଆନ୍ ପୁନାକ୍, ଲାଗିଂ ଆନ୍ ଇଚା କିଦେକ୍ ଆଡ୍ନାକ୍, ମାତର୍ ଇନାକା ହାଡ୍ଦାକା, ହେଦାଂ କିନି କାଜିଂ ନା ସାକ୍ତି ହିଲୁଡ୍ ।

୧୯ ଇନେକିଦେଂକି ଇମ୍ପାଣି ହାଡ୍ଦି କାମାୟ କିଦେକ୍ ଆନ୍ ଇଚା କିନାକ୍, ହେଦାଂ କିଉକ୍, ମାତର୍ ଇମ୍ପାଣି ବାନିୟା କାମାୟ କିଦେକ୍ ଆନ୍ ଇଚା କିଉକ୍, ହେଦାଂ କିନାକ୍ ।

୨୦ ମାତର୍ ଇନାକା ଆନ୍ ଇଚା କିଉକ୍, ହେଦାଂ ଜଦି କିନାକ୍, ତେବେ ଆନ୍ ନିଜେ ହେଦାଂ ଆରେ କିଉକ୍, ମାତର୍ ନା ବିତ୍ରେ ବାହାକିତି ପାପ୍ ହେଦାଂ କିନାକ୍ ।

୨୧ ଲାଗିଂ, ହାଡ୍ଦି କାମାୟ କିଦେକ୍ ଇଚା ଜେ ଆନ୍, ନା ଲାଗାଂ ଜେ ବାନିୟା ଏକାଞ୍ଜାନାଡ୍, ଇ ବିଦି ଆନ୍ ହୁଡ୍ଡ୍ନାକ୍ ।

୨୨ ଇନେକିଦେଂକି ବିତ୍ରେନି ମାନାୟତି ବାବ୍ନା ଇସାବେ ଆନ୍ ଇସ୍ବତ୍ ବିଦିତ ପାଲି କିନାକା ନା ଇଚା,

୨୩ ମାତର୍ ଆନ୍ ନା କେଇ ଗାଲ୍ପାତ ର ବିନ୍ ଅବସ୍ତା ହୁଡ୍ଡ୍ନାକ୍, ହେଦାଂ ନା ମାନ୍ନି ବିଦି ବିନ୍ ପାକ୍ୟାତ ଜୁଜ୍ କିନାଡ୍, ଆରେ ନା କେଇ ଗାଲ୍ପାତ ଇମ୍ପାଣି ପାପ୍ନି ବିଦି ମାନାଡ୍, ନାକ୍ ହେବେନି ବୟ କିଦ୍ନାଡ୍ ।

୨୪ ହାୟ୍, କାରୁମ୍ ହିଲ୍ଡି ମାନାୟ ଜେ ଆନ୍, ନାକ୍ ଇ ହାକିନି ଗାଗାଡ୍ଡାଂ ଇନେର୍ ମୁକ୍ତାୟ କିଦ୍ନାଡ୍ ?

୨୫ ଜୁଞ୍ଜାର ଇସ୍ବର୍, ମା ମାପୁ ଜିସୁ କ୍ରିସ୍ଟି ହୁକେ ଇଦାଂ ହେଞ୍ଜାନ୍ ପୁରା କିତାନ୍ନା ।

☆ ୭:୧୫ ଗାଲ୍ପାତ ୫:୧୭.



ଝାଟିଙ୍ଗ, ଇଦାଂ ଆନାତା ନା ଅବସ୍ତା । ଇସ୍ବରତି ବିଦି କେବଲ୍ ଆନ୍ ନା ମାନ୍ତ ମାନି କିଦେଙ୍ଗ୍ ଆଡ୍ନାଙ୍ଗ୍ । ମାତର୍ ନା ଗାଗାଡ୍ ଇସାବ୍ରେ ନାଂ ପାପ୍ନି ଆଡ୍ବିଏନ୍ ଆଦେଂ ଜବର୍ଦସ୍ତି କିଦ୍ନାତା ।

୮

ଆମ୍ବିକ୍ ଜିବୁନ୍

୧ ଲାଗିଂ ଇମ୍ବାକାର୍ କ୍ରିସ୍ଟ ଜିସ୍ତୁତି ତାକେ ମାନାର୍, ହେଝାର୍ କାଜିଂ ନଙ୍ଗ୍ ଇମ୍ବା ଦାଣ୍ଟ ହିଲୁଡ୍ ।

୨ ଇନେକିଦେଂକି ଜିନି ଜିବୁନ୍ ବିଦି କ୍ରିସ୍ଟ ଜିସ୍ତୁତି ମେହାଣ୍ଡିତ ମିଙ୍ଗେଙ୍ଗ୍ ପାପ୍ ଆରି ହାତିବାର୍ଡି ବିଦିତାଂ ମୁକ୍ତାୟ୍ ଆତାପ୍ନା ।

୩ ମାନାୟ୍ତି ବେବାର୍ ନାଦାର୍ କାଜିଂ ମସା ହିଡ୍ଡି ବିଦି ଇନାକା ପୁରା କିଦେଙ୍ଗ୍ ଆଡ୍ବିତାଡ୍, ଇସ୍ବର ହେଦାଂ କିତାନ୍ନା । ମାନାୟ୍ ଜିବୁନ୍ ପାପ୍ତିଂ ଦାଣ୍ଟ କିନି କାଜିଂ ହେଝାନ୍ ଜାର୍ ମାଜିଙ୍ଗ୍ ପାପ୍ୟା ମାନାୟ୍ ଲାକେ ପଲ୍ଲୀତାନ୍ ଆରି କ୍ରିସ୍ଟ ଜିସ୍ତୁ ପାପ୍ନି ସାଲ୍ତି ବୁତାୟ୍ କିତାନ୍ ।

୪ ଇନେସ୍ ଗାଗାଡ୍ ବାବ୍ନା ଇସାବେ ଚିନ୍ତା କିଝାଦାଂ ପୁଇପୁୟା ଜିବୁନ୍ ଇସାବେ ଚିନ୍ତା କିଜି ମାନାସ୍ ଜେ ଆସେଙ୍ଗ୍, ମା ତାକେ ବିଦିନି ଦାରୁମ୍ ବିଦି ପୁରା ଆନାଡ୍ ।

୫ ଇନେକିଦେଂକି ଇମ୍ବାକାର୍ ଗାଗାଡ୍ମାନ୍, ହେଝାର୍ ଗାଗାଡ୍ ବିସ୍ତେ ମାନ୍ଦ୍ୟାନ୍ କିତାର୍, ମାତର୍ ଇମ୍ବାକାର୍ ଆମ୍ବିକ୍ତ ମାନ୍, ହେଝାର୍ ପୁଇପୁୟା ଜିବୁନ୍ ବିସ୍ତେ ବାବି କିତାର୍ ।

୬ ଇନେକିଦେଂକି ଗାଗାଡ୍ନି ମାନ୍ ହାତାକା, ମାତର୍ ଆମ୍ବିକ୍ ବାବ୍ନା ଜିବୁନ୍ ଆରି ସୁସ୍ତାନିକା;

୭ ଲାଗିଂ ଗାଗାଡ୍ନି ମାନ୍ ଇସ୍ବରତି ବିରୁଦ୍ଦ ସାତୁ; ଇନେକିଦେଂକି ହେଦାଂ ଇସ୍ବରତି ବିଦିନି ତଲ୍ୟା ଆକାୟ୍, ତଲ୍ୟା ଆନାକା ଆଡ୍ବୁନ୍;

୮ ଇମ୍ବାକାର୍ ଗାଗାଡ୍ନି ତାରେନ୍ ମାନାର୍, ହେଝାର୍ ଇସ୍ବତ୍ ସାରି ଆଦେଂ ଆଡ୍ବୁର୍ ।

୯ ମାତର୍ ଇସ୍ବତ୍ ପୁଇପୁୟା ଜିବୁନ୍ ଜଦି ମି ତାକେ ବାହା କିନାଡ୍, ତା ଆଡ୍ବିସ୍ ଏପେଙ୍ଗ୍ ଗାଗାଡ୍ ତାରେନ୍ ଆକାୟ୍, ମାତର୍ ଜିବୁନ୍ ତାରେନ୍ ମାନାଦେର୍ । ଜଦି ଇନେର୍ କ୍ରିସ୍ଟି ଜିବୁନ୍ ପାୟାଜି ମାନ୍ଗୁନ୍, ତେବେ ହେଝାନ୍ ହେଝାନ୍ତି ଆକାୟ୍ ।

୧୦ ମାତର୍ ଜଦି କ୍ରିସ୍ଟି ମି ତାକେ ବାହା କିଜି ମାନ୍ଗାନାନ୍, ମି ଗାଗାଡ୍ ପାପ୍ତି ବୁତା ଆଦେଂ ହାଲ୍ଜି ମାଡିସ୍ ପା, ପୁଇପୁୟା ଜିବୁନ୍ ମିଙ୍ଗେଙ୍ଗ୍ ଜିବୁନ୍ ହିଦ୍ନାନ୍, ଇନେକିଦେଂକି ଇସ୍ବରତି କାଣ୍ଡୁତ ଏପେଙ୍ଗ୍ ଦାମ୍ ଗାଣା କିଆତାଦେଣ୍ଟା ।

୧୧ ଆରେ ଇନେର୍ ହାତାକାର୍ ବିତ୍ରେତାଂ ଜିସ୍ତୁକ୍ ନିକ୍ତାନ୍, ହେଝାନ୍ତି ଜିବୁନ୍ ଜଦି ମି ତାକେ ବାହା କିନାଡ୍, ତେବେ ଜେ ହାତାକାର୍ ବିତ୍ରେତାଂ କ୍ରିସ୍ତୁକ୍ ନିକ୍ତାର୍, ହେଝାନ୍ ମି ତାକେ ବାହା କିଜିମାନି ଜାର୍ ଜିବୁନ୍ ହୁକେ ମି ହାତି ଗାଗାଡ୍ତିଂ ପା ଜିବୁନ୍ କିଦ୍ନାନ୍ ।

୧୨ ଲାଗିଂ, ଏ ଟଣ୍ଡାର୍ ଆରି ତଣ୍ଡେକ୍, ଆସେଙ୍ଗ୍ ରିଣ୍ ମା କାମାୟ୍ ଆତାଡ୍ ମାନାୟ୍ ଲାକେ ଜିବୁନ୍ ଜିଉଣା କିଉସ୍, ଇନେକିଦେଂକି ହେଦାଂ କିଡିସ୍ ହାନାଦେର୍;

୧୩ ମାତର୍ ଜଦି ପୁଇପୁୟା ଜିବୁନ୍ତି ଉପକାର୍ତାଂ ଜାର୍ ପାପ୍ ଗାଗାଡ୍ତିଂ ବୁତାୟ୍ କିଜି ଆରେ ପାପ୍ କାମାୟ୍ କିଝିତିସ୍, ତେବେ ଏପେଙ୍ଗ୍ ଜିନାଦେର୍ ।

୧୪ ଲାଗିଂ ଏଚେକ୍ ମାନାୟ୍ ଇସ୍ବତ୍ ଜିବୁନ୍ ହୁକେ ଚାଲାନାର୍, ହେଝାର୍ ଇସ୍ବତ୍ ମାଜିର୍ ।

୧୫ ଇନେକିଦେଂକି ଇସ୍ବର ହିଡ୍ଡି ହେ ଜିବୁନ୍ ମିଙ୍ଗେଙ୍ଗ୍ ଆଡ୍ବିଏନ୍ତାଂ ମୁକ୍ତାୟ୍ କିଡ୍ତାନ୍ନା, ଏପ୍ ଆରେ ପାଣ୍ଡାନାକା ଲଡା ଆକାୟ୍ । ନଲେ ପୁଇପୁୟା ଜିବୁନ୍ ମିଙ୍ଗେଙ୍ଗ୍ ଇସ୍ବରତି ହିମ୍ବାଙ୍ଗ୍ ଆଦେଂ ପାବ୍ ହିଡ୍ତାନ୍ନା । ହେଝାନ୍ତି ସାଲ୍ତି ପୁଞ୍ଜେଙ୍ଗ୍ ଆଡ୍ବି ଆସେଙ୍ଗ୍ ନଂ ଇସ୍ବରତିଂ “ଆବା” ଇଞ୍ଜି ଇନାସା ।

୧୬ ଆପ୍ ଇସ୍ବତ୍ ମାଜିର୍ ଇଞ୍ଜି ହେ ଜିବୁନ୍ ନିଜେ ମା ଜିବୁନ୍ ଲାହାଙ୍ଗ୍ ସାକି ହିନାନ୍,

୧୭ ଆରେ ଜଦି ମାଜି, ବାଟିଙ୍ଗ୍ ଆଦିକାର୍ ପାୟାତାକାନ୍, ଇଡିସ୍ ଜଦି କ୍ରିସ୍ତୁ ଜିବୁନ୍ ଲାହାଙ୍ଗ୍ ଜାଜ୍ମାଲ୍ ପା ଆନି କାଜିଂ ଆପ୍ ହେଝାନ୍ ଲାହାଙ୍ଗ୍ ଦୁକ୍ବଗ୍ କିନାପ୍, ବାଟିଙ୍ଗ୍ ଇସ୍ବତ୍ ଆଦିକାର୍ ପାୟାତାକାନ୍ ଆରି କ୍ରିସ୍ତୁ ଆଦିକାର୍ ପାୟାତାକାନ୍ ଆନାପ୍ ।

ଝାନିଦିନ୍ତ ଜାଜ୍ମାଲ୍

୧୮ ଇମ୍ବା ଜାଜ୍ମାଲ୍ ମା କାଜିଂ ହନାଡ୍, ହେଦାଂ ତୁଲାଇ କିଜି ଇ ନଙ୍ଗ୍ନି କାଡ୍ଦ ଦୁକ୍ବଗ୍ ଇନାକାପା ଆକାୟ୍ ।

୧୯ ଲାଗିଂ ଉବ୍ଜାଣି ଝାରି ଲାହାଂ ଇସ୍ବରତି ହିମ୍ବାଙ୍ଗ୍ ହପ୍ନି କାଜିଂ କାନାଙ୍ଗା ।

୨୦ ଇନେକିଦେଂକି ଉବ୍ଜାଣ୍ ପଲ୍ୟା ତଲ୍ୟା ଆତାଡ୍, ତା ନିଜ୍ ଇଚାତାଂ ଆକାୟ୍, ମାତର୍ ଇନେର୍ ହେଦେଲିଂ ତଲ୍ୟା କିତାନ୍, ହେଝାନ୍ ଆହାତାଂ;

☆ ୮:୧୧ ୧ କରନ୍ତିୟ ୩:୧୨. ☆ ୮:୧୫ ଗାଲତିୟ ୪:୫-୭. ☆ ୮:୧୫ ମାର୍କ ୧୪:୩୭; ଗାଲତିୟ ୪:୭.

୨୧ ଆରେ ହେଦାଂ ବାସିଂ ମେହା ଆଜି ତଲ୍ୟା ଆତାଡ଼, ଲାଗିଂ ଉବ୍‌ଜାଣ୍ ନିଜେ ପା ଇସ୍‌ତ ହିମ୍‌ଶାଂତି ଜାଜ୍‌ମାଲ୍ ପାୟାତି ଅବସ୍ତା ବିସ୍ତେ ନିଜ୍ ଇଚା ପାୟାତି କାଜିଂ ବୁଡାତି ଆଡ଼ିଏନ୍‌ତାଂ ମୁକ୍ତା ଆନାନ୍ ।

୨୨ ଇନେକିଦେଂକି ଓଁଜୁ ଉବ୍‌ଜାଣ୍ ଜେ ନେଞ୍ଜେକ୍ ପାତେକ୍ ରଚେ ଆଡ଼୍‌ବାନାତା ଆରି ଜଲମ୍ କିନିନନାକାତ ବିଲ୍‌କି ଆନାତା, ଇଦାଂ ଆପ୍ ପୁନାପ୍ ।

୨୩ \*ଆରେ, କେବଲ୍ ହେଦାଂ ଆକାୟ୍, ମାତର୍ ଆସେକ୍ ଇସ୍‌ତ ପର୍ତ୍ତୁମ୍ ପାଡ଼୍ ଲାକେ ଜିବୁନ୍‌ତି ପାୟାତାପ୍‌ନା ଜେ ଆପେଂ, ଆପ୍ ନିଜେ ନିଜେ ପା ମାଜି, ଇତିସ୍ ଜାର୍ ଜାର୍ ଗାଗାଡ଼୍‌ନି ମୁକ୍ତାନାକା କାଜିଂ କାସି ମାନୁ ମାନୁ ଜାର୍ ଜାର୍ ଖାସ୍ତିତ ଆଡ଼୍‌ବାନାସା ।

୨୪ ଇନେକିଦେଂକି ବାସିଂ ତ ଆସେକ୍ ମୁକ୍ତି ଆତାସ୍‌ନା; ମାତର୍ ହୁଡ଼୍‌ତି ଇମ୍‌ଶି ଆହା, ହେଦାଂ ଆହା ଆକାୟ୍, ଲାଗିଂ ଇନାକା ରଖାନ୍ ହୁଡ଼୍‌ନାନା, ହେଦାଂ କାଜିଂ ହେଖାନ୍ ଇନେକିଦେଂ ଆରେ ଆହା କିନାନ୍ ?

୨୫ ମାତର୍ ଇନାକା ହୁଡ଼୍‌ସା, ଜଦି ହେଦାଂ କାଜିଂ ବାସିଂ କିନାସ୍, ତା ଆତିସ୍ ସାସ୍‌ତାଂ କାସି ମାନାସ୍ ।

୨୬ ଆସେକ୍ ନାଦାର୍, ମାତର୍ ପୁଇପୁୟା ଜିବୁନ୍ ମାଂ ଉପକାର୍ କିଦନାନ୍ । ଇନେସ୍ ପାର୍ତାନା କିଦେକ୍ ଆନାଡ଼, ହେଦାଂ ଆସେକ୍ ପୁନୁସ୍ । ଲାଗିଂ ପୁଇପୁୟା ଜିବୁନ୍ ଇନ୍‌ଓଁ ବେରଣ୍‌ତ ମା କାଜିଂ ଇସ୍‌ତ ଗଞ୍ଜାରି କିନାନ୍ ।

୨୭ ଆରେ, ଇନେର୍ ମା ଖାସ୍ତି ଦାହ୍‌ନାନ୍, ହେଖାନ୍ ମାନ୍‌ନି ବାବ୍‌ନା ଇନାକା, ହେଦାଂ ପୁନାନ୍, ଇନେକିଦେଂକି ହେଖାନ୍ ପୁଇପୁୟା ଇସ୍‌ତ ଇଚା ଇସାବେ ସାଦୁର୍ କାଜିଂ ଗଞ୍ଜାରି କିନାନ୍ ।

୨୮ ଇମ୍‌ଶାକାର୍ ଇସ୍‌ତ ଜିଉନନାର୍, ଇମ୍‌ଶାକାର୍ ହେଖାନ୍ ଇଚା ଇସାବେ କୁକ୍ୟାତାଣ୍ଡା, ଇସ୍‌ତ ଜେ ଓଁଜୁ ବିସ୍ତେ ହେଖାନ୍‌ତି ହାର୍ କିନାନ୍, ଇଦାଂ ଆପ୍ ପୁନାପ୍ ।

୨୯ ଇନେରିଂ ଇସ୍‌ତ ବାତି କିତାନ୍ନା, ହେଖାରିଂ ହେଖାନ୍ତି ମାଜିତି ଲାକେ ଆଦେଂ କାଜିଂ ଆଗେତାଂ ବାତି କିତାନ୍ନା । ତାଆତିସ୍, ଇସ୍‌ତ ମାଜି ହେଖାନ୍‌ତି ଗାଜା ଟଣ୍ଡେନ୍ ଆନାନ୍ ।

୩୦ ଇମ୍‌ଶାକାର୍ ଏଲେକ୍ ବାତି କିୟା ଆଜି କୁକ୍ୟାତାଣ୍ଡା, ହେଖାନ୍ ଇସ୍‌ତ କାଣ୍‌କୃତ ଦାମ୍ ଇନ୍‌ପାଜି ଜାଜ୍‌ମାଲ୍ ଆତାଣ୍ଡା ।

**ଜିସୁ କ୍ରିଷ୍ଟ ତାକେ ଇସ୍‌ତ ଜିଉନନାକା**

୩୧ ବାତିକ୍ ଇ ଓଁଜୁ କାଣ୍‌କୃତ ଆପ୍ ଇନାକା ଇନାସ୍ ? ଜଦି ଇସ୍‌ତ ମା ପାକ୍ୟା, ବାତିକ୍ ମା ବିନ୍ ପାକ୍ୟା ଇନେର୍ ?

୩୨ ଇନେର୍ ଜାର୍ ମାଜିକ୍ ପା କେମା କିଞ୍ଜାତାନ୍, ମତର୍ ମା ଓଁଜାର୍ କାଜିଂ ହେଖାନ୍ ହେଲାୟ୍ କିତାର୍, ହେଖାନ୍ ଇନେସ୍ ହେଖାନ୍ ଲାହାକ୍ ପା ଓଁଜୁ ବିସ୍ତେ ମାଜେକ୍ ଉପକାର୍‌ତ ଦାନ୍ କିଉନ୍ ?

୩୩ ଇସ୍‌ତ ବାତିକିତି ମାନାୟାର୍‌ତି ବିରୁଡ଼୍ ଇନେର୍ ଦାବା କିତାର୍ ? ହେଖାରିଂ ଦସିଆକାୟ୍ ଇଞ୍ଜି ନିଜେ ଇସ୍‌ତ ପୁଟାୟ୍ କିତାନ୍ନା ।

୩୪ ଇନେର୍ ଦାଣ୍ ବଲ୍ ହିଦନାନ୍ ? କ୍ରିଷ୍ଟ ଜିସୁତ ହାତାନ୍, ଇତିସ୍ ହେଖାନ୍ ନିଜ୍‌ତାନ୍, ହେଖାନ୍ ଇସ୍‌ତ ତିନିବାଗାଂ ମାନାନ୍, ହେଖାନ୍ ପା ମା କାଜିଂ ମାଜାୟ୍‌ନିକା ପାର୍ତାନା କିନାନା ।

୩୫ କ୍ରିଷ୍ଟି ଜିଉନନିତାଂ ଇନେର୍ ମାଜେକ୍ ଆଲ୍‌ଗା କିଦନାର୍ ? କି ଦୁକ୍, କି କସ୍, କି ଇଣ୍, କି କାତାର୍, କି ନାଗ୍‌ଡା, କି ବିପଦ୍, କି କାଣ୍ଡା ?

୩୬ ଇନେସ୍ ସାସ୍‌ତ ଲେକାତାଡ଼ନା,  
“ମି କାଜିଂ ଆପେଂ ସବୁ ଦିନ୍ ହାନାପା; ଆସେକ୍  
ଅହ୍‌ୟାତି ମେଶ୍ଟା ଲାକେ ଗାଣା କିୟାତାପ୍‌ନା ।”

୩୭ ଆତିସ୍‌ପା ଇନେର୍ ମାଜେକ୍ ଜିଉନତ୍‌ତାନ୍, ହେଖାନ୍‌ତି ହୁକେ ଆପ୍ ଇ ଓଁଜୁ ବିସ୍ତେ ସବୁତାକେ ଜିତା ଆତାପ୍‌ନା ।

୩୮ ଆନ୍ ହାଡ଼୍‌ପା ପୁନାକ୍ ଜେ ହେଖାନ୍ ଜିଉନନିତାଂ ଆସେକ୍ ଇନାଖାଡ଼ାଂ ବିନେ ଆଉସ୍ । ହାକି କି ଜିବୁନ୍, ସରଗ୍ ଦୁଡ଼୍ କି ଆକାସ୍‌ନି ଇମ୍‌ଶାକା ପା ଆଦିକାରି କି ସାକ୍ତି, ନଂ କି ଖାନିଦିକ୍ତି,

୩୯ ଜପିନି ବିସ୍ତେ କି ବୁଇନି ବିସ୍ତେ କି ବିନ୍ ଇମ୍‌ଶା ଉବ୍‌ଜାତି ଜିନିସ୍ ମା ମାପୁ କ୍ରିଷ୍ଟ ଜିସୁତି ହୁକେ ହତି ଇସ୍‌ତ ଜିଉନନିତାଂ ଜେ ମାଜେକ୍ ବିନେ କିଦେକ୍ ଆଡୁଡ଼ ।



**ଇସ୍‌ତ ଆରି ହେଖାନ୍ତି ମାନାୟାର୍**

୧ ଇଦାଂ ଆନ୍ କ୍ରିଷ୍ଟି ମୁମ୍‌ଦ ହାଡ଼୍‌ପା ଇଞ୍ଜିନାଜା, ମିର୍ ଇନୁଜା, ନା ଚିନ୍ତା ପୁଇପୁୟା ଜିବୁନ୍‌ତି ସାକ୍ତିତାଂ ନା ଲାହାକ୍ ସାକି ହିଦନାନା,

୨ ଆନ୍ ଜେ ଏତେକ୍ ବିପ୍ରି ଆରି ବେସି ଦୁକ୍‌ତ ନା ଖାସ୍ତି ଏତେକ୍ ଖାସ୍ତାଡ଼ନା, ଇ କାତା ଆନ୍ ପଲ୍ୟା ଇନୁଜା ।

\* ୮:୨୩ ୨କରକ୍ରିୟ ୫:୨-୪.

୩ ଇନେକିଦେଂକି ଇମ୍‌ଣାକାର୍ ଗାଗାଡ୍ ବାବ୍ରେ ନା ଜିହୁଦିର୍ ଚଣ୍ଡାର୍, ତଣ୍‌ଦେକ୍ କାଜିଂ ଆନ୍ ନିଜେ କ୍ରିସ୍ତୁତାଂ ବିନେ ଆଜି ଇସ୍ପୁର୍ତି ହୁକେ ସାଇପ୍ କାଜିଂ ଇଚା ।

୪ ଇସ୍ପୁର୍ ହେଝାରିଂ ଜାର୍ତିଂ ଇସ୍ତାଏଲିୟ୍ ମାଜି ଲାକେ ଇଡ୍‌ଜି ହେଝାର୍ ଲାଗାଂ ଜାର୍ତି ଜାଜ୍‌ମାଲ୍ ନିୟ୍ମ୍ ହପ୍‌ତି ମାଚାର୍; ହେଝାର୍ ଲାହାଂ ଲାଗାଜି ହେଝାରିଂ ବିଦି ହିଜି ମାଚାଜ୍, ହେଝାର୍ ହାଡ୍‌ପା ପାର୍ତାନା କିନାର୍; ହେଝାର୍ ଇସ୍ପୁର୍ତାଂ ଜାଣା ପାୟାତାର୍ଣ୍ଣା ।

୫ ଆକର୍ ଦାଦିର୍ ହେଝାର୍ତି, ଆରେ ଗାଗାଡ୍ ବାବ୍ରେ ହେଝାର୍ ବିତ୍ରେତାଂ କ୍ରିସ୍ତୁ ହଡ୍‌ତାନନା; ହେ ଦୟାନି ଇସ୍ପୁର୍ ଜୁଗ୍ ଜୁଗ୍ ଦନ୍ୟ, ଆମେନ୍ ।

୬ ଇସ୍ପୁର୍ ରାଣ ଆଝାତାତନା ଇଞ୍ଜି ଆନ୍ ଇନୁଜା, ଇନେକିଦେଂକି ଇସ୍ତାଏଲ୍ ଓଜାର୍ ଇସ୍ପୁର୍ତି ଲକୁ ଆକାୟ୍,

୭ ନଲେ ଅବ୍ରାହାମ୍ ଲାତ୍ରା ଇଞ୍ଜି ଜେ ଓଜାର୍ ମାଜିର୍, ହେଦାଂ ଆକାୟ୍; ମାତର୍ “ଇସ୍‌ହାକ୍ ତାକେ ମି ଲାତ୍ରା ତାକ୍‌ପୁଟା ଆନାଡ୍ ।”

୮ ଇବେନି ଅରଡ୍ ଇଦାଂ, ଗାଗାଡ୍ ବାବ୍ରେ ଇମ୍‌ଣି ମାଜିର୍ ହେଝାର୍ ଜେ ଇସ୍ପୁର୍ତ୍ ମାଜିର୍, ହେଦାଂ ଆକାୟ୍ ମାତର୍ ପାର୍ମାଣ୍ କିତି ମାଜିର୍ ଲାତ୍ରା ଲାକେ ଗାଣାକିୟାନାର୍ ।

୯ ଇନେକିଦେଂକି ଇଦାଂ ତ ପାର୍ମାଣ୍ କିତି ବଚନ୍, ଇ ଦିକ୍ତ ଆପେଂ ଝାନାକା, ଆରେ ସାରା ର ମାଜି ଗାଟା ଆଜି ମାନ୍‌ଗାନାଡ୍ ।

୧୦ ଆରେ କେବଲ୍ ହେଦାଂ ଆକାୟ୍, ମାତର୍ ରିବିକା ପା ରଝାନ୍ ମାନାୟ୍ ହୁଦାଂ, ଇତିସ୍ ମା ଆକର୍ ଇସ୍‌ହାକ୍ ହୁଦାଂ ମାଜେଜ୍‌ଆସ୍ତି ପାରେ,

୧୧ ଏଚେକାଡ୍‌ଦ ହିମ୍‌ଣାଂ ଜଲମ୍ ଆଝାଦାଂ ମାଚାର୍, ଆରେ ହାର୍ ନଲେ ବାନ୍ୟା କିଝାଦାଂ ମାଚାର୍, ହେପାଦନା କାମାୟ୍ କାଜିଂ ଆକାୟ୍, ମତର୍ କୁକ୍ୟାତାର୍ତି ଇଚା କାଜିଂ ବାଚି କିତି ଇସାବେ ଇସ୍ପୁର୍ତ୍ ଇଚା ଇନେସ୍ ତିର୍ ମାନ୍‌ଗାନାଡ୍,

୧୨ ଇଦାଂ କାଜିଂ ଇ କାତା ତାଜ୍ ଇନ୍ୟା ଆଜି ମାଚାଡ୍, “ଗାଜାକାନ୍ ହାରୁକାନ୍‌ତି ଆଡ୍‌ଏନ୍ ଆନାନ୍;

୧୩ ଇନେସ୍ ଲେକାମାନାଡ୍, ଜାକୁବ୍ ଆପ୍ ଜିଉନତାପ୍, ମାତର୍ ଏସୌତିଜ୍ ଗିଣ୍ କିତାପ୍ ।”

୧୪ ବାଚିଜ୍ ଆସେଜ୍ ଇନାକା ଇନାସ୍ ? “ଇସ୍ପୁର୍ ତାକେ କି ଇନାକା ଅନ୍ୟାୟ୍ ମାନାଡ୍ ? ହେଦାଂ ଇନାଝାଡାଜ୍ ପା ଆମେଡ୍ ।”

୧୫ ଇନେକିଦେଂକି ହେଝାନ୍ ମସାଜ୍ ଇନାନା, “ଇନାକା ଜପି ମା ଦୟା ମାନାଡ୍, ହେଦେଲିଂ ଆସେଜ୍ ଦୟା କିନାସ୍, ଆରେ ଇନାକା ଜପି ମା କାର୍ମା ମାନାଡ୍, ହେଝାନିଂ ଆସେଜ୍ କାର୍ମା ଆନାପ୍ ।”

୧୬ ଲାଗିଂ, ଇନେର୍ ମାନ୍ କିନାନ୍, କି ଇନେର୍ ସେସ୍ତୁ କିନାନ୍, ହେଦାଂ ତାଂ ଇଦାଂ ଆଡ୍‌ଡ୍, ମତର୍ ଦୟାଲୁ ଇସ୍ପୁର୍ତାଂ ଆନାଡ୍ ।

୧୭ ଲାଗିଂ ସାସ୍ପୁର୍ ପାରଜ୍‌ତିଂ ଇନାଡ୍, ଆପ୍ ଇନେସ୍ ମି ତାକେ ମା ସାକ୍ତି ଚର୍ନାସ୍, “ଆରେ ଇନେସ୍ ଓଜୁ ପୁର୍ତ୍ ତ ମା ତର୍ ଚଞ୍ଜିୟା ଆନାଡ୍, ଇ ଇଦାଂ କାଜିଂ ତ ଆପ୍ ମିଜେଜ୍ ନିକ୍ତାତାପ୍ ।”

୧୮ ଲାଗିଂ, ହେଝାନ୍ ଇନେରିଂ ମାନ୍ କିନାନ୍, ହେଝାନିଂ ଦୟା କିନାନ୍, ଆରେ ଇନେରିଂ ଇଚା କିନାନ୍, ହେଝାନିଂ ଆଝା କିନାନ୍ ।

**ମାପୁତି ରିସା ଆରି ଦୟା**

୧୯ ଇବେ ଏପ୍ ନାଜ୍ ଇଞ୍ଜନାଦେରା, “ତେବେ ହେଝାନ୍ ଆରେ ଦସ୍ ଆସ୍ତାନାର୍ ଇନେକିଦେଂ ? ଇନେକିଦେଂକି ହେଝାକ୍ତି ଇଚା ଇନେର୍ ବିରୁଦ୍ କିଦେଜ୍ ଆଡ୍‌ନାର୍ ?”

୨୦ ମାତର୍ ଏ ମାନାୟ୍, ଏନେଜ୍ ଇନାକାୟ୍ ଜେ ଇସ୍ପୁର୍ତିଂ ବିରୁଦ୍ କିନାଦେର୍ ? ରର୍ତି ଆଡ୍‌ମାଡ୍ କି ରର୍ଚାକାନିଂ ଇନାଦେର୍, ନାଜ୍ ଇଲାକେ ରର୍ଚାତାଦେର୍ ଇନାକିଦେଂ ?

୨୧ କି ର ଚିକ୍‌ଲାତାଂ ର ବାହା ସସ୍ କାଜିଂ ଆରି ବିନ୍‌ନିକା ସସ୍‌କିଓ କାଜିଂ ରର୍ଚି କାଜିଂ କି ଚିକ୍‌ଲା ଜପି କୁମ୍‌ରେନ୍ ଆଦିକାର୍ ଆକାୟ୍ ?

୨୨ ମାତର୍ ଇସ୍ପୁର୍ ଜାର୍ ରିସା ଚର୍ଚି କାଜିଂ ଆରି ଜାର୍ ସାକ୍ତି ଜାଣାୟକିନି କାଜିଂ ଇଚା କିତିସ୍ ପା ଜଦି ନାସ୍ ଜାଲ୍‌ଦି ଆଜି ମାଚି ରିସାନି ବାହାନିକିଂ କାଜିଂ ଲାମାହୁଦାର୍ ଲାହାଜ୍ ସାସ୍ ଆସ୍ତାତାର୍ଣ୍ଣା,

୨୩ ଆରେ, ଜଦି ଜାଜ୍‌ମାଲ୍ କାଜିଂ ହେଝାକ୍ତି ହୁକେ ଆଗେତାଂ ରର୍ଚିୟାଜି ମାନାକା ଦୟାନି ଲଗୁ ଜେ ଆସେଜ୍, ମା ଲାଗାଂ ଜାଜ୍‌ମାଲ୍ ଲାକେ ଦାନ୍ ହପ୍‌ନି କାଜିଂ ହେଦାଂ କିତାର୍ନା; ତା ଆତିସ୍ ଏପେଜ୍ ଇନାକା ଇନାଦେର୍ ?

୨୪ ହେଦାଂ କାଜିଂ ତ ହେଝାନ୍ କେବଲ୍ ଜିହୁଦିର୍ ବିତ୍ରେତାଂ ଆକାୟ୍, ମାତର୍ ପାତ୍‌କିଓ ଜିହୁଦିର୍ ବିତ୍ରେତାଂ ପା ମାଜେଜ୍ କୁକ୍‌ତାତାନ୍ନା,

୨୫ ଇନେସ୍ ହେଝାନ୍ ହସେୟତି ପତିତ ପା ଇନାନ୍, “ଇମ୍‌ଣାକାର୍ ମା ଲକ୍ ହିଲ୍‌ଝାତାର୍,

ହେଝାରିଂ ନିଜ୍‌ତି ମା ଲକ୍ ବାବ୍ରେ କୁକ୍‌ନାପ୍ ।”

ଇମ୍‌ଣି ଜାତିତିଂ ଆପ୍ ଜିଉନଝାଦାଂ ମାଚାପ୍, ହେଝାନିଂ

ମା ଖାରିନିକାନ୍ ଇଞ୍ଜି ଇନାସ୍;

୨୬ “ଆରେ, ଇମ୍ଫଣି ବାହାତ ଏପେଙ୍ଗ୍ ମା ଲକ୍ ଆକାୟ୍ ଇଞ୍ଜି ହେଞ୍ଜାରିଂ ଇନାୟାଜି ମାଚାଡ୍, ହେ ବାହାତ ହେଞ୍ଜାରି ଜିତି ଇସ୍ତର୍ ମାଜିର୍ ଇଞ୍ଜି ଡାକ୍ପୁଟା ଆନାର୍ ।”

୨୭ ଆରେ, ଜିସାୟ୍ ଇସ୍ରାଏଲ୍ ବିସ୍ତେ ଗାଜା କାଟ୍ତାଂ ଇନାର୍, “ଇସ୍ରାଏଲିୟାର୍ ମାଜିର୍ତି ଗିଣ୍ଡି ହାମ୍ବୁର୍ନି ବାଲି ଲାକେ ଆଡିସ୍ ପା କେବଲ୍ ବାକି ମୁକ୍ତି ଆନାକା ପାୟା ଆନାର୍ ।”

୨୮ “ଲାଗିଂ ମାପୁ ପୁତର୍ ତ ଜାର୍ ବଚନ୍ତ ବାତର୍ କିନାନ୍, ହେଞ୍ଜାନ୍ ହେଦାଂ ପୁରା ଲାକେ ଅଲପ୍ କିନାନ୍ ।”

୨୯ ଆରେ, ଇନେସ୍ ଜିସାୟ୍ ଆଗେ ଇଚାନ୍ନା, “ବୁଡ୍କୁ ମାପୁ ଜଦି ମା କାଜିଂ ର ବାକି ଇଡ୍ଝାତାନ୍ମା, ବାଟିଙ୍ଗ୍ ଆସେଙ୍ଗ୍ ସଦମ୍ ଲାକେ ଆତାସ୍ମା, ଆରି ଗମରା ସମାନ୍ କିୟା ଆତାସ୍ମା ।”

**ଇସ୍ରାଏଲ୍ କାଜିଂ ପାଉଲ୍ତି ପାର୍ତ୍ତାନା**

୩୦ ବାଟିଙ୍ଗ୍, ଆସେଙ୍ଗ୍ ଇନାକା ଇନାସ୍ ? ଇମ୍ଫଣି ପାତର୍ କିଞ୍ଜି ଜିହୁଦିର୍ ଦାମର୍ ଆଦେଂ ମାନ୍ କିଞ୍ଜାଦାଂ ମାଚାର୍, ହେଞ୍ଜାରି ଦାମର୍, ଇ ଲାକେ କି ପାତର୍ ଲାକେ ଦାମର୍, ଲାବ୍ କିତାର୍ନା ।

୩୧ ମାତର୍ ଇସ୍ରାଏଲ୍ ଦାମର୍ ମସାତି ବିଦି ପାତେ ହାଲୁ ହାଲୁ ହେ ମସାତି ବିଦି ପାତେକ୍ ଏକାଞ୍ଜାତାନ୍ ।

୩୨ ଇନେକିଦେଂ ? ଇନେକିଦେଂକି ହେଞ୍ଜାରି ପାତର୍ ହୁକେ ହେଦାଂ ଦାହ୍ଝାଦାଂ କାମାୟ୍ ହୁକେ ଦାସ୍ତି ମାଚାର୍ । ହେଞ୍ଜାରି ହେ ବାଦା ହିଜି ମାନି କାଲ୍ଦ ବାଦା ପାୟାଜି ଉଜ୍ଡାରି,

୩୩ ଇନେସ୍ ଲେକାମାନାଡ୍,

“ହୁଡାଟ୍ ଆସେଙ୍ଗ୍ ସିୟନ୍ତ

ର ବାଦା ବାର୍ତି କାଲ୍ ଆରି ବାଦା ବାର୍ତି କାଲ୍ ରବ୍ପନା,

ଆରେ ଇନେର୍ ତାତାକେ ପାତର୍ କିନାନ୍,

ହେଞ୍ଜାନ୍ ଲାଜା ଆଉନ୍ ।”



୧ ଏ ଟଣ୍ଡାର୍ ଆରି ତଣ୍ଡାଦେକ୍, ହେଞ୍ଜାରି ଇନେସ୍ ମୁକ୍ତାଦେଂ ଆଡ୍ନାର୍, ଇଦାଂ ନା ଖାସ୍ତିନି ଆହା ଆରି ହେଞ୍ଜାରି କାଜିଂ ଇସ୍ତର୍ ଲାଗେ ନା ପାର୍ତ୍ତାନା ।

୨ ଇନେକିଦେଂକି ଇସ୍ତର୍ ବିସ୍ତେ ଜେ ହେଞ୍ଜାରିତି ଇଚା ମାନାଡ୍, ଇଦାଂ ଆନ୍ ହେଞ୍ଜାରି ପାକ୍ୟାତ ସାକି ହିନାଙ୍ଗା, ମାତର୍ ହେ ଇଚା ଗିଆନ୍ମେହା ଆକାୟ୍ ।

୩ ଲାଗିଂ ମାନାୟ୍ତି ଦାମର୍ କିଜି ଇଡ୍ଦେଂ କାଜିଂ ଇସ୍ତର୍ ହିଡ୍ଡି ଦାମର୍ କାତା ବିସ୍ତେ ପୁନ୍ଝାଦାଂ ଆରି ଜାର୍ ଜାର୍ ଦାମର୍ କାତା ରବ୍ରେଙ୍ଗ୍ ସେସ୍ଟୁ କିଜି ହେଞ୍ଜାରି ଇସ୍ତର୍ହିଡ୍ଡି ଦାମର୍ କାତା ପୁନ୍ଝାତାଣ୍ଟା ।

୪ ଇନେକିଦେଂକି ଜାଣ୍ଡକେ ପାତର୍ କିନାକାର୍ ପାକ୍ୟାତ ଦାମର୍ ଗାଣାକିୟା ଆନି କାଜିଂ କ୍ରିସ୍ଟୁ ବିଦିନି ହାରିହାରା ।

**ଓଜାର୍ କାଜିଂ ମୁକ୍ତାନାକା**

୫ ଇନେକିଦେଂକି ମସା ଲେକିକିତାନ୍ନା, ଇମ୍ଫଣି ମାନାୟ୍ ବିଦିନି ଦାମର୍ ପାଲି କିନାନ୍, ହେଞ୍ଜାନ୍ ତା ହୁକେ ଜିନାନ୍ ।

୬ ମାତର୍ ପାତର୍ ବାର୍ତି ଦାମର୍ ଏଲେଙ୍ଗ୍ ଇନାଡ୍, “ମାନ୍ତ ମାନ୍ତ ଇନ୍ମାଟ୍ ଇନେର୍ ସାଗେ ଦୁମ୍ନାର୍ ଇତିସ୍ କ୍ରିସ୍ଟୁଙ୍ଗ୍ ଜୁଡ୍ଡି ତାନି କାଜିଂ ?

୭ କି ‘ଇନେର୍ ପାତାଲ୍ଡ ଜୁନାନ୍’ ଇତିସ୍, କ୍ରିସ୍ଟୁଙ୍ଗ୍ ହାତାକାର୍ ବିତ୍ରେତାଂ ନିକ୍ତି ତାହିଞ୍ଜାନି କାଜିଂ ?”

୮ ଇନେକିଦେଂକି ସାସ୍ତର୍ ଇସାପ୍ରେ, “ଇସ୍ତର୍ତି କାତା ମି ଲାଗେ, ମି ମୁମ୍ ଆରି ମାନ୍ତ ମାନାଡ୍ ।” ପାତର୍ ବିସ୍ତେ ଇ କାରୁର୍ ନେ ଆପ୍ ସୁଣାୟ୍ କିନାପା ।

୯ ଲାଗିଂ ଏପେଙ୍ଗ୍ ଜଦି ଖାଈଦାଂ ଜିସୁ ମାପୁ ଇଞ୍ଜି ମାନି କିନାଦେର୍, ଆରେ ଇସ୍ତର୍ ହେଞ୍ଜାନିଂ ହାତାକାର୍ ବିତ୍ରେତାଂ ନିକ୍ତାନ୍ନା ଇଞ୍ଜି ଖାସ୍ତିତ ପାତର୍ କିନାଦେର୍, ବାଟିଙ୍ଗ୍ ମୁକ୍ତି ଆନାକା ପାୟାନାନ୍;

୧୦ ଇନେକିଦେଂକି ଦାମର୍ କାତା ପାୟାନି କାଜିଂ ମାନାୟ୍ ଖାସ୍ତିତ ପାତର୍ କିନାନ୍ ଆରି ମୁକ୍ତାନାକା ପାୟାନି କାଜିଂ ଖେଇଦାଂ ମାନି କିନାନ୍ ।

୧୧ ଲାଗିଂ ସାସ୍ତର୍ ଇନାଡ୍, ଇମ୍ଫଣାକାର୍ ହେଞ୍ଜାନ୍ ତାକେ ପାତର୍ କିତାର୍, ହେଞ୍ଜାନ୍ ଲାଜା ଆଉନ୍ ।

୧୨ ଇନେକିଦେଂକି ଜିହୁଦି ଆରି ଗ୍ରିକ୍ ବିତ୍ରେ ଇନାକାପା ବିନେ ଆକାୟ୍, ଲାଗିଂ ଓଜାର୍ତି ତ ର ମାପୁ, ଆରେ ଏଚେକ୍ ଲକ୍ ହେଞ୍ଜାନ୍ତି ଲାଗାଂ ପାର୍ତ୍ତାନା କିତାର୍, ହେଞ୍ଜାନ୍ ଓଜାର୍ କାଜିଂ ହେଞ୍ଜାନ୍ ଉପକାର୍ନି ଦାନ୍ଲାକେ ।

୧୩ ଇନେକିଦେଂକି ଇମ୍ଫଣାକାର୍ ମାପୁତି ତର୍ ଆସ୍ତି ପାର୍ତ୍ତାନା କିନାନ୍, ହେଞ୍ଜାନ୍ ମୁକ୍ତି ଆନାନ୍ ।

୧୪ ବାଟିଙ୍ଗ୍ ଇନେରିଂ ହେଞ୍ଜାର ପାତ୍ କିଞ୍ଜାତାଣ୍ଟା, ହେଞ୍ଜାନ୍ ଲାଗାଂ ଇନେସ୍ ପାତ୍ତାନା କିତାର୍ ? ଆରେ ଇନେରତି କାତା ହେଞ୍ଜାର ଖେନ୍ଞାତାଣ୍ଟା, ଇନେସ୍ ହେଞ୍ଜାନ୍ତାକେ ପାତ୍ କିତାର୍ ? ଆରେ ସୁଣାୟକିନାକାର୍ ପିସ୍ତ୍ର ହେଞ୍ଜାର ଇନେସ୍ ଖେନାର୍ ?

୧୫ ଆରେ ପକ୍ୟାତାକାନ୍ ଆଞ୍ଜିତିସ୍ ଇନେସ୍ ସୁଣାୟ କିନାର୍ ? ଇନେସ୍ ଲେକାମାନାଡ୍, “ଇମ୍ଣାକାର୍ ନେକ୍ତି ବିସ୍ତେନି ନେକ୍ତିକାରୁର୍ ତାନାର୍, ହେଞ୍ଜାରତି ପାନା ଇନେସ୍ ହାର୍ନେହାଣ୍ଟ ।”

୧୬ ମାତର୍ ଖିଜାର୍ ହେ ନେକ୍ତିକାରୁର୍ ମାନିକିଞ୍ଜାତାଣ୍ଟା । ଇନେକିଦେଂକି ଜିସାୟ ଇନାନ୍, “ଏ ମାପୁ, ମା କାରୁର୍ ଖେନ୍ଞି ଇନେର୍ ପାତ୍ କିତାର୍ନା ?”

୧୭ ଲାଗିଂ, ନେକ୍ତିକାରୁର୍ ଖେନି ହୁକେ ପାତ୍ ଉବ୍ଜା ଆନାଡ୍ ଆରି କ୍ରିସ୍ତୁତି ବଚନ୍ ପରଟାର୍ କିନାକା ନେ ହେ ନେକ୍ତିକାରୁର୍ ।

୧୮ ମାତର୍ ଆନ୍ ଇନାଙ୍ଗ୍, ହେଞ୍ଜାର୍ କି ଖେନ୍ଞାତାଣ୍ଟା ? ଆଁ ହାଡ୍ପା ସାସ୍ତରତ ଲେକାମାନାଡ୍;  
“ସବୁ ପୁତ୍ ତ ହେଞ୍ଜାରତି କାର୍,  
ଆରେ ପୁତ୍ ନି ହାନ୍ ପାତେକ୍ ହେଞ୍ଜାରତି ବଚନ୍ ଖିଣ୍ଡି ହାଚାଡ୍ନା ।”

୧୯ ମାତର୍ ଆନ୍ ଇନାଙ୍ଗ୍, ଇସ୍ରାଏଲ୍ ଇନାକା ପୁନ୍ଞାତାଣ୍ଟା ? ପର୍ତୁମ୍ତ ମସା ଇନାନ୍,  
“ଆସେଙ୍ଗ୍ ଗାଣା କିଆଞ୍ଜି

ଜାତିର୍ ହୁକେ ମି ତାରା ଉବ୍ଜାୟ କିନାପ୍,  
ର ବୁଦିହିଲ୍ଞି ଜାତି ହୁକେ ମିଙ୍ଗେଙ୍ଗ୍ ରିସାକିୟ କିନାପ୍ ।”

୨୦ ତାପାଚେ ଜିସାୟ ସାସ୍ତାଂ ଇନାନ୍,  
“ଇମ୍ଣାକାର୍ ମାଙ୍ଗ୍ ଦାସ୍ରାଞ୍ଜାଦାଂ ମାଚାର୍, ହେଞ୍ଜାର୍ ମାଙ୍ଗେଙ୍ଗ୍ ପାୟା ଆତାର୍;  
ଇମ୍ଣାକାର୍ ମା ବିସ୍ତେ ସୁଣାୟ କିଞ୍ଜାଦାଂ ମାଚାର୍, ହେଞ୍ଜାର୍ ଲାଗାଂ ଆସେଙ୍ଗ୍ ଚଞ୍ଜିୟା ଆତାସ୍ ।”

୨୧ ମାତର୍ ହେଞ୍ଜାନ୍ ଇସ୍ରାଏଲ୍ ବିସ୍ତେ ଇନାନା, “ଆସେଙ୍ଗ୍ ବଲ୍ ମାନିକିଞ୍ଜାଦାଂ ଆରି ଖିଜୁ କୁଚୁମ୍ ମାନାୟାର୍ କାଜିଂ ଖେଡ୍ଡାବୁଡି କେଇ ଲାମାୟ କିନାପା ।”

## ୧୧

### ଇସ୍ରାଏଲ୍ନିକାର୍ କାଜିଂ ଇସ୍ତୁରତି ଦୟା

୧ \*ତେବେ ଆନ୍ ଇନାଙ୍ଗ୍, ଇସ୍ତୁର୍ କି ଜାର୍ ଲକାରିଂ ପିସ୍ତାନ୍ନା ? ହେଦାଂ ଇନାଞ୍ଜାଡାଙ୍ଗ୍ ଆମେଡ୍, ଇନେକିଦେଂକି ଆନ୍ ପା ଅବ୍ରାହାମ୍ ଲାତ୍ରା ଉବ୍ଜାଣ୍ଟା ବିନ୍ୟାମିନ୍ କୁଚୁମ୍ନି ରଞ୍ଜାନ୍ ଇସ୍ରାଏଲିୟ ଲକ୍ ।

୨ ଇସ୍ତୁର୍ ଜାର୍ତି ଇମ୍ଣାଣି ମାନାୟାରିଂ ଆଗେତାଂ ପୁନ୍ଞି ମାଚାନ୍, ହେଞ୍ଜାରିଂ ପିହିଞ୍ଜାଦାଂ ମାଚାନ୍ । ଏଲିୟତି ଲେକାତ ସାସ୍ତର୍ ଇନାକା ଇନାଡ୍, ହେଦାଂକି ଏପେଙ୍ଗ୍ ପୁନ୍ନୁଦେର୍ ? ହେଞ୍ଜାନ୍ ଇନେସ୍ ଇସ୍ରାଏଲ୍ ବିରୁଡ୍ତ ଇସ୍ତୁରତି ତାକେ ଗଞ୍ଜାରି କିନାନ୍,

୩ “ମାପୁ, ହେଞ୍ଜାର୍ ମି ବେଣ୍ଟାକ୍ଣାୟକିନାକାରିଂ ଅସ୍ରାଣ୍ଟା, ମି ଗାର୍ଣିଙ୍ଗ୍ କାର୍ତାର୍ନା, ଆରେ ଆନ୍ ରଞ୍ଜାଙ୍ଗ୍ ବାକି ମାନାଙ୍ଗ୍, ଆରେ ହେଞ୍ଜାର୍ ନା ଜିବୁନ୍ ଅଦେଂ ଦାସ୍ରାନାରା ।”

୪ ଏଲିୟଙ୍ଗ୍ ଇସ୍ତୁର୍ ଇନା ଉତର୍ ହିଜି ମାନାନ୍ ? “ବାମ୍ଣାୟକିନି ପେନ୍ ବାଆଲ୍ ପୁଡ୍ଡାତିଂ ପୁଜା କିଜି ମାନ୍ଞି ସାଡ୍ ହାଜାର୍ ମାନାୟତିଂ ମା କାଜିଂ ଇଡ୍ଡାପ୍ନା ।”

୫ ନଂ ସମାନ୍ ହେ ଲାକେ ଗିଟାତାଡ୍ନା । ଇସ୍ତୁର୍ ଉପକାର୍ କିଜି ଇମ୍ଣାକାରିଂ ବାଟି କିଜି ମାଚାନ୍, ହେଞ୍ଜାର୍ତି ବିତ୍ରେତାଂ ଅଲପ୍ ଏଚେକ୍ ଜାଣ୍ ବାକି ମାନାର୍ ।

୬ ଇସ୍ତୁର୍ ହେଞ୍ଜାରିଂ ବାଟି କିତାନ୍ନା ଜାର୍ ଉପକାର୍ କାଜିଂ । ଜଦି ହେଞ୍ଜାର୍ତି ସଡ୍ କାମାୟ ଲାଗିଂ ଇସ୍ତୁର୍ ହେଞ୍ଜାରିଂ ବାଟି କିଜି ମାଟିସ୍, ହେଞ୍ଜାର୍ତି ଉପକାର୍ ହାଡ୍ପା ଉପକାର୍ ଆଞ୍ଜାତାମ୍ ।

୭ ଞ୍ଜାରିଂ ଇନାକା ଆତାଡ୍ ? ଇସ୍ରାଏଲିୟର୍ ଇନାକା ତେକ୍ତି ମାଚାର୍, ହେଦାଂ ଗାଟା ଆଞ୍ଜାତାର୍ । କେବଲ୍ ଇସ୍ତୁର୍ ବାଟି କିତି ରଞ୍ଜାଙ୍ଗ୍ ହାରୁ କୁଦା ତାଦାଂ ଗାଟା ଆତାନ୍ । ବିନ୍ ଲଗୁ ଇନେର୍ ଇସ୍ତୁରତି କୁକ୍ତାକା କାଜିଂ ଦିଆନ୍ ହିଞ୍ଜାତାର୍ ।

୮ ଇନେସ୍ ଲେକାମାନାଡ୍, “ଇସ୍ତୁର୍ ନେଞ୍ଜେଙ୍ଗ୍ ପାତେକ୍ ହେଞ୍ଜାରିଂ ଆଞ୍ଜାନ୍ ଜିବୁନ୍ ହିତାର୍ନା, ଇ ଲାକେ କାଣ୍କୁ ହିତାର୍ନା, ଇନେସ୍ ହେଞ୍ଜାର୍ ହୁଡ୍ଡୁ, ଆରେ ଇ ଲାକେ କିଡୁଲ୍ ହିତାର୍ନା, ଇନେସ୍ ହେଞ୍ଜାର୍ ଖେନୁର୍ ।”

୯ ହେଞ୍ଜାର୍ତି ବିସ୍ତେ ଦାଉଦ୍ ଲେକିକିତାନ୍ନା;

“ହେଞ୍ଜାର୍ ଞ୍ଜାରିକିନି ଖେଡ୍ଡାଲିଂ ଡ୍ବୁଡ୍ ଆରେ ।

ବୁଡା ଆଜି ଡାଣ୍ଟ ବଗ୍ କିଏର୍ ।”

୧୦ ଇନେସ୍ ହେଞ୍ଜାର୍ କାଣାଙ୍ଗ୍ ଆଜି ହୁଡ୍ଡେଂ ଆଡ୍ମେର୍,

☆ ୧୧:୧ ପିଲିପିୟ ୩:୫.

ତାଙ୍କନାତ୍ ଦୁକ୍ କସ୍ତୁ ବଗ୍ କିଜି କିଜି ହେଝାର୍ତି ମ୍ବେଙ୍ଗାଙ୍ ଗଂଜି ହାଲେଡ୍ ।

୧୧ ଲାଗିଂ ଆନ୍ ଇଞ୍ଜନାଙ୍, ହେଝାର୍ ଇନାକା ନସ୍ତୁଆନି କାଜିଂ ଅସ୍ତୁର୍ ? ହେଦାଂ ଇନାଝାଡାଙ୍ ପା ଆମେଡ୍, ହେଝାର୍ ପାପ୍ କିତିଲେ, ହେଝାରିଂ ଆକର୍ ଆନି କାଜିଂ ପାତ୍ କିଝି ଜିହୁଦିର୍ ମୁକ୍ତାନାକାନି ଆଦିକାରି କିଆତାଡ୍ ।

୧୨ ଜିହୁଦିତ୍ ପାପ୍, ଜଗତ୍ତ ବିନ୍ ଲଗାଂ କାଜିଂ ବେସି ଆସିର୍ବାଦ୍ ତାହିଝାତାଡ୍ନା । ଜିହୁଦିତ୍ ଆମିକ୍ ଅକ୍ ଡ୍ କାଜିଂ ପାତ୍ କିଝି ଜିହୁଦିର୍ ଆସିର୍ବାଦ୍ନି ଦାନ୍ ଲାବ୍ କିତାଣ୍ଟା । ଜଦି ଝିଜାର୍ ଜାତି ରାକ୍ୟା ପାୟାଦେଂ ଆଡ୍ଡାତ୍, ତାଆତିସ୍ ତାହୁଦାଂ ଆରେ ଏଚେକ୍ ଆଦିକ୍ ଆସିର୍ବାଦ୍ ଗାଟା ଆଉଡ୍ ?

**ପାତ୍ କିଝି ଜିହୁଦିର୍ତି ମୁକ୍ତାନାକା**

୧୩ ମାତର୍ ବିନ୍ଜାତି ଜେ ଏପେଙ୍, ମିଙ୍ଗେଙ୍ ଆନ୍ ଇଞ୍ଜନାଙ୍ । ଆନ୍ ପାତ୍ କିଝି ଜିହୁଦିର୍ କାଜିଂ ପକ୍ୟାତାକାନ୍ ନା ହେବା ପାଦ୍ନି ଜାଜ୍ମାଲ୍ କିନାଙ୍,

୧୪ ଇନେସ୍ ଇନେସ୍ବାନି ନା ନିଜାର୍ ଜାତିରିଂ ତିରକାଡ୍ କିୟକିଜି ହେଝାର୍ ବିତ୍ରେତାଂ ଏଚେକ୍ ଜାଣ୍ଡିଂ ମୁକ୍ତି କିଦେଙ୍ ଆଡ୍ନାଂ ।

୧୫ ଇନେକିଦେଂକି ଜଦି ହେଝାର୍ତି ଦେହାକିନି ହୁକେ ପୁତ୍ ତ ମେହାନାକା ଗିଟାତାଡ୍, ତେବେ ହେଝାର୍ତି ଇଟ୍ନାକା ହୁକେ ଇନାକା ହାଡ୍ପା ହାତାକାର୍ ବିତ୍ରେତାଂ ଜିବୁନ୍ ଲାବ୍ ଆଉଡ୍ ?

୧୬ ରୁଟିତାଂ ଇରୁଟିଂ ଇସ୍ବର୍ ତର୍ଦାଂ ପୁଜା କିଜି ମାଟିସ୍ ପୁଇପୁୟା, ସବୁ ରୁଟି ପା ପୁଜା କିତାକା ଇନ୍ୟାନାଡ୍ । ରଞ୍ଜାଙ୍ ମାର୍ଦିଂ ଦଲ୍ ପୁଜା ଆଜି ମାଟିସ୍, ତା କେନ୍ଦାଙ୍ ତାଡ୍ ପା ପୁଜା ଆକାଡ୍ ହିଆତାନ୍ ଇଞ୍ଜି ବାବି କିଦେଙ୍ ଆନାଡ୍ ।

୧୭ ମାତର୍ ଜଦି କେତେକ୍ କେନ୍ଦାଂ ତ୍ରିଙ୍ଗ୍ତିକ୍ ଆରି ଏପେଙ୍ ରାନ୍ତି ଜିଡ୍ ମାର୍ନି କେନ୍ଦାଂ ଆତିସ୍ପା ହେ ସବୁ ବିତ୍ରେ କଲମ୍ କିତାର୍, ଆରେ ହେଝାର୍ ଲାହାଙ୍ ଜିଡ୍ମାର୍ ଦଲ୍ନି ରାସ୍ନି ମେହା ଆତାର୍,

୧୮ ଲାଗିଂ ହେ ତାଡ୍ ବିରୁଡ୍ତ ଗରବ୍ କିମାଟ୍; ମାତର୍ ଜଦି ଗରବ୍ କିୟାଟ୍, ଏପେଙ୍ ଜଦି ଦଲ୍ତିଂ ଆହ୍ଝାତାଦେଣ୍ଟା, ମତର୍ ଦଲ୍ ମିଙ୍ଗେଙ୍ ଆସ୍ତାଡ୍ନା, ଇଦାଂ ପୁନ୍ଞି ମାନାଟ୍ ।

୧୯ ଏପ୍ ଇଞ୍ଜେଙ୍ ଆଡ୍ନାଦେର୍, “ଆଁ, ମାତର୍ ନାଂ ବାହା ହିଦ୍ନି କାଜିଂ ତ ହେ କେନ୍ଦାଂ କାତ୍ୟା ଆଜି ମାତାଡ୍ ।”

୨୦ ହେଦାଂ ହାଡ୍ପା । ହେଝାର୍ ପାତ୍ କିଝାକା ହୁକେ ହେଝାର୍ କାଟି କିତାର୍, ଏପେଙ୍ କେବଲ୍ ପାତ୍ ହୁଦାଂ ହେ ବାହା ଆଦିକ୍ତାଂ ଆଦିକ୍ କିତାଦେଣ୍ଟା । ମାତର୍ ଗରବ୍ କିଝାଦାଂ ପାଣ୍ଟା ଆତ ।

୨୧ ଜଦି ମାର୍ନି ସବୁ କେନ୍ଦାଙ୍ ଲାକେ ଇହୁଦିରିଂ ଇସ୍ବର୍ ତାଣ୍ଟି ହିଝାଦାଂ ପିସ୍ତ୍ର ହିଝାତାନ୍, ମିଙ୍ଗେଙ୍ ଇନାକା ହେଝାନ୍ ପିସ୍ତ୍ର ହିଦ୍ନାନ୍ ?

୨୨ ଲାଗିଂ, ଇସ୍ବତ୍ ଦୟା ଆରି ତାଟ୍ ବୁଜା ଆତ; ଇମଣାକାର୍ ମୁଞ୍ଜତାର୍, ହେଝାର୍ କାଜିଂ ଆଟ୍ଝା, ମାତର୍ ଏପେଙ୍ ଜଦି ଇସ୍ବତ୍ ଦୟାତି ସାରାଣ୍ ଆଜି ମାନାଟ୍, ତା ଆତିସ୍ ମି କାଜିଂ ହେଝାନ୍ତି ଦୟା; ନଲେ ଏପେଙ୍ ପା କାତ୍ୟାନାର୍ ।

୨୩ ଆରେ, ହେଝାର୍ ଜଦି ପାତ୍ କିଝାକାତ ମାନୁର୍, ବାଟିଙ୍ ହେଝାର୍ ପା କଲମ୍ କିୟାନାର୍, ଇନେକିଦେଂକି ହେଝାରିଂ ଆରେ ରଗ କଲମ୍ କିନି କାଜିଂ ଇସ୍ବର୍ କିଦେଙ୍ ଆଡ୍ନାନ୍ ।

୨୪ ପାତ୍ କିଝି ଜିହୁଦିର୍ ରାନ୍ତି ଜିଡ୍ମାର୍ନି କେନ୍ଦାଙ୍ ଲାକେ । ହେଦାଂ କାତ୍ୟା ଆଜି ମିର୍ ବାବ୍ରେ ବାଡ୍ନି ଜାଗ୍ରତ୍ କିତି ଜିଡ୍ ମାର୍ ଲାହାଂ ମେହାୟ୍ କିଆତାନ୍ । ଜିହୁଦି ଜାତି ବାଡ୍ନି ଜାଗ୍ରତ୍ କିତି ଜିଡ୍ମାର୍ ଲାକେ । ଇ ମାର୍ନି କାଡ୍ତି କେନ୍ଦାଂ ଆରେରଗ ମାର୍ ଲାହାଂ ମେହାୟ୍ କିନି ଇସ୍ବର୍ତି ପାକ୍ୟାତ ଆଡ୍ଝା ।

**ଝିଜାର୍ କାଜିଂ ଇସ୍ବତ୍ ଦୟା**

୨୫ ଇନେକିଦେଂକି ଏ ଟଣ୍ଡାର୍ ଆରି ତଣ୍ଡେକ୍, ଏପେଙ୍ ଇନେସ୍ ଜାର୍ ଜାର୍ତିଂ ବୁଦ୍ୟାର୍ ଇଞ୍ଜି ମାନେ କିଡ୍ଦେର୍ ଇଦାଂ କାଜିଂ ଏପେଙ୍ ଜେ ଇ ତ୍ରିଙ୍ଗ୍ତିହାଡ୍ପା ବିସ୍ତେ ପୁନ୍ଝାଦାଂ ମାନାସ୍, ଇଦାଂ ନା ଇଟା ଆକାୟ୍, ଇଟିସ୍, ଏଚେକ୍ ପାତେକ୍ ପାତ୍ କିଝି ଜିହୁଦିର୍ ବାତ୍ ଗିଣ୍ଡତ୍ ହିଝାତାଡ୍ନା, ହେ ପାତେକ୍ ଇସ୍ବାଏଲ୍ ବାଗ୍ଡ ଆଟ୍ଝା ଆତାଡ୍ନା;

୨୬ ଆରେ, ଇବାନି ଝିଜାର୍ ଇସ୍ବାଏଲ୍ ମୁକ୍ତା ଆନାର୍, ଇନେସ୍ ଲେକାମାନାଡ୍, “ସିୟନ୍ତାଂ ମୁକ୍ତିକିନାକାନ୍ ଜୁଦ୍ନାନ୍, ହେଝାନ୍ ଜାକୁବ୍ତାଂ ଅଦାମ୍ ଦେହା କିନାନ୍ ।”

୨୭ ଆରେ, ଏଚେକାଡ୍ ଆସେଙ୍ ହେଝାର୍ତି ପାପ୍ ସବୁ ଚରି କିନାସ୍, ହେପାଦ୍ନା ଇଦାଂ ହେଝାର୍ ଲାହାଙ୍ ମା ନିୟମ୍ ଆନାଡ୍ ।

୨୮ ନେକ୍ରିକାରୁର୍ ବିସ୍ତେ ବିଚାର୍ କିତିସ୍ ହେଝାର୍ ମି କାଜିଂ ବିରୁଡ୍ ଆଦ୍ନାର୍, ମାତର୍ ବାଟିକିତି ବିସ୍ତେ ବିଚାର୍ କିତିସ୍ ଦାଦି ଅଜାର୍ କାଜିଂ ହେଝାର୍ ଝାରିନି ମାଜି ।

୨୯ ଇନେକିଦେଂକି, ଇସ୍ବତ୍ ଦାନ୍ ସବୁ ଆରି କୁକ୍ନାକା ପଲ୍ୟା ଆଉଡ୍ ।

୩୦ ଲାଗିଂ ଏପେଙ୍ଗ୍ ଇନେସ୍ ଆଗେ ଇସ୍ତର୍ ବଲ୍ଲ୍ ମାନି କିଝାଦାଂ ମାତାଦେର୍, ମାତର୍ ନଙ୍ଗ୍ ହେଝାର୍ତି ବଲ୍ଲ୍ ମାନିକିଝାଦାଂ ହୁକେ ଦୟା ପାୟା ତାଦେଣ୍ଟା,

୩୧ ହେ ଲାକେ ଇଝାର୍ ପା ନଙ୍ଗ୍ ବଲ୍ଲ୍ ମାନିକିଝାକାର୍ ଆତାଣ୍ଟା, ଇନେସ୍ ମି କାଜିଂ ହତ୍ତାର୍ ଦୟା ହୁକେ ଇଝାର୍ ପା ନଙ୍ଗ୍ ଦୟା ଅୟାନାର୍ ।

୩୨ ଇନେକିଦେଂକି ଝିଜାରିଂ ଦୟା କିନି କାଜିଂ ଇସ୍ତର୍ ଝିଜାରିଂ ବଲ୍ଲ୍ ମାନିକିଝାଦାଂ ହେଲାୟ୍ କିତାନନା ।

**ଇସ୍ତର୍ ଜାଜ୍ମାଲ୍**

୩୩ ଆ ! ଇସ୍ତର୍ ରୁଦି ଆରି ଗିଆନ୍ ଲାକେ ଦାନ୍ କେତେ ସିମା ହିଲୁଡ୍ ! ହେଝାନ୍ତି ବିଚାର୍ ସବୁ ଇନେସ୍ ବେସି ରୁଦି ଆରି ହେଝାନ୍ତି ହାଜି ସବୁ ଇନେସ୍ ବୁଜାଆଉର୍ !

୩୪ ଇନେକିଦେଂକି,

ମାପୁତି ମାନ୍ ଇନେର୍ ପୁଚାଣ୍ଟା ?

କି ହେଝାନ୍ତି ବୁଜାୟ୍ କିନାକାନ୍ ଇନେର୍ ଆତାଣ୍ଟା ?

୩୫ ନଲେ ଇନେର୍ ହେଝାନିଂ ପର୍ତୁମ୍ତ ଦାନ୍ କିତାନନା,

ଆରେ ତାଙ୍ଗେଙ୍ଗ୍ ଇନାମ୍ ଦାନ୍ କିୟାନାଡ୍ ?

୩୬ ଲାଗିଂ ଝିଜୁ ବିସ୍ତେ ହେଝାନତାଂ, ହେଝାନ୍ ହୁକେ ଆରି ହେଝାନ୍ତି କାଜିଂ; ଜୁଗ୍ ଜୁଗ୍ ଜାଜ୍ମାଲ୍ ହେଝାନ୍ତି । “ଆମେନ୍ ।”

\*

**୧୨**

**ଇସ୍ତର୍ତି ହେବାତ ଜିବୁନ୍**

୧ ଲାଗିଂ, ଏ ଟଣ୍ଡାର୍, ଆନ୍ ମିଙ୍ଗେଙ୍ଗ୍ ଇସ୍ତର୍ତି ଦୟା କାଜିଂ ଗଝାରି କିଦ୍ନାଙ୍ଗା, ଏପେଙ୍ଗ୍ ଜାର୍ ଜାର୍ ଗାଗାଡ୍ଡିଂ ଜିବୁନ୍, ପୁଇପୁୟା ଆରି ଇସ୍ତର୍ତି ହାର୍ ଇଚ୍ନାକା ପୁଜାଲାକେ ଆକାଡ୍ ହିୟାଟ୍, ଇଦାଂ ତ ମିଦାଂ ହାର୍ଦାକା ପାର୍ତାନା ।

୨ ଏପେଙ୍ଗ୍ ଇ ନଙ୍ଗ୍ ଜୁଗ୍ନି ପାଚେ ହାଲ୍ମାଟ୍, ମାତର୍ ଇନେସ୍ ଏପେଙ୍ଗ୍ ଇସ୍ତର୍ ଇଚା ଇନାକା ଇଚିସ୍ ହାର୍ଦାକା, ହାର୍ ଇଚ୍ୟାନାକା ଆରି ହାର୍ଦାକା ବିସ୍ତେ ଇନାକା, ଇଦାଂ ପରିକ୍ୟା କିଜି ବୁଜାନାଦେର୍, ଇଦାଂ କାଜିଂ ଜାର୍ ଜାର୍ ମାନ୍ନି ପୁନାକା ହୁକେ ବାଦ୍ଲି ଆତ ।

୩ ଇନେକିଦେଂକି ନାଙ୍ଗ୍ ହିଡ୍ଡି ଉପକାର୍ ହୁକେ ଆନ୍ ମି ବିତ୍ତେ ମାନି ଝିଜୁ ଜାଣ୍ଡିଂ ଇଞ୍ଜନାଙ୍ଗା, ଜାର୍ ବିସ୍ତେ ଇନେସ୍ ବାବି କିମାଟ୍, ତା ତାଂ ଜାର୍ଡିଂ ଆଦିକ୍ ଗାଜା ଇଞ୍ଜି ବାବି କିମାଟ୍; ମାତର୍ ଇସ୍ତର୍ ଇନେରିଂ ଇମ୍ଣି ଇସାବ୍ରେ ପାଡ୍ ରଚ୍ଚାଦେଣ୍ଟା, ହେ ଇସାବ୍ରେ ଝିଜୁ ଜାଣ୍ଟି ବୁଦିକାର୍ଯ୍ୟା ଲାକେ ଜାର୍ ବିସ୍ତେ ବାବି କିୟାଟ୍ ।

୪ \*ଇନେକିଦେଂକି ଇନେସ୍ ର ଗାଗାଡ୍ଡିଂ ମାଦାଂ ବେସି କେଇଗାଲ୍ ମାନାଡ୍, ମାତର୍ ଝିଜୁ ଗାଗାଡ୍ଡିଂ ସବୁନି କାମାୟ୍ ର ବାନି ଆକାୟ୍,

୫ ହେ ଲାକେ ବେସି ଜେ ଆସେଙ୍ଗ୍, ଆସେଙ୍ଗ୍ କ୍ରିସ୍ତାକେ ର ଗାଗାଡ୍ଡିଂ ଆରି ଜାଣ୍ଡିଂ ହାରି କେଇଗାଲ୍ ।

୬ \*ଆରେ, ମାଙ୍ଗେଙ୍ଗ୍ ହିଡ୍ଡି ଉପକାର୍ ଇସାବ୍ରେ ଆପେଂ ବାରବିନି ଦାନ୍ ପାୟାତାପ୍ନା; ଲାଗିଂ ହେ ଦାନ୍ ଜଦି ବେଣ୍ଟାକ୍ଷାୟ୍ କିନାକା ଆନାଡ୍, ଝାଡ୍ ଆସେଙ୍ଗ୍ ପାଡ୍ ନି ଏଚେକ୍ ଇସାବ୍ରେ ବେଣ୍ଟାକ୍ଷାୟ୍ କିନାସ୍;

୭ କି ହେଦାଂ ଜଦି ହେବାକାର୍ଯ୍ୟା କାମାୟ୍ ଆନାଡ୍, ତା ଆତିସ୍ ଝାଡ୍, ମା ହେବାକାର୍ଯ୍ୟା କାମାୟ୍ ଲାଗିସ୍ ମାନାସ୍;

୮ ନଲେ ଇନେର୍ ହିକ୍ୟା ହିନାନାନ୍, ହେଝାନ୍ ସିକ୍ୟାଦାନ୍ତ କି ଇନେର୍ ଝାରିକିୟ୍ କିନାନ୍, ହେଝାନ୍ ଉପ୍ଦେସ୍ ଦାନ୍ତ ଲାଗିସ୍ ମାନେନ୍, ଇନେର୍ ଜାତୁନ୍ ଅନାନ୍, ହେଝାନ୍ ହୁଦାର୍ ବାବ୍ରେ ଦାନ୍ କିଏନ୍; ଇନେର୍ ହାର୍ ମାଡ୍ଡାଙ୍ଗ୍ ହେଝାନ୍ ଜାତୁନ୍ତାଂ କିଏନ୍; ଇନେର୍ ଦୟା କିନାନ୍, ହେଝାନ୍ ପୁରାମାନ୍ତାଂ ହେଦାଂ କିଏନ୍ ।

୯ ଜିଉନନାକା କାପଟିୟା ଆଏଡ୍ । ଇନାକା ବାନିୟା, ହେଦାଂ ଗିଣ୍ କିୟାଟ୍; ଇନାକା ହାର୍, ହେବେ ଲାଗିସ୍ ମାନାଟ୍;

୧୦ ଟଣ୍ଡାର୍ ଜିଉତ ହାରି କାଜିଂ ଜିଉ ନନାକାଦେର୍ ଆତ; ଝାରିତ ହାରିତିଂ ଗାଜା ଗିଆନ୍ କିୟାଟ୍;

୧୧ ତ୍ରିକାଡ୍ଡିଂ କାକାର୍ ଆମାଟ୍, ଜିବୁନ୍ତ ଗରମ୍ ଆତ; ପୁରା ବକ୍ତିତାଂ ମାପୁତି ହେବା କିୟାଟ୍;

୧୨ ବାସ୍ତିତ ଝାରି କିୟାଟ୍; ଦୁକ୍ତ ହୁଦାର୍ ଆତ; ପାର୍ତାନାତ ଏକା ସମାନ୍ ଲାଗିସ୍ ମାନାଟ୍ ।

୧୩ ସାଦୁର୍ତି ଅବାବ୍ ଉପକାର୍ କିୟାଟ୍; ସସ୍ ହିନିତ ମେହା ଆତ ।

୧୪ \*ଇମ୍ଣାକାର୍ ମିଙ୍ଗେଙ୍ଗ୍ ଇଣ୍ କିଦ୍ନାର୍, ହେଝାରିଂ ଆସିର୍ବାଦ୍ କିୟାଟ୍; ଆସିର୍ବାଦ୍ କିୟାଟ୍ ରାଣ୍ ହିମାଟ୍ ।

୧୫ ଇମ୍ଣାକାର୍ ଝାରି କିନାର୍, ହେଝାର୍ ଲାହାଙ୍ଗ୍ ଝାରି କିୟାଟ୍; ଇମ୍ଣାକାର୍ ଆଡ୍ବାନାର୍, ହେଝାର୍ ଲାହାଙ୍ଗ୍ ଆଡ୍ବାଟ୍

୧୬ ହାରି କାଜିଂ ରମାନ୍ ଆତ; ବାନ୍ୟାମାନାୟ୍ ଆଝାଦାଂ ହିଲ୍ଝାକାରିଂ ମେହା ଆତ । ଜାର୍ ଜାର୍ ବୁଦିତ ବାବି କିମାଟ୍ ।

\* ୧୧:୩୬ ଇନାକା ଆନାକା ଆଏଡ୍ ଇଞ୍ଜି ଇନାସ୍ ଇଦିଲିଂ, “ଆମେନ୍” ✨ ୧୨:୪ ୧ କରକ୍ରିୟ ୧୨:୧୨. ✨ ୧୨:୬ ୧ କରକ୍ରିୟ ୧୨:୪-୧୧. ✨ ୧୨:୧୪ ମାଡିଉ ୫:୪୪; ଲୁକ ୭:୨୮.

୧୭ ବାନିୟା ବାଦୁଲ୍ ଇନେରିଂ ବାନିୟା କିମାଟ୍; ଓଜାର୍ ମାନାୟ୍ରିଂ କାଣ୍ଡୁତ ଇନା ଇନାକା ହାର୍ଦାକା, ହେ ସବୁ ଚିନ୍ତା କିୟାଟ୍;

୧୮ ଆଡ଼ତିସ୍, ମିଦାଂ ଏଚେକ୍ ପାତେକ୍ ଆଡ଼ନାଦେର୍, ଓଜାର୍ ମାନାୟାର୍ ଲାହାଙ୍ଗ୍ ସୁସ୍ତାତ ମାନାଟ୍ ।

୧୯ ଏ ଖାରିନିକାଦେର୍, ଏପେଙ୍ଗ୍ ନିଜେ ନିଜେ ବାଦ୍ଲି ଅମାଟ୍, ମାତର୍ ରିସା କାଜିଂ ବାହା ପିସ୍ତ୍ ହିୟାଟ୍; ଇନେକିଦେଂକି ଲେକାମାନାଟ୍, “ମାପୁ ଇନାନ୍, ବାଦ୍ଲି ଅନାକା ମା ଆଦିକାର୍, ଆପ୍ ତା କାମାୟ୍ନି ପାଡ଼୍ ହିନାପ୍ ।”

୨୦ ଇତିସ୍ ଜଦି ମି ସାଡୁ ନାସକି, ଲାଗିଂ ତାଙ୍ଗ୍ ଚିର୍ପାଟ୍; “ଜଦି ହେଖାନ୍ ଏସକି ତାଙ୍ଗ୍ ଉର୍ପାଟ୍; ଇନେକିଦେଂକି ଏଲେଙ୍ଗ୍ କିତିସ୍ ଏପେଙ୍ଗ୍ ତା କାପ୍ଡା ଜପି ଆହ୍ନି ଗତାଂ ଗାଦି କିନାଦେର୍ ।”

୨୧ ବାନିୟା କାମାୟ୍ତ ଆରା ଆମାଟ୍ ଓଜୁ ବାନ୍ୟା ବିସ୍ତେ ହାର୍ଦି ବେବାର୍ ହୁକେ ଜିତା ଆଡ ।

### ୧୩

#### ସାସନ୍ କିନାକାର୍ କାଜିଂ କାମାୟ୍

୧ ଜାଣକେ ଜାଣ୍ ଆଦିକାର୍ ଗାଟାତି ସାସନ୍କାର୍ଆତି ତଲ୍ୟା ଆନାସ୍, ଇନେକିଦେଂକି ଆଦିକାର୍ କେବଲ୍ ଇସ୍ପୁର୍ତାଂ ଖାନାଟ୍, ଆରେ ଇନେନ୍ ଓଜୁ ଲକ୍ଷ୍ ଆଦିକାର୍ ପାୟାତି ସାସନ୍କାର୍ୟା ମାନାନ୍, ହେଖାନ୍ ଇସ୍ପୁର୍ତି ହୁଦାଂ ବାଟିକିୟାତାକାର୍ ।

୨ ଲାଗିଂ, ଇନେନ୍ ଆଦିକାର୍ ଟେବାୟ୍ କିନାନ୍, ହେଖାନ୍ ଇସ୍ପୁର୍ ରଟାକାଦ୍ଲିଂ ଟେବାୟ୍ କିନାନ୍, ଆରେ ଇମ୍ଗାକାର୍ ଟେବାୟ୍ କିନାନ୍, ହେଖାନ୍ ଜାର୍ ଜାର୍ ଜପି ତାଣ୍ ଗିଟାୟ୍କିନାନ୍ ।

୩ ଇନେକିଦେଂକି ମୁଡ଼ଦାକାର୍ ହାର୍ କାଜିଂ ପାଣ୍ଡାକାର୍ ଆକାୟ୍, ମାତର୍ ବାନ୍ୟା କାମାୟ୍ କାଜିଂ ପାଣ୍ଡା ଆନାଦେର୍ । ଏପେଙ୍ଗ୍ କି ଆଦିକାର୍ ପାୟାତି ସାସନ୍କାର୍ୟା ଲାଗାଂ ପାଣ୍ଡା ଆଖାଦାଂ ଇଟା କିନାଦେର୍ ? ବାଟିଙ୍ଗ୍ ହାଦ୍ କାମାୟ୍ କିୟାଟ୍, ତା ଆତିସ୍ ହେଖାନ୍ତାଂ ଖାରିକିୟାକିଆ ଆନାଦେର୍,

୪ ଏନେଙ୍ଗ୍ ହାର୍ କିଦେଙ୍ଗ୍ କାଜିଂ ହେଖାନ୍ ଇସ୍ପୁର୍ତି ବାଟିକିୟାତାକାନ୍ । ମାତର୍ ଏପେଙ୍ଗ୍ ଜଦି ବାନ୍ୟାକାମାୟ୍ କିଜି ମାନାଟ୍, ଖାଟିଂ ସାସନ୍କାର୍ୟା ଲାହାଂ ପାଣ୍ଡା ଆଡ, ଇନେକିଦେଂକି ମିଙ୍ଗେଙ୍ଗ୍ ତାଣ୍ ହିନି କାଜିଂ ହାପ୍ପାରେତେ ହେଖାନ୍ତି କେମ୍ତା ମାନାଟ୍ । ହେଖାନ୍ ଇସ୍ପୁର୍ତି ବାଟିକିତି ହେବାକାର୍ୟା । ବାନ୍ୟା କାମାୟ୍ କିନାକାରିଂ ସାସନ୍ କିଦେଙ୍ଗ୍ ହେଖାନ୍ ଇସ୍ପୁର୍ତି ବଲ୍ ପାଲି କିନାନ୍ ।

୫ ଲାଗିଂ ଏପେଙ୍ଗ୍ ସାସନ୍କାର୍ୟାତି ବଲ୍ ମାନିକିନାକା ଲଡ଼ା-କେବଲ୍ ଇସ୍ପୁର୍ତି ଦାଣ୍ ପାଣ୍ଡୁଟାଂ ଆକାୟ୍, ମାତର୍ ନିଜେ ଚିନ୍ତାନ୍ ନାସତାଂ ରାକ୍ୟା ପାୟାନ୍ କାଜିଂ ।

୬ ଲାଗିଂ ଇ କାରଣ୍ତାଂ ଏପେଙ୍ଗ୍ ସିସ୍ତ୍ ଯା ହିଜି ମାନାଦେର୍, ଇନେକିଦେଂକି ହେଖାନ୍ ଇସ୍ପୁର୍ତି ହେବାକାରି ଲାକେ ଇ କାମାୟ୍ତ ଲାଗିସ୍ ମାନାଟ୍ ।

୭ ଇନେରିଂ ଇନାକା ଗାଟାନାଟ୍, ହେଖାନ୍ ସିସ୍ତ୍ ହିଆଟ୍; ଇନେରିଂ ହିଦେଂ ଆନାଟ୍, ହେଖାନ୍ ହିଆଟ୍, ଇନେରିଂ ଟିକସ୍ ହିଦେଂ ଆନାଟ୍, ହେଖାନ୍ ସିସ୍ତ୍ ହିଆଟ୍, ଇନେରିଂ ପାଣ୍ଡା ଆୟାନାଟ୍, ହେଖାନ୍ ପାଣ୍ଡୁଆଡୁ, ଇନେରିଂ ଖାରିଆନାଟ୍, ହେଖାନ୍ ଖାରିକିଆଟ୍ ।

#### ଟଣ୍ଡେନ୍ ଲାକେ ଜିଉନଖାଟ୍

୮ ହାରିତିଂ ଜିଉନନାକା ପିସ୍ତ୍ ଆରେ ଇନେର୍ ତାକେ ରିଣ୍ଡାୟ୍ ଆମାଟ୍, ଇନେକିଦେଂକି ଇନେର୍ ବିନ୍ ଲଗାଙ୍ଗ୍ ଜିଉନନାନ୍, ହେଖାନ୍ ବିଦି ପୁରା କିନି ଲଡ଼ା ।

୯ “ଇନେକିଦେଂକି ଦାରି କିମାଟ୍, ନାର୍ଡିଂ ଟୁଣ୍ଡାମାଟ୍, ଚରି କିମାଟ୍, ଲାବ୍ଡି ଆମାଟ୍, ଆରେ ଜଦି ଆରେ ଇମ୍ଗାକା ପା ବଲ୍ ମାଟିସ୍, ହେଦାଂ ସାର୍ ବାରେ ଇ ବଚନି ମାନାକାନ୍ ଆନାନ୍, ଲାଗିଂ, ପାଡ଼ହା ଇଞ୍ଜାକାରିଂ ଖାଣ୍ଡିଲାକେ ଜିଉନଖାଟ୍ ।

୧୦ ଏନେଙ୍ଗ୍ ରଖାନ୍ ଜିଉନଜି ମାଟିସ୍, ହେଖାନ୍ କାଜିଂ ଇନାଖାଡ଼ାଂ ପା ଅନ୍ୟାୟ୍ କିଉଦେର୍ । ଲାଗିଂ ଜିଉନନାକା ହୁକେ ନେ ଓଜୁ ବିଦି ମାନି କିୟାନାଟ୍ ।

୧୧ ଆରେ, ନଙ୍ଗ୍ ମି ହୁର୍କାଣ୍ଡୁତାଂ ଜାଗ୍ରତ୍ ଆନି ସମୁ ଜେ ଇକାଖାତାଟ୍, ଇଦାଂ ପୁନ୍ଞି ଇ ସବୁ କିୟାଟ୍; ଇନେକିଦେଂକି ମା ପାଟ୍ କିନି ଦିନ୍ତାଂ ନଂ ମୁକ୍ତାନାକା ମାଦାଂ ଆଦିକ୍ ଲାଗେ ।

୧୨ ନାଶା ଅଜଡ଼୍ ଆନାତା, ଦିନ୍ ଲାଗେ; ଲାଗିଂ ଖାଡୁ, ଆସେଙ୍ଗ୍ ମାଜଗାନି କାମାୟ୍ ସବୁ ପିସ୍ତ୍ ଅଜଡ଼ି ଆତିୟାର୍ ଲାକେ ଜାଲ୍ଦି କିଜି ଉସ୍ପାନାସ୍ ।

୧୩ ରଙ୍ଗରାସ୍ତା ଆରି କାଲିଂଉଶାକା, ବାନ୍ୟାକାମାୟ୍ ଆରି ଦାରିକାମାୟ୍, ଗଣ୍ଡଗଲ୍ ଆରି ରିସାତ ଚିନ୍ତା କିଖାଦାଂ ଖାଡୁ, ଆସେଙ୍ଗ୍ ଦିନ୍ନି ହାର୍ଦାଂ ଚିନ୍ତା କିନାସ୍ ।

୧୪ ଆରେ ମାପୁ ଜିସୁ କ୍ରିସ୍ତ୍ ଏପେଙ୍ଗ୍ ହେନ୍ଦା ଲାକେ ଉସ୍ପାଟ୍, ଆରେ ବାନ୍ୟାଆହା ହପ୍ପିସ୍ ଗାଗାଡ଼୍ କାଜିଂ ଜାଲ୍ଦି କିମାଟ୍ ।”



# ୧୪

## ଚଣ୍ଡେନ୍ତି ଦସ୍ ଆହ୍‌ମାଟ୍

୧୧ \*ପାତର୍ ଚ ଇନେର୍ ନାଦାର୍, ତାଙ୍ଗ୍ ଇଟାଟ୍, ମାତର୍ ବିନ୍ ବିନ୍ ମାନ୍ତି ବିସ୍ତେ ଗାଣ୍ଡୁ କିନି କାଜିଂ ହେଦାଂ କିମାଟ୍ ।

୧୨ ସବୁ ଜିନିସ୍ ତିନି କାଜିଂ ରଞ୍ଜାନ୍ ମାନାୟ୍ ପାତର୍ ମାନାଟ୍, ମାତର୍ ଇନେର୍ ପାତର୍ ଚ ନାଦାର୍, ହେଞ୍ଜାନ୍ କେବଲ୍ କୁଟା ତିନାନ୍ ।

୧୩ ଇନେନ୍ ତିନାନ୍, ହେଞ୍ଜାନ୍ ଲାୟ୍ ତିନ୍‌ଝି ମାନାୟ୍‌ତିଂ ବେକାର୍ ଇନ୍‌ମା; ଆରେ, ଇନେନ୍ ଲାୟ୍ ତିନ୍‌ନ୍, ହେଞ୍ଜାନ୍ ଲାୟ୍ ତିନି ଲକ୍ଷୁତି ବିଚାର୍ କିମେନ୍, ଇନେକିଦେଂକି ଇସ୍‌ବ୍ ତାଙ୍ଗ୍ ଇଡ୍‌ତାନ୍ନା ।

୧୪ ଏପ୍ ଇନେର୍ ଜେ ବିନ୍ ଆଡ୍‌ଏନ୍‌ନି ବିଚାର୍ କିନାଦେରା ? ହେଞ୍ଜାନ୍ ଜାର୍ ମାପୁ ଲାଗାଂ ତିର୍ ମାନାନ୍ କି ମୁଞ୍ଜନାନ୍; ଆଁ, ତାଙ୍ଗ୍‌ଙ୍ଗ୍ ତିର୍ କିୟାନ୍‌ଡ୍, ଇନେକିଦେଂକି ତାଙ୍ଗ୍‌ଙ୍ଗ୍ ତିର୍ କିଦେଙ୍ଗ୍ ମାପୁତି ସାନ୍ତି ମାନାଟ୍ ।

୧୫ ରଞ୍ଜାନ୍ ମାନାୟ୍ ର ଦିନ୍ ବାଟା ବିନ୍ ଦିନ୍‌ତିଂ ଆଦିକ୍ ଇଜଡ୍ କିନାନ୍, ଆରେ ରଞ୍ଜାନ୍ ସବୁନାଜିଂ ସମାନ୍ ଲାକେ ଇଜଡ୍ କିନାନ୍ । ଝିଜାର୍ ମାନାୟ୍ ଜାର୍ ମାନ୍ତି ବିଚାର୍ କିଏନ୍ ।

୧୬ ଇନେର୍ ହାର୍ ଦିନ୍ ବାବି କିନାନ୍, ହେଞ୍ଜାନ୍ ମାପୁତି ଉଦେସ୍ତ ହେଦାଂ ମାନି କିନାନ୍; ଆରେ ଇନେର୍ ତିନାନ୍, ହେଞ୍ଜାନ୍ ମାପୁତି ଉଦେସ୍ତ ତିନେନ୍, ଇନେକିଦେଂକି ହେଞ୍ଜାନ୍ ଇସ୍‌ବ୍‌ତିଂ ଦନ୍‌ଏବାଦ୍ ହିନାନ୍; ଆରେ ଇନେର୍ ତିନ୍‌ନ୍, ହେଞ୍ଜାନ୍ ମାପୁତି ଉଦେସ୍ତ ତିନ୍‌ନ୍ ଆରି ଇସ୍‌ବ୍‌ତିଂ ଦନ୍‌ଏବାଦ୍ ହିନାନ୍ ।

୧୭ ଇନେକିଦେଂକି ମା ବିତ୍ରେତାଂ ଇନେର୍ ଜାର୍ କାଜିଂ ଜିତନ୍, ଆରି ଜାର୍ କାଜିଂ ହାତନ୍ ।

୧୮ ଲାଗିଂ, ଜଦି ଆସେଙ୍ଗ୍ ଜିନାସ୍, ତେବେ ମାପୁତି କାଜିଂ ଜିନାସ୍, କି ଜଦି ହାନାସ୍, ବାଟିଙ୍ଗ୍ ମାପୁତି କାଜିଂ ହାନାସ୍ । ଇତିସ୍, ଜଦି ଆସେଙ୍ଗ୍ ଜିନାସ୍ କି ହାନାସ୍, ଆସେଙ୍ଗ୍ ମାପୁତି ଆନାସ୍ ।

୧୯ ଇନେକିଦେଂକି କ୍ରିସ୍ଟ୍ ଇନେସ୍ ହାକି ଆରି ଜିବୁନ୍ ରିୟାରିତି ମାପୁ ଆନାନ୍, ହେଦାଂ କାଜିଂ ହେଞ୍ଜାନ୍ ହାତାନ୍, ଆରେ ଆରେ ଜିତାନ୍ ।

୨୦ \*ମାତର୍ ଏପେଙ୍ଗ୍ ଇନେକିଦେଂ ଜାର୍ ଚଣ୍ଡେନ୍ତିଂ ବିଚାର୍ କିନାଦେରା ? କି ଏପେଙ୍ଗ୍ ଇନେକିଦେଂ ଜାର୍ ଚଣ୍ଡେନ୍ତିଂ ଅଲ୍‌ଗା ହୁଡ୍‌ନାଦେରା ? ଆପେଂ ଝିଜାକାପ୍ ଚ ଇସ୍‌ବ୍‌ରିତି ବିଚାର୍ ବାହାନି ମୁମ୍‌ଦ ନିଲ୍‌ନାସ୍ ।

୨୧ ଲାଗିଂ ଲେକାମାନାଟ୍,

“ମାପୁ ଇନାନ୍, ଆପ୍ ଜିବୁନ୍ ମାନି ପାତେକ୍,

ଝିଜାର୍ ମେଣ୍ଡାଂ ମା ମୁମ୍‌ଦ ତାଣ୍ଡାହାଣ୍ ମାଗ୍‌ନାକା,

ଆରେ ଝିଜୁ ଝେନ୍‌ଲ୍ ଇସ୍‌ବ୍ କେରନାଟ୍ ।

୨୨ ଲାଗିଂ, ମାଦାଂ ଝିଜାର୍ ମାନାୟାରିଂ ଇସ୍‌ବ୍ ମୁମ୍‌ଦ ଜାର୍ ଜାର୍‌ତି ଇସାବ୍ ହିୟାନାଟ୍ ।”

## ଚଣ୍ଡେନ୍ତି ବୁତାୟ୍ କିମାଟ୍

୨୩ ଲାଗିଂ ଝାତ୍, ଆପ୍ ଆରେ ହାରି ବିଚାର୍ କିଉସ୍; ମତର୍ ଇନେର୍ ଇନେସ୍ ଜାର୍ ଚଣ୍ଡେନ୍ତି ହାଜିଡ୍ ବାଦା ଲାଗ୍‌ଦି ନଲେ ବୁତାନାକା ବିସ୍ତେ ଇଟୁନ୍ ଇଦାଂ ଏପେଙ୍ଗ୍ ବିଚାର୍ କିୟାଟ୍ ।

୨୪ ଆନ୍ ପୁନାଙ୍ଗ୍ ଆରି ମାପୁ ଜିସ୍‌ତି ତାକେ ହାଡ୍‌ପା ଗିଆନ୍ କିନାଙ୍ଗ୍ ଜେ, ଇମ୍‌ଣାକା ପା ବିସ୍ତେ ନିଜେ ସକଟ୍ ଆକାୟ୍, ମାତର୍ ଇମ୍‌ଣାକାର୍ ଇମ୍‌ଣାକା ପା ଜିନିସ୍‌ତିଂ ସକଟ୍ ଆକାୟ୍ ଇଞ୍ଜି ପାତର୍ କିନାନ୍, କେବଲ୍ ହେଦେଲିଂ କାଜିଂ ହେଦାଂ ସକଟ୍ ଆକାୟ୍ ।

୨୫ ଇନେକିଦେଂକି ମି ଚଣ୍ଡେନ୍ତି ଜଦି କାଦି କାଜିଂ ଦୁକ୍ ଆନାନ୍, ତା ଆତିସ୍ ଏପେଙ୍ଗ୍ ଆରେ ଜିତନିତ ବେବାର୍ କିଉଦେରା । ଇମ୍‌ଣାକା କାଜିଂ କ୍ରିସ୍ଟ୍ ହାତାନ୍, ହେଦାଂ ଏପେଙ୍ଗ୍ ମି କାଦି ହୁକେ ନସ୍ କିମାଟ୍ ।

୨୬ ଏପେଙ୍ଗ୍ ଇନେରିଂ ହାର୍ ଇଞ୍ଜି ମାନେ କିନାଦେରା, ତାହୁଦାଂ ମିଦାଂ ତର୍ ନିନ୍ଦା ଆମେଡ୍ ।

୨୭ ଇନେକିଦେଂକି ଇସ୍‌ବ୍ ରାଜି ତିନାକା ଉଣାକା ଆକାୟ୍, ମାତର୍ ଦାମ୍, ସୁସ୍ତା ଆରି ପୁଇପୁୟା ଜିବୁନ୍ତି ତାକେ ଝାରି ଆନାଟ୍ ।

୨୮ ଲାଗିଂ ଇନେର୍ ଇ ବିସ୍ତେ କ୍ରିସ୍‌ତି ହେବା କିନାନ୍, ହେଞ୍ଜାନ୍ ଇସ୍‌ବ୍ ଲାଗାଂ ଇଟ୍‌ପାନାକାନ୍ ଆରି ମାନାୟାର୍ ଲାଗାଂ ପରିକ୍‌ପାସିଦ୍ ଆନାନ୍ ।

୨୯ ଇତିସ୍ ଝାତ୍, ଇମ୍‌ଣି ଇମ୍‌ଣି ବିସ୍ତେ ସୁସ୍ତାନିକା, ଆରେ ଇମ୍‌ଣି ଇମ୍‌ଣି ବିସ୍ତେ ହୁକେ ହାରି ହାର୍ ରଟ୍‌ନାସ୍, ହେ ସବୁନି ଆସେଙ୍ଗ୍ ପାତେ ପାତେ ହାନାସ୍ ।

୩୦ କାଦି କାଜିଂ ଇସ୍‌ବ୍ କାମାୟ୍ ନସ୍ କିମାଟ୍ । ଝିଜୁ ବିସ୍ତେ ଆତିସ୍‌ପା ସକଟ୍; ଆତିସ୍‌ପା ଇମ୍‌ଣି ମାନାୟ୍ ଇନାକା ତିନାକା ବାଦା ପାୟାନାନ୍, ହେଦାଂ ପାକ୍‌ପାତ୍ ହେଦାଂ ବାନିୟା ।

୩୧ ଜେଇ ତିନାକା କି ଅଙ୍ଗୁର୍ ରାସ୍ ଉଣାକା କି ଇମ୍‌ଣି ବିସ୍ତେ ମି ଚଣ୍ଡେନ୍ତି ବାଦା ଆତିସ୍, ହେଦାଂ କିଞ୍ଜିତିସ୍ ହାର୍ ।

☆ ୧୪:୧ କଲସିୟ ୨:୧୭. ☆ ୧୪:୧୦ ୨କରନ୍ତିୟ ୫:୧୦.

୨୨ ମି ଇମ୍ବି ପାତ ଫାନାଡ଼, ହେଦା ଏପେଙ୍ଗ ଇସ୍ବର ମୁମ୍ବଦ ଜାର୍ ଖାସ୍ତିତା ଆସ୍ତି ମାନାଟ୍ । ଇନେର୍ ଇନାକା ପରିକ୍ୟାସିଦ୍ ଇଞ୍ଜି ବାବିକିନାନ୍, ହେଞ୍ଜାନ୍ ଜଦି ହେବେ ଜାର୍ତି ଦସି କିଉନ୍, ତେବେ ହେଞ୍ଜାନ୍ ଦନ୍ୟ ।

୨୩ ମାତର୍ ଇନେର୍ ରିମାନ୍ୟାଜି ତିନାନ୍, ହେଞ୍ଜାନ୍ ଦାଣ୍ ପାୟାନ୍, ଇନେକିଦେକି ହେଞ୍ଜାନ୍ ପାତ ତିନୁନ୍; ଆରେ ଇନାକା ଉତୁଟି ପାତ ତା ଆଉଡ଼, ହେଦା ପାପ୍ ।

### ୧୫

#### ବିନେନିକାରିଂ ଖାରିକିୟ କିୟାଟ୍ ଜାର୍ତି ଆକାୟ

୧ ଇନେର୍ ପାତ ଆଡ଼ଞ୍ଜା, ହେଞ୍ଜାନ୍ ନାଦାର୍ ପାତ ଟଣ୍ଡେନି ଦସ୍ ନାଦାର୍ କାଜି କିଆଣ୍ ଆଏର୍ । ଇନେର୍ କେବଲ୍ ଜାର୍ତି ଖାରି କିନି କାଜି ଇଟା କିମେନ୍ ।

୨ ନଲେ ବିନିକାର୍ ହାର୍ କାଜି ଆରି ହେଞ୍ଜାନ୍ ପାତ ବାପୁ କିନି କାଜି ହେଞ୍ଜାରିଂ ଖାରି ଇଟନାକା ମା ଲଡ଼ା ।

୩ କ୍ରିସ୍ଟୁ ଜାର୍ତି ସୁକ୍ କାଜି ମୁଡ଼େ କିଞ୍ଜାଦା ମାଟାନ୍ । ନଲେ ସାସ୍ବର ବଚନ୍ ଇସାପ୍ରେ, “ହେଞ୍ଜାନ୍ ମିଙ୍ଗେଙ୍ଗ୍ ହିଜିମାଞ୍ଜିନି ଅପ୍ମାନ୍ ଆନ୍ ହୁଞ୍ଜିନାଙ୍ଗା ।”

୪ ଆରେ ଆସେଙ୍ଗ୍ ଇନେସ୍ ସାସ୍ବର ଇସାବ୍ରେ ସାସ୍ ଆରି ଦୁକ୍ସାରାୟ ହୁକେ ବାସ୍ ପାୟା ଆନାସ୍, ଇଦା କାଜି ଆଗେ କାଡ଼ଦ ଇନା ଇନାକା ଲେକା ଆଜି ମାଟାଡ଼, ହେ ସବୁ ମା ହିକ୍ୟା କାଜି ଲେକା ଆତାଡ଼ନ୍ନା ।

୫ କ୍ରିସ୍ଟୁ ଜିସୁତି ଖାରିନି ପାତେ ଲାକେ ଖିଜାର୍ତି ହେ ବାନି ମାନ୍ ବାବ୍ନା ଆନି କାଜି ସାସ୍ ଆରି ଖାରିନି ଆଦାର୍ ଇସ୍ବର ମିଙ୍ଗେଙ୍ଗ୍ ବାପୁ କିଦେନ୍ ।

୬ ଇନେସ୍ ର ମାନ୍ଦା ର ଖାଇଦା ଏପେଙ୍ଗ ଇସ୍ବତ୍ ଆରି ମା ମାପୁ ଜିସୁ କ୍ରିସ୍ଟୁ ଆବାତି ଜାଜ୍ମାଲ୍ କିୟାଟ୍ ।

#### ପାତ କିଞ୍ଜି ଜିହୁଦିର୍ତି କାଜି ହାର୍ଦି କାବୁର୍

୭ ଲାଗିଂ ଇସ୍ବତ୍ ଜାଜ୍ମାଲ୍ କାଜି କ୍ରିସ୍ଟୁ ଇନେସ୍ ମିଙ୍ଗେଙ୍ଗ୍ ଇଡ଼ଦାତାନ୍, ଏପେଙ୍ଗ ପା ହେ ଲାକେ ହାରିତି ଇଟାଟ୍ ।

୮ ଇନେକିଦେକି ଆନ୍ ଇଞ୍ଜିନାଙ୍ଗ୍, କ୍ରିସ୍ଟୁ ଇସ୍ବତ୍ ହାଡ଼ପା କାଜି ସୁନ୍ଦ୍ ମାନାୟାରିଂ ହେବାକାରୟା କିୟା ଆତାଡ଼ନ୍ନା, ଇନେସ୍ ହେଞ୍ଜାନ୍ ଆକର୍ଦାଦିରିଂ ହିଡ଼ତି ପାର୍ମାଣ୍ ହାଜି ତିର୍ କିନାନ୍,

୯ ଆରେ, ଇନେସ୍ ପାତ କିଞ୍ଜି ଜିହୁଦିର୍ ଇସ୍ବତ୍ ଦୟା କାଜି ହେଞ୍ଜାନ୍ତି ଜାଜ୍ମାଲ୍ କିତାର୍; ଇନେସ୍ ଲେକା ମାନାଡ଼, “ଇଦା କାଜି ଆନ୍ ପାତ କିଞ୍ଜି ଜିହୁଦିର୍ ବିଡ଼େ ନିଂ ଖାରିକିୟ କିଦ୍ନାଙ୍ଗ୍,

ଆରେ ନି ତର୍ ଖାରିକିୟ କିନାଙ୍ଗ୍ ।”

୧୦ ଆରେ ହେଞ୍ଜାନ୍ ଇନାନ୍, ଏ ପାତ କିଞ୍ଜି ଜିହୁଦିର୍, ଏପେଙ୍ଗ ହେଞ୍ଜାନ୍ତି ମାନାୟାର୍ ଲାହାଙ୍ଗ୍ ଖାରି କିୟାଟ୍ ।

୧୧ ଆରେ, “ଏ ପାତ କିଞ୍ଜି ଜିହୁଦିର୍ ଖିଜାଦେର୍ ମାପୁଙ୍ଗ୍ ଖାରିକିୟ କିୟାଟ୍, ଆରେ, ମାନାୟା ଖିଜାର୍ ହେଞ୍ଜାନ୍ତି ଖାରିକିୟ କିୟାଟ୍ ।”

୧୨ ଆରେ ଜିସିୟ ଇନାନ୍, “ଜିସାୟତି ଦଲ୍ ମାନ୍ଗାନାଡ଼, ଆରେ, ଇନେର୍ ପାତ କିଞ୍ଜି ଜିହୁଦିର୍ ଜପି ସାସନ୍ କିଦେଙ୍ଗ୍ ନିଙ୍ଗନାର୍, ପାତ କିଞ୍ଜି ଜିହୁଦିର୍ ହେଞ୍ଜାନ୍ ଜପି ବାସ୍ କିତାର୍ ।”

୧୩ ଖିଜୁ ବାସ୍ ନି ଆଦା, ଇସ୍ବର ମିଙ୍ଗେଙ୍ଗ୍ ପାତ କାଜି ମିଙ୍ଗେଙ୍ଗ୍ ଖାରି ଆରି ସୁସ୍ତାତ ବାତ କିଦେନ୍ । ପୁଇପୁୟା ଜିବୁନ୍ ସାକ୍ତିତ ମିଦା ବାସ୍ ନି ବାତା ଆୟେଡ଼ ।

#### ପାଉଲ୍ ପାତ କିଞ୍ଜି ଜିହୁଦିର୍ କାଜି ଜିସୁତି ହେବାକାମାୟ

୧୪ ଆରେ ଏ ନା ଟଣ୍ଡାର୍ ଆରି ତଣ୍ଡେକ୍, ନା ପାତ, ଏପେଙ୍ଗ ଖିଜାକାଦେର୍ ସଡ଼ଗୁଣ, ଆରେ ଗିଆନ୍ତ ବାତ ଆରି ହାରିତି ହିକ୍ୟା ହିଦେ ଆଡ଼ନାଦେର୍ ।

୧୫ ଆତିସ୍ପା ନାଙ୍ଗ୍ ଇସ୍ବରତି ଦାଇଡ଼ ହିୟାଜି ମାନି ଦୟା କାଜି ଆନ୍ ମିଙ୍ଗେଙ୍ଗ୍ ଆରେରଗ ଏତୁକିୟ କିଦ୍ନି କାଜି କେତେକ୍ ଇସାବ୍ ଆଦିକ୍ ସାସ୍ ଲାହା ମି ଲାଗାଂ ଲେକିକିନାଙ୍ଗା ।

୧୬ ଇନେକିଦେକି ପାତ କିଞ୍ଜି ଜିହୁଦିର୍ ଇନେସ୍ ପୁଇପୁୟା ଜିବୁନ୍ ହୁକେ ପୁଇପୁୟା କିୟା ଆଜି ଆକାଡ଼ ଲାକେ ହାର୍ ଇଟ୍ୟା ଆନାର୍, ଇଦା କାଜି ହେଞ୍ଜାନ୍ ଲାଗାଂ କ୍ରିସ୍ଟୁ ଜିସୁତି ହେବାକାରିୟା ଆଜି ଇସ୍ବତ୍ ନେକ୍ରିକାବୁର୍ ପର୍ତାର୍ କିନି କାଜି ନାଙ୍ଗ୍ ହେ ଉପକାର୍ ହିଡ଼ତାଡ଼ନା ।

୧୭ ଲାଗିଂ କ୍ରିସ୍ଟୁ ଜିସୁତି ଲାହା ମେହାଜି ଇସ୍ବରତି କାଜି ଇ ହେବାକାମାୟ କିଜି ମାତିଲେ ଆନ୍ ଗର୍ବେ ବାବି କିନାଙ୍ଗା ।

୧୮ ଇନେକିଦେକି ପାତ କିଞ୍ଜି ଜିହୁଦିର୍ ବଲ୍ ମାନି କିନି କାଜି କ୍ରିସ୍ଟୁ ନା ହୁକେ ବଚନ୍ତ ଆରି କାମାୟତ, ଇତିସ୍ ବିନ୍ଦିନ୍ ଚିନ୍ ଆରି କାବାନି କାମାୟତ, ପୁଇପୁୟା ଜିବୁନ୍ ସାକ୍ତିତ ଇନା ଇନାକା କିଞ୍ଜାତାନ୍ନା, ଏଲେଙ୍ଗ୍ ଇମ୍ବିଶାକା ପା ବିସ୍ତେ କିଦେଙ୍ଗ୍ ଆନ୍ ସାସ୍ କିଉଙ୍ଗ୍ ।

୧୯ ଇଦାଂ ହେୱାନ ଇଚାନା, ବଚନ୍ ଆରି କାମାୟ ହୁଦାଂ ଆରି ଇସ୍ବରତି ପୁଇପୁୟା ଜିବୁନ୍ତି ସାଲ୍ଲିତ ଚିନ୍ତୁ ଆରେ କାବାନି କାମାୟ । ଲାଗିଂ ଆନ୍ ଜିରୁସାଲମତାଂ ଇଲ୍ଲୁରିକତ ହାନି ୱେଡାଲିଂ ହାଜିତ କ୍ରିସ୍ତୁତି ନେକ୍ରିକାବୁର୍ ବେସିକିଜି ସୁଣାୟ କିତାଂନା ।

୨୦ ଇମ୍ବି ବାହାକାଂ ମାନାୟାର କ୍ରିସ୍ତୁତି ବିସ୍ବେ ୱେନ୍-ୱାଡାଣ୍ଟା, ହେବେ ହେୱାକ୍ରି ନେକ୍ରିକାବୁର୍ ପର୍ଚାର କିନାକା ନା ଇଚ୍ଚକାଡ଼, ଇନେକିଦେଂକି ବିନ୍-ଲଗୁ କୁନାଦି କିତିତାକେ ଇଲ୍ ରଚ୍ଚେଙ୍ଗ୍ ଆନ୍-ମାନ୍ କିଉଙ୍ଗା ।

୨୧ ଇନେସ୍ ଲେକାମାନାଡ଼,

“ଇମ୍ବିଶାକାର ହେୱାକ୍ରି କାବୁର୍ ପାୟାୱାଡାଣ୍ଟା,

ହେୱାର୍ ହୁଡ଼ନାର୍, ଆରେ ଇମ୍ବିଶାକାର ୱେନ୍-ୱାଡାଣ୍ଟା, ହେୱାର୍ ବୁଜାଆନାର୍ ।” ଜିସାୟ ୫୨:୧୫ ।

**ରମ୍ ହାନି କାଜିଂ ପାଉଲ୍ତି ଇଚା**

୨୨ \*ବେସିହଚ୍ ମି ଲାଗାଂ ୱାନି କାଜିଂ ନା ଇଚା ପଲ୍ୟା ଆତାନା ।

୨୩ ମାତର୍ ନଙ୍ଗ୍ ଇ ସବୁ ପାଟିନିପ କାମାୟ କିଦେଙ୍ଗ୍ ଆରେ ବାହା ହିଲ୍-ୱିତିଲେ ଆରେ, ବେସି ବାହୁଁ ଆତାଡ଼ ମି ଲାଗାଂ ହାନି କାଜିଂ ଆହା କିଜି ୱାଜି ମାଟିଲେ,

୨୪ ଆନ୍ ସ୍ବେନ୍ତିଂ ହାନି ସମୁତ ୱାନାଙ୍ଗ୍; ଇନେକିଦେଂକି ହାସ୍ବ ମିଙ୍ଗେଙ୍ଗ୍ ମେହାଜି ପର୍ତ୍ତୁମ୍ ମି ମେହାଶ୍ବତ କେତେକ୍ ହିସାବ୍ରେ ପାଞ୍ଜି ଲାବ୍ କିତି ପାଚେ ହେ ବାହାତ ହାନି କାଜିଂ ଏପେଙ୍ଗ୍ ନାଙ୍ଗ୍ ହାଜି ୱେଚ୍ଚଚାନାଦେର୍ ଇଞ୍ଜି ଆହା କିନାଙ୍ଗା ।

୨୫ \*ଇ ଦାପ୍ରେ ପୁଇପୁୟା ଇସ୍ବରତି ଲକ୍ବୁରିଂ ହେବା କିଦେଙ୍ଗ୍ ଜିରୁସାଲମ୍ ହାଞ୍ଜେଙ୍ଗ୍ ହତାଂନା ।

୨୬ ଇନେକିଦେଂକି ଜିରୁସାଲମତ ପୁଇପୁୟା ସାଦୁର୍ ବିତ୍ରେ ଇମ୍ବିଶାକାର ହିଲ୍ଲାକାର୍, ହେୱାର୍ କାଜିଂ ମାକିଦନିଆ ଆରି ଆକାୟାନି ମଣ୍ଡଲିକାଂ ମେହାଶ୍ବ ଚଚ୍ଚି ଅଲପ୍ ଦାନ୍ ରୁଣ୍ଡାୟ କିଦେଙ୍ଗ୍ ହାର୍ କିତାଣ୍ଟା ।

୨୭ ଆଁ ହେୱାର୍ ଇଦାଂ ହାର୍ ବୁଜାଆତାଣ୍ଟା ସଡ଼, ହେଲ୍ ହେୱାର୍ ହେୱାର୍ତି ଲାଗାଂ ରିଶ୍ ପା ଲଡ଼ା; ଇନେକିଦେଂକି ଜଦି ପାଚ୍ କିଞ୍ଜି ଜିହୁଦିର୍ ହେୱାର୍ତି ୱାସ୍ମି ବିସ୍ବେ ମେହା ଆତାଣ୍ଟା, ତେବେ ହେୱାର୍ ସିସାର୍ ବିସ୍ବେ ପା ହେୱାର୍ତି ହେବା କିନି କାଜିଂ ରିଶ୍ ।

୨୮ ଲାଗିଂ, ଇକାମାୟ ପୁରା କିତି ପାଚେ ଆରି ଇ ରୁଣ୍ଡାୟ କିଜି ଇଡ଼ତି ଦାନ୍ ଲାଗ୍ଦି ପାଡ଼୍ ହେୱାର୍ତି କେଇଦ ହେଲ୍ଲାୟ କିତି ପାଚେ ମି ଲାଗାଂ ହିଜି ସ୍ବେନ୍ତି ହାନାଙ୍ଗ୍ ।

୨୯ ଆରେ ଆନ୍ ପୁନାଙ୍ଗ୍, ଏଚେକାଡ଼୍ ଆନ୍ ମି ଲାଗାଂ ଏକା ୱାନାଙ୍ଗ୍, ହେପାଦନା କ୍ରିସ୍ତୁତି ଆସିର୍ବାଦନି ବାଚ୍ ଏକାନାଂ ।

୩୦ ଏ ଚଣ୍ଡାର୍ ଆରି ଚଣ୍ଡାର୍, ଆନ୍ ମା ମାପୁ ଜିସୁ କ୍ରିସ୍ତୁତି କାଜିଂ ଆରି ଜିବୁନ୍ ଜିଉନନି କାଜିଂ ନା କାଜିଂ ଇସ୍ବତ୍ ଲାଗାଂ ନା ଲାହାଙ୍ଗ୍ ଜାଡୁନ୍ତାଂ ପାର୍ଡାନା କିନି କାଜିଂ ମିଙ୍ଗେଙ୍ଗ୍ ଗୱାରି କିଦନାଙ୍ଗା,

୩୧ ଇନେସ୍ ଆନ୍ ଜିହୁଦା ରାଜିତ ବଲ୍ ମାନିକିଞ୍ଜି ମାନାୟାର୍ତାଂ ରାକ୍ୟା ପାୟାନାଙ୍ଗ୍, ଆରେ ଜିରୁସାଲମ୍ କାଜିଂ ନା ଇମ୍ବିଶା ହେବା, ହେଦାଂ ଇନେସ୍ ପୁଇପୁୟା ସାଦୁର୍ ଲାଗାଂ ହାର୍ ଇଚ୍ୟାନାଡ଼,

୩୨ ଆରେ, ଇସ୍ବତ୍ ଇଚାତ ଆନ୍ ଇନେସ୍ ୱାରିତାଂ ମି ଲାଗାଂ ଏକା ୱାଜି ମି ଲାହାଙ୍ଗ୍ ଆରାମ୍ ପାୟାଆନାଙ୍ଗ୍ ।

୩୩ ସୁସ୍ତାହିନାକାନ୍ ଇସ୍ବର୍ ମି ୱିଜାର୍ ଲାହାଙ୍ଗ୍ ମାନେନ୍ । ଆମେନ୍ ।



**ପାଉଲ୍ତି ବନ୍ଦାଣି**

୧ କେଙ୍ଗେ\_ୟା ମଣ୍ଡଲିନି ରଞ୍ଜେଲ୍ ହେବା କିନାକାଦେଲ୍ ମା ତଣ୍ଡେଲ୍ ପୌବିତି ପାକ୍ୟାତ ଆନ୍ ମିଙ୍ଗେଙ୍ଗ୍ ଗୱାରି କିଦନାଙ୍ଗା,

୨ ଏପେଙ୍ଗ୍ ସାଦୁର୍ତି ଆଡ଼ନି ସମାନ୍ ବାବ୍ରେ ତାଙ୍ଗେଙ୍ଗ୍ ମାପୁତି ତର୍ଦ ଇଚ୍ଚନାଦେର୍, ଆରେ ଇମ୍ବିଶାକା ପା ବିସ୍ବେ ମିତାଂ ହେୱାକ୍ରି ଉପକାର୍ ଲଡ଼ା ଆନାଡ଼, ହେ ବିସ୍ବେ ତାଙ୍ଗ୍ ଉପକାର୍ କିନାଦେର୍; ଇନେକିଦେଂକି ହେୱାନ୍ ନିଜେ ପା ହେନିର୍ତି ଆରି ନା ନିଜାର୍ତି ଉପକାର୍ କିତାର୍ନା ।

୩ \*କ୍ରିସ୍ତୁ ଜିସୁତି କାମାୟତ ନା ହାଙ୍ଗ୍ଦାକାର୍ ପ୍ରିସ୍ତା ଆରି ଆକ୍ଲିଲାତିଂ ଜୁ଱ାର୍ ୱେଚାଟ୍;

୪ ହେୱାର୍ ନା ପାରାଶ୍ କାଜିଂ ଜାର୍ ଜାର୍ ଜିବୁନ୍ତିଂ ଆପଡ଼ କିତାର୍; କେବଲ୍ ଆନ୍ ଜେ ହେୱାରିଂ ଦନ୍ୟବାଦ୍ କିନାଙ୍ଗା, ହେଦାଂ ଆକାୟ, ମାତର୍ ପାଚ୍ କିଞ୍ଜି ଜିହୁଦିର୍ ମଣ୍ଡଲି ଲାଗାଂ ପା ହେୱାରିଂ ଦନ୍ୟବାଦ୍ ହିନାରା;

୫ ଆରେ ହେୱାର୍ ଇଞ୍ଜି ମାନି ମଣ୍ଡଲିତିଂ ଜୁ଱ାର୍ ୱେଚାଟ୍ ।

ନା ୱାରିନି ଏପାଇନେତତିଂ ଜୁ଱ାର୍ ୱେଚାଟ୍, ହେୱାନ୍ କ୍ରିସ୍ତୁତି କାଜିଂ ଆସିଆନି ପର୍ତ୍ତୁମ୍ ପାଡ଼୍ ଲାକେ ।

୬ ମରିୟମ୍ତିଂ ଜୁ଱ାର୍ ୱେଚାଟ୍, ହେଦେଲ୍ ମି କାଜିଂ ବେସି କସ୍ କିଜି ମାଚାଡ଼ ।

\* ୧୫:୨୨ ରମିୟ ୧:୧୩. \* ୧୫:୨୫ ୧ କରନ୍ତୁୟ ୧୭:୧-୪. \* ୧୭:୩ ପକ୍ୟାତାକା ୧୮:୨.

୭ ନା ନିଜଜାତି ଆରି ରଚେବାନ୍ଦି ଆନ୍ଦ୍ରନିକ୍ ଆରି ଜୁନିୟାତିଂ ଜୁଝାର ଝେଚାଟ୍; ହେଝାର ପକ୍ୟାତାକାର ବିତ୍ରେ ତାକ୍ପୁଟା ଆରି ନା ଆଗଦ ପା କ୍ରିସ୍ତୁତି ଦୟାପାୟା ଆତାଣ୍ଣା ।

୮ ମାପୁତାକେ ନା ଝାରିନି ବନ୍ଦୁ ଆମ୍ବିୟାତାନିଂ ଜୁଝାର ଝେଚାଟ୍ ।

୯ କ୍ରିସ୍ତୁତି ହେବାତ ନା ହାଙ୍ଗଦାକାର କାମାୟ କିନାକାନ ଉର୍ବାଣତିଂ ଆରି ନା ଝାରିନି ସ୍ତାକୃତିଂ ଜୁଝାର ଝେଚାଟ୍ ।

୧୦ କ୍ରିସ୍ତୁତାକେ ପରିକ୍ୟାସିଦ୍ ଆପେଲ୍ଲଙ୍ଗ୍ ଜୁଝାର ଝେଚାଟ୍ । ଆରିସ୍ତୁରୁକ୍ତିଂ କୁଟୁମ୍ନି ମାନାୟାରିଂ ଜୁଝାର ଝେଚାଟ୍ ।

୧୧ ନା ନିଜଜାତିରିଂ ହେରଦିୟନ୍ତିଂ ଜୁଝାର ଝେଚାଟ୍ । ନାକ୍ ସଙ୍ଗତିଂ କୁଟୁମ୍ ବିତ୍ରେ ଇମ୍ଣାକାର ମାପୁତି ଆସିର୍ବାଦ୍ ପାୟାତାଣ୍ଣା, ହେଝାରିଂ ଜୁଝାର ଝେଚାଟ୍ ।

୧୨ ମାପୁତି କାମାୟତ କସ୍ତୁ କିଜି ମାନି କୁପେଣା ଆରି କୁପସାତିଂ ଜୁଝାର ଝେଚାଟ୍ । ଝାରିନି ପସିଂତିଂ ଜୁଝାର ଝେଚାଟ୍, ହେଝାନ୍ ମାପୁତି କାମାୟତ ବେସି କସ୍ତୁ କିତାନନା ।

୧୩ ମାପୁତି ବାଟିକିତି ରୁପତିଂ ଆରି ତାଂ ତେହିଙ୍ଗ୍ ଜୁଝାର ଝେଚାଟ୍, ହେଦେଲ୍ ପା ନା ଆୟା ଲାକେ ।

୧୪ ଅସୁକ୍ତି, ପ୍ଲେଗନ୍, ହର୍ମିସ୍, ପାତ୍ରବା, ହର୍ମିସ୍, ଆରେ ହେଝାରୁତି ହାଙ୍ଗଦାଂ ମାନି ଟଣ୍ଡାରିଂ ଆରି ତଣ୍ଡେକକାଂ ଜୁଝାର ଝେଚାଟ୍ ।

୧୫ ପିଲଲଗ୍ ଆରି ଜୁଲିଆ, ନିରୁସ୍ ଆରି ତା ତଣ୍ଡେଲ୍; ଆରେ ଅଲୁମ୍ପା ଆରି ହେଝାରୁତି ଲାହାଂ ମାନି ଝିଜାର୍ ସାଦୁରିଂ ଜୁଝାର ଝେଚାଟ୍ ।

୧୬ ପୁଇପୁୟା ତଞ୍ଜନାକା ହିଜି ହାରିତିଂ ଜୁଝାର କିୟାଟ୍ । କ୍ରିସ୍ତୁତି ଝିଜୁ ମଣ୍ଡଲି ମିଙ୍ଗେଙ୍ଗ୍ ଜୁଝାର ଝେଚାଟାନାରା ।

**ପାଉଲ୍ଡି ହାରିହାରା ବଲ୍**

୧୭ ଏ ଟଣ୍ଡାର୍ ଆରି ତଣ୍ଡେକ୍, ଏପେଙ୍ଗ୍ ଇମ୍ଣା ହିକ୍ୟା ପାୟାତାଣ୍ଣା, ହେବେନି ପାଲ୍ଟା ଇମ୍ଣାକାର ଦଲ୍ଗଣ୍ଡଗଲ୍ ଆରି ବାଦାନି କାରଣ୍ ଗିଟାୟ କିତାର୍, ହେଝାରିଂ ତିନ୍ ଇଡ୍ଡିଜି ହେଝାରୁତାଂ ବିନେ ମାଞ୍ଜେଙ୍ଗ୍ କାଜିଂ ଆନ୍ ମିଙ୍ଗେଙ୍ଗ୍ ଗଝାରି କିଦ୍ନାଙ୍ଗା ।

୧୮ ଇନେକିଦେଂକି ଇ ଲାକେ ମାନାୟାର୍ ମା ମାପୁ କ୍ରିସ୍ତୁତି ଆଡିଏନ୍ ଆକାୟ୍, ମାତର୍ ଜାର୍ ଜାର୍ ବାତ୍ ଆଡିଏନ୍ ଆତାଣ୍ଣା, ଆରେ ମିର୍ବଚନ୍ ଆରି ଚିକ୍ଣିତ ହୁଦାର୍ ମାନ୍ ମାନାୟାରୁତି ମାନ୍ ବୁଲ୍ଲାୟ୍କିନାର୍ ।

୧୯ ଲାଗିଂ ମି ବଲ୍ଡାଂ କାତା ଝିଜୁ ଲକାରୁତି ବିତ୍ରେ ମେଙ୍ଗ୍ୟାତାଡ୍; ଇତିସ୍ ଆନ୍ ମି କାଜିଂ ଝାରି କିନାଙ୍ଗା, ମାତର୍ ଏପେଙ୍ଗ୍ ଇନେସ୍ ହାରୁଦି ବିସ୍ତେ ଗିଆନ୍ ଆରି ସଡ୍କିଝି ବିସ୍ତେ ଅମାନ୍ୟା ଆମାଟ୍, ଇଦାଂ ନା ମାନ୍ ।

୨୦ ଆରେ ସୁସ୍ତାହିନାକାନ୍ ଇସ୍ବର୍ ସୟତାନତିଂ ବେଗି ମି ପାନା ତାରେନ୍ ଝିହ୍ନାନ୍ ।

ମା ମାପୁ ଜିସୁ କ୍ରିସ୍ତୁତି ଉପକାର ମି ଲାହାଙ୍ଗ୍ ଆଏଡ୍ ।

୨୧ ନା ହାଙ୍ଗଦାକାନ୍ ତିମତି, ଆରେ ନା ନିଜଜାତିର୍ ଲୁକିୟ୍, ଜାସନ୍ ଆରି ସସିପାତ୍ର ମିଙ୍ଗେଙ୍ଗ୍ ଜୁଝାର ଜାଣାୟ୍ କିଦ୍ନାରା ।

୨୨ ଇ ଆକି ଲେକିକିନାକାନ୍ ଜେ ଆନ୍ ତତ୍ତ୍ୟ, ଆନ୍ ମାପୁତି ତର୍ଦ ମିଙ୍ଗେଙ୍ଗ୍ ଜୁଝାର ଝେଚାଟାନାନା ।

୨୩ ନା ଆରି ଝିଜୁ ମଣ୍ଡଲିନି ଗତାଂ ହେବା କିନାକାନ୍ ଗାୟ ମିଙ୍ଗେଙ୍ଗ୍ ଜୁଝାର ଜାଣାୟ୍ କିଦ୍ନାନା । ଇ ଗାଡ୍ଡି ଆଦିକାର ଏରାସ୍ ଆରି ଟଣ୍ଡେନ୍ କ୍ୱାର୍ଡ ମିଙ୍ଗେଙ୍ଗ୍ ଜୁଝାର ଜାଣାୟ୍ କିଦ୍ନାରା ।

୨୪ ମା ମାପୁ ଜିସୁ କ୍ରିସ୍ତୁତି ଉପକାର ମି ଝିଜାର୍ ଲାହାଙ୍ଗ୍ ଆଏଡ୍ । ଆମେନ୍

୨୫ ଇମ୍ଣା ଇସ୍ବର୍ ନା ନେକ୍ଟିକାରୁର୍ ଆରି ଜିସୁ କ୍ରିସ୍ତୁତି ବିସ୍ତେନି ସୁଣାୟ୍କିନି ଇସାବ୍ରେ, ଇତିସ୍ ଇମ୍ଣା ହାଦାକା ଝିଜୁ କାଡ୍ଡାଂ ତରୁଜି ମାଚାଡ୍ ।

**ପାର୍ତାନା ଆରି ଝାରି ଲାହାଂ ଆକି ଝିଜୁନାକା**

୨୬ ମତର୍ ନଙ୍ଗ୍ ହତାଡ୍ନା, ଆରେ ପାତ୍ କିଜି ବଲ୍ମମାନି ଆନି କାଜିଂ ଝିଜୁ ମାପୁ ଇସ୍ବର୍ତିଂ ବଲ୍ ଇସାବ୍ରେ, ବେଣ୍ଡାକ୍ଣାୟ୍କିନାକାରୁତି ସାସ୍ତର୍ ଉପକାରତାଂ ଝିଜୁ ଜାତିର୍ ମାନାୟାର୍ ଲାଗାଂ ପୁନି କିତାର୍ନା, ହେ ବିତ୍ରେନି ହତି ଇସାବ୍ରେ ମିଙ୍ଗେଙ୍ଗ୍ ସୁସ୍ତାକିଦେଂ ଆଡ୍ନାନ୍,

୨୭ ଜିସୁ କ୍ରିସ୍ତୁତି ହୁକେ ଜୁଗ୍ ଜୁଗ୍ ହେ ରଝାନ୍ ମତର୍ ଗିଆନ୍ବାନ୍ ଇସ୍ବର୍ ଜାଜ୍ମାଲ୍ ଆଏଡ୍ । ଆମେନ୍ ।

☆ ୧୭:୨୧ ପକ୍ୟାତାକା ୧୭:୧.

# କରକ୍ରିୟା ମଣ୍ଡଳୀରେ ପାଉଲଙ୍କ ପ୍ରଥମ ପତ୍ର ମା ମଣ୍ଡଳୀ ତାଙ୍କେ ପାଉଲଟି ପତ୍ରମ୍ ଆକି ପାଦେକ୍

ପତ୍ରମ୍ କରକ୍ରିୟା ଆକି ପକ୍ୟାତି ପାଉଲଟି ହୁଦା ଜିସୁ କ୍ରିସ୍ଟି ଜଲମ୍ନି ରିକଡ଼ି ପନ୍ଦର ୫୫ ବାହୁଁ ପାଚେ ଲେକା ଆଜି ମାଚାଡ଼ ୧:୧ । ପାଉଲଟି ହୁଦା ଲେକା ଆଜି ମାଚି ରିଣ୍ଡି ଆକି ବିତ୍ରେତା ଇଦା ଆନାତା ପତ୍ରମ୍ ଆକି । ହେୱାନ୍ ଆଜି ମାନାଡ଼ ଇ ଆକି ଏପିସିତ ମାନି ଝେଡ଼ାଲି ଲେକି କିଜି ମାଚାନ୍ । ମାସିଦନିୟାତା କରକ୍ରିୟା ମାନି ପୁର୍ବେତା ଲେକି କିତାନ୍ନା ୧୭:୫-୯ ।

ପାଉଲ ଇ ଆକିତ ମଣ୍ଡଳୀ ବିତ୍ରେ କୁଦା ବାଗଆନାକା ଆରି କିଝିକାମାୟତ ଆହା ହୁଦା ବାରବିନି ବାନ୍ୟା କାମାୟ ଚାଲା ଆଜି ମାଚି ବିସ୍ତେ ମଣ୍ଡଳୀନି କୁଟୁମ୍ତି ତାଙ୍କ୍ ଝେନ୍ଝି ଉତର୍ ହିନିତ ଦିୟାନ୍ ହିନାନ୍ । କରକ୍ରିୟା ଗାଡ଼ କିଝିକାମାୟ ଆହା ବିସ୍ତେ ଜାଣାସୁଣା ମାଚାଡ଼ । ଲାଗି ମଣ୍ଡଳୀ ଇ ଆବଡ଼କୁ ଗିଗା ଆଜି ମାଚାଡ଼ ଇବେ କାବା ଆନାକା ମୁଡ଼େ ଆକାୟ । ପତ୍ରମ୍ କରକ୍ରିୟା ଜିଉନନାକା ଜପି ରଞ୍ଜାଙ୍କ୍ ତାକ୍ପୁଟା ଆନାଡ଼ ।

## ଇ ପତି ବିସ୍ତେନି ରାହାଣ୍

- ୧. ପାଉଲ କରକ୍ରିୟାରି ବନ୍ଦାୟ କିତାର୍ ଆରି ହେୱାରିତି କାଜି ଇସ୍ପରତି ଜଝାର୍ ହିନାନ୍ । ୧:୧-୯
- ୨. ପାଉଲ କରକ୍ରିୟା ମଣ୍ଡଳୀତା ପାୟାତି ମଣ୍ଡଳୀ ବିନେ ବିନେ ବିସ୍ତେ ହିକ୍ୟା ହିନାନା । ୧:୧୦-୪:୨୧
- ୩. ବିନେନିକା ହେ କିଝି କାମାୟ ଆହା ଆରି ରଝାନ୍ ବିନେ ଲଗା ଦାଜିତ ଅନି ବିସ୍ତେ ଲେକି କିନାନା । ୫-୭
- ୪. ପାଚେ ବିବା ବିସ୍ତେ, ପୁଡ଼ଡ଼ାତି ପୁଜାକିନାକା, ଉପ୍ପିୟା ପାର୍ତାନା କିନାକା, ପୁଇପୁୟାତି ଦାନ୍ ଆରି ଆରେ ନିନାକା ଲେକି କିନାନା । ୭-୧୫
- ୫. ହାରିହାରା ହେୱାନ୍ ଏଚେକ୍ ଚିନ୍ତାକିନାକା ଆରି ଜାର୍ ବିସ୍ତେ ଲେକି କିଜି ଝିହ୍ନାନା । ୧୭

୧ ଆନ୍ ପାଉଲ, ଇସ୍ପତ ଇଚାତ କ୍ରିସ୍ଟ ଜିସୁଟି କୁକ୍ୟାତି ରଝାନ୍ ପକ୍ୟାତାକାନ୍, ମା ଟଣ୍ଡେନ୍ ସସ୍ତ୍ରିନା,

୨ କରକ୍ରିୟା ବସ୍ତିତ ଇସ୍ପତ ମଣ୍ଡଳୀତ ଆପେ ଲେକିକିନାପା; ଇମ୍ଘାକାର ଇସ୍ପତ ପୁଇପୁୟା ମାନାୟ ଆନି କାଜି କୁକ୍ୟାତାକାର୍ ଆରି ଇସ୍ପର୍ କ୍ରିସ୍ଟ ଲାହାଙ୍କ୍ ମେହା ହୁକେ ଇସ୍ପତ ଆଜି ଝିଜ୍ଝି ଆରି ସବୁ ମା ମାପୁ ଜିସୁଟି ପାର୍ତାନା କିତାର୍ ।

୩ ମି କାଜି ମା ଆବା ଇସ୍ପର୍ ଆରି ମାପୁ ଇସ୍ପର୍ କ୍ରିସ୍ଟ ଜିସୁଟି ତାଙ୍କ୍ ଉପକାର୍ ଆରେ ସୁସ୍ତା ଆଏଡ଼ ।

## କ୍ରିସ୍ଟି ହୁକେ ଆସିର୍ବାଦ୍

୪ ଇନାକିଦେକି ଏନ୍ କ୍ରିସ୍ଟ ଜିସୁ ଲାହାଙ୍କ୍ ମେହାଆନି କାଜି ଇସ୍ପର୍ ମିଜେଙ୍କ୍ ଇମ୍ଘା ଉପକାର୍, ହିଡ଼ନ୍ନା ହେଦା କାଜି ଇସ୍ପରତି ଜୁଝାର୍ ହିନାଙ୍ଗା,

୫ ଇନାକିଦେକି ତା ତାକେ ଝିଜୁ ବିସ୍ତେ, ବେସି ଇସ୍ପର୍ ସବୁ ବାନି ହିକ୍ୟା ହିନିତ ଆରି ସବୁ ବାନିନି ଗିଆନ୍ ଏପେଙ୍କ୍ ହାଉକାର୍ ଆତାଦେଣ୍ଟା ।

୬ ଇ ବାନି କ୍ରିସ୍ଟି ସାକି ମି ବିତ୍ରେ ତିର୍ ଆତାଡ଼ନ୍ନା ।

୭ ହେଦା କାଜି ମାପୁ ଜିସୁ କ୍ରିସ୍ଟି ହତାକାତି କାସି ମାନି ଝେଡ଼ାଲି ମିଦା ଇମ୍ଘାକାପା ଆମିକ୍ ଆସିର୍ବାଦ୍ନି ଅସୁବିଦା ଆଦ୍ଝାତାଡ଼ନା ।

୮ ମା ମାପୁ ଜିସୁ କ୍ରିସ୍ଟି ଅଜଡ଼ତ ଇନେସକି ଏପେଙ୍କ୍ ଇଦା କାଜି ହେୱାନ୍ ପା ମିଜେଙ୍କ୍ ହାରିହାରା ପାଚେକ୍ ଆବ୍ଝା ଲାହାଙ୍କ୍ କିଦନାନ୍ ପାଚେ ମାପୁ ଜିସୁ କ୍ରିସ୍ଟି ଝାନି ଦିନ୍ତ ଦସିକିଝାତାକାନ୍ ବାଚିକିୟାନାନ୍ ।

୯ ଇମ୍ଘା ଇସ୍ପର୍ ତା ମାଜି ମାପୁ ଜିସୁ କ୍ରିସ୍ଟି ମେହାବିଡ଼ା ଆନି କାଜି ମିଜେଙ୍କ୍ କୁକ୍ତାତାନ୍ନା ହେୱାନ୍ ସବୁଝେଡ଼ାଙ୍କ୍ ପାଚିନିକାନ୍ ।

## ମଣ୍ଡଳୀତ ବାଗ୍‌ବାଗ୍

୧୦ ଏ ଟଣ୍ଡାର୍, ଆରି ଟଣ୍ଡେକାଦେର୍ ମା ମାପୁ ଜିସୁ କ୍ରିସ୍ଟି ତର୍ଦ୍ଦ ଆନ୍ ମିଜେଙ୍କ୍ ଗଝାରି କିଦନାଙ୍ଗା, ଇନ୍‌ବା ଆନି ସମୁତ ର ମାନ୍ ଇନାଡ଼, ତା ଆତିସ୍ ମି ବିତ୍ରେ ଇମ୍ଘାକା ଗଡ଼ମାର୍ ଆଉଡ଼, ମତର୍ ଏପେଙ୍କ୍ ର ମାନ୍ତା ଆରି ର ବାବନାତ ମେହାଆଡୁ ।

୧୧ ଏ ନା ଟଣ୍ଡାର୍, ଆରେ ଡଣ୍ଡେକ୍, କ୍ଲୟିତି ଲକ୍‌ବାକ୍ତା ମି ବିସ୍ତେ ନା ତାକେ ଇଦା ହତାଡ଼ନା ଜେ, ମି ବିତ୍ରେ ଗଡ଼ମାର୍ ମାନାଡ଼ ।

୧୨ \*ନା କାତା ବାବିକିୟାଟ୍ ଇ, ମି ବିତ୍ରେତାଂ ଇନେ ଇନେର୍ ଇନାର୍, ଆନ୍ ପାଉଲ୍ତି, ଇନେ ଇନେର୍ ଇନାର୍, ଆନ୍ ଆପଲ୍ଲତି, ଇନେ ଇନେର୍ ଇନାର୍, ଆନ୍ କେପାତି, ଆରେ ଇନେ ଇନେର୍ ଇନାର୍ ଆନ୍ କ୍ରିସ୍ତତି ।

୧୩ କ୍ରିସ୍ତୁ କି ରିବାଗ୍ ଆତାନ୍ନା ? ମି କାଜିଂ କି ପାଉଲ୍ କୁସ୍ତ ହାଜି ମାଚାନ୍ ? ଇଚିସ୍ ଏପେଙ୍ଗ୍ କି ପାଉଲ୍ ତରଦ ବାପ୍ରିସିମ୍ ଆଜି ମାଚାଦେର୍ ?

୧୪ \* ଇସ୍ପରତି ଦନ୍ୟବାଦ୍ ହିନାଙ୍ଗା ଜେ କ୍ରିସ୍ତୁ ଆରି ଗାୟତି ପିସ୍ତ୍ର ମି ବିତ୍ରେତାଂ ଆନ୍ ଇନେରିଂ ବାପ୍ରିସିମ୍ ହିଞ୍ଜାତାଙ୍ଗନା ।

୧୫ ଲାଗିଂ ନା ଚେଲା ଲାକେ ବାପ୍ରିସିମ୍ ଅତାଣ୍ଟା ଇଞ୍ଜି ମି ବିତ୍ରେ ଇନେ ଇନେର୍ ଇଞ୍ଜେଙ୍ଗ୍ ଆତୁର୍ ।

୧୬ \*ଆଁ ଆନ୍ ସ୍ତ୍ରୀପାନ୍ କୁଦାନିକାରିଂ ପା ବାପ୍ରିସିମ୍ ହିତାଙ୍ଗନା; ଇଦାଂ ପିସ୍ତ୍ର ଆନ୍ ଆରେ ଇନେରିଂ ପା ବାପ୍ରିସିମ୍ ହିତାଙ୍ଗନା ଇଞ୍ଜି ନା ଏତୁ ଖାଉତା ।

୧୭ ଇନାକିଦେଂକି କ୍ରିସ୍ତୁ ନାଙ୍ଗେଙ୍ଗ୍ ବାପ୍ରିସିମ୍ ହିନି କାଜିଂ ପକ୍ତାଞ୍ଜାତାନ୍ନା, ମତର୍ ନେକ୍ରିକାବୁର୍ ସୁଣାୟ୍ କିନି କାଜିଂ ପକ୍ତାତାନ୍ନା; ହେଦାଂ ପା ବଚନ୍ ତାଟ୍ତାଙ୍ଗ୍ ଆକାୟ୍, କାତେହିନା କ୍ରିସ୍ତତି କୁସ୍ ପଲ୍ୟା ଆନାତ୍ ।

**ଇସ୍ପତ୍ ସାକ୍ତି ଆରି ଗିୟାନି କାଦି କ୍ରିସ୍ତୁ**

୧୮ ଇନାକିଦେଂକି ରୁତା ଆନି ଲକୁ କାଜିଂ କୁସ୍ ଜପି କ୍ରିସ୍ତତି ହାକିନି କାତା ମୁକ୍ତାୟା ମତର୍, ମତର୍ ମୁକ୍ତି ଆନାକା ପାୟାଜିମାନି ମା କାଜିଂ ହେଦାଂ ଇସ୍ପତ୍ ସାକ୍ତି ଆନାତ୍ ।

୧୯ ଲାଗିଂ ଇଦାଂ ସାସ୍ପର ଲେକା ମାନାତ୍,  
“ଆନ୍ ଗିୟାନିରତାଂ ଗିଆନ୍ ନାହାୟ୍ କିନାଙ୍ଗ୍,  
ଆରେ ବୁଦିନିକାରିଙ୍ଗ୍ ବୁଦି ଇଚୁପ୍ ।

୨୦ ଗିଆନିର୍ ଇନେର୍ ? ସାସ୍ପିର୍ ଇନେର୍ ? ଇ ଜୁଗ୍ନି ବେର୍ଣିୟା ଇନେର୍ ? ଇସ୍ପର୍ କି ପୁତ୍ରିଂ ଗିଆନିଂ ମୁକ୍ତାୟା ଇଞ୍ଜି ହପ୍ତାତାଣ୍ଟା ?

୨୧ ଇସ୍ପର୍ ତା ଗାଜା ଗିଆନିତ୍ ତିର୍ କିଜି ମାଚାନ୍ ଜେ ମାନାୟ୍ ଜଗତ୍ ଜାର୍ ଗିଆନ୍ ହୁକେ ଇସ୍ପରତିଂ ପୁଞ୍ଜେଙ୍ଗ୍ ଆତୁସ୍ ବିନ୍ ପାକ୍ୟାତ ଆସେଙ୍ଗ୍ ସୁଣାୟ୍ କିନାକା ଇଚିସ୍ ବୁଦି ହିଲ୍ଖାକାର୍ ନେକ୍ରିକାବୁର୍ତ ପାତ୍ କିନି ମାନାୟାରିଂ ରାକ୍ୟା କିନି ଇସ୍ପର୍ ଇଚା କିତାନ୍ନା ।

୨୨ ଇନାକିଦେଂକି ଜିହୁଦିର୍ ଚିନ୍ ତେକ୍ନାର୍, ଆରେ ଗ୍ରିକ୍ ଲକୁ ଗିଆନ୍ ତେକ୍ନାର୍,

୨୩ ମତର୍ ଆସେଙ୍ଗ୍ କୁସ୍ତ ହାକି କ୍ରିସ୍ତତିଂ ସୁଣାୟ୍ କିନାସ୍, ହେଞ୍ଜାନ୍ ଜିହୁଦିର୍ କାଜିଂ ବାଦାଲାକେ ଆରି ପାତ୍ କିଞ୍ଜି ଜିହୁଦିର୍ କାଜିଂ ମୁକ୍ତାୟା ଲାକେ,

୨୪ ମତର୍ ଜିହୁଦି ଆରି ଗ୍ରିକ୍, ଇନେର୍ କୁକ୍ୟାଆତାଣ୍ଟା, ହେଞ୍ଜାର୍ କାଜିଂ କ୍ରିସ୍ତୁ ଇସ୍ପତ୍ ସାକ୍ତି ଆରି ଇସ୍ପତ୍ ଗିଆନ୍ ଲାକେ ଆନାର୍ ।

୨୫ ଲାଗିଂ ଇସ୍ପତ୍ ମୁରୁକ୍ ବିସ୍ତେ ମାନାୟ୍ନି ଗିଆନିତାଂ ଆଦିକ୍ ଗିଆନିବାତ୍, ଆରେ ଇସ୍ପତ୍ ନାଦାର୍ ବିସ୍ତେ ମାନାୟ୍ତି ସାକ୍ତିତାଂ ଆଦିକ୍ ବାଡ୍କାସ୍ ।”

୨୬ ଏ ଟଣ୍ଡାର୍, ଆରି ତଣ୍ଡେକାଦେର୍ ଏଚେକାଡ୍ଡ ଇସ୍ପର୍ କୁକ୍ତିନି ସମୁତ ଏପେଙ୍ଗ୍ ଇନେସ୍ ମାଚାଦେର୍, ସଁସାର୍ନି ବାବ୍ନାରେ ଆଦେକ୍ ଗିୟାନି, ଆଦେକ୍ ସାକ୍ତିକାଟାକାର୍ କି ଆଦେକ୍ ଗାଜାବ୍ସ୍ କୁକ୍ୟାଞ୍ଜାତାଣ୍ଟା;

୨୭ ଇସ୍ପର୍ ଗିଆନିରିଂ ଲାଜୁକିଦେଂ କାଜିଂ ପୁତ୍ରିଂ ହୁକେ ମୁରୁକ୍ ମାନାୟାରିଂ ବାଚି କିତାନ୍;

୨୮ ଇଦାଂ କାଜିଂ ଇସ୍ପର୍ ଗିଆନିରିଂ ଲାଜୁକିନି କାଜିଂ ପୁତ୍ରିଂ ମୁରୁକ୍ ବିସ୍ତେ ସବୁ ବାଚି କିତାନ୍, ଆରେ ସାକ୍ତି ବିସ୍ତେ ସବୁ ଲାଜୁକିନି କାଜିଂ ଇସ୍ପର୍ ପୁତ୍ରିଂ ନାଦାର୍ ବିସ୍ତେ ସବୁ ବାଚି କିତାନ୍,

୨୯ ଆରେ ଇନାକା ପୁତ୍ରିଂ କାଣ୍ଟୁକାଙ୍ଗ୍ ମାନିନି ମାନାୟ୍, ହେ ସବୁତିଂ ପଲ୍ୟା କିନି କାଜିଂ ଇସ୍ପର୍ ପୁତ୍ରିଂ ହାରୁକାନ୍ ଆରି ଗ୍ଲୁଇନି ବିସ୍ତେନିକିଂ, ଆଁ, ଗାଣାକିଦେଂଆଡ୍ଡି ବିସ୍ତେନିକିଂ ବାଚି କିତାନ୍ ।

୩୦ ମତର୍ ଇସ୍ପର୍ କାଜିଂ ଏପେଙ୍ଗ୍ କ୍ରିସ୍ତୁ ଜିସ୍ତୁତି ତାକେ ମାନାଦେର୍, ହେଞ୍ଜାନ୍ ଇସ୍ପରତାଂ ମା କାଜିଂ ଗିଆନ୍, ତା ହୁକେ ମୁମ୍ପଦ୍ ଆପେଂ ଦାମ୍, ପୁଇପୁୟା ଲକ୍ ଆଜି ମୁକ୍ତାତାକା ଲାକେ ଆତାପନା ।

୩୧ ଲାଗିଂ, ଦରମ୍ ସାସ୍ପର ଇନେସ୍ ଲେକା ମାନାତ୍, “ଇନେନ୍ ଗରବ୍ କିନାନ୍, ହେଞ୍ଜାନ୍ ମାପୁତାକେ ଗରବ୍ କିଏନ୍ ।”

**୨**

**କୁସ୍ତ କ୍ରିସ୍ତତି ବିସ୍ତେ କାବୁର୍**

୧ ଲାଗିଂ, ଏ ଟଣ୍ଡାର୍, ଆରି ତଣ୍ଡେକାଦେର୍ ଏଚେକାଡ୍ଡ ଆନ୍ ମି ତାକେ ଖାଜି ମାଚାଙ୍ଗ୍, ହେ ପାଦ୍ନା ଇସ୍ପତ୍ ହାଡ୍ପା ବଚନ୍ ଇଞ୍ଜିମାଚାଂ କି ଗିଆନି ହାର୍ଦାକା ଲାହାଙ୍ଗ୍ ଜେ ମି ତାକେ ସୁଣାୟ୍ କିଜି ମାଚାଙ୍ଗ୍, ହେଦାଂ ଆକାୟ୍ ।

☆ ୧:୧୨ ପକ୍ୟାତାକା ୧୮:୨୪. ☆ ୧:୧୪ ପକ୍ୟାତାକା ୧୮:୮; ପକ୍ୟାତାକା ୧୯:୨୯; ରମିୟ ୧୭:୨୩. ☆ ୧:୧୭ ୧ କରକ୍ତିୟ ୧୭:୧୫.

୨ ଇନାକିଦେଂକି ଜିସୁ କ୍ରିଷ୍ଟୁ ଇତିସ୍ କୁସ୍ତ ହାତି ଜିସୁ କ୍ରିଷ୍ଟୁଙ୍କ ପିସ୍ତ୍ର ମି ବିତ୍ତେ ଆରେ ଇନା ବିସ୍ତେ ପୁନଃ କାଜିଂ ଆନମାନ କିତାଙ୍ଗ ।

୩ \*ଆରେ, ଆନ ନାଦାର୍, ପାଣ୍ଡୁଠି ଆରି ତ୍ରିଗଜି ମି ଲାହାଙ୍ଗ ମାଚାଙ୍ଗ;

୪ ନା ହିକ୍ୟା ଆରି ନେକ୍ରିକାବୁର୍, ମାନାୟାର୍ ଗିଆନ୍ ଜପି କୁର୍ଝାଦାଂ ଇସ୍ତର୍ ସାକ୍ତି ଜପି କୁର୍ନାଡ଼,

୫ ଇଦାଂ କାଜିଂ ନା ମି ପାତର୍ ହିକ୍ୟା ଆରି ନା ସୁଣାୟ୍ କିନାକା, ଗିଆନ୍ନି ହଲ୍ନାକା ବଚନ୍ ସମାନ୍ ଆଝାଦାଂ ଇସ୍ତର୍ତି ଆରି ସାକ୍ତିନି ପାର୍ମାଣ୍ ସମାନ୍ ଆଜି ମାଚାଡ଼ ।

**ଇସ୍ତର୍ ଗିଆନ୍**

୬ ଆମ୍ବିକ୍ ବାବ୍ରେ ହେନ୍ନାକାର୍ ଲକୁ ବିତ୍ତେ ଗିଆନ୍ନି କାତା ଇନାପ, ମତର୍ ହେଦାଂ ଇ ଜୁଗ୍ନି ଗିଆନ୍ ଆକାୟ୍ କି ଇ ଜୁଗ୍ନି କୁର୍ଝାକି ମୁଡ଼ଦାକାର୍ତି ଗିଆନ୍ ଆକାୟ୍,

୭ ମତର୍ ଆପେଂ ହାଡ଼ପା କାତା ଗିଆନ୍ ଲାକେ ଇସ୍ତର୍ ଗିଆନ୍ନି କାତା ଇନାପା; ହେଝାନ୍ ତକୁତି ଗିଆନ୍ ଇସ୍ତର୍ ମାଦାଂ ଜାଜ୍ମାଲ୍ କାଜିଂ ସଂସାର୍ନି ଆଗେ ତିର୍ କିଜି ମାଚାନ୍ ।

୮ ଇ ଜୁଗ୍ନି ମୁଡ଼ଦାକାର୍ ବିତ୍ତେ ଇନେର୍ ହେଦାଂ ପୁନଃଝାତାଣ୍, ଇନାକିଦେଂକି ହେଝାନ୍ ହେଦାଂ ପୁଞ୍ଜି ମାତିସ୍ ଜାଜ୍ମାଲ୍ନି ମାପୁତି କୁସ୍ତ ଦୁପି କିଝାତାମା;

୯ ମତର୍ ଇନେସ୍ ଲେକା ମାନାଡ଼, “କାଣ୍ କୁ ଇନାକା ହୁଡ଼ଝିତିକ୍ନା, କିତୁଲିଂ ଇନାକା ଝେନ୍ଝିତିକ୍ନା, ଆରେ ମାନାୟ୍ ଝାସ୍ତିତ ଇନାକା ଉବ୍ଜାଣ୍ ଆଝାତାନ୍, ଜେ ସବୁ ବିତ୍ତେ ଇସ୍ତର୍ ଜାର୍ ଜିଉନି ଲକୁ କାଜିଂ ଜାଲ୍ଦି କିତାନ୍ନା ।

୧୦ ମତର୍ ଇସ୍ତର୍ ମା କାଜିଂ ଝାସ୍ତି ହୁଦାଂ ହେଝାନ୍ ଝିଜୁ ବିସ୍ତେ ଝେଚାନ୍; ଲାଗିଂ ଝାସ୍ତି ଝିଜୁ ବିସ୍ତେ, ଆଁ, ଇସ୍ତର୍ ବିତ୍ତେନି ବିସ୍ତେ ସବୁ ଡେକ୍ନାନ୍ ।

୧୧ ମାନାୟ୍ ବିସ୍ତେ ସବୁ ମାନାୟାର୍ତାକେ ମାନି ଝାସ୍ତି ପିସ୍ତ୍ର ଆରେ ଇନେର୍ ପୁନାର୍ ? ହେ ଲାକେ ପା ଇସ୍ତର୍ ବିସ୍ତେ ସବୁ ଇସ୍ତର୍ ଝାସ୍ତି ପିସ୍ତ୍ର ଆରେ ଇନେର୍ ପୁନାର୍ ।

୧୨ ଇନେସ୍ ଇସ୍ତର୍ ହୁଦାଂ ମା ଉପକାର୍ତ ହିଦ୍ୟାତି ବିସ୍ତେନିକିଂ ଆପେଂ ପୁଞ୍ଜେଙ୍ଗ୍ ଆଡ଼ନାପ, ଇଦାଂ କାଜିଂ ଆପେଂ ପୁତର୍ନି ଜିବୁନ୍ ଗାଟାଝାଦାଂ ଇସ୍ତର୍ ଜିବୁନ୍ ପାୟାତାପନା ।”

୧୩ ହେ ସବୁ ବିସ୍ତେ ପା ଆପେଂ ମାନାୟାର୍ ଗିଆନ୍ ହୁଦାଂ ହିକାତି ବଚନ୍ତାଂ ଇନ୍ଝାଦାଂ ମାନାପ, ମତର୍ ଝାସ୍ତିନି ବିସ୍ତେ ସବୁ ଝାସ୍ତିନି ବିସ୍ତେ ହୁଦାଂ ବୁଜାୟ୍ ଆମ୍ବିକ୍ ହୁଦାଂ ହିକାତି ବଚନ୍ ଇଞ୍ଜି ମାନାପ ।

୧୪ ହାଡ଼ପା ମାନାୟ୍ ଇସ୍ତର୍ ଝାସ୍ତି ବିସ୍ତେନିକିଂ ଇଚୁର୍, ଇନାକିଦେଂକି ହେ ସବୁ ତା ତାକେ ମୁରୁକ୍ନିକା, ଆରେ ହେଝାନ୍ ହେ ସବୁ ବୁଜାଆଦେଂ ଆଡୁନ୍, ଲାଗିଂ ହେ ସବୁତିଙ୍ଗ୍ ଆମ୍ବିକ୍ ଜିବୁନ୍ ହୁକେ ବିଚାର୍ କିୟାନାଡ଼ ।

୧୫ ମତର୍ ଇନେନ୍ ଆମ୍ବିକ୍, ହେଝାନ୍ ଝିଜୁ ବିସ୍ତେ ବିଚାର୍ କିନାକାନ୍, ଆତିସ୍ପା ଇନେର୍ ତାଦାଂ ବିଚାର୍ କିତନ୍ ।

୧୬ ଇନାକିଦେଂକି ଇନେନ୍ ମାପୁତି ମାନ୍ ପୁଚାନ୍ନା ଜେ, ହେଝାନ୍ ତାଙ୍ଗେଙ୍ଗ୍ ହିକ୍ୟା ହିଦେଂ ଆଡ଼ନାନ୍ ? ମତର୍ ଆପେଂ କ୍ରିସ୍ତି ମାନ୍ ପାୟାତାପନା ।

**୩**

**ଇସ୍ତର୍ତି ହେବା କିନାକାନ୍**

୧ ଏ ଟଣ୍ଡାର୍, ଆରି ତଣ୍ଡେକ୍ ଆନ୍ ଆମ୍ବିକ୍ ଲଗାଂ ଇନି ଲାକେ ମିଙ୍ଗେଙ୍ଗ୍ ଇଞ୍ଜେଙ୍ଗ୍ ଆଡ଼ଦାଝାତାଂ, ମତର୍ ଗାଗାଡ଼ ମାନାୟ୍ତି ଆରି କ୍ରିସ୍ତ ତାକେ ହିମ୍ଣାକାଂ ଇତି ଲାକେ ମିଙ୍ଗେଙ୍ଗ୍ ଇନ୍ତାଙ୍ଗ ।

୨ \*ଆନ୍ ମିଙ୍ଗେଙ୍ଗ୍ ପାଲ୍ ଉର୍ପିସ୍ ବିନ୍ କାଦି ହିଦ୍ଝାତାଙ୍ଗନା, ଇନାକିଦେଂକି ଏପେଙ୍ଗ୍ ହେଦାଂ ଇଡ଼ଦେଂ ମାନ୍ କିଝାତାଦେର୍, ଆରେ ନଙ୍ଗ୍ପା ମାନ୍ କିଡ଼ଦେରା,

୩ ଲାଗିଂ, ନଙ୍ଗ୍ ପାତେକ୍ ଏପେଙ୍ଗ୍ ସଂସାର୍ନି ମାନାୟାର୍ ଲାକେ ଚିନ୍ତା କିନାଦେରା ଇନାକିଦେଂକି ଏଚେକାଡ଼ଦ ମି ବିସ୍ତେ ରିସା ଆନାକା ଆରି କେଡ଼ନାକା ମାନାଡ଼, ଏପେଙ୍ଗ୍ କି ପଟତିଂ ହୁଡ଼ନା କାଦେର୍ ଆକାୟ୍ ଆରି ମାନାୟ୍ନି ଗୁଣ୍ ଇସାପତାଂ କି ଚିନ୍ତା କିଡ଼ଦେରା ?

୪ \*ଇନେନ୍ ଏଚେକାଡ଼ଦ ରଝାନ୍ ଇନାନ୍, ଆନ୍ ପାଉଲ୍ତିଂ ଦାହ୍ନାକାଂ, ଲାଗିଂ ଆରେ ରକାନ୍ ଆକାୟ୍, ଆନ୍ ଆପଲ୍ତିଂ ଦାହ୍ନାକାଂ, ହେ ପାଦନା ଏପେଙ୍ଗ୍ କି ସଂସାର୍ନି ଲକୁ କାଦେର୍ ଆକାୟ୍ ?

୫ ଆପଲ୍ ଇନେନ୍ ? ପାଉଲ୍ ପା ଇନେନ୍ ? ହେଝାନ୍ ତ ହେବାକାର୍ଯ୍ୟା ମତର୍ ଇମ୍ଣାକାର୍ ହୁକେ, ଝିଜାରିଂ ମାପୁ ଇନେସ୍ ହିଡ଼ତାଡ଼ନା, ହେଦାଂ କାଜିଂ ପାତର୍ କିତାଦେଣ୍ ।

୬ \*ଆନ୍ ରୁସ୍ତାଂନା, ଆପଲ୍ ଏସ୍ ତିର୍ତାନ୍ନା, ମତର୍ ଇସ୍ତର୍ ବାତାୟ୍ କିନାନା ।

\* ୨:୩ ପକ୍ୟାତାକା ୧୮:୯. \* ୩:୨ ଏକ୍ରି ୫:୧୨,୧୩. \* ୩:୪ ୧ କରକ୍ରିୟ ୧:୧୨. \* ୩:୭ ପକ୍ୟାତାକା ୧୮:୪-୧୧; ପକ୍ୟାତାକା ୧୮:୨୪-୨୮.

୭ ଲାଗିଂ, ଇନେନ୍ ରୁଜନାନ୍ ଆରେ ଇନେନ୍ ଏସ୍ ହିନାନ୍, ହେୱାନ୍ ମୁଲେ ଆକାୟ୍, ମତର୍ ଗାଜାୟ୍ କିନାକାନ୍ ଜେ ଇସ୍ବର୍, ହେୱାନ୍ ଗାଜାକାନ୍ ।

୮ ଇନେନ୍ ରୁଜନାନ୍ ଆରି ଇନେନ୍ ଏସ୍ ହିନାନ୍, ହେୱାନ୍ ରିୟାନ୍ ଏକ୍, ଇନାକିଦେଂକି ଇସ୍ବର୍ ଜାଣକେତିଂ ଜାର୍ ଜାର୍ କାମାୟ୍ ଇସାପିତାଂ ଇନାମ୍ ପାୟାନାନ୍ ।

୯ ଇନାକିଦେଂକି ଆପେଂ ଇସ୍ବର୍ ହାଙ୍ଗଦାକାର୍; ଏପେଙ୍ଗ୍ ଇସ୍ବର୍ ତାରେନ୍, ଇସ୍ବର୍ ଇଲ୍ ।

୧୦ ନାଙ୍ଗେଙ୍ଗ୍ ହିୟାଆଡ଼ତି ଇସ୍ବର୍ ଦୟା ଲାକେ ଆନ୍ ରୱାଙ୍ଗ୍ ବୁଦିନିକାଂ ଇଲ୍ ରତ୍ନାକାଂ ଲାକେ କୁନାଦି ରତ୍ନାଙ୍ଗ୍ନା, ବିନ୍ ନିକାନ୍ ତା ଜପି ରତ୍ନାଙ୍ଗ୍ନା । ମତର୍ ଓଜାକାର୍ ତା ଜପି ଇନେସ୍ ଇତ୍ତାଣ୍ଟା, ହେ ବିସ୍ବେ ଜାଗ୍ବ୍ ଆୟେନ୍ ।

୧୧ ଇନାକିଦେଂକି ଇମ୍ଣି ମୁଡ଼କୁନାଦି ରତ୍ନାଙ୍ଗ୍ନା, ତା ପିସ୍ବି ବିନ୍ ମୁଡ଼କୁନାଦି ଇନେର୍ ରତ୍ତେଂ ଆଡୁର୍, ହେ ମୁଡ଼କୁନାଦି ଜିସ୍ବୁ କ୍ରିସ୍ବୁ ।

୧୨ ମାତର୍ ଜଦି ଇନେର୍ ହେ ମୁଡ଼କୁନାଦି ଜପି ହନା, ରୁପା, ବେସି ଦାମ୍ନି କାଲ୍, ୱେଜ୍ଗ୍, କାତ୍ରା ନଲେ ପିରି ହିଜି ରତ୍ନାଙ୍ଗ୍ନା,

୧୩ ତା ଆତିସ୍ ଓଜାକାର୍ କାମାୟ୍ ଇନେସ୍, ହେଦାଂ ହନାଡ଼, ଇନାକିଦେଂକି ହେ ଦିନ୍ ହେଦାଂ ହନାଡ଼, ଲାଗିଂ ହେ ନାଜିଂ ନାଣି ଲାହାଙ୍ଗ୍ ହନାଡ଼, ଆରେ ଓଜାକାର୍ କାମାୟ୍ ଇନେସ୍, ହେଦାଂ ନାଣିତ ପରିକ୍ୟା କିନାନ୍ ।

୧୪ ଇନେନ୍ ଇନାକା ଇତ୍ତାଣ୍ଟା, ତାଦାଙ୍ଗ୍ ହେ କାରୁମ୍ ଜଦି ମୁଡ଼କୁନାଦି ମାନାଡ଼, ୱାଟିଙ୍ଗ୍ ହେୱାନ୍ ଇନାମ୍ ପାୟାନାନ୍;

୧୫ ଜଦି ଇନେର୍ତ୍ତି କାମାୟ୍ କାଡ଼ନାଡ଼, ତାଦାଂ ବୁଡାନାଡ଼, ଆତିସ୍ପା ହେୱାନ୍ ନିଜେ ରାକ୍ୟା ପାୟାନାନ୍, ମତର୍ ହେଦାଂ ନାଣି ଜପି ହିଜି ହାଟି ଲାକେ ଆନାଡ଼ ।

୧୬ ଏପେଙ୍ଗ୍ ନିଜେ ପୁନୁଦେରା ଜେ, ଏପେଙ୍ଗ୍ ଇସ୍ବର୍ ମନ୍ଦିର୍, ଆରେ ଇସ୍ବର୍ତ୍ତି ୱାସ୍ବି ମି ୱାସ୍ବିତ ବାହା କିଡ଼ତାନ୍;

୧୭ ଜଦି ଇମ୍ଣି ଲଗୁ ଇସ୍ବର୍ ମନ୍ଦିର୍ତ୍ତି ବୁଡାୟ୍ କିନାନ୍, ୱାଟିଙ୍ଗ୍ ଇସ୍ବର୍ ତାଙ୍ଗେଙ୍ଗ୍ ବୁଡାୟ୍ କିନାନ୍, ଇନାକିଦେଂକି ଇସ୍ବର୍ ମନ୍ଦିର୍ ପୁଇପୁୟା, ହେ ମନ୍ଦିର୍ ଏପେଙ୍ଗ୍ ।

୧୮ ଇନେର୍ ଜାର୍ତ୍ତି ଟେପର୍ କିମେନ୍ । ମି ବିତ୍ରେ ଜଦି ଇମ୍ଣି ଲଗୁ ଇ ଜୁଗ୍ବ୍ ଜାର୍ତ୍ତି ବୁଦିୟା ଇଞ୍ଜି ମାନେ କିନାନ୍, ୱାଟିଙ୍ଗ୍ ହେୱାନ୍ ଇନେସ୍ବି ବୁଦିୟା ଆଦେଂ ଆଡ଼ନାନ୍, ଇଦାଂ କାଜିଂ ହେୱାନ୍ ମୁରୁକ୍ ଆୟେନ୍ ।

୧୯ ଇନାକିଦେଂକି ଇ ପୁତ୍ ନି ଗିଆନ୍ ଇସ୍ବର୍ ତାକେ ମୁରୁକ୍ନିକା । ଲାଗିଂ ଦରମ୍ ସାସ୍ବର୍ତ୍ତ ଲେକା ମାନାଡ଼, ହେୱାନ୍ ଗିଆନିରିଂ ହେୱାର୍ତ୍ତି ହାଡୁର୍ତାଂ ଆହ୍ନାନ୍;

୨୦ ଆତିସ୍ପା, ସାସ୍ବର୍ତ୍ତ ପା ଲେକା ମାନାଡ଼ “ମାପୁ ପୁନାନ୍ ଜେ ଗିଆନିତ୍ ଚିନ୍ତା ବାଦ୍ନା ପଲ୍ୟା ।

୨୧ ଲାଗିଂ, ଇନେର୍ ମାନାୟ୍ତାକେ ଗରବ୍ କିମେନ୍;

୨୨ ଇନାକିଦେଂକି ଓଜୁ ବିସ୍ବେ ମିଦାଙ୍ଗ୍; ପାଉଲ୍ ଇନାଟ୍ କି ଆପଲ୍ ଇନାଟ୍ କି କେପା ଇନାଟ୍, ପୁତ୍ ଇନେଡ଼ କି ଜିବୁନ୍ ଇନେଡ଼, କି ହାକି ଇନେଡ଼, ନଙ୍ଗ୍ ବିସ୍ବେ ଇନେନ୍କି ୱାନିଦିକ୍ତି ବିସ୍ବେ ଇନେନ୍, ଓଜୁନେ ମିଦାଙ୍ଗ୍,

୨୩ ମତର୍ ଏପେଙ୍ଗ୍ କ୍ରିସ୍ବୁତି, ଆରେ କ୍ରିସ୍ବୁ ଇସ୍ବର୍ତ୍ତ ।

### ୪

#### ପକ୍ୟାତାକାର୍ତ୍ତି ହେବାକାମାୟ୍

୧ ମାନାୟ୍ ମାଙ୍ଗେଙ୍ଗ୍ କ୍ରିସ୍ବୁତି ହେବା କିନାକାର୍, ଆରେ ଇସ୍ବର୍ତ୍ତି ହାଡ଼ଦିଗିଆନ୍ନି ଇଲ୍କାର୍ନିୟା ଇଞ୍ଜି ମାନେ କିଦେର୍ ।

୨ ଆରେ, ଇଲ୍କାର୍ନିୟା ବିସ୍ବେ ଇଦାଂ ନିଜେ ମାନାକା ମାନାଡ଼, ଇନେସ୍ବି ପାତ୍ ଚଞ୍ଚାନାଡ଼ ।

୩ ମତର୍ ମି ହୁଦାଂ ନଲେ ଇମ୍ଣାକା ପା କାବାଆନି ବିଚାର୍ ସବା ହୁକେ ବିଚାଣ୍ଟା ଆନାକା ନା ପାକ୍ୟାତ ବେସି ଆଡ଼୍ଝା ବିସ୍ବେ, ଏଲେଙ୍ଗ୍ କି ଆନ୍ ନିଜେ ପା ଜାର୍ତ୍ତି ବିଚାର୍ କିଉଙ୍ଗା ।

୪ ଇନାକିଦେଂକି ଆନ୍ ଜାର୍ ବିରୁଦ୍ଦତ ଇନାକା ପୁନୁଙ୍ଗ୍ । ଆତିସ୍ପା ଇବେ ଆନ୍ ଦସି ଇଞ୍ଜି ପାର୍ମାଣ୍ ଆହ୍ୟାଞ୍ଚାତାଂନା । ମାତର୍ ଜେ ନା ବିଚାର୍ କିନାନ୍ ହେୱାନ୍ ମାପୁ ।

୫ ଲାଗିଂ ସମୁନି ଆଗେ ମାପୁତି ୱାଞ୍ଜି ପାତେକ୍ ଇନାକାପା ବିସ୍ବେ ବିଚାର୍ କିମାଟ୍; ହେୱାନ୍ ମାଜ୍ଗାନି ଡ଼କୁତି ବିସ୍ବେ ନିକିଙ୍ଗ୍ ଅଜଡ଼୍ବ୍ ଚର୍ଚାନାନ୍, ଆରେ ମାନ୍ତ କିତାକା ସବୁ ୱେଚ୍ଚନାନ୍; ହେ ପାଦ୍ନା ଓଜାକାର୍ ଇସ୍ବର୍ ତାକେ ବଲ୍ବଲ୍ଲାୟ୍ ପାୟାନାନ୍ ।

୬ ଏ ଟଣ୍ଡାର୍, ଆରେ ତଣ୍ଡେକ୍ ଆନ୍ ମିଙ୍ଗେଙ୍ଗ୍ ହିକ୍ୟା କାଜିଂ ଇ ସବୁ କାତା ନା ନିଜେତିଂ ଆରି ଆପଲ୍ଲତିଂ ଇଟ୍କାଡ଼୍ ଜିସ୍ବୁ ଉଡ଼ର୍ମୁଡ଼୍ ହିଡ଼ତାଂ, ଇନେସ୍ବି ଇନାକା ସାସ୍ବର୍ତ୍ତ ଲେକା ମାନାଡ଼, ହେଦାଂ ଆଗେ ହାନାକା ବିଦି ହିଲୁଡ଼୍; ଇଦାଂ ଏପେଙ୍ଗ୍ ମାତାଂ ହିକ୍ୟା କିୟାଟ୍, ଆରେ ଇନେସ୍ ମିତାକେଣ୍ଟାଂ ଇନେନ୍ ରୱାନ୍ ପାକ୍ୟା ଆରି ବିନ୍ନିକାନିଂ ପାକ୍ୟା ଆଜି ଗାବ୍ ଆମାଟ୍ ।

☆ ୩:୧୭ ୧ କରକ୍ରିୟ ୭:୧୯; ୨କରକ୍ରିୟ ୭:୧୭.



୭ ଇନାକିଦେଂକି ଇନେନ୍ ମିଙ୍ଗେଙ୍ଗ ଗାଜା କିଡ଼ତାନନା, ଆରେ ଇନାକା ଏପେଙ୍ଗ, ଦାନ୍ ଲାକେ ପାୟାଞ୍ଜାତାଦେଣ୍ଡା, ଇଦାଂ ମିଦାଙ୍ଗ ଇନାକା ମାନାଡ଼ ? ମତର୍ ଜଦି ଏପେଙ୍ଗ ହେଦାଂ ଇସ୍ତର୍ ଦାନ୍ ଲାକେ ପାୟା ତାଦେଣ୍ଡା ଖାଟିଙ୍ଗ ହେଦାଂ ଦାନ୍ ଲାକେ ପାୟାଆଞ୍ଜିତି ଲାକେ ଇନାକିଦେଂ ଗରବ୍ କିନାଦେରା ?

୮ ଓଁସ୍ତପାଚେ ଏପେଙ୍ଗ ଇନାକା ସାରି ଆଜି ହାଚାଦେରେ ? ଇଦାଂ ବିତ୍ରେ ଏପେଙ୍ଗ ଇନାକା ହାଉକାର୍ ଆତାଦେର୍ ? ମାଙ୍ଗ ପିସ୍ତୁ ଏପେଙ୍ଗ ଇନାକା ରାଜା ଆତାଦେଣ୍ଡା ? ଆଁ, ଏପେଙ୍ଗ ରାଜା ଆଜି ମାଟିସ୍ ହାରା ଆତାମ୍, ଇନେସ୍ ଆପେଂ ପା ମି ଲାହାଙ୍ଗ ରାଜି କିଦେଙ୍ଗ ଆଡ଼ତାପମା ।

୯ ଇନାକିଦେଂକି ନାଦି ମାନେ ଆନାତା, ପକ୍ୟାତାକାପ୍ ଜେ ଆପେଂ, ମା ଇସ୍ତର୍ ହାତି ମୁମ୍ଦ ହେଲାୟ୍ କିତି ସବୁତିଂ ହାରିହାରା ମାନାୟ୍ରିଂ ଲାକେ ହୁଡ଼ିକିତାନନା, ଲାଗିଂ ଆପେଂ ପୁତ୍, ଦୁଡ଼, ଆରି ମାନାୟ୍ରିଂ ଲାଗେ ଗ୍ଲୁଇକିଆନି ବିସ୍ତେ ଆତାପମା ।

୧୦ ଆସେଙ୍ଗ କ୍ରିସ୍ତୁତି କାଜିଂ ମୁକ୍ ଯା, ମତର୍ ଏପେଙ୍ଗ କ୍ରିସ୍ତୁତି ମେହାଣ୍ ତାକେ ଏପେଙ୍ଗ ବୁଦି ମାନାକାଦେର୍; ଆପେଂ ନାଦାର୍ ମତର୍ ଏପେଙ୍ଗ ବାଡ଼କାସ୍; ଏପେଙ୍ଗ ଜାଜମାଲ୍ ପାୟାତାକାଦେର୍, ମତର୍ ଆପେଂ ମାନି ହିଲ୍ଖାକାପ୍ ।

୧୧ ଇ ସମୁ ପାଚେକ୍ ପା ଆପେଂ ନାସ୍କିନିକାପ୍ ଆରି ଏସ୍ନିନିକାପ୍, ବାଡ଼କାସ୍ହିଲାକାପ୍ ଆରି ଗ୍ରାକ୍ଯାନାପା, ଆରେ ଆହ୍ ରହିଲାଦାଂ ବୁଲାଆଜି ବୁଲାଆଜି ।

୧୨ \*ଜାର୍ କେଇଦ କସ୍ କିନାପା, ନିନ୍ଦାକିୟା ଆଜି ଆସିର୍ବାଦ୍ କିନାପା, ନିନ୍ଦା ପାୟା ଆଜି ହୁଞ୍ଜନାପା,

୧୩ ଲାଜକୁଗିସ୍ ମେହାନି ବେଣ୍ କିନାପା; ଇ ପାଚେକ୍ ପା ଆପେଂ ପୁତ୍ ନି ଗାତ୍ରା, ଓଁଜାକାତ୍ ପ୍ରାଲ୍ ଲାକେ ଆତାପମା ।

୧୪ ଆନ୍ ମିଙ୍ଗେଙ୍ଗ ଲାଜକୁଇ କିଦେଂ ଇ ସବୁ ବିସ୍ତେ ଲେକିକିଉଙ୍ଗା ମତର୍ ନା ଖାରିନି ମାଜି ଇଞ୍ଜି ଏଡୁ ଜିସୁ ମିଙ୍ଗେଙ୍ଗ୍ ଚେଡ଼ନା ହିଦ୍ନି କାଜିଂ ଇ ସବୁ ଲେକିକିନାଙ୍ଗା ।

୧୫ ଇନାକିଦେଂକି ଜଦିପା କ୍ରିସ୍ତୁତି ବିସ୍ତେ ମିଦାଙ୍ଗ ଦସ୍ ହାଜାର୍ ଗୁରୁର୍ ମାଟିସ୍, ଆତିସ୍ପା ମିଙ୍ଗେଙ୍ଗ୍ ହେନି ଆବାର୍ ହିଲ୍ଲୁର୍; ଇନାକିଦେଂକି କ୍ରିସ୍ତୁ ଜିସୁ ତାକେ ଆନ୍ ମିଙ୍ଗେଙ୍ଗ୍ ନେକ୍ରିକାରୁର୍ କାଜିଂ ଜଲମ୍ ହିଡ଼ତାଙ୍ଗନା ।

୧୬ \*ଲାଗିଂ ଆନ୍ ମିଙ୍ଗେଙ୍ଗ୍ ଗଞ୍ଜାରି କିଦନାଙ୍ଗା, ଏପେଙ୍ଗ ନା ପାଚେ ଖାଡୁ ।

୧୭ ଇଦାଂ କାଜିଂ ଆନ୍ ମି ତାକେ ତିମତିଙ୍ଗ ପକ୍ତାତାଙ୍ଗନା, ମାପୁ ତାକେ କ୍ରିସ୍ତୁ ଜିସୁ ତାକେ ମାନ୍ଞି ନା ଖାରିନିକାନ୍ ଆରି ପାତ୍ ନି ମାଜି, ଇନେସ୍କି ଆନ୍ ଓଁଜୁ ତାକେ ସବୁ ମଣ୍ଡଲିତ ହିକ୍ୟା ହିଜି ମାନାଙ୍ଗ୍, ହେ ଲାକେ ହେଞ୍ଜାନ୍ ମିଙ୍ଗେଙ୍ଗ୍ ନା କ୍ରିସ୍ତୁତି ଚିନ୍ତା ସବୁ ଏଡୁ କିଇକିଦନାନ୍ ।

୧୮ ଆନ୍ ମି ତାକେ ହାଲୁଙ୍ଗ ଇଞ୍ଜି ଏଡୁ କିଜି ଜିସୁ ଇନେ ଇନେର୍ ଗରବ୍ତ ବାତ୍ ଆତାନ୍ନା ।

୧୯ ମତର୍ ଜଦି ମାପୁ ମାନ୍ କିନାନ୍ ଆନ୍ ମି ତାକେ ବେଗି ଖାନାଙ୍ଗ୍, ଆରେ ଇନେର୍ ଗରବ୍ କିନାରା, ହେଞ୍ଜାର୍ତି ବଚନ୍ ଆକାୟ୍, ମତର୍ ସାକ୍ତି ବୁଜା ଅନାଙ୍ଗ୍ !

୨୦ ଇନାକିଦେଂକି ଇସ୍ତର୍ ରାଜି କେବଲ୍ କାତାନି ବିସ୍ତେ ଆକାୟ୍ ମତର୍ ବେସି ସାକ୍ତି ବିସ୍ତେ ।

୨୧ ମି ମାନ୍ ଇନାକା, ଆନ୍ ବାଡ଼ଗା ଆସ୍ତି ମି ଲାଗେ ହାନାଙ୍ଗ୍ କି ଜିଉନନାକା ଆସ୍ତି ଆରି କାଲେତାଙ୍ଗ୍ ଅଜି ହାନାଙ୍ଗ୍ ?

### ୫

#### ମଣ୍ଡଲିତ ବାନ୍ୟା ଚିନ୍ତା

୧ ହାଡ଼ପାନେ ଝେନ୍ୟାନାନାତା ଜେ, ମି ବିତ୍ରେ ଦାରି ମାନାଡ଼, ଆରେ ଏପେଙ୍ଗ ଦାରି, ଇନାକା କି ପାତ୍ କିଓ୍ ଜିହୁଦିର୍ ବିତ୍ରେ ପା ଆଡ଼ଡ଼, ଏଲେଙ୍ଗକି ରଞ୍ଜାନ୍ ଜାର୍ ଆବାନି ତକ୍ତିଂ ଇଟ୍ତାନ୍ନା ।

୨ ଆରେ ଇନେର୍ ଇ କାମାୟ୍ କିତାନ୍ନା ହେଞ୍ଜାନ୍ ଇନେସ୍ ମି ବିତ୍ରେତାଂ ଦେହା କିୟା ଆୟେନ୍ ଇଦାଂ କାଜିଂ ଆଡ଼ବାଞ୍ଚାଦାଂ ଇଚିସ୍ କି ଗରବ୍ କିନାଦେରା ।

୩ ମତର୍ ନା ଗାଗାଡ଼ତ ଖାଞ୍ଜିତିସ୍ ପା ଜିବୁଡ଼ ଏକାଞ୍ଚାଦାଂ ମାନ୍ଞି ଏଲେଙ୍ଗ୍ବାନି କାମାୟ୍ କିନାନା ଏକିସ୍ ମାଟି ଲାକେ ଆନ୍ ମାପୁ ତା ବିଚାର୍ କିଜି ଓଁସ୍ତାତାଂନା,

୪ ଇଚିସ୍, ଏପେଙ୍ଗ ଆରି ନା ଖାସ୍ତି ମା ମାପୁ ଜିସୁତି ତର୍ଦ ସାକ୍ତି ଉପକାର୍ତାଂ ରୁଣ୍ଡା ଆଜି ଇଦାଂ ତିର୍ କିତାପମା ଜେ,

୫ ଇନେସ୍ ମାନାୟ୍ରିଂ ଗାଗାଡ଼ନି ନାସ୍ କାଜିଂ ସୟ୍ତାନ୍ କେଇଦ ହେଲାୟ୍ କିନି ଲଡ଼ା, ଇନେସ୍ ମାପୁ ଜିସୁତି ଦିନ୍ତ ତା ଜିବୁନ୍ ରାକ୍ୟା ପାୟାନାନ୍ ।

୬ \*ମିଦାଙ୍ଗ୍ ଏପେଙ୍ଗ ଗରବ୍ କିନାକା ହାର୍ ଆକାୟ୍ । ଏପେଙ୍ଗ କି ପୁନୁଦେରା ଜେ, ଅଲପ୍ ଇଞ୍ଜି ହୈନାକା ସବୁ ହାରାୟ୍ ହୈନାକା କିନାଡ଼ ?

୭ ଏପେଙ୍ଗ୍ତ ହୈନାକା ସକର୍ ମାନାୟ୍, ଲାଗିଂ ଇନେସ୍ ଏପେଙ୍ଗ୍ ପୁନି ହାରାୟ୍ ଆପେଂ ଆଡ଼ନାଦେର୍ ଇଦାଂ କାଜିଂ ପ୍ଲାନି ପାସ୍ ତୁହି ହିଆର୍; ଇନାକିଦେଂକି ମା ନିସ୍ତାର୍ ପାର୍ବୁ ମେଣ୍ଡାହିମ୍ଣା ଇଚିସ୍ କ୍ରିସ୍ତୁ ମା କାଜିଂ ପୁଜାଲାକେ କୁସ୍ତ ହାତାନ୍ନା

\* ୪:୧୨ ପକ୍ୟାତାକା ୧୮:୩. \* ୪:୧୭ ୧ କରକ୍ତିୟ ୧୧:୧; ପିଲିପିୟ ୩:୧୭. \* ୫:୭ ଗାଲାତିୟ ୫:୯.

୮ ଲାଗି ଖାତୁ, ଆସେଇ ପୁନି ହେନାକା କି ବାନ୍ୟା ଆରି ବାନ୍ୟାକାମାୟ ହେନାକା ହୁଦାଂ ପାରୁ ପାଲି କିଞ୍ଜାଦାଂ ହୁଦାର ଆରି ହାତପାଲାକେ ହଇଞ୍ଜି ରୁଟି ହୁଦାଂ ପାରୁ ପାଲି କିନାସ ।

୯ ଦାୟାର ହୁଦାଂ ମେହାଞ୍ଜାଞ୍ଜି କାଜିଂ ଆନ୍ ମିଙ୍ଗ ନା ଆକିତ ଲେକିକିଜି ମାଚାଙ୍ଗ ମାଚାଙ୍ଗ;

୧୦ ଇ ଜଗତ୍ତନି ଦାରି କି ଦାନ୍ ଲାହାର କି ଲକାର ଜିନିସ୍ ଚଣ୍ଡାର କି ପୁଡ଼ା ପୁଜାକିନାକାର ଲାହାଙ୍ଗ ଜେ ମୁଡ଼େ ମେହାଣ ଆଉନ୍ । ହେଦାଂ ଆକାୟ; ତା ଆତିସ୍ ମିଙ୍ଗ ଜଗତ୍ତାଂ ବାତ୍ ହାଞ୍ଜେଙ୍ଗ ଲଡ଼ା ।

୧୧ ମତର୍ ନା ଲେକିକିନି ବାବନା ଇଦାଂ ମାଚାତ୍ ଜେ, ଜଦି ଇମଣି ଲଗୁ ଚଣ୍ଡେନ୍ ଇଞ୍ଜି ତାକ୍ପୁଟା ଆଜି ଦାରି କି ଦାନ୍ ଲହା କି ପୁଡ଼ା ପୁଜାକିନାକାର କି ବାନ୍ୟା କି ମଦୁଆ କି ଲକାର ଜିନିସ୍ ଚଣ୍ଡା ଆନାନ୍, ଖାଟିଙ୍ଗ୍ ଏପେଙ୍ଗ ଲକୁ ଲାହାଙ୍ଗ ମେହାଆମାଟ୍, ଆରେ ହେଞ୍ଜାନ୍ ଲାହାଙ୍ଗ ତିନମାଟ୍ ।

୧୨ ଇନାକିଦେଂକି ବାରତି ମାନାୟାରତ୍ ବିଚାର କିନାକାଙ୍ଗ୍ ଆନ୍ ଇନେନ୍ ? ମତର୍ ମଣ୍ଡଲିନିକାରିଙ୍ଗ୍ ବିଚାର କିନି ଦାଇଡ଼ ମାଦାଂ ଇନାକା ଆକାୟ ?

୧୩ ମତର୍ ଇମଣାକାର ବାତ୍ ମାନାର, ହେଞ୍ଜାରତି ବିଚାର ଇସ୍ପର୍ କିନାନ୍ । ହେ ବାନ୍ୟା ଲଗାଙ୍ଗ ମି ବିଡ଼େତାଂ ହପାଟ୍ ।



**କ୍ରିଷ୍ଟିୟାନ୍ ଚଣ୍ଡାର ବିରୁଦ୍ଧ ଗଣ୍ଡଗଲ୍**

୧ ମି ବିଡ଼େତାଂ ଇନେରତି ବିନ୍ ଲଗାଂ ବିରୁଦ୍ଧ କାତା ମାତିସ୍ ହେଞ୍ଜାନ୍ କି ବିଚାର କାଜିଂ ପୁଇପୁୟା ସାଦୁର୍ ଲାଗାଂ ହାଲ୍‌ଞ୍ଜାଦାଂ ଅଦାମିଂ ଲାଗାଂ ହାନି କାଜିଂ ସାସ୍ କିନାନ୍ ?

୨ କି ସାଦୁର୍ ଜେ ଜଗତ୍ତନି ବିଚାଣ୍ଡା କିତାର, ଇ କାତା କି ଏପେଙ୍ଗ୍ ପୁନୁଦେର୍ ? ଆରେ ଜଦି ପୁତ୍ ମି ପୁଇପୁୟା ହୁଦାଂ ବିଚାଣ୍ଡା ଆନାତ୍, ଖାଟିଙ୍ଗ୍ ଏପେଙ୍ଗ୍ କି ଅଲପ୍ ଅଲପ୍ ବିସ୍ତେ ବିଚାଣ୍ଡା କିଦେଙ୍ଗ୍ ଆଡୁଦେର୍ ?

୩ ଆସେଙ୍ଗ୍ ଜେ ଦୁଡ଼ରତି ବିଚାର କିନାକା, ଇଦାଂ କି ଏପେଙ୍ଗ୍ ପୁନୁଦେର୍ ?

୪ ଖାଟିଙ୍ଗ୍ ସିଂସାର ଜିବୁନ୍ କାତା କି ଇନାକା ? ଲାଗିଂ, ଜଦି ବିଚାର କାଜିଂ ମିଦାଙ୍ଗ୍ ସିଂସାର ଜିବୁନ୍ ବିସ୍ତେ ଇମଣି ବିସ୍ତେ ମାତିସ୍, ଖାଟିଙ୍ଗ୍ ମଣ୍ଡଲିତ ଇମଣାକାର ବୁଜାଆଉର୍, ହେଞ୍ଜାରିଂ ବିଚାଣ୍ଡା କିଦେଙ୍ଗ୍ ବାତି କିୟାଟ୍ ?

୫ ଆନ୍ ମିଙ୍ଗ ଲାଜ୍ ହିଦନି କାଜିଂ ଇଦାଂ ଇଞ୍ଜନାଙ୍ଗା । ଚଣ୍ଡାର ଚଣ୍ଡାର ବିଡ଼େ ଗଣ୍ଡଗଲ୍ କିଦେଙ୍ଗ୍ ଆଡ଼ନାଦେର୍, ଏପେଙ୍ଗ୍ ଇନାକା ରଞ୍ଜାନ୍ ଇଞ୍ଜି ଗିଆନି ଲଗୁ ହାତପା ବିଡ଼େ ବିଚାର କିନାକାନ୍ ହିଲୁନ୍ ?

୬ ମତର୍ ଚଣ୍ଡାର ଚଣ୍ଡାର ବିରୁଦ୍ଧ ବିଚାଣ୍ଡା ଇଞ୍ଜି ଦାବା କିନାନ୍, ହେଦାଂ ଆରେ ପାତ୍ କିଞ୍ଜାକାର ଲାଗାଂ ।

୭ ଏପେଙ୍ଗ୍ ଜେ ହାରି ବିରୁଦ୍ଧ ବିଚାର ଇଞ୍ଜି ଦାବା କିନାଦେରା, ହେବେ ଏପେଙ୍ଗ୍ ହାତପା ଦସି । ନଲେ ଇନେକିଦେଂ ଅନ୍ୟାୟ ହୁଞ୍ଜୁଦେରା ? ଇତିସ୍ ଇନେକିଦେଂ ଅନ୍ୟାୟ ମାନିକିତଦେରା ? ଇତିସ୍ ଇନାକିଦେଂ ନସ୍ ମାନି କିତଦେରା ?

୮ ମତର୍ ଏପେଙ୍ଗ୍ ଜାର ଜାର ଅନ୍ୟାୟ ଆରି ନସ୍ କିନାଦେରା, ଆରେ ହେଦାଂ ଚଣ୍ଡାର ଆରି ତଣ୍ଡେକ କାଜିଂ କିନାଦେରା ।

୯ କି ଅଦାମିଂ ଜେ ଇସ୍ପତ୍ ରାଜିତ ଆଦିକାର ଆଉର୍, ଇଦାଂ କି ଏପେଙ୍ଗ୍ ପୁନୁଦେରା ? ବୁଲକା ଆମାଟ୍, ଦାରି କି ପୁଡ଼ା ପୁଜାକିନାକାର କି ଲକାରଦାରି କି କଗ୍ଲେ ଚିନ୍ତା ଦାରୁଲା

୧୦ କି ମୁଟିଇଡ଼ନାକାନ୍ କି ଚରେନ୍ କି ଦାନ୍ ଲହା କି ମଦ୍‌ଞ୍ଜା କି ବାନ୍ୟା ଲକାତ୍ ଜିନିସ୍ ଚରି କିନାକାନ୍ ଇଞ୍ଜାର ଇସ୍ପତ୍ ରାଜିତ ହେଞ୍ଜାର ବାଗ୍ ପାୟା ଆଉର୍ ।

୧୧ ଆରେ, ମି ବିଡ଼େ ଇନେର୍ ଇନେର୍ ଏପେଙ୍ଗ୍ ମାଚାଦେର୍; ମତର୍ ମାପୁ ଜିସୁ କ୍ରିଷ୍ଟି ତର୍ଦ ଆରି ମା ଇସ୍ପତ୍ ହୁଦାଂ ଏପେଙ୍ଗ୍ ନୁଜୟା ଆତାଦେଣ୍ଡା, ପୁଇପୁୟା କିୟା ଆତାଦେଣ୍ଡା ଆରି ଦାମିଂ ଇଞ୍ଜି ଗାଣ୍ଡି ଆତାଦେଣ୍ଡା ।

**ଜାର ଗାଗାଡ଼ିଂ ଇସ୍ପତ୍ ଜାଜ୍‌ମାଲ୍ କାଜିଂ ଚିନ୍ତା କିୟାଟ୍**

୧୨ ଓଜୁ ବିସ୍ତେ ଆଡ଼ଦେଂ ନା ଦାଇଡ଼ ହିଡ଼ତାଣ୍ଡା, ମତର୍ ଓଜୁ ବିସ୍ତେ ହାରଦାକା ଆକାୟ । ଓଜୁ ବିସ୍ତେ ଆଡ଼ଦେଂ ନା ଆଦିକାର ମାନାତ୍, ମତର୍ ଆନ୍ ଇମଣି ବିସ୍ତେ ତାରେନ୍ ଆଉଙ୍ଗ୍

୧୩ ବିନ୍‌ନିକାର ଇଞ୍ଜେଙ୍ଗ୍ ଆଡ଼ନାର୍ କାଦି ପଟ କାଜିଂ, ଆରେ ପଟ କାଜିଂ, ମତର୍ ଇସ୍ପର୍ ହାରିତିଂ ବୁଡ଼ାୟ କିନାନ୍ । ଗାଗାଡ଼ ଦାରି କାଜିଂ ଆକାୟ, ମତର୍ ମାପୁତି କାଜିଂ, ଆରେ ମାପୁ ଗାଗାଡ଼ କାଜିଂ;

୧୪ ଇସ୍ପର୍ ମାପୁଙ୍ଗ୍ ହାକିତାଂ ନିକ୍ତାନ୍, ଆରେ, ଜାର ସାକ୍ତି ହୁଦାଂ ମାଙ୍ଗେଙ୍ଗ୍ ପା ନିକ୍ତାନାନ୍ ।

୧୫ ମି ଗାଗାଡ଼ ଜେ କ୍ରିଷ୍ଟି ଗାଗାଡ଼ ଲାକେ, ଇଦାଂ କି ପୁନୁଦେରା ? ଖାଟିଙ୍ଗ୍ ଆନ୍ ଇନାକା କ୍ରିଷ୍ଟି ଗାଗାଡ଼ ଅଜି ଦାରିଆତି ଗାଗାଡ଼ କିନାଙ୍ଗ୍ ? ହେଦାଂ ଇନାଞ୍ଜାଡ଼ାଂ ପା ଆମେଡ଼ ।

୧୬ କି ଇନେର୍ ଦାରିଆ ଲାହାଙ୍ଗ ମେହାନାନ୍, ହେଞ୍ଜାନ୍ ତା ଲାହାଙ୍ଗ ର ଗାଗାଡ଼ ଆନାନ୍, ଇଦାଂ କି ଏପେଙ୍ଗ୍ ପୁନୁଦେର୍ ? ଇନାକିଦେଂକି ଲେକା ମାନାତ୍, “ହେଞ୍ଜାର୍ ରିଆର୍ ଏକ୍ ଆନାର୍ ।”

୧୭ ମତର୍ ଇନେର୍ ମାପୁତି ଲାହାଙ୍ଗ୍ ଖାସ୍ତି ମେହା ଆନାର୍, ହେଞ୍ଜାନ୍ ହେଞ୍ଜାନ୍ ଲାହାଙ୍ଗ୍ ର ଜିବୁନ୍ ଆନାତ୍ ।

୧୮ ଦାରିତ୍ୟଂ ଦେହା ହାଲାର୍ । ମାନାୟ ବିନ୍ ଇମ୍ମଣାକା ପା ପାପ୍ କିତିସ୍, ହେଦାଂ ଗାଗାଡ଼ନି ବାର୍ତ୍ତହତାକା; ମତର୍ ଇନେର୍ ଦାରି କିତାନ, ହେଞ୍ଜାନ୍ ଜାର ନିଜ୍ ଗାଗାଡ଼୍ ବିରୁଦ୍ଧ ପାପ୍ କିନାନ୍ ।

୧୯ ଏପ୍ ଇନାକା ପୁନୁଦେରା କି ଜେ ମି ଗାଗାଡ଼୍ ପୁଇପୁୟା ଜିବୁନିଂ ମନ୍ଦିର୍, ଇନାକା ଏପେଙ୍ ଇସ୍ପର୍ତାଂ ପାୟା ଆତାଦେର୍ଣ୍ଣା ? ଆରେ, ଏପେଙ୍ ଜାର ଜାରତିଂ ଆକାୟ;

୨୦ ଇନାକିଦେଂକି ଏପେଙ୍ ଜବର୍ ମଲ୍ଦ କଡ଼ୟାତାଦେର୍ଣ୍ଣା; ଲାଗିଂ ମି ଗାଗାଡ଼୍ ଇସ୍ପର୍ତ୍ ଜାଜମାଲ୍ ହପାର୍ ।



**ବିବା ବିସ୍ତେନି ପର୍ସନ୍**

୧ ଏପେଙ୍ ଇମ୍ମଣି ସବୁ ବିସ୍ତେ ଲେକି କିତାଦେର୍ନା, ହେ ସବୁନି ଉତର୍ ଇଦାଂ, କଗ୍ଲେ ହିମ୍ମଣାକାଂ ତୁଞ୍ଜାକା ଆଣ୍ଡାଙ୍ ପାକ୍ୟାତ ହାର୍;

୨ ମତର୍ ଦାରି ପାଣ୍ଡୁ ଜାଜିଂ ଜାଣ୍ଡକେ ଆଣ୍ଡାଙ୍ଗତି ଜାରତିଂ କଗ୍ଲେ ମାନେଡ୍, ଆରେ ଜାଣ୍ଡକେ କଗ୍ଲେକ୍ନି ଜାରତିଂ ଆଣ୍ଡେନ୍ ମାନେନ୍ ।

୩ ଆଣ୍ଡେନ୍ କଗ୍ଲେତି ପାୟାଏଡ୍, ଆରେ ହେ ଲାକେ ପା କଗ୍ଲେ ଆଣ୍ଡେନିଂ ପାୟାଏଡ୍ ।

୪ କଗ୍ଲେତି ଜାର ଗାଗାଡ଼୍ ଜପି କେମ୍ତା ଆକାୟ, ମତର୍ ଆଣ୍ଡେନ୍ତି ମାନାଡ୍; ହେ ବାନି ପା ଆଣ୍ଡେନ୍ତି ଜାର ଗାଗାଡ଼୍ ଜପି ଆଦିକାର୍ ଆକାୟ, ମତର୍ କଗ୍ଲେତି ମାନାଡ୍ ।

୫ ହାରିତିଂ ଆବଡ୍ ଜୁମାର୍, ଏଚେକାଡ଼୍ ପାର୍ତନା କାଜିଂ ପାବ୍ ଗାଗାନି କାଜିଂ ଦୁଲ୍ମାତାର୍ ର ବୁଜାମାଣା ଆଜି ଅଲପ୍ କାଡ଼୍ ବିନେ ମାଞ୍ଜେଙ୍ ଆଡ଼ନାଦେର୍; ଆରେ, ମିଦାଙ୍ ମାନ୍ ଦାବାୟ ଅବାବ୍ ଲାଗିଂ ସୟତାନ୍ ଇନେସ୍ ମିଙ୍ଗେଙ୍ ପରିକ୍ୟା କିଦୁଡ୍, ଇଦାଂ କାଜିଂ ଆରେ ରଗ ରୁଣ୍ଡା ଆଡୁ ।

୬ ମତର୍ ଆନ୍ ବଲ୍ ହିଡ଼ି ଲାକେ ଇଞ୍ଜାଦାଂ ବୁଜାୟ କିଡ଼ି ଲାକେ ଇଦାଂ ଇଞ୍ଜନାଙ୍ ।

୭ ଆଡିସ୍ପା, ଇନେସ୍ ସବୁ ଲଗୁ ନା ଲାକେ ଆନାର୍, ଇଦାଂ ନା ଇତା । ମତର୍ ଇନେର୍ ଏପେଙ୍, ଇନେର୍ ହେ ଏଲେଂ, ଜାଣ୍ଡକେ ଇସ୍ପର୍ତାଂ ଦାନ୍ ପାୟାତାଣ୍ଣା ।

୮ ମତର୍ ଆନ୍ ଝାଟା ଆରି ରାଣ୍ଡିକାଂ ଇନାଙ୍, ହେଞ୍ଜେକ୍ ନା ଲାକେ ମାଡିସ୍ ହେଞ୍ଜେକ୍ ପାକ୍ୟାତ ହାର୍ ।

୯ ମତର୍ ଜଦି ହେଞ୍ଜେକ୍ ମାନ୍ତର୍ଂ ସାମାଲି କିଦେଙ୍ ଆଡ଼ଞ୍ଜିତିସ୍, ଝାଟିଙ୍ ହେଞ୍ଜେକ୍ ବିବା ଆୟେକ୍; ଇନାକିଦେଂକି କାମାୟତ ତାହାନି ବାଟା ବିବା ଆନାକା ହାର୍ ।

୧୦ ମତର୍ ଇଲା ଆତାକାରିଂ ଆନ୍ ବଲ୍ ହିନାଂ, ଆନ୍ ଆକାୟ, ମତର୍ ମାପୁ ବଲ୍ ହିନାନ୍, କଗ୍ଲେ ଜାର ତକ୍ରାତାଂ ବିନେ ଆମେଡ୍,

୧୧ ମତର୍ ଜଦି ହେଦେଲ୍ ବିନ୍ ବିନ୍ ଆଡିସ୍, ଝାଟିଙ୍ ହେଦେଲ୍ ଆରେ ବିବା କିମେଡ୍, ଆଞ୍ଜିତିସ୍ ଜାର୍ ଆଣ୍ଡେନ୍ ଲାହାଙ୍ ମେହା ଆୟେଡ୍, ଆରେ ଆଣ୍ଡେନ୍ ଜାର୍ କଗ୍ଲେଂ ପିହ୍ମେନ୍ ।

୧୨ ମତର୍ ବିନ୍ ଲଗାଂ ଝିଜାରିଂ ଆନ୍ ଇନାଂ ମାପୁ ଇନୁନ୍, ଜଦି ଇମ୍ମଣି ଟଣ୍ଡେନ୍ ତାକେ ପାତର୍ ହିଞ୍ଜି ତକ୍ରି ମାଡିସ୍, ଆରେ ହେଞ୍ଜାନ୍ ତା ଲାହାଙ୍ ବାହା କିଦେଙ୍ ରାଜି ଆଏନ୍, ତା ଆଡିସ୍ ହେଞ୍ଜାନ୍ ହେଦେଲିଂ ପିହ୍ମେନ୍ ।

୧୩ ଆରେ, ଇନେର୍ ତକ୍ରି ତାକେ ପାତର୍ କିଞ୍ଜାକାନ୍ ଆଣ୍ଡେନ୍ ମାଡିସ୍, ଆରେ ହେଞ୍ଜାନ୍ ଲାହାଙ୍ ବାହା କିଦେଙ୍ ରାଜି ଆଏଡ୍, ହେଦେଲ୍ ତା ତକ୍ରାହିଂ ପିହ୍ମେଡ୍ ।

୧୪ ଇନାକିଦେଂକି ପାତର୍ କିଞ୍ଜି ଆଣ୍ଡେନ୍ ପାତର୍ କିନି ତକ୍ରି ଲାହାଙ୍ ସକର୍ କିୟାଆନାତାଡ଼ନା, ଆରେ ପାତର୍ କିଞ୍ଜି ତକ୍ରି ପାତର୍ କିନି ଆଣ୍ଡେନ୍ କାଜିଂ ସକର୍ କିୟାଆନାତାଡ଼ନା; ହେଦାଂ ଆଞ୍ଜିତିସ୍ ମି ହିମ୍ମଣାଂ ରାଡା ଆତାମା, ମାତର୍ ନଙ୍ ହେଞ୍ଜାର୍ ସକର୍ ।

୧୫ ଆଡିସ୍ପା ଜଦି ପାତର୍ କିଞ୍ଜାକା ବିନେ ଆଦେଂ ଇତା କିଡିସ୍, ଝାଟିଙ୍ ହେଦେଲ୍ ବିନେ ଆୟେଡ୍; ଏଲେଙ୍ ବାହାତ ହେ ଟଣ୍ଡେନ୍ କି ତଣ୍ଡେଲ୍ ହୁର୍ପିୟା ଆଞ୍ଜାତାଣ୍ଣା, ଇସ୍ପର୍ ମିଙ୍ ସୁସ୍ପାତ ବେବାର୍ କିଦ୍ଦେଂ ଆସ୍ତାତାନ୍ନା ।

୧୬ ଲାଗିଂ ଏ କଗ୍ଲେ, ଏପେଙ୍ ଜେ ଜାର୍ ପାତର୍ ତକ୍ରାତି ମୁକ୍ତିନି କାରଣ୍ ଆନାଦେର୍, ଇଦାଂ ଇନାକା ପୁନୁୟ୍ ? କି ଏ ଆଣ୍ଡାଙ୍, ଏପେଙ୍ ଜେ ଜାର୍ କଗ୍ଲେତି ମୁକ୍ତାନି କାରଣ୍ ଆନାଦେର୍, ଇଦାଂ ଇନାକା ପୁନାଦେର୍ ?

**ଇନେସ୍ କୁକ୍ତାକା ହେ ଏଲେଙ୍ ଚିନ୍ତା**

୧୭ କେବଲ୍ ମାପୁ ଇନେରିଂ ଦାନ୍ ପାସ୍ତାତାନ୍ନା, ଇସ୍ପର୍ ଝିଜାରିଂ ଇନେସ୍ କୁକ୍ତାକା ହେଞ୍ଜାନ୍ ହେ ଲାକେ ଚିନ୍ତା କିଏନ୍ । ଆନ୍ ସବୁ ମଣ୍ଡଲିତ ଏଲେଙ୍ ବାନି ବଲ୍ ହିନାଂ ।

୧୮ ଇନେନ୍କି ସୁନ୍ନଡ୍ ଲାକେ ଇସ୍ପର୍ ହୁକେ କୁକ୍ୟାତାନ୍ନା ? ହେଞ୍ଜାନ୍ ସୁନ୍ନଡ୍ ଆକାୟ ଲାକେ ଚଞ୍ଜୟା ଆଦେଂ ସେସ୍ କିମେନ୍ । ଇନେ ଇନେନ୍କି ସୁନ୍ନଡ୍ ଆକାୟ ଲାକେ କୁକ୍ୟାତାନ୍ନା ? ହେଞ୍ଜାନ୍ ସୁନ୍ନଡ୍ ଆମେନ୍ ।

୧୯ ସୁନ୍ନଡ୍ ଆନାକା କି, ଆରେ ସୁନ୍ନଡ୍ ଆକାୟ ମୁଡେ ଆକାୟ, କେବଲ୍ ଇସ୍ପର୍ ବଲ୍ ପାଲି କିନାକା ନେ ଗାଜା ।

୨୦ ଇସ୍ପର୍ ଝାଡିଲେ ହେ ଇମ୍ମଣି ଅବସ୍ତାତ କୁକ୍ୟାତାଦେର୍ଣ୍ଣା, ହେଞ୍ଜାନ୍ ହେବେ ମାନେନ୍ ।

୨୧ ଏପେଙ୍ଗ କି ଆଡ଼ିଏନ୍ ଆଜି କୁକ୍ୟାତାଦେଣ୍ଟା ? ଚିନ୍ତା କିମାଟ୍; ମତର୍ ଏତେକାଡ଼୍ ମୁକ୍ତା ଆଦେଂ ଆଡ଼ନାଦେର୍, ତେବେ ନଲେ ସୁବିଦା ହୁଡ଼ାଟ୍ ।

୨୨ ଇନାକିଦେଂକି ଇନେର୍ ଆଡ଼ିଏନ୍ ଆଜି ମାପୁତାକେ କୁକ୍ୟାତାନ୍ନା, ହେଝାନ୍ ମାପୁତି ମୁକ୍ତାତି ଲଗୁ; ହେ ଲାକେ ଇନେର୍ ମୁକ୍ତା ଆଜି କୁକ୍ୟାତାନ୍ନା, ହେଝାନ୍ କ୍ରିସ୍ତୁତି ଆଡ଼ିଏନ୍ ।

୨୩ ଏପେଙ୍ଗ ବେସି ମଲ୍ଦ କଡ଼ୟାତାଦେଣ୍ଟା, ମାନାୟନି ଆଡ଼ିଏନ୍ ଆମାଟ୍ ।

୨୪ ଏ ଟଣ୍ଡାର୍, ଆରି ତଣ୍ଡେକ ଜାଣକେ ଇମ୍ଣି ଅବସ୍ତାତ କୁକ୍ୟାତାଦେଣ୍ଟା; ହେଝାନ୍ ଇସ୍ତର୍ ରତେ ମାନ୍ଝି ହେ ଅବସ୍ତାତ ମାନେନ୍ ।

**ୱାଟା ଆରି ରାଣ୍ଡିକ୍ ବିସ୍ତେ ପର୍ସନ୍**

୨୫ ଗାଡ଼ରେକ୍ଟି ବିସ୍ତେ ଆନ୍ ମାପୁତାଂ ଇମ୍ଣାକା ପା ବଲ୍ ଗାଟାଝାତାନ୍ନା; ମତର୍ ମାପୁତି ଦୟାତାଂ ପାଟର୍ ଲଗୁ ଆଜି ଜାର୍ତିଂ କାତା ହିନାଙ୍ଗା ।

୨୬ ଆନ୍ ବାବି କିନାଙ୍ଗା ଜେ, ମାନାୟ ଇନେସ୍ ମାନାନ୍, ସୁନ୍ଦୁ ଆଝି କସ୍ତୁ ଲାଗିଂ ହେ ଲାକେ ମାନାକା ହାର୍ ।

୨୭ ଏପେଙ୍ଗ ଜେ ତକ୍ତି ହୁଦାଂ ମାନାଦେର୍ ? ଲାଗିଂ ମୁକ୍ତା ଆନି କାଜିଂ ସେସ୍ତୁ କିମାଟ୍ । ଏପେଙ୍ଗ ଜେ ତକ୍ତିହୁଦାଂ ମୁକ୍ତାନାଦେର୍ ? ତେବେ ତକ୍ତି ଗାଟାନି କାଜିଂ ସେସ୍ତୁ କିମାଟ୍ ।

୨୮ ମତର୍ ଜଦି ଏଲେଙ୍ଗ ବିବା କିତାଦେଣ୍ଟା, ତା ଆଡ଼ିସ୍ତା ପାପ୍ କିଝାତାଦେଣ୍ଟା; ଆରେ ଜଦି ଜିପଲି ବିବା କିତାଡ଼ନା, ତା ଆଡ଼ିସ୍ତ ହେଦେଲ୍ ପାପ୍ କିଝାତାଡ଼ନା । ଆଡ଼ିସ୍ତା ଏଲେଙ୍ଗ ଲଗୁ ଗାଗାଡ଼୍ କସ୍ତୁ ବଗ୍‌କିନି କାଜିଂ; ଆରେ ଏପେଙ୍ଗ ଇନେସ୍‌କି ହେବେତାଂ ରାକ୍ୟା ପାୟାଡୁ, ଇଦାଂ ନା ମାନ୍ ।

୨୯ ମତର୍ ଏ ଟଣ୍ଡାର୍, ନା କାତା ମାନ୍ ଏଲେଙ୍ଗ, ସମୁ ବେସି ଉଣା, ଲାଗିଂ ଇମ୍ଣାକାଟର୍ ତକ୍ତି ମାନାଡ଼, ହେଝାର୍ ତକ୍ତି ହିଲ୍‌ଝି ଲାକେ ଆଏର୍ ।

୩୦ ଆରେ, ଇନେର୍ ଆଡ଼ବାନାର୍, ହେଝାର୍ ଆଡ଼ବାଝାକାର୍ ଲାକେ ଆଏର୍; ଆରେ, ଇନେର୍ ଦୁକ୍ କିତାର୍, ହେଝାର୍ ଦୁକ୍ କିଝାକାର୍ ଲାକେ ଆଏର୍; ଇନେର୍ କଡ଼ନାର୍, ହେଝାର୍ କଡ଼ଝାକାର୍ ଲାକେ ଆଏର୍;

୩୧ ଆରେ, ଇନେର୍ ସିସାର୍ ବିସ୍ତେ ବଗ୍ କିତାର୍, ହେଝାର୍ ବଗ୍ କିଝାକାର୍ ଲାକେ ଆଏର୍ । ଇନାକିଦେଂକି ଇ ଜଗଡ଼ନି ବାନା ବାଦ୍‌ଲା ଆନାଡା ।

୩୨ ମତର୍ ଏପେଙ୍ଗ ଇନେସ୍‌କି ଚିନ୍ତା କିମାଟ୍, ଇଦାଂ ନା ଇଟା । ଇନେନ୍ ଝାଟା, ହେଝାନ୍ ଇନେସ୍‌କି ମାପୁତି ମାନ୍‌ସତକ୍ ଆନାଦେର୍, ହେଦାଂ କାଜିଂ ମାପୁନି ବିସ୍ତେ ଆସ୍ତି ଚିନ୍ତା ଆଡୁ;

୩୩ ମତର୍ ଇନେନ୍ ଇଲା ଆତାକାନ୍, ହେଝାନ୍ ଇନେସ୍ ଜାର୍ ତକ୍ତି ମାନ୍‌ସତକ୍ ଲଗୁ ଆନାନ୍, ହେଦାଂ କାଜିଂ ହେଝାନ୍ ପୁଟର୍ ନି ବିସ୍ତେ ଆସ୍ତି ଚିନ୍ତା କିନାନ୍, ଆରେ ତା ମାନ୍ ବିନେବିନେ ଆନାଡ଼ ।

୩୪ ଲାଗିଂ ହେଝାନ୍‌କ୍ତି ମାନ୍ ରିବାଗ୍ ଆୟେଡ଼ ତିଣ୍ଡା କଗ୍‌ଲେ ଆରି ଜିପଲି ମାପୁ କାମାୟ ଗାଗାଡ଼୍ ଆରି ଜିବୁଡ଼ ପୁଇପୁୟା ଆନି କାଜିଂ ମାପୁତି ବିସ୍ତେ ଅଜି ଚିନ୍ତା ଆନାର୍; ମତର୍ ଇଦେଲ୍ ଇଲା ଆତାକା, ହେଦେଲ୍ ଇନେସ୍ ଜାର୍ ଆଣ୍ଡେକ୍ତି ମାନ୍‌ସତକ୍ କଗ୍‌ଲେ ଆନାଡ଼, ହେଦାଂ କାଜିଂ ପୁଟର୍ ବିସ୍ତେ ଅଜି ଚିନ୍ତା ଆଡୁ ।

୩୫ ଇ କାତା ଆନ୍ ମିଦାଙ୍ଗ୍ ଜାର୍ ହାର୍ କାଜିଂ ଇଞ୍ଜନାଙ୍ଗା, ମିଙ୍ଗ୍ ଗାଟ୍‌ଚିତ ଆସ୍ତେଙ୍ଗ୍ ଇଞ୍ଜୁଙ୍ଗା, ମତର୍ ଏପେଙ୍ଗ ଇନେସ୍ ହାର୍ ଚିନ୍ତା ଜିସୁ ର ମାଡ଼ ମାପୁ ତାକେ ଲାଗାଜି ମାନାଟ୍, ଇଦାଂ କାଜିଂ ଇଞ୍ଜନାଙ୍ଗା ।

୩୬ ମତର୍, ଝାଟିଙ୍ଗ୍ ଇମ୍ଣି ମାନାୟ ଜାର୍ ଗାଡ଼ରେନି ଜିପଲି ଅବସ୍ତା ହାଟାଡ଼ନା, ଆରେ ହେଦେଲ୍ ତା କାଜିଂ କିଝାକା ଚିନ୍ତା କିନାତା ଇଞ୍ଜି ବାବି କିନାଡ଼, ତେବେ ଲଡ଼ାନିମାନ୍ କିଡ଼ିସ୍ ହେଦେଲ୍ ଇନାକା ଇଟା, ହେଦାଂ କିଏଡ଼; ହେବେ ପାପ୍ ଆକାୟ; ହେଝେକ୍ ବିବା ଆୟେକ୍ ।

୩୭ ମତର୍ ଜେ ଝାସ୍ତିତ ତିର୍ ମାନାଡ଼, ଆରେ ଲଡ଼ା କିଝିତିସ୍, ଆରେ ଇନେର୍‌ତି ଜାର୍ ଇଟା ଲାହାଙ୍ଗ୍ କିଦେଙ୍ଗ୍ ଆଦିକାର୍ ମାଟିସ୍, ଆରେ ଇନେର୍ ଜାର୍ ଗାଡ଼ରେଂ ଜିପଲି ଇଡ଼ଦେଂ କାଜିଂ ଝାସ୍ତିତ ତିର୍ କିତାନ୍ନା, ହେଦେଲ୍ ହାର୍ କିତାଡ଼ନା ।

୩୮ ଲାଗିଂ ଇନେର୍ ଜାର୍ ଜିପଲି ବିବା କିନାନ୍, ହେଝାନ୍ ହାର୍ କିନାନ୍, ଆରେ ଇନେର୍ ବିବା କିଡ଼ନ୍, ହେଝାନ୍ ଆରେ ହାର୍ କିନାନ୍ ।

୩୯ ଆଣ୍ଡେନ୍ ଜିଜି ମାନି ପାତେକ୍ କଗ୍‌ଲେ ଗାଟ୍ୟାଜି ମାନାଡ଼; ମତର୍ ଆଣ୍ଡେନ୍ ହାଡ଼ିସ୍, ଝାଟିଙ୍ଗ୍ କଗ୍‌ଲେ ମାପୁତି ତାକେ ପାଟର୍ ନିକା ଇନେରିଂ ମାନ୍, ହେଝାନିଂ ବିବା କିଦେଙ୍ଗ୍ ଜାର୍‌ମାନ୍ ।

୪୦ ମତର୍ ହେଦେଲ୍ ହେ ଲାକେ ମାଟିସ୍ ଆଦିକ୍ ସୁକ୍ ଆନାଡ଼, ଇଦାଂ ନା ଇନାକା, ଆରେ ଆନ୍ ପା ଇସ୍ତର୍ ଜିବୁନ୍ ପାୟାତାଂନା ଇଞ୍ଜି ବାବି କିନାଙ୍ଗା ।



**ପେନ୍ ଆକାଡ଼ ବିସ୍ତେ**

୧ ପେନ୍ ପୂଜାକିତି ଆକାଡ଼ ବିସ୍ତେ ନା ଉତର ଇଦାଂ, ମାଦାଂ ଝିଜାକାତ ଗିୟାନ୍ ମାନାଡ଼ ଇଞ୍ଜି ଏପେଙ୍ଗ ଇନାକା ଇନାଦେରା, ହେଦାଂ ଆପ୍ ପୁନାପ୍ । ଗିୟାନ୍ ଆକାର୍ ଉଦ୍‌ଜାଣ୍ କିନାଡ଼, ମତର୍ ଜିଉନନିତାଂ ହାର୍‌ଦାକା ହନାଡ଼ ।

୨ ଜଦି ଇନେର୍ ଇମ୍‌ଣି ବିସ୍ତେ ପୁନାନ୍ ଗିଆନି ଇଞ୍ଜି ବାବି କିତାର୍, ଲାଗିଂ ହେଝାନ୍ତି, ଇନେସ୍ ପୁନାକା ଲଡ଼ା ହେଝାନ୍ ଇ ପାତେକ୍ ପୁନଝାତାନ୍ନା;

୩ ମତର୍ ଜଦି ଇନେର୍ ଇସ୍‌ରତିଂ ଜିଉନନାର୍, ଇସ୍‌ର ତାଙ୍ଗେଙ୍ଗ୍ ପୁଚାନ୍‌ନା ।

୪ ଲାଗିଂ ପେନ୍ ପୂଜାକିତି ଆକାଡ଼ ତିନି ବିସ୍ତେ ଆସେଙ୍ଗ୍ ପୁନାସ୍ ଜେ, ପୁତର୍ ତ ପେନ୍‌କୁ ଇଞ୍ଜି ଇନାକା ମୁଲ୍ୟ ହିଲେକ୍, ଆରେ ର ଇସ୍‌ର ପିସ୍‌ସି ରିଶ୍ଟାଂ ହିଲେକ୍ ।

୫ ଇନାକିଦେଂକି ସାଗେତ୍ ଆୟେଡ଼ କି ପୁତର୍ ତ ଆୟେଡ଼, ଇମ୍‌ଣାକାରିଂ ପେନ୍ ଇଞ୍ଜି ଇନାର୍, ଆତିସ୍‌ପା ହେଝେକ୍ ମାନଗିନିକ୍‌ପା ଇ ଲାକେ ତ ହେନି ପେନ୍‌କୁ ଆରି ବେସି ମାପୁ ମାନିକ୍,

୬ ମତର୍ ମା ରଝାନ୍ ମତର୍ ଇସ୍‌ର, ଇତିସ୍ ଇମ୍‌ଣି ଆବା ତାକେଣ୍ଟାଂ ସବୁ ବିସ୍ତେ ଉଦ୍‌ଜା ଆତାଡ଼ନ୍ନା, ଆରେ ଆସେଙ୍ଗ୍ ହେଝାନ୍ତି କାଜିଂ ଉପ୍‌ଜା ଆତାସ୍‌ନା ଆରେ ରଝାନ୍ ମତର୍ ମାପୁ, ଜିସୁ କ୍ରିସ୍ଟୁ ହେଝାନ୍ତି ହୁକେ ଝିଜୁ ବିସ୍ତେ ଆତାଡ଼ନ୍ନା, ଆରେ ହେଝାନ୍ତି ହୁକେ ଆସେଙ୍ଗ୍ ଆତାସ୍‌ନା ।

୭ ଆତିସ୍‌ପା ଝିଜାକାର୍‌ତି ଇ ଗିଆନ୍ ହିଲୁଡ଼; ମାତର୍ କେତେକ୍ ଲକୁ ଇ ପାତେକ୍ ପେନ୍ ମାନାଡ଼ ଇଞ୍ଜି ପୁନଞ୍ଜି ପେନ୍ ପୂଜାକିତି ଆକାଡ଼ ତିନାର୍, ଆରେ ହେଝାନ୍ତି ବାବ୍‌ନା ନାଦାର୍ ମାତିସ୍ ଦସି ଆନାର୍ ।

୮ ମତର୍ ତିନାକାଉଣାକା ମାଙ୍ଗେଙ୍ଗ୍ ଇସ୍‌ତର୍ ଲାଗାଂ ଇଟ୍‌ନାକା କି ଇଟ୍‌ୟାଝାକା କିୟା ଆଉଡ଼; ତିନଝିତିସ୍ ମାଦାଂ ନସ୍ ଆଉଡ଼ କି ଚିତିସ୍ ମାଙ୍ଗେଙ୍ଗ୍ ଲାବ୍ ଆଦୁଡ଼ ।

୯ ମତର୍ ଜାଗ୍ରଡ଼, ଏଚେକାଡ଼ଦ ମିଦାଙ୍ଗ୍ ଇ ଜାର୍ ଆଦିକାର୍ ନାଦାରିଂ ଉସ୍‌ନାକା ଆନାଡ଼ ।

୧୦ ଇନାକିଦେଂକି ଗିଆନି ଜେ ଏପେଙ୍ଗ୍, ମିଙ୍ଗେଙ୍ଗ୍ ଜଦି ଇନେର୍ ମନ୍ଦିର୍ ଇଞ୍ଜି ତିନିତାକେ କୁଟ୍‌ନାକା ହୁଡ଼୍‌ଦାନାର୍, ଲାଗିଂ ହେଝାନ୍ ନାଦାର୍ ଆଜି ମାତିସ୍ ହେଝାନ୍ତି ବାବ୍‌ନା ଇନାକା ପେନ୍‌କୁ ଆକାଡ଼ ଚିଜେଙ୍ଗ୍ ସାସ୍ ଆଉନ୍ ?

୧୧ ଲାଗିଂ ଇମ୍‌ଣି ନାଦାର୍ ଟଣ୍ଡେନ୍ କାଜିଂ କ୍ରିସ୍ଟୁ ହାତାନ୍, ହେଝାନ୍ “ମି ଗିୟାନ୍” ହୁକେ ନସ୍ ଆନାତା ।

୧୨ ଇ ଲାକେ ଟଣ୍ଡାର୍ ବିରୁତାଂ ପାପ୍ ଜିସୁ ଆରି ହେଝାନ୍ତି ନାଦାର୍ ବାବ୍‌ନାତିଂ ଗାଅ ଜିସୁ ଏପେଙ୍ଗ୍ କ୍ରିସ୍ଟି ବିରୁଦ୍‌ତ ପାପ୍ କିନାଦେରା ।

୧୩ ଲାଗିଂ ଜଦି ତିନାକା ଉଣାକା ନା ଟଣ୍ଡେନ୍ ବାଦାନି କାରଣ୍ ଆତିସ୍, ଝାଟିଙ୍ଗ୍ ନା ଟଣ୍ଡେନ୍ ଇନେସ୍ ନା ହୁଦାଂ ବାଦା ପାୟା ଆଉନ୍, ଇଦାଂ କାଜିଂ ଆନ୍ ମୁଡ଼୍‌ପା ଜାଇ ତିନୁଙ୍ଗ୍ ।



**ପକ୍ୟାତାକାର୍‌ତି ଆଦିକାର୍ ଆରି କାମାୟ୍**

୧ ଏପେଙ୍ଗ୍ ଇନାକା ଜାର୍‌ତାରେନ୍ ମାନାୟ୍ ଆକାୟ୍ ? ଆନ୍ ଇନାକା ରଝାଙ୍ଗ୍ ପକ୍ୟାତାକାନ୍ ଆକାୟ୍ ? ଆନ୍ ଇନାକା ମା ମାପୁ ଜିସୁଙ୍ଗ୍ ଚଞ୍ଜୟା ଝାତାଂନା ? ଏପେଙ୍ଗ୍ ଇନାକା ମାପୁ ତାକେ ନା କିତି କାମାୟ୍ ଆକାୟ୍ ?

୨ ଜଦି ଆନ୍ ବିନ୍‌ନିକାର୍ ଲାଗାଂ ରଝାଙ୍ଗ୍ ପକ୍ୟାତାକାନ୍ ଆକାୟ୍, ଆତିସ୍‌ପା ମି ଲାଗାଂ ଆତିସ୍‌ପା ରଝାନ୍ ପକ୍ୟାତାକାନ୍, ଇନାକିଦେଂକି ମାପୁତାକେ ଏପେଙ୍ଗ୍ ନା ପକ୍ୟାତି ପାଡ଼୍‌ତ ତିନିଲାକେ ।

୩ ନା ବିଚାର୍ କିନାକାରିଂ ନା ଉତର୍ ଇଦାଂ ।

୪ ତିନାଉଣା କିଦେଙ୍ଗ୍ ଇନାକା ମା ଆଦିକାର୍ ଆକାୟ୍ ?

୫ ବିନ୍ ଝିଜାର୍ ପକ୍ୟାତାକାର୍, ମାପୁତି ଟଣ୍ଡାର୍ ଆରି ତଣ୍ଡେକ୍ କେପାତି ଲାକେ ପାଡ଼୍ କିନି କଗ୍‌ଲେ ବିବା କିଜି ରଚେ ଅଜି ହାଞ୍ଜେଙ୍ଗ୍ ଇନାକା ମା ଆଦିକାର୍ ଆକାୟ୍ ?

୬ କି ଜିନି ଜପି କସ୍ ପିସ୍ତେଂ ଇନାକା କେବଲ୍ ଆନ୍ ଆରି ବର୍ଣ୍ଣ୍‌ବାଂ ଆଦିକାର୍ ଆକାୟ୍ ?

୭ ଇନେନ୍ ଜାର୍ କର୍‌ଚତ ଇନାଝାଡ଼ାଂ ମେଲ୍ୟା ବୁରତି କିନାନ୍ ? ଇନେନ୍ ଅଙ୍ଗୁର୍ ବାଡ଼୍ କିଜି ହେବେନି ପାଡ଼୍ ତିନୁନ୍ ? ନଲେ ଇନେନ୍ ପସ୍‌ମାୟା ପାଲି କିଜି ମାୟାନି ପାଲ୍ ଉଶୁନ୍ ?

୮ ଆନ୍ ମାନାୟ୍ ବାବ୍ରେ ଇନାକା ଇ ସବୁ କାତା ଇନାଙ୍ଗା ? ମସାତି ବିଦି ପା ଇନାକା ଇ ସବୁ କାତା ଇନୁଡ଼ ?

୯ ଇନାକିଦେଂକି ମସାତି ବିଦିତ ଇଦାଂ ଲେକା ମାନାଡ଼, “କଟେର୍‌ତ ବୁଲାନ୍‌ନି ବଇଲ୍‌ତି ମୁଡ଼୍‌ଲାତ ଗାଟ୍‌ମାଟ୍ । ଇସ୍‌ର ଇନାକା ବଇଲା ବିସ୍ତେ ଚିତା କିନାନ୍ ?

୧୦ ହେଝାନ୍ ଇନାକା କେବଲ୍ ମା କାଜିଂ ଇଦାଂ ଇନୁନ୍ ? ଆଁ ମା କାଜିଂ ଇଦାଂ ଲେକି କିୟାଆତାଡ଼ନା, ଇନେସ୍ ଇନେନ୍ ତାସ୍ କିନାନ୍, ଆହାତ ହେଝାନ୍ତି ତାସ୍ କିନି ଲଡ଼ା, ଆରେ ଇନେନ୍ ବେଙ୍ଗ୍‌ଲା ଗାଟ୍‌ନାନ୍, ବାଗ୍ ପାୟାନି ଆହାତ ତ ବେଙ୍ଗ୍‌ଲା କିନି ଲଡ଼ା ।

☆ ୯:୧୧ ତିମତି ୫:୧୮.

୧୧ \*ଜଦି ଆପେ ମି କାଜି ହାଦ ବିୟାନ୍ ଓଡ଼ନାପା, ଲାଗି ମିଦାଙ୍ଗ ଇ ବାରତି ତାସ୍ ତ୍ରେସ୍ତି ଇନାକା ଅଲପ୍ନି ବିସ୍ତେ ?

୧୨ ଜଦି ବିନ୍ନିକାର ମିଙ୍ଗେଙ୍ଗ ବାଗ୍ ଆଦିକାର ମାନାର, ତେବେ ଆପେ ଇନାକା ଆରେ ଆଦିକ୍ ଆକାୟ ? ଆତିସ୍ପା ଆସେଙ୍ଗ ହେ ଆଦିକାର ବେବାର୍ କିଉପା; ମାତର୍ ଇନେସ୍ ଆପେ କ୍ରିସ୍ତୁତି ନେକ୍ରିକାରୁର୍ ଇମ୍ଣି ବାଦା ଉଦ୍‌ଜାୟ୍ କିମେଡ୍, ଇଦାଂ କାଜିଂ ଓଡ଼ାପ୍ ହୁଞ୍ଜନାପା ।

୧୩ ଇମ୍ଣାକାର୍ ମନ୍ଦିରତ ହେବା କିତାର୍, ହେଞ୍ଜାର୍ ଜେ ମନ୍ଦିରତାଂ କାଦି ପାୟାନାର୍, ଆରେ ଇମ୍ଣାକାର୍ ଗାର୍ଣିନି ବାଗି ଆନାର୍, ଇଦାଂ ଇନାକା ପୁନୁଦେରା ?

୧୪ \*ହେ ଲାକେ ଇମ୍ଣାକାର୍ ନେକ୍ରିକାରୁର୍ ସୁଣାୟ୍ କିତାର୍, ହେଞ୍ଜାର୍ ଜେ ନେକ୍ରିକାରୁର୍ ହୁକେ ଜିନି ଚିନ୍ତା କିତାର୍, ଇଦାଂ ମାପୁ ବଲ୍ ହିତାନନା ।

୧୫ ମତର୍ ଆନ୍ ଇ ସବୁ ବିସ୍ତେ ଇନାକା ଚିନ୍ତା କିଉଙ୍ଗା, ଆରେ ନା କାଜିଂ ଇନେନ୍ ଏପେଙ୍ଗ କିନାନ୍, ଇଦାଂ କାଜିଂ ଆନ୍ ଇ ସବୁ ଲେକି କିଉଙ୍ଗା; ଇନାକିଦେଂକି ଇନେର୍ ନା ଇ ଗରବ୍ ପଲ୍ୟା ବାଟା ଇତିସ୍ ନା ହାନାକା ହାର୍ ।

୧୬ ଇନାକିଦେଂକି ଆନ୍ ଜଦି ନେକ୍ରିକାରୁର୍ ସୁଣାୟ୍ କିନାଙ୍ଗ, ହେବେ ନା ଗରବ୍ କିନାକା ଇନାକା ଆକାୟ୍, ଲାଗିଂ ହେଦାଂ କିନି କାଜିଂ ଆନ୍ ପାକା; ଆରେ ଜଦି ଆନ୍ ନେକ୍ରିକାରୁର୍ ସୁଣାୟ୍ କିଉନ୍, ଲାଗିଂ ହାୟ୍, ନା ଓଣ୍ଡିନି ବାହା ।

୧୭ ଇନାକିଦେଂକି ଜଦି ଆନ୍ ନିଜେ ଏଲେଙ୍ଗ କିନାଙ୍ଗ, ଲାଗିଂ ନା ଇନାମ୍ ମାନାଡ୍; ମତର୍ ଜଦି ନିଜେ କିଉଙ୍ଗ, ଲାଗିଂ ନେ ଗୁମ୍ପୁସ୍ତାନି ବଜ୍ ନା ତାକେ ହେଲାୟ୍ ଆତାଡ଼ନ୍ନା ।

୧୮ ଲାଗିଂ ନା ଇନାମ୍ ଇନାକା ? ହେଦାଂ ଇଦାଂ ଜେ, ଇନେସ୍ ଆନ୍ ନେକ୍ରିକାରୁର୍ତ ମାନି ନା ଆଦିକାର୍ ଚିନ୍ତା କିଞ୍ଜାଦାଂ ନେକ୍ରିକାରୁର୍ ସୁଣାୟ୍ କିଉ କିଉ ହେ ନେକ୍ରିକାରୁର୍ତିଂ ମଲ୍‌ହିଲ୍‌ଓ ବିସ୍ତେ କିନାନ୍ ।

୧୯ ଇନାକିଦେଂକି ଇନେସ୍ ଆନ୍ ଆଦିକ୍ ହେନି ମାନାୟ୍ ଲାବ୍ କିଦେଙ୍ଗ୍ ଆଡ଼ନାଙ୍ଗ୍, ଇଦାଂ କାଜିଂ ଆନ୍ ଇନେର୍ ତାରେନ୍ ଆଓଡିସ୍ତା ଜାର୍ତିଂ ଓଡ଼ାର୍ ଆଡ଼ୟା କିତାଙ୍ଗ୍ ।

୨୦ ଇନେସ୍ ଆନ୍ ଜିହୁଦିରିଙ୍ଗ୍ ଲାବ୍ କିଦେଙ୍ଗ୍ ଆଡ଼ନାଙ୍ଗ୍, ଇଦାଂ କାଜିଂ ଜିହୁଦିର୍ ଲାଗାଂ ଆନ୍ ଜିହୁଦି ଲାକେ ଆତାଙ୍ଗ୍; ଇନେସ୍ ବିଦି ତାରେନ୍ ମାନି ମାନାୟାରିଂ ଲାବ୍ କିଦେଙ୍ଗ୍ ଆଡ଼ନାଙ୍ଗ୍, ଇଦାଂ କାଜିଂ ଆନ୍ ବିଦିନି ତାରେନ୍ ଆଓଡିସ୍ତା ବିଦି ତାରେନ୍ ମାନାୟାର୍ ଲାଗାଂ ବିଦି ବୁଇନି ଲାକେ ଆତାଙ୍ଗ୍ ।

୨୧ ହେ ଲାକେ ମସାତି ବିଦିଓସ୍ତି ଲାବ୍ କିନି କାଜିଂ ଆନ୍ ହେଞ୍ଜାର୍ ବିତ୍ରେ କାମାୟ୍ କିନି ଞ୍ଜାଡ଼ାଙ୍ଗ୍ ପାତ୍ କିଓ ଜିହୁଦିର୍ ଲାକେ ବିଦି ବାର୍ତ୍ତ ବେବାର୍ କିନାଙ୍ଗା । ଇ ଅରଡ୍ ଆକାୟ୍ ଜେ, ଆନ୍ ଇସ୍ପୁର୍ତି ନିୟମ୍ ପାଲି କିଉଙ୍ଗ । ହାଡ଼ପାତ ଆନ୍ କ୍ରିସ୍ତୁତି ବିଦି ତାରେନ୍ ଆତାଂ ।

୨୨ ଇନେସ୍ ଆନ୍ ନାଦାରିକାଂ ଲାବ୍ କିଦେଙ୍ଗ୍ ଆଡ଼ନାଙ୍ଗ୍, ଇଦାଂ କାଜିଂ ଆନ୍ ନାଦାର୍ତି ଲାଗାଂ ନାଦାର୍ ଲାକେ ଆତାଙ୍ଗ୍; ଇନେସ୍ ଆନ୍ ଇମ୍ଣିବାନି କେତେଜାଣ୍ଡିଂ ରାକ୍ୟା କିଦେଙ୍ଗ୍ ଆଡ଼ନାଙ୍ଗ୍, ଇଦାଂ କାଜିଂ ଆନ୍ ଓଡ଼ାର୍ ଲାଗାଂ ସବୁବାନି ଆତାଙ୍ଗନା ।

୨୩ ଆନ୍ ଇନେସ୍ ନେକ୍ରିକାରୁର୍ନି ଆସିର୍ବାଦତ ମେହା ଆନାଙ୍ଗ୍, ଇଦାଂ କାଜିଂ ଆନ୍ ନେକ୍ରିକାରୁର୍ କାଜିଂ ସବୁ କିନାଙ୍ଗ୍ ।

୨୪ ଇମ୍ଣାକାର୍ କାରା ବୁଇତ ହନନାର୍, ହେଞ୍ଜାର୍ ଓଡ଼ାର୍ ହନନାର୍ ସଡ୍, ମତର୍ କେବଲ୍ ରଞ୍ଜାନ୍ ଜେ ଇନାମ୍ ପାୟାନାନ୍, ଇଦାଂ କି ଏପେଙ୍ଗ ପୁନୁଦେରା ? ଏପେଙ୍ଗ ଇନେସ୍ ଇନାମ୍ ପାୟାନାଦେର୍, ଇଦାଂ କାଜିଂ ହେ ଲାକେ ହନାଟ୍ ।

୨୫ ଇନେନକି କ୍ଲାସ୍ନିତ ବାଗଅନାର୍, ହେଞ୍ଜାନ୍ ସବୁ ବିସ୍ତେ ବାଗ ଅନାନ୍; ହେଞ୍ଜାର୍ ଅଲପ୍ କାଜିଂ ମୁକୁର୍ ପାୟାନି କାଜିଂ ହେଦାଂ କିନାନ୍; ମତର୍ ଆସେଙ୍ଗ ଜିରାଓ ମୁକୁର୍ ପାୟାନି କାଜିଂ ହେଦାଂ କିନାସ୍ ।

୨୬ ଲାଗିଂ ଆନ୍ ହନନାଙ୍ଗା, ମତର୍ ଇର୍କାଡ଼ତାଂ ଆକାୟ୍, ଆନ୍ ଇଞ୍ଜିଜୁଜ୍ କିନାଙ୍ଗା, ମତର୍ ଞ୍ଜାରିକିନିବାହାତ ଗାଅ କିନାକା ଲକୁ ଲାକେ ଆକାୟ୍ ।

୨୭ ଆନ୍ କସ୍ ହୁନ୍‌ଞ୍ଜି ଗାଗାଡ଼ିଂ ଆର୍‌ଞ୍ଜା କିତାଂନା ଆରି ଜାର୍ତିଂ ତାରେନ୍ ଇଡ଼ତାଙ୍ଗନା । ଇନାକିଦେଂକି ବିନ୍ ମାନାୟାର୍ ଲାଗାଂ ନେକ୍ରିକାରୁର୍ ସୁଣାୟ୍ କିଜି ମାଟିସ୍ ପା ଆନ୍ ଜାର୍ତିଂ ଇନେସ୍ ଆନ୍ ପିସ୍ତ୍ରି ଇନାମ୍ ଆଉଡ୍ ।

୧୦

- ୧ ପବ୍‌କୁ ବିରୁଦ୍‌ତ ଜାଗ୍‌ରଡ୍
- ୧ ଇନାକିଦେଂକି, ଏ ଟଣ୍ଡାର୍, ଆରି ତଣ୍ଡାଦେକ୍ ମା ଆକର୍ ଓଡ଼ାର୍ ବାଦାଡ଼ ତାରେନ୍ ମାତାର୍,
- ୨ ଆରେ ଓଡ଼ାକାର୍ ହାମ୍‌ଦୁର୍ ନାସି ହାଚାର୍, ଆରେ ଓଡ଼ାର୍ ବାଦାଡ଼ ଆରି ହାମ୍‌ଦୁର୍ତ ମସାତି ଇସାପ୍‌ତାଂ ବାପ୍ରିସିମ୍ ଆତାର୍,
- ୩ ଆରେ ଓଡ଼ାର୍ ର ହାଦ୍ କାଦି ଚିତାର୍

☆ ୯:୧୧ ରନିୟ ୧୫:୨୭. ☆ ୯:୧୪ ମାତିଉ ୧୦:୧୦; ଲୁକ ୧୦:୭.

୪ ଆରି ଓଜାର ର ହାଦୀକା ଉଟାର ଲାଗି ହେଝାର ଓଜାରିଙ୍ଗ ପାଞ୍ଜିନି ହାମାନନି ସମାନତା ଉଣ୍ଡି ମାଚାର, ଆରେ ହେ ସମାନ କ୍ରିସ୍ତୁ

୫ ଆତିସପା ହେଝାର ବିତ୍ତେ ଆଦେକାର ତାକେ ଇସ୍ତର୍ ମାନ ହିଲ୍‌ଖାତାଡ଼, ଲାଗି ହେଝାର ବାଟାତ ହାତାର, ସବୁ କାତା ଜେ ଏପେଙ୍ଗ ପୁନ୍‌ଖାଦା ମାନାଦେର୍, ଇଦା ନା ଇଚା ଆକାୟ ।

୬ ହେଝାର ଇନେସ୍ ବାନି ବାନ୍ୟା ବିସ୍ତେ ଆହା ଆଜି ମାଚାର, ଆସେଙ୍ଗ ଇନେସ୍‌କି ହେ ଲାକେ ଆହା ଆଉସ, ଇଦା କାଜି ଇ ସବୁ ବିସ୍ତେ ମା ପାକ୍ୟାତ ଉତର୍‌ମୁଡ଼ ଲାକେ ଆତାଡ଼ନ୍ନା ।

୭ ଇନେସ୍ ହେଝାର ବିତ୍ତେ କେଡ଼ଜାଣ ପୁଡ଼ତା ପୁଜା କିତାର, ହେ ଲାକେ ଏପେଙ୍ଗ ପୁଡ଼ତା ପୁଜାକିନାକାର ଆମାଟ୍; ସାସ୍ତରତ ଇନେସ୍ ଲେକା ମାନାଡ଼, ମାନାୟାର ତିଞ୍ଜେଙ୍ଗ କୁଚ୍‌ତିସ୍, ଆରେ ବିନ୍ କାମାୟତ ହଟ୍‌ଚାର ।

୮ ହେ ବାର୍ତି ଆସେଙ୍ଗ ପାପ କିଉସ୍ ଇନେସ୍‌କି ହେଝାର ବିତ୍ତେ କେଡ଼ଜାଣ ଦାରି କିଜି ରଞ୍ଜେ ନାଜି କଡ଼େତିନ୍ ହାଜାର ହାତାର, ହେ ଲାକେ ଆସେଙ୍ଗ ଦାରି କିଉସ୍ ।

୯ ଇନେସ୍ ହେଝାର ବିତ୍ତେ କେଡ଼ଜାଣ ମାପୁତି ପରିକ୍ୟା କିଜି ରାଟ୍ ତାଙ୍ଗ୍ ବୁଡା ଆତାର, ହେ ଲାକେ ଆସେଙ୍ଗ ମସିୟା ମାପୁଙ୍ଗ ପରିକ୍ୟା କିଉସ୍ ।

୧୦ ଇନେସ୍‌କି ହେଝାର ବିତ୍ତେ କେଡ଼ ଜାଣ କାତା ଇଞ୍ଜି ମାନାୟାର ହୁଦା ବୁଡା ଆତାର, ହେ ଲାକେ ଏପେଙ୍ଗ କାତା ଇନ୍‌ମାଟ୍ ।

୧୧ ଇ ଓଜୁ କାତା ଲାକେ ହେଝାର କାଜି ଗିଟା ଆତାଡ଼, ଆରେ ଇମ୍‌ଣାକାର ଜୁଗ୍ ଓଜିନ୍ କାଡ଼୍ ବାହା କିତାସ୍‌ନା, ଏଲେଙ୍ଗ୍ ଜେ ଆସେଙ୍ଗ୍ ମା ଚେଡ଼ନା କାଜି ହେ ଓଜୁ ଲେକା ଆତାଡ଼ନ୍ନା ।

୧୨ ଲାଗି ଇନେନ୍ ଜାର୍ତି ତିର୍ ଇଞ୍ଜି ମାନେ କିନାନ୍, ହେଝାନ୍ ଇନେସ୍ ଦେହା ମୁର୍‌ୟା ଆଉନ୍, ଇଦା କାଜି ହେଝାନ୍ ଜାଗ୍‌ରଡ଼ ଆଏନ୍ ।

୧୩ ମାନାୟାର କାଜି ଇନେସ୍ ବାନି ପରିକ୍ୟା ଆନାକାପା, ହେଦା ପିସ୍ତ୍ର ବିନ୍‌ବାନି ପରିକ୍ୟା ମି କାଜି ଗିଟାଆଦୁଡ଼; ମତର୍ ଇସ୍ତର୍‌ତି ପାଟି ନିକାନ୍, ହେଝାନ୍ ମିଙ୍ଗେଙ୍ଗ ଇନେସ୍ ଆତିସପା ପରିକ୍ୟାତ ପରିକ୍ୟା ଆଦେ ହିଦୁନ୍, ମତର୍ ଇନେସ୍ ଏପେଙ୍ଗ ମାନିକିଦେଙ୍ଗ ଆଡ଼ନାଦେର୍, ଇଦା କାଜି ପରିକ୍ୟା ଗିଟାଆନି ସାଙ୍ଗେ ସାଙ୍ଗେ ହେଝାନ୍ ବାର୍ତି ହାଜି ପା ରଡ଼ନାନ୍ ।

୧୪ ଲାଗି, ଏ ନା ଖାରିନିକାଦେର୍, ପୁଡ଼ତା ପୁଜାତା ହାଲାଟ୍ ।

୧୫ ଆନ୍ ବୁଡ଼ିକାରୟା ମାନାୟତି ଇନି ଲାକେ ଇଞ୍ଜିନାଙ୍ଗା; ଆନ୍ ଇନାକା ଇଞ୍ଜିନାଙ୍ଗା, ହେଦା ଏପେଙ୍ଗ ନିଜେ ବିଚାର କିୟାଟ୍ ।

୧୬ ଇମ୍‌ଣି ଆସିର୍ବାଦ୍‌ନି ବାହାତି ଆସେଙ୍ଗ୍ ଆସିର୍ବାଦ୍ କିନାସ୍, ହେଦାକି କ୍ରିସ୍ତୁତି ନେତେରନି ମେହାଣ୍ ଆକାୟ ? ଇମ୍‌ଣି ରୁଟି ଆସେଙ୍ଗ୍ ତ୍ରିକ୍‌ନାସ୍, ହେଦାକି କ୍ରିସ୍ତୁତି ଗାଗାଡ଼ନି ମେହାଣ୍ ଆକାୟ ?

୧୭ ଇନାକିଦେକି ରୁଟି ରଞ୍ଜାଙ୍ଗ୍ ଆତିଲେ ଆସେଙ୍ଗ୍ ହେନି ଆତିସପା ରଞ୍ଜେ ଗାଗାଡ଼ ଆନାସ୍, ଲାଗି ଆସେଙ୍ଗ୍ ଓଜାର ହେ ରଞ୍ଜେ ରୁଟିନି ବାଗି ।

୧୮ ଇମ୍‌ଣାକାର ଇସ୍ତାଏଲ୍‌ନି ଲକୁ ବିସ୍ତେ ବାବି କିୟାଟ୍, ହେଝାରି ହୁଡ଼ାଟ୍; ଇମ୍‌ଣାକାର ପୁଜାକିତି ଜେଇ ତିନାର, ହେଝାର କି ଇସ୍ତର୍ ଗାର୍‌ଣିତ ମେହାଆଉର୍ ?

୧୯ ଲାଗି ପେନ୍ ଆକାଡ଼ ଇଞ୍ଜି ଜେ ଇନାକା ମାନାଡ଼ ଆରି ପୁଡ଼ତା ଇଞ୍ଜି ଜେ ଇନାକା ମୂଲ୍ୟ ମାନାଡ଼, ଇଦା କି ଆନ୍ ଇଞ୍ଜିନାଙ୍ଗା ?

୨୦ ଆକାୟ, ମତର୍ ଆନ୍ ଇଞ୍ଜିନାଙ୍ଗା ଜେ, ଇନା ଇନାକା ହେଝାର ପୁଜାଲାକେ ହିନାର, ହେ ସବୁ ହେଝାର ଇସ୍ତର୍ ଉଦେସ୍‌ତ କିଝାଦା ବୁଡ଼କୁ ଉଦେସ୍‌ତ କିତାର, ଆରେ ଏପେଙ୍ଗ୍ ଜେ ବୁଡ଼କୁ ମେହା ଆଡ଼, ଇଦା ନା ମାନ ଆକାୟ ।

୨୧ ଏପେଙ୍ଗ୍ ମାପୁତି ଉଣିବାହା ଆରି ବୁଡ଼କୁ ଉଣିବାହା ରିବେ ଉଣ୍ଡେଙ୍ଗ୍ ଆଡୁଦେର୍; ଏପେଙ୍ଗ୍ ମାପୁତି ପାଟା ଆରି ବୁଡ଼କୁତି ପାଟା ରିବେ ବାଗି ଆଦେ ଆଡୁଦେର୍ ।

୨୨ ଆଓଡ଼ିସ୍ ଆପେ ଇନାକା ମାପୁତି ବେରୁ ହପ୍‌ନାସ୍ ? ଆସେଙ୍ଗ୍ କି ତାତାକେଣ୍ଡାଙ୍ଗ୍ ସାକ୍ରିନିକାସ୍ ?

୨୩ ଓଜୁ ବିସ୍ତେ ଜାଗ୍ରଡ଼ କିଦେଙ୍ଗ୍ ଆଦିକାର ମାନାଡ଼, ମତର୍ ଓଜୁ ବିସ୍ତେ ହାର ଆକାୟ । ଓଜୁ ବିସ୍ତେ ମାନି କିଦେଙ୍ଗ୍ ଜାର୍‌ତାରେନ୍ ମାନାଡ଼, ମତର୍ ଓଜୁ ବିସ୍ତେତା ବାନ୍ୟା ଉର୍‌ଜା ଆଉଡ଼ ।

୨୪ ଇନେର୍ ନିଜାର୍‌ତି ସେସ୍ତୁ କିମେନ୍, ମତର୍, ଓଜାକାର୍‌ତି ବିନ୍‌ନିକାନ୍‌ତି ହାର ସେସ୍ତୁ କିଏନ୍ ।

୨୫ ବାଜାର୍‌ତ ଇନାକା ବେପାର୍ ଆନାଡ଼, ବାବ୍‌ନା କାଜି ଇନାକା ପର୍‌ସନ୍ ଝେନ୍‌ବାଝାଦା ହେଦା ତିନାଟ୍,

୨୬ ଇନାକିଦେକି ସାସ୍ତରତ ଲେକା ମାନାଡ଼ ପୁଟି ଆରି ହେବେ ମାନି ଓଜୁ ବିସ୍ତେ ମାପୁତି ।

୨୭ ପାଟି କିଝାକାର୍‌ତି ବିତ୍ତେତା ଇନେର୍ ଜଦି ମିଙ୍ଗେଙ୍ଗ୍ ତିଞ୍ଜେଙ୍ଗ୍ କୁଚ୍‌ନାନ୍, ଆରେ ଏପେଙ୍ଗ୍ ହାଞ୍ଜେଙ୍ଗ୍ ଇଚା କିନାଦେର୍, ଲାଗି ଇନାକା ଆୟେଡ଼ ମିଙ୍ଗେଙ୍ଗ୍ ବାଗାହିଦ୍‌ନାର, ବାବ୍‌ନା କାଜି ଇନାକା ପର୍‌ସନ୍ ଝେନ୍‌ବାଝାଦାଙ୍ଗ୍ ହେଦା ତିନାଟ୍ ।

✱ ୧୦:୧୭ ମାଡ଼ିଉ ୨୭:୨୭-୨୮; ମାର୍କ ୧୪:୨୨-୨୪; ଲୁକ ୨୨:୧୯,୨୦.

୨୮ ମତର ଇନେର ଜଦି ମିଙ୍ଗେଙ୍ଗ ଇଞ୍ଜନାର, ଇଦାଂ ପୁଜାଈସାବ୍ରେ ଆକାଡ଼ ହିୟା ଆତାଡ଼ନା, ଖାଟିଙ୍ଗ ଜେ ଇଦାଂ ପୁନିକିଡ଼ତାଡ଼, ତା କାଜିଂ ପୁଜା ଆତାଡ଼ ବାବନା କାଜିଂ ହେଦାଂ ତିନିମାଟ୍

୨୯ ମି ଜାର ବାବନା କାଜିଂ ଇଞ୍ଜି ଆନ୍ ଇଞ୍ଜୁଙ୍ଗା, ମତର ହେଝାଡ଼ି ବାବନା କାଜିଂ ।

ନା ଜାର ତାରେନ୍ ଇନେକିଦେଂ ବିନେନି ବାବନା ହୁଦାଂ ବିଚାର୍ଣ୍ଣା ଆନାଡ଼ ?

୩୦ ଜଦି ଆନ୍ ଇସ୍ବରତିଂ ଜୁଝାର ହିଜି ତିନାଙ୍ଗ, ଖାଟିଙ୍ଗ ଇସ୍ବରତିଂ ଜୁଝାର ହିନି ବିସ୍ରେ, ତା କାଜିଂ ନିୟାକିୟାଆନାଂ ଇନାକିଦେଂ ?”

୩୧ ହେଦାଂ କାଜିଂ, ଏପେଙ୍ଗ ତିନାଟ୍ କି ଉଣାଟ୍ କି ଇନାକାପା କିୟାଟ୍, ଇସ୍ବତ୍ ଜାଜ୍ମାଲ୍ କାଜିଂ ସବୁ କିୟାଟ୍ ।

୩୨ ଜିହୁଦି ଆରେ ଜିହୁଦି ଆକାୟ୍ କି ଗ୍ରିକ୍ କି ଇସ୍ବତ୍ ମଣ୍ଡଲି, ଇନେର ଅଡ଼ଜା ଆନାକା ଇନାକିଦେଂକି ଆନାଦେର,

୩୩ ଏପେଙ୍ଗ ନା ଲାକେ ଚିନ୍ତା କିୟାଟ୍ ଆନ୍ ସବୁ ବିସ୍ରେ ଓଜାରିଂ ପଟପାଞ୍ଜି କିଦେଙ୍ଗ ସେସ୍ତୁ କିନାଙ୍ଗା । ଜାର ଚିନ୍ତା କିଝାଦାଂ, ବିନଲକାରତି ମୁକ୍ତି ଲାବ୍ ଉଦେସ୍ତ ଓଜାରିତି ମଙ୍ଗଲ୍ କିନାଙ୍ଗା ।

### ୧୧

୧ ଆନ୍ ଇନେସ୍କି କ୍ରିସ୍ତୁତି ପାଟେପାଟେ ହାନାଙ୍ଗ, ଏପେଙ୍ଗ ପା ହେ ଲାକେ ନା ପାଟେପାଟେ ଝାନାକାଦେର ଆତ ।

#### ପାର୍ତନାତ କାପ୍ଡାତ ମୁଗ୍ନାକା

୨ ଏପେଙ୍ଗ ଜେ ଓଜୁ ବିସ୍ରେ ନାଙ୍ଗେଙ୍ଗ ଏଡୁ ଜିସୁ ମାଞ୍ଜାଟ୍ ଆରି ଆନ୍ ମିଙ୍ଗେଙ୍ଗ ଜେ ଓଜାର ବିଦି ହିତାଙ୍ଗନା, ହେ ଓଜୁ ପାଲି କିନାଦେରା, ଇଦାଂ କାଜିଂ ଆନ୍ ମିଦାଙ୍ଗ୍ ଜୁଝାର ।

୩ ମତର କ୍ରିସ୍ତୁ ଜେ ଓଜାର ଆଣ୍ଡାଙ୍ଗନି କାପ୍ଡା ଲାକେ ଆରି ଆଣ୍ଡାଙ୍ଗ୍ ଜେ କଗ୍ଲେ କାପ୍ଡା ଲାକେ ଆରି ଇସ୍ବର ଜେ କ୍ରିସ୍ତୁତି କାପ୍ଡା ଲାକେ, ଇଦାଂ ଏପେଙ୍ଗ ପୁନାଟ୍ ଇଞ୍ଜି ନା ଇଟା ।

୪ ଇମଣାକାନ୍ ପା ଆଣ୍ଡେନ୍ ଜାର କାପ୍ଡା ଗୁଗୁର୍ମୁଗ୍ଜି ପାର୍ତନା କିନାନ୍ କି ବେଣ୍ଟବାକ୍ଣାୟ୍ କିନାନ୍, ହେଝାନ୍ ଜାର କାପ୍ଡାନି ଇନେନ୍ କ୍ରିସ୍ତୁ ଅପ୍ମାନ୍ କିନାନ୍ ।

୫ ଏପେଙ୍ଗ ବାନି କଗ୍ଲେ ଜେ କାପ୍ଡା ଟାଙ୍ଗରିଂ ଲାକେ ଅପ୍ମାନ୍ କିନାନ୍, ଗୁଗୁର୍ ମୁଗ୍ଜାଦାଂ ପାର୍ତନା କିନାଡ଼ କି ବେଣ୍ଟବାକ୍ଣାୟ୍ କିନାଡ଼, ହେଦେଲ୍ ଜାର କାପ୍ଡାନି ଅପ୍ମାନ୍ କିନାଡ଼, ଲାଗିଂ ହେଦାଂ ତା କାପ୍ଡା ହେନ୍ୟାଆତି ହୁକେ ସମାନ୍ ।

୬ ଇନାକିଦେଂକି ଜଦି କଗ୍ଲେ କାପ୍ଡାତ ଗୁଗୁର୍ ମୁଗ୍ଜିତିସ୍, ଖାଟିଙ୍ଗ୍ ହେଦେଲ୍ ତେମୁଲ୍ ପା ଆହିକିଏଡ଼; ମତର ଜଦି କଗ୍ଲେ ପାକ୍ୟାତ ତେମୁଲ୍ ଆହିକିନାକା କି କାପ୍ଡା ହେନ୍ୟାନାକା ଲାଜୁ, ତା ଆତିସ୍ ହେଦେଲ୍ କାପ୍ଡାତ ପୁକ୍ୟା ଆୟେଡ଼ ।

୭ ଆଣ୍ଡାଙ୍ଗ୍ ଇସ୍ବତ୍ ତ୍ରିଗା ଆରି ଜାଜ୍ମାଲ୍ ଲାକେ ଆତିଲେ ହାଡ଼ପାନେ ତାଦାଂ କାପ୍ଡା ପୁକ୍ନାକା ଲଡ଼ା ଆକାୟ୍, ମତର କଗ୍ଲେ ଆଣ୍ଡେନ୍ତି ଜାଜ୍ମାଲ୍ ଲାକେ ।

୮ ଇନାକିଦେଂକି ଆଣ୍ଡେନ୍ କଗ୍ଲେ ତାଙ୍ଗ୍ ଉବ୍ଜାଣ୍ ଆଝାତାନ୍ନା, ମତର କଗ୍ଲେ ଆଣ୍ଡେନ୍ତାଂ ଉବ୍ଜାଣ୍ ଆତିକ୍ନା ।

୯ ଆରେ କଗ୍ଲେ କାଜିଂ ତ ଆଣ୍ଡେନ୍ତି ଉବ୍ଜାଣ୍ ଆଝାତାନ୍ନା; ମତର ଆଣ୍ଡେନ୍ କାଜିଂ କଗ୍ଲେ ଉବ୍ଜାଣ୍ ଆତାଡ଼ନା ।

୧୦ ଇଦାଂ କାଜିଂ ଦୁଡ଼ କାଜିଂ କଗ୍ଲେ ଜାର କାପ୍ଡାତ ଆଦିକାର୍ନି ତିନ୍ ପୁକି କିୟାନାକା ଲଡ଼ା ।

୧୧ ହେ ଇନାକା ଆଏଡ଼ ମାପୁଡାକେ ଆଣ୍ଡେନ୍ତାଂ କଗ୍ଲେ ଆଲ୍ଗା ଆକାୟ୍ କି କଗ୍ଲେ ତାଙ୍ଗ୍ ଆଣ୍ଡେନ୍ ଆଲ୍ଗା ଆକାୟ୍ । ଇନାକିଦେଂକି କଗ୍ଲେ ଇନେସ୍ ଆଣ୍ଡେନ୍ତାଂ ଉବ୍ଜାଣ୍,

୧୨ ଇନାକିଦେଂକି ଆଣ୍ଡେନ୍ ପା ହେ ଲାକେ କଗ୍ଲେ ହୁକେ ଉବ୍ଜାଣ୍; ମତର ଓଜୁ ବିସ୍ରେ ଇସ୍ବରତାଂ ଉବ୍ଜାଣ୍ ।

୧୩ ଏପେଙ୍ଗ ନିଜେ ନିଜେ ବିଚାର କିୟାଟ୍, କାପ୍ଡା ପୁକ୍ଝାଦାଙ୍ଗ୍ ଇସ୍ବର ଲାଗେ ପାର୍ତନା କିନି କଗ୍ଲେ ପାକ୍ୟାତ ଇନାକା ହାର ?

୧୪ ସଁସାର୍ ନିଜେ କି ମିଙ୍ଗେଙ୍ଗ୍ ହିକ୍ୟା ହିଦୁଡ଼ ଜେ, ଆଣ୍ଡେନ୍ ତେଙ୍ଗା ତେମୁଲ୍ ଇଟ୍ଟିସ୍ ତା ପାକ୍ୟାତ ହେଦାଂ ଲାଜୁ,

୧୫ ମତର କଗ୍ଲେ ତେଙ୍ଗା ତେମୁଲ୍ ଇଟ୍ଟିସ୍ ତା ପାକ୍ୟାତ ହେଦାଂ ଜାଜ୍ମାଲ୍ନିକା ? ଇନାକିଦେଂକି କାପ୍ଡା ଗୁଗୁର୍ମୁକ୍ତି ଲାକେ ତା ତେମୁଲ୍ ତାଙ୍ଗେଙ୍ଗ୍ ହିୟାଆତାଡ଼ନା ।

୧୬ ମତର ଇନେର ଗାଣ୍ଡୁ କିଦେଙ୍ଗ୍ ମାନ୍ କିତିସ୍ ହେଝାନ୍ ପୁନେନ୍ ଜେ, ମାଦାଂ ଏଲେଙ୍ଗ୍ ଅଲ୍ଗା ନିତି ହିଲୁଡ଼, କି ଇସ୍ବତ୍ ମଣ୍ଡଲିତ ଇନାକା ହିଲୁଡ଼ ।

#### ମାପୁଡ଼ି ବଜ୍

(ମାଡ଼ିଓ ୨୭:୨୭-୨୯; ମାର୍କ ୧୪:୨୨-୨୫; ଲୁକ ୨୨:୧୪-୨୦)

୧୭ ମତର ମିଦାଙ୍ଗ୍ ରୁଣ୍ଡାନାକା ଜେ ବାନ୍ୟା ଆଝାଦାଂ ଇତିସ୍ ବାନ୍ୟା ଆନାତା, ଇବେ ଆନ୍ ମିଦାଙ୍ଗ୍ ଜୁଝାର ହିଦେଂ ଆଡ଼ଝାଦାଂ ଇ ବଲ୍ ହିଦ୍ନାଙ୍ଗା ।



୧୮ ଇନାକିଦେଂକି ପର୍ତ୍ତୁମ୍ ଆନ୍ ଝେରାଙ୍ଗନା ଜେ, ମଣ୍ଡଲି ଲାକେ ମିଦାଙ୍ଗ ଲକୁ ବିଡ଼୍ ଝେଡ଼ାଲିଂ ମି ବିତ୍ରେ କୁଦାକୁଦା କେଡ଼ପାନାକା ଗିଟା ଆଜି ମାନାଡ଼, ଆରେ ଆନ୍ ଏଚେକ୍ ଇସାପତାଂ ଇଦାଂ ପାତ୍ କିନାଙ୍ଗା ।

୧୯ ଇନେସ୍ ମି ବିତ୍ରେ ପରିକ୍ୟାସିଦ୍ ମାନାୟାର୍ ହଡ଼ନାର୍, ଇଦାଂ କାଜିଂ ମି ବିତ୍ରେ ତ କୁଦାକୁଦା କେଡ଼ପାନାକା ହାତେନେ ଗିଟାନାଡ଼ ।

୨୦ ମିଦାଙ୍ଗ୍ ର ଦଲ୍ ଲାକେ ରଚେମାନଞ୍ଜି ଇମ୍ଫଣି ତିନିତାକେ ମେହାନାଦେରା ହେଦାଂ ମାପୁବଜ୍ ଆକାୟ୍ ।

୨୧ ଇନାକିଦେଂକି ତିନି ସମୁତ ଜାଣକେ ଆଲ୍ଗାନିକାରିଂ କାଝାଦାଂ ଜାର୍ କାଦି ତିନାନ୍, ହେଦାଂ କାଜିଂ ରଝାନ୍ ନାସ୍କି ମାନାନ୍ ଆରି ରଝାନ୍ ହଡ଼ନାନ୍ ।

୨୨ ଇନାକା ? ମିଦାଙ୍ଗ୍ କି ତିନାକାଉଣାକା କିନି କାଜିଂ ଇଲ୍ ହିଲୁଡ଼ ? କି ଏପେଙ୍ଗ୍ ଇନାକା ଇସ୍ତର୍ ମଣ୍ଡଲିତିଂ ଏଲା ଆନାଦେରା, ଆରେ ଇମ୍ଫଣାକାର୍ତି ହିଲୁଡ଼, ହେଝାରିଂ ଲାଜୁ କୁଗାନାଦେରା ? ଆନ୍ ମିଙ୍ଗେଙ୍ଗ୍ ଇନାକା ଇଞ୍ଜନାଙ୍ଗ୍ ? ଇନାକା ମିଦାଙ୍ଗ୍ ଜୁଝାର୍ ? ବିରକ୍ତୁଲ୍ ଆକାୟ୍ ।

୨୩ ଇନାକିଦେଂକି ଆନ୍ ମାପୁତାକେ ପାୟାତି ଇମ୍ଫଣି ହିକ୍ୟା ମିଙ୍ଗେଙ୍ଗ୍ ହିଡ଼ତାଂନା, ହେଦାଂ ଇ, ସାତୁ କେଇଦ ହେଲାୟ୍ କିଆନି ନାଣାଲିଙ୍ଗ୍ ମାପୁ ଜିସୁ ରୁଟି ଅଜି,

୨୪ ଇସ୍ପରତିଂ ଜୁଝାର୍ ହିଜି, ହେଦାଂ ତ୍ରିକ୍ତି ଇଚାନ୍, “ଇଦାଂ ମି କାଜିଂ ନା ଗାଗାଡ଼; ନାଙ୍ଗେଙ୍ଗ୍ ଏତୁକିଦ୍ନି କାଜିଂ ଇଦାଂ କିୟାର୍ ।

୨୫ ହେ ଲାକେ ଚିଚି ପାଚେ ହେଝାନ୍ ଉଣି ବାହା ପା ଆସ୍ତି ଇଚାନ୍, ଇ ଉଣି ବାହା ନା ନେତେରତାଂ ରଚି ଇସ୍ତର୍ ପୁନି ନିୟମ୍; ଏପେଙ୍ଗ୍ ଏଚେ ହର୍ ଇବେତାଂ ଉଣାଦେର୍, ହେ ଏଚେ ହର୍ ନାଙ୍ଗେଙ୍ଗ୍ ଏଡ଼ କିଦେଂ କାଜିଂ ଇଦାଂ କିୟାର୍ ।”

୨୬ ଇନାକିଦେଂକି ଏଚେ ହର୍ ଏପେଙ୍ଗ୍ ଇ ରୁଟି ତିନାଦେର୍ ଆରି ଇ ଉଣି ବାହାତାଂ ଉଣାଦେର୍, ହେଏଚେ ହର୍ ଏପେଙ୍ଗ୍ ମାପୁତି ଝାନି ପାଚେକ୍ ହେଝାନ୍ତି ହାକି କାବୁର୍ ସୁଣାୟ୍ କିନାଦେର୍ ।

୨୭ ଲାଗିଂ, ଇନେର୍ ଜଗ୍‌ହିଲ୍‌ଝି ବାବ୍ରେ ମାପୁତି ଇ ରୁଟି ତିନାନ୍ କି ଇ ବାହାତାଂ ଉଣାନ୍, ହେଝାନ୍ ମାପୁତି ଗାଗାଡ଼ନି ଆରି ନେତେର୍ନି ବେରୁତ ପାପ୍ କିନାନ୍ ।

୨୮ ମତର୍ ମାନାୟ୍ ଜାର୍ତିଂ ପରିକ୍ୟା କିଏନ୍, ଆରେ ହେ ଏଲେଙ୍ଗ୍ ବାବ୍ରେ ଇ ରୁଟି ତିନେନ୍ ଆରେ ଇ ବାହାତାଂ ଉଣେନ୍ ।

୨୯ ଇନାକିଦେଂକି ଇନେନ୍ ମାପୁ ଗାଗାଡ଼ତିଂ ହାଡ଼ପା ଅରଡ଼ ପୁନ୍‌ଝାଦାଂ ତିନାନ୍ ଆରି ଉଣାନ୍, ହେଝାନ୍ ଜାର୍ ତାଣ୍ କାଜିଂ ତିନାନ୍ ଆରି ଉଣାନ୍ ।

୩୦ ଇଦାଂ କାଜିଂ ମି ବିତ୍ରେ ବେସି ନାଦାରିଂ ଆରି ନଚ୍‌ନାକା, ଆରେ ହେନି ହାତାଣ୍ଟା ।

୩୧ ମତର୍ ପର୍ତ୍ତୁମ୍ ଜଦି ଆସେଙ୍ଗ୍ ଜାର୍ ଜାର୍ତି ବିଚାର୍ କିନାର୍, ତେବେ ଇସ୍ତର୍ ବିଚାଣ୍ଟା ଆମେର୍ ।

୩୨ ମତର୍, ପୁତର୍ ନି ଝିସ୍ତି ଲକ୍ ଲାହାଙ୍ଗ୍ ଇନେସ୍କି ଦାଣ୍ ପାୟା ଆଉସ୍, ଇଦାଂ କାଜିଂ ମାପୁତି ହୁକେ ବିଚାଣ୍ଟା ଆଜି ଆସେଙ୍ଗ୍ କସ୍ ବଗ୍ କିନାସା ।

୩୩ ଲାଗିଂ, ନା ଟଣ୍ଡାର୍, ଏପେଙ୍ଗ୍ ମାପୁତି ତିନି କାଜିଂ ରୁଣ୍ଡାଆନି ଝେଡ଼ାଲିଂ ହାରି କାଜିଂ ମାନାଟ୍ ।

୩୪ ମି ରୁଣ୍ଡାନାକା ଇନେସ୍ ଇସ୍ତର୍ ତାଣ୍ କାରଣ ଆଉଡ଼, ଇଦାଂ କାଜିଂ ଜଦି ଇନେର୍ ନାସ୍କି, ଝାଟିଙ୍ଗ୍ ହେଝାନ୍ ଇଞ୍ଜ ତିନେନ୍, ବାକି ଝିଜୁ ବିସ୍ତେ ଆନ୍ ହାତିସ୍ ବୁଜାନାଙ୍ଗ୍ ।

### ୧୨

#### ପୁଇପୁୟା ଜିବୁନ୍‌ନି ଦାନ୍

୧ ଏ ଟଣ୍ଡାର୍ ଆରି ତଣ୍‌ଦେକ୍ ଆମିକ୍ ଦାନ୍ ବିସ୍ତେ ଜେ ଏପେଙ୍ଗ୍ ପୁନାଟ୍ ଇଞ୍ଜି, ଇଦାଂ ନା ମାନ୍ ଆକାୟ୍ ।

୨ ଏପେଙ୍ଗ୍ ପୁନାଟ୍ ଜେ, ଏଚେକାଡ଼ଏ ଏପେଙ୍ଗ୍ ପାତ୍ କିଝି ଜିହୁଦିର୍ ମାଚାଦେର୍, ହେ ପାଦ୍‌ନା ଇନେସ୍ ପୁନୁୟା ଆଜି ମାଚାଦେର୍, ହେ ଲାକେ ଚାକ୍ରାୟ୍ ବାବ୍ରେ ଚାଲା ଆଜି ପେନ୍ ପୁଦା ଲାହାଂ ମାଚାଦେର୍

୩ ହେଦାଂ କାଜିଙ୍ଗ୍ ଆନ୍ ମିଙ୍ଗେଙ୍ଗ୍ ଝେର୍‌ଚାନାଙ୍ଗା, ଇସ୍ତର୍ ଜିବୁନ୍ ପାୟା ଆଜି କାତା ଇନାକା ଇମ୍ଫଣି ଲଗୁ ସାଇପ୍‌ନିକାନ୍ ଇଞ୍ଜି ଇନୁନ୍, ଆରେ ଇମ୍ଫଣି ମାନାୟ୍ ପୁଇପୁୟା ଜିବୁନ୍ ପାୟା ଆଝାଦାଂ ଜିସୁ ମାପୁ ଇଞ୍ଜି ଇଞ୍ଜେଙ୍ଗ୍ ଆଡୁନ୍ ।

୪ \*ଉପକାର୍ ଦାନ୍ କେତେକ୍ ବାନି, ମାତାର୍ ଜିବୁନ୍ ରଞ୍ଜାଙ୍ଗ୍;

୫ ହେବା କେତେକ୍ ବାନି, ଆରେ ମାପୁ ରଞ୍ଜାଙ୍ଗ୍;

୬ କାମାୟ୍ ବିନ୍‌ବିନ୍ ବାନି, ମତର୍ ଇସ୍ପର୍ ରଞ୍ଜାଙ୍ଗ୍, ହେଝାନ୍ ଝିଜାକାର୍ ତାକେ କାମାୟ୍ କିନାନ୍ ।

୭ ଝିଜାର୍‌ତି ହାର୍ କାମାୟ୍ କିନି କାଜିଂ ଜାଣକେ ମାନାୟ୍ ବିତ୍ରେ ପୁଇପୁୟା ଜିବୁନ୍‌ତି ସାଲି ବିନ୍‌ବିନ୍ ବାବ୍ରେ ହନାଡ଼ ।

୮ ଇନାକିଦେଂକି ରଝାନିଂ ଜିବୁନ୍ ହୁଦାଂ ବୁଦିନି ବଚନ୍, ବିନ୍ ନିକାନିଂ ହେ ଜିବୁନ୍‌ନି ହିକ୍ୟା ଇସାପ୍‌ରେ ଗିଆନି ବଚନ୍,

☆ ୧୨:୪ ରମିୟା ୧୨:୬-୮.

୯ ଆରେ ର ରଖାନିଂ ହେ ଜିରୁନ୍ ହୁଦାଂ ପାତର୍ କିନି ଦାନ୍ ହିଦନାନ୍, ଆରେ ରଖାନିଂ ହେ ରଞ୍ଜେ ଜିରୁକ୍ତି ହୁଦାଂ ଉଜ୍ଜ କିନାକା ସାକ୍ତି ହିନାନ୍,

୧୦ ବିନ୍ ନିକାନିଂ ବାରବିନ୍ ସାକ୍ତିନି କାମାୟ ପୁରା କିଦେଙ୍ଗ୍, ଆରେ ରଖାନିଂ ବେଶବାକ୍ଷାୟକିନାକା ଇଞ୍ଜେଙ୍ଗ୍, ବିନ୍ ନିକାନିଙ୍ଗ୍ ବିନେ ବିନେନି ଜିରୁନ୍ ଚିନ୍କିଦେଙ୍ଗ୍, ଆରେ ରଖାନିଂ ବାରବିନ୍ ପୁନି ଲକାର୍ ବେରଣ୍ ଇଞ୍ଜେଙ୍ଗ୍, ଆରେ ରଖାନିଂ ବେରଣ୍ ଅରଡ୍ ଖେଚ୍ଚି ସାକ୍ତି ଦାନ୍ କିୟାଆନାଡ୍ ।

୧୧ ମତର୍ ହେଖାନ୍ ର ମତର୍ ଜିରୁନ୍ ଜାର୍ ଇଚା ଇସାପ୍ତାଂ ଜାଣ୍ଟକେ ଜାର୍ତିଂ ବିନେ ବିନେ ଲାକେ ଦାନ୍ ପାସ୍ପିସ୍ ହିଜ୍ଜି ଇ ଓଜ୍ଜୁ କାମାୟ ପୁରା କିନାନ୍ ।

**କ୍ରିଷ୍ଟି ଗାଗାଡ୍**

୧୨ \*କ୍ରିଷ୍ଟି ବେସି କେଇଗାଲ୍ ର ଗାଗାଡ୍ ଲାକେ, ଆରେ ହେବେନି କେଇଗାଲ୍ ମତର୍, ଗାଗାଡ୍ନି ଓଜ୍ଜୁ କେଇଗାଲ୍ ବେସି ଆତିସ୍ପା, ରଞ୍ଜି ଗାଗାଡ୍ ଆନାଡ୍ ହେ ଲାକେ ପା କ୍ରିଷ୍ଟି ।

୧୩ ଲାଗିଂ ଆସେଙ୍ଗ୍ ଜିହୁଦି କି ପାତର୍ କିଞ୍ଜାକାର୍ କି ଗ୍ରିକ୍ ଆସସ୍, ଆଡ୍ଡିଏନ୍ ଆସସ୍ କି ଜାର୍ ତାରେନ୍ ଆସସ୍, ଓଜ୍ଜାକାର୍ ତ ରଞ୍ଜି ଜିରୁନ୍ ହୁଦାଂ ରଞ୍ଜି ଗାଗାଡ୍ ଆନି ଇସାପ୍ତାଂ ବାପ୍ରିସିମ୍ ଆତାସ୍ନା; ଆରେ ଓଜ୍ଜାସ୍ ରଞ୍ଜି ଜିରୁକ୍ତାଂ ଉଚାସ୍ନା ।

୧୪ ଇନାକିଦେଂକି ଗାଗାଡ୍ ତ ର କେଇଗାଲ୍ ଆକାୟ, ମତର୍ ବେସି ।

୧୫ ପାନା ଜଦି ଇନାଡ୍, “ଆନ୍ କେଇ ଆକାୟ” ଲାଗିଂ ଗାଗାଡ୍ କେଇଗାଲ୍ ଆକାୟ, ତେବେ ଇଦାଂ କାଜିଂ ହେଦାଂ ଜେ ଗାଗାଡ୍ନି କେଇଗାଲ୍ ଆକାୟ, ହେଦାଂ ଆକାୟ ।

୧୬ ଆରେ କିତୁଲ୍ ଜଦି ଇନାଡ୍, ଆନ୍ କାଣ୍ଟା ଆକାୟ, ଲାଗିଂ ଗାଗାଡ୍ କେଇଗାଲ୍ ଆକାୟ, ଖାଟିଙ୍ଗ୍ ଇଦାଂ କାଜିଂ ହେଦାଂ ଜେ ଗାଗାଡ୍ନି କେଇଗାଲ୍ ଆକାୟ, ହେଦାଂ ଆକାୟ ।

୧୭ ଓଜ୍ଜୁ ଗାଗାଡ୍ ଜଦି କାଣ୍ଟା ଆନାଡ୍, ଖାଟିଙ୍ଗ୍ ଖେନାକା ଇମେତାକେ ? ଓଜ୍ଜୁ ଗାଗାଡ୍ ଜଦି କିତୁଲ୍ ଆନାଡ୍, ଖାଟିଙ୍ଗ୍ ମୁଞ୍ଜନାକା ଇମେନିକା ?

୧୮ ମତର୍ ଇସ୍ପର୍ କେଇଗାଲ୍ ରଞ୍ଜାଙ୍ଗ୍ ରଞ୍ଜାଙ୍ଗ୍ କିଜି ଗାଗାଡ୍ତ ଜାର୍ ଇଚା ଇସାପ୍ତାଂ ବିଡାୟ କିତାନ୍ନା ।

୧୯ ଆରେ, ଜଦି ହେ ଓଜ୍ଜୁ ରଞ୍ଜି କେଇଗାଲ୍ ଆଜି ମାଟିସ୍, ଖାଟିଙ୍ଗ୍ ଗାଗାଡ୍ ଇମେ ତାକେ ?

୨୦ ମତର୍ ହାଡ୍ପାତ କେଇଗାଲ୍ ବେସି, ମତର୍ ଗାଗାଡ୍ ରଞ୍ଜାଙ୍ଗ୍ ।

୨୧ “ନି ତାକେ ନା ଲଡା ଆକାୟ ଇଞ୍ଜି କାଣ୍ଟା କେଇଦିଙ୍ଗ୍ ଇଞ୍ଜେଙ୍ଗ୍ ଆଡୁଡ୍, କି ନି ତାକେ ନା ଲଡା ଆକାୟ ଇଞ୍ଜି କାପ୍ତା ପାନାତିଂ ଇଞ୍ଜେଙ୍ଗ୍ ଆଡୁଡ୍ ।”

୨୨ ଆଡ୍ଡିତିସ୍ ବିନ୍ ପାକ୍ୟାତ ଗାଗାଡ୍ନି ଜେ ଓଜ୍ଜୁ କେଇଗାଲ୍ ଆଦିକ୍ ନାଦାର୍ ଇଞ୍ଜି ରୁଜା ଆନାଡ୍, ହେ ସବୁ ରଲାକେ ଲଡା;

୨୩ ଆରେ, ଗାଗାଡ୍ ଇମଣି ସବୁ କେଇଗାଲ୍ ଆଦିକ୍ ଇନାକାହିଲ୍ଖାକା ଇଞ୍ଜି ମାଙ୍ଗେଙ୍ଗ୍ ପୁନ୍ୟାଦନାଡ୍, ହେ ସବୁ କେଇଗାଲ୍ତିଂ ଆସେଙ୍ଗ୍ ଆଦିକ୍ ହର୍ ଖାରିକିନିତାକେ ବେସି ରଞ୍ଜି କିନାସ୍; ଆରେ ମା ହଲ୍ଡି କେଇଗାଲ୍ତିଂ ଆଦିକ୍ ହର୍ ହଲ୍ଡିନାଡ୍,

୨୪ ଇତିସ୍ ଗାଗାଡ୍ନି ହଲ୍ଡି କେଇଗାଲ୍ କାଜିଂ ଆସେଙ୍ଗ୍ ଏଚେକ୍ ଦିଆନ୍ ହିଜ୍ଜି ମାନୁସ୍ । ଇସ୍ପର୍ ନିଜେ ଗାଗାଡ୍ତିଂ ଇ ବାଗ୍ରେ ରଚ୍ଚାନ୍ ଜେ, ଇମଣି କେଇଗାଲ୍ ଜାଡୁନ୍ ଲଡା, ହମାନ୍ ହେଖାଙ୍ଗ୍ ଆଦିକ୍ ଲଡା ।

୨୫ ମତର୍ ଇନେସ୍ ଗାଗାଡ୍ ବିତ୍ରେ ଗଡ୍ମାର୍ ଗିଟାଡ୍ଡିତିସ୍, ନଲେ କେଇଗାଲ୍ ସମାନ୍ ବାଗ୍ରେ ହାରି ହାର୍ ଚିତା କିନିକ୍, ଇଦାଂ କାଜିଂ ଇସ୍ପର୍ ଇନାକାହିଲ୍ଡି କେଇଗାଲ୍ତିଂ ଆଦିକ୍ ହର୍ ଦୁକ୍କିନାକା ହିଜ୍ଜି ଗାଗାଡ୍ତିଂ ରବେ କିତାନ୍ନା ।

୨୬ ଆରେ, ରଞ୍ଜି କେଇଗାଲ୍ ଦୁକ୍ବଗ୍ କିତିସ୍ ଓଜ୍ଜୁ କେଇଗାଲ୍ ତା ଲାହାଙ୍ଗ୍ ଦୁକ୍ବଗ୍ କିନିକ୍, ନଲେ ର କେଇଗାଲ୍ ଜାଜ୍ମାଲ୍ ପାୟାତିସ୍ ଓଜ୍ଜୁ କେଇଗାଲ୍ ତା ଲାହାଙ୍ଗ୍ ଖାରି କିନିକ୍ ।

୨୭ ଏପେଙ୍ଗ୍ କ୍ରିଷ୍ଟି ଗାଗାଡ୍, ଆରେ ର ର ଜାଣ୍ ର ର କେଇଗାଲ୍ ଲାକେ ।

୨୮ ଆରେ, ଇସ୍ପର୍ ମଣ୍ଡଲିତ ପର୍ତ୍ତୁମ୍ତ ପକ୍ୟାତାକାନ୍, ଜେତାକା ବେଶ୍ବାକ୍ଷାୟକିନାକାନ୍, ତିନ୍ତାକେ ହିକ୍ୟା ଗୁରୁ, ଇ ଲାକେ ବାରବିନ୍ ମାନାୟତିଙ୍ଗ୍ ବାଟି କିତାନ୍ନା; ପାଚେ ସାକ୍ତିନି କାମାୟ, ତା ପାଚେ ଉଜ୍ଜ କିନି ସାକ୍ତି, ଲକାର୍ ଉପକାର୍, ଚାଲାନ୍ କେମ୍ତା ଆରି ବାରବିନ୍ ବାସା ଦାନ୍ କିତାଣ୍ଟା ।

୨୯ ଓଜ୍ଜାକାର୍ କି ପକ୍ୟାତାକାର୍ ? ଓଜ୍ଜାକାର୍ କି ବେଶ୍ବାକ୍ଷାୟକିନାକାର୍ ? ଓଜ୍ଜାକାର୍ କି ଗୁରୁ ? ଓଜ୍ଜାର୍ କାବା କିନି ସାକ୍ତି ଓଜ୍ଜାର୍ ତାକେ ହିଲୁଡ୍ ?

୩୦ ଓଜ୍ଜାକାର୍ ଉଜ୍ଜ କିନି ଦାନ୍ ପାୟାତାଣ୍ଟା କି ? ଓଜ୍ଜାର୍ ଲକାର୍ ବାସାତ ବେଶ୍ କିତାର୍ କି ? ଓଜ୍ଜାର୍ ବାସାନି ଅରଡ୍ କିତାର୍ କି ?

୩୧ ମତର୍ ନିନ୍ଦାନ୍ ଦାନ୍ ଓଜ୍ଜୁ ପାୟାନ୍ କାଜିଂ ଲାଗିସ୍ ସେସ୍ଟୁ କିୟାଡ୍ ।

ଆଦିକ୍ତାଂ ଆନ୍ ମିଙ୍ଗେଙ୍ଗ୍ ର ବାଲ୍ଡି ହାଜି ଚଚ୍ଚାନାଙ୍ଗା ।

☆ ୧୨:୧୨ ରମିୟା ୧୨:୪,୫.

### ୧୩

#### ପର୍ତ୍ତୁମ୍ ଜାଣାଚିନା

୧ ଜଦି ଆନ୍ ମାନାୟାରିଂ ଆରି ଦୁଡ଼ରତି ବାସାତ କତା ଇନାଜ୍, ମାତର୍ ନା ଜିଉନନାକା ମାନ୍‌ଗୁଡ଼, ତେବେ ଆନ୍ ଗାଜ୍ରାନି ଗଣ୍ଟା ନଲେ ଚମ୍ ଚମ୍ ଗାଜ୍ରାନି କେଇ ତାପଡ଼ିଙ୍ଗ ଲାକେ ଆନାତା ।

୨ \*ଆରେ, ଜଦି ନା ବେଶ୍‌ବାକ୍‌ଶାୟକିନାକା ସାକ୍ତି ମାଚିସ୍ ଆରି ଆନ୍ ଓଜୁ ନେକ୍ତି କାତା ଆରି ସବୁ ଗିୟାନ୍ତ ଆଡ଼ଦେଂ ଆଜି ମାଚିସ୍, ଆରେ ମାଡ଼ିତିଂ ଗୁଚାୟ କିନି କାଜିଂ ନା ପୁରା ପାତର୍ ମାଚିସ୍, ମତର୍ ନା ଜିଉନନାକା ହିଲ୍‌ଓଡିସ୍, ଖାଟିଙ୍ଗ୍ ଆନ୍ ମୁଡ଼େ ଆକାୟ ।

୩ ଆରେ, ଜଦି ଆନ୍ ଅକର୍ ତ ଲଗାଂ ତିର୍ପି କିନି କାଜିଂ ନା ଓଜେ ହିଦେଂ କିନାଜ୍, ଆରେ ଜଦି ଆନ୍ ନାଦାଂ ଗାଗାଡ଼ିଂ ହୁଡ଼ଜି ଆନି କାଜିଂ ହେଲାଇୟ କିନାଜ୍, ମତର୍ ନା ଜିଉନନାକା ହିଲ୍‌ଓଡିସ୍, ଖାଟିଙ୍ଗ୍ ନାଦି ମୁଡ଼କେ ଲାବ୍ ଆକାୟ ।

୪ ଜିଉନନାକା ସାହାସ୍ ଆହ୍‌ନାକା ଆରି ସମାଲିକିନାକା । ଜିଉନନାକା ବାନା, ତାରା କିଉନ୍, ଜିବୁନ୍ ବାଲ୍‌ବଲାଇୟ କିଉନ୍, ତାରା କିଉନ୍,

୫ ଇନେରିଂ ଇନ୍‌ଓଡି ଚିନ୍ତା କିଉନ୍, ନିଜ୍‌ତିଂ ସେସ୍ କିଉନ୍, ରିସା ଆଉନ୍, ନାହାୟକିନି ଏତୁତ ଇଚୁନ୍,

୬ ଅଦାମର୍ ତ ଖାରି କିଉନ୍, ମତର୍ ହାଡ଼ପାତ ଖାରି କିନାନ୍;

୭ ଓଜୁ ହୁଞ୍ଜନାନ୍, ଓଜୁ ପାତର୍ କିନାନ୍, ଓଜୁ ବାସର୍ କିନାନ୍, ଓଜୁ ବିସ୍ତେ ସାସ୍ ଆସ୍ତି ମାନାନ୍ ।

୮ ଜିଉନନାକା ମୁଡ଼େ ଓଜୁଡ଼; ମତର୍ ଜଦି ଇସ୍‌ର୍ ତାଙ୍ଗ୍ କାରୁର୍ ସୁଶାୟ କିନି ସାକ୍ତି ମାନାଡ଼, ହେଦାଂ ବୁଡାନାଡ଼, ଜଦି ଲକାର୍ ବାସା ମାଚିସ୍, ହେ ସବୁ ଚିମ୍‌ନାଡ଼, ଜଦି ଗିୟାନ୍ ମାଚିସ୍, ହେଦାଂ ବୁଡା ଆନାଡ଼ ।

୯ ଇନାକିଦେଂକି ଆସେଙ୍ଗ୍ ଅଲପ୍ ବାବ୍ରେ ପୁନାସ୍ ଆରି ଅଲପ୍ ବାବ୍ରେ ବେଶ୍‌ବାକ୍‌ଶାୟ କିନାସ୍ ।

୧୦ ମତର୍ ସବୁ ବିସ୍ତେ ଇକାଖାଡିସ୍ ଅଲପ୍ ବିସ୍ତେ ବୁଡାନାଡ଼ ।

୧୧ ହିମ୍‌ଶା ମାନି ସମୁତ ଆନ୍ ହିମ୍‌ଶା ଲାକେ ବେଶ୍ ଇଞ୍ଜି ମାଚାଙ୍ଗ୍, ହିମ୍‌ଶା ଲାକେ ବାବି କିଜି ମାଚାଙ୍ଗ୍, ହିମ୍‌ଶା ଲାକେ ବିଚାର୍ କିଜି ମାଚାଙ୍ଗ୍, ବୈସ୍ ଆଡିଲେ ଆନ୍ ହିମ୍‌ଶା ବିସ୍ତେ ସବୁ ପିସ୍ତାଙ୍ଗ୍ ।

୧୨ ଇନାକିଦେଂକି ନଙ୍ଗ୍ ଆସେଙ୍ଗ୍ ଟିକିନିକି ବଚନ୍‌ଲାର୍‌ଦି ଦାପାଶ୍‌ଗି ଉପକାର୍‌ତାଂ ହୁଡ଼ନାପା, ମତର୍ ହେ ପାଦ୍‌ନା ହାରିମ୍‌ମଦ ଆଜି ହୁଡ଼ନାସ୍; ଏରେଞ୍ଜେଡାଲିଂ ଆନ୍ ଅଲପ୍ ବାବ୍ରେ ପୁନାଙ୍ଗା, ମତର୍ ହେ ପାଦ୍‌ନା, ଆନ୍ ଇନେସ୍ ଜାଶା, ହେ ଲାକେ ପା ଜାଶା ପାୟାନାଙ୍ଗ୍ ।

୧୩ ଇଚିସ୍ ପାତର୍, ବାସର୍, ଜିଉନନାକା, ଇ ତିନି ତିର୍ ଆନାଡ଼, ଆରେ ଇଖାର୍ ବିତ୍ରେ ଜିଉନନାକା ଗାଜା ।

### ୧୪

#### ବେଶ୍‌ବାକ୍‌ଶାୟକିନାକା ଆରି ବିନ୍‌ବାସା

୧ ଜିଉନନାକା ଇଚ୍‌କାଡ଼ କିୟାଟ୍, ଆରେ ଆମିକ୍ ଦାନ୍‌ସବୁ ପାୟାନି କାଜିଂ, ବେସି ଇନେସ୍ ବେଶ୍‌ବାକ୍‌ଶାୟ ଇଞ୍ଜେଙ୍ଗ୍ ଆଡ଼ନାଦେର୍, ଇଦାଂ କାଜିଂ ରବେ ସେସ୍ କିୟାଟ୍ ।

୨ ଇନାକିଦେଂକି ଇନେନ୍ ଲକାର୍ ବାସା କାତା ଇନାନ୍, ହେଞ୍ଜାନ୍ ମାନାୟତିଙ୍ଗ୍ ବେଶ୍ ଇନୁନ୍, ମତର୍ ଇସ୍‌ର୍‌ତିଂ ଇନାନ୍, ଲାଗିଂ ଇନେର୍ ହେଦାଂ ବୁଜାଆଉନ୍, ମତର୍ ହେଞ୍ଜାନ୍ ଜିବୁନ୍ ହୁଦାଂ ଟିକିନିକି ବିସ୍ତେ ଇନାନ୍ ।

୩ ମତର୍ ଇନେନ୍ ବେଶ୍‌ବାକ୍‌ଶାୟ କିନାନ୍ ଇସ୍‌ତର୍ ବଚନ୍ ପରତାର୍ କିନାନ୍, ହେଞ୍ଜାନ୍ ହେଦାଂ ମାନାୟାରିଂ ଇନାନ୍, ତାପାଚେ ହେଞ୍ଜାରିଂ ରଚ୍‌ନାସ୍, ଖାରିକିୟ କିନାକାନ୍ ଆରି ଦୁକ୍‌ସାରାୟ ବେଶ୍ ଇନାନ୍ ।

୪ ଇନେନ୍ ଲକାର୍ ବାସାତ କାତା ଇନାନ୍, ହେଞ୍ଜାନ୍ ନିଜାର୍‌ତି ହାର୍‌ଦାକା ହପ୍‌ନାନ୍, ମତର୍ ଇନେନ୍ ବେଶ୍‌ବାକ୍‌ଶାୟ ଇନାନ୍, ହେଞ୍ଜାନ୍ ମଣ୍ଡଲିନି ହାର୍‌ଦାକା ହପ୍‌ନାନ୍ ।

୫ ଏପେଙ୍ଗ୍ ଓଜାଦେର୍ ଜେ ବିନ୍ ବାସାତ କାତା ଇନାଦେର୍, ଇଦାଂ ନା ଇଚା, ମାତର୍ ଏପେଙ୍ଗ୍ ଜେ ବେଶ୍‌ବାକ୍‌ଶାୟ ଇନାଦେର୍, ଇଦାଂ ନାଦି ଆଦିକ୍ ଇଚା; ଇନେନ୍ ବିନ୍ ବାସାତ କାତା ଇନାନ୍, ହେଞ୍ଜାନ୍ ଜଦି ମଣ୍ଡଲି ରଚ୍‌ନାନ୍ ପାୟାନି କାଜିଂ ବାସାନି ଅରଡ଼ କିଉନ୍, ଖାଟିଙ୍ଗ୍ ହେଦାଂ ବାଟା ଜେ ବେଶ୍‌ବାକ୍‌ଶାୟ କିନାନ୍, ହେଞ୍ଜାନ୍ ଗାଜାକାନ୍ ।

୬ ଏପେଙ୍ଗ୍ ଇବେ ଏ ଟଣ୍ଡାର୍, ଆନ୍ ଜଦି ମି ଲାଗାଂ ହାଲ୍‌ଜି ହତି ବଚନ୍, କି ବୁଦି, କି ବେଶ୍‌ବାକ୍‌ଶାୟ କିନାକା, କି ହିକ୍ୟାନି କାତା ଇନ୍‌ଓଦାଂ କେବଲ୍ ବିନ୍‌ବାସାତ କାତା ଇନାନ୍, ଲାଗିଂ ହେବେ ଆନ୍ ମିଦାଙ୍ଗ୍ ଇନାକା ଉପକାର୍ କିଦ୍‌ନାଙ୍ଗ୍ ?

୭ ହୁରଡ଼ି ଆଏଡ଼ କି ଗମଶ୍ ଆଏଡ଼, ଜିବୁନ୍‌ହିଲ୍‌ଓଡି ବାଜା ଆଡ଼ତିସ୍ ପା ଜଦି କାଟ୍‌ସ ସମାନ୍ ମାନ୍‌ଗୁଡ଼, ଲାଗିଂ ହୁରଡ଼ିତ ଇନାକା ଆଡ଼ନାତା କି ଗମଶ୍ ଇନାକା ଆଡ଼ନାତା, ହେଦାଂ ଇନେସ୍ ପୁନାଆନାଡ଼ ?

୮ ଆରେ, ମରି ଜଦି ବୁଜାଆଓି କାଟ୍, ଲାଗିଂ ଇନେନ୍ ଜୁଜ୍ କାଜିଂ ରଞ୍ଜନାନ୍ ?

୯ ହେ ଲାକେ ଏପେଙ୍ଗ୍ ପା ଜଦି ଓଜେନ୍‌ଲ୍ ହୁକେ ଆଡ଼ଓା ଇନି କାତା ଇନୁସ୍, ଲାଗିଂ ଇନାକା ଇନାଦେରା, ହେଦାଂ ଇନେସ୍ ପୁନାଆନାଡ଼ ? ଇନାକିଦେଂକି ଏପେଙ୍ଗ୍ ଖାରାକାଦ୍‌ଲିଂ ଇନାକା ଲାକେ ଆନାଡ଼ ।

☆ ୧୩:୨ ମାଡିଉ ୧୭:୨୦; ୨୧:୨୧; ମାର୍କ ୧୧:୨୩.

୧୦ ପୁତ୍ର ତ ବେସି ବାନି ବାସା ମାନାଡ଼, ଆରେ ଇମ୍ବଣି ସବଦ୍ ଅରଡ଼ ଖାରାକା ଆକାୟ ।

୧୧ ଲାଗି ଆନ୍ ଜଦି ହେ ସବଦ୍ନି ଅରଡ଼ ବୁଜାଆଡ଼ିତିସ୍, ଲାଗି ଇନେନ୍ ଇନାର୍, ଆନ୍ ତା କାଜି ବିଦେସି ଲାକେ ଆନାଙ୍ଗ, ଆରେ ହେଖାନ୍ ନା ଲାଗା ଅଚିନା ଲାକେ ଆନାନ୍ ।

୧୨ ହେ ମାନାୟ ଏପେଙ୍ଗ ପା ଆମ୍ବିକ୍ ଦାନ୍ ସବୁ ପାୟାଦେଂ ର ସେସ୍ତୁ କିଜି ମାଟିଲେ ମଣ୍ଡୁଲି ରତ୍ନାସ୍ ପାତ୍ର କିନାକାନ୍ କାଜି ହେ ସବୁ ବେସି ପାୟା ଆଦେଂ ସେସ୍ତୁ କିୟାଟ୍ ।

୧୩ ଲାଗି, ଇନେନ୍ ଲକାର୍ ବାସାତ କାତା ଇନାନ୍, ହେଖାନ୍ ଇନେସ୍ ଅରଡ଼ କିଦେଙ୍ଗ ଆଡ଼ନାନ୍, ଇଦାଂ କାଜି ପାର୍ତାନା କିଏନ୍ ।

୧୪ ଇନାକିଦେଂକି ଆନ୍ ଜଦି ବିନ୍ ବାସାତ ପାର୍ତାନା କିନାଙ୍ଗ, ଲାଗି ନା ଜିବୁନ୍ ପାର୍ତାନା କିନାଡ଼, ମତର୍ ନା ବୁଦି ପାଡ଼ ଆହ୍ୱାକା ଆନାଡ଼ ।

୧୫ ଲାଗି ନା କିନାକା ଇନାକା ? ଆନ୍ ଜିବୁନ୍ ହୁକେ ପାର୍ତାନା କିନାଙ୍ଗ; ଆରେ ବୁଦି ଲାହାଙ୍ଗ ପା ପାର୍ତାନା କିନାଙ୍ଗ; ଜିବୁନ୍ ହୁକେ କେରନାଙ୍ଗ, ଆରେ ବୁଦି ଲାହାଙ୍ଗ ପା କେରନାଙ୍ଗ ।

୧୬ ହେଦାଂ ଆଡ଼ିତିସ୍ ଏପେଙ୍ଗ ଜଦି ମି ଜିବୁନ୍ ହୁକେ ଜୁଝାର୍ ହିୟାଟ୍, ଲାଗି ସାଦାସିଦା ମାନାୟ ମି କାତା ବୁଜା ଆଡ଼ିତିସ୍ ଇନେସ୍ ମି ଦନ୍ୟବାଦ୍ତ ଆମେନ୍ ଇନାଦେର୍ ?

୧୭ ଲାଗି ଏପେଙ୍ଗ ହାର୍ ଲାକେ ଜୁଝାର୍ ହିନାଦେରା ସଡ଼, ମତର୍ ହେ ବିନ୍ନିକାନ୍ତି ହାର୍ ଆମାଟ୍ ।

୧୮ ଆନ୍ ମି ଡ଼ିଜାଦେର୍ ତାଙ୍ଗ ଆଦିକ୍ ଲାକେ ଲକାର୍ ବାସାତ କାତା ଇନାଙ୍ଗ ଇଞ୍ଜି ଇସ୍ୱର୍ତି ଜୁଝାର୍ ହିନାଙ୍ଗ;

୧୯ ଆଡ଼ିସ୍ପା ଆନ୍ ଇନେସକି ବିନ୍ନିକାରିଂ ପା ହିକ୍ୟା ହିଦେଂ ଆଡ଼ନାଙ୍ଗ, ଇଦାଂ କାଜି ମଣ୍ଡୁଲିତ ଲକାର୍ ବାସାତ ଦସ୍ ହାଜାର୍ ବେଣ୍ ଇନି ବାଟା ଇତିସ୍ ବୁଦି ଲାହାଙ୍ଗ ପାଞ୍ଚଗଟା ବେଣ୍ ଇଞ୍ଜେଙ୍ଗ ମାନ୍ କିନାଙ୍ଗ ।

୨୦ ଏ ଟଣ୍ଡାର୍, ବୁଦିତ ହିମ୍ପଣା ଲାକେ ଆମାଟ୍, ଇତିସ୍ ବାନ୍ୟା ବିସ୍ତେ ହିରୁହିମ୍ପଣା ଲାକେ ଆଡ଼, ମତର୍ ବୁଦିତ ଏପେଙ୍ଗ ଗାଜାକାର୍ ଆଡ଼ ।

୨୧ ମସାତି ବିଦିତ ଲେକାମାନାଡ଼,

ମାପୁ ଇନାନ୍, ବିଦେସ୍ନି ବେଣ୍ ଇନାକାର୍ ହୁକେ ଆରି ବିଦେସ୍ନିକାର୍ତି ଖେୟ୍ ହୁକେ ଆସେଙ୍ଗ ଇ ମାନାୟାରିଂ କାତା ଇନାସ୍,

ତା ଆଡ଼ିସ୍ ପା ହେଖାର୍ ମା କାତା ଖେଞ୍ଚୁର୍ ।

୨୨ ଲାଗି ଲକାର୍ ବାସାତ କାତା ଇନାକା ପାତ୍ର ନିକାର୍ତି କାଜି ତିନ୍ ଲାକେ ଆକାୟ, ମତର୍ ପାତ୍ର କିଞ୍ଜାକାର୍ତି କାଜି ତିନ୍ ଲାକେ; ବିନ୍ ପାକ୍ୟାତ ବେଣ୍ ବାକ୍ଷାୟକିନାକା ଇନାକା ପାତ୍ର କିଞ୍ଜାକାର୍ତି କାଜି ତିନ୍ ଲାକେ ଆକାୟ, ମତର୍ ପାତ୍ର କିନାକାର୍ତି କାଜି ତିନ୍ ଲାକେ ।

୨୩ ଆରେ ପା ସବୁ ମଣ୍ଡୁଲି ଜଦି ମେହା ଆନିକ୍ ଆରି ଡ଼ିଜାର୍ ଲକାର୍ ବାସାତ ବେଣ୍ ଇନାର୍, ଆରେ ସଲ୍ଲକେ କି ପାତ୍ର କିଞ୍ଜି ମାନାୟାର୍ ଖାନାର୍, ତା ଆଡ଼ିସ୍ ଏପେଙ୍ଗ ପାଗ୍ଲା ଇଞ୍ଜି ଇନାକା ହେଖାର୍ ଇନୁର୍ ?

୨୪ ମତର୍ ଜଦି ଡ଼ିଜାର୍ ବେଣ୍ ବାକ୍ଷାୟକିନାକା ଇନାର୍, ଆରେ ରଞ୍ଜାନ୍ ପାତ୍ର କିଞ୍ଜାକାନ୍ କି ସଲ୍ଲକେନି ଲକ୍ ଖାନାନ୍, ଲାଗି ହେଖାନ୍ ଡ଼ିଜାର୍ତି ହୁକେ ଦସି ଇଞ୍ଜି ପାର୍ମାଣ୍ ଆନାଡ଼, ଡ଼ିଜାର୍ତି ହୁକେ ବିଚାର୍ ଆନାଡ଼,

୨୫ ତା ଖାସ୍ନି ତୁକୁତି ବିସ୍ତେ ସବୁ ହନାଡ଼; ହେବେ ହେଖାନ୍ ମୁମ୍ ତାରେନ୍ କିନାନ୍ ଆରି ଇସ୍ୱର୍ ଜେ ହାଡ଼ପା ମି ବିତ୍ତେ ମାନାନ୍, ଇଦାଂ ମାନି କିଜି ତାଙ୍ଗେଙ୍ଗ ଜୁଝାର୍ କିନାଦେର୍ ।

**ମଣ୍ଡୁଲି ସୁସ୍ତା**

୨୬ ଏ ଟଣ୍ଡାର୍, ଆରେ ତଣ୍ଡାଦେକ୍ ତେବେ କାମାୟ ଇନାକା ? ଏପେଙ୍ଗ ମେହାଆନି ସମୁତ କେରକଣ୍, କି ହିକ୍ୟା, କି ହତି ବଚନ୍, କି ପରବାସା କି ବାସାନି ଅରଡ଼, ଏଲେଙ୍ଗ ଡ଼ିଜାର୍ତି ଇନାକା କି ଇନାକା ମାନାଡ଼ । ଡ଼ିଜୁ ବିସ୍ତେ ରତ୍ନି କାଜି କିୟାଆୟେଡ଼ ।

୨୭ ଜଦି ଇନେର୍ ଲକାର୍ ବାସାତ କାତା ଇନାନ୍, ଲାଗି ରିୟାର୍ ନଲେ ଆଦିକ୍ ଆଡ଼ିସ୍ ତିନ୍ ଜାଣ୍ ପାଲି ଇସାପ୍ତାଂ ଇନାର୍, ଆରେ ରଞ୍ଜାନ୍ ଅରଡ଼ କିଏନ୍ ।

୨୮ ମତର୍ ଜଦି ଇମ୍ବଣି ଅରଡ଼ ଇନାକାନ୍ ମାନୁନ୍, ତା ଆଡ଼ିସ୍ ହେଖାନ୍ ମଣ୍ଡୁଲିତ ଚିମ୍ପରା ମାନେନ୍ ଆରି ମାନେମାନେ ଇସ୍ୱର୍ତିଂ ଇନେନ୍ ।

୨୯ ଆରେ, ରିୟାର୍ କି ତିନ୍ ଜାଣ୍ ବେଣ୍ ବାକ୍ଷାୟକିନାକା ଇନେର୍, ଆରେ ବିନ୍ନିକାର୍ ବିଚାର୍ କିଏର୍ ।

୩୦ ମତର୍ କୁଟ୍ଟାକାର୍ ବିନେ ଇନେର୍ କାଜି ଜଦି ଇମ୍ବଣି ବଚନ୍ ହନାଡ଼, ତା ଆଡ଼ିସ୍ ପର୍ତୁମ୍ ନିକାନ୍ ଚିମ୍ପରା ଆୟେନ୍ ।

୩୧ ଇନାକିଦେଂକି ଇନେସ୍ ଡ଼ିଜାର୍ ହିକ୍ୟା ପାୟାନାର୍, ଆରେ ଡ଼ିଜାର୍ ରିୟାନ୍ ପାୟା ଆନାର୍, ଇଦାଂ କାଜି ଏପେଙ୍ଗ ଡ଼ିଜାଦେର୍ ରଞ୍ଜାନ୍ ରଞ୍ଜାନ୍ ଜିସୁ ବେଣ୍ ବାକ୍ଷାୟକିନାକା ଇଞ୍ଜେଙ୍ଗ ଆଡ଼ନାଦେର୍ ।

୩୨ ବେଣ୍ ବାକ୍ଷାୟକିନାକାନ୍ ଜିବୁନ୍ ବେଣ୍ ବାକ୍ଷାୟକିନାକାର୍ ମେହାଣ୍ ।

୩୩ ଇନାକିଦେଂକି ଇସ୍ୱର୍ ରାଟୁନି ଇସ୍ୱର୍ ଆକାୟ, ମତର୍ ହେଖାନ୍ ସୁସ୍ତା ଖାରିନି ଇସ୍ୱର୍ ।

ଇସ୍ପରତି ବିନ୍‌ବିନ୍ ସାଦୁର୍ ପାର୍ତ୍ତନା ମଣ୍ଡଲିତ ଇନେସ୍ ।

୩୪ ସାଦୁର୍ତି ଝିନ୍ଦୁ ମଣ୍ଡଲିତ ଇନେସ୍ ଆଜି ମାନାଡ଼, ହେ ଲାକେ କଗ୍‌ଲେହିମ୍‌ଣା° ମଣ୍ଡଲିତ ଚିମ୍‌ରା ଆଜି ମାନେକ୍, ଲାଗି°  
ବେଣ୍ ଇନି କାଜି° ହେଝେକ୍ ହେଲ ପାୟାଝିତିକ୍‌ନା, ଇତିସ୍ ବିଦିନି ନିତି ଇସାପ୍‌ତା° ହେଝେକ୍ ମେହାଜି ମାନେକ୍ ।

୩୫ ହେଝେକ୍ ଜଦି ଇମ୍‌ଣି ବିସ୍ତେ ବୁଜାଆଦେ° ମାନକିନିକ୍, ତେବେ ଇଞ୍ଜ ଜାର୍ ଜାର୍ ଆଣ୍ଡାକା° ଝେନ୍‌ବେକ୍,  
ଇନାକିଦେ°କି ମଣ୍ଡଲି ବିତ୍ରେ ବେଣ୍ ଇନାକା କଗ୍‌ଲେକ୍ ପାକ୍ୟାତ ଲାଜୁ ।

୩୬ ଇନାକା ? ଇସ୍ପତ୍ ବଚନ୍ କି ମିତାକେଣ୍ଡାକ୍ ହତ୍‌ତାଡ଼ନା ? କି କେବଲ୍ ମିଦାକ୍ ଲାଗା° ଝାତାଡ଼ନା ?

୩୭ ଇନେର୍ ଜଦି ଜାର୍‌ତି° ବେଣ୍‌ବାକ୍‌ଶାୟକିନାକାନ୍ କି ଆମିକ୍ ଦାନ୍ ପାୟାତାକ୍‌ନା ଇଞ୍ଜି ମାନେ କିତାର୍, ତା ଆତିସ୍  
ଆନ୍ ମିଜେକ୍ ଇନା ଇନାକା ଲେକିକିନାକା, ହେ ସବୁ ଜେ ମାପୁତି ବଲ୍, ଇଦା° ହେଝାନ୍ ପୁନେନ୍ ।

୩୮ ମତର୍ ଜଦି ହେଝାନ୍ ପୁଞ୍ଜେକ୍ ଆଡୁନ୍, ତେବେ ହେଝାନ୍ ପୁଞ୍ଜେକ୍ ଆଡ଼ଝାକାନ୍ ମାନେନ୍ ।

୩୯ ଲାଗି° ଏ ନା ଟଣ୍ଡାର୍, ବେଣ୍‌ବାକ୍‌ଶାୟକିନାକା ଇଞ୍ଜେକ୍ ହାଡ଼ପା ସେସ୍ କିୟାଟ୍; ଆରେ, ଲକାର୍ ବାସାତ ବେଣ୍  
ଇଞ୍ଜେକ୍ ମୁନା କିମାଟ୍ ।

୪୦ ମତର୍ ଝିନ୍ଦୁ ହାଡ଼ପା ବାବ୍ରେ ହାର୍ ଇସାବ୍‌ରେ କିୟାଆଏଡ଼ ।

### ୧୫

#### କ୍ରିଷ୍ଟି ଆରେ ନିନାକା

୧ ହେ ଟଣ୍ଡାର୍, ଆନ୍ ମି ଲାଗା° ଇମ୍‌ଣି ନେକ୍ରିକାରୁର୍ ସୁଣାୟ କିଜି ମାଟାକ୍, ଇମ୍‌ଣାକା ଏପେକ୍ ଇଡ଼ଜି ମାଟାଦେର୍, ତା  
ପାଟେ ପା ଡିର୍ ଆଜି ମାନାଦେରା, ଆନ୍ ଇମ୍‌ଣି ବାନି ମି ଲାଗା° ହେଦା° ସୁଣାୟ କିଜି ମାଟାକ୍, ଇଦା° ମିଜେକ୍ ଏଡୁକି  
କିଦ୍‌ନାତା;

୨ ଜଦି ଏପେକ୍ ହେଦା° ନେକ୍ରିକାରୁର୍ ଆଟ୍‌ଝା ବାବ୍ରେ ଆଜି ମାନାଟ୍, ତେବେ ହେଦା° ହୁକେ ମୁକ୍ତି ଆନାଦେରା, ଆଝିତିସ୍  
ତ ଏପେକ୍ ବେକାରେ ପାଟ୍ କିନାକାଦେର୍ ଆଜି ମାଟାଦେର୍ ।

୩ ଇନାକିଦେ°କି ଇମ୍‌ଣି ଇମ୍‌ଣି ହିକ୍ୟା ଆନ୍ ପାୟା ଆଜି ମାଟାକ୍, ହେ ବିତ୍ରେତା° ଇ ମୁଡ଼୍ ହିକ୍ୟା ମିଜେକ୍ ହିଜି  
ମାନଟାକ୍ ଇତିସ୍, କ୍ରିଷ୍ଟି ସାସ୍ତର୍ ଇସାବ୍‌ରେ ମା ପାପ୍ କାଜି° ହାତାନ୍,

୪ \*ମୁର୍‌ୟାତାନ୍ ଆରି ସାସ୍ତର୍ ଇସାପ୍‌ତା° ତିନି ଦିନତା° ନିଜ୍‌ତାନ୍;

୫ \*ହେଝାନ୍ କେପା, ଆରେ, ତା ପାଟେ ବାରଜାଣ୍ଡି° ଚଞ୍ଜୟା ଆତାନ୍;

୬ ଇଦା° ପାଟେ ରଞ୍ଜେମାଟ୍ ପାଞ୍ଚସ ତାକ୍ ଆଦିକ୍ ଟଣ୍ଡାରି° ଚଞ୍ଜୟା ଆତାନ୍; ହେଝାର୍ ବିତ୍ରେଣ୍ଡା° ଆଦେକାର୍ ନେଜେକ୍  
ପାଟେକ୍ ଜିବୁନ୍ ମାନାର୍, ମତର୍ ଇନେର୍ ଇନେର୍ ହାତାରେ ।

୭ ତା ପାଟେ ହେଝାନ୍ ଜାକୁବ୍‌ତି°, ଆରେ, ଝିଜାର୍ ପକ୍ୟାତାକାର୍‌ରି° ଚଞ୍ଜୟା ଆତାନ୍ ।

୮ \*ହାରିହାରା ବେକାର୍ ଲାକେ ରଝାନ୍ ଜେ ଆନ୍, ହେଝାନ୍ ନାଜେକ୍ ପା ଚଞ୍ଜୟା ଆତାନ୍ ।

୯ \*ଇନାକିଦେ°କି ଇସ୍ପତ୍ ମଣ୍ଡଲିତି° ଇଣ୍ ଜିସୁ ମାଟିଲେ ପକ୍ୟାତାକାର୍ ବିତ୍ରେ ଆନ୍ ହିରୁକା°, ଆରେ ପକ୍ୟାଆତାର୍  
ତର୍‌ଦ ଡାକ୍‌ପୁଟା ଆଦେ° ଜଗ୍ ଆକାୟ ।

୧୦ ମତର୍ ଆନ୍ ଇନାକା ଆତାକ୍‌ନା, ହେଦା° ଇସ୍ପତ୍ ଉପକାର୍‌ତ ଆତାକ୍‌ନା, ଆରେ ନା ହିଡ଼ତି ହେଝାନ୍ତି ହେ ଉପକାର୍  
ପଲ୍ୟା ଆଝାତାଡ଼ନା । ମତର୍ ଆନ୍ ହେ ଝିଜାର୍ ତାକ୍ ଆଦିକ୍ କସ୍ କିତା°ନା, ଆତିସ୍‌ପା ଆନ୍ ଆକାୟ, ମତର୍ ନା ଲାହାକ୍  
ମାନି ଇସ୍ପତ୍ ଉପକାର୍ ହେଦା° କିଡ଼ତାନ୍‌ନା ।

୧୧ ଲାଗି° ଆନ୍ ଆନା°, କି ହେଝାର୍ ଆୟେର୍, ଇ ଲାକେ ଆସେକ୍ ସୁଣାୟ କିଜି ମାନାସ୍, ଆରେ ଇ ଲାକେ ଏପେକ୍  
ପାଟ୍ କିନାକାଦେର୍ ଆତାଦେଣ୍ଡା ।

#### ମାଦା° ଆରେ ନିନାକା

୧୨ ଲାଗି° କ୍ରିଷ୍ଟ ଜେ ହାତାକାର୍ ବିତ୍ରେତା° ଆରେ ନିନାକା, ଇଦା° ଜଦି ସୁଣାୟ କିୟାନାତା, ଲାଗି° ହାତାକାର୍‌ତି  
ନିଜ୍‌ନାକା ଆକାୟ ଇଞ୍ଜି ମି ବିତ୍ରେ ଇନେର୍ ଇନେର୍ ଇନେସ୍ ଇନାର୍ ?

୧୩ ଜଦି ହାତାକାର୍‌ତି ଆରେ ଆରେ ନିନାକା ଆକାୟ, ତେବେ କ୍ରିଷ୍ଟ ପା ନିଜ୍‌ଝାତାନ୍‌ନା;

୧୪ ଆରେ, ଜଦି କ୍ରିଷ୍ଟ ନିଜ୍‌ଝାତାନ୍‌ନା, ତେବେ ତ ମା ସୁଣାୟକିନାକା ପଲ୍ୟା, ମି ପାଟ୍ ପା ବେକାର୍,

୧୫ ଆରେ, ଆସେକ୍ ଇସ୍ପତ୍ ବିସ୍ତେ ଇନେନ୍ ମିର୍ ସାକି, ଇଦା° ହନାଡ଼ । ଇନାକିଦେ°କି ଆପେ° ଇସ୍ପତ୍ ବିରୁଡ଼ତ  
ସାକି ହିଜି ମାନେନ୍ ଜେ ହେଝାନ୍ କ୍ରିଷ୍ଟକ୍ ନିଜ୍‌ତାନ୍‌ନା; ମତର୍ ଜଦି ହାତାକାର୍ ନିଜ୍‌ଝିତିସ୍, ତେବେ ହେଝାନ୍ ହେଝାନି°  
ନିଜ୍‌ଝାତାନ୍‌ନା ।

୧୬ ଲାଗି° ଜଦି ହାତାକାର୍ ନିଜ୍‌ରଦେ, ଲାଗି° କ୍ରିଷ୍ଟ ପା ନିଜ୍‌ଝାତାନ୍‌ନା;

\* ୧୫:୪ ମାଟିଉ ୧୨:୪୦; ପକ୍ୟାତାକା ୨:୨୪-୩୨. \* ୧୫:୫ ଲୁକ ୨୪:୩୪; ମାଟିଉ ୨୮:୧୭,୧୭; ମାର୍କ ୧୬:୧୪; ଲୁକ ୨୪:୩୭; ଜହନ୍ ୨୦:୧୯. \* ୧୫:୮  
ପକ୍ୟାତାକା ୯:୩-୬. \* ୧୫:୯ ପକ୍ୟାତାକା ୮:୩.

୧୭ ଆରେ, ଜଦି କ୍ରିଷ୍ଣ ନିର୍ଦ୍ଦୋଷତାନ୍ନା, ଲାଗିଂ ମି ପାତର୍ ପଲ୍ୟା, ଆରେ ଏପେଙ୍ଗ୍ ଇ ପାତେକ୍ ଜାର୍ ଜାର୍ ପାପ୍ତ ମାନାଦେରା ।

୧୮ ତା ଆତିସ୍ ଇମ୍ନାକାର୍ କ୍ରିଷ୍ଣତାକେ ହାତାନ୍ନା, ହେଞ୍ଜାର୍ ପା ବୁଡା ଆତାର୍ଣ୍ଣା ।

୧୯ ଜଦି କେବଲ୍ ଇ ଜିବୁନ୍ କାଜିଂ ଆସେଙ୍ଗ୍ କ୍ରିଷ୍ଣତାକେ ବାସ୍ କିତାପ୍ନା, ଲାଗିଂ ଓଜାକାର୍ ମାନାୟାର୍ତାଂ ଆସେଙ୍ଗ୍ ଦୟା ନିକାପ୍ ।

୨୦ ମତର୍ ହାତପାତ କ୍ରିଷ୍ଣ ହାତାକାର୍ ମାନାୟାର୍ ପର୍ତ୍ତୁମ୍ ପାଡ୍ ଲାକେ ମି ବିତ୍ରେତାଂ ନିର୍ଦ୍ଦୋଷତାନ୍ନା ।

୨୧ ଇନାକିଦେଂକି ମାନାୟ ହୁକେ ହାକି ଏକାଞ୍ଜାତିଲେ ମାନାୟ ହୁକେ ପା ହାତାକାର୍ତି ଆରେ ନିଂନାକା ଏକାଞ୍ଜାତାନ୍ନା ।

୨୨ ଲାଗିଂ ଆଦମ୍ ହୁକେ ମାନି ଇନେସ୍ ଓଜାର୍ ହାନାର୍, ହେ ଲାକେ ପା କ୍ରିଷ୍ଣତ ହୁକେ ଓଜାର୍ ଜିନାର୍ ।

୨୩ ଇନାକିଦେଂକି ଓଜାକାର୍ ଜାର୍ ଜାର୍ ଦାଡିତ ପର୍ତ୍ତୁମ୍ ପାଡ୍ ଲାକେ କ୍ରିଷ୍ଣ ପାଚେ କ୍ରିଷ୍ଣତି ଖାନି ସମୁତ ହେଞ୍ଜାନ୍ତି ଆସିର୍ବାଦ୍ ପାୟାତାକାର୍;

୨୪ ତା ପାଚେ ଜୁଗ୍ ଏକାଞ୍ଜାତାଡ୍, ହେ ସମୁତ ହେଞ୍ଜାନ୍ ଓଜାର୍ ଆଦିକାରି, ଓଜୁ ଆଦିକାର୍ ଆରି ସାନ୍ତି ବୁଡାୟ କିତି ପାଚେ ଆବା ଇସ୍ପର୍ତିଂ ରାଜି ରାଜକିନାକା ହେଲାୟ କିନାନ୍ ।

୨୫ ଇନାକିଦେଂକି ହେଞ୍ଜାନ୍ ଓଜୁ ସାତୁରିଂ ନିଜ୍ ପାନା ତାରେନ୍ ଇଟ୍ଓ ପାତେକ୍ ତାଙ୍ଗେଙ୍ଗ୍ ଆତିସ୍ପା ରାଜ୍ କିଦେଙ୍ଗ୍ ଆନାଡ୍ ।

୨୬ ହାରିହାରା ସାତୁ ଲାକେ ହାକିତିଂ ବୁଡାୟ କିୟାନାଡ୍;

୨୭ ଇନାକିଦେଂକି ଓଜୁ ବିସ୍ତେ କ୍ରିଷ୍ଣତି ପାନା ତାରେନ୍ ମେହାୟ କିତାନ୍ । ଏଚେକାଡ୍ଦ୍ ହେଞ୍ଜାନ୍ ଇନାନ୍, ଓଜୁ ବିସ୍ତେ ମେହାୟ କିୟାଆତାଡ୍ନା, ଇଦାଂ ହାକିତାକା ଓଜୁ ବିସ୍ତେ ଜେ ହେଞ୍ଜାନ୍ତି ମେହାୟ କିତାର୍, ହେଞ୍ଜାନ୍ ହେ ସବୁନି ହେବେନିକାର୍ ଆକାୟ ।

୨୮ ଆରେ ଓଜୁ ବିସ୍ତେ ମାଜିଡି ତଲ୍ୟା କିୟାତି ପାଚେ, ଜେ ଓଜୁ ବିସ୍ତେ ହେଞ୍ଜାନ୍ତି ତଲ୍ୟା କିତାନ୍, ନିଜେ ମାଜି ପା ହେଞ୍ଜାନ୍ତି ତଲ୍ୟା ଆନାନ୍, ଇନେସ୍ ଇସ୍ପର୍ ସର୍ବେ ସର୍ବା ଆନାନ୍ ।

୨୯ ହାତାକାର୍ କାଜିଂ ଇମ୍ନାକାର୍ ହାତାକାର୍ କାଜିଂ ବାପ୍ତିସିମ୍ ଆନାର୍, ହେଞ୍ଜାର୍ ଇନାକା କିନାର୍ ? ଜଦି ହାତାକାର୍ ମୁଡ୍ରେ ନିଙ୍ଗୁର୍, ଲାଗିଂ ହେଞ୍ଜାର୍ କାଜିଂ ହେଞ୍ଜାର୍ ଇନେକିଦେଂ ବାପ୍ତିସିମ୍ ଆନାର୍ ?

୩୦ ଆପେଂ ପା ଇନେକିଦେଂ ଓଜୁ ସମୁତ ସନି ଗିଟା ଆଏଡ୍ ?

୩୧ ଏ ଟଣ୍ଡାର୍, ଆରି ତଣ୍ଡାଦେକ୍ ମାପୁ ଜିସୁ କ୍ରିଷ୍ଣତାକେ ମି ବିସ୍ତେ ଆନ୍ ଇମ୍ନା ଗରବ୍ କିତାଙ୍ଗ୍ତି, ହେବେ ରାଣ୍ କିଜି ଇଞ୍ଜନାଙ୍ଗା, ଆନ୍ ସବୁନାଜିଂ ହାନାଙ୍ଗା ।

୩୨ ଜଦି ଆନ୍ କେବଲ୍ ମାନାୟାର୍ ଇଟ୍କାଡ୍ ଇସାପ୍ତାଂ ଆନ୍ ଏପିସତ ରାନ୍ ପସୁଙ୍ଗ୍ ଲାହାଙ୍ଗ୍ ଜୁଜ୍ କିନାଙ୍ଗା, ତେବେ ହେବେ ନା ଲାବ୍ ଇନାକା ? ଜଦି ହାତାକାର୍ ନିଙ୍ଗୁର୍, ଲାଗିଂ “ଞ୍ଜାଡ୍, ଆସେଙ୍ଗ୍ ତିନାସ୍ତଣାସ୍ ଇନାକିଦେଂକି ଓଜାଲିଂ ଆସେଙ୍ଗ୍ ହାନାସ୍ ।

୩୩ ଏପେଙ୍ଗ୍ ଚାକ୍ତାୟ ଆମାଟ୍, ବାନ୍ୟା ଲାଗାଜଡାତ ହାର୍ଦି ଗୁଣ୍ଡିଂ ନାହାୟ କିୟାନାଡ୍ ।

୩୪ ସମାନ୍ ବାବ୍ରେ ଜାଗ୍ରଡ୍ ଆଡ୍, ପାପ୍ କିମାଟ୍; ଇନାକିଦେଂକି ଇନେର୍ ଇନେର୍ ଇସ୍ପର୍ ବିସ୍ତେ ଗିଆନ୍ ହିଲୁଡ୍; ଆନ୍ ମିଙ୍ଗେଙ୍ଗ୍ ଲାଜୁ କାଜିଂ ଇ କାତା ଇଞ୍ଜନାଙ୍ଗା ।”

**ଆରେ ନିଙ୍ଗୁତି ଗାଗାଡ୍**

୩୫ ମତର୍ ଇନେର୍ ଇନାର୍, ହାତାକାର୍ ଇନେସ୍ ନିଙ୍ଗୁନାର୍ ? ଇନେସ୍ ବାତର୍ ଗାଗାଡ୍ତ ହେଞ୍ଜାର୍ ଖାନାର୍ ?

୩୬ ଏ ବୁଦିହିଲ୍‌ଞ୍ଜାକାଦେର୍, ଏପେଙ୍ଗ୍ ନିଜେ ଇନାକା ଓଜାଟ୍, ହେଦାଂ ହାଓଡିସ୍ ଜିବୁନ୍ ଆଡ୍ଡ୍,

୩୭ ଆରେ, ଇମ୍ନା ଗାଗାଡ୍ ଆନାଡ୍, ହେଦାଂ ଏପେଙ୍ଗ୍ ଓଜ୍‌ମାଟ୍, ମତର୍ ଗାଁ ଆଏଡ୍ କି ବିନ୍ ଇମ୍ନା ତାସ୍ ଆୟେଡ୍, ହେଦାଂ କେବଲ୍ ମାଞ୍ଜି ମାତର୍;

୩୮ ମତର୍ ଇସ୍ପର୍ ଜାର୍ ଇଚା ଇସାପ୍ତାଂ ତାଙ୍ଗେଙ୍ଗ୍ ଦଲ୍ ହିନାନ୍, ଆରେ ଓଜୁ ବିୟାନ୍ ବିତ୍ରେତାଂ ଓଜୁକାଂ ତା ନିଜେ ଗାଗାଡ୍ ହିନାନ୍ ।

୩୯ ଓଜୁ ଗାଗାଡ୍ ଇବାନି ଗାଗାଡ୍ ଆକାୟ, ମତର୍ ମାନାୟାର୍ତି ରବାନି ଗାଗାଡ୍, ପସୁକ୍ତି ବିନ୍‌ବାନି ଗାଗାଡ୍, ଆରେ ପଟିଂତି ଆରେ ରବାନି ଗାଗାଡ୍ ଆରି ମିନ୍‌କୃତି ବିନ୍‌ବାନି ଗାଗାଡ୍ ।

୪୦ ସାଗେନି ଗାଗାଡ୍ ମାନାଡ୍, ପୁତର୍ ଗାଗାଡ୍ ପା ମାନାଡ୍, ମତର୍ ଆକାସ୍ନି ଗାଗାଡ୍ ରବାନି ଜେଞ୍ଜେନାକା, ଆରେ ପୁତର୍ ନି ଗାଗାଡ୍ନି ହଲ୍‌ନାକା ବିନ୍‌ବାନି ।

୪୧ ଖେଡା ରବାନି କାରା, ଲେଞ୍ଜିନି ବିନ୍‌ବାନି କାରା, ଆରି ହୁକାଂନି ବିନ୍‌ବାନି ଜେଞ୍ଜେନାକା; ଇନାକିଦେଂକି ଜେଞ୍ଜେନିତ ର ହୁକା ହଲ୍‌ନାକା ବିନ୍ ହୁକା ତାଙ୍ଗ୍ ବିନେ ।

୪୨ ହାତାକାର୍ତି ଆରେ ନିଂନାକା ପା ହେ ଲାକେ ମାଡାତାଂ ଓଜ୍‌ୟାନାଡ୍, ଲସ୍‌ଞ୍ଜାଦାଂ ନିଙ୍ଗୁନାଡ୍;

- ୪୩ ନାଡ଼ଝାଦାଂ ଓଡ଼ୟାନାଡ଼, ଜାଜଫାଲ ଆଜି ନିଜ୍ଜନାଡ଼; ନାଦାରତାଂ ଓଡ଼ୟାନାଡ଼, ସାକ୍ତି ଆଜି ନିଜ୍ଜନାଡ଼;
- ୪୪ ହାଡ଼ପା ଗାଗାଡ଼ ଓଡ଼ୟାନାଡ଼, ଆମିକ୍ ଗାଗାଡ଼ ନିଜ୍ଜନାଡ଼ । ଜଦି ହାଡ଼ପା ଗାଗାଡ଼ ଫାନାଡ଼, ଝାଟିକ୍ ଆମିକ୍ ଗାଗାଡ଼ ପା ଫାନାଡ଼ ।
- ୪୫ ଏଲେକ୍ ପା ଲେକା ଫାନାଡ଼, ପର୍ତ୍ତୁମ୍ ଫାନାୟ୍ ଆଦମ୍ ଜିତି ପାରାଣ୍ ଲାକେ ଉବ୍ଜାଣ୍ ଆଜି ଫାଚାନ୍ । ହାରିହାରା ଆଦମ୍ ଝାୟ୍ ବାଡ଼ ଜିରୁନ୍ ଆଚାନ୍ ।
- ୪୬ ଫତର୍ ଇନାକା ଆମିକ୍, ହେଦାଂ ପର୍ତ୍ତୁମ୍ ଆକାୟ୍, ଫତର୍ ଇନାକା ହାଡ଼ପା, ହେଦାଂ ପର୍ତ୍ତୁମ୍, ପାଚେ ଆମିକ୍ ।
- ୪୭ ପର୍ତ୍ତୁମ୍ ଫାନାୟ୍ ପୁର୍ତ୍ତୁ ନିକା, ଚିକ୍ଲାତାଂ ରତ୍ତୟାତାକାନ୍, ଦୁଇନି ଫାନାୟ୍ ସାର୍ଗେତାଂ ଝାତାକାନ୍ ।
- ୪୮ ଇମ୍ଘାକାର୍ ଚିକ୍ଲାତାଂ ରତ୍ତୟାତାକାନ୍, ହେଝାର୍ ଚିକ୍ଲାତାଂ ରତ୍ତୟାତାକାର୍ ହେ ଫାନାୟ୍ ଲାକେ, ଆରେ ଇମ୍ଘାକାର୍ ସାର୍ଗେନିକାର୍, ହେଝାର୍ ସାର୍ଗେତାଂ ଝାତାକାର୍ ହେ ଫାନାୟ୍ ଲାକେ ।
- ୪୯ ଆରେ ଆପେଂ ଇନେସ୍କି ଚିକ୍ଲାତ ରତ୍ତୟାତାକାପ୍ ହେ ଫାନାୟ୍ ଡିଗା ଆସ୍ତାପ୍ନା, ହେ ଲାକେ ହେ ସାର୍ଗେନି ମୁଣିକାତି ଡିଗା ପା ଆହ୍ନାସ୍ ।
- ୫୦ ଏ ଟଣ୍ଡାର୍, ଆରି ତଣ୍ଡେକ୍ ଆନ୍ ଇଦାଂ ଇଞ୍ଜନାକ୍ଫା, ନେତେର୍ ଜେଇ ଇସ୍ତର୍ ରାଜି ଆଦିକାର୍ କିଦେକ୍ ଆଡୁଡ଼, କି ଲସ୍ ଲସ୍ଝାଦାଂ ଆଦିକାର୍ କିଉଡ଼ ।
- ୫୧ \*ହୁଡ଼ାଟ୍, ଆନ୍ ମିକ୍ଠେକ୍ ର ହାଦ଼ ବେରଣ୍ ଇଞ୍ଜନାକ୍ଫା, ଫତର୍ ଆସେକ୍ ଓଡ଼ାକାସ୍ ହୁଞ୍ଜୁସ୍,
- ୫୨ ଫାତର୍ ର ଫାକ୍, କାଣ୍ଠାମିଟ୍ ଇର୍ଝାଦାଂ, ହାରିହାରା ମରି ଗାଜାର୍ତ ଆସେକ୍ ଓଡ଼ାକାସ୍ ଫାନ୍ବାଦଲାଇ କିନାସ୍; ଇନାକିଦେଂକି ମରି ଆଡ଼ନାଡ଼, ଆରେ ହାତାକାର୍ ଜିରାଓଡ଼ି ବାଚାଆଜି ନିଜ୍ଜନାର୍, ଆରେ ଆସେକ୍ ବାଦଲାଇ ଆନାସ୍ ।
- ୫୩ ଇନାକିଦେଂକି ଇନାକା ଜିରାନି ଗାଗାଡ଼ତିଂ ଜିରାଆଓ ଲାଗ୍ଦି ଉସ୍ପେଦେଂ ଆନାଡ଼, ଆରେ ଇ ଗଟ୍ନାତ ଗାଗାଡ଼ତିଂ ନାସ୍ଝାଓଲାଇଗ୍ଦି ହେୟା ଉସ୍ପେଦେଂ ଲାଗ୍ଦାନାଡ଼ ।
- ୫୪ ଫତର୍ ଇ ନସ୍ ଆନି ଗାଗାଡ଼ ନସ୍ଝାଓ ହେୟା ଆରି ଇ ହାତି ଗାଗାଡ଼ ବୁଡାଆଓ ହେୟା ଉସ୍ପିତି ପାଚେ ଇ ଲେକିକିତି ବଚନ୍ ପୁରାନାଡ଼, “ଜୟ ହାକିତିଂ ଓସ୍ତାଡ଼ନା,
- ୫୫ ଆଡେ ହାକି, ଇମେଡ଼ ନିନ୍ଦାଂ, ଜୟ ହାକି ଇମେଡ଼ ନିନ୍ଦାଂ ସାକ୍ତି ।”
- ୫୬ ହାକିନି ସାଡୁ ପାପ, ଆରେ ପାପୁନି ସାକ୍ତି ବିଦି;
- ୫୭ ଫତର୍ ଇମ୍ଘା ଇସ୍ତର୍ ମା ଫାପୁ ଜିସୁ କ୍ରିସ୍ତୁ ହୁକେ ମାଂ ଜୟ ଦାନ୍ କିତାର୍, ହେଝାକ୍ତି ଜୁଝାର୍ ଆୟେଡ଼ ।
- ୫୮ ଲାଗିଂ, ଏ ନା ଝାରିନି ଟଣ୍ଡାର୍ ଆରି ତଣ୍ଡେକ୍, ଫାପୁଡ଼ି ହେବାତ ମି କସ୍ ପଲ୍ୟା ଆକାୟ୍, ଇଦାଂ ପୁଞ୍ଜି ଫାପୁଡ଼ି କାମାୟ୍ତ ସୁସ୍ତାତାଂ ଆରି ତିର୍ ଫାନାଡ଼ ନିତ୍ରେ ଆଦିକ୍ତାଂ ଆଦିକ୍ ଜାଡୁନ୍ ଆଡୁ ।

### ୧୭

#### ଜିସୁ ଫାନାୟାର୍ କାଜିଂ ଡାବୁକ୍ ସାଇଜ

- ୧ ପୁଇପୁୟାର୍ କାଜିଂ ଦାନ୍ ରୁଣ୍ଡାକକିନି ବିସ୍ତେ ଇନେସ୍କି ଆନ୍ ଗାଲାତିଆନି ବାଚାତ ମାନି ମଣ୍ଡଲିଂ ବଲ୍ ହିନାକ୍ଫା, ଏପେକ୍ ପା ହେ ଲାକେ କିୟାଟ୍ ।
- ୨ ଆନ୍ ହାତିସ୍ ଇନେସ୍ ଦାନ୍ ରୁଣ୍ଡାୟ୍ କିଦେକ୍ ଲାଗ୍ଦୁଡ଼, ଇଦାଂ କାଜିଂ ସାଡ଼ ଦିନି ପର୍ତ୍ତୁମ୍ ରଇବାର୍ ଦିନା ଏପେକ୍ ଓଡ଼ାକାଦେର୍ ଜାର୍ ଜାର୍ ସୁବିଦା ଇସ୍ତାପ୍ତାଂ ନିଜେ ନିଜେ ତାକେ ଇନା ଇନାକା ରୁଣ୍ଡାୟ୍ କିଜି ବିନେ ଇଟାଟ୍ ।
- ୩ ଆରେ, ଆନ୍ ଏକିତିସ୍ ଏପେକ୍ ଇମ୍ଘାକାରିଂ ଜଗ୍ ମାନେ କିନାଦେର୍, ଆନ୍ ହେଝାରିଂ ଗଜା ହିଜି ଜିରୁସାଲମ୍ତ ମିକ୍ଠେକ୍ ଦାନ୍ ଅନି କାଜିଂ ପକ୍ଠାନାଂ;
- ୪ ଆରେ, ଜଦି ନାଦାଂ ପା ହାନାକା ସମାନ୍ ଆନାଡ଼, ଲାଗିଂ ହେଝାର୍ ନା ଲାହାକ୍ ହାନାର୍ ।

#### ପାଉଲ୍ଡି ହାନି ଜଜ୍ନା

- ୫ \*ଫତର୍ ଆନ୍ ମାକିଦନିଆ ହିଜି ହାତି ପାଚେ ମି ଲାଗାଂ ହାନାକ୍ଫା; ଲାଗିଂ ଆନ୍ ମାକିଦନିଆ ହିଜି ହାନାକ୍ଫା;
- ୬ ଆରେ, କାଚେ ହିନା ମି ଲାହାକ୍ କେତେକ୍ ଦିନା ଫାନାକ୍ଫା, କି ପିନିମାସ୍ ପା ଜିଉଣା କିନାକ୍ଫା, ଇନେସ୍କି ଆନ୍ ଇମ୍ଘା ବାହାତ ହାନାକ୍ଫା, ହେ ବାହାତ ହାନି କାଜିଂ ଏପେକ୍ ନାକ୍ ହାଜି ଚଟ୍ଟାନାଦେର୍ ।
- ୭ ଇନାକିଦେଂକି ନକ୍ ହାଜିଡ଼ ହାନି ସମୁତ ମି ଲାହାକ୍ଫା ବେଟ୍ ଆଦ୍ଦେଂ ଆନ୍ ଇଚା କିଉକ୍ଫା, ଲାଗିଂ ଫାପୁ ପିସ୍ତ୍ର ହିତିସ୍ ମି ଲାହାକ୍ଫା ବେସି ଦିନା ମାଞ୍ଜେକ୍ ଆହା କିନାକ୍ଫା ।
- ୮ \*ଫତର୍ ଆନ୍ ପେଣ୍ଡିକସ୍ ପାର୍ଟୁ ପାଚେକ୍ ଏପିସତ ଫାନାକ୍ଫା;
- ୯ ଇନାକିଦେଂକି ପାଡ଼୍ ଆହ୍ନି କାମାୟ୍ କାଜିଂ ନା କାଜିଂ ଅହାର୍ ଦୁଝେର୍ ଜେୟାତାଡ଼ନା, ପାକ୍ୟା ହିଲ୍ଝାକାର୍ ପା ହେନି ଫାନାର୍ ।

\* ୧୫:୫୧ ୧ ତେସ୍ଲନିକି ୪:୧୫-୧୭. \* ୧୬:୫ ପକ୍ୟାତାକା ୧୯:୨୧. \* ୧୬:୮ ପକ୍ୟାତାକା ୧୯:୮-୧୦.

୧୦ ✨ଜଦି ତିମତି ହାନାନ୍, ତେବେ ଇନେସ୍ ପାଣ୍ଡାଞ୍ଜାଦାଂ ମି ବିତ୍ରେ ମାନାନ୍, ହେ ବିସ୍ତେ ମାନ୍‌କିୟାଟ୍, ଇନାକିଦେଂକି ଆନ୍ ଇନେସ୍, ହେଞ୍ଜାନ୍ ପା ହେ ଲାକେ ମାପୁତି କାମାୟ୍ କିନାନ୍,

୧୧ ଲାଗିଂ ଇନେର୍ ତାକେକ୍ ଅଲଗା ହୁଡ଼ମେନ୍ । ମତର୍ ହେଞ୍ଜାନ୍ ଇନେସ୍ ନା ଲାଗାଂ ଖାଦେକ୍ ଆଡ଼ନାନ୍, ଇଦାଂ କାଜିଂ ତାକ୍ ସୁସ୍ତାତାଂ ହାଜି ଚଚାଟ୍; ଇନାକିଦେଂକି ହେଞ୍ଜାନ୍ ଟଣ୍ଡାର୍ ଲାହାକ୍ ଖାନାନ୍ ଇଞ୍ଜି ଆନ୍ କାନାକ୍ ।

୧୨ ମତର୍ ଟଣ୍ଡେନ୍ ଆପଲୁତି ବିସ୍ତେ ଇନାକ୍, ଟଣ୍ଡାର୍ ଲାହାକ୍ ମି ଲାଗାଂ ହାନି କାଜିଂ ଆନ୍ ତାକ୍ ବେସି ଗଞ୍ଜାରି କିତାକ୍, ମତର୍ ନକ୍ ହାଞ୍ଜେକ୍ ହେଞ୍ଜାନ୍ ମୁଡ଼େ ଇଚା ହିଲୁଡ଼, ମତର୍ ଉପାୟ୍ ଆତିସ୍ ହେଞ୍ଜାନ୍ ହାନାନ୍ ।

**ହାରିହାରାନ୍ କାତା**

୧୩ ଏପେକ୍ ଜାଗ୍ରତ୍ ମାନ୍‌ଞ୍ଜି ପାତର୍ ତ ଚିର୍ ଆଜି ମାନାଟ୍, ସାସ୍‌ନିକାନ୍ ଆଜି ସାକ୍ତି ଆଡୁ ।

୧୪ ମିଦାକ୍ ସରୁ କାମାୟ୍ ଜିଉନନିତ ସମାନ୍ ଆୟେଡ଼ ।

୧୫ ଏ ଟଣ୍ଡାର୍, ଆରି ତଣ୍ଡେକ୍ ଆନ୍ ଗଞ୍ଜାରି କିଦନାକ୍ ସ୍ତ୍ରୀପାନ୍ତି ଜାଟ୍‌ଲଗୁ ଜେ ଆକାୟାନ୍ ପୁଇପୁୟାତ ପାତର୍ କିନାକାନ୍ ଲାକେ; ଆରେ, ସାଦୁର୍ତି ହେବାତ ବାତର୍ ଆତାଣ୍ଡା, ଇଦାଂ ଏପେକ୍ ପୁନାଟ୍;

୧୬ ଏଲେକ୍‌ବାନ୍ ମାନାୟତିକ୍, ଆରେ, ଝିଜାର୍ ହାକ୍‌ଦାକାଟ୍ ଆରି କସ୍‌କିନି ମାନାୟାଟ୍ ମେହା ଆଡୁ, ମିକେକ୍ ଇ ଗଞ୍ଜାରି କିଦନାକ୍ ।

୧୭ ସ୍ତ୍ରୀପାନ୍, ପର୍ତୁନାତ ଆରି ଆକାୟାତି ଜୁଦନିତ ଆନ୍ ଖାରି କିନାକା, ଇନାକିଦେଂକି ମି ଖାଞ୍ଜିତି କାଜିଂ ନା ଇମ୍‌ଣି ଅବାଟ୍ ମାତାଟ୍, ହେଦାଂ ହେଞ୍ଜାଟ୍ ବାତର୍ କିତାଣ୍ଡା,

୧୮ ଲାଗିଂ ହେଞ୍ଜାଟ୍ ନାଦାଂ ଆରି ମି ଜିବୁକ୍ତିକ୍ ଜଡ଼ାୟ୍ କିତାଣ୍ଡା; ଲାଗିଂ ଏପେକ୍ ଏଲେକ୍‌ବାନ୍ ମାନାୟାଟିଂ ଜଗ୍ ପୁଞ୍ଜି ମାନି କିୟାଟ୍ ।

୧୯ ✨ଆସିଆନ୍ ରାଜିନି ମଣ୍ଡଲିଂ ଲାଗାଂ ମିକେକ୍ ଜଞ୍ଜାଟ୍ କିଦ୍ନାରା । ଆକ୍‌ଲିଆ ଆରି ପ୍ରିସ୍ତା ହେଞ୍ଜାଟ୍ ଇଲ୍ ଲାଗେ ମଣ୍ଡଲି ଲାହାକ୍ ମାପୁତାକେ ମିକେକ୍ ବେସି ବେସି ଜଞ୍ଜାଟ୍ କିଦ୍ନାରା ।

୨୦ ଇବେନି ଟଣ୍ଡାଟ୍ ଆରି ତଣ୍ଡେକ୍ ପାତର୍ କିନାକାଦେଟ୍ ।

ଝିଜାଦେଟ୍ ମିକେକ୍ ଜଞ୍ଜାଟ୍ କିଦ୍ନାରା । ପୁଇପୁୟାତାଂ ତଞ୍ଜିନି କାଜିଂ ହାରି ଜୁଞ୍ଜାଟ୍ ଜାଣାୟ୍ କିୟାଟ୍ ।

୨୧ ଆନ୍ ପାଉଲ୍ ନିଜେ କେଇଦ ଲେକିକିଜି ଜଞ୍ଜାଟ୍ କିଦନାକା ।

୨୨ ଜଦି ଇନେର୍ ମାପୁକ୍ ଜିଉନଉନ୍, ତେବେ ହେଞ୍ଜାନ୍ ରାଟ୍‌ଲାକେ ଆଏନ୍ ।

୨୩ ମାପୁ ଜିସୁତି ଉପକାଟ୍ ମି ଲାହାକ୍ ଆଏଡ଼ ।

୨୪ କ୍ରିସ୍ଟୁ ଜିସୁତି ତାକେ ନା ଜିଉନନାକା ମି ଝିଜାଦେଟିଂ ଆଏଡ଼ ।



# କରକ୍ରିୟ ମଣ୍ଡଳୀ ନିକଟକୁ ପାଉଲଙ୍କ ଦ୍ୱିତୀୟ ପତ୍ର କରକ୍ରିୟ ମଣ୍ଡଳି ଲାଗାଂ ପାଉଲ୍‌ତି ରିଣ୍ଡି ଆକି

## ୨ କରକ୍ରିୟ ପତ୍ରିନି ପାଦେକ୍

ରି କରକ୍ରିୟ ପକ୍ୟାତି ପାଉଲ୍ ହୁଦାଂ ଆଜି ମାଟିସ୍ ଜିସୁ କ୍ରିସ୍ତୁତି ଜଲମ୍‌ନି ଆତିସ୍ ରିକଡ଼ି ପନ୍ଦର-ରିକଡ଼ି ସୌଭଲ ୫୫ ତାଂ ୫୬ ବାହୁଁ ପାଚେ ଲେକା ଆଜି ମାଟାଡ଼ । ମା ଲାଗେ ମାନି କରକ୍ରିୟ ମଣ୍ଡଳିତିଂ ଲେକା ଆଜି ମାନି ଆକି ବିତ୍ରେତାଂ ଇଦାଂ ଆନାତା ପାଉଲ୍‌ତି ରି ଆକି । ପଣ୍ଡିତାର୍ ପାତ୍ କିନାର୍ ଜେ, ଇଦାଂ ପୁର୍ବେତାଂ ପାଉଲ୍ କରକ୍ରିୟ ମଣ୍ଡଳି ଲାଗାଂ ଆବଡ଼ନ୍ତିକା ଆକି ଲେକି କିଜି ମାଟାନ୍ ୨:୩-୪ ପାଦ୍‌ତ ହେଝାନ୍ ଇନାକା ଇନାନ୍ନା, ହେବେନି ଇମ୍‌ଣାକା ପା ଲେକି କିତାକା ମା ଲାଗାୟ୍ ହିଲୁଡ଼ । ଆଜି ମାଟାଡ଼ ପାଉଲ୍ ମାକିଦନିୟାତ ମାନି ଷ୍ଟେଡାଲିଂ ରି କରକ୍ରିୟ ଲେକି କିଜି ମାଟାନ୍ ୨:୧୩ ।

ରି କରକ୍ରିୟ ଆନାତା ରଞ୍ଜାଙ୍ଗମତର୍, ହେଦାଂ ବେସି ଜାର୍‌ତି ଆରି ମାନ୍ତ ଚିନ୍ତାକିନାକା । କରକ୍ରିୟତ ମାନି ମଣ୍ଡଳି ବିସ୍ତେ ତିତସ୍‌ତି ତାଂ ନେକ୍ରିକାରୁର୍ ପାୟା ଆଜି ପାଉଲ୍ ଖାରି କିନାନ୍ । ଇ ଆକିତ ପୁନି ନିୟମନି ହୁଡ଼ନିତାଂ ଦାନ୍ ବିସ୍ତେ ହିକ୍ୟା ପାୟା ଆଜି ମାନାସ୍ । ଇ ଆକିତ, ଇମେତାକେ ପାଉଲ୍ ଜିରୁସାଲମ୍‌ନି ପାତ୍ କିନାକାରିଂ ଉପକାର୍ କିନି କାଜିଂ ଟାକାଂ ରୁଣ୍ଡାୟ୍ କିଦେଙ୍ଗ୍ ଷ୍ଟେଡନାନ୍ ୮:୯ । ଇଦାଂ ପୁନ୍ୟାନାତା ଜେ, ମଣ୍ଡଳି ବାର୍‌ତାଂ ଏଚେକ୍ ମିର୍ ପକ୍ୟାତାକାର୍, ହେଝାନ୍ ଜାର୍‌ତିଂ ପାଦ୍ ବାତାୟ୍ କିଦେଙ୍ଗ୍ ପାଉଲ୍‌ତି ବିରୁଦ୍‌ତ ମଣ୍ଡଳିନି ଏଚେକ୍ ମାନି ମାନାୟାରିଂ ରିସା ଆନାନା । ହେଝାନ୍ ପାଉଲ୍‌ତି ଆଦିକାର୍‌ତିଂ ପାତ୍ କିଦେଙ୍ଗ୍ ଆଡୁରା । ଇନାକାକି ରି କରକ୍ରିୟ ହାରିହାରାତ ହେଝାନ୍ ରଞ୍ଜାନ୍ ଜିସୁ କ୍ରିସ୍ତୁତି ଆଦିକାର୍‌ତ ରଞ୍ଜାନ୍ ପକ୍ୟାତାକାନ୍ ଇଞ୍ଜି ତାଟ୍ ଲାହାଙ୍ଗ୍ ପାର୍ମାଣ୍ କିନାନା ।

### ୨ କରକ୍ରିୟ ପତ୍ରି ବିସ୍ତେନି ରାହାଣ୍

- ୧. ପାଉଲ୍ ଆକିନି ମୁଡ୍‌ଦ ବାନ୍ଦାୟ୍ କିନାନ୍ ୧:୧-୭
- ୨. ପାଉଲ୍ ହେଝାନ୍ତି ହାନି ଜାଲ୍‌ଦିତ ବାଦ୍‌ଲାଇକିନାକା ଆରି ହେଝାନ୍ତି ବିସ୍ତେ ରୁଜୁକ୍ ଆରି ହେଝାନ୍ତି ଆକି ବିସ୍ତେ ହେଝାନ୍ତି ଜବାକ୍ ୧:୮-୭:୧୬
- ୩. ପାଉଲ୍ ଜିରୁସାଲମ୍‌ନି ପାତ୍ କିଞ୍ଜାକାର୍ କାଜିଂ ଦାନ୍ ରୁଣ୍ଡାୟ୍ କିନି ବିସ୍ତେ ଷ୍ଟେଡନାନା ୮:୧-୯:୧୫
- ୪. ହାରିହାରା ପାଉଲ୍ ହେଝାନ୍ତି ପକ୍ୟାତି ପାଦ୍ ହାର୍ ଇଡନାନ୍ ଆରି ଆରେ ହାଞ୍ଜେଙ୍ଗ୍ କାଜିଂ ଜାଗ୍ରଡକି କିନାନ୍ ୧୦:୧-୧୩:୧୪

୧ \*ଆନ୍ ପାଉଲ୍, ଇସ୍‌ସର୍ ଇଚାତ କ୍ରିସ୍ତୁ ଜିସୁତି ରଞ୍ଜାନ୍ ପକ୍ୟାତାକାନ୍, ଆରେ ଟଣ୍ଡେନ୍ ତିମତି କରକ୍ରିୟ ମାନି ପୁଲ୍‌ପୁୟା ଇସ୍‌ସର୍ ମଣ୍ଡଳି, ଆରେ ସବୁ ଆକାୟାତ ମାନି ସବୁ ସାଦୁର୍ ଲାଗାଂ ଗଜା ଲେକିକିନାପା;

୨ ମା ଆବା ଇସ୍‌ସର୍ ଆରି ମାପୁ ଜିସୁ କ୍ରିସ୍ତୁତାଂ ଉପକାର୍ ଆରି ସୁସ୍ତା ମି କାଜିଂ ଆଏଡ଼ ।

### ପାଉଲ୍ ମାପୁଙ୍ଗ୍ ଜୁଞ୍ଜାର୍ କିନାନା

୩ ମା ମାପୁ ଜିସୁ କ୍ରିସ୍ତୁତି ଇସ୍‌ସର୍ ଆରି ଆବା ଜୁଞ୍ଜାର୍ କିୟାଟ୍, ହେଝାନ୍ ଦୟା ଆନି ଆବା ଆରି ଓଜୁ ଦୁକ୍‌ସାରାୟ୍ କିନି ଇସ୍‌ସର୍;

୪ ଇସ୍‌ସର୍ ହୁକେ ଇମ୍‌ଣି ଦୁକ୍‌ସାରାୟ୍‌ତ ଆପ୍ ଦୁକ୍‌ସାରାୟ୍ ଆନାପା, ହେ ଦୁକ୍‌ସାରାୟ୍ ହୁକେ ଇନେସ୍ ସବୁବାନି କସ୍ ବଗ୍‌କିନି ମାନାୟାରିଂ ଦୁକ୍‌ସାରାୟ୍ ହିଦେଂ ଆଡନାଦେର୍, ଇଦାଂ କାଜିଂ ହେଝାନ୍ ମା ଓଜୁ କସ୍ତ ମାଙ୍ଗେଙ୍ଗ୍ ଦୁକ୍‌ସାରାୟ୍ ହିଇ କିଦନାର୍ ।

୫ ଇନାକିଦେଂକି କ୍ରିସ୍ତୁତି କାଜିଂ ମା ଦୁକ୍‌ବଗ୍ ଇନେସ୍ ବେସି, ହେ ଲାକେ ଇସ୍‌ସର୍ ହୁକେ ମା ଦୁକ୍‌ସାରାୟ୍ ପା ବେସି ।

୬ ମତର୍ ଆସେଙ୍ଗ୍ ଦୁକ୍‌ବଗ୍ କିତିସ୍ ହେଦାଂ ମି ଦୁକ୍‌ସାରାୟ୍ ଆରି ମୁକ୍‌ଡାନି କାଜିଂ; କି ଆସେଙ୍ଗ୍ ଦୁକ୍‌ସାରାୟ୍ ପାୟା ଆତିସ୍ ହେଦାଂ ମି ଦୁକ୍‌ସାରାୟ୍ କାଜିଂ; ଆପେଂ ଇମ୍‌ଣି ବାନି ଦୁକ୍‌ବଗ୍ କିନାସ୍, ହେ ବାନି ଦୁକ୍‌ବଗ୍ ସାସ୍ ଲାହାଙ୍ଗ୍ ହୁଞ୍ଜେଙ୍ଗ୍ ହେ ଦୁକ୍‌ସାରାୟ୍ କାମାୟ୍ ପୁରା କିନାନା ।

୭ ଆରେ, ମି ବିସ୍ତେନି ମା ବାସ୍ ତିର୍, ଲାଗିଂ ଏପେଙ୍ଗ୍ ଇନେସ୍ ଦୁକ୍‌ବଗ୍‌ନି ମେହାଆଜି, ହେ ଲାକେ ପା ଦୁକ୍‌ସାରାୟ୍ କିଜି ଜେ ମେହା ଆତାଦେଣ୍ଡା, ଇଦାଂ ଆସେଙ୍ଗ୍ ପୁନାସ୍ ।

୮ \*ଇନାକିଦେଂକି, ଏ ଟଣ୍ଡାର୍, ଆରି ତଣ୍ଡଦେକ୍ ଆସିଆ ଦେସ୍‌ତ ମା ଜପି ଗିଟାଆଜି ମାଟି କସ୍ ବିସ୍ତେ ଏପେଙ୍ଗ୍ ଜେ ପୁରାଦେଣ୍ଡା, ଇଦାଂ ମା ଇଚା ଆକାୟ୍; ଆପ୍ ମା ସାକ୍ତିତାଂ ବେସି ଲାକେ ଖାଜି ମାଟାପ୍, ଏଲେଙ୍ଗ୍‌ବାତ୍ ଜିରୁନ୍‌ନି ଆହା ପା ପିସ୍ତି ମାଟାପ୍;

\* ୧:୧ ପକ୍ୟାତାକା ୧୮:୧. \* ୧:୮ ୧ କରକ୍ରିୟ ୧୫:୩୨.

୯ ଆଁ ଆପ୍ ଦାଣ୍ଡଦେସ୍ ହେଲାୟ୍ କିୟା ଆତାପ୍ନା ଇଞ୍ଜି ଜାର୍ ଜାର୍ ମାନ୍ତ୍ର ଅହ୍ୟା ଆଜି ମାତାପ୍, ଇନେସ୍ ଆପ୍ ଜାର୍ ଜାର୍ ଜପି ବାସ୍ ହିଞ୍ଜାଦାଂ ଇଚିସ୍ ଇମ୍ଣି ଇସ୍ପର୍ ହାତାକାରିଂ ନିକ୍ନାନ୍, ତା ଜପି ଦିଆନ୍ କିନାସ୍;

୧୦ ହେଞ୍ଜାନ୍ ମାଙ୍ଗେଙ୍ଗ୍ ଏପେଙ୍ଗ୍ ବେସି ହାକିତାଂ ବାଚାୟ୍ କିତିସ୍, ଆରି ବାଚାୟ୍ କିଦ୍ନାନ୍, ଆରେ ହେଞ୍ଜାନ୍ ଜେ ଖାନିକାଡ୍ ବାଚାୟ୍ କିଦ୍ନାନ୍, ତା ଜପି ମା ଇ ବାସ୍ ମାନାଡ୍ ।

୧୧ ଏପେଙ୍ଗ୍ ତ ମାଦି ବାହା ଆସ୍ତି ପାର୍ତ୍ତନାତ ମା ଉପକାର୍ କିଦ୍ନାଦେରା, ଇନେସ୍ ମାଙ୍ଗେଙ୍ଗ୍ ଇମ୍ଣି ଉପକାର୍ ଦାନ୍ କିଡ୍ତାର୍ନା, ହେଦାଂ କାଜିଂ ବେସି ଲକାର୍ ଖାଇଦାଂ ମା କାଜିଂ ବେସି ଲକ୍ ଇସ୍ପର୍ତିଂ ଜୁଞ୍ଜାର୍ ହିନାର୍ ।

**ପାଉଲ୍ଡି ଉପାୟ୍ନି ବାଦ୍ଲି**

୧୨ ପୁତ୍ ତ, ବେସି ମି କାଜିଂ, ଆପେଂ ସଂସାର୍ନି ଗିଆନ୍ତ ଚିନ୍ତା କିଞ୍ଜାଦାଂ ଇଚିସ୍ ଇସ୍ପର୍ ଉପକାର୍ତ, ତା ପୁଇପୁୟା ଆରି ସଲ୍ଲକେ ବାବ୍ରେ ଲାକେ ଚିନ୍ତା କିଜି ମାତାପ୍ ଇଞ୍ଜି ମା ବୁଦି ଜେ ସାକି ହିନାତା, ଇଦାଂ ମା ଗରବେ ବିସ୍ତେ ।

୧୩ ଇନାକିଦେଂକି ଏପେଙ୍ଗ୍ ଇନା ଇନାକା ପଡ଼ି କିଜି ବୁଜା ଆନାଦେର, ହେ ସବୁ ପିସ୍ତି ଆପ୍ ମି ଲାଗାଂ ଆରେ ଇନାକା ଲେକି କିଡପା,

୧୪ ଆରେ, ମା ମାପୁ ଜିସ୍ତୁତି ଦିନ୍ତ ଏପେଙ୍ଗ୍ ଇନେସ୍ ବାନି ମା ଗରବ୍ କାରଣ, ହେ ଲାକେ ଆପେଂ ଜେ ମି ଗରବ୍ନି କାରଣ, ଇଦାଂ ଏପେଙ୍ଗ୍ ଇନେସ୍କି ମା ବିସ୍ତେ ଅଲପ୍ ବାବ୍ରେ ବୁଜା ଆତାଦେଣ୍ଡା, ହେ ଲାକେ ହାରିହାରା ପାତେକ୍ ବୁଜାଆତାଦେଣ୍ଡା ଇଞ୍ଜି ଆନ୍ ବାସ୍ କିନାଙ୍ଗା ।

୧୫ ଆରେ, ଏପେଙ୍ଗ୍ ଇନେସ୍ ରିହା ଉପକାର୍ ଲାବ୍ କିଦେଂ ଆଡ୍ନାଦେର,

୧୬ ଆରେ, ମି ଲାଗାଂ ହିଜି ମାକିଦ୍ନିଆତ ହାଲ୍ଲଜି ଆରି ଆରେ ରଗ ମାକିଦ୍ନିଆତାଂ ମି ଲାଗାଂ ଖାଜି ମି ଉପକାର୍ତ ଜିହୁଦା ଦେସ୍ତ ହାଞ୍ଜେଙ୍ଗ୍ ଆଡ୍ନାନ୍, ଇଦାଂ କାଜିଂ ଆନ୍ ହେ ପାତ୍ ତ ପର୍ତ୍ତୁମ୍ ମି ଲାଗାଂ ହାନି କାଜିଂ ମାନ୍ କିଜି ମାତାଙ୍ଗ୍ ।

୧୭ ଖାଟିଙ୍ଗ୍ ଏଲେଙ୍ଗ୍ ବାନି ମାନ୍ କିଦେଂ ଆନ୍ ଇନାକା ଅଲପ୍ ବାବ୍ରେ ମାନ୍ କିଜି ମାତାଙ୍ଗ୍ ? ନଲେ ଆନ୍ ଇନାକା ଉପାୟ୍ କିତାଙ୍ଗ୍, ହେଦାଂ ଇନାକା ତାଣ୍ଡିନି ବାବ୍ରେ କିଜି ମାଚିସ୍ ଜେ ନା କାତା “ଆଁ,” ଆରି ଆକାୟ୍ ହାରି ଆନାଡ୍ ।

୧୮ ମତର୍ ଆତିସ୍ପା ଇସ୍ପର୍ ପାତ୍ ଆନାନ୍, ଲାଗିଂ ମି କାଜିଂ ମାଦାଂ ଆପେଂ ଇମ୍ଣି ବଚନ୍ ହିଦ୍ନାପା ହେଦାଂ ଆଁ ଆରି ଆକାୟ୍ ଆଉଡ୍ ।

୧୯ ଇନାକିଦେଂକି ଇସ୍ପର୍ ମାଜି କ୍ରିଷ୍ଟୁ ଜିସ୍ତୁ, ଜେ ମା ହୁଦାଂ, ଇଚିସ୍, “ନା” ହୁକେ ଆରି ସିଲ୍ଲାନ୍ ଆରି ତିମତି ହୁକେ ମି ବିତ୍ତେ ସୁଣାୟ୍ କିୟା ଆତାନ୍, ହେଞ୍ଜାନ୍ “ଆଁ” ଆରି ଆକାୟ୍ ଇନ୍ୟା ଆଖାତାନ୍, ଇଚିସ୍ ଇସ୍ପର୍ ତାକେ “ଆଁ” ଇଚାନ୍ନା ।

୨୦ ଲାଗିଂ ଇସ୍ପର୍ ଏତେକ୍ ପାର୍ମାଣ୍, ହେଞ୍ଜାନ୍ ଖିଜାର୍ତି “ଆଁ” ତାତାକେ ମାନାଡ୍; ଇଦାଂ କାଜିଂ ପା ତା ହୁକେ ଇସ୍ପର୍ ଜାଜ୍ମାଲ୍ ହିସାବେ ଆପ୍ “ଆମେନ୍” ଇଞ୍ଜି ମାନାପ୍ ।

୨୧ ନିଜେ ଇସ୍ପର୍, ଜେ ମାଙ୍ଗେଙ୍ଗ୍ ମି ଲାହାଙ୍ଗ୍ କ୍ରିଷ୍ଟୁତାକେ ତିର୍ କିନାନ୍, ଆରେ ମାଙ୍ଗେଙ୍ଗ୍ ସିଗ୍ନିତାଣ୍ଡା ହେଞ୍ଜାନ୍ ଇସ୍ପର୍;

୨୨ ହେଞ୍ଜାନ୍ ମାଙ୍ଗେଙ୍ଗ୍ ବିନେ କିଡ୍ତାନ୍ନା ଆରି ମା ଜିବୁନ୍ତ ତା ପୁଇପୁୟା ଜିବୁନ୍ତିଂ ରଚ୍ଚାତାନ୍ନା । ପୁଇପୁୟା ଜିବୁନ୍ ଆନାନା, ମା ଜପି ଇସ୍ପର୍ତ ଆଦିକାର୍ନି ଚିନ୍ ଆରି ଖାନି ଦିନ୍ତ ଆସେଙ୍ଗ୍ ଇନାକା ଗାଟା ଆନାସ୍ ତାଦି ମାଲିକ୍ ଲାକେ ।

୨୩ ମତର୍ ଆନ୍ ଇସ୍ପର୍ତିଂ ସାକି ମାନିକିଜି ନା ଖାସ୍ତି ପାର୍ମାଣ୍ କିତାଙ୍ଗ୍ନା ଜେ, ମି କାଜିଂ ଦୟା ପିଣ୍ଡି ଆନ୍ କରକ୍ତିତ ଆରେ ରଗ ହାଲ୍ଲଞ୍ଜା ତାଙ୍ଗ୍ନା ।

୨୪ ଏପେଙ୍ଗ୍ ଇମ୍ଣି କାତାତ ପାତ୍ ଜପି ଜେ, ମାଦାଂ ମାନାଡ୍, ହେଦାଂ ଆକାୟ୍, ଇଚିସ୍ ମି ଖାରି କାଜିଂ ମି ହାଙ୍ଗ୍ଦାକାର୍ ଆନାପ୍; ଲାଗିଂ ପାତ୍ ଏପେଙ୍ଗ୍ ତିର୍ ଆଜି ମାନାଦେରା ।

**୨**

୧ ମତର୍ ମି ଲାଗାଂ ନା ହାନାକା ଇନେସ୍ ଆରେ ରଗ ଦୁକ୍ ଆଉଡ୍, ଇଦାଂ ଆନ୍ ମାନ୍ତ୍ର ତିରକିତାଂ ।

୨ ଲାଗିଂ ଆନ୍ ଜପି ମିଙ୍ଗେଙ୍ଗ୍ ଦୁକ୍ କିଦ୍ନାଂ, ଲାଗିଂ ଇନେରିଂ ଆନ୍ ଦୁକ୍ ହିନାଂ, ହେଦାଂ ପିସ୍ତି ଆରେ ଇନେର୍ ନାଙ୍ଗ୍ ଦୁକ୍କିନାକା ହିଦ୍ନାନ୍ ?

୩ ଆରେ, ଇମ୍ଣାକାର୍ ତାଂ ନା ଦୁକ୍କିନାକା ପାୟାନାକା ଲଡା ହେଞ୍ଜାର୍ତାଂ ଆନ୍ ଖାଜି ଇନେସ୍ ଦୁକ୍ ପାୟା ଆଉନ୍ । ଇଦାଂ କାଜିଂ ଆନ୍ ଇ କାତା ଲେକିକିଜି ମାତାଙ୍ଗ୍, ଲାଗିଂ ନା ଖାରିତାଂ ଇନେନ୍ ମି ଖାରି, ଇଦାଂ ମି ଖିଜାର୍ ବିସ୍ତେ ନା ପାତ୍ ।

୪ ଇନାକିଦେଂକି ବେସି କସ୍ ଆରି ଖାସ୍ତିନି ନନାକାତ ବେସି କାଣେଲ୍ ଲାହାଙ୍ଗ୍ ଆନ୍ ମିଙ୍ଗେଙ୍ଗ୍ ଲେକି କିଜି ମାତାଙ୍ଗ୍; ଇନେସ୍ ଏପେଙ୍ଗ୍ ଦୁକ୍ ଆଡ୍, ଏପେଙ୍ଗ୍ ଆକାୟ୍, ମତର୍ ମି କାଜିଂ ନାଦାଂ ଜେ ଆଦିକ୍ ବେସି ଜିଉନନାକା ମାନାଡ୍, ଇଦାଂ ଇନେସ୍ ଏପେଙ୍ଗ୍ ବୁଜାଆଡ୍ ।

**ଦସି ଲାଗାଂ କେମା ହିୟାଟ୍**

☆ ୧:୧୭ ପକ୍ୟାତାକା ୧୯:୨୧.

୫ ମତର ଜଦି ଇନେର୍ ଦୁକ୍ ହିଦନାନ, ହେୱାନ ନାଲେଙ୍ଗ ଦୁକ୍ ହିଦ୍ୱାତାନନା, ମତର ଏଚେକ୍ ତାକେ ଆନ୍ ଆଦିକ୍ ଆର୍ତ୍ତା ଆଦେଂ ମାନ୍ କିତଲ୍ ମି ଓଜାରିଂ ଦୁକ୍ ହିଦନାଙ୍ଗା ।

୬ ଆଦେକ୍ ହୁକେ ଏପେଙ୍ଗ୍ ଲକ୍ ଇମ୍ମାଣି କସ୍ତୁ ପାୟାନାଙ୍ଗା, ହେଦାଂ ତା ପାକ୍ୟାତ ସାରି,

୭ ଲାଗିଂ ଏଚେକାଡ୍ଡ ଏପେଙ୍ଗ୍ ମାନାୟ୍ ବେସି ଦୁକ୍ତ ମୁଜ୍ଜନାନ, ଇଦାଂ କାଜିଂ ଏପେଙ୍ଗ୍ ତାଲେଙ୍ଗ୍ ଇଚିସ୍ କେମା କିୟାଟ୍ ଆରି ଦୁକ୍ସାରାୟ୍ କିୟାଟ୍ ।

୮ ଇଚିସ୍, ହେଦାଂ କାଜିଂ ଜିଉନନାକା ଚିନ୍ତା ରଚି କିଦେଙ୍ଗ୍ ଆନ୍ ମିଲେଙ୍ଗ୍ ଗଞ୍ଜାରି କିଦନାଙ୍ଗା ।

୯ ଇନାକିଦେଂକି ଏପେଙ୍ଗ୍ ଓଜୁ ବିସ୍ତେ ଜେ ଆଁ ଇନାଦେର ମି ବିସ୍ତେ ହେବେନି ପାର୍ମାଣ୍ ଇନେସ୍ ଆନ୍ ପାୟାନାଙ୍ଗ୍, ଇସାପ୍ତ ଆନ୍ ବଲ୍ ପାଲି କିନି କାଜିଂ ହେ ଗଜା ପା ଲେକିକିଜି ମାତାଙ୍ଗ୍ ।

୧୦ ମତର ଏପେଙ୍ଗ୍ ଇନେର୍ଚି ଇନାକା କେମା କିୟାଟ୍, ଆନ୍ ପା ତାଲେଙ୍ଗ୍ କେମା କିନାଙ୍ଗ୍; ଇନାକିଦେଂକି ଆନ୍ ଜଦି ଇନାକା କେମା କିତାଂନା, ତେବେ ଇନାକା କେମା କିତାଂନା, ହେଦାଂ କ୍ରିସ୍ତି ମୁମ୍ଦ ମି କାଜିଂ କେମା କିତାଂନା,

୧୧ ଇନେସ୍ ସୟତାନ ମା ବେରୁତ ଇନାକିଦେଂ ଆଡ୍ଡୁତ୍ ମତର ବେଗି ପାୟା ଆଡ୍ଡୁ । ଇନାକିଦେଂକି ଆପ୍ ତା ଓଜୁ ହାୟାୟ୍ ବିସ୍ତେ ଗିଆନ୍ ହିଲୁତ୍ ।

୧୨ ଆରେ, କ୍ରିସ୍ତି ନେକ୍ରିକାରୁର୍ ସୁଣାୟ୍ କିନି କାଜିଂ ଆନ୍ ତ୍ରୟାତାଂ ଖାତି ପାଚେ ମାପୁତି କାମାୟ୍ କାଜିଂ ପାଗ୍ ଲାକେ ଦୁଖେର୍ ଜେୟା ଆତିସ୍ପା

୧୩ ନା ଟଣ୍ଡେନ୍ ତିତସ୍ତିଂ ହୁଡ୍ଡ଼ାଦାଂ ଜିରୁକ୍ତ ଚିନ୍ତା କିତାଙ୍ଗ୍ ହେୱାର୍ତାଂ ହେଲ୍ ଅଜି ମାକିଦନିଆତ ହଟାଙ୍ଗ୍ ।

**ଜିସୁ କ୍ରିସ୍ତୁ ହୁକେ ଜିତାନାକା**

୧୪ ମତର ଇସ୍ତର୍ ଡୁଞ୍ଜାର୍ ଆଏଡ୍, ହେୱାନ ସରୁ ନାଜିଂ ମାଲେଙ୍ଗ୍ ଅଜି କ୍ରିସ୍ତାକେ ଜିତାନି ହାଜି କିତାନ୍ନା, ଆରେ ସରୁ ବାହାତ ତା ଗିଆନ୍ ଲାକେ ହୁଞ୍ଜିନି ବାହା ମା ହୁଦାଂ ଚଚ୍ଚାତାନ୍ନା,

୧୫ ଇନାକିଦେଂକି ମୁକ୍ତି ଆନାକା ପାୟାନାକା ଆରି ରୁତା ଆଜି ମାନି ମାନାୟାୟ୍ ବିତ୍ରେ ଆସେଙ୍ଗ୍ ଇସ୍ତର୍ କାଣ୍ଗାତ କ୍ରିସ୍ତି ହାର୍ଦ୍ଦିଗାୟା ଲାକେ ମାନାପ୍ ।

୧୬ ର ପାକ୍ୟାନି ମାନାୟାୟ୍ କାଜିଂ ହାତି ଲାକେ ଆରି ବିନ୍ ପାକ୍ୟାନି ମାନାୟାୟ୍ କାଜିଂ ଜିରୁନ୍ ବାସ୍ନା ଲାକେ । ଆରେ ଇ ଓଜୁ କାଜିଂ ଇନେର୍ ଏପେଙ୍ଗ୍ କାମାୟ୍ କିଦେଙ୍ଗ୍ ଆଡ୍ଡନାନ୍ ?

୧୭ ହେ ହେନି ମାନାୟାୟ୍ ଇନେସ୍ ଇସ୍ତର୍ ବଚନ୍ ବାତାୟ୍ କିତାର୍, ଆପ୍ତ ହେୱାର୍ ଲାକେ କିତପା, ମତର ସୁସାର୍ ବାବ୍ରେ ଇସ୍ତର୍ ବଲ୍ ଲାକେ, ତା ସାକିତ ଆପ୍ କ୍ରିସ୍ତାକେ ସତ୍ନିକା ହୁଦାଂ ମାନ୍ଞି କାତା ଇନାପା ।

**୩**

**ପୁନି ମେରାନି ଆଡ୍ଡୟାର୍**

୧ ଆପ୍ କି ଆରେ ରଗ ଜିରୁକ୍ତ ପାର୍ତାନା କିଦେଙ୍ଗ୍ ହାଙ୍ଗ୍ନାପା ? କି ଇନେର୍ ଇନେର୍ଚି ଲାକେ ଇନାକା ମି ଲାଗାଂ ନଲେ ମି ଲାଗାଂତାଂ ମା ପାର୍ତାନାନି ଆକି ଲଡା ?

୨ ଏପେଙ୍ଗ୍ ତ ମା ମାକ୍ତ ଲେକାତାଡ୍ଡନା ଆରେ ଓଜାର୍ ମାନାୟାୟ୍ ପୁଞ୍ଜି ଆରି ପଡ୍ଡି କିଜି ମା ଗଜା ଲାକେ

୩ ଆରେ, ଏପେଙ୍ଗ୍ ଜେ ମା ହେବାତ ଲେକାତି କ୍ରିସ୍ତି ଆକି ଲାକେ, ଇଦାଂ ହନାତା ହେଦାଂ ଖାରାକାତ ଲେକାଖାତାଡ୍ଡନା, ମତର ଜିରୁନ୍ ଇସ୍ତର୍ ଜିରୁନ୍ ହୁକେ ଲେକା ଆତାଡ୍ଡନା, କାଲ୍ ପାଟାତ ଆକାୟ୍, ମତର ଜେଇ ମାନି ଜିରୁନ୍ ବାତ ପାଟାତ ।

୪ ଆରେ, କ୍ରିସ୍ତି ହୁକେ ଇସ୍ତର୍ ଜପି ଆହା ଇଡ୍ଡିଜି ମା ଇ ବାନି ବାସ୍ ମାନାଡ୍ ।

୫ ଆପ୍ ଜେ ଜାର୍ତାଂ ଇନାକା ହପ୍ତେଂ ମାନ୍, ଏପେଙ୍ଗ୍ ଆକାୟ୍, ମତର ମା ବାପୁ ଇସ୍ତର୍ତାଂ;

୬ ହେୱାନ ତ ମାଲେଙ୍ଗ୍ ଅକର୍ନି ହେବାକାର୍ଯ୍ୟା କିତାନନା, ମତର ଜିରୁନ୍ତିଂ ଇଚିସ୍ ପୁନି ନିୟ୍ମନି ହେବାକାର୍ଯ୍ୟା ଆଦେଂ ବାପୁ ହିତାନନା; ଇନାକିଦେଂକି ଅକର୍ ହାତାକା, ମତର ଜିରୁନ୍ ହେ ଜିରୁନ୍ ଲାକେ ।

୭ ଆରେ, ଜଦି ଅକର୍ତ ପାଟା କାଲ୍ ଜପି କାର୍ତ୍ତି ହାତି ଲାକେ ମସାତି ବିଦିନି ହେବାକାମାୟ୍ ଏଲେଙ୍ଗ୍ ଜାଜ୍ମାଲ୍ତ ହସି ମାଟାଡ୍ ଜେ, ଇସ୍ତାଏଲ୍ ହିମ୍ମାଂ ମସାତି ମୁମ୍ଦ ଚାଣେକ୍ତିଂ ଅଜଡ୍ କାଜିଂ ହେୱାକ୍ତି ମୁମ୍ ଇଚ୍ଚାଡ୍ କିଜି ହୁଡ୍ଡେଂ ଆଡ୍ଡାତାର୍,

୮ ଲାଗିଂ ପାର୍ତାନା ହେବାକାମାୟ୍ ଏଚେକ୍ ଆଦିକ୍ ଜାଜ୍ମାଲ୍ ଇସ୍ତର୍ ତାକେ ମେହା ଆଖାତାମ୍ ?

୯ ଇନାକିଦେଂକି ଜଦି ଦାଣ୍ଟ ଗିଆନ୍ନି ହେବାକାମାୟ୍ ଜାଜ୍ମାଲ୍ ତେବେ ଦାମ୍ନି ହେବାକାମାୟ୍ ଇଚିସ୍ ଆରି ଆଦିକ୍ ଜାଜ୍ମାଲ୍ ମେହା ।

୧୦ ଲାଗିଂ ପୁନି ଜାଜ୍ମାଲ୍ ମେହାଆଜି ମାଟାଡ୍, ହେଦାଂ ହେବେତାଂ ବେସି ଆଦିକ୍ ଜାଜ୍ମାଲ୍ ମେହା ବିସ୍ତେନି ପିସ୍ତି ପୁନି ଜାଜ୍ମାଲ୍ ଆଖିତି ଲାକେ ଆତାସ୍ନା ।

୧୧ ଇନାକିଦେଂକି ଜଦି ଅଲପ୍ ବିସ୍ତେ ଜାଜ୍‌ମାଲ୍ ମେହାଆତାଡ୍, ତେବେ ଜୁଗ୍ ଜୁଗ୍ ବିସ୍ତେ ଆରେ ଆଦିକ୍ ଜାଜ୍‌ମାଲ୍‌ତ ମାନାଡ୍ ।

୧୨ ଆତିସ୍‌ପା, ଏଲେଙ୍ଗ୍‌ବାତ୍ ବାସ୍ ପାୟା ଆଜି ଆପେଂ ବେସି ସାସ୍‌କାପ୍ ଆନାପ୍,

୧୩ ଆରେ, ଇସ୍ତାଏଲ୍ ହିମ୍‌ଶାଂ ଇନେସ୍ ହେ ଅଲପ୍ କାଜିଂ ଜାଜ୍‌ମାଲ୍ ବୁତାନି ବାହା କାଜିଂ ତିର୍ ହୁଡ୍‌ରୁ, ହେଦାଂ କାଜିଂ ମସା ଇନେସ୍ ବାନି ଜାର୍ ମୁମ୍‌ଦ ତାବାୟ୍ ଆଜି ମାତାର୍, ଆପ୍ ହେ ବାନି କିତପା ।

୧୪ ମତର୍ ହେଝାର୍‌ତି ଗିଆନ୍ କାଣ୍‌କୁ ଆର୍‌ତିକ୍‌ନା, ଇନାକିଦେଂକି ନେଜେଙ୍ଗ୍ ପାତେକ୍ ଲାମା ନିୟମତ ପାଟ୍ ସମୁତ ହେ ତାବାୟ୍ କିୟାତାକା ଆଗେ ଲାକେ ମାନାତା, ଆରେ କ୍ରିସ୍ତାକେ ହେ ତାବାୟ୍ କିୟାତାକା ଜେ ବୁତା ଆନାଡ୍, ଇଦାଂ ହତପା ।

୧୫ ମତର୍ ନେଜେଙ୍ଗ୍ ପାତେକ୍ ମସାତି ବିଦି ପାଟ୍ ପଡ଼ିକିନି ସମୁତ ହେଝାର୍ ନେଜେଡାକି ତାବାୟ୍ କିୟାତାକା ହାର୍ ମାନ୍‌ଗାନାଡ୍,

୧୬ ମତର୍ ଦରମ୍ ସାସ୍‌ର ଇନାଡ୍ ଇମ୍‌ଶାକାର୍ ମାପୁନିପ୍ ହାନାର୍ ହେଝାର୍ ତାବାୟ୍ କିୟାତାକା ଜେୟାନାଡ୍ ।

୧୭ ମାପୁ ଜିରୁନ୍ ଆନାନ୍; ଆରେ ଇମେତାକେ ମାପୁତି ଜିରୁନ୍ ହେବେ ଜାର୍ ମାନ୍ ।

୧୮ ମତର୍ ଆସେଙ୍ଗ୍ ଝିଜାସ୍ ପ୍ଲୁକ୍‌ୟାତି ମୁମ୍ ଦାପାଣ୍‌ତ ହୁଡ୍‌ତି ଲାକେ ମାପୁତି ଜାଜ୍‌ମାଲ୍ ହୁଡ୍ ହୁଡ୍ ଜୁଜ୍‌ମାଲ୍ ମେହାତି ଅବସ୍ତାତାଂ ଆଦିକ୍ ଜାଜ୍‌ମାଲ୍ ମେହାତି ଅବସ୍ତା ଗାଗାଜି ହେଝାତି ହେ ପୁଡ୍‌ଡା ବାଦ୍‌ଲା ଆତାସ୍‌ନା; ଲାଗିଂ ମାପୁ ଇନେନ୍‌କି ଜିରୁନ୍, ହେଝାନ୍ ତାଂ ଇ ସବୁ ଆନାତା ।

### ୪

#### ଚିକ୍‌ଲା ଟାଣ୍ଡିତାଂ ସାଗେନି କାରୁର୍

୧ ଲାଗିଂ, ଆପ୍ ଦୟା ପାୟା ଆଜି ଇ ହେବାକାର୍‌ୟା ପାଦ୍ ପାୟା ଆପେଂ ସାସ୍ ହିଲ୍‌ଝାକା ଆକାୟ୍,

୨ ମତର୍ ଆପ୍ ଲାଜୁ ଡକ୍‌କି ବିସ୍ତେ ସବୁ ପିସ୍ତାପ୍‌ନା; ଲାଗିଂ ଆପ୍ ବାନ୍‌ସାତାଂ ଚିନ୍ତା କିତପା ନଲେ ଇସ୍‌ର ବଚନ୍ ଚାତୁର୍‌ତାଂ ଚିନ୍ତା କିତପା, ମତର୍ ହାତ୍‌ପାତାଂ ହପ୍‌ନି ହୁକେ ଇସ୍‌ର ସାକିତ ଜାଣ୍‌କେ ମାନାୟାର୍‌ତି ଗିଆନ୍ ଲାଗାଂ ଜାର୍ ଜାର୍‌ତି ହାର୍‌ଦାକା ଚର୍‌ନାପା ।

୩ ମତର୍ ଆତିସ୍‌ପା ମାଦାଂ ନେକ୍ରିକାରୁର୍ ପ୍ଲୁକ୍ୟା ଆତାଡ୍ ହେଦାଂ ବୁତାତାକାରିଂ ପାକ୍ୟାତ ପ୍ଲୁକ୍ୟାତାଡ୍;

୪ ଇସ୍‌ର ଗାଗାଡ୍ ଜେ କ୍ରିସ୍ତ ତା ଜାଜ୍‌ମାଲ୍ ଲାକେ ନେକ୍ରିକାରୁର୍ ଅଜଡ୍ ଇନେସ୍ ଇବାନି ମାନାୟାର୍ କାଜିଂ ହମେଡ୍, ଇଦାଂ କାଜିଂ ଇ ସଂସାର୍‌ନି ପାତ୍ କିଝାକାର୍‌ତି ଗିଆନ୍ କାଣ୍‌କୁ କାଶା କିତାଡ୍‌ନା ।

୫ ଇନାକିଦେଂକି ଆପ୍ ଜାର୍‌ତି ସୁଶାୟ୍ କିତପା, ମତର୍ କ୍ରିସ୍ତ ଜିସୁ ଜେ ମାପୁ ଆରେ ଜିସୁତି କାଜିଂ ଆପ୍ ଜେ ମି ଆଡ଼ିୟା, ଇଦାଂ ସୁଶାୟ୍ କିନାପ୍ ।

୬ ଇନାକିଦେଂକି ଇମ୍‌ଣି ଇସ୍‌ର ଇଞ୍ଜି ମାଗାନ୍ “ମାଜ୍‌ଗାତାଂ ଅଜଡ୍ ହଝେଡ୍ ଇଞ୍ଜି ବଲ୍ ହିଜି ମାଗାନ୍ ।” ଇମ୍‌ଣି ଇସ୍‌ର, ହେଝାନ୍ ଜିସୁ କ୍ରିସ୍ତ ମୁମ୍‌ଦ ହତି ଇସ୍‌ତ୍ ଜାଜ୍‌ମାଲ୍‌ନି ଗିଆନ୍‌ନି ଅଜଡ୍ ଚର୍‌ନି କାଜିଂ ମା ଝାସ୍‌ତି ଅଜଡ୍ ହପ୍‌ତାନ୍‌ନା ।

୭ ମତର୍ ଗାଜା ସାକ୍ତି ଜେ ଇସ୍‌ରତି, ଆରେ ହେଦାଂ ଜେ ମା ତାଂ ଉବ୍‌ଜାଣ୍ ଆକାୟ୍, ଇଦାଂ ଇନେସ୍ ହନାଡ୍, ଇଦାଂ କାଜିଂ ଆପ୍ ଇ ଦାନ୍ ଚିକ୍‌ଲା ଟାଣ୍ଡିତ ପାୟାତାପ୍‌ନା;

୮ ଆପ୍ ସବୁବାନି ଦୁକ୍‌ବଗ୍ କିନାପା, ଆତିସ୍‌ପା ମାନ୍‌ବାଙ୍ଗାୟ୍ କିଝାତାପ୍‌ନା; ହାତି ଗିଆନ୍ ଆତାପ୍‌ନା, ଆତିସ୍‌ପା ମାନ୍‌ବାଙ୍ଗାୟ୍ କିଝାତାପ୍‌ନା ।

୯ ହିଣ୍‌ପାୟାତାପ୍‌ନା, ଆତିସ୍‌ପା ପିହ୍‌ୟା ଆଝାତାପ୍‌ନା; ଆଦା ମୁର୍‌ୟାତାପ୍‌ନା, ଆତିସ୍‌ପା ବୁତା ଆଝାତାପ୍‌ନା;

୧୦ ଆପେଂ ନିତ୍ରେ ଜିସୁତିଂ ହାତି ଗାଗାଡ୍‌ତ ଏତୁ କିନାପା, ଇନେସ୍ ଜିସୁତି ଜିରୁନ୍ ପା ମା ଗାଗାଡ୍‌ତ ହଝେଡ୍ ।

୧୧ ଇନାକିଦେଂକି ଜିସୁତି ଜିରୁନ୍ ଇନେସ୍ ମା ହାତି ଗାଗାଡ୍‌ତ ହନାଡ୍, ଇଦାଂ କାଜିଂ ଆପ୍ ଜିରୁନ୍ ଆତିସ୍‌ପା ନିତ୍ରେ ଜିସୁତି କାଜିଂ ହାକି ମୁମ୍‌ଦ ହେଲାୟ୍ କିଝାତାପ୍‌ନା ।

୧୨ ଇ ବାନିତ ମା ତାକେ ହାକି, ମତର୍ ମି ତାକେ ଜିରୁନ୍ କାମାୟ୍ ମାନି କିନାଙ୍ଗା ।

୧୩ “ଆନ୍ ପାତ୍ କିତାଙ୍ଗ୍ ଲାଗିଂ କାତା ଇଚାଂ ।” ଇ ଲେକିକିତି ବଚନ୍ ଲାକେ ହେ ପାତ୍ ଲାଗ୍‌ଦି ଜିରୁନ୍ ପାୟା ଆଜି ମାଟିଲେ ଆପ୍ ପା ପାତ୍ କିନାସ୍ ଲାଗିଂ କାତା ଇନାସ୍;

୧୪ ଇନାକିଦେଂକି ଆପ୍ ପୁନାସ୍ ମାପୁ ଜିସୁଙ୍ଗ୍ ଇନେର୍ ନିକ୍‌ତାର୍ ହେଝାନ୍ ମାଙ୍ଗେଙ୍ଗ୍ ପା ଜିସୁତି ଲାହାଙ୍ଗ୍ ନିକ୍‌ତାନାନ୍ ଆରି ତା ମୁମ୍‌ଦ ନି ଲାହାଙ୍ଗ୍ ମାନ୍‌ଗାନାନ୍ ।

୧୫ ଲାଗିଂ ସବୁ ବିସ୍ତେ ମି କାଜିଂ ଆନାତା, ଇନେସ୍ ହେନି ମାନାୟାର୍‌ତାକେ ଉପ୍‌କାର୍ ବେସି ବାତା ଆଜି ଇସ୍‌ତ୍ ଜାଜ୍‌ମାଲ୍‌ତ ବେସି ଜୁଝାର୍ କାରଣ୍ ଆନାଡ୍ ।

#### ପାତ୍‌ନି ଜିରୁନ୍

୧୬ ଲାଗି ଆପ୍ ଖାହୁଁପା ମତର ମା ବାରତ୍ତି ମାନାୟାର କିତି ପାୟା ଆଖିତିସ୍ତା ମା ଖାସ୍ତିନି ମାନାୟାର ଦିନ୍ତି ଦିନ୍ ପୁନାକା ଆନାତା ।

୧୭ ଇନାକିଦେଂକି ଇ ଅଲପ୍ କାଡ଼୍ କାଜିଂ ଲକୁ ଦୁକ୍ ବେସି ବଞ୍ଚାଡ଼୍ ଲାକେ ମା କାଜିଂ ଝିଜ୍ଝି କାଡ଼୍ ପାତେକ୍ ଗାଜା ଇ ଜାଜ୍ଝାଲ୍ ମାନକିନାପା;

୧୮ ଲାଗି ଆପେଂ ହୁଡ଼୍ଝି କାଜିଂ ଇଟ୍‌କାଡ଼୍ କିଞ୍ଚାଦାଂ ହୁଡ଼୍ଝି ବିସ୍ତେ କାଜିଂ ଇଟ୍‌କାଡ଼୍ କିନାପା ଇନାକିଦେଂକି ବାହା ବିସ୍ତେ ଅଲପ୍ କାଡ଼୍ କାଜିଂ ମତର ବାହା ହୁଡ଼୍ଝି ବିସ୍ତେ ଝିଜ୍ଝି କାଡ଼୍ ପାତେକ୍ ।

**୫**

୧ ଇନାକିଦେଂକି ଜଦି ମା ଇ ତୁମ୍ ଲାକେ ଦିନେକ୍‌ନି ଗାଗାଡ଼୍ ଇଲ୍ ଡ୍ରିଜ୍ଝି ହାନାଡ଼୍, ଖାଟିଜ୍ଝି ଇସ୍ତର ରଟ୍ତି କାକଦାଂ ରଟ୍ତି ମା ର ଝିଜ୍ଝିକାଡ଼୍ ପାତେକ୍ ଇଲ୍ ଜେ ସାଗେତ୍ ମାନାଡ଼୍, ଇଦାଂ ଆସେଜ୍ଝି ପୁନାସ୍ ।

୨ ଲାଗି ଆପେଂ ତ ମା ସାଗେନି ଇଲ୍ ଲାକେ ହେହାତ ଉସ୍‌ପେଦେଂ ବେସି ଇଚା କିଜି ଇଞ୍ଜ ମାନୁ ମାନୁ ଆଡ଼୍‌ବାନାପା;

୩ ଇ ଲାକେ ଉସ୍‌ପିତିସ୍ ଆସେଜ୍ଝି ନାଗ୍‌ଡ଼ା ଚଞ୍ଚୁସ୍ ।

୪ ଇନାକିଦେଂକି ଆସେଜ୍ଝି ଇ ତୁମ୍‌ତ ବାହା କିଜି ଖାସ୍ତି ଆଡ଼୍‌ବାନାସା । ଲାଗି ଆପ୍ ଜେ ଉସ୍‌ପେଦେଂ ପିସ୍ତେଜ୍ଝି ମାନ୍ କିନାସ୍, ହେଦାଂ ଆକାୟ୍, ମତର ଜିବୁନ୍ ଇନେସ୍ ପୁତ୍‌ତିଂ ଗୁହ୍‌ନାଡ଼୍, ଇଦାଂ କାଜିଂ ଇ ହେହା ଜପି ବିନ୍ ହେହା ଉସ୍‌ପେଦେଂ ଆସେଜ୍ଝି ଇଚା କିନାସା ।

୫ ଆରେ ଜେ ଇଦାଂ କାଜିଂ ମାକେଜ୍ଝି ଜାଲ୍‌ଦି କିଡ଼୍‌ତାନ୍‌ନା, ହେଞ୍ଚାନ୍ ଇସ୍ତର, ହେଞ୍ଚାନ୍ ମାକେଜ୍ଝି ହାଡ଼୍‌ପା ଲାକେ ଜିବୁନ୍ ପା ଦାନ୍ ହିଡ଼୍‌ନା ।

୬ ଇତିସ୍ ଆସେଜ୍ଝି ନିତ୍ତେ ସାହାସିକାପ୍, ଆରେ ଇ ଗାଗାଡ଼୍‌ତ୍ ଏଚେକାଡ଼୍‌ଦ ଦିନା ପାତେକ୍ ବାହା କିନାପା, ହେ ପାତେକ୍ ଇନେର୍ ମାପୁତାଂ ଇଞ୍ଜାଜ୍ଝି ଦେହା ବାହାକିନାପା, ଇଦାଂ ପୁନାସ୍ ।

୭ ଇନାକିଦେଂକି ଆପ୍ ବାହା ବିସ୍ତେ ହିଜି ଜିବୁନ୍ ଜିଉଣା କିଞ୍ଚାଦାଂ ପାତ୍‌ତି ଜିବୁନ୍ ଜିଉଣା କିନାସ୍ ।

୮ ଆଁ ଆସେଜ୍ଝି ସାସ୍‌ନିକାପ୍, ଆରେ, ଗାଗାଡ଼୍‌ତାଂ ଦେହା ବାହା ଜିସୁ ଆରି ମାପୁ ଲାଗାଂ ବାହା କିଦେଜ୍ଝି ମା ଆଦିକ୍ ସାରି ।

୯ ଲାଗି ପା ନିଜ୍ ଇଞ୍ଜାକାର୍ ଆସର୍ କି ବିନ୍ ଇଞ୍ଜ ଆସର୍, ତା ଲାଗାଂ ସାରି ଆନି ମା ଇଚା ।

୧୦ ଇନାକିଦେଂକି ହାର୍ ଆସଡ଼୍ ନଲେ ବାନ୍‌ପା ଆସଡ଼୍ ଝିଜାକାର୍ ପୁତ୍‌ତିଂ ଗାଗାଡ଼୍ ହୁକେ କିତି କାମାୟ୍ ଲାକେ ପାଡ଼୍ ପାୟାନି କାଜିଂ କ୍ରିସ୍ତୁତି ବିଚାର୍ ମୁମ୍‌ଦ ମା ଝିଜାରିଂ ଚଞ୍ଚୟାନାକା ମାନାଡ଼୍ ।

**କ୍ରିସ୍ତୁତି ଲାହାଂ ମେହାଜି ହେବାକିନାକା**

୧୧ ଲାଗି, ମାପୁ ବିସ୍ତେନି ପାଶ୍ଟାନାକା ପୁଚିଲେ ଆପ୍ ମାନାୟାରିଂ ପୁସ୍‌ରାଈ କିନାସା, ମତର ଆପ୍ ଇସ୍ତର୍ ମୁମ୍‌ଦ ହଡ଼ାକାପ୍, ଆରି ମି ଚିନ୍ତା ସାକ୍ତି ଲାଗାଂପା ଜେ ହଡ଼ାପ୍‌ନା ଇଦାଂ ଆନ୍ ଆହା କିନାଜ୍ଝି ।

୧୨ ଆପ୍ ଆରେ ରଗ ମି ଲାଗାଂ ଜିବୁନ୍ ଦୁକ୍‌କିନାକା କିଉପା, ମତର ଇମ୍‌ଣାକାର୍ ଖାସ୍ତିତାଂ ବିସ୍ତେନି ଗରବ୍ କିଞ୍ଚାଦାଂ, ବାର୍‌ତି ବିସ୍ତେ ଗରବ୍ କିଡ଼ାର୍, ହେଞ୍ଚାରିଂ ଇନେସ୍ ଉତର ହିଦେଂ ଆଡ଼୍‌ନାଦେର୍, ଇଦାଂ କାଜିଂ ମା ପାକ୍ୟାତ ଗରବ୍ କିନି କାଜିଂ ମିକେଜ୍ଝି ସୁବିଦା ହିଦ୍‌ନାପା ।

୧୩ ଲାଗି ଜଦି ଆପ୍ ବୁଦିହିଲ୍‌ଖିକାପ୍, ହେଦାଂ ଇସ୍ତର୍ କାଜିଂ; ନଲେ ଜଦି ହାଦ୍ ଗିଆନିର୍, ହେଦାଂ ମି କାଜିଂ ।

୧୪ ଇନାକିଦେଂକି କ୍ରିସ୍ତୁତି ଜିଉନନାକା ମାକେଜ୍ଝି ଲାଡ଼ାତ ଇଡ଼ଜି ଚଲ୍‌ୟାକିଦ୍‌ନାନା, ଲାଗି ଆପ୍ ଇ ବିଚାର୍ କିତାପ୍‌ନା ଜେ ରଞ୍ଚାନ୍ ଝିଜାରିଂ କାଜିଂ ହାନି ବଗ୍ ଜିସୁ ମାଚିଲେ ଝିଜାର୍ ହାତାର୍;

୧୫ ଆରେ ହେଞ୍ଚାନ୍ ଝିଜାର୍ କାଜିଂ ହାକି ବଗ୍ କିତାନ୍, ଇନେସ୍ ଇମ୍‌ଣାକାର୍ ଜିତାକାର୍, ହେଞ୍ଚାର୍ ଆରେ ଜାର୍ ଜାର୍ କାଜିଂ ଜିବୁନ୍ ଜିଉଣା କିଞ୍ଚାଦାଂ ଇତିସ୍ ଜେ ହେଞ୍ଚାର୍ କାଜିଂ ହାକି ବଗ୍ କିତାର୍ ଆରେ ନିଜ୍‌ତାନ୍, ତା କାଜିଂ ଜିବୁନ୍ ଜିଉଣା କିତାର୍ ।

୧୬ ଲାଗି ନେଜେଜ୍ଝିତାଂ ଆପ୍ ଗାଗାଡ଼୍ ଇସାବେ ଇନେରିଂ ବିଚାର୍ କିଉପା, ଆତିସ୍‌ପା କ୍ରିସ୍ତୁତିଂ ଗାଗାଡ଼୍ ଇସାବେ ଆପ୍ ବିଚାର୍ କିନାପା, ଆତିସ୍‌ପା ନଜ୍ ଆରେ ତାକେଜ୍ଝି ହେ ଲାକେ ବିଚାର୍ କିଉପା ।

୧୭ ଲାଗି ଜଦି ଇନେର୍ କ୍ରିସ୍ତୁତାକେ ମାନାନ୍, ଖାଟିଜ୍ଝି ହେଞ୍ଚାନ୍ ପୁନି ଉବ୍‌ଜାଣ୍ ଆତାନ୍ନା; ଲାମା ବିସ୍ତେ ସବୁ ବୁଡ଼ା ଆତାଡ଼୍‌ନା, ହୁଡ଼ାଟ୍, ପୁନି ବିସ୍ତେ ସବୁ ଆତାଡ଼୍‌ନା ।

୧୮ ମତର ଝିଜୁ ବିସ୍ତେ ଇସ୍ତରତାଂ ଆତାଡ଼୍‌ନା; ହେଞ୍ଚାନ୍ କ୍ରିସ୍ତୁତି ହୁକେ ଜାର୍ ଲାହାଜ୍ଝି ମାକେଜ୍ଝି ମେହାୟ୍ କିଡ଼୍‌ତାନ୍‌ନା ଆରି ହେ ସୁସ୍ତାନି ହେବା ପାଦ୍ ମାଜ୍ ହିଡ଼୍‌ତାନ୍ନା ।

୧୯ ହେ ସୁସ୍ତାନି ବଚନ୍ ଆନାତା, ଇସ୍ତର କ୍ରିସ୍ତୁତି ହୁକେ ପୁତ୍‌ତିଂ ମାନାୟାର୍ ଜାତିତିଂ ତା ଲାହାଂ ଆରେ ମେହାୟ୍ କିଦେଜ୍ଝି ବିଦି ହିତାଣ୍ଣା । ତା ବିରୁଦ୍‌ତ ହେଞ୍ଚାର୍‌ତି ପାପ୍ ସବୁ ହେଞ୍ଚାନ୍ ଆରେ ତା ହିସାବ୍ରେ ଇନ୍‌ଖାତାନ୍ନା । ଆରେ ଇ ଆରେ ମେହାୟ୍‌ତ କାତା ସୁଶାୟ୍ କିନି ଦାୟିଡ଼୍ ମା ଜପି ହେଲ୍‌ୟ୍ କିଡ଼୍‌ତାନ୍‌ନା ।

☆ ୫:୧୦ ରମିୟ ୧୪:୧୦.

୨୦ ଲାଗିଂ ଇସ୍‌ବର ମା ହୁଦାଂ କୁକ୍ତି ମାଟିଲେ ଆପ୍ କ୍ରିସ୍ତୁତି ପାକ୍ୟାତ ରାଜ୍‌ଦୁଡ୍‌ନି କାମାୟ କିନାପା; କ୍ରିସ୍ତୁତି ପାକ୍ୟାତ ତାଙ୍ଗ୍ ଆପ୍ ଗଞ୍ଜାରି କିଦ୍‌ନାପା, ଏପେଙ୍ଗ୍ ଇସ୍‌ବର ଲାହାଂ ମେହାଆଡୁ ।

୨୧ ଇନାକାନତାକେ ପାପ୍ ଇନାକାପା ହିଲ୍‌ଖାତାଡ୍ ତାଙ୍ଗେଙ୍ଗ୍ ହେଞ୍ଜାନ୍ ମା କାଜିଂ ପାପ୍ ଲାକେ କିତାନ୍ ଇନେସ୍ ଆପ୍ ତାହୁଦାଂ ଇସ୍‌ବର୍ତ୍ତ୍ ଦାମ୍ ଲାକେ ଆନାସ୍ ।



୧ ଆରେ ପା ଇସ୍‌ବର୍ତ୍ତ୍ ଉପକାର୍ ପାୟାତି ଇନେସ୍ ମି ତାକେ ପଲ୍ୟା ଆଉଡ୍, ଇଦାଂ କାଜିଂ ତା ଲାହାଙ୍ଗ୍ ରବେ କାମାୟ କିଜି, ଜିସୁ ଆପେଂ ଗଞ୍ଜାରି କିଦ୍‌ନାପା ।

୨ ଇନାକିଦେଂକି “ହେଞ୍ଜାନ୍ ଇନାନ୍, ଆପ୍ ଉପକାର୍‌ନି ସମୁତ ମି ପାର୍ତ୍ତାନା ଖେଚାପ୍, ଆରେ ମୁକ୍ତାନ୍ ଦିକ୍ତ ଆପ୍ ମି ହେବା କିତାପ୍ ।” ଖେନାଟ୍ ନଙ୍ଗ୍ ବେସି ଉପକାର୍‌ନି “ସମୁ ହୁଡାଟ୍, ନଙ୍ଗ୍ ମୁକ୍ତାନ୍ ଦିନ୍ ।”

୩ ଇନେସ୍ ମା ହେବା ପାପ୍ ଦସ୍ ଆମେଡ୍, ହେଦାଂ କାଜିଂ ଆପ୍ ଇମ୍‌ଣି ବିସ୍ତେ ବାଦା ହିଦ୍‌ମେଡ୍,

୪ ଇଚିସ୍ ଆପେଂ ସବୁ ଅବସ୍ତାତ ଜାର୍‌ତିଂ ଇସ୍‌ବର ହେବାକାର୍‌ୟା ଲାକେ ଜାଣା କିଇକିଦ୍‌ନାପା । ଓଜ୍‌ଜି କାମାୟ ଲାହାଙ୍ଗ୍ ଆପ୍ ସବୁ ବାନ୍ ଦୁକ୍, ଅବାବ୍ ଆରି କସ୍ ହୁଆପ୍‌ନା;

୫ \*ମାନ୍‌ତାଂ, ଜିଇଲ୍‌ଇଞ୍ଜାଙ୍ଗ୍ ମାନିହିଂ, ଗଣ୍‌ଗଲ୍‌ତାଂ, କସ୍‌ତାଂ, ଚେଡ୍‌ନାତାଂ, ଉପାସ୍‌ତାଂ,

୬ ପୁଇପୁୟାତାଂ, ଗିଆନ୍‌ତାଂ, ଲାମାହୁଦାର୍‌ତାଂ, ଦୟା, କଞ୍ଜାଣ୍ ବାଗ୍ରେ, ପୁଇପୁୟା ଜିବୁଡ୍‌ତାଂ, କାପ୍‌ଟିୟା ଆଞ୍ଜାଦାଂ, ଜିଉନନାକା,

୭ ସଡ୍ ବଚନ୍‌ତ ଇସ୍‌ବର୍ତ୍ତ୍ କାରୁରନ୍ ସାକ୍ତିତ ବୁଜ୍‌ଣି ଆରି ତେବ୍ରି କେଇଦ ଦାମ୍ ଆଡ୍ ଆତିୟାର୍ ହୁକେ,

୮ ଜାଜ୍‌ମାଲ୍ ଆରି ଖାରି କିଞ୍ଜାକାର୍ ହୁକେ ତାକ୍‌ପୁଟାଆଞ୍ଜାକା ଆରି ତାକ୍‌ପୁଟା ଆନାକା ହୁକେ, ମିଟ୍‌ଖା ଲାକେ ଆଞ୍ଜିତିସ୍ ହାଡ୍‌ପା ଇନାକାନ୍,

୯ ଅଚିନା ଲାକେ, କି ଜାଣାଚିନା, ହାତିଲାକେ, କି ହୁଡାଟ୍ ଆପ୍ ଜିତାପ୍‌ନା, ତାଣ୍‌ପାୟାତି ଲକ୍ ଲାକେ ହାଞ୍ଜାତାପ୍‌ନା,

୧୦ ଆଞ୍ଜିତିସ୍ ହାତି ଲାକେ, ଅକ୍‌ଡ୍ ଲାକେ, ମତର୍ ନିତ୍ରେ ଦୁକ୍‌କିନାକା, ଇନାକା ହିଲ୍‌ଖାକାର୍ ଲାକେ, ମତର୍ ହେନି କାଜିଂ ଦାନ୍ ହିନି ଲକୁ ଲାକେ, ମୁଡ୍‌କେ ପୁନ୍‌ଖାତାକା ଲାକେ, ଆଞ୍ଜିତିସ୍ ଓଜ୍‌ଜିଂ ଆଦିକାରି; ଇ ଓଜ୍‌ଜାଉତ ଆପ୍ ଇସ୍‌ବର୍ତ୍ତ୍ ହେବାକାରିୟାର୍ ଲାକେ ଜାର୍ ଜାର୍‌ତି ଜଗ୍ ଇଞ୍ଜି ହପ୍‌ନାପା ।

୧୧ ଏ କରକ୍ରିୟ, ଖାରିନି ଟଣ୍ଡାର୍ ଆରି ତଣ୍ଡେକ୍ ମି କାଜିଂ ମା ଖେଇ ଜେୟା ଆତାଡ୍‌ନା, ମା ଖାସ୍ତି ଅହାର୍ ଆତାଡ୍‌ନା ।

୧୨ ମି କାଜିଂ ମା ଜିଉନନାକା ଉଚୁଟିଂ ଆକାୟ୍, ମତର୍ ମି ଜିଉନନାକା ଉଚୁଟିଂ ।

୧୩ ଜାର୍ ମାଜିରିଂ ଇନି ଲାକେ ଆନ୍ ଇଞ୍ଜନାଙ୍ଗା, ଜିଉନନାକା ଲାକେ ଦାନ୍ ହିଦେଂ କାଜିଂ ଏପେଙ୍ଗ୍ ପା ଅହାର୍ ମାନ୍ ଆଡ୍ ।

**ଜିତି ଇସ୍‌ବର୍ତ୍ତ୍ ମନ୍ଦିର୍**

୧୪ ପାତ୍ କିଞ୍ଜାକାର୍ ଲାହାଙ୍ଗ୍ ସମାନ୍ ଆଞ୍ଜି ଲାକେ ଜାଚାୟ୍ କିୟାମାଟ୍, ଇନେକିଦେଂକି ଦାମ୍ ଆରି ଅଦାମ୍ ବିତ୍ରେ ଇନାକା ମେହାଣ୍ ? ନଲେ ମାଜ୍‌ଗା ଲାହାଂ ଅଜଡ୍ ଇନାକା ମେହାଣ୍ ?

୧୫ ବିଲିୟାର୍ ଲାହାଙ୍ଗ୍ କ୍ରିସ୍ତୁତି କି ମେହାଣ୍ ? ନଲେ ପାତ୍ କିଞ୍ଜାକାନ୍ ଲାହାଙ୍ଗ୍ କି ପାତ୍ କିନାକାନ୍ ଇନାକା ମେହାଣ୍ ?

୧୬ \*ପୁଡ୍‌ତା ଲାହାଙ୍ଗ୍ ଇସ୍‌ବର୍ତ୍ତ୍ ମନ୍ଦିର୍‌ନି କି ମେହାଣ୍ ? ଇନାକିଦେଂକି ଆନ୍ ଜିତି ଇସ୍‌ବର୍ତ୍ତ୍ ମନ୍ଦିର୍ ଆନାଙ୍ଗ୍, ଇନେସ୍ ଇସ୍‌ବର୍ ଇଚାନ୍ନା,

“ଆପ୍ ହେଞ୍ଜାର୍ ବିତ୍ରେ ବାହା କିନାସ୍; ଆରେ ହେଞ୍ଜାର୍ ବିତ୍ରେ ବୁଲ୍‌ଆନାସ୍;

ଆନ୍ ହେଞ୍ଜାର୍‌ତି ଇସ୍‌ବର୍ ଆନାସ୍, ଆରେ ହେଞ୍ଜାର୍ ମା ଲକୁ ଆନାର୍ ।”

୧୭ “ଲାଗିଂ ମାପୁ ଇଦାଂ ଇନାନ୍, ଏପେଙ୍ଗ୍ ହେଞ୍ଜାର୍ ବିତ୍ରେତାଂ ହସି ଖାଡ୍, ଆରେ ବିନେ ଆଡ୍, ଆରେ, ରାଡ୍‌ ଆଡ୍‌ମାଡ୍, ତୁମାଟ୍; ଆରେ, ଆପ୍ ମିଙ୍ଗେଙ୍ଗ୍ ଇଡ୍‌ଦାନାପ୍ ।”

୧୮ “ଆନ୍ ମି ଆବା ଆନାଙ୍ଗ୍, ଆରେ, ଏପେଙ୍ଗ୍ ମା ମାଜି ଗାଡ୍ ଆନାଦେର୍, ଇଦାଂ ସବୁ ସାକ୍ତିକାଟି ମାପୁ ଇନାନ୍ ।”



୧ ଇଚିସ୍ ଏ ଖାରିନି ଟଣ୍ଡାର୍, ଆରି ତଣ୍ଡେକ୍ ଇ ଓଜ୍‌ଜି ରାଣ୍ ପାୟାଦେଂ ଖାଡ୍, ଗାଗାଡ୍ ଆରି ଜିବୁନ୍‌ନି ସବୁ ସକର୍‌ତାଂ ଜାର୍ ଜାର୍‌ତିଂ ପୁଇପୁୟା କିନାସ୍, ଆରି ଇସ୍‌ବର୍‌ତିଂ ପାଣ୍ଡୁ ଆଜି ପୁଇପୁୟାତାଂ ହାର୍ ଆନାସ୍ ।

\* ୭:୫ ପକ୍ୟାତାକା ୧୭:୨୩. \* ୭:୧୭ ୧ କରକ୍ରିୟ ୩:୧୭; ୭:୧୯.

ପାଉଲ୍‌ତି ଖାରି

୨ ନି ଜିବୁନ୍‌ତ ମାଙ୍ଗେଙ୍ଗ୍ ବାହା ହିଦାଟ୍; ଆପ୍ ଇନେର୍ ଅନ୍ୟାୟ୍ କିତପା, ଇନେରିଂ ନସ୍ କିତପା, ଇନେର୍ତି ଝିହି କିତପା ।

୩ ଆନ୍ ମିଙ୍ଗେଙ୍ଗ୍ ଦସ୍ ହିଦ୍‌ନି କାଜିଂ ଇଦାଂ ଇଞ୍ଜୁଙ୍ଗା; ଇନାକିଦେଂକି ଆନ୍ ଆଗେ ଇନ୍‌ଚାଙ୍ଗ୍‌ନା, ଏପେଙ୍ଗ୍ ମା ଖାସ୍ତିତ ଏପେଙ୍ଗ୍ ବାହା ପାୟା ଆତାଦେଣ୍ଡା ଜେ, ହାତିସ୍ ଆପ୍ ରଚେ ହାନାସ୍, ଆରେ ଜିତିସ୍ ରଚେ ଜିନାସ୍ ।

୪ ମି ତାକେ ନା ପୁରା ପାତ୍ ମାନାଡ୍, ମି ବିସ୍ତେ ନା ବେସି ଗରବ୍; ଆନ୍ ଦୁକ୍‌ସାରାୟ୍‌ତ ବାତ୍, ମା ଝିଜୁ ଦୁକ୍‌ତ ନା ଦୁକ୍‌କିନାକା ତିଜି ହାନାତା ।

୫ ଇନାକିଦେଂକି ମାକିଦନିଆତ ଏକିତି ପାଚେ ପା ବାତ୍ ଜୁଜ୍ ଆରି ବିତ୍ରେ ପାଣ୍ଡୁଇ ଲାକେ ସବୁ ବାନି ଦୁକ୍‌ବଗ୍ କିତିଲେ ମା ଗାଗାଡ୍ ପା ଜମ୍‌ଖାତାଡ୍ ।

୬ ଆତିସ୍‌ପା ତ୍ରିକାଡ୍ କିନାକାରିଂ ଦୁକ୍‌ସାରାୟ୍ କିନାନ୍ ଜେ ଇସ୍‌ର, ହେଝାନ୍ ତିତସ୍ ଖାନାକା ହୁକେ ମାଙ୍ଗେଙ୍ଗ୍ ଦୁକ୍‌ସାରାୟ୍ କିଦନାନ୍,

୭ ଆରେ, କେବଲ୍ ତିତସ୍ ଖାନାକା ହୁକେ ଆକାୟ୍, ମତର୍ ଇମ୍‌ଣି ଦୁକ୍‌ସାରାୟ୍ ହୁକେ ହେଝାନ୍ ମି ବିସ୍ତେ ଦୁକ୍‌ସାରାୟ୍ ପାୟା ଆଜି ମାଚାନ୍, ତା ହୁକେ ପା ଦୁକ୍‌ସାରାୟ୍ କିତାନ୍, ଇନାକିଦେଂକି ହେଝାନ୍ ମି ତ୍ରିକାଡ୍ ଆନାକା, ମି ଆଡ୍‌ବାନାକା, ନା ପାକ୍ୟାତ ମି ଖାରିନି ବିସ୍ତେ ମାଙ୍ଗେଙ୍ଗ୍ ଝେର୍‌ଚାତାନ୍ନା; ହେବେ ଆନ୍ ଆରେ ଆଦିକ୍ ଖାରି ଆତାଙ୍ଗ୍ ।

୮ ଲାଗିଂ ନା ଆକି ହୁକେ ଆତିସ୍‌ପା ଆନ୍ ମିଙ୍ଗେଙ୍ଗ୍ ଦୁକ୍ କିଡ୍‌ତାଂ, ଆତିସ୍‌ପା ଆନ୍ ହେଦାଂ କାଜିଂ ଦୁକ୍ ଆକାୟ୍; ହେ ଆକି ମିଙ୍ଗେଙ୍ଗ୍ ଅଲପ୍ କାଡ୍ କାଜିଂ ପା ଦୁକ୍ ଜିସୁ ମାଟିଲେ ହୁଡ୍‌ଜି ଆନ୍ ଦୁକ୍ ଆଜି ମାଟିସ୍ ପା

୯ ନଙ୍ଗ୍ ଦୁକ୍‌କିନାକା କିନାଙ୍ଗା, ଏପେଙ୍ଗ୍ ଜେ ଦୁକ୍ ଆତିସ୍, ହେଦାଂ କାଜିଂ ଆକାୟ୍, ମତର୍ ମି ଦୁକ୍ ଜେ ମି ମାନ୍‌ବାଦ୍‌ଲାୟ୍ କିନି କାରଣ୍ ଆତାଡ୍, ଇଦାଂ କାଜିଂ; ଲାଗିଂ ମା ହୁକେ ମିଦାଂ ଇନେସ୍ ଇନାକାପା ନସ୍ ଆଡ୍‌ଡ୍, ହେଦାଂ କାଜିଂ ଏପେଙ୍ଗ୍ ଇସ୍‌ତ୍ ଇଚା ଲାକେ ଦୁକ୍ ପାୟା ଆତାର୍ ।

୧୦ ଇନାକିଦେଂକି ଇସ୍‌ତ୍ ଇଚା ଲାକେ ଇମ୍‌ଣି ଦୁକ୍, ହେଦାଂ ମୁକ୍‌ଡାନି କାଜିଂ ଏପେଙ୍ଗ୍ ମାନ୍‌ବାଦ୍‌ଲାୟ୍ ହପ୍‌ନାଡ୍, ଇନାକା କାଜିଂ ଏଡୁକିଦେଂ ଲାଗୁଡୁଡ୍; ମତର୍ ଜଗଡ୍‌ନି ଦୁକ୍ ହାକି ହପ୍‌ତାନାଡ୍ ।

୧୧ ଲାଗିଂ ହୁଡ୍‌ଡାଟ୍, ଇସ୍‌ତ୍ ଇଚା ଲାକେ ଏପେଙ୍ଗ୍ ଇ ଇମ୍‌ଣି ଦୁକ୍ ପାୟାତାଦେର୍, ହେଦାଂ ମି ତାକେ କେତେକ୍ ଖାରି, ଆଁ, କେତେକ୍ ଦାବା ଝିସ୍ତାଦେର୍, ଆଁ କେତେକ୍ ରିସା, ଆଁ କେତେକ୍ ପାଣ୍ଡୁ ଆଁ କେତେକ୍ ମାନ୍, ଆଁ କେତେକ୍ ଖାରି, ଆଁ କେତେକ୍ ଉପାୟ୍ ହପ୍‌ତାଡ୍‌ନା । ଇ ବିସ୍ତେ ଏପେଙ୍ଗ୍ ପୁରା ଅନ୍ୟାୟ୍ ଇଞ୍ଜି ସାକି ହିନାୟା ।

୧୨ ଲାଗିଂ ଆତିସ୍‌ପା ମି ଲାଗାଂ ଲେକିକିତାଂ, ଆତିସ୍‌ପା ଜେ ଅନ୍ୟାୟ୍ କିତାଂନା, ନଲେ ଇନେନ୍ ଅନ୍ୟାୟ୍ ହୁଞ୍ଜନାନା, ହେଦାଂ କାଜିଂ ଜେ ଲେକିକିତାଂ, ହେଦାଂ ଆକାୟ୍, ମତର୍ ମା କାଜିଂ ମି ମାନ୍ ଇନେସ୍ ଇସ୍‌ର ମୁମ୍‌ଦ ମି ବିସ୍ତେ ହନାଡ୍ ହେଦାଂ କାଜିଂ ଲେକିକିତାଂ ।

୧୩ ଆରେ ମା ଦୁକ୍‌ସାରାୟ୍ ଲାଗିଂ ଆପ୍ ବେସି ଖାରି, ହେଦାଂ ଝେର୍‌ଦେଂ ଆନ୍ ଆକି ଲେକିକିତାଙ୍ଗ୍‌ନା ।

ଆପ୍ କେବଲ୍ ଖାରିୟା ଆଖାତାପ୍‌ନା । ଏପେଙ୍ଗ୍ ତିତସ୍‌ତିଂ ସବୁ ବାନିନି ଉପ୍‌କାର୍ କିଜି ଇନେସ୍ ବାତ୍ରେ ଖାରି କିତାଦେଣ୍ଡା, ହେଦାଂ ତା ଜିବୁନ୍ ମାଙ୍ଗେଙ୍ଗ୍ ଖାରି କିଡ୍‌ତାଡ୍ ।

୧୪ ଲାଗିଂ ଜଦି ଇମ୍‌ଣି ବିସ୍ତେ ତିତସ୍ ଲାଗାଂ ମି ବିସ୍ତେ ଆନ୍ ଗରବ୍ କିତାଙ୍ଗ୍‌ନା, ଖାଟିଙ୍ଗ୍ ଲାଜାଆଖାତାଂନା, ଇତିସ୍ ଇନେସ୍ ଆପେଂ ସବୁ ବିସ୍ତେ ମିଙ୍ଗେଙ୍ଗ୍ ହାଡ୍‌ପା ଇଞ୍ଜି ମାନ୍‌ଚାପ୍, ହେ ଲାକେ ତିତସ୍ ମୁମ୍‌ଦ ମା ଗରବ୍ ପା ହାଡ୍‌ପା ଇଞ୍ଜି ଜାଣା ଆତାଡ୍‌ନା ।

୧୫ ଆରେ, ଇନେସ୍ ପାଣ୍ଡୁ ଆରି ତ୍ରିପ୍‌କିସ୍ ଏପେଙ୍ଗ୍ ତାଙ୍ଗ୍ ମାନି କିଜି ଝିଜାଦେର୍ ତାଙ୍ଗ୍ ମାନିକିନାଦେର୍, ଇଦାଂ ଏଡୁ କିଜି ମି କାଜିଂ ତା ଖାସ୍ତିନି ଜିଉନନାକା ଆଦିକ୍ ବାତାଆନାତା ।

୧୬ ଆନ୍ ଜେ ସବୁ ବିସ୍ତେ ମି ତାକେ ପୁରା ପାତ୍ କିତିଲେ, ଇଦାଂ କାଜିଂ ବେସି ସୁକ୍ ଆନାଙ୍ଗା ।

୮

କ୍ରିସ୍ଟିୟାନ୍ ଦାନ୍

୧ ☆ଏ ଟଣ୍ଡାର୍, ଆରି ତଣ୍ଡାଦେକ୍ ମାକିଦନିଆନି ମଣ୍ଡୁଲିନିକାର୍ ବିତ୍ରେ ଇସ୍‌ତ୍ ହଡ୍‌ତାଡ୍‌ନା ଇମ୍‌ଣି ଉପ୍‌କାର୍ ହତାଡ୍‌ନା, ହେଦାଂ ଆପ୍ ମିଙ୍ଗେଙ୍ଗ୍ ଜାଣାୟ୍‌କିଦ୍‌ନାପା ।

୨ ହେଝାର୍ ବେସି ଦୁକ୍ ଲାକେ ପରିକ୍ୟାତ ଆର୍‌ଡିସ୍‌ନେ ହେଝାର୍‌ତି ବେସି ଦୁକ୍‌କିନାକା ବେସି ନାସ୍‌କି ବିତ୍ରେ ପା ବେସି ବାତ୍ରେ ଆଦିକ୍ ଦାନ୍ ହିଜି ଉବ୍‌ଜାଣ୍ ଆତାଡ୍‌ନା ।

୩ ଇନାକିଦେଂକି ଆନ୍ ସାକି ହିନାଙ୍ଗା ଜେ, ହେଝାର୍‌ତି ସାକ୍ତି ଇସାବ୍‌ରେ, ଇତିସ୍ ହେଝାର୍‌ତି ସାକ୍ତିନି ବେସି ବାତ୍ରେ ହେଝାର୍ ଦାନ୍ କିତାର୍;

୪ ସାଦୁର୍ ହେବାତ ମେହାଣ୍‌ତାଂ ଉପ୍‌କାର୍ ପାୟାନି କାଜିଂ ହେଝାର୍ ମାତ୍ର ବେସି ଗଞ୍ଜାରି ଲାହାଂ ମାଙ୍ଗ୍ ଗଞ୍ଜାରି କିତାର୍ ।

☆ ୮:୧ ରମିୟ ୧୫:୨୭.

୫ ଇବେଣ୍ଡା ହେଞ୍ଜାର ଜେ କେବଲ୍ ମା ଆହା ଇସାପ୍ରେ କିତାର୍, ହେଦା ଆକାୟ୍ ମତର୍ ଇସ୍ତର୍ ମାନ୍ ହୁକେ ଚାଲା ଆଜି ପର୍ତ୍ତୁମ୍ ଜାର୍ ଜାର୍ତିଂ ମାପୁତି ଲାଗା ଆରି ମା ଲାଗା ହେଲାଇ କିତ୍ତାର୍ ।

୬ ଗଞ୍ଜାରି ହେବାକାମାୟ୍ କାଜିଂ ତିତସ୍ ମି ବିତ୍ରେ ଇ ଉପକାର୍ କାମାୟ୍ ଇମ୍ଣି ବାନି ହାଙ୍ଗ୍ଜି ମାଚାର୍ ହେ ଲାକେ ହେଦାଂ ଇନେସ୍ ଝିସ୍ତ୍ରିସ୍ ପା, ଇଦାଂ କାଜିଂ ତାଙ୍ଗେଙ୍ଗ୍ ଝାରି କିତାପ୍ ।

୭ ଆରେ ପାତର୍, କାତାପାଣୟା, ଗିଆନ୍ ଆରି ସରୁବାନି ତ୍ରିକାଡ୍, ଆରେ ମି କାଜିଂ ମା ଜିଉନନିତ, ଇ ଲାକେ ଝିଜୁ ବିସ୍ତ୍ରେ ଇନେସ୍ ମି ତାକେ ବେସି ବାବ୍ରେ ଚଞ୍ଜୟାନାତା, ହେ ଲାକେ ଇ ଉପକାର୍ କାମାୟ୍ ପା ମି ତାକେ ବେସି ବାବ୍ରେ ଚଞ୍ଜୟା ଆଏଡ୍ ।

୮ ଆନ୍ ବଲ୍ ହିଦନି ଲାକେ ଇଞ୍ଜୁଙ୍ଗା, ମତର୍ ବିନ୍ନିକାର୍ତି ତ୍ରିକାଡ୍ ଲେକି କିଜି ମି ଜିଉନନାକା ହାଦ୍ଦାମ୍ ପା ହାଡ୍ପା ପାର୍ମାଣ୍ କିନି କାଜିଂ ଇଞ୍ଜୁନାଙ୍ଗା ।

୯ ଇନାକିଦେଂକି ମା ମାପୁ ଜିସୁ କ୍ରିସ୍ତ୍ରି ଉପକାର୍ ଏପେଙ୍ଗ୍ ପୁନାଟ୍, ଏପେଙ୍ଗ୍ ଇନେସ୍ ତା ଅକର୍ଡ୍ ହୁକେ ମାଜାନ୍ ଆତ, ଇଦାଂ କାଜିଂ ହେଞ୍ଜାନ୍ ମାଜାନ୍ ଆତିସ୍ପା ଇନେସ୍ ମି କାଜିଂ ଅକର୍ଡ୍ ଆତାନ୍ ।

୧୦ ଇ ବିସ୍ତ୍ରେ ନା ଇନାକା ଇଦାଂ, ହେଦାଂ ତ ମି କାଜିଂ ହାର୍ଦାକା, ଲାଗିଂ ହାତି ବାହୁଡାଂ ଏପେଙ୍ଗ୍ ଜେ ପର୍ତ୍ତୁମ୍ କିଜି କାମାୟ୍ କିଦେଙ୍ଗ୍ ହାଙ୍ଗ୍ତାଦେର୍, ହେଦାଂ ଆକାୟ୍, ମତର୍ ଇଦାଂ କିନି କାଜିଂ ପର୍ତ୍ତୁମ୍ତ ଇଚା ପା କିଜି ମାଚାଦେର୍;

୧୧ ଲାଗିଂ କାମାୟ୍ କିଜି ହାଲାର୍ ଆରି ମି ପାବ୍ହୁଡ୍ଜି ହେଦାଂ ଝିହାଟ୍ । ଉପାୟ୍ ମାନିକିନି ସମୁତ ମି ଇମ୍ଣି ମାନ୍ ମାଚାଡ୍ କାମାୟ୍ ଝିଜ୍ଜି ପାତେକ୍ ହେଦାଂ ଇଡ୍ଜି ମାନାଟ୍ ।

୧୨ ଇନାକିଦେଂକି ଜଦି ଦୁକ୍କିନାକା ମାଟିସ୍, ଲାଗିଂ ହେଦାଂ ରଞ୍ଜନ୍ତି ଅବାବ୍ ଲାକେ ହାର୍ ଇଚ୍ଚନାକା ଆକାୟ୍, ନଲେ ହେଞ୍ଜାନ୍ତି ଇନାକା ମାନାଟ୍, ହେ ହିସାବେ ହାର୍ ଇଚ୍ଚ୍ୟାନାଟ୍ ।

୧୩ ଲାଗିଂ ବିନ୍ନିକାର୍ ଇନେସ୍ ସୁକ୍ପାୟାନାଟ୍, ଆରେ ଏପେଙ୍ଗ୍ ଦୁକ୍ ପାୟା ଆନାଦେର୍, ଇଦାଂ କାଜିଂ ଆନ୍ ଇଦାଂ ଇଞ୍ଜୁଙ୍ଗା;

୧୪ ମତର୍ ସମାନ୍ ବାବ୍ନା ଚଞ୍ଜୟାନି କାଜିଂ ନଙ୍ଗି ସମୁତ ମି ଦାନ୍ତାଂ ହୁକେ ହେଞ୍ଜାନ୍ତି ଅବାବ୍ ବାତର୍ ଆନାତା, ଇନେସ୍ ହେଞ୍ଜାନ୍ତି ଦାନ୍ ପା ମିଦାଂ ଅବାବ୍ ବାତର୍ କିନାଟ୍, ଆରେ ଇ ଲାକେ ସମାନ୍ ବାବ୍ନା ଚଞ୍ଜୟାନାଟ୍,

୧୫ ଦରମ୍ ସାସ୍ତ୍ରର୍ତ୍ତ ଲେକାମାନାଟ୍, “ଇନେର୍ ବେସି ରୁଣ୍ଡାୟ୍ କିତାନ୍, ତାଦାଂ ହାର୍ଝାତାଡ୍, ଆରେ ଇନେର୍ ଅଲପ୍ ରୁଣ୍ଡାୟ୍ କିତାନ୍, ତାଦାଂ ଅବାବ୍ ଆଞ୍ଜାତାଡ୍ ।”

**ତିତସ୍ ଆରି ତା ହାଙ୍ଗ୍ଦାକାର୍**

୧୬ ଇସ୍ତର୍ ଡୁଞ୍ଜାର୍ ଆଏଡ୍, ହେଞ୍ଜାନ୍ ମି କାଜିଂ ତିତସ୍ତି ମାନ୍ତ ଉପକାର୍ କିଦେଙ୍ଗ୍ ତ୍ରିକାଡ୍ ଉବ୍ଜାଣ୍ କିତାନ୍ନା;

୧୭ ଇନାକିଦେଂକି ହେଞ୍ଜାନ୍ ଜେ କେବଲ୍ ମା ଗଞ୍ଜାରି ଇଡ୍ଡାନ୍, ହେଦାଂ ଆକାୟ୍, ମତର୍ ହେଞ୍ଜାନ୍ ନିଜେ ବେସି ଝାରି ଜିସୁ ନିଜ୍ ଇଚାତ ମି ଲାଗାଂ ହାନାନା ।

୧୮ ଆରେ, ତା ଲାହାଙ୍ଗ୍ ଆପ୍ ଆରେ ରଞ୍ଜାନ୍ ଟଣ୍ଡେନ୍ନିଂ ପକ୍ତାନାପା; ନେକ୍ରିକାବୁର୍ ପରଚାର୍ ବିସ୍ତ୍ରେ ତା କେରକଣ୍ ସବୁ ମଣ୍ଡଲିତ ମେଙ୍ଗ୍ଜି ହାନାତା,

୧୯ କେବଲ୍ ଏଚେକ୍ ଆକାୟ୍, ମାପୁତି ଜାଜ୍ମାଲ୍ ଆରି ମା ବାନ୍ଦାଣି ହପ୍ନି କାଜିଂ ଇମ୍ଣି ଦୟାନି କାମାୟ୍ ଆପେଂ ମାନିକିତାପ୍ନା, ହେବେ ମା ସାଙ୍ଗ୍ ଆନି ହେବା କାଜିଂ ବିନ୍ବିନ୍ ମଣ୍ଡଲିତାଂ ବାଟି କିୟାତାନ୍ନା ।

୨୦ ମା ହୁକେ ଆତି ଇ ହେବା ଲାକେ ବେସି ଦାନ୍ ବିସ୍ତ୍ରେ ଇନେର୍ ଇନେସ୍ ମାଙ୍ଗେଙ୍ଗ୍ ଦସି କିଦୁର୍, ହେଦାଂ କାଜିଂ ଜାଗ୍ରଡ୍ ଆନାପା;

୨୧ ଇନାକିଦେଂକି କେବଲ୍ ମାପୁତି ମୁମ୍ଦ ଆକାୟ୍, ମତର୍ ମାନାୟାର୍ ମୁମ୍ଦ ପା ଇନାକା ସବୁ ନେକ୍ତାକା, ହେଦାଂ ଝିଜୁ ଆପ୍ ଏଡ୍ କିନାପ୍ ।

୨୨ ଆରେ, ଆପ୍ ମା ଆରେ ରଞ୍ଜାନ୍ ଟଣ୍ଡେନ୍ନିଂ ପା ହେଞ୍ଜାର୍ ଲାହାଙ୍ଗ୍ ପକ୍ତାନାପା, ତାଙ୍ଗେଙ୍ଗ୍ ଆପ୍ ବେସି ବିସ୍ତ୍ରେ ବେସିହର୍ ପରିକ୍ୟା କିଜି ତ୍ରିକାଡ୍ ଇଞ୍ଜି ପାର୍ମାଣ୍ ଝେଚାପ୍ନା, ଆରେ ମି ତାକେ ଆଟ୍ଝା ପାତର୍ କିତିଲେ ହେଞ୍ଜାନ୍ ନଙ୍ଗ୍ ଆରେ ଆଦିକ୍ ତ୍ରିକାଡ୍ ଆତାନ୍ନା ।

୨୩ ତିତସ୍ତି ବିସ୍ତ୍ରେ ଜଦି ଇନେର୍ ଝେନ୍ଦାତିସ୍, ହେଞ୍ଜାନ୍ ନା ମେହାଣ୍; ଆରି ମି କାଜିଂ ନା ହାଙ୍ଗ୍ଦାକାନ୍ କି ନଲେ ମା ଟଣ୍ଡାର୍ ବିସ୍ତ୍ରେ ଝେନ୍ଦା ଆତିସ୍, ହେଞ୍ଜାର୍ ମଣ୍ଡଲି ନିକାର୍ ହୁକେ ପକ୍ୟାତାକାନ୍, ଆରେ କ୍ରିସ୍ତ୍ରି ଜାଜ୍ମାଲ୍ ଲାକେ ।

୨୪ ଲାଗିଂ ମି ଜିଉନନାକା ଆରି ମି ବିସ୍ତ୍ରେ ମା ଗରବ୍ ପାର୍ମାଣ୍ ମଣ୍ଡଲି ନିକାର୍ ଲାଗାଂ ହେଞ୍ଜାରିଂ ଚଚାଟ୍ ।



**ବିନ୍ ମଣ୍ଡଲିନି କ୍ରିସ୍ତ୍ରିୟାରିଂ କାଜିଂ ଉପକାର୍**

୧ ହାତେନେ ସାଦୁର୍ତି ହେବା ବିସ୍ତ୍ରେ ମି ଲାଗାଂ ଲେକିକିନାକା ନା ପାକ୍ୟାତ ଆଦିକ୍ ମତର୍;



୨ ଇନାକିଦେଂକି ଆନ୍ ମି ଇଚା ପୁନାଙ୍ଗ୍, ଆରେ ହେ ବିସ୍ତେ ମାକିଦନିଆ ଲକୁ ଲାଗାଂ ମି ବିସ୍ତେ ଆନ୍ ଗରବ୍ କିନାଂ ଜେ, ଆକାୟା ହାତି ବାହୁତାଂ ଜାଲ୍ଲଦି ଆତାତେ, ଆରେ ମି ଇଚା ହେଝାର୍ ବିତ୍ରେତାଂ ଆଦେକ୍ ଲକୁତାଂ ଖାରିକିକିତାଂ ।

୩ ଆଡିସ୍ପା ଆନ୍ ଟଣ୍ଡାରିଂ ପଚ୍ଚାନାଙ୍ଗା, ଇନେସ୍ ଇ ବିସ୍ତେ ମି ବିସ୍ତେ ମା ଗରବ୍ ପଲ୍ୟା ଆମେଡ୍, ଆରେ ନା କାତା ଇସାବ୍ରେ ଏପେଙ୍ଗ୍ ଦାନ୍ ଲାହାଙ୍ଗ୍ ଜାଲ୍ଲଦି ଆଡ୍,

୪ ଏଚେକାଡ୍ ଦ ମାକିଦନିଆନି ଇମ୍ପାଣାକାନ୍ ପା ଏଚେକାଡ୍ ନା ଲାହାଙ୍ଗ୍ ଖାଜି ମିଙ୍ଗେଙ୍ଗ୍ ଜାଲ୍ଲଦି ଆଖାକା ହୁଡ୍ଡିସ୍, ତେବେ ମି କାତା ହେବେ ମାନେଡ୍, ଆପେଂ ଇ ଆଟ୍‌ଝା ପାତ୍ ବିସ୍ତେ ଲାଜା ଆନାସ୍ ।

୫ ଲାଗିଂ ମିଦାଙ୍ଗ୍ ଆଗେ ପାର୍ମାଣ୍ ଦାନ୍ ଇନେସ୍ ସାରି ବିସ୍ତେ ଆଖାଦାଂ ସଡ୍ ବିସ୍ତେ ଆନାଡ୍, ଇଦାଂ କାଜିଂ ଆଗେତାଂ ହେ ଦାନ୍ ରୁଣ୍ଡାୟ୍ କିଜି ଜାଲ୍ଲଦି କିଦେଙ୍ଗ୍ ଆଗେ ମି ଲାଗାଂ ହାନି କାଜିଂ ଆନ୍ ଟଣ୍ଡାରିଂ ଗଝାରି କିଦେଙ୍ଗ୍ ମାନ୍ କିତାଂ ।

୬ ମତର୍ ଇଦାଂ ହାଡ୍‌ପା, ଇନେର୍ ଅଲପ୍ ଝିଡ୍‌ନାନ୍, ହେଝାନ୍ ପା ଅଲପ୍ ତ୍ରେସ୍‌ନାନ୍; ଆରେ ଇନେନ୍ ବେସି ଝିଡ୍‌ନାନ୍, ହେଝାନ୍ ପା ବେସି ତ୍ରେସ୍‌ନାନ୍ ।

୭ ଝିଜାକାର୍ ଜାର୍ ଝାସ୍ତିତ ଇନେସ୍ ରିମାନ୍ୟା କିତାନ୍‌ନା, ହେ ଲାକେ କିଏନ୍, ଲବ୍‌ରା ବାବ୍ରେ ଆକାୟ୍ ଇତିସ୍ ଟାଟାୟ୍ ଲାକେ ଆକାୟ୍; ଇନାକିଦେଂକି ଇସ୍ପର୍ ରମାନ୍ୟା ମୁଣିକାଂ ଜିଉନନାନ୍ ।

୮ ଆରେ, ଝିଜୁ ବିସ୍ତେ ନିତ୍ରେ ସାରି ଲାକେ ପାୟାଜି ଏପେଙ୍ଗ୍ ଇନେସ୍ ଝିଜୁ ହାରଦି କାମାୟ୍ କାଜିଂ ଆଦିକ୍‌ତାଂ ଆଦିକ୍ ତର୍ ଦାନ୍ କିଦେଙ୍ଗ୍ ଆଡ୍‌ନାଦେର୍, ଇଦାଂ କାଜିଂ ଇସ୍ପର୍ ମିଙ୍ଗେଙ୍ଗ୍ ସବୁବାନି ଉପକାର୍ ବେସି ବାବ୍ରେ ହିଦେଂ ରାଜି ଆତାନ୍ନା,

୯ ଇନେସ୍ ଦରମ୍ ସାସ୍ପରତ ଲେକା ଆତାଡ୍‌ନା,

“ହେଝାନ୍ ମେଲ୍ କେଇଦ ପାସ୍‌ପାତାନ୍‌ନା, ହେଝାନ୍ ନାସ୍‌କିନିକାରିଂ ଦାନ୍ ହିନାନା, ତା ଦାମ୍ କାତା ଜୁଗ୍ ଜୁଗ୍ କାଡ୍ ପାତେକ୍ ।”

୧୦ ଆରେ, ଇନେର୍ ବିୟାନ୍ ଝିଡ୍‌ନାକାରିଂ ବିୟାନ୍ ଆରି ତିନି କାଜିଂ କାଦି ହିଦ୍‌ନାନ୍, ହେଝାନ୍ ଝିଡ୍‌ନି କାଜିଂ ମିଙ୍ଗେଙ୍ଗ୍ ବିୟାନ୍ ହିଦ୍‌ନାନ୍ ଆରି ହେଦାଂ ବାତାୟ୍ କିଦ୍‌ନାନ୍, ଆରେ, ମି ଦାମ୍ ନି ପାଡ୍ ବାତାୟ୍ କିଦ୍‌ନାନ୍;

୧୧ ଇ ଲାକେ ଏପେଙ୍ଗ୍ ସବୁ ବିସ୍ତେ ମାଜାନ୍ ଆଜି ସବୁବାନି ମୁକ୍‌ଡାୟ୍‌ତାଂ ଚର୍ଚେଙ୍ଗ୍ ଆଡ୍‌ନାଦେର୍, ଆରେ ହେଦାଂ ମା ହୁକେ ଇସ୍ପର୍ ମିଙ୍ଗେଙ୍ଗ୍ ଦନ୍ୟବାଦ୍ ନିକାନ୍ କିଦ୍‌ନାନ୍ ।

୧୨ ଇନାକିଦେଂକି ଇ ଦାନ୍ ଲାକେ ହେବା ଜେ କେବଲ୍ ସାଦୁରତି ବାକି ବାତ୍ କିନାଙ୍ଗା, ହେଦାଂ ଆକାୟ୍, ମତର୍ ତାପାଚେ ପା ଇସ୍ପର୍ ଉଦେସ୍‌ତ ବେସି ଜୁଝାର୍ ତିଜି ହାନାତା,

୧୩ ଇତିସ୍ ଇ ହେବା କାମାୟ୍‌ନି ପାର୍ମାଣ୍ ପାୟାଜି ଲକୁ ମି ମାନି କାଜିଂ କ୍ରିସ୍ତୁତି ନେକ୍ରିକାବୁର୍ କାଜିଂ ଟାଟାୟ୍, ଆରେ ସାଦୁରତି ଆରି ଝିଜାର୍ କାଜିଂ ମି ମେହାଣ୍‌ତ ହୁଦାର୍ କାଜିଂ ଇସ୍ପର୍ ପାଣ୍ ପାର୍ତାନା କିନାରା,

୧୪ ଆରେ, ମି କାଜିଂ ଇସ୍ପର୍ ବେସି ଉପକାର୍ କାଜିଂ ହେଝାର୍ ପା ମି କାଜିଂ ପାର୍ତାନା କିଉ କିଉ ମି କାଜିଂ ଦୟାତ ଏତୁ କିଦ୍‌ନାନ୍ ।

୧୫ ଇସ୍ପର୍ ହାଦାୟ୍‌କିନି ଦାନ୍ କାଜିଂ ତାଦି ଜୁଝାର୍ ଆଏଡ୍ ।

### ୧୦

#### ପଲ୍ୟା ସୁଣାୟ୍ କିନି ପାଉଲ୍‌ତି ଉତର୍

୧ ମି ମୁମ୍‌ଦ ମି ବିତ୍ରେତାଂ ହୁଦାର୍, ମାତର୍ ଚଞ୍ଜୟା ଆଦ୍‌ଝାଦାଂ ମି କାଜିଂ ସାସ୍‌ନିକାଂ ଜେ ଆନ୍ ପାଉଲ୍, ଆନ୍ ନିଜେ କ୍ରିସ୍ତୁତି ହ୍‌ଝାଦ୍ ଆରି ଦୟା ବାବ୍ରେ ଏତୁ କିଜି ମିଙ୍ଗେଙ୍ଗ୍ ଗଝାରି କିଦ୍‌ନାଙ୍ଗା;

୨ ଆଁ ଆନ୍ ପାର୍ତାନା କିନାଙ୍ଗା ଜେ, ଆପ୍ ଗାଗାଡ୍ ହିସାବେ ଚିନ୍ତା କିନାପା ଇଞ୍ଜି ଇମ୍ପାଣାକାର୍ ମାନେ କିତାର୍, ଏପେଙ୍ଗ୍ ଇନେ ଇନେର୍‌ତି ବିରଦ୍ ସାସ୍ ଚର୍ଚେଙ୍ଗ୍ ଇଞ୍ଜି ଆନ୍ ଇମ୍ପାଣି ବିଚାର୍ କିତାଙ୍ଗା, ଏକାଝାଜି ଇନେସ୍ ନାଙ୍ଗେଙ୍ଗ୍ ହେବାନି ସାସ୍ ଚର୍ଚେଙ୍ଗ୍ ଆଉଡ୍;

୩ ଇନାକିଦେଂକି ଆପ୍ ପୁତ୍ ତ ବାହା କିନାକା ହାଡ୍‌ପା, ମତର୍ ଆପ୍ ସଁସାର୍ ମାନାୟ୍ ବାବ୍ରେ ଜୁଜ୍ କିଝାତାପ୍‌ନା,

୪ ଲାଗିଂ ମା ଜୁଜ୍‌ନି ଆଡ୍ ଆଡିୟାର୍ ସଁସାର୍‌ତ ଆକାୟ୍, ମତର୍ ସାତୁର୍ ଆଟ୍‌ଝା ଗାଡ୍ ଦୁଡ୍‌ମାଜି କିନି କାଜିଂ ଇସ୍ପର୍ ମୁମ୍‌ଦ ହେ ଝିଜୁ ସାକ୍ତି ଆତାଦେଣ୍ଡା;

୫ ଆପ୍ ଗାଣ୍‌ଜୁ ସବୁ ଆରି ଇସ୍ପର୍ ଗିଆନ୍ ବିରୁଦ୍‌ତ ହଡ୍‌ତି ଝିଜୁ ଲାମା ବିସ୍ତେ ଦୁଡ୍‌ମାଜି କିନାସ୍, ଆରେ ଜାଣ୍‌କେ ହାନ୍‌ଦାୟ୍ କିଜି କ୍ରିସ୍ତୁତି ବଲ୍ ମାନିକିନାକାସ୍ ଆନାସ୍,

୬ ଆରେ, ଏଚେକାଡ୍ ଏପେଙ୍ଗ୍ ପୁରା ମେହାଆନାଦେର୍, ହେ ପାଦ୍‌ନା ଝିଜାର୍ ପାଟ୍‌କାର୍ ଆନି କାଜିଂ ଆପ୍ ଜାଲ୍‌ଦି ମାନାପ୍ ।

୭ ଏପେଙ୍ଗ୍ ଚାରିବେଣ୍‌ତାଂ ଇନାକା ଗିଟା ଆଦ୍‌ନାତା ହୁଡ୍‌ଟାଟ୍ । ଜଦି ଇନେର୍ ଜାର୍‌ତି କ୍ରିସ୍ତୁତି ଇଞ୍ଜି ପାତ୍ କିନାନ୍, ନଲେ ହେଝାନ୍ ଇନେସ୍ କ୍ରିସ୍ତୁତି, ଆପ୍ ପା ଇନେର୍ ହେ ଲାକେ କ୍ରିସ୍ତୁତି, ଇଦାଂ ହେଝାନ୍ ଆରେ ନିଜେ ଏତୁ କିଏନ୍ ।

୮ ଇନାକିଦେଂକି ମା ଆଦିକାର ବିସ୍ତେ ଆନ୍ ଅଲପ୍ ଆଦିକ୍ ଗରବ୍ କିତିସ୍ ପା ଲାଜ୍ ପାୟା ଆଉଜ୍; ମିଙ୍ଗେଜ୍ ଦୁଡ଼ିମେହାୟ୍ କିଦ୍ନି କାଜିଂ ମାପୁ ମାଙ୍ଗେଜ୍ ଇ ଆଦିକାର୍ ହିଦ୍‌ଝାଦାଂ ମିଦାଜ୍ ରଚ୍ନି କାଜିଂ ହିଦ୍‌ନ୍ନା;

୯ ନା ଆକି ହୁକେ ଆନ୍ ମିଙ୍ଗେଜ୍ ପାଣ୍ଡୁ ମୁତର୍ ଚଚ୍ଚାନାଙ୍ଗା ଇଞ୍ଜି ପାଣ୍ଡୁ ଆମାଟ୍ ।

୧୦ ଇନାକିଦେଂକି “ଇନେର୍ ଇନେର୍ ଇନାର୍, ତାଦି ପାଉଲ୍‌ତି ଆକିଂ ସବୁ ହାର୍‌ଦିକିଂ ଆରି ଗାଜା ସାକ୍ତି, ମତର୍ ମେହାଣ୍ଡ ତା ଗାଗାଡ୍ ନାଦାର୍ ଆରି ତା ବଚନ୍ ବାନ୍ୟା ।”

୧୧ ଆପ୍ ଖାଜି ମାନ୍‌ଝି ସମୁତ ଆକି ହୁଦାଂ ବଚନ୍‌ତ ଇନେସ୍, ଏକାଝାଜି ମାନି ସମୁତ କାମାୟ୍‌ତ ପା ଜେ ହେ ଲାକେ, ଇଦାଂ ଇ ଲାକେ ମାନାୟାର୍ ବଜ୍ ଆଏର୍ ।

୧୨ ଇନାକିଦେଂକି ଇମ୍‌ଣାକାର୍ ଜିବୁନ୍‌ତ ଖାରିକିକିନାକା, ହେଝାର୍ ବିତ୍ରେତାଂ ଇନେ ଇନେର୍‌ତି ରଚେ ଜାର୍ ଜାର୍‌ତି ଇସାବ୍ ନଲେ ତୁଲାଇ କିଦେଜ୍ ଆପ୍ ସାସ୍ କିଉପା; ମତର୍ ହେଝାର୍ ନିଜେ ନିଜେ ଜାର୍ ଜାର୍ ଲଗାଂ ହୁକେ ଜାର୍ ଜାର୍‌ତି ଆଡ୍‌ନାକା ଆରି ଜାର୍ ଜାର୍ ଲାହାଜ୍ ଜାର୍ ଜାର୍‌ତି ତୁଲାଇ କିଜି ଆହ୍‌ରତାଂ ଚଚ୍ଚାନାର୍ ।

୧୩ ମତର୍ ଆପ୍ ହାନ୍ଦି ମାନିକିଝାଦାଂ ଗରବ୍ କିଉପା; ମତର୍ ଏପେଜ୍ ପା ମା ହାନ୍ଦିନିକାପ୍ ଆନି କାଜିଂ ଇସ୍‌ବର୍ ମା କାଜିଂ ନିଲ୍‌ତାନ୍‌ନା ଇମ୍‌ଣି ହାନ୍ଦି ରଚ୍ଚାଦେର୍ଣ୍ଣା, ହେବେନି ଆଡ୍‌ନାକା ଲାକେ ଗରବ୍ କିନାପ୍ ।

୧୪ ଇନାକିଦେଂକି ଏପେଜ୍ ମା ହାନ୍ଦିନି ମେହା ଆଝାଦାଂ ମାଟି ଲାକେ ଆପ୍ ଜେ ହାନ୍ଦି ମାନିକିଝାତାସ୍‌ନା, ହେଦାଂ ଆକାୟ୍, ଲାଗିଂ କ୍ରିସ୍‌ତି ନେକ୍ରିକାରୁର୍ ସୁଣାୟ୍ କିଉ କିଉ ଆପ୍ ମି ପାତେକ୍ ପା ପର୍ତ୍ତୁମ୍ ହାଲ୍‌ଜି ମାତାପା;

୧୫ ଆପ୍ ହାନ୍ଦି ଜିତା ଆଜି ଆରେ ରକାକ୍ତି କସ୍ ବିସ୍ତେ ଗରବ୍ କିଉପା, ମତର୍ ମି ପାତର୍ ନି ବାତାନାକା ସାଙ୍ଗେ ସାଙ୍ଗେ ମା ବାସର୍ ହିସାବେ ମା କାମାୟ୍ ମି ହୁକେ ଇନେସ୍ ଜବର୍‌ତାଂ ଆଦିକ୍ ତର୍ ମେଙ୍ଗ୍‌ୟା ଆନାଡ୍,

୧୬ ଆରେ, ଆପ୍ ଆରେ ରଝାନ୍ ହାନ୍ଦି ବିତ୍ରେ ତା କିତି କାମାୟ୍ ବିସ୍ତେ ଗରବ୍ କିଝାଦାଂ ମି ପାଡ୍‌ହା ନାସ୍‌କୁକାଂ ଇନେସ୍ ନେକ୍ରିକାରୁର୍ ସୁଣାୟ୍ କିଦେଜ୍ ଆଡ୍‌ନାକା, ଇଦାଂ ବାସର୍ କିନାପା ।

୧୭ ସାସ୍‌ବର୍ତ୍ତ ଲେକାମାନାଡ୍ “ମତର୍ ଇନେର୍ ଗରବ୍ କିନାନ୍, ହେଝାନ୍ ମାପୁ କିତି କାମାୟ୍ କାଜିଂ ଗରବ୍ କିଏନ୍ ।”

୧୮ ଇନାକିଦେଂକି ଇନେର୍ ଜାର୍‌ତି ଖାରି କିନାନ୍, ହେଝାନ୍ ପରିକ୍ୟାସିଦ୍ ଆକାୟ୍, ମତର୍ ମାପୁ ଇନେର୍‌ତି ଖାରି କିନାନ୍, ହେଝାନ୍ ପରିକ୍ୟାସିଦ୍ ।

### ୧୧

#### ପାଉଲ୍ ଆରି ବୁଲ୍‌କାୟ୍‌କିନି ପକ୍ୟାତାକାନ୍

୧ ଏପେଜ୍ ଜଦି ନାଦାଂ ଅଲପ୍ ଅବୁଜା ହୁଞ୍ଚାଦେରମା ! ଆଁ ଏପେଜ୍ ତ ନା କାଜିଂ ହୁଞ୍ଚାଦେରା ।

୨ ଇନାକିଦେଂକି ଇସ୍‌ବର୍ ବିସ୍ତେ ତ୍ରିକାଡ୍ ଆନ୍ ମି କାଜିଂ ଇଚା, ଲାଗିଂ ଆନ୍ ମିଙ୍ଗେଜ୍ ଦାମର୍ ଜିପଲି ହିସାବେ ର ଆଣ୍ଡାତାକେ, ଇତିସ୍ କ୍ରିସ୍‌ତି ତାକେ, ସର୍ପି କିନି କାଜିଂ ପାର୍ମାଣ୍ କିତାନ୍‌ନ୍ନା ।

୩ ମତର୍ ରାବ୍ ଜାର୍ ଚାଲ୍‌କିତାଂ ହବା ଇନେସ୍ ବୁଲ୍‌କାୟ୍‌କିତାଡ୍, ହେ ଲାକେ ଏଚେକାଡ୍‌ଦ୍ ମି ମାନ୍ କ୍ରିସ୍‌ତି କାଜିଂ ଦାମର୍ ଆରି ପୁଇପୁୟାତାଂ ବୁଲ୍‌କାନାର୍, ଇଦାଂ ନାଜ୍ ପାଣ୍ଡୁ ହୁଡ୍‌ନାତା ।

୪ ଇନାକିଦେଂକି ଇମ୍‌ଣି ଜିସୁଜ୍ ଆସେଜ୍ ପରଚାର୍ କିଝାତାସ୍, ଏପେଜ୍ ବିନ୍ ଜିସୁଜ୍ ଜଦି ଇନେର୍ ଖାଜି ପରଚାର୍ କିତାର୍, କି ଇମ୍‌ଣି ପୁଇପୁୟା ଜିବୁନ୍‌ତ ଏପେଜ୍ ଗାଟାଝାତାଦେର୍, ଏପେଜ୍ ର ବିନ୍ ଜିବୁନ୍ ଗାଟା ଆଡ୍, କି ଇମ୍‌ଣି ନେକ୍ରିକାରୁର୍ ଏପେଜ୍ ଆଝାତାଦେର୍, ଏପେଜ୍ ର ବିନ୍ ନେକ୍ରିକାରୁର୍ ଗାଟା ଆଡ୍, ତା ଅତିସ୍ ଏପେଜ୍ ତ ବେସି ହୁଦାର୍ ।

୫ ଇନାକିଦେଂକି ହେ ମୁଡ୍‌ଦି ପକ୍ୟାତାକାର୍‌ତାଂ ଆନ୍ ଜେ ଇନେସ୍‌ପା ହାରୁ ଆକାୟ୍, ଇଦାଂ ବାବି କିନାଙ୍ଗା ।

୬ ମତର୍ ଆତିସ୍‌ପା ଆନ୍ କାତା ଇଞ୍ଜେଜ୍ ଆଡ୍‌ଜ୍, ଆତିସ୍‌ପା ଗିୟାକ୍ତ ପାଚେ ଆକାୟ୍; ହାଡ୍‌ପାତ ଆସେଜ୍ ଝିଜୁ ବାନିତ ଝିଜୁ ବିସ୍ତେ ମି କାଜିଂ ଇଦାଂ ହପ୍‌ପାପ୍ ।

୭ ନଲେ ଏପେଜ୍ ଇନେସ୍ ପୁନାଦେର୍, ଇଦାଂ କାଜିଂ ଆନ୍ ଜାର୍‌ତି ହୁଦାର୍ କିଜି ଜେ ମଲ୍‌ହିଲ୍‌ଝାଦାଂ ମି ଲାସେଜ୍ ଇସ୍‌ବର୍ ନେକ୍ରିକାରୁର୍ ପରଚାର୍ କିତାଜ୍, ଇବେ ଇନାକା ପାପ୍ କିତାଂ ?

୮ ମି ହେବା କିନି କାଜିଂ ଆନ୍ ବିନ୍‌ବିନ୍‌ନି ମଣ୍ଡଲି ଲାଗାଂ ଦାମା ଅଜି ହେଝାରିଂ ଚର୍ କିତାଂ,

୯ ମତର୍ ଆନ୍ ମି ବିତ୍ରେ ମାନି ଝେଡାଲିଂ ଏଚେକାଡ୍‌ଦ୍ ଅବାବ୍ ଆଜି ମାଚାଜ୍, ହେ ଏଚେଝାଡାଂ ଆନ୍ ଇମ୍‌ଣାକାକ୍ତି ବଜ୍ ଲାକେ ଆଝାଦାଂ ମାଚାଜ୍, ଇନାକିଦେଂକି ମାକିଦନିଆତାଂ ଚଣ୍ଡାର୍ ଖାଜି ନା ଅବାବ୍ ପୁରା କିଜି ମାନ୍‌ଚାର୍, ଆରେ ଇମ୍‌ଣାକା ପା ବିସ୍ତେ ମି ବଜ୍ ଲାକେ ଆଝାଦାଂ ଜାର୍ ବିସ୍ତେ ଜାଗ୍ରଡ୍ ଆଜି ମାଚାଜ୍, ଆରେ ଜାଗ୍ରଡ୍ ଆଜି ମାନାଂ ।

୧୦ ନା ତାକେ ମାନି କ୍ରିସ୍‌ତି ହାଡ୍‌ପାତିଂ ସାକି ମାନିକିଜି ଆନ୍ ଇନାଙ୍ଗା ଜେ, ଆକାୟ୍‌ନି ନିପ ନାଦାଂ ଇ ଗରବ୍ ଇନେର୍ ବାଙ୍ଗାୟ୍ କିଦେଂ ଆଡ୍‌ବର୍ । ଇନେକିଦେଂ ?

୧୧ ଆନ୍ ଇନାକିଦେଂ ଏପେଜ୍ ଇନାଙ୍ଗା ? ଆନ୍ ଇନାକା ମିଙ୍ଗେଜ୍ ଜିଉ ନଦୁଙ୍ଗା ? ଇସ୍‌ବର୍ ପୁନାନ୍, ମିଙ୍ଗେଜ୍ ଆନ୍ ଏଚେକ୍ ଜିଉନଦ୍‌ନାଙ୍ଗା ।

୧୨ ମତର ଗରବନି ବିସ୍ତେ ମା ଲାକେ ଚଞ୍ଚନି କାଜିଂ ଇମ୍ନାକାର ହାଜି ତେକନାର, ଆନ୍ ଇନେସ୍ ହେଝାରିଂ ହାଜି ହିଉଙ୍ଗ୍, ଇଦାଂ କାଜିଂ ଆନ୍ ଇନାକା କିନାଙ୍ଗା, ହେଦାଂ କିଜି ମାନାଂ ।

୧୩ ଇନାକିଦେଂକି ଏପେଙ୍ଗ୍ ଲଗୁ ଚାକ୍ରାୟ ପକ୍ୟାତାକାର ଆରି ମିତ୍ତଞ୍ଜା କାମ୍ଲିୟା, ହେଝାର କ୍ରିସ୍ତୁତି ପକ୍ୟାତାକାରତି ବେସି ଆହ୍ନାର ।

୧୪ ଆରେ ଇଦାଂ କାବାନାକା ଆକାୟ, ଇନାକିଦେଂକି ସୟତାନ୍ ନିଜେ ଅଜଡ଼ନି ସାଗେ ଦୁଡ଼ ବେସି ଆହ୍ନାଡ଼ ।

୧୫ ଲାଗିଂ, ଜଦି ତାଦାଂ ହେବା କିନିକିକ୍ ପା ଦାମ୍ ନି ହେବା କିନାକାତ ବେସି ଆହ୍ନିକ୍, ଖାଟିଙ୍ଗ୍ ହେଦାଂ ଗାଜା ବିସ୍ତେ ଆକାୟ; ହେଝାରତି ସେସ୍ ଦସା ହେଝାରତି କାମାୟ ଇସାପ୍ରେ ଗିଗନାଡ଼ ।

**ପକ୍ୟାତାକାତଂ ଚେଲାଲାକେ ପାଉଲ୍ଲତି ଦୁକ୍ତବଗ୍**

୧୬ ଆନ୍ ଆରେ ରଗ ଇଞ୍ଜନାଙ୍ଗା, ଇନେର ନାଙ୍ଗ୍ ବୁଦିହିଲ୍ଲଞ୍ଜାକାନ୍ ଇଞ୍ଜି ବାବି କିଦ୍ମେର; ମତର ଜଦି ଏପେଙ୍ଗ୍ ଇନେସ୍ ବାବି କିନାଦେର, ଖାଟିଙ୍ଗ୍ ପାନାଙ୍ଗ୍ ବୁଦିହିଲ୍ଲଞ୍ଜାକାନ୍ ଲାକେ ଇଡ଼ଦାନାଦେର, ଇନେସ୍ ଆନ୍ ପା ଅଲପ୍ ଗରବ୍ କିଦେଙ୍ଗ୍ ଆଡ଼ନାଙ୍ଗ୍ ।

୧୭ ଆନ୍ ଇନାକା ଇଞ୍ଜନାଙ୍ଗା, ହେଦାଂ ମାପୁତି ଇନି ଇସାପ୍ରେ ଇନୁଙ୍ଗା, ମତର ବୁଦିହିଲ୍ଲଞ୍ଜାକାନ୍ ଲାକେ ଏଲେଙ୍ଗ୍ ବେସି ସାସ୍ତ ଗରବ୍ କିଜି ଇନାଙ୍ଗା ।

୧୮ ଆଦେକ୍ ସିଂସାରନି ବାବ୍ରେ ଗରବ୍ କିଜି ମାଟିଲେ ଆନ୍ ପା ଗରବ୍ କିନାଙ୍ଗ୍ ।

୧୯ ଇନାକିଦେଂକି ଏପେଙ୍ଗ୍ ବୁଦିକାରୟା ଆଡ଼ିଏନ୍ ଇଞ୍ଜି ହିନା ଖାରିତାଙ୍ଗ୍ ନିର୍ବୁଦିୟାତଂ କାଜିଂ ହୁଦାର ଆନାଦେରା ।

୨୦ ଲାଗିଂ ଜଦି ଇନେର ଆଡ଼ିଏନ୍ କିଜି ଇଡ଼ତିସ୍, ମି ଦାନ୍ କେତି କିନାନ୍, ମିଙ୍ଗ୍ ଡ଼କ୍ତାତ ହେଜି କିଜି ଆସ୍ତାନାଡ଼, ଆକାର୍ କିଦ୍ନାନ୍ କି ମି କୁରଞ୍ଜାତ ଚାପ୍ତା ଇଡ଼ଦାନାନ୍, ଖାଟିଙ୍ଗ୍ ଏପେଙ୍ଗ୍ ହେଦାଂ ହୁଞ୍ଜନାଦେର ।

୨୧ ଆନ୍ ଲାଜୁ ଲାହାଙ୍ଗ୍ ମାନି କିନାଙ୍ଗା ଜେ, ଆପେଂ ତ “ନାଦାର” ଆତାସ୍ନା ।

ଆତିସ୍ପା ଇମ୍ନାକା ପା ବିସ୍ତେ ଇନେର ସାସି ଆନାର ଆନ୍ ରିସା ଆଜି ଇନାଙ୍ଗା, ଆନ୍ ପା ସାସି ।

୨୨ ହେଝାର କି ଏରିୟର ? ଆନ୍ ପା ଏରିୟ । ହେଝାର କି ଇସ୍ତାଏଲିୟର ? ଆନ୍ ପା ଇସ୍ତାଏଲିୟ । ହେଝାର କି ଆବ୍ରାହାମ୍ତି ମାଜିର ? ଆନ୍ ପା ଅବ୍ରାହାମ୍ତି ମାଜି ।

୨୩ \*ହେଝାର କି କ୍ରିସ୍ତୁତି ହେବାକାରୟା ? ଆନ୍ ବାୟରା ଲାକେ ଇନାଙ୍ଗା, ଆନ୍ ଆଦିକ୍ ରଚେ କ୍ରିସ୍ତୁତି ହେବାକାରୟା, ଆଦିକ୍ କସ୍ତୁ କିନିତ, ଆଦିକ୍ ଜୟିଲ୍ ହାନିତ, ବେସି ମାଡ଼ ହୁଞ୍ଜନିତ, ତାଇନାଡ଼ ହାଜି ମୁମ୍ଦ ଆଦେଂ;

୨୪ ଆନ୍ ଜିହୁଦିତଂ ପାସ୍ତ ହର୍ ଏକ୍ତଶା ରିକଡ଼ି ମାଡ଼ ପାୟାତାଂନା,

୨୫ \*ରମିୟର ହୁକେ ତିନି ହର୍ ବାଡ଼ଗେ ମାଡ଼, ରଗ କାଲ୍ଲୁ ମାଡ଼, ତିନି ହର୍ ଜାଜ୍ଡ଼ିନାକା ହୁଞ୍ଜାଙ୍ଗନା, ତେଙ୍ଗା ଏଜୁକାଂ ଖେଡ଼ାନାଶା ଚବିସ୍ ଗନ୍ତା ହୁଞ୍ଜାଙ୍ଗନା,

୨୬ \*ବେସିହର୍ ହାନିହିଂ, ନାଗୁଡ଼ନି ଆପଡ଼ତ, ଚକ୍ଚୁ ଆପଡ଼ତ, ଜାର ଜାତିରତାଂ ଆପଡ଼ତ, ଜିହୁଦି ଆରି ପାତଂ କିଞ୍ଜି ଜିହୁଦି ତାଙ୍ଗ୍ ଆପଡ଼ତ, ଗାଡ଼ନି ଆପଡ଼ିତ, ବାଗାନି ଆପଡ଼ତ, ହାମ୍ଦୁଶ୍ଚି ଆପଡ଼ତ,

୨୭ ବାମ୍ବ୍ରାୟକିନି ଟଣ୍ଡାରତାଂ ଆପଡ଼ତ, କସ୍ତୁ ଆରି କସ୍ତୁ ବଗ୍ତ, ବେସିହର୍ ହୁଞ୍ଜାଦାଂ, ନାସ୍କି ଆରି ଏସ୍କି, ବେସିହର୍ ଉପାସ୍ତ, ପିନି ଆରି ନାଗଡ଼ାତ ।

୨୮ ବାକି ଖିଜୁ ବିସ୍ତେ ପିସ୍ତି ଆରେ ର ବିସ୍ତେ ନିତ୍ରେ ନା ଜପି ଦୁମ୍ଦାନାତା, ଇତିସ୍ ମଣ୍ଡଲି ସବୁ କାଜିଂ ଚିନ୍ତା ହଡ଼ନାତା ।

୨୯ ଇନେର ନାଦାର ଆତିସ୍ ଆନ୍ ଇନାକା ନାଦାର ଆକାୟ ? ଇନେର ବାଦା ପାୟାତିସ୍ ଆନ୍ ଇନାକା ଦୁକ୍ ଆଉଙ୍ଗ୍ ?

୩୦ ଜଦି ନାଦି ଗରବ୍ କିନାକା ଲଡ଼ା ଆତିସ୍, ଖାଟିଙ୍ଗ୍ ଆନ୍ ନା ନାଦାର ବିସ୍ତେ ନା ଗରବ୍ କିନାକା ମାନାଡ଼ ।

୩୧ ଆନ୍ ଜେ ମିତ୍ ଇନୁଙ୍ଗା, ଇଦାଂ ମାପୁ ଜିସ୍ତୁତି ଇସ୍ତୁର ଆରି ଆବା ପୁନାନ୍; ହେଝାନିଂ ଜୁଗ୍ ଜୁଗ୍ ଜଞ୍ଜାର ।

୩୨ \*ଦମ୍ଲେସକ୍ତ ହାରେତା ରାଜାତି ସାସନ୍କାରୟା ନାଙ୍ଗ୍ ଆସ୍ତୁନି କାଜିଂ ହେ ଗାଡ଼ନି ଦୁଞ୍ଜେର ଜାଗ୍ଡ଼ାଡ଼ାରିଂ କାୟ କିଜି ମାଚାନ୍,

୩୩ ଆରେ ଚପାତ ର ଚିଟ୍ଟକି ହିଜି କୁଞ୍ଜାଡ଼ ହିଜି ନାଙ୍ଗ୍ ଜୁଡ଼ତାର, ଆରେ, ଆନ୍ ହେଝାନ୍ତି କେଇଦାଂ ରାକ୍ୟା ପାୟାତାଂ ।

**୧୨**

**ପାଉଲ୍ଲତି ହାରଦାକା ହୁଡ଼ନାକା**

୧ ଆତିସ୍ପା ଗରବ୍ କିନାକା ନେକ୍ରାକା ଆକାୟ, ଆତିସ୍ପା ଲାଗିଂ ନାଙ୍ଗେଙ୍ଗ୍ ଗରବ୍ କିଦେଙ୍ଗ୍ ଲାଗ୍ତାନାତା; ଆନ୍ ମାପୁତିଙ୍ଗ୍ “ହୁଡ଼ଦେଂ” ଆରେ ଚଞ୍ଚୟା ଆନି ବିସ୍ତେ ଇନାଙ୍ଗ୍ ।

୨ ଆନ୍ କ୍ରିସ୍ତୁ ତାଂ ମାନି ଲଗାଂ ରଞ୍ଜାନିଂ ପୁନାଙ୍ଗ୍, ହେଝାନ୍ ଚଉଦ ବାହୁଁ ଆଗେ ତିନ୍ ସାଗେ ପାତେକ୍ ଅଜି ମାଚାନ୍ । ହେଝାନ୍ ଗାଗାଡ଼ତ ମାଚାନ୍ କି ଗାଗାଡ଼ନି ବାଡ଼ ମାଚାନ୍, ଆନ୍ ପୁନୁଙ୍ଗ୍; ଇସ୍ତୁର ପୁନାନ୍ ।

\* ୧୧:୨୩ ପକ୍ୟାତାକା ୧୨:୨୩. \* ୧୧:୨୫ ପକ୍ୟାତାକା ୧୨:୨୨; ପକ୍ୟାତାକା ୧୪:୧୯. \* ୧୧:୨୭ ପକ୍ୟାତାକା ୯:୨୩; ପକ୍ୟାତାକା ୧୪:୫. \* ୧୧:୩୨ ପକ୍ୟାତାକା ୯:୨୩-୨୫.

୩ ଆଁ, ଆନ୍ ଇ ଲାକେ ରଖାନ୍ ମାନାୟତିଙ୍ଗ ପୁନାଙ୍ଗ, ହେଖାନ୍ ଜିବୁନ୍ ମାନି ଦେସ୍ତ ଅଜି ମାଚାର ହେଖାନ୍ ଗାଗାଡ୍ତ ମାଚାନ୍ କି ଗାଗାଡ୍ତ ବାର୍ତ ମାଚାନ୍, ଆନ୍ ପୁନୁଙ୍ଗ ଇସ୍ବର ପୁନାନ୍ ।

୪ ହେବେ ହେଖାନ୍ କାତାତ ଇଞ୍ଜେଙ୍ଗ ଆଡ୍‌ଖାଦାଂ ଆରି ଇଞ୍ଜେଙ୍ଗ ଆଡ୍‌ଖାଦାଂ ଲାକେ କାତା ଖେନ୍‌ଞ୍ଜି ଆଦିକାର୍ ହିଲୁଡ୍ ।

୫ ଇ ଲାକେ ରଖାନ୍ ବିସ୍ତେ ଆନ୍ ଗରବ୍ କିନାଙ୍ଗ, ଇନାକିଦେଂକି ଆନ୍ ଜାର୍ ବିସ୍ତେ ନା ନାଦାର୍ ପିସ୍ତ୍ର ଆରେ ବିନ୍ ବିସ୍ତେ ଗରବ୍ କିନାଙ୍ଗ ।

୬ ଆରେ ଗରବ୍ କିଦେଙ୍ଗ ଇଚା କିତାନ୍ ଆଁ ବୁଦି ହିଲୁଞ୍ଜି ଲାକେ ଆଉଙ୍ଗ ଲାଗିଂ ଆନ୍ ହାଡ୍‌ପା ଇନାଙ୍ଗ; ଇନାକିଦେଂକି କାତେ ଇନେର୍ ନାଙ୍ଗେଙ୍ଗ ଇନେସ୍ ହୁଡ୍‌ଦାନାର୍ କି ନାତାଙ୍ଗ ଇନେସ୍, ଖେନାର୍ ନା କାଜିଂ ହତି ବିସ୍ତେ ଆଦିକ୍ ଗାଜା କାଜିଂ ଇନେସ୍ ନା ବିସ୍ତେ ଆଦିକ୍ ବୁଜାଖାଦାଂ, ଇଦାଂ କାଜିଂ ଆନ୍ ଇଞ୍ଜେଙ୍ଗ ଖାହ୍‌ନାଙ୍ଗା ।

୭ ଲାଗିଂ ଆନ୍ ଇନେସ୍ ଆଦିକ୍ ଗରବ୍ ଆଉଙ୍ଗ, ଇଦାଂ କାଜିଂ ନାଙ୍ଗେଙ୍ଗ କସ୍ କିଦେଙ୍ଗ ନା ଗାଗାଡ୍ତ ସୟ୍‌ତାନ୍ ଦୁଡ୍ ଲାକେ ଦୁକ୍ ହିଦ୍ୟାତାଡ୍, ଆଁ ଇନେସ୍ ଆନ୍ ଆଦିକ୍ ଗରବ୍ ଆଉଙ୍ଗ, ଇଦାଂ କାଜିଂ ହେଦାଂ ହିଦ୍‌ଆତାଡ୍ ।

୮ ଇନେସ୍ ହେଦାଂ ନାତାଂ ଦେହା ଆଡୁ, ଇଦାଂ କାଜିଂ ଆନ୍ ମାପୁଙ୍ଗ ହେ ବିସ୍ତେ ତିନ୍‌ହଟ୍ ଗଞ୍ଜାରି କିତାଂ ।

୯ ଆରେ, ହେଖାନ୍ ନାଙ୍ଗେଙ୍ଗ ଇଞ୍ଜାନ୍ନା, ମା ଉପକାର୍ “ମି କାଜିଂ ସାରି, ଇନାକିଦେଂକି ନାଦାର୍ ତାଙ୍ଗ୍ ମା ସାକ୍ତି ହାର୍ ଆନାଡ୍ ।” ଲାଗିଂ ଇନେସ୍ କ୍ରିସ୍ତତି ସାକ୍ତି ନା ଜପି ବାହା କିନାଡ୍, ଇଦାଂ କାଜିଂ ଆନ୍ ବେସି ଖାରିତାଂ ଇତିସ୍ ନା ନାଦାର୍ ତାଙ୍ଗ୍ ଗରବ୍ କିନାଙ୍ଗ ।

୧୦ ଲାଗିଂ କ୍ରିସ୍ତ କାଜିଂ ନାଦାର୍ ତାଙ୍ଗ୍, ଅପ୍‌ମାନତ, କସ୍ତ, ଇଣ୍ଡ, ହିଲୁଞ୍ଜିଂ ଆନ୍ ସାରି ଆନାଙ୍ଗ; ଇନାକିଦେଂକି ଏଚେକାଡ୍‌ଦ୍ ଆନ୍ ନାଦାର୍, ହେ ପାଦ୍‌ନା ଆନ୍ ସାକ୍ତି ।

**କରକ୍ତିନି ଲକୁ କାଜିଂ ପାଉଲ୍‌ତି ଏଡୁ**

୧୧ ଆନ୍ ବୁଦିହିଲୁଞ୍ଜାକାଂ ଆତାଙ୍ଗ୍‌ନା, ଏପେଙ୍ଗ୍ ନାଙ୍ଗ୍ ଚାଟାୟ୍ କିଡ୍‌ତାଦେର୍, ଇନାକିଦେଂକି ନା ଖାରି କିନାକା ମିଦାଙ୍ଗ୍ ମାଚାଡ୍; ଲାଗିଂ ଆତିସ୍‌ପା ଆନ୍ ଇନାକା ଆକାୟ୍, ଆତିସ୍‌ପା ଇମ୍‌ଣି ବିସ୍ତେ ହେ “ଗାଜାକାନ୍ ପକ୍ୟାତାକାର୍‌ରି” ତାଙ୍ଗ୍ ଉଆ ଆକାୟ୍ ।

୧୨ ହେ ଖିଲୁ ତିନ୍ ଆରି କାବାନି କାମାୟ୍ ଆରେ ସାକ୍ତିନି କାମାୟ୍ ପକ୍ୟାତାକାର୍‌ତି ଇଟ୍‌କାଡ୍ ଇସାବ୍, ହେ ସବୁ ହାଡ୍‌ପାତ ମି ବିତ୍ରେତାଂ ପୁରା ବେସି ସାସ୍ ଲାହାଙ୍ଗ୍ ଆତାଡ୍‌ନା ।

୧୩ ଇନାକିଦେଂକି ଆନ୍ ତାରୁଙ୍ଗ୍ ଏକ୍ତିନି କାଜିଂ ମି ଜପି ବଜ୍ ଲାକେ ଆଖାତାଂନା, ଇଦାଂ ରଞ୍ଜାଙ୍ଗ୍ ବିସ୍ତେ ପିସ୍ତ୍ର ବାକି ଅଦାମ୍ ମଣ୍ଡଲିତାଂ ଏପେଙ୍ଗ୍ ଇନାକାତ ହାର୍ କିତାଦେଣ୍ଡା ? ନାଦାଂ ଇ ଦସ୍ କେମା କିଦା ।

୧୪ ହୁଡ୍‌ଡାଟ୍, ଆନ୍ ମି ଲାଗାଂ ହାନି କାଜିଂ ଇ ତିନ୍ ହଟ୍ ଜାଲ୍‌ଦି ମାନାଙ୍ଗ୍, ଆରେ ଆନ୍ ମି ବଜ୍ ଲାକେ ଆଉଙ୍ଗ, ଇନାକିଦେଂକି ଆନ୍ ମି ଦାନ୍ ଦାହ୍‌ଖାଦାଂ ମିଙ୍ଗେଙ୍ଗ୍ ଦାସ୍ତାନାଙ୍ଗା । ଲାଗିଂ ହିମ୍‌ଣାଂଖାକ୍‌ଡାଂତି ଆୟା ଆବାରିତି କାଜିଂ ରୁଣ୍ଡାୟ୍ କିନାକା ଲଡା ଆକାୟ୍, ମତର୍ ହିମ୍‌ଣାଂଖାକ୍‌ଡାଂ କାଜିଂ ଆବାର୍ ଆୟାକ୍‌ତି ରୁଣ୍ଡାୟ୍ କିନି ଲଡା ।

୧୫ ଆରେ, ଆନ୍ ମି ଖାସ୍ କାଜିଂ ବେସିଖାରିତାଂ ଉପକାର୍ କିଦ୍‌ନାଙ୍ଗ୍, ଆଁ, ନା ଜିବୁନ୍ ପା ଉପକାର୍ କିନାଙ୍ଗ୍ । ଆନ୍ ମିଙ୍ଗେଙ୍ଗ୍ ଆଦିକ୍ ବେସି ବାତ୍ରେ ଜିଉନଦ୍‌ନାଙ୍ଗା ଇଞ୍ଜି ଇନାକା ଅଲପ୍ ଜିଉନନାକା ପାୟାନାଦେରା ?

୧୬ ମତର୍ ଇନେସ୍ ଆଏଡ୍, ଆନ୍ ନିଜେ ମିଙ୍ଗେଙ୍ଗ୍ ଖାଞ୍ଜି କିଦ୍‌ଖାତାଂନା, ମତର୍ ଚାଲାକି ଆଜି ଆନ୍ ମିଙ୍ଗେଙ୍ଗ୍ ଚାଡୁର୍ରେ ଆସ୍ତାତାଂ !

୧୭ ଆନ୍ ମି ଲାଗାଂ ଇମ୍‌ଣାକାରିଂ ପକ୍‌ତାତାଙ୍ଗ୍‌ନା, ହେଖାର୍ ବିତ୍ରେତାଂ ଇମ୍‌ଣି ମାନାୟ୍ ହୁକେ କି ମିଙ୍ଗ୍‌ତାଂ ଅଲପ୍ ଲାବ୍ କିତାଙ୍ଗ୍‌ନା ?

୧୮ ଆନ୍ ତିତସ୍‌ତିଂ ହାନି କାଜିଂ ଗଞ୍ଜାରି କିଜି ମାନ୍‌ଚାଙ୍ଗ୍ ଆରେ ତା ଲାହାଙ୍ଗ୍ ହେ ଟଣ୍ଡେନିଂ ପକ୍‌ଚିମାନ୍‌ଚାଙ୍ଗ୍ । ତିତସ୍ କି ମିତାଂ ଅଲପ୍ ଲାବ୍ କିତାଣ୍ଡା ? ଆସେଙ୍ଗ୍ ଇନାକା ର ମାନ୍ତ୍ ଚିନ୍ତା କିଖାତାସ୍‌ନା ? ଆସେଙ୍ଗ୍ ଇନାକା ର ପାଦ୍ ତିନ୍‌ଡ ହାଲୁଖାତାସ୍‌ନା ?

୧୯ ଇ ପାତେକ୍ ଏପେଙ୍ଗ୍ ଏଡୁ କିନାଦେରା ଜେ, ଆପେଂ ମି ଲାଗାଂ ଦସ୍ କାଟିକିନାପା । ଇସ୍‌ଡ୍ ସାକିତ କ୍ରିସ୍ତତି ହେବା କାରିୟା ଲାକେ ଆପେଂ କାତା ଇନାପା । ମାତର୍ ଏ ଖାରିନିକାଦେର୍, ସବୁ ବିସ୍ତେ ମି ରଚ୍‌ନି କାଜିଂ ଇଞ୍ଜନାପା ।

୨୦ ଇନାକିଦେଂକି ଏଚେକାଡ୍‌ଦ୍ ଇତିସ୍ ଆନ୍ ଏକାଖାତିସ୍, ମିଙ୍ଗେଙ୍ଗ୍ ଇନେସ୍ ହୁଡ୍‌ଦେଂ ମାନ୍ କିଦ୍‌ନାଙ୍ଗା, ହେ ଲାକେ ମିଙ୍ଗେଙ୍ଗ୍ ହୁଡ୍‌ଦୁଂ, ଆରେ, ଏପେଙ୍ଗ୍ ନାଙ୍ଗେଙ୍ଗ୍ ଇନେସ୍ ହୁଡ୍‌ଦେଂ ମାନ୍ କିଉଦେର୍, ହେ ଲାକେ ନାଙ୍ଗ୍ ହୁଡ୍‌ଦାଟ୍, ଇଦାଂ କାଜିଂ ଆନ୍ ପାଣ୍ଡା ଆନାଙ୍ଗା; ଏଚେକାଡ୍‌ଦ୍ ଇତିସ୍ ଗଣ୍‌ଗଲ୍, କୁର୍, ରିସା, ବାଡ୍‌ପାଣିୟା, ଲକାର୍‌ନିୟା, କିଡୁଲ୍‌ତ ଇନ୍‌ବା ଆନାକା, ମଲ୍‌କାତା, ଗଣ୍‌ଗଲ୍ ଆନାଡ୍;

୨୧ ଏଚେକାଡ୍‌ଦ୍ ଆନ୍ ଆରେ ରଗ ଏକାଖାତିସ୍ ନା ଇସ୍‌ବ୍ ମି ବିସ୍ତେ ନାଙ୍ଗେଙ୍ଗ୍ ଆରେ ରଗ ବାଟି କିଦ୍‌ନାନ୍, ଆରେ, ଇମ୍‌ଣାକାର୍ ଆଗେ ପାଦ୍ କିତାଣ୍ଡା, ଆରେ ଜାର୍ ଜାର୍ କିତି ବିଚାଡ୍, ଦାରି ଆରି ଲାଡ୍‌ସା କାଜିଂ ମାନ୍‌ବାଦ୍‌ଲାୟ୍ କିଖାତାଣ୍ଡା, ଏପେଙ୍ଗ୍ ହେନି ମାନାୟାର୍ କାଜିଂ ଆନ୍ ଆଡ୍‌ବାନାଙ୍ଗା ।

# ୧୩

ହାରିହାରା ଦାବା ଆରି ଜୁଝାର୍

୧ ଇ ତିନ୍ ହର୍ “ଆନ୍ ମି ଲାଗାଂ ଖାନାଜା ସାସ୍ତର୍ ଇନେସ୍ ଇନାଡ୍ । ରିୟାର୍ କି ତିନ୍‌ଜାଣ୍ ସାକିରିଂ ମୁମ୍ଦ ଓଜୁ ଦାବା କାତା ତିର୍ କିୟାନାଡ୍ ।”

୨ ଇମଣାକାର୍ ଆଗେ ପାପ୍ କିଜି ମାଚାର୍, ହେଝାରିଂ ଆରି ବାକି ଓଜାରିଂ ଆନ୍ ଇନେସ୍ ଆଗେ ରିହା ଏକିସ୍ ମାନି ସମୁତ ଇଞ୍ଜି ମାଚାଜ୍, ନଜ୍ ମାନ୍‌ଓହିଜ୍ ହେ ଲାକେ ଆଗେତାଂ ଇଞ୍ଜନାଜା ଜେ, ଜଦି ଆନ୍ ଆରେ ରଗ ହାନାଜ୍, ତା ଆତିସ୍ ହେଝାର୍ ତାଣ୍ଡତାଂ ପିହୁଜ୍;

୩ ଲାଗିଂ ଇମ୍‌ଣି କ୍ରିସ୍ଟ ନା ତାକେ କାତା ଇଞ୍ଜନାନା, ଏପେଜ୍ ତା ପାର୍ମାଣ୍ ତେକ୍‌ନାଦେରା; ହେଝାନ୍ ମି କାଜିଂ ନାଦାର୍ ଆକାୟ୍, ମତର୍ ମି ବିତ୍ତେ ସାକ୍ତିକାଟାକାନ୍ ଆତାନ୍ନା ।

୪ ଇନାକିଦେଂକି ଆତିସ୍‌ପା ହେଝାନ୍ ନାଦାର୍ କାଜିଂ କୁସ୍ତ ଦୁମ୍‌ତାନ, ଆତିସ୍‌ପା ଇସ୍ତର୍ ସାକ୍ତି କାଜିଂ ହେଝାନ୍ ଜିତାନନା । ଆସେଜ୍ ପା ତା ତାକେ ନାଦାର୍, ମତର୍ ଇସ୍ତର୍ ସାକ୍ତି କାଜିଂ ଆପ୍ ମି କାଜିଂ ତା ଲାହାଜ୍ ଜିରୁନ୍ ଆନାସ୍ ।

୫ ମି ପାତର୍ ତ ମାନାଦେର୍ କି ଆକାୟ୍, ହେ ବିସ୍ତେ ଜାର୍ ଜାର୍‌ତିଂ ପରିକ୍ୟା କିୟାର୍, ଜାର୍ ଜାର୍‌ତି ବିଚାର୍ କିୟାର୍ ନଲେ ଜିସୁ କ୍ରିସ୍ଟ ଜେ ମି ତାକେ ମାନାନ୍, ଇଦାଂ କି ଏପେଜ୍ ଜାର୍ ଜାର୍ ବିସ୍ତେ ପୁନୁଦେର୍ ? ଜଦି ଇଦାଂ ଆଉଡ୍, ତା ଆତିସ୍ ଏପେଜ୍ ପୁରା ବାବ୍ରେ ଆରା ଆତାଦେଣ୍ଟା ।

୬ ମତର୍ ଆନ୍ ବାସର୍ କିନାଜ୍, ଆସେଜ୍ ଜେ ପରିକ୍ୟା ହାର୍, ଇଦାଂ ଏପେଜ୍ ପୁନାଦେର୍ ।

୭ ମତର୍ ଏପେଜ୍ ଇନେସ୍ ଇମ୍‌ଣାକାପା ବାନ୍ୟା କାମାୟ୍ କିମାଟ୍, ଇଦାଂ କାଜିଂ ଆପେଂ ଇସ୍ତର୍ ଲାଗାଂ ପାର୍ତାନା କିନାପା; ଆସେଜ୍ ଇନେସ୍ ପରିକ୍ୟାସିଦ୍ ଇଞ୍ଜି ଚଞ୍ଜୟା ଆନାସ୍, ଇଦାଂ କାଜିଂ ପାର୍ତାନା କିଉସା, ମତର୍ ପରିକ୍ୟାସିଦ୍ ଆଓି ଲାକେ ଚଞ୍ଜୟା ଆତିସ୍ ପା ଇନେସ୍ ଏପେଜ୍ ହାର୍‌ଦି କାମାୟ୍ କିୟାର୍, ଇଦାଂ କାଜିଂ ପାର୍ତାନା କିନାପା ।

୮ ଇନାକିଦେଂକି ଆପେଂ ହାଡ୍‌ପା ବିସ୍ତେ ଇନାକା କିଦେଜ୍ ଆଡ୍‌ପା, ମତର୍ ହାଡ୍‌ପା ବେରୁତ କିଦେଜ୍ ଆଡ୍‌ନାପ୍ ।

୯ ଲାଗିଂ ଆପେଂ ଏତେକାଡ୍‌ଦ ନାଦାର୍ ଆରି ଏପେଜ୍ ଆଟ୍‌ଝା, ହେ ପାଦନା ଆସେଜ୍ ଖାରି କିନାସ୍; ଏପେଜ୍ ଇନେସ୍ ହାର୍ ଆତ, ଇଦାଂ ପା ଆପେଂ ପାର୍ତାନା କିନାସ୍ ।

୧୦ ଇଦାଂ କାଜିଂ ମାନ୍‌ଝାଦାଂ ଆନ୍ ଇ ସର୍ ଲେକି କିନାଜା, ଇନେସ୍ ଏକିସ୍, ମାପୁ ନାଜେଜ୍ ଇମ୍‌ଣି ଆଦିକାର୍ ବାଜାୟ୍ କିନି କାଜିଂ ହିଦ୍‌ଝାଦାଂ ଗାଡ୍ କିନି କାଜିଂ ହିଡ୍‌ନ୍ନା, ହେ ଆଦିକାର୍ ଇସାବ୍ରେ ବେସି ବେବାର୍ କିଦେଜ୍ ନାଜ୍ ଆଉଡ୍ ।

୧୧ ହାରିହାରା, ଏ ଚଣ୍ଡାର୍, ଆରି ତଣ୍‌ଦେକ୍ ଖାରି କିୟାର୍, ହାର୍‌ଦାକା ଆତ, ହାରି ଖାରିକିୟ୍ କିୟାର୍, ରମାନ୍ ଆତ, ସୁସ୍ତାତ ବାହାକିୟାର୍, ଆରେ ଜିଉନନାକା ଆରି ସୁସ୍ତାନି ଇସ୍ତର୍ ମି ଲାହାଜ୍ ମାନ୍‌ଗାନାନ୍ ।

୧୨ ପୁଇପୁୟାତ ତନ୍‌ଞ୍ଜି ହାରି ଜୁଝାର୍ କିୟାର୍ ।

ଓଜାର୍ ସାଦୁର୍ ମିଜେଜ୍ ଜୁଝାର୍ କିନ୍ନାରା ।

୧୩ ମାପୁ ଜିସୁ କ୍ରିସ୍ଟି ଉପକାର୍, ଇସ୍ତର୍ ଜିଉନନାକା ଆରି ପୁଇପୁୟା ଜିରୁନ୍ ମେହାଣ୍ ମି ଓଜାର୍ ଲାହାଜ୍ ଆଏଡ୍ ।

## ଗାଳାତିୟ ମଣ୍ଡଳୀ ନିକଟକୁ ପ୍ରେରିତ ପାଉଲଙ୍କ ପତ୍ର ଗାଳାତିୟ ମଣ୍ଡଳି ଲାଗାଂ ପକ୍ୟାତି ପାଉଲ୍‌ତି ଆକି ଗାଳାତିୟ ପତି ବିସ୍ତେ ପାଦେକ୍

ଗାଳାତିୟ ଆକି ପକ୍ୟାତି ପାଉଲ୍‌ତି ହୁକେ ଲେକାତାତନା । ୧:୧ ଇ ଆକି ଗାଳାତିୟ ମଣ୍ଡଳିନି ପାତର୍ କିନାକାରିଂ ଜିସୁ କ୍ରିସ୍ତୁତି ଜଲମ୍ ୪୮ ତାଂ ୫୭ ବାହୁଁ ବିତ୍ରେ ଲେକାଜି ମାତାତ୍ ଗାଳାତିୟାର ରମ୍ ଦେସ୍‌ନି ଗାତିୟାତ ବାହା କିଜି ମାତାର୍ । ପାଉଲ୍ ଇ ଆକି ଲେକିକିନି ଖେଡାଙ୍ଗ୍ ଇମେତାକେ ମାତାନ୍ ଇବେ ପଣ୍ଡିତାର୍ ସମାନ୍ ହିଲୁର୍, ମାତର୍ ଏପିସି କି କରନ୍ତିତ ଇ ରିବାହା ଆଜି ମାନ୍‌ଗାନାତ୍ ଇଞ୍ଜି ଇନାର୍ । ପାଉଲ୍ ଗାଳାତିୟ ମଣ୍ଡଳିନି ରିୟାର୍ ଜିହୁଦି ଆରି ପାତର୍ କିଞ୍ଜି ଜିହୁଦି କ୍ରିସ୍ତୁୟାନାତର୍ ନା ହିଜି ଆକି ଲେକିକିନାନ୍ । ହେଞ୍ଜାନ୍ ହାତ୍‌ପା ବାବ୍ରେ ମିର୍ ହିକ୍ୟାତିଂ ଲଡ଼ି କିନି କାଜିଂ ଲେକିକିଜି ମାତାନ୍, ହେଦାଂ କ୍ରିସ୍ତୁୟାନର୍ ପ୍ଲାନି ନିୟମିନି ଜିହୁଦି ବିଦିତିଂ ଚାଲାନାକା ଇନ୍ୟାନାତା, ହାତ୍‌ପା ରଚେ ସୁନ୍ନତ୍ ବିଦି ବିସ୍ତେ । କ୍ରିସ୍ତୁୟାରିଂ ବିତ୍ରେ କେତେକ୍ ଦଲ୍ ମାତାର୍ ଇମ୍‌ଶାକାରିଂ ଜୁଡାୟ୍ ଜମ୍ ଇଞ୍ଜି ମାତାର୍ ହେଞ୍ଜାର୍ ପାତର୍ କିଞ୍ଜି ଜିହୁଦି କ୍ରିସ୍ତୁୟାରିଂ ସୁନ୍ନତ୍ ବିଦି ପାଲି କିଦେଙ୍ଗ୍ ଇଞ୍ଜି ମାତାର୍ । ହେଞ୍ଜାର୍ ପା ପାଉଲ୍‌ତି ପକ୍ୟାଜି ମାତି ଆଦିକାର୍ ବିସ୍ତେ ପରସନ୍ କିଜି ମାତାର୍ । ପାଉଲ୍ ଏଚେଗଟା କାତାଙ୍ଗ୍ ବିସ୍ତେ ତା ପକ୍ୟାଜି ମାତି ବିସ୍ତେ ଇଞ୍ଜି ହେଞ୍ଜାରିଂ ବନ୍ଦ୍ କିନାନ୍ ୧:୧୧୨-୧୪ ଆରି ଜିସୁ କ୍ରିସ୍ତୁଙ୍ଗ୍ ପାତର୍ କିନି କାସି ମୁକ୍ତାନାକା ଇଦାଂ ବୁଜାୟ୍ କିଜି ନେକ୍ରିକାବୁରତିଂ ରାକ୍ୟା କିତାର୍ ୨:୧୬ । ଇନାକା ଇସ୍‌ବ୍ ଦୟାତାଂ ଆଜି ମାତାତ୍ ମାନାୟ୍ ଇନାକା କିଜି ମାନାନ୍ ହେବେତାଂ ଆକାୟ୍ ।

### ପତି ବିସ୍ତେନି ରାହାଣ

- ୧. ପାଉଲ୍‌ତି ବାହାୟ୍ ୧:୧-୫
- ୨. ପାଉଲ୍‌ତି ନଙ୍ଗିନି ଜିବୁନ୍, ତା ହିକ୍ୟା ହିନାକା ଆଦିକାର୍, ବିଦିନି କାମାୟ୍ ବିସ୍ତେ ୧:୬୨-୭୧
- ୩. ବିଦିନି କାମାୟ୍, ଆରି ଇସ୍‌ବ୍‌ତି ଦୟାତାଂ ମୁକ୍ତାନି ବିସ୍ତେ ୩:୪
- ୪. ହାତ୍‌ପା କ୍ରିସ୍ତୁୟାନ୍ ଜିବୁନ୍ ଜିପକା କାଜିଂ ଖେଡନାକା ୫:୧-୬:୧୦
- ୫. ପାଉଲ୍‌ତି ଇନାକା, ଆରି ଇସ୍‌ବ୍‌ତି ହୁକେ ଜିବୁନ୍ ମାନ୍‌ବାଦଲାନାକା ଲଡା । ୬:୧୧-୧୮

୧ ଆନ୍ ପକ୍ୟାତାକାନ୍ ଚେଲା ପାଉଲ୍, ମାନାୟ୍‌ତାଂ ଆକାୟ୍, କି ମାନାୟ୍ ହୁକେ ଆକାୟ୍, ମାତର୍ ଜିସୁ କ୍ରିସ୍ତୁ ହୁକେ ଆରି ଇମ୍‌ଶି ଆବା ଇସ୍‌ବ୍ ତାଙ୍ଗେଙ୍ଗ୍ ହାତାକାର୍ ବିତ୍ରେତାଂ ନିକ୍‌ତାନ୍, ହେ ଜିସୁ କ୍ରିସ୍ତୁତାଂ ପାୟାତାନ୍ନା ।

୨ ଆରେ ନା ଲାହାଙ୍ଗ୍ ମାନି ପାତର୍ କିନି ଚଣ୍ଡାର୍ ଆରି ତଣ୍‌ଦେକ୍ ଝିଜାର୍ ଗାଳାତିଆ ମାନି ମଣ୍ଡଳିକାଂ ଜଞ୍ଜାର୍ ଜାଣାୟ୍ କିନାଙ୍ଗା ।

୩ ମା ଆବା ଇସ୍‌ବ୍ ଆରି ମାପୁ ଜିସୁ କ୍ରିସ୍ତୁ ମିଙ୍ଗେଙ୍ଗ୍ ଉପକାର୍ ଆରି ସୁସ୍ତା ମି କାଜିଂ ଆୟେଡ୍ ।

୪ ହେଞ୍ଜାନ୍ ମା ଆବା ଇସ୍‌ବ୍ ଇଚାତାଂ ଇ ପାପ୍‌ନି ସଂସାର୍‌ତାଂ ମାଙ୍ଗେଙ୍ଗ୍ ଉଦାର୍ କିଦିନି କାଜିଂ ମା ପାପ୍ କାଜିଂ ଜାର୍‌ତିଂ ହେଲାୟ୍ କିତାନ୍;

୫ ଜୁଗ୍ ଜୁଗ୍ ଇସ୍‌ବ୍‌ତି ଜାଜ୍‌ମାଲ୍ ଆୟେଡ୍ । ଆମେନ୍ ।

### ରଞ୍ଜାଙ୍ଗ୍ ମାତର୍ ନେକ୍ରିକାବୁର୍

୬ କ୍ରିସ୍ତୁତି ଉପକାର୍‌ତ ଇନେର୍ ମିଙ୍ଗ୍ କୁନ୍ତାତାନ୍, ଏଚେକ୍ ବେଗି ଏପେଙ୍ଗ୍ ତାଙ୍ଗ୍ ପିସ୍‌ସି ବିନ୍ ର ନେକ୍ରିକାବୁର୍ କାଜିଂ ଝାରିୟା ଆନାଦେରା, ଇବେ ଆନ୍ କାବା ଆନାଙ୍ଗା;

୭ ହାତ୍‌ପାତ “ବିନ୍ ଇମ୍‌ଶି ନେକ୍ରିକାବୁର୍” ଆକାୟ୍, ମାତର୍ ଆନ୍ ଏଲେଙ୍ଗ୍ ଇଞ୍ଜିନାଙ୍ଗା, ଇନେକିଦେଂକି କେତେକ୍ କ୍ରିସ୍ତୁତି ନେକ୍ରିକାବୁର୍ ବିନ୍ ବାଦଲାଇ କିଜି ସେସ୍ତୁ କିନାରା ମିଙ୍ଗେଙ୍ଗ୍ ଇଣ୍ଡିଙ୍ଗ୍ ହାଣ୍ଡିଙ୍ଗ୍ କିଦେଙ୍ଗ୍ ସେସ୍ତୁ କିନାରା ।

୮ ମାତର୍ ଇମ୍‌ଶି ନେକ୍ରିକାବୁର୍ ଆପେଂ ମି ଲାଗାଂ ପରଚାର୍ କିଜି ମାତାପ୍, ଜଦି ହେଦାଂ ତାଂ ବିନ୍ ର ନେକ୍ରିକାବୁର୍ ଆପେଂ ଜାର୍ ନଲେ ସାଗେଁ ଦୁଡ୍ ପରଚାର୍ କିନାତ୍, ଲାଗିଂ ହେଦେଲ୍ ତାଆତିସ୍ ହେଞ୍ଜାନ୍ ରାଣ୍ ପାୟା ଆଏଡ୍ ।

୯ ଇନେସ୍ ଆପ୍ ପୁର୍ବେତାଂ ଇଞ୍ଜାପ୍‌ନା, ହେ ଲାକେ ଆନ୍ ନଙ୍ଗ୍ ଆରେ ରଚ ଇଞ୍ଜିନାଙ୍ଗା, ଇମ୍‌ଶି ନେକ୍ରିକାବୁର୍ ଏପେଙ୍ଗ୍ ଇଡ଼ିଜି ମାତାଦେର୍, ଇଦାଂ ବିନ୍ ଜଦି ଇମ୍‌ଶି ଲଗୁ ବିନ୍ ନେକ୍ରିକାବୁର୍ ମି ଲାଗାୟ୍ ପରଚାର୍ କିନାନ୍, ଝାଟିଙ୍ଗ୍ ହେଞ୍ଜାନ୍ ରାଣ୍ ପାୟା ଆଏଡ୍ ।

୧୦ ଇଦାଂ ଝେନ୍‌ଞ୍ଜି ଏପେଙ୍ଗ୍ ଇନାକା ମାନେ କିନାଦେରା ଜେ ଆନ୍ ମାନାୟାରିତି ରାଜି ଲାବ୍ କିନି କାଜିଂ ସେସ୍ତୁ କିନାଙ୍ଗା ? ଆକାୟ୍ ମୁଲେ ଆକାୟ୍ । ଆନ୍ ଇଚା କିଡିସ୍ କେବଲ୍ ଇସ୍‌ବ୍‌ତି ରାଜି । ଆନ୍ ଇନାକା ମାନାୟାରି ଝାରି ଆନି କାଜିଂ ଇଚା କିନାଙ୍ଗା ? ଆନ୍ ଜଦି ଇ ପାତେକ୍ ମାନାୟାରି ଝାରି ଆଦେଂ ସେସ୍ତୁ କିଜି ମାନାର୍, ଲାଗିଂ ଆନ୍ କ୍ରିସ୍ତୁତି ଆଡିୟା ଆଜି ମାନ୍‌ଗୁନ୍ ।

ପାଉଲ୍ ଇନେସ୍ ପକ୍ୟାତି ତେଲା ଆତାନ୍

୧୧ ଇନାକିଦେଂକି, ଏ ଟଣ୍ଡାର୍ ଆରି ତଣ୍ଡେକ୍, ଇମ୍ଫଣି ନେକ୍ରିକାରୁର୍ ନା ହୁଦାଂ ପରଟାର୍ ଆତାଡ଼ନ୍ନା, ହେ ବିସ୍ତେ ମିଙ୍ଗ୍ ଖେଟ୍ଟାନାଙ୍ଗା ଜେ, ହେଦାଂ ମାନାୟାର୍ତି ଖେୟ୍ତାଂ ଆକାୟ୍;

୧୨ ଆନ୍ ଇମ୍ଫଣି ହେ ମାନାୟତାଂ ହେଦାଂ ଗାଟା ଆଖାତାଂନା କି ଇନେର୍ ନାଙ୍ଗେଙ୍ଗ୍ ହିକ୍ୟା ହିଦ୍ଫାତାଂନା, ମତର୍ ଜିସୁ କ୍ରିସ୍ଟି ହୁଦାଂ ଗାଟାତାଂନା ।

୧୩ ଜିହୁଦି ଦରମ୍ କାଜିଂ ପାତର୍ କିଜି ମାନି ସମୁତ ଆନ୍ ଇନେସ୍ ଆଟାର୍ ବେବାର୍ କିଜି ମାଟାଙ୍ଗ୍, ଇନେସ୍ ମାନ୍ ଦିୟାନ୍ ବାବ୍ରେ ଇସ୍ପର୍ତି ପାର୍ତ୍ତାନା କିନି ମଣ୍ଡଲିତିଂ ନିୟା କିଜି ମାଟାଙ୍ଗ୍ ଆରି ହେଦାଂ ନାସ୍ କିଦେଙ୍ଗ୍ ସେସ୍ଟୁ କିଜି ମାଟାଙ୍ଗ୍, ଇ ସବୁ ବିସ୍ତେ ମିଙ୍ଗେଙ୍ଗ୍ ଖେଟ୍ଟୟାତାଡ଼ନା

୧୪ \*ଜିହୁଦି ଦରମ୍ ମାନିକିନାକା ସମାନ୍ଫେଡ଼ାଂ ଜିହୁଦିର୍ ବିତ୍ରେ ଆନ୍ ଆଗେ ମାଟାଙ୍ଗ୍ ଆରି ମା, ଆବାଲାତ୍ରାତି ଆଦିକ୍ ରିତିନିତି କାଜିଂ ବେସି ତାଟ୍ ମାଟାଙ୍ଗ୍ ।

୧୫ \*ମତର୍ ଇସ୍ପର୍ ତା ଉପକାର୍ତ ନା ଜଲମ୍ ଆଗେତାଂ ନାଂ ବାଟିକିଜି ମାନ୍ତାନ୍ ଆରି ତା ହେବା କିନି କାଜିଂ ନାଙ୍ଗ୍ କୁକ୍ତି ମାନ୍ତାନ୍ ।

୧୬ ଆରେ ପାତର୍ କିଝି ଜିହୁଦିର୍ ଲାଗାଂ ନେକ୍ରିକାରୁର୍ ପରଟାର୍ କିନି କାଜିଂ ଏତେକାଡ଼ନ୍ ନା ଲାଗାଂ ହେଝାନ୍ ତା ମାଜିଂ ହପ୍ତାନ୍, ଇ ବିସ୍ତେ ବୁଜାୟ୍ କିନି କାଜିଂ ଆନ୍ ବିନ୍ ମାନାୟ୍ ଲାଗାଂ ହାଲ୍ଫାଦାଂ ମାଟାଙ୍ଗ୍ ।

୧୭ ଇ ଲାକେ କି ନା ଆଗେତାଂ ଇମ୍ଫଣାକାର୍ ପକ୍ୟାତାକାନ୍ ତେଲା ଆଜି ମାଟାନ୍ ହେଝାର୍ ଲାହାଂ ପା ବେଟ୍ ଆଦେଂ ଜିରୁସାଲମ୍ତ ହାଲ୍ଫାଦାଂ ମାଟାଙ୍ଗ୍ । ଇଟିସ୍ ଆନ୍ ସାଙ୍ଗେ ସାଙ୍ଗେ ଆରବ୍ ଦେସ୍ତ ହାଲ୍ଫି ମାଟାଙ୍ଗ୍ ଆରି ତା ପାଟେ ଦମ୍ନେସକ୍ତ ମାସ୍ଦିଝାତାଂ ।

୧୮ \*ତା ପାଟେ ତିନି ବାହୁଁ ହାଟିପାଟେ ଆନ୍ ପିତର୍ ଲାହାଙ୍ଗ୍ ବେଟ୍ ଆନି କାଜିଂ ଜିରୁସାଲମ୍ତ ହାଟାଙ୍ଗ୍ ଆରି ତା ଲାହାଙ୍ଗ୍ ପଦର ଦିନ୍ ମାଟାଙ୍ଗ୍ ।

୧୯ ମାତର୍ ମାପୁତି ଟଣ୍ଡେନ୍ ଜାକୁବ୍ତିଂ ପିସ୍ତି ଆନ୍ ବିନ୍ ଇମ୍ଫଣି ପକ୍ୟାତାକାନ୍ ତେଲା ଲାହାଂ ବେଟା ଆଝାଦାଂ ମାଟାଙ୍ଗ୍ ।

୨୦ ଆନ୍ ଇନାକା ଲେକିକିନାଙ୍ଗା, ହେଦାଂ ହାଡ଼ପା; ଇସ୍ପର୍ ପୁନାନ୍, ଆନ୍ ମିଟ୍ ଇନୁଙ୍ଗା ।

୨୧ ଇଦାଂ ପାଟେ ଆନ୍ ସିରିୟା ଆରି କିଲିକିୟାନି ବେସି ବାହାତ ହାଲ୍ଫି ମାଟାଙ୍ଗ୍ ।

୨୨ ହେ ସମୁତ ଜିହୁଦା ଦେସ୍ ମାନି କ୍ରିସ୍ଟିୟାନ୍ ମଣ୍ଡଲିନି ପାତର୍ କିନାକାର୍ ନାଙ୍ଗ୍ ଜାର୍ତି ବିସ୍ତେ ପୁନ୍ଝାଦାଂ ମାଟାର୍;

୨୩ ନା ବିସ୍ତେ ବିନ୍ନିକାର୍ ଇନାକା ଇଞ୍ଜି ମାଟାର୍, ହେଝାର୍ କେବଲ୍ ହେ ଏତେକ୍ ପୁନ୍ଞି ମାଟାର୍, “ବିନ୍ନିକାର୍ତାଂ ହେଝାର୍ ଖେନ୍ଞି ମାଟାର୍, ଇମ୍ଫଣି ମାନାୟ୍ ମାଂ ଇଣ୍ କିଜି ମାଞ୍ଚାନ୍, ଆରି ମେହାଜି ଦରମ୍ତିଂ ନାସ୍ କିଦେଙ୍ଗ୍ ସେସ୍ଟୁ କିଜି ମାଟାନ୍, ନଙ୍ଗ୍ ହେଝାନ୍ ହେ ଇମ୍ଫଣି ପାତର୍ ନେକ୍ରିକାରୁର୍ ପରଟାର୍ କିନାନା ।”

୨୪ ଆରେ ହେଝାର୍ ନା କାଜିଂ ଇସ୍ପର୍ତିଂ ଜାଜ୍ମାଲ୍ କିଜି କେର୍ଜି ମାଟାର୍ ।

୨

ପାଉଲ୍ ଆରି ବିନ୍ ପକ୍ୟାତି ତେଲାର୍

୧ \*ତା ପାଟେ ଚଉଦ ବାହୁଁ ହାଟିପାଟେ, ଆନ୍ ବର୍ଣ୍ଣବା ଲାହାଙ୍ଗ୍ ଆରେ ଜିରୁସାଲମ୍ତ ହାଟାଙ୍ଗ୍, ତିତସ୍ତିଂ ପା ହାଙ୍ଗ୍ଦାଂ ଅଜି ହାଲ୍ଫି ମାଟାପ୍ ।

୨ ହେବେ ହାନାକା ମାନାଡ଼ ଇଞ୍ଜି ଇସ୍ପର୍ତାଂ ବିନ୍ଦେସ୍ତ ପାୟାଜି ହାଲ୍ଫି ମାଟାପ୍ । ପାତର୍ କିଝି ଜିହୁଦିର୍ ଲାଗାଂ ଆନ୍ ଇମ୍ଫଣି ନେକ୍ରିକାରୁର୍ ସୁଣାୟ୍ କିଜି ମାନାଙ୍ଗ୍, ଜିରୁସାଲମ୍ନି ନେତାରିଂ ର ଇଞ୍ଜିନି ସବାତ ହେଦାଂ ବୁଜାୟ୍ କିଜି ମାଟାଙ୍ଗ୍ । ଆଗେନିକା ନଲେ ନଙ୍ଗ୍ନିକା ସମୁନି କାମାୟ୍ ଇନେସ୍ ପଲ୍ୟା ଆଡ଼ଡ଼ ହେଦାଂ କାଜିଂ ହୁଡ଼ଜି ମାଟାଙ୍ଗ୍ ।

୩ ମାତର୍ ନା ହାଙ୍ଗ୍ଦି ତିତସ୍, ରଝାନ୍ ଗ୍ରିକ୍ ଲଗୁ ଆଜି ମାଟିସ୍ପା, ହେଝାନିଂ ସୁନ୍ନଡ଼ ଆନି କାଜିଂ ଜବର୍ଦସ୍ତିତ କିଝାଦାଂ ମାଟାର୍;

୪ ଆଡିସ୍ପା କେଡ଼ଜାଣ୍ ମାନାୟ୍ ହେଝାନିଂ ସୁନ୍ନଡ଼ କିଦେଙ୍ଗ୍ ଇଟା କିଜି ମାଟାର୍ । ହେଝାର୍ ପାତର୍ କିନାକାର୍ ଟଣ୍ଡେନ୍ ଇଞ୍ଜି ଚାଲାକି କିଜି ଡ଼କ୍ଟୁତି ଚରେନ୍ ଲାକେ ଦାଡ଼ଦ୍ ଏକିସ୍ ମାଟାନ୍ । କ୍ରିସ୍ଟି ଜିସୁ ଲାହାଂ ମେହାନାକା ହୁକେ ଆପେଂ ଇମ୍ଫଣି ଜାର୍ତାରେନ୍ ଲାବ୍ କିନାପା, ତାଦାଂ ଡେକ୍ନାକା ହେଝାର୍ତି ଉଦେସ୍ ମାଟାଡ଼, ମାଙ୍ଗେଙ୍ଗ୍ ଆରେରଗ ବିଦିନି ଆଡ଼ିଏନ୍ ଆଦେଂ ହେଝାର୍ ଇଟା କିଜି ମାଟାର୍ ।

୫ ମାତର୍ ମି କାଜିଂ ନେକ୍ରିକାରୁର୍ ହାଡ଼ପାତିଂ ଚାଲା ଆଜି ମାନି କାଜିଂ ଆସେଙ୍ଗ୍ ହେ ପରଟାର୍ କିନାକାରିଂ ଚାନେକ୍ ମତର୍ ପାବ୍ ହିଝାଦାଂ ମାଟାର୍ ।

\* ୧:୧୪ ପକ୍ୟାତାକା ୨୨:୩। \* ୧:୧୫ ପକ୍ୟାତାକା ୯:୩-୬; ୨୨:୬-୧୦; ୨୬:୧୩-୧୮। \* ୧:୧୮ ପକ୍ୟାତାକା ୯:୨୬-୩୦। \* ୨:୧ ପକ୍ୟାତାକା ୧୧:୩୦; ୧୫:୨।

୨୭ ମାତର ଇମ୍ମୋକାର ନେତା ଇଞ୍ଜି ଡାକ୍ତରୀ ଆଜି ମାତର, ହେୱାର ଜେ ଇନେର ଆନାର, ହେବେ ନାଦାଂ ଇନାକା ହାଲେଡ଼ କି ହାଲ୍ଲମେଡ଼; ଇନେକିଦେଂକି ବାରତି ବେବାର ହୁଡ଼ଜି ଇସ୍ବର ଇନେର ବିଚାର କିଉନ୍, ହେ ନେତାର ନାଞ୍ ଇମ୍ମୋକା ପା ପୁନି ହିକ୍ୟା ହିଦ୍‌ଝାଦାଂ ମାନଚାର ।

୨୮ ଇତିସ୍ ବିନ୍ ପାକ୍ୟାତ, ଏଚେକାଡ଼ଦ ହେୱାର ହୁଡ଼ଜି ମାତର ଜେ, ପିତରତିଂ ଇନେସ୍ ସୁନ୍ନଡ଼ ପାୟାତି ମାନାୟାର ବିତ୍ରେ, ନାଞ୍ ହେ ଲାକେ ସୁନ୍ନଡ଼ ପାୟାଡ଼ିତି ବିତ୍ରେ ନେକ୍ରିକାରୁର୍ ପଚାର କିନି ବଜ୍ ହେଲ୍ଲାୟ୍ କିତାଣ୍ଣା,

୨୯ ଇନାକିଦେଂକି ସୁନ୍ନଡ଼ ପିତର ଇନେସ୍ ଇସ୍ବରତି ସାକ୍ତି ହୁଦାଂ ଜିହୁଦିର୍ କାଜିଂ ପକ୍ୟାତି ତେଲା ଲାକେ ବାଟିକିୟାଜି ମାଚାନ, ଆନ୍ ପା ସମାନ ହେ ଲାକେ ଇସ୍ବରତି ସାକ୍ତି ହୁକେ ପାତ୍ କିଞ୍ଜି ଜିହୁଦିର୍ କାଜିଂ ପକ୍ୟାତି ତେଲା ଲାକେ ବାଟିକିୟାତାଂ ।

୩୦ ମୁଣ୍ଡା ଲାକେ ବାଟିକିୟାତି ଜାକୁର୍, ପିତର ଆରି ଜହନ୍ ମାନିକିଜି ମାତର ଜେ, ଇସ୍ବର ନାଞ୍ ଇ ବିସ୍ତେ ଦୟା କାମାୟ୍ ନି ବଜ୍ ହିଡ଼ତାନନା । ଲାଗିଂ ହେୱାର ନାଞ୍ ଆରି ବର୍ଣ୍ଣବବା ହାକ୍‌ଦାକାନ ଲାକେ ଖାରିତାଂ ଇଚ୍ୟାଜି ମାଚାନ । ବର୍ଣ୍ଣବା ଆରି ଆନ୍ ପାତ୍ କିଞ୍ଜି ଜିହୁଦିର୍ ବିତ୍ରେ କାମାୟ୍ କିନାପ୍ ଆରି ହେୱାର ସୁନ୍ନଡ଼ ବିତ୍ରେ କାମାୟ୍ କିନାପ୍ ଇଞ୍ଜି ରମାନ କିଜି ମାଚାପ୍ ।

୩୧ ହେୱାର କେବଲ୍ ଏଚେକ୍ ଗୱାରି କିଜି ମାଚାନ ଜେ, ଆପେଂ ହେୱାରିଂ ଦଲ୍‌ଦ ମାନି ହିଲାକାରିଂ ଏଡ଼ କିନାସ୍, ହେ ବିସ୍ତେ କାଜିଂ ନେ ନା ଇଚା ମାଚାଡ଼ ।

**ଆନ୍ତିୟକିଆତ ପିତରଂ ପାଉଲ୍‌ତି ଗଡ଼**

୩୨ ମାତର ପିତର ଆନ୍ତିୟକିଆତ ଖାଜି ମାନିହିଂ ଆନ୍, ହେପାଦନା ଆନ୍ ମୁମ୍ ଜପି ହେୱାନିଂ କେଡ଼ତାଂ, ଇନାକିଦେଂକି ହେୱାନ ଦସି କାମାୟ୍ କିଜି ମାଚାନ ।

୩୩ ଜାକୁର୍ ହୁକେ ପକ୍ୟାତି କେଡ଼ଜାଣ୍ ମାନାୟ୍ ହେବେ ଖାନି ପୁର୍ବେ, ପିତର ପାତ୍ କିଞ୍ଜି ଜିହୁଦିର୍ ଟଣ୍ଡାର ଆରି ତଣ୍ଡେକ୍ ଲାହାଂ ଚିନ୍‌ଞ୍ଜି ମାଚାନ, ମାତର ପାଣ୍ଡାତାର । ହେୱାର ଲାହାଂ ହେୱାନ ଆରେ ଚିନ୍‌ଞ୍ଜାତାନ, ଇନେକିଦେଂକି ପାତ୍ କିଞ୍ଜି ଜିହୁଦିର୍ ସୁନ୍ନଡ଼ ଆଦେଂ ଲଡ଼ା ଇଞ୍ଜି ଇମ୍ମୋକାର ଇଞ୍ଜି ମାଚାର, ହେୱାନ ହେୱାରିଂ ପାଣ୍ଡାଜି ମାଚାନ ।

୩୪ ବିନ୍ ଜିହୁଦି ଟଣ୍ଡାର ପିତରତି ଲାହାଂ ଏକିସ୍ କାପ୍‌ୟା ଲାକେ ବେବାର କିଜି ମାଚାର, ଏଲେକ୍ ଲାକେ କି ବର୍ଣ୍ଣବା ପା ହେୱାର କୁଡ଼ତ ଆତାନ

୩୫ ମାତର ଏଚେକାଡ଼ଦ ଆନ୍ ହୁଡ଼ତାଂ ଜେ, ନେକ୍ରିକାରୁର୍ନି ହାଡ଼ପା ଇସାପ୍ରେ ହେୱାର ହୁଦାର ବେବାର କିଉରା, ଆନ୍ ହେୱାର ମୁମ୍‌ଦ ପିତରତିଂ ଇଞ୍ଜି ମାଚାଞ୍, “ଜଦି ଏନ୍ ଜିହୁଦି ଆଜି ପାତ୍ କିଞ୍ଜି ଜିହୁଦିର୍ ଲାକେ ଜିବୁନ୍ ଜିଉଣା କିନାଦେରା, ଖାଟିକ୍ ଏପେକ୍ ଇନେସ୍ ପାତ୍ କିଞ୍ଜି ଜିହୁଦିର୍ ଲାକେ ଚିନ୍ତା କିଦେକ୍ କାଜିଂ ବଲକ୍‌ର କିନାଦେରା ?”

**ପାତ୍ ହୁଦାଂ ମୁକ୍‌ଡାନାକା**

୩୬ ହାଡ଼ପା ଆପେଂ ଜଲମ୍‌ତାଂ ଜିହୁଦି, “ଆତିସ୍‌ପା ପାପିର୍ ପାତ୍ କିଞ୍ଜି ଜିହୁଦିର୍” ଆକାୟ୍,

୩୭ ଆତିସ୍‌ପା ଆସେକ୍ ପୁନାସ୍, ବିଦିନି ଗଡ଼ କିନାକା ସବୁ ପାତ୍ କିନି କାଜିଂ ଆକାୟ୍, ମାତର କେବଲ୍ ଜିସୁ କ୍ରିସ୍ଟାକେ ପାତ୍ କିନି ହୁଦାଂ ରଖାନ୍ ଇସ୍ବର କାଣ୍‌କୁକାଂ ଦାମ୍ ଇଞ୍ଜି ଇନ୍‌ପାନାନ୍ ଆସେକ୍ ଆରେ ବିଦି ଜପି ବେବାର କିଞ୍ଜାଦାଂ ଜିସୁ କ୍ରିସ୍ଟି ତାକେ ପାତ୍ କିନାସା, ଇନେକିଦେଂକି କେବଲ୍ ବିଦି ପାଲି କିନି ହୁଦାଂ ମାନାୟ୍ ଇସ୍ବର ମୁମ୍‌ଦ ଦାମ୍ ଗାଣାକିୟାଦେଂ ଆଡୁନ୍ ।

୩୮ ମାତର କ୍ରିସ୍ଟି ହୁଦାଂ ମେହାଜି ଇସ୍ବର କାଣ୍‌କୁକାଂ ଦାମ୍ ଆନି କାଜିଂ ସେସ୍ କିନିଞ୍ଜେଡ଼ାଂ, ଜଦି ଆସେକ୍ ପା ପାତ୍ କିଞ୍ଜି ଜିହୁଦିର୍ ଲାକେ “ପାପି” ଆଜି ମାନାସା, ଇଦାଂ କାଜିଂ କ୍ରିସ୍ଟ ଦାଇ ? ଆକାୟ୍, ଇଦାଂ ଇନାଖାଡ଼ାକ୍ ଆକାୟ୍ ।

୩୯ ଇନାକିଦେଂକି ଇମ୍ମୋକା ବିଦିନି ଗାଡ଼ତାକା ଆନ୍ ନାଟନାକା ହେଦାଂ ଆରେ ରଡ଼ନାକା ହାତିସ୍ ଆନ୍ ଅପାରାଦି ଆନାକା ।

୪୦ ବିଦି କାଜିଂ ଆନ୍ ବାତ୍ ହାକି ହେ ବିଦି ହୁକେ ନେ ଆନ୍ ହାତାକ୍‌ନା ମାତର ଆନ୍ ନକ୍ ଇସ୍ବର କାଜିଂ ଜିବୁନ୍ । କ୍ରିସ୍ଟ ଲାହାଂ ତା କୁସ୍‌ତ ଜପି ଆନ୍ ପା ହାତାକ୍‌ନା ।

୪୧ ଲାଗିଂ ନକ୍ ହାଡ଼ପାତ ଆନ୍ ଆରେ ଜିବୁନ୍ ଆକାୟ୍, ନା ତାକେ କ୍ରିସ୍ଟନେ ଜିବୁନ୍ । ଆନ୍ ଗାଗାଡ଼ତ ମାନଞ୍ଜି ନଂ ଇମ୍ମୋକା ଜିବୁନ୍ ଜିଉଣା କିନାକା ହେଦାଂ କେବଲ୍ ଇସ୍ବରତି ମାଜିଡ଼ି ଜପି ନା ପାତ୍ ହୁକେ ଆତାଡ଼ନ୍ନା ଇନେର ନାକେକ୍ ଜିଉନଜି ନା କାଜିଂ ତା ଜିବୁନ୍ ଦାନ୍ କିତାନ୍ନା ।

୪୨ ଇଦାଂ କାଜିଂ ଇସ୍ବରତି ଉପକାରତିଂ ଆନ୍ ଇନାଖେଡ଼ାଂ ପା ପଲ୍ୟା କିଦେକ୍ ଆଡୁକ୍ । ଇନାକିଦେଂକି କେବଲ୍ ବିଦି ହୁଦାଂ ଜଦି ରଖାନ୍ ଇସ୍ବର କାଣ୍‌କୁକାଂ ଦାମ୍ ଆଦେଂ ଆଡ଼ନାନ୍, ଲାଗିଂ କ୍ରିସ୍ଟି ହାନାକା ମୁଲ୍‌ହିଲାକା ଇଞ୍ଜି ଇଞ୍ଜେକ୍ ଆନାଡ଼ ।



### ୩

#### ବିଦି ନଲେ ପାତ

୧ ଏ ବୁଜାଞ୍ଜି ଗାଳାତିୟାର ! ଇନେର୍ ମି ଜପି ଗାଜାକିତ୍ତାନ ? ମି କାଣକୁ ମୁମ୍ଦ ତ କୁସ୍ତ ହାତି ଜିସୁ କ୍ରିସ୍ତୁତି ବାନା ରତ୍ତୟାଜି ମାତାତ ।

୨ ର କାତା ନାଙ୍ଗ ଇଞ୍ଜା, ବିଦି ପାଲି କିନି କାଜି ଏପେଙ୍ଗ ପୁଇପୁୟା ଜିରୁନ୍ତି ପାୟାତାୟନା, ଆକାୟ ନେକ୍ରିକାରୁର୍ ଖେନ୍ଞି ହେବେ ପାତ କିନି ହୁକେ ?

୩ ଏପେଙ୍ଗ ଇନାକା ଅରୁଜାକାଦେର୍ ଆନାଦେରା ଇନେସ୍ ? ମାପୁତି ସାକ୍ତିତ ଇମ୍ଣି ଜିରୁନ୍ତ ହାଙ୍ଗତାଦେଣ୍ଡା, ନିଜ୍ ସାକ୍ତିତା ଇନାକା ହେଦେଲି ଗାଗାଡ୍ଡତ ବାତ କିଦେଙ୍ଗ ଇତା କିନାଦେରା ?

୪ ଇଦା କାଜି ମି ଖିଜୁ ବାବନା ଇନାକା, ମଲ୍ ହିଲାକା ହେବେଣ୍ଡା ଇନାକା ହିକ୍ୟା କିଞ୍ଜାତାୟନା ?

୫ ଏପେଙ୍ଗ କେବଲ୍ ବିଦିତ ପାତ କିଜିମାଟିଲେ ଇନାକା ଇସ୍ପୁର୍ ମିଙ୍ଗେଙ୍ଗ ହେଞ୍ଜାକ୍ତି ଜିରୁନ୍ ହିଦ୍ନାନ ଆରି ମି ବିତ୍ରେ ସାକ୍ତିନି କାମାୟ ସବୁ କିଦେଙ୍ଗ ଆଡ୍ନାର, ଆକାୟ, ଏପେଙ୍ଗ ନେକ୍ରିକାରୁର୍ ଖେନ୍ଞି ହେବେ ପାତ କିନାଦେରା ଇଞ୍ଜି ?

୬ \*ଅବ୍ରାହାମ୍ କାତା ଏତୁ କିୟାଟ୍ । ସାସ୍ପୁର୍ତ ଲେକାମାନାଡ୍ “ହେଞ୍ଜାନ୍ ଇସ୍ପୁର୍ତା ପାତ କିତାନ୍ ଆରି ହେଞ୍ଜାକ୍ତି ପାତ କାଜି ଇସ୍ପୁର୍ ତାଙ୍ଗ ଦାମ୍ ଲାକେ ମାନିକିତାନ୍ ।

୭ \*ଇଦା ଏପେଙ୍ଗ ପୁନ୍ଞି ମାନାଟ୍, ଇମ୍ଣାକାର ପାତ କିଦେଙ୍ଗ ରାଜି, ହେଞ୍ଜାର ଅବ୍ରାହାମ୍ତି ହାଡ୍ପା ଲାତ୍ରା ଇଦା ମିଙ୍ଗେଙ୍ଗ ବେବାର କିଦେଙ୍ଗ ଆନାଟ୍ ।

୮ ଆଗେତା ଦରମ୍ ସାସ୍ପୁର୍ତ ଲେକାତାଡ୍ନା, ପାତ ହୁଦା ଇସ୍ପୁର୍ ପାତ କିଞ୍ଜି ଜିହୁଦିରିଙ୍ଗ ପା ଦାମ୍ ଇଞ୍ଜି ବାତି କିନାନ୍ । ଅବ୍ରାହାମ୍ ଲାଗା ଇ ବେରଣ୍ ପର୍ଡୁମ୍ ସୁଣାୟ କିୟାଜି ମାତାଡ୍, ମି ହୁକେ ଇସ୍ପୁର୍ ପୁତ୍ ନି ଖିଜାର ଜାତିତି ଅସିର୍ବାଦ୍ କିନାନ୍ ।”

୯ ଅବ୍ରାହାମ୍ ପାତ କିଜି ଆସିର୍ବାଦ୍ ପାୟାଜି ମାତାର ଲାଗି ଇମ୍ଣାକାର ପାତ କିନାର, ହେଞ୍ଜାର ଅବ୍ରାହାମ୍ତି ଲାକେ ଆସିର୍ବାଦ୍ ଗାଟା ଆନାର ।

୧୦ ଇମ୍ଣାକାର ବିଦି ପାଲି କିନି ଜପି ବାସ୍ କିତାର, ହେଞ୍ଜାର ସାଇପ୍ନିକାର ବିତ୍ରେ ଜିରୁନ୍ ଜିପ୍କା କିତାର । ଇନେକିଦେକି ଦରମ୍ ସାସ୍ପୁର୍ତ ଲେକାମାନାଡ୍, “ମସାତି ବିଦି ପତିତ ଇନାକା ସବୁ ଲେକା ଆତାଡ୍ନା, ଜଦି ଇନେର୍ ପୁରାବାବେ ହେଦା ପାଲି କିତନ୍, ହେଞ୍ଜାନ୍ ଇସ୍ପୁର୍ତ ସାଇପ୍ ପାୟା ଆନାଦେର୍ ।”

୧୧ ମସାତି ବିଦି ହୁଦା ଇନେର୍ ଜେ ଇସ୍ପୁର୍ ମୁମ୍ଦ ଦାମ୍ ଗାଣାକିୟାଜନ୍, ଇଦା ତ ହାର୍କିଜି, “ଇନାକିଦେକି ଦାମ୍ ଲଗୁ ପାତ ହୁଦା ଜିନାନ୍ ।”

୧୨ ମାତର ବିଦି ଲାହା ପାତ ନି ଇନାକାପା ମେହାଣ୍ ଆକାୟ । ଦରମ୍ ସାସ୍ପୁର୍ତ ଲେକାତାଡ୍ନା, “ଇମ୍ଣି ମାନାୟ ବିଦିନି ଦାବି ଲାହା କାମାୟ କିନାନ୍ ହେଞ୍ଜାନ୍ ଜିନାନ୍ ।”

୧୩ ମାତର କ୍ରିସ୍ଟୁ ମା କାଜି ସାଇପ୍ ପାୟାଜି ବିଦିତ ଲେକାତି ରାଣ୍ଡା ମାଙ୍ଗେଙ୍ଗ ମୁକ୍ତାୟ କିଡ୍ତାନନା । ଦରମ୍ ସାସ୍ପୁର୍ତ ଲେକା ମାନାଡ୍, “ଇନେର୍ ମାର୍ନି କୁସ୍ତ ହାନାନ୍, ହେଞ୍ଜାନ୍ ଇସ୍ପୁର୍ ହୁକେ ସାଇପ୍ ଆନାନ୍ ।”

୧୪ ଇସ୍ପୁର୍ ଅବ୍ରାହାମ୍ତି ଇମ୍ଣି ଆସିର୍ବାଦ୍ ହିନି କାଜି ପାର୍ମାଣ୍ କିଜି ମାତାନ୍, ପାତ କିଞ୍ଜି ଜିହୁଦିର୍ ପା ଇନେସ୍ ହେଦା ଲାବ୍ କିଦେଙ୍ଗ ଆଡ୍ନାର, ଇଦା କାଜି ଜିସୁ କ୍ରିସ୍ଟୁ କାମାୟ କିନାନ୍ । ଲାଗି ପାତ ହୁକେ ଆସେଙ୍ଗ ପା ଇସ୍ପୁର୍ତ ତାଟ୍ ଇସାବ୍ରେ ପୁଇପୁୟା ଜିରୁନ୍ ଲାବ୍ କିଦେଙ୍ଗ ଆଡ୍ନାସ୍ ।

#### ବିଦି ଆରି ପାର୍ମାଣ୍

୧୫ ଏ ଟଣ୍ଡାର୍ ଆରି ତଣ୍ଡେକ୍, ଆନ୍ ର ସଲ୍‌କେନି ଉତ୍ତର୍ମୁଡ୍ ହିଦ୍ନାଙ୍ଗା । ଏଚେକାଡ୍ଡଦ ରିୟାର ଇମ୍ଣି ବିସ୍ତେ ର ଗଜା ସାକି କିନାରା, ଇନେର୍ ହେ ଗଜା ବାଙ୍ଗାୟ କିଦେଙ୍ଗ ଆଡ୍ନା କି ହେବେ ଇନାକା ମେହାୟ କିଦେଙ୍ଗ ଆଡ୍ନାର ।

୧୬ ଅବ୍ରାହାମ୍ ଆରି ହେଞ୍ଜାକ୍ତି ଲାତ୍ରା ଲାଗା ଇସ୍ପୁର୍ ହେଞ୍ଜାକ୍ତି ପାର୍ମାଣ୍ କିଜି ମାତାନ୍ । ମାତର ଇ ବିସ୍ତେ “ମି ଲାତ୍ରାରି କାଜି” ଇତିସ୍ ବେସି ମାନାୟାର କାଜି ଇଞ୍ଜି ସାସ୍ପୁର୍ ଲେକାଞ୍ଜାତାଡ୍ନା । କେବଲ୍ “ମି ଲାତ୍ରା କାଜି” ଇଞ୍ଜି ଲେକାତାଡ୍ନା । ଲାଗି ହେ ସାସ୍ପୁର୍ତ କେବଲ୍ ରଞ୍ଜାନ୍ ମାନାୟ, ଇତିସ୍ “କ୍ରିସ୍ଟୁ କାଜି” ଆନାକା ମାନାଡ୍ ।”

୧୭ ନାଦା ଇନାକା ଅରଡ୍ ଆନାତା, ଇସ୍ପୁର୍ ଅବ୍ରାହାମ୍ ଲାହା ର ନିୟମ୍ ରଡ୍ଡି ମାତାନ୍ ଆରି ହେଦା ରାକ୍ୟା କିନି କାଜି ପାର୍ମାଣ୍ କିଜି ମାତାନ୍ । ତାର୍‌ସ ତିରିସ୍ ବାହୁ ପାଚେ ହିଦ୍ୟାତାଡ୍, ହେଦା ହେ ଗଜାତି ଡ୍ରିକ୍ତି ଇସ୍ପୁର୍ତ ପାର୍ମାଣ୍ ମୁନା କିଦେଙ୍ଗ ଆଡ୍ନାଟ୍ ।

୧୮ ଇସ୍ପୁର୍ତ ପାର୍ମାଣ୍ ଆସିର୍ବାଦ୍ ପାୟାଜି ଜଦି ବିଦି ପାଲି କିନି ଜପି ବେବାର କିତାର, ତେବେ ହେଦା ତା ପାର୍ମାଣ୍‌ନି ପାଡ୍ ଇଞ୍ଜି ଆରେ ଇନ୍ୟା ଆଡ୍ଡତ୍ । ଲାଗି ଇସ୍ପୁର୍ କେବଲ୍ ତା ପାର୍ମାଣ୍ ଇସାବ୍ରେ ହେ ଆସିର୍ବାଦ୍ ଅବ୍ରାହାମ୍ତି ହିତାନ୍ ।

\* ୩:୬ ରମିୟ ୪:୩. \* ୩:୬ ରମିୟ ୪:୧୭.

୧୯ ତାଆଡ଼ିସ୍ ବିଦି ଇନେକିଦେଂ ହିଦ୍ୟାତାତ୍ ? ମାନାୟତି ସତ୍ତ୍ୱିଲ୍ଲଞ୍ଜି କାମାୟ ସବୁ ଚର୍ଚ୍ଚି ହିନାକା ହେଦାଂ ଉଦେସ୍ ମାଚାତ୍ ଆରି ଅବ୍ରାହାମ୍ ଇମ୍ଣି ଲାତ୍ରାରିଂ ଇଚ୍ଚକାତ୍ କିଜି ଲେକାତି ଇସ୍ୱର୍ ପାର୍ମାଣ୍ କିଜି ମାଚାନ୍, ହେ ମାନାୟତି ଖାନି ପାତେକ୍ ବିଦିନି ଲତ୍ତା ମାଚାତ୍ । ରଖାନ୍ ମାନାୟତି ମାଦ୍‌ଶାକାନ୍ତି ସାଗେ ଦୁତ୍ତର୍ କାଜିଂ ବିଦି ହିୟାଜି ମାଚାତ୍ ।

୨୦ ମାଦ୍‌ଶାକାନ୍ତି ର ପାକ୍ୟା ନେତା ଆକାୟା, ମାତର୍ ରଖାନ୍ ଇସ୍ୱର୍ ।

**ବିଦିନି ଉଦେସ୍**

୨୧ ଇଦାଂନି ଅରତ୍ ଇନାକା ? ବିଦି ଇନାକା ଇସ୍ୱର୍ ପାର୍ମାଣ୍ ବିରୁଦ୍ କିନାତ୍ ? ଆକାୟ ମୁଲେ ଆକାୟ ! ଇନେକିଦେଂକି ମାନାୟତିଂ ଜିରୁନ୍ ହିନି ଲାକେ ଜଦି ର ବିଦି କିତିସ୍, ଲାଗିଂ ହେଦାଂ ପାଲି କିଦେକ୍ ହୁକେ ନେ ମାନାୟ ଇସ୍ୱର୍ତି କାଶ୍‌କୃତ ଦସ୍‌ହିଲ୍‌ଖାକାନ୍ ଆତାନ୍‌ମା ।

୨୨ ମାତର୍ ଦରମ୍ ସାସ୍ୱର୍ତ୍ତ ଲେକାମାନାତ୍, ରାଜିନି ନାର୍ ଜାତି ପାପ୍ ସାକ୍ତିତାଂ ତାରେନ୍, ଲାଗିଂ ଇନେସ୍ ଜିସ୍ୱ କ୍ରିସ୍ଟ୍ ତାକେ ପାତ୍‌ନି ପାତ୍ ଲାକେ ପାର୍ମାଣ୍‌ନି ଆସିର୍ବାଦ୍ କ୍ରିସ୍ଟ୍ ପାତ୍‌ନି କିନାକାର୍ ପାୟାନାର୍ ।

୨୩ ପାତ୍‌ନି ଜୁଗ୍ ଖାନି ଆଗେ, ଆରି ହତେକ୍ ହାଲ୍‌ଜିମାନି ପାତେକ୍ ବିଦି ମା ଓଜାରିଂ ଗେହ୍ୟାଜି ଇଟ୍ୟା ଆଜି ମାଚାସ୍ ।

୨୪ କ୍ରିସ୍ଟ୍ ଖାନି ପାତେକ୍ ବିଦି ମା ତାରେନ୍ ମାଚାତ୍; ମାତର୍ ତା ପାତେ କେବଲ୍ ପାତ୍‌ନି ହୁକେ ଆସେକ୍ ଇସ୍ୱର୍ ମୁମ୍‌ଦ ଦାମ୍‌ନି ହିଲ୍‌ଖାକାନ୍ ଇଞ୍ଜି ଇନ୍ୟାନାନ୍ ।

୨୫ ମାତର୍ ନକ୍ ହେ ପାତ୍‌ନି ଏକିତି ପାତେ ଆସେକ୍ ଆରେ ବିଦିନି ତାରେନ୍ ଆକାୟ ।

୨୬ ପାତ୍‌ନି ହୁକେ କ୍ରିସ୍ଟ୍ ଜିସ୍ୱି ଲାହାଂ ବାଚିକିୟାଜି ଏପେକ୍ ଓଜାକାଦେର୍ ଇସ୍ୱର୍ତି ହିମ୍‌ଣାଂ ଆତାଦେଣ୍ଟା ।

୨୭ ବାପ୍ରିସିମ୍ ହୁକେ ଏପେକ୍ କ୍ରିସ୍ଟ୍ ଲାହାଂ ଏକ୍ ଆତାଦେଣ୍ଟା ଆରି ନକ୍ ଜିସ୍ୱ କ୍ରିସ୍ଟ୍ ଜିରୁନ୍ ଲାକେ ହେୟା ଉସ୍ତାତାଦେଣ୍ଟା ।

୨୮ ଲାଗିଂ ଜିହୁଦି ଆରି ପାତ୍‌ନି କିଓ୍ ଜିହୁଦି, ଗ୍ରିକ୍, ଆଡିଏନ୍ କି ଜାର୍‌ତାରେନ୍, ଆଣ୍ଡ୍‌ନି କି କଗ୍‌ଲେ, ମି ବିତ୍ରେ ମୁଡେପା ବିନେ ଆକାୟ । ଏପେକ୍ ଓଜାକା ଜିସ୍ୱ କ୍ରିସ୍ଟ୍ ଲାହାଂ ମେହାଜି ଏକ୍ ଆତାଦେଣ୍ଟା ।

୨୯ ଆରେ ଜଦି ଏପେକ୍ କ୍ରିସ୍ଟ୍ ମାନାୟାର୍ ଲାଗିଂ ଅବ୍ରାହାମ୍‌ତି ଲାତ୍ରା ଆରି ଇସ୍ୱର୍ ଇନାକା ପାର୍ମାଣ୍ କିତାନ୍‌ନା, ହେଦାଂ ଲାବ୍ କିନାଦେର୍ ।

**୪**

୧ ମାତର୍ ଆନ୍ ଇଞ୍ଜିନାକା, ମାଜି ଆବାତି ସବୁ ଦନ୍‌ନି ହାଉକାର୍, ମାତର୍ ସବୁ ବିସ୍ତେ ଆଦିକାର୍ ଆଦେଂ ପା ପାୟାଓଡି ବ୍‌ଇସ୍ ମାନି ପାତେକ୍ ହେଖାନ୍ ଆଡିଏନ୍ ଲାକେ ମାନ୍‌ଗାନାନ୍,

୨ ହିମ୍‌ଣା ଅବସ୍ତାତ, ତା ଆବାତି ସମାନ୍ ସମୁ ପାତେକ୍ ଗୁମୁସ୍ତା ଜାତୁନ୍ ଅନାର୍ ଆରି ସବୁ ବିସ୍ତେନି ହପ୍‌ତାନାନ୍ ।

୩ ସମାନ୍ ହେ ଲାକେ ଆପେଂ ପା ଆଦିକ୍ ବାବ୍ରେ ପାୟାତି ବ୍‌ଇସ୍ ଆଗେ, ପୁତ୍‌ନି ଜପି ରାଜ୍ କିଜି ମାନି ସାକ୍ତିନିକାର୍‌ତି ଆଡିୟା ମାଚାସ୍;

୪ ହାରିହାରା ଏଚେକାଡ୍‌ଦ ସମାନ୍ ସମୁ ଖାତିଲେ, ଇସ୍ୱର୍ ଜାର୍ ମାଜିଂ ପକ୍‌ତାନ୍ । ରଞ୍ଜେଲ୍ ହୁଦାର୍ କଗ୍‌ଲେ ପଟ୍‌ତାଂ ଉବ୍‌ଜାତି ଜିହୁଦି ବିଦିନି ତାରେନ୍ ଜିରୁନ୍ ଜିପ୍‌କା କିତାନ୍,

୫ ଇନେସ୍ ହେଖାନ୍ ଲତ୍ତାନି ମଲ୍ ହିଜି ହେ ବିଦିନି ଗାଚ୍‌ୟାତିତାଂ ବିନ୍ ଲଗାଂ ମୁକ୍‌ଡାୟ୍ କିନାକା ଆରି ହେଖାରିଂ ଇସ୍ୱର୍ତି ମାଜି ଆନି ଉପାୟ୍ ହିନାକା ତା ଜିରୁନ୍‌ତନି ଉଦେସ୍ ମାଚାତ୍ ।

୬ ଏପେକ୍ ଜେ ଇସ୍ୱର୍ତି ମାଜି, ଇଦାଂ ପାର୍ମାଣ୍ କିନି କାଜିଂ, ଇସ୍ୱର୍ ତା ମାଜିତି ପୁଇପୁୟା ଜିରୁନ୍‌ତିଂ ମା ଖାସ୍ତିତିଂ ପକ୍‌ତାତାନ୍ନା । “ହେ ପୁଇପୁୟା ଜିରୁନ୍ ଗାଜା କାଟ୍‌ତାଂ ଇନାତା, ଆବା ଏ ନା ଆବା !”

୭ ଲାଗିଂ ଏପେକ୍ ଆରେ କଡ୍‌କା ଆଡିୟାର୍ ଆକାୟ, ମାତର୍ ମାଜି କି । ଏପେକ୍ ତା ମାଜି ଆଜି ମାଚିଲେ, ଇସ୍ୱର୍ ତା ମାଜିଗାଡ୍ କାଜିଂ ଇନାକା ଇଡ୍‌ତାନ୍ନା, ହେ ସବୁ ମିଜେକ୍ ଦାନ୍ କିଦ୍‌ନାନ୍ ।

**ଗାଳତ୍ରିୟାତ୍ କାଜିଂ ପାଉଲ୍‌ତି ଚିନ୍ତା**

୮ ମାତର୍ ଆଗ୍‌ତୁ ଏପେକ୍ ଇସ୍ୱର୍ତିଂ ପୁନ୍‌ଖାଦାଂ ମାଚାଦେର୍, ଲାଗିଂ ଇମ୍‌ଶାକାର୍ ହାତେନେ ଇସ୍ୱର୍ ଆକାୟ, ହେ ଲାକେ ମିଚ୍ ପେନ୍ ପୁଦାତିଂ ଆଡିୟା ମାଚାଦେର୍;

୯ ମାତର୍ ନକ୍‌ୟ୍ ଏପେକ୍ ଇସ୍ୱର୍ତିଂ ପୁଚାଦେଣ୍ଟା ଆନ୍ ଇଞ୍ଜିନାକା, ନକ୍‌ୟ୍ ଇସ୍ୱର୍ ମିଜେକ୍ ପୁନ୍‌ତାନ୍‌ନା । ଖାଟିଂ ଇଦାଂ ଇନେସ୍ ଆନାତ୍ ଜେ, ଏପେକ୍ ଆରେ ରଗ ହେ ନାଦାର୍ ବପୁ, ଦାଣ୍ଡିନି ପେନ୍ ପୁଦାଂ ଲାଗାଂ ମାସ୍‌ଦି ହାଞ୍ଜେକ୍ ମାନ୍ କିନାଦେରା ? ଏପେକ୍ ଇନେକିଦେଂ ଆରେରଗ ହେଖାଡି ଆଡିଏନ୍ ଆଦେଂ ଇଚା କିନାଦେରା ?

୧୦ ଦୁକ୍‌ନି କାତା, ଏପେକ୍ ଏଚେଗଟା ହାଦ୍‌ନି, ମାସ୍ ପାଗ୍ ଆରି ବାହ୍ କାଜିଂ ବେସି ମାନ୍ ହିନାଦେରା ।

୧୧ ମି କାଜିଂ ଆନ୍ ଇମ୍‌ଣି କସ୍ କିନାକା, ଏଚେକାଡ୍‌ଦ ହେଦାଂ ପଲ୍ୟା ଆନାତ୍, ମି ବିସ୍ତେ ନାଦାଂ ଇ ପାଣ୍ଡୁ ।

✧ ୪:୫ ରମିୟ ୮:୧୫-୧୭.

୧୨ ଏ ଟଣ୍ଡାର, ଆରି ତଣ୍ଡେକ୍ ମିଲେକ୍ ଗଞ୍ଜାରି କିନ୍ନାକା, ଏପେକ୍ ନା ଲାକେ ଆତ । ଆନ୍ ମି ଲାକେ ଆତାକ୍ନା ଆରି ଏପେକ୍ ନା କାଜିଂ ଇମ୍ନାକା ପା ଅନ୍ୟାୟ୍ କିଞ୍ଜାତାଦେଣ୍ଟା ।

୧୩ ଆନ୍ ପର୍ତ୍ତୁମ୍ ହର୍ ଇନେକିଦେଂ ମି ଲାଗାଂ ନେକ୍ରିକାବୁର୍ ପରତାର୍ କିଜି ମାଚାକ୍, ହେଦାଂ ଏତୁ କିୟାଟ୍ । ହେପାଦ୍ନା ଆନ୍ ଗାଗାଡ୍ ନାଦାର୍ ମାନି କାଜିଂ ଇଦାଂ କିଜି ମାଚାତ୍ ।

୧୪ ମାତର୍ ନା ଗାଗାଡ୍ନି ଅବସ୍ତା ମି ପାକ୍ୟାତ ରିସା ଆତିସ୍ପା, ଏପେକ୍ ନାକ୍ ଗୁଇଦାଞ୍ଜାତାଦେର୍ କି ଗିଣ୍ଟି କିଞ୍ଜାତାଦେର୍, ଇଚିସ୍ ଇସ୍ପୁର୍ ନାକ୍ ର ସାଗେଂ ଦୁଡ୍ ଲାକେ ଇଟ୍ୟାଜି ମାନଚାନ୍ । କ୍ରିସ୍ଟ ଜିସୁତି ଏପେକ୍ ଇନେସ୍ ମାନି କିତାଦେର୍ମା ହେ ଲାକେ ନାକେକ୍ ପା ମାନି କିଜି ମାନଚାଦେର୍ ।

୧୫ ଏପେକ୍ ଏଚେକ୍ ଖାରିଞ୍ଜାଦାଂ ମାଚାଦେର୍ ! ମାତର୍ ନକ୍ ଇନାକା ଆତାଦେଣ୍ଟା ? ମି ମେହାବିଡା ଆନ୍ ଇ ସାକି କାତା ତାଟ୍ ବାବ୍ରେ ଇଞ୍ଜେକ୍ ଆଡ୍ନାକ୍ ଜେ, ଆଜି ମାଚିସ୍, ଏପେକ୍ ଜାର୍ ଜାର୍ତି କାଣ୍ଟା ଉନ୍ଦି ତାକ୍ଞାଜି ହିତାଦେର୍ମା ।

୧୬ ଲାଗିଂ ଆନ୍ ମିଲେକ୍ ହାତ୍ପା ଇଞ୍ଜିଲେ ମିଂ ଇନାକା ସାତୁ ଆତାଂନା ?

୧୭ ହେ ବିନ୍ନିକାର୍ ମି ହାର୍ କାଜିଂ ବେସି ଖାରିନିକାନ୍ ଇଞ୍ଜି ଚଞ୍ଜୟାନାନ୍ । ମତର୍ ଇବେ ହେଞ୍ଜାଡ୍ତି ସଡ୍ ଉଦେସ୍ ହିଲୁଡ୍ । ହେଞ୍ଜାଡ୍ତି ରଞ୍ଜାକ୍ ମତର୍ ଇଚା, ଇନେସ୍ ଏପେକ୍ ନା କାଜିଂ ବିନେ ଆଜି ହେଞ୍ଜାଡ୍ କାଜିଂ ମାନ୍ହିୟାଟ୍ ।

୧୮ ମାତର୍ ସବୁ ସମୁତ ଆନ୍ ମି ଲାହାକ୍ ମାନି ଖେଡାଲିଂ ଆକାୟ୍, ମତର୍ ସବୁ ଖେଡାଲିଂ ହାଦ୍ ବିସ୍ତେ ଜିବୁନ୍ ହିନାକା ହାର୍ ।

୧୯ ଏ ନା କାଡ୍ଦେର୍, ଏଚେକ୍ ପାଚେକ୍ ମି ତାକେ କ୍ରିସ୍ଟ ଲାକେ ଆଞ୍ଜାତାଦେଣ୍ଟା, ହେ ପାଚେକ୍ ମି କାଜିଂ ଆରେ ରଗ କୁଚ୍ଚିତ ବିପ୍ରି ଆନାତା ।

୨୦ ଆନ୍ ଇନେସ୍ ନକ୍ ମି ଲାଗେ ଏକିସ୍ ବିନ୍ ବାବ୍ରେ କାତା ଇଞ୍ଜେକ୍ ଆଡ୍ନାକ୍, ଇଦାଂ ନା ମାନ୍; ଇନାକିଦେଂକି ଆନ୍ ମି ବିସ୍ତେ ବୁଦିବାଣା ଆନାକା ।

**ହାଗାରା ଆରି ସାରାତି ଉତ୍ତରମୁଡ୍**

୨୧ ଇମ୍ନାକାର୍ ବିଦିତ ମାନି କାଜିଂ ଇଚା କିତାର୍ ଏପେକ୍, ନାକ୍ ଖେଚ୍ଚାଟ୍ ତ, ଏପେକ୍ ଇନାକା ବିଦିନି ବଚନ୍ ଖେଚ୍ଚୁଦେରା ?

୨୨ ଇନାକିଦେଂକି ଲେକା ମାନାଡ୍, ଅବ୍ରାହାମ୍ତି ରିଆର୍ ହିମ୍ଣାଂ ମାଚାର୍, ରଞ୍ଜାନ୍ କଡ୍କା ଆଡ୍-ଏଣି ତାକ୍ ଆରେ ରଞ୍ଜାନ୍ ଜାର୍ କଗ୍ଲେ ତାଂ ଚଞ୍ଚାକାନ୍ ।

୨୩ ଇନେର୍ ଆଡ୍-ଏଣିତି ମେହି, ହେଞ୍ଜାନ୍ ଗାଗାଡ୍ନି ମ୍ବାସ୍ବେଲ୍ ଚଞ୍ଚାନ୍; ମାତର୍ ଇନେର୍ ଜାର୍ କଗ୍ଲେନି ମେହି, ଇସ୍ପୁର୍ତି ପାର୍ମାଣ୍ଟ ସାକ୍ତିତ ଚଞ୍ଚାନ୍ ।

୨୪ ଇ ଖିଜୁ କାତାନି ର କାତା ପୁନାକା ମାନାଡ୍, ଇନାକିଦେଂକି ଇ କଗ୍ଲେକ୍ ରି ନିୟମ୍ନି ଲାକେ; ର ନିୟମ୍ ସିନୟ୍ ମାଡ୍ଡିତାଂ ଉଦ୍-ଜାଣ୍, ହେଦାଂ ଆଡ୍-ଏନ୍ କାଜିଂ ହିମ୍ଣାଂ ଗାଗାଆନାକାଦେଲ୍, ହାଗାରା ହେବେନି ରଞ୍ଜେଲ୍ ।

୨୫ ହାଗାରା, ଲାକେ ଇ ବେରଣ୍ ଆରବ୍ତ ସିନୟ୍ ମାଡ୍ଡିତିଂ ଆଣ୍ଟାନାଡ୍, ଆରେ, ହେଦାଂ ନକ୍ନି ଜିରୁସାଲମ୍ ସମାନ୍ ଲାକେ, ଇନାକିଦେଂକି ଇ ଜାର୍ ହିମ୍ଣାଂ ହୁଦାଂ ଆଡ୍-ଏକ୍ତ ମାଚାନ୍ନା ।

୨୬ ମାତର୍ ସାଗେତାଂ ଜିରୁସାଲମ୍ କୁଲ୍ୟାସ୍, ଆରି ହେଦେଲ୍ ମା ତାଡ୍ଡି ।

୨୭ ଇନେକିଦେଂକି ସାସ୍ପୁର୍ତ ଲେକାମାନାଡ୍,

“ଆଗ ବାଞ୍ଜି, କଗ୍ଲେ, ଏପେକ୍ ଖାରି କିୟାଟ୍

ଇନାଞ୍ଜାଡାକ୍ କୁଚ୍ଚି ନଦ୍ନାକା ଏଡ୍-କିଞ୍ଜାଦାଂ ମାଚିସ୍ପା, ଖାରି କିୟାଟ୍ ।

ଇନେକିଦେଂକି ଆଣ୍ଟେନ୍ ଲାହାଂ ବାହା କିଜି ମାନି କଗ୍ଲେ ଲାକେ

ରଞ୍ଜାନ୍ ପିସ୍ତିକଗ୍ଲେନି ହିମ୍ଣାଂ ଲମର୍ ଆଦିକ୍ ।”

୨୮ ଏ ଟଣ୍ଡାର, ଏପେକ୍ ଇସ୍ହାକ୍ ଲାକେ ପାର୍ମାଣ୍ଟି ହିମ୍ଣାଂ ।

୨୯ ମାତର୍ ଗାଗାଡ୍ନି ହେଦ୍-ହବାୟ୍ ଇସାପ୍ରେ ଇନେର୍ ଜଲମ୍ ଆତାନ୍, ହେଞ୍ଜାନ୍ ଇନେସ୍ ହେଞ୍ଜେଡାଲିଂ ପୁଇପୁୟା ଜିବୁନ୍ ପାର୍ମାଣ୍ଟ ଇସାପ୍ରେ ଇନେର୍ ଜଲମ୍ ଆତାଣ୍ଟା, ଇସ୍ପୁର୍ତିଂ ନିୟା କିଜି ମାଚାତ୍ ।

୩୦ ମାତର୍ ସାସ୍ପୁର୍ ଇନାକା ଇନାଡ୍ ? “କଡ୍ଡି ଆଡ୍-ଏଣି ଆରି ତା ମେହିକ୍ ପିସ୍ତି ତୁହିୟାଟ୍; ଇନାକିଦେଂକି ଆଡ୍-ଏଣି ମେହି ଜାର୍ତିଂ କଗ୍ଲେନି ମେହି ଲାହାକ୍ ଆଦିକାର୍ ଆଉନ୍ ।”

୩୧ ଲାଗିଂ, ଟଣ୍ଡାର ଆରି ତଣ୍ଡେକ୍ ଆସେକ୍ କଡ୍କା ଆଡ୍-ଏଣି ହିମ୍ଣାଂ ଆକାୟ୍, ମତର୍ ଜାର୍ କଗ୍ଲେନି ହିମ୍ଣାଂ ।



**କ୍ରିସ୍ଟ ତାକେ ମି ଉଦାର୍**

୧ ଆପ୍ ଜାର୍ତାରେଡିଂ । କ୍ରିସ୍ଟ ମାକେକ୍ ଜାର୍ତାରେନ୍ କିଡ୍ତାନ୍ନା । ଲାଗିଂ ଏପେକ୍ ଜାର୍ତାରେନ୍ତ ଡିର୍ ମାନାଟ୍ । ଆରେରଗ ଆଡ୍-ଏନ୍ ଜୁଞ୍ଜାଣ୍ଟ ଗାଡ୍-ୟାତି ରବେ ଆନି କାଜିଂ ଜାର୍ତିଂ ଜାଚା ଆମାଟ୍ ।

୨ ଆନ୍ ପାଉଲ୍, ଇନାକା ଇଞ୍ଜନାଙ୍ଗା ଖେନାଟ୍, ଏପେଙ୍ଗ୍ ଜଦି ସୁନ୍ନତ୍ ବିଦି ପାଲି କିୟାଟ୍, ତା ଅରତ୍ ଆନାତ୍, ମି କାଜିଂ କ୍ରିସ୍ତୁତି ଇମ୍ଣି ଲଡ଼ା ଆକାୟ୍ ।

୩ ଆନ୍ ସୁନ୍ନତ୍ ପାୟାନି ଜାଣକେତିଂ ଆରେ ରଗ ସାକି ହିନାଙ୍ଗା ଜେ, ହେଝାନ୍ ଓଜୁ ବିଦି ପାଲି କିନି କାଜିଂ ଦାୟିତ୍ ।

୪ ମି ବିତ୍ରେତାଂ ଇମ୍ଣାକାର୍ ବିଦି ପାଲି କିନି ହୁକେ ଇସ୍ବରତି କାଣ୍ଡକ୍ତ ଦାମ୍ ବାଟିକିୟାଦେଂ ଆନି କାଜିଂ ସେସ୍ତା କିନାରା, ହେଝାର୍ ଜାର୍ ଜାରତିଂ କ୍ରିସ୍ତୁତାଂ ଚିରବିର କିତାରନା, ହେଝାର୍ ଇସ୍ବରତି ଉପକାରତ୍ ଦେହାଆତାଣ୍ଣା ।

୫ ମାତର ଆପ୍ ଆହା କିନାପା ଜେ ଇନାକିଦେଂକି ଆସେଙ୍ଗ୍ ପୁଇପୁୟା ଜିବୁନ୍ ହୁଦାଂ ପାତ୍ କାଜିଂ ଦାମ୍ କାତା ଗାଟାନି ଆହାତ କାନାସା ।

୬ ଇନେକିଦେଂକି କ୍ରିସ୍ତୁ ଜିସ୍ତୁତି ଲାହାଂ ମେହାଜି ଜିବୁନ୍ ଜିଉଣା କିତାନ୍, ସୁନ୍ନତ୍ କି ସୁନ୍ନତ୍ ଆଓଓି ମୁଡେ ଆକାୟ୍, ରଝାନ୍ ମତର ଲଡାନି ବିସ୍ତେ ଆନାତା, ପାତ୍ ତିର ମାନ୍ଞି ଜିଉନନିତ କିନାକା ସାଦନ୍ କିନାସ୍ ।

୭ ଏପେଙ୍ଗ୍ ହାର୍ ଲାକେ ଆଗେ ତାଙ୍ଗି ମାତାଦେର୍ । ହାତ୍ପା ହାଜିତ୍ ହାନିହିଙ୍ଗ୍ ଇନେର୍ ମିଙ୍ଗେଙ୍ଗ୍ ବାଦା ହିଜି ମାନ୍ତାର୍, ମିଙ୍ଗେଙ୍ଗ୍ ବୁଲ୍ ହାଜିତ୍ ହାଞ୍ଜେଙ୍ଗ୍ ହେଝାନ୍ ଇନେସ୍ ଖେଟ୍ଟାତାନ୍ ?

୮ ମିଙ୍ଗେଙ୍ଗ୍ କୁକ୍ତିନି ଇସ୍ବରତାଂ ଇ ବୁଜାୟ୍ କିନାକା ଆଝାତାତ୍ନା ।

୯ \*କାତାତ ମାନାତ୍, ଚାଟ୍ କାୟ୍ କିତି ମଇଦାଗୁଣ୍ଡାତିଂ ପୁଲାୟ୍ କିନି କାଜିଂ “ଅଲପ୍ ମତର ହଇନାକା ଲଡ଼ା ।”

୧୦ ହେଦାଂ ଇନେସ୍ ଆଏତ୍, ଇ ପାତେକ୍ ମି ଜପି ନା ଆହା ମାନାତ୍ । ଇନେସ୍ କି ଆସେଙ୍ଗ୍ ଓଜାର୍ ମାପୁ ଲାହାଂ ମେହାତାସ୍ନା, ନା ତାଟ୍ ପାତ୍, ଏପେଙ୍ଗ୍ ନା ଚିନ୍ତାତାଂ ବିରୁଦ୍ କିଦୁଦେର୍ । ଆରେ ଇମ୍ଣି ମାନାୟ୍ ମିଙ୍ଗେଙ୍ଗ୍ ଚାକ୍ରାୟ୍ କିଦନାନା, ହେଝାନ୍ ଇନେର୍ ଆଏର୍ ଇନେକିଦେଂ ତାଙ୍ଗେଙ୍ଗ୍ ଇସ୍ବର ହାତ୍ପା ତାଣ୍ଣ ହିନାନ୍ ।

୧୧ ମାତର ଏ ଟଣ୍ଡାର୍, ତଣ୍ଡାଦେକ୍, ଆନ୍ ଜଦି ନେଜେଙ୍ଗ୍ ପାତେକ୍ ସୁନ୍ନତ୍ ଲଡାନି ପାକ୍ୟାତ ପରଚାର କିନାଙ୍ଗା, ଝାଟିଙ୍ଗ୍ ଆନ୍ ନଙ୍ଗ୍ ପା ଇନେକିଦେଂ ନିନ୍ଦା ପାୟାନାଙ୍ଗା ? ଜଦି ଆନ୍ ହେଦାଂ କିଜି ମାନାଙ୍ଗ୍, ତା ଆତିସ୍ ହେ ସାଙ୍ଗେ ସାଙ୍ଗେ କ୍ରିସ୍ତୁତି କୁସ୍ ବିସ୍ତେ ବାଦା କିନାକା ହୁକେ ନାଦାଂ ଇନାକା ଅସୁବିଦା ଆଝାତାମ୍ ।

୧୨ ଇମ୍ଣାକାର୍ ମିଙ୍ଗେଙ୍ଗ୍ ତିର ଆଝାଦାଂ କିତ୍ତାରନା, ହେଝାର୍ ପୁରା ସାକ୍ତି ହିଲିଓଡି ଲାକେ ଆତିସ୍, ହାର୍ ଆତାମ୍ ।

୧୩ ଇନାକିଦେଂକି, ଏ ଟଣ୍ଡାର୍, ଆରି ତଣ୍ଡାଦେକାଦେର୍, ଏପେଙ୍ଗ୍ ଜାର୍ତାରେନ୍ କାଜିଂ କୁକ୍ୟା ଆତାଦେଣ୍ଣା; ମାତର ଜାଗ୍ରତ୍, କେବଲ୍ ଗାଗାଡ୍ନି ଆହା ବେବାର୍ କିନି କାଜିଂ ହେ ଜାର୍ତାରେନ୍ ଇନେସ୍ ହାତ୍ପା ଲାକେ ବେବାର୍ କିମାଟ୍ । ଇତିସ୍ ଜିଉନନି ହୁକେ ଚାଲାକିୟାଜି ଏପେଙ୍ଗ୍ ହାରି ହେବା କିୟାଟ୍ ।

୧୪ ଇନାକିଦେଂକି ରଞ୍ଜାଙ୍ଗ୍ ମତର ବଲ୍ତ ଓଜୁ ବିଦିତ ଇ ବଚନ୍ ବାତ୍ ଆନାତ୍, “ଏପେଙ୍ଗ୍ ଜାର୍ ପାତ୍ ହା ଇଞ୍ଜି ଲଗାଂ ଝାସ୍ ଲାକେ ଜିଉନଝାଟ୍ ।”

୧୫ ମତର ଏପେଙ୍ଗ୍ ଜଦି ପସୁ ଲାକେ ବେବାର୍ କିଜି ହାରିତିଂ ନସ୍ କିଜି ମାନାଦେର୍ ଆରେ ହାରି ନସ୍ କିଜି ମାନାଦେର୍, ଲାଗିଂ ଜାଗ୍ରତ୍ ଆତ, ଆଓଡିସ୍ ଏପେଙ୍ଗ୍ ହାରିତିଂ ପୁରା ନାସ୍ କିନାଦେରା ।

**ପୁଇପୁୟା ଜିବୁନ୍ ଆରି ମାନାୟ୍ କିତି ଅବ୍ୟାସ୍**

୧୬ ନା ଇନାକା କାତା ଆତାତ୍, ପୁଇପୁୟା ଜିବୁନ୍ ମି ଜିବୁନ୍ତିଂ ଚାଲାୟ୍ କିଏତ୍ । ତା ଆତିସ୍ ଏପେଙ୍ଗ୍ ଆରେ ମାନାୟ୍ କିତି ଅବ୍ୟାସ୍ ଆହା ବାତ୍ କିଉଦେର୍

୧୭ \*ମାନାୟ୍ ଅବ୍ୟାସ୍ ପୁଇପୁୟା ଜିବୁନ୍ନି ଇଗାନି ବିରୁଦ୍ । ହେ ଲାକେ ପୁଇପୁୟା ଜିବୁନ୍ତି ଇଚା, ମାନାୟ୍ ଅବ୍ୟାସ୍ ବିରୁଦ୍ । ଇଝାଙ୍ଗ୍ ହାରି ସତ୍ । ଲାଗିଂ ଏପେଙ୍ଗ୍ ଇନାକା କିଦେଙ୍ଗ୍ ଇଚା କିନାଦେର୍, ହେଦାଂ କିଦେଙ୍ଗ୍ ରାଜି ଆକାୟ୍ ।

୧୮ ଜଦି ପୁଇପୁୟା ଜିବୁନ୍ ମିଙ୍ଗେଙ୍ଗ୍ ତାଙ୍ଗିକିତିସ୍, ଲାଗିଂ ଏପେଙ୍ଗ୍ ଆରେ ମସାତି ବିଦିନି ତାରେନ୍ ଆକାୟ୍ ।

୧୯ ମାନାୟ୍ନି ଗାଗାଡ୍ନି କାମାୟ୍ ହାର୍ କିଜି ପୁରାଦେଣ୍ଣା; ଦାରି, ବିଟାତ୍,

୨୦ ଦାରିକାମାୟ୍, ପୁଡ଼ା ପୁଜା, ଗୁଣ୍ୟା, ସତ୍, ଗଣ୍ଡଗଲ୍, ଆକାର୍, ରିସା, ମଡି, ଦଲ୍ଲରାଟ୍,

୨୧ ତାରା, ହେଝାର୍ ମଦୁଝା ରଙ୍ଗ୍ ରସ୍ ଝାରି ଆରି ହେ ଲାକେ ବିନ୍ବିନ୍ ବାନ୍ୟାତ ବାତ୍ ମାନାର୍ । ଆନ୍ ଆଗେ ଲାକେ ନଙ୍ଗ୍ ପା ମିଙ୍ଗେଙ୍ଗ୍ ଜାଗ୍ରତ୍ କିଦନାଙ୍ଗା । ଇମ୍ଣାକାର୍ ଏଲେଙ୍ଗ୍ ବାତ୍ କାମାୟ୍ ସବୁ କିତାର୍, ହେଝାର୍ ଇସ୍ବରତି ରାଜିନି ଆଦିକାର୍ ଆଦେଂ ଆଡୁର୍ ।

୨୨ ମାତର ଜିବୁନ୍ତି ପାତ୍ ଜିଉନନାକା, ଝାରି, ସୁସା, ସାସ୍, ଦୟା, ସତ୍ ଗୁଣ୍, ପାତ୍ କିନାକା, ହୁଦାର୍,

୨୩ ହୁଦାର୍, ହଝାଦ୍ ଆରି ଜିବୁନ୍ ମେହାଣ୍ ଇ ସବୁ ବିରୁଦ୍ ଇମ୍ଣି ମସାତି ବିଦି ହିଲୁଟ୍ ।

୨୪ ଇମ୍ଣାକାର୍ ଜିସ୍ କ୍ରିସ୍ତୁତି, ତାକେ ପାତ୍ କିଜି ହେଝାର୍ ଗାଗାଡ୍ନି ଆହା ଆରି କାମାୟ୍ ଆହା ହୁଦାଂ ମାନାୟ୍ ହାତ୍ପାତିଂ କୁସ୍ତ ହାତାଣ୍ଣା ।

୨୫ ପୁଇପୁୟା ଜିବୁନ୍ ମାଙ୍ଗେଙ୍ଗ୍ ଜିବୁନ୍ ଦାନ୍ କିତ୍ତାତ୍ନା, ହେଦେଲ୍ ମା କାଜିଂ ଜିବୁନ୍ତିଂ ପା ଚାଲାୟ୍ କିଦନାତ୍ ।

୨୬ ଲାଗିଂ ଆସେଙ୍ଗ୍ ଗରବ୍ କିନାକା କି ହାରି କାକ୍ତି ଆଉସ୍ ଆରି ହାରିତିଂ ବେରସ୍ ଆଉସ୍ ।

☆ ୫:୯୧ କରନ୍ତିୟ ୫:୭. ☆ ୫:୧୭ ରମିୟ ୭:୧୫-୨୩.



ହାରିତି ବଜ୍ଞ ପିଣ୍ଡନାସ୍

୧ ଏ ଟଣ୍ଡାର ଆରି ତଣ୍ଡେକ୍, ଜଦି ଇନେର୍ ଇମ୍ଘି ବାନି ପାପ୍ ହିଲ୍ଘି କାମାୟତ ଦାରାପଡ଼ା ଆନାନ୍, ଆମ୍ଠିକ୍ ମି ବିତ୍ତେତାଂ ଇମ୍ଘାକାର୍ ପୁଇପୁୟା ଜିବୁନ୍ ହୁକେ ଚାଲାନାତା, ହେଝାର୍ ହେଦେଲିଂ ବୁଜାୟ୍ କିନି ଲଡ଼ା, ମାତର୍ ଏପେଙ୍ଗ୍ ଇ କାମାୟତ ହଝାଦ୍, ହୁଦାର୍ ବାବ୍ରେ କିନି ଲଡ଼ା, ଆରେ ଜାଗ୍ରତ୍, ଜାର୍ ଇନେସ୍ ହେ ଲାକେ ପରିକ୍ୟାତ କାମାୟ୍ କିଦେଙ୍ଗ୍ ତାୟା ଆମାଟ୍ ।

୨ ହାରିତିଂ ବଜ୍ଞ ପିଣ୍ଡନି କାଜିଂ ଉପକାର୍ କିୟାଟ୍, ଇଦାଂ କିନି ହୁକେ କ୍ରିସ୍ତୁତି ମସାତି ବିଦି ପାଲି କିନାଦେର୍ ।

୩ ଜଦି ଇମ୍ଘି ଲଗୁ ଆହାର୍ ଆତିସ୍ପା ଜାର୍ତିଂ ଗାଜା ଇଞ୍ଜି ମାନେ କିନାନ୍, ଲାଗିଂ ହେଝାନ୍ ଜାର୍ତିଂ ନିୟା କିନାନ୍ ।

୪ ମାତର୍ ଜାଣକେ ଜାର୍ ଜାର୍ତି ବେବାର୍ତିଂ ପରିକ୍ୟା କିଜି ହୁଡ଼ନି ଲଡ଼ା । ଜଦି ହେଦାଂ ହାର୍ଦାକା ଆଜି ମାନାଡ଼, ହେଦାଂ କାଜିଂ ହେଝାନ୍ କାମାୟ୍ ମାନେ କିଏର୍, ଆରି ବିନେନି କାମାୟ୍ ଲାହାଙ୍ଗ୍ ଜାର୍ତିଂ କାମାୟ୍ ତୁଲାୟ୍ କିଜି ଗରବ୍ କିମେନ୍ ।

୫ ଇନାକିଦେଂକି ଝିଜାକାର୍ ଜାର୍ ବଜ୍ଞ ପିଣ୍ଡଦେଂ ଲାଗ୍ଦାନାଡ଼ ।

୬ କ୍ରିସ୍ତୁୟାନ୍ ନେକ୍ରିକାରୁର୍ ହିକ୍ୟା କିନିଝେଡ଼ାଂ, ହିକ୍ୟାହିନାକାନ୍ ଗୁରୁଙ୍ଗ୍ ଜାର୍ ପୁନ୍ଝି ମାନି ଝିଜୁ ହାର୍ଦି ବିସ୍ତେନି ବାଗ୍ ଅଦେଂ ଲଡ଼ା ।

୭ ଚାକ୍ରାୟ୍ ଆମାଟ୍; ଇସ୍ପର୍ ବିଗ୍ଡ଼ାତି ଲଗୁ ଆକାୟ୍; ଇନାକିଦେଂକି ମାନାୟ୍ ଇନାକା ଝିଡ଼ନାନ୍, ହେଦାଂ ତ୍ରେସ୍ନାନ୍ ।

୮ ଇନେର୍ ଜାର୍ ଗାଗାଡ଼୍ ଉଦେସ୍ତୁ ଝିଡ଼ନାନ୍; ହେଝାନ୍ ଗାଗାଡ଼ତାଂ ହଡ଼ତି ଚାନେକ୍ରି ତାସ୍ ତ୍ରେସ୍ନାନ୍; ମାତର୍ ଇନେର୍ ପୁଇପୁୟା ଜିବୁନ୍ତ ଉଦେସ୍ତୁ ଝିଡ଼ନାନ୍, ହେଝାନ୍ ପୁଇପୁୟା ଜିବୁନ୍ତାଂ ହଡ଼ତି ଝିଜୁଜି ଜିବୁନ୍ବାତ୍ ତାସ୍ ତ୍ରେସ୍ନାନ୍ ।

୯ ଆସେଙ୍ଗ୍ ହାର୍ କାମାୟ୍ କିଦେଙ୍ଗ୍ ଝାହୁସ୍; ଇନାକିଦେଂକି ଝାଝିଦାଂ କାମାୟ୍ କିତିସ୍ ସମାନ୍ ସମୁତ ତାସ୍ ତ୍ରେସ୍ନାସ୍ ।

୧୦ ଲାଗିଂ, ଏଚେ ହଟ୍ ପାବ୍ ପାୟାନ୍ୟା, ସବୁଝେଡ଼ାଙ୍ଗ୍ ଝିଜାର୍ତି, ହାରିହାରା ଇମ୍ଘାକାର୍ ମା ପାତ୍ କିନାକାର୍ କୁଟୁମ୍, ହେଝାର୍ତି ହାର୍ କିନାକା ମାଙ୍ଗ୍ ଲଡ଼ା ।

ହାରିହାରା ଜାଗ୍ରତ୍ କାତା ଆରି ବାନ୍ୟାୟ୍

୧୧ ହୁଡ଼ାଟ୍, ଇନେସ୍ ଗାଜା ଗାଜା ଅକର୍ତ୍ତ ଜାର୍ କେଇଦ୍ ଆନ୍ ମି ଲାଗାୟ୍ ଲେକିକିନାଙ୍ଗା ।

୧୨ ଇମ୍ଘାକାର୍ ମାନାୟ୍ ବାତ୍ ବିସ୍ତେ ଚଞ୍ଜୟାନାର୍ ଆରି ଉସକାୟ୍ କିତାର୍, ହେଝାର୍ ନେ ହେଝାରିଂ ସୁନ୍ତ୍ ଆନି କାଜିଂ ଜବର୍ଦସ୍ତ୍ର କିନାରା । କ୍ରିସ୍ତୁତି କୁସ୍ କାଜିଂ ନିୟା ବଗ୍ କିଝି ଉଦେସ୍ତୁ ହେଝାର୍ ଇଦାଂ କିନାରା ।

୧୩ ଇନାକିଦେଂକି ଇମ୍ଘାକାର୍ ସୁନ୍ତନ୍ ନିୟମ୍ ପାଲି କିନାର୍, ହେଝାର୍ ନିଜେ ପା ମସାତି ବିଦି ପାଲି କିଜି ମାନୁର୍ । ଏପେଙ୍ଗ୍ ସୁନ୍ତ୍ ଆଡ଼ ଇଞ୍ଜି ହେଝାର୍ ଇଚା କିନାରା । ଇ ଗାଗାଡ଼୍ ବିଦି ପାଲି କିଦେଙ୍ଗ୍ ମିଙ୍ଗେଙ୍ଗ୍ ଝେଡ଼ଚେଦେଂ ଆଡ଼ଦିତିସ୍ ହେଝାର୍ ଗରବ୍ କିତାର୍ ।

୧୪ ମାତର୍ ଆନ୍ କେବଲ୍ ମା ମାପୁ ଜିସୁ କ୍ରିସ୍ତୁତି କୁସ୍ ବିସ୍ତେ ଗରବ୍ କିନାଙ୍ଗା; ଇନେକିଦେଂକି ତା କୁସ୍ ଲାହାଂ ଜଗଡ଼ ନା କାଜିଂ ହାତାଡ଼ ଆରି ଆନ୍ ଜଗଡ଼ କାଜିଂ ହାତାଙ୍ଗ୍ ।

୧୫ ଇନେର୍ ସୁନ୍ତ୍ କି ସୁନ୍ତ୍ ଆଝି, ହେବେ ଇନାକା ଆଏଡ଼୍ କି ଆମେଡ଼୍, ପୁନି ଉବ୍ଜାଣ ନେ ସାର୍ ବିସ୍ତେ ।

୧୬ ଇମ୍ଘାକାର୍ ଜାର୍ ଜିବୁନ୍ତ ଇ ରିତି ଦାହ୍ନାର୍ ହେଝାର୍ ଝିଜାର୍ ଆରି ଇସ୍ପର୍ତି ମାନାୟାର୍ ଇସ୍ରାଏଲ୍ ଝିଜାର୍ ଜିବୁନ୍ନି ସୁସ୍ତା ଆରି ଦୟା ଆୟେଡ଼୍ ।

୧୭ ହାରିହାରା, ନା ଏଚେକ୍ ଇନି କାତା, ନାଙ୍ଗ୍ ଇନେର୍ ଆରେ ଦୁକ୍ ହିଦ୍ମେର୍ । ଇନାକିଦେଂକି ନା ଗାଗାଡ଼ତ୍ ଇମ୍ଘି ସବୁ ଗାଝାତି ଚିନ୍କୁ ମାନିକ୍, ହେବେଶ୍ଟାଂ ହନାଡ଼ ଜେ ଆନ୍ ଜିସୁ କ୍ରିସ୍ତୁତି ଆଡ଼ିଏନ୍ ।

୧୮ ଏ ଟଣ୍ଡାର୍ ଆରି ତଣ୍ଡେକାଦେର୍, ମା ମାପୁ ଜିସୁ କ୍ରିସ୍ତୁତି ଉପକାର୍ ମି ଝିଜାର୍ ଲାଗାଂ ଜିବୁନ୍ନି ଉପକାର୍ ମାନେଡ଼୍ । ଆମେନ୍ ।

## ଏପିସିୟ ମଣ୍ଡଳୀ ନିକଟକୁ ପ୍ରେରିତ ପାଉଲଙ୍କ ପତ୍ର ଏପିସିୟ ମଣ୍ଡଳି ଲାଗାଂ ପକ୍ୟାତି ପାଉଲ୍‌ତି ଆକି ଏପିସିୟ ପତ୍ରିନି ପାଦେକ୍

ଏପିସିୟ ମଣ୍ଡଳି ତାକେ ପାଉଲ୍‌ତି ଆକି ପାଉଲ୍‌ତି ଆନମାନତାଂ ୬୦ ବାର୍ଷୁ ବିତ୍ରେ କଲସିୟ ମଣ୍ଡଳି ଲାଗାଙ୍ଗ୍ ଲେକିକିନି ସମୁ ଲେକା ଆଜି ମାତାତ୍ । ଲେକିକିନାକାନ୍ ହେଝାନ୍ ନିଜେ ପକ୍ୟାତି ପାଉଲ୍ ଇଞ୍ଜି ଜାଣାଟିଣା ହିନାନ୍ ୧:୧ ଜଦି କଲସିୟ ପତ୍ରିତ ନିଜେ ମେହାଣ ହିଲ୍‌ଝିତିସ୍ ପା କେତେକ୍ ପଣ୍ଡିତାର୍ ଏପିସିୟ ପତ୍ରିତ ପାଉଲ୍ ଲେକିକିତାନ୍‌ନା ଇଞ୍ଜି ପାତ୍ କିନାର୍ । ଇ କାରଣତାଂ ଆଜି ମାନାତ୍ ସବୁ ମଣ୍ଡଳିକାଂ ଆକି ପକ୍‌ନି ଇସାପ୍ ଆସ୍ତି ଲେକାଜି ମାନଗାନାତ୍ । ପାଉଲ୍ ଇଦାଂ ପା ଚତ୍‌ଟି ହିନାନ୍ ଜେ ହେଝାନ୍ ଇ ଆକି ଲେକିକିନି ସମୁତ ହେଝାନ୍ ବନ୍ଦି ମାତାନ୍ ୩:୧୪:୧ ଆରେ ୬:୨୦ ପାଉଲ୍ ତୁକିକଂ ଏପିସିୟ ମଣ୍ଡଳିତ ପକ୍‌ଟି ତା କେଇଦ ଇ ଆକି ପକ୍‌ଟି ମାତାନ୍ । ୬:୨୧-୨୨ ।

ଏପିସିୟ ଏସିଆତ ମାନି ରଞ୍ଜାଙ୍ଗ୍ ଆକି ଗାଡ୍ ଆରି ରାଜ୍‌ଦାନି ମାତାତ୍ । ଏପିସିୟ ଗ୍ରିକ୍ ପେନ୍ ଅରଡ୍‌ନି ଉପାସ୍ ଆରି ଇଦାଂ ନି ମନ୍ଦିର୍ କାଜିଂ ଝିନ୍‌ନାତ୍ । ପକ୍ୟାତାକା ୬:୨୩-୨୪ । ଏପିସିୟ ମଣ୍ଡଳି ପର୍ତୁମ୍ ତାଟ୍ ମାତାତ୍ । ମାତର୍ ପାଟେ ହାଲ୍‌କାଜି ଖାତାତ୍ । ହତ୍‌ତାକା ୨:୧-୭ । ପାଉଲ୍ ତା ଲେକାନି ଆଦା ବାଗ୍‌ତ ଇସ୍‌ବର୍ ଇନେସ୍‌କି ତା ମାନାୟାରିଂ କୁକ୍‌ତାନ୍ ଆରି ଇନେସ୍ ଜିସୁଙ୍ଗ୍ ହିଜି ପାପ୍‌ତାଂ ରାକ୍ୟା କିତାନ୍ ହେଦାଂ ବୁଜାୟ୍ କିତାନ୍ ।

ପାଉଲ୍ ମଣ୍ଡଳିତଂ ଗାଗାଡ୍ ହୁଦାଂ ତୁଲାଇୟ୍ କିଜି କ୍ରିସ୍ଟ୍ ଇ କାପ୍‌ଡା ଆରି କନାନି ମୁଡ୍‌କାଲ୍ ଆନାନ୍ ଇନାକା ଲାହାଙ୍ଗ୍ ମେହାଜି ରବେ ବାତାନାର୍ । ପାଉଲ୍‌ତି ଆକି ଆଦା ବାଗ୍‌ତ କ୍ରିସ୍ଟ୍ ଜିବୁନ୍ ବିସ୍ତେ ଇନାନ୍ ।

### ପତ୍ରି ବିସ୍ତେନି ରାହାଣ

- ୧. ପାଉଲ୍‌ତି ବାନ୍ଦାଣି ଆରି ଜାଣାଟିଣାନି ମୁଡ୍ ୧:୧-୨
- ୨. କ୍ରିସ୍ଟ୍ ଲାହାଂ ମଣ୍ଡଳିନି ଜାଣାଟିଣା ୧:୩୩:୨୧
- ୩. କ୍ରିସ୍ଟ୍‌ୟାନ୍ ଜିବୁନ୍ ଜିପ୍‌କା କିନି ଉପାୟ୍ ୪:୧-୬:୨୦
- ୪. ପାଉଲ୍‌ତି ହାରିହାରା ଝିସ୍ତାନ୍ ୬:୨୧-୨୪

୧ \* ଇସ୍‌ବର୍ ଇଚା ଇସାପ୍ରେ କ୍ରିସ୍ଟ୍ ଜିସୁତି ରଞ୍ଜାନ୍ ପକ୍ୟାତାକାନ୍ ତେଲା ଲାକେ ବାଟି କିୟାତି ପାଉଲ୍, ଜିସୁ କ୍ରିସ୍ଟ୍ ଲାହାଂ ମେହାଆଜି ପାତ୍ ଜିବୁନ୍ ଜିପ୍‌କା କିଜି ମାନି ଏପିସିତ ଇସ୍‌ବର୍‌ତି ପୁଇପୁୟା ଲକୁ ହେବା କିନାକାର୍ ଲାଗାଂ ଲେକିକିତି ଇ ଆକି ।

୨ ମା ଆବା ଇସ୍‌ବର୍ ଆରି ମାପୁ ଜିସୁ କ୍ରିସ୍ଟ୍ ମି ଉପ୍‌କାର୍ ଆରି ସୁସ୍ତା ମି କାଜିଂ ଆଏଡ୍ ।

### ଆମ୍‌କ୍ ଆସିର୍ବାଦ୍

୩ ଦନ୍ୟ ମା ମାପୁ ଜିସୁ କ୍ରିସ୍ଟ୍ ଆବା ଇସ୍‌ବର୍ । ଇନେକିଦେଂକି ହେଝାନ୍ ମାଙ୍ଗେଙ୍ଗ୍ କ୍ରିସ୍ଟ୍ ଲାହାଂ ମେହାୟ୍‌କିଜି ସାଗେଂ ଲକୁନି ଝିଜାରିଂ ସାଗେଂନି ଆମ୍‌କ୍ ଆସିର୍ବାଦ୍ କିଡ୍‌ତାନ୍‌ନା,

୪ କ୍ରିସ୍ଟ୍ ତାକେ ମେହାଜି ଆପେଂ ଇନେସ୍ ଇସ୍‌ବର୍‌ତି ଆତାପ୍ ହେଦାଂ ଜଗଡ୍ ଉବ୍‌ଜାଣ୍ ଆନି ଆଗେ ବାଟି କିଡ୍‌ତାନ୍‌ନା । ଇନେସ୍‌କି ଜିଉନନିତ ତା ମୁମ୍‌ଦ ପୁଇପୁୟା ଆରି ଦସ୍‌ହିଲ୍‌ଝାକା ଆନାସ୍ ।

୫ ଜିସୁ କ୍ରିସ୍ଟ୍ ହୁକେ ହେଝାନ୍ ମାଙ୍ଗେଙ୍ଗ୍ ତା ମେହି ଲାକେ ଇଡ୍‌ଦେଦେଂ ବାଟି କିଜି ମାତାନ୍; ଇଦାଂ ନେ ମାତାତ୍ ତା ଝାରି ଆରି ଇଚା ।

୬ ଇସ୍‌ବର୍‌ତିଂ ଜାଜ୍‌ମାଲ୍‌ନି ଦୟା କାଜିଂ ଆରି ତା ଜିଉନନି କାଜିଂ ପିସ୍ତି ମଲ୍‌ତ ଦାନ୍ ଇସାବ୍ରେ ପାୟାତି କାଜିଂ, ଆପ୍ ଇସ୍‌ବର୍‌ତିଂ ଦନ୍ୟବାଦ୍ କିନାପା ।

୭ \* କ୍ରିସ୍ଟ୍ ହାକି କାଜିଂ ଆପେଂ ମୁକ୍‌ତାନାକା, ଇଟିସ୍ ମା ସବୁ ନେତେରତାଂ ପାପ୍ କେମା ଆତାଡ୍‌ନା । ଇସ୍‌ବର୍‌ତି ଉପ୍‌କାର୍ ଏତେକ୍ ଗାଜା !

୮ ହେ ଉପ୍‌କାର୍ ହେଝାନ୍ ସବୁ ବାନି ଗିଆନ୍ ଆରି ବାବ୍‌ନା ହିଜି ମା କାଜିଂ ବେସି ବାବ୍ରେ ହିଡ୍‌ତାର୍‌ନା ।

୯ ଇସ୍‌ବର୍ ତା ଆଦିକ୍ ଗିଆନ୍ ଆରି ଝାସ୍‌ହୁଡ୍‌ନି ଲାହାଂ ଇନାକା ବାବି କିଜି ମାତାନ୍, ହେଦାଂ ପୁରା କିତାନ୍‌ନା ଆରି ତାଙ୍ଗେଙ୍ଗ୍ କ୍ରିସ୍ଟ୍ ଉପ୍‌କାର୍‌ତ ପୁରା କିନି କାଜିଂ ହେଝାନ୍ ଇମ୍‌ଣାକା ଡକ୍‌କ୍‌ଟି ହେ ଲାକେ ହାନ୍ଦାୟ୍ କିଜି ମାତାନ୍, ହେଦାଂ ମା ଲାଗାଂ ହପ୍‌ତାନ୍‌ନା ।

୧୦ ହେ ଲାକେ ହାନ୍ଦାୟ୍ ଇସାବ୍ରେ ସାଗେଂ ଆରି ପୁତ୍‌ନି ସବୁ ରଚ୍‌ଟି ବିସ୍ତେ ରଞ୍ଜାଙ୍ଗ୍ ଆନାତ୍ ଆରି କ୍ରିସ୍ଟ୍ ହେଝାନ୍ ଝିଜାରିଂ କାପ୍‌ଡା ଲାକେ ମାନାନ୍ । ଇ ଲାକେ ହାନ୍ଦାୟ୍ କିଜି ସମାନ୍ ସମୁତ ପୁରା କିନାନ୍ ।

☆ ୧:୧ ପକ୍ୟାତାକା ୧୮:୧୯-୨୧; ୧୯:୧. ☆ ୧:୭ କଲସିୟ ୧:୧୪.

୧୧ ସବୁ ବିଷ୍ଣେ ଇସ୍ବରତି ଲାକେ ହାନ୍ଦାୟ ଆରି କେମ୍ତା ଇସାପ୍ରେ ସମାନ୍ ଆତିସ୍; ଆଗେତାଂ ବାଟିକିୟାଜି ଜାର୍ ଉଦେସ୍ତ ପୁରା କାଜିଂ କ୍ରିସ୍ତତି ହୁକେ ତା ନିଜେ ଲକୁ ଆନି କାଜିଂ ଇସ୍ବର ମାଜ୍ ବାଟିକିଡ଼ତାନ୍ନା ।

୧୨ ଖାତ, ଇମ୍ନାକାର ସବୁ ପର୍ତୁମ୍ କ୍ରିସ୍ତତି ତାକେ ବାସ୍ କିଜି ମାତାପ, ଝିଜାକାସ୍ ଇସ୍ବରତି ପାଶ୍ କେରନାସ୍ ।

୧୩ ଏପେଙ୍ ପା ଏଚେକାଡ଼୍ ମୁକ୍ତାନାକା ହିନି ଇ ନେକ୍ରିକାରୁରନି ସଡ଼ କାରୁର ଝେଟାଦେର, ହେ ସମୁତାଂ ଇସ୍ବରତି ଆତାଦେଶ୍ଟା । ଏପ୍ କ୍ରିସ୍ତୁଙ୍ ପାଟ୍ କିନାଦେରା, ଇସ୍ବର ତା ପାର୍ମାଣ୍ ଇସାପ୍ରେ ପୁଇପୁୟା ଜିବୁନ୍ତିଂ ଦାନ୍ କିଜି ମି ଜପି ତା ଇଚା ତିନ୍ ଇଡ଼ତାତାନ୍ନା ।

୧୪ ଇସ୍ବରତି ଜାଜ୍ମାଲ୍ନି ଖାରିକିନି କାଜିଂ ହେଖାନ୍ତି ଜାର୍ତି ମୁକ୍ତାନାକା ଉଦେସ୍ତ ହେଖାନ୍ ମା ଆଦିକାରୁନି ଜାମ୍ଲି ଲାକେ ।

**ପାଉଲ୍ତି ପାର୍ତାନା**

୧୫ ଇ କାରଣ୍ତାଂ ମାପୁ ଜିସ୍ତୁତି ତାକେ ମି ଇମ୍ଣି ପାଟ୍ ଆରି ଇସ୍ବରତି ଲକୁ କାଜିଂ ମି ପୁଇପୁୟାତାଂ ଜିଉନନାକା ମାନାଡ଼ ।

୧୬ ମି କାଜିଂ ପାର୍ତାନାତ ଏଡୁ କିଜି ଇସ୍ବରତିଂ ଦନ୍ୟବାଦ୍ ହିଜି ଖାନାକ୍ମା ଆନ୍ ପାନା ପାର୍ତାନାତ ମିଙ୍ ଦିନ୍କେ ଏଡୁ କିଦ୍ନାକ୍ମା ।

୧୭ ଆରେ ଜାଜ୍ମାଲ୍ନି ଆବା, ମା ମାପୁ ଜିସ୍ତୁ କ୍ରିସ୍ତତି ଇସ୍ବରତିଂ ପାର୍ତାନା କିନାନ୍ ଇନେସ୍ ହେଖାନ୍ ମିଙ୍ଗେଙ୍ ପୁଇପୁୟା ଜିବୁନ୍ ହିଦ୍ନାନ୍ । ହେ ଜିବୁନ୍ ମିଙ୍ ବୁଦିକାରୟା କିଦ୍ନାନ୍ ଆରି ଇସ୍ବରତିଂ ମି ଲାଗାଂ ଝେଟାଚାନାନ୍ । ତା ଆତିସ୍, ଏପେଙ୍ ତାଙ୍ଗେଙ୍ ପୁଞ୍ଜେଙ୍ ଆଡ଼ନାଦେର ।

୧୮ ଆନ୍ ଗଝାରି କିଦ୍ନାଂ, ଇନେସ୍ ତା ଅଜଡ଼ ହୁଡ଼ନି କାଜିଂ ମିତାକେନି ଖାସ୍ ହୁଡ଼ନାକା ସାରି ଆନାଡ଼ । ପାଚେ ଇମ୍ଣି ବାସ୍ ଜାଜ୍ମାଲ୍ନି ଦାନ୍ ପୁଇପୁୟା ଲକ୍ତାଂ ଜେ ସବୁ ଏପେଙ୍ ତା ହୁକେ କୁକ୍ୟାତାଦେଶ୍ଟା ହେଦାଂ ପୁନାଦେର ।

୧୯ ତା ମାନାୟାର୍ କାଜିଂ ତା ପାର୍ମାଣ୍ ଗାଜା ଆସିର୍ବାଦ୍ ଜେ ଏଚେକ୍ ବେସି ଆରି ମା ଲାକେ ପାଟ୍ କିନାକାର୍ ବିତ୍ରେ ତା ଗାଗାଡ଼ନି ସାକ୍ତି ଜେ ଏଚେକ୍ ଗାଜା, ହେଦାଂ ଏପେଙ୍ ପୁଞ୍ଜେଙ୍ ଆଡ଼ନାଦେର ।

୨୦ ନଙ୍, ମା ବିତ୍ରେ ଗାଗାଡ଼ତ ମାନି ହେ ସାକ୍ତି କାଜିଂ ନେ ଇସ୍ବର କ୍ରିସ୍ତୁଙ୍ ହାକିତାଂ ଆରେ ନିକ୍ତି ତା ସାଗେତ ଜାର୍ ତିନି ବାଗାଙ୍ ଜପି କୁଟିକିତାନ୍ନା ।

୨୧ କ୍ରିସ୍ତୁ ଝିଜୁ ସାଗେନି ସାସନ୍କାରିୟା, କେମ୍ତା ପୁରା ଆଦିକାର୍, ସାକ୍ତିତ ଆରି ଆଦିକାରିଂ ଜପି ସାସନ୍ କିନାର୍, ଇ ଜୁଗ୍ନି ମାନି କାଡ଼ କି ହାନି କାଡ଼ କେମ୍ତା ଚଡ଼ନି ପାଦ୍ ପିସ୍ତ୍ରି ତା ପାଦ୍ ବାଡ଼କାସ୍ ।

୨୨ \* ଇସ୍ବର ସବୁ ବିଷ୍ଣେ କ୍ରିସ୍ତତି ପାନା ତାରେନ୍ ଇଡ଼ତାଶ୍ଟା ଆରି ଝିଜୁ ବିଷ୍ଣେ ଜପିତାଂ ସବୁ ବାନିତ ମାପୁ ଲାକେ ମଣ୍ଡଲିତିଂ ଦାନ୍ କିତାର୍ ।

୨୩ ହେ ମଣ୍ଡଲି କ୍ରିସ୍ତତି ଗାଗାଡ଼, ମଣ୍ଡଲି କାଜିଂ କ୍ରିସ୍ତତି କାମାୟ୍ ପୁରା ସମାନ୍ ଆନାଡ଼; ଆରେ କ୍ରିସ୍ତୁ ସବୁ ବିଷ୍ଣେ ପୁରା କିନାନ୍ ।

**୨**

**ହାକିତାଂ ଜିବୁନ୍ ପାୟାନାସ୍**

୧ \*ମିଦାଂ ଅମାନ୍ୟ ଆରି ପାପ୍ କାଜିଂ ପାଚେନିକାଡ଼୍ ଆଗେନି ପୁଇପୁୟା ବାବ୍ରେ ହାଜି ମାତାଦେର ।

୨ ହେ ସମୁତ ଏପେଙ୍ ଇ ଜଗଡ଼ନି ସଡ଼ହିଝି ହାଜି ଦାହାଟ୍, ଗାଜା ଆକାସ୍ତ ଗାଗାଡ଼ହିଝି ଆଦିକାର୍ ଜିବୁନ୍ ତଲ୍ୟା ମାତାଦେର । ହେ ମୁଡ଼ଦାକାନ୍ ନଂ ଇସ୍ବରତି ବଲ୍ ପିହ୍ନି ଲକୁ ଜପି ସାସନ୍ କିନାନା ।

୩ ହାଡ଼ପାତ ଆପେଂ ଝିଜାକାସ୍ ହେଖାର୍ ଲାକେ ମାତାପ୍ ଆରି ଗାଗାଡ଼ ଆରି ମାନନି ପିହ୍ନାକା ଚାଲାବୁଲା କିଜି ଜିବୁନ୍ ଜିପ୍କା କିଜି ମାତାପ୍ । ହାର୍ ବାଦ୍ନା, ବିନେନିକାର୍ ଲାକେ ଆପ୍ ପା ବେବାର୍ କାଜିନି ସାରାଣ୍ ବଗି କିଦେଙ୍ ହାନାପା ।

୪ ମାତର ଇସ୍ବରତି ଦୟା ଏଚେକ୍ ବେସି ଆରି ମା କାଜିଂ ତା ଜିଉନନାକା ଏଚେକ୍ ଗାଜା ଜେ, ମା ଉଡ଼ପାତ୍ୟା କାଜିଂ ଆସେଙ୍ ଆମ୍ବିକ୍ ବାବ୍ରେ ହାଜି ମାନି ସମୁତ ହେଖାନ୍ କ୍ରିସ୍ତତି ଲାହାଂ ମାଙ୍ଗେଙ୍ ଜିବୁନ୍ କିଡ଼ତାନ୍ନା । ଇସ୍ବରତି ଦୟା ହୁକେ ନେ ଏପେଙ୍ ମୁକ୍ତାତାଶ୍ଟା ।

୫ ମା ବାନ୍ୟା କାଜିଂ ମା ଆମ୍ବିକ୍ ହାକି ମାନି ଖାଡ଼ାଂ ହେଖାନ୍ କ୍ରିସ୍ତତି ଲାହାଙ୍ ମାଙ୍ଗେଙ୍ ମେହାୟ୍ କିଡ଼ତାନ୍ । ଇସ୍ବରତି ଉପ୍କାର୍ ହୁକେ ନେ ଏପେଙ୍ ମୁକ୍ତି ପାୟାତାଦେଶ୍ଟା,

୬ କ୍ରିସ୍ତୁ ଜିସ୍ତୁତି ଲାହାଂ ଏକ୍ ଆନି ହୁକେ ତା ଲାହାଂ ସାଗେତ ରାଜକିନି କାଜିଂ ହେଖାନ୍ ମାଂ ପା ନିକ୍ତାତାନ୍ନା ।

୭ ଆରି କ୍ରିସ୍ତୁ ଜିସ୍ତୁତାଂ ହେଖାନ୍ ମା କାଜିଂ ଦୟା କିଜି ଖାନି ଜୁଗ୍ତ ଜାର୍ ଉପ୍କାରୁନି ଆଦିକ୍ ବେସି ଦାନ୍ ହପ୍ନାନ୍ ।

୮ ଇନାକିଦେଂକି ଉପ୍କାର୍ତ ପାଟ୍ ହୁକେ ଏପେଙ୍ ମୁକ୍ତି ଆତାଦେଶ୍ଟା; ହେଦାଂ ମିତାଂ ଆଖାତାଡ଼ନା, ହେଦାଂ ଇସ୍ବତ୍ ଦାନ୍ ଆନାଡ଼,

\* ୧:୨୨ କଲସିୟ ୧:୧୮. \* ୨:୧ କଲସିୟ ୨:୧୩.

୯ ଲାଗିଂ ଇ ବିସ୍ତେ ଇନେର୍ ଗରବ୍ କିଦେଙ୍ଗ୍ ଆଡୁର୍ ।

୧୦ ଆପେଂ ଇନାକା ଆତାପ୍ନା, କେବଲ୍ ଇସ୍ପର୍ ନେ ହେଦାଂ କିତାନନା; ଇମ୍ଫଣି ହାର୍ଦ୍ଦି କାମାୟ୍ ଆସେଙ୍ଗ୍ କିନାସ୍ ଇଞ୍ଜି ଇସ୍ପର୍ ଆଗେତାଂ ବାଟିକିଜି ମାଚାନ୍, ଆସେଙ୍ଗ୍ କ୍ରିଷ୍ଟ୍ ଜିସୁ ଲାହାଂ ମେହାନି କାଜିଂ ମା ଜିରୁନ୍ତ ହେଦାଂ ଆଦେଂ ଆତାଡୁନ୍ନା ।

**କ୍ରିଷ୍ଟତାକେ ଏକ୍ ଆନାସ୍**

୧୧ ଜାର୍ଡି ପାଚେନି ଅବସ୍ତା ଏଡୁ କିୟାର୍ । ଏପେଙ୍ଗ୍ ପାଚିଂ କିଞ୍ଚି ଜିହୁଦି ମାଚାଦେର୍, ଜାର୍ଡିଂ “ସୁନ୍ନତ୍” ଇଞ୍ଜି ମାନି ପାଚିଂ କିଞ୍ଚି ଜିହୁଦିର୍ ହୁକେ ସୁନ୍ନତ୍ ଆକାୟ୍ ଇଞ୍ଜି ମାଚାର୍, ଇଦାଂ କେବଲ୍ ର ଗାଗାଡ୍ ଅବସ୍ତାତିଂ ବୁଜାନାଡ୍ ।

୧୨ ଆଗେ ଏପେଙ୍ଗ୍ କ୍ରିଷ୍ଟତାଂ ଦେହା ମାଚାଦେର୍, ଇସ୍ତାଏଲ୍ ବିଦେସିୟା ମାଚାଦେର୍ ଆରି ଇସ୍ପର୍ଡି ବାଟିକିତି ମେହାଞ୍ଜାଦାଂ ମାଚାଦେର୍, ଇସ୍ପର୍ ତା ଲକୁ କାଜିଂ କିଜିମାନି ପାର୍ମାଣ୍ ଜପି ରଚ୍ଚି ନିୟମତ ମି ଇମ୍ଫଣାକା ପା ବାଗ୍ ହିଲ୍ଫାତାଡ୍ । ବାସିଂ ହିଲ୍ଫାକା ଆରି ଇସ୍ପର୍ ହିଲ୍ଫାକାନ୍ ଆଜି ଏପେଙ୍ଗ୍ ଜଗଡ୍ତ ବାହା କିଜି ମାଚାଦେର୍ ।

୧୩ ଆଗେ ଏପେଙ୍ଗ୍ ଦେହା ମାଚାଦେର୍, ମାତର୍ ନଙ୍ଗ୍ ଜିସୁତି ଲାହାଂ ଏକ୍ ଆଜି କ୍ରିଷ୍ଟି ହେଞ୍ଜାନ୍ତି ନେତେର୍ ହୁକେ ଲାଗାଂ ଆତାଦେଣ୍ଟା ।

୧୪ ଇନାକିଦେଂକି ଜିହୁଦି ଆରି ପାଚିଂ କିଞ୍ଚି ଜିହୁଦିର୍ ଏକ୍ କିଜି, କ୍ରିଷ୍ଟ୍ ନିଜେ ମା ବିଡ୍ରେ ସୁସ୍ତା ରଚ୍ଚାନନା । ହେଞ୍ଜାରିଂ ବିନେ କିଜି ହାରି ସଡୁ ଲାକେ ଇଚ୍ଚି ଅଙ୍ଗୁର୍ ବାଡ୍ ହେଞ୍ଜାନ୍ ହେଞ୍ଜାନ୍ତି ନିଜ୍ ଗାଗାଡ୍ ହୁକେ ଡିକ୍ତାନ୍ ।

୧୫ \* ହେଞ୍ଜାନ୍ ଜିହୁଦିର୍ଡି ଡିଜୁ ବିଦିବିଦାଣି ବଲ୍ ମସାତି ବିଦିତିଂ ହପ୍ତି ଜିହୁଦି ଆରି ପାଚିଂ କିଞ୍ଚି ଜିହୁଦି ବିଡ୍ରେତାଂ ହେଞ୍ଜାନ୍ତି ଉପକାର୍ ସୁକ୍ବଗ୍ କିଜି ମାନି ର ପୁନି ନାର୍ ଜାତି ଉବ୍ଜାୟ୍ କିତାନନା । ଇବେ ପୁତ୍ ତ ସୁସ୍ତା ରଚ୍ଚୟାନାଡ୍ ।

୧୬ \* କୁସ୍ତ ହେଞ୍ଜାନ୍ତି ହାକି ହୁକେ କ୍ରିଷ୍ଟ୍ ହେ ଜିହୁଦି ପାଚିଂ କିଞ୍ଚି ଜିହୁଦି ବିଡ୍ରେ ମାନି ସାଡୁରିଂ ବୁଡାୟ୍ କିତାନ୍; କୁସ୍ ହୁକେ ହେଞ୍ଜାନ୍ ରି ଜାତିତିଂ ମେହାୟ୍ କିଜି ର ଗାଗାଡ୍ ଲାକେ କିଡ୍ତାନନା ଆରି ଇସ୍ପର୍ ଲାଗାଂ ହେଞ୍ଜାରିଂ ତାଲ୍ଫାତାନ୍ନା ।

୧୭ ହେଦାଂ କାଜିଂ କ୍ରିଷ୍ଟ୍ ଝାଜି ମାଚାନ୍ ଆରି ଇସ୍ପର୍ତାଂ ଦେହା ହାଲ୍ଜି ମାନି ପାଚିଂ କିଞ୍ଚି ଜିହୁଦି ଆରି ତା ଲାଗାଂନି ଜିହୁଦିର୍ ବିଡ୍ରେ ସୁସ୍ତାନି ନେକ୍ରିକାବୁର୍ ସୁଶାୟ୍ କିଜି ମାଚାନ୍ ।

୧୮ କ୍ରିଷ୍ଟି ହୁକେ ନେ ଜିହୁଦି ଆରି ପାଚିଂ କିଞ୍ଚି ଜିହୁଦି ଝିଜାର୍ ର ଜିରୁନ୍ତାଂ ଆବା ମୁମ୍ତ ଝାନି କାଜିଂ ଇଡ୍ତାପ୍ନା ।

୧୯ ଲାଗିଂ, ଏପେଙ୍ଗ୍ ନଙ୍ଗ୍ ବିଦେସିୟା କି ଜାର୍ ଦେସିନି ମାନାୟ୍ ଆକାୟ୍ ମାତର୍ ସାଡୁର୍ ଲାହାଂ ଏପେଙ୍ଗ୍ ଇସ୍ପର୍ଡି ପୁଇପୁୟା ଲକୁ ଲାହାଂ ଏପେଙ୍ଗ୍ ପା ତା ରାଜିନି ବାହା କିନାକାନ୍ ଆରି ଇସ୍ପର୍ଡି କୁଚ୍ଚୁମ୍ ଆତାଦେଣ୍ଟା ।

୨୦ ଏପେଙ୍ଗ୍ ପା ପକ୍ୟାତାକାନ୍ ଚେଲା ଆରି ବେଶ୍ବାକ୍ଶାୟ୍ କିନାକାଚିଂ ହୁକେ ରଚ୍ଚି କୁନାଦି ଜପି ରଚ୍ୟାତି ଇଲ୍କୁ ଲାକେ । ହେ ଇଲ୍ଜି କନାନି କାଲ୍ ନିଜେ କ୍ରିଷ୍ଟ୍ ଜିସୁ ।

୨୧ ହେଞ୍ଜାନ୍ କେବଲ୍ ଇ ଇଲ୍ଡିଂ ମେହାୟ୍ କିଜି ଇଚ୍ଚିନାନ୍ ଆରି ମାପୁତି କାଜିଂ ର ପୁଜାକିନି ପୁଇପୁୟା ମସିର୍ ଲାକେ ବାତାୟ୍ କିତାନ୍ ।

୨୨ ହେଞ୍ଜାନ୍ତି ଉପକାର୍ତ୍ତ ଏପେଙ୍ଗ୍ ପା ବିନ୍ ଝିଜାରିଂ ଲାହାଂ ଜିରୁନ୍ଲାର୍ଦି ଇସ୍ପର୍ କୁଚ୍ଚି କାଜିଂ ର ବାକ୍ରା ଲାକେ ରଚ୍ଚୟାନାତା ।

**୩**

**ପାଚିଂ କିଞ୍ଚି ଜିହୁଦିର୍ଡି କାଜିଂ ପାଉଲ୍ଡି କାମାୟ୍**

୧ ଇ କାର୍ଶତାଂ ମି ଲାକେ ପାଚିଂ କିଞ୍ଚି ଜିହୁଦିର୍ କାଜିଂ କ୍ରିଷ୍ଟ୍ ଜିସୁ ହୁକେ ବସି ଆଜି ମାନି ଆନ୍ ପାଉଲ୍, ଇସ୍ପର୍ ତାକେ ପାର୍ତାନା କିନାଙ୍ଗା ।

୨ ମି ହାର୍ କାଜିଂ ଇସ୍ପର୍ ତା ଦୟାତ ନାଙ୍ଗ୍ ଇନେର୍ ଇ କାମାୟ୍ କିଦେଙ୍ଗ୍ ହିଡ୍ତାଣ୍ଟା, ଇଦାଂ ହାତେନେ ଝେଚାଦେଣ୍ଟା ।

୩ ଇସ୍ପର୍ ତା ଡୁକ୍ତ କାତା ହପ୍ତି ନାଙ୍ଗେଙ୍ଗ୍ ଝେଚ୍ଚାତାନ୍ନା । ଇ ବିସ୍ତେ ଆନ୍ ହାରୁକିଜି ଲେକିକିନାଙ୍ଗା ।

୪ \* ହେଦାଂ ପଡିକିତିସ୍ କ୍ରିଷ୍ଟି ଡୁକ୍ତ କାତା ବିସ୍ତେ ଆନ୍ ଇନାକା ବୁଜାଆତାଂନା ହେଦାଂ ଏପେଙ୍ଗ୍ ପୁଞ୍ଜେଙ୍ଗ୍ ଆଡ୍ନାଦେର୍ ।

୫ ଆଗେନି କାଡ୍ଦ୍ ମାନାୟ୍ ଜାତିତିଂ ଇ ଡୁକ୍ତ କାତା ବିସ୍ତେ ଇନାଞ୍ଜାଦାଂ ମାଚାଡ୍ । ମାତର୍ ଇସ୍ପର୍ ନଙ୍ଗିନି ତା ପୁଇପୁୟା ପକ୍ୟାତାକାନ୍ ଚେଲାଙ୍ଗ୍ ଆରି ବେଶ୍ବାକ୍ଶାୟ୍ କିନାକାର୍ ଜିରୁନ୍ ହୁଦାଂ ଇଦାଂ ହପ୍ତାନନା ।

୬ ହେ ଡୁକ୍ତ କାତା ଆନାତା, ନେକ୍ରିକାବୁର୍ କାଜିଂ ଜିହୁଦିର୍ ଲାହାଂ ପାଚିଂ କିଞ୍ଚି ଜିହୁଦିର୍ ପା ଇସ୍ପର୍ଡି ଆସିର୍ବାଦ୍ତ ମେହା ଆତାଣ୍ଟା । ହେଞ୍ଜାର୍ ହେ ର ଗାଗାଡ୍ନି କେଇଗାଲ୍ ଆରି ଜିସୁ କ୍ରିଷ୍ଟି ଉପକାର୍ତାଂ ଇସ୍ପର୍ ହିଡ୍ତି ପାର୍ମାଣ୍ଡ ମେହା ଆନାଦେର୍ ।

୭ ଇସ୍ତ୍ ତା ସାକ୍ତି ହିଜି ନାଙ୍ଗ୍ ଇମ୍ଫଣି ଦୟା ଦାନ୍ ହିତାନନା ହେଦାଂ କାଜିଂ ଆନ୍ ନେକ୍ରିକାବୁର୍ନି ପରଚାର୍ ହେବାକାର୍ଯ୍ୟା ଆନାଙ୍ଗା ।

\* ୨:୧୫ କଲସିୟ ୨:୧୪. \* ୨:୧୭ କଲସିୟ ୧:୨୦. \* ୩:୪ କଲସିୟ ୧:୨୭,୨୭.



୮ ଆନ୍ ଇସ୍ବରତି ସାଦୁର ବିତ୍ରେ ଓଜାରତା ହାରୁ, ଆତିସ୍ପା ପାତ କିଓ ଜିହୁଦିର ଲାଗା କ୍ରିସ୍ତତି ବେସି ଦାନନି ନେକ୍ରିକାରୁର ଅନି କାଜିଂ ନାଜ୍ ଇସ୍ବର ସମୁ ହିତ୍ତାତନା ।

୯ ଇସ୍ବରତି ହେ ପ୍ଲାନି ସମୁନି ଡକ୍ତୁତି ଉପାୟ ଇନେସ୍ କାମାୟ ଆଦେଂ ଆଡନାଡ୍, ହେଦାଂ ଓଜାରିଂ ଜାଣାୟ କିଦେଜ୍ ନି କାମାୟ ଆନ୍ ଲାବ୍ କିତାଂନା । ସବୁ ବିସ୍ତେନି ରାକ୍ୟାକାରିୟା ଇସ୍ବର ଆଗେ ସବୁ ଜୁଗ୍ତ ତା ଡକ୍ତୁ କାତାତିଂ ଡକ୍ତୁତି ଇଡ୍ଜି ମାତାର୍,

୧୦ ଇନେସ୍ ନଜ୍ନି ସମୁତ କ୍ରିସ୍ତୟାନ୍ ମଣ୍ଡଲିନି କାମାୟ ହୁକେ ସାଗେନି ଆଦିକାର୍ ଆରି ସାକ୍ରିକାଟାକାନ୍ ଇସ୍ବରତି ବେସି ଗିଆନ୍ ବିସ୍ତେ ହିକ୍ୟା କିଜି ବୁଜାନାସ୍ ।

୧୧ ଇସ୍ବର ତା ଓଜାଓ ସମୁ ଉଦେସ୍ ଇସାଗ୍ରେ ମା ମାପୁ କ୍ରିସ୍ତ ଜିସ୍ତୁତି ହୁକେ ଇଦାଂ ପୁରା କିତାଣ୍ଟା ।

୧୨ କ୍ରିସ୍ତତି ଲାହାଂ ମେହାଜି ମାଟିଲେ ଆରି ତା ତାକେ ପାତ କିଜି ମାଟିଲେ ବାସ ଲାହାଜ୍ ଇସ୍ବର ଲାଗାଜ୍ ହାନି କାଜିଂ ମାଦାଂ ନଜ୍ ସାସ୍ ମାନାଡ୍ ।

୧୩ ଇଦାଂ କାଜିଂ ନାଦି ଗଞ୍ଜାରି, ମି କାଜିଂ ନା ଦୁକ୍ବଗ୍ କାଜିଂ ନିସ୍ତାୟ ଆମାଡ୍, ଇନାକିଦେଂକି ଇଦାଂ ସବୁ ମିଦାଜ୍ ଜାଜ୍ମାଲ୍ କାଜିଂ ଆତାଡନ୍ନା ।

**କ୍ରିସ୍ତତି ଜିଉନନାକା**

୧୪ ହେଦାଂ କାଜିଂ ଆବା ମୁମ୍ବ ଆନ୍ ମେଣ୍ଡାଜ୍ କୁନ୍ଦିକିଜି ପାତୀନା କିନାଜ୍ମା,

୧୫ ଇନେରିଂ ସାଗେ ଆରି ପୁତ ଜାଣ୍ଡକେ କୁରୁମ୍ ତା ଆକର୍ ଦାଦିର୍ ତର୍ ପାୟାତାଂନା ।

୧୬ ଇନେସ୍ ହେଞ୍ଜାନ୍ ଜାର୍ ଜାଜ୍ମାଲ୍ ଲାକେ ଦନ୍ ଇସାବ୍ରେ ଜାର୍ ଜିବୁକ୍ତି ହୁକେ ମିଜେଜ୍ ଜାର୍ ମାନାୟତାଂ ସାକ୍ରି ପାୟା ଆଜି ବାପୁ ଆଦେଂ ହିଦ୍ନାନ୍ ହେଦାଂ କାଜିଂ ପାତୀନା କିନାଜ୍ମା,

୧୭ ଆନ୍ ପାତୀନା କିନାଜ୍, ଇନେସ୍ ମି ପାତ ହୁକେ କ୍ରିସ୍ତ ମି ଖାସ୍ତିତ ବାହା କିନାନ୍, ଆନ୍ ପାତୀନା କିନାଜ୍, ଇନେସ୍କି ମି ମୁଡ୍ କୁନାଦି ଜିଉନନିତ ରଟ୍ଟି ବେସିଆଟ୍ଝା ଆନାଡ୍ ।

୧୮ କ୍ରିସ୍ତତି ଖାରି ଜେ ଏତେକ୍ ଲାମା ଆରି ଅହାର୍, ଏତେକ୍ ପାତ୍ରାକା, ଏପେଜ୍ ଇସ୍ବରତି ପୁଇପୁୟା ମାନାୟାର୍ ଲାହାଂ ବୁଜାନି ସାକ୍ରି ଗାଟାଆଏଡ୍ । ଇନେସ୍କି ଏପେଜ୍ ଇଦାଂ ପା ବୁଜାଦେଂ ଆଡନାଦେର୍ ଜେ, ହେ ଖାରି ଏତେକ୍ ଅହାର୍ ।

୧୯ ଆଁ ଏପେଜ୍ ତା ଜିଉନନି କାତା ପୁଞ୍ଜେଜ୍ ଆଡନାଦେର୍, ଆତିସ୍ପା ଇଦାଂ ଇନାଖାଡାଜ୍ ପା ପୁରାତାଂ ପୁନ୍ୟା ଆଉଡ୍ । ଏଲେଜ୍ ବାନି ଏପେଜ୍ ଇସ୍ବରତି ଗୁଣ୍ ବାତ ତ ପୁଞ୍ଜେଜ୍ ଆଡନାଦେର୍ ।

୨୦ ଇସ୍ବର ମା ଖାସ୍ତିତ କାମାୟ ପୁରା କିନି ଜାର୍ ସାକ୍ରି ଇସାବ୍ରେ ମା ଏନ୍ନାକା କି ବାବିକିନି ତାଂ ଆଦିକ୍ ହର୍ ପୁରା କିଦେଜ୍ ଆଡନାସ୍;

୨୧ ମଣ୍ଡଲି ହୁକେ ଆରି କ୍ରିସ୍ତ ଜିସ୍ତୁତି ହୁକେ ଜୁଗ୍ ଜୁଗ୍ ଓଜାଓ କାଡ୍ ପାତେକ୍ ହେ ଇସ୍ବରତି ଜାଜ୍ମାଲ୍ ଆଏଡ୍ । ଆମେନ୍ ।

**୪**

**ଗାଗାଡ୍ ଏକ୍**

୧ ମାପୁତି ହେବା କିଜିମାନି କାଜିଂ ଗେହ୍ୟାଜିମାନି ଆନ୍ ପାଉଲ୍ ମିଜେଜ୍ ଗଞ୍ଜାରି କିଦ୍ନାଜ୍ମା, ଇନେସ୍ ଜିବୁନ୍ ଜିଉଣା କିନି କାଜିଂ ଇସ୍ବର ମିଜେଜ୍ କୁକ୍ତାତାନ୍ନା ତାଲାକେ ବେବାର୍ କିୟାଟ୍,

୨ ସବୁଖେଡାଜ୍ ହୁଦାର୍, ହିଡ୍ଡି ଆରି ସାହାସ୍ ଆତ । ହାରି ଲାମାହୁଦାର୍ ଆଜି ଜିଉନନିତ ହାରି କାଜିଂ ହୁଞ୍ଜନାକାଦେର୍ ଆତ;

୩ ପୁଇପୁୟା ଜିବୁନ୍ତ ଉପକାରତାଂ ସୁସ୍ତାତାଂ ବାହାକିନି ହୁକେ ମି ବିତ୍ରେ ଇମ୍ଫଣି ରବେ ରଟ୍ଟାଦେଣ୍ଟା, ହେଦେଲିଂ ରାକ୍ୟା କିନି କାଜିଂ ଜାତୁନ୍ ଆତ ।

୪ ମା ଗାଗାଡ୍ ରଞ୍ଜାଜ୍, ଜିବୁନ୍ ପା ରଞ୍ଜାଜ୍ । ଆରି ର ବାସ ହିଜି ଇସ୍ବର ମାଜେଜ୍ କୁକ୍ତାତାନ୍ନା ।

୫ ର ମାପୁ, ର ପାତ, ର ବାପ୍ତିସିମ୍,

୬ ଓଜାର୍ ନାର୍ ଜାତିନି ଇସ୍ବର ଆରି ଆବା ରଞ୍ଜାନ୍; ହେଞ୍ଜାନ୍ ଓଜାର୍ ମାପୁ, ଓଜାର୍ ବିତ୍ରେ ଆରି ଓଜାର୍ ଖାସ୍ତିତ ମାନାନ୍ ।

୭ କ୍ରିସ୍ତ ହିଜିମାନ୍ତି ଅଲପ୍ନେ ଆସେଜ୍ ଜାଣ୍ଡକେ ରଞ୍ଜାଜ୍ ରଞ୍ଜାଜ୍ ଦୟା ଦାନ୍ ପାୟାତାସ୍ନା ।

୮ ଦର୍ମ ସାସ୍ବରତ ଇ ବିସ୍ତେ ଲେକା ଆତାଡନ୍ନା

“ଏତେକାଡ୍ ଦ ହଞ୍ଜାନ୍ ଜପି ଦୁମ୍ତାନ୍,  
ତା ଲାହାଂ ହେନି ବନ୍ଦିରିଂ ହେଞ୍ଜାନ୍ ଅତାନ୍,  
ଆରେ ନାର୍ ଜାତିତିଂ ବେସି ବର୍ ଦାନ୍ ହିତାନ୍ ।”

☆ ୪:୨ କଲସିୟ ୩:୧୨,୧୩.

୯ “ହେୱାନ ଜପି ଦୁମ୍‌ତାନ,” ଇଞ୍ଜି ଇନାକା ଅରଡ଼ ଇନାକା ? ଇଦାଂ ନି ଅରଡ଼, ପର୍ତୁମ୍ ହେୱାନ ପୁତ୍ରି ତାରେନ୍ ବାହାକାଂ ଜୁଡ଼ତାନ ।

୧୦ ଲାଗିଂ ଇନେନ୍ ଜୁଡ଼ତାନ, ହେୱାନ ରାଜିନି ପୁତ୍ରି ତିଂ ହେୱାନ୍ତି ମାନିହିଂ ବାତ୍ରି କିନି କାଜିଂ ହେୱାନ ଆରେ ସାଗେନି ଜପିତିଂ ଦୁମ୍‌ତାନ ।

୧୧ ହେୱାନ ନେ ନାର୍ ଜାତିତିଂ ବେସି ବର୍ ଦାନ ହିଜି ହାତାନନା । ଇନେରିଂ ପକ୍ୟାତାକାନ୍ ତେଲା, ଆରେ ଇନେରିଂ ବେଣ୍‌ବାକ୍‌ଶାୟକିନାକାର୍, ଇନେ ଇନେରିଂ ନେକ୍ରିକାବୁର୍ ସୁଣାୟକିନାକାର୍, ଆରେ ଇନେ ଇନେରିଂ ପାସ୍ତେର୍ ଆରି ଗୁରୁ ଲାକେ ବାଟି କିତାନନ୍ନା;

୧୨ କ୍ରିସ୍ତୁତି ହେ ଗାଗାଡ଼୍ ରଡ଼ି ଉଦେସ୍ତ କ୍ରିସ୍ତୁୟାନ୍ ହେବାକାମାୟ କାଜିଂ ଇସ୍ତର୍ ସାଦୁରିଂ ଜାଲ୍‌ଦି କିଦେଙ୍ଗ୍ ହେୱାନ ଇଦାଂ କିତାନନା ।

୧୩ ହେଦାଂ କାଜିଂ ଆସେଙ୍ଗ୍ ଝିଜାର୍ ପାତ୍ରି ତ ଆରି ଇସ୍ତର୍ତି ମାଜି ବିସ୍ତେ ଗିଆନ୍ତ ରବେ ଆନାପ, କ୍ରିସ୍ତୁତି ପୁରାପାୟାଜି ଆପେଂ ପ୍ଲାନିବୁଡ଼ାର୍ ଆନାପ ।

୧୪ ଡ଼କୁ ଚାଲାନିତ ଆରି ଲଡ଼ି ଡୁକାନିତ ଏନେତେନେ ଆନି ହିମ୍‌ଶାଂ ଲାକେ ଆସେଙ୍ଗ୍ ଆରେ ତିର୍ ଆଉସ୍ । ବିନ୍‌ନିକାରିଂ ବିନେ ହାଞ୍ଜେଙ୍ଗ୍ ଗାଣ୍‌ରୁଟିର୍ ଚାଲାକି ହିକ୍ୟାତ ଆସେଙ୍ଗ୍ ଏନେତେନେ ଆଉସ୍ ।

୧୫ ଇତିସ୍ ଜିଉନନିତ ହାଡ଼ପା ଇଞ୍ଜି ସବୁ ବିସ୍ତେ କାପଡ଼ା ଲାକେ କ୍ରିସ୍ତୁତି ଲାକେ ଆନାସ୍ ।

୧୬ \*ହେୱାନ୍ତି ଗାଗାଡ଼ି ବିନ୍‌ବିନ୍ ହାନ୍‌ନି ଉପକାର୍ ହୁକେ ଆରେ, ଜାଣ୍‌କେ ବାଗିନି କାମାୟକିନି ସାକ୍ତି ଇସାବ୍ରେ ମେହାଜି ଆରି ମେହାଜି ଜିଉନନିତ ଜାର୍ ହାର୍ କାଜିଂ ଜାର୍ତି ବାତାଦେଂ ରଡ଼ୟାନାଡ଼ ।

**କ୍ରିସ୍ତୁତାଂ ପୁନି ଜିବୁନ୍**

୧୭ ଲାଗିଂ ମାପୁତି ତରଦ ବେସି ଗଞ୍ଜାରି କିଜି ଇଞ୍ଜିନାଙ୍ଗା, ପାତ୍ରି କିଝି ଜିହୁଦିର୍ ଜିବୁନ୍ ଜିପ୍‌କା କିମାଟ୍ ଇନେସ୍ ଜାର୍ ଜାର୍ ମାନିନି ମାଲ୍ୟା ପଲ୍ୟା କିତାର୍, ଏପେଙ୍ଗ୍ ହେ ଲାକେ ବେବାର୍ କିମାଟ୍;

୧୮ ଆରି ହେୱାର୍ତି ମାନ୍ ମାଜଗା । ଇସ୍ତର୍ ହିଡ଼ି ଜିବୁନ୍ତ ହେୱାର୍ତି ଇମ୍‌ଶାକାସ୍ ମେହାଣ୍ ଆକାୟ୍ । ଇନେକିଦେଂକି ହେୱାର୍ ପୁରା ଅଗିଆନ୍ ଆରି ଅମାନ୍ୟା ମାନାୟ୍ ।

୧୯ ହେୱାର୍ ନିଲାଜି, ଲାଜ୍ ହିଲ୍‌ଝାକାର୍, ଆରି ଲରା ବାବ୍ରେ ସବୁ ବାନି ବିଟାଡ଼୍ କାମାୟତ ବାତ୍ରି ।

୨୦ ଇ ସବୁ ଏପେଙ୍ଗ୍ କ୍ରିସ୍ତୁତି ବିସ୍ତେ ହିକ୍ୟା କିଜି ମାନି ବିସ୍ତେ ଆକାୟ୍ ।

୨୧ ଏପେଙ୍ଗ୍ତ ହେୱାନ୍ତି ବିସ୍ତେ ଝେରାଦେଣ୍ଡା ଆରି ହେୱାନ୍ ପାଚେହାନ୍ ଲାକେ ଜିସ୍ତୁତି ବିସ୍ତେ ହାଡ଼ପା ହିକ୍ୟା ପାୟା ଆତାଦେଣ୍ଡା ।

୨୨ \*ଲାଗିଂ ଇମ୍‌ଣି ପ୍ଲାନାକା ବେବାର୍ ଅଜି ଏପେଙ୍ଗ୍ ଜିବୁନ୍ ଜିପ୍‌କା କିଜି ମାଚାଦେର୍, ହେଦାଂ ପିହାଟ୍, ଇନେକିଦେଂକି ତା ଚାକ୍ତାୟ୍ କାମାୟ୍ ହୁକେ ମି ଜିବୁନ୍ ନସ୍ ଆଜି ମାଚାଡ଼ ।

୨୩ ଆରେ ମି ମାକ୍ତ ଆରି ମାନ୍‌ନି ପୁରା ପୁନାକା ଆଦେଂ ଲଡ଼ା ।

୨୪ \*ଇମ୍‌ଣି ପୁନି ଅବ୍ୟାସ୍ ଇସ୍ତର୍ତି ଲାକେ ଉବ୍‌ଜାଣ୍ ଦାମ୍‌କାତା ଆରି ହାଡ଼ପାନି ପୁଇପୁୟାତ ରଡ଼ୟା ଆତାଡ଼ନ୍ନା, ହେଦାଂ ଉସ୍‌ପେଦେଂ ହିକା ଆତାଦେଣ୍ଡା ।

୨୫ ଆରେ ମିର୍ ଇନ୍‌ମାଟ୍ । କ୍ରିସ୍ତୁଙ୍ଗ୍ ପାତ୍ରି କିନାର୍ ହାରିତିଂ ସଡ଼ ଇନାକା ମାନାଡ଼; ଇନେକିଦେଂକି ଆପେଂ କ୍ରିସ୍ତୁତି ଗାଗାଡ଼୍ କେଇଗାଲ୍ ।

୨୬ ଏପେଙ୍ଗ୍ ରିସା ଆଜି ପାପ୍ କିମାଟ୍ । ଝେଡ଼ା ହାଲ୍‌ଝିହିଂ ମି ରିସା ଉଣା ଆଏଡ଼ ।

୨୭ ଆରେ ସୟ୍‌ତାନତିଂ ବାହା ହିମାଟ୍ ।

୨୮ ଇତିସ୍ ହିଲ୍‌ଝାକାନ୍ ଲକୁରିଂ ଦାନ୍ କିନି କାଜିଂ ଇନେସ୍ ତା ତାକେ ଅଲପ୍ ମାନ୍‌ଗାନାଡ଼, ଇଦାଂ କାଜିଂ ଜାର୍ କେଇଦ୍ ହାର୍‌ଦି କାମାୟ୍ କିଜି କସ୍ କିଏନ୍ ।

୨୯ ମି ଝେଇଦାଂ ଇମ୍‌ଣାକା ପା ବାନ୍ୟା ବଚନ୍ ହଡ଼ମେଡ଼, ଆଝିତିସ୍ ଲଡ଼ା ଇସାପ୍ରେ ରଡ଼ି ବଚନ୍ ହଡ଼େଡ଼, ଇନେସ୍ ହେଦାଂ ଝେନାକାତ୍ରି ଉପକାର୍ ପାକ୍ୟାତ ଉପକାର୍ ଆନାଡ଼ ।

୩୦ ଇସ୍ତର୍ତି ପୁଇପୁୟା ଜିବୁନ୍ତିଂ ଦୁକ୍ ହିଉଡ଼ । ଇନେକିଦେଂକି ପୁଇପୁୟା ଜିବୁନ୍ ମି ଜପି ଇସ୍ତର୍ତି ଆଦିକାର୍‌ନି ତିନ୍ ଇଡ଼ିଦି ଲାକେ ଆରି ଇସ୍ତର୍ ଜେ ଦିନେକ୍ ମିଦାଂ ମୁକ୍‌ଡାନାକା ପୁରା କିଦ୍‌ନାର୍, ଇଦାଂ ହାଡ଼ପା ।

୩୧ ଝିଜୁ ବାନି କୁଟ୍ ବାବ୍‌ନା, ରିସା, ଚାଣି, କୁଲ୍ ଆରି ଲକାର୍ ନିନ୍ଦା ଆରେ ସବୁ ବାନି ଆକାର୍ ମିତାକେଣ୍ଡାଂ ଦେହା ଆଏଡ଼ ।

୩୨ \*ଆରେ, ହାରି କାଜିଂ ଦୟା ଆତ, କଞ୍ଜାଣ୍ ମାନ୍ ଆତ, ଆରି କ୍ରିସ୍ତୁତି କାଜିଂ ଇସ୍ତର୍ ଇନେସ୍ ମିଙ୍ଗେଙ୍ଗ୍ କେମା କିଡ଼ତାନ, ହେ ଲାକେ ହାରିତିଂ କେମା କିୟାଟ୍ ।

☆ ୪:୧୭ କଲସିୟ ୨:୧୯. ☆ ୪:୨୨ କଲସିୟ ୩:୯. ☆ ୪:୨୪ କଲସିୟ ୩:୧୦. ☆ ୪:୩୨ କଲସିୟ ୩:୧୩.



ଅଜଡ଼ନ୍ତି ଜିବୁନ୍

୧ ଏପେଙ୍ଗ ଇସ୍ବରତି ଖାରିନି ମାଜିକାଦେର୍, ଇଚିସ୍ ତା ପାଚେ ହାଞ୍ଜେଙ୍ଗ୍ ସେସ୍ବୁ କିୟା ।

୨ କ୍ରିସ୍ଟ ଇନେସ୍ ମାଙ୍ଗେଙ୍ଗ୍ ଜିଉନଡ଼ତାନ୍, ଆରି ଇସ୍ବତ୍ ସାରି କାଜିଂ ଜାର୍ ଜିବୁନ୍ତିଂ ମା କାଜିଂ ହାଦ୍ ଆକାଡ୍ ଆରି ପୁଜାଲାକେ ହିତାନ୍, ମି ଜିବୁନ୍ ପା ହେ ଲାକେ ଜିଉନନାକା ହୁକେ ଚାଲା ଆଏଡ୍ ।

୩ ଇସ୍ବରତି ପୁଇପୁୟା ଲକୁ ଆଜି ମାଚିସ୍ ମି ବିଡ୍ରେ ଦାରି, ବିଗାଡ୍ କି ଲାବ୍ଡି, ହେଦାଂ ସାଦୁର୍ ଲାଗାଂ ହାଡ୍ ଆକାୟ୍ ।

୪ ମି ପାକ୍ୟାତ ହୱାଦ୍ ବେରଣ, ଅରାହିଲ୍ଡି କାତା କି ଆହାର୍ କାତା ବେବାର୍ କିନାକା ପା ଲଡା ଆକାୟ୍ । ଇଚିସ୍ ମି କାତାବାର୍ତାତ ଇସ୍ବରତିଂ ଦନ୍ୟବାଦ୍ ହିଜି ମାନାଟ୍ ।

୫ ଇନେକିଦେଂକି ଏପେଙ୍ଗ୍ ହାଡ଼ପା ଇଞ୍ଜି ପୁନ୍ଞ୍ଜି ମାନାଟ୍, ଇମ୍ଫଣି ଦାରୁଲା କି ରାଡା ମାନାୟ୍ ନଲେ ଲବ୍ରା ହେଞ୍ଜାନ୍ ତ ପୁଡ଼ଡା ପୁଜାକିନାକାନ୍ ଇଞ୍ଜାରିତି, କ୍ରିସ୍ଟ ଆରି ଇସ୍ବରତି ରାଜିନି ଆଦିକାର୍ ଆଦେଂ ଆଡୁର୍ ।

୬ ପଲ୍ୟା କାତା ଇଞ୍ଜି ଇନେର୍ ମିଙ୍ଗେଙ୍ଗ୍ ଟକାୟ୍ କିଦ୍ମେନ୍ । ଇ ସବୁ ବାନ୍ୟାକାମାୟ୍ ହୁକେ ଇମ୍ଫଣାକାର୍ ଇସ୍ବରତି ବଲ୍ ମାନି କିଉର୍, ହେଞ୍ଜାର୍ କାଜିଂ ତା ରିସା ପଲ୍ୟା ଆନାଟ୍ ।

୭ ଏଲେଙ୍ଗ୍ ବାନି ମାନାୟ୍ ଲାହାଙ୍ଗ୍, ଇମ୍ଫଣି ତାକେପା ମେହାଣ୍ ଆମାଟ୍,

୮ ଏପେଙ୍ଗ୍ ଦିନେକ୍ ମାଜିଗାତ ମାଚାଦେର୍, ମତର୍ ନଙ୍ଗ୍ ମାପୁତି ଲକୁ ଆଜି ମାଚିଲେ ଅଜଡ଼ନ୍ତି ହିମ୍ଫଣାଂ ଲାକେ ବେବାର୍ କିୟାଟ୍,

୯ ଇନାକିଦେଂକି ଅଜଡ଼୍ ନେ ସବୁ ବାନି ସଡ଼ଗୁଣ, ଦାମ୍ ଆରି ହାଡ଼ପା ଲାକେ ପାଡ଼୍ ଉବ୍ଜା ଆନାଟ୍ ।

୧୦ ମାପୁତିଂ ବୁଜା ଆଦେଂ କାଜିଂ ହିକ୍ୟା କିୟାଟ୍ ।

୧୧ ମାଜିଗାନି ମାଲ୍ୟା କାମାୟ୍ ସବୁତାକେ ମେହାଆମାଟ୍, ଇଚିସ୍ ସବୁନି ଦସିନେ ଚଚାଟ୍ ।

୧୨ ଇନାକିଦେଂକି ହେଞ୍ଜାର୍ ଇନାକା ସବୁ ଡଗୁଜି କିତାର୍, ହେ ସବୁ କାତା ଇନାକା ପା ଲାଜୁ,

୧୩ ଏଚେକାଡ଼ଡ଼ ଝିଜୁ ବିସ୍ରେ ଅଜଡ଼ତ ତାଈଞ୍ଜାନାର୍, ହେପାଦନା ହେଞ୍ଜାକାଂ ହାଡ଼ପା ଲାକେ ହନାଟ୍ ।

୧୪ ଇନେକିଦେଂକି ଅଜଡ଼୍ ଝିଜୁ ବିସ୍ରେ ଅଜଡ଼୍ ଆନାଟ୍ । ହେଦାଂ କାଜିଂ ଏଲେଙ୍ଗ୍ ଲେକା ଆତାଡ଼ନ୍ନା ।

“ଏ ହୁଞ୍ଜାକାଦେର୍, ନିଙ୍ଗାଟ୍, ହାତାକାର୍ ବିଡ୍ରେତାଂ ନିଙ୍ଗାଟ୍, ଆରେ କ୍ରିସ୍ଟ୍ ମି ତାକେ ଅଜଡ଼୍ ଆନାନ୍ ।”

୧୫ ଲାଗିଂ ଏପେଙ୍ଗ୍ ଇନେସ୍ ବେବାର୍ କିନାଦେର୍, ହେଞ୍ଜାନ୍ ବିସ୍ରେ ଜାଗ୍ରଡ଼ ମାନାଟ୍, ଅଗିଆନି ଲାକେ ଆଞ୍ଜାଦାଂ ଗିଆନି ଲାକେ ବେବାର୍ କିୟାଟ୍,

୧୬ ଖଜାଣକେ ଉପାୟ୍ନି ସଡ଼ ବେବାର୍ କିୟାଟ୍, ଇନାକିଦେଂକି କାଡ଼୍ ବାନ୍ୟା ଦିନ୍ ଏକାଞ୍ଜାନାଟ୍ ।

୧୭ ଲାଗିଂ ବୁଦିହିଲ୍ଡି ଲାକେ ଆମାଟ୍, ମାତର୍ ମାପୁତି ଇଚା ଇନାକା, ହେଦାଂ ବୁଜାଆଦେଂ ସେସ୍ବୁ କିୟାଟ୍ ।

୧୮ କାଲିଂ ଅଙ୍ଗୁର୍ ରାସ୍ ହଡ଼ମାଟ୍, ଇନେକିଦେଂକି ହେଦାଂ କେବଲ୍ ମିଙ୍ଗେଙ୍ଗ୍ ନାସ୍ କିଦନାଟ୍, ମାତର୍ ପୁଇପୁୟା ଜିବୁନ୍ତ ବାଡ଼ି ଆଡ଼,

୧୯ ଖନାୟ୍, ଦନ୍ୟବାଦ୍ ନାୟ୍, ଆରି ବକ୍ତି ନାୟ୍, ହୁକେ ହାରିତିଂ ଖାରିକି କିୟାଟ୍ । ମାନ୍ତ ଇଚା ଲାହାଂ ମାପୁତି ଉଦେସ୍ତ କେରକଣ ଆରି କେରକଣ୍ କେରାଟ୍ ।

୨୦ ନିଡ୍ରେ ଝିଜୁ ବିସ୍ରେ କାଜିଂ ମା ମାପୁ ଜିସ୍ବୁ କ୍ରିସ୍ଟି ତର୍ଦ ଆବା ଇସ୍ବରତିଂ ଦନ୍ୟବାଦ୍ ହିଆଟ୍ ।

ଆଣ୍ଡେନ୍ ଆରି କଗ୍ଲେ

୨୧ ଆରେ କ୍ରିସ୍ଟ୍ ପାଣ୍ଡୁ ଆଜି ଏପେଙ୍ଗ୍ ହାରି ତାରେନ୍ ଆଡୁ ।

୨୨ ଏ କଗ୍ଲେକାଦେର୍, ଏପେଙ୍ଗ୍ ଇନେସ୍ ମାପୁତି ତଲ୍ୟା ଆଡୁ, ହେ ଲାକେ ଜାର୍ ଜାର୍ ଆଣ୍ଡେନିଂ ତଲ୍ୟା ଆଡୁ,

୨୩ ମଣ୍ଡଲି ଜପି କ୍ରିସ୍ଟି ଆଦିକାର୍ ଲାକେ କଗ୍ଲେ ଜପି ଆଣ୍ଡେନ୍ ଆଦିକାର୍ ମାନାଟ୍; ଆରେ କ୍ରିସ୍ଟିନେ ତା ଗାଗାଡ଼ ଲାକେ ମଣ୍ଡଲିନି ମୁକ୍ତିକିନାକାନ୍ ।

୨୪ ମଣ୍ଡଲି ଇନେସ୍ କ୍ରିସ୍ଟି ତାକେ ତଲ୍ୟା, ଆଣ୍ଡାଂ ସମାନ୍ ହେ ଲାକେ ଜାର୍ ଜାର୍ ଆଣ୍ଡେନ୍ ଲାଗାଂ ପୁରା ତଲ୍ୟା ଆଏକ୍ ।

୨୫ ଏ ଆଣ୍ଡାକାଦେର୍, କ୍ରିସ୍ଟ୍ ଇନେସ୍ ମଣ୍ଡଲିତିଂ ଜିଉନତାନ୍, ତା କାଜିଂ ଜାର୍ ଜିବୁନ୍ ହିତାନ୍, ଏପେଙ୍ଗ୍ ସମାନ୍ ହେ ଲାକେ ଜାର୍ ଜାର୍ କଗ୍ଲେକାଂ ଜିଉନଞ୍ଜାଟ୍ ।

୨୬ ଇନେସ୍ ବଚନ୍ ଆରି ଏଜୁଙ୍ଗ୍ତାଂ ନୁସ୍ୟାନି କାଜିଂ ହେଞ୍ଜାନ୍ ତାଙ୍ଗ୍ ସକଟ୍ କିଜି ପୁଇପୁୟା କିଦନାନ୍,

୨୭ ଇନେସ୍ ମଣ୍ଡଲି ପୁଇପୁୟା, ପ୍ରାଲ୍ହିଲ୍ଡିଞ୍ଜାକା ବୁଲ୍ହିଲ୍ଡିକାନ୍ ଆରି ସବୁ ବାନି ଦସ୍ହିଲ୍ଡି ଆଜି ପୁଇପୁୟା ଆରି ହୁଞ୍ଜାକା ଆନାଟ୍, ଆରେ ହେ ଲାକେ ଜାଜମାଲ୍ ଅବସ୍ତାତ ହେଞ୍ଜାନ୍ ତାଙ୍ଗ୍ ଜାର୍ ଲାଗାଂ ନିଲି କିନାନ୍ ।

☆ ୫:୧୭ କଲସିୟ ୪:୫. ☆ ୫:୧୯ କଲସିୟ ୩:୧୬,୧୭. ☆ ୫:୨୨ କଲସିୟ ୩:୧୮; ୧ ପିତର୍ ୩:୧. ☆ ୫:୨୫ କଲସିୟ ୩:୧୯; ୧ ପିତର୍ ୩:୭.

୨୮ ଆଶ୍ଚାନ୍ତ ଜାନ୍ ଗାଗାଡ଼ ଲାକେ ବାବି କିଜି ଜାନ୍ କଗ୍ଲେଂ ଜିଉନନାକା ଲଡ଼ା । ଇନେନ୍ ଜାନ୍ କଗ୍ଲେଂ ଜିଉନନାନ୍, ହେୱାନ୍ ଜାନ୍ତି ଜିଉନନାନ୍;

୨୯ ଇନେନ୍ ଇନାୱାଡ଼ା ଜାନ୍ ଗାଗାଡ଼ିଂ ଗିଣ୍ କିଉନ୍ । ଇତିସ୍ ଗାଗାଡ଼ ପହାପାଲି କିନାନ୍ ଆରି ତାଙ୍ଗ୍ ଜାଡୁନ୍ କିନାନ୍, କ୍ରିଷ୍ଟ ଇନେସ୍ ମଣ୍ଡଲିନି ଜାଡୁନ୍ କିନାନ୍ ।

୩୦ ଇନେକିଦେଂକି ଆସେଙ୍ଗ୍ ହେୱାନ୍ତି ଗାଗାଡ଼ିନି କେଇଗାଲ୍ ।

୩୧ ଦରମ୍ ସାସ୍ତ୍ର ଇଞ୍ଜି ମାନି ଇସାବେ, “ଇ କାରଣତାଂ ମାନାୟ୍ ଜାନ୍ ଆବା ଆୟାଂ ପିସ୍ତି ଜାନ୍ କଗ୍ଲେ ଲାହାଂ ମେହା ଆନାନ୍ ଆରି ହେୱାନ୍ ରିୟାର୍ ମେହାଜି ର ଗାଗାଡ଼ ଆନାର୍ ।”

୩୨ ସାସ୍ତ୍ରୁନି ଇ ବାଗ୍ତ ର ତୁଲ୍ଲି କାତା ହତାତନା; ଇଦାଂ କ୍ରିଷ୍ଟ ଆରି ମଣ୍ଡଲି କାଜିଂ ଇଦାଂ ବେବାର୍ ଇଞ୍ଜି ବୁଜାନାଙ୍ଗା ।

୩୩ ମାତର୍ ଇଦାଂ ମି କାଜିଂ ପା ବେବାର୍ । ଜାଣକେ ଆଣ୍ଡେନ୍ କଗ୍ଲେଂ ୱାସ୍ତିଲାକେ ଜିଉନଞ୍ଜେନ୍ ଆରି ଜାଣକେ କଗ୍ଲେକ୍ ନିଜି ଆଣ୍ଡେନିଂ ମାନି କିଏଡ଼ ।



**ଆବା ଆୟା ଆରି ହିମ୍ଣାଙ୍ଗ୍**

୧ ହିମ୍ଣାଙ୍ଗ୍, ମାପୁ କାଜିଂ ଆବା ଆୟାକ୍ତି ବଲ୍ ମାନି କିନାକା ମି କ୍ରିଷ୍ଟିୟାନ୍ କାମାୟ୍, ଇନେକିଦେଂକି ଇଦାଂ ନେ ସମାନ୍ ବେବାର୍ ।

୨ “ମି ଆବା ଆୟାକାଂ ମାନି କିୟାଟ୍ ।” କେବଲ୍ ଇ ବଲ୍ତ ରଞ୍ଜାଙ୍ଗ୍ ପାର୍ମାଣ୍ ମେହାୟ୍ କିୟାଜି ଇଚ୍ୟାତାତନା ।

୩ “ଇନେସ୍କି ମିଦାଙ୍ଗ୍ ହାର୍ ଆନାଡ଼, ଆରି ଏପେଙ୍ଗ୍ ପୁତର୍ ତ ବେସି ଦିନ୍ ଜିନାଦେର୍ ।”

୪ \*ଆବା ଆୟାକ୍, ହିମ୍ଣାକାଂ ରିସା କିନାକା ଇଞ୍ଜି ଇନାକାପା ବେବାର୍ କିମାଟ୍, ଇତିସ୍ ମାପୁତି ହିକ୍ୟାତ ହେୱାରିଂ ମାନି କିୟାଟ୍ ।

**କଡ଼କାଆଡ଼ିଏନ୍ ଆରି ହାଉକାର୍**

୫ \*କଡ଼କାଆଡ଼ିୟାର୍, ଏପେଙ୍ଗ୍ କ୍ରିଷ୍ଟି ହେବା କିନାଦେରା ଇଞ୍ଜି ୱାସ୍ତି ବାବ୍ରେ ପାଣ୍ଡୁଟୁଂ ତ୍ରିଗ୍ଜି ସିଂସାର୍ନି ହାଉକାରିକାଂ ବଲ୍ ମାନିକିୟାଟ୍ ।

୬ କେବଲ୍ ହାଉକାର୍ ମିଙ୍ଗ୍ ଇଟ୍କାଡ଼ କିଜିମାନି ସମୁତ ତା ସାରି ଆଜି ହେବା କାଜିଂ ଇଦାଂ କିଞ୍ଜାଦାଂ, କ୍ରିଷ୍ଟି କଡ଼କାଆଡ଼ିଏନ୍ ଲାକେ ମି ଝିଜୁ ୱାସ୍ତି ହିଜି ଇସ୍ତର୍ ଇଚା ମାନି କିୟାଟ୍ ।

୭ କେବଲ୍ ମାନାୟାର୍ତି ହେବା କିନାଙ୍ଗା ଇଞ୍ଜି ବାବିକିଞ୍ଜାଦାଂ ମାପୁତି ହେବା କିନି ଲାକେ ୱାରିତାଂ ହେଦାଂ କିୟାଟ୍ ।

୮ ମନ୍ତ ଇଟାଟ୍, ହେୱାନ୍ କଡ଼କାଆଡ଼ିଏନ୍ ଆଏନ୍ କି ଜାନ୍ ଇଚାତ ଆଏନ୍ ମାପୁ ଝିଜାରିଂ ତାଦି ହାର୍ଦି କାମାୟ୍ କାଜିଂ ଇନାମ୍ ହିଦ୍ନାନ୍ ।

୯ ଆରେ ଏ ହାଉକାର୍କାଦେର୍, ମି କଡ଼କାଆଡ଼ିୟାର୍ କାଜିଂ ଜାନ୍ ଲାକେ ବେବାର୍ କିୟାଟ୍, ଦାକା ହିମାଟ୍ । ମାନ୍ତ ଇଟାଟ୍, ଏନ୍ ଆରି ମି କଡ଼କାଆଡ଼ିୟାର୍ ଝିଜାକାର୍ ସାର୍ଗେନି ମାପୁତି ତଲ୍ୟା । ହେୱାନ୍ ଜାଣକେତିଂ ମୁକ୍ମେଟ୍ ହୁଡ଼ଦାଞ୍ଜାଦାଂ ସମାନ୍ ବାବ୍ରେ ବିଚାର୍ କିନାନ୍ ।

**ଇସ୍ତର୍ କାଜିଂ ଜୁଜ୍ଜି ହାଜ**

୧୦ ହାରିହାରା, ମାପୁ ଲାହାଙ୍ଗ୍ ମେହାଜି ତା ଜବର୍ ସାକ୍ତିତାଂ ବାଡ଼କାସ୍ ଆଡ଼ ।

୧୧ ଇସ୍ତର୍ହିତି ସବୁ ଜୁଜ୍ଜିତ ଜାଲ୍ଦି ଜାଗ୍ରଡ଼ ଆଡ଼, ଇନେସ୍ ସୟ୍ତାନି ବାନ୍ୟା ଚିନ୍ତାତ ମେହାଆନି କାଜିଂ ଜାଗ୍ରଡ଼ ଆଡ଼ ।

୧୨ ଇନାକିଦେଂକି ମା ଜୁଜ୍ଜି ମୈଡ଼ପୁରନି ମାନାୟ୍ ବିରୁଦ୍ତ ଆକାୟ୍, ମତର୍ ଜଗଡ଼ ଆଦିକାର୍ ବିରୁଦ୍ତ ଆକାୟ୍, ଆଦିକାରି ବିରୁଦ୍ତ, ଇ ମାଜଗାନି ସାର୍ଗେନି ଆଦିକାରି ବିରୁଦ୍ତ ଆରେ ଆକାସ୍ନି ବାନ୍ୟାଜିବୁନିଂ ବିରୁଦ୍ତ ଜୁଜ୍ଜି କିନାପା;

୧୩ ଲାଗିଂ ନଙ୍ଗ୍ ଇସ୍ତର୍ ହିଡ଼ି ଜୁଜ୍ଜିହାଜ ଉସ୍ପାଟ୍; ତା ଆଡିସ୍ କସ୍ତୁଦିନ୍ ସମୁତ ଏପେଙ୍ଗ୍ ସତୁ କାଗ୍ରାନାକା ବନ୍ଦକିଦେଂ ଆଡ଼ନାଦେର୍ ଆରି ହାରିହାରା ପାଡେକ୍ ଜୁଜ୍ଜି କିଜି ପା ଡାଟ୍ ମାନ୍ଗାନାଡ଼ ।

୧୪ ଲାଗିଂ, ସଡ଼ ଲାଗ୍ଦି ମ୍ପେଙ୍ଗାଙ୍ଗ୍ ଗାଟ୍ନାକା ଦାମ୍ କାତା ଲାକେ ଗାଗାଡ଼ହାଜ ଉସ୍ପାଟ୍ ।

୧୫ ଆରେ ସୁସ୍ତାନି ନେକ୍ରିକାବୁର୍ କାଜିଂ ଜାଲ୍ଦିଆଡି ପାଣ୍ଡାୟ୍ ପାନାତ ତୁସ୍ଜି ଲେମ୍ଫାଦାଂ ମାନାଟ୍;

୧୬ ନିଡ୍ରେ ପାଡ଼ିତ ଜାନ୍ତିଂ ରାକ୍ୟାକିନାକା ପିଣ୍ଡାଟ୍, ଇଦାଂ ଉପକାର୍ତାଂ ସୟ୍ତାନି ହୁକେ ତୁହ୍ୟାତାକା ଝିଜୁ ଜୟ୍ବାଣ୍ଡିଂ ପାଗ୍ଦେଂ ଏପେଙ୍ଗ୍ କିଦେଙ୍ଗ୍ ଆଡ଼ନାଦେର୍ ।

୧୭ ଆରେ, ମୁକ୍ତି ଚପ୍ରି ମୁଗାଟ୍ ଆରି ଜିବୁନ୍ନି କାଣ୍ଡା ଇତିସ୍ ଇସ୍ତର୍ ବଚନ୍ ଆହାଟ୍;

☆ ୨:୪ କଲସିୟ ୩:୨୧. ☆ ୨:୫ କଲସିୟ ୩:୨୨-୨୫.

୧୮ ଇସ୍ରାଏଲ ଉପକାର ବିକାଶ କିଛି ପାର୍ଥନା ଲାହାଁ ଇଦାଂ ସବୁ କିୟାଟ୍ । ସବୁ ନିତିତ ପୁଇପୁୟା ଜିରୁନ୍ତିଂ ଚାଲାନି ଇସାପ୍ରେ ପାର୍ଥନା କିୟାଟ୍ । ଜାଗ୍ରତ୍ ମାନାଟ୍, ଇନାଞ୍ଜାଡ଼ାଂ ଖାହ୍ମାଟ୍ । ଇସ୍ରାଏଲି ମାନାୟାଟ୍ କାଜିଂ ତାଲନାଡ଼ ପାର୍ଥନାତ ଜାଗ୍ରତ୍ ଆସି ମାନାଟ୍ ।

୧୯ ନା କାଜିଂ ପା ପାର୍ଥନା କିୟାଟ୍, ଇନେସକି ନେକ୍ରିକାବୁର୍ ଡ଼କ୍ରି କାତା ଷ୍ଟେଟ୍ରେଟ୍ ଆରି ପାଣ୍ଡାଞ୍ଜାଦାଂ ହେଦାଂ ଇଞ୍ଜେକ୍ ଇସ୍ରାଏଲ ନା ଷ୍ଟେକ୍ସ ସମାନ କାତା ହିଦନାନ ।

୨୦ ନକ୍ପା ବନ୍ଦି ଆସି ମାଟିସ୍ପା ଆନ୍ ନେକ୍ରିକାବୁର୍ କାଜିଂ ର ରାଜାଦୁଡ଼ । ପାର୍ଥନା କିୟାଟ୍, ଇନେସ୍ ଆନ୍ ସାସ୍ ହୁଦାଂ ସମାନ ବାବ୍ରେ ନେକ୍ରିକାବୁର୍ ସୁଶାୟ କିଦେକ୍ ଆଡନାକ୍ ।

**ହାରିହାରାନ୍ତି ବନ୍ଦାଣି**

୨୧ ☆☆☆ ନା ଅବସ୍ତା ବିସ୍ତେ ଏପେକ୍ ଇନେସ୍ ପୁଞ୍ଜେକ୍ ଆଡନାଦେର୍, ହେଦାଂ କାଜିଂ ମା ଖାରିନି ଟ୍ରେନ୍ ଆରି ମାପୁତି କାମାୟ କିଜି ମାନି ପାତ୍ ନି ହେବାକାରୟା ତୁକିକ ନା ବିସ୍ତେ ମିଜେକ୍ ସବୁ କାତା ଇଞ୍ଜନାନ ।

୨୨ ଆସେକ୍ ସବୁ ଇନେସ୍ ମାନାସ୍, ହେ ବିସ୍ତେ ଷ୍ଟେଟ୍ ମିଜେକ୍ ଖାରିକିୟ କିନି କାଜିଂ ଆନେକ୍ ତାଜେକ୍ ମି ଖାସ୍ ହେଞ୍ଜାନ୍ତି ହୁକେ ଖାରି କିୟା ଆନାନ ।

୨୩ ଆବା ଇସ୍ରାଏଲ ଆରି ମାପୁ ଜିସୁ କ୍ରିଷ୍ଟ ପାତ୍ କିନି ଟ୍ରେନ୍ ଆରି ତଣ୍ଡେକାଂ ସୁସ୍ତା ଆଡ, ଜିଉନନାକା ଆରି ପାତ୍ ଲାହାକ୍ ବାତାୟ କିଏନ୍ ।

୨୪ ଏଚେକ୍ ଲକ୍ଷୁ ମା ମାପୁ ଜିସୁ କ୍ରିଷ୍ଟ ସବୁଷ୍ଟେଡ଼ାନ୍ତି ଜିଉନନିତ ଷ୍ଟିଞ୍ଜାକା, ଜିସୁତି ଉପକାର ହେ ଷ୍ଟିଜାକାର ଲାହାକ୍ ଆୟେଡ଼ ।

## ପିଲିପିୟ ମଣ୍ଡଳୀ ନିକଟକୁ ପ୍ରେରିତ ପାଉଲଙ୍କ ପତ୍ର ପିଲିପିୟ ମଣ୍ଡଳୀ ତାଙ୍କେ ପକ୍ୟାତି ପାଉଲ୍‌ତି ଆକି ଇ ପତି ବିସ୍ତେନି ପାଦେକ୍

ଜିସୁ କ୍ରିଷ୍ଟି ଜଲମ୍ ଆଜି ମାନଗାନାତ୍ ୬୧ ବାର୍ହୁ ପାଚେ ପାଉଲ୍ ପିଲିପିୟ ମଣ୍ଡଳିନି ପାତ୍ କିନାକା ତାକେ ଆକି ଲେକିକିତାନ । ଇନେସକି ପାଉଲ୍ ରମ୍ତ ବନ୍ଦି ମାନିହିଙ୍ଗ୍ ଇ ଆକି ଲେକିକିଜି ମାଚାନ ୧:୧୩ ।

ପିଲିପିୟ ଗାତ୍ ବିତ୍ରେ ଆଁ ରଚ୍ତି ମଣ୍ଡଳି ତାକେ ଇ ଆକି ଲେକା ଆଜି ମାଚାତ୍ । ଆପେଂ ପକ୍ୟାତି ପତିତ ପା ଏଚେକ୍ ବିସ୍ତେ ପିଲିପିୟ ପତି ବିସ୍ତେ ପୁଞ୍ଜେଙ୍ଗ୍ ଆଡ୍‌ନାସ୍ । ପିଲିପିୟ ମାକିଦନିୟା ଦେସ୍ତ ରାଜାର ଗାତ୍ ମାଚାତ୍ । ଇଦାଂ ମାକିଦନିୟାତ ରଚ୍ତି ପର୍ତ୍ତ୍ ମଣ୍ଡଳି ମାଚାତ୍ । ପାଉଲ୍ ଆରି ସିଲା ମେହାଜି ଇ ମଣ୍ଡଳି ଆରମ୍ କିଜି ମାଚାର୍ ଆରେ ପା ହେବେ ମାନି ସମୁତ ର ନାଣା କାଜିଂ ହେଞ୍ଜାରିଂ ଜଲ୍‌ଲତ ଇଟ୍ୟାଜି ମାଚାର୍ ପକ୍ୟାତାକା ୧୭ ।

ଆଜି ମାନଗାନାତ୍ ପାଉଲ୍ ଇ ଆକି ଲେକିକିନି କାଜିଂ କେତେକ୍ ଉଦେସ୍ ମାନଗାନାତ୍ । ହେଞ୍ଜାନ୍ ବନ୍ଦି ମାନି ବିସ୍ତେ ଖେନଞ୍ଜି ମଣ୍ଡଳିନି ମାନାୟାର୍ ଦାନ ରୁଣ୍ଡାୟ୍ କିଜି ପକ୍‌ତିଲେ ମଣ୍ଡଳିତିଂ ଦନ୍ୟବାଦ୍ ହିନି ଇସାବ୍‌ରେ ଇଡ୍‌ଜି ଆକି ଲେକିକିନାନା ୪:୧୦-୧୯ । ହେଞ୍ଜାନ୍ ପା ତା ବନ୍ଦି ଅବସ୍ତାତ ହୁଦାଂ ମଣ୍ଡଳିତ ତିମତି ଆରି ଏପାପାତିତିଂ ଗାଡ୍‌ନାର୍, ପାତ୍ କିନାକାର୍ ଇନେସକି ହେଞ୍ଜାରିଂ ମାନି କିଜି ଜଞ୍ଜାର୍ ଜାଣାୟ୍ କିତାର୍ ଆରି ତା ସତ୍‌ତାଂ ସନ୍‌ମାନ୍ ହିନାର୍ ୨:୧୯-୩୦ ।

### ପତି ବିସ୍ତେନି ରାହାଣ

- ୧. ପିଲିପି ମଣ୍ଡଳିତିଂ ପାଉଲ୍‌ତି ଜାଣାୟ୍‌କିନାନ ୧:୧-୨
- ୨. ପାଉଲ୍‌ତି ଅବସ୍ତା ଆରି ତା ଚିନ୍ତା ହୁକେ ୧:୩; ୨:୩୦
- ୩. ପାତ୍ କିନାକାରିଂ କ୍ରିସ୍ଟାନ୍ ଜିରୁନ୍ ଜିପ୍‌କା କାଜିଂ ପାଉଲ୍‌ତିଂ ଦସ୍‌ଆକାୟ୍ ୩:୧; ୪:୯
- ୪. ପାଉଲ୍ ଦାନ କାଜିଂ ପିଲିପିୟ ମଣ୍ଡଳିତିଂ ଜଞ୍ଜାର୍ ଜାଣାୟ୍‌କିନାନ ୪:୧୦-୨୩

### ବାନ୍ଦାୟ୍ ଆରି ପାଉଲ୍‌ତି ପାର୍ତାନା

୧ \*ପାଉଲ୍ ଆରି ତିମତି, କ୍ରିଷ୍ଟ ଜିସୁତି ରିୟାର୍ ଆଡ୍‌ୟାର୍, ପିଲିପିତ ମାନି କ୍ରିଷ୍ଟ ଜିସୁତି ମାନି ଝିଜାର୍ ସାଦୁର୍ ଲାଗାଂ ଆରେ, ମୁଣିକା ଆରି ହେବା କାର୍‌ୟାର୍ ଲାଗାଂ;

୨ ମା ଆବା ଇସ୍‌ବର୍ ଆରି ମାପୁ ଜିସୁ କ୍ରିଷ୍ଟ ମିଙ୍ଗେଙ୍ଗ୍ ଉପ୍‌କାର୍ ଆରି ସୁସ୍ତା ମି କାଜିଂ ଆୟେତ୍ ।

୩ ଆନ୍ ମିଙ୍ଗେଙ୍ଗ୍ ଏଚେକ୍ ହର୍ ଏତୁ କିଦନାଙ୍ଗ୍, ହେଏଚେକ୍ ହର୍ ଆନ୍ ଇସ୍‌ବର୍‌ତିଂ ଦନ୍ୟବାଦ୍ ହିଜି ମାନାଙ୍ଗ୍ ।

୪ ଆରେ ସବୁ ନାଞ୍ଜିଙ୍ଗ୍ ମି କାଜିଂ ଖାରିକିଜି ପାର୍ତାନା କିନି ସମୁତ,

୫ ଇନେକିଦେଂକି ମି ପାତ୍ ଆରମ୍ ଦିନ୍‌ତାଂ ନଙ୍ଗ୍ ପାଚେକ୍ ନେକ୍ରିକାରୁର୍ କାମାୟ୍‌ତ ଏପେଙ୍ଗ୍ ନାଙ୍ଗ୍ ଉପ୍‌କାର୍ କିଦ୍‌ଦେଂ ଖାତାଦେଣ୍ଡା ।

୬ ଲାଗିଂ ଆନ୍ ଇ ବିସ୍ତେତିଂ ହାତ୍‌ପା ଜେ, ଇମ୍‌ଣି ମାପୁ ମି ତାକେ ଇ ହାତ୍‌ଦି କାମାୟ୍ ଆରମ୍ କିତାନ୍ନା, କ୍ରିଷ୍ଟ ଜିସୁତି ଆରେଞ୍ଜାନି ଦିନ୍ତ ଇଦାଂ ଝିଜିନି ପାଚେକ୍ ହେଞ୍ଜାନ୍ ହେଦାଂ ପାତ୍ କିନାନ ।

୭ ଏପେଙ୍ଗ୍ ସବୁଞ୍ଜେଡାଙ୍ଗ୍ ନା ଖାସ୍ତିତ ମାନାଦେର୍; ଲାଗିଂ ମି ବିସ୍ତେ ବାବି କିନାକା ନା ପାକ୍ୟାତ ହାତ୍ ଆକାୟ୍ । ଆନ୍ ମାନଇଚା ମାନି ଖେଡାଲିଂ ଆରି ନଂ ଇ ବନ୍ଦି ଅବସ୍ତାତ ନେକ୍ରିକାରୁର୍‌ନି ନ୍ୟାୟ୍ ହାଙ୍ଗ୍‌ତାକା ଆରି ରାକ୍ୟା କାଜିଂ କାମାୟ୍ କିଦେଙ୍ଗ୍ ଇସ୍‌ବର୍ ନାଂ ଇମ୍‌ଣି ପାବ୍ ହିଡ୍‌ତାନ୍ନା, ଏପେଙ୍ଗ୍ ଝିଜାଦେର୍ ଇବେ ମେହା ଆତାଦେଣ୍ଡା ।

୮ ଇନେକିଦେଂକି କ୍ରିଷ୍ଟ ଜିସୁତି ଜିଉନିନି ବାତ୍ ଦୟାତ ଆନ୍ ମି ଝିଜାର୍‌ତି କାଜିଂ ଇନେସ୍ ବାନି ଇଚା, ଇ ବିସ୍ତେ ଇସ୍‌ବର୍ ନା ସାକି ।

୯ ଆନ୍ ପାର୍ତାନା କିନାଙ୍ଗା, ଇନେସ୍ ହାତ୍‌ପା ଗିଆନ୍ ଆରି ନ୍ୟାୟ୍ ବିଚାର୍ ଲାହାଂ ମିଦାଂ ଜିଉନନାକା, ଆଦିକ୍‌ତାଂ ଆଦିକ୍ ବାତା ଆନାତ୍ ।

୧୦ ଆରେ ଏପେଙ୍ଗ୍ ଇନେସ୍ ବେସି ବିସ୍ତେ ସବୁ ବାଚିକିଦେଂ ଆଡ୍‌ନାଦେର୍ । ତା ଆତିସ୍ ଏପେଙ୍ଗ୍ କ୍ରିଷ୍ଟି ଝାନି ଦିନ୍ତ ହାତ୍‌କା ଆରି ନିନ୍ଦାଞ୍ଜାଦାଂ ମାନଗାନାଦେର୍ ।

୧୧ ଆରି ଇସ୍‌ବର୍‌ତି ଜାଜ୍‌ମାଲ୍ ଆରି ଖାରିକିୟ୍ କାଜିଂ ମି ଜିରୁନ୍ ଜିସୁ କ୍ରିଷ୍ଟି ହିଡ୍‌ତାକା ଝିଜୁ ଦାମ୍‌ତି ବାତ୍ ଆନାଦେର୍ ।

### ବାଚାଆନାକା ଅରତ୍ କ୍ରିଷ୍ଟ

☆ ୧:୧ ପକ୍ୟାତାକା ୧୭:୧୨.

୧୨ ଏ ଟଣ୍ଡାର ଆରି ତଣ୍ଡେକ୍ ! ଆନ୍ ମିଂ ଖେର୍ଚେଦେଂ ମାନ୍ କିନାଙ୍ ଜେ, ନା କାଜିଂ ଇନା ଇନାକା ଗିଟା ଆତାଡ଼ନ୍ନା, ହେଦାଂ ନେକ୍ରିକାବୁର୍ ବାତାନାକା ଉପକାର୍ କିନାତା ।

୧୩ ଲାଗିଂ ନା ଗାଡ଼ୟାଜି ଜେ କ୍ରିଷ୍ଟୁ କାଜିଂ, ଇଦାଂ ବାଙ୍ଗାଲୀତ ସବୁ ମେଲ୍ୟା ଦାଡ଼ ଆରି ବିନ୍ଦିବିନ୍ ଓଜାର୍ ଲାଗାଂ ହତାଡ଼;

୧୪ ମାତର୍ ଆନ୍ ବନ୍ଦି ଆଜି ମାଟିଲେ ହେନି ଟଣ୍ଡାର୍ ଆରି ତଣ୍ଡେକ୍ ମାପୁତି କାଜିଂ ଆଦିକ୍ ପାତର୍ ଜଲମ୍ ଆତାଡ଼ନ୍ନା, ଆରେ ଇଦାଂ କାଜିଂ ପାଣ୍ଡା ଆଖାଦାଂ ଇସ୍ତର୍ ବଚନ୍ ସୁଣାୟ୍ କିନି କାଜିଂ ହେଝାର୍ତି ସାସ୍ ବାତା ଆତାଡ଼ନ୍ନା ।

୧୫ ଆତିସ୍ପା ହେଝାର୍ ବିତ୍ରେତାଂ କେତେକ୍ଜାଣ୍ ଗଣ୍ଡଗଲ୍ଝାରି ଆରି ତାରା ଆଜି କ୍ରିଷ୍ଟୁଙ୍କ୍ ପରଚାର୍ କାମାୟ୍ତ ନଙ୍ଗ୍ ଲାଗାତାରନା । ମାତର୍ ବିନ୍ଦିକାର୍ ମାନ୍ଦିୟାନ୍ ଲାହାଂ ହେଦାଂ କିନାରା ।

୧୬ ଇଝାର୍ ନା କାଜିଂ ଜିଉନନି କାଜିଂ ହେଦାଂ କିତାର୍ । ଇନେକିଦେଂକି ହେଝାର୍ ପୁନାର୍ ଜେ, ଇସ୍ବର ନାଙ୍ଗେଙ୍ଗ୍ ନେକ୍ରିକାବୁର୍ନି ରାକ୍ୟା କାଜିଂ ଦାଇଡ଼ ହିଡ଼ତାନ୍ନା

୧୭ ବିନ୍ଦିକାର୍ ପାତର୍ ବାବ୍ରେ କ୍ରିଷ୍ଟୁତି ବଚନ୍ ପରଚାର୍ କିଝାଦାଂ ଜାର୍ ଇଚା ବାବ୍ରେ ଅଜି ହେଦାଂ କିତାଣ୍ଣା । ଆନ୍ ବନ୍ଦି ଇଞ୍ଜ ମାନିହିଂ ନା ମାତ୍ର ଆଦିକ୍ ଦୁକ୍ ହିଦେଂ ହେଝାର୍ ହେଦାଂ କିତାଣ୍ଣା ।

୧୮ ହେଦାଂ ଖାୟେଡ଼ କି ଖାମେଡ଼ । ହାଦର୍ ଉଦେସ୍ତ ଆୟେଡ଼ କି ସତ୍ତାଞ୍ଜି ଉଦେସ୍ତ ଆୟେଡ଼, ଇମ୍ଫଣାକା ପା ଉପାୟ୍ତ କ୍ରିଷ୍ଟୁତି ବଚନ୍ ପରଚାର୍ ଆତିସ୍ ହେବେ ନା ଖାରି । ଆନ୍ ଖାରି କିଜି ମାନ୍ଗାନାଂ ।

୧୯ ଇନାକିଦେଂକି ଆନ୍ ପୁନାଙ୍ ମି ପାର୍ତାନା ଆରି ଜିସୁ କ୍ରିଷ୍ଟୁତି ଜିବୁନନି ଉପକାର୍ ହୁକେ ଆନ୍ ମୁକ୍ତା ଆନାଙ୍ ।

୨୦ ଜିବୁନତ କି ହାକିତ, ନା କାମାୟ୍ତ କି ଏଲ୍ୟାଖାଦାଂ ସବୁ ଖେଡ଼ାଲିଂ ଆରି ବେସି କିଜି ଇ କସୁ ଖେଡ଼ାଲିଂ ବାସର୍ କିଜି ବାତର୍ ବାବ୍ରେ ଇନେସ୍ ଆନ୍ କ୍ରିଷ୍ଟୁତିଂ ନା ଗାଗାଡ଼ତ ଜାଜ୍ମାଲ୍ କିନାଙ୍ ।

୨୧ ହାଡ଼ପାନେ ନା ଜିବୁନତ କ୍ରିଷ୍ଟୁନେ ଓଜେନିକାନ୍ । ଲାଗିଂ ନା ପାକ୍ୟାତ ହାକି ଆଦିକ୍ ଲାବ୍ ଆନାଡ଼ ।

୨୨ ମାତର୍ ଗାଗାଡ଼ତ ଜଦି ଜିଜି ମାନ୍ଞି ଆନ୍ ଆଦିକ୍ ପାଡ଼ ଲାବ୍ନିକା କାମାୟ୍ କିଦେଙ୍ଗ୍ ଆଡ଼ନାଙ୍, ତେବେ ଜିବନ୍ କି ହାକି ଇନେରିଂ ମାନ୍ କିନାଙ୍, ଆନେଙ୍ଗ୍ ସମାନ୍ କିଦେଙ୍ଗ୍ ଆଡ଼ଙ୍ଗା ।

୨୩ ଆନ୍ ରିକଣ୍ଡାଂ ରିଣ୍ଡି ବିସ୍ତେ ହର୍ବର୍ ଆନାଙ୍ଗା । ଇ ଜିବୁନ୍ ପିସି କ୍ରିଷ୍ଟୁ ଲାହାଂ ମାଞ୍ଜେଙ୍ଗ୍ ନାଙ୍ଗ୍ ବେସି ଇଚା । ଆତିସ୍ପା ଇଦାଂ ହାଦାକା ।

୨୪ ମାତର୍ ମି କାଜିଂ ନା ଜିଜି ମାନାକା ବେସି ଲଡ଼ା ।

୨୫ ଆରେ ଆନ୍ ଆଟ୍ଝା ଲାକେ ଇଦାଂ ପୁନାଙ୍ ଜେ, ଆନ୍ ଜିଜି ମାନାଙ୍ । ମି ପାତର୍ ତ ମିଦାଂ ବାତାନାକା ଆରି ଖାରି କାଜିଂ ମି ଲାହାଙ୍ ମାନାଂ,

୨୬ ତା ଆତିସ୍, ଏପେଙ୍ଗ୍ ଜିବୁନତ କ୍ରିଷ୍ଟୁ ଜିସୁତି ଲାହାଂ ମିହାଆଜି ନା କାଜିଂ ଆଦିକ୍ ଗରବ୍ ବାବି କିଦେଙ୍ଗ୍ ଆଡ଼ନାଦେର୍ ।

୨୭ ଆନ୍ ମିଙ୍ଗେଙ୍ଗ୍ ହୁଡ଼ନି କାଜିଂ ହାଞ୍ଜେଙ୍ଗ୍ ରାଜି ଆନାଙ୍ କି ଆଉଙ୍ଗ୍, ନଙ୍ଗ୍ ମୁଡ଼ ବିସ୍ତେ ଆନାତା, ମି ଖାସ୍ମି ଆଚାର୍ ବେବାର୍ ଇନେସ୍ କ୍ରିଷ୍ଟୁତି ନେକ୍ରିକାବୁର୍ନି ହନାଡ଼ ଆନ୍ ଇନେସ୍ ଖେନାଙ୍, ଏପେଙ୍ଗ୍ ର ଉଦେସ୍ ଅଜି ତାଟ୍ ଲାକେ ନିଲ୍ଡି ଆରି ର କାତା ଅଜି ନେକ୍ରିକାବୁର୍ ପାତର୍ କାଜିଂ ରବେ ଜୁଜ୍ କିନାପା ।

୨୮ ଆରେ, ସାତୁରିଂ ପାଣ୍ଡା ଆମାଟ୍, ସାସ୍ତ ତାଟ୍ ମାନାଟ୍ । ତା ଆତିସ୍, ହେଝାର୍ ପୁଞ୍ଜେଙ୍ଗ୍ ଆଡ଼ନାର୍ ଜେ, ହେଝାର୍ତି ଆରାନାକା ସତ୍ ଆରି ଏପେଙ୍ଗ୍ ଜିଣାନାଦେର୍, ଇନେକିଦେଂକି ଇସ୍ବର ନେ ମିଙ୍ଗେଙ୍ଗ୍ ଜିଣାଆନି ମୁକ୍ତି କିଦନାନ୍ ।

୨୯ କେବଲ୍ କ୍ରିଷ୍ଟୁ ତାକେ ପାତର୍ କିନି କାଜିଂ ଆକାୟ୍, ତା କାଜିଂ ଦୁକ୍ବଗ୍ କିନି କାଜିଂ ମିଙ୍ଗେଙ୍ଗ୍ କ୍ରିଷ୍ଟୁତି ହେବା କିନି କାଜିଂ ପାବ୍ ହିୟାଆତାଡ଼ନା ।

୩୦ ନଙ୍ଗ୍ ଇ ଜୁଜ୍ତ ଏପେଙ୍ଗ୍ ନା ବାଗ୍ ଇଟ୍ୟାଦେଂ ଆଡ଼ନାଦେର୍ । ଆଗେ ଏପେଙ୍ଗ୍ ନାଙ୍ଗ୍ ଇମ୍ଫଣି ଜୁଜ୍ କିନାକା ହୁଡ଼ଜି ମାଚାଦେର୍, ନଙ୍ଗ୍ ପା ଆନ୍ ହେ ଜୁଜ୍ତ ଲାଗାତାନ୍ନା ଇଞ୍ଜି ଏପେଙ୍ଗ୍ ଖେନ୍ଞି ମାନାଦେର୍ ।

### ୨

#### କ୍ରିଷ୍ଟୁତି ହୁଦାର୍ ଆରି ବେସି ଗାଜାକାନ୍

୧ କ୍ରିଷ୍ଟୁତି ଲାହାଂ ମେହାଆନାକା ହୁକେ ଏପେଙ୍ଗ୍ ଜିବୁନତ ବାଡ଼କାସ୍ ଆତାଦେଣ୍ଣା, ଆରେ ହେଝାନ୍ତି ଜିଉନନାକା ମିଙ୍ଗେଙ୍ଗ୍ ଦୁକ୍ସାରାୟ୍ କିଦନାତା । ଏପେଙ୍ଗ୍ ପୁଇପୁୟା ଜିବୁନ୍ ଉପକାର୍ତାଂ ସୁକେ ଜିନାଦେରା ଆରି ହାରି କାଜିଂ ମି ଜିଉନନିତ ବେସି ଦୟାତ ମାନାଟ୍,

୨ ଲାଗିଂ ଆନ୍ ମିଙ୍ଗେଙ୍ଗ୍ ଗଝାରି କିଦନାଙ୍, ର ତିନ୍ତା ହୁଦାଂ ମାନ୍ କିଜି, ର ଜିଉତ ମେହା ଆଜି ମାନ୍ ଆରି ଜିବୁନତ ଏକ୍ ଆଜି ଏପେଙ୍ଗ୍ ନାଙ୍ଗେଙ୍ଗ୍ ପୁରାବାବେ ଖାରି କିଦାଟ୍ ।

୩ ନିଜେତିଂ ବାବିକିନାକାନ୍ କାଜିଂ ନଲେ ପଲ୍ୟା ଗରବ୍ କାଜିଂ ଇନାକା କାମାୟ୍ କିମାଟ୍, ଇତିସ୍ ହୁଦାର୍ ଆଜି ଓଜାକାର୍ ବିନ୍ଲଗାଂ ଜାର୍ ତାଙ୍ଗ୍ ଗାଜା ମାନେ କିୟାଟ୍;

☆ ୧:୩୦ ପକ୍ୟାତାକା ୧୭:୧୯-୪୦.

- ୪ ଓଁଜାକାର କେବଲ୍ ଜାର ବିସ୍ତେ ମାନଦିଆନ୍ କିଞ୍ଚାଦାଂ ବିନ୍ନିକାନିଂ ବିସ୍ତେ ପା ମାନଦିଆନ୍ ଆତ ।
- \* କ୍ରିଷ୍ଣ ଜିସୁତି ଇନେସ୍ ମାନ ମାତାତ୍, ମିଦାଙ୍ଗ୍ ହେ ଲାକେ ଚିନ୍ତା ଆଏତ୍;
- ୬ ହେଞ୍ଜାନ୍ ଇସ୍ବର ଆତିସ୍ପା ଇସ୍ବତ୍ ଲାହାଙ୍ଗ୍  
ସମାନ ଆଜି ମାନାକା ଜାର କାଜିଂ ଆସ୍ତି ଇଟ୍ୟାନି ବିସ୍ତେ ବାବି କିଞ୍ଚାତାଂ,
- ୭ ଇତିସ୍ ନିଜ୍ ଇଚାତାଂ ତା ସବୁ ପିସ୍ତି ଆତିଏନ୍ ଲାକେ ଆତାନ୍ ।  
ମାନାୟ୍ ଲାକେ ଆଜି ମାନାୟ୍ ଲାକେ ଖାତାନ୍ ।
- ୮ ହେଞ୍ଜାନ୍ ଗଞ୍ଜାରି ଆରି ହୁଦାର୍ ଆଜି ହାକି ପାତେକ୍, କ୍ଲୁସ୍ ହାକି ପାତେକ୍  
ବଲ୍ ମାନିକିନାକାନ୍ ଆତାନ୍ ।
- ୯ ଇଦାଂ କାଜିଂ ଇସ୍ବର ତାଙ୍ଗେଙ୍ଗ୍ ବେସି ଉଚ୍ କିତାନ୍ନା,  
ଆରେ ଓଁଜୁ ତର ବାଟା ଓଁଜେତିଂ ହାଦ୍ ତର ତାଙ୍ଗ୍ ହିତାନ୍ନା,
- ୧୦ ଲାଗିଂ ଜିସୁତି ତରୁନି ଇନେସ୍ ସାଗେ, ବିତ୍ରେପୁର୍ ଆରି  
ପାତାଲ୍ତ ମାନି ସବୁ ମାନାୟାର୍ ଜିସୁତି ମୁମ୍ଦ ମେଣ୍ଡାଂକୁହିଂକିଜି ଜଞ୍ଜାର୍ କିତାର୍ ।
- ୧୧ ଆରେ, ଆବା ଇସ୍ବରତି ଜାଜ୍ମାଲ୍ କାଜିଂ ଓଁଜାକାର୍ତି ଖେୟୁଲ୍  
ଜିସୁ କ୍ରିସ୍ଟଙ୍ଗ୍ ମାପୁ ଇଞ୍ଜି ମାନି କିନିକ୍ ।

**ପୁତ୍ ଅଜଡ୍ ଲାକେ ଆତ**

- ୧୨ ଲାଗିଂ, ଏ ନା ଖାରିନିକାଦେର, ଆନ୍ ମି ଲାହାଂ ମାନିଞ୍ଜାଡାଲିଂ ଏପେଙ୍ଗ୍ ଇନେସ୍ ଦିନକେ ନା ବଲ୍ମାନି କିତାଦେଣ୍ଡା,  
ନଙ୍ଗ୍ ଆନ୍ ମିଙ୍ଗ୍ତାଂ ଦେହା ମାନି ଞ୍ଜାଡାଲିଂ ଆଦିକ୍ ପାତ୍ ବାବ୍ରେ ନା ଜଜାୟ୍ ଆଦେଂ ମିଙ୍ଗ୍ ଲଡା । ମି ମୁକ୍ତା ଆନାକା  
ଇନେସ୍ ପୁରା ଆନାତ୍, ଇଦାଂ କାଜିଂ ପାଣ୍ଡୁ ଆରି ତ୍ରିଗ୍ଜି କାମାୟ୍ କିଜି ମାନାଟ୍ ।
- ୧୩ ଇନାକିଦେଂକି ମିଙ୍ଗେଙ୍ଗ୍ ହେଞ୍ଜାନ୍ତି ଉଦେସ୍ତ ପୁରା କିନି କାଜିଂ ଇଚା ଆରି ରାଜି କିଦେଙ୍ଗ୍ ନିଜେ ଇସ୍ବର ମି ବିତ୍ରେ  
ନିତ୍ରେ କାମାୟ୍ କିନାନା ।
- ୧୪ ଆପତି ଆରି ବେଣ୍ଡାବର୍ କିଞ୍ଚାଦାଂ ସବୁ କାମାୟ୍ କିୟାଟ୍,
- ୧୫ ଇନେସ୍ ଏପେଙ୍ଗ୍ ଦସି ଆଞ୍ଜାଦାଂ ଆରି ହୁଦାର୍ ଆଜି ତ୍ତୁକ୍ତି ହାଜି ବାଣାତି ଲାତ୍ରା ବିତ୍ରେ ଇସ୍ବରତି ପୁଇପୁୟା  
ହିମ୍ପାଞ୍ଜାକ୍ତା ଆତ; ହେଞ୍ଜାର୍ ବିତ୍ରେ ଏପେଙ୍ଗ୍ ଜିବୁନ୍ନି ବଚନ୍ ଆସ୍ତି ଜଗତ୍ ଅଜଡ୍ ଲାକେ ଆନାଦେରା;
- ୧୬ ବିନ୍ଲଗାତ୍ ଲାଗାୟ୍ ଜିବୁନ୍ ହିଦ୍ନି କାବୁର ପରଚାର୍ କିନିଞ୍ଜେଡାଲିଂ ଏପ୍ ଆକାସ୍ତିଂ ଅଜଡ୍ କିନି ହୁକାଂ ଲାକେ  
ପଙ୍ଗନାକା ଲଡା । ଏପେଙ୍ଗ୍ ଜଦି ଏଲେଙ୍ଗ୍ ଆତିସ୍, “କ୍ରିଷ୍ଟି ଞ୍ଜେଡାଲିଂ” ମି ବିସ୍ତେ ଆନ୍ ଗରବ୍ କିଦେଙ୍ଗ୍ ଆଡ୍ନାଂ,  
ଇନେକିଦେଂକି ଇବେଣ୍ଡାଂ ପାର୍ମାଣ୍ ଆନାତା ଜେ, ନା ଓଁଜୁ କସ୍ ଆରି କାମାୟ୍ ପଲ୍ୟା ଆଞ୍ଜାତାଡ୍ନା ।
- ୧୭ ଇସ୍ବରତି ଉଦେସ୍ତ ମି ପାତ୍ ବାତ୍ ପୁଜାକିନିତ ଆଜି ମାନଗାନାତ୍ ନା ଜିବୁନ୍ନି ନେତେର ଞ୍ଜାକ୍ତି ହିଦ୍ଦେଂ  
ଆନାତ୍ । ଇଦାଂ କାଜିଂ ଆନ୍ ଞ୍ଜାର୍ଯ୍ୟାନାକା ଆରି ନା ଇ ଖାରିତ ମିଂ ମେହାୟ୍ କିଦେଙ୍ଗ୍ ଆନ୍ ଇଚା କିନାଙ୍ଗା ।
- ୧୮ ଏପେଙ୍ଗ୍ ପା ହେ ଲାକେ ଖାରି କିୟାଟ୍ ଆରି ହେ ଖାରିତାଂ ନା ଲାହାଙ୍ଗ୍ ପା ଖାରି କିୟାଟ୍ ।

**ତିମତି ଆରି ଏପାପୁଦିତ**

- ୧୯ ମାପୁତି ଇଚା ମାତିସ୍, ମି ଲାଗାୟ୍ ତିମତିଂ ବେଗି ପଲ୍ଲାନାଙ୍ଗ୍ ଇଞ୍ଜି ମାପୁ ଜିସୁତିଂ ଆନ୍ ଆହା କିନାଙ୍ଗ୍ । ତା ଆତିସ୍,  
ମି କାବୁର ଗାଟାଜି ଆନ୍ ବେସି ଞ୍ଜାର୍ଯ୍ୟା ଆନାଙ୍ଗ୍ ।
- ୨୦ କେବଲ୍ ହେଞ୍ଜାନ୍ତି ମାନ୍ବାବ୍ନା ନା ଲାକେ ମାନାତ୍ ହେଞ୍ଜାନ୍ ହାତ୍ପାତ ମି କାଜିଂ ମାନଦିଆନ୍ କିନାଙ୍ଗ୍ ।
- ୨୧ ବିନ୍ ଓଁଜୁ ଜିସୁ କ୍ରିଷ୍ଟି କାଜିଂ ସେସ୍ଟୁ କିଞ୍ଚାଦାଂ ଜାର୍ତି ସେସ୍ଟୁ କିତାର୍ ।
- ୨୨ ତିମତି ଜେ ପରିକ୍ୟା କିୟାତାକାନ୍ ମାନାୟ୍, ଇଦାଂ ଏପେଙ୍ଗ୍ ପୁନାଟ୍; ମାଜି ଆବାତି ହେବା କିତି ଲାକେ ହେଞ୍ଜାନ୍ ତ  
ନେକ୍ତିକାବୁର କାମାୟ୍ତ ନା ଲାହାଙ୍ଗ୍ ହେବା କିଜି ମାତାନ୍ ।
- ୨୩ ଲାଗିଂ, ନା କାଜିଂ ଇନାକା ଗିଟାଆଦେଂ ହାନାତା, ହେଦାଂ ପୁଞ୍ଜେଙ୍ଗ୍ ମତର୍ ହେଞ୍ଜାନ୍ ପଲ୍ଲାନାଂ ଇଞ୍ଜି ଆହା କିନାଙ୍ଗା;
- ୨୪ ମାତର୍ ଆନ୍ ମାପୁତି ତାକେ ପାତ୍ କିନାଙ୍ଗା ଜେ, ଆନ୍ ନିଜେ ବେଗି ପା ମି ଲାଗାଂ ହାନାଙ୍ଗ୍ ।
- ୨୫ ମାତର୍ ନା ଟଣ୍ଡେନ୍, ହାଙ୍ଗ୍ଦାକାର୍, ହାଙ୍ଗ୍ଦି ମେଲ୍ୟାୟାର୍ ଆରି ନା ଅବାବ୍ ବାତ୍ କିନି କାଜିଂ ମି ପକ୍ୟାତାକାନ୍  
ଆରି ହେବାକାରିୟା ଏପାପୁଦିତ୍ ମି ଲାଗାଂ ଆନ୍ ପଲ୍ଲିନି କାଜିଂ ଲଡା ବାବି କିତାଙ୍ଗ୍;
- ୨୬ ଇନାକିଦେଂକି ହେଞ୍ଜାନ୍ ମି ଓଁଜାରିଂ ହୁଡ୍ଦିନି କାଜିଂ ବେସି ଇଚା କିନାନା, ଆରେ ହେଞ୍ଜାନ୍ ନାଦାର୍ ମାନାନ୍ ଇଞ୍ଜି  
ଏପେଙ୍ଗ୍ ଞ୍ଜେନ୍ଞି ମାତିଲେ ହେଞ୍ଜାନ୍ତି ଦୁକ୍;
- ୨୭ ହାତ୍ପାଦେ ହେଞ୍ଜାନ୍ ହାତି ଲାକେ ନାଦାର୍ ଆଜି ମାତାନ୍, ମାତର୍ ଇସ୍ବର ତାଙ୍ଗେଙ୍ଗ୍ ଦୟା କିତାନ୍, ଆରେ କେବଲ୍  
ତାଙ୍ଗେଙ୍ଗ୍ ଆକାୟ୍, ମତର୍ ଇନେସ୍ ନା କାଜିଂ ଦୁକ୍ ଜପି ଦୁକ୍ ଗିଟା ଆଉଡ୍, ଇଦାଂ କାଜିଂ ନା ଜପି ପା ଦୟା କିତାନ୍ ।



୨୮ ଲାଗି ଏପେକ୍ଷା ଇନେସ୍ ହେୱାନିଂ ଆରେ ରଗ ହୁଡ଼୍ଜି ୱାରି କିୟାଟ୍ ଆରି ନା ଦୁକ୍ ଇନେସ୍ ଉଣା ଆନାଡ଼, ଇଦାଂ କାଜିଂ ଆନ୍ ହେୱାନିଂ ପକ୍ନି କାଜିଂ ଆଦିକ୍ ଜାତୁନ୍ ଆତାଙ୍ଗ ।

୨୯ ଲାଗି, ମାପୁ କ୍ରିସ୍ତୁତି ପାତର୍ କିନି ଟଣ୍ଡେନ୍ ବାବ୍ରେ ଏପେକ୍ଷା ହେୱାନିଂ ୱାରିତାଂ ଇଟାଟ୍, ଆରେ ଇ ଲାକେ ଗୁଣ୍ଡନିକାନ୍ ମୁଣିକାଂ ବକ୍ତି କିୟାଟ୍;

୩୦ ଇନାକିଦେଂକି ଏପେକ୍ଷା ନାକ୍ଷେକ୍ ଇମ୍ଫଣି ଉପକାର ହିଦେଂ ଆଡ଼ୱାତାଦେର୍, କ୍ରିସ୍ତୁତି କାମାୟ ପୁରା କାଜିଂ ହେୱାନିଂ ହେୱାନ୍ତି ନା କାଜିଂ କିଦେକ୍ ହାଲ୍ଜି ନିଜ୍ ଜିବୁନ୍ତିଂ ରାଉ ଆରି ହାକିନି ମୁମ୍ଫଦ ଆଜି ମାତାନ୍ ।

**୩**

**ହାଡ଼ପା ଦାମର୍**

୧ ହାରିହାରା, ଏ ନା ଟଣ୍ଡାର୍ ଆରି ତଣ୍ଡେକାଦେର୍, ମାପୁତି ଲାହାଂ ମେହାଜିମାଟିଲେ ଏପେକ୍ଷା ୱାରିୟା ଆତ । ଆଗେତାଂ ଇନାକା ଲେକିକିତାଙ୍ଗନା, ହେଦାଂ ବାବ୍ରେ କିଦେକ୍ ଆନ୍ ୱାହ୍ନାକା ବାବି କିଉଙ୍ଗା, ଇନେକିଦେଂକି ମି ହାଟ୍ମାନାକା କାଜିଂ ଇଦାଂ ଉପକାର କିଦ୍ନାଡ଼ ।

୨ ଇମ୍ଫଣାକାର୍ ବାନ୍ୟା କାମାୟତ ମୁଞ୍ଚଟାଣ୍ଟା, ଇମ୍ଫଣାକାର୍ ଗାଗାଡ଼୍ତିଂ ସୁନ୍ନଡ଼ ଆତାକାର୍ କାଜିଂ ଜିଦ୍ ଆହ୍ନାର୍, ହେ ନିକୁଡ଼ିଂ ଲାଗେତାଂ ଜାଗ୍ରଡ଼ ।

୩ ଇନାକିଦେଂକି ଆସେକ୍ ହାଡ଼ପାନେ ସୁନ୍ନଡ଼ ପାୟାଆତାକାସ୍, ହେୱାର୍ ଆକାୟ । ଆସେକ୍ ପୁଇପୁୟା ଜିବୁନ୍ ଉପକାରତାଂ ଇସ୍ପରତି ପାର୍ତାନା କିନାସା ଆରି କ୍ରିସ୍ତୁ ଜିସ୍ତୁତି ଲାହାଂ ମେହାଜି ୱାରିୟାନାସା । ବାତର୍ ରିତିନିତି ଜପି ମା ବାସର୍ ଆକାୟ ।

୪ ଆତିସ୍ପା ହେ ସବୁ ଜପି ଆହା ଇଟ୍ନାକା ନା ପାକ୍ୟାତ ହାଟ୍ ଆତାମ୍ । ଜଦି ଇନେର୍ ବାତର୍ ରିତିନିତିନି ଲଡ଼ା ଜପି ମାନ୍ ଦ୍ୟାନ୍ ହିତାଙ୍ଗମା, ହେ ଲାକେ କିଦେକ୍ କାଜିଂ ନା ଜବର୍ ଉପାୟ ମାନାଡ଼ ।

୫ ଆନ୍ ଆର୍ ଦିନ୍ତାଂ ସୁନ୍ନଡ଼ ପାୟାଆତାକାଂ, ଇସ୍ତାଏଲ୍ ଲାତ୍ରା ଜଲମ୍, ବିନ୍ୟାମିନ୍ କୁଟୁମ୍, ଏବ୍ରିୟ ନେତେର୍ତ୍ତ ଜଲମ୍ ରଞ୍ଜାନ୍ ଏବ୍ରିୟ, ଜିହୁଦି ବିଦି ପାଲି କିନି ଇସାପ୍ରେ ରଞ୍ଜାନ୍ ପାରୁସି ମାଟାଙ୍ଗ୍,

୬ ଆରି ନା କାଜିଂ ଇଟା ବିସ୍ତେ ମଣ୍ଡଲିନି ରଞ୍ଜାନ୍ କୁଲ୍ ଆ ମାଟାଙ୍ଗ୍, ଆରେ ବିଦି ହାଟି ଦାମର୍ ବିସ୍ତେ ଦସି ଆୱାଦାଂ ଚଞ୍ଜି ମାଟାଙ୍ଗ୍ ।

୭ ମାତର୍ ଇମ୍ଫଣି ଓଜୁ ବିସ୍ତେ ଲାବ୍ ଇଞ୍ଜି ଆନ୍ ବାବି କିଜି ମାଟାଙ୍ଗ୍, ହେଦେଲିଂ ନକ୍ କ୍ରିସ୍ତୁତି କାଜିଂ ଲାସ୍ ଇଞ୍ଜି ବାବି କିନାଙ୍ଗ୍ ।

୮ ଆଁ ହାଡ଼ପା ଆନ୍ ନା ମାପୁ କ୍ରିସ୍ତୁ ଜିସ୍ତୁତି ଗିଆନ୍ନି ହାଟ୍ କାଜିଂ ଓଜୁ ବିସ୍ତେ ନସ୍ ଇଞ୍ଜି ଗାଣା କିନାନ୍; ହେୱାନ୍ କାଜିଂ ଆନ୍ ଓଜୁ ବିସ୍ତେନି ନସ୍ ହୁଞ୍ଜାଙ୍ଗ୍, ଆରେ, ହେ ଓଜୁ ଗାତ୍ରା ଲାକେ ଗାଣା କିନାନ୍, ଇନେସ୍ ଆନ୍ କ୍ରିସ୍ତୁକ୍ ଲାବ୍ କିଦେକ୍ ଆଡ଼ନାସ୍ ଆରି ହେୱାନ୍ତି ଇଞ୍ଜି ପୁନ୍ୟାନାଡ଼,

୯ ଆରି ମସାତି ବିଦି ପାଲି କିନିକାଜିଂ ଜାର୍ ଦାମର୍ ପାୟାୱାଦାଂ ଇତିସ୍ ଇନେସ୍ କି କ୍ରିସ୍ତୁତାକେ ପାତର୍ ହୁଦାଂ ଇସ୍ପରତି ପାତର୍ କିନି ମୁଡ଼୍ ଦାମର୍ ବିଦି ପାଲି କିୟାଟ୍ ।

୧୦ ନଂ ନାଦାଂ ବେସି ମାନ୍ ଆନ୍ ଇନେସ୍ କ୍ରିସ୍ତୁକ୍ ପୁନାଙ୍ଗ୍ ଆରି ହେୱାନ୍ତି ଆରେ ନିଂନି ସାଲ୍ଟି ବାବି କିନାଙ୍ଗ୍; ହେୱାନ୍ତି ଦୁକ୍ ବଗ୍ନି ମେହାବିଡ଼ା ଏଡୁ କିଜି ହାକିତ ପା ତା ଲାକେ ଆନାଙ୍ଗ୍ ।

୧୧ ହାତାକାର୍ ବିତ୍ରେ ଆରେ ନିଙ୍ଗନାକା ପାୟା ଆଦେଂ ବାସର୍ ଲାବ୍ କିନାଙ୍ଗ୍ ।

**ଇଟ୍ନାକାଡ଼୍ ବାହାତ ହନ୍ନାସ୍**

୧୨ ଆନ୍ ଜେ ନକ୍ ହେ ଓଜୁ ପାୟା ଆତାଙ୍ଗନା କି ବାତର୍ ଲାବ୍ କିତାଂନା, ହେଦାଂ ଆକାୟ, ମାତର୍ ଆନ୍ କ୍ରିସ୍ତୁ ଜିସ୍ତୁତି ହୁକେ କୁକ୍ୟାଜିମାଟିଲେ ହନ୍ତେକ୍ ଲାଗାତାଂନା । ନିଜେ କ୍ରିସ୍ତୁ ନାଂ ଆସ୍ତି ତାସି ଇବେ ବାଟି କିଡ଼ତାନ୍ନା ।

୧୩ ଏ ଟଣ୍ଡାର୍, ଆରି ତଣ୍ଡେକ୍ ଆନ୍ ଇପାତେକ୍ ଏକାୱାତାଂନା । ମାତର୍ ର କାମାୟତ ଆନ୍ମାନ୍ ଦିଆନ୍ କିତାଙ୍ଗନା; ପାଟେ ପିସ୍ତୁ ୱାଜିମାନି ବିସ୍ତେକାଂ ବାଣାଜି, ମୁମ୍ଫଦ ମାନି ବିସ୍ତେକାଂ ଗାଟାଦେଂ ଜିବୁନ୍ଲଗାୟ କିଜି ସେସ୍ତୁ କିନାଙ୍ଗା ।

୧୪ ପାଟେନି ବିସ୍ତେ ଓଜୁ ମାନ୍ତାଂ ପିସ୍ତୁ ମୁମ୍ଫଦ ମାନି ବିସ୍ତେକାଂ କାଜିଂ ଇଡ଼୍ଜି କ୍ରିସ୍ତୁ ଜିସ୍ତୁତି ତାକେ ଇସ୍ପର୍ତ୍ତ ସାଗେନି କୁକ୍ୟାତି ପାଡ଼୍ ପାୟାନି କାଜିଂ ଜିବୁନ୍ଲଗାୟ କିଜି ଏକିନି ବାହାତ ହନ୍ନାଙ୍ଗା ।

୧୫ ମା ବିତ୍ରେ ଇମ୍ଫଣାକାର୍ ଆମ୍ବିକ୍ ବାବ୍ରେ ହେୱାରିଂ ଏଲେକ୍, ମାନ୍ବାବ୍ନା ମାନାକା ମାନାଡ଼ । ଜଦି ମି ବିତ୍ରେତାଂ ଇନେର୍ତ୍ତି ବିନେ ମାନ୍ ବାବ୍ନା ମାଟିସ୍, ଇସ୍ପର୍ ମିକ୍ଷେକ୍ ସବୁ କାତା ହାଟ୍ କିଜି ୱେଟ୍ଟରାନାନ୍ ।

୧୬ ହେୱାନ୍ ଇନେସ୍ ଆଏନ୍, ନେଞ୍ଜେକ୍ ପାଟେକ୍ ଆସେକ୍ ଇମ୍ଫଣି ନିୟମ୍ ମାନି କିଜି ୱାନାସା, ହେ ଇସାବ୍ରେ ନଂ ଆଗେ ହାନି ଲଡ଼ା ।

☆ ୩:୭ ପକ୍ୟାତାକା ୮:୩; ୨୨:୪; ୨୭:୯-୧୧.

୧୭ ✧ଏ ଟଣ୍ଡାର ଆରି ତଣ୍ଡେକ୍, ଏପେଙ୍ଗ୍ ରଚେ ମିହାଜି ନା ପାଚେ ଖାଡୁ, ଆରେ ମା ଜିବୁନ୍ ତାକେ ଇମ୍ଣି ହାର୍ଦାକା ହୁଡ଼ନାଦେରା, ଇମ୍ଣାକାର ହେ ଲାକେ ବେବାର୍ କିତାର ହେଝାରିଂ ହୁଡ଼ାଟ୍ ।

୧୮ ଆଗେତାଂ ବେସିହଟ୍ ଆନ୍ ମିଙ୍ଗେଙ୍ଗ୍ ଇ କାତା ଇଞ୍ଜାଙ୍ଗ୍ନା, ଆରେ ନଙ୍ଗ୍ ପାଚେକ୍ ଆଡ଼ବି ଆଡ଼ବି ଆରେ ରଗ କିନାସ୍; ବେସି ଜାର୍ ଜାର୍ ଜିବୁନ୍ତ କ୍ରିସ୍ତୁତି କ୍ରିସ୍ତୁନି ହାକିତ ସାଡୁ ବେବାର୍ କିନାରା ।

୧୯ ନରକ୍ତ ହେଝାର୍ତି ଜିବୁନ୍ନି ନାସ୍ ଆଦେଂ ହାନାତା, ଇନେକିଦେଂକି ଗାଗାଡ଼୍ ଆହା ନେ ହେଝାର୍ତି ପେନ୍ । ଇନାକା ଲାଜୁ, ହେଝାର୍ ହେବେ ଗରବ୍ କିତାର୍; କେବଲ୍ ସିଂସାର୍ ଜିନିସିଂ କାଜିଂ ହେଝାର୍ ଚିନ୍ତା କିତାର୍ ।

୨୦ ହେଝାନ୍ ଇନେସ୍ ଆଏଡ଼୍, ଆପେଂ ସାଗେଂ ରାଜିନି ପାଜା, ସାଗେତାଂ ମା ମୁକ୍ତିକାରିୟା ମାପୁ ଜିସୁ କ୍ରିସ୍ତୁତି ଖାନାକା ଆପେଂ ଖାରିତାଂ କାନାପା ।

୨୧ ଇମ୍ଣା ସାକ୍ତି ବାପୁତାଂ ହେଝାନ୍ ଝିଜୁ ବିସ୍ତେତିଂ ଜାର୍ ତାରେନ୍ କିଦେଙ୍ଗ୍ ଆଡ଼ନାନ୍, ହେ ସାକ୍ତି ବାପୁ ଚର୍ଚ୍ଚି ହେଝାନ୍ ମା ନାଦାର୍ ନା ଗାଗାଡ଼୍ତି ତା ଜାଜ୍ମାଲ୍ନି ଗାଗାଡ଼୍ ଲାକେ କିନାନ୍ ।

### ୪

#### ଝେଟ୍ନାକା ଆରି ହିକ୍ୟା

୧ ଲାଗିଂ, ଏ ନା ଖାରିନି ଟଣ୍ଡାର ଆରି ତଣ୍ଡେକ୍, ମିଙ୍ଗେଙ୍ଗ୍ ହୁଡ଼ଦେଦେଂ କାଜିଂ ନାଦାଂ ବେସି ଇଚା । ମିଂ ଅଜି ଆନ୍ ବେସି ଖାରିନି ମୁକୁଟ୍ । ମି କାଜିଂ ନାଦାଂ ବେସି ଗରବ୍ । ଖାରିନି ଟଣ୍ଡାର ଆରି ତଣ୍ଡେକ୍, ନା ହିକ୍ୟା ଇସାପ୍ରେ ମାପୁତି ତାକେ ତିର୍ ମାନ୍ଜି ଜିବନ୍ ଜିପ୍କା କିୟାଟ୍ ।

୨ ମାପୁ ତାକେ ତଣ୍ଡେକ୍ ଲାକେ ରଞ୍ଜି ମାନ୍ ଆଏକ୍, ଆନ୍ ଇୟଦିୟା ଆରି ସୁକ୍ତି ରିଶ୍ଟେକାଂ ପା ଗଝାରି କିନାଙ୍ଗା ।

୩ ଆରେ ଏ ହାଡ଼ପାନି ହାଙ୍ଗ୍ଦାକାନ୍, ଇ କଗ୍ଲେକାଂ ଉପକାର୍ କିନି କାଜିଂ ମିଙ୍ଗେଙ୍ଗ୍ ପା ଗଝାରି କିଦ୍ନାଙ୍ଗା, ଇନେକିଦେଂକି ଇଝାର୍ କ୍ଲେମେନ୍ସ ଆରି ନା ବିନ୍ ହାଙ୍ଗ୍ଦାକାର୍ ଲାହାଂ ନେକ୍ରିକାରୁର୍ କାମାୟତ ନା ଲାହାଙ୍ଗ୍ କସ୍ତୁ କିନାରା; ହେ ହଙ୍ଗ୍ଦାକାର୍ ତର୍ “ଜିବୁନ୍ ପତିତ” ମାନାଡ଼୍ ।

୪ ନିତ୍ରେ ମାପୁ ତାକେ ଖାରି କିୟାଟ୍, ଆରେ ଝେଟ୍ଟାନାଙ୍ଗା, ଖାରି କିୟାଟ୍ ।

୫ ଝିଜାକାର୍ ଲାଗାଂ ମି ହୁଦାର୍ ହପାଟ୍ । ମାପୁତି ଖାନାକା ଲାଗାଂ ।

୬ ଇନାକା ବିସ୍ତେ ଚିନ୍ତା କିମାଟ୍, ମାତର୍ ଇନାକା ଲଡ଼ା, ପାର୍ତାନା ଆରି ଗଝାରି ହୁକେ ଜୁଝାର୍ ଲାହାଙ୍ଗ୍ ମି ଗଝାରି ସବୁ ଇସ୍ପର୍ ଲାଗାଂ ଝେଟାଟ୍ ।

୭ ହେବେ ମାନାୟାର୍ତି ବୁଜାନାକା କସ୍ତୁ ଜେ ଇସ୍ତର୍ ସୁସ୍ତା କ୍ରିସ୍ତୁ ଜିସୁତି ମେହାଣ୍ଡ୍ ମି ଜିବୁନ୍ ଆରି ମାନ୍ଦିଂ ଜାଲ୍ଦି କିଜି ଇଡ଼୍ଦାନାଡ଼୍ ।

୮ ହାରିହାରା, ଏ ଟଣ୍ଡାର ଇନା ଇନାକା ହାଡ଼ପା, ଇନା ଇନାକା ଲଡ଼ା, ଇନା ଇନାକା ଦସି, ଇନା ଇନାକା ହାଦ୍ଦାକା, ଇନା ଇନାକା ଖାରିନିକା, ଇନାକା ତାକ୍ପୁଟାମେହା, ଇମ୍ଣାକା ପା ସଡ଼ଗୁଣ୍ ଆରି ଖାରିକିୟକିନି ବିସ୍ତେ ମାନାଡ଼୍, ହେ ଝିଜୁ ବିସ୍ତେ ବିଚାର୍ କିୟାଟ୍ ।

୯ ଏପେଙ୍ଗ୍ ଜେ ଝିଜୁ ବିସ୍ତେ ନା ତାକେ ହିକାଆତାଦେଣ୍ଡା, ପାୟା ତାଦେଣ୍ଡା, ଝେଟାଦେଣ୍ଡା, ଆରି ନା ତାକେ ହୁଡ଼ତାଦେଣ୍ଡା, ହେ ସବୁ କାମାୟତ ପୁରା କିୟାଟ୍; ହେବେ ସୁସ୍ତାହିଦ୍ନାକାନ୍ ଇସ୍ପର୍ ମି ଲାହାଙ୍ଗ୍ ମାନାନ୍ ।

#### ଦାନ୍ କାଜିଂ ଜଝାର୍

୧୦ ମାପୁତି ଲାହାଂ ମିହାଆଜି ଜିବୁନ୍ ଜିପ୍କା କିନି ଝେଡାଲିଂ, ନା ଖାରି ଜେ, ଏପେଙ୍ଗ୍ ଚିନ୍ତା କାଜିଂ ମାନ୍ଦିଆନ୍ କିତାଦେର୍ । ବେସି ଦିନ୍ ପାଚେ ଆରେ ରଗ ଚିନ୍ ଚର୍ଚ୍ଚାଦେଣ୍ଡା । ଆନ୍ ଇଞ୍ଜୁଙ୍ଗା ଜେ, ଏପେଙ୍ଗ୍ ଝିସ୍ତୁ ବିତ୍ରେ ନା କାଜିଂ ଆରେ ମାନ୍ଦିଆନ୍ ହିଝାଦାଂ ମାଚାଦେର୍ କେବଲ୍ ହେଦାଂ ହପ୍ରେଙ୍ଗ୍ ପାବ୍ ପାୟାଝାଦାଂ ମାଚାଦେର୍ ।

୧୧ ଆନ୍ ଜାଡ଼୍ ଏଲା ବାବି କିଜି ଇ କାତା ଇନୁଙ୍ଗା, ଇନେକିଦେଂକି ନାଦାଂ ଇନାକା ମାନାଡ଼୍, ହେ ଏଚେକ୍ନେ ସାରି କିଦେଙ୍ଗ୍ ଆନ୍ ହିକ୍ୟା କିତାଂନା ।

୧୨ ଅବାବ୍ ଆୟେଡ଼୍, ଦନ୍ ବେସି ଆୟେଡ଼୍, ଇନେସ୍ ତା ମୁମ୍ଦ ହାଞ୍ଜେଙ୍ଗ୍ ଆନାଡ଼୍, ହେଦାଂ ଆନ୍ ପୁଚାଙ୍ଗ୍ନା । ଲାଗିଂ ଇମ୍ଣାକା ପା ଝେଡାଲିଂ, ନାସ୍କିତ ମାନି ଝେଡାଲିଂ ଇନେସ୍, ସାରି ଆତି ପାଚେ ପା ହେ ଲାକେ, ଅବାବ୍ ଆନି ଝେଡାଲିଂ, ଆରେ ବେସି ବିତ୍ରେ ପା ସବୁଝେଡାଙ୍ଗ୍ ଆନ୍ ସାରି ।

୧୩ ନା ସାକ୍ତି ହିଦ୍ନାକାନ୍ କ୍ରିସ୍ତୁତି ଉପକାର୍ତାଂ ଆନ୍ ସବୁ କିଦେଙ୍ଗ୍ ଆଡ଼ନାଙ୍ଗ୍ ।

୧୪ ଆଡ଼ିସ୍ପା ଏପେଙ୍ଗ୍ ନା ଦୁକ୍ବର୍ ଝେଡାଲିଂ ନାଙ୍ଗେଙ୍ଗ୍ ମେହାଆନି କାଜିଂ ହାର୍ କିତାଦେଣ୍ଡା ।

୧୫ ଏ ପିଲିପିନି ଟଣ୍ଡାର ଆରି ତଣ୍ଡେକ୍, ମିଙ୍ଗେଙ୍ଗ୍ ହାର୍କିଜି ମାନ୍ତ ମାନାଡ଼୍, ନେକ୍ରିକାରୁର୍ ସୁଣାୟକିନି ହାଙ୍ଗ୍ତି ସମୁତ, ଏଚେକାଡ଼୍ ଆନ୍ ମାକିଦନିଆତାଂ ହାଚାଙ୍ଗ୍, ହେ ଝେଡାଲିଂ ମି ମଣ୍ଡଲି ନାଂ ଉପକାର୍ କିଜି ମାଞ୍ଜାଡ଼୍, କେବଲ୍ ଏପେଙ୍ଗ୍ ନା ଲାବ୍ ଆରି ଲାସ୍ ମେହା ଆଜି ମାଚାଦେର୍ ।

✧ ୩:୧୭ ୧ କରକ୍ରିୟ ୪:୧୭; ୧୧:୧.

୧୭ ଆନ୍ ତେସଲନିକିତ ମାନିହିଂ ଏପେଙ୍ଗ୍ ବେସିହର୍ ନା ଲାଗାଂ ଲଡାନି ଉପକାର୍ ପକ୍ତି ମାସ୍ତାଦେର୍ ।

୧୭ ମାତର୍ ମିତାଂ କେବଲ୍ ଦାନ୍ ଅନି କାଜିଂ ଆନ୍ ଇଚା କିଉଙ୍ଗ୍, ଇଦାଂ କାଜିଂ ଏପେଙ୍ଗ୍ ଇନେସ୍ ଆଦିକ୍ତାଂ ଆଦିକ୍ ଲାବ୍ ଆଡ, ଇଦାଂ ନା ଇଚା ।

୧୮ ମିତାଂ ଆନ୍ ଗାଟା ଆଜି ମାନି ଝିଜୁ ଦାନ୍ କାଜିଂ ପାୟାତାକା ମାନିକିଜି ଜାଣାୟକିଦନାଙ୍ଗା । ହେଦାଂ ନା କାଜିଂ ସାରିତାଂ ଆଦିକ୍ ଅତାନ୍ନା । ଏପାପ୍ରାଦିତ୍ତି କେଇଦ ଏପ୍ ପକ୍ତି ମାଚି ଦାନ୍ ନାଦାଂ ସବୁ ଅବାବ୍ ପୁରାୟ କିତାଂନା । ହେଦାଂ ଇସ୍ପର୍ତି କାଜିଂ ପୁଜାକିତି ହାଦ୍ ଗାନ୍ ଗାରଣି ଆରି ତାଦି ଇଟ୍ୟାତାକା ଇଚିସ୍ ସାରିନି ପୁଜାଲାକେ ।

୧୯ କ୍ରିସ୍ଟୁ ଜିସୁତି ହୁକେ ନା ଇସ୍ପର୍ ହେଞ୍ଜାନ୍ତି ବେସି ହଲ୍ଲନାକାତ ମିଦାଂ ଝିଜୁ ଲଡାନିକା ତାସି କିଦନାନ୍ ।

୨୦ ଜୁଗ୍ ଜୁଗ୍ ଆବା ଇସ୍ପର୍ତି ଜାଜ୍ମାଲ୍ ଆଏଡ୍ । ଆମେନ୍ ।

#### ହାରିହାରା କାତା

୨୧ କ୍ରିସ୍ଟୁ ଜିସୁ ତରଦାଂ ସବୁ ସାଦୁରିଂ ଜଞ୍ଜାର୍ ଜାଣାୟ କିୟାବ୍ । ନା ହାଙ୍ଗ୍ଦି ଟଣ୍ଡାର୍ ମିଙ୍ଗେଙ୍ଗ୍ ଜଞ୍ଜାର୍ ଜାଣାୟ କିଦନାରା ।

୨୨ ଇବେ ମାନି ଇସ୍ପର୍ତି ପୁଇପୁୟା ମାନାୟାର୍, ଝିଜାର୍ ବିସ୍ତେ କାଇସର୍ ଇଞ୍ଜ ମାନାର୍, ସାଦୁର୍ ମିଙ୍ଗେଙ୍ଗ୍ ଜଞ୍ଜାର୍ କିଦ୍ଦାରା ।

୨୩ ମାପୁ ଜିସୁ କ୍ରିସ୍ଟି ଉପକାର୍ ମି ଜିବୁନ୍ ଝିଜାର୍ ଲାହାଙ୍ଗ୍ ଆଏଡ୍ ।

## କଲସିୟ ମଣ୍ଡଳୀ ନିକଟକୁ ପ୍ରେରିତ ପାଉଲଙ୍କ ପତ୍ର କଲସିୟ ମଣ୍ଡଳି ଲାଗାଂ ପକ୍ୟାତି ପାଉଲ୍‌ତି ଆକି କଲସିୟ ବିସ୍ତେନି ପାଦେକ୍

କଲସିୟ ତାକେ ଲେକାତି ଆକି ଆନାତା ପାଉଲ୍ ଲେକିକିତି ଆକି ୧:୧ । ପାଉଲ୍‌ତି ଆତିସପା ଜିସୁ କ୍ରିସ୍ତୁତି ଜଲମ୍ ପାଚେ ଆଦିକ୍ ଆତିସ୍ ୭୦ ବାହୁଁ ରମ୍‌ଦ ଜଇଲ୍ ମାନି ସମୁତ ହେଖାନ୍ ଇ ଆକି ଲେକିକିତି ମାଚାନ୍ । କଲସିୟ ଆକି ଲାହାଂ ଏପିସିୟ ପିଲିପିୟ ଆକିତିଂ ଜଇଲ୍‌ନି ଆକି ଇଞ୍ଜି ଇନାର୍ । ଇନେକିଦେଂକି ପାଉଲ୍ ଜଇଲ୍‌ତ ମାନି ସମୁତ ଇ ଆକି ଲେକିକିତି ମାଚାନ୍ । ହେଖାନ୍ କଲସିୟ ବସ୍ତିତ ମାନି ମଣ୍ଡଳି ଲାଗାଂ ଇ ଆକି ଲେକିକିତି ମାଚାନ୍ ।

ପାଉଲ୍ ହେଖାନ୍ ଇ ମଣ୍ଡଳିତିଂ ଆରମ୍ କିଖାଦାଂ ମାଚାନ୍ ଇନାକାକି ୨:୧୭ ଲେକାତାତ୍‌ନା, ମତର୍ ବେସି ହେବେ ତା ଦାୟିତ୍ ମାନାକା କାତା ଏତୁ କିତାନ୍ନା । ଏପାପ୍ରସ ଇ ମଣ୍ଡଳି ରଚ୍‌ତି ମାଚାନ୍ ଲାଗିଂ ହେଖାନ୍ କଲସିୟ ମାନାୟ୍ ମାଚାନ୍ । ପାଉଲ୍ କଲସିୟ ମଣ୍ଡଳିତ କେତେକ୍ ମିର୍ ହିକ୍ୟା ବିସ୍ତେ ଚିନ୍ତା କିତାନ୍ । ହେଖାନ୍ ଇଦାଂ ବିସ୍ତେ ଆକି ଲେକିକିତି କାଜିଂ ବେସି ସମୁ ଲାଗାତାତ୍‌ନା । ଇବେ ଆତିସପା ଜିହୁଦି କ୍ରିସ୍ତୁୟାନ୍ ଇମ୍‌ଣାକାର୍ କି ବିନ୍ କ୍ରିସ୍ତୁୟାନ୍‌ର୍ ପୁନି ନିୟମ୍ ଜିହୁଦି ବିଦିତିଂ ସମାନ୍ ବାବ୍ରେ ସୁନ୍ନତ୍ ବିଦି ପାଲି କିନି କାଜିଂ ଟାଟାୟ୍ କିଦେଂ ସେସ୍ତୁ କିଜି ମାଚାନ୍ । ପାଉଲ୍ ସମାନ୍ ବାବ୍ରେ ଲଡ଼ା ହିଲ୍‌ଖି କ୍ରିସ୍ତୁୟାନ୍ ବିସ୍ତେ ଲେକିକିତି ମାଚାନ୍, ଇନେର୍ ଆତିସପା କ୍ରିସ୍ତୁୟାନ୍ ପିସି ଇସ୍‌ବର୍ ଲାଗାଂ ଇଟ୍ୟା ଆଉକ୍ ୧:୧୫-୨୦ ଆରି ମାନାୟ୍‌ତି ଜିକାଟାଣା ହୁକେ ରଚ୍‌ତି ହିକ୍ୟା ମଲ୍ ଆକାୟ୍ ୨:୮ ।

### ପତି ବିତ୍ତେନି ରାହାଣ୍

- ୧. କଲସିୟ ମଣ୍ଡଳିନି ପାଉଲ୍‌ତି ବାନ୍ଦାୟ୍ ୧:୧-୨
- ୨. କ୍ରିସ୍ତୁତି ଗାଜା ଆରି ମିର୍ ହିକ୍ୟା ଜପି ପାଉଲ୍‌ତି ଜବାବ୍ ୧:୩-୩:୪
- ୩. ହାଦ୍ କ୍ରିସ୍ତୁୟାନ୍ ଜିବୁନ୍ ଜିପ୍‌କା କାଜିଂ ପାଉଲ୍‌ତି ବଲ୍ ୩:୫-୪:୪
- ୪. ପାଉଲ୍ ଇ ଆକିତିଂ ବିନ୍ ମଣ୍ଡଳିତ ପା ପାଟ୍ ପଡ଼ିକିଦେଂ ଇଞ୍ଜି ବାନ୍ଦାୟ୍ ଜାଣାୟ୍‌କିଜି ଝିହ୍‌ନାନା ୪:୭-୧୮

### କଲସିୟ ମଣ୍ଡଳି ଲାଗାଂ ପକ୍ୟାତି ପାଉଲ୍‌ତି ଆକି

୧ ଇସ୍‌ବର୍ ଇଚା ଇସାବ୍‌ରେ କ୍ରିସ୍ତୁ ଜିସୁତି ରଞ୍ଜାନ୍ ପକ୍ୟାତାକାନ୍ ଚେଲା ପାଉଲ୍ ଆରି ଟଣ୍ଡେନ୍ ତିମତି  
 ୨ ତିମତି କଲସିତ ମାନି ସାଦୁ ଆରି କ୍ରିସ୍ତୁତି ତାକେ ପାଟ୍ କିନି ଟଣ୍ଡାର୍ ଲାଗାୟ୍ ଲେକିକିନାନା; ମା ଆବା ଇସ୍‌ବର୍‌ତାଂ ଉପକାର୍ ଆରି ସୁସ୍ତା ମି କାଜିଂ ଆୟେତ୍ ।

### ଦନ୍ୟବାଦ୍ ପାର୍ତ୍ତାନା

- ୩ ଆପ୍ ମି କାଜିଂ ପାର୍ତ୍ତାନା କିନି ସମୁତ ମା କ୍ରିସ୍ତୁ ଜିସୁତି ଆବା ଇସ୍‌ବର୍‌ତିଂ ନିତ୍ତେ ଦନ୍ୟବାଦ୍ ହିନାପା ।
- ୪ ଇନେକିଦେଂକି ଆପେଂ କ୍ରିସ୍ତୁ ଜିସୁତି ତାକେ ମି ପାଟ୍ ଆରି ଇସ୍‌ବର୍‌ତି ପୁଇପୁୟା ଝିଜାର୍ ମାନାୟାର୍ କାଜିଂ ମି ଜିଉନନାକା ବିସ୍ତେ ଝେଚାପ୍‌ନା ।
- ୫ ଏଚେକାତ୍‌ଦ ନେକ୍ରିକାବୁର୍ ସତ୍ କାବୁର୍ ମି ଲାଗାଂ ପର୍ତୁମ୍ ଝାତାତ୍, ଏପେଙ୍ଗ୍ ହେଦାଂ ହୁଦାଂ ହିତ୍‌ତି ବାସ୍ କାତା ଝେନ୍‌ଞ୍ଜି ମାଚାଦେର୍ । ଏପେଙ୍ଗ୍ ଇନାକା ବାସ୍ କିନାଦେର୍, ଇନାକା ମି କାଜିଂ ସାଗେତ୍ ହାର୍‌ମାନାନ୍, ତା ଜପି ମି ପାଟ୍ ଆରି ଜିଉନନାକା ମାନାତ୍ ।
- ୬ ଇମ୍‌ଣି ନେକ୍ରିକାବୁର୍ ପର୍ଚାର୍ କାଜିଂ ଏପେଙ୍ଗ୍ ପର୍ତୁମ୍ ଇସ୍‌ବର୍ ଉପକାର୍ ବିସ୍ତେ ଝେଚାଦେର୍ ଆରି ଇଦାଂ ହାତ୍‌ପା ଏତୁ କିତାଦେର୍, ହେ ନେକ୍ରିକାବୁର୍ ନଙ୍ଗ୍ ସବୁ ଜଗତ୍‌ତ ମେଙ୍ଗ୍‌ଜି ଲାବ୍ କିନାତା ଆରି ଆସିର୍ବାଦ୍ ରଚ୍‌ୟାତାତ୍ ।
- ୭ ମା ପାକ୍ୟାତାଂ କ୍ରିସ୍ତୁତି ପାଟ୍ କିନି ହେବାକାର୍‌ୟା ଆରି ମା ଝାରିନି ହାଙ୍ଗ୍‌ଦାକାନ୍ ଏପାପ୍ରାଙ୍ଗ୍‌ତାଂ ଏପେଙ୍ଗ୍ ଇସ୍‌ବର୍‌ତି ଇ ଉପକାର୍ ବିସ୍ତେ ଜାଣାୟ୍ କିୟାତାଦେର୍ଣ୍ଣା ।
- ୮ ପୁଇପୁୟା ଜିବୁନ୍‌ତ ମି ହିଜିମାଞ୍ଜି ଜିଉନନାକା ବିସ୍ତେ ମାଙ୍ଗେଙ୍ଗ୍ ଝେଚାତାନ୍‌ନା ।
- ୯ ଇ କାର୍‌ଣ୍ଡାଂ ମି ବିସ୍ତେ ଝେନି ସମୁତାଂ ଆପେଂ ସବୁଝେଡ଼ାଙ୍ଗ୍ ମି କାଜିଂ ପାର୍ତ୍ତାନା କିନାପା । ପୁଇପୁୟା ଜିବୁନ୍ ହିତ୍‌ତି ଝିଲ୍‌ଗିଆନ୍ ବୁଜାନି ଆମ୍‌କି ସାଲ୍ଲି ହୁକେ ଇସ୍‌ବର୍‌ତି ଇଚା ପୁରା ଲାକେ ଏପେଙ୍ଗ୍ ଇନେସ୍ ପୁଞ୍ଜେଙ୍ଗ୍ ଆଡ଼ନାଦେର୍, ଇଦାଂ ମି କାଜିଂ ଆପେଂ ପାର୍ତ୍ତାନା କିନାପା ।
- ୧୦ ତା ଆତିସ୍, ଏପେଙ୍ଗ୍ ମାପୁତି ଇଚା ଲାକେ ଜିବୁନ୍ ଜିପ୍‌କା କିଦେଙ୍ଗ୍ ଆଡ଼ନାଦେର୍ ଆରି ତା ସାରିଆନି କାମାୟ୍ କିଦେଙ୍ଗ୍ ଆଡ଼ନାଦେର୍ । ଏପେଙ୍ଗ୍ ଜିବୁନ୍‌ତ ସବୁ ବାନି ହାର୍‌ଦି କାମାୟ୍ କିଦେଙ୍ଗ୍ ଆଡ଼ନାଦେର୍ ଆରି ଇସ୍‌ବର୍‌ତି ବିସ୍ତେ ମି ଗିୟାନ୍ ବାତାନାତ୍ ।

୧୧ ଲାଗିଂ ସବୁ ବିସ୍ତେ ସାସି ଆରି ହୁଦାର ଆଦେଂ କାଜିଂ ହେଞ୍ଜାନ୍ତି ଜାଜ୍‌ମାଲ୍‌ନି ସାକ୍ତିକାଟାକାନ୍ ଇସାବ୍‌ରେ ଓଁଜୁ ସାକ୍ତିତ ସାକ୍ତିକାଟାକାଦେର୍ ଆତ,

୧୨ ଆବା ଇସ୍‌ବର ରାଜିତ ତା ପୁଇପୁୟା ମାନାୟାରିଂ କାଜିଂ ଇନାକା ରୁଣ୍ଡାୟ କିତାଣ୍ଟା, ତା ମେହାଆନି କାଜିଂ ହେଞ୍ଜାନ୍ ଜେ ମିଙ୍ଗ୍ ବାଟି କିଡ଼ତାନନା, ଇଦାଂ କାଜିଂ ଖାରିତାଂ ତାଙ୍ଗେଙ୍ଗ୍ ଦନ୍ୟବାଦ୍ ହିୟାଟ୍ ।

୧୩ ହେଞ୍ଜାନ୍ ମାଜ୍‌ଗାନି ଆଦିକାର୍‌ତାଂ ମାଙ୍ଗେଙ୍ଗ୍ ରାକ୍ୟା କିତାନନା ଆରି ଆପଡ଼ ହିଲ୍‌ଖାକା ମାଙ୍ଗେଙ୍ଗ୍ ଜିଉନନି ମାଜିଡ଼ି ରାଜିତ ତାଇଖାତାନ୍ନା ।

୧୪ \*ହେ ମାଜି କାଜିଂ ଆପେଂ ମୁକ୍ତାତାପ୍‌ନା, ଇତିସ୍ ମା ପାପ୍ କେମା ଆତାଡ଼ନ୍ନା ।

**କ୍ରିଷ୍ଟ ଆରି ତା କାମାୟ**

୧୫ କ୍ରିଷ୍ଟ ହୁଡ଼଼ି ଇସ୍‌ବତ୍ ହୁଡ଼ନି ଜାତିମୁତ୍ । ହେଞ୍ଜାନ୍ ପର୍ତ୍ତୁମ୍ ଉବ୍‌ଜାତି ମାଜି ଆରି ଓଁଜୁ ଉବ୍‌ଜାଣ୍ ଆନି ବିସ୍ତେତାଂ ମୁଡ଼ଦାକାନ୍ ।

୧୬ ଇନାକିଦେଂକି ହୁଡ଼ନାକା ଆରି ହୁଡ଼ଞ୍ଜାକା, ସାଗେନି ଓଁଜୁ ବିସ୍ତେ ହେଞ୍ଜାନ୍ ହୁକେ ଉବ୍‌ଜା ଆତାଡ଼, ଗାଦି କି ସାସନ୍ କିନାକାନ୍ କି ଆଦିକାର୍ କି ମୁଣିକା, ଓଁଜାର୍ ହେଞ୍ଜାନ୍ ହୁକେ ଆରି ହେଞ୍ଜାନ୍ କାଜିଂ ଉବ୍‌ଜା ଆତାଡ଼ନ୍ନା ।

୧୭ ଓଁଜୁ ବିସ୍ତେ ଉବ୍‌ଜାଣ୍ ଆନି ଆଗେ କ୍ରିଷ୍ଟ ମାନାନ୍ ଆରି ହେଞ୍ଜାନ୍ ତା ଲାହାଂ ମେହାନି କାଜିଂ ଓଁଜୁ ବିସ୍ତେନି ଗାଟିମୁଟି ମାନାଡ଼ ।

୧୮ \*ହେଞ୍ଜାନ୍ ତା ହେବା କିନାକାର୍ ମଣ୍ଡଲି ଲାକେ ଗାଗାଡ଼ନି କାପ୍‌ଡ଼ା; ହେ ଗାଗାଡ଼ନି ହେଞ୍ଜାନ୍ ଜିବୁନ୍ ସାକ୍ତି । ଓଁଜୁ ବିସ୍ତେ ପର୍ତ୍ତୁମ୍ ବାହା ପାୟାନି କାଜିଂ ହେଞ୍ଜାନ୍ ହାକିତାଂ ପର୍ତ୍ତୁମ୍ ଆରେ ନିଙ୍ଗ୍‌ତାନ୍ନା ।

୧୯ ଇନାକିଦେଂକି ଇସ୍‌ବର ଇଚା ଇସାବ୍‌ରେ ମାଜି ନିଜେ ଇସ୍‌ବରତି ବାଡ଼ ଗୁଣ୍‌ଲାକେ କିତାନନା ।

୨୦ \*ମାଜି ହୁକେ ଇସ୍‌ବର ଓଁଜୁ ପୁତ୍‌ତିଂ ଜାର୍ ଲାଗାଂ ଲେଉଟାୟ କିଜି ତାଇଖାନି କାଜିଂ ତିର୍ କିତାନ୍ । କ୍ରିସ୍‌ତ ତା ମାଜିଡ଼ି ନେତେର୍ ହୁକେ ଇସ୍‌ବର ସୁସ୍ତା ରଚ୍‌ନାନ୍ ଆରି ପୁତ୍‌ ଆରି ସାଗେତ ମାନି ଓଁଜୁ ବିସ୍ତେ ଜାର୍ ଲାଗାଂ ମେହାୟକିଜି ତାଇଖାତାନ୍ନା ।

୨୧ ର ସମୁତ ବାନ୍ୟା ମାନ୍ ଆରି ବାନ୍ୟା କାମାୟ କିଜି ମାନି ଇସ୍‌ବରତାଂ ଏପେଙ୍ଗ୍ ଦେହା ମାଟାଦେର୍ ଆରି ହେଞ୍ଜାନ୍ତି ସାତୁ ମାଟାଦେର୍,

୨୨ ମାତର୍ ନଙ୍ଗୟ ଇସ୍‌ବର ମିଙ୍ଗ୍ ପୁଇପୁୟା, ବାଡ଼ ଆରି ଦସିହିଲ୍‌ଖାଦାଂ ଲାକେ ତା ମୁମ୍‌ଦ ତାଇଖାନି କାଜିଂ ତା ମାଜିଂ ଗାଗାଡ଼ନି ହାକି କାଜିଂ ମିଙ୍ଗେଙ୍ଗ୍ ଜାର୍ ଲାହାଙ୍ଗ୍ ଆରେ ମେହାୟ କିତାନ୍ନା ।

୨୩ ଏପେଙ୍ଗ୍ ର ତାଟ୍ ଆରି ହାଡ଼ପା କୁନାଦି ଜପି ଓଁସ୍ତ୍ରି ରଚ୍‌ୟାଜି ମାନାଟ୍ ଆରି ନେକ୍ରିକାବୁର୍ ଖେନି ସମୁତ ଇମଣି ବାସ୍ ଲାବ୍ କିଜି ମାଟାଦେର୍, ହେବେଣ୍ଡାଂ ଏନେତେନେ ଆନି କାଜିଂ ପାବ୍ ହିମାଟ୍ । ହେ ନେକ୍ରିକାବୁର୍ ନେ ଆକାସ୍‌ନି ଓଁଜାର୍ ଲାଗାଂ ପର୍‌ଚାର୍ ଆନାତା ଆରି ଆନ୍ ପାଉଲ୍, ହେଞ୍ଜାନ୍ତି ରଖାଙ୍ଗ୍ ପାଡ଼ କିନାକାଂ ହେବାକାର୍‌ୟା ।

**ମଣ୍ଡଲିତ ପାଉଲ୍‌ତି କାମାୟ**

୨୪ ଆନ୍ ମି କାଜିଂ ଇମଣି ସବୁ ଦୁକ୍‌ବଗ୍ କିନାଙ୍ଗା, ହେବେ ନଙ୍ଗ୍ ଖାରି କିନାଙ୍ଗା, ଆରେ କ୍ରିସ୍‌ତି ଇମଣି ଦୁକ୍‌ବଗ୍ ବାକି ମାନାଡ଼, ହେଦାଂ ଆନ୍ ହେଞ୍ଜାନ୍ତି ଗାଗାଡ଼ନି ଲାଗନ୍ଦି ମଣ୍ଡଲି କାଜିଂ ନା ଗାଗାଡ଼ତ ବାଡ଼ କିନାଙ୍ଗା;

୨୫ ଇସ୍‌ବର ନାଙ୍ଗେଙ୍ଗ୍ ଇମଣି ହେବାକାର୍‌ୟା ପାଦ୍ ମି କାଜିଂ ହିଡ଼ତାନା, ହେ ଇସାପ୍‌ରେ ଆନ୍ ହେ ମଣ୍ଡଲିନି ରଖାଙ୍ଗ୍ ହେବାକାର୍‌ୟା ଆତାଂନା, ଇନେସ୍ ଆନ୍ ଇସ୍‌ବର ବଚନ୍ ପୁରା ସୁଣାୟକିଦେଂ ଆଡ଼ନାଂ ।

୨୬ ହେ ଡ଼କ୍‌କା ଆଗେନି ସମୁ ଆରି ଆଗେନି ଆକର୍ ଦାଦିର୍‌ତାଂ ଡ଼ଗୁଜି ମାଟାଡ଼, ମାତର୍ ନଙ୍ଗ୍ ହେଞ୍ଜାନ୍ତି ସାଦୁର୍ ଲାଗାଂ ହତାଡ଼ନ୍ନା ।

୨୭ ପାଡ଼ କିଓଁଜି ଜିହୁଦିର୍ ବିତ୍ରେ ହେ ହାଦ୍ କାତାନି ଜାଜ୍‌ମାଲ୍ ଲାଗଦି ଦାନ୍ ଜେ ଇନାକା, ହେଦାଂ ଇସ୍‌ବର ଜାର୍ ସାଦୁର୍ ବିତ୍ରେ ଚଞ୍ଜୟା ଆଦେଂ ଇଚା କିତାନ୍; ହେ ହାଦ୍ କାତା ଇଦାଂ, ମି ବିତ୍ରେ କ୍ରିଷ୍ଟ, ହେଞ୍ଜାନ୍ ଜାଜ୍‌ମାଲ୍‌ନି ବାସ୍ ଲାକେ;

୨୮ ଇଦାଂ କାଜିଂ ଆପେଂ ଓଁଜାର୍ ଲାଗାଂ କ୍ରିସ୍‌ତି ପର୍‌ଚାର୍ କିନାପା । ଓଁଜାର୍ କ୍ରିଷ୍ଟ ଲାହାଂ ମେହାଜି ର ପୁରାବାଡ଼ ମାନାୟ ଲାକେ ଇସ୍‌ବର ମୁମ୍‌ଦ କୁଟିକିନି କାଜିଂ, ମା ଓଁଜୁ ରୁଦି ଗିଆନ୍ ତାଲାୟ କିଜି, ଓଁଜାରିଂ ଚେଡ଼ନା ଆରି ହିକ୍ୟା ହିନାପା ।

୨୯ ଇଦିଲିଂ ଜିଦ୍ କିନି କାଜିଂ ନା ତାକେ କାମାୟ କିଜିମାନି କ୍ରିଷ୍ଟ ହିଡ଼ତି ଜବର୍ ସାକ୍ତିତିଂ ବେବାର୍ କିଜି ଆନ୍ ହାଜିରିଜି ସେସ୍ତ୍ ଆରି କସ୍ କିନାଙ୍ଗା ।

**୨**

୧ ମି କାଜିଂ, ଲାଅଦିକିଆନିକାର୍ ଆରି ନାଂ ଜାର୍‌ତି କାଜିଂ ଚିନ୍‌କିଖାଦାଂ ମାଟିକ୍ ଓଁଜାର୍ ମାନାୟାର୍ କାଜିଂ ଆନ୍ ଜେ ଏଚେକ୍ ବେସି କସ୍ କିନାଙ୍ଗା, ହେଦାଂ ଏପେଙ୍ଗ୍ ପୁନାଟ୍ ଇଞ୍ଜି ନା ଇଚା ।

\* ୧:୧୪ ଏପିସିୟ ୧:୭. \* ୧:୧୮ ଏପିସିୟ ୧:୨୨,୨୩. \* ୧:୨୦ ଏପିସିୟ ୨:୧୭.

୨ ଏପେଙ୍ଗ୍ ଝିଜାଦେର୍ ଇନେସ୍ ହେଝାର୍ତ୍ତି ଝାସ୍ମି ଝାରିୟା ଆନାଦେର୍ ହାରି ଲାହାଂ ଜିଉନନିତ ରବେ ମାନାଦେର୍, ଆରି ହାଡ଼ପାନେ ଗିଆନ୍ ଲାବ୍ କିଜି ହାଡ଼ପା ବାସ୍ ଲାକେ ପୁରା ସମ୍ପତିନି ଆଦିକାରି ଆନାଦେର୍, ଇଦାଂ ନା ଇଟ୍ କାଡ଼୍ । ଇଦାଂ ହୁକେ ଏପ୍ ପୁନାଦେର୍ ଜେ, ଜିସୁ କ୍ରିସ୍ଟୁନେ ଇସ୍ପରତି ହେ ତ୍ତୁଲ୍ଲବଚନ୍ ।

୩ ଜିସୁ କ୍ରିସ୍ଟୁ ଆନାନା ହେ କୁଚି କାଡ଼ି, ଇନାକା ଇସ୍ପରତି ବୁଦି ଆରି ଗିୟାନ୍ ଲାକେ ଝିଜୁ ତ୍ତୁଲ୍ଲ ଦାନ୍ ସମ୍ପତିନି ଗାଦ୍ୟା ଜେସି ହିଦ୍ନାନ୍ ।

୪ ଇନେର୍ ମିଂ ଇନେସ୍ ଇନି ଚାଲାକିତାଂ ବୁଲାୟ୍ କିଦ୍ମେର୍, ହେଦାଂ କାଜିଂ ଆନ୍ ଇଦାଂ ଇଞ୍ଜନାଙ୍ଗା ।

୫ ଇନାକିଦେଂକି ଆତିସ୍ପା ଆନ୍ ଗାଗାଡ଼ତ୍ ଝାଝାଦାଙ୍ଗ୍ ମାତିସ୍ ପା, ଜିବୁନ୍ ବାବ୍ରେ ଆନ୍ ମି ଲାହାଂ ମାନାଙ୍ଗା । କ୍ରିସ୍ଟୁତି ଜପି ତାଟ୍ ପାତ୍ ଇଡ଼ଜି ଏପେଙ୍ଗ୍ ଇନେସ୍ ହାଟ୍ ସୁସ୍ତା ଆତାନ୍, ହେଦାଂ ହୁଡ଼ଜି ଆନ୍ ଝାରି ।

**କ୍ରିସ୍ଟୁତାକେ ଜିବୁନ୍**

୬ ଇନେସ୍ କି ଏପେଙ୍ଗ୍ କ୍ରିସ୍ଟୁ ଜିସୁତି ମାପୁ ଲାକେ ଇଡ଼ତାଦେର୍ଣ୍ଣା, ତା ଲାହାଙ୍ଗ୍ ମେହାଜି ଜିବୁନ୍ ଜିପ୍କା କିୟାଟ୍ ।

୭ ମିଦାଂ ମୁଡ଼କୁନାଦି ତା ଜପି ଆଟ୍ ଝା ଲାକେ ରଟ୍ଟି ଜିବୁନ୍ ରଚାଟ୍ ଆରି ଏପେଙ୍ଗ୍ ଗାଟାତି ହିକ୍ୟା ଇସାବ୍ରେ ପାତ୍ ତ ଆଦିକ୍ ବାଡ଼କାସ୍ ଆତ । ମି ଜିବୁନ୍ ପାତ୍ ତ ପୁରା ଆଏଡ଼ ।

୮ ଜାଗ୍ରଡ଼, ଇନେର୍ ଇନେସ୍ ମିଂ ମାନାୟାଟ୍ ଅରଡ଼ ହିଲ୍ଡ଼ି ଆହାଟ୍ ଗିଆନ୍ ହୁକେ ତଲ୍ୟା କିଦୁଡ଼ । ହେ ସବୁ ପଲ୍ୟା ଗିୟାନ୍ କ୍ରିସ୍ଟୁତି ହିକ୍ୟାତାଂ ଝାଝାଦାଂ ମାନ୍ଗାନାଡ଼ । ହେଦାଂ ମାନାୟ୍ କୁଟୁମ୍ନି ଚାଲାଆଜି ଝାଜି ମାନି ହିକ୍ୟା ଆରି ପୁତ୍ ଜପି କାମାୟ୍ କିଜି ମାନି ହାନ୍ଦାୟ୍ କିନି ସାଲ୍ଲିନି ହିକ୍ୟାନି ପାଡ଼୍ ।

୯ କେବଲ୍ ନାଟ୍ ଲାକେ କ୍ରିସ୍ଟୁତି ତାକେ ଇସ୍ପରତି ଜାତିମୁତ୍ ପୁରାବାତ୍ ମାନାଡ଼ ।

୧୦ ହେଝାନ୍ ଲାହାଂ ମେହାଣ୍ ମାନି କାଜିଂ ଏପ୍ ଜିବୁନ୍ ପୁରା ଲାବ୍ କିଦେଙ୍ଗ୍ ଆଡ଼ନାଦେର୍ । ବିନ୍ ଝିଜୁ ସାଲ୍ଲି ଆରି ଆଦିକାରି ଜପି କ୍ରିସ୍ଟୁତି ରାଜ୍ ନେ ମୁଡ଼ଦାକା ।

୧୧ କ୍ରିସ୍ଟୁତି ଲାହାଂ ମେହାତି ଜିବନ୍ ନେ ମି ସୁନ୍ନଡ଼ ଲାକେ । ଇ ସୁନ୍ନଡ଼ ମାନାୟ୍ କିତାକା ଆକାୟ୍, ହେଦାଂ କ୍ରିସ୍ଟୁତି ଲାହାଂ ପୁରା ଆତାକା । ହେଦାଂ ମାନାୟ୍ ପାପ୍ ବାତ୍ ଝିଜୁ ଗାଗାଡ଼ ମୁକ୍ତାୟ୍ କିନାଡ଼ ।

୧୨ ଇନେକିଦେଂକି ବାପ୍ତିସମ୍ତ ଅନି ହୁଦାଂ ଏପେଙ୍ଗ୍ କ୍ରିସ୍ଟୁତି ଲାହାଂ ମୁଚିୟା ଆଜି ମାଚାଦେର୍ ଆରି ଜିସୁ କ୍ରିସ୍ଟୁତିଂ ଆରେ ନିକ୍ନାକା ଇସ୍ପରତି ଜାଡ଼ତି କାମାୟ୍ ସାଲ୍ଲିତ ପାତ୍ କିନି ହୁକେ କ୍ରିସ୍ଟୁତି ଲାହାଂ ଏପେଙ୍ଗ୍ ପା ଆରେ ନିଂତାଦେର୍ଣ୍ଣା ।

୧୩ ମି ପାପ୍ ଆରି ଗାଗାଡ଼ ଆହା କାଜିଂ ଆରି ଏପେଙ୍ଗ୍ ବିଦିତ ବିନେ ଆଜି ପାତ୍ କିଝି ଜିହୁଦି ମାତିଲେ ଦିନେକ୍ ଏପେଙ୍ଗ୍ ମାପୁ ଗିଆନ୍ତ ହାଜି ମାଚାଦେର୍; ମାତର୍ ଇସ୍ପର ନଂ କ୍ରିସ୍ଟୁତି ଲାହାଂ ମିଂ ହାଟ୍ କିଜି ଇଡ଼ତାନ୍ନା । ଇସ୍ପର ମା ଝିଜୁ ପାପ୍ କେମା କିଦ୍ନାନ୍ ।

୧୪ ହେଝାନ୍ ମା ବିରୁଦ୍ଧ ମାନାକା ବିଦି ଦାବାଆକି ଆରି ଇଦାଂ ବିଦିବିଦାଣିତିଂ କୁସ୍ତ ନାସ୍ କିଜି ମାଙ୍ଗ୍ତାଂ ଦେହା କିତାନ୍ନା ।

୧୫ ଆରେ ହେ କୁସ୍ ଜପି କ୍ରିସ୍ଟୁ ଝିଜୁ ବାନି ସାଲ୍ଲି ଆରି ଆଦିକାରି ଜାଡ଼ତିଂ ମୁକ୍ତାୟ୍ କିତାନ୍ନା ଆରି ହେଝାରିଂ ବନ୍ଦି କିଜି ଜାଟ୍ ବିସ୍ତେ ହାଟ୍ ହାନିତ ଝିଜାକାର୍ ମୁମ୍ଦ ହେଝାରିଂ ଗୁୟ୍ତାନ୍ନା ।

**ମାନାୟ୍ ରଟ୍ଟି ନିୟମକାଂ ମାନିକିମାଟ୍**

୧୬ ଲାଗିଂ, ଇନେର୍ ତିନାଉଣା କି ପୁଇପୁୟା ନାଞ୍ଜିଙ୍ଗ୍ କି ଉଆଁସ୍ ପାର୍ଟୁ, କି ଜମ୍ନିବାର୍ ବିସ୍ତେ ଇମ୍ଣାକାପା ବିଚାର୍ ଜାଲ୍ଲଦି କିମେନ୍ ।

୧୭ ହେ ସବୁ କେବଲ୍ ଝାନି ଦିନ୍ନି ଗିଗାନି ବିସ୍ତେନି ତ୍ତିଗା ଲାକେ ମତର୍, କ୍ରିସ୍ଟୁନେ ଝିଜୁ ହାଡ଼ପାନି ଝିଜେନିକା ।

୧୮ ଆରେ ଇମ୍ଣାକାର୍ ଦାମ୍ ଆରି ଦୁଡ଼ର୍ ପୁଜାତ ହାଟ୍ ପାୟାଜି କ୍ଳେଞ୍ଜକଣ୍ ହୁଡ଼ଜି ମାନି ବିସ୍ତେନିକିଂ ଦାସ୍ ଆରି ଜାଟ୍ ସିସାର୍ନି ମାନାୟ୍ ମାନ୍ ହୁକେ ପଲ୍ୟା ଗାବ୍ ଆଜି କାପ୍ତା ଲାକେ ଇନେନ୍ କ୍ରିସ୍ଟୁ, ହେଝାନିଂ ଆହ୍ ଝାଦାଂ ଇନାମ୍ତାଂ ମିଙ୍ଗେଙ୍ଗ୍ ବାଟାୟ୍ କିଦ୍ମେଟ୍;

୧୯ ଗାଗାଡ଼ନି କାପ୍ତା ଲାକେ କ୍ରିସ୍ଟୁତି ତାଂ ହେଝାଟ୍ ଏଡ଼ା ଆତାଣ୍ଣା । ତା ବଲ୍ଲଦାଂ କେଇଗାଲ୍ଲକୁ ହାନ୍ଦାଣି ଆରି ଚିରାଂ ହୁକେ ହାରି ଲାହାଂ ମିହାଜି ପୁରା ସାଲ୍ଲି ଆନାଡ଼ ଆରି ଗାଗାଡ଼ ଇସ୍ପରତି ଇଚା ଇସାପ୍ରେ ବାଡ଼ା ଆନାଡ଼ ।

**କ୍ରିସ୍ଟୁତି ଲାହାଂ ହାନାସ୍ ଆରି ଜିନାସ୍**

୨୦ ଏପେଙ୍ଗ୍ କ୍ରିସ୍ଟୁତି ଲାହାଙ୍ଗ୍ ହାତାଦେର୍ଣ୍ଣା ଇ ପୁତ୍ ଜପି ରାଜକିନି ସାଲ୍ଲିତାଂ ମୁକ୍ତି ଲାବ୍ କିତାଂନା । ମାନାୟ୍ ଲାକେ ଜିବୁନ୍ କାଟିକିନାଦେରା ? ଇନେକିଦେଂ ଏପେଙ୍ଗ୍ ଏଲେଙ୍ଗ୍ ବାତ୍ ନିୟମିକାଂ ମାନି କିନାଦେରା ।

୨୧ “ଇଦାଂ ଆହ୍ ମାଟ୍, ହେଦାଂ ତିନ୍ ମାଟ୍, ହେଦାଂ ତୁମାଟ୍ ?”

☆ ୨:୧୨ ରମିୟ ୬:୪. ☆ ୨:୧୩ ଏପିସିୟ ୨:୧-୫. ☆ ୨:୧୪ ଏପିସିୟ ୨:୧୫. ☆ ୨:୧୬ ରମିୟ ୧୪:୧-୬. ☆ ୨:୧୯ ଏପିସିୟ ୪:୧୭.

୨୨ ଇ ସବୁ ବିସ୍ତେ ଚାନେକନିକା । ଇଦାଂ ବେବାର୍ ଆନି ସାଙ୍ଗେ ସାଙ୍ଗେ ମଲ୍‌ହିଲ୍‌ଖାକା ଆଜି ହାନାଡ୍ । ଇଖାଙ୍ କେବଲ୍ ମାନାୟ୍ ରଚ୍ଚି ନିୟମ୍ ଆରି ହିକ୍ୟା ।

୨୩ ନିଜେ ସାଗେବୁଡ୍ ପୁଜା, ମିଚ୍ ହୁଦାର୍ ଆରି ଜାତଂ ବାଦା ହିନାକା କାଜିଂ କିୟକିଦେଂ ଇ ସବୁ ନିୟମ୍ ବେସି ଗିଆଡ୍ ରଚ୍ଚାକା ଇଞ୍ଜି ବାବି କିନାନ୍, ମାତର୍ ଗାଗାଡ୍ କାମାୟ୍ତିଂ ମେହାୟ୍ କିଦେଙ୍ ଆଡ୍‌ଖାକା ।

**୩**

୧ ଏପେଙ୍ ଏଚେକାଡ୍ କ୍ରିସ୍ଟି ଲାହାଙ୍ ହାକିତାଂ ନିଂତାଦେଣ୍ଟା । ଲାଗିଂ ସାଗେନି ବିସ୍ତେତିଂ ମାନ୍‌ଦ୍ୟାନ୍ କିୟାଟ୍, ଇନେକିଦେଂକି କ୍ରିସ୍ଟି ସାଗେତ ଇସ୍ତର୍ ବୁଜ୍‌ଣି ବାଗାଙ୍ କୁର୍‌ଚାନ୍ନା ।

୨ ପୁତର୍ ନି ବିସ୍ତେ ଆହା କିଖାଦାଂ ସାଗେ ବିସ୍ତେ ଚିନ୍ତା କିୟାଟ୍ ।

୩ ଇନାକିଦେଂକି ଏପେଙ୍ ହାତାଦେଣ୍ଟା, କ୍ରିସ୍ଟି ଲାହାଂ ମି ଜିବୁନ୍ ଇସ୍ତର୍ ତାକେ କ୍ରିସ୍ଟି ଲାହାଙ୍ ଡଲ୍ଲାତାଦନା ।

୪ ମା ଜିବୁନ୍ ଲାକେ ଜେ କ୍ରିସ୍ଟି, ଏଚେକାଡ୍ ହେଖାନ୍ ଚଞ୍ଜୟା ଆନାନ୍, ହେ ପାଦ୍‌ନା ଏପେଙ୍ ପା ହେଖାନ୍ ଲାହାଙ୍ ଜାଜ୍‌ମାଲ୍‌ତ ଚଞ୍ଜୟା ଆନାଦେର୍ ।

**ପୁନାକା ଆରି ପୁନି ଜିବୁନ୍**

୫ ଲାଗିଂ, ମିଦାଙ୍ ଗାଗାଡ୍‌ନି କେଇଗାଲ୍‌ନି ବାନ୍‌ଧା ଚିନ୍ତା ଇଚିସ୍ ଦାରି, ବିଚାଡ୍, ପୁତର୍ ନି କାମାୟ୍, ବାନ୍‌ଧା ଆହା, ଆରେ ପୁଡ୍‌ଡା ପୁଜାଲାକେ ଲାବ୍‌ଡି, ଇ ସବୁ କାଜିଂ ହାତ;

୬ ଇ ସବୁ କାଜିଂ ମୁନ୍‌ଜି ମାନ୍‌ଜି ଇମ୍‌ଣାକାର ଇସ୍ପରତି ମାନିକିଉର୍, ହେଖାର ଜପି ଇସ୍ପର ରିସା ଆର୍‌ନାଡ୍ ।

୭ ଦିନେକ୍ ଏପେଙ୍ ଇସବୁ ବାନ୍‌ଧା ଆହା ମେହାଜି ଜିବୁନ୍ ଜିପ୍‌କା କିଜି ମାତାଦେର୍ ।

୮ ମାତର୍ ନଙ୍‌ୟ୍ ଏପେଙ୍ ପା ଇ ସବୁ ବିସ୍ତେ, ଇଚିସ୍ ରିସା, ମୁକ୍‌ଆ, ଆକ୍ରିୟା, ନିନ୍ଦା, ଖେଇଦାଂ ବଟାୟ୍ ବଚନ୍ ଇ ସବୁ ପିହାଟ୍ ।

୯ \*ହାରିତିଂ ମିଚ୍ ଇନ୍‌ମାଟ୍; ଇନେକିଦେଂକି ଏପେଙ୍ ତ ପୁନି ବାବ୍‌ନା ଆରି ତା ବେବାର୍ କିମାଟ୍ ।

୧୦ \*ହେବେନି ଝିଜୁ କାମାୟ୍ ପିସ୍ତି ପୁନି ଆଚାର୍ ବେବାର୍ ଉସ୍ତାଦେଣ୍ଟା । ହେ ପୁନି ଆଚାର୍ ବେବାର୍ ଜାର୍ ଉବ୍‌ଜାୟ୍ କିତି ମୁଣିକାତି ଜାତିମୁତ ଇସାବ୍ରେ ପୁରା ଗିଆନ୍ ପାୟାନ୍ କାଜିଂ ପୁନାକାଦେର୍ ଆନାଦେରା ।

୧୧ ଇ ଲାକେ ବାହାତ ଗ୍ରିକ୍ ଆରି ଜିହୁଦି ଆରି ପାତର୍ କିଝି ଜିହୁଦି, ସୁନ୍‌ଡ୍ ଆରି ସୁନ୍‌ଡ୍ ଆଖାତାକାର୍, ଲେକାରାଜ୍ୟା, ସ୍ପୁଡ୍‌ୟ, ଆଡ୍‌ଏନ୍, ମାନ୍‌ଇଚାଲଗ୍, ଇଖାର ବିଡ୍ରେ ଅଲପ୍‌ପା ଆଲ୍‌ଗା ହିଲେଡ୍, ମତର୍ କ୍ରିସ୍ଟି ସବୁତ ସବୁ ଆନାନ୍, ଆରେ ଝିଜାକାର୍ ତାକେ ବାହା କିନାନ୍ ।

୧୨ \*ଏପେଙ୍ ଇସ୍ପରତି ଲକୁ । ହେଖାନ୍ ମିଙ୍ଗେଙ୍ ଜିଉନନାକା ନିଜାର୍ ପୁଇପୁୟା ଲକୁ କାଜିଂ ବାଚିକିୟାତାନ୍‌ନା । ଲାଗିଂ ଏପେଙ୍ ମାନ୍, ଦୟା, ହୁଦାର୍, ସୁସାର୍ ଆରି ସାସ୍ ଲାକେ ହେନ୍ଦା ଉସ୍ପାଟ୍ ।

୧୩ \*ହାରି କାଜିଂ ହୁଞ୍ଜନାକାଦେର୍ ଆଡ୍, ଆରେ ଜପି ଇନେର୍ ଇନେର୍ ବିରୁଦ୍‌ତ ଇମ୍‌ଣି କାତା ମାଚିସ୍, ତେବେ ରଖାନ୍ ଆରେରଖାନିଙ୍ କେମା କିୟାଟ୍; ମାପୁ ଇନେସ୍ ମିଙ୍ଗେଙ୍ କେମା କିଡ୍‌ତାନ୍‌ନା, ଏପେଙ୍ ପା ହେ ଲାକେ କିୟାଟ୍ ।

୧୪ ଆରେ, ଇ ଝିଜୁ ଗୁଣ୍ ଲାହାଂ ଜିଉତିଂ ମେହାୟ୍ କିୟାଟ୍ । ଜିଉନନାକା ଝିଜୁ ବିସ୍ତେତିଂ ବାତର୍ କିଜି ରବେ କିନାଡ୍ ।

୧୫ ଆରେ, କ୍ରିସ୍ଟି ହିତି ଇମ୍‌ଣି ସୁସ୍ତା ବଗ୍ କିନି କାଜିଂ ଏପେଙ୍ ର ଗାଗାଡ୍ ଲାକେ କୁକ୍ୟା ଆତାଦେଣ୍ଟା, ହେଦାଂ ମି ଝାସ୍ତିତ ବାହା କିୟେଟ୍; ଆରେ ଏପେଙ୍ ସବୁନାଜିଂ ଦନ୍‌ଧାଦ୍ ହିୟାଟ୍ ।

୧୬ \*କ୍ରିସ୍ଟି ବଚନ୍ ବେସି ବାବ୍ରେ ମି ଝାସ୍ତିତ ବାହା କିଏଟ୍; ଏପେଙ୍ ହାରିତିଂ ପୁରା ଗିୟାନ୍ ହୁଦାଂ ହିକ୍ୟା ଆରି ଚେଡ୍‌ନା ହିୟାଟ୍, ଆରେ ଇସ୍ପର କାଜିଂ କେକ୍‌ଣ, ମାଣି ଆରି ଜିବୁନ୍‌ନି ନାୟ୍ ହୁଦାଂ ଜୁଝାର୍ ହୁଦାଂ କେରାଟ୍ ।

୧୭ ଆରେ, ବଚନ୍ କି କାମାୟ୍‌ତ ଏପେଙ୍ ଇନାକା କିୟାଟ୍, ହେଖାନ୍ ଝିଜୁ ମାପୁ ଜିସ୍ ତର୍‌ଦାଂ କିଜି ହେଖାନ୍ତି ହୁଦାଂ ଆବା ଇସ୍ପରତିଂ ଦନ୍‌ଧାଦ୍ କିୟାଟ୍ ।

**ପୁନି ଜିବୁନ୍ ଜାର୍‌ତି ଜାଣାଚିନା**

୧୮ \*ଏ କଗ୍‌ଲେକାଦେର୍, ମାପୁତି ମେହାଣ୍‌ତ ସମାନ୍ ବେବାର୍ ଲାକେ ଜାର୍ ଜାର୍ ଆଣ୍ଡାକାଂ ତଲ୍ୟା ଆଡୁ ।

୧୯ \*ହେ ଆଣ୍ଡାକାଦେର୍, ଜାର୍ ଜାର୍ କଗ୍‌ଲେକାଂ ଜିଉନଖାଟ୍, ହେଖେକ୍ ହୁଦାଂ ବାଦିକିନି ଲାକେ ଚିନ୍ତା କିମାଟ୍ ।

୨୦ \*ଏ ହିମ୍‌ଣାଙ୍, ନିଡ୍ରେ ମି ଆବା ଆୟା ତଲ୍ୟା ଆଡୁ । ଇଦାଂ ମି କ୍ରିସ୍ଟିୟାନ୍ କାମାୟ୍, ଇନେକିଦେଂକି ଇବେ ଇସ୍ପର ସାରି ଆନାନ୍ ।

୨୧ \*ଏ ଆବା ଆୟାକାଦେର୍, ଜାର୍ ଜାର୍ ହିମ୍‌ଣାକାଂ ରିସା କିମାଟ୍, ଇନେସ୍‌କି ହେଖାର୍ ଝାରିକିୟା ଆମେର୍ ।

୨୨ \*ଏ କଡ୍‌କାଆଡ୍‌ୟା, ସବୁ ବିସ୍ତେ ମି ମାନାୟାରିଂ ବଲ୍ ମାନିକିୟାଟ୍ । କେବଲ୍ ହେଖାର୍ ମି ଜପି କାଣ୍‌କୁଇଡ୍‌ନି ମାନ୍ତି

☆ ୩:୯ ଏପିସିୟ ୪:୨୨. ☆ ୩:୧୦ ଏପିସିୟ ୪:୨୪. ☆ ୩:୧୨ ଏପିସିୟ ୪:୨. ☆ ୩:୧୩ ଏପିସିୟ ୪:୩୨. ☆ ୩:୧୬ ଏପିସିୟ ୫:୧୯,୨୦. ☆ ୩:୧୮ ଏପିସିୟ ୫:୨୨; ୧ ପିଡ୍‌ର୍ ୩:୧. ☆ ୩:୧୯ ଏପିସିୟ ୫:୨୫; ୧ ପିଡ୍‌ର୍ ୩:୭. ☆ ୩:୨୦ ଏପିସିୟ ୬:୧. ☆ ୩:୨୧ ଏପିସିୟ ୬:୪. ☆ ୩:୨୨ ଏପିସିୟ ୬:୫-୮.

ଖାଡ଼ାଲିଂ ହେୱାରିଂ ସାରି କିନି କାଜିଂ ଆକାୟ, ମାତର ମାପୁତି କାଜିଂ ମିଦାଂ ପାଣ୍ଡୁ କାଜିଂ ହୁଦାର ମାନ୍ତ ଇଦାଂ କିୟାଟ୍ ।  
 ୨୩ ଏପେଙ୍ଗ ଇନାକା କିନାଦେର, ହେଦାଂ ମାନାୟ କାଜିଂ କିୱାଦାଂ ମାପୁତି କାଜିଂ କିନାଦେରା ଇଞ୍ଜି ବାବି କିଜି ବାତ୍  
 ଖାସ୍ତିତ କିୟାଟ୍ ।  
 ୨୪ ମାନ୍ତ ଇଟାଟ୍, ଇସ୍ପର ତା ଲକୁ କାଜିଂ ଇନାକା ଇଟ୍ତାନ୍ନା, ହେଦାଂ ହେୱାନ୍ ମିଙ୍ଗେଙ୍ଗ ଇନାମ୍ ଲାକେ ହିଦ୍ନାନ୍ ।  
 ଇନେକିଦେଂକି କ୍ରିସ୍ତୁନେ ମି ହାଟ୍ପା ମାପୁ, ଇନେରତି ହେବା ଏପ୍ କିନାଦେରା ।  
 ୨୫ ଈନାକିଦେଂକି ଇନେନ୍ ଅନ୍ୟାୟ କିନାନ୍, ହେୱାନ୍ ଜାର୍ ଅନ୍ୟାୟନି ପ୍ରାତ୍ ପାଡ୍ ଗାଟାନାନ୍; ହେ ବିସ୍ତେ ଇନାକାପା  
 ଉଡ଼ାଆଖାକା ମାନାଟ୍ ।

### ୪

୧ ଏ ହାଉକାର, ସାଗେତ ମିଦାଙ୍ଗ ପା ହାଉକାର ମାନାନ୍ ଇଞ୍ଜି ପୁଞ୍ଜି ଜାର୍ ଜାର୍ ଆଡ଼ିୟାର୍ କାଜିଂ ନ୍ୟାୟ ଆରି ସମାନ୍  
 ବେବାର କିୟାଟ୍ ।

#### ବିନ୍ଦିନ୍ ହିକ୍ୟା

୨ ସବୁଖେଡ଼ାଙ୍ଗ ପାର୍ତାନତ ଜିବୁନ୍ ଜିପ୍କା କିୟାଟ୍ ଆରି ଇସ୍ପରତିଂ ଦନ୍ୟବାଦ୍ କିଜି ପାର୍ତାନାତ ଜାଗ୍ରତ୍ ମାନାଟ୍ ।  
 ୩ ମା କାଜିଂ ପା ପାର୍ତାନା କିୟାଟ୍, ଇନେସ୍ ବଚନ୍ ଖେର୍ନି କାଜିଂ ଇସ୍ପର ମା କାଜିଂ କାପାଟ୍ ଜେଡ୍ନାନ୍ । ଆରେ, କ୍ରିସ୍ତୁତି  
 ଇମ୍ଣି ବଚନ୍ କାଜିଂ ଆନ୍ ଗେହ୍ୟା ଆତାଙ୍ଗନା,  
 ୪ ପାର୍ତାନା କିୟାଟ୍ ଇନେସ୍କି ଆନ୍ ସମାନ୍ ବାବ୍ରେ ଆରି ହାର୍ ବାବ୍ରେ ହେଦାଂ ପରଟାର୍ କିଦେଙ୍ଗ ଆଡ୍ନାଦେର ।  
 ୫ ପାଗ୍ନି ସତ୍ ବେବାର କିୟାଟ୍, ପାତ୍ କିୱାକାର୍ ଲାଗାଂ ଗିୟାନ୍ ଲାହାଙ୍ଗ ବେବାର କିୟାଟ୍ ।  
 ୬ ମି ବଚନ୍ ସବୁଖେଡ଼ାଙ୍ଗ ହୱାଦ୍ ଆରେ, ହର୍ତ ଦୟାମେହା ଆଏଡ୍, ଇନେସ୍ ଇନେରିଂ ଇନେସ୍ ଉତର୍ ହିୟାନାଡ୍,  
 ହେଦାଂ ପୁଞ୍ଜେଙ୍ଗ ଆଡ୍ନାଦେର ।

#### ହାରିହାରା ବନ୍ଦାଣି

୨ ଈଞ୍ଜିରିନି ଟଣ୍ଡେନ୍, ମାପୁତି କାମାୟତ ପାତ୍ ନି ହେବାକାରୟା ଆରି ହାଙ୍ଗଦାକାନ୍ ଆଡ଼ିଏନ୍ ଜେ ତୁକିକ, ହେୱାନ୍  
 ନା ଝିଜୁ ବିସ୍ତେ ମିଙ୍ଗେଙ୍ଗ ଖେର୍ଚାନାନ୍;  
 ୮ ଆପେଂ ଇନେସ୍ ମାନାପ, ସବୁ ବିସ୍ତେ ଇଞ୍ଜି ମି ଖାସ୍ତି ତା ହୁକେ ଖାରି କିଦେଙ୍ଗ କାଜିଂ ଆନ୍ ତାଙ୍ଗେଙ୍ଗ ମି ଲାଗାଂ  
 ପକ୍ତାନାଙ୍ଗା ।  
 ୯ ହେୱାନ୍ ହାଙ୍ଗଦାଂ ଆନ୍ ପାତ୍ ଆରି ଖାରିନି ଟଣ୍ଡେନ୍ ଅନିସିମ୍ତିଂ ପକ୍ତାଂ, ହେୱାନ୍ ମି ବିତ୍ରେତାଂ ରଖାନ୍ । ହେୱାର୍  
 ଇ ବାହାନି ଝିଜୁ ବିସ୍ତେ ମିଙ୍ଗେଙ୍ଗ ଖେର୍ଚାନାର୍ ।  
 ୧୦ ନା ଲାହାଂ ରଚେ ଗେହ୍ୟା ଆତାକାନ୍ ଆରିସ୍ପାର୍କ୍ ଆରେ ବର୍ଣ୍ଣବା କୁଟୁମ୍ନି ଟଣ୍ଡେନ୍ ମାର୍କ ଇୱାନ୍ ବିସ୍ତେ ଏପେଙ୍ଗ ବଲ୍  
 ପାୟାତାଦେଣ୍ଡା; ହେୱାନ୍ ଜଦି ମି ଲାଗାଂ ଖାନାନ୍, ଖାଟିଙ୍ଗ୍ ତାଙ୍ଗ୍ ଇଟାଟ୍ ମିଙ୍ଗେଙ୍ଗ ଜୁଞ୍ଜାର୍ ଜାଣାୟ କିଦ୍ନାନା,  
 ୧୧ ଆରେ, ଜୁସ୍ପୁ ତର୍ଦ ଦାକ୍ପୁଟା ଜିସୁ ମିଙ୍ଗେଙ୍ଗ ଜୁଞ୍ଜାର୍ ଜାଣାୟ କିଦ୍ନାନା; ସୁନ୍ନଡ୍ରିଂ ବିତ୍ରେତାଂ କେବଲ୍ ଇୱାର୍  
 ଇସ୍ପତ୍ ରାଜି କାଜିଂ ନା ହାଙ୍ଗଦାକାର୍ କାମାୟକିନି ମାନାୟ, ଇୱାର୍ ନା ଦୁକ୍ସାରୟ କିନାକାର୍ ଆତାଣ୍ଡା ।  
 ୧୨ ଏପାପ୍ରା, ଜେ ମି ବିତ୍ରେତାଂ ରଖାନ୍, ମିଙ୍ଗେଙ୍ଗ ଜୁଞ୍ଜାର୍ ଜାଣାୟ କିଦ୍ନାନା, ଏଖାନ୍ତ କ୍ରିସ୍ତୁ ଜିସୁତି ଆଡ଼ିୟା ଆରି ଜାର୍  
 ପାର୍ତାନାତ ମି କାଜିଂ ନିତ୍ରେ ଜିବୁନ୍ ହିନାନା, ଇନେସ୍ ଏପେଙ୍ଗ ବାତ୍ ଆରି ଇସ୍ପତ୍ ଝିଜୁ ଇଟା ବିସ୍ତେ ପୁରା ପାତ୍ ଆଜି  
 ତାଟ୍ ମାନାଟ୍ ।  
 ୧୩ ଇନାକିଦେଂକି ହେୱାନ୍ ମି କାଜିଂ ଆରେ ଲାଅଦିକିଆ ଆରି ହିଏରାପଲି ନିକାରିଂ କାଜିଂ ଇନେର୍ ଆଦିକ୍ କସ୍ତୁ  
 ପାୟାତାଣ୍ଡା, ହେୱାନ୍ ପାକ୍ୟାତ ଆନ୍ ଇ ସାକି ହିନାଙ୍ଗା ।  
 ୧୪ ଈଞ୍ଜିରିନି ତାକ୍ତର୍ ଲୁକ ଆରି ଦିମା ମିଙ୍ଗେଙ୍ଗ ଜୁଞ୍ଜାର୍ ଜାଣାୟ କିଦ୍ନାନା ।  
 ୧୫ ଲାଅଦିକିଆତ ମାନି ଟଣ୍ଡା ଆରି ତଣ୍ଡେକାଦେର୍, ନୁମ୍ପା ଆରି ହେୱାନ୍ ଇଞ୍ଜି ମାନି ମଣ୍ଡଲିତିଂ ଜୁଞ୍ଜାର୍ ପକାଟ୍ ।  
 ୧୬ ଆରେ, ମି ବିତ୍ରେ ଇ ଆକି ପଡ଼ା ଆତି ପାଚେ ଲାଅଦିକିଆ ମଣ୍ଡଲିତ ପା ଇନେସ୍ ପଡ଼ା ଆନାଟ୍, ଆରେ ଲାଅଦିକିଆତାଂ  
 ଇମ୍ଣି ଆକି ଖାନାଟ୍, ହେଦାଂ ଏପେଙ୍ଗ ପା ଇନେସ୍ ପଡ଼ିକିନାଦେର୍, ଇଦାଂ କାଜିଂ ଜାତୁନ୍ କିୟାଟ୍ ।  
 ୧୭ ଆକ୍ ପତିଂ ଖେଟାଟ୍, ଏପେଙ୍ଗ “ମାପୁତି କାମାୟତ ଇମ୍ଣି ହେବାନି ପାଦ୍ ପାୟା ଆତାଦେଣ୍ଡା, ହେଦାଂ ପୁରା  
 କିଦେଙ୍ଗ ଜାଗ୍ରତ୍ ଆଜି ମାନାଟ୍ ।”  
 ୧୮ ଆନ୍ ପାଉଲ୍ ନା ନିଜେ କେଇଦ ଇ ଜୁଞ୍ଜାର୍ ଲେକିକିନାଙ୍ଗା । ନା ଗାଟ୍ୟାତାକା ଏତୁ କିୟାଟ୍ ।

୩:୨୫ ଏପିସିୟ ୬:୯. ୪:୧ ଏପିସିୟ ୬:୯. ୪:୫ ଏପିସିୟ ୫:୧୭. ୪:୭ ପକ୍ୟାତାକା ୨୦:୪; ୨ ତିମତି ୪:୧୨. ୪:୭ ଏପିସିୟ ୬:୨୧,୨୨.  
 ୪:୯ ପିଲିମନ୍ ୧:୧୦-୧୨. ୪:୧୦ ପକ୍ୟାତାକା ୧୯:୨୯; ୨୭:୨; ପିଲିମନ୍ ୧:୨୪; ପକ୍ୟାତାକା ୧୨:୧୨,୨୫; ୧୩:୧୩; ୧୫:୩୭-୩୯. ୪:୧୨ କଲସିୟ  
 ୧:୭; ପିଲିମନ୍ ୧:୨୩. ୪:୧୪ ୨ ତିମତି ୪:୧୧; ପିଲିମନ୍ ୧:୨୪; ୨ ତିମତି ୪:୧୦; ପିଲିମନ୍ ୧:୨୪. ୪:୧୭ ପିଲିମନ୍ ୧:୨.



ଇସ୍ପର୍ତ୍ତି ଉତ୍ତକାର୍ ମି ଲାହାଙ୍ଗ୍ ଆସତ୍ ।

## ଡେସ୍‌ଲନିକିୟ ମଣ୍ଡଳୀ ନିକଟକୁ ପ୍ରେରିତ ପାଉଲକ ପ୍ରଥମ ପତ୍ର ଡେସ୍‌ଲନିକିୟ ମଣ୍ଡଳି ଲାଗାଂ ପକ୍ୟାତି ପାଉଲକି ପର୍ତୁମ୍ ଆକି ୧ ଡେସ୍‌ଲନିକିୟ ପତି ବିସ୍ତେ ପାଦେକ୍

ପରତୁମ୍ ଡେସ୍‌ଲନିକିୟ ପକ୍ୟାତି ପାଉଲକି ହୁକେ ଲେକା ଆଜି ମାତାତ୍ । ଇଦାଂ ଆଜି ମାନଗାନାତ୍ ପାଉଲକି ହୁଦାଂ ପରତୁମ୍ ଆକି ଲେକା ଆଜି ମାତାତ୍ ଆରି ହେଦାଂ ବାଇବଲ୍‌ନି ରଞ୍ଜାଙ୍ ବାଗ୍ ଆତାତ୍‌ନା । ଇଦାଂ ଜିସୁ କ୍ରିସ୍ଟି ଜଲମ୍‌ନି ଲାଗେ ଲାଗେ ଆଜି ମାନଗାନାତ୍ ରିକଡ଼ି ଏଗାର୍ ୫୧ ବାହୁଁ ପାଚେ ଲେକା ଆଜି ମାତାତ୍ । ପାଉଲ୍ ଏତେକାଡ଼୍‌ଡ ଡେସ୍‌ଲନିକିୟ ମଣ୍ଡଳିତଂ ଆକି ଲେକିକିତାନ୍, ହେଞ୍ଜାଡ଼ାଲିଂ ହେଞ୍ଜାନ୍ କରନ୍ତି ମଣ୍ଡଳିତ ମାତାନ୍ । ଇମ୍‌ଣି ମଣ୍ଡଳିତଂ ହେଞ୍ଜାନ୍ ରିହା ମିସେନେରି ହାଜି ହାନିଞ୍ଜାଡ଼ାଲିଂ ହେ ମଣ୍ଡଳି ରଚ୍ଚି ମାତାନ୍ ପକ୍ୟାତାକା ୧:୧-୧୦ ଇଦାଂ ପକ୍ୟାତି ପତିତ ଇନ୍‌ୟାତାନ୍ନା ଜେ, ଇଦାଂ ଏତେକ୍ ଜିହୁଦି ଆରି ବେସି ଗ୍ରିକ୍ ବେରଣ୍ଡ ଇଞ୍ଜି ମାନି ମାନାୟାର୍ ହୁଦାଂ ରଚ୍ୟା ଆଜି ମାତାତ୍ ।

ପାଉଲ୍ ମଣ୍ଡଳି ରଚ୍ଚି ପାଚେ ହେଞ୍ଜାନ୍ ବେସି ଦିନ୍ ଡେସ୍‌ଲନିକିୟତ ମାଞ୍ଜେଙ୍ ଆଡ଼ଞ୍ଜାତାନ୍ । ଲାଗିଂ ହାରିହାରା ହେବେ ମାନି ପାତ୍ କିନାକାରିଂ ସାସ୍ ହିଦେଂ ହେଞ୍ଜାନ୍ ଇ ଆକି ପକ୍ତାନ୍ । ରଞ୍ଜାନ୍ କ୍ରିସ୍ଟିୟାନ୍ ଇନେସ୍ ଜିଦେଂ ଆନାଡ଼, ଇ ଆକିତ ବେସି ବିସ୍ତେ ଆରି ବାରବିନି ଖେଚ୍‌ନାକା ମାନାତ୍ ।

ପାଉଲ୍ କେତେଗଟାତ ରିହା ଖାନି ବିସ୍ତେ ମାନ୍ ଦିଆନ୍ ହିନାନ୍ । ଆଜି ମାନଗାନାତ୍ ଡେସ୍‌ଲନିକିୟ ମଣ୍ଡଳି ନି ପାତ୍ କିଞ୍ଜାକାର୍ ବିନ୍ ବାବ୍ରେ ଇ ବିସ୍ତେ ତିରକାଡ଼ ମାତାତ୍ । ପାଉଲ୍ ରିହା ଖାନି ବିସ୍ତେ ଇଞ୍ଜି ଇନେସ୍ ଇସ୍‌ରତଂ ଦୁକ୍‌କିନାକା କିନି ଲାକେ ଜିବୁନ୍ ଜିଉଣା କିନି କାଜିଂ ପକ୍ତାନ୍ ୫:୭-୮ ।

### ୧ ଡେସ୍‌ଲନିକିୟ ପତି ବିସ୍ତେନି ରାହାଣ

- ୧. ପାଉଲ୍ ମଣ୍ଡଳିତଂ ବାନ୍ଦାୟ୍ କିନାନ୍ ଆରି ଇସ୍‌ରତଂ ଜଞ୍ଜାର୍ କିଜି ଇ ଆକି ଆରମ୍ କିତାନ୍‌ନା ୧ ପାର୍ତୁ ।
- ୨. ପାଚେ ହେଞ୍ଜାନ୍ ତିମତି ତାହିଞ୍ଜାତି କାରୁର୍ ଆରି ହେଞ୍ଜାନ୍ତି କାମାୟ୍ ବିସ୍ତେ ଖେଚ୍‌ଚାନ୍ ୨ ଆରି ୩ ପାର୍ତୁ ।
- ୩. ପାଉଲ୍ ବଲ୍ ହିନାନ୍ ଜେ, କ୍ରିସ୍ଟିନାର୍ ଜିସୁ କ୍ରିସ୍ଟି ରିହା ଖାନାକା ଅଜଡ଼ତ ଇନେସ୍ ଜିବୁନ୍ ଜିପ୍‌କା କିନାକା ମାନାତ୍ ୪:୧-୫ ।
- ୪. ପାଉଲ୍ ଆରେ ରଗ ମଣ୍ଡଳିତ ବାନ୍ଦାୟ୍ କିନାନ୍ ଆରି ହେଞ୍ଜାରିଂ ହାଡ଼ପା ବାବ୍ରେ ଚିଚି ପଡ଼ିକିଦେଂ ଇଞ୍ଜି ଖିହ୍‌ନାନ୍ ୫:୧୭-୨୮ ।

୧ ପାଉଲ୍, ସିଲ୍‌କାନ୍ ଆରି ତିମତି ଆବା ଇସ୍‌ର ଆରି ମାପୁ ଜିସୁ କ୍ରିସ୍ଟିତାକେ ମାନି ଡେସ୍‌ଲନିକିୟ ମାନାୟାର୍ ମଣ୍ଡଳି ଲାଗାଂ ଆକି ଲେକିକିନାନା । ଦୟା ଆରି ସୁସ୍ତା ମି କାଜିଂ ଆଏଡ଼ ।

### ଡେସ୍‌ଲନିକିୟନିକାର୍ତି କାଜିଂ ଦନ୍‌ୟବାଦ୍ ଆଏଡ଼

୨ ମା ଇସ୍‌ର ଆରି ଆବାତି ଲାଗାଂ ଆସେଙ୍ ମି ପାତ୍ କିନାକାୟ୍, ଜିଉନି କସ୍ ଆରି ମା ମାପୁ ଜିସୁ କ୍ରିସ୍ଟି ବିସ୍ତେ ମି ବାସ୍ ତ ପାର୍ତାନା ବିସ୍ତେ ସବୁଞ୍ଜେଡ଼ାଙ୍ ଏଡ଼ୁ କିଜି.

୩ ମା ଆବା ଇସ୍‌ରତ ଲାଗାଂ ଏଡ଼ୁ କିଜି ମାନାସ୍, ଇନେସ୍ ଏପେଙ୍ ଜାର୍ ପାତ୍ କାମାୟ୍‌ତ ମେହାୟ୍ କିନାଦେରା, ଜିଉନିତ ମେହାଜି ଇନେସ୍ କସ୍ କାମାୟ୍ କିନାଦେରା ଆରି ମା ମାପୁ ଜିସୁ କ୍ରିସ୍ଟି ତାକେ ମି ବାସ୍ ଇନେସ୍ ତାଟ୍ ।

୪ ଇନାକିଦେଂକି ଏ ଇସ୍‌ତ ଜିଉନି ଟଣ୍ଡାର୍ ଆରେ ତଣ୍ଡେକ୍ ଆପେଂ ପୁନାପ୍ ଜେ, ଏପେଙ୍ ବାଚିକିୟାତି ଲକୁ,

୫ ନେକ୍ରିକାରୁର୍ କେବଲ୍ ବଚନ୍ ଆକାୟ୍, ମତର୍ ସାକ୍ତି ପୁଇପୁୟା ଜିବୁନ୍ ଆରି ଆଦିକ୍ ହାଡ଼ପା ଲାହାଙ୍ ମି ଲାଗାଂ ଏକାଞ୍ଜାତାଡ଼; ମି ବିଡ୍ରେ ମାନି ସମୁତ ମି କାଜିଂ ଆପେଂ ଇନେସ୍ କିଜି ଚିନ୍ତା କିଜି ମାନ୍ରାପ, ହେଦାଂ ତ ଏପେଙ୍ ପୁନାଟ୍ ।

୬ ଆରେ ଏପେଙ୍ ବେସି କସ୍ ବଗି କିନି ବିଡ୍ରେ ପୁଇପୁୟା ଜିବୁନ୍‌ତାଂ ପାୟାତି ଦୁକ୍‌କିନାକା ଲାହାଙ୍ ହେ ନେକ୍ରିକାରୁର୍ ମାନି କିଜି ମାଞ୍ଜେଙ୍ ଆରି ମାପୁତି ପାଚେହାନାକା ଆଜି ମାତାଦେର୍,

୭ ଇ ଲାକେ କି ଏପେଙ୍ ମାକିଦନିଆ ଆରି ଆକାୟାତ ମାନାକାର୍ ଖିଜାର୍ ପାତ୍ କିନାକାର୍ କାଜିଂ ହାର୍ ଲାକେ ଆଜି ମାତାନ୍ ।

୮ ମିତାଂ ମାପୁତି କାତା ଜେ କେବଲ୍ ମାକିଦନିଆ ଆରି ଆକାୟାତ ସୁଣାୟ୍ କିୟାତାଡ଼ନା, ହେଦାଂ ଆକାୟ୍, ମତର୍ ଇସ୍‌ତ କାଜିଂ ମି ପାତ୍ ବିସ୍ତେ ସବୁ ବାହାତ ଏପେଙ୍ ମେଙ୍‌ତାଡ଼ନା ଜେ, ହେ ବିସ୍ତେ ମାଦାଂ ଇନାକା ଇନି ଲଡ଼ା ଆକାୟ୍ ।

୯ ଲାଗିଂ ଲକୁ ଜାର୍ ଜାର୍ ମା ବିସ୍ତେ ଇଞ୍ଜି ମାନାର୍ ଜେ, ମି ବିଡ୍ରେତ ମା ଖାନାକା ସମୁତ ଇନାକା ଗିଟା ଆଜି ମାତାତ୍, ଆରେ ଇନେସ୍ ଏପେଙ୍ ପୁଡ଼ଡ଼ା ପୁଜା ସବୁ ପିସି ପୁଇପୁୟା ଜିବୁନ୍ ଆରି ହାଡ଼ପା ଇସ୍‌ତ ହେବା କିନି କାଜିଂ ଖାତାଦେର୍,

୧୦ ଆରେ, ହେୱାନ ଜାର ଇମ୍ଫଣି ମାଜିଙ୍ଗ୍ ହାତାକାର ବିଡ୍ରେତାଂ ନିକ୍ତି ମାତାନ, ୱାନି ରିସାତାଙ୍ଗ୍ ମାଙ୍ଗେଙ୍ଗ୍ ରାକ୍ୟାକିଦେଂ ହେ ଜିସୁତି ସାଗେତାଂ, ୱାନାକା ମାନି କାଜିଂ ଇସ୍ଵର୍ ନିପ ୱାତାଦେର୍ ।

୨

ଡେସଲନିକିୟାତ ପାଉଲ୍ଡି କାମାୟ

୧ ଏ ଟଣ୍ଡାର, ଆରି ତଣ୍ଡେକ୍ ଏପେଙ୍ଗ୍ ତ ନିଜେ ପୁନାଦେର୍ ଜେ, ମି ଲାଗାଂ ମା ୱାନାକା ପଲ୍ୟା ଆୱାତାତନା;

୨ ମତର୍ ଇନେସ୍ ଏପେଙ୍ଗ୍ ପୁନାଟ୍, ଆପେଂ ତା ଆଗେ ପିଲିପିପିତ ଦୁକ୍ ଆରି ଅପ୍ମାନ୍ କିତି ପାଟେ ମି ତାକେ ବେସି ଜିରୁନ୍ ଜିପ୍କା କିଜି ଇସ୍ଵର୍ତି ନେକ୍ରିକାରୁର୍ ସୁଣାୟ୍ କିଦେଙ୍ଗ୍ ଇଞ୍ଜି ମା ଇସ୍ଵର୍ତି ହୁଦାଂ ସାସ୍ ପାୟା ଆଜି ମାଟାପ୍ ।

୩ ଇନାକିଦେଂକି ମା ଉପ୍ଦେସ୍ ବାଣାୟ୍କିନାକା ନୟେଲେ ବିଟାଡ୍ ଲାକେ ନୟେଲେ ଚାକ୍ରିୟକିନାକା ଆକାୟ୍,

୪ ମତର୍ ମା କେଇଦ ନେକ୍ରିକାରୁର୍ ସୁଣାୟ୍କିନି ବଜ୍ ହେଲାୟ୍ ଆଦ୍ନି କାଜିଂ ଆପେଂ ଇନେସ୍କି ଇସ୍ଵର୍ତି ହୁକେ ଜଗ୍ ଗାଣା କିୟାତାପନା, ହେ ଲାକେ ଆସେଙ୍ଗ୍ ସୁଣାୟ୍ କିନାସ୍; ଲାଗିଂ ମା ମାନ୍ତ ପରିକ୍ୟା କିନାକାନ୍ ଜେ ଇସ୍ଵର୍, ହେୱାନିଂ ସାରି କିଦେଙ୍ଗ୍ କାଜିଂ ହେଦାଂ କିନାସ୍ ।

୫ ଏପେଙ୍ଗ୍ ତ ପୁନାଦେର୍ ଜେ, ଆସେଙ୍ଗ୍ ଇମ୍ଫଣି ସମୁତ ମାତି କିନାକାନ୍ ଚିନ୍ତା କିୱାତାପନା ନଇଲେ ଲବ୍ତିଂ ଡ଼କ୍ସୁନି କାଜିଂ ନାଡାୟ୍ କିୱାତାପନା, ଇସ୍ଵର୍ ଇବେନି ସାକି ।

୬ ଆଡିସ୍ପା କ୍ରିସ୍ତୁତି ପକ୍ୟାତି ଲାକେ ଆସେଙ୍ଗ୍ ମାନିନି ଦାବା କିଦେଙ୍ଗ୍ ଆଡ୍ଡାପନା, ଆଡିସ୍ପା ମିତାଙ୍ଗ୍ ଆୟେଡ୍ ନଲେ ବିନେ ଇନେର୍ ତାଙ୍ଗ୍ ଆୟେଡ୍, ଇମ୍ଫଣି ମାନାୟ୍ତାଂ ଜାଜ୍ମାଲ୍ ଗାଟାଦେଂ ଉପାୟ୍ କିୱାତାପନା ।

୭ ଜଦି କ୍ରିସ୍ତୁତି ପକ୍ୟାତାକାସ୍ ମତର୍ ଆସେଙ୍ଗ୍ ମି ବିଡ୍ରେ ହୁଦାର୍ ଆଜି, ଆୟା ଇନେସ୍ ଜାର୍ ହିମ୍ଫଣାକାଂ ପହାପାଲି କିନାଡ୍,

୮ ମି କାଜିଂ ମାଦାଂ ୱାରି ମାଟିସ୍ ଆପ୍ ହେ ଲାକେ ମିଙ୍ଗେଙ୍ଗ୍ ଇସ୍ଵର୍ତି ନେକ୍ରିକାରୁର୍ କେବଲ୍ ଆକାୟ୍, ମତର୍ ଜାର୍ ଜାର୍ ୱାୟ୍ ପା ହିଦେଂ ମାନ୍ କିଜିମାଟାପ୍, ଇନାକିଦେଂକି ଏପେଙ୍ଗ୍ ମା ୱାରିନିକାଦେର୍ ଆଜି ମାଟାଦେର୍ ।

୯ ଏ ଟଣ୍ଡାର, ଆରି ତଣ୍ଡେକ୍ ମା କସ୍ ଆରି ଆଡ୍ଡା କାମାୟ୍ ମି ଏଡ୍ଡ ମାନାଡ୍, ଇନେସ୍ ଆପେଂ ମି ବିଡ୍ରେ ଇନେରିଂ ବଜ୍ଲାକେ ଆଉପ୍, ଇଦାଂ କାଜିଂ ୱେଡ୍ନାଣା ବେସି କସ୍ କିଜି ଇସ୍ଵର୍ତି ନେକ୍ରିକାରୁର୍ ମି ତାକେ ସୁଣାୟ୍ କିଜି ମାଟାପ୍ ।

୧୦ ଏପେଙ୍ଗ୍ ଆରି ନିଜେ ଇସ୍ଵର୍ ମା ସାକି ମି ଲାକେ ପାତ୍ କିନାକାର୍ ଲାଗାଂ ମା ବେବାର୍ ନିମ୍ଫାୟ୍ନିକା ଦସ୍ ହିଲ୍ଫାତାଡ୍ ।

୧୧ ଆରେ ଏପେଙ୍ଗ୍ ତ ପୁନାଦେର୍, ଆବା ଇନେସ୍ ଜାର୍ ମାଜିରିଂ, ହେ ଲାକେ ଆପେଂ ମି ଜାଣ୍ଡକେତିଂ ବୁଜାୟ୍କିଜି ଆରି ଉସ୍କାୟ୍ ଜିସୁ ଜବର୍ ଗୱାରି କିଜି ମାନାପ୍ ।

୧୨ ଆପ୍ ମିଙ୍ଗେଙ୍ଗ୍ ୱାରି କିଜି ମାନ୍ତାପ୍, ଦୁକ୍ସାରାୟ୍ତ ଗୱାରି କିଜି ମାନ୍ତାପ୍ ଇନେସ୍ ମିଙ୍ଗେଙ୍ଗ୍ କୁକ୍ତିତି ଇମ୍ଫଣି ଇସ୍ଵର୍, ଜିରୁନ୍ ହେୱାନ୍ତି ରାଜି ଆରି ସବୁ ନାଜିଂ ବାତା ଆନାର୍ ଜାଜ୍ମାଲ୍ତ ମେହାଆନି କାଜିଂ ଏପେଙ୍ଗ୍ ହେୱାନ୍ତି ହାଦ୍ ଚିନ୍ତା କିୟାଟ୍ ।

୧୩ ଆରେ, ଇନେକିଦେଂକି ଆପ୍ ପା ଲାଗିସ୍ ଇସ୍ଵର୍ତି ଜୱାର୍ କିନାପା ଜେ, ଏଚେକାଡ୍ଡ ଏପେଙ୍ଗ୍ ମାହୁଦାଂ ସୁଣାୟ୍କିତି ଇସ୍ଵର୍ତି କାତା ଇଟ୍ତାଦେର୍, ହେ ଏଚେୱେଡାଙ୍ଗ୍ ହେଦାଂ ମାନାୟ୍ତି କାତାଲାକେ ଇଟ୍ତାଦାଂ ନଲେ ଇସ୍ଵର୍ତି କାତାଲାକେ ଇଡ୍ଡିଜି ମାଟାଦେର୍, ଆରେ ହାଡ୍ପାନେ ହେଦାଂ ଇସ୍ଵର୍ତି କାତା ଆନାଡ୍, ଆରେ ପାତ୍ କିନାକାଦେର୍ ଜେ ଏପେଙ୍ଗ୍, ମି ୱାୟ୍ତି ହେଦାଂ ପା କାମାୟ୍ କିନାତା ।

୧୪ ଇନାକିଦେଂକି, ଏ ଟଣ୍ଡାର, ଆରି ତଣ୍ଡେକ୍ ଏପେଙ୍ଗ୍ କ୍ରିସ୍ତୁ ଜିସୁତି ତାକେ ମାନି ଜିହୁଦା ଦେସ୍ନି ଇସ୍ଵର୍ ମଣ୍ଡୁଲି ସବୁନି ହୁଡ୍ଡେଂ ଲାକେ ଆତାଦେଣ୍ଡା, ଲାଗିଂ ହେୱାର୍ ଜିହୁଦିତ୍ ହୁକେ ଇମ୍ଫଣି ସବୁ ଦୁକ୍ବଗ୍ କିଜି ମାଟାର୍, ଏପେଙ୍ଗ୍ ପା ଜାର୍ ଜାଡିତ୍ ହୁଦାଂ ହେ ସବୁ ଦୁକ୍ବଗ୍ କିତାଦେଣ୍ଡା ।

୧୫ ହେ ଜିହୁଦିର୍ ମାପୁ ଜିସୁଙ୍ଗ୍, ଆରେ ଇସ୍ଵର୍ତି ବେଣ୍ଡାକ୍ଣାୟ୍କିନାକାରିଂ ପା ଅଜି ମାଟାର୍, ଆରେ ମାଙ୍ଗ୍ ନିନ୍ଦା କିଡ୍ଡାର୍, ହେୱାର୍ ଇସ୍ଵର୍ତି ମାନ୍ତହାଲ୍ଡି ଲଗୁ ଆରି ୱିଜୁ ମାନାୟ୍ ଜାଡିତି ସାଡୁ,

୧୬ ଇନାକିଦେଂକି ଇସ୍ଵର୍ତି ପାତ୍ କିୱି ଜିହୁଦିର୍ତି ମୁକ୍ତି ଆନାକା କାଜିଂ ହେୱାର୍ ଲାଗାଂ ସୁଣାୟ୍ କିଦେଙ୍ଗ୍ ହେୱାର୍ ମାଙ୍ଗେଙ୍ଗ୍ ବାଦା ହିଡ୍ଡାର୍ନା; ଇ ଲାକେ ହେୱାର୍ ନିଡ୍ରେ ଜାର୍ ଜାର୍ତି ପାପ୍ ବାତ୍ କିତାଣ୍ଡା; ମତର୍ ହେୱାର୍ତି ଜପି ରିସା ପୁରାବାତ୍ ଆର୍ତାତେ ।

ଆରେ ହାଞ୍ଜେଙ୍ଗ୍ ଇଞ୍ଜି ପାଉଲ୍ଡି ୱାରି

୧୭ ମତର୍, ଏ ଟଣ୍ଡାର, ଆରି ତଣ୍ଡେକ୍ ଆପେଂ ମାନ୍ତ ଆକାୟ୍, ମତର୍ ଗାଗାଡ୍ଡ ଅଲପ୍ ସମୁ କାଜିଂ ମିଙ୍ଗେଙ୍ଗ୍ତାଂ ବିଗ୍ଡା ଆଜି ମାଟିଲେ ମି ମୁମ୍ ହୁଡ୍ଡେଂ ବେସି ଇଟା ହୁକେ ଆଦିକ୍ ସେସୁ କିଜି ମାଟାପ୍ ।

☆ ୨:୧୫ ପକ୍ୟାତାକା ୯:୨୩,୨୯; ୧୩:୪୫,୫୦; ୧୪:୨,୫,୧୯; ୧୭:୫,୧୩; ୧୮:୧୨.

୧୮ ଇଦାଂ କାଜିଂ ଆପେଂ ମି ଲାଗାଂ ହାନି କାଜିଂ ମାନ୍ କିଜି ମାଚାପ, ଆନ୍ ପାଉଲ ରଗ, ରିହା ମାନ୍ କିଜି ମାଚାଂ, ମତର ସୟତାନ୍ ମାଜେଙ୍ଗ୍ ବାଦା ହିଡ଼ତାଡ଼ ।

୧୯ ଇନାକିଦେଂକି ମାଜ୍ ମାପୁ ଜିସୁତି ଖାନି ସମୁତ ତା କଚଣ୍ଡତ ମା ଆହା, ଦୁକ୍‌କିନାକା କି ଗରବ୍‌ନି ମୁକୁର୍ ଇନାକା ? କି ଏପେଙ୍ଗ୍ ଆକାୟ ?

୨୦ ଏପେଙ୍ଗ୍ ତ ମା ଜାଜ୍‌ମାଲ୍ ଆରି ଖାରିକିନିତ କାରଣ୍ ଆନାଦେର୍ ।

**୩**

୧ \*ଇଦାଂ କାଜିଂ ଆପେଂ ଆରେ ହୁଞ୍ଜେଙ୍ଗ୍ ଆଡ଼଼ିତଲେ ଏଡେନ୍‌ସ୍‌ତ ରଖାଙ୍ଗ୍ ମାଞ୍ଜେଙ୍ଗ୍ ଇଞ୍ଜି ତିର୍ କିତାଙ୍ଗ୍;

୨ ଆରେ, ମି ପାତର୍ ବିସ୍ତେ ମିଂ ଖାରିକିୟ୍ କିଦେଂ ଆରି ମିଜେଙ୍ଗ୍ ସୁସ୍ତା କିଦେଂ, କ୍ରିସ୍ତତି ନେକ୍ରିକାବୁର୍ କାମାୟ୍‌ତ ଇସ୍‌ବର୍‌ତି ହାଙ୍ଗ୍‌ଦାକାର ଟ୍ରେନ୍‌ଡିମତିଙ୍ଗ୍ ପକ୍‌ତାତାପ ।

୩ ଇନେସ୍‌କି ଇନେର୍ ଇ ଝିଜୁ କସ୍ ବିତ୍ରେ ଏନେତେନେ ଆମାଟ୍ । ଆସେଙ୍ଗ୍ ହେଦାଂ କାଜିଂ ବାଟିକିୟାତାସ୍‌ନା ଇଞ୍ଜି ଏପେଙ୍ଗ୍ ତ ନିଜେ ପୁନାଦେର୍ ଲାଗିଂ ଏପେଙ୍ଗ୍ ଇସ୍‌ବର୍‌ତି ମାନ୍ ।

୪ ଇନାକିଦେଂକି ମାଜେଙ୍ଗ୍ ଜେ କସ୍ ବଗି କିଦେଙ୍ଗ୍ ଆନାଡ଼, ଇଦାଂ ଆପେଂ ମି ଲାହାଂ ମାନି ସମୁତ ମିଜେଙ୍ଗ୍ ପୁର୍ବେତାଂ ଚାନେକ୍‌ତିଂ ଚାନେକ୍ ଝେଡ଼୍‌ତି ମାନ୍‌ଚାପ, ଆରେ ହେ ଲାକେ ଗିଟା ଆତାଡ଼, ଆରେ ଏପେଙ୍ଗ୍ ହେଦାଂ ପୁନାଟ୍ ।

୫ ଇଦାଂ କାଜିଂ, ଏରେକାଡ଼୍‌ଦ ସୟତାନ୍ ମିଜେଙ୍ଗ୍ ପରିକ୍ୟା କିଜି ମାନ୍‌ଞ୍ଜାନାନ୍ ଆରି ମା କାମାୟ୍ ପଲ୍ୟା ଆଜି ମାନାଡ଼, ଇଦାଂ ପାଣ୍ଡାଜି ଆନ୍ ପା ଆରେ ହୁଞ୍ଜେଙ୍ଗ୍ ଆଡ଼଼ାଦାଂ ମି ପାତର୍ କିନି ବିସ୍ତେ ପୁଞ୍ଜେଙ୍ଗ୍ କାଜିଂ ମାନାୟ୍ ପକ୍‌ତାତାଂ ।

୬ \*ଇଦାଂ ପାଚେ ମି ଲାଗାଂତାଂ ମାସ୍‌ଦି ଖାଜି ତିମତି ମି ପାତର୍ ଆରି ଜିଉନିନି ବିସ୍ତେ ହାର ନେକ୍ରିକାବୁର୍ ତାଇଖାତାଣ୍ଟା । ହେଖାନ୍ ମାଜେଙ୍ଗ୍ ଝେଡ଼୍‌ଚାତାନ୍ ଜେ, ଏପେଙ୍ଗ୍ ନିତ୍ରେ ମାଦାଂ ହାର କାମାୟ୍ କିନାଦେରା ଆରି ଆପ୍ ଇନେସ୍ ମିଜେଙ୍ଗ୍ ହୁଡ଼୍‌ଦେଂ ଇଚା, ଏପ୍ ପା ହେ ଲାକେ ମାଜେଙ୍ଗ୍ ହୁଡ଼୍‌ଦେଂ ଇଚା କିନାଦେରା ।

୭ ଇଦାଂ କାଜିଂ, ଏ ଟଣ୍ଡାର୍, ଆରି ତଣ୍ଡେକ୍ ମି ପାତର୍ କିନି କାଜିଂ ଆପେଂ ମା ଝିଜୁ ହାବଡ଼୍‌ତ ଆରି କସ୍ ବଗିକିନିତ ମି ବିସ୍ତେ ଦୁକ୍‌ସାରାୟ୍ କିୟା ଆତାପନା;

୮ ଇନାକିଦେଂକି ଆପେଂ ନଂ ଜିତାପନା ଜଦି ଏପେଙ୍ଗ୍ ମାପୁ ତାକେ ବିଖାହିଂ ଆଜି ମାନାଟ୍ ।

୯ ଆଁ, ମା ଇସ୍‌ବର୍‌ତି ଲାଗେ ମି କାଜିଂ ଆପେଂ ଜେ ଝିଜୁ ଖାରିତ ଖାରି ଆନାପା । ହେବେନି ବାଦୁଲ୍ ଲାକେ ମି କାଜିଂ ନଙ୍ଗ୍ ଇସ୍‌ବର୍‌ତିଂ ଜୁଞ୍ଜାର୍ କିଦେଙ୍ଗ୍ ଆଡ଼ନାନ୍ ।

୧୦ ମି ପାତର୍ ତ ଇନାକା ଉଣା ମାନାଡ଼, ହେଦାଂ ପୁରାୟ୍ କିଦେଙ୍ଗ୍ ଇଞ୍ଜି ଆପେଂ ମି ଲାହାଂ ଇନେସ୍ ମେହାଆଦେଂ ଆଡ଼ନାସ୍, ଇଦାଂ କାଜିଂ ଝେଡ଼ା ନାଣା ବେସି ପାର୍ତାନା କିନାପା ।

୧୧ ମା ଆବା ଇସ୍‌ବର୍ ନିଜେ ଆରେ ମା ମାପୁ ଜିସୁ ମି ଲାଗାଂ ମା ହାନି ହାଜି ରଚ୍‌ନାନ୍ ।

୧୨ ଆରେ, ମି କାଜିଂ ମାଦାଂ ଇନେସ୍ ଜିଉନିନାକା, ହେ ଲାକେ ହାରିତିଂ ଆରି ଝିଜାର୍ କାଜିଂ ଜିଉନିନିତ ମାପୁ ମିଜେଙ୍ଗ୍ ଆରେ ଆଦିକ୍ ଲାକେ ବାତାୟ୍ କିଦେନ୍ ।

୧୩ ହେଖାନ୍ ମି ଖାସ୍ତି ସୁସ୍ତା କିଜି ଇଚାଟ୍, ଇନେସ୍ ମା ମାପୁ ଜିସୁ ଜାର୍ ଝିଜୁ ଦାମର୍ ଲାହାଂ ଖାନାକା ସମୁତ ଏପେଙ୍ଗ୍ ମା ଇସ୍‌ବର୍ ଆରି ଆବାତି ଲାଗାଂ ପୁଇପୁୟାତାଂ ଦସି ଆଖାଦାଂ ଟଞ୍ଜୟାନାଦେର୍ । ଆମେନ୍ ।

**୪**

**ଇସ୍‌ବର୍ ମୁମ୍‌ଦ ସାରିନିକା ଜିବୁନ୍**

୧ ଏ ଟଣ୍ଡାର୍, ଆରି ତଣ୍ଡେକ୍ ହାରିହାରାତ ଇନେସ୍ ଲାକେ ଚିନ୍ତା କିଜି ଇସ୍‌ବର୍‌ତିଂ ସାରି କିନାକା ମାନାଡ଼, ହେ ବିସ୍ତେ ଏପେଙ୍ଗ୍ ମା ତାଙ୍ଗ୍ ଇନେସ୍ ହିକ୍ୟା ଗାଟାତାଦେଣ୍ଟା, ଆରେ ଏପେଙ୍ଗ୍ ପା ଇନେସ୍ ଜିବୁନ୍ ଜିପ୍‌କା କିନାଦେରା, ତା ଲାକେ ଆରେ ଆଦିକ୍ ଖାଦେଂ କାଜିଂ ଆପେଂ ମାପୁ ଜିସୁତି ତରଦ ମିଙ୍ଗ୍ ଗଖାରି କିଜି ଖାରି କିଦ୍‌ନାପା ।

୨ ଆପେଂ ମାପୁ ଜିସୁତି ଆଦିକାର୍ ମିଜେଙ୍ଗ୍ ଇନା ଇନା ବଲ୍ ହିଜି ମାନ୍‌ଚାପ, ହେଦାଂ ତ ଏପେଙ୍ଗ୍ ପୁନାଦେର୍ ।

୩ ଇନାକିଦେଂକି ଏପେଙ୍ଗ୍ ଇନେସ୍ ପୁଇପୁୟା ଆନାଦେର୍, ଇଦାଂ ଇସ୍‌ବର୍ ଇଚା, ଇନାକିଦେଂକି ଏପେଙ୍ଗ୍ ଇନେସ୍ ଦାରିତାଂ ଦେହା ମାନାଟ୍,

୪ ଜାଣ୍‌କେ ପୁଇପୁୟା ଆରି ହାରି ଦୁକ୍‌କିନାକା ବାବ୍ରେ ଜାର୍ ଜାର୍ କାଜିଂ କଗଲେ ଇଡ଼୍‌ଦେଂ ପୁନାଦେର୍,

୫ ଆରେ, ଇନେସ୍ ଇସ୍‌ବର୍ ବିସ୍ତେ ପୁନ୍‌ଖାତାକାଦେର୍ ଇସ୍‌ବର୍‌ତିଂ ପାତର୍ କିଝି ଜିହୁଦିର୍ ଲାକେ ବାନ୍‌ଧାକାମାୟ୍‌ତ ହାଲ୍‌ଖାଦାଂ,

୬ ଆରେ, ଇନେସ୍ ଇନେର୍ ଇ ବିସ୍ତେ ହାସି ନାସି ଜାର୍ କ୍ରିସ୍ତ ଟ୍ରେନ୍‌ଡିଙ୍ଗ୍ ନିୟା କିଖାତାନ୍‌ତି, ଲାଗିଂ ମାପୁ ଇ ଝିଜୁ ବିସ୍ତେ ଦାଣ୍ଡିହିଦ୍‌ନାକାନ୍, ଇନେସ୍ ଆପେଂ ପୁର୍ବେ ପା ମିଜେଙ୍ଗ୍ ଝେଡ଼୍‌ତି ସାକି ହିଜି ମାଞ୍ଚାପ ।

☆ ୩:୧ ପକ୍ୟାତାକା ୧୭:୧୫. ☆ ୩:୭ ପକ୍ୟାତାକା ୧୮:୫.

୭ ଇନାକିଦେଂକି ଇସ୍‌ବର ମାଙ୍ଗେଙ୍ଗ ବିଚାଡ଼ତ ଜିବୁନ୍ ଜିପକା କିଦେଙ୍ଗ କାଜିଂ କୁକ୍‌ତାଝାଦାଂ ପୁଇପୁୟା ଆନି କାଜିଂ କୁକ୍‌ତାତାନ୍ନା ।

୮ ଲାଗିଂ, ଇନେନ୍ ଇଦାଂ ଇଚ୍ଛାତାନ୍, ହେଝାନ୍ ମାନାୟତିଂ ଇଚ୍ଚତାନ୍, ମତର୍ ଇମ୍‌ଣି ଇସ୍‌ବର ମି ଝାସ୍ତିତ ଜାର୍ ପୁଇପୁୟା ଜିବୁନ୍ ହିଡ଼ତାନ୍ନା, ହେଝାନ୍ ଇଚ୍ଚୁନ୍ ।

୯ କ୍ରିଷ୍ଟ ପାତର୍ ବିସ୍ତେ ମି ଲାଗେ ଲେକିକିନାକା ଲଡ଼ା ଆକାୟ୍, ଇନାକିଦେଂକି ଏପେଙ୍ଗ ଜାଣକେତିଂ ଜିଉନନି କାଜିଂ ଇସ୍‌ବରତି ହୁଦାଂ ନିଜେ ହିକିଡ଼ ଆତାଦେଣ୍ଟା,

୧୦ ଆରେ, ହାଡ଼ପାନେ ଝିଜୁ ମାକିଦନିଆତ ମାନି ଝିଜାର୍ ଟଣ୍ଡେନ୍ କାଜିଂ ଏପେଙ୍ଗ ହେଦାଂ କିନାଦେରା । ଆତିସ୍‌ପା ଏ ଟଣ୍ଡାର୍, ଏପେଙ୍ଗ ଇନେସ୍ ଆରି ଆଦିକ୍ ଲାକେ ହେଦାଂ କିନି କାଜିଂ ଗଝାରି କିନାଦେରା,

୧୧ ଆରେ, ମିଙ୍ଗ୍ ହିଡ଼ତି ମା ବଲ୍‌ଇସାପେ ଏପେଙ୍ଗ ଇନେସ୍ ସୁସ୍ତାରେ ବାହା କିଜି ଜାର୍ ଜାର୍ କାମାୟତ ଲାଗାଆଦେଂ ଆରି ଜାର୍ ଜାର୍ କେଇଦ କାମାୟ୍ କିଦେଙ୍ଗ ମର୍ଜଦା ବିସ୍ତେ ବାବି କିନାଦେରା, ଇଦାଂ କାଜିଂ ଆସେଙ୍ଗ ମିଙ୍ଗେଙ୍ଗ ଗଝାରି କିଦନାପା ।

୧୨ ଇ ବାନି କିନି ହୁକେ ଇନେସ୍ ବାରତି ଲକୁ କାଜିଂ ଏପେଙ୍ଗ ହାଦର୍ ମାନ୍ କିୟାଟ୍, ଆରେ ମିଦାଙ୍ଗ ଇମ୍‌ଣାକା ଅବାବ୍ ଆଉଡ଼ ।

**ମାପୁତି ଝାନାକା**

୧୩ ଏ ଟଣ୍ଡାର୍, ଆରି ତଣ୍ଡେକ୍ ବାସର୍ ହିଲ୍‌ଝି ବିନ୍ ଝିଜାକାର୍ ଲାକେ ଏପେଙ୍ଗ ଇନେସ୍ ଦୁକ୍ ଆମାଟ୍, ଇଦାଂ କାଜିଂ ହାତି ଲଗାତର୍ ବିସ୍ତେ ଏପେଙ୍ଗ ଜେ ପୁନ୍‌ଝାଦାଂ ମାନାଦେର୍, ଇଦାଂ ମା ଇଚା ଆକାୟ୍ ।

୧୪ ଇନାକିଦେଂକି ଜଦି ଆସେଙ୍ଗ ପାତର୍ କିନାସ୍ ଜେ, ଜିସୁ ହାଜି ଆରେ ରଗ ନିଙ୍ଗତାନ୍ନା, ଝାଟିଙ୍ଗ୍ ଇସ୍‌ବର ଜେ ଜିସୁତି କ୍ରିଷ୍ଟ ତାକେ ପାତର୍ କିଜି ମାଟି ମାନାୟ୍ ହାତାକାର୍ ମାନାୟାରିଂ ହେ ଲାକେ ତା ଲାହାଙ୍ଗ୍ ତାନାନ୍, ଇଦାଂ ପା ପାତର୍ କିନି ଲଡ଼ା ।

୧୫ ଲାଗିଂ ଆପେଂ ମାପୁତି କାତା ଇସାପ୍‌ରେ ମିଙ୍ଗ୍ ଇଦାଂ ଇଞ୍ଜନାପା, ଆପେଂ ଏଚେକ୍ ମାନାୟ୍ ମାପୁତି ଝାନି ପାତେକ୍ ଜିଜି ମାନ୍‌ଞ୍ଜି ବାକି ମାନାପ୍, ଆପେଂ ଇନେସ୍‌ପା ହାତାକାର୍ ମାନାୟାତର୍ ନିପ ହାଲୁପ୍ ।

୧୬ ଇନାକିଦେଂକି ମାପୁ ଆପେ ବଲ୍ ହିଜି ମୁଡ଼୍ ଦୁତତିଂ କାଟ୍ ଆରି ଇସ୍‌ବତର୍ ମରି ବାଜା ହୁଦାଂ ସାଗେତାଂ ଜୁଦ୍‌ନାନ୍, ହେବେତାଂ ଇମ୍‌ଣାକାର୍ କ୍ରିଷ୍ଟତାକେ ମାନ୍‌ଞ୍ଜି ହାତାଣ୍ଟା, ହେଝାର୍ ପର୍ଡ଼ମ୍ ନିଙ୍ଗନାର୍;

୧୭ ପାଚେ ଆସେଙ୍ଗ ଏଚେକ୍ ମାନାୟ୍ ଜିଜି ମାନ୍‌ଞ୍ଜି ବାକି ମାନାସ୍, ମାପୁତି ଲାହାଙ୍ଗ୍ ବେଟ୍ ଆଦେଂ କାଜିଂ ଆସେଙ୍ଗ୍ ହେଝାର୍‌ତି ହୁକେ ବାଦାଡ଼ତ ଝାରି ପୁତର୍ ତ ଜୁଦ୍‌ନାସ୍; ଇ ଲାକେ ଆସେଙ୍ଗ୍ ନିତ୍ରେ ମାପୁତି ଲାହାଙ୍ଗ୍ ମାନାସ୍ ।

୧୮ ଲାଗିଂ ଇ ଝିଜାର୍ ବଚନ୍ ହୁଦାଂ ଏପେଙ୍ଗ୍ ହାରି ଦୁକ୍‌ସାରାୟ୍ କିୟାଟ୍ ।



**ମାପୁତି ଆରେ ଝାନି କାଜିଂ ଜାଲ୍‌ଦି ଆଡୁ**

୧ ମତର୍, ଏ ଟଣ୍ଡାର୍, ଆରି ତଣ୍ଡେକ୍ କାଡ଼୍ ଆରି ସମାନ୍ ଝେଡ଼ାଲିଂ ବିସ୍ତେ ଇନାଝାଡ଼ାଲିଂ ଇମ୍‌ଣି ସମୁତ ଗିଟା ଆଦ୍‌ନାଡ଼ ମି ଲାଗାଂ ଲେକିକିନାକା ଲଡ଼ା ଆକାୟ୍,

୨ \*ଇନାକିଦେଂକି ନାଣା ଚର୍ ଝାତି ଲାକେ ମାପୁତି ଦିନ୍ ଜେ ଝାନାଡ଼, ଇଦାଂ ଏପେଙ୍ଗ୍ ହାଟ୍‌କିଜି ପୁନାଦେର୍ ।

୩ ଏଚେକାଡ଼ଦ୍ ଲକୁ ସୁସ୍ତା ଆରି ହାର୍ ଆକାୟ୍ ଇଞ୍ଜି ଇଞ୍ଜି ମାନାର୍, ହେ ଏଚେକାଡ଼ଦ୍ ଏସ୍‌ପିସ୍ତି କୁର୍‌ନିକସ୍ ଲାକେ ହାଚାଟ୍ରେ ହେଝାର୍‌ତି ନାସ୍ ଏକାଝାନାଡ଼, ଆରେ ହେଝାର୍ ଇନେସ୍‌ପା ବାନି ରାକ୍ୟା ପାୟା ଆଦେଂ ଆଡୁର୍ ।

୪ ମତର୍ ଏ ଟଣ୍ଡାର୍, ଆରି ତଣ୍ଡେକ୍ ଏପେଙ୍ଗ୍ ମାଜ୍‌ଗାତ ଆକାୟ୍ ଜେ ହେ ଦିନ୍ ଚର୍ ଲାକେ ପୁନ୍‌ଝିଲାଡ଼େ ମି ଲାଗାଂ ଏକାଝାନାନ୍,

୫ ଇନାକିଦେଂକି ଏପେଙ୍ଗ୍ ଝିଜାଦେର୍ ଅଜଡ଼ ଆରି ଝେଡ଼ାନି ହିମ୍‌ଣାଂ । ଆସେଙ୍ଗ୍ ନାଣା କି ମାଜ୍‌ଗାନି ହିମ୍‌ଣାଂ ଆକାୟ୍;

୬ ଲାଗିଂ ଝାଡୁ, ଆସେଙ୍ଗ୍ ବିନ୍‌ନିକାର୍ ଲାକେ ହୁଞ୍ଜାଦାଙ୍ଗ୍, ମତର୍ ଜାଗ୍ରତ୍ ଆଜି ଚେଡ଼ନା ଆଜି ମାନାସ୍ ।

୭ ଲାଗିଂ ଇମ୍‌ଣାକାର୍ ହୁନ୍‌ଞ୍ଜି ହାନାର୍, ହେଝାର୍ ନାଣା ହୁଞ୍ଜି ହାନାର୍, ଆରେ ଇନେର୍ ମଦୁଆ ଆନାର୍, ହେଝାର୍ ନାଣା ହଚ୍‌ନାର୍ ।

୮ \*ମତର୍ ଝାଡ଼, ଆସେଙ୍ଗ୍ ଝେଡ଼ାନି ହିମ୍‌ଣାଂ ଆତିଲେ ପାତର୍ କିନାକାର୍ ଆରି ଜିଉନନି ଲାକେ ମୁକ୍‌ଡ଼ାନାକା ଚପ୍ରି ଆପର୍ ସ୍ ଆରି ମୁକ୍‌ଡ଼ାତି ବାସର୍ ଲାକେ କାପ୍‌ଡ଼ା ଆତିୟାର୍ କାପ୍‌ଡ଼ାତ ହିଜି ଜାଗ୍ରତ୍ ମାନାସ୍ ।

୯ ଇନାକିଦେଂକି ଇସ୍‌ବର ମାଙ୍ଗେଙ୍ଗ୍ କାକ୍ରିନି ବାହା ଆଦେଂ କାଜିଂ ବାଟି କିଦ୍‌ଝାଦାଂ ମତର୍ ମାଂ ମାପୁ ଜିସୁ କ୍ରିଷ୍ଟି ହୁଦାଂ ମୁକ୍‌ଡ଼ାନାକା ଗାଟାଆଦେଂ କାଜିଂ ବାଟି କିତାନ୍‌ନ୍ନା;

☆ ୫:୭ ମାତିଉ ୨୪:୪୩; ଲୁକ ୧୨:୩୯; ୨ ପିତର୍ ୩:୧୦. ☆ ୫:୮ ଏପିସିୟ ୭:୧୩-୧୭.

୧୦ କ୍ରିଷ୍ଟ ମା କାଜିଂ ହାତାନ୍ ଇନେସ୍ ଆସେଙ୍ଗ୍ ଜାଗ୍ରତ୍ ମାନ୍ଞି କି ହୁଞ୍ଜାଦାଙ୍ଗ୍ ମାନ୍ଞି ତା ଲାହାଙ୍ଗ୍ ଜିରୁନ୍ ମାନ୍ଞାଦାଂ କି ଜିରୁନ୍ ମାନ୍‌ଗାମାପ୍ ।

୧୧ ଲାଗିଂ ଇନେସ୍ କିତାପ୍‌ନା, ହେ ଲାକେ ହାରିତିଂ ଦୁକ୍‌ସାରାୟ୍ କିୟାଟ୍, ଆରେ ହାରି ହାର୍ ଇଟାଟ୍ ।

ହାରିହାରା ହିକ୍ୟା ଆରି ନେକ୍ରିକାବୁର୍

୧୨ ଏ ଟଣ୍ଡାର୍, ଆରି ତଣ୍ଡେକ୍ ଆପେଂ ମିଙ୍ଗେଙ୍ଗ୍ ଗଞ୍ଜାରି କିଦ୍‌ନାପା, ଇମ୍‌ଶାକାର୍ ମି ବିତ୍ରେ କସ୍ କିତାର୍ ଆରି ମାପୁତି ହେବାତ ମି ମୁଡ୍‌ଦାକାନ୍ ଲାକେ ବାଟିକିୟା ଆଜି ମିଙ୍ଗେଙ୍ଗ୍ ଚେଡ୍‌ନା ହିଦ୍‌ନାନ୍, ହେଞ୍ଜାରିଂ ଖାରି କିୟାଟ୍,

୧୩ ଆରେ, ହେଞ୍ଜାର୍ କାମାୟ୍ କାଜିଂ ହେଞ୍ଜାରିଂ ଜିଉନନିତ୍‌ ବେସି ଜିଉ ନଞ୍ଜାଟ୍ । ହାରି ରଚେ ସୁସ୍ତାତ ମାନାଟ୍ ।

୧୪ ଏ ଟଣ୍ଡାର୍, ଆରି ତଣ୍ଡେକ୍ ଆପେଂ ମିଙ୍ଗେଙ୍ଗ୍ ଗଞ୍ଜାରି କିଦ୍‌ନାପା; ଅରାହିଲ୍‌ଞ୍ଜି ଚିନ୍ତା କିନି ମାନାୟ୍‌ତିଂ ଜାଗ୍ରତ୍ କିୟାଟ୍, ସାସ୍ ହିଲ୍‌ଞ୍ଜାକାରିଂ ଦୁକ୍‌ସାରାୟ୍ କିୟାଟ୍, ନାଦାର୍‌ରିଂ ଉପକାର୍ କିୟାଟ୍, ଓଜାର୍ କାଜିଂ ହୁଦାର୍ ଆଡୁ ।

୧୫ ଜାଗ୍ରତ୍, ଇନେର୍ ଇମ୍‌ଶାକାର୍‌ତି କାଜିଂ ଅନ୍‌ୟାୟ୍ ବାଦୁଲ୍ ଅନ୍‌ୟାୟ୍ କିମେନ୍, ଇତିସ୍ ଏପେଙ୍ଗ୍ ନିତ୍ରେ ହାରିତିଂ ଆରି ଓଜାର୍‌ତି ହାର୍ କିଦେଙ୍ଗ୍ ଜାଲ୍‌ଦି ଆଡୁ ।

୧୬ ସବୁଞ୍ଜେଡାଲିଂ ଦୁକ୍‌ସାରାୟ୍ କିନାକା ହାରି କିୟାଟ୍ ।

୧୭ ନିତ୍ରେ ପାର୍ତ୍ତାନା କିୟାଟ୍ ।

୧୮ ସବୁ ଞ୍ଜେଡାଲିଂ ଜୁଞ୍ଜାର୍ ହିୟାଟ୍; ଇନାକିଦେଂକି ମି ବିସ୍ତେ କ୍ରିଷ୍ଟ ଜିସୁ ସୁକ୍‌ତାକେ ଇଦାଂ ଇସ୍‌ତ ଇଟା ।

୧୯ ପୁଇପୁୟା ଜିରୁଡ୍‌ଜି ପାଗି କିମାଟ୍ ।

୨୦ ନିତ୍ରେ ମାପୁ ତାକେ ବେଶବାକ୍‌ଶାୟ୍‌କିନାକା ପଲ୍ୟା ଇନ୍‌ମାଟ୍ ।

୨୧ ମତର୍ ଓଜୁ ବିସ୍ତେ ପରିକ୍ୟା କିଜି ହୁଡାଟ୍; ଇନାକା ନେକ୍ରାକା, ହେଦାଂ ଆସ୍ତି ଇଟାଟ୍;

୨୨ ଓଜୁ ବାନି ବାନ୍ୟାତାଙ୍ଗ୍ ବିନେ ମାନାଟ୍ ।

୨୩ ସୁସ୍ତାହିଦ୍‌ନି ଇସ୍‌ର୍ ତାଞ୍ଜେନ୍ ମାଙ୍ଗେଙ୍ଗ୍ ପୁରାପୁରି ପୁଇପୁୟା କିଦେନ୍, ଆରେ ମା ମାପୁ ଜିସୁ କ୍ରିଷ୍ଟି ଖାନି କାଜିଂ ମି ଖାସ୍ତି, ପାରାଶ, ଗାଗାଡ୍‌ ବାତ୍ ଦସ୍‌ଆଞ୍ଜାଦାଂ ଇଟ୍‌ୟାୟ୍‌ଡେଡ୍ ।

୨୪ ଇନେନ୍ ମିଙ୍ଗେଙ୍ଗ୍ କୁକ୍‌ତାନାନ୍, ହେଞ୍ଜାନ୍ ପାତ୍‌ନିକାନ୍, ହେଞ୍ଜାନ୍ ହେଦାଂ ପା ପୁରାକିଦେଂ ଆଡ୍‌ନାନ୍ ।

୨୫ ଏ ଟଣ୍ଡାର୍, ଆରି ତଣ୍ଡେକ୍ ମା କାଜିଂ ପାର୍ତ୍ତାନା କିୟାଟ୍ ।

୨୬ ଓଜାର୍ ଟଣ୍ଡାରିଂ ପୁଇପୁୟାତ୍ ତନ୍‌ଞ୍ଜି ଜୁଞ୍ଜାର୍ କିୟାଟ୍ ।

୨୭ ଓଜାର୍ ଟଣ୍ଡାର୍ ଆରି ତଣ୍ଡେକ୍ ତାକେ ଇ ଆକି ପାଟ୍ କିୟ୍‌କିନି କାଜିଂ ଆନ୍ ମାପୁତି ଆଦିକାର୍ ମିଙ୍ଗେଙ୍ଗ୍ ହିଦ୍‌ନାଙ୍ଗା ।

୨୮ ମା ମାପୁ ଜିସୁ କ୍ରିଷ୍ଟି ଦୟା ମି ଲାହାଙ୍ଗ୍ ଆଏଡ୍ ।

## ତେସଲନିକିୟ ମଣ୍ଡଳୀ ନିକଟକୁ ପ୍ରେରିତ ପାଉଲଙ୍କ ପତ୍ର ତେସଲନିକି ମଣ୍ଡଳି ଲାଗାଂ ପକ୍ୟାତି ପାଉଲ୍‌ତି ରିଣ୍ଡି ଆକି ପତି ବିସ୍ତେନି ପାଦେକ୍

ତେସଲନିକିୟ ମଣ୍ଡଳି ଲାଗାଂ ରି ଆକି ପକ୍ୟାତି ପାଉଲ୍‌ତି ହୁଦାଂ ଲେକା ଆଜି ମାଚାତ୍ ୧:୧ । ପର୍ତୁମ୍ ତେସଲନିକିୟନି ଅଲପ୍ ସମୁ ପାଚେ ପାଚେ କ୍ରିସ୍ତତି ଜଲମ୍‌ନି ରିକତି ଏଗାର୍ ୫୧ ବାହୁଁ ପାଚେ ଇ ଆକି ଲେକି କିଜି ମାଚାନ୍ । ପାଉଲ୍ ଏଚେକାଡ୍‌ଦ ତେସଲନିକିୟ ମଣ୍ଡଳିତ ଆକି ଲେକି କିତାନ୍, ହେ ପାଦ୍‌ନା ହେଞ୍ଜାନ୍ କରନ୍ତ୍ରିୟ ମଣ୍ଡଳିତ ମାଚାନ୍ । ଇମ୍‌ଣି ମଣ୍ଡଳି ହେଞ୍ଜାନ୍ ରି ମିସ୍‌ନେରି ହାନିହିଂ ରଚ୍‌ତି ମାଚାନ୍ ପକ୍ୟାତାକା ୧୭:୧-୧୦ ।

ପକ୍ୟାତି ପତିତ ଇନ୍‌ୟାନାତ୍ ଜେ, ଏଚେକ୍ ଜିହୁଦି ଆରି ବେସି ଗ୍ରିକ୍ ବେରଣ୍ ଇଞ୍ଜି ମାନି ମାନାୟାର୍ ହୁକେ ଇ ତେସଲନିକିୟ ମଣ୍ଡଳି ରଚ୍‌ତି ମାଚାର୍ । ତେସଲନିକିୟ ମଣ୍ଡଳି ଲାଗାୟ ଲେକା ଆଜି ମାଚି ଆକିତ କ୍ରିସ୍ତତି ଖାନାକା ଆରି ହାରିହାରା ସମୁ ବିସ୍ତେ ଲେକା ଆତାଡ୍‌ନ୍ନା । ଇନାକିଦେଂକି ପାଉଲ୍ ହାରି ଆକିତ ତେସଲନିକିୟ ମଣ୍ଡଳି ଲାଗାୟ ଇଦାଂ ରିହା ଖାନାକା ବିସ୍ତେ ବେସି ବିସ୍ତେ ଲେକି କିତାନ୍‌ନ୍ନା । ରି ତେସଲନିକିୟତ ଲେକାତି ବିସ୍ତେ ଆଦିକ୍ ଆତିସ୍ ହାରିହାରା ସମୁ ବିସ୍ତେ ଆନାତ୍ । ପାଉଲ୍ ପା ଆଡ୍‌ସାୟ ବିସ୍ତେ ଜାଲ୍‌ଦି କିୟକିତାନ୍ । ଜାଣ୍‌କେ ମାନାୟ ହେଞ୍ଜାଚ୍‌ତି କାଦି କାଜିଂ କାମାୟ କିନି ଲଡ଼ା ୩:୬-୧୦

### ୨ ତେସଲନିକିୟ ପତି ବିସ୍ତେନି ରାହାଣ୍

- ୧. ପାଉଲ୍ ତା ଆକିତ ଜାର୍ ଆରି ହାଙ୍ଗ୍‌ଦାକାର୍ ଜାଣାତିନା ହିଜି ହାଂନାନ୍ ୧:୧-୨
- ୨. ଆରି ତେସଲନିକିୟ ମଣ୍ଡଳି କାଜିଂ ଇସ୍‌ଚ୍‌ଚିଂ ଜଞ୍ଜାର୍ ହିନାନ୍ ଆରି ପାର୍ତ୍ତାନା କିନାନ୍ ୧:୩-୧୨
- ୩. ରି ପାର୍ତ୍ତୁତ ଜଗଡ୍‌ନି ହାରିହାରା ସମୁ ବିସ୍ତେ ଇନାନ୍ ।
- ୪. ଆରି ହେଞ୍ଜାନ୍ ଆଡ୍‌ସାୟ ବିଚୁଡ୍‌ତ ଆରି କସ୍ତ୍ କିନି ବିସ୍ତେ ଇନାନ୍ ୩:୧-୧୫
- ୫. ପାଉଲ୍ ଆରେ ରଗ ମଣ୍ଡଳିନି ମାନାୟାରିଂ ବାନ୍ଦାୟ କିଜି ଝିହ୍‌ନାନ୍ ୩:୧୬-୧୮

୧ ପାଉଲ୍, ସିଲ୍‌କାନ୍ ଆରି ତିମତି ଆବା ଇସ୍‌ଚ୍‌ଚ୍ ଆରି ମାପୁ ଜିସୁ କ୍ରିସ୍ତତାକେ ମାନି ତେସଲନିକିୟ ମାନାୟାର୍ ମଣ୍ଡଳି ଲାଗାଂ ଆକି ଲେକିକିତାନ୍‌ନା । ଦୟା ଆରି ସୁସ୍ତା ମି କାଜିଂ ଆଏଡ୍ ।

୨ ଆବା ଇସ୍‌ଚ୍‌ଚ୍ ଆରି ମାପୁ ଜିସୁ କ୍ରିସ୍ତ ତାଙ୍ ଦୟା ଆରି ସୁସ୍ତା ମି କାଜିଂ ଆଏଡ୍ ।

#### କ୍ରିସ୍ତତି ଆରେ ଖାନାକା ବିଚାର୍

୩ ଏ ଟଣ୍ଡାର୍, ଆରି ତଣ୍‌ଦେକ୍ ମି କାଜିଂ ଇସ୍‌ଚ୍‌ଚିଂ ସଚୁଞ୍ଜେଡ଼ାଙ୍ଗ୍ ଜୁଞ୍ଜାର୍ ହିନାକା ମା ଲଡ଼ା, ଆରେ ହେଦାଂ କିନାକା, ଆରେ ହେଦାଂ ହାଦ୍‌କା, ଇନାକିଦେଂକି ମି ପାତ୍ କିନାକା ଆଦିକ୍ ବାତା ଆନାତା, ଆରେ ହାରି କାଜିଂ ମି ଝିଜାର୍ ଜାଣ୍‌କେତି ଜିଉନନାକା ବାତାନାତା,

୪ ଏଲେଙ୍ଗ୍‌କି ଏପେଙ୍ଗ୍ ଇମ୍‌ଣି ଝିଜୁ ଇଣ୍ ଆରି ଦୁକ୍‌ବଗ୍ କିନାଦେରା, ହେବେ ପା ମିଂ ହୁଦାର୍ ଆରି ପାତ୍ କାଜିଂ ଆସେଙ୍ଗ୍ ନିଜେ ଇସ୍‌ଚ୍‌ଚିଂ ମଣ୍ଡଳି ତାକେ ମି ବିସ୍ତେ ଗରବ୍ କିଜି ମାନାପ୍ ।

୫ ଇସ୍‌ଚ୍ ଇମ୍‌ଣି ରାଜି କାଜିଂ ଏପେଙ୍ଗ୍ ଦୁକ୍‌ବଗ୍ କିନାଦେରା, ହେବେନି ଜଗ୍ ଇଞ୍ଜି ଗାଣାକିୟା ଆଦେଂ କାଜିଂ ଇଦାଂ ତ ଇସ୍‌ଚ୍ ସମାନ୍ ବିଚାର୍ ଝିଜୁ ପାର୍ମାଣ୍ ।

୬ ଇନାକାକି ନ୍ୟାୟନିକା, ଇନେକିଦେଂକି ମାପୁ ଜିସୁ ଏଚେକାଡ୍‌ଦ ଜାର୍ ସାକ୍ତିକାଟି ଦୁତର୍ ଲାହାଂ ଆସ୍ତି ମାନି ନାଣି ଲାହାଂ ସାଗେଟାଂ ହଡ୍‌ନାତ୍,

୭ ଇସ୍‌ଚ୍ ମିଙ୍ଗ୍ ଦୁକ୍ ଗିଟାଈ କିଜି ମାଙ୍ଗ୍ ପା ସାସ୍ତି କିଦ୍‌ନାନ୍ । ଇସ୍‌ଚ୍ ଇ କାମାୟ କିନାନ୍, ଏଚେକାଡ୍‌ଦ ମାପୁ ଜିସୁ ହେଞ୍ଜାନ୍ତି ଗାଜା ସାକ୍ତି ଦୁତର୍‌ତି ଲାହାଙ୍ଗ୍ ସାଗେଟାଂ ଜୁଦ୍‌ନାନ୍ ।

୮ ଇମ୍‌ଣାକାର୍ ଇସ୍‌ଚ୍‌ଚିଂ ପୁନୁର୍ ଆରି ମା ମାପୁ ଜିସୁତି ନେକ୍ରିକାରୁର୍ ମାନିକିଉର୍, ହେଞ୍ଜାରିଂ ହେଞ୍ଜାନ୍ ମାପୁ ଜିସୁ ଜାର୍ ସାକ୍ତିକାଟାକାନ୍ ଦୁତର୍ ହୁଦାଂ ନାଣି ଲାହାଂ ସାଗେଟାଂ ଚଞ୍ଜ୍ୟା ଆଦ୍‌ନାନ୍; ହେ ଏଚେକାଡ୍‌ଦ ତାଣ୍ ହିନାନ୍,

୯ ହେ ନାଞ୍ଜିଙ୍ଗ୍ ହେଞ୍ଜାର୍ ତାଣ୍ ପାୟାନାର୍, ଇତିସ୍ ମାପୁତି ଲାଗେ ତାଙ୍ ଆରି ସାକ୍ତିତ ଜାଜ୍‌ମାଲ୍‌ତାଂ ଦେହା ଆଜି ଝିଜ୍‌ଝି ନାସ୍ ବଗ୍ କିତାର୍ ।

୧୦ ମତର୍ ହେ ନାଞ୍ଜିଙ୍ଗ୍ ତା ମାନାୟାର୍‌ତାଂ ସମାନ୍ ଜାଜ୍‌ମାଲ୍ ପାୟାନାନ୍ ଇତିସ୍ ଇମ୍‌ଣି ନାଞ୍ଜିଙ୍ଗ୍ ହେଞ୍ଜାନ୍ ଜାର୍ ହୁଦାର୍ ହୁଦାଂ ଜାଜ୍‌ମାଲ୍ ଆଦେଂ ଆରି ପାତ୍ କିଜି ମାନି ପୁଈପୁୟା ମାନାୟାର୍ ଝିଜାର୍ କାଜିଂ କାବାତାଂ ଚଞ୍ଜିନି ଲାକେ ଆଦେଂ ଖାନାନ୍ ଇନାକିଦେଂକି ମି ଲାଗାୟ ମା ସାକି ଏପେଙ୍ଗ୍ ପାତ୍ କିତାଦେଣ୍ଟା ।

୧୧ ଲାଗିଂ ମା ଇସ୍ବର ଇନେସ୍ ମିଦି ଜାର୍ କୁକ୍ୟାତିତ ସତ୍ବଗୁଣ ଇଞ୍ଜି ଗାଣା କିନାନ୍, ଆରେ ସବୁ ସତ୍ ଇଚା ଆରି ପାତର୍ନି କାମାୟ ସାକ୍ତିତ ବାତର୍ନି କିନାନ୍, ହେଦାଂ କାଜିଂ ପା ଆପେଂ ନିତ୍ରେ ମି କାଜିଂ ପାର୍ତାନା କିନାପା;

୧୨ ତା ଆତିସ୍ ମା ଇସ୍ବର ଆରି ମାପୁ ଜିସୁ କ୍ରିସ୍ତୁତି ଦୟା ଲାକେ ମା ମାପୁ ଜିସୁତି ତର୍ ମିତାକେ ଜାଜ୍ମାଲତ ଆନାତ୍ ଆରେ ଏପେଙ୍ଗ୍ ତା ତାକେ ଜାଜ୍ମାଲ୍ ଆନାଦେର୍ ।

### ୨

#### ବାନ୍ୟା କାମାୟ କିନାକାନ୍

୧\* ଏ ଟଣ୍ଡାର୍, ଆରି ତଣ୍ଡେକ୍ ମା ମାପୁ ଜିସୁ କ୍ରିସ୍ତୁତି ଖାନିଦିନ୍ ଆରି ହେଖାନ୍ତି ଲାଗାଂ ତା ତାକେ ମା ରୁଣ୍ଡାନି ବିସ୍ତେ ମିଙ୍ଗେଙ୍ଗ୍ ଗଞ୍ଜାରି କିଦନାପା,

୨ ମାପୁତି ଦିନ୍ ଏକା ଖାତାତେ ଇଞ୍ଜି ଏପେଙ୍ଗ୍ ଇମ୍ଣି ଖାନ୍ସିନି କାତା କି ମାହୁଦାଂ ଲେକାତାତ୍ମା ଇଞ୍ଜି ବାବି କିଜି ଇମ୍ଣି ଚିଟି ହୁଦାଂ ବେଗି ଏନେତେନେ କି ଗାବ୍ରା ଆମାଟ୍ ।

୩ ଇନେର୍ ଇମ୍ଣି ବାନି ମିଦାଂ ବାମ୍ବୁନାକା ଜଲମ୍ବିକିଦ୍ଵାଦାଂ, ଇନାକିଦେଂକି ପର୍ତୁମ୍ ହାରିହାରା ଦରମ୍ ପିହ୍ନାକା ଗିଟାନାତ୍, ଆରେ ନାସ୍ନି ହିମ୍ଣା ହେ “ବାନ୍ୟା ମାନାୟ” ଚଞ୍ଜାନାକା ଲଡା; ଆଞ୍ଜିତିସ୍ ମାପୁ ଦିନ୍ ଏକାଖାଉତ୍ ।

୪ ହେଖାନ୍ ହେ ଦାରୁମ୍ ହିଲ୍ଡି ମାନାୟ ଜେ ଦୁକ୍ନିକାନ୍ ଇସ୍ବରତି ବେରୁ କିନାନ୍, ଖିଜାର୍ତାଂ ଜାର୍ତିଂ ଆଦିକ୍ ଖାରି କିନାନ୍ ଇନେସ୍କି ଇସ୍ବରତି ମନ୍ଦିରତ କୁଚ୍ଚି ହେଖାନ୍ ଜାର୍ତିଂ ଇସ୍ବର ଇଞ୍ଜି ଚଞ୍ଜୟା ଆନାନ୍ ।

୫ ଆନ୍ ମି ଲାହାଂ ମାନିଖେଡାଲିଂ ଇ ସବୁ ବିସ୍ତେ ଜେ ମିଙ୍ଗେଙ୍ଗ୍ ରଗତିଂ ରଗ ଖେଚ୍ଚି ମାନିଆଙ୍ଗ୍, ହେଦାଂ ଇନାକା ମି ଏତ୍ ହିଲୁତ୍ ?

୬ ଆରେ ହେଖାନ୍ ଦାରୁମ୍ ହିଲ୍ଡି ମାନାୟ ସମାନ୍ ସମୁତ ଚଞ୍ଜୟା ଆଦେଂ କାଜିଂ ଇନାକା ବାଦା ହିଦନାତା, ହେଦାଂ ଏପେଙ୍ଗ୍ ପୁନାଦେର୍ ।

୭ ଇନାକିଦେଂକି ବାନ୍ୟା ଡକ୍ତୁତି କାତା ନଙ୍ଗୟ ପା କାମାୟ କିନାତା, ବାଦା ହିନି ମାନାୟ ହାଲ୍ଡି ପାତେକ୍ ହେଦାଂ କାମାୟ କିଜି ମାନାତ୍ ।

୮ ହେ ଏଚେକାତ୍ତ୍ ଦ ହେ ଅଦାମର୍ ମାନାୟ ଚଞ୍ଜୟାନାନ୍, ତାଙ୍ଗେଙ୍ଗ୍ ମାପୁ ଜିସୁ ଜାର୍ ଖେଇନି ପୁଣ୍ଡା ହୁଦାଂ ଅହ୍ନାନ୍ ଆରି ଜାର୍ ଖାନାକା ହପ୍ନି ହୁଦାଂ ନାସ୍ କିନାନ୍ ।

୯ ସୟତାନ୍ ସାକ୍ତି ଲାକେ ଖିଜୁ ବାନି ମିଚ୍ ସାକ୍ତି, ଚିନ୍, ଆରି କାବାନି କାମାୟ, ଆରେ ନାସ୍ ବାହାନ୍ ଲାଗେ ଖିଜୁ ବାନିନି ଅଦାମର୍ ଚକାୟକିନି ହୁଦାଂ ହେ ଅଦାମର୍ ମାନାୟତି ଖାନାକା ଆନାତ୍,

୧୦ ଇନେକିଦେଂ ଅଦାମର୍ ମୁକ୍ତି ପାୟାଦେଂ ହେଖାର୍ ହାତ୍ପା କାଜିଂ ଜିଉନନାକା ପାୟା ଆଖାତାଣ୍ଡା ।

୧୧ ଆରେ, ଇଦାଂ କାଜିଂ ହେଖାର୍ ଇନେସ୍ ମିଚ୍ ପାତର୍ନି କିନାର୍, ହେଦାଂ କାଜିଂ ଇସ୍ବର ହେଖାର୍ତି ଲାଗାଂ ବାମ୍ବୁନାକା ସାକ୍ତି ପକ୍ତାତାନ୍ନା,

୧୨ ଇନେସ୍କି ଇମ୍ଣାକାର୍ ହାତ୍ପାତିଙ୍ଗ୍ ପାତର୍ନି କିଖାଦାଂ ଅଦାମର୍ ତ କାମାୟତ ସାରି ଆତାଣ୍ଡା, ହେଖାର୍ ଖିଜାର୍ ତାଣ୍ଡି ଲକ୍ଷୁ ଆନାର୍ ।

#### ଏପେଙ୍ଗ୍ ମୁକ୍ତାନାକା କାଜିଂ ବାଟିକିୟାତାଦେଣ୍ଡା

୧୩ ମତର୍, ଏ ମାପୁତି ଜିଉନନି ଟଣ୍ଡାର୍, ଆରି ତଣ୍ଡେକ୍ ମି କାଜିଂ ସବୁଖେଡାଙ୍ଗ୍ ଇସ୍ବରତିଂ ଜୁଖାର୍ ହିନାକା ମା ଲଡା, ଇନାକିଦେଂକି ଇସ୍ବର ଜିବୁନ୍ତିଂ ପୁଇପୁୟା ଆରି ହାତ୍ପାତ ପାତର୍ନି କିନାକା କାଜିଂ ମୁକ୍ତା ଆଦେଂ କାଜିଂ ମିଙ୍ଗେଙ୍ଗ୍ ପର୍ତୁମ୍ ବାଟି କିଡ୍ତାନନା;

୧୪ ହେଦାଂ କାଜିଂ ପା ହେଖାନ୍ ମା ନେକ୍ରିକାବୁର୍ ହୁକେ ମା ମାପୁ ଜିସୁ କ୍ରିସ୍ତୁତି ଜାଜ୍ମାଲ୍ ପାୟାନି କାଜିଂ ମିଙ୍ଗେଙ୍ଗ୍ କୁକ୍ତାତାଂନା ।

୧୫ ଲାଗିଂ, ଏ ଟଣ୍ଡାର୍, ଆରି ତଣ୍ଡେକ୍ ତିର୍ ମାନାଟ୍, ଆରେ ମା କାତା କି ଚିଟି ହୁଦାଂ ଏପେଙ୍ଗ୍ ଇମ୍ଣି ହିକ୍ୟା ପାୟାତାଦେଣ୍ଡା, ହେ ସବୁ ଆସ୍ତି ମାନାଟ୍ ।

୧୬ ଆପ୍ ନିଜେ, ମାପୁ ଜିସୁ କ୍ରିସ୍ତୁ ଆରେ ମା ଇମ୍ଣି ଆବା ଇସ୍ବର ମାଙ୍ଗେଙ୍ଗ୍ ଜିଉନଜି ଦୟାତ ମାଙ୍ଗେଙ୍ଗ୍ ଖିଜ୍ଡି ଦୁକ୍ସାରାୟ କିଜି ଆରି ହାର୍ଦି ଆହା ହିଡ୍ମା,

୧୭ ହେଖାନ୍ ନିଜେ ମିଙ୍ଗେଙ୍ଗ୍ ମାନ୍ତିଂ ଦୁକ୍ସାରାୟ କିଜି ଖିଜୁ ହାର୍ଦି କାମାୟ ଆରି କାତାତ ଆଟ୍ଠା କିଦେନ୍ ।

### ୩

#### ମା କାଜିଂ ପାର୍ତାନା କିୟାଟ୍

☆ ୨:୧୧ ଡେସଲନିକି ୪:୧୫-୧୭.



<sup>୧୯</sup>ଏ ଟଣ୍ଡାର, ଆରି ତଣ୍ଡେକ୍ ମା କାଜିଂ ପାର୍ତ୍ତାନା କିୟାଟ୍, ଇନେସ୍ ମାପୁତି କାତା ମି ବିତ୍ତେ ଇନେସ୍ ଲାକେ, ହେ ଲାକେ ନିତ୍ତେ ବେଗି ମେଙ୍ଗି ଜାଜ୍ମାଲ୍ ପାୟାନାଦେର୍,

<sup>୨୦</sup>ଆରେ, ଇନେସ୍ ଆସେଙ୍ଗ୍ ବାବି କିଝି ଲକୁ ଆରି ଚାପ୍ପାରତାଂ ରାକ୍ୟା ପାୟାନାସ୍, ଇନାକିଦେଂକି ଝିଜାକାତ୍ ପାତ୍ ହିଲୁଡ୍ ।

<sup>୨୧</sup>ମତର୍ ମାପୁ ପାତ୍ କିନାନ୍, ହେଝାନ୍ ମିଙ୍ଗେଙ୍ଗ୍ ତିର୍ କିଜି ସୟତାନ୍ତାଂ ରାକ୍ୟା କିଦ୍ନାନ୍ ।

<sup>୨୨</sup>ଆସେଙ୍ଗ୍ ଇମ୍ଣି ସବୁ ବଲ୍ ହିଡ୍ତାନ୍, ହେ ଝିଲୁ ଜେ ଏପେଙ୍ଗ୍ କିନାଦେରା ଆରି କିନାଦେର୍, ଇଦାଂ ମି ବିତ୍ତେ ମାପୁତାକେ ମା ବାସ୍ ।

<sup>୨୩</sup>ଆରେ ମାପୁ ମି ମାନ୍ତିଂ ଇସ୍ପୁରି ଜିଉନନାକା ଆରି କ୍ରିସ୍ତୁତି ସାସ୍ଲାକେ ହାଜିଡ୍ ହାଞ୍ଜେଙ୍ଗ୍ କିୟକିଏନ୍ ।

**ଝିଜାର୍ କାମାୟ୍ କିନି ଲଡ଼ା**

<sup>୨୪</sup>ଏ ଟଣ୍ଡାର, ଆରି ତଣ୍ଡେକ୍ ମା ମାପୁ ଜିସୁ କ୍ରିସ୍ତୁତି ତର୍ଦ୍ଦ ଆପେଂ ମିଙ୍ଗେଙ୍ଗ୍ ଇ ବଲ୍ ହିଦ୍ନାପା, ଇମ୍ଣାକାର୍ପା ଟଣ୍ଡେନ୍ ମା ତାଙ୍ଗ୍ ପାୟାତି ହିକ୍ୟା ଇସାପ୍ରେ ଚିନ୍ତା କିଝାଦାଙ୍ଗ୍ ଆଡ୍ସିୟା ଚିନ୍ତା କିନାନ୍, ତା ତାକେଣ୍ଡାଂ ଜାର୍ ଜାର୍ତିଂ ବିନେ କିୟାଟ୍ ।

<sup>୨୫</sup>ଇନାକିଦେଂକି ଇନେସ୍ ମାଙ୍ଗ୍ ପାରେହାଲ୍ଜି ମିଦାଂ ଆନାଡ୍, ହେଦାଂ ଏପେଙ୍ଗ୍ ନିଜେ ପୁନାଦେରା; ଲାଗିଂ ଆସେଙ୍ଗ୍ ମି ବିତ୍ତେ ଆଡ୍ସିୟା ଚିନ୍ତା କିଝାଦାଂ ମାତାପ୍,

<sup>୨୬</sup>କି ମଲ୍ଲିଲ୍ଝାଦାଂ ଇନେରୁତି ଆରାଣ୍ଡ୍ ତିନ୍ଝାଦାଂ ମାତାପ୍ ଲାଗିଂ ମି ବିତ୍ତେ ଇନେରୁତି ବଲ୍ଲାକେ ଆଝିକାଜିଂ ବେସିକସ୍ ଆରି ଦୁକ୍ ହୁଦାଂ ଝେଡାନାଣା କାମାୟ୍ କିଜି ମାତାପ୍;

<sup>୨୭</sup>ମି ତାଙ୍ଗ୍ ଅଲ୍ପ ଅନାକା ଜେ ମା ଆଦିକାର୍ ହିଲୁଡ୍, ହେଦାଂ ଆକାୟ୍, ମତର୍ ଇନେସ୍ ଏପେଙ୍ଗ୍ ମା ପାଚେ ଝାଡ୍; ଇଦାଂ କାଜିଂ ଆପେଂ ମି ଲାଗେ ଜାର୍ ଜାର୍ତିଂ ହାର୍ କିଜି ଚର୍ଚ୍ଚେଦେଂ କାଜିଂ ହେ ଲାକେ କିତାପ୍ ।

<sup>୨୮</sup>ଇନାକିଦେଂକି ମି ଲାହାଂ ମାନିହିଂ ନେ ଆପେଂ ମିଙ୍ଗେଙ୍ଗ୍ ଇ ବଲ୍ ହିଡ୍ତାପ୍, “ଇମ୍ଣାକାନ୍ କାମାୟ୍ କିଦେଙ୍ଗ୍ ମାନ୍ କିଉନ୍, ହେଝାନ୍ ତିଞ୍ଜେଙ୍ଗ୍ ପା କାମେନ୍ ।

<sup>୨୯</sup>ଲାଗିଂ ମି ବିତ୍ତେ ଇନେର୍ ଇନେର୍ ଆଡ୍ସାୟ୍ ଚିନ୍ତା କିନାରା ଆରି ଇମ୍ଣାକା କାମାୟ୍ ଦୁକ୍ହିନାକା ବିପ୍ରି ଆନାରା ଇଞ୍ଜି ଆପେଂ ଝେନାପା ।

<sup>୩୦</sup>ଇ ବାନି ମାନାୟାରିଂ ସୁସ୍ତା ବାବ୍ରେ କାମାୟ୍ କିଜି ଜାର୍ ଜାର୍ତିଂ ଆରାଣ୍ଡ୍ ତିଞ୍ଜେଙ୍ଗ୍ ଆପେଂ ମାପୁ ଜିସୁ କ୍ରିସ୍ତୁତି ତର୍ଦ୍ଦ ବଲ୍ ଆରି ଗଝାରି ଚେଡନା ହିଦ୍ନାପା ।

<sup>୩୧</sup>ଏ ଟଣ୍ଡାର, ଆରି ତଣ୍ଡେକ୍ ହାଡ୍ପା କାମାୟ୍ କିନିତାକେ ଏପେଙ୍ଗ୍ ଝାହ୍ମାଟ୍ ।

<sup>୩୨</sup>ଆରେ ଏଚେକାଡ୍ଡ ଇନେର୍ ଇ ଚିଚିତ ଲେକିକିତି ମା କାରୁର୍ ମାନିକିଉନ୍, ଝାଟିଙ୍ଗ୍ ହେ ଲଗାଂ ଚିନି କିଜି ଇଟାଟ୍, ଆରେ ହେଝାନ୍ ଇନେସ୍ ଲାଜ୍ କୁଗାନାନ୍, ଇଦାଂ କାଜିଂ ତା ଲାହାଙ୍ଗ୍ ମେହାମାଟ୍;

<sup>୩୩</sup>ଆତିସ୍ପା ତାଙ୍ଗେଙ୍ଗ୍ ସାଡୁ ଇଞ୍ଜି ବାବି କିମାଟ୍, ମତର୍ ତାଙ୍ଗ୍ ଟଣ୍ଡେନ୍ ଇଞ୍ଜି ବାବି କିଜି ଚେଡନା ହିୟାଟ୍ ।”

**ହାରିହାରା କାତା**

<sup>୩୪</sup>ସୁସ୍ତାହିଦ୍ନି ମାପୁ ନିଜେ ମିଙ୍ଗେଙ୍ଗ୍ ନିତ୍ତେ ଆରି ସବୁ ବାନି ସୁସ୍ତା ହିଦେନ୍ । ମାପୁ ମି ଝିଜାଦେରିଂ ଆୟେଡ୍ ।

<sup>୩୫</sup>ଆନ୍ “ପାଉଲ୍ ନା ନିଜେ କେଇଦ ଲେକିକିଜି ଜୁଝାର୍ ଜାଣାୟ୍ କିଦ୍ନାଙ୍ଗା; ଝିଲୁ ଚିଚିତ ଇଦାଂ ଚିନ୍ ଲାକେ, ଆନ୍ ଇଦାଂ ଲେକିକିତାଂନା ।

<sup>୩୬</sup>ମା ମାପୁ ଜିସୁ କ୍ରିସ୍ତୁତି ଦୟା ମି ଝିଜାଦେର୍ ଲାହାଂ ଆଏଡ୍ ।”

## ତିମତି ନିକଟକୁ ପ୍ରେରିତ ପାଉଲଙ୍କ ପର୍ଯ୍ୟନ୍ତ ପତ୍ର ତିମତି ଲାଗାଂ ପକ୍ୟାତି ପାଉଲ୍‌ତି ପର୍ତ୍ତୁମ୍ ଆକି ପର୍ତ୍ତୁମ୍ ତିମତି ପତି ବିସ୍ତେ ପାଦେକ୍

ପର୍ତ୍ତୁମ୍ ତିମତି ପତି ର ଆକି, ପକ୍ୟାତି ପାଉଲ୍‌ତାଂ ତା ଚେଲା ତିମତିଂ ଲେକା ଆତାଡ଼ନ୍ନା । ପର୍ତ୍ତୁମ୍ ତିମତି ଆଜି ମାନଗାନାତ୍ ୨୨-୨୪ କ୍ରିଷ୍ଟି ଜଲମ୍ ପାଚେ ଲେକା ଆତାଡ଼ନ୍ନା । ଆଜି ମାନଗାନାତ୍ ଇଦାଂ ଆଜି ମାନଗାନାତ୍ ପାଉଲ୍‌ତି ଜିବୁନ୍‌ନି ହାରିହାରା ସମୁ ଆନାତ୍ । ପାଉଲ୍‌ତି ହାଙ୍ଗଦାକାନ୍ ତିମତି ବେସି ମେହାଣ୍ ମାଚାତ୍, ହେଝାନ୍ ବେସି ଝେଡାଲିଂ ତିମତିଂ ମାଜି ଇଞ୍ଜି ଇଞ୍ଜି ମାଚାନ୍ ପିଲିପିୟ ୨:୨୨ ୧ ତିମତି ୧:୨୧:୧୮ । ଇଦାଂ ପାଉଲ୍‌ତି ହୁଦାଂ ଲେକାତି ଚାରି ଗଟା ନିଜାର ଅଲ୍‌ଗା ପତିଂ ବିତ୍ତେ ଇଦାଂ ରଞ୍ଜାଙ୍ଗ ଇମେତାକେ କି ମଣ୍ଡଲି ପିସ୍ତୁ ରଝାନ୍ ମୁଣିକାତି ଜାଣା କିନାନ୍ । ବିନ୍ ତିମ୍‌ଗଟା ପତିଂ ଜେତି ତିମତି, ତିତସ୍, ଆରି ପିଲିମନ୍ ଆନାତ୍ । ପର୍ତ୍ତୁମ୍ ତିମତି ମଣ୍ଡଲିନି ଆଦେକ୍ ହେବା କିନି ଦାରା ବିସ୍ତେ ମାନାତ୍ ୨:୧-୫ । ଇବେ ମଣ୍ଡଲିନି ନେତାରତି ସାକ୍ତି ବିସ୍ତେ ହୁଡ଼ନାସ୍ ୩:୧-୧୩ ଆରି ମିର୍ ଗୁରୁତ୍ ବିରୁଦ୍‌ତ ଜାଗ୍ରତ୍ ଇନାକା ମନାତ୍ ୧:୩-୧୧୪:୧-୫୭:୨-୫ ମଣ୍ଡଲି ବିତ୍ତେ ତିମତି ଇନେସ୍ ବାନି ରଝାନ୍ ନେତା ଆନି ଲଡା ହେଦାଂ ପାଉଲ୍ ହିକ୍ୟା ହିନି ବିସ୍ତେ ଚର୍‌ନାନ୍ । ପର୍ତ୍ତୁମ୍ ତିମତିତ ନଂନି ନାଟିନି ମଣ୍ଡଲିନି କାମାୟ ଚାଲାୟକିନି କାଜିଂ ମା ଜୁଗ୍‌ନି ମଣ୍ଡଲିନି ନେତାରିଂ ଆଦିକ୍ ବେସି ମୁଡ୍ ହପ୍‌ନାକା ଆହ୍‌ନାତ୍ ।

### ୧ ତିମତି ପତି ବିସ୍ତେନି ରାହାଣ୍

- ୧ ପାଉଲ୍ ତିମତିଂ ବାନ୍ଦାୟ କିଜି ଲେକା ହାଙ୍ଗଦାନ୍ନା । ୧:୧-୨
- ୨ ପାଉଲ୍ ତିମତିଂ ମିର୍ ଗୁରୁତ୍ ବିରୁଦ୍‌ତ ଜାଗ୍ରତ୍ କିନାନ୍ । ୧:୩-୧୧
- ୩ କ୍ରିଷ୍ଟ ତାକେ ପାଉଲ୍‌ତି ଝାରିକିଜି ଆକି ଲେକି କିତାନ୍ । ୧:୧୨-୧୯
- ୪ ପାଉଲ୍ ମଣ୍ଡଲିନି ହେବାକାମାୟ ଆରି ନେତାରତି ବିସ୍ତେ ତିମତିଂ ଟାଣ୍‌ନାନ୍ । ୨:୩
- ୫ ପାଉଲ୍ ତିମତିଂ ଏଚେଗଟା ହାରିହାରା ଟାଣ୍‌ଞ୍ଜି ଲେକା ଝିସ୍ତାନ୍ । ୪:୨

୧ ଆନ୍ ପାଉଲ୍, ମାଙ୍ଗ୍ ମୁକ୍ତିକିଦ୍‌ନି ଇସ୍‌ବ୍ ଆରି ବାସ୍‌ନି ଆହା କ୍ରିଷ୍ଟ ଜିସୁଙ୍ଗ୍ ବଲ୍ ଇସାପ୍‌ରେ କ୍ରିଷ୍ଟ ଜିସୁତି ରଝାନ୍ ପକ୍ୟାତାକାନ୍,

୨\*ପାତ୍ ଡ ଜାର୍ ଦରମ୍ ମାଜି ତିମତି ଲାଗାଂ ଆକି ଲେକିକିନାଙ୍ଗା, ଆବା ଇସ୍‌ବ୍ ଆରି ମା ମାପୁ କ୍ରିଷ୍ଟ ଜିସୁତାଂ ଉପ୍‌କାର୍, ଦୟା, ଆରି ସୁସ୍ତା ମି କାଜିଂ ଆଏତ୍ ।

### ବୁଲ୍‌କାୟକିନି ହିକ୍ୟା କାଜିଂ ଜାଗ୍ରତ୍

୩ ଆନ୍ ମାକିଦନିଆତ୍ ହାନିହିଙ୍ଗ୍ ନିଙ୍ଗେଙ୍ଗ୍ ଇନେସକି ଟାଝାରି କିଜି ମାନଚାଙ୍ଗ୍, ହେ ଲାକେ ଏପେଙ୍ଗ୍ ଏପିସିତ ମାନାତ୍ । ହେବେ କେତେଜାଣ୍ ବୁଲ୍ ହିକ୍ୟା ହିନାରା । ହେଝାରିଂ ବନ୍ କିୟାଟ୍ ଇନାଟ୍ ।

୪ କି ହାନ୍ଦାୟ କାତା ଆରି ଝିଜ୍‌ଝି ଲାତ୍ରାତ୍ ମାନଦ୍ୟାନ୍ କିଉର୍, ଇଦାଂ କାଜିଂ ହେଝାରିଂ ବଲ୍ ହିୟାଟ୍; ହେ ଝିଜୁ ପାତ୍ ବିସ୍ତେ ଇସ୍‌ବ୍‌ତି କାମାୟନି ଉପ୍‌କାର୍ ଆଝାଦାଙ୍ଗ୍ ନଲେ ଜିକାଟାଣା ଉବ୍‌ଜାୟ କିନାତ୍ ।

୫ ମାତର୍ ହାର୍‌ଦି ମାନ୍, ସକଟ୍ ବାବ୍‌ନା ଆରି କାପ୍‌ଟିୟା ପାତ୍ ଡାଂ ହଡ୍‌ତି ଇମ୍‌ଣି ଜିଉନନାକା, ଜାଗ୍ରତ୍ କିଦେଂ ଆନ୍ ଇ ହିକ୍ୟା ହିନାଙ୍ଗା ।

୬ ହେଦାଂ ମସାତି ବିଦିନି ଇସାବ୍ ଆନାତ୍; ଇନେ ଇନେର୍ ଇସ୍‌ବୁ ବିସ୍ତେ କାଜିଂ ଇଟ୍‌କାତ୍ ହୁଡ଼ଝାଦାଙ୍ଗ୍ ଆହାର୍ କାତାତ୍ ଆହା ଆଜି ହାଜି ବାଣାନାରା ।

୭ ହେଝାରି ବିଦିତ ଗୁରୁ ଆଦେଙ୍ଗ୍ ଇଟା କିତାର୍, ମାତର୍ ଇମ୍‌ଣି ବିସ୍ତେ ଆଟ୍‌ଝା ହିକ୍ୟା ହିନାର୍, ହେଦାଂ ନିଜେ ବୁଜାଆଉର୍ ।

୮ ଆପ୍ ପୁନାପ୍ ଜେ, ବିଦି ସମାନ୍ ବାବ୍ରେ ପାଲି କିତିସ୍, ହେଦାଂ ହାର୍ ।

୯ ମାତର୍ ବିଦି ଅଦାମ୍ ଆରି ପାପିୟା, ବିଚାଡ୍ ଆରି ଦୟା ହିଲ୍‌ଝାକାନ୍, ଆବାଙ୍ଗ୍ ଅହ୍‌ନାକାନ୍ ଆରି ଆୟାଙ୍ଗ୍ ଅହ୍‌ନାକାନ୍, ନାର୍‌ଅହ୍‌ନାକାନ୍, ଦାରି, ମୁଟିଇଡିନାକାନ୍, ମାନାୟ ଚର୍, ମିର୍ ଇନାକାର୍ ଆରି ମିର୍ ପାର୍‌ମାଣ୍ କିନାକାର୍ କାଜିଂ, ଆରେ ହାର୍‌ଦି ହିକ୍ୟାନି ଉଲ୍‌ଟା ଜେ ଇମ୍‌ଣାକା ବିସ୍ତେ ମାନାତ୍ ହେଦାଂ କାଜିଂ ଜେ ସମାନ୍ ଆତାନ୍ନା,

୧୦ ଇଦାଂ ପୁନ୍‌ଞ୍ଜି ଜଦି ଇନେର୍ ବିଦିନି ହାର୍‌ଦି ବେବାର୍ କିନାନ୍, ତେବେ ହେଦାଂ ଜେ ହାର୍‌ଦାକା, ଇଦାଂ ଆପ୍ ପୁନାପ୍,

୧୧ ଇଦାଂ ତ ନା ତାକେ ହେଲାୟ କିୟାତାଡ଼ନା ହାର୍‌ଦାକା ଦନ୍‌ସ ଇସ୍‌ବ୍ ଜାଜ୍‌ମାଲ୍ ନେକ୍ରିକାବୁର୍ ସୁଣାୟ କିନି ହିକ୍ୟା ହୁକେ ଆନାତ୍ ।

\* ୧:୨ ପକ୍ୟାତାକା ୧୭:୧.

ଇସ୍ଵତ୍ ଦୟା କାଜିଂ ଜୁଆର୍

୧୨ ମାଦାଈଁ ଇମ୍ଘି ମାପୁ କ୍ରିଷ୍ଟ ଜିସୁ ନାଈଁଈଁ ସାଈଁ ହିତ୍ତାନନା, ତାଈଁଈଁ ଆନ୍ ଜୁଆର୍ କିନାଈଁ ଜେ, ହେୱାନ୍ ନାଈଁଈଁ ପାତ୍ କିଜି ହେବାକାରୟା ପାଦ୍ତ ବାଟି କିତ୍ତାନନା,

୧୩ ଆତିସ୍ପା ଆନ୍ ଆଗେ ନିନ୍ଦାନିକାଈଁ, କସୁହିନାକାନ୍ ଆରି ହର୍ବରକିନାକାଂ ମାଚାଂ; ମାତର୍ ଆନ୍ ପାତ୍ କିୱାକା ହୁକେ ଗିଆନ୍ ହିଲ୍ଈଁ ଲାକେ ହେଦାଂ କିଜି ମାଚାଈଁ ଇଞ୍ଜି ଦୟା ପାୟାତାଈଁ;

୧୪ ଆରେ, ମା ମାପୁତି ଦୟା କ୍ରିଷ୍ଟ ଜିସୁତି ଲାହାଈଁ ପାତ୍ ଆରି ଜିତନନାକା ହୁଦାଂ ନା କାଜିଂ ବେସି ଆତାତ୍;

୧୫ ପାପିୟାରିଈଁ ମୁଈଁ କିନି କାଜିଂ କ୍ରିଷ୍ଟ ଜିସୁ ଜେ ପୁତ୍ ଜୁତ୍ତାନ, ଇ କାତା ପାତ୍ ଆରି ଇଟ୍ଟାନିଜଗ୍; ହେ ପାପିୟାର୍ ବିତ୍ତେତାଂ ଆନ୍ ମୁଡ୍ଦାକାଂ ।

୧୬ ଆତିସ୍ପା ଇମ୍ଘାକାର୍ ୱାନିଦିତ୍ତ କାଡ୍ଦ୍ ଓଜ୍ଈଁ ଜିରୁନ୍ ପାୟା ଆନି କାଜିଂ ଜିସୁ କ୍ରିଷ୍ଟତାକେ ପାତ୍ କିତାର୍, ହେୱାର୍ ତାକେ ଉତର୍ମୁଡ୍ ଲାକେ ଆନି କାଜିଂ ମୁଡ୍ଦି ପାପିୟା ଜେ ଆନ୍, ନା ତାକେ ହେୱାନ୍ ଇନେସ୍ କି ଜାର୍ ବାତ୍ ଦୟା କିଦନାନ୍, ଇଦାଂ କାଜିଂ ଆନ୍ ଦୟା ପାୟା ଆତାଂ ।

୧୭ ଜିରାଈଁ, ଚଞ୍ଜିୟାଆଈଁ, ରଞ୍ଜାନ୍ ମତର୍ ଇସ୍ଵର୍ ଜେ ଓଜ୍ଈଁ କାଡ୍ନି ରାଜା, ତା ପାଣ୍ ଆରି ଜାଜ୍ମାଲ୍ ଜୁଗ୍ ଜୁଗ୍ ଆଏଡ୍ । ଆମେନ୍ ।

୧୮ ଏ କାଡ୍ଦେ ତିମତି, ନି ବିସ୍ଵେ ପୁର୍ବେ ଇ ଓଜ୍ଈଁ ବେଶ୍‌ବାକ୍‌ଶାୟକିନି ହୁଦାଂ ଆନ୍ ନିଈଁଈଁ ଇ ବଲ୍ ହିଦ୍ନାଈଁ, ଇନେସ୍ କି ଏପେଈଁ ହେ ସର୍ବୁ ବେଶ୍‌ବାକ୍‌ଶାୟକିନାକା ଉପକାର୍ତାଂ ହାର୍ଦାଂ ଜୁଜ୍ କିଦେଈଁ ଆଡ୍ନାଦେର୍;

୧୯ ପାତ୍ ଆରି ହାର୍ଦି ଚିନ୍ତା ସାଈଁ ଆସ୍ତି ଇଟାଟ୍; ହେଦାଂ ପିସ୍ତିଲେ କେତେଜାଣ୍ଡି ପାତ୍ ବାଈଁଆତାତ୍;

୨୦ ହେୱାର୍ ବିତ୍ତେତାଂ ହୁମନାୟ ଆରି ଆଲେକ୍‌ଜାଣ୍ଡର୍ ରିକାର୍; ଇୱାର୍ ଇନେସ୍ ସାସନ୍ ପାୟା ଆଜି ଇସ୍ଵର୍ ନିନ୍ଦା କିତର୍, ଇଦାଂ କାଜିଂ ଆନ୍ ଇୱାରିଈଁ ସୟତାନ୍ କେଇଦ୍ ହେଲାୟ୍ କିତାଂ ।

୨

ମଣ୍ଡଲିତ ପାର୍ତାନା କିନି ବିଦି

୧ ଆନ୍ ପର୍ତୁମ୍ ଗଞ୍ଜାରି କିନାଈଁ, ପାର୍ତାନା କିନିଞ୍ଜେତାଂ ଓଜ୍ଈଁ କାଜିଂ ଇସ୍ଵର୍ତି ତାକେ ପାର୍ତାନା କିୟାଟ୍, ପାର୍ତାନା, ଗଞ୍ଜାରି, ଦନ୍ୟବାଦ୍ ଞ୍ଜେଟାଟ୍ ।

୨ ବିନବିନ୍ ରାଜା ଆରି ସାସନ୍‌କାରିୟା ଆରେ ସର୍ବୁ ସାଦୁର୍ କାଜିଂ ଇସ୍ଵର୍ତିଂ ପାର୍ତାନା, ଗଞ୍ଜାରି ଆରି ଦନ୍ୟବାଦ୍ ଜାଣାୟ୍ କିନାଦେର୍, ଆପେଂ ଇନେସ୍ ଇସ୍ଵର୍ ଦିୟାନ୍ତ ପାଣ୍ଡା ଆଉପ୍ ଆରି ବିନେନିକାର୍ କାଜିଂ ସର୍ବୁଞ୍ଜେତାଈଁ ସୁକ୍ ସୁସ୍ତାତ୍ ଜିରୁନ୍ ଜିପ୍‌କା କିଦେଈଁ ଆଡ୍ନାପ୍ ।

୩ ଇ ବାନି ପାର୍ତାନା ମା ମୁଈଁ କିତ୍ତାକାନ୍ ଇସ୍ଵତ୍ କାଣ୍‌କୁତ୍ ହାର୍ ଆରି ଇଟ୍ପାନାକା ।

୪ ଓଜ୍ଈଁ ଇନେସ୍ ମୁଈଁ ଆନାର୍ ଆରି ହାଡ୍‌ପା ବିସ୍ଵେ ଗିୟାନ୍ ପାୟା ଆନାର୍, ଇଦାଂ ହେୱାନ୍ ମାନ୍ କିନାନ୍ ।

୫ ଇନାକିଦେଂକି ରଞ୍ଜାନ୍ ମତର୍ ଇସ୍ଵର୍ ମାନାନ୍, ଆରେ ଇସ୍ଵର୍ ଆରି ମାନାୟାର୍ ବିତ୍ତେ ରଞ୍ଜାନ୍ ମତର୍ ମାଦ୍‌ଶାକାନ୍ ମାନାନ୍, ହେୱାନ୍ ଆନାନା ମାନାୟ୍ ଜିସୁ କ୍ରିଷ୍ଟ;

୬ ଜିସୁ ଓଜ୍ଈଁକାତ୍ ମୁକ୍‌ଡାନି ମଲ୍ ଲାକେ ଜାର୍ତିଈଁ ଦାନ୍ କିଜି ସମାନ୍ ୱାଡାଲିଈଁ ହେବେନି ସାକି ହିତାନନା ।

୭ ହେଦାଂ କାଜିଂ ଆନେଈଁ ରଞ୍ଜାଈଁ ସୁଣାୟ୍ କିନାକାଈଁ, ପକ୍ୟାତାକାନ୍, ଆରେ ପାତ୍ ଆରି ସଡ୍ ବିସ୍ଵେ ପାତ୍ କିଓଜ୍ଈଁ ଜିହୁଦିରତ ରଞ୍ଜାଈଁ ଗୁରୁ ଲାକେ ବାଟିକିୟା ଆତାଂନା, ଆନ୍ ହାଡ୍‌ପା ଇଞ୍ଜିନାଈଁ, ମିର୍ ଇଞ୍ଜିଈଁ ।

୮ ଆନ୍ ଇଟା କିତିସ୍ ଜେ ପାର୍ତାନାତ ପୁଈପୁୟା କେଇ ଲାମାୟ୍ କିଜି ଓଜ୍ଈଁ ମାନାୟାର୍ ପାର୍ତାନା କିଏର୍, ମାନ୍ତ ଓଜ୍ଈଁ ବାନି କାକ୍ତି ଆରି ତାରାନାକା ପିହାଟ୍ ।

୯ ହେ ଲାକେ ପା କଗ୍‌ଲେ ହିମ୍‌ଶାକାଂ କହାବଲିଂ ଗାଟ୍‌ମେକ୍ ଆରି ହନା କି ମୁଈଁ କି ଦାମ୍‌ନି ହେୟାତ୍ ଜାର୍ ଜାର୍ତିଂ ଗାଡ୍‌କିଞ୍ଜାଦାଂ ଲାଜ୍ ଆରି ହାର୍ଦି ବୁଦି ହୁକେ, ଜାଗ୍ରଡ୍ କିଜି ଉସ୍‌ପାଟ୍

୧୦ ହାର୍ଦି କାମାୟ୍ କାଜିଂ ଜାର୍ତି ଦାମ୍ କଗ୍‌ଲେକ୍‌କାଂ ଲଡାନି ହାଡ୍‌ପା କାମାୟ୍ ଲାକେ ରଞ୍ଜି ଜାର୍ ଜାର୍ତିଂ ରଞ୍ଜାଟ୍ ।

୧୧ କଗ୍‌ଲେ ବାତ୍ ତଲ୍ୟା ମାନି କିଜି ଚିମ୍‌ରାଆଜି ହିକ୍ୟା ଇଟେଡ୍ ।

୧୨ ଆନ୍ କଗ୍‌ଲେଈଁ ହିକ୍ୟାହିଦେଈଁ କି ଆଣ୍ଡେନ୍ ଜପି ରାଜ୍ କିଦେଈଁ ଆଦିକାର୍ ହିତ୍ତା ମାତର୍ ହେଦେଲ୍ ମଦା ଆଜି ଞ୍ଜେନେଡ୍ ।

୧୩ ଇନେକିଦେଂକି ପର୍ତୁମ୍ ଆଦମ୍ ଉର୍‌ଜାତାନ୍ ତାପାଟେ ହବା ।

୧୪ ଆରେ ଆଦମ୍ ଟକ୍‌ଆଜି ମାନ୍‌ୱାଦାଂ ମାଚାନ୍, ମାତର୍ କଗ୍‌ଲେ ଟକ୍‌ତ ଆଜି ବଲ୍ ମାନିକିଞ୍ଜାଦାଂ ଦସ୍ତ ଦସି ଆତାତ୍ ।

☆ ୨:୨ ୨ ତିମତି ୧:୧୧. ☆ ୨:୯ ୧ ପିତର୍ ୩:୩.

୧୫ ମାତର କଗ୍ଲେକ୍ ହାରଦିବୁଦି ଲାହାଙ୍ଗ ପାତର୍, ଜିଉନନାକା ଆରି ପୁଇପୁୟାତା ତିର୍ ମାତିସ୍, ହେଦେଲ୍ ହିମ୍ଣା ଜଲମ୍ କିନି ସମୁତ ମୁକ୍ତି ପାୟା ଆନାତ୍ ।

### ୩

#### ମଣ୍ଡୁଲି ତାକେ ଚାଲାୟ୍ କିନାକା

୧୬ ଇ କାତା ସତ୍, ଇନେନ୍ ଜଦି ମୁଣିକା ପାଦ୍ ଦାଇତ୍ ଆଦେଙ୍ଗ୍ ଇଚା କିନାନ୍, ଲାଗିଂ ହେଝାନ୍ ହାର୍ କାମାୟ୍ ମାନ୍ କିଏନ୍ ।

୧୭ \*ଲାଗିଂ, ମୁଣିକାତି ଦସିଆଝାଦାଂ ମାନାକା ମାନାତ୍ ହେଝାନ୍ ଆତିସ୍ ର ତକ୍ରିନି ତକ୍ତା, ଜାର୍ତିଂ ସମାଲି କିନାକା, ହାରଦିବୁଦି, ସରୁଝେଡାଙ୍ଗ୍, ଏଚେକ୍ ଝାରିତ ଆରି ହିକ୍ୟାଦାନ୍ତ ବାତର୍ ଆନାର୍,

୧୮ ମଦ୍ଝା କି କୁରୁଲିୟା ଆଝାଦାଙ୍ଗ୍ ଇତିସ୍ ଦାମ୍ ମତର୍ ସୁସ୍ତା, ହୁଦାର୍, ବେରୁଆଝାଦାଂ, ଆରି ଦନ୍ ଲତ୍ରା ଆଉନ୍ ।

୧୯ ଜାର୍ କୁରୁମ୍ତିଙ୍ଗ୍ ହାର୍ ଲାକେ ଜାତୁନ୍ କିନାନ୍, ତା ହିମ୍ଣାକାଂ ହିକ୍ୟା କିଜି ମାନାନ୍ ।

୨୦ ଇନେନ୍ ଇନାଝାତାଙ୍ଗ୍ ଜାର୍ କୁରୁମ୍ତିଂ ଚାଲାୟ୍ କିଦେଙ୍ଗ୍ ପୁନାନ୍, ହେଝାନ୍ ଇନେସ୍ ଇସ୍ତର୍ ମଣ୍ଡୁଲିତିଂ ଜାତୁନ୍ କିଦେଂ ଆଡ୍ନାନ୍ ?

୨୧ ହେଝାନ୍ ପାତର୍ ତ ହେନ୍ତି ମାନାକା ମାନାତ୍; ପୁନି ପାତର୍ କିନାକାନ୍ ଆଝାଦାଙ୍ଗ୍ ମାନାନ୍, ଏଚେକାଡ୍ଦ୍ ଆହାର୍ ଗାବର୍ ଆଜି ସୟତାନ୍ ଲାକେ ତାଣ୍ ପାୟା ଆନାନ୍ ।

୨୨ ହେଝାକ୍ତି ପା ବାତର୍ ଲକୁ ତାଙ୍ଗ୍ ସନ୍ମାନ୍ ପାୟାନାକା ଲଡା, ମାନାତ୍, ଏଚେକାଡ୍ଦ୍ ହେଝାନ୍ ନିୟା ପାୟା ଆଜି ସୟତାନ୍ନି ତକ୍ତାତ ହେଜେନାନ୍ ।

#### ମଣ୍ଡୁଲିନି ହେବାକାରୟା

୨୩ ହେ ଲାକେ ହେବାକାରିୟାର୍ତି, ହାଦର୍ ବାବ୍ନାତ ପାତର୍ନି ତକ୍ତି ଗିୟାନ୍ ଦାସ୍ତି ସମାନ୍ ବେବାର୍ ଚକ୍ଲି ଆଝାଦାଙ୍ଗ୍, ଅଙ୍ଗୁର୍ ରାସ୍ ଉଝାଦାଙ୍ଗ୍ ମାନାନ୍ ଆରି କାମାୟ୍ ଦନ୍ ଲାବ୍ଡି ଆମେର୍;

୨୪ ମା ଦାରୁମ୍ ପାତର୍ନି ବେରଣିଂ ହତାକା ହାଡ୍ପାକାଂ ହେଝାର୍ ସକର୍ ଚିତ୍ରା ସାକ୍ତିତାଂ ତାଡ୍ ବାବ୍ରେ ପାତର୍ କିଜି ମାନ୍ଗାନାର୍ ।

୨୫ ହେଝାର୍ ପା ପର୍ତ୍ତୁମ୍ ପରିକ୍ୟାକିୟା ଆୟେର୍, ଆରେ ଦସି ଆଝାଦାଂ ଚଞ୍ଜିୟା ଆତାନ୍, ହେବାକାରୟା ପାଦ୍ତ ବାତିକିୟାୟେନ୍ ।

୨୬ ହେ ଲାକେ କଗ୍ଲେକ୍ ପା ଲକାର୍ନିୟା ଆଝାଦାଙ୍ଗ୍ କାଲେତାଂ, ମିର୍ ଇନାକାଦେଲ୍ ଆରି ସରୁ ବିସ୍ତେ ପାତର୍ କିନାକାଦେଲ୍ ଆନାକା ମାନାତ୍ ।

୨୭ ହେବା କିନାକାର୍ ର ର କଗ୍ଲେନି ଆଣ୍ଡା ଆୟେର୍, ଆରି ଜାର୍ ଜାର୍ ହିମ୍ଣାକାଙ୍ଗ୍ ଆରି କୁରୁମ୍ତିଙ୍ଗ୍ ହାର୍ ଲାକେ ଚାଲାୟ୍ କିଏନ୍ ।

୨୮ ଇନେକିଦେଂକି ଇନେର୍ ହାର୍ କିଜି ହେବାକାରୟା କାମାୟ୍ କିତାଣ୍ଡା, ହେଝାର୍ ଜାର୍ ଜାର୍ କାଜିଂ ତାକ୍ପୁଟାଆଜି ଆରି କ୍ରିସ୍ଟ୍ ଜିସ୍ତି ତାକେ ପାତର୍ ହୁଦାଂ ବେସି ସାସ୍ କିତାର୍ ।

#### ପାତର୍ନି ହାଡ୍ପା

୨୯ ଇ ଆକି ଲେକିକିନିହିଂ ଆନ୍ ବେଗି ମି ତାକେ ହାନାଙ୍ଗ୍ ଇଞ୍ଜି ଆହା କିନାଙ୍ଗା;

୩୦ ମତର୍ ଏଚେକାଡ୍ଦ୍ ନାଦାଂ ମାଲାଆନାତ୍, ତେବେ ଇସ୍ତର୍ ଇଞ୍ଜି, ଇତିସ୍ ହାଡ୍ପାନି ମୁଣ୍ଡା ଆରି ମୁଡ୍କୁନାଦି ଲାକେ ଜିତି ଇସ୍ତର୍ ମଣ୍ଡୁଲିତ, ଇନେସ୍ ବେବାର୍ କିୟାଆନାତ୍, ହେଦାଂ ଇନେସ୍ ଏପେଙ୍ଗ୍ ପୁନାତ୍, ଇଦାଂ କାଜିଂ ଇ ଝିଜୁ ମି ଲାଗାଂ ଲେକିକିଦ୍ନାଙ୍ଗା ।

୩୧ ଇସ୍ତର୍ ହେବାକାରି ବିତ୍ରେନି ଅରଡ୍ ଜେ ଗାଜା କାତା ଇଦାଂ ଝିଜାର୍ ମାନି କିତାର୍ । ହେଦାଂ ଇ, କ୍ରିସ୍ଟ୍ ମାନାୟ୍ ଗାଗାଡ୍ ଆଜି ଚଞ୍ଜିୟା ଆତାନ୍, ଜିବୁନ୍ତ ଦାମ୍ ଇଞ୍ଜି ତାକ୍ପୁଟାତାନ୍,

ଦୁଡ୍ତକ୍ କାଜିଂ ଚଞ୍ଜିୟାତାନ୍,

ଜାତିର୍ ବିତ୍ରେ ସୁଣାୟ୍ କିୟାତାନ୍, ପାଣ୍ଡତ ଇନ୍ୟାତାନ୍ ।

ପୁତର୍ ତ ପାତର୍ କିୟାଆଜି ଜାଜ୍ମାଲ୍ତ ରୟାତାନ୍ ।

### ୪

#### ମିର୍ ହିକ୍ୟାହିନାକାନ୍

\* ୩:୨ ତିତସ୍ ୧:୬-୯.

୧ ପୁଇପୁୟା ଜିରୁନ୍ ପୁଟ୍ତେ ଇଞ୍ଜିନାତା, ପାଚେନି କାଡ଼୍ଦ ଇନେ ଇନେର୍ ବାନ୍ୟାମାନ୍ ମିର୍ଝା ଲଗାଙ୍ଗ କୁଟ୍ଟିନିତାକେ, ଚାକ୍ରାୟ୍ ଜିରୁନ୍ କାଜିଂ ଆରି ପୁଦାଙ୍ଗ ହିକ୍ୟା କାଜିଂ ମାନ୍ କିଜି ପାତ୍ ପିହ୍ନାଟ୍;

୨ ଇଝାର କେଡ଼ଜାଣ ଚାକ୍ରାୟ୍ ଆରି କୁଟ୍ ଆନାର ହେଝାର୍ ଚିନ୍ତା ସାଲିତ ହାତାକାର୍ ।

୩ ହେ ମିର୍ଝାର୍ ବିବାଆନାକା ମୁନା କିତାର୍, ଆରେ ବାରବିନି କାଦି କାଜିଂ ବିନେ ମାଞ୍ଜେଙ୍ଗ୍ ହିକ୍ୟା ହିନାର୍ । ପାତ୍ ନିକାନ୍ ଆରି ହାଡ଼ପା ପୁନ୍ଞ୍ଜି ମାନି ମାନାୟାର୍ ହୁଦାଂ ଦନ୍ୟବାଦ୍ ହୁକେ ଚିଞ୍ଜେଙ୍ଗ୍ କାଜିଂ ଇସ୍ବର ଇ ସବୁ ତ ଉବ୍ଜାଣ୍ କିତାନ୍ନା ।

୪ ଇନେକିଦେଂକି ଇସ୍ବତ୍ ସବୁ ଉବ୍ଜାଣ୍ ଦିନିସ୍ ହାର୍ଦାକା, ଆରେ ଜଝାର୍ ହୁକେ ଅତିସ୍ ଇମ୍ଣି ବିସ୍ତେ ଇଟ୍ୟା ଆଉଡ଼୍,

୫ ଲାଗିଂ ଇସ୍ବତ୍ କାତା ଆରି ପାର୍ତାନା ହୁଦାଂ ହେଦାଂ ପୁଇପୁୟା କିୟାଆନାଟ୍ ।

**କ୍ରିଷ୍ଟ ଜିସୁଙ୍ଗ୍ ହାର୍ଦି ହେବାକାର୍ଯ୍ୟା**

୬ ଇ ସବୁ ବିସ୍ତେ ଏପେଙ୍ଗ୍ ଟଣ୍ଡାରିଙ୍ଗ୍ ଆରି ତଣ୍ଡେକାଂ ହିକ୍ୟା ହିତିସ୍ କ୍ରିଷ୍ଟ ଜିସୁତି ରଝାନ୍ ହାର୍ଦି ହେବା କିନାକାନ୍ ଆନାନ୍, ଆରେ ଏପେଙ୍ଗ୍ ଇମ୍ଣି ପାତ୍ ଆରି ହାର୍ଦି ହିକ୍ୟାତ ଦାସ୍ତ୍ର ଝାତାଦେଣ୍ଡା, ହେ ବଚନ୍ ହୁଦାଂ ସାଲି ଆନାଟ୍;

୭ ଇସ୍ବରତିଂ ଅଦାମ୍ ଅପ୍ମାନ୍ କିଜି ମାନି ମଲ୍ଲହିଲ୍ଲିଞ୍ଜି କାତାଂ ପିସ୍ତ୍ର, ଦାରୁମ୍ ଜିରୁନ୍ତିଂ ବାଡ଼କାସ୍ କିଦେଙ୍ଗ୍ ଅବ୍ୟାସ୍ କିୟାଟ୍ ।

୮ ଇନେକିଦେଂକି ଗାଗାଡ଼ନି କ୍ରାସ୍ଜି ଅଲପ୍ ବିସ୍ତେ ଲାବ୍ଆଦ୍ନାଟ୍, ମାତର୍ ଇସ୍ବରତି ହେବାତ ଇ କାଡ଼ଦାଙ୍ଗ୍ ଆରି ପାଚେକାଡ଼ଦାଙ୍ଗ୍ ପାର୍ମାଣ୍ କିୟା ଆଜି ଝିଜୁ ବିସ୍ତେ ଜିରୁନ୍ ଲାବ୍ଆଦ୍ନାଟ୍ ।

୯ ଇ ବେରଣ୍ ପାତ୍ ଆରି ସବୁତାକେ ଇଟ୍ଟୟାନିଜଗ୍;

୧୦ ଇଦାଂ କାଜିଂ ତ ଆସେଙ୍ଗ୍ କାମାୟ୍ ଆରି ମାନ୍ଦ୍ୟାନ୍ କିଜି କସ୍ କିନାସା, ଇନେକିଦେଂକି ଇମ୍ଣି ଜିତି ଇସ୍ବର୍ ଝିଜୁ ମାନାୟ୍ତିଂ ଇତିସ୍ ପାତ୍ କିନାକାରିଂ ମୁଲ୍ଲି କିନାକାନ୍ତି ହେଝାନ୍ତି ତାକେ ମା ବାସ୍ ମାନାଟ୍ ।

୧୧ ଏପେଙ୍ଗ୍ ଇ ସବୁ ବିସ୍ତେ ବଲ୍ଲ ହିଜି ହେଝାରିଂ ହିକ୍ୟା ହିୟାଟ୍ ।

୧୨ ମି ବେଣ୍ଡିୟା ଝାଡ଼ାଙ୍ଗ୍ ଇନେର୍ ମିଙ୍ଗେଙ୍ଗ୍ ପଲ୍ୟା ଇଞ୍ଜିମେର୍, ମାତର୍ କାତାତ, ବେବାର୍ଡ, ଜିଉନନିତ, ପାତ୍ ତ ଆରି ପୁଇପୁୟାତ ପାତ୍ କିନାକା ହାର୍ ଉତର୍ମୁଡ଼୍ ଲାକେ ଆଡୁ ।

୧୩ ଆନେଙ୍ଗ୍ ମି ଲାଗାଂ ଝାନି ପାତେକ୍ ସାସ୍ତ୍ରନି ପାଟ୍, ବୁଜାୟ୍ କିନାକା ଆରି ହିକ୍ୟାହିନିତାକେ ମାନ୍ଦ୍ୟାନ୍ କିୟାଟ୍ ।

୧୪ ମଣ୍ଡଲି ବୁଡ଼ାଲୁର୍ ନେତାର୍ ମିଙ୍ଗେଙ୍ଗ୍ ଇସ୍ବରତି ଝେନି କିଜି ନି ଜପି କେଇ ଇଟ୍ଟିହିଂ ଏପ୍ ଇମ୍ଣି ମାପୁତି ଦାନ୍ ସାଲି ଲାବ୍ କିଜି ମାଚାଦେର୍, ହେଦେଲିଂ ଏଲାମାଟ୍ ।

୧୫ ମି ନିଂନାକା ଇନେସ୍ କିଜିଜାର୍ ତାକେ ହନାଟ୍, ଇଦାଂ କାଜିଂ ଇ ସବୁ ବିସ୍ତେ ମାନ୍ ଇଟାଟ୍, ହେ ଝିଜୁ ତାକେ ଦିଆନ୍ ଆଡୁ ।

୧୬ ଜାର୍ ବିସ୍ତେ ଆରି ଜାର୍ ହିକ୍ୟା ବିସ୍ତେ ଜାଗ୍ରତ୍ ଆଡୁ, ଇ ସବୁ ବିସ୍ତେ ଲାଗିସ୍ ମାନାଟ୍, ଇନେକିଦେଂକି ହେଦାଂ କିତିସ୍ ଏପେଙ୍ଗ୍ ଜାର୍ ମୁଲ୍ଲି ଆଦେଂ ଆରି ମି ଝେନାକାର୍ତି ମୁକ୍ତାୟ୍ କିଦେଙ୍ଗ୍ ପା ଆଡ଼ନାଦେର୍ ।



**ପାତ୍ କିନାକାର୍ କାଜିଂ କାମାୟ୍ କିନାକା**

୧ ଏପେଙ୍ଗ୍ ପ୍ରାଚିନାର୍ ଇନ୍ୟା କିମାଟ୍, ମାତର୍ ତାଙ୍ଗେଙ୍ଗ୍ ଆବା ଇଞ୍ଜି ବାବି ଗଝାରି କିୟାଟ୍; ବେଣ୍ଡିୟାରିଂ ଟଣ୍ଡାର୍ ଲାକେ,

୨ ପ୍ରାଚିନାର୍ କଗ୍ଲେକାଂ ଆୟା ଆରି ଜିପଲିକାଂ ପୁଇପୁୟା ବାବ୍ରେ ତଣ୍ଡେଲ୍ ଇଞ୍ଜି ଗିଆନ୍ କିଜି ହେ ଲାକେ ବେବାର୍ କିୟାଟ୍ ।

୩ ଆହ୍ ର ହିଲ୍ଲିଞ୍ଜି ରାଣ୍ଡିକାଂ ଜାତୁନ୍ ଅଝାଟ୍ ।

୪ ମାତର୍ ଏତେକାଡ଼୍ ଇମ୍ଣି ରାଣ୍ଡିତି କାଡ଼ଦେ ଗାଡ଼ଟେ କି ନାତିନାତିଣି ମାଚିସ୍, ବାଟିଙ୍ଗ୍ ହେଝେକ୍ ପର୍ତ୍ତୁମ୍ ଜାର୍ କୁଟ୍ଟମ୍ କାଜିଂ ବଲ୍ଲି ଚଟ୍ଟେଙ୍ଗ୍ ଆରି ଆୟାଆବା କାଜିଂ ଉପ୍କାର୍ କିଦେଙ୍ଗ୍ ହିକ୍ୟା କିଏର୍; ଇନେକିଦେଂକି ଇଦାଂ ତ ଇସ୍ବରତି କାଣ୍ଡୁତାଂ ହାର୍ଇଟ୍ୟା ଆନାର୍ ।

୫ ଇମ୍ଣି ରାଣ୍ଡି ଆହ୍ ରହିଲ୍ଝାକା ଆନାଟ୍ ଆରି ସାକାହିଲ୍ଝାକା, ହେଦେଲ୍ ଇସ୍ବର୍ ଜପି ବାସ୍ ଇଡ଼୍ ଝେଡ଼ାନାଣା ଗଝାରି ଲାହାଂ ପାର୍ତାନାତ ଲାଗିସ୍ ମାନେଟ୍;

୬ ମାତର୍ ଇମ୍ଣି ରାଣ୍ଡିକ୍ ସୁକ୍ବଗି କିନିକ୍ ଆହା, ହେଝେକ୍ ଜିରୁନ୍ ମାଚିସ୍ତା ହାତିକ୍ନା ।

୭ ହେଝେକ୍ ଇନେସ୍ ଦସିଆଝାଦାଂ ଆନିକ୍, ଇଦାଂ କାଜିଂ ଇ ସବୁ ପା ହେଝେକାଂ ବଲ୍ଲ ହିୟାଟ୍ ।

୮ ମାତର୍ ଜଦି ଇନେର୍ ଜାର୍ ଝାସ୍ତ୍ରନି, ବେସିକିଜି ଜାର୍ କୁଟ୍ଟମ୍ ଜାତୁନ୍ ଅଞ୍ଜିତିସ୍, ହେଝାନ୍ ପାତ୍ କିଝାକାର୍ତାଂ ପାତ୍ କିଉନ୍, ଆରେ ହେଝାନ୍ ପାତ୍ କିଝାକାନ୍ତାଂ ଦରମ୍ ହିଲ୍ଲାକାନ୍ ଆନାନ୍ ।

୯ ଇମ୍ଣି ରାଣ୍ଡିନି ବୈସ୍ ସାଚେ ବାହୁଁ ତାଙ୍ଗ୍ ଉଣା ଆକାୟ୍,

୧୦ ଆରେ ଇନ୍ଦେଲ୍ ର ଆଣ୍ଡେନ୍ନି କଗ୍ଲେ ଆରି ହାର୍ଦ୍ଦି ପୁଇପୁୟା କାମାୟ୍ କାଜିଂ ଡାକ୍ପୁଟାଆଜି, ଇତିସ୍, ହେଦେଲ୍ ଜଦି ହିମ୍ପାକାଙ୍ଗ୍ ପହାକିଜି, ଝିଜାରିଂ ସସ୍, ଚେଲାରିଂ ପାନା ନୁଜନାକା, ଦୁକ୍ଲୁଗାତ୍ ବଜ୍ ପିଣ୍ଡି କିଜି ମାନାଡ୍, ଆରେ ଝିଜୁ ହାଡ୍ପା କାମାୟ୍ ଡିକ୍ଡିକା ଆଜି ମାନାଡ୍, ବାଟିଙ୍ଗ୍ ହେଦେଲ୍ଡି ତର୍ ରାଣ୍ଡି ଇଞ୍ଜି ଲେକାଏଡ୍ ।

୧୧ ମାତର୍ ଉଣା ବାହୁନି ଜିପଲି ରାଣ୍ଡିକାଂ ପିହାଡ୍, ଇନାକିଦେଂକି ହେଝେକ୍ ବାନ୍ୟାକାମ୍ ଆହାତିଂ ମାନ୍ କିଜି କ୍ରିସ୍ଟୁ ଡାକେନ୍‌ଶ୍ଟାଙ୍ଗ୍ ଏଡା ଆଜି ବିବା କିଦେଙ୍ଗ୍ ଇଚା କିନିକ୍;

୧୨ ହେଝେକ୍ ହେଝେକ୍ଡି ଆଗେ ପାର୍ମାଣ୍ ପିହିନି କାଜିଂ ଡାଣ୍ଡିପାୟାନିକ୍ ।

୧୩ ଆରେ ପା ହେଝେକ୍ ଇଲ୍କୁ ଇଲ୍କୁ ବୁଲାଇ ଆଡ୍‌ସିୟା ଆଦେଙ୍ଗ୍ ହିକାଆନିକ୍, ଆରେ କେବଲ୍ ଆଡ୍‌ସିୟା ଆକାୟ୍, ମତର୍ ଆହାର୍ କାତା ଆରି ଲକାର୍ ଗାଣ୍ଡୁ କିଜି ଅରାହିଲ୍‌ଝି କାତାବାଡା କିନିକ୍

୧୪ ଲାଗିଂ, ନା ଇଚା, ଜିପଲି ରାଣ୍ଡିକ୍ ବିବା ଆୟେକ୍, ହିମ୍ପା ଗାଟାଆୟେକ୍, ଇଲ୍‌କାମାୟ୍ ଚଲାୟ୍‌କିୟେକ୍, ନିନ୍ଦା କିନି କାଜିଂ ସାଡୁଙ୍ଗ୍ ଇନାକାପା ଉପାୟ୍ ହିମେକ୍;

୧୫ ଇନେକିଦେଂକି ନଙ୍ଗ୍ ପା ଇନ୍ଦେକ୍ ଇନ୍ଦେକ୍ କ୍ରିସ୍ଟୁଡାକେ ଦେହା ଆଜି ସୟ୍‌ତାନ୍ନି ପାଚେ ହାନିକା ।

୧୬ ଜଦି ଇମ୍ପାଣି ପାତ୍ ନିକାଦେଲ୍ କଗ୍ଲେକ୍ ଇଞ୍ଜି ରାଣ୍ଡିକ୍ ମାନିକ୍, ଲାଗିଂ ହେଦେଲ୍ ହେଝେକ୍ଡି ଦୁକ୍ ପଚିକିଏକ୍, ଆରେ ମଣ୍ଡୁଲି ଜପି ବଜ୍ ଆମେଡ୍, ଇନେସକି ମଣ୍ଡୁଲି ଆହର ହିଲ୍‌ଝି ରାଣ୍ଡିକାଂ ଦୁକ୍ ପଚି କିଦେଙ୍ଗ୍ ଆଡ୍‌ନାଡ୍ ।

୧୭ ଇମ୍ପାଣି ପ୍ରାତିନାର୍ ହାର୍ ଚାଲାୟ୍ କିତାର୍, ବେସି କିଜି ଇମ୍ପାଣାକାର୍ ବଚନ୍ ପର୍ଚାର୍ ଆରି ହିକ୍ୟାତ କସ୍ କିତାର୍, ହେଝାର୍ ରି ଗୁଣ୍ ଝାରି ପାୟାନି ଜଗ୍ ଇଞ୍ଜି ଗାଣା କିୟା ଆନାର୍,

୧୮ \*ଇନେକିଦେଂକି ଦରମ୍ ସାସ୍ତର୍ ଇନାତା, “ତାସ୍ ତ୍ରେସ୍‌ନି ଝାଡାଂ ବଇଲା ଝେଇଦ କଡା ଗାଡ୍‌ମାଡ୍ ।” ଆରେ କାମାୟ୍ କିନାକାନ୍ ଜାର୍ କୁଲି ଡାବୁଂ ପାୟାନି ହକ୍ ।

୧୯ ରିୟାର୍ କି ଡିନଜାଣ୍ ସାକି ପିସ୍‌ସି ଇମ୍ପାଣି ପ୍ରାତିନାର୍ ବିରୁଡ୍‌ତ କାତା ମାନି କିମାଡ୍ ।

୨୦ ମାତର୍ ଇନେର୍ ପାପ୍ କିଜି ମାନାର୍, ହେଝାରିଂ ଝିଜାର୍ ଡାକେ କେଡାଡ୍, ଇନେସକି ଅଲ୍‌ଗା ଲଗୁ ପା ପାଣ୍ଡୁ ଆନାର୍ ।

୨୧ ଇସ୍‌ପୁଡି ସାକି ଇଡ୍‌ଜି, କ୍ରିସ୍ଟୁ ଜିସ୍‌ପୁଡି ଆରି ବାଟିକିଡି ଦୁଡକ୍ ମୁମ୍‌ଦ୍ ଆନ୍ ଆଡ୍‌ଝା ଲାକେ ବଲ୍ ହିଦ୍‌ନାଙ୍ଗା, ଏପେଙ୍ଗ୍ ଆଗେନି ଦାରା ମେରା ହୁକେ ଚାଲାଝାଦାଂ ଇ ଝିଜୁ ପାଲି କିୟାଡ୍, ଆରେ, ଡାରା ବାବେ ଇମ୍ପାଣି କାମାୟ୍ ପା କିମାଡ୍ ।

୨୨ ତ୍ରିପ୍‌କୁ ଇନେର୍ ଜପି କେଇ ଇଡ୍‌ମାଡ୍, କି ଦସିନିକାର୍ ପାପ୍‌ତ ମେହାଆମାଡ୍; ଜାର୍‌ତିଂ ପୁଇପୁୟା କିଜି ଇଚାଡ୍ ।

୨୩ ଆରେ କେବଲ୍ ଏସୁଙ୍ଗ୍ ଉଣ୍‌ଝାଦାଙ୍ଗ୍ ମି ପଟନି ରଗ୍ ଆରି ନିତ୍ରେ ବେମାର୍ କାଜିଂ ଅଲ୍‌ପ୍ ଅଙ୍ଗୁର୍ ରାସ୍ ଉଣାଡ୍ ।

୨୪ କେଡେକ୍ ଜାଣ୍ଡି ବାନ୍ୟା କାମାୟ୍ ଅଲ୍‌ପ୍‌ତିଂ ହନାଡ୍, ହେଝାର୍ ହେଦାଂ କାଜିଂ କରନ୍‌ନି ମୁମ୍ ମାମ୍ ଆଦେଂ ଆନାଡ୍, ଆରେ କେଡେକ୍ ଅପ୍‌ରାଦ୍‌ତି ବେସି ବିଲ୍‌ମ୍‌ତାଂ ଦାରାପଡା ଆନାର୍ ।

୨୫ ହେ ଲାକେ ପା ହାଡ୍‌ପା କାମାୟ୍ ହିଗ୍‌ଦାଙ୍ଗ୍ ହନାଡ୍, ଆରେ ଇନାକା ହଡ୍‌ଡ୍, ହେଦାଂ ଡକୁଚି ଇଟ୍ୟାଜି ମାଞ୍ଜେଙ୍ଗ୍ ଆଡୁଡ୍ ।

### ୬

୧ କ୍ରିସ୍ଟୁଙ୍ଗ୍ ପାତ୍ କିନାକାର୍ ଏଚେକ୍ ଲଗୁ ଆଡିୟା ଲାକେ ଜୁଝାଣ୍ଡୁନି ତାରେନ୍ ମାନାନ୍, ହେଝାର୍ ଜାର୍ ଜାର୍ ହାଉକାରିଙ୍ଗ୍ ଏଚେକ୍ ଲଡାନି ପାୟାନାକା ଜଗ୍ ଇଞ୍ଜି ପୁନାଡ୍, ଇନେସକି ଇସ୍‌ପୁଡିଂ ତର୍ ଆରି ହିକ୍ୟାତ ନିନ୍ଦା ଆମେଡ୍ ।

୨ ଆରେ ଇମ୍ପାଣାକାର୍ ହାଉକାର୍ ପାତ୍ ନିକାନ୍, ହେଝାର୍ ହେଝାରିଂ ଟଣ୍ଡେନ୍ ଇଞ୍ଜି ବାବି କିଜି ଲାଜ୍ କିମେର୍ ଝାଟିଂ ଆଦିକ୍ ଜତନ୍‌ତାଂ ଉପ୍‌କାର୍‌ତାଂ ହେବା କିଏର୍, ଇନେକିଦେଂକି ଇନେର୍ ହେବା ହୁଦାଂ ଉପ୍‌କାର୍ ଅୟାନାର୍, ହେଝାର୍ ପାତ୍ କିନାର୍ ଆରି ଝାରିନିକାର୍ । ଇ ଝିଜୁ ବିସ୍ତେ ହିକ୍ୟା ଆରି ଉପ୍‌ଦେସ୍ ହିୟାଡ୍ ।

#### ଚାକ୍‌ରାଈ କିନି ହିକ୍ୟା ଆରେ ହାଡ୍‌ପା ଦନ୍

୩ ଇନେର୍ ଜଦି ବିନ୍ ହିକ୍ୟା ହିଜି ମା ମାପୁ ଜିସ୍ କ୍ରିସ୍ଟୁଡି ନେକ୍‌ବେରଣ୍ ବଚନ୍ ଆରି ଇସ୍‌ପୁଡି ହୁଦାଂ ହିକ୍ୟା ମାନିକିଉର୍, ୪ ବାଟିଙ୍ଗ୍ ହେଝାନ୍ ଅହାର୍‌ଗାବ୍ ଆ ଆରି ଗିଆନ୍‌ହିଲ୍‌ଝି, ଆରେ କାତାବାଡା ଆରି ଗଣ୍ଡଗଲିଆତ ଲାଗାନାର୍; ହେବେତାଂ ଡାରା, କିର, ଲକାର୍ ନିନ୍ଦା, ବାନ୍ୟା ଆନ୍‌ମାନ୍,

୫ ଆରେ ଇନେର୍ ଇସ୍‌ପୁର୍ ଡାକେ ଲାବ୍ ଉପାୟ୍ ଇଞ୍ଜି ମାନେ କିତାର୍, ଏଲେଙ୍ଗ୍ କାରାପ୍‌ମାନ୍ ଆରି ସଡ୍ ପିସ୍ତୁ ଲକାର୍‌ତି ଦିନ୍‌କେ ବିରୁଡ୍‌ତ ଜଲମ୍ ଆତାକାର୍ ।

୬ ଦାମ୍ ଲଗୁ ଇନେକିଦେଂକି ତାଦାଂ ଏଚେକ୍ ମାନାଡ୍, ହେଏଚେକ୍ ହେଝାନ୍ ସାରି;

୭ ଇନେକିଦେଂକି ଆସେଙ୍ଗ୍ ଜଗଡ୍‌ତ ଇନାକା ତାଝାତାସ୍‌ନା, ଆରେ ଇବେତାଂ ଇନାକାପା ଅଦେଂ ଆଡୁସ୍;

୮ ଲାଗିଂ କାଦି ହେହା ମାଟିସ୍ ମା କାଜିଂ ସାରି ।

\* ୫:୧୮ ମାଡିଉ ୧୦:୧୦; ଲୁକ ୧୦:୭.

୯୮ ମତର ଇନେର ମାଜାନ ଆଦେଙ୍ଗ ଇଚା କିତାର, ହେଞ୍ଜାର ପରିକ୍ୟାତ ଆରି ଡକ୍ତାତ, ଆରେ କେତେକ୍ ବାନି ବାନ୍ୟାତ ଆରି ଲାସ୍‌ଆରୁଡ଼ ଲୁଲ୍‌ସାତାକେ ଆଣ୍ଟାର, ଇଦାଂ ଝିଜୁ ମାନାୟତିଂ ସବୁ ନାସ୍ ଆରି ବୁଡାନି ଲାକେ ହାମ୍‌ଦୁରତ ମୁର୍ନାତ ।

୯୯ ଇନେକିଦେଂକି ଦାନ ଲବ୍ ଝିଜୁ ନସୁନି ଦଲ୍; ଇନେ ଇନେର ହେବେ ଆହା ଆଜି ପାତର୍ ପିସ୍ତ୍ର ହାଜି ବାଣାତାଣ୍ଟା, ଆରେ ବେସି ଦୁକ୍ତାଂ ଜାର୍ ଜାର୍ ମାନତିଂ ଦୁକ୍ କିତାଣ୍ଟା ।

**ହାରିହାରାନି ବେରଣ**

୧୦୦ ମାତର ଏ ତିମତି ଏନ୍ ରକାୟ୍ ଜିସୁ ଲକୁ, ଏନ୍ ଇ ଝିଜୁ ତାଙ୍ଗ୍ ହାଲ୍‌ଜି ଦାମର୍, ଇସ୍‌ବରତାକେ, ପାତର୍, ଜିଉନନିତ, ସାସ୍ ଆରି ହୁଦାର୍‌ନି ପାଚେ ସିଦାସାଦା ବାତର୍ ଆଦେଂ ସେସ୍ତା କିୟା ।

୧୦୧ କ୍ରିସ୍ତୁ ପାତର୍‌ନି ହାଦର୍ ଜୁଡ଼ତାକେ ମାନପାରାଣ୍ କିୟା, ଝିଜୁ ଜିବୁନ୍ ଆସ୍ତି ଇଚା; ହେଦାଂ କାଜିଂ ତ ଏପେଙ୍ଗ୍ କୁକ୍‌ୟାତାଦେଣ୍ଟା ଆରି ବେସି ସାକିର୍ ମୁମ୍‌ଦ ହାଦର୍ ସାକି ହିତାୟନା ।

୧୦୨ ☆ଝିଜୁରତି ଜିବୁନ୍ ହିଦ୍‌ନି ଇସ୍‌ବର୍ତ୍ତ ବେଟାନିତ, ଆରେ ପତ୍ରିୟ ପିଲାତତି ମୁମ୍‌ଦ ହାଦର୍ ସାକି ହିଦ୍‌ନାକାନ କ୍ରିସ୍ତୁ ଜିସୁତି ବେଟାନିତ ଆନ୍ ନିଙ୍ଗେଙ୍ଗ୍ ବଲ୍ ହିଦ୍‌ନାଙ୍ଗା,

୧୦୩ ମାପୁ ଜିସୁ କ୍ରିସ୍ତୁ ଆରେଞ୍ଜାନି ପାତେକ୍ ମିଙ୍ଗେଙ୍ଗ୍ ହିୟାଜି ମାନତି ବଲ୍‌କୁ ପାତର୍ କିଜି ପାଲି କିୟାଟ୍ ।

୧୦୪ ହେଞ୍ଜାନ୍ ପରମ୍ ଦନ୍ୟ ରଞ୍ଜାନ୍ ମତର ସାସନ୍ କାରୟା, ହେଞ୍ଜାନ୍ ରାଜାର୍ ଜପି ରାଜା ଆରି ମାପୁ ତାଙ୍ଗ୍ ମାପୁ,

୧୦୫ ଇନେର ରଞ୍ଜାନ୍ ମତର ହାଞ୍ଜାକାନ ଆରି ହାଞ୍ଜେଙ୍ଗ୍ ଅଜଡ଼ତ ବାହାକିନାକାନ, ଇନେନିଙ୍ଗ୍ ଇମ୍‌ଣି ମୟେଡ଼ପୁର୍ ଇନାଞ୍ଜାତାଙ୍ଗ୍ ହୁଡ଼ଞ୍ଜାତାନ୍ନା, କି ହୁଡ଼ଦେଙ୍ଗ୍ ଆଡୁଡ଼, ହେଞ୍ଜାନ୍ ସମାନ୍ ଞାଡ଼ାଙ୍ଗ୍ ହେଦାଂ ଚନ୍‌ନାନ୍; ଝିଜୁକାଡ଼ ପାତେକ୍ ହେଞ୍ଜାନ୍ତି ମାନିନି ଆରି ସାକ୍ତିକାଟାକାନ ହଞ୍ଜେଡ଼ । ଆମେନ୍ ।

୧୦୬ ଇମ୍‌ଣାକାର୍ ଇ କାଡ଼ଦ ମାଜାନ, ହେଞ୍ଜାର ଇନେସ୍‌କି ଆକ୍ରିୟା ଆମେର୍ ଆରି ଝିଜୁନ୍ ଦାନ୍ ଜପି ବାସର୍ କିମେର୍, ଇଚିସ୍ ଦୁକ୍‌ବଗ୍ କାଜିଂ ସବୁ ବିସ୍ତେ ବେସିତାଂ ମାଙ୍ଗ୍ ଦାନ୍ କିଦ୍‌ନାନ୍ ଇମ୍‌ଣି ଇସ୍‌ବର୍, ହେଞ୍ଜାନ୍ତି ଜପି ବାସର୍ କିନାର୍; ତା ପାଚେ ବଗିକିଦେଂ ମା ସବୁ ବିସ୍ତେ ହେଞ୍ଜାନ୍ ମାଙ୍ଗେଙ୍ଗ୍ ହିଦ୍‌ନାନ୍ ।

୧୦୭ ଆରେ ବିନ୍ ଲକାର୍ ବାଗ୍ କିଜି ଝିଜୁ ହାର୍ କାମାୟତ ମାଜାନ ଆନାର୍; ଆରେ ମେଲା କେଇଦାଂ ଆରି ଉଦାର୍ ବାବ୍ରେ ଦାନ୍ କିନାର୍, ଇଦାଂ କାଜିଂ ହେଞ୍ଜାରିଂ ବଲ୍ ହିୟାଟ୍;

୧୦୮ ତା ଆଡିସ୍, ଇ ଅବିନସର୍ ଟୁଣ୍ଟି ଉବ୍‌ଜାୟ୍ କିଜି ଜାର୍‌ତି ପାଚେନି କାଜିଂ ହେଞ୍ଜାର୍ ଆଟ୍‌ଞ୍ଜା କୁନାଦି ରଚ୍‌ନାର୍ ଆରି ହାରିହାରା ହେଞ୍ଜାର୍ ହାଡ଼ପାନି ଜିବୁନ୍ ଲାବ୍ କିତାର୍ ।

୧୦୯ ଏ ତିମତି, ନି ତାକେ ଇନାକା ହିୟା ଆଡ଼ତାଡ଼ନା, ହେଦାଂ ରାକ୍ୟା କିୟା; ଆହାର୍ ଜାକ୍‌ଡ଼ା ଆରି ବେଣ୍ଟ ବେଣ୍ଟ “ଗିୟାନ୍‌ନି” ଜିକାଟାଣାତାଂ ବିନେ ଆଡୁ ।

୧୧୦ ଇନେ ଇନେର ହେଦାଂ ପାଲି କିଞ୍ଜାଦାଂ ପାତର୍ ବିସ୍ତେ ହାଜିବାଣା ଆତାଣ୍ଟା ।

ଇସ୍‌ବର୍ତ୍ତି ଉପକାର୍ ଆରି ଦୟା ମିଙ୍ଗେଙ୍ଗ୍ ସମାନ୍‌ବାତର୍ ଆୟେଡ଼ । ଆମେନ୍ ।

## ଫିଲମନଙ୍କ ନିକଟକୁ ପ୍ରେରିତ ପାଉଲଙ୍କ ପତ୍ର ପିଲିମନ୍ ଲାଗାଂ ପକ୍ୟାତି ପାଉଲ୍‌ତି ଆକି ପିଲିମନ୍ ଆକି ବିସ୍ତେ ପାଦେକ୍

ଇଚ୍ଛୁ ପିଲିମନ୍ ଆକି ପକ୍ୟାତି ପାଉଲ୍‌ତି ହୁକେ ଲେକା ଆଜି ମାଚାଡ଼ ୧:୧ ଏଚେକାଡ଼଼ ଇଦାଂ ଲେକିକିତାନ୍ ହେଞ୍ଜାନ୍ ଜଇଲ୍ ଇଞ୍ଜ ଗେହ୍‌ୟା ଆଜି ମାଚାନ୍, ଇନାକା ଅରଡ଼ ଆଜି ମାନ୍‌ଗାନାଡ଼ ହେଞ୍ଜାନ୍ ରମ୍‌ତାଂ ଇଦାଂ ଲେକିକିତାନ୍ନା । ଜଦି ହେଞ୍ଜାନ୍ ରମ୍‌ତ ମାଚାନ୍ କ୍ରିସ୍ତୁତି ଜଲମନ୍ ଆଦିକ୍ ଆତିସ୍ ତିନକଡ଼ି ଏକ୍ ୬୧ ବାହୁଁ ପାଚେ ଇ ଆକି ଲେକି କିଜି ମାନ୍‌ଗାନାନ୍ । ଇନାକା ହେ ସମାନ୍‌ଖେଡ଼ାଲିଂ କଲସିୟ ମଣ୍ଡଲିତିଂ ଲେକି କିଜି ମାନ୍‌ଗାନାନ୍ ।

ହେଞ୍ଜାନ୍ ଇ ଆକି ପିଲିମନ୍ ତରନ୍ ରଞ୍ଜାନ୍ ମାନାୟ୍‌ତିଂ ଲେକିକିତାନ୍ନା । ପିଲିମନ୍ ରଞ୍ଜାନ୍ ମଣ୍ଡଲି ମେମର୍ ଆରି ଆଡ଼ିଏନ୍ ହାଉକାର୍ ମାଚାନ୍ । ପାଉଲ୍ ଲେକିକିନାନ୍ ଜେ, ହେଞ୍ଜାନ୍ ଅନିସିମସତିଂ ଦାଣ୍ଡୁ ହିମେର୍, ଇନେରକି ପିଲିମନ୍ ତାଂ ମୁସି ଦେହା ହନ୍ତି ମାଚାନ୍ । ରମ୍‌ନି ବିଦି ଇସାବ୍‌ରେ ପିଲିମନ୍ ଅନିସିମସତିଂ ହାକି ଦାଣ୍ଡୁ ହିନି ଆଦିକାର୍ ମାଚାଡ଼ ।

ଅନିସିମସତିଂ କ୍ରିସ୍ତାନ୍ ଟଣ୍ଡେନ୍ ବାବ୍ରେ ଇଟ୍‌ନି କାଜିଂ ଇନେସ୍ ରାଜି ଆନାର୍ ହେଦାଂ କାଜିଂ ପିଲିମନ୍‌ତିଂ ପାଉଲ୍ ଗଞ୍ଜାରି କିତାନ୍ନା । ପାଉଲ୍ ଅନିସିମସତିଂ ତା ବାହାତ ହେବାକାମାୟ୍ କିନି କାଜିଂ ଆଦିକାର୍ ହିନି କାଜିଂ ବୁଜାୟ୍ କିତାନ୍ ୧:୧୩-୧୪

### ପିଲିମନ୍ ଆକି ବିସ୍ତେନି ରାହାଣ୍

୧ ପାଉଲ୍ ପିଲିମନ୍‌ତିଂ ବାନ୍ଦାୟ୍ କିନାନ୍ ୧:୧-୩

୨ ପାଉଲ୍ ଅନିସିମସତି ତାପଣ୍ଡାଙ୍ଗ୍ ପିଲିମନ୍‌ତିଂ ରଞ୍ଜାଙ୍ଗ୍ କ୍ରିସ୍ତାନ୍ ଟଣ୍ଡେନ୍ ବାବ୍ରେ ଇଟ୍‌ଦେଂ ଇନାନ୍ ୧:୪-୨୧

୩ ପାଉଲ୍ ହେଞ୍ଜାନ୍‌ତି ଆରେ ରଗ ହାନି ବିସ୍ତେ ମାନ୍‌ବାବ୍‌ନା ଆରି ବାନ୍ଦାୟ୍ କିଜି ଝିହ୍‌ନାନ୍ ୧:୨୨-୨୫

### ପିଲିମନ୍ ଲାଗାଂ ପକ୍ୟାତି ପାଉଲ୍‌ତି ଆକି

୧ କ୍ରିସ୍ତୁ ଜିସୁତି କାଜିଂ ବନ୍ଦି ଆଜି ମାଚିଲେ ଆନ୍ ପାଉଲ୍, ଟଣ୍ଡେନ୍ ତିମତି ମା ଖାରିନିକାନ୍ ଆରି ହାଙ୍ଗ୍‌ଦାକାନ୍ ପିଲିମନ୍ ତାଂ ଆକି ଲେକି କିନାଙ୍ଗା,

୨ ଆରେ, ତଣ୍ଡେଲ୍ ଆପ୍‌ପିୟା ଆରି ମା ହୁଦାଂ ମେଲ୍ୟା ଆକି ପ୍‌ପ ଆରି ମି ଇଞ୍ଜ ନି ମଣ୍ଡଲି ଲାଗାଂ ଆକି ଲେକିକିନାଙ୍ଗା ।

୩ ମା ଆବା ଇସ୍‌ବ୍ ଆରି ମାପୁ ଜିସୁ କ୍ରିସ୍ତାଙ୍ଗ୍ ଦୟା ଆରି ସୁସ୍ତା ମି କାଜିଂ ଆଏଡ଼ ।

### ପିଲିମନ୍‌ତି ଜିଉନନାକା ଆରି ପାତ୍

୪ ଟଣ୍ଡେନ୍ ପିଲିମନ୍ ନା ପାର୍ତ୍ତନାତ ନି ତର୍ ଲେକି କିଜି ସବୁ ଖେଡ଼ାଙ୍ଗ୍ ନା ଇସ୍‌ବ୍‌ତିଂ ଜଞ୍ଜାର୍ କିନାଙ୍ଗା,

୫ ଇନାକିଦେଂକି ଆନ୍ ଖେଟାଙ୍ଗ୍‌ନା, ମାପୁ ଜିସୁତାକେ ମିଦାଂ ଏଚେଜାଣ୍ ପାତ୍ ଆରି ଇସ୍‌ବ୍‌ତିଂ ମାନିକିନି ସାଦୁର୍ କାଜିଂ ମିଦାଂ ଏଚେକ୍ ଖାରି !

୬ ଇନେସ୍ ମି ପାତ୍ ନି ମେହାଣ୍, ମାଙ୍ଗେଙ୍ଗ୍ ହିୟାଜି ମାନି ଝିଜୁ ହାଉଦି ବିସ୍ତେ ମେହାତି ଗିଆନ୍ ହୁକେ କ୍ରିସ୍ତୁତି ପାକ୍ୟାତ କାମାୟ୍ ଆନାଙ୍ଗା ।

୭ ଇନାକିଦେଂକି, ଏ ଟଣ୍ଡେନ୍, ପୁଇପୁୟା ସାଦୁର୍‌ତି ଜିବୁନ୍‌ତ ମି ହୁକେ ବାଡ଼କାସ୍ ପାୟା ଆଜି ଆନ୍ ନି ଜିଉନନାକା ବେସି ଦୁକ୍‌ସାରାୟ୍ ଆରି ଖାରି ଆନାଙ୍ଗା ।

### ଅନିସିମସ୍‌ତି କାଜିଂ ଗଞ୍ଜାରି

୮ ଲାଗିଂ ଇନାକା ହାଉଦାକା, ହେ ବିସ୍ତେ ମିଙ୍ଗେଙ୍ଗ୍ ବଲ୍ ହିନି କାଜିଂ କ୍ରିସ୍ତୁତି ଆଡ଼ିଏନ୍ ଲାକେ ଆତିସ୍‌ପା ନା ବାତ୍ ସାସ୍ ମାନାଡ଼,

୯ ଆତିସ୍‌ପା ଆନ୍ ବୁଡ଼ହି ପାଉଲ୍, ଜିଉନନି କାଜିଂ ମିଙ୍ଗ୍ ଗଞ୍ଜାରି କିଦ୍‌ନାଙ୍ଗା, କ୍ରିସ୍ତୁ ଜିସୁତି କାଜିଂ ନଙ୍ଗ୍ ଗେହ୍‌ୟା ଆତାଙ୍ଗ୍‌ନା ଜେ ଆନ୍,

୧୦ ନାଦାଂ ଏଲେଙ୍ଗ୍ ଗାଡ଼ୟା ଆତି ଅବସ୍ତାତ ନାତାଙ୍ଗ୍ ହଡ଼ତି ନା ବପା ଅନିସିମ୍ କାଜିଂ ମିଙ୍ଗ୍ ଗଞ୍ଜାରି କିଦ୍‌ନାଙ୍ଗା ।

୧୧ ହେ ଆଗେ ମି କାଜିଂ କାମାୟ୍ ଆଡ଼ଞ୍ଜାକାନ୍ ମାଚାନ୍, ମତର୍ ନଙ୍ଗୟ୍ ମିଦାଙ୍ଗ୍ ଆରି ନାଦାଂ ହାରି ଉପକାର୍ ଆନାତା ।

୧୨ ହେଞ୍ଜାନ୍ ତ ନା ଜିବୁନ୍‌ତ ଲାକେ; ଆନ୍ ତାଙ୍ଗେଙ୍ଗ୍ ମି ତାକେ ମାସ୍ତି ପଲ୍ଲାନାଙ୍ଗା ।

୧୩ ନେକ୍ରିକାବୁର୍ କାଜିଂ ଗାଡ଼ତିହିଂ ତାଙ୍ଗେଙ୍ଗ୍ ନି ବାହାତ ନା ହେବା କିନି କାଜିଂ ଲାଗେ ଇଡ଼ିଦେଂ ନା ମାନ୍ ଆନାତା,

୧୪ ମତର୍ ମି ଦାନ୍ ଅଞ୍ଜାଦାଂ ଆନ୍ ଇନାକା କିଦେଙ୍ଗ୍ ମାନ୍ କିଞ୍ଜାତାଂ, ଇନେସ୍ ମି ହାଉଦି କାମାୟ୍ ବଲ୍‌ଡ଼କାର୍ କିତି ଲାକେ ଆଞ୍ଜାଦାଂ ଜାର୍‌ମାନ୍‌ତାଂ ଆଏଡ଼ ।

☆ ୧:୧୦ କଲସିୟ ୪:୯.



୧୫ ଇନାକିଦେଂକି ଆନାତ୍‌ପା, ଇନେସ୍ ଏପେଙ୍ଗ୍ ତାଙ୍ଗେଙ୍ଗ୍ ଆରେ ଆଡ଼ିଏନ୍ ଲାକେ ଗାଗାଝାଦାଂ ନଲେ ଆଡ଼ିଏନ୍‌ତାଂ ଗାଜାକାନ୍, ଇଚିସ୍, ରଞ୍ଜାନ୍ ଝାରିନି ଟଣ୍ଡେନ୍ ଲାକେ ଝିଙ୍ଗ୍‌ଝି କାଡ଼୍‌ପାୟାଦେଂ ଆଡ଼ନାଦେର୍, ଇଦାଂ କାଜିଂ ଅନିସିମସ୍ ଅଲପ୍ କାଡ଼୍ କାଜିଂ ମିଂ ତାଂ ବିନେ ଆଜି ମାଚାନ୍;

୧୬ ବେସିକିଜି ଆଡ଼ିୟା ନାଞ୍ଜାନ୍ ରଞ୍ଜାନ୍ ଝାରିନି ଟଣ୍ଡେନ୍, ଲାଗିଂ, ଗାଗାଡ଼ତ୍ ଆରି ପା ମାପୁତାକେ ମି କାଜିଂ ଆଞ୍ଜିତିସ୍ ଏଚେକ୍ ଆଦିକ୍ ଲାଡ଼ ଆଡ଼ ।

୧୭ ଲାଗିଂ ଜଦି ଏପ୍ ନାଙ୍ଗେଙ୍ଗ୍ ରଞ୍ଜାନ୍ ମେହାଣ୍ ଇଞ୍ଜି ବାବି କିୟା, ତା ଆଡିସ୍ ନାଙ୍ଗେଙ୍ଗ୍ ଇଡ଼୍‌ଦିତି ଲାକେ ହେଦେଲିଂ ଇଟାଟ୍ ।

୧୮ ଜଦି ହେଞ୍ଜାନ୍ ମି କାଜିଂ ଇନାକା ଅନାୟା କିଜି ମାନାନ୍ କି ମି ତାକେ ରିଣ୍ ଆଜି ମାନାନ୍, ତେବେ ହେଦାଂ ନା ଇସାବ୍‌ତ ଲେକିକିୟା;

୧୯ “ଆନ୍ ପାଉଲ୍ ଜାର୍ କେଇଦାଂ ଇଦାଂ ଲେକି କିଜି ହିନ୍‌ନାଙ୍ଗା, ଆନ୍ ହେଦାଂ ହୁଜା ଆନାଙ୍ଗ୍,” ଏପେଙ୍ଗ୍ ନିଜେ ଜେ ନା ଲାଗାୟା ସବୁ ଦିନି ରିଣ୍‌ୟା, ଇ ବିସ୍ତେ ଆନ୍ ଇଞ୍ଜେଙ୍ଗ୍ ମାନ୍ କିଡ଼ଙ୍ଗା ମି ଜିବୁନ୍ ନା ତାକେ ରିଣ୍ ।

୨୦ ଆଁ, ଟଣ୍ଡେନ୍, ମାପୁ ଲାହାଂ ରଚେମାଞ୍ଜି ମି ହୁକେ ନା ଲାବ୍ ଆଏଡ଼, କ୍ରିଷ୍ଟ ତାକେ ନା ଜିବୁନ୍‌ତ ସୁସ୍ତା ହିଦା ।

୨୧ ନି ବଲ୍‌ତାଂ ନା ପାତ୍ ମାଟିଲେ ଆନ୍ ନିଙ୍ଗେଙ୍ଗ୍ ଲେକିକିଦ୍‌ନାଙ୍ଗା; ଆନ୍ ପୁନାଙ୍ଗ୍ ଜେ, ଆନ୍ ଇନାକା ଇଞ୍ଜିନାଙ୍ଗା ଏପେଙ୍ଗ୍ ତା ତାକେଣ୍ ଆଦିକ୍ ପା କିନାଦେର୍ ।

୨୨ ହେ ହାଙ୍ଗେ ହାଙ୍ଗେ ନା ମାନି ବାହା ପା ରଚ୍‌ଚି ଇଟାଟ୍, ଇନାକିଦେଂକି ମି ପାର୍ତାନା ହୁକେ ଏପେଙ୍ଗ୍ ନାଙ୍ଗେଙ୍ଗ୍ ମାସ୍‌ଦି ଗାଗାନାଦେର୍, ଆନ୍ ଇଦାଂ ଆହା କିନାଙ୍ଗା ।

**ହାରିହାରା ଜୁଝାର୍**

୨୩ କ୍ରିଷ୍ଟ ଜିସୁତି କାଜିଂ ତାଙ୍ଗେଙ୍ଗ୍ ନା ହାଙ୍ଗ୍‌ଦାକାନ୍ ରଚେ ଗାଚ୍ୟା ଆତାକାନ୍ ଏପାପ୍ରା ଆରି ନା ହାଙ୍ଗ୍‌ଦାକାର୍

୨୪ କ୍ରିଷ୍ଟ ଜିସୁ କାଜିଂ ନା ହାଙ୍ଗ୍‌ଦି ବନ୍ଦି ଏପାପ୍ରା ଆରି ନା ହାଙ୍ଗ୍‌ଦାକାର୍ ଇନେନ୍ ମାର୍କ, ଆରିସ୍ତାର୍କ, ଦିମା ଆରି ଲୁକ ନିଙ୍ଗେଙ୍ଗ୍ ଜୁଝାର୍ ଜାଣାୟା କିଦ୍‌ନାନା ।

୨୫ ମା ମାପୁ ଜିସୁ କ୍ରିଷ୍ଟି ଉପକାର୍ ମି ଝିଜାକାର୍ ଜିବୁନ୍‌ତ ଆଏଡ଼ ।

## ହିବ୍ରୁମାନଙ୍କୁ ଲିଖିତ ପତ୍ର ଏହିରଂ ଲେକିକିତି ଆକି । ଏହି ଆକି ବିସ୍ତେ ପାଦେକ୍

ପ୍ଲାନି ନିୟମନି ବାରବିନ୍ ବେଶ୍‌ବାକ୍‌ଶାୟକିନାକା ସବୁ ବାତ୍ ଆତାକା ବିସ୍ତେ ଇବେ ଗାଟାନାସ୍ । ଇବେ ଆଦିକ୍ ଅତିସ୍ ୭୦ ତାଂ ଆଦିକ୍ ପ୍ଲାନି ନିୟମନି ପାଟ୍ ମାନାତ୍ । ଇନାକା ଜିସୁ କ୍ରିଷ୍ଟୁ ଇନେସ୍ ବାବ୍ରେ ବେଶ୍‌ବାକ୍‌ଶାୟକିତାକା ଆରି ଜିହୁଦି ମାପୁହେବାକିନାକାତ୍ କାମାୟ୍ ବାତ୍ କିତାନ୍ ଇବେ ଆସେକ୍ ପାୟା ଆନାସ୍ ।

ଇ ବିସ୍ତେତାଂ ଇଦାଂ ଜିହୁଦିର୍ କ୍ରିଷ୍ଟିୟାରିଂ ସାସ୍ ହିନି ପତି । ଏହି ପତି ଜିସୁ ବିଦି ଝିହ୍ନି କାଜିଂ ମାପୁହେବାକିନାକାନ୍ ଆରେରଗ ଇନାଝାତାଂ ପୁଜାକିନାକା ଲଡା ଆକାୟ୍ । ଜିସୁ କ୍ରିଷ୍ଟୁ ଆନାନା ଝିଲୁ ପାପ୍‌ନି ପୁଜା ହିଆତାନ୍ ରଞ୍ଜେମାତ୍ ସବୁଝେଡାକ୍ କାଜିଂ । ନକ୍‌ନି ଦୁଗ୍‌ନି କ୍ରିଷ୍ଟିୟାର୍ କାଜିଂ ଏହି ଆକିତ ସାସ୍ ହୁଡ଼ୟା ଆନାତ୍ । କେବଲ୍ କ୍ରିଷ୍ଟୁ ମା ଇସ୍‌ବର୍‌ତିଂ ବାସ୍ କିନି କାଜିଂ ଆଡ଼ନାସ୍ । ଆରେ ପା ହେଝାନ୍ ତାକେ ବାସ୍ କିଜି ଚାଲାନାସ୍ ୧୨:୨ ।

ଏହି ପତି ଇନେର୍ ଲେକିକିତାଣ୍ଟା ପୁନ୍ୟାଉତା, ମାତର୍ ପଣ୍ଡିତାର୍ ଇନାରା, ପକ୍ୟାତି ପାଉଲ୍, ଲୁକ, କି ବର୍ଣ୍ଣିବା ଆଜି ମାନ୍‌ଗାନାର୍ । ଇବେନି ଲେକା ପା ପୁନ୍ୟାଉତ୍ ମାତର୍ କେତେକ୍ ଜାଣ୍ ପାତ୍ କିତାର୍ ଜେ, ଇଦାଂ ଜିସୁ କ୍ରିଷ୍ଟୁତି ଜଲମ୍ ପାଚେ ୭୦ ତ ଲେକା ଆତାନ୍ । ଜିରୁସାଲମ୍ ମନ୍ଦିର୍ ୭୦ ତ ନାସ୍ ଆତାତ୍ ମାତର୍ ଇ ଆକିନି ଲେକିକିନାକାନ୍ ଇଦାଂ ନାସ୍ ଆଝିତି ଲାକେ ଇନାନ୍ । ଏହି ଆକି ଆଜି ମାନ୍‌ଗାନାତ୍ ରମିୟ୍ ଗାଡ଼୍ ଲେକାଜି ମାତାତ୍ ୧୩:୨୪ ଆରି ବାରବିନ୍ ମଣ୍ଡଲିତ ପାସପିସ୍ ହିତାଣ୍ଟା ।

### ଏହି ଆକି ବିସ୍ତେନି ଗାହାଣ୍

- ୧. ଲେକିକିନାକାନ୍ ଇନାନ୍ ଜେ, ଜିସୁ କ୍ରିଷ୍ଟୁ ଆନାନା ଇସ୍‌ବର୍‌ତି ବେଶ୍‌ବାକ୍‌ଶାୟକିନାକାନ୍ ଆରି ଦୁତକ୍ ତାଂ ପା ଗାଜାକାନ୍ । ୧:୧-୪:୧୩
- ୨. ଜିରୁସାଲମ୍‌ତ ହେବା କିନି ମାପୁହେବାକିନାକାଟ୍ ତାଂ ପା ଜିସୁ କ୍ରିଷ୍ଟୁ ଗାଜାକାନ୍ ଇଞ୍ଜି ଲେକିକିନାକାନ୍ ଇନାନା । ୪:୧୪-୭:୨୮
- ୩. ମସାତି ହୁଦାଂ ମାନାୟାରିଂ ହିୟାଜି ମାତି ବିଦି ନି ପାନି ଗଜା ଜିସୁତି ହେବାକାମାୟ୍ ଗାଜାକାନ୍ । ୮:୧-୧୦:୩୧
- ୪. ଜିସୁକ୍ ଝିଲୁତାକେ ଗାଜାକାନ୍ । ୧୦:୩୨-୧୩:୧୭
- ୫. ଲେକିକିନାକାନ୍ ଇ ଆକିତ ଏତେଗଟା ସାସ୍‌ନି ବୁଜାୟ୍ କିଜି ଲେକା ଝିହ୍ନାନ୍ । ୧୩:୧୮-୨୫

### ମାଜିତି ଇସ୍‌ବର୍‌ ହିଡ଼ି କାବୁର୍

<sup>୧</sup> ଇସ୍‌ବର୍‌ ଆଗେକାଡ଼୍‌ ବିନ୍‌ବିନ୍ ବାଗ୍‌ତ ଆରି ବିନେବିନେ ବାନି ବେଶ୍‌ବାକ୍‌ଶାୟ କିନାକାଟ୍ କାଜିଂ ବୁଡାରିକ୍ କାତା ଇଞ୍ଜି ମାଗାର୍

<sup>୨</sup> ଇ ହାରିହାରା କାଡ଼୍‌ ମାଜି କାଜିଂ ମାଞ୍ଜେକ୍ କାତା ଇଞ୍ଜାଣ୍ଟା; ତାଞ୍ଜେକ୍ ହେ ସବୁ ବିସ୍ତେନି ଆଦିକାର୍ କିଜି ବାତି କିତାନ୍, ତା ହୁକେ ପା ସବୁ ଜଗଡ଼ ଉଦ୍‌ଜାଣ୍ କିତାନ୍;

<sup>୩</sup> ହେଝାନ୍ ତାକେ ଇସ୍‌ବର୍‌ତି ଜାଜ୍‌ମାଲ୍‌ନି ଅଜଡ଼୍ ଆରି ତାଦାଂ ପୁରା, ହଲନାକା ଆତାଡ଼୍‌ନା । ଆରେ ହେଝାନ୍ ଜାର୍‌ତି ବଚନ୍ କାଜିଂ ପୁଡ଼ି ଜଗଡ଼ି ତାବେ କିତାନ୍ । ହେଝାନ୍ ମାନାୟ୍ ଜାତି କାଜିଂ ପାପ୍ ନିର୍ମାଲ୍ କିଜି ସାଗେତ ସାକ୍ରିକାତି ଇସ୍‌ବର୍‌ ବୁଜଣି ବାଗାକ୍ କୁଡ଼ାନ୍ନା ।

### ଇସ୍‌ବର୍‌ତି ମାଜି ମୁଡ଼ାକାନ୍

<sup>୪</sup> ହେଝାନ୍ ଇମଣି ଇସାପ୍‌ତ ସାଗେନି ଦୁଡ଼କୁକାଂ କାଜିଂ ଆଦେକ୍ ନେକ୍ରି ତର୍‌ଦି ଆଦିକାର୍ ଆତାଣ୍ଟା, ହେ ଇସାପ୍‌ତ ହେଝାନ୍ ହେଝାକ୍‌ତାଂ ଆଦିକ୍ ମୁଡ଼ାକାନ୍ ଆତାନ୍ନା,

<sup>୫</sup> ଇନାକିଦେଂକି ଇସ୍‌ବର୍‌ ଦୁଡ଼କୁ ବିତ୍ରେ ଇନେରିଂ ଇନାଝାତାଂ ଏଲେକ୍ ଇନ୍‌ଝାତାନ୍ନା ।

“ଏନେକ୍ ମା ମାଜି,

ନେଞ୍ଜେକ୍‌ତାଂ ଆନ୍ ନିଂ ଜଲମ୍ ହିଡ଼ିତାକ୍‌ନା ?”

ଇସ୍‌ବର୍‌ ପା ଇଚାନ୍, ଆରେ

“ଆପ୍ ମି ଆବା ଆନାପ୍,

ଆରେ ହେଝାନ୍ ମା ମାଜି ଆନାନ୍ ?”

<sup>୬</sup> ଆରେ, ଇମଣି ସମୁତ ହେଝାନ୍ ପର୍ତ୍ତୁମ୍ ଗାଗାଡ଼୍ ଆସ୍ତି ମାଜି ଆରେରଗ ପୁଡ଼ି ବିତ୍ରେ ନେଡ଼କାନାର୍, ହେ ସମୁତିକ୍ ଇଡ଼କାଡ଼୍ କିଜି ହେଝାନ୍ ଇନାନ୍ ।

“ଇସ୍‌ସୁରନିକାର ଓଜାର ଦୁତ ତାଙ୍ଗେଇଁ ଜଞ୍ଜାର କିଏତ୍ ।”

୭ ମାତର ର ପାକ୍ୟାତ ହେଞ୍ଜାନ୍ ଦୁତକୁ ବିସ୍ତେ ଇଞ୍ଜାନାନ୍,

“ହେଞ୍ଜାନ୍ ଜାର ଦୁତରିଂ ଡ଼ୁଲ୍ଲାକେ କିନାନ୍,

ଆରେ ଜାର ହେବାକାରିରିଂ ନାଣିନି ପଞ୍ଜନିଲ୍ଲାକେ କିନାନ୍,”

୮ ବିନ୍ ପାକ୍ୟାତ ହେଞ୍ଜାନ୍ ମାଜିଡ଼ି ବିସ୍ତେ ଇନାନ୍,

“ଏ ଇସ୍‌ସୁର, ନି ଗାଦି ଜୁଗ୍ ଜୁଗ୍,

ଆରେ ନିୟାୟନି ଦାଣ୍ଟି ମି ରାଜିନି ଦାଣ୍ଟି ଆନାଡ଼ ।”

୯ “ଏପ୍ ଦାମ୍ ିଂ ଜିଉନତାୟନା ଆରି ଅଦାମ୍ କାତାତିଂ ବାନ୍ୟା କିତାୟନା,

ଲାଗିଂ ହେଦାଂ ଏ ଇସ୍‌ସୁର ମି ଇସ୍‌ସୁର ମିଙ୍ଗେଇଁ ବାଟିକିଡ଼ତାନ୍ନା,

ମି ହାଙ୍ଗଦାକାର ବାଟା ନିଙ୍ଗେଇଁ ଆଦିକ୍ ଖାରି ଲାକେ ଚିକାଣ୍ଡତାଂ ସିଗ୍‌କିତାନ୍ନା ।”

୧୦ ହେଞ୍ଜାନ୍ ଆରେ ପା ଇଚାନ୍ନା,

“ଏ ମାପୁ, ଏନ୍ ମୁଡ଼ଦାଂ ପୁତ ିଂ କୁନାଦି ରଚ୍ଚି ମାଚାୟ୍,

ଆରେ ଆକାସ୍‌କାଂ ନି କେଇଦାଂ ରଚ୍ଚି କାମାୟ୍ ।”

୧୧ “ହେ ସବୁ ରୁଡ଼ାନିକ୍, ମତର ଏନ୍ ନିଡ଼େଡ଼ିର,

ଆରେ ହେ ସବୁ ଆଙ୍ଗିଙ୍ଗ ଲାକେ ଜିରା ଆଜି ହାନିଙ୍ଗ୍ ।”

୧୨ “ଆରେ ଏନ୍ ହେନ୍ଦା ଲାକେ, ଆଁ ଆଙ୍ଗିଙ୍ଗ ଲାକେ ହେ ସବୁ ପରିକିଦ୍‌ନାଡ଼, ଆରେ ହେ ସବୁ ବାଦ୍‌ଲାନାଡ଼ ।

ମତର ଏନ୍ ନିଡ଼େ ସମାନ୍, ଆରେ ନି ଜିବୁନ୍ ସବୁ ଇନିଞ୍ଜାଡ଼ାଂ ଓଜୁଡ଼ ।”

୧୩ “ଆରେ ଆପ୍ ଏଚେକ୍ ପାତେକ୍ ମି ସାଡ଼ୁରିଂ ମି ପାନା ତାରେନ୍ ଇଡ଼ଞ୍ଜାତାପ୍‌ନା ।

ହେପାତେକ୍ ମା ତିନାକେଇ ନିପ କୁଚ୍ଚି ମାନାଡ଼,

ଇଦାଂ ହେଞ୍ଜାନ୍ ଦୁତର ବିଡ଼େ ଇନେରିଂ ଇନାଞ୍ଜାଡ଼ାଂ ଇନ୍‌ଞ୍ଜାତାନ୍ନା ।”

୧୪ ଲାଗିଂ ସାରେଦୁଡ଼ ଇନେର୍ ? ହେଞ୍ଜେକ୍ ଆନିକା ଇସ୍‌ସୁରତି ହେବାକାରି, ମୁକ୍‌ଡ଼ାନି ମାନାୟାଚ୍ଚି ଉପ୍‌କାର୍ କାଜିଂ ଇସ୍‌ସୁର ହୁକେ ପକ୍ୟାତି ଜିବୁନିଂ ।

### ୨

#### ଗାଜା ମୁକ୍‌ଡ଼ାନାକା

୧ ଲାଗ, ଖେଚି କାତାତିଂ ଆଦିକ୍ ମାନ୍ ଦିଆନ୍ ଇଚ୍‌ନାକା ମା ଲଡ଼ା, ନଲେ ଏଚେକାଡ଼୍‌ଦ ମା ଇଚ୍‌କାଡ଼୍‌ବାଙ୍ଗାନାଡ଼ ।

୨ ଇନାକିଦେଂକି ପର୍ତ୍ତୁମ୍ ଇସ୍‌ସୁର ସାରେନି ଦୁତର ଲାହାଂ ଇମ୍‌ଣି କାରୁର ଖେଚ୍‌ଚାତାଣ୍ଟା ହେଦାଂ ହାଡ଼ପା ଇଞ୍ଜି ପାର୍ମାଣ୍ ଇମ୍‌ଣାକାର ଅମାନ୍ୟା ଆଜି ପାଲି କିଉରା ହେଞ୍ଜାର ପାୟାନି ନିୟାୟ ପାୟାତାଣ୍ଟା ।

୩ ଖାଚିଂ ଏଲେଇଁ ଗାଜା ମୁକ୍ତି ଆନାକା ଏଲା କିତିସ୍ ଆସେଇଁ ଇନେସ୍ ରାକ୍ୟା ପାୟାନାସ୍ ? ହେଦାଂ ତ ପର୍ତ୍ତୁମ୍ ମାପୁତି ହୁଦାଂ ଇନ୍ୟା ଆଜି ଖେଚି ଲୁଗାତ ିଂ ହୁଦାଂ ମା ଲାଗାୟ୍ ପାର୍ମାଣ୍ ପୁରା ଆତାଡ଼;

୪ ହେ ବିସ୍ତେ ଇସ୍‌ସୁର ପା ଜାର ଇଚା ଇସାପ୍ରେ ବାର୍‌ବିନି ଚିନ୍ ଆରି କାବାନି କାମାୟ୍ ଆରେ ବାରବିନି ସାକ୍ତିନି କାମାୟ୍ ଆରି ପୁଇପୁୟା ଜିବୁକ୍ତି ଆଦେକ୍ ଦାନ୍ ହୁଦାଂ ସାକି ହିଡ଼ତାନ୍ନା ।

#### ଜିସୁ ବାତ ିଂ ଗାଗାଡ଼ ଆସ୍ତାନ୍

୫ ଇନାକିଦେଂକି ଇମ୍‌ଣି ଏଡ଼ୁ ପୁତ ିଂ କାତା ଆସେଇଁ ଇନାସା, ହେଦାଂ ହେଞ୍ଜାନ୍ ଦୁତକ୍ତି ତଲ୍ୟା କିଡ଼ଞ୍ଜାତାନ୍ନା ।

୬ ଇନେକିଦେଂକି ଦରମ୍ ସାସ୍ତରତ ଲେକାତାଡ଼ନା, ଇମ୍‌ଣି ବାହାତ ଇ କାତା ଇଞ୍ଜି ସାକି ହିଡ଼ତାନ୍ନା ମାନାୟ୍ ଇନେର୍ ।

ଜେ ଏପେଇଁ ହେଞ୍ଜାନିଂ ଏଡ଼ କିଜି ମାନାଦେର୍ ?

ମାନାୟ୍ ମାଜି ଇନେର୍ ଜେ,

ଏପେଇଁ ହେଞ୍ଜାକ୍ତି ଜାଡୁନ୍ ଅନାଦେରା ?

୭ ଏପେଇଁ ଦୁତରତାଂ ତାଙ୍ଗେଇଁ ଅଲପ୍ ତଲ୍ୟା କିତାଦେଣ୍ଟା ।

ଏପେଇଁ ହେଞ୍ଜାନିଂ ଜାଜମାଲ୍ ଆରି ସନ୍‌ମାନି ମୁକ୍ଚୁ ଲାକେ ତୁଜି କିତାଦେଣ୍ଟା,

୮ “ଓଜୁ ବିସ୍ତେ ଜପି ଏପେଇଁ ହେଞ୍ଜାନ୍ ପାନା ତାରେନ୍ ଇଡ଼ତାଦେଣ୍ଟା ।”

ହାପୁରଚେ ହେ “ଓଜୁ ବିସ୍ତେଡ଼ିଂ ହେଞ୍ଜାକ୍ତି ତଲ୍ୟା କିଦେଇଁ ଇମ୍‌ଣି ବିସ୍ତେ ହେଞ୍ଜାକ୍ତି ତଲ୍ୟା କିଞ୍ଜାଦାଂ ପିଡ଼ଞ୍ଜାତାନ୍ନା ।” ଆପେଂ ଇ ପାତେକ୍ ଓଜୁ ବିସ୍ତେ ହେଞ୍ଜାକ୍ତି ତାରେନ୍ ଆନାକା ହୁଡ଼ଞ୍ଜାତାପ୍‌ନା ହାଡ଼ପା,

୯ ଆପେ ହୁଡ଼ନାପା ଇନେସ୍ ଜିସୁ ଦୁଡ଼କୁତା ଅଲପ୍ ତଲ୍ୟା ଆଜି ମାଚାର୍, ହେଝାନିଂ ଇଚିସ୍ ଜିସୁ ହାକିନି ଦୁକ୍ବଗ୍ କାଜିଂ ଜାଜ୍ମାଲ୍ ଆରି ମାନିନି ଲାକେ ମୁକୁର୍ ଉସ୍ପିସ୍ ମାନାକା ହୁଡ଼ନାପା, ଇନେସ୍ ଇସ୍ପୁର୍ତି ଦୟାତ ଜାଣକେ ମାନାୟ୍ କାଜିଂ ହେଝାନ୍ ହାକିତିଂ ହୁଡ଼ତାନ୍ନା ।

୧୦ ଇନାକିଦେଂକି ଇନେରତି କାଜିଂ ଆରି ଇନେରତି ହୁଦାଂ ଝିନ୍ଦୁ ବିସ୍ତେ ଉବ୍ଜାଣ୍ ଆତାଡ଼ନ୍ନା, ଆଦେକ୍ ହିମ୍ଣାକାଂ ଜାଜ୍ମାଲ୍ତାଂ ହଟ୍ପେଦେଂ ହେଝାରତି ମୁକ୍ତାୟ୍କିନି ମୁଣିକାଂ ଦୁକ୍ବଗ୍ ହୁଦାଂ ବାତ୍ କିନାକା ହେଝାନ୍ତି ହାର୍ ମାଚାଡ଼ । ଜିସୁ ନେ ମୁକ୍ତାନି ହାଜି ଚଚ୍ଚାନାନ୍ ।

୧୧ ଲାଗିଂ ଜିସୁ ଆରି ଇମ୍ଣାକାରିଂ ପୁଇପୁୟା ଆନାର୍, ହେଝାର୍ ଝିଜାର୍ ର ଆବାର୍ତି ହିମ୍ଣାଂ; ହେଦାଂ କାଜିଂ ହେଝାନ୍ ହେଝାରିଂ ଟଣ୍ଡେନ୍ ଆରି ତଣ୍ଡେକ୍ ଇଞ୍ଜେକ୍ ଲାଜୁ ଆଉନ୍,

୧୨ “ହେଝାନ୍ ଇସ୍ପୁର୍ତିଂ ଇନାନ୍,”  
“ଆନ୍ ଜାର୍ ଟଣ୍ଡାର୍ ଆରି ତଣ୍ଡେକ୍ ଲାଗାୟ୍ ନି ତର୍ ସୁଣାୟ୍ କିନାକ୍,  
ମଣ୍ଡୁଲି ବିତ୍ତେ ନି ଝାରିକିୟ୍ କେରକଣ୍ କେରନାକ୍ ।”

୧୩ ହେଝାନ୍ ଇଦାଂ ଇଚାନ୍ନା “ଆନ୍ ଇସ୍ପୁର୍ତାକେ ପାତ୍ ଇଡ଼ନାକ୍ ।” ଆରେରଗ, ଇଦାଂ ହୁଡ଼ାଟ୍, ଆନ୍ ଆରି “ଇସ୍ପୁର୍ ହିଡ଼ତି ନା ହିମ୍ଣାକ୍ ।”

୧୪ ହେଝାନ୍ ଇମ୍ଣାକାରିଂ, ହିମ୍ଣାକ୍ ଇଞ୍ଜି ଇନାରା, ନେତେର୍ ଜେଇନି ମେହାତିଲେ ହେଝାନ୍ ପା ନିଜେ ହେ ଲାକେ ହେବେନି ମିହାତାନ୍, ଇନେସ୍ ହାକି ହୁଦାଂ ହାକିନି ଆଦିକାର୍ତିଂ, ଇଚିସ୍ ସୟ୍ତାନ୍ତିଂ ନାସ୍ କିନାନ୍

୧୫ ଆରେ ହାକିନି ପାଣ୍ଡୁଟ୍ ଇମ୍ଣାକାର୍ ସବୁଝେଡାକ୍ ଆଡ଼ିଏନ୍ ମାଚାର୍, ହେଝାରିଂ ହେଝାନ୍ ଉଦାର୍ କିନାନ୍ ।

୧୬ ଇନାକିଦେଂକି ହାଡ଼ପାନେ ହେଝାନ୍ତ ସାଗେ ଦୁଡ଼ର୍ତି ଜାତୁନ୍ ଅଝାଦାଂ ଅବ୍ରାହାମ୍ତି ଲାତ୍ରା ହିମ୍ଣାକାଂ ଉପକାର୍ କିତାର୍ ।

୧୭ ଲାଗିଂ, ଝିନ୍ଦୁ ବିସ୍ତେ ଜାର୍ ଟଣ୍ଡାର୍ତି ଲାକେ ଆନାକା ହେଝାନ୍ତି ଲଡ଼ା ମାଚାଡ଼, ଇନେସ୍ ହେଝାନ୍ ମାନାୟାତ୍ ପାପ୍ନି କେମା କାଜିଂ ଇସ୍ପୁର୍ତି ହେବା ବିସ୍ତେ ରଝାନ୍ ଦୟା ନିକାନ୍ ଆରି ପାତ୍ ନି ମୁଡ଼୍ ମାପୁହେବାକିନାକାନ୍ ଆନାନ୍ ।

୧୮ ଇନାକିଦେଂକି ହେଝାନ୍ ନିଜେ ପରିକ୍ୟାକିୟାଜି ଦୁକ୍ବଗ୍ କିଜିମାତିଲେ ପରିକ୍ୟାକିୟା ଆଜି ମାନି ମାନାୟ୍ତିଂ ଉପକାର୍ କିନି କାଜିଂ ଆଡ଼ନାନ୍ ।

### ୩

#### ଜିସୁ ମସାତାଂ ଗାଜାକାନ୍

୧ କ୍ରିସ୍ଟୁକ୍ ପାତ୍ କିନି ଟଣ୍ଡାର୍ ଆରି ତଣ୍ଡେକ୍ ଲାଗିଂ, ହେଝାନ୍ ସାଗେନି କୁକ୍ୟାତିତ ମେହାଜି ପୁଇପୁୟା ଟଣ୍ଡାର୍ ଆରି ତଣ୍ଡେକାଦେର୍, ମା ପାତ୍ ନି ଇସାବ୍ରେ ପକ୍ୟାତାକାନ୍ ଆରି ମୁଡ଼୍ ମାପୁହେବାକିନାକାନ୍ ଜିସୁତି ବିସ୍ତେ ଏଡୁ କିଜି ହୁଡ଼ାଟ୍;

୨ ମସା ଇନେସ୍ ଇସ୍ପୁର୍ତି ଇଲ୍ ବିତ୍ତେ ପାତ୍ କିନାକାନ୍ ମାଚାନ୍, ଜିସୁ ହେ ଲାକେ ଜାର୍ ବାଟିକିତି ମୁଣିକା କାଜିଂ ପାତ୍ ମାଚାନ୍ ।

୩ ଇଲ୍ ବାଟା ଇଲ୍ ନି ରଚ୍ତି ମୁଣିକା ଇନେସ୍ ଆଦିକ୍ ଝାରିକିୟା ଆନାନ୍, ହେ ଲାକେ ହେଝାନ୍ ମସାତି ବାଟା ଜିସୁ ଆଦିକ୍ ଜାଜ୍ମାଲ୍ ନି ଜଗ୍ ଇଞ୍ଜି ଗାଣା କିୟାତାନ୍ନା ।

୪ ଲାଗିଂ ଜାଣକେ ଇଲ୍ ଇମ୍ଣାକା ପା କି ଇମ୍ଣି ଲଗୁତି ହୁଦାଂ ରଚ୍ଚାକା, ମତର୍ ଝିନ୍ଦୁ ବିସ୍ତେ ଜେ ରଚ୍ଚିମୁଣିକା, ହେଝାନ୍ ଇସ୍ପୁର୍ ।

୫ ହେବାକାର୍ୟା ବାବ୍ରେ ପାଚେ ଇଚି ବିସ୍ତେ ସାକି ହିନି କାଜିଂ ମସା ହେଝାନ୍ତି ଇଲ୍ ପା ହେବା କିନାକାନ୍ ଲାକେ ହାଡ଼ପାରତେ ପାତ୍ ମାଚାନ୍ । ଆରି ହେଝାନ୍ତି କାମାୟ୍ ଇସ୍ପୁର୍ ପାଚେନି ଦିନ୍ତ ଝେଚ୍ଚି ମାଚାନ୍

୬ ମତର୍ କ୍ରିସ୍ଟୁମାଜି ଲାକେ ଇସ୍ପୁର୍ତି ଇଲ୍ ଜପି ମାଜି ଲାକେ ପାତ୍ ଲାକେ; ଜଦି ଆସେକ୍ ମାଦାଂ ସାସ୍ ଆରେ ଗରବ୍ନି କାରଣ୍ ଜେ ମା ବାସ୍, ହେଦାଂ ଆର୍ଝା ବାବ୍ରେ ହାରିହାରା ପାଚେକ୍ ଆସ୍ତି ଇଡ଼ନାସ୍, ତା ଆଡ଼ିସ୍ ଆସେକ୍ ତ ହେଝାନ୍ତି ଇଲ୍ ଲାକେ ଆନାସ୍ ।

#### ଇସ୍ପୁର୍ତି ମାନାୟାତ୍ କାଜିଂ ଜମ୍ନାକା

୭ ଲାଗିଂ ପୁଇପୁୟା ଜିରୁନ୍ ଇନେସ୍ ଇନାନ୍,  
ନେଞ୍ଜେକ୍ “ଜଦି ଏପେକ୍ ଇସ୍ପୁର୍ତି କାତା ଝେନାଦେର୍,”

୮ ଇନେସ୍ ରିସା କିୟ୍କିନି ବାହାତ ଆରି ବାଟାତ ପରିକ୍ୟା ନାଜିଂ ଗିଟାଜି ମାଚାଡ଼,  
ହେ ଲାକେ ଜାର୍ ଜାର୍ ମାନ୍ତିଂ ଆର୍ଝା କିମାଟ୍;

୯ ଇସ୍ପୁର୍ ଇନାନ୍, ହେ ବାଟାତ ମି ଆବା ଲାତ୍ରାର୍ ଇସ୍ପୁର୍ ମାକ୍ ସାକ୍ତି ଆରି କାମାୟ୍ ପରିକ୍ୟା କିଜି ହୁଡ଼ତାନ୍,  
ଆରେ ରିକଡ଼ି ବାହୁଁ ପାଚେକ୍ ମା କାମାୟ୍ ହୁଡ଼ତାନ୍ ।

୧୦ ଲାଗିଂ ଆପ୍ ଇ ବସ୍ କାଜିଂ ରିସା ଆଜି ଇଚାପ୍,

ହେୱାର ନିତ୍ରେ ମାତ୍ର ବୁଲିବା ଆତାଣ୍ଟା,  
ହେୱାର ମା ହାଜି ସବୁ ପୁନଃଆତାଣ୍ଟା ।

୧୧ ଆନ୍ ରିସାତ ପାର୍ମାଣ୍ କିତାଙ୍,  
ଆନ୍ ଇମ୍ଣି ଦେସ୍ତ

ହେୱାରିଂ ଜମ୍ପଦେଂ ହିତାଙ୍ଗନା ହେ ଦେସ୍ତ ହେୱାର ମୁଡେ ହଣ୍ଡେଙ୍ଗ୍ ଆଡୁର୍ ।

୧୨ ଏ ଟଣ୍ଡାର ଆରି ତଣ୍ଡେକ୍, ଜାଗ୍ରତ୍ ଆତ, ମି ବିତ୍ରେତାଂ ଇନେରତି ଖାସ୍ତି ଇନେସ୍ ପାପ୍ ଆରି ପାତ୍ କିଝାକାତ ବାତ୍  
ଆଜି ଜିବୁନ୍ତି ଇସ୍ପୁରତି କାଜିଂ ଦେହା ଆମାଟ୍ ।

୧୩ ମତର୍ ଏଚେକାଡ୍ ପାପନି ଟକାୟ୍ ହୁଦାଂ ମି ବିତ୍ରେ ଇନେର୍ ଆର୍ଝା ମାନ୍ ଆତିସ୍, ଇଦାଂ କାଜିଂ “ନେଞ୍ଜେଙ୍ଗ୍” ପାଗ୍ରା  
ମାନୁ ମାନୁ ସବୁ ଦିନ୍ ହାରି ଖାରି କିୟାଟ୍,

୧୪ ଇନାକିଦେଂକି ଆରମ୍ପତାଂ ମାଦାଂ ଇମ୍ଣି ପାତ୍ ମାଚାଡ୍, ହେଦାଂ ଜଦି ହାରିହାରି ପାତେକ୍ ଆର୍ଝା କିଜି ଆସ୍ତି  
ଇଡ୍ନାସ୍, ତା ଆତିସ୍ କ୍ରିସ୍ତିତି ମେହାଜି ମାନାସ୍ ।

୧୫ ଏ ପାତ୍ କିନି ଟଣ୍ଡାର, ଜାଗ୍ରତ୍, ମି “ବିତ୍ରେତାଂ ଇନେରତି ଜିବୁନ୍ ଇନେସ୍ ପାପ୍ ଆରି ପାତ୍ କିଝାଦାଂ ବାତ୍ ଆଜି  
ଜିବୁନ୍ ଇସ୍ପୁରତି କାଜିଂ ଦେହା ଆମାଟ୍ ।”

୧୬ ଖାଟିଂ ଇମ୍ଣାକାର୍ ଇସ୍ପୁରତି କାରୁର୍ ଝେନ୍ଝି ରିସା ଉବ୍ଜାୟ୍ କିତାର୍ ? ମସାତି ହୁଦାଂ ମିସର୍ ଦେସ୍ତାଂ ଇନେର୍  
ହସି ଖାଜି ମାଚାଡ୍, ହେ ଝିଜାକାର୍ ଇନାକା ହେୱାର୍ ଆକାୟ୍ ?

୧୭ ଆରେ ଇନେରତି ଜପି ରିକଡ୍ଟି ବାହୁଁ ପାତେକ୍ ହେୱାନ୍ ରିସା ଆଜି ମାଚାନ୍ ? ଇମ୍ଣାକାର୍ ପାପ୍ କିଜି ମାଚାଡ୍,  
ଇମ୍ଣାକାତ୍ ମାଡ୍ ବାଚାତ ଆଜି ମାଚାଡ୍, ଇନାକା ହେୱାର୍ ଆକାୟ୍ ?

୧୮ ଇସ୍ପୁର୍ ଏଚେକାଡ୍ ପାର୍ମାଣ୍ କିଜି ଇଞ୍ଜି ମାଚାନ୍ ଜେ, ହେୱାର୍ ହେୱାର୍ତି ଜମ୍ପନିତ ଇମ୍ଣାକାର୍ ଅମାନ୍ୟା ଆଜି  
ମାଚାଡ୍, ହେୱାରିଂ ପିସ୍ତି ଆରେ ଇମ୍ଣାକାର୍ ବିରୁଦ୍ଧ ହେୱାନ୍ ପାର୍ମାଣ୍ କିଜି ମାଚାଡ୍ ଜେ, “ହେୱାର୍ ହେୱାନ୍ତି ଜମ୍ପନିତାକେ  
ହଣ୍ଡୁର୍ ?”

୧୯ ଲାଗିଂ ଆସେଙ୍ଗ୍ ହୁଡ୍ନାସ୍ ଜେ, ପାତ୍ କିଝାକାର୍ କାଜିଂ ହେୱାର୍ କିଶାନ୍ ଦେସ୍ତ ହଣ୍ଡେଙ୍ଗ୍ ଆଡ୍ଝାତାଡ୍ ।

### ୪

୧ ମାଜେଙ୍ଗ୍ ଇମ୍ଣି ଜମ୍ପନାକା ହିଦ୍ନାନ୍ ଇଞ୍ଜି ଇସ୍ପୁର୍ ଇଞ୍ଜି ମାଚାନ୍, ହେଦାଂ ଆପେଂ ପାୟାନ୍ୟା ଇଞ୍ଜି ଇସ୍ପୁର୍ ପାର୍ମାଣ୍  
କିତାନ୍ନା ଲାଗିଂ ଆସେଙ୍ଗ୍ ପାଣ୍ଡୁ ଆନାସ୍, ଏଚେକାଡ୍ ଇସ୍ପୁର୍ ଜମ୍ପନିତ ହଣ୍ଡେଙ୍ଗ୍ ପାର୍ମାଣ୍ ମାନି ବାହାତ ପା ମି ବିତ୍ରେ  
ଇନେର୍ ହେବେଣ୍ଡାଂ ଉଣା ଆତି ଲାକେ ଚଞ୍ଜୟାନ୍ନା ।

୨ ଇନାକିଦେଂକି ହେୱାର୍ତି ଲାଗେ ଇନେସ୍, ମା ଲାଗାୟ୍ ପା ହେ ଲାକେ ନେକ୍ରିକାରୁର୍ ସୁଣାୟ୍ କିତାକା ଝେଚାପ୍,  
ଝେନାକାର୍ ପାତ୍ ହୁଦାଂ ହାଦ୍ କାତା ଲାଗେ କିଝାଦାଂ ହେଦାଂ ହେୱାର୍ତି ପାକ୍ୟାତ ଲାବ୍ ଆଝାତାଡ୍ ।

୩ ଲାଗିଂ ପାତ୍ କିନାସା ଜେ ଆସେଙ୍ଗ୍, କେବଲ୍ ଆସେଙ୍ଗ୍ ହେ ଜମ୍ପନିତାକେ ହଣାସ୍, ଇନେସ୍ ଇସ୍ପୁର୍ ଇଞ୍ଜାନ୍ନା,  
ଲାଗିଂ “ଆପ୍ ଜାର୍ ରିସାତ ପାର୍ମାଣ୍ କିତାପ୍,

ହେୱାର୍ ମା ଜମ୍ପନିତାକେ ହଣ୍ଡେଙ୍ଗ୍ କଉର୍ ।” ଜଦି ଇ ଜମ୍ପନାକା ଜଗଡ୍ନି ଉବ୍ଜାୟ୍ ସମୁତାଂ ଜାଗ୍ରତ୍ ଆତାଡ୍ନା ।

୪ ଇନାକିଦେଂକି ଝିଜୁ ଦିନ୍ ବିସ୍ତେ ହେୱାନ୍ ଇମ୍ଣାକା ପା ବାହାତ ଇ ବାନି ଇଞ୍ଜାନ୍ନା, “ଇସ୍ପୁର୍ ସାଡ୍ ଦିନ୍ତ ଜାର୍ତିଂ ଝିଜୁ  
କାମାୟ୍ତାଂ ଜମ୍ପତାନ୍ ।”

୫ ଆରେ ଇ ବିସ୍ତେ ବିନ୍ ବାହାତ ଲେକାତାଡ୍ନା ଇସ୍ପୁର୍ ଆରେରଗ ଇଚାନ୍ନା, “ହେୱାର୍ ମା ଜମ୍ପନିତାକେ ହଣ୍ଡୁର୍ ।”

୬ ଇମ୍ଣାକାର୍ ପର୍ତ୍ତମ ନେକ୍ରିକାରୁର୍ ଝେନ୍ଝି ମାଚାଡ୍, ଜାର୍ତି ପାତ୍ କିଝି କାଜିଂ ହେ ପାତ୍ ଲାବ୍ କିଦେଙ୍ଗ୍ ଆଡ୍ଝାଦାଂ  
ମାଚାଡ୍ । ନଙ୍ଗ୍ ବିନ୍ନିକାର୍ ହେ ଆରେ ଇମ୍ଣାକାତ୍ ଲାଗାୟ୍ ନେକ୍ରିକାରୁର୍ ଆଗେ ପରଚାଡ୍ ଆଜି ମାଚାଡ୍, ହେୱାର୍  
ଅମାନ୍ୟା କାଜିଂ ହଣ୍ଡିତଲେ ହେୱାନ୍ ଆରେ ରଗ

୭ ଆରେ ର ଦିନ୍, ଇରିସ୍ “ନେଞ୍ଜେଙ୍ଗ୍” ତିର୍ କିଜି ଏଚେକ୍ କାଡ୍ ପାଚେ ଦାଉଡ୍ତି ପତିତ ଇନାନ୍ନା, ଇନେସ୍ ଆଗେ ଇନ୍ୟା  
ଆତାଡ୍ନା,

“ନେଞ୍ଜେଙ୍ଗ୍ ଜଦି ଏପେଙ୍ଗ୍ ଇସ୍ପୁରତି କାରୁର୍ ଝେନାଦେର୍,  
ଜାର୍ ଜାର୍ ମାନ୍ତିଂ ଆର୍ଝା କିମାଟ୍ ।”

୮ ଇନାକିଦେଂକି ଜଦି ଜିହସ୍ତୟ୍ ମାନାୟାରିଂ ଇସ୍ପୁରତି ପାର୍ମାଣ୍ ଜମି କିତାନ୍ମା, ଖାଟିଂ ଇସ୍ପୁର୍ ପାଚେ ବିନ୍ ର ଜମ୍ପନାକା  
କାତା ଲେକି କିଝାତାନ୍ମା ।

୯ ଲାଗିଂ ଇଦାଂ ବୁଜାନାକା ଜେ, ସାଡ୍ ଦିନ୍ତ ଇସ୍ପୁର୍ ଜମ୍ପନି ଲାକେ, ତା ଲକୁ କାଜିଂ ର ଜମ୍ପନିବାର୍ ସମୁ ଇଚ୍ୟାତାଡ୍ନା  
।

୧୦ ଇସ୍ଵର ଇନେସ୍ କାମାୟତାଂ ଜମ୍ଭତାନ୍ ଇନେରକି ଇସ୍ଵରତି ଜମ୍ଭିତାକେ ହଟାଣ୍ଡା, ହେଞ୍ଜାର୍ ଜାର୍ତି କାମାୟ ଖାହ୍ନିତାଂ ଜମ୍ଭତାର୍ନା ।

୧୧ ଲାଗିଂ ମା ବିତ୍ରେତାଂ ଇନେର ଇନେସ୍ ଜାର୍ତି ପାତ୍ କିଞ୍ଚି କାଜିଂ ହେ ମାନାୟାର୍ ଲାକେ ହେବେନି ଜମ୍ଭିତାଂ ଜିଉନ୍ ଇଦାଂ କାଜିଂ ଆସେଙ୍ଗ୍ ହେ ଜମ୍ଭିତାକେ ହେଣ୍ଡେଙ୍ଗ୍ ଜାତୁନ୍ କିନାସ୍, ଇନେସ୍ ଇମ୍ଘି ଲଗୁ ଅମାନ୍ୟା ତାଦାଂ ହେ ଉତ୍ତରମୁଡ୍, ଇସାପ୍ରେ ନସ୍ ଆଉଡ୍ ।

୧୨ ଇନାକିଦେଂକି ଇସ୍ଵରତି ବଚନ୍ ଜିରୁନ୍ନିକା ଆରି କାମାୟନିକା, ଆରେ ରି ଦାରା କାଣ୍ଡାତାଂ ଦାରା, ଆରେ ଖାସ୍ମି ଆରି ଜିରୁନ୍, ଗାଟି ଆରି ସ୍ଵେନ୍ ମୁଟି ଆଲଗା ପାତେକ୍ ହଟାକା ଆରି ମାନତିନି ଚିତା ଆରି ବାବ୍ନାନି ହାରୁଗାଜା ବିଚାରକାରୟା ।

୧୩ ଇସ୍ଵରତି ମୁମ୍ଵଦ ଇମ୍ଘାକା ପା ଡ୍ଵରୁୟାଆଉଡ୍, ମତର୍ ଇନାକାନ୍ ଲାଗେ ମାଙ୍ଗେଙ୍ଗ୍ ନାସ୍ ଆଦେଂ ଆନାଡ୍, ହେଞ୍ଜାନ୍ତି କାଶ୍ଵାତ ଓଁଜୁ ବିସ୍ଵେ ନାଗ୍ଡା ଆରି ତୁମ୍ଭାନାକା ।

**ଜିସୁ ମୁଡ୍ଡି ମାପୁହେବାକିନାକାନ୍**

୧୪ ଲାଗିଂ ସାଚେନି ଓଁଜୁ ପା ହିଜି ହାଟିକ୍ନା ଜେ ଇସ୍ଵରତି ମାଜି ଜିସୁ, ହେଞ୍ଜାନ୍ ମା ମୁଡ୍ ମାପୁହେବାକିନାକାନ୍ ଆତିଲେ ଖାଡୁ, ଆସେଙ୍ଗ୍ ମା ପାତ୍ ତିଂ ଆବ୍ଝା ବାବ୍ରେ ଇଡ୍ନାସ୍ ।

୧୫ ଇନାକିଦେଂକି ଇନେନ୍ ମା ବାଡ୍ଝାସ୍ ହିଲ୍ଓଡିତ ମା କାଜିଂ ଦୟା ଚର୍ଚ୍ଚେଙ୍ଗ୍ ଆଡୁସ୍, ମାଦାଂ ଏଲେଙ୍ଗ୍ ମୁଡ୍ ମାପୁହେବାକିନାକାନ୍ ହିଲୁନ୍, ଆଞ୍ଚିତସ୍ ହେଞ୍ଜାନ୍ ପାପ୍ ହିଲ୍ଝାକାନ୍ ଆଜି ମା ଲାକେ ଓଁଜୁତାକେ ପରିକ୍ୟାକିୟା ଆତାନ୍ ।

୧୬ ଆଞ୍ଚିତସ୍ ଖାଡୁ, ଦୟାପାୟାନି କାଜିଂ ଆରେ ସମାନ୍ ଖେଡାଲିଂ ଉପକାର୍ ଆନି ସୁସ୍ଵାତିଂ ଗାଟାନି କାଜିଂ ଆସେଙ୍ଗ୍ ସାସ୍ତାଂ ସୁସ୍ଵାନି ଗାଦି ଲାଗେ ହାନାସ୍ ।



୧୭ ଇନାକିଦେଂକି ଜାଣକେ ମୁଡ୍ ମାପୁହେବାକିନାକାର୍ ଇନେସ୍ ପାପ୍ କାଜିଂ ଆତାଡ୍ ଆରି ପୁଜା ହିନାକା, ହେଦାଂ କାଜିଂ ହେଞ୍ଜାନ୍ ମାନାୟାତ୍ ବିତ୍ରେତାଂ ଖାଜି ଇସ୍ଵରତି ହେବା ବିସ୍ଵେ ମାନାୟ ପାକ୍ୟାତାଂ ବାଟି କିୟାଆନାନ୍ ।

୧୮ ହେଞ୍ଜାନ୍ ପୁନ୍ଝାକାର୍ ଆରି ବାମ୍ଭାନି ଲକାର୍ କାଜିଂ ଦୟା ଚର୍ଚ୍ଚେଙ୍ଗ୍ ଆଡ୍ନାନ୍, ଇନାକିଦେଂକି ହେଞ୍ଜାନ୍ ନିଜେ ବିନ୍ ବିନ୍ ବାନିନି ଦସ୍ ନାଦାର୍ ବାତ୍ ଆଜି ମାଟାନ୍,

୧୯ ଇଦାଂ କାଜିଂ ଲକାର୍ କାଜିଂ ଇନେସ୍, ଜାର୍ କାଜିଂ ପା ହେ ଲାକେ ପାପ୍ନି ପୁଜା ହିନାକା ହେଞ୍ଜାନ୍ତି ଲଡା ।

୨୦ ଆରେ ଇନେର ଇ ମୁଡ୍ ମାପୁହେବାକିନାକାନ୍ ପାପ୍ ନିଜେ ଇଚ୍ଚର୍, ମତର୍ ହାରଣ୍ ଇନେସ୍ କୁକ୍ୟାଆତାନ୍, ହେ ଲାକେ ଇସ୍ଵତ୍ କିତି କୁଲ୍ୟା ଆନାକା ଲଡା ।

୨୧ ହେ ଲାକେ କ୍ରିସ୍ଟ ପା ମୁଡ୍ ମାପୁହେବାକିନି ପାପ୍ନି ଜାଜ୍ମାଲ୍ ନିଜେ ତେକ୍ଝାଦାଂ ମାଟାନ୍, ମତର୍ ଇସ୍ଵର ହେଞ୍ଜାନିଂ ହେ ଜାଜ୍ମାଲ୍ ପାପ୍ ହିଜି ମାଟାନ୍, ଇନାକିଦେଂକି ଇସ୍ଵର ହେଞ୍ଜାନିଂ ବାଟିକିଜି ଇଞ୍ଜି ମାଟାନ୍,

“ଏନ୍ ମା ମାଜି, ନେଞ୍ଜେଙ୍ଗ୍ ଆପ୍ ନି ଆବା ଆତାପ୍ ।”

୨୨ ଆରେ ହେଞ୍ଜାନ୍ ବିନ୍ ବାହାତ ପା ଇଟାନ୍ନା,

“ଏନ୍ ମଲ୍ଲକିସେଦକ୍ତି ଲାକେ

ଓଁଜୁଓଁ ପାତେକ୍ ମାପୁ ହେବାକିନାକାନ୍ ଆତାୟନା ।”

୨୩ ଇନେର ହେଞ୍ଜାନିଂ ହାକିତାଂ ରାକ୍ୟା କିଦେଙ୍ଗ୍ ଆଡ୍ନାନ୍, ହେଞ୍ଜାନ୍ତି ଲାଗାୟ ହେଞ୍ଜାନ୍ ଜାର୍ ପୁତ୍ ନି ଜିରୁନ୍ ମାନି ଖେଡାଲିଂ ବେସି ଆଡ୍ଡି ଆରି କାଶେଲିଂ ହୁକେ ପାର୍ଥାନା ଆରି ଗଞ୍ଜାରି କିଜି ମାଟାନ୍, ଆରେ ଉତ୍ତର୍ ଲାକେ ଆପଦ୍ତାଂ ରାକ୍ୟା ପାୟାଜି ହେଞ୍ଜାନ୍ ହୁଦାର୍ ଆରି ଦାମ୍ ମାଟିଲେ ଇସ୍ଵର ଖେଟାନ୍ ।

୨୪ ଜଦି ଇସ୍ଵରତି ମାଜି ମାଟାନ୍ ହେଞ୍ଜାନ୍ ଇସ୍ଵର ମାଜି ଆତିସ୍ପା ଦୁକ୍ବଗ୍ ହୁଦାଂ ବଲ୍ମାନି କିଜି ହିକ୍ୟା କିତାନ୍,

୨୫ ଇ ଲାକେ ହାଦ୍ଦାକାନ୍ ଆଜି ହେଞ୍ଜାନ୍ ହେଞ୍ଜାନିଂ ବଲ୍ ମାନିକିନାକାର୍ କାଜିଂ ଓଁଜୁଓଁ ମୁକ୍ତି ବାଟିକିୟାତାନ୍ ।

୨୬ ଆରେ ହେଞ୍ଜାନ୍ ଇଦାଂ କାଜିଂ ହେଞ୍ଜାନ୍ ଇସ୍ଵରତି କିତି ମଲ୍ଲକିସେଦକ୍ ମୁଣିକାପାପ୍ ଲାକେ ମୁଡ୍ ମାପୁହେବାକିନାକାନ୍ ଇଞ୍ଜି ତର୍ ଗାଟା ଆତାନ୍ ।

**ପାତ୍ ଆରାୟ କିନି ଅବସ୍ତା**

୨୭ ଇ ବିସ୍ଵେ ମାଦାଂ ବେସି କାତା ଇଞ୍ଜେଙ୍ଗ୍ ମାନ୍କିନାପା, ଆରେ ଏପେଙ୍ଗ୍ ଖେଞ୍ଜେଙ୍ଗ୍ ହିଡ୍ଡି ଆଜି ମାଟିଲେ ହେବେନି ଅରଡ୍ ବୁଜାୟକିଦେଂ କସ୍ ।

୨୮ ଇନାକିଦେଂକି ଆତିସ୍ପା ଏତେକ୍ ସମୁ ବିତ୍ରେ ଏପେଙ୍ଗ୍ ମିଦାଂ ହିକିଡ୍ ଆନି ଲଡା ମାଟାଡ୍, ଆତିସ୍ପା ଇସ୍ଵରତି ବଚନ୍ତ ମୁଡ୍ଡି ହାଦ୍ ହୁଚ୍ଚରିଂ ଇନେର ଜେ ହିକ୍ୟା ହିନାନ୍, ଇଦାଂ ଆରେ ରଗ ମିଦାଂ ଲଡା ମାନାଡ୍; ଗାଜାକାର୍ ତିନି କାଦି ପାୟାନି ଲଡା ଆଞ୍ଜାଦାଂ ପାଲ୍ ମିଦାଂ ଲଡା ମାନାଡ୍ ।

୧୩ ଇନେନ୍ ପାଲ୍ ଉଣାନ୍, ହେଞ୍ଜାନ୍ ଦାମ୍ କାଡ଼୍ଦେ ଲାକେ ବଲ୍ଲମ୍ ବିସ୍ତେ ଗିଆନ୍ ଆକାୟ ।

୧୪ ମତର୍ ବୁଡ଼ା ଲଗୁ, ଇତିସ୍ ଇମ୍ଣାକାର୍ ଗିୟାନ୍ବୁଦିକାଂ ଅବ୍ୟାସ୍ ହୁଦାଂ ବଲ୍ଲମ୍ କିଦେଙ୍ଗ୍ ଆଡ଼ନାଦେର୍, ହେଞ୍ଜାର୍ କାଜିଂ ବେସି ତିନାକା ଲଡ଼ା ।



୧ ଲାଗିଂ, ଆସେଙ୍ଗ୍ କ୍ରିସ୍ତୁତି ବିସ୍ତେ ପର୍ତ୍ତୁମ୍ନି ହିକ୍ୟା ପିସ୍ତ୍ର ହାକି କାରୁମ୍ତାଂ ମାନ୍ବାଦଲ୍ଲାୟ୍ କିଜି, ଇସ୍ବର୍ ତାକେ ପାତର୍ କିଜି,

୨ ବାର୍ବିନି ବାପ୍ତିସ୍ମିନ୍ ବିସ୍ତେ ହିକ୍ୟା, କେଇହିନାକା, ହାତାକାତର୍ ଆରେ ନିଂନାକା ଆରି ଝିଜ୍ଝି ବିଚାର୍ ଲାକେ କୁନାଦି ଆରେ ରଗ କୁଚିକିଞ୍ଜାଦାଂ ବାତର୍ ଲାବ୍ କିନି କାଜିଂ ହାନାସ୍ ।

୩ ଆଁ, ଇସ୍ବର୍ ଇନାକା ବଲ୍ ହିଡ଼ତାନ୍ନା ଝେଚ୍ଚିତିସ୍ ଆସେଙ୍ଗ୍ ଇଦାଂ କିନାସ୍ ।

୪ ଇନାକିଦେଂକି ଇମ୍ଣାକାର୍ ରଗ ଅଜଡ଼୍ ଗାଟା ଆତାଣ୍ଟା, ସାଗେନି ଦାନ୍ ଝେଣ୍ଟାନ୍ନା, ପୁଇପୁୟା ଜିବୁନ୍ନି ମେହାଣ୍ ଆତାନ୍ନା,

୫ ଇସ୍ବର୍ତ୍ତ ହାଦର୍ ବଚନ୍ ଝାନି କାଡ଼ନି ଜୁଗ୍ ସାକ୍ତିଂ ଝେଣ୍ଟାଣ୍ଟା,

୬ ଆତିସ୍ପା ହେଞ୍ଜାର୍ ପାତର୍ ପିସ୍ତ୍ରାଣ୍ଟା ଲାଗିଂ ଆରେରଗ ମାନ୍ବାଦଲ୍ଲାୟ୍ କାଜିଂ ଆରେ ରଗ ପୁନି କିୟକିଦେଂ ଅମାନ୍ୟା, ଲାଗିଂ ହେଞ୍ଜାର୍ ଜାର୍ ଜାର୍ତି ନାସ୍ କାଜିଂ ଇସ୍ବର୍ତ୍ତି ମାଜି, ଆରେ କୁସ୍ତ ହେଲ୍ଲାୟ୍ ଆତି ଜିସୁ ହୁଡ଼କୁତ ହେଞ୍ଜାନିଂ ନିୟା ଲକୁ କିତାର୍ ।

୭ ଇମ୍ଣା ମେଦ୍ନି ଜାର୍ ଜପି ରଗତିଂ ରଗ ବୁଡ଼ାତି ବାହା ଏଜୁଙ୍ଗ୍ ଉଣାଡ଼୍, ଆରେ ଇମ୍ଣାକାତର୍ କାଜିଂ ହେଦାଂ ତାସ୍ କିତିସ୍, ହେଞ୍ଜାର୍ତି ବାଡ଼୍ଦି କୁଚାଙ୍ଗ୍ ଉପଜା ଆନାଡ଼୍, ହେଦାଂ ଇସ୍ବର୍ତାଂ ଆସିର୍ବାଦ୍ ଗାଟା ଆନାଡ଼୍ ।

୮ ମତର୍ ମେଦ୍ନି ଜଦି ଝାଡ଼ିକୁଡ଼ି ଆରି କାରା ଆନାଡ଼୍, ଲାଗିଂ ହେଦାଂ ଇନାକାପା ମଲ୍ ହିଲ୍ଝାକା । ହେଦାଂ ଇସ୍ବର୍ତ୍ତି ସାଇପ୍ ଆନାଡ଼୍ ଆରି ନାଣିତ କାଡ଼ନାଡ଼୍ ।

୯ ମତର୍ ଏ ଝାରିନିକାଦେର୍, ମାଦାଂ ଆତିସ୍ପା ଏଲେଙ୍ଗ୍ ଇନାସା, ଆତିସ୍ପା ମି ଅବସ୍ତା ଜେ ତା ତାଂ ନେକ୍ରାକା ଆରି ମୁକ୍ତାନାକା ପାୟାଦେଂ ମା ଆହା ମିହାତାକା, ଇଦାଂ ଆପେଂ ହାର୍ କିଜି ପାତର୍ କିନାପା ।

୧୦ ଇସ୍ବର୍ ଅନ୍ୟାୟ୍ କିଉନ୍ । ମି କାମାୟ୍, ବେସି କିଜି ସାଦୁରିଂ ହେବା କିଜି ଇସ୍ବର୍ ତର୍ କାଜିଂ ଏପେଙ୍ଗ୍ ଇମ୍ଣା ଝାରି ହପ୍ତି ଝାନାଦେରା ହେଦାଂ ହେଞ୍ଜାନ୍ ବାଣା ଆଉନ୍ ।

୧୧ ମତର୍ ମାଦାଂ ରଞ୍ଜାଙ୍ଗ୍ ଇଟା ଜେ, ଏପେଙ୍ଗ୍ ଜାଣ୍ଟକେ ହାରିହାରା ପାତେକ୍ ପା ତାଟ୍ ବାସର୍ ଲାହାଙ୍ଗ୍ ହେ ଲାକେ ଜାତୁନ୍ ଆଡୁ,

୧୨ ତା ଆତିସ୍ ଏପେଙ୍ଗ୍ ଇନାଞ୍ଜାଡ଼ାଂ ହିଡ଼୍ଡି ଆଞ୍ଜାଦାଂ, ଆଟ୍ଝା ପାତର୍ ସାସ୍ ହୁଦାଂ ପାର୍ମାଣ୍ଟାଂ ଆଦିକାରି, ନଲେ ହେଞ୍ଜାର୍ତି ଆଦିକାରି ଆଡୁ ।

### ଇସ୍ବର୍ତ୍ତ ପାର୍ମାଣ୍ଟା ଗୁଚାଞ୍ଜାକା

୧୩ ଇନାକିଦେଂକି ଇସ୍ବର୍ ଏତେକାଡ଼୍ଦ ଅବ୍ରାହାମ୍ ଲାଗାୟ୍ ପାର୍ମାଣ୍ଟା କିଜି ମାତାନ୍, ହେ ଏତେକାଡ଼୍ଦ ହେଞ୍ଜାନ୍ ଆରେ ଇମ୍ଣାକା ପା ଗାଜା ତର୍ ଗାଟାଞ୍ଜିତିଲେ ଜାର୍ ତର୍ଦାଂ ପାର୍ମାଣ୍ଟା କିଜି ଇଞ୍ଜି ମାତାନ୍,

୧୪ ହେଞ୍ଜାନ୍ ଇଟାନ୍ “ଆପ୍ ନିଜେଙ୍ଗ୍ ଆସିର୍ବାଦ୍ କିଦ୍ନାପ୍ ଆରି ନି ବସ୍ତିଂ ବେସି ବାତାୟ୍ କିନାପ୍ ।”

୧୫ ଆରେ ଏଲେଙ୍ଗ୍ ବାନି ଲାମାହୁଦାର୍ ଆଜି ଅବ୍ରାହାମ୍ ପାର୍ମାଣ୍ଟା ପାଡ଼୍ ଗାଟାଜି ମାତାନ୍ ।

୧୬ ମାନାୟାଡ଼ି ଗାଜା ତର୍ଦା ପାର୍ମାଣ୍ଟା କିଜି ମାନାର୍, ଆରେ କାତା ତିର୍ କିନି କାଜିଂ ହେଞ୍ଜାର୍ତି ଝିଜୁ ଗଣ୍ଟଗଲ୍ନି ତିର୍ ପାର୍ମାଣ୍ଟା ହୁଦାଂ ଆନାଡ଼୍ ।

୧୭ ଲାଗିଂ ଇସ୍ବର୍ ପାର୍ମାଣ୍ଟା ଆଦିକାରିର୍ ଲାଗାୟ୍ ଜାର୍ ବେରଣ୍ଡି ଆଟ୍ଝା ଆଦିକ୍ ମେଲାତ ହପ୍ତେଂ ମାନ୍ କିଜି ପାର୍ମାଣ୍ଟା ଲାହାଂ କିଜି ମାତାନ୍,

୧୮ ଇନେସ୍ ଇମ୍ଣା ରିଣ୍ଟି ବାଦ୍ଲାଆଞ୍ଜି ବିସ୍ତେ ଇସ୍ବର୍ତ୍ତି ମିର୍ ଇନାକା ଆଉଡ଼୍, ତା ହୁଦାଂ ମୁମ୍ବ ମାନି ବାସର୍ତିଂ ଆହ୍ନି କାଜିଂ ଆସା ବାହାତ ହଡ଼ାପ୍ନା ଜେ ଆସେଙ୍ଗ୍, ଆସେଙ୍ଗ୍ ତାଟ୍ ଝାରିକିୟା ଆନାସ୍ ।

୧୯ ହେ ବାସର୍ ମା ଝାସ୍ନି ଆକ୍ସା ଲାକେ ପୁଞ୍ଜେଙ୍ଗ୍ । ଇଦାଂ ଟେବାୟ୍ କିନି ହିକ୍ତିଂ ଲାକେ, ଆରେ ସାଗେ ମନ୍ଦିର୍ନି ହେନ୍ଦା ଆତି ଲାକେ ଗାଜା ପୁଇପୁୟା ବାହାତ ଏକାତାଡ଼ନା,

୨୦ ମାଦାଂ ଆରେ ଜିସୁ ହେ ବାହାତ ମଲ୍କିସେଦକ୍ତି ଲାକେ ଝିଜ୍ଝି କାଡ଼୍ଦ ମୁଡ଼ମାପୁହେବାକିନାକାନ୍ ଆଜି ମା ଆଗେ ଝାଡ଼ିଲାକେ ହଟାନ୍ନା ।



**ମଲ୍ଲକିସେଦକ୍ତି ମାପୁହେବାକିନାନ୍ ପାଦ**

୧ ଇ ମଲ୍ଲକିସେଦକ୍ ସାଲେମ୍ନି ରାଜା ଆରି ରଖାନ୍ ମତର୍ ଇସ୍ବରତି ମାପୁହେବାକିନାକାନ୍ ମାତାନ୍ । ଅବ୍ରାହାମ୍ ଆରି ତା ହାଙ୍ଗ୍‌ଝାରି ଚାରି ଜାଣ୍ ରାଜାରିଂ ଅସ୍ତି ମାସ୍‌ଦି ହାନି ଝେଡ଼ାଲିଂ, ମଲ୍ଲକିସେଦକ୍ ହେଝାନ୍ତି ଲାହାଂ ବେଟ୍ ଆଜି ଆସିର୍ବାଦ୍ କିଜି ମାତାନ୍;

୨ ଅବ୍ରାହାମ୍ ପା ହେଝାନ୍ତିଂ ଝିଜୁ ଜୁଜ୍‌ନି ଦାନ୍‌ତାଂ ଦସ୍‌ବାଗ୍ ହିଜି ମାତାନ୍ । ବିଡ଼ାୟ୍ କିତିସ୍ ମଲ୍ଲକିସେଦକ୍ତି ଇଝାନ୍ତି ତର୍‌ନି ଅରଡ୍ “ଦାମ୍ ରାଜା,” ସାଲେମ୍‌ତି ରାଜା, ଇତିସ୍, “ସୁସ୍ତା ରାଜା ।”

୩ ମଲ୍ଲକିସାଦକ୍ତି ଆବା କି ଆୟା କି ବ୍‌ସ୍‌ତ କି ଆଇସ୍ ଆରମ୍ ଆରି ଜିବୁନ୍‌ନି ଝିଜ୍‌ନାକା ମୁଡେ ଜାଣା ଆକାୟ୍; ହେଝାନ୍ ଇସ୍ବରତି ମାଜି ଲାକେ କିୟାଆଜି ଝିଜ୍‌ଝି କାଡ୍ ମାପୁହେବାକିନାକାନ୍ ଆଜି ମାନ୍‌ଗାତାନ୍ନା ।

୪ ଲାଗିଂ ବାବି କିଜି ହୁଡ଼ାଟ୍, ଇ ମୁଣିକା ଇନେସ୍‌ତିଂ ଗାଜାକାନ୍ । ଆବା ଲାତ୍ରା କାଜିଂ ଅବ୍ରାହାମ୍ ହେଝାନ୍ତିଂ ଝିଜୁତିଂ ହାଦ୍ ଚର୍ କିତି ଦନ୍ ପା ଦସ୍ ବାଗ୍ ହିଜି ମାତାନ୍ ।

୫ ଲେବିରତି ହିମ୍‌ଣାଙ୍ଗ୍ ବିଡେ ଇମ୍‌ଣାକାର୍ ମାପୁହେବାକିନାକାର୍ ପାଦ୍ ପାୟାନ୍‌ର, ହେଝାର୍ ମସାତି ବିଦି ଇସାପ୍ରେ ଲକାର୍‌ତାଂ ଇତିସ୍ ହେଝାର୍‌ତି ଟଣ୍ଡାଟାଂ ଦସ୍ ବାଗ୍ ଅଦେଂ ବଲ୍ ପାୟାତାଣ୍ଟା, ହେଝାର୍ ଅବ୍ରାହାମ୍‌ତି ନେତେରତ ଜଲମ୍ ଆତିସ୍ ପା ହେଝାର୍‌ତାଂ ଇଦାଂ ଇଡ଼ନାର୍,

୬ ମାତର୍ ମଲ୍ଲକିସେଦକ୍ ଲେବି ଲାତ୍ରାନ୍ ହିଲିତିସ୍ ପା, ହେଝାନ୍ ଇସ୍ବରତାଂ ପାର୍ମାଣ୍‌ନି ଅବ୍ରାହାମ୍‌ତାଂ ର ଦସ୍ ବାଗ୍ ଅଜି ଆସିର୍ବାଦ୍ କିଜି ମାତାନ୍ ।

୭ ଆସିର୍ବାଦ୍ ପାୟାନ୍ ମାନ୍‌ୟାତାଂ ଏତେକ୍ ଗାଜାକାନ୍ ଇବେ ପାଟ୍ କିଝାତାଂ ।

୮ ର ଦସ୍ ବାଗ୍ ଇଡ଼ନାକା ମାପୁହେବାକିନାକାର୍ ହାନି ମାନ୍‌ୟାର୍ ମାତର୍ ମଲ୍ଲକିସେଦକ୍ ସାକି ହିନାନ୍ ହେଝାର୍‌ତାଂ ଗାଜାକାନ୍ ଇନେକିଦେଂକି ସାସ୍‌ତର୍ ଇସାପ୍ରେ ହେଝାନ୍ ନଙ୍ ପା ଜିତାନ୍ ।

୯ ଆରେ ଇଝେଙ୍ଗ୍ ହାତିସ୍ ଇମ୍‌ଣି ଲେବି ଦସ୍ ବାଗ୍ ଅନାର୍, ହେଝାନ୍ ପା ଅବ୍ରାହାମ୍‌ତି ହୁଦାଂ ଦସ୍ ବାଗ୍ ହିତାଣ୍ଟା;

୧୦ ଇନାକିଦେଂକି ମଲ୍ଲକିସେଦକ୍ ଲାହାଂ ଅବ୍ରାହାମ୍ ବେଟ୍ ଆନି ଲେବି ଜଲମ୍ ଆଝାଦାଂ ହେଝାନ୍ତି ଝାନ୍ତି ମାତାନ୍ ।

୧୧ ଇ ଲେବିୟ୍‌ରତି ମାପୁହେବା କିନାକାନ୍‌ତି ପିସ୍ତି ଇସ୍‌ଏଲ୍ ଜାତିତିଂ ତା ବିଦି ହିୟାଜି ମାତାଡ୍ । ଲେବିୟ୍‌ରତି କାମାୟ୍ ଜଦି କୁଲାସ୍ ଆତାମ୍, ତେବେ ହାରଣ୍‌ତି ମାଜି ଇ ଲେବିୟ୍ ମାପୁହେବାକିନାକାରିଂ ପିସ୍ତି, ମଲ୍ଲକିସେଦକ୍ତି ମାଜି ଲାକେ ବିନ୍ ର ମାପୁହେବାକିନାକାର୍ କୁଟୁମ୍‌ନି ଲଡ଼ା ହିଲ୍‌ଝାତାଡ୍ ।

୧୨ ଇନାକିଦେଂକି ମାପୁହେବାକିନି କାମାୟ୍ ଜଦି ବାଦ୍‌ଲା ଆନାଡ୍, ଝାଟିଂ ମସାତି ବିଦି ପା ବାଦ୍‌ଲା ଆନାଡ୍ ।

୧୩ ଲାଗିଂ ଇନେରତି ବିସ୍ତେ ଇ ଝିଜୁ ଇନ୍‌ୟାତିସ୍, ହେଝାନ୍ ବିନେନି ରଝାନ୍ କୁଟୁମ୍‌ନି ଲଗ୍, ଇମ୍‌ଣି କୁଟୁମ୍‌ନି ଇନେର୍ ଗାର୍‌ଣିନି ମାପୁହେବାକିନାକାନ୍ କାମାୟ୍ କିଝାତାଣ୍ଟା ।

୧୪ ଇନାକିଦେଂକି ଇଦାଂ ପୁନ୍‌ୟାନାଡ୍ ଜେ, ମା ମାପୁ ଜିହୁଦା କୁଟୁମ୍‌ତାଂ ଉବ୍‌ଜାଣ୍ ଆତାନ୍ନା, ଇମ୍‌ଣି କୁଟୁମ୍‌ନି ମାପୁହେବାକିନାକାନ୍ ବିସ୍ତେ ମସା ଇନାକା ଇନ୍‌ଝାତାନ୍ନା ।

**ମଲ୍ଲକିସେଦକ୍ତି ଲାକେ ରଝାନ୍ ମାପୁହେବାକିନାକାନ୍**

୧୫ ଆରେ ଇଦାଂ ଇବେ ପା ଆରେ ଆଦିକ୍ ପୁନ୍‌ୟାନାତା, ମଲ୍ଲକିସେଦକ୍ ଲାକେ ଆରେ ରଝାନ୍ ମାପୁହେବାକିନାକାନ୍ ଉବ୍‌ଜାଣ୍ ଆତାନ୍ନା,

୧୬ ହେଝାନ୍ ଗାଗାଡ଼୍‌ନି ମସାତି ବିଦି ବଲ୍ ଇସାପ୍ରେ ବାଟିକିୟାଝାଦାଂ ଝିଜ୍‌ଝି ଜିବୁନ୍ ସାନ୍ତି ମାପୁହେବାକିନାକାନ୍ ବାଟି କିଆତାନ୍ନା ।

୧୭ ଇନାକିଦେଂକି ହେଝାନ୍ତି ବିସ୍ତେ ଇ ସାକି ହିଆନାଡ୍, “ଏନ୍ ମଲ୍ଲକିସେଦକ୍ତି ମୁଣିକା ଲାକେ ଜୁଗ୍ ଜୁଗ୍‌ନି ମାପୁହେବାକିନାକାନ୍ ଆନାୟ୍ ।”

୧୮ ଇବେ ର ପାକ୍ୟାତ ଆଗେନି ବଲ୍ ନାଦାର୍ ଆରି ଲେମ୍‌ଝିତିଲେ ହେଦାଂ ବୁଡ଼ା ଆତାଡ୍

୧୯ ଇନାକିଦେଂକି ବିଦି ଇମ୍‌ଣାକା ପା ବିସ୍ତେ ବାଟ୍ ଲାବ୍ କିଝାଦାଂ ମାତାଡ୍ ବିନ୍ ପାକ୍ୟାତ ନିଜେନି ବାସ୍ ହଟାଡ୍‌ନା, ତାହୁଦାଂ ଆସେଙ୍ଗ୍ ଇସ୍ବରତି ଲାଗାୟ୍ ଆନାସ୍ ।

୨୦ ଆଦିକ୍‌ତାଂ ମା କାଜିଂ ଇସ୍ବର୍ ପାର୍ମାଣ୍ ପା ମାନାଡ୍ । ହାରଣ୍ ଆରେ ଇଦାଂ ଇନେସ୍‌ବାନି ପିସ୍ତି ପାର୍ମାଣ୍‌ତ ଆଝାତାଡ୍

୨୧ ମତର୍ ଇନେର୍ ହେଝାନ୍ତି ବିସ୍ତେ ଇଦାଂ ଇତାନ୍ନା,

“ମାପୁ ପାର୍ମାଣ୍ କିତାନ୍‌ନା, ଆରେ ହେଝାନ୍ ମାଡ୍‌ଏଡ୍ କିଡନ୍,

ଏନ୍ ଝିଜ୍‌ଝି କାଡ଼୍‌ନି ମାପୁ ହେବା କିନାକାୟ୍, ଆନାୟ୍ ହେଝାନ୍ତି ହୁଦାଂ ହେଝାନ୍ ପାର୍ମାଣ୍ ଲାହାଙ୍ଗ୍ ମାପୁହେବାକିନାକାନ୍ ଆତାନ୍ନା ।”

୨୨ ଇ ପାର୍ମାଣ୍ କାଜିଂ ଜିସୁ ର ମୁଡ଼ଦାକା ନିୟମ୍ ହାଡ୍‌ପାନେ ହିନାନ୍ ।



୨୩ ପୁନି ନିୟମ୍ ବିନ୍ ମାପୁହେବାକିନାକାର୍ ତ ଜବର୍ତ୍ତ ବାଚିକିୟା ଆତାଣ୍ଣା, ଇନାକିଦେଂକି ହାକି ହେଝାରିଂ ନିତ୍ରେ ଜିଦେଂ ହିଝାତାତ୍,

୨୪ ମାତର୍ ଜିସୁ ଓଜ୍ଝି କାଡ୍ ଜିବୁନ୍ । ଇଚିସ୍ ହେଝାନ୍ତି ମାପୁହେବାକିନାକାନ୍ ପାଦ୍ତ ବିନେ ଇନେର୍ ବାଚି କିୟାଦେଂ ପର୍ସନ୍ ଆକାୟ୍ ।

୨୫ ଲାଗିଂ ହେଝାନ୍ତି ହୁଦାଂ ଇମ୍ଣାକାର୍ ଇସ୍ପର୍ତି ଲାଗେ ଆନାର୍, ହେଝାରିଂ ହେଝାନ୍ ଓଜ୍ଝିରେ ମୁକ୍ତି କିଦେଝ୍ ଆଡ୍ନାକାନ୍ ଆତାନ୍ନା, ଇସ୍ପର୍ତି ଲାଗାଂ ହେଝାର୍ କାଜିଂ ପାର୍ତାନା କିନି କାଜିଂ ହେଝାନ୍ ନିତ୍ରେ ଜିବୁନ୍ନିକାନ୍ ।

୨୬ ଇନାକିଦେଂକି ଏଲେଝ୍ ବାନି ମୁଡ୍ମାପୁହେବାକିନାକାନ୍ ମା ପାକ୍ୟାତ ହାଦ୍ନାକାନ୍, ଇନେନ୍କି ପୁଇପୁୟା, ଦସ୍ହିଲ୍ଝାକାନ୍, ପ୍ରାଲ୍ହିଲ୍ଝାକାନ୍, ପାପିର୍ତାଂ ବିନେ, ଆରେ ଆକାସିଂ ଜପି ଉଚ୍ଚିକାନ୍ ।

୨୭ ହେ ମୁଡ୍ମାପୁହେବାକିନାକାନ୍ ଲାକେ ଦିନ୍କେ ପର୍ତ୍ତୁମ୍ତ ଜାର୍ ପାପ୍ କାଜିଂ ଆରି ପାଚେ ଲକାର୍ ପାପ୍ କାଜିଂ ପୁଜାକିନାକା ହୁଦାଂ ହେଝାନ୍ ରଞ୍ଜେ ମାଡ୍ ଇଦାଂ କିତାନ୍ନା ।

୨୮ ଲାଗିଂ ମସାତି ବିଦି ନାଦାର୍ନିକା ମାନୟାରିଂ ମୁଡ୍ମାପୁହେବାକିନାକାନ୍ ପାଦ୍ତ ବାଚି କିତାନ୍, ମତର୍ ଇମ୍ଣି ପାର୍ମାଣ୍ଣକାତା ବିଦି ପାଚେ ଆଜି ମାଚାଡ୍, ହେଦାଂ ଓଜ୍ଝି କାଡ୍ ପାଚେକ୍ ବାଚି ପାୟାତି ମାଜିଝ୍ ବାଚି କିନାଡ୍ ।

୮

କ୍ରିଷ୍ଟ ମା ମୁଡ୍ମାପୁହେବାକିନାକାନ୍

୧ ମା ନେକ୍ରିକାବୁରନି ରାହାଣ୍ ଇଦାଂ ଇନାକା ଇନାପା, ହେବେନି ମୁଡ୍ ବିସ୍ତେ ଇଦାଂ, ମା କାଜିଂ ଏଲେଝ୍ ରଝାନ୍ ମୁଡ୍ମାପୁହେବାକିନାକାନ୍ ମାନାନ୍, ଇନେନ୍ ସାଗେତ ଗାଜା ଜାଜ୍ମାଲ୍ ଇସ୍ପର୍ତି ଗାଦିନି ତିନା ବାଗାଝ୍ କୁଚ୍ଚାନ୍ନା;

୨ ହେଝାନ୍ ଗାଜା ପୁଇପୁୟା ବାହାତ ଆରେ ଇମ୍ଣି ହାଡ୍ପା ତୁମ୍ ମାନାୟ୍ ହୁଦାଂ ରଝାଦାଂ ମାପୁତି ହୁଦାଂ ରଚ୍ୟା ଆତାଡ୍ନା, ହେବେନି ହେବାକାରି ଆତାନ୍ନା ।

୩ ଇନାକିଦେଂକି ଜାଣ୍କେ ମୁଡ୍ମାପୁହେବାକିନାକାର୍ ଦାନ୍ ଆରି ପୁଜା ରିଣ୍ଡୁ ଆକାଡ୍ କିଦେଝ୍ ବାଚି କିଆନିକ୍, ଲାଗିଂ ମା ମୁଡ୍ମାପୁହେବାକିନାକାତ୍ ପା ହେ ଲାକେ ଇଚୁଟିଂ ପୁଜାକିନି କାଜିଂ ଲଡା ।

୪ ହେଝାନ୍ ଏଚେକାଡ୍ତ୍ ପୁତ୍ତ ମାଚିସ୍, ତା ଆତିସ୍ ମାପୁହେବାକିନାକାନ୍ ପା ଆଦେଂ ଆଡ୍ଝାତାମା, ଇନାକିଦେଂକି ଜିହୁଦିର୍ ବିଦି ଇସାବ୍ରେ ଦାନ୍ ହିନାର୍, ଏଲେଝ୍ ମାପୁହେବାକିନାକାର୍ ମାନାର୍;

୫ ହେଝାର୍ ଇନେରିଂ ପୁଜା କିତାର୍, ହେଦାଂ ସାଗେ ବିସ୍ତେନିକିଝ୍ ଉଚ୍ଚିମୁଡ୍ ଆରି ଡିଗା ମତର୍, ତୁମ୍ ରଚ୍ଚି କିନି କାଜିଂ ଜାଲ୍ଦି ଆନି ଝେଡାଲିଂ ମସା ଇନେସ୍ ବଲ୍ ପାୟା ଆଜି ମାଚାନ୍, ଇନାକିଦେଂକି ଇସ୍ପର୍ ଇଞ୍ଜି ମାଚାନ୍, “ଜାଗ୍ରତ୍, ମାଡ୍ତିତ ନିଜେଝ୍ ଇନେସ୍ ବାର୍ତାକା ରଚ୍ଚି ହିଦ୍ୟା ଆଜି ମାଚାଡ୍, ହେ ଇସାପ୍ରେ ରଚାଡ୍ ।”

୬ ମାତର୍ ନଝ୍ ଇମ୍ଣି ଇସାପ୍ରେ କ୍ରିଷ୍ଟ ହାଦ୍ନାକା ପାର୍ମାଣ୍ଣିଂ ଜପି ରଚ୍ଚି ଗାଜା ନିୟମ୍ନି ମାଦ୍ଣାକାନ୍ ଆତାଣ୍ଣା, ହେ ଇସାବ୍ରେ ପା ହାର୍ ହେବା କିନାକାନ୍ ପାଦ୍ ପାୟା ତାଦେଣ୍ଣା ।

୭ ଇନାକିଦେଂକି ପର୍ତ୍ତୁମ୍ ନିୟମ୍ ଜପି ଦସି ଆଜି ମାଚାଡ୍ତି, ଝାଟିଂ ଜେତି ନିୟମ୍ କାତା ଲଡା ଆଦ୍ଝାତାଡ୍ମା ।

୮ ମାତର୍ ଇସ୍ପର୍ ତା ମାନାୟାର୍ ଦସ୍ ହପ୍ତି ହେଝାରିଂ ଇନାନ୍,

“ମାପୁ ଇନାନ୍, ହୁଡାଟ୍, ସମୁ ଝାନାତା,

ଏଚେକାଡ୍ତ୍ ଆନ୍ ଇସ୍ପାଏଲ୍ ଇଚିସ୍ ଜିହୁଦାନି ମାନାୟାର୍ ଲାହାଂ

ର ପୁନି ନିୟମ୍ ରଚ୍ଚାପ୍;

୯ ଇମ୍ଣି କାଡ୍ତ୍ ଆପ୍ ହେଝାଚ୍ଚି ଆବାଲାତ୍ତାରିଂ କେଇ ଆସ୍ତି

ମିସର୍ ଦେସ୍ତାଂ ହପ୍ତି ତାହିଝାଜିମାଚାପ୍, ହେ ଝେଡାଲିଂ ହେଝାଚ୍ଚି ଲାହାଂ ଆପ୍ ଇମ୍ଣି

ପୁନି ନିୟମ୍ କିଜି ମାଚାପ୍,

ଇ ନିୟମ୍ ଇସାପ୍ରେ ଆକାୟ୍,

ଲାଗିଂ ହେଝାର୍ ମା ମେରାତ ତିର୍ ଆଜି ମାଞ୍ଜେଝ୍ ଆଡ୍ଝାତାର୍,

ଆରେ ଆପ୍ ହେଝାଚ୍ଚି କାଜିଂ ମାନ୍ଦିଆନ୍ କିଝାତାପ୍, ଇଦାଂ ମାପୁ ଇନାନ୍ ।

୧୦ ଇନାକିଦେଂକି ମାପୁତି କାତା ଇଦାଂ,

ହେ ସମୁ ପାଚେ ଆପ୍ ଇସ୍ପାଏଲ୍ ବସ୍ ଲାହାଂ ଇମ୍ଣି ନିୟମ୍ ରଚ୍ଚାସ୍, ହେଦାଂ ଇଦାଂ,

ଆପ୍ ହେଝାଚ୍ଚି ମାନ୍ତ ଜାର୍ ମସାତି ବିଦି ହିନାସ୍,

ହେଝାଚ୍ଚି ମାନ୍ତ ହେ ସବୁ ଲେକିକିନାସ୍, ଆନ୍ ହେଝାଚ୍ଚି ଇସ୍ପର୍ ଆନାଝ୍, ହେଝାର୍ ନା ଲକୁ ଆନାର୍ ।

୧୧ ଆପ୍ ହେଝାଚ୍ଚି ଇସ୍ପର୍ ଆନାସ୍, ହେଝାର୍ ମା ଲକୁ ଆନାର୍;

ଆରେ, ମାପୁଝ୍ ପୁନାଟ୍ ଇଞ୍ଜି ଇଞ୍ଜି ହେଝାର୍ ଜାଣ୍କେ ଜାର୍ ଜାର୍ ରଚେ ମାନି ଗାଡ୍ଦାକାରିଂ,

ଆରେ ଜାଣକେ ଜାର୍ ଜାର୍ ଟଣ୍ଡାରିଂ ହିକ୍ୟା ହିଉର,  
ଲାଗିଂ ହାରୁତାଂ ଗାଜା ପାତେକ୍  
ହେଞ୍ଜାର୍ ଝିଜାକାର୍ ମାଂ ପୁଞ୍ଜନାର୍ ।

୧୨ ଇନାକିଦେଂକି ଆପ୍ ହେଞ୍ଜାର୍ତ୍ତି ଅଦାମ୍ କାଜିଂ କାର୍ମା ଆନାସ୍,  
ଆରେ, ହେଞ୍ଜାର୍ତ୍ତି ପାପ୍ ସବୁ ଆରେ ଏଡ଼ତ ତାଉସ୍ ।

୧୩ ହେଞ୍ଜାନ୍ ପୁନି ନିୟମ୍ ଇଞ୍ଜି ଇଞ୍ଜନାକା ହୁଦାଂ ପର୍ତ୍ତମ୍ତିଂ ପ୍ଲାନାକା କିତାନ୍ନା, ଆରେ ଇନାକା ପ୍ଲାନାକା ଆରି ବୁଡା ଆଜି,  
ହାନାତା, ହେଞ୍ଜାନ୍ତ୍ରି ଝାସ୍ତିତାଂ ଡରୁଜି ଆନାକା ସମ୍ ଲାଗେ ।”



ପାର୍ତନା-ପୁର୍ତ୍ତମ୍ ନିକା ଆରି ସାର୍ଗେନିକା

୧ ହାଡ଼ପାରତେ ହେ ପର୍ତ୍ତମ୍ ନିୟମ୍ ପା ପାର୍ତନା ବିସ୍ତେ ବାର୍ବିନି ବିଦିବିଦାଣି ଆରି ର ପୁର୍ତ୍ତମ୍ ନି ପୁଇପୁୟା ବାହା ମାତାଡ଼ ।

୨ ଇନାକିଦେଂକି ର ତୁମ୍ ରତ୍ୟା ଆଜି ମାତାଡ଼, ହେବେନି ପର୍ତ୍ତମ୍ ବାଗ୍ତ ବଇଟା ଇଟନାକା, ପାଟା ଆରି ହୁଡ଼ନି ରୁଟି ମାତାଡ଼; “ହେଦେଲିଂ ପୁଇପୁୟା ବାହା ଇଞ୍ଜି ଇନାର୍ ।”

୩ ଆରେ, ଜେଡି ତୁଡି ହେୟା ପାତେ ତୁମନି ଇମଣି ବାଗ୍ ମାତାଡ଼, ହେଦେଲିଂ ଗାଜା ପୁଇପୁୟା ବାହା ଇଞ୍ଜି ଇନାର୍;

୪ ହେବେ ହନାନି ଦୁପ୍ନିଗାରଣି ଆରି ଚାରିବେଣ୍ଡାଂ ହନା ତାଙ୍ଗ୍ ରଚ୍ଚି ନିୟମ୍ସିୟୁକ୍ ମାତାଡ଼ । ହେ ନିୟମ୍ ସିୟୁକ୍ତ “ମାନ୍ନା ମାନି ର ହନା ବାହା ଇଡ଼ଜିମାନି ର ହନାନି ବାହା, ହାରଣ୍ଡି ବାଡ଼ଗାନି ହାଜିଡ଼ ହାନି ବାଡ଼ଗା ଆରି ଇସ୍ପୁର୍ତ୍ତି ବଲ୍ ଲେକିକିତାକା ବଲ୍ ରି କାଲ୍ପାଟା ମାତାଡ଼,

୫ ଆରେ ତା ଜପି ପାପ୍ ତାବାୟ୍ କିତାକାଲ୍ଲିଙ୍ଗ୍ ହିଡ଼ଡ଼ି କିଜି ମାନି ଇସ୍ପୁର୍ତ୍ତ ଜାଜ୍ମାଲ୍ ଚଚ୍ଚି ରିଣ୍ଡି ପାରାଣିଂ ମାଟିକ୍, ହେ ସବୁ ବିସ୍ତେ ନଙ୍ଗ୍ ଆସେଙ୍ଗ୍ ହାର୍ କିଜି ଇଞ୍ଜେଙ୍ଗ୍ ଆଡୁସ୍ ।”

୬ ଇ ସବୁ ଇବାନି ଜାଲ୍ଦି ଆଜି ମାଟିଲେ ମାପୁ ହେବାକିନାକାର୍ ପାର୍ତନା କିନି କାଜିଂ ତୁମ୍ନି ପର୍ତ୍ତମ୍ ବାଗ୍ତ ନିତ୍ରେ ହଣ୍ଡି ମାନାର୍,

୭ ମତର୍ ରି ବାଗ୍ତ କେବଲ୍ ମୁଡ଼ମାପୁହେବାକିନାକାନ୍ ବାହେକ୍ତିଂ ରଗ ବେସି ପୁଇପୁୟା ବାହାତ ହଣାର୍, ଆରେ ହେଞ୍ଜାନ୍ ଜାର୍ତିଂ ଆରି ଲକ୍ତୁର୍ ପୁନ୍ଝି କିଜି ମାନି ପାପ୍ କାଜିଂ ପୁଜାକିନି ନେତେର୍ ଅଞ୍ଜାଦାଂ ହଣ୍ଡର୍ ।

୮ ଇବେ ପୁଇପୁୟା ଜିରୁନ୍ ଇଦାଂ ହପ୍ନାନ୍ ଜେ, ପର୍ତ୍ତମ୍ ତୁମ୍ ମାନି ପାତେକ୍ ପୁଇପୁୟା ବାହାତ ହଣି ହାଜିଡ଼ ହଞ୍ଜାତାଡ଼ନା ।

୯ ଇ ପର୍ତ୍ତମ୍ ତୁମ୍ ନଙ୍ଗ୍ ସମ୍ କାଜିଂ ଉତର୍ମୁଡ଼ ଲାକେ, ଆରେ ତା ଇସାପ୍ରେ ଦାନ୍ ଆରି ପୁଜା ରିବେ ପୁଜା କିଜି ମାଟାର୍, ମତର୍ ଇ ସବୁ ପାର୍ତନାତିଂ ଚିନ୍ତା ସାଲ୍ଲି ହାଟି ବାଟି ଦାନ୍ କିଦେଙ୍ଗ୍ ଆଡୁର୍;

୧୦ ଇ ଝିଜୁ ଆରେ କାଦି, ଏଜୁଂ, ଆରି ବାର୍ବିନି ସକର୍ କାମାୟ୍ ଆରେ ରଚ୍ଚି ସମ୍ ପାତେକ୍ ପାଲି କିନାକା ଗାଗାଡ଼ନିକା ବିଦିବିଦାଣି ମତର୍ ।

୧୧ “ମତର୍ କ୍ରିସ୍ଟ ନଙ୍ଗ୍ ହାର୍ଦି ବିସ୍ତେ ମୁଡ଼ମାପୁହେବାକିନାକାନ୍ ଲାକେ ଏକା ଝାଜି ଇ ଉପ୍ଜାଣ୍ଡିଂ ବିନ୍ କେଇଦାଂ କିଞ୍ଚି ମତ୍ତିଂ ଆରି ମୁଡ଼ଡ଼ି ତୁମ୍ ହିଜି ହାଲ୍ଲି ଅଡା ଆରି କଡିତି ନେତେର୍ ଆକାୟ୍,

୧୨ ମତର୍ ଅଡା ଜାର୍ତିଂ ଅହ୍ରି ନେତେର୍ ଅଜି ରଞ୍ଜେମାଡ଼ ମୁଡ଼ନିପୁଇପୁୟା ବାହାତ ହଣ୍ଡି ଝିଜୁଞ୍ଜି ମୁକ୍ତାୟ୍ କିଡ଼ତାନ୍ନା ।”

୧୩ ଇମ୍ପାଣାକାର୍ କିନି କାରୁମ୍ ମାନି କିଞ୍ଚି କାଜିଂ ବିଟାଡ଼, ହେଞ୍ଜାଙ୍ଗ୍ ଜପି ସଣ୍ଡି କି ଅଡା ନେତେର୍ ଆରି କଡି ତିର୍ୟା ଆଡିସ୍, ହେଞ୍ଜାର୍ତ୍ତି ପୁଇପୁୟା ଦେହାଜି ମାନାଡ଼ ।

୧୪ ଝାଟିଂ ଇମ୍ପାଣି କ୍ରିସ୍ଟ ଝିଜୁଞ୍ଜି ଜିରୁକ୍ତି ହୁଦାଂ ଜାର୍ତିଂ ଦସିହିଲ୍ଡି ପୁଜାଲାକେ ଇସ୍ପୁର୍ତ୍ତି ଲାଗାୟ୍ ପୁଜା କିତାନ୍, ହେଞ୍ଜାନ୍ତି ନେତେର୍ ଏଚେକ୍ ଆଦିକ୍ ପାତେକ୍ ଜିତାକା ଇସ୍ପୁର୍ତ୍ତି ହେମାଣ୍ କିନି କାଜିଂ ହାଡି କାମାୟ୍ତାଂ ମାଙ୍ଗେଙ୍ଗ୍ ଚିନ୍ତା ସାଲ୍ଲିତିଂ ସକର୍ କିଡ଼ !

୧୫ ଆରେ ଇ କାରଣତାଂ କ୍ରିସ୍ଟ ପୁନି ନିୟମ୍ନି ମାଦ୍‌ଶାକାନ୍ ଆଡାନ୍ନା, ଇନେସ୍ ପର୍ତ୍ତମ୍ ନିୟମ୍‌କାଡ଼ନି ଅପ୍‌ରାଦ୍ ମତର୍ ମୁକ୍ତାନ୍ନାକା ହାକିବଗ୍ କିୟା ଆଜି ମାଟିଲେ କୁକ୍ୟାତି ଲକ୍ତୁ ଝିଜୁଞ୍ଜି ଆଦିକାର୍ ବିସ୍ତେ ପାର୍ମାଣ୍ଡି ପାଡ଼ ପାୟା ଆନାର୍ ।

୧୬ ରଞ୍ଜାଙ୍ଗ୍ କି ଦାନ୍ ହିନି ଲଗୁନି ବିଦି ଇସାବ୍ରେ, ତା କାମାୟ୍ ଆନି କାଜିଂ ଉଇଲ୍ କିଜି ମାନି ମୁଣିକାଡି ହାକି ପାର୍ମାଣ୍ଡ ଆନି ଲଡା ।

୧୭ ଇନେକିଦେଂକି ଉଇଲ୍ କିଜି ମାନି ମୁଣିକା ବାଟାଜି ହାନାନ୍, ର ଇଲ୍ଲିନି ମଲ୍ ଆକାୟ୍ କେବଲ୍ ତା ହାଡି ପାତେ ହେଦାଂ କାମାୟ୍ ଆନାଡ଼ ।

୧୮ ଇଦାଂ କାଜିଂ ପର୍ତ୍ତମ୍ ନିୟମ୍ ପା ନେତେର୍ ଆଞ୍ଜାଦାଂ ହେଲ୍ଲାୟ୍ ଆଞ୍ଜାଦାଂ ମାତାଡ଼ ।

୧୯ ଇନାକିଦେଂକି ମସା ମାନାୟାର ତାକେ ମସାତି ବିଦି ଇସାପ୍ରେ ସବୁ ବଲ୍ ହପ୍ତି ପାଚେ ଏଜୁଙ୍ଗ୍, କାର୍ହା ଗେରୁ ମେଣ୍ଡାବୁରା ଆରି ର ମାର୍ଜି ଆକି ଲାହାଂ କଡିହିମଣା ଆରି ଅହରି ନେତେର୍ ଅଜି ନିୟମ୍ ପତି ଆରି ଝିଜୁ ଲକୁ ଜପି କେନିରାସ୍ ତିରତି ଇଚାନ,

୨୦ ଆରେ ହେଝାନ ଇଚାନ, ଇସ୍ବର ମି ବିସ୍ତେ “ଇମ୍ଣି ନିୟମ୍ ବଲ୍ କିଡ଼ତାନନା, ହେ ନିୟମ୍ନି ନେତେର୍ ଇଦାଂ ।”

୨୧ ଆରେ ପା ହେଝାନ ତୁମ୍ ମନ୍ଦିର୍ ଆରି ଦାରୁମ୍ ହେବା ଆକ୍ରାନି ଝିଜୁ ବାହା ଜପି ହେ ଲାକେ ନେତେର୍ ତିର୍ତାନ ।

୨୨ ଜିନିସ୍, ବିଦି ଇସାବ୍ରେ ଝିଜୁ ବିସ୍ତେ ନେତେର୍ ହୁଦାଂ ସକର୍ ଆନାଡ଼, ଆରେ ନେତେର୍ ହୁକେ ନେ ପାପ୍ କେମା ଆନାଡ଼ ।

**କ୍ରିଷ୍ଟି ପୂଜାହିନାକା ପାପ୍ ଦେହା କିନାଡ଼**

୨୩ ଲାଗିଂ, ସାର୍ଗେନି ବିସ୍ତେକାଂ ଉତରମୁଡ଼ ଝିଜୁ ଇ ସବୁ ହୁଦାଂ ସକର୍ ଆନି ଲଡ଼ା ମାଚାଡ଼, ମତର୍ ସାର୍ଗେନି ବିସ୍ତେକାଂ ତ ଇ ସବୁତାଂ ମୁଡ଼ଦି ପୂଜାନି ନେତେର୍ ହୁଦାଂ ସକର୍ ଆନି ଲଡ଼ା ।

୨୪ ଇନାକିଦେଂକି ହାଡ଼ପା ବିସ୍ତେକାଂ ଡିଗାପୁଡ଼ତା ଜେ କେଇଦାଂ କିତି ମୁଡ଼ନି ପୁଇପୁୟା ବାହା, ହେବେ କ୍ରିଷ୍ଟ ହଣ୍ଡାଦାଂ ନଲେ ମା କାଜିଂ ନଙ୍ଗ୍ ଇସ୍ବରତି ମୁମ୍ଦ ଏକାଝାଦେଂ ଆନି କାଜିଂ ସାର୍ଗେତ ହଟାନା ।

୨୫ ଜିହୁଦି ମୁଡ଼ମାପୁହେବାକିନାକାନ ଇନେସ୍ ବିନେନିକାକ୍ତି ନେତେର୍ ଅଜି ବାହେକ୍ତିଂ ବାହୁଁ ମୁଡ଼ନି ପୁଇପୁୟା ବାହାତ ହଣାର, ହେ ଲାକେ ହେଝାନ ଜେ ରଗତିଂ ରଗ ଜାର୍ତିଂ ପୂଜା କିନାନ, ହେଦାଂ ଆକାୟ,

୨୬ ତା ଆତିସ୍ ଜଗଡ଼ ବୁଡାନି ପାତେକ୍ ରଗତିଂ ରଗ ହେଝାନିଂ ହାକି ବଗ୍ କିଦେଙ୍ଗ୍ ଆତାମା, ମତର୍ ନଙ୍ଗ୍ ହେଝାନ ଜୁଗଝିଜିନି ଝେଡ଼ାଲିଂ ଜାର୍ତିଂ ପୂଜାକିନାକା ହୁଦାଂ ପାପ୍ ଦେହା କିଦେଙ୍ଗ୍ ହସିଝାତାନା ।

୨୭ ମାନାୟାର କାଜିଂ ଇନେସ୍ ରଗ ମତର୍ ହାକି, ତା ପାଚେ ଇସ୍ବରତି ବିଚାର୍ ମାନାଡ଼ । ଆରେ, ହେଦାଂ ପାଚେ ବିଚାଣ୍ଟା ଆନାକା ସମୁ ମାନାଡ଼,

୨୮ ହେ ଲାକେ କ୍ରିଷ୍ଟ ପା ଆଦେକ୍ତି ପାପ୍ ପିଣ୍ଡିନି କାଜିଂ ରଗ ମତର୍ ପୂଜା କିୟା ଆଜି ରିହା ପାପ୍ କାଜିଂ ଆକାୟ, ନଲେ ଇମ୍ଣାକାର୍ ହେଝାନିଂ କାଜିଂ ମାଚାଣ୍ଟା, ହେଝାର୍ତି ମୁକ୍ତାନି କାଜିଂ ଚଞ୍ଚୟା ଆନାନ ।

**୧୦**

୧ ଇନାକିଦେଂକି ମସାତି ବିଦି ଝାନିଦିକ୍ତ ହାର୍ଦି ବିସ୍ତେ ଡିଗା ଲାକେ ଆଜି ହେ ସବୁ ବିସ୍ତେ ତିରିଝିରି ପୁଡ଼ତାଂ ଆଝିତିଲେ ମାପୁହେବାକିନାକାତ ବାହୁଁତିଂ ବାହୁଁ ନିତ୍ରେ ହେ ରବାନି ପୂଜାକିନି କାଜିଂ ପାର୍ତାନା କିନାକାରିଂ ମୁଡ଼େ ବାତ କିଦେଙ୍ଗ୍ ଆଡୁନ ।

୨ ଜଦି ଆଡ଼ତାଡ଼ରି, ଝାଟିଙ୍ଗ୍ ପୂଜାକିନାକାର୍ ରଗ ସକର୍ ଆଜି ତିନ୍ତା ସାକ୍ତିତ ଆରେ ପାପ୍ତିଂ ପୁନ୍ଝାଦାଂ ହେ ସବୁ ପୂଜା ଇନାକା ବାନ୍ ଆଝାତାମା ?

୩ ମାତର୍ ହେ ଲାକେ ଆଝାଦାଂ ବାହୁଁତିଂ ବାହୁଁ ପୂଜା ହିନାକା ହୁକେ ମାନାୟତିଂ କେବଲ୍ ତା ପାପ୍ ବିସ୍ତେ ଏଡ଼ କିୟକିନ୍ନାଡ଼;

୪ ଇନାକିଦେଂକି ସଣ୍ଡ ଆରି ଅତାନି ନେତେର୍ ଜେ ପାପ୍ ହାଲି କିଦେଙ୍ଗ୍ ଆଡ଼ନାଡ଼, ଇଦାଂ କସ୍ତନିକା ।

୫ ହେଦାଂ କାଜିଂ କ୍ରିଷ୍ଟ ପୁଡ଼ିତ ଝାନି ଆଗେ ଇସ୍ବରତିଂ ଇଞ୍ଜି ମାଚାନ,

“ପୂଜା ଆରି ଆତାଡ଼ତ ଏନ୍ ସାରି ଆକାୟ,

ମାତର୍ ଏନ୍ ନା କାଜିଂ ର ଗାଗାଡ଼ ଜାଲ୍ଦି କିନାଦେର୍;

୬ କାଟ୍ପୂଜା ଆରି ପାପ୍ନି

ପୂଜାତ ଏପ୍ ସାରି ଆଝାତାୟ ।”

୭ ହେ ଏଚେକାଡ଼୍ଦ ଆନ୍ ଇଚାଙ୍ଗ୍, ହୁଡ଼ାଟ୍,

ସାସ୍ବରତ ପତିତ ନା ବିସ୍ତେ ଲେକା ମାନାଡ଼,

“ଏ ଇସ୍ବର, ନି ଇଚା ପୁରା କିଦେଙ୍ଗ୍ ଆନ୍ ଝାତାଂନା ।”

୮ ପର୍ତୁମ୍ କ୍ରିଷ୍ଟ ଇଚାନ, “ପୂଜା, ଆତାଡ଼, କାଟ୍ପୂଜା ଆରି ପାପ୍ନି ପୂଜା ଏପ୍ ତେକ୍ଝାତାଦେର୍, କି ହେବେ ମିଦାଂ ସାରି ହିଲ୍ଝାତାଡ଼” ଇନାକା ସବୁ ବିଦି ଇସାପ୍ରେ ପୂଜା କିଆନାଡ଼,

୯ ତା ପାଚେ “ହେଝାନ ଇଚାନ, ହୁଡ଼ାଟ୍, ନି ଇଚା ପୁରା କିଦେଙ୍ଗ୍ ଆନ୍ ଝାତାଂନା । ଜେତି ନିୟମ୍ ତିର୍ କିନି କାଜିଂ ପର୍ତୁମ୍ ନିକାଦିଂ ବୁଡ଼ାୟ କିତାନନା ।”

୧୦ ଜିସୁ କ୍ରିଷ୍ଟି ଗାଗାଡ଼ ରଞ୍ଜେ ମାଡ଼ ପୂଜା ଆନି କାଜିଂ ହେ ଇଚା କାଜିଂ ଆସେଙ୍ଗ୍ ପୁଇପୁୟା କିୟା ଆତାସନା ।

୧୧ ଆରେ ପା, ଜାଣକେ ଜିହୁଦି ମାପୁ ହେବାକିନାକାନ ପାତିଦିନ୍ ହେମାଣ୍ କିନି କାଜିଂ ଆରି ରଗତିଂ ରଗ ହେ ରବାନି ପୂଜାକିନି କାଜିଂ ନିଲ୍ଡି ମାନ୍ଗାନାର, ଇ ସବୁ ପାପ୍ ଅଦେଂ ଆଡୁଡ଼ ।

୧୨ ମତର୍ କ୍ରିଷ୍ଟ ପାପ୍ କାଜିଂ କେବଲ୍ ର ପୂଜାକିତି ପାଚେ ଇସ୍ବର୍ତ୍ତ ବୁଜ୍ଝି ବାଗାଙ୍ଗ୍ ସବୁଦିନ୍ କାଜିଂ କୁଟ୍ଚାନ;

୧୩ ଇସ୍ବର ହେଝାକ୍ତି ସାଡୁର୍ ହେଝାକ୍ତି ପାନା ତାରେନ୍ କିଝି ପାତେକ୍ ହେଝାନ କାସି ମାନାନ ।

୧୪ ଇନାକିଦେଂକି ଇମ୍ମାକାର୍ ପାପ୍ତାଂ ପୁଇପୁୟା କିୟା ଆଜି ସକର୍ ଆତାର୍ଣ୍ଣା, ହେ ରଞ୍ଜାଙ୍ଗ୍ ମତର୍ ପୁଜା ହୁଦାଂ ହେଞ୍ଜାରିଂ ହେଞ୍ଜାନ୍ ସବୁ ଦିନ୍ କାଜିଂ ବାତ୍ କିତାନ୍ନା ।

୧୫ ଆରେ ପୁଇପୁୟା ଜିବୁନ୍ ପା ମାଂ ହେ ବିସ୍ତେ ସାକି ହିଜି ଇଞ୍ଜନାମା,

୧୬ ଇନାକିଦେଂକି “ମାପୁ ଇ କାତା ଇନାନ୍, ହେ ସମୁ ପାଚେ ଆପ୍ ହେଞ୍ଜାର୍ ଲାହାଂ ଇମ୍ମାଣି ନିୟମ୍ ରଚନାସ୍, ହେଦାଂ ଇଦାଂ,

ଆପ୍ ହେଞ୍ଜାରିଂ ଜିବୁନ୍ତ ଜାର୍ ମସାତି ବିଦି ହିନାସ୍, ଆରେ ହେଞ୍ଜାରିଂ ମାନ୍ତ ହେ ସବୁ ଲେକିକିନାସ୍, ଇଦାଂ ଇତି ପାଚେ ହେଞ୍ଜାନ୍ ଇଞ୍ଜନାନ୍ ।”

୧୭ ଆରେ ପା ହେଞ୍ଜାନ୍ ଇନାନ୍, “ହେଞ୍ଜାରିଂ ପାପ୍ ଆରି ହେଞ୍ଜାରିଂ ଅପରାଦ୍ ସବୁ ଆପ୍ ଆରେ ଏଡ୍ କିଉପ୍ ।”

୧୮ ଲାଗିଂ ହେଞ୍ଜାର୍ ଜଦି କେମା ପାୟାତାର୍ଣ୍ଣା, ଖାଟିଂ ପାପ୍ କେମା କାଜିଂ ଆରେ ପୁଜାକିନାକା ଲଡ଼ା ଆକାୟ୍ ।

**ଇସ୍ପୁର୍ତି ଲାଗେ ଆନାସ୍**

୧୯ ଲାଗିଂ ଏ ଟଣ୍ଡେନ୍ ଆରି ତଣ୍ଡେକ୍, ଜିସୁତି ନେତେର୍ କାଜିଂ ଆସେଙ୍ଗ୍ ମୁଡ଼ନି ପୁଇପୁୟା ବାହାତ ହଣ୍ଡେଙ୍ଗ୍ ପୁରା ଆଦିକାର୍ ପାୟାତାସ୍ନା ।

୨୦ ହେଞ୍ଜାନ୍ ତା ଗାଗାଡ଼ଲାର୍ଦି ହେନ୍ଦା ବିତ୍ରେ ହିଜି ମା କାଜିଂ ର ପୁନି ଜିବୁନିଂ ହାଜି ଜେତାନ୍ନା ।

୨୧ ଆରେ, ଇସ୍ପୁର୍ତି ଇଲ୍ ନଙ୍ଗ୍ ମା କାଜିଂ ମୁଡ଼୍ ମାପୁହେବାକିନାକାନ୍ ତାରେନ୍ ମାନାଡ଼୍ ।

୨୨ ଖାଡୁ, ଆସେଙ୍ଗ୍ ମାନ୍ତ ନୁଜ୍ଜି ହୁଦାଂ ହାଡ଼ପା ଚିନ୍ତା ସାଲିତାଂ କ୍ରିସ୍ତି ନେତେର୍ ହୁକେ ସକର୍ ଆନାସ୍ ଆରି ଅଣ୍ଡାଙ୍ଗ୍ ଏସ୍ତ ନୁସ୍ତି ଗାଗାଡ଼ ଆଜି ହୁଦାର୍ ମାନ୍ତ ହୁକେ ପୁରା ପାତ୍ ତ ଇସ୍ପୁର୍ତି ଲାଗାୟ୍ ଆନାସ୍;

୨୩ ଆସେଙ୍ଗ୍ ଇମ୍ମାଣି ବାସ୍ ମାନି କିନାସା, ହେଦାଂ ତାଟ୍ ବାବ୍ରେ ଲେମ୍ଫାଦାଂ ଆହନାସ୍, ଇନାକିଦେଂକି ଇସ୍ପୁର୍ ପାର୍ମାଣ୍ କିତାନ୍ନା, ହେଞ୍ଜାନ୍ ପାତ୍ ନିକାନ୍;

୨୪ ଆରେ ଜିଉନନାକା ଆରି ସଡ଼କାମାୟତ ଜାଣାୟକିନି କାଜିଂ ହାରି ବିସ୍ତେ ମାନ୍ଦିଆନ୍ କିନାସ୍,

୨୫ ଆରେ ଇନେର୍ ଇନେର୍ ଇନେସ୍ ମା ମଣ୍ଡଲି ପାର୍ତନା ଏଲା ଆଜି ମାନାସା, ଆସେଙ୍ଗ୍ ଇନେସ୍ କିଉସ୍, ନଲେ ହାରି ଖାରିକିୟ୍ କିନାସ୍, ବେସିକିଜି ଏଚେକାଡ଼ଦ୍ ଏପେଙ୍ଗ୍ ମାପୁତି ଦିନ୍ ଲାଗାୟ୍ ଆଜି ଖାନାତା ଇଞ୍ଜି ହୁଡ଼ନାଦେରା ।

୨୬ ଇନାକିଦେଂକି ହାଡ଼ପା ଗିଆନ୍ ପାୟାତି ପାଚେ ଜଦି ଆସେଙ୍ଗ୍ ପୁନ୍ଞ୍ଜି ପାପ୍ କିଜି ମାନାସ୍, ଖାଟିଂ ପାପ୍ତାକେନି ପୁଜା ଆରେ ଲଡ଼ା ଆକାୟ୍ ।

୨୭ ତା ଆତିସ୍, ଆପେଂ ଖାନି ଗାଜା ବିଚାର୍ ମୁମ୍ଦ ଆଜି ଇସ୍ପୁର୍ ମାନି ନିକାର୍ କାଜିଂ ବୟଙ୍ଗାର୍ ଗାଜା ନାଣିତ ରୁତାନାକା ଇସାବ୍ରେ ପାଣ୍ଡୁଜି ବିରଦ୍ କିନାକା ପିସ୍ତି ମା ବିନ୍ ଦସା ହିଲୁଡ଼୍ ।

୨୮ ଇନେର୍ ମସାତି ବିଦିତିଂ ଅମାନ୍ୟା କିତିସ୍, ହେଞ୍ଜାନ୍ ଦୟା ପାୟା ଆଖାଦାଂ ଦୁଇ ନଇଲେ ତିନ୍ ଜାଣ୍ ସାକିନି ପାର୍ମାଣ୍ଡ ହାକି ଆନାଡ଼୍;

୨୯ ଖାଟିଂ ବାବି କିଜି ହୁଡ଼ାଟ୍, ଇନେନ୍ ଇସ୍ପୁର୍ତି ମାଜି ହୁସ୍ତାତାନ୍ନା, ନିୟମ୍ ଇମ୍ମାଣି ନେତେର୍ ହୁଦାଂ ହେଞ୍ଜାନ୍ ପୁଇପୁୟା କିୟା ଆଜି ମାଗାନ୍, ହେଞ୍ଜାନ୍ ଆଡ଼ଞ୍ଜାକା ବିସ୍ତେ ଇଞ୍ଜି ବାବି କିତାନ୍ନା ଆରି ଦୟାନି ହିଦନାକାନ୍ ଜିବୁଡ଼ିଙ୍ଗ୍ ଅମାନ୍ୟା କିତାନ୍ନା, ହେଞ୍ଜାନ୍ ଏଚେକ୍ ଆଦିକ୍ ବେସି ତାଣ୍ଡୁନି ଜଗ୍ ଆଉନ୍ ।

୩୦ “ଇନାକିଦେଂକି ହୁଜାନାକା ମା ଆଦିକାର୍, ଆପ୍ ପାତିପାଡ଼୍ ହିନାପ୍,” ଇନେନ୍ ଇ କାତା ଇଚାନ୍ନା, ହେଞ୍ଜାନ୍ ଆପେଂ ପୁନାପ୍, ଆରେ, ମାପୁ ଜାର୍ ଲକୁରିଂ ବିଚାର୍ କିନାନ୍ ।

୩୧ ଜିତି ଇସ୍ପୁର୍ତି କେଇଦ ବିଚାର୍ତ ଆଣ୍ଟାକା ବୟଙ୍ଗାର୍ ବିସ୍ତେ ।

୩୨ ମି ପାଚେନି କାତା ଏଡୁ କିୟାଟ୍ । ଇସ୍ପୁର୍ତି ଅଜଡ଼୍ ପାୟାତି ପାଚେ ଏଚେକାଡ଼ଦ୍ ଏପେଙ୍ଗ୍ ବାରବିନି ଦୁକ୍ବଗ୍ ଲାକେ ଜବର୍ କସ୍ ପାୟାନାଦେର୍, ହେ ଆଗେ ଖେଡ଼ାତିଂ ଏଡ଼ତ ତାହିଞ୍ଜାଡୁ;

୩୩ ର ସମୁ ଗୁୟନାନ୍ ଆରି କସ୍ ହୁଦାଂ ଲାଜୁକୁୟିଜି ମାଚାଦେର୍, ବିନ୍ ସମୁତ ହେ ଲାକେ ବେବାର୍ ପାୟାତି ଲକୁଡ଼୍ ମେହାଣ୍ ଆଜି ମାଚାଦେର୍ ।

୩୪ ଇନେ ଇନେଞ୍ଜାଡ଼ାଙ୍ଗ୍ ଏପେଙ୍ଗ୍ ସାଦାସିଦା ହୁଞ୍ଜି ଆରି ନିୟା କିୟାଜି ମାଚାଦେର୍ । ଆରେ ଇନେ ଇନାଞ୍ଜାଡ଼ାଙ୍ଗ୍ ବିନ୍ ଲକାର୍ତି ସୁକ୍ଦୁକ୍ତ ଖାସ୍ତିତାଂ ଗଣ୍ଡଗଲ୍ କିଜି ମାଚାଦେର୍ ଆରି ଏଚେକାଡ଼ଦ୍ ମିଦାଂ ସବୁ ଚରି ଆତାଡ଼୍, ହେପାଦନା ଏପେଙ୍ଗ୍ ଖାରିତାଂ ସବୁ ନସ୍ ହୁଞ୍ଜାଦେର୍, ଇନେକିଦେଂକି ମିଦାଂ ଜେ ଆଦିକ୍ ହାଡ଼ାକା ଆରି ନିତ୍ରେମାନି ଦନ୍ ମାନାଡ଼୍, ହେଦାଂ ଏପେଙ୍ଗ୍ ପୁଞ୍ଜି ମାଚାଦେର୍ ।

୩୫ ଲାଗିଂ, ମି ସାସ୍ ପିହ୍ମାଟ୍, ଇନେକିଦେଂକି ସଡ଼୍ ସାସ୍ ଜବର୍ ଇନାମ୍ ମାନାଡ଼୍ ।

୩୬ ଲାଗିଂ ଏପେଙ୍ଗ୍ ଇନେସ୍ ଇସ୍ପୁର୍ତି ଇଚା ପୁରା କିଦେଙ୍ଗ୍ ପାର୍ମାଣ୍ଡି ପାଡ଼୍ ପାୟାଦେଂ ଆଡ଼ନାଦେର୍, ଇଦାଂ କାଜିଂ ମି ସାସି ଆନାକା ଲଡ଼ା ମାନାଡ଼୍ ।

୩୭ ଦରମ୍ ସାସ୍ପୁର୍ତ ଲେକାମାନାଡ଼୍,

ଆରେ ଅଲପ୍ ସମୁ କାସି ମାନାଟ୍, “ଇନାକାନ୍ତି ଖାନାକା ମାନାଟ୍,  
ହେଖାନୁ ଖାନାନ୍ ଆରି ମାଲା ଆଉନ୍ ।”

୩୮ ନା ଦାମ୍ ଲକୁ ପାତ୍ ତ ଡାଟ୍ ମାନୁଜି ଜିନାର୍,  
ମାତର୍ ଇନେର୍ ଜଦି ପାଚେହାନାନ୍, ତା କାଜିଂ ଆନ୍ ଖସ୍ମିତ ଆଦେଂ ଆଡୁଙ୍ ।

୩୯ ମତର୍ ଇମ୍‌ଶାକାର୍ ନାସ୍ କାଜିଂ ପାଚେପାନ୍ନା ଇଡ୍‌ନାର୍, ଆପେଂ ହେଖାର୍‌ତି କୁଦାନି ଲଗୁ ଆକାୟ୍, ମାତର୍  
ଇମ୍‌ଶାକାର୍ ଖସ୍ମିତ ମୁକ୍‌ଡାନି କାଜିଂ ପାତ୍ କିତାର୍, ଆସେଙ୍ ହେଖାର୍‌ତି କୁଦାନି ଲଗୁ ଆନାପ୍ ।

## ୧୧

### ପାତ୍‌ନି ଉତର୍‌ମୁଡ୍

୧ ପାତ୍ ଆହା ଇଡ୍‌ଜି ମାନି ବିସ୍ପେତିଂ ଆଟ୍‌ଖା ପାତ୍ ଆରି ହୁଡ୍‌ଝି ବିସ୍ପେ ହାଡ୍‌ପା ଗିଆନ୍ ।

୨ ପ୍ରାଚିନାର୍ ମାନାୟାର୍ ହେଖାର୍ ପାତ୍ ହୁକେ ଇସ୍‌ରତି ସାରି ଆଜି ମାଚାର୍ ।

୩ ପାତ୍ ହୁଦାଂ ଆସେଙ୍ ବୁଜା ଆଦେଂ ଆଡ୍‌ନାସ୍ ଜେ, ଝିଜୁ ସ୍‌ସାର୍‌ନି ଇସ୍‌ତ୍ ବଚନ୍ ହୁଦାଂ ରଚ୍ୟା ଆତାକା, ଲାଗିଂ  
ଇମ୍‌ଶାକା ପା ହାଣକୁ ବିସ୍ପେ ହୁଡ୍‌ନି ବିସ୍ପେ ଉବ୍‌ଜାଣ୍ ଆଖାତାନ୍ନା ।

୪ ପାତ୍ ହୁଦାଂ ହେବଲ୍ ଇସ୍‌ରତି ଉଦେସ୍‌ତ କୟିନତି ବାଟା ହାଦ୍ ପୁଜା କିତାନ୍ ଆରି ତାହୁଦାଂ ହେଖାନୁ ଦାମ୍ ଇଞ୍ଜି  
ସାକି ପାୟା ଆତାନ୍; ଇସ୍‌ରତି ନିଜେ ତା ଦାନ୍ ବିସ୍ପେ ସାକି ହିତାନ୍, ଆରେ ହେଖାନୁ ହାତିସ୍ ପା ପାତ୍ ହୁକେ ନେଜେଙ୍  
ପାଚେକ୍ କାତା ଇନ୍ୟାନାନ୍ ।

୫ ପାତ୍ ହୁଦାଂ ହନକ ହାକି ବଗି କିଝାଦାଂ କାଣକୁତାଂ ଦେହା ହାଚାନ୍, ହେଖାନୁ ଆରେ ହୁଡ୍‌ୟା ଆଖାତାନ୍ନେ,  
ଇନାକିଦେଂକି ଇସ୍‌ରତାଂ କାଣକୁତାଂ ଦେହା କିଜି ମାଚାନ୍ । ହେଖାନୁ ଜେ ଇସ୍‌ରତି ସତକ୍ ଲଗୁ, କାଣକୁତାଙ୍ ଡଗୁନି  
ଆଗେ ହେବେନି ସାକି ପାୟା ଆଜି ମାଚାନ୍;

୬ ଆରେ ପାତ୍ ପିସ୍ତି ହେଖାନ୍ତି ସତକ୍ ଲକୁ ଆନାକା କସ୍‌ନିକା, ଇନାକିଦେଂକି ଇସ୍‌ର ଜେ ମାନାନ୍, ଆରେ ହେଖାନୁ  
ଜେ ଇସ୍‌ର ତେକ୍‌ନାକାରିଂ ଇନାମ୍ ହିନାନ୍, ଇଦାଂ ହେଖାନ୍ତି ଲାଗେ ଖାନି ମାନାୟାର୍‌ତି ପାତ୍ କିନାକା ଲଡା ।

୭ ପାତ୍ ହୁଦାଂ ନହ ହେ ଝିଜୁ ପାଚେକ୍ ହଝି ବିସ୍ପେ କାଜିଂ ସବୁ ବଲ୍ ଗାଟା ଆଜି ବକ୍ତି ଲାହାଂ ଜାର୍ କୁଚୁମ୍‌ତାଂ ମୁକ୍ତି  
କିଦେଙ୍ କାଜିଂ ରଞ୍ଜାଙ୍ ଜାଜ୍ ରଚ୍‌ଚାନ୍ ଆରେ ହେ ପାତ୍ ହୁଦାଂ ହେଖାନୁ ଜଗଡ୍‌ତିଂ ଦସି କିଜି ପାତ୍ ଇସାପ୍ରେ ଦାମ୍‌ନି  
ଆଦିକାରି ଆତାନ୍ ।

୮ ପାତ୍ ହୁଦାଂ ଅବ୍ରାହାମ୍ କୁକ୍ୟା ଆତିଲେ, ଇମ୍‌ଣି ଦେସ୍ ହେଖାନୁ ଆଦିକାର୍ ଲାହାଂ ଗାଟା ଆଦେଂ ହାଲୁଜି ମାଚାନ୍,  
କାତା ମାନି କିଜି ହେବେଣ୍ଟାଂ ହତାନ୍, ଆରେ ହେଖାନୁ ଇମେତାକେ ହାନାନ୍, ହେଦାଂ ପୁନ୍‌ଖାଦାଂ ପା ହସି ହାଚାନ୍ ।

୯ ପାତ୍ ହୁଦାଂ ହେଖାନୁ ବିଦେସ୍‌ନିକାନ୍ ଲାକେ ପାର୍‌ମାଣ୍‌ନି ଦେସ୍‌ତ ବାହା କିଜି ପାର୍‌ମାଣ୍‌ନି ଆଦିକାରିର୍ ଇସ୍‌ହାକ୍ ଆରି  
ଜାକୁବ୍ ଲାହାଂ ପୁଚ୍‌କୁତ ବାହା କିତାନ୍;

୧୦ ଇନାକିଦେଂକି ଇମ୍‌ଣି ଗାଡ୍ କୁନାଦି ଲାଗ୍‌ଦି ମିହାତାକା, ଆରେ ଇନେର୍‌ତି ବାନାର୍‌ଚ୍‌ନାକାନ୍ ଆରି ରଚ୍‌ନାକାନ୍ ନିଜେ  
ଇସ୍‌ର, ଅବ୍ରାହାମ୍ ହେବେ କାଜିଂ ମାଚାନ୍ ।

୧୧ ପାତ୍ ହୁଦାଂ ସାରା ନିଜେ ପା ପାର୍‌ମାଣ୍ କାର୍‌ୟାଙ୍ ପାତ୍ ଗିଆନ୍ କିଜି ଝିସ୍ତିବୟ୍‌ସ୍ ଆତିସ୍‌ପା ଜାତିନି ପର୍ତ୍ତୁମ୍ ଆୟା  
ଆଦେଂ ସାକ୍ତି ଗାଟା ଆତାଡ୍,

୧୨ ଇଦାଂ କାଜିଂ ଅବ୍ରାହାମ୍ ହାତିଲାକେ ରଞ୍ଜାନ୍ ମୁଣିକାନ୍‌ତାଂ ଆକାସ୍‌ନି ହୁକାଂ ଲାକେ ଗାଣାକିଆଉଡ୍ ଆରି ହାମ୍‌ଦୁର୍  
ଗୁଟିନି ବାଲି ଲାକେ ଗାଣାକିଆଉଡ୍ ର ଜାତି ଉବ୍‌ଜାଣ୍ ଆତାଡ୍ ।

୧୩ ଇ ଝିଜାକାର୍ ପାତ୍ ତ ପାରାଣ୍ ହାଚ୍‌ଚାର୍; ହେଖାର୍ ପାର୍‌ମାଣ୍‌ନି ପାଡ୍ ଗାଟାଖାତାର୍, ମତର୍ ଦେହାତାଂ ହେଦାଂ ହୁଡ୍‌ଜି  
ବନ୍ଦାୟ୍ କିତାର୍ ଆରି ପୁତ୍ ତ ଜାର୍‌ନିକାରିଂ ବିଦେସ୍ୟା ଆରି ବାହାକିତି ଲଗୁ ଇଞ୍ଜି ମାନି କିତାର୍ ।

୧୪ ଇନାକିଦେଂକି ଇମ୍‌ଶାକାର୍ ଏଲେଙ୍ କାତା ଇନାର୍, ହେଖାର୍ ଜେ ନିଜ୍‌ତି ରଞ୍ଜାଙ୍ ଦେସ୍ ତେକ୍‌ନାରା, ଇଦାଂ  
ହପ୍‌ନାନ୍ ।

୧୫ ଆରେ, ଇମ୍‌ଣି ଦେସ୍‌ତାଂ ହେଖାର୍ ହସି ଖାଜି ମାଚାର୍, ଜଦି ହାପ୍‌ରଚେ ହେ ଦେସ୍‌ତିଂ ଏଡୁ କିତାର୍‌ମା, ତା ଆତିସ୍  
ହେଖାର୍‌ତି ମାସ୍‌ଦିହାଞ୍ଜେଙ୍ ପାଗ୍‌ରା ଆତାମ୍ ।

୧୬ ମାତର୍ ହେଖାର୍ ର ହାଦ୍ ଇତିସ୍ ସାଗେନି ଦେସ୍‌ନି ଆହା କିଜି ମାଚାର୍; ଇଦାଂ କାଜିଂ ଇସ୍‌ର ହେଖାର୍‌ତି ଇସ୍‌ର  
ଇଞ୍ଜି ଡାକ୍‌ପୁଟା ଆଦେଂ ହେଖାର୍‌ତି ବିସ୍ପେ ଲାଜ୍ ଆଉନ୍, ଇନାକିଦେଂକି ହେଖାନୁ ହେଖାର୍‌ତି କାଜିଂ ରଞ୍ଜାଙ୍ ଗାଡ୍ ଜାଲ୍‌ଦି  
କିତାନ୍ନା ।

୧୭ ପାତ୍ ହୁଦାଂ ଅବ୍ରାହାମ୍ ପରିକ୍ୟାକିୟା ଆଜି ଇସ୍‌ହାକ୍‌ତିଂ ପୁଜାକିଦେଙ୍ ଜାଲ୍‌ଦି ଆତାନ୍, ଆଁ, ଇମ୍‌ଣି ମୁଣିକା  
ପାର୍‌ମାଣ୍ ସବୁ ପାୟା ଆଜି ମାଚାନ୍, ଇନେନିଂ ଇନ୍ୟା ଆଜି ମାଚାଡ୍ ଜେ,

୧୮ ଇସହାକ୍‌ତା “ମି ବସ୍ ଡାକ୍‌ପୁଟା ଆନାଡ଼, ହେ ମୁଣିକା ଜାରତିଂ ରଞ୍ଜାନ ମତର କାଡ଼ଦେଂ ପୁଜାକିଦେଇଁ ହାଲ୍‌ଜି ମାଚାନ,”

୧୯ ଇନାକିଦେଂକି ଇସ୍‌ବର ଜେ ଇସହାକ୍‌ତି ହାତାକାତ୍ ବିତ୍ରେ ପା ନିଙ୍ଗଦେଂ ଆଡ଼ନାକାନ, ଇଦାଂ ହେଞ୍ଜାନ ବାବିକିଜି ମାଚାନ, ଆରେ ହେଞ୍ଜାନ ପା ହେଞ୍ଜାନିଂ ଉତରମୁଡ଼ ବାବ୍ରେ ହାକିତାଂ ଆରେ ଗାଟାତାନ ।

୨୦ ପାତ୍ ହୁଦାଂ ଇସହାକ୍ ଖାନିକାଡ଼ ବିସ୍ତେ ପା ଜାକୁବ୍ ଆରି ଏସୌତିଂ ଆସିର୍ବାଦ୍ କିତାନ ।

୨୧ ପାତ୍ ହୁଦାଂ ଜାକୁବ୍ ହାକି ଖେଡ଼ାଲିଂ ଜସେପ୍‌ତିଂ ରିୟାର୍ ହିମ୍‌ଶାକାଂ ଆସିର୍ବାଦ୍ କିତାନ, ଆରେ, ଜାର୍ ବାଡ଼ଗାନି ଟିପ୍‌ତ ଗେଣ୍‌ଜି ଇସ୍‌ବରତିଂ ଜଞ୍ଜାର୍ କିତାନ ।

୨୨ ପାତ୍ ହୁଦାଂ ଜସେପ୍ ହାକି ଖେଡ଼ାଲିଂ ଇସ୍ରାଏଲ୍ ହିମ୍‌ଶାଂତି ମିସରଦେସ୍ ପିହ୍‌ନି ବିସ୍ତେ ଇଚାନ, ଆରେ, ଜାର୍ ପ୍ରେନ୍ ବିସ୍ତେ ବଲ୍ ହିତାନ ।

୨୩ ପାତ୍ ହୁଦାଂ ମସାତିଂ ଆବା ଆୟା ହେଞ୍ଜାନ୍ତି ଜଲମ୍ ଖେଡ଼ାଲିଂ ହେଞ୍ଜାନିଂ ର ହଲ୍‌ନି କାଡ଼ଦେ ଇଞ୍ଜି ହୁଡ଼ଜି ରାଜାତି ବଲ୍‌ତିଂ ପାଣ୍ଡା ଆଞ୍ଜାଦାଂ ତିନ୍ ଲେଞ୍ଜ ପାତେକ୍ ହେଞ୍ଜାନିଂ ଡ଼କୁଟି ଇଡ଼ତାର ।

୨୪ ପାତ୍ ହୁଦାଂ ମସା ଗାଜା ଆତି ପାଚେ ପାରରାଜା ଗାଡ଼ହିନି ମାଜି ଇଞ୍ଜି ଡାକ୍‌ପୁଟା ଆଦେଂ ମୁନା କିତାନ ।

୨୫ ପାପ୍‌ନି ଚାନେକ୍‌ନି ସୁକ୍‌ବଗ୍ ବାଟା ଇସ୍‌ବରତି ଲକୁ ଲାହାଂ ନଲେ ଦୁକ୍‌ବଗ୍ କିଦେଇଁ ହେଞ୍ଜାନ ମାନ କିତାନ,

୨୬ ଆରେ ମିସରନି ଖିଜୁ ଦନ୍ ବାଟା କ୍ରିସ୍‌ତି ନିନ୍‌ନାନି ମେହାଣ୍ ଆନି ମୁଡ଼ଦି ଦାନ ଇଞ୍ଜି ବାବି କିତାନ, ଇନାକିଦେଂକି ହେଞ୍ଜାନ ରଞ୍ଜାନ ମତର ଇସ୍‌ବରତି ଦାନନି ସମୁ କାଜିଂ ହୁଡ଼ତାନ ।

୨୭ ମସା ପାତ୍ ହୁଦାଂ ହେଞ୍ଜାନ ରାଜାତି ରିସାତିଂ ପାଣ୍ଡା ଆଞ୍ଜାଦାଂ ମିସର୍ ପିସ୍ତାନ, ଲାଗିଂ ଇନେନ୍ ହୁଡ଼ୟାଡ଼, ହେଞ୍ଜାନିଂ ହୁଡ଼ତି ଲାକେ ଡିର୍ ମାନଗାତାନ ।

୨୮ ପାତ୍ ହୁଦାଂ ମସା ନିସ୍ତାର୍ ପାର୍ତୁ ଆରି ନେତେର୍ ତିଣ୍ଟି ବିଦି ମାନି କିତାର୍, ଇନେସ୍ ପର୍ତୁମ୍ ଜଲମ୍ ଆତି ଅହ୍‌ନାକା ହେଞ୍ଜାରିଂ ତୁଉକ୍ ।

୨୯ ପାତ୍ ହୁଦାଂ ଇସ୍ରାଏଲ୍ ମାନାୟାର୍ ଖାଡ଼ତି ମେଦ୍‌ନି ଜପି ତାକ୍‌ତି ଲାକେ ନେତେର୍ ହାମ୍‌ଦୁର୍ ନାସି ହାଚାର୍; ପାଚେ ମିସରିୟର୍ ହେଦାଂ କିଦେଇଁ ସେସ୍ତା କିଜି ମୁନ୍‌ଜି ହାଚାର୍ ।

୩୦ ଇସ୍ରାଏଲ୍ ମାନାୟାର୍ ପାତ୍ ହୁଦାଂ ଜିରିହ୍ କୁଞ୍ଜାଡ଼ ସାଡ଼ ଦିନ୍ ପାତେକ୍ କିନ୍ଦ୍ରା ଆତି ପାଚେ ବୁଡା ଆତାଡ଼ ।

୩୧ ପାତ୍ ହୁକେ ରାହାବ୍ ଦାରି ଚର୍‌କୁକାଂ ବାସିହିତିଲେ ବଲ୍ ମାନିକିଞ୍ଜାକାର୍ ଲାହାଂ ନାସ୍ ଆଞ୍ଜାତାର୍ ।

୩୨ ଆରେ ଆଦିକ୍ ଇନାକା ଇଞ୍ଜନାଂ ? ଗିଦିୟନ, ବାରାକ୍, ସାମ୍‌ସନ୍, ଜିପ୍ତହ୍, ଦାଉଦ୍, ସାମୁୟେଲ୍ ଆରି ବେଣ୍‌ବାକ୍‌ଶାୟକିନାକାତ୍ ବିସ୍ତେ ଜଦି ଆନ୍ ହାନ୍‌ୟା କିନାକ୍, ଲାଗିଂ ସମୁ ଏକ୍‌ତୁଡ଼;

୩୩ ପାତ୍ ହୁଦାଂ ହେଞ୍ଜାର୍ ରାଜିକାଂ ଜିଶା ଆତାର୍, ଦାମ୍ ସାଦନ୍ କିତାର୍, ପାର୍ମାଣ୍‌ନି ପାଡ଼ ପାୟା ଆତାର୍, ହେଞ୍ଜାର୍ ସିହ୍‌କାଂ ଖେଇ ବନ୍ଦ୍ କିତାର୍,

୩୪ ନାଣିନି ଆହ୍‌ନାକା ପାଗ୍‌ତାନ, କାଣ୍ଡାଦାରାତାଂ ରାକ୍ୟା ପାୟାତାର୍, ନାଦାର୍ ଖେଡ଼ାଲିଂ ସାକ୍ତି ଆତାର୍, ଜୁଜ୍‌ତ ଜିଶା ଆତାର୍, ଆରେ ପାତ୍ କିଞ୍ଜି ଜିହୁଦିର୍ ମେଲ୍ୟାରିଂ ପେସ୍ତାର୍ ।

୩୫ କଗ୍‌ଲେକ୍ ଜାର୍ ଜାର୍ ହାତାକାତ୍ ଆରେ ନିଂନାକା ହୁଦାଂ ଜିବୁନ୍ ପାୟା ଆତିକ୍ ।

ଆଦେକ୍ ହାର୍ ଆରେ ନିଂନାକା ପାୟାନ୍ କାଜିଂ ଉଦାର୍ ପାୟାଦେଂ ଇଚା କିଞ୍ଜାଦାଂ ଗାଣ୍‌ଜୁ କସ୍‌ବଗ୍ କିତିକ୍ ।

୩୬ ବିନ୍‌ଲଗୁ କୁଲ୍, କରଡା ଇଡ଼ୟାଜି, ଆଁ, ଗାଡ଼ୟାଜି ଆରି ଜଇଲ୍ ହୁଦାଂ ପା ପରିକ୍ୟାକିୟା ଆତାର୍,

୩୭ ହେଞ୍ଜାର୍ କାଲ୍‌କୁମାଡ଼ତ ହୁଞ୍ଜାଚାର୍, କରଡ଼ତ ରି ଗାଣ୍ଡା ଆତାର୍ ଆରି କାଣ୍ଡାତାଂ ହାତାର୍ । ଇନେ ଇନେର୍ ମେଣ୍ଡା ଆରି ଅଡା ତଲ୍‌ଦ ଉସ୍‌ପିସ୍ ଅକ୍ ଡ଼, ବାଦା ଆରି ଇନସ୍ତା ଆଜି ଏନେ ତେନେ ହାଲ୍‌ବାତାର୍ ।

୩୮ ବାଗାତ, ମାଡ଼ିତ, ପାରାତ, ଆରେ ପୁତ୍‌ନି ବିତ୍ରେ ବୁଲ୍‌ଆତାର୍, ପୁତ୍ କ୍ଟଇ ଜଗ୍ ହିଲ୍‌ଖାତାଡ଼ ।

୩୯ ପାତ୍ ହୁଦାଂ ଇ ଖିଜାର୍ ଡାକ୍‌ପୁଟା ଲାବ୍ କିଜି ପା ପାର୍ମାଣ୍‌ନି ପାଡ଼ ପାୟା ଆଞ୍ଜାତାର୍,

୪୦ ଲାଗିଂ ଇସ୍‌ବର ମା କାଜିଂ ହାଦ୍ ବିସ୍ତେ ଜାଲ୍‌ଦି କିଞ୍ଜାଦାଂ ମାଚାନ, ଇନେସ୍ ହେଞ୍ଜାର୍ ମାଂ ପିସ୍ତି ବାତ୍ ଲାବ୍ କିଉର୍ ।

### ୧୨

#### ଇସ୍‌ବର ମା ଆବା

୧ ଇ ଲାକେ ସାକିତ୍ ର ଗାଜା ଦାଡ଼ ମାନାୟାର୍ ମା ଚାର୍‌ବେଣ୍‌ତାଂ ମୁକ୍ତାତାଣ୍ଡା । ଲାଗିଂ ଖାଡ଼, ଇମ୍‌ଣି ସବୁ ବିସ୍ତେ ମା ହାନାକା ବନ୍ଦ୍‌କିଦନାତା ଆରି ଇମ୍‌ଣି ପାପ୍ ସବୁ ମାକ୍‌କେଇଁ ଜେଲ୍‌ଜି ଆସ୍ତାଡ଼ନା, ହେ ଖିଜୁ ପିସ୍‌ସି ଜିସୁକ୍ ଇଚ୍‌କାଡ଼ କିଜି ସାସ୍‌ତାଂ ମା ହାନି ହାଜିଡ଼ ହନ୍‌ନାସ୍ ।

୨ ଇନେର ଜପି ଆସେଙ୍ଗ ଚିମ୍ବରାଜି ପାତ ଚିନ୍ତା କିନାସ୍, ଜିସୁ କାଜିଂ ମା ହୁଡ଼ନାକା ବନ୍ଦ କିନାସ୍, କୁସ୍ନି ହାକି ବଗି କିତାନ, ଆରେ ଇସ୍ବରତି ଗାଦିନି ତିନା ବାଗାଙ୍ଗ କୁଚଚାନା ।

୩ ଏପେଙ୍ଗ ଇନେସ୍ ଜାର୍ ଜାର୍ ମାନ୍ତ ବିଝାହିଂ ଦୁକ୍ ପାୟା ଆଝାଦାଂ; ଇଦାଂ କାଜିଂ ଇନେନ୍ ପାପିରତାଂ ଏତେକ୍ ଇଣ୍ ବିରୁଦ୍ଧ ନଙ୍ଗ୍ ଜାର୍ କୁଚୁମ୍ତିଂ ଚିନ୍ତା କିତାନ, ହେଝାନ୍ତି ବିସ୍ତେ ଚିନ୍ତା କିୟାଟ୍ ।

୪ ଏପେଙ୍ଗ୍ ପାପ୍ ବିରୁଦ୍ଧ ଜୁଜ୍ କିଜି ନଙ୍ଗ୍ ପାତେକ୍ ନେତେର୍ ନସୁଆନି ପାତେକ୍ ଚେବାୟ୍ କିଝାତାଦେଣ୍ଟା,

୫ ଆରେ ହିମ୍ପାଣାଙ୍ଗ୍ ଲାକେ ମି କାଜିଂ ଲେକିକିତି ଇ ଝାରିକିନି କାତା ବାଣାତାଦେଣ୍ଟା ?

“ଏ ନା ମାଜି, ମାପୁତି ସାସନ୍ତିଂ ହାରୁ ଇଞ୍ଜି ବାବି କିମାଟ୍,

ହେଝାନ୍ତି ହୁଦାଂ ଲେଡ଼ୟା ଆତିସ୍ ଝାହ୍ମାଟ୍,

୬ ଇନାକିଦେଂକି ମାପୁ ଇନେରିଂ ଜିତନନାନ,

ହେଝାନିଂ ସାସନ୍ କିନାନ, ଆରେ ଇମ୍ପାଣି ମାଜିଙ୍ଗ୍ ଇଡ଼ନାନ, ହେଝାନିଂ ଟ୍ରାକନାନ ।”

୭ ସାସନ୍ ଉଦେସ୍ତ ଏପେଙ୍ଗ୍ କସୁ ବଗ୍ କିନାଦେରା, ଇସ୍ବର ମି ଲାହାଂ ମାଜି ଲାକେ ଚିନ୍ତା କିଦ୍ମାନା, ଇନାକିଦେଂକି ଆବା ଇନେରିଂ ସାସନ୍ କିତନ୍, ଏଲେଙ୍ଗ୍ ମାଜି ଇନେର୍ ମାନାନ ?

୮ ମତର୍ ଇମ୍ପାଣି ସାସନ୍ନି ମେହାନାକା, ଜଦି ଏପେଙ୍ଗ୍ ହେବେନି ମେହାଣ୍ ଆକାୟ୍, ଝାଟିଙ୍ଗ୍ ଏପେଙ୍ଗ୍ ମାଜି ଆଝାଦାଂ ଉପକା ମାଜି କାଦେର୍ ।

୯ ଆରେ ପା, ମା ସାସନ୍ କାରିୟା ମା ଗାଗାଡ଼ନି ଆବାରିଂ ଆସେଙ୍ଗ୍ ଦୁକ୍କିନାକା କିତାସ୍; ଝାଟିଂ ମା ଆବାତି ନଲେ ଏତେକ୍ ଆଦିକ୍ ଲାକେ ତଲ୍ୟା ଆଜି ଜିବୁନ୍ ଗାଟା ଆଉସ୍ ?

୧୦ ଇନାକିଦେଂକି ହେଝାରିଂ ଇନେସ୍ ବେସି ହାର୍ କିଜି ବୁଜାତାର୍, ହେ ଇସାପ୍ରେ ହେଝାର୍ ଅଲପ୍ ଦିନ୍ କାଜିଂ ମାଙ୍ଗେଙ୍ଗ୍ ସାସନ୍ କିଡ଼ତାନ, ମତର୍ ଆସେଙ୍ଗ୍ ଇନେସ୍ ହେଝାନ୍ତି ପୁଇପୁୟାତ ମେହାଣ୍ ଆନାସ୍, ଇଦାଂ କାଜିଂ ହେଝାନ୍ ମା ବାଲ୍ କାଜିଂ ସାସନ୍ କିଦନାନ ।

୧୧ ସାସନ୍ ନଙ୍ଗ୍ ଝାରିୟା ଆଝାଦାଂ ଦୁକ୍ ବୁଜାଦେଂ ଆନାଟ୍; ଆତିସ୍ପା ଇମ୍ପାଣାକାର୍ ତା ହୁଦାଂ ହିକ୍ୟା ଗାଟା ଆତାଣ୍ଟା, ତା ପାଚେ ହେଝାରିଂ ସୁସ୍ତାନି ପାଡ଼୍ ଲାକେ ଦାମ୍ ଉପକାର୍ ହିଦନାଟ୍ ।

**ଉପଦେସ୍ ଆରି ଜାଗ୍ରତ୍ କାତା**

୧୨ ଇଦାଂ କାଜିଂ ଏପେଙ୍ଗ୍ ନାଦାର୍ କେଇ ଆରି ଝିଜୁ ମେଣ୍ଟା ବାଡ଼କାସ୍ କିୟାଟ୍,

୧୩ ଆରେ ଜାର୍ ଜାର୍ ପାନା କାଜିଂ ହାଣ୍ଟୁ ହାଜି ଜାଲ୍ଦି କିୟାଟ୍, ଇନେସ୍ ଇନାକା ଚଟା, ହେଦାଂ ଆଦିକ୍ ବାନ୍ୟା ଆଝାଦାଂ ନଲେ ଉଜ୍ ଆନାଟ୍ ।

୧୪ ଝିଜାର୍ ଲାହାଂ ସୁସ୍ତାତ ମାଞ୍ଜେଙ୍ଗ୍ ସେସୁ କିୟାଟ୍, ଆରେ ଇମ୍ପାଣି ପୁଇପୁୟା ପିସ୍ତ୍ର ଇନେର୍ ମାପୁଙ୍ଗ୍ ହୁଡ଼ଦେଂ ଆଡୁର୍, ତା ପାଚେ ହାଲାଟ୍,

୧୫ ଏତେକାଡ଼୍ଦ ଇନେର୍ ଇସ୍ବତ୍ ଦୟାତାଂ ମୁଞ୍ଜୁନ୍ କି ଇମ୍ପାଣାକା ପା କେନି ଦଲ୍ ନେସ୍ଜି ବାତାଦେଂ ମିଦାଙ୍ଗ୍ ନସୁ କିଦନାଟ୍, ଆରେ ତା ହୁଦାଂ ଆଦେକ୍ ବିଚାଡ଼୍ ଆନିକ୍;

୧୬ ଇନେର୍ ବାନିୟା କାମାୟ୍ କିନାକାର୍, ର ଅଲିନି କାଦି କାଜିଂ ଜାର୍ ଗାଜା ଆଦିକାର୍ ପ୍ରତାକାନ୍ ଜେ ଏସୌ, ହେଦାଂ ଲାକେ ଅଦାମ୍ ଆନାଟ୍, ଇ ବିସ୍ତେ ବେସି ଜାଗ୍ରତ୍ ଆଡୁ ।

୧୭ ଏପେଙ୍ଗ୍ ତ ପୁନାଦେର୍ ଜେ, ପାଚେ ହେଝାନ୍ ଆସିର୍ବାଦ୍ନି ଆଦିକାରି ଆନି କାଜିଂ ଇଟା କିତିସ୍ ପା ମୁନାକିୟାତାନ, ଆରେ ମାନ୍ବାଦ୍ଲାୟ୍ କିନି କାଜିଂ କାଣେଲିଂ ଲାହାଙ୍ଗ୍ ଜାତୁନ୍ତାଂ ସେସୁ କିତିସ୍ ପା ହେଦାଂ କିନି କାଜିଂ ଆରେ ହୁଡୁର୍ ଗାଟା ଆଝାତାଟ୍ ।

୧୮ ଇନାକିଦେଂକି ଇସ୍ରାଏଲ୍ ଏପେଙ୍ଗ୍ ସିୟନ୍ ମାଡ଼ି ଆରି ଆହ୍ନି ନାଣି ଲାଗାୟ୍ ଆରେ ଗେସ୍ତି ବାଦାଡ଼୍, ମାଜ୍ଗାନି ଡୁଲୁ,

୧୯ ମରିନି ଗାଜ୍ଜାନାକା ଆରି ବାଜାନି ଗାଜ୍ଜାନାକା ଲାଗାୟ୍ ଝାଝାତାଦେଣ୍ଟା, ଝେନାକାର୍ ହେ ଗାଜ୍ଜାନାକା ଝେନ୍ଞି ଇନେସ୍ ହେଝାରିଂ ଆରେ ଇମ୍ପାଣାକା ପା ବଚନ୍ ଇନ୍ୟା ଆଉଡ଼, ଇଦାଂ ଗଝାରି କିଜି ମାଚାନ;

୨୦ ଲାଗିଂ “ଇମ୍ପାଣାକା ପା ପସୁ ପା ଜଦି ହେ ମାଡ଼ି ତୁନାଟ୍, ଝାଟିଙ୍ଗ୍ ହେଦାଂ ଗାଜା କାଲ୍ଦାଂ ହାନାଟ୍, ଇଦାଂ ଇମ୍ପାଣି ବଲ୍ ହିଆତାନା, ହେଦାଂ ହେଝାର୍ ହୁଞ୍ଜେଙ୍ଗ୍ ଆଡ଼ଝାତାର୍”

୨୧ ଆରେ ହେ କାତା ଏଲେଙ୍ଗ୍ବାତ୍ ବୟ୍ଜାର୍ ମାଚାଟ୍ ଜେ, ମସାନେ ଇଚାନ, “ଆନ୍ ବେସି ପାଣ୍ଟୁ ଆରି ତ୍ରିଗ୍ନାଙ୍ଗା ।”

୨୨ ମତର୍ ଏପେଙ୍ଗ୍ ସିୟନ୍ ମାଡ଼ି ଆରି ଜିତି ଇସ୍ବରତି ଗାଡ଼, ଇତିସ୍ ସାର୍ଗେନି ଜିରୁସାଲମ୍, ଗାଣାକିଦେଂଆଡ଼ଝି ଦୁତକ୍ତି ପାର୍ବୁ,

୨୩ ସାର୍ଗେତ ଲେକିକିତି ପର୍ତୁମ୍ ଜଲମ୍ଆତାକାତ୍ ମଣ୍ଟୁଲି, ଝିଜାକାତ୍ ବିଚାରକାର୍ଯ୍ୟା ଇସ୍ବର ଲାଗାଂ ଏପେଙ୍ଗ୍ ବାତ୍ ପାୟାତି ଦାମ୍ ଜିବୁନିଙ୍ଗ୍,

୨୪ ପୁନି ନିୟମ୍ନି ମାଦ୍‌ଶାକାନ୍ ଜିସୁ, ଆରେ ଇମ୍‌ଣି ତିରତି ନେତେର୍ ହେବଲ୍‌ନି ନେତେର୍ ବାଟା ହାଦ୍ ବଚନ୍ ଇନାଡ୍, ତା ଲାଗାୟ୍ ଖାତାଦେଣ୍ଡା ।

୨୫ ଜାଗ୍ରତ୍, ଇନେନ୍ ବଚନ୍ ଇନାନ୍ନା, ହେୱାନିଂ ମୁନା କିମାଟ୍, ଇନାକିଦେଂକି ଇନେନ୍ ପୁତ୍ ତ ବଲ୍ ହିତାନ୍, ହେୱାନିଂ ମୁନା କିତିଲେ ହେୱାର୍ ଜଦି ରାକ୍ୟା ପାୟା ଆଖାତାର୍, ଖାଟିଂ ଇନେନ୍ ସାଗେତାଂ ବଲ୍ ହିତାନ୍ନା, ହେୱାକ୍ତିତାଂ ମାସ୍‌ଦି ହାଟିସ୍ ଆସେଙ୍ଗ୍ ଜେ ରାକ୍ୟା ପାୟା ଆଉସ୍, ଇଦାଂ ଏଚେକ୍ ଆଦିକ୍ ହାଡ୍‌ପା !

୨୬ ହେ ଏଚେକ୍‌ଡାଲିଂ ହେୱାକ୍ତି କାଟ୍ ପୁତ୍ ତିଂ ଜଲ୍‌ଲାଇକିତାଡ୍, ମତର୍ ନଙ୍ଗ୍ ହେୱାନ୍ ପାର୍ମାଣ୍ କିଜି ଇଞ୍ଜାଙ୍ଗ୍‌ନା, “ଆରେ ରଗ ଆପ୍ ଜେ ପୁତ୍ ତିଂ ଲେସ୍‌ନାସ୍, ହେଦାଂ ଆକାୟ୍, ମତର୍ ଆକାସ୍‌ତାଂ ପା ଲେପ୍‌ପାନାଙ୍ଗ୍ ।”

୨୭ “ଆରେରଗ” ଇଞ୍ଜି ଇନି ହୁଦାଂ ଇଦାଂ ବୁଜାୟା ଆନାଡ୍ ଜେ, ଲେମ୍‌ଫି ବିସ୍ତେ ସବୁ ମାନି କାଜିଂ ଟଡ୍‌ମଡ୍ ବିସ୍ତେ, ଇଟିସ୍ ଉଦ୍‌ଜାଣ୍ ବିସ୍ତେ ସବୁନି ବାଦ୍‌ଲା ଆନାଡ୍ ।

୨୮ ଲାଗିଂ, ଲେମ୍‌ଫି ରାଜି ଗାଟା ଆତିଲେ ଖାଡୁ, ଆସେଙ୍ଗ୍ ଖାରିୟା ଆଜି ପାଣ୍ଡୁ ଆରି ବଲ୍ଲି ହୁଦାଂ ଇସ୍‌ବୁଡି ଜୁଖାଟ୍ କିଜି ମାନାସ୍ ଇ ଇଚାତ ସାରି ଆଜି ପାର୍ତ୍ତାନା କିନାସ୍ ।

୨୯ ଇନାକିଦେଂକି ମା ଇସ୍‌ବୁ ଡିନ୍‌ଞ୍ଜିହାନି ନାଣି ଲାକେ ଆନାନ୍ ।

### ୧୩

#### ଇସ୍‌ବୁଡିଂ ସାରି କିନାସ୍

୧ କ୍ରିସ୍‌ଟୁଙ୍ଗ୍ ପାତ୍ କିନାକାଦେର୍ ଏ ଟଣ୍ଡାର୍ ଆରି ତଣ୍ଡାଦେକ୍ ଜିଉନନିତ ତିର୍ ଆଜି ମାନାଟ୍ ।

୨ ଖାଜି ମାନି ଗତାଂହେବା ପର୍‌ମାଟ୍, ଲାଗିଂ ତାହୁଦାଂ ଇନେ ଇନେର୍ ପୁନ୍‌ଖାଦାଂ ଦୁତକ୍ ହେବା କିନାରା ।

୩ ଜାର୍‌ତଂ ବନ୍ଦିରଂ ରଚେବନ୍ଦି ଲାକେ ଗିଆନ୍ କିଜି ଆରେ ନିଜେ ଗାଗାଡ୍ ଆସ୍ତାପ୍‌ନା ଇଞ୍ଜି ପୁଞ୍ଜି କସ୍ ବଗକିନି ଲକୁରିଂ ଏଡ୍ କିୟାଟ୍ ।

୪ ବିବା ଖିଜାକାତ୍ ବିତ୍ତେ ହାର୍ ଆୟେଡ୍ ଆରି ହେୱାକ୍ତି ଟାଟି ସକଟ୍ ଆୟେଡ୍, ଇନାକିଦେଂକି ଇସ୍‌ବୁ ଲକାର୍‌ଦାରି ଆରି ପାପିରିଂ ବିଚାର୍ କିନାନ୍ ।

୫ ଇନିବେବାର୍ତ୍ତ ଦନ୍ ଲବ୍‌ତ ଖାରାକା ଆଡୁ, ମିଦାଙ୍ଗ୍ ଇନାକା ମାନାଡ୍, ହେବେ ସାରି ମାନାଟ୍, ଇନାକିଦେଂକି ଇସ୍‌ବୁ ନିଜେ ଇନ୍‌ଞ୍ଜାନ୍ନା, “ଆପ୍ ମିଙ୍ଗେଙ୍ଗ୍ ସବୁଖେଡାଙ୍ଗ୍ ଆସ୍ତି ମାଞ୍ଜ୍‌ନାପ୍, ଆପ୍ ମିଙ୍ଗେଙ୍ଗ୍ ଇନାଖାଡାଂ ପା ପିସ୍‌ପୁ ।”

୬ ଲାଗିଂ ଆସେଙ୍ଗ୍ ସାସ୍‌ତାଂ ଇଞ୍ଜେଙ୍ଗ୍ ଆଡ୍‌ନାସ୍,

“ମାପୁ ନା ରାକ୍ୟାକାର୍‌ଆ,

ଆନ୍ ପାଣ୍ଡା ଆଉଙ୍ଗ୍,

ମାନାୟ୍ ନାଦାଂ ଇନାକା କିଦ୍‌ନାନ୍ ?”

୭ ଇମ୍‌ଶାକାର୍ ମିଙ୍ଗେଙ୍ଗ୍ ଇସ୍‌ବୁଡି ବଚନ୍ ଖେଡ୍‌ତି ମାନ୍‌ଞ୍ଜାର୍, ମିଦାଂ ଏଲେଙ୍ଗ୍ ନେତାରିଂ ଏଡ୍ କିୟାଟ୍, ହେୱାର୍‌ଡି ବେବାର୍ ହାରିହାରା ତାଂନି କାଜିଂ ହୁଡ୍‌ଜି ହେୱାର୍‌ଡି ପାତ୍ ପାଚେ ହାଲାର୍ ।

୮ ଜିସୁ କ୍ରିସ୍‌ଟୁ ନିହିଙ୍ଗ୍, ନେଞ୍ଜେଙ୍ଗ୍ ଆରି ସବୁ ଖେଡାଙ୍ଗ୍ ସମାନ୍ ମାନାନ୍ ।

୯ ବାନ୍‌ଧାନିପ ଆରି ଉଲ୍‌ଟି ବାନି ହିକ୍ୟାତ ବିପ୍ରି ଆମାଟ୍, ଇନାକିଦେଂକି କାଦି ଜିନିସ୍‌ତିଂ ହୁଦାଂ ଆକାୟ୍, ମତର୍ ଦୟା ହୁଦାଂ ମାନ୍ ତିର୍ ଆନାକା ହାର୍; ଇମ୍‌ଶାକାର୍ ତିନାକାଉଶାକା ଚାଲାଇ କିଜି ମାନି କିତାର୍, ହେୱାର୍‌ଡି ମୁଡ୍‌ତେ ଲାବ୍ ଆଖାତାଡ୍‌ନା ।

୧୦ ଇମ୍‌ଣି ଗାର୍‌ଣିନି ଜିନିସିଂ ତୁମ୍‌ନିଆକାତିଂ ପୁଜାରିତ୍ ତିନି କାଜିଂ ଆଦିକାର୍ ହିଲୁଡ୍, ମାଦାଂ ଏଲେଙ୍ଗ୍ ର ଗାର୍‌ଣି ମାନାଡ୍ ।

୧୧ ଇନାକିଦେଂକି ଇମ୍‌ଣି ସବୁ ପସ୍‌ପୁତି ନେତେର୍ ପାପ୍‌ନି ପୁଜାଲାକେ ମୁଡ୍‌ମାପୁହେବାକିନାକାନ୍ ହୁଦାଂ ମୁଡ୍‌ପୁଇପୁୟା ବାହାତ ତାହିଖାନାର୍, ହେ ସବୁ ପସ୍‌ପୁନି ଗାଗାଡ୍ ଚାଉଣି ବାର୍ତ୍ତ କାଡ୍‌ନାଡ୍ ।

୧୨ ଇଦାଂ କାଜିଂ ଜିସୁ ପା ଜାର୍ ନେତେର୍ ହୁଦାଂ ଇନେସ୍ ମାନାୟାତ୍ ପୁଇପୁୟା କିନାନ୍, ଇଦାଂ କାଜିଂ ଗାଡ୍‌ଦୁଆଣ୍ ବାର୍ତ୍ତ ହାକି ବଗି କିତାନ୍ ।

୧୩ ଲାଗିଂ, ଖାଡୁ, ଆସେଙ୍ଗ୍ ହେୱାନ୍ ଲାକେ ନିନ୍ଦା, ଅପ୍‌ମାନ୍ ହୁନ୍‌ଞ୍ଜି ଗାଡ୍‌ବାର୍ତ୍ତ ହେୱାକ୍ତି ଲାଗେ ହାନାସ୍ ।

୧୪ ଇନାକିଦେଂକି ଇ ପୁତ୍ ତ ମାଦାଂ ସବୁଦିନ୍‌ନି ମାନି ଗାଡ୍ ହିଲୁଡ୍, ମତର୍ ଆସେଙ୍ଗ୍ ଖାନିଦିନ୍‌ନି ଗାଡ୍‌ଦିଂ ଡେକ୍‌ନାସା ।

୧୫ ଲାଗିଂ ଖାଡୁ, ଜିସୁଙ୍ଗ୍ ହିଜି ଆସେଙ୍ଗ୍ ଇସ୍‌ବୁଡି କାଜିଂ ଖାରିକିୟ୍ ହୁକେ ପୁଜା, ଇଟିସ୍ ହେୱାକ୍ତି ତର୍ ମାନିକିନି ଓଟିନି ପାଡ୍ ନିଡ୍‌ତେ ପୁଜାକିନାସ୍ ।

୧୬ ଲକାର୍ ଉପ୍‌କାର୍ ଆରି ଦାନ୍ କିଦେଙ୍ଗ୍ ପର୍‌ମାଟ୍, ଇନାକିଦେଂକି ଏଲେଙ୍ଗ୍ ପୁଜାତ ଇସ୍‌ବୁଡି ବେସି ସତକ୍ ।



୧୭ ମି ନେତାତ୍ମକ ବଲ୍ଲୀ ମାନକିୟାଟ୍, ହେୱାର୍ତ୍ତି ବଲ୍ଲୀ ପାଲି କିୟାଟ୍ । ହେୱାର୍ ଜାଗୱାଡ଼ାର ଲାକେ ମି ଖାସ୍ତି ରାକ୍ୟା କାଜିଂ ଜମ୍ଝି ବାବ୍ରେ କାଡ଼ନାରା, ଇନାକିଦେଂକି ହେୱାରିଂ ଇସ୍ଵର୍ ଲାଗାଂ ଜାର୍ କାମାୟନି ଇସାପ୍ ହିୟାନାଟ୍ । ଏପେଙ୍ଗ୍ ଜଦି ହେୱାର୍ତ୍ତି ବଲ୍ଲୀ ମାନକିୟାଟ୍, ଲାଗିଂ ହେୱାର୍ ଖାରି ମାନ୍ତାଙ୍ଗ୍ ଜାର୍ କାମାୟ କିତାର୍, ମାତର୍ ଜଦି ହେଦାଂ କିଞ୍ଚିତ୍ସ୍, ଖାରିଙ୍ଗ୍ ହେୱାର୍ ମାନ୍‌ହିଞ୍ଚି ମାନ୍ତାଙ୍ଗ୍ ହେଦାଂ କିତାର୍ ଆରି ଇଦାଂ ମି ପାକ୍ୟାତ ହାର୍ ଆଉଡ୍ ।

୧୮ ମା କାଜିଂ ପାର୍ତ୍ତାନା କିୟାଟ୍, ଇନାକିଦେଂକି ମା ପାତ୍ମ ଜେ, ମା ହାଦ୍ମ ଚିନ୍ତା କାଜିଂ ମାନାଟ୍, ଲାଗିଂ ଖିନ୍ତୁ ବିସ୍ଵେ ହାଦ୍ମ ବେବାର୍ କିଦେଙ୍ଗ୍ ଆପେଂ ଇଚା କିନାପା ।

୧୯ ଆରେ ଆନ୍ ଇନେସ୍ ବେଗି ମି ଲାଗେ ହାଞ୍ଜେଙ୍ଗ୍ ଆଡ଼ନାଙ୍ଗ୍, ଇଦାଂ କାଜିଂ ପାର୍ତ୍ତାନା କିଦେଙ୍ଗ୍ ମିଙ୍ଗେଙ୍ଗ୍ ବେସିକିଜି ଖାସ୍ତିତାଂ ଗଞ୍ଜାରି କିନ୍ନାଙ୍ଗା ।

**ହାରିହାରା ପାର୍ତ୍ତାନା**

୨୦ ଇମ୍ଫଣି ସୁସ୍ତା ହିଦ୍‌ନି ଇସ୍ଵର୍ ଖିଜ୍ଞିକାଡ଼୍ ତିର୍ ନିୟମ୍‌ନି ନେତେର୍ କାଜିଂ ମୁଡ଼୍ ମେଣ୍ଡାଗଡ଼ିୟା, ଇଚିସ୍ ମା ମାପୁ ଜିସୁତିଂ ହାକିନିକାର୍ ବିତ୍ରେତାଂ ମାସ୍ତ ତାହିଞ୍ଜାତାନ୍;

୨୧ ହେୱାନ୍ତି କାଶ୍‌କୁତ ଇନାକା ହଲ୍‌ନାଟ୍, ହେଦାଂ ହେୱାନ୍ ମା ଖାସ୍ତିତ ଜିସୁ କ୍ରିସ୍ଟ ହୁଦାଂ ଖିସ୍‌ସି ହେୱାନ୍ତି ଇଚା ପୁରା କିଦେଙ୍ଗ୍ ମିଙ୍ଗେଙ୍ଗ୍ ଜାଶ୍‌କେ ହାର୍‌ଦି କାମାୟତ ବାତ୍ମ କିଦେନ୍ । ଜୁଗ୍ ଜୁଗ୍ ଜାଜ୍‌ମାଲ୍ ହେୱାନ୍ତି । ଆମେନ୍ ।

**ଓସ୍ତି କାତା**

୨୨ ଏ ଟଣ୍ଡାର୍ ଆରି ତଣ୍ଡେକାଦେର୍, ଆନ୍ ମିଙ୍ଗେଙ୍ଗ୍ ଗଞ୍ଜାରି କିନ୍ନାଙ୍ଗା, ଇ ଉପଦେସ୍ ମାନି କିୟାଟ୍, ଲାଗିଂ ଆନ୍ ହାରୁ ଆକିତ ମିଙ୍ଗେଙ୍ଗ୍ ଖାରିକିୟକିଦ୍‌ନି କାଜିଂ ଲେକିକିଡ଼ତାଂନା, ହେଦାଂ ଦିଆନ୍ ହିୟାଟ୍ ।

୨୩ ମା ଟଣ୍ଡେନ୍ ତିମତି ଜଇଲ୍‌ତାଂ ମୁକ୍ତା ଆତାନ୍ନା ଇଞ୍ଜି ପୁନାଦେର୍, ଜଦି ହେୱାନ୍ ବେଗି ଖାତିସ୍, ଖାଟିଂ ହେୱାନ୍ ରଚେ ଆନ୍ ମି ଲାହାଂ ବେଟ୍ ଆଦେଂ ଖାନାଙ୍ଗ୍ ।

୨୪ ମିଙ୍ଗେଙ୍ଗ୍ ଓଜାର୍ ନେତା ଆରି ପୁଇପୁୟାନି ସାଦୁଓଜାରିଂ ଜଞ୍ଜାର୍ ଜାଶାୟକିଆଟ୍ । ଇମ୍ଫାକାର୍ ଇତାଲିଆତାଂ ଖାତାଣ୍ଡା, ହେୱାର୍ ମିଙ୍ଗେଙ୍ଗ୍ ଜଞ୍ଜାର୍ ଜାଶାୟକିଡ଼ତାଣ୍ଡା ।

୨୫ ଇସ୍ଵର୍ତ୍ତି ଦୟା ମି ଓଜାକାତ୍ମ ଲାହାଂ ଆୟେଡ୍ ।

## ଯାକ୍‌ବଙ୍କ ପତ୍ର ଜାକ୍‌ବ‌ଟି ଆଜି ଜାକ୍‌ବ ଆଜି ବିସ୍ତେନି ପାଦେକ୍

ଜାକ୍‌ବ ପତି ଜାକ୍‌ବ ତରଫ କୁକ୍ୟାତି ରଖାନ୍ ମୁଣିକାତାଂ ଲେକା ଆତାନ୍ । ଇ ଜାକ୍‌ବ ଆଜି ମାନଗାନାତ୍ ଜିସୁ କ୍ରିଷ୍ଟି ଟଣ୍ଡେନ୍ ମାତାନ୍, ଇନେନକି ଆଗେନି ମଣ୍ଡଲିନି ରଖାନ୍ ନେତା ମାଖାନ୍ ଆରି ଜିରୁସାଲମ୍‌ନି ସବାନି ମେମର୍ ମାତାନ୍ ପକ୍ୟାତାକା ୧୫:୧୩ ପକ୍ୟାତି ପାଉଲ୍ ପା ଜାକ୍‌ବଂ ମଣ୍ଡଲିନି ମୁଣ୍ଡା ଇଞ୍ଜି କୁକ୍‌ନାନ୍ ଗାଲାତିୟ ୨:୯ । ଜାକ୍‌ବ ପତି ଜିସୁକ୍ରିଷ୍ଟି ୫୦ ବାର୍ଷ୍ଟ ପାଟେ ଲେକା ଆତାନ୍ ଇଞ୍ଜି ବାଇବଲ୍ ପଣ୍ଡିତ୍‌କୁର୍ ପାଟି କିତାର୍ । ଜାକ୍‌ବ ଜିରୁସାଲମ୍‌ ମଣ୍ଡଲିନି ନେତା ମାତାନ୍ ଲାଗିଂ ଆଜି ମାନଗାନାତ୍ ହେବେ ବାହା କିଜି ମାନିହିଂ ହେଖାନ୍ ଇ ପତି ଲେକିକିଜି ମାତାନ୍ । ଜାକ୍‌ବ ଦେସ୍‌ନି ଜେଡେକେଡ୍ ଆଜି ମାନି ବାର୍ କୁଚୁମ୍‌ତିଂ ଜାଣାଟିନା କିନାନ୍ ୧:୧ ।

ଜାକ୍‌ବ ପତି ବେବାର୍ କିଦେଙ୍ଗ୍ ଓଜାକାର୍ କ୍ରିଷ୍ଟିୟାନାତ୍ କାଜିଂ ମାତାତ୍, ମାତର୍ ବାର୍ କୁଚୁମ୍ କାଜିଂ ବେବାର୍ କିତାକା ସବଦ୍ ଜାକ୍‌ବ ସିଦା ଜିହୁଦିର୍ କ୍ରିଷ୍ଟିୟାନିଂ ଲେକିକିଜି ମାତାନ୍ । ଇନେକିଦେଂକି ଇ ପତି ଜେଡକେଡ୍ ବାବ୍ରେ ମାନି ପଡିକିନାକାରିଂ ଏକିକିଦେଂ ବିସ୍ତେ ଟିକଣା ହିନାତ୍ । ଜାକ୍‌ବ, ପାଟି ଆରି କାମାୟତ ବେସି ମେହାଣ୍ ଜପି ଚର୍ଚ୍ଚି ଇନାନ୍ ଜେ, ହାତପା ପାଟି କାମାୟତ ହୁଡ଼ୟାନାତ୍ ୨:୧୭ ହେଖାନ୍ ମାଜାନ୍ ମାନାୟତିଂ ମୁକ୍‌ମେର୍ ବିସ୍ତେ ଜାଗ୍ରତ୍ କିନାନ୍ ୨:୧-୪ ଡକ୍‌କି ଇଡ଼ଜି କାତାବାର୍ତା କିନି ବିସ୍ତେ ଜାଗ୍ରତ୍ ଆଦେଂ ଝେଡନାନ୍ । ୩:୧-୧୨

### ପତି ବିସ୍ତେନି ରାହାଣ୍

- ୧. ଜାକ୍‌ବ ତା ପତି କିନାକାରିଂ ବାନ୍ଦାୟ କିନାନ୍ ୧:୧
- ୨. ହେଖାନ୍ କ୍ରିଷ୍ଟିୟାନିଂ ଦୁକ୍ ଝେଡାଲିଂ ସାସ୍‌ତାଂ ମାଞ୍ଜେଙ୍ଗ୍ ଝେଡଚି ମାତାନ୍ ୧:୨-୨୭
- ୩. କାମାୟତାଂ ଇନେସ୍ ପାଟି ଚର୍ଚ୍ଚେଙ୍ଗ୍ ଲଡା ହେ ବିସ୍ତେ ଇନାନ୍ ୨:୧-୨୬
- ୪. ବଚନ୍ ଇନେସ୍ ସାକ୍ତି ଆଦେଂ ଆଡନାତ୍ ହେ ବିସ୍ତେ ଲେକିକିତାନ୍ନା ୩:୧-୧୨
- ୫. ଜାକ୍‌ବ ଇସ୍‌ରତି ଗିଆନ୍ ଜଗଡନି ଗିଆନ୍‌ତାଂ ବିନ୍ ଆଜି ମାନଗାନାତ୍ ହେଦାଂ ଲେକି କିତାନ୍ନା ୩:୧୩-୪:୧୦
- ୬. ପାଟେ ହେଖାନ୍ ପତି କିନାକାରିଂ ଗାବି ଆଞ୍ଜି ବିସ୍ତେ ସିକ୍ୟା ହିନାନ୍ ୪:୧୧-୫:୬
- ୭. ହାରିହାରା ଜାକ୍‌ବ ଏଚେଗଟା ବିସ୍ତେ ବଲ୍ ହିଜି ଲେକିକିନାକା ଓହ୍‌ନାନ୍ ୫:୭-୨୦

### ଜାକ୍‌ବ‌ଟି ଆଜି

୧ ଆନ୍ ଜାକ୍‌ବ ଇସ୍‌ରତି ଆରି ମାପୁ ଜିସୁ କ୍ରିଷ୍ଟି ଆଡିଏନ୍, “ସବୁ ଜଗଡନି ଜେଡେକେଡ୍ ଆଜି ମାନି ଇସ୍‌ରତି ମାନାୟାରିଂ ଜୁଝାର୍ କିଜି ଇ ଆକି ଲେକିକିନାକା ।”

### ପାଟି ଆରି ହୁଦାର୍

୨ ଏ ନା ଟଣ୍ଡାର୍ ଆରି ତଣ୍ଡଦେକ୍, ଏପେଙ୍ଗ୍ ଏଚେକାଡ୍‌ଦ ବାର୍‌ବିନ୍ ଦୁକ୍ କସ୍ ଝାଡିସ୍, ହେଦାଂ ହାର୍ କାମାୟ ବିସ୍ତେ ଇଞ୍ଜି ବାବି କିୟାଟ୍;

୩ ଇନେକିଦେଂକି ଏପେଙ୍ଗ୍ ପୁନାଟ୍, ଏଲେଙ୍ଗ୍ ବାନି ଦୁକ୍‌ତ ଦୁକ୍ ଗିଟାଆଦନି ଝେଡାଲିଂ ପରିକ୍ୟା ପାଟି ତ ଡିର୍ ମାଟିସ୍, ସମାଲିକିନି ସାକ୍ତି ବାତାଆନାତ୍ ।

୪ ଆରେ, ଏପେଙ୍ଗ୍ ଇନେସ୍ ଇମ୍‌ଣି ବିସ୍ତେ ଉଣାଝାଦାଂ ବାଟି ଆରି ପୁରା ଆଡୁ, ଇଦାଂ କାଜିଂ ହାରିହାରା ପାଟେକ୍ ହୁଦାର୍ ଆଜି ମାନାଟ୍ ।

୫ ମାତର୍ ମି ବିଡ୍ରେ ଏଚେକାଡ୍‌ଦ ଇନେରତି ଗିୟାନ୍‌ନି ଅବାବ୍ ମାଟିସ୍, ବାଟିଙ୍ଗ୍ ଇମ୍‌ଣି ଇସ୍‌ର ଦସ୍ ଆହ୍‌ଝାଦାଂ ମେଲା କେଇଦାଂ ଓଜାରିଂ ଦାନ୍ କିନାନ୍, ହେଖାଡି ଲାଗେ ହେଖାନ୍ ପାଡାନା କିଏନ୍, ହେବେଣ୍ଡାଂ ହେଖାନିଂ ହିଆନାତ୍ ।

୬ ମାତର୍ ହେଖାନ୍ ଅଲପ୍ ମତର୍ ଆନ୍‌ମାନ୍ ଆଝାଦାଂ ପାଟି ହୁକେ ପାଡାନା କିଏନ୍, ଇନେକିଦେଂକି ଇନେର୍ ଆନ୍‌ମାନ୍ କିନାର୍, ହେଖାନ୍ ଡକ୍‌ଦାଂ ଇନିହାୟନି ତାଙ୍ଗିନି ହାମ୍‌ଦୁର୍‌ନି ଲଡି ଲାକେ ।

୭ ହେ ଲାକେ ମାନାୟ ମାପୁତାକେଣ୍ଡାଂ ଅଲପ୍ ଗାଟାନାନ୍ ଇଞ୍ଜି ବାବି କିମେନ୍ ।

୮ ହେଖାନ୍ ତ ରିମାନ୍ୟା ମାନାୟ, ଜାର୍‌ତି ଓଜୁ ତାଙ୍ଗି ତାଙ୍ଗି ଡିର୍ ଆକାୟ ।

### ମାଜାନ୍ ଆରି ଅକିତ୍

୯ ଅକିତ୍ ଅବସ୍ତାତ ମାନି ଟଣ୍ଡାର୍ ଜାର୍‌ତିଂ ନିଙ୍ଗିନି ବିସ୍ତେ ଗରବ୍ କିଏନ୍,

୧୦ ମାଜାନ୍ କ୍ରିଷ୍ଣ ପାତର୍ କିନାକାନ୍ ଜାର ଅକର୍ ଡ଼ ଝେଡ଼ାଲିଂ ଗରବ୍ କିଏନ୍, ଇନେକିଦେଂକି କାତ୍ରାନି ପୁଇ ଲାକେ ହେଝାନ୍ ହାଡ଼ଜି ହାନାନ୍ ।

୧୧ ଲାଗିଂ ଝେଡ଼ା ନାଡ଼ିହିଂ ହତିସ୍ କାତ୍ରା ଇନେସ୍ ଝାଜ୍ଜି ହାନାଡ଼ ଆରି ହେବେନି ପୁଇ ହାଡ଼ଜି ହାନାଡ଼ ଆରେ ହେଦାଂ ନି ହଲ୍ନାକା ଡ଼ଗୁଜି ହାନାଡ଼, ହେ ଲାକେ ମାଜାନ୍ ଲଗୁ ଜାରତି ସବୁ ମ୍ଲିକାଲିଂ ମୁର୍ଜା ଆନାଡ଼ ।

**ପରିକ୍ୟା ଆରି ଲବାୟ କିନାକା**

୧୨ ଇମ୍ମଣି ଲଗୁ ପରିକ୍ୟାତ ହୁଞ୍ଜେଜ୍ ଆଡ଼ନାନ୍, ହେଝାନ୍ ଦନ୍ୟ, ଇନେକିଦେଂକି ମାପୁ ଜିଉନନି ଜାର ଲକାରିଂ ଇମ୍ମଣି ଜିବୁନ୍ ବାତର୍ ମୁକୁଟ୍ ହିଦେଂ ପାର୍ମାଣ୍ କିତାନ୍ନା, ପରିକ୍ୟାସିଦ୍ ଆତି ପାଚେ ହେ ଲକୁ ହେ ମୁକୁଟ୍ ଗାଟା ଆନାନ୍ ।

୧୩ ଇନେର୍ ପରିକ୍ୟାତ ଆତିସ୍, ନାଦାଂ ଇ ପରିକ୍ୟା ଇସ୍ପୁର୍ତି ନିପ ଆନାତା ଇଞ୍ଜି ଇନ୍ମେନ୍, ଇନେକିଦେଂକି ଇସ୍ପୁର୍ ବାନ୍ୟାତ ପରିକ୍ୟା ଆଦେଂ ଆଡୁନ୍, “ଆରେ ହେଝାନ୍ ନିଜେ ଇନେରିଂ ପରିକ୍ୟା କିଉନ୍ ।”

୧୪ ମାତର ଝିଜାର୍ ମାନାୟ୍ ଜାର କାମାୟ୍ ହୁକେ ଚର୍ନାକା ଆରି ଚାକ୍ରାୟ୍ ଆଜି ପରିକ୍ୟାକିୟା ଆନାନ୍;

୧୫ ମାତର ବାନ୍ୟା କାମାୟ୍ ଗରବ୍ତ ପାପ୍ କୁଚନାଡ଼, ଆରେ ପାପ୍ ବେସି ଗାଜାଜି ହାକିତିଂ ଜଲମ୍ ହିନାଡ଼ ।

୧୬ ଏ ନା ଝାରିନି ଟଣ୍ଡାର୍ ଆରି ତଣ୍ଡେକାଦେର୍, ବୁଦିବାଣାମାଟ୍ ।

୧୭ ଝିଜୁ ହାରଦି ଦାନ୍ ଆରି ଝିଜୁ ହାର୍ଦାକା ହିଦନାକା ଜପିତାଂ ଇତିସ୍ ହୁକାଂତି ବଝାତାଂ ଝାନାଡ଼, ଇଝାରତାଂ ଇମ୍ମଣି ବାଦ୍ଲାନାକା କି ଅଲପ୍ ପା ବାନ୍ୟା ଆକାୟ୍ ।

୧୮ ଆପ୍ ଇନେସ୍ ହେଝାଜି ଉପ୍ଜାଣ୍ ବିସ୍ତେ ବିତ୍ରେ ର ବାନି ପର୍ଡୁମ୍ ପାଡ଼ ଲାକେ ଆନାସ୍, ଇଦାଂ କାଜିଂ ହେଝାନ୍ ଜାର ଇଚା ହୁଦାଂ ହାଡ଼ପା ବଚନ୍ ହୁଦାଂ ମାଜ୍ ଉପ୍ଜାଣ୍ କିଡ଼ତାନ୍ ।

**ଝେନାସ୍ ଆରି କାମାୟ କିନାସ୍**

୧୯ ଏ ନା ଝାରିନି ଟଣ୍ଡାର୍ ଆରି ତଣ୍ଡେକାଦେର୍, ଏପେଜ୍ ଇଦାଂ ପୁଚାଦେର୍ଣ୍ଣା । ହିଟ୍ନେ ଜାଣ୍ ଝେଞ୍ଜେଜ୍ ଜାଲ୍ଦି, ଇନିତାକେ ବିଝାହିଂ ଆରେ ଟାକ୍ତି ଆନିହିଜ୍ ହୁଦାର୍ ଆଡ଼,

୨୦ ଇନେକିଦେଂକି ମାନାୟ୍ତି ଟାକ୍ତି ଇସ୍ପୁର୍ତି ଇଚା ଦାମ୍ ତ କାମାୟ୍ କିଉଡ଼ ।

୨୧ ଲାଗିଂ, ଏପେଜ୍ ଝିଜୁ ବିଟାଡ଼ ଆରି ସବୁବାନି ଉଡ଼ପାଡ଼ ପିସ୍ତି, ଇମ୍ମଣି ରୁସ୍ତି ବଚନ୍ ମି ଝାସ୍ତିଂ ମୁକ୍ତି କିଦେଜ୍ କାଜିଂ ରାଜି, ହେଦାଂ ହୁଦାରତାଂ ଇଟାଟ୍ ।

୨୨ ମାତର ଝେନାକାର୍ ଆଜି ଜାରତିଂ କେଡ଼ଝାଦାଂ ମାତର ବଚନ୍ତ କାମାୟ୍ କିନାକାଦେର୍ ଆଡ଼ ।

୨୩ ଇନେକିଦେଂକି ଜଦି ଇନେର୍ ବଚନ୍ତ କାମ୍ଲିୟା ଆଝାଦାଂ ଝେନାକାର୍ ଆନାର୍ ବାଟିଜ୍ ହେଝାନ୍ ଦାର୍ପାଣ୍ ଜାର ମୁମ୍ ହୁଡ଼ତି ମାନାୟ୍ ଲାକେ ।

୨୪ ଲାଗିଂ ହେଝାନ୍ ଜାରତିଂ ହୁଡ଼ତି ପାଚେ ହାଲ୍ଜି, ହେଝାନ୍ ଇନେସ୍ବାନି ମାନାୟ୍, ହେଦାଂ ହେ ଦାପ୍ରେ ବାଣାନାନ୍ ।

୨୫ ମାତର ମାନାୟ୍ ମୁକ୍ତାନି କାଜିଂ ର ପୁରା ବିଦି ମାନାଡ଼ । ଇନେନ୍ ହେଦାଂ ଝେନ୍ଞି ବାଣାଆଉନ୍ ଆରି ତା କାଜିଂ ସବୁତାକେ ମାନ୍ହିଜି ଜାର ଜିବୁନ୍ତ ପାଲି କିନାନ୍, ତା ସବୁ କାମାୟ୍ତିଂ ଇସ୍ପୁର୍ ଆସିର୍ବାଦ୍ କିନାନ୍ ।

୨୬ ଜଦି ଇନେର୍ ଜାରତିଂ ଦାମ୍ ଇଞ୍ଜି ବାବି କିନାନ୍, ଆରେ ଜାର୍ ଝେନ୍ମୁଲ୍ତିଂ ମଦାୟ୍ କିଞ୍ଜିତିସ୍ ଜାର ମାନ୍ତିଂ ନିନ୍ଦାକିତିସ୍, ହେଝାଜି ଦାରୁମ୍ତି କାମାୟ୍ ସବୁ ପଲ୍ୟା ।

୨୭ ଟୁରାର୍ ଆରି ରାଣ୍ଡିକାଂ ହେଝାର୍ତି ଦୁକ୍ ଝେଡ଼ାଲିଂ ସମାଲିକିଦେଂ ଆରେ ଜଗଡ଼ତାଂ ଜାରତିଂ ପାପ୍ ହିଲ୍ଝି ଲାକେ ରାକ୍ୟା କିନାକା, ଇଦାଂ ମାଦାଂ ଇସ୍ପୁର୍ ଆରି ବାଝାତି ମୁମ୍ଦ ସକଟ୍ ଆରି ସକଟ୍ ଦାରୁମ୍ କାରୁମ୍ ଆନାଡ଼ ।

**୨**

**ମୁକ୍ମେଟ୍ ହୁଡ଼ଜି ବିଚାର**

୧ ଏ ନା ଟଣ୍ଡାର୍ ଆରି ତଣ୍ଡେକାଦେର୍, ଆସେଜ୍ ଜାଜ୍ମାଲ୍ନି ମାପୁ ଜିସୁ କ୍ରିଷ୍ଣତାକେ ପାତର୍ କିଜି ମାଟିଲେ ମାନାୟ୍ତିଂ ମୁକ୍ମେଟ୍ କିମାଟ୍ ।

୨ ଇନେକିଦେଂକି ଜଦି ହନା ଝାଡୁସ୍ ଆରି ଜିଲ୍ମାଲ୍ ଆଜିଜ୍ କି ହେନ୍ଦା ଉସ୍ପିସ୍ ଇମ୍ମଣି ମାନାୟ୍ ମି କୁଚୁମ୍ ଇଞ୍ଜି ଝାତିସ୍, ଆରେ ରଝାନ୍ ଅକର୍ ଲଗୁ କାନ୍ଞି ଆଜି ଉସ୍ପିସ୍ ଝାତିସ୍,

୩ ଆରେ, ଏପେଜ୍ ଜିଲ୍ମାଲ୍ ହେନ୍ଦା ଉସ୍ପିତି ମାନାୟ୍ତିଂ ମର୍ଜଦା କିଜି ଇନାଟ୍, “ଇବେ ହାଦର୍ ବାହାତ କୁଚେନ୍, ଆରେ ଅକର୍ ମାନାୟ୍ତିଂ ଇନାଟ୍, ହେବେ ନିଲା, କି ତାରେନ୍ କୁଚେନ୍,”

୪ ତା ଆତିସ୍ ଏପେଜ୍ ଇନାକା ଜାର ଜାର ବିତ୍ରେ ହାରୁଗାଜା ଇଡ଼ଜି ମୁକ୍ମେଟ୍ ବେବାର୍ ଆରି ବାନ୍ୟା ବାବ୍ରେ ବିଚାର୍ କିନାଦେରା ।

୫ ଏ ନା ଖାରିନି ଟଣ୍ଡାର ଆରି ତଣ୍ଡେକାଦେର, ଖେନାଟ୍, ଇସ୍ବର ଇନାକା ଇ ପୁତର୍ ତ ନଂଜରତ ଅକର୍ ତ ଲକ୍ବୁରିଂ ପାତର୍ ଲାକେ ଦନ୍ତ ମାନାନ୍ ଆଦେଂ ବାଟି କିଞ୍ଜାତାନନା କି, ଆରେ ଜାର୍ ଜିଉନନାକାରିଂ ଇମ୍ବି ରାଜି ହିନାନ୍ ହେବେନି ଆଦିକାର୍ ଆନି କାଜିଂ ପାର୍ମାଣ୍ ହିତାନା, ହେବେନି ଆଦିକାର୍ ହିଦେଂ କାଜିଂ ବାଟି କିଞ୍ଜାତାନା ?

୬ ମାତର୍ ଏପେଙ୍ଗ୍ ଅକର୍ ତ ମାନାୟାରିଂ ଜିଉନତଦେରା । ମାନାନ୍ ଇନାକା ମି କାଜିଂ ଇନସ୍ତା କିଦୁର୍ ଆରି ଏପେଙ୍ଗ୍ ବିଚାର୍ଣ୍ଣା ବାହାତ ଜେଲ୍ଲି ଅଦୁର୍ ?

୭ ଇମ୍ବି ଜିସ୍ତୁ କ୍ରିସ୍ତୁ ତରଦ ଏପେଙ୍ଗ୍ ଡାକ୍ପୁଟା, ହେଞ୍ଜାର ଇନାକା ହେ ତରଦ ନିୟା କିଉର୍ ?

୮ ଏପେଙ୍ଗ୍ ଜାର୍ ପାଡ଼ହାଲୁଗାଂ ଖାସ୍ତିଲାକେ ଜିଉନଖାଟ୍ ସାସ୍ତର୍ ଇ ରାଜାତି ବିଦି ଜଦି ହାଡ଼ପା କାମାୟ ପାଲି କିନାଦେରା, “ତା ଆତିସ୍ ଏପ୍ ହାର୍ କାମାୟ କିନାଦେରା ।”

୯ ମାତର୍ ଜଦି ମାନାୟତିଂ ମୁକ୍ତେଟ୍ କିନାଦେରା, ତା ଆତିସ୍ ଏପେଙ୍ଗ୍ ପାପ୍ କିନାଦେରା, ଆରେ ହେ ମସାତି ବିଦି ହୁଦାଂ ଦସି ଇଞ୍ଜି ପାର୍ମାଣ୍ ଆନାଦେର୍ ।

୧୦ ଇନେକିଦେଂକି ଇନେର୍ ଓଜୁ ମସାତି ବିଦି ପାଲି କିଜି କେବଲ୍ ରଞ୍ଜାଙ୍ଗ୍ ବିସ୍ତେ ଆସ୍ତାର୍, ବାଟିଙ୍ଗ୍ ହେଞ୍ଜାନ୍ ଓଜୁ ମସାତି ବିଦି ଉଡାନି ଦସ୍ତ ତାଣ୍ ପାୟାନାନ୍ ।

୧୧ ଇନେକିଦେଂକି ଇମ୍ବି ଇସ୍ବର ଦାରି କିମାଟ୍ ଇଞ୍ଜି ଇଞ୍ଜି ମାସ୍ତାର୍, “ହେଞ୍ଜାନ୍ ପା ନାଦର୍ ଅହମାଟ୍ ଇଞ୍ଜି ଇଞ୍ଜି ମାଗାନ୍,” ଲାଗିଂ ଏପେଙ୍ଗ୍ ଜଦି ଦାରି କିଞ୍ଜାଦାଂ ନାଦର୍ ଅହନାଦେର୍, ତେବେ ମସାତି ବିଦି ଉଡାନାକାଦେର୍ ଆତାଦେର୍ଣ୍ଣା

୧୨ ମୁକ୍ତାନି ଦିନ୍ ବିଦି ଲାହାଙ୍ଗ୍ ଜେ ଏପେଙ୍ଗ୍ ବିଚାର୍ କିୟାଆନାଦେର୍ ଇଦାଂ ପୁନ୍ଞି ହେ ଲାକେ କାତା ଇନାଟ୍ ଆରି କାମାୟ କିୟାଟ୍ ।

୧୩ ଇନେକିଦେଂକି ଇନେର୍ ବିନ୍ନିକାନିଂ ଦୟା କିଉନ୍, ଇସ୍ବରତାଂ ଦୟା କିଉନ୍, ନିୟାୟ ବିଚାର୍ ଜପି ଦୟାନେ ଜିଶା ଆନାନ୍ ।

**ପାତର୍ ଆରି କାମାୟ**

୧୪ ଏ ନା ଟଣ୍ଡାର ଆରି ତଣ୍ଡେକାଦେର, ଜଦି ଇନେର୍ ନା ପାତର୍ ମାନାଟ୍ ଇଞ୍ଜି ଇନାନ୍, ମାତର୍ ତା କାମାୟ ମାନୁଟ୍, ଲାଗିଂ ହେବେଣ୍ଣାଂ ହେଞ୍ଜାନ୍ତି ଇନା ଲାବ୍ ? ଇ ଲାକେ ପାତର୍ ଇନାକା ଇନେରିଂ ମୁକ୍ତି କିଦେଙ୍ଗ୍ ଆଡ଼ନାଟ୍ କି ?

୧୫ ଜଦି ରଞ୍ଜାନ୍ ଟଣ୍ଡେନ୍ କି ତଣ୍ଡେଲ୍ ହେନ୍ଦା ଆରି ଦିନକେନି ନାସ୍କି ଆନାଟ୍,

୧୬ ଆରେ ମି ବିଡ୍ରେତାଂ ଇନେର୍ ତାଙ୍ଗେଙ୍ଗ୍ ଗାଗାଡ଼ନି ଲଡାନି ଏଜୁଙ୍ଗ୍ ବିରକ୍ତୁଲ୍ ହିଞ୍ଜାଦାଂ ଇନାନ୍, “ବିଞ୍ଜାହିଙ୍ଗ୍ ମାନା ଆରି ପାନ୍ତି ସୁସ୍ତା କିଜି ହାଲା,” ଲାଗିଂ ହେବେ ଇନା ଲାବ୍ ?

୧୭ ହେ ଲାକେ ପା ପାତର୍, କାମାୟ ପିସ୍ତ୍ରି ନିଜେ ପାତର୍ ତ ହାକି ।

୧୮ ମାତର୍ ଇନେର୍ ପା ଇନାର୍ ରଞ୍ଜାନ୍ତି ପାତର୍ ମାନାଟ୍, “ଆରେ ବିନ୍ ନିକାର୍ତି କାମାୟ ମାନାଟ୍, କାମାୟ ପାଟେ ମି ପାତର୍ ନାଙ୍ଗେଙ୍ଗ୍ ଚଟ୍ଟାଟ୍, ଆରେ ଆନ୍ କାରୁମ୍ ଲାହାଙ୍ଗ୍ ମିଙ୍ଗେଙ୍ଗ୍ ନା ପାତର୍ ଚଟ୍ଟନାଙ୍ଗ୍ ।”

୧୯ ଇସ୍ବର ଜେ ରକାନ୍ ମାତର୍, ଇଦାଂ ଏପେଙ୍ଗ୍ ପାତର୍ କିନାଦେରା ଜେ ହାର୍ କାତା, ପୁଦାଙ୍ଗ୍ ପା ପାତର୍ କିଜି ପାଣ୍ଡୁଡ଼ିଂ ତ୍ରିଗ୍ଜି ହାନିକ୍ ।

୨୦ ମାତର୍ ଏ ନିର୍ବୁଦିୟା ମାନାୟ କାମାୟ ପିସ୍ତ୍ରି ପାତର୍ ଜେ ପଲ୍ୟା, ଇଦାଂ ଇନାକା ପୁନ୍ଞାତାୟନା ?

୨୧ ମା ଆବା ଲାତ୍ରା ଅବ୍ରାହାମ୍, ଇସ୍ବରତି କାଣ୍ଡୁତ ଇନେସ୍ ଦାମର୍ ଇଞ୍ଜି ଇନ୍ୟାଜି ମାଗାନ୍ ? ହେଞ୍ଜାନ୍ କାମାୟ ହୁକେ ଦାମର୍ ଇନ୍ୟା ଆତାନ୍, ଏଟେକାଡ଼ଦ ହେଞ୍ଜାନ୍ ତା ମାଜି ଇସ୍ହାକ୍ତିଂ ଗାର୍ଣି ଜପି ପୁଜା କିତାନ୍ ।

୨୨ ଇନାକା ଏପେଙ୍ଗ୍ ବୁଜା ଆଉଦେରା ? ଜେ ଅବ୍ରାହାମ୍ ପାତର୍ ନି ତା କାମାୟ ତାଙ୍ଗ୍ ମାଗାଟ୍ ଆରେ କାମାୟ ଲାହାଙ୍ଗ୍ ପାତର୍ ବାତର୍ ମାଗାଟ୍ ।

୨୩ ହେବେତାଂ ସାସ୍ତରତ ଇ ବଚନ୍ ପୁରା ଆତାଟ୍, “ଅବ୍ରାହାମ୍ ଇସ୍ବରତାକେ ପାତର୍ କିତାନ୍ । ଆରେ ତା କଟଣ୍ଡତ ହେଦାଂ ଦାମର୍ ଇଞ୍ଜି ଗାଶାକିୟାନାଟ୍,” ଆରେ ହେଞ୍ଜାନ୍ ଇସ୍ବରତି ହାଙ୍ଗ୍ଦାକାନ୍ ଇଞ୍ଜି ଡାକ୍ପୁଟାତାନ୍ ।

୨୪ କେବଲ୍ ପାତର୍ ଲାହାଙ୍ଗ୍ ମାନାୟ ଦାମର୍ ଇଞ୍ଜି ଗାଶାକିୟାଞ୍ଜାଦାଙ୍ଗ୍ କାମାୟ ହୁକେ ଜେ ଇନେର୍ ଦାମର୍ ଇଞ୍ଜି ଗାଶାକିୟାନାନ୍, ଇଦାଂ ଏପେଙ୍ଗ୍ ହୁଡ଼ନାଦେରା ।

୨୫ ହେ ଲାକେ ପା ରାହାବ୍ ପାଦରା ଡ଼କ୍ତୁତି ଚଟ୍ଟକାଂ ହେବା କିଜି ବିନ୍ ହାଜି ହିଜି ହେଞ୍ଜାରିଂ ପକ୍ତିଲେ ଇନାକା କାମାୟ ହୁଦାଂ ଦାମର୍ ଗାଶାକିୟାଞ୍ଜାତାନ୍ ?

୨୬ ଇନେକିଦେଂକି ଜିବୁନ୍ ପିସ୍ତ୍ରି ଗାଗାଡ଼ ଇନେସ୍ ହାକି, ହେ ଲାକେ କାମାୟ ପିସ୍ତ୍ରି ପାତର୍ ପା ହାକି ।



ଖେନ୍ଦୁଲ୍ଲି ଉତର୍ମୁଡ଼.

୧ ଏ ନା ଟଣ୍ଡାର ଆରି ତଣ୍ଡେକ୍, ଏପେଙ୍ଗ ଆଦିକ୍ ଗୁରୁର୍ ଆମାଟ୍; ଇନାକିଦେଂକି ଏପେଙ୍ଗ ପୁନାଟ୍ ଜେ, ମା ଲାକେ ହିକ୍ୟା ଗୁରୁର୍ ବାଦୁଲ୍ ବାଟା ଆଟ୍‌ଝା ବାବେ ବିଚାର୍ ଆନାଟ୍ ।

୨ ଲାଗିଂ ଆପ୍ ଓଜାସ୍ ଆଦିକ୍ ବିସ୍ତେ ପାପ୍ କିନାସ୍ । ଜଦି ଇନେର୍ ବଚନ୍ତ ଇନେସ୍ ଉଜୁନ୍ ବାଟିଙ୍ଗ୍ ହେଝାନ୍ ହାର୍ ମାନାୟ୍, ଓଜାର୍ ଗାଗାଡ୍‌ତିଂ ପା ଜାର୍‌ତିଂ ଇଟ୍‌ଦେଂ ଇଟା ।

୩ ଆପ୍ ଗଡ଼ାକାଂ ରବେ କିନି କାଜିଂ ହେଝେକ୍ ଝେଇଦ ବାକାର୍ ଗାଟ୍‌ତିସ୍, ତାପାଟେ ହେଝେକ୍‌ତି ଗାଗାଡ୍‌ ପା ବୁଲ୍‌ୟା କିଦେଙ୍ଗ୍ ଆଡ଼ନାସ୍ ।

୪ ହୁଡ଼ାଟ୍, ଜାଜ୍ ପା ଏଟେ ଗାଜା ଆଜି ପା ଗାଜା ଡ଼ଲୁଦ ଚାଲା ଆତିସ୍‌ପା ର ଆଦିକ୍ ହିରୁ ହାଟ୍‌ଝା ଲାହାଙ୍ଗ୍ ଆକ୍‌ସା ଦାରାନି ଇଟା ଲାହାଙ୍ଗ୍ ବୁଲ୍‌ୟା କିୟାଆନାଟ୍ ।

୫ ଇଦାଂ ପା ର ଉତର୍ ମୁଡ୍ ଝେନ୍‌ଲୁ କାଜିଂ ଇନ୍‌ପାନି ଜଗ୍ । ହେଦାଂ ହାରୁଟି ଆତିସ୍‌ପା ଗାଜା ଗାଜା କାତା ଇଞ୍ଜି ଗରବ୍ କିଦେଂ ଆଡ଼ନାଟ୍ । ହୁଡ଼ାଟ୍ ଏଟେକ୍ ହିରୁ ନାଣି ପିସ୍‌କି ଲାହାଂ ଏଟେ ଗାଜା ରାଡ୍‌ପା ନାଣି କାତା ଆନାଟ୍ ।

୬ ଝେନ୍‌ଲୁ ନାଣି ଲାକେ, ବେସି ବାନ୍‌ପା ବିସ୍ତେ ଜଗଡ୍‌ତ ବାଟିଂ; ଆରେ ହେଦାଂ ମା ଗାଗାଡ୍ ବିଚାଡ୍‌ତ ମାତିଲେ ବାନ୍‌ପା କୁଟୁମ୍ ମେଙ୍ଗ୍‌ଜି ମା ଓଜାର୍ ମାନାୟାରିଂ ବାନ୍‌ପା କିନାଟ୍ । ଝେନ୍‌ଲୁନି ନରକ୍ ନାଣିତ ମା ସବୁ ଜିରୁନ୍‌ତିଂ କାତି କିନାଟ୍ ।

୭ ଇନେକିଦେଂକି ଓଜୁ ବାନି ପସୁ, ପଟିଙ୍ଗ୍ ରାଙ୍ଗାନିକିଂ ଆରି ଏଜୁକାଂ ମାନି ଜାଡ୍‌କୁକାଂ, ମାନାୟ୍ ହୁଦାଂ ନିଜ୍ ତଲ୍ୟା କିଜି ଇଟ୍‌ୟା ଆନାଟ୍,

୮ ମାତର୍ ଝେନ୍‌ଲୁତିଂ ଇନେର୍ ଇଟ୍‌ଦେଂ ଆଡୁନ୍, ବାନ୍‌ପା କିନାକାତାଂ ତା ଜମନାକା ଆକାୟ୍ ଜିରୁନ୍‌ନସ୍ ବିସ୍‌ତ ହେଦାଂ ବାଟିଂ ।

୯ ତା ପାଟେ ଆପ୍ ମାପୁ ଆରି ଆବାତି ଦନ୍‌ପବାଦ୍ କିଜି ମାନାସ୍, ଆରେ ତା ପାଟେ ଇସ୍‌ବ୍‌ତି ତା ଲାକେ ଉଦ୍‌ଜାଣ୍ ମାନାୟାତିଙ୍ଗ୍ ରାଣ୍ ହିଜି ମାନାସ୍

୧୦ ର, ଝେଇଦାଂ ଦନ୍‌ପବାଦ୍ ଆରି ରାଣ୍ ହଡ୍‌ନାଟ୍ । ଏ ନା ଟଣ୍ଡାର ଆରି ତଣ୍ଡେକ୍, ଇ ଲାକେ ଆନାକା ହାର୍ ଆକାୟ୍ ।

୧୧ ହଓଜାରାଣ୍ ଇନାକା ର ହାଜି ହିଜି ହଓଡାଦ୍ ଆରି କେନାକା ରିବାନି ଏଜୁକ୍ ହପ୍‌ନାଟ୍ ?

୧୨ ଏ ନା ଟଣ୍ଡାର ଆରି ତଣ୍ଡେକ୍, ତଗା ମାର୍ ଇନାକା ଜିଡ୍ ପାଡ୍, କି ଅଜୁର୍ ମାର୍‌ତ ଇନାକା ତଗା ପାଡ୍ ଆସ୍ତେଙ୍ଗ୍ ଆଡ଼ନାଟ୍ ? ହେ ଲାକେ କାର୍‌ୟା ଜାରାଣ୍‌ତ ହଓଡାଦ୍ ଏଜୁକ୍ ହିଦେଂ ଆଡୁଡ୍ ।

**ସାର୍ଗେତାଂ ଝାନି ଗିୟାନ୍**

୧୩ ମି ବିତ୍ରେ ଗିୟାନି ଆରି ବୁଦିକାର୍‌ୟା ଇନେର୍ ମାନାନ୍ ? ହେଝେନ୍ ଗିୟାନ୍‌ନିକାନ୍ ହୁଦାର୍ ଲାହାଙ୍ଗ୍ ଆଚାର୍ ବେବାର୍ ହୁକେ ଜାର୍ କାମାୟ୍ ହପେନ୍ ।

୧୪ ମାତର୍ ଜଦି ମି ଝାସ୍ତିତ କେନାକା ବେସି ରିସା, ଜାଟିଂ ହୁଡ଼ନାକାନ୍ ଆରି ଗିଣ୍ ବାବ୍‌ନା ମାନାଟ୍, ତା ଆତିସ୍ ହାଡ୍‌ପା ବିରୁଡ୍‌ତ ଗରବ୍ କିମାଟ୍ ଆରି ମିଟ୍ ଇନ୍‌ମାଟ୍ ।

୧୫ ଇ ଲାକେ ଗିୟାନ୍ ସାର୍ଗେତାଂ ଝାଝାଡାଡନା, ମତର୍ ହେଦାଂ ଜଗଡ୍‌ତାଂ, ଗାଗାଡ୍‌ତାଂ ଆରି ପୁଦାଂତି ଆନାଟ୍;

୧୬ ଇନେକିଦେଂକି ଇମ୍‌ଣି ବାହାତ ରିସା ଆରି ଗାବିଂ ମାନାଟ୍, ହେ ବାହାତ ଓଜୁ ବାନି ଗଣ୍‌ଗଲ୍ ମାନାଟ୍ ।

୧୭ ମାତର୍ ଜପିତାଙ୍ଗ୍ ଝାତି ଗିୟାନ୍ ପର୍ଡୁମ୍ ପୁଇପୁୟା, ପାଟେ ସୁସ୍ତାଝାରି, ହୁଦାର୍, ପା ଦୟା ହାର୍‌ଦି ପାଡ୍‌ଦ୍ ପୁରାବାଟିଂ, ମୁକ୍‌ମେଟ୍ ଆରି ଗିଣ୍ ଆକାୟ୍ ।

୧୮ ଆରେ, ସୁସ୍ତାନିକାନ୍ ମାନାୟାର୍ ହୁଦାଂ ସୁସ୍ତାନି ବିୟାନ୍ ଓଡିପାନାଟ୍ ଆରି ଦାମିଂନିକା ଲାକେ ପାଡ୍‌ତ୍ରେସ୍‌ନାର୍ ।



**ଇସ୍‌ବ୍‌ତି ଲାଗେ ଆନାସ୍**

୧ ମି ବିତ୍ରେ ଜୁଜ୍ ଆରି ଟେସ୍‌କେ ମେସ୍‌କେ ଇନେକିଦେଂ ଆନାଟ୍ ? ମି ଝାସ୍ତିତ ଲାଗାଜି ମାନି ଦାର୍ଜା ନେ ଇଦାଂ ନି ମୁଡ୍ ବିସ୍ତେ ।

୨ ଏପେଙ୍ଗ୍ ଆହା କିଜି ମାନାଦେର୍; ମାତର୍ ପାୟା ଆଉଦେର୍; ଏପେଙ୍ଗ୍ ଅହନାକା ଆରି ତାରା କିଜି ମାନାଦେର୍, ମାତର୍ ପାୟାଦେଂ ଆଡୁଦେର୍; ଏପେଙ୍ଗ୍ ଟେସ୍‌କେ ମେସ୍‌କେ ଆରି ଜୁଜ୍ କିଜିମାନାଦେର୍; ଏପେଙ୍ଗ୍ ଗାଟା ଆଉଦେର୍, ଇନେକିଦେଂକି ଏପେଙ୍ଗ୍ ଇସ୍‌ବ୍‌ତିଂ ଏନୁଦେର୍;

୩ ଏପେଙ୍ଗ୍ ଏନ୍‌ନାଦେର୍, ମାତର୍ ପାୟା ଆଉଦେର୍ ଇନେକିଦେଂକି ଜାର୍ ଜାର୍ ସୁକ୍‌ଆହାତ କର୍ତ୍ କିନି କାଜିଂ ବାନିୟା ଆହାତ ଏନ୍‌ନାଦେରା ।

୪ ଏ ଦାରୁଲାର୍, ଜଗଡ୍‌ନି ବନ୍ଧୁ ଇସ୍‌ବ୍‌ତି ସାତୁ ଇଦାଂ ଇନାକା ପୁନୁଦେରା ? ଲାଗିଂ, ଜେ ଇନେର୍ ଜଗଡ୍‌ତ ବନ୍ଧୁ ଆଦେଂ ମାନ୍ କିନାନ୍, ହେଝାନ୍ ଜାର୍‌ତିଂ ଇସ୍‌ବ୍‌ତିଂ ସାତୁ ଇଞ୍ଜି ହନାଟ୍ ।

୫ ଏପେଙ୍ଗ୍ ଇନାକା ଦରମ୍ ସାସ୍ତର୍ ଇ ବଚନ୍‌ତିଙ୍ଗ୍ ପଲ୍ୟା ଇଞ୍ଜି ମାନେ କିନାଦେରା, “ଇମ୍‌ଣି ଜିରୁନ୍‌ତିଂ ଇସ୍‌ବ୍‌ ମା ବିତ୍ରେ ବାହା କିଦେଙ୍ଗ୍ ହିଡ଼ାନ୍ନା, ହେଝେନ୍ ମାଙ୍ଗେଙ୍ଗ୍ ପୁରା ଆଦିକାର୍ କିନି କାଜିଙ୍ଗ୍ ରବେ ଇଟା କିନାନ୍,”

୭ ମାତର ହେଖେନ୍ ପା ଆଦିକ୍ ଉପକାର ଦାନ କିଦନାନ; ଲାଗିଂ ସାସ୍ତରତ ହେଦାଂ ଲେକା ମାନାଡ଼ “ଇସ୍ବର ଆକ୍ରିୟାରିଂ ବିରୁଡ଼ କିନାନ ମାତର ହୁଦାର ମାନାୟାରିଂ ଉପକାର ଦାନ କିନାନ ।”

୮ ଲାଗିଂ ଏପେଙ୍ଗ ଇସ୍ବତ ଲାଗାଂ ଜାତ ଲାଗିଂ ହେଲାଇୟ କିୟାଟ୍ । ସୟତାନତିଂ ବାହାହିମାଟ୍, ତାଆତିସ୍ ସୟତାନ ମି କଟଣ୍ଡାଙ୍ଗ ହାନାଡ଼ ।

୯ ଇସ୍ବତ ଲାଗାଂ ଆଡ, ହେବେ ହେଖେନ୍ ମି ଲାଗାଂ ଆନାନ । ଏ ପାପିୟାର୍, ମି କେଇ ସକଟ୍ କିୟାଟ୍, ଆରେ ଏ ରିମାନ୍ୟା କାଦେର୍, ମି ମାନତିଂ ନିର୍ମଲ୍ କିୟାଟ୍ ।

୧୦ ବିତ୍ରେଦୁକ୍ ଆରି ଏଡକିଜିକଜି ଆଡ଼ବାନାର୍, ମି ଅପମାନ ବାତ ଆୟେଡ଼; ମି ଖାରି ଖାରିହିଲ୍ଡିତ ବାତ ଆୟେଡ଼ ।

୧୧ ମାପୁତି ମୁମ୍ଦ ଜାର୍ ଜାରତିଂ ତଲ୍ୟା କିୟାଟ୍, ତାଆତିସ୍ ହେଖାନ ମିଙ୍ଗେଙ୍ଗ ଉଡ଼ କିଦନାନ ।

**ଲକାର୍ତି ବିଚାର କିମାଟ୍**

୧୨ ଏ ଟଣ୍ଡାକାଦେର୍ ଆରି ତଣ୍ଡେକାଦେର୍, ଏପେଙ୍ଗ ହାରି ବିରୁଡ଼ ଆମାଟ୍; ଇନେର୍ ଟଣ୍ଡେନିଙ୍ଗ ବିରୁଡ଼ କିନାନ କି ଟଣ୍ଡେନତି ବିଚାର କିନାନ, ହେଖାନ ବିଦିନି ବିରୁଡ଼ କିନାନ ଆରି ହେବେନି ବିଚାର କିନାନ; ମାତର ଏପେଙ୍ଗ ଜଦି ବିଦିନି ବିଚାର କିନାଦେରା, ତା ଆତିସ୍ ଏପେଙ୍ଗ ବିଦି ପାଲି କିନାକା ଆଖାଦାଂ ହେବେ ବିଚାରକାରୟା ଆନାଦେର୍ ।

୧୩ ବିଦିନିକାନ ଆରି ବିଚାର କିନାକାନ ରକାନ ମତର ଇସ୍ବର, ହେଖେନ୍ ରାକ୍ୟା ଆରି ନସ୍ବକିଦେଂ ଆଡ଼ନାନ; ମାତର ଜାର୍ ଲକ୍ବୁରିଂ ବିଚାର କିନାଦେରା ଜେ ଏପେଙ୍ଗ, ଏପେଙ୍ଗ ଇନେର୍ ?

**ଗରବ୍ କାଜିଂ ଚେଡନା**

୧୪ ନଙ୍ଗ ହୁଡ଼ାଟ୍, ଇମଣାକାର ଇନାଦେରା, “ନେଞ୍ଜେଙ୍ଗ କି ଖିଗା ଆସେଙ୍ଗ ଅମ୍ବକ ବସ୍ତିତ ହାନାପ୍ ଆରି ହେବେ ର ବାହୁଁ ପାତେକ୍ ମାନଞ୍ଜି ବେପାରବାଟ୍ କିଜି ଲାବ୍ କିନାପ୍,”

୧୫ ମାତର ଖିଗା ମି ଜିବୁନତ ଇନାକା ଗିଟାଆନାଡ଼, ହେଦାଂ ତ ଏପ୍ ପୁନୁଦେର୍ ! ମି ଜିବୁନ ଗୁକ୍ଟା ଲାକେ, ଦାପ୍ରେ ଚଞ୍ଜୟାଜି ପାଚେ ଚାନେକ୍ତିଂ ଉମଜି ହାନାଡ଼ ।

୧୬ ଲାଗିଂ ମିଦାଂ ଇନାକା ମାନାଡ଼, “ମାପୁତି ଇଚା ଆତିସ୍ ଆପ୍ ଜିବୁନ ମାନଞ୍ଜି ଇଦାଂ କିନାସ୍ କି ହେଦାଂ କିନାସ୍, ଇ ଲାକେ ଇନାସ୍ ମି ଲଡ଼ା ।”

୧୭ ମାତର ନଙ୍ଗ ଏପେଙ୍ଗ ଜାର୍ ଜାର୍ ଆକ୍ରିୟା ବାବ୍ରେ ଗରବ୍ କିନାଦେରା; ଇବାନି ଗରବ୍ ବାନିୟା ଆନାଡ଼ ।

୧୮ ଲାଗିଂ, ଇମଣି ମାନାୟ ଇମଣି ହାରଦି କାମାୟ କିନି ଲଡ଼ା ଇଞ୍ଜି ପୁନଞ୍ଜି ପା ହେଦାଂ କିଉନ୍, ହେଖାନ ପାପ୍ କିନାନ ।



**ମାଜାନ ମାନାୟାର୍ କାଜିଂ ଚେଡନା**

୧ ନଙ୍ଗ ହୁଡ଼ାଟ୍, ଏ ହାଉକାରିଂ, ମି ଖାନି ଦୁକ୍ କାଜିଙ୍ଗ୍ ଆଡ଼ବିସ୍ ଆରି ଦୁକ୍ ଆଡ ।

୨ \*ମି ଦାନ ଖିସ୍ଦି ଖାତାତେ, ମି ହେୟା ଲିମ୍ ଚିଚାତେ,

୩ ଆରେ ମି ହନା ଆରେ ରୁପା ପ୍ରାଲ୍ ଆସ୍ତାତେ; ହେବେତାଂ ପ୍ରାଲ୍ ମି ବିରୁଡ଼ତ ସାକି ହିନାସ୍ ଆରି ନାଣି ଲାକେ ମି ଜେଇ ତିଞ୍ଜନାଡ଼ । ଇ ଖିସ୍ତି ଦିନ୍ତ ଏପେଙ୍ଗ ଦାନ ଇସ୍ପାତାଦେଣ୍ଡା !

୪ ଖେନାଟ୍ ମି ବାଡ଼ଦ ତାସ୍ ତ୍ରେଜନାକାରିଂ ବୁଡିତାବୁଙ୍ଗ୍ ହିଞ୍ଜାତାଦେଣ୍ଡା । ହେଖାରତି ଏପ୍ ଇମଣି ମୁଡ଼୍ ହିଦ୍ଞାତାଙ୍ଗନା ହେଦାଂ ବିଲ୍ଲକିଆନାରା, ଆରେ ତାସ୍ ତ୍ରେଜନାକାରତି ରୁଣ୍ଡାୟ ଦାନ ଖିଜେତିଂ ପୁନି ମାପୁ ଇସ୍ବର ଖେଟାନ୍ନା ।

୫ ଇ ଜଗତ୍ତ ମି ଜିବୁନ ଦାର୍ଜାତ ବଗ୍ କିନାଦେରା ହାନି ଦିନ୍ତିନି ପସୁ ଲାକେ ଏପ୍ ମାନ୍ତ ଦୁମା ଆତାଦେଣ୍ଡା ।

୬ ଏପେଙ୍ଗ ଦାମ୍ ଇ ଦସ୍ ହିଞ୍ଜି ଲାଗାଂ ଦସ୍ ଆହି କିଜି ଟୁଟାଦେଣ୍ଡା; ହେଖାର୍ ମିଙ୍ଗେଙ୍ଗ ଦସ୍ କିଦୁଞ୍ଜାତାଣ୍ଡା ।

**ସାସ୍ ଆସ୍ତି ପାର୍ତନା କିୟାଟ୍**

୭ ଇତିସ୍, ଏ ଟଣ୍ଡାର୍ ଆରି ତଣ୍ଡେକାଦେର୍, ମାପୁତି ଖାନି ପାତେକ୍ ସାସ୍ ଆସ୍ତି ମାନାଟ୍ । ହୁଡ଼ାଟ୍ କାମ୍ଲିୟା ମେଦ୍ନିତ ଦାମ୍ଲିୟା ପାଡ଼ ଗାଟାଆନି କାଜିଙ୍ଗ୍ ସାସ୍ ଆଜି ଆଗେ ଆରି ଖିଜିନି ବାରହା ଆଖି ପାତେକ୍ କାସି ମାନାନ ।

୮ ଏପେଙ୍ଗ ପା ସାସ୍ ଆଜି ଜାର୍ ଜାର୍ ଖାସ୍ ସୁସ୍ତା କିୟାଟ୍, ଇନେକିଦେଂକି ମାପୁତି ଖାନିଦିନ୍ ଲାଗାଂ ।

୯ ଏ ଟଣ୍ଡାର୍ ଆରେ ତଣ୍ଡେକାଦେର୍, ଏପେଙ୍ଗ ଇନେସ୍ ତାଣ୍ଡ ପାୟା ଆମାଟ୍, ଇଦାଂ କାଜିଙ୍ଗ୍ ହାରି ବିରୁଡ଼ତ ଗାଣ୍ଡୁ କିମାଟ୍, ହୁଡ଼ାଟ୍ ବିଚାରକିନାକାନ ଦୁଖେର୍ ଲାଗାଂ ନିଲ୍ଡାନ୍ନା ।

୧୦ ଏ ଟଣ୍ଡାର୍ ଆରେ ତଣ୍ଡେକାଦେର୍ ଇମଣି ବେଶ୍ ବାକଶାୟକିନାକାର୍ ମାପୁତି ତର୍ଦାଂ କାତା ଇଞ୍ଜି ମାଗାର୍, ହେଖାରିଂ ଏଡ଼ କିୟାଟ୍ । ଦୁକ୍ ବଗ୍ ଖେଡାଲିଂ ସାସ୍ ଆରି ହୁଦାର୍ ଆତିଲେ ହେଖାର୍ ମିଦାଂ ଉତର୍ମୁଡ଼ ଲାକେ ଆନାର୍ ।

\* ୫:୭ ମାତିଉ ୭:୧୯.

୧୧ ହୁଡ଼ାଟ୍, ଇମ୍ନାକାର ଦାମ୍ ଆଜି ମାତାର, ଆସେଇ ହେଞ୍ଜାରିଂ ଦନ୍ୟ ଇଞ୍ଜି ଇନାସ୍ । ଏପେଇ ଆୟୁବତି ଦାମ୍ ବିସ୍ତେ ଖେରାଦେଣ୍ଡା । ଆରେ ମାପୁତି ଖିସ୍ତି କାମାୟ୍ ହୁଡ଼ଜି ପୁରାଦେଣ୍ଡା ଜେ, ହେଞ୍ଜେନ୍ କାର୍ମାତାଇ ବାତ୍ ଆରି ଖାରିନିକାନ୍ ଆନାନ୍ ।

୧୨ ଲାଗିଂ, ଏ ନା ଟଣ୍ଡାର ଆରି ତଣ୍ଡେକାଦେର୍, ପାର୍ମାଣ୍ କିମାଟ୍ ସାର୍ଗେନି ପାର୍ମାଣ୍ ଆଏଡ୍ କି ପୁତ୍ ନି ପାର୍ମାଣ୍ ଆଏଡ୍, ବିନ୍ ଇମ୍ନାକା ପା ବିସ୍ତେ ଅଜି ପାର୍ମାଣ୍ ଆଏଡ୍; ମାତର୍ ମିଦା “ଆଁ” କାତା ଆଁ ଆଏଡ୍, “ଆକାୟ୍” କାତା ଆକାୟ୍ ଆଏଡ୍, ଇନେସ୍ କି ଏପେଇ ବିଚାଟ୍ ତାଣ୍ ପାୟା ଆମାଟ୍ ।

୧୩ ମି ବିତ୍ରେ ଇନାକା ଇନେର୍ କସ୍ ବଗି କିନାନା ? ହେଞ୍ଜେନ୍ ପାର୍ତାନା କିଏନ୍ । ଇନେର୍ ଇନାକା ଖାରିନିକାନ୍ ଆନାନ୍ ? ହେଞ୍ଜେନ୍ ଖାରିନିକା କେରକଣ୍ କେରେନ୍ ।

୧୪ ମି ବିତ୍ରେ ଇନାକା ଇନେର୍ ବେମାର୍ ? ହେଞ୍ଜେନ୍ ମଣ୍ଡଲିନି ପ୍ରାଟିନାରିଇ କୁକ୍ତି; ହେଞ୍ଜାର ମାପୁତି ତର୍ଦାଂ ଚିକାଣ୍ କାସ୍ତି ତା କାଜିଇ ପାର୍ତାନା କିୟେର୍ ।

୧୫ ପାତ୍ ମେହା ପାର୍ତାନା ହେ ବେମାର୍ନିକାନିଇ ରାକ୍ୟା କିନାଟ୍, ଆରେ ମାପୁ ତାଇ ନିକ୍ନାଟ୍; ଆରେ ଜଦି ହେଞ୍ଜେନ୍ ପାପ୍ କିଜି ମାନାନ୍, ତା ଆତିସ୍ ତାଇ କେମା ହିଆନାଟ୍ ।

୧୬ ଲାଗିଂ, ହାରି ଲଗାଂ ଜାର୍ ଜାର୍ତି ପାପ୍ ଏଡୁକିୟାଟ୍, ଆରେ ଉଇ୍ ଆନି କାଜିଇ ହାରି କାଜିଂ ପାର୍ତାନା କିୟାଟ୍ । ଦାମ୍ ମାନାୟ୍ତିଂ ସାକ୍ତି ପାର୍ତାନା ଆଦିକ୍ କାମାୟ୍ତ ଲାଗାଦେଂ ଆଡ୍ଦାନାଟ୍ ।

୧୭ ଏଲିୟ ମା ଲାକେ ସୁକ୍ ଦୁକ୍ ମାନାୟ୍ ମାଚାନ୍; ବାର୍ହା ଆଞ୍ଜି କାଜିଇ ହେଞ୍ଜାନ୍ ର ମାତ୍ର ପାର୍ତାନା କିତାନ୍, ଆରେ ତିନି ବାହୁଁ ତ ମାସ୍ ପାତେକ୍ ପୁତ୍ ତ ବାର୍ହା ଆଞ୍ଜାତାଟ୍;

୧୮ ହେଞ୍ଜେନ୍ ଆରେରଗ ପାର୍ତାନା କିତିଲେ ବାଦାଡ୍ତାଂ ବାର୍ହା ଆତାଟ୍, ଆରେ ପୁତ୍ ତ ଆରେରଗ ପାଡ୍ ଉବ୍ଜା ଆତାଟ୍ ।

୧୯ ଏ ନା ଟଣ୍ଡାର ଆରି ତଣ୍ଡେକାଦେର୍, ମି ବିତ୍ରେ ଜଦି ଇନେର୍ ହାଡ୍ପା ହାଜିଡାଇ ବାଣାନାନ୍, ଆରେ ଇନେର୍ ତାଙ୍ଗେଇ ତାହିଞ୍ଜାନାନ୍,

୨୦ ଲାଗିଂ ଇନେର୍ ପାପିଇ ବାନିୟା ହାଜିଡାଇ ତାହିଞ୍ଜାନାନ୍, ହେଞ୍ଜେନ୍ ଜେ ତା ଖାସ୍ତିତିଂ ହାକିତାଂ ରାକ୍ୟା କିନାନ୍ ଆରି ବେସି ପାପ୍ କେମା ଆନାଟ୍ ଇଦାଂ ପୁନାଟ୍ ।

## ପିତୃ ଲେଖିଥିବା ପ୍ରଥମ ପତ୍ର ପିତୃ ଲେକିକିତି ପର୍ତ୍ତୁମ୍ ଆକି ପିତୃତି ପର୍ତ୍ତୁମ୍ ଆକିନି ପାଦେକ୍

ପିତୃତି ପର୍ତ୍ତୁମ୍ ଆକି ପକ୍ୟାତି ପିତୃ ଲାହାଂ ଲେକାଜି ମାଟାଡ଼ । ପିତୃ ହେଖାନ୍ ଇନେନ୍ ଆରି “ହେଖାନ୍” ଇନେରିଂ ଇ ଆକି ଲେକିକିନାନ୍ ହେ ବିସ୍ତେ ଇଞ୍ଜି ଆକି ଲେକିକିନାନ୍ । ହେଖାନ୍ ଇ ଆକିତ ସବୁ ଲଗୁ କ୍ରିଷ୍ଟିନାରିଂ ଖାରି କିଜି ଆକି ଲେକିକିନାନା । ୧:୧; ୧:୧୭ ଆରି ୨:୧୧ ହେଖାନ୍ ତା ଲେକାମାନାକାରିଂ ଏଲେଂ ବାନି ଖାରି କିଜି ଲେକିକିନାନ୍, “ଇନାକିଦେଂକି ହେଖାନ୍ ବିନ୍‌ବିନ୍ ଦେସ୍ତ ଜେତେକେତେ ଆଜି ମାଟାଡ଼ ।”

ଇନାକିଦେଂକି ଇ ଆକି ବାଗ୍‌ତ ଏପିସିୟ ଫଣ୍ଡାଲି ଲାଗାଙ୍ଗ୍ ପାଉଲ୍‌ତି ଆକି ଲାକେ ଆନାଡ଼ । ଏତେଜାଣ୍ ପାତ୍ କିତାଉ ଜେ, ପର୍ତ୍ତୁମ୍ ପିତୃ ଜିସୁକ୍ରିଷ୍ଟି ଜଲମ୍‌ନି ୨୫ ବାହୁଁ ପାଟେ ଲେକାଆଜି ମାଟାଡ଼ । ପିତୃ ଇ ଆକି ରମ୍‌ତାଂ ଇନାକା କି ଏଖାନ୍ ବାବିଲ୍ ଇଞ୍ଜି ଇନାଉ ହେବେତାଂ ହେଖାନ୍ ଲେକିକିଜି ମାଟାନ୍ ୫:୧୩ ।

ପିତୃ ଇ ଆକିତ ଲେକିକିତାନ୍ନା ଜେ, ଇ ଆକିନି ଇନାକା ମିଲେଙ୍ଗ୍ ସାସ୍ ହିନି କାଜିଂ ଆରି ଇସ୍‌ପୁରିତି ହାଡ଼ପା ଉପକାର୍ ପରିକ୍ୟା କିନାକା ୫:୧୨ । ଇବେ ବେସି ସମାନ୍ ମାନାଡ଼ ୧ ପିତୃ ୨:୧୧; ୩:୭, ଏପିସିୟ ୫:୧୮-୬:୯ ଆରି କଲସିୟ ୩:୧୮-୪:୬ । ଇ ତିନ୍‌ଗଟା ଆକିନି ଝିଲୁ ପାଟ୍‌ତ ମେହାଣ୍ ଆରି ଆଦିକାର୍ ବିସ୍ତେ ବଲ୍ ହିନାଡ଼ । ହାରିହାରା ସମୁ ଏକାଞ୍ଚାତିଲେ କସ୍ତ ସମୁ ପା ହାରିକିଜି ତିର୍ ମାଞ୍ଜେଙ୍ଗ୍ କ୍ରିଷ୍ଟିୟାନ୍‌ରିଂ ସାସ୍ ହିନାନା ୪:୧ ।

### ପତି ବିତ୍ତେନି ରାହାଣ୍

- ୧. ପିତୃ ହେଖାନ୍ତି ପତି କିନାକାରିଂ ଜାର୍‌ତି ଜାଣାତିନା କିନାନ୍ ୧:୧-୨
- ୨. ପିତୃ ଇସ୍‌ପୁରିତିଂ ଦନ୍‌ସବାଦ୍ ହିନାନ୍ ଜେ, ଝିଜାକାର୍ ଇସ୍‌ପୁରିତି ମୁକ୍ତାନିତାକେ ମେହାଆଜି ହେଖାନ୍ତି ଜିବୁନ୍‌ନି ର ହାଜି ୧:୩-୨:୧୦
- ୩. ପାଟେ ପୁତ୍ ଇନେସ୍ ହାରି କିଜି ଜିଆନାଡ଼ ଆରି ଆଣ୍ଡା ଆରି କଗ୍‌ଲେ, ମାପୁ ଆରି ଆଡ଼ିଏନ୍ ବିତ୍ତେ ଇନେସ୍ ମେହାଣ୍ ଇଡ଼ଦେଂ ଆନାଡ଼ ହେଦାଂ ବଲ୍ ହିନାନା ୨:୧୧-୪:୧୧
- ୪. ଇଦାଂ ପାଟେ ପିତୃ କସ୍ତ ଝେଡ଼ାଲିଙ୍ଗ୍ ତିର୍ କିଜି ମାନ୍ୟାନାଡ଼ ହେ ବିସ୍ତେ ସାସ୍ ହିନାନା ୪:୧୨-୫:୧୧
- ୫. ହେଖାନ୍ତି ଲେକିକିନାକା ଝିସ୍ତାନ୍ ୫:୧୨-୧୪

୧ ଆନ୍ ପିତୃ ଜିସୁ କ୍ରିଷ୍ଟି ରଖାନ୍ ପକ୍ୟାତାକାନ୍, ପତ୍ର, ଗାଲାତିଆ, କାପ୍‌ସାଦକିଆ, ଆସିଆ ଆରି ବିତୁନିଆତ ରାଜିତ ଜେତେକେତେ ଆଜି ବାଟିକିତି ମାନାୟ୍ ତିଙ୍ଗ୍ ଆକି ଲେକିକିନାଙ୍ଗା,

୨ ଆବା ଇସ୍‌ପୁରିତି ପୁର୍ବେ ଗିଆନ୍ ଇସାପ୍ରେ ଜିବୁନ୍‌ତି ହୁଦାଂ ପୁରୁପୁୟା କିୟା ଆଜି ମାନିକିଜି, ଆରେ ଜିସୁ କ୍ରିଷ୍ଟି ନେତେରତ ତିର୍‌ଆ ଆଦେଂ କାଜିଂ ବାଟି କିଆତାନ୍ନା, ମି କାଜିଂ ବେସି ଦୟା ଆରି ସୁସ୍ତା ଆୟେଡ଼ ।

### ର ଜିବୁନ୍‌ହିନି ବାସ୍

୩ ମା ମାପୁ ଜିସୁ କ୍ରିଷ୍ଟି ଆବା ଇସ୍‌ପୁରିତିଂ ଦନ୍‌ସ ନାଦାଂ ଆଏଡ଼, ଇନାକିଦେଂକି ହେଖାନ୍ ତା ବେସି ଦୟାତ ଜିସୁ କ୍ରିଷ୍ଟି ହାକିତ ଆରେ ନିଂନାକା ହୁକେ ଇଦାଂ ମାଙ୍ଗ୍ ଜିବୁନ୍ ବାସ୍ ଚ ପାୟାତି କାଜିଂ ।

୪ ଲାଗିଂ ଇସ୍‌ପୁରିତି ତା ଲକ୍ଷୁ କାଜିଂ ଇମ୍‌ଣି ବେସି ମଲ୍ ଆସିର୍ବାଦ୍ ଇଡ଼ତାନ୍ନା ହେଦାଂ ପାୟାଦେଂ ଆପେଂ କାନାପା । ଲାଗିଂ ହେଖାନ୍ ସାଗେତ ମି କାଜିଂ ବାଟ୍ କିଜି ଇଡ଼ତାନ୍ନା । ହେବେ ହେଦାଂ ଜିରା ଆଉଡ଼, କି ନସ୍ତୁ କି ପାପ୍ ଆଉଡ଼ ।

୫ ଇମ୍‌ଣି ମୁକ୍‌ଡ଼ାନାକା ହାରିହାରା କାଡ଼୍‌ଦ୍ ହିନି କାଜିଂ ଜାଲ୍‌ଦି ଆତାନ୍ନା, ହେଦାଂ କାଜିଂ ଏପେଙ୍ଗ୍ ଇସ୍‌ପୁରିତି ସାକ୍ତିତ ପାତ୍ ହୁଦାଂ ହାରିକିଟା ଆତାଦେର୍ଣ୍ଣା ।

୬ ଲାଗିଂ ଏପେଙ୍ଗ୍ ଖାରି କିୟାଡ଼, ଆଡ଼ିସ୍‌ପା ନଂ ଅଲପ୍ ସମୁ କାଜିଂ ବାରିବିନି ପରିକ୍ୟା ହୁଦାଂ ଦୁକ୍‌ବଗ୍ କିନାକା ମି ପାକ୍ୟାତ ଲଡ଼ା ଆନାଡ଼,

୭ ମି ପାତ୍ ହାରିଦାକା ପରିକ୍ୟା କିନାକା ଇ ସବୁନି ଉଦେସ୍ । ଜିରାତି ହନା ନାଣିତ ପରିକ୍ୟା କିୟାନାଡ଼ । ମି ପାତ୍ ହନା ବାଟା ଆଦିକ୍ ବେସିମଲ୍ ଆତିଲେ ପରିକ୍ୟା ହୁଦାଂ ହାଦାକା କୁନି ଲଡ଼ା । ହେଦାଂ ଆଡ଼ିସ୍, ଜିସୁ କ୍ରିଷ୍ଟି ହତି ଖାଡ଼ାଲିଂ, ଏପେଙ୍ଗ୍ ଖାରି, ଜାଜ୍‌ମାଲ୍ ଆରି ସନ୍‌ମାନ୍ ଲାବ୍ କିନାଦେର୍ ।

୮ ଏପେଙ୍ଗ୍ ହେଖାନ୍ତି ହୁଡ଼ଝାଦାଂ ଜିଉନନାଦେରା, ଆରେ, ନଂ ପା ହୁଡ଼ଝିତିସ୍ତା ହେଖାନ୍ତାକେ ପାତ୍ କିଜି ଇନ୍‌ଝିକାତା ଆରି ଜାଜ୍‌ମାଲ୍ ମିହା ଖାରିତ ଖାରିୟା ଆନାଦେରା ।



୯ ଖାରି ଆଜି ମି ପାତ୍ରିନି ପାତ୍ରିଜେ ଖାସ୍ତିନି ମୁକ୍ତି, ହେଦାଂ ପାୟାନାଦେରା । ବେଶ୍‌ବାକ୍‌ଶାୟକିନାକାର ମି କାଜିଂ ବାଟିକିତି ଉପକାର ବିସ୍ତେ ବେଶ୍‌ବାକ୍‌ଶାୟ କିୟାଟ୍ ।

୧୦ ଇ ମୁକ୍ତାନାକା ବିସ୍ତେ ବେଶ୍‌ବାକ୍‌ଶାୟକିନାକାର ମାନଦିଆନ୍ ଲାକେ ଦାସ୍‌ସି ଆରି ତେକ୍‌ତି, ଇସ୍‌ସ୍‌ରତି ଦୟାଦାନ୍ ବିସ୍ତେ ବେଶ୍‌ବାକ୍‌ଶାୟକିନାକା ହପ୍‌ତି ମାଚାର୍ ।

୧୧ ହେ ଦାନ୍ ଇନାଖାଡ଼ାଜ୍ ଆରି ଇନେସ୍ ବାଚ୍ରେ ପାୟାନାନ୍ ପୁନି କାଜିଂ ହେଖାର୍ ସେସ୍‌ କିଜି ମାଚାର୍ ଇ ବିସ୍ତେ ପୁଇପୁୟା ଜିବୁନ୍‌ତିଂ ଉପକାରତାଂ ହେଖାର୍ କ୍ରିସ୍‌ତି ଦୁକ୍‌ବଗ୍ ଆରି ପାଚେନି ଜାଜ୍‌ମାଲ୍ ପାୟାତି ବିସ୍ତେନି ଇଞ୍ଜି ମାଚାନ୍ ।

୧୨ ଇସ୍‌ସ୍‌ ଲେକିକିତାକା ବେଶ୍‌ବାକ୍‌ଶାୟକିନାକାର ଲାଗାଂ ହପ୍‌ତାନ୍, ହେଖାର୍ ଜେ ଜାର୍ ଜାର୍‌ତି ହେବା କିଖାଦାଂ ମିଦାଂ ହେବା କିଜି ମାଚାର୍, ଇଦାଂ ହେଖାର୍ ଲାଗାଂ ହସି ମାଚାଡ଼, ଆରେ, ହେଖିଜୁ ବିସ୍ତେ ସାଗେତାଂ ପକ୍ୟାତି ପୁଇପୁୟା ଜିବୁନ୍‌ତି ସାକ୍ତିତାଂ ମି ଲାଗେ ନେକ୍‌କାବୁର୍ ସୁଶାୟକିନାକାର୍‌ତି ହୁଦାଂ ନଂ ମିଜେଜ୍ ଜାଶାୟକିଦ୍ୟାନାତା; ହେ ସବୁ ବିସ୍ତେ ଦୁତକ୍ ଇଟ୍‌କାଡ଼୍ କିଦେଜ୍ ମାନକିନାର୍ ।

**ପୁଇପୁୟା ଜିବୁନ୍ କାଟିକିନି କାଜିଂ କୁକ୍ୟାନାକା**

୧୩ ଲାଗିଂ, ଜାର୍ ଜାର୍‌ତି ମାନଲାର୍‌ତି ମେଜ୍ ଗାତ୍ୟା ଆଜି ଚେଡ଼ନା ମାନାଟ୍, ଆରେ ଜିସୁ କ୍ରିସ୍‌ତି ହନି ଖେଡ଼ାଲିଂ ଇମ୍‌ଣି ଉପକାର ମୁକ୍ତାନାକା ମି କାଜିଂ ଆଏଡ଼, ହେବେ ବାତ୍ରି ବାସ୍ ଇଚାଟ୍ ।

୧୪ ଇସ୍‌ସ୍‌ରତି ବଲ୍ ମାନକିନାକା ଆଡ଼, ମି ଆଗେ ପୁନ୍‌ଡ଼ି ଗିଆନ୍ ଖେଡ଼ାଲିଂ ବାନ୍‌ୟାଆହା ତାରେନ୍ ହାଲ୍‌ମାଟ୍,

୧୫ ମତର୍ ମି କୁକ୍ତାନାକାନ୍ ଇନେସ୍ ପୁଇପୁୟା, ଏପେଜ୍ ପା ବଲ୍ ମାନକିନାକା ହିମ୍‌ଶାଜ୍ ଲାକେ ସବୁ ବେବାର୍‌ତ ହେ ଲାକେ ପୁଇପୁୟା ଆଡୁ ।

୧୬ ଲାଗିଂ ସାସ୍‌ସ୍‌ରତ ଲେକା ମାନାଡ଼, “ଏପେଜ୍ ପୁଇପୁୟା ଆଡୁ, ଇନେକିଦେଂକି ଆପେଂ ପୁଇପୁୟା ।”

୧୭ ଆରେ ଇନେର୍ ମୁକ୍‌ମେଟ୍ କିଖାଦାଂ ଜାଶ୍‌କେ ଲକୁନି ପାର୍ତାନା ଇସାବ୍ରେ ବିଚାର୍ କିନାନ୍, ହେଖାନିଂ ଜଦି ଆବା ଇଞ୍ଜି ଇନାଦେରା, ତେବେ ଜାର୍ ଜାର୍‌ତି ନାଶାଜେ ପାଣ୍ଡୁ ଆଜି ବେବାର୍ କିୟାଟ୍;

୧୮ ଏପେଜ୍ ପୁନାଦେର୍ ମି ଆବା ଲାଡ଼ାର୍ ତାଜ୍ ପାୟାତି ରିତି ନିତିନି ପଲ୍ୟା ଜିବୁନ୍‌ତାଂ ମିଜେଜ୍ ମୁକ୍‌ତାୟ କିନି କାଜିଂ ଏତେକ୍ ମଲ୍ ହିଦେଂ ଲାଗ୍‌ଦାତାଡ଼ । ହେଦାଂ ବୁଡ଼ାଆନି ରୁପା କି ହନା ଆକାୟ୍,

୧୯ ମାତର୍ ହେଦାଂ ନିନ୍‌ୟାଦାଂ, ପ୍ରାଲ୍‌ହିଲ୍‌ଡ଼ି ପୁଇପୁୟା ମେଣ୍ଡାହିମ୍‌ଶା ଲାକେ କ୍ରିସ୍‌ତି ବେସିମଲ୍ ନେତେର୍‌ତ ମୁକ୍‌ତାତାଦେଣ୍ଡା ।

୨୦ ହେଖାନ୍ ଜଗଡ଼ନି ଉବ୍‌ଜାଣ୍ ଆଗେତାଂ ତିର୍ କିୟାଜି ମି କାଜିଂ ହାରିହାରା କାଡ଼ଦ ଚଞ୍ଚାତାନ୍ନା;

୨୧ ଇମ୍‌ଣି ଇସ୍‌ସ୍‌ ହେଖାନିଂ ହାକି ବିତ୍ରେତାଂ ନିକ୍‌ତି ଜାଜ୍‌ମାଲ୍ କିତାନ୍ନା, ହେ ଇସ୍‌ସ୍‌ରତାଂ ଏପେଜ୍ ହେଖାନ୍ ହୁଦାଂ ପାତ୍ରି କିନାଦେରା, ହେ ଇସ୍‌ସ୍‌ ମି ପାତ୍ରି ଆରି ବାସ୍‌ନିକାନ୍ ଆନାନ୍ ।

୨୨ ଏପେଜ୍ ହାଡ଼ପାନି ବଲ୍ ମାନି କିନାକା ଆଜି କାପ୍‌ଟିୟାଖାଦାଂ ଟଣ୍ଡେନ୍ ଜିଉନନାକା କାଜିଂ ଜାର୍ ଜାର୍ ଜିବୁନ୍‌ତି ସକଟ୍ କିଜିମାଟିଲେ ଖାସ୍ତିନି ହୁକେ ରମାନ୍ତ ହାରି ଜିଉନଖାଟ୍;

୨୩ ଲାଗିଂ ଏପେଜ୍ ଜିରାନି ମାଞ୍ଜିଜ୍‌ତାଂ ଆକାୟ୍, ଆଞ୍ଜିତିସ୍ ଜିରାଞ୍ଜି ମାଞ୍ଜିଜ୍‌ତାଂ, ଇତିସ୍ ଇସ୍‌ସ୍‌ରତି ଜିଜି ମାନି ଆରି ସବୁଦିନ୍ ମାନାକା ବଚନ୍ ହୁଦାଂ ଆରେ ଜଲମ୍ ଆତାଦେଣ୍ଡା ।

୨୪ ସାସ୍‌ସ୍‌ରତ ଲେକା ମାନାଡ଼,

“ମାନାୟ୍ ଜାତି କାରା ଲାକେ,  
ହେଖାର୍‌ତି ଖିଜୁ ହଲ୍‌ନାକା ରାନ୍ତି ପୁଇ ଲାକେ,  
କାରା ଖାଜ୍‌ଜି ହାନାଡ଼ ଆରେ ପୁଇ ହାଡ଼ଜି ହାନାଡ଼,

୨୫ ମାତର୍ ଇସ୍‌ସ୍‌ରତି ବଚନ୍ ଖିଜ୍‌ଖିକାଡ଼୍ ତିର୍ ।”

ଇଦାଂ ହେ ନେକ୍‌କାବୁର୍‌ନି ବଚନ୍, ଇନାକା ମି ଲାଗାଂ ସୁଶାୟ କିୟା ଆତାନ୍ ।

**୨**

**ଜିବୁନ୍‌ନି କାଲ୍ ଆରି ପୁଇପୁୟା କୁଟ୍‌ମ୍**

୧ ଲାଗିଂ ମାପୁ ଜେ ଉପକାର କିନାକାନ୍, ଇଦାଂ ଜଦି ଖେର୍‌ଚାତାନ୍‌ନା ତାଆତିସ୍ ସବୁ ବାନି ବାନ୍‌ୟା, ଚାଲାକି, କୁଟ୍, ତାରା ଆରି ଲକାର୍‌ନିନ୍‌ୟା ପିହାଟ୍ ।

୨ ମିର୍ ଆରି କୁଟ୍, ତାରା ଆରି ଲକାର୍ ନିନ୍‌ୟା ଗୁଇନାକା । ପୁନାକା ଚଞ୍ଚି ହିମ୍‌ଶାଲାକେ ଆଡ଼ । ନିତ୍ରେ ହାର୍‌ଦାକା ସବୁଦିନ୍ ପାଲ୍ ଉଣ୍ଡେଜ୍ ଏସକି ଆଡ଼ । ତା ଆତିସ୍ ଏପେଜ୍ ବାତା ଆଜି ମୁକ୍‌ତାନାଦେର୍ ।

୩ ସାସ୍‌ସ୍‌ରତ ଲେକା ମାନାଡ଼, “ଇସ୍‌ସ୍‌ ଜେ ଇନେସ୍ ଦୟା କିଦ୍‌ନାକାନ୍, ହେଦାଂ ଏପ୍ ଜାର୍ ବୁଦିତାଂ ପୁଚାଦେଣ୍ଡା ।”

୪ ଜିବୁନ୍‌ମାନି କାଲ୍ ଲାକେ ଜେ ହେ ମାପୁ, ହେୱାନ ମାନାୟାର ହୁକେ ମୁନା କିୟାତାନ୍ ସତ୍, ମାତର୍ ଇସ୍‌ବର୍ତି ତାକେ ବାଟିକିୟା ଆତାନ୍ ଆରି ବେସି ମଲ୍ ଆତାନ୍ନା,

୫ ତା ଲାଗାଂ ୱାଜି ଏପେଙ୍ଗ୍ ପା ଜିସୁ କ୍ରିସ୍ଟି ହୁଦାଂ ଇସ୍‌ବର୍ତି ଲାହାଙ୍ଗ୍ ହାରଇଟ୍ୟାନି ଆମ୍ବିକ୍ ପୁଜାକିନି କାଜିଂ ପୁଇପୁୟା ମାପୁହେବାକିନାକାର୍ ଆନି କାଜିଂ ଜିବୁନ୍‌ନି କାଲ୍ ଲାକେ ଆଜି ର ଆମ୍ବିକ୍ ଇଲ୍ ଲାକେ ରଟ୍ୟା ଆତୁ ।

୬ ଇନେକିଦେଂକି ସାସ୍‌ବର୍ତ ଲେକା ଆତାତ୍‌ନା, ହୁଡାଟ୍,  
“ଆପ୍ ସିୟନ୍‌ତ ରଞ୍ଜାଙ୍ଗ୍ ବାଟିକିତି ଆରି ବେସିମଲ୍ କନାନି ମୁଡ୍ କୁନାଦି କାଲ୍  
ରଟଟାପନା, ଆରେ ଇନେନ୍ ହେୱାନ୍ତି ତାକେ ପାତ୍ କିତାର୍,  
ହେୱାନ ଲାଜା ଆଉନ୍ ।”

୭ ଲାଗିଂ ପାତ୍ କିନାଦେରା ଜେ ଏପେଙ୍ଗ୍, ଏପେଙ୍ଗ୍ ହେ ବେସିମଲ୍‌ନି ମିହାଣ୍ ଆନାଦେର୍, ମାତର୍ ଇମ୍‌ଣାକାର୍ ପାତ୍ କିତର୍,

“ଇଲ୍ ରଟ୍‌ନାକାର୍ ଇମ୍‌ଣି କାଲ୍‌ଦିଂ ମୁନାକିତାର୍,  
ହେଦାଂ ହେୱାନ୍ତି ନଂ କନାନି ମୁଡ୍‌କାଲ୍ ଆତାତ୍ ।”

୮ “ଆରେ, ପୁଇପୁୟା ସାସ୍‌ବର୍ତ ଆରେ ପା ଲେକାଆତାତ୍‌ନା”

“ଇ କାଲ୍ ଜପି ଆଦିକ୍ ଉସ୍‌ନାର୍, ଇ କାଲ୍ ହେୱାନ୍ତି ବୁଡାନି ବିସ୍ତେ ଆନାତ୍ ।

ହେୱାନ୍ ଇସ୍‌ବର୍ତି ବଚନ୍‌ତ ପାତ୍ କିଞ୍ଜାତାର୍, ଲାଗିଂ ହେୱାନ୍ ଅସ୍‌ବାର୍ ।  
ଆରେ ଇଦାଂ କାଜିଂ ପା ହେୱାନ୍ ବାଟିକିୟାଜି ମାଟାର୍ ।”

୯ ମାତର୍ ଇସ୍‌ବର୍ ଜେ ମିଙ୍ଗେଙ୍ଗ୍ ମାଜ୍‌ଗାତାଂ ଜାର୍ କାବାନି ଅଜଡ୍ ବିତ୍ରେତାଂ କୁକ୍‌ତାତାନ୍ନା, ଏପେଙ୍ଗ୍ ଇନେସ୍‌କି ତା ଗୁଣ୍ କେରାଟ୍, ଇଦାଂ କାଜିଂ ଏପେଦେର୍ ର ବାଟିକିତି ଜାତି, ରାଜାର୍‌ତି ମାପୁହେବାକିନାକାର୍, ପୁଇପୁୟା ଜାତି ଆରେ ଇସ୍‌ବର୍ତି ନିଜେନି ଲକୁ ଆତାଦେଣ୍ଟା ।

୧୦ “ଆଗେ ଏପେଙ୍ଗ୍ ଇସ୍‌ବର୍ ଲକୁ ବାଟିକିୟାଞ୍ଜାଦାଂ ମାଟାଦେର୍, ମାତର୍ ନଂ ଇସ୍‌ବର୍ତି ଲକୁ ଆତାଦେଣ୍ଟା, ଆଗେ ଏପେଙ୍ଗ୍ ଦୟା ପାୟା ଆଞ୍ଜାଦାଂ ମାଟାଦେର୍, ମତର୍ ନଂ ଦୟା ପାୟା ଆତାଦେଣ୍ଟା ।”

**ଇସ୍‌ବର୍ତି କଡ୍‌କାଆଡିଏନ୍**

୧୧ ଏ ୱାରିନିକାଦେର୍, ଏପେଙ୍ଗ୍ ଇ ସଁସାର୍‌ତ ବିଦେସ୍ୟା ଆରି ବାହା କିତାକାଦେର୍ ଲାକେ । ଲାଗିଂ ଗଞ୍ଜାରି କିଦ୍‌ନାଙ୍ଗା, ଏପେଙ୍ଗ୍ ନିତ୍ରେ ଜିବୁନ୍ ବିରୁଦ୍‌ତ ଜୁଜ୍ କିଜି ମାନି ଗାଗାଡ୍ ଆହା ତଲ୍ୟା ଆମାଟ୍ ।

୧୨ ଏପେଦେର୍ ପାତ୍ କିଞ୍ଜି ଜିହୁଦିର୍‌ତି ବିତ୍ରେ ହାର୍‌ବେବାର୍ କିୟାଟ୍, ଇନେସ୍‌କି ହେୱାନ୍ ଇମ୍‌ଣି ବିସ୍ତେ ମିଙ୍ଗେଙ୍ଗ୍ ଦାରିୟା ଇଞ୍ଜି ନିଦା କିଦ୍‌ନାର୍, ମି ହାର୍ କାମାୟ୍ ହୁଡ୍‌ଜି ହେ ବିସ୍ତେ କ୍ରିସ୍ଟି ୱାନି ଦିକ୍ତ ଦୟା ହୁଡ୍‌ଜି ଦିକ୍ତ ଇସ୍‌ବର୍ତି ଜାଜ୍‌ମାଲ୍ କିଦ୍‌ନାନ୍ ।

୧୩ ମାପୁତି କାଜିଂ ୱିଜୁ ନାର୍‌ତି ରଟ୍‌ତି ତଲ୍ୟା ଆତୁ,

୧୪ ପର୍ତ୍ତୁମ୍ ଗାଜା ରାଜା ନଲେ ଅନ୍‌ୟାୟ୍ କାମାୟ୍ କିନାକାରିଂ ସାସ୍ତି ହିନି କାଜିଂ ଆର ହାର୍ କାମାୟ୍ କିନାକାରିଂ ୱାରିକିଦେଂ କାଜିଂ ହେୱାନ୍ତି ହୁଦାଂ ପକ୍ୟାତି ସାସନ୍‌କିନାକାର୍ ଆୟେର୍, ହେୱାନ୍ତି ତଲ୍ୟା ଆତୁ ।

୧୫ ଇନେକିଦେଂକି ଏପେଙ୍ଗ୍ ଜେ ହାଡ୍‌ପା କାମାୟ୍ କିଜି ନିର୍‌ବୁଦିୟାର୍ ପୁନ୍‌ଞ୍ଜି ଗିଆନ୍ତ ଇଞ୍ଜି ମାନି କାତା ବନ୍ଦ୍ କିୟାଟ୍, ଇଦାଂ ଇସ୍‌ବର୍ତି ମାନ୍,

୧୬ ଏପେଙ୍ଗ୍ ଜାର୍‌ତାରେନ୍ ଆଡିସ୍‌ପା ମି ଜାର୍‌ତାରେନ୍ତିଙ୍ଗ୍ ରୁଲ୍‌ରୁଲିୟାନି ବାତ୍ ଲାକେ ବେବାର୍ କିଞ୍ଜାଦାଂ ନଲେ ଇସ୍‌ବର୍ତି ଆଡିଏନ୍ ଆଜି ହାଡ୍‌ପା କାମାୟ୍ କିୟାଟ୍ ।

୧୭ ୱିଜାରିଂ ସମାନ୍‌ଞ୍ଜାରି କିୟାଟ୍, କ୍ରିସ୍ଟି ପାତ୍ କିନି ଟଣ୍ଡାରିଂ ଜିଉନଞ୍ଜାଟ୍, ଇସ୍‌ବର୍ତିଂ ପାଣ୍ଡା ଆତୁ, ରାଜାଙ୍ଗ୍ ସମାନ୍‌ଞ୍ଜାରି କିୟାଟ୍ ।

**କ୍ରିସ୍ଟି ଦୁକ୍‌ତ ୱାରି**

୧୮ ଆଡିୟାର୍, ଏପେଙ୍ଗ୍ ପାଣ୍ଡା ଆଜି ଜାର୍ ଜାର୍ ହାଉକାର୍‌ରିଂ ତଲ୍ୟା ଆତୁ, କେବଲ୍ ହାର୍ ଆରି ହୁଦାର୍ ହାଉକାର୍‌ରିଂ ଆକାୟ୍, ମତର୍ ଦୟାହିଲ୍‌ଞ୍ଜାକାରିଂ ପା ତଲ୍ୟା ଆତୁ ହେୱାରିଂ ସମାନ୍ ମାନି କିୟାଟ୍ ।

୧୯ ଇନେକିଦେଂକି ଇନେର୍ ଏଚେକାଡ୍‌ଦ ଇସ୍‌ବର୍ତିଂ ପାତ୍ କିନି କାଜିଂ ଅନ୍‌ୟାୟ୍‌ତ ଦୁକ୍‌ବଗ୍ କିଜି କସ୍ ହୁଞ୍ଜୁନାନ୍, ବାଟିଙ୍ଗ୍ ହେଦାଂ ୱାରିନି ବିସ୍ତେ ।

୨୦ ଲାଗିଂ ଏପେଙ୍ଗ୍ ଜାର୍ ଜାର୍ ପାପ୍ କାଜିଂ ଜଦି ମାଡ୍ ହୁଞ୍ଜୁନାଦେର୍, ଲାଗିଂ ହେବେ କି ଇନାକା ତାକ୍‌ପୁଟା ? ମାତର୍ ଜଦି ହାର୍ କାମାୟ୍ କିଜି ଦୁକ୍ ହୁଞ୍ଜୁନାଦେର୍, ଲାଗିଂ ହେଦାଂ ଇସ୍‌ବର୍ତି ଲାଗାଂ ଆସିର୍‌ବାଦ୍ ବିସ୍ତେ ।

୨୧ ଇଦାଂ କାଜିଂ ନେ ଏପେଙ୍ଗ୍ ଆହ୍ୟାତାଦେଣ୍ଟା, ଇନେକିଦେଂକି ଏପେଙ୍ଗ୍ ଇନେସ୍ କ୍ରିସ୍ଟି ପାନାଟିନା ହିଜି ହାନାଦେର୍, ହେଦାଂ କାଜିଂ ହେୱାନ୍ ପା ମି କାଜିଂ ଦୁକ୍‌ବଗ୍ କିଜି ମିଙ୍ଗେଙ୍ଗ୍ ର ଗୁଣ୍ ଚଟ୍‌ତିହିଜି ହାଟାନ୍ନା;

୨୨ ହେୱାନ ଇନାକାପା ପାପ କିଞ୍ଚାତାନ, କି ହେୱାନ୍ତି ଖେଇଦାଂ ଇମ୍ମଣାକା ପା ମିର୍ କାତା ଇନ୍‌ୱାଦାଂ ମାଚାନ ।

୨୩ ହେୱାନ ନିନ୍ଦା ପାୟାନି ଖେଡାଲିଂ ମାସ୍‌ଦି ନିନ୍ଦା କିଞ୍ଚାତାନ; ଦୁର୍‌ଗ୍‌ଗ୍‌ କିନି ଖେଡାଲିଂ ଦୁକ୍‌ ବଗ୍‌ କିଦେଙ୍ଗ୍‌ ପାଣ୍ଡୁ କିଞ୍ଚାତାନ, ମାତର୍‌ ନ୍ୟାୟ୍‌ ବିଚାରକିନାକାନ୍ତି କେଇଦ ଝିଜୁ ବିସ୍ତେ ହେଲାଇୟ୍‌ କିତାନ;

୨୪ ଆସେଙ୍ଗ୍‌ ଇନେସ୍‌ ପାପ୍‌ କାଜିଂ ହାଜି ମାନଞ୍ଜି ଦାମ୍‌ କାଜିଂ ଜିବୁନ୍‌ ଜିପ୍‌କା କିନାସ୍‌, ଇଦାଂ କାଜିଂ ହେୱାନ ଆପେ କୁସ୍‌ ଜପି ଜାର୍‌ ଗାଗାଡ୍‌ତ ମା ଝିଜୁ ପାପ୍‌ ପିଣ୍ଡାତାନ; ହେୱାନ୍ତି ମାଡ୍‌ତ ଏପେଙ୍ଗ୍‌ ଉଜ୍‌ ଆତାଦେଣ୍ଡା ।

୨୫ ଇନେକିଦେଂକି ଏପେଙ୍ଗ୍‌ ମେଣ୍ଡା ଲାକେ ବିନ୍‌ ହାଜିଡ୍‌ ହାଲ୍‌ଜି ମାଚାଦେର୍‌, ମତର୍‌ ନଂ ମି ଖାସ୍ତିତ ମାନି କିଦେଂ ଆରି ମୁଣିକା ଲାଗାଂ ମାସ୍‌ଦି ଖାତାଦେଣ୍ଡା ।

### ୩

#### ଆଣ୍ଡାଙ୍ଗ୍‌ ଆରି କଗ୍‌ଲେଡି ହିକ୍ୟା

୧ ହେ ଲାକେ, ଏ କଗ୍‌ଲେକ୍‌, ଏପେଙ୍ଗ୍‌ ଜାର୍‌ ଜାର୍‌ ତକ୍ରାତ୍‌ ତଲ୍ୟା ଆଡୁ । ଇନେସ୍‌ ହେୱାର୍‌ ବିତ୍ରେତାଂ ଇନେର୍‌ ଇନେର୍‌ ବଚନ୍‌ନି ବଲ୍‌ ମାନିକିଞ୍ଜି ଆଡିସ୍‌ ପା ଏପେଙ୍ଗ୍‌ ପାଣ୍ଡୁ ଆଖାଦାଂ ନିତ୍ରେବେବାର୍‌ ହୁଡ୍‌ଜି ବଚନ୍‌ ପିସ୍‌ସି ଜାର୍‌ ଜାର୍‌ ଟଣ୍ଡେନ୍‌ ବେବାର୍‌ ହୁଦାଂ ବାଦ୍‌ଲା ଆନାଡ୍‌ ।

୨ ଇନେସ୍‌ ହେୱାର୍‌ ବିତ୍ରେତାଂ ଇନେ ଇନେର୍‌ ବଚନ୍‌ନି ବଲ୍‌ମାନି କିଡିସ୍‌ପା ଏପେଙ୍ଗ୍‌ ପାଣ୍ଡୁ ଆଖାଦାଂ ସମାନ ବେବାର୍‌ ହୁଡ୍‌ଜି ବଚନ୍‌ ପିସ୍‌ସି ଜାର୍‌ ଜାର୍‌ ତକ୍ରିନି ବେବାର୍‌ ହୁକେ ବାଦ୍‌ଲା ଆନାଡ୍‌ ।

୩ ଆରେ ତେମୁଲ୍‌ ବେସ୍‌, ହନା ହାସ୍‌କୁ ତୁସ୍‌ନାକା ଆରି ହାର୍‌ଦି ହେନ୍ଦା ଉସ୍‌ପାନାକା, ଏଲେଙ୍ଗ୍‌ ଇମ୍‌ଣି ବାର୍‌ତାକା ଆର୍ପାନାକା, ହେଦାଂ ଏପେଙ୍ଗ୍‌ ଆର୍ପାନାକା ହାର୍‌ ଆକାୟ୍‌,

୪ ହାଡ୍‌ପା ହଲ୍‌ନାକା ନେ ମାନ୍ତ ଇମ୍‌ଣି କିଆଣ୍‌ ଆରି ସୁସ୍ତାମିହା ତୁଲ୍ଲି ମାନ୍‌ବାବ୍‌ନା ଇସ୍‌ରତି ମୁମ୍‌ଦ ବେସିମଲ୍‌, ହେଦାଂ ନେ ମି ଜିରାଞ୍ଜି ହାରାଂ ଆଏଡ୍‌ ।

୫ ଇନେକିଦେଂକି ଆଗେକାଡ୍‌ଦ ଦାମ୍‌ ନି ପୁଇପୁୟା କଗ୍‌ଲେକ୍‌ ପା ଇସ୍‌ରତି ତାକେ ବାସ୍‌ ଇଡ୍‌ଜି ଜାର୍‌ ଜାର୍‌ ତକ୍ରାତି ତଲ୍ୟା ଆଜି ଇ ବାନି ଜାର୍‌ ଜାର୍‌ତିଂ ତୁସ୍‌ଜି ମାଟିକ୍‌ ।

୬ ସାରା ହେ ଲାକେ ର କଗ୍‌ଲେ ମାଚାଡ୍‌ । ହେଦେଲ୍‌ ଅବ୍ରାହାମ୍‌ ତଲ୍ୟା ଆଜି ହେୱାନିଂ ମାପୁ ଇଞ୍ଜି ଇଞ୍ଜି ମାଚାଡ୍‌ । ଏପେଙ୍ଗ୍‌ ନଂ ହେୱାନ୍ତି ଗାଡ୍‌ରେକ୍‌ । ଜଦି ହାର୍‌ ବେବାର୍‌ କିଡିସ୍‌, ତା ଆଡିସ୍‌ ଇମ୍‌ଣି ବିସ୍ତେ ମିଙ୍ଗେଙ୍ଗ୍‌ ଆରେ ପାଣ୍ଡୁ କୁଦେଙ୍ଗ୍‌ ଆଡ୍‌ଦୁର୍‌ ।

୭ ହେ ବାନି, ଏ ତକ୍ରାର୍‌, ମି ପାର୍ତ୍ତାନାତ ଇନେସ୍‌ ବାଦା ଆମେଡ୍‌, ଇଦାଂ କାଜିଂ ତକ୍ରିକାଂ ପାଚେନିଦିନ୍‌ତ ନାଦାର୍‌ ଗାଡ୍‌ ଆରି ଜାର୍‌ତି ଲାହାଙ୍ଗ୍‌ ଜିବୁନ୍‌ ଲାଗ୍‌ଦି ଉପକାର୍‌ ଦାନ୍‌ନି ରଚେ ଆଦିକାର୍‌ଣ୍ଡି ପୁନ୍‌ଞ୍ଜି ହେଖେକାଂ ଖାରି କିୟାଟ୍‌ ଆରେ ଗିଆନ୍ତ ହେଖେକ୍‌ ଲାହାଂ ମାନାଡ୍‌ ।

#### ଦାମ୍‌ କାଜିଂ ଦୁକ୍‌ବଗ୍‌

୮ ହାରିହାରା କାତା ଇଦାଂ, ଏପେଙ୍ଗ୍‌ ଝିଜାଦେର୍‌ ରମାନ, ହାରି ସୁକ୍‌ଦୁକ୍‌ତ ସମାନ ବଗ୍‌, ଟଣ୍ଡେନ୍‌ଲାଡ୍‌ତ ଜିଉନନାକା, କିଆଣ୍‌ ମାନ ଆରି ହୁଦାର୍‌ ମାନ ଆଡୁ;

୯ ନସ୍‌ ବାଦୁଲ୍‌ ନସ୍‌ କି ନିନ୍ଦା ବାଦୁଲ୍‌ ନିନ୍ଦା କିଞ୍ଚାଦାଂ ବିନ୍‌ ପାକ୍ୟାତ ନଲେ ଆସିର୍‌ବାଦ୍‌ କିୟାଟ୍‌, ଇନେକିଦେଂକି ଏପେଙ୍ଗ୍‌ ଇନେସ୍‌ ଆସିର୍‌ବାଦ୍‌ନି ଆଦିକାର୍‌ ଆନାଦେର୍‌, ଇଦାଂ କାଜିଂ କୁକ୍ୟାତାଦେଣ୍ଡା ।

୧୦ ପୁଇପୁୟା ସାସ୍‌ରତ ଲେକା ମାନାଡ୍‌,

“ଇନେର୍‌ ଜିବୁନ୍‌ନି ସୁକ୍‌ବଗ୍‌ କିଦେଙ୍ଗ୍‌  
ଆରେ ଜିଉନନି ଦିନ୍‌ ହୁଡ୍‌ଦେଂ ଇଟା କିନାନ,  
ହେୱାନ ବାନ୍ୟା ବଚନ୍‌ତାଂ ଜାର୍‌ ଖେନ୍‌ଲୁଡିଂ  
ଆରେ ନିନ୍ଦାନି ବଚନ୍‌ତାଂ ଜାର୍‌ ଓଟିତିଂ ଚିମ୍‌ା କିଏନ୍‌;

୧୧ ହେୱାନ ବାନ୍ୟାତାଂ ମାସ୍‌ଦି ହାର୍‌ଦି କାମାୟ୍‌ କିଏନ୍‌;  
ଆରି ଖାସ୍ତିନିକାତା ଲାହାଂ ସୁସ୍ତାନି ଆସିର୍‌ବାଦ୍‌ କିନାସ୍‌ ।

୧୨ ଇନେକିଦେଂକି ଦାମ୍‌ ଲଗାତ୍‌ କାଜିଂ ମାପୁତି ନଞ୍ଜର୍‌ ମାନାଡ୍‌, ହେୱାର୍‌ତି ପାର୍ତ୍ତାନା କାଜିଂ ହେୱାନ୍ତି କିଡୁଲ୍‌ ଜେୟା ଆତାନ୍‌, ମାତର୍‌ ମାପୁତି ଖେଇ ବାନ୍ୟାଲଗାତ୍‌ ବିରୁଦ୍‌ତ ମାନାଡ୍‌ ।”

୧୩ ଆରେ ଏପେଙ୍ଗ୍‌ ଜଦି ହାର୍‌ଦି ବିସ୍ତେ ଆଗେ ଆଡ୍‌, ବାଟିଙ୍ଗ୍‌ ଇନେର୍‌ ମିଦାଂ ନସ୍‌ କିଦ୍‌ନାର୍‌ ?

୧୪ ଆରେ ଜଦି ପା ଦାମ୍‌ କାଜିଂ ମିଂ ଦୁକ୍‌ବଗ୍‌ କିଦେଙ୍ଗ୍‌ ଲାଗ୍‌ଦାନାଡ୍‌, ତା ଆଡିସ୍‌ ମିଙ୍ଗ୍‌ ଦନ୍‌ସ୍‌ । ହେୱାର୍‌ ପାଣ୍ଡୁ କୁଡ୍‌ଡିସ୍‌ ପାଣ୍ଡୁ ଆଜି ବିଲ୍‌କି ଆମାଡ୍‌;

☆ ୩:୩ ୧ ତିମତି ୨:୯.

୧୫ ମାତର କ୍ରିଷ୍ଣତି ମାପୁ ଇଞ୍ଜି ଜାର ଜାର ମାନତିଂ ପୁଇପୁୟା ଲାକେ ମାନି କିୟାଟ୍ । ମି ତାକେ ମାନି ବାସିନି କାରଣ ବିସ୍ତେ ଇନେର ପରସନ୍ କିତିସ୍, ହେୱାନିଂ ଉଲ୍ଲଟି ଉତର ହିୟାଟ୍, ମି ବାଦ୍ନାତିଂ ନିରମଲ୍ ଇଟାଟ୍ । ତା ଆତିସ୍, ଏପେଙ୍ଗ୍ କ୍ରିଷ୍ଣତି ପାଚେହାନି ଲାକେ ସମାନ୍ ସନ୍ମାନ୍ କିନିଞ୍ଜେଡ଼ାଂ, ଇମ୍ପାଣାକାର ମିଙ୍ଗ୍ ମିଟ୍ ନିନ୍ଦାକିଦ୍ନାର୍, ହେୱାର୍ ଲାଜୁ ଆନାର୍ ।

୧୬ ଇନେକିଦେଂକି ବାନ୍ୟାକାମାୟ୍ କାଜିଂ ଦୁକ୍ବଗ୍ କିନି ତାଂ ନଲେ ଜଦି ଇସ୍ବରତି ଇଟା ଆତିସ୍, ତା ଆତିସ୍ ସତ୍‌କାମାୟ୍ କାଜିଂ ଦୁକ୍ବଗ୍ କିନାକା ହାର୍ ।

୧୭ ଲାଗିଂ ମା ଇସ୍ବରତି ଲାଗାଂ ତାନି କାଜିଂ ଜିସୁ କ୍ରିଷ୍ଟ ପା ଦାମି ଆଜି ଅଦାମିତି କାଜିଂ ପାପ୍ ଆତିଲେ ରଗ ହାକିବଗ୍ କିତାନ୍ । ହେୱାନ୍ ଗାଗାଡ଼ତ ହାକିବଗ୍ କିନାକାନ୍ ହାଡ଼ପା, ମାତର ଜିବୁକ୍ତ ଜିତାନ୍;

୧୮ ହେବେ ପା ହେୱାନ୍ ଗେହ୍ୟାତି ଜିବୁନିକାଂ ଲାଗାଂ ହାଲ୍ଲଜି ସୁଣାୟ୍ କିତାନ୍;

୧୯ ଆଗେକାଡ଼ତ ନହତି ସମୁତ ଜାଜ୍ ରଚ୍ଚି ଞ୍ଜେଡ଼ାଲିଂ, ଏଚେକାଡ଼ତ ଇସ୍ବର ଲାମାହୁଦାର୍ ଆଜି କାସିମାଚାନ୍, ହେୱେଡ଼ାଲିଂ ହେୱାର୍ ଅମାନ୍ୟା ଆତାର୍ । ହେ ଜାଜ୍ତ ହେଜ୍ଜି ଅଲପ୍ ଲକ୍ସୁ, ଇତିସ୍ କେବଲ୍ ଆଟ୍ ଜାଣ, ଏଜୁଙ୍ଗ୍ ବିଡ୍ରେତାଂ ରାକ୍ୟା ପାୟାତାର୍;

୨୦ ହେବେନି ର ଲାକେ ବାପ୍ରିସିମ୍ ଇତିସ୍ ଗାଗାଡ଼ନି ତୁକେର୍ ହାଚ୍ଚେଙ୍ଗ୍ ଆକାୟ୍, ମାତର ଇସ୍ବରତି ଲାଗାଂ ସକଟ୍ ହାଚ୍ଚି ବାଦ୍ନା ଗାଟାଦେଂ କାଜିଂ ପାର୍ତ୍ତାନା, ଜିସୁ କ୍ରିଷ୍ଣତି ଆରେ ନିଂନି ହୁଦାଂ ନଂ ମିଂ ମୁକ୍ତି କିଡ଼ତାନ୍ନା;

୨୧ ହେ ଜିସୁ କ୍ରିଷ୍ଣସାଗେ ଦୁମ୍ପଜି ଇସ୍ବରତି ବୁଜ୍ଜି ବାଗାଙ୍ଗ୍ କୁଚ୍ଚାନ୍ନା, ଆରେ ଦୁତକ୍, ଆଦିକାର୍ ବାପୁ ଆରି ସାକ୍ତିକାଟିକିକ୍ ହେୱାକ୍ତି ତଲ୍ୟା ଆତିକ୍ନା ।

### ୪

#### ବାଦ୍ଲାନି ଜିବୁନ୍

୧ କ୍ରିଷ୍ଣତି ଗାଗାଡ଼ତ ଦୁକ୍ବଗ୍ କିତିଲେ ଏପେଙ୍ଗ୍ ପା ହେ ଲାକେ ମାନ୍ ଆଜି ଜାର୍ତିଂ ରଚାଟ୍, ଇନେକିଦେଂକି ଇନେନ୍ କ୍ରିଷ୍ଣତି କାଜିଂ ଗାଗାଡ଼ତ ଦୁକ୍ବଗ୍ କିତାନ୍ନା, ହେୱାନ୍ ପାପ୍ତାଂ ଦେହା ଆତାନ୍ନା,

୨ ଇନେସ୍ ଏପେଙ୍ଗ୍ ଜଗଡ଼ନି ଜିବୁନ୍ ବାକି କାଡ଼୍ ମାନାୟ୍ତିଂ ବାନ୍ୟାଆହା ଇସାପ୍ରେ କାଞ୍ଜାଦାଂ ଇସ୍ବରତି ଇଟା ଇସାପ୍ରେ କାଡ଼୍ ।

୩ ଲାଗିଂ ପାତ୍ କିଞ୍ଜି ଜିହୁଦିରତି ଇଟା ଇସାପ୍ରେ କାମାୟ୍ କିଜି ଏପେଙ୍ଗ୍ ଏଚେ କାଡ଼୍ ବାନ୍ୟାକାମାୟ୍, ବାନ୍ୟା ଆହା, କାଲିଂଗହ୍ନାକା, ରଙ୍ଗରାସିକା, ହଜ୍ଜି ଆରି ଗିଣ୍ ପୁଡ଼ତା ପୁଜା କିଜି ମାଚାଦେର୍, ହେଦାଂ ଲଡ଼ା;

୪ ଏପେଙ୍ଗ୍ ନଂ ହେ ଲାକେ ଚିମ୍ପରାଆଞ୍ଜାଦାଂ କାମାୟ୍ତ ହେୱାର୍ ଲାହାଙ୍ଗ୍ ମାନ୍‌ଞ୍ଜାଦାଂ ହେୱାର୍ କାବା ଆଜି ମିଙ୍ଗେଙ୍ଗ୍ ନିନ୍ଦା ହିଡ଼ତାଣ୍ଟା ।

୫ ମାତର ଇମ୍ପାଣି ଇସ୍ବର ଜିତାକାନ୍ ଆରି ହାତି ଲଗାରିଂ ବିଚାର୍ କିନାନ୍, ହେୱାକ୍ତି ମୁମ୍ପଦ ହେୱାର୍ତି ଇସାବ୍ ହିଦେଂ ଆନାଟ୍ ।

୬ ଇନେକିଦେଂକି ଇ ହିସାପ୍ରେ ହାତାକାର୍ ଲାଗେ ପା ନେକ୍ତିକାବୁର୍ ସୁଣାୟ୍ କିୟାତାଡ଼, ଇନେସ୍ ହେୱାର୍ ମାନାୟ୍ ଲାକେ ଗାଗାଡ଼ତ ବିଚାଣ୍ଟା ଆତିସ୍ପା ଇସ୍ବରତି ଲାକେ ଜିବୁକ୍ତ ଜିବୁନ୍ ଆନାନ୍ ।

#### ଇସ୍ବରତି ଦାନ୍ ହାଚ୍ଚି କାର୍ନିୟା

୧ ମତର ଞ୍ଜିବୁ ବିସ୍ତେ ଞ୍ଜିକ୍ତିକାଡ଼ ଲାଗେ । ଲାଗିଂ ହାଚ୍ଚିବୁଦି ଆଡୁ, ଆରେ ପାର୍ତ୍ତାନା କିନି କାଜିଂ ଚେଡ଼ନା ମାନାଟ୍ ।

୨ ଇତିସ୍ ଜବର୍ ଜିଉନତିଲେ ହାରି ଜିଉନବିସ୍ ମାନାଟ୍, ଇନେକିଦେଂକି ଜିଉନନିତ ବେସି କିଜି ପାପ୍ତ ତାବାୟ୍ କିନାଡ଼ ।

୩ ମଡ଼ିଆଞ୍ଜାଦାଂ ହାରି ଲବାୟ୍ କିୟାଟ୍;

୪ ଜାଣକେ ଲକ୍ସୁ ସସ୍ ଇନେସ୍ ଉପକାର୍ ଦାନ୍ ପାୟା ତାଦେଣ୍ଟା, ହେ ଲାକେ ଇସ୍ବରତି ବେସି ବିଦି ଦୟାନି ହାର୍ କାର୍ନିୟା ଲାକେ ତାହୁଦାଂ ହାରି ହେବା କିୟାଟ୍,

୫ ଇନେର ଜଦି ସୁଣାୟ୍ କିନାନ୍, ବାଟିଙ୍ଗ୍ ହେୱାନ୍ ଇସ୍ବରତି ବଚନ୍ ସୁଣାୟ୍ କିନାକାନ୍ ଲାକେ ସୁଣାୟ୍ କିଏନ୍; ଇନେର ଜଦି ହେବା କିନାନ୍, ବାଟିଙ୍ଗ୍ ହେୱାନ୍ ଇସ୍ବରତାଂ ସାକ୍ତିଗାଟାନି ମାନାୟ୍ ଲାକେ ହେବା କିଏନ୍, ଇନେସ୍ ଜିସୁ କ୍ରିଷ୍ଣ ହୁଦାଂ ଇସ୍ବରତି ଜାଜ୍ମାଲ୍ ଆନାଟ୍; ଜୁଗ୍ ଜୁଗ୍ ଜାଜ୍ମାଲ୍ ଆରି ବାପୁ ହେୱାକ୍ତି । ଆମେନ୍ ।

#### କ୍ରିଷ୍ଣୟାକ୍ତି ଦୁକ୍ବଗ୍

୧୬ ଏ ଞ୍ଜାରିନିକାଦେର୍, ମି ପରିକ୍ୟା କାଜିଂ ଇମ୍ପାଣି ଦୁକ୍ବଗ୍ବାତ୍ ନାଣି ଏକାଞ୍ଜାତାଡ଼ନା, ହେଦାଂ ଚାନ୍ୟା ଗଟ୍‌ଣା ଇଞ୍ଜି ବାବି କିଜି କାବା ଗିଆନ୍ ଆମାଟ୍;

୧୭ ଇତିସ୍ ଏଚେକ୍ ଲଡ଼ା କ୍ରିଷ୍ଣତି ଦୁକ୍ବଗ୍ନି ମେହା ଆନାଦେରା, ହେ ଏଚେକ୍ ଞ୍ଜାରି କିୟାଟ୍, ଇନେସ୍ ହେୱାକ୍ତି ଜାଜ୍ମାଲ୍ ଆନି ସମୁତ ପା ଏପେଙ୍ଗ୍ ବେସି ଞ୍ଜାରିତ ଞ୍ଜାୟା ଆନାଦେର୍ ।

୧୪ ଜଦି ଏପେଙ୍ଗ କ୍ରିଷ୍ଟି ତର କାଜିଂ ନିନ୍ଦା ଆନାଦେର, ତାଆତିସ୍ ଏପେଙ୍ଗ ଦନ୍ୟ, ଇନେକିଦେଂକି ଜାଜ୍‌ମାଲ୍‌ନି ଜିବୁନ୍, ଇଚିସ୍ ଇସ୍‌ସୁରତି ଜିବୁନ୍, ମି ତାକେ ବାହା କିନାତା ।

୧୫ ଲାଗିଂ ମି ବିତ୍ରେ ଇନେର ଚୁଣାକାନ, କି ମ୍ଲୁକେନ୍, କି ନାସ୍‌ଆ କୁଲ୍‌ଆ ଆଜି ତାଣ୍ ବଗ୍ କିମେନ୍;

୧୬ ମାତର ଜଦି କ୍ରିଷ୍ଟିୟାନ୍ ଆତିଲେ ତାଣ୍ ବଗ୍ କିନାନ୍, ତାଆତିସ୍ ହେଝାନ୍ ଲାଜ୍ କୁଇ କିମେନ୍, ନଲେ ଇ ତର କାଜିଂ ଇସ୍‌ସୁରତିଂ ପାତ୍‌ନା କିନାସ୍ ।

୧୭ ଇନେକିଦେଂକି ଇସ୍‌ସୁରତି ଇଲ୍‌ତାଂ ହାଂଜି ବିଚାରୁ କିନି ସମ୍ପୁ ଏକାଝାତାତ୍‌ନା; ଆରେ ଜଦି ହିଗ୍‌ଦ ମା ତାଂ ହାଙ୍ଗ୍‌ତିସ୍, ବାଟିଙ୍ଗ୍ ଇମ୍‌ଣାକାର ଇସ୍‌ସୁରତି ନେକ୍ରିକାବୁରତ ପାତ୍ କିଉର୍ ତା ଆତିସ୍, ହେଝାଟି ହାରିହାରା ଦସା କି ଇନାକା ଆଉଡ୍ !

୧୮ ଆରେ ଦାମ୍ ଲଗୁ

“ଜଦି କସ୍‌ତ ମୁକ୍ତି ପାୟାଆନାନ୍,

ବାଟିଙ୍ଗ୍ ଅଦାମ୍ ଆରି ପାପିର୍ ଦସା ଇନାକା ଆଉଡ୍ !”

୧୯ ଲାଗିଂ, ଇମ୍‌ଣାକାର ଇସ୍‌ସୁରତି ଇଚାତ ଦୁକ୍‌ବଗ୍ କିନାନ୍, ହେଝାର ପାତ୍ ନି ଉପ୍‌ଜାଣ୍‌କାରୟାତି କେଇଦ ଜାର୍ ଜାର୍ ଝାସ୍‌ତିଂ ହେଲାୟ୍ କିଜି ହାର କାମାୟ୍‌ନି ଦ୍ୟାତ୍ ମାନେର ଇନେକିଦେଂକି ହେଝାନ୍ ନିତ୍ରେ ହେଝାନ୍ତି ପାର୍ମାଣ୍ ରାକ୍ୟା କିନାନ୍ ।

### ୫

#### ଇସ୍‌ସୁରତି ମେଣ୍ଡାମାନ୍ଦା

୧ ଆନ୍ ରଝାଙ୍ଗ୍ ବୁଡାଲୁ ଇସାପତାଂ ମି ମଣ୍ଡଲିନି ବୁଡାଲୁରିଂ ଗଝାରି କିଜି ଇନାଙ୍ଗା । ଲାଗିଂ, ରଝାନ୍ ହାଙ୍ଗ୍‌ଦି ପାର୍‌ଚିନ୍ ଆରେ କ୍ରିଷ୍ଟି ଦୁକ୍‌ବଗ୍‌ନି ସାକି ଆରି ଝାନ୍ ଜାଜ୍‌ମାଲ୍‌ନି ମେହାଣ୍ ଆଦିକାରି ଜେ ଆନ୍, ଆନ୍ ମି ବିତ୍ରେ ମାନି ବୁଡାଲୁରିଂ ଗଝାରି କିନାଙ୍ଗା,

୨ \*ଇସ୍‌ସୁର ମି କେଇଦ ଇମ୍‌ଣି ମେଣ୍ଡା ମାନ୍ଦାତିଂ ହେଲାୟ୍ କିତାନ୍‌ନା, ଆନ୍ ଗଝାରି କିଦ୍‌ନାଙ୍ଗା, ଏପେଙ୍ଗ୍ ମାନ୍‌ହିଲାଦାଂ ହେଦାଂ କିଝାଦାଂ ଝାରିତାଂ ହେଝାରିଂ ଜାତୁନ୍ କିୟାଟ୍, ଦାନ୍ ଲାବ୍‌ଡି ଆହାତାଂ ହେଦାଂ କିଝାଦାଂ ହାତ୍‌ପା ହେବା ମାନ୍‌ବାବ୍‌ନା ଲାହାଂ ମି କାମାୟ୍ ଉପାୟ୍ କିୟାଟ୍ ।

୩ ଆରେ ଇମ୍‌ଣାକାର ଦାଇଡ୍ ମି କେଇଦ ହେଲାୟ୍ ଆତାତ୍‌ନା, ହେଝାର ଜପି କିନିପାଣ୍ କିଝାଦାଂ ମାନ୍ଦା ଝାରିୟାତି ଲାକେ ଆଜି ହେଦାଂ କିୟାଟ୍ ।

୪ ହେବେଣ୍ଡାଂ ମୁଡ୍ ପାଲକ୍ ହନି ସମ୍ପୁତ ଏପେଙ୍ଗ୍ ଜାଜ୍‌ମାଲ୍‌ନି ମୁକୁଟ୍ ଗାଟାନାଦେର ଆରି ତାଦି ଝିଜ୍‌ଝି ମୁକୁଟ୍ ପାୟାନାଦେର ।

୫ ହେ ଲାକେ, ଏ ଦାଂଶାର୍, ଏପେଙ୍ଗ୍ ବୁଡାଲୁରତି ତଲ୍ୟା ଆତୁ । ଝିଜାଦେର ହାରି କାଜିଂ ହୁଦାର୍ ବାତ୍ ଆଜି ଉସ୍ପାଟ୍, ଇନେକିଦେଂକି “ସାସ୍‌ରତ ଲେକାମାନାଟ୍ ଇସ୍‌ସୁର ଆକ୍ରିୟାତ୍ ବାଦା ହିଜି ହୁଦାର୍ ଲଗାତ୍ ଦୟା କିନାନ୍ ।”

୬ \*ଲାଗିଂ, ଇସ୍‌ସୁରତି ବାଡ୍‌କାସ୍‌ନି କେଇ ତାରେନ୍ ଜାର୍ ଜାର୍‌ତିଂ ତଲ୍ୟା କିୟାଟ୍, ଇନେସ୍ ହେଝାନ୍ ମିଂ ସମାନ୍ ଝେଡାଲିଂ ଉର୍ କିଦ୍‌ନାନ୍;

୭ ମିଦାଂ ଝିଜୁ ଚିତାନି କାଉଡି ଇସ୍‌ସୁରତି ଜପି ତୁହିୟାଟ୍, ଇନେକିଦେଂକି ହେଝାନ୍ ମି କାଜିଂ ଚିତା କିନାନ୍ ।

୮ ଚେଡ୍‌ନା ଆଜି ଜାଗ୍ରତ୍ ମାନାଟ୍ । ମି ଆଣ୍ଟିପାକ୍ୟା ସୟ୍‌ତାନ୍ ସିହିଁ ଲାକେ ଗାର୍ଜାନ୍ କିଜି ଇନେରିଂ ଗୁହ୍‌ନାଟ୍, ଇଦାଂ ତେକ୍‌ଚି ବୁଲାନାତା;

୯ ପାତ୍ ତ ତିର୍ ମାନ୍‌ଞ୍ଜି ସୟ୍‌ତାନ୍‌ତିଂ ବିରୁଦ୍ କିୟାଟ୍, ଆରେ ଇଦାଂ ପୁନାଟ୍ ଜେ, ଜଗଡ୍‌ତ ମାନି ମି ପାତ୍ କିନି ଟଣ୍ଡାତ୍ କାଜିଂ ଇ ବାନି ଦୁକ୍‌ବଗ୍ ଗିଟାନାତା ।

୧୦ କ୍ରିଷ୍ଟି ଲାହାଂ ମେହାଜି ତା ଝିଜ୍‌ଝି ଝିଜୁ ଦୟାନ୍ ମୁଡ୍‌ଦାକାନ୍ ଇମ୍‌ଣି ଇସ୍‌ସୁର ଜାର୍ ଝିଜ୍‌ଝି ଜାଜ୍‌ମାଲ୍‌ତ ରଚେବାଗ୍ ଆନି କାଜିଂ କ୍ରିଷ୍ଟି ଜିସ୍‌ତି ହୁଦାଂ ମିଙ୍ଗେଙ୍ଗ୍ କୁକ୍‌ତାନ୍ନା, ହେଝାନ୍ ମିଦାଂ ତାନେକ୍ ଦୁକ୍‌ବଗ୍ ପାଚେ ମିଂ ବାତ୍, ସୁସ୍ତା, ବାଡ୍‌କାସ୍ ଆରି କୁଚିକିଦ୍‌ନାନ୍ ।

୧୧ ବାଡ୍‌କାସ୍ ଜୁଗ୍ ଜୁଗ୍ ହେଝାନ୍ତି ରାଜ୍ ଆଏଡ୍ । ଆମେନ୍ ।

#### ହାରିହାରା ବନ୍ଦାୟ୍

୧୨ \*ଇସ୍‌ସୁରତି ହାଡ୍‌ପା ଉପକାର୍ ଜେ ଏଲେଂ ବାନି, ଇ ବିସ୍ତେ ସାକି ହିଜି ମିଂ ଝାରିକିୟ୍ କିଦ୍‌ନିଂ କାଜିଂ ସିଲ୍‌ନାନ୍ତି ହୁଦାଂ ଆନ୍ ଅକର୍‌ତାଂ ଆକି ଲେକିକିତାଂ; ନା ବୁଜାନିତ ହେଝାନ୍ ରଝାନ୍ ପାତ୍ ନି ଟଣ୍ଡେନ୍ । ଏପେଙ୍ଗ୍ ଇ ଦୟାତ ସୁସ୍ତା ଆଜି ମାନାଟ୍ ।

☆ ୫:୨ ଜହନ୍ ୨୧:୧୫-୧୭. ☆ ୫:୨ ମାତିଉ ୨୩:୧୨; ଲୁକ ୧୪:୧୧; ୧୮:୧୪. ☆ ୫:୧୨ ପକ୍ୟାତାକା ୧୫:୨୨,୪୦.

୧୩ ☆ମି ଲାହାଈ ବାଚିକିୟାତି ବାବିଲନନି ମଣ୍ଡୁଲି ଆରି ନା ଦାମି ମାଜି ମାର୍କ ମିଙ୍ଗେଈ ଛୁଝାର ଜାଣାୟ କିହାନା ।  
 ୧୪ କ୍ରିଷ୍ଟିୟାନ୍ ଜିଉନନିତ ବାନ୍ଦାୟ କିଜି ହାରିତିଂ ଛୁଆର କିୟାଟ୍ ।  
 କ୍ରିଷ୍ଟିୟାନ୍ ମାନି ମି କାଜିଂ ସୁସ୍ତା ଆୟେଟ୍ ।

## ପିତରଙ୍କ ଦ୍ୱିତୀୟ ପତ୍ର ପିତୃତ୍ୱ ଲେକିକିତି ଜେତି ଆକି ପିତୃ ଜେତି ଆକି ବିସ୍ତେନି ପାଦେକ୍

ପିତୃତ୍ୱ ଜେତି ଆକି ଇନାତ୍ ଜେ, ଇ ଆକି ପକ୍ୟାତି ପିତୃତ୍ୱ ହୁଦାଂ ଲେକା ଆତାନା । ମତୃ ନଂ ବେସି ପଣ୍ଡିତ୍ୱକୁର୍ ଇଦାଂ ସତ୍ ଆକାୟ ଇଞ୍ଜି ଇନାରା । ଆଜି ମାନଗାନାତ୍ ଇଦାଂ ବିନ୍ ଲଗୁ ପିତୃତ୍ୱ ବାଦୁଲ୍ ଲେକିକିତାଣ୍ଡା । ଲେକିକିନାକାନ୍ ଇନାନ୍ ଜେ ହେଝାନ୍ ଜିସୁ କ୍ରିସ୍ତୁତି କାଣ୍ଡକୃତ ସାକି । ବେସିକିଜି ଜିସୁତି ବଦଲାନି ବିସ୍ତେ ଇନାନ୍ ୧:୧୭-୧୮ । ପିତୃ ଇ ଆକି ଆଜି ମାନଗାନାତ୍ କ୍ରିସ୍ତୁତି ଜଲମ୍ ପାଚେ ୫୬-୬୯ ବିତ୍ରେ ହେଝାନ୍ ହାନି ଆଗେ ଲେକି କିତାନା । ପିତୃ ପା ତା ଜେତି ଆକି ଇଞ୍ଜି ଇନାନ୍ । ପିତୃତ୍ୱ ୧ ମ୍ ଆକି ଲେକି କିତି ପାଚେ ହେଝାନ୍ ଲେକାନି ସମୂତିଂ ବାହା ହିଜି ଇଦିଲିଂ ଜେତି ଆକି ଇଞ୍ଜି ଇନାନ୍ । ୧ ପିତୃ ୩:୧

ୱିଜାର୍ କ୍ରିସ୍ତୁୟାନିଂ ଇ ଟିକ୍ଣା ହିତାନା । ପିତୃ ପାତ୍ ନିକାରିଂ ସାସ୍ ଆରି ହାର୍ କିଜି ଜିଦେଂ ଆରି ମିଟ୍ ଗୁରୁତାଂ ଦେହା ମାଞ୍ଜେକ୍ ଜାଗ୍ରତ୍ କିନି କାଜିଂ ଇ ଆକିତ ଲେକିକିନାନା ୨ ।

ଜିସୁ ଖାଦେଂ ଲାମା ସମୁ ମାନାତ୍ ଇନି ଲୁଗାଂ ମୁନା କିନାକାରିଂ ସାସ୍ ହିନାନା । ଇସ୍ତୁର୍ କାଲେ ଆକାୟ ମତୃ ୱିଜାର୍ ଉଦାର୍ ପାୟାନାର୍ ଇଦାଂ ଇସ୍ତୁର୍ ମାନକିନାନ୍ ୨ ପିତୃ ୩:୮-୯ ଇଦାଂ ରଞ୍ଜାକ୍ ହାଦ୍ ଜିବୁନ୍ନିକା ୩:୧୪

### ୨ ପିତୃ ଆକି ବିସ୍ତେନି ରାହାଣ

- ୧. ପିତୃ ହେଝାନ୍ତି ଜାଣା ହିନାନା ଆରି ପତ୍ରି କିନାକାରିଂ ଟିକ୍ଣା ହିନାନ୍ ୧:୧-୨
- ୨. ପାତ୍ କିନାକାରିଂ ହାଦ୍ ଜିବୁନ୍ ଜିପ୍କା କାଜିଂ ଏଡ୍ କିୟ୍ କିନାନ୍, ଇନେକିଦେଂକି ଇସ୍ତୁର୍ ମାଂ ବାତି କିଡ୍ତାନନା ୧:୩-୨୧
- ୩. ହେଝାନ୍ ମିଟ୍ ଗୁରୁରିଂ ହାରିହାରା ଷ୍ଟେଡାଲିଂ ହେଝାନ୍ତି ଇନେସ୍ ଗିଟାନାତ୍ ହେଦାଂ ଇନାନା ୨:୧-୨୨
- ୪. ପିତୃ ଜିସୁକ୍ରିସ୍ତୁତି ଜେତି ଖାନାକା କାଜିଂ ଜାଲ୍ଦି ଆଜି ମାନଞ୍ଜି ହାର୍ ଜିବୁନ୍ କାଟି ଆନାକା ସାସ୍ ହିନାନ୍ ୩:୧-୧୭

୧ ସିମନ୍ ପିତୃ, ଜିସୁ କ୍ରିସ୍ତୁତି ରଞ୍ଜାନ୍ ଆଡିଏନ୍ ଆରି ପକ୍ୟାତାକାନ୍, ମା ଇସ୍ତୁର୍ ଆର ମୁକ୍ତି କାରିୟା ଜିସୁ କ୍ରିସ୍ତୁତି ଦାମିତ କାଜିଂ ଇମ୍ଣାକାର୍ ମା ଲାହାକ୍ ସମାନ୍ ବାବ୍ରେ ଜବର୍ମଲ୍ନି ପାତ୍ ଗାଟା ଆଡ୍ତାତନା, ହେଝାନ୍ତି ଲାଗେ ଆକି ଲେକିକିନାକା ।

୨ ଇସ୍ତୁର୍ ଆରି ମା ମାପୁ ଜିସୁତି ବିସ୍ତେ ଗିଆନ୍ ହୁଦାଂ ମି କାଜିଂ ଉପକାର୍ ଆରି ସୁସ୍ତା ବେସିତାଂ ଆୟେଡ୍ ।

### ଇସ୍ତୁର୍ତି କୁକ୍ନାକା ଆରି ବାଟିକିନାକା

୩ ଇନେର୍ ଜାର୍ ଜାଜମାଲ୍ ଆରି ସତ୍ଗୁଣ୍ଡ ମାକ୍ କୁକ୍ତାତାନା, ହେଝାନ୍ତି ବିସ୍ତେ ଗିଆନ୍ ହୁଦାଂ ତା ଇସ୍ତୁର୍ତି ସାକ୍ତି ମା ଜିବୁନ୍ତ ଆରି ଦାମିତାଂ କାଜିଂ ୱିଜୁ ଲଡାନି ବିସ୍ତେ ଦାନ୍ କିଡ୍ତାନନା ।

୪ ତା ହୁଦାଂ ହେଝାନ୍ ମାଞ୍ଜେକ୍ ଜବର୍ମଲ୍ ଆରି ବେସିମାନତି ପାର୍ମାଣ୍ ଦାନ୍ କିଡ୍ତାନନା, ଇନେସ୍ ହେ ସବୁ ହୁଦାଂ ଏପେକ୍ ବାନ୍ୟାଲାୟା ଉପକାଣ୍ ଇମ୍ଣା ବୁତାନି ଜଗଡ୍ତ ମାନାତ୍, ହେବେଣ୍ଡାଂ ରାକ୍ୟା ପାୟାଜି ଇସ୍ତୁର୍ତି ମାନ୍ ବାବ୍ନାତ ମେହାଣ୍ ଆଡୁ ।

୫ ଆଁ, ଇ କାରଣ୍ତାଂ ଏପେକ୍ ବେସି ଜାତୁନ୍ ଲାହାକ୍ ପାତ୍ ହୁଦାଂ ହାଡ୍ପାଗୁଣ୍, ହାଡ୍ପାଗୁଣ୍ ଲାହାକ୍ ଗିଆନ୍ କିୟାଟ୍,

୬ ଗିଆନ୍ ଲାହାକ୍ ମଦାନାକା, ମଦାନାକା ଲାହାକ୍ ସାସ୍, ସାସ୍ ଲାହାକ୍ ଦାରୁମ୍ଜିତ୍,

୭ ଦାରୁମ୍ଜିତ୍ ଲାହାକ୍ ଟଣ୍ଡେନ୍ଲାଡ୍, ଆରେ ଟଣ୍ଡେନ୍ଲାଡ୍ ଲାହାକ୍ ଜିଉନନାକା ମେହାୟ୍ କିୟାଟ୍ ।

୮ ଇ ସବୁ ମିତାକେ ବାତାତିସ୍ ମା ମାପୁ ଜିସୁ କ୍ରିସ୍ତୁତି ବିସ୍ତେ ଗିଆନ୍ ବାତ୍ ଲାବ୍ କିନି କାଜିଂ ମିଂ ହିଡ୍ଡି ଆରି ପଲ୍ୟା ଆଦେଂ ଆଡ୍ଡ ।

୯ ମତୃ ଇସ୍ତୁର୍ ଇନେର୍ ତାକେ ହିଲୁଡ୍, ହେଝାନ୍ ଦେହାନଞ୍ଜର୍ ଆଞ୍ଜାଦାଂ କାଣା ଆତାନା, ଆରେ ଜାର୍ ଆଗେ କିତି ପାପ୍ତାଂ ନିର୍ମଲ୍ ଆନି ବିସ୍ତେ ବାଣାଆତାନ୍ ।

୧୦ ଲାଗିଂ, ଏ ଟଣ୍ଡାର୍ ଆରି ତଣ୍ଡେକାଦେର୍, ଏପେକ୍ ଜାର୍ ଜାର୍ କୁକ୍ତିନି ତାକେ ଆରି ବାଟିକିନିତାକେ ତିର୍ କିନି କାଜିଂ ଆଦିକ୍ ଜାତୁନ୍ ଆଡୁ; ଲାଗିଂ ଏଲେଂ କିତିସ୍ ଏପେକ୍ ଇନାଞ୍ଜାଡାଂ ପା ପାପ୍ କିଉଦେର୍,

୧୧ ଆରେ ଇ ବାନି ମା ମାପୁ ଆରି ମୁକ୍ତି କାରିୟା ଜିସୁ କ୍ରିସ୍ତୁତି ୱିଜ୍ଞି ରାଜିତ ମାନତାଂ ହଣ୍ଡେକ୍ ମିଞ୍ଜେକ୍ ପୁରା ଆଦିକାର୍ ହିଦ୍ୟାନାତ୍ ।

୧୨ ଲାଗିଂ, ଏପେକ୍ ଜଦିପା ଇ ସବୁ ଷ୍ଟେଡାକ୍ ପୁନାଟ୍ ଆରି ଗାଗାତି ହାଡ୍ପାତ୍ ତିର୍କିୟା ଆତାଦେଣ୍ଡା, ଆଡିସ୍ପା ଆନ୍ ଇ ସବୁ ବିସ୍ତେ ମିଂ ଏଡୁ କିୟ୍କିଦେଂ ନିତ୍ରେ ଜାଲ୍ଦି ଆଜି ମାନାକ୍ ।

୧୩ ମା ମାପୁ ଜିସୁ କ୍ରିଷ୍ଟ ନାକ୍ ଇନେସ୍ ଝେର୍ଚାତାନ୍ନା, ତାପାଚେ ସାଙ୍ଗେ ନାକ୍ ଇ ଗାଗାଡ୍ ଲାକେ ସମାନ୍ ତୁମ୍ ଜେ ପିହ୍‌ୟା ଆନାଡ୍,

୧୪ ମା ମାପୁ ଜିସୁ କ୍ରିଷ୍ଟ ନାକ୍ ଇନେସ୍ ଝେର୍ଚାତାନ୍ନା, ହେ ଇସାପ୍ରେ ବେଗି ନାକ୍ ଇ ଗାଗାଡ୍ ଲାକେ ତୁମ୍ ଜେ ରଚ୍‌ନାକା ଆନାଡ୍

୧୫ ଆରେ ନା ହାଟିପାଚେ ଏପେକ୍ ଇ ଝିଜୁ ବିସ୍ତେ ଇନେସ୍ ନିତ୍ରେ ଏତୁତ ତାହିଝାଦେଂ ଆଡ୍‌ନାଦେର୍, ଇଦାଂ କାଜିଂ ଆନ୍ ଜାତୁନ୍ କିନାକ୍ ।

**କ୍ରିଷ୍ଟି ପାଣ୍ଡି ସାକି**

୧୬ ଇନେକିଦେଂକି ଆସେକ୍ ଏଚେକାଡ୍‌ଦ ମା ମାପୁ ଜିସୁ କ୍ରିଷ୍ଟି ସାକ୍ତି ଆରି ଝାନାକା କାତା ମିଙ୍ଗେକ୍ ଝେର୍ଚାତାପ୍, ହେ ଏଚେକାଡ୍‌ଦ ଚାତୁର୍ ଲାହାକ୍ ହାନ୍ଦାୟକିତି ଇମ୍‌ଣାକା ପା କାତା ଆହ୍‌ଝାଦାଂ ମାଚାପ୍, ମତର୍ ହେଝାକ୍ତି ପାଣ୍ଡି କାଣ୍‌କୁତାଂ ସାକି ଆଜି ମାଚାପ୍ ।

୧୭ ଲାଗିଂ ଏଚେକାଡ୍‌ଦ ବେସି ଜାଜ୍‌ମାଲ୍ ବିତ୍ରେତାଂ ହେଝାକ୍ତି କାଜିଂ ଇ କାତା ଆତାଡ୍, “ଏ ମା ଝାରିନି ମାଜି, ଇଝାକ୍ତି ତାକେ ମା ରଞ୍ଜାକ୍ ମତର୍ ସତକ୍, ହେ ଏଚେଝେଡାଲିଂ ହେଝାନ୍ ଆବା ଇସ୍‌ରତାଂ ଝାରି ଆରି ଜାଜ୍‌ମାଲ୍ ପାୟା ଆତାନ୍ ।”

୧୮ ଆପେଂ ତା ଲାହାକ୍ ପୁଇପୁୟା ମାଡିତ ମାନିଝେଡାଲିଂ ନିଜେ ଆକାସ୍‌ତାଂ ହଡ୍‌ତି ଇ କାତା ଝେଚାପ୍ ।

୧୯ ଇବେଣ୍ଟାଂ ବେଶ୍‌ବାକ୍‌ଶାୟକିନାକାର୍‌ତି ବେଶ୍‌ବାକ୍‌ଶାୟ ମା ଲାଗେ ଆଦିକ୍ ଆର୍‌ଝା ଆତାନ୍ନା; ଏପେକ୍ ହେଦାଂ ମାଜଗା ବାହାତ ଅଜଡ୍ ଆଜି ମାନି ବୈଚା ଲାକେ ବାବି କିଜି କୁଜୁକ୍ଟେପା ଆଝି ପାତେକ୍ ଆରି ମି ମାକ୍ତ ଅଜଡ୍ ହୁକା ହଡ୍‌ଝି ପାତେକ୍ ହେଦାଂ କାଜିଂ ମାନ୍‌ଦିଆନ୍ କିତିସ୍ ହାର୍ ଆନାଡ୍ ।

୨୦ ଆଗେ ଇଦାଂ ପୁନାର୍ ଜେ, ସାସ୍‌ରନି ଇମ୍‌ଣାକା ପା ବେଶ୍‌ବାକ୍‌ଶାୟ ଇନେର୍ ଜାର୍ ବୁଦିତ ବୁଜାଦେଂ ଆଡ୍‌ଦେର୍,

୨୧ ଇନେକିଦେଂକି ଇମ୍‌ଣାକା ପା ବେଶ୍‌ବାକ୍‌ଶାୟ ଇନାଝେଡାଂ ପା ମାନାୟ ଇଚାତାଂ ଉବ୍‌ଜାଶ୍ ଆଝାତାନ୍ନା, ମତର୍ ଇସ୍‌ର ପକ୍ତିତି ମନାୟାର୍ ପୁଇପୁୟା ଜିବୁନ୍ ଲାହାକ୍ ଚାଲା ଆଜି କାତା ଇଞ୍ଜି ମାଚାଦେର୍ ।

**୨**

**ବାମ୍‌ତାୟକିନି ଗୁରୁ**

୧ ମାତର୍ ମାନାୟାର୍ ବିତ୍ରେ ଚାକ୍‌ୟକିନି ବେଶ୍‌ବାକ୍‌ଶାୟକିନାକାର୍ ପା ହଡ୍‌ନାର୍; ହେ ଲାକେ ମି ବିତ୍ରେ ପା ଚାକ୍‌ୟକିନି ହିକ୍ୟାକିନାକାର୍ ହଡ୍‌ନାର୍; ହେଝାର୍ ବୁତାନିଜଗଡ୍‌ତ ବାନ୍‌ଧା ମାକ୍ତ ଡକ୍‌କି ଚାଲାୟ କିଜି ହେଝାରିଂ କଡ୍‌ନାକାନ୍ ମାପୁକ୍ ଆଁ ମାନିକିଉର୍, ଆରେ, ଜାରିତିଂ ମାନିକିଝାକା ଗିଚାନାଡ୍ ।

୨ ଆରେ, ଆଦେକ୍ ହେଝାରିତି ବାନ୍‌ଧାକାମାୟତ ତଲ୍ୟା ହାନାର୍, କାତାତ ଇଝାତ କାଜିଂ ହାଡ୍‌ପା ହାଜି ନିନ୍ଦା କିତାର୍ ।

୩ ହେଝାର୍ ଦନ୍‌ଲବ୍‌ତ ଚାକ୍‌ୟକାତା ହୁଦାଂ ମିତାଂ ଚାକାଂଲବ୍ କିଦେକ୍ ସେସ୍ କିନାର୍; ହେଝାରିତି ତାଣ୍ଟ ବେସି କାଡ୍‌ଦାଂ ଗିଚାଜି ଝାନାତା ଆରି ବେସିଦିନ୍‌ତାଂ ଇସ୍‌ର ହେଝାରିତି ବିଚାର୍ କିତାନ୍‌ନା ଆରେ ହେଝାରିତି ହାକିନି ଦିନ୍ ଝାତାତେ ।

୪ ଇନେକିଦେଂକି ଇସ୍‌ର ପାପ୍‌ତ ମୁଚ୍ୟାତି ଦୁତକ୍‌କାଂ କେମା ହିଝାଦାଂ ନରକ୍‌ତ ତୁହିଜି ବିଚାଣ୍ଟା କାଜିଂ ମାଜଗାନି କୁଇଦ ହିକ୍‌ଡିଂ ତାକ୍ ଗାଡ୍‌ତି ଇଡ୍‌ତାନ୍ନା

୫ ଇସ୍‌ର ପ୍ଲୁନି ଜଗଡ୍‌ତିକ୍ ପା ପିହ୍‌ଝାତାନ୍, ମାତର୍ କେବଲ୍ ଦାରୁମ୍ ସୁଶାୟକିନାକାର୍ ନହତିଂ ବିନ୍ ସାଡ୍ ଜାଶ୍ ଲାହାକ୍ ରାକ୍ୟା କିଜି ଦାରୁମ୍‌ବାମ୍‌ତାୟ ଜଗଡ୍‌ତ ଏସ୍‌ଚାଲାନାକା ଗିଚାୟକିତାନ୍;

୬ ତା ପାଚେ ଇସ୍‌ର ସଦମ୍ ଆରି ଗମରା ଗାଡ୍‌ସ୍‌ବୁତିଂ ନିସ୍‌ତ ମାଜି କିଜି ବାତ ରଚେ ବୁତାଦେଂ କାଜିଂ ଦାଣ୍ଟ ବଲ୍ ହିତାନ୍ ଆରି ହେଝାରିଂ ଝାନି କାଡ୍‌ଦ ଅଦାମ୍‌ତି ଉତର୍‌ମୁଡ୍ ଲାକେ କିତାନ୍,

୭ ଆରେ, ହେଝାନ୍ ବିଦିହିଲ୍‌ଝାକାରିଂ ବାନ୍‌ଧାକାମାୟତ ପୁରା ବେବାର୍ ପିସ୍ତି ଦାମ୍ ଲଟତିଂ ଇସ୍‌ର ରାକ୍ୟା କିତାନ୍,

୮ ଲାଗିଂ ହେ ଦାମ୍ ଲକୁ ହେଝାରିତି ବିତ୍ରେ ବାହା କିଜି ହେଝାରିତି ବାନ୍‌ଧା କାମାୟ ହୁଡ୍‌ଜି ଆରି ଝେନ୍‌ଞ୍ଜି ନିତ୍ରେ ଜାର୍ ଦାରୁମ୍‌ନିକାର୍ ପାରାଣ୍ଡିତ କସ୍ ବଗ୍ କିତାର୍ ।

୯ ଇବାନି ମାପୁ ଦାରୁମ୍‌ନିକାରିଂ ପରିକ୍ୟାତାଂ ରାକ୍ୟା କିଦେକ୍ ଆରେ, ଅଦାମ୍‌ରିଂ, ବେସି ଇମ୍‌ଣାକାର୍ ଗାଗାଡ୍‌ନି ବାନ୍‌ଧା ଆହାତ ଚାଲା ଆଜି ପିସ୍ତେକ୍ ମାନି କିଉର୍, ହେଝାରିଂ ବିଚାର୍ ଦିନ୍ କାଜିଂ ତାଣ୍ଟି ତାରେନ୍ ଇଡ୍‌ଦେଂ ପୁନାର୍ ।

୧୦ ହେଝାର୍ ପାଣ୍ଟାଝାକାର୍ ଆରି ଜାରିତିଂ ବାନ୍‌ଧା ହୁଡ୍‌ନାକାର୍ ଆଜି କାବାନି ସାକ୍ତିନିକାରିଂ ଗାଗାଡ୍‌ ନିନ୍ଦା କିଦେକ୍ ପାଣ୍ଟା ଆଉର୍,

୧୧ ଆଡିସ୍‌ପା ଆଦିକ୍ ସାକ୍ତି ଆରି ବାପୁନି ଦୁଡ୍‌ତର୍ ମାପୁତି ଲାଗେ ନିନ୍ଦା କିଜି ହେଝାରିତି ବିଚାଣ୍ଟା କିଉନ୍ ।

୧୨ ଆହ୍ୟାଜି ରାସ୍ୟାଦେଂ ଇମ୍‌ଣି ପସ୍‌ତି ଜଲମ୍, ହେଝାକ୍ ଲାକେ ଇ ଚାକ୍‌ୟଗୁରୁର୍ କେବଲ୍ ବାନ୍‌ଧା ହୁଦାଂ ଚାଲାନାର୍ । ଇମ୍‌ଣି ବିସ୍ତେ ବୁଜାଉର୍, ହେଦେଲିଂ ହେଝାର୍ ନିନ୍ଦା କିତାର୍ । ମାତର୍ ହେଝାର୍ ରାନ୍‌ତି ପସ୍‌ର ଲାକେ ନାସ୍ ଆନାର୍ ।



୧୩ ଆରେ, ଅନ୍ୟାୟ ବାଚନ ଲାକେ ଅଦାମିନି ପାଡ଼ି ବଗି କିନାର, ହେୱାର ଖେଡ଼ାଲି ଆତାରେ ମାଞ୍ଜେଇ ସୁକ୍ ପାୟାନାର, ଆରେ ପ୍ରାଲ ଆରି ନିନ୍ଦାନିକାନ ଆଜି ମି ଲାହାଙ୍ଗ ତିନାଉଣାତ ସୁକ୍ ପାୟାନି ସମୁତ ଜାତି ବାମଣ୍ଡାନି ହାନ୍ଦାୟତ ନିନାର ।

୧୪ ହେୱାରତି କାଣ୍ଡା ଦାରି କଗ୍ଲେତ ବାତି ଆଜି ପାପତା ଚେବା ଆଉର, ହେୱାର ତିରକାଡ଼ୁଦି ଲକୁରି ଦାନ ଲାବଡ଼ି କିନାର, ହେୱାରତି ମାନ ଦାନଲାବତ ବିପ୍ରି, ହେୱାର ସାଏପିନି ହିମଣାଙ୍ଗ,

୧୫ ହେୱାର ଆଡ଼ୁଆ ହାଜି ପିସ୍ତି ଅଦାମିନି ହାଚାଣ୍ଡା । ବିୟରନି ମାଜି ବିଲିୟାମ୍ ହାଜି ହେୱାର ତା ପାଚେ ହାଚାଣ୍ଡା । ହେୱାନ ବାନ୍ୟା କାମାୟ କିଜି ଡାରୁଙ୍ଗ ଲାବ କିଦେଙ୍ଗ ଜିଉନତାର;

୧୬ ମାତର ହେୱାନ ଜାର ଅପରାଦ କାଜି ଗଡ଼ ଖେଚାନ, ରଞ୍ଜାଙ୍ଗ ବଇରି ଗଦ ମାନାୟ ସୁଆତ କାତା ତନ୍ତ୍ରି ବେଣ୍ଡବାକ୍ଷାୟକିନାକାନ୍ତି ହଡ଼ନାକାଦଲି ଚିମ୍ବରା କିତାନ ।

୧୭ ଇ ଚାକ୍ଷାୟ ଗୁରୁର ଖାଚି ଜାରାଣ୍ଡ ଲାକେ ଆରି ଡ଼ୁଦ ଚାଲାନି ବାଦାଡ଼ ଲାକେ । ଇସ୍ବର ଇଖାର କାଜି ବେସି ମାଜଗାନି କ୍ଷୁଇ ବାହା ରଚାନନା ।

୧୮ ଇନେକିଦେକି ହେୱାର ପଲ୍ୟା ଆକାର କାତା ତନ୍ତ୍ରି ବାମଣ୍ଡାନି ପଲ୍ୟା କାରାପତା ବେଜେକ୍ ଉଦାର ପାୟାତି ଲକୁରି ଗାଗାଡ଼ନି ସୁକ୍ଲଲ୍ୟାତ ବାନ୍ୟାକାମାୟ ହୁଦା ଲକାର ଲବ କିନାର;

୧୯ ହେୱାର ହେୱାରି ଜାରତାରେନି ପାର୍ମାଣ୍ଡ ହିନାନ, ମାତର ନିଜେ ବୁଡାନି ଆଡ଼ୟା ଆତାନ୍ନା; ଇନେକିଦେକି ଇନେର୍ ଇନାକା ହୁଦା ଆରାନାର, ହେୱାନ ହେବେନି ଆଡ଼ିଏନ୍ ।

୨୦ ଲାଗି ହେୱାର ଜଦି ମାପୁ ଆରି ମୁକ୍ତି କିଦିନି ଜିସୁ କ୍ରିଷ୍ଟି ବିସ୍ତେ ଗିଆନ୍ ହୁଦା ଜଗଡ଼ନି ବିଚାଡ଼ତା ରାକ୍ୟା ପାୟାଜି ଆରେରଗ ହେବେ ଗାଚାଜି ଆରା ଆଡ଼ିସ୍, ତା ଆଡ଼ିସ୍ ହେୱାରତି ପର୍ଡୁମ୍ ଦସା ବାଟା ହାରିହାରା ଦସା ଆଦିକ୍ ବାନ୍ୟା ଆନାଡ଼ ।

୨୧ ଇନେକିଦେକି ଦାମି ହାଜି ପୁଞ୍ଜି ଜାର ଲକୁ ଲାଗା ହେଲାୟ ଆତି ପୁଇପୁୟା ବଲ୍ତା ବିନ୍ମୁମ୍ ଆନି ବାଟା ନଲେ ହେ ହାଜି ପୁନ୍ଧାକା ହେୱାରତି ପାକ୍ୟାତ ହାରା ଆତାମ୍ ।

୨୨ ହେୱାର କାଜି ଇନାକା ଗିଚାତାତନା ହେବେତା ଇ ଉତର୍ମୁଡ଼ ଇନାକାରତି ହାଡ଼ପା ଆନାତା । “ନିକୁଡ଼ ଇନାକା କାକ୍ନାଡ଼, ହେଦେଲି ଆରେ ତିନାଡ଼, ପାଞ୍ଜିତି ନୁସ୍ତିସ୍ପା ପାଚେ ଆରେ ଚିକ୍ଲାତ ଚାକ୍ଟା ଆଗାନାଡ଼ ।”

### ୩

#### ମାପୁତି ଖାନାକା ପାର୍ମାଣ୍ଡ

୧ ଏ ଖାରିନିକାଦେର୍, ଆନ୍ ନି ଲାଗେ ଇ ଜେତି ଆକି ଲେକିକିନାଙ୍ଗା, ଜେତି ଆକିତ ଇ ସବୁ ବିସ୍ତେ ଏଡୁକିଜି ମି ମାଡ଼ ହାଦାକା ଚିନ୍ତା କାଜି ତାଇଖାନି କାଜି ସେସ୍ତା କିତାଙ୍ଗନା । ଇଦା କାଜି ଜେତି ଆକିତ ଆନ୍ ମିଙ୍ଗେଙ୍ଗ ହେ ସବୁ ଏଡୁ କିଜି ମି ସରଲ୍ ମାନତି ରିସା କିଦେଙ୍ଗ ସେସ୍ତା କିନାଙ୍ଗା

୨ ଏପେଙ୍ଗ ଇନେସ୍ ପୁଇପୁୟା ବେଣ୍ଡବାକ୍ଷାୟକିନାକାତ ହୁଦା ଆଗେ କାଡ଼ଦ ଇଚି ବଚନି ଆରେ ମିଦା ପକ୍ୟାତାକାର ହୁଦା ଇଞ୍ଜି ମାନି ମାପୁ ଆରି ମୁକ୍ତି କିଡ଼ତି ବଲ୍କୁ ଏଡୁତ ଇଟାଟ୍ ।

୩ ଆକ୍ତୁ ଇଦା ପୁନାର୍ ଜେ, ହାରିହାରା କାଡ଼ଦ ଜାର ଜାର ଲାଲ୍ୟା ହୁଦା ବେବାରକାର୍ଯ୍ୟା ହାଡ଼ପାତି ଗୁଇଜି କେବଲ୍ ଜାର ଇଚାତି ବାନ୍ୟା କାମାୟ ହୁଦା ତାଙ୍ଗନାର,

୪ ଜିସୁତି ଖାନାକା ପାର୍ମାଣ୍ଡ ଆମେଡ଼ ? “ଇନେକିଦେକି ଆବା ଲାଡ଼ାର ହାତି ସମୁତା ଇ ପାଚେକ୍ ସମୁ ବିସ୍ତେ ଉବ୍ଜାଣ୍ଡି ହାଙ୍ଗତିତା ଇନେସ୍ ମାଚାଡ଼, ହେ ଲାକେ ମାନାଡ଼ ।”

୫ ହେୱାର ପୁନ୍ତ୍ରି ପୁନ୍ତ୍ରି ବାଣାନାର ଇନେର୍, ପର୍ଡୁମ୍ ଇସ୍ବର ବଲ୍ କିତାନ, ଆରି ଆକାସି ଆରି ପୁତି ଉବ୍ଜାଣ୍ଡ ଆତାଡ଼ । ପୁତି ଏଡୁ ବିତ୍ରେତା ହସି ଏଡୁକା ମେଙ୍ଗୟାଜି ମାଚାଡ଼ ।

୬ ଆରେ ହେୱାନ ହୁଦା ହେ ପ୍ଲାନି କାଡ଼ନି ଜଗଡ଼ ଏସ୍ତ ବଡ଼ା ଆଜି ନାସ୍ ଆତାଡ଼;

୭ ମାତର ନଙ୍ଗ ଇମ୍ଣି ଆକାସ୍ ମଣ୍ଡଲି ଆରି ପୁତି ମାନାଡ଼, ହେଦା ଇସ୍ବରତି ଡିଗା ବଲ୍ ହୁକେ ନାଣିତ ନାସ୍ ଆନି କାଜି ଇଚ୍ୟାତାତନା । ଇମ୍ଣି ଖେଡ଼ାଲି ଅଦାମିନି ବିଚାରକିୟାଜି ନାସ୍ ଆନାର, ହେ ଦିନ୍ ପାଚେକ୍ ହେଦା ଜାଡୁନ୍ ଆଜି ମାନଗାନାଡ଼ ।

୮ ମାତର ଏ ଖାରିନିକାଦେର୍, ମାପୁ ଲାଗେ ର ଦିନ୍ ଜେ ହାଜାର ବାହୁଁ ଲାକେ ଆରି ହାଜାର ବାହୁଁ ଜେ ର ଦିନ୍ ଲାକେ, ଇ ବିସ୍ତେ ଏପେଙ୍ଗ ପର୍ମାଟ୍ ।

୯ ମାଲାନାତା ଇଞ୍ଜି ଇନେସ୍ ଏଚେକ୍ ବାବିକିନାର, ମାପୁ ଜାର ପାର୍ମାଣ୍ଡ ବିସ୍ତେ ହେ ଲାକେ ମାଲାୟ କିଉନ୍; ମାତର ଇନେସ୍ ଇନେର୍ ବୁଡାମେର୍, ନଲେ ଖିଜାର ମାନବାଦଲାୟ କିନାର, ଇଦା ମାନି କିଜି ହେୱାନ ନିତ୍ରେ ମି କାଜି ଲାମାହୁଦାର ଆନାଡ଼ ।

\* ୩:୩ ଜିହୁଦା ୧:୧୮.

୧୦ \*ମାପୁତି ଦିନ ଚର ଲାକେ ଇକାଞ୍ଚନାତ୍ । ହେ ଦିନ ଆକାସିଂ ବେସିଗାଜ୍ଞାନାକା ଲାହାଙ୍ଗ୍ ବୁଡା ଆନାତ୍, ଆରେ ଜାର୍ତି ଆଡ଼ମାତ୍ ସବୁ ବେସି କେଡ଼ତିତ ରୁଗ୍ଞି ହାନାତ୍ ଆରି ପୁତ୍ ତ ମାନି ଝିଜୁ ଉଦ୍‌ଜାଣ୍ ବୁଡା ଆନାତ୍ ।

୧୧ ଏପେଙ୍ଗ୍ ମାପୁତି ଦିନ କାସି ମାନି ଝେଡ଼ାଲିଂ, ହେଦାଂ ଇନେସ୍ ବେଗି ଝାନାତ୍, ଇଦାଂ କାଜିଂ ନିଜ୍ତିଂ ପୁଇପୁୟା କିଜି ଜାଲ୍‌ଦି କିୟାତ୍ । ହେ ଦିନ ଆକାସିଂ ତାହାଜି ବୁଡାନାତ୍ । ଆକାସିନି ହୁକାଂ ବେସି କେଡ଼ତିତ ରୁଗ୍ଞି ହାନିକ୍ ।

୧୨ ଜଦି ଇ ଲାକେ ସବୁ ବିସ୍ତେ ବୁଡାନାତ୍, ଝାଟିଂ ବାବି କିଜି ହୁଡ଼ାଟ୍, ମିଦାଂ ଜିରୁନ୍ ଇନେସ୍ ଆନାକା ମାନାତ୍ । ହେଦାଂ ପୁଇପୁୟା ଆରି ଇସ୍‌ବର୍ ଜିଉନନି ଆନାକା ରଞ୍ଜାଙ୍ଗ୍ ମାତର୍ ଲଡ଼ା ଏପେଙ୍ଗ୍ ମାପୁତି ଦିନ କାସି ମାନି ଝେଡ଼ାଲିଂ, ହେଦାଂ ଇନେସ୍ ବେଗି ଝାନାତ୍, ଇଦାଂ କାଜିଂ ନିଜ୍ତିଂ ଜାଲ୍‌ଦି କିୟାତ୍ । ହେ ଦିନ ଆକାସିଂ ତାହାଜି ବୁଡାନାତ୍ । ଆକାସିନି ହୁକାଂ ବେସି କେଡ଼ତିତ ରୁଗ୍ଞି ହାନିକ୍ ।

୧୩ ଆସେଙ୍ଗ୍ ହେଝାନ୍ତି ପାର୍ମାଣ୍ ଇସାପ୍ତେ ର ପୁନି ଆକାସିଂ ଆରି ପୁନି ପୁତ୍ ନି କାନିତାକେ ମାନାପ୍, ଇନାକା ଦାମ୍ ତି ବାହାକିନାକା ଆନାତ୍ ।

୧୪ ଲାଗିଂ, ଏ ଝାରିନିକାଦେର୍, ଏପେଙ୍ଗ୍ ଇ ଝିଜୁ ବିସ୍ତେ କାସି ମାଟିଲେ ଇସ୍‌ବର୍ତି ଲାଗେ ଇନେସ୍ ପ୍ରାଲ୍‌ଝାଦାଂ ଆରି ନିନ୍ଦାଝାଦାଂ ସୁସ୍ତାତ ମାନାକା ହୁଡ଼ୟାନାତ୍, ଇଦାଂ କାଜିଂ ଜାତୁନ୍ କିୟାତ୍;

୧୫ ଆରେ, ମା ମାପୁତି ଲାମାହୁଦାର୍ ମୁକ୍ତି ଇଞ୍ଜି ଗିଆନ୍ କିୟାତ୍ । ମା ଝାରିନି ଟଣ୍ଡେନ୍ ପାଉଲ୍ ପା ଜାତ୍ ହିଡ଼ି ଗିଆନ୍ ଇସାପ୍ତେ ମି ଲାହାଙ୍ଗ୍ ହେ ଲାକେ ଲେକିକିତାନ୍ନା ।

୧୬ ହେଝାନ୍ ଜାତ୍ ଝିଜୁ ଆକିତ ପା ଇସ୍‌ବୁ ବିସ୍ତେ ଲେକି କିଜି ହେବାନି ଇନାନ୍; ହେ ସବୁନି ଏଲେଂ ଏଚେକ୍ ବିସ୍ତେ ମାନିକ୍, ଇନାକାକି ବୁଜାଦେଂ କସ୍, ଆରେ ହିକାଞ୍ଜିତି ତିକାଡ଼ବୁଦି ଲଗୁ ଜାର୍ ଜାର୍ ବୁଡାନି କାଜିଂ ଆଦେକ୍ ଝିଜୁ ସାସ୍‌ବର୍ ଇନେସ୍, ହେ ଝିଜୁନି ପା ହେ ଲାକେ ଅରାହିଲ୍‌ଝି ଅରଡ଼ କିନାର୍ ।

୧୭ ଲାଗିଂ, ଏ ଝାରିନିକାଦେର୍, ଏପେଙ୍ଗ୍ ପୁର୍ବେତାଂ ଇସ୍‌ବୁ ପୁନ୍‌ଞ୍ଜି ଜାଗ୍ରଡ଼ ଆଜି ମାନାଟ୍, ଏଚେକାଡ଼୍‌ବ ବିଦିହିଲ୍‌ଝାକାର୍‌ତାଂ ବାମ୍‌ଶ୍ଟାୟ୍ ଆଜ୍ ଏପେଙ୍ଗ୍ ପା ଜାତ୍ ଆଟ୍‌ଝାତାଂ ଲେମ୍‌ନାଦେର୍,

୧୮ ନଲେ ମା ମାପୁ ଆରି ମୁକ୍ତିକିନାକାନ୍ ଜିସୁ କ୍ରସ୍ତି ଉପକାର୍ ଆରି ଗିଆନ୍ତ ଗାଜା ଆତୁ । ନଂ ଆରି ଝିଜୁ କାଡ଼୍‌ପାତେକ୍ ହେଝାନ୍ତି ଜାଜ୍‌ମାଲ୍ ଆଏଡ଼ । ଆମେନ୍ ।

\* ୩:୧୦ ମାତିଉ ୨୪:୪୩; ଲୁକ ୧୨:୩୯; ୧ ତେସ୍‌ଲନିକି ୫:୨; ହଡ଼ି ୧୬:୧୫.

## ଯୋହନଙ୍କ ପ୍ରଥମ ପତ୍ର ଜହନ୍ତି ପର୍ତୁମ୍ ଆକି ୧ ଜହନ୍ ଆକିନି ପାଦେକ୍

ପର୍ତୁମ୍ ଜହନ୍ ଜିସୁକ୍ରିଷ୍ଟି ଜଲମ୍ ପାଚେ ୫୦ ତା ୧୦୦ ବିତ୍ରେ ପକ୍ୟାତି ଜହନ୍ତି ହୁଦାଂ ଲେକା ଆତାନା । ଜହନ୍ ଜାତଂ ଲେକିକିନାକାନ୍ ବାବ୍ରେ ଜାଣା ହିଉନା, ମାତର୍ ପର୍ତୁମ୍ ପାଟ୍ ହେଝାନ୍ ଜିସୁକ୍ରିଷ୍ଟି ଜିବୁନ୍ ଆରି ଆରେ ନିନାକା ହେଝାନ୍ କାଣ୍କୁନି ସାକି ଇଞ୍ଜି ଜାଣା ହିନାନା ୧:୧-୩ । ପର୍ତୁମ୍ ଜହନ୍ନି ଲେକାନି ହାତୁର୍ ଜହନ୍ ଲେକିକିତି ନେକ୍ରିକାବୁର୍ନି ଲେକା ହାତୁର୍ ହୁଦାଂ ବେସି ଲାଗାଂ ଚଞ୍ଜାନାତ୍ । ଇଦାଂ ପାଟ୍ କିଆନାତ୍ ଜେ ଏଚେକାତ୍ ହେଝାନ୍ ଏପିସିତ ମାଚାନ ହେ ଜହନ୍ ଲେକିକିତି ନେକ୍ରିକାବୁର୍ ଆରି ଜହନ୍ତି ତିନି ଗଟା ଆକିଂ ଲେକିକିଜି ମାଚାନ ୧ ଜହନ୍, ଜେତି ଜହନ୍ ଆରି ୩ ଜହନ୍ ।

ଗିଆନିର୍ ଇନ୍ୟାନି ର କୁଦା ଲକୁରିଂ ମଣ୍ଡୁଲି ଇଲ୍ଲି ଓଜାର୍ କ୍ରିସ୍ଟିୟାନ୍ରିଂ ଇ ଆକି ଲେକିକିଜି ମାଚାନ । ହେଝାନ୍ ପାଟ୍ କିନାର୍ ଜେ, ଜିସୁ କ୍ରିସ୍ଟି ହାତ୍ପା ବାଟ୍ ଇସ୍ପର୍ ଆନାନ୍ ମାତର୍ ଜଗତ୍ ମାନି ଝେଡାଲିଂ ହେଝାନ୍ ବାଟ୍ ରଚେ ଜେୟ୍ ଆସ୍ତି ମାନାୟ୍ ଆକାୟ୍ । ଜହନ୍ ଜିସୁ କ୍ରିଷ୍ଟି କାଣ୍କୁନି ସାକି ଆରି ହେଝାନ୍ତି କେଇ ହେଝାନିଂ ତୁଜି ମାଚିଲେ ହେଝାନ୍ ଇଦାଂ ଲେକିକିନାନା ୧:୧-୩ । ଇନେକିଦେଂକି ଜହନ୍ ଇ ଆକି ଲେକିକିଦେଂ ଇଦାଂ ଜେ, ହେଝାନ୍ତି ଝାରି ବାଟ୍ କିଦେକ୍ ୧ ଜହନ୍ ୧:୪ଆରି ପାଟ୍ ମାନାକାରିଂ ପାପ୍ତାଂ ଦେହା ମାଞ୍ଜେକ୍ ୧ ଜହନ୍ ୨:୧ଆରି ମିର୍ ହିକ୍ୟାତାଂ ପାଟ୍ ନିକାରିଂ ଜାଗ୍ରତ୍ ଇଡ୍ଦେଂ ୧ ଜହନ୍ ୨:୨୭ଆରେ ପାଟ୍ ନିକାରିଂ ହାତ୍ପା ଜାଗ୍ରତ୍ରେ ଇଡ୍ନାତ୍ ଇଞ୍ଜି ୫:୧୩

### ୧ ଜହନ୍ ଆକି ବିସ୍ତେନି ରାହାଣ

- ୧. ଜହନ୍ ହେଝାନ୍ତି ଆକିନି ଜାଣା ହିଜି ଲେକାନି ବିସ୍ତେ ଲେକିକିନାନା ୧:୧-୪
- ୨. ଇସ୍ପର୍ ଇନେସ୍ ଅଜଡ୍ ବୁଜାୟ୍ କିଜି ଜିସୁତି ଲାକେ ଜିବୁନ୍ କାଟି କିଦେକ୍ ଇନାନ୍ ୧:୫-୩:୧୦
- ୩. ମାଞ୍ଜେକ୍ ହାରି ଜିଉନି ବିସ୍ତେ ଏଡ୍ କିଜି ହିନାନ୍ ୩:୧୧-୫:୧୨
- ୪. ହେଝାନ୍ତି ଲେକା ଓହ୍ନାନ୍ ୫:୧୩-୨୧

### ଜିବୁନ୍ହିନି ବଚନ୍

୧ ଆଗେତାଂ\* ଇନେର୍ ମାଚାନ, ଇନେର୍ତି ବଚନ୍ ଆସେକ୍ ଝେଚ୍ଚାସ୍ନା, ଇନେରିଂ ନିଜ୍ କାଣ୍କୁତାକ୍ ହୁଡ୍ତାପ୍ନା, ଇନେରିଂ ଇଚ୍ଚକାତ୍ କିତାପ୍ନା ଆରି ଜାର୍ କେଇଦାକ୍ ତୁତାପ୍ନା, ହେ ଜିବୁନ୍ ଲାକେ ବଚନ୍ ବିସ୍ତେ ଜାଣାୟ୍ କିଦ୍ନାପା ।

୨ ହେ ଜିବୁନ୍ ଚଞ୍ଜାୟାତାନ୍, ଆରେ ଆପେଂ ହୁଡ୍ତାପ୍ନା ଆରି ସାକି ହିନାପା; ଇମ୍ଫା ଓଜ୍ଝି ଜିବୁନ୍ ଆବା ଲାହାକ୍ ନିତ୍ରେ ମାଚାନ ଆରେ ମା କଚଣ୍ ହତ୍ତାକା, ହେଝାନ୍ତି ବିସ୍ତେ ମିଞ୍ଜେକ୍ ଝେଚ୍ଚାସ୍ନାପା ।

୩ ଇନାକା ଆପେଂ ହୁଡ୍ତାପ୍ନା ଆରି ଝେଚ୍ଚାସ୍ନା, ହେଦାଂ ମିଞ୍ଜେକ୍ ପା ଝେଚ୍ଚାସ୍ନାପା, ଇନେସ୍କି ଏପେକ୍ ପା ମା ଲାହାକ୍ ମେହାଆଦେଂ ଆଡ୍ଦାନାଦେର୍; ଆରେ ମା ମେହାଆନାକାନ୍ ଆବା ଇସ୍ପର୍ ଆରି ତା ମାଜି ଜିସୁ କ୍ରିସ୍ଟି ଲାହାକ୍ ମାନାତ୍ ।

୪ ମା ଝାରି ଇନେସ୍କି ପୁରା ଆନାତ୍, ଇଦାଂ କାଜିକ୍ ଆପେଂ ଇ ଓଜ୍ଝି ଲେକିକିନାପା ।

### ଇସ୍ପର୍ତି ଅଜଡ୍

\*ଆପେଂ ତା ତାକେଣ୍ଡାକ୍ ଇମ୍ଫା ନେକ୍ରିକାବୁର୍ ଝେଚ୍ଚାସ୍ନାପା ଆରି ମିଞ୍ଜେକ୍ ଝେଚ୍ଚାସ୍ନାପା, ହେଦାଂ ଇସ୍ପର୍ତି ଅଜଡ୍ ଆରେ ତା ତାକେ ମାଜ୍ଗା ହିଲୁଡ୍ ।

୨ ତା ଲାହାକ୍ ଆସେକ୍ ମେହାଆନାକା ମାନାତ୍, ଇଦାଂ ଇଞ୍ଜି ଜଦି ଆସେକ୍ ମାଜ୍ଗାନି ବେବାର୍ କିନାସ୍, ତା ଆତିସ୍ ଆସେକ୍ କାତାତ ଆରି କାମାୟ୍ତ ମିଚ୍ଝାକାସ୍, ଆରେ ହାତ୍ପା ବେବାର୍ କିଜିମାୟ୍ ।

୩ ମାତର୍ ହେଝେନ୍ ଇନେସ୍କି ଅଜଡ୍ନିକାନ୍ ଆସେକ୍ ଜଦି ହେ ଲାକେ ଅଜଡ୍ନି ବେବାର୍ କିନାସ୍, ଲାଗିଂ ମାଦାଂ ହାରି ମେହାଣ୍ ମାନାତ୍, ଆରେ ହେଝାନ୍ତି ମାଜି ଜିସୁତି ନେତେର୍ ଓଜ୍ଝି ପାପ୍ତାଂ ମାଞ୍ଜେକ୍ ସକର୍ କିଦ୍ନାତ୍ ।

୪ ମାଦାଂ ପାପ୍ ହିଲୁଡ୍, ଇଦାଂ ଜଦି ଇନାସ୍, ତା ଆତିସ୍ ଜାର୍ ଜାର୍ତିକ୍ ମିର୍ ଇନାସା, ଆରେ ମା ତାକେ ସତ୍ ଆକାୟ୍ ।

୫ ଜଦି ଆସେକ୍ ଜାର୍ ଜାର୍ତିକ୍ ପାପ୍ ମାନି କିନାସ୍, ଲାଗିଂ ହେଝାନ୍ ମା ପାପ୍ କେମା କିଦେକ୍ ଆରି ଓଜ୍ଝି ଅଦାମ୍ ତାଂ ମାଞ୍ଜେକ୍ ସକର୍ କିଦେକ୍ ପାଟ୍ ଆରି ନ୍ୟାୟ୍କାରିୟାର୍ ଆତାନା ।

୬ ଆପେଂ ପାପ୍ କିଞ୍ଚାତାପ୍ନା, ଇଦାଂ ଜଦି ଇନାସ୍, ତା ଆତିସ୍ ଆସେକ୍ ତାଞ୍ଜେକ୍ ମିଚ୍ଝା ଇନାସ୍, ଆରେ ତା ବଚନ୍ ମା ତାକେ ହିଲୁଡ୍ ।

\* ୧:୧ ଜହନ୍ ୧:୧.

# ୨

## ରାକ୍ୟାକାରିୟା ଜିସୁ

୧ ଏ ନା ହିମ୍‌ଣା° ଏପେଙ୍ଗ୍‌ ଇନେସ୍‌ ପାପ୍‌ କିମାଟ୍‌, ଇଦା° କାଜି° ଆନେଙ୍ଗ୍‌ ଇ ଝିଜୁ ଫି ଲାଗା° ଲେକିକିନାଙ୍ଗା । ମାତର୍‌ ଇନେର୍‌ ଜଦି ପାପ୍‌ କିନାନ୍‌, ତା ଆତିସ୍‌ ଆବା ଲାଗା° ମାଦା° ରକାନ୍‌ ଉପକାର୍‌ ନିକାନ୍‌ ମାନାନ୍‌ ହେ ଦାମ୍‌ ଜିସୁ କ୍ରିସ୍ଟୁ ।

୨ ଆରେ ମା ପାପ୍‌ କାଜିଙ୍ଗ୍‌, କେବଲ୍‌ ମା ପାପ୍‌ କାଜିଙ୍ଗ୍‌ ଆକାୟ୍‌, ମତର୍‌ ସବୁ ଜଗତ୍‌ନି ପାପ୍‌ କାଜିଙ୍ଗ୍‌ ପା ଜିବୁନ୍‌ ହିନାକା ଲାକେ ଆନାନ୍‌ ।

୩ ଜଦି ଆସେଙ୍ଗ୍‌ ତା ବଲ୍‌ ମାନି କିନାସ୍‌, ତେବେ ହେବେଣ୍ଡା° ପୁନାସ୍‌ ଜେ, ଆସେଙ୍ଗ୍‌ ତାଙ୍ଗେଙ୍ଗ୍‌ ପୁରାସ୍‌ନା ।

୪ ତା ବଲ୍‌ ମାନି କିଝାଦା° ତାଙ୍ଗେଙ୍ଗ୍‌ ପୁନାଙ୍ଗ୍‌ ଇଞ୍ଜି ଇନେନ୍‌ ଇନାନ୍‌, ହେଝେନ୍‌ ମିଟ୍‌ଝା ଆରି ତାତାକେ ସତ୍‌ ହିଲୁଡ୍‌;

୫ ମାତର୍‌ ଇନେର୍‌ ତା ବଚନ୍‌ ମାନି କିନାନ୍‌, ତା ତାକେ ଇସ୍‌ବୁର୍‌ତି ଜିଉନନାକା ହାତ୍‌ପା ଲାକେ ହାଦାକା ଆତାଡ୍‌ନା । ଇଦା° କାଜିଙ୍ଗ୍‌ ଆସେଙ୍ଗ୍‌ ପୁନାସ୍‌ ଜେ, ଆସେଙ୍ଗ୍‌ ତା ତାକେ ମାନାସ୍‌ ।

୬ ଇନେର୍‌ ଇସ୍‌ବୁର୍‌ତି ତାକେ ମାନାନ୍‌ ଇଞ୍ଜି ଇନାନ୍‌, ହେଝାନ୍‌ ଜିସୁ କ୍ରିସ୍ଟୁ ଲାକେ ଜିବୁନ୍‌ ଜିପକା କିନି ଲଡା ।

## ପୁନି ବଲ୍

୭\*ଏ ଝାରିନିକାଦେର୍‌, ଆନେଙ୍ଗ୍‌ ଫି ଲାଗା° ଇମ୍‌ଣାକାପା ପୁନି ବଲ୍‌ ଲେକିକିଉଙ୍ଗା, ମତର୍‌ ଆଗେତା° ଇମ୍‌ଣି ପୁନି ବଲ୍‌ ଏପେଙ୍ଗ୍‌ ପାୟା ଆତାଦେଣ୍ଡା, ହେଦା° ଲେକିକିନାଙ୍ଗା; ଇମ୍‌ଣି ବଚନ୍‌ ଏପେଙ୍ଗ୍‌ ଝେଟାଦେଣ୍ଡା, ହେଦା° ନେ ହେ ପୁନି ବଲ୍‌ ।

୮ ମାତର୍‌ ଇଦିଲି° ର ପୁନି ବଲ୍‌ ଲାକେ ଇବେ ଆନ୍‌ ଲେକିକିନାଙ୍ଗା, ଇଦା° ତା ତାକେ ଆରି ମି ତାକେ ହାତ୍‌ପା ଇଞ୍ଜି ହନାଡ୍‌ । ଇନେକିଦେ°କି ମାଜ୍‌ଗା ଗୁରାଆନାତା ଆରି ହାତ୍‌ପା ଅଜଡ୍‌ ହତାଡେ ।

୯ ଇନେର୍‌ ଜାର୍‌ ଟଣ୍ଡେନିଙ୍ଗ୍‌ ଗିଣ୍‌ କିଜି ଇନାନ୍‌ ଜେ ହେଝାନ୍‌ ଅଜଡ୍‌ତ୍‌ ମାନାନ୍‌, ହେଝାନ୍‌ ଇ ପାତେକ୍‌ ପା ମାଜ୍‌ଗାତ ମାନାନ୍‌ ।

୧୦ ଇନେର୍‌ ଜାର୍‌ ଟଣ୍ଡେନିଙ୍ଗ୍‌ ଜିଉନନାନ୍‌, ହେଝାନ୍‌ ଅଜଡ୍‌ତ୍‌ ମାନ୍‌ଙ୍ଗାମାନ୍‌, ଆରେ ତା ତାକେ ଉଜ୍‌ନାକା ବିସ୍ତେ ହିଲୁଡ୍‌ ।

୧୧ ମତର୍‌ ଇନେନ୍‌ ଜାର୍‌ ଟଣ୍ଡେନିଙ୍ଗ୍‌ ଗିଣ୍‌ କିନାନ୍‌, ହେଝେନ୍‌ ମାଜ୍‌ଗାତ ମାନାନ୍‌, ଆରେ ମାଜ୍‌ଗାତ୍‌ ବୁଲା ଆଜି ଇମିନିପଣ୍ଡା° ହାନାନା, ହେଦା° ପୁନୁନ୍‌, ଇନେକିଦେ°କି ମାଜ୍‌ଗା ତା କାଣ୍‌ଗାତିଙ୍ଗ୍‌ କାଣା କିତାଡନା ।

୧୨ ଏ ଇସ୍‌ବୁର୍‌ତି ହିମ୍‌ଣାକାଦେର୍‌, ଆନେଙ୍ଗ୍‌ ଫି ଲାଗା° ଲେକିକିନାଙ୍ଗା, ଇନେକିଦେ°କି ତା ତର୍‌ କାଜିଙ୍ଗ୍‌ ମି ପାପ୍‌ କେମା ଆତାଡ୍‌ନା ।

୧୩ ଏ ଆବାକାଦେର୍‌, ଆନେଙ୍ଗ୍‌ ଫି ଲାଗା° ଲେକିକିନାଙ୍ଗା, ଇନେକିଦେ°କି ଇନେନ୍‌ ଆଗେତା° ମାନାନ୍‌, ହେଝେନିଙ୍ଗ୍‌ ଏପେଙ୍ଗ୍‌ ପୁନାଦେରା । ଏ ବେଣ୍ଡାୟାକାଦେର୍‌, ଆନେଙ୍ଗ୍‌ ଫି ଲାଗା° ଲେକିକିନାଙ୍ଗା, ଇନେକିଦେ°କି ଏପେଙ୍ଗ୍‌ ସୟ୍‌ତାନ୍‌ତା° ଜିତା ଆତାଦେଣ୍ଡା ।

୧୪ ହିମ୍‌ଣାକାଦେର୍‌, ଆନେଙ୍ଗ୍‌ ଫି ଲାଗା° ଲେକିକିନାଙ୍ଗା, ଇନେକିଦେ°କି, ଏପେଙ୍ଗ୍‌ ଆବାଙ୍ଗ୍‌ ପୁରାଦେଣ୍ଡା । ଏ ଆବାକାଦେର୍‌ ଆନେଙ୍ଗ୍‌ ଫି ଲାଗା° ଲେକିକିନାଙ୍ଗା, ଇନେକିଦେ°କି ଇନେନ୍‌ ଆଗେତା° ମାନାନ୍‌, ହେଝେନିଙ୍ଗ୍‌ ଏପେଙ୍ଗ୍‌ ପୁରାଦେଣ୍ଡା । ଏ ବେଣ୍ଡାୟାକାଦେର୍‌, ଆନେଙ୍ଗ୍‌ ଫି ଲାଗା° ଲେକିକିତାଙ୍ଗ୍‌, ଇନେକିଦେ°କି ଏପେଙ୍ଗ୍‌ ବାପୁକାଦେର୍‌ ଆରେ ଇସ୍‌ବୁର୍‌ତି ବଚନ୍‌ ମି ତାକେ ମାନାଡ୍‌ ଆରି ଏପେଙ୍ଗ୍‌ ସୟ୍‌ତାନ୍‌ତି° ଜିଣା ଆତାଦେଣ୍ଡା ।

## ଜଗତ୍‌ତି° ଜିଉ ନମାଟ୍

୧୫ ଜଗତ୍‌ କି ହେବେ ମାନି ବିସ୍ତେ ଝିଜାରି° ଜିଉ ନମାଟ୍‌ । ଇନେର୍‌ ଜଦି ଜଗତ୍‌ତିଙ୍ଗ୍‌ ଜିଉନନାନ୍‌, ଆବାଙ୍ଗ୍‌ ଜିଉନନାକା ତା ତାକେ ହିଲୁଡ୍‌;

୧୬ ଇନେକିଦେ°କି ଗାଗାଡ୍‌ନି ଆହା କାଣ୍‌ଗାନି ଆହା ଦାନ୍‌ ଗରବ୍‌ ଜଗତ୍‌ତ ମାନି ଇ ଝିଜୁ ବିସ୍ତେ ଆବାତା° ଆକାୟ୍‌, ମାତର୍‌ ପୁର୍‌ତା° ଉବ୍‌ଜାଣ୍‌ ଆଜି ମାନ୍‌ଙ୍ଗାମାଡ୍‌ ।

୧୭ ଆରେ, ଜଗତ୍‌ନିକା ଆରି ହେବେ ଆହା ହିଲ୍‌ଝିତିସ୍‌, ମାତର୍‌ ଇନେର୍‌ ଇସ୍‌ବୁର୍‌ତି ଇତା ମାନି କିତାର୍‌, ହେଝେନ୍‌ ନିତ୍ରେ ଝିଜ୍‌ଝିନିକାନ୍‌ ।

## କ୍ରିସ୍ଟୁତି ସାତୁ

୧୮ ଏ କାଡ୍‌ଦେର୍‌, ହାରିହାରା କାଡ୍‌ ଏକା ଝାତାଡେ, ଆରେ ଚାକ୍ରାୟ୍‌କ୍ରିସ୍ଟୁ ଇଞ୍ଜି ଏପେଙ୍ଗ୍‌ ଇନେସ୍‌ ଝେନ୍‌ଞ୍ଜି ମାଚାଦେର୍‌ ହେ ଲାକେ ନଙ୍ଗ୍‌ ପା ବେସି ଚାକ୍ରାୟ୍‌କ୍ରିସ୍ଟୁ ନିଙ୍ଗ୍‌ତାରେ; ଇଦା° କାଜିଙ୍ଗ୍‌ ଆସେଙ୍ଗ୍‌ ପୁରାପ୍‌ନା ଜେ, ହାରିହାରା କାଡ୍‌ ଇକାଝାତାଡେ ।

୧୯ ହେଝାର୍‌ ମା ବିତ୍ରେତା° ହତାର୍‌, ମାତର୍‌ ହାତ୍‌ପା ମା ଦଲ୍‌ନି ଲକୁ ହିଲ୍‌ଝାତାର୍‌; ଇନେକିଦେ°କି ଜଦି ମା ଦଲ୍‌ନି ଲକୁ ଆଜି ମାତିସ୍‌, ଆତିସ୍‌ ମା ଲାହାଙ୍ଗ୍‌ ମାନ୍‌ଗାତାର୍‌ମା; ମାତର୍‌ ହେଝାର୍‌ ଜେ ମା ଦଲ୍‌ନି ଲକୁ ଆକାୟ୍‌, ଇଦା° ଇନେସ୍‌କି ହଡ୍‌ନାଡ୍‌ ଇଦା° କାଜି° ହେଝାର୍‌ ହସି ହାଚାର୍‌ ।

\* ୨:୭ ଜହନ୍ ୧୩:୩୪.

୨୦ ଆରେ ଏପେଙ୍ଗ ହେ ପୁଇପୁୟା ମାନାୟତାଂ ସିରି ପାୟାଆତିଲେ ଏପେଙ୍ଗ ଓଁଜୁ ଗିଆନ୍ ପାୟା ଆତାଦେଣ୍ଡା ।

୨୧ ଏପେଙ୍ଗ ସତ୍ ପୁନ୍‌ଖାଦାଙ୍ଗ ମାତିଲେ ଆନେଙ୍ଗ ଜେ ମି ଲାଗାଂ ଲେକିକିତାଂ, ହେଦାଂ ଆକାୟ, ମାତର୍ ଏପେଙ୍ଗ ହାଡ଼ପା ପୁନ୍‌ଞ୍ଜି ମାତିଲେ ଲେକିକିନାଙ୍ଗା । ଆରି ହାଡ଼ପାତାଂ ଇନାକା ମିର୍ ଉର୍ଦ୍ଦାଣ୍ ଆଉଡ଼ ଇଞ୍ଜି ପୁନ୍‌ଞ୍ଜି ମାତିଲେ ଆନେଙ୍ଗ ମି ଲାଗାଂ ଲେକିକିତାଙ୍ଗ ।

୨୨ ଜିସୁ ଜେ କ୍ରିସ୍ଟୁ ଆନାନ୍, ଇଦାଂ ଇନେର୍ ମୁନାକିନାନ୍, ତା ଲାକେ ଆରେ ମିର୍‌ଖା ଇନେର୍ ? ଇନେର୍ ଆବା ଆରି ମାଜିଙ୍ଗ୍ ମୁନାକିନାନ୍, ହେଝେନ୍ ତ ହେ ଚାକ୍ତାୟକ୍ରିସ୍ଟୁ ।

୨୩ ଇନେର୍ ମାଜିଙ୍ଗ୍ ମୁନାକିନାନ୍ ହେଝେନ୍ ଆବାଙ୍ଗ ଗାଟା ଆଖାତାନ୍ନା; ଇନେନ୍ ମାଜିଙ୍ଗ୍ ଏତୁ କିନାନ୍; ହେଝେନ୍ ଆବାଙ୍ଗ ପା ଗାଟାଆତାନ୍ନା ।

୨୪ ଏପେଙ୍ଗ ଆଗେ ତାଙ୍ଗ ଇନାକା ଝେଚାଦେଣ୍ଡା. ହେଦାଂ ମି ତାକେ ମାନେଡ଼ । ଏପେଙ୍ଗ ଆଗେ ତାଙ୍ଗ ଇନାକା ଝେଚାଦେଣ୍ଡା, ହେଦାଂ ଜଦି ମି ତାକେ ମାନାଡ଼, ତା ଆତିସ୍ ଏପେଙ୍ଗ ପା ମାଜି ଆରି ଆବାତି ତାକେ ମାନ୍‌ଙ୍ଗାନାଦେର୍ ।

୨୫ ଆରେ ହେଝେନ୍ ମାଙ୍ଗେଙ୍ଗ ଇନାକା ପାର୍ମାଣ୍ କିଡ଼ତାନ୍ନା, ହେଦାଂ ଓଁଜୁ ଜିବୁନ୍ ।

୨୬ ଇନେର୍କି ମିଂ ଚାକ୍ତାୟ କିଦେଙ୍ଗ ସେସ୍ଟୁ କିତାର୍, ହେଝାର୍ ବିସ୍ତେ ଆନେଙ୍ଗ ମି ଲାଗାଂ ଇ ଓଁଜୁ ଲେକିକିତାଂ ।

୨୭ ମାତର୍ ଏପେଙ୍ଗ ହେଝାନ୍‌ତାଙ୍ଗ ଇମ୍‌ଣି ସିଗ୍ ଗାଟାତାଦେଣ୍ଡା, ହେଦାଂ ମି ତାକେ ମାନାଡ଼, ଆରେ ଇନେର୍ ଜେ ମିଙ୍ଗେଙ୍ଗ ହିକ୍ୟା ହିଦ୍‌ନାନ୍, ଇଦାଂ ମିଙ୍ଗେଙ୍ଗ ଲଡ଼ା ଆକାୟ, ମତର୍ ହେଝାନ୍‌ତାକେଣ୍ଡା ହେ ସିଗ୍ ମିଙ୍ଗେଙ୍ଗ ଓଁଜୁ ବିସ୍ତେ ଇମ୍‌ଣି ହିକ୍ୟା ହିଦ୍‌ନାନ୍, ହେଦାଂ ହାଡ଼ପା ଆନାଡ଼; ମିର୍ ଆକାୟ; ଲାଗିଂ ହେ ହିକ୍ୟା ଇସାବ୍ରେ ହେଝାନ୍‌ତାକେ ମାନେଡ଼ ।

୨୮ ଲାଗିଂ, ଏ ବପାକାଦେର୍, କ୍ରିସ୍ଟି ତାକେ ମେହାଜି ମାନାଡ଼, ଇନେସ୍‌କି ହେଝେନ୍ ଏଚେକାଡ଼ଦ ହଡ଼ନାଡ଼, ହେ ପାଦ୍‌ନା ତା ଖାନ୍ ସମୁତ ତା କଚଣ୍ଡ ଆସେଙ୍ଗ ଲାଜା ଆଖାଦାଙ୍ଗ ସାସ୍ ପାୟାନାସ୍ ।

୨୯ ହେଝାନ୍ ଦାମ୍ ନିକାନ୍ ଇଦାଂ ଜିଜି ପୁନାଦେର୍ ତେବେ ଇନେର୍ ଦାରୁମ୍ ବେବାର୍ କିନାର୍, ହେଝାନ୍ ଜେ ତାତାଂ ଜଲମ୍, ଇଦାଂ ପା ପୁନାଡ଼ ।

### ୩

#### ଇସ୍ପୁର୍ତି ମାଜି

୧ \*ହୁଡ଼ାଟ୍, ଆବା ମାଙ୍ଗେଙ୍ଗ ଇନେସ୍ ଜିଉନଦ୍‌ନାନା ଜେ, ଆସେଙ୍ଗ ଇସ୍ପୁର୍ତି ହିମ୍‌ଣାଙ୍ଗ ଇଞ୍ଜି ତାକ୍‌ପୁଟା ଆନାସ୍, ଆରେ ଆସେଙ୍ଗ ହେଦାଂ ନେ ଆନାସ୍ । ଇଦାଂ କାଜିଙ୍ଗ୍ ଜଗଡ଼ ମାଙ୍ଗେଙ୍ଗ ଚିନ୍ କିଦୁତା, ଇନେକିଦେଂକି ହେଦାଂ ତାଙ୍ଗେଙ୍ଗ ଚିନ୍ କିଞ୍ଜାଦାଙ୍ଗ ମାଚାଡ଼ ।

୨ ଏ ଖାରିନିକାଦେର୍, ନଂ ଆସେଙ୍ଗ ଇସ୍ପୁର୍ତି ହିମ୍‌ଣା ଆତାସ୍‌ନା, ଆରେ ଆସେଙ୍ଗ ଇନାକା ଆନାସ୍, ହେଦାଂ ନଙ୍ଗ ପାତେକ୍ ହଡ଼ଞ୍ଜାତାଡ଼ନା । ଆସେଙ୍ଗ ପୁନାସ୍ ଜେ, ହେଝାନ୍ ଏଚେକାଡ଼ଦ ହଡ଼ନାନ୍, ହେ ପାଦ୍‌ନା ଆସେଙ୍ଗ ତା ଲାକେ ଆନାସ୍, ଇନେକିଦେଂକି ହେଝେନ୍ ଇନେସ୍‌କି, ଆସେଙ୍ଗ ହେ ଲାକେ ତାଙ୍ଗେଙ୍ଗ ହୁଡ଼ନାସ୍ ।

୩ ଆରେ ଇନେର୍କି ଦାମ୍ ତାବେ ଇ ବାସ୍ ଇଡ଼ତାନ୍ନା, ହେଝେନ୍ ଇନେସ୍‌କି ପୁଇପୁୟା ଆତାନ୍‌ନା, ହେଝେନ୍ ହେ ଲାକେ ଜାର୍ ତିଙ୍ଗ୍ ପୁଇପୁୟା କିନାନ୍ ।

୪ ଇନେର୍କି ପାପ୍ କିନାନ୍, ହେଝେନ୍ ପା ବିଦି ବଲ୍ ମାନି କିଉନ୍, ଇନେକିଦେଂକି ବିଦି ମାନିକିଞ୍ଜାକା ନେ ପାପ୍ ।

୫ \*ଇଦାଂ ଏପେଙ୍ଗ ପୁନାଡ଼ ଜେ କ୍ରିସ୍ଟୁ ଆଗେ ପାପ୍ ପିଣ୍ଡି ଅଦେଂ ଖାତାନ୍, ଆରେ ତା ତାକେ ପାପ୍ ହିଲୁଡ଼ ।

୬ ଇନେର୍କି ତା ତାକେ ମାନ୍‌ଙ୍ଗାନାନ୍, ହେଝେନ୍ ପାପ୍ କିଉନ୍; ଇନେର୍କି ପାପ୍ କିନାନ୍, ହେଝେନ୍ ତାଙ୍ଗେଙ୍ଗ ହୁଡ଼ଞ୍ଜାତାନ୍ନା, କି ତାଙ୍ଗ୍ ପୁନ୍‌ଖାତାନ୍ନା ।

୭ ଏ କାଡ଼ଦେର୍, ଇନେର୍ ମିଙ୍ଗେଙ୍ଗ ବୁଲ୍‌କାୟ କିଦ୍‌ମେନ୍; ଇନେର୍ ଦାମ୍ ବେବାର୍ କିନାନ୍, ହେଝେନ୍ ଇନେସ୍‌କି ଦାମ୍ ଆନାନ୍, ହେଝେନ୍ ହେ ଲାକେ ଦାମ୍ ଆନାନ୍;

୮ ଇନେର୍ ପାପ୍ କିନାନ୍, ହେଝେନ୍ ସୟ୍‌ତାନ୍‌ତାଂ ହଡ଼ତାକାନ୍, ଇନେକିଦେଂକି ସୟ୍‌ତାନ୍ ପର୍ତୁମ୍ ପାପ୍ କିଜି ଖାନ୍‌ତା । ସୟ୍‌ତାନ୍‌ତି କାମାୟ କିନି କାଜିଙ୍ଗ୍ ଇସ୍ପୁର୍ତି ମାଜି ଚଞ୍ଜିୟା ଆତାନ୍ ।

୯ ଇନେର୍କି ଇସ୍ପୁର୍ତି ତାଂ ଉର୍ଦ୍ଦାଣ୍, ହେଝେନ୍ ପାପ୍ କିଉନ୍, ଇନେକିଦେଂକି ଇସ୍ପୁର୍ତି ମାଜି ତା ତାକେ ମାନ୍‌ଙ୍ଗାନାନ୍, ଆରେ ହେଝେନ୍ ଇସ୍ପୁର୍ତାଂ ଉର୍ଦ୍ଦାଣ୍ ଆତିଲେ ପାପ୍ କିଦେଙ୍ଗ୍ ଆଡୁନ୍ ।

୧୦ ଇବେ ଇନେର୍ ଇସ୍ପୁର୍ତି ହିମ୍‌ଣାଂ ଆରି ଇନେର୍ ସୟ୍‌ତାନ୍‌ତି ହିମ୍‌ଣା ଇଦାଂ ହଡ଼ନାଡ଼; ଇନେର୍କି ଦାମ୍ ବେବାର୍ କିଉନ୍, କି ଜାର୍ ପାତ୍ କିନି ଚଣ୍ଡେନ୍ ଆରି ତଣ୍ଡେକ୍‌କାଂ ଜିଉନଉନ୍, ହେଝେନ୍ ଇସ୍ପୁର୍ତାଂ ଉର୍ଦ୍ଦାଣ୍ ଆକାୟ ।

#### ରଞ୍ଜାନ୍ ଆରେ ରକାନ୍ କାଜିଂ ଜିଉନନାକା

୧୧ \*ରଞ୍ଜାନ୍ ଆରେ ରଞ୍ଜାନ୍ ଜିଉନନାକା, ଇ କାତା ଏପେଙ୍ଗ ଆଗେତାଂ ଝେଚାଦେଣ୍ଡା;

\* ୩:୧ ଜହନ୍ ୧:୧୨. \* ୩:୫ ଜହନ୍ ୧:୨୯. \* ୩:୧୧ ଜହନ୍ ୧୩:୩୪.

୧୨ ସୟତାନ୍ ଜିବୁନ୍ନି ହିମ୍ଣା ଜେ କୟିନ, ତା ଲାକେ ଆମାଟ୍ ହେଝେନ୍ ଜାର୍ ଟଣ୍ଡେନିଜ୍ ଅସ୍ତାନ୍; ଆରେ ହେଝେନ୍ ହେଝାନିଂ ଇନେକିଦେଂ ଅସ୍ତାନ୍ ? ଇନେକିଦେଂକି ଇଦାଂ ଇନେସ୍ ତା କାମାୟତ ପାପ୍ ମାଟାଟ୍, ଆରେ ତା ଟଣ୍ଡେନି କାମାୟ ଦାମ୍ ମାଟାଟ୍ ।

୧୩ ଏ ଟଣ୍ଡାର୍ ଆରି ତଣ୍ଡେକ୍ ପୁତ୍ ମିଜେଜ୍ ଗିଣ୍ କିଡ଼ତିସ୍ କାବା ଆନି କାମାୟ କିମାଟ୍ ।

୧୪ \*ଜଦି ଆପେଂ କ୍ରିସ୍ଟିୟାନ୍ ଟଣ୍ଡେନ୍ ଆରି ତଣ୍ଡେକାଂ ଜିଉନନାପା ଆପେଂ ପୁନାପ୍ ଜେ, ଆସେଜ୍ ହାକିତିଂ ନାସି ହାଲ୍ଜି ଜିବୁନ୍ତ ହଟାସ୍ନା । ଇନେର୍ ଜିଉନଉର୍ ହେଝାନ୍ ନଂ ପା ହାକି ତାରେନ୍ ମାନାର୍ ।

୧୫ ଇନେର୍ଜି ଜାର୍ତିଂ କ୍ରିସ୍ଟିୟାନ୍ ପାତ୍ କିନାକାନ୍ ଟଣ୍ଡେନ୍ ଆରି ତଣ୍ଡେକାଂ ଗିଣ୍ କିନାନ୍, ହେଝେନ୍ ନାର୍ ଅହ୍ନାକାନ୍ ଆରେ ନାର୍ ଅହ୍ନାକାନ୍ ତାକେ ଇନେସ୍ ଝିଜ୍ଝି ଜିବୁନ୍ ମାନ୍ଗୁଟ୍, ଇଦାଂ ଏପେଜ୍ ପୁନାଟ୍ ।

୧୬ ହେଝାନ୍ ମା କାଜିଂ ଜାର୍ ଜିବୁନ୍ ଦାନ୍ କିନି କାଜିଜ୍ ଆସେଜ୍ ଜିଉନନି ଚିନ୍ଲାକେ ଗାଟାଆତାସ୍ନା; ଆରେ କ୍ରିସ୍ଟି ଟଣ୍ଡାର୍ କାଜିଂ ମାଦାଜ୍ ପା ପାରାଣ୍ ଦାନ୍ କିନାକା ଲଡା ।

୧୭ ମାତର୍ ଇନେର୍ ଜଗଡ଼ି ବାବ୍ରେ ମାଜାନ୍ ଆଜି ଜାର୍ ଟଣ୍ଡେନିଂ ଅବାବ୍ ହୁଡ଼ତିସ୍ ହେଦାଂ କାଜିଂ ଜାର୍ ଦୟା ଗେହ୍ନାନ୍, ତା ତାକେ ଇସ୍ପୁରିତି ଜିଉନନାକା ଇନେସ୍ ମାଝେଜ୍ ଆଡ଼ନାଟ୍ ?

୧୮ ଏ ହିମ୍ଣାଂ, ଝାଡୁ, ଆସେଜ୍ ବଚନ୍ତ କି ଝେନ୍ଲୁକ୍ତ ଜିଉନଝାଦାଂ କାମାୟତ ଆରି ହାଡ଼ପାତ ଜିଉନନାସ୍ ।

**ଇସ୍ପୁରିତି ମାନିତାକେ ସଡ଼ ସାସ୍**

୧୯ ତା ଆତିସ୍, ଆସେଜ୍ ପୁନାସ୍ ଜେ, “ହାଡ଼ପା” ନେ ମା ମାନାକା ଆରି ଏନେତେନେ ଆଝାଦାଂ ମାନ୍ତ ଇସ୍ପୁର୍ ଲାଗାଂ ହାଝେଜ୍ ଆଡ଼ନାସ୍ ।

୨୦ ଆରେ ଇମଣି ବିସ୍ତେ ମା ମାନ୍ତ ମାଜ୍ ଦସି କିଦନାଟ୍, ହେ ବିସ୍ତେ ତାକାଜିଂ ହେଝାନ୍ତି ମୁମ୍ଦ ଜାର୍ତି ଇଚାତ ସୁସ୍ତା କିଦେଜ୍ ଆଡ଼ନାସ୍; ଇନେକିଦେଂକି ଇସ୍ପୁର୍ ମା ମାନ୍ତାଜ୍ ଗାଜା ଆରି ହେଝାନ୍ ଝିଜେ ପୁନାନ୍ ।

୨୧ ଏ ଝାରିନିକାଦେର୍, ମା ମାନ୍ତ ଜଦି ମାଜ୍ ଦସି କିଦୁନ୍, ତା ଆତିସ୍ ଇସ୍ପୁରିତି ମୁମ୍ଦ ମାଦାଂ ସାସ୍ ମାନାଟ୍,

୨୨ ଆରେ ଆସେଜ୍ ଇନା ଇନାକା ଏନନାସ୍, ହେ ସବୁ ହେଝାନ୍ତି ତାକେ ଗାଟାଆସି ମାନାସ୍, ଇନେକିଦେଂକି ଆସେଜ୍ ହେଝାନ୍ତି ବଲ୍ ମାନିକିନାସ୍, ଆରେ ହେଝାନ୍ତି କାଣ୍ଟାତ ଇନାକା ସାରି, ହେଦାଂ କିଜି ମାନାସ୍ ।

୨୩ \*ହେଝାନ୍ତି ବଲ୍ ଏଲେଜ୍ ଜେ, ଆସେଜ୍ ହେଝାନ୍ତି ମାଜି ଜିସୁ କ୍ରିସ୍ଟି ତରଦ ପାତ୍ କିନାସ୍ ଆରି ହେଝାନ୍ତି ହିଡ଼ତାକା ବଲ୍ ହୁଦାଂ ହାରି ଜିଉନନାସ୍ ।

୨୪ ଇନେର୍ ହେଝାନ୍ତି ବଲ୍ ମାନି କିନାନ୍, ହେଝାନ୍ ହେଝାନ୍ତି ତାକେ ମାନ୍ଗାନାନ୍ ଆରି ହେଝାନ୍ ହେଝାନ୍ତି ତାକେ ମାନ୍ଗାନାନ୍; ଆରେ ହେଝାନ୍ ଜେ ମା ତାକେ ମାନ୍ଗାନାନ୍, ଇଦାଂ ଆସେଜ୍ ହେଝାନ୍ତି ହିଡ଼ତାକା ଜିବୁନ୍ ଲାହାଜ୍ ପୁନାସା ।

**୪**

**ଇସ୍ପୁରିତି ଜିବୁନ୍ ପରିକ୍ୟା**

୧ ଏ ଝାରିନିକାଦେର୍, ଝିଜ୍ଝି ଜିବୁନ୍ତିଜ୍ ପାତ୍ କିମାଟ୍, ନଲେ ଜିବୁନିଜ୍ ଇସ୍ପୁରିତାକେ ଝାତାକା କି ଆକାୟ୍, ଇଦାଂ ହେଝାରିଂ ପରିକ୍ୟା କିଜି ହୁଡ଼ାଟ୍, ଇନେକିଦେଂକି ଜଗଡ଼ତ ଆଦେକ୍ ଚାକ୍ରାୟ୍ ବେଶ୍‌ବାକ୍‌ଶାୟ୍‌କିନାକାର୍ ହଡ଼ତାଣ୍ଟା ।

୨ ଇଦାଂ ହୁଦାଂ ଏପେଜ୍ ଇସ୍ପୁରିତି ଜିବୁନ୍ତିଜ୍ ଚିଣିକିଦେଂ ଆଡ଼ନାଦେର୍, ଜିସୁ କ୍ରିସ୍ଟି ଜେ ଗାଗାଟ୍ ଆସି ଝାତାନ୍, ଇଦାଂ ଇମ୍ଣାକା ପା ଜିବୁନ୍‌ମାନି କିନାଟ୍, ହେଝାନ୍ ଇସ୍ପୁର୍ ତାକେ ଝାତାକାନ୍,

୩ ଆରେ ଇମ୍ଣାକା ପା ଜିବୁନ୍ ଜିସୁଜ୍ ମାନିକିଉର୍, ହେଝାନ୍ ଇସ୍ପୁର୍ତାଂ ଝାଝାତାକା; ଇଦାଂ ଚାକ୍ରାୟ୍‌କ୍ରିସ୍ଟି ଜିବୁନ୍, ଇନେର୍ଜି ଝାନି କାତା ଏପେଜ୍ ଝେଚାଦେଣ୍ଟା, ଆରେ ହେଦାଂ ନଂ ପା ଜଗଡ଼ତ ଏକାଝାତାଡ଼ନା ।

୪ ଏ ଝାରିନି ହିମ୍ଣାଂ, ଏପେଜ୍ ଇସ୍ପୁରିତି ତାଂ ଜଲମ୍, ଆରେ ଏପେଜ୍ ହେଝାରିଂ ଜିଶାତାଦେଣ୍ଟା, ଇନେକିଦେଂକି ମି ବିତ୍ତେ ବାହା କିତି ଜିବୁନ୍ ଜଗଡ଼ତ ଇନେନ୍ ମାନାନ୍, ହେଝାନ୍ତାଂ ଗାଜା ।

୫ ବୁଲ୍‌କାୟ୍‌କିନି ବେଶ୍‌ବାକ୍‌ଶାୟ୍‌କିନାକାର୍ ଇ ସଂସାର୍‌ନିକାର୍ ହେଝାର୍ ଆରି ଜଗଡ଼ି ମାନାୟାର୍ ହେଝାର୍ କାତା ଝେନାର୍ ।

୬ ମାତର୍ ଆସେଜ୍ ଇସ୍ପୁର୍ତାଂ ଉବ୍‌ଜାଣ୍; ଇନେନ୍ ଇସ୍ପୁରିତିଂ ପୁନାନ୍, ହେଝାନ୍ ମା କାତା ଝେନାନ୍; ଇନେନ୍ ଇସ୍ପୁର୍ତାଂ ଉବ୍‌ଜାଣ୍ ଆକାୟ୍, ହେଝାନ୍ ମା କାତା ଝେନୁନ୍ । ଇଦାଂ କାଜିଂ ଆସେଜ୍ ହାଡ଼ପାନି ଜିବୁନ୍ ଆରି ବାତ୍ ନାଡ଼ାୟ୍ ଜିବୁନ୍ତିଂ ଚିନିକିଦେଂ ଆଡ଼ନାସ୍ ।

**ହାରି କାଜିଂ ଜିଉନନାକା**

୭ ଏ ଝାରିନିକାଦେର୍, ହାରି ଝାରି କିୟାଟ୍, ଇନେକିଦେଂକି ଜିଉନନାକା ଇସ୍ପୁର୍ତାଂ ଉବ୍‌ଜାଣ୍, ଆରେ ଇନେନ୍‌କି ଜିଉନନାନ୍, ହେଝାନ୍ ଇସ୍ପୁର୍ତାଂ ଉବ୍‌ଜାଣ୍ ଆରି ଇସ୍ପୁରିତିଂ ପୁନାନ୍ ।

\* ୩:୧୪ ଜହନ୍ ୫:୨୪. \* ୩:୨୩ ଜହନ୍ ୧୩:୩୪; ୧୫:୧୨, ୧୭.

୮ ଇନେନ୍ ଜିଉନଉନ୍, ହେୱାନ୍ ଇସ୍ବରତିଂ ପୁନୁନ୍, ଇନେକିଦେଂକି ଇସ୍ବରତିଂ ଜିଉନନାକାନ୍ ।

୯ ଇବେ ଇସ୍ବରତିଂ ଜିଉନନାକା ମା କାଜିଂ ଚଞ୍ଜୟାତାତ୍ତନା ଜେ, ହେୱାନ୍ ଜାତଂ ରକାନ୍ ମାଜିକ୍ ଜଗତ୍ତ ପକ୍ତାତାନ୍ନା, ଇନେସ୍ ଆସେକ୍ ହେୱାନ୍ତୁ ହୁଦାଂ ଓଜ୍ଞି ଜିବୁନ୍ ଗାଟାନାସ୍ ।

୧୦ ଆସେକ୍ ଜେ ଇସ୍ବରତିଂ ଜିଉନତାସ୍, ହେଦାଂ ଆକାୟ୍ ମତର୍ ହେୱାନ୍ ମାଜେକ୍ ଜିଉନତାନ୍, ଆରେ ଜାର୍ ମାଜିକ୍ ମା ପାପ୍ତ ଜିବୁନ୍ ହିଜି ପକ୍ତାତାନ୍; ଇବେଶ୍ଯାଂ ତ ଜିଉନନାକା ମେକ୍ନାତ୍ ।

୧୧ ଏ ୱାରିନିକାଦେର୍, ଇସ୍ବର ଜଦି ମାକ୍ ଏଲେକ୍ ୱାରି କିଡ୍ଡିସ୍, ବାଟିକ୍ ମାଜେକ୍ ପା ହାରି ଜିଉନବାନାକା ଲଡା ।

୧୨ \*ଇନେର୍ ଇନାୱାତାଂ ଇସ୍ବରତିଂ ହୁଡ୍ଡାତାନ୍ନା; ଆସେକ୍ ଜଦି ହାରି ଜିଉନବାନାସ୍, ତା ଆତିସ୍ ଇସ୍ବର ମା ତାକେ ମାନାନ୍ ଆରି ହେୱାନ୍ତୁ ଜିଉନନାକା ମା ତାକେ ପୁରା ଆତାତ୍ତନା ।

୧୩ ଆସେକ୍ ଜେ ଇସ୍ବରତିଂ ତାକେ ମାନାସ୍ ଆରି ହେୱାନ୍ ମା ତାକେ ମାନାନ୍, ଇଦାଂ ଆସେକ୍ ପୁନାସ୍, ଇନେକିଦେଂକି ହେୱାନ୍ ମାକ୍ ଜାର୍ ଜିବୁକ୍ତି ମେହାଣ୍ ଦାନ୍ କିଡ୍ଡାନ୍ନା ।

୧୪ ଆବା ଜେ ମାଜିଂ ଜଗଡ୍ ନୁକ୍ତି କାରୟା ଆନି କାଜିଂ ପକ୍ତାତାନ୍ନା, ଇଦାଂ ଆସେକ୍ ହୁଡ୍ଡାସ୍ନା ଆରି ସାକି ହିନାପା ।

୧୫ ଇନେର୍କି ଜିସୁକ୍ ଇସ୍ବରତିଂ ମେହି ଇଞ୍ଜି ମାନି କିନାର୍, ଇସ୍ବର ହେୱାନ୍ତୁ ତାକେ ମାନାନ୍ ଆରି ହେୱାନ୍ ଇସ୍ବରତିଂ ତାକେ ମାନାନ୍ ।

୧୬ ଆରେ ମା କାଜିଂ ଇସ୍ବରତିଂ ଇମ୍ବି ଜିଉନନାକା ମାନାତ୍, ହେଦାଂ ଆସେକ୍ ପୁରାସ୍ନା ଆରି ପାତଂ କିତାସ୍ନା ।

ଇସ୍ବରତିଂ ଜିଉନନାକା; ଇନେନ୍ ଜିଉନନିତ ମାନାନ୍, ହେୱାନ୍ ଇସ୍ବରତିଂ ତାକେ ମାନାନ୍ ଆରି ଇସ୍ବର ହେୱାନ୍ ତାକେ ମାନାନ୍ନା ।

୧୭ ଇସ୍ବର ଜିଉନନି ଜିବୁନ୍ କାଟିକିନାକା ହୁକେ ଇବେତାଂ ଇସ୍ବରତିଂ ଜିଉନନାକା ମା ବିତ୍ରେତାଂ ବାତଂ ଆତାତ୍ତନା ଜେ, ବିଚାଣ୍ଟା ନାଜିଂ ଆସେକ୍ ସାସ୍ ପାୟାନାସ୍, ଇନେକିଦେଂକି ହେୱାନ୍ ଇନେସ୍କି ମାନାନ୍, ଆସେକ୍ ପା ଇ ଜଗତ୍ତ ହେ ଲାକେ ମାନାସା ।

୧୮ ଜିଉନନିତ ପାଶ୍ଚୁମାନ୍ଗୁଡ୍, ମାତର୍ ବାତଂ ଜିଉନନାକା ପାଶ୍ଚୁତ୍ ଦେହା କିନାତ୍, ଇନେକିଦେଂକି ପାଶ୍ଚୁ ଡାଣ୍ଟ ଲାହାକ୍ ମେହାଆତାନ୍ନା, ଆରେ ଇନେନ୍ ପାଶ୍ଚୁମାନ୍, ହେୱାନ୍ ଜିଉନନିତ ହାଦାକା ଆକାୟ୍ ।

୧୯ ହେୱାନ୍ ପାର୍ଡ଼ମ୍ତ ମାକ୍ ଜିଉନତ୍ତିଲେ ଆସେକ୍ ଜିଉନନାସ୍ ।

୨୦ ଇସ୍ବରତିଂ ଜିଉନନାକା ଇଞ୍ଜି ଇନେନ୍ ଜଦି ଜାର୍ ଟ୍ରେନିଂ ଗିଣ୍ କିନାନ୍, ତାଆତିସ୍ ହେୱାନ୍ ମିଡ୍ଡା, ଲାଗିଂ ଇମ୍ବି ଟ୍ରେନିଂ ହୁଡ୍ଡିମାତିସ୍, ଜଦି ହେୱାନ୍ ଇନେର୍ ଜିଉନଡ୍ଡିତିସ୍, ତାଆତିସ୍ ଇମ୍ବି ଇସ୍ବରତିଂ ହେୱାନ୍ ହୁଡ୍ଡାତାନ୍ନା, ହେଦାଂ ଜିଉନଦେଂ ଆତୁନ୍ ।

୨୧ ଇନେନ୍ ଇସ୍ବରତିଂ ଜିଉନନାନ୍, ହେୱାନ୍ ଜାର୍ ଟ୍ରେନିଂ ପା ଜିଉନନାନ୍, ଇ ବଲ୍ ଆପେଂ ତା ତାକେଶ୍ଯାକ୍ ପାୟାତାପ୍ନା ।

**୫**

**ଜଗତ୍ ଜପି ଜିଶାନାକା**

୧ ଇନେର୍କି ଜିସୁଂ କ୍ରିସ୍ଟ ଇଞ୍ଜି ପାତଂ କିନାନ୍, ହେୱାନ୍ ଇସ୍ବରତାଂ ଗାଗାଡ୍ ଆସ୍ତାନା; ଆରେ, ଇନେନ୍କି ଗାଟାଆତି ଆବାଂ ଜିଉନନାନ୍, ହେୱାନ୍ ତା ତାକ୍ ଉବ୍ଜାଣ୍ ଆଜି ମାନି ଲକ୍ବୁରିଂ ପା ଜିଉନନାନ୍ ।

୨ ଆସେକ୍ ଏରେକାଡ୍ଡ ଇସ୍ବରତିଂ ଜିଉନନାସ୍ ଆରି ହେୱାନ୍ତୁ ବଲ୍ ମାନି କିନାସ୍, ହେ ଏରେକାଡ୍ଡ ତାହୁଦାଂ ପୁନାସ୍ ଜେ, ଆସେକ୍ ଇସ୍ବରତିଂ ହିମ୍ବିଶାକାଂ ଜିଉନନାସ୍ ।

୩ ଇନେକିଦେଂକି ଇସ୍ବରତିଂ ଜିଉନନାକା ଅରଡ୍ ହେୱାନ୍ତୁ ବଲ୍ ମାନି କିନାକା, ହେୱାନ୍ତୁ ବଲ୍ ମାନି କିନାକା ବଲ୍ ଲାକେ ଆକାୟ୍ ।

୪ ଇନେର୍କି ଇସ୍ବରତାଂ ଉବ୍ଜାଣ୍ ହେୱାନ୍ ଜଗତ୍ତିକ୍ ଜିଶାନାନ୍, ଆରେ ଇନାକା ଜଗତ୍ତିକ୍ ଜିଶାତାତ୍ତନା, ହେଦାଂ ମାଦାଂ ପାତଂ ।

୫ ଜିସୁ ଇସ୍ବରତିଂ ମାଜି, ଇଦାଂ ଇନେର୍ ପାତଂ କିନାନ୍, ହେୱାନ୍ ପିସ୍ସି ଆରେ ଇନେନ୍ ଜଗତ୍ତିକ୍ ଜିଶାନାନ୍ ?

**ଇସ୍ବତଂ ମାଜିତି ବିସ୍ତେ ସାକି**

୬ ଜିସୁ କ୍ରିସ୍ଟ ଇସ୍ବରତିଂ ମାଜି ଇଞ୍ଜି ବାପ୍ତିସ୍ମ ହୁକେ ଆରି ଜାର୍ତି ନେତେର୍ ହପ୍ତି ମାନାୟ୍ ମୁକ୍ତାନାକା ସାଦନ୍ କିନି କାଜିଂ ହପ୍ତି ମାଗାନ୍ କେବଲ୍ ଏଜୁଂ ହୁକେ ଆକାୟ୍ ମତର୍ ରିଣ୍ଟି ଏଜୁଂ ନେତେର୍ ହିଜି ୱାଜି ମାଗାନ୍ ଜିବୁନ୍ ପା ଇଦାଂ ସାକି ହିନାତ୍ ଇନେକିଦେଂକି ଜିବୁନ୍ ନେ ସଡ୍ । ଆରେ ଜିବୁନ୍ ପା ହେବେନି ସାକି ହିନାନ୍, ଇନେକିଦେଂକି ଜିବୁନ୍ ନେ ହାଡ୍ପା ।

୭ ଆରେ ଇ ତିନ୍ଜାଣ୍ଡି ସାକି ମାନାର୍;

\* ୪:୧୭ ଜହନ୍ ୧:୧୮.

୮ ଜିରୁନ୍, ଏଜୁକ୍ ଆରି ନେତେର, ହେଞ୍ଜାର ର ସାକି ହିନାରା, ଆରେ ତିନି ସାକି ରଞ୍ଜାକ୍ ।

୯ ଆସେକ୍ ଜଦି ମାନାୟତି ସାକି ଇଡ଼ନାସ୍, ବାଟିକ୍ ଇସ୍ବରତି ସାକି ତା ତାକ୍ ଗାଜା, ଆରେ ଇସ୍ବରତି ସାକି ଇଦାଂ ଜେ, ହେଞ୍ଜାନ୍ ଜାର୍ ମାଜିତି ବିସ୍ବେ ସାକି ହିତାନ୍ନା ।

୧୦ ଇନେନ୍ ଇସ୍ବରତି ମାଜିତି ତାକେ ପାତର୍ କିନାନ୍, ହେଞ୍ଜାନ୍ ଜାର୍ ଖାସ୍ତିତ ଇ ସାକି ଗାଟାତାନ୍ନା; ଇନେନ୍ ଇସ୍ବରତି ସାକି ପାତର୍ କିଉନ୍, ହେଞ୍ଜାନ୍ ହେଞ୍ଜାନିଂ ମିର୍ଝା କିତାନ୍ନା, ଇନେକିଦେଂକି ଇସ୍ବର ଜାର୍ ମାଜିତି ବିସ୍ବେ ଇମ୍ଫଣି ସାକି ହିତାନ୍ନା, ହେବେ ହେଞ୍ଜାନ୍ ପାତର୍ କିଞ୍ଜାତାନ୍ନା ।

୧୧ ହେ ସାକି ଇଦାଂ ଜେ ଇସ୍ବର ମାଜେକ୍ ଓଜ୍ଝି ଜିରୁନ୍ ହିଡ଼ତାନ୍ନା, ଆରେ ହେ ଜିରୁନ୍ ତା ମାଜିତି ତାକେ ମାନାଡ଼ ।

୧୨ ଇନେର ମାଜିଂ ପାୟାତାଣ୍ଟା ହେଞ୍ଜାନ୍ ଜିରୁନ୍ ପାୟାତାନ୍ନା; ଇନେନ୍ ଇସ୍ବତର୍ ମାଜିକ୍ ପାୟାଆଞ୍ଜାତାନ୍ନା, ହେଞ୍ଜାନ୍ ଜିରୁନ୍ପା ପାୟାଞ୍ଜାତାନ୍ନା ।

**ଓଜ୍ଝି ଜିରୁନ୍**

୧୩ ଇସ୍ବତର୍ ମାଜି ତରଦ ପାତର୍ କିନାଦେରା ଜେ ଏପେକ୍, ଏପେକ୍ ଇନେସ୍ ପୁନାଟ୍ ଜେ, ଏପେକ୍ ଓଜ୍ଝି ଜିରୁନ୍ ପାୟା ତାଦେଣ୍ଟା, ଇଦାଂ କାଜିଂ ଆନ୍ ମି ଲାଗେ ଇ ଓଜ୍ଝି ଲେକିକିତାଂନା ।

୧୪ ଆରେ ଆପେଂ ଏଚେକାଡ଼ଦ ହେଞ୍ଜାନ୍ତି ଇଚା ହୁଦାଂ ଇମ୍ଫଣାକା ପା ପାର୍ତାନା କିନାପ୍, ବାଟିକ୍ ହେଞ୍ଜାନ୍ ମାଦାଂ ହେ ପାର୍ତାନା ଖେନାନ୍, ହେଞ୍ଜାନ୍ତି ମୁମ୍ଦ ମାଦାଂ ଇ ସାସ୍ ମାନାଡ଼ ।

୧୫ ଆରେ ଆସେକ୍ ହେଞ୍ଜାନ୍ତି ଲାଗେ ଇନାକା ପାର୍ତାନା କିନାସ୍, ହେଦାଂ ହେଞ୍ଜାନ୍ ଖେନାନ୍ ଇଞ୍ଜି ଜଦି ଆସେକ୍ ପୁନାସ୍, ବାଟିକ୍ ହେଞ୍ଜାନ୍ତି ମୁମ୍ଦ ଇନାକା ପାର୍ତାନା କିନାସା, ହେ ସବୁ ଜେ ଗାଟାତାସ୍ନା, ଇଦାଂ ପା ପୁନାସ୍ ।

୧୬ ଜଦି ମି ଟଣ୍ଡେନ୍ ପାପ୍ କିନାକା ହୁଡ଼ନାନ୍, ମାତର୍ ତା ହେ ପାପ୍ ହାଞ୍ଜାଦାଂ ମାନାଡ଼, ତା କାଜିଂ ଇସ୍ବରତିଂ ଗଞ୍ଜାରି କିୟାଟ୍, ଆଡିସ୍ପା ଇସ୍ବର ହେଞ୍ଜାନିଂ କେମା ହିଜି ରାକ୍ୟା କିନାନ୍ । ଇମ୍ଫଣାକାର୍ତି ପାପ୍ ହାନାକା ଆକାୟ୍, କେବଲ୍ ହେଞ୍ଜାର୍ କାଜିଂ ଆନ୍ ଇଦାଂ ଲେକିକିନାକ୍ । ଜିରୁନ୍ ଦାନ୍ କିତାର୍ ମାତର୍ କେତେକ୍ ପାପ୍ । ହାତି ପାପ୍ ମାନାଡ଼; ହେଦାଂ କାଜିଂ ହେଞ୍ଜାନ୍ ପାର୍ତାନା କିଏନ୍ ଇଞ୍ଜି ଆନ୍ ଇନୁକ୍ ।

୧୭ ଓଜ୍ଝି ଅଦାମ୍ ନେ ପାପ୍ ଆନାଡ଼, ମାତର୍ ସବୁ ପାପ୍ ହାତାକା ଆକାୟ୍ ।

୧୮ ଇନେରକି ଇସ୍ବରତାଂ ଗାଗାଡ଼ଆସ୍ତାକାନ୍ ହେଞ୍ଜାନ୍ ଜେ ପାପ୍ କିଉନ୍, ନଲେ ହେଞ୍ଜାନ୍ ଇସ୍ବରତାଂ ଜାର୍ମାଣ୍ ଆଜି ଜାତର୍ ଲାକ୍ୟା କିନାନ୍, ଆରେ ସୟତାନ୍ ଜିରୁନ୍ ହେଞ୍ଜାନିଂ ତୁଉଡ଼, ଇଦାଂ ଆସେକ୍ ପୁନାସ୍ ।

୧୯ ଆସେକ୍ ଜେ ଇସ୍ବରତାଂ ଜାର୍ମାଣ୍ ଆରି ଓଜ୍ଝି ଜଗଡ଼ ଜେ ସୟତାନ୍ ଜିରୁନ୍ ତଲ୍ୟା, ଇଦାଂ ଆସେକ୍ ପୁନାସ୍ ।

୨୦ ଆରେ ପା ଆସେକ୍ ପୁନାସ୍ ଜେ, ଇସ୍ବରତି ମାଜି ଖାତାନ୍ନା ଆରି ହାଡ଼ପାତିଂ ପୁଞ୍ଜେକ୍ କାଜିଂ ମାଜେକ୍ ଗିୟାନ୍ ହିଡ଼ତାନ୍ନା; ଆରେ ଆସେକ୍ ହେ ହାଡ଼ପା ତାକେ, ଇଚିସ୍ ହେଞ୍ଜାନ୍ତି ମାଜି ଜିସୁ କ୍ରିସ୍ଟି ତାକେ ମାନେନ୍ । ହେଞ୍ଜାନ୍ ହାଡ଼ପା ଇସ୍ବର ଆରି ଓଜ୍ଝି ଜିରୁନ୍ ଆନାନ୍ ।

୨୧ ଏ ହିମ୍ଫାଂ, ପୁଡ଼ତାଂ ତାକ୍ ଜାର୍ ଜାର୍ତିଂ ରାକ୍ୟା କିୟାଟ୍ ।



## ଯୋହନଙ୍କ ଦ୍ଵିତୀୟ ପତ୍ର ଜହନ୍ତି ଜେତି ଆକି ଜହନ୍ ଆକିନି ପାଦେକ୍

ଜହନ୍ ଲେକିକିତି ଜେତି ଆକି ଜିସୁ କ୍ରିସ୍ଟି ଜଲମ୍ନି ୫୦-୧୦୦ ବିତ୍ରେ ପକ୍ୟାତି ଜହନ୍ତି ହୁଦାଂ ଲେକାଜି ମାଚାତ୍ । ଜହନ୍ ଜାତଂ ଲେକିକିତାକାନ୍ ଇଞ୍ଜି ଜାଣା ହିଉନା, ତା ବାଟା ହେଝାନ୍ ଜାତଂ ବୁଡାଲୁ ଇଞ୍ଜି ଜାଣା ହିନାନା । ଜହନ୍ତି ଜେତି ଆକିନି ରାହାଣ୍ ଲାହାଂ ଜହନ୍ ଲେକାତି ନେକ୍ରିକାବୁରତ ମାନି ବିସ୍ତେ ଲାହାଂ ସମାନ୍ । ହେଝାନ୍ ଜିସୁଙ୍ଗ୍ ଏକ୍ଟା ବାବ୍ରେ ହାରିତିଂ ଜିଉନନାକା ବିସ୍ତେ ଜିସୁତି ବଲ୍ ସବୁ ମାନିକିନାକା ଇନାନା, ହେଝାନ୍ ଜିଉନନାକା ୨ ଜହନ୍ ୧:୫-୬ଜହନ୍ ୧୫:୯-୧୦ ।

ଇଦାଂ ପାତଂ କିଆନାତ୍ ଜେ ଜହନ୍ ଏଚେକାତ୍ତ୍ ଏପିସିତ ବାହା କିଜି ମାଚାନ୍, ଜହନ୍ ନେକ୍ରିକାବୁର୍ ଲାହାଂ ଜହନ୍ତି ତିନି ଗଟା ଆକିଂ ପା ଲେକିକିଜି ମାଚାନ୍, ୧ ଜହନ୍, ଜେତି ଜହନ୍, ଆରି ୩ ଜହନ୍ ।

ଜହନ୍ ଇ ଆକିତ ବାଟିକିତି କଗ୍ଲେକ୍ ଆରି ହିମ୍ପାଙ୍ଗ୍ ଇଞ୍ଜି ମଣ୍ଡଲିତିଂ ଆକି ଲେକିକିତାନ୍ନା । ଜହନ୍ତି ଇ ଆକି ଲେକିକିନାକା ଇଦାଂ ଜେ, ପାତଂ କିନାକାରିଂ ସାସ୍ ହିନି କାଜିଂ ଆରି ମିର୍ ଗୁରୁତାଂ ଜାଗ୍ରତ୍ ମାଞ୍ଜେଙ୍ଗ୍ ଲେକିକିତାନ୍ ।

### ୨ ଜହନ୍ ଆକି ବିସ୍ତେନି ରାହାଣ୍

- ୧. ଜହନ୍ ଇ ଆକିତ ପାତଂ କିନାକାରିଂ ବାନ୍ଦାୟ୍ କିନାନ୍ ୧:୧-୩
- ୨. ମୁଡ୍ ବଲ୍ଦିଂ ଏଡ୍ କିଜି ଜହନ୍ ମଣ୍ଡଲିତିଂ ସାସ୍ ହିନାନ୍ ୧:୪-୬
- ୩. ମିର୍ ହିକ୍ୟା ହିନାକାର୍ତାଂ ଜାଗ୍ରତ୍ ମାଞ୍ଜେଙ୍ଗ୍ କାଜିଂ ଇନାନ୍ ୧:୭-୧୧
- ୪. ଇମେତାକେ ବାହା କିଜିମାନି ପାତଂ କିନାକାରିଂ ବାନ୍ଦାୟ୍ କିଜି ଲେକିକିଜି ଝିସ୍ତାନ୍ ୧:୧୨-୧୩

୧ ପ୍ରାତିନ୍ ଜହନ୍ ଜେ ଆନ୍, ର ବାଟିକିୟାତି କଗ୍ଲେ ଆରି ତା ମାଜିର୍ ଲାଗାଂ ଆକି ଲେକିକିନାକା । ହେଝାରିଂ ଆନେଙ୍ଗ୍ ହାଡ୍ପା ଲାକେ ଜିଉନନାକା, ଆରେ କେବଲ୍ ଆନେଙ୍ଗ୍ ଆକାୟ୍, ମତର୍ ହାଡ୍ପା ପୁନ୍ଝି ମାଟି ଝିଜାର୍ ଲକୁ ପା ଜିଉନନାର୍ ।

୨ ଇମ୍ଫା ହାଡ୍ପା ମା ଝାସ୍ତିତ ମାନାତା ଆରି ଜୁଗ୍ ଜୁଗ୍ ମା ଲାହାଙ୍ଗ୍ ମାନ୍ଗାନାତ୍ ।

୩ ଆବା ଇସ୍ବର୍ ଆରି ହେ ଆବା ମାଜି ଜିସୁ କ୍ରିସ୍ଟାଂ ଉପକାର୍, ଦୟା ଆରି ସୁସ୍ତା ମା ଲାହାଙ୍ଗ୍ ହାଡ୍ପା ଆରି ଜିଉନନିତ ମା ଲାହାଂ ମାନେଡ୍ ।

### ହାଡ୍ପା ଆରି ଜିଉନନାକା

୪ ମି ମାଜିର୍ ବିତ୍ରେ ଏଚେଜାଣ୍ଡିଂ ଆବା ତାଙ୍ଗ୍ ପାୟାତି ବଲ୍ତାଂ ହାଡ୍ପାତ ବେବାର୍ କିଜିମାଚାକା ହୁଡ୍ଜି ଆନେଙ୍ଗ୍ ବେସି ଝାରି ।

୫\*ଏ ମାନିନିକାୟ୍, ନଙ୍ଗ୍ ଆନେଙ୍ଗ୍ ଜେ ନି ଲାଗାଂ ଇନାକା ପୁନି ବଲ୍ ଲେକିକିନାକା, ହେଦାଂ ଆକାୟ୍, ମତର୍ ଆଗେତାଂ ପାୟାତି ବଲ୍ ଲେକିକିଜି ଗଝାରି କିଦ୍ନାକା ଜେ, ଆସେଙ୍ଗ୍ ହାରି ଜିଉନବା ଆନାସ୍ ।

୬ ଆରେ ଆପେଂ ଜେ ତା ବଲ୍ ଲାକେ ବେବାର୍ କିନାସ୍, ଇଦାଂ ନେ ଜିଉନନାକା ସାର୍ । ଏପେଙ୍ଗ୍ ଆଗେତାଂ ଇନାକା ଝେନାଦେରା, ହେ ଲାକେ ବେବାର୍ କିୟାଟ୍, ଇଦାଂ ହେ ବଲ୍ ।

୭ ଇନେକିଦେଂକି ଇମ୍ଫାକାର୍ ଜିସୁ କ୍ରିସ୍ଟୁ ଗାଗାଡ୍ ଆସ୍ତି ଜୁଡ୍ତାନାଂ ଇଞ୍ଜି ମାନି କିଉନ୍, ଏଲେଙ୍ଗ୍ ବେସି ବୁଲ୍କାୟ୍କିନାକାର୍ ଜଗଡ୍ତ ହଡ୍ତାଣ୍ଡା । ଏଲେଙ୍ଗ୍ବାତଂ ମାନାୟ୍ ବୁଲ୍କାୟ୍କିନାକାର୍ ଆରି ଚାକ୍ରାୟ୍କିସ୍ ।

୮ ଏପେଙ୍ଗ୍ ଇନେସ୍ ମାଦାଂ କିତି କାମାୟ୍ନି ପାଡ୍ ଆରାୟ୍ କିଝାଦାଂ ନଲେ ହେବେନି ବାତଂ ଇନାମ୍ ଗାଟା ଆଡୁ, ହେଦାଂ କାଜିଂ ଜାର୍ ଜାର୍ ବିସ୍ତେ ଜାଗ୍ରତ୍ ଆଡୁ ।

୯ ଇନେନ୍ କ୍ରିସ୍ଟି ହିକ୍ୟାନି ହାସି ବିତ୍ରେ ମାନ୍ଝାଦାଂ ହେଦାଂ ନାତିସ୍, ହେଝାନ୍ ଇସ୍ବର୍ତିଂ ଗାଟାଝାତାନ୍ନା; ଇନେନ୍ ହିକ୍ୟାନି ହାସି ବିତ୍ରେ ମାନାନ୍, ହେଝାନ୍ ଆବା ଆରି ମାଜିଙ୍ଗ୍ ରିଆରିଂ ଗାଟାତାନ୍ନା ।

୧୦ ଇନେର୍ ଜଦି ଇ ହିକ୍ୟା ଅଝାଦାଂ ମି ଲାଗେ ଝାଡିସ୍, ବାଟିଙ୍ଗ୍ ହେଝାନ୍ ଇଞ୍ଜି ଗତାଂ କିମାଟ୍ “ଆରି ଜୁଝାର୍ କିମାଟ୍ ।”

୧୧ ଇନେର୍କି ତାଙ୍ଗ୍ ଜୁଝାର୍ କିନାର୍, ହେଝାନ୍ ତା ବାନ୍ଦା କାମାୟ୍ତେ ମେହା ଆନାନ୍ ।

### ହାରିହାରାନ୍ କାତା

୧୨ ମି ଲାଗେ ଆଦେକ୍ ବିସ୍ତେ ଲେକିକିଦେଂ ମାନାତ୍, ମାତର୍ କାଗଜ୍ ଆରି କାର୍ହାତିତ ହେଦାଂ ଲେକିକିଦେଂ ଇଚା କିଉକା; ନା ଆହା ଜେ; ମି ଲାଗେ ଏକିସ୍ ମୁମ୍ ମାମ୍ କାତାବାଟା କିଦ୍ନାକା, ଇନେସ୍ ମା ଝାରି ବାତଂ ଆନାତ୍ ।

☆ ୧:୫ ଜହନ୍ ୧୩:୩୪; ୧୫:୧୨, ୧୭.

୧୩ ଇସ୍ପରତି ବାଚିକିତି ତଣ୍ଦେକ୍ ହିମ୍‌ଶାଜ୍ ମିଂ ଜଞ୍ଜାର୍ ଜାଶାୟ୍ କିଦ୍‌ନାରା ।

## ଯୋହନଙ୍କ ତୃତୀୟ ପତ୍ର ଜହନ୍ତି ୩ ଗଟା ଆକି ୩ ଗଟା ଆକି ବିଷ୍ଣେ ପାଦେକ୍

୩ ଗଟା ଜହନ୍ତି ଆକି ହୁଦାଂ ୫୦-୧୦୦ ବିତ୍ରେ ଜିସୁକ୍ରିସ୍ତୁ ଜଲମ୍ ପାଚେ ଲେକାଜି ମାଚାତ୍ । ଜହନ୍ତି ଜେତି ଆକି ଲାକେ ଇ ଆକିତ ପା ହେଖାନ୍ ଜାରତିଂ ଜାତଂ ଲେକିକିନାକାନ୍ ଇଞ୍ଜି ଜାଣା ହିଝାଦାଂ ରଝାନ୍ ବୁଡ଼ହି ଇଞ୍ଜି ଜାଣା ହିନାନା ୧:୧ । ହେଖାନ୍ ୨ ଜହନ୍ତି ଇନେସ୍ ଲେକିକିଜି ମାଚାନ୍ ୨ ଜହନ୍ ୧:୧ ଜହନ୍ ୩ ଜହନ୍ । ଇଦାଂ ପାତଂ କିଆନାତ୍ ଜେ, ହେଖାନ୍ ଏପିସିତ ମାନିଝେଡାଲିଂ ଜହନ୍ ଲେକାତି ନେକ୍ରିକାବୁର୍ ଲାହାଂ ୩ ଗଟା ଆକିଂ ପା ଲେକିକିଜି ମାଚାନ୍ । ଇତିସ୍ ୧, ୨ ଆରି ୩ ଗଟା ଜହନ୍ । ଜହନ୍ ଗାୟ ଇନି ରଝାନ୍ କ୍ରିସ୍ତୁତିଂ ପାତଂ କିନାକାନିଂ ଇ ଆକିତ ଲେକିକିନାନା ।

ହେଖାନ୍ ଗାୟ ଇଞ୍ଜି ରଝାନିଂ ହାଞ୍ଜଦାକାନ୍ ବାବ୍ରେ ଇଞ୍ଜି ହେ ନିପ ପ୍ଲାଞ୍ଜିନି କ୍ରିସ୍ତୁୟାନ୍ ଟଣ୍ଡାରିଂ ହେବା କିଦେକ୍ ବଲ୍ ହିତାନ୍ନା ।

### ୩ ଜହନ୍ ଆକି ବିଷ୍ଣେନି ରାହାଣ

- ୧. ଜହନ୍ ତା ଜାଣା ହିନାନ୍ ୧:୧
- ୨. ହେଖାନ୍ ଗାୟତିଂ ସାସ୍ ହିଜି ହେ ନିପ ବୁଲାନାକାର ଟଣ୍ଡାର୍ କାଜିଂ ଗତାଂହେବା କିଦେକ୍ ବଲ୍ ହିନାନ୍ ୧:୨-୮
- ୩. ହେଖାନ୍ ରିଆରିଂ ତାୟଟ୍ରେପିସ୍ ଆରି ତିମିଟ୍ରିଅସ୍ ବିଷ୍ଣେ ୧:୯-୧୨
- ୪. ହାରିହାରା ଲେକା ଝିହ୍ନାନ୍ ୧:୧୩-୧୪

୧ ପ୍ରାଚିନାର୍ ଜହନ୍ ଜେ ଆନ୍, ନା ଝାରିନି ହାଞ୍ଜଦାକାନ୍ ଗାୟତି ଲାଗେ ଆକି ଲେକିକିନାକା; ହେଖାନିଂ ଆନ୍ ହାଡ଼ପାରଚେ ଜିଉନନାକ୍ ।

୨ ଝାରିନି ହାଞ୍ଜଦାକାୟ, ନି ଝାସ୍ତିତ ଇନେସ୍, ହାର୍ ଆନାତା, ହେ ଲାକେ ସବୁ ବିଷ୍ଣେ ନିଦାଂ ହାର୍ ଆଏଡ଼ ଆରି ଏନ୍ ବାଡୁକ୍ ମାନାଟ୍, ଇଦାଂ ନା ପାର୍ତାନା ।

୩ ଇନେକିଦେଂକି ଟଣ୍ଡାର୍ ଝାଜି ଏଚେକାଡ଼ଦ ଜିବୁନ୍ ହାଡ଼ପା କାଜିଂ ନିଦାଂ ହାଦଂ ବାବ୍ରେ, ଇତିସ୍ ହାଡ଼ପାତ ମି ବେବାର୍ ବିଷ୍ଣେ ସାକି ହିତାର୍, ହେ ଏଚେକାଡ଼ଦ ଆନ୍ ବେସି ଝାୟା ଆତାକ୍ ।

୪ ନା ହିମ୍ଣାକ୍ ଜେ ହାଡ଼ପାତ ବେବାର୍ କିନାରା, ଇଦାଂ ଝେନିତାଂ ନା ଝାରି ଆରେ ଗାଜା ବିଷ୍ଣେ ଆକାୟ ।

### ବିଦେସ୍ୟା ଟଣ୍ଡାର୍

୫ ଝାରିନି ହାଞ୍ଜଦାକାନ୍ ଏପେକ୍ ଟଣ୍ଡାର୍, ବେସିକିଜି ବିଦେସ୍ୟା ଟଣ୍ଡାର୍ କାଜିଂ ଇନାକା କିନାଦେରା, ହେଦାଂ ପାତଂ ବାବ୍ରେ କିନାଦେରା ।

୬ ହେଝାର୍ ମଣ୍ଡଲି ଲାଗେ ମି ଜିଉନନାକା ବିଷ୍ଣେ ସାକି ହିନାରା; ଏପ୍ ଜଦି ହେଝାରିଂ ଇସ୍ପୁରିତି ଜଗ୍ ଉପକାର୍ ହିଜି ହାଜି ବାଦ୍ଲାୟ କିୟାଟ୍, ବାଟିକ୍ ହାଦଂ କାମାୟ କିନାଦେର୍,

୭ ଲାଗିଂ ହେଝାର୍ ପାତଂ କିଝି ଜିହୁଦିର୍ ତାକ୍ ମୁଡେ ଇଝାଦାଂ କ୍ରିସ୍ତୁତି ତର୍ କାଜିଂ ହଡ଼ତାରନା ।

୮ ଲାଗିଂ, ଆସେକ୍ ଇନେସ୍ ସଡ଼ କାଜିଂ ହେଝାରିତି ହାଞ୍ଜଦାକାର୍ ଆଦେଂ ଆଡନାସ୍, ଇଦାଂ କାଜିଂ ହେଝାରିତି ଉପକାର୍ କିନାକା ମା କାମାୟ ।

### ତାୟଟ୍ରେପିସ୍ ଆରି ତିମିଟ୍ରିଅସ୍

୯ ଆନ୍ ମଣ୍ଡଲି ଲାଗେ ଅଲପ୍ ଲେକିକିତାଂ; ମତର୍ ଦିୟତ୍ରପା ମଣ୍ଡଲି ବିତ୍ରେ ମୁଡ଼୍ ଆଦେଂ ମାନ୍ କିଜି ମାକ୍ ମୁନା କିଡ଼ତାନ୍ନା ।

୧୦ ହେଝାନ୍ ମା ବିରୁଡ଼ତ ବାନ୍ୟା କାତା ଇଞ୍ଜି ମାକ୍ଟେକ୍ ନିଦା କିଦନାନ୍, ଆରେ ହେବେ ସାରିଆଝାଦାଂ ନିଜାର୍ ଟଣ୍ଡାରିଂ ଲବାୟ କିଉନ୍, ଆରେ ବିନେନିକାର୍ ହେଦାଂ କିଦେକ୍ ଇଚା କିତିସ୍ ହେଝାରିଂ ମୁନାକିନାନ୍, ଆରେ ମଣ୍ଡଲିତାଂ ହେଝାରିଂ ପେଜନାନ୍; ଲାଗିଂ ଆନ୍ ହାତିସ୍ ହେଝାନ୍ତି ଇ ଝିଜୁ କିତାକା କାରାପ୍ କାମାୟତ ଏଡ଼ତ ତାକ୍ଝାନାକ୍ ।

୧୧ ଝାରିନି ହାଞ୍ଜଦାକାୟ, ଏନ୍ ବାନ୍ୟାକାମାୟନି ଗୁଣ୍ଡ ହାଲ୍ଝାଦାଂ ହାର୍ କାମାୟନି ଗୁଣ୍ଡ ହାଲା । ଇନେନ୍ ହାଡ଼ପା କାମାୟ କିନାନ୍, ହେଝାନ୍ ଇସ୍ପୁରିତାଂ ଉବ୍ଜାଣ; ଇନେନ୍ ବାନ୍ୟା କାମାୟ କିନାନ୍, ହେଝାନ୍ ଇସ୍ପୁରିତିଂ ହୁଡ଼ଝା ତାନ୍ନା ।

୧୨ ଦିମିଟ୍ରିୟ ପାକ୍ୟାତାଂ ଝିଜାର୍ ସାକି ହିତାରନା; ହାଡ଼ପା ନିଜେ ପା ସାକି ହିତାନନା; ଆପେଂ ପା ସାକି ହିନାପା, ଆରେ ମା ସାକି ଜେ ହାଡ଼ପା; ଇଦାଂ ଏପେକ୍ ପୁଟାଦେଣ୍ଡା ।

### ହାରିହାରା କାତା

୧୩ ମି ଲାଗେ ନା ଆଦିକ୍ ବିସ୍ତେ ଇନାକା ମାନାଡ଼, ମାତର୍ କାର୍ହାତାକା ଆରି ପେନ୍ତାଂ ହେଦାଂ ଲେକିକିଦେଙ୍ଗ୍ ଇଚା କିଉଙ୍ଗା ।

୧୪ ନା ଆହା ଜେ, ବେଗି ନି ଲାହାଙ୍ଗ୍ ହୁଡ଼କା ଆଦେଂ, ଆରେ ଆସେଙ୍ଗ୍ ବେଗା ଆଜି କାତାବାର୍ତା କିନାସ୍ ।

୧୫ ନି କାଜିଂ ସୁସ୍ତା ଆଏଡ଼; ହାଙ୍ଗ୍ଦାକାର ମିଙ୍ଗେଙ୍ଗ୍ ଜଞ୍ଜାର ଜାଣାୟ୍ କିଦ୍ନାରା ।

ଜାଣକେତି ତର୍ ଅଜି ମାସାଦାରିଂ ଜଞ୍ଜାର ଜାଣାୟ୍ କିଆ ।

# ଯିହ୍ୱଦାକ ପତ୍ର ଜିହ୍ୱଦାତି ଆକି ଜିହ୍ୱଦା ଆକିନି ପାଦେକ୍

ଇ ଆକି ଲେକିକିତାକାନ୍ତି ତର ଇସାପ୍ତେ ଜିହ୍ୱଦା କିଆତାନ୍ । ଜିହ୍ୱଦା ଜାରତି ଜାକ୍ବ ଆରି ଜିସୁତି ଟଣ୍ଡେନ୍ ଇଞ୍ଜି ଜାଣାଚିନା କିନାନା । ଲାଗି ଜିସୁ ଟଣ୍ଡେନ୍ ବିଦ୍ରେତାଂ ରଞ୍ଜାନ୍ ହେଞ୍ଜାନି ଜିସୁତି ରକାନ୍ ଟଣ୍ଡେନ୍ ଲାକେ ପା ପାତ କିଆନାତ୍ ୧ । ପ୍ଲୁନି ନିୟମ୍ନି ବିସ୍ତେତି ଅଜି ମାଚିଲେ, ଇଦାଂ ର ମଣ୍ଡଲିତି ଲେକା ଆଜି ମାଚି ଲାକେ ମାନେ ଆନାତ୍ । ଜିହ୍ୱଦା ଆକିନି ହାତ୍ପା ପଡ଼ିକିନାର ଜିହ୍ୱଦିର ବାବ୍ରେ ଜାଣାଚିନା । ଇନେରକି ଆବା ଇସ୍ବରତି ଜିଉନନିତ କ୍ରିସ୍ତିତି କାଜିଂ ଇଟ୍ୟା ଆତାନ୍ନା ୧ । ହେ ଇନାକାପାଆୟେଡ୍ ଜିହ୍ୱଦା ଝିଜାର କୁକ୍ୟାତି ମାନାୟାରିଂ ଟିକ୍ଣା ହିନାନ୍ । ଆକି ଜିସୁକ୍ରିସ୍ତିତି ଜଲମ୍ ପାଚେ ୬୦ ବାହୁଡ୍ ଲେକା ଆଜି ମାଚାତ୍ ।

ଇ ଆକି ଇମ୍ନାକାର ଚାକ୍ରାୟକ୍ରିସ୍ତି ନିପ ହାଲଜି ମାଚାର, ହେ ଝିଜାର କ୍ରିସ୍ତିୟାରିଂ ଜାଗ୍ରତ୍ କିଦେକ୍ ଲେକା ଆଜି ମାଚାତ୍ । ହେଞ୍ଜାନ୍ ଇନାବାନି ଆଟ୍ଞା କାଜିଂ ପ୍ଲୁନି ନିୟମ୍ନି ଆରି ଗଟ୍ଣା ବିସ୍ତେ ଇନାନ୍ । ଇ ଆକିତ ମିର୍ ହିକ୍ୟାହିନାକାତ୍ ବିରୁଦ୍ଧ ପିତରତି ୨ ଆକିତ ଲେକା ଆଜି ମାନି ଚିନ୍ତା ଲାହାଂ ମିହାନାତା । ଇବେ ଦୁଡ୍ ଆରି ସଦମ୍ ଗମରା ବିସ୍ତେ ପା ଲେକା ଆତାନ୍ନା ଜିହ୍ୱଦା ୪ ଆରି ୨ ପିତର ୨:୧

## ଜିହ୍ୱଦା ଆକି ବିସ୍ତେନି ରାହାଣ

- ୧. ଜିହ୍ୱଦା ପର୍ତ୍ତମ୍ ହେଞ୍ଜାନ୍ତି ପଡ଼ି କିନାକାରିଂ ଜାଣା ହିନାନ୍ । ୧:୧-୨
- ୨. ମିର୍ ହିକ୍ୟା ହିନାକାର ବିରୁଦ୍ଧ ଜାଗ୍ରତ୍ କିନାନ୍ । ୧:୩-୪
- ୩. ହେଞ୍ଜାନ୍ ପ୍ଲୁନି ନିୟମ୍ନି ମାନାୟାରିଂ ଆରି ଗଟ୍ଣାତି ଅଜି ଉତରମୁଡ୍ ଇନାନ୍ । ୧:୫-୧୬
- ୪. ଜାକୁବତି ଜାଗ୍ରତ୍ନି ଇନିତ ହେଞ୍ଜାରିତି ଦାଇଡ୍ ଇନାକା ଆନାତ୍ ହେ ବିସ୍ତେ ଇନାନ୍ । ୧:୧୭-୨୩
- ୫. ହାରିହାରା ଇସ୍ବରତିଂ ଜାଜ୍ମାଲ୍ ହିଜି ଆକି ଝିସ୍ତାନ୍ ୧:୨୪-୨୫

## ଜିହ୍ୱଦାତି ଆକି ବାନ୍ୟାୟ

୧ ଇମ୍ନାକାର ଇସ୍ବର ହୁଦାଂ କୁକ୍ୟାତାରନା ଆରି ତା ଜିଉନନି ମାଜି ଆରି ଜିସୁ କ୍ରିସ୍ତିତି ଲାହାଂ ରାକ୍ୟା, ହେଞ୍ଜାର ଲାଗାଂ ଜିସୁ କ୍ରିସ୍ତିତି ଆଡ଼ିୟାର ଆରି ଜାକୁବ୍ ଟଣ୍ଡାହି ଜିହ୍ୱଦାତି ଆକି ।

୨ ମି କାଜିଂ ଇସ୍ବରତି ଦୟା, ସୁସ୍ତା ଆରି ଜିଉନନିତ ବେସି ବାବ୍ରେ ଆଏଡ୍ ।

## ଚାକ୍ରାୟ ଗୁରୁର କାଜିଂ ଦାଣ୍ଡିନି ବଲ୍

୩ ଏ ଝାରିନିକାଦେର, ଆନ୍ ମାଦାକ୍ ସିଦାସାଦା ମୁକ୍ତାନାକା ବିସ୍ତେ ମି ଲାଗାଂ ଅଲପ୍ ଲେକିକିଦେଂ ବେସି ଜାତୁନ୍ ଆଜି ପୁଇପୁୟା ହୁଦାର ଲାଗାଂ ରଞ୍ଜେ ମାଡ୍ ହେଲାୟ ପାତ୍ ପାକ୍ୟାତ ଜିବୁନ୍ ହିଜି ଜୁଜ୍ କିନି କାଜିଂ ମିଂ ଝାରିକିୟ୍ କିଦ୍ନି କାଜିଂ ଲେକିକିଦେଂ ଲଡ଼ା ବାବି କିତାଂ ।

୪ ଇନାକିଦେଂକି ପାରାଚିନାର ସାସ୍ବରତ ତାଣ୍ଡିନି ଲଗୁ ଇଞ୍ଜି ହାନ୍ୟାୟ ଆତି ଏଚେକ୍ ଲଗୁ ମି ବିଦ୍ରେ ତ୍ବଗୁଜି ହଟାଣ୍ଡା; ହେଞ୍ଜାର ଅଦାମ୍, ମା ଇସ୍ବତ୍ ଦୟା ଉଲଟା ବାବ୍ରେ ଦାରୁଲ୍ଲାତ ବେବାର୍ କିଜି ମେହାୟ୍ କିତାର୍, ଆରେ ମା ରଞ୍ଜାନ୍ ମତର୍ ମୁଣିକା ଆରି ମାପୁ ଜିସୁ କ୍ରିସ୍ତିତିଂ ହେଞ୍ଜାର ପାତ୍ କିଉର ।

୫ ଆତିସ୍ପା ଏପେକ୍ ଝିଜୁ ବିସ୍ତେ ବାତ୍ ରଚେ ପୁଚାଦେଣ୍ଡା, ଆତିସ୍ପା ଆନ୍ ମିଜେକ୍ ଏଡ୍ କିଇକିଦେକ୍ ମାନ୍ କିନାଂ ଜେ, ମାପୁ ମିସର୍ ଦେସ୍ତାଂ ଲକୁରିଂ ରାକ୍ୟା କିତାନ୍, ଆରେ ଇନେର୍ ପାତ୍ କିଞ୍ଜାତାର୍, ପାଚେ ହେଞ୍ଜାରିଂ ବୁତାୟ୍ କିତାନ୍ ।

୬ ଆରେ ଇମ୍ନାଣି ସାଗେନି ଦୁତକ୍ ଜାର୍ ଜାର୍ ଉଡ୍ ପାଦ୍ ଇଟାଞ୍ଜାଦାଂ ଜାର୍ ଜାର୍ ବାହା ପିସ୍ତାର୍, ହେଞ୍ଜାରିଂ ହେଞ୍ଜାନ୍ ଗାଜା ବିଚାଣ୍ଡା ଦିନ୍ ପାଚେକ୍ ଝିଜୁଦିନ୍ ପାଚେକ୍ ଗାଟିତାକେ ହୁର୍ପିସ୍ ମାଜ୍ଗାତାକେ ବାହାତ ଇଟାଣ୍ଡା ଇଦାଂ ଏପେକ୍ ମାନେ କିୟାଟ୍ ।

୭ ହେ ଲାକେ ସଦମ୍ ଆରି ଗମରା ଆରେ ହେଞ୍ଜାରିତି ଚାରିବେଣ୍ଡାଂ ଗାଡ଼ଦାକାର୍ ଦାରି ଆରି ବାନ୍ୟା କାମାୟୁତ ଆହା ଆତିଲେ ଝିଜୁ ନାଣିଲାକେ ଦାଣ୍ଡି ବଗ୍ କିଜି ଉତରମୁଡ୍ ଲାକେ ଆତାଣ୍ଡା ।

୮ ଆତିସ୍ପା ଇ କ୍ଲେଞ୍ଜକଣ୍ଡ ହୁଡ଼ନାକାର୍ ପା ହେ ଲାକେ ଗାଗାଡ଼ିଂ ବିଟାଡ଼ି କିନାର୍, ମାପୁତ ମାନିକିଉର ଆରି କାବାଆନି ସାକ୍ରିତିଂ ନିନ୍ଦା କିନାର୍ ।

୯୮ \*ମାତର ମୁତ୍ ଦୁତ୍ ମିକାୟେଲ୍ ମସାତି ମାଡ଼ା ବିସ୍ତେ ସୟତାନ୍ ହୁଦାଂ କାତାବାର୍ତ୍ତା କିନିଖେଡ଼ାଲିଂ ନିଦା କିଜି ତାଦାଙ୍ଗ୍ ବିଚାର କିଦେଙ୍ଗ୍ ସାସ୍ ଆଦେଂ ଆଡ଼଼ାଦାଂ ମାଚାଡ଼, କେବଲ୍ ଏଚେକ୍ ଇଚାଡ଼, “ମାପୁ ନିଙ୍ଗେଙ୍ଗ୍ ଦାକା ହିଦେନ୍ ।”

୯୯ ବିନ୍ ପାକ୍ୟାତ ଇଞ୍ଜାର ଇମଣି ଓଁଜୁ ବିସ୍ତେ ପୁନ୍ତୁର୍, ହେ ସବୁନି ନିନ୍ଦା କିନାର୍, ଆରେ ପୁନ୍ତୁ ପସୁ ଲାକେ ଇନା ଇନାକା ହାଡ଼ପା ଲାକେ ବୁଜାନାର୍, ହେ ସବୁ ହୁଦାଂ ବୁଡ଼ାନାର୍ ।

୧୦ ଇନେସ୍ ହେଞ୍ଜାର ଦୁକ୍ନିଲଗୁ, ଇନେକିଦେଂକି ହେଞ୍ଜାର କୟିନତି ହାଜିଡ଼ ତାଙ୍ଗ୍ଜି ହାଚାଣ୍ଡା, ତାବୁଙ୍ଗ୍ ଲାବ୍ଡି କାଜିଂ ବିଲିୟାମ୍ ଚାକାର୍ତ ଆର୍ଡ଼ାଣ୍ଡା ଆରି କରହ ଲାକେ କୁଲ୍ କିଜି ବୁଡ଼ାତାଣ୍ଡା ।

୧୧ ହେଞ୍ଜାର ଲାଜାଞ୍ଜାଦାଂ ମି ହୁଦାଂ ତିନାଉଣା କିଜି ମିଦା ଜିଉନିନି ବଜିନି ପ୍ରାଲ୍ ଲାକେ ଆତାଣ୍ଡା; ହେଞ୍ଜାର ଜାର୍ ଜାର୍ତି ପଟ୍ ପାଞ୍ଜନାର୍; ହେଞ୍ଜାର ଦୁକାତାଂନି ଏସ୍ ହିଲ୍ଡ଼ି ବାଦାଡ଼ ଲାକେ; ହେଞ୍ଜାର ରିହା ହାକି, ଆରମ୍ତାଂ ଉଚ୍ଚକାତି ଦିଞ୍ଜାଡ଼ କାଡ଼ନି ପାଡ଼ହିଲ୍ଡ଼ି ମାର୍ ଲାକେ;

୧୨ ହେଞ୍ଜାର ଜାର୍ ଜାର୍ ଲାଜ୍ ଲାକେ ପୁମେଲ୍ କାକ୍ନି ହାମ୍ଦୁଣ୍ଡି ନିଙ୍ଗ୍ତି ଲଡ଼ି ଲାକେ; ହେଞ୍ଜାର ବୁଲାନି ହୁକାଂ ଲାକେ; ହେଞ୍ଜାରତି କାଜିଂ ଓଁଜୁ କାଡ଼୍ ବେସି ମାଜ୍ଗାତ ଇଚ୍ୟାତାଡ଼ନା ।

୧୩ ଆଦମ୍ତାଂ ସାଡ଼ ଟିକ୍ ଜେ ହନକ, ହେଞ୍ଜାନ୍ ପା ହେଞ୍ଜାର ବିସ୍ତେ ବେଣ୍ଡାକ୍ଣାୟ୍ କିଜି ସୁଣାୟ୍ କିଜି ମାଚାନ୍, “ମାପୁ ହାଜାର୍ ହାଜାର୍ ପୁଇପୁୟା ସାଗେନି ଦୁତକ୍ ଲାହାଂ ଖାନାନା ।

୧୪ ହୁଡ଼ାଟ୍, ମାପୁ ଓଁଜାରିଂ ବିଚାର କିନି କାଜିଂ, ଆରେ ଅଦାମ୍ ଲଗୁ ଓଁଜାର୍ ଜାର୍ ଜାର୍ତି ଅଦାମ୍ କାତାତ ଇମ୍ଣି ସବୁ ଅଦାମ୍ କାମାୟ୍ କିନାରା ଆରି ଅଦାମ୍ ପାପିର୍ ତା ବିରୁଡ଼ତ ଇମ୍ଣି ସବୁ ବାଦି କାତା ଇଞ୍ଜାନ୍ନା ।”

୧୫ ଇ ମାନାୟାର୍ ଗାଣ୍ଡୁଗଟିଆର୍, ଜାର୍ ଜାର୍ ଅବସ୍ତାତ ସାରିଆଞ୍ଜାତାକା ଆରି ଜାର୍ ଜାର୍ ଦସ୍ ଆସ୍ତେଙ୍ଗ୍ ଲାଲ୍ସା ତାଙ୍ଗ୍ତାକା; ହେଞ୍ଜାର୍ତି ମୁମ୍ ଗାଜା ଗାଜା କାତା ଇନାଡ଼ ଆରି ଗିଣ୍ଡାନ୍ ବାଟ୍ କାଜିଂ ହେଞ୍ଜାର ଲକାର୍ ମୁମ୍ ଜପି ଖାରି କିନାର୍ ।

**ଚେଡ଼ନାହିନାକା ଆରି ବୁଜାମାଣା**

୧୬ ମାତର, ଏ ଖାରିନିକାଦେର୍, ମା ମାପୁ ଜିସୁ କ୍ରିଷ୍ଟି ପକ୍ୟାତାକାର୍ ଆଗେ ଇମ୍ଣି ସବୁ କାତା ଇଚାଣ୍ଡା, ହେ ସବୁ ଏଡ଼ କିୟାଟ୍;

୧୭ \*ହେଞ୍ଜାର ଇନେସ୍ ମିଙ୍ଗେଙ୍ଗ୍ ଇଞ୍ଜିମାଞ୍ଜାର୍, “ହାରିହାରା କାଡ଼ଦ୍ ଜାର୍ ଜାର୍ ଇସ୍ପରତି ବିରୁଦ୍ ମାନାୟାର୍ ହସି ଖାଜି ମିଙ୍ଗେଙ୍ଗ୍ ଗୁଇଦାନାର୍ ।”

୧୮ ହେଞ୍ଜାର ମାନ୍ଦାମାନ୍ଦା କେଡ଼ପା ଆନାକା ଉବ୍ଜାଣ୍ କିନାର୍, ହେଞ୍ଜାର ଜଗଡ଼ମାନ୍ ଆରି ଇସ୍ପରତି ଜିବୁନ୍ ହିଲ୍ଡ଼ାକାର୍ ।

୧୯ ମାତର, ଏ ଖାରିନିକାଦେର୍, ଏପେଙ୍ଗ୍ ଜାଟ୍ ବେସି ପୁଇପୁୟା ପାଟ୍ ଜପି ଜାର୍ତି ଦରମ୍ ଜିବୁନ୍ ଲାଗ୍ଦି ଇଲ୍ ରଚାଟ୍, ପୁଇପୁୟା ଜିବୁନ୍ ପାର୍ତନା କିୟାଟ୍,

୨୦ ଆରେ, ଓଁଜୁ ଜିବୁନ୍ କାଜିଂ ମା ମାପୁ ଜିସୁ କ୍ରିଷ୍ଟି ଦୟାନି କାଇ କିଜି ଇସ୍ପରତି ଜିଉତ ଜାଟ୍ ତିର୍ କିଜି ଇଚାଟ୍ ।

୨୧ ଇମ୍ଣାକାର୍ ଚିନ୍ତାତ ମାନାର୍ ଏଲେଙ୍ଗ୍ ଏଚେଜାଣ୍ଡିଂ ଦୟା କିଜି ନାଣିତାଂ ଉନ୍ଦି ଲାକେ ପରିକ୍ୟା କିୟାଟ୍ ।

୨୨ ଚାକାର୍ତ ଆଜ୍ ନାସ୍ ଆଦେଂ ହାଲ୍ଜି ମାନି ମାନାୟତିଂ ନାଣିତାଂ ମୁକ୍ତାୟ୍ କିୟାଟ୍ । ଆରେ ଏଚେଜାଣ୍ଡିଂ ପାପ୍ ପ୍ରାଲ୍ଆସ୍ତ୍ ହେନ୍ଦାତିଂ ପା ଗିଣ୍ କିୟାଟ୍, ମାତର ପାଣ୍ଡୁ ଲାହାଂ ହେଞ୍ଜାରିଂ ଦୟା ଚଚାଟ୍ ।

**ଦନ୍ୟବାଦ୍ ପାର୍ତନା**

୨୩ ଇନେର ମିଂ ହାକିତାଂ ରାକ୍ୟା କିଦେଙ୍ଗ୍ ଆରି ହେଞ୍ଜାନ୍ତି ଜାଜ୍ମାଲ୍ନି ଲାଗେ ଦସିଆଞ୍ଜାଦାଂ ଆରି ଖାରିଆଜି ଇଞ୍ଜେଙ୍ଗ୍ ଆଡ଼ନାଦେର୍,

୨୪ ଇନେର ମାଙ୍ଗ୍ ମାପୁ ଜିସୁ କ୍ରିଷ୍ଟି ହୁଦାଂ ମା ରାକ୍ୟାକାର୍ଆ ରଞ୍ଜାନ୍ ମତର ଇସ୍ପର, ଜାଜ୍ମାଲ୍, ସାଲ୍ଡି, ବାପୁ ଆରି ହାଉକାର୍ପାଣ, ମା ମାପୁ ଜିସୁ କ୍ରିଷ୍ଟି ହୁଦାଂ ଓଁଜୁ କାଡ଼ଦାଂ ନଂ ପାଡେକ୍ ଆରି ଆଦିକାର୍ ହେଞ୍ଜାନ୍ତି ଆଏଡ଼ । ଆମେନ୍ ।

## ଯୋହନଙ୍କ ପ୍ରତି ପ୍ରକାଶିତ ବାକ୍ୟ ଜହନ୍ତି କାଜିଂ ହତ୍ତ ବଚନ୍ ଜହନ୍ତି କାଜିଂ ହତ୍ତ ବଚନ୍ ବିସ୍ତେ ପାଦେକ୍

ହତ୍ତ ବଚନ୍ ପୁନି ନିୟମତ ହାରିହାରାନି ପତି । ଇଦାଂ ପା ଜହନ୍ ହୁଦାଂ ଜିସୁ କ୍ରିଷ୍ଟତି ଜଲମନି ଆନମାନ୍ ତାଙ୍ ୯୫ ବାହୁତ ଲେକା ଆଜି ମାଚାତ୍ ୧:୧ । ହେୱାନ୍ ଜହନ୍ ନେକ୍ରିକାବୁର୍ ଲାହାଙ୍ ତିନ୍ଗଟା ଆଜି ପା ଲେକିକିତାନ୍ ୧ ଜହନ୍, ୨ ଜହନ୍, ୩ ଜହନ୍ । ଜହନ୍ ଇନେରିଂ ଜିସୁ ବେସି ଜିଉନଜି ମାଚାନ୍ ଇଞ୍ଜି ପା ପୁନ୍ୟା ଆନାତ୍ ଜହନ୍ ୧୩:୨୩ ଜହନ୍ ଆଇସ୍ଲାଣ୍ଡିନି ପାତ୍ମସତ ମାନି ସମୁତ ଇ ହତ୍ତ ବଚନ୍ ଲେକିକିଜି ମାଚାନ୍ ଇନାକିଦେଂକି ଜିସୁ କ୍ରିଷ୍ଟତି ନେକ୍ରିକାବୁର୍ ସୁଣାୟ୍ କିନି କାଜିଂ ତାଙ୍ ହେବେ ବାଟି କିଜି ମାଚାତ୍ । ୧:୯ ।

ଜିସୁତି ୱାନାକା ସମୁ ଲାଗେ ମାଚିଲେ ଜିସୁ କ୍ରିଷ୍ଟ ତାକେ ପାତ୍ ମାଞ୍ଜେଙ୍ ପତି କିନାକାରିଂ ସାସ୍ ଆରି ଆହା ହିନି କାଜିଂ ଜହନ୍ ଇ ହତ୍ତ ବଚନ୍ ଲେକିକିତାନ୍ । ୧:୩୨୨:୭ ହେ ସବୁ ପାତ୍ କିନାକାର୍ ଆରି ହାର୍ ବାବ୍ରେ ସାତ୍ଗଟା ମଣ୍ଡୁଲିତିଂ ଏଲେଙ୍ ହୁଡନାନ୍ ୨-୩ ଜହନ୍ ତା ଲେକାତ ବେଶ୍‌ବାକ୍‌ଶାୟ୍‌କିନାନା ୧:୩ ଆରି ହେୱାନ୍ ହୁଡଜିମାନି ବେସି ଉବ୍‌ଜାତି ବିସ୍ତେ ଲେକିକିତାନ୍ନା । ଇ ପତିତ ଏତେକ୍ ବାଗ୍‌ତ ପ୍ଲୁନି ପତିନି ବାଗ୍‌ତା ସମାନ୍ ମାନାତ୍, ପାତ୍ ତ ଜିକରିୟ୍ ୭:୧-୮ତାକେ ହୁଡନାସ୍ ।

ହେ ସମୁତ ଆରି ସାତ୍ଗଟା କଣ୍ଟିଂ ଇନାକା ଇସ୍‌ବ୍ ମିସ୍‌ବ୍ ନିକାରିଂ ତାଣ୍ଡୁହିନି କାଜିଙ୍ ଦୁକ୍‌ଦୁକା ପକ୍‌ନାର୍ ଜାତ୍ରା ୭:୯ ହତ୍ତ ବଚନ୍ ହାରିହାରା ସମୁତ ଇନ୍ୟା ଆନାତ୍ ଜିସୁ ହାରିହାରାତ ଜିତା ଆନାନ୍ ଆରି ଇମ୍‌ଶାକାର୍ ତା ତାକେ ବାସ୍ କିନାର୍ ହେୱାର୍ ସବୁଞ୍ଜେଡାଙ୍ ତା ହୁଦାଂ ମାନ୍‌ଜାମାର୍ । ଇ ପତି ଜାର୍‌ତିଂ ଜାଗ୍ରତ୍ କିଏନ୍ ଆରି ଆହା ହିଏନ୍ ଜେ, ଜିସୁ ବେଗି ମାସ୍‌ଦି ୱାନାନା ।

### ହତ୍ତ ବଚନ୍ ବିସ୍ତେନି ରାହାଣ୍

- ୧. ଜହନ୍ତି ଜାଣାଚିନା ଆରି ତା କେଚ୍‌କଣ୍ ହୁଡନାକା ୧:୧-୧:୨୦
- ୨. ଜିସୁ କ୍ରିଷ୍ଟତାକେ ସାତ୍ଗଟା ମଣ୍ଡୁଲି କାଜିଂ ଜହନ୍ତି କାତା ୧:୧-୩:୨୨
- ୩. ସାତ୍ଗଟା ତାରୁଙ୍ ୪:୧-୮:୫ ସାତ୍ଗଟା ମରିଂ ୮:୭-୧୧:୧୯ ବିତ୍ରେ ଲେକା ଆତାଡନା ।
- ୪. ହିମଣା କାଦେର୍ ଆରି ସାତ୍ଗଟା କାପ୍‌ଡା ହିଜି ପାତ୍‌ନି ରାତ୍ ଲାହାଂ ଜୁଜ୍ ୧୨:୧-୧୪:୨୦
- ୫. ସାତ୍ଗଟା ଗାତ୍ରା କଣ୍ଟି ବିସ୍ତେ ଇନାକା ୧୫:୧-୧୭:୧୮
- ୬. ଇସ୍‌ବ୍ ସାଗେତ ତା ସାତୁଙ୍ ଜିଣା ଆନାନ୍ ୧୭:୧-୨୦:୧୫
- ୭. ପୁନି ସାଗେ ଆରି ପୁନି ପୁତ୍ ୨୧:୧-୨୨:୨୧

୧ ଜିସୁ କ୍ରିଷ୍ଟତି ହତ୍ତ ବଚନ୍; ବିଲମ୍ ଆୱାଦାଂ ଇନା ଇନାକା ହାତେନେ ଗିଟାନାତ୍, ହେ ଝିଜୁ ହେୱାନ୍ ଇନେସ୍ ଜାର୍ ଆଡିୟାରିଂ ୱେବନାନ୍, ଇଦାଂ କାଜିଂ ଇସ୍‌ବ୍ ଇଦାଂ ଜିସୁ ଲାଗାୟ୍ ହେଲ୍‌ୟ୍ କିତାନ୍, ଆରେ ହେୱାନ୍ ଜାର୍ ଦୁଡତିଂ ପକ୍‌ତି ଜାର୍ ଆଡିଏନ୍ ଜହନ୍ତିଂ ଇଦାଂ ପୁନି: କିୟକିତାନ୍ ।

୨ ଆରେ ଜହନ୍ ନିଜେ ଇନାକା ହୁଡତାନ୍ନା, ହେଦାଂ ଇବେ ହପ୍‌ତାନ୍ନା । ଇ ପତିତ ଇସ୍‌ବ୍‌ତି କାବୁର୍ ଆରି ଜିସୁ କ୍ରିଷ୍ଟତି ସାକି ବିସ୍ତେ ଲେକା ଆତାଡନା ।

୩ ଇନେନ୍ ପତି କିତାନ୍ ଆରି ଇମ୍‌ଶାକାର୍ ଇ ବେଶ୍‌ବାକ୍‌ଶାୟ୍‌କିନାକା ୱେନାର୍, ଆରେ ହେବେ ଲେକାତି ବିସ୍ତେ ସବୁ ମାନିକିନାର୍, ହେୱାର୍ ଦନ୍ୟ ଇନେକିଦେଂକି ସମୁ ଲାଗେ ୱାତାତେ ।

### ସାତ୍ଗଟା ମଣ୍ଡୁଲିତିଂ ବନ୍ଦାକ କିନାକା

୪ ଜହନ୍ ଆସିଆତ ମାନି ସାତ୍ଗଟା ମଣ୍ଡୁଲି ଲାଗାଂ ନା ଜୱାର୍ ଜାଣାୟ୍‌କିନାକା, ଇନେର୍ ନଙ୍, ପ୍ଲୁନାକା ଆରି ଆଗେ ୱାନିଦିନ୍ତ, ହେୱାନ୍‌ତାଂ ଆରି ହେୱାନ୍ତି ଗାଦି ମୁମ୍‌ଦ ସାତ୍ ଜିବୁନ୍‌ତାଂ

୫ ଆରେ ପାତ୍ ନି ସାକି, ହାତାକାର୍ ବିତ୍ରେତାଂ ପର୍ତ୍ତୁମ୍ ଗାଗାଡ୍ ଆସ୍ତାକାନ୍ ଆରି ପୁତ୍ ନି ମୁଡ୍‌ଦାକାନ୍ ରାଜାର୍‌ତାଂ ରାଜା ଜିସୁ କ୍ରିଷ୍ଟତାଂ ଦୟା ଆରି ସୁସ୍ତା ମି କାଜିଂ ଆଏଡ୍ । ଇନେନ୍ ମାଙ୍ ଜିଉନଜି ଜାର୍ ନେତେର୍ ହୁକେ ମାଙ୍‌ଜେଙ୍ ମା ପାପ୍‌ତାଂ ମୁକ୍‌ଡାୟ୍ କିଡ୍‌ତାନ୍ନା,

୬ ଆରେ, ମାଙ୍ ର ରାଜାକୁଚୁମ୍ ଲାକେ ଜାର୍ ଇସ୍‌ବ୍ ଆରି ଆବାତି ଲାଗେ ମାପୁହେବାକିନାକାନ୍ ଲାକେ ବାଟିକିଡ୍‌ତାନ୍ନା, ହେୱାନ୍ତି ଜାଜ୍‌ମାଲ୍ ଆରି ବପୁ ଜୁଗ୍ ଜୁଗ୍ ଆଏଡ୍ । ଆମେନ୍ ।

☆ ୧:୪ ହତ୍ତ ୪:୫.

୭ \*ହୁଡ଼ାଟ୍, ହେୱାନ ବାଦାଡ଼ତ୍ ଖାନାନା, ଜାଣକେ ମାନାୟାର୍ ହେୱାନିଂ ହୁଡ଼ନାର୍, ଇମ୍ଣାକାର୍ ହେୱାନିଂ ଏଡ଼ଜି ମାଚାର୍, ହେୱାର୍ ପା ହୁଡ଼ନାର୍, ଆରେ ପୁତର୍ ନି ସବୁ ଜାତି ତା ଖାନାକା କାଜିଂ ଆଡ଼ବାନାର୍ । ଇ ସବୁ ହାତେନେ ଗିଟାନାଡ଼ । ଆଁ ଆମେନ୍ ।

୮ \*ଇନେନ୍ ନଙ୍ଗ, “ଆକ୍ତୁ ଆରି ଖାନିଦିତ୍ତ” ଇନେନ୍ ସାକ୍ତିକାଟାକାନ୍, ହେ ମାପୁ ଇସ୍ବର ଇନାନ୍ “ଆପ୍ ଆରମ୍ ଆରି ହାରିହାରା ।”

**କ୍ରିଷ୍ଟ ଚଞ୍ଚୟାତାନ୍**

୯ ଆନ୍ ଜହନ୍, ମି ରଖାନ୍ ଚଣ୍ଡେନ୍ ଆରି ଜିସୁତି ଚେଲା ଲାକେ ତା ରାଜିନି ମାନାୟାର୍ ଦୁକ୍ ଜପି ଆଜି ମାନି ସାସ୍ ଲାହାଙ୍ଗ୍ ମେହା ଆନାକା, ଆନ୍ ଇସ୍ବତର୍ ବଚନ୍ ଆରି ଜିସୁତି ସାକି କାଜିଂ ପାମ୍ ତରୁନି ଏସ୍ବୁପୁଲିତ ବନ୍ଦି ମାଚାଂ ।

୧୦ ଆନ୍ ମାପୁତି ଦିତ୍ତ ପୁଇପୁୟା ଜିବୁନ୍ ନା ଜପି ଜୁଡ଼ତାଡ଼ ଆରି ନା ପାଚେ ମରି ସବଦ୍ ଲାକେ ର ଗାଜା କାଟ୍ ଇଦାଂ ଇନାକା ଖେଚାଙ୍ଗ୍,

୧୧ ଏନ୍ ଇନାକା ହୁଡ଼ନାୟା, ହେଦାଂ ର ପତିତ ଲେକିକିଜି ସାଡ଼ ମଣ୍ଡଲି, ଇଚିସ୍ ଏପିସିୟ, ସ୍ପୁଣ୍ଡା, ପର୍ଗମ, ତୁୟାତିରା ସାକ୍, ପିଲାଦେଲ୍ପିଆ ଆରି ଲାଅଦିକିଆ ଲାଗାଂ ପକା ।

୧୨ ଇନେନ୍ ନା ଲାହାଙ୍ଗ୍ କାତା ଇନାନା, ଇଦାଂ ହୁଡ଼ନି କାଜିଂ ଆନ୍ ଜେଣ୍ପାଡ଼କା ମାସ୍ତାଂ । ଆରେ ମାସ୍ତିଲେ ଆନ୍ ହୁଡ଼ତାଂ, ସାଡ଼ ହନା ବଇଟା,

୧୩ ଆରେ ହେ ବଇଟାଙ୍ଗ୍ ମାଦ୍‌ଣି ବାହାତ ମାନାୟା ମାଜିତି ଲାକେ ରଖାନ୍ ମାନାୟା; ହେୱାନ୍ ପାନା ପାଚେକ୍ ହେନ୍ଦା ଉସ୍ପାତାକା ଆରି ନେଞ୍ଜେତାକିତ ହନା ଚାର୍‌ବେଣ୍ଡତାଂ ତରି ଗାଡ଼ୟାତାନ୍‌ନା;

୧୪ ହେୱାନ୍ତି କାପ୍‌ଡାନି ତେମୁଲ୍ ଆଞ୍ଜଗା ଲାକେ ତିଞ୍ଜନାକା ମାଚାଡ଼, ଆରେ ହେୱାନ୍ତି କାଣ୍‌କୁ ଆହ୍‌ନି ନାଣି ଲାକେ;

୧୫ ହେୱାନ୍ତି ପାନା ରିଣ୍ଡି ନାଣି ହଲି ନିର୍ମଲ୍ ଅଜଡ଼୍ ପିତାଡ଼୍ ଲାକେ ଆରି ହେୱାନ୍ତି କାଟ୍ ବେସି କାଡ଼କାନି ଏଜୁଙ୍ଗ୍ ଲାକେ ।

୧୬ ହେୱାନ୍ ଜାର୍ ବୁଜ୍‌ଣି କେଇଦ ସାଡ଼ଗଟା ହୁକାଂ ଆସ୍ତି ମାଚାନ୍, ହେୱାନ୍ତି ଖେଇଦାଂ ତିପ୍‌ତିପା ରିଦାରା କାଣ୍ଡା ହସି ମାଚାଡ଼, ଆରେ ହେୱାନ୍ତି ମୁମ୍ ମୁଣ୍ଡାବେଲାନି ଖେଡ଼ା ଲାକେ ତିଞ୍ଜି ମାଚାଡ଼ ।

୧୭ \*ହେୱାନିଂ ହୁଡ଼ଜି ଆନ୍ ହାତି ଲାକେ ହେୱାନ୍ ପାନା ତାରେନ୍ ଗୁରତାଂ । ହେବେ ହେୱାନ୍ ନା ଜପି ଜାର୍ ବୁଜ୍‌ଣି କେଇ ଇଡ଼ଜି ଇନ୍‌ଚାନ୍, “ପାଣ୍ଡା ଆମା, ଆନ୍ ଆରମ୍ ଆରି ହାରିହାରା ।

୧୮ ଆନ୍ ମାନେଜିତାକାଂ; ହାଜି ମାଚାଙ୍ଗ୍, ମାତର୍ ଆନ୍ ନଙ୍ଗ୍ ଜିତାଙ୍ଗ୍‌ନା ଖିଜ୍‌ଖି କାଡ଼୍ ଜିବୁନ୍ ମାନ୍‌ଗାନାଙ୍ଗ୍ । ହାକି ଆରି ହାତିଲକାର୍ ପାତାଲ୍‌ନି କୁଟିକାଡ଼ି ନା କେଇଦ ମାନାଡ଼ ।

୧୯ ଲାଗିଂ, ଇନା ଇନାକା ବିସ୍ତେ ହୁଡ଼ତାୟା, ଇନା ଇନାକା ନଙ୍ଗ୍ ଗିଟାନାତା ଆରି ଇଦାଂ ପାଚେ ଗିଟାନାଡ଼, ହେ ସବୁ ଲେକିକିୟା ।

୨୦ ମା ବୁଜ୍‌ଣି କେଇଦ ଇମ୍‌ଣି ସାଡ଼ଗଟା ହୁକାଂ ହୁଡ଼ତାୟା, ହେବେନି ଆରି ସାଡ଼ଗଟା ହନା ବଇଟାନି ଅରଡ଼ ଇଦାଂ, ହେ ସାଡ଼ଗଟା ହୁକାଂ ସାଡ଼ଗଟା ମଣ୍ଡଲିନି ଦୁତକ୍” ଆରି ସାଡ଼ଗଟା ବୈଟାଂ ସାଡ଼ଗଟା ମଣ୍ଡଲି ଆନିକ୍ ।

**୨**

**ଏପିସି ମଣ୍ଡଲିତିଂ କାବୁର୍**

୧ “ଏପିସି ମଣ୍ଡଲିନି ଦୁଡ଼ତ ଲାଗାଂ ଲେକିକିୟା: ଇନେନ୍ ଜାର୍ ବୁଜ୍‌ଣି କେଇଦ ସାଡ଼ଗଟା ହୁକାଂ ମାସ୍ତିକ୍ ଆରି ସାଡ଼ଗଟା ହନା ବଇଟାଙ୍ଗ୍ ବିତ୍ରେ ବୁଲାଟାଲା କିନିକ୍, ହେୱାନ୍ ଇଦାଂ ଇନାନ୍,

୨ ଆପ୍ ମି କାମାୟା, କସ୍ ଆରି ସାସ୍ ପୁନାପ୍; ଆରେ ଏପ୍ ଜେ ବାନିୟାର୍‌ତି କାମାୟା ହୁନ୍‌ଞ୍ଜେଙ୍ଗ୍ ଆଡୁଦେର୍, ଆରେ ଇମ୍‌ଣାକାର୍ ଜାର୍ ଜାର୍‌ତିଂ ପକ୍ୟାତାକାଂ ଇଞ୍ଜି ଇନାର୍, ମତର୍ ପକ୍ୟାତାକାନ୍ ଆକାୟା, ହେୱାରିଂ ପରିକ୍ୟା କିଜି ମିଡ଼୍‌ଖା ଇଞ୍ଜି ଚିନି କିତାଦେଣ୍ଡା,

୩ ଆରେ ସାସ୍ ଆସ୍ତି ନା ତର୍ କାଜିଂ କସ୍ ହୁଞ୍ଜାତାଦେଣ୍ଡା ଆରି ଖାହ୍‌ଖାତାଦେଣ୍ଡା, ଇଦାଂ ପା ଆନ୍ ପୁନାଙ୍ଗ୍ ।

୪ ମାତର୍ ମି ବିରୁଡ଼ତ ନା ଇ ଦାବା ମାନାଡ଼, ଏପ୍ ହିଗ୍‌ଦ ଇନେସ୍ ଜିଉନଜି ମାଚାଦେର୍, ହେ ଲାକେ ଆରେ କିଉଦେରା ।

୫ ଲାଗିଂ ଇମେତାଂ ମିଦାଂ ଆଦା ହାଚାଡ଼ନ୍ନା, ହେଦାଂ ଚିନ୍ତା କିୟାଟ୍ । ହେଦାଂ ଏଡୁ କିଜି ମାନ୍‌ବାଦ୍‌ଲାୟା କିୟାଟ୍ ଆରି ଆଗେନି କାମାୟା ସବୁ କିୟାଟ୍; ଆଡ଼ିତିସ୍ ଏଚେକାଡ଼୍‌ଦ ମାନ୍‌ବାଦ୍‌ଲାୟା କିଉଦେର୍, ବାଟିଙ୍ଗ୍ ଆପ୍ ବେଗି ମି ଲାଗାଂ ଖାଜି ମି ବଇଟା ହେ ବାହାତାଂ ଗୁଚାୟାକିନାଙ୍ଗ୍ ।

୬ ମତର୍ ମି ପାକ୍ୟାତ ରଞ୍ଜାଙ୍ଗ୍ କାତା ମାନାଡ଼ । ହେଦାଂ ଆନାତା, ନା ଲାକେ ଏପେଙ୍ଗ୍ ପା ନିକଲାତିୟତର୍ ଇମ୍‌ଣି ସବୁ କାମାୟା ଗିଣ୍ କିନାପା, ଏପେଙ୍ଗ୍ ପା ହେ ସବୁ ଗିଣ୍ କିନାଦେରା ।”

\* ୧:୭ ମାତିଉ ୨୪:୩୦; ମାର୍କ ୧୩:୨୬; ଲୁକ ୨୧:୨୭; ୧ ତେସ୍‌ଲିକି ୪:୧୭; ଜହନ୍ ୧୯:୩୪,୩୭; ମାତିଉ ୨୪:୩୦. \* ୧:୮ ହତ୍ତ ୨୨:୧୩. \* ୧:୧୭ ହତ୍ତ ୨:୮; ୨୨:୧୩.



୭ “ଖେଞ୍ଜେଞ୍ କିତୁଲ୍ ମାତିସ୍, ମଣ୍ଡଲିକାଂ ପୁଇପୁୟା ଜିବୁନ୍ ଇନାକା ଇନାତା, ଖେନାଟ୍ !”

“ଇନେର୍ ଜିତା ଆନାର୍, ଆନ୍ ହେଞ୍ଜାରିଂ ଇସ୍ତର୍ ଯାଗେ ରାଜିନି ଆସ୍ତି ମାନି ଜିବୁନ୍ ମାର୍ନି ପାଡ୍ ଚିଞ୍ଜେଞ୍ କାଜିଂ ଆଦିକାର ହିନାଂ ।”

**ସର୍ଣ୍ଣ ମଣ୍ଡଲିତିଂ କାରୁର୍**

୮ \*ସର୍ଣ୍ଣା ମଣ୍ଡଲିନି ଦୁଡ୍ ଲାଗାଂ ଲେକିକିୟା: “ଇନେର୍ ଆରମ୍ ଆରି ହାରିହାରା, ଇନେର୍ ହାଜି ଆରେ ଜିବୁନ୍ ଆତାନ୍, ହେଞ୍ଜାନ୍ତି ଲାଗାଂ ଇ କାରୁର୍ ।

୯ ମି ଦୁକ୍ ସବୁ ନାଞେଞ୍ ଜାଣା; ଆନ୍ ପା ପୁନାଞ୍ ଜେ, ଏପ୍ ଅକ୍ ଡ୍; ମାତର୍ ହାଡ୍ପାନେ ଏପ୍ ମାଜାନ୍ । ଇମ୍ଣାକାର୍ ଜାର୍ତି ଜିହୁଦି କୁଟୁମ୍ ଇଞ୍ଜ ଇନାର୍, ମାତର୍ ହାଡ୍ପାନେ ହେଞ୍ଜାର୍ ଜିହୁଦିର୍ ଆକାୟ୍ ଆରି ଇମ୍ଣାକାର୍ ସୟ୍ତାନତି ପାତେ ହାନାର୍, ହେଞ୍ଜାର୍ ଇନେସ୍ ମିଦାଂ ନିୟା କିଜି କାତା ଇନାର୍, ହେଦାଂ ଆନ୍ ପୁନାଞ୍ ।

୧୦ ଏପ୍ ଇମ୍ଣା ସବୁ ଦୁକ୍ବଗ୍ କିଦେଞ୍ ହାନାଦେରା, ହେ ସବୁତିଂ ପାଣ୍ଡା ଆମାଟ୍; ହୁଡାଟ୍, ମି ପରିକ୍ୟା କାଜିଂ ସୟ୍ତାନ ମି ବିତ୍ରେତାଂ ଇନେର୍ ଇନେରିଂ ଜଇଲ୍ ଇଞ୍ଜ ବାତ୍ କିଦନାଡ୍, ଆରେ ଏପେଞ୍ ଅଲପ୍ ଦିନ୍ କାଜିଂ ଦୁକ୍ବଗ୍ ଆଦନାଡ୍ । ଏପେଞ୍ ହାନି ପାତେକ୍ ପାତ୍ ତ ମାନାଟ୍, ହେବେ ଆପ୍ ମିଞେଞ୍ ଜିବୁନ୍ବାର୍ତି ମୁକୁଟ୍ ହିଦନାପ୍ ।”

୧୧ \*ମଣ୍ଡଲିକାଂ ଜିବୁନ୍ ଇନାକା ଇନାତା, “ଇନେରିଂ କିତୁଲିଞ୍ ମାନିକ୍, ହେଞ୍ଜାନ୍ ହେଦାଂ ଖେନେନ୍ । ଇନେନ୍ ଜିତା ଆନାନ୍, ହେଞ୍ଜାନ୍ ରିହା ହାକି ଲାହାଞ୍ ଇନେସ୍କିତିସ୍ପା ନସ୍ଟୁ ଆଉଡ୍ ।”

**ପର୍ଗମ ମଣ୍ଡଲିତିଂ କାରୁର୍**

୧୨ “ପର୍ଗମ୍ ମଣ୍ଡଲିନି ଦୁଡ୍ ଲାଗାଂ ଲେକିକିୟା ।”

“ଇନେର୍ତି ତିପ୍ତିପା ରିଦାରା କାଣ୍ଡା ମାନାଡ୍, ହେଞ୍ଜାନ୍ ଇଦାଂ ଇନାନ୍, ହେଞ୍ଜାନ୍ତି ଇ କାରୁର୍ ।

୧୩ ଆନ୍ ପୁରାଞ୍ନା, ସୟ୍ତାନତି ଗାଦି ହେବେ ଜେ ଏପେଞ୍ ବାହାକିତାଦେଣ୍ଡା, ଇଦାଂ ଆପ୍ ପୁନାପ୍; ଆତିସ୍ପା ଏପେଞ୍ ମା ତର୍ ଆଟ୍ଞା ଲାକେ ଆସ୍ତାଦେଣ୍ଡା, ଆରେ ମା ପାତ୍ ଯାକି ଆଡ୍ଡିପା ଏଚେକାଡ୍ଦ୍ ମି ବିତ୍ରେନି ସୟ୍ତାନତି ହେ କୁଟ୍ତି ବାହାତ ହାଜି ମାଟାଦେର୍, ଏପେଞ୍ ମାଟାକେ ପାତ୍ କିନାଦେରା ଇଞ୍ଜି ହେ ଏଚେକାଡ୍ଦ୍ ପା ପାତ୍ କିଞ୍ଜାଦାଂ ମାଟାଦେର୍ ।”

୧୪ “ମାତର୍ ମି ବିରୁଡ୍ତ ନାଦାଂ ଏଚେଗଟା ବେରଣ୍ ଇନାକା ମାନାଡ୍ । ହେବେ ମି ଲାହାଂ ମାନି ଏଚେକ୍, ବିଲିୟାମ୍ ହିକ୍ୟାତ ତିନାଜାଣା ଆନାରା ବାଲାକ୍ ଆକାଡ୍ ତିନାକା ଆରି ଦାରିୟାଲାକେ କିନି କାଜିଂ ଇସ୍ତାଏଲ୍ ନିକାରିଂ ଇଞ୍ଜେଞ୍ ବାଲାକ୍ତିଂ ହିକ୍ୟା ହିଜି ମାଟାନ୍ ।

୧୫ ସମାନ୍ ହେ ଲାକେ ନିକଲାତିୟରିଂ ଇନ୍ବାନାକାରିଂ ହୁଡ୍ନି ମାନାୟାର୍ ମି ବିତ୍ରେ ମାନାର୍ ।

୧୬ ଲାଗିଂ ମାନ୍ବଦ୍ଲାୟ୍ କିୟାଟ୍; ଆଞ୍ଜିତିସ୍ ଆପ୍ ଦାପ୍ରେ ମି ଲାଗାଂ ଖାଜି ନିଜ୍ ଖେଇଦାଂ ହଡ୍ନି କାଣ୍ଡା ହୁକେ ହେଞ୍ଜାର୍ ଲାହାଞ୍ ଜୁଜ୍ କିନାପ୍ ।”

୧୭ \*ମଣ୍ଡଲିକାଂ ଇସ୍ତର୍ତି ଜିବୁନ୍ ଇନାକା ଇନାତା ।

“ଇନେରିଂ କିତୁଲ୍ ମାନାଡ୍, ହେଞ୍ଜାନ୍ ହେଦାଂ ଖେନେନ୍ ।” ଇନେନ୍ ଜିତା ଆନାନ୍, ତାଞେଞ୍ ଆନ୍ ଡ୍ଗୁତି ମାନ୍ନା ହିନାଞ୍, ଆରେ ଇମ୍ଣା ତର୍ ଇଟ୍ନାକାନ୍ ପିସ୍ତି ବିନେନିକାନ୍ ଇନେନ୍ ପୁନୁନ୍, “ଏଲେଞ୍ ପୁନି ତର୍ ଲେକାତି ରଞ୍ଜି ଡ୍ଞିଜିନି କାଲ୍ ତାଞେଞ୍ ହିନାଞ୍ ।”

**ତୁୟ୍ତିରା ମଣ୍ଡଲି କାଜିଂ କାରୁର୍**

୧୮ “ତୁୟ୍ତିରା ମଣ୍ଡଲିନି ଦୁଡ୍ ଲାଗାଂ ଲେକିକିୟା, ଇସ୍ତର୍ ଇମ୍ଣା ମାଜିଡ୍ଡି କାଣ୍ଡକୁ ଆହ୍ନି ନାଣି ଲାକେ ଆରି ପାନା ଅଜଡ୍ ପିତାଡ୍ ଲାକେ, ହେଞ୍ଜାନ୍ ଇଦାଂ ଇନାନ୍,

୧୯ ଆପ୍ ମି କାମାୟ୍, ଜିଉନନାକା, ପାତ୍, ହେବା ଆରି ସାସ୍ ପୁନାପ୍, ଆରେ ମିଦାଂ ନଞ୍ୟ କାମାୟ୍ ମି ଆଗେନି କାମାଞ୍ଜ ବାଟା ଜେ ଆଦିକ୍, ଇଦାଂ ପା ପୁନାପ୍ ।

୨୦ ଆତିସ୍ପା ମି ବିରୁଡ୍ତ ମାଦାଂ ଇ ବେରଣ୍ ମାନାଡ୍, ଜିଜେବଲ୍ ତର୍ଦି ଇମ୍ଣା କର୍ଲେ ଜାର୍ତିଂ ବେଣ୍ବାକଣାୟ୍କିନାକାଂ ଇଞ୍ଜି ଇଞ୍ଜି ନା ଆଡ୍ଡିୟାରିଂ ଦାରିହାଞ୍ଜେଞ୍ ଆରି ଆକାଡ୍ ଚିଞ୍ଜେଞ୍ ହିକ୍ୟା ହିଜି ବୁଲାୟ୍କିନାତା, ଏପେଞ୍ ତା ବାନ୍ୟା କାମାୟ୍ ହୁଞ୍ଜନାଦେରା ।

୨୧ ଆପ୍ ତାଞେଞ୍ ମାନ୍ବଦ୍ଲାୟ୍ କିଦେଞ୍ ସମ୍ପୁ ହିଡ୍ଡିସ୍ପା ହେଦେଲ୍ ଜାର୍ ଦାରିତାଂ ମାନ୍ବଦ୍ଲାୟ୍ କିଦେଞ୍ ଇଚା କିଉତା ।

୨୨ ଲାଗିଂ ଆନ୍ ହେଦେଲିଂ ଆରି ତା ଲାହାଂ ଦାରି କାମାୟ୍ତ ମେହାତାକାର୍ ଖିଜାରିଂ ରଗ୍ ଗାଟିତ ତୁହିନାଂ ଆରି ହେଞ୍ଜାର୍ ବୟ୍ଜାର୍ ନନିତ ବଗ୍ କିତାର୍ । ଜଦି ହେଞ୍ଜାର୍ ହେଦେଲ୍ ଲାହାଂ କିଜି ମାନି ବାନ୍ୟାକାମାୟ୍ କାଜିଂ ମାନ୍ବଦ୍ଲାୟ୍ କିଞ୍ଜିତିସ୍, ଖାଟିଂ ଆନ୍ ଇଦାଂ ହାଡ୍ପାନେ କିନାଞ୍ ।

\* ୨:୮ ହତ୍ତ ୧:୧୭; ୨୨:୧୩. \* ୨:୧୧ ହତ୍ତ ୨୦:୧୪; ୨୧:୮. \* ୨:୧୭ ଜହନ୍ ୨:୪୮-୫୦.

୨୩ ହେଦେଲ୍ ପାଚେହାନାକାରିଂ ପା ଚୁଣାଙ୍ଗ । ତା ଆତିସ୍, ମଣ୍ଡଲିଂ ଓଜାର୍ ପୁଞ୍ଜେଙ୍ଗ୍ ଆଡ୍‌ନାର୍ ଜେ; ଆନ୍ ଖାସ୍ତିପୁନାକାଂ, ମାନାୟ୍‌ନି ଓଜୁ ଚିତ୍ତା ଆରି ଦାରି ପୁଞ୍ଜେଙ୍ଗ୍ ଆଡ୍‌ନାଙ୍ଗ୍ । ଏପେଙ୍ଗ୍ ଜାଣକେ ଇନା ଇନାକା କିତାଦେଣ୍ଟା, ହେ ଇସାବ୍‌ରେ ଆନ୍ ମିଂ ପାତିପାଡ୍‌ହିଦ୍‌ନାଙ୍ଗ୍ ।”

୨୪ “ମାତର୍ ତୁୟାତିରା ମି ବିତ୍ରେତାଂ ଇମଣାକାର୍ ଇ ବାନ୍‌ମାହିକ୍ୟାତିଂ ଇଡ୍‌ଝାତାଣ୍ଟା, ଆରି ସୟ୍‌ତାନ୍‌ତି ତୁଞ୍ଜି ଇତି ବେରଣିକାଂ ହିକ୍ୟା କିଝାତାନ୍ନା, ଆନ୍ ହେଝାର୍ ଜପି ଆରେ ଇମଣାକା ପା ବଜ୍ ଲାଦି କିଡ୍‌ଙ୍ଗ୍ ।

୨୫ ମତର୍ ମି ତାକେ ଇନାକା ମାନାଡ୍, ହେଦାଂ ଆନ୍ ଖାନି ପାତେକ୍ ଆଡ୍‌ଝା କିଜି ଆସ୍ତି ମାନାଟ୍

୨୬ ଇନେନ୍ ଜିତା ଆନାନ୍ ଆରି ହାରିହାରା ପାତେକ୍ ନା କାମାୟ୍ କିନାନ୍, ଆନ୍ ଇନେସ୍ ଆବାଂତାଂ ଆଦିକାର୍ ପାୟାତାଂନା, ହେଦାଂ ପା ହେ ଲାକେ ସବୁ ଜାତି ଜପି ଆଦିକାର୍ ହିନାଙ୍ଗ୍ ।

୨୭ ହେଝାନ୍ ହେଝାରିଂ ଲଝା ବାଡ୍‌ଗା ହୁକେ ରାଜ୍ କିଦେଙ୍ଗ୍, ଆରେ ହେଝାର୍ ଚିକ୍‌ଲା ଟାଣ୍ଟି ଲାକେ ଗନ୍ଦା ଗନ୍ଦା କିଦେଙ୍ଗ୍ ହେଝାରିଂ କେମ୍‌ତା ହିନାଙ୍ଗ୍ ।”

୨୮ ଆରେ ଆନ୍ ହେଝାରିଂ ଅଜଡ୍‌ ହୁକା ପା ହିନାଙ୍ଗ୍ ।

୨୯ ଖେଞ୍ଜେଙ୍ଗ୍ ସାକ୍ତି ମାତିସ୍, ମଣ୍ଡଲିକାଂ ଇସ୍‌ବର୍‌ତି ଜିବୁନ୍ ଇନାକା ଇନାତା, ଖେନାଟ୍ ।

### ୩

#### ସାଦ୍‌ ମଣ୍ଡଲିତିଂ କାରୁର୍

୧ ସାଦ୍‌ ମଣ୍ଡଲିନି ଦୁଡ୍‌ ଲାଗାଂ ଲେକିକିୟା । ଇନେର୍ ଇସ୍‌ବର୍‌ ସାଡ୍‌ ଜିବୁନ୍‌ ଆରି ସାଡ୍‌ଗଟା ହୁକାଂ ହେ ଲାକେ ଆତିକ୍, ହେଝାନ୍ ଇଦାଂ ଇନାନ୍, ଆପ୍ ମି କାମାୟ୍ ପୁନାପ୍, ଏପେଙ୍ଗ୍ ତର୍‌ଦିଂ ଜିତାଦେଣ୍ଟା, ମତର୍ ହାଡ୍‌ପାନେ ହାତାଦେଣ୍ଟା ।

୨ ଜାଗ୍ରଡ୍ ଆଜି ମାନାଟ୍ ଆରେ ହାକି କାଜିଂ ଜାଲ୍‌ଦି ବାକି ବିସ୍ତେ ବାଡ୍‌କାସ୍ କିୟାଟ୍; ଇନେକିଦେଂକି ଆନ୍ ପୁନାଙ୍ଗ୍, ମି କାମାୟ୍ ସବୁ ଇସ୍‌ବର୍‌ ମୁମ୍‌ଦ ଇ ପାତେକ୍ ବାଡ୍‌ ଆଉତେ ।

୩ ଲାଗିଂ ଇନେସ୍‌ବାଡ୍‌ ହିକ୍ୟା ପାୟା ତାଦେଣ୍ଟା ଆରି ଖେଚାଦେଣ୍ଟା, ହେଦାଂ ଏତୁ କିଜି ପାଲି କିୟାଟ୍ ଆରି ମାନ୍‌ବାଦ୍‌ଲାୟ୍ କିୟାଟ୍; ଜଦି ଜାଲ୍‌ଦି ଆଓ୍ତିସ୍, ତା ଆତିସ୍ ଆପ୍ ଚର୍ ଲାକେ ଖାନାପ୍, ଆରେ ଇମଣି ସମୁତ ମି ଜପି ଖାଜି ଆର୍ଦ୍‌ନାପ୍, ହେଦାଂ ଏପେଙ୍ଗ୍ ଇନେସ୍‌କିତିସ୍‌ପା ପୁଞ୍ଜେଙ୍ଗ୍ ଆଡ୍‌ଦେର୍;

୪ ଆତିସ୍‌ପା ଇମଣାକାର୍ ଜାର୍ ଜାର୍ ହେୟା କାଞ୍ଜି କିଝାତାଣ୍ଟା, ମି ବିତ୍ରେ ସାଦ୍‌ ତ ଏଲେଙ୍ଗ୍ ଏତେକ୍ ମାନାର୍; ହେଝାର୍ ଡିଞ୍ଜିନି ହେୟା ଉସ୍‌ପିସ୍ ମା ଲାହାଙ୍ଗ୍ ବୁଲାଚାଲା ଆନାର୍, ଇନେକିଦେଂକି ହେଝାର୍‌ତି ଜଗ୍ ।

୫ ଇନେର୍ ଜିତା ଆନାର୍, ହେଝାନ୍ ଇ ଲାକେ ଡିଞ୍ଜିନି ହେୟା ଉସ୍‌ପାନାର୍, ଆରେ ଆନ୍ ଜିବୁନ୍ ପତିତାଂ ତା ତର୍ ଇନେସ୍‌କିତିସ୍‌ପା ବୁଡାୟ୍ କିଝାଦାଂ ନା ଆବା ଆରି ତା ଦୁତକ୍ ମୁମ୍‌ଦ ତା ତର୍ ମାନିକିନାଙ୍ଗ୍ ।

୬ ମଣ୍ଡଲିନିକାରିଂ ପୁଞ୍ଜପୁୟା ଜିବୁନ୍ ଇନାକା ଇନାଡ୍, ଇନେରିଂ କିଡ୍‌ଲ୍ ମାନାଡ୍, ହେଝାନ୍ ହେଦାଂ ମାନ୍ ହିଜି ଖେନେନ୍ ।

#### ପିଲାଦେଲ୍‌ପିଆ ମଣ୍ଡଲି କାଜିଂ କାରୁର୍

୧ ପିଲାଦେଲ୍‌ପିଆ ମାନି ମଣ୍ଡଲିନି ଦୁଡ୍ ଲାଗାଂ ଲେକିକିୟା । ଇନେର୍ ପୁଞ୍ଜପୁୟା ଆରି ହାଡ୍‌ପା,

ଇନେର୍ କେଇଦ ଦାଉଦ୍‌ତି କୁଚିକାଡି ମାନାଡ୍, ଇନେର୍ ଜେତିସ୍ ଇନେର୍ ଗେସ୍‌ତେଂ ଆଡ୍‌ର, ଆରେ ଗେସ୍‌ତିସ୍ ଇନେର୍ ଜେତେଙ୍ଗ୍ ଆଡ୍‌ର,

୮ ହେଝାନ୍ ଇଦାଂ ଇନାନ୍, ଆନ୍ ମି କାମାୟ୍ ପୁନାଙ୍ଗ୍; ହୁଡାଟ୍ ଆନ୍ ମି ମୁମ୍‌ଦ ର ଦୁଞ୍ଜେର୍ ଜେତାଙ୍ଗ୍‌ନା, ଇନେର୍ ହେଦାଂ ଗେସ୍‌ତେଂ ଆଡ୍‌ର, ଇନେକିଦେଂକି ମି ସାକ୍ତି ଅଲପ୍, ଆତିସ୍‌ପା ଏପେଙ୍ଗ୍ ନା କାତା ମାନି କିଜି ନା ତର୍ ପାଡ୍‌ କିନାକାଦେର୍ ଆତାଦେଣ୍ଟା ।

୯ ହୁଡାଟ୍, ଇମଣାକାର୍ ଜିହୁଦିର୍ ଆକାୟ୍, ମାତର୍ ମିର୍‌ତାଂ ଜାର୍‌ଲଗାଂ ଜିହୁଦି ଇଞ୍ଜି ଇନାର୍, ଏଲେଙ୍ଗ୍ ସୟ୍‌ତାନ୍‌ନି କୁଟୁମ୍ ଇଞ୍ଜି କୁଦାନି ମାନାୟାରିଂ ଆପ୍ ତାସି ମି ପାନା ତାରେନ୍ ଜଝାକ୍‌କିୟ୍‌କିଦ୍‌ନାପ୍, ଆରେ ଆନ୍ ଜେ ମିଙ୍ଗେଙ୍ଗ୍ ଜିଉନ୍‌ଦ୍‌ନାଙ୍ଗା ଇଞ୍ଜି ହେଝାର୍ ଓଜାର୍ ପୁନାର୍ ।

୧୦ ନା ବଲ୍ ଇସାପ୍‌ରେ ଏପେଙ୍ଗ୍ ନା ସାସ୍‌ନି ବଚନ୍ ରାକ୍ୟା କିତାଦେର୍‌ନା, ଇଦାଂ କାଜିଂ ପୁଡ୍‌ ନିକାରିଂ ପରିକ୍ୟା କିନି କାଜିଂ ସବୁ ଜଗଡ୍ ଜପି ଇମଣି ପରିକ୍ୟା କାଡ୍‌ ଖାନାଡ୍, ହେବେତାଂ ଆନ୍ ପା ମିଙ୍ଗେଙ୍ଗ୍ ରାକ୍ୟା କିଦ୍‌ନାଙ୍ଗ୍ ।

୧୧ ଆନ୍ ଦାପ୍ରେ ଖାନାଙ୍ଗା; ମିଦାଂ ଇନାକା ମାନାଡ୍, ହେଦାଂ ଜାଡୁନ୍ କିଜି ଇଗାଟ୍, ଇନେସ୍ ଇନେର୍ ମିତାଂ, ମି ଜିତାଡି ମୁକୁର୍ ଚରି କିଜି ଅଦେଂ ଆଡ୍‌ର ।

☆ ୩:୫ ହତ୍ତ ୨୦:୧୨; ମାତିଉ ୧୦:୩୨; ଲୁକ ୧୨:୮.

୧୨ \*ଇନେର ଜିତା ଆନାର, ଆନ୍ ତାଙ୍ଗେଙ୍ଗ୍ ମା ଇସ୍ତର୍ ମନ୍ଦିର୍ନି ମୁଣ୍ଡା ଲାକେ କିନାଙ୍ଗ୍, ହେୱାନ୍ ଆରେ ହେବେତାଂ ବାରତ ହାଲୁନ୍; ଆପ୍ ମା ଇସ୍ତର୍ ତର ଆରି ସାଗେତାଂ ତା ତାକେଣ୍ଡାଂ ଆତାକା ଇମ୍ଣି ପୁନି ଜିରୁସାଲମ୍, ମା ଇସ୍ତର୍ ହେ ଗାଡ଼ନି ତର ଆରେ ନା ଜାରତି ପୁନି ତର ହେଦାଂ ଜପି ଲେକିକିନାପ୍ ।

୧୩ ମଣ୍ଡଲିକାଂ ଇସ୍ତର୍ତି ଜିବୁନ୍ ଇନାକା ଇନାଡ଼, ଇନେରିଂ କିତୁଲ୍ ମାନାଡ଼, ହେୱାନ୍ ହେଦାଂ ୱେନେନ୍ ।

ଲାଅଦିକିଆ ମଣ୍ଡଲି କାଜିଂ କାରୁର

୧୪ ଲାଅଦିକିଆ ମଣ୍ଡଲିନି ଦୁଡ଼ ଲାଗାଂ ଲେକିକିୟା । ଇନେନ୍ ସଡ଼, ଇନେନ୍ ପାତର୍ ନିକାନ୍ ଆରି ହାଡ଼ପା ସାକି, ଇସ୍ତର୍ ଓଜୁ ଉବ୍‌ଜାଣି ଆଗେ ରଚ୍‌କାନ୍ ହେୱାନ୍ ଇଦାଂ ଇନାନ୍,

୧୫ ଆନ୍ ମି କାମାୟ୍ ପୁନାଙ୍ଗ୍, ଏପ୍ କାକାର୍ ଆକାୟ୍ କି ଉହୁମ୍ ଆକାୟ୍; ଏପ୍ କାକାର୍ କି ଉହୁମ୍ ଆତିସ୍ ହାର୍ ଆତାମ୍ ।

୧୬ ଲାଗିଂ ଏପେଙ୍ଗ୍ କାକାର୍ କି ଉହୁମ୍ ଆୱାଦାଂ ଅଲପ୍ ଉହୁମ୍ ଆତିଲେ ଆନ୍ ମିଙ୍ଗେଙ୍ଗ୍ ନା ୱେଇଦାଂ କାକ୍‌ନାଙ୍ଗ୍ ।

୧୭ ଏପେଙ୍ଗ୍ ଇନାଦେରା, ଆନେଙ୍ଗ୍ ମାଜାନ୍, ନାଦାଂ ବେସି ଦନ୍ ମାନାଡ଼, ନାଂ ଇନାକା ଉଣା ଆକାୟ୍; ମତର୍ ଏପେଙ୍ଗ୍ ଜେ ଦୟା ହିଲ୍‌କାଦେର, ହିଲ୍‌ୱାକାଦେର, ଅକ୍ ଡ଼, କାଣା ଆରି ନାଗଡ଼ା, ଇଦାଂ ପୁନୁଦେର;

୧୮ ଲାଗିଂ ଆନ୍ ନିଙ୍ଗେଙ୍ଗ୍ ଇଦାଂ ୱେଚ୍‌ଚାନାଙ୍ଗା, ଏପେଙ୍ଗ୍ ମାଜାନ୍ ଆନି କାଜିଂ ନା ତାଂ ନିର୍ମଲ୍ ହନା କଡ଼ାଟ୍, ଆରେ ଏପେଙ୍ଗ୍ ନାଗଡ଼ାନି ଲାଜୁ ଇନେସ୍ ଚଞ୍ଜିୟା ଆଉଡ଼, ଇଦାଂ କାଜିଂ ଉସ୍‌ପିନି କାଜିଂ ଡ଼ିଞ୍ଜିନି ହେୟା ନା ତାଂ କଡ଼ାଟ୍ । ଆରେ ହୁଡ଼ନି ସାକ୍ତି ନିର୍ମଲ୍ କିନି କାଜିଂ କାଜଲ୍ କଡ଼ଜି କାଣ୍‌କୁକାଂ କାଜାଟ୍ ।

୧୯ \*ଆନ୍ ଏଚେକ୍ ମାନାୟାରିଂ ଜିଉନନାଙ୍ଗ୍, ହେୱାରିଂ ଲେଡ଼ନାଙ୍ଗ୍ ଆରି ସାସନ୍ କିନାଙ୍ଗ୍; ଇତିସ୍ ୱାସ୍‌ଲିଆହାଂ ମାନ୍‌ବାଦଲ୍‌ୟ କିୟାଟ୍ ।

୨୦ ହୁଡ଼ାଟ୍, ଆନ୍ ବାଡ଼ ନିଲ୍‌ଚି ଦୁ଱େରତ ଇଡ଼୍‌ଦାନାଙ୍ଗା; ଜଦି ଇନେର ନା କାଟ୍ ୱେନ୍‌ଞ୍ଜି ଦୁ଱େର୍ ଜେଡ଼ନାନ୍, ତା ଆତିସ୍ ଆନ୍ ହଣ୍‌ଜି ତା ଲାଗାଂ ହାନାଙ୍ଗ୍, ଆରେ ଆନ୍ ତା ଲାହାଙ୍ଗ୍ ତିନାଙ୍ଗ୍ ଆରି ହେୱାନ୍ ନା ଲାହାଙ୍ଗ୍ ତିନାନ୍ ।

୨୧ ଆନ୍ ଇନେସ୍ ଜିତା ଆଜି ନା ଆବା ଲାହାଙ୍ଗ୍ ତା ଗାଦିତ କୁଚ୍‌ଚାଙ୍ଗ୍‌ନା, ହେ ଲାକେ ହେୱାନ୍ ଜିତା ଆନାନ୍, ଆନ୍ ହେୱାନ୍‌ି ନା ଲାହାଙ୍ଗ୍ ନା ଗାଦିତ କୁଚ୍‌ଚେଙ୍ଗ୍ ହିନାଙ୍ଗ୍ ।

୨୨ “ଞ୍ଜେଙ୍ଗ୍ କିତୁଲିଂ ମାତିସ୍, ଇସ୍ତର୍ତି ଜିବୁନ୍ ମଣ୍ଡଲିକାଂ ଇନାକା ଇନାଡ଼, ୱେନାଟ୍ ।”

୪

ସାଗେତ ପାଡ଼ାନା

୧ ଇଦାଂ ପାଚେ ଆନେଙ୍ଗ୍ ହୁଡ଼ତାଂ, ଆରେ ହୁଡ଼ାଟ୍, ସାଗେତ ରଞ୍ଜାଙ୍ଗ୍ ଦୁ଱େର୍ ଜେତାକା ମାଚାଡ଼; ଆରେ ମରି ଗାର୍ଜାନ୍ ଲାକେ ନା ଲାହାଙ୍ଗ୍ ଇଞ୍ଜି ମାନି ଇମ୍ଣି କାଟ୍ ଆନେଙ୍ଗ୍ ଆଗେ ୱେନ୍‌ଞ୍ଜି ମାଚାଂ, ହେଦାଂ ଇଚାଡ଼, ଇବେ ନିଙ୍ଗ୍‌ଜି ୱା; ଇନାକା ସବୁ ଇଦାଂ ପାଚେ ଆତିସ୍‌ପା ଗିଟାଆନାଡ଼, ହେ ସବୁ ଆନ୍ ମିଙ୍ଗେଙ୍ଗ୍ ଚଚ୍‌ଚାନାଙ୍ଗ୍ ।

୨ ହେ ଦାପ୍ରେ ଆନେଙ୍ଗ୍ ପୁଇପୁୟା ଜିବୁନ୍‌ତ ବାତର୍ ଆତାଂ, ଆରି ହୁଡ଼ତାଂ, ସାଗେତ ର ଗାଦିତ ରଞ୍ଜାନ୍ ଇନେର କୁଚ୍‌ଚାମ୍ନା;

୩ କୁଚ୍‌ଚି ମାନାୟତିଂ ମୁମ୍ ହିରା ଆରି ମାଣିକ୍ୟ ଲାକେ, ଆରେ ଗାଦି ଚାର୍‌ବେଣ୍ଡାଂ ରଞ୍ଜାଙ୍ଗ୍ ତୁବ୍‌ଡ଼ାରାଟ୍, ହେଦାଂ କାଚାପାଡ଼ିୟା ବାନାନି ମୁକ୍ତା ଲାକେ ।

୪ ଆରେ, ଗାଦିନି ଚାର୍‌ବେଣ୍ଡାଂ ୨୪ ଗାଦି ରଚ୍‌ଚାକା ଆରି ଗାଦିଂ ଜପି ୨୪ ପ୍ରାତିନାର୍ କୁଚ୍‌ଚାର୍‌ନା, ହେୱାର୍ ଡ଼ିଞ୍ଜିନି ହେୟା ଉସ୍‌ପାତାକାର୍ ଆରି ହେୱାର୍ କାପ୍‌ଡ଼ା ଜପି ହନା ମୁକୁଟ୍ ।

୫ \*ଗାଦି ବିତ୍ରେ ବିଜ୍‌ଲି, ବାରବିନ୍‌ନି କାଟ୍ ଆରି ବାଦାଡ଼ ଗାର୍ଜାନ୍ ହଡ଼ନାତା, ଆରେ ଗାଦି ଲାଗାଂ ନାଣିଲାକେ ସାଡ଼ଗଟା ବଇଟାଙ୍ଗ୍ ଆହ୍‌ନିକା, ଇ ସାଡ଼ଗଟା ବଇଟାଙ୍ଗ୍ ଇସ୍ତର୍ ସାଡ଼ଗଟା ଜିବୁନ୍ ।

୬ ଗାଦି ମୁମ୍‌ଦ କାଟ୍ ଲାକେ ନିର୍ମଲ୍ ର ହାମ୍‌ଦୁର୍ ।

ଗାଦି ଚାର୍‌ବେଣ୍ଡାଂ ମାଦି ଚାର୍ ପାରାଣିଂ, ହେୱାଡ଼ତି ଆଗେ ଆରି ପାଚେ କାଣ୍‌କୁତ ବାତର୍ ମାଚାଡ଼ ।

୭ ପର୍ତ୍ତୁମ୍ ପାରାଣି ସିହ୍ ଲାକେ ଚନ୍‌ଞ୍ଜି ମାଚାଡ଼, ରିଣ୍ଡି ପାରାଣି ଅହ୍‌ରି ଲାକେ, ତିନ୍ ପାରାଣି ମୁମ୍ ମାନାୟ୍ ମୁମ୍ ଲାକେ, ଆରେ ଚାରିପାରାଣି ଉମ୍‌ନି ମୁକ୍ତି ପଟି ଲାକେ ଚନ୍‌ଞ୍ଜି ମାଚାଡ଼ ।

୮ ଓଜୁ ପଟିକାଂ ଚଅ ଚଅ କେଲ୍‌କୁ; ହେ କେଲ୍‌କୁକାଂ ବାରତ ଆରି ବିତ୍ରେ କାଣ୍‌ଜାତ ବାତର୍ ମାଚାଡ଼ । ହେଞ୍ଜେକ୍ ୱେଡ଼ାନାଣା ଜମ୍‌ୱାଦାଂ ଇନିକା, ଇନେର ସାକ୍ତିକାଗାକାନ୍, ଇନେର ପ୍ତାନାକା, ନଙ୍ଗ୍‌ୟ ଆରି ୱାନିଦିନ୍ତ, ହେ ମାପୁ ଇସ୍ତର୍ ପୁଇପୁୟା, ପୁଇପୁୟା, ପୁଇପୁୟା ।

୯ ପାରାଣିଂ ଏଚେକାଡ଼୍‌ଦ ହେ ଗାଦିତ କୁଚ୍‌ଚି ଓଜୁଞ୍ଜି ଜିତି ମାନାୟାରିଂ ପାଣ୍ ଜାଜ୍‌ମାଲ୍, ଆରି ଦନ୍‌ସବାଦ୍ ହିନିକ୍,

\* ୩:୧୨ ହତ୍ତ ୨୧:୨. \* ୩:୧୯ ଏକ୍ସି ୧୨:୬. \* ୪:୫ ହତ୍ତ ୮:୫; ୧୧:୧୯; ୧୭:୧୮; ହତ୍ତ ୧:୪.

୧୦ ହେ ଏଚେକାଡ଼ ୨୪ ବୁଡ଼ାଲୁର ଗାଦିତ କୁଚ୍ଚି ମାନାୟ ମୁମ୍ବ ଡାଣ୍ଡାହାଡ଼ ମାଗ୍ଜି ଝିଜ୍ଝି ଜିବୁନ୍ମାନି ମାନାୟତିଂ ଜଞ୍ଜାର କିତାର ଆରି ଗାଦି ଲାଗାଂ ଜାର ଜାର ମୁକୁଚ୍ ଇଡ଼ଜି ଇଚାର,

୧୧ “ମା ମାପୁ ଆରି ଇସ୍ବର,

ଏନେଙ୍ଗ ଜାଜମାଲ୍, ମାନି ଆରି ସାକ୍ତି ପାୟାଦେଂ ଜଗ୍ ଆନାୟ,  
ଇନେକିଦେଂକି ଏନ୍ ଝିଜୁ ଉବ୍ଜାଣ୍ କିତାୟନା ।

ଆରେ ନି ଇଚାତ ହେ ସବୁକାଂ ଜିବୁନ୍ ହିତାୟନା, ପାରାଣିକାଂ ଜିପ୍ତାୟନା ।”



ପତି ଆରି ମେଣ୍ଡାହିମ୍ଣା

୧ ତା ପାଚେ ଆନ୍ ଗାଦିତ କୁଚ୍ଚି ମାନି ମାନାୟତିଂ ବୁଜ୍ଝି କେଇଦ ର ପତିତ ହୁଡ଼ତାଂ, ହେଦାଂ ରିକଣ୍ଡାଂ ଲେକାତାଡ଼ନା ଆରି ସାଡ଼ଗଟା ଚିନ୍ତ ହେଦାଂ ଚିନ୍ ଇଟ୍ୟାଜି ମାଚାଡ଼ ।

୨ ଆରେ ଆନ୍ ର ସାକ୍ତିକାଟି ଦୁଡ଼ତିଂ ହୁଡ଼ତାଂ; ହେଦେଲ୍ ଗାଜା କାଟ୍ତାଂ ସୁଣାୟ କିଜି ଇଞ୍ଜି ମାଚାଡ଼, “ଇନେର୍ ଇ ଚିନ୍ ସବୁତିଂ ତ୍ରିକ୍ତି ପତି ଜେତେଙ୍ଗ କାଜିଂ ଇନେର୍ ଜଗ୍ ମୁଣିକା ମାଟିସ୍, ହସି ଝାଏର୍ ।”

୩ ମାଚର୍ ହେ ପତି ଜେସି ହେବେ ଇନାକା ଲେକାମାନାଡ଼, ପଡ଼ିକିଦେଂ ସାଗେ, ପୁତ୍ ଡି ପାତାଲ୍ତ ଇନେର୍ ହଡ଼ଝାତାର୍ ।

୪ ହେ ପତି ଜେସି ହେବେ ଇନାକା ଲେକା ଆଡ଼ନା, ପଡ଼ି କିଦେଙ୍ଗ କାଜିଂ ରଞ୍ଜାନ୍ ପା ଜଗ୍ ମୁଣିକା ଗାଟାଆଡ଼ଝିତିଲେ, ଆନ୍ ଦୁକ୍ ଆଜି ଆଡ଼ବେଦେଂ ଲାଗାତାଂ ।

୫ ହେବେ ପ୍ରାଚିନାର ବିତ୍ରେ ରଞ୍ଜାନ୍ ନାଙ୍ଗେଙ୍ଗ ଇନଚାନ୍, ଆଡ଼ବାମା, ହୁଡ଼ା, ଇନେନ୍ ଜିହୁଦା ଲାତ୍ରାତାଂ ସିହ୍ ଆରି ଦାଉଦ୍ ଡି ଦଲ୍, ହେଞ୍ଜାନ୍ ପତିନି ସାଡ଼ଗଟା ଚିନ୍ ଇଡ଼ତାକା ତ୍ରିକ୍ତି ହେଦାଂ ଜେନି କାଜିଂ ଜିତା ଆତାନ୍ନା ।

୬ ହେ ଏଚେକାଡ଼ ଆନେଙ୍ଗ ହୁଡ଼ତାଂ, ଗାଦି, ଚାରି ପାରାଣିଂ ଆରି ପ୍ରାଚିନାର ମାଦ୍ଣିବାହାତ ର ମେଣ୍ଡାହିମ୍ଣା ନିଲ୍ତାକା ହୁଡ଼ତାଂ, ହେଞ୍ଜାନ୍ ହାତି ଲାକେ ଚଞ୍ଜି ମାଚାନ୍, ହେଞ୍ଜାନ୍ତି ସାଡ଼ କମଙ୍ଗ୍ ଆରି ସାଡ଼ଗଟା କାଣ୍ଗାଂ; ହେ ଝିଜୁ କାଣ୍ଗାଂ ସବୁ ପୁତ୍ ଡି ପକ୍ୟାତ ଇସ୍ବତ୍ ସାଡ଼ଗଟା ଜିବୁନ୍ ।

୭ ମେଣ୍ଡାହିମ୍ଣା ଝାଜି ଗାଦି ଜପି କୁଚ୍ଚିମାନି ମୁଣିକାତିତାଂ ବୁଜ୍ଝି କେଇଦାଂ ହେ ପତି ଅତାନ୍ ।

୮ ହେ ପତି ଅତିଲେ ହେ ଚାରି ପାରାଣିଂ ଆରି ୨୪ ପ୍ରାଚିନାର ମେଣ୍ଡାହିମ୍ଣା ମୁମ୍ବ ଡାଣ୍ଡାହାଡ଼ ଇଡ଼ତାର୍; ହେଞ୍ଜାଚ୍ଚି ଝିଜାରୁତି କେଇଦ ଗମଣ୍ ଆରି ପୁଇପୁୟା ଦାମ୍ ଡି ପାର୍ତାମା ଲାକେ ଦୁପ୍ନିତ ବାଡ଼ ହନା କଣ୍ଡି ମାଚାଡ଼ ।

୯ ହେଞ୍ଜାର ର ପୁନି କେରକଣ୍ କେରଜି ଇଚାର୍,  
ଏନ୍ ହେ ପତି ଅଦେଂ ଆରି ହେବେନି ସିଲ୍ ତ୍ରିକ୍ତିତେଂ ଜଗ୍ ଆଡ଼ନାୟ,  
ଇନେକିଦେଂକି ଏନ୍ ହାଜି ମାଚାୟ,

ଆରେ ଜାର ନେତେର୍ ହୁକେ ସବୁ କୁଚ୍ଚୁମ୍, ବାସାନିକାର୍, ଲାତ୍ରା  
ଆରି ଜାତି ବିତ୍ରେତାଂ ଇସ୍ବତ୍ କାଜିଂ ମାନାୟାରିଂ କଡ଼ତାୟନା,

୧୦ \*ଆରେ ହେଞ୍ଜାରିଂ ମା ଇସ୍ବତ୍ ଇସାପ୍ତ ରାଜି ହେବା କିନି ରାଜା ଲାତ୍ରା ଆରେ  
ମାପୁ ହେବାକିନାକାନ୍ କିଜି ହିତାୟନା; ଆରେ ହେଞ୍ଜାର୍ ପୁତ୍ ଜପି ରାଜ୍ କିନାନ୍ ।

୧୧ ତା ପାଚେ ଆନ୍ ହୁଡ଼ତାଂ, ହାଜାର୍ ହାଜାର୍ ଆରି ଲାକେ ଲାକେ ସାଗେନି ଦୁଡ଼କୁ ଗାଦିତ, ଚାରିଗଟା ପାରାଣିଂ ପ୍ରାଚିନାର ବେଡ଼ିକିଜି ନିଲ୍ତକିନା ।

୧୨ ହେଞ୍ଜେକ୍ ଗାଜା କାଟ୍ତାଂ କେରଜି ମାଟିକ୍, ବାଡ଼କାସ୍, ଦାନ୍, ଗିଆନ୍, ସାକ୍ତି, ପାଣ୍, ଜାଜମାଲ୍ ଆରି ଦନ୍ୟବାଦ୍ ମାନିକିଦେଂ ହାଜି ମାଟି ମେଣ୍ଡାହିମ୍ଣା ନେ ଜଗ୍ ଆନାନ୍ ।

୧୩ ଆରେ ଆନ୍ ସାଗେ, ପୁତ୍ ଡି, ପାତାଲ୍ତ ଆରି ହାମ୍ବୁରତ ମାନି ଝିଜୁ ଉବ୍ଜାତି ପାରାଣିଂ, ଆଁ ହେ ବିତ୍ରେନି ଝିଜୁ ଇଦାଂ ଇଞ୍ଜିମାଚାକା ଝେଚାଙ୍ଗ୍, ହେଞ୍ଜେକ୍ କେରଜି ମାଟିକ୍ ।

“ଗାଦିତ କୁଚ୍ଚି ମାନାୟତି ଆରି ତା ମେଣ୍ଡାଗଡ଼ିୟାତି ଦନ୍ୟବାଦ୍ କିୟାଟ୍ ।

ତା ପାଣ୍, ଜାଜମାଲ୍ ଆରି ସାକ୍ତି ଝିଜ୍ଝି କାଡ଼ ପାଚେକ୍ !”

୧୪ ହେବେଣ୍ଡାଂ ଚାର୍ ପାରାଣି ଇଚିକ୍, ଆମେନ୍, ଆରେ ପ୍ରାଚିନାର ମେଣ୍ଡାଙ୍ଗୁଦିକିଜି ଜଞ୍ଜାର୍ କିତାର୍ ।



ଡାବୁଙ୍ଗ୍

☆ ୫:୧୦ ହତ୍ତ ୧:୭.

୧ ତା ପାଚେ ଆନ୍ ହୁଡ଼ତା, ମେଣ୍ଡାହିମଣାତି ସାତଗଟା ଡାବୁଙ୍ଗ ବିତ୍ରେ ପର୍ତ୍ତୁମ୍ ସିଲ୍ ଡ୍ରିକ୍ନାକା ହୁଡ଼ତା, ଆରେ ଚାରି ପାରାଣି ବିତ୍ରେତା ରଞ୍ଜାନି ବିଞ୍ଜି ଇଡ଼ନି କାଟ୍ ଲାକେ ଇଦା ଇଞ୍ଜିମାନାକା ଝେଟା, ଝାଡ ।

୨ ହେବେ ଆନେଙ୍ଗ ହୁଡ଼ତା, ଆରେ ହୁଡ଼ାଟ୍, ରଞ୍ଜାଙ୍ଗ ଡ଼ିଞ୍ଜିନି ଗଡ଼ା, ଆରେ, ଗଡ଼ାଦୁମ୍ନାକାର୍ କେଇଦ ର ଝିଲ୍ ଆସ୍ତି ମାଚାନ୍; ହେଞ୍ଜାନି ର ମୁକୁଟ୍ ହିତାର୍, ଆରେ ହେଞ୍ଜାନ୍ ଜିତା ଆଜି ଜିଣାଦେ ହସି ହାଚାନ୍ ।

୩ ମେଣ୍ଡାହିମଣା ଏଚେକାଡ଼ଦ ଜେତି ସିଲ୍ ଡ୍ରିକ୍ତାନ୍, ହେପାଦନା ଆନେଙ୍ଗ ରି ପାରାଣିକା ଇଦା ଇଞ୍ଜିମାନାକା ଝେଟାଙ୍ଗ ଝାଡ ।

୪ ହେବେଣ୍ଡା ଆରେ ରଞ୍ଜାଙ୍ଗ ଗଡ଼ା ହସି ଝାଡାଡ, ହେଦା ଗେରୁବାନି; ଲକୁ ଇନେସ୍ ହାରି ଟୁଣ୍ଡପାନାର୍, ଇଦା କାଜି ପୁତ୍ ତା ସୁସ୍ତା ଦେହା କିନି କାଜି ତା ଦୁମ୍ତାକାନି ଆଦିକାର୍ ହିତାନ୍, ଆରେ ତାଙ୍ଗେଙ୍ଗ ର ଗାଜା କାଣ୍ଡା ହିତାନ୍ ।

୫ ମେଣ୍ଡାହିମଣା ଏଚେକାଡ଼ଦ ତିନିଗଟା ସିଲ୍ ଡ୍ରିକ୍ତାନ୍, ହେପାଦନା ଆନେଙ୍ଗ ତିନ୍ ପାରାଣିତି ଇଦା ଇଞ୍ଜିମାନାକା ଝେଟାଙ୍ଗ, ଝାଡ । ହେବେ ଆନେଙ୍ଗ ହୁଡ଼ତା, ଆରେ ହୁଡ଼ାଟ୍, ରଞ୍ଜାଙ୍ଗ କାହାତି ବାନାନି ଗଡ଼ା, ଆରେ ତା ଦୁମ୍ତାକାନ୍ତି କେଇଦ ର ଲିଟ୍ଟି ମାଚାଡ ।

୬ ଆରେ ଆନେଙ୍ଗ ଚାର୍ ପାରାଣି ବିତ୍ରେତା ହତ୍ତ ଲାକେ ଇ କାଟ୍ ଝେଟାଙ୍ଗ, “ଦିନେକ୍ନି କୁଲିନି ଟାକା ପାଡେକ୍ ଗମ୍ ଆରି ଟାକାତି ତିନ୍ ଆଡା କୁଜା ଆନାଡ, ମାତର୍ ଏପେଙ୍ଗ ଟିକାଣ୍ ଆରି ଅଙ୍ଗୁର୍ ରାସ୍ ନସ୍ କିମାଟ୍ ।”

୭ ମେଣ୍ଡାହିମଣା ଏଚେକାଡ଼ଦ ଚାରିଗଟା ସିଲ୍ ଡ୍ରିକ୍ତାନ୍, ହେପାଦନା ଆନେଙ୍ଗ ଚାର୍ ପାରାଣିତି ଇଦା ଇନାକା ଝେଟାଙ୍ଗ, ଝାଡ ।

୮ ହେବେ ଆନେଙ୍ଗ ହୁଡ଼ତା, ଆରେ ହୁଡ଼ା, ରଞ୍ଜାଙ୍ଗ ମାରୁଞ୍ଜା ବାନି ଗଡ଼ା, ତା ଦୁମ୍ତାକାନ୍ତି ତର୍ ହାକି, ଆରେ ପାତାଲ୍ତା ହେଦା ପାଚେ ହାଲ୍ଜି ମାଚାଡ; କାଣ୍ଡା, କାତାର୍, ମାର୍ଡି ଆରି ପୁତ୍ ନି ରାନ୍ ଜାଡକୁ ହୁକେ ବୁଡାୟକିଦେ ପୁତ୍ ଚାର୍ ବାଗ୍ତା ଜପି ହେଞ୍ଜାକା ଆଦିକାର୍ ହିତାନ୍ ।

୯ ମେଣ୍ଡାହିମଣା ଏଚେକାଡ଼ଦ ପାଞ୍ଚଗଟା ସିଲ୍ ଡ୍ରିକ୍ତାନ୍, ହେପାଦନା ଇମଣାକାର୍ ଇସ୍ତ ବଚନ୍ କାଜି ଆରି ହେଞ୍ଜାରି ହିଆଜିମାଟି ସାକି କାଜି ହାଜି ମାଚାର୍, ହେଞ୍ଜାର୍ଡି ଝାସ୍ତିକା ଆନେଙ୍ଗ ଗାର୍ଣି ତାରେନ୍ ହୁଡ଼ତା ।

୧୦ ହେଞ୍ଜାର୍ ଗାଜା କାଟ୍ତା କୁକ୍ଟି ଇଞ୍ଜି ମାଚାର୍, ହେଞ୍ଜାନ୍ ପୁଇପୁୟା ଆରି ହାଡପା ମାପୁ ଇସ୍ତ ଆରେ ଏଚେକ୍ କାଡ୍, ଏନ୍ ବିଚାର୍ କିଞ୍ଜାଦା ପୁତ୍ ନିକାର୍ତା ମା ନେତେରୁନି ବାଦୁଲ୍ ଆଉୟ୍ ?

୧୧ ହେବେ ହେଞ୍ଜାର୍ଡି ଜାଣକେତି ରଞ୍ଜାନି ଡ଼ିଞ୍ଜିନି ଆଜି ହିତାର୍, ଆରେ ହେଞ୍ଜାର୍ଡି ଇମଣି ହାଙ୍ଗଦାକାନ୍ ଆରି ଟଣ୍ଡାର୍ ହେଞ୍ଜାର୍ ଲାକେ ପା ଟୁଣ୍ଡାୟନାର୍, ହେଞ୍ଜାର୍ଡି ଗିଣ୍ଡି ବାଡ୍ ଆଞ୍ଜି ପାଡେକ୍ ଆରେ ଅଲପ୍ କାଡ୍ ପାଡେକ୍ ଜମ୍ନି କାଜି ହେଞ୍ଜାରି ଇଚାନ୍ ।

୧୨ ତା ପାଚେ, ଆନ୍ ହୁଡ଼ତା, ମେଣ୍ଡାହିମଣା ଚ ଗଟା ସିଲ୍ ଡ୍ରିକ୍ତିକ୍; ଦାପ୍ରେ ଜବର୍ ମେଦ୍ନିଲେମ୍ତାଡ । ଝେଡା କାହାତି ବାନାନି ତୁସା ଲାକେ ମାଜ୍ଗା ଆତାଡ୍ ଆରି ଲେଞ୍ଜ ପୁରା ନେତେର୍ ବାନି ଆଜି ହାଚାଡ ।

୧୩ ଜବର୍ ଡ଼ୁ ପଡ଼ିସ୍ ତଗା ମାର୍ତା ଇନେସ୍ ପାସେଦ୍ ତଗା ହାଡ଼ଜିହାନାଡ, ହେ ଲାକେ ବାଦାଡ଼ି ହୁକା ସବୁ ପୁତ୍ ଆଡ଼ିକ୍ ।

୧୪ ଆକାସ୍ତ ତଲ୍ ପଡିତ ଡାବାତି ଲାକେ ଡାବାଆସି ଗାଜାନ୍ ଆତାଡ, ଆରେ, ମାଡି ଆରି ସବୁ ଏସ୍କୁପଲି ଗୁଚାତିକ୍ ।

୧୫ ଆରେ ପୁତ୍ ନି ରାଜାର୍, ପାଟ୍ମଡ୍ରିର୍, ମୁଡ଼ମେଲ୍ୟା ଆରି ମାଜାନି, ବାପୁନିକାର୍ ଆରି ଲକାର୍ ତଲ୍ୟା ଆଡ଼ିୟାର୍ ମାନାକାର୍ ଆରି ଜାର୍ତାରେନ୍ ମାନାକାର୍ ଲକୁ ଝିଜାର୍ ପାରା ଆରି ମାଡି ପାରା ବିତ୍ରେ ଜାର୍ ଜାର୍ଡି ଡ଼ୁଡାଡ,

୧୬ ଆରେ, ହେଞ୍ଜାର୍ ମାଡି ଆରି କୁପଲିକା ଇଚାର୍, ମା “ଜପି ଆଜି ଗାଦିତ କୁଚ୍ଚି ମାନାୟ୍ ମୁମ୍ଦା ଆରି ମେଣ୍ଡାହିମଣା ରିସାତା ମାଙ୍ଗେଙ୍ଗ ଡ଼ୁକ୍ଟି ଇଡ଼ଦାଟ୍,

୧୭ ଇନେକିଦେକି ହେଞ୍ଜାର୍ଡି ରିସାତା କସ୍ନିଦିନ୍ ଏକାଞ୍ଜାତାଦନା, ଆରେ ଇନେର୍ ନିଲ୍ଡେ ଆଡ଼ନାର୍ ?”

୭

୧୪୪,୦୦୦ ଇସ୍ତାଏଲିୟ

୧ ଇଦା ପାଚେ ଆନେଙ୍ଗ ହୁଡ଼ତା, ପୁତ୍ ନି ଚାରି କନାତ ଚାରି ଜାଣ୍ ସରଗ୍ ଦୁଡକୁ ନିଲ୍ଡିକ୍ନା ଆରି ପୁତ୍ ନି ଚାର୍ ଦିଗ୍ତା ଡ଼ୁ ହାନାକାଦଲି ଟେବାୟ୍ କିଜି ଇଡ଼ତିକ୍ନା । ଇନେସ୍କି ପୁତ୍, ହାମଦୁର୍ କି ଇମ୍ଣାକା ପା ମାର୍ କୁଡି ଜପି ଅଲପ୍ ପା ଦୁକା ଆହଞ୍ଜାତାଡ ।

୨ ଆରେ ଆନ୍ ଆରେ ରଞ୍ଜେଲି ଦୁଡତି ଝେଡାହଡନି ନିପତା ନିଙ୍ଗି ଝାନାକା ହୁଡ଼ତା; ତା କେଇଦ ଜିତି ଇସ୍ତ ସିଲ୍ ମାଚାଡ । ପୁତ୍ ଆରି ହାମଦୁର୍ ନସ୍ କିନି କାଜି ଆଦିକାର୍ ପାୟାତି ହେ ଚାରି ଜାଣ୍ ଦୁଡକା ହେଞ୍ଜାନ୍ ଗାଜା କାଟ୍ତା କୁକ୍ଟି ଇଚାନ୍,

☆ ୭:୧୭ ହତ୍ତ ୧୧:୧୩; ୧୭:୧୮; ମାଡିଉ ୨୪:୨୯; ମାର୍କ ୧୩:୨୪,୨୫; ଲୁକ ୨୧:୨୫. ☆ ୭:୧୪ ହତ୍ତ ୧୭:୨୦. ☆ ୭:୧୭ ଲୁକ ୨୩:୩୦.

୩ “ଆପେଂ ଜାର୍ତ୍ତିଂ ଇସ୍ୱତଂ ଆଡ଼ିୟାରିଂ ନିଦାଣ୍ଡତ ଚିନ୍ ଇଡ଼ନି ପାତେକ୍ ଏପେକ୍ ପୁତଂ କି ହାମ୍ବୁର କି ମାରକୁ ନସ୍ତୁ କିମାର୍ ।”

୪ ତା ପାଚେ ଚିନ୍ ଇଡ଼ୟାତାକାର୍ ମାନାୟାର୍ତ୍ତି ଗାଣ୍ଡତି ଆନ୍ ଖେଚାକ୍, ଇସ୍ତାଏଲ୍ ହିମ୍ଣାକାଂ ସବୁ ଲାତ୍ରା ବିତ୍ରେତାଂ ଏକ୍ ଲାକ୍ ରିକଡ଼ିଚାରି ହାଜାର୍ ୧, ୪୪,୦୦୦ ମାନାୟାର୍ ଚିନ୍ହିୟାତାର୍,

୫ ଜିହୁଦା ଲାତ୍ରାତାଂ ବାର୍ ହାଜାର୍, ଚିନ୍ ଇଡ଼ୟାତି ରୁବେନ୍ ଲାତ୍ରାତାଂ ବାର୍ ହାଜାର୍, ଗାଦ ଲାତ୍ରାତାଂ ବାର୍ ହାଜାର୍,

୬ ଆସେର୍ ଲାତ୍ରାତାଂ ବାର୍ ହାଜାର୍, ନପ୍ତାଲି ଲାତ୍ରାତାଂ ବାର୍ ହାଜାର୍, ମନସି ଲାତ୍ରାତାଂ ବାର୍ ହାଜାର୍,

୭ ସିମିୟନ ଲାତ୍ରାତାଂ ବାର୍ ହାଜାର୍, ଲେବି ଲାତ୍ରାତାଂ ବାର୍ ହାଜାର୍, ଇସାକ୍ତି ଲାତ୍ରାତାଂ ବାର୍ ହାଜାର୍,

୮ ଜବୁଲୁନ୍ ଲାତ୍ରାତାଂ ବାର୍ ହାଜାର୍, ଜସେପ୍ ଲାତ୍ରାତାଂ ବାର୍ ହାଜାର୍, ବିନ୍ୟାମିନ୍ ଲାତ୍ରାତାଂ ବାର୍ ହାଜାର୍ ଚିନ୍ ଇଡ଼ୟାତି ଲଗୁ ।

**ଦାଡ଼୍ ମାନାୟାର୍**

୯ ଇଦାଂ ପାଚେ ଆନ୍ ହୁଡ଼ତାଂ, ଆରେ ହୁଡ଼ାଟ୍, ସବୁ ଜାତି, ସବୁ କୁଟୁମ୍ବ, ସବୁ ଲାତ୍ରାର୍ ଆରି ସବୁ ବାସାନିକାର୍ ଗାଣାକିୟାଡ଼ି ର ବେସି ମାନାୟାର୍ ଡ଼ିଞ୍ଜିନି ଆକ୍ ଉସ୍ପିସ୍ ଆରି କାକ୍ତି ତାଡ଼୍ କେଇଦ ଆସ୍ତି ଗାଦି ଆରି ମେଣ୍ଡାହିମ୍ଣା ମୁମ୍ବ ନିଲ୍ତାରନା;

୧୦ ହେଖାର୍ ଗାଜା କାଟ୍ତାଂ ଇଞ୍ଜି ମାଚାର୍, “କେବଲ୍ ଗାଦିତ କୁଚ୍ଚାକାନ୍ ଇସ୍ୱର୍ ଆରି ମେଣ୍ଡାହିମ୍ଣା ମାକ୍ରେକ୍ ମୁକ୍ତାୟକିମ୍ନାକାନ୍ ।”

୧୧ ଆରେ, ଡ଼ିଜେକ୍ ଦୁଡ଼ ଗାଦି, ପ୍ରାଚିନାର୍ ଆରି ଚାରି ପାରାଣିକ୍ ଚାର୍ବେଣ୍ଡତାଂ ନିଲ୍ତକିନା, ଆରେ ଗାଦି ମୁମ୍ବ ତାଣ୍ଡହାଣ୍ ମାଗ୍ଜି ଇସ୍ୱର୍ତ୍ତିଂ ଜଖାର୍ କିଜି.

୧୨ ଇଚିକ୍ “ଆମେନ୍, ଖାରିକିୟକିଦେଂ, ଜାକ୍ମାଲ୍, ଗିୟାନ୍, ଦନ୍ୟବାଦ୍, ସାକ୍ତି, ବାଡ଼କାସ୍ ଜୁଗ୍ ଜୁଗ୍ ମା ଇସ୍ୱତଂ; ଆମେନ୍ ।”

୧୩ ଆରେ ପ୍ରାଚିନାର୍ ବିତ୍ରେତାଂ ରଖାନ୍ ନାକ୍ ଖେନ୍ବାତାନ୍, ଡ଼ିଞ୍ଜିନି ଆକ୍ ଉସ୍ପିତି ଇ ମାନାୟାର୍ ଇନେର୍ ଆରି ହେଖାର୍ ଇମେଣ୍ଡାଂ ଖାତାଣ୍ଡା ?

୧୪ \*ଆନ୍ ହେଖାନିଂ ଇଚାକ୍, ଏ ନା ମାପୁ, ଏନେକ୍ ନେ ହେଦାଂ ପୁନାୟ ।

ହେବେ ହେଖାନ୍ ନାକ୍ ଇନ୍ଚାନ୍, ଇଖାର୍ ଗାଜା ଦୁକ୍ତାଂ ହସି ଖାତାନ୍ନା ଆରି ମେଣ୍ଡାହିମ୍ଣାତି ନେତେର୍ତ୍ତ ଜାର୍ ଜାର୍ ଆକ୍ ହଗ୍ଜି ଡ଼ିଞ୍ଜି କିତାନ୍ନା ।

୧୫ ହେଦାଂ କାଜିଂ ହେଖାର୍ ଇସ୍ୱତଂ ମନ୍ଦିର୍ତ୍ତ ତା ଗାଦି ମୁମ୍ବ ମାନ୍ଜି ଖେଡ଼ାନାଣା ହେଖାନ୍ତି ପାର୍ତ୍ତାନା କିଚାର୍, ଆରେ ଗାଦିତ କୁଚ୍ଚାକାର୍ ମୁଣିକା ହେଖାନିଂ ବାହା ହିନାନ୍ ।

୧୬ ଆରେ ହେଖାର୍ତ୍ତି ଇନାଖାତାଂ ପା ନାସ୍କି କି ଏସ୍କି ଆଉର୍, ଆରେ, ଖେଡ଼ା କି ଇମ୍ଣାକା ପା କାରା ହେଖାରିଂ ବାଦା କିଡ଼ଡ଼,

୧୭ ଇନେକିଦେଂକି ଗାଦି ମାଦ୍ଣିବାହା ମେଣ୍ଡାହିମ୍ଣା ହେଖାର୍ତ୍ତି ଗଡ଼ିଆ ଆନାନ୍ ଆରି ଜିବୁନ୍ହିନି ଜାରାଣ୍ ଲାଗାଂ ହେଖାରିଂ କାତାୟ ଅନାନ୍, ଆରେ ଇସ୍ୱର୍ ହେଖାର୍ କାଣ୍ଗାତାଂ ଖିଜୁ କାଣେଲିଂ ନେନ୍ନାନ୍ ।

**୮**

**ସାଡ଼ଗଟା ସିଲ୍**

୧ ମେଣ୍ଡାହିମ୍ଣା ଏଚେକାଡ଼୍ଦ ସାଡ଼ଗଟା ସିଲ୍ ତ୍ରିକ୍ତାନ୍; ହେପାଦ୍ନା ସାଗେତ ଇଚିସ୍ ଆଦା ଗଣ୍ଡା ପାତେକ୍ ଚିମ୍ବରା ଆକ୍ ହାଚିକ୍ ।

୨ ତା ପାଚେ ଆନ୍ ଇସ୍ୱର୍ତ୍ତି ମୁମ୍ବ ନିଲ୍ତକିକ୍ ସାଡ଼ ଜାଣ୍ ଦୁଡ଼ତକାଂ ହୁଡ଼ତାଂ; ହେଖାକାଂ ସାଡ଼ଗଟା ମରିଂ ହିତାନ୍ ।

୩ ଆରେ ରଖାନ୍ ଦୁଡ଼ ଖାଜି ଗାର୍ଣି ଲାଗାଂ ନିଲ୍ତାନ୍, ଇସ୍ୱର୍ନି ପୁଇପୁୟା ମାନାୟାର୍ ପାର୍ତ୍ତାନା ଲାହାକ୍ ବେସି ଗାନ୍ଦାନି ଦୁପ୍ନି ମାଚାଡ଼, ଆରେ ଗାଦି ମୁମ୍ବ ହନା ଗାର୍ଣି ଜପି ଖିଜାର୍ ସାଦୁର୍ତ୍ତି ପାର୍ତ୍ତାନା ଲାହାକ୍ ହିନି କାଜିଂ ତାକ୍ରେକ୍ ବେସି ଦୁପ୍ନି ହିଚାର୍ ।

୪ ହେବେଣ୍ଡାଂ ଦୁଡ଼ କେଇଦାଂ ଦୁପ୍ନି କଦା ଦାମ୍ ଚ୍ ପାର୍ତ୍ତାନା ଲାହାକ୍ ପୁଇପୁୟା ଇସ୍ୱତଂ ମୁମ୍ବ ଜପି ନିକ୍ତାଡ଼ ।

୫ \*ପାଚେ ହେ ଦୁଡ଼ ଦୁପ୍ନି ଅଜି ଗାର୍ଣିନି ନାଣିତ ହେଦାଂ ବାଡ଼ କିଜି ପୁତଂ ଜପି ତୁହିହିତାଡ଼ । ହେବେ ବିଞ୍ଜିଇଡ଼ନିକାଟ୍, ବାରବାନି କାଟ୍, ବିଜ୍ଲି ଆରି ମେଦ୍ନିଦାଲ୍କା ଆତାଡ଼ ।

**ମରି ବାଜା**

୬ ହେ ଏଚେକାଡ଼୍ଦ ସାଡ଼ଗଟା ମରିଂ ଆସ୍ତାକା ସାଡ଼ ଦୁଡ଼କୁ ମରିକାଟ୍ କିଦେକ୍ ଜାଲ୍ଦି ଆଚିକ୍ ।

\* ୭:୧୪ ମାଡ଼ିଉ ୨୪:୨୧; ମାର୍କ ୧୩:୧୯. \* ୮:୫ ହତ୍ତ ୧୧:୧୯; ୧୭:୧୮.

୭ ପର୍ତ୍ତୁମ୍ ଦୁତ୍ତ ମରିକାଟ୍ କିତି ଦାପ୍ତେ ଆଞ୍ଜଗା, ନାଣି ଆରି ନେତେର ପୁତ୍ ଜପି ଆର୍ତାତ୍ । ପାଚେ ଝିଜୁ ମାରଦେର, କାଚାପାତ୍ରିୟା କାଚା ଲାହା° ପୁତ୍ ନି ର ତିନ୍ ବାଗ୍ କାଡ଼ତାତ୍ ।

୮ ଜେତି ଦୁତ୍ତ ମରିଗାନ୍ତାୟ କିତିଲେ, ଇନେସ୍ ନାଣି ଆହ୍ନି ର ଗାଜା ମାଡ଼ି ହାମ୍ଦୁରତ ତୁହିୟାତାତ୍, ହେବେ ହାମ୍ଦୁରନି ତିନି ବାଗ୍ ଏଜୁଙ୍ଗ୍ ନେତେର ଆତାତ୍ ।

୯ ଆରେ, ହାମ୍ଦୁରତ ମାନି ପାରାଣିଙ୍ଗ୍ ବିତ୍ତେତା° ତିନି ବାଗ୍ ହାତିକ୍ ଆରି ଜାଜ୍ନିକି° ତିନି ବାଗ୍ ବୁଡାଆତିକ୍ ।

୧୦ ମାଜ୍ଗାଚ୍ୟା ଦୁତ୍ତ ମରିଗାନ୍ତାୟ କିତିଲେ ନାଣିନିଙ୍ଗ୍ତାକା ଲାକେ ଅଜଡ୍ ର ଗାଜା ହୁକା ଆକାସ୍ତା° ଆଜ୍ ହେବେନି ଏଜୁଙ୍ଗ୍ତା° ତିନି ବାଗ୍ତା° ର ବାଗ୍ ଆରି ଜାରାଣି° ଜପି ମୁଞ୍ଚାତ୍;

୧୧ ହେ ହୁକାତି ତର କେନାକା । ପାଚେ ହାଦ୍ ଏଜୁଙ୍ଗ୍ନି ର ତିନି ବାଗ୍ କେତିକ୍ ଆରି ହେ ଏଜୁଙ୍ଗ୍ ଉଣ୍ଡି ବେସି ମାନାୟାର୍ ହାତାର୍ ।

୧୨ ଚାରି ଲମ୍ବର ଦୁତ୍ତ ମରିଗାନ୍ତାୟ କିତିଲେ ଖେଡ଼ା, ଲେଞ୍ଜ୍ ଆରି ହୁକା° ତିନି ବାଗ୍ ତୁକାବା ଆତିଲେ ହେ ଝିଜୁନି ତିନି ବାଗ୍ ମାଜ୍ଗା ଆତାତ୍, ଦିନ୍ନି ତିନି ବାଗ୍ ଅଜଡ୍ ଆଜି ମାଚାତ୍ ଆରି ନାଣା ପା ହେ ଲାକେ ଅଜଡ୍ ଆଞ୍ଜାତାତ୍ ।

୧୩ ପାଚେ ଆନେଙ୍ଗ୍ ହୁଡ଼ତା°, ଆରେ ବାଦାଡ଼ନି ମାଦିବାଗ୍ଦ ଉମ୍ନି ର ମୁକ୍ତି ପଟି ଗାଜାକାଟ୍ତା° ଇଦା° ଇଞ୍ଜିମାନାକା ଖେଚାଙ୍ଗ୍, ହାଦି, ହାଦି, ହାଦି, ପୁତ୍ ନିକାର ଦୁକ୍ ପାୟାନି ଲଗ୍, ଇନେକିଦେ°କି ଆରେ ତିନିଜାଣ୍ ଦୁତ୍ତ ମରିଗାନ୍ତାୟ କିଦେଙ୍ଗ୍ ହାନିକା ।



୧୪ ତା ପାଚେ ପାଞ୍ଚଲମ୍ବର ଦୁତ୍ତ ମରି ଗାନ୍ତାୟ କିତିଲେ ଆନେଙ୍ଗ୍ ବାଦାଡ଼ତା° ର ହୁକା ପୁତ୍ ତ ଆଣ୍ଟାକା ହୁଡ଼ତା°; ହେଦେଲି° ପାତାଲ୍ କୁଣ୍ଡି କୁଟି ହିୟାଜିମାଚାତ୍ ।

୧୫ ହେଞ୍ଜାନ୍ ହେ ପାତାଲ୍ କୁଣ୍ଡି ରିକ୍ତିଲେ ହେବେତା° ଗାଜା ବାଟିନି କଦା ଲାକେ କଦା ନିଙ୍ଗ୍ତାତ୍, ଆରେ ହେ ପାତାଲ୍ କୁଣ୍ଡିତ କଦା କାଜି° ଖେଡ଼ା ଆରେ ଆକାସ୍ ମାଜ୍ଗା ଆତାତ୍ ।

୧୬ କଦା ବିତ୍ତେତା° ପାମିଙ୍ଗ୍ ହସି ପୁତ୍ ତ ଖାତିକ୍, ହେଞ୍ଜେକା° ପୁତ୍ ନି କାଚାକୁପିନି ବିସ୍ ଲାକେ ସାକ୍ତି ହିତାନ୍ ।

୧୭ ପୁତ୍ ନି କାଚା କି କାଚାପାତ୍ରିୟା ବାନି କୁଚା କି ଇମ୍ଣାକା ପା ମାର୍ତି° ବୁଡାୟ କିଞ୍ଜାଦା°, ଇମ୍ଣାକାର୍ତି ନିଦାଣ୍ତ ଇସ୍ତ୍ ତିନ୍ ହିଲ୍ଡିତିସ୍, କେବଲ୍ ହେଞ୍ଜାର୍ତି ବୁଡାୟ କିଦେଙ୍ଗ୍ ହେଞ୍ଜାରି° ଖେଚ୍ଚାର୍ ।

୧୮ ହେଞ୍ଜାରି° ଅହ୍ୟାଞ୍ଜାଦା° ପାଞ୍ଚ ମାସ୍ ପାଚେକ୍ ହେଞ୍ଜାର୍ତି ନନାକା ଗିଚାୟକିଦେ° ହେଞ୍ଜାରି° ପା ମି° ଆଦିକାର୍ ହିତାନ୍, କାଚାକୁପି ମାନାୟତି° କାପ୍ତିତିସ୍ ଇନେସ୍ ନାନାତ୍, ଇ ନନାକା ହେ ଲାକେ ।

୧୯ ହେ ସମୁତ ମାନାୟାର୍ ହାନାକା ଦାହ୍ନାର୍, ମାତର୍ ଇନେସ୍ କିଜି ପା ବାନି କିତିସ୍ ପା ପାୟା ଆଉର୍; ହେଞ୍ଜାର୍ ହାଦେ° ମାନ୍ କିତାର୍, ମାତର୍ ହାକି ହେଞ୍ଜାର୍ତା° ହନ୍ନାତ୍ ।

୨୦ ପାମି° ଜାଲ୍ଦି ଆତି ଜୁଜ୍ କିନି କାଜି° ଗଡ଼ା ଲାକେ ଚଞ୍ଜୟାଜି ମାଟିକ୍, ହେଞ୍ଜେକ୍ତି କାପ୍ଡାନି ପ୍ଲୁକ୍ୟାତାକା ହନା ମୁକୁଟ୍ ଲାକେ ମାଚାତ୍, ଆରେ ହେଞ୍ଜେକ୍ତି ଖେଇ ମାନାୟାର୍ ଖେଇ ଲାକେ;

୨୧ କଗଲେ ହିମ୍ଣା°ତି ତେମ୍ଲୁ ଲାକେ ହେଞ୍ଜାଙ୍ଗ୍ ତେମ୍ଲୁ, ସିହିଁ ଗଡ଼ାଙ୍ଗ୍ ଲାକେ ହେଞ୍ଜେକ୍ତି ଚାଡାଙ୍ଗ୍ ମାଟିକ୍;

୨୨ ଲଞ୍ଜା ହାଜ ଉସ୍ପିତି ଲାକେ ହେଞ୍ଜେକ୍ତି ହାଜ ଉସ୍ପାନାକା, ଆରେ ଗଡ଼ାଗାଡ଼ି ଆରି ଜୁଜ୍ ବାହାତ ହନ୍ଞିମାନି ଜବର୍ ଗଡ଼ାଙ୍ଗ୍ ଗାନ୍ତାନି ଲାକେ ହେଞ୍ଜେକ୍ତି ମାରା° ଗାର୍ଜନାକା ହସି ମାଚାତ୍ ।

୨୩ କାଚାକୁପିତି ନିଙ୍ଗୁଣ୍ ଆରି ବାଡ଼କାସ୍ ଲାକେ ହେଞ୍ଜେକ୍ତି ନିଙ୍ଗୁଣ୍ ଆରି ବାଡ଼କାସ୍; ପାଞ୍ଚ ମାସ୍ ପାଚେକ୍ ମାନାୟାର୍ତି ବୁଡାୟ କିଦେଙ୍ଗ୍ ହେଞ୍ଜେକ୍ ନିଙ୍ଗୁଣ୍ତ ସାକ୍ତି ମାଚାତ୍ ।

୨୪ ପାତାଲ୍ କୁଣ୍ଡି ଦୁତ୍ ହେଞ୍ଜାକା° ରାଜା, ତା ତର୍ ଏବ୍ରି ବାସାତ ଅବଦନ୍ ଆରି ଗ୍ରିକ୍ ବାସାତ ଅପଲ୍ଲିୟନ୍ ଇନେର୍ ଅରଡ୍ ଅସ୍ପାନାକା ।

୨୫ ପର୍ତ୍ତୁମ୍ ଦୁକ୍ ଝିସ୍ତାତାତ୍, ହୁଡ଼ାଟ୍ ଇଦା° ପାଚେ ଆରେ ରିଣ୍ଡା° ଦୁକ୍ ଞାନାତା ।

୨୬ ତାପାଚେ ଚଅ ଲମ୍ବର ଦୁତ୍ତ ମରିକାଟ୍ କିତିଲେ, ଆନେଙ୍ଗ୍ ଇସ୍ବର୍ତି ମୁମ୍ଦ ହନା ଗାର୍ଣିନି ଚାରି କନାତା° ବିତ୍ତେତା° ର କାଟ୍ ଖେଚାଙ୍ଗ୍ ।

୨୭ ହେଦା° ମରି ଆସ୍ତି ମାନି ହେ ଚଅ ଲମ୍ବର ଦୁତ୍ତି° ଇଚାନ୍, ପରାତ୍ ଗାଜା ନାଗୁଡ଼ତ୍ ବାଦିମାନି ଚାରି ଦୁତ୍ତି° ମୁକ୍ତାୟ କିଜିହିୟାଟ୍,

୨୮ ହେବେ ମାନାୟାର୍ତି ର ତିନି ବାଗ୍ ଚୁଣି କାଜି° ଇ ଇମ୍ଣା ଚାରି ଦୁତ୍ ହେ ତାଣ୍, ଦିନ୍, ମାସ୍ ଆରି ବାହୁଁ କାଜି° ଜାଲ୍ଦି କିୟା ଆଜି ମାଟିକ୍, ହେଞ୍ଜାର୍ ମୁକ୍ତାୟ କିୟାତାର୍ ।

୨୯ ପାଚେ ଆନ୍ ହୁଡ଼ତା°, ଗଡ଼ା ଦୁମ୍ତାକାର୍ ମେଲ୍ୟାର୍ତା° ଲମ୍ବର ୨୦୦,୦୦୦ ଲକ୍ୟ ରି କଟି; ଆନେଙ୍ଗ୍ ହେଞ୍ଜାର୍ ଗାଣ୍ଡି ଖେଚାଙ୍ଗ୍ ।

୧୭ ଆରେ ଆନେଇଁ ହୁଡ଼ତାଂ ଗଡ଼ା ଆରି ହେଝାରୁ ଦୁମ୍ତାକାରିଂ ଇ ଲାକେ ହୁଡ଼ତାଂ, ହେଝାରୁତି ଜିଦନି ହାଜଦ ନାଣିବାନି ନିଲିବାନି ଆରି ଗନ୍ଦକ୍‌ବାନି, ଗଡ଼ା କାପଡ଼ାଈଁ ସିହିଁ କାପଡ଼ା ଲାକେ ଆରେ ହେଝାଈଁ ଝେଇଦାଂ ନାଣି, କଦା ଆରି ଗନ୍ଦକ୍ ହସି ମାଚାଡ଼ ।

୧୮ ହେଝାଈଁତି ଝାଇଦାଂ ହତ୍ତନି ନାଣି, କଦା ଆରି ଗନ୍ଦକ୍ ଲାକେ ଇ ତିନି ଦୁକ୍ ହୁକେ ମାନାୟାରୁତି ର ତିନି ବାଗ୍ ଅହ୍ୟାତିକ୍ ।

୧୯ ଇନେକିଦେଂକି ଗଡ଼ାଈଁ ସାକ୍ତି ହେଝେକ୍ତି ଝେଇ ଆରି ନିଈୁଣ୍ଡ ମାଚାଡ଼, ଲାଗିଂ ହେଝାଈଁତି ନିଈୁଣ୍ଡ ରାଡ଼ ଲାକେ ଆରି କାପଡ଼ା, ଲାକେ ତା ହୁଦାଂ ହେଝାଈଁ ବୁଡ଼ାୟ କିନିକ୍ ।

୨୦ ଇମ୍‌ଣି ବାକି ମାନାୟାରୁ ଇ ଝିନ୍ଦୁ ଦୁକ୍ ହୁକେ ଅହ୍ୟାଝାଦାଂ ମାତିକ୍, ହେଝେକ୍ ଜାରୁ ଜାରୁ କେଇଦାଂ ରଚ୍ଚି କାମାୟତାଂ ମାନବାଦଲାୟ କିଝିତିକ୍, ଇତିସ୍ ବୁଡ଼କୁତି ପୁଜା ଆରି ହୁଡ଼ନାକା, ଝେନାକା ଆରି ବୁଲାରାଲାଦେଂ ଆଡ଼ଝିତି ହନା, ରୁପା, ପିତାଡ଼, କାଲ୍ ଆରି ଝେଜ୍‌ଗୁ ରଚ୍ଚି ପୁଡ଼ତାଂ ପୁଜା ପିସ୍ତେଈଁ ଆଡ଼ଝିତିକ୍,

୨୧ ଆରେ ହେଝେକ୍ ଜାରୁତିଂ ନାରୁଣାକା, ପାଈମାଣ, ଦାରି ଆରି ଗାଣ୍ଡୁ କାମାୟତାଂ ମାନବାଦଲାୟ କିଝିତିକ୍ ।

### ୧୦

#### ସାଗେଦୁଡ଼ ଆରି ହାରୁ ପତି

୧ ତା ପାଚେ ଆନ୍ ହୁଡ଼ତାଂ, ଆରେ ରଝାନ୍ ସାକ୍ତିକାଟି ଦୁଡ଼ତିଂ ସାଗେତାଂ ଜୁଜି ଝାନାତା । ହେଦେଲ୍ ବାଦାଡ଼ତ୍ ତାବାୟକିଆ ଆଜି ମାଚାଡ଼ ଆରି ତୁବ୍‌ଡ଼ାରାଡ଼ ହେଦେଲ୍‌ତି କାପଡ଼ାତିଂ ହୁରୁତି ମାଚାଡ଼ । ହେଦେଲ୍‌ତି ମୁମ୍ ଝେଡ଼ା ଲାକେ ଆରି କାଲ୍‌କୁ ରିଶ୍ଟାଈଁ ନାଣି ମୁଶ୍ଟାଈଁ ଲାକେ ଚଞ୍ଜୟାଜି ମାଚାଡ଼ ।

୨ ତା କେଇଦ ର ଜେୟାତି ହିରୁ ପତି ମାଚାଡ଼ । ହେଦେଲ୍‌ତି ଜାରୁ ବୁଜଣି ପାନା ହାମ୍‌ଦୁର ଜପି ଆରି ତେବ୍‌ରି ପାନା ପୁତ୍ ଜପି ଇଡ଼ଜି ମାଚାଡ଼ ।

୩ ସିହିଁ ଗାର୍ଜାନି ଲାକେ ଆଡ଼ବିସ୍ ହେଦେଲ୍ କୁକ୍‌ତାଡ଼, ସମାନ୍ ହେ ଲାକେ ଆଡ଼ବିସ୍ ସାଡ଼ଗଟା ବାଦାଡ଼ିଂ ଇଦେଲ୍ କୁକ୍‌ନି ତାକେ ଉତର୍ ହିତିକ୍ ।

୪ ଚିନ୍ ଇଡ଼ନାକା ହେଝେକ୍ ଇନାକା କାତାବାଡ଼ା ଆତିକ୍, ହେଦାଂ ଆନ୍ ଲେକିକିଦେଂ ହାଲ୍‌ଜି ମାଚାଈଁ, ମାତର୍ ସାଗେତାଂ ରଞ୍ଜାଈଁ କାଟ୍ ଝେଚାଈଁ । ହେ କାଟ୍ ନାଂ ଇଞ୍ଚାଡ଼ । “ବାଦାଡ଼ ଗାର୍ଜାନ୍ତ ଇନାକା ଝେନାୟା, ହେଦାଂ ଡ଼କୁତି ଇଟା; ଲେକି କିମା ।”

୫ ତାପାଚେ ଇମ୍‌ଣି ଦୁଡ଼ତିଂ ହାମ୍‌ଦୁର ଆରି ପୁତ୍ ଜପି ନିଲ୍‌ତାକା ଆନ୍ ହୁଡ଼ଜି ମାଚାଈଁ, ହେଦେଲ୍ ତା ବୁଜଣି କେଇ ସାଗେ ନିପ ନିକ୍‌ତାଡ଼,

୬ ଆରି ଇନେନ୍ ସାଗେ, ପୁତ୍, ହାମ୍‌ଦୁର ଆରି ତା ତାରେନ୍‌ନି ସବୁ ବିସ୍ତେ ଉବ୍‌ଜାୟ କିତାରନା ହେ ନିଡ଼େଜିନାକାନ୍ ଇସ୍‌ବୁଡ଼ି ତର୍‌ଦ ପାର୍ମାଣ୍ କିଜି ଇତିକ୍, “ଆରେ କାଡ଼ ବିଲମ୍ ଆଡ଼ଡ଼ ।

୭ ଏଚେକାଡ଼ଦ ସାଡ଼ ଦୁଡ଼ ମରି ତୁବ୍‌ତାଡ଼, ଇସ୍‌ବୁ ହେଝାନ୍ତି ଆଡ଼ିୟା ବେଶ୍‌ବାକ୍‌ଶାୟକିନାକାନ୍ତି ଲାଗାଂ ଇମ୍‌ଣି ଡ଼କୁ ନେକ୍ତିକାରୁର ହପ୍‌ତି ମାଚାନ୍, ହେଦାଂ ଝିହ୍‌ନାନ୍ ।”

୮ ତାପାଚେ ସାଗେନି ହେ କାଟ୍ ନାଂ ଆରେ ଇଞ୍ଚାଡ଼, “ହାଲା, ହାମ୍‌ଦୁର ଆରି ମେଦ୍‌ନି ଜପି ନିଲ୍‌ତିମାନି ଦୁଡ଼କ୍‌ତି କେଇଦାଂ ଜେତାକା ପତି ଅଝା ।”

୯ ଆନ୍ ଦୁଡ଼କ୍‌ତି ଲାଗାୟ ହାଲ୍‌ଜି ହେ ହିରୁ ତଲ୍ ପତିତିଂ ଏନ୍ତାଈଁ । ହେଦେଲ୍ ନାଂ ଇଞ୍ଚାଡ଼, “ଅଜି ତିନା । ନି ପଟ କାଜିଂ ଇଦାଂ କେନାକା, ମାତର୍ ନି ମୁମ୍‌ଦ ଇଦାଂ ପୁକି ଲାକେ ହଝାଦ୍ ହଡ଼ନାଡ଼ ।”

୧୦ “ହେବେ ଆନ୍ ଦୁଡ଼କ୍ କେଇଦାଂ ହେ ହିରୁ ପତିଂ ଅଜି ହେଦାଂ ଚିଚାଈଁ । ହେଦାଂ ନା ଝେଇଦ ପୁକି ଲାକେ ହଝାଦ୍ ଆତାଡ଼, ମତର୍ ଗୁସ୍‌ତି ଦାପ୍‌ପେ ପଟ ବିଡ଼େ କେସି ହାଚାଡ଼ ।

୧୧ ତା ପାଚେ ନାଈଁ ଇନେର୍ ନାଂ ଇନ୍‌ଚାଡ଼, ବେସି ଦେସ୍, ଜାତି, ବାସାନିକାର ଆରି ରାଜାର ବିସ୍ତେ ଇସ୍‌ବୁଡ଼ି କାରୁର୍ ଏନ୍ ହାଲ୍‌ଜି ଆରେରଗ ସୁଶାୟ କିୟା ।”

### ୧୧

#### ରିୟାର୍ ସାକି

୧ ତା ପାଚେ ଇନେର୍ ରଝାନ୍ ଲାଟ୍‌ନି ବେଡ଼ଗା ଲାଗ୍‌ଦି ର କୁତା ବାଡ଼ଗା ନାଂ ହିଜି ଇଞ୍ଚାନ୍, “ହାଲା, ଇସ୍‌ବୁଡ଼ି ମନ୍ଦିର୍ ଆରି ଗାର୍‌ଣି ଲାଗା ଆରି ମନ୍ଦିର୍‌ତ ପାର୍ତାନା କିନାକାରିଂ ଗାଣା କିୟା ।

୨ ଧମାତର୍ ମନ୍ଦିର୍‌ନି ବାର୍‌ତ ମାନି ହାକ୍‌ଡ଼ିତିଂ ଲାଟ୍‌ମାଟ୍ । ଇନେକିଦେଂକି, ହେଦାଂ ପାଟ୍ କିଝି ଜିହୁଦିରିଂ ଦାନ୍ ହିତାରନା । ହେଝାରୁ ରିକଡ଼ି ଦୁଇ ୪୨ ମାସ୍ ପାଚେକ୍ ଇ ପୁଇପୁୟା ଗାଡ଼ିଂ ପାନା ତାରେନ୍ କିଜି ଇଟ୍‌ନାଟ୍ ।

☆ ୧୧:୨ ଲୁକ ୨୧:୨୪.



୩ ହାରୁ ବାସ୍ତା ଉତ୍ପାଦକାର ନା ରିଆର୍ ସାକିରିଂ ଆନ୍ ପକ୍ତାନାଂ । ହେଞ୍ଜାର୍ ୧,୨୭୦ ଦିନ୍ ପାତେକ୍  
ବେଶ୍‌ବାକ୍‌ଶାୟକିନାନ୍ ।”

୪ ହେଞ୍ଜାର୍ ପୁତ୍ ନି ସାକି ମାପୁତି ମୁମ୍‌ଦ ନିଲ୍‌ତିମାତି ରିଶ୍ତି ଜିତ୍‌ମାର୍ ଆରି ରିଶ୍ତି ବଇଟା ଲାକେ ।

୫ ଜଦି ଇନେର୍ ହେଞ୍ଜାର୍‌ତି ବୁଡାୟ୍ କିଦେଙ୍ଗ୍ ସେସ୍ କିତାର୍, ତେବେ ହେଞ୍ଜାର୍‌ତି ଖେଇଦାଂ ନାଶି ହସି ସାତୁରିଂ ନାସ୍  
କିନିକ୍ । ଏଲେଙ୍ଗ୍ ଜେ ଇନେନ୍ ହେଞ୍ଜାର୍‌ତି ବୁଡାୟ୍ କିଦେଙ୍ଗ୍ ହନାଡ୍, ହେଞ୍ଜାନ୍ ବୁଡାନାନ୍ ।

୬ ଇସ୍‌ବୁତି କାବୁର୍ ସୁଣାୟ୍ କିନି ଖେଡାଲିଂ ଆକାସ୍‌ତିଂ ମୁନାକିଜି ବାର୍‌ହା ଆଦେଂ ବନ୍ କିଦେଙ୍ଗ୍ କେମ୍‌ତା ହେଞ୍ଜାକ୍‌କାଂ  
ହିୟାତାନ୍ । ଏସ୍ ଜାରାଶିକାଂ ନେତେରତ୍ ମେହାୟ୍ କିଦେଙ୍ଗ୍ ଆରି ଜାର୍ ଇଟା ଇସାବ୍ରେ ପୁତ୍ ତ ବାର୍‌ବାର୍ ମାର୍‌ତି  
ଉବ୍‌ଜାୟ୍ କିଦେଙ୍ଗ୍ ହେଞ୍ଜାରିଂ ଆଦିକାର୍ ମାନାଡ୍ ।

୭ \*ହେଞ୍ଜାର୍‌ତି ସାକି ଖିସ୍ତି ପାଚେ ପାତାଲ୍ କୁଣ୍ଡତାଂ ର ପସୁ ନିଙ୍ଗ୍‌ଜି ଖାଜି ହେଞ୍ଜାର୍‌ତି ବିରୁଡ୍‌ତାଂ ଜୁଜ୍ କିନାଡ୍ ।

୮ ହେଞ୍ଜାନ୍ ହେଞ୍ଜାକ୍‌କାଂ ଆରାୟ୍ କିଜି ଟୁଣାଡ୍ ଆରି ଇମ୍‌ଶି ଗାଜା ଗାଡ୍‌ଦିଂ, ଆମ୍‌କ୍ ବାବ୍ରେ ସଦମ୍ ଆରି ମିସର୍ ଇଞ୍ଜି  
ଇନ୍‌ଧାନାଡ୍, ରାଜାର୍ ହାସ୍‌ଦ ମାପୁ କୁସ୍ ଇଡିୟା ଆଜି ମାଚାନ୍, ହେବେ ହେଞ୍ଜେକ୍‌ତି ମାଡା ଆଜ୍ ମାନ୍‌ଗାନାଡ୍ । ହେ  
ବସ୍ତିତ ସଦମ୍ କି ମିସର୍ ଇଞ୍ଜି ଇନ୍‌ଧାନାଡ୍ ।

୯ ଖିଜୁ ଦେସ୍, କୁଟୁମ୍, ବାସାକିନାକାର୍ ଆରି ଜାତିର୍ ମାନାୟ୍ ତିନି ଦିନ୍ ଆଦା ପାତେକ୍ ହେ ମାଡାତିଂ ହୁଡ୍‌ନାର୍ ଆରି  
ହେଞ୍ଜାକାଂ ମୁର୍‌ଚେଂ କାଜିଂ ପିସ୍ତି ହିଉର୍ ।

୧୦ ହେ ରିୟାରିଂ ହାକି କାଜିଂ ପୁତ୍ ନି ମାନାୟାର୍ ଖାର୍‌ୟାନାର୍, ସାର୍ଦା ଗିଆଶ୍ କିଜି ହାରି ଲାଗାୟ୍ ଦାନ୍ ପପ୍‌କାନାର୍;  
ଇନେକିଦେଂକି, ହେ ବେଶ୍‌ବାକ୍‌ଶାୟକିନାର୍ ଲାଗିଂ ପୁତ୍ ନିକାର୍ ବେସି ହର୍‌ବର୍ ଆଜି ମାଚାର୍ ।

୧୧ ମାତର ତିନି ଦିନ୍ ଅଦା ପାଚେ ଇସ୍‌ବୁତାଂ ଜିବୁନ୍ ଡଲୁ ଖାଜି ହେଞ୍ଜାର୍ ଗାଗାଡ୍‌ତ୍ ହଟାଡ୍ ଆରି ହେଞ୍ଜାର୍ ନିଂଜି ନିଲ୍‌ତାର୍  
। ଇମ୍‌ଶାକାର୍ ଇ ଗଟ୍‌ଶା ହୁଡ୍‌ଜି ମାଚାର୍, ହେଞ୍ଜାର୍ ପାଶ୍ଟା ଆତାର୍ ।

୧୨ ଆରେ, ହେ ରିୟାର୍ ବେଶ୍‌ବାକ୍‌ଶାୟକିନାକାର୍ ହେଞ୍ଜାରିଂ ସାଗେତାଂ ଗାଜା କାଟ୍‌ତାଂ ଇ କାତା ଇଞ୍ଜିମାନାକା ର  
କାବୁର୍ ଖେଚାର୍; “ଇବେ ଖାତ” ହେଞ୍ଜାର୍‌ତି ସାତୁର୍ ହୁଡ୍ ହୁଡ୍ ହେଞ୍ଜାର୍ ବାଦାଡ୍ ବିତ୍ରେ ଆଜି ସାଗେତ୍ ଦୁମ୍‌ତାର୍ ।

୧୩ ହେ ସମୁତ୍ ବେସି ମେଦ୍‌ନିଦାଲ୍‌କାତାଡ୍, ଗାଡ୍‌ନି ଦସ୍ ବାଗ୍‌ତାଂ ର ବାଗ୍ ଦୁଡ୍‌ତିତ ମେହାତାଡ୍, ଆରି  
ମେଦ୍‌ନିଦାଲ୍‌କାତିଲେ ସାଡ୍ ହାଜାର୍ ମାନାୟାର୍ ହାତାର୍ । ଜିଜିମାନି ମାନାୟାର୍ ପାଶ୍ଟା ଆଜି ସାଗେନି ଇସ୍‌ବୁତ୍  
ସବୁମେଙ୍ଗ୍‌ତି ଜାଜ୍‌ମାଲ୍ ଏଡ୍‌ନାୟ୍ କିତାର୍ ।

୧୪ ଜେତି ଦୁକ୍ ଖିସ୍ତାଡ୍; ତିନିଗଟା ଦୁକ୍ ବେଗି ଖାନାତା ।

**ସାଡ୍ ମରି**

୧୫ ସାଡ୍ ଦୁଡ୍ ମରିକାର୍ କିତିଲେ ସାଗେ ରାଜିନି ଗାଜା ସବ୍ ଲାହାଙ୍ଗ୍ ଇ ବେଶ୍ ଆତାଡ୍, ଜଗଡ୍ ଜପି ରାଜ୍‌କିନାକା ମା  
ମାପୁତି ଆରି ତା ମସିୟା କେଇଦହାତାକା, ଆରେ ହେଞ୍ଜାନ୍ ଜୁଗ୍ ଜୁଗ୍ ରାଜ୍ କିନାନ୍ ।

୧୬ ହେବେ ଇସ୍‌ବୁତ୍ ମୁମ୍‌ଦ ଜାର୍ ଜାର୍ ଗାଦିତ୍ କୁଚ୍‌ତି ୨୪ ପ୍ରାତିନାର୍ ମେଣ୍ଡାକୁନ୍‌କିଜି ଇସ୍‌ବୁତିଂ ଜଞ୍ଜାର୍ କିଜି ।

୧୭ ଇଚାର୍ ଏ “ମାପୁ, ସବୁତିଂ ସାକ୍ତି କାଟି ଇସ୍‌ବୁ, ନଙ୍ଗ୍‌ୟ୍ ଆରି ପାଚେନିକାୟ୍ ଜେ ଏନେଙ୍ଗ୍,  
ଆପ୍ ନିଙ୍ଗ୍ ଜୁଞ୍ଜାର୍ କିଦ୍‌ନାପା,  
ଇନେକିଦେଂକି ଏନ୍ ଜାର୍ ଗାଜାସାକ୍ତି ଆଜି କିଜି ରାଜ୍ କିନାକା ଇଡ୍‌ତାୟ୍‌ନା ।

୧୮ ପାତ୍ କିଞ୍ଜି ଜିହୁଦିର୍ ନାସ୍‌କି ଆତାଶ୍ଟା;  
ଇନେକିଦେଂକି, ମି ରିସାନି ସମୁ ଏକାଖାତାଡ୍, ହାତାକାର୍ ନଙ୍ଗ୍ ବିଚାର୍ କିୟାନାର୍ ।  
ମି ଆଡିଏନ୍ ବେଶ୍‌ବାକ୍‌ଶାୟକିନାକାର୍, ଆରି ଇମ୍‌ଶାକାର୍ ମିଙ୍ଗେଙ୍ଗ୍ ପାଶ୍ଟା ଆଦ୍‌ନାର୍,  
ଗାଜାହାରୁ ଖିଜାର୍ ପୁଇପୁୟାତାଂ ନିର୍‌ମଲ୍ ଆନାର୍  
ଆରି ଇମ୍‌ଶାକାର୍ ପୁତ୍ ତିଂ ନାସ୍ କିତାର୍, ହେଞ୍ଜାର୍ ପା ନାସ୍ ଆନାର୍ ।”

୧୯ \*ହେ ଏରେକାଡ୍‌ଦ ସାଗେତ୍ ମାନି ଇସ୍‌ବୁତ୍ ମନ୍ଦିରତ୍ ମାନି ଦୁଞ୍ଜେର୍ ଜେୟାତାଡ୍ ଆରି ମନ୍ଦିରନି ନିୟମ୍ ସିୟୁକ୍ ପେଡି  
ମାନାକା ଚଞ୍ଜିୟା ଆତାଡ୍ । ତା ପାଚେ ବିଜ୍‌ଲି, ଇଡ୍‌ତାଡ୍, ବାଦାଡ୍ ଗାର୍ଜାନାକା, ମେଦ୍‌ନିଦାଲ୍‌କାନାକା ଆରି ଗାଜା ଆଞ୍ଜିଗା  
ବାର୍‌ହା ଆତାଡ୍ ।

**୧୨**

**କଗ୍‌ଲେ ଆରି ରାଡ୍**

୧ ଖିଜ୍‌ଖି ଆକାସ୍‌ତ ର ଗାଜା ତିନ୍ ଚଞ୍ଜିୟାତାଡ୍; ରଞ୍ଜେଲ୍ କଗ୍‌ଲେ ଲେଞ୍ଜି ଜପି ନିଲ୍‌ତି ମାଚାଡ୍ ଆରି ଖେଡା ଅଜଡ୍  
ଉସ୍ତିସ୍ ମାଚାଡ୍ । ତା କାପ୍‌ଡାତ ବାରଗଟା ହୁକାଂ ରଚଟାକା ର ମୁକୁର୍ ମାଚାଡ୍ ।

☆ ୧୧:୭ ହତ୍ତ ୧୩:୫-୭; ୧୭:୮. ☆ ୧୧:୧୯ ହତ୍ତ ୮:୫; ୧୭:୧୮; ହତ୍ତ ୧୭:୨୧.

- ୨ ହେଦେଲ୍ ଏସପିସି ମାତାତ୍ । ଜଲମକିନିତ ନନାକା କାଜିଂ ଆଡ଼ବିସ୍ ମାତାତ୍ ।
- ୩ ଆକାସ୍ତ ଆରେ ରଞ୍ଜାଙ୍ଗ୍ ଚିନ୍ ଚଞ୍ଜୟାତାତ୍; ହୁଡ଼ାଟ୍, ଗେରୁ ବାନି ରାତ୍ ଲାକେ ର ବେସିଗାଜା ପାରାଣି, ହେଦେଲ୍ ସାଡ଼ଗଟା କାପଡ଼ାଙ୍ଗ୍, ଦସଗଟା କମଙ୍ଗ୍, ଝିଜୁ କାପଡ଼ାଙ୍ଗ୍ ର ମୁକୁଟ୍ ମାତାତ୍ ।
- ୪ ହେଦାଂ ତା ନିଜୁଣ୍ ଆକାସ୍ତ ର ତିନିବାଗ୍ ହୁକାକାଂ ଜେଲ୍ଲଜି ପୁତ୍ ତ ତୁହିତାତ୍ । କାଡ଼ଦେ ଜଲମ୍ ଆତି ସାଙ୍ଗେ ସାଙ୍ଗେ ହେଝାନିଂ ଚିଞ୍ଜେଙ୍ଗ୍ ଉଦେସ୍ତ ରାତ୍ ହେ କଗଲେ ଲାଗାଂ ଝାଜି ନିଲ୍ତାତ୍ ।
- ୫ ସମାନ୍ ସମୁତ କଗଲେ ର ମାଜି ହିମ୍ଣା ଜଲମ୍ କିତାତ୍ । ମାତର୍ ବାଡ଼ଗାତାଂ ଉପକାର୍ତ ଝିଜାର୍ ଜାତି ଜପି ରାଜ୍ କିନି କାଜିଂ ବାଚକିତି ହେ ମାଜି ସାସ୍ତ ରିସା ଆଜି ଇସ୍ପୁରତି ଗାଦି ଲାଗାଂ ଅୟାତାନ୍ ।
- ୬ ଆରେ, ହେ କଗଲେ ବାଗାତ ହନ୍ତାତ୍, ହେବେ ୧,୨୬୦ ଦିନ୍ ପାତେକ୍ ତା ମାନାକା କାଜିଂ ଇସ୍ପୁର ବିଦି କିଜି ମାତାନ୍ ।
- ୭ \*ତାପାରେ ସାଗେତ ଜୁଜ୍ ଆରାମ୍ ଆତାତ୍, ମିକାୟେଲ୍ ଆରି ତା ଦୁତକ୍ ହେ ଗାଜା ରାତ୍ ଆରି ତା ହେବାକାରିୟାର୍ ଲାହାଙ୍ଗ୍ ଜୁଜ୍ କିତାତ୍ ।
- ୮ ଜୁଜ୍ତ ରାତ୍ ଆରି ତା ହେବାକାରିୟାର୍ ଆରା ଆତାର୍ ଆରି ହେଝାର୍ ଆରେ ସାଗେତ ବାହା ଗାଟା ଆଝିତିକ୍ ।
- ୯ \*ହେବେ ସବୁ ଜଗତ୍ତନି ବୁଲ୍‌କାୟକିନି ଦିଆବଲ୍ ଆରି ସୟତାନ୍ ତରଦ୍ ତାକ୍‌ପୁଟା ଜେ ଆଗେନି ରାତ୍, ହେ ପ୍ଲୁନି ନାଗ, ହେଝାନ୍ ତା ଦୁତକ୍ ଲାହାଙ୍ଗ୍ ପୁତ୍ ଝାଜି ତୁହ୍ୟାତିକ୍ ।
- ୧୦ ତା ପାରେ ଆନେଙ୍ଗ୍ ସାଗେତ ଗାଜା କାଟ୍ ର ସବଦ୍ ଝେଟାଙ୍ଗ୍, “ନଙ୍ଗୟ୍ ଇସ୍ପୁତ୍ ମୁକ୍ତା ଆନାକା ଏକାଝାତାତ୍ । ତା ରାଜା ସାକ୍ତି କାଟାକାନ୍ ଆରି ତା କ୍ରିସ୍ତୁତି କେମ୍ତା ଚାଲାତାତନା-ଇମ୍ଣି ବୁଲ୍‌କାୟକିନାକା, ଝେଡ଼ାନାଣା ଇସ୍ପୁରତି ମୁମ୍ଦ ନିଲ୍ତି, ମା ଟଣ୍ଡାୟ୍ ଆରି ତଣ୍ଡେକାଦେର୍ ବିରୁଦ୍ଦତ୍ ମିର୍ ଦାବା କିଜି ମାତାତ୍, ହେଝାନିଂ ସାଗେତାଂ ହପ୍ତି ତୁହିତାନ୍ ।
- ୧୧ ଆରେ ହେଝାର୍ ମେଣ୍ଡାହିମ୍ଣା ନେତେର୍ ଆରି ଜାର୍ ଜାର୍ ସାକିନି ବଚନ୍ ହୁକେ ତାଙ୍ଗେଙ୍ଗ୍ ଜିତା ଆତାଣ୍ଡା, ଆରି, ହେଝାର୍ ହାକି ପାତେକ୍ ଜାର୍ ଜାର୍ ଜିବୁନ୍ତିଂ ଝାରିନି ଗିଆନ୍ କିଝାଦାଂ ମାତାତ୍ ।
- ୧୨ ଲାଗିଂ; ସାଗେ ଆରି ସାଗେନିକାର୍ ଝିଜାଦେର୍ ଝାରି ସାଦା କିୟାଟ୍ । ମାତର୍ ହାୟ୍, ପୁତ୍ ନି ଜଡ଼ିନାଗୁଡ଼୍ ସବୁ ! ମି ଦସା ଏରେକ୍ ବଇକାର୍ ! ନଙ୍ଗ୍ ସୟତାନ୍ ମି ଲାଗାଂ ଆରି ହେଦେଲ୍ ବେସି କମ୍‌ପାତାତ୍, ଇନେକିଦେଂକି ହେଦେଲ୍ ପୁରାତନା, ତା କାଡ଼୍‌ପୁରାଜି ଝାନାତା ।”
- ୧୩ ରାତ୍ ପୁତ୍ ତ ତୁହିୟାନି କାଜିଂ ହୁଡ଼ଜି ହେ ମାଜିହିମ୍ଣାଂ ଜଲମକିନାକାଦେଲ୍ କଗଲେଙ୍ଗ୍ ଏକାତାତ୍ ।
- ୧୪ ତା ବିପଦତାଂ ରକ୍ୟା ପାୟାନି କାଜିଂ ରାତ୍ କଗଲେହିମ୍ଣାତିଂ ରିଣ୍ଡି ରାମାଣ୍ ପଚିନି ମାରା ହିତାତ୍ । ତା ଉପକାର୍ତାଂ ହେଦେଲ୍ ବାଲିବାଗାତ ଜାର୍ ମାନି ବାହାତ ଉମ୍ଜି, ହେବେ ତିନି ବାହୁଁ ଆଦା ପାତେକ୍ ବିପଦ୍‌ଝାଦାଂ ମାଞ୍ଜେଙ୍ଗ୍ ରାଜି ଆତାତ୍ ।
- ୧୫ ତା ପାରେ କଗଲେହିମ୍ଣାତିଂ ଏସୁଙ୍ଗ୍‌ହାନିତ ବଡ଼ାୟ୍ କିନି କାଜିଂ ରାତ୍ ଜାର୍ ଝେଇଦାଂ ତା ପାରେ ପାରେ ର ପୁର୍ ଲାକେ ଏଜୁଙ୍ଗ୍ କାକ୍‌ତାତ୍ ।
- ୧୬ ମାତର୍ ତାଙ୍ଗ୍ ରାକ୍ୟା କିନି କାଜିଂ ପୁତ୍ ଜାର୍ ଝେଇ ଜେସି ରାଚ୍‌ନି ଝେଇଦାଂ ହସି ମାନି ଝିଜୁ ଏଜୁକାଂ ଉଟାତ୍ ।
- ୧୭ ହେବେ ରାତ୍ କଗଲେ ଜପି ରିସାଜି ତା ଲାଡ଼ା ଇମ୍ଣି ମାନାୟାର୍ ଇସ୍ପୁରତି ବଲ୍ ମାନି କିତାତ୍, ଆରି ଜିସୁତି ବିସ୍ପେ ସାକି ଦାନ୍ ହିତାତ୍ ହେଝାର୍ ଲାହାଂ ଜୁଜ୍ କିନାକା ସାକି ହିନାର୍ ।
- ୧୮ ଆରେ ହେଝାନ୍ ହାମ୍‌ଦୁର୍‌ନି ବାଲି ଜପି ନିଲ୍ତାତ୍ ।

### ୧୩

#### ରିଣ୍ଡି ପସୁ

- ୧ ତା ପାରେ ଆନେଙ୍ଗ୍ ହୁଡ଼ତାଙ୍ଗ୍, ର ପସୁ ହାମ୍‌ଦୁର୍ ବିତ୍ରେତାଂ ନିଙ୍ଗ୍‌ଜି ଝାନାତା । ହେଦେଲିଂ ଦସଗଟା କମଙ୍ଗ୍ ଆରି ସାଡ଼ଗଟା କାପଡ଼ାଙ୍ଗ୍ । ଜାଣ୍‌କେ କମକାଂ ରଞ୍ଜାଙ୍ଗ୍ ରଞ୍ଜାଙ୍ଗ୍ ମୁକୁଟ୍ ମାତାତ୍ ଆରି ଜାଣ୍‌କେ କାପଡ଼ାତ ରଞ୍ଜାଙ୍ଗ୍ ରଞ୍ଜାଙ୍ଗ୍ ଇସ୍ପୁର ନିନ୍ଦା କିନିକିଂ ବାରବିନି ତର୍ ମାତାତ୍ ।
- ୨ ର ପସୁ ବିଜାପଲିଆ ବୁର୍କା ଲାକେ ଚଞ୍ଜି ମାତାତ୍ । ତା ପାନା ବାଲୁ ପାନା ଲାକେ ଆରି ଝେଇ ସିହିଁ ଝେଇ ଲାକେ । ଆଗେ ରଚ୍ଚି ନେତେର୍ ବାନିନି ଗାଜା ରାତ୍ ଇ ପସୁତିଂ ଜାର୍ ସାକ୍ତି, ଗାଦି ଆରି ବେସି କେମ୍ତା ହେଲ୍‌ଲାୟ୍ କିତାତ୍ ।
- ୩ ପସୁତି ରଞ୍ଜାଙ୍ଗ୍ କାପଡ଼ା ଅଲପ୍ ଗାଉ ପାୟାତି ଲାକେ ମାନେ ଆଜି ମାତାତ୍ । ମାତର୍ ଆତିଗାଉ ବାହା ଉଜ୍ ଆଜି ମାତାତ୍ ଆରି ପୁତ୍ ନିକାର୍ ଝିଜାର୍ କାବାଜି ପସୁ ଦାସ୍‌ତେଂ ଲାଗାତାତ୍ ।
- ୪ ଆରେ, ଝିଜୁ ପସୁତିଂ ଆଦିକାର୍ ହିଜି ମାନି ରାଚ୍‌ନି ପୁଜା କିତାତ୍ । ହେଝାର୍ ପସୁତିଂ ପା ପୁଜା କିଜି ଇଚାର୍, “ଇନେର୍ ଇ ପସୁ ଲାକେ ସମାନ୍ ଆଦେଂ ଆଡ଼ନାର୍ ? ଇନେର୍ ତା ବିରୁଦ୍ଦତ୍ ଜୁଜ୍ କିଦେଙ୍ଗ୍ ଆଡ଼ନାର୍ ?”

☆ ୧୨:୭ ଜିହୁଦା ୧:୯. ☆ ୧୨:୯ ଲୁକ ୧୦:୧୮.

୫ ପସୁ ବାଡ଼ାୟ କିଜି କାତା ଇଞ୍ଜି ମାଚାଡ଼ ଆରି ଇସ୍ବର ନିନ୍ଦା କିଜି ମାଚାଡ଼, ଆତିସ୍ପା ରିକଡ଼ି ଦୁଇ ୪୨ ମାସ ପାତେକ ଆଦିକାର କିନି କାଜିଂ ତାଙ୍ଗ କେମତା ହିତାର ।

୬ ଇସ୍ବରତିଂ ତା ତର ଆରି ମାନି ଇଲ୍ ଆରି ସାଗେନିକାର ଓଜାରିଂ ହେଝାନ ସାଇପ୍ ହିଜି ନିନ୍ଦା କିଦେଙ୍ଗ ଲାଗାତାର ।

୭ ଜିସୁ ପୁଇପୁୟା ଲକ୍ବୁରିଂ ବିରୁଦ୍ଦ ଜୁଜ୍ କିଜି ହେଝାରିଂ ଆରାୟ କିଦେଙ୍ଗ ହେଝାନ ଆଦିକାର ପାୟାତାନ ଆରି ଜାଣକେ କୁଟୁମ୍, ରାଜିନି ବାସାବାସି ଆରି ଜାତି ଜପି ତାଙ୍ଗ କେମତା ହିତାର ।

୮ ପୁତ୍ ନି ଉବ୍ଜାଣ୍ ଆଗେ ଇମ୍ଣାକାରତି ତର ଆସି ମାତି ମେଣ୍ଡାହିମ୍ଣା ଜିବୁନ୍ ପତିତ ଲେକାଜି ମାଚାଡ଼, ହେଝାରିଂ ପିସ୍ତ୍ର ପୁତ୍ ବିନ୍ ଓଜାର ହେ ପସୁତିଂ ପୁଜା କିତାର ।

୯ “ଇନେରିଂ କିତୁଲ୍ ମାନାଡ଼, ହେଝେନ୍ ଝେନେନ୍ ।

୧୦ ଇସ୍ବରତି ଇନି ଇସାବ୍ରେ ଇନେର୍ ବନ୍ଦି ଆଦେଂ ମାନାଡ଼, ହେଝାନ ହାଡ଼ପା ବନ୍ଦି ଆନାନ୍ । ଇନେର୍ ବିନ୍ କାଣ୍ଡାତାଂ ଅହ୍ନାର, ହେଝାନ ଜାର କାଣ୍ଡା ହୁକେ ନେ ହାନାର । ଇ ସମୁତ ପୁଇପୁୟା ଇସ୍ବରତି ମାନାୟାର କାଜିଂ ସାସ ଆରି ପାତ୍ ରବେ ମାନାକା ଲତା ।”

୧୧ ତା ପାଚେ ଆନେଙ୍ଗ ହୁଡ଼ତାଂ, ଆରେ ରଞ୍ଜାଙ୍ଗ ପସୁତିଂ ମେଦ୍ନି ବିତ୍ରେତାଂ ନିଙ୍ଗିଜି ଝାନାକା ହୁଡ଼ତାଂ; ମେଣ୍ଡାହିମ୍ଣା କମ ଲାକେ ତା ରିଣ୍ଡି କମଙ୍ଗ ମାତିକ୍, ଆରି ହେଦେଲ୍ ଆରେରଗ ରାଡ଼ ଲାକେ କାତା ଇଞ୍ଜି ମାଚାଡ଼ ।

୧୨ ଇ ରି ପସୁ ପର୍ଡୁମ୍ ପସୁ ମାତିଲେ ତା ଆଦିକାର ବେବାର କାଜିଂ ପର୍ଡୁମ୍ ପସୁନି ହାକି ଗାଉ ଉଜ୍ ଆଜି ମାତିଲେ ପୁଜାକିନି କାଜିଂ ପୁତ୍ ନିକାରିଂ ଓଜାରିଂ ଟାଟାୟ କିତାଡ଼ ।

୧୩ ରି ପସୁ ବେସି କାବାଆନି କାମାୟ ସବୁ ସାଦନ୍ କିନିକ୍ । ଓଜାର ଝେଇଦ ସାଗେତାଂ ପୁତ୍ ଜପି ନାଣି ବାରହା କିକକିନାଡ଼ ।

୧୪ ଆରି ପର୍ଡୁମ୍ ପସୁନି ମାନିତ ଇ ଲାକେ ବେସି କାବାଆନି କାମାୟ କିଜି ପୁତ୍ ନିକାର ଓଜାରିଂ ବୁଲ୍କାୟ କିଜି । କାଣ୍ଡା ହୁକେ ହାଜି ଦୁମ୍ନି ଲାବ୍ କିଜିମାନି ପର୍ଡୁମ୍ ପସୁ ସମାନତ ତା ର ଡିଗା ରଚ୍ନି କାଜିଂ ରି ପସୁ ମାନାୟାରିଂ ବଲ୍ ହିତାଡ଼ ।

୧୫ ପର୍ଡୁମ୍ ପସୁତି ଡିଗାତ ପୁଡ଼ତା ନେଞ୍ଜେନାକା ହିଜି ତା ଜିବୁନ୍ କିନାକା ରିଣ୍ଡାଙ୍ଗ ପସୁ ପୁଞ୍ଜିମାତିକ୍ । ଓଜାଓ ଡିଗା କାତା ଇଚାଡ଼ ଆରି ଇମ୍ଣାକାର ତା ପୁଜା କିଝାତାର, ହେଝାରିଂ ଆରେ କିଦେଙ୍ଗ ଆଡ଼ତାର ।

୧୬ ଆରେ ହେଦେଲ୍ ହାରୁ ଆରି ଗାଜାକାର, କଡ଼କାଆଡ଼ିଏନ୍ କି ଜାରତାରେନ୍, ମାଜାନ୍, ହିଲ୍ଝାକାର ହାରିହାରା ଓଜାରତି ତିନିକେଇଦ କି ନିଦାଣ୍ଡତ ର ତିନ୍ ରତି କିଦେଙ୍ଗ ହେଝାନ ମାନାୟାରିଂ ଟାଟାୟ କିତାଡ଼ ।

୧୭ ପସୁତି ତର କି ହେ ତରନି ତିନ୍ ର ଲମର୍ ବୁଲ୍ କିଜି ମାନ୍ଓ ଇନେର୍ ପତେଙ୍ଗ କଡ଼ଦେଂ ଆଡୁର୍ ଇଞ୍ଜି ପସୁ ବଲ୍ ହିତାଡ଼ ।

୧୮ ଇବେ ଗିଆନ୍ ଲତା । ଇନେରିଂ ବୁଦି ମାନାଡ଼, ହେଝାନ ପସୁତି ଲମର୍ ଗାଣା କିଏନ୍, ଇନେକିଦେଂକି ହେଦାଂ ମନାୟତି ଲମର୍, ଆରେ ତା ଲମର୍ ଆନାତା ୨୨୨ ଚ ସହ ଚସଟି ।

### ୧୪

#### ମେଣ୍ଡାହିମ୍ଣା ଆରି ତା ପାଚେ ହାନି ମାନାୟାର

୧ \*ତାପାଚେ ଆନେଙ୍ଗ ହୁଡ଼ତାଂ; ଆରେ ହୁଡ଼ାଡ଼, ସିୟନ୍ ମାଡ଼ି ଜପି ନିଲ୍ଡାଚ୍ଚନା । ତା ଲାହାଂ ଏକ୍ ଲକ୍ୟ ଚାଲିସ୍ ଚାର ହାଜାର ଜାଣ୍ ମାନାୟାର ମାଚାର । ୧୪୪,୦୦୦ ହେଝାର୍ ନିଦାଣ୍ଡତ ମେଣ୍ଡାହିମ୍ଣା ଆରି ଆବାଡି ତର ଲେକା ଆଜି ମାଚାଡ଼ ।

୨ ତା ପାଚେ ଆନ୍ ଝେଚାଙ୍ଗ୍, ଏଜୁଙ୍ଗ୍ ଚାଲାନାକା ଡିଡ଼ନି ଲାକେ ଆରି ସାଗେତାଂ ର କାଡ଼ ଝେଚାଙ୍ଗ୍ । ଇମ୍ଣା କାଡ଼ ଆନେଙ୍ଗ୍ ଝେଚାଙ୍ଗ୍; ହେଦାଂ ଗମଣ୍ ଡ଼ହ୍ନାକାରିଂ ଗମଣ୍ ସବଦ୍ ଲାକେ ଝେନ୍ୟାଜି ମାଚାଡ଼ ।

୩ ହେ ଲାକେ ଚୁରାଲିସି ହାଜାର ୧୪୪,୦୦୦ ସାଗେ ଗାଦି, ଚାରିଗଟା ପାରାଣିଙ୍ଗ୍ ଆରି ମଣ୍ଡଲିନି ବୁଡ଼ାଲୁର୍ ନେତାର୍ ମୁମ୍ଦ ର ପୁନି କେରକଣ୍ କେରଜି ମାଚାର । ଆରେ ପୁତ୍ ତାଂ କଡ଼ିୟା ଆତାକାର ହେଝାରିଂ ପିସ୍ତ୍ର ବିନ୍ ଲଗୁ ଇନେର୍ କେରକଣ୍ କେରଦେଂ ଆଡ଼ଝାଦାଂ ମାଚାର । ସବୁ ନାର୍ ଜାତି ବିତ୍ରେତାଂ କେବଲ୍ ହେଝାର୍ ମୁକଡ଼ାଜି ମାଚାର ।

୪ ହେଝାର୍ କଗଲେହିମ୍ଣା ଲାହାଙ୍ଗ୍ ଜାରତିଂ ଇନାଝାଡ଼ାଙ୍ଗ୍ ଦସି କିଝାଦାଂ ମାଚାର, ହେଝାର୍ ମାଚାର ପୁଇପୁୟା । ହେଝାର୍ ନିତ୍ରେ ମେଣ୍ଡାହିମ୍ଣା ପାଚେ ହାଲ୍ଜି ମାଚାର । ହେଝାର୍ ମାନାୟାରତିଂ ବିତ୍ରେତାଂ ପର୍ଡୁମ୍ ମୁକଡ଼ାଜି ଇସ୍ବର ଆରି ମେଣ୍ଡାହିମ୍ଣା ଲାଗାଂ ଆକାଡ଼ ହିତାଚ୍ଚନା ।

୫ ହେଝାର୍ ଝାଇଦ ଇମ୍ଣାକା ପା ମିର୍ କାତା ହିଲୁଡ଼, ହେଝାର୍ ଦସି ଆକାୟ ।

#### ତିନିଜାଣ୍ ଦୁଡ଼କୁ

☆ ୧୪:୧ ହତ୍ତ ୭:୩.

୬ ପାଚେ ଆନେଇ ଆରେ ରଞ୍ଜେଲ ଦୁତଙ୍ଗ ଆକାସ୍‌ନି ମାଦଣିବାଗ୍‌ଦ ଉମ୍‌ନାକା ହୁଡ୍‌ତା, ହେୱାନ୍ ପୁତ୍‌ତ ମାନି ଓଜୁ ଜାତି, କୁଟୁମ୍, ବାସାନିକାର୍ ଆରି ଲାତ୍ରା ମାନାୟାର୍ ଲାଗାଂ ସୁଣାୟ୍ କିନି କାଜିଂ ର ଓଜୁଓକାଡ୍‌ନି ନେକ୍ତିକାରୁର୍ ପାୟାଜି ଗାଜା କାଟ୍‌ତାଂ ଇଚାର୍ ।

୭ ହେୱାନ୍ ଗାଜା କାଟ୍‌ତାଂ ଇଞ୍ଜି ମାଚାନ୍ । “ଇସ୍‌ରତିଂ ପାଣ୍ଡା ଆଡ୍‌ ତାଙ୍ଗେଙ୍ଗ୍ ଜାଜ୍‌ମାଲ୍ କିୟାଟ୍, ଇନେକିଦେଂକି ହେୱାର୍‌ତି ବିଚାର୍ ସମୁତ ଏକାଞ୍ଜାତାଡ୍, ଆରେ ଇନେନ୍ ସାଗେ, ପୁତ୍‌, ହାମ୍‌ଦୁର୍ ଆରି ହନି ଏସୁଙ୍ଗ୍ ଉଦ୍‌ଜାଣ୍ କିତାନ୍‌ନା ତାଙ୍ଗେଙ୍ଗ୍ ଜଞ୍ଜାର୍ କିୟାଟ୍ ।”

୮ ହେ ପର୍ତ୍ତୁମ୍ ଦୁଡ୍‌ତି ପାଚେ ପାଚେ ଆରେ ରିଣ୍ଡି ଦୁଡ୍‌କୁ ଖାଜି ଇଚିକ୍, “ତାଦି ଓଜୁଦି ଖାନାତା । ତାକ୍‌ପୁଟା ବାବିଲନ୍ ଦୁଡ୍‌ମାସତାଡ୍ । ହେୱାନ୍ ତା ଜାତିନି ଦାରି କାମାୟ୍ ଲାକେ ଅଙ୍ଗୁର୍ ରାସ୍ ଉଦ୍‌ପାତାଣ୍ଡା, ହେଦେଲ୍ ମୁଞ୍ଜତାଡ୍ ଆଦା ମୁଦ୍‌ୟାତାନ୍‌ନା ।”

୯ ଇ ରି ଦୁଡ୍‌କୁ ପାଚେ ଆରେ ରଞ୍ଜେଲ୍ ଦୁଡ୍ ଖାଜି ଗାଜା କାଟ୍‌ତାଂ ଇଞ୍ଜେଙ୍ଗ୍ ଲାଗାତାଡ୍, ଜଦି ଇନେର୍ ହେ ପସୁ ଆରି ତା ପୁଡ୍‌ଡାତିଂ ଜଞ୍ଜାର୍ କିନାନ୍, ଆରେ ଜାର୍ ନିଦାଣତ କି କେଇଦ ତା ଚିନ୍ ଇଟ୍‌ୟାନାନ୍,

୧୦ ହେୱାନ୍ ଇସ୍‌ତ୍‌ ରିସାଲାକେ ଇମ୍‌ଣି କାଲିଂ ଗାବାୟ୍‌କିଓତି ବାବ୍ରେ ତା ରିସାନି କଣ୍ଡିତ ରଚାର୍‌ନା, ହେଦାଂ ଉଶାଟ୍ ଆରେ ପୁଇପୁୟା ଦୁତକ୍ ଆରି ମେଣ୍ଡାହିମ୍‌ଣା ମୁମ୍‌ଦ ନାଣି ଆରି ଗନ୍‌କ୍ ହୁକେ କସ୍‌ ପାୟା ଆନାଦେର୍ ।

୧୧ ଏଲେଙ୍ଗ୍ ମାନାୟାର୍‌ତି କସ୍‌ନି କଦା ଜୁଗ୍ ଜୁଗ୍ ନିଙ୍ଗ୍‌ଜି ମାନାଡ୍; ଇମ୍‌ଣାକାର୍ ପସୁ ଆରି ତା ପୁଡ୍‌ଡାତିଂ ଜଞ୍ଜାର୍ କିତାର୍, ଆରେ ତା ତରନ୍ ଚିନ୍ ଇଚ୍ୟାନାର୍, ହେୱାର୍‌ତି ଖେଡାନାଣା ଜମ୍‌ନାକା ଆକାୟ୍ ।

୧୨ ଇମ୍‌ଣାକାର୍ ଇସ୍‌ରତି ବଲ୍ ମାନି କିନାର୍ ଆରି ଜିସୁ କାଜିଂ ପାତ୍‌ କିଜି, ଇସ୍‌ରତି ହେ ପୁଇପୁୟା ମାନାୟାର୍ ପାକ୍ୟାତ ସାସ୍ ମାନାକା ଲଡା ।

୧୩ ତା ପାଚେ ଆନ୍ ଖେଚାଙ୍ଗ୍, ସାଗେତାଂ ଇ କାତା ଖେଚାଙ୍ଗ୍, ଇ କାତା ଲେକିକିୟାଟ୍, ଇମ୍‌ଣାକାର୍ ଏଲେଙ୍ଗ୍ ମାପୁତାକେ ମାନ୍‌ଞ୍ଜି ହାନାର୍,

ହେୱାର୍ ଦନ୍‌ୟ; ଆରେ ଆନ୍ ଖେଚାଙ୍ଗ୍, ପୁଇପୁୟା ଜିରୁନ୍ ଇନାଡ୍, “ଇଦାଂ ହାଡ୍‌ପା ଗିଚାତାଡ୍ । କସ୍ କାମାୟ୍ ଲାହାଂ ହେବାନି ପାଡ୍ ଲାକେ, ହେୱାର୍ ଜମ୍‌ନାକା ତିନାଉଣା କିତାର୍ ।”

**ତାସ୍ ତ୍ରେସ୍‌ଜି ତାନାକା**

୧୪ ତା ପାଚେ ଆନେଇ ହୁଡ୍‌ତାଂ; ଆରେ ହୁଡାଟ୍ ଡିଞ୍ଜିନି ବାନି ଅଲପ୍ ବାଦାଡ୍, ତା ଜପି ମାନାୟ୍ ମାଜିତି ଲାକେ ରଞ୍ଜାନ୍ କୁଚାକାନ୍, ହେୱାନ୍ କାପ୍‌ଡାତ ହନା ମୁକୁଟ୍ । ଆରି କେଇଦ ଡାହ୍‌ନି କଞ୍ଜେସ୍ ।

୧୫ ହେବେ ମନ୍‌ଚିରତାଂ ଆରେ ରଞ୍ଜାନ୍ ଦୁଡ୍ ହସି ହେ ବାଦାଡ୍ ଡାବାୟ୍ କିତି ମାନାୟ୍‌ତିଂ ଗାଜା କାଟ୍‌ତାଂ ଇଚାଡ୍, ନି କଞ୍ଜେସ୍ ଆହି କିଜି ତାସ୍ ତ୍ରେସ୍‌ଜାଟ୍, ଇନେକିଦେଂକି ତ୍ରେସ୍‌ନି ସମ୍‌ ଏକାଞ୍ଜାତାଡ୍, ଆରେ ପୁତ୍‌‌ନି ତାସ୍ ହେନ୍‌ତାଚେ ।

୧୬ ପାଚେ ହେ ବାଦାଡ୍ ବିତ୍ରେ ମାନି ମୁଣିକା ପୁତ୍‌‌ତ ଜାର୍ କଞ୍ଜେସ୍ ଆହି କିତିଲେ ହେବେଣ୍ଡାଂ ତାସ୍ ତ୍ରେଜ୍‌ୟା ଆତାଡ୍ ।

୧୭ ତା ପାଚେ ଆନ୍ ହୁଡ୍‌ତାଂ, ଆରେ ରଞ୍ଜେଲ୍ ଦୁଡ୍ ସାଗେ ବାହା ମନ୍‌ଚିରତାଂ ଖାନାତା; ତା କେଇଦ ପା ର ଡାହ୍‌ନି କଞ୍ଜେସ୍ ମାଚାଡ୍ ।

୧୮ ତା ପାଚେ ଗାର୍‌ଣି ନାଣି ଜପି ଆଦିକାର୍ ପାୟାତି ଇନେର୍ କେଇଦ ଡାହ୍‌ନି କଞ୍ଜେସ୍ ଅଜି ମାନି ରି ଦୁଡ୍‌ତିଂ କିକିରାତିଂ କିଜି ଇଚାଡ୍, “ଡାହ୍‌ନି କଞ୍ଜେସ୍ ଆହିକିୟା ଆରି ପୁତ୍‌‌ନି ଅଙ୍ଗୁର୍‌ପାଡ୍‌ତ୍‌ତ୍ରେଜାଟ୍; ହେୱାଙ୍ଗ୍ ହେନ୍ତାଚେ ।”

୧୯ ହେବେ ହେ ଦୁଡ୍ ପୁତ୍‌‌ତ ଜାର୍ କଞ୍ଜେସ୍ ଆହି କିଜି ହେବେ ଅଙ୍ଗୁର୍ ପାଡ୍‌ସବୁ ରୁଣ୍ଡାୟ୍ କିତାନ୍ ଆରି ଇସ୍‌ତ୍‌‌ ରିସାଲାକେ ଗାଜା ଅଙ୍ଗୁର୍‌କୁଣ୍ଡିତ ହେ ସବୁ ତୁହିତାଡ୍ ।

୨୦ ଗାଡ୍‌ନି ବାର୍‌ତ ମାନି ହେ ଅଙ୍ଗୁର୍‌କୁଣ୍ଡିତ କ୍ଷୁସ୍‌ପିଆତାଡ୍, ଆରେ ହେବେତାଂ ନେତେର୍ ହସି ଗଡାଙ୍ଗ୍ ବାକାର୍ ପାଚେକ୍ ରି ମିଟର୍ ନିଙ୍ଗ୍‌ଜି ତିନ୍‌ସ ୩୦୦ କିଲମିଟର୍ ପାଚେକ୍ ମେଙ୍ଗ୍‌ତାଡ୍ ।

**୧୫**

**ହାରିହାରାନି ଦୁକ୍‌ଦୁକା ସାଡ୍ ଦୁଡ୍**

୧ ଇଦାଂ ପାଚେ ଆନ୍ ଆକାସ୍‌ତ ଆରେ ର ଗାଜା କାବାନି ଚିନ୍ ହୁଡ୍‌ତାଂ; ସାଡ୍ ଜାଣ୍ ସାଗେ ଦୁଡ୍‌କୁ, ଜାଣ୍‌କେ ର ର ଦୁକ୍‌ଦୁକାଂ ଆଜି ଚଞ୍ଚାର୍ । ଇ ଦୁକ୍‌ଦୁକାଂ ମାଚାଡ୍, ଇସ୍‌ତ୍‌‌ ରିସା ଓସ୍‌ପାଡ୍ ।

୨ ଆରେ ଆନ୍ ହୁଡ୍‌ତାଂ, ନାଣିମେହା ର କାଟ୍ ଲାକେ ହାମ୍‌ଦୁର୍, ଆରେ ଇମ୍‌ଣାକାର୍ ପସୁ, ତା ପୁଡ୍‌ଡା ଆରି ତା ତରନ୍ ଲମର୍ ଜପି ଜିତା ଆତାଣ୍ଡା, ହେୱାର୍ ଇସ୍‌ରତି ଗମଣ୍ ଆସ୍ତି, ହେ କାଟ୍‌ବାତ୍‌ ହାମ୍‌ଦୁର୍ ଗୁଚିତ ନିଲ୍‌ତାନ୍ନା ।

୩ ହେୱାର୍ ଇସ୍‌ତ୍‌‌ ହିଜି ମାନି ଗମଣ୍ ଇଡ୍‌ଜି ଇସ୍‌ରତି ଆଡ୍‌ଏନ୍ ମସାତି କେଚ୍‌କଣ୍ ଆରି ମେଣ୍ଡାହିମ୍‌ଣାତି କେଚ୍‌କଣ୍ କେଚ୍‌ଜି ମାଚାଡ୍ ।

“ଏ ମାପୁ, ଓଜୁ ସାକ୍ତିକାଟି ଇସ୍‌ର,

ମି କାମାୟ ସବୁ ଗାଜା ଆରି କାବାଆନାକା;  
ଏ ଜାତି ସବୁନି ରାଜା, ମିହାଜି ଓଜୁ ନ୍ୟାୟ ଆରି ହାତ୍‌ପା ।

୪ ଏ ମାପୁ, ଇନେର୍ ନିକେଙ୍ଗ ପାଣ୍ଡା ଆଦୁର୍ ?  
ନି ଜାଜ୍‌ମାଲ୍ ସୁଣାୟ କିଦେଙ୍ଗ ଇନେର୍ ମାନି କିଉର୍ ?  
କେବଲ୍ ଏନ୍ ନେ ପୁଇପୁୟା

ଓଜୁ ଜାତି ଖାଜି ନି ପୁଜା କିଦନାର୍ ।  
ଲାଗିଂ ନି ବିଦି କାମାୟ ଓଜାର୍ ହୁଡ଼ତାର୍‌ନା ।”

୫ ଇଦାଂ ପାଚେ ଆନ୍ ହୁଡ଼ତାଂ, ସାଗେନି ସାକି ତୁମ୍‌ନି ମନ୍ଦିରୁନି ଦୁଖେର୍ ଜେୟା ଆତାତ୍ ।

୬ ସାତ୍ ଦୁକ୍‌ଦୁକା ଆସ୍ତି ମାନି ସାତ୍ ଦୁତକ୍ ସାଗେ ମନ୍ଦିର ବିତ୍ରେତାଂ ହସି ଖାତିକ୍, ହେଖେକ୍ ସକର୍ ଡିଞ୍ଜିନି ହେୟା ଆରି  
ହେଖେକ୍ ନେଖେତାକିତ ହନା ତଲ୍ ତରି ଗାତ୍‌ୟା ଆଜି ମାତିକ୍ ।

୭ ହେବେ ଚାରି ପାରାଣିଂ ବିତ୍ରେ ର ପସୁ ଓଜ୍‌ଓଜି ଜିନି ଇସ୍‌ତର୍ ଚାକ୍ରିତାଂ ବାତର୍ ସାତ୍ ହନା କଣ୍ଡି ହେ ସାତ୍ ଦୁତକ୍‌କାଂ  
ହିତାତ୍ ।

୮ ଆରେ ଇସ୍‌ରତି ଜାଜ୍‌ମାଲ୍ ଆରି ସାକ୍ରିନି କଦାତ ମନ୍ଦିର ବାତର୍ ଆତାତ୍, ସାତ୍ ଦୁତକ୍ ସାତ୍ ଦୁକ୍ ଓଜ୍‌ଓଜି ପାତେକ୍  
ଇନେର୍ ମନ୍ଦିରତ ହଣ୍ଡେଙ୍ଗ୍ ଆଡ଼ଖାତାର୍ ।

### ୧୭

#### ଇସ୍‌ତର୍ ରିସାତ ବାତର୍ ସାତ୍ ବାହା

୧ ଇଦାଂ ପାଚେ ଆନ୍ ର ଗାଜା କାଟ୍ ଖେଚାଙ୍ଗ୍, ମନ୍ଦିରତାଂ ଇନେର୍ ରଖାନ୍ କିକିରାତିଂ ଆଜି ହେ ସାତ୍ ଦୁତ୍ତିଂ ଇତିକ୍,  
“ହାଲାଟ୍ ସାତ୍ କଣ୍ଡି ମାନି ଇସ୍‌ରତି ରିସା ପୁତର୍ ଜପି ଖାକାଟ୍ ।

୨ ଇଦାଂ ଖେନ୍‌ଞ୍ଜି ପର୍ତ୍ତୁମ୍ ଦୁତ୍ ହାଲ୍‌ଜି ତା କଣ୍ଡିତ ଇନାକା ମାନାତ୍, ପୁତର୍ ଜପି ଖାକ୍‌ତାତ୍ । ସାଙ୍ଗେ ସାଙ୍ଗେ ଇମ୍‌ଣାକାର୍  
ପସୁନି ତିନ୍ ଇଡ଼୍‌ୟାଜି ମାଚାର୍ ଆରି ତା ପୁଡ଼ତାତିଂ ପୁଜା କିଜି ମାଚାର୍, ହେଖାତ୍‌ତି ଗାଗାଡ଼ତ୍ ବେସି କସୁନିକା ଗାଞ୍ ଆତାତ୍ ।

୩ ତା ପାଚେ ଜେତି ଦୁତ୍ ତା କଣ୍ଡିତିଂ ହାମ୍‌ଦୁର୍ ଜପି ଖାକ୍‌ତାତ୍ । ହାମ୍‌ଦୁର୍ ଏଜୁଙ୍ଗ୍ ହାତି ମାନାୟତି ନେତେର୍ ଲାକେ  
ଆତାତ୍ ଆରି ହାମ୍‌ଦୁର୍‌ନି ଓଜୁ ପାରାଣିଙ୍ଗ୍ ହାତିକ୍ ।”

୪ ତା ପାଚେ ତିନ୍ ଦୁତ୍‌ତି କଣ୍ଡିତ ଇନାକା ମାଚାତ୍, ହେଦାଂ ହେଦେଲ୍ ନାଗୁଡ଼ ଆରି ଜଡ଼ିଂ ଜପି ଖାକ୍‌ତାତ୍; ହେବେ ହେଦାଂ  
ଓଜୁ ନେତେର୍ ଆଜି ହାଚାତ୍ ।

୫ ଏଚେକାଡ଼ଦ୍ ଆନ୍ ଖେଚାଙ୍ଗ୍, ଏସ୍ ଦାୟିତ୍‌ତ ମାନି ଦୁତ୍ ଇନାତା । “ଏପେଙ୍ଗ୍ ପୁଇପୁୟା, ଏପେଙ୍ଗ୍ ଆରି ଆଗେନିକା;  
ଏପେଙ୍ଗ୍ ସମାନ୍ ବିଚାର୍ କିତାଦେଣ୍ଡା ।

୬ ଲାଗିଂ ହେଖାତ୍ ପୁଇପୁୟା ସାଦୁର୍‌ତି ଆରି ବେଶ୍‌ବାକ୍‌ଶାୟକିନାକର୍‌ତି ନେତେର୍ ହପ୍‌ତି ମାଚାର୍, ଆରେ ଏପ୍  
ହେଖାରିଂ ଉଣି କାଜିଂ ନେତେର୍ ହିତାଦେର୍‌ନା, ହେଖାତ୍ କାମାୟନି ପାଡ଼୍ ପାୟାତାଣ୍ଡା ।”

୭ ତା ପାଚେ ଆନ୍ ଗାର୍‌ଣିତାଂ ର କାଟ୍ ଖେଚାଙ୍ଗ୍, “ମାପୁ, ଓଜୁ ସାକ୍ରିମାନି ଇସ୍‌ର, ନି ଓଜୁ ବିଚାଣ୍ଡା ହାତ୍‌ପା ଆରି  
ନ୍‌ୟାୟନିକା ।”

୮ ତା ପାଚେ ଚାର୍ ଦୁତ୍ ତା କଣ୍ଡିତ ମାନି ଜିନିସ୍ ଖେଡ଼ା ଜପି ଖାକ୍‌ତାତ୍; ହେବେ ତାଙ୍ଗେଙ୍ଗ୍ ମାନାୟାରିଂ ନାଣିତ  
କାଡ଼ିକିଦେଂ ସାକ୍ରି ହିୟାତାତ୍ ।

୯ ହେପାଦ୍‌ନା ମାନାୟାର୍ ବେସି କାରାତ କାଡ଼୍‌ତାର୍, ଆରେ ଇନେର୍ ଇସ୍‌ରତି ଇ ଓଜୁ ଦୁକ୍ ଜପି ଆଦିକାର୍ ମାନାତ୍,  
ହେଖାନ୍ତି ତର୍‌ଦ ନିନ୍ଦା କିତାର୍, ହେଖାନିଂ ଜାଜ୍‌ମାଲ୍ ହିନି କାଜିଂ ମାନ୍‌ବାଦ୍‌ଲାୟ କିଖାତାର୍ ।

୧୦ “ତା ପାଚେ ପାଞ୍ଚ ଦୁତ୍ ଜାର୍ କଣ୍ଡିତିଂ ପସୁନି ଗାଦି ଜପି ଖାକ୍‌ତାତ୍; ପସୁତି ରାଜି ମାଜ୍‌ଗା ଆତାତ୍, ଆରେ ମାନାୟାର୍  
ନନି କାଜିଂ ଜାର୍ ଜାର୍ ଖେନ୍‌ଲ୍ କାପ୍‌ତେଂ ଲାଗାତାର୍;

୧୧ ହେଖାତ୍‌ତି ଗାଗାଡ଼ନି ଗାଅକୁ କାଜିଂ ଆରି ନନାକା କାଜିଂ ସାଗେନି ଇସ୍‌ରତିଂ ନିନ୍ଦା କିତାର୍ । ମାତର୍ ଜାର୍  
ବାନ୍‌ଧାହାଜିତିଂ ମାନ୍‌ବାଦ୍‌ଲାୟ କିଖାତାର୍ ।

୧୨ ଚଅ ଦୁତ୍ ବେସିଗାଜା ମୁପ୍‌ପେଟିସ୍ ଜପି ତା କଣ୍ଡିତ ପରାଡ଼ତ ଖାକ୍‌ତାତ୍ । ସାଙ୍ଗେ ସାଙ୍ଗେ ନାଗୁଡ଼ ନିଗ୍‌ଜି ହାଚାତ୍ ଆରି  
ଖେଡ଼ାହନିପଣ୍ଡାଂ ସତୁ ରାଜାର୍‌ତି ଖାନାକା କାଜିଂ ହାଜି ଜେୟାତାତ୍ ।

୧୩ ତା ପାଚେ ଆନେଙ୍ଗ୍ ହୁଡ଼ତାଂ, ରାତ୍‌ନି ଖେଇଦାଂ, ପସୁ ଖେଇଦାଂ ଆରି ଚାକ୍ରାୟ ବେଶ୍‌ବାକ୍‌ଶାୟକିନାକାନ୍ ଖେଇଦାଂ  
ପାଶା ଲାକେ ତିନିଗଟା ପୁଇପୁୟାଆଡ଼ିତି ଜିବୁନିଂ ହତିକ୍;

୧୪ ଇଖାଙ୍ଗ୍ ପୁଦାଂ ଜିବୁନ୍ ଆଜି କାବାନି କାମାୟ କିଜି ସାଦନ୍ କିଦେଙ୍ଗ୍ ଆଡ଼ନିକ୍ । ହେଖେକ୍ ଓଜୁ ସାକ୍ରିକାଟି ଇସ୍‌ତର୍  
ଗାଜା ଦିନ୍‌ନି ଜୁଜ୍ କାଜିଂ ସବୁ ପୁତର୍ ନି ରାଜାରିଂ ରୁଣ୍ଡାୟ କିନି କାଜିଂ ହେଖାତ୍ ଲାଗାଂ ହସି ଖାତିକ୍ ।”

୧୫ “ହୁଡ଼ାଟ୍ ଆନ୍ ଚର୍ ଲାକେ ଖାନାଙ୍ । ଇମ୍ଫି ମାନାୟ୍ ଜାଗ୍ ଫାନ୍ତି ଜାର୍ ହେୟା ରାକ୍ୟା କିନାନ୍, ହେଖେନ୍ ଦନ୍ୟ । ନାଗ୍ଡା ଆଜି ବୁଲ୍ଲାଆଉନ୍, ଆରି ମାନାୟାର୍ ତା ଲାଜୁ ହୁଡ଼ୁରୁ ।”

୧୬ ବୁଡ଼କୁ ସମାନ୍ ସମୁତ ପୁତ୍ ନି ରାଜାରିଂ ଇମ୍ଫି ଜୁଜ୍ ହିକାନି ବାହାତ ରବେ ରୁଣ୍ଡାୟ୍ କିତାତାର୍, ଏବ୍ରି ବାସାତ ତା ତର ହମ୍ ଗିକନ୍ ।

୧୭ ତା ପାଚେ ସାଡ଼ ଦୁଡ଼ ତା କଣ୍ଟିନି ଆସ୍ତିବାଡ଼ି ଆକାସ୍ତ ଖାକ୍ତାଡ଼; ହେବେ ମନ୍ଦିରତ ମାନି ଗାଦିତାଂ ଗାଜା କାଟ୍ତାଂ ର ବେରଣ୍ ଖେନ୍ୟାତାଡ଼ । “କାମାୟ୍ ଖିସ୍ତାଡ଼ ।”

୧୮ ହେ ଦାପ୍ରେ ବିଜ୍ଠଲି ଇଡ଼ତାଡ଼, ବିଞ୍ଜିଇଡ଼ନାକା ଆରି ର ଗାଜା ମେଦ୍ନିଦାଲ୍ଲକା ଆତାଡ଼; ପୁତ୍ ତ ମାନାୟାର୍ ଉଦ୍ଜା ଆନି ସମୁତାଂ ଏଲେଙ୍ଗ୍ ବଇକାର୍ ମେଦ୍ନିଦାଲ୍ଲକାନାକା ଆରେ ଇନାଖାଡ଼ାଙ୍ ଆଖାଦାଂ ମାତାଡ଼ ।

୧୯ ଗାଜା ଗାଡ଼ ତିନ୍ ବାଗ୍ତ ବାଗ୍ ଆତାଡ଼, ପୁତ୍ ନି ସବୁ ଜାତି ଗାଡ଼ ନାସ୍ ଆତାଡ଼ । ଇସ୍ବର ଗାଜା ଗାଡ଼ ବାବିଲନ୍ତିଂ ବାଶାଖାଦାଂ ମାତାନ୍ । ହେଖାନ୍ ତା ଉଣିବାହା ବେସି ରିସା ଲାକେ କାଲିଂ ତାଙ୍ଗ୍ ଉଡ଼ପାତାର୍ ।

୨୦ ଏସ୍ବକୁପ୍ଲି ସବୁ ହୁଡ଼ିୟା ଆଖାତାଡ଼, ଆରି ମାଡ଼ିଂ ଆରେ ଚଞ୍ଜିଡ଼ିକ୍ ।

୨୧ ପଗାସ୍ କେଜି ୫୦ କେଜି ବଜ୍ ବେସିଗାଜା ଆଞ୍ଜା ଆକାସ୍ତାଂ ମାନାୟାର୍ ଜପି ଆଡ଼ିକ୍, ମାନାୟାର୍ ଇ ଗାଜା ପରମାଦ୍ ଲାଗିଂ ଇସ୍ବରତିଂ ନିନ୍ଦା କିତାର୍ ।

୧୭

ଗାଜା ଦାରି

୧ ତା ପାଚେ ସାଡ଼ଗଟା କଣ୍ଟିଆସ୍ତି ସାଡ଼ ଦୁଡ଼କ୍ ବିଡ୍ରେତାଂ ରଞ୍ଜେଲ୍ ନା ଲାଗାଂ ଖାଜି ଇଞ୍ଚାଡ଼, ଖା, ବେସି ନାଗୁଡ଼ ଲାଗାଂ ରଡ଼ି ଦାରି ଲାଗ୍ଦି ହେ ଗାଜା ଗାଡ଼ ଇନେସ୍ ଡାଣ୍ ପାୟାନ୍ତାଡ଼, ହେଦାଂ ଚଟ୍ଟାନାଙ୍ ।

୨ ପୁତ୍ ନି ରାଜାର୍ ହେ ଦାରି ଲାହାଂ ଦାରିକିତାର୍ନା ଆରି ପୁତ୍ ତ ମାନାକାର୍ ଇନେର୍ ପାପ୍ ଲାକେ କାଲିଂ ଉଣ୍ଡି ହଡ଼ଚାଣ୍ଡା ।

୩ ହେପାଦ୍ନା ପୁଇପୁୟା ଜିବୁନ୍ ନା ତାକେ କୁଚ୍ଚାଡ଼ ଆରି ହେ ଦୁଡ଼ ନାଙ୍ ର ବାଟା ବିଡ୍ରେ ଅସିହାନ୍ଞିଲେ, ଆନ୍ ରଞ୍ଜେଲ୍ କଗ୍ଲେହିମ୍ଫାତିଂ ର ଗେରୁ ବାନି ପସୁ ଜପି କୁଚ୍ଚି ମାନାକା ହୁଡ଼ତାଂ, ହେ ପସୁନି ସବୁ ଇସ୍ବର ନିନ୍ଦା କିନି ତରଦ୍ ବାଡ଼ି, ଆରେ ତାଦାଙ୍ ସାଡ଼ କାପ୍ଡାଙ୍ ଆରି ଦସ୍ଗଟା କମଙ୍ ।

୪ କଗ୍ଲେହିମ୍ଫା ଖାଙ୍ଗାବାନି ଆରି ଗେରୁ କାର୍ହା ବାନି ହେୟା ଉସ୍ପାତାଡ଼ନା, ଆରେ ହନା ବେସି ମଲ୍ ମଣି ଆରି ମୁକ୍ତାତ ରଞ୍ଚାଡ଼ନା; ତା କେଇଦ ରଞ୍ଚାଙ୍ ହନା ବାହା, ହେଦାଂ ଗିଣ୍ ଆଡ଼ମାଡ଼ ଆରି ତା ଦାରି ଲାକେ ରାଡ଼ା କାମାୟ୍ତ ବାଡ଼ି;

୫ ତା ନିଦାଣ୍ତ ଇ ଡ଼କ୍ତ ତର ଲେକା ଆଜି ମାତାଡ଼, ଗାଜା ଗାଡ଼ ବାବିଲନ୍, ପୁତ୍ ନି ଖିଜୁ ଦାରି ଆରି ଗିଣ୍ ବିସ୍ପେନି କଗ୍ଲେ ।

୬ ଆନ୍ ଆରେ ହୁଡ଼ତାଂ, ହେ କଗ୍ଲେହିମ୍ଫାତିଂ ପୁଇପୁୟା ସାଦୁର୍ଚ୍ଚି ଆରି ଜିସୁତି ସାକିର୍ କାଜିଂ ପାଡ଼ି କିନାକାନ୍ ମାନ୍ତି ହାଜି ମାନି ମାନାୟାର୍ତି ନେତେର୍ ଉଣ୍ଡି ହଜ୍ଜି ମାତାଡ଼ ।

ତାଙ୍ଗେଙ୍ଗ୍ ହୁଡ଼ଜି ଆନ୍ କାବା ଆତାଙ୍ ।

୭ ହେବେଣ୍ଡାଂ ଦୁଡ଼ ଇଚାଡ଼ । “ଇନେକିଦେଂ କାବା ଆତାୟ୍ ? ହେ କଗ୍ଲେହିମ୍ଫାତି ଆରି ସାଡ଼ କାପ୍ଡାଙ୍ ଆରି ଦସ୍ଗଟା କମଙ୍ ଲାଗ୍ଦି ଇମ୍ଫି ପସୁ, ତା, ଡ଼କ୍ତ ବିଡ୍ରେ ନନାଡ଼ ଆନ୍ ଇଞ୍ଜନାଙ୍ ଖେନାଟ୍ !

୮ ହେଦାଂ ଇମ୍ଫି ପସୁ ଦିନେକ୍ ଜିଜି ମାତାଡ଼; ନଙ୍ଫୟ୍ ଆରେ ଜିଖାତାଡ଼ନା, ହେଦାଂ ପାତାଲ୍ କୁଣ୍ଡୁତାଂ ନିଙ୍ଗି ନସୁ ଆନାଡ଼ । ହେବେ ପୁତ୍ ତ ମାନାକାର୍ ଏଚେକ୍ ମାନାୟାର୍ ତର ଜଗଡ଼ନି ଆରାମ୍ତାଂ ଜିବୁନ୍ ପତିତ ଲେକାଆଖାତାଡ଼ନା, ହେଖାର୍ ଏଚେକାଡ଼ଦ୍ ହେ ପସୁତିଂ ହୁଡ଼ନାର୍ ଜେ ହେଦାଂ ମାତାଡ଼, ନଙ୍ଫୟ୍ ଆକାୟ୍ ଆରି ପାଚେ ଖାନାଡ଼, ହେ ଏଚେକାଡ଼ଦ୍ ହେଖାର୍ କାବା ଆନାର୍ ।

୯ ଇ ସବୁ ବିସ୍ପେ ବୁଜାନି କାଜିଂ ମାନ୍ ଲଡ଼ା । ପସୁତି ସାଡ଼ଗଟା କାପ୍ଡାଙ୍ ହାତେନେ ସାଡ଼ଗଟା ମାଡ଼ିଂ ଇମ୍ଫି ଜପି କଗ୍ଲେହିମ୍ଫା କୁଚ୍ଚାଡ଼ନା । ହେଖାଙ୍ ପା ସାଡ଼ଗଟା ରାଜାର୍ତି ଚିନ୍ ଲାକେ ।

୧୦ ହେ ସାଡ଼ କାପ୍ଡା ସାଡ଼ ରାଜାରିଂ ବୁଜା ଆନାଡ଼, ହେଖାର୍ ବିଡ୍ରେତାଂ ପାଞ୍ଜାଣ୍ଡି ଖିସ୍ତାରେ । ରଖାନ୍ ନଙ୍ଗ୍ ରାଜ୍ କିନାନା, ବିନ୍ ରଖାନ୍ ନଙ୍ଗୟ୍ ପାଚେକ୍ ଖାଉନେ । ହେଖାନ୍ ଖାଜି ଅଲପ୍ ସମୁ ପାଚେକ୍ ରାଜ୍ କିନାନ୍ ।

୧୧ ଆରେ ଇମ୍ଫି ପସୁ ଦିନେକ୍ ଜିଜି ମାତାଡ଼ ଆରେ ନଙ୍ଗୟ୍ ହିଲୁଡ଼, ହେଖାନ୍ ଆଡ଼ଜାଣ୍ ରାଜା ହେଖାନ୍ ହେ ସାଡ଼ଜାଣ୍ ରାଜାର୍ ବିଡ୍ରେତାଂ ରଖାନ୍, ଆରେ ହେଖାନ୍ ନସୁ ଆନାନ୍ ।”

୧୨ “ଏପେଙ୍ଗ୍ ହୁଡ଼ଜି ମାନି ଦସ୍ କମଙ୍ ହୁଡ଼ତାଦେର୍, ହେ ସବୁ ଦସ୍ ରାଜାରିଂ ବୁଜାନାଡ଼; ହେଖାର୍ ଇ ପାଚେକ୍ ରାଜି ପାୟାଆଖାତାର୍ନା, ମାତର୍ ପସୁ ଲାହାଙ୍ ର ଗଣ୍ଡା ପାଚେକ୍ ରାଜାର୍ ଲାକେ ଆଦିକାର୍ ପାୟାନ୍ତାଡ଼ ।

☆ ୧୭:୧୫ ମାଡ଼ିଉ ୨୪:୪୩,୪୪; ଲୁକ ୧୨:୩୯,୪୦; ହତ୍ତ ୩୩. ☆ ୧୭:୧୮ ହତ୍ତ ୮:୫; ୧୧:୧୩,୧୯. ☆ ୧୭:୨୦ ହତ୍ତ ୬:୧୪. ☆ ୧୭:୨୧ ହତ୍ତ ୧୧:୧୯. ☆ ୧୭:୩ ହତ୍ତ ୧୩:୧. ☆ ୧୭:୮ ହତ୍ତ ୧୧:୭.

୧୩ ଇ ଦସ୍ ଜାଣ ରାଜାରତି ଉଦେସ୍ ଏକ୍ । ହେୱାର୍ ଜାରତି ଓଁଜୁ ସାକ୍ତି ଆରି କେମତା ପସୁତି ହେଲାଇ କିତାର୍ ।

୧୪ ହେୱାର୍ ମେଣ୍ଡାହିମଣା ବିରୁଦ୍ଧ ଜୁଜ୍ କିତାର୍, ଆରେ ମେଣ୍ଡାହିମଣା ହେୱାରି ଜିତା ଆନାଡ୍, ଇନେକିଦେଂକି ହେୱାନ୍ ମାପୁତି ମାପୁ ଆରି ରାଜାରତି ରାଜା ଆରେ ଇମଣାକାର୍ ହେୱାନ୍ ଲାହାଂ ମାନାର୍, ହେୱାର୍ କୁକ୍ୟାତାକାର୍, ବାଟିକିୟାତାକାର୍, ଆରି ପାତ୍ନିକାର୍ ମାନାୟାର୍ ପା ଜିଣା ଆନାର୍ । ଇନେକିଦେଂକି ହେୱାନ୍ ମାପୁରତି ମାପୁ ଆରି ରାଜାତାଂ ରାଜା ।”

୧୫ ଦୁଡ୍ ନାଜ୍ ଆରେ ଇନଟାଡ୍, “ଏପେଙ୍ଗ୍ ଇମଣି ଏଜୁଙ୍ଗ୍ ଲାଗାଂ ଏପେଙ୍ଗ୍ ଦାରିକ୍ କୁଚ୍ଚି ମାନାକା ହୁଡ୍ତାଦେର୍, ହେ ଏଜୁଙ୍ଗ୍ ବାରବିନି ଲାଡ୍, ମାନାୟାର୍, ଜାତିର୍ ଆରି ବାସାକିନାକାରିଂ ବୁଜାନାଡ୍ ।

୧୬ ଏପେଙ୍ଗ୍ ହୁଡ୍ଜି ମାନି ସାଡ୍ଗଟା କମଙ୍ଗ୍ ଆରି ହେ ପସୁ, ଦାରିଂ ଗିଣ୍ କିନିକ୍; ହେୱାର୍ ତାକେଣ୍ଡା ତା ଓଁଜୁ କ୍ଳିସି ଅଜି ତାଙ୍ଗ୍ ନାଗ୍ଡା କିଜି ପିହିନିକ୍ । ଆରେ ତା ଜେଇ ତିନିକ୍ ଆରି ତାଙ୍ଗେଙ୍ଗ୍ ନାଣିତ ଦେହ୍ନିକ୍;

୧୭ ଇନେକିଦେଂକି ଇସ୍ପତ୍ ଜାର୍ ଉଦେସ୍ତ ସାଦନ୍ କିନି କାଜିଂ ହେୱାରିଂ ଇ କାତା ଚେଡ୍ନା ହିତାନ୍ନା । ଆରି ଇସ୍ପରତି ବଚନ୍ ଏଚେକାଡ୍ ପୁରା ଆଉଡ୍, ହେ ପାତେକ୍ ରାଜି ସାସନ୍ ବଜ୍ ହେୱାରିଂ ମାନ୍ତ ପସୁ କେଇଦ ପିସ୍ତି ହିନାର୍ ।”

୧୮ “ଏପେଙ୍ଗ୍ ଇମଣି କଗ୍ଲେହିମଣାତିଂ ହୁଡ୍ତାଦେର୍, ହେଦେଲ୍ ଆନାତା, ଇ ପୁତ୍ନି ରାଜାର୍ ରାଜି ଜପି ରାଜ୍ କିଜି ମାନି ହେ ଗାଜାଗାଡ୍ ।”

# ୧୮

## ବାବିଲ୍ ବୁଡାତାକା

୧ ତା ପାଚେ ଆନ୍ ଆରେ ରଞ୍ଜେଲ୍ ଦୁଡ୍ତିଂ ସାଗେତାଂ ଜୁଜି ୱାନାକା ହୁଡ୍ତାଂ; ହେଦେଲ୍ ବେସି ଆଦିକାର୍ ମାଚାଡ୍, ତା ପାଣ୍ଡ ପୁତ୍ନି ଅଜଡ୍ ଆଜି ହାଚାଡ୍ ।

୨ ହେଦେଲ୍ ଗାଜା କାଟ୍ତାଂ ଇଚାଡ୍, “ଗାଜା ଗାଡ୍ ବାବିଲନ୍ ଦୁଡ୍ତିମାସ୍ତାଡ୍ ! ଆଦା ମୁନ୍ତାଡ୍ନା, ହେଦାଂ ବୁଡ୍କୁ ବାହା ଆରେ, ବାନ୍ୟା ପୁଦାଂ ଆରି ରାଡ୍ ଆରି ଗିଣ୍ ପଟିଂତି ଆରି ପସୁ ଜମ୍ନିବାହା ଆତାଡ୍ନା ।

୩ ଇନେକିଦେଂକି ହେଦେଲ୍ ପୁତ୍ନି ନାର୍ ଜାତିଂ ତା ଦାରିନି କାମାୟ୍ ଲାକେ କାଲିଂ ଉଚାଡ୍ନା, ପୁତ୍ନି ରାଜାର୍ ତା ଲାହାଙ୍ଗ୍ ଦାରି କିନାରା, ଆରି ପୁତ୍ନି ବେପ୍ରିୟାର୍ ପାପ୍ତ ମାଜାନ୍ ଆନାରା ।”

୪ ଇଦାଂ ପାଚେ ଆନ୍ ୱେଟାଙ୍ଗ୍, ସାଗେତାଂ ଆରେ ରଞ୍ଜାଙ୍ଗ୍ କାଟ୍ ୱେଟାଙ୍ଗ୍ “ନା ମାନାୟାର୍ ଓଁଜାଦେର୍ ହସି ୱାଡ !

ତା ଲାଗାଂତାଂ ହସି ୱାଡ !

ଏପେଙ୍ଗ୍ ଇନେସ୍ ତା ପାପ୍ତ ମେହା ଅମାଟ୍;  
ହେଦେଲ୍ ଇମଣି ସାସ୍ତି ପାୟାନାଡ୍, ହେବେ ମେହାଆମାଟ୍ !

୫ ତା ପାପ୍ କିନାକା ଗାଦି ଆଜି ସାଗେ ପାତେକ୍ ପା ନିଙ୍ଗ୍ତାଡ୍ନା,  
ଆରେ ଇସ୍ପର୍ ତା ଅଦାମ୍ ସବୁ ଏଡୁକିତାର୍ନା ।

୬ ହେୱାନ୍ ଇନେସ୍ ମି କାଜିଂ ବେବାର୍ କିତାନ୍ନା,  
ଏପେଙ୍ଗ୍ ତା କାଜିଂ ସମାନ୍ ହେ ଲାକେ ବେବାର୍ କିୟାଟ୍ ।

ହେୱାନ୍ ଇନାକା କିତାନ୍ନା, ତା କାମାୟ୍ ଇସାପ୍ରେ ହୁଡ୍ଜି ତାଙ୍ଗେଙ୍ଗ୍ ରି ଗୁଣ୍ ପୁଲିଂ ହିୟାଟ୍,  
ଆରେ ହେୱାନ୍ ଇମଣି ବାହାତ କାଲିଂ ମେହାୟ୍ କିତାନ୍ନା,

ହେବେ ହେଦାଂ କାଜିଂ ରି ଗୁଣ୍ କାଲିଂ ମେହାୟ୍ କିୟାଟ୍ ।

୭ ହେୱାନ୍ ଜାର୍ତିଂ ଜାଜ୍ମାଲ୍ କିତାନ୍ନା  
ଆରି ଦାଜ୍ମାରେ ଦିନ୍ କାଟିକିନାତା, ତାଙ୍ଗେଙ୍ଗ୍  
ହେଏଚେକ୍ କସ୍ ଆରି ଡାଡ୍ପାଟ୍;

ଇନେକିଦେଂକି ହେଦେଲ୍ ମାନ୍ତ ମାନ୍ତ ଇନାତା,  
ଆନେଙ୍ଗ୍ ରାଣି ଆଜି କୁଚ୍ଚାଙ୍ଗ୍ନା,

ଆନେଙ୍ଗ୍ ରାଣି ଆକାୟ୍ ।

୮ ତା ଇ ସବୁ ପାପ୍ ଲାଗିଂ ଓଁଜୁ ଦୁକ୍, ଇତିସ୍ ହାନାକା, ଦୁକ୍,  
ଆରି କାତାର୍ ଆର୍ନାଡ୍,

ଆରେ ହେଦେଲ୍ ପୁରା ବାବ୍ରେ ନାଣିତ କାଡ୍ନାଡ୍,  
ଲାଗିଂ ତା ବିଚାର୍ କାରିୟା ମାପୁ ଇସ୍ପର୍ ସାକ୍ତିକାଟାକାନ୍ ।”

୯ ପୁତ୍ନି ଇମଣି ସବୁ ରାଜା ଜେ ଓଁଜାର୍ ରାଜାର୍ ତା ଲାହାଙ୍ଗ୍ ଦାରି ଆରି ପାପ୍ ବେବାର୍ କିଜି ମାଚାର୍, ହେୱାର୍ ତା କାଡ୍ମାଜିମାନି ଗାଗାଡ୍ତାଂ ଆହ୍ନି କଦା ହୁଡ୍ଜି ହେଦାଂ କାଜିଂ ଆଡ୍ବାନାର୍ ଆରି ଦୁକ୍ କିନାର୍ ।

୧୦ ତା ଦୁକ୍ କସ୍ତୁନି ମେହାଆଦେଂ ପାଣ୍ଡାଜି ହେଞ୍ଜାର୍ ତା ତାଂ ବେସି ଦେହା ନିଲ୍ଲଟି ମାନାର୍ ଆରି, ହାୟ୍, ହାୟ୍, କିଜି ଇନାର୍, ଏଚେକ୍ ବଇଁକାର୍ ! ନିୟା ଏନ୍ ଇନାକା ହେ ଗାଜାଗାଡ୍, ବାପୁକାଟିଗାଡ୍ ବାବିଲନ୍, ଇନେକିଦେଂକି ର, ଗନ୍ତା ବିତ୍ତେ ନି ତାଣ୍ଡ ଏକାଞ୍ଜାତାଡ୍ ।

୧୧ ଆରେ, ପୁତ୍ ନି ବେପ୍ରିୟାର୍ ହେଦାଂ କାଜିଂ ଆଡ୍ ବାନାର୍ ଆରି ଦୁକ୍ କିନାର୍, ଇନେକିଦେଂକି ଇନେର୍ ହେଞ୍ଜାର୍ତି ବେପାର୍ନି ଦିନିସ୍ ଆରେ କଡ୍ଦେଂ ଆଡ୍ଡୁର୍, ଇଚିସ୍,

୧୨ ହନା, ରୁପା, ମଣି, ମୁଲ୍ଲା, କଞ୍ଜାଣ୍ ହେନ୍ଦା, ଖାଙ୍ଗାବାତ୍ ବାନି ହେନ୍ଦା, ମାଟ୍ ଆ ହେନ୍ଦା, ଗେରୁବାନି ହେନ୍ଦା ଝିଜୁ ବାନି ଚନ୍ଦନ୍ ଝେଜ୍ଗୁ, ଆତି ଗାଡାଙ୍ଗନି ସବୁ ବାନି ଆଡ୍ ମାଡ୍, ବେସି ମଲ୍ଲି ଝେଜ୍ଗୁ, ପିତାଡ୍, ଲଞ୍ଜା, ଆରି କାଲ୍ ରଚ୍ଚାକା ଲାହାଙ୍ଗ୍ ରଚ୍ଚି ସବୁବାନି ଆଡ୍ ମାଡ୍ ।

୧୩ ଚରାମାଲି, ଗାନ୍ଧାଟିକାଣ୍, ଦୁପ୍ପିନି, ବାସନା କାସନି ଚିକାଣ୍, କୁନ୍ଦୁର୍, କାଲିଂ, ଚିକାଣ୍, ମଇଦା, ଗଂମ, ପସୁ, ମେଣ୍ଡାଙ୍ଗ୍, ଗଡା, ଗଡାହାଗାଡ୍, କଡ୍ କାଆଡ୍ ଏନ୍, ଆରି ମାନାୟାର୍ତି ପାରାଣ୍ ।

୧୪ ବେପାର୍ କିନାକାର୍ ତାଙ୍ଗ୍ ଇନାର୍ । ଆହାଂ ସବୁ ଲକୁ ହାଦ୍ ନିତାଂ ଦେହା ଆତାଡ୍ ନ୍ନା, ଆରି ମି ଦନ୍ ସଂପତି ହଲ୍ଲନାକା ଆରେ ଆକାୟ୍ । ଏପେଙ୍ଗ୍ ହେଞ୍ଜାକାଂ ଆରେ ଇନାଞ୍ଜାଡାଂ ପାୟା ଆତଦେର୍ ।

୧୫ ଇମଣି ବେପ୍ରିୟାର୍ ହେ ଗାଡ୍ଦ ବେପାର୍ କିଜି ମାଜାନ୍ ଆଜି ମାଚାର୍, ହେଞ୍ଜାର୍ ତା ଦୁକ୍ ବଗ୍ତ ମେହାଆଦେଂ ପାଣ୍ଡାଜି ବେସି ଦେହା ନିଲ୍ଲଟି ଆଡ୍ ବିସ୍ ଆରି ଦୁକ୍ କିଜି ଇନାର୍ ।

୧୬ ହେଞ୍ଜାର୍ ଆଡ୍ ବିସ୍ ଇନାର୍, “ହାୟ୍, ଗାଜାଗାଡ୍ ନି ଅବସ୍ତା ନଙ୍ଗ୍ ଏଚେକ୍ ବଇଁକାର୍, ଏଚେକ୍ କସ୍ତୁ ! ହେଞ୍ଜାନ୍ କଞ୍ଜାଣ୍ ହେନ୍ଦା, ଖାଙ୍ଗାବାନି ଆରି ଗେରୁବାନି ହେନ୍ଦାଙ୍ଗ୍ ଉସ୍ ପିସ୍ ମାଚାଡ୍, ଆରେ ହନା, ମଣି ଆରି ମୁଲ୍ଲାତ ଡୟାଆଜି ମାଚାଡ୍ ।

୧୭ ମାଚର୍ ର ଗଣ୍ଟା ବିତ୍ତେ ହେ ଇ ଝିଜୁ ଦାନ୍ ରୁଡା ଆତାଡ୍ ।”

ଜାଜ୍ ମୁଣିକା, କେଉଟାର୍ ଆରି ହାମ୍ ଦୁର୍ ବେପ୍ରିୟାର୍ ବେସି ଦେହା ନିଲ୍ଲଟାର୍

୧୮ ଆରି କାଡ୍ ଯାଜିମାନି ଗାଡ୍ ଗାଜା କାଟାଂ ହୁଡ୍ ଜି ଇଚାର୍, “ଇ ଗାଜାଗାଡ୍ ଲାକେ ଆରେ ଇମଣି ଗାଡ୍ ହିଲ୍ ଖାତାଡ୍ ।”

୧୯ ହେଞ୍ଜାର୍ କାପ୍ଡା ଜପି ଦୁଡ୍ ଚୁଡ୍ ଚି ଆଡ୍ ବିସ୍ ଇଚାର୍, “ଏଚେକ୍ ବଇଁକାର୍ ! ଗାଡ୍ ନି ଇ ଏଚେକ୍ ନନାକା କସ୍ତୁ ! ହାମ୍ ଦୁର୍ତ ମାନି ଜାଜ୍ ନି ହାଉକାରିଂ ମାଜାନ୍ ଆଜି ମାଚାର୍; ନଙ୍ଗ୍ ର ଗଣ୍ଟା ବିତ୍ତେ ରୁଡା ଆତାଡ୍ ।”

୨୦ ଏ ସାଗେନିକାଦେର୍ ! ହେଞ୍ଜାନ୍ ରୁଡାଜି ମାଚିଲେ ଖାରି କିୟାଟ୍ । ଏ ପୁଇପୁୟା ସାଦୁକାଦେର୍, ଏ ପକ୍ୟାତାକାନ୍ ଚେଲା ଆରି ବେଶ୍ ବାକ୍ ଶାୟ୍ କିନାକାଦେର୍ ! ଖାରିୟା ଆଡ୍, ଇନେକିଦେଂକି ମି କାଜିଂ ହେଞ୍ଜାନ୍ ଇନାକା କିଜି ମାଚାନ୍, ହେଦାଂ କାଜିଂ ଇସ୍ ଚାଙ୍ଗ୍ ତାଣ୍ଡ ହିତାନ୍ ନା ।

୨୧ ତା ପାଚେ ରଞ୍ଜେଲ୍ ବାଡ୍ କାସକାଟି ଦୁଡ୍ ର ଗାଜା ଜାତାକାଲ୍ ଲାକେ ର କାଲ୍ ହାମ୍ ଦୁର୍ତ ତୁହି ହିଜି ଇଚାଡ୍, “ଗାଜାଗାଡ୍ ବାବିଲନ୍ ଇ ଲାକେ ବାବ୍ରେ ତୁହିୟାନ୍ତ ଆରି ତାଙ୍ଗ୍ ଆରେ ଇନେର୍ ଇନାଞ୍ଜାଡାଂ ହୁଡ୍ ଦେଂ ଆଡ୍ଡୁର୍ ।

୨୨ କି ଗମଣ୍, କେରକଣ୍ ଖାଡ୍ ଯାର୍, କି ହୁର୍ଡି ତୁବ୍ ନାକାର୍, ଆରି ମରି ତୁବ୍ ନାକାର୍ତି ଗାଜାନ୍ ନି, ଇନାଞ୍ଜାଡାଂ ଆରେ ନି ବିତ୍ତେ ଝେନ୍ୟାଆଡ୍ । ଇମଣି ରଚ୍ଚନାକାର୍ ନି ବିତ୍ତେ ଆରେ ଇନାଞ୍ଜାଡାଂ ପା ଚଞ୍ଜୟାଡ୍, ଜାତା କାଲ୍ ନି ଗାଜାନ୍ ନି ବିତ୍ତେ ଆରେ ଇନାଞ୍ଜାଡାଂ ପା ଝେନ୍ୟାଡ୍,

୨୩ ନି ବିତ୍ତେ ଆରେ ଇନାଞ୍ଜାଡାଂ ପା ଅଜଡ୍ କାଚା ଆଡ୍, ନଲେ ବିବାଦାଙ୍ଗ୍ ଶେନ୍ ଗାଡ୍ ଚେ ସବ୍ ନି ବିତ୍ତେ ଆରେ ଇନାଞ୍ଜାଡାଂ ପା ଝେନ୍ୟାଡ୍, ଇନେକିଦେଂକି ନି ବେପ୍ରିୟାର୍ ପୁତ୍ ତ ଗାଜା ସାକ୍ତିକାଟାକାର୍ ଆଜି ମାଚାର୍, ନି ମାୟାତ ହୁକେ ଏନ୍ ପୁତ୍ ନି ସବୁ ଜାତିରିଂ ବୁଲ୍ କାୟ୍ କିଜି ଇଡ୍ ଜି ମାଚାୟ୍ ।”

୨୪ ଆରେ ଇ ଗାଡ୍ ପୁତ୍ ନି ହେନି ବେଶ୍ ବାକ୍ ଶାୟ୍ କିନାକାର୍ ଆରି ପୁଇପୁୟା ସାଦୁର୍ତି ନେତେର୍ ବଡାଜି ମାଚାଡ୍ । ଇ ସବୁ ପାପ୍ କାଜିଂ ହେଦେଲ୍ ସାସ୍ତି ଦାଣ୍ଡ ପାୟାତାନ୍ନା ।

# ୧୯

## ସାଗେତ ଖାରି

୧ ଇଦାଂ ପାଚେ ଆନ୍ ଇନାକା ଝେଚାଙ୍ଗ୍, ହେଦାଂ ସାଗେତ ବେସି ମାନାୟାର୍ ସବ୍ ଲାକେ ର ବେସି ସବ୍ ଇଦାଂ ଇନାକା ଝେଚାଙ୍ଗ୍, “ଇସ୍ ଚିତ୍ ତର୍ଦ କେରାଟ୍ । ମା ଇସ୍ ମୁକ୍ ଡାୟ୍ କିନାକାନ୍, ଜାଜ୍ ମାଲ୍, ଆରି ସାକ୍ତିନି ଆଦିକାରି ।

୨ ଇନେକିଦେଂକି, ତା ବିଚାର୍ ହାଡ୍ ପା ଆରି ନ୍ୟାୟ୍; ଇମଣି ବେସି ଦାରି ଜାର୍ ଦାରି ହୁକେ ପୁତ୍ ତିଂ ନାହାୟ୍ କିଜି ମାଚାଡ୍, ହେଞ୍ଜାନ୍ ତାଙ୍ଗେଙ୍ଗ୍ ତାଣ୍ଡ ହିଜି ଜାର୍ ଆଡ୍ ଯାର୍ ନେତେର୍ ହପ୍ତି ହୁଜାନାକା ତାକେଣ୍ଡାଙ୍ଗ୍ ଅତାନ୍ନା ।

୩ ଆନ୍ ଝେଚାଙ୍ଗ୍, ହେଞ୍ଜାର୍ ଆରେ ଗାଜା କାଟାଂ ଇନାରା, ଇସ୍ ଚିତ୍ ତର୍ଦ କେରକଣ୍ କେରାଟ୍ । ହେ ଗାଜା ଗାଡ୍ ତିଂ ନାସ୍ କିଜିମାନି ନାଣି କଦା ଜୁଗ୍ ଜୁଗ୍ ଜପି ନିଙ୍ଗ୍ ଜି ମାନାଡ୍ ।”

୪ ଗାଦିତକୁଚ୍ଚି ଇସ୍ ଚିତ୍ ମୁନ୍ଦ କଡ୍ ଚାରି ୨୪ ଜାଣ୍ ପ୍ରାଚିନାର୍ ଆରି ହେ ଚାରି ପସୁ ତାଣ୍ଡହାଡ୍ ଆଜି ଇସ୍ ଚିତ୍ ପାର୍ତାନା କିଚାର୍ । ହେଞ୍ଜାର୍ ଇଚାର୍, “ଆମେନ୍ ! ଇସ୍ ଚିତ୍ ପାର୍ତାନା କିୟାଟ୍ ।”



**ମେଣ୍ଡାହିମ୍‌ଣାତି ବିବା ବଜି**

୫ ହେ “ଏଚେକାଡ଼ଦ ଗାଦିତାଂ ର ସବଦ୍ ଖେନ୍ୟାତାଡ଼ । ଏ ଇସ୍‌ସୁତ୍ ଆଡ଼ିୟାକାଦେର୍, ଏ ହେଖାନିଂ ପାଣ୍ଡା ଆନାକାଦେର୍ ହାରୁ ଆରି ଗାଜା ମାନାୟାର୍, ହେଖାନ୍ତି ପାର୍ତ୍ତାନା କିୟାଟ୍ ।”

୬ ହେ ସମୁତ ଆନେଙ୍ ଖେଚାଙ୍, ହାମ୍‌ଦୁର୍ ଗାର୍ଜାନାକା ଆରି ବିଞ୍ଜିଇଡ଼ନାକା ଲାହାଂ ମାନାୟାର୍ ସବଦ୍ ଲାକେ କେଡ଼ାଜି ଖାନାତା । ମାନାୟାର୍ ଆରେ ପାର୍ତ୍ତାନା କିଜି ଇନାରା । “ଇସ୍‌ସୁତ୍ ତରଦ୍ କେରକଣ୍ କେରାଟ୍, ଇନେକିଦେଂକି ମା ମାପୁ ଓଜୁଡ଼ିଂ ସାକ୍ତିକାଟାକାନ୍ ଇସ୍‌ସୁର୍, ହେଖାନ୍ କେବଲ୍ ମା ରାଜା ।

୭ ଖାତ, ଆସେଙ୍ ଖାରି ଆରି ସାରଦା କିନାସ୍, ଆରି ତାଙ୍ଗେଙ୍ ଜାନ୍‌ମାଲ୍ ହିନାସ୍, ଇନେକିଦେଂକି ମେଣ୍ଡାହିମ୍‌ଣାତି ବିବାନି ସମୁ ଏକାଖାତାଡ଼, ଆରେ ତା ଗାଡ଼୍‌ଜାର୍ତିଂ ରଞ୍ଚାଡ଼ନା ।”

୮ ତାଙ୍ଗେଙ୍ ଡ଼ିଞ୍ଜିନି ଆରି ସକଟ୍ ହେୟା ଉସ୍‌ପିନି କାଜିଂ ହିତାର୍; ହେ କଖାଣ୍ ହେୟା ପୁଇପୁୟା ସାଦୁର୍ତି ଆନାତା ହେ କଖାଣ୍ ହେୟା ।

୯ \*ହେ ଏଚେକାଡ଼ଦ ଦୁଡ଼ ନାଙ୍ଗେଙ୍ ଇଞ୍ଚାନ୍, “ଲେକିକିଜି ଇଟାଟ୍, ଇମ୍‌ଣାକାର୍ ମେଣ୍ଡାହିମ୍‌ଣାତି ବିବା ବଜିତ କୁକ୍ୟାତାକାର୍, ହେଖାନ୍ ଦନ୍ୟ ।” ଆରେ ପା ହେଖାନ୍ ନାଙ୍ଗେଙ୍ ଇଞ୍ଚାନ୍, “ଇଦାଂ ଇସ୍‌ସୁତ୍ ହାଡ଼ପା ବଚନ୍ ।”

୧୦ “ହେବେ ଆନ୍ ହେଖାନିଂ ଜୁଞ୍ଚାର୍ କିନି କାଜିଂ ତା ପାନା ତାରେନ୍ ତାଣ୍‌ହାଡ଼୍‌ମାର୍‌ତାଙ୍ଗ୍ । ହେବେ ହେଖାନ୍ ନାଙ୍ଗେଙ୍ ଇଞ୍ଚାନ୍, ଜାଗ୍ରଡ଼, ଇଦାଂ କିମାଟ୍, ଆନ୍ ମିଦାଂ ଆରି ଜିସୁତି ସାକି ଜେ ମି ଟଣ୍ଡାର୍, ହେଖାନ୍‌ଡ଼ି ହାଙ୍ଗ୍‌ଦାକାନ୍; ଇସ୍‌ସୁତ୍ ଜୁଞ୍ଚାର୍ କିୟାଟ୍ । ଜିସୁତି ବିସ୍ତେନି ସାକି ତ ସାରି ।”

**ଡ଼ିଞ୍ଜିନି ଗଡ଼ା ଦୁମ୍‌ତାକାନ୍**

୧୧ ତା ପାଚେ ଆନେଙ୍ ସାଗେ ଜେୟାତାକା ହୁଡ଼ତାଂ, ଆରେ ହୁଡ଼ାଟ୍, ର ଡ଼ିଞ୍ଜିନି ଗଡ଼ା; ତା ଦୁମ୍‌ତାକାନ୍‌ତି ତର୍ ପାଡ଼ି ଆରି ହାଡ଼ପା ହେଖାନ୍ ନିୟାୟ ଲାକେ ବିଚାର୍ ଆରି ହେଖାନ୍ ଦାମ୍ ଜୁଜ୍ କିନାନ୍ ।

୧୨ ତା କାଣ୍‌କୁ ଗୁଦଗିନି ନାଣି ଲାକେ, ତା କାପଡ଼ାତାକେ ବେସି ମୁକୁଟ୍ ମାଚାଡ଼ । ତା ଜପି ର ତର୍ ଲେକାଜି ମାଚାଡ଼, ହେ ପୁନି ତର୍ ତାଙ୍ଗ୍ ପିସ୍‌ସି ବିନେନିକାନ୍ ଇନେର୍ ପୁନୁର୍ ।

୧୩ ହେଖାନ୍ ନେତେରତ ନୁସ୍ତି ହେୟା ଉସ୍‌ପାତାକାନ୍, ଆରେ ତା ତର୍ ଆଜି ମାଚାଡ଼ ହେଖାନ୍ “ଇସ୍‌ସୁତ୍ ବଚନ୍” ଇଞ୍ଜି ଜାଣାତିନା ।

୧୪ ସାଗେନି ମେଲ୍ୟାର୍ ଡ଼ିଞ୍ଜିନି ଆରି ସକଟ୍ କଖାଣ୍ ହେୟା ଉସ୍‌ପିତି ଡ଼ିଞ୍ଜିନି ବାନି ଗଡ଼ାଙ୍ ଜପି ଦୁମ୍‌ଜି ତା ପାଚେ ହାଞ୍ଜେଙ୍ ଲାଗାତାର୍ ।

୧୫ ତା ଖାଈଦାଂ ଦାରାକାଣ୍ଡା ହଡ଼ନାଡ଼, ତା ହୁଦାଂ ହେଖାନ୍ ଜାତିରିଂ ଗାଅ କିନାନ୍; ହେଖାନ୍ ହେଖାରିଂ ଲଖା ବାଡ଼ଗାତାଂ ସାସନ୍ କିନାନ୍ ଆରେ ହେଖାନ୍ ନିଜେ ଓଜୁ ସାକ୍ତିକାଟାକାନ୍ ଇସ୍‌ସୁତ୍ ଜବର୍ କାକ୍ତି ଲାକେ ଅଙ୍ଗୁରକୁଣ୍ଡି ଜାତା କଣ୍ଡି ଓହ୍‌ନାନ୍ ।

୧୬ ତା ହେୟାତ ତା କୁଟାତ ଇ ତର୍ ଲେକାତାଡ଼ନା, “ରାଜାର୍‌ଜପି ରାଜା ଆରି ମାପୁଜପି ମାପୁ ।”

୧୭ ତା ପାଚେ ଆନେଙ୍ ରଞ୍ଚାନ୍ ଦୁଡ଼ତିଙ୍ ଖେଡ଼ା ବିତ୍ରେ ନିଲ୍‌ତି ମାନାକା ହୁଡ଼ତାଂ; ହେଖାନ୍ ଆକାସ୍‌ତ ଉମ୍‌ନି ସବୁ ପଟିକାଙ୍ ଗାଜା କାଟ୍‌ତାଂ କୁକ୍‌ତି ଇଚାର୍, “ଖାତ ଇସ୍‌ସୁତ୍ ଗାଜା ବଜିତ ରୁଣ୍ଡା ଆତ,

୧୮ ଇନେସ୍ ଏପେଙ୍ ରାଜାର୍‌ତି, ମେଲ୍ୟାମୁଡ଼ଦାକାନ୍, ବାପୁକାଟାକାର୍‌ତି, ଗଡ଼ା ଆରି ଗଡ଼ାଦୁମ୍‌ତାକାତ୍, ଜାର୍‌ତାରେନ୍ ଆରି ଲକାର୍ ତାରେନ୍, ଆଡ଼ିୟା ହାରୁ ଆରି ଗାଜା ଓଜାର୍ ମାନାୟାର୍‌ତି ଜେୟ୍ ତିନାଟ୍ ।

୧୯ ତା ପାଚେ ଆନେଙ୍ ପସୁତିଂ ଆରି ପୁଡ଼ିଂ ନି ରାଜାରିଂ ଆରି ହେଖାନ୍‌ଡ଼ି ମେଲ୍ୟାର୍‌ତିଂ କି ହେ ଗଡ଼ାଦୁମ୍‌ତାକାର୍ ଆରି ତା ମେଲ୍ୟାତ ଲାହାଙ୍ ଜୁଜ୍ କିନି କାଜିଂ ରୁଣ୍ଡା ଆଜି ମାନାକା ହୁଡ଼ତାଂ ।

୨୦ \*ହେବେଣ୍ଡାଂ ହେ ପସୁ ଦାରାପଡ଼ା ଆତାଡ଼, ଆରେ ଇମ୍‌ଣି ଚାକ୍ରାୟ୍ ବେଣ୍‌ବାକ୍‌ଣାୟ୍‌କିନାକାନ୍ ତା ମୁମ୍‌ଦ କାବାଆନି କାମାୟ୍ ସବୁ କିଜି ତା ହୁଦାଂ ପସୁନି ଚିନ୍ ଇଡ଼ିୟାତି ମାନାୟାରିଂ ଆରି ତା ପୁଡ଼ଡ଼ା ପୁଜାକିନାକାରିଂ ବାଣାୟ୍ କିଜି ମାଚାଡ଼, ହେଖାନ୍ ପା ତା ଲାହାଙ୍ ଦାରାପଡ଼ା ଆତାଡ଼; ହେଖାନ୍ ହାରି ଜିତିତାଂ ଅବସ୍ତାତ ଗନ୍‌କ୍ ଆହ୍‌ନି ହାମ୍‌ଦୁର୍‌ତ ତୁହ୍ୟାତାର୍ ।

୨୧ ଆରେ ହେଖାନ୍‌ଡ଼ି ମେଲ୍ୟାର୍ ଗଡ଼ାଦୁମ୍‌ତାକାନ୍ ଖେଇଦିଂ ହନାକା କାଣ୍ଡା ହୁକେ ହାତାର୍; ଆକାସ୍‌ନି ପଟିଂ ମାନ୍ ଇଚା ହେଖାନ୍‌ଡ଼ି ଜେଇ ତିନ୍‌ଜି ହାଟିକ୍ ।

**୨୦**

**ହାଜାର୍ ବାହୁନି ରାଜ୍**

୧ ତାପାଚେ ଆନେଙ୍ ରଞ୍ଜେଲ୍ ଦୁଡ଼ତଂ ସାଗେତାଂ ଜୁଜି ଖାନାକା ହୁଡ଼ତାଂ । ତା କେଇଦ ପାତାଲ୍ ଛୁଇନି କୁଚି ଆରି ରଞ୍ଜାଙ୍ ଗାଜା ହିକ୍‌ଡ଼ିଂ ମାଚାଡ଼,

☆ ୧୯:୯ ମାଡ଼ିଉ ୨୨:୨,୩. ☆ ୧୯:୨୦ ହତ୍ତ ୧୩:୧-୧୮.

୨ ହେୱାନ ହେ ରାଟ୍, ହେ ପୁନି ନାଗ୍ ଇଚିସ୍ ଦିଆବଲ୍ ଆରି ସୟତାନତିଂ ଆସ୍ତି ହାଜାର୍ ବାହୁଁ ପାତେକ୍ ଗାଟି ତୁହିତାର୍,  
 ୩ ଆରେ ତାଙ୍ଗେଙ୍ଗ୍ ପାତାଲ୍ କୁଣ୍ଡିତ ତୁହିଜି ହେବେଣ୍ଟାଂ ଖେଇ ଗେସ୍ତାନ ଆରି ତା ଜପି ଚିନ୍ ଇଡ଼ତାର୍, ଇନେସ୍ ହେ  
 ହାଜାର୍ ବାହୁଁ ଓଁଜ୍ଝି ପାତେକ୍ ହେୱାନ ଜାତିରିଂ ଆରି ବୁଲ୍କାୟ୍ କିଦେଙ୍ଗ୍ ଆଡୁଡ଼; ଇଦାଂ ପାଚେ ଅଲପ୍ କାଡ଼୍ କାଜିଂ  
 ତାଙ୍ଗେଙ୍ଗ୍ ମୁକ୍ତା ଆଦେଂ ଆନାଡ଼ ।

୪ ପାଚେ ଆନେଙ୍ଗ୍ ଗାଦିକାଂ ହୁଡ଼ତାଂ; ହେ ସବୁ ଜପି ଏଚେକ୍ ଲଗୁ କୁଚ୍ଚାର୍, ହେୱାରିଂ ବିଚାର୍ କିନି କେମ୍ତା ହିତାର୍  
 । ଆରେ ଜିସୁତି ସାକି ଆରି ଇସ୍ତର୍ ବଚନ୍ କାଜିଂ ଇମ୍ନାକାରତି କାପଡ଼ା ରାଜ୍ଯା ଆଜି ମାଚାଡ଼, ଆରେ ଇମ୍ନାକାର୍  
 ହେ ପସୁତିଂ କି ତା ପୁଡ଼ତାକାଂ ଜଞ୍ଜାର୍ କିଞ୍ଜାଦାଂ ମାଚାର୍ ଆରି ତା ଚିନ୍ ଜାର୍ ଜାର୍ ନିଦାଣ୍ଡ ଆରି କେଇଦ ଇଡ଼ୟାଞ୍ଜାଦାଂ  
 ମାଚାର୍, ହେୱାର୍ତି ଖାୟ୍ସିକାଂ ହୁଡ଼ତାଂ; ହେୱାର୍ ଜିଜି କ୍ରିସ୍ଟ ଲାହାଙ୍ଗ୍ ହାଜାର୍ ୧,୦୦୦ ବାହୁଁ ପାତେକ୍ ସାସନ୍ କିତାର୍ ।

୫ ବାକି ହାତି ମାନାୟାର୍ ହେ ହାଜାର୍ ୧,୦୦୦ ବାହୁଁ ଓଁଜ୍ଝି ପାତେକ୍ ଜିଞ୍ଜାତାର୍ । ଇଦାଂ ନେ ପର୍ତ୍ତମ୍ ଆରେ ନିଂନାକା ।

୬ ଇମ୍ନାକାର୍ ପର୍ତ୍ତମ୍ ଆରେ ନିଂନାକା ମିହାନାର୍, ହେୱାର୍ ଦନ୍ୟ ଆରି ପୁଇପୁୟା; ହେୱାର୍ ଜପି ରିହା ହାନାକା  
 ଇନାକାପା ଆଦିକାର୍ ଆକାୟ୍, ଇଚିସ୍ ହେୱାର୍ ଇସ୍ତର୍ ଆରି କ୍ରିସ୍ଟି ମାପୁହେବାକିନାନ ଆଜି ର ହାଜାର୍ ବାହୁଁ ପାତେକ୍  
 ତା ଲାହାଙ୍ଗ୍ ରାଜ୍ କିତାର୍ ।

**ସୟତାନତି ହାରିହାରା ଆରାନାକା**

୭ ହେ ର ହାଜାର୍ ୧,୦୦୦ ବାହୁଁ ଓଁସ୍ତିଲେ ସୟତାନତିଂ ଜଇଲ୍ଝାଙ୍ଗ୍ ପିହ୍ନାର୍;  
 ୮ ହେବେଣ୍ଟାଂ ହେଦେଲ୍ ପୁତର୍ ନି ଚାରିଗଟା କନାତ ମାନି ଜାତିତିଂ, ଇଚିସ୍ ହାମ୍ଦୁରନ୍ ବାଲି ଲାକେ ଗାଣାକିୟା ଆଉଡ଼  
 ଜେ ଗଗ୍ ଆରି ମାଗଗ୍ ହେୱାରିଂ ବୁଲ୍କାୟ୍ କିଜି ଜୁଜ୍ କାଜିଂ ରବେ ରୁଣ୍ଡାୟ୍ କିଦେଙ୍ଗ୍ ହସି ହାନାଡ଼ ।  
 ୯ ମେଲ୍ୟାର୍ ପୁତର୍ ନି ସବୁ ବାହାତ ମେଗ୍ୟାଜି ସାଦୁରତି ବାହା ଆରି ଜିଉନି ଗାଡ଼ିଂ ହୁରିମୁକ୍ତାର୍ । ହେ  
 ଏଚେଡ଼େଡ଼ାଲିଂ ସାଗେତାଂ ନାଣି ଆଜର୍ ହେୱାରିଂ ଚିଚାଡ଼ ।  
 ୧୦ ଇମ୍ନା ସୟତାନ ହେୱାରିଂ ବୁଲ୍କାୟ୍ କିଜି ମାଚାଡ଼, ତାଙ୍ଗ୍ ନାଣି ଆରି ଗନ୍ଦ୍ ମାନି ହାମ୍ଦୁରତ ତୁହିତାର୍, ହେବେ  
 ହେ ପସୁ ଆରି ଚାକ୍ରାୟ୍ ବେଣ୍ଟାକ୍ ଶାୟ୍ କିନାକାର୍ ପା ମାନାର୍; ଆରେ ହେୱାର୍ ଖେଡ଼ାନାଣା ଜୁଗ୍ ଜୁଗ୍ କସ୍ ବଗ୍ କିତାର୍  
 ।

**ହାରିହାରା ବିଚାର୍**

୧୧ ତାପାଚେ ଆନେଙ୍ଗ୍ ର ଗାଜା ଡ଼ିଞ୍ଜନାକା ଗାଦି ଆରି ହେବେ କୁଚ୍ଚି ରଞ୍ଜାନ ମାନାୟତିଂ ହୁଡ଼ତାଂ; ତା ଲାଗାତାଂ ପୁତର୍  
 ଆରି ଆକାସିଂ ହନ୍ତାଡ଼, ଆରି ହେଦାଂ ହୁଡ଼ଓଡ଼ିକ୍ ।  
 ୧୨ ଆରେ ଆନେଙ୍ଗ୍ ହାରୁ ଆରି ଗାଜା ଓଁଜାର୍ ହାତାକାରିଂ ଗାଦି ଲାଗେ ନିଲ୍ଚି ମାନାକା ହୁଡ଼ତାଂ, ଆରେ ପତିସବୁ  
 ଜେୟାତାଡ଼; ପାଚେ ଜିବୁନ୍ ପତି ତରନ୍ ଆରେ ରଞ୍ଜାଙ୍ଗ୍ ପତି ଜେୟାତାଡ଼; ହେ ପତିକାଂ ଲେକାତି ବିସ୍ତେ ପାର୍ମାଣ୍ଡାଂ  
 ହାତାକାର୍ ଜାର୍ ଜାର୍ କାରମ୍ ଇସାପ୍ତେ ବିଚାର୍ କିୟାତାକାର୍ ।  
 ୧୩ ହେ ସମୁତ ହାମ୍ଦୁର ବିତ୍ତେ ହାଜି ମାନି ମାନାୟାର୍ ନିଙ୍ଗି ଖାତାର୍ । ପାତାଲ୍ପୁରତ ମାନି ହାତି ମାନାୟ ପା ହସି  
 ଖାତାର୍ । ହେୱାର୍ ଓଁଜାର୍ ଜାର୍ ଜାର୍ କାରୁମ୍ ଇସାପ୍ତାଂ ବିଚାର୍ କିୟାତାର୍ ।  
 ୧୪ ତା ପାଚେ ହାକି ଆରି ପାତାଲ୍ତିଂ ନାଣିମେହା ହାମ୍ଦୁରତ ତୁହିତାର୍ । ଇ ହାକି ଇଚିସ୍ ନାଣିମେହା ହାମ୍ଦୁର, ରି  
 ହାକି ।  
 ୧୫ ଇନେର୍ ତର ଜିବୁନ୍ ପତିତ ଲେକା ଆଜି ମାନି ଚଞ୍ଜୟାଖାତାଡ଼, ତାଙ୍ଗେଙ୍ଗ୍ ନାଣି ଆହ୍ନି ହାମ୍ଦୁରତ ତୁହି ହିତାର୍ ।

**୨୧**

**ପୁନି ସରଗ୍ ଆରି ପୁନି ପୁତର୍**

୧ \*ତା ପାଚେ ଆନେଙ୍ଗ୍ ର ପୁନି ଆକାସିଂ ଆରି ପୁନି ପୁତର୍ ହୁଡ଼ତାଂ; ଇନେକିଦେଂକି ପର୍ତ୍ତମ୍ ଆକାସିଂ ଆରି ପର୍ତ୍ତମ୍  
 ପୁତର୍ ବୁଡ଼ା ଆଜି ମାଚାଡ଼, ଆରେ ହାମ୍ଦୁର ଆରେ ହିଲ୍ଝାତାଡ଼ ।  
 ୨ \*ଆରେ ଆନେଙ୍ଗ୍ ପୁଇପୁୟା ଗାଡ଼ଦ, ଇଚିସ୍ ପୁନି ଜିରୁସାଲମ୍ତ ବିବାଦାଙ୍ଗ୍ ଶେନ୍ କାଜିଂ ରଞ୍ଚି ଗାଡ଼ ଲାକେ ଜାଗ୍ରଡ଼  
 ଆଜି ସାଗେତାଂ ଇସ୍ତର୍ ଲାଗାତାଂ ପୁତର୍ ତ ଜୁଦ୍ନାକା ହୁଡ଼ତାଂ ।  
 ୩ ଆରେ ଆନେଙ୍ଗ୍ ଗାଦି ବିତ୍ତେତାଂ ର ଗାଜା ସବଦ୍ ଇଦାଂ ଇନାକା ଖେଚାଙ୍ଗ୍, ହୁଡ଼ାଟ୍, ମାନାୟାର୍ ବିତ୍ତେ ଇସ୍ତର୍  
 ବାହାକିନାକା ମାନାଡ଼, ହେୱାନ ହେୱାର୍ ଲାହାଙ୍ଗ୍ ବାହାକିନାନ, ଆରେ ହେୱାର୍ ଇସ୍ତର୍ ଲକୁ ଆନାର୍ ଆରେ ଇସ୍ତର୍  
 ନିଜେ ହେୱାର୍ ଲାହାଂ ମାନଗାନାନ,  
 ୪ ହେୱାର୍ କାଣ୍ଠାତାଂ ଓଁଜୁ କାଣେଲ୍ ନେୟାନାନ; ହାକି ଆରେ ଗିଟା ଆଉଡ଼; ଦୁକ୍ କି ଆଡ଼ବାନାକା କି ନନାକା ଆରେ  
 ଆଉଡ଼; ଇନେକିଦେଂକି ଆଗେନି ବିସ୍ତେ ସବୁ ବୁଡ଼ା ଆତାଡ଼ନ୍ନା ।

☆ ୨୧:୧ ୨ ପିତର ୩:୧୩. ☆ ୨୧:୨ ହତ୍ତ ୩:୧୨.

୫ ପାଚେ ଗାଦିତ କୁଚ୍ଚି ମାନାୟ ଇଚାନ, ହୁଡ଼ାଟ୍ ଆପ୍ ସବୁ ବିସ୍ତେ ପୁନାକା କିତାପ୍ନା । ଆରେ ହେୱାନ ଇଚାନ, ଲେକିକିୟା, ଇନେକିଦେଂକି ଇ ଓଜୁ କାତା ପାଚିନିକି ଆରି ହାଡ଼ପା ।

୬ ହେୱାନ ନାଜେଙ୍ଗ୍ ଆରେ ଇଚାନ, ଓଜୁ କାମାୟ ଓସ୍ତାଡ଼ନା । ଆନ୍ ଆରମ୍ ଆରି ହାରିହାରା, ଆରେ ଆଗେ ଆରି ଓଜୁନାକା । ଇନେର୍ ଏସକି ତାଜେଙ୍ଗ୍ ଆପ୍ ଜିବୁନ୍ ଲାକେ ଜାରଣ୍ତାଂ ଉପକା ମଲ୍ଦାଂ ଉଣ୍ଡେଙ୍ଗ୍ ହିଦ୍ନାପ୍ ।

୭ ଇନେର୍ ଜିତାନାନ୍, ହେୱାନ ଇ ଓଜୁଡ଼ି ଆଦିକାର୍ ଆନାନ୍; ଆପ୍ ହେୱାନ୍ତି ଇସ୍ବର୍ ଆନାପ୍, ଆରେ ହେୱାନ ମା ମାଜି ଆନାନ୍ ।

୮ ମାତର୍ ଇମ୍ଣାକାର୍ ପାଣ୍ଡାନାକାର୍, ପାଚି କିୱାକାର୍, ଗିଣ୍ପାଲ୍, ନାର୍ଅହ୍ନାକାନ୍, ଦାରିୟା, ଚୁଚ୍ଚିୟାର୍, ଆରି ପୁଡ଼ଡ଼ା ପୁଜାକିନାକାନ୍, ହେୱାର୍ ଆରି ଓଜାର୍ ମିର୍ କାତା ଇନାକାର୍ ନାଣି ଆରି ଗନ୍ଦକ୍ ଆହ୍ନି ହାମ୍ବୁର୍ତ୍ତ ବାଗ୍ ଆୟାନାର୍; ଇଦାଂ ନେ ରି ହାକି ।

**ପୁନି ଜିରୁସାଲମ୍**

୯ ତାପାଚେ ଇମ୍ଣା ସାଡ଼ ଦୁଡ଼ ଓସ୍ତ୍ର ସାଡ଼ ଦୁକ୍ତ ବାଚି ସାଡ଼ କଣ୍ଡିଆସ୍ତ୍ର ମାଚାନ୍, ହେୱେକ୍ ବିତ୍ରେତାଂ ରଞ୍ଜେଲ୍ ୱାଜି ନାଜେଙ୍ଗ୍ ଇସ୍ତାଡ଼, ଇବେ ୱା, ଆନେଙ୍ଗ୍ ନିଜେଙ୍ଗ୍ ହେ ଗାଡ଼, ଇଚିସ୍ ମେଣ୍ଡାହିମ୍ଣାତି ତକ୍ତୁହିଂ ଚଡ଼ଚାନାଙ୍ଗ୍ ।

୧୦ ହେବେ ହେୱାନ ନାଜେଙ୍ଗ୍ ଜିବୁନ୍ତ ର ଗାଜା ଆରି ପାନ୍ତି ମାଡ଼ିତ ଅଜି ହାଲ୍ଜି ପୁଇପୁୟା ଗାଡ଼ଦ୍ ଜିରୁସାଲମ୍ତ ଚଡ଼ଚାତାନ୍, ହେଦାଂ ସାଗେତାଂ ଇସ୍ବର୍ ଲାଗାଂ ଜୁଜି ମାଚାଡ଼ ଆରି ଇସ୍ବର୍ତି ଜାଜ୍ମାଲ୍ ଆତାଡ଼ ।

୧୧ ଆରେ ତା ଇସ୍ବର୍ତି ଜାଜ୍ମାଲ୍ ଲାକେ ମାଚାଡ଼; ତା ଅଜଡ଼୍ ବେସି ମଲ୍ଦି ମଣି ଲାକେ, ନିର୍ମଲ୍ ଷେଡ଼ାମଣି ଲାକେ ।

୧୨ ତା ରଞ୍ଜାଙ୍ଗ୍ ଗାଜା ଆରି ପାନ୍ତି କୁୱାଡ଼୍ ମାନାଡ଼, ହେବେ ବାରଗଟା ଦୁଞ୍ଜେର୍ରିଂ ହେ ଦୁଞ୍ଜେର୍ତ୍ତ ବାରଜାଣ୍ ଦୁଡ଼ ଆରି ଦୁଞ୍ଜେର୍କାଂ ଜପି ଇସ୍ତାଏଲ୍ ହିମ୍ଣାଂତି ବାରଜାଣ୍ ଲାଜୁନି ତର୍ ଲେକାତାଡ଼ନା ।

୧୩ ଷେଡ଼ାହ୍ନି ନିପ ତିନିଗଟା ଦୁଞ୍ଜେର୍ରିଂ, ପାଲନିପ ତିନିଗଟା ଦୁଞ୍ଜାରିଂ, ଦିଗବାଗାଙ୍ଗ୍ ତିନିଗଟା ଦୁଞ୍ଜାରିଂ ଆରି ଷେଡ଼ାହ୍ନିନିପ ତିନିଗଟା ଦୁଞ୍ଜାରିଂ ।

୧୪ ହେ ଗାଡ଼ନି କୁୱାଡ଼ନି ବାର କୁନାଦି, ହେ ସବୁ ଜପି ରର୍ଯ୍ୟାଜି ମାଚାଡ଼ ମେଣ୍ଡାହିମ୍ଣା ବାର ପକ୍ୟାତାକାର୍ ବାରଗଟା ତର୍ ଲେକାତାଡ଼ନା ।

୧୫ ଇନେର୍ ନା ଲାହାଙ୍ଗ୍ କାତା ଇଞ୍ଜି ମାଚାନ୍, ତା କେଇଦ ଗାଡ଼୍ ତା ଦୁଞ୍ଜେର୍ରିଂ ଆରି କୁୱାଡ଼୍ ଲାଜ୍ଜେଙ୍ଗ୍ ର ହନା ଲାଚ୍ନାକା ବେଡ଼ଗା ମାଚାଡ଼ ।

୧୬ ଗାଡ଼୍ ଚାରିକଣ୍ଠାଆଁ, ତା ଲାମା ଆରି ଅହାର୍ ସମାନ୍; ହେୱାନ ହେ ବେଡ଼ଗାତାଂ ଗାଡ଼୍ ଲାଜ୍ଜିଲେ ବାର ହାଜାର୍ ୧୨,୦୦୦ ଆପ୍କୁ ଆଡିକ୍; ହେବେନି ଲାମା, ଅହାର୍ ଆରି ପାନ୍ତାକା ସମାନ୍ ।

୧୭ ପାଚେ ହେୱାନ ହେବେନି କୁୱାଡ଼୍ ଲାଚ୍ଚିଲେ ହେଦାଂ ମାନାୟତିଂ ଲଡ଼ା ଇସାପ୍ରେ ସାଡ଼କଡ଼ିଚାରି ୧, ୪୪ ଆଡ଼ ଆତାଡ଼, ଦୁଡ଼ନେ ଇ ଲଡ଼ା ଇସାପ୍ରେ ଲାଜ୍ଜି ମାଚାନ୍ ।

୧୮ ହେ ଇଲ୍ ଷେଡ଼ାମଣି ରଚ୍ଚାକା, ଆରେ କୁୱାଡ଼୍ ସକର୍ କାଚ୍ ଲାକେ ନେକ୍ତି ହନା ଲାହାଂ ରଚ୍ଚାକା ।

୧୯ ଗାଡ଼ନି କୁୱାଡ଼୍ କୁନାଦି ଓଜୁ ବାନି ବେସି ମଲ୍ ମଣି ରଞ୍ଜାକା । ପର୍ଡୁମ୍ କୁନାଦି ହିରା, ଜେତାକା ମଣିନି, ତିନି ବଦୁର୍ଜ୍ୟମଣି, ଚାରି ମରକତମଣି,

୨୦ ପାଞ୍ଚ ପୁଲକମଣି, ଚଅ ମାଣିକ୍ୟମଣି, ସାଡ଼ ପୁସ୍ପରାଗମଣି, ଆର୍ ପିରଜ୍ମଣି, ନଅ ଗମେଦକମଣି, ଦସ୍ ଲସୁନିୟମଣି, ଏଗାର ଇନ୍ଦ୍ରିଲମଣି, ଆରି ବାର ଗାନ୍ଧାନିମଣି ।

୨୧ ବାର ଦୁଞ୍ଜେର୍ ବାର ମୁକ୍ତା, ଓଜୁ ଦୁଞ୍ଜେର୍ ରଞ୍ଜାଙ୍ଗ୍ ରଞ୍ଜାଙ୍ଗ୍ ମୁକ୍ତାତ ରଚ୍ଚାକା; ଆରେ ଗାଡ଼ନି ହାଜି ସକର୍ କାଚ୍ ଲାକେ ନେକ୍ତାକା ହନା ଲାହାଂ ରଚ୍ଚାକା ।

୨୨ ଆନେଙ୍ଗ୍ ହେ ଗାଡ଼ଦ୍ ଇମ୍ଣାକାପା ମନ୍ଦିର୍ତ୍ତ ପା ହୁଡ଼୍ୱାତାଂ, ଇନେକିଦେଂକି ମାପୁ, ଓଜୁଡ଼ିଂ ସାକ୍ତିକାଚାକାନ୍ ଇସ୍ବର୍ ଆରି ମେଣ୍ଡାହିମ୍ଣା ହେବେନି ମନ୍ଦିର୍ ଲାକେ ମାନାନ୍ ।

୨୩ ଅଜଡ଼୍ କାଜିଂ ହେ ଗାଡ଼ନି ଷେଡ଼ା କି ଲେଞ୍ଜି ଲଡ଼ା ଆକାୟ, ଇନେକିଦେଂକି ଇସ୍ବର୍ତି ଜାଜ୍ମାଲ୍ ତାଜେଙ୍ଗ୍ ଅଜଡ଼୍ କିନାଡ଼ ଆରି ମେଣ୍ଡାହିମ୍ଣା ହେବେନି ବେଟା ଲାକେ ।

୨୪ ହେବେ ଅଜଡ଼୍ତ ଜାଡିର୍ ବୁଲାଚାଲା କିତାର୍, ଆରି ପୁଚିନି ରାଜାର୍ ଜାର୍ ଜାର୍ ହଲ୍ନାକା ତା ବିତ୍ରେ ତାସିୱାଜି ଚାନ୍ଦା ହିନାର୍ ।

୨୫ ହେବେନି ଦୁଞ୍ଜେର୍ ଲାଗାଂ ଷେଡ଼ାଲିଂ ମୁଡ଼କେ ଗେହ୍ମା ଆଉଡ଼, ଇନେକିଦେଂକି ହେ ବାହାତ ନାଣା ଆଉଡ଼ ।

୨୬ ଲକୁ ଜାତିଲାହାଂ ହଲ୍ନାକା ଆରି ପାଣ୍ ତା ବିତ୍ରେ ତାହିୱାନାର୍ ।

୨୭ ଇମ୍ଣାକା ପା ସକର୍ ବିସ୍ତେ ନଲେ ଗିଣ୍ କିନାକାର୍ ଆରି ମିର୍ୱାର୍ ଇନେର୍ ହେବେ ମୁଡ଼କେ ହଣ୍ଡେଙ୍ଗ୍ ଆଡୁର୍; କେବଲ୍ ଇମ୍ଣାକାର୍ତି ତର୍ ମେଣ୍ଡାହିମ୍ଣା ଜିବୁନ୍ ପଡ଼ିତ ଲେକାତାଡ଼ନା, ହେୱାର୍ ହଣ୍ଡେଙ୍ଗ୍ ଆଡ଼ନାର୍ ।

# ୨୨

## ଜିବୁନ୍‌ନି ଏଜୁଂ ଜଡ଼ି

<sup>୧</sup> ପାଚେ ହେଞ୍ଜାନ୍ ନାଙ୍ଗେଙ୍ଗ୍ ଜିବୁନ୍‌ମାନି ଏଜୁଙ୍ଗ୍‌ନି ର ନାଗୁଡ଼୍‌ଚଟ୍‌ଚାତାନ୍, ହେଦାଂ ବେସି ହାରିଦି ଅଜଡ଼୍‌ଲାଇକେ, ଆରେ ଇସ୍‌ସୁର୍ ଆରି ମେଣ୍ଡାହିମ୍‌ଣାତି ଗାଦିତାଂ ହସି ଗାଡ଼୍‌ନି ହାଜି ହିଜି ହାନାତା ।

<sup>୨</sup> ହେ ନାଗୁଡ଼୍‌ନି ରି ପାଡ଼କାତାଂ ବାର ହଟ୍‌ ପାଡ଼୍‌ଆହ୍‌ନି ଜିବୁନ୍‌ ମାରକୁ ମାନିକ୍, ହେବେ ସବୁମାସ୍ ପାଡ଼୍‌ଆହ୍‌ନାଡ଼୍, ଆରେ ହେ ମାର୍‌ନି ଆକିଂ ଜାତିରିଂ ଉଜ୍ କିନାକା ।

<sup>୩</sup> ଇନାକାପା ସାଇପ୍ ବିସ୍ତେ ଆରେ ମାନ୍‌ଗୁଡ଼୍ ।

ଇସ୍‌ସୁର୍ ଆରି ମେଣ୍ଡାହିମ୍‌ଣାତି ଗାଦି ଗାଡ଼୍‌ ବିତ୍ରେ ମାନ୍‌ଗାନାଡ଼୍, ଆରେ ତା ଆଡ଼ିୟାର୍ ହେଞ୍ଜାନ୍ତି ପାର୍ତ୍ତାନା କିତାର୍ ।

<sup>୪</sup> ହେଞ୍ଜାର୍ ତା ମୁମ୍ ହୁଡ଼୍‌ନାର୍ ଆରି ତା ତର ହେଞ୍ଜାର୍‌ତି ନିଦାଣ୍ଡିତ ଲେକା ମାନ୍‌ଗାନାଡ଼୍ ।

<sup>୫</sup> ନାଣା ଆରେ ଆଉଡ଼୍, ହେଞ୍ଜାର୍‌ତି ବୈଟା କି ଖେଡ଼ା ଅଜଡ଼୍‌ନି ଲଡ଼ା ଆଉଡ଼୍, ଇନେକିଦେଂକି ମାପୁ ଇସ୍‌ସୁର୍ ହେଞ୍ଜାର୍ ଜପି ଅଜଡ଼୍‌ଲାଇକେ ଆନାନ୍, ଆରେ ହେଞ୍ଜାର୍ ଜୁଗ୍ ଜୁଗ୍ ରାଜ୍ କିତାର୍ ।

## ଜିସୁତି ଖାନାକା

<sup>୬</sup> ପାଚେ ହେଞ୍ଜାନ୍ ନାଙ୍ଗେଙ୍ଗ୍ ଇଞ୍ଜାନ୍, ଇ ଝିଜୁ ବଚନ୍ ପାଚି ଆରି ହାଡ଼ପା; ଇନା ଇନାକା ଚାଣ୍ଡେକ୍ ଗିଟାନାଡ଼୍, ହେ ସବୁ ଜାର୍ ଆଡ଼ିୟାରିଂ ଚଟ୍‌ଚେଙ୍ଗ୍ ଇଞ୍ଜି ମାପୁ, ବେଣ୍‌ବାକ୍‌ଶାୟ୍‌କିନାକାର୍‌ତି ସବୁ ଜିବୁନ୍‌ନି ଇସ୍‌ସୁର୍, ଜାର୍ ଦୁଡ଼ିତଂ ପକ୍‌ତାତାନ୍ନା ।

<sup>୭</sup> ଜିସୁ ଇନାନା ହୁଡ଼ାଟ୍ ଆପ୍ ବେଗି ଖାନାପା; ଇନେର୍ ଇ ପତିନି ବେଣ୍‌ବାକ୍‌ଶାୟ୍‌କିନାକା ମାନି କିନାନ୍, ହେଞ୍ଜାନ୍ ଦନ୍‌ୟ ।

<sup>୮</sup> ଆନ୍ ଜହନ୍ ନିଜେ ଇ ଝିଜୁ ଖେଟ୍‌ଚାତାଂ ଆରି ହୁଡ଼ତାଂ । ଖେନାକା ଆରି ହୁଡ଼ତି ପାଚେ, ଇମ୍‌ଣି ଦୁଡ଼ ନାଙ୍ଗ୍ ଇ ଝିଜୁ ଚଟ୍‌ଚାତାନ୍, ଆନ୍ ହେଞ୍ଜାନ୍ତି ପାନା ତାରେନ୍ ସାରାଣ୍ କିନି କାଜିଂ ତାଣ୍ଡାହାଣ୍ ମାଗ୍‌ତାଂ ।

<sup>୯</sup> ମାତର୍ ହେଞ୍ଜାନ୍ ନାଙ୍ଗେଙ୍ଗ୍ ଇଞ୍ଜାନ୍, ଜାଗୁଡ଼୍, ଇଦାଂ କିମା, ଇନେକିଦେଂକି ଆନ୍ ନିଦାଂ, ନି ଟଣ୍ଡାର୍ ବେଣ୍‌ବାକ୍‌ଶାୟ୍‌କିନାକାର୍‌ତି ଆରି ଇ ପତିନି ବଚନ୍ ପାଲିକିନାକାର୍‌ତି ହାଙ୍ଗ୍‌ଦାକାନ୍; ଇସ୍‌ସୁର୍‌ତି ପାର୍ତ୍ତାନା କିୟାଟ୍ ।

<sup>୧୦</sup> ଆରେ ହେଞ୍ଜାନ୍ ନାଙ୍ଗେଙ୍ଗ୍ ଇଞ୍ଜାନ୍, ଏନେଙ୍ଗ୍ ଇ ପତିନି ବେଣ୍‌ବାକ୍‌ଶାୟ୍‌କିନାକା ସବୁ ଚିନ୍ ଇଡ଼ମାଟ୍, ଇନେକିଦେଂକି ସମ୍ମୁ ଲାଗେ ।

<sup>୧୧</sup> ଲାଗିଂ ଇ କାତା ପୁନ୍‌ଞ୍ଜି ଇନେର୍ ଇନାକା ଇଚା ହେଦାଂ କିଏର୍, ଅଦାମ୍, ହେଞ୍ଜାନ୍ ଆରେ ଅଦାମ୍ କିଏନ୍; ଇନେର୍ ଅନ୍‌ୟାୟ୍, ହେଞ୍ଜାନ୍ ଆରେ ଅନ୍‌ୟାୟ୍ ଆଏନ୍; ଇନେର୍ ରାଡ଼ା, ହେଞ୍ଜାନ୍ ଆରେ ରାଡ଼ା ଆଏନ୍; ଆରେ ଇନେର୍ ଦାମ୍, ହେଞ୍ଜାନ୍ ଆଦିକ୍ ଦାମ୍ ଆଏନ୍; ଇନେର୍ ପୁଇପୁୟା, ହେଞ୍ଜାନ୍ ଆଦିକ୍ ପୁଇପୁୟା ଆଏନ୍ ।

<sup>୧୨</sup> ହୁଡ଼ାଟ୍, ଆପ୍ ବେଗି ଖାନାପା; ଜାଣ୍‌କେ ଲକୁରିଂ ହେଞ୍ଜାନ୍ତି କାମାୟ୍ ଇସାବେ ପାଡ଼୍ ହିଦେଂ ମା ଇନାମ୍ ମା ଲାଗେ ମାନାଡ଼୍ ।

<sup>୧୩</sup> ଆପ୍ କି ଆରି ଆଁ, ପର୍ଡୁମ୍ ଆରି ହାରିହାରା, ଆରି ମୁଡ଼୍ ଆରି ଝିସ୍ତାକା ।

<sup>୧୪</sup> ଜିବୁନ୍‌ ମାର୍‌ନି ଆଦିକାର୍ ଆନି କାଜିଂ ଆରି ଦୁଖେର୍ ହିଜି ଗାଡ଼୍‌ଦ ହଣ୍ଡେଙ୍ଗ୍ ଇମ୍‌ଣାକାର୍ ଜାର୍ ଜାର୍ ଆଜି ହକ୍‌ତାଣ୍ଡା, ହେଞ୍ଜାର୍ ଦନ୍‌ୟ ।

<sup>୧୫</sup> ନିକୁଡ଼ିଂ, ରୁଟ୍‌କିର୍, ଦାରିୟାର୍, ନାର୍‌ମାରୁ, ପୁଡ଼ଡ଼ା ପୁଜାକିନାକାନ୍ ଆରେ ମିଟ୍ ଖାରି ଆରି ମିଟ୍ ଇନାକାର୍ ଗାଡ଼୍ ବାର୍‌ଡ଼ ମାଗାନାଡ଼୍ ।

<sup>୧୬</sup> “ଆନ୍ ଜିସୁ, ମଣ୍ଡଲି କାଜିଂ ମି ଲାଗେ ଇ ଝିଜୁ ସାକି ହିନି କାଜିଂ ମା ଦୁଡ଼ିତଂ ପକ୍‌ତାନାପା । ଆପ୍ ଦାଉଦ୍‌ତି ମୁଡ଼୍‌ଦି ଆରି ଲାଡ଼ା, ହେ ଅଜଡ଼୍‌ହୁକା ।”

<sup>୧୭</sup> ଜିବୁନ୍‌ ଆରି ଗାଡ଼୍ ଇନାଡ଼୍, ଖାଡ଼ ।  
ଆରେ ଇନେର୍ ଖେନାର୍, ହେଞ୍ଜାନ୍ ଇନେନ୍, ଖାଡ଼ ।

ଇନେର୍ ଏସ୍‌କି ଆଡାକାର୍, ହେଞ୍ଜାନ୍ ଖାଏର୍; ଇନେର୍ ଇଚା କିନାନ୍, ହେଞ୍ଜାନ୍ କସ୍ କିଞ୍ଜାଦାଂ ଜିବୁନ୍‌ନି ଏଜୁଙ୍ଗ୍ ଉଣେନ୍ ।

## ହାରିହାରା

<sup>୧୮</sup> ଇମ୍‌ଣାକାର୍ ଇ ପତିନି ସବୁ ବେଣ୍‌ବାକ୍‌ଶାୟ୍‌କିନାକା ଖେନାର୍, ହେଞ୍ଜାର୍‌ତି ଜାଣ୍‌କେତିଂ ଆନ୍ ସାକି ହିଜି ଇନାକା, ଇନେର୍ ଜଦି ଇ ସବୁ ହୁଦାଂ ଅଲପ୍ ମେହାୟ୍ କିନାନ୍ ତେବେ ଇ ପତିତ ଲେକାତି ଦୁକ୍ ସବୁ ଇସ୍‌ସୁର୍ ହେଞ୍ଜାନ୍ କାଜିଂ ଗିଟାୟ୍‌କିନାନ୍;

<sup>୧୯</sup> ଆରେ ଇନେର୍ ଜଦି ଇ ବେଣ୍‌ବାକ୍‌ଶାୟ୍‌କିନି ପତିନି ଇମ୍‌ଣାକା ପା ବଚନ୍ ବୁଡାୟ୍‌କିନାନ୍ ତେବେ ଇସ୍‌ସୁର୍ ଇ ପତିନି ଲେକାତି ଜିବୁନ୍‌ ମାର୍ ଆରି ପୁଇପୁୟା ଗାଡ଼୍‌ଦ ହେଞ୍ଜାନ୍ତି ବାଗ୍ ବୁଡାୟ୍‌କିନାନ୍ ।

<sup>୨୦</sup> ଇନେର୍ ଇ ଝିଜୁ ବିସ୍ତେ ସାକି ହିନାନା, ହେଞ୍ଜାନ୍ ଇନାନ୍, ହାଡ଼ପା “ଆନ୍ ଖାନାକା । ଆମେନ୍, ଏ ମାପୁ, ଜିସୁ ଖା ।

<sup>୨୧</sup> ମାପୁ ଜିସୁତି ଉପକାର୍ ଝିଜାର୍‌ତି ଲାହାଂ ଆଏଡ଼ । ଆମେନ୍ ।”

☆ ୨୨:୧୩ ହତ୍ତ ୧:୮; ହତ୍ତ ୧:୧୭; ୨:୮.